





Digitized by the Internet Archive
in 2011 with funding from
University of Toronto



PATROLOGIÆ

CURSUS COMPLETUS,

SEU BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,
OMNIUM SS. PATRUM, DOCTORUM SCRIPTORUMQUE ECCLESIASTICORUM,

SIVE LATINORUM, SIVE GRÆCORUM,

QUI AB ÆVO APOSTOLICO AD TEMPORA INNOCENTII III (ANNO 1216) PRO LATINIS
ET CONCILII FLORENTINI (ANN. 1439) PRO GRÆCIS FLORUERUNT :

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIMA
ECCLESIE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS, PERQUAM DILIGEN-
TER CASTIGATA; DISSERTATIONIBUS, COMMENTARIIS, VARIISQUE LECTIONIBUS CONTINENTER ILLUSTRATA; OMNIBUS
OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS DETECTIS, AUCTA;
INDICIBUS PARTICULARIBUS ANALYTICIS, SINGULOS SIVE TONOS SIVE AUCTORES ALICUJUS MOMENTI SUBSEQUENTI-
BUS, DONATA; CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINA-
RUM MARGINEM SUPERIOREM DISTINGUENTIBUS SUBJECTAMQUE MATERIAM SIGNIFICANTIBUS, ADORNA-
TA; OPERIBUS CUM DUBIIS, TUM APOCRYPHIS, ALIQUA VERO AUCTORITATE IN ORDINE
AD TRADITIONEM ECCLESIASTICAM POLLENTIBUS, AMPLIFICATA ;

DUCENTIS ET AMPLIUS LOCUPLETATA INDICIBUS AUCTORUM SICUT ET OPERUM, ALPHABETICIS, CHRONOLOGICIS, STATI-
STICIS, SYNTHETICIS, ANALYTICIS, ANALOGICIS, IN QUODQUE RELIGIONIS PUNCTUM, DOGMATICUM, MORALE, LITUR-
GICUM, CANONICUM, DISCIPLINARE, HISTORICUM, ET CUNCTA ALIA SINE ULLA EXCEPTIONE; SED PRÆSERTIM
DUOBUS INDICIBUS IMMENSIS ET GENERALIBUS, ALTERO SCILICET RERUM, QUO CONSULTO, QUIDQUID
NON SOLUM TALIS TALISVE PATER, VERUM ETIAM UNUSQUISQUE PATRUM, NE UNO QUIDEM OMISO,
IN QUODLIBET THEMA SCRIPSERIT, UNO INTUITU CONSPICIATUR; ALTERO SCRIPTURÆ
SACRÆ, EX QUO LECTORI COMPERIRE SIT OBIVIUM QUINAM PATRES ET IN QUIBUS OPERUM
SUORUM LOCIS SINGULOS SINGULORUM LIBRORUM S. SCRIPTURÆ VERSUS, A PRIMO
GENESEOS USQUE AD NOVISSIMUM APOCALYPSIS, COMMENTATI SINT :

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS,
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS,
TUM NUMERUS, FORMA VOLUMINUM PERQUAM COMMODA SIBIQUE IN TOTO PATROLOGIÆ DECURSU CONSTANTER
SIMILIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,
SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM, PRIMUM AUTEM
IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS, LINGUAS FORMASQUE
PERTINENTIBUS, COADUNATORUM.

SERIES LATINA.

IN QUA PRODEUNT PATRES, DOCTORES SCRIPTORESQUE ECCLESIE LATINÆ
A TERTULLIANO AD INNOCENTIUM III :

ACCURANTE J.-P. MIGNE,

Bibliothecæ Cleri universæ,

SIVE CURSuum COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIÆ LATINÆ TOMUS XVII.

S. AMBROSIUS.

PARISIIS,

APUD GARNIER FRATRES, EDITORES ET J.-P. MIGNE SUCCESSORES,
IN VIA DICTA AVENUE-DU-MAINE, 189, OLIM CHAUSSÉE DU-MAINE, 127.

1879

CLICHY. — EX TYPIS PAULI DUPONT, 12, VIA DICTA BAG-D'ASNIERES. — 1195, 9-78.

THE INSTITUTE OF MEDIAEVAL STUDIES
10 ELMSLEY PLACE
TORONTO 5, CANADA.

DEC 5 1931

2017

TRADITIO CATHOLICA

SÆCULUM IV. ANNUS 397.

SANCTI AMBROSII,

MEDIOLANENSIS EPISCOPI,

OPERA OMNIA.

EDITIO PRÆ ALIIS OMNIBUS COMPLETA, QUARUM INSTAR HABERI
POTEST.

AD MANUSCRIPTOS CODICES VATICANOS, GALLICOS, ETC., BELGICOS, ETC., NECNON AD VETERES
EDITIONES, MAXIME VERO AD BENEDICTINAM RECENSITA ET EMENDATA,

VARIIS INSUPER OPUSCULIS QUÆ VEL OMISERE VEL NE MEMORAVERE QUIDEM ERUDITI BENEDICTINI,
LOCUPLETATA;

ACCURANTE ET DENUO RECOGNOSCENTE J.-P. MIGNE,

BIBLIOTHECÆ CLERI UNIVERSÆ.

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

TOMI SECUNDI PARS POSTERIOR

PARISIIS,

APUD GARNIER FRATRES, EDITORES ET J.-P. MIGNE SUCCESSORES,
IN VIA DICTA AVENUE-DU-MAINE, 189, OLIM CHAUSSÉE-DU-MAINE, 127.

1879

TRADITIO CATHOLICA.

SÆCULUM IV. ANNUS 397.

ELENCHUS

AUCTORUM ET OPERUM QUI IN HOC TOMO XVII CONTINENTUR.

S. AMBROSIUS MEDIOLANENSIS EPISCOPUS

AD OPERA S. AMBROSII APPENDIX. — PARS I, *complectens opera a Patribus Benedictinis in sua editione admissa.*

De XLII mansionibus filiorum Israel.....	col. 9
Commentaria in Epistolas B. Pauli.....	41
De Trinitate.....	588-591
De Fide orthodoxa contra Arianos.....	579
De Dignitate sacerdotali.....	579-5
(<i>Maurinorum Patrum Admonitionem retinuimus : at libellum ipsum, qui Gerberti est, Gerberto restituimus. Vide tom. CXXXIX, col. 169.</i>)	
Libellus ad virginem devotam.....	601
Sermones S. Ambrosio haecenus ascripti.....	603
<i>Index Sermonum prætermisorum</i>	611
<i>Index Sermonum</i>	617
S. Ambrosii Sermones tres ex codice Sessoriano Romæ editi an. 1833, qui nunc primum S. Ambrosii operibus accensentur.....	737
Epistolæ ex Ambrosianarum numero segregatæ.....	737 738-1
Precationes Duæ.....	829
Expositio in septem visiones libri Apocalypsis.....	841
De Pœnitentia liber unus.....	1059
De Spiritu sancto libellus.....	1093
De Concordia Matthæi et Lucæ in genealogia Christi.....	1101
De Dignitate conditionis humanæ libellus.....	1105
Exorcismus.....	1109

APPENDICIS PARS ALTERA, *complectens opuscula quæ in editione Benedictina non sunt admissa.*

Acta S. Sebastiani.....	1111
Liber de vitiorum virtutumque conflictu..	1149
De Vocatione gentium libri duo.....	1167
(<i>Exstant, nova et accuratiore editione donati, inter opera Prosperi Aquitani. — Vide tom. LI, col. 639.</i>)	
De Moribus brachmanorum.....	1167
Philosophorum breves Epistolæ quorum interpres habetur S. Ambrosius.....	1183
Epistolæ duæ de monacho energumeno.....	1189
Explanatio Symboli ad initiandos.....	1193
Epistola de fide.....	1197
<i>Adalberti Dianelis in sequentes hymnos Admonitio (Thesaur. hymnolog.). I Codices. II. Brevariaria diœcesana et monastica. III. Subsidia litteraria quæ hymnos collectos et explicatos continent.</i>	1199
Hymni S. Ambrosio attributi.....	1209

AD OPERA SANCTI AMBROSII

APPENDIX.

PARS PRIOR.

COMPLECTENS OPERA A BENEDICTINIS IN SUA EDITIOE ADMISSA

IN LIBRUM SUBSEQUENTEM ADMONITIO.

Huncc tractatum Romani editores primi vulgarunt. Qua vero id fecerint auctoritate, an uno pluribusve codicibus nixi, et rursus an prisca recentive manu exaratis, admonere supersederunt. Nos ne vel unicum manuscriptum usquam deteximus: nihilominus tamen eadem hæc opella argumenta suggerit quibus ejusdem suppositio deprehendatur. Etenim ut omittamus discrimen styli ac tractandi argumenti, discrepantiam, in ea Josephum, ascriptis ipsius verbis, subinde citatum reperire est, quod abhorrere ab Ambrosii consuetudine negabit nemo. Sed illud omnem dubitandi tollit rationem, quod hujus tractatus Auctor non solum Origenis et Hieronymi commentationes utcumque est imitatus, verum etiam non raro ipsamet Hieronymi verba usurpavit, et locos Origenis e Rufini translatione id temporis vix dum edita petitos excersipit: quæ omnia nos ad margines indicabimus. Cæterum de Auctore hujus operis certiora forsitan traderemus, nisi hoc loco cogermur uni Romanæ editioni credere, cujus fides quam sublesta sit, vel solus tractatus *de Trinit. et Resurrect. Mort.* docere poterit. Verumtamen hoc ipsum opus, quale habetur, ea suppeditat rationum momenta unde non injuria illud sermonibus ad populum habitis constare, et forte etiam Auctorem ejus monachum exstitisse subodoremur. Neque vero inviti adduceremur in hanc sententiam, ut eum sin minus Bedæ ac Rabani vixisse temporibus, saltem illorum rationem in eo tenuisse existimemus, quod illi in eandem materiam scribere aggressi, Hieronymum, aut eum potius cujus sermones initio Appendicis ad quintum Operum Augustinianorum tomum leguntur, quemque non pauca ex Origene mutuatum constat sæpius ad verbum transcripsere.

DE XLII MANSIONIBUS FILIORUM ISRAEL.

1 NUMERORUM liber, de quo nunc nobis est sermo, **A** Ægyptios, barbarosque gerimus mores, sancto Dei calculo numerari non meremur. In eodem deinde libro filiorum Israel itinera, profectioes, mansionesque a sinibus Ægypti usque ad tempus et locum, quo Moyses defunctus est, mandato Dei recensentur. Inquit enim: « Et scripsit Moyses profectioes eorum et mansiones eorum, per verbum Domini (*Ibid.* 44). » Nec vero sine causa Moysi hoc scribere a Domino præceptum est; quia propter instructionem nostram; inquit enim Apostolus: « Omnia in figura contingebant illis; scripta sunt autem hæc ad correctionem nostram (*I. Cor. x, 11*), » ut legentes et probantes quanta nobis in hac ad terram viventium profectioe immineant discrimina, quanta hostium insidiæ, bellorum conflictationes spirituum, marium et fluminum, mundi et voluptatum pericula (*Origenes, hom. 27 in Num. ex vers. Ruf.*); iter nostrum non segniter, neque remisse carparamus, quo labente die, in medio deficiamus itinere, noctis tenebris obruti. Nocte enim Ægypti primogenita ab exterminatore percutiuntur (*Exod. xii, 29*); nocte avari anima divitis a dæmonibus repositur (*Luc. xii, 20*). Sed prudenter itineri nos accingen-

tes, fortiterque ad bella preparati, de virtute ad virtutem transeamus, et Dominus Deus noster præcedat nos ante faciem nostram, debellans inimicos nostros, portansque nos, ut mater filium suum, ac duceus nos in die per nubem, et nocte per ignem, ut tandem superatis quibusque 2 itineris difficultatibus, adversariorumque incursibus potestatum, profectionem nostram gloriose perficiamus. Mansiones vero filiorum Israel quadraginta et duæ numero computantur, quæ denarii, quaternarii, et binarii ratione numeri quem continent, multa nos mysteria docent. Volentes autem id vobis, fratres, explicare, intuemini, obsecro, et figite memoria, ne verbi contemptores inveniamini, nec fiat anima vestra via, ubi grana jactata non germinent: et veniant, inquit, volatilia cœli, et rapiant ea. Percipite ergo hæc, et recondite in cordibus vestris. Denarius numerus mysticus est, et non mediocriter a Moyse commendatus: ad eum namque primitias, oblationesque et vota refert. Inquit enim: « Omnis decima terræ, et a fructu ligneo, Domino est: et omnis decima bonum et ovium, et omne quod venerit in numero, sub virga, decima erit sancta Domino (*Levit. xxvii, 30, 32*). » Denique Jacob, Deo sibi dum ad Laban avunculum suum in Mesopotamiam proficisceretur, in itinere apparenti pollicitus est, dicens: « Omnium quæ mihi dederis, decimam decimabo tibi (*Gen. xxviii, 22*). » Hanc ob causam Noe ille qui primus in veteri Scriptura justus pronuntiatum est, decimus a protoplasto inducitur, non ad ostendendam viventium tunc ætatem, vel ad præscribendum numerum hominum: sed ut aperte doceretur quod sicut denarius, numerorum qui unitatem sequuntur, perfectissimus est, ita tranquillitas in anima, finis est re vera actionum vitæ. Ternio enim per seipsum multiplicatus novenarium complet, et lites, dissidia, bellaque divinis indicat oraculis, ut patet in quatuor et quinque regibus dissidentibus, seseque mutuo impugnantibus. Unitas vero novenario superveniens, denarium perficit, et pacem, amicitiamque designat. Novem enim certantibus regibus sapiens Abraham quasi decimus superveniens pro tempestate tranquillitatem, pro bello pacem, pro morte victoriam, Deo favente, attulit. Unde et Melchisedech summi Dei sacerdoti decimas exsolvit. Denarius ergo numerus perfectus est et unitatem designat. Quaternarius quoque et ipse mysticus est, et in Scriptura commendatur: nam speciosam illam lucem, quæ seipsam et cætera manifestat, luminis genitores solem et lunam, ac præfulgidum stellarum chorum, quæ noctem, diemque, menses, annosque oriendo et occidendo terminant, die quarto creata esse sermo propheticus declarat. Mundi radices quatuor numerantur, terra, aqua, ignis et aer. 3 Et annuæ temporum vices sunt totidem, hiems, æstas, ver et autumnus. Denique de terræ fructibus Deo oblationes annum ante quartum fieri prohibetur: Sic enim scriptum est: « Fructus terræ tres annos erit vo-

bis immundus, non comedetis ex eo: at anno quarto erit omnis fructus ejus sanctus et laudabilis Domino (*Levit. xiv, 23, 24*). » Nec immerito: quaternioni enim insunt omnia, punctum, linea, superficies, et soliditas, mensuræ universorum. Insunt etiam potissima symphonice musicæ. Deinde quadranguli latera oportet esse æqualia. Æqualitas vero mater est justitiæ, quæ cæterarum virtutum dux est et magistra. Justitiam ergo quaternarius insinuat. Binarius demum nec ipse expers est mysterii. Legimus enim viduam illam insigni laude a Domino commendari quæ æra duo in gazophylacium misit (*Luc. xxi, 2-4*). Samaritanus pro curatione sanciatu binos erogavit nummos (*Luc. x, 35*). Apud Samaritanos biduum transegit Salvator Christus (*Joan. iv, 43*): bipartitam namque significat charitatem, Dei nempe, et proximi: « In his duobus, dicit Dominus, universa Lex pendet et Prophetæ (*Matth. xxii, 40*). » Mansiones igitur filiorum Israel ab Ægypti finibus, usque ad repromissionis terram quadraginta duæ a Moyse recensentur. Sic et sanctus Matthæus Christi generationem describens, quadraginta duas enumerat. Inquit enim: « Ab Abraham usque ad David, generationes quatuordecim; a David usque ad transmigrationem Babylonis, generationes quatuordecim; et a transmigratione Babylonis usque ad Christum, generationes quatuordecim (*Matth. i, 17*): » ut ostenderet quod verus Israelita qui de sæculi hujus Ægypto ad cælum, veram viventium terram, per tot rerum discrimina et inimicorum tentamenta, pervenire festinat, pace per denarium, justitia per quaternarium, charitate per binarium, armari oportet. Pace, quia scriptum est: « In pace vocavit nos Deus (*I Cor. vii, 15*). » Justitia, quia dicit idem Apostolus: « State induti loricam justitiæ (*Ephes. vi, 14*). » Charitate, « quia charitas operit multitudinem peccatorum (*I Petr. iv, 8*). Christus ergo ad Virginem, Israel ad Jordanem, Christianus ad cælum pari mansionum numero deveniunt; sed jam ipsas Israelis profectiones sigillatim consideremus.

Ia mansio, RAMESSES. — Profectionum ordo, mansionumque distinctio filiorum Israel ex Ægypto exeuntium ad terram usque patribus repromissam, iis qui post Deum ambulare contendunt, ad virtutumque profectus aspirant, propter mysteria quæ includuntur in illis, scitu valde necessaria sunt (*Orig., hom. 27 ex vers. Ruf.*). Ea enim quæ in populo patrum corporaliter gesta sunt, nedum historiam, rerumque gestarum seriem nobis ostendunt; sed instructioni nostræ spiritualiter intellecta maxime proficiunt. Huc spectabat Apostolus, dum in epistola ad Romanos dicebat: « Quæcunque scripta sunt, ad nostram doctrinam scripta sunt (*Rom. xv, 4*). » Et ad Timotheum: « Omnis Scriptura divinitus inspirata, utilis est ad docendum, ad arguendum, ad corripiendum et ad erudiendum: in justitia, ut perfectus sit homo Dei, ad omne opus bonum instructus (*II Tim. iii, 16, 17*). »

Legimus ergo quod filii Israel, postquam Ægyptus A
 universa tantis plagis percussa est, tempore cœlesti
 oraculo designato, ut ad immolandum Domino
 Deo in solitudinem proficiscerentur, terram Gessen,
 quam ad incolendum acceperant, deserentes, in
 Ramessem urbem primo convenerunt; ibi substi-
 terunt, ibique primam fixerunt mansionem. Rames-
 ses Ægypti civitas est, ab Hebræis munita, quando
 sæviante in eos Pharaone, luto, latere et paleis op-
 primebantur: Sic enim scriptum est: « Et ædifi-
 caverunt civitates munitas Pharaonis, Philon Ra-
 messen et On (*Exod. I, 11*). » Est denique in extre-
 mis illius regni finibus sita, ut habetur in libro
 Exodi (*Exod. XII, 37*). In hac mansione populus pa-
 trum, mactato agno, ejusque sanguine domorum
 liminibus, ac utrisque postibus illitis, exterminato
 B evaserunt plagam: in hac Ægyptus primogenita
 sua vidit extincta: in hac farinam non fermenta-
 tam, vasaque argentea et aurea ab Ægyptiis mutuo
 accepta, verbo Dei, sibi populus congregarunt.
 Horum quæ dicta sunt, fratres, singula mysteriis
 referta sunt, et nostræ proficiunt disciplinæ.
 In primis quia Ramesse secundum aliquos inter-
 pretatur commotio turbulenta, quæ significat pœ-
 nitentiam: per ipsam enim turbulenta fit in
 peccatore commotio, ut aboleatur vetustas peccati
 et inducatur novitas gratiæ: ut homo vetus
 affligatur cruci, et novus homo resurgat: ut ve-
 tere tandem deposita conversatione carnis, novitas
 inducatur spiritus. Pœnitentia ergo magnam com-
 motionem turbationemque gignit. Ideo propheta:
 « Postquam cognovi, ergo ingemui (*Jerem. xxxi,*
 3). » Qui ergo ad repromissam æternæ hæreditatis
 patriam proficisci desiderat, ac Domino Deo seip-
 sum ut hostiam viventem, sanctam, 4 Patri placen-
 tem immolaturus recedit, debet primo adire Rames-
 sen, hoc est commotionem, quæ fit per pœniten-
 tiam, ibique suam figere mansionem. Ibi suam man-
 sionem fixit Achab, quando scissa veste sua, induto
 cilicio, jejunavit, dormivit in sacco, et demisso am-
 bulavit capite (*III Reg. XXI, 26*). Ibi Ninive Rex
 fixit mansionem, quando surgens de throno suo,
 abstulit stolam propriam, et sacco indutus sedit in
 cinere (*Jon., III, 6*). Ibi Corinthii mansionem fixerunt
 quando contristati sunt secundum Deum: quæ tri-
 stitia, ut scribit Apostolus, « Pœnitentiam in salu-
 tem stabilem operatur (*II Cor. VII, 10*). » Deinde
 D agni mactatio quid aliud est quam passio Christi;
 qui, ut Propheta dicit, « tanquam agnus innocens
 abductus est ut sacrificetur (*Jerem. XI, 19*)? »
 Cujus sanguine super domorum postes effuso,
 liberamur ab Exterminatore; quia Christi passione
 per sacramenta nobis participata, liberamur ab eo
 qui habebat mortis imperium, id est, diabolo, ut
 ad Hebræos scribit Apostolus (*Hebr. II, 14*). Ideo
 in alio loco dicit: « Christus ut per suum sangui-
 nem sanctificaret populum extra portam passus est
 (*Hebr. XIII, 12*). In hac etiam mansione Ægypti
 primogenita extinguuntur; hoc est, pravi carnis

affectus, et desideria mala quæ militant adversus
 animam. Extinguuntur vero Ægyptii, dum non
 agis opera tenebrarum; extinguuntur Ægyptii dum
 non carnaliter, sed spiritualiter vivis; extin-
 guuntur Ægyptii, dum impuras sordidasque
 cogitationes vel depellis e corde, vel omni-
 no non recipis. Ideo quærenti: « Quis me
 liberabit de corpore mortis (hujus)? » re-
 spondit Apostolus: « Gratia Dei per Jesum Chri-
 stum Dominum nostrum (*Rom. VII, 24, 25*). » In
 hac mansione farina, argentum et aurum cumulan-
 tur. Farina, ex qua panis conficitur, doctrina
 Christi est; quia panis Christus est, dicente Joanne:
 « Ego sum panis vivus (*Joan. VI, 51*). » Argentum,
 divinum designat eloquium: « Eloquia enim Do-
 mini, eloquia casta, argentum igne examinatum,
 probatum terræ, purgatum septuplum (*Psal. XI,*
 7). » Aurum, mens bona est: quæ non immerito
 comparatur auro; nam sicut aurum cæteris præstat
 metallis, ita mens bona in homine cæteris potior
 est humanæ substantiæ portionibus. Tria ergo in
 Ramesse coacervantur, farina, argentum et aurum:
 doctrina, eloquium, et mens bona: in quibus census
 sapientis consistit: sed interim pretiosam commu-
 tationem consideremus Filii Israel dederunt paleas
 quæ inexstinguibili comburuntur igne, et recepe-
 runt farinam, in qua sapiens illa mulier fermentum
 abscondit. Dederunt lutum, quod deletur, quia scrip-
 tum est: « Ut lutum platearum delebo eos (*Psal.*
 XVII, 43): » et receperunt argentum, quod est ser-
 mo justii. Scriptum est enim: « Argentum igne exa-
 minatum lingua justii (*Prov. X, 20*). » Dederunt la-
 teres, qui cadunt; quia scriptum est: « Lateres ce-
 ciderunt, et receperunt aurum (*Isa. IX, 10*), » quod
 est mens bona qua servimus legi Dei. Bona ergo
 commutatio; unde dicit Apostolus: « Jam saturati
 estis, jam divites facti estis (*I Cor. IV, 8*). » Has
 non divitias comparemus nobis, quibus intelligibiles
 animæ nostræ thesauros repleamus: sed ipse Domi-
 nus dat nobis gratiam, ut ab Ægyptiis illac eripere
 possimus: Ideo benedicit Apostolus ad Hebræos:
 « Optimum est gratia stabilire cor (*Hebr. XIII, 9*). »
 Bona igitur mansio Ramesse.

II^a mansio, Socoth. — Secunda filiorum Israel
 profectio fuit in Socoth; ibique tentoria, Ægypto
 relicta, figentes, secundam mansionem habuerunt.
 Ideo dicit: « Profecti autem filii Israel ex Ramesse,
 castrametati sunt in Socoth (*Num. XXXIII, 3*). » Inten-
 tio sancti Prophetæ Moysi, qui Dei mandato populi
 processum ex Ægypto usque ad Jordanem descrip-
 sit, non fuit singula notare loca ad quæ ei in uni-
 verso itinere divertere contigerit; sed illa tantum
 in quibus aliqua mysteria facta sunt. Socoth urbs
 est in montanis, extra terram Ægypti; ei tamen
 finitima ut legitur in libro Jesu Nave (*Josue XIII,*
 27). Denique Socoth interpretatur tabernacula.
 Unde Jacob quando ab Esau qui ei a Mesopotamia
 revertenti occurrit, se divisit. « Reversus est, inquit
 Scriptura, in tabernacula (*Gen. XXXII, 17*). » Ubi alia

translatio habet : « Reversus est Socoth. Et sub-
jungit ibi : Et fecit Jacob sibi domos, et pecoribus
suis fecit tabernacula ; propter hoc vocavit nomen
loci illius, Tabernacula (*Ibid.*). Et ibi alia transla-
tio dicit : « Appellavit nomen loci illius Socoth, »
id est tabernacula. In hac quoque mansione coxe-
runt farinam : Dicitur enim in libro Exodi : Et
fecerunt ex farina subcinericios azymos (*Exod.* xii,
39) ; » Non enim fermentata fuit : ejecerunt nam-
que eos Ægyptii. In hac fit insuper annorum com-
putatio quibus Israel fuit in Ægypto. Inquit enim :
« At habitatio filiorum Israel quam habitave-
runt ipsi et patres eorum in terra Ægypti, etc.
(*Ibid.* 40). » In hac tandem precipitur ut hujus ex
Ægypto liberationis perpetuum exstet apud eos me-
moriale. Inquit enim : « Dixit Moyses ad populum :
Recordamini diei hujus, in qua egressi 5 estis ex
Ægypto, ex domo servitutis : in manu enim forti
eduxit vos hinc Dominus (*Exod.* xiii, 3). » In
hac demum solemnitas azymorum, ritusque azyma
comedendi præscribitur. Nam inquit : « Sex dies
comedetis azyma ; at die septima festum Do-
mino ; non apparebit ibi fermentatum (*Ibid.* 6). »
Hæc quoad litteram. Quoad mysteria vero, dicimus
quod profectus filiorum Israel in Socoth, inter-
pretatur Tabernacula, designat quod qui man-
sionem habuit in Ramesse, hoc est in commotione
pœnitentiæ, debet proficisci in Socoth hoc est in
tabernacula quasi per considerationem ambulare.
Quod sicut ille qui alio tendit, nec firmam habet
domum, moratur in tabernaculis. Unde quid
aliud est in tabernaculis habitare, quam pere-
grinari ? sicut Apostolus ad Hebræos de patri-
bus loquens testatur. Inquit enim : « Confitentes
quod peregrini et hospites essent super terram
(*Hebr.* xi, 13), » et videns se peregrinum in terra,
dicat cum Propheta : « Advena ego sum in terra
(*Psal.* xxxviii, 13). Consideret item Apostoli dic-
tum : « Non habemus hic manentem civitatem (*Hebr.*
xiii, 14). » Cognoscat denique quod quandiu est
in corpore, peregrinatur a Domino, unde rejiciat
ea quæ in mundo sunt ; quia concupiscentia
carnis est ; quia concupiscentia oculorum : et
quia superbia vitæ. Sequatur Apostoli consi-
lium : « Ne tetigeritis, ne gustaveritis, neque
attaminaveritis, quæ sunt omnia in interitum, ipso
usu : sed ingemiscat habitationem quæ de cælo est,
semper contendens placere Deo (*Coloss.* ii, 21, 22 ;
Cor. v, 2). » Subcinericiorum coctio azymorum do-
cet, quod expurgato is veteri philosophorum nequi-
tiæ et Judæorum malitiæ fermento, epuletur in
azymis sinceritatis et veritatis. Memoria jugiter
unusquisque nostrum teneat illud Domini præcep-
tum dicentis : « Intuemini et cavete a fermento Pha-
risæorum (*Matth.* xvi, 6), » et apostoli ne oblivis-
catur cautionem : « Videte ne quis vos deprædetur
per philosophiam et inanem fallaciam (*Coloss.* ii,
8). » Deinde in Socoth indicitur computatio anno-
rum quibus populus fuit in Ægypto : quia pœniten-

ti dicitur quod debeat sicut hirundo clamare, et si-
cut columba meditari annos ejus in amaritudine
animæ suæ (*Isa.* xxxviii, 13) : nec de propitiatione
peccati esse sine timore (*Eccli.* v, 3) ; sed dolere,
et cum Propheta dicere : « Et peccatum meum con-
tra me est semper (*Psal.* l, 3). » Quod non retro
aspiciat, pristinas appetendo vanitates, ut uxor
Lot, et ut canis revertens ad vomitum. Quin potius
sicut semetipsum immunditiæ et iniquitati prosti-
tuit, ita exhibeat membra sua servire justitiæ in
sanctificationem, ut quantum se glorificaverit et in
deliciis fuerit ; tantum errata sua corrigens et
in se vindicans, sentiat tormentum et luctum. De-
mum festum et perpetua azymorum solemnitas
præscribitur, hoc est, meditationis et operum per-
severantia indicitur : « quia qui perseveraverit us-
que in finem, hic salvus erit (*Matth.* x, 22). » Unde
Apostolus : « In disciplina perseverate, filii (*Hebr.*
xii, 7). » Profectio igitur ex Ramesse ad Socoth est
ad meliora.

III^a mansio, ETHAN. — Tertia mansio est Ethan.
Nam a Socoth recedentes filii Israel, pervenerunt in
Ethan ; ibique figentes tertiam stationem peregre-
runt. Inquit enim : « Et profecti e Socoth, castra-
metati sunt in Ethan (*Num.* xxxiii, 6). » Ethan regio
est inter Ægyptum et solitudinem in qua est Petra
oppidum, in cujus spelunca habitavit Samson cum
ab Allophylis infestaretur : « Et sedit, inquit, in
spelunca Petræ Ethan (*Judic.* xv, 8), » qui locus
erat valde minutus, ut testatur Josephus (*Antiq.*
cap. 10). Erat autem hæc regio in principio solitu-
dinis. Ideo dicit : « Et est pars deserti (*Num.* xxxiii,
6). » Regionis hujus meminit David propheta di-
cens : « Tu siccasti fluvios Ethan (*Psal.* lxxiii, 13). »
In hac mansione primum apparuit Dominus nocte
in columna ignis, et die in columna nubis, ostendens
iter populo, ad terram usque successionis eorum :
« Et non defecit, inquit, columna nubis in die, et
columna ignis in nocte, coram omni populo (*Exod.*
xiii, 22). » Verum quia Ethan nobis sonat fortitudo :
unde adversus Jeroboam parans se Roboam defen-
dere : « Ædificavit, inquit, civitates munitas. Ethan
et Thecue (*II Paral.* xi, 6), » hoc est civitates for-
titudinis, docemur quod ubi in Socoth hujus pere-
grinationis, in meditatione et exercitio bonorum
operum usque in finem perseverare quis statuerit,
ascendit ad Ethan, hoc est, ad fortitudinem ; quia
ipse Dominus dat virtutem, et fortitudinem plebi
suæ. Hinc dicebat Apostolus : « Omnia possum in
eo qui me confortat Christus Jesus (*Philipp.* iv, 13), »
imo per nubem et ignem aperit ei viam, et fit dux
itineris ejus, donec videat bona Domini in terra vi-
ventium. Ascendamus igitur et nos in Ethan, ut dia-
bolo resistamus fortes in fide.

IV^a mansio, OS EROTH. — Quarta mansio dicitur:
Os Eroth. Unde sequitur : « Et profecti ex Ethan,
castrametati sunt ad Os Eroth, quæ est contra Beel-
sephon, et contra Magdalon (*Num.* xxxiii, 7). » Os
Eroth alia translatione dicitur Phairoth ; vicus est

et suburbium Magdali, **6** versus mare Rubrum, ut habetur in libro Exodi (*Exod. xiv, 2*). In hac mansionem indignatus Pharaon quod Israel Ægyptum desereret, comparato exercitu grandi, eos insequitur, dicens : « Quid fecimus, ut dimitteremus filios Israel, ut non servirent nobis (*Ibid. 5, 6*) ? » Et subjungit : « Junxit ergo Pharaon currus suos, etc. (*Ibid. 6*). » Quo vero ad morale : per Os Eroth, quod os nobilium interpretatur (*Hieronym. ep. 127*), ostenditur quod assumpta fortitudine in Ethan, ascendimus in Os Eroth, quia nobilitamur in Domino. Quod vero Os Eroth sit vicus, non caret mysterio : ut primo parva quæque capiantur ; est enim ordo ut a parvis ad magna veniatur ; periculosa namque semper fuit in initiis immoderata prosperitas æque ac adversitas (*Orig. hom. 27 in Num. ex Ruf. vers.*). Sicut ergo per suburbium ad urbem progredimur, ita per ima ad summa ascendimus. Denique Beelsephon, quod est interpretatum, Dominus Aquilonis, diabolum designat ; quia dixit, ut testatur Isaias propheta : « Sedebo in monte sublimi, super montes excelsos ad Aquilonem (*Isa. xiv, 13*). » Est igitur Os Eroth contra Beelsephon, id est, contra diabolum, qui stat semper ut adversetur euntibus in Hierusalem, quæ in cælo est. Ideo dicebat Apostolus : « Induite vos armaturam Dei ut possitis stare adversus insidias diaboli (*Ephes. vi, 13*). » Idem quoque designatur per Pharaonem populum insequentem.

V^a mansio, MARAH. — Marah quinta est mansio. Sic enim dicit : « Et profecti contra Os Eroth, transierunt per medium maris in desertum, et ambulaverunt viam trium dierum per desertum ipsi, et castrametati sunt in Marah (*Num. xxxiii, 8*). » Marah locus est in deserto Sur, tali vocatus nomine ob aquarum amaritudinem ; sic enim scribitur in libro Exodi : « Venerunt autem in Marah, et non potuerunt bibere aquam de Marah (*Exod. xv, 23*) amara enim erat, propter hoc vocatum est nomen loci illius, Amaritudo. Circa hanc mansionem tria sunt consideranda, profectio, mansio et operatio. Profectio, quia in hujus itinere filii Israel Rubrum mare sicco vestigio transierunt ; nam dicit Scriptura : « At Filii Israel perrexerunt per siccum in medio maris : et aqua erat eis murus a dextris, et murus a sinistris. Pharaon vero cum suo exercitu submersus est in aquis vehementibus (*Exod. xiv, 22, 27*) ; » sic enim de eo scribitur : « Et reversa aqua cooperuit currus et ascensores, et omnem exercitum Pharaonis, qui ingressi fuerunt post eos in mare, et non relictus est ex eis ullus (*Ib. 28*). Mansio ; quia invenerunt aquas amaras, quarum amaritudinem sentientes, bibere nequiverunt, licet magna vexarentur siti. Operatio ; quia mandato Domini Moyses ligno tetigit aquas : et quæ prius erant amaræ, in dulcedinem versæ potabiles effectæ sunt, unde sitim extinguere potuerunt. Per quæ primo significatur nobis quod ad gratiam prope-

A est, diabolus cum potestate tam forti, ut, sicut scriptum est (*II Thess. ii, 4, 9*), non sit quidquam in terra simile factum illi : sed tandem ut Pharaon cum exercitu submergitur in aquis vehementibus, ita et diabolus mittitur in stagnum ignis et sulphuris (*Apoc. xx, 9*). Unde nec ideo terreamur, ut desertionem faciamus. Deinde in mansionem aquæ gustantur amaræ, quoniam adhuc existentes in gratia multiplices manent tribulationum amaritudines. Unde Joannes apostolus dicebat : « Ego Joannes vester et particeps in tribulatione (*Apoc. i, 9*). Imo apostolus Paulus dicebat : « Si extra disciplinam estis, adulterini et non filii estis (*Hebr. xii, 8, 12*). » Denique in operatione, sicut verbo suo adest Dominus, ut dulcescant aquæ, ita præstat in tribulationibus suam nobis præsentiam, dicente **B** Propheta : « Cum ipso sum in tribulatione (*Psal. xc, 15*), » ut afflictiones mitescant. Hinc Esaias proclamât Propheta : « Si transieris per aquam, tecum sum, et flumina non cooperient te : et si transieris per ignem, non combureris (*Isa. xliii, 2*). » Ideo Stephano in dulcedinem fuerunt torrentis lapides : et Laurentio in refrigerium prunæ. Merito igitur dicit Apostolus : « Gloriamur in tribulationibus (*Rom. v, 3*). »

VI^a mansio, ELIM. — Mansio sexta vocatur Elim : A Marah enim recedentes filii Israel, venerunt in Elim : ibi substiterunt, et ibi tabernacula erexerunt. Unde dicit : « Et profecti ex Marah, venerunt in Elim. In Elim vero erant duodecim fontes aquarum, et septuaginta arbores palmarum ; castrametati sunt illic apud aquas (*Num. xxxiii, 9*). Idem legitur in libro Exodi (*Exod. xv, 27*) : Sed pulcher ordo, felixque virtutis progressus, qui semper tendit ad optima : ex tenebris ad lucem, ex ærumnis ad felicitatem. Ecce filii Israel, post Pharaonis et Ægyptiorum sævitias, post maris desertique discrimina, post triduanæ sitis ardorem, et Marah amaritudines, venerunt tandem ad palmas, venerunt ad fontes. Per quod instruimur quod qui asperitatibus prægravantur, eos tandem læta et amœna **7** loca suscipiunt : quoniam ad requiem non nisi per laborem, et ad gaudia non nisi per tristia pervenitur. Venit populus ad palmas : sed prius Ægyptiorum plurimas sustinuit angustias. Venit ad fontes ; sed prius trium dierum sitim, et aquarum amaritudines passus est. Nec tamen in his adhuc finis est itineris, nec ultima laborum requies ; quia et graviora manent ; sed cunctorum dispensator Deus, qui omnia suaviter disponit, interserit in ipso etiam itinere refrigeria quædam, ut iis refota, vique reparata anima promptior ad reliquos redeat labores (*Orig. hom. 27 in Num. ex vers. Ruf.*). Denique observandum est quod Elim interpretatur Arietes. Arietes vero duces sunt ovium. Ideo duodecim fontes, et septuaginta palmæ designant Christiani gregis ductores : nempe duodecim Apostolos, de quibus ita scribit Lucas : « Elegit duodecim ex ipsis, quos apostolos nominavit (*Luc. vi, 13*), » et septua-

ginta discipulos quos sanctus Lucas alibi memi-
nit, dicens : « Designavit Dominus et alios septua-
ginta, et misit illos binos ante faciem suam (*Luc.*
x, 1). » Quorum distinctionem ponit Apostolus, agens
de Domini post ejus resurrectionem apparitionibus.
Inquit enim ad Corinthios : « Visus est Cepha,
et post hoc undecim, et deinde visus est Apostolis
omnibus (*I Cor. xv, 5, 7*). » Qui tamen omnes duces
et magistri sunt gregis Domini. Quare de iis
scriptum est : « Qui vos audit, me audit; et qui vos
spernit, me spernit (*Luc. x, 16*). » Hauiamus igitur
nos de uberrimis hujusmodi fontibus, et bibamus :
carpamus quoque de solidis harum victoriae palma-
rum fructibus, et manducemus alacriter, ut talibus
cibo potuque relecti, validiores ad reliquas mansio-
nes peragendas inveniamur (Hieronym. ep. 127).

VII^a mansio, MARE RUBRUM. — Septima mansio
est juxta mare Rubrum : nam transito mari Rubro,
et Marah et Elim mansionibus peragratis, occur-
rit iterum filiis Israel sinus quidam ipsius maris
(Hier. epist. 127). Et quia ibi applicuerunt tento-
riaque erexerunt, ideo nunc ad mare castrametari
dicuntur. Dicit enim : « Et profecti ex Elim, cas-
trametati sunt super mare Rubrum (*Num. xxxiii,*
10). » Sed observa quod vident mare, non tamen
illud intrant, nam sufficit semel tantum intrasse
et pertransisse, quoniam illud mare baptismi nostri
figura fuit (Orig. hom. 27 in *Num.* ex vers. Ruf.),
ut Apostolus ad Corinthios scribit dicens : « Quia
patres nostri omnes baptizati sunt in nube et in
mari (*I Cor. x, 2*). » Sed baptismus eorum in figura
fuit, nostrum autem in veritate. Et quia baptismus
iterandus non est, cum scriptum sit : « Unus Deus,
una fides, unum baptisma (*Ephes. iv, 5*), sicut semel
baptizari oportuit, ita et semel mare intrasse satis
fuit. Nunc igitur pergenti ad promissam hæredita-
tem populo iterum mare occurrit, ut illud videns,
illiusque undas aspiciens, cautius incedat, ne de-
terius aliquid ei contingat.

VIII^a mansio, desertum SIN. — Octava mansio
est desertum Sin. Ideo dicit : « Et profecti a mari
Rubro, castrametati sunt in desertum Sin (*Num.*
xxxiii, 11) : » sed observandum quod tota hæc soli-
tudo a mari Rubro, usque ad montem Sinai appel-
latur Sin (Hier. epist. 127). In qua filii Israel quin-
que habuerunt mansiones, nempe mare Rubrum,
ut supra hanc de qua agimus, et tres sequentes.
Hæc autem specialis est ; licet, communi nomine ap-
pellatur desertum Sin, ex nomine totius deserti : sicut
et Moab nomen est civitatis et provinciæ. Verum
quia Sin interpretatur rebus, significat nobis quod
sicut octava mansione venimus ad Sin, hoc est ad
rubrum, in quo actum est de liberatione filiorum
Israel a servitute Ægypti : ita in resurrectione,
quæ per octavam intelligitur, veniemus ad rubrum,
in quo agetur de liberatione nostra a servitute
corruptionis : quam expectamus, ut Apostolus
dicit : « Et ipsi intra nos gemimus, adoptionem filio-
rum expectantes redemptione corporis nostri (*Rom.*

viii, 23). » Et alibi : « Salvatorem expectamus
Dominum nostrum Jesum Christum, qui reformabit
corpus humilitatis nostræ configuratum corpori
claritudinis suæ (*Philipp. iii, 20, 21*). » Et tunc vide-
bimus rubrum ardere et non comburi ; quia cor-
pus humanitatis nostræ morietur, sed non consu-
metur ; imo resurget ad majorem claritatem. Dicit
Apostolus : « Seminatur in ignobilitate, surget in
gloria : seminatur in infirmitate, surget in virtute
(*I Cor. xv, 43*). » Oremus igitur Deum ut ad octa-
vam mansionem venire valeamus, vel potius ipsa
ad nos cito veniat.

IX^a mansio, DEPHCHA. — Nona mansio dicitur
Dephcha : quæ in mansionibus deserti Sin tertia
computatur ; recedentes enim filii Israel a mansione
quæ a communi nomine, desertum appellatur,
venerunt ad hanc. Quare subjungit : « Et profecti
de deserto Sin, castrametati sunt in Dephcha
(*Num. xxxiii, 12*). » Hæc mansio in Exodo non
habetur : sed a deserto ad Raphidim tantum pro-
fectio scribitur. Sub silentio igitur præteritur hæc
et sequens mansio ; quia non ille erat locus in quo
per verbum Dei profectioes 8 feriatim Moyses
recenseret. Denique Dephcha sanitas interpretatur
(Orig. hom. 27 in *Num.* ex vers. Ruf.). Perfecta
autem animæ sanitas est qua non potest peccare,
sicut perfecta corporis sanitas est qua non contigit
ægotare ; quod non nisi in resurrectione succedit :
tunc enim, sicut dicit Isaias propheta : « In capite
eorum laus et lætitia apprehendet eos : fugiet dolor,
mæror et gemitus (*Isai. li, 11*). » Vides igitur
ordinem profectuum. Filii Israel de octava mansio-
ne assequuntur Dephcha : et nos a resurrectione
perfectam animæ et corporis adipiscimur sanitatem,
at Joannes apostolus in Apocalypsi testatur,
dicens : « Et absterget Deus omnem lacrymam ab
oculis eorum, et mors ultra non erit, neque luctus,
neque clamor, neque dolor erit ultra (*Apoc. xxi,*
4). Sed quia animæ languor peccatum est unde dixit
Propheta : « Sana animam meam, quia peccavi
tibi (*Psal. xl, 5*) : » languor animæ nostræ
superbia est, ira est, avaritia est : ideo unusquis-
que nostrum cordis et corporis genua flectens oret
Dominum nostrum Jesum Christum, qui sanat
omnes infirmitates nostras : et cum propheta dicat :
« Sana me, Domine, et sanabor ; salva me, et sal-
vabor (*Jerem. xvii, 14*). » dicat et cum David :
« Sana me, Domine, quoniam conturbata sunt om-
nia ossa mea (*Psal. vi, 3*). »

X^a mansio, HALUS. — Decima mansio Halus est :
ad quam a Dephcha profecti sunt filii Israel. Ideo
dicit : « Et profecti de Dephcha, castrametati sunt
in Halus (*Num. xxxiii, 13*). » In Exodo nec ista
mansio distincte nominatur ; sed comprehenditur
sub mansionibus a deserto Sin usque ad Raphidim.
Dum enim dicit : « Et profecta est omnis congrega-
tio filiorum Israel ex deserto Sin per castra sua,
secundum verbum Domini (*Exod. xvii, 1*) ; » innuit
quod plures fuerint castrametationes et hospitia,

Tria in hac mansione geruntur. Primo, populus Dei gloriam intuetur: nam scriptum est in Exodo: «Et gloria Domini apparuit in nube (*Exod. xvi, 10*):» Deinde, pascitur carnibus: «Factum est vespere,» ut ibi legitur, «et ascendit coturnix, et cooperuit castra (*Ibid., 13*). Tertio, cibatur manna de cælo. Sic enim Moyses populum alloquitur: «Hic est panis quem dedit vobis Dominus ad manducandum (*Ibid., 15*):» hoc est verbum quod constituit Dominus. Per quæ monemur quod qui in decima quiescit mansione, id est in observatione legis, per denarium enim numerum lex significatur, quæ in decem verbis consistit, ut scriptum est: «Et scripsit Moyses verba hæc decem in tabulis fæderis (*Exod. xxxiv, 28*); Dei gloriam conspicit. Quare sciscitanti Prophetæ, quis habitaturus in Dei tabernaculo, et quis in monte sancto ejus requieturus esset, respondetur quod sedulus observator legis, dum dicitur: «Qui ingreditur sine macula, et operatur justitiam: qui loquitur veritatem in corde suo, etc. (*Psal. xiv, 2, 3*). Et idem carne et manna cælesti pascitur, hoc est, pretioso Domini nostri Jesu Christi corpore. Cujus corpus est vera caro, dicente Joanne apostolo: «Caro mea vere est cibus (*Joan. vi, 56*);» est verum est manna, non in typo, sed in veritate: «Ego sum, inquit, panis vivus qui de cælo descendi (*Ibid., 51*). Est vera caro propter veram humanitatem: est panis vivus propter divinitatem. Cum igitur Christi corpus manducamus, divinitatem et humanitatem participamus, ut Apostolus ad Corinthios scribit (*I Cor. xi, 24-29*). Merito autem beneficia hæc potiora in hoc loco præstantur: Nam Halus interpretatur labor; laboranti autem congruum est ut Domini appareat gloria, quo præmii visione alacrius labores sustineat. Congruum est etiam ut subministretur cibus, quo refectus inchoatum fortius prosequatur iter.

XI^a mansio, RAPIDIM. — Undecima mansio peragitur in Raphidim: Ibi enim populus duro fatigatus itinere, refrigerium sumpsit. Ideo sequitur: «Et profecti ex Halus, castrametati sunt in Raphidim: et non erat illic aqua ad bibendum (*Num. xxxiii, 14*).» Eadem mansio scribitur etiam in Exodo: «Et castrametati sunt, inquit, in Raphidim, non erat autem aqua populo ad bibendum (*Exod. xvii, 1*).» Hæc mansio trium admirabilium operum prærogativa maxime decoratur. Primo, mirabili educatione aquæ e petra: nam populus montium asperitate et longitudine viæ fessus, magno sitis ardore flagrabat. Veniens autem Raphidim, visoque loco arido, aquisque carente, adversus Moysen iratus tumultuari cœpit (*Ibid. 2, 3*). Unde locus jurgii in Scriptura nuncupatus est. At ille accepta virga, petram Domini mandato percussit: illa vero percussa tam largam aquarum effudit copiam, ut populus ac jumenta omnem sitim extinguere possent. Quod admirans David propheta, in hæc prorupit verba: «Quoniam percussit petram, et fluxerunt

A aquæ et torrentes inundaverunt (*Psal. lxxvii, 20*).» Secundo, memoranda contra Amalechitas victoria. Nam populo suam hic stationem agente, Amalechitarum gentes ei obsistere, eum vexare, eumque valido comparato exercitu oppugnare cœperunt. At Moyses, consideratis populi viribus longi itineris defatigatione 9 jam fractis, et ad repellendam hostium audaciam non satis aptis, ad divinum confugere decrevit auxilium. Unde et resistendi hosti, et belli gerendi toto negotio penes Josue relicto, ipse Deum oraturus in collem secessit. Sed o mira orationis potentia! dum Moyses palmas tendebat ad cælum, prævalebat Israel; dum vero remittebat, succumbebat. Aaron autem et Hur manus ejus usque ad solis occasum sustentantibus, adeptus est Josue victoriam, ut Scriptura dicit: «Fugavit Amalech et omnem populum ejus in occisione gladii (*Exod. xvii, 13*).» Tertio, prudenti consilio in moderandis rebus publicis Jethro: nam cernens Jethro Moysen ejus generum in audiendis vulgi causis diutius quam par esset occupari, et a diluculo usque ad vesperum in his tempus omne consumi: consuluit ut judices, tribunos, et alios belli pacisque præfectos institueret, qui populum judicarent, causas audirent, lites dirimerent et breviter levia cuncta absolverent, rebus tantum gravibus ejus judicio reservatis. Cui Moyses assensit. Ideo scriptum est: «Audiuit autem Moyses vocem soceri sui, et fecit quæcunque dixit ei (*Exod. xviii, 24*).» Et quia Raphidim laus judicii interpretatur, merito in ejus mansione petra exhibet aquam: quia petra Christus custodienti judicium suæ aquam gratiæ exhibet: nam scriptum est: «Beati qui custodiunt judicium (*Psal. cv, 3*);» vincitur Amalech, quia judicio damnatur diabolus: docetur recta populi administratio, quia scriptum est: «Judex sapiens docet populum suum (*Eccli. x, 1*):» hic est qui judiciat omnia, et ipse a nemine judicatur (*I Cor. ii, 15*).

XII^a mansio, desertum SINAI. — Duodecima mansio habita est in deserto Sinai. Ideo subjungit: «Et profecti ex Raphidim, castrametati sunt in deserto Sinai (*Num. xxxiii, 15*).» Celebratissima est mansio hæc ubi Deus descendit in igne, in montem, et Moyses purificato populo, Dei mandato in verticem montis ascendit, et cum eo locutus est, et accepit præcepta decalogi. Ibi ostenditur exemplar fabricæ Tabernaculi, ibi præcipitur victimarum multiplicitas, vasorum distinctio, indumenta Pontificis, Sacerdotum et Levitarum cæremonia. Ibi numerus populorum Levitarumque, et per singulas tribus populi distributio: oblationes quoque principum in hac mansione descriptæ sunt. Duæ quoque argentiæ tubæ ad promovenda castra ibidem fieri jubentur, ibique præcipitur immundis super anima hominis, qui primo mense Paschæ interesse non potuissent, ut mense secundo convenirent: et qui longius habitabant, vel immundi fuerant, in secundo mense Pascha jussi sunt facere. Quod nimirum in typum intelligitur populi gentium, quæ cum dæmoniis

fornicate fuerint, immunda videbantur in anima, A salubri vero fidei confessione in secunda nativitate, quasi in secundo mense purificari præcipiuntur. Jubetur quoque in hac mansione Nazaraeis ut vinum et siceram non bibant, nec acetum quidem e vino vel siceram: nec uvam recentem comedant, nec uvas quidem passas (*Num.* vi, 2-4); quod et in Proverbis præcipitur: «Principes qui iracundi sunt, vinum non bibant; ne cum hiberint, obliviscantur sapientiae (*Prov.* xxxi, 4, 5). Quid ergo Nazaraeorum nomine, nisi abstinentium continentiumque vita significatur; quibus in vino luxuria prohibetur, in sicera omnis voluptas terrena? Sicera enim ex diverso conficitur genere, sicut voluptas ex diversa vitiorum oritur colluvie. Unde illi vinum bibere dicuntur, qui ad decipiendos homines umbras quasdam et imagines se simulant habere virtutum. Uva passa illi vescuntur, qui propter humanos oculos abstinentiæ pallore inficiuntur, ut gloriam capiant ab hominibus. Acetum autem hi bibunt, qui post vitæ sanctitatem in præteritis relabuntur vitiis, et corruptione veteris nequitiae delectantur. Præcepit itaque Deus, ut qui sanctitatis induerint titulum, cunctis careant vitiis, nullamque hujusmodi perturbationem quæ statum mentis evertat, appetant. In hac mansione separantur, de castris leprosi, seminiflui, et immundi; leprosi doctrina, seminiflui cogitatione, immundi opere, id est, hæretici, schismatici et luxuriosi: hi tanquam contagiosi et morbidi a castris ejiciuntur, ne contagionem perfidiæ vel morum suorum, vitam polluant innocentum. Denique ab anno vicesimo et supra annumerantur populi qui ad prælium apti inveniuntur; sed cur ab anno vicesimo; nisi quia hac ætate contra unumquemque vitiorum bella nascuntur. Ideoque ad pugnam eliguntur, ut habeant contra libidinem conflictum, nec luxuria superentur. Illic etiam ab anno vicesimo et quinto Levitis in Tabernaculo servire mandatur, et a quinquagenario custodes vasorum constituuntur: quid enim per annum 10 quintum ac vicesimum, in quo flos juventutis oboritur, nisi ipsa contra unumquemque vitiorum bella significantur: et quid per quinquagenarium, in quo Jubilæi ratione, etiam terra quiescit, nisi æterna requies edomita bello mentis exprimitur? Quid per vasa tabernaculi, nisi fidelium animæ figurantur? Levitæ ergo ab anno vicesimo et quinto tabernaculo serviunt, et a quinquagenario custodes vasorum fiunt, ut videlicet qui adhuc impugnantium vitiorum certamina per consensum delectationis admittunt, aliorum curam suscipere non præsumant. Cum autem tentantium bella subegerint, cum apud se jam de intima tranquillitate securi probabiliter æstimantur, tunc animarum custodiæ deputari poterunt: sed quis hæc prælia sibi perfecte superare potest, cum Paulus dicat: «Video aliam legem in membris meis repugnantem legi mentis meæ (*Rom.* vii, 23)?» Sed aliud est bella fortiter perpeti, aliud bellis enerviter expugnari. In illis exercitatur virtus, ne quis extolli

debeat, in his omnino exstinguitur, ne subsistat. Præcepit dehinc lex Levitas omnes pilos carnis radere (*Num.* vii, 7): quia hi qui obsequiis divinis assumuntur, debent ante Dei oculos a cunctis carnis cogitationibus mundi apparere, ne illicitas cogitationes mens proferat; et pulchram animæ speciem quasi pilis excrescentibus deformem reddant. Post hæc jubentur etiam fieri duæ tubæ, quarum clangore populi moverentur ad prælium. Sic enim scriptum est de his ad Moysen: «Fac tibi duas tubas argenteas ductiles (*Num.* x, 2);» et paulo post: «Et cum concisus clangor increpuerit, movebuntur castra (*Ibid.*, 5).» Per duas enim tubas exercitus ducitur, quia per duo Testamenta, sive per duo præcepta charitatis ad prælium fidei populus vocatur, quæ idcirco argenteæ fieri præcipiuntur, ut prædicatorum verba eloquii nitore refulgeant, et auditorum mentes nulla sui obscuracione confundant: idcirco autem ductiles, quia necesse est ut hi qui venturam vitam prædicant, tribulationum præsentium tuncione crescant. Bene autem dicitur: «Cum concisus clangor increpuerit, movebuntur castra;» quia nimirum cum subtilior ac minutior prædicationis sermo tractatur, auditorum mentes contra tentationum certamina ardentius excitantur. Jam abhinc promoventur Filii Israel de monte Sina, et transeunt in Sepulcra concupiscentiæ.

XIII^a mansio, SEPULCRA CONCUPISCENTIÆ. — Decima tertia mansio habetur in sepulcris concupiscentiæ. Ideo inquit: «Et profecti de deserto Sinai, castrametati sunt in Sepulcris concupiscentiæ (*Num.* xxxiii, 16).» Hæc mansio ab eventu nomen accepit; nam populus manna pertæsus, carnes, pisces, pepones, et alia quæ apud Ægyptios erant gulæ incitamenta concupivit, et adversus Moysen tumultum excitavit. Quare iratus Dominus, misit coturnicum prope terram volantium innumerabilem copiam, quibus eorum gulam possent explere: sed dicit Scriptura: «Carnes adhuc erant in dentibus eorum (*Num.* xi, 33); hoc est, antequam digererentur, percussit Dominus populum plaga magna valde: «Et hinc,» inquit, «vocatam est nomen loci illius, Sepulcra concupiscentiæ: quia ibi sepelierunt desideratorem (*Ibid.* 33, 34).» Ex quibus docemur, ut qui conversationem reliquimus sæculi, et Ægyptias ollas, id est carnalium desideriorum fervores contempsimus, non debere murmurare contra cœlestem panem, nec virulenta Ægyptiorum appetere, quæ sunt magnarum carniarum; sed simplicem mannae cibum, id est, puram et cœlestem vitam quærere. Alioquin si post præcepta, Angelicam escam, mannaque cœlestis vitæ, sive doctrinae rursus carnes Ægyptias, quæ sunt carnales hujus sæculi voluptates, et vetustorum concupiscentias vitiorum appetere voluerimus, statim ira Domini percussi torquebimur, desideria nostra vertentur in tumulos, ut simus sepulcra dealbata, quæ foris apparent hominibus speciosa, intus vero plena sunt omni spurcicia. In hac mansione Moyses mandato

Dei septuaginta viros seniores ex populo delegit, qui ad regendam plebem ei adjuutores forent: « Et sustinebunt, » inquit, « tecum impetum populi, et non feres illos tu solus (*Num. xi, 16*). » Super quos postea Spiritus descendit, et prophetaverunt. Quod in typo factum est: quoniam Spiritus sanctus in die Pentecostes apostolis se infudit, ut et ad fundandam Ecclesiam sapientes essent, et ad regendam fortes: « Attendite, » inquit, ut in actibus Apostolorum legitur, « vobis et universo gregi, in quo posuit vos Spiritus sanctus episcopos regere Ecclesiam Dei (*Act. xx, 28*). » Donum itaque virtutis celestis quod olim in Moyse et in prophetis exstitit, super apostolos visibiliter apparuit.

XIV^a mansio, ASEROTH. — Decima quarta mansio in Aseroth consummatur: nam **11** subjungit: « Et profecti ex Sepulcris concupiscentiæ, castrametati sunt in Aseroth (*Num. xxxiii, 17*). » De eadem mansione alibi sic quoque legitur: « A Sepulcris concupiscentiæ profectus est populus in Aseroth (*Num. xi, 34*). » Hic Aaron et Maria soror, eo quod Moyses Æthiopissam alienigenam duxerat uxorem, satis ei procaciter obtrectarunt. Unde illa contagione lepræ illico perfusa ab aliorum consortio, ad sanitatis usque tempus ejecta fuit. Quod novi figuram mysterii prætulit evidentem: nempe quod sacerdotalis illa plebs patrum, zelo Christi Salvatoris nostri adversus Ecclesiam ex gentibus congregatam insurrectura foret. Quo perfidiæ impura livore in Dei tabernacula non admittenda veniret, donec præfinitum claruerit tempus, quo plenitudo gentium consummaretur, ut ad Romanos scripsit Apostolus (*Rom. xi, 25*). Nam tunc tantum pristinam poterit recuperare sanitatem, cum septiformis ei Spiritus gratia ad veniam fuerit suffragata. Verum quia Aseroth beatitudo interpretatur, merito a sepulcris concupiscentiæ in hanc stationem venit: quoniam nisi carnis concupiscentias quis sepelierit, ad æternam beatitudinem pervenire non poterit. Idecirco inquit Apostolus: « Caro et sanguis regnum Dei possidere non possunt (*I Cor. xv, 50*). »

XV^a mansio, RETHMA. — Decima quinta mansio dicitur Rethma. Ideo sequitur: « Et profecti ex Aseroth castrametati sunt in Rethma (*Num. xxxiii, 18*). » Verum quia alibi legitur: « Et post hæc profectus est populus de Aseroth, et castrametatus est in deserto Pharan (*Num. xiii, 1*): » ne Scripturæ loca contrariari videantur, attendendum est quod hinc usque ad Asiongaber, mansiones omnes, quæ decem et octo enumerantur, omnes, inquam, sequentes ad tricesimam usque secundam, sub deserti Pharan nomine continentur. Appellatur ergo mansio hæc alibi, Pharan, communi nomine solitudinis cum cæteris multis; sed Rethma voce propria. Scriptura in alio loco Pharan commendat, dicens: « Deus ab Austro veniet, et sanctus de monte umbroso Pharan (*Habac. iii, 3*). » Sub hoc deserto viros duodecim ad terram exploran-

dam mandato Dei Moyses destinavit, qui botrum uvæ, mala punica, et ficus terræ retulerunt (*Num. xiii, 4, 24, (27)*). Sub hoc deserto Dathan, Abiron et Core filii, cum eorum familiis, hiatu terræ, ob seditio-nem sorbentur. Sub hoc deserto Aaron sacerdos inter vivos mortuosque medius constitutus; incensi oblatione Deum indignantem placavit, plagam cohibuit. Sub hoc deserto Aaron virga in tabernaculo arena posita, miraculo et germinavit et floruit: et alia plurima, prout in libro Numerorum legitur, gesta sunt, non tamen per singulas distributa mansiones. Per quæ mystice docemur quod viri ad explorandam uberem terram missi, et qui populum a promissa Domini hæreditate desperarunt, Scribarum et Phariseorum prætulerunt imaginem: sicut enim illi a Moyse missi sunt ut fecunditatem soli consideratione sollicita tractantes, populum ad ejus adeptionem animarent: ita et isti per Legem et Prophetas, ut Scripturarum investigatione Dominicum specularerent adventum, in quo vitam æternam consequi possent, constituti sunt: sed sicut illi a spe possidendæ hæreditatis retraxerunt, vel ipse populus eorum revelatione a Dei promissione se alienavit: ita et isti ne in Christum Dominum crederent, plebi fallaciis dissuaserunt. Ideo in eos dicitur: « Væ vobis qui tulistis clavem scientiæ: ipsi non introistis, et eos qui introibant, prohibuistis (*Luc. xi, 52*). » Botrum vero quem retulerunt, Christus est. Ideo in Canticis canticorum dicit Ecclesia de Christo: « Botrus Cypri fraternus meus mihi in vineis Engaddi (*Cant. i, 13*). » Malum punicum ob ejus ruborem sanguis Christi est. Unde Isaias: « Unde fulvor vestium de Bosra (*Isa. lxiii, 1*)? » Ficus, ob ejus suavitatem, lex evangelica: ideo « jugum meum suave est (*Matth. xi, 30*). » Per Dathan et Abiron, quid aliud quam qui hæreses et schismata in Ecclesiam introducunt, significantur? Hi sacerdotis auctoritate contempta, ab eo et Dei Ecclesia se segregantes, alias ecclesias, aliud altare, alios mores, ut Apollinaris, Novatianus, et similes, somniant: et Dei ordinatione rejecta, proprias conantur statuere vanitates: hæreticis tandem Schismaticisque terræ deglutitis voragine, Aaron sacerdos, id est, Christus Dominus sacerdos in æternum secundum ordinem Melchisedech constituitur medius ad placandum Deum: « quia ipse sempiternum habet sacerdotium, semper vivens ad interpellandum pro nobis (*Hebr. vii, 24, 25*). » Arida virga Aaron quæ postea miraculo germinavit, Christi caro est, quæ virga dicitur a propheta: « Egredietur virga de radice Jesse (*Isa. xi, 1*). » Hæc arida floruit, quia mortua resurrexit.

XVI^a mansio, REMON-PHARES. — Decima sexta mansio Remon-phares appellatur. Sequitur enim: « Et profecti ex Rethma, castrametati sunt in Remon-phares (*Num. xxxiii, 19*). » **12** Hæc est mansio secunda in deserto Pharan, quæ in nostra lingua divisio sublimis interpretatur: quia ubi quis in Rethma, quod est os videntis, commoratus est, hoc est

perfectam rerum adeptus est intelligentiam, venit ad Remon-phares, hoc est, ad sublimem divisionem, qua a terrenis coelestia, et ab infimis sublimia separare potest. Nec immerito: nam vigorato intellectu, crescenteque rerum notitia, infunditur iudicium, quo a temporalibus aeterna, et a caducis perpetua discernuntur. Ideo per Prophetam dicitur: « Si eduxeris pretiosum a vili, quasi os meum eris (Jerem. xv, 19). »

XVII^a mansio, **LEBNA**. — Mansio decima septima in Lebna agitur, quare subiungit: « Et profecti ex Remon-phares, castrametati sunt in Lebna (Num. xxxiii, 20). Hac mansione mystice docemur, quod in itinere hujus vitae abluti corpore et mundi corde esse debemus, ut Apostolus ad Hebraeos scribit dicens: « Accedamus cum vero corde in plenitudine fidei, aspersi corda a conscientia mala, et abluti corpus aqua munda (Hebr. x, 22). » Id ipsum namque Lebna vocis interpretatio indicat: sonat enim Latine Lebna idem quod dealbatio. Non est autem dealbatio, qua culpabiliter dicitur et paries dealbatus, et sepulera dealbata (Orig. hom. 27 in Num. ex vers. Ruf.); sed quam Propheta precatur, dicens: « Lavabis me, et super nivem dealbabor (Psal. l, 9), » quam Dominus per prophetam pollicetur dicens: « Si fuerint peccata vestra sicut phoenicium, quasi nivem dealbabo: et si fuerint sicut coccinum, velut lanam candida efficiam (Isa. i, 18). Hæc dealbatio ex candore iudicii de Remon-phares, et claritate visionum de Rethma, ubi verus Israelita suas peragit mansiones, potenter exsurgit.

XVIII^a mansio, **RESSA**. — Mansio decima octava in Ressa peragitur. Unde subiungit: « Et profecti ex Lebna, castrametati sunt in Ressa (Num. xxxiii, 21). » Mystice hac mansione docemur quod quamvis profecisse quis plurimum videatur, grandesque profectus fuerit consecutus, eum tamen tentationes non deserunt: tantum enim jam profecerat Paulus apostolus, ut et usque ad tertium cælum raptus fuerit, audieritque arcana ineffabilia, nihilominus prodigiosis adhuc tentationibus urgeri se sentiebat. Unde querebatur: « Datus est mihi stimulus carnis angelus Satanæ, ut me colaphizet (II Cor. xii, 7). » Tentationes tamen hujusmodi laudabiles esse Jacobus apostolus testatur, dicens: « Omne gaudium existimate, fratres, cum in varias tentationes incideritis (Jacob. i, 2), hæc namque velut custodia quædam homini adhibentur. Sicut enim caro quamvis præcipua sit, nisi sale aspergatur, corrumpitur: ita et anima, quantumvis perfecta, nisi assiduis saliatur tentationibus, relaxatur (Orig. hom. 27 in Num. ex vers. Ruf.). Hoc autem, quia Ressa, laudabilis tentatio interpretatur.

XIX^a mansio, **CALATHA**. — Decima nona mansio Calatha dicitur: ad quam filii Israel Ressa abeuntes pervenerunt. Unde sequitur: « Et profecti de Ressa, castrametati sunt in Calatha (Num. xxxiii, 22). Calatha sonat Latine virgam, et dominium

significat. Juxta illud: « Virga æquitatis: virga regni tui (Psal. xlii, 7). Merito autem post Ressa sequitur Calatha, quoniam ubi anima in Ressa tentationes superavit, ita fortis evadit ut ascendat Calatha, hoc est, ut dominium acquirat nedum inferiorum suarum virtutum, sed et totius mundi. Huc ascenderat Apostolus, quando dixit: « Mihi mundus crucifixus est, et ego mundo (Galat. vi, 14). » Castrametemur igitur et nos in hanc mansionem, ut carnem cum vitiis et concupiscentiis crucifigentes, et facta ejus mortificantes, dicamus cum Apostolo: « Quod autem vivo in carne, in fide vivo Filii Dei (Galat. ii, 20). »

XX^a mansio, **ARSAPHAR**. — Mansio vicesima est in Arsaphar. Ideo dicit: « Et profecti de Calatha, castrametati sunt in Arsaphar (Num. xxxiii, 23). » Animosa statio ista est; ad ardua quippe nos invitat, nempe ad bella, et bella asperrima, et contra fortissimos et savissimos hostes. De quibus dicebat Apostolus: « Non est nobis lucta adversus carnem et sanguinem, sed adversus principatus et potestates hujus mundi, adversus tenebrarum harum rectores, etc. (Ephes. vi, 12). » A quibus urgeri, vimque sibi inferri, idem Apostolus sentiebat; unde dixit: « Infelix ego homo, quis me liberabit de corpore mortis hujus (Rom. vii, 24) ? » Hoc autem, quia Arsaphar tubæ clangor, sive tubicinatio est, quod est belli signum. Nec immerito; quoniam anima superioribus mansionibus, tot tantisque virtutibus se cernens armatam, contineri non potest, quin procedat in medium, et se ad certamina nedum offerat, sed paratam se præferat: quin et tubarum clangor reliquos etiam cum propheta provocet, dicens: « Assumite arma, scuta adducite in prælium, sternite equos, ascendite equites, polite lanceas (Jerem. xlii, 3, 4). » Imo cum alio propheta dicat: « Prædicate hoc in gentibus, sanctificate bellum, suscite pugnatores; accedite, viri bellatores (Joel iii, 9). » Hoc bellum tractarunt 13 et vicerunt patres, ut refert Apostolus ad Hebraeos: « Obturaverunt ora leonum, exstinxerunt impetum ignis, effugaverunt aciem gladii, fortes facti sunt in bello (Hebr. xi, 33, 34). » Plena igitur roboris ac spiritus hæc mansio est.

XXI^a mansio, **ARADA**. — Vicesima prima mansio Arada est; ideo dicit: « Et profecti ex Arsaphar, castrametati sunt in Arada (Num. xxxiii, 24). » Hæc quoque mansio longis est præconiis recolenda. Arada namque idoneum effectum indicat. Adest pulcher ordo; sed observandi sunt proficientium gradus, et series profectuum inspicienda est. Nam ubi anima tentationes superavit, vires inferiores premere audet: et ubi super eis imperium habere se conspicit, adversariis potestatibus insultat, earumque potentias nedum non timet, sed ad certamen provocat. Nunc autem de victoria segura ascendit in Arada, id est, gloriatur in Domino se idoneam effectam, et dicit cum Apostolo: « Sufficientia nostra ex Deo est, qui et idoneos nos fecit ministros novi Testamenti

(II Cor. III, 5, 6). » Oremus igitur Deum, ut et nos ad Arada pervenire et ibi stationem habere valeamus.

XXII^a mansio, MACELOTH. — Mansio vicesima secunda dicitur Maceloth; idecirco subjungit: « Et profecti de Arada, castrametati sunt in Maceloth (Num. XXXIII, 25). Maceloth interpretatur ab initio, per quod innuitur quod qui tendit ad perfectionem, vel eam aliquo modo assecutum se sentit, ad rerum initium, a quo universa dependent, respicere, ad ipsumque cuncta referre debet, nec ab eo unquam recedere (Orig. loco sup. cit.). Deus est principium et finis, ut in Apocalypsi scribitur: « Ego sum principium et finis, dicit Dominus Deus qui est, et qui erat, et qui venturus est omnipotens (Apoc. I, 8). » Ideo ad Deum reducenda sunt omnia. Hunc ut principium recognoscebat propheta, dum dixit: « Nonne tua principio, Domine Deus meus sancte (Habac. I, 12). » Hunc recognoscebat Apostolus dicens: « Flecto genua mea ad Patrem Domini nostri Jesu Christi, ex quo omnis familia in cœlis et in terra nominatur (Ephes. III, 14).

XXIII^a mansio, THAATH. — Mansio vicesima tertia est Thaath; ideo sequitur: « Et profecti de Maceloth, castrametati sunt in Thaath (Num. XXXIII, 26). Verum quia Thaath longanimitatem seu tolerantiam Latine significat, per ipsam indicatur nobis, quod qui in via Dei proficere, aliisque prodesse contendit, multa pati, multa æquanimiter perferre necesse est. Idcirco apostolis dicitur: « In patientia vestra possidebitis animas vestras (Luc. XXI, 19). » Ad tolerantiam nos invitat Apostolus, præcedentium patrum, Christique exemplum proponens. Inquit enim: « Ideoque et nos tantam habentes impositam nubem testium, deponentes omne pondus et circumstans peccatum, per patientiam curramus ad propositum nobis certamen, aspicientes in auctorem fidei et consummatorem Jesum Christum (Hebr. XII, 1, 2). » Dominus enim noster Jesus Christus multa erga homines mansuetudinis, tolerantiam malorum, prout dilucide recensentur in Evangeliiis, exempla, quo ejus sequeremur vestigia, ut Petrus apostolus dicit, nobis exhibuit (I Petr. II, 21).

XXIV^a mansio, THARE. — Mansio vicesima quarta dicitur Thare; sequitur namque: « Et profecti de Thaath, castrametati sunt in Thare (Num. XXXIII, 27). Thare Latine interpretatur stupor, Græce ἐξτασις, quæ est vehementis cujusdam admirationis species, ex arduarum et insolitarum rerum visione proveniens. Nam cum aliqua insolita, naturæ vero impossibilia, humano se offerunt obtutu; quia in investigatione hujusmodi causæ sensus deficiunt, et ratio succumbit, mens stupet. Quod Daniel clarius expressit, dicens: « Stupebam adversionem, et non erat intelligens (Dan. VIII, 27). » Unde cum paralyticum qui portabatur a quatuor, ad solam Domini vocem surrexisse, lectum in quo jacebat, tulisse, et in domum suam abiisse intuitus esset populus; quia hoc supra facultatem erat hominis, obstupuit.

A Ideo dicit sanctus Lucas: « Et stupor apprehendit omnes (Luc. V, 26). » De hoc agens Hieremias propheta, ait: « Stupor et horribilia facta sunt in terra (Jerem. V, 30). » Et quia in iis mansionibus multa præclara et admirabilia edita sunt opera, quorum causas non potest humana mens ratione comprehendere, ideo tandem venit in Thare, hoc est, in stupore: sic enim interpretatur. Unde scriptum est: « Stupebant autem omnes super magnalia Dei (Luc. IX, 44). »

B XXV^a mansio, METCHA. — Mansio vicesima quinta agitur in Metcha; ideo dicit: « Et profecti de Thare, castrametati sunt in Metcha (Num. XXXIII, 28). Metcha Latine dicitur nova mors. Ut autem intelligatur quæ sit nova mors, est observandum quod triplicem mortem legimus in Scripturis. Una est mors corporis, qua terrestris domus nostra hujus habitationis, ut Apostoli utar verbis, dissolvitur, et a corporis tabernaculo anima recedit (II Cor. V, 1, 4). De 14 hac scribit Apostolus: « Statutum est hominibus semel mori (Hebr. IX, 27). » Hac Abraham et prophetæ mortui sunt, hac morte omnes moriemur, et sicut aqua effusa super terram, non congregabimur. Alias mors est animæ, qua peccati contagio anima confecta moritur, non quidem in sui substantia, quæ mori nescit, sed in Dei vivificatrice gratia. Nam demerito peccati, Deo recedente, spiritalem anima vitam amittit. Unde dicit Apostolus: « Quæ vivens mortua est (I Tim. V, 6). » Mori autem tunc per peccatum dicitur: quia « anima quæ peccaverit, ipsa morietur (Ezech. XVIII, 4). » Morietur autem Domino non naturæ infirmitate, sed demerito culpæ, quæ non est ab hac vita recessus, sed lapsus erroris. Tertio est culpæ, qua carnis concupiscentia moritur, ut mens Deo vivat; de qua Apostolus: « Vetus homo noster simul crucifixus est, ut destruat corpus peccati, ut ultra non serviamus peccato (Rom. VI, 6). » Nec id immerito; nam sicut mortuus vita non est amplius obnoxius culpæ, sic renatus per gratiam non debet ulterius servire peccato. De qua morte loquitur Apostolus, dicens: « Mortui enim estis, et vita vestra abscondita est cum Christo in Deo (Coloss. III, 3). Hujuscemodi mortuos redarguens idem Apostolus, dicit: « Si mortui estis cum Christo ab elementis mundi, quid tanquam viventes in mundo decernimini (Coloss. II, 20)? » Una igitur mors est naturalis, alia pœnalis, tertia spiritalis. Hanc postremam designat Metcha, quæ nova mors dicitur: quia veterem innovat hominem, et novam facit creaturam, dicente Apostolo: « Vetera transierunt, ecce facta sunt omnia nova (II Cor. V, 17). Itaque et nos hic mansionem faciamus, ut peccatis mortui, justitiæ perpetuo vivamus.

D XXVI^a mansio, ESMONA. — Mansio vicesima sexta Esmona nuncupatur; nam dicit: « Et profecti ex Metcha, castrametati sunt in Esmona (Num. XXXIII, 29). Esmona Latine dicitur acceleratio, quod congrue huic mansioni aptatur. Nam

ubi anima morte peccati per superiorem stationem in novam evasit creaturam, sistere animo non potest, non otio torpere: sed ulterius progredi, et accelerare iter contendit. Viatoribus autem celeritas aptissima est: ea propter populo patrum manducare pascha precipitur, et festinanter. Hinc apostolis mandatum est: «Neminem per viam salvaveritis (*Luc. x, 4*). Sic Elisæum in Regnorum libro Giezi injunxisse legitur: «Accinge, inquit, lumbos tuos, et tolle baculum meum in manu tua, et vade: et si inveneris aliquem, non benedicas ei, et si benedixerit tibi quispiam, non respondeas ei (*IV Reg. iv, 29*): » nam opus Dei præproperam etiam festinationem exigit. «Maledictus, inquit propheta, qui facit opus Dei negligenter (*Jerem. XLVII, 10*). » Ideo discipulus ille, qui citius Petro ad monumentum præcurrit (*Joan. xx, 4*), immodice commendatur. In via Dei vel festinam oportet progressionem esse, ut diabolo, qui stat semper a dextris, quo sanctis adversetur, cæptum iter impediendi spatium non relinquatur. Nos igitur qui peccatis mortui, justitiæ per Metcha vivimus, non sequamur modo ad palmam supernæ vocationis; sed in Esmona curramus. festinantes ad propositum nobis certamen. Festinantes namque pastores venerunt, et invenerunt puerum Jesum (*Luc. II, 16*).

XXVII^a mansio, MOSEROTH. — Mansio vicesima septima appellatur Moseroth; dicit enim: «Et profecti ex Esmona, castrametati sunt in Moseroth (*Num. XXXIII, 30*). Congruè nunc Moseroth succedit; significat enim disciplinas, ut qui festinationem in Esmona sibi ascivit, eam modo ad comparandas disciplinas sapienter accersat: «Et sit, quod Jacobus apostolus docet, omnis homo velox quidem ad audiendum (*Jac. I, 19*). » Deus disciplinæ hujus auctor est: dicitur enim per prophetam: «Quis ascendit in cælum, et accepit eam, et eduxit eam e nubibus? Quis transivit trans mare, et invenit eam, et afferet eam auro electo? Non est cognoscens viam ejus, neque qui consideret semitas ejus: sed sciens omnia cognoscit eam, et adinvenit eam prudentia sua (*Baruch. III, 29-32*). Ideo ab ipso expetenda est, dicente Jacobo apostolo: «Si quis vestrum indiget sapientia, postulet a Deo qui dat omnibus affluenter (*Jac. I, 5*). » Hæc Deum, ejusque opera revelat. Doctrix, inquit Salomon, est Dei disciplina, et electrix operum illius, ejus custodia virga correctionis est. Scriptum est enim: «Plagæ et correptiones dant sapientiam (*Prov. XXIX, 15*). » Legitur in Numeris hominem quemdam in die sabbati ligna colligentem comprehensum fuisse, coram Moyse et senioribus sisti mandatum, et tandem jussu Dei morte punitum, lapidibus obrutum: «Morte, inquit, moriatur homo; lapidabitis eum lapidibus omnis congregatio extra castra (*Num. xv, 35*). Quod in hac mansione aliqui factum putant. Hinc Apostolus quoque dicebat: «Peccantem coram omnibus argue, ut cæteri

timoreis habeant (*I Tim. v, 20*). » Habeamus igitur stationem in Moseroth, **15** id est, correptionum mortificatione in disciplina Dei contineamur.

XXVIII^a mansio, BANEJACHAM. — Vicesima octava mansio in Banejacham peragitur; inquit enim: «Et profecti de Moseroth, castrametati sunt in Banejacham (*Num. XXXIII, 31*). » Qui in Dei disciplina stationem habet, studium omne, omnemque operam, ut ne minimum quidem ex ipsa Dei lege violatum intercitat, sedulo impendere debet, et ut Salvator ait, «ne iota unum, aut unus apex » a Lege prætereat (*Matth. v, 18*). Debet enim illud evangelii mente perpetuo retinere, quo dicitur: «Dico tibi, non exies inde, donec etiam minimum quadrantem reddas (*Matth. v, 26*)? Nam sicut non prius fenoris debitum evacuatur, quam totius sortis ad minimum usque nummulum quocunque solutionis genere quantitas universa solvatur; sic nec peccati pœna, nisi charitatis reliquarumque compensatione virtutum, vel stricta satisfactione dissolvitur. Non eluitur peccatum, fratres, nisi pœnis tandiu noxius exerceatur, ut commissi supplicia erroris expendat. Dicebat Jacobus apostolus: «Qui totam legem servaverit, offendat autem in uno, factus est omnium reus (*Jacob. II, 10*). » Ponderanda est quoque illa Dei sententia, quæ in Lege scripta est: «Ego sum Dominus Deus tuus, Deus zelotes (*Exod. xx, 5*). » Lex igitur Dei exactissima quaque censura est examinanda, et omni qua potest majori sedulitate servanda, ne ab ea forte excidamus. Hoc nos præsens mansio docet: Banejacham enim excolationem designat. Qui autem legem Dei percolat, ne minima quidem vel syllaba vel apex negligenter labatur, diligenter observat.

XXIX^a mansio, GADGAD. — Vicesima nona mansio habetur in monte Gadgad; dicit namque: «Et profecti de Banejacham, castrametati sunt in monte Gadgad (*Num. XXXIII, 32*). Tentatio animæ fidei custodia, fortitudo et virtutis augmentum est; nam anima justi, nisi tentationibus interdum se urgeri sentiret, nedum in custodia non maneret, quin potius tanquam gratiarum copia diffluens relaxaretur. A Moyse sancto documentum hoc clare habetur. Dum populus lampades et montem fumigantem cerneret, vocesque audiret, et territus a Domino fugeret, dixit Moyses: «Confidite, causa enim tentandi vos venit Deus ad vos: ut sit timor ejus in vobis, et non peccetis (*Deut. XIII, 3*). » Dicitur quoque fortitudo: nam anima a multiplicibus se tentationis septem agnoscens, cautius incedit, et majorem a Domino virtutem postulat, dicens cum Propheta: «Miserere mei, Deus, quoniam multi bellantes adversum me (*Psal. LV, 2, 3*). » Virtutis vero augmentum, quatenus anima tentationibus exercita purior egreditur. Ideo Salomon in Proverbiis dicit: «Sicut probatur in camino argentum et aurum, sic electa corda apud Dominum (*Prov. XVII, 3*). » Tentationibus animam proficere sanctus quoque Jacobus apostolus testatur dicens: «Beatus

vir qui suffert tentationem, quoniam cum probatus fuerit, accipiet coronam vitæ (*Jac. 1, 12*). » Sunt igitur non fugiendæ, sed expetendæ tentationes; unde David propheta dicit: « Proba me, Domine, et tenta me (*Psal. xxv, 2*). » Progredientibus ergo in via Domini tentamenta frequentius ingeruntur, ut cautius fructuosiusque incedant. Hoc nobis mansio hæc insinuat: nam Gadgad tentamentum interpretatur. Ne igitur tantarum copia virtutum superiorum mansionum viator difflueret vel laberetur, superiori ista mansio succedit.

XXX^a mansio, JETHEBATHA. — Mansio tricesima celebratur in Jethetha; unde sequitur: « Et profecti de monte Gadgad, castrametati sunt in Jethetha (*Num. xxxiii, 33*). Tentationum experimento virtus justis, ut in superiori mansione dictum est, magis conspicua, clariorque elucescit. Hinc etiam Petrus apostolus: « Exsultabitis nunc, inquit, si oportet contristari variis tentationibus, ut probatio vestræ fidei multo pretiosior auro, quod per ignem probatur, inveniatur (*I Petr. 1, 6, 7*). » Majorem etiam per illud acquirit gratiam, ideo in libro Sapientiæ scriptum est: « Probata autem virtus corripit insipientes (*Sap. 1, 3*). » Per illud in medio etiam nationis pravæ latens exerit se virtus et lucet; ideo apostolus Paulus ad Corinthios inquit: « Oportet hæreses esse, ut qui probati sunt, manifesti fiant in vobis (*I Cor. xi, 19*). » Sincerior bonitas e tentationibus prodit, sicut purius argentum e camino ignis; inquit enim Scriptura: « Quoniam in igne probatur argentum, et homines receptibiles in camino humilitatis (*Eccl. ii, 5*). » Cum igitur purior e tentamento bonitas veluti e camino exeat; merito nunc Jethetha, quæ bonitas interpretatur, succedit.

XXXI^a mansio, EBRONA. — Mansio tricesima prima agitur in Ebrona; ideo dicit: « Et profecti de Jethetha, castrametati sunt in Ebrona (*Num. xxxiii, 34*). » Justus quamvis in hac vita ad bonitatem etiam perfectam devenerit, haud tamen animo sistit, nec præsentis contentatur statu; quin potius cuncta pertransiens, flagranti etiam desiderio ad meliora contendit. Hinc David propheta dixit: « Hæc recordatus sum, et effudi in me animam meam; quoniam transibo in locum tabernaculi admirabilis, usque ad domum Dei (*Psal. xli, 5*). » Ibi vero quiescet, ibi implebitur omne ejus desiderium. Ideo alio in loco idem propheta dixit: « Satiabor, Domine, cum apparuerit mihi gloria tua (*Psal. xvi, 15*). » In hac vita non quies, sed perennis est transitus. Quare sponsus in Canticis canticorum ob cursus pernicitatem capræ hinnuloque cervorum assimilatur (*Cant. ii, 9*): unde et salit super montes, et transilit super colles. Hoc nos docet mansio ista, quoniam Ebrona transitus est, ut quamvis ad bonitatem per superiorem mansionem perveneris, omnia tamen sunt prætereunda: oportet te ad meliora transire, quousque venias ad illud bonum, quod est summum, et quod omne sa-

tiat desiderium, et in quo perpetuo permanere debeas (*Orig. loco cit.*).

XXXII^a mansio, ASIONGABER. — Mansio tricesima secunda dicitur Asiongaber, quo filii Israel applicuerunt; unde sequitur: « Et profecti de Ebrona, castrametati sunt in Asiongaber (*Num. xxxiii, 35*). » Postrema filiorum Israel in deserto Pharan statio hæc est; nam ut in superioribus diximus, plurimas ambiens mansiones illa solitudo hucusque protenditur: interpretatur vero consilia viri. Et recte intentioni quadrat: quoniam qui tantas peregit mansiones, tot virtutum penetravit sinus, tot charismatum spiramina sensit, tot se studiis perfectionum exercuit jam desiit esse puer sensibus, jam ad mensuram ætatis plenitudinis Christi pervenit, jam crevit in virum perfectum. Et ideo viri consilia adeptus est, ut eum Apostolo dicat: « Cum autem factus sum vir, quæ parvuli erant, deposui (*I Cor. xiii, 11*). » Quin potius altum adeptus est consilium, quia Salomon in Proverbiis dicit: « Aqua profunda consilium in corde viri (*Prov. xx, 5*). » De consilio isto Sapiens dicebat: « Sine consilio nihil facias, et in faciendo ne te pœniteat (*Eccl. xxxii, 24*). » Quod non est illud, de quo queritur Dominus, per prophetam dicens: « Væ filii apostatæ! hæc dicit Dominus: Fecistis consilium non per me, et pactum non per Spiritum meum (*Isa. xxx, 1*). » Sed illud de quo Sapiens: « Cognitio sapientis tanquam inundatio abundabit, et consilium illius sicut fons purus vitæ, quod custodit a malo (*Eccl. xxi, 16*) quia consilium bonum custodiet te, cogitatio autem sancta servabit te. Huc ergo incunctanter pergamus, et nostra hic alacres tentoria erigamus: ut Deo in toto corde nostro, sicut David in concilio justorum et congregatione (*Psal. cx, 1*), confiteri valeamus.

XXXIII^a mansio, SIN. — Mansio tricesima tertia est in deserto Sin; quare subjungit: « Et profecti de Asiongaber, castrametati sunt in deserto Sin (*Num. xxxiii, 36*). » Octava mansio supra eodem quoque nomine nuncupatur; inquit enim: « Et profecti a mari Rubro, castrametati sunt in deserto Sin. » Sed attendendum quod hic locus alius ab illo est; ideo infra subjungitur: « De deserto Sin, hæc est Cades (*Num. xx, 1*). » Et alibi, dum populus in hac moraretur mansionem, mittens nuntios Moyses ad regem Edom: « Et nunc sumus, » inquit, « in Cades civitate, ex parte finium tuorum (*Ibid., 16*). » Hanc meminit David propheta, dicens: « Et commovebit Dominus desertum Cades (*Psal. xxviii, 8*). » Hic Maria Moysi soror diem suum obivit, mortua et sepulta est, ut supra legitur. Quod Josephus quoque describit dicens: « Tunc itaque sororem ejus Mariam finis vitæ accepit, cum quadragesimum complisset annum, ex quo Ægyptum dereliquit: sepelieruntque eam publice nimis splendide (*lib. iv Antiq. cap. 4*). » Hic denique penuria aquæ laborat populus; quare iratus tumultuatur in Moysen: a quo petra jussu Dei mirabili virga percussa, aqua

manavit copiosa, unde bibentibus cunctis cupiditas A pro mundi salute in cruce pendentum, quoniam salutaris est.

XXXIV^a mansio, HOR. — Mansio tricesima quarta est in monte Hor; dicit enim: « Et profecti de deserto Sin, hæc est Cades, castrametati sunt in Hor monte prope terram Edom (*Num.* xxxiii, 37). » Stationem apud Cades in deserto Sin filiis Israel agentibus, Moyses ad Idumæorum regem, ut per illius fines viam sibi una cum suo populo concederet, legatos misit; certiores tamen eum facturos, ut nec aquam sine pretio sibi exhiberi posceret. Ille vero petitioni non consentiens, nec transitum cedens, respondit: « Non transibis per me, alioquin bello in occursum tibi exhibeo (*Num.* xx, 18). » Quare populus mandato Dei, ut in Deuteronomio habetur, ab eo declinavit; et de Cades egressus ad Hor montem pervenit (*Ibid.*, 27), et hanc quam legimus, habuit mansionem. Ubi juxta Domini præceptum Aaron cum Moysse fratre et Eleazar filio in Hor montem ascendit: ubi Moyses verbo Dei pontificalibus Aaron indumentis nudato Eleazar filium, cui propter ætatem pontificatus obveniebat, universo vel mirante populo, qui ex adverso stabat, protinus vestivit. Ibiq; Aaron vita functo, ad 17 suumque populum appposito, Eleazar filius sacerdos pro Aaron patre suo declaratus est. Memorabilis est igitur ista mansio.

XXXV^a mansio, SALMONA. — Mansio tricesima quinta habetur in Salmona; nam sequitur: « Et profecti ex Hor monte, castrametati sunt in Salmona (*Num.* xxxiii, 38). » Egressus ex Hor monte populus, non rectam quam cœperat, prosecutus est viam; sed Edom terram circumiens, mare Rubrum versus iter arripuit, ut juxta verbum Domini, fratres suos bello non incesset, nec prorsus læderet: inquit enim: « Ne moveatis contra ipsos bellum (*Deut.* ii, 5). » Tot igitur viarum fatigatus anfractibus, manna pertæsus, locutus est, inquit, contra Deum et Moysen. Quare iratus Dominus virulentos jethiferosque serpentes, qui morsu internecabant, in populum immisit, unde periit populus multus nimis. De quibus meminit etiam Apostolus, dicens: « Neque tentemus Christum, sicut quidam eorum tentaverunt, et a serpentibus perierunt (*I Cor.* x, 9). » Tunc oranti Moysi pro serpentum extinctione, respondit Deus: « Fac tibi serpentem æneum et pone illum pro signo: et omnis morsus videns illum, vivet (*Num.* xxxi, 8). » Fecit Moyses juxta mandatum Domini, et populus a plaga liberatus est. Verum quia Salmona interpretatur umbra, factum istud mansioni recte aptatur. Serpens namque ligno suspensus, typus et umbra Christi fuit pro salute nostra in cruce pendentis, sicut ipse exponit in Evangelio, dicens: « Sicut Moyses exaltavit serpentem in deserto, ita exaltari oportet filium hominis; ut omnis qui credit in eum, non pereat; sed habeat vitam æternam (*Joan.* iii, 14, 15). » Frequentem igitur nos stationem istam, ut aspiciamus Christum

pro mundi salute in cruce pendentum, quoniam salutaris est.

XXXVI^a mansio, PHINON. — Mansio tricesima sexta Phinon nuncupatur; dicit namque: « Et profecti de Salmona, castrametati sunt in Phinon (*Num.* xxxiii, 42). » Linguae moderationem inter ea quæ homini non minus necessaria quam difficilia sunt, sanctus Jacobus apostolus fuso enumerat sermone, dicens: « Si quis in verbo non offendit, hic perfectus est vir, potens freno circumducere etiam totum corpus (*Jacob.* iii, 2). » Ecce equis frena in ora mittimus, ad consentiendum nobis, et omne corpus illorum circumferimus. Ecce et naves, cum tam magnæ sint, et a ventis validis minentur, circumferuntur a modico gubernaculo, quocumque impetus dirigentis voluerit. Ita et lingua modicum membrum est, et magna jactat. « Ecce parvus ignis quam magnam silvam incendit. Et lingua ignis est, universitas iniquitatis (*Ibid.*, 5, 6); et cætera quæ tibi sanctus apostolus disserit ad propositum facientia. Si tot mala homini e lingua imminant, quis illam moderatione non indigere, dicere audebit? Ideo Sapiens id præcipit, dum dicit: « Circumvalla possessionem tuam spinis, et ori tuo fac januas et seras: argentum tuum et aurum tuum conlla, et sermonis tui fac stateram, et ori tuo fac portam et seram (*Eccli.* xxviii, 28, 29). » Verum cum statera, porta et sera pro lingua non facile ei occurreret, dicebat idem Sapiens: « Quis dabit mihi super os meum custodiam, et super labia mea signaculum (*Eccli.* xxxii, 33)? » David vero propheta a Domino hæc dona præstari agnoscens, Dominum his precabatur verbis: « Pone, Domine, custodiam ori meo et ostium circumstantiæ circum labia mea (*Psal.* cxi, 3). » Linguae moderatio in hac mansione suam habet sedem. Nam Phinon oris parcimonia interpretatur. Curemus igitur et nos nostram hic stationem habere; ut quæ, quando, quomodo et quibus loqui deceat, scire valeamus: et os nostrum meditetur sapientiam, et lingua nostra judicium loquatur (*Psal.* xxxvi, 30).

XXXVII^a mansio, OBOOTH. — Mansio tricesima septima dicitur Oboth, quo demum filii Israel applicuerunt, sequitur ergo: « Et profecti de Phinon, castrametati sunt in Oboth (*Num.* xxxiii, 43). » De hac mansionem aibi legitur: « Et profecti filii Israel, castrametati sunt in Oboth (*Num.* xxi, 10). » Verum attendendum quod majora perniciosioraque tentamenta, quibus anima in hac vita impugnatur, dæmonum illusiones, magorumque ac pythonum præstigia omnium consensu æstimantur. Ii namque maleficiis magicisque artibus, ut divinitatis culturam ab hominum cordibus eliminant, ea efficere protestantur, quæ divinæ tantum naturæ sunt possibilia. Unde ejus potestati perpetuo resistere audent. Sed tandem vanitatibus eorum detectis, artibusque profligatis, virtus semper divina supereminet. Magi coram Pharaone Moysi resistere audebant, suasque virgas fieri dracones contendebant. Sed tandem Msysi virga Dei providentia et virtute in colubrum

versa, in magorum dracones insiliens, eos illico devoravit (*Exod. vii, 10-12*). Nam a Moyse non errore, non præstigiis, sed veritate ista fiebant; ideo mirabili potentia subsistebant. Legitur etiam in Actibus apostolorum, **18** quod dum prædicaret Paulus apostolus coram Sergio proconsule, qui verbum Dei audire cupiebat, « resistebat, » inquit, « Elymas magus, quærens avertere proconsulem a fide (*Act. xiii, 8*). » Denique dum ab Apostolo argueretur, cæcus effectus est, ita ut circumiens, inquit, quæreret qui ei daret manus (*Ibid., 11*). Ideo in lege eorum commercium caveri præcipue jubetur; inquit enim: « Anima quæ secuta fuerit ventriloquos, vel incantatores, ut fornicetur post eos; obfirmabo faciem meam contra animam illam, et perdam eam de populo suo (*Levit. xx, 6*). » Hæc statio ad magos perdendos colitur: nam Oboth in magos interpretatur. Adeamus igitur et nos ad Oboth, erigamus ibi tabernacula nostra; ut in protectione Dei cœli commorantes, non timeamus « a timore nocturno, non a sagitta volante in die, non a negotio perambulante in tenebris, nec ab incursu et dæmonio meridiano (*Psal. xc, 5, 6*). »

XXXVIII^a mansio, JEABARIM. — Mansio tricesima octava vocatur Jeabarim; sic enim habetur: « Et profecti ex Oboth, castrametati sunt in Jeabarim, in eo quod ultra, in finibus Moab (*Num. xxiii, 44*). » De hac mansionem in alio loco clarius legitur: « Et discedentes, » inquit, « ex Oboth, castrametati sunt in Jeabarim, in deserto quod est in conspectu Moab, ad orientem solis (*Num. xxi, 11*). » Propter quod meminisse oportet quod Idumæi, ut in superioribus diximus, per eorum terras transitum filiis Israel præstare hostiliter recusarunt. Unde divertentes ab eis, Moabitarum fines circumire coacti fuerunt. Hinc dicitur quod in finibus Moab ad orientem venerunt. Jeabarim vero acervum lapidum transeuntium sonat, quod est Ecclesia justorum. Lapidem enim transeuntes justus sunt. Ii namque propter eorum firmitatem lapides appellantur, de quibus Petrus apostolus scribit dicens: « Et ipsi tanquam lapides vivi superædificamini domus spiritalis (*I Petr. ii, 5*). » Justis vero firmitas recte adscribitur, eo quod ipsi nec fluctuant, nec circumferantur omni vento doctrinæ, unde in Evangelio domui supra firmam petram fundatæ, in quam « descendit pluvia, venerunt flumina, flaverunt venti, et non cecidit, » comparantur (*Matth. vii, 25*). Transeuntes etiam dicuntur; quia secundum Apostolum, confitentur quod « hospites et advenæ sunt super terram (*Hebr. xi, 1, 13*). » Denique merito Ecclesia dicitur acervus lapidum; quia « ipsa est columna et firmamentum veritatis (*I Tim. iii, 15*). » Habeamus igitur et nos stationem in Jeabarim, ut secundum apostolum Paulum, « teneamus propositam spem, sicut anchoram animæ tutam ac firmam, et incedentem usque ad interiora velaminis (*Hebr. xi, 19*), » ut juxta apostolum quoque Petrum « præscientes caveamus, ne errore nefariorum abducti,

excidamus a propria firmitate (*I Petr. iii, 17*). »

XXXIX^a mansio, DIBONGAD. — Mansio tricesima nona habetur in Dibongad; sic enim legitur: « Et profecti ex Jeabarim, castrametati sunt in Dibongad (*Num. xxxiii, 45*). » Verum de hac mansionem longe diversum in alio loco legi videtur: nam scriptum est: « Et discedentes ex Oboth, castrametati sunt in Jeabarim, in deserto quod est in conspectu Moab, ad orientem solis. Inde discesserunt, et castrametati sunt in valle » Zared, hæc ibi (*Num. xxi, 11, 12*). Si ergo (Origen. loco cit.) in valle Zared castrametati sunt, dices: Quomodo in Dibongad? Verum ibi locus communis, hic vero proprius exprimitur. Est enim Dibongad circa vallem Zared, quæ est inter fines Amorrhæorum et Moabitarum. Mystice vero Dibongad apiarium tentationum significat. Quod docemur quod quamvis justus perfectionis vel summæ proximus existat, haud tamen ei tentationes desunt. Quod est divinæ cautela providentiæ, ne a recto deflectendi bonis successibus ansam arripiamus. Hinc Job dicebat: « Beatus homo quem corripuit Dominus: increpationem omnipotentis ne renuas (*Job v, 17*). » Quod et si dum in carne sumus, tentationes nobis amaræ videntur, mirifice nihilominus ad futuram nobis vitam proficiunt, dicente Apostolo: « Omnis quidem disciplina in presenti videtur non esse gaudii, sed mœroris: postea autem fructum pacatissimum exercitatis per eam reddet justitiæ (*Hebr. xii, 11*). » Accedamus ergo nos, et in hanc mansionem ingredi festinemus: scientes quod a Domino interdum corripimur, ne cum hoc mundo damnemur (*I Cor. xi, 32*). Certam quoque spem habeamus, quod « non patietur nos Deus supra id quod possumus, tentari: sed faciet cum tentatione proventum, ut possimus sustinere (*I Cor. x, 13*). »

XL^a mansio, ELMON DEBLATHAIM. — Mansio quadragesima in Elmon deblathaim a filiis Israel peragitur; sic enim scribitur: « Et profecti ex Dibongad, castrametati sunt in Elmon deblathaim (*Num. xxxiii, 46*). » Vox hæc Elmon deblathaim sicut est duplex, ita et duo indicat, nempe contemptum ficum, hoc est, contemptum terrenæ dulcedinis ficus, namque dulcedinem ostendunt. Unde Jeremias propheta vidit ficus bonas, bonas valde (*Jerem. xxiv, 3*). Et Salvator noster **19** esuriens, Scribarum Pharisæorumque amaritudines deserens, accessit ad arborem fici, ut saltem in plebe aliquam inveniret dulcedinem: et cum non invenisset nisi folia tantum, maledixit ei, dicens: « Nunquam ex te fructus nascatur (*Matth. xxi, 19*). » Contemptus ergo terrenarum delectationum ad cœlum properanti apprime necessarius est. Nam nisi voluptatum illecebras, et ea quæ in terris delectare videntur, neglexerimus, ad cœlestia nos ipsos erigere non possumus. Ideo Apostolus admonet, dicens: « Quæ sursum sunt sapite, non quæ super terram (*Coloss. iii, 2*). » Imo sapere terrena, confusio est. Ita scribit Apostolus: « Gloria in pudendis ipsorum, qui terrena sapiunt (*Philipp. iii, 19*). » Verum quia

« nostra conversatio in cœlis est, qui cum Christo surreximus (*Coloss. iii, 29*), » omni cordis alacritate calcatis mundi illecebris, in ejus mansionis tabernacula ingrediamur, « quæ sursum sunt quærentes, ubi Christus est in dextera Dei sedens (*Coloss. iii, 4*) : » contendamusque, sive absentes, sive præsentes, placere Domino Deo nostro.

XLII^a mansio, ABARIM. — Mansio quadragesima prima fit a filiis Israel in montibus Abarim; nam sequitur : « Et profecti ex Elmon deblathaim, castrametati sunt super montes Abarim contra Nebo (*Num. xxxiii, 47*). » Verum longe alienum videtur huic, quod alio in loco de hac mansione legitur. Nam inquit : « Castrametati sunt in valle Zared; inde descendentes, castrametati sunt trans Arnon in deserto, quod eminet a finibus Amorrhæorum (*Num. xxi, 12, 14*). » Ex quibus verbis videtur quod filii Israel non in montibus Abarim, sed in deserto trans Arnon mansionem post Elmon habuerint. Sed nulla est diversitas, quoniam Abarim in deserto est trans Arnon. Quod ergo alibi sub communi, hic sub proprio nomine Scriptura expressit. Unde subjungit : Est enim Arnon ad fines Moab inter Amorrhæos, et ibi habetur mons Abarim, ad cujus radices juxta Amorrhæos Arnon labitur amnis. Dicitur vero mons Abarim trans Arnon, non ad transitum Hebræorum, sed ad situm terræ sanctæ, sicut mos est Moysi in hac descriptione; nam in libro Deuteronomii legitur : « Hæc verba quæ locutus est Moyses omni Israel trans Jordanem in deserto ad occidentem (*Deut. i, 4*). » Moyses tamen, Jordanem nullatenus transivit : erat ergo citra ad Hebræorum viam, trans vero ad terræ sanctæ situm. Sub hac mansione ad Seon Amorrhæorum regem legatos Moyses destinavit, ut ei cum populo per suas terras commeatum præberet, absque omni suorum prorsus læsione : « Transibimus, inquit, per terram tuam, non declinabimus neque ad agrum, neque bibemus aquam de puteo, via regia transibimus (*Num. xxi, 22*). » Seon vero id omnino recusans dura respondit : imo valido exercitu armato, ad fluvium Arnon, qua Israel transiturus erat, ut viam impediret, oppugnantique resisteret, protinus descendit. Sed divina factum est virtute, ut rege in prælio extincto, Hebræi Amorrhæorum populum in occisione gladii percusserint, eorumque terras vastantes depopularint. Interim Og rex Basan, ut auxilium Amorrhæo præberet amico, ingentes copias armat, quibus Israel hostiliter impugnaturus aggreditur. Sed Israel superna dimicans ope, et ipsum in bello regem peremit, exercitum omnem exstinxit, universam denique terram eorum subegit, unde cum insigni victoria grandes divitiarum copias reportavit. Quæ omnia Josephus fuso sermone perscripsit (*Lib. iv Antiquit. cap. 4*).

XLII^a mansio, apud JORDANEM. — Mansio quadragesima secunda habetur in campestribus Moab apud Jordanem; ideo dicit : « Et profecti de finibus Abarim, venerunt ad occidentem Moab, supra Jordanem

juxta Jericho, ibique castrametati sunt apud Jordanem inter Bethsimon, usque Belsachin, in occidente Moab (*Num. xxxiii, 48*). » Alio in loco mansionem eandem meminit Scriptura, dicens : « Et discedentes filii Israel, castrametati sunt ad occidentem Moab, apud Jordanem, juxta Jericho (*Num. xxi, 4*). » Denique postrema hujus laboriosi diurnique filiorum Israel itineris a Moyse per verbum Dei descripta mansio hæc est. In qua licet plurima dicta gesta que sint memoratu digna, pauca tamen hæc enarrabimus. Primum Balac Moabitarum rex cernens filios Israel tanto proficere incremento, tanque secundis eorum res prosperari successibus, magnam rerum suarum formidinem concepit, ut in iis quæ ad populum Madian prælocutus est, apparet. Inquit enim : « Nunc linget congregatio hæc omnes, qui in circuitu nostro sunt, sicut lingit vitulus virentia ex campo (*Ibid., 4*). » Quare armis haud eos palam invadere ausus, deliberavit, ne saltem potentiores efficerentur, ad occultas artes confugere. Unde Balaam magum ad se accersitum rogavit, ut imprecationibus, maleficisque ejus artibus populum malediceret, perderetque. Quod ab illo nec suasionibus, **20** nec muneribus, divina obsistente providentia, obtinere unquam potuit, quinimo ipse magus, Domino os ejus aperiente, bona precatus est populo, felicesque prædixit successus : « Quam pulchræ, inquit, tuæ domus, Jacob! tabernacula tua, Israel. Tanquam valles obumbrantes, tanquam horti super fluxium, et velut tabernacula quæ fixit Dominus (*Num. xxiv, 5, 6*). » Et infra : « Benedicentes te benedicti sint, et maledicentes te maledicti sint item. Orietur stella ex Jacob, et exsurget homo ex Israel (*Ibid., 17*). » Deinde quia Madianitarum amore mulierum populus, deserto vero Deo, ad idola diverterat, Phinees Eleazar filius, Aaronque nepos, zelo zelatus pro Domino exercituum, antequam per licentiam fortius grassaretur iniquitas, Hebræum et Madianitidem feminam in fornicatione comprehensos, et coram Moyse adductos publice evaginato pugione peremit cujus exemplo provocati plerique arreptis in fornicarios armis insurrexerunt, et ad internecionem cæsa sunt die illa viginti quatuor hominum millia. Quare peremptis fornicariis, reconciliatus est cum populo Deus. « Et cessavit, inquit, plaga a filiis Israel (*Num. xxv, 8*). » Insuper quia Chanaanorum terra, ad quam filii Israel possidendam per verbum Dei tendebant, e vicino jam prominebat, ipsique terræ sanctæ per quadraginta et plures annos fugientis fere jam oras predebant; et quia non nisi armata manu, viribusque infractis, illam capere ipsis præstabatur, idcirco Eleazar sacerdos novam populi ad bellum apti computationem facere Dei mandato decrevit, in qua præter tribum Levi, ad specialem Dei cultum destinatam, et mulieres, sexcenta millia et mille septingenti triginta viri, a viginti annis et supra, ad bella parati, ut Scriptura, inquit, numerati sunt. Alia vero

quam plurima ad religionem Deique cultum, nec non ad rem publicam bello paceque moderandam spectantia, Moyses Eleazarque sacerdos in hac mansionem in ordinem redegerunt (*Num. xxvi, 5'*): quæ ne in nimis longum nostram protraherent lectionem, vel quia sæpius aliis in locis ea digessimus, nunc omittenda censemus. Silentio tamen prætereundum non duximus, quod Moyses extremum sibi tandem per verbum Dei instare diem agnoscens, declarato sibi successore, populique duce, mandato Dei, Jesu Nave, præscriptisque benedictionibus ac maledictionibus, quibus observatores prævaricatoresve divinæ legis incurrerent, necnon prænuntiatis singulis tribubus quæ in illos singillatim superventura forent, super montem Nebo conscendit (*Deut. xxxiv, 1*), indeque amplam optimamque Chanaanæ regionem, terram utique lacte et melle manantem, patribus repetitis etiam oraculis re-promissam, monti Nebo ex adverso positam, et oculis perlustravit, et animo consideravit, et ut Apostoli verbis (*Hebr. xi, 13*) utar, e longe salutavit. Quo denique peracto, dixit illi Dominus: « Ostendi terram hanc oculis tuis, sed illius non ingredieris

(*Deut. xxxiv, 4*). Et confestim per verbum Dei mortuus est, et sepultus in valle; et sepulcrum ejus nemo novit usque in hodiernum diem. Hic finis Moysi, mansionumque populi jussu Dei in ordinem recensitarum. Cæterum nonnulla mystica nunc explicanda forent, nisi horum pleraque per tractatum præsentem sparsissemus, alia vero in aliis locis explicassemus. Illud denique observandum operæ pretium judicavimus, quod universis hic transitus ideo commemoratur, proptereaque omnis hic cursus consummandus proponitur; ut ad Jordanem Dei fluvium demum pervenientes, divinæ undis sapientiæ irrigemur; ut per omnia purificati, promissionis terram, Deo tandem miserante, intrare, et cum Apostolo dicere valeamus: « Bonum certamen certavi, cursum consummavi, fidem servavi, et justitiæ corona quam Dominus justus iudex reddet in illa die iis qui diligunt adventum ejus (*II Tim. iv, 7, 8*), reponatur nobis per Jesum Christum Dominum nostrum, cui cum Patre et Spiritu sancto omnis est honor, gloria, et perpetuitas in sæcula sæculorum. Amen. »

IN SUBSEQUENTIA COMMENTARIA ADMONITIO.

Quantum olim multis sæculis conspiratum est, ut sequens Opus sancto Ambrosio tribueretur; tanta consensione quotquot nunc viri eruditi audiunt, illud eidem volunt adjudicatum. Etenim jam inde a nono sæculo Hincmarus (*Tract. de Divortio Lotharii, et c.*), Ecclesia Lugdunensis (tom. IV *Bibl. PP.* part. II), concilium Aquisgranense tertium (Ann. 862, cap. 8), Amalarius, Prudentius, Haymo et plures alii ejusdem temporis auctores multa ex his ipsis Commentariis sub Ambrosii nomine protulerunt. Rabanus, Hincmari synchronus, in Expositione Paulinarum epistolarum ex Patribus collecta plurimos locos in quinque priores epistolas adducit tanquam vere Ambrosianos, qui re vera exstant in his nostris Commentariis. Inde quoque nonnulla in priorum ejusdem Pauli epistolarum explicationem transtulit Sedulius, Ambrosii nomine semel ascripto. Lanfrancus etiam in sua Compilatione sancto doctori attribuit ea fragmenta, quæ ex hoc Opere mutuatus est. Denique hoc Opus pro Ambrosiano admissum fuit a Gratiano, P. Lombardo, Ivone Carnutensi, aliisque innumeris. Verumtamen cum tam universalis opinio Erasmo, Turriano, aliisque non usque adeo certa visa esset, illam deinceps re penitus examinata, uno calculo omnes proscripserunt.

Quamobrem actum agere nobis videremur, si longius in probanda re sane quam exploratissima immoraremur. Non silebimus tamen stylum Operis tantopere abhorreere ab Ambrosiano, ut plane mirum sit tam tarde deprehensam esse illam diversitatem. Sed nec levius inter utriusque auctoris doctrinam dissidium est; quippe in Ambrosiastro non solum occurrunt quædam placita extraordinaria, et a veris Ambrosii opinionibus immane quantum discrepantia; verum etiam in asserendis dogmatibus maxime catholicis inter utrumque non satis convenit, et iis refellendis quæ Ariani objicere solebant, ab illo adhibentur ea responsa, quibus neglectis, omnino diversa proponit sanctus doctor. Ad hæc inutile fuerit id, quod nemini non est obvium, observare, nimirum in græca lingua prorsus peregrinum exstitisse illum scriptorem. Quid vero si subjungamus non tantæ perspicuitatis esse, num omnino Commentaria in Paulum fecerit Ambrosius? Verum ut maxime hujusmodi expositionem vir sanctus ediderit, saltem admodum credibile est eam Cassiodori temporibus jam periisse; hoc enim conjici potest e sequentibus ejusdem verbis: *Dicitur etiam, inquit, beatum Ambrosium subnotatum codicem epistolarum omnium sancti Pauli reliquisse, suavissima expositione completum, quem tamen adhuc invenire non potui, etc.* (lib. *De inst. divin. litter.* cap. 8).

In eo ergo tota difficultas est, ut verus parens hujus operis investigetur. Placuit nonnullis compilatorem fuisse illum qui, scissis ex Chrysostomo et Hieronymo laciniis, centonem inde confecerit. Volunt alii prologos singulis expositionibus præfixos inepti consarcinatoris esse, potissimum ex Hieronymo frustula multa suffurati. Attamen in Operum eorundem Patrum collatione hoc nequaquam deprehendimus. Contra vero satis frequenter animadvertimus ab illorum opinionibus hunc dissidere, alias explicationes afferre, interdum non eodem modo, quo illi solent, apostolicum textum citare, ac tandem sicubi

eum ipsis conveniat, id inde factum, quod eos qui commentaria lucubrant in eundem librum, ubique discrepare impossibile sit. Neque tamen ibimus: inficias auctorem nostrum ab Hieronymo mutatum quadam videri, sed eum propterea compilatorem, quo quidem sensu illi intelligunt, habendum esse non arbitramur. Ex aliis autem qui horum Commentariorum auctorem eruere conati sunt, qui eadem Remigio attribuerunt, frustra fuere. Etenim cum in *Bibliotheca Patrum*, tum in manuscriptis non paucis, Remigiana exstant ab his nostris plane diversa. Non defuerunt etiam qui hanc commentationem vel Juliani vel alterius ejusdem Pelagiani esse contenderent. Sed inventi sunt similiter scriptores, quibus illius auctor videretur liberandus ab ista nota, et si quid forte quod illis hæreticis favere posset, illis occurrat, hoc eo referendum, quod cum ante exortam eorundem hæresim ille scriberet, minus caute considerateque esset locutus. Ultima tandem, quæ et communior, eorum opinio est, qui Hilarium Romanæ Ecclesiæ diaconum, qui cum Luciferiano schismate hæresisset, ab Hieronymo tam aspero stylo exceptus fuit (*Dial. adv. Lucifer. post med.*), verum hujusce Operis auctorem dicunt. At cum sint quoque a quibus huic sententiæ contradicatur, illud accuratius perpendendum est.

Observabimus in primis vix ullum veri Ambrosii opus esse, cujus plura exemplaria omnium ætatum ab octingentis annis reperiantur, quam hujus Ambrosiastri: sed eorum nonnulla ab aliis dissidere haud mediocriter. Eumvero in bibliotheca Corbeiensi unum habetur tomis duobus comprehensum, quo nullum aliud, sive antiquitatem, sive characterum elegantiam spectes, præstantius videre nobis licuit. At cum in eo Commentaria in omnes Pauli epistolas, illa excepta quæ ad Hebræos inscribitur, sub nomine Ambrosii contineantur, cum aliis codicibus scriptis atque editis tantummodo in priores tres epistolas consentit, discrepat vero in cæteras. Rabanus Maurus in Commentario suo ex Patribus collecto ulterius progressus, ea omnia nomine Ambrosii donat, quæ ex Ambrosiastro in epistolas quinque priores petita citat; sed in reliquis quidquid inserit sub titulo sancti doctoris, ea in solo Corbeiensi codice reperire est. Citantur quoque ab Ivone Carnutensi (*Decret. part. xvi, cap. 84*) ex prologo expositionis epistolæ ad Philemonem verba nonnulla, quæ non nisi apud Rabanum et in Corbeiensi codice reperias.

Isthæc omnia quisquis attente consideravit, jam mirari desinet multa in auctore nostro desiderari, quæ a Lanfranco tanquam ex Ambrosianis Commentariis in Apostolum proferuntur: facileque animadvertet variis Paulinarum epistolarum enarrationibus Ambrosii nomen ab antiquariis inditum esse. Illud insuper adjiciendum est, eosdem librarios magna licentia saltem in tres priores epistolas abusos esse; quandoquidem ab eis non raro longa fragmenta ibidem inserta fuisse probabile est, quæ in vetustioribus manuscriptis non inveniuntur, ut in variis lectionibus annotabitur. Indeque duci potest vehemens conjectura contra hujus Operis integritatem ac sinceritatem; nec expediti judicii rem esse cognoscitur, utrum unius an plurium auctorum lucubratio sit, affirmare.

Cæterum si negabimus plurium esse, simul etiam fatendum videbitur antiqui esse commentatoris. Quod enim ait (*In Epist. I ad Timoth. cap. iii*) de Ecclesia, *cujus hodie rector est Damasus*, aut interpolatori tribui debet (et sane illorum temporum usum non sapit, neque sensui necessarium est), aut planum fiet eundem auctorem ante annum 384, quo idem papa vivere desiit, Commentaria sua scripsisse. Hinc etiam potest id confirmari, quod Marcionistas adhuc superesse illic testatur; *quamvis*, inquit (*Ibid. cap. 4*), *pene defecerint*. Certum quidem est ex Epiphanio (*hæres. 42*) ac Theodoro (*lib. i Hæres. fabul. cap. 24*) tarde admodum extinctos esse hos hæreticos: sed constat etiam pluribus locis haud ægre illos in Manichæorum, qui frequentius hic memorantur, partes transisse. Obiter quoque observandum videtur in hoc opere mentionem fieri (*In Epist. II ad Timoth. cap. iii*) legis cujusdam adversus eos a Domitiano promulgatæ, quam in sola *Collectione legum Mosaicarum et Romanarum* invenias. Illud adhuc auctoris antiquitatem magis designat, quod patricianos (*In Epist. I ad Tim. cap. iv*), quorum Philastrius (*lib. De hæresibus*) Augustinusque superstitem meminere; non prætermittit, cum ultra sæculum quintum neutquam pervenerint. Propterea cæterorum hæreticorum, quos aggreditur longe plurimos, nullus refertur paulo recentior. Cumque in Donatistis, Novatianis, Arianis et Photinianis refellendis crebrius atque operosius quam in aliis incumbat, id haud dubie indicio est posteriores hæreticos, puta Nestorianos et reliquos sequentium temporum necdum emersisse, sed eorum, quos modo nominabamus, hæreses tunc viginisse. Hinc adde ab eo scriptore textum Apostoli subinde citari ex alia versione, quam qua nunc ulimur: et Veteris Testamenti testimonia ex versione LXX Senum petita esse. Illud etiam eodem spectat, quod ex auctoribus ecclesiasticis non nisi Tertulliani, Cypriani, ac Victorini locos adhibet, quorum ultimus Damasum æquavit antiquitate. Ad postremum in le similiter asturi potest eadem ætas, quod in ægotantium baptisinate, aliisque capitibus non paucis, ecclesiasticam illorum temporum disciplinam pulchre repræsentet.

Omnia a nobis hic memorata videntur suffragari eorum sententiæ, qui hæc Commentaria ab Hilario edita volunt: in quam opinionem adducti fuere Augustini testimonio, contra Pelagianos ita scribentis (*lib. iv cont. duas Epist. Pelag. cap. 4*): *Nam et sic sanctus Hilarius intellexit quod scriptum est: In quo omnes peccaverunt, ait enim: In quo, id est, in Adam*, et cætera quæ ad apices in hoc opere legere licet. Atqui isthæc, inquiunt, quadrare nequeunt nisi in Hilarium diaconum, qui se Damaso fuisse coævum ipse significat. Illis quidem objectum fuit rebaptizantes acriter urgeri ab hoc auctore, cum

eodem crimine Hilarius infectus esset: ac præterea nunquam Augustinum attributum fuisse huic Hilario titulum sancti, quem, facto schismate, ab Ecclesia recessisse non ignorabat. Sed respondetur cum non omnes hæreticos rebaptizandos arbitratum esse, at solos Arianos, eaque distinctione ipsum indicasse in eam opinionem non alia re esse adductum, quam quia iidem hæretici de Trinitate non recte sentientes, forma etiam non legitima in baptismo uterentur; atque adeo nihil vetuisse, quominus hæreticos, qui catholicos rebaptizabant, is impeteret. Secundæ objectioni satisfacere sibi videntur, si memoratum honoris titulum argumento esse negaverint sanctum Augustinum de Hilario Luciferiano accipiendum: sed potius indidem conjiciendum esse aut diaconum illum secessionem nunquam fecisse ab universa Ecclesia servata nimirum cum ejusdem capite beato Damaso pace et communione: aut ipsum tandem priusquam e vivis excederet, in gratiam rediisse cum catholicis. Verum hujusmodi responso plane contrarius est Hieronymus; quippe qui de Hilario non tanquam ab episcopis aliquot, aut tantum ad tempus, sed ab omni catholica societate, ac per universum vitæ curriculum separato loquitur (*Dialog. adv. Lucifer.*, post med.). Contra hanc opinionem id etiam facit, quod Hilarius, utpote Romane Ecclesiæ diaconus, de eadem non quasi peregrinus aut alienus locutus esset. Quo enim pacto de sua Ecclesia potuisset scribere: *Nunc septem diaconos esse oportet, et aliquantos presbyteros, ut bini sint per Ecclesias* (*In Epist. I ad Timoth.* cap. iii)? Etenim cum, imperante Diocletiano (*Optat. lib. ii.*) jam basilicæ quadraginta essent in Urbe, non *aliquantos presbyteros*, sed ut minimum octoginta illic ordinari necesse erat.

Nec dubium est quin hæ ipsæ causæ Petavio in mentem induxerint, ut eadem Commentaria Hilario quidem arrogaret, sed alii a Luciferiano, quisquis demum ille fuerit. Et sane (Ughellus, *Ital. sacr.* tom. I, part. ii, pag. 6) ut Hilarium sub Damaso non haberemus Papiensem episcopum, sanctitate et zelo in Arianos clarum, cui forte illa possunt ascribi, supersunt adhuc multæ scriptiones, quorum auctores tantum cognoscuntur nomine tenus, quosque penitus ignoraremus, nisi eosdem ab alio semel nominari casu contigisset. Verum, licet universim negari ista nequeant, possunt tamen illis opponi Augustinum contra Pelagianos acerrime originalis culpæ doctrinam impugnantem non usurum fuisse testimonio ejus auctoris, qui sicubi eam videtur agnoscere, aliquando tamen contrarium præ se fert: quique aperte Pelagianis favere a gravissimis et probatis-imis theologis existimatur, et uno saltem loco manifeste Semi-pelagianus pronuntiatur a Justiniano e societate Jesu viro doctissimo (*Comment. in Epist. I ad Cor.* cap. xiv). Quid si huc adjecerimus et alios errores qui passim iisdem in Commentariis deprehendantur? Certe defendi non potest eorum auctor, quin cum Origene senserit (*Ex Estii Comment. in Epist. ad Eph.* cap. iii), in voluntate dæmonum esse ab errore *resilire*. Exploratum quoque ulcus est, quod marito fas usque esse contendit (*In Epist. I ad Cor.* cap. vii), uxore propter adulterium repudiata, aliam ducere: uxori autem ab adultero conjuge separata cum alio inire conjugium licere negat. Sed nec illa etiam satis sana sunt, quod factam (*In Epist. I ad Cor.* cap. vi et xiv, et in *Dpist. ad Coloss.* cap. iii) ad imaginem Dei mulierem esse; episcopos superiorem presbyteris gradum obtinere (*In Epist. ad Eph.* cap. iv), aut diversa institui ordinatione inficiatur; et quædam alia communi catholicorum sensui minus congrua subinde trahit.

Præterea, etiamsi multa sint quæ ad vindicandam huic operi eadem cum Damaso antiquitatem favere videantur, in eo quoque occurrunt alia, ex quibus in ætatem multo posteriorem rejici possit. Ut enim hic omittamus nullum Latinorum in Pauli Epistolas præterquam Victorini Commentarium agnosci ab Hieronymo in *Auctoribus Ecclesiasticis*, minime abhorret a verisimili plurima in hosce libros ex Augustino, Chrysostomo et Hieronymo translata esse; imo etiam, quod observatu sane dignum est, ex illo ipso commentatore cujus lucubratio, ad calcem operum Hieronymi edita, Pelagii esse a multis perhibetur. Etenim cum sint loci non pauci qui totidem verbis legantur in utroque commentario, atque adeo alterum ab altero mutuo sumpsisse non sit dubium, minus probabile existimamus Hieronymiastrum, qui tam brevis ac concisus est, ex Ambrosiastro quædam petivisse, quam e converso. Ad hæc insuper licebit adjungere ab hoc auctore non minore studio probari Christum Dominum adoptione non esse Dei Filium, quam si post errores Felicis atque Elipandi scripsisset (*In Epist. ad Philipp.*, cap. ii).

Illis temporum differentiis si addideris nonnullam in diversarum epistolarum expositionibus dictionis ac sententiæ super eadem materia discrepantiam, necnon disserendi modo fusissime, modo contractissime inæqualitatem, erit forsitan qui ejusdem manus omnia hæc commentaria esse dissentiat, aut saltem ad quemquam hujusmodi compilatorem referenda autumat, qui in metendis variis operibus, quorum multa interciderint, aliquas temporis singulorum notas ita retinuerit, ut sui pariter ævi nonnullas adjecerit. Verum quantavis difficultas sit in assignanda sive auctoris, sive operis antiquitate, manu exarata, eorundem Commentariorum volumina, sicut et scriptores a quibus citata expilatave reperiuntur, planum faciunt eisdem tempus sæculo octavo posteriori adjudicari neutiquam posse.

Non deerunt fortasse, qui sententiam nostram scire aveant de auctore *Questionum Novi et Veteris Testamenti*, quem cum Ambrosiastro eundem esse multi post theologos Lovanienses, a quibus iidem libri in appendicem operum sancti Augustini (tom. III, part. i) rejecti fuere, arbitrati sunt. Verum quæ hactenus disputavimus, satis ostendunt de hac re statuere non esse proclivis negotii. Proferuntur quidem longè plurima, quæ in utroque opere iisdem verbis, iisdemque citatis Scripturæ locis in oculos incurrant: sed

nihil inde colligi potest, nisi hæc ipsa ex alio in aliud transcripta esse. Attamen magis probabile est auctorem *Questionum*, si tamen earum auctor unus est, cum sit in tractando multo fusior, et Ambrosias- tri erroribus plures adjecerit sibi proprios, hujus esse compilatorem.

Cæterum, cum negari nequeat huic operi utilitatem inesse suam, cumque ad hanc usque editionem locum inter Ambrosii commentationes obtinuerit, necnon citatum ejus nomine passim occurrat; in hanc Appendicem eo lubentius illud admisimus, quo plures mss. erant ad manum, quorum subsidio exiret multo correctius. Inter alias autem emendationes amplissimum fragmentum in fine *Commentarii epistolæ primæ ad Corinthios*, et in sequentis initio restituimus, cujus jacturam e lacinia Commentarii Pseudo-Hieron. resarserat scriptor quispiam.

Admonendum modo superest, *Commentarium in Epistolam ad Hebræos* a nobis esse prætermissum. Illud antiquiores mss. non agnoverunt neque Amerbachius neque Erasmus. Cum vero ab iis qui postea curam Ambrosianæ edit. suscepere, admissum esset, adeo non sefellit viros judicii eruditioris, ut ne quidem ejusdem auctoris, cui tribuuntur superiora, esse crederetur, multo igitur minus doctoris nostri. Et revera nihil aliud est, quam parum digesta Patrum aliquot compilatio, quæ cum amplior inter opera Rabani Mauri vulgata fuerit, ibique singulorum fragmentorum auctores e regione legere liceat, nihil esse causæ nobis visum est cur ea in editionem nostram reciperetur.

COMMENTARIA IN XII EPISTOLAS BEATI PAULI.

IN EPISTOLAM AD ROMANOS.

PROLOGUS.

25 Ut rerum notitia habeatur plenior, principia earum requirenda sunt prius; tunc enim potest facilius causæ ratio declarari, si ejus origo discatur (1): cum enim epistolæ datæ modum et rationem ostenderimus, potest verum videri, quod dicimus. Constat itaque temporibus apostolorum Judæos, propterea quod sub regno Romano agerent, Romæ habitasse: ex quibus hi qui crediderant, tradiderunt Romanis ut Christum profitentes, legem servarent: Romani autem, audita fama virtutum Christi, faciles ad credendum fuerunt (2), utpote prudentes: nec immerito prudentes, qui male inducti statim correcti sunt, et permanserunt in eo.

Hi ergo ex Judæis, ut datur intelligi, credentes Christo, non accipiébant Deum esse de Deo, putantes uni Deo adversum; quamobrem negat illos

(1) Rom. edit., *facilius poterunt demum intelligi, cum earum origines discantur*: aliæ vero et mss. satis inter se consentiunt; nisi quod Flor., Vind. et Cærb. unus in verborum ordine, et sæpe etiam in sentiis a cæteris cod. discrepant, quos tamen ob scripturæ antiquitatem in hoc prologo potissimum secuti sumus.

(2) Edit. Gill. in marg. et Rom. in corp., *fuerunt: sed male inducti, statim se correxerunt, et manserunt in eo, utpote prudentes*. At Rom. edit. duo postrema incisa etiam invertit.

(3) Edit. ac mss. non pauci, *Isti igitur ex Judæis credentes, et improbe sentientes de Christo, legem servandam dicebant, quasi non esset in Christo salus*

A spiritualem Dei gratiam consecutos, ac per hoc confirmationem eis deesse. Hi sunt qui et Galatas subverterant, ut a traditione apostolorum recederent (3): quibus ideo irascitur Apostolus, quia docti bene, facile transducti fuerant. Romanis autem irasci non debuit, sed et laudare fidem illorum: quia, nulla insignia virtutum videntes, nec aliquem apostolorum, susceperant fidem Christi ritu licet Judaico, in verbis potius quam in sensu; non enim expositum illis fuerat mysterium (4) crucis Christi. Propterea quibusdam advenientibus, qui recte crediderant (5), de edenda carne et non edenda quæstiones fiebant; et utrumnam spes quæ in Christo est, sufficeret, aut et lex servanda esset.

Quatuor igitur modis scribit Romanis, arguens ab initio genus hominum physica ratione; hi enim caput sunt omnium gentium, ut in his discant cæteri universique gentiles (6). Primus modus est,

plena. Ideo negat illos spiritualem gratiam consecutos. Hi sunt qui et Galatas subverterant, ut a traditione Apostoli recedentes judaizarent.

(4) Idem mss. et edit., *videntes insignia, susceperant fidem Christi, quamvis corrupto sensu; non enim audierant*; Rom. edit., *plane audierant mysterium, etc.*

(5) Citati mss. et edit., *de Judæa ut urbem Romanam advenientibus, sicut et Priscilla et Aquila, qui recte sentirent*; edit. cum Flor., Vind. et Coll. soli exhibent sequentia, *et utrumnam spes..... et lex servanda esset.*

(6) Edit. Rom., *hi enim caput sunt omnium gentium, ut in his discant cæteri, arguens ab initio*

quo se ostendit quid sit, et quid fuerit, et cujus sit, quo et haereses pereunt. Secundus modus est, quo arguit quod naturae ratione non se subjecerint uni Deo, et quae inhonesta et turpia egerint invicem, despecti ob hoc a Deo, ut gratulentur credentes. Tertius modus est, quod legem spreverunt datam, unde anteponit Graecis Judaeos. Quartus modus est, quo docet Judaeos exorbitasse a lege et promissione Dei in causa Christi (7), factosque similes gentilibus; ut utrique indigeant misericordia Dei, non per Legem salutem sperando, sed per fidem Christi Jesu.

Hinc est unde omni industria id agit, ut a lege eos tollat; quia lex et prophetae usque ad Joannem (*Luc. xvi, 16*): et in sola illos fide Christi constituat, et quasi contra legem, Evangelium vindicet (8), non destruens legem, sed praeficiens christianismum. Asserit enim sic Christum promissum, ut praedicato eo cessaret lex (9): non tota, quia abbreviatio facta legis est, quae compendio daret salutem; multa enim **26** veteribus tradita sunt propter duritiam cordis illorum, ut oneri esset, quae misericordia Dei abbreviaret, per Christum data praeteritorum remissione. Ingratus est ergo misericordiae Dei, qui vult esse sub lege; nam dixerat Moyses: Sic timentes facietis filios Israel (10) (*Levit. xv, 31*), ut quacumque se verterent, legem haberent, ut sine sollicitudine omnino non essent. Igitur ut in Christo sine lege spem vitae salutisque ponendam tradat, et Dominum ipsum esse omnium doceat, sic incipit:

CAPUT PRIMUM.

(Vers. 1.) • Paulus servus Christi Jesu. • Apud veteres nostros ratione nomina componebantur (11), ut Isaac propter risum, et Jacob propter calcaneum; ita et iste propter inquietudinem Saulus est nuncupatus: postquam autem credidit, ex Saulo Paulum se dicit, hoc est, immutatum (12). Et quia Saulus secundum supradictum sensum, inquietudo seu tentatio intepretatur, hic cum ad fidem Christi accessit, Paulum se dicit, id est, quasi ex tentatore factum quietum, humilemque, vel parvulum; quia pax est fides nostra. Cum prius enim tentationes ex inquietudine Judaismi (13) Dei servis inferret, post ipse tentationes passus est propter spem, quam ante amore Judaismi negarat.

genus hominum partim physica ratione, partim per legem: mss. vero nobiscum faciunt, nisi quod alii retinent partim per Legem, alii praetermittunt.

(7) Ita Carn. et alii quatuor mss.; reliqui vero et edit., a lege et prophetis in causa Christi.

(8) Cod. Prat. et Gen., *Evangelium vincat.*

(9) Omnes edit., *Ostendit... ut illo adveniente;* mss. vero plures, ut in textu.

(10) Corb. codex, *facietis filii Israel.*

(11) Rom. edit., *occasione nomina imponebantur.*

(12) Eadem edit., *ex Saulo Paulum nuncupatum, hoc est immutatum;* aliae edit. ac mss. nobiscum faciunt, nisi quod pro *immutatum*, cod. Mich. legit *immutum;* non incommode.

(13) Edit. Gill. in marg. et Rom. in textu, cum mss. quibusdam, *ex emulatione legis; hoc est, in-*

A Servum autem Christi Jesu se profitens, a lege se exutum ostendit. Et ideo utrumque posuit, id est, Jesu Christi: ut et Dei et hominis personam signaret: quia in utroque est Dominus, sicut et Petrus apostolus testatur dicens: • Hic est, inquit, oranium Dominus (*Act. x, 36*). • Quia ergo et Dominus, et Deus est, dicente David: • Quia Dominus ipse est Deus (*Psal. xcix, 3*). • Quod haereses negant. Marcioni enim videtur odio Legis Christum et corpus ejus negare, Jesum profiteri: Judaeis autem et Photino propter zelum Legis, Jesum negare quod Deus sit. Nam quotiescunque (14) aut Jesum dicit aut Christum; aliquando Deum, aliquando hominem significat, sicut hoc loco inter caetera: • Et unus, inquit, Dominus Jesus, per quem omnia (*I Cor. viii, 6*), • quod utique ad Dei Filium pertinet, juxta quod Deus est. Et alio loco: • Jesus autem, inquit, proficiebat aetate et sapientia (*Luc. ii, 52*), • quod utique homini competit.

• Vocatus apostolus. • Propter quod Deum cognovit et fatetur, factus idoneus servus, promotum se ostendit (15) dicens: • Vocatus apostolus, • hoc est, a Domino missus ad res ejus agendas. Per quod ostendit hunc meritum habere (16) apud Deum, qui servit non legi, sed Christo; Dominus est enim Filius hominis etiam Sabbati (*Matth. xii, 8*).

• Segregatus in Evangelium Dei. • Evangelium Dei est bonum nuntium Dei, quo peccatores ad indulgentiam convocantur; Apostolus autem, quoniam in Judaismo locum doctoris habebat, utpote **C** pharisaeus, ideo a Judaismi praedicatione segregatum se dicit in Evangelium Dei, ut a lege dissimulans, Christum praedicaret, qui quod lex non potuit, **27** credentes in se justificaret (17). Sed non contra legem, sed pro lege est: ipsa enim hoc dicit futurum, dicente Isaia propheta: • Veniet ex Sion, qui eripiat et avertat captivitatem ab Jacob; et hoc illis a me testamentum, cum abstulero peccata eorum (*Isa. lix, 20*). •

Igitur si lex Dei data est per Moysen, et praedicationis novae legis Dei est; quid est quod differt, ut a lege quam Deus dedit, translatum se dicat in Evangelium Dei? Sic est hoc, quomodo qui a secundo gradu accedit ad primum, et a bono ad melius. Lex enim a Deo data est ad correctionem **D** disciplinae; Evangelium autem Dei est, per quod quietudine, etc.

(14) Ita edit. Amerb. et Eras. cum mss.; Gill. autem et Rom. edit., *Nam quotiescunque Scriptura.* Sed in aliis recte subintelligitur *Paulus, vel Apostolus.*

(15) Mss. nonnulli, *servus primo tum se ostendit.*

(16) Corb. codex, *hoc meritum se habere.*

(17) Rom. edit. cum mss. nonnullis quidquid a verbo *justificaret* usque ad *Igitur si lex Dei* interjicitur, jugulaverat, quos nos e pluribus mss. et ant. edit. restitimus. Rursus vero eadem edit. Rom. totum illud quod ab eisdem vocibus *Igitur si lex Dei* incipiens, aliis istis terminatur, *et quem misisti Jesum Christum*, ex variis lectionibus Gill. in textum restituit, quod nos earundem lectionum ac ms. Corb. auctoritate retinimus.

mysterium Dei manifestatur quod latuit a sæculis A in Deo : quod est Christus. Ad quod omnes invitati apophoreta duplicia consequuntur ; remissam enim peccatorum accipiunt, et filii Dei fiunt ; ut jam mori non possint secunda morte. Hinc est quod Dominus in Evangelio. « Hæc est, inquit, vita æterna, ut cognoscant te solum verum Deum, et quem misisti Jesum Christum (Joan. xvii, 3). »

(Vers. 2.) « Quod ante promiserat. » Ut probet ratam et integram fidei spem esse (18) in Christo jam prius Evangelium ejus dicit a Deo promissum : et ut ex eo idoneum illum sponsorem vitæ doceret, prinsquam veniret, testimonium ei datum ostendit, paria attestante Petro apostolo : « Nec enim aliud datum est, inquit, nomen sub cælo, in quo oporteat nos salvos fieri (Act. iv, 12). »

« Per prophetas suos. » Ut manifestius salutarem esse adventum Christi significaret, etiam personas, per quas promissionem signaverit, demonstravit : ut quam vera et magnifica sit promissio ex his videretur. Nemo enim rem vilem magis præcursoribus nuntiat.

« In Scripturis sanctis. » Hoc ad eundem veræ protestationis adjecit, ut majorem fiduciam credentibus faceret, et legem commendaret ; sanctæ enim sunt Scripturæ, quæ et vitia damnant : et sacramentum illic unius Dei, et incarnationis continetur Filii Dei pro salute humana, testibus signorum prodigiis.

(Vers. 3.) « De filio suo. » Dignum fuit, ut quia Deus Filium suum proprium mundo promittebat, per claros viros illum promitteret ; ut ex iis quam potentissimus esset, qui prædicabatur, posset sciri, ut Scripturis sanctis adventum ejus futurum insereret, et ut falsum non posset videri, quod a sanctis prædicatum est Scripturis.

« Qui factus est ei ex semine David secundum carnem. » Eum qui erat Dei Filius secundum Spiritum sanctum, id est, secundum Deum (quia Deus spiritus est, et sine dubio sanctus est), factum dicit juxta carnem Dei Filium ex semine David (19), juxta illud : « Et Verbum caro factum est (Joan. i, 14), ut jam unus sit Dei et hominis Filius Christus Jesus, ut sicut verus Deus est, verus esset et homo : verus autem non erit, nisi sit ex carne et anima (20) ; ut sit perfectus. Qui enim ex æterno Dei Filius erat, ignorabatur a creatura : dum vult autem manifestari pro humana salute, visibilis debuit et corporeus fieri ; quia et cognosci se voluit per virtutem, et hominem a peccatis abluere in carne, morte devicta. Et ideo ex semine David fit, ut sicut de Deo rex ante sæcula natus est (21), ita et

secundum carnem ex rege ortum regium caperet, factus opere Spiritus sancti de Virgine, hoc est natus : ut reverentia ei reservata, ex hoc ultra hominem cognosceretur ; quia ab humana legis natiuitate distaret, sicut prædictum fuerat ab Isaia propheta : « Ecce virgo in utero concipiet (Isa. vii, 14), » ut eum novum factum videretur, ac laude dignum, providentia quædam Dei circa visitationem humani generis futura dignosceretur.

(Vers. 4.) « Qui prædestinatus est Filius Dei in virtute secundum spiritum sanctificationis ex resurrectione mortuorum Jesu Christi Domini nostri. » Filium Dei dicens, Patrem significavit Deum : addito autem spiritu sanctificationis, ostendit mysterium Trinitatis. Hic ergo qui incarnatus (22), quid esset latebat ; tunc prædestinatus est secundum spiritum sanctificationis in virtute manifestari Filius Dei, cum resurgit a mortuis, sicut scriptum est in psalmo octogesimo quarto : « Veritas de terra orta est (Psal. lxxxiv, 12). » Omnis enim ambiguitas et diffidentia resurrectione ejus calcata est, et compressa ; siquidem adhuc in cruce positum, centurio videns magnalia, Dei Filium confitetur (Matth. xxvii, 54). 28 Nam et discipuli in morte ejus dubitaverunt, dicente Cleopha in Emmaus : « Nos putabamus quia ipse erat qui incipiebat liberare Israel (Luc. xxiv, 21). » Et ipse Dominus ait : « Cum exaltaveritis Filium hominis, tunc cognoscetis quia ipse ego sum (Joan. viii, 28) ; » et iterum : « Cum exaltatus fuero a terra, omnia traham ad me (Joan. xii, 32), » id est, tunc cognoscat omnium esse Dominus. Ideo autem non dixit ex resurrectione Jesu Christi, sed ex resurrectione mortuorum ; quia resurrectio Christi generalem tribuit resurrectionem. Hæc enim major videtur virtus in Christo et victoria, ut ea potestate operaretur mortuus, qua operatus fuerat et vivus. Quo facto apparuit illuisse mortem, ut redimeret nos ; unde Dominum nostrum hunc vocat.

(Vers. 5.) « Per quem accepimus gratiam et apostolatum ad obediendum fidei in omnibus gentibus pro nomine ejus. » Post resurrectionem manifestatus Filius Dei in virtute, gratiam dedit, justificans peccatores, et apostolos (23) nominavit, quorum se hic socium dicit ; ut apostolatus cum gratia esset doni Dei, non sicut Judæorum sunt apostoli. A Deo ergo Patre per Christum Dominum hanc acceperunt potestatem, ut vice Domini signis doctrinam Dominicam acceptabilem facerent ; ut virtutem, quam in Salvatore zelarentur perfidi Judæi, hanc in servis ejus a turbis admirari videntes, vehementius torquerentur. Testis enim doctrinæ virtus est, ut quia

(18) Eadem Rom. edit. sola, et integram fidem esse.

(19) Mss. aliquot, *Dei Filium ex Maria.*

(20) *Ut sicut verus ... ex carne et anima,* ex variis lect. Gill. a Rom. edit. in textum admissa sunt, sed omissa illa, *ut si perfectus,* quæ nos ex eisdem

Gill. lectionibus et cod. Corb. et Remig. restituimus.

(21) Ita mss. magno consensu ; edit. autem, *Deus ante sæcula natus est.*

(22) Mss. aliquot, *qui incarnatus quidem est, et latebat.*

(23) Nonnulli mss., *et apostolos confirmavit.*

quod prædicatur, incredibile mundo est, gestis fieret credibile. Missos igitur apostolos vocat, ut prædicarent (24) fidem omnibus gentibus, ut obedi-
rent, et salvarentur; ut donum Dei non jam solis Judæis, verum etiam omnibus gentibus concessum videretur; et hanc esse Dei voluntatem, ut in Christo, et per Christum omnibus misereatur, vicariis ejus prædicantibus, hoc est: « Pro nomine ejus; sicut alibi dicit: Pro quo legatione fungimur (II Cor. v, 20). »

(Vers. 6.) « In quibus estis et vos vocati Jesu Christi. » Hoc est, legatione nobis fungentibus in omnibus gentibus pro nomine Jesu Christi, inter quos estis et vos vocati; quia donum Dei omnibus missum est, ut cum audiunt se inter cæteros vocatos, scirent se sub lege agere non debere, quia sine lege Moysi susceperunt cæteræ gentes legem Christi.

(Vers. 7.) « Omnibus qui sunt Romæ, dilectis Dei (25), vocatis sanctis. » Quamvis Romanis scribat, illis tamen scribere se significat, qui in charitate Dei sunt. Qui sunt hi, nisi qui de Dei Filio recte sentiunt? Isti sancti sunt, et vocati dicuntur; sub Lege enim agentes male intelligunt Christum: et injuriam Deo Patri faciunt, cum an in Christo perfecta spes salutis sit, dubitant. Ideo sancti non sunt, neque vocati dicuntur.

« Gratia vobis et Pax a Deo Patre nostro, et Domino Jesu Christo. » Gratiam et pacem cum iis dicit esse, qui recte credunt. Gratia est, quia a peccatis absoluti sunt: pax vero, quia ex inimicis reconciliati sunt Creatori, sicut dicit Dominus: « In quacunque domum introieritis, et receperint vos, dicite: Pax huic domui (Luc. x, 5). » Et ut sine Christo nullam esse pacem et spem doceret, adjecit gratiam et pacem non solum a Deo Patre esse, sed et a Christo Jesu. Deum Patrem nostrum dicit propter originem, quia ab ipso sunt omnia: Christum autem Dominum, quia ejus sanguine redempti, facti sumus filii Dei.

(Vers. 8.) « Primum quidem gratias ago Deo meo per Jesum Christum pro omnibus vobis; quia fides vestra annuntiatur in universo mundo. » Finita præfatione ante omnia gaudium suum esse testatur, utpote gentium Apostolus, quod cum Romani regnarent in mundo, subjecerint se fidei Christianæ, quæ prudentibus sæculi humilis et stulta videtur (26). Cum ergo multa essent ex quibus gauderet in Romanis (erant enim doctrina memorabiles (27) et boni operis cupidi, studiosique magis agendi bene, quam sermonis, quod non longe est a religione divina), in hoc tamen primum gaudere se dicit,

(24) Rom. edit., *Mitti igitur apostolos, ut prædicarent.*

(25) Codex Mich., *Romæ in charitate Dei.*

(26) Rom. edit. sola, *sæculi hujus stulta videtur.*

(27) Eadem edit., *disciplinæ moralis*; vet. edit. et plures mss., *doctrinæ*; quidam, *disciplina, memorabiles.* At omnino legendum cum Carn. ms. *doctrina memorabiles*, nisi quis malit cum Vat. cod.

A quia fides illorum in omni loco currebat; quamvis non secundum regulam ab auctoribus traditæ veritatis (28), tamen quia quod ab uno Deo erat, interposito Christi nomine, cœperant venerari, gratulatur, sciens illos posse proficere. Per quod etiam charitatem suam circa illos ostendit, quando congaudet bono cœpto illorum, et hortatur ad profectum.

29 Gratias ergo agere se dicit Deo suo dumtaxat, quia adhuc illorum non erat plene; quia ex ipso est omnis paternitas (Ephes. iii, 15). Sed quia omnis dispositio salutis nostræ a Deo quidem, sed per Christum est, non per legem, neque per aliquem prophetam, gratias quidem agere se dicit Deo, sed per Christum, quia fama fidei illorum erat profectus multorum; ut hoc ipsum ad Dei providentiam referat per Christum. Aut enim gaudebant roborati, qui crediderant: cæteri, quia videbant principes suos factos: aut certe qui non crediderant, poterant cedere horum exemplo. Facile enim facit inferior, quod fieri viderit a priore (29).

(Vers. 9.) « Testis enim mihi est Deus, cui servio in spiritu meo, in Evangelio Filii ejus, quod sine intermissione memoriam vestri facio semper in orationibus meis. » Ut suadeat charitatem, Deum testem dat, cui servit, ad quem et precem pro his facit, non in lege serviendo, sed in Evangelio Filii ejus, hoc est, non in eo quod Moyses servus tradidit, sed in eo quod Filius dilectissimus docuit; quantum enim distat servus a domino, tantum distat evangelium a lege: non quod mala sit lex, sed quia melius est Evangelium. Deo itaque servit in Evangelio Filii ejus, ut ostendat Dei esse voluntatem, ut credatur in Christum.

« Cui et servio. » Quomodo? « in spiritu meo, » inquit, non in circumcissione manufacta, neque in neomeniis, et Sabbato, et discretione escarum: sed in spiritu, id est, in mente. Quia Deus spiritus est, spiritu vel animo potius debet illi servirî; cui enim animo servitur, ex fide illi servitur. Hæc et Dominus factus est ad Samaritidem, putantem quod in monte adorari se Deus velit, dicens: « Venit hora, et nunc est quando veri adoratores adorabunt Patrem in spiritu et veritate. Etenim Pater tales querit qui adorent eum. Spiritus est Deus (Joun. iv, 23, 24). » Adorantes ergo, in spiritu et veritate oportet adorare, et non locus orationem commendet, sed devotus animus. Hoc est, in veritate adorare in spiritu Deum Spiritum et Christum, unum ex quo omnia, et unum per quem omnia (I Cor. viii, 6). Hos querit adoratores Pater. Memorem ergo se illorum in orationibus suis flagitat, ut seminet in doctrinæ memorabilis.

(28) Codex Romig., ista inserit: *Mira enim res videbatur, ut domini gentium inclinarentur promissioni Judæorum.*

(29) Ita vet. edit. ac mss. complures: edit. vero Gill. in marg. et Rom. in corp. cum aliis mss., *principes suos fratres sibi factos in fide... viderit a votiore.*

illis charitatem; facit enim illis desiderium sui. A humanæ, sola fide addita legi naturali, hominum genus salvare decrevit. Quis enim non amet eum quem audit memorem sui esse? Si enim ab iis qui missi non erant, libenter acceperant doctrinam sub nomine Christi, adulteratis verbis; quanto magis ab eo quem scient esse apostolum, et cujus verba comitaretur virtus, desiderarent audire!

(Vers. 10.) « Obsecrans si quo modo tandem aliquando prosperum iter habeam in voluntate Dei, veniendi ad vos. » Orationis suæ pro illis sensum ostendit; Deum enim se dicit petere, ut veniret ad Urbem (30) ad profectum illorum cum Dei voluntate, cujus prædicat donum. Tunc enim profectus adest, si quod agendum est, cum Dei voluntate agatur. Orat ergo ut quacunque ex causa jam daretur occasio, qua veniret ad Urbem; quia occupatus erat aliis prædicando: sic prosperum iter reputans, si Deo volente veniret; quia provida est Dei voluntas. Prosperum ergo iter est non incasum laborem itineris subire. Hæc rogat ut Deus impleat, vocando illos ad suam gratiam. Aviditate animi loquitur; desiderat enim illos, sciens et illis et sibi prodesse, sicut alibi dicit: « Quod est gaudium nostrum et corona? Nonne vos in adventum Domini (*I Thess.* II, 19)? » Fructus enim Apostoli est uberior, si lucretur multos. Præterea quia majus gaudium est, si potentes mundi convertantur ad Deum, quia quanto inimici graves sunt, tanto magis reconciliati necessarii. Voluntati itaque ejus sic occasio data est, ut coactus appellaret Cæsarem, et dirigeretur ex alia causa ad urbem Romam, Deo volente; ut impleret propositum voluntatis suæ. Denique in naufragio posito astitit Dominus dicens: « Noli timere, Paule, sicut enim testificatus es de me Hierosolymis, ita et Romæ (*Act.* XXIII, 11). »

(Vers. 11.) « Desidero enim videre vos, ut gratiam spirituales vobis administrem ad confirmandos vos. » Confirmatio hæc tres personas requirit, annuentis Dei, administrantis Apostoli, accipientis populi. Nunc ergo desiderii sui voluntatem ostendit, quonam esset voto circa illos; cum enim dicit: « Ut gratiam spiritualem vobis administrem, » carnalem illos sensum assecutos significat; quia sub nomine Christi non illa quæ Christus docuerat, fuerant assecuti, sed ea quæ fuerant a Judæis tradita. Se autem cupere citius venire, ut 30 ab hac illos traditione abstraheret, et spirituale illis traderet donum, ut acquirat illos Deo, participes illos faciens gratiæ spiritualis, ut in professione et fide sua essent perfecti.

Hinc datur intelligi superius non fidem illorum laudasse, sed facilitatem et votum circa Christum; Christianos enim se profitentes, sub lege agebant simpliciter, sicut illis fuerat traditum. Nam misericordia Dei ad hoc data est, ut lex cessaret, quod sæpe jam dixi; quia (31) Deus consulens infirmitati

Quid est tamen ut eum scriptis illos corrigat, et a carnali sensu abstrahat, præsentiam suam necessariam dicat, ut gratiam illis spiritualem ministraret; cum ea quæ scribit, spiritualia sint: nisi propter hoc quia aliter dicta ad aliud solent rapi, sicut ab hæreticis fit? Ideo desiderat ut præsens doctrinam evangelicam sensu quo scribit, his tradat; ne sub auctoritate litterarum ejus non auferetur error, sed firmaretur: quippe cum præsens quæ verbis suadere non poterat, suaderet virtute, ut magis illis proficiat aditis.

(Vers. 12.) « Id est, simul consolari in vobis per eam quæ invicem est, fidem vestram atque meam. » Consolari se dicit cum illis, si apprehendant spiritualia; quia quamvis congaudeat fidei illorum, doleat tamen quia non rectam accipiebant fidem. Hoc affectu fuit Apostolus, ut aliena vitia quasi sua doleret. Ac per hoc consolemur, inquit, per unam atque eandem fidem, ut tunc consolatio una sit, si unius fidei efficerentur in Christo; ut administratio gratiæ spiritualis, evangelizante Apostolo, hunc præstaret effectum.

(Vers. 13.) « Non autem arbitror ignorare vos, fratres, quia sæpe proposui venire ad vos, et prohibitus sum usque adhuc. » Propositum et votum suum ostendit, quod quidem scire illos non ambigit per eos fratres, qui ab Jerusalem vel confinibus civitatibus causæ suæ religionis ad Urbem veniebant, sicut Aquila et Prisoilla, votum ejus insinuantibus Romanis. Cum enim sæpe vellet venire, et prohiberetur, sic factum est ut scriberet epistolam; ne diu in mala exercitatione detenti, non facile corrigerentur. Et fratres eos vocat, non solum quia renati erant; sed et quia erant inter eos, licet pauci, qui recte sentirent. Unde dixit: « Vocatis sanctis (*Rom.* I, 7). » Quid tamen est, « Vocatis sanctis? » Si enim jam sancti sunt, quomodo vocantur ut sanctificentur? Sed hoc ad Dei pertinet præscientiam, quia quos scit Deus futuros sanctos, jam apud illum sancti sunt, et vocati permanent.

Prohibitum tamen se dicit usque ad tempus datæ epistolæ, a Deo utique, qui, sciens adhuc imparatos illos, ad alias urbes direxit Apostolum, quæ jam ad recipiendam veritatem essent capaces; quamvis sub nomine agerent Salvatoris, sed vitiis prohibebantur carnalibus; ne digni jam essent addiscere spiritualia. Denique volentes aliquando in Bithyniam ire, prohibiti sunt a sancto Spiritu Paulus et Silas (*Act.* XVI, 7): cur, nisi sciret adhuc affectum deesse? Apud Corinthios autem commonetur Apostolus, dicente Domino: « Loquere, ne tacueris; quia populus mihi multus est in hac civitate (*Act.* XVII, 9, 10). » Non ergo otiose prohibitum se dicit, sed et causas morarum discrevit, et

(30) Edit. Gill. ac Rom., ut Romam veniret ad profectum, etc.

(31) Mss. aliquot, ut cessarent onera legis, quia, etc.

hos ut se præpararent adhortatus est; ut audientes sibi gratiam spiritalem ministrandam fore, dignos se efficerent, a vitiis carnalibus abstinentes, ad excipiendam eam.

« Ut aliquem fructum habeam et in vobis, sicut et in cæteris gentibus. » Pro utilitate communi cupidum se veniendi ad hos declarat, ut et hi salutem spiritualis gratiæ consequantur, ratam habentes fidei suæ professionem; ut hic fructum habeat apud Deum ministerii sui, per quod lacessit illos ad fidem rectam, exemplo cæterarum gentium: promptior enim fit quis ad rem sibi traditam, si illi multos videat assentiri.

(Vers. 14.) « Græcis et Barbaris, sapientibus et insipientibus debitor sum. » Debitorem se dicit horum, quos memorat, quia ad hoc missus est, ut omnibus prædicaret: per quod etiam omnes significat debitores; confiteri enim Creatorem Deum, ex quo omnia, et per quem omnia, et debitus honor est, et salus contentis. Græcos ergo gentiles posuit, sed eos qui Romani dicantur sive natione, sive adoptione: Barbaros vero eos qui Romani non sunt, quorum genus adversum est, et sunt gentiles (32). Sapientes autem illos dixit, 31 qui mundanis rationibus eruditi, sapientes vocantur in sæculo; dum aut siderum speculatores sunt, aut mensuris, aut numeris, aut arti grammaticæ student, rhetoricæ, aut musicæ. His omnibus ostendit nihil hæc prodesse, nec vere sapientes esse, nisi credant in Christum: stultos vero hos dixit, qui simplicitatem sequentes, harum rerum impèriti sunt. His omnibus missum se prædicare testatur. De Judæis autem tacuit, quia magister gentium est. Ac per hoc debitorem se profitetur: quia ad hoc accepit doctrinam, ut tradat: et eum tradit, acquirat.

(Vers. 15.) « Itaque quod in me est, promptus sum, et vobis qui Romæ estis, evangelizare. » Quamvis se missum prædicare omnibus dicat gentibus, promptum tamen se Romanis asserit tradere Evangelium gratiæ Dei, apud quos regni Romani (33) caput et sedes est. Ad membrorum enim utilitatem vel requiem pertinet, si caput inquietum non fuerit. Ideo Romanorum pacem optat, ut non multum se jactet Satanas, et uberiores fructus habeat operis sui.

(Vers. 16.) « Non enim erubescere Evangelium; virtus enim Dei est in salutem omni credenti. » Hoc dicto illos tangit, a quibus acceperant non rectam fidem, apostolorum tamen doctrinam virtus commendabat; ut quia incredibile videbatur, quod prædicabatur, signa et prodigia ab apostolis facta testimonio essent, non diffidendum de iis quæ ab

(32) Edit. Amerb. atque Eras. ac plures mss., et non sunt gentiles: melius edit. Gill. et Rom. cum cod. Mich. et Vall. negationem excludunt.

(33) Ita vet. edit. ac mss., nisi quod pro Romani in nonnullis Roma ponitur: at neutra vox in Rom. edit. admissa est.

(34) Mss. Flor. et Vind., nulla visa erat potentia; Corb., nulla vis erat potentiæ.

A illis dicebantur, in quibus tanta virtus inesset (nulli enim dubium verba virtuti cedere, ac per hoc quoniam illorum nulla visa erant portenta (34), prædicatio illorum sine virtute Dei erat), ideoque non se dicit erubescere Evangelium Dei, illos autem erubescere; quia quod illi tradiderant (35), in reprehensionem veniebat, nec quoquam testimonio firmabatur, et discordabat a doctrina apostolica. Virtus igitur Dei est, quæ invitat ad fidem, et dat salutem omni credenti, dum peccata donat, et justificat; ut a secunda morte detineri nos possit signatus mysterio crucis. Prædicatio enim crucis Christi indicium est (36) mortis evictæ, dicente apostolo Joanne: « Ad hoc enim venit Filius Dei, ut solveret opera diaboli (1 Joan. iii, 8), » ut omnis credens non teneatur a morte; quia signum habet quod victa mors est.

« Judæo primum, et Græco. » Id est, huic qui ex genere est Abrahamæ, et huic qui ex gentibus; in Græco enim gentilem significat: in Judæo vero eum qui ex genere fuerit Abrahamæ. Nam Judæi ex tempore Judæ Machabæi dici cœperunt, qui in causa cladis restitit sacrilegiis gentium, et fiducia Dei collegit populum, et defendit genus suum. Fuit autem ex filiis Aaron. Quamvis ergo præponat Judæum causa patrum, tamen similiter etiam ipsum indigere dicit dono Evangelii Christi. Si ergo et Judæus non justificatur, nisi per fidem Christi Jesu, quid opus est esse sub lege?

(Vers. 17.) « Justitia enim Dei revelatur in eo ex fide in fidem. » Hoc dicit, quia in illo qui credit, sive Judæus sit, sive Græcus, justitia Dei revelatur. Justitiam Dei dicit, quia gratis justificat impium per fidem, sine operibus legis, sicut alibi dicit: « Ut inveniar in illo non habens meam justitiam, quæ ex lege est, sed illam quæ ex fide est (Philipp. iii, 9). » Quæ ex Deo est justitia in fide, ipsam justitiam dicit revelari in Evangelio, dum donat homini fidem per quam justificetur. Ostenditur enim in eo veritas et justitia Dei, dum credit et profitetur: justitia est Dei, quia quod promisit, dedit. Ideo credens hoc esse se consecutum (37), quod promiserat Deus per prophetas suos, justum Deum probat, et testis est justitia ejus. « Ex fide in fidem. » Quid aliud est, « ex fide in fidem, » nisi quia fides Dei est in eo, quod de se repromisit; et fides hominis, qui credit promittenti; ut ex fide Dei promittentis in fidem hominis credentis Dei justitia reveletur? In credente enim justus Deus apparet: in eo autem qui non credit, injustus videtur; negat enim veracem Deum, qui non credit Deum dedisse quod promisit. Hoc contra Judæos

(35) Vet. edit. et plures mss., quod illis tradiderat; Rom. edit. cum cod. Prat. et Gem. aptius, ut in contextu.

(36) Codex Mich. et quædam edit. Paris., judicium est.

(37) Mss. Gem. ac Prat., hoc esse constitutum. Infra vero, ubi vet. edit. cum mss., quod de se repromisit; edit. Rom. sola, quod promittit.

loquitur, qui negant hunc esse Christum, quem A
promisit Deus. * Sicut scriptum est : Justus autem
ex fide vivit (*Habac. II, 4*). * Proptere ad exem-
plum prophetae Habacuc se convertit, ut declararet
32 olim ostensum justum ex fide, non ex lege
vivere, hoc est, non justificari hominem apud
Deum per legem, sed per fidem : vita enim ex fide
non hæc præsens est, sed futura ; quia justus ex
fide vivit, sed apud Deum.

(Vers. 18.) * Revelatur enim ira Dei de cælo in
omnem impietatem et injustitiam hominum eorum,
qui veritatem Dei in injustitia destinant. * Sicut
enim in illo qui credit, justitia Dei revelatur, sicut
supra memoravi ; ita et in eo qui non credit impie-
tas et injustitia revelatur. Ex ipsa enim cæli fabrica
iratus illis Deus videtur ; idcirco enim tam pulchra B
astra condidit, ut ex iis quantus et quam admirabilis
creator eorum est, possit agnosci, et solus adorari.
Unde scriptum est in Psalmo : * Cæli enarrant
gloriam Dei, et opera manuum ejus annuntiat fir-
mamentum (*Psal. XVIII, 2*). * Per naturalem ergo
legem reum facit genus humanum, potuerunt enim
id per legem naturæ apprehendere, fabrica mundi
tostificante, auctorem Deum solum diligendum, quod
Moyses litteris tradidit (*Deut. VI, 5*) : sed impii facti
sunt non colendo Creatorem, et injustitia in eis
apparet, dum videntes dissimulant a veritate, non
fatentes unum Deum (38).

(Vers. 19.) * Quia quod notum est Dei, mani-
festum est in illis. * Notitia Dei manifesta est ex
mundi fabrica ; ut enim Deus, qui natura invisibi- C
lis est, etiam visibilibus possit sciri, opus factum
est ab eo, quod opificem visibilitate sua manifesta-
ret, ut per certum incertum posset sciri : ac per
hoc quod cæteris impossibile est, ille esse Deus
omnium crederetur, qui hoc opus fecit.

* Deus enim illis manifestavit, » hoc est, opus
fecit, per quod possit agnosci per fidem (39).

(Vers. 20.) * Invisibilia enim ejus a creatura
mundi per ea quæ facta sunt, intellecta conspiciun-
tur. * Idem sensus est, quem repetit ; ut absolutius
doceat quia cum per se potentia et majestas Dei
creaturæ oculis aspici non possint, opere mundi
intellecta (40) conspiciuntur. Hoc igitur genere
reos facit eos qui sine lege vixerunt et naturæ et
Moysi ; consuetudine enim peccandi obruerunt D
legem naturæ, oblitique memoriam ejus (41) :
legem autem quæ ad reformationem data fuerat,
percipere noluerunt, ut duplici modo obnoxii fierent
damnationi.

(38) Edit. Amerb. et Eras. cum mss. haud paucis,
non facientes unum Deum ; edit. Gill. ac Rom. cum
cæteris mss., *non fatentes*, etc.

(39) Ita vet. edit. ac mss., nisi quod in illis habe-
tur, *agnosci fides*, hin is, *agnosci per fidem* ; at Rom.
edit. sic locum præfert : *Manifestavit se Deus illis,*
dum opus fecit, per quod possit agnosci. Invisibilia
enim, etc.

(40) Gill. ac Rom. edit. cum mss. quibusdam
opere ; mss., *opera, mundanæ fabricæ* ; Amerb. et

* Sempiterna quoque ejus virtus et divinitas, ita
ut sint inexcusabiles. * Ut omnino excusari impietas
non possit, adjecit etiam virtutum Dei, et divinita-
tem sempiternam cognitam esse ab hominibus, et
stupore quodam hebetasse ad honorandum Deum,
quem et esse, et operari ad utilitatem suam non
ignorarent ; ea enim quæ humanis usibus evoluta
anno gignuntur, ipsum decrevisse nulli in dubium
venit. Æterna ergo virtus ejus Christus est, per
quem instituit, quæ non erant, et manent in eo.
Cujus si dudum persona agnita non est, opera
tamen manifesta sunt : Divinitas vero, quia in
opere sibi decreto perdurant elementa rerum.

* Ut sint inexcusabiles. Multis enim modis qui
reus convincitur excusari non potest.

(Vers. 21.) * Quoniam cum cognovissent Deum,
non sicut Deum magnificaverunt, aut gratias ege-
runt. * Usque adeo non ignoraverunt, ut faterentur
unum esse principium, a quo omnia initium sortita
sint, cœlestia et terrestria et inferna : et hunc
unum esse qui omnibus decreverit proprietates et
officia naturaliter, et hæc scientes non egerunt
gratias. De anterioribus loquitur, ut præsentis et
futuros corrigat.

* Sed evanuerunt in cogitationibus suis. * Eva-
nuerunt : videntes enim mundum miro ornatu
aptatum ab eo, quem ejus opificem cognoverant,
dissimulaverunt (42).

* Et obscuratum est insipiens cor eorum. * Ne-
bula erroris texit cor illorum, quia cum Creatorem
ex iis, quæ fecit pulchra, amplius honorificare de-
buerint, obtusi sunt, relicto illo, hæc sola dicentes
sibi sufficere ad culturam, quæ videntur.

(Vers. 22.) * Dicentes enim se esse sapientes,
stulti facti sunt. * Sapientes enim se arbitrantur ;
quia rationes físicas investigasse se putant, scru-
tantes cursus siderum, et qualitates elementorum,
Dominum autem horum spernentes ; ideo **33** stulti
sunt ; cum si hæc laudanda sint, quanto magis Creator
illorum ! Solent tamen pudorem passi, neglecti Dei
misera uti excusatione, dicentes per istos posse ire
ad Deum, sicut per comites pervenitur ad regem.
Age, numquid tam demens est aliquis, aut salutis
suæ immemor, ut honorificentiam regis vindicet
comiti ; cum de hac re si qui etiam tractare fue-
rint inventi, jure ut rei damnentur majestatis ? Et
isti se non putant reos, qui honorem nominis Dei
deferunt creaturæ, et relicto Domino, conservos
adorant, quasi sit aliquid plus, quod reservetur
Deo. Nam et ideo ad regem per tribunos aut comi-

Gill. cum reliquis cod., *opere* ; plures mss., *opera,*
mundi.

(41) Sic edit. Amerb. et Eras. cum multis mss. ;
Gill. vero et Rom. edit. cum aliis, *oblitterando me-
morian ejus*.

(42) Mss. nonnulli et Gill. in variis lect., *vere-
vanitatis est hoc, ut, cognoscentes veritatem, cogi-
tarunt aliud colendum, quod nesciebant verum esse ;*
*ut dissimulantes ab eo, colerent idola. Et contene-
bratum est*, etc.

tes itur; quia homo utique est rex, et nescit quibus A
debeat rempublicam credere. Ad Deum autem, quem utique nihil latet (omnium enim merita novit), promerendum, suffragatore non opus est, sed mente devota. Ubiunque enim talis locutus fuerit ei, respondebit illi.

(Vers. 23.) « Et mutaverunt gloriam incorruptibilis Dei in similitudinem imaginis corruptibilis hominis. » Sic obcæcatum est cor illorum, ut majestatem invisibilis Dei, quem ex his factis agnoverant, non hominibus (43), sed quod pejus est, et inexcusabile crimen, in similitudinem hominum mutarent, ut forma corruptibilis hominis Deus ab his vocetur, hoc est, simulacrum hominis: ut quos vivos hoc nomine donare non audent, mortuorum imagines in gloriam Dei recipiant. Quanta hebetudo, B
quanta stultitia, hos sapientes appellare ad suam damnationem, apud quos plus potest imago quam veritas; et mortui potiores sunt vivos (44)! A vivo enim Deo recedentes, mortuis favent, in quorum numero sunt, sicut scriptum est in sapientia Salomonis: « Mortalis fugit mortuum manibus iniquis (Sap. xv, 17). »

« Et voluerum, et quadrupedum, et serpentium. » His subjectis cumulavit ad pœnam hebetudinis (45), ut ultra stultitiam et vanitatem sint hujusmodi. Sic enim Dei majestatem et gloriam minuerunt, ut horum quæ minima et parva sunt (46) similitudini Dei honorificentiam darent; primi enim Babylonii Deum vocaverunt figmentum Beli cujusdam quondam hominis mortui, qui principatum in eos dicebatur egisse. Coluerunt et serpentem draconem, quem occidit Daniel homo Dei (Dan. xiv, 21) cujus similitudinem habent. Ægyptii autem colebant quadrupedem, quam dicebant Apin, in similitudinem vaccæ; quod malum imitatus est Jeroboam (III Reg. xii, 28), vaccas instruens in Samaria (47), quibus sacrificarent Judæi; et volucres, quia Coracina sacra habebant pagani. Harum tamen rerum quas memoravi, simulacra coluerunt Ægyptii, et alia que nunc dicere non est necesse. Hæc ab his facta sunt, qui se sapientes aestimaverunt in mundo; quia enim invisibilem Deus agnoscentes non hono-

(43) Rom. edit. ac pauci mss., non in homines. Infra vero ubi eadem cum aliis edit. ac mss. aliquot, ut forma corruptibilis hominis; mss. nonnulli omittunt hominis, alii efferunt ut forma corrupta filii hominis.

(44) Vet. edit. ac propemodum omnes mss., Quanta aegritudo... apud quos plus mortui possunt, quam vivi; et mortui potiores sunt vivos. Optime Rom. edit. cum mss. aliquot, ut nos in textu.

(45) Ita vet. edit., ac mss., nisi quod in quibusdam omittitur ad; Rom. autem edit. sic immutavit: His cumulat eorum hebetudinem, ut, etc.

(46) Rom. edit., quæ inimica et prava sunt: vet. vero edit. ut in contextu, nisi quod Eras. et Gill. in marg. et mss. Corb. in corp. scribunt et prava sunt.

(47) Corb. cod., imitatus Jeroboam vaccas instituit et in Dan, et Bethel: cæteri ac edit. nobiscum faciunt, nisi quod in mss. non paucis legitur

raverunt ista faciendo, nec in iis quæ visibilia sunt, sapere potuerunt. Difficile enim in majoribus prudens, in minoribus non sapit (48).

(Vers. 24.) « Propter quod tradidit illos Deus in desideria cordis illorum, in immunditiam, ut contumeliis afficiant corpora sua in semetipsis. » Quoniam, inquit, ad injuriam creatoris Dei figmenta et similitudines rerum deificaverunt, traditi sunt illudendi; et traditi non ut illa agerent, quæ volebant; sed ut illa perficerent, quæ desiderabant. Et hic bonitas Dei est; cum enim dignum fuisset subijci illos, ut facerent quæ volebant et cruciarentur; quia, licet bonum, si contra voluntatem fiat, amarum et malum est. Isti autem, avertentes se a Deo, traditi sunt diabolo. Tradere autem est permittere, non incitare aut immittere; ut ea quæ in desideriis conceperant, adjuti a diabolo explerent in opere: nec enim possent hujusmodi bonum cogitatum habere.

Traditi ergo sunt « in immunditiam, ut contumeliis afficiant corpora sua in semetipsis. » Cum præterita recolat, etiam 34 præsentis temporis mala significat; quia traduntur nunc usque ut contumeliis afficiant corpora sua. Originis enim illius nunc usque sunt homines qui dicuntur corpora sua dehonestare invicem. Cum cogitatio animæ sit in crimine, corpora dicuntur dehonestari; quare, nisi quia macula corporis indicium est peccati animæ? Cum enim corpus contaminatur, nemo ambigit animæ esse peccatum.

(Vers. 25.) « Qui commutaverunt veritatem Dei in mendacium, et coluerunt et servierunt creaturæ potius quam Creatori, qui est benedictus in sæcula. Amen. » Commutaverunt veritatem Dei in mendacium, hoc est nomen Dei qui verus est, dederunt iis qui non sunt dii. Lapidibus enim et lignis, vel cæteris metallis auferentes quod sunt, dant illis quod non sunt, et hoc est immutare verum in falsum. Non enim vocantur jam lapis aut lignum, sed deus: hoc est servire potius creaturæ quam Creatori. Non enim negant Deum, sed serviunt creaturæ: quo non excusantur, sed accusantur magis; quia cognoscentes (49), non honorant Deum.

instruens aut instituit pro instituens. Infra vero pro Coracina aut coronica sacra, quidam cod. habent Latina voce corvina sacra.

(48) Ita vet. edit. ac mss. longe plurimi: at alii nonnulli alferunt, in majoribus imprudens, in minoribus sapit; Rom. edit. sola, in minoribus prudens, in majoribus non sapit, inepto sensu.

(49) Quæ subsequuntur, cod. Corb., Remig., Colb. et Gill. in variis lect. ita exhibent: Dant illis quod non sunt, ut Dei veritas sit mendacium, quando lapis dicitur Deus; quando factum pulsat Deum, qui verus est; ut quia communi nomine arbitrantur falsi et veri, simili modo verus Deus habeatur, ut falsus. Hoc est immutare verum in falsum. Sic servierunt creaturæ potius quam Creatori; non enim negant (quidam, invocant) Deum, sed serviunt creaturæ: ut enim viderentur digne hæc colere, Dei honorem his imposuerunt, ut injuria Dei horum esset cultura. Idcirco ad pœnam eorum proficit, quia cognoscentes, etc.

« Qui est benedictus in secula. Amen ; hoc est, A
verum. Deus vero ait : « Benedictus in secula ; »
quia permanet Deus ; diis autem gentium ad tempus
impietatis dat honorem ; ideo non est *verum*. In Deo
autem manet veritas. Hanc benedictionem alio loco
Filio Dei assignat, inter cætera dicens : « Et ex
quibus Christus secundum carnem, qui est super
omnia Deus benedictus in secula. Amen (*Rom. ix,*
5). » Aut uterque ad Christum pertinens ; aut ea-
dem dixit de Filio, quæ et de Patre.

(Vers. 26.) « Propterea tradidit illos Deus in pas-
siones ignominie Nam femina eorum immutaverunt
naturalem usum in eum usum qui est contra natu-
ram. » Hæc irato Deo propter idololatriam humano
generi provenisse testatur, ut mulier mulierem
turpi desiderio ad usum appeteret. Quod quidam B
aliter interpretantur, non perspicientes vim dicti.
Quid est enim immutare naturalem usum in eum
usum qui est contra naturam, nisi sublato con-
cesso usu aliter uti (50), ut una atque eadem pars
corporis uniuscujusque inter se invicem sexus ali-
ter se ad usum præbeat, quam concessum est ? Nam
si illa est pars corporis quam putant, quomodo
immutaverunt (51) usum naturæ, cum non habeant
hujusmodi usum datum a natura ? Superius jam
dixerat traditos in immunditiam, non tamen quali-
tatem operis immunditiæ ipsius ostenderit, pro
quo nunc declarat :

(Vers. 27.) « Similiter autem et masculi, relicto
naturali usu feminae, exarserunt in desideriis suis
in invicem, masculi in masculos turpitudinem ope- C
rantes. » Nunc manifestavit quomodo, quod supe-
rius de mulieribus dixit, intelligi debeat. Quando
autem subiecit : « Similiter, et masculi, dicens,
exarserunt in desiderium sui (52) ; » ostendit aperte
peccatum mulierum. Denique non dixit de viris
quod immutaverunt naturalem usum in invicem ;
quia hujusmodi usus huic parti concessus non est,
sed de feminis. Et quid mirum, cum hodieque tales
mulieres reperiantur ; ut sicut illud a viris, itaque
et hoc a mulieribus sit inventum ? Denique mulieres
inter se accusant, et viri similiter ; manifestum
est ergo ut qui jam veritatem Dei immutaverunt
in mendacium, immutarent et naturalem usum in

(50) Ita vet. edit. ac plures mss., a quibus Rom.
edit. hoc tantum recedit, quod prima verba sic D
inmutavit, *nisi naturali concessoque usu aliter uti* :
totum vero locum mss. nonnulli hoc modo con-
trahunt, *nisi sublato concesso usu aliter se ad usum
præbeat*.

(51) Mss. nonnulli, *Nam si alia est pars corporis
quam immutavit*. Infra vero omnes edit., *cum habeat
hujusmodi* ; reposuimus e cunctis mss. *cum non ha-
beant*, etc.

(52) Pauci mss., *relicto naturali usu femineo, ac-
censi sunt in desiderium sui in invicem*.

(53) Mss. Corb., *Et reciprocam mercedem... Hanc
dicit reciprocam mercedem*, etc. ; alii nonnulli et edit.,
Et mercedem : sed alii omnium optime, ut in con-
textu.

(54) Idem codex, *hoc peccato, quod diabolo deci-
piente, hominem mortificet obnoxium ? Et sicut*, etc.

eum usum, per quem dehonestarentur, rei facti
mortis secundæ. Quoniam vero aliam legem dare
non potest Satanas, nihil enim habet, concessa et
licita in aliam ordinem versat, ut dum aliter fiunt
quam concessa sunt, sint peccatum.

« Et compensationem mercedis quam oportuit,
terroris sui in semet ipsis recipientes. » Hanc dicit
compensationem (53) esse contempti Dei, id est,
turpitudinem et contaminationem ; hæc est enim
prima causa hujus peccati. Quid enim pejus, quid
deterius hoc peccato (54) ? Quantum enim idolo-
latria perimpium 35 et gravissimum delictum est ;
tantum et compensatio ejus horrenda, et persordida
passio est.

(Vers. 28.) « Et sicut non probaverunt Deum ha-
bere in notitia, tradidit illos Deus in reprobum sen-
sum, ut faciant ea quæ non conveniunt. » Propter er-
rores simulacrorum traditi sunt ad turpia facienda
invicem, sicut jam dictum est. Et quia impunitatem
horum aestimaverunt, incuriosum Deum judicantes,
ac per hoc negligendum. Hinc additum est, ut magis
ac magis hebetati, ad omnia mala admittenda fierent
promptiores, ut facta quæ hominibus non ambige-
rent displicere, Deum crederent non vindicare. Nunc
enumerat omnia mala quæ illis superaddita sunt,
ut vel sic conversi ad naturalem intellectum, intel-
ligerent, irato Deo, hæc sibi provenisse.

(Vers. 29, 30.) « Repletos, ait, omni iniquitate. »
Hic summam locutus est, et subiecit membra ini-
quitate : « Malitia, impudicitia, inquit, avaritia, ne-
quitia, plenos invidia, homicidiis, contentione, dolo,
malignitate, susurratores, detractores, Deo odibiles,
contumeliosos, superbos, elatos, inventores malo-
rum. » Caput iniquitatis malitiam dixit, cujus opus
fornicationem posuit atque avaritiam. Hæc fornica-
tio (55) habet in se et adulterium : si enim dixisset
adulterium, videbatur excusasse fornicationem, sicut
leges Romanæ ; ideo quod minus est posuit, ut quod
majus est inultum non possit credi (56).

Deinde adjecit, *nequitia*, cujus affectus invidiam
parit et homicidia, contentionem ac dolum. Post
hæc subiecit *malignitate*, quæ gignit susurratio-
nes atque detractiones ; et quoniam hæc Deo
non displicere non possunt, ait : « Deo odibiles »

(55) Ita Rom. edit. cum mss. quibusdam ac variis
lect. edit. Gile., quibusdam tamen additis et mu-
tatis ; vet. autem edit. ac mss. nostri contra-
ctius exhibent, *Malitia, fornicatione. Hæc fornica-
tio*, etc.

(56) Vet. edit. ac plures mss., *non possit credi*.
Et cætera quæ manifesta videntur : avaritia, nequitia,
*plenos invidia, homicidiis, contentione, dolo, maligni-
tate, susurratores, detractores, Deo odibiles, contu-
meliosos, superbos, elatos inventores malorum, pa-
rentibus non obedientes. Quanta autem insolentia.*

Corb. cod. post τὸ non obedientes subjungit, *insi-
pientes, incompositos, sine affectu, sine misericordia,*
qui cum justitiam Dei cognovissent, non intellexerunt
quomodo qui talia agunt digni sunt morte ; non solum
qui illa faciunt, sed etiam qui consentiunt facientibus.
Caput iniquitatis, etc., ut supra. Nos varias Gill.
lectiones in textum Rom. edit jam receptas retinimus.

et quia nec hominibus placent, « contumeliosos, A inquit, superbos, elatos, inventores, » id est auctores, *malorum*. Non ergo semper malum. Isti autem imitatores facti patris sui diaboli, idololatriæ malum invenerunt, per quod omnia vitia in mundo sunt nata, et perditio maxima. Nam diabolus, quem ab initio Scriptura peccare testatur (*I Joan.* iii, 8), quanquam tyrannicæ præsumptioni studeat, non tamen id ausus est profiteri, ut dicat : « Ego sum Deus. » Denique inter cætera dixit ad Dominum : « Hæc omnia mihi tradita sunt (*Luc.* iv, 6). » Non dicit : A me sunt ; vel, mea sunt. Et in libro Job potestatem sibi dari exposcit (*Job* i, 12). Quamobrem (57) pejores isti sunt, qui non tantum elementis, sed et figmentis tribuunt deitatem.

(Vers. 31.) « Parentibus non obedientes. » Quanta autem insolentia arrepti sunt, ut nec parentes suos, quos auctores in nativitate habent, agnoscerent, quique se natos gauderent : illos tamen per quos esse cœperant, contemnebant (58) ! Hoc est esse *sine intellectu, sine charitate*, sed Dei ; nam erat in illos charitas carnis. Hi, Dei justitiam cognoscentes per legem naturæ (sciverunt enim hæc Deo displicere, sed in animo ponere noluerunt, « Quoniam qui hæc agunt, digni sunt morte), » usque adeo justitiam Dei cognoverunt, ut non negent hæc omnia, quæ faciunt, pœna digna et morte (59). *Et non solum qui faciunt ea, sed etiam qui consentiunt facientibus*. Assensus enim participatio est.

(Vers. 32.) « Qui cum justitiam Dei cognovissent, C non intellexerunt, quoniam qui hæc agunt, digni sunt morte : et non solum faciunt ea, sed etiam consentiunt facientibus. » Hæc omnia mala corpus est peccatorum ; cui mancipati facti sunt potestatis ejusdem, ut faciant puniendâ. Hæc enim malorum causa a Sodomitis cœpta est offensione Dei sicut supra dictum est, et in omnem prope partem mundi ramos suos extendit, iram Dei idololatriæ causam nuntians, quæ prima pars est erroris et impietatis, quam primum condemnat ; ut eum

(57) Ms. Corb., *exposcit. Et in propheta Zacharia contradicere se ducat sacerdoti, non sibi vindicans potestatem. Quam ob rem, etc.*

(58) Gill. varietates cum ms. Corb. et Remig. ad finem capitis ferme conveniunt. Potior tamen est et correctior hujus series, quam exhibemus : *Ut nec D parentes suos cognoscerent honorandos ; ideo insipientes incompósitos esse dixit, nec Dei nec hominum habentes affectum. Hinc est unde et immiserivordes essent. Qui enim in suos crudelis est, quanto magis in alienos ! In his ergo omnibus contumaces effecti, cognitam habentes Dei justitiam, in animo ponere noluerunt, quoniam qui hæc agunt, digni sunt morte ; et nec hos immunes esse a morte qui, cum hæc non faciunt, consentiunt facientibus. Istis enim non horrentibus, nec arguentibus, illi in pejus proficiunt. Quando enim videt honorari se ab his qui non sint tales, crescit in malitia, et gloriatur fore se talem ; ideo dignum est una hos pœna multandos. Omnis tamen conscientia novit Dei justitiam creditam mundo ; occulte enim quæ puniendâ sunt, operantur. Quomodo ergo credunt ista impune futura, quæ non audent*

hæc emendata fuerint, facile corrigantur et morum vitia. Sublato enim malitiæ semine, nequitiae fructus arescent ; non enim dat arbor fructus, cujus excisæ sunt radices (60) 36 Nam ideo et Moyses (*Gen.* xix, 24, 25) Sodomæ et Gomorrhæ gesta memoravit, exitiumque non tacuit, ut timorem poneret hujus rei vitandæ. Nec ergo hoc artium et contaminatio dehonestatæ vitæ ab eo admittitur, qui in animo cogitat Deum.

Sunt quidam qui se reos non putant, si non operentur quæ mala sunt, assentiant autem facientibus. Assentire autem est, si, cum possit reprehendere, taceat : aut audiens has fabulas, aduleatur. Sciens enim impurus et malignus non ignorari quæ agit, et minime se vitari, sed etiam honori esse, gloriatur forte se talem (61) : nec confundi potest in his, quando videt faveri sibi, et obsecundari ab iis qui non sunt tales ; et ita est, ut qui fomitem præbeant delictis illorum : ideoque dignum est ut pari crimine rei habeantur. Sunt iterum alii, qui non solum faciunt mala, sed etiam consentiunt facientibus, ut non solum faciant, sed et talibus consentiant. Duplex ergo horum est nequitia : non enim tam mali sunt, qui faciunt, et facientibus contradicunt ; scientes enim nefaria, non illa vindicant (62) : illi vero tam nequissimi sunt, qui et faciunt, et consentiunt facientibus, ut nec Deum timeant ; sed increescere cupientes mala, ideo hæc minime vindicant, ut suadeant non illa esse vitanda.

CAPUT II.

(Vers. 1.) « Quapropter inexcusabilis es, o homo omnis, qui judicas. In quo enim judicas alterum, te ipsum condemnas ; eadem enim agis, quæ judicas. » Quoniam facientem maligna, et consentientem facientibus, morte dignos ostendit ; ne forte hic qui facit, et non consentit facientibus, excusare se posse putare, docet hujusmodi inexcusabilem fore. Non enim justum est, ut huic impune concedatur ; quia per hypoerisin ostendit se talem, cum

publice gerere? Cod. Thuan. et Colb. illis consentiunt usque ad verba *ponere noluerunt* : cætera vero exhibent ut in textu.

(59) Ita mss. ac vet. edit., nisi quod præmittunt : *Insipientes, incompósitos, sine affectione, sine misericordia* ; quæ verba cum cod. Flor., Corb., Vind. et Rom. edit. recidimus. Retinuimus vero. *Usque adeo. . digna sunt et morte*, quæ verba in iisdem tribus cod. desiderantur, quæque in Rom. edit. reseratis aliis usque ad *Qui cum justitiam Dei* post eundem Scripturæ textum rejiciuntur.

(60) Voci *radices* mss. aliquot adjungunt : *De his qui faciunt, et contradicunt*, unus, *ex his*, etc. Similiter etiam infra, post verba *assentiant autem facientibus*, adnectunt, *De his* (unus *Var his*), *qui assentiunt facientibus*. Verum hi tituli sunt, e marginibus in textum a librariis incautius trajeeti.

(61) Vet. edit., *gloriatur fore se talem* ; Rom. et mss. prope ad unum, *gloriatur forte*, etc.

(62) Rom. edit., *facientes enim nefaria, illa vindicant*.

pejor esse deprehendatur. Fallit enim, ut dum puniendus sit, honore dignus appareat.

(Vers. 2.) « Scimus autem quoniam iudicium Dei est secundum veritatem in eos qui talia agunt. » Hoc est, non ignoramus Deum iudicaturum de his in veritate, quando nos ipsi de his iudicamus. Si enim nobis displicet, quanto magis Deo, qui magis justus est et opus suum zelatur! In veritate ergo cum dicit iudicaturum Deum de his, terrorem incutit; ut quem hi perfidi incuriosum dicunt, iste malos secundum veritatem dicat iudicaturum, hoc est, verissime reddere secundum mensuram uniuscujusque, et non parcere.

(Vers. 3.) « Existimas autem hoc, o homo, qui iudicas de iis qui talia agunt, et facis ea: quia tu effugies iudicium Dei? » Hoc est, numquid quia tibi examen datum est potestatis iudicandi de malis et stupris, cum eadem agas, et non est qui te ad præsens iudicet, effugies iudicium Dei? Non utique; quia si iudicium Dei in mundo evasisti, quia omnis hæc potestas et iudicium ab eo est, in futurum non evades (63). Per se enim iudicaturus est Deus, apud quem cessat adulatio et personarum acceptio. Aut certe si justum alieni videtur, ut huiusmodi immunis a pœna sit, dicat. Quod si justum est ut non evadat, credat Deum iudicaturum: ut et quod justum esse iudicat verum sit, et impleatur, et Deum conditorem mundi providenter et curiose operis sui merita requirere fateatur. Si enim fecit et negligit, malus opifex dicitur; quia per id quod negligit, non bona se fecisse, quæ fecit, ostendit; sed quia bona fecisse negari non potest (indignum est enim et improbabile bonum mala fecisse), curam eorum necesse est ut dicatur agere; quia contumelia ejus erit et accusatio, si honorum a se factorum negligens inducatur; quippe cum ejus nutu ac providentia vita ipsa sustentetur ministerio elementorum, sicut ipse Dominus dicit: « Qui solem suum oriri facit super bonos et malos, et pluit super justos et injustos (Matth. v, 45). » Qui ergo præstat curam, non agit conservare quod fecit, ut amantes se remuneret, spernentesque condemnet?

(Vers. 4.) « An divitias bonitatis ejus, et patientiæ et longanimitatis contemnis, ignorans quoniam bonitas Dei ad pœnitentiam te provocat? » Hæc dicit, ut non jam se putet evasisse, si illum bonitas Dei patitur diu peccantem: nec patientiam ejus putet

(63) Ms. Corb., *Non vult hujus rei impunitatem ab his sperare, quia injustum est quibus examen potestatis datum est de malis vel stupris hujusmodi iudicare, cum sint tales, effugere. Quia si deest, inquit, ad præsens qui de te iudicet, effugere tamen iudicium Dei non poteris in futuro.*

(64) Mss. Remig., Corb., Thuan. et Colh., *non credidisse, qui ut terrorem futuri iudicii sui ostenderet, et patientiam non contemendam, ait: Tacui, numquid semper tacebo? Huiusmodi ergo in iudicio positus sine fructu pœnitebit, videns iudicium Dei, quod negavit, futurum; ut nec pudorem habeat de-*

contemendam, quasi non curantem res humanas: intelligat autem ideo a se dissimulari, quia non in hac vita iudicium Dei promissum est futurum, ut in ventura vita pœniteat illum iudicem Deum non credidisse (64): in pœna enim positus sine fructu pœnitentiæ, pœnitebit: quia non credidit iudicium Dei, quod videt verum. Necesse est enim ut acrius emendetur, imo pœnis perennibus torqueatur, quem patientiæ longanimitas non emendavit. Severissime loquitur, sciens malignam mentem non posse nisi timore a vitiis facile revocari.

(Vers. 5, 6.) « Secundum duritiam autem tuam, et impœnitens cor thesaurizas tibi iram in die iræ, et revelationis justi iudicii Dei, qui reddet unicuique secundum opera sua. » Impunitatem sperans peccatorum, non solum durat inconvertibilis et intractabilis manens: sed adhuc acerbius peccat, securus quod non sit ultio futura, cor habens impœnitens, ignorans quia iram sibi congregat in die iræ. Necesse est enim sæviori pœna ut plectatur, imo flammis perennibus torqueatur, qui longa Dei patientia non solum se emendare noluit, sed adhuc ad lens ad contemptum exaggeravit peccata. Dies iræ est peccatoribus, quo punientur; ideo ipsis est ira, quia (65) sentiunt pœnam in die revelationis justi iudicii Dei. Revelabitur enim, id est agnosceatur, quod modo futurum negatur: ideoque cum ostenditur, quod non esse creditur, revelatur. His enim ostenditur, qui negant, quod credentibus manifestum est; ut confiteantur etiam inviti justum iudicium Dei, cum unicuique reddet secundum opera sua. Numquid non hæc fatebuntur juste fieri (66), cum viderint mala invicem facta ulcisci?

(Vers. 7.) « Iis qui secundum patientiam boni operis, gloriam et honorem, et incorruptionem, quærentibus vitam æternam. » Quoniam iudicium Dei justum prædicatum est, quale autem bonis futurum est, declaravit (67): hos dicit qui, patientiam Dei scientes, partim ad correptionem, partim ad majorem ultionem non se corrigentium protelari, priorum operum pœnitentes bene versantur, freti fiducia fidei; ne diu hic positi damnum incurrant promissæ vitæ. Dabit ergo eis « gloriam et honorem ». Et ne non hoc valde magnum ad comparisonem præsentis vitæ videretur, quia et hic gloriosi videntur et honorati, adjecit: « Et incorruptionem, » ut ex eo alia gloria et alter honor intelligeretur, quando incorruptio simul comitabitur. In præsentem enim honor

peccandi, quia longanimitatem bonitatis Dei ridendam putavit. Necesse, etc.

(65) Rom. edit., *ideo lapsis est ira, qui, etc.* Sequenti autem versu ms. Remig. et Corb. hæc effert: *Manifestabitur enim quod modo futurum negatur, ut confiteantur etiam inviti justum iudicium Dei, videntes reddi unicuique secundum opera sua. Iis quidem qui secundum patientiam, etc.*

(66) Nonnulli mss., *non effabuntur juste fieri.*

(67) Rom. edit., *justum prædicavit, nunc quale bonis futurum est, declarat, iis videlicet.*

vel gloria frequenter amittitur; quia corruptibilis est qui dat, et quod dat, et qui accipit; in die enim judicii Dei incorruptibilis jam dabitur honor et gloria, ut sint tota æterna (68): ipsa enim glorificabitur substantia, quadam immutatione meritum. Illi ergo quærent vitam æternam, qui non solum bonæ professionis sunt, sed et vitæ.

(Vers. 8.) « Iis vero qui ex contentione, et qui diffidunt veritati, obediunt autem iniquitati, ira et indignatio, tribulatio et angustia, hoc est iterata angustia. Diffidentes de futuro Dei judicio per Christum, nec per hoc et patientiam contemnent, contendunt evacuare illud, cum sit verum et stabile. « Credunt autem iniquitati; » iniquitas est enim negare quod Deus futurum prædixit. Tria ergo alia posuit incredulitati condigna, dicens: « Ira et indignatio, et angustia. » Ira est enim non ei qui judicat, sed illi qui judicatur, dum fit reus. Irasci enim dicitur Deus, ut vindicaturus credatur; nam Dei natura ab his passionibus immunis est. Et ut non solum irasci, sed et vindicare credatur, adjecit: « Et indignatio; » indignatio est, quam addento 38 super iram, injuriam suam Deum vindicaturum significat, *Angustie* vero sunt, quibus sententia constrictus tribulabitur in pœna.

(Vers. 9.) « Super omnem animam hominis operantis malum. » In hoc opere non solum facta significat, sed et perfidiæ professionem. De incredulo enim dicit; et ideo super animam dixit, ut spiritualem pœnam intelligas, non corporalem; quia anima invisibilibus pœnis aretabitur.

« Judæi primum, et Græci. » Semper Judæum anteponit prærogativa Patrum, ut aut coronetur primus, aut damnetur; quia credens honorificentior est propter Abraham, diffidens autem pejor tractandus est; quia donum promissum patribus refutavit.

(Vers. 10.) « Gloria autem et honor et pax omni operanti bonum, Judæo primum, et Græco. » Quomodo incredulis tria pœnalia posuit, sic et fidelibus tria magnifica, ut honorem habeant geminum (69), quasi tibi Dei; gloria sit pro immutatione; pax vero, eo quod bene viventes quieti erunt in futuro, nulla perturbatione commoti; quippe quia omnis homo a contrariis se abstinens, apud judicem habet pacem (70).

(Vers. 11.) « Non enim personarum acceptio est

(68) Omnes edit. ac mss. quidam, *tota vita æterna*: melius vero in aliis *et vita* omittitur. Non autem ita bene quod pro *glorificabitur*, nonnulli cod. habent. *gloriabitur*.

(69) Mss. haud pauci, *habeant geminum*, aut *honorificentiam... geminam*. Continuo vero post, ubi vet. edit. ac mss., *gloria sit pro immutatione*, pax vero eo quod; nonnulli, *pax vero et honor quod*; Rom. edit. reposnerat, *gloriam in immutatione*, pax vero eo quod, etc.

(70) Rom. edit., *ab adversario se abstinens... acceptor est Deus*.

apud Deum. » Quoniam ostendit Judæum sive Græcum non despici a Deo, si tamen credat in Christum, sed accepto ferri aurobus justitiam fidei; sic iterum non credentes pariter reos esse, quia magis oberit circumcisio sine fide, et proderit præputium per fidem: ac per hoc docet personarum acceptorem Deum non esse. Nec enim prærogativam generis sequitur, ut diffidentem suscipiat causa patrum, aut credentem abjiciat a se propter indignitatem parentum; sed unumquemque proprio merito aut remunerat aut condemnat.

(Vers. 12.) « Quicumque enim sine lege peccaverunt, sine lege et peribunt. » Quomodo potest sine lege peccari, cum omnes simul subditi simus legi naturali? Sed de Moysis lege dicit, cui Judæi obnoxii sunt, dum non credunt; necnon et gentiles, sed jamdudum; quia adjungere se illi noluerunt. Non credentes ergo gentiles duplici genere fiunt rei: quia neque legi datæ per Moysen assenserunt, neque Christi gratiam receperunt; ideo dignum est ut pereant. Igitur sicut qui sine lege peccat, peribit; ita et qui sine lege legem servaverit, justificabitur. Justitiam enim naturaliter servans, custos legis est. « Si enim justo non est lex posita (I Tim. 1, 9), » sed injustis: qui non peccat, amicus legis est. Huic sola fides deest, per quam fiat perfectus; quia nihil illi proderit apud Deum abstinere a contrariis, nisi fidem in Deum acceperit, ut sit justus per utraque; quia illa temporis justitia est, hæc æternitatis.

« Et quicumque in lege peccaverunt, per legem judicabuntur (71). » Quoniam Judæi legem habent, in qua salus illis promissa est; non credentes, vel non recipientes promissum, per legem judicabuntur, sub qua vixerunt. Ipsa enim accusante, pœnas exsolvent; nam prope gravior Judæorum causa est apud eos ipsos, quam gentium. Sicut enim credentes præferuntur, ita et cum diffidunt, pejores inveniuntur: plus enim displicet qui quod habuit amisit, quam qui quod non speravit, consequi non potuit. Iste enim non intravit in regiam (72), ille foras missus est.

(Vers. 13.) « Non enim auditores legis justi sunt apud Deum, sed factores legis justificabuntur. » Hoc dicit, quia non hi justi sunt qui audiunt legem, sed qui credunt in Christum, quem eadem lex promisit: et hoc est facere legem. Omnis autem non facit legem, qui non credit legi; dum non

(71) Mss. aliquot., *judicabuntur*. Sicut gentiles ac si legem natura custodiant, peribunt tamen nisi acceperint fidem Christi; major enim causa est solum Deum profiteri, quod Deus unus sit, quam a cæteris abstinere peccatis; hæc enim Dei causa est, illa nostra. Ita et Judæi sub lege agentes, a lege accusati judicabuntur: quia non recipiunt Christum in lege promissum. Et, si quæras, major dolor est gentibus; pejor est enim promissionem amisisse, quam quod desperavit, non accepisse.

(72) Mss. complures, *non intravit in regnum*.

recipit cui lex testimonium perhibet. Qui autem A in lege non videtur esse, quia incircumcissus est carne, credit autem in Christum, hic fecisse legem dicitur. Et ille qui dicit in lege esse, id est Judæus, auditor legis fit, non factor; quia non credit (73) in Christum scriptum in lege, sicut dixit Philippus ad Nathanael: « Quem in lege scripsit Moyses et prophetae, invenimus Jesum (Joan. 1, 45). »

39 (Vers. 14.) « Cum enim gentes quæ legem non habent, naturaliter quæ legis sunt, faciunt. » Gentes Christianos dicit alio loco: « Vobis enim dico gentibus, quia incircumcisi neque neomenias, neque Sabbatum, neque escarum legem servant (Coloss. 11, 16), et duce natura credunt in Deum et Christum, id est, in Patrem et Filium; hoc est enim legem B servare, Deum legis agnoscere. Prima enim sapientiae pars hæc est, timere Deum Patrem, ex quo sunt omnia: et Dominum Jesum Filium ejus, per quem sunt omnia. Ipsa ergo natura proprio judicio Creatorem suum agnoscit, non per legem, sed per rationem naturæ; opus enim opificem cernit in se.

(Vers. 15.) « Hi legem non habentes, ipsi sibi sunt lex, qui ostendunt opus legis scriptum in cordibus suis. » Idem sensus est; quia dum natura duce credunt, opus legis ostendunt non per litteram, sed per conscientiam. Opus autem legis est fides, quam cum dictis exhibet Deo, naturali judicio ostendit semetipsum legem sibi esse; quia quod mandat lex, ultro facit, ut credat in Christum.

« Testimonium reddente ipsis conscientia ipsorum. » Teste interiore conscientia sua credunt, quia conscii sibi sunt convenire sibi, quod credunt; congruum est enim creaturæ credere et venerari suum Conditorum: nec absurdum est, ut dominum servus agnoscat.

(Vers. 16.) « Et inter se cogitationibus invicem accusantibus, aut etiam defendentibus, in die qua judicabit Deus occulta hominum, secundum Evangelium meum, per Jesum Christum Dominum nostrum. » Quoniam Judæos diffidentes per legem dixit judicandos fore (lex enim illos accusabit, quæ Christum illis promisit, quem venientem recipere noluerunt); gentes autem, quæ legem utique non habent, per conscientiam judicabuntur, si credere noluerint. Primum quidem accusatores erunt gentiles credentes non credentium gentilium; sicut Judæis non credentibus dicit Dominus de discipulis suis: « Ipsi iudices vestri erunt (Matth. XII, 27); quia perfidia Judæorum judicabitur fide apostolorum, qui cum ex ipsis essent, illis diffidentibus, crediderunt. Deinde cogitationibus suis accusabuntur gentiles, si compuncti Creatoris fidem et virtutem noluerint credere: aut si stupore quodam non considerant (74), ut credant verbis et gestis

(73) Codex Corb. et alii nonnulli, quia quæ dicuntur, non transfundit ad mentem, non factor legis fit, sed auditor; non enim credit, etc.

(74) Rom. edit., stupore quodam alienati a via

Dominicis, defendentes se conscientia in die iudicii, quia non cogitavit se debere credere, et iudicetur non quasi malevolus, sed quasi ignorans: non tamen sine pena futuros; quia id non licet ignorare. Gentes enim duplici genere significat, tam credentes quam infidos; superius enim de gentibus credentibus dicit: post autem subiecit etiam de eis gentibus, quæ non credunt; ut sicut per conscientiam suam laudantur credentes, ita et per conscientiam suam accusantur diffidentes. Quamvis enim sibi videatur minime reus, qui non credit; quia apud se tractare istud non potuit, ratione tamen convincitur; quia non sibi suasit verum hoc esse, quod et virtutum testimoniis viderat confirmari, et multos sequi.

B Puto etiam sic posse intelligi, si tota quæstio de gentibus credentibus (75) dixisse credatur, quia ait: « Quid mihi de iis qui foris sunt, iudicare (I Cor. v, 12) ? » Et, « Qui non crediderit, inquit, iam iudicatus est (Joan. III, 18). » Et, « Quia non resurgunt impii in iudicio (Psal. 1, 5). » Sine lege enim peccantes, sine lege et peribunt: ac per hoc ante tribunal Christi stare non poterunt, et reddere causas; quia resurgentes ducentur ad gehennam. Illi enim quos dicit invicem cogitationibus suis accusari aut defendi in die iudicii Dei, Christiani sunt ii, qui discordant a catholica veritate, diversa sentientes de Christo, aut de sensu legis in traditione Ecclesiæ, sive Cataphrygæ, sive Novatiani, sive Donatiani, aut cæteri hæretici. Horum cogitationes invicem se accusabant in die iudicii; si intellexit quis veram esse catholicam doctrinam, et ne videretur emendatus, sequi noluit, erubescens ab eo quod diu tenuit recedere, in die iudicii cogitatione sua accusabitur. Duæ enim cogitationes in homine invicem se accusabunt, bona et mala. Bona accusat malam, quia contradixit veritati: mala iterum accusat bonam, quia non secuta est, ut sensit: et per hoc constituitur reus, qui cogitavit, sentiens bonam et veram esse Ecclesiam catholicam, et permansit in hæresi vel schismate. Ejus autem cogitationes se invicem defendent, qui semper hoc cogitavit, putans utile 40 quod secutus est. Dicturus est enim: Semper in cogitationibus meis hoc putavi utile, quod secutus sum: hæc fuit fides mea. Hic leviolem habebit causam, quamvis emendandum sit; quia a conscientia sua non accusabitur in die iudicii. Hoc modo judicabuntur occulta hominum in die iudicii Dei « per Jesum Christum Dominum nostrum. »

(Vers. 17.) « Si autem tu Judæus cognominaris. » Cognomen Judæi est, quia ex prærogativa parentum est, ut dicantur Israelitæ. Et tamen si totum velimus quod ad causam pertinet, comprehendere, cognomen Judæis tripartito genere significatum (76)

Dei, non crediderint, etc.

(75) Omnes edit., de gentibus non credentibus: mss. contra prope universi excludunt negationem.

(76) Ita mss. plerique; alii autem nonnulli, ac

debemus advertere. Primum quia filii sunt Abrahamæ, qui per fidei suæ meritum pater positus est eun-
ctarum gentium. Deinde propter Jacob, qui ægmen-
tandæ fidei gratia Israel appellatus est; cœpta enim
patris dignitas nobilitatur in filiis. Tertio non ma-
gis propter Judam, sed propter Christum; quia ex
Juda ortus est secundum carnem, Judæi cognomi-
nantur; quia in Juda hoc significatum est, quod
futurum erat in Christo. Dictum est enim: « Judas
erit dux vester (*Judic. xx, 18*); » et, « Juda, te
collaudant fratres tui (*Gen. xlix, 8*). » Quæ laus
data Judæ non probatur, sed Christo, quem omnes
quotidie collaudant, ii quos fratres suos dignatus
est appellare. Ipse enim dixit mulieribus: « Ite, et
dicite fratribus meis, quia præcedo vos in Galilæam
(*Matth. xxviii, 7*). » Quis enim non laudet eum,
ejus beneficio vivit? Apostolus ergo sub hac si-
gnificatione, quæ posterior numero, sed perfectior
merito est, totum voluit comprehendere: quod Judæi
non intelligentes, nomen sibi carnalis Judæ defen-
dunt.

(Vers. 18.) « Et requiescis in lege, et gloriaris
in Deo, et nosti voluntatem ejus, et probas utiliora,
instructus per legem. » Non magnum valde videri
vult, si Judæus credat; quippe cum sit instructus
per legem: periculosum autem valde si non credat;
ducem enim habet legem. Sed ut præponatur creden-
s, meritum facit Patrum; quia quamvis aliquis
per se floreat, erubescit tamen in suis.

(Vers. 19, 20.) « Confidisque te ipsum ducem
esse cæcorum, lumen eorum qui in tenebris sunt,
eruditorem insipientium, magistrum infantium, ha-
bentem formam scientiæ et veritatis in lege. » Vera
sunt hæc; quia legis documentum hoc est, erudire
imperitos, et Deo subicere profanos: vel ab idolo-
latriæ cultura impios promissione, quæ facta est
per legem, ad melioris spei fiduciam provocare.
Recte ergo gloriatur in his legis doctor, quia for-
mam tradit veritatis. Si autem non recipit eum
quem lex promisit, frustra gloriatur de lege, cui
injuriam facit, dum Christum spernit promissum
in lege; et nec jam eruditor erit insipientium
nec magister infantium, nec lumen eorum, qui in
tenebris sunt; sed dux omnium horum ad perdi-
tionem.

(Vers. 21.) « Qui ergo alium doces, te ipsum non
doces. » Hoc est, tu qui gentiles arguis quod sine
lege et Deo sint, te ipsum non arguis: diffidens
enim de Christo in lege promisso, in iisdem quæ ar-
guis, inveniris.

(Vers. 22.) « Qui prædicans non furandum, fura-
ris; » facis enim quod prædicas fieri non debere
(77). Dum enim fidem Christi per malam interpre-
tationem subripis, negas Christum nostrum in lege

vet. edit., tripartito genere significandum; Rom.
edit... derivatum.

(77) Rom. edit., hoc est, cum negas Christum in
lege promissum, fidem ejus per malam interpretatio-
nem subripis: facis enim quod prædicas fieri non

A promissum. « Qui dicis non mœchandum, mœcha-
ris. » Adulteras autem legem, quando veritatem
Christi tollis, et mendacium ponis. Unde alio loco
dicit: « Adulteratores verbi Dei (*II Cor. ii, 17*). »

« Qui execeraris idola, sacrilegium facis. » Sa-
crilegus es, quando Christum quem lex et prophe-
ticus sermo Deum significant, negas; dicit enim
Isaias: « Quia in te est Deus, et non est Deus præ-
ter te. Tu es enim Deus, et nesciebamus: Deus
Israel salvator (*Isa. xlv, 14, 15*). » Nunquid Judæi
de Deo Patre dicebant: « Tu enim es Deus, et ne-
sciebamus; » cum tota lex Dei Patris auctoritatem
prædicet, ex quo sunt omnia? Sed quia Filius Dei
semper quidem apparuit, latebat autem quis esset:
cum post resurrectionem cognoscitur, dicitur ei
in confessione: « Tu enim es Deus, et nescieba-
mus. » Et qui putabatur in lege tantum angelus,
et dux exercitus Domini: at cum intelligitur Filius
esse Dei, dicitur ei cum gratiarum actione: « Tu
enim es Deus, et nesciebamus. » Per hoc ergo signi-
ficat quia ipse esset; qui apparuerat quidem patri-
archis (78) in Deum, et post incarnatus est, sed
non fuerat intellectus ab omnibus.

(Vers. 23.) « Qui in lege gloriaris, per prævarica-
tionem legis Deum inhonoras. » 41 Prævaricator
legis es, quando sensum legis, qui de incarnatione
et divinitate Christi est, præteris: et Deum inho-
noras, dum testimonium ejus, quod dedit de Filio
suo, non recipis. Ipse enim dixit: « Ille est Filius
meus dilectus (*Matth. iii, 17*). »

(Vers. 24.) « Nomen enim Dei per vos blasphe-
matur inter gentes, sicut scriptum est (*Isa. lii, 5*). »
Hoc dixit Isaias propheta, quia Dei nomen
blasphematur inter gentes, quando Judæos pro no-
xis suis traditos sibi non advertabant: sed idolis
suis dabant glorias, quasi Judæorum Deum vicis-
sent in Judæis ita et tempore apostolorum Dei no-
men blasphemabatur in Christo; quia Judæi Chri-
stum Deum negando, blasphemabant et Patrem.
sicut dicit Dominus: « Qui me recipit, non me re-
cipit, sed eum qui me misit (*Luc. ix, 48*). » Et
ideo inter gentes blasphemabatur, quia credentibus
gentibus Judæi suadere nitebantur Christum Deum
non credendum, ut blasphemium gentibus a Judæis
vel Photini auctoribus sit profectum.

(Vers. 25.) « Circumcisio quidem prodest si legem
observes. » Potest dici e contra: Si prodest cir-
cumcisio, cur prætermittitur? Sed tunc prodest si
legem observes. Tenenda ergo circumcisio est; et
ut possit prodesse, servanda est lex. Quid ergo
prohibuit quod prodesse, si lex servetur, ostendit?
Videtur ergo male prohibitum, quod non per se dis-
plicet, sed per alterius negligentiam frustrari dicitur.
« Si autem prævaricator legis sis, circumcisio

debere.

(78) Post vocem, patriarchis, expunxerat Rom.
edit. in Deum. Ubi vero eadem, ac vet. edit. cum
mss. aliquot, intellectus ab hominibus, mss. com-
plures melius legunt, intellectus ab omnibus.

tua præputium facta est. Hoc est quod dicit, quia A si lex servata non fuerit, Judæus gentilis elicetur. Sed circumcisionem pro genere posuit Abraham; quia ex Abraham circumcisio: nec enim poterat ædificare, quæ destruxerat. Hoc enim ait, ut docet tunc prodesse ex genere Abraham esse, si lex servetur, id est, si in Christum credatur, qui promissus est Abraham; quia et suum meritum habent justificati per fidem, et honore Patrum sublimantur. Omnis enim salus in lege de Christo est. Hic ergo servat legem, qui credit in Christo: si autem non credit, transgressor est legis; quia non recipit Christum, quem lex ad justificationem venturum cecinit, quam ipsa dare non potuit; et nihil illi proderit dici filium Abraham; quia hic secundum meritum filius est Abraham, qui fidem sequitur, per quam dignus Deo exstitit Abraham. Unde ait: «Circumcisio tua præputium facta est,» id est, gentili similis factus es, non credens in eum, qui in signo circumcisionis filius promissus est Abraham (79).

(Vers. 26.) «Si igitur præputium justitias legis custodiat, nonne præputium illis in circumcisionem reputabitur?» Justitia legis fides est Christiana, sicut alio loco dicit: «Finis legis Christus ad justitiam omni credenti (Rom. x, 4).» Ideo manifestum est quia si gentilis credat in Christum, fit filius Abraham, qui pater est fidei.

(Vers. 27.) «Et judicabit quod ex natura est præputium, legem perficiens, te, qui per litteram et circumcisionem prævaricator es legis.» Credens gentilis, duce natura, in Christum, condemnat Judæum, cui lex promiserat Christum, et adveniendi ei credere noluit. Quanta ergo gentilis dignus est gloria, qui per solam naturam intellexit auctorem, sicut dicit Petrus apostolus: «Auctorem vero vitæ interfecistis (Act. III, 15);» tanto magis Judæus puniendus est, qui neque per naturam, neque per legem Christum agnovit auctorem.

(Vers. 28, 29.) «Non enim qui in manifesto, Judæus est; neque quæ palam in carne, est circumcisio: sed qui in occulto, Judæus est; et circumcisio cordis in spiritu, non littera: cujus laus non ex hominibus, sed ex Deo est.» Non est obscurum quia circumcisionem carnis negat laudem habere (80) apud Deum (nec enim Abraham ideo justificatus est, quia circumcisus: sed quia credidit, justificatus est, postea autem circumcisus est), cordis autem circumcisionem laudabilem apud Deum esse. Circumcidere enim cor, amputato errore, agnoscere est Creatorem. Et quia circumcisio cordis futura erat, primus Moyses dixit: «Circumcidetis duritiam cordis vestri (Deut. x, 16).» Et Jeremias 42

similiter: «Circumcidite præputium cordis vestri (Jerem. iv, 4).» Hoc dixit Judæis idola sequentibus; velamen est enim circa cor, quod conversus ad Deum circumcidit; quia fides aufert nebulam erroris, et tribuit perfectam Dei cognitionem in mysterio Trinitatis, quod incognitum erat a sæculis. Hujus ergo circumcisionis laus ex Deo est, occulta hominibus; cordis enim meritum est, quod aspiciat Deus, non carnis. Nam Judæorum laus ex hominibus est; gloriantur enim in carnis circumcisione, quod ex Patribus sit. Unde inter cætera (81) ait: «Et gloria in pudendis eorum, qui terrena sapiunt (Philipp. III, 19);» hoc est, qui circumcisionem carnis gloriam putant. Terrena enim sapit, qui in carne gloriatur; qui vero in spiritu gloriatur, hujus laus ex Deo est; spiritu enim, non carne creditur.

CAPUT III.

(Vers. 1 et 2.) «Quid enim amplius est Judæo, aut quæ utilitas circumcisionis? Multum per omnem modum. Primum quidem quia credita sunt illis eloquia Dei.» Quanquam multa sint, quæ ad honorificentiam et meritum pertineant seminis Abraham, hoc tamen solum aperte memorat, quia maximæ laudis eorum est, ut legem per quam addicerent rectam a perverso distinguere, digni judicarentur accipere, ut post hoc primum cætera qualia sint, possint intelligi. Quoniam autem Judæis carnalibus, id est, incredulis, nihil proficere testimonium generis ostendit; ne omnes, id est, et credentes (82) male tractasse videretur, docet multum utile esse Judæis credentibus, quia filii sunt Abraham. His enim eloquia Dei sunt credita, dum legem, quæ peccatis hominum obsoleverat, quasi impune peccaretur apud Deum, merito Patrum reformatam accipiunt, et populus Dei vocantur. Ægyptus quoque propter injurias illorum diversis plagis percutitur: cœlesti pane cibantur, omnibus gentibus terrori sunt, testante hoc Rahab meretrice (Josue II, 9): quibus etiam Christus salvator ad sanctificationem promissus est. Ideo ait multum utile Judæis per omnem modum, quia filii sint Abraham: anteponuntur enim gentibus, sed qui credunt.

(Vers. 3.) «Quid enim si quidam illorum non crediderunt? Numquid incredulitas illorum fidem Dei evacuabit? Absit (83).» Non inquit, quia aliqui Judæorum credere noluerunt, quæ Deus promisit filiis Abraham, idcirco præjudicabitur cæteris Judæis; ne digni dicantur accipere quod Deus promisit fidelibus: quippe cum sic facta sit promissio, ut credentibus proficeret. Igitur non indignatus Deus propter illorum perfidiam, id est, Judæorum, dabit

(79) Rom. edit., ac pauci mss., *circumcisionis promissus est Abraham.*

(80) Rom. edit., *Non est obscurum circumcisionem carnis laudem non habere.*

(81) Eadem edit., cum uno aut altero mss., *Unde in alia epistola inter cætera.*

(82) Rom. edit., *id est et credentes, et non credentes; bene aliæ, ac mss. ut in textu; est enim, et*

credentes idem atque, etiam ipsos credentes.

(83) Rom. edit., *Absit, quasi dicat: Quia aliqui, promisit fidelibus. Non inquit, quippe cum, etc. Gil., in variis lect., Hoc dicit, quia non præjudicabitur Judæis credentibus, ne digni dicantur accipere, quod promisit Deus cæteris diffidentibus, quia sic facta promissio est, ut donum gratiæ ejus credentibus proficeret.*

reliquis credentibus vitam æternam, quam promisit futuram per fidem Christi ; quia qui non crediderunt, ipsi se indignos fecerunt sine præjudicio cæterorum. His dictis commendat credentes Judæos : quia nihil obest eis, quia multi ex illis credere noluerunt.

(Vers. 4.) « Est enim Deus verax, omnis autem homo mendax, sicut scriptum est (84) : Ut justificeris in sermonibus tuis, et vincas cum judicaris (Psal. L, 6). » Ut firmaret quod supra dixit, quod Deus in promissione sua fidelis est, et omnis homo mendax : exemplum propheticum subdidit ex psalmo quinquagesimo, quo et Deum verbis suis justificari, et hominem mendacem incredulitatis causa signavit. Utrumque enim legitur in libro Psalmorum, quia Deus justus et verax est, et omnis homo mendax (Psal. LXXXV ; cxv, II, 15). Mendacem hominem dicit, dum non credit, quod promisit Deus ; negans enim daturum quod promisit, mendax est : et dum ipse mendax est, multis ex causis Deum mendacem pronuntiat, quando promissis ejus non credit. Igitur omnem hominem mendacem dicit, qui diffidens est de promissis Dei. Maxime tamen hoc ad Judæos pertinet, quorum causam tractat hoc loco Apostolus, qui videntes Christum, negaverunt hunc esse, quem promisit Deus ; ac per hoc mendaces pronuntiantur : Deus autem verax est qui misit Christum, sicut promisit ; et sic vincit cum judicatur, quia dabit, quod daturus negatur : cum enim non ei creditur, mendax judicatur. Ille autem cum 43 dat quod judicatur non daturus, vincit, ostendens se veracem, illum autem mendacem, qui non credit verbis ejus. Videbit enim Dei Filium in majestate, quem negat : videbit et carnis resurrectionem, et sciet victam esse perfidiam pollicitatione et veritate Dei (85). Nam et Christus cum judicatus est vicit ; inique enim occisus est, et reum fecit diabolum, quem jam non peccando superaverat, ut secundo victus amitteret, quos tenebat (86).

(Vers. 5 et 6.) « Si autem injustitia nostra Dei

(84) Corb. cod. alique nonnulli et Dion. apud Gill., sicut scriptum est. Igitur quoniam Deus verax est, dat quod promisit ; hominis autem est fallere, quem tempora et nature imbecillitas faciunt mutabilem, per id quod præscientiam non habet. Deus autem apud quem nihil futurum est, immutabilis perseverat, sicut dicit : Ego sum, et non mutabor. Omnem ergo hominem dicit mendacem, et verum est : natura enim que fallitur, non absurde dicitur mendax. Itaque aliquando studio, aliquando error-mendax est. Non ergo hoc de Deo sperandum est, qui et verus est, et benevolus, ut impleat quod promisit. Quod etiam prophetico oraculo firmati dicens, sicut scriptum est : Ut justificeris in sermonibus tuis et vincas dum judicaris. Huic autem versui subnectunt cod. Dion. et Remig., Deum justum promisit, et verbis suis propheticus sermo testatur, nec aliquorum perfidia fidem ejus minui, sed dando vincere. Quod perfidi non credentes negant eum daturum. Dabit ergo quod judicatur, ut vincat faciendo, quod negatur facturum. Tunc vincetur impietas, que dum non credit, negat vera esse, quæ

A justitiam commendat, quid dicemus ? Numquid iniquus Deus, qui infert iram (secundum hominem dico) ? Absit. Hoc juxta sensum prophetæ David dicit Apostolus : David autem quando peccaverat in causa Uriæ Hethæi (II Reg. xi, 4), sciens quia promissio peccatoribus dari non potest, exorat ut justificatio verborum Dei vincat judicium quo (87) judicantur ii qui peccant (Psal. L, 6) ; et pœnitentem reformet sanctificans, ut det ei quod justis se daturum promisit. Ac per hoc subjecit : « Si autem injustitia nostra Dei justitiam commendat, » etc., id est, si quia nos peccatores sumus, Deus justificatur : iniquus erit, si vindicet. Nam si injustitia nostra ei proficeret, sine dubio iniquus erat si damnaret peccantes : quia injustitia nostra Deum facit justum, si peccantibus nobis det quod promisit sanctis (88). Quia quamvis peccatores simus, reformamur tamen per pœnitentiam : ut non jam peccatores, sed abluti promissionem mereamur accipere. Non ergo is sensus est in verbis prophetæ David, cum dicit : « Tibi soli peccavi, et malum eorum te feci : ut justificeris in sermonibus tuis, et vincas cum judicaris (Ibid.), » qui malevolorum hominum prava interpretatione asseritur ; ut peccata hominum et mali actus Dei justificationi proficiant, et per mala nostra bonus appareat, et injustitia nostra illum justum ostendat. Quoniam itaque iniquus non est Deus, cum irrogat iram, jam non peccatis nostris justificatur : quia si peccatis nostris justificaretur, iniquus esset, si vindicaret ; sed quia non est iniquus, eum vindicat, manifestum est quia in justitia nostra Dei justitiam non commendat. Si autem commendaret, non vindicaret, quia justus est.

Ac per hoc subjecit : « secundum hominem, inquit, dico. Absit, » hoc est, absit, ne Deus iniquus dicatur ; quia hoc homini competit, quem constat et errare, et falli et fallere. Nam Deus immutabilis perseverat, nec potest non amare, quæ fecit.

« Alioquin quomodo judicabit Deus hunc mun-

promisit Deus. Videbit enim factam resurrectionem quam negavit ; et sciet victam esse perfidiam pollicitatione et veritate Dei. Hoc est quia Deus verax est, omnis autem homo mendax, qui negat quod futurum est. Nam et Christus, etc.

D (85) Mss. aliquot, ut sciat veram esse pollicitationem ac veritatem Dei.

(86) Duo mss. addunt, in inferis, hoc est, quia omnis homo mendax, Deus autem solus verax.

(87) Nonnulli mss., quo judicatur non dare his qui peccant.

(88) Quidam mss., Et verum est, si tamen ei proficiat nostra iniquitas. Sed quia periculosum est hoc dicere non est iniquus Deus, si judicet ; quia non illi injustitia nostra proficit, ut nobis peccantibus ille justificetur, id est, ut gaudeat peccatis nostris, per que ille solus justus appareat. Sed absit, ait, secundum hominem dico, hoc est, sensus hic homini convenit, non Deo, quia non cadit in Deum, ut iniquus sit, sed in hominem. Nec enim injustitia nostra Deum facit justum, si peccantibus nobis det, quod promisit sanctis.

dum? Verum est, quia non erat justum ut judicaret Deus mundum, si peccata ejus ipsi proficerent; ut nutu ejus peccantes dum veniam consequuntur, Deus bonus videretur: et si non peccarent, non videretur justus; si enim non peccent, non habendo cui remittat, non erit bonus (89).

(Vers. 7.) « Si enim veritas Dei in meo mendacio abundavit in gloriam ipsius, quid adhuc et ego tanquam peccator judicor? Manifestum est, quia si ad gloriam Dei proficit mendacium hominum, ut ille solus verus appareat, peccatores non sunt dicendi qui peccant; quia non voluntate, sed impulsu ejus videbuntur peccare: quod absit.

(Vers. 8.) « Et non, sicut blasphemamur, et sicut aiunt nos quidam dicere, faciamus mala, ut veniant bona? » Nunc aperit quorum causa hæc sollicitate, et cum reverentia disputat. A perversis (90) enim hoc opponebatur, quasi hic esset sensus prædicantium remissionem peccatorum, ut facerent mala, et venirent bona, hoc est, peccarent, ut remittendo illis Deus videretur bonus, secundum quæ supra dicta sunt: quod blasphemium appellat, et abjicit a sensu divinæ doctrinæ. Nec enim peccare debere fides tradit, quippe cum judicaturum Deum prædicet; sed delinquentibus consulit, ut recuperata salute, sub lege Dei viventes jam non peccent.

Ideoque subjecit: « Quorum damnatio justa est, id est, horum hominum qui æmulatione invidiæ istud de nobis interpretantur, quod supra dictum est, damnatio justa est. Hæc enim jactabant Judæi, ut doctrinam apostolicam criminarentur, dicentes quod cum remissionem peccatorum prædicant, peccandi fomitem præbeant; ut quasi securi 44 homines de remissione (91), prompte peccarent: cum constet post acceptam fidem periculosum esse peccare, et hoc prædici credentibus.

(Vers. 9.) « Quid ergo? præcellimus eos? Nequaquam. Causati (92) enim sumus Judæos et Græcos omnes sub peccato esse. » Hoc est, quid adhuc immoramur latius loquentes? Ostendimus enim redditis causis, tam Judæos quam Græcos, omnes reos esse, ideoque frustra legem servari. Primum enim Græcos ostendit reos juxta legem naturæ, et quod neque legem Moysis reciperent; quamobrem pessima eorum et pergravissima causa. Deinde etiam Judæos ostendit reos, qui sub lege Dei vivere videntur, ac sibi merito patrum defenderent dignitatem, ex eo præcipue, quod promissionem patrum spreverint, Dei gratiam in irritum deducentes. Ad quam rem firmandam exemplum propheticum subdidit ex psalmo tertio decimo dicens:

(Vers. 10.) « Sicut scriptum est, quia non est

(89) Mss. aliquot, *ut si non peccarent, non habendo quod remitteret, non esset bonus.*

(90) Nonnulli mss., *Hoc est unde sibi quæstionem fecit Apostolus. A perversis, etc.*

(91) Quidam mss., *de promissione.* Infra vero pro,

justus quisquam (Psal. xiii, 3). » Ab injustitia cœpit mala opera eorum enumerare, et partim pejora subjicere; ut manifestaret in his nullam spem videri, nisi implorent misericordiam Christi, qui peccata dimittit.

(Vers. 11 et 12.) Deinde adjecit: « Non est intelligens. » Verum est, quia si daret operam intelligere injustus non esset.

« Non est requirens Deum. » Nec istud occultum est, quia si intelligeret quid proficeret, Deum quæreret: et non sicut Asa rex Juda, qui post multa Dei beneficia sic depravatus est, ut infirmitatem pedum passus, propheta præsentem, non quæreret Deum.

« Omnes declinaverunt, simul inutiles facti sunt (Psal. xiii, 3). » Nemini du bium, quia omnes non quærentes Deum, inclinantur, ut auxilium requirant a vanitate; vanitas autem est idolum; ideo inutiles fiunt.

« Non est qui faciat bonum, non est usque ad unum (Ibid.). » Quia neglecto Deo, inutiles facti sunt, bonum utique facere non possunt; jam enim depravati proficiunt in pejor.

(Vers. 13.) « Sepulcrum patens est guttur eorum (Ibid.). » Jam malis mancipati bonos, si posset fieri, devorare volebant: ut sicut sepulcrum patet ad recipienda cadavera, ita et adversus bonos guttur eorum.

« Linguis suis dolose agebant (Ibid.). » Qui tam malis operibus assueverant, quæ loquebantur, in fallacia erant. » Venenum aspidum sub labiis eorum (Ibid.). » Hoc dicit, quia verba hujusmodi hominum muscipula sunt. Ad hoc enim loquuntur ut decipiant; ut sicut per labia serpentis venenum infunditur, ita et per labia eorum dolus et circumventiones.

(Vers. 14.) « Quorum os maledictione et amaritudine plenum est (Ibid.). » Manifestum est quia contra bonos mali semper maledicta et amara proponunt, in convicium illorum prorumpentes et de tractionem.

(Vers. 15.) « Veloces pedes eorum ad effundendum sanguinem (Ibid.). » Hoc de nece prophetarum dixit, quos occiderunt impigre, ad bonum segnes ad parricidium veloces.

(Vers. 16.) « Contritio et infelicitas in viis eorum (Ibid.). » Quoniam citati erant ad malefaciendum, iter ipsorum vel gressum tribulatum et infelicem pronuntiat.

« Et viam pacis non cognoverunt (Ibid.). » Via pacis lenis est et inturbata; omnis enim bona vita tranquilla est, et actus modesti ipsi sunt pacifici, et per istos itur ad Deum (93). Illi ergo nolentes

et hoc prædici, Rom. edit. reposuit, et hoc prædicare.

(92) Mss. aliqui, *Quid ergo tenemur amplius? causati.*

(93) Corb. codex, et Dion, apud Gill., *non cognoverunt, inimicitarum viam eligentes; per quam itur*

hæc scire, elegerunt viam tribulationum, per quam A
itur in gehennam.

(Vers. 17). « Non est timor Dei ante oculos eorum (Ibid.). » Quoniam hujusmodi sine sensu sunt, Dei timorem non habent: « Initium enim sapientiæ timor Domini, dicit Salomon (Prov. 1, 7). » Et non dixit timorem Dei hos non habere, sed: « Non est inquit, timor Dei ante oculos eorum. » Videntes enim tam maligna opera sua, et non horrentes, timorem Dei dicuntur ante oculos non habere. Istos omnes et propheta Jeremias significat, dicens inter cætera: « Tunc omnes insurrexerunt in prophetam Domini, volentes occidere eum (Jerem. xxvi, 8). » Et sequitur: « Omnis autem populus non permisit (Ibid. 16). » Illos ergo omnes dicit, 45 sed malos; et hos omnes, sed honos. Neque enim quia dicit: « Omnes B
declinaverunt », totam penitus plebem significat, sed hanc partem plebis, sicut et memoratus propheta refert: « In qua omnes mali se condiderunt. » Semper enim duo populi sunt in una plebe. Illic est ergo populus quem increpat Dominus sub nomine Jerusalem, dicens: « Jerusalem, Jerusalem, quæ occidis prophetas (Matth. xxiii, 37). » Et alio loco: « Generatio, ait, mala et adultera (Matth. xii, 39) », et: « Natio viperarum (Ibid. 34). » De hujusmodi queritur etiam propheta Isaias, dicens: « Væ genti peccatrici, semen pessimum (Isa. 1, 4)! » Per malam enim voluntatem, dum fructus malos faciunt, semen pessimum sunt. Et quia si voluerint, possunt converti, vox probat Apostoli in alia Epistola dicentis: « Erasmus et nos aliquando natura filii iræ, C
sicut et cæteri (Ephes. ii, 3). »

(Vers. 18). « Scimus autem quoniam quæcunque lex loquitur, iis qui in lege sunt loquitur. » Manifestum est quia hos increpat lex, qui et primum non crediderunt duci suo Moysi, neque prophetis parentibus suis, quos et persequentes occiderunt, neque apostolis cognatis suis secundum carnem, quorum sanguinem effuderunt, semper impii, et in Deum rebelles: ut per legem damnentur, cujus auctoritatem contemnendam putarunt. Sicut enim omnium malorum una est causa in malo (94), ita et eunctorum honorum. Is istis ergo omnium similium arguitur malum. Hæc ad Judæorum confusionem pertinent, qui sibi et parentibus suis testimonium ex lege ferebant.

(Vers. 19). « Ut omne os obstruatur, et subditus D
fiat omnis mundus Deo. » Hoc dicit, quia Judæis in peccatis constrictis, omnis mundus subditus fit Deo. Nulli enim dubium est, quia pagani obruti sunt delictis et impietatibus, ac per hoc totus mundus Deo prostratus est, ut possit ad indulgentiam pervenire;

ad mortem secundam, iter quo pergitur ad æternam vitam: quæ idcirco pax dicitur, quia nullam perturbationem habebit. Deum habentes propitium spreverunt, nolentes scire quoniam bonæ voluntatis homines hanc requiem habebunt apud Deum.

(94) Mss. Corb., Remig. et Thuan., unum est nomen in malo.

quia omnis mundus Judæi erant et gentiles, a quibus segregati sunt fideles. Quando ergo Judæos qui legem acceperunt a Deo, et quibus facta promissio est, peccatis probat obnoxios (95), dubium non est omnes Græcos reos esse mortis. Quamobrem: « Omne os obstruatur, ait, et subditus fiat omnis mundus Deo: dum omnes rei probati indigent misericordia Dei, tam Judæi, quam etiam Græci.

(Vers. 20). « Quoniam quidem non justificabitur ex operibus legis omnis caro coram Deo. » Non ideo minime justificatos homines asserit apud Deum; quia legem justitiæ non servaverunt in præceptis: sed quia sacramentum mysterii Dei, quod in Christo est, credere noluerunt. Per hoc enim decrevit Deus justificare hominem, non per legem, quia lex ad tempus justificat, non apud Deum. Ideo legem servantes in tempore, justi sunt non apud Deum; quia fides per quam justificantur homines apud Deum, non est in eis. Major enim fides est, quam lex; quia lex ad nos pertinet, fides ad Deum. Idcirco lex temporalem habet justitiam, fides æternam. Nam omnem carnem dicens omnem hominem significavit, sicut et propheta Isaias ait: « Et videbit omnis caro salutare Dei (Isa. xl, 5) »; id est, videbit omnis homo Christum Dei, in quo salus omnium continetur. Et idcirco carne significantur, quia peccatis obnoxii sunt. Sicut enim justitia spiritales facit, ita et delicta carnales, ut ex actu nomen accipiat homo.

« Per legem enim cognitio peccati »; per fidem autem abolitio; ideo sequenda fides est. Quæ est hæc lex, per quam dicit cognitum esse peccatum, et cognitum quomodo? Videmus enim veteres non ignorasse peccatum; quia et Joseph in carcerem missus est, licet per calumniam (Gen. xxxix, 20); et pincerna et pistor Pharaonis, causa peccati (Gen. xl, 3). Quomodo ergo latebant peccata? Triplex quidem lex est; ita ut prima pars de sacramento divinitatis sit Dei: secunda autem quæ congruit legi naturali, quæ interdicit peccatum: tertia vero factorum, id est, Sabbati, noemeniæ, circumcisiōnis, etc. Hæc est ergo lex naturalis, quæ per Moysen partim reformata, partim auctoritas ejus firmata in vitiis cohibendis, cognitum fecit peccatum; non quod lateret, sicut dixi: sed ostendit peccata quæ fiunt (96), non impune futura apud Deum; ne forte quis ad tempus evadens, legem illuisse putaretur. D
Hoc est quod lex ostendit.

(Vers. 21). « Nunc vero sine lege justitia Dei manifestata est, testimonium 46 habens a lege et prophetis. » Apertum est quia justitia Dei sine lege apparuit, sed sine lege sabbati et circumcisiōnis et noemeniæ et vindictæ: non tamen sine

(95) Idem Corb. codex, ad indulgentiam pertinere; omnis enim mundus Judæi erant et gentiles, ad quos facta promissio est, peccatis probat obnoxios.

(96) Idem codices, sed ostendit futurum Dei judicium, ut nullus peccator immunis a pœna sit; ne forte.... Hoc est quod lex ostendit, quia peccatum impudaretur apud Deum.

sacramento divinitatis Dei: quippe cum justitia Dei A de sacramento Dei sit. Nam quando quos lex reos tenebat, justitia Dei ignovit illis, sine lege utique hoc fecit; quia in quos lex vindicatura erat, hæc donavit illis peccatum. Et ne hoc forte contra legem factum putaretur, adjecit justitiam Dei testimonium habere ex lege et prophetis, hoc est, quia ipsa lex ex alia parte olim istud futurum dixerat; quia venturus erat qui homines salvaret (*Isa. xix, 20*): quod legi concessum non erat, ut peccata donaret. Ideo autem justitia Dei dicta est, quæ videtur esse misericordia, quia de promissione originem habet: et cum promissum Dei redditur, justitia Dei dicitur. Justitia enim est, quia redditum est, quod promissum est: et cum suscipit confugientes ad se, justitia dicitur; quia non suscipere confugientes iniquitas est.

(Vers 22). « Justitia autem Dei per fidem Jesu Christi. » Quid est aliud « per fidem Jesu Christi », nisi quia ipsa Dei justitia manifestatio Christi est? Per fidem enim prædicationis Jesu Christi agnoscitur donum dudum promissum a Deo, vel sumitur.

« In omnes vel super omnes qui credunt », hoc est, super omnes Judæos et Græcos credentes veri Dei justitiam.

(Vers. 23). « Non enim est distinctio; omnes enim peccaverunt, et egent gloria Dei. » Quia dixerat super omnes Judæos et Græcos Dei esse justitiam, ut hoc probaret, adjecit: « Omnes enim, ait, peccaverunt. » Hoc generaliter accipiendum, ut intelligantur tam Judæi quam Græci: unde ait; « Non est distinctio »; omnes enim hic comprehendit etiam et sacerdotes, ut ostenderet nihil profuisse legem (97) sine fide. Sic enim lex data est, ut fides esset in lege, quæ futuram speraret salutem. Quamobrem mors Christi omnibus profecit, quia et hic in sæculo quid credendum et observandum est, docuit: et de inferno omnes eripuit.

(Vers 24). « Justificati gratis per gratiam ipsius. » Justificati sunt gratis, quia nihil operantes, neque vicem reddentes, sola fide justificati sunt dono Dei.

« Per redemptionem quæ est in Christo Jesu. » Gratiam Dei in Christo esse testatur; quia voluntate Dei a Christo redempti sumus, ut manu missi justificaremur, sicut et ad Galatas dicit: « Christus nos redemit, (*Galat. iii, 13*) » offerens se pro nobis (98). Permisit enim se diabolo sævienti, sed impræscio. Putans autem se Christum posse retinere, veluti accepit eum: sed quia virtutem ejus ferre non potuit, omnes quos tenebat, simul cum illo amisit.

(Vers 25). « Quem proposuit Deus propitiorem fidei. » Hoc dicit quia in Christo proposuit Deus,

(97) *Iidem miss., justitiam, id est, gratiam. Et ut probaret, adjecit: Omnes enim, ait, peccaverunt, tam Judæi quam Græci; ut ostenderet nihil profuisse legem.*

id est, disposuit propitium se futurum humano generi, si credant. « In sanguine ipsius. » Ideo in sanguine ipsius, quia morte ejus liberati sumus, ut et manifestaret illum mortuum, et mortem passione ejus damnaret.

(Vers. 26). « Ad ostensionem justitiæ suæ », hoc est, ut promissum suum palam faceret, quo nos a peccatis liberaret, sicut ante promiserat; quod cum implevit, justum se ostendit.

« Propter propositum præcedentium delictorum, in patientia Dei. » Sciens Deus propositum benignitatis suæ quo censuit peccatoribus subvenire, tam iis qui sunt apud superos, quam iis qui in inferno tenebantur, utrosque diutissime exspectavit, evacuans sententiam, qua justum videtur omnes damnari, ut ostenderet nobis, quod olim decreverat liberare genus humanum per Christum, sicut promisit per Jeremiam prophetam, dicens: « Propitius ero iniquitatibus eorum, et delictorum illorum non memorabor (*Jerem. xxxi, 34*). » Et ne forte hoc donum solis Judæis promississe videretur, per Isaiam dicit: « Domus mea domus orationis vocabitur in omnibus gentibus (*Isa. lvi, 7*). » Quamvis enim Judaismo facta promissio sit, sed præscius Deus eo quod donum ejus reprobaturi essent impii Judæi, gentes se ad percipiendam gratiam suam promisit admittere, quarum æmulatione in iram missi cruciarentur impii Judæi.

« In hoc tempore », id est, tempore nostro, quo dedit Deus, quod olim promiserat dandum tempore quo dedit. « Ut sit 47 justus justificans eum, qui est ex fide Jesu Christi. » Recte ait, quia ut sit justus, dedit quod promisit: hoc autem promisit, justificare se credentes Christo. Dicit autem in Habacuc: « Justus autem ex fide vivit (*Habac. ii, 4*) », ut dum Dei fidem habet et Christi. sit justus.

(Vers. 27). « Ubi est ergo gloriatio tua? Exclusa est. Per quam legem? factorum? Non, sed per legem fidei. » Reddita ratione, ad eos loquitur, qui agunt sub lege, quod sine causa gloriantur, blandientes sibi de lege, et propter quod genus sint Abrahamæ, videntes non justificari hominem apud Deum, nisi per fidem.

(Vers. 28). « Arbitramur enim justificari hominem per fidem sine operibus legis. » Gentilem dicit hominem pro certo haberi, quod justificetur credens nulla faciens opera legis, id est, sine circumcissione aut neomeniis, aut veneratione Sabbati.

(Vers. 29). « An Judæorum Deus tantum? nonne et gentium? Imo et gentium. » Sine dubio omnium Deus unus est. Nec enim soli Judæi pessunt sibi vindicare, quod Deus illorum non etiam gentium sit, cum relegant ab uno Adam omnium esse

(98) *Corb. cod., Christus nos redemit de maledicto legis, offerens se pro nobis, factus pro nobis maledictum... Putavit enim se Christum posse retinere, velut accipiter avem.*

originem, et nullum advenam volentem ad legem accedere, prohiberi. Denique aliquanti exierunt cum illis in eremum de Ægyptiis, quos suscipere jubentur (99) (*Exod. xii, 28 seq.*), tantum ut circumciderentur, et pariter cum illis ederent azyma vel paseha, nec non et Cornelium donum Dei accepisse gentilem non Judaizantem, et quod justificatus sit, divino testimonio comprobatum (*Act. x, 31*).

(Vers. 30.) « Quoniam quidem unus Deus, qui justificavit circumcisionem ex fide et præputium per fidem. » In circumcisione Judæos significat, eo quod ex fide promissionis justificati sunt, credentes hunc esse Christum, quem in lege promiserat Deus. In præputio vero gentiles significat per Christi fidem justificatos apud Deum. Tam enim gentiles, quam Judæos non aliter quam credentes justificavit; quia enim omnium unus est Deus, una ratione omnes justificavit. Quid ergo prodest carnis circumcisio, aut quid obest præputium; quando dignitatem et meritum non facit nisi fides?

(Vers. 31.) « Legem ergo evacuamus per fidem? Absit: sed legem statuimus. » Non utique lex exinanitur per fidem, sed adimpletur; firmatur enim status ejus, quando quod futurum dixit, fides istud advenisse testatur. Hoc propter Judæos, qui putant fidem Christi legi esse inimicam, ignorantem sensum legis. Non ergo evacuat legem, cum illam cessare debere jam docet, quia tempore suo recte illam datam asserit, sed jam agere non debere. In ipsa enim lege dictum est, tempore exsolutæ promissionis legem cessare debere; angelus enim Gabriel Danieli prophetæ desiderium hujus rei sciendæ habenti ostendit (*Dan. ix, 25*), inter cætera dicens, adveniente Christo, chrisma, id est, unctionem regalem cessare, quæ potestas intelligitur. Et judicium, ait, non erit amplius, quod est lex, et tollatur sacrificium meum. Ideo, inquit, *meum*, ut sciretur oblationem veterem cessaturam. Quem sensum adaperiens Salvator: « Lex, ait, et prophetæ usque ad Joannem (*Luc. xvi, 16*). » Et quia lege Moysis cessante, meliora præcepta daturus erat Deus, Jeremias propheta cecinit, dicens: « Ecce dies venient, dicit Dominus, et consummabo domui Israel, et domui Juda testamentum novum non secundum quod dedi patribus eorum (*Jerem. xxxi, 31*). » His utique qui venientem Christum ex promissione receperunt. Ideo Salvator: « Non veni, ait, solvere legem aut prophetas, sed adimplere (*Matth. v, 17*). » Et quia domus Dei non tantum in sola Hierosolyma, sed et in cæteris locis futura erat, ait

(99) Rom edit., in eremum Ægypti, qui suscipi jubentur.

(1) Corb. codex, et Remig., Nam Abraham habet quidem gloriam, apud Deum, sed ex fide, per quem justificatus est, quia ex operibus legis nemo justificatur, ut habeat gloriam apud Deum. Et quia servantes legem justificantur ad præsens, ait: Si Abraham ex operibus legis justificatus est, habet gloriam, sed

A Zacharias propheta: « Ponam Jerusalem in omnibus gentibus (*Zach. xii, 2*): » quæ est Ecclesia.

CAPUT IV.

(Vers. 1.) « Quid ergo dicemus invenisse Abraham patrem nostrum secundum carnem? » Postquam ostendit non posse per opera legis quemquam justificari apud Deum, adjecit, nec Abraham potuisse aliquid mereri secundum carnem. Carnem dicens circumcisionem significavit, quia nihil quæsit Abraham per circumcisionem. Ante enim justificatus est quam circumcideretur.

(Vers. 2.) « Si enim Abraham ex operibus legis justificatus est, habet gloriam, sed non apud Deum. » Hoc proponentis est. Nam Abraham ex fide justificatus est, quod nulli dubium est: ideo habet gloriam apud Deum (1). Sed quia qui legem servant sive 48 Moysi, sive naturalem, justificantur ad præsens; ne rei sint in præsentis judicio; ideo ait: Ex operibus legis si Abraham justificatus est, non habet apud Deum gloriam; quia qui fecerit, inquit, legem vivet in ea, id est, non morietur ut reus: nec tamen meritum ex hoc habebit apud Deum, sed fidei causa.

(Vers. 3.) « Quid enim dicit Scriptura? Credidit Abraham Deo, et reputatum est ei ad justitiam (*Gen. xv, 6*). » Manifestavit non ideo Abraham gloriam apud Deum habere, quia circumcisisus est, aut quia abstinnit se ab iniquitate; sed quia Deo credidit, hinc et justificatus est, laudis suæ præmium in futuro consequenturus.

(Vers. 4.) « Ei autem qui operatur, merces non imputatur secundum gratiam, sed secundum debitum. » Absolutum est ei qui legi factorum, id est, Moysi subjectus est, aut naturali; non imputari meritum ad mercedem, ut gloriam habeat apud Deum. Debitor est enim facere legem, quia necessitas imposita est per legem, ut, velit nolit, faciat legem, ne damnetur, sicut alio loco dicit: « Qui autem contemnunt, ipsi sibi damnationem acquirunt, quia ad præsens rei sunt (*Rom. xiii, 2*). » Credere autem aut non credere, voluntatis est. Neque enim quis cogi potest ad id quod manifestum non est, sed invitatur; quia non extorquetur, sed suadetur. Quamobrem assentiens præmiis afficiendus est, sicut et Abraham, qui quod non vidit, credidit (2).

(Vers. 5.) « Ei vero qui non operatur, » id est, ei qui obnoxius est peccatis, qui non operatur, quod mandat lex. « Credenti autem in eum, qui justificat impium, reputatur fides ejus ad justitiam. » Hoc dicit, quia sine operibus legis credenti impio, id est gentili, in Christum, reputatur fides ejus ad justi-

non apud Deum, sed apud mundum, ne præsentis lege obnoxius videatur. Apud Deum autem fidelis habet gratiam. Quid enim dicit, etc.

(2) Cod. Corb., Thuan. et Remig., voluntatis est, quia non extorquetur, sed suadetur. Ideo ad meritum proficit, credit enim quod non nocit, sed sperat. Ei vero qui non operatur, etc.

tiam, sicut et Abrahamæ. Quomodo ergo Judæi per opera legis justificari se putant justificatione Abrahamæ, cum videant Abraham non per opera legis, sed sola fide justificatum? Non ergo opus est lex, quando impius per solam fidem justificatur apud Deum.

« Secundum propositum gratiæ Dei. » Sic decretum dicit a Deo, ut cessante lege, solam fidem gratia Dei posceret ad salutem (3).

(Vers. 6.) « Sicut et David dicit. » Hoc ipsum munit exemplo prophetae. « Beatitudinem hominis, cui Deus accepto fert justitiam sine operibus. » Beatos dicit de quibus hoc sauxit Deus, ut sine labore et aliqua observatione (4), sola fide justificentur apud Deum. Temporis ergo beatitudinem prædicat, quo natus est Christus, sicut ipse Dominus ait: « Multi justi et prophetae cupierunt videre, quæ videtis, et audire, quæ auditis, et non audierunt (Matth. xiii, 17). »

(Vers. 7 et 8.) « Beati quorum remissæ sunt iniquitates, et quorum tecta sunt peccata. Beatus vir cui non imputavit Dominus peccatum (Psal. xxxi, 1, 2). » Manifeste beati sunt, quibus sine labore vel opere aliquo remittuntur iniquitates, et peccata teguntur, nulla ab his requisita pœnitentiæ opera, nisi tantum ut credant. Beatus etiam hic vir est, « cui non imputavit Dominus peccatum. » Remittere, et tegere, et non imputare, una ratio, et unus est sensus; omnia enim uno modo obtinentur et donantur.

Videtur autem quibusdam tripartita ratio in his dictis, quia diversis propheta usus est verbis, et quia a plurali numero ad singularem descendit. Cum enim verba Dei in ubertatem gratiæ, quia (5) peccati diversa sunt nomina, per delictorum vocabula enumerare vult, latius locutus est; unius tamen formæ et significationis sunt verba, quia et cum tegit, remittit: et cum remittit, non imputat. Ad laudem enim gratiæ Dei prolixius loquitur, ut amplificet gratiam (6). Tres enim gradus fecit propter delictorum varietatem: quorum primus gradus est iniquitas vel impietas, dum non agnoscitur Creator; secundus, in gravium peccatorum operibus: tertius vero levium; hos tamen omnes in baptisate obliterari. Tribus his gradibus totius peccati corpus significavit.

Quemadmodum autem ad pœnitentium personam potest pertinere, cum dicit: « Beati quorum tecta sunt peccata, » cum constet pœnitentes labore et gemitu remissionem peccatorum acquirere? Ant quomodo martyrio congruit, quod dicit: « Beatus vir, cui non imputavit Dominus peccatum: » 49 cum sciamus gloriam martyrii passionibus et pressuris acquiri?

Propheta autem tempus felix prævidens in Salvatoris adventu, beatos nuncupat, quibus sine labore

(3) Rom. edit., *sola fides gratiæ Dei proficeret ad salutem.*

(4) Corb. codex, *et aliqua obsecratione.*

(5) Rom. edit, *Cum enim ubertatem gratiæ Dei, quia, etc.*

vel aliquo opere per lavacrum remittuntur, et teguntur et non imputantur peccata. Apostolus tamen propter plenitudinem temporum, et quia plus gratiæ in apostolis est, quam fuit in prophetis, majora protestatur, quæ ex dono baptismatis consequimur; quia non solum remissionem peccatorum accipere nos, sed justificari, et filios Dei fieri profitetur; ut beatitudo hæc perfectam habeat et securitatem et gloriam.

(Vers. 9.) « Beatitudo ergo hæc in circumcissione tantum manet, an et in præputio? » Id est, numquid beatitudo ista Abrahamæ tantum filiis concessa est, an et iis qui incircumcisi sunt? Si enim illo tempore non prohibita sunt gentes accedere ad legem et promissionem Abrahamæ, qui fieri poterat, ut tempore Christi prohiberentur venientes ad gratiam (7); quando Deus gratia plene incitavit?

« Dicimus enim, hoc est, si sensu legis loquimur, quia reputata est Abrahamæ fides ad justitiam. » Ab origine incipit, ut omnem tergiversationem cavillationis excludat, quia qui a capite excluditur, non habet unde incipiat facere quæstionem.

(Vers. 10 et 11.) « Quomodo ergo reputata est? cum in circumcissione esset, an in præputio? Non in circumcissione, sed in præputio. Et signum accepit circumcissionis signaculum justitiæ fidei, quæ est in præputio, ut sit pater omnium credentium per præputium: ut reputetur et illis ad justitiam (Gen. xvii, 10, 11). » Abraham cum esset in præputio, credidit Deo. Quid credidit? Semen se habiturum, id est, filium, in quo omnes gentes justificarentur per fidem in præputio, sicut et Abraham justificatus est. Nam circumcissionem signum accepit justitiæ fidei: credens enim se filium habiturum, hujus rei quam credidit, signum accepit, ut quia credens justificatus sit, cerneretur. Non ergo circumcisio aliquid habet dignitatis, sed signum est tantum. Quod signum ideo accipiebant filii Abrahamæ, ut scirentur ejus filii esse, qui credens Deo hoc signum acceperat; ut æmuli essent paternæ fidei, et crederent in Jesum, qui promissus est Abrahamæ, cujus in figura natus est Isaac. Nec enim in Isaac omnes gentes benedicuntur, sed in Christo: « Quia non est aliud nomen datum sub cælo, in quo oporteat salvos fieri (Act. iv 12), » dicit Petrus apostolus.

(Vers. 12.) « Et sit pater circumcissionis non solum eorum qui ex circumcissione sunt, sed et eorum qui sequuntur vestigia fidei, quæ est in præputio patris nostri Abrahamæ. » Hoc dicit, quia credens Abraham, primus factus est pater circumcissionis, sed cordis, non tantum eorum qui sunt ex ejus origine, sed et eorum qui similiter credunt ex gentibus. Secundum carnem enim Judæorum pater est, secundum fidem vero omnium credentium.

(6) Eadem edit., Rom. cum mss. quibusdam, *ut amplificet donum Dei.*

(7) Nonnulli mss., *venientes ad gloriam.* Continuo vero post, Rom. edit. sola, *quando Dei gratia plenius invitavit.*

(Vers. 13.) « Non enim per legem promissio Abrahamæ aut semini ejus, ut hæres esset mundi, sed per justitiam fidei. » Manifestum est, quia neque adhuc lex data erat, neque jam erat circumcisio : quando promissio jam facta est Abrahamæ credenti, et semini ejus, quod est Christus qui hominum peccata ablueret (8). Unde dicit Joannes Baptista : Ecce agnus Dei, ecce qui tollit peccatum mundi (*Joan.* 1, 19.) » Non ergo merito servatæ legis hæres factus est mundi, sed fidei : hæres autem mundi hæres est terræ, quam in filiis consecutus est : Christus autem hæres est gentium, ut David canit : « Et dabo tibi gentes hæreditatem tuam, et possessionem tuam terminos terræ (*Psal.* 118); » ipsi enim moriemur et vivemus cum eo.

(Vers. 14.) « Si enim qui ex lege, hi sunt hæredes, » id est, si ii qui ex lege vel sub lege sunt, hæredes ex lege sunt, « Evacuata est fides, abolita est promissio (*Rom.* xiv, 8). » Manifestum est, quoniam si ex lege hæreditas, promissio quæ ex fide facta est ad Abraham, in irritum venit. Sed non est per legem facta promissio, sed per justitiam fidei hæreditas; ostendit enim Apostolus quid mali sit hæreditatem sperare ex lege.

(Vers. 15.) « Lex enim iram operatur. » Ut penitus ostendat non posse justificari hominem per legem apud Deum, neque promissionem per legem fieri potuisse : « Lex, ait, iram operatur; » ad hoc enim data est, ut reos faceret delinquentes. Fides **50** autem donum est misericordiæ Dei, ut per legem rei facti, veniam consequantur : ideoque fides gaudium operatur. Nec contra legem loquitur, sed anteponebat illi fidem; quia qui per legem salvi esse non poterant, gratia Dei salvantur per fidem. Non ergo lex ira est, sed iram operatur peccanti, id est, pœnam; dum non ignoscit, sed vindicat. Pœna enim per iram generatur, ira autem nascitur ex peccato; ac per hoc relinqui vult legem, ut ad fidem confugiatur, quæ delicta ignoscit, ut salvet.

« Ubi enim non est lex, nec prævaricatio. » Hoc dicit, quia sublatis rei de potestate legis, data venia, prævaricatio nulla est; justificati enim sunt, qui per prævaricationem legis fuerant peccatores, cessat enim factorum lex, id est, observatio Sabbathorum, neomeniarum, circumcisionis, escarum discretio, animalis mortui, aut sanguinis inustellæ observatio (9).

(Vers. 16.) « Ideo ex fide, ut secundum gratiam firma sit promissio omni semini. » Firma esse non potest promissio omni semini, hoc est, omni homini ex omni gente, nisi fuerit ex fide, quia origo promissionis ex fide est, non ex lege; quia qui sub lege sunt, rei sunt : promissio autem reis dari non potest:

(8) Rom. edit. ac pauci mss., quia omnium peccata ablueret.

(9) Corb. cod., aut sanguis mortis lege expiandus est. Remig. ac Thuan., mustellæ expiandus.

(10) Mss. aliquot, Si ergo qui sub lege sunt, erudiendi sunt; nonnulli, Si ergo quasi sub lege sunt erudiendi, ut sub lege sint.

A ac per hoc purificandi sunt prius per fidem, ut digni fiant dici filii Dei, et sit firma promissio. Si enim filios Dei se dicant, cum sint rei, hoc est, sub lege, non est firmum; quia filii Dei liberi sunt a peccato. Si ergo qui sub lege sunt, erudiendi (10) de sub lege sunt, ut promissionem mereantur accipere; quanto magis qui sub lege non sunt! Non ergo expedit, ut se mittat sub lege; ut possit compendio medellam vulneris invenire.

« Non ei qui ex lege est tantum, sed et ei qui ex fide est Abrahamæ. » Hoc est quod supra dixit : « Omni semini, tam Judæorum, qui utique ex lege veniebant, quam gentilium, qui fidem sequuntur Abrahamæ, quam gentilis habuit, ut esset justus. Sine lege enim credidit Abraham, ideoque magis gentilibus jungitur, B ut firma sit eis promissio, credentibus ei, cui credidit ipse.

(Vers. 17.) « Qui est pater omnium nostrum sicut scriptum est : Quia patrem multarum gentium posui te (*Gen.* xvii, 4). » Confirmavit exemplo legis Abraham omnium patrem esse, sed eorum qui credunt : et sic firmam esse promissionem, si fidei causa recedatur a lege, quia promissio regni cœlorum justis deputata est, non peccatoribus. Et qui sub lege sunt, sub peccato sunt, quia omnes peccaverunt, nec posse aliquem et sub lege esse, et gratiam consequi, sicut et ad Galatas ait : « Evacuati estis Christo, qui in lege justificamini, a gratia excidistis (*Galat.* v, 4). »

C « Ante eum cui credidisti Deo. » Ut unum Deum omnium doceat, alloquitur gentiles, Abraham ipsi Deo credidisse, et justificatum esse ante eum, in quem et gentes credunt (11) : utificentur, ut non sit distantia Judæi et Græci in fide, quia sublata circumcissione et præputio, unum fiunt in Christo : quia et Abraham in præputio credidit, et justificatus est.

D « Qui vivificat mortuos, et vocat ea quæ non sunt, tanquam ea quæ sunt. » Hoc dicto ad fidem Abrahamæ gentes invitat, quia cum esset in præputio, credens Deo, cujus nunc fides prædicatur in Christo, vivificatus est cum sua conjuge (12). Cum essent enim obsoleta ætate, seniores reviruerunt; ita ut non diffideret habiturum se ex Sara filium, quam sterilem sciebat, et in qua jam fluxus muliebris naturæ defecerat; ut per hæc non curent neque de præputio, neque de circumcissione, et prompti sint circa fidem : securi quia credunt ei, qui vivificat mortuos, nec alium esse qui hanc habeat potestatem : et cum voluerit esse, quod non sunt, statim ejus voluntate subsistant. Ideo Abraham cum pater

(11) Codex. Corb., esse apud eum, ut et gentes credant.

(12) Ita edit. Gill., in marg. et Rom. in corp. cum mss. nonnullis : aliæ autem edit. ac mss., justificatus est, unus judicatus est, cum sua conjuge, duo in sua conjuge.

adhuc non esset, vocatus est pater multarum gentium, et credidit, securus de Dei potentia. Et autem pater Christi idem esse Deus crederetur, cui credidit Abraham, tale signum datum est in Zacharia et Elisabeth, cum promissio redditur in mundo, imminente Christo, quale datum fuerat in Abraham et Sara, quando signata promissio est; ut simili genere emortua corpora senectute generarent sanctum Joannem (*Luc. 1, 13*), sicut natus fuerat et Isaac.

(Vers. 18.) « Qui contra spem in spem credidit (*Gen. xv, 5*). » Manifestum est, quia dum spem non haberet generandi Abraham, credidit Deo **51** fidem habens contra spem generare se, sed sciens omnia posse Deum.

« Ut fieret pater multarum gentium, secundum quod dictum est: Sic erit semen tuum (*Gen. xv, 5*). » Hoc in Genesi; ostendens enim illi stellas cœli dixit: « Sic erit semen tuum, » quod credens justificatus est. Credidit enim quod mundo impossibile videtur, dum in rerum naturam non cadit, ut possint senes generare, et tanta copia multiplicari semen eorum, ut numerari non possit. Ideoque pretiosa est fides, quia contra id quod scit aut videt, credit futurum: hac spe consolatur se, quia Deus est qui promittit; de quo plus sentiri par est, quam humana imbecillitas capit.

(Vers. 19-22.) « Et non infirmatus est fide: nec consideravit corpus suum jam emortuum, cum jam fere centum esset annorum, et emortuam vulvam Saræ. In repromissione autem Dei non hæsitavit diffidentia, sed confirmatus est in fide, dando gloriam Deo: certum habens quia quæ promisit, potens est et facere; ideoque æstimatum est illi ad justitiam. » Hoc laude dignum prædicat Abraham; quia cum se sciret non posse, infirmitatem suam fide firmavit; ut crederet se posse per Deum, quod sciret fieri per mundi decreta non posse. Magni ergo meriti est apud Deum, qui contra scientiam suam Deo credidit, non dubitans posse illum, utpote Deum, quod scit secundum mundi rationem fieri non posse. Pro certo enim habet Deum ultra rationem mundi esse; nemo enim intra id esse dicendus est, quod creavit. Ideo hujusmodi remunerandus est a Deo, quia auctori suo plus tribuit, quam ipse sapit. Quod quidem nullius pretii esset, si omnes æqua sentirent; sed multorum diffidentia commendatur fides credentium apud Deum. Hortatur ergo gentes ad hanc fidei firmitatem (*13*), ut Dei promissionem et gratiam sine aliqua ambiguitate suscipiant, securi exemplo Abrahamæ, quia inde credenti laus crescit, si quod incre-

dibile est, et mundo stultum videtur, creditur; quia quanto impossibile putatur (*14*) quod creditur, tanto magis honorabilior erit credens: et vere tamen stultum esset hoc credere, si sine Deo fieri diceretur. Et ideo tanto laudabilior est Abrahamæ fides cæterorum fide, quia nullis ignorum prodigiis attracta est. Quoniam autem mundus certa lege et potestate gubernatur, et regitur modo definita Deo; homines autem carnis amore circa rationem studiosi (*15*), Deum hujus opificem neglexerunt: Deus, ut errorem auferret, et dominum se omnium demonstraret, hoc se posse et fecisse prædicari voluit, quod mundo impossibile est: ut qui hoc crederent damnatis iis qui ratione mundi inflati Deum neglexerunt, discreti salvarentur, Dei dominio mancipati.

(Vers. 23-25.) « Non autem scriptum est tantum propter ipsum solum, quia reputatum est illi ad justitiam (*Gen. xv, 6*); sed et propter nos, quibus reputabitur credentibus in eum, qui suscitavit Jesum Christum Dominum nostrum a mortuis, qui traditus est propter peccata nostra, et resurrexit propter justificationem nostram. » In Abraham formam datam dicit Judæis et gentibus, ut exemplo ejus credamus in Deum, et in Christum, et in Spiritum sanctum, et reputetur nobis justitia. Quamvis differat quod nunc creditur (*16*), unum tamen donum habet fides. Hoc ergo consequimur, quod credimus: credentes enim Christum Dei esse Filium, a Deo adoptamur in filios; nihil enim ultra potuit donare credentibus, quam ut filii Dei dicantur, perfidis abdicatis. Nos enim filii Dei vocamur, illi autem nec servi digni sunt nuncupari. Pro infinita enim magnificentia sua Deus hoc donavit diligentibus se, quod sua dignum est majestate, non quod homines mereantur, quia in dono magis dantis quam accipientis consideratur sublimitas, et ex eo plus accipit laudis, cum parvulis magna dona largitur per Christum, qui nostri causa occidi se passus est, ut nos, data venia, a secunda morte erueret, id est, a pœna inferni: et surrexit, ut per lætitiæ triumphi (*17*) mortis evictæ gratiam nobis justificationis donaret, ut digni essemus dici filii Dei. Ante passionem enim qui baptizati sunt, solam remissionem acceperunt peccatorum quorum zelo Satanæ occidit Salvatorem: post resurrectionem vero tam ii qui prius, quam isti qui postea baptizati sunt omnes justificati sunt per datam formam **52** fidei Trinitatis, acceptoque Spiritu sancto qui signum est credentium, quod sint filii Dei. Et ut ad eum nobis justificationis proficeret, resurgens præceptis suis auctoritatem tribuit; ut eorum æmuli meritis augeamus nos, per quæ gloriam adepti, clari appareamus in regno Dei, hac fiducia qua justificati (*18*) a

(13) Codex Corb., ad hanc fidei dignitatem.

(14) Nonnulli mss., quanto stultum putatur.

(15) Rom. edit., Homines autem circa rationem carnis studiosi.

(16) Vet. edit. pluresque mss., quod non creditur, quidam, quod non credit; melius aut edit. Rom., quod creditur, aut cod. Mich., quod nunc creditur.

(17) Ita mss. plures ac potiores: alii tamen non-

nulli, et omnes edit., ut pro lætitiæ triumphi: unus præ lætitiæ triumphi.

(18) Omnes edit. ac quidam mss., æmulos nos hac fiducia faceret, per quam justificemur, meritis nos auferemus, per quam (Rom. edit. meritisque augeamur, et tandem) gloriam adepti, clari appareamus in regno Dei; quia justificati, etc. Sed multo commodius alii cod. ut in contextu.

morte teneri non possumus. Passione enim Salvatoris victa mors, quæ prius causa peccati dominabatur, justificatos ab eo retinere non audet.

CAPUT V.

(Vers. 1.) « Justificati igitur ex fide, pacem habeamus ad Deum per Dominum nostrum Jesum Christum. » Pacem cum Deo habere fides facit, non lex; hæc enim nos Deo reconciliat, sublatis peccatis, quæ nos Deo fecerant inimicos. Et quia Dominus Jesus hujus gratiæ minister est, per ipsum pacificati sumus Deo: major enim fides, quam lex est; lex enim nostra causa est, fides Dei: et lex ad præsentem disciplinam pertinet, fides vero ad salutem perpetuam. Sed qui de Christo non ita sentit, ut debet, ad fidei præmia non poterit pervenire, quia fidei non tenet veritatem.

(Vers. 2.) « Per quem et accessum habemus per fidem in gratiam istam in qua stamus, et gloriamur in spe gloriæ filiorum Dei. » Manifestum est per Christum nos aditum habere ad gratiam Dei; ipse enim est arbiter Dei et hominum, qui nos doctrina sua erigens, sperare fecit donum gratiæ Dei, stantes in fide ejus. Ideo stantes, quia prius jacuimus: credentes autem erecti sumus, gloriantes in spe claritatis, quam promisit Deus nobis.

(Vers. 3.) « Non solum autem, sed et gloriamur in tribulationibus nostris. » Quoniam per tribulationes oportet nos intrare in regnum Dei (*Act. xiv, 21*), ideo et in his gloriandum docet. Spei autem addita tribulatio augmentum facit præmii; index enim fixæ spei tribulatio est, quæ testimonium perhibet ad coronam. Unde Dominus ait: « Beati eritis, cum vos persequentur, et dicent omne malum adversum vos propter justitiam Dei. Gaudete et exultate: ecce enim copiosa est merces vestra in celo (*Matth. v, 11, 12*). » Contemnere enim præsentia, et quæ oblectamento sunt, et in pressura non cedere spe futurorum magni meriti est apud Deum. Ideoque in tribulationibus gloriandum est: quia tanto plus accepturum se credit, quanto in tribulatione se viderit fortiorem.

« Scientes quod tribulatio patientiam operatur. » Hoc est tribulationem patientiam operari, si tribulatio ipsa motum non patitur infirmitatis aut dubitationis.

(Vers. 4.) « Patientia autem probationem. » Manifestum est quia patientia, si talis fuerit qualem diximus, firma videbitur probatio.

« Probatio autem spem. » Spes in eo qui probatus videtur, non immerito dicitur: dignus enim scietur, accepturus remunerationem in regno Dei.

(19) Rom. edit., *Nam dum apud homines mori videbatur, ille apud inferos, etc.* Vet. edit. ac mss. inter se non discrepant, nisi quod pro *irreverentes*

A (Vers. 5.) « Spes autem non confundit, quia charitas Dei diffusa est in cordibus nostris per Spiritum sanctum, qui datus est nobis. » Spes non confundit, dum stulti et hebetes a perfidis judicamur, credentes quæ mundana earent ratione; pignus enim charitatis Dei habemus in nobis Spiritum sanctum datum nobis. Fidele enim esse promissum Dei probat Spiritus sanctus datus apostolis, et nobis, qui præstitit, ut diversis linguis imperiti loquerentur (*Act. ii, 4*) cum interpretationibus ad confirmandam spem, ut et charitatem Dei commendaret in nobis: ut quia charos falli impossibile est, securos nos faceret de promissione: quia et Deus est, qui promisit, et iis quos charos habere vult promisit; quia enim fidei nostræ rationem humana verba B asserere non valent nisi virtutum testimonio, quæ cum tacent, clamant, rationabilis approbatur ad confusionem prudentium mundi: qui audacia verborum terrenis armis contra cœlestia dimicant, et carnalibus adversus spiritalia, et prudentes se dicere non erubescunt. Nam sicut peregrini hominis improbabilis origo in terra aliena est, ita et fidei nostræ veritas peregrinatur in terris: et quia natura ejus verbis explicari non potest, virtutis, quæ major res est, testimonio commendatur.

(Vers. 6 et 7.) « Utquid enim Christus, cum adhuc peccatores essemus, secundum tempus pro impiis mortuus est? Vix enim pro justo quis moritur; nam pro bono forsitan quis audeat mori? » Si pro 53 incredulis ac Deo inimicis Christus ad C tempus morti se dedit, ad tempus enim mortuus est, quia tertia die resurrexit, quanto magis cum in illum credimus, auxiliis suis muniet nos? Ad hoc enim pro nobis mortuus est, ut et vitam et gloriam nobis acquireret. Itaque si pro inimicis mortuus est, quantum præstet amicis, debet intelligi. Apud homines ergo, id est, secundum tempus mori visus est; ille enim apud inferos (19) pro salute animarum irreverentes et nequam spiritus judicabat. Tempora in mundo sunt, ubi oritur et occidit sol, et luna incrementum et detrimentum (20) facit, et dies et nox in statu suo non perseverant; res enim quæ tempori et ætati subiecta est, mutabilis semper est. Huic ergo tempori Christus mortuus est, dum excessit e corpore. Ubi D autem tempus non est et ætas, ibi non solum vivus, sed et victor repertus est. Hinc voluit affectum Salvatoris erga nos commendare, cum dicit: « Vix pro justo quis moritur; » Christus autem pro impiis mortuus est. Si enim pro justo vix aliquis moritur, pro impiis quomodo potest fieri ut quis moriatur? Et si pro bono uno forte audeat quis mori, aut forte non audeat, quia utrumque difficile esse significat: quemadmodum videri potest, ut

legitur in nonnullis, *reverenter*.

(20) Rom. edit., *et decrementum*. Infra vero pro *mutabilis*, nonnulli mss. habent *mortalis*.

audeat aliquis pro multorum impietatibus mori. A Etenim si quis pro justo aut bono audeat forte mori, miseratione quadam illectus, aut affectu bonorum operum ejus; pro impiis vero non solum, quod suadeat mori, deest, sed et quod in lacrymas provocet. Christus autem mortuus est pro impietatibus populi, et adhuc non sui (21), ut omnia quæ mundus diffidit, faceret credibilia. Duos ergo gradus fecit, justus et boni: quamvis enim et justus bonus dicendus sit, tamen genera ipsa posuit, justum exercitio significans, bonum vero natura, qui simplicitate innocens dicatur. Unde quamvis melioris meriti sit, quantum ad locum istum pertinet, justus quam bonus, tamen « pro bono, inquit, forte aliquis audeat mori; » ut quia miserabilior causa innocentiae est, ad hoc cogi forte aliquem B posse significat. Denique optant parentes pro bonis filiis mori, non dicam uxores pro bonis maritis. Nam si velimus de bono et justo proponere, aliquando meliorem justum deprehendimus, aliquando præponendum bonum. Si enim juxta Dei legem qui justus est, melior bono est; sed illo qui necdum secum laboravit, ut amplificaret se bonis; exercitio enim bonum naturæ suæ justus meliorabit. Si autem juxta mundum fuerit justus, præponitur illi bonus propter innocentiam, quia hujusmodi non est sine severitate justitia (22). Itaque omnis natura bona est, justitia autem legis Dei fructus est competens naturæ; ideoque justitia bonitas est, unde justus semper appellantur et boni. Non tamen semper boni justus, quia non propter opera vocantur boni, sed propter innocentiam; justitia enim perfecta est bonitas, dum explet opere naturæ suæ bona.

(Vers. 8.) « Commendat autem suam charitatem Deus in nobis. » Sic commendat suam charitatem, dum adhuc inimicis suis benevolus est, et mittit qui salvet eos, cum utique non mereantur.

(Vers. 9.) « Quoniam si cum adhuc peccatores essemus, Christus pro nobis mortuus est, multo magis justificati nunc in sanguine ipsius, salvi erimus ab ira per ipsum. » Hoc dicit, quia si pro peccatoribus Filium suum Deus occidi permisit, quid faciet pro justificatis, nisi servet eos ab ira, id est, tutos illos præstet ab ilusione diaboli; ut securi sint in die judicii, cum cœperit perfidos ultio devastare? Quoniam enim bonitas Dei nullum D perire vult, mortem dignissimam dedit, ut intelligentibus Dei gratiam circa se, adderet dignitatem et gloriam, ingratis cumlaret pœnam (23). Ingrati ii sunt qui Deo vocante, dissentiunt, Dei gratiam

abnuentes, ut in proposito erroris et malignitatis permancant.

(Vers. 10.) « Si enim cum inimici essemus, reconciliati sumus Deo per mortero Filii ejus, multo magis reconciliati salvi erimus in vita ipsius. » Manifestum est, quia si, ut reconciliaret nos sibi, Deus Filium suum morti tradidit, quanto magis reconciliatos salvos faciet in vita ipsius? Non enim poterit 54 minime diligere amicos, qui prodest inimicis (24). Si enim mors Salvatoris profuit nobis adhuc impiis, quanto magis justificatis vitæ ipsius, cum resurgit a mortuis? Quia sicut mors ejus a diabolo nos eruit, ita et vita ejus de die judicii Dei nos liberabit.

(Vers. 11.) « Non solum autem hoc, sed et gloriamur in Deo per Dominum nostrum Jesum Christum, per quem nunc reconciliationem accepimus. » Non tantum pro accepta salute et securitate Deo gratias agendas docet, sed et gloriandum per Christum Jesum in Deo, qui dignatus est ex impiis (25) et inimicis dici nos suos amicos, ut omnia beneficia per Christum consecutos nos gaudeamus: ut quia per ipsum cognovimus Deum, gloriantes in eo, redamur ei honorificentiam parem Deo Patri, ipso sibi idoneo teste prædicante: « Ut honorificent, inquit, Filium, sicut honorificant Patrem (Joan. v, 23). » Post Dei ergo Patris providentiam, et donum quod dedit per Christum, ut personam Filii nobis gratam faceret, quia per unum Christum redempti sumus ab uno Deo Patre, adjecit:

(Vers. 12.) « Propterea sicut per unum hominem peccatum in hunc mundum intravit, et per peccatum mors, sic in omnes homines mors pertransiit, in quo omnes peccaverunt. » Quoniam superius Dei gratiam per Christum datam ostendit secundum ordinem veritatis, nunc ipsum ordinem unius Dei Patris (26), per unum Christum Filium ejus declarat: ut quia Adam, unus, id est, Eva, et ipsa enim Adam est, peccavit in omnibus, ita unus Christus Filius Dei peccatum vicit in omnibus. Et quia propositum gratiæ Dei erga genus humanum ostendit, ut ipsa primordia peccati ostenderet, ab Adam cœpit, qui primum peccavit: ut providentiam unius Dei per unum reformasse doceret, quod per unum fuerat lapsus et tractus in mortem. Hic ergo unus est per quem salvati, hanc illi reverentiam, quam Deo patri debemus, ipso volente. Dicit enim idem alio loco: « Qui in his servit Christo, placet Deo (Rom. xiv, 18); » cum scriptum sit: « Dominum Deum tuum adorabis, et illi soli servies (Deut. vi, 13). » Si ego soli Deo serviendum

(21) *Non sui*, huc mss. Corb. et Remig. addit., sicut pro callidis debitoribus aut tardis tarde quis fidem suam obligare patiatur.

(22) Omnes edit. ac plures mss., sine impietate justitia: magis concinne alii plures, sine severitate justitia, e quibus aliqui adjiciunt, nec severitas immunis a malitia.

(23) *Ingratis cumlaret pœnam*, abest a cunctis

mss.; at in nulla edit. non exhibetur.

(24) Rom. edit. e variis lect. Gill. hæc restituit: *Non enim...: qui prodest inimicis*; quæ verba etiam in cod. Vind. Thuan. et Remig. reperiuntur.

(25) Mss. aliquot, *qui dignatus est filio suo arbitro ex impiis*, etc.

(26) Ite vet. edit. et cuncti mss. At contra Rom. edit., *nunc ipsam unius Dei Patris*, etc.

dicit, et Christo servire præcepit, in unitate Dei est Christus, nec dispar aut alter Deus: quando cum soli Deo serviendum lex dicat, communiter utique Christo serviens Deo placere prædicatur (27). Igitur « sicut per unum hominem peccatum in hunc mundum intravit, et per peccatum mors, » ita et per unum Christum damnatio et mors peccati, præstans vitam æternam, quod inferius declarat.

« In quo, » id est, in Adam, « omnes peccaverunt. » Ideo dixit, « in quo, » cum de muliere loquatur, quia non ad speciem retulit, sed ad genus. Manifestum itaque est in Adam omnes peccasse quasi in massa; ipsa enim per peccatum corruptus, quos genuit, omnes nati sunt sub peccato. Ex eo igitur cuncti peccatores, quia ex eo ipso sumus omnes; hic enim beneficium Dei perdidit, dum prævaricavit, indignus factus edere de arbore vitæ, ut moreretur. Mors autem dissolutio corporis est, cum anima a corpore separatur. Est et alia mors, quæ secunda dicitur in gehenna, quam non peccato Adæ patimur, sed ejus occasione propriis peccatis acquiritur: a qua boni immunes sunt, tantum quod in inferno erant, sed superiori, quasi in libera (28), qui ad cælos ascendere non poterant; sententia enim tenebantur data in Adam, quod chirographum in decretis morte Christi deletum est (*Coloss. 11, 14*). Sententia autem decreti fuit, ut unius hominis corpus solveretur super terram: anima vero vinculis inferni detenta exitia pateretur.

(Vers. 13.) « Usque ad legem enim peccatum erat in hoc mundo: peccatum autem non imputabatur, cum lex non esset. » In Adam omnes dicit peccasse, sicut supra memoravi, et usque ad legem datam non imputatum esse peccatum; putabant enim se homines apud Deum impune peccare, sed non apud homines. Nec enim lex naturalis penitus obtorpuerat; quia non ignorabant quia quod pati nolebant, aliis facere non debebant. Nam usque adeo non ignotum fuit peccatum inter homines, ut Jacob, cum idola sua apud illum quæreret socer ejus Laban, in quo inventum fuisset furtum, 55 morte dignum judicaret (*Gen. xxxi, 30-32*); et Joseph quamvis per calumniam, tamen quasi reus clausus in carcere est (*Gen. xxxix, 20*): et pincerna Pharaonis ob delictum similiter passi sunt (*Gen. xl, 3*): et Moyses, occiso Ægyptio, atterritus (29) lege est (*Exod. 11, 12-14*). Quomodo ergo non imputabatur peccatum, cum lex non esset? aut quomodo vindicabatur, nisi lex sciretur?

(27) Omnes edit., *Lex commonet Christo serviens Deo placere dicatur*: mss. vero frequentissimi, ut nos in textu.

(28) Nonnulli mss., *sed superiore, quasi libera puritate*: alii aliquot, *sed superiora, quasi libera*. Vall. addit, *tenebant*, non incommode. Attamen melius reliqui mss. et omnes edit., *sed superiori, quasi in libera*, ubi subintellige custodia.

(29) Mss. aliquot, *territus fugit*.

(30) Omnes edit. et quidam mss., *quasi peccatum*

A Lex naturalis semper est, nec ignorabatur aliquando; sed putabatur ad tempus tantum auctoritatem habere, non et apud Deum reos facere. Ignorabatur enim quia judicaturus esset Deus genus humanum, ac per hoc non imputabatur peccatum, quasi peccatum non cognitum esset (30) apud Deum, incuriosum Deum asserentes. At ubi autem lex data est per Moysen, manifestatum est curare Deum res humanas, et non impune iis futurum qui malefacientes, quacunque ex causa in presenti evadunt. Nam utique si inter se, magistra justitia vel natura, peccata non inulta censebant; quanto magis Deum, quem mundi sciebant opificem, hæc requisitum non debuerant ignorare! Quippe cum Sodoma et Gomorrha per ignem adjudicatæ sint deperire, quod oblivio quidem texerat; Moyses autem ut firmaret Deum judicem fore, scribendo manifestavit (*Gen. xix, 24*). Sed cum prætermisso Deo, figmenta cæperunt in honorem Dei recipere, depravati mente, partem legis naturalis, quæ prima (31) est, calcaverunt. Quia lex naturalis tres habet partes, cujus prima hæc est, ut agnitus honoretur Creator, nec ejus claritas et majestas alicui de creaturis deputetur (32): secunda autem pars est moralis, hoc est, ut bene vivatur, modestia gubernante; congruit enim homini habenti notitiam Creatoris vitam suam lege refrenare, ne frustretur agnitio: tertia vero pars est docibilis, ut notitia creatoris Dei, et exemplum morum cæteris tradatur; ut discant quemadmodum apud Creatorem meritum collocatur (33). Hæc est vera et Christiana prudentia.

C (Vers. 14.) « Sed regnavit mors ab Adam usque ad Moysen. » Quoniam non imputabatur peccatum, antequam lex daretur per Moysen, sicut dixi; ipsa usurpationis impunitate regnabat mors, sciens sibi illos devotos. Regnabat ergo mors securitate dominationis suæ tam in hos, qui ad tempus evadebant, quam in illos qui etiam hic pœnas dabant pro malis suis operibus. Omnes enim suos esse videbat, quia « qui facit peccatum, servus est peccati (*Joan. viii, 34*); » impune enim cedere putantes, magis delinquebant: circa hæc tamen peccata promptiores, quæ mundus quasi licita nutriebat. Quo facto gaudebat Satanas, securus quod causa Adæ relictum a Deo hominem in possessionem habebat.

D Regnabat ergo mors in eos, « qui peccaverunt in similitudinem prævaricationis Adæ, » qui est forma futuri: quod in subjectis monstrabimus. Itaque non in omnes mortem regnasse manifestum

non esset: alii plures nobiscum, « quasi peccatum cognitum non esset: Corb. solus, quia si peccatum non esset cognitum apud Deum, incuriosum Deum assererent.

(31) Corb. codex, *depravati legem mentis naturalis, quæ prima, etc.*

(32) Mss., aliquot *alicui præter Filio deputetur*.

(33) Corb. ms., *quemadmodum creator merito colatur*.

est, quia non peccaverunt omnes in similitudinem A
 pravaricationis Adæ, id est, non omnes, contempto
 Deo, peccaverunt. Qui autem sunt qui, contempto
 Deo, peccaverunt, nisi qui neglecto Creatore ser-
 vierunt creature, deos sibi constituentes quos
 colerent, ad injuriam Dei? Ideirco letabatur in istis
 diabolus, quia videbat illos imitatores suos effe-
 ctos (34). Nam et Thare pater Abrahamæ, et Nachor
 et Laban proprios deos sibi vindicabant. Et pecca-
 tum Adæ non longe est ab idololatria; pravaricavit
 enim, putans se hominem futurum Deum. Æsti-
 mavit enim hoc magis profuturum, quod diabolus
 suasit, quam quod Deus jussit, in loco Dei diabolum
 statuens; unde et subjectus est diabolo. Similiter
 et hi, transgresso Deo, dum creature serviunt,
 peccant simili modo, non eodem; quia similitudo
 solet habere aliquid dissimile. Nec enim potest dici
 quia et hi qui præceptum acceperunt non edendi
 de arbore sicut Adam fuerunt (*Gen. ii, 17*), qui
 peccaverunt, non prævaricato Deo, sed in lege
 naturali. Qui enim intellexit, sive ex traduce, sive
 indicio naturali, et veneratus est Deum, nulli
 honorificentiam nominis ac majestatis ejus imper-
 tiens; si peccavit, quia impossibile est non peccare,
 sub Deo peccavit, non in Deum, quem judicem
 sensit: ideoque in hujusmodi mors non regnavit.
 In hos autem, 56 sicut dixi, regnavit, qui sub
 specie idolorum servierunt diabolo. Propterea quod
 lex in auctoritate non erat promulgata, judicem
 Deum præsentire nequiverunt. Maxima enim pars
 mundi Deum fore judicem ignorabat: perpauci
 autem in quos non regnavit mors; in quos autem
 regnavit, post istam mortem, quæ prima dicitur, a
 secunda excepti sunt ad pœnam et perditionem
 futuram. In quos autem non regnavit, quia non
 peccaverunt in similitudinem prævaricationis Adæ,
 sub spe reservati sunt adventui Salvatoris in
 libera (35); sicut legitur de Abraham, quia quamvis
 apud inferos fuerit, discretus tamen longo inter-
 vallo est; ita ut chaos esset ingens inter justos et
 peccatores (*Luc. xvi, 26*). Si inter justos et pecca-
 tores chaos ingens erat, quanto magis inter impios,
 ut justis esset refrigerium (36), et peccatoribus
 æstus, impiis vero ardor; ut ante judicium quid
 unusquisque dignus esset, non lateret? Ac per hoc
 regnabat in eos mors, quia videbat opera subtilitatis
 suæ profecisse eis ad pœnam quasi inimicis. Non
 enim latuit illum ad hoc factum hominem in mundo,
 ut imperium unius Dei prædicaret, quod prævari-
 catus est Satanæ.

Ac si in Græco non ita cautum dicatur; sic enim
 dicitur scriptum, etiam in eos mortem regnasse,
 qui non peccaverunt in similitudinem prævarica-
 tionis Adæ. Totum enim hic complexus videtur,

(34) *Ideirco letabatur... effectos*, deerrat in omni-
 bus edit., quod nos prope ex omnibus mss. resti-
 tuimus.

(35) Cod. nonnulli, *adventui Salvatoris in libera-
 tionem*; alii vero, et edit. hoc inter se dissident,
 quod mss. non pauci, ac vet. edit. efferunt, *ad-*

ut quia mors, id est, dissolutio, per invidiam facta,
 est diaboli, etiam in eos qui non peccaverunt,
 regnasse mortem dicat; moriuntur enim, quod voli
 est Satanæ. Quod si verum esset, non oportuit
 dici: « Regnavit mors ab Adam usque ad Moysen;»
 si ab initio usque ad finem regnat in omnes. Aut
 forte gradus fecit, ut ab Adam usque ad Moysen
 regnaverit, et a Moysen usque ad Christum, a Christo
 vero usque ad finem; ut ad quam utilitatem hæc
 locutio proficeret, cum nec sic locutus probetur.
 Dixit enim: « Ab Adam regnavit mors usque ad
 Moysen, » propter quod lex non erat manifestata,
 ut data lege, sub auctoritate ejus viverent, scientes
 quid caverent, ne regnaret in eos mors. Igitur qui
 ante legem hoc servavit, natura duce, quod postea
 lex mandavit, numquid potest dici quia mors re-
 gnavit in eum? Nam vide quid de eo scriptum sit:
 « Peccatum, inquit, non imputabatur, cum lex non
 esset; » et adjecit: « Sed regnavit mors ab Adam
 usque ad Moysen, » eo utique tempore, quo lex non
 erat; et convenit ut quia antequam lex daretur,
 mors regnavit, in eos regnasse dicatur, qui pecca-
 verunt in similitudinem prævaricationis Adæ, sicut
 supra memoravimus. Sicut enim post legem datam
 qui idolis aut fornicationi servierunt, contemnen-
 tes legislatorem, regnavit in eos mors; ita et ante
 legem qui sensum legis præsenferunt, honorifi-
 cantes auctorem ejus, non utique regnavit in eos
 mors: propterea enim regnasse dicitur, quia cog-
 nitio unius Dei evanuerat in terris. Denique sic
 cœpit data lex: « Ego sum, inquit, Dominus Deus
 tuus, qui eduxi te de Ægypto, de domo servitutis:
 non erunt tibi dii alii præter me; et non facies tibi
 idolum, neque ullam similitudinem (*Exod. xx,
 2-4*). » Data igitur lex est, ne mors regnaret; ut
 abolitis peccatis prioribus, uni Deo obsecundaret
 genus humanum. Unde alio loco dicit idem Apo-
 stolus: « Non regnet peccatum in vestro mortali
 corpore, ut obediat ei (*Rom. vi, 12*). » Quo dicto
 ostendit etiam nunc regnare mortem, si lex con-
 temnatur. Quod enim regnum mortis est, nisi cum sit
 voluntas ejus, dum imperat, ad perniciem obedientis,
 cujus imperii voluntas caput est idololatriæ?

Et tamen sic præscribitur nobis de Græcis codi-
 cibus, quasi non ipsi ab invicem discrepent; quod
 facit studium contentionis. Quia enim propria quis
 auctoritate uti non potest ad victoriam, verba legis
 adulterat, ut sensum suum quasi verba legis
 asserat, ut non ratio, sed auctoritas præscribere
 videatur. Constat autem porro olim quosdam Lati-
 nos de veteribus Græcis translatis codicibus, quos
 incorruptos simplicitas temporum servavit et probat:
 postquam autem a concordia animis disceden-
 tibus, et hæreticis perturbantibus torqueri quæstio-
 ventu: reliqui melius, *adventui*: Rom. edit. sola,
adventus.

(36) Ita Gill. ac Rom. edit. cum mss. nonnullis:
 vet. autem edit. et reliqui mss., *quanto magis piis
 et justis esset refrigerium*.

nibus ceperunt (37), multa immutata sunt ad A sensum humanum; ut hoc contineretur 57 in litteris, quod homini videretur: unde etiam ipsi Græci diversos codices habent. Hoc autem verum arbitror, quando et ratio et historia et auctoritas observatur: nam hodieque in Latinis reprehenduntur codicibus, sic inveniuntur a veteribus posita, Tertulliano, Victorino et Cypriano.

Primum igitur in Judæa cœpit destrui regnum mortis, quia « notus in Judæa Deus (*Psal. lxxv, 2*); » nunc autem in omnibus gentibus quotidie destruitur, dum magna ex parte ex filiis diaboli fiunt filii Dei. Itaque non in omnes regnavit mors, sed in eos qui peccaverunt in similitudinem prævaricationis Adæ, sicut supra memoravi. Adam autem ideo forma futuri est, quia jam tum in mysterio decrevit Deus per unum Christum emendare, quod per unum Adam peccatum erat (38), sicut dicitur in Apocalypsi Joannis apostoli: « Agnus, inquit, qui occisus est a constitutione mundi (*Apoc. xiii, 8*). » Denique subjecit:

(Vers. 15.) « Sed non sicut delictum, ita et donum. » Propter quod enim formam esse dixit unius Christi unum Adam; ne et causam Adæ talem significasse putaretur, qualis et Christi est; ideo ait: « Sed non sicut delictum, ita et donum; » quia in eo tantum forma Adam Christi est, quia quod unus peccavit, unus emendavit.

« Si enim unius delicto multi mortui sunt, multo magis gratia Dei et donum in gratia unius hominis Jesu Christi in plures abundavit; » hoc est, si unius delicto multi mortui sunt, imitantes prævaricationem ejus, magis gratia Dei et donum in plures abundavit confugientes ad se. Plures enim gratiam consequuntur, quam mortui sunt delicto Adæ. Unde manifestum est non de hac morte, quæ omnibus communis est, significasse, quia omnes omnino moriuntur, et non tamen omnes gratiam consequuntur: neque mortem in omnes regnasse, sed in eos qui delicto Adæ, mortui sunt, significatur, quos in similitudinem prævaricationis Adæ dicit peccasse (39). Hi sunt quos dicit in unius delicto multos mortuos, gratiam autem Dei in plures abundare, quia et in iis qui delicto Adæ mortui dicuntur, similiter peccantes, et in iis qui non peccaverunt in hac Adæ prævaricationis similitudine, Dei gratia abundavit: paterno autem peccato ex Dei sententia erant apud inferos, gratia Dei abundavit in descensu Salvatoris, omnibus dans indulgentiam, cum triumpho sublatis eis in cœlum.

(Vers. 16.) « Et non sicut per unum peccatum, ita et donum: nam iudicium quidem ex uno in

A condemnationem, donum autem ex multis delictis in justificationem. » Manifeste diversum est, quia uno Adæ peccato condemnati sunt, qui in similitudinem prævaricationis ejus peccaverunt: gratia vero Dei per Christum non ex uno delicto, sed ex multis justificavit homines, dando illis remissionem peccatorum. Hoc ad magnificentiam pietatis Dei et Christi loquitur, ut cum delicto Adæ multi tenentur a morte secunda in inferno inferiori, donum tamen gratiæ Dei, cum justum esset plecti illos, non solum ignoscit illis, sed justificat.

(Vers. 17.) « Si enim unius delicto mors regnavit per unum, multo magis abundantiam gratiæ et donationis et justitiæ accipientes, in vita regnabunt per unum Jesum Christum. » Contuendum est unum esse sensum, et in nullo differre: mortem enim dicit regnasse, non regnare, quia qui intellexerunt per legem iudicium Dei, sublatis sunt de ejus imperio. Regnavit autem, quia sine manifestatione legis timor Dei in terris non erat. Superior ergo sensus est, ut quia mors regnavit ab Adam usque ad Moysen in eos, qui peccaverunt in similitudinem prævaricationis Adæ, multo magis gratia regnet abundantia doni Dei in vitam per unum Jesum Christum. Si enim mors regnavit, quare non magis gratia regnet, quæ multo plures justificat, quam hi sunt in quos regnavit mors: quanto magis gratia regnare credenda est, quæ confert vitam per Christum?

(Vers. 18.) « Igitur sicut per unius delictum in omnes homines in condemnationem, sic et per unius justitiam in omnes homines in justificationem vitæ, » hoc est, sicut per unius delictum omnes condemnationem meruerunt similiter peccantes, ita et in justitia unius omnes justificabuntur credentes. Si qui 58 autem condemnationem hanc generalem esse putant, simili modo et justificationem generalem accipient. Sed non est verum, quia non omnes credunt.

(Vers. 19.) « Sicut enim per inobedientiam unius hominis peccatores constituti sunt plures: ita et per unius obedientiam justii constituentur multi. » Quos supra omnes dixit, hic plures et multos significat; plures enim delictum Adæ secuti sunt prævaricando, non omnes; et multi justii constituentur per fidem Christi, non omnes. Non ergo in eos regnavit mors, qui non peccaverunt in similitudinem prævaricationis Adæ.

(Vers. 20.) « Lex autem subintravit, ut abundaret delictum. » Potest dici e contra: Non ergo oportuit dari legem, ne peccata increcerent; si enim ante legem minus peccatum est, non opus

(37) Rom. edit., *Constat autem hoc per quosdam Latinos de veteribus Græcis translatis olim codices, quos incorruptos simplicitas temporum servavit et servat: postquam autem concordia animis dissidentibus... torqueri quæstionibus cœpit.* Vet. autem edit. ac mss. nobiscum faciunt, nisi quod eadem edit. ac pauci mss. pro *discedentibus* habent *dissidenti-*

bus, minus concinne.

(38) Ita plerique mss. at alii nonnulli, et omnes edit., *prævaricatum erat*: cod. vero Corb., *per prævaricationem peccatum increcerat.*

(39) Corb. cod., *quos in prævaricatione similitudinis Adæ peccasse asserit.*

fuit lege. Plane necessaria fuit lex, ut ostenderet A imputari apud Deum peccata, quæ impune fieri credebantur; ut de cætero scirent quid evitare deberent. Unde Isaias propheta: « Lex, inquit, in adjutorium data est (*Isa.* viii, 20): » ut quia ipsi naturæ quodammodo inserta sunt justitiæ semina, addita lex est, cujus auctoritate et magisterio ingenium naturale proficeret ad fructum justitiæ faciendum. Sicut enim nativitas interit (40), nisi nutrimenta habeat, quibus fota adolescat, ita et naturale justitiæ ingenium, nisi habeat quod respiciat et veneretur, non facile proficit, sed ægrotat et supervenientibus cedit peccatis. Consuetudine enim delinquendi premitur, ne crescat in fructum, et per hoc exstinguitur. Providenter ergo data est lex in adjutorium, sicut testatur propheta: sed B populus veterem consuetudinem sequens multiplicavit peccata. Ipso enim usu plus cœpit peccare, quam antea peccaverat: et sic factum est, ut data lege non minuerentur, sed abundarent peccata: Apostolus enim ostendit quid provenerit data lege, non quid lex fecerit. Quomodo autem legis vitio crescebant peccata, quæ comminabatur, ne peccetur: sed subintrasse dicitur ut abundaret peccatum? Verum est, quia quasi profutura intravit, et cum humilitate: postea autem cœpit dominari eis, quibus præceperat ne peccarent, et peccabant. Ostendere enim cœpit lex abundantiam peccatorum; cum quæ interdixerat, plus fiebant quam facta erant. Igitur hoc modo (41) ut abundaret delictum, data est lex; commendans enim Apostolus fidem, C per quam utique peccata delentur, legem dixit fecisse, ut abundaret peccatum, sicut supra dixi; quia non data est, ut abolerentur peccata, sed ut abundarent: dum et ante legem peccatores ostendit, et post legem reos omnes tenuit.

« Ubi autem abundavit peccatum, superabundavit gratia. » Manifestum est, quia cum abundaret peccatum, superabundavit gratia: dum domum Dei venit ex promissione, et omnium peccata contexit (42): ut diaboli invidia nihil se profecisse doleat. Quia enim cum data esset lex ad utilitatem humanam, id egit diabolus, ut suadendo illicita, inverteret; ut quod profuturum datum erat, in contrarium proficeret, dum mandata contempta sunt, ut non utilitas ex lege, sed judicium ad vindictam D procederet (43): tunc justus atque misericors Deus, ut gloriam diaboli quam de triumphato homine quæsierat, exinaniret, Filium suum venturum decrevit, qui omnia peccata donaret, ut major fieret lætitia ex dono gratiæ, quam fuerat luctus ex pec-

cato. Gaudium enim doni Dei etiam his proficit, de quibus triumphare non potuit Satanas: ideo superabundavit gratia super peccatum, quod suasit Satanas.

(Vers. 21.) « Ut quemadmodum regnavit peccatum in mortem, ita et gratia regnet per justitiam in vitam æternam per Jesum Christum Dominum nostrum. » Peccatum regnavit videndo opus suum peccantibus in mortem proficere, in qua gloriabatur simili modo, ut et gratia regnet per justitiam in vitam æternam, per Jesum Christum Dominum nostrum (44); ut sicut per Adam cœptum peccatum regnavit, ita et per Christum gratia. Sic autem regnat gratia per justitiam, si accepta remissione peccatorum, justitiam sequimur, ut videns gratia fructum se habere in bonis, quos redemit, regnet in vitam æternam, sciens nos futuros æternos. Superabundat ergo gratia, quia peccatum ad tempus regnavit, gratia autem in æternum. Dei enim regnum est, gratia 59 regnante, sicut diaboli regnum erat, peccato regnante. Totum tamen ad Christum refert, ut omnis gratia Dei a Christo discatur (45). Ad superiorem igitur sensum respondet dicens:

CAPUT VI.

(Vers. 1.) « Quid ergo dicemus? Permanebimus in peccato, ut gratia abundet? Absit. » Hoc est, nunquid semper peccandum est, ut donum Dei abundet, tegens nostra peccata, ut semper remissionem peccatorum sperantes, quia Deus pius est, Christi gratiam præferamus? Non utique. Ideo enim nostri misertus est Deus per Christum, ut de cætero non peccantes, et meritum nobis et Dei gratiam in nos regnare faciamus. Aufert enim regnum gratiæ Dei, et tradit peccato, qui rursus redit ad veterem hominem, id est, ad ritum præteritiæ vitæ. Duabus enim ex causis misericordiam accepimus: ut et diaboli regnum excluderetur, et Dei imperium ignorantibus prædicaretur, per hoc ipsum dignitate nobis quæsita.

(Vers. 2.) « Qui enim mortui sumus peccato, quomodo adhuc vivemus in illo? » Hoc dicit, quoniam viventes peccato, mortui eramus apud Deum; qui peccat enim, vivit peccato, sicut qui non peccat, vivit Deo. Superveniente enim gratia Dei per Christum, et nos per fidem lavacro spiritali regenerante, D cœpimus vivere Deo, mortui autem esse peccato, qui est diabolus; hoc est tamen mori peccato, liberari a peccato, fieri autem servum Dei. Itaque mortui jam peccato, non redeamus ad mala pristina, ne iterum vivemus peccato, et morientes Deo, amissa dignitate, pœnam quam evasimus, incurramus.

nem conveniunt, nisi quod pro ad vindictam, illorum nonnulli habent, et vindicta.

(44) Mss. quidam: *Simili modo et gratia regnet, et inobedientes sibi facit; dum ii quibus misericordiam dedit, recte versantur, hæredes futuri per Christum, sicut fuerant perditionis obnoxii per Adam. Quid ergo dicemus?* etc.

(45) Rom. edit. sola, a Christo dicatur.

(40) Idem codex Corb., *nativitas intepescit.*

(41) Paris. quædam edit., *Igitur huic mundo, etc.*

(42) Corb. cod., *peccata contraxit.* Continuo vero post Amerb. et mss. non pauci legunt, *profecisse doceat*, ubi Eras. ac seq. edit. cum aliis mss. magis congrue, *profecisse doleat.*

(43) Vet. edit., *ut non utilitas ex lege, commendatio gratiæ Dei; sed judicium ad vindictam procederet:* mss. vero et Rom. edit. In nostram lectio-

(Vers. 3.) « An ignoratis quia quicumque baptizati sumus in Christo Jesu, in morte ejus baptizati sumus? » Hoc dicit, ut sciamus baptizatos nos jam non debere peccare, quia cum baptizamur, commorimur Christo. Hoc est in morte ejus baptizari, illic enim omnia peccata nostra moriuntur, ut innovati deposita morte, resurgere videamur ad vitam renati: ut quomodo Christus mortuus peccato resurrexit, ita et nos per baptismum spem resurrectionis habeamus. Baptisma itaque mors peccati est, ut alia sequatur natiuitas, quæ corporis manente compagine, hominem mente innovat, sepulta omnium malorum actuum vetustate.

(Vers. 4.) « Consepulti enim sumus cum illo per baptismum in mortem, ut quemadmodum Christus resurrexit a mortuis per virtutem Patris, ita et nos in novitate vite ambulemus. » Hæc dicens, etiam istud significat, quod primum est; quia Christus corpus suum a mortuis excitavit, ipse enim virtus est Dei Patris, sicut dicit: « Solvite templum hoc, et ego tribus diebus excitabo illud. Hoc autem, inquit, dicebat de templo corporis sui (Joan. ii, 19, 21); » et quia resurrexit in novam vitam, quæ jam mori nesciat. Nova autem dicitur, quia a Christo data est, quæ est disciplina Christiana. Nos autem baptizati consepulti sumus Christo (Coloss. ii, 12), ut de cætero hanc vitam sequamur, in qua Christus resurrexit. Baptisma itaque resurrectionis pignus est, et imago, ut jam in præceptis Christi manentes, ad præterita denuo non revolvamur. Qui enim moritur, jam non peccat: mors enim finis peccati est. Nam ideo per aquam celebratur, ut sicut aqua sordes corporis abluit, ita et nos per baptismum ab omni peccato spiritualiter purgatos nos et innovatos credamus, ut quod incorporale est, invisibiliter abluatur.

(Vers. 5.) « Si enim complantati sumus similitudini mortis ejus, simul et resurrectionis erimus. » Tunc nos feliciter dicit posse resurgere, si similitudini mortis ejus fuerimus complantati, id est, si in baptismo omnia vitia deponentes, in novam vitam translati, de cætero non peccemus: per quod simul et resurrectionis illius similes erimus; similitudo enim mortis similem præstabit resurrectionem. Quod in epistola sua Joannes apostolus memorat dicens: « Scimus quia cum apparuerit, similes ei erimus (I Joan. iii, 2), » hoc est, immortalem et gloriosum resurgere. Nec enim hæc erit similitudo, ut nihil distet, quia similis erit in corporis gloria, non in divinitatis natura.

(Vers. 6 et 7.) « Scientes hoc quia vetus homo noster simul crucifixus est, ut destruat corpus peccati, ut ultra non serviamus peccato. » Multa innectit et iterat, ut baptizatos doceat jam non

A debere peccare: maxime ne ad idololatriam revertantur; gravissimum 60 enim crimen, et caput totius erroris est; ne perdant gratiam acceptam a Deo per Christum. Hominem ergo veterem actus præteritos dicit, quia sicut novus homo per fidem et puram vitam dicitur (46), ita et vetus homo per dissidentiam et malos actus. Hos actus crucifixos dicit, id est mortuos, ut corpus destruat peccati, quod est cuncta crimina. Omnia enim peccata simul corpus appellat, quod destrui dicit per bonam vitam, et fidem catholicam.

(Vers. 8.) « Si autem mortui sumus cum Christo, credimus quod etiam simul vivemus cum illo. » Manifestum est hos qui carnem crucifixerunt (Galat. v, 24), id est, mundum cum vitiis et concupiscentiis ejus, mori mundo, et commori Christo, æternæ quoque vitæ ac salutari coimaginari, ut gloriæ Christi similes effici mereantur. Caro vero, id est, corpus sic crucifigitur, si desideria ejus calcantur, quæ manente in ea peccato, creantur (47) ex prævaricatione primi hominis cœpta: in carne enim diabolus crucifigitur; ipse enim est, qui fallit per carnem. Caro ergo aliquando mundus, id est, elementa, aliquando vero corpus hominis intelligitur, vel ipsa anima sequens corporea vitia.

(Vers. 9 et 10.) « Scientes quod Christus resurgens ex mortuis, jam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo. » Securitatem æternitatis in resurrectione Salvatoris ostendit: ad quam venire contingit, si melioris vitæ fuerit æmulatio. Qui enim bene agendo vivit Deo, hic vere vivit, quia æternam habet vitam.

(Vers. 11.) « Ita et vos existimate vos mortuos quidem esse peccato, viventes autem Deo in Christo Jesu Domino nostro. » Sic loquitur, ut doceat non aliter mori posse peccato, et Deo vivere, quam ut in Christo sit omnis spes: quem Dominum nostrum appellat, ut nihil legis ad salutem proficiat capessendam in futuro sæculo, quando non aliter Deo vivitur, quam per Christum.

(Vers. 12.) « Non ergo regnet peccatum in vestro mortali corpore, ut obediat concupiscentiis ejus. » Mortale corpus est ex causa prævaricationis Adæ, ex fide autem Christi fore creditur immortale. Ut autem ad promissionem hanc veniatur, non obediendum dicit peccato, ne regnet in nostro mortali corpore: regnat autem dum imperat. Si autem non regnat, non videbitur corpus hoc esse mortale, quia in spe æternitatis est. Non propter dissolutionem dixit mortale corpus, sed propter pœnam gehennæ, ut ille mortalis dicatur, qui in gehennam mittendus est; quia qui peccato obediunt, mortem secundam inferni (48) non evadunt,

(46) Quidam mss., *novus homo per Christum, id est, qui ejus fidem habet, puramque vitam exercet, novus dicitur, etc.*

(47) Mss. aliquot, *que manent in ea; peccato enim creantur, etc.*

(48) Vet. edit. cum mss. non paucis, *mortem inferni*; Gill. in marg. et Rom. edit. in corp. cum mss. quibusdam, *mortem secundam*; mss. vero Gem. Prat. Mich. Vall. Thuan. et Remig., *mortem secundam inferni*.

a qua Salvator in se credentes liberavit. Mortale ergo dicens corpus, totum hominem significavit, quia qui obediunt peccato, mortales dicuntur : « Anima enim, inquit, quæ peccat, ipsa morietur (Ezech. xviii, 4), » id est, totus homo ; nemo enim sine corpore judicabitur (49).

(Vers. 13.) « Sed neque exhibeatis membra vestra arma iniquitatis peccato. » Ostendit diabolum nostris nos jaculis impugnare ; occasio enim datur illi per nostra peccata, ut deserente nos Deo, accepta potestate illudat et mortificet nos. Ideo membra nostra ab omni opere iniquitatis continere debemus, ut inimicus noster inermis inventus subjiciatur. Et non dixit : Exhibete corpora vestra, sed « membra vestra ; » « membris enim ministris erratur, non toto corpore (50).

« Sed exhibete vos Deo, tanquam ex mortuis viventes. » Mortem ignorantiam et infidelitatem cum mala vita significat, quia vita est cognoscere Deum per Christum. Quia enim nemo sine parente ortum sumit vitæ, omnia autem a Deo orta sunt ad vitam per Christum, idcirco qui non cognoscit parentem omnium esse Deum per Christum, vitam habere non dicitur, hoc est, sic habetur ac si non sit : ipse enim semetipsum esse negat, dum sine parente Deo esse se putat. Itaque ignorantia et turpis vita mors est ; vitia enim ista mortem acquirunt, non mortem hanc, quæ communis est omnibus, sed mortem gehennæ, sicut supra memoravi : ut cognitio parentis Dei, et sancta conversatio vita sit, non hæc quæ occasui subjacet, sed illa futuri sæculi, quæ vocatur æterna. Quamobrem, « exhibete vos Deo, » inquit, quem cognoscentes profecistis in salutem, ut inhonestæ vitæ renuntiantes, essetis ex mortuis viventes.

61 « Et membra vestra arma justitiæ Deo. » Tanta nos modestia conversationem nostram vult gubernare, ut actus nostri justitiæ Dei proficientes, non mundanæ justitiæ (quia mundi justitia sine fide est Christi, sine qua non vita, sed mors est) arma præbeamus illi ad defendendos nos : cui cum arma per opera bona præbemus, dignos nos facimus adjuvari ab ea, quia justitia Dei indignos despicit. Ubi enim justitia Dei fuerit, ibi habitat Spiritus sanctus ad adjuvandam imbecillitatem nostram ; sicut enim peccato arma præbemus, cum male agimus : ita et justitiæ, cum recte versamur, membra nostra custodientes ab omni turpitudine.

(Vers. 14.) « Peccatum autem vestri jam non dominabitur ; non enim sub lege estis, sed sub gratia. » Si secundum præcepta quæ dat, ambulemus, peccatum nobis dicit non posse dominari ;

(49) Nonnulli mss., *sine causa corpore judicabitur.*

(50) Mss. non pauci, *membris enim, prout peccata dictaverint, ministerii erratur, aut ministris armatur.*

(51) Corb. cod., *Iis enim dominatur, qui peccant, quia omnis peccator servus est peccati et necesse est esse sub lege.*

Iis enim dominatur, qui peccant. Non enim ita ambulantes, ut præcipit, sub lege (51) sumus : si vero non peccemus, non sumus sub lege, sed sub gratia. Si autem peccemus, vertimur sub lege, et incipiet nostri dominari peccatum, quia qui « facit peccatum, servus est peccati (Joan. viii, 34) : » et necesse est ut sit sub lege (52), quando remissa non accipit ; peccatum enim auctoritate legis reum facit peccatorem : ac per hoc cui data remissio est, et custodit se, ne de cætero peccet, neque peccatum ei dominabitur, neque sub lege est. Cessat enim circa eum auctoritas legis, qui liberatus est a peccato ; quos enim reos tenet lex, traditi sunt illi a peccato. Qui ergo peccatis exutus est, non potest esse sub lege.

B (Vers. 15.) « Quid ergo ? peccabimus, quia non sumus sub lege, sed sub gratia ? Absit. » Quoniam lex a Deo est, ac per hoc ne forte opponeretur, ipse sibi proposuit (53) : Si ex Deo est lex, inquit, cur non debemus esse sub lege ? Hoc purgat, ac docet cum Dei voluntate, qui legis auctor est, a Christo nos liberatos de sub lege ; quamvis enim recte data sit lex (data est enim, ut et reos ostenderet apud Deum, qui peccaverunt ante legem : et timori esset, ut de cætero non peccaretur), sed quia infirmitatis suæ imbecillitate genus humanum a peccatis se inhibere non potuit, factum obnoxium mortis inferni ; motus Deus pietate clementiæ suæ, qua semper humano generi subvenit, providit per Christum, qua ratione desperatis jam daretur medela, ut remissione peccatorum accepta, eruti a lege, quæ illos habebat obnoxios, et relevati et reparati, Deo adjuvante per fidem (54), vitiis a quibus prius subacti fuerant, repugnarent, ideoque non peccavimus quasi legem spernentes Dei, sed ipsius Dei quasi providentiam secuti sumus per Christum.

C (Vers. 16.) « Nescitis quia cui exhibetis vos servos ad obediendum, servi estis ejus, cui obedistis, sive peccati in mortem, sive obeditionis ad justitiam ? » Nunc ne aliud profitentes, aliud faciamus, et cum Dei servi dicimur, gestis servi diaboli inveniamur ; præmonet et denuntiat ejus nos servos esse, cujus et voluntatem explemus operibus ; et non parum obesse Deum confiteri Dominum, et actibus diabolo famulari ; nam hoc olim Deus denotat, et accusat dicens : « Plebs hæc labiis me honorat, cor autem eorum longe est a me (Isa. xxix, 13). » Et Dominus ait in Evangelio : « Nemo potest duobus dominis servire (Matth. vi, 24). » Et in lege dictum est (55) : « Deus non deridetur (Galat. vi, 7). »

(52) Rom. edit. sola, *versamur sub lege.*

(53) Ead. edit. sola, *ipsi sibi opposuit.* Infra vero ubi hæc ipsa cum mss. nonnullis, et Gill. in marg., *Hoc purgat ;* vet. edit. cum aliis mss. exhibent, *Hoc cognoscit.*

(54) Ita edit. omnes : at contra mss. ad unum voces *per fidem* non admittunt.

(55) Rom. edit. sola, *et alibi dictum est.*

(Vers. 17, 18.) « Gratias autem Deo, quod cum fuissetis servi peccati, obedistis ex corde in eam formam doctrinæ, in qua traditi estis. Credentes autem in Christum, servi facti sumus justitiæ. » Ejus enim dicimur servi, cui obedimus. Et quia justum est obedire Christo (et ipse enim justitia est, et quæ præcipit, justa sunt), ideo dicit servos nos factos justitiæ ex corde, non ex lege : ex voluntate, non ex timore : ut professio nostra animi iudicio promatur. Per naturam enim indueti sumus ad fidem, non per legem, in qua forma doctrinæ Dei imperio facti sumus, qui finxit naturam. In natura enim habemus, ut cognoscamus a quo, et per quem, et in quo sumus creati. Forma ergo doctrinæ est, in quam tradidit nos Creator naturaliter, hoc est, quod supra dixit : **62** « Ipsi sibi sunt lex (*Rom. II, 14*) ; » dum vident naturæ suæ esse, quod credunt ; ut quod Judæis lex et prophetæ prædicarunt de Christo, hoc gentiles ex corde confidunt (56). Illic gratias refert Domino, quia cum essemus servi peccati, obedivimus ex corde credentes in Christum : ut serviremus Deo, non per legem Moysi, sed per legem naturæ.

(Vers. 19.) « Humanum dico propter infirmitatem carnis vestræ. » Dum infirmitatem carnis memorat, minus se significat exigere ab homine, quam dignum est circa Dei culturam. Denique subinfertur :

« Sicut enim exhibuistis membra vestra servire immunditiæ et iniquitati, ad iniquitatem ; ita nunc exhibete membra vestra servire justitiæ, in sanctificationem. » Ut occasionem nobis auferret timoris accedendi ad fidem, quia quasi importabilis nobis et aspera videretur, ea mensura nos Deo servire præcepit, qua prius famulabamur diabolo : cum utique propensius deberet serviri Deo quam diabolo, quippe cum hic salus, illic damnatio operetur ; medicus tamen spiritalis non plus a nobis exigit, ne dum [præcepta quasi gravia fugeremus, perpendentes infirmitatem nostram, maneremus in morte. Unde Dominus : « Tollite, inquit, jugum meum super vos... quia suave est, et onus meum leve (*Matth. XI, 29, 30*). »

(Vers. 20 et 21.) « Cum enim servi essetis peccati, liberi fuistis justitiæ. Quem enim fructum habuistis tunc in illis, in quibus nunc erubescitis ? Nam finis illorum mors est. » Manifestum est, quia qui liber est a Deo, est servus peccati ; dum peccat enim, recedit a Deo, et fit sub peccato. Quales ergo sunt fructus peccati, in quibus conversati

(56) Ita omnes mss. ; contra vero omnes edit., *ex corde confiteantur* ; Amerb., *confitentur*.

(57) Omnes edit., *in quibus addiscentes* ; melius omnes mss., *in quibus conversati addiscentes* ; unus *abdicanles*, sed pravo sensu.

(58) Vet. edit. et mss. nonnulli, *Nisi spurcitiis intersit* ; Rom. edit. ac pauculi etiam mss., *nisi spurcitiis intersit* ; sed alii mss. multo plures, ut in textu. Rursus vero pro *sacramentum multum est*, ut in edit. et mss. quibusdam habetur ; in aliis cod. legitur, *sacramentum motum est*, in aliis *nothum est*.

A addiscentes (57) bonam vitam, confundimur, eo quod dudum turpiter vixerimus : et non solum hoc, quia et sententia paganorum turpis et fœda est, maxime quæ in Phrygia inventa est, in qua nisi spurcus intersit (58), sacramentum mutum est, et torpescit religio ! Ecce maculis plena libertas, et squaloribus obligata, ejus opus turpem mercedem habet : « Cujus finis mors est : » finem dixit exitum vitæ et actuum, cui aut mors, aut vita succedit. Sed hoc loco mors duplex, a morte enim ad mortem transitur.

(Vers. 22.) Nunc vero liberati a peccato, servi autem facti Deo, habetis fructum vestrum in sanctificationem, finem vero vitam æternam. » Hoc est, si accepta remissione peccatorum, bonorum **B** actuum æmuli fuerimus, acquiremus sanctitatem, finem vero habebimus, id est, exitum, vitam perpetuam ; a morte enim hac, quam finem dixit, transibimus ad vitam quæ sine fine est.

(Vers. 23.) « Nam merces peccati mors est. » Quæstum peccati mortem dicit, quia per peccatum mors (59) ; ac per hoc qui de cætero abstinent se a peccatis, stipendium accipiunt vitam æternam, quia qui non peccant, alieni sunt a morte secunda.

« Gratia autem Dei vita æterna in Christo Jesu Domino nostro. » Sicut enim sequentes peccatum, acquirunt mortem, ita et sequentes gratiam Dei, id est, fidem Christi, quæ donat peccata, habebunt vitam æternam : ut gaudeant se ad tempus dissolvi, scientes se hanc vitam consecuturos, quæ et omnino **C** tædio careat, et successionem non habeat. Quam sanctus Simeon exoptans, petiit se hinc dissolvi (*Luc. II, 29*), ut iret in pace, id est vita, quæ nullam patitur inquietudinem. Et hoc donum a Deo per Christum nobis datum Dominum nostrum testatur, ut Deo Patri gratias per nullum alterum nisi per Filium ejus agamus.

CAPUT VII.

(Vers. 1.) « An ignoratis, fratres ? scientibus enim legem loquor. » Ut animos eorum firmet in doctrina divina, exemplo humanæ legis utitur ; ut iterum per terrena suadeat cœlestia, si et a mundi creatura Deus cognoscitur ; quia enim unius est totum, licet diversæ sint res, ex aliqua tamen parte sibi invicem similes sunt. Sciunt ergo legem Romani, quia non sunt barbari : sed comprehenderunt naturalem justitiam partim ex se, partim ex Græcis : nam leges Romanis **63** ex Athenis perlatae sunt (60), sicut et Græcis ex Hebræis. Ante Moysen enim non latebat

(59) Omnes edit. ac pauci mss., *quia peccatum mors* ; melius cæteri, *quia per peccatum mors*.

(60) Sic omnes edit. et mss. aliquot : alii vero non pauci hæc præ se ferunt : *partim ex Græcis, partim ex Hebræis ; quamvis ante Moysen non latebat lex ; sed ordo non erat, neque auctoritas ; nam legis ordo Romanis ex Athenis perlatus est ; alii nonnulli, partim ex Græcis, sicut et Græci ex Hebræis ; quamvis enim ante Moysen.... nam leges Romanis ex Athenis perlatae sunt*.

lex, sed ordo non erat, neque auctoritas. Non ignorantibus ergo legem dicit :

« Quia lex dominatur homini, quanto tempore vivit. » Non est occultum omnem vitam hominis esse sub lege naturæ, quæ data est mundo : hæc lex generalis est. Nunc vero aliam proponit specialem (quamvis et ipsa generalis est, sed dum non recipitur ab omnibus, fit specialis), per quam vult probare assertionem suam ; gradatim enim vult tradere veritatem. Dicit ergo :

(Vers. 2.) « Nam quæ sub viro est mulier, vivente viro, alligata est legi viri. » Hæc lex de Evangelio est, non ex Moysè, neque ex justitia terrena. Aliquid ergo, duce natura, aliquid ex lege Moysi addiscentes, perfecti facti sunt per Evangelium Christi. Sequenti ergo exemplo apertius suadet Christianismum exutum esse a lege factorum, non ab omni lege ; nec ultra jam expedire esse sub lege, ne gratiam Dei evacuet reversus sub legem, quia Dei gratia liberavit a lege hominem, ut spiritu, id est mente, serviat Deo. Sicut enim mulier, mortuo viro, liberata est a lege viri, non a lege naturæ : ita et hi qui gratia Dei liberati a lege sunt, a qua tenebantur rei, ut mortua (61) illis sit, ut Christianismo juncti non sint adulteri. Si enim lex apud illos vivit, adulteri sunt, et nihil illis proderit dici Christianos, quia obnoxii erunt ultioni. Nec enim legis erit adulter, sed Evangelii, qui mortua lege junctus Evangelio, post redit ad legem ; mortua enim lex dicitur (62), quando quem tenebat reum, ignotum est ei, auctoritate legis cessante.

(Vers. 3.) « Quod si mortuus fuerit vir ejus, liberata est a lege viri, ut non sit adultera, si juncta fuerit alteri viro. » Sublati a lege, accepta remissione peccatorum, et juncti Evangelio, non sunt adulteri legis, quia mortua apud illos est. Si autem servantes legem, accedere se putant ad Evangelium, rei erunt et adulteri, quia viva lege junxerunt se fidei, et erunt in utraque adulteri.

(Vers. 4.) « Itaque, fratres mei, et vos mortificati estis legi per corpus Christi. » Quoniam Salvator noster corpus suum diabolo crucifigere permisit, sciens pro nobis esse et contra illum ; ideo per corpus Christi salvos nos dicit factos. Mori enim legi Deo vivere est, quia lex dominatur peccatoribus. Cui ergo dimittuntur peccata, moritur legi, hoc est, liberari a lege. Itaque per corpus Christi hoc consequimur beneficium ; tradens enim corpus suum Salvator, mortem vicit, et peccatum damnavit. In ipso enim peccavit diabolus, cum illum innocentem occidit, qui peccatum omnino nesciret ; cum enim hominem sibi peccati causa defenderet, inventus est in eo reus, in quo accusabat.

(61) Mss. aliquot, *liberati a lege non erunt sub illa, a qua tenebantur rei, nec ultra expedire esse sub lege, ut mortem, etc.*

(62) *Idem cod., Mortua enim lex dicitur, cum cessat ejus auctoritas. Si autem mortuus, etc.*

(63) Mss. Carn., *quia vinctum peccatum... a quo*

hinc factum est ut omnes credentes in Christum, eruantur a lege, sublato peccato, quia vinctum peccatum (63), quod est diabolus, per corpus Christi, non habet auctoritatem in eos qui ad illum pertinent a quo vinctus est. Dum enim non peccat et occiditur quasi reus, vicit peccatum de peccato, hoc est, diabolum proprio peccato, quod in eo admisit, damnavit ; et chirographum quod peccato Adæ decretum erat, delevit (*Coloss. ii, 14*) : quando ab inferis resurrexit, data hujusmodi forma credentibus sibi, ut a morte secunda teneri non possent. Ac per hoc mortui sumus legi per corpus Christi ; qui enim legi mortuus non fuerit, reus est : et qui reus est, secundam mortem evadere non potest.

« Ut sitis alterius qui ex mortuis resurrexit, ut fructificemus Deo. » Hoc dicit, quia ideo mortui sumus legi, ut de cætero Christi simus servi solius : et hoc erit fructificare Deo. Acquiritur enim Deo, qui in gratia ejus manet, dignus resurrectione promissa.

(Vers. 5.) « Cum enim essemus in carne. » Cum in carne sit, est enim in corpore, negat se esse in carne : quia hic dicitur esse in carne, qui aliquid sequitur, quod lege prohibetur. Igitur in carne esse multifarie intelligitur : nam omnis incredulus in carne est, id est, carnalis, et Christianus sub lege vivens in carne est : et qui de hominibus aliquid sperat, in carne est : et qui male intelligit Christum, in carne est ; et si quis Christianus luxuriosam habet vitam, in carne est. **64** Hoc tamen loco in carne esse sic intelligemus, quia ante fidem in carne eramus ; sub peccato enim vivebamus, hoc est, carnales sensus sequentes, vitiis et peccatis subiacebamus. Sensus autem carnis est, non credere spiritualia, id est, sine commistione viri virginem peperisse, et ex aqua et Spiritu sancto hominem denuo nasci, et solutam animam a copula carnis rursus in carne resurgere. De his diffidens, in carne est ; hinc :

« Vitia, ait, peccatorum, quæ per legem ostenduntur, operabantur in membris nostris, ut fructificarent morti. » Manifestum est quia qui non credit sub peccato agit, et captivus trahitur ad vitia admittenda : ut fructum faciat morti secundæ : lucrum enim tunc facit mors, cum peccatur. In membris tamen dicit vitia operari (64), non in corpore, ne occasio esset male tractantibus corpus ; quia in maliloquio lingua arguitur, et in furto manus corripitur, et in dissimulante aures increpantur, et ita in cæteris, quæ quamvis de corde exeant, Domino in Evangelio attestante (65) (*Matth. xv, 18*), membrorum tamen ministerio explentur operibus. Disputatio hæc tangit Judæos, et eos qui

vinctus est.

(64) *Corb. cod., cum peccatur in membris. Sane vitia dicit operari, etc.*

(65) *Domino in Evangelio attestante, aberat ab edit. omnibus, et mss. nonnullis : sed ex aliis pluribus restitutum est.*

Christiani dicuntur, et sub lege volunt vigere, ut discentes carnales se esse, recedant a lege. Vitia tamen peccatorum quæ dominari in carne agentibus dicit, per legem ostendi, non per legem fieri demonstrat; index enim peccati lex est, non genitrix, reos faciens peccatores.

(Vers. 6.) « Nunc autem soluti sumus a lege mortis, in qua detinebamur. » Soluti sumus a lege, dum remissionem peccatorum accepimus; non enim jam habet in nos potestatem, infidis enim et peccatoribus dominatur. Lex autem mortis ideo dicta est, quia punit reos; mortificat autem peccatores: non ergo mala est, sed justa. Quamvis enim malum sit patientibus, quod infertur a lege, sed illa non est mala, quia juste infert iram. Itaque non mala est peccatoribus, sed justa, bonis vero spiritualis est. Quis enim dubitet spiritale esse prohibere peccare? Sed quia hoc non potuit, ut salvaret hominem remittendo peccata, lex fidei data est, quæ credentes liberaret a dominio legis, ut possent reparare se ad vitam, quos lex tenebat reos ad mortem. Ipsis enim lex mortis est, quibus iram operatur causa peccati.

« Ita ut serviamus in novitate spiritus, et non in vetustate litteræ. » Hic legem tangere putatur, quam quidem ad comparationem legis fidei inferiorem facit, non tamen inimicam judicat. Nam ideo dicit nos erutos a lege mortis, ut serviamus legi fidei, quæ nobis præsidium contulit salutare, quod vetus lex non potuit: ne gratiæ beneficium inanire videamur, legi veteri servientes. Lex vetus non criminis utique nomen est, sed temporis vel ætatis; senuit enim, quia cessavit. Lex autem spiritus ipsa est lex fidei, quia fides in animo est, nec operibus addiscitur, sed corde creditur: et mens ipsa intelligit naturæ suæ esse quod credit, nec oculis cernitur, aut manibus palpatur: et quæ sperantur dona, non visibilia sunt, nec terrena, sed spiritalia. Vetus ergo lex in tabulis lapideis formata est: lex autem spiritus in tabulis cordis spiritaliter scribitur, ut sit æterna: littera autem legis veteris ætate consumitur. Est et alia interpretatio legis spiritus, ut quia prior lex ab opere malo inhibuit (66), hæc autem, cum nec in corde peccare debere dicit, lex spiritus vocatur, ut totum hominem faciat spiritalem.

(Vers. 7.) « Quid ergo dicemus? Lex peccatum est? Absit. » Quoniam legem mortis hanc dicit, et erutos nos ab ea gratulatur, et in illa Deo servire negat, ne iniquam hanc asserere putaretur, hoc purgat, cum dicit: *Absit*.

« Sed peccatum non cognovi, nisi per legem. » Non ergo peccatum est lex, sed index peccati;

(66) Mss. aliquot, *Litteræ autem... consumuntur... ab errore malo inhibuit.*

(67) Edit. quædam Paris., *nihil tamen jucundum.* Non satis apte.

(68) Ita vet. edit. a quibus hoc solo recessit Rom. quod voces alio ordine collocavit: mss. autem

A ostendit enim et quæ latebant peccata, et quia impune futura non essent apud Deum. Quo comperto, homo factus est reus, et ideo non videtur gratias agere legi. Quis enim libenter habeat eum, qui sibi pœnam imminere annuntiat? Legi autem fidei gratias agit, quia qui per legem Moysi reus factus est, per legem fidei reconciliatus est Deo: quamvis et illa justa et bona sit; ostendere etenim imminens periculum, bonum est. Sed huic magis gratias agit, per quem ereptus de periculo vivit.

65 « Nam et concupiscentiam nesciebam, nisi lex diceret » in Exodo: « Non concupisces (*Exod. x, 17*). » Non discrevit concupiscentiam hanc a peccato, sed miscuit, hoc significans, quia cum nec suspicio quidem esset istud non licere apud Deum, cognovi, inquit, esse peccatum. Sub sua persona quasi generalem agit causam. Lex itaque concupiscentiam prohibet, quæ propterea quod oblectamento est, non putabatur esse peccatum. Simplex enim videbatur causa, concupiscere aliquid proximi, hoc autem lex prodidit esse peccatum: sæcularibus namque hominibus nihil tam inultum (67) videtur et placidum, quam voluptas.

(Vers. 8.) « Occasione ergo accepta, peccatum per mandatum operatum est in me omnem concupiscentiam. » Omnem dicens concupiscentiam, cuncta peccata significat. Supra enim concupiscentiam juxta legem memorat, cui nunc cætera addens vitia, omnem dixit concupiscentiam operatam in homine impulsu diaboli, quem in peccato significat; ut in contrarium fieret homini lex, quæ data erat, ut prodesset. Videns enim diabolus auxilium per legem provisum homini, quem in conditione se tam propter peccatum Adæ, quam propter ipsius habere gratulabatur (68), intellexit factum adversum se. Quem enim vidit factum sub lege, pro certo habuit de suo sublato dominio; agnoverat enim homo quomodo pœnam inferni evaderet. Hinc exarsit iracundia adversus hominem, ut illi legem inverteret; ut prohibitas admittendo, Deum rursus offenderet, et denuo in potestatem diaboli caderet. Cœpit non imperare, sed subtiliter fallere; quoniam in lege data amisit dominium diabolus, sciens hominem ad Dei judicium de cætero pertinere.

« Sine lege enim peccatum mortuum erat. » Hoc duplici genere intelligendum est, ut et diabolum in peccato scias significatum, et hoc ipsum peccatum quod vocatur peccatum. Mortuus enim dicitur fuisse diabolus (69); quia cessabat ab illusionem hominis ante legem, sed erat quasi quietus; securus enim erat de possessione ejus. Peccatum autem mortuum esse dixit, quia putabatur quod non imputaretur apud Deum; ideo apud hominem mortuum erat,

majori numero, quem in conditione se (nonnulli sua) propter peccatum Adæ habere gratulabantur: alii vero, licet corrupti, magis ad edit. accedunt lectionem, quam retinemus.

(69) Rom. edit., et hoc ipsum quod vocatur peccatum. Mortuus enim dicebatur diabolus.

quasi impune peccaretur. Nam non latebat peccatum, sicut supra dixi: sed ignorabatur hoc, quia Deus iudicaturus est. Quod cum data lege manifestum est revixisse peccatum. Quare revixit, nisi quia ante vixerat, et postea desidia hominum mortuum aestimatum est, cum viveret? Putabatur enim non imputari peccatum, cum imputaretur. Vivens ergo pro mortuo habebatur.

(Vers. 9.) « Ego autem vivebam sine lege aliquando. » Quid est sine lege, cum lex semper fuerit sicut supra memoravi? nisi quia sine timore Dei homo vivebat, securus quod non esset Deus iudicaturus actus humanos.

« Sed cum venisset mandatum, peccatum revixit. » Ideo dixit revixisse peccatum, ut significaret quia ante vixerat: postea autem desidia hominum mortuum aestimatum est, cum viveret, sicut assollet falsa fama fieri peregrinis (70). Hoc ergo significat quod in initiis non latuerit peccatum imputari apud Deum, hoc est vixisse: sed cum consuetudo peccandi hoc obliterasset, mortuum aestimatum est, ut crimen cum persona deficere putaretur. Cum autem data esset lex; vel reformata, revixit apud eos, apud quos mortuum aestimatum erat cœperunt enim scire imputari peccatum.

(Vers. 10.) « Ego autem mortuus sum. » Mortuus est homo, quia videt se reum esse apud Deum qui ante se putabat non futurum obnoxium ex iis quæ peccabat.

« Et inventum est mihi mandatum, quod erat ad vitam datum, hoc esse ad mortem. » Verum est, quia lex ad vitam data est: sed cum hominem non solum de præterito, sed et de futuro peccantem reum fecit, facta est lex data (71) ad vitam, esse ad mortem: sed ut dixit, peccanti, quia obedientibus proficit ad vitam.

(Vers. 11.) « Nam peccatum, occasione accepta per mandatum, seduxit me, et per illud occidit. » Peccatum hoc loco diabolus intellige, qui auctor peccati est. Hic occasionem per legem invenit, quomodo crudelitatem suam de nece hominis satiaret, ut quia lex comminata est (72) peccatoribus, homo **66** instinctu ejus prohibita semper admittens, offenso Deo, ultionem legis incurreret: ut ab ea quæ illi profutura data erat, damnaretur. Quia enim invito illo data est lex, exarsit invidia adversus hominem, ut eum amplius vitiosis voluptatibus macularet, ne manus ejus evaderet.

(Vers. 12.) « Itaque lex quidem sancta, et mandatum sanctum, et justum, et bonum. » Ut nihil adversæ suspicionis remaneret in lege, sic illam commendat, ut non solum justam hanc, sed sanctam et bonam pronuntiet. Nam mandatum legem intelligi evangelicus sermo testatur. Ait enim: « Si

(70) Voci *peregrinis* subnectunt non pauci mss. non vera; sed parum scite.

(71) Rom. edit. sola, *inventum est lex data*, etc.

(72) Vel. edit. cum mss. non paucis. *Lex dominata est*; Rom. edit. cum aliis mss., *Lex comminata est*.

vis ad vitam venire, serva mandata (*Matth. xix, 17*). »

(Vers. 13.) « Quod ergo bonum est, mihi mors est? Absit. » Vere absit; unde enim fieri potest, ut quod bonum, esse probatur, mors intelligatur?

« Sed peccatum, ut appareat peccatum, per bonum mihi operatum est mortem. » Diabolus dicit per bonum occasionem accepisse, ut malum operaretur homini, dum illum seducit ad mortem: quia ut ea quæ ante legem male gesta sunt, per illecebram cupidinis probarentur esse peccata, et de cætero vitarentur, data est lex, manifestata in litteris (73). Tunc incensus est Satanus, per bonum utique; vidit enim provideri homini, et illicita illi suasit, ut pro vita ex lege ei mors proveniret. Quod quidem negligentia humanæ ascribendum est, quæ sic vigorem naturæ suæ infirmavit cupiditate peccandi, ut suggestiones adversarii reprimere non posset. Inimicus tamen, quem in peccato significat, ut appareat esse inimicus, per legem accepit occasionem operari homini mortem. Dum enim ad illicita illum suasit, apparet esse inimicus. Quanquam et ante legem mortem homini procuraverit, excepta prima causa Adæ, post legem tamen majores ei pœnas apud inferos, ubi mors secunda est, adinvenit. Minus enim criminis est ante legem manifestatam peccasse, quam post legem.

« Ut fiat supra modum ipsum peccatum peccans per mandatum. » Quid est, « supra modum; » quasi datus sit modus delinquentibus, cum peccare non liceat? Sed Dei verba sunt dicentis: « Non sunt completa peccata Amorrhæorum (*Gen. xv, 16*). » Per quod ostendit mensuram quamdam esse delictorum, quam cum impleverint peccatores, vita digni minime iudicentur; sicut et Pharao, quia istum modum (74), impleverat Dei virtutes et signa in illum ostensa sunt, per quæ cæteri territi ad emolumenta vitæ se exercerent, ut in mortuo vita discatur. Sed alius est modus, quem tractat Apostolus; ut ostendat enim plus peccatum esse sub lege quam fuerat ante legem, supra hunc modum, peccatorum ampliorem modum significat crevisse post legem invidia et astutia Satanæ; ut providentia Dei contraria fieret homini, cum timore legis minime peccare debuerit. Ideo Deus ut invidiam diaboli vinceret, et providentiam suam homini ratam faceret, mutavit ordinem, mittens Salvatorem Christum qui et diabolus vinceret, et statuta Dei erga hominem firmaret (75).

(Vers. 14.) « Scimus enim quod lex spiritalis est. » Quoniam scientibus legem loquitur, ideo ait: « Scimus quia lex spiritalis est; » nec enim se sub lege darent, nisi agnoscerent istam esse spiritalem. Legem Moysis spiritalem vocat, quæ est

(73) Rom. edit., *data est lex litteris formata in lapidibus*.

(74) Mss. aliquot, *quia justum istum modum*. Non satis recte.

(75) Nonnulli mss., *qui et diabolus premeret et hominem liberaret*.

data in tabulis : quæ quia peccare prohibet, spiritalis est, quippe cum visibilia et carnalia coli prohibeat. Hæc ad commendationem legis pertinent, ne culpa forte digna putaretur ab aliquo, quia severitatem exercuit in peccatores.

« Ego autem carnalis sum, venundatus sub peccato. » Hominem autem carnalem appellat, dum peccat. « Venditus sub peccato. » Hoc est venditum esse sub peccato ex Adam qui prior peccavit, originem trahere, et proprio delicto subjectum fieri peccato, sicut dicit Isaias propheta : « Venditi estis, inquit, peccatis vestris (*Isa. L, 1*). » Adam enim vendidit se prior, ac per hoc omne semen ejus subjectum est peccato. Quamobrem infirmum esse hominem ad præcepta legis servanda, nisi divinis auxiliis muniatur, hinc est unde ait : « Lex spiritalis est; ego autem carnalis sum, venundatus sub peccato, » hoc est, lex firma est et justa, et caret culpa : homo autem fragilis est, et paterno, vel proprio 67 subjugatus delicto (76); ut potestate sui uti non possit circa obedientiam legis. Ideo est ad Dei misericordiam confugiendum, ut severitatem legis effugiat, et exoneratus delictis, de cætero Deo favente, inimico resistat. Quid est enim subjectum esse peccato, nisi corpus habere vitio animæ corruptum, cui se inserat peccatum, et impellat hominem quasi captivum delictis, ut faciat voluntatem ejus ? Hinc Dominus inter cætera ait : « Venit diabolus, et tollit quod seminatum est in cor illorum, ne salvi fiant (*Luc. VIII, 12*). » Unde idem Apostolus in alia epistola ait : « Non est nobis colluctatio adversus carnem et sanguinem, sed adversus principes et potestates, contra spiritalia nequitiae in cœlestibus (*Ephes. VI, 12*), » quos satellites constat esse Satanæ. Nam ante prævaricationem hominis priusquam se manciparet morti, non erat his potestas ad interiora hominis accedere, et cogitationes adversas inserere. Unde et astutia ejus factum est, ut confabulatione per serpentem hominem circumveniret (77) (*Gen. III, 1-6*). Postquam autem circumvenit eum et subjugavit, potestatem in eum accepit, ut interiorem hominem pulsaret, copulans se menti ejus; ita ut non possit agnoscere quid suum sit in cogitatione, quid illius, nisi respiciat legem.

(Vers. 15.) « Quod enim operor, non intelligo. » Non intelligit quod operatur, quia videt aliud se per legem scire, et aliud agere. « Non enim quod volo, hoc ago : sed quod odi, illud facio. » Subjectus peccato facit utique quod non vult.

(Vers. 16.) « Si autem quod odi illud facio, con-

(76) Ita mss. aliquot, ac Gill. edit.; cæteri autem mss. ac edit., et paterno subjugatus delicto.

(77) Rom. edit., Primum autem astutia ejus factum est... homo circumveniretur.

(78) Rom. edit. sola, ut sciatur diabolus, etc.

(79) Eadem edit. Rom., sed privatio boni.

(80) Omnes edit., signum legis diaboli... peccavit Adam; omnes mss. ut in contextu.

(81) Rom. edit. cum mss. quibusdam, cogitur

A sentio legi. » Probat legem recte prohibere, quando invitum se hoc facere, quod lex vetat, profitetur : et naturæ suæ dicit esse, quod mandat lex ; quia quod extra facit, odiosum sibi dicit.

(Vers. 17.) « Nunc autem jam non ego operor illud, sed quod inhabitat in me peccatum. » Quoniam lege videt prohiberi quod agit, et consentit non debere fieri ac per hoc aliud esse, cujus impulsu hæc agi declarat, id est, peccatum. Peccatum autem ideo semper nominat, cum sciatur diabolus (78) esse cum angelis suis, quia nisi peccasset primus homo, hæc non provenirent : ac per hoc peccatum est, quod ea omnia facit.

(Vers. 18.) « Scio enim quod non inhabitat in me, hoc est, in carne mea, bonum. » Non dicit, sicut quibusdam videtur, carnem malam : sed quod habitat in carne, non esse bonum, sed peccatum. Quomodo inhabitat in carne peccatum, cum non sit substantia, sed prævaricatio boni (79) ? Quoniam primi hominis corpus corruptum est per peccatum ut possit dissolvi, ipsa peccati corruptio per conditionem offensionis manet in corpore, robur tenens divinæ sententiæ datæ in Adam, quod est signum diaboli, cujus instinctu peccavit (80). Per id ergo quod facti causa manet, inhabitare dicitur peccatum in carne, ad quam diabolus accedit, quasi ad suam legem, et manet quasi in peccato peccatum : quia caro jam peccati est, ut decipiat hominem suggestionibus malis, ne homo faciat quod præcipit lex.

« Nam velle adjacet mihi. » Tam bona asserit, quæ jubet lex, ut naturaliter sibi placere dicat, et velit facere. « Perficere autem bonum non invenio. » Et placet ergo quod a lege jubetur, et voluntas est faciendi : sed ut impleatur, potestas et virtus deest, quia sic pressus est potestate peccati, ut non possit ire quo vult, neque valeat contradicere, quia potestatis ejus alter est dominus. Homo enim jam consuetudine peccandi gravatur, et facilius succumbit peccato quam legi, quam scit bona docere ; ac si velit bona facere, premit illum consuetudo, adjutore inimico.

(Vers. 19.) « Non enim quod volo, facio bonum : sed quod nolo malum, hoc ago. » Sæpe repetit, ut dilucidet. Hoc ergo est, quod supra dictum est, quia ut captivus per supradictas causas illud cogitur facere, quod vult peccatum (81).

(Vers. 20.) « Si autem quod nolo, hoc facio, jam non ego operor illud, sed quod habitat in me peccatum. » Hoc est quod jam supra memoravit (82), quia pressus et subjugatus peccato, non suam, sed illius perficit voluntatem. Numquid quia invi-

facere peccatum, quod non vult. Minime male : sed tamen aliarum edit. et mss. lectio non est deserenda : peccatum enim hic est in recto casu, idemque sonat ac diabolus.

(82) Corb. cod., Hoc est diabolus, quem supra memoravit. Rursus autem post versus aliquot, pro vitio et desiliu, idem cod. exhibet, vitio et desiderio.

tum hominem dicit peccare, immunis debet videri a crimine, quia hoc agit, quod non vult, pressus vi potestatis? Non utique; ipsius enim vitio et desidia hæc cepta sunt. **68** Quia enim mancipavit se per assensum peccato, jure illius dominatur; primum enim suadet, ut victo jam dominetur (83). Apostolus autem ut gratiam Dei præferat, hæc exponit de quantis malis hominem liberaverit, aut quæ exilia ex Adam trahit, quæ vero beneficia per Christum consecutus est: ut cui nec lex quidem subvenire potuit, demonstraret.

(Vers. 21.) « Invenio igitur legem volenti mihi facere bonum, quia inest mihi malum. » Legem Moysi asserit voluntati suæ dare consensum contra peccatum quod in carne habitat, quod aliud cogit facere, quam quod vult homo et lex.

(Vers. 22.) « Condelector enim legi Dei secundum interiorem hominem. » Animum his oblectari dicit, quæ a lege traduntur: hic est interior homo, quia non in animo habitat peccatum, sed in carne, quæ est ex origine carnis peccati, et per traducem sit omnis caro peccati. Si enim anima de traduce esset et ipsa, et in ipsa habitaret peccatum, quia anima Adæ magis peccavit, quam corpus: sed peccatum animæ corruptit corpus. In carne ergo (84) habitat peccatum quasi ad januas animæ, ut non illam permittat ire quo vult. In anima autem si habitaret, nunquam se cognosceret (85) homo: nunc autem cognoscit se, et condelectatur legi Dei.

(Vers. 23.) « Video autem aliam legem in membris meis repugnantem legi mentis meæ, et captivum me ducetem in legem peccati quæ est in membris meis. » Duas leges memorat ex quibus unam in membris suis videre se flagitat, id est, in exteriori homine, qui est caro vel corpus. Hæc est lex adversa, hæc repugnans animo, trahens illum captivum in conditionem peccati, ne ultra ingrediens inveniat assertorem. Alia est lex mentis, quæ est lex Moysi, vel naturalis, quæ est in animo. Hæc pressa est violentia peccati, negligentia quidem sua, quia dum diligit vitia, subjicit se peccato, ut ipsa consuetudine teneretur captiva; dominatur enim homini consuetudo. Quatuor quidem leges nominat: primam legem spiritalem, quæ est etiam naturalis, quæ reformata est per Moysen, et posita in auctoritate, ipsa est Dei lex: deinde legem mentis consentientem legi Dei; tertiam legem peccati, quam ex prævaricatione primi hominis in membris dicit habitare: quartam vero quæ in membris videtur, dum mala suggerit, et recedit. Sed hæc leges iteratæ quatuor videntur, cum sint

(83) Codex Corb., *ut invicto vitium jam dominetur*; alii nonnulli, *ut vitium jam dominetur*.

(84) Nonnulli mss., *et ipsum in ipsa habitaret. In animo autem non permittitur habitare propter arbitrium liberum voluntatis. Igitur in carne, etc.*

(85) Iidem cod., *si habitaret, perturbaret eum, ne se omnino cognosceret.*

(86) Omnes edit., *hospitem secum habens*; omnes mss., *hostem secum habens.*

due, id est, bona et mala. Lex enim mentis ipsa est lex spiritalis, sive Moysi, quæ vocatur lex Dei: peccati vero lex eadem est quæ et illa, quam in membris dicit videri, quæ contradicit legi mentis nostræ.

(Vers. 24, 25.) « Infelix ego homo, quis me liberabit de corpore mortis hujus? Gratia Dei per Jesum Christum Dominum nostrum. » Infelicem hominem dicit, quia nascitur sub peccato. Numquid non vere infelix est homo, qui in hanc hæreditatem prævaricationis successit, hostem secum habens peccatum (86), per quod ad illum aditum habet Satanæ? Gradus enim fabricavit Adam, per quos ad filios ejus expoliator ascendit, nisi elementissimus Dominus motus misericordia gratiam suam per Christum dedisset: ut et relevatum (87) genus humanum remissione peccatorum accepta, de cætero possit respiscere, represso et damnato peccato. Potest enim exoneratus malis et purgatus resistere adversario, potestate recepta contra illum, dum adjuvatur a Deo. Hic quasi legem fidei tertiam inducit potiores, quam et gratiam vocat: quæ ex lege tamen spiritali originem habet, quia per hanc liberatus est homo, ut quia Moyses dedit legem, deditque et Dominus, duæ dicantur: una tamen intelligatur, quantum ad sensum et providentiam pertinet. Illa enim initiatrix est salutis, hæc vero consummatoria. Sed non hanc partem legis dico, quæ in neomeniis est et in circumcissione et in escis, sed quæ ad sacramentum Dei pertinet et disciplinam. Gratia ergo Dei per Christum liberatus est homo de corpore mortis hujus. Hanc dicit mortem, quam supra ostendit in necem hominis per peccatum inventam apud inferos quæ appellatur secunda: corpus autem mortis est cuncta peccata; multa enim unum corpus sunt, singula quasi **69** membra uno auctore inventa, ex quibus homo ereptus gratia Dei per baptismum, supradictam mortem evasit. Neque enim in carneo corpore positus, de eo ipso ereptum se diceret: sed hoc corpus dixit, quod superius per baptismum et observantiam legis destrui significat. Nam et cum dicit: « De corpore mortis, » ostendit aliud corpus esse non mortis.

« Igitur ego ipse mente servio legi Dei. » Legem Dei cum dicit, et Moysi significat legem, et Christi. « Carne autem legi peccati. Ego ipse (88), » id est, qui liberatus sum de corpore mortis. In corpore est; quomodo liberatus est de corpore mortis, nisi quia liberatus est a cunctis malis? Remissio enim peccatorum omnia tollit peccata. Libera-

(87) Ita mss. plures potioresque: alii vero et edit., *uti revelatum, etc.* Non satis recte.

(88) Rom. edit. sola, *et Christi. Igitur ego ipse.* Quæ autem continuo sequuntur, multo contractius colligunt cod. Corb., Thuan. et Remig. in hunc modum: *Qui liberatus sum de carne mortis juxta memoratum sensum, mente vel animo servio legi Dei. Jam enim liber animus, etc.*

tus ergo de corpore mortis gratia Dei per Christum, « mente » vel animo « servio legi Dei, carne autem legi peccati, » id est, diaboli, qui per subjectam sibi carnem suggestiones malas ingerit animæ. Quia ergo duplex est homo, carne conversus et animo (89), legi Dei mente servire se dixit, quia animus devotus est Deo, et recuperata sui potestate, repugnare potest peccato, quod per carnem operatur. Quia enim caro corrupta est, et morti subjecta, quæ sit facta erat, ut societate et conjunctione animæ non moreretur, recepit desideria, quorum quasi onus quoddam transfert ad animum, ut et ipse gravetur (90). Sed quid respuit illam? Mors gratiæ Dei.

« Mente servio legi Dei, carne autem legi peccati, » sicut dictum est. Jam enim liber animus, et in consuetudinem bonam revocatus, Spiritu sancto adjuvante, malas suggestiones potest spernere; reddita est enim illi auctoritas, qua audeat resistere inimico. Qui enim jam non est obnoxius, minime poterit indagari invitus (91). Caro autem quia iudicium non habet, neque capax est discernendi (est enim bruta natura), non potest inimico aditum claudere, ne veniens introeat, atque animo contraria suadeat, ac per hoc: « Carne, » ait, « servio legi peccati. » Cum enim unus homo carne constet et anima, ex illa parte qua sapit, Deo servit: ex altera autem qua stolidus est, legi peccati. Si autem homo in eo quod factus est, perdurasset, non esset potestas inimico ad carnem ejus accedere, et animæ contraria susurrare. Ut autem totus homo minime reparatus fuisset Christi gratia ad statum pristinum, sententia obstitit data in Adam (*Gen. iii, 17*); iniquum enim erat solvere sententiam jure depromptam. Ideirco manente sententia, providentia Dei remedium inventum est, ut redhiberetur homini salus, quam proprio vitio amiserat, ut hic sanatus crederet (92) quia adversarius ejus devictus potentia Christi, non auderet, transpuncta sententia primæ mortis, hominem sibi defendere, adunato genere Adæ, ne ad primæ originis redderetur facturam jam totus permanens immortalis.

CAPUT VIII.

(Vers. 1, 2.) « Nihil ergo nunc damnationis est iis qui sunt in Christo Jesu, qui non secundum carnem ambulant. » Verum est, quia nulla damnatio est horum qui sunt in Christo Jesu (93), legi

A Dei sollicitè servientes. « Lex enim spiritus vitæ in Christo Jesu liberavit me a lege peccati et mortis. » Securitatem flagitat homini per gratiam Dei, ut de suggestionibus diaboli non sit sollicitus, dummodo spernat illas, nihil enim oberunt homini apud mortem secundam, quia lex fidei, id est spiritus, liberavit hominem a morte secunda, damnato peccato: nec obest jam homini, quia carnis inest peccatum, si modo repugnet illi, memor auxilii Dei: sed et coronandus est, qui peccati in carne manentis premit consilia; magna enim solertia est domesticæ hostis insidias evitare. Lex ergo spiritus vitæ, ipsa est lex fidei: nam et Moysis lex spiritalis est, quia prohibet peccare; non tamen vitæ, quia reis mortis peccata remittere non potest, ut vivificet morituros (94). Hæc vero quia et peccare non vult, et a morte revocat, lex spiritus vitæ appellatur, non per litteram constans, sed spirituum, quia corde creditur, et spiritus est, quod creditur. Hæc itaque lex in 70 Christo Jesu, hoc est, per fidem Christi, liberat credentem a lege peccati et mortis. Lex peccati est, quam in membris dicit habitare, quæ suadere nititur adversa: lex vero mortis Moysi lex est, quia mortificat peccatores. Nam et in alia epistola inter cætera dicit de auctoritate legis: « Si ministratio mortis formata in lapidibus fuit in gloria (*II Cor. iii, 7*). »

Non ergo mirandum si lex spiritalis dicatur, et lex mortis, cum et Evangelium eodem modo sit. Dicit enim alio loco inter cætera: « Aliis odor vitæ ad vitam, aliis odor mortis ad mortem (*II Cor. ii, 16*). » Quos enim opinio virtutum, aut rerum gestarum visus aut auditus attrahebat ad fidem, hiis odor vitæ erat Evangelium: illis autem quorum sensum inflammabat facta virtus ad contradicendum, mortis erat odor prædicatio fidei (95). Una ergo cum sit fides, diversitatem præstat hominibus, sicut et sol cum sit unus, ceram solvit, lutum vero stringit. Qua ergo quis mente odoratus fuerit fidem, sic et proficiet illi. Sed dicitur forte: Si eadem præstat fides quæ et lex, cur non etiam ipsa ex parte lex mortis dicatur? mortificat enim non credentes. Sed non ita est. Fides enim data est quæ justificat confugientes ad se, ut remittat eis, quos lex tenet reos; ut agentes sub fide, liberi sint a peccato: nam sub lege agentes obnoxii sunt. Qui ergo non obediunt fidei, non occiduntur a fide, sed a lege, quia non accedentes ad fidem, rei te-

(89) Rom. edit., *carne concretus et animo*.

(90) Vet. edit. ac mss. quidam, *quorum quasi honorem quemdam* (mss. nonnulli, *quondam*) *transfert ad animam, ut etiam ipse generetur*: cæteri vero, et edit. Rom. ut in contextu, nisi quod Rom. edit. præfert, *ut etiam mereretur*: At continuo post Rom. edit. reposuit: *Sed quia repulit illam mortem gratia Dei, ait*: pro eo quod vet. edit. habent, *Sed quid respuit illam mortem? Gratia Dei*: mss. vero, ut in contextu, nisi quod legunt *qui*, ubi nos ex ant. edit. retinimus *quid*. Est autem *mors gratiæ Dei* mors ipsa Christi.

(91) Omnes edit., *indagari in vitiis*, omnes mss., *indagari invitus*.

(92) Nonnulli mss., *ut hic renatus crederet*. Infra vero ubi omnes mss. ac vet. edit., *ne primæ originis*, Rom. edit. reposuerat, *ut primæ, etc.*

(93) Cod. Corb. et quidam alii, *nulla erit damnatio eorum qui Christiani sunt*. At versu sequenti Rom. edit. cum mss. nonnullis, *devotione animi servientes*.

(94) Omnes edit., *ut vivificet mortuos*; omnes prope scripti cod. . . *morituros*.

(95) Mss. haud pauci, *prævaricatio fidei*.

nentur a lege : illoque omnes qui malo animo odorantur verba fidei, remanent in morte.

Videamus nunc quid intersit cum dicitur lex spiritalis et lex spiritus. Hoc interest, quia idcirco dicitur lex spiritalis, quia præcepta dat, per quæ non peccetur, quia qui non peccat, spiritalis vocatur : æmulus superiorum, id est, cælestium (96). Lex autem spiritus propterea vocatur, quia Deus, cujus fides est, spiritus est. Illic ergo verba sunt, hic res ; illic quæ Dei sunt, hic Deus ipse.

(Vers. 3.) « Quoniam quod impossibile erat legis, in quo infirmabatur pes carnis, Deus Filium suum mittens in similitudinem carnis peccati, de peccato damnavit peccatum in carne. » Hæc dicit, ut baptizatos securos reddat, quia liberati sunt a peccato. « Quoniam quod impossibile erat, inquit, legis. » Cui impossibile est ? Nobis scilicet impossibile erat mandatum Legis implere ; quia subjecti eramus peccato. Ob hoc Deus Filium suum misit in similitudinem carnis peccati. Hæc est similitudo carnis ; quia quamvis eadem caro sit, quæ et nostra ; non tamen ita facta in utero est et nata, sicut et caro nostra. Est enim sanctificata in utero, et nata sine peccato, et neque ipse in illa peccavit. Ideo enim virginalis uterus electus est ad partum Dominicum, ut in sanctitate differret caro Domini a carne nostra ; in causa enim similis est, non in qualitate peccati substantiæ. Propterea ergo similem dixit, quia de eadem substantia carnis, non eandem habuit nativitatem, quia peccato subjectum non fuit corpus Domini. Expiata est enim (97) a Spiritu sancto caro Domini, ut in tali corpore nasceretur, quale fuit Adæ ante peccatum ; sola tamen sententia data in Adam (98).

Misso ergo Deus Christo, « De peccato damnavit peccatum, » hoc est, peccatum peccato proprio damnavit. Christus enim cum a peccato crucifigitur, qui est Satan, peccavit peccatum in carne corporis Salvatoris : quo facto damnavit Deus peccatum in carne, ibi utique ubi peccavit, sicut et in alia epistola ait : « Detriumphans illos in ipso (Coloss. II, 15), » id est, in Christo. Nam solet dici de quocumque damnato : In qua causa damnatus est ? Respondetur, ut puta, in homicidio. Ita et peccatum in carne damnatum est, hoc est, in peccato quod admisit in carne. Hoc itaque peccato reus factus

(96) Vet. edit. ac mss. aliquot, *æmulus superiorum cælestium* : Rom. edit. *æmulus spirituum cælestium* ; cæteri mss. ut nos in textu.

(97) Cod. aliquot, *non eandem habuit nativitatem, expiata est enim*, etc.

(98) Ita vet. edit. ac plures mss. : Rom. autem edit. *salva tamen sententia lata in Adam* : quæ verba in mss. non paucis omittuntur.

(99) Vet. edit. cum mss. aliquot, *concupiscentias animæ, quod inest peccatum. Si damnatum est peccatum, quomodo inest ? Damnatum est et a Salvatore, et triplici*, etc. ; edit. Rom., *conc. animæ, dum inest. Si damnatum est... Damnatum est et a Salvatore triplici*, etc. ; plures vero et potiores mss. nobiscum faciunt, e quibus Corb. pro *Damnatum*

A Satan, amisit dominium retenturum animarum, ut jam signatos signo crucis, in qua victus est, in secunda morte tenere non audeat. Quamobrem ad securitatem nostram hæc tractat Apostolus.

(Vers. 4.) « Ut justificatio legis impleteretur in nobis, qui non secundum carnem ambulamus, sed secundum spiritum. » Ideo damnatum dicit peccatum, ut impleteretur in nobis justificatio legis 71 data a Moyse ; sublatis enim de conditione legis, facti sumus amici ejusdem ; justificati enim amici legis sunt. Quomodo autem impletur in nobis justificatio, nisi cum datur remissio omnium peccatorum, ut sublatis peccatis, justificatus appareat, mente serviens legi Dei ? Hoc est non secundum carnem ambulare, sed secundum spiritum ; ut devotio animi, qui est spiritus, non consentiat desiderio peccati, quia per carnem seminat concupiscentias animæ, quod inest peccatum. Si enim damnatum est peccatum a Salvatore, quomodo inest ? Damnatum est a Salvatore, et triplici (99) genere damnatum. Primo enim in loco damnavit peccatum, dum non peccavit, dissentiens a peccato. Deinde in cruce peccatum, quia peccavit, damnatum dicitur. Unde sublata est illi auctoritas quasi peccati, qua detinebat homines in inferno propter delictum Adæ : ut de cætero in quibus signum crucis est, detinere non audeat. Tertio damnavit peccatum, dum irrita fecit delicta, remissione peccatorum concessa. Cum enim peccator causa admissi peccati damnandus esset, ignoscens autem ei damnavit in eo peccatum. Itaque si et nos Salvatoris exemplo non peccemus, damnamus peccatum.

(Vers. 5.) « Qui enim secundum carnem sunt, quæ carnis sunt sapiunt. » Hoc dicit, quia qui suggestioni, quæ efficitur per carnem, obtemperat, quæ carnis sunt, sapit. Hoc enim illi suave videtur (1) quod sequitur, contra fas appetens usum et sententiam erroris carnis ; in carne enim mundanus error signatur quacumque ex parte.

« Qui vero secundum spiritum, ea quæ sunt spiritus, sentiunt. » Manifestum est, quia (2) qui se a carnis desideriis continet, juxta legem mentis vicit hoc enim illi utile videtur sapere, quod conveniat legi.

(Vers. 6.) « Nam prudentia carnis mors est. » Prudentia carnis peccatum est, quod generat mor-

est et a Salvatore, etc., legundum præbet, præsertim quod triplici, etc.

(1) Ita vet. edit. ac plures mss. : Rom. autem edit. cum Gill. in marg. et mss. aliquot, *illi sapere videtur* ; quidam etiam mss., *illi vane videtur*.

(2) Mss. Flor. et Corb., *sentiunt. Hi sunt qui concupiscentias carnis, errore devicto, calcaverunt : qui mundum præpositum (Corb., postpositum, forte mundo postposito) et in carne ambulantes, non secundum carnem militant, et quorum gloria non ex hominibus, sed ex Deo est. In his ergo operibus spiritalibus permanentes, quæ Spiritus Dei sunt, in cujus, præceptis ambulant, sapiunt. Manifestum est quia, etc. Sed Corb. omissio etiam sequenti textu, verbo sapiunt statim connectit, Nam prudentia carnis, etc.*

tem. Prudentia enim (3) ideo dicitur, cum res stulta sit, quia sæcularibus hominibus errores ex visibilibus concepti sive in sensu sive in actu contra legem Dei, prudentia videntur: maxime quia omnis industria et astutia illorum in eo est, ut peccent. Sapere enim sibi videntur, si istud diligentius curent; cum nihil stultius sit, quam peccare. Est et alia prudentia carnis, quæ mundanis rationibus inllata, negat aliquid fieri, ut mundi careat ratione. Unde deridet Virginis partum, carnis resurrectionem.

« Prudentia autem spiritus vita et pax. » Vere hæc est sapientia, quæ vitam acquirit et pacem; sequens enim spiritalia, contemptis illecebris vitæ præsentis, æternam habebit vitam cum pace, id est, sine inquietudine, ubi perturbatio et pœna non est (4).

(Vers. 7.) « Quoniam sapientia carnis inimica est Deo; legi enim Dei non est subjecta, nec enim potest. » Non carnem dixit inimicam, sed sapientiam carnis; id est, non substantiam, sed aut malos actus, aut cogitationem, sive asseverationem, quæ nascitur de errore. Sapientia ergo carnis est primo in loco astrorum ab hominibus inventa disputatio (5) deinde visibilium oblectatio. Hæc inimica Deo sunt; quia elementorum Dominum, et opificem mundi his cœquant, quæ fecit, astruentes nihil posse fieri, præter quam mundi continet ratio. Quamobrem negant Deum fecisse, ut Virgo pareret, aut mortuorum corpora resurgerent, quia stultum est, inquiunt, ut Deus fecerit ultra quam sapit homo (6). O prudentes mundi, qui putant Deum non debere aliter facere quam facit ab eo condita creatura: ut ipse similis creaturis putetur! Sic cæcati sunt, ne videant qualem contumeliam Deo faciunt. Opus enim quod in laudem suam prædicandam facere dignatus est, isti vituperantes, **72** incredulum et stultum asserunt; ac per hoc Dei legi subjecta esse non potest ista carnis prudentia; ad hoc enim studium suum exacuunt, ut Dei gestis repugnent (7).

(Vers. 8, 9.) « Qui enim in carne sunt, Deo placere non possunt. » Sapientes mundi in carne sunt, quia mundi sapientiæ student, per quam Dei

(3) Gill. in variis lect. et cod. aliquot, *Prudentia enim carnis mors idcirco est, quia grave peccatum est; per peccatum enim hujusmodi mors. Prudentia enim.*

(4) Ita scripti cod. magno numero: nonnulli tamen, et omnes edit., *ubi enim perturbatio est, et pœna est.*

(5) Rom. edit. ex marg. Gill. cum paucis mss., *præsumpta disputatio.*

(6) Voci homo subjungit ms. Corb., *ac per hoc non fecit.*

(7) Vet. edit. ac plures mss., *ac per hoc legi Dei hoc studium subjectum esse non potest in eo quod exercitatur; mss. aliquot, in eo exercitatum: Rom. autem edit. cum variis lect. Gill. et mss. quibusdam, ut in contextu, nisi quod in fine Rom. edit. et Gill. habent, ut Deo gentes repugnent.*

(8) Ita Rom. cum variis lect. Gill., Corb. et aliis nonnullis: vet. autem edit. ac cæteri mss. *quia respicientes mundum, spiritali sapientiæ resistunt,*

A legi repugnent. Quidquid enim contra legem Dei est, carnale est, quia ex mundo est; totus enim mundus caro est (8): omne enim visibile carni deputatur; cognata enim sunt carnis, imo elementa carnis. Ideoque qui mundanis rebus obtemperat, in carne est.

« Vos autem non estis in carne, sed in spiritu. » In carne positi dicuntur non esse in carne, si assentientes Joanni apostolo, mundana non diligant; sententia enim hominis suam quasi fingit naturam, ut hoc appelletur quod sentit.

« Si tamen Spiritus Dei habitat in vobis. » Hoc ideo ambigue dicit, quia in legem inducti, non adhuc perfectæ erant fidei: sed spem in eis videbat perfectionis. Unde aliquando quasi perfectis loquitur, aliquando quasi perfecturis; hoc est, aliquando laudat, aliquando commonet, ut si secundum supra memorata versentur juxta legem naturæ, in spiritu (9) esse dicantur: quia Spiritus Dei in eo habitare non potest qui carnalia sequitur.

« Si quis autem Spiritum Christi non habet, hic non est ejus. » Quem superius Spiritum Dei dixit, nunc Spiritum dicit Christi, propterea quia (10) omnia Patris, Filii sunt. Hoc ergo dicit, quia qui supradictis erroribus subjectus est, ad Christum non pertinet; Spiritum enim ejus non habet, quem ut filius Dei esset, acceperat. Duabus enim ex causis deserit hominem Spiritus sanctus; cum aut sensum carnis habet, aut gesta. Itaque per hæc quæ monet (11), ad bonam conversationem hortatur: quamvis enim bonitate Dei erigantur homines, onerantur tamen filii Dei vocati, nisi sic vixerint, ne indigni concessio nomine videantur.

(Vers. 10.) « Corpus quidem mortuum est propter peccatum, spiritus vera vita (12) propter justificationem. » Peccati causa corpus mortuum asserit eorum, quos deserit Spiritus sanctus, nec ad istum, id est, Spiritum, necis eorum passionem pervenire (13). Spiritus enim Dei nescit peccare; ad justificationem enim datur, ut adiutorio suo justificet. Ergo quia peccare nescit, vita est; mori enim non potest, quia per peccatum mors: ac per hoc sibi peccator oberit non Spiritui, quem accepit.

quia totus mundus caro est.

(9) Rom. edit. sola, *versentur juxta legem, non in spiritu, etc.*

D (10) Omnes edit. ac pauci mss., *Spiritum Dei nunc Spiritum dicit Christi, quia, etc.* Nos locum e pluribus potioribusque mss. restituimus.

(11) Ita mss. plerique: alii vero, et edit. omitunt, *quæ monet*; et nonnulli ac vet. edit. pro *hortatur*, legunt *compellit*. Continuo vero post ubi edit. ac mss. aliquot, *homines, non erunt tamen filii Dei vocati, nisi sic vixerint, ne satis indigni concessio nomine videantur*; Rom. edit.,... *ut indigni concessio nomine minime videantur*; mss. frequentes nobiscum faciunt, nisi quod pro *onerantur*, non pauci efferunt *honorantur*. Absurdo sensu.

(12) Mss. non pauci, *spiritus vero vivit.*

(13) Omnes edit. id est, *Spiritum, ne quis eorum passione potest pervenire*. Eras. et seq. expunxerunt *ne*, mss. vero prope ad unum nobiscum faciunt.

Nec enim Spiritus erit in causa, qui vult justificare. Signum enim justificationis hoc est in homine, ut per id quod inhabitat in eo, justificatus appareat esse Filius Dei; non enim in ficto homine, neque in corpore subdito peccatis potest habitare Spiritus sanctus, sicut dicit Salomon (*Sap.* 1, 4): Si quis autem denuo carnaliter vivat, desertus ab Spiritu sancto, in injustitia sua morietur. *Corpus* autem dicens, totum hominem significat mortuum peccati causa, sicut et a propheta sub vocabulo anime totus homo significatur, quasi a parte totum; ait enim: Anima quæ peccat, ipsa morietur (*Ezech.* xviii, 4). » Numquid sine corpore? Hic corpus pro toto homine posuit, ille animam. Et alius propheta carnem dicendo totum hominem significavit; ait enim: « Videbit omnis caro salutare Dei (*Isa.* xl, 5). » Et quoniam baptizato datur Spiritus sanctus, etiam ipsius esse spiritus dicitur. Ideo cætera hominis ad comparisonem ejus corpus appellavit, propterea quod anima (14), dum peccat, caro dicitur; hoc enim vocatur, quod sequitur, sicut sæpe jam dixi. Simili modo et Dominus cum in passione sua divinitatem suam minime formidare vellet intelligi, sed hominis esse mœstitiam, ait: « Spiritus quidem promptus est, caro vero infirma (*Matth.* xxvi, 44): » ut in spiritu Deum, in carne vero hominem significaret.

73 (Vers. 11.) « Quod si Spiritus ejus qui suscitavit Jesum a mortuis, habitat in vobis; qui suscitavit Jesum a mortuis, vivificabit et mortalia corpora vestra propter inhabitantem Spiritum ejus in vobis. » Ipsum sensum eadem tractat ratione; *corpora* enim dixit, per quæ homines significat. Et quia supra dixit propter peccatum corpus mori morte secunda, hic iterum propter bonam vitam mortalia corpora vivificari promisit, id est, totum hominem.

(Vers. 12.) « Igitur, fratres, debitores sumus non carni, ut secundum carnem vivamus. » Rectum et manifestum est, non nos ad inventionem Adæ, qui carnaliter egit, obsecundare debere, qui prior peccans mortem nobis hæreditatis titulo dereliquit: sed legi Christi servire nos debere, qui nos spiritali ratione a morte supradicta redemit; huic enim debitores sumus, qui nos carnalibus vitiis sordidatos per lavacrum Spiritus ablutos justificavit, et filios Dei fecit. Prius enim in carne positi, exemplo Adæ vivebamus subjecti peccatis: nunc vero liberati, reddere debemus obsequium Redemptori. Quod quidem obsequium non illi utique proficit, qui nullius eget: sed nobis vitam acquirit æternam: sic enim diligit nos, ut sibi imputet, quod proficit nobis (15).

(Vers. 13.) « Si enim secundum carnem vixeritis,

(14) Vet. edit. et mss. aliquod *appellavit*. Propterea quod anima: Rom. edit. oblitteravit τὸ quod. Hand incommode; melius tamen alii mss. ut in contextu.

(15) Ita Rom. edit. cum mss. aliquot, et Gil. in variis lect. Vet. autem edit. cum cæteris mss., quod

moriemini. » Nihil verius, quia si secundum Adam vixerimus, moriemur: Adam enim prævaricans vendidit se peccato carni deputatus. Omne enim peccatum, caro est; propter quod enim deforis vitia et delicta nascuntur ex sensibus, id est, de auditu, visu, tactu, odoratu, vel gustu, carni deputantur. Omnis enim cogitatio foras respiciens, incurrit delictum; nam et primi hominis deforis peccatum natum est. Secundum carnem ergo vivere, mors est; omnis enim actus carnis extra legem est.

« Si autem spiritu facta carnis mortificaveritis, vivetis. » Corpus vult lege animæ gubernari: unde ostendit quia si duce sancto Spiritu, actus et consilia carnis, quæ hujus mundi instigantibus potestatibus concinnantur, fuerint repressa, ne agendi accipiant potestatem, vitam præstari. Mortificari enim dicuntur, si cessent: non sunt enim, si cessant, quia peccatum non est, si non fiat.

(Vers. 14.) « Quicumque enim Spiritu Dei aguntur, hi filii sunt Dei. » Hos dicit Spiritu Dei agi, in quorum actibus consilia principum et potestatum hujus mundi non videntur: in quorum enim videntur, non sunt filii Dei, sed diaboli; quia qui de Deo natus est, non peccat, dicit Joannes apostolus (*I Joan.* iii, 9). Hoc est enim quod probat Dei filios et diaboli. Unde Dominus ad Judæos quod male agerent, et parricidium cogitarent, ait: « Vos de patre diabolo estis (*Joan.* viii, 44). »

(Vers. 15.) « Non enim accepistis spiritum servitutis iterum in timore. » Hoc dicit, quia accepto Spiritu sancto, a timore malorum actuum exuti sumus: ut de cætero nihil tale agamus, unde iterum timeamus. Ante enim sub timore eramus (16), quia lege data, omnes rei sunt constituti. Spiritum ergo timoris legem dixit, quia homines peccati causa in timore constituit. Lex autem fidei, quæ in spiritu adoptionis significatur, lex securitatis est, quia a timore nos eruit dum donat peccata, ac per hos securos nos fecit: ac dicitur spiritus non timoris secundum hunc modum (17).

« Sed accepistis Spiritum adoptionis filiorum, in quo clamamus: Abba, pater. » Gratia Dei a timore liberati, accepimus spiritum adoptionis filiorum, ut considerantes quid eramus, et quid dono Dei sumus adepti, magna cum diligentia vitam nostram ordinemus; ne nomen Dei Patris in nobis injuriam patiat, et ea omnia quæ evasimus, veluti ingrati incurramus. Talem enim gratiam consecuti sumus, ut audeamus dicere Deo: *Abba*, id est, pater! ideoque commonet, ne accepta fiducia in temeritatem vertatur; si enim huic voci, quæ dicimus: *Abba, pater*, dissimilem vitam exhibeamus, injuriam Deo facimus, vocantes eum patrem.

promisit nobis.

(16) Ante enim sub timore eramus, non reperitur in mss., at contra in omnibus edit. habetur.

(17) Vet. edit. ac mss. non pauci, *secundum hunc mundum.*

Idcirco enim bonitate sua hoc nobis indulsit, quod super naturam nostram est, ut quod substantia indigni sumus, operibus mereamur.

(Vers. 16.) « Ipse Spiritus reddit testimonium spiritui nostro, quod sumus filii Dei. » Bene agentibus nobis, et per hoc ipsum manente in nobis Spiritu sancto, huic voci et animo nostro, **74** qua clamamus in oratione : *Abba*, id est, pater, Spiritus Dei testimonium dat, dum manet in nobis, quoniam non temere dicimus, *Abba, pater*, Dignam enim vitam huic voci exhibeamus ; et hoc est testimonium filiorum, si in eos per Spiritum videatur signum paternum.

(Vers. 17.) « Si autem filii, et hæredes : hæredes quidem Dei, cohæredes autem Christi. » Cum Deus pater nullo modo mortuus possit dici, Christus autem ejus filius mortuus dicatur causa incarnationis, quid est ut is qui mortuus est, semper viventis hæres esse dicatur, cum hæredes utique non nisi mortuorum sint ? Sed hæc causa humanitatis, non divinitatis est. Nam apud Deum quæ apud nos hæreditas dicitur, donum est patris in filios obediens transfusum : ut vivus viventis hæres sit merito proprio, non necessitate defuncti. Unde et Dominus in Evangelio non magis humana quam divina ratione vivam viventibus substantiam suam partitum esse, licet in parabola significavit (*Luc. xv, 12*) ; nec enim parabola absurda ratione componitur. Ut ergo promptos nos ad obediendum Deo Patri faceret, hac spe exhortatur dicens Dei nos futuros hæredes, cohæredes autem Christi ; ut quia spes magna præmii est, tanto magis in Dei rebus propensiores essemus, postponentes curam mundanorum. Quid sit autem cohæredem esse Filii Dei, ab apostolo Joanne docemur ; inter cætera enim ait : « Scimus quoniam cum apparuerit, similes ei erimus (*I Joan. iii, 2*). »

« Si tamen compatiamur, ut et simul glorificemur. » Quo modo cohæredes Christi fieri possumus declarat, dicens : « Si tamen compatiamur, ut et simul glorificemur. » Videamus ergo quid sit compati. Compati est persecutiones tolerare propter spem futurorum, carnemque crucifigere cum vitiis et concupiscentiis, hoc est, voluptates et pompas sæculi spernere. Cum enim hæc omnia mortua fuerint apud hominem, crucifigit mundum, futuri sæculi vitam credens, in qua se sperat cohæredem Christi futurum.

(Vers. 18.) « Existimo ergo quod non sint condignæ passiones hujus temporis ad futuram gloriam quæ revelabitur in nobis. » Exhortatio hæc ad superiora pertinet, per quam ostendit parva esse quæ hic possunt a perfidis irrogari, ad comparatio-

A nem decreti muneris in futuro sæculo. Propterea nos jubet (18) ad omnia exitia paratos esse debere, quia magna pro his repromissa sunt præmia ; ut in tribulatione consoletur se animus, et spe crescat. Nam et quosdam, imo multos scimus pro præsentibus lucris, ad modicum utique profuturis, quam asperos et duros subire labores, et ad quæ tendunt aliquando, quia ipsa vita fragilis est et incerta, pervenire non possunt. Nautæ pro quibus commodis tantis se procellis et tempestatibus credunt, cum sciant in his magis mortem ante oculos esse quam vitam ? Et milites spe præsentis præmii, cum incerta victoria sit, in gladios insurgere non dubitant. Quanto ergo magis pro Christo patiendum est, cujus etiam protelata sunt nobis beneficia : qui pro parvis magnifica, pro terrenis cœlestia (19), et pro temporalibus perpetua præmia cum gloria pollicetur ! Pro Christo dicimur pati, cum nobis, non illi proficiat, quod patimur : sed quia ille occasionem quærit remunerandi nos, hoc præcipit ; ut bonus enim vel profusus largitor causam quærit, quomodo donet aut indignis, aut verecundis. Denique ut ipsa exitia tolerari possint, ipse suggerit vires.

(Vers. 19.) « Nam expectatio creaturæ revelationem filiorum Dei expectat. » Quoniam præsentis temporis passiones indignas dixit ad superventuram gloriam, subjecit quod creatura hoc expectat, ut compleatur numerus filiorum Dei, destinatus ad vitam : ut tunc demum etiam ipsa creatura possit liberari a servitute corruptionis, et cessare a vitio (20).

(Vers. 20.) « Vanitati enim creatura subjecta est non voluntaria. » In Domini et creatoris potestate posita creatura, non utique sponte subjecta est vanitati ; non enim proderit sibi quod subjecta est, sed nobis. Quid est ergo in quo vanitati subjecta est, nisi quia quæ generat, caduca sunt ? Operatur enim, ut fructus faciat corruptibiles : corruptio ergo ipsa vanitas est ; omnia enim quæ nascuntur in mundo, infirma, caduca et corruptibilia, ac per hoc vana sunt. Vana sunt enim, quia statum suum tenere non possunt : nam cuncta deformata per fluxum semper in se redeunt confusa in naturam. **75** Hoc dicit de his et Salomon, quia omnia hæc vanitas (*Eccle. i, 2*). Nec discordat ab his David, dicens : « Verumtamen vanitas omnis homo vivens (*Psal. xxxviii, 6*). » Manducare enim et bibere, et res mundi curare, nonne vanitas est ? Et prodest tamen ipsa vanitas ; proficit enim hominibus natis in mundo, ut per hæc in corporibus exercitati, discant mysterium Creatoris. Ad comparisonem enim æternorum vana sunt ; nam in suo bona sunt, quippe cum sint necessaria.

(18) Nos jubet deerat in cunctis edit. et nonnullis mss., sed ex aliis pluribus restituitur.

(19) Pro terrenis cœlestia nunc primum e cod. Flor. et Vind. admittuntur in textum.

(20) Ita omnes edit. ac mss. aliquot ; nonnulli

vero alii, liberari a servitute corruptionis, et cessare a servitio, quidam... et cessaret in vitio ; cod. tandem Corb., liberari ab officio servitutis, et pausare. Thuan. addit, in otio.

(Vers. 21.) • Sed propter eum qui subiecit illam A
in spe. • Quæ spes sit, statim subiecit, dicens :
• Quoniam et ipsa creatura liberabitur a servitute
corruptelæ in libertatem gloriæ filiorum Dei. •
Quoniam contradicere non potest creatura condi-
tori suo, ejus causa subjecta est non sine spe. Ha-
bet enim in labore posita hoc solatium, quoniam
habet requiem, cum crediderint omnes, quos scit
Deus credituros, quorum etiam causa subiecit :

(Vers. 22.) • Scimus enim quod omnis creatura
ingemiscit et parturit usque adhuc. • Parturire
dolere est. Ipse sensus est, quia omnis creatura per
quotidianum laborem ingemiscit et dolet usque
modo. Usque modo tandiu significat, quandiu le-
gitur. Ipsa enim elementa cum sollicitudine operas
suas exhibent, quia et sol et luna non sine labore B
statuta sibi implent spatia, et spiritus animalium
magno gemitu arctatur ad exhibenda servitia ; nam
videmus illa gementia cogi invita ad laborem. Hæc
ergo omnia exspectant requiem, ut a servili opere
liberentur. Si autem hæc esset servitus, quæ ad
Deum proficeret promerendum, gauderet, non dole-
ret creatura : sed quia nostri causa subjecta est
servituti corruptionis, dolet. Videt enim quotidie
opera sua interire ; quotidie enim oritur et occidit
(21) opus ejus. Recte ergo dolet, cujus operatio
non ad æternitatem pertinet, sed ad corruptionem.
Quantum ergo datur intelligi, satis de nostra salute
sollicita sunt, scientes ad liberationem suam pro-
ficere maturius, si modo nos citius agnoscamus
auctorem. Hæc itaque scientes, omni cura diligen-
tiaque dignos nos præbeamus, aliis quoque ut
exemplo simus, non nostra solum miseratione com-
moti, sed et ejus causa quæ diebus ac noctibus in-
jurias patiens ingemiscit ; solemus enim in alienis
causis propensius vigilare.

(Vers. 23.) • Non solum autem illa, sed et nos
qui receptaculum Spiritus habemus, nos ipsi intra
nosmet ipsos ingemiscimus, exspectantes redem-
ptionem corporis nostri. • Post creaturam munda-
nam adjecit etiam nos hoc exspectare, et ingemi-
scere ad Deum, ut hinc liberemur cuncti destinati
ad vitam : quia Christianis mundus hic pelagus est.
Sicut enim mare adversis excitatur procellis, insilit,
et tempestatem navigantibus facit : ita et sæculum
perfidorum conspiratione commotum, perturbat D
fidelium mentes : et tanta diversitate hoc agit ini-
micus, ut quid prius evitandum sit, ignoretur (22).
Si enim potestas desinit esse adversum nos, priva-
torum mentes exagitat : si et hi compescantur, per
domesticos conflatur incendium ; et si hoc positum
fuerit (23) arte sua inter ipsos germanos facit dis-

cordiam ; ut quatuor angulis pulsata domus, ex
aliqua parte faciat ruinam. Propter quod uno con-
silio fugiendum est hinc Christianis ; exemplum
enim debent sequi sancti Simeonis, qui sciens
bellum hic geri contra perfidiam, in pace dimitti
se postulavit (*Luc. II, 29*). Hoc est quod singuli
orantes pro omnibus oramus, ut veniat regnum
Dei (*Matth. VI, 10*) ; tunc enim erit liberatio cor-
poris nostri, id est, omnium Christianorum ; in
corpore enim omnes significavit, quia sumus alter
alterius membra. Apostolus quidem quasi vir divi-
nus bene sentit de nobis, dicens quia ingemisci-
mus, ut hinc liberemur, sicut et ingemiscebat Si-
meon : sed video oblectatione mundi nos teneri.
Igitur per hæc quæ supra dicta sunt, ostendit quam
viam creatura patitur nostri causa, cum quando
nos quibus obsequium ejus proficit, quique Dei
Spiritus adiutorem habemus, ingemiscimus, ut
hinc liberemur, ut promissa consequamur præmia.
Quanto magis ergo creatura ingemiscit, quæ neque
adiutorem habet Spiritum sanctum, neque in sua
causa laborat : addito hoc, quod ea quæ labore suo
generat, ut alimentis servorum Dei proficiant, contra
fas videt idolis immolari ! Unde plus dolet, et optat
citius liberari, 76 sciens hoc ad injuriam proficere
Creatoris.

(Vers. 24.) • Spe enim salvati sumus. • Hoc
dicit, quia sperando quod promisit Deus in Christo,
nobis meritum fecimus, ut liberemur. Ergo in spes
liberati sumus, quia non aliud futurum est, quam
credimus. C

• Spes autem quæ videtur, non est spes. • Mani-
festum est non esse spem quæ videtur, sed quod non
videtur ; ac per hoc credentes præmiis affiendi
sunt, quia quæ non vident, sperant.

(Vers. 25.) • Nam quod videt quis, quid sperat ?
Sed si quod non videmus, speramus, per patientiam
exspectamus. • Dubium non est ea sperari quæ non
videntur ; exspectantur enim futura. Hæc expec-
tatio patientia est, quæ multum meretur a Deo : ut
de die in diem exspectans cupiat venire regnum
Dei, et non dubitet, quia tardat.

(Vers. 26.) • Similiter autem et spiritus adjuvat
infirmiorem nostræ orationis. • Quoniam superius
ingemiscere nos, et precari liberationem memo-
ravit, et in dolore positi, aut quæ longe futura dicta
sunt, mox fieri volumus, aut cito tolli, per quæ
ad meritum perveniamus ; et videmur imbecilla
oratione precari, dum illi denegatur effectus. In-
firma est enim, qui contra rationem postulat ; ac
per hoc infirmitatem hanc a sancto Spiritu dato no-
bis adjuvari ostendit. Adjuvat autem, quia quæ

(21) Mss. aliquot, *moritur et occidit*. Infra vero
ubi nos, edit. Amerb. cunctique mss., *scientes ad
liberationem suam*. Verum huic auctori non hoc
tantum loco contigit incongrue loqui.

(22) Tres mss. verbo *ignoretur* addunt, *non enim
deficit, unde nascatur tribulatio* ; Quod autem pro
potestas Rom. edit. substituit, *tempestatem*, hoc non

tantum contra cæterarum omniumque mss. aucto-
ritatem pugnat, sed et contra legitimum sensum ;
potestas enim hic opponitur hominibus privatis, ut
locus clamat.

(28) Ita edit. Amerb., Eras. et mss. plerique :
alii vero mss. partim *subditum fuerit*, partim *sopi-
tum fuerit*, quod Gill. et Rom. edit. prætulerunt.

aut ante petuntur, quam peti debeant, aut sunt A contraria, non sinit fieri.

• Nam quid oremus sicut oportet, nescimus. • Infirmi-
tatem orationis nostræ ignorantiam signifi-
care declaravit; fallimur enim putantes prodesse
quæ poscimus, cum non prosint. Denique eidem
Apostolo tertio deprecanti, ut tentationes ab eo
cessarent, quia crebræ erant, dictum a Domino
est: « Sufficit tibi gratia mea; nam virtus in infir-
mitate perficitur (*II Cor. xii, 9*), » id est, sic me-
ritum quis collocat, dum in tribulationibus patiens
invenitur. Didicit ergo contra se esse quod petebat.
Est et aliquando superba et stulta petitio, sicut
fuit duorum apostolorum Jacobi et Joannis, quibus
incongrua et immensa petentibus dictum est:
• Nescitis quid petatis (*Matth. xx, 22*). •

• Sed ipse Spiritus postulat pro nobis gemitibus in-
enarrabilibus. • Non humanis eloquiis postulare pro
nobis discitur Spiritus Domini, sed more naturæ suæ.
Cum enim quod de Deo est, de Deo loquitur, eo more
loquatur necesse est, quo ille loquitur, de quo est.
Nemo enim cum cive suo alia lingua loquitur (24).
Superfundit enim se precibus nostris Spiritus datus
nobis, ut imperitiam et improvidentiam nostram
motu suo operiat, et illa nobis a Deo petat quæ
prosint nobis.

(Vers. 27.) • Qui autem scrutatur corda, scit
quid desideret Spiritus, quia secundum Deum po-
stulat pro sanctis. • Manifestum est quia Deo, cui
nihil tacitum est et occultum, nota est precatio
omnium spirituum: quanto magis Spiritus sancti,
qui ejusdem utique substantiæ est, et loquitur non
impulsu aeris, neque ut angeli, aut sicut cætera ex
creaturis, sed sicut competit ejus divinitati! Deo
ergo loquitur, cum nobis tacere videtur, quia et
videt, cum non videatur, et hæc petit quæ scit Deo
placere, et nobis prodesse. Tunc sane pro nobis
interponit se idem Spiritus, cum scit nos per igno-
rantiam, non per jactantiam contraria postulare.

(Vers. 28.) • Scimus autem quoniam diligentibus
Deum omnia procedunt in bonum, iis qui se-
cundum propositum vocati sunt sancti. • Hoc dicit,
quia diligentes Deum etsi imperite precati fuerint,
non illis oherit, quia propositum cordis illorum
sciens Deus et ignaviam (25), non illis imputat, D
quæ adversa postulant, sed ea annuit, quæ danda
sunt Deum amantibus. Unde et Dominus ait: Scit
autem, inquit, Pater vester quid vobis opus sit, an-
tequam petatis ab eo (*Matth. vi, 8*). Hi ergo secun-
dum propositum vocantur, quos credentes præsci-

(24) Rom. edit., *aliena lingua loquitur... adventu suo operiat.*

(25) Ita omnes mss. ac vet. edit.; Rom. vero, *et imbecillitatem.*

(26) Rom. edit. cum mss. nonnullis, *ex mortuis, quando devicta morte ascendit in caelos.*

(27) *Nec reputatur*, sive ut mss. aliqui, *non aestimabitur alius absque eo*, in textum ex mss. non

vit Deus futuros sibi idoneos, ut antequam crede-
rent, scirentur.

(Vers. 29.) • Nam quos præscivit. • Istos quos
præscivit futuros sibi devotos, ipsos elegit ad pro-
missa præmia capessenda, ut hi qui credere viden-
tur, et non permanent in fide cœpta, a Deo electi
negentur: quia quos Deus elegit, apud se perman-
ent. Est enim qui ad tempus elegitur, sicut Saul
et Judas: non de præscientia, sed de præsanti ju-
stitia.

• Conformes fieri imaginis Filii sui. • Hoc dicit
quia ideo 77 prædestinantur in futurum sæculum,
ut similes fiant Filio Dei, quod jam supra memo-
ravi.

• Ut sit ipse primogenitus in multis fratribus. •
B Recte *primogenitus*, qui ante omnem creaturam
non factus, sed natus est: ad ejus exemplum
Deus homines in filios sibi adoptare dignatus est.
Est et primogenitus in regeneratione Christus. Est
et primogenitus ex mortuis ejus natura ignoratur.
Et primogenitus post victoriam ascendens in caelos.
(26) Primogenitus igitur in omnibus frater noster
dicitur, quia homo dignatus est nasci: Dominus
vero est, quia Deus noster est, sicut dicit propheta
Jeremias: « Hic est Deus noster, nec reputatur (27)
alius absque eo (*Baruch. iii, 36*). »

(Vers. 30.) • Quos autem prædestinavit, illos et
vocavit. • Vocare est cogitantem de fide adjuvare,
aut compungere eum, quem sciat audire. • Et quos
vocavit, ipsos et justificavit; quos autem justifica-
vit, hos et magnificavit. • Hoc dicit quod supra,
quia quos præscivit Deus aptos sibi, hi credentes
permanent, quia aliter fieri non potest, nisi quos
præscivit Deus, ipsos et justificavit; ac per hoc
magnificavit illos, ut similes fiant Filio Dei. De cæ-
teris quos non præscivit Deus, non est illi cura in
hac gratia, quia non præscivit illos futuros idoneos
(28). At si credant, aut eligantur ad tempus, quia
videntur boni, ne justitia contempta videatur, non
permanent ut magnificentur, sicut et Judas Isca-
riotes (*Joan. vi, 71*), aut illi septuaginta duo, qui
electi, post scandalum passi recesserunt a Salvatore
(*Ibid.*, 67).

(Vers. 31.) • Quid ergo dicemus ad hæc? Si Deus
pro nobis, quis contra nos? • Manifestum est, quia
Deo nobis testimonium perhibente, quis est qui
audeat accusare nos, quando ipse qui judex est,
ante præscivit nos, et idoneos judicavit?

(Vers. 32.) • Qui proprio Filio suo non pepercit,
sed pro nobis omnibus tradidit illum. • Sic securos
nos debere esse fidei causa hortatur, ut Deum,

paucis restituimus. Infra vero in mss. quibusdam
legitur partim, *vocare est cogitantem hominem quod sit Dei, vocare*; partim, *quid sit hominem vocare. Vocare est cogitantem de fide, etc.*, in quibusdam autem omittitur: nos vero lectione in omnium edit. potiorumque mss. retinimus.

(28) *Illos futuros idoneos* mss. plerique iidemque optimi restituere.

quasi præscium (29), antequam ex impiis fideles A
essemus, Filium suum pro nobis morti tradidisse
ostendat.

« Quomodo non etiam cum illo omnia nobis do-
navit? » Deum olim decrevisse dicit remunerandos
credentes in Christum. Si enim quod majus et præ-
cipuum est, præstitit nobis, ut Filium suum verum
et charissimum traderet propter nos adhuc impios,
quare non quod minus est facturus credatur pro
nobis credentibus sibi? Jam enim parata sunt
credentibus præmia; minus est enim nobis omnia
cum illo donare, quam illum nostri causa morti
tradere.

(Vers. 33.) « Quis accusabit adversus electos
Dei? » Neminem audere nec posse judicium et B
præscientiam Dei in nobis retractare apertum est.
Quis est enim qui possit hæc, quæ Deus probat,
improbare; cum nemo æqualis sit Deo?

« Deus qui justificat. » Hoc in Isaia propheta est
(*Isa. L, 8*), quod hic quasi summi ponit; quia nemo
est alius qui, quod probat Deus, arguat. Aut ne
forte ipse nos Deus accuset: sed non potest quod
justificat, accusare.

(Vers. 34.) « Et quis erit, qui condemnet? Chri-
stus qui mortuus est, imo qui et resurrexit, et est
in dextera Dei, qui etiam interpellat pro nobis. »
Deum, quia nos justificat, accusare nos negat:
Christum autem damnare nos non posse; quia eo
affectu diligit nos, ut moreretur pro nobis, et re-
surgens, semper causas nostras agat apud Patrem.
Cujus postulatio contemni non potest, quia in C
dextera Dei est, hoc est, in honore quod Deus est;
ut de Deo Patre securi, et Christe Filio ejus qui
judicaturus est, in fide ejus lætemur. Hinc est illud,
quod dicit Petro apostolo: « Ecce exspostulavit
Satanas, ut vos ventilet sicut triticum; ego autem
rogavi pro te, ne deficiat fides tua (*Luc. xxii,
31, 32*). » Hoc ergo modo interpellat pro nobis
Salvator; sciens enim impudentiam (30) et altitu-
dinem adversarii nostri, cum se commovet adver-
sum nos, si non ei assentiamus, Salvator interpellat
pro nobis, ne aliquid violenter præsumat circa
nos, ut arceatur insolentia ejus. Hac causa tamen
dicitur Filius interpellare, cum ipse agat totum, et
æqualis sit Deo Patri; et quia unus dicitur Deus, ne
Pater et Filius singularis, vel unio putaretur, ad
personarum 78 distinctionem sic loquitur Scri-
ptura, ut et Filium non disparem tradat, et Pa-
trem, quia Pater est, et quia ab ipso sunt omnia,
præferat.

(Vers. 35.) « Quis nos separabit a charitate
Christi? » Hoc est, quis nos avertere poterit a

(29) Amerb. et Eras. cum mss. aliquot, *ut Deum,
quo præscio*, etc.

(30) Mss. aliquot, *sciens enim potentiam; unus,
imprudentiam*.

(31) Omnes edit. ac mss. nonnulli, *immerita ejus
seminare, memorat beneficia*; cæteri mss. qui et
potiores, ut nos in textu; nisi quod omittitur in

dilectione Christi, qui nobis tam magna et innu-
mera præstitit beneficia? *Tribulatio?* Sed non facit,
quia dilectionem firmi Christiani nulla vincunt
tormenta. Amantis enim plus incitatur charitas, si
eum cujus sensit beneficia, prohibeatur amare:
dum enim putant se in merita ejus seminare, susci-
tant memorata beneficia (31).

(Vers. 36, 37.) « An angustia? an persecutio? an
fames? an nuditas? an periculum? an gladius
(sicut scriptum est, quia propter te morte afficimur
tota die, æstimati sumus velut oves occisionis)?
Sed in his omnibus superamus propter eum qui
dilexit nos. » Hoc scriptum est in psalmo quadra-
gesimo tertio. Manifestum est ergo hæc omnia,
quæ enumerat, exitia, tribulationes, pressuras, et
mortem, non posse conferri vel comparari charitati
Christi, quam seminavit in nobis. Multo enim ma-
jora ejus beneficia habemus quam hæc sunt omnia,
quæ videntur adversa. Si enim morimur pro illo,
quod gravius videtur in his, et ille mortuus est pro
nobis: sed ille ut prodesset nobis; nostra autem
mors non illi proficit, sed nobis. Temporalem enim
vitam perdimus, ut nobis rependatur æterna. Et
quid mirum si servi moriantur pro bono Domino:
quando Dominus mortuus est pro servis et malis?
Vincant ergo beneficia, et exhortantur animum ad
perseverandum propter eum qui dilexit nos.

(Vers. 38, 39.) « Confido enim quia neque mors. »
Confidentia hæc de sponsione Christi est, qua pro-
misit in tribulatione adjuvare sibi dicatam fidem.

« Neque vita, neque angelus, neque virtus, neque
altitudo, neque profundum, neque præsentia, neque
futura, neque alia creatura poterit nos separare a
charitate Dei, quæ est in Christo Jesu Domino
nostro. » Hæc sunt omnia, quæ ad abductionem
nostram a diabolo inferuntur, quæ idcirco memo-
rat, ut muniat nos; ut si advenerint, confidentes
de spe, et auxiliis Christi, armati fide adversus
hæc repugnemus. Quid enim si mors illata fuerit,
nonne lucrum est maximum occasionem invenire,
qua citius catur in regnum promissum? Neque si
præsens, vita promissa nobis fuerit dignitate mu-
nita, debet nos avertere ab spe beneficii Christi,
quem scimus, quia non solum in futuro, sed et in
præsenti proderit nobis. Nec quidem si se angelus
nobis ostendat ad seducendos nos, subornatus
fallacis patris sui (32) diaboli, prævalere debeat
adversum nos; cum sciamus Christo, ut magni
consilii Angelo nihil præponendum (*Isa. ix, 6*).
Neque si virtus ab aliquo facta fuerit, sicut dicitur
facta a Simone mago, qui dicitur in aere sursum,
ut populum Christi scandalizaret, volasse, fidem

quibusdam vox *memorata*, et pro *in merita* in om-
nibus fere scribitur *immerita*, inepta sensu. At in
merita Christi seminamus, quia ipse prior dilexit
nos, ac dedit nobis.

(32) Nonnulli mss., *subornatu fallacis patris
sui*.

nostram debebit minuere, scientium Salvatorem A nube famulante susceptum ascendisse supra omnes cælos (*Act. 1, 9*). Neque si in altitudinem se nobis ostendat, de qua dicit Joannes apostolus: « An ignoratis altitudinem Satanæ (*Apoc. 11, 24*)? » a devotione nos Domini Jesu debebit auferre, quem scimus descendisse de cælo, ut terrena spiritalibus sociaret (33). Neque si per phantasiam, qua seducere meditatur, profundum nobis ostendat horrore mirandum, qua territi forte succumbamus illi: nec sic dignum est, ut Christo fidem frangamus, quem scimus nostri causa in profundum terræ descendisse et morte pressa genus humanum liberasse. Neque si futura nobis spondeat, quæ promisit Evæ (*Gen. 3, 4, 5*), assensum dabimus illi, discreti a Christo, quem virtute et natura Deum credimus et scimus. Nec si arte et subtilitate (34) astutiæ suæ aliam creaturam fingat ad horam, sicut finxerunt Jannes et Mambres coram Pharaone (*II Tim. 3, 8*); inconveniens est, ut per hæc a Deo creatore vero nos revocet, quem non ignoramus per Christum Filium suum creaturam condidisse in æternum existentem. Quibusdam videtur aliam creaturam dixisse de idolis; sed non est verum, quia hanc debuit significare, quam sub admiratione seductionis videtur fingere Satanæ. Nam quis seducatur fidelium ad hæc, a quibus recessit manifestato errore? 79 Sed hæc meditatur et fingit, per quæ etiam electos possit seducere. Nulla ergo sunt, quæ nos possint a charitate Dei separare, quæ est in Christo Jesu: Deus enim charitatem suam in Christo nobis ostendit, dum tradit illum pro nobis.

CAPUT IX.

(Vers. 1-3.) « Veritatem dico in Christo Jesu, non mentior, testimonium mihi perhibente conscientia mea in Spiritu sancto, quia tristitia est mihi magna, et continuus dolor cordi meo; optabam enim ego ipse anathema esse a Christo pro fratribus meis, cognatis secundum carnem, qui sunt Israelitæ. » Quoniam superius contra Judæos loqui videtur, qui ex lege justificari se putant: nunc ut votum suum et affectum circa eos ostendat, teste conscientia sua, in Christo Jesu et in Spiritu sancto dicit se loqui, ut non velut inimico illorum fides haberi non possit. Ideo Christum et Spiritum sanctum, quos nihil latet, testes dat: et quorum testimonium reprobari non potest, qui sic perhibent testimonium Apostolo, dum commendant eum virtute signorum, quæ faciebant per illum. Quia enim tam magnum præsidium est Christi, et præcipuam charitatem erga genus humanum ostendit, et dignatione ejus gloriosa et immortalia præmia repro-

(33) Rom. edit. sola, ut terrena cælestibus sociaret. Infra vero ubi vet. edit. ac plures mss., errore mirandum, eadem Rom. edit. ex Gill. in marg. et mss. nonnullis restituit, horrore mirandum.

(34) Omnes edit. et mss. ac pauci mss., et subtilitate; cæteri, in quibus antiquiores, et subtilitate.

missa: ac per hoc dolet genus suum, quod est secundum carnem; quia incredulitate sua hoc perenni et salutari beneficio se privarunt. Ergo, optabam, ait, non opto; quia scit fieri non posse, ut tam honestum membrum, nullo præcedente vitio, abscinderetur a corpore Christiano (35), affectum tamen et dilectionem circa genus suum ostendit.

(Vers. 4.) « Quorum adoptio est filiorum. » Juste se dolere probat, quando prædicat laudem generis eorum, quia olim filii adoptati, affectum et gratiam Dei Patris in irritum habuerunt. Adjecit adhuc, ut et alios dolere pro his faciat, dicens:

(Vers. 5.) « Et gloria, et testamenta, et legislatio, et obsequium, et promissa, quorum Patres, et B ex quibus Christus secundum carnem, qui est super omnia Deus benedictus in sæcula. Amen. » Tanta præconia nobilitatis et dignitatis generis Judæorum et promissionum enumerat, ut omnibus pro his dolorem incutiat, quia non recipiendo Salvatorem prærogativam Patrum, et promissionis meritum perdidit, pejores gentilibus facti, quos prius, quia sine Deo erant, abominabantur: propensius enim malum est dignitatem perdidisse, quam non habuisse. Interea de Salvatore dicit:

« Qui est super omnia Deus benedictus in sæcula. Amen. » Quando enim nulla paterni nominis fit mentio, et de Christo sermo est, non potest differri, ne Deus dicatur. Frequenter enim Scriptura propter unius Dei professionem, si de Deo Patre loquitur, et Deo adjungit Filium, Deum Patrem vocat, et Filium Dominum. Si quis autem non putat de Christo dictum: *Qui est Deus*, det personam, de qua dictum est: de Patre enim Deo hoc loco mentio facta non est. Sed quid mirum, si in hoc loco Christum Deum super omnia aperta voce loqueretur, de quo alia in epistola hunc sensum tali sermone firmavit, dicens: « Ut in nomine Jesu omne genu flectatur, cælestium, terrestrium et infernorum (*Philipp. 2, 10*)? » Hæc sunt omnia, super quæ Deus Christus est. Neque enim, exceptis his, sunt aliqua, ut non super omnia Deus Christus sit: nec potest genu flectere omnis creatura, nisi Deo. Denique Joannes apostolus cum in scius angelum ut Deum vellet adorare, audit ab eo: « Ne feceris, quoniam servus tuus sum. Deum, inquit, adora (*Apoc. 19, 10*). » Nec Dominus utique adorari se pateretur, nisi quia Deus est: si quo minus, usurpasse dicendus est, et peccasse, quod absit, cum ipse diabolum increpans, Dominum Deum adorandum, et ipsi soli serviendum ostendat (*Matth. 4, 10*). Nihil ergo præjudicatur Deo Patri, cum adoratur Christus ut Deus, quia cum soli Deo

Rursus paucis interjectis, Eras. ac seq. edit. cum uno vel altero mss. reposuerant, *conveniens est*; ubi nos cum Amerb. et plerisque mss. resti tuimus, *inconveniens est*.

(35) Rom. edit. cum paucis mss., a corpore Christi.

serviendum dicatur, servitur et Christo. Dicit enim A alio loco: « Qui in his servit Christo, placet Deo (Rom. xiv, 18). » Quid ergo superest, nisi ut Pater Deus, et Filius Deus, et nihilominus unus Deus credatur uterque? Sive enim Patrem quis adoret, sive Filium, unum Deum dicitur adorare, et servire Patri, aut Filio (36), uni Deo servitium exhibetur. **80** Nulla igitur discretio est, quia qui adorat Filium, adorat et Patrem: et qui servit Patri, servit et Filio. Et ut sine adulatione deitatis hujus confessionem esse doceret, in conclusione posuit. Amen, hoc est, verum, ut Christum Deum super omnia in veritate ostenderet benedictum in sæcula.

(Vers. 6.) « Non autem excidit verbum Dei. » Non excidit verbum Dei dicentis: « In Isaac vocabitur tibi semen (Gen. xxi, 12), » id est, hoc evenit, quod dixit Deus futurum; ut non hi dicebantur semen esse Abrahamæ, qui filii ejus essent secundum carnem: sed isti qui fidem acceperint, per quam natus est, Isaac, reformatam tempore Christi, non jam specialem, sed generalem; ut quod Abraham credidit de Isaac, isti crederent de Deo et Christo; quia natus est Dei Filius ad salutem humani generis redimendam (37). »

(Vers. 7.) « Neque omnes qui sunt ex Israel, hi sunt Israelitæ; neque quia semen sunt Abrahamæ, omnes filii: sed in Isaac vocabitur tibi semen. » Hoc est (38) quod vult intelligi, non jam ideo dignos esse omnes, quia filii sunt Abrahamæ: sed eos esse dignos, qui filii promissionis sunt, id est, quos præsciit Deus promissionem suam suscepturos, sive ex Judæis, sive ex gentibus; hi enim digni sunt dici Israelitæ, id est, videntes Deum, qui credunt. Nam de Isaac utique omnes hi filii sunt Abrahamæ, quia omnis propago generis Judæorum ex Abraham per Isaac est. Sed quia, sicut dixi, hi sunt vere filii Abrahamæ, qui promissionem sequuntur, quæ in Isaac facta est (39): ac per hoc reliqui filii non sunt dicendi Abrahamæ. Abraham enim credens, Isaac accepit propter fidem, quia credidit Deo. In quo mysterium futuræ fidei designatum est, ut illi essent fratres Isaac, qui eandem fidem haberent, in qua Isaac natus est, quia Isaac in typo Salvatoris natus est ex promissione, ut qui crediderit Christum Jesum promissum esse Abrahamæ, hic sit filius Abrahamæ, frater vero Isaac. Di-

ctum est ergo Abrahamæ, quia « In semine tuo benedicentur omnes gentes (Gen. xxii, 18); » quod utique in Isaac factum non est, sed in eo, qui in Isaac promissus est Abrahamæ, qui est Christus, in quo omnes gentes benedicuntur credentes. Cæteri ergo Judæi filii sunt carnis, dum promissione privantur, nec deputari possunt merito Abrahamæ, qui fidem non sequuntur, per quam dignus exstitit Abraham.

(Vers. 8.) « Id est, non qui filii carnis, hi sunt filii Dei; sed qui filii promissionis sunt, æstimantur in semine (40). » Apertum est quia non possunt dici filii carnis filii Dei: hi enim ex concupiscentia carnis nati sunt, isti vero ex fide spiritualiter, secundum quod promissum est Abrahamæ, ut hi æstimarentur semen esse, qui crederent.

(Vers. 9.) « Promissionis enim verbum hoc est: Ad hoc tempus veniam, et habebit Sara filium. » Hoc in Genesi habetur, quod præfiguratum in Christo est, ut futurus Christus promitteretur filius Abrahamæ, in quo promissionis verbum impleretur, ut in Christo benedicerentur omnes gentes terræ. Quando enim promissio facta est Abrahamæ, et audivit: « Quia in semine tuo benedicentur omnes gentes terræ; » Christus utique illi promissus est ex traduce Isaac, in quo hoc impletum videmus.

(Vers. 10.) « Non solum autem hæc, id est, Sarra (41), sed et Rebecca ex uno concubitu habens Isaac patris nostri. » Non tantum ergo Sarram in typo dicit generasse Isaac, sed et Rebeccam uxorem Isaac. Sed alia causa est in Isaac, alia in Jacob et Esau, quia Isaac in figura Salvatoris natus est, Jacob vero et Esau duorum populorum habent typum, id est, credentium, et non credentium; ut cum ex uno sint, diversi sint tamen. In singulis enim et genus significatur, ut hi unius generis dicantur, qui in causa fidei unum sunt, vel perfidiæ. Unus enim significatur in multis, non per traducem carnis, sed per communem causam; quia et ex Esau Jacob filii dicendi sunt, et ex Jacob Esau imputandi sunt filii. Nec enim quia Jacob laudatur, omnes ex eo nati, filii ejus merito dicendi sunt; aut quia Esau displicet, omnes ex ejus origine reprobi sunt; cum videamus et de Jacob traduce natos factos perfidos, et de Esau fideles et Deo charos. Nam quod de Jacob multi sint perfidi, dubium non est; omnes enim Judæi non **81** credentes, aut credentes ex eo habent origi-

(36) Mss. aliquot, et *servire Patri, aut Filio, aut Spiritui sancto, uni Deo... adorat et Patrem et Spiritum sanctum... servit Filio et Spiritui sancto*, etc.; reliqui vero, et edit. nobis congruunt, nisi quod Rom. pro *et servire Patri*, posuit, et si *servitur Patri*: nec non post *nulla igitur*, subjunxit, in his: ac demum infra pro *confessionem* cum mss. Thuan. substituit, *professionem*.

(37) Gill. ac Rom. edit. cum Thuan. cod., *humani generis redhibendam*.

(38) Ita mss. et vet. edit., nisi quod Gill. omittit, *Hoc est*: Rom. autem edit. adjecto, ut solet, sequenti Scripturæ versu, et repetita parte superioris, ista subjungit: *Vult intelligere non omnes, qui*

filii sunt Abrahamæ, esse dignos, ut filii promissionis sint, id est, quos præsciit, etc.

(39) *Sed quia... quæ in Isaac facta est*, in multo pluribus mss. desideratur.

(40) Amerb. Et Eras. et quidam mss., *in semine*. Apertum est quia non possunt dici filii Dei; hi enim, etc. Gill. et Rom. edit., cum paucis mss., *in semine*; Rom., *in semen*. *Dicit filios carnis, et filios Dei*. Hi enim, etc. Locum vero e plurimis optimisque mss. restitimus.

(41) Rom. edit. et cod. Thuan. hinc resciderant, *id est Sarra*. Sic etiam infra Rom. edit. sola exemerat, *Hoc in Malachia habetur*: quæ tamen reperiuntur in cunctis mss. et edit.

nein, et quia de Esau sunt boni et fideles, probat Job, qui est ex filiis Esau, quintus, ab Abraham, hoc est, nepos Esau.

(Vers. 11-13.) « Nam cum nondum nati fuissent, aut aliquid egissent bonum vel malum, ut secundum electionem propositum Dei maneret, non ex operibus, sed ex vocante dictum est, quia major serviet minori, sicut scriptum est: Jacob dilexi, Esau autem odio habui. » Hoc in Malachia habetur. Præscientiam Dei flagitat in his causis, quia non aliud potest evenire, quam novit Deus futurum. Sciendo enim quid unusquisque illorum futurus esset, dixit: Ille erit dignus, qui erit minor; et qui major, erit indignus. Unum elegit præscientia, et alterum sprexit; et in illo quem elegit, propositum Dei manet quia aliud non potest evenire, quam quod seivit, et proposuit in illo, ut salute dignus sit, et in illo, quem sprexit, simili modo manet propositum, quod proposuit de illo, quia indignus erit. Hoc quasi præscius, non personarum acceptor, nam neminem damnat, antequam peccet; et nullum coronat, antequam vincat. Hoc pertinet ad causam Judæorum, qui sibi prærogativam defendunt, quod filii sint Abraham. Apostolus autem consolatur se, ut quia dixerat dolorem habere se cordis continuum, causa incredulitatis eorum, quorum adoptio erat filiorum, et legis constitutio, et ex quibus Christus, Salvator, sicut et ipse ait, « Quia salus ex Judæis est (Joan. iv, 22) » tractata lege, invenit quia non omnes qui ex Israel sunt, credituri sunt; neque quia dicuntur filii Abraham, omnes Abrahamæ filios dicendos, sicut supra memoravi. Minuit ergo dolorem suum, inveniens olim prædictum, quod non omnes essent credituri; ut his solis doleat (42), qui per invidiam in incredulitate laborant. Possunt tamen credere, quod ex subjectis aperit. Incredulis tamen prædictis non valde dolendum est, quia non sunt prædestinati ad vitam; præscientia enim Dei olim hos non salvandos decrevit. Quis enim plangat eum, qui olim mortuus habetur? Sed subintransantibus gentibus, quæ sine Deo prius erant, et salutem quam illi perdiderunt, accipientibus, exsuscitatur dolor; sed iterum quia ipsi sibi perditionis causa sunt, sopitur. Præscius itaque Deus malæ illorum voluntatis futuros, non illos habuit in numero bonorum, quamvis dicat Salvator illis septuaginta duobus discipulis, quos elegerat secunda classe, qui ab illo postea recesserunt « Nomina vestra scripta sunt in cælo (Luc. x, 20). » Sed hoc propter justitiam, quia hoc est justum, ut unicuique pro merito respondeatur. Quia enim boni erant, electi sunt ad ministerium, et erant scripta nomina illorum in cælo propter justitiam, sicut dixi: secundum præscientiam vero in numero erant malorum. De justi-

tia enim Deus judicat, non de præscientia. Unde et Moysi dixit: « Si quis peccaverit ante me, deleam eum de libro meo (Exod. xxxii, 24), » ut secundum justitiam iudicis tunc videatur deleri, cum peccat: juxta præscientiam vero nunquam in libro vitæ fuisse. Hinc et apostolus Joannes de hujusmodi ait: « Ex nobis exierunt, sed non fuerunt ex nobis; si enim fuissent ex nobis, permansissent utique nobiscum (I Joan. ii, 19). » Non est personarum acceptio in præscientia Dei: præscientia enim est qua definitum habet, qualis uniuscujusque futura voluntas erit, in qua mansurus est, per quam aut damnatur, aut coronatur. Denique quos scit in bono mansuros, frequenter ante sunt mali: et quos scit malos permansuros, aliquoties prius sunt boni. Unde cessat querela; quia Deus acceptor personarum non est (Act. x, 34). Nam et Saul, et Judas Iscariotes ante fuerunt boni, dicente Scriptura de Saul: « Erat vir bonus, et non erat illo melior in filiis Israel (I Reg. ix, 2); » et de Juda Iscariote dicit Petrus apostolus: « Qui sortitus est sortem ministerii hujus (Act. i, 17), » id est, apostolatus, in signis et prodigiis faciendis (43). Quomodo igitur ministerium salutare sortiretur, nisi esset bonus? In sorte enim Dei iudicium fuit dignum illum fuisse tempore, quo electus est, sicut illi septuaginta duo (Luc. x, 1), quos supra memoravi. Hinc est unde et Judas post mali totius admissum scelus pœnitentia motus, laqueo vitam finivit. Non potest enim in aliquo omne bonum penitus obliterari; quippe cum natura non possit immutari, sed voluntas: non in omnibus tamen causis; quia remanet in natura, quod testimonio sit Creatori.

(Vers. 14.) « Quid ergo dicemus? Numquid iniquitas apud Deum? Absit. » Quia enim unum diligit, et alterum odit, subinfert: **82** « Numquid iniquitas apud Deum? » Non plane, sed justus est Deus; scit enim quid faciat, nec retractandum est ejus iudicium. Hoc in Malachia propheta habetur: « Jacob dilexi, Esau vero odio habui (Malac. i, 3). » Hoc jam de iudicio dicit; nam prius de præscientia ait, « quia major serviet minori (Gen. xxv, 23), » sicut et de præscientia Pharaonem damnavit, sciens se non correcturum: apostolum vero Paulum persequentem elegit (Act. ix, 3), præscius utique quod futurus esset bonus. Hunc ergo prævenit ante tempus, quia necessarius erat; et Pharaonem ante futurum iudicium damnavit, ut crederetur iudicaturus.

(Vers. 15.) « Moysi enim dicit: Miserebor cui misertus ero: et misericordiam præstabo, cui misericordiam præstitero (Exod. xxxiii, 19). » Ergo misericordia, « miserebor, inquit, ejus cui misertus ero, » hoc est, ejus miserebor, cui præscius eram quod misericordiam daturus essem, sciens conversurum illum, et permansurum apud me: « Et

(42) Edit. Amerb. et Eras. cum mss. non paucis, ut hi soli doleant: rectius tamen aliæ edit. et mss. ut in textu.

(43) Ita edit. Amerb. et Eras. ac mss. complures: at in reliquis edit. et mss. non reperimus, in signis et prodigiis faciendis.

miseriçordiam præstabo illi, cui miseriçordiam præstitero, » id est ei miseriçordiam dabo quem præscivi post errorem recto corde reversurum ad me. Hoc est dare illi, cui dandum est : et non dare illi, cui dandum non est; ut eum vocet, quem sciat obaudire; illum autem non vocet, quem sciat minime obaudire. Vocare autem est non pugnare (44), sed compungere ad recipiendam fidem.

(Vers. 16.) « Igitur non volentis neque currentis, sed miserentis est Dei. » Recte, quia non in voluntate petentis, sed in dantis arbitrio debet esse, quod poscitur. An enim dandum sit, dantis debet iudicio pensari; nam Saul peccans cum petisset veniam non accepit (*I Reg. xv, 24*), at contra David peccans et ignosci sibi postulans, veniam consecutus est (*II Reg. xii, 13*). Ex hoc utique dantis Dei et non dantis iudicium sequendum est, quia non in juste iudicat, qui omnes salvos vult, manente justitia; inspector enim cordis scit petentem, an hac mente poscat, ut mereatur accipere. Et quamvis periculosum sit iudicium Dei discernere, tamen propter diffidentes, ut mens eorum medelam consequi possit, ne putent iudicium Dei injustum, dicentes: Unum vocat, et alterum negligit; sic arbitantes excusari posse damnandos, rebus istud potius probemus, quam verbis; ubi enim rerum gestarum exempla sunt, nemo audet queri, nec aliquam excusationem obtendere. Duo fuerunt David et Saul: requiramus historias, qualis unusquisque eorum reperitur post iudicium Dei; ut si Saul bene se egisse, postquam miseriçordiam non accipit, probetur, injustum, quod absit, Dei iudicium arbitremur; aut si David, accepta miseriçordia, Deum contempsisse inveniatur, an in eo manserit, in quo miseriçordiam consecutus est, et, ut utar compendio, uterque necessitatem passus est regni. Et quanta fuit necessitas David, ut filius ejus vellet eum regno privare! In qua necessitate flens, nudo pede, iter faciebat, ut fugeret rex et dux populi Dei (*II Reg. xv, 16*), in tantum humiliatus, ut et in faciem sibi servo suo maledicenti non responderet ut per patientiam Deum sibi propitium faceret, per quem regnum sibi credidit reservari (*II Reg. xvi, 10*). Saul autem nec in tali necessitate inventus, quia majus malum est intestinum bellum, quam externum; insuper ferens quia semel et iterum non sit auditus, cum esset indignus, nec in prece persistit, ut meritum sibi faceret, per quod esset dignus sed impatiens, et de Dei iudicio indignatus, ab idolis quæ prius velut nullius momenti damnaverat, auxilium requisivit. Ecce justum esse iudicium præscientiæ Dei etiam nolentibus manifestum est.

(Vers. 17.) « Dicit enim Scriptura Pharaoni :

(44) Omnes edit. ac inss. aliquot, *vocare autem est compungere*; alii mss. multi bonique nobiscum faciunt.

(45) Ita mss. prope ad unum : edit. vero vet. et quidam mss., *hic ergo Pharaon cum tantis malis esset reus, ut vivere non deberet, nunquam futurus*

A Quia in hoc ipsum te servavi, ut ostendam in te virtutem meam, et ut nuntietur nomen meum in universa terra (*Exod. ix, 16*). » Alii codices sic habent : « Ad hoc te suscitavi, ut ostendam in te virtutem meam. » Sive « servavi, sive suscitavi, » unus est sensus; hoc enim dicit, quia cum Pharaon, quod nomen regum erat apud Ægyptios, sicut et apud Romanos reges Augusti appellantur : hic ergo Pharaon (45) cum tantis malis esset reus, ut vita indignus esset, ita in malis suis perduravit, nec se emendare voluit; æstimans aut merito vivere, aut Deum, quem sæpe fallendum censebat, ad vindictam dandam impotentem, audit a Deo : « Ad hoc te servavi, ut ostendam in te virtutem meam, et ut nuntietur nomen meum in universa terra, » ut in hoc cæteræ gentes addicerent non esse alium Deum præter hunc, qui Judæorum erat, et factus est Christianorum; quamvis et illi Christiani fuerint, et nos nunc sumus Judæi propter Judam, ex quo 83 Christus est secundum carnem; quia Judæi veteres sperando futurum Christum redemptorem, Christiani erant; nam Rahab meretrix dicit exploratoribus missis a Jesu Nave, qui prius Auxes dicebatur : « Auditæ sunt hic virtutes et plagæ, quæ factæ sunt in Ægypto a Deo vestro, et conterriti sunt nimis; timent enim a facie vestra (*Josue ii, 9*). » Ad hoc ergo servatus est Pharaon, ut multa signa et plagæ ostenderentur in illum quasi jam mortuum. Suscitatus (46) autem dictus est : quia cum apud Deum mortuus esset, modicum tempus accepit, ut vivere videretur; ut esset in C cujus pœna et vario tormentorum genere usque ad mortem, omnes qui sine Deo erant, metu territi, hunc solum Deum esse cum admiratione maxima faterentur, a quo hæc vindictæ fiunt. Hoc etiam genere antiqui medici in hominibus morte dignis, vel mortis sententiam consecutis, requirebant quomodo prodessent vivis, quæ in homine latebant, apertis; ut his cognoscerent causas ægritudinis, et pœna morientis proficeret ad salutem viventis.

(Vers. 18.) « Igitur cui vult miseretur, et quem vult indurat. Dicis itaque mihi. » Ex persona contradicentis loquitur, qui quasi putet Deum, neglecta justitia, alicui gratiosum; ut unum e duobus paribus accipiat, alterum respuat, hoc est, unum compungat, ut credat : alterum induret, ne credat. D Cui quidem ex auctoritate respondit, servata tamen justitia, ex supra memorata præscientia dicens : (Vers. 19.) « Quid adhuc quæritur? Voluntati enim ejus quis resistit? » Primum dicit, quia resisti ei non potest; est enim potentissimus ultra omnes. Deinde quia Deus omnium est et parens, et ideo nulli male vult; quæ fecit enim, incolumbia

bonus ne se aut merito... impotentem putaret; unde Rom. edit. abscidit tres primas voces.

(46) Rom. edit. sola, *Ad hoc ergo quasi jam mortuus servatus est Pharaon, ut... ostenderetur in illo. Suscitatus, etc.*

vult manere. Nec enim competit ei, ut injustus sit, cujus benevolentia tanta apparet, ut non solum faceret esse, quæ non erant, verum ea ipsa vita æterna donaret et gloria, ut opus ejus aliquid majestatis ejus simile haberet. Qui ergo tam providus et bonus est, ambigi non debet, quia justus est.

(Vers. 20.) « O homo, tu quis es, qui respondeas Deo! » Magna est, inquit, indignitas et præsumptio, hominem respondere Deo in adversis, iniquum justo, malum bono, imperitum perfecto, infirmum fortissimo, corruptibilem incorrupto, mortalem immortalis, servum nequam domino, creaturam conditori. « Numquid dicit figmentum ei, qui se finxit: Quid me fecisti sic (*Isa. XLV, 9*)? » Hoc de Isaia propheta est, quod hic quasi proprium ponit quo ostendit contra auctorem opus ejus queri non posse; in potestate enim auctoris est qualem velit condere creaturam.

(Vers. 21.) « An non habet potestatem figulus luti ex eadem massa facere aliud quidem vas in honorem, aliud vero ad contumeliam? » Manifestum est vasa aliqua fieri ad honorem, quæ ad usus honestos sint necessaria: alia vero ad contumeliam, quæ instrumento sint culinarum; unius tamen esse substantiæ, sed differre voluntate opificis in honore. Ita et Deus, cum omnes ex una atque eadem massa simus in substantia, et cuncti peccatores, alii miseretur, et alterum despicit non sine justitia. In figulo enim sola voluntas est; in Deo autem voluntas cum justitia; scit enim cujus debeat misereri, sicut supra memoravi.

(Vers. 22.) « Quod si volens Deus ostendere iram, et manifestare potentiam suam, sustinuit in multa patientia in vasis iræ præparatis in interitum. » Ipse sensus est, quia voluntate et longanimitate Dei, quæ est patientia, præparantur infideles ad pœnam; diu enim expectati converti noluerunt. Ideo ergo expectati sunt, ut inexcusabiles deperirent. Scivit enim Deus hos non credituros.

(Vers. 23.) « Et ut ostenderet divitias gloriæ suæ in vasis misericordiæ, quæ præparavit ad gloriam. » Patientia et longanimitas Dei ipsa est, quæ sicut malos præparat ad interitum, ita et bonos præparat ad coronam; boni enim sunt in quibus spes fidei est. Omnes enim sustinet, sciens exitum singulorum; ac per hoc patientia est, quæ illos qui ex malo corriguntur, aut in bono perseverantes sunt, præparat ad gloriam. Divitiæ autem gloriæ sunt dignitas multiplex præparata credentibus. Eos autem qui ex bonis fiunt mali, et in cœpto malo perdurant, præparat ad interitum. Hoc est autem manifestare potentiam suam in multa patientia; quia computatur non vindicaturus, quia diu dissimulat; cum cœperit vindicare, apparebit ejus potentia; quia cum possit statim vindicare, diu sustinuit, ut perfidi queri non possint, **84** cum damnantur. Præparare autem unumquemque est præscire quid futurum est.

A (Vers. 24.) « Quos et vocavit nos, non solum ex Judæis, sed etiam ex gentibus. » Hos quos vocavit, præparavit ad gloriam, sive eos qui prope erant, sive illos qui longe, sciens permansuros in fide.

(Vers. 25, 26.) « Sicut in Osee dicit: Vocabo non plebem meam, plebem meam; et non dilectam, dilectam. Et erit in loco, ubi vocabuntur non plebs mea, ibi vocabuntur filii Dei vivi. » Apertum est istud de gentibus esse prædictum, quæ prius non erat plebs Dei: postea autem ad opprobrium Judæorum misericordiam accipientes vocatæ sunt plebs Dei; et qui dilecti ante non erant, abdicatis Judæis, adoptati in filios, et dilecti sunt; ut in loco ubi non vocabantur plebs Dei, ibi vocarentur filii Dei vivi. Prius enim nusquam vocabantur filii Dei, nisi in Judæa, hoc est, Hierosolymis, ubi domus Dei erat, sicut dicit in psalmo septuagesimo quinto: « Notus in Judæa Deus (*Psal. LXXV, 2*). » Postea autem in prophetia Zachariæ: « Ponam, inquit, Jerusalem in omnibus gentibus (*Zach. XII, 2*); » quia ubique futuri erant filii Dei, et domus Dei in omnibus locis, quæ est Ecclesia. Hinc Dominus ait Judæis: « Quia tolletur a vobis regnum Dei, et dabitur genti facienti fructus ejus (*Matth. XXI, 43*). »

(Vers. 27.) « Isaias autem clamat pro Israel. » Hoc dicit, quia Isaias clamat pro iis, qui credunt in Christum (*Isai. X, 22*). Hi enim vere sunt Israelitæ, sicut dicit Dominus ad Nathanael: « Ecce vere Israelita, in quo dolus non est (*Joan. I, 47*). »

C « Si fuerit numerus filiorum Israel tanquam arena maris, reliquiæ salvæ fient. » Recedentibus Judæis a merito et promissione patrum, dum illam non recipiunt, hi reliquiæ sunt, qui credendo in fide promissionis patribus factæ persistunt, fideles effecti: a Lege enim recedunt, qui in eum quem Lex solum ad salutem sufficere promisit, non credunt. Igitur apostatæ habeantur necesse est, qui dum Christum non recipiunt, rei sunt violatæ legis. De maxima itaque multitudine solos credentes dicit salvari, quos præscivit Deus.

(Vers. 28.) « Verbum enim consummans et brevians in æquitate; quia verbum brevium faciet Dominus super terram. » Salvari hos promittit, quos reliquos dicit per verbum, quod juste definiens, brevavit Dominus super terram; convenit enim ut in solo nomine Domini conditoris consequatur salutem creatura, hoc est, per fidem; quia sublatis omnibus neomeniis, et Sabbato, circumcissione, et lege esearum, et oblationibus pecorum, sola fides posita est ad salutem. Quæ abbreviata ex lege est; quia quod in fide est, in lege habetur quasi principale Legis, dicente Salvatore: « De me enim scripsit Moyses (*Joan. V, 46*). » Abbreviata ergo lege, reliquiæ Judæorum salvantur: cæteri vero salvari non possunt, quia per definitionem Dei spernuntur, per quam genus humanum salvare decrevit.

(Vers. 29, 30.) « Et sicut prædixit Isaias: Nisi Dominus sabaoth reliquisset nobis semen, sicut

Sodoma fuisset, et sicut Gomorrha similes A fuisset (*Isa. i, 9*). › Hoc semen, quod de omnibus solum relictum et reservatum est ad reformationem generis humani, Christus est, et doctrina ejus, sicut et ipse dicit: › Semen est verbum Dei (*Luc. viii, 11*). › Hoc ergo nobis olim promissum, sublatis quæ oneri erant legis, reliquid ad redemptionem; ut data remissione peccatorum, non puniremur (47) a lege, sicut periit Sodoma. Salvatorem ergo relictum nobis dicit ad suffragium vitæ, quam lex providere non potuit, quem ab initio Deus nasci decrevit: qui propterea quod solus sine peccato inveniretur, devicto humani generis hoste, omnium peccata deleret. Hoc et in Apocalypsi Joannis habetur: Quia nemo, ait, dignus inventus est, sive in cælo, sive in terra, qui aperiret B librum et signacula ejus; nisi Salvator, qui vicit mortem (*Apoc. v, 3, 6*). Hoc ergo est semen, quod olim promissum reservavit Deus, ut tunc fructificaret, quando omnium tam Judæorum quam gentilium peccata repleta erant. Fructus autem ejus est indulgentia peccatorum; nisi enim Christus fuisset reservatus (quem idcirco semen dicit, quia per ipsum reparatum est genus humanum), interisset progenies Abraham; eo quod peccatis obruti erant, ex lex eis prodesse non potuit. Idcirco hunc sequendum docet, qui præsidium contulit vitæ.

› Quid ergo dicemus? Quod gentes quæ non sectabantur justitiam, comprehenderunt justitiam: justitiam autem quæ ex fide est. › 85 Quoniam justitia est in lege, quæ credita mundo est, quæ prohibet peccari; idcirco gentes non hanc justitiam dicit comprehendisse, quæ natura magistra dignoscitur, sed eam justitiam quæ ex fide est Christi; Deo enim hæc vera justitia est, et permanens, si agnoscatur. Quid enim est tam justum, quam cognoscere Deum Patrem, ex quo sunt omnia (*I Cor. viii, 6*): et Christum Filium ejus, per quem sunt omnia (*Ibid.*)? Prima ergo hæc justitia est agnoscere Creatorem, deinde custodire quæ præcepit. Gentes ergo quæ prius non requirebant justitiam, id est, legem, quæ Creatori testimonium perhibebat, veniente Christo, invenerunt justitiam superabundantem plus quam Scribarum et Phariseorum. Qui enim tunc quod minus est, non sectabantur, comprehenderunt postea quod majus est: Judæi autem in lege positi, qui proficere magis debuerant, deterioraverunt.

(Vers. 31.) › Nam Israel sectando legem justitiæ, in Legem justitiæ non pervenit. › Perfectio legis fides est, quam gentes apprehendentes; totam legem implere videntur. Judæi autem dum per invidiam Salvatori non credunt, justitiam quæ in lege mandata est, vindicantes, id est, sabbatum, circumcisionem, etc., in legem non pervenerunt, hoc est,

legem non perfecerunt: et qui non perficiunt legem rei sunt juxta legem. Hic enim implet legem, qui a lege Moysi pervenit ad fidem Christi.

(Vers. 32.) › Quare? Quia non ex fide, sed quasi ex operibus. › Spernentes enim fidem quæ, sicut dixi, perfectio legis est, ex operibus legis justificari se dicebant, id est, per Sabbatum, neomenias, circumcisionem, etc., immemores Scripturæ dicentis, quia › Justus ex fide vivit (*Habac. ii, 4*) ›. Justitia autem legis idcirco dicitur, quia justo judicio Dei hæc Judæis data sunt propter duritiam cordis illorum; ut si mustelam forte quis mortuam calcasset, aut tetigisset aliqua morticina, aut si sorex in vas ruisset, immundum diceretur (*Levit. xi, 29*): quod magna cum sollicitudine observantes, ex quacunque causa incurrebant, ut immundi essent. Si autem sanguis mustelæ pavementum maculasset, non levi cura expiandum erat, et ut a cibus melioribus abstineretur. Sabbatum vero et circumcisio propriam habuerunt justitiam tempore suo; quia in figura data sunt. Hoc Dominus per Ezechielem prophetam ostendit, inter cætera dicens: › Propterea dedi illis præcepta non bona (*Ezech. xx, 25*), › quia erant irreverentes et infidi. In adventu autem Christi, quia salutare donum erat daturus, per Jeremiam prædicat, dicens: › Dabo illis Testamentum novum, non quale dedi patribus illorum (*Jerem. xxxi, 31, 32*). › Hoc testamentum legem vocat, in quam non pervenerunt, sicut supra memoravi. Nam cum gentibus quæ crediderant, hanc sarcinam observationis Judæi credentes vellent imponere, tunc apostolus Petrus ait: › Quid imponitis jugum super cervicem fratrum, quod neque nos, neque patres nostri portare potuerunt (*Act. xv, 10*)? › A tempore enim Christi indulgentia data est promissa in lege; ait enim Isaias propheta: › Veniet ex Sion qui eripiat, et avertat impietatem ab Jacob. Et hoc illis a me testamentum, cum abstulero peccata eorum (*Isa. lix, 29*), › hoc est, novum testamentum a Deo promissum in Christo.

(Vers. 33.) › Offenderunt in lapidem offensionis, sicut scriptum est: Ecce pono in Sion lapidem offensionis, et petram scandali: et qui crediderit in illum, non confundetur. › Hoc in Isaiâ habetur (*Isa. viii, 14, 16*). Multorum relatione compertum est in petra vel lapide Christum esse significatum; Daniel enim propheta lapidem hunc dicit, qui abscessus a monte sine manibus percussit et comminuit omnia regna, et replevit omnem terram (*Dan. ii, 34, 35*), quod evidenter de Christo dictum est: Et in lege petra de qua fixerunt aquæ, Christus est appellatus: › Petra autem, inquit, erat Christus (48) (*I Cor. x, 4*). › Et Petrus apostolus inter cætera ad Judæos ait (*Act. iv, 11*): › Hic est lapis, qui reprobatu est a vobis ædificantibus. › Offensio

(47) Omnes edit., non periremus a lege; omnes mss., non puniremur, etc.

(48) Mss. non pauci nec inferioris notæ, est

appellatus, ipso Apostolo testificante: Bibebant de spiritali consequente petra, petra autem erat Christus.

ergo posita in Sion Christus est. Sion vero altitudo est, sive civitas ipsa Jerusalem, quæ propter notitiam Dei non immerito excelsa dicta est, in qua Salvator a Deo Patre suo positus prædicator, offensio factus est Judæis, dum se Filium Dei prædicat, natus de Spiritu sancto ex muliere. Per corpus autem ejus scandalum passi sunt, et dicebant : « Nonne mater et fratres ejus apud nos sunt? Quomodo ergo hic dicit : Quia de cælo descendi (Joan. vi, 42)? » Nolebant enim verba gestis comparare, ut perinde agnoscerent **86** non absurdum esse, quod dicebat de cælo se descendisse; quasi corpus operaretur, et non Deus latens, operibus tamen se prodens in corpore. Petra ergo hæc scandalum est Judæis et offensio: quæ petra sine dubio corpus intelligitur Salvatoris. Hæc excisa sine manibus, propterea quia sine viro de Spiritu sancto facta de virgine est.

CAPUT X.

(Vers. 1, 2.) « Fratres, voluntas quidem cordis mei, et obsecratio fit ad Deum pro illis in salutem; testimonium enim perhibeo illis, quod æmulationem Dei habent, sed non secundum agnitionem. » Quoniam a lege vult eos auferre, credentes quia velamen est Judæis; ne hoc odio Judaismi (49) facere videretur, ostendit affectum suum circa illos, et legi dat multum: sed docet tempus jam servandæ legis non esse; ac per hoc providere se illis velle testatur, si modo audiant illum, ac probent suum non esse inimicum; quando et testimonium perhibet illis nobilitatis et traditionis paternæ.

(Vers. 3.) « Ignorantes enim Dei justitiam, et suam quærentes constituere, justitiæ Dei non sunt subjecti. » Per ignorantiam dicit illos non credidisse in Christum, æmulationem quidem Dei habentes, sed voluntatem et consilium ejus nescientes, contra Deum agebant, quem se defendere testabantur. De his dicit, qui non malevolentia et invidia, sed errore Christum non receperunt. Quibus et Petrus apostolus dicit: « Scio, fratres, quia per ignorantiam gessistis hoc malum, sicut et principes vestri (Act. iii, 17); » ignorant enim hunc esse Christum, quem promiserat Deus, alterum exspectandum dicebant. Huic justitias suas, quas ex lege habebant antepontes, qui est Dei justitia in fide. Justitia enim ipse est, quia quod promiserat Deus, in ipso implevit.

(Vers. 4.) « Finis enim legis Christus ad justitiam omni credenti. » Hoc dicit, quia perfectionem legis habet, qui credit in Christum. Cum enim nullus justificaretur ex lege, quia nemo implebat legem, nisi qui speraret in promisso Christo; fides

A posita est, quæ cederet perfectioni legis (50); ut omnibus prætermisissis, fides satisfaceret pro tota lege et prophetis.

(Vers. 5.) « Moyses enim scribit justitiam quæ ex lege est, quia qui fecerit ea homo, vivet in eis (Levit. xviii, 5). » Hoc dicit, quia justitia legis Moysis reos illos non faciebat ad tempus, si servaretur, id est, vivebant faciendo legem; debitores enim erant. Hoc dictum est in Numeris et in Levitico (51).

(Vers. 6, 7.) « Quæ autem ex fide est justitia, sic dicit: Ne dixeris in corde tuo: Quis ascendit in cælum (Deut. xxx, 12)? » Hoc in Deuteronomio dictum est, quod hic interpretatur Apostolus de Christo dicens: « Hoc est Christum deducere. Aut quis descendit in abyssum? Hoc est, Christum ex mortuis reducere. » Hoc proprium Apostoli est. Itaque justitiam hanc dicit esse fidei, si non dubitetur de spe Dei, quæ in Christo est; ne diffidens dicat: Quis potuit ascendere in cælum? quia ideo passus est, ut exspoliatis inferis virtute Patris, devicta morte resurgens, cum animabus ereptis in cælum ascenderet. Omnis enim quicumque viso Salvatore apud inferos, speravit de illo salutem, liberatus est, Petro apostolo hoc testante; dicit enim quia et mortuis prædicatus est (I Petr. iv, 6). Qui de his ergo in corde suo non dubitat, justificatus est ex fide. Ex lege autem justificari timor facit: timet enim legem, quia videt illam pœnam inferre peccantibus. Ideo non magna justitia legis est, nec meritum collocat apud Deum, sed ad præsens: fides autem quia incredulis stultitia, mercedem habet apud Deum, de quo quod non videtur, speratur.

(Vers. 8.) « Sed quid dicit Scriptura? Prope est verbum in ore tuo, et in corde tuo (Deut. xxx, 14). » Hoc scriptum est in Deuteronomio, quia non est longe ab animo nostro vel ore, quod nobis dicitur, ut credamus quamvis enim oculis non videatur, a natura tamen animarum et loquendi ratione non discordat, quod credimus. In ipsa enim natura inserta sunt velut semina, quæ auditu et voluntate exulta fructificant testimonium (52) Creatoris.

(Vers. 9, 10.) « Hoc est verbum fidei, quod prædicamus. » Nullum opus dicit legis, sed solam fidem dandam in causa Christi. « Quia si confitearis in ore tuo Dominum Jesum, et credideris in corde tuo quod Deus illum excitavit, salvus eris. Corde enim **87** creditur ad justitiam, ore autem confessio fit ad salutem. » Quæcunquo superius locutus est, hic illa manifestavit, hanc esse regulam fidei, credere Dominum esse Jesum, et non erubescere

(49) Nonnulli mss., vult auferre Judæos, quia velamen est eis, ne quod odium Judaismi, etc.

(50) Rom. edit., in promissum Christum... quæ traderet perfectionem Legis: vel autem edit. ac mss. inter se conveniunt, nisi quod in illis ac nonnullis mss. legitur, crederet perfectionem, legendum forte, in perfectionem, aut saltem eodem sen-

su cum iis, quos sequimur, perfectioni. Duabus, vero interjectis vocibus mss. aliquot habent, fide satisfacere per totam legem et prophetas.

(51) Rom. edit. sola, Hoc dictum est in Numeris et in Ezechiele prophetas. Quæ autem, etc.

(52) Ms. Corb., exulta significarent testimonium; non satis recte.

profiteri quia Deus illum ex mortuis reducens, A deduxit illum in cœlum cum corpore, unde venerat incarnandus; ne incurrat sententiam Evangelicam dicentem: « Multi, inquit, ex principibus crediderunt in Jesum, sed palam non profitebantur propter Judæos. Maluerunt enim gloriam hominum magis, quam gloriam Dei (*Joan.* xii, 42, 43). »

(Vers. 11.) « Dicit enim Scriptura per Isaiam: Omnis qui credit in illum, non confundetur (*Isa.* xxviii, 16). » Dum enim examen cœperit fieri omnium rerum in die judicii, et omnia falsa commenta vel dogmata in confusionem deduci; tunc in Christum credentes tripudiabunt, videntes omnibus manifestari quia quod crediderunt, verum est: et prudens, quod stultum putabatur. Aspicient enim inter cæteros se solos gloriosos et prudentes, qui B æstimati fuerant contemptibiles et stulti. Illic est enim vera approbatio, ubi remuneratio et condemnatio.

(Vers. 12.) « Non enim est distinctio Judæi et Græci. » Generaliter omnes aut confundi propter diffidentiam dicit, aut sublimari causa credulitatis; quia sine Christo apud Deum nulla salus est, imo pœna est, aut mors. Nec enim Judæos commendare poterit prærogativa Patrum, aut enim legislatio, qui meritum et promissionem Patrum non receperunt. Gentes autem nullum habent testimonium, quo vel secundum carnem commendentur, nisi credant in Christum. « Nam idem Dominus omnium, dives in omnibus, qui invocant illum. » Manifestum est ad omnes hoc pertinere, sive Judæos sive Græcos; quia sine invocatione Domini Christi nemo vivit apud Deum. Cum ergo omnium Dominus sit, consentiente Petro apostolo, et dicente: « Hic est, inquit, omnium Dominus (*Act.* x, 36), » dives tamen non est, nisi in iis qui invocant illum, quia ipsi accipient remunerationem. Perfidis vero non est dives; quia participes non sunt bonorum ejus, neque enim accipient, quod daturum illum non crediderunt. Et tamen non dixit Deum divitem credentibus, sed invocantibus illum, ut postquam credidit, non desinat animus id postulare, quod a Deo semper doctus est postulandum, sicut in evangelio secundum Lucam tenetur scriptum propter adversarium (53), quia subtilis et versutus est, semper orandum esse (*Luc.* xviii, 1): credentibus D autem sola datur remissio peccatorum. Sequitur autem ut precibus deditus liberetur a malo, et possit consequi quod promisit Deus toto corde vigilantibus.

(Vers. 13.) « Omnis enim quicumque invocaverit nomen Domini, salvus erit. » In Michæa dictum est (54). Ipse enim Deus, qui visus est Moysi, dicit-

(53) Ita mss. plures ac probatiores: alii vero et omnes edit., quia in evangelio Lucæ dicit propter adversarium, etc.

(54) Rom. edit., Hoc in Joel dictum est. Sed quamvis in eo propheta ii, 22, citatus locus invenitur,

« Nomen mihi Dominus est (*Exod.* vi, 3). Hic est Filius Dei, qui ideo et Angelus et Deus esse dictus est: ut non ipse esse, a quo sunt omnia, putaretur, sed hic esse per quem sunt omnia, ut ad id pertineat, qui Deus dictus est, quod unum sunt Pater et Filius. Angelus autem ad hoc, quia nuntius promissæ salutis est missus a Patre. Et missus ideo dicitur, ut non ipse Pater esse credatur, sed ab eo genitus. Ideoque quicumque invocaverit nomen Domini salvus erit. Hoc sensu et Moyses locutus est: Quicumque, ait, non audierit prophetam illum, exterminabitur de plebe (*Deut.* xviii, 18, 19). Si ipse est omnium Dominus, ipse invocatur a servis. Et quia verum est, adjecit:

(Vers. 14.) « Quomodo ergo invocabunt, in quem non crediderunt? » Certe Christo non credunt (55) Judæi ipsi, quem dixit Dominum. Hoc sequitur, quod supra dixi, quia prius credendum est, ut sit fiducia postulandi. « Aut quomodo credent ei, quem non audierunt? » Apertum est non posse credi illi, cui obedientia denegatur. « Quomodo autem audient sine prædicante? » Nec hoc obscurum est: quia qui prædicanti resistit, auctorem ejus non recipit.

(Vers. 15.) « Aut quomodo prædicabunt, nisi mittantur? » Neque istud recipit quæstionem; quia non erunt veri apostoli, nisi a Christo mittantur, nec poterunt prædicare sine auctore: nulla enim his signa virtutum perhibent testimonium.

« Sicut scriptum est: Quam speciosi pedes evangelizantium pacem, evangelizantium bona! Hoc propheta dicit Nahum (*Nahum* i, 15). » Pedes dicendo adventum significat apostolorum circumeuntium mundum, et regnum Dei adventare prædicantium (56); adventus enim ipsorum illuminabat homines, viam ostendens 88 qua itur in pace ad Deum, quam primum Joannes Baptista venerat præparare. Hæc pax est, ad quam festinant credentes in Christum. Denique sanctus Simeon, quia in mundo discordia est, lætus in ortu Salvatoris: « Nunc, ait, Domine, dimitte servum tuum in pace (*Luc.* ii, 29); » quia regnum Dei pax est. Omni enim amputata discordia, omnes uni Deo genu flectent. Denique Jerusalem superior civitas visio pacis interpretatur, quæ est mater nostra.

(Vers. 16.) « Sed non omnes obediunt Evangelio. » Verum est, quia quamvis illustretur mundus splendore disciplinæ Dominicæ, sunt tamen qui repugnent qui lumen tenebras vocent. Horum enim sic errore acies obtusa est mentis, ut nec veri luminis recipiant splendorem. Quos accusat Evangelium, dicens: « Lux in tenebris lucet, et tenebræ eam non comprehenderunt (*Joan.* i, 5). »

« Isaias enim dicit: Domine, quis credidit auditui nostro (*Isa.* liii, 1)? » Hoc est, quis credidit quæ-

tamen auctoris verba cum suis nævis præstat exhibere quam sine exemplariorum auctoritate correctæ.

(55) Corb. codex, certe Christum non credunt.

(56) Ms. Corb., Et regnum Dei adventus est prædicantium.

audivimus abs te, et loquimur? Firmavit exemplo prophético Judæos esse contradictores evangelicæ veritatis. Lex enim Judæos increpat; quia sicut fuit apud veteres, ita et nunc est. Hunc enim numerum non tangit, qui fidem non recipit.

(Vers. 17, 18.) • Ergo fides ex auditu, auditus autem per verbum Christi. • Manifestum est, quia nisi dicatur aliquid, nec audiri potest, nec credi. • Sed dico: Numquid non audierunt? • Hoc est, audierunt, et credere noluerunt. Quamvis enim fides ex auditu sit; sunt tamen qui audientes non credunt. Audiunt enim, et non intelligunt; quia malevolentia obcæcatum est cor illorum.

• Et quidem in omnem terram exiit sonus eorum, et usque ad fines orbis terræ verba illorum. • Usque adeo prædicationem Dei a Judæis auditam esse testatur, ut etiam impletum orbem divina annuntiatione pronuntiet; ipsa enim fabrica mundi prædicat Creatorem. Quod enim Psalmographus de creatura dixit (*Psal.* xviii, 5), hoc Apostolus de evangelistis, quia ubique audita est, et pervenit in omnem locum prædicatio nominis Christi. Ubi enim præsentia hominis prædicantis defuit, sonus tamen et fama pervenit, sicut pervenerat opinio factarum virtutum in Ægypto ad omnes gentes, teste Rahab meretrice. Si enim in omnem locum pervenit, non potuerunt non audire Judæi apostolicam prædicationem; ut nemo ex his excusatus sit a crimine diffidentiae.

(Vers. 19.) • Sed dico: Numquid Israel non cognovit? • Hoc est, cognovitne? quia per supradicta testimonia genus Israel incredulitatis causa arguit, cum dolore de omnibus Israelitis queri videretur: non negat Israel cognovisse et assecutum esse quod illi promissum fuerat in lege: sed eum qui spiritu magis Israel est quam carne, quem et Deus præscierat crediturum. Omnes enim audierunt, et non omnes crediderunt; ideo:

• Primus Moyses dicit: in cantico Deuteronomii: • Ego ad æmulationem vos adducam in non gentem, in gentem insipientem, in iram vos mittam (*Deut.* xxxii, 21). • Indignantis verba sunt, propter quod semper diffidentes inventi sunt Judæi: et omnibus malis (57) unam assignat generationem et causam; dum præsentis increpat, ibidem tangit magis futuros, ad quos hoc pertinet. Omnium enim horum una damnatio est si permanent in diffidentia. Æmulatio ergo illis nata est invidentiæ, dum vident gentem, quæ prius quia sine Deo fuit, sensu bruta erat, Deum suum appellare, qui fuerat Judæorum; et donum illis promissum esse assecutam, per quam zelum passi iracundia distenderent, ut malitiæ et incredulitatis suæ mercedes exsolverent. Nulla enim res sic consumit hominem, ut zelus, quem ideo Deus ultorem posuit incredulitatis, quia grave peccatum est. Nam semper in iram missi ad nos

A excruciantur, quando audiunt legem et prophetas ad nos pertinere, qui Christum credimus.

(Vers. 20.) • Isaias audeat, et dicit: Palam factus sum non quærentibus me, et inventus sum inter eos, qui me non interrogabant (*Isa.* lxxv, 1). • Quoniam supra verbis Moysi usus est de exclusionem Judæorum, ad hoc quoque Isaiaæ prophetae exemplum subdidit: ut de ejus prosecutione apertius doceret Deum, expulsis Judæis, ultro gentibus gratiam obtulisse ad opprobrium et necem Judæorum. Hæc enim Isaias propheta ex persona Christi testatur.

(Vers. 21.) • Ad Israel autem quia dicit: Tota die expandi manus meas ad populum non credentem, et contradicentem (*Ibid.* 2) • Ille Israel carnalis est, hoc est, Abrahamæ filii, sed non secundum fidem; 89 nam Israel verus et spiritualis est qui credendo videt Deum. *Tota die*, semper significat; semper enim correpti sunt. Propterea increpantur non credituri; ut sciant quia ipsi sibi causa sunt perditionis. Pctest hoc et de Salvatore accipi, qui in cruce extensis manibus, interficientium se peccatum arguit. Causa enim illa clamat sceleratum facinus Judæorum superius, quod ausus sit dicere Isaias de iis, qui Dei fuerant inimici, ostendit hos amicos futuros: et eos qui Israelitæ dicebantur, propter quod inobedientes erant, ut inimicos abjiciendos.

CAPUT XI.

(Vers. 1.) • Dico igitur: Numquid repulit Deus hæreditatem suam? Absit. • Quia populum Israel incredulum ostendit, tunc ne omnem Israel dixisse diffidentem putaretur, ostendit non repulisse Deum hæreditatem suam quam præscivit, id est, filios Abrahamæ quos fideles sibi futuros scivit. Nec enim (58) promitteret eis regnum, si sciret nullum ex iis crediturum. Hæreditas ergo Domini juxta Legem filii sunt Abrahamæ, sed credentes.

• Nam et ego Israelita sum, ex semine Abrahamæ, de tribu Benjamin. • Exemplo suo docet partem Israel salvatam, quam præscivit Deus salvandam, aut adhuc posse salvari: et partem Israel propter jugem diffidentiam perditioni deputatam.

(Vers. 2.) • Non repulit Deus plebem suam, quam præscivit • Hoc est, quod dicit Salvator: • Pater, quos dedisti mihi, custodivi, et nemo ex his periit, nisi filius perditionis (*Joan.* xvii, 12). • Ita et hi quos præscivit Deus credituros, nemo ex his promissione repulsus est; quia sic factum est, sicut præscivit Deus futurum.

(Vers. 3, 4.) • An nescitis n Elia quid dicit Scriptura, quomodo postulat Deum contra Israel? Domine, prophetas tuos occiderunt, altaria tua effoderunt: et ego relictus sum solus, et quærun animam meam (*III Reg.* xix, 10). Sed quid dicit

(57) Corb. codex, *inventi sunt. In Judæis et omnibus malis, etc.*

(58) Corb. mss., *quam promisit Abrahamæ. Nec enim, etc.*

illi responsum divinum? Reliqui mihi septem millia A virorum, qui non curvaverant genua ante Baal (*Ibid.* 18). » Aperta sunt hæc; ostendit enim non solum Eliam remansisse, qui devotus Deo, non adoraverit idola: sed et multos, qui in fide Dei permanserunt, sicut et ex Judæis non pauci crediderunt. Huic rei et historia congruit; quia multi per speluncas occultati sunt (*III Reg. xviii, 4*) propter Achab regem Samariæ, et Jezabel uxorem ejus, qui pseudoprophetae credentes, Dei prophetas persequabantur, et populum ad idololatriam hortabantur.

(Vers. 5.) « Sic igitur et in hoc tempore reliquiæ secundum electionem gratiæ, salvæ factæ sunt. » Hoc est, ita, inquit, et nunchi remanserunt in legis promissione, recedentibus multis, quos ante præscivit Deus. Qui enim susceperunt Christum quasi in B lege promissum, ii in lege steterunt: qui autem non illum receperunt, a lege recesserunt. Ideo credentes reliquiæ dicuntur, hoc est, remanentes in lege.

(Vers. 6.) « Si autem gratia, jam non ex operibus. » Manifestum est quia gratia donum Dei est, non debita merces operibus, sed gratuita ratione, misericordia interveniente, concessa.

« Alioquin gratia jam non est gratia. » Verum est quia si merces est, non est gratia: sed quia merces non est, sine dubio gratia est; quia veniam dare peccantibus non est aliud quam gratia: et iis qui non requirunt (59), sed offertur illis, ut credant. Duplex ergo gratia est, quia hoc competit Deo, qui abundat misericordia; ut et requirat, quos gratis C curet.

(Vers. 7.) « Quid ergo? quod quærebat Israel, hoc non est assecutus; electio autem consecuta est? » Israelitæ ii carnales sunt, qui ex operibus legis justificari se putantes, non sunt adepti, ut justii essent per fidem apud Deum. Propterea cum omnes rei sint per legem; quia « maledictus omnis qui non permanserit in omnibus, quæ scripta sunt in libro legis, ut faciat eam (*Deut. xxvii, 26*). » Qui autem per fidem justificari se crediderunt, consecuti sunt electionem, ut justificati filii Dei fierent, memores Scripturæ dicentis: « Quia justus ex fide vivit (*Habac. ii, 4*), » id est, non ex lege (60).

(Vers. 8, 9, 10.) « Cæteri vero excæcati sunt, sicut scriptum est; » hoc subjectum in Isaia legitur: « De- D dit illis Deus spiritum compunctionis, oculos ut non videant, et aures ut non audiant usque in hodiernum diem (*Isa. vi, 9*). » « Et David dicit: Fiat mensa eorum in laqueum, 90 et in captionem, et in scandalum, et in

retributionem illis. Obscurentur oculi eorum, ut non videant, et dorsum illorum semper incurva (*Psal. lxxvi, 23, 24*). » Ideo mensam maledicit malorum, quia illic decipi solent innocentes; dolo enim vocantur ad convivium, ut perimantur. Quia sic et Ammon filius David deceptus est a fratre suo Absalon (*II Reg. xiii, 27*), et malignus Holophernes per epulum sanctam Judith putavit se posse decipere (*Judith xii, 1*), et in mensa scelerati Herodis sævierunt maligni in caput Joannis prophetæ (62) (*Marc. vi, 28*). Unus sensus est duorum prophetarum de hujusmodi hominibus, qui ab initio fidei et repugnantes inventi sunt hostes honorum. Sed aliqui illorum emendati sunt et correcti, licet tarde: quidam vero in pertinacia manentes, severitatem sententiæ non evaserunt in perpetuum curvati, hoc est, excæcati; ne de cætero possint veritatis viam aspicere (quam malevolentia aspernati fuerant, declinantes ab ea) et ad salutis gratiam pervenire (63). Qui enim cum intellexisset, credere noluit, id debet consequi quod vult; ne de cætero possit fidem recipere, et salvari. Exempla igitur prophetarum supradicta duplicem continent sensum; duobus enim modis decreta sunt, et scripta. Duo etenim genera hominum hic continentur. Unum est quod malevolentiae suæ causa excæcatur in sempiternum, ne salvetur; sunt etenim pessimæ voluntatis, usque adeo ut intelligentes dicant se nescire quod audiunt. Denique dicebant de Salvatore: « Quid est quod dicit? Nescimus quid loquitur. Quid eum auditis? Dæmonium habet, et insanit (*Joan. x, 20*). » Alia autem pars quæ vere Israel est, contradicebat illis: « Hæc verba non sunt dæmonium habentis. Numquid dæmonium potest cæcorum oculos aperire (*Ibid. 21*)? » Dum invidebant ergo Salvatore, volebant videri intelligere quæ audiebant; ut dum a legisperitis et Pharisæis non intelligi videtur, res absurdas, et quæ extra legem essent, loqui putaretur: quæ res etiam alios a fide possit avertere. Unde audiunt a Salvatore: « Vos habetis clavem scientiæ, et neque vos intratis, neque alios sinitis introire (*Luc. xi, 52*). » Quis enim non levium, sed paulo graviorum, legisperitorum et pharisæorum consilium et sententiam non sequeretur, et qui viderentur legis defensores? Denique iis qui vere Israelitæ sunt, dixerunt: Numquid aliquis ex principibus (64) credidit in illum? ut inde juste viderentur non credidisse, si multos conspiracyonem suæ socios fecissent; quia quod a paucis defenditur, solet non probatum videri. Ideo excæcati sunt,

(59) Rom. edit., non aliud quam gratia est his, qui non requirunt... Duplex ergo gratia est, et hoc competit Deo, ut quis abundet misericordia, et ut requirat, etc.: vet. autem edit. ac mss. ut nos in textu.

(60) Corb. codex, ut faciat ea. Quamvis et si manerent in omnibus Scripturis, quod vix possibile est, non justificarentur apud Deum: quia justus ex fide vivit. Ille enim ad præsens justus est apud Deum.

(61) Hoc subjectum in Isaia legitur, ab edit. Rom. jugulatum est; quamvis in reliquis edit. et mss. multo pluribus inveniatur.

(62) Rom. edit. sola, in caput Joannis Baptistæ.

(63) Rom. edit. sola, gratiam dedignantem pervenire. Infra vero eadem edit. cum Gill. post, et salvari, subjunct, quam sciens prudensque abnuvit.

(64) Voci ex principibus adjecit Rom. edit., aut ex Pharisæis.

ne de cætero possint credere, et salvari. In voluntate ergo sua adjuti sunt; ut quoniam scientes verum, dicebant esse falsum, de cætero non intelligerent quod est verum; ut verum haberent falsum (65), quod volebant. Alterum genus est, quod cum justitias legis sectatur, justitiam Christi non recipit: ex quo jam non per invidiam malæ voluntatis hoc agit, sed errore æmulando traditionem Patrum, cæcantur ad tempus; quia deberent magnalibus Christi addiscere hunc non posse fallere, cujus tam magnifica virtus in rebus gestis apparet, et prædicationem ejus testamento novo promisso per prophetas comparare, et exinde profiteri hunc esse, qui promissus est; negligentes contra Deum, et hominibus assentientes inventi sunt. Propterea ergo cæcantur, ut admiscensibus se ad promissionem eorum ipsa æmulatione, dum invident gentibus, revertantur ad fidem Dei.

(Vers. 11.) « Dico ergo: Numquid sic offenderunt, ut caderent? Absit. » Hoc dicit, quod supra memoravi, quia non sic diffiderunt, ut nunquam jam crederent, id est, non ita propter improbitatem suam cæcati sunt, ut curari non possent, sicut et diabolus legimus cecidisse, dicente Isaia propheta: « Quomodo cecidit de cælo Lucifer (*Isa. xiv, 12*)? » casum et apostasiam significans. Non ergo hos sic offendisse dicit, ut caderent, sed offensionis suæ causa ad tempus obtusos.

• Sed illorum delicto salus gentibus, ut illos æmulentur. » Hoc est quod dixit, quia propter peccatum illorum gentibus salus data est. Quia enim donum Dei recusaverunt Judæi, translatum est hoc ad gentes; ut æmulatione zeli accensi Judæi converterentur ad Christum, (66) zelantes promissionem Patrum.

(Vers. 12.) « Quod si delictum illorum divitiæ sunt mundi, et diminutio eorum divitiæ gentium; quanto magis plenitudo illorum! » **91** Manifestum est quia si delictum illorum profuit mundo, dum horum dispendio plures habet bonos; quia multo plures sunt gentes, quam Judæi: et diminutio eorum, quod est damnum promissionis divitiæ gentium, per id quod lucrati sunt vitam æternam; quanto magis plenitudo eorum! Apertum est quia magis dives erit mundus hominibus bonis, si et ii qui excæcati sunt, convertantur; ex magna enim parte salvabitur mundus. Mundo homines significat, sicut dictum est de Salvatore: « Ecce mundus totus abit post illum (*Joan. xii, 49*). »

(Vers. 13, 14.) « Vobis enim dico gentibus, quandiu quidem ego sum gentium apostolus, ministerium meum honorificabo, si quo modo æmuler carnem meam, ut salvos faciam aliquos ex illis. »

(65) Sic Amerb. cum mss. a quibus non dissident Eras. et Gill., nisi quod verbo *haberent*, subdunt, *sed falsum*: at Rom. edit. hoc modo locum immutavit, *non intelligerent verum, quod haberent, sed falsum, quod volebant*.

(66) Corb. codex, *ad Christum promissum*

A Ostendit gentibus quo affectu diligit Judæos: nam ministerium suum, quo apostolus gentium est, honorificat; si propter affectum generis sui data opera etiam Judæos acquirat ad fidem. Honorificentior enim fiet, si et illos, ad quos non missus est, lucretur ad vitam: Patribus enim in laude maxima erit, si fratres invenerit, qui perierant.

(Vers. 15.) « Si enim amissio eorum reconciliatio est mundi, quæ est assumptio, nisi vita ex mortuis? » Hoc dicit, quia si non credentibus Judæis gentes reconciliatæ sunt Deo, ad incrementum mundi circa fidem Christi; quæ erit in hac parte, et quanta plenitudo salutis, si assumantur Judæi ad fidem Christi, nisi ut ex mortuis vivificetur mundus in hominibus? Quia ergo profectus est, dandam dicit operam, ut credant; quoniam cæcitatatis obtusio tempore compensati delicti auferatur, ut voluntatis suæ recipiant liberum arbitrium.

(Vers. 16.) « Quod si delibatio sancta est, et massa. » Manifestum est, quia quod unius substantiæ est, unum est: ac per hoc non potest delibatio sancta esse, et massa immunda; delibatio enim de massa est (67). Ideoque ostendit non posse indignos dici ad fidem hos, quorum jam patres adepti sunt fidem; quia si pars Judæorum credidit, cur non et alia pars posse credere dicatur?

(Vers. 17.) « Et si radix sancta, et rami. » Immutatis verbis, eadem repetit, ut sensum commendet duobus exemplis. « Quod si aliqui ex ramis fracti sunt, » id est, si aliqui non crediderunt ex eis, excisi a promissione. **C** « Tu autem cum esses oleaster, insertus es in illos, et socius factus es radicis ut pinguedinis olivæ. » Hoc significat, quia non credentibus multis Judæis, gentes insitæ sunt per fidem in spem promissionis; ut dolori esset Judæis: sed non juxta legem agriculturæ, quia bonum surculum inserunt in non bonam arborem; hi enim cum essent in radice mala, inserti sunt in bonam arborem. Ideo oleastrum dicit insertum, ut fructum surculus radicis afferat, socius ejus effectus.

(Vers. 18.) « Noli gloriari adversus ramos, » hoc est, noli gaudere in incredulitate illorum; displicet enim Deo, si quis exsultet in malis alterius, sicut dicit Salomon (*Prov. xxiv, 17*). Nec enim causa gentium abjecti sunt, ut gaudeant; sed quia non crediderunt, occasionem dederunt, ut prædicaretur gentibus.

D « Quod si tu gloriaris, non tu radicem portas, sed radix te. » Id est, si te extuleris super illos, in quorum insertus es radicem, insultes generi, quod te, ut ex malo bonus esses, suscepit: nec stabis, si illud per quod stas, destruis.

Abrahæ. Quod si, etc.

(67) *Delibatio enim de massa est*, in mss. plerisque omissum fuit. Sequenti autem versu pro *quorum jam patres*, mss. non pauci legunt, *quorum jam pares*.

(Vers. 19.) « Dicis itaque : Fracti sunt rami, ut ego inserar. » Ex persona gentilis credentis loquitur ; quia exsultandum putat in casu Judæorum diffidentium, dicens : Illorum reprobatio locum fecit gentilibus. Sed non sunt reprobati a Deo, ut gentes intrarent : sed se ipsos reprobos fecerunt, spernentes donum Dei ; unde et occasionem dederunt gentibus ad salutem. Quam extollentiam reprimi vult, ut magis saluti congaudeatur, non aegritudini insultetur ; facile enim decipitur (68), qui gaudet alienis malis.

(Vers. 20.) « Bene, » id est, recte dicis, quia fractis ramis insertus es : « sed in incredulitate fracti sunt ; » hoc est non propter te, sed suo vitio ; quia illis diffidentibus, ad æmulationem illorum tu vocatus es ad salutem. Ideo gratias debes agere dono Dei per Christum, non illis insultare : sed et petere, si malum illorum tibi contulit ad salutem ; ut et ipsi redeant ad originem. Tunc placebis Deo, qui tui misertus est ; ideo enim te advocavit, ut per tuam æmulationem reduceret et illos ad gratiam.

92 « Tu autem fide stas. » Quia Judæi per diffidentiam lapsi sunt, hos fide dicit stare ; quia cum prius perfidiæ causa jacerent, credendo stare cœperunt. « Noli altum sapere, sed time. » Id est, noli superbus esse, sed cave, ne et tu offendas.

(Vers. 21.) « Si enim Deus naturalibus ramis non pepercit ; ne forte nec tibi parcat. » Verum est, quia si illos, qui prærogativa Patrum digni erant (69), quibus etiam facta repromissio est Deo in filios adoptari, incredulitatis causa excæcavit ; quid his si dubitaverint, aut si se extulerint, faciet, qui nulla commendatione sublimati sunt : quippe cum nullius dignitatis essent, honorati sunt ?

(Vers. 22.) « Vide ergo bonitatem et severitatem Dei : in eos quidem qui ceciderunt, severitatem : in te autem, bonitatem ; si permanseris in bonitate : alioquin et tu excideris. » Bonum Deum gentibus esse testatur ; quia cum idola sequerentur, digni utique mortis, patientia sua expectavit illos, et nec adhuc requirentes se, ultro vocavit illos. et peccata eis remisit. Judæis autem severus est ; excæcavit enim eos, quia donum Dei spreverunt. Hos tamen nunc significat Judæos, qui propter malevolentiam suam in perpetuum cæcati sunt ; unde et cecidisse eos dicit : illos autem quos supra memoravit, offendisse, non tamen cecidisse ; quia ad tempus cæcatos illos ostendit ; ac per hoc

severum Deum in eos fuisse, ut in perpetuum cæcati essent apostatæ.

(Vers. 23.) « Sed et illi si non permanserint in incredulitate, inserentur ; potens est enim Deus iterum inserere illos. » Ostendit justitiam Dei non in severitate manere circa illos, quos excæcavit ad tempus ; quia non sic illos excidit (70), ut non possit illos iterum inserere, si convertantur, qui per prophetam dixit : « Revertentes ad me replantabo (*Jerem. xxiv, 6*) ; » ut hoc scientes Christiani gentiles non insultent Judæis, certi reservari illis quasi lapsis misericordiam Dei.

(Vers. 24.) « Nam si tu ex naturali excisus es oleastro, et contra naturam insertus es in bonam olivam : quanto magis hi, qui secundum naturam, inserentur suæ olivæ ! » Olivam fidem per quam Abraham justificatus est, accipiamus : oleastrum vero, quia agrestis et infructuosa natura est, perfidiam significatam (71) : ac per hoc si ii, qui semper inimici Dei fuerunt, conversi in fidem Abrahæ inserti sunt, ex cujus origine non sunt ; quanto magis Judæi, si post diffidentiam credant, paternæ reddendi sunt naturæ, inserti iterum in suam promissionem !

(Vers. 25, 26.) « Nolo enim ignorare vos, fratres, mysterium hoc ; ut non sitis ipsi vobis sapientes ; quia obtusio quædam ex parte Israel facta est, donec plenitudo gentium intraret : et sic omnis Israel salvus fieret. » Non est obscurum, quia ad tempus cæcitatatis obtusio data est Judæis (72) iis, qui dum æmuli Legis sunt, non viderunt donum venisse promissum a Deo, quod prædicabatur a Christo. Zelo enim excæcati sunt, putantes legem factorum nunquam debere cessare ; unde sabbatum zelabantur. Qua offensione ex parte obtusi sunt, ut pro incredulitate sua cruciarentur, videntes gentes profiteri cum gaudio consecutos se repromissionem Abrahæ : copia tamen admissa gentium. abstergeretur caligo ab oculis mentis eorum, ut possint credere ; ut spiritum compunctionis prohibens a cordibus eorum, qui eis præstat cæcitatem, reddat eis arbitrium liberum voluntatis ; quia non de malevolentia erat incredulitas, sed de errore, emendarentur, ut postea salvarentur.

« Sicut scriptum est. » Ut probaret donum illis reservatum a Deo, exemplum Isaïæ prophetæ in subjectis ponit : ut hac gratia qua liberati sunt Judæi credentes, et nos liberari posse doceret ;

(68) Corb. codex, *decipitur qui insultat peccanti.*

(69) Ita mss. longe plurimi ; edit. vero, *dignitosi erant*, ad quas etiam accedunt nonnulli mss., ubi legitur *digni tonsi erant*. Rursus autem, ubi legitur in edit. omnibus et mss. quibusdam, *Deo in filios adoptati*, aut ut in nonnullis paulo melius, *adoptatis* ; optime reliqui cod., *adoptari*.

(70) Nonnulli cod., *ad tempus, nec quidem circa eos, qui nolunt credere, si credant, quia non sic excidit Judæos, etc.*

(71) Eras. et seq. edit., *olivam*. Rom. *oleam fidem.... accipimus* ; *oleaster vero.... perfidiam significat* ; Amerb. autem et mss. lectionem nostram constituunt, nisi quod nonnulli habent, *et infructuosus natura est*, nonnulli *et infructuosæ naturæ est* ; et continuo post Amerb. cum paucis mss., *perfidiam significat*.

(72) Sic Amerb., Eras. ac plures mss., Gill. vero et edit. Rom. cum mss. quibusdam, *obtusio facta est Judæis*.

quia non erat exinanita, sed semper abundat. Dicit ergo:

(Vers. 27.) « Veniet ex Sion, qui eripiat, et avertat impietatem ab Jacob: et hoc illis a me testamentum, cum abstulero peccata eorum (*Isa. LIX, 28*). » Exempli hujus ratio semper manet, quandiu sunt, qui credant. Ille enim Dominus Jesus, qui de cœlis venturus promissus est ad liberationem humani generis, ipse quotidie remittit peccata conversis ad se, nec statim non credentes condemnat, sed exspectat, sciens posse proficere ad agnitionem Dei.

(Vers. 28.) « Secundum Evangelium quidem inimici propter vos. » Causa incredulitatis **93** inimici sunt Evangelii, ut error et delictum illorum gentibus aperiret viam ante tempus intrandi ad fidem, sicut supra memoravi; prius enim ubique omnibus Judæis prædicandum erat, tunc demum et gentibus oportebat credi verbum Dei. Sed quia non crediderunt, ablatum ab eis regnum datum est gentibus. Itaque non insultandum his præmonet, quorum delictum profuit gentibus; ibi enim insultandum est, cujus peccatum obfuit aliquibus. Non enim in perfidia illorum gratulandum est, sed dolendum, si tardant converti; ut quomodo peccato illorum gravissæ sunt gentes, quia salvatæ sunt; sic conversione eorum lætentur, ipsorum enim occasione Dei gratiam citius perceperunt.

« Secundum electionem autem dilecti propter Patres. » Quamvis graviter peccaverint Judæi reprobando donum Dei, et digni sint morte; tamen quia filii sunt honorum, quorum prærogativa et merito plurima a Deo beneficia perceperunt, regressi ad fidem suscipientur cum lætitia; quia dilectio in his Dei exsuscitatur memoria Patrum.

(Vers. 29.) « Sine pœnitentia enim sunt dona et vocatio Dei. » Verum est, quia gratia Dei in baptismo non quærit gemitum, aut planctum, aut opus aliquod; nisi scilicet ex corde professionem. Neque enim quia graviter deliquerant non recipiendo promissum Dei, et quia quæ graviter peccantur, non nisi fletu et gemitu ad veniam pertinent; ne ideo illos non posse jam accipere misericordiam putarent, quia dolere illos non videbant; ostendit hoc inter primordia fidei non requiri; donum enim Dei gratis donat peccata in baptismo.

(Vers. 30, 31.) « Sicut enim et vos aliquando non credidistis Deo, nunc autem misericordiam consecuti estis propter illorum diffidentiam; ita et isti nunc non crediderunt in vestra miseratione, ut et ipsi misericordiam consequantur. » Incredulitatem gentium memorat, ut ipso rubore non se

(73) Rom. edit., *ut perfusi rubore... sed oblectarent illos, ut agnoscerent promissum Dei. Sequentem vero locum cod. Corb. ita contrahit: Quia enim vos, inquit, gentes fuistis; nunc autem misericordiam, etc.*

(74) Ms. Corb., *ut per indictum. Non multis*

A jactarent insultantes Judæis, qui non crediderant sed oblectarent illos agnoscere promissum Dei. (73) Quia enim vos, inquit, gentes, cum his eloquia Dei credita sint, repugnantes fuistis; nunc autem misericordiam accepistis, non vestro merito, sed ad horum opprobrium; quare non magis isti conversi accipiant misericordiam, qui prius in lege Dei conversati sunt, et quibus facta promissio est?

(Vers. 32.) « Conclisit enim Deus omnia in incredulitate, ut omnium misereatur. » Gentes porro ab antiquis temporibus in impietate et ignorantia versabantur, ut pote sine Deo: propter quod manifestata lex in litteris est, qua possent infrenari præcipientes. Et quoniam versutia adversari cumulari peccata cœperunt, ut per interdictum (74) magis reus homo constitueretur; Deus clementia bonitatis suæ semper homini procurans, ut et quod sine lege peccatum erat, et in lege posset deleri; hoc decrevit ut solam fidem poneret, per quam omnium peccata abolerentur: ut quia nulla spes per legem omnibus hominibus erat, Dei misericordia salvarentur. Hoc est omnia conclusisse in incredulitate, ut tunc decretum donum a Deo veniret, quando omnes diffidentia laborarent; ut gratia muneris esset gratissima. Itaque nemo se jactet; miserum est enim superbum esse eum, cui ignotum est.

(Vers. 33.) « O altitudo divitiarum sapientiæ et scientiæ Dei! Quam inscrutabilia sunt judicia ejus, et investigabiles viæ ipsius! » Excelsum et immensum Deum in divitiis sapientiæ et scientiæ suæ cum omni laude gratiarum actionis testatur; est enim consilium et judicium ejus incomprehensibile. Nam sciens ab initio conversationes et opera hominum; quia neque sola severitate justitiæ salvari possit hominum genus, neque sola misericordia ad perfectum meritorum (75) pervenire, unoquoque tempore decrevit quid esset prædicandum; ante tamen permittens nunquamque suo judicio; quia natura ipsa duce, cognoscitur justitia. Et quia auctoritas naturalis justitiæ obtorpuerat consuetudine delinquendi, data est lex; ut humanum genus terrore manifestatæ legis frenaretur. Sed quia non se cohibentes, rei tenebantur a lege, prædicata misericordia est, quæ ad se confugientes salvaret, refutantes autem cæcaret ad tempus, ad promissionem eorum gentes invitans, quæ prius justitiam Dei per Moysen datam sequi noluerunt; ut horum saluti dum invident, **94** ipso zelo ad radicis Salvatoris originem se reformarent promissæ in lege. Hæc est *altitudo divitiarum sapientiæ et scientiæ Dei*, qui tam Judæos quam

autem interjectis sic legitur in Rom. edit., *homini salutem procurans, decrevit ut quod sine lege peccatum erat; et sine lege posset deleri, et solam fidem posuit, etc.*

(75) Corb. ac Thuan. codex, *ad perfectum meritum.*

gentes multifaria providentia acquisivit ad vitam.

(Vers. 34, 35.) « Quis enim cognovit sensum Domini? aut quis consiliarius illi fuit? aut quis prior dedit illi, et retribuetur ei (*Isa. xl, 13*)? » Hoc in *Isaia* scriptum habetur. Manifestum est solum Deum esse qui noverit omnia consilia, et hunc unum esse qui nullius egeat; quia ab ipso sunt omnia; ac per hoc consilium ejus a nullo nec comprehenditur, nec metitur; quia in inferiora superioris (76) sensum scire non possunt. Denique Judæis credentibus impossibile videbatur consilium esse et voluntatem Dei ad redemptionem gentium: simili modo et gentibus arduum et incredulum videbatur Judæos, qui non crediderunt, posse converti, aut credentes suscipi, ut salvarentur. Inter cætera hoc est consilium Dei, quod latuit, nec potuit comprehendere.

(Vers. 36.) « Quoniam ex ipso, et per ipsum, et in ipso sunt omnia; ipsi gloria. » Qua ratione sensus et consilium Dei investigari non potest, declaravit: « Ex ipso enim, inquit, et per ipsum, et in ipso sunt omnia; ipsi gloria. » Hoc dicto aperuit sensum, qui occultus erat mundo; quia enim omnium creator est Deus (fecit enim ea quæ non erant, ut essent), ideo ex ipso sunt omnia. Et quoniam ab ipso sunt, per Filium ejus, qui ejusdem utique substantiæ est, esse cœperunt, cujus opus Patris est opus. Quia ergo ipse operatur per Filium, per ipsum sunt omnia. Et quoniam quæ sunt ex Deo, per Deum sunt, post renata in Spiritu sancto sunt, in ipso sunt omnia, quia et Spiritus sanctus de Deo est Patre; unde et scit quæ in Deo sunt. Ego et in Spiritu sancto Pater est; quia quod de Patre est Deo, non potest aliud esse, quam est Deus Pater.

Ac per hoc « ipsi gloria, quia ex ipso, et per ipsum, et in ipso sunt omnia. » Itaque quæ ex ipso, et per ipsum, et in ipso ut essent, (77) esse cœperunt, sensum et consilium ejus scire non possunt. Ipse autem scit omnia, quia in ipso sunt cuncta. Patefecit mysterium Dei, quod superius dixit non ab eis ignorari debere.

CAPUT XII.

(Vers. 1-3.) « Obsecro itaque vos, fratres, per misericordiam Dei, ut exhibeatis corpora vestra hostiam vivam, sanctam, Deo placentem, rationale obsequium vestrum. Et nolite conformari huic sæculo: sed reformamini in novitate sensus vestri; ut probetis quæ sit voluntas Dei, quod bonum, et placitum, et perfectum est. » Per misericordiam

(76) Edit. omnes, ac pauci mss., *quia inferiora superioris*; nonnulli, *quia inferiores superioris*, alii multo plures, ut in contextu.

(77) Rom. edit., *Itaque quia ex ipso.... omnia ut essent*, etc.

(78) Thuan. cod., Gill. et edit. Rom., *orat illos; ultima vero sola, post tractatum autem legis et fidei credentes ad bonam*, etc. Edit. autem vet. et mss.

Dei illos adhortatur (78) per quam salvatur humanum genus. Post tractatum enim legis et fidei populi naturam Judaici et gentilis ac bonam vitam agendam hortatur; per hanc enim spes fidei obtinetur. Communitio est ergo hæc, ut memores sint quia misericordiam acceperunt; et vigilant circa obsequium ejus, a quo illis data est, per quem ex impiis gratis justificati sunt, scientes hanc esse hostiam vivam, sanctam, et Deo acceptabilem, si corpora nostra incontaminata servemus, dissimiles a sæcularibus, qui voluptatibus student. « Hæc est voluntas Dei, sanctificatio vestra (*I Thess. iv, 3*). » Nam corpora subjecta peccatis non viva habentur, sed mortua; sub desperatione enim promissæ vitæ sunt. Ad hoc enim peccatis dono Dei abluimur, ut de cætero mundam vitam agentes, Dei amorem in nos provocemus, non irritum facientes opus gratiæ ejus. Nam apud veteres ideo oblata occidebatur hostia, ut homines peccati causa morti subjectos significaret. Nunc autem quia per donum Dei purificati sunt homines, et a morte secunda liberati, vivam hostiam debent offerre, ut signum sit vitæ æternæ. Non enim, sicut tunc, corpora pro corporibus immolantur, nunc vero, non corpora, sed vitia (79) corporis perimenda sunt. Ut autem obsequii nostri effectum habere possimas, servata justitia, pudorem custodiamus; nihil enim proficit pudor, nec rationabilis potest videri, neglecta justitia. Hoc erit conformem fieri spiritualium, renovatum in spiritu ac fide hoc scire quod placeat Deo, nec aliud bonum et perfectum esse.

« Dico enim per gratiam, quæ data est mihi, omnibus qui sunt inter vos, non plus sapere quam oportet sapere, sed sapere ad sobrietatem, et unicuique sicut divisit Deus mensuram fidei. » 95 Aperte ostendit hoc debere nos sapere, quod justitiæ terminos non egrediatur, ut non nobis solis utile sit, sed et nulli obsit. Hæc est enim prudentia, prædesse magis aliquibus, quam obesse, et contentum esse debere sorte, qua mensus est Deus, et merito fidei (80) uniuscujusque; nec sibi defendere, quod non sibi concessum videt; hoc est, non plus sapere, quia uni totum concedi non potest. Nec enim si quis bonæ vitæ est, ex eo sibi etiam doctrinæ prudentiam debet defendere; aut quia peritiam habet legis, levitarum sibi obsequia vindicare debet. Hortatur ergo, et docet per gratiam sibi datam. Hæc gratia peritia intelligitur Dominicæ disciplinæ, per quam humilitati et justitiæ studendum tradit.

(Vers. 4, 5.) « Sicut enim in uno corpore multa

hoc solo distant quod pro naturam Amerb., Eras. et quidam mss. legunt *natura*.

(79) Rom. edit., *pro corporibus immolanda, sed vitia*, etc.

(80) Vet. edit. et mss. magno numero, *merito et fidei*; melius Rom. edit., *merita fidei*; vel mss. nonnulli, ut in textu.

membra habemus, omnia autem membra non eadem A habent officia; ita multi unum corpus sumus in Christo, singuli autem alter alterius membra. • Exemplo corporis docet non posse nos singulos omnia, quia sumus invicem membra, ut alter alterius (81) non egeat: ac per hoc curam nostri invicem nos agere debere, nec alterum alii obsistere: quia invicem officiis nostris opus habemus. Hoc erit diligere Christum, si invicem se membra exhortentur, ut impleant modum, quo corpus in Christo perfectum sit.

(Vers. 6.) • Habentes autem donationes Dei diversas secundum gratiam, quæ data est nobis (82). • Nunc autem ipsa officia deputata membris merito fidei enumerat, ut cum viderit membrum quod sibi deputatum officium est, non perstrepat alteri, cui viderit aliud traditum, sed congaudeat (83), ut corpus Ecclesiæ sit perfectum.

• Sive prophetiam secundum rationem fidei. • A prophetia incipit, quæ prima probatio est rationabilem esse fidem nostram. Denique credentes, accepto Spiritu prophetabant. Hæc ergo datur pro modo accipientis, hoc est, quantum causa exigit, propter quam datur.

(Vers. 7.) • Sive ministerium in ministrando. • Ad obsequium fraternitatis (84) præbendum in tantum minister firmatur, quantum credit debere se obsequi; ne ultra fidem laborans in obsequio, fatigetur incassum; quia hoc sequitur unumquemque, quod conatur ex corde.

• Sive qui docet in doctrina. • Similiter dicit adjuvari doctorem in doctrina; ut in quantum fides C ejus est ad docendum, in tantum inspiretur ad tradendam disciplinam cœlestem.

(Vers. 8.) • Sive qui exhortatur in exhortando. • Et hunc eodem modo in eo ipso, in quo tendit (85), auxilio Spiritus præparari, ut habeat gratiam, dum provocat. Laccessit enim fratres ad bonum, aut incredulos ad fidem.

• Qui largitur in simplicitate. • Huic dicit, qui bono animo tribuit auxilia semper suppeditare, procurante Spiritu, ut non desit tribuenti simpliciter, dicente Salomone: « Qui tribuit pauperibus, non indigebit (Prov. xxviii, 27). » Hic ergo tribuit simpliciter, qui non in simulatione hoc agit, ut laus ei ab hominibus detur, sed ut a Deo pro hoc ipso merito consequatur.

• Qui præest in sollicitudine. • Eum qui curam

ut præsit fratribus, suscipit, juxta fidem suam accipere vigilantiam et auctoritatem, ut proficiat in quo sollicitus est, habens in illis fructum, quibus præest.

• Qui miseretur in hilaritate. • Hunc quoque secundum sensum suum, qui læto animo misericordiam facit, non quasi nolenti extorqueatur, fundari et roborari a Deo, ut in hac re nullam infirmitatem patiat, sciens dictum a Salomone: « Dum habes occasionem, benefac (Prov. iii, 27). » Sed hoc multifarie intelligendum est; multiplex est enim misericordia (86) sub uno vocabulo. Nam si supra dixit: « Qui largitur in simplicitate; » quid erat opus iterare, nisi quia sub uno misericordiæ nomine multa bona opera significavit? Peccantibus etenim ignoscere misericordia est: et in necessitate aliqua posito vel oppresso openi ferre misericordia est; et nudum vestire, et esurienti panem frangere, et parvulum expositum colligere, et cadaver operire, et alia operari (87) misericordia est. Ideo si hæc impigre, et sine tædio fuerit operatus, habebit 93 hujus operis et in præsentem et in futuro mercedem. Omnis ergo misericordia et simpliciter, et cum gaudio fieri debet; ut simplicitas excludat hypocrisim, gaudium vero fretum futuræ spei testatur examen.

(Vers. 9.) • Dilectio sine simulatione. • Huic menti, quæ hoc meditatur (88), ut ideo diligat fratrem, quia scit hoc placere auctori Deo, ut non in adulatione præsentis vitæ hoc agat, subvenit Spiritus, ut quia hoc devota mente quærit, obsequiis possit implere. Audiunt enim dictum a Domino: « Præceptum novum do vobis, ut diligatis invicem (Joan. xiii, 34). »

(Vers. 10, 11.) • Odientes malum, adhærentes bono, fraternitatis amore invicem benigni, honore mutuo prævenientes. • Non magnum dicit evitare malum, nisi adhæreatur bono; illud enim de timore fit, istud de amore: nec benignum esse, nec fraternitatis amorem (89) tenere dicitur, si non mutuis se obsequiis prævenierint.

• Sollicitudine non pigri. • Hoc est quod dicit propheta Jeremias (Jerem. xlviii, 10), quia maledictus qui facit opera Domini negligenter. Piger enim in conversatione divina sine spe est; ideo subjecit:

• Spiritu ferventes. • Hoc est, ut in exercitio divini operis aut legis non sit tepidus, sicut dicitur

(87) Rom. edit., *et talia operari*. Haud incommode.

(88) Vet. edit. et mss. nonnulli, *Huic merito, qui meditatur*: Rom. edit. hinc abstulit vocem *merito*: nos vero locum ex pluribus probatoribusque cod. restitimus.

(89) Ita locum emendant cod. Prat., Gem., Mich. et Vall. cum prius haberetur in edit. ac mss., *nec benignum esse fraternitatis honorem, si non*; Gill. in marg. et Rom. edit. in corp. cum uno aut altero mss., *fraternitatis amorem*.

(81) Rom. edit. sola, *ne alter alterius, etc.*

(82) Mss. aliquot voci *nobis* addunt, *differentes*; alii *differentia*.

(83) Vet. edit. ac pauci mss., *sed congerat*. Et sequenti textu Amerb. et Eras. cum cod. nonnullis, *secundum operationem fidei*. Neutrum commode.

(84) Mss. aliquot, *ad obsequium Ecclesiæ*.

(85) Nonnulli mss., *in quo ostendit*; alii non pauci, *in quo se tendit*; cæteri, et omnes edit., *in quo tendit*.

(86) Nonnulli mss., *sub uno enim vocabulo multiplex est intelligentia*. Minime male.

in Apocalypsi Joannis : « Quoniam tepidus es, in- A
quit, evomam te ex ore meo (*Apoc.* III, 16) ; » quo-
tidiana enim meditatio tollit soporem, et cit vigi-
lantem. Opera vero Domini sunt, quæ mandat fieri
pro utilitate Ecclesiæ, id est, fratrum.

« Tempori servientes. » In Græco dicitur habere
sic : « Deo servientes ; » quod nec loco ipsi compe-
tit. Quid enim opus erat summam hanc ponere
totius devotionis, cum quando singula membra, quæ
ad obsequia et servitia Dei pertinent, memoret ? In
omnibus enim iis quæ enumerat, plenum Domino
servitium exhibetur. Nam servire tempori quid sit,
alibi solvit, cum dicit : « Redimentes tempus, quo-
niam dies mali sunt ; ut sciatis quemadmodum
unicuique respondeatis (*Ephes.* v, 16). » Quoniam
autem dixerat : « Spiritu ferventes ; » ne hoc sic B
acciperent, ut passim et importune verba religionis
ingererent tempore inimico, per quod forte scanda-
lum excitarent, statim subiecit : « Tempori servien-
tes, » ut modeste et cum honestate aptis et locis et
personis, et apto tempore religionis fidem loqueren-
tur. Sunt enim quidam etiam in hoc tempore quo
pax est, qui sic perhorrent verba Dei, ut audientes
cum magna ira blasphemant viam Christi. Nam et
ipse servivit tempori, quando quod noluit fecit ;
invitus enim circumcidit Timotheum, et raso capite
purificatus secundum legem ascendit templum, ut
Judæorum sopiret insaniam.

(Vers. 12.) « Spe gaudentes. » Postquam dixit :
« Tempori servientes, » adjecit : « Spe gaudentes ; »
ut si forte propter iniquitatem temporis non liceat C
de fide publice loqui, sed esse in metu, spe gaudeat ;
quia hæc tristitia parit lætitiã.

« In tribulatione patientes. » Hoc est spe gau-
dere, in tribulatione patientem esse ; de gaudio enim
spei tolerat tribulationem, sciens multo majora esse,
quæ pro his promissa sunt.

« Orationi instantes. » Necessaria est valde oratio
quia ut tribulatio possit tolerari, precibus insisten-
dum est.

(Vers. 13.) « Memoriis sanctorum communican-
tes. » Manifestum est quia qui preces suas exaudiri
vult, æmulus debet esse vitæ sanctorum ; cum imi-
tatur enim, communicat ; ut hoc si memorem esse
et communicatorem, imitari actus illorum : et si
sumptibus indigent, communicandum est eis, sicut D
dicit alio loco : « De collectis autem quæ fiunt in
sanctos (*I Cor.* XVI, 1) ; » et ad Galatas : « Ut pau-
perum memores essemus (*Galat.* II, 10). »

(Vers. 14.) « Hospitalitatem sectantes. » Imitator
et amator sanctorum hospitalitatem sectatur exem-
plis sancti Abrahæ, et Lot viri justi.

« Benedicite persequentibus vos, benedicite, et
nolite maledicere. » Ut Christianos per omnia no-
vos faciat, etiam ab hac illos consuetudine auferre
vult, quæ omnibus communis est, ne irato animo

incitati prius facile maledicere velint ; sed ut ma-
gis, victa iracundia, benedicant, et laudi sit disci-
plina Dominica (90).

97 (Vers. 15.) « Gaudere cum gaudentibus, flere
cum flentibus. » Hoc est, quod alio loco dicit :
« Si quid patitur unum membrum, compatiuntur
omnia membra ; et si lætatur unum membrum,
congaudent omnia membra (*I Cor.* XII, 26). » Cum
enim quis fideli solatio est in necessitate, erigit
animum ejus, et apud Deum sibi collocat meritum ;
quia membrum diligit corporis Christi : et si cum
infideli condoleat, provocat magis illum ad profe-
ctum (91) disciplinæ Dominicæ.

(Vers. 16.) « Idipsum invicem sentientes. » Hoc
est, quod dictum est, compati debere in fratris
tribulatione, sicut et in alia dicit epistola : « Con-
siderans te ipsum, ne et tu teneris. Alter alterius
opera sustinete (*Galat.* VI, 1, 2). »

« Non alta sapientes. » Alta sapere superbia est ;
nam et diabolus cum alta sapuit, apostatavit. Ne
elatio sit in animo, et præsumens forte de incolu-
mitate actus sui, non condoleat fratri suo, sed ex-
probret quasi peccatori, hæc superbia est, quæ
cum se præponit, offendit. Quod et Dominus deno-
tat, dicens : « Ejice trabem prius de oculo tuo, et
tunc videbis ejicere festucam de oculo fratris tui
(*Luc.* VI, 42). » Ipsa enim elatio peccatum est, ac
si non sit peccator, quod impossibile est, fit pec-
cator, dum superbit. Denique dicit Salomon : « Su-
perbis Deus resistit (*Prov.* III, 34). »

« Sed humilibus consentientes. » Hoc est ut de-
posita superbia, alienam causam suam faciat, et
suam quasi alienam ; ut habeat gratiam apud Deum,
quia « qui se exaltaverit, humiliabitur (*Luc.* XIV,
11). »

« Nolite esse prudentes apud vosmetipsos (*Isa.*
v, 21). » Hoc in Isaia propheta scriptum est, quod
hic quasi proprium ponit ; ut justitia communis ha-
beat, non ut sibi quis justus sit, cæteris autem
injustus.

(Vers. 17.) « Nemini malum pro malo reddent-
es. » Hoc est, quod Dominus dicit : « Nisi abun-
daverit justitia vestra plusquam Scribarum et Pha-
risæorum, non intrabitis in regnum Dei (*Matth.* v,
20). » Mandatum enim in lege erat : « Diliges pro-
ximum tuum, et odio habebis inimicum tuum (*Levit.*
XIX, 18). » Hæc, quantum videtur, justitia est : sed
ut abundet justitia Christianorum, docentur non
reddere malum pro malo : ut perfecti sint, et pro
hoc merces illis reddatur in judicio Dei. Supergradi
enim videtur ipsam justitiam, cum quod licet, ut
melior sit, non facit cælestis justitiæ imitator.
Mundi ergo justitia a Deo illi concessa innocentem
facit (92) : cælestis autem perfectum, ut meritum
habeat apud Deum.

« Providentes bona non tantum coram Deo, sed

(90) Mss. aliquot, et laudabilis sit disciplina Do-
minica.

(91) Rom. edit. cum paucis mss., illum ad affe-

ctum ; quidam mss. ad effectum, etc.

(92) Rom. edit. et quidam mss., illi concessa ad
tempus innocentem facit.

etiam coram omnibus hominibus. » Providere est bona futura ante oculos habere; ut ea gerantur, quæ possint, postquam facta fuerint, in reprehensionem non venire, sed magis laudi esse, sive apud Deum, sive apud homines. Ne quis æstimet quia Deo licita non displicent, ideo non curandum, si fratri scandalum sint; hoc præmonet quia illud fieri debet, quod et Deo non displiceat, et fratri scandalum non sit. Etsi liceat enim, et fratrem scandalizet, Deo non placet; quia Deus salutem studendum monet. Sic ergo providentur bona coram Deo et hominibus, si ea quæ licent sic agantur, ne scandalum faciant.

(Vers. 18.) « Si fieri potest, quod ex vobis est, cum omnibus hominibus pacem habentes. » Omnes vult pacificos esse, qui divinam servant justitiam (93). Viderit si quis hanc pacem spreverit, ut sit tali viro inimicus, cum aut reprehendi forte ab illo non vult, aut invidet bonis ejus; quod ad illum tamen pertinet, non discordat a bene agentibus. Hic est enim impacificus, qui prætermissa voluntate legis, suum jus sequitur; quanquam dicat David: « Cum iis qui oderunt pacem, eram pacificus (Psal. cxix, 7). » Sed hoc necessitatis erat propter potentiam personarum, ut vel obsequiis humilitatis vincatur, quem sic extollit superbia, ut mandata legis spernat. Potest fieri ut et de timore Dei pacificum se quis præbeat illi qui odit pacem. Quando enim vicem malis reddere non vult, pacificus est, hoc est, de bono vincere malum, ut vel obsequiis vincatur, quem mandata legis non vincunt. Ergo, « si fieri potest, inquit, quod ex vobis est; » ut bene agentes pacem habere videamur. Jam si non fuerit amator pacis, tu tamen vis esse pacificus, quantum ad te pertinet. Si autem irreverens et blasphemus quis sit, et pacem cum illo habere non possis, non utique tibi ascribendum erit; quia 98 Joannes apostolus illos, qui negant in carne Christum venisse, nec saluari permisit (II Joan. vii, 10). Nos ergo parati sumus, si fieri potest, ut cum omnibus pacem habeamus: aliis autem repugnantibus fiet impossibile, non ex nobis; si de nobis tamen querela deponatur (94). Qui enim nullum lædit, apparet esse pacificus.

(Vers. 19.) « Non vosmetipsos defendentes, charissimi, sed date locum iræ. » Ut pacis fœdera servari possint, ab ira dissimulandum monet, maxime quoniam solet per iram peccari, cum quando quis furore comotus, plus exigit, quam postulet causa delicti: aut sibi ipsi incommodum

(93) Ita edit. omnes cum mss. quibusdam: alii vero mss. non parvo numero, qui divinam servare justitiam videmur. Si quis, etc; sequenti autem versu, pro inimicus. Rom. edit. reposuit impacificus.

(94) Omnes edit. ac mss. aliquot, si de nobis tantum querela non deponatur: cæteri mss. nobis-

A præstat, si graviora peccata incompetenti vindicta vult exsequi; debilem enim efficit, quem potuit emendatum habere et sanum. Unde et Salomon: « Noli, ait, justus esse multum; est enim, inquit, qui perit in sua justitia (Eccle. vii, 17). » Volens enim singulis peccatis respondere, circa vindictam mortem potest invenire tam sibi, quam ei quem plagis affligit; solent enim in pœnas delinquere. Non solum autem de subjectis vindictam prohibet competentem, sed et de paribus et magnis, hoc est, de fratre forte in nos peccante non quæramus vindicari, sed remittamus, Dei judicio reservantes, ne, dum ab ira detinemur, inveniat locum inimicus, in quo suggerat et suadeat, quod contra nos est.

B « Scriptum est enim. » Ut fortius suadeat, exemplo legis hoc confirmat, dicens: « Scriptum est enim, » in Proverbiis (95): « Mihi vindictam, et ego retribuam, dicit Dominus (Deut, xxxii, 35). » Ut si minime a nobis fiat, quod docet, Deum a nobis contemptum ostendat. Duplici ergo genere proficitur, si Deo remittatur vindicta, quia et cum iracundiam vincit, perfectus fit, et Dei judicio vindicabitur.

(Vers. 20.) « Si esurierit inimicus tuus, ciba illum: si sitit, potum da illi; hoc enim faciens, carbones ignis congeres super caput ejus (Prov. xxv, 21). » Non nudam vindictam Deo reservari debere ostendit, sed et beneficia dari inimicis; ut vere ostendamus non meritis nostris habere nos inimicos, quos ut ab inimicitiiis desinant (96), obsequiis vincere nitimur. Qui si in inimicitiiis perduraverint impietate mentis suæ, nostra obsequia proficient illis ad pœnam: aut certe obsequiorum nostrorum sedulitate compuncti, veluti carbones mortui reviviscent. Ut ergo nos in tantum perfectos faciat, ut non solum nos ipsos, sed et alios acquiramus ad vitam, inimicis non solum vicem reddere prohibet Dominus per Salomonem; verum etiam humilitate ad amicitiam provocare hortatur.

D (Vers. 21.) « Noli vinci a malo, sed vince in bono malum. » Hæc interpretatio Apostoli est cohortantis, ne vicem reddamus inimicis, sicut dictum est. Multum enim proderit nobis, si malitiæ cedamus; vincit enim malum, qui ad tempus vinci videtur ab illo. Etenim Salvator sic vicit malum, dum non restitit; contra se enim agit malitia, et dum vincitur, vincere se putat. Id enim agit inimicus, ut et nos de proposito nostro abstrahat, occasionem quærens quomodo peccemus. Ideo si provocati ab illo, vicem illi non reddamus, vincimus illum in bono; ideo enim non resistimus, ut bonum serve-

cum faciant. At sequenti textu pro defendentes, Rom. edit., licet sine ullo sensu commodo, maluit vindicantes.

(95) Rom. edit. confoderat, in Proverbiis. Quo videlicet in Deuteronomio hæc verba exstant.

(96) Cod. Corb. et quidam alii, quos ut ab iniquitate desinant.

mus, neglecta justitia (97), quia cogit justitia ad A retribuendum.

CAPUT XIII.

(Vers. 1.) « Omnibus potestatibus sublimioribus subditi estote; non est enim potestas, nisi a Deo. » Quoniam cœlestis justitiæ legem sequendam mandavit, ne ab hac præsentī dissimulare videretur, hanc commendat: quippe eum nisi hæc fuerit observata, illa custodiri non possit; hæc enim quasi pædagogus est, quæ parvulos imbuat, ut possint potioris justitiæ viam sequi. Nemini enim potest imputari misericordia, nisi habuerit justitiam. Ut ergo jus et timorem (98) legis naturalis confirmet, Deum auctorem ejus testatur, et ministrantes eam Dei ordinationem habere. Ideo adjecit:

« Quæ autem sunt, a Deo ordinata sunt; » ut nemo putet quasi humana commenta contemnenda; vident enim jus divinum humanis auctoritatibus deputatum. Hic ergo subjectus est potestati, qui se terrore Dei (99) ab iis abstinet, quæ prohibet.

(Vers. 2.) « Itaque qui resistit potestati, Dei ordinationi resistit. » Hoc 99 contra illos est, qui per potentiam fortes sunt, aut qui ab aliquo deprehendi se posse non credunt, et per hoc illudere se legem putant; ostendit his Dei esse legem, et non evasuros judicium Dei, qui ad tempus aliquo pacto evadunt. « Qui autem resistunt, ipsi sibi damnationem acquirunt. » Manifestum est quia unusquisque operibus suis aut justificabitur, aut condemnabitur. Qui enim audientes legem, peccant, inexcusabiles sunt.

(Vers. 3.) « Nam qui principantur, non sunt timori bonis operibus, sed malis (1). » Principes hos reges dicit, qui propter corrigendam vitam, et prohibenda adversa creantur, Dei habentes imaginem, ut sub uno sint cæteri: « Vis autem non timere potestatem? Bonum facito, et habebis laudem ex illa. » Laus ex potestate tunc surgit, cum quis innocens invenitur.

(Vers. 4.) « Deienim minister est tibi in bonum. » Manifestum est ideo rectores datos, ne malum fiat. « Si autem malefeceris, time; non enim sine causa gladium portat. » Hoc est, ideo comminatur, ut si fuerit contemptus, vindicet: « Dei enim minister est, vindex in iram, in eum qui male agit. » Quoniam futurum judicium Deus statuit, et nullum perire vult, hoc in sæculo rectores ordinavit, ut terrore interposito, omnibus velut pædagogi sint, erudientes illos quid servent, ne in pœnam incidant futuri judicii.

(Vers. 5.) « Ideoque subditi estote (2), non solum

(97) Mss. Corb., ut bonum servemus ad retribuendum, neglecta justitia.

(98) Mss., aliquot, ut ergo justa timoris; quidam, ... jus ex timore.

(99) Nonnulli mss. et Gill. in marg., qui se terrore legis.

(1) Mss. non pauci, non sunt timori boni operis,

propter iram, sed etiam propter conscientiam. » Recte dicit subjectos esse debere non solum propter iram, id est, ultionem præsentem; parit enim ira vindictam: sed et propter futurum judicium; quia si hic evaserint, illic eos pœna exspectat, ubi accusante conscientia ipsa punientur.

(Vers. 6.) « Nam idcirco tributa penditis; ministri enim Dei sunt, in hoc ipsum servientes. » Ideo dicit tributa præstari, vel quæ dicuntur fiscalia, ut subjectionem præstent, per quam sciant non se esse liberos, sed sub potestate agere, quæ ex Deo est; principi enim suo, qui vicem Dei agit, sicut Deo subjiciuntur, sicut dicit Daniel propheta: « Dei est enim, inquit, regnum, et cui vult, dabit illud (Dan. iv, 14). » Unde et Dominus: « Reddite, inquit, quæ sunt Cæsaris, Cæsari (Matth. xxii, 21). » Huic ergo subjiciendi sunt sicut Deo, cujus subjectionis probatio hæc est, cum illi pendunt tributa.

(Vers. 7.) « Reddite ergo omnibus debita; quia et potentes sunt debitores minoribus, ut respondeant meritis illorum. » Cui tributum, tributum: cui vectigal, vectigal. » Primum ea quæ sunt potestati regis debita exsolvi jubet; quia major in his causa aut necessitas est. « Cui timorem, timorem. » Timorem potestati exhibendum, quia timor prohibet peccatum: deinde aut parenti, aut domino terreno; ut gratias agat in filio aut servo Christiano. « Cui honorem, honorem. » Potest hic honor etiam circa eos esse, qui sublimes videntur in mundo, ut videntes humilitatem servorum Christi, laudent magis quam vituperent evangelicam disciplinam.

(Vers. 8. 9.) « Nemini quidquam debeatis, nisi ut invicem diligatis. » Pacem vult nos habere, si fieri potest, cum omnibus, dilectionem vero cum fratribus, et hanc tamen, honore servato (3). Idcirco autem debitores dicit, quia homini, qui dignus honore est, sive præsentī, sive futuro, dignum est et debitum inclinari. Illi enim quis inclinatur, a quo honorem accepit; ideo debitor dicitur. Si enim non hoc feceris principi tuo, superbus es; aut enim merito quis, aut ætate honorandus est.

« Qui enim diligit proximum, legem implevit. » Legem latam a Moyse implet, qui diligit proximum; nam novæ legis mandatum est etiam inimicos diligere (Matth. v, 43). « Nam non adulterabis, non occides, non furaberis, non concupisces (Exod. xx, 13, 14, 15, 17). » Hoc Moyses scriptum accepit a Deo ad reformationem legis naturalis. « Et si quod est aliud mandatum, in hoc verbo consummatur; sed mali.

(2) Mss. aliquot: Ideoque necessitate subditi estote,

(3) Nonnulli mss., cum fratribus; et hoc erit nulli quidquam debere, unicuique in loco suo officium exhibere, Qui enim diligit, etc.

Diliges proximum tuum sicut te ipsum; » hoc scriptum est in Levitico (*Levit. xix, 18*). Manentibus itaque supradictis mandatis, in dilectione impleri legem significat, sicut dixit: ac si sint alia mandata, quæ nunc tacuit, tamen pro omnibus mandatis dilectio satisfacit. Nam si se humanum genus ab 100 initio dilexisset, iniquitas in terris non esset; exordium enim injustitiæ discordia est. Ideoque iniquitatis dilectio iniquitas est, quia quod malo malum est, bono bonum est (4).

(Vers. 10.) « Dilectio proximi malum non operatur; plenitudo enim legis est dilectio. » Malum non operatur, quia bona est dilectio, nec peccare potest illa (5), quæ legis est perfectio. Per legis verba ad sensum evangelicum vult pervenire. Ideo enim quod summum est legis, memorat, ut huic Evangelium societ, ostendens unius esse sensum auctoris. Sed quia tempore Christi addere aliquid oportuit, non solum proximos, sed inimicos diligere præcepit (*Matth. v, 44*). Unde subditur: « Plenitudo legis est dilectio; » ut justitia sit diligere proximum, abundans vero et perfecta justitia etiam inimicos diligere. Inimicum autem diligere quid aliud est, quam optare desinere illum ab odio, et nihil asperum petere adversus illum? Hoc est amare illum, ea illi exoptare per quæ Deum habeat propitium: hæc cœlestis justitia, hæc Deo Patri similes facit, qui non colentibus se annua dona largitur. Nam et Dominus in cruce positus postulat pro inimicis (*Luc. xxiii, 34*), ut plenitudinem justitiæ quam docnerat, demonstraret.

(Vers. 11.) « Et hoc scientes tempus, quoniam hora est nos jam de somno surgere. » Tempus esse dicit, quo ad meritum proficere debeamus. Hoc est, « de somno surgere, » operari bonum, quasi in die, hoc est, palam; illicita enim nocte, id est in abscondito, fiunt. Jam enim in manifestatione positi, quod est in notitia Dei (6), agnoscentes quid sequi debeamus, dare operam debemus, ut pure viventes ad promissum præmium veniamus, excusso somno, id est ignorantia sive negligentiâ.

« Propior enim est nunc nostra salus, quam cum credidimus. » Manifestum est, quia post lavacrum bene viventes, et charitati studentes, non longe sunt a merito resurrectionis promissæ. Bona enim vita Christiani signum est salutis futuræ (7).

(Vers. 12.) « Nox præcessit, dies autem appro-

(4) Sic omnes edit. et quidam mss.; alii autem multo plures, *iniquitatis dilectio inimica est; quia quod bonum est, bonum est, et quod malum est, malum est*; nonnulli etiam, *iniquitatis dilectio iniquitas est, sed quia malo malum est, bono bonum est*.

(5) Gill. et Rom. edit. cum uno vel altero mss., *nec peccari potest per illam... evangelicam pervenit*, Amerb. et Eras. cum paucis mss., *nec peccari (Eras., peccare) potest illa... evangelicum pervenit*; alii mss. frequentes ut in textu.

(6) Mss. aliquot, *quod est innocentia Dei*.

(7) Haud pauci mss. vocibus *saluti futuræ* subtextunt: *Cum baptizatur ergo unusquisque, ad veniam*

A *pinquavit. » Noctem veterem hominem significavit* qui per baptismum innovatus est. Hunc præcessisse dicit quasi noctem, diem autem appropinquasse, cujus lumine (8) veritas nobis apparuit, ut sciremus quid agere debeamus, Prius enim ignorantes Christum, in tenebris eramus: at ubi didicimus, lux in nobis orta est; transivimus enim a falso ad verum.

« Abjiciamus ergo opera tenebrarum, et induamur arma lucis. » Tenebrarum opera sunt vita carnalis (9), quæ illecebris agitur sæcularibus: hæc digna est tenebris, sicut dicit Dominus: « Tollite illum, et ligatis manibus et pedibus, mittite in tenebras exteriores (*Matth. xxii, 13*). » Induere vero arma lucis gesta sunt bona; quia sicut mali actus tenebris deputantur, quia occulte fiunt ab iis qui male agunt; ita et qui bene agunt, palam agunt, quia non verentur, sed gaudent. Boni ergo actus arma lucis sunt, impugnant tenebras, quæ sunt vitia carnis.

(Vers. 13.) « Sicut in die honeste ambulemus. » Verum est; ut quia publice non peccatur, sic agamus quomodo agitur publice; nihil enim tam publicum, quam veritas.

« Non in comessionibus et ebrietatibus. » Comessiones sunt luxuriosa convivia, quæ aut collatione omnium celebrantur, aut vicibus solent a contubernalibus exhiberi, ut neminem illic pudeat aliquid inhoneste dicere aut facere; quia unusquisque præsumit, quod suum convivium sit. Solent enim in aliena mensa pudore coerceri, sed hic ad hoc convenitur, ut fœda illic gerantur copia vini (10), et incitetur libidinis diversa voluptas. Idcirco evitanda præcipit hujusmodi convivia.

« Non in cubilibus et impudicitis. » Post luxuriosum convivium et ebrietatem hoc subjecit, quod sequitur, id est concubitus impudicus; hic enim hujus lascivitatis (11) est fructus.

« Non in contentione et æmulatione. » Recte ab his coerceri monet, quia omnis contentio et zelus inimicitiam parit, quas tenebras vocat; quia ad lucis præmium pervenire non possunt.

101 « Sed induite Dominum Jesum Christum, et carnis curam ne feceritis in concupiscentiis. » Curam carnis prohibet, id est voluptatem; ut omne quod prohibetur per legem, non desideretur, aut certe desideratum vincatur. Ipsa sunt enim opera carnis; ut his exuti induant Dominum Jesum Christum, *non ad coronam; ut postea in novitate vite ambulans, vicinus sit vite æternæ*. Quidam etiam addunt, *nam significavit*.

(8) Nonnulli mss., *appropinquasse, id est Solem justitiæ, cujus, etc.*

(9) Ita vet. edit. et mss. nonnulli, a quibus non recedit Rom. edit., nisi quod effert, *vitia carnis*: alii autem mss. satis frequentes, *vitia carnalia quæ illecebris agunt sæcularibus, hæc tenebris digna, sunt*.

(10) Rom. edit., *illic congeratur copia vini*.

(11) Amerb., Eras. et mss. non pauci, *hoc genus hujus lascivitatis*; Gill. et Rom. edit. cum aliis mss., *hic enim hujus lascivitatis*; Rom., *lasciviæ*.

stum, id est, innovati per Christum, ab his malis A se retineant. Hic enim induit Christum, qui se ab omni errore et turpitudine separaverit; ne in convivio nuptiarum sine veste nova inveniatur, turpiterque abjectus (12) tenebris mancipetur (Matth. xxii, 11): si quominus, non sunt induti Jesum Christum Dominum, super cujus novam vestem veteres pannos induunt; exutis enim veterem hominem in novitate vitæ manendum est (13).

CAPUT XIV.

(Vers. 1.) • Infirmum autem in fide assumite, non in disceptatione cogitationum. • Quoniam ex Judæis erant, qui Romanos ad nomen Christi (14) assumpserant, admista lege, sicut in primordio epistolæ memoravi; ideo quibusdam videbatur prohibitam carnem edere non debere: aliquibus autem qui sine lege Christum sequebantur, videbatur contra legem licere edere. Et per hoc ipsum disceptationes erant inter eos, quas Apostolus, concordiam et saluti studens, divina disputatione aufert, ostendens neque edenti prodesse apud Deum, neque non edenti obesse. Infirmum esse dicit, qui propterea quod Judæi prohibiti sunt, timet edere. Hunc ergo vult remitti iudicio suo, ne scandalum passus, a charitate, quæ quasi mater est animarum, recedat cum mentis perturbatione, cum Christiani pacifici debeant esse et quieti.

(Vers. 2.) • Alius enim credit edere omnia. • Hic fiducia lectionis non dubitat omnia edenda, quæ data sunt humanis usibus. Legit enim in Genesi omnia bona valde esse (Gen. i, 31), quæ creavit Deus; ideo nihil rejiciendum, quia neque Enoch, qui primus Deo placuit: neque Noe, qui in diluvio solus justus inventus est: neque Abraham ille amicus Dei, aut Isaac, aut Jacob justi et Dei amici, inter quos et Lot fuit, aut cæteri justi ab his abstinuisse leguntur.

• Is vero qui infirmus est, olera manducet. • Igitur quia hoc putat, ut ille olera edat: ideo suadendum non est, ut carnem edat, ne cum scrupulo edat, et videatur peccare: quia propositum suum non custodit.

(Vers. 3.) • Itaque qui edit, non edentem non spernat: et qui non edit, edentem non judicet. • Quia voluntatis est edere, aut non edere; ac per hoc quæstio hinc fieri non debet. Ad hoc enim facta sunt omnia, ut voluntati subjaceant, quia dominio humano subjecta sunt.

(12) Ita mss. plures ac potiores: alii autem, et edit., ne in convivio nuptiarum; Rom. edit., celestium nuptiarum, sine veste ejus inventus, turpiter abjectus, etc.

(13) Rom. edit., in novitate vitæ ambulandum est.

(14) Eadem Rom. edit. ad fidem Christi.

(15) Mss. Carn. et alii aliquot, qui tertia feria. Et paucis interjectis, pro usque ad Pentecosten non edant, ms. Corb. legit, usque ad Quinquagesimam

• Deus enim illum assumpsit. • Assumptus est a Deo, dum ad gratiam vocatus est.

(Vers. 4.) • Tu quis es, qui judicas alienum servum? Suo domino aut stat, aut cadit. • Manifestum est servum non debere conservi voluntatem judicare, cui lex in hac parte tradita non est; nam qua conscientia edat, aut non edat, Deus iudex est, cujus servus est.

• Stabit autem; potens est enim Deus statuere illum. • Stabit, inquit, domino suo, propterea quia neque si edat, reus erit, neque si non edat, culpabilis, si tamen devotione hoc agat, non evitans hanc velut contrariam.

(Vers. 5.) • Nam alius quidem iudicat diem inter diem, hoc est, alicui placet interpositis diebus edere. Nam sunt quidam, qui quarta feria (15) carnem non edendam statuerunt; sunt qui Sabbatis, sunt iterum qui a Pascha usque ad Pentecosten edant.

• Alius autem iudicat omnem diem. • Hic omnem diem iudicat, qui nunquam edit. • Unusquisque in suo sensu abundet, hoc est, unusquisque suo consilio remittatur.

(Vers. 6.) • Qui sapit diem, Domino sapit. • Verum est, quia qui semper abstinens est, Deo placere se putat. • Et qui edit, Domino edit. • Domino edit, quia gratias agit Creatori. • Et qui non edit, Domino non edit, et gratias agit Deo. • Gratias agit, dum fatetur Dei esse creaturam, et bonam creatam (16); sed se dissimulare ab ea, non condemnare.

(Vers. 7.) • Nemo enim nostrum sibi vivit, et nemo sibi moritur. • Sibi 102 viveret aliquis, si non ageret sub lege: at qui freno legis gubernatur, non sibi utique vivit, sed Deo qui legem dedit, ut secundum voluntatem ejus vivat. Et qui moritur, simili modo Deo moritur, quo iudice aut coronabitur aut condemnabitur.

(Vers. 8.) • Sive enim vivimus, Domino vivimus, sive morimur, Domino morimur (17). • Idem est sensus. • Sive ergo vivimus, sive morimur, Domini sumus. • Verum est omnes nos Domini esse quasi servos in conditione et Redemptoris dominio, et unumquemque pro merito suo tractari.

(Vers. 9.) • In hoc enim Christus mortuus est, et resurrexit, ut et mortuorum et vivorum dominetur. • Per Christum Dominum facta est creatura, quæ per peccatum alienata est ab auctore, facta captiva: quam Deus Pater, ne opus ejus periret, misso Filio suo de cælis ad terras, docuit quid faciendo manus

non manducant.

(16) Omnes edit. ac plures mss., et bona creata: melius tamen alii nonnulli, et bonam creatam, Et continuo post, ubi vet. edit. et multi mss., sed se dissimulat ab ea non condemnare; Rom. edit.... ob ea condemnari; commodius alii ut in contextu.

(17) Hic textus in cod. bene multis desideratur. Infra quoque ubi vet. edit. ac mss. aliquot, Christus et vixit et mortuus est, Rom. edit. cum pluribus mss. expungit τὸ et vixit.

piratarum effugeret. Propter quod et occidi se passus est ab inimicis, ut descendens ad inferos, quia innocens erat occisus, reum faceret peccatum, ut quos tenebat apud inferos, amitteret. Quoniam ergo vivis ostendit viam salutis, ac se obtulit pro eis, mortuos vero liberavit de inferno, tam vivorum quam mortuorum dominatur; ex perditis enim iterum reformavit sibi illos in servos.

(Vers. 10.) « Tu autem quid judicas fratrem tuum in non edendo (18) ? aut tu quare spernis fratrem tuum in edendo ? Omnes enim stabimus ante tribunal Christi. » Docet non oportere judicare in hac re, tum quia non continetur in lege, præterea cum Deum judicem expectemus.

(Vers. 11.) « Scriptum est enim : Vivo ego, dicit Dominus, quia mihi flectetur omne genu, et confitebitur omnis lingua Deo (Isa. XLV, 24). » Hoc in Isaia scriptum est, quia omnis lingua confitebitur Deo in fide Christi. Nam quia occisus resurrexit (19) futurus iudex, recte ait : « Vivo ego, dicit Dominus ; » et non solum vivo, sed et iudicaturus sum, et inimici stupebunt in me (20), et genu flectent, cognoscentes me Deum de Deo.

(Vers. 12.) « Itaque unus quisque nostrum pro se rationem reddet Deo. » Quoniam, inquit, nos pro nobis invicem reddituri sumus rationem, non nos in hac parte, quæ supra scripta est, alterutrum condemnemus.

(Vers. 13.) « Non ergo amplius invicem iudicemus, » id est, scientes hoc, cessemus a discordia. « Sed in hoc iudicate magis, ne ponatis offendiculum fratri, vel scandalum. » In eo iudicandum monet, quod prosit (21), quod potest et auctoritate legis defendi : nulli autem fratrum carnem edenti aut non edenti fiat scandalum.

(Vers. 14.) « Scio et confido in Domino quia nihil commune per ipsum. » Manifestum est quia Salvatoris beneficio omnia munda sunt, qui de sub iugo Legis eruens homines et justificans, reddidit statum pristinae libertatis ; ut digni sint uti tota creatura, sicut et veteres sancti. Qui autem adhuc sub lege sunt, non licet illis uti aut edere, quæ prohibet Lex ; quia indulgentiam datam spernunt. Non enim secundum naturam suam, sed eum contra edictum eduntur, immunda sunt. Denique in Lege ait : « Erunt immundavobis, etc. (Levit. XI, 4). »

« Et plane qui existimat aliquid esse commune, illi commune est. » Sive qui ex Judæo christianus est, sive gentilis fidelis putat esse aliquid tale vitandum, ipse est quem supra infirmum dicit (22) ; dubitando enim est infirmus. Apud istum immundum est, quod putat non edendum : et

(18) Voces in non edendo, et infra in edendo, in edit. Rom. jugulatae sunt.

(19) Corb. cod., Nam qui occisus est, resurrexit.

(20) Omnes edit. et mss. aliquot, et inimici fatentur me ; nonnulli, in me ; cæteri, qui et probatiores, nobis adstipulantur.

(21) Mss. nonnulli, quod prodit.

A quia non hoc superstitione facit, sed timore, suo iudicio remittendum.

(Vers. 15.) « Nam si propter escam frater tuus contristatur, jam non secundum charitatem ambulas. » In alia epistola dicit : « Esca ventri, et venter eseis ; et hunc et has Deus destruet (I Cor. VI, 19). »

Quia non de esca aut placet quis Deo aut displicet ; ideo charitatem sectandam monet, qua nos Deus liberare dignatus est ; sic enim ait : Deus autem propter charitatem nimiam misertus est nostri (23) (Ephes. II, 4). Qui ergo hujus beneficii memor est hanc excolit, nec illi aliquid anteponit ; sed præmittit maxima, quæ scit promissionem non parare apud Deum.

« Noli cibo tuo perdere illum, pro quo Christus mortuus est. » Quantum valeat salus fratris, ex morte Christi cognoscitur. **103** Itaque qui scit quantum constet, confirmare illum debet, non scandalizare, ut ex re frivola faciat illi scrupulum : et incipiat hæsitare an manducanda caro sit, necne, qui forte simpliciter edebat, securus de conscientia sua. At vero cum adeunt controversiæ, incipiet perturbatione in Dei creaturam peccare, et erit in injuriam Creatoris, quæ proficiet ad perditionem dubitantis.

(Vers. 16.) « Non ergo blasphemetur bonum nostrum. » Hoc est, doctrina Dominica, cum sit bona et salutaris, non debet per rem frivolum blasphemari ; blasphematur autem, cum dubitatur de Dei creatura. Potest et sic intelligi bonum nostrum blasphemari, quia qui bona opera habet, si in alia reprehendatur re minima, bonum illud suum offuscat, et incipiet bonum ejus blasphemari per malum ejus, sicut scriptum est in Ezechiele : « Justitia justi non proficiet, si erraverit (Ezech. XXXIII, 12). » Tale est, si quis aliquid vitii forte decorus habeat (24) in fronte, aut nasum collisum, unde deformatur species ejus. Ideoque illa monet sectanda, quæ bonis reliquis non tollant favorem.

(Vers. 17.) « Non est enim regnum Dei esca et potus. » Manifestum est quia nemo per escam placet Deo aut displicet. « Sed justitia, et pax, et gaudium in Spiritu sancto. » Hos in regnum Dei dicit intrare, qui justitiam sequuntur, sed Christianam habentes pacem, quam Dominus dedit, dicens : « Pacem meam do vobis, pacem relinquo vobis (Joan. XIV, 27) ; » ex qua oritur gaudium in Spiritu sancto. Disceptatio autem non habet gaudium, sed iram ; ideo non illic respicit Spiritus sanctus, quia gaudet in solis pacificis. Sicut enim ex nobis contristatur, sic et gaudet in nobis.

(Vers. 18.) « Qui enim in hoc servit Christo

(22) Edit. ac pauci mss., quem Scriptura infirmum dicit.

(23) Mss. aliquot, propter charitatem suam, que dilexit nos, misertus est nostri.

(24) Ita mss. longe plurimi : alii vero nonnulli, atque edit., Si quis decorus novum forte habeat, etc.

placet Deo, et probatus est hominibus. » Quoniam A' Christus nos redemit, ideo ait : « Qui in hoc servit Christo, » quasi redemptori (25), « placet Deo. » Quare? Quia ipse misit Christum, ut redimeret genus humanum, sicut ipse Dominus ait : « Qui non honorificat Filium, non honorificat Patrem, qui misit illum (Joan. v, 23). » Qui ergo placet Deo, probatus est hominibus. Quomodo? Accepit enim donum, per quod appareat dignus Deo.

(Vers. 19.) « Itaque quæ pacis sunt, sectemur : et quæ ædificationis sunt, invicem custodiamus. » Quoniam disceptatio discordiam parit, ideoque ut pacifici esse possimus, ab intentione edendi (26) aut non edendi dissimulare nos docet. Ædificationis autem viam sequi hortatur, ut cum pace ea con- B feramus, per quæ invicem nos ædificemus, ab iis quæ infructuosa sunt et magis contraria declinantes. Collatio enim potest prodesse, est enim excitans mentem ; si tamen vincendi studium contemnatur ; hoc est enim quod parit litem.

(Vers. 20.) « Noli propter escam solvere opus Dei. » Homo opus Dei est per creationem, et iterum opus Dei est, dum reformatur per regenerationem. Et esca opus Dei est, sed non homo propter escam, sed esca propter hominem : multum ergo distat ; ideo noli, inquit, hoc opus Dei quod præclarum est, dissolvere propter id, quod humillimum est. Hoc est saluti fratris studere, non curam escæ agere, ut fratrem contristes. Beneficium enim Dei irritum facit, qui fratrem liberatum a peccato per disceptationem rursus provocat ad peccandum, solvens in ipso opera Christi quæ gessit, ut hominem a peccato liberaret.

« Omnia quidem munda sunt. » Verum et manifestum est omnia munda esse : quippe cum in Genesi legatur, omnia quæ Deus fecit, esse bona valde (Gen. i, 31). Sed malum est homini, quiper C offensionem edit. Cum ergo per naturam omnia bona et munda sint, dubitantibus tamen fiunt immunda : et erit illi offendiculum, qui cum dubitet, edit tamen immunda conscientia ; quia quod sibi inutile putat, facit : ideo nulli contradicendum est quid in hac re sequatur.

(Vers. 21.) « Bonum est non edere carnem, et non bibere vinum. » Cum de sola carne ageretur, D adjecit et potum ; ut confoveat eos, qui ab his abstinent, per id quod licitum est et carnem edere, et vinum bibere. Ne contristarentur ab illis, qui his utuntur, dedit eis respirandi solatium ; ut et in voluntate sua quiescerent, et disceptatio per quam

(25) Mss. haud pauci, *placet Christo, id est, ut nulli scandalum faciat, congrue obsequitur redemptori.*

(26) Rom. edit. sola, *esse possimus, a contentione edendi.*

(27) Eras. ac seq. edit. cum mss. uno vel altero, *tu qui edis securus..... bona est, non opus, etc.* Amerb. cum cæteris mss. ut in contextu.

(28) Mss. Corb., *quia contra id quod sibi utile*

discordia fit cessaret. Cum enim non latet bonum esse carnem edere, et vinum bibere : 104 et e contra carnem non edere, et non bibere vinum, bonum esse addiscunt, nemo litigat. Creatura enim data est ad usum volentibus ; non tamen necessitas est imposita aut volenti, aut nolenti.

« Neque enim in quo frater tuus offendit, aut scandalizatur, aut infirmatur. » Eadem dicit non debere fratri, qui infirmum animum sibi constituit ad edendum, fieri quæstionem ; ne perturbatus offendat, nesciens quid teneat.

(Vers. 22.) « Tu fidem habes penes te ipsum : habe coram Deo. » Hoc est, tu qui sedes securus, quia creatura Dei bona est, non opus (27) est ut de altero judices ; quia plus est, ut pacem habeas cum fratre ; hoc enim utile est apud Deum. In esca enim utilitas carnis est, in pace vero et carnis et animæ : ac per hoc ab hujusmodi disceptatione cessandum est ; ut unusquisque in proposito cordis sui maneat. « Beatus qui non judicat semetipsum, in quo probat. » Unumquemque proprio judicio censet condemnandum, qui quod dicit non debere se facere, facit, : et hunc beatum, qui non aliud facit, quam sibi utile probat.

(Vers. 23.) « Qui autem discernit, si ederit, damnatus est. » Verum est, quia qui judicat non edendum, et edit, damnatus est ; ipse enim se damnat, quando id quod sibi inutile asserit, facit (28). « Quia non ex fide. » Non utique ex fide edit, qui edendum negat, et edit.

« Omne autem quod non est ex fide, peccatum est » Recte peccatum appellat, quod aliter fit quam probatum est (29). Quoniam Romani in lege inducti erant, sicut in primordio epistolæ memoravi : advenientibus autem qui rectius crederent, quæstiones moverentur de edenda carne et non edenda ; et horum pars, quæ edendam et non improbandam diceret, melior videretur ; quia omnia munda valde sunt : infirmos dicit qui edendum negarent sive ex Judæis, sive ex gentibus, et remitti illos in proposito cordis sui. Nec enim obest non edere, aut prodest erga Deum edere : ne quavis ratione astricti, per quod tamen cum scrupulo ederent, delinquerent.

CAPUT XV.

(Vers. 1.) « Debemus autem nos, firmiores, infirmitates invalidiorum portare. » Recte ait, *debemus*, quia oportet doctores, infirmos firmare, et imperitos erudire cum mansuetudine, ne provocati dum contendere volunt, ne humiles videantur (30), in pejus proficiant.

putat fecit.

(29) Quidam mss., *quam probatum est. Omne ergo quod ad conscientiam pertinet, si aliter fiat, quam fieri debere scit, dicit esse peccatum. Debemus autem, etc.* Omnes vero alii mss. et edit. nobis concinunt, nisi quod, pro *inducti erant*, cod. Carn. legit *docti erant.*

(30) Sic plures mss., a quibus hoc loco discrepant alii nonnulli et Amerb., quod habent *et nedum*

(Vers. 2.) « Et non nobismetipsis placere, » hoc est, non quod nobis prosit et placeat vindicare, sed et quod fratri; quia invicem curam nostri agere debemus. « Unusquisque proximo suo placeat in bono ad ædificationem. » Nunc personam suam discrevit; hos enim commonet, ut charitati studentes proximis placeant ad id, quod est utile. Hæc est ædificatio, sicut alibi ait: « Ego, inquit, per omnia omnibus placeo (*I Cor. x, 33*). »

(Vers. 3.) « Nam et Christus non sibi placuit, sed sicut scriptum est: Detractiones exprobrantium te ceciderunt super me. » Salvatorem non sibimetipsi dicit placuisse, sed Deo Patri; quia dicit: « Non enim descendi de cœlo, ut faciam voluntatem meam, sed voluntatem ejus, qui misit me, Patris (*Joan. vi, 38*). » Et quia cum hæc diceret, contradicentibus Judæis quasi peccator occiditur, Psalmographus ex persona ejus verba facit ad Deum Patrem, dicens: « Detractiones exprobrantium te ceciderunt super me (*Psal. lxxviii, 10*); » hoc est: Ego cum voluntatem tuam facerem, dixerunt me peccare in te, qui non me recipiendo, quem misisti, exprobraverunt te: quia Judæi cum peccarent in Deum (31), non recipientes quem misit Christum, insuper et occiderunt eum quasi peccantem in Deum. Sic peccata peccantium in Deum ceciderunt super Christum; innocens enim a peccatoribus occiditur quasi blasphemus, sicut scriptum est in Evangelio (*Marc. iii, 28*).

(Vers. 4-6.) « Quæcunque enim scripta sunt, ad nostram confirmationem (32) scripta sunt, ut per patientiam et exhortationem Scripturarum, spem habeamus. » Manifestum est quia, « quæcunque scripta sunt, ad nostram disciplinam scripta sunt; » ut ex ipsa exhortatione proficiamus ad spem, non diffidentes de promissis, si adhuc tardent.

« Deus autem patientiæ et consolationis det vobis unum invicem 105 sapere secundum Jesum Christum; ut unanimes uno ore honorificetis Deum et Patrem Domini nostri Jesu Christi. » Quasi ad salutem missus Apostolus bono voto plebem prosequitur, optans ut Deus det eis unum sensum sapientiæ secundum Jesum Christum; ut juxta doctrinam Christi sapiant. Tunc enim poterunt dilectionem servare exemplo Domini dicentis: « Majus hac dilectione (33) nemo habet, quam ut animam suam ponat pro amicis et fratribus suis (*Joan. xv, 13*), » et ita uno ore, una confessione laudare Deum Patrem in Christo, si invicem se

humiles; Eras. autem, ac seq. edit. cum paucis niss., ne provocati contendere velint, et ne, dum humiles videntur, etc.

(31) Rom. edit. sola, quia Judæi peccaverunt in Deum.

(32) Ita vet. edit. et mss. non pauci; reliqui vero, ad nostram doctrinam; Rom. edit., ad nostram disciplinam.

(33) Vet. edit. ac mss. nonnulli, majorem hac dilectione; Rom. edit., dilectionem; reliqui mss. ut in textu.

A juxta sensum Christi fuerint exhortati; ut sine cessatione laudent Deum omnia, quæ fecit per Christum, et post errorem lapsa (34) per eundem iterum erigere et reformare dignatus est, duplex dans beneficium, misericordiam et cognitionem (35).

(Vers. 7.) « Propter quod assumite alterutrum, sicut et Christus assumpsit vos in honorem Dei. » Sic assumpti sumus a Christo, dum infirmitates nostras accepit, et ægrotudines nostras portavit (*Isa. liii, 4*); ut hoc exemplo nos invicem nostras infirmitates per patientiam confirmemus, ut nomen honoris Dei assumptum in nos non evacuetur: filii enim dicimur Dei per gratiam Christi.

(Vers. 8.) « Dico enim Christum Jesum ministrum fuisse circumcisionis pro veritate Dei, in hoc ut confirmaret promissiones Patrum. » Originem commendat Judæorum; in circumcisione enim filios significat Abrahæ, quibus missus Christus ministravit patribus gratiam repromissam. Unde Salvator: « Ego enim sum, inquit, in medio vestrum (*Luc. xxii, 27*), » non ut ministrer, sed ut ministrem; ut veritas in promissione facta patribus probaretur. Circumcisio enim carnis data est Abrahæ in figuram circumcisionis cordis, quam postea propheta futuram significavit, dicens: « Circumcidite duritiam cordis vestri (*Jerem. iv, 4*). » Hujus verbis circumcisionis (36) promissæ minister Christus est, hoc est, prædicator. Dehinc apostolis, ut circumcisis carne ministrarent cordis circumcisionem, sic ait: « Sicut me misisti in hunc mundum, ita et ego misi eos in hunc mundum (*Joan. xvii, 18*). » Circumcisio autem cordis est, sublata erroris nebula, agnoscere creatorem Deum Patrem, et Filium ejus Christum, per quem creavit omnia (37), ut veritas Dei impleretur. Promiserat enim datum se misericordiam, et promiserat patribus Judæorum; nam dixerat Abraham: « In semine tuo benedicentur omnes gentes (*Gen. xxii, 18*). » Et ad David dixit: « De fructu ventris tui ponam super sedem tuam (*Psal. cxxxii, 11*), et: « Orietur stella ex Jacob (*Num. xxiv, 17*). »

(Vers. 9.) « Gentes autem super misericordiam honorare Deum. » Quia enim his nulla promissio erat, quasi indigni per solam misericordiam assumpti sunt ad salutem, ut per confessionem honorent Deum, quia increduli inhonorant.

« Sicut scriptum est: Propter hoc confitebor tibi in gentibus, et nomini tuo cantabo (*Psal. xvii, 50*). » Exemplo prophetico probat; scriptum est enim in-

(34) Nonnulli mss., laudent Deum, omnia qui fecit per Christum, et post errorem lapsos, etc.

(35) Mss. aliquot, misericordiam et operationem.

(36) Ita vet. edit. ac plures mss., a quibus non recedit edit. Rom., nisi quod *His* substituit pro *hujus*: alii autem mss. præferunt, *Hujus ergo circumcisionis*.

(37) Quidam mss., cordis est, si amputetur, velut putredo, error accedens cordi, ut, revelata veritate, possit agnoscere creatorem Deum Patrem esse Jesu Christi per quem creavit omnia.

psalmo decimo septimo gentes admittendas ad gratiam Dei ad percipiendam salutem. Vox enim Christi est, qua futurum dixit quod in gentibus prædicatio ejus fructum habitura esset confessionis sacramenti (38) Dei; ideo gratias ex hoc agit Filius Patri in obedientiam gentium. Unde in Evangelio ait: « Confitebor tibi, Pater Domine cœli et terræ, quia abscondisti hæc a sapientibus, et prudentibus, et revelasti ea parvulis; quoniam bonum placitum fuit ante te (*Matth.* xi, 25). » Confessio ergo ista unius Dei est in Trinitate, ex qua surgit lætitia, ut post veri confessionem lætus decantet misericordiam et donum Dei.

(Vers. 10, 11.) « Et iterum dicit: Lætamini, gentes, cum plebe ejus, » hoc in cantico Deuteronomii (39) (*Deut.* xxxii, 43). « Et iterum: Laudate, omnes gentes, Dominum, et magnificate eum, omnes populi (*Psal.* cxvi, 1). » Hoc in psalmo centesimo decimo sexto olim decrevisse Deum ostendit, interveniente misericordia sua, concordēs facere Judæos et gentes; ut gratiam adepti gentiles socii Judæorum fierent, qui et ipsi olim dono Dei plebs ejus erant nominati (40). Sed jam nobiles Judæi: hi vero ignobiles, per misericordiam nobilitati sunt, ut simul omnes læti sint agnitione veritatis, et laudantibus gentibus, Deum magnificent omnes populi, duodecim tribus unum Deum, qui auxit numerum plebis 106 suæ, adjunctis gentibus. Denique cum disceptarent Judæi contra apostolum Petrum causa Corneli, reddita sibi ratione, acquieverunt magnificantes Dominum, dicentes: « Forsitan Deus et gentibus pœnitentiam tribuit ad consequendam vitam (*Act.* xi, 18). »

(Vers. 12.) « Et rursus Isaias dicit: Erit radix Jesse; et qui surgit regere gentes, in eum gentes sperabunt (*Isa.* xi, 10). » Ut majorem fiduciam gentibus faciat et spem non dubiam, multis testimoniis firmat decretum Dei hoc fuisse, ut omnes gentes benedicerentur in Christo, ne insolentia infidelium Judæorum contristaret, et dubias redderet credentium animas gentium, quasi frustra sibi spem promittant, quod a Deo Abrahæ accepto feratur fides Judæorum, ut ipsa lætitia et securitate crescerent. Quare tamen Christus ex radice Jesse, et non ex radice Booz viri justī, aut ex radice Obed? Sed quia David filius dicatur propter regnum, ut sicut ex Deo natus in regem est, ita et ex David rege ortum haberet juxta carnem; ideo radix Jesse arbor David, quæ fructum fecit per ramum, qui est Maria Virgo, quæ genuit Christum.

(Vers. 13, 14.) « Deus autem spei repleat vos

(38) Nonnulli mss., *confessione sacramenti*. At infra, ubi omnes edit. et quidam mss., *agit Filius obedientiæ gentium*, alii mss. multo plures, *agit Filius, Patri*, etc.

(39) Hoc in cantico Deuteronomii a Romanis revulsum fuit.

(40) Rom. edit., *quiac et ipsi... erat vocata*; vet. edit. mss., *quia et ipsi... erat nominata*; mss. non pauci, *erant nominati*.

omni gaudio et pace in credendo; ut abundetis in spe et virtute Spiritus sancti. Certus enim autem, fratres, et ego ipse de vobis, quia et ipsi pleni estis dilectione, repleti omni scientia; ita ut possitis alterutrum monere. » Hæc exhortationis sunt; per laudem enim provocat eos ad meliorem et intellectum et vitam. Qui enim videt se laudari, data opera elaborat ut vera sint quæ dicuntur. Ideo non dixit (41), ut invicem se doceant, sed admoneant; hoc enim solet moneri, quod cum sciatur, aliquando subterfugit animo. Cætera non sunt obscura, ut indigeant explanatione.

(Vers. 15, 16.) « Audacius autem scripsi vobis, fratres, ex parte, tanquam in memoriam vos reducens, propter gratiam quæ data est mihi a Deo, ut sim minister Christi Jesu in gentibus, sanctificans Evangelium Dei, ut fiat oblatio gentium accepta et sanctificata in Spiritu sancto. » Non enim temere se scripsisse significat, auctoritatem enim sibi datam per Dei gratiam dicens, ut omnibus gentibus audeat scribere, admonens et confirmans propositum eorum in Christo; ut sollicitudinem suam ostendat in ministerio Evangelii, quasi magister gentium, et sacrificium eorum possit acceptum fieri sanctificationis causa in Spiritu sancto. Quidquid enim fide integra, et mente sobria offertur, a Spiritu sancto purificatur.

(Vers. 17–19.) « Habeo igitur gloriam in Christo ad Deum; non enim audeo aliquid loqui eorum, quæ per me non efficit Christus in obedientiam gentium verbo et factis, per potestatem signorum et prodigiorum in virtute Spiritus sancti. » Gloriam habere se dicit apud Deum per Christum Jesum (42); credens enim, et serviens Christo Jesu in conscientia pura, meritum sibi fecit apud Deum Patrem, in tantum ut nihil deesse dicat, quod non per illum operatus sit Christus ad exhortationem gentium, dando signa et prodigia per manus ejus, ut prædicationem ejus virtus commendaret. Hinc est unde gloriam se ostendit habere in Christo ad Deum; serviens enim Christo gloriam habet ad Deum, in tantum ut indigere non habeat aliquid divinæ virtutis, quod sibi præstitum non sit a Deo; sed omnia se, quia idoneus inventus est dispensator, consecutum, quæ ad conversionem gentium per signorum virtutem proficerent, profitetur. Quod eo proficit, ut se non minus potuisse (43) probet, quam cæteri apostoli, qui fuerant cum Domino: nec aliquid minus inter gentes virtutum operatum esse Deum, ut per hoc ipsum crescant, videntes hanc se

(41) Rom. edit. cum paucis mss., *Ideo non dixit, sola, sed admonet*. At post voces *subterfugit animo*, Gill. ac Rom. edit. subnectunt, *aut negligenter habeatur*, quod nusquam alibi, nisi in Thuan. cod., nobis occurrit.

(42) Edit. Rom. sola, *apud Deum in Christo Jesu*.

(43) Sic omnes edit. et mss. aliquot: reliqui vero, *quod ideo dicit, ut nihil se minus potuisse, etc.*

gratiam assecutos, quam assecuti erant Judæi, qui A sibi prærogativam vindicant Patrum.

(Vers. 20.) • Ita ut ab Jerusalem in circuitu usque Illyricum repleverim Evangelium Dei, et Filii ejus Christi. Sic autem prædicavi Evangelium (44), non ubi nominatus est Christus; ne supra alienum fundamentum ædificarem. • Non sine causa illic se prædicare niti dicit, ubi non nominatus est Christus; sciens enim pseudoapostolos aliter quam oportebat, Christum tradere (ad hoc enim circumibant, ut sub nomine 107 Christi aliis dogmatibus populum mancipient, quod postea corrigere maximi erat laboris), idcirco prævenire voluit, ut inviolatæ prædicationis verba traderet audientibus. et ut integra linea superficies ordinata incolumis fundamenti robur haberet (45). Et quia magister B datus est gentibus, oportebat eum sollicitè hoc curare, ut illic doceret, ubi Christus non fuerat nuntiatus: et ut auctoritatem suam firmaret, et laborum suorum plenum fructum haberet ex iis quæ plantaverat. Hinc est unde omnia loca Ecclesia occupavit (46); hæreses enim postea subtilitate malignantes, sub nomine Christi legis et fidei sensum corrumpere nitebantur. Quod testimonio legis monuit dicens:

(Vers. 21.) • Sed sicut scriptum est: Quia quibus non est annuntiatum de eo, videbunt; et qui non audierunt, intelligent, • in Isaia habetur (Isa. LII, 15). Ut ergo hic intellectus verus atque inviolabilis esset de vero Dei Filio, se festinasse semper dicit imbuere gentes evangelica veritate:

(Vers. 22-24.) • Propter quod impediēbar plurimum venire ad vos. Nunc vero ulterius locum non habens in his regionibus, cupiditatem autem habens veniendi ad vos ex multis jam præcedentibus annis; cum in Hispaniam proficisci cæpero, videbo vos, et a vobis deducar (47) illuc, si vobis primum ex parte fruitus fuero. • Quod in eapite epistolæ memorat dicens: • Quia sæpe, inquit, proposui venire ad vos, et prohibitus sum usque adhuc (Rom. I, 13). • Nunc absolvit, ostendens quia causa impeditus sit, ut volens venire aliud ageret, quod imminebat, ut excluderet pseudoapostolorum prava commenta; et denique postquam omnibus in circuitu prædicavit, jam vacare sibi dicit venire Romam, quod olim optaverat. Romanos igitur, quia in legem inducti fuerant, interim per epistolam corrigit. Illos autem qui non audierant ad huc prædicationem, utilius esse præsentia sui doceri: ut fundati recta fide difficile aliud aliquid reciperent (48). Venturum tamen se promisit tempore, quo ad Hispanias erat iturus; quia illic Christus non erat

(44) Rom. edit. sola, *Illic autem prædicare nisus sum.*

(45) Rom. edit. cum uno vel altero mss., *et ut recta linea, etc.* Corb. cod., *ut integrum atque incolumē ab aliena superficie fundamentum persisteret: cæteri et edit. ut in textu.*

(46) Omnes edit. ac mss. aliquot, *Ecclesiæ occuparet.* Cæteri commodius, *Ecclesia occuparet.* It-

prædicatus, ut occuparet mentes illorum; et quia pseudoapostolis difficile fuit iter ad illos; ideo tardius si iret, non erat molestum.

(Vers. 25, 26.) • Nunc vero proficiscar in Jerusalem ministrare sanctis; probaverunt enim Macedonia et Achaia collationem aliquam facere in pauperes sanctorum, qui sunt Jerusalem. • Prius tamen iturum se dicit ministrare sanctis Jerusalem; per quam rem Romanos scire vult quia hujusmodi operibus studendum est: qui enim per misericordiam vivunt, et justificati sunt apud Deum, huic inservire debent (49).

(Vers. 27.) • Debitores enim sunt eorum; quoniam si spiritualium eorum participes factæ sunt gentes, debent et in carnalibus ministrare eis. • Quippe cum debitores eos dicat Judæorum credentium; ut sicut in spiritualibus participes eorum facti sunt, ita et hi communicent corporalibus necessitatibus illorum; ut gaudentes ex Judæis credentes collaudent providentiam Dei in salutem ipsorum, per ministerium eorum. Ii enim totos se divinis dedentes obsequiis, nihil mundanum curantes, exemplum bonæ conversationis præbebant credentibus. In tantum denique nos humanos ad misericordiam vult esse Apostolus, ut et debitores nos dicat circa eleemosynam largiendam, et bonis operibus exercendam cum alacritate cordis: quia qui misericordiam a Deo sperat, debet esse misericors, ut probet se recte hanc sperare: quia si homo miseretur, quanto magis Deus! Retributio enim hæc est vel merces, ut qui accipiunt misericordiam, misericordiam faciant. Unde Dominus: • Beati, inquit, misericordes (Matth. v, 7); • ipsorum enim miserebitur Deus.

(Vers. 28, 29.) • Hoc igitur cum consummavero, et assignavero eis fructum hunc, proficiscar per vos in Hispaniam. Scio enim quoniam veniens ad vos, in abundantia benedictionis Christi veniam. • Certus igitur de dispositione et gratia Dei, promisit se in abundantia benedictionis venturum, quam prædicat Christi. Benedictio autem hæc signorum virtus est, per quam confirmati sunt.

(Vers. 30, 31.) • Obsecro ergo vos, fratres, per Dominum nostrum Jesum Christum, et per charitatem Spiritus sancti, ut sollicitudinem impartiamini mihi in orationibus pro me ad Dominum, ut liberer ab infidelibus qui sunt in Judæa. • Dehinc orat ut 108 adjuvetur in orationibus, ut evaderet manus Judæorum infidelium: non quia ipse minus mereatur; sed ordinem sequitur, ut ab Ecclesia fiat oratio pro rectore suo. Multi enim mi-

rum pro subtilitate malignantes, quidam mss. præferunt, *subtilitate malignitatis.*

(47) Vet. edit. ac plures mss., *et a vobis præmitti*, Rom. edit., *præmittar*; cod. Flor. ac Vind., *deducar.*

(48) Corb. codex, *aliud aliquid reperirent.*

(49) Cod. Thuan., Flor. et Vind., *pios se debent exhibere fratribus.*

nimi dum congregantur unanimes, fiunt magni : Arit exercitatus in Scripturis, ab his tamen viam et multorum preces impossibile est ut non impetrent (50). Si ergo et ipsi cupidi sint videndi Apostolum, impensius orent, ut inde liberatum possint suscipere illum in gaudio charitatis.

(Vers. 32.) « Ut et munerum meorum ministratio accepta fiat in Hierosolyma sanctis; ut veniam ad vos cum gaudio per voluntatem Jesu Christi, et refrigerer vobiscum. » Etiam hoc orandum dicit, ut ministratio munerum ejus accepta fiat sanctis in Jerusalem, et omnia cum voluntate Dei facere se ostendat; ut quia devotus est animus ejus ad ferenda munera, etiam illorum animum Dei judicio respondere sibi vult; ut intellecta charitate illius erga se, cum illo unanimes Deo gratias agant. Magnus enim profectus est ei, cujus ministerio læti effecti, Deum laudibus prosequantur.

(Vers. 33.) « Deus autem pacis sit cum omnibus vobis. Amen. » Deus pacis Christus est, qui ait : « Pacem meam do vobis, pacem relinquo vobis (Joan. xiv, 27), » quem optat esse cum his, sciens dixisse Dominum : « Ecce ego vobiscum sum omnibus diebus usque ad consummationem sæculi (Matth. xxviii, 20). » Tales ergo istos cupit esse, ut sit cum illis Dominus Christus Jesus, qui, amputata omni discordia erroris humani, dedit ac ostendit quid sit verum; ut in ipsa veritate maneat pacifici.

CAPUT XVI.

(Vers. 1, 2.) « Commendo autem vobis Phœben sororem nostram, quæ est ministra Ecclesiæ apud Cenchres; ut eam suscipiatis in Domino digne sanctis : et assistatis illi, in quibuscunque desideraverit vestri; etenim ipsa quoque astitit multis, et mihi. » Phœben venientem commendat sororem communem, id est de lege (51) : quam ut merito commendet, ait hanc ministram esse Ecclesiæ Cenchris; et quia multis adjutorio fuit, digne ipsam dicit adjuvandum peregrinationis causa. Ut autem sine intermissione excipiendam illam et assistendum illi in necessitate, si pervenisset, suaderet, etiam sibi illam adfuisse testatur; ut quanto sublimior persona ejus cæteris sit, tanto magis reddi huic debitum obsequium per charitatem ostenderet.

(Vers. 3-6.) « Salutate Aquilam et Priscillam adjutores meos in Christo Jesu, qui pro anima mea suas cervices supposuerunt, quibus non solum ego gratias ago, sed et cunctæ Ecclesiæ gentium, et domesticam eorum Ecclesiam. » Hi ex Judæis fuerunt, qui credentes facti sunt socii laboris Apostoli; qui ita recte crediderant, ut etiam ipsi exhortarentur cæteros ad fidem rectam. Denique Apollo quamvis fue-

rit exercitatus in Scripturis, ab his tamen viam Domini diligentius instructus est : ideo socios laboris sui dicit eos, sed in Christo Jesu; cooperarii enim ejus fuerunt in Evangelio Dei. Aquila vir Priscillæ est, (52) quos non otiose Roman venisse manifestum est; propensiores enim erant in Dei devotione; nam ad confirmationem Romanorum ii omnes, quos salutat, ex his fuisse intelliguntur. Unde dicit non solum se, sed et omnes gentium Ecclesias gratias his referre, tangens et Romanos, ut his obediant, quos ad profectum gentium audiunt laborare ad exhortandam fidem in Christo. Quos in tantum laudat, ut pericula pati pro eo non abnuerent; inimicitias enim et Judæorum et falsorum fratrum subire non aspernati sunt, dummodo Apostolum obsequiis et charitate juvarent. Falsi fratres ii erant, qui credentes in Christum, legem tamen servandam dicebant, non sufficere ad plenum salutis effectum Christum putantes : quod Apostolus destruebat, quare et persecutiones ab his perpetiebatur. Horum etiam domesticos et vernaculos salutat, quos Ecclesiam appellat; quia sanctorum virorum erant discipuli circa fidem.

« Salutate Epænetum dilectum mihi, qui est primitivus Asiæ in Christo. » Hujus Epæneti etiam præsentem dignitatem non tacet, ut ostendat et dignitatis viros credere, (53) et invitet primos Romanorum ad fidem, aut certe ut humiles crescerent.

« Salutate Mariam, quæ multum laboravit in vobis. » Commonet 109 hos nomine Mariæ, quam intelligimus ad exhortationem illorum impensius laborasse, ut gratias illi agant.

(Vers. 7.) « Salutate Andronicum et Juliam cognatos et concaptivos meos, qui sunt insignes in apostolis, qui ante me fuerunt in Christo Jesu. » Hos cognatos et juxta carnem et secundum spiritum, quomodo et angelus dixit ad Mariam : « Ecce Elizabeth cognata tua, etc. (Luc. i, 36), » quos etiam apostolis prioribus obsecutos cum testimonio sui declarat, et secum parem captivitatem passos fidei causa; ideoque istos plenius honorandos.

(Vers. 8.) « Salutate Ampliatum (54) dilectum meum in Christo. » Hunc quasi amicum salutat, sed in Domino amicum; non tamen qui interfuerit labori ejus aut captivitati.

(Vers. 9.) « Salutate Urbanum adjutorem meum in Christo (55). » Non solum istum suum adjutorem dicit, sed et cæterorum fuisse socium in exhortatione credulitatis. « Stachyn quoque dilectum meum. » Hunc Stachyn quamvis dilectum vocet, tamen subjicit illum Urbano participi operis evangelici.

inclinari ad fidem.

(54) Amerb. cum uno vel altero ms., *Ampliatum*; Gill. et Eras. cum aliis cod. nonnullis, *Ampliatum*; Rom. edit. sola, *Ampliam*; cæteri mss. magno numero, *Ampliatum*; nonnulli addunt *charissimum*.

(55) Mss. aliquot, *Urbanum participem operis nostri*.

(50) Ms. Corb., *impossibile est contemni*.

(51) Nonnulli mss., *id est, diligere*.

(52) Mss. Flor. ac Vind., *Aquila viri et Priscilla sunt*. Male.

(53) Edit. omnes, *et dignitosos credere*; mss. vero alii, *et dignos hos, aut digniores hos credere*; alii, *et dignatos hos credere*; nonnulli demum, *et dignitatis viros credere, ubi etiam addit Corb. ac Thuan. et*

(Vers. 10.) « Salutate Apellem probatum in Christo. » Hunc Apellem non quasi amicum suum, aut participem operis salutatur: sed propter quod tentationibus probatus est, et in Christo fidelis inventus.

(Vers. 11.) « Salutate eos qui sunt ex Aristobuli domo. » Aristobulus iste congregator fuisse intelligitur fratrum in Christo: cujus factum sic probat, ut eos quos congregabat, dignos salutatione sua designet. « Salutate Herodionem cognatum nostrum. » Hunc quem cognatum tantum vocat, ostendit devotum in charitate renascibilitatis: non tamen vigilantiam illius designavit.

« Salutate eos qui sunt ex Nareissi domo, qui sunt in Domino. » Nareissus hic illo tempore presbyter dicitur fuisse, sicut legitur in aliis codicibus. Et quia præsens non erat, videtis qua causa eos in Domino salutet ut sanctos, qui ex ejus domo. Hic autem Narcissus presbyter officio peregrini fungebatur (56), exhortationibus firmans credentes; et quoniam non sciebat Apostolus merita illorum, qui cum illo fuerant, sic dixit: « Salutate eos qui sunt ex Nareissi domo in Domino; » hoc est, quos scitis esse dignos ex his salutatione mea, qui in Domino posuerunt spem suam, illos salutate nomine meo.

(Vers. 12.) « Salutate Tryphænam et Tryphosam, quæ laborant in Domino. » Has uno honore dignas declarat in Christo.

« Salutate Persidem charissimam, quæ multum laboravit in Domino. » Ista anteposita videtur supradictis quia « multum laboravit in Domino. » Labor hic in exhortatione est, et in ministerio sanctorum, et in pressura, et in egestate propter Christum, quia domos suas relinquebant fugati et opprobrio erant infidis.

(Vers. 13.) « Salutate Rufum electum in Domino, et matrem ejus et meam. » Ideo istum Rufum præposuit matri propter electionem administrationis gratiæ Dei, in qua mulier locum non habet; electus enim erat, id est, promotus a Domino ad res ejus agendas. Matrem tamen tam sanctam habuit, ut Apostolus suam quoque matrem hanc vocaret.

(Vers. 14.) « Salutate Asyncletum (57), Phlegontem, Herman, Patrobam, Hermen, et qui cum eis sunt, fratres. » Hos simul salutatur, quia sciebat eos esse concordem in Christo, hoc est, junctos in amicitiam Christianam. Salutatur simul et fratres, qui erant cum eis, quorum nomina prætermisit.

(Vers. 15.) « Salutate Philologum et Juliam, et Nereum, et sororem ejus Olympiadem (58), et omnes qui cum eis sunt, sanctos. » Hi omnes unanimes intelliguntur fuisse, quos hac causa simul salutatur, quorum meritum ex iis, qui simul cum eis

erant, dignoscitur; sanctos enim nuncupatos, ut merito illos salutare videatur.

(Vers. 16.) « Salutate invicem in osculo sancto. » Omnes quibus scribit, et quos nominat, jubet salutare se invicem in osculo sancto, id est in pace Christi, non in desiderio carnis, sed in Spiritu sancto; ut religiosa sint oscula, non carnalia.

« Salutant vos omnes Ecclesiæ Christi. » Per hoc intelligitur dici Ecclesiam, quæ non sit Christi. Unde et David conspiracy iniquorum Ecclesiam malignantium vocat (*Psal. xxv, 5*). Omnium ergo locorum illorum Ecclesias dicit eos salutare, ut creseant in fide. Hoc ergo ad superiorem sensum retulit, ut ostendat Christum esse, in quo salus est, et hunc esse cujus populus fidelis est, et cujus nutu vivit cuncta creatura. **110** Auctor enim vitæ hic est, sicut dicit Petrus apostolus (*Act. iii, 15*), non lex in qua quidam illorum putabant sperare debere.

(Vers. 17-19.) « Oro autem vos, fratres, ut observetis eos, qui dissensiones et offendiola præter disciplinam, quam vos didicistis, faciunt, et declinate ab illis. Hi enim tales Christo Domino Jesu non serviunt, sed suo ventri; et per illecebras ac blandimenta sermonum depravant corda innocentium. Vestro enim obedientia in omni loco divulgata est. » Hoc loco de personis prorupit pseudoapostolorum, quos in tota epistola cavendos monuit, sicut et nunc; sed sine manifestatione traditionem illorum compressit. Hi enim cogebant credentes judaizare, ut Dei beneficium circa se inanirent, sicut supra memoravi; compositis enim genealogiæ verbis, tractatus sibi coaptabant ad commendationem traditionis suæ, per quos simplicium corda deciperent.

« Vestra enim obedientia, inquit, in omnem locum divulgata est. » Hoc est quod in primordio epistolæ dicit, « quia fides vestra prædicatur in universo mundo (*Rom. i, 8*), » hoc significat, quod securus sit de obedientia eorum. Erat enim incredulum quod se subjicerent (59) post cognitam veritatem rei stultæ quasi prudentes.

« Gaudete igitur in vobis. » Et hic sensus de superiore parte epistolæ est; gaudet enim quia Romani, qui regnum habere videntur, subjecerunt se fidei Christianæ.

« Volo vos proficere, ut eruditi sitis in bonum, rudes vero in malum. » Eruditus in bono hic est, qui bona operatur: rudes autem in malo ii sunt, qui ignorant opera mala, id est, usum malitiæ nesciunt,

(Vers. 20.) « Deus autem pacis conteret Satanam sub pedibus vestris velociter, » id est brevi. Hoc de adventu suo dicit, quia adventus ejus opprimeret diabolus ob hoc, quod isti spiritalem gratiam ac-

(56) Vet. edit. cum paucis mss., *videris qua causa*. Paucis vero interjectis Rom. edit. sola, *Narcissus presbyteri officio peregre fungebatur*.

(57) Ita vet. edit. ac plures mss.; alii autem nonnulli, *Asyndetum*; Rom. edit., *Asyncritum*.

(58) Gill. ac Rom. edit. cum mss. quibusdam, *et sororem ejus et Olympiam*.

(59) Sic omnes edit.; at contra mss. prope ad unum, *quod non se subjicerent*.

cepturi erant; cui rei invidet Satanas, quia vult homines permanere in errore; cætera ut discrepent, cum sint unius professionis.

« Gratia Domini nostri Jesu Christi vobiscum » Gratiam quam promisit illis in adventu suo, jam optat esse cum illis; si enim merentur accipere, jam cum illis est in spe.

(Vers. 21.) « Salutat vos Timotheus consors laborum meorum, et Lucius, et Jason, et Sosipater cognati mei. » Timotheus consors laborum ejus est quasi coepiscopus, qui cum magna sollicitudine Ecclesiam gubernabat, positus in invidiam Judæorum usque adeo, ut inter initia circumcideretur propter scandalum Judæorum; ut quia matre Judæa erat, doctor esse non posset incircumcensus. Illos vero cognatos dicit, partim generis, partim fidei causa.

(Vers. 22.) « Saluto vos ego Tertius, qui hanc epistolam scripsi in Domino. » Tertius nomine, non numero: hic est scriba epistolæ, cui concessit suo nomine salutare plebem Romanam, ad quam scribit; ut cæteros salutent, quos nominat. Adhuc enim rectores Ecclesiis paucis erant in locis.

(Vers. 23.) « Salutat vos Cajus hospes meus, et universæ Ecclesiæ. » Hic est Cajus, ut arbitror, ad quem scribit Joannes apostolus (*III Joan 1*), exultans in charitate ejus, quam exhibebat fraternitati, præbens sumptus illis necessarios. Et cum superius dicat: « Salutant vos omnes Ecclesiæ Christi, » nunc iterat dicens: « Salutant vos universæ Ecclesiæ, » quod non puto otiose iteratum; nihil enim tantus vir et tam tractabilis superfluum ponebat. Sed quia « salutant vos, inquit, omnes Ecclesiæ Christi, » id est, omnes sancti, sicut alio loco dicit: « Qui autem sunt Christi, carnem suam crucifixerunt (*Galat. v, 24*); » nunc subjecit etiam hos salutare, qui sequentes sunt; ut benedictum populum significet (60) Ecclesiæ, quia in omni Ecclesia duo sunt populi. Potest et duarum provinciarum nominasse Ecclesias, ut primum unius, deinde alterius loci dixisset omnes Ecclesias, aut certe Judæorum et gentilium,

(Vers. 24.) Salutat vos Erastus dispensator civitatis, et Quartus frater. » Dispensator civitatis est quasi curator, qui, dictante justitia, gubernabat civitatem, maxime in pretiis moderandis. Hos om-

nes ideo nominatim enumerat in salutatione Romanorum, ut scirent quales et quanti congauderent bono cæpto illorum.

(Vers. 25-27.) « Ei autem qui potest vos stabilire secundum Evangelium meum et prædicationem Jesu Christi, secundum revelationem mysterii (61), quod temporibus æternis in silentio fuit; manifestum 111 est autem nunc per scripturas propheticas secundum imperium æterni Dei ad obedientiam fidei in omnes gentes, cognitum soli sapienti Deo per Jesum Christum, cui gloria in sæcula sæculorum. Amen. » Deo Patri ex quo sunt omnia, dat gloriam; ut cæptum Romanorum, quia potens est, dignetur implere, confirmando in fide animos eorum ad profectum Evangelii, et revelationem mysterii absconditi a sæculis (*Ephes. iii, 9*). Manifestati autem per Christum, vel in Christo. Sacramentum enim quod latuit semper in Deo (*Ibid.*), temporibus Christi declaratum est, quia non singularis est Deus, quia est apud illum ex æternis et Paraclitus (62), in qua veritate omnem creaturam decrevit salvam fieri per agnitionem. Cujus quidem sacramenti veritas per prophetas fuerat designata figuris quibusdam, soli Deo cognitum sapienti: cujus gratiæ participes voluit esse gentes, quod latuit genus hominum. Solus ergo est sapiens, quia ab ipso est omnis 112 sapientia, sicut dicit Salomon: « Omnis sapientia a Domino Deo est, et cum ipso fuit semper (*Eccli. i, 1*). » Sapientia ista Christus est, quia de ipsa est, et cum illo erat semper, per quem ipsi gloria in sæcula sæculorum. Amen. Ideo nihil sine Christo plenum, quia per ipsum omnia; qui cum agnoscitur, datur Deo Patri laus per ipsum, quia intelligitur per Christum, quasi per sapientiam suam, in qua salvos fecit credentes. Gloria ergo Patri per Filium, hoc est, ambobus gloria in Spiritu sancto; quia uterque in una gloria est.

(Vers. 28.) « Gratia Domini nostri (62) Jesu Christi cum omnibus vobis. » In conclusione Christum ponit, per quem facti, et iterum reformati sumus gratia ejus, ut mentibus nostris hæreat; quia si beneficiorum ejus memores simus, semper nos tuebatur, sicut dixit: « Et ecce, » inquit (*Matth. xxviii, 20*), « ego vobiscum sum omnibus diebus usque ad consummationem sæculi. » Amen (63).

(60) Codex Thuan., ut bis dictum: Flor., ut ex his dictis totum populum significet.

(61) Mss aliquot, ministerii. Non satis recte.

(62) Rom. edit. sola, et Verbum et Paraclitus.

(63) Nonnulli mss. Gloria Domini nostri, etc.

(63) Mss. Remig., Mich. ac Colbert. hic longam laciniam assuunt, quæ pertinet ad ultimum caput commentarii in priorem epistolam ad Corinthios; qua de re suo loco dicendum erit.

IN EPISTOLAM B. PAULI AD CORINTHIOS PRIMAM.

111 PROLOGUS (63*).

Præcepto Domini admenitus Apostolus resedit apud Corinthios annum unum et menses sex, docens inter eos verbum Dei. Hinc est unde magna cum fiducia et charitatis affectu agit cum eis, aliquando commonens, aliquando arguens, aliquando blandiens, ut filios. Nam multæ causæ sunt, propter quas scribit ad eos. Quarum prima hæc est, quod more hæreticorum dissentientes ab invicem, hominibus devoti, Paulini, et Petriani, et Apolloniaci dici volebant, non Christiani : quod valde exprobrat Apostolus. Erant tamen inter eos, qui ab his dissentirent, Christo soli dicati. Secunda hæc est, quia eloquentia delectari cœperant et terrena philosophia, ut sub nomine Christi, iis imbuerentur, quæ contraria sunt fidei. Tertia, eo quod inflati essent, quod non iret ad illos Apostolus. Quarta, propter fornicatorem, quem inter se esse patiebantur. Quinta, ut commoneret de præterita epistola, quam ante hanc quæ prima dicitur, scripserat. Sexta, quia invicem sibi injurias et fraudes facere cœporant, et infidelium potius examina requirebant. Septima causa est, in qua designat licere sibi sumptus accipere, sed contemnere ; ne forma esset rapacibus pseudoapostolis. Octava vero est, ut respondeat epistolæ illorum ; perturbari enim cœperant ab hæreticis de matrimoniis. Nona est, in qua declarat sic debere unumquemque manere, ut credit. Decima autem de virginibus, eo quod nihil sit sibi præceptum. Et reliquæ sunt causæ quæ in corpore videbantur.

CAPUT PRIMUM.

(Vers. 1.) « Paulus vocatus apostolus Christi Jesu per voluntatem Dei. » Ad Romanos aliter cœpit, quia altera causa est : his vero apostolum, se esse Christi Jesu Dei voluntate scribit ; quia omnia quæ egit, Filii Dei egit voluntate, qui dixit ad eum : « Vade, ego longe ad gentes mittam te (*Act.* xxii, 21). » Hinc vocatus est Apostolus, hoc est, Dei voluntate missus ad gentes. Per quod etiam tangit illos, quos neque Christus miserat, neque verum erat, quod dicebant. Deum enim et Christum ideo frequenter nominat, ut Christum Deum non ipsum Patrem ostendat, sed esse Christum Filium, esse et Deum Patrem, non unionem (64) ; cum ostenditur Filium dici. Multæ enim sectæ emergerant, quæ

(63*) Vet. edit., *Præfatio* ; Rom., *Proœmium* ; nonnulli mss., *Argumentum* ; alii multo plures, *Prologus*.

(64) Ita vet. edit. ac mss. aliquot, a quibus Rom. edit. tantum recedit, quod præfert, *non unione* : cæteri autem mss. partim, *non in unionem, quia cum extenditur, filius dicitur* ; nonnulli,*filium*

A Evangelium Christi pro sensus sui aabitrio (65) asserebant, ex quibus rami aridi exstant nunc usque, quarum assertores Ecclesias evertabant. Hinc Apostolus omnia, quæ hæresibus contraria sunt, ponit, ac se verum prædicatorem per id quod a Christo Dei voluntate missus est, asseverat.

(Vers. 2.) « Et Sosthenes frater. » Etiam istum sua commendat societate. 112 « Ecclesiæ Dei, quæ est Corinthi, sanctificatis in Christo Jesu. » Propterea Ecclesiæ scribit, quia adhuc singulis Ecclesiis rectores non erant constituti. Et cum in multis arguat eos, ait : « Sanctificatis in Christo Jesu. » Sed ideo quia regenerati in Christo sanctificati sunt : post autem cœperant male conversari, ut ostenderet omnem Ecclesiam sanctificatam fuisse in Christo, sed quosdam illorum prava doctrina pseudoapostolorum aversos a traditione veritatis.

« Vocatis sanctis. » Hoc est, vocati estis, ut sancti sitis : quod est, ut non recedatis a rēgula sanctificationis. « Cum omnibus qui invocant nomen Domini Jesu Christi, in omni loco ipsorum et nostro. » Id est, cum Judæis veris jungit et gentes, quia « salus ex Judæis est (*Jona.* iv, 22) ; ut in omni loco ubi gentes, quæ invocant nomen Domini nostri Jesu Christi : et ubi Judæi supra memorati sunt, similiter sunt omnes unum. Pseudoapostoli enim, qui nomen Christi per prudentiam mundi prædicabant, id est, admista philosophia, veterem legem et prophetas reprobabant ; negabant enim Christum vere crucifixum, sed tantum visum crucifigi, sicut Marcion (66) et Manichæus. Unde Apostolus : « Nos autem, inquit, prædicamus Christum crucifixum (*I Cor.* i, 23). » Neque carnis resurrectionem fætebantur, quod propheta Isaias clamat, dicens : « Qui in monumentis sunt resurgent (*Isa.* xxvi, 19). »

(Vers. 3) « Gratia vobis et pax a Deo Patre nostro, et Domino Jesu Christo. » Ne, quia dixerat : « Qui invocant nomen Domini nostri Jesu Christi. » Patris aut nomen aut donum tacuisse videretur. et suspicionem forte aut occasionem daret unionis docet quidem Christum ite invocandum, sed omnem gratiam esse Patris, ut et duos, qui unum sunt (67) per divinitatem, ostenderet, et Patris auctoritatem præferret.

(Vers. 4) « Gratias ago Deo meo semper pro vobis. » Quanquam omnibus in Ecclesia scribat, sed ita significat, cum aliquando corripit, aliquando dici.

(65) Mss Corb., *propensu sui arbitrii*.

(66) Rom. edit. cum uno vel altero ms., *sicut nunc Marcion*. Infra vero ms.. Corb. *quos propheta Isaias damnat*.

(67) Quinque mss., *qui in unum sunt*.

laudat, ut unus quisque cum epistola legitur, intelligat quid pro se, quid adversum se dicatur. In una enim plebe duobus populis scribit, ut cum arguit, qui male versantur, sciant sibi hæc scripta: similiter et cum laudat, sciat qui in regula manet (68), ad se hæc dici. Ideoque inquit:

« Gratias ago Deo meo semper pro vobis super gratia Dei, quæ data est vobis in Christo Jesu. » Datam dicit gratiam a Deo in Christo Jesu, quæ gratia sic data est in Christo Jesu, quia hoc constitutum est a Deo, ut qui credit in Christum, salvus sit sine opere: sola fide gratis accipit remissionem peccatorum.

(Vers. 5.) « Quia in omnibus ditati estis in ipso, in omni verbo, et in omni scientia. » Hoc significat, quia in accepta gratia, et in verbo veritatis doctrinæ scientiam spiritalem assecuti permanserunt; ideoque gratias agit in his Deo.

113 (Vers. 6.) « Sicut testimonium Christi confirmatum est in vobis. » Testimonium Christi confirmatum est in his, quia roborati in fide, nihil de hominibus sperabant: sed omnis spes illorum in Christo erat, nullis voluptatis illecebris capti.

(Vers. 7.) « Ita ut vobis in nullo desit aliqua gratia, expectantibus revelationem Domini nostri Jesu Christi. » Manifestum est hunc expectare diem iudicii, qui circospectus sollicitus est. Futurum iudicium Dei dicit, in quo Dominus noster revelabitur, tam fidis, quam infidis (69), ut cognoscant increduli ac sciant verum esse, quod credere noluerunt, et pereant: fidi vero gaudeant plus boni invenientes, quam putaverant.

(Vers. 8.) « Qui et confirmabit vos usque ad finem sine crimine in adventu Domini nostri Jesu Christi. » Alacri animo confisus de spe illorum securus est, quia inviolati usque ad futurum iudicium erunt. Qui enim inter tot discrimina sensuum, et perturbationes diversitatum immutari minime potuerunt, procul dubio in eodem mansuros se ostendunt. Cum hos laudat, illos qui in errore pseudo apostolorum depravati fuerant (70), invitat: dum enim horum fidem prædicat, illos ad penitentiam vocat.

(Vers. 9.) « Fidelis est Deus, per quem vocati estis in societatem Filii ejus (71) Jesu Christi Domini nostri. » Quis ambigat de promissis et fide Dei, quia non erit aliter quam dixit, filios eos adoptatos sibi credentes in Christum? Hoc enim nobis donat, quod credimus; ut quia credimus Christum Filium esse Dei, hoc nos esse incipiamus, mansuri in eadem dignitate, sicut manet Christus, quem credimus Filium Dei. Societas enim fraternitas est, ut

A quomodo fidem Dei incolumem in hac causa nobis futuram ostendit, ita nos non diffidentes et perfidi inveniamur, sed perseverantes in adoptione.

(Vers. 10.) « Obsecro autem vos, fratres, per nomen Domini nostri Jesu Christi, ut id ipsum dicatis omnes. » Omnes nunc orat, ut unum sentiant, hoc utique in quo renati Dei Filii appellati sunt. Ad omnem Ecclesiam modo loquitur, ut ii qui dissentire cœperant, reverterentur ad cœptam fidem, quam videbant in his laudari, qui in illa perseverabant.

« Et non sint in vobis schismata, sitis autem perfecti in eodem sensu et in eadem scientia. » Perfectos vult eos esse in eodem sensu, quem illis tradiderat, ut non discrepent. Ad illorum enim exemplum, quos supra laudat, hos provocat; ut hoc sentiant ac defendant.

(Vers. 11.) « Perlatum est enim mihi de vobis, fratres ab iis qui sunt. Chloes quod contentiones inter vos sint. » Quamvis eversi fuerant, tamen fratres illos appellat; sicut et in Isaia propheta dicit Deus ad illos, qui secum erant, ut eis qui pseudoprophetae credebant, dicerent: « Fratres nostri eritis vos (72) (Isa. LXVI, 5); » ut per id non dissentirent ab his, quasi fratres. Quod autem dicit: « Ab iis qui sunt Chloes; » aliquibus videntur homines esse manentes et fructificantes in fide Dei: aliquibus videntur locus esse, ut puta si dicatur; Ab iis qui sunt Antiochiæ: aliquibus autem videtur feminam fuisse Deo devotam, cum qua multi essent colentes Deum, quibus fides non negaretur; ut quod deferrent de Corinthiis, verum esset, quod contentiones essent inter eos (73). Contentiones inter eos esse dixit, ut ostenderet diversitatem mentis illorum de disciplina Dominica. Et quæ esset, subiecit, dicens:

(Vers. 12.) « Hoc autem dico, quod unusquisque vestrum dicit: Ego quidem sum Pauli, ego autem Apollo, ego vero Cephæ, ego autem Christi. » Errorem ostendit, sed auctorum nomina non prodidit; nec enim in loco stabant, sed circumibant ad eversionem simplicium. Nam hos quos nominat, sine dubio boni erant doctores; sed sub eorum specie falsos apostolos tangit. Si enim in his gloriandum negat, quanto magis in malis doctoribus, quorum doctrinam pravam in subjectis significat! Inter eos tamen hos perseverantes designat, qui dicebant se Christi esse, non hominis, quos superius laudat.

(Vers. 13.) « Divisus est Christus » Divisum dicit Christum, quia gloriam ejus homines sibi partiti sunt. Sicut hæretici, qui se aut Photinianos, aut

Gill. habent etiam, *fraternitatis*.

(72) Omnes edit. ac mss. nonnulli, *fratres nostri estis vos*. Et infra, *in fide Christi*. Mss. vero plures ac potiores nobiscum faciunt.

(73) Ita mss. longe plurimi, ac probatissimi: alii vero, et omnes edit., *verum esset*; Corb., *non esset*. Quod contentiones inter vos sint.

(68) Codex Corb., *in regula fidei manet*.

(69) Idem cod., *non fidis, sed infidis*.

(70) Ms. Corb., *deprædati fuerant*. Soquenti autem versu cod. Laud., *ad patientiam vocat*.

(71) Rom. edit., *in communionem filii ejus*. Et iterum, *communio enim fraternitatis est*. Utrique mss. ac vet. edit. ut in textu, nisi quod Eras. ac

Arianos, aut Cataphrygas, aut Novatianos, aut Donatianos, aut Manichæos vocari non horrent; **114** ita et Corinthii diversorum hæreticorum nominibus subijci cœperant, ut viderentur loco Christi homines venerari: qui dum diversa de Christo accipiunt, dividunt Christum. Unus enim hominem tantum accipit Christum, alter Deum purum sine homine vel corpore fatetur (74), alius dicit per prophetas prædictum Christum, alter negat prophetas de Christo locutos. Cum ergo Christus unus sit Deus et homo, isti sibi alius aliud ejus vindicantes, dividunt Christum; et quia sub nomine suo Ecclesias faciunt multas, adjecit:

« Numquid Paulus crucifixus est pro vobis? » Ideo a se cœpit, ne forte putaretur aliorum ideo refutare personas, ut suam commendaret. Si enim Christus pro nobis, inquit, mortuus est, quomodo gratiam ejus et beneficium hominibus imputamus ad ejus injuriam?

« Aut in nomine Pauli baptizati estis? » Si credentes autem, inquit, in Christum baptizamur, ut in nomine ejus justificemur, quid est ut fidei hujus homines nobis auctores faciamus, immemores cœptæ credulitatis.

(Vers. 14–16.) « Gratias ago Deo, quod neminem vestrum baptizavi, nisi Crispum et Caium; ne quis dicat quod in nomine meo baptizavi (75). Baptizavi autem et Stephanæ domum: cæterorum nescio si quem alium baptizaverim. » Gratias agit Deo, quia non multos ex illis baptizavit, ne quia error sub hac re cœperat, ex nomine ejus error esset in plurimis, per hoc arguendos (76) et baptizantes et baptizatos, qui ad injuriam Salvatoris baptismatis ejus gratiam hominibus deputabant, illis dissimulantibus gloriæ causa. Sic enim erant, sicut nunc Novatiani et Donatiani, qui baptismum sibi vindicant, a nostris baptizatos reprobantes: et baptizati ab his gloriantur in personis eorum. Denique Christi nomine abdicato Novatianos et Donatianos vocari se gloriantur. Crispus ergo et Caius Corinthii sunt, quos ad testimonium nominat; quia sic baptizati sunt ad Apostolo, ut nullam illi gloriam ex hac causa dandam assererent (77). Stephanæ autem domus primitiæ sunt Achaia, sicut in postrema parte epistolæ significat, quibus testimonium dat, quo in ministerium sanctis se constituerant.

(Vers. 17.) « Non enim misit me Christus baptizare, sed evangelizare. » Quoniam majus est evangelizare, quam baptizare; ideo non se misit baptizare dicit, sed evangelizare: quia in episcopo omnium ordinationum dignitas est; caput est enim cæterorum membrorum. Per quod etiam illos humiliat, quibus illi multum dabant, propterea quod

(74) Ita edit. omnes, et cod. Corb.; alii vero summo consensu, *purum sine corpore fatetur*.

(75) Omnes edit. ac mss. nonnulli, *baptizati estis*. At infra pro *cæterorum nescio*, aliqui legunt *cæterum nescio*, etc.

(76) Eras. et seq. edit., *per hoc arguens*; Amerb.

A ab illis fuerant baptizati (*Act. x, 48*); ut ex eo sci- rent non magnum esse baptizare, quia non omnis qui baptizat, idoneus est et evangelizare. Verba enim solemnia sunt, quæ dicuntur in baptismate. Denique apostolus Petrus credentem Cornelium cum suis jussit baptizari, nec dignatus est, ministris astantibus, hoc opus facere; si enim defuissent, ipse hoc egisset, necessitate compulsus. Quanto ergo melior his sit, quos illi venerabantur, ostendit: et non tamen hoc nomini suo decerni permisit, sciens periculosum esse gloriam Dei nomini hominis vindicare; est enim quasi idololatria.

« Non in sapientia Verbi, ut non evacuetur crux Christi. » Quia prædicatio Christiana non indiget pompa et cultu sermonis, ideoque piscatores homines imperiti electi sunt, qui evangelizarent; ut doctrinæ veritas ipsa (78) se commendaret, teste virtute; ne hominum versutia et calliditate humanæ sapientiæ acceptabilis videretur, non veritate, sicut disciplinæ ab hominibus inventæ, in quibus non ratio, non virtus, sed verborum quæritur compositio: ac per hoc gloriam suam quæri, qui fidem Christi verbis exornare vult. Obscurat enim illam splendore verborum, ut non illa, sed ipse laudetur; sicut et pseudoapostoli, ne stulti viderentur prudentibus mundi, in sapientia hominum Christum prædicabant duplici genere; ut eloquentiæ studerent, et ea quæ mundus in nobis stulta judicat evitarent: ut neque incarnatum Dei Filium, et de Virgine natum docerent, neque carnis futuram resurrectionem; quia mundi istud sapientia et ratio stultum judicat: ac per hoc Apostolus non se in sapientia hominum dicit Christum prædicare: « Ne evacuetur, inquit, crux Christi; » quia qui in sapientia hominis Christum **115** annuntiat, negat veritatem prædicationis, sicut supra memoravi.

(Vers. 18.) « Verbum enim crucis pereuntibus quidem stultitia est. » Manifestum est, quia quibus crux Christi stultitia est, in perditione sunt; inferni enim morte (79) non sunt erepti.

(Vers. 19.) « His autem qui salvi fiunt, virtus Dei est. » Non est obscurum quia iis, qui credunt, Dei virtus est; credunt enim non infirmitatem esse cruce[m] Christi, sed virtutem, intelligentes mortem victam esse in cruce: cujus signum qui habent, salvi sunt; quia ab illa teneri non possunt.

D « Scriptum est enim in Isaia: Perdam sapientiam sapientium et intellectum prudentium repro- babo (*Isa. xxix, 14*). » Perdit sapientiam sapientium, dum quæ illa negat posse fieri, facit; et reprobat intellectum prudentium, quando Deum, quem incuriosum dicunt, aggressum probat ea quæ stulta putant, ut Dei Filius incarnatus de Virgine

et cuncti mss., *per hoc unguendos*.

(77) Omnes edit., *dandam assererent*; omnes mss., *dandam addiscerent*.

(78) Mss. non pauci, *ut doctrina veritatis ipsa, etc.*

(79) Plures mss., *infernæ enim morti, etc.*

crucifigeretur pro humana salute; quod factum A vere testatur virtute, non verbis.

(Vers. 20.) « Ubi sapiens? ubi scriba? ubi conquisitor hujus sæculi? » His dictis tam in Judæos quam in gentiles invehitur, quia et Judæorum scribæ et legis doctores Deum Filium habere stultum putant credi. Simili modo et gentes istud risui deputant. Sed Judæi, quia hoc non tam aperte in lege significatum est, diffidunt: gentiles vero, quia mundi ratio non istud recipit; nihil enim dicit posse fieri sine commistione, et stultum judicant. Conquisitor tamen sæculi hic est, qui constellationibus agi mundum, et duodecim signis ortus et occasus fieri decernit calculis, nihil omnino sine horum motu putans posse fieri.

« Nonne stultam fecit Deus sapientiam hujus B mundi? » Stulta est facta sapientia hujus mundi; putans enim se sapere, inventa est imprudens. Quod enim impossibile judicabat possibile declaratum est, Deum incuriosum existimans. Est aliquid hac asseveratione stultius, ut feci-se dicatur mundum, et curam ejus non agere? Ut quid fecit, si non ad illum pertinet, quod fecit? Sed quia vident quosdam feliciter mundo frui, quosdam deprimi, et bene agentes despici, malevolos gloriari; ideo incuriosum Deum esse crediderunt. Qui incuriosum Deum dicit, non negat malevolum aut injustum; aut enim judicaturus est mundum, et injustus est, dissimulans de bonis, et patiens fieri mala. Si igitur animadvertant seposito odio divinæ legis, possunt videre causam istam a nobis terminari, qui Dei judicium exspectamus, in quo vi depressi exaltabuntur, et violenti humiliabuntur, quia « non est personarum acceptio apud Deum (Rom. II, 11). »

(Vers. 21.) « Nam quoniam in sapientia Dei non cognovit mundus per sapientiam Deum, placuit Deo per stultitiam prædicationis salvos facere credentes. » Non cognovit mundus, id est, homines, Deum in sapientia ejus; quia unicam majestatem ejus figmentis dederunt vel elementis, dissimulantes de eo, per sapientiam carnis putantes hæc debere coli, quæ videntur. Propterea placuit Deo prædicationem ordinare, quæ illis stultitia videretur; ut credentes quæ illi diffidunt, salvi fierent, illis damnatis. Vicissitudo ergo hæc est, per quam Dei consilio falsum a vero damnatur.

(Vers. 22.) « Quoniam Judæi signa petunt, et Græci sapientiam quærunt. » Judæi signa petunt; quia non diffidunt potuisse fieri, sed an factum sit, quærunt; scientes virgam Aaron aridam germinasse, et fructum tulisse (Num. XVII, 8): et Jonam a ceto glutitum, in ventre ejus tribus diebus et tribus noctibus fuisse, et vivum ejectum esse (Jonæ II, 1, 11). Illud tamen præcipue quæ-

runt, ut aliquid tale videant, quale est illud quod vidit Moyses, Deum in igne; unde dicunt: « Nos scimus quod Moysi locutus est Deus (Joan. IX, 29); » cum majus sit, mortuum Lazarum fetidum quarto die vivum de monumento exisse (Joan. XI, 44). Græci vero sapientiam quærunt, quia nolunt audire, præterquam quæ mundi ratione possibilis sunt.

(Vers. 23.) « Nos autem prædicamus Christum crucifixum, Judæis quidem scandalum, gentibus autem stultitiam. » Scandalum est Judæis, dum audiunt Christum Filium Dei se profitentem, et Sabbatum evacuans: « Gentibus autem stultitia, » quia ea audiunt prædicari, quæ dum rationi mundanæ non congruunt, insensata videntur, ut partus Virginis, et resurrectio mortuorum.

116 (Vers. 25.) « Ipsis vero vocatis Judæis atque Græcis Christum Dei virtutem, et Dei sapientiam. » Suadente virtute, quæ potior verbis est, credentes in Christum intelligunt, Judæi primum qui signum quærebant, Christum Dei esse virtutem; et Græci similiter vident Christum Dei esse sapientiam; illam autem mundanam, quam prius putabant prudentiam, maximam esse stultitiam. Virtus ergo Dei est, quia per ipsum omnia fecit Pater Deus: sapientia autem ideo, quia per ipsum cognitus est Deus. Nec enim posset cognosci Deus, nisi per eum qui esset de eo; quia « Nemo novit (80) neque vidit Patrem, nisi Filius, et cui voluerit Filius revelare (Matth. XI, 27). »

« Quia quod stultum est Dei, sapientius est hominibus. » Stultum Dei, inquit, non quia vere stultum est, sed quia ab hominibus, dum rationi mundanæ non convenit, stultum putatur, cum sit ratio spiritalis: ac per hoc sapientius dignoscitur esse hominibus, quia spiritalia plus sapiunt quam carnalia. Non enim spiritalia per carnalia sunt, sed carnalia constant per spiritalia; ideoque subiecta sunt carnalia spiritalibus.

« Et quod infirmum est Dei, fortius est hominibus. » Sine dubio cœlestia vincunt terrena. Quamobrem infirmum Dei non est infirmum; quia infirmitas Christi magna victoria est. Vicit enim cum victus videretur (81), sicut ait in psalmo quinquagesimo: « Et vincas cum judicaris (Psal. L, 6). » Victor enim existit, qui injuste occiditur, D reum constituens a quo occiditur.

(Vers. 26.) « Intuemini enim, fratres, vocationem vestram, quia non multi sapientes secundum carnem, non multi potentes, non multi nobiles. » Manifestum est quia pauci sint, qui mundi rationibus inflati magis quam eruditi sunt, hoc est, qui stellarum motus inspiciunt et discernunt. Ipsos autem dicit et fortes secundum carnem, quos et prudentes. Et ideo fortes, quia passionem crucis

(80) Neque vidit aberat a cunctis edit. ; sed e mss. prope omnibus restitutum est.

(81) Rom. edit. sola, cum vinceretur; et cum

Gill., sicut ait: Et vincas, etc.; aliæ autem edit. ac mss. inter se consentiunt, nisi quod pro videretur, edit. et quidam mss. exhibent videtur.

Christi infirmam asserunt; iniquitas enim fortis, et vincere sibi videtur ad tempus. Ipsi etiam nobiles, per quos superstitionis suæ originem antiquitatis assignant, nos novellos dicentes (82). Non ergo hanc asseverationem elegit Deus, quæ in paucis est.

(Vers. 27.) • Sed stulta mundi elegit Deus, ut confundat sapientes (83). • Stulta mundi sunt Virgine peperisse, et Dei Filium crucifixum: credi enim stultum hoc putat: ideo Deus, ut hunc confundat, hos elegit, qui hoc credunt, quod hic stultum judicat. Confunduntur enim sapientes, dum quæ pauci negant, multos vident fateri; non est enim ambiguum multorum sententias paucorum anteponi sententiis.

• Et infirma mundi elegit Deus, ut confundat fortia. • Idem sensus est; quia quod pauci infirmum putant, hi qui se prudentes existimant in sæculo, diffidentes de spe, a multis virtus asseritur, quia plures credunt, quam non credunt, ad illorum ruborem. Vident etenim infirma Christi nominata (84), demoniis imperare, prodigia facere: infirma autem sunt mundo injuriæ, et passio Salvatoris nescienti hæc ad virtutem proficere; quia ideo ista pati se permisit, ut vinceret mortem. Injuste enim pati, et posse resistere et nolle, gloria est patientis, et damnatio occidentis.

(Vers. 28.) • Et ignobilia hujus mundi, et contemptibilia elegit Deus, et ea quæ non sunt, ut ea quæ sunt, destrueret. • Ignobilia ergo et contemptibilia elegit: non quia vere ignobilia et contemptibilia sunt, sed sic judicantur a mundo; quia spernunt rationes mundanas, credendo in Christum, ut ea quæ sunt vere ignobilia et contemptibilia destrueret; quia ipsi magis judicandi et condemnandi sunt (85), qui judicant. Asseverationem enim illorum error invenit, nec fuit ab initio: nostra autem disciplina ab initio est. Destruitur ergo, dum sine testimonio nudis verbis asseritur: nostra vero non verbis solis, sed et teste virtute probatur.

(Vers. 29.) • Ut non gloriatur omnis caro in conspectu ejus. • Id est, ut sapientia carnis (86) erubescat in errore suo, iudice Deo; sensus enim carnis est diffidere Dei; potentia virginem peperisse, etc., quia hoc mundi ratio, qui carnis cognatus est, non recipit.

(Vers. 30.) • Ex ipso enim vos estis in Christo

(82) Mss. complures, non novellos dicentes.

(83) Corb. codex, ut confundat sapientes. Confunduntur enim sapientes, dum, etc.

(84) Idem mss. Corb., infirmum putant, a multis virtus asseritur ad illorum ruborem. Vident enim infirma mundi nominata. Et ignobilia hujus mundi, etc.

(85) Rom. edit. ac mss. nonnulli, et contemnendi sunt.

(86) Ita omnes edit. et quidam mss.; cæteri autem magno numero, ut sententia carnis. Post pauca

A Jesu. • *Ex ipso*, id est, ex Deo, qui est omnipotens, esse nos in fide Christi; Dei enim propositum est, ut veritatem ejus et misericordiam 117 per Christum disceremus. Veritas est mysterium Trinitatis: misericordia vero, quia cum essemus captivi, redemit nos.

(Vers. 31.) • Qui factus est sapientia nobis a Deo, et justitia, et sanctificatio, et redemptio. • Ad confirmationem credentium, Christum Dei voluntate dicit egisse, quæ gessit; ut sciamus vere nos sapientiam didicisse, et sanctificatos esse, et justificatos, et redemptos a Deo per Christum: nemo enim redimit, nisi quod suum fuerat. Sive ergo quod redempti sumus, sive quod sanctificati, id est, ab opere carnis et idolorum immunditia purgati, sive quod justificati (justum est enim Creatorem colere, cæteris spreto), sive quod sapientes per id quod mundanos didicimus imperitos (87), totum hoc Dei beneficium est per Christum. Redemptio tamen nostra hæc est; obtulit enim se Christus diabolo cupienti, ut peccati in se contradictionem auferret, et sic captivos ejus erueret.

• Ut quemadmodum scriptum est: Qui gloriatur, in Domino gloriatur. • Hoc scriptum est in Jeremia propheta (*Jerem. ix, 21*). Dignum est quod ait propheta, ut in Deo gloriemur; quia non poterit confundi, qui gloriatur in Domino; opera enim ejus, et magnificentia in rebus gestis apparent. Ideoque confundantur, inquit, in idolis suis, qui non pluunt, nec fecerunt cælum et terram: simili modo et qui in hominibus gloriantur quos sciunt utique nullius esse virtutis; quare et ait Scriptura: • Vana spes est in homine (*Jerem. xvii, 5*). •

CAPUT II.

(Vers. 1, 2.) • Et ego cum venissem ad vos, fratres, veni non cum eminentia sermonis aut sapientiæ, prædicans vobis mysterium Dei (88). Neque enim judicavi me scire aliquid inter vos, nisi Christum Jesum, et hunc crucifixum. • Quoniam superius gradatim formam disciplinæ nostræ ostendit, nunc se non aliter illis tradidisse probat, quam quæ ostendit; quia et in humilitate sermonis, et in stultitia prædicationis, sicut mundo videtur, locutus est illis de Christo mysterium. Quod ideo mysterium vocat, quia quod incarnatum est, occultum erat a sæculis, apud Deum,

vero Rom. edit. sola, quæ carni cognata est. At ms. Corb. a vocibus, iudice Deo, locum contrahit in hunc modum: *Ex ipso, id est, ex Deo esse nos in fide Christi; Dei enim propositum est, ut veritatem ejus per Christum disceremus. Qui factus est sapientia, etc.*

(87) Rom. edit., mundanos dicimus imperitos. Et infra, ut peccatorum in se contradictionem sufferret.

(88) Mss. non pauci, annuntians vobis testimonium Christi.

Deus Verbum. Hæreticos autem esse in quibus A
gloriabantur, quia et per eloquentiam (89) pravam
doctrinam commendabant, et prudentiam mundi
sectantes, crucem Christi evacuabant, erubescerent
stulti appellari a mundo; ut neque natum Christum
ex Virgine prædicarent, neque vere crucifixum do-
cerent: quia stultum videtur Dei Filium natum
hominem fateri et crucifixum. Hos et apostolus
Joannes designat dicens: « Qui negat Christum in
carne venisse, antichristus est; et qui negat Fi-
lium, nec Patrem habet (I Joan. II, 22, 23), » quia
ipsum Patrem sibi Filium appellatum dicebant; ex
quibus Marcion traxit errorem. Quæ arguit, clausa
videntur (90), quia non illa manifestat, sed intelli-
gitur ex eo, quod prudentia mundi invenitur, quæ
est religioni inimica. Quæ autem sunt, quæ corri-
pit, ex ejus judicio vult disci: ut quæque nostra
deridet velut stulta, ea se omnia in Corinthiis re-
prehendere ostendat. Corpus enim ipsum memorat,
ut ex eo membrorum ejus ratio dignoscatur: Co-
rinthiis tamen manifesta erant: quia causas in
quibus arguebantur, non ignorabant.

(Vers. 3.) « Et ego in infirmitate, et timore, et
tremore multo fui apud vos. » Christum enim in
stultitia humanæ sapientiæ prædicans, odium sibi
et persecutiones provocabat, quasi rem vanam an-
nuntians, et inimicam Judæis atque gentibus (91).

(Vers. 4.) « Et sermo meus, et prædicatio mea
non in persuasione humanæ sapientiæ. » Ostendit
non se ut hominum favorem acquireret, humanæ
sapientiæ placuisse, neque verborum arti studuisse,
sed fidem auctori exhibuisse, qui doctrinam suam
non ornatu traditionis humanæ acceptabilem voluit
esse verborum strepitu, sed ipsis rebus: quia res
ante verba sunt.

« Sed in ostensione spiritus et virtutis Dei (92). »
Quia ut verbis quæ infirma juxta virtutem sunt,
res fatuæ comptæ prudentes videntur; Deus præ-
dicationem suam non testimonio verborum voluit
commendari, sed virtutis, ut verbi stultitia indica-
ta, factis se sapientiam demonstraret spiritali ra-
tione fundata.

(Vers. 5, 6.) « Ut fides vestra non sit in sapien-
tia hominum, sed in virtute 118 Dei; sapientiam
autem loquimur inter perfectos; » hoc est, inter eos
qui crucem Christi virtutis testimonio sapientiam
fatentur. Hi enim sapientes et perfecti sunt, qui
fidem non magis verbis habent, quam rebus.

« Sapientiam autem non hujus sæculi. » Recte

(89) Corb. codex, *Dei Verbum... qui et præter elo-
quentiam.*

(90) Omnes edit. ac nonnulli mss., *dicebant. Ex
quibus Marcion traxit errorem, qui arguit: quæ
clausa videntur.* Mss. vero frequentissimi rectius,
ut nos in textu; voces enim *quæ arguit* referuntur
ad Apostolum. Infra vero, ubi edit. et pars mss.,
quod prudentia, etc.; alia pars exhibet, *quod pru-
dentiam mundi invehitur.*

(91) Ita edit. omnes, ac mss. aliquot: alii vero
majori numero, *et inimicitiam gentibus... ostendit
quia ne hominum favorem acquireret, idcirco humu-*

ait, « sapientiam non hujus sæculi, » sed futuri, in
quo veritas Dei negantibus apparebit; hoc enim
sæculum rationem hanc non capit infirmitate cogi-
tationis terrenæ. « Neque principum hujus sæculi,
qui destruntur. » Manifestum est non esse sapien-
tiam hanc principum hujus mundi, quia destruntur
ab illa. Christianitas enim errores, quos hi in-
seruerunt, excidit, id est, idololatriam, avaritiam et
cætera vitia, sicut dicit Joannes apostolus. Propter
hoc venit Filius Dei, ut solveret opera diaboli
(I Joan. III, 8).

(Vers. 7.) « Sed loquimur Dei sapientiam in my-
sterio, quæ abscondita est. » Occultum sensum ma-
nifestare se missum testatur, quem neque princi-
pes, neque potestates scirent, neque mundus audi-
erat; ac per hoc stultum putari, quia incognitum
est: esse autem rationale et salutare, teste virtute,
cui omnis intentio cedit ratiocinationis humanæ.
Abscondita est ergo Dei sapientia, dum non in ver-
bis, sed in virtute est; non humana ratione possi-
bilis, sed spiritus efficacia credibilis.

« Quam prædestinavit Deus ante sæcula in glori-
am nostram. » Usque adeo vera sapientia, et cum
Deo semper fuisse declaratur, ut ante sæcula præ-
destinata in gloriam nostram dicatur, qui credi-
mus. Præsciens enim Deus errores futuros in mun-
do, quem erat factururus (93), hoc decrevit ad con-
fusionem illorum, qui sibi stultitiam sapientiam
facturi erant: ad nostram autem gloriam, qui cre-
dituri eramus, et credimus.

(Vers. 8.) « Quam nemo principum hujus sæculi
cognovit; si enim cognovissent, nunquam Domi-
num majestatis crucifixissent. » Principes hujus
sæculi non solum homines accipiendos Judæorum
ac Romanorum: sed et hos principes ac potesta-
tes, quos supra dixit, ad quos vere pertinet dictum
hoc, adversus quos nobis colluctatio est spiritalis
nequitiae in cœlestibus (Ephes. VI, 12); quia consi-
lio ac voluntate illorum crucifixus est Christus.
Denique post tentationes « diabolus recessit, ait,
usque ad tempus (94) (Luc. IV, 13). » Et ipse Do-
minus: « Princeps, inquit, hujus mundi venit, et
in me invenit nihil (Joan. XIV, 30). » Principes ergo
hujus sæculi per ignorantiam Dominum majestatis
crucifixerunt; nam Judæorum principes, quomodo
principes hujus sæculi possunt intelligi, qui erant
subjecti regno Romano? Et neque Romanorum
principes crucifixerunt Christum; quippe cum di-
xerit Pilatus: « Nullam causam mortis inventam

næ sapientiæ placere noluisse.

(92) Mss. complures, *Sed ad ostensionem spiritus,
et virtutis Dei.* Consequenter autem Com. edit. si
habet: *Hoc est, quia quæ verbis infirma, juxta vir-
tutem fortia, res fatuæ... ut verbis stultitia... ratio-
ne fundatam.*

(93) Corb. codex, *in mundo, de his quæ erat fa-
cturus.*

(94) Idem codex, *post tentationes quas Domino
diabolus inferre ausus est, ait evangelista: Recessit
diabolus usque ad tempus.*

eo (*Joan. xix, 4*). • Unde et manus lavit, dicens A Judæis : « Innoçens ego sum a sanguine justi hujus, vos videritis (*Matth. xxvii, 24*). • Ii ergo principes crucifixerunt Christum Dominum, quos triumphavit libere in semetipso (*Coloss. ii, 15*); quamvis dicat Marcus evangelista de dæmonibus : « Sciebant enim Christum ipsum esse Jesum (*Marc. i, 34*). • Scierunt quidem ipsum esse, sed qui in lege promissus erat : mysterium tamen ejus, quo Filius Dei est, nesciebant. Hoc etiam et Petrus apostolus ad populum Judaicum dixit : « Scio, fratres, quia per ignorantiam egistis hoc malum, et sicut principes vestri (*Act. iii, 17*), • non tamen sæculi. Si ergo per ignorantiam servi occiderunt Dominum, peccatum eis ascribi non debet. Sed non licet hoc ignorare. Et quamvis Dominum esse nescierint, nescii tamen non erant quia rem impiam faciebant. Dominus tamen majestatis crucifixus dicitur, cum mori nesciat : sed quia Verbum caro factum est, id est, Dei Filius incarnatus homo factus est, ipsi ascripta est mors : quia Judæi non utique carnem persecuti sunt, sed eum qui operabatur per carnem; ac per hoc quamvis Dominus majestatis mortem ignoret, quantum tamen ad Judæorum votum pertinet, et ad principum hujus sæculi, Dominum occiderunt in carne.

(Vers. 9.) « Sed sicut scriptum est : Quod oculus non vidit, nec auris audivit, nec in cor hominis ascendit, quæ præparavit Deus diligentibus eum. • Hoc est scriptum in Apocalypsi Helia in apocryphis (95). Per hoc exemplum inopinatum rem factam dicit, et quæ non solum in humanum sensum non caderet, sed et cælestes potentias lateret. Dei scilicet Filium **119** incarnatum; ut quod supra dixerat, firmaret, quia si principes hujus sæculi Deum hominem factum non intellexerunt, quanto magis homines ! Sed si verba offendiculum vel scandalum faciebant; virtutibus tamen et signis fides non debuerat denegari. Infirmi enim et ignorantia humanæ virtus debuerat præponi, et credi quod humanæ rationi impossibile videbatur; ideoque diligentibus Deum, id est, credentibus præparavit donum hoc.

(Vers. 10.) « Nobis vero revelavit Deus per Spiritum suum. • Et quia principes sæculi hoc ignorabant, Deus hoc per Spiritum suum revelavit credentibus; quia res Dei non potest sine Spiritu Dei addisci. Nam non solum hominibus sacramentum istud missum se dicit declarare, sed et principibus et potestatibus cælestibus, qui Dominum crucifixerunt; ut hoc prædicante in terris, discant qui sunt in carnalibus cælis, qui degunt sub elementis

firmamenti. Hic ergo singularis apostolus est, qui hanc gratiam consecutus est; quia Trinitatis mysterium a nullo sic potuit explanari: unde et vas electionis divino judicio vocitatus est (*Act. ix, 15*).

« Spiritus enim omnia scrutatur, etiam profunda Dei. • Quia enim de Deo est hic Spiritus, omnia novit. « Dei profunda » autem ideo ait, quia omnem virtutem et præscientiam ejus novit: quod omnino creaturæ impossibile est.

(Vers. 11.) « Quis enim scit hominum ea (96), quæ sunt, hominis, nisi spiritus hominis, qui in ipso est? • Manifestum est cogitationes nostras a nullo sciri, nisi ab animo nostro, quem spiritum dixit. Denique in Evangelio inter cætera sic ait : « Et spiritus ejus reversus est ad illam (*Luc. vii, 55*). •

« Sic et quæ Dei sunt, nemo novit, nisi Spiritus Dei. • Hic Spiritus Dei docuit nos, quod scit naturaliter, non doctus (97); et docuit nos de mysterio Christi; quia non solum Spiritus Dei est, sed et Christi.

(Vers. 12.) « Nos non autem spiritum hujus mundi accepimus; sed Spiritum qui ex Deo est. • Hinc scimus quia Spiritum, qui de Deo est, accepimus, quia mundi spiritus non potest scire, quæ ab hoc nobis insinuata sunt. Spiritus tamen mundi hic est, per quem arripiuntur fanatici, qui sine Deo sunt; est enim inter mundanos spiritus potior; unde solet conjecturis, quæ mundi sunt divinare, quem pythonem appellant. Hic est qui per verisimilia fallitur et fallit: hic est qui per Sibyllam loentus est, sensum nostrum secutus, locum volens inter cælestes habere.

« Ut sciamus quæ a Deo donata sunt nobis. • Quia enim Dei Spiritus datus est nobis, scimus quæ a Deo donata sunt nobis. Non enim hæc possemus scire, si mundi spiritum haberemus; quia non potest mundi scire spiritus (98). Sensum enim Dei nemo novit, nisi qui de Deo est, Spiritus Dei; inferiora enim non possunt superiorum scire consilium, neque creatura conditoris sui dignoscere voluntatem.

(Vers. 13, 14.) « Quæ et loquimur. • Ut hinc manifestum sit scire nos quæ a Deo nobis donata sunt; quia hæc et loquimur, ut et alii discant per doctrinam spiritalem. Prædicatoribus enim, id est apostolis insinuata divinitus sunt, quæ traderent populis, et addicerent principes hujus sæculi quid admisissent mali.

« Non in doctrina verborum humanæ sapientiæ, sed in doctrina spiritus; • verba enim huma-

(95) Sic omnes mss., exceptis Thuan. et Laud. ubi sicut in cunctis edit. legas, in *Isaia propheta aliis verbis*.

(96) Rom. edit. ac mss. nonnulli, *Quis enim hominum scit hominis absconditas*: vet. autem edit. et mss. frequentissimi, ut in contextu.

(97) Rom. edit. cum paucis mss., *quod scit natu-*

raliter non doctos; reliquæ edit. ac mss. magno numero, *quod scit naturaliter non doctus*, id est, non per doctrinam aliunde acceptam.

(98) Ita vet. edit. ac mss. longe plurimi; at Rom. edit. cum aliis nonnullis mss., *non potest ea quæ sunt Dei scire mundi spiritus*.

na: sapientiæ hunc sensum non vident, neque litteraturæ studiis apprehenditur (99) . sed per fidem spiritali ratione concipitur, dicente Isaia propheta: « Nisi crederitis, neque intelligetis (Isa. vii, 9). » Naturali enim magis lege, quam cursu siderum, et calculis signorum, quæ in firmamento denotatur, addiscitur. Denique credentes non humanis verbis, sed naturæ suæ vident congruere, quod credunt; opus enim agnoscit opificem: ideoque Evangelium animis nostris loquitur spiritalia, excitans illos ad cognitionem sui Creatoris.

« Spiritalibus spiritalia comparantes. » Hoc est, iis qui mundanam prudentiam refutant, spiritalem efficaciam tradere, quæ mysterio fidei continetur, ad illuminandum sensus benevolentium hominum; credentes enim quæ mundi sapientia stulta iudicat, B spiritalia sunt.

« Animalis autem homo non percipit ea quæ sunt Spiritus Dei; stultitia enim est illi (1). » Pecoribus enim similis 120 sensum suum in terram deprimit: ideoque non assequitur nisi quæ videt: nec putat aliquid posse fieri quam quomodo scit. Ideo quidquid aliter audit, quam novit, stultum iudicat; nihil enim existimat posse fieri sine commistione. Unde ridet audiens Deum filium genuisse, quem scit simplicem et incorporeum; et Virginem peperisse, et resoluta corpora rursus revocari ad vitam; cum hæc magis ad laudem Dei proficiant, ut credatur fecisse, cuius operis ratio investigari non possit: Deus est enim, qui fecit. Imbecillitas enim humana stultum putat, quod scientia sua non concludit; cum hoc magis stultum deberet habere, et illud prudens, quod quia Dei factum dicitur, non potest comprehendere.

« Et non potest scire, quoniam spiritaliter iudicatur. » Humanam traditionem sequentes, dum unius Dei fidem abnegant, spiritaliter factum est, quod ratione carnis inflati putant fieri non posse: et sic reprobi annotati, spiritaliter condemnati sunt.

(Vers. 15.) « Spiritalis vero diiudicat omnia, et ipse a nemine iudicatur. » Quoniam vera ratio spiritalium est, id est, credendum; hoc enim quis nuncupatur, quod credit: ideo ipsi omnia iudicant. Ipsorum enim exemplo infidelitas diiudicabitur: ipsi autem a nemine iudicabuntur. Quis enim condemnet vera dicentem? Cum enim constet omnes inimicos fidei falsa tenere pro veris, accusatio illorum in irritum iam deducta est, veri iudicio condemnata; quia qui non crediderit, inquit Dominus, jam iudicatus est (Joan. iii, 18).

(Vers. 16.) « Quis enim cognovit sensum Domi-

ni? quis instruxit eum (Isa. xl, 13)? » Sensus Dei est, quod hæc spiritaliter iussit fieri, per quæ mundi sapientia stulta probaretur, negans posse fieri quod factum est. Quem sensum nullus est qui cognoverit, et displiceat illi, ut emendet consilium Dei; quia qui cognovit, laudat potentiam Dei, quem qui omnia negat posse, nec mundum credit fecisse. Quid enim magnum est, ut de se credatur generasse, qui non ambigitur cuncta ex nihilo fecisse? quippe cum dicat Salvator: « Apud Deum autem omniaabilia sunt (Matth. xix, 26). »

« Nos autem sensum Domini habemus. » Hoc dicit, quia credentes participes sumus ejusdem divinæ sententiæ (2).

CAPUT III.

(Vers. 1.) « Et ego, fratres, non potui vobis loqui quasi spiritalibus, sed quasi carnalibus. » Nunc his loquitur, qui propterea quod sæculi adhuc voluptatibus serviebant, carnales erant. Quamvis iam baptizati essent, et Spiritum sanctum accepissent; tamen quia post baptismum statim ad veterem hominem fuerant reversi, cui abrenuntiaverant, dicuntur carnales. Spiritus enim sanctus tunc permanet in eo, cui se infuderat, si permaneat in proposito regenerationis: si quo minus, abscedit; ita tamen ut si se reformaverit homo, redeat ad illum. Semper enim paratus ad bonum est, diligens pœnitentiam.

« Quasi parvulis in Christo lac vobis potum dedi, non escam. » Quamvis renati essent in Christo, tamen non fuit dignum tradi spiritalia; accepta enim fide, quæ est velut semen spiritale, nullum fructum Deo dignum fecerunt, ut perfectionis verba mererentur addiscere: sed quasi parvuli imperfectionis sensibus studebant. Apostolus autem vir divinus, et medicus spiritalis, unicuique secundum vires suas tradebat; ne per imperfectionem et imperitiam quis de rebus spiritalibus scandalum pateretur.

(Vers. 2.) « Nondum enim poteratis. » Ostendit aperte non illos debuisse audire, quæ confirmatis dicenda sunt.

« Sed neque nunc potestis; adhuc enim carnales estis. » Hic valde arguit temeritatem illorum, qui querebantur dudum se non audisse spiritalia, cum adhuc indigni essent audire. Pseudoapostoli enim promiscue omnibus uno atque eodem genere tradebant, nullius personam discernentes; ut acceptabiles fierent per hypocrisin commendati: cum constet Dominum et auctorem nostrum Chri-

(99) Rom. edit. cum mss. uno vel altero: *Non in suasionem humanæ sapientiæ, sed in ostensione spiritalium... neque litterarum studiis apprehenditur.* Aliæ edit. et mss. inter se consentiunt, nisi quod pro *litteraturæ studiis*, mss. aliquot ac vet. edit. legunt, *litteraturæ studiis*, forte *littera ac studiis*.

(1) Rom. edit. et mss. nonnulli, *Animalis enim*

homo quæ sunt Spiritus Dei, nescit, et stultitia est illi; vet. edit. ac reliqui mss. nobis um faciunt.

(2) Ita mss. plures potioresque, a quibus hoc solo differunt vet. edit. quod habent, *id est, divinæ scientiæ;* Rom. autem edit. et quidam mss., *quia qui credentes sumus, ejusdem, id est, divinæ scientiæ sensum habemus.*

stum aliter populis, aliter discipulis interfatum, et inter ipsos apostolos fuisse distantiam; tribus etenim discipulis gloriam suam in monte ostendit, dicens illis ut tacerent visum, quandiu a mortuis resurgeret (*Matth. xvii, 9*).

121 (Vers. 3.) « Cum enim in vobis æmulationes et contentiones sint, nonne carnales estis, et secundum hominem ambulatis? » Indignitatis causam ostendit; quia qui de homine sperat auxilium, carnalis est. Qui autem, spreta humanitate, de Deo sperat, spiritualis est; quia Deus spiritus est.

(Vers. 4.) « Cum enim quis dicat: Ego sum Pauli; alius autem: Ego Apollo; nonne homines estis? » Sicut enim gloriantes in Deo, et de ipso omnem gratiam sperantes (3), dii dicuntur, a Deo adoptati; ita et in homine gloriantes, et homines et carnales dicuntur, sententia Dei conclusi, qui ait: « Ego dixi, dii estis; vos autem sicut homines moriemini (*Psal. lxxxvi, 6, 7*). » A sua ergo persona incipit; ne forte putaretur per invidiam magis personas illorum destruere, ostendens magnum errorem et ad Dei contumeliam pertinere, quando Deo prædicato, gloria datur hominibus. Quid ergo minus est a gentilitate, dum adhuc aliquid de hominibus speratur?

(Vers. 5.) « Quid igitur est Apollo? Quid vero Paulus? Ministri ejus, cui credidistis. » Ut quia ministri sunt, spes in his non sit, sed in Deo, cujus ministri sunt. Illi enim gratiarum actio deferenda est, cujus donum est; hi vero servi, quos etiam invitos oportet dispensare. Numquid non Moyses coactus est ire ad Pharaonem, et Jonas invitatus missus est prædicare Ninivitis, et Ananias contradicens missus est Saulo manum imponere?

« Et unicuique sicut Dominus dedit; » id est, sicut voluit et scivit, divisit singulis officia ministerii.

(Vers. 6.) « Ego plantavi, Apollo rigavit, sed Deus incrementum dedit, » Plantare est evangelizare, et ad fidem attrahere: rigare vero, baptizare solemnibus verbis: peccata autem dimittere, et Spiritum dare, Dei solius. Si ergo effectum salutis Deus dat, nulla gloria in hac re hominis est. Scimus enim et Spiritum sanctum sine manus impositione datum a Deo (*Act. ii, 4*), et non baptizatum consecutum remissionem peccatorum (*Act. x, 44*). Numquid non hic invisibiliter baptizatus est, quando donum baptismatis consecutus est?

(Vers. 7.) « Itaque neque qui plantat, est aliquid; neque qui rigat: sed qui incrementum dat Deus. » Et plantata enim solent emori, et rigata ad effectum fecunditatis minime pervenire, nisi det Deus vegetam vitam. Quantum ergo ad honorificentiam Dei pertinet, nihil est homo: quantum autem ad

(3) Mss. aliquot, *gloriam sperantes*. Et rursus pro *sententia Dei conclusi*, non pauci mss. habent, *sententia Dei concludit*, unus, *quod uno verbo Dei sententia concludit*.

(4) Nonnulli mss., *quia ambo necessarii sunt*.

A ministerium pertinet, necessarius est; ut honorificetur quasi servus, non ut aliquid de illo speretur ad injuriam Dei.

(Vers. 8.) « Qui enim plantat, et qui rigat, unum sunt. » Unum sunt, quia ambo mercenarii sunt (4); quamvis diversa sint illorum officia: « Unusquisque autem propriam mercedem accipiet secundum suum laborem. » Quamvis enim unum sint, sed quia major est, qui evangelizat, quam qui baptizat; ideo discrevit mercedes illorum; et non solum ad hoc, sed ad doctrinæ sinceritatem pertinet: ut majori mercede sit dignus, qui inviolatam tradit doctrinam.

(Vers. 9.) « Dei enim sumus operis participes (5); Dei cultura, Dei ædificatio estis. » Hoc ad apostolorum personam pertinet, quos constat Dei esse adiutores; quia vicarii sunt Christi.

(Vers. 10.) « Secundum gratiam Dei, quæ data est mihi, ut sapiens architectus fundamentum posui. » Gratiam sibi datam dicit, ut dignus esset prædicare Evangelium; ut et hoc Dei esse ostenderet, non hominis. Secundum hanc itaque gratiam, ut sapientem architectum fundamentum se dicit posuisse. Sapiens architectus est, qui juxta disciplinam auctoris collocat fundamentum, id est, qui secundum traditionem Salvatoris evangelizat.

« Alius autem superædificat. » Superædificata sunt, quæ post prædicationem apostolorum a supervenientibus traduntur aut malis aut bonis doctoribus.

« Unusquisque autem videat, quemadmodum superædificet (6), » id est, ut superædificata congruant fundamento; ne si obliqua fuerint et frivola, ruinam faciant, manente incolumi fundamento; quia si male docuerit, Christi nomen permanet, quod est fundamentum: doctrina autem mala peribit, sicut dicit Dominus: « Omnis plantatio, quam non plantavit Pater meus cælestis, eradicabitur (*Matth. xv, 13*). »

(Vers. 11.) « Fundamentum enim aliud nemo potest ponere præter id quod positum est, quod **122** est Christus Jesus. » Ideo nemo potest ponere aliud fundamentum, quia quamvis hæretici sint aliqui, non tamen docent, nisi sub Christi nomine. Aliter enim commenta erroris commendare non possunt, nisi interposito Salvatoris nomine prædicent; ut res contrarias et absurdas nominis dignitas faciat acceptabiles.

(Vers. 12.) « Si quis autem superædificat supra fundamentum hoc, aurum, argentum, lapides pretiosos. » Lapides pretiosi sunt, quos non corrumpit ignis. Tria genera posuit præclara in mundo, in quibus bonam doctrinam significavit, « ligna, fenum, stipulam; » tria alia genera posuit, sed fri-

(5) Ita vet. edit. ac mss. longe plurimi; at Rom. edit. et mss. nonnulli, *operis adiutores*.

(6) Corb. cod., *quomodo superædificet*. *Quamvis diversa sint illorum officia, necesse ut superædificata, etc.*

vola. In his corrupta et vana doctrina designata A dignoscitur (7).

(Vers. 13.) « Qui facit hoc opus, manifestus erit; dies enim declarabit, quia in igne revelabitur. » Hoc est, mala doctrina in igne omnibus apparebit; nunc enim quosdam fallit: « Et uniuscujusque opus quale sit, ignis probabit. » Quia enim per ignem examinatio fiet, si in aliquo non invenerit, quod exurat, manifestat illum hominem fuisse doctorem; mala enim et adultera doctrina ideirco in ligno, feno, et stipula significata est, ut ostendetur ignis esse esca.

(Vers. 14.) « Si cujus opus manserit, quod superædificaverit, mercedem accipiet. » Cum enim nihil in illo sordis inventum fuerit pravæ doctrinæ, ut in bono auro; ita erit ut tres fratres in camino ignis (Dan. iii, 23), mercedem vitam æternam cum gloria accepturus; quia sicut aurum, et argentum, et lapides, quos ignis non consumit: ita et bonus magister incorruptibilis permanebit.

(Vers. 15.) « Si cujus opus arserit, detrimentum patietur. » Opus quod ardere dicitur, mala doctrina est, quæ interibit. Cuncta enim mala peribunt, sicut iter impiorum; quia non sunt substantiæ, sed asseverationes perversæ. Damnum autem pati est pœnas perpeti. Quis enim in pœna positus, jacturam non facit? « Ipse autem salvus erit, sic tamen quasi per ignem. » Salvum illum futurum dixit, quia non interibit substantia, qua constat, sicut et doctrina mala peribit, quia accidens causa est. Ideo autem dixit: « Sic tamen quasi per ignem; » ut salus hæc non sine pœna sit, quia non dixit: Salvus erit per ignem; ut merito suo ab igni non combustus (8), salvus fiat examinatus per ignem; sed cum dicit: « Sic tamen quasi per ignem, » ostendit salvum illum quidem futurum, sed pœnas ignis passurum; ut per ignem purgatus fiat salvus, et non sicut perfidi æterno igne in perpetuum torqueatur; ut ex aliqua parte operæ pretium sit credidisse in Christum. Semper enim erubescat necesse est, qui se videt falsum defendisse pro vero; et simili modo semper fiduciam habebit Dei; qui abjecto falso, secutus est verum, et spreta impietate, succubuit pietati. Extra catholicam (9) enim quidquid est, contrarium est.

(Vers. 16.) « Nescitis quia templum Dei estis, et Spiritus Dei habitat in vobis? » Templum Dei nos esse dicit, ut Deum in nobis habitare sciamus; in templo enim suo habitet necesse est. Et quia Spiritum Dei dicit habitare in nobis, Deum significat intelligendum Spiritum sanctum.

(Vers. 17.) « Si quis templum Dei violaverit, disperdet eum Deus, templum enim Dei sanctum

(7) Rom. edit. et pauci mss., *dignoscitur. Cujuscunque opus manifestum erit.*

(8) Codex Vall., *ab igne combustus.*

(9) Rom. edit., *Extra catholicum*; aliæ ac mss., *Extra catholicam*: ubi supplendum est, *Ecclesiam*, quam vocem exprimit solus ms. Corb. hoc modo: *Extra catholicam enim Ecclesiam quidquid est, im-*

est, quod estis vos. » Hæc ideirco præmisit ut illos compungat, qui turpiter viventes, corpora sua violando corruperant; maxime illum qui uxorem patris habebat; ut ante esset reus, quam causa illius in medium prorumperet. Denique simili, imo eodem modo, cum causam illius judicat, loquitur dicens: « An nescitis quia corpora vestra templum sunt Spiritus sancti, qui in vobis est, quem habetis a Deo (I Cor. vi, 19)? » Superius templum Dei dixit; hoc autem loco templum Spiritus sancti (10). Quis hic dubitet, quia Spiritum sanctum Deum significavit?

(Vers. 18.) « Nemo se seducat; » id est, nemo proprio vel humano consilio putet se sibi prodesse. Ad superiorem sensum redit: « Si quis videtur sapiens esse inter vos in hoc sæculo, stultus fiat, ut sit sapiens. » Hoc dicit, quia si quis intelligit salutem promissam, et mysterium incarnationis Domini nostri Jesu Christi, stultus fiat, id est sapientiam mundi fugiat, ut stultus ab ea judicetur, et tunc erit prudens; quia stultus sæculo prudens est Deo, dum credit Deum 123 fecisse, quæ ratio mundi non capit, sicut supra memoravi. Pseudoapostoli autem prudentes volentes videri in mundo, neque Deum Filium habere, neque incarnationem veram esse, neque carnem posse resurgere prædicabant.

(Vers. 19.) « Sapientia enim hujus mundi stultitia est apud Deum. » Sic stultitia est sapientia hujus mundi apud Deum, dum facit Dens, quod mundus fieri posse negat; sapientiam illius stultitiam probat; et cum multos deos dicant, fides autem unum probet, teste virtute, in prudentia sua confundentur.

(Vers. 20.) « Scriptum est enim: Reprehendens sapientes in astutia eorum (11). Et iterum: Dominus novit cogitationes sapientium, quoniam vanæ sunt. » Istud in psalmo habetur nonagesimo tertio. Denique idem sensus est; sciens enim vanas cogitationes illorum, ut stultos illos probaret, sapientiam illorum reprehendit, ostendens verum esse quod falsum dicebant; et falsum, quod verum putabant.

(Vers. 21.) « Itaque nemo glorietur in homine. » Quoniam enim humanæ cogitationes et consilia improvida et infirma sunt, non esse gloriandum in homine docet, sed in Deo, cujus consilium retractari non potest: quidquid enim homines sine Deo sapiunt, stultum est.

(Vers. 22.) « Omnia namque vestra sunt, sive Paulus, sive Apollo, sive Cephas, sive mundus (12), sive vita, sive mors, sive præsentia, sive futura: omnia vestra, vos autem Christi, Christus autem Dei. » Alio loco dicit de eodem sensu: « Nos autem servos vestros propter Jesum (II Cor. iv, 5). » Servos pro ministris posuit; ut non singulos sibi defenderent

pium est et funestum.

(10) Ita vet. edit. ac. mss.; at Rom. edit. sic immutavit: *Hic templum Dei dicit, infra vero templum, etc.*

(11) Rom. edit., *Apprehendam sapientes..... sapientiam illorum apprehendit.*

(12) Mss. aliquot, *sive Cephas, qui est Petrus.*

(13), cum omnibus uterentur, sicut et Dominus dicit: *A* « Ego sum in medio vestrum, non ut ministrer, sed ut ministrem (*Luc. xxii, 27*) . » Nam mundus utique noster est, sed ut de illo secundum Dei voluntatem sentiamus et decretos cursus ejus in Dei voluntate ponamus. Et vita præsens concessa nobis est, sed ut modeste illam et cum Dei gloria transigamus. « Sive mors (*Rom. viii, 38*), » ut pro Christo mori libenter habeamus spe promissionis futuræ. « Sive præsentia (*Ibid.*), » ut sie præsentibus utamur, ne offendamus. « Sive futura (*Ibid.*), » ut futura credentes, ipsis nos magis, quia meliora sunt, commendemus.

(Vers. 23.) « Vos autem Christi; » ut quomodo hæc judicio nostro concessa sunt et subjecta, ita et nos Christo subjiciamur; quippe cum per ipsum esse cœperimus, et in prima origine et regeneratione. « Christus autem Dei. » Christus Dei est Patris sui proprius Filius, faciens voluntatem ejus; ut et nos ipsius faciamus. Si ergo Christi sumus famuli, quid est ut ad ejus injuriam de hominibus aliquid speremus?

CAPUT IV.

(Vers. 1.) « Ita nos existimet homo, ut ministros Christi, et dispensatores mysteriorum Dei. » Hoc significavit, quia minus de illo sentiebant aliqui Corinthiorum; sed ut homo hoc de illo sentiret, quod et Deus, qui illum elegerat; ideo ministros Christi ait, et dispensatores mysteriorum Dei. Quando enim non verborum strepitu, neque humana sapientia nitentur intelligi; debuit sacramentum Christi dispensare, in non verba, eed virtus fulgebatur; non per quod homo, sed Deus gloriosus videretur; collega enim piscatorum, non aliter quam illi, Christum prædicabat. Cum ergo ministrum se Christi et sacramentorum Dei probat, pseudoapostolos notat, et abnegat Christi esse quod tradunt, per id quod discordarent a traditione apostolica.

(Vers. 2.) « Hic jam quæritur inter dispensatores, ut fidelis quis inveniatur. » Hoc quod dicit, non solum ad pseudoapostolorum personam pertinet; sed et ad reliquorum, qui accepta dispensatione, aut verecundia, aut timore, aut certe commendationis suæ causa constanter arguere trepidabant aut malos sensus aut mores. Hic enim tam constans *D* erat, ut nec vitæ suæ parceret, dummodo fideliter omnia celebraret (14).

(Vers. 3.) « Mihi autem pro minimo est, ut a vobis dijudicer, aut ab humano die. » Quos in tantis vitiis reprehendit, miserum dicit ab his se judicari; quippe cum nec a justis judicandum se sciret. « Aut ab humano die, » hoc est, quia nec a legibus

(13) Rom. edit., *singulos sibi deferrent*. Et infra, *quia meliora sunt, accommodemus*.

(14) Eadem edit. Rom., *omnia consummaret*. Ac post pauca, *reprehendit, minimum dicit*.

(15) Vet. edit. et mss. non pauci, *Quamvis enim homo est, quem non potest, nisi aliquid lateat*: Rom.

« mundo creditis judicandus erat. Supergressus enim humanam justitiam, cœlesti justitiæ studebat, sicut dicit Dominus: « Nisi abundaverit justitia vestra plus quam Scribarum et Phariseorum, non intrabitis in regnum Dei (*Matth. v. 20*). » Humanum ergo **124** diem cum dicit, significat et divinum; in quo judicaturus est Christus, quia sicut jurisconsulti seu pontifices, quos vocant sacerdotes, certos dies quibus judicatur, decreverunt: ita et dies Domini definitus est, quo judicaturus est mundus.

(Vers. 4.) « Sed neque me ipsum judico; nihil quidem mihi conscius sum. » Apertum est quia conscientiam puram habens sollicitus de se non erat. « Sed non in hoc justificatus sum. » Nunc humiliat se, et loquitur ut homo, qui possit culpam incurrere *B* nescius. « Qui autem judicat me, Dominus est. » Recte ait: quamvis enim humiliaverit se, tamen Domino Christo plurimum dedit; quia potest, quod hominem latet, dum occulta judicat, manifestare, non ut reum faciat, sed prudentem. Quamvis enim sanctus, tamen homo est, quem non potest fieri ut non aliquid lateat (15). Interdum enim aliquid utile putamus, quod inutile est; nec enim omnia membra aut latera conversationis humanæ descripta habemus: ab iis autem quæ gravia sunt, aperte prohibiti sumus. Nam quædam causæ nos fallere solent ex causis aliquibus ortæ; ut quod non est utile, putemus utile, quod leve quidem est; quia propositum liberum est.

(Vers. 5.) « Itaque nolite ante tempus judicare, donec veniat Dominus. » Monet illos ne judicent, cum judicandi sint et habeant duplex peccatum, sicut ait Dominus: « Nolite judicare, ut non judicemini (*Matth. vii, 1*); » sed exspectate diem judicii Dei, ac si fideles et boni sint. Injuria enim judicis est, si ante cognitionem ejus a servo procedat iudicium aut sententia.

« Qui et illuminabit occulta tenebrarum, et manifestabit consilia cordium; et tunc laus erit unicuique a Deo. » Hoc dicit, quia in die judicii nihil occultum erit eorum, quæ gesta aut cogitata sunt: et simplicitas et hypocrisis illic apparebit; ut et qui despectus habebatur, forte appareat dignus: et qui aliquid esse putabatur, inveniatur reprobus. Omnia enim nuda erunt (16) in die judicii, et tunc laus erit bene agenti vel cogitanti. Hic enim qui laudatur, improbable est an dignus sit, sicut et in alio loco dicit: « Non enim qui se ipsum commendat, ille probatus est: sed quem Deus commendat (*II Cor. x, 18*), » quem utique nihil latet.

(Vers. 6.) « Hæc autem, fraters, transfiguravi in me, et Apollo propter vos; ut in nobis discatis, ne supra quod scriptum est, unus pro uno infletur ad-

edit. cum Gill. in marg. et mss. nonnullis locum satis commode sic emendarat: *Quis enim homo est, quem non aliquid lateat*; sed veram lectionem supeditavit cod. Vall. ut nos in textu.

(16) Mss. aliquot, *omnia enim nota erunt*.

versus alterum. » Transfiguravit hæc in se et Apollo, A dum pseudoapostolorum glorias et traditiones per-versas sub sua persona et Apollo evacuat, summam illos designans, non singulatim; ne forte major discordia in populo nasceretur. Nemo enim audiens nomen suum taxari, aut ejus qui favet, contentus est tacere: tacito autem nomine si quis audiens, etiamsi de se intelligat dictum, dissimulat. Sub hac ergo propositione evacuavit personas illorum, cum dicit: « Ego plantavi, Apollo rigavit, » etc. (*I Cor.* III, 6), ut in his discerent nihil dandum hominibus.

(Vers. 7.) « Nam quis te discernit? » Id est, sunt aliqui, qui amplius accipientes in baptisate aut in doctrina, cæteros dicant minus consentos. Hoc iis loquitur, qui baptizatos ab aliis plus aliquid esse putabant: quorum eloquentia seducebantur, ut fure quodam perversa recta putarent. Tanta enim discordia erat in populo, ut multa essent studia diversarum partium: et sic omnia dicta sua aptavit Apostolus sine manifestatione nominum omnibus partibus; ut cum legeretur epistola, unaquæque pars ad se dicta susciperet, audiens quod causæ suæ intendi cognosceret.

« Quid enim habes, quod non accepisti? » Nihil illum boni ultra dicit consecutum ab aliis, quam ab eo acceperat, ideo frustra queri; quod enim habebant, ab Apostolo acceperant. Ad unum autem videtur loqui, quia ad partem plebis loquitur.

« Si autem accepisti, quid gloriaris, quasi non acceperis? » Hoc quasi insultatores apostoli agebant per imperitiam; ut eadem audientes, quæ ab Apostolo jam didicerant, illum evacuantes, de horum magisterio gloriarentur; eloquentia enim commendati, prædicationis gloriam in se convertebant. Apostolus vero contemptibilem se volebat videri, dummodo Dei gloriam faceret acceptabilem.

(Vers. 8.) « Jam saturati estis, jam divites facti estis, sine nobis regnatis. » Ironia est, ut dicunt; irascentis enim verba 125 sunt, non confirmantis. In quibus enim tanta vitia arguit, regnare illos dicit; sic enim putabant gloriantes de iis quæ a pseudoapostolis tradebantur.

« Et utinam regnetis, ut et nos vobiscum regnemus. » Ut pius pater etiam ingratis filiis bene optat. Qui enim poterat fieri, ut sine apostolis regnarent? Quidquid enim non ab apostolis traditum est, sceleribus plenum est. Sic tamen ordo fuërat dicere: Ut nobiscum regnetis; sed quia præmiserat: « Et utinam regnetis, » aliter dicere non potuit nisi: « Ut et nos vobiscum regnemus. » Regnare autem est de spe et promissis Christi securum esse, et gaudere in iis quæ adversa propter nomen Christi accidunt; lucrum enim afferunt, non detrimentum. Unde alio loco dicit: « Cum infirmor, tunc potens sum (*II Cor.* XII, 10). »

(Vers. 9.) « Puto enim quod Deus nos apostolos

novissimos ostendit, quasi morti destinatos. » Hoc ideo personæ suæ deputat, quia semper in necessitate fuit, persecutiones et pressuras ultra cæteros passus, sicut passuri sunt Enoch et Elias, qui ultimo tempore futuri sunt apostoli. Mitti enim habent ante Christum (17) ad præparandum populum Dei, et muniendas omnes Ecclesias, ad resistendum Antichristo, quos et persecutiones pati et occidi lectio Apocalypsis testatur (*Apoc.* XI, 8, 9). Horum ergo tempus suo temporis comparavit Apostolus dicens: « Quasi morti destinatos (*I Cor.* IV, 9); » ad hoc enim venturi sunt, ut occidantur.

« Quia spectaculum facti sumus huic mundo, et angelis et hominibus. » Quia erant spectaculum et Enoch et Elias usque adeo, ut corpora eorum in platea projiciantur in conspectu totius populi infidelis; ita et apostoli spectaculum facti sunt, quia publice ridebantur, positi ad injuriam et mortem quam passi sunt. Mundum autem, angelos et homines dixit; quia et angeli mali sunt, dicente David in psalmo septuagesimo septimo: Vexa abit illos per angelos malos, et homines mali et increduli; his apostolorum injuriæ oblectamento sunt. Mundus autem ideo infidelitas dicitur, quia visibilia sequitur.

(Vers. 10.) « Nos stulti propter Christum. » Verum est quia amantes Christum, stulti sunt mundo, « Vos autem prudentes in Christo. » Qui prudens in Christo judicatur a perfidis, non recte asserit Christum. Denique Marcion, quia negat Filium Dei, et incarnari Deum potuisse, prudens est mundo, et Photinus, quia non fatetur Christum per id quod natus est, Deum, sapiens videtur mundanis.

« Nos infirmi. » Infirmi ideo, quia sine adulatione et cum stultitia, sicut videtur mundanis, prædicantes Christum injuriis subiciebantur. « Vos autem fortes. » Ideo fortes, quia sic profitebantur Christum, ne offenderen homines, ut essent securi.

« Vos nobiles. » Qui enim Christum non fatetur, quia Abrahamæ promissus est, et ab initio prædicatus, hic nobilis contra Christum est; quia antiquitatem promissi Christi aliis deputat. « Nos vero ignobiles. » Ignobilis mundo est, qui Christum, quod mundus denegat, ab initio profitetur. Hæc igitur omnia supradicta, quæ negare videtur, confirmat, et quæ quasi confirmare videtur, negat. Irascentis enim verba sunt, qui negando confitetur, et confitendo negat.

(Vers. 11, 12.) « Usque ad hanc horam et esurimus, et sitimus, et nudi sumus, et colaphizamur, et instabiles sumus, et laboramus operantes manibus nostris. » Libere enim et juxta veram fidem sine aliqua adulatione Christum prædicantes, et gesta pravæ vitæ arguentes, gratiam apud homines non habebant, et colaphizabantur, id est injuriis agebantur, et instabiles erant; quia fugabantur,

(17) Corb. ms., qui in ultionem præfuturi sunt

apostoli. Mitti enim habent ante antichristum.

ne in loco diu manentes, plures docerent. Ideo et A
manibus operabantur, quia non solum gratiam apud
homines non habebant; verum etiam ab his accipere
indignum erat, qui errori studebant, sicut dicit in
psalmo centesimo quadragesimo: « Oleum autem
peccatoris non impinguet caput meum (Psal. cxi,
5). » Quia et libertatem arguendi amittit, et peccat,
qui ab eo accipit, qui ideo dat, ne corripatur.

(Vers. 13.) « Maledicimur et benedicimus; »
male tractantes enim se hortabantur ad bonum.
« Persecutionem patimur et sustinemus; » quia
persequentibus se non resistebant. « Blasphema-
mur et obsecramus; » blasphemantes enim rogabant,
ut permitterent sibi reddi rationem.

126 « Tanquam purgamenta hujus mundi facti
sumus, omnium peripsema usque modo (18). » Non B
resistendo ulli, neque vicem in malis reddendo,
sed semper se subjiciendo; ut per patientiam re-
vocaret ad bonum, contemptibilis et despectus
fiebatur. « Usque modo, » id est, usque nunc etiam
apud Corinthios, pro quibus hæc, quæ supra me-
morat, mala passus est. Et quoniam humilitatem
suam nihil in his proficere videbat, queritur dolore
commotus tantam subjectionem et injurias nullum
fructum habere potuisse; sed et quod deterius est,
in pejus profecisse.

(Vers. 14.) « Non ut confundam vos, hæc scri-
bo; » hoc est, non ut ruborem vobis faciam, hæc
scribo, sed ut corrigatis. « Sed quasi filios meos
charissimos moneo. » Adhuc se supplicem facit,
ne correpti, et ad iram provocati, admonitiones C
ejus spernerent. Id agit ut medicus salutaris, qui
putamina abscindens, dolorem illatum spe et blan-
ditiis mitigat, ut æger se curari permittat.

(Vers. 15.) « Si enim decem milia pædagogorum
habueritis in Christo, sed non multos patres. Nam
in Christo Jesu per Evangelium ego vos genui. »
His dictis ostendit nullum posse eo affectu diligere
illos, quo ipse eos diligebat. Quis enim alienos
filios suis præponat in amore? Ac per hoc monita
ejus, qui et pro his tanta mala passus est, non
debere eos spernere.

(Vers. 16.) « Obsecro ergo vos, imitatores mei
estote. » O benevolentiam sancti Apostoli, qui obse-
crat filios, ut imitentur patrem, hoc est sponte
rogat ægros, ut recipiant medicinam! In his ta- D
men sui illos imitatores vult esse; ut sicut hic
multa exitia pro salute eorum ab incredulis passus
est, et non cessit, dummodo per dies et noctes
evangelizaret illis donum gratiæ Dei, ita et illi
manentes in fide ejus et doctrina, non reciperent
falsorum apostolorum prava commenta, sed resi-
sterent (19) contemnentes opprobria, aut detractio-
nes, ut patri suo spirituali inviolatum reservarent
affectum.

(18) Rom. edit., *tanquam lustramenta usque modo.*

(19) Omnes edit., *sed persistenter*; omnes inss.,
sed resisterent.

(20) Ms. Corb., *Pia commonitione promittit, etc.*

(Vers. 17.) « Ideo misi ad vos Timotheum, qui
est filius meus charissimus et fidelis in Domino. »
Hortatur illos in hoc eodem Timotheo, quem ideo
charissimum et fidelem filium obtestatur in Domi-
no, ut in hoc discerent, quid peccarent; cum enim
huic testimonium perhibet, illos arguit.

« Qui vos commonefaciat vias meas, quæ sunt
in Christo Jesu, sicut ubique in omni Ecclesia do-
ceo. » Per istum quem fidelem filium in Domino
confirmat, reverti illos vult ad regulam a se tra-
ditæ veritatis; ut commoniti verbis et exemplis
operum ejus resipiscerent, cognoscentes non per-
peram se fuisse ab Apostolo doctos, quando eadem
tenere omnes Ecclesias discerent.

(Vers. 18.) « Tanquam non venturus essem ad
vos, sic inflati sunt quidam. » Indignabantur qui-
dam Corinthiorum, quia non ibat ad illos, non
desiderio, sed superbia, quod quasi indignos illos
haberet; cum magis Apostolo hoc studium fuerit,
ut de indignis faceret dignos. Habebat ergo votum
eundi, sed majora erant, quæ agebat.

(Vers. 19.) « Veniam autem cito ad vos, si Do-
minus permiserit (20). » Post commonitionem
promittit se ire ad illos, sed si Dominus permitteret,
ut quia plus scit Deus quam homo, ideo si sciret
operæ pretium esse, permitteret: et si non iret,
Dominum non scivisse ostenderet, causa utique in-
dignitatis illorum.

« Et recognoscam non sermonem illorum, qui
inflati sunt, sed virtutem. » Confundit illos, quia
cum oblique conversarentur, indignabantur, quasi
digni essent ab Apostolo visitari.

(Vers. 20.) « Nec enim in sermone est regnum
Dei, sed in virtute. » Ut sicut regnum Dei non
splendore verborum commendatur, sed virtute si-
gnorum, ita et hi non verbis nudis, sed virtute ope-
rum spiritualium dignos se ostenderent ab Apostolo
visitari.

(Vers. 21.) « Quid vultis! In virga veniam ad
vos, an in charitate et spiritu mansuetudinis? »
Terroris verba infert, ut pudorem passi, qui inflati
erant, humiliarentur; ut si vere Apostoli præsen-
tiam desiderarent, præpararent se ad excipiendum
eum, id est, abluerent se ab omni macula crimi-
nis (21); ut veniens ad illos, lætitiâ haberet quasi
cum filiis charissimis.

CAPUT V.

(Vers. 1.) « Omnino auditur inter vos fornicatio,
et talis fornicatio, qualis nec inter gentes. » Ut
quam grave sit istud 127 peccatum ostenderet,
nec ab iis hoc dixit admitti, qui Deum nesciunt;
ut proinde qua pœna hic mulctandus esset, osten-
deret, qui sub æterna et divina justitia (22) consti-
tutus, tanti sceleris crimen admiserat.

« Ita ut quis uxorem patris habeat. » Præmissi

(21) Nonnulli mss., *ab omni plaga criminis.*

(22) Mss aliquot, *qui sub terrena et divina justi-
tia.*

criminis prodidit genus, ut non solum illum aperte A reum mortis faceret, sed et adhaerentes illi non immunes a crimine demonstraret; in quo enim difficile peccatur, plus facit reum.

(Vers. 2.) « Et vos inflati estis, et non magis luctum habuistis. » Superbiam illorum in tantum humiliat, ut non querulos jam, sed magis supplices faciat. Erant enim et ipsi participes, dum paterentur reum tam ingentis facinoris secum incorruptum convenire; ut omnes uno consilio abjicerent eum, si negaret emendare se. Si autem quis potestatem non habet, quem scit reum, abjicere, aut probare non valet, immunis est, et iudicis non est sine accusatore damnare, quia et Dominus Judam, cum fur esset, quia non est accusatus, minime abjecit.

« Ut tolleretur de medio vestrum, qui hoc opus B fecit. » Cognito opere isto, pellendum illum fuisse de cœtu fraternitatis; omnes enim crimen ejus sciebant, et non arguebant; publice enim novercam suam loco uxoris habebat. In qua re neque testibus opus erat, neque tergiversatione aliqua poterat tegi crimen.

(Vers. 3-5.) « Ego quidem absens corpore, præsens autem spiritu; » id est, absens facie præsens autem auctoritate spiritus, qui nusquam abest. « Jam judicavi ut præsens, eum qui hoc admisit, in nomine Domini nostri Jesu Christi congregatis vobis et meo spiritu, cum virtute Domini nostri Jesu, tradere hunc Satanæ in interitum carnis. » Quoniam omnis (23) carnis voluptas a diabolo est, ac per hoc, cum huic voluptati remittitur, traditur Satanæ; caro enim hoc habet in natura, ut intereat; anima ergo cum se jungit desiderio ejus, infirmans spirituales suum vigorem, simul interitur patitur. Itaque si hic correptus stupri admissi erubesceret ejectum se, non interiret, pœnitentia subsequente. Non tantum omnium consensu et præsentia; sed virtute Domini Jesu, id est sententia cujus legatione fugebatur Apostolus, abjiciendum illum de Ecclesia censuit (24). Cum ejicitur, tradetur Satanæ in interitum carnis; et anima enim et corpus intereunt, quandoquæ contra legem sunt, fiunt: sed in hac aliter causa interitus carnis homini deputatur. Quanquam enim omnia peccata carnalem hominem præsent, hoc tamen specialiter desiderium carnis est, quo cum corpore tradit gehennæ; quia victa anima, sordibus maculata anima, libidine carnis fit caro (25); sicut et corpus recte gubernatum spirituale appellatur. Animus tamen est, qui aut victus illecebris, totum hominem carneum facit: aut in vigore naturæ suæ manens, carni prestat, ut spiritalis dicatur.

(23) Ita mss. et edit. vet.; at Rom. edit. vocem *omnis* hinc resecatat.

(24) Nonnulli cod., *Nam omnium consensu, et præsentia Spiritus, cujus legatione.... de Ecclesia præcepit*; alii mss. et edit. inter se consentiunt, nisi quod vet. edit. præferunt etiam *nam* pro *non*, nec non perinde ac Rom. edit. omittunt *tantum*, quod nos e mss. aliquot restituimus.

« Ut spiritus salvus sit in die Domini Jesu Christi. » Tradit contaminatum supradictum Satanæ ut spiritus salvus sit in hominibus Ecclesiæ in die iudicii; nisi enim ejectus esset, non fieret salvus spiritus Ecclesiæ in die iudicii. Deserebat enim omnes contaminationis causa, ut in die Domini nudi ab Spiritu sancto inventi, audirent a iudice Domino: « Recedite a me, non novi vos (Matth. vii, 23); » sicut dicit ad Romanos: « Si quis autem spiritum Christi non habet, hic non est ejus (Rom. viii, 9); » et in alia Epistola: « Nolite contristare Spiritum sanctum Dei (Ephes. iv, 30). » Si enim contristatur, deserit et non erit salvus: non utique sibi, qui impassibilis est, sed nobis quibus datus est: ut per illum Dei filii esse probemur. Res enim quæ amittitur, salva non est, non utique sibi, quæ ubicunque sit, necesse est ut sit; sed ei a quo amittitur.

(Vers. 6.) « Bona est gloriatio vestra (26)? » Hoc est, non bona est; læti enim erant, cum magis contristari debuerint in fratre tam acerbè peccante, sicut tristis fuit Samuel in Saul peccante. A quo crimine mali doctores aut dissimulabant, aut negligentius arguebant (sicut et Heli sacerdos (I Reg. ii, 23) filios suos peccantes in Deum), ne amari essent hominibus (27).

« Nescitis quia modicum fermentum totam massam corrumpit? » Ita et peccatum unius, quod cognitum non arguitur, multos contaminat; imo omnes qui norunt, et non devitant, aut cum possint arguere, dissimulant. Non enim sibi videtur peccare, quando a nullo corripitur aut vitatur.

128 (Vers. 7.) « Expurgate vetus fermentum, ut sitis nova conspersio. » Hoc duplici genere accipiendum est, quia est et fermentum humana doctrina, dicente Salvatore: « Cavete a fermento Pharisæorum (Matth. xvi, 6), » id est a doctrina. Et ad malam ergo doctrinam cavendam, et ad hanc causam dictum est, quia ejecto fornicatore, vetus fermentum ejicitur. Ideo autem vetus, quia antiqui erroris peccatum est. Nova autem compositio, Christi doctrina est.

« Sicut estis azymi. » Azyma ex causa non fermentata farina dictum est, cum filii Israel ejecti sunt de Ægypto; ut fermentum vetustas haberetur, azyma autem novitas. Abjctis enim veteribus erroribus Ægyptiorum, in novam legem inducti sunt; ita et Corinthii post paganorum errores in Evangelium Christi inducti sunt. Hortatur ergo, ut secundum professionem suam, quam ab Apostolo sub nomine Christi acceperant, et viverent, jam vitæ novæ cultores: et hoc est azymos esse.

(25) Mss. nonnulli, et Rom. edit., *quo cordibus maculata anima, a libidine carnis fit caro*, etc.; Thuan., *quod sordibus maculatam animam cum corpore tradit gehennæ*.

(26) Ita mss. prope ad unum; omnes vero edit., *Non est bona gloriatio vestra, hoc est, mala est*.

(27) Mss. Remig. ac Laud., *ne amarus esset, eos non arguebat*.

« Pascha nostrum immolatus est Christus. » Secundum legem docet novitatem Paschæ ratione consistere, et ideo Christum esse occisum, ut ex eo nova prædicatio novam faceret conversationem; ut quia Paschæ rationem colimus, veterem vitam non sequamur. Pascha itaque immolatio est, non transitus, sicut quibusdam videtur; prius enim Pascha, et sic transitus, quia ante exemplum Salvatoris est et sic signum salutis. Nec enim ante signum, quam crux; nam occiso vespere agno, in Ægypto filii Israël Pascha egerunt, ex cujus sanguine postes signarunt: ut noctu angelus transiens, ea loca non contingeret, quæ sanguine agni fuerant oblita (*Exod. xii, 22, 23*).

(Vers. 8.) « Itaque festa celebremus, non in fermento veteri. » Hoc est latitiam habentes renovationis, facta vetera fugiamus, immunditiam omnem abicientes a nobis, quæ est corruptio; quia sicut fermentum totam massam corrumpit, ita et mala vita totum hominem. Ergo ut non solum a turpitudine vitæ nos observemus, sed et ab iniquitatis studio, adjecit:

« Nec in fermento malitiæ et nequitiae, sed in azymis sinceritatis et veritatis. » Hoc est, ut sinceritas mundam vitam faciat, veritas autem omnem fraudem excludat.

(Vers. 9, 10.) « Scripsi vobis in epistola, ne commisceamini fornicariis. » Scripsisse se significat prius, ubi commonet illos, ne jungerent se malæ vitæ hominibus. Et quia non intellexisse forte ea quæ scripserat, videbantur, nunc in hac epistola C quid scripserit, interpretatur dicens: « Non utique fornicariis hujus mundi, » sed a fratribus talibus scripsi recedendum.

« Aut avaris, aut rapacibus, aut idolis servientibus; alioquin debueratis de hoc mundo exisse. » Igitur intellectum eorum arguit, qui putabant forte quia ab incredulis, fornicariis, aut avaris, aut rapacibus, aut idolis servientibus prohibuisset, non a fratribus; et ideo illum qui uxorem patris habebat, inter se esse non ægre ferebant. Si igitur his commisceamini, inquit, melius erat mori vos; compendium est enim male agentibus, si citius (28) moriantur, quam si diutius in peccatis versentur.

(Vers. 11.) « Nunc autem scripsi vobis, ne commisceamini. Si is qui frater nominatur inter vos, D est fornicator, aut avarus, aut idolis serviens, aut maledicus, aut ebriosus, aut rapax, cum hujusmodi ne cibum quidem sumere. » Cum fratre prohibet cibum sumere, cum infideli autem non prohibuit, quippe cum dicat: Si quis vos vocat ex fidelibus ad cœnam, et vultis ire, omne quod appositum fuerit, manducate (*Luc. x, 8*). Ideo ait:

(Vers. 12.) « Quo enim mihi de his qui foris sunt judicare? » Verum est quia perfidos episcopus non potest judicare: cum fratre autem in quo vitia hæc reperiuntur, non solum sacramenta non edenda, sed

A nec communem escam docet: ut erubescat, cum vitatur, et se corrigat.

(Vers. 13.) « Nonne de iis qui intus sunt, vos judicatis? » Judicat quis, dum discernit cui fratri adhaereat, quem arguat, quem devitet, « Nam eos qui foris sunt, Deus dijudicabit. » Superius: « Nolite, ait, ante tempus judicare (*I Cor. iv, 5*); » hic non prohibet. Sed superius incognita per suspicionem maxime de rectore prohibuit judicare, quia Dei solius est occulta judicare; hoc autem loco, ut frater fratrem examinet etiam jubet, sicut alio 129 loco dicit (*II Cor. xiii, 5*): « Vos ipsos tentate, si estis in fide: ipsi vos probate. » Qui autem foris sunt, in die judicii damnabuntur; quia dixit Dominus: « Qui non crediderit, jam judicatus est (*Joan. iii, 18*). » In quo enim spes non est, pro mortuo habendus est.

« Auferte malum ex vobis ipsis. » Adhuc commonet, ut discernantur a malis et operibus et hominibus.

CAPUT VI.

(Vers. 1.) « Audet aliquis vestrum adversus alterum habens negotium, judicari apud iniquos, et non apud sanctos? » Iniquos duplici genere significat, et qui non credunt, et qui leges a Deo mundo creditas frequenter cum adulatione interpretantur, auctoritatem harum idolis deputantes, ideoque iniqui sunt: et quia in Ecclesia magis lex est, ubi Dominus legis timetur, melius dicit apud Dei ministros agere causam: facilius enim de Dei timore sententiam legis veram promunt.

(Vers. 2.) « Aut ignoratis quoniam sancti hunc mundum judicabant. » Nihil otiose dicit Apostolus; ideo enim hunc mundum dixit, ut ostendat et alterum; quia et Joannes apostolus, « Nolite, ait, diligere hunc mundum (*I Joan. ii, 15*). » Et Dominus in Evangelio: « Sic, inquit, dilexit Deus mundum, » etc. (*Joan. iii, 16*). Illic ergo mundus in errore est, non ille superior, ad cuius similitudinem hic factus est. Unde homo hic positus est, ad imaginem Dei factus, ut sicut in superiore mundo ab uno Deo sunt omnia, ita et in hoc ab uno homine omnes haberent originem. Hinc est unde Moyses in Deuteronomio: « Cum divideret, inquit, Altissimus gentem, quemadmodum dispersit filios Adæ: statuit fines gentium secundum numerum angelorum Dei (*Deut. xxxii, 8*). » Quid tam apertum, hunc mundum superioris esse imaginem certa ex causa? est enim et Jerusalem inferior; et illa superior, quam matrem nostram vocat idem Apostolus (*Galat. iv, 26*): est inferior paradysus, in quo homo positus mandatum et ut operaretur ibi, et ut custodiret, accepit (*Gen. ii, 15*). Est et ille cœlestis, in quo raptus Apostolus, audivit verba arcana (*II Cor. xii, 4*). Judicabant ergo sancti hunc mundum: quia exemplo fidei illorum perfidia mundi damnabitur.

« Et si in nobis judicabitur mundus. » Tunc judicabitur hic mundus in nobis, si opus perfidorum hominum non inveniatur in nobis. « Indigni ergo etc.

(28) Corb.cod., malis non emendantibus, si citius,

sunt hujusmodi, qui etiam de minimis judicent? » A Hoc est, non sunt utique indigni ii, qui ipsum mundum judicaturi sunt, ea judicare que mundi sunt.

(Vers. 3.) » Nescitis quoniam angelos judicabimus? » Addidit plus, dicendo: » angelos judicabimus, » id est, potentias spirituales, quas alio loco tradit in cœlestibus degere, eodem genere judicandos angelos a nobis, quo et mundus judicabitur.

(Vers. 4, 5.) » Sæcularia igitur judicia si haberitis, contemptibiles qui sunt in Ecclesia, illos ad judicandum constituite. » Sæcularia judicia sunt, ad corpus pertinentia vel corporea. Et quia non sic fieri debet, adjecit: » Ad reverentiam (29) vestram dico. » Ne quia supra negotium nominavit, sed quale non significavit; sunt enim et divina negotia, dicente eodem: » Adjutor negotii mei (Rom. xvi, 3). » Et sæcularia forte judicia, quia prohibuerat apud perfidos agenda, quamvis in Ecclesia, sicut audierant, a qualibuscunque tamen putarent audienda aut terminanda, ad ruborem eorum ait: » Contemptibiles qui sunt in Ecclesia, illos ad judicandum constituite. » Sunt enim in Ecclesia et lignea vasa; tam enim intractabiles et inconsideratos eos significavit, ut imperitos forte ex fratribus iudices eligerent. Hoc de experto Apostolus; sciebat enim quam tepidi et improvidi in reliquis causis fuerant deprehensi.

» Sic non est inter vos quisquam sapiens, qui possit judicare inter fratrem suum? » Quia ergo sunt, inquit, sapientes fratres, aliqui horum eligantur ad judicandum quorum iudicium miretur mundus (30). Magnus enim pudor est, si inter eos qui dicuntur Deum cognovisse, non inveniatur, qui examinare possit negotium juxta jus evangelicum. Ideo autem fratrem iudicem eligendum dicit, quia adhuc rector Ecclesiæ illorum non erat ordinatus.

(Vers. 6.) » Sed frater cum fratre iudicio contendit, et hoc apud infideles. » Manifestum est quia infideles aut arbitros, ut assolet fieri, postulatos significat, aut iudicem publicum, cui dici solet: Hodie dies sacrorum est, jus dici non potest.

130 (Vers. 7.) » Jam quidem omnino delictum in vobis est, quod judicia habetis inter vos. » Peccatum esse significat, quia frater cum fratre litigat, cum danda opera sit, ut concordēs sint, quasi germani, maxime cum fides nostra paci studeat. Quanquam enim Christianus litigare non debeat, tamen si grave quid fuerit, et quod contemni non possit, causam ad Ecclesiam deferati; ne et damnum ad præsens, et offensionem forte incurat.

(Vers. 8.) » Quare non magis injuriam accipitis (31)? quare non magis fraudem? Sed vos injuriam

(29) Edit. et mss. nonnulli, *ad verecundiam*; alii mss. plures ac potiores, *ad reverentiam*. At sequens pro *divina negotia*, solus Corb. legit, *divina judicia*.

(30) Ita mss. aliqui, et vet. edit.; Rom. vero *imittetur mundus*; at plures mss., *meretur mundus*; Corb., *iudicio examinabitur mundus*. Infra autem, ubi vet. edit. ac mss. non pauci, *juxta jus evangeli-*

facitis, et fraudatis: et hoc fratribus. » Nunc hos corripit, quorum injustitia jurgium generatur; quia non solum per fraudem admissam rei sunt, sed et partem habent delicti illorum, qui coacti injuria aut fraude eorum, infideles rogant ad judicandum: et cum fraudem aut injurias illatas persequi non deberent, non solum vindicant sed et ipsi fraudem et injurias faciunt; ut puniendæ exempla fratribus tribuant. Et quid aliis facere credatur, qui non parcat suis?

(Vers. 9, 10.) » An nescitis, quia iniqui regnum Dei non possidebant? » Hoc dicto ostendit illos non nescios peccare, ac per hoc gravius vindicandum. Si enim in misericordes (32) rei sunt apud Deum, quanto magis iniqui? » Nolite errare; nam neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt. » Non hæc idcirco memoravit quasi nescirent, apud quos annum et sex menses sedit, docens Evangelium Dei (Act. xviii, 11): sed commonuit, ut restauraret in illis reverentiam legis, et meritum ad regna cœlorum.

(Vers. 11.) » Et hoc quidem fuistis. » Ne omnibus hoc ascribere videretur, aut certe omnes ab his criminibus immunes faceret, si taceret (prohibuisse enim videbatur, non revelasse crimina illorum), idcirco sic ait: » Et hoc quidem fuistis. » Et ne ad iram illos provocaret, adjecit: » Sed abluti estis, » ut agnoscentes crimina rei facti, statim respirarent audientes: » Sed abluti estis. » Solent enim aliqui pudorem pati, et corrigere, cum de se audiunt bona.

» Sed sanctificati estis, sed justificati estis in nomine Domini nostri Jesu Christi, et Spiritu Dei nostri. » Hæc omnia beneficia puritatis in baptisate consecuti noscuntur, quod est fundamentum evangelicæ veritati. Illic enim omnibus peccatis depositis, abluuntur credens, et justificatur in Domini nomine, et per Spiritum Dei nostri Deo filius adoptatur. Per hoc admonet illos quanta et qualis sit gratia, quam per veram traditionem assecuti sunt: postea vero contra hanc regulam fidei impulsu malorum doctorum sentientes, his beneficiis se exuerunt. Unde id agit, ut revocet illos ad veram et primam sententiam, ut recuperarent, quod tuerant consecuti.

(Vers. 12.) » Omnia mihi licent, sed non omnia expediunt (33). » Quibusdam videtur propter libertatem concessi arbitrii dixisse Apostolum: » Omnia mihi licent, » etc., ut liceat fornicari, non tamen

cum, habetur in aliis cod., *juxta ejus evangelium*.

(31) Rom. edit. et quidam mss., *injuriam patimini? quare non magis fraudamini*.

(32) Edit. quædam Paris., *Si enim misericordes*.

(33) Expositio hujus versiculi in mss. non paucis hoc loco omittitur, sed reponitur in sequenti pagina, unde alia rursus transponuntur.

expediat. Sed quomodo licet, quod prohibetur? Aut certe si omnia licent, nihil potest dici illicitum. Sed licet, non tamen expedit. Hæc susurrant potius, quam asserunt, aut immemores aut negligentes. Dicit enim Joannes Baptista ad Herodem: « Non licet tibi habere uxorem fratris tui (Marc. vi, 18). » Sed forte Joannes expers fuerit humani eloquii, inspiratus in utero, quia si hoc est, dicere debuit: licet tibi, sed non expedit. Sed et Dominus similiter mulieri Chananaeæ ait: « Non licet accipere panem filiorum, et mittere canibus (Matth. vi, 26). » Et iterum dicit Dominus Judæis: « Non legistis quid fecit David, cum esuriret: quomodo intravit in domum Domini, et panes propositionis accepit, quos non licebat ei edere, » etc. (Marc. ii, 25, 26)? Omne ergo quod prohibetur, non licet; et omne, quod non licet, prohibetur (34): sed aliquando, interveniente causa aliqua, licet, sed non expedit.

« Omnia mihi licent, sed ego sub nullius redigar potestate. » Omnia sibi licere dicit, ea scilicet, quæ et coapostolis ejus licuerunt, quæ et lex continet naturalis, non Moysis, quia multa prohibuit Moyses propter duritiam cordis populi increduli et cervicosi (Matth. xix, 8). Tamen si ad causam respicias, aliud fuit in sensu Apostoli, ut hæc loqueretur; hæc enim præmisit postea acturus hanc causam, sicut fecit et de illo 131 qui incestum admiserat; proponit enim designans quid acturus esset postea. Denique statim ad superiorem sensum, breviter interimre commendata, redit; hoc enim ideo dixit, quia licebat illi ab his sumptus accipere. Sed quoniam sciebat pseudoapostolos occasionem quærere accipiendi, noluit ab his accipere, ne causa ventris vigor evangelicæ veritatis torpesceret. Si enim ab iis acciperet, quos in tantis vitiis arguebat, auctoritatem magisterii concessam sibi a Domino inclinabat; non enim potest constanter argui a quo accipitur: maxime cum ideo promptus ad dandum, sit, ut sibi humiliet præpositum. Unde et dicit: « Sed ego sub nullius redigar potestate. »

(Vers. 13.) « Esca ventri, et venter escis; Deus autem et hunc et has destruet. » destructio ventris est, cum edendi cessat officium: escæ vero destructio tunc erit, quando steterit nativitas. Pseudoapostoli autem, qui non utique religionis causa, sed quæstus circumibant, peccantibus amari esse volebant.

« Corpus autem non fornicationi, sed Domino. » Nunc redit ad superiorem sensum: « Et Dominus corpori. » Quid Dominus corpori? Subauditur: immortalitatem resuscitato præstabit; corpus enim Deo dicatum, dono spiritali remunerabitur merito ducis, id est, animi.

(Vers. 14.) « Deus vero et Dominum suscitavit, et nos suscitabit per virtutem suam. » Idem sensus

(34) *Et omne... prohibetur*, in textum ex mss. Vall. et aliis nonnullis restituimus.

A est, quem exemplo voluit Dominicæ resurrectionis firmare; virtus enim Dei Christus est, qua nos suscitabit, et ipsum Dominum. Hoc dixit, quia ipse Dominus corpus suum suscitavit, sicut et ipse Dominus ait: « Solvite templum hoc, et ego tribus diebus suscitabo illud. Hoc autem dixit de templo corporis sui (Joan. ii, 19, 21). »

(Vers. 15.) « Nescitis quoniam corpora vestra membra sunt Christi? » Corpora nostra membra Christi sunt, sed in novum hominem, qui secundum Deum creatus est (Ephes. iv, 24), quia ipse est caput Ecclesiæ. « Tollam ergo membra Christi, et faciam membra meretricis? Absit. » Ait, Absit, quia meretrici adhærentia membra desinunt esse membra Christi.

B (Vers. 16.) « An nescitis, quia qui adhæret meretrici, unum corpus fit? » Hoc dicit, quia qui contaminationi se admisceet, unum fit cum eo, cui se admiscet. Fornicatio enim ambos unum facit, ut quomodo in natura, sic et in macula unum sint. « Erunt, inquit, duo in carne una (Gen. ii, 24). » Manifestum est, ut quia mulier de viro est, ambo in carne una sint.

(Vers. 17.) « Qui autem adhæret Domino, unus spiritus est. » Quoniam in bene agentibus Spiritus Dei est communis cum Deo et hominibus.

(Vers. 18.) « Fugite fornicationem. » Recte fugiendam monet fornicationem (35), per quam filii Dei fiunt filii diaboli. « Omne peccatum quodcumque fecerit homo, extra corpus est. » Quia cætera peccata, etsi per corpus generantur, non tamen animam ita carnali concupiscentia faciunt obstrictam et obnoxiam, quemadmodum commisceri facit animam cum ipso corpore usus libidinis, agens in opere carnalis fornicationis; quia in tantum agglutinatur anima corpori, ut in ipso momento nihil aliud cogitare homini liceat aut intendere, quia ipsam mentem captivam subdit ipsa submersio et absorbitio libidinis et concupiscentiæ carnalis. Unde subditur:

« Qui autem fornicatur, in corpus suum peccat. » Ostendit gravissimum esse peccatum, quia ex hoc omne deperit corpus: in cæteris autem peccatis portio perit, non totum. Totum enim corpus vir est et mulier, quia portio viri est mulier. Quicumque enim aliud peccatum admisit, extra se peccat. D fornicarius vero in carnem suam peccat. Age, si laqueo vitam finiat, aut ferro se trucidet, non in corpus suum videtur peccare, sed in animam, cui vim facit. Fornicari autem, corporale delictum est, quod et corpus contingit et animam: non enim sine desiderio carnis, quia habet et caro proprium motum, anima concupiscit, ut peccet in carnem, quamvis sine anima nihil possit. Per id ergo quod in carnem, quæ ex se est, peccat (ad originem enim retulit), in corpus suum dicitur peccare, ut desinat a fornicatione, quasi sibi parcens. Novatiano tamen

(35) Illic articulus abest a mss. nostris, at contra in cunctis exstat edit.

hic, qui fornicatur, non in corpus suum videtur A peccare sed in Christi; aliter enim hoc pronuntiat, ut etiam illum, qui fornicatur, in Spiritum sanctum dicat peccare: propter causam, qua abscissus est ab Ecclesia. Hoc nulla ratione astrui potest; corpus enim Christi non est unus aut duo Christiani, sed omnes, singuli autem membra sunt. Quomodo ergo qui fornicatur, in corpus Christi peccat, cum non omnes contamine? Quod si ita esset, ut Novatiano videtur, cætera **132** omnia peccata extra Deum essent, et sola fornicatio peccatum esset in Deum. Etiam qui vadit ad idola, non peccat in Deum, nec qui negat in persecutione, quia omne peccatum quodcumque fecerit homo, extra corpus est Christi, sicut illi videtur. Si autem et hoc aliter voluerit pronuntiare, ut neget aliquod extra B corpus Christi esse peccatum, cogetur dicere quia omnis quodcumque peccatum fecerit, in Deum peccat, et in Spiritum sanctum: ut et fur, et perjurus, et mendax in Spiritum sanctum peccare dicatur. Et quomodo est illud, quod ait Dominus: « Quia omnia peccata et blasphemia remittentur hominibus; qui autem peccaverit in Spiritum sanctum, non remittetur ei, neque hic, neque in futuro (*Matth.* XII, 31)? » Apparet utique, exceptis cæteris peccatis, aliud esse peccatum, quod peccatum dicitur in Spiritum sanctum. Quibusdam iterum videtur quia qui fornicatur, ideo in corpus suum dicitur peccare, quia Ecclesiæ membrum est: et se contaminans, in Ecclesiam peccat, cujus membrum est. Qui ergo Ecclesiæ membrum est, C dicendum est illi, cum fornicatur, quia non sibi, sed in Ecclesiam peccat. Porro autem dicit Apostolus, quia qui fornicatur, per id quod in portionem suam delinquit, in corpus suum peccat.

(Vers. 19.) « An nescitis quia corpora vestra templum est Spiritus sancti, qui in vobis est, quem habetis a Deo? » Superius (*I Cor.* III, 16) templum Dei dixit, hic templum Spiritus sancti, quia in substantia hoc est Spiritus, quod Deus est. Hoc idcirco dixit, ut corpora nostra incontaminata servemus, ut possit illic Spiritus sanctus habitare.

(Vers. 20.) « Et non estis vestri; empti enim estis pretio magno. » Manifestum est quia qui emptus est, non est sui arbitrii, sed ejus a quo emptus est, ut non suam, sed illius faciat voluntatem. Et quia charo pretio empti sumus, propensius Domino nostro servire debemus, ne offensus, a qua nos redemit, morti nos reddat. Quam enim charissimo pretio nos emit, ut sanguinem suum daret pro nobis?

« Clarificate et portate Deum in corpore vestro. » Hoc est clarificare et portare Deum in corpore, ut secundum legem ejus ambulemus; per legem enim snam ipse videtur in nobis. Portare tamen Deum, hoc est, imaginem Dei in rebus bene gestis ostendere.

CAPUT VII.

(Vers. 1.) « De iis autem quæ scripsistis mihi, bonum est homini mulierem non tangere. » Pravis sensibus pseudoapostolorum exagitati, qui nuptias per hypocrisin, ut puriores cæteris viderentur, spernendas docebant, hæc per epistolam ab Apostolo requirebant; quia enim non oblectabantur hac sententia, prætermisissis cæteris, hoc solum requirunt. Quibus tamen respondit bonum esse quidem mulierem non contingere, quanquam non illi illud simpliciter asserant.

(Vers. 2.) « Tamen propter fornicationem, » hoc est, ne quid contra legem admittatur, cum quando quod lex non prohibet, vitatur: « unusquisque uxorem suam habeat, et unaquæque suum virum habeat. » Solent enim qui compendium quærunt, errare. Qui enim fieri posset, ut hi ab uxoribus suis se abstinere, quos in tantis vitiis reperit? Ideo ergo non permittit, ne ab licitis se abstinere, inconcessa præsumerent, sicut faciunt Manichæi.

(Vers. 3, 4.) « Uxori vir debitum reddat, similiter autem et uxor viro » Invicem sibi subijci illos in hac causa, ut quia unum corpus sunt, una eorum sit et voluntas in lege naturæ. « Mulier sui corporis potestatem non habeat, sed vir; similiter et vir sui corporis potestatem non habeat, sed mulier. » Hoc dicit, quod neque viro neque mulieri liceat corpus suum alii tradere; invicem enim sibi debitores sunt in hac causa, ne peccandi detur occasio.

(Vers. 5.) « Nolite fraudare invicem. » Hoc dicit, ut conveniat illis (36) in re uxoria, ne dissensio generet fornicationem. « Nisi ex consensu ad tempus, » id est, ut ex condicto abstineant se, propter gratiarum actiones. « Ut vacetis orationi. » Quanquam enim sine intermissione orandum sit, meditatio enim hæc omni die facienda est, tamen ut orationi insistant, huic rei vacandum præcipit, interpositis temporibus ad Dominum promerendum; ut enim misereatur, mundus exorandus est. Quamvis munda sint conjugia, tamen etiam a licitis abstinendum est, ut facilius ad effectum deducatur oratio. Nam et in lege sanctificari volentes, inter cætera etiam ab uvivis passis jussu Domini temperabant, ut fierent sanctiores (*Num.* VI, 4). Cum enim quis etiam concessa non contingit, ostendit se velle, quod precatur, accipere.

133 « Et iterum revertimini ad id ipsum. » Quoniam consilium conjugibus (37) dat post dies orationis ad usum naturalem reverti debere: « Ne vos tentet Satanas propter intemperantiam vestram » interpositis diebus abstinendum monet; ne occasio detur diabolo, sicut dicit Petrus apostolus: « Ecce diabolus ut leo rugiens circuit, quærens quem devoret (*I Petr.* V, 8). » Si enim causa filiorum creatorum ducitur uxor, non multum tempus concess-

(36) Rom. edit., ut convenient illi.

(37) Cod. Laud., conjugii consilium datur, ad

ipsum Dominum revertantur, abstinentes se ab uxori-
bus suis, ut possint dignius accipere corpus Domini.

sum videtur ad ipsum usum : quia et dies festi, et dies processionis, et ipsa ratio conceptus et partus juxta legem cessari temporibus his debere demonstrant.

(Vers. 6, 7.) « Hoc autem dico secundum indulgentiam, non secundum imperium. » Manifestum est ideo hoc illum dare consilium, ut fornicationem excludat, non ut ad meliorem vitam tendentibus iter claudat. « Volebam autem omnes homines esse sicut me ipsum. » Quantum ergo ad benevolam et sollicitam matrum pertinet, omnes tales, si fieri posset, volebat esse sicut se ipsum. Qualis autem ipse erat, mox in subjectis ostendit : « Sed unusquisque proprium num habet ex Deo, alius quidem sic, alius vero sic ; hoc est, unusquisque justa votum suum donum Dei habet, ut si velit, ipsius nutu Dei, possibilitatem consequatur. Ideo non debet quis constringi ; ne a licito prohibitus, illicita admittat : sed ipse sibi eligat, quid sequatur.

(Vers. 8.) « Dico autem non nuptis et viduis, bonum est illis, si sic permaneant, sicut et ego. » Non diceret, bonum est innuptis, ut sint, sicut et ego ; nisi esset integer corpore. Nec diceret : « Omnes homines volebam esse, sicut me ipsum, » si enim haberet uxorem, et hoc dixit, virgines esse noluit. Sed absit : sic enim a pueritia servivit (38), ut hujus rei studium non haberet ; quippe cum juvenulus anticipatus sit a gratia Dei. Postquam dixit unumquemque proprium donum habere a Deo, ostendit in qua re melius est esse propensioem ; quia in eo adjuvatur quis, quod videtur aviditate mentis appetere.

(Vers. 9.) « Quod si se non continent, nubant. » In ista re illos vult (39) contendere, ut contineant. Quid si impulsu carnis perseverare se viderint non posse, quia nec sunt promptiores in eo ipso, ut adjuventur a Deo ; illum enim Deus juvat, quem videt tota virtute contendere : nubant utique, si uri timeant. Forte enim poterunt hoc postea adipisci ; digesto enim impedimento reparat se voluntas robustiore virtute.

« Melius est enim nubere quam uri. » Non ideo dixit : « Melius est enim nubere quam uri, » quasi bonum sit uri, ideo nubere melius : sed consuetudinem secutus est. Solemus enim dicere : Melius est lucrum facere, quam damnum. Ubi vero est, desiderii agi vel vinci : cum enim voluntas calori carnis consentit, uritur : nam desideria pati, et non vinci, illustris viri est et perfecti.

(Vers. 10, 11.) « Iis autem qui matrimonio juncti

sunt, denuntio non ego, sed Dominus. » Postquam innuptis et viduis loentus est, hos alloquitur qui matrimonio juncti sunt, ore Dominico : « Uxorem a viro non discedere ; quod si discesserit, manere innuptam. » Hoc Apostoli consilium est, ut si discesserit propter malam conversationem viri, jam innupta maneat. « Aut viro suo reconciliari. » Quod si continere se, inquit, non potest, quia pugnare non vult contra carnem, viro reconcilietur ; non enim permittitur mulieri, ut nubat, si virum suum causa fornicationis dimiserit, aut apostasiæ, aut si illicita impellente lascivia, usum quærat uxoris (40) : quia inferior non omnino hæc lege utitur, qua potior. Si tamen apostataverit vir, aut usum quærat uxoris invertere, nec alii potest nubere mulier, nec reverti ad illum (41). « Et virum uxorem non dimittere. » Subauditur autem, excepta fornicationis causa. Et ideo non subiecit dicens, sicut de muliere ; quod si discesserit, manere sic ; quia viro licet ducere uxorem, si dimiserit uxorem peccantem : quia non ita lege constringitur vir, sicut mulier ; caput enim mulieris vir est.

(Vers. 12.) « Nam ceteris ego dico, non Dominus. » Hoc dixit, ut ostendat quid proprio ore Dominus jussit, et quid hujus auctoritati concessit ; quia et per istum Dominus loquitur. Ait enim : « An experimentum quæritis ejus qui in me loquitur Christus (II Cor. xiii, 3) ? »

134 (Vers. 13.) « Si quis frater uxorem habet infidelem, et hæc consentit habitare cum illo, non dimittat illam. Et si qua mulier habet virum infidelem, et hic consentit habitare cum illa, non relinquat virum. » Hoc dixit, quia inter illa primordia, cum ambo utique essent gentiles, fiebat ut unus ex his crederet : et quia horrebant perfidi culturam Dei, similiter et credentes contaminationem præteriti erroris ; ideo præcipit, ut si contenti essent habitare cum immutatis, contenti essent et fideles esse cum illis.

(Vers. 14.) « Sanctificatus est enim vir infidelis per uxorem fidelem, et sanctificata est mulier infidelis ex viro fidele. » Habere illos beneficium bonæ voluntatis ostendit (42), quia horrorem nominis Christi non habent : et ad tuitionem hospitii pertinet, in quo signum fit crucis, quo mors victa est, sanctificatio enim est.

« Alioquin filii vestri immundi essent. » Immundi essent filii eorum, si dimitterent volentes habitare secum (43), et aliis se copularent ; essent enim adulteri, ac per hoc et filii eorum spurii ; ideo immundi

subjecti, etc., usque ad vers. 12, abest a cod. Remig. uno, *Et adjectum contendit P. Lombardus I. iv, dist. 35.*

(42) Ita vet. edit. ac mss. plerique, a quibus non dissidet Rom. edit., nisi quod præfert, *non habere ad tuitionem* : ms. autem Corb. legit, *In fratre habere illos beneficium, etc.*

(43) Ms. Corb., *si dimitterent uxorem suam, nolent's eam habere secum. Et infra, quia et de conjugibus licitis.*

(38) Rom. edit. ac mss. nonnulli, *spiritu ferbuit.*

(39) Vet. edit. ac mss. frequentissimi, *imitari illos vult* ; Rom. edit.,... *se vult.* Haud incommode, veram tamen putamus lectionem esse, quam e cod. Vall. reposuimus.

(40) Rom. edit., *aut si impellente lascivia, usum quærat uxoris invertere* ; vet. edit. ac mss. ut in contextu, nisi quod alibi habetur, *illicite, alibi illicita.*

(41) Codex Corb., *nec reverti causa fornicationis ad illum.* Quod autem habetur infra : *Et ideo non*

• Nunc autem sancti sunt. • Sancti sunt, quia de A conjugii licitis nati sunt: et quia sub Creatoris veneratione nati sunt propensiore ex parte. Quia sicut quidquid per dedicationem idolorum fit (44), immundum est; ita quidquid sub Dei creatoris professione fit, sanctum est.

(Vers. 15.) « Quod si infidelis discedit, discedat. • Propositum religionis custodit, præcipiendo ne Christiani relinquunt conjugia: sed si infidelis odio Dei discedit, fidelis non erit reus dissoluti matrimonii; major enim causa Dei est quam matrimonii.

(28, q. 2, c. *Si infidelis.*) « Non est enim frater aut soror servituti subjectus in hujusmodi. • Hoc est, non debetur reverentia conjugii ei qui horret auctorem conjugii; non enim ratum est matrimonium, B quod sine Dei devotione est, ac per hoc non est peccatum ei qui dimittitur propter Deum, si alii se junxerit. Contumelia enim Creatoris solvit jus matrimonii circa eum qui relinquitur, ne accusetur alii copulatus. Infidelis autem discedens, et in Deum et in matrimonium peccare dignoscitur, quia noluit sub Dei devotione habere conjugium. Itaque non est ei fides servanda conjugii, quia ideo recessit ne audiret auctorem (45) esse Christianorum Deum conjugii. Nam si Esdras dimitti fecit uxores aut viros infideles (*III Esdr. ix, 9*), ut propitius fieret Deus, nec iratus esset, si alias ex genere suo acciperent; non enim ita præceptum his est, ut remissis istis, alias minime ducerent: quanto magis si infidelis discesserit, liberum habebit arbitrium, si voluerit nubere C legi suæ viro? Illud enim non debet imputari matrimonium, quod extra decretum Dei factum est: sed cum post cognoscit et dolet se deliquisse, se emendat, ut veniam mereatur. Si autem ambo crediderint, per cognitionem Dei confirmant conjugium.

« In pace autem vocavit nos Deus. » Verum est, quia non oportet litigare cum eo qui discedit; quia odio Dei discedit, ac per hoc nec dignus habendus est.

(Vers. 16.) « Quid enim scis, mulier, si virum salvum facies? aut unde scis, vir, si uxorem salvam facies? » Hoc dicit, quia forte possunt credere, qui non horrent nomen Christi (46).

(Vers. 17.) « Nisi unicuique sicut divisit Deus. » Divisit unicuique Dominus, quando salvetur, hoc est, scit quando potest credere, et sustinet illum. D Et hic docet expectandos eos, nec scandalum de his pati debere, quia custodienda est spes illorum; si enim ipsi discesserint, dissimulandum ab his.

« Unumquemque sicut vocavit Deus, ita ambulet. » Hoc est, ut si matrimonio junctus est qui credit, non deserat, neque vir, neque mulier, sed sic maneat, sive Judæus, sive Græcus.

(44) Nonnulli mss., *quidquid prædicatione idolorum fit.*

(45) Ita edit. omnes, et mss. aliquot: alii autem majori numero, *ne audiret rectorem*, etc. Quidquid vero hunc sensum sequitur usque ad *In pace autem*

« Sicut in omnibus Ecclesiis doceo. » Ut suadeat, non se aliter his tradere quam cæteris; ut cum cæteros hujus fidei hoc doceri audiunt, promptius assequantur. Facile enim quis inclinatur, si viderit socium consensisse.

(Vers. 18.) « Circumcisis aliquis vocatus est? Non adducat præputium. » Hoc est, quod dixit, ut ita ambulet, sicut vocatus est; ut 1. 5 Judæus factus Christianus non putet se forte indignum, quia præputium non habet, dans gloriam præputio. « In præputio quis vocatus est? non circumcidatur. » Ut gentilis vocatus non aestimet se debere circumcidi, per id quos filios Abrahæ audit præponi. Nec enim quia circumcisi sunt, præponuntur, sed merito Abrahæ, cujus filii sunt in utroque, si credant: si quominus, pejores erunt gentilibus; deterius est enim fuisse et non esse, quam nunquam fuisse.

(Vers. 19.) « Circumcisio nihil est, et præputium nihil est. » Manifestum est, quia nec obest, nec prodest. « Sed observatio mandatorum Dei, » id est, fides propitium facit Deum, si bonis operibus approbetur.

(Vers. 20, 21.) « Unusquisque in ea vocatione, in qua vocatus est, in ipsa permaneat. » Hoc firmat, quod supra dixit. « Servus vocatus es? Non sit tibi curæ: sed et si potes liber fieri, magis utere. » Hortatur ut bene serviens de Dei timore carnali domino, dignum se faciat libertate, ne audiens forte: « Servus vocatus es? Non tibi sit curæ; » negligentior esset circa bonos actus carnalis domini, et doctrina Christi blasphemaretur, et nec ille Deum promeretur, qui in his terrenis bene serviens, meritum sibi collocat apud Deum: quia dixit Dominus: « Qui in minimo fidelis est, et in magno (*Luc. xvi, 10*). »

(Vers. 22.) « Qui enim in Domino vocatus est servus, libertus est Domini. » Ereptus enim a peccatis, quæ vere servos probant, libertus fit; hic enim omnino servus est, qui imprudenter agit, sicut et veteribus placuit, qui omnes sapientes liberos appellarunt, imprudentes autem omnes servos. Unde et Salomon: « Servo, inquit, sapienti liberi servient (*Eccli. x, 28*). » Hic ergo qui credit, etsi servus sit ad tempus; quia rem facit prudentem, ut credat in Christum, libertus fit Domini. Si ergo peccata servos faciunt, sicut Cham filius Noe peccati et imprudentiæ causa factus est servus; cum quis accipit remissionem peccatorum, libertus efficitur.

« Similiter qui liber vocatus est, servus est Christi. » Profectus est ex libero servum fieri Christi: liber enim erat a Deo, quod maximum crimen est: et ideo amissa amara et contraria libertate, conditionem sortitus est quæ prodesset, sicut dicit Dominus: Tollite jugum meum super vos, quia suave est: et onus meum, quia leve est

in mss. Corb. desideratur.

(46) Rom. edit., *qui nunc horrent*; aliæ omnes, ac mss., *qui non horrent*, quibus addit codex Corb., *credere*.

(*Matth.*, xi, 29, 30). » Superbiam itaque abscidit, et unitatem fecit; ut neque servus pudore conditionis despectum se putet, neque liber elatione mentis inflatus, servo se superponat.

(Vers. 23.) « Pretio empti estis, nolite fieri servi hominum. » Verum est, quia tam caro empti sumus, ut a nullo redimi potuissemus, nisi a Christo, qui omnium dives est. Qui ergo pretio emitur, magis servire debet, ut aliquatenus vicem reddat emptori. A Deo ergo empti, id est a Christo, servi hominum esse non debent. Servi autem hominum hi sunt, qui humanis se subiciunt superstitionibus. Apostolus tamen illud memorat, quod in capite epistolae reprehendit, eo quod dicerent: Ego sum Pauli; Pius autem: Ego Apollo (*I Cor.* i, 12). Dedit tamen articulum Christum fatendum Deum; quando servos Christi non hominis servos appellandos ostendit.

(Vers. 24.) « Unusquisque frater, in quo vocatus est, in eo maneat apud Deum. » Hoc est quod supra dixit, quod ut plene commendat, reiterat.

(Vers. 25.) « De virginibus autem præceptum Domini non habeo. » Hoc ad scripta illorum respondit, sicut supra dixit: De quibus autem scripsistis mihi, etc. (*cap.* vii, 1). « Consilium autem do, tanquam misericordiam consecutus a Domino, ut sim fidelis. » Præceptum de virginibus negat se accepisse, quia non poterat auctor conjugii rem adversam nuptiis imperare, ne factum suum primitivum accusaret. « Consilium autem, ait, do; » non quod displiceat, neque quod adulatione fucatum sit; quia ad hoc gratiam consecutus est, ut idoneus sit in dandis consiliis salutaribus.

(Vers. 26.) « Existimo ergo hoc bonum esse propter præsentem necessitatem; quia optimum est homini sic esse. » Bonum dicit esse virginem permanere. Et ut hoc absolutius ostenderet, « propter præsentem necessitatem, » ait: quia optimum est, ut inter bonum et optimum nihil tam præclarum atque utile esse cognosceretur, quam est virginitas; quia non solum apud Deum virginitatem commendatiorem docet, sed et apud vitam præsentem, dum necessitates temporis nescit quas patitur conjugatio; et mærores partus, simulque orbitates filiorum ignorat. Ut ergo ad hanc affectandam hortaretur, 136 præsentis necessitatis exitia lucrari docet has, quæ illam dilexerint; ut cum non solum hanc apud Deum locum meliorem habere discunt, verum etiam in præsentem, omni industria hanc appetent. Unum enim est, quod laborat; ut affectum carnis vincat, in cæteris omnibus libera. Quia enim caro in origine sua est et natura, usus ejus suavis videtur et dulcis affectus; ideo hæc superare non brevis gloria est.

(Vers. 27.) « Vincetus es uxori? Ne quæsieris solutionem. » Hæc remediorum consilia sunt; dicit enim non debere quemquam absolvi ab uxore,

A nisi causa fornicationis. Frequenter enim eas dimittentes, sub te nunc continentur a ias decipiunt, refrigescendo proposito. Sed si melius vult vivere cum uxore sua positus, exhortetur illam, ut sine scandalo purius vivant.

« Solutus es ab uxore? ne quæsieris uxorem. » Ut sciens hoc magis Deo acceptum, et a necessitate liberum, non querat uxorem; ita tamen ut a cæteris temperet. Si quominus, quid prodest desiderium carnis premere, hoc est, rem licitam spernere, et illicitis subjacere?

(Vers. 28.) « Si autem acceperis uxorem, non peccasti. » Non utique peccat, quia quod concessum est, facit. Si vero contempserit, meritum sibi collocat et coronam. Magnæ enim patientiæ est, hoc non contingere, quod prohibitum non est. « Et si nupsit virgo, non peccavit. » Non peccat, quia apud Deum ex hac causa libera est.

« Tribulationes tamen carnis habebunt hujusmodi. » Hoc est, etsi a peccato liberi sint, in hac tamen vita tribulationes habebunt, gemitus ventris, nutrimenta filiorum, victus, tegumenta, dotes, ægritudo, apparatus domus, uxoris necessitas, mariti dominatio.

« Ego autem vobis parco. » Pareit quando ab hæc magis provocat, quæ tribulationes carnis et sollicitudines memoratas excludunt. Potest sic videri parcere, cum permittit, et non contradicit volentibus, quod onerosum ostendit.

(Vers. 29.) « Hoc itaque dico, fratres, tempus brevium est, et reliquum est. » Brevium tempus et reliquum dicens, finem mundo imminere significavit: quamvis sciret (47) adhuc tempora superesse. Sed aliter scribere non debuit propter hos, qui lecturi hæc tunc sunt, cum præbreve supererit tempus; ne semper dum longe esse putaretur dies iudicii, aut non timeretur, aut falsum esse æstimaretur. Illud autem quod dicitur, cum adhuc longe sit, imminere multum proficit; terrorem enim incutit ad meliorem vitam agendam hominibus. Denique hic in præsentem quam solliciti sunt ii, qui apud iudices habent quæ agant, cum actorum dies dicitur imminere? Hoc sonat hic, quod alio in loco dicit, « seductores, sed veraces (*II Cor.* vi, 8). »

« Ut et qui habent uxores, ita sint, ac si non habentes. » Quia enim mundi finis in proximo est, non debere ad generandum esse sollicitos, neque ad usum ipsum delitos: ut propensiores et vigilantes in divinis operibus, exercitati circa curam legis, imminente prælio repugnent. Pressure enim erunt, quales nunquam fuerunt, et multi casuri sunt in laqueum diaboli: denique nullus nostrum vult tempore suo hæc provenire, timens prædictas a Salvatore (48) pressuras (*Matth.* xxiv, 15-24). Hæc sicut nobis optamus, consulamus et aliis: ut a generatione nos filiorum multorum abstinamus.

(47) Quidquid ab his verbis, *quamvis sciret*, ad inferiora illa, *et qui habent uxores*, continetur, in

ms. Corb. omissum fuit.

(48) Nonnulli mss., *prædictas a Salvatore*. Et seq.

plus orationi et Dei servituti subjecti. prævidentes A diem iudicii; ne et nos simus imparati per impedimenta necessitatis præsentis, et illi incurrant, quod nos timemus. Etiam a licitis ergo vult temperare fideles; ut non solum innocentes, sed et gloriosi videantur: concessa enim præterire virtutis est maximæ; et prohibita non desiderare non longe est (49).

(Vers. 30.) « Et qui flent, tanquam non flentes; » scientes enim in proximo finem mundi mox consolationem eorum futuram, qui pro Dei justitia forte premuntur, hac spe inter eos consolentur se, « Et qui gaudent, tanquam non gaudentes; » in præsentem enim qui gaudent sciant mox luctum venturum, eis videlicet qui mundo gaudent, ambigentes de Dei iudicio. » Et qui emunt, tanquam non possidentes; » credentes enim, qui emunt, parvum tempus superesse mundo, sic agant, ut non omnem curam in rem cito perituram impendant: magis autem curam animæ suæ gerant, quam sciunt æternam.

137 (Vers. 31.) « Et qui utuntur hoc sæculo, tanquam non utantur; » id est, ut non præsumant de usu hoc; quia cito peribit, corruente mundo. « Præterit enim figura hujus mundi. » Quia finire mundum dixit, ostendit figuram ejus præterire (50); et hunc esse finem, id est, non substantiam ejus præterire, sed formam. Itaque si forma mundi peribit, dubium utique non est omnia, quæ in mundo sunt, interire. Ideo præterit, quia quotidie senescit mundus.

(Vers. 32.) « Volo vos sine sollicitudine esse. » Diminuta enim sollicitudine sæculi, in Dei rebus propensius vigilatur. Quomodo autem sine sollicitudine esse possimus, ostendit dicens: « Qui sine uxore est, cogitat quæ Domini sunt. » Amputata enim sollicitudine rei uxoriæ, quæ sola in mundo cæteris gravior est, ad Deum promerendum animus eruditur: si tamen hac spe animus his molestiis se exuat, ut Deo magis serviat.

(Vers. 33.) « Qui autem cum uxore est, sollicitus est quæ sunt hujus mundi, quomodo placeat uxori. » Cura enim uxoris et filiorum cogitatio mundi est: nam inter cætera solent aliquando res puniendas admittere; ne illas offendant, sicut refert Zorobabel unus de tribus cubiculariis Artaxerxis; magna enim amaritudo est in domo uxor tristis (*Esdr.* iv, 13-27). Divisus ideo dicitur, quia non potest et divinis insistere rebus, et uxoris facere voluntatem.

« Divisa est mulier et virgo. » Divisa non utique natura, sed actu, quia legimus in Numeris

versu, pro *consulamur et aliis*, ms. Corb. exhibet *consolamur et alios*.

(49) Post voces *non longe est*, additur in cod. Vall. a *virtute*. In cod. autem Corb. ab his eisdem verbis retro ad illa, *Etiam a licitis*, nihil reperias.

(50) Pro *eius præterire*, et infra, *ideo præterit*: mss. aliquot præ se ferunt, *eius perire..... ideo*

mulieres virgines appellatas (*Num.* xxxi, 9). Alia ergo sollicitudo mulieris, alia virginis est; tamen cum dicitur mulier, incertum est quid significet, nisi significatio subsequatur: cum autem dicitur virgo, manifesta locutio est. Hic Apostolus virginem post mulierem posuit, ut mulierem non virginem significaret: per hoc enim voluit ostendere virginem liberam a tædiis et laboribus, quos patitur mulier viro copulata.

(Vers. 34.) « Nam quæ non est nupta, sollicita est de iis quæ Domini sunt, ut sit sancta et corpore et spiritu, » id est animo. Dum enim spe cœlestium, mariti et filiorum sollicitudinem non suscipit, de Domino cogitat, quomodo propositum Deo devotum custodiat; si tamen in corpore mundo animus terrena abiciens, cœlestibus studeat (51). Animus est enim, qui aut sanctificat, aut polluit corpus. Quid enim prodest corpus mundum habere, et animam pollutam? cum merito animæ aut honoratur corpus, aut damnatur: « Quæ vero nupta est, cogitat quæ sunt hujus mundi, quomodo placeat viro. » Lege enim maritali constricta, sollicita est quomodo impleat jus maritalis officii, subdita mundanis necessitatibus.

(Vers. 35.) « Hoc autem ad vestram ipsorum utilitatem dico; non ut laqueum vobis injiciam: sed ad id quod honestum est. » Quoniam quibusdam asperum et grave videtur, quod utilius aut melius est propter consuetudinem temporalis usus; ideo post rationem redditam, hortatur affectu charitatis simpliciter hoc utilius, hoc honestius esse quod dicit. Honestum est, quia sanctum et mundum: utile vero, quia dignius est apud Deum, et leve in sæculo. Quid ergo dicemus? Si virgines de Deo cogitant, et junctæ viris de mundo, quæ spes relinquatur nubentibus apud Deum? Si enim ita est, dubium est de salute eorum: nam videmus virgines de sæculo cogitare, et matrimonio junctas Dominicis studere operibus. His virginibus non imputabitur sanctimonium a Deo, et his matrimoniis erit merces apud Deum; quia cum obligati essent terrenis et carnis nexibus, operam dederunt ut in futurum aliquid immortalis præmii mererentur. Illis autem non solum non imputabitur virginitas, sed et pœnæ subjicientur, qui sub tegmine melioris spei vitam et conversationem suam mundiali cura et sollicitudine occupantes, pigros se ad Dei opera agenda fecerunt; sicut dicit Jeremias propheta: « Maledictus qui opera Dei facit negligenter (*Jerem.* xlviii, 10). » Hi sunt, de quibus in alia epistola dicit: « Habentes quidem speciem pietatis (52), virtutem autem ejus abnegantes (*II Tim.* iii, 5). »

peribit. Sed hoc etiam loco in Corb. cod. lacuna est.

(51) Ms. Corb., *Si autem in corpore mundo animus terrena cogitet, polluit et corpus. Quæ vero nupta est, etc.*

(52) Ita edit. omnes ac plures mss.; alii vero nonnulli, *speciem veritatis*.

Apostolus autem his loquitur, qui mira devotione obsequi desiderant cœlestibus præceptis, ostendens et docens quo compendio citius itur ad Deum; quia qui propter Deum promerendum virgo manere vult, sciens quale præmium possit accipere, qui a licito temperat, **138** ut melior fiat; simul omnia impedimenta carnis spernit, non nescius hæc esse, quæ gressum currentis velut oneribus compedum detinent.

(Vers. 36.) « Si quis autem turpem se viderit (53) supra virginem suam, si sit ultra pubertatem, et sic oportet fieri; quod vult faciat, non peccat, si nubat. » Quoniam superius ita virginitatem tenendam et continentiam, reddita ratione, hortatus est, ut pene ad comparisonem earum conjugia inutilia et abjicienda videantur; nunc ne nuptias negare putaretur, non peccare virginem, si nubat, ostendit; sed rem maximi laboris aggredi, et quæ apud Deum præmium non habeat, sicut non habet pœnam: Christianos enim vult per omnia esse meliores. Si ergo aliqua in desiderio nuptiarum est, jam matura ad usum, melius esse, ut secundum concessam legem publice nubat, quam occulte turpiter agat illud, et erubescatur in illa.

(Vers. 37.) « Nam qui statuit in corde suo firmus, non habens necessitatem, potestatem autem habet de sua voluntate, et hoc decrevit in suo corde, servare virginem suam, bene facit. » Hoc dicit, ut qui virginem habet, cui animus ad nuptias non est, servet illam: nec illi ingerat fomitem nuptiarum, quam videt nubendi voluntatem non habere. Beneficia si præstanda sunt, quanto magis minime auferenda?

(Vers. 38.) « Ita et qui nuptum dat virginem suam, bene facit. » Bene facit, quia licet, quod facit. « Et qui non dat nuptum, melius facit. » Melius facit, quia et apud Deum meritum illi collocat, et a sæculi sollicitudine illam liberat.

(Vers. 39.) « Mulier vincata est lege, quandiu vivit vir ejus. » Hæc idcirco prosequitur, ut doceat quia mulier, etiamsi a viro fuerit ejecta, nubendi licentiam non habet. « Si autem mortuus fuerit vir ejus (54), liberata est. » Etiam hæc ad supradictas pertinent causas; ut ostendat quam beata sit virgo, cum nulli nisi soli Deo subjecta sit. Vincere enim videtur naturalem subjectionem, quando quod per naturam humiliatum est, erigit. « Cui vult nubat, tantum in Domino, » id est, quem sibi aptum putaverit, illi nubat; quia invitæ nuptiæ solent malos proventus habere. « Tantum in Domino, » hoc est, ut sine suspitione turpitudinis nubat, et religionis sua viro nubat: hoc est in Domino nubere.

(Vers. 40.) « Beatior autem erit, si sic perman-

A serit, secundum meum consilium. » Cum dicit superius, *nubat*, lege loquitur naturali; quanquam a Deo primæ nuptiæ sint, secundæ vero permissæ sunt. Denique primæ nuptiæ sub benedictione Dei celebrantur sublimiter: secundæ autem etiam in presenti carent gloria; concessæ sunt autem propter incontinentiam: et quia solent viduarum juniores incurrere (55); ac per hoc concedit secundas. Sed quia melius est ut se contineat; ut dignior sit in futuro, consilium dat spiritali ratione præcipuum, ut se contineat (56). « Puto enim et ego Spiritum Dei habeo; » ut ratum et providum consilium suum ostendat, humilitate verbi hoc commendat alto sensu.

CAPUT VIII.

(Vers. 1.) « De his autem quæ idolis immolantur, scimus quia omnes scientiam habemus. » Nunc de scientia locuturus est: quæ sit scientia, non statim dicit, sed in subjectis ostendit dicens, quia nihil est idolum.

« Scientia inflat. » Manifestum est habentem scientiam in eo ipso gloriari, si non foris, quia prudens est, vel apud se. Genus enim scientiæ hoc est, ut gloriatur in sese, ideo inflat. « Charitas vero ædificat. » Itaque tunc scientia magna est, et sibi utilis, si charitate humilietur, ut amplius crescat. Temperatur enim a dilectione, ut non satis mera sit, et inebriet scientem, ut se extollat. Sicut enim vinum non temperatum admistione aquæ mentem alienat; ita et scientia superbum facit, nisi fuerit temperata. Omnia enim sola insuavia sunt et nociva; quia nec panis solus bene editur, nec reliqui cibi sine admistione grati sunt, sed novici (57); ideo charitas ædificat. Ipsa charitas uno licet vocabulo appelletur, multis tamen consistit; sine patientia enim non potest, neque sine humilitate, neque sine cordis simplicitate. Hi ergo inflati erant per scientiam, quia nihil est idolum, qui contra salutem fratrum imperitorum **139** carnes sacrificatorum edebant (58), scientes licere carnem edere; et quia nihil est idolum, ideo non contaminari edentem. Hi scandalo erant fratribus, charitatem præ oculis non habentes; quia plus erat carnem contemnere, quam fratribus scandalum facere. Scientia enim illorum destruebat animos imperitorum fratrum, putantium esse illic apud idolum aliquam gratiam; quando peritiores fratres interesse illic, et non horrere videbant. Ideo ait: « Charitas ædificat; » ut saluti fratrum studentes, scientiæ illic legibus non uterentur, ne illis scandalum facerent.

(Vers. 2.) « Quod si quis existimat se aliquid

(53) Rom. edit., cum paucis mss., *se videri existimat*.

(54) Ita vet. edit. ac plerique mss.; Rom. autem edit. cum aliis aliquot mss., *Quod si dormierit*.

(55) Nonnulli mss., *solent in diversum juniores incurrere*. Illic quoque quidquid intercedit a verbis: *Denique primæ nuptiæ, usque ad concedit secundas,*

in Corb. ms. prætermittitur.

(56) Rom. edit., omissis verbis *ut se contineat*, ita prosequitur: *Puto enim et ego me spiritum Dei habere*.

(57) Mss. aliquot, *sed non nocivi*; haud satis recte.

(58) Corb. cod., *qui idolo contra salutem fratrum imperitorum carnes sacrificatas edebant*.

scire, nondum cognovit quemadmodum oporteat eum A scire. » Eos ipsos qui in scientia gloriantur, ostendit non ita cognovisse, sicut cognoscendum est. Dum enim charitatem, quæ mater omnium honorum est, non sectantur, non sciunt sicut oportet. Ut ergo scientia fructum habere possit, charitati se debet subicere.

(Vers. 3.) « Si vero quis diligit Deum, hic cognitus est ab eo. » Illic diligit Deum, qui charitatis causa scientiam mitigat ut prosit fratri, pro quo Christus mortuus est.

(Vers. 4.) « De cibis igitur simulacris immolatorum (59). » Nunc causam ipsam pertractat, ut ostendat per rationem scientiam non solum non proficere, charitate contempta, sed et obesse. « Scimus quia nihil est simulacrum, et quia nemo B Deus, nisi unus. » Verum est; apud Christianos enim unus est Deus.

(Vers. 5.) « Licet sint quidam dii et domini, sive in cælo, sive in terra. » A paganis enim et sol et luna et cætera sidera dii cælestes dicuntur: in terra Apollinem, Æsculapium, Herculem, Minervam deos dicunt et dominos.

(Vers. 6.) « Nobis tamen unus Deus Pater, ex quo omnia, et nos in illo. » Omnia enim ex illo quæque sunt, ubicunque sunt. Cum autem dicit: « Et nos in illo, » discrevit nos a cæteris, qui cum ex illo sint, non tamen sunt in illo, dum adhuc non credunt. « Et unus Dominus Jesus, per quem omnia, et nos per ipsum. » Omnia enim ex Patre quidem, sed per Filium creata sunt. Sed cum dicit: « Et nos per ipsum, » reformatos nos per ipsum, per quem creati fuimus, significat in Dei cognitione; quia facti per ipsum cum cæteris, post stuporem mentis et ignorantiam nos per ipsum agnovimus mysterium unius Dei. Unum ergo Deum Patrem dixit, et unum Dominum Jesum Filium ejus; ut quia Deus non potest non esse Dominus, similiter et Dominus intelligatur esse et Deus, unum esse Deum et Dominum demonstraret, modum unius principii conservando.

(Vers. 7.) « Sed non in omnibus est scientia. » Id est, non omnes norunt credentes mysterium Dei unius; ideo quidam putant ex iis qui credunt aliquid numinis in simulacris.

« Nam aliqui adhuc conscientia idoli quasi simulacro immolatum manducant. » De plebe enim aliqui adhuc cum veneratione simulacri manducabant de sacrificatis, quasi aliqua esset illic divinitas. « Et conscientia aliorum cum sit infirma, inquinatur. » Maculatur conscientia, si infirma est circa Deum.

(Vers. 8.) « Esca autem nos non commendat Deo. »

(59) Edit. ac mss. nonnulli, *De cibis igitur qui simulacris* (edit. Rom., *qui idolis*) *immolantur. Immolatorum*; Rom. edit., *Immolatitorum*, etc. Nos alios mss. plures potioresque secuti sumus.

(60) Sic vet. edit. ac plurimi probatissimique mss. semel et iterum: at utroque loco Rom. edit. cum

Verum est, quia non ideo Deo placebimus si omnia edemus: aut offendimus si aliqua contempserimus. « Neque enim si ederimus, abundabimus; neque si non ederimus, deerit nobis. » Contempta enim sacrificiorum esca, non utique deerit quod edatur; si autem sumpta fuerit, non abundabit, ita ut nihil requiratur: ac per hoc abijcienda; quia neque sine illa non vivitur et scandalum fratribus est.

(Vers. 9.) « Vide tamen ne forte licentia vestra offensio fiat infirmis. » Hoc est, ne quia licere vobis edere carnem de sacrificio dicitis, per id quod nihil esse idolum scitis, offensionem generetis fratribus, qui nesciunt adhuc quia nihil est idolum.

(Vers. 10.) « Si enim quis viderit eum, qui habet scientiam in idolio recubentem, nonne conscientia ejus, cum sit infirma, edificabitur ad manducandum de simulacris? » Hoc ideo dixit, quia videns quis fratrem peritum in idolio invitatum, recubentem edere carnes sacrificiorum, putat illic esse aliquid gratiæ, et incipit etiam ipse edere carnes sacrificiorum, non illa conscientia, qua ille peritiæ causa sciens nihil esse idolum, sed qua esse putat illic numen; quando fratrem peritum videt illic edere, nec horrere.

140 (Vers. 11.) « Et peribit, qui infirmus est in tua scientia (60) frater, pro quo Christus est mortuus? » Peribit infirmus, si edat contra unius Dei fidem de sacrificatis: quod quidem quasi irascentis verba sunt, et ostendentis quid mali possit parere scientia, si non fuerit temperata a charitate. « In tua scientia; » id est, tua peritiæ illum occidit (61); quando a te fieri videt, quod ille aliter intelligit. Et tu eris occasio mortis fratri, quem Christus ut redimeret, crucifigi se permisit. Ac per hoc aliquando ab scientia dissimulandum docet charitatis causa; quia sine dubio plus est salus fratris, quam cibus: quia licet quidem, sed non expedit. Hoc erit cognovisse, sicut oportet scire.

(Vers. 12.) « Sic autem peccantes in fratres, et percutientes conscientiam illorum infirmam, in Christo peccatis. » Quando enim charitatis non æmuli sunt, qua Christus nos liberavit, peccant in Christo, non in Christum; quia in Christum peccare negare est Christum: in Christo autem, in hæc quæ sunt Christi. Sicut et hic, qui sub lege est, in lege dicitur peccare; ita et in qui sub Christo sunt, in Christo peccare dicuntur.

(Vers. 13.) « Propter quod si esca scandalizat fratrem meum, non edam carnem in æternum, ne fratrem scandalizem. » In tantum charitati studendum docet, ut licita pro illicitis habeantur, ne obsint fratri. Quantum enim mali est per illicita non

mss. quibusdam, *in tua conscientia.*

(61) Rom. edit. et mss. nonnulli, *tuo actu illum occidis.... conscientia aliquando dissimulandum*; reliquæ edit. ac mss. invicem congruunt, nisi quod alicubi legitur *occidis*, alibi vero *occidit.*

delinquere, et per ea quæ concessa sunt offendere; ut lex servetur in illicitis, et in licitis non custodiatur, dum inconsiderate eduntur? Lex enim sic permisit quæ concessit, ut modus tamen sit, quem custodiant. Uxorem certe licet habere; sed si fornicata fuerit, abjicienda est: ita et carnem licet edere, sed si idolis oblata fuerit, respicienda est.

CAPUT IX.

(Vers. 1.) « Non sum apostolus? non sum liber? nonne Jesum Dominum nostrum vidi? » Cum negare videtur, confirmat; iratus enim loquitur. Apostolum enim se probat, quia missus est ad gentes, dicente Domino ad eum: « Ego ad gentes mittam te (Act. xxii, 21). » Liberum autem se ostendit, quia nullius aliquid concupivit, neque in adulatione docuit. Jesum autem Dominum nostrum vidit, dum oraret in templo Hierosolymis (Act. xxii, 17, 18). « Nonne opus meum vos estis in Domino? » Ideo opus sunt quia ipse illos plantavit in Domino, annum et sex menses evangelizans eis verbum Dei.

(Vers. 2.) « Etsi aliis non sum apostolus, verumtamen vobis sum; » quia a Judæis credentibus, et nihilominus legem servantibus, apostolus esse negabatur. Jam enim circumcidi non debere docebat, neque Sabbatum custodiri; cæteris autem apostolis propter scandalum ab hac re dissimulantibus, hic aliter videbatur docere; ideo apostolus ab his negabatur; his enim erat apostolus, qui viderant in eo virtutis insignia (62). « Nam signaculum apostolatus mei vos estis in Domino; » hoc enim prædicante, conversi sunt ab idolis ad fidem Dei unius.

(Vers. 3.) « Mea defensio apud eos, qui me interrogant, hæc est. » Nunc incipit agere causam, quem superius præmisit dicens: « Omnia mihi licent, sed ego sub nullius redigar potestate. Esca ventri et venter escis (I Cor. vi, 12, 13). » Sic ergo incipit causam hanc, ut dicat « Mea defensio apud eos, qui me interrogant, hæc est. » Et quæ sit subjicit, dicens:

(Vers. 4, 5.) « Numquid non habemus potestatem manducandi et bibendi? » Hoc est quod dixerat: « Omnia mihi licent. Numquid non habemus potestatem mulierem circumducendi, sicut et cæteri apostoli et fratres Domini, et Cephas? » Ideo addidit: « Et Cephas; » quia cum primus esset inter apostolos, non refutabat sumptus oblatos. Cephas ipse est Simon Petrus. Mulieres enim desiderio doctrinæ Dominicæ, et cupidæ virtutum sequebantur apostolos, ministrantes eis et sumptus et servitia, sicut et Salvatorem sunt secutæ ministrantes ei de facultatibus suis.

(Vers. 6.) « Aut solus ego et Barnabas non habemus potestatem hæc operandi? » Hoc est, habemus potestatem operandi, sed nolimus. Pro

(62) Mss. Corb., ab omnibus negabatur... qui viderunt in eo virtutis signa.

(63) Rom. edit. sola: Quasi dicat non magnum, etc.

accipiendi tamen operandi ait, ut honestius loqueretur. Et ut hoc firmet, exempla subjicit, dicens:

(Vers. 7, 8.) « Quis militat stipendiis suis unquam? Quis plantat vineam, et de fructu ejus non edit? Quis pascit gregem ovium, et de lacte earum non percipit? Numquid secundum hominem hæc loquor? 141 » Id est, numquid humanam sententiam sequor? « Numquid et lex eadem non dicit? » Concordare docuit supradicta testimonia documentis divinis, ut ostendat non sine causa utique nolle se ab illis sumptus accipere, quando tot exemplis ostendit et dandum et accipiendum esse.

(Vers. 9.) « In lege enim (Deut. xxv, 4) scriptum est: Non alligabis os bovis triturantis. Numquid de bobus cura est Deo? » Interim paucis hoc absolvamus; in Jona enim propheta scriptum est: « Non paream civitati, in qua habitant plusquam centum viginti millia hominum et pecora multa (Jonæ, iv, 11). » Et Psalmographus: « Homines et jumenta, inquit, salvabis (Psal. xxxv, 7). » Quomodo ergo Deus non curat de bobus et pecoribus? Sed non curat de bobus et pecoribus propter hæc ipsa, sed propter nos, quorum causa sunt facta; ideo de nobis curat, non de illis.

(Vers. 10.) « Aut potius, inquit, propter nos dicit: propter nos enim scriptum est. » Per figuram enim omnia dicta ad nos transeunt. « Quoniam qui in spe arat et triturat, debet spei suæ fructum percipere. » Verum est, quia hac spe laboratur, ut fructus capiatur.

(Vers. 11.) « Si nos vobis spiritualia seminavimus, magnum est, si nos vestra carnalia metamus? » Non dicit magnum (63), neque par esse, si evangelizantes regnum Dei, et cœlesti cibo Ecclesiam saginantes, alimenta corporis sumerent; ut, tradentes æterna, consequerentur temporalia.

(Vers. 12.) « Si alii potestate vestra utuntur, nonne magis nos? » Si enim ii qui per Evangelium patres vestri non sunt, nec eundem affectum habent erga vos, facultatem habent accipiendi, quanto magis nos? Et subauditur, vestri apostoli; quia et Barnabas apostolus erat.

« Sed non sumus usi hæc potestate; omnia vero toleramus, ne quod impedimentum demus Evangelio Christi. » Diu occultatum prodidit sensum; ostendit enim sumptus ideo se nolle, cum liceret accipere, ne vigor evangelicæ auctoritatis torpesceret. Pseudoapostoli enim peccantibus blandiebantur, volentes accipere; ita ut non sibi viderentur peccare illis subjecti: sed quoniam hæc res contra evangelicam erat disciplinam (64), hic non vult accipere; ut libere arguat, ne in illorum numero inveniatur. Ut enim regulæ Christianæ jus maneret, licita illicita fecit; quia illi per licentiam offende-
bant.

(64) Mss. nonnulli, illis subjectis... licita feci, quæ licentiam.

(Vers. 13.) « Nescitis quoniam qui in sacrariis A operantur, de sacrario vivunt; et qui altario deserviunt, de altario participantur? » In sacrariis legem gentilium significat, in altario vero, Judæorum. Sic enim decrevit Dominus per Moysen ut de iis quæ oblata erant, partem sumerent sacerdotes (*Deut. xviii, 3*).

(Vers. 14.) « Ita et Dominus Jesus ordinavit eos, qui Evangelium annuntiant, de Evangelio vivere. » Non ergo Deus per Moysen gentilium formam secutus est: sed ipsa naturalis ratio hoc habet, ut quis inde vivat, ubi laborat. Hanc ergo rationem ipsi naturæ et conversationi humanæ (65) decrevit. Hæc tamen ad cumulum adhuc addens, gravat causam; ut non leve faciat neque odiosum, quod tantis testimoniis commendat: et tamen non sibi proficere vult, ne libertatem arguendi humiliet.

(Vers. 15.) « Ego autem nullo horum usus sum. » Postquam multis modis ostendit licere accipere, sibi tamen non opus esse; obest enim accipere a peccantibus, sicut supra memoravi. » Non autem scripsi hæc, ut ita fiat in me: bonum est enim mihi magis mori. Nemo gloriam meam evacuabit (66). » Gloriam suam dicit in eo, si Evangelii severitas maneat: et mori magis elegit, quam Evangelii jura violare, sciens hoc sibi magis proficere ad futuram salutem. Debitum enim obsequium abnuat ab his sibi impendi; ne per hoc accipiant fiduciam delinquendi.

(Vers. 16.) « Nam si evangelizem, non est mihi C gloriatio (67); necessitas enim mihi incumbit. » Sicut dicit Dominus: « Cum feceritis quæ dico vobis, dicite: Servi inutiles sumus: quod debuimus facere, fecimus (*Luc. xvii, 10*). » « Væ enim erit, inquit, mihi, si non prædicavero Evangelium. » Missus enim servus a domino facit, etiam invitus, quod sibi præceptum est: si quominus, adstringatur plagis necesse est. Denique Moyses invitus missus est ad Pharaonem (*Exod. iv, 13*); et Jonas coactus est prædicare Ninivitis (*Jonæ i, 3*).

142 (Vers. 17) « Nam si volens hoc ago, mercedem habeo. » Manifestum est quia nemo accipit remunerationem ejus rei, quam invitus agit. Si enim voluntarius, dignus mercede est; quia consentit domino: et quod voluntate fit, melius fit. D « Si autem invitus, dispensatio mihi credita est. » Nec hoc obscurum est, quia qui indevotus aliquid facit, non voluntate facit, sed necessitate. Quia

(65) Cod. Corb., *ipsa natura et conversatio humana decrevit*. Et post pauca idem ms. cum aliis nonnullis, *neque otiosum, quod tantis*, etc.

(66) Ita mss. plures ac melioris notæ: alii vero, et edit., *magis mori, quam ut gloriam meam quis evacuet*.

(67) Vet. edit. cum paucis mss., *non est mihi gratia*.

(68) Omnes edit. *voluntatis suæ non est*; contra vero mss. prope ad unum, *potestatis suæ*, etc. Iterum

enim potestatis suæ non est (68), facit invitus quod sibi præceptum est.

(Vers. 18.) « Quæ ergo erit mea merces? Ut Evangelium annuntians, sine sumptu efficiam Evangelium; ut non abutar potestate mea in Evangelio. » Repressa verborum jactantia gloriatur, et vult intelligi quanta dignus mercede sit, quia potestate sua non utitur in Evangelio, dum respuit oblatos sumptus, ne vim prædicationis humiliet. Hoc est licere, sed non expedire propter salutem fratrum, ut corrigantur. Forma ergo vult esse cæteris, ut ubi vident non expedire, etiam licitis non utantur: si quominus, de licito fient rei (69): quod sic sumunt, ut ad detrimentum proficiat.

(Vers. 19.) « Nam cum liber sim ex omnibus, omnium me servum feci, ut plures lucrifaciam. » Liber ex omnibus est, cum nulli in adulatione tradidit Evangelium, nec cujusquam præter salutem (70) aliquid concupivit, neque ad delicias habendas ab aliquo sumptus largiores mercede hypocrisis accepit. Servum autem sic se omnium factum dicit, dum se per humilitatem similem omnium mente imbecillium exhibuit; ut eos per patientiam firmaret ad salutem futuram, confovens animos illorum qui aut peccabant, aut res divinas tardius sequebantur; ut non aspere ferrent reprehendi se.

(Vers. 20.) « Et factus sum Judæis tanquam Judæus, ut Judæos lucrifacerem. » Videtur quasi simulasse (71), ut omnibus fieret omnia, quod solent adulatores facere; sed non ita est: vir enim divinus et medicus spiritalis, sciens omnium causas et vulnera, magna industria confovet illos et compatitur: cum omnibus enim hominibus quædam habemus communia. Factus est ergo Judæis tanquam Judæus; quia propter scandalum illorum circumcidit Timotheum (*Act. xvi, 3*), et purificatus ascendit in templum, ne occasionem per eum acciperent blasphemandi (*Act. xxi, 26*). Rem ergo fecit, quæ jam cessare deberet, sed secundum legem fecit. Nam et consensit illis legem esse a Deo et prophetas, et de illis ostendit Christum hunc esse, qui promissus est: ut assensus ejus haberet effectum.

(Vers. 21.) « Iis qui sub lege sunt, quasi sub lege essem (cum ipse non sim sub lege), ut eos qui sub lege sunt, lucrifacerem. » Ii qui sub lege sunt Samaritani noscuntur; legem enim solam accipiunt, id est quinque libros Moysi. Sunt autem ex origine Persarum et Assyriorum, quos rex Assyriorum, sublatis filiis Israel in captivitatem, posuit ad incolenda loca Samariæ (*IV Reg. xvii, 6*); ideo et ignem colunt more Per-

autem ubi cum vet. edit. ac mss. multo pluribus restituimus *efficiam Evangelium*; Rom. edit. cum uno aut altero ms. mutarat, *ponam Evangelium*.

(69) Nonnulli mss., *delicto fiant rei*.

(70) Mss. aliquot, *neque cujusquam propter salutem*.

(71) Vet. edit. ac mss. haud pauci: *Non quasi videtur simulasse*; melius tamen Rom. edit. aliique cod. expungunt negationem.

sarum. His erge Apostolus, dum non negabat legem esse a Deo, fiebat quasi sub lege: sed ex ea illi miti verbo (72) Christum intelligendum tradebat, sicut et Samaritana illa, quæ dixit ad Dominum: « Scio quia Messias venit (Joan. iv, 25); » docta per legem.

« His qui sine lege sunt, quasi sine lege essem (cum sine lege non essem Dei, sed in lege essem Christi) ut eos qui sine lege sunt, lucrifacerem. » Hoc dicit, quia, cum in lege Christi est, in lege Dei est, Christi est, sicut dixit: « Omnia mea tua sunt, et tua mea (Joan. xvii, 10). » — « Ut eos qui sine lege sunt, lucrifacerem. » Dum enim assentit illis, id est gentilibus, juxta physicam rationem mundum factum a Deo, et quæ in eo sunt, et animam esse immortalem, et ab ipso nos originem habere [ita enim Actibus apostolorum ait (Act. xvii, 28): « Et sicut quidam ex vobis dixerunt: Ipsius enim et genus sumus »]; sic fiebat quasi sine lege, per quod subintroducebat illis Christum ipsum esse, quem Deus ad judicandum mundum prælegit, et ipsum esse, per quem omnia fecit.

(Vers. 22.) « Factus sum infirmis infirmus, ut infirmos lucrifacerem. » Infirmus factus est, dum propter fratres infirmos a licitis abstinet; ne illis scandalum generet, « Omnibus factus sum omnia, ut omnes salvos facerem. » Hoc fuit viri prudentis (73) et spiritualis, ut omnibus omnia factus, propositum tamen 143 religionis non excederet; quia ubi cessit, ad hoc cessit, ut proficeret; nec aliud fecit, quam lex mandavit.

(Vers. 23.) « Omnia autem facio propter Evangelium, ut particeps ejus fiam. » Hoc est, omnia supradicta facio, ut voluntatis evangelicæ particeps efficiar, quam habet circa salutem humanam.

(Vers. 24.) « Nescitis quoniam qui in stadio currunt, omnes quidem currunt, unus autem accipit palmam? » Nunc aliud vult exponere: itaque hoc exemplo ostendit quanta sit utilitas legis nostræ, in qua non uni, sed omnibus promissa est palma. « Sic currite, ut comprehendatis. » Sollicite vult curri ad promissionem, quia magna est.

(Vers. 25.) « Omnis autem qui in agone contendit ab omnibus se abstinere; » ab his omnibus quæ vitanda eadem tradit disciplina, cum sciant unum coronandum; quanto magis nobis observandum est, quia omnibus promissa est salus! « Et illi quidem ut corruptibilem coronam accipiant: nos autem incorruptam. » Et in hoc multum dispar donum est, ac per hoc diligentiores nos esse debere, quibus non terrenis et marcescentibus floribus, sed æternis conserta gemmis in modum regalis diadematis spiritualis corona servatur.

(Vers. 26.) « Sic curro, non quasi in incertum. »

(72) Sic edit. Amerb., Eras. ac Rom. cum parte mss.: Gill. vero et alii mss., *illis mitti verbo*; quidam cod., *Verbum*.

(73) Mss. nonnulli, *Hoc fuit vere prudens*,

A Magna spe currere se profitetur, certum habens quid sit promissum. « Sic pugno, non quasi aerem cædens. » Hoc est, non verbis magis, sed de rebus contendo.

« Sed castigo corpus meum, et servituti subijcio. » Castigare corpus est jejuniis illud angere (74): et illa ei dare, quæ ad vitam proficiant, non ad luxum. Servituti vero subijcitur; dum non suam perficit, sed spiritus voluntatem. « Ne forte aliis prædicans ipse reprobis inveniar. » Ideo se refrenare corpus suum ostendit, ut remuneratione, quam aliis prædicat, etiam ipse dignus habeatur; ne aliis curatis, ipse remaneret in vulnere. Ratam ergo spem prædicationis suæ affirmat, quando gestis id se prosequi, quod docet, ostendit; quia qui aliter agit quam prædicat, suspectos facit audientes, ut de promissis dubitent. Suo itaque exemplo non magis verbis quam operibus exercendum hortatur.

CAPUT X.

(Vers. 1, 2.) « Nolo enim vos ignorare, fratres, quia patres nostri omnes sub nube fuerunt, et omnes in mare transierunt, et omnes in Moyse baptizati sunt in nube et in mari (Exod. xiii, 21; xiv, 22; Num. ix, 21). » Judæorum exemplo, qui negligentia sua offenderunt, sollicitos nos vult esse; ideoque sub nube dicit illos fuisse, quia omnia quæ gesta sunt, in figura nostri facta sunt (75); ut veritatis nostræ illi habuerint imaginem. Contecti enim nube et ab adversariis suis tuti præstiti, dum a morte liberati sunt, baptizati dicuntur. Illis enim, id est Ægyptiis in mari mortuis, dum hi, duce Moyse, feliciter transeunt, erepti sunt a morte: quod præstat baptismum. Non enim illis præterita mala imputata sunt, sed per mare et per nubem purificati, præparati sunt ad accipiendam legem, et formam futuri sacramenti nostri.

(Vers. 3, 4.) « Et omnes eandem escam spiritalem ederunt, et omnes eundem potum spiritalem biberunt; bibebant enim de sequente eos spiritali petra: petra autem erat Christus. » Manna (Exod. xvi, 15) et aquam quæ fluxit de petra (Exod. xvii, 6), dicit spiritalia; quia non mundi lege parata sunt, sed Dei virtute sine elementorum commistione ad tempus creata, habentia in se figuram futuri mysterii, quod nunc nos sumimus in commemorationem Christi Domini. Ideo et panis angelorum dictus est, quia virtute qua angeli subsistunt, creatus est: hoc significans, quia de cælis venturus erat, qui spiritaliter pasceret. Unde et manna primum Dominico die venit de cælo ad saturitatem populi; sequens tamen petra dicta est, quæ intelligitur Christus. Ubi enim deficiebat humanum eis suffragium, aderat Christus; ideo sequebatur, ut ubi

(74) Vet. edit. ac plures mss., *jejuniis illud agere*: melius tamen Rom. edit. cum aliis mss. *angere*.

(75) Ms. Corb., *cura nostri facta sunt*,

defecisset, ille subveniret. Nec enim petra aquam A
dedit, sed Christus.

(Vers. 5.) « Sed non in pluribus eorum bene sensit Deus. » Ideo hoc dixit, quia acceptum beneficium non intellexerunt. « Prostrati enim sunt in deserto (Num. xxvi, 65). » Dignum est, ut qui magna consecutus, in parvis diffidens est, non solum hæc non adipiscatur, verum etiam amittat et illa. Quoniam ergo superius hortatus est ad meliora, se etiam dicit id elaborare, ut ad promissionem dignus occurrat; nunc ut istud exempli terrore constringat ac suadeat, Judæos tunc simili modo dicit donum Dei et gratiam sortitos, sicut et nos: et quia 144 indiligentes et dubitantes de Dei promissione fuerunt (77), prostratos esse in deserto; ut ideo semetipsum affligere se ostenderet, ne in illorum numero inveniretur: proinde elaborandum ut sui imitatores existerent.

(Vers. 6, 7.) « Hæc autem in figura nostri facta sunt, ut non simus desiderantes mala, sicut et illi desideraverunt. » Is sensus et ratio est, quam supra memoravi. « Neque simulacris servientes, sicut quidam illorum. » Nunc hos tangit, qui in idolio recumbentes putabant non esse peccatum. Sicut scriptum est (Exod. xxxii, 6): « Sedit populus manducare et bibere, et surroserunt ludere; » ante idolum utique; ut non se crederent immunes a crimine, qui in idolio epulabantur. Nam Moyse in monte posito apud Deum, simulacro vituli facto, post oblationem dedicationis causa: « Sedit populus manducare et bibere, et surrexerunt ludere. » Hæc C
luxuria est, quia semper oblectati, in Dei rebus infideles inventi sunt. Ideoque instruit (78), ne in hanc diffidentiam per assensum luxuriæ in idolio incidamus.

(Vers. 8.) « Neque fornicemur, sicut quidam illorum fornicati sunt, et ceciderunt una die viginti tria millia hominum (Num. xxv, 9). » Hoc illis retributum est, quando cum Madianitis mulieribus se commacularunt; ira enim Dei exstitit contra illos, quæ æmulatione Phinees sacerdotis habentis zelum Dei, sopita est, ne plures morerentur.

(Vers. 9.) « Neque tentemus Christum, sicut quidam eorum tentaverunt, et a serpentibus perierunt. » Detrahentes de Deo Christum tentasse dicuntur; quia Christus erat, qui ad Moysen loquebatur. Denique ne nos in eadem causa inveniamur, commonet ne diabolo tradamur, cujus serpentes habent figuram.

(Vers. 10.) « Neque murmuraveritis, sicut quidam ex ipsis murmuraverunt (Num. xiv, 2; xi, 1). » Murmurare est falso ad invicem de præpositis et rectoribus queri, quantum ad mentem loci pertinet: quia solet murmur fieri et justa ex causa. « Et perierunt ab exterminatore (Ibid. m, 2). » Hoc est,

(76) Idem cod. Cob., non despiciat, verum etiam studeat laborare, ut ad promissionem dignus occurrat, ubi non pauca prætermittuntur.

(77) Nonnulli mss., de Dei provisione fuerunt.

la non Julia concesserunt, anticipantes illum; quia tradens Christum, exterminatus est de numero apostolorum a iudice Deo. Per hæc exempla ad correctionem nos vitam provocat; ut monitis ejus aut præmiis, si obediētes fuerimus, aut propensioem pœnæ mereamur inobediētes. Non est enim ambiguum illos peccantes plus subjiciendos tormentis, quibus peccantium pœnæ ad hoc relatæ sunt, ne peccarent.

(Vers. 11.) « Hæc autem omnia in figura contingebant illis; scripta sunt vero ad correptionem nostram, in quos fines sæculorum devenerunt. » Fines sæculorum nos sumus; quia tunc hæc ideo facta noscuntur circa retributionem illorum, ut nobis essent exemplo, qui postremo sæculo futuri eramus in fide Christi. Pro utilitate enim nostra gesta sunt, ut si terrore horum in Dei timore manserimus, gloriam illis promissam accipiamus: si quominus, geminabitur nobis pœna illorum; quia major notitia legis plus facit reum.

(Vers. 12.) « Propterea et qui se putat stare, videat ne cadat. » Hoc ad eos loquitur, qui præsumentes de scientia, qua licitum est omnia edere, infirmis fratribus scandalo erant: et putantes aliquid se proficere doctrina pseudoapostolorum, deterioraverant; et judicabant Apostolum, cum ipsi essent rei. Superbiam ergo amputat, ne per hanc tententur, sicut Judæi tentati sunt, et perierunt.

(Vers. 13.) « Tentatio vos non apprehendat, nisi humana. » Ac per hoc detrahentes Apostolo, Dominum tentare videntur; quia et tunc cum Moysi detraherent, et dubitarent de eo, Deum tentasse dicuntur. Omne enim quod probatum non habetur, tentatur; ideo ut hæc tentatio convellatur, admonet cum terrore. Ut autem humana tentatio illos apprehendat, hortatur: humana enim tentatio est propter spem Dei diffidere de homine, quia vana spes in homine: ut in necessitate aut pressura non desperet de Deo, humanum auxilium requirendo, sicut et Judæi qui dubitantes de Deo, idolorum adminicula exorabant. Hoc est humanum auxilium; quia dii paganorum terra sunt, et culturam illorum humanus error invenit. Propter Christum ergo pati, humana tentatio est, per quam proficitur apud Deum.

D « Fidelis autem Deus, qui non patietur vos tentari supra quam potestis; sed faciet cum tentatione etiam proventum; ut possitis tolerare. » Ideo fidelem dicit Deum, « qui non patietur vos tentari supra quam potestis: » quia daturum se promisit 145 Deus diligentibus se regna cœlestia: et ut det necesse est; quia fidelis est. Propterea ergo tribulatis pro se aderit, nec patietur tantum irrogari, quod tolerari non possint: sed faciet, ut aut cito cesset tentatio, aut si proluxa fuerit, det tole-

(78) Cod. Corh. solus, ideoque destruit; at idem cod. cum aliis quibusdam, luxuriæ idoli incidamus.

randi virtutem : alioquin non dabit, quod promisit ; quia vincetur, qui patitur. Homo est enim infirmitati subjectus, et non erit qui accipiat (79) : sed quia fidelis est Deus, qui promisit, subvenit ut impleat quod promisit. Denique brevitas vult esse dies Dominus, ut salventur electi, et possint consequi regnum Dei (*Matth.* xxiv, 22). Quomodo tamen a Deo adjuvatur, si tantum permittatur tentari, quantum potest (80) ? Adjuvatur plane, dum non plus permittitur ei imponi, quam scitur ferre posse ; ut quarto die pati non permittatur, qui scitur ultra non posse quam triduo tolerare.

(Vers. 14.) • Quapropter, charissimi, fugite ab idolorum cultura. • Hortatur etiam nunc, ut abstineant se ab omni societate idololatriæ, ut non solum spes, sed et animus inde tollatur, ne per hoc nascatur in Deum tentatio. Nemo enim assiduus in idolo nihil sperat de eo (81) ; hinc enim sperare dubitare de Deo est, sicut et Saul relicto Deo, qui ei fuerat delicti causa iratus, ad idololatriam se contulit, aliquid sperans de ea (*I Reg.* xxviii, 7-20). Cui quidem ei in præsentibus obfuit, et in futurum gehennam ultricem providit.

(Vers. 15.) • Quasi prudentes, vos, iudicate quod dico. • Exempla subjicit, ut facilius suadeat ; quia cui verba satis non faciunt, solent exempla suadere.

(Vers. 16, 17.) • Calix benedictionis quem benedicimus, nonne communicatio sanguinis Domini est ? Panis quem frangimus, nonne communicatio corporis Domini est ? Quia unus panis, unum corpus multi sumus ; omnes enim de uno pane et de uno calice participamus. • Quoniam unum sumus, alter alterius membra, unum nos sentire debere dicit ; ut fides una unum habeat sensum et opus.

(Vers. 18.) • Videte, Israel, secundum carnem : • hoc est, discite, homines videntes Deum, quemadmodum se habent carnalia, id est idololatria. • Nonne qui edunt hostias, participes sunt altaris ? Sicut enim nos de uno pane et de uno calice percipientes, participes et consortes sumus corporis Domini : ita et qui edunt hostias, participes sunt altaris erroris.

(Vers. 19, 20.) • Quid ergo dico, quia simulacrum immolatum aliquid est ? Non quia simulacrum est aliquid ; sed quæ sacrificant, demoniis immolant. • Simulacrum vere nihil est ; quia imago videtur rei mortuæ : sed sub tegmine simulacrorum diabolus colitur.

• Nolo vos participes fieri dæmoniorum. • Ostendit illis hoc esse tantum, quod videtur in idolo (82) : sed esse occultum iniquitatis mysterium, quod ut

(79) Rom. edit. sola, qui eripiat.

(80) Mss. aliquot, permittitur tentari, quantum scitur ferre posse ? At locus integer a vocibus, Quomodo tamen usque ad Quapropter, charissimi, omittitur in ms. Corb.

(81) Edit. Rom., in idolo aliquid speret de eo, vel. autem ac mss. eo tantum discrepant, quod ille habent etiam speret : et illorum nonnulli pro de eo

A unius Dei fidem corrumpere, Satanæ adinvenit. Unde et Joannes apostolus in epistola sua dicit : Ad hoc venit Filius Dei, ut solveret opera diaboli (*I Joan.* iii, 8).

(Vers. 21.) • Non potestis calicem Domini bibere et calicem dæmoniorum ; non potestis mensæ Domini communicare et mensæ dæmoniorum. • Sicut et Dominus ait : • Non potestis Deo servire et mammonæ (*Matth.* vi, 24) ; • quia qui calicem dæmoniorum bibit, calicem Domini insultat ; et cum mensæ dæmoniorum communicat, mensæ Domini, id est altari, obstrepit, et Domini corpus crucifigit. Ideo enim Christus crucifixus est, ut dissolveret opera diaboli (83). Qui ergo facit opera diaboli, Christo repugnat.

B (Vers. 22.) • Aut æmulamur Dominum Jesum ? Numquid fortiores illo sumus ? • Vix sit ut humilis zeletur potentem ; scit enim non sibi competere, in quo illi potest invideri : sed aut æquali invidetur, aut prope æquali. Ideo Apostolus non posse dixit homines æmulari Dominum Jesum, propterea quia illum sciunt Dominum : si quominus, non videbitur eis dignus esse vocari Dominus, quem zelantur ne Dominus sit. Zelo enim Satanæ idololatriam invenit ut homines, negando Deum Dominum, idolis serviant quasi diis et dominis. • Omnia mihi licent, sed non omnia expediunt. • Omnia dicit licere secundum legem naturæ ; omnia enim munda sunt. De escis enim agebatur, et carne idolis immolata. Nam quæ prohibita et interdicta sunt, quomodo dici possunt licere, cum hic etiam ipsa, quæ concessa sunt, significet 146 aliquando non expedire ? sicut dicit apostolus (84) Petrus : • Si hæc est causa viri cum uxore, non expedit nubere (*Matth.* xix, 10). •

(Vers. 23.) • Omnia mihi licent, sed non omnia ædificant. • Idem sensus est, quia licet omnia edere : sed quod idolis immolatur, non ædificat ; quia scandalum facit fratri, sicut supra dictum est : ideoque a licitis aliquando temperandum est, ut prosit. Hinc est unde sumptus ab iis, cum ei liceret, noluit accipere, sciens non expedire.

(Vers. 24.) (85) • Nemo quod suum est quærat, sed quod alterius. • Verum est quod dum unusquisque in idolo recumbit, voluntati suæ satisfacit, et fratri conscientia infirmitate scandalum ponit. Quapropter festinandum est pro charitate Domini nostri Jesu Christi ; ut et magis quæ sunt salutis proximi necessaria prohibeamus, quam nostræ voluntati, sicut idem Apostolus, vas electionis, et medicus spiritualis, ait : • Non quærens quod mihi utile est, sed quod multis (*infra*, vers. 33). •

legunt de Deo.

(82) Rom. edit. sola, quod videtur in idolo.

(83) Nonnulli mss., crucifixus est, quia dissolvit opera diaboli.

(84) Rom. edit., Sicut dicunt apostoli.

(85) Illic textus apostoli atque illius expositio, et cod. Corb. restituitur, cum absit in aliis, sicut et in cunctis edit.

(Vers. 23, 26.) «Omne quod in macello venit editum, nihil interrogantes (86) propter conscientiam; Domini est enim terra et plenitudo ejus.» Ut omnia munda ostenderet, exemplo psalmi vigesimi tertii hoc roboravit; quia non potest immundum esse quod Domini est. Et quoniam superius de escis ait: «Omnia licent,» statim subsecutus est: «Omne quod in macello venit, edite, nihil interrogantes propter conscientiam.» Hoc autem ideo subjecit, ut libera sit conscientia; licet enim aliquid pollutum sit per accidentiam, id est oblationem idoli; cum hoc tamen nescit qui emit, nullum patitur scrupulum, et apud Deum immunis est.

(Vers. 27.) « Si quis vocat vos ex infidelibus ad cœnam, et itis, omne quod appositum vobis fuerit, edite, nihil disquirentes.» Hoc est, simpliciter manducate quod apponitur, non interrogantes unde sit.

(Vers. 28, 29.) « Si vero aliquis dixerit: Hoc immolatum est, nolite manducare propter illum qui indicavit, et propter conscientiam. Conscientiam autem dico, non tuam, sed alterius.» Hoc perfectis loquitur, qui possunt contemnentes idololatriam, quia nihil est manducare de sacrificio, certi quia quod sub Dei Creatoris nomine editur, non potest polluere: sed quia alius, qui idolis servit, gloriabitur, te edente de sacrificatis, quasi venereris idola; ideo non debet edi. Apud conscientiam enim ille lætabitur suam, quia videt te libenter appetere quod idolis immolatum est.

« Ut quid enim libertas mea iudicatur ab alia conscientia? » Hoc dicit, quia cum ab idoli devotione conscientia sit libera, quid opus est ut putetur quia venerationis causa edat idolis immolata? Iudicatur enim non distare ab eo qui colit idola, quando non horret quod oblatum est simulacro.

(Vers. 30.) « Si ergo gratiæ particeps sum, quid blasphemor pro quo ego gratias ago? » Id est, si ego gratiæ Dei communico; quia in ipsius nomine edo: quid opus est arbitrari hoc aliquem, quia ego idolo devotus sum, dum non horreo quæ oblata sunt idolo, hoc est, blasphemor? Et me ergo blasphemat, et ille in idolio suo gaudet; dum me putat participem, habet occasionem permanendi in errore, et fratribus malum datur exemplum. Nam si præceptum est in lege ut luci et aræ et tituli et ipsa idola confringantur; vide si non peccatum est non solum hæc non facere, sed et interesse epulis huiusmodi propterea de sacrificatis non expedit edere (87).

(Vers. 31.) « Sive igitur editis, sive bibitis, sive quid facitis, omnia in gloriam Dei.» Per hæc subjecta declaravit in idolio edere, quavis licet conscientia, inimicum esse Deo; ad opprobrium enim Dei unius hæc diabolo dedicantur. Nam in gloriam Dei edere et bibere et aliquid facere, hoc est, ut sub invocatione Creatoris cum modestia convivium ce-

lebretrur; in gloriam enim Dei aliquid fit, cum in actibus et conversatione Christiani Deus laudatur, vel cum filiorum procreatio a Deo speratur.

(Vers. 32.) « Sine offensione estote Judæis et Græcis, et Ecclesiæ Dei.» Sic temperandam conversationem nostram docet, ut nullus in ea scandalum patiatur. Offensio ergo Judæis fit, cum idola, quæ illi abominantur, Christianum, qui se dicit legem et prophetas accipere, vident non horrere. Græcis vero, id est 147 gentilibus, hæc est offensio, si in eo in quo sunt, non solum non arguantur, sed et promptiores fiant, dum non vitantur vota idolorum illorum. Ecclesiæ autem Dei fit offencilum, quando quosdam ex numero suo videt iis, quæ inimica sunt Deo, adhærere.

(Vers. 33.) « Sicut ego omnibus per omnia placeo, non quærens quod mihi utile est, sed quod multis, ut salvi fiant.» Omnibus per omnia placere est sine scandalo cujusquam agere ad profectum utilitatis illorum, ut et illis et huic sit utile.

CAPUT XI.

(Vers. 1.) « Imitatores mei estote, sicut et ego Christi.» Humanum est quod dicit, ut imitatores ejus simus, quia Deo nobis magister indultus est. Si enim hic Dei imitator est, quare non nos hominis? Quia sicut Deus Pater misit Christum magistrum et auctorem vitæ; ita et Christus misit apostolos nobis magistros, ut eorum imitatores essemus; quia ejus esse non possumus. Ita enim ait Dominus ad Patrem: « Sicut me misisti in hunc mundum, ita et ego misi eos in hunc mundum (Joan. xvii, 18). » Et quia digni imitatores ejus erant, subjecit: « Et pro eis sanctificabo me ipsum (Ibid. 19). »

(Vers. 2.) « Laudo autem vos, fratres, quod omnia mea memoria retinetis, et quomodo ubique tradidit, traditiones meas tenetis.» Postquam mores et conversationem illorum arguit, nunc traditiones vult corrigere. Ideo non hoc confirmat, sed succenset eis; quia cum esset apostolus eorum, immemores erant traditionum ejus: neque quod adhuc non didicerant, ex aliarum Ecclesiarum traditione sequebantur (88); ac per hoc quasi noviter tradit illis dicens:

(Vers. 3.) « Volo vos scire quia omnis viri caput Christus est.» Ad auctoritatem retulit; quia homo a Deo quidem, sed per Christum. « Caput autem mulieris vir.» Quia quamvis et mulier per Christum, de viro tamen facta est, ac per hoc subjicitur viro. « Caput autem Christi Deus.» Dignum est ut filii caput Pater dicatur, quasi genitor ejus. Aliter tamen caput viri Christus est, et aliter vir mulieris, et aliter Deus caput Christi est. Deus autem ideo caput Christi est, quia de eo vel ab ipso genitus est. Mulieris vero caput idcirco vir est, quia ex ejus costa Dei virtute formata est (Gen. II,

(86) Ms. Corb., nihil discernentes.

(87) Idem cod. Corb., non solum hæc facere, sed et de sacrificatis non expedit edere.

(88) Corb. cod., sed aliarum Ecclesiarum traditionem sequebantur.

21). Christus autem ideo caput viri est, quia per ipsum cum non esset, creatus est. Una ergo dictio diversam habet intelligentiam; quia et personæ discrepant et substantiæ.

(Vers. 4.) « Omnis vir orans aut prophetans velato capite deturpat caput suum. » Orare dicit deprecari: prophetare autem adventum fore Domini voce synboli post orationem effari.

(Vers. 5, 6, 7.) Omnis autem mulier orans aut prophetans non velato capite, confundit caput suum; unum est enim atque idipsum, ut decalvatur. Si autem non velatur mulier, tondeatur: si autem turpe est mulieri tonderi aut decalveri, velet caput. Vir enim non debet velare caput, cum sit imago et gloria Dei. » Quamvis una substantia sit et vir et mulier, tamen quia vir caput est mulieris, anteponendus traditur; ut per causam et rationem major sit, non per substantiam. Inferior ergo mulier viro est, portio enim ejus est; quia origo mulieris vir est: ex eo enim est, ac per hoc obnoxia videtur mulier viro, ut imperio ejus subjecta sit. Honorificentiam et dignitatem viri obstare dicit ne velet caput; imago enim Dei incongruum est ut celetur: abscondi enim non debet, Dei enim gloria videtur in viro.

« Mulier autem gloria viri est. » Multum distat inter gloriam Dei et gloriam viri; vir enim ad imaginem Dei factus est, non mulier. Hæc autem imago Dei in viro, quia unus Deus unum fecit hominem; ut sicut ab uno Deo sunt omnia, ita essent et ab uno homine omnes homines, ut unius Dei invisibilis, unius homo visibilis imaginem haberet in terris, ut unus Deus in uno homine videretur auctoritatem unius principii conservare, ad confusionem diaboli, qui sibi, neglecto uno Deo, dominium et divinitatem volui usurpare. Quod propheta Ezechiel significat (*Ezech. xxviii, 16*), et Apostolus idem, ait enim: « Ita ut in templo Dei sedeat, ostendens se quasi sit Deus (*II Thess. ii, 4*). »

(Vers. 8, 9, 10.) « Non est enim vir ex muliere, sed mulier ex viro: et enim non est creatus vir propter mulierem, sed mulier propter virum. Propterea debet mulier potestatem habere supra caput etiam propter angelos. » Potestatem velamen significavit, angelos episcopos dicit, sicut docetur in Apocalypsi Joannis (*Apoc. ii, 1 seq.*). Et quia utique homines sunt, quod non corripere plebem, **143** arguuntur: et quod rectum est in illis, laudatur. Mulier ergo (33 quæst. 5, cap. *Mulier*) idcirco debet velare caput, quia non est imago Dei, sed ut ostendatur subjecta; et quia prævaricatio per illam inchoata est, hoc signum debet habere; ut in Ecclesia propter reverentiam episcopalem non habeat caput liberum, sed veamine tectum: nec habeat potestatem loquendi; quia episcopus personam habet Christi. Quasi ergo ante judicem, sic ante epi-

scopum, quia vicarius Domini est, propter reatus originem (89) subjecta debet videri.

(Vers. 11.) « Veruntamen neque mulier sine viro, neque vir sine muliere in Domino. » Ideo in *Domine*, quia Deus ex uno fecit ambos et unum; una enim caro et unum corpus sunt in Domino, hoc est, secundum Dominum, qui creavit. Denique qui non credunt mulierem de viro sumptam, hi sine Domino, vel non secundum Dominum credunt hominum originem.

(Vers. 12.) « Nam sicut mulier de viro, ita et vir per mulierem. » Hoc firmavit, quod dixit; quia ambo unum sunt in natura, atque origo mulieris vir est, sicut legitur in Genesi factum a Domino Creatore (*Gen. ii, 22*). « Omnia autem ex Deo. » Postquam gradatim exposuit singula, ut omnia Deo subiceret, unum servans principium, ait: « Omnia autem ex Deo; » ut neque mulier subjectionis suæ causa contristaretur, neque vir quasi exaltatus superbiret.

(Vers. 13.) « Vos ipsi judicate: decetne mulierem non velatam orare Deum? » Hinc est unde superius illis per ironiam succenset, dicens: « Laudo quia omnia mea memoria retinetis: et quomodo ubique trado, traditiones meas tenetis (*supra, vers. 2*). » Cum enim hæc esset traditionis ratio, ut velatæ essent mulieres in ecclesia, illi contra revelatas eas in ecclesia patiebantur. Ideoque jam non auctoritate traditionis, quam neglexerant, sed per ipsam naturam suadere illis nititur veritatem dicens:

(Vers. 14, 15.) « Nec ipsa natura docet vos quia vir quidem, si comam habuerit, ignominia est illi? » Hoc secundum legem locutus est; prohibet enim virum esse comatum (*Levit. xix, 27*). « Mulier autem si comam habuerit, gloria est illi; quoniam coma pro velamine data est ei. » Naturaliter hoc honestum et propemodum decretum vult esse, ut velata mulier satisfaciat, et gratias agat Deo. Coma ergo indicium velaminis est, ut naturæ et voluntas addatur. Denique nulla mulier etiam revelata adit potestatem.

(Vers. 16.) « Si quis autem videtur contentiosus esse, nos talem consuetudinem non habemus, aequè Ecclesia Dei. » Post rationem redditam, ut contentiosos vincat, auctoritatem interponit; quia neque Judaismus hoc habuit, unde dicit: « Neque nos, neque Ecclesia Dei, » ut neque Moyses, neque Salvator sic tradiderit.

(Vers. 17.) « Hoc autem præcipio, non laudans quod non in melius, sed in deterius convenitis. » Quomodo particulatim conversationem illorum per correptionem emendat; ita et traditiones illorum, non laudans utique, sed vituperans eos.

(Vers. 18, 19.) « Primum enim. » *Primum* dicendo, genus peccati ostendit, unde orti sunt errores (90), quos reprehendit; ubi enim dissensio

(89) Gratianus in decreto, propter peccatum originale.

(90) Ms. Corb., Ubi enim dissensio est, primum

dicemus. Id genus peccati ostendit, unde rectum nihil est.

est, nihil rectum est. » Convenientibus vobis in A
 ecclesiam, audio dissensiones esse, et partim credo.
 Oportet enim et hæreses esse, ut et qui probati
 sunt, manifesti fiant inter vos. » Sciendo nonnul-
 los mente corruptos versutia diaboli, dicit :
 « Oportet hæreses esse. » Non utique voluit, nec
 optavit; sed quia scivit futurum, dixit (91), sicut
 et Dominus : « Oportet, inquit, venire scandala
 (Matth. xviii, 7). » Et « Oportet Filium hominis
 pati (Luc. ix, 22), » præcius quia Judas proditor
 erat futurus. « Ut probati » autem cum dicit,
 « manifesti fiant inter vos, » illos significat qui
 in traditione accepta durantes, exemplum probatio-
 nis erant evangelicæ disciplinæ ad condemnatio-
 nem cæterorum. Ii sunt quos in capite epistolæ si-
 gnicat, eo quod dicerent : « Nos vero Christi; » cum
 alii dicerent : « Ego Pauli, ego Apollo (I Cor. i, 12). »

(Vers. 20, 21, 22.) « Convenientibus igitur vo-
 bis in unum, jam non est Dominicam cœnam man-
 ducare. Unusquisque enim vestrum propriam cœ-
 nam præsumit in manducando; et alius quidem
 esurit, et alius ebrius est. Numquid domos non
 habetis ad edendum et bibendum? aut Ecclesiam
 Dei contemnitis, et confunditis non habentes? »
 Hos notat, qui sic in ecclesiam convenebant ut
 munera sua offerentes, advenientibus presbyteris
 (quia adhuc rectores Ecclesiis non omnibus locis
 fuerant constituti), totum sibi qui obtulerant, vin-
 dicarent, schismatis causa. 149 Dissensiones
 enim inter eos pseudoapostoli seminaverant, ita
 ut oblationes suas zelarentur : cum una atque ead-
 em prece omnium oblationes benedicerentur, ut
 ii qui, ut assolet fieri, non obtulerant, aut unde
 offerrent, non habebant, pudore correpti confun-
 derentur, non sumentes partem : et tam cito illud
 agebant, ut supervenientes non invenirent quod
 ederent. I deoque si sic, inquit, convenitis, ut unus-
 quisque suum sumat, domi hæc agenda, non in
 Ecclesia; ubi unitatis et mysterii causa conveni-
 tur (92), non dissensionis et ventris. Manus enim
 oblatum totius populi sit; quia in uno pane omnes
 significantur. Per id enim quod unum sumus, de uno
 pane omnes nos sumere oportet.

« Quid dicam vobis? Laudo vos? In hoc non lau-
 do. » Apertum est deprehenso et correpto errore,
 ut de cætero corrigant, et sciant hoc verum, quod
 dudum in primordiis ipsi didicerant; formam illius
 quæ a Salvatore in re hujusmodi data est, iterat
 dicens :

(Vers. 23, 24, 25.) « Ego enim accepi a Domino,
 quod et tradidi vobis, quoniam Dominus Jesus in
 qua nocte tradebatur, accepit panem, et gratias
 agens, fregit, et dixit : Accipite, et manducate.
 Hoc est corpus meum, quod pro vobis frangitur ;

(91) Omnes edit., et quidam mss., *sed quia sint, futurum dixit*; alii mss., *sed quia scivit*; nonnulli, *scit futurum, dixit*.

(92) Codex Laud., *et mysterii causa convertitur*.

(93) Rom. edit., *pro vobis tradetur*.

(93) hoc facite in mei commemorationem. Simili
 modo et calicem, postquam conatum est, dicens :
 Hoc poculum Novum Testamentum est in meo san-
 guine; hoc facite, quotiescunque bibetis, in mei
 commemorationem. » Ostendit illis mysterium Eu-
 charistiæ inter cœnandum celebratum, non cœnam
 esse; medicina enim spiritualis est, quæ cum reve-
 rentia degustata, purificat sibi devotum. Memoria
 enim redemptionis nostræ est; ut Redemptoris
 memores, majora ab eo consequi mereamur.

(Vers. 26.) « Quotiescunque enim comederitis
 panem hunc, et de poculo biberitis, mortem Domi-
 ni annuntiabit, donec veniat. » Quia enim morte
 Domini liberati sumus, hujus rei memores, in eden-
 do et potando carnem et sanguinem, quæ pro no-
 bis oblata sunt, significamus Novum Testamentum
 in his consecuti, quod (94) est nova lex, quæ obe-
 dientem sibi tradit cœlestibus regnis. Nam et Moy-
 ses, accepto sanguine vituli in patera, aspersit filios
 Israel, dicens : « Hoc est Testamentum, quod dis-
 posuit Deus ad vos (Exod. xxiv, 8). » Hoc figura
 fuit Testamenti, quod Dominus Novum appellavit
 per prophetas; ut illud Vetus sit, quod Moyses tra-
 didit. Testamentum ergo sanguine constitutum est;
 quia beneficii divini sanguis testis est. In cujus
 typum nos calicem mysticum sanguinis ad tuitio-
 nem (95) corporis et animæ nostræ percipimus;
 quia sanguis Domini sanguinem nostrum redemit,
 id est, totum hominem salvum fecit. Caro enim
 Salvatoris pro salute corporis, sanguis vero pro
 anima nostra effusus est, sicut prius præfiguratum
 fuerat a Moyse; sic enim ait : « Caro pro corpore
 vestro offertur, sanguis vero pro anima (Levit.
 xvii, 11), » ideoque non manducandum sanguinem.
 Si igitur apud veteres imago fuit veritatis, quæ
 nunc apparuit, et manifestata est in Salvatoris ad-
 ventu; quomodo hæreticis contrarium videtur Ve-
 tus Novo, cum ipsa sibi invicem testimonio sint?

(Vers. 27.) « Itaque quicumque ederit panem hunc,
 aut biberit calicem Domini indigne Domino, reus
 erit corporis et sanguinis Domini. » Indignum dicit
 esse Domino, qui aliter mysterium celebrat, quam
 ab eo traditum est. Non enim potest devotus esse
 qui aliter præsumit, quam datum est ab auctore.
 Ideoque præmonet ut secundum ordinem traditum
 devota mens sit accedentis ad eucharistiam Domi-
 ni; quoniam futurum est judicium, ut quemadmo-
 dum accedit unusquisque, reddat causas in die Do-
 mini Jesu Christi; quia sine disciplina traditionis
 et conversationis qui accedunt, rei sunt corporis
 et sanguinis Domini. Quid est autem reos esse,
 nisi pœnas dare mortis Domini? Occisus est enim
 pro his (96), qui beneficium ejus in irritum ducunt.

(Vers. 28, 29.) « Probet autem se homo, et sic

(94) Ms. Corb., *significans, et quod sumus No-
 vum Testamentum in his consecuti, quod, etc.*

(95) Nonnulli mss., *calicem mysticum ad tuitio-
 nem; unus, ad tinctionem*.

(96) Rom. edit., *occisus est enim ab iis*.

de pane illo edat, et de poculo libat. Qui enim manducat et bibit indigne, iudicium sibi ipsi manducat et bibit, non discernens corpus Domini. • Devoto animo et cum timore accedendum ad communionem docet; ut sciat mens reverentiam se debere ei, ad cuius corpus sumendum accedit (97). Hoc enim apud se debet iudicare; quia Dominus est, cuius in mysterio sanguinem potat, qui testis est beneficii Dei. Quem nos si cum disciplina accipiamus, non erimus indigni corpore et sanguine 150 Domini; gratias enim videbimur (98) reddere Redemptori.

(Vers. 30.) • Ideo multi in vobis invalidi et aegroti. Et dormiunt multi. • Ut verum probaret quia examen futurum est accipientium corpus Domini, jam hic imaginem iudicii ostendit in eos qui inconsiderate corpus Domini acceperant, dum febribus et infirmitatibus corripiebantur, et multi moriebantur; ut in his ceteri discerent, et paucorum exemplo territi emendarentur, non inultum scientes corpus Domini negligenter accipere; et eum quem hic poena distulerit, gravius tractandum fore; quia contempsit exemplum.

(Vers. 31, 32.) • Quod si nosmetipsos discernemus, non utique iudicemur. Dum iudicamur autem, a Domino corripimur; ut non cum hoc mundo damnemur. • Hoc dicit, quia si nosmetipsi errores nostros corrigeremus, non a Domino iudicemur. Et quia corripimur, tamen pro nobis est: ut timore ipso emendemur. In paucis enim omnium est emendatio. • Ne cum hoc mundo, • id est cum infidelibus, • damnemur. • Nihil enim differt ab infideli, qui inconsiderate ad mensam Domini accedit.

(Vers. 33, 34.) • Itaque, fratres, cum convenitis ad manducandum, invicem expectate. Si quis esurit, domi manducet. • Ad invicem expectandum dicit, ut multorum oblatio simul celebretur, ut et omnibus ministretur: et si quis impatiens est, domi terreno pane pascatur. • Ut non in iudicium conveniatis; • hoc est, ne mysterium reprehensibiliter et cum offensione agatis.

• Cetera autem cum venero, disponam. • Caput prius salutis ordine agendum ostendit, et quomodo in Ecclesiam ab utroque sexu conveniatur, praemisit: in quibus rebus si error fuerit, non leve peccatum est. Cetera autem quae ad aedificationem Ecclesiae pertinent, praesentia sua ordinare se promisit.

CAPUT XII.

(Vers. 1, 2.) • De spiritualibus autem nolo vos ignorare, fratres. Scitis quia gentes eratis, simulacrorum forma euntes, prout ducebamini. • Spiritualia illis traditurus, exemplum prioris conversationis memorat; ut sicut simulacrorum fuerunt forma,

A eolent s idola, et ducebantur duce voluntate demoniorum; ita et colentes Deum, sint forma legis Dominicae, ambulantes sicut placet Domino. Forma enim uniuscujusque legis in professione et conversatione cultoris debet videri; ille enim forma et imago legis Dei est, in cuius fide et conversatione Evangelii veritas luget.

(Vers. 3.) • Propter quod nolum vobis facio, quod nemo in Spiritu Dei loquens, dicit anathema Jesu; et nemo potest dicere Dominum Jesum, nisi in Spiritu sancto. • Quoniam rationem spiritualium ignorantes, per singula charismata hominibus potius quam Deo dabant gloriam, non assecuti per Spiritum sanctum hoc donum ministrari (99): et quia qui Dominum Jesum vocat, non sine Spiritu sancto hoc dicit; habet enim gratiam in eo ipso fidei suae propter gloriam nominis Christi; non enim sine dono Dei et Dominum dicere Jesum; ac per hos ostendit illis in omnibus Dei esse laudem et gratiam; quia sicut idolorum imago in ministris ejus est, ordinem suum habens per singulos gradus, totum tamen hominis est: ita et in lege Dominica gradus charismatum sunt officiis Ecclesiae, non utique meritis humanis indulti; sed ut membra ad aedificationem Ecclesiae pertinentia, quae per se et in se habent gloriam, sicut est etiam in humanis officiis. Scholae enim sunt, quae positae in se dant dignitatem; ut loci honor hominem faciat gloriosum, non propria laus. Ait ergo: • Nemo in Spiritu Dei loquens, dicit anathema Jesu. • Vox enim quae dicit anathema Jesu, humano est errore prolata (1); quidquid enim falsum est, ab homine est. • Et nemo potest dicere Dominum Jesum, nisi in Spiritu sancto. • Dictum enim ipsum, quo significatur Dominus Jesus, non ab adulatione hominum sicut et idola dii vocantur, sed Spiritus sancti veritate profusum est; quidquid enim verum a quocumque dicitur, a sancto dicitur Spiritu. Ne ergo hominum favorem existimarent in regula Christiana, et propter hoc se argui minime paterentur, sicut est et in simulacris (homo enim adinvenit (2) ut Deus dicatur, qui non est; ac per hoc subjecti sunt antistites illis); ostendit enim eis nullum beneficium esse humanum in eo, cum dicitur Dominus Jesus; sed magis donum Dei, qui dignatus est mysterium suum 151 hominibus declarare. Etenim ipsa confessio (3) remissionem acquirit peccatorum, sicut exaggerat dicatio idolorum. Docet ergo eos quia non praestant religioni beneficium, dicentes, • Dominum Jesum; • sed accipiunt; ne more idolorum hominum putarent gratiam esse in lege Domini, dum vocatur Deus, qui non est. Denique non intelligentes Dei donum esse in fide; singuli singulos sibi homines delegerant, quos sequerentur, dicentes: • Ego sum Pauli, ego vero

(97) Ivo Carn., ut s iant omnes.... accedant.

(98) Mss. aliquot. gratia enim videbitur.

(99) Cod. Val., hoc donum ministrari Deo.

(1) Ms. Corb., errore probata.

(2) Gill. edit., homo enim ad id venit.

(3) Mss. aliquot, ipsa confessio; Corb., ipsa promissio.

Apollo (*I Cor.* 1, 12). » Superbiam ergo illorum humiliat: ut patiantur se, sicut dixi, argui.

(Vers. 4.) » Divisiones vero gratiarum sunt. » Non hoc humanis meritis vult ascribi, sed gratiæ Dei ad honorificentiam nominis ejus; sicut enim qui dicit Dominum Jesum, in Spiritu sancto dicit, qualis vis sit: ita et in loco ordinis officii ecclesiastici positus, gratiam habet, qualis vis sit: non utique propriam, sed ordinis per efficaciam Spiritus sancti. Unde et inter initia dicit: « Neque qui plantat est aliquid, neque qui rigat: sed qui incrementum dat Deus (*I Cor.* III, 7). »

(Vers. 5, 6.) Idem autem Spiritus. Et divisiones ministeriorum sunt. » Per eundem Spiritum diversa dona dicit præstari. « Idem vero Dominus. Et divisiones operationum sunt. » Jungit nunc Christum Spiritui sancto. « Idem autem Deus, qui operatur omnia in omnibus. » In tantum non hoc hominibus dandum, quasi proprium sit, sed soli Deo asserit; ut etiam donum Spiritus sancti, et gratiam Domini Jesu unius Dei dicat operationem; ne gratia et donum divisum sit propter personas Patris et Filii et Spiritus sancti: sed indiscretæ unitatis et naturæ (4) trium unum opus intelligatur, ut ad unum omnem gloriam redigat et divinitatem. « Divisiones autem gratiarum sunt » officiis Ecclesiæ, non humanis meritis deputatæ. Si enim Spiritus sanctus idem Dominus est; et Dominus idem Deus est; et tres unus Deus est; cum enim Spiritus sancti gloria, et potestas, et natura Dei est, et Dominus Jesus idem est in natura quod Deus est, unus utique Spiritus sanctus, et Dominus Jesus, et Pater Deus est. Et singuli enim Deus unus, et tres Deus unus. Denique operante uno, tres operari dicuntur; ut Trinitatis mysterium in unius Dei natura et potestate claudatur, cum sit immensum.

(Vers. 7.) « Unicuique autem datur manifestatio Spiritus ad utilitatem. » Hoc est, donum accipit, ut divinis retinaculis vitam suam gubernans, et sibi et aliis utilis sit, dum exemplum bonæ conversationis ostendit.

(Vers. 8.) « Cuidam enim datur per Spiritum sermo sapientiæ. » Id est, datur illi prudentia non ex litteris, sed corusco Spiritus sancti igne; ut cor habeat illuminatum, et sit prudens, ut discernat quæ vitanda sunt, quæve sequenda. « Alii vero sermo scientiæ secundum eundem spiritum; » hoc est, ut habeat scientiam rerum divinarum. » Alii gratia curationum in uno Spiritu; » id est, ut medelam tribuat infirmis vel ægris.

(Vers. 9, 10.) « Alii fides in eodem Spiritu. » Hoc dicit, ut fidei profitendæ vindicandæ, pressa verecundia, accipiat facultatem. « Alii operatio virtutum. » Potestatem dari significat in ejiciendis dæmoniis, aut signis faciendis. « Alii prophetia; »

(4) Corb. cod., unitatis natura, et trium unum opus.

(5) Cod. Gem. et Vall., linguarum, eorum scilicet qui per Spiritus sancti majestatem accipiunt

id est, ut Spiritu sancto repletus dicat futura: » Alii discretio spirituum. » Hoc dicit, ut intelligat et judicet, quod dicitur an Spiritus sancti sit, an mundani. « Alii genera linguarum (5), alii interpretatio sermonum. » Interpretari est, ut dicta illorum, qui linguis loquuntur vel litteris, per donum Dei fideliter interpretetur.

(Vers. 11.) « Omnia autem hæc operatur unus atque idem Spiritus, dividens unicuique prout vult. » Quod superius trium personarum dicit, nunc per unum Spiritum sanctum agi profitetur; ut quia unius naturæ sunt et virtutis, quod unus operatur, operentur tres: unus tamen est Deus, cujus gratia dividitur singulis, prout vult, non ad merita hominum, sed magis ad ædificationem Ecclesiæ suæ; ut omnia quæ mundus imitari vult, sed non implet, quia carnalis est; hæc in Ecclesia, quæ domus Dei est, singulorum officiis et dono et magisterio Spiritus sancti indulta ad probationem veritatis in iis, qui contemptibiles mundo sunt, videantur.

(Vers. 12, 13.) « Sicut enim corpus unum est, et membra habet multa: omnia autem membra ex uno corpore, cum sint multa, unum sunt corpus; ita et Christus. Etenim in uno Spiritu nos omnes in unum corpus baptizati sumus, sive Judæi, sive Græci, 152 sive servi, sive Liberi; et omnes unum Spiritum potavimus. » Per hæc docet nullius personam quasi despectam contemnendam, neque aliqujus quasi perfecta sit, præferendam: nec gloriam, quæ soli Deo debetur, hominibus tribuendam; quando in omnibus unus atque idem Deus sit gloriosus: quippe cum omnes et unum baptisma habeamus, et unum atque eundem Spiritum sanctum. Hoc propter supradictam causam; quia in aliquibus gloriabantur, aliquos vero velut contemptibiles spernebant.

(Vers. 14.) « Nam et corpus non est unum membrum, sed multa. » Hoc dicens, ostendit unitatem habere varietates officiorum (6), et diversitatem hanc non discrepare in unitate potestatis; quando unitas corporis non in singularitate consistit, sed in multis membris: ut invicem sibi præstent, quod debent.

(Vers. 15.) « Si dixerit pes: Quia non sum manus, non sum de corpore; num propterea non est de corpore? » Hoc est, non posse eum, qui infirmus videtur inter fratres, negari esse de corpore, quia non est potens.

(Vers. 16.) « Si dixerit auricula: Quia non sum oculus, non sum de corpore; num propterea non est de corpore? » Non debere dicit illum, qui paulo inferior est, non necessarium putari corpori, propterea quod de primis non sit.

(Vers. 17.) « Si totum corpus oculus, ubi est

gratiam, ut possint intelligere diversarum linguarum eloquium.

(6) Omnes edit. ac mss. aliquot, ostendit unitatem varietatis; melius cæteri, ut in contextu.

auditus? Si totum auditus, ubi est odoratus? Id est, si omnes unius essent officii et operis; quomodo impleretur reliqua necessitas corporis; cum constet multis officiis opus esse ad gubernacula corporis?

(Vers. 18.) « Nunc autem Deus posuit membra, unumquodque in corpore; sicut voluit. » Voluntatem Dei, quia provida et rationalis est, membra dicit corpori aptasse; ut nihil desit corpori, sed sit multis membris perfectum (7).

(Vers. 19.) « Si autem fuissent omnia unum membrum, ubi corpus? » Manifestum est quia si omnes fuissent unius dignitatis, non dicerentur membra, neque corpus: ideoque variis membrorum officiis conjubernantur; omnia enim unum membrum esse non poterant. Ideo autem multa sunt, quia ab invicem differunt dignitate.

(Vers. 20.) « Nunc autem multa quidem membra, unum autem corpus. » Hoc dicit, quia multa membra, cum invicem sui egeant, non discrepant in unitate naturæ, quamvis di versa sint; quia diversitas hæc in unum concurrat, ut corporis utilitas expleatur, sicut et ea quibus mundus ipse constat, cum sunt diversa non solum officiis, sed et naturis; ad unius tamen mundi proficiunt perfectionem, et ex omnibus his nascitur temperies quædam in fructibus, qui humanæ proficiunt utilitati.

(Vers. 21.) « Non potest autem dicere oculus manui: Opera tua non indigeo. » Hoc est, non potest dicere potior inferiori: Non mihi opus es; quia oculus quidem videt, sed manus sunt, quæ operantur. Aut iterum caput pedibus: « Non estis mihi necessarii; » id est, major gradu et dignitate non potest sine illo esse, qui humilis est; quia est quod humilis potest, quod non potest sublimis, quia ferum potest, quod non potest aurum: ac per hoc honorem capiti faciunt pedes.

(Vers. 22.) « Sed multo magis quæ videntur membra corporis infirmiora esse, necessaria sunt. » Manifestum est, quia quamvis aliquis dignitate sublimis sit; si subjectus tamen defuerit, qui obsequiis suis illum faciat gloriosum, ipsa dignitas contemptibilis erit: officium enim est, per quod dignitas constat. Tale est si imperatori desit exercitus. Quamvis ergo magnus sit imperator, necessarium tamen habet exercitum; membrum est enim corporis (8) ejus, ante se habens tribunos, comites, et magistros. His omnibus inferiores sunt milites, et magis necessarii sunt, sicut membra corporis, quæ cum inferiora videntur, plus utilia sunt; sine oculis enim manus operatur, et pes ambulans victum quæritat.

(Vers. 23.) « Et quæ putamus ignobiliora esse membra corporis, his abundantiorum honorem circumdamus. » Similis est sensus, quia qui putantur

(7) Edit. omnes, cum mss. quibusdam, *desit multis membris perfectum*; mss. non pauci omittunt *perfectum*; optime vero Corb., ex quo locum restitimus.

A sine dignitate esse, invenimus in eis quod laudemus, sicut et in membris vilioribus, quod plus nobis placeat, quam quod in cæteris invenimus. Quo enim honore dignæ sunt manus, quando quod volumus, tenemus! vel pedes, cum quibus quo volumus, inus! Propterea et nos addimus eis honorificentiam, ut puta pedibus; quos 153 quia humiles sunt et sine dignitate, calceamentis ornamus. « Et quæ inhonesta sunt nostra, abundantiorum honorem habent. » Manifestum est quia pudenda nostra, quæ turpia videntur, dum aspectus publicos vitant, honestate se contegunt, ne per irreverentiam horreant. Simili modo et quidam fratrum, cum sint egestate et habitu inhonesti, non tamen sunt sine gratia, per quam membra sint corporis nostri: nam solent succincti vesticula tetrica, nudo pede, incedere. Cum ergo videantur contemptibiles, magis honori sunt; quia solent vitam habere mundiorum. Quod enim hominibus videtur despectum, solet a Deo pulchrum judicari.

(Vers. 24.) « Quæ autem honesta sunt nostra, nullius egent. » Apertum est quia caput non eget, neque facies, neque manus, ut his addatur per quod decorentur: ita et fratribus, in quibus studium peritiæ, et conversationis viget honestas, nihil est quod a nobis additur; debitus enim illis redditur honor. Despectis vero vel humilibus exhortatio necessaria est, per quam addatur illis aliquis honor, ut fiant utiles: si quominus, ipso contemptu negligentiores circa se erunt, in quibus magis proficiendum est.

(Vers. 25.) « Sed Deus temperavit corpus, ei cui decrat, abundantiorum tribuendo honorem; ut non sit schisma (9) in corpore, sed pro invicem sollicita sint membra. » Sic dicit a Deo moderatum humanum corpus, ut omnia membra ejus necessaria sint; ac per hoc pro se invicem sollicita, quia aliud sine altero esse non potest: et quod inferius putatur, magis necessarium est; sicut et de fratribus expositum est, vel disputatum, quia nullus debet velut inutilis despici.

(Vers. 26.) « Et si quid patitur unum membrum, compatiuntur omnia membra. » Hoc de membris corporis carnis ambiguum non est; quia si oculus, aut pes, vel manus capiatur ægritudine aliqua infirmitatis, totum corpus condolet: ita et nos docet (10) condolere fratribus, si aliquid hujusmodi, aut necessitatis emergerit. « Sive glorificatur unum membrum, congaudeant omnia membra. » Manifestum est quia lætum est caput sive cætera membra, si pedes fuerint accurati vel sani. Sic debemus et nos alacres fieri, si fratrem aliquem viderimus cultorem Dei, et auctum honestate morum. hoc est, sanum esse consilio.

(Vers. 27.) « Vos autem estis corpus Christi, et

(8) Rom. edit., *Caput est enim corporis*, etc.

(9) Ms. Corb., *ut non sit separatio*.

(10) Cod. Vall., *ita et nos decet, laud male*.

membra de membro. » Ostendit aperte nostrum se A causam per membrorum carnalium rationem tractasse; quia non omnes possumus eadem, sed singuli pro qualitate fidei et gratiam habemus concessam.

(Vers. 28.) « Et quosdam posuit Deus in Ecclesia primum quidem apostolos. » Caput itaque in Ecclesia apostolos posuit, qui legati Christi sunt, sicut dicit idem Apostolus: « Pro quo legatione fungimur (II Cor. v, 20). » Isti sunt episcopi, firmante istud Petro apostolo, et dicente inter cetera de Juda: « Et episcopatum ejus accipiat alter (Act. 1, 20). »

« Secundo prophetas. » Prophetas duplici genere intelligamus, et futura dicentes, et Scripturas revelantes; quamvis sint et apostoli prophetae, quia B primus gradus omnia subjecta habet. Denique pessimus Caiphas propter quod princeps sacerdotum erat, prophetavit (Joan. xi, 51), ordinis utique causa, non proprii meriti. Tamen specialiter erant prophetae et Scripturarum interpretes, et futura dicentes sicut erat Agabus, qui exitia et vincula huic Apostolo prophetavit futura Hierosolymis (Act. xxi, 11), et famem cecinit, quae facta est sub Claudio (Act. xi, 28). Ideo quanquam sit melior apostolus, aliquando tamen eget prophetis. Et quia ab uno Deo Patre sunt omnia, singulos episcopos singulis Ecclesiis praesse decrevit.

« Tertio doctores. » Illos dicit doctores qui in ecclesia litteris et lectionibus retinendis (11) pueros imbuebant more Synagogae; quia traditio C illorum ad nos transitum fecit. Quarto loco ait:

« Deinde virtutes, deinde gratiam curationum; » potest enim aliquis non esse episcopus, et habere in se donum virtutis sanitatum. « Opitulationes, gubernationes; » ut in rebus divinis vigilet intellectu: ita tamen, ut in aliquibus, quae implere non conceditur, ab alio sumat quod non habet; quia totum uni concedi non potest. Sunt et gubernatores, qui 154 spiritualibus retinaculis hominibus documento sunt. « Genera linguarum; » ut donum sit Dei multas lingua scire. « Interpretationem sermonum; (12) ut hoc alicui gratia Dei imperiat, ut linguarum interpretandarum habeat peritiam.

(Vers. 29.) « Numquid omnes apostoli? » Verum D est, quia in Ecclesia unus est episcopus. « Numquid omnes (13) prophetae? » Non est ambiguum non omnibus concedi prophetiam. « Numquid omnes doctores? » Ille doctor est, cui alios erudire conceditur.

(Vers. 30.) « Numquid omnes virtutes? » Hic

(11) Rom. edit., et traditionibus retinendis.

(12) Interpretatio sermonum in mss. nonnullis desiderantur, et revera etiam in Graecis ac Syriacis Bibliorum exemplaribus non habentur. Sequenti autem versu Rom. edit. reposuit, ut sermonum interpretandarum, ubi aliae et mss., ut linguarum interpretandarum, etc.

potest habere virtutem, cui dat Deus facultatem accipere. « Num omnes gratiam habent curationum? » Quomodo potest fieri ut omnes habeant dona curationum? « Numquid omnes linguis loquuntur? » Non utique, nisi qui accepit donum in hac re. « Numquid omnes interpretantur (14)? » Ille potest sermones interpretari, cui dat Deus. In supradictum sensum haec inserenda. Explanavit enim, reddita ratione, omnes habere diversas gratias, nec totum alicui concedi, exemplo membrorum. Exemplo enim corporis carnis spiritale corpus in unum; ac per hoc in omnibus Deum benedicendum, et in ipsius nomine gloriandum, cujus gratia est. Hanc rationem etiam in rebus physicis invenimus; aurum enim cum melius argento sit, plus tamen in usu argentum est; et cum aes necessarium sit, plus tamen ferro opus est; nihil enim pene sine ferro fit, cum sit inferius. Et post haec:

(Vers. 31.) « Emulamini charismata meliora. » Hoc mox in subjectis absolvit. « Et adhuc magis excellentiorem viam vobis demonstro. » Gradatim illos ad utiliora provehit, ostendens illis gratiam supradicti omnis doni, quod in hominibus videntur, sive loquendi, aut curandi, aut prophetandi, non ad meritum hominis pertinere, sed ad honorificentiam Dei. Ideoque nunc viam se dicit illis ostendere planiorem, qua itur ad caelum, quae meritum collocat apud Deum. Nam quia supradicta non semper ad meritum pertinent, dicit Salvator: « Multi mihi dicent in illa die. » id est iudicii: « Domine, Domine, nonne in nomine tuo prophetavimus, et in nomine tuo demonia ejecimus, et virtutes multas fecimus (Matth. vii, 22)? » Et quia non hoc ad meritum pertinet, sed officia sunt Ecclesiae, ad confusionem gentilium, et Dei honorificentiam protestandam, dicit eis Dominus: « Recedite a me; non novi vos, operarii iniquitatis (Ibid. 27). » Securi enim quia Dei in illis operatio cernebatur, negligentibus erga se fuerant; nam et septuaginta duobus discipulis gaudentibus quia daemones illis subditi fuerant, dicit Salvator: « Nolite in hoc gaudere, quod daemones vobis subjecta sunt; sed in hoc gaudete, quod nomina vestra scripta sunt in caelo (Luc. x, 20). » Quare, nisi quia nomini Dei subjecta sunt, non hominis merito? Et quare nunc non ita fit, ut habeant homines gratiam Dei? Inter initia fieri oportuit, ut fundamenta fidei acciperent firmitatem: nunc autem non opus est; quia populus populum adducit ad fidem, cum videntur eorum bona opera, et praedicatio simplex.

CAPUT XIII.

(Vers. 1.) « Si linguis hominum loquar et an-

(13) Mss. aliquot, unus est Christus. Nam omnes, etc.

(14) Cod. Corb., interpretentur. Nec hoc ambiguum, quia nisi cui Dominus gratiam suam dederit, interpretari nequaquam poterit. Emulamini autem charismata, etc.

gelorum, charitatem autem non habeam, unum sum velut ærumentum resonans, aut cymbalum tinniens. Magna utique videtur gratia diversis loqui linguis: plus autem aliquid est, etiamsi angelorum possit quis linguam scire, id est, si spiritaliter cognitum possit habere angelicum motum. Verum hoc ad meritum non ascribi, sed ad Dei gloriam, subjectis ostendit, dicens sic esse ut ærumentum resonans, aut cymbalum tinniens. Quia sicut ærumentum impulsu alterius resonat, et cymbalum tinnit; ita et hic qui linguis loquitur, Spiritus sancti effectum habet et motum, ut loqui possit (15), sicut et alio loco dicit Salvator: « Non enim vos estis, qui loquimini; sed Spiritus Patris vestri, qui loquitur in vobis (*Matth. x, 20*). » Nam et asina locuta est humana lingua ad Balaam filium Beor (*Num. xxii, 28*), ut addiceret Dei majestatem; et pueri infantes in laudem Dei proruperunt ad confusionem Judeorum (*Matth. xxi, 16*). Salvator autem non solum istos, sed et lapides ad condemnationem perfidorum, et gloriam Dei clamare posse ostendit (*Luc. xix, 40*). Et inter ipsa primordia ad commendationem fidei, qui baptizabantur, linguis loquebantur (*Act. x, 46*).

(Vers. 2.) « Et si habuero prophetiam, et noverim omnia mysteria, et omnem scientiam, charitatem autem non habeam, nihil mihi 155 prodest. » Vere nihil prodest; ad Dei enim gloriam prophetatur, sicut dicit David propheta: « Non nobis, Domine, non nobis, sed nomini tuo da gloriam (*Psal. cxiii, 1*). » Nam et Balaam prophetavit (*Num. xxiv, 17*), cum propheta non esset, sed hariolus: et Caiphias prophetavit (*Joan. xi, 51*), non merito, sed dignitate ordinis sacerdotalis: et Saul prophetavit (*I Reg. xix, 23*), cum jam inobediendiæ causa spiritu malo fuisset repletus; sed propter Dei causam, ne posset comprehendere David, quem et occidere volebat.

« Et si sciero omnia mysteria; » Judæ enim nihil profuit fuisse cum apostolis, et didicisse mysteria, cum charitatis hostis tradidit (16) Salvatorem. Et propheta Ezechiel diabolum mysteria cœlestia scire ostendit, quando increpita voce in paradiso illum Dei fuisse, et pretiosos lapides habuisse testatur (*Ezech. xxviii, 13*); quos lapides idem Apostolus doctrinæ divinæ mysteria significavit (*I Cor. iii, 12-13*): et illi nihil profuit, quia charitatis immemor, in superbiam prosilivit.

« Et si habuero omnem scientiam. » Nihil mihi prodest scientia, si charitas non sit. Denique Scribis et Pharisæis nihil profuit, dicente Salvatore: « Vos habetis clavem scientiæ, et neque vos intratis, neque alios sinitis introire (*Luc. xi, 52*); » per invidiam enim charitatem corrumpentes, scientiam

(15) Corb. cod., et motum, sine quo utiliter loqui non posse ostendit.

(16) Corb. cod., cum charitatis hostiam tradidit, etc.

(17) Nonnulli mss., propter misericordiam suam.

A ejus ad nihilum deduxerunt. Nam et Tertullianus et Novatianus non parvæ scientiæ fuerunt: sed quia per zelum charitatis federa perdiderunt, in chisma versi, ad perditionem sui hæreses creaverunt.

« Et si habuero omnem fidem, ita ut montes transferam. » Virtutes facere, aut demonia per fidem ejicere Dei virtus et gloria est: nec hoc ad meritum proficit, nisi quis bonæ conversationis fuerit æmulus, sicut supra memoravi.

(Vers. 3.) « Et si erogavero omnem substantiam meam. » Apertum est quia si omnis substantia impendatur, nihil proficit, charitate neglecta; quia caput religionis charitas est: et qui caput non habet, vitam non habet. « Et si tradidero corpus meum ut ardeam, nihil mihi prodest. » Sine charitate nihil prodest; quia fundamentum religionis charitas est. Quidquid ergo sine charitate sit, caducum est.

(Vers. 4-8.) « Charitas magnanima est, jucunda est. Charitas non æmulatur, non inflatur, non perperam agit, non ambitiosa est, non quærit quæ sua sunt non irritatur, non cogitat malum, non gaudet in iniquitate, congaudet autem veritati: omnia tolerat, omnia credit, omnia sperat, omnia sustinet. Charitas nunquam cadit. » Tanta præconia charitatis edocuit, ut non immerito hanc cæteris anteponeere videretur, et incassum laborare eos, qui aliis mandatis operam dant, huic non obtemperantes. Hinc ait Joannes apostolus: « Charitas Deus est (*I Joan. iv, 8*); » ut qui charitatem non habet, sciat se Deum non habere; unde et in alia epistola idem Paulus apostolus ait: « Deus autem qui dives est in misericordia, propter multam charitatem suam (17) misertus est nostri (*Ephes. ii, 4*). » Qui ergo charitatem non habet, ingratus est misericordiæ Dei; quia non diligit, per quod salvatus est. Ut proinde discerent (18) quia graviter delinquebant, qui escam fraternæ charitati præponebant. Nam hæc est quæ et in præsentem prodest, et in æternum cum Deo permanet.

(Vers. 9, 10.) « Sive prophetiæ evacuabuntur, sive linguæ cessabunt, sive scientia evacuabitur. Ex parte enim cognoscimus et ex parte prophetamus: cum autem venerit quod perfectum est, evacuabuntur illa, quæ ex parte sunt. » Omnia charismatum dona evacuari dixit, quia non tantum possunt comprehendere, quantum ipsa veritas habet. Neque nos aut capere aut enarrare possumus plenitudinem veritatis. Qui enim fieri potest ut lingua humana omne complectatur, quod Dei est? Ideo destruetur imperfectio nostra, non id quod verum est evacuabitur: sed dum additur imperfecto, quod deest, destruetur (19). destructio enim imperfectionis est, quando id, quod imperfectum est, impletur in verum.

(18) Corb. codex, Ut proinde discernent.

(19) Vet edit. ac mss. aliquot, additur imperfectio, quod deest, destruetur: melius Rom. edit., additur quod deest, imperfectio destruetur; attamen anteponendi sunt mss. plurimi, quos hic sequimur.

(Vers. 11.) « Cum essem parvulus, quasi parvulus loquebar, quasi parvulus sapiebam, quasi parvulus cogitabam: at ubi factus sum vir, ea quæ parvuli erant destruxi. » Hoc dicit, quia exeuntes sancti de hoc mundo, plus necesse est inveniant, quam nunc putant, sicut Joannes apostolus de Salvatore dixit: « Tunc videbimus illum, scienti est (I Joan. III, 2). » In hac ergo vita parvuli sumus ad comparationem futuræ vitæ; quia sicut vita hæc imperfecta est, ita et scientia.

(Vers. 12.) « Videmus nunc per speculum in ænigmate; tunc vero facie ad faciem. » Apertum est nunc imagines videri per fidem, tunc res **156** ipsas. « Modo scio ex parte; tunc vero cognoscam, sicut et cognitus sum: » id est, videbo quæ promissa sunt, sicut videor; hoc est, præsentem esse ad Dominum, ubi Christus est.

(Vers. 13.) « Manent autem nunc fides, spes, charitas, tria hæc: major autem horum est charitas. » Digne major est charitas: quia ut fides prædicaretur, et spes esset futuræ vitæ, charitas præstitit, sicut supra memoravi. Unde et Joannes apostolus: « Ex hoc cognoscimus, inquit, charitatem ejus, quia ipse pro nobis animam suam posuit (I Joan. III, 16). » Juste igitur major charitas, per quam reformatum est genus humanum.

CAPUT XIV.

(Vers. 1.) « Sectamini charitatem, æmulamini spiritualia: magis autem ut prophetetis. » Post charitatem prophetandi studium (20) magis habendum hortatur: quia quamvis magni sint spirituales gradus, quos enumerat: hic tamen melior, qui ad utilitatem Ecclesiæ proficit, ut discant omnes divinæ legis rationem. In quo enim quis animum dederit, in eo ipso accipit donum, dicente Salomone: « Scire legem, sensus est optimi (Sap. VI, 16); » scientia enim charitate subnixæ non inflatur, sed est mansueta, proficiens omnibus ad utilitatem.

(Vers. 2.) « Nam qui loquitur lingua, non hominibus loquitur, sed Deo; nemo enim audit, spiritu autem loquitur mysteria. » Hoc est quod dicit, quia qui loquitur incognita lingua, Deo loquitur; quia ipse omniâ novit: homines vero nesciunt, ideoque nullus est ex hac re profectus. « Spiritu autem loquitur mysteria, » non sensu, quia ignorat quod dicit.

(Vers. 3.) « Qui enim prophetat, hominibus loquitur ad ædificationem, et exhortationem, et consolationem; » ædificatur enim, quando quæstionum solutionem addiscit. Exhortatio autem illi fit, ut desiderium patiat prophetandi: consolatur vero, quia contemptum disciplinæ (21) in spe videt. Scientia enim legis firmat animos, et provocat ad spei melioris profectum.

(Vers. 4.) « Qui loquitur lingua, se ipsum ædi-

(20) Codex Laud., *prophetandi, prædicandi, docendi studium.*

(21) Mss. nonnulli, *quia contemptu disciplinæ, etc.*

ficat: qui vero prophetat, Ecclesiam ædificat. » Per id enim, quod forte solus scit, quod loquitur, se solum ædificat: nam qui prophetat, omnem plebem ædificat, dum intelligitur ab omnibus quid loquatur. Prophetas interpretes dicit Scripturarum; sicut enim propheta futura prædicit, quæ nesciuntur: ita et hic dum Scripturarum sensum, qui multis occultus est, manifestat, dicitur prophetare.

(Vers. 5.) « Volo autem vos omnes loqui linguis: magis autem ut prophetetis. » Non poterat prohibere loqui linguis, qui superius donum istud dicit esse Spiritus sancti: sed ideo prophetandi magis studium habendum, quia utilius est. « Major est enim qui prophetat, quam qui loquitur lingua, nisi interpretetur. » Quia si interpretari poterit, non erit minor; quia Ecclesiam ædificat: hoc enim majus est, quod omnibus prodest. Hic enim per donum Dei linguis loquitur, qui etiam interpretatur, sicut et illi duodecim in Actibus apostolorum (Act. II, 4).

(Vers. 6.) « Nunc autem, fratres, si venero ad vos linguis loquens, quid vobis prodero, nisi loquar vobis aut in revelatione, aut in notitia, aut in prophetia, aut in doctrina? » Hæc omnia unum significant; docere enim nemo poterit, nisi intelligatur.

(Vers. 7,8.) « Tamen quæ sine anima sunt vocem dantia, sive tibia, sive cithara, si distinctionem sonitus non dederunt, quomodo cognoscetur quod per tibiam canitur, aut quod citharizatur? Etenim si incertam vocem tuba dederit, quis se parabit ad prælium? » Quoniam exempla facilius suadent quam verba, exemplis commendat per quæ facile assequantur non debere illos in Ecclesia loqui linguis, qui interpretari non possunt. Ut quid enim loquatur, quem nemo intelligit?

(Vers. 9.) « Ita et vos per linguam nisi significantem sermonem dederitis, quomodo scietur quid loquimini? Eritis enim in aera loquentes: » hoc est, nihil proficientes. « Nam multa, ut puta, genera linguarum sunt in hoc mundo, et nihil sine voce. Multa (quidem) genera sunt linguarum, » inquit, sed habent proprias vocum significationes, ut intelligantur.

(Vers. 10, 11.) « Si ergo nesciero virtutem vocis, ero ei cui loquor, barbarus: et is qui loquitur, mihi barbarus. » Non utique id studendum monet, ut invicem per incognitam linguam barbari sibi videantur: sed quia concordia res est, his nitendum est, ut per unanimitatem intellectus communi lætitia gloriantur.

157 (Vers. 12.) « Sic et vos, quoniam æmulatores estis spirituum ad ædificationem Ecclesiæ quærite, ut prophetetis (22). » Quia prodest Scripturas explanare (nam incitatur et gaudet animus, quando aliquid de Scripturis percipit: et quantum propensior in hac parte fit, tantum deserit vitia),

(22) Codex Vall., *æmulationem Ecclesiæ quærite in prophetis.*

propterea ad hanc partem studium monet applicandum.

(Vers. 13.) « Ideo qui loquitur lingua, oret ut interpretetur. » Eum qui linguis loqui desiderat, monet orare debere, ut accipiat donum interpretandi; ut proficiat cæteris studium ejus.

(Vers. 14.) « Nam si oravero lingua, spiritus meus orat; mens autem mea sine fructu est. » Manifestum est ignorare animum nostrum, si lingua loquatur, quam nescit, sicut adsolent Latini homines Græce cantare, oblectati sono verborum; nescientes tamen quid dicant. Spiritus autem qui datur in baptismo, scit quid oret animus, dum loquitur, aut perorat lingua sibi ignota: mens autem qui est animus, sine fructu est. Quem enim potest habere fructum, qui ignorat quæ loquatur?

(Vers. 15.) « Quid est ergo? Orabo spiritu, orabo et mente; psalmum dicam spiritu, psalmum dicam et mente. » Hoc dicit, quia cum quis hac lingua loquitur, quam novit, tam spiritu, quam mente orat: quia non solum spiritus ejus, quem dixi datum in baptismo, scit quid oratur: sed etiam animus (23) simili modo et de psalmo non ignorat.

(Vers. 16.) « Cæterum si benedixeris spiritu; » hoc est, si laudem Dei lingua loquaris ignota audientibus: « Quis supplet locum idiotæ? Quomodo dicit amen, super tuam benedictionem (24), quia nescis quid dicas. » Imperitus enim audiens quod non intelligit, nescit finem orationis, et non respondet, amen, id est verum: ut confirmetur benedictio. Per hos enim impletur confirmatio precis, qui respondent, amen; ut omnia dicta veri testimonio in audientium mentibus confirmantur.

(Vers. 17.) « Nam quidem bene gratias agis. » De eo dicit, qui cognita sibiloquitur, quia scit quid dicat. « Sed alius non ædificatur. » Si utique ad ædificandam Ecclesiam convenitis, ea debent dici, quæ intelligent audientes. Nam quid prodest ut quis lingua loquatur, quam solus scit; ut qui audit, nihil proficiat? Ideo tacere debet in Ecclesia, ut ii loquantur, qui prosint audientibus.

(Vers. 18.) « Gratias ago Deo meo, quod omnium vestrum lingua loquor. » Quoniam superius linguis loqui donum esse dixit Spiritus sancti, ideo ad Deum refert, quod omnium lingua loqueretur. Et ne forte quasi æmulus per invidiam hoc dicere videretur, ostendit se omnium quidem horum loqui linguis, et quia non valde prodest.

(Vers. 19.) « Sed in Ecclesia, inquit, volo quinque verba loqui per legem, ut (25) et alios ædificem, quam decem millia verborum in lingua. » Utilius dicit paucis verbis in apertione sermonis loqui, quod omnes intelligant, quam prolixam orationem habere in obscuro. Hi ex Hebræis erant,

(23) Cod. Vall., mens autem quæ est animus, etc.

(24) Ms. Corb. super tuam eucharistiam.

(25) Rom. edit., loqui per sensum meum, ut, etc.

(26) Hos quidam imitantes.... quam sua, e cod.

Corb. restitutum est.

A qui aliquando Syra lingua, plerumque Hebræa, in tractatibus aut oblationibus utebantur ad commendationem. Gloriabantur enim se dici Hebræos propter meritum Abrahamæ, quod idem Apostolus pro nihilo habuit dicens: « Mihi autem absit gloriari; nisi in cruce Domini nostri Jesu Christi (Galat. vi, 14). » Hos quidam imitantes, ignota sibi lingua loqui malebant in Ecclesia ad populum, quam sua (26).

(Vers. 20.) « Fratres, nolite pueri effici sensibus; sed malitia parvuli estote; ut sensibus perfecti sitis. » Perfectos illos vult esse, ut sciant quid (27) ad instructionem Ecclesiæ sit necessarium; ut recedentes a malitia et erroribus, iis studerent, quæ proficerent ad utilitatem fratrum. Hic est enim sensu perfectus, qui id agit, ut prosit alicui, maxime fratri.

(Vers. 21.) « In lege enim scriptum est: Quia in aliis linguis, et in labiis aliis loquar populo huic, et nec sic me audient, dicit Dominus (Isa. xxviii, 11). » Hoc Dominus de his dixit, quos præscit nec Salvatore credituros. In aliis enim linguis et in aliis labiis loqui, Novum Testamentum est prædicare, sicut dicit Jeremias propheta: « Ecce venient dies, dicit Dominus, et consummabo domui Israel et domui Juda Testamentum Novum, non secundum quod disposui patribus illorum (Jerem. xxxi, 31); » hoc est, immutata ratione aliter loqui, quam se legis veteris verba habeant; dum audiunt Sabbatum solvi, neomenias evacuari, circumcisionem cessare, sacrificia immutari, escas dudum 158 prohibitas licere edere, Christum Deum de Deo prædicari: hoc est aliis linguis et aliis labiis loqui; et nec sic perfidi Deum obaudire voluerunt. Potest et sic intelligi, ut quia multi Judæorum malevoli erant, et propterea dignum non erat his in revelatione loqui Evangelium, in parabolis loqueretur ad eos: et intelligentes ideo sibi non revelari, quia mali erant, nec sic se corrigerent; ut merentes se facerent per explanationem audire verba Dei. Unde dicunt discipuli ad Dominum: « Domine, quare in parabolis loqueris illis (Matth. xiii, 10)? » Et Dominus: « Quia vobis datum est, inquit, nosse mysterium regni Dei, illis autem non; ut videntes non viderent, et audientes non intelligant (Ibid. 41, 43); » ne indigni salutem perciperent, quod animadvertentes pro meritis suis factum, nec sic conversi Deo satisfacere voluerunt.

(Vers. 22.) « Itaque linguæ in signum sunt. » Hoc est, velamine incognitæ linguæ obscurati sunt sermones Dei, ne videantur a perfidis, et cum audiuntur incognitæ linguæ, signum sit quia propter perfidiam factum est, ne audiens intelligat. « Non utique iis qui credunt, sed non credentibus; » hoc

(27) Ms. Corb., ut faciant quod, etc. Infra vero in plerisque legitur mss., Hic est enim sensus perfectus, pro eo quod est in aliis, et cunctis edit.,.... sensu perfectus.

est quod dixit, quia ad occultandos sensus incredulis aut ut multum, tres; et particulatim ut unus interpretetur. » Hoc est, duo aut tres non plus linguis proficiunt linguæ. » Prophetia autem non incredulis loquantur: sed singuli, non simul omnes; ne insanire viderentur. Ideo, ergo « ut multum tres, » ne occuparent diem linguis loquentes, et interpretes illorum; et non haberent prophetæ tempus Scripturas disserendi (32), qui sunt totius Ecclesiæ illuminatores.

(Vers. 23.) « Si convenerit universa Ecclesia in unum, et loquantur omnes linguis, introeant autem infideles et idiotæ; nonne dicent quia insanitis? » Manifestum est quia si omnes diversis linguis loquantur, tumultus fit quidam inconditus populi (28), quasi phrenesin patientis.

(Vers. 24, 25.) « Si autem omnes prophetent, intret autem aliquis infidelis, vel idiota, increpatur ab omnibus, redarguitur ab omnibus, occulta cordis ejus manifesta fiunt: et tunc cadens in faciem, adorabit Deum, pronuntians quod vere in vobis Deus sit. » Cum enim intelligit et intelligitur, audiens laudari Deum, et adorari Christum, pervidet veram esse et venerandam religionem, in qua nihil fucatum, nihil in tenebris videt geri, sicut apud paganos, quibus velantur oculi; ne quæ sacra vocant perspicientes, variis se vanitatibus cernant illudi. Omnis enim impostura tenebras petit, et falsa pro veris ostendit; ideo apud nos nihil astute, nihil sub velamine: sed simpliciter unus laudatur Deus, « ex quo sunt omnia, et unus Dominus Jesus, per quem omnia (I Cor. vii, 6). » Si enim nullus sit, qui intelligat (29), aut a quo ipse discutiatur, potest dicere seductionem esse quamdam et vanitatem, quæ ideo linguis canitur, quia pudoris est, si reveletur.

(Vers. 26.) « Quid est igitur, fratres? Cum convenitis, unusquisque vestrum canticum habet (30); » id est, laudem Dei per canticum eloquitur. « Doctrinam habet; » hoc est, sensuum per spiritalem prudentiam (31) habet expositionem. « Revelationem habet; » id est, subest ei prophetia occultorum, quæ ad omnium mentem perveniat, favente Spiritu sancto. « Linguam habet; » ut eos qui lingua loqui poterant, non contristaret, permisit eos loqui linguis: ita tamen, ut interpretatio sequeretur. Ideo ait: « Interpretationem habet; » ut si interpres adesset, daretur locus loquendi linguis.

« Omnia ad ædificationem fiant. » Conclusio hæc est, ut nihil incassum in Ecclesia geratur, hocque elaborandum magis, ut et imperiti proficiant; ne quid sit corporis per imperitiam tenebrosum. Idcirco omnes paratos vult convenire diversis donis spiritualibus; ut ipsa aviditate animi vigilantes, invicem se exhortantes, meliora dona æmularentur, ad illuminationem fratrum.

(Vers. 27.) « Si lingua quis loquitur, per duos,

(28) Codex Corb., in cætu populi.

(29) Mss. nonnulli, nullus sit, quem intelligat.

(30) Codex Gem., psalmum habet.

aut ut multum, tres; et particulatim ut unus interpretetur. » Hoc est, duo aut tres non plus linguis loquantur: sed singuli, non simul omnes; ne insanire viderentur. Ideo, ergo « ut multum tres, » ne occuparent diem linguis loquentes, et interpretes illorum; et non haberent prophetæ tempus Scripturas disserendi (32), qui sunt totius Ecclesiæ illuminatores.

(Vers. 28.) « Quod si non fuerit interpres, taceat in Ecclesia: sibi autem loquatur et Deo; » hoc est, intra se tacite oret, aut loquatur Deo, qui audit muta omnia; in Ecclesia enim ille debet loqui, qui omnibus prosit.

159 (Vers. 29.) « Prophetæ autem duo vel tres loquantur, et alii examinent, vel interrogent. » Ipsum modum tenuit dicendo: « Duo vel tres loquantur; » singuli autem, sicut supra. Cæteros autem interrogare permisit de iis quæ forte in ambiguum veniunt, aut quæ assequi aliquis non potest; qui diversa sunt ingenia, ut disputatione pianiore dilucentur.

(Vers. 30.) « Quod si alii revelatum fuerit sedenti, prior taceat; » id est, permittat potior inferiori, ut si potest dicat: nec ægre ferat, quia potest et illi dari donum, ut dicat, cum videtur inferior, quod potiori concessum non est. Sicut enim totum uni concedi non potest, licet potiori, ita et non potest alicui, quamvis inferiori, nihil impertiri; ut nemo sit vacuus a gratia Dei.

(Vers. 31.) « Potestis enim per singulos prophetare, ut omnes discant, et omnes exhortentur. » Hæc traditio Synagogæ est, quam nos vult sectari; quia Christianis quidem scribit, sed ex gentibus factis, non ex Judæis: ut sedentes disputent, seniores dignitate in cathedris, sequentes in subselliis, novissimi in pavimento super mattas. Quibus si revelatum fuerit, dandum locum dicendi præcipit, nec despiciendos: quia membra corporis sunt.

(Vers. 32.) « Et spiritus prophetarum prophetis subjectus est, » Quia enim unus atque idem Spiritus est. » qui tam prophetis futura dicentibus, quam iis qui revelant Scripturas, infundit se pro ratione et qualitate causarum, idcirco dixit: « Subjectus est prophetis: » ut ingenia accenderet hac spe, quod Spiritus conatus bonos adjuvet. Desiderio enim optimo ad Dei res enarrandas (33) subvenit: ut impleat boni propositi voluntatem. Nam et de Salvatore idem dictum est: « Bibebant autem de spiritali sequente petra, petra autem erat Christus (I Cor. x, 4); » hoc est, et subjectum esse, quod et sequi; sequebatur enim, ut humanis suffragiis deficientibus, adesset ad auxilium tribuendum. Ita et Spiritus subjectus dicitur, ut conatus bonos adjuvet, cum suggerit; subjectus enim videtur, qui cœpta alterius perficit.

(31) Ms. Corb., per naturalem prudentiam.

(32) Mss. aliquot, Scripturas discernendi.

(33) Codex Corb., ad Dei res gerendas.

(Vers. 33.) « Non est enim dissensionis auctor, sed pacis. » Quia ergo pacis auctor est, dicente Salvatore : « Pacem meam do vobis, pacem relinquo vobis (Joan. xiv, 27), » nemo alterum non sinat dicere, neque debet dicenti, studio contradicendi, resistere, ne discordia fiat in corpore. Qui enim in pace vocantur, patientiæ debent studere; ne pacis jura solvantur. « Sicut in omnibus Ecclesiis sanctorum doceo. » Hoc dicto hortatur illos, ut quæ præcepit faciant, quando similiter se Ecclesiis sanctorum predicare testatur.

(Vers. 34.) (34) « Mulieres vestrae in Ecclesia taceant. » Nunc tradit quod prætermiserat; sicut enim velari mulieres in Ecclesia præcepit (I Cor. xi, 5), modo ut quiete sint et verecundiæ ostendit: ut operæ pretium sit, quia velantur. Si enim imago Dei vir est, non femina, et viro subjecta est lege naturæ: quanto magis in Ecclesia debent esse subjectæ propter reverentiam ejus, qui illius legatus est, qui etiam viri caput est: « Non enim permittitur illis loqui, sed esse in silentio (35), sicut et lex dicit. » Quid dicit lex? « Ad virum tuum conversio tua, et ipse tui dominabitur (Gen. iii, 16). » Hæc lex specialis est: hinc Sara dominum vocabat Abraham virum suum; ac per hoc in silentio jubentur esse, ne supradictæ legis sententia infirmetur, cujus memor Sara, viro suo erat subjecta, sicut dictum est. Quamvis una caro sit (Gen. ii, 24), sed duabus ex causis jubetur esse subjecta: quia et ex viro est, et per ipsam intravit peccatum.

(Vers. 35.) « Si quid autem discere volunt, domi viros suos interrogent; turpe est enim mulieribus in Ecclesia loqui. » Turpe est, quia contra disciplinam est, ut in domo Dei, qui eas subjectas viris suis esse præcepit, de lege loqui præsumant: cum sciant illie viros habere primatum, et sibi magis competere, ut in domo Dei precibus vacent, linguam retinentes: et aures aperiant, ut audiant quomodo misericordia Dei mortem vicit per Christum, quæ per eas regnavit. Nam si audeant in Ecclesia loqui, dedecus est; quia idcirco velantur, ut humiliatæ appareant: ille autem se inverecundas ostendunt, quod et viris opprobrium est; in mulierum enim insolentia etiam mariti notantur.

(Vers. 36.) « An a vobis verbum Dei profectum est, aut in vos solus devenit? » Argumentis verba sunt; sic enim inflati erant, quasi ipsis promissa fuisset hæc salus; et exemplo eorum cæteræ gentes vocarentur ad fidem, aut non essent aliqui, qui possent suscipere gratiam Dei, apostolis prædicantibus. Sic enim 160 se jactabant quasi beneficium darent magis quam acciperent, accedentes ad fidem, unde dicit: « Aut in vos solos devenit verbum Dei. » Omnis enim qui vult aliquid emere, quod scit ab aliquibus non requiri, cum quodam fastidio accedit

(34) Hic et subsequens articulus in mss. non paucis ad finem capitis rejiciuntur.

(35) Rom. edit., sed subditas esse.

A ad emptionem, quasi beneficium præstiturus vendenti. Ideo hoc Apostolus arguit in Corinthiis, qui tales se præbebant elatione vanitatis, quasi si ipsi non obedirent verbis fidei, nemo esset qui crederet, sicut dicit Judæis: « Vobis primum oportebat loqui verba vitæ hujus: sed quia repulistis ea, indignos vos facientes æternæ vitæ, ecce convertimur nos ad gentes (Act. xiii, 46). »

(Vers. 37.) « Si quis existimatur propheta esse, aut spiritalis, cognoscat quæ scribo vobis, quia Domini sunt mandata. » Hoc dicens tangit supra memoratos falsos apostolos, a quibus fuerant depravati, qui pro desideriis hominum non divina, sed terrena docebant. Ideo hic nihil suum tradere se dicit, sed Domini: ut quibus suadet, Deo (36) acquisiti non hominibus videantur: qua fiducia et constanter prædicat, liberam habens conscientiam; quia non hominibus placere vult, sed Deo. Unde peccatoribus non blanditur, ut crescant: sed admonet, ut desinant.

(Vers. 38.) « Si quis autem ignorat, ignorabitur. » Recte, quia qui nescit Domini esse, quæ loquitur Apostolus, et ipse a Domino ignorabitur in die judicii, dicente Domino: « Amen dico vobis, nescio vos (Matth. xxv, 12). »

(Vers. 39.) « Propter quod, fratres, æmulationem habete prophetandi. » Quamvis arguat hos, et in multis reprehendat et corripiat, eo quod recesserant a traditione ejus; tamen fratres eos vocat, quia dicit Isaias ad plebem Domini: « Dicite iis qui non recte ambulant in viis meis: Fratres nostri estis vos (Isa. lxvi, 5). » Ut ergo consolaretur istos post correptiones, fratres illos vocat: et ad æmulationem prophetiæ hortatur, ut assidua disputatione et explanatione legis divinæ fierent instructiores: ut possent discere perversas esse pseudo-apostolorum prædicationes.

« Et loqui linguis nolite prohibere. » Et hoc propter charitatem, ut qui possunt loqui linguis, si interpret fuerit præsens, non vetentur, ne fiat dissensio.

(Vers. 40.) « Omnia autem honeste et secundum ordinem fiant, » hoc est, secundum ordinem supradictum. Honestè autem illud fit, quod cum pace (37 et disciplina fit.

CAPUT XV.

(Vers. 1, 2.) « Notum autem vobis facio, fratres, quia Evangelium quod prædicavi vobis, quod et accepistis, in quo et statis, per quod et salvifici efficiemini, quod et sermone annuntiavi vobis, debetis tenere, nisi forte sine causa credidistis. » Ostendit illis quia si in hac causa quæ subjecta est, a traditione ejus seducti sunt, perdiderunt quod crediderunt; omnis enim spes credentium in hoc sensu est, quia mortui resurgent. Quod au-

(36) Corb. cod., ut quibus suadendo acquisiti, non hominibus dent gloriam, sed Deo.

(37) Idem codex Corb., quod cum prece.

tem dicit: « In quo et statis, » his dicit, qui firmi erant in fide traditionis hujus; promiscuis enim loquitur, ut et ii qui in fide sunt, gaudeant: et qui mutant, corripere se debeant, et corrigantur.

(Vers. 3.) « Tradidi enim vobis in primis, quoniam Christus mortuus est pro peccatis nostris secundum Scripturas. » Scripturas Testamenti Veteris memorat quæ futuram passionem Domini cecinerunt. Dicit enim Isaias propheta: « Ut ovis ad immolandum ductus est (*Isa. liii, 7*). » Et inter cætera: « Quoniam tolletur a terra vita ejus, ab iniquitatibus populi mei ductus est ad mortem (*Ibid. 8*); » hæc in Christo reperta noscuntur. Sed quia præteriti temporis significatio videtur, non est adversum, quia apud Deum, qui omnium præseus est, nihil futurum est; ideo sic dicit quod futurum est nobis, quasi factum sit. Nam in Apocalypsi Joannis apostoli dicitur: « Agnus qui occisus est a constitutione mundi (*Apoc. xiii, 8*). » Quia enim aliter non fiet, quam seipsum Deus, factum dicitur; nobis enim fit, non Deo, quia apud Deum nihil est, quod futurum dicatur. Et in Psalmo ait: « Dominus regnavit a ligno (*Psal. xcvi, 1*). » Et Moyses de cruce ejus ita significavit, dicens: « Tunc videbitis vitam vestram prudentem ante oculos vestros, et non credetis (*Deut. xxviii, 66*). » Ideo enim in eadem causa et futuri temporis aliquando significantia ponitur, ne a perversis non de Christo dictum defenderetur, si totum quasi præteritum significaret.

(Vers. 4.) « Et quia sepultus est. » Nulli dubium mortuum sepultum esse, sicut dicit Isaias propheta: « Et dabo malos pro sepultura ejus (*Isa. lmi, 9*). »

161 « Et quia resurrexit tertia die secundum Scripturas. » Omnia in fide clausa sunt: ideo sub persona populi resurrectio Domini tertia die futura descripta est. Dicit enim Osee propheta: « Post biduum sanos faciet nos, et in tertio die resurgemus (*38*), et vivemus in conspectu ejus (*Osee vi, 3*). » In Christo enim omnes resurrexisse, sicut in Adam omnes mortuos esse, nemo fidelium denegat. Simili modo in Psalmo sub persona hominis etiam de Christo significat, dicens: « Omnia subieci sub pedibus ejus: gloria et honore coronasti eum (*Psal. viii, 8, 6*). »

(Vers. 5.) « Et quia visus est Cephæ; » id est, Petro. Hoc etiam Cleophæ (*39*) et socio suo dixerunt discipuli, ut in Evangelio κατὰ Λουκᾶν, quod apparuit soli Petro (*Luc. xxiv, 34*). « Postea illis undecim. » Et hoc in Evangelio continetur.

(Vers. 6.) « Deinde apparuit plus quam quingentis fratribus simul. » Hoc sua fide loquitur. « Ex

(38) Vet. edit. ac mss. aliquot, *Post biduum et in tertio die resurgemus.*

(39) Ita mss. non pauci, et omnes edit., nisi quod pro soli Petro in Rom. edit. legitur *Simoni*: alii vero mss. efferunt, *Cleophas et Emaus testantur in Evangelio.*

quibus plures manent usque adhuc, quidam autem dormierunt. » De his quibus post resurrectionem apparuit Dominus, tunc multos dies fuisse in corpore.

(Vers. 7.) « Deinde apparuit Jacobo. » Singulariter Jacobo apparuit, sicut et Petro: quod ideo puto factum, ut multifaria apparentia fidem resurrectionis firmaret. « Postea apostolis omnibus. » Iterum omnibus apostolis visus est in monte, ubi constituerat illis Jesus, sicut refert Matthæus evangelista (*Matth. xxviii, 16*). Ante in Jerusalem post dies octo resurrectionis suæ, id est Dominica die, januis clausis, intravit ad discipulos, ut Thomæ animus firmaretur, sicut dicit Joannes apostolus (*Joan. xx, 26*). In monte enim intelligitur mandata illis dedisse.

(Vers. 8.) « Novissime autem omnium quasi abortivo visus est et mihi. » Apparuit illi primum in cælo (*Act. ix, 4*), post oranti in templo (*Act. xxii, 17-21*). Abortivum se dixit, quia extra tempus natus in Christo, apostolatam accepit jam Christo in cælos recepto cum carne.

(Vers. 9, 10.) « Ego enim sum minimus omnium apostolorum (40). » Humiliat se, et temporis causam sibi ascribit; tempore enim minor est, non dignitate. Sed quia et persecutor fuit, inclinatur, dicens: « Qui non sum dignus vocari apostolus, quoniam persecutus sum Ecclesiam Dei. Gratia autem Dei sum id quod sum. » Deo dat gloriam, qui eum elegit, et dignitatem suam non sibi defendit, sed indignum se dicit. Unde vere plus meretur, sciens dixisse Dominum: « Qui se humiliat exaltabitur (41) (*Luc. xiv, 11*). » « Et gratia ejus pauper in me non fuit. » Hoc dicit, quia non propter quod persecutus est, minorem gratiam in apostolatu accepit. « Sed plus illis omnibus laboravi. » Addit ad causam, quia non solum minoratus non est, sed et amplius propter constantiam (42), qua vigeat in Christo, afflictus est: quod non ægre ferens, dignior factus est. « Non ego autem, sed gratia Dei mecum. » Ne se extulisse jactanter putaretur, statim se humiliat, cum hoc ipsum non magis sibi, sed Dei gratiæ ascribit: ut semper omnem gloriam reportet ad Deum, unde jure exaltandus est.

(Vers. 11.) « Sive igitur ego, sive illi, sic prædicamus, et ita credidistis. » Hoc est, quod supra significavit, quia non inferiorem gratiam in prædicatione accepit, quam cæteri apostoli, sed unam atque eandem. Unde magis arguit perfidiam Corinthiorum, quia cum manifestata esset credulitas hæc apud omnes Ecclesias, hi ab hac fide et spe desciverant, quam subiecit, dicens:

(40) Corb. eod., *Apostolorum. Minimum itaque se dicit apostolorum in vocatione, non in gratia; Deo autem dat gloriam et honorem, qui eum elegit.*

(41) Mss. aliquot, *Qui se exultat, humiliabitur.*

(42) Codex Corb., *propter conscientiam.*

(Vers. 12, 13, 14.) « Si autem Christus prædicatur, quod ex mortuis resurrexit, quomodo dicunt quidam inter vos, quoniam resurrectio mortuorum non est? Si ergo resurrectio mortuorum non est, neque Christus resurrexit. Si autem Christus non resurrexit, inanis est prædicatio nostra, vacua est et fides vestra. » Hæc a falsis apostolis erant tradita, qui Christum neque natum, neque in carne passum, neque resurrexisse asseverabant: quos et Joannes apostolus denotat, quod Christum in carne venisse negabant. Unde dicit: « Qui negat Christum in carne venisse, hic est Antichristus: et qui negat Filium, nec Patrem habet (I Joan. 11, 22, 23). » Isti ambulabant, et quorundam fidem, ne imprudentes a mundi sapientibus judicarentur, subvertebant; quia prudentes sæculi stultum judicant, cum audiunt resurrectionem mortuorum. Quod si, inquit, verum est quia Christus non resurrexit, falsi sumus prædicatores, et fides vestra inanis est. Hoc enim crediderunt, Apostolo prædicante, quia mortui resurgent, et hac spe attracti sunt ad fidem. **162** Quod utique ad detrimentum illorum proficere asserit, si crediderunt quod futurum non est: et pudoris est, ut aliquis profiteatur hoc se credidisse, quod falsum est. Et verecundiam ergo illis ineuit, et labores illorum dicit infructuosos; si quod a falsis apostolis audierunt, verum est, quia mortui non resurgent: quod nemo utique de se patitur audire; ut videntes hoc contra se esse, reverterentur ad primam fidem.

(Vers. 15.) « Invenimur autem et falsi testes Dei; quia testimonium diximus adversus Deum, quod suscitaverit Christum, quem non suscitavit. » Qui asserit quod Christum Deus a mortuis suscitavit, falsus est testis, si non est factum; virtutem tamen Dei prædicat, non utique ut inimicus, qui tam admirabile factum virtuti ejus ascribit. Quod si verum est, quia excitavit Christum a mortuis, quid huic dicendum est (43), qui et testis contra Deum falsus est, et opus ejus stultitiam asserit?

(Vers. 16, 17.) « Nam si mortui non resurgunt, neque Christus resurrexit. Quod si Christus non resurrexit, vana est fides vestra; adhuc enim estis in peccatis vestris. Ergo et qui dormierunt in Christo, perierunt. » Terret illos, ut quia nemo sibi male vult, doleat illis hoc cœpisse credere, quod contra ipsos est. Quis enim peccata sibi remissa nolit audire?

(Vers. 18.) « Ergo et qui dormierunt in Christo, perierunt. » Addit ad terrorem, quia charorum suorum excessum nolunt æstimare perditionem (44). Qui enim sub hac spe de sæculo exierunt, sive occidi non timuerunt; quia resurgere exemplo Christi crediderunt, et non est verum, perierunt.

(43) Mss. Corb., *quid hic dicendus est.*

(44) Idem cod. Corb., *volunt æstimare perditionem.* Mox vero, ubi omnes edit. ac mss. longe plurimi, *Qui enim non timuerunt, sub hac spe, etc.,* ms. Vall. aptius legit, ut nos in textu.

A Hoc illis dicit, quod amore suorum defunctorum nolunt audire: ut illis amputet, quod prius per errorem volebant audire.

(Vers. 19.) « Si in hac vita tantum in Christo sperantes sumus, miserabiliores sumus omnibus hominibus. » Manifestum est quia et in hac præsentis vita et in futura speramus in Christo; nec enim hic deserit servos suos Christus, sed dat illis gratiam (45), et in futuro erunt in gloria æterna. Si autem futuræ vitæ spes non esset, omnibus hominibus, quod dixit, miserabiliores essemus. Ut quid enim jejunia, vigiliæ, exitus, munda vita, justitia, misericordia, mors, si pro his nulla merces erit in futuro? Increduli autem vel hac vita fruuntur.

B (Vers. 20, 21.) « Nunc autem Christus resurrexit a mortuis, initium dormientium; quoniam quidem per hominem mors, et per hominem resurrectio mortuorum. » Hæc dicens, tangit pseudopphetas, qui Christum natum negabant, ac per hoc non resurrexisse carnem: quia qui natus non est, nec moritur. Sic autem probat Christum a mortuis resurrexisse, quia homo fuit, ut dubium non sit hominem a Deo a mortuis excitatum; ut quia peccato hominis mors inventa est, Christi justitia resurrectionem meruerit mortuorum.

(Vers. 22.) « Sicut enim in Adam omnes moriuntur, ita et in Christo omnes vivificabuntur. » Hoc dicit, quia sicut Adam peccans mortem invenit, et omnes ex ejus origine tenuit, ut dissolvantur (46): ita et Christus non peccans, et per hoc vincens mortem (quia qui non peccat, vincit mortem; quia mors ex peccato), omnibus qui sunt ex ejus corpore, acquisivit vitam, id est resurrectionem. Quamvis ergo generalem tribuerit resurrectionem, ut sicut in Adam omnes sive justis sive injustis moriuntur, ita et in Christo omnes, tam credentes quam diffidentes, resurgant, licet ad pœnam increduli; tamen vivificari videntur; quia corpora sua recipient, jam non morituri, sed passuri pœnam in eis sine fine: quod credere noluerunt.

(Vers. 23.) « Unusquisque autem in suo ordine. » Nunc ordinem resurrectionis vult exponere, ne ideo putarent fabulosum esse, quia factum non est adhuc in cæteris: ordines illis exponit et tempora, quando factum sit, et quando futurum est, ut resurgant mortui. « Initium Christus. » Sicut in Actibus Apostolorum testatur scriptum esse in Moyse. « Si passibilis Christus, si prior surgens ex mortuis (Act. xxvi, 23), etc. » Prior ergo resurrexit, ut forma fieret credentibus sibi (47). « Deinde qui sunt Christi, qui in adventum ejus crediderunt. » Hoc duplici modo intelligendum est, quia et in adventu ejus secundo sancti resurgent, juxta fidem

(45) Codex Vall., *sed dat illis gloriam.*

(46) Rom. edit., *et tenuit, ut omnes ex ejus origine dissolvantur.*

(47) Corb. cod., *ut firma feret credentibus sibi resurrectio.*

Apocalypsis Joannis (*Apoc.* xx, 12), sicut et in **163** A primo adventu cum resurrexit, multa corpora sanctorum resurrexerunt (*Matth.* xxvii, 52), ad probationem victæ mortis ac spoliatæ. Sub una ergo significatione duplicem adventum Domini comprehendit.

(Vers. 24, 25, 26.) « Deinde finis, cum tradiderit regnum Deo et Patri, cum destituerit omnem principatum et omnem potestatem, et omnem virtutem, et omnem dominationem. Oportet enim illum regnare, donec ponat omnes inimicos sub pedibus ejus; omnia enim subjecit sub pedibus ejus. Novissime autem inimica destruetur mors. » Hoc dicit, quia tradito regno finis erit mundi, impleta resurrectione. Quod quidam territi asperitate sermonis, dum quasi pie volunt sentire, a proprietate sensus declinant. Horrent enim sonum verbi audientes: « Cum tradiderit regnum Deo et Patri; » putantes traditione hac regni, si juxta sonum verbi intelligatur, vacuum remanere (48); ut si tradit, jam ipse non habeat: quasi Pater tradens omnia Filio, evacuaverit se. Nam et ipse Dominus ait: « Omnia mihi tradita sunt a Patre meo (*Matth.* xi, 27); » et postea: « Hæc est autem vita æterna, ut cognoscant te solum verum Deum, et quem misisti Jesum Christum (*Joan.* xvii, 3). » Ecce regnante Filio, regnat et Pater. Quomodo autem tradens regnum Filius evacuare se crederetur (49), cum dicat angelus ad Mariam: « Et dabit illi Dominus Deus sedem David patris sui, et regnabit in domo Jacob in æternum, et regni ejus non erit finis (*Luc.* i, 32, 33) ? » Et Daniel de eodem regno dicit inter cætera: « Deus cœli excitabit aliud regnum, quod nunquam corrumpetur, et hoc regnum erit æternum (*Dan.* ii, 44). » Nemo ergo dubitet Filium semper regnaturum cum Patre. Traditio autem hæc regni est, ut cum omnia Filio fuerint subjecta, et adoraverint illum ut Deum, destructa morte, tunc Filius ostendet illis non se esse, ex quo sunt omnia, sed per quem sunt omnia: et hoc erit tradere regnum Deo et Patri, ostendere ipsum esse, ex quo omnis paternitas in cœlis et in terra nominatur (*Ephes.* iii, 15): et tunc erit finis. Destructio tamen mortis est resurrectio mortuorum.

(Vers. 27, 28.) « Cum autem dicat: Omnia subjecta sunt ei, nimirum præter eum, qui subjecit ei omnia. Cum autem subjecta illi fuerint omnia, tunc et ipse Filius subjiçietur illi, qui subjecit omnia, ut sit Deus omnia in omnibus. » Idem sensus est, quem nunc aperit, ut manifestet quid sit Filium tradere regnum Deo et Patri: hoc autem addit ad sensum, quia tradens Pater Filio regnum, non se subjecerit

ei, sicut Filius Patri se subjecit; incongruum est enim ut Pater subjiçiatur Filio. Omnia ergo subjecit Pater Filio, ut similiter honorificetur, sicut honorificatur et Pater. Cum ergo omnia confessa fuerint Christum Deum, substrata pedibus ejus, tunc et ipse Christus Dominus subjiçietur Deo Patri: « Ut sit Deus omnia in omnibus. » Hoc dicit, quia cum omnium principium et potestatum et dominationum fuerit pressa superbia, et adoraverint Christum quasi Deum, tunc et Christus propter unicam auctoritatem Patris (50), Deum quidem se ostendet, sed de Deo; ut unius principii sublimis et ineffabilis auctoritas maneat. Hoc est subjiçere se Filium Patri, hoc est, Deum esse omnia in omnibus, quia cum discit omnis creatura caput suum esse Christum, Christi autem caput Deum Patrem, omnia in omnibus est Deus Pater, hoc est, ut omnis creatura unum sentiat, ut una voce omnis lingua cœlestium et terrestrium et infernorum confiteatur unum esse Deum (*Philipp.* ii, 10, 11), ex quo sunt omnia. Si autem dixisset: « Ut sit Deus in omnibus, » intelligeretur in omnibus quidem esse, sed per affectum, aut communem sensum, non tamen ea ipsa ex ipso esse. Sed cum dixit: « Omnia in omnibus: » hoc significavit, quia et ex ipso sunt, et in ipsis est: ex ipso, quia ab ipso creata sunt: in ipsis autem, quia in omnium confessione unus est Deus. Non tamen sic subjiçitur Filius Patri, sicut Filio creatura.

(Vers. 29.) « Alioquin quid facient, qui baptizantur pro mortuis, si omnino mortui non resurgunt? Ut quid et baptizantur pro illis? » In tantum ratam et stabilem vult ostendere resurrectionem mortuorum, ut exemplum det eorum, qui tam securi erant de futura resurrectione; ut etiam pro mortuis baptizarentur, si quem forte mors prævenisset: timentes ne aut male, aut non resurgeret (51), qui baptizatus non fuerat, vivus nomine mortui tingebatur. Unde subjecit: « Ut quid et baptizantur pro illis? » Exemplo hoc non factum illorum probat, sed fixam fidem in resurrectionem ostendit.

164 (Vers. 30, 31.) « Ut quid et nos periclitamur omni hora? Quotidie morior pro gloria vestra, quam habeo in Domino. » Dicendo: « Ut quid et nos periclitamur? » discrevit personas, ostendens non catholicos esse, qui pro mortuis baptizabantur. Denique supra dixit: « Ut quid et baptizantur pro illis? Numquid et baptizamur pro illis? » Nam et Jephthe, quamvis in re, quæ accepta fieri non posset (52), fidelis inventus est, offerens filiam suam secundum votum suum (*Judic.* xi, 39), quod stulte voverat (*Ibid.* 30, 31), non ergo factum probatur, sed perseverantia fidei in exemplum præfertur.

(48) Omnes edit. et mss., uno excepto, *putantes traditionem hanc regni.... vacuum remanere*; optime vero Corb. ut in contextu.

(49) Rom. edit., *Sed quia ipse Dominus ait.... apparet quod, regnante Filio, etc.*

(50) Eadem edit., *propter univocam auctoritatem, etc.* Secundo autem versu legit ms. Corb, *sublimitas*

et ineffabilis, etc.

(51) Codex Corb., *timentes ne aut mala sufferret, aut, etc.*

(52) Mss. Laud., *quamvis in requie accepto ferri non possit*; Corb., *quamvis in reliquis accepta fieri non possit.*

Prædicantium pericula et labores memorat dicens : A
 « Quid et nos periclitamur ? » et subauditur : nisi
 quia speramus futuram resurrectionem, sicut supra
 memorat, Securi enim quia post istam mortem vera
 vita sequetur, pericula non timent illata ab infide-
 libus, propter zelum illorum, quos quia crediderunt
 se perdidisse, dolent. Sollicitudinem ergo suam
 ostendit, quam habebat erga salutem illorum, pro-
 pter gloriam promissam a Domino, sicut et in lege
 dictum est : « Exalta sicut tuba vocem tuam ; si te
 audierint, lucraberis animas illorum (*Ezech. xxxiii,*
5). » Ad hoc festinabat Apostolus semper sollicitus,
 ut gloria illi cresceret apud Deum acquisitæ salu-
 tis multorum.

(Vers. 32.) « Si secundum hominem ad bestias
 pugnavi Ephesi, quid mihi prodest, si mortui non
 resurgunt ? » Hoc est, si secundum humanum sen-
 sum (qui videns hoc in rerum naturam non cadere,
 ut caro jam soluta reformetur ad vitam, minime
 credit futuram resurrectionem mortuorum) bestiis
 offerri, mori non timui (33), nihil profeci. Sed non
 hoc est, quia certus de promissa vita, non solum
 non timuit, sed et libenter bestiis offerri se passus
 est, sicut inter cætera ait in Actibus apostolorum :
 « Ego enim non solum ligari, sed et mori paratus
 sum in Hierosolyma pro nomine Domini Jesu Christi
 (*Act. xxi, 13*). »

« Manducemus et bibamus ; cras enim morie-
 mur. » Hoc ab Isaia propheta dictum est propter
 hos qui, quasi nihil futurum esset post mortem, ven-
 tri tantum studebant quomodo pecora (*Isa. xxii,*
13), sicut et ii qui Corinthios depravabant.

(Vers. 33.) « Nolite seduci, corrumpunt mores
 bonos colloquia mala. » Significat confabulatione
 malorum hominum everti posse bonum proposi-
 tum (34) ; assiduitas enim pravi colloquii vitiat
 mentem, ac per hoc ab his cavendum. Quicumque
 enim acceptam fidem custodire vult, maxime inter
 ipsa initia obstrepentes debet vitare, ut impleat,
 quod utile iudicavit.

(Vers. 34.) « Vigilate, justii estote, et nolite pec-
 care. » Vigilandum monet, ne circumventionem pravi
 sensus capti, et a fide abducti depraventur, mor-
 tuorum resurrectionem non credendo. Justos esse
 præcepit, ut non solum terrenam justitiam exco-
 lant, sed et cælestem ; quia terrena justitia meritum
 non facit, sicut et non facit resum. Quid enim ma-
 gnum est aliena non tollere, quippe cum hoc timo-
 ris sit (35) ? Magnum est autem de proprio non ha-
 bentii largiri, hæc est vera justitia. Et ut non pec-
 cent, subjecit ; unde intelligi voluit non justitiam
 temporalem servandam mandasse, sed divinam ;

(33) Nonnulli mss., non offerri timui ; at Corb.
 tum hunc locum ita contrahit, offerri non timuit,
 sed et libenter bestiis se passus est, etc.

(34) Rom. edit., everti posse bonum a proposito.

(35) Corb. codex, quippe cum non timere fit.

(36) Mss. Laud. et Vall., in hac præsentii vita.

(37) Rom. edit., qui inter eos conversabantur.

(38) Codex Corb., proprium corpus seminatur ;

quia qui cælestem justitiam servat, sine dubio in
 hac præsentii (36) perfectus est.

« Ignorantiam enim Dei quidam habent, ad vere-
 cundiam vobis loquor. » Propositum Dei ignoran-
 tes ii, qui inter eos convertebantur (37), mortuos
 resurrecturos stultum esse dicebant credere. Ideo
 pudorem illis incutit quasi imprudentibus ; crede-
 bant enim eis qui, ignorantiam Dei habentes, con-
 tra Dei statuta docebant.

(Vers. 35.) « Sed dicet aliquis : Quemadmodum
 resurgent mortui ? Quove corpore venient ? » Hos
 dixit ignorantiam Dei habere, quorum depravatæ
 sententiæ verba protulit, dicens : « Quemadmodum
 resurgent mortui ? quove corpore venient ? » Cui
 congrue respondit, dicens :

B (Vers. 36.) « Stulte, tu quod seminas, non vivifi-
 catur, nisi prius moriatur ? » Cum animali homine
 non utique legis auctoritate agit, ut exemplis sua-
 deat, quæ si reciperet, non erraret : sed physica ra-
 tione, de qua sibi blanditur, ut non credat resurgere
 soluta et mortua corpora. Ostendit enim mortua
 rursus reparari ad vitam et multiplicata ; ut con-
 fundatur error humanus.

(Vers. 37, 38.) « Et quid seminas ? Non corpus
 quod futurum est, seminas : sed nudum granum,
 ut puta tritici, aut alienjus cæterorum : Deus autem
 285 illi dat corpus, prout vult : et unicuique se-
 minum proprium corpus. » Si ergo nudum granum
 seminatur (38), et Dei nutu quodammodo elementor-
 rum ministerio vestitum resurgit, muta secum ha-
 bens incrementa utilitatis humanæ ; cur non credi-
 bile sit Dei virtute mortuum posse resurgere, melio-
 rata tantum substantia, non numero multiplicatum ?
 Quid ergo requiritur ab infideli, quo corpore resur-
 gant mortui, cum exempla præcedant (39) ad fidem
 hanc melioratæ resurrectionis, non amissæ substan-
 tiæ ? Quia proprium corpus recipiet, in quo creatus
 est Adam, juxta exempla supra dicta.

(Vers. 39.) « Non omnis caro, eadem caro : sed
 alia quidem hominis, alia vero pecoris : alia caro
 volatilium, alia caro piscium. » Cum ex eadem massa
 omnis caro sit, unde et quomodo in his tanta diver-
 sitas est, ut una impensa faceret genera diversa ?
 Dicant nunc sophistæ mundi et scrutatores siderum,
 si valent comprehendere quæ extra se sunt, cum
 quid intra se sit, nesciant. Denique omnes mundani
 philosophi, qui mentem suam legi Dei humiliare, ut
 fidem ejus susciperent, noluerunt, diversa semper
 et contraria asserentes, inanissimis disputationibus
 invicem se confuderunt ; quia in nullo horum testi-
 ficatæ veritatis signum (60) agnitum est, quod an-
 tepositum verbis commendaret doctrinam, sicut et

statim vero post, Laud., pro elementorum ministerio,
 exhibet electorum ministerio.

(39) Vet. edit. et mss. hic eo dissident, quod hi
 præcedant, illæ prædicant præ se ferunt ; at Rom.
 sic habet, cum exempla resurrectionis prædicant fi-
 dem hanc melioratæ non amissæ substantiæ.

(60) Cod. Laud., quia in nulla horum testificatione
 veritatis signum, etc.

Deus decrevit disciplinæ nostræ, quæ non verbis A probatur, sed virtute, cui non possunt verba resistere. Quemadmodum ergo ex una impensa diversa animantium caro est, ita et unius carnis homines, diversi erunt dignitate in resurrectione; ut talis unusquisque appareat, qualis fuerit meriti: quippe cuncta etiam hic diversitatem corporum videamus.

(Vers. 40.) « Et corpora cœlestia, et corpora terrestria, sed alia quidem cœlestium gloria, alia autem terrestrium. » Cœlestia corpora sunt resurgentium, terrestria autem antequam moriantur, aut resurgant: ut quia Christus cœlestis est, ex eo corpora cœlestia dicantur: ex Adam vero, quia terrestris est, terrestria corpora.

(Vers. 41.) « Alia claritas solis, alia claritas lunæ, et alia claritas stellarum; stella enim ab B stella differt in claritate (61). » Unius naturæ comparatione utitur ad indiscretæ substantiæ reddendam rationem, quia sicut sol et luna et stellæ cum sint unius quidem naturæ, diversæ tamen claritatis sunt: ita et homines cum sint unius generis, merito tamen dissimiles erunt in gloria; ut claritati solis illorum dignitas exæquetur, qui centesimum numerum habent, qui ut perfecti essent, primi gradus æmuli fuerunt, de quibus dictum est: « Tunc justi fulgebunt sicut sol in regno Patris sui (Matth. XIII, 43). » Lunari quidem claritati hi comparandi sunt, qui sexagesimum numerum bonis operibus mercati sunt, ut secundi gradus meritum haberent. Stellis autem clarioribus eorum merita comparanda sunt, qui tricesimum numerum, tertii gradus dignitatem C justis laboribus quæsierunt. Sequentibus vero stellis, quæ inter claras et obscuriores mediæ sunt, peccatores homines coaptandi sunt, qui de tribus nullius gradus adipisci honorem voluerunt. Tetricis autem stellis, et omnium novissimis, perfidorum resurrectio similis est; quia errorem secuti, stellis in errorem ducentibus comparandi sunt, sicut dicit in Epistola sua Judas apostolus (Judæ 13). Infidelitas enim non potest claram resurrectionem habere; quia sicut carbo cinere suo coopertus obcæcatur, ita et hi perfidia sua erroris (62) tenebris circumdati, luce carebunt.

(Vers. 42.) « Ita erit et resurrectio mortuorum. » Exempla dat, ut non sit dubium resurrectionem

(61) Codex Corb., *Alia gloria solis, alia gloria lunæ, differt in gloria.*

(62) Ms. Corb., *perfidie sue errore. Et infra. Exempla dantur, ut non dubiam resurrectionem futuram mortuorum quis ambigat.*

(63) Vet. edit. ac plures mss., *non enim corpus animale semper hic habere potest. Spiritum sanctum: tunc vero, id est, in resurrectione, semper manebit in sanctis. Surget corpus spiritale, quod possit ire obviam Christo.* Quæ quidem verba non ægre deprehendas consarcinata esse ex Commentario Pseudo-Hieronymi in hunc locum. Sed quæ ab his ipsis verbis usque ad illa capituli I Commentarii in sequentem epistolam: *Manifestum quia pro quo patimur, in plerisque mss. et omnibus edit. Ambrosii leguntur, unde etiam nonnihil in suam Paulinarum episto-*

mortuorum futuram; ut, accepta ratione, nemo ambigat. « Seminatur in corruptela, surget in incorruptela. » Seminare est sepelire, ut corrumpatur: resurgere autem in incorruptela, jam exsuscitatum non posse corrumpi, sed habere claritatem immortalitatis.

(Vers. 43.) « Seminatur in ignominia, surget in gloria. » In ignominia seminatur; quia dum in tetrico ponitur, fit fetidum, et scatet vermibus: surget autem in gloria; quia excitatum et lumen erit et nullam squaloris injuriam patietur. « Seminatur in infirmitate, surget in virtute. » In infirmitate seminatur, quia immobile est, et irregibile: surget autem in virtute, 166 quia jam totum unum erit ac vegetum.

(Vers. 44.) « Seminatur corpus animale, surget corpus spiritale. Si est corpus animale, est et spiritale. » Animale corpus est, dum cibus sustentatur, ut vivat: spiritale autem, cum horum nihil indigeat, conversum in vitam. Omnia supradicta hoc sensu clauduntur (63); non enim aliud continetur in superioribus, nisi quod animale corpus moritur, et resurget spiritale, quod neque jam manducet, nec bibat, nec infirmetur, nec sit fetidum, nec tetricum natura.

(Vers. 45.) « Factus est primus homo Adam in animam viventem. » Hoc in Genesi dictum est (Gen. II, 7), quia, accepto spiritu flatus Dei factus est homo in animam viventem; officium enim spiritus animare est corpus, ita tamen ut continuam vitam non habeat, nisi cibus et potus auxilio utatur. « Novissimus autem Adam in spiritum vivificantem; » hoc est ut jam qui ante fuerat factus in animam, factus est in spiritum per resurrectionem, ut mori non possit, quia fiet totus vivens.

(Vers. 46.) « Sed non prius quod spiritale est; » qua animale ex Adam, spiritale vero per Christum et resurrectionem mortuorum.

(Vers. 47, 48.) « Primus homo de terra terrenus, secundus homo de cœlo cœlestis: qualis terrenus, tales et terreni: et qualis cœlestis, tales et cœlestes. » Primus homo Adam est de terra temporalis, cui succedit mors: secundus homo Christus est de cœlo, qui resurgens mori nescit: « Qualis est ille terrestris, tales et terrestres; » hoc est, quia terrenus mortalis est, mortales sunt et terreni: peccans autem Adam mortem invenit, ut omnes ex eo mortales sint. « Et

D larum Expositionem doctoris nostri nomine transtulit Rabanus Maurus: eadem, solo prologo excepto, in adulerinis illis Hieronymi Commentariis ad apices reperiantur. Hinc in promptu fuerit colligere folii alicujus factam in veteri quopiam hujus nostri Commentarii codice jacturam vel transpositionem librariorum e Pseudo-Hieronymo sarcire valuisse. Id inde confirmatur, quod alia omnia exhibeat exemplar Corbeiense, sed quæ multo convenient aptius cum Ambrosiastri, ut vocant, stylo. Huc adde quod in tribus aliis mss. ad calcem Commentarii in Epist. ad Romanos fragmentum Expositionis ultimorum hujus epistolæ versuum Ambrosio attributum exstat iisdem verbis, quibus legitur in cod. Corb. Hujus itaque lectionem admittendam existimavimus.

qualis ille cœlestis, tales et cœlestes sint, » id est, quia Christus non peccavit, vincens mortem, cœlestis est : ita sint et credentes illi : quamvis et non credentes spiritales futuri sunt, sed sicut spiritalia nequitiae, ut sint tenebrosi. De sanctis enim nunc loquitur, qui resurgent ad gloriam ; sicut enim qui non credunt, jam judicati sunt, et qui credunt, jam cœlestes dicuntur (*Joan. iii, 18*).

(Vers. 49.) « Igitur sicut portavimus imaginem illius terreni, portemus et imaginem hujus cœlestis ; » hoc est, sicut formam habuimus mortalitatis per peccatum Adæ, servi peccati facti : ita et formam habeamus vitæ per justitiam Salvatoris, facti servi justitiæ, non mundi, sed Dei ; dum ea agimus, quæ immortalitate digna sunt.

(Vers. 50.) « Hoc autem dico, fratres, quia caro et sanguis regnum Dei possidere non possunt. » Carnem perfidiam vult intelligi, sanguinem turpem et luxuriosam vitam, quia cupiditas hæc a fervore sanguinis generatur : ut ostenderet non solum incredulum dignam resurrectionem non habere, verum etiam illum qui desideris et vitiis carnis obtemperat. Commonet ergo et instruit, qua ratione regnum cœlorum consequi mereamur.

« Neque corruptio incorruptelam possidebit. » Hoc dicit, quia corruptela et lascivia vitæ pœnam necesse est patiatur. Passionem enim corruptionem posuit ; nam constat utique omnes homines immortales resurgere.

(Vers. 51.) « Ecce mysterium vobis dico, omnes quidem resurgemus ; » id est, tam credentes quam non credentes. « Sed non omnes immutabimur. » Nunc uniuscujusque meritum in resurrectione significat, qualis in singulis futura sit.

(Vers. 52.) « In momento, in ictu oculi, » id est, cito, sine aliqua mora. « In novissima tuba, » ideo *novissima*, quia postremum bellum geritur adversum dæmones, ac principes, et potestates, et ipsum diabolum. Hoc enim fiet post annos mille, quibus hic regnabit Salvator, extincto Antichristo, cum Satanus dimittetur de carcere suo ad seducendas gentes Gog et Magog, qui sunt dæmones, ut pugnent adversus castra sanctorum ; nec enim temporales homines poterunt adversum æternos dimicare. Nam et Joannes apostolus ait : « Vidi Michael et angelos ejus in cœlo pugnantes adversus draconem et angelos ejus (*Apoc. xii, 7*), » — « qui est diabolus et Satanus (*Apoc. xx, 2*). » Ideoque hic *novissima tuba* ait, quia non semel cum illo pugnatum est : quia et in Antichristo pseudopropheta, qui faciebant coram illo signa et prodigia, et ipse victor, et hoc loco novissime adversus illum pugnetur, ut jam mittatur **167** in gehennam. Et Salvator inter cætera ait : « Nunc princeps hujus mundi mittetur deorsum (*Joan. xii, 31*). » Et tunc ergo et frequenter victus est, sicut Isaias propheta dicit : « Quomodo cecidit de cœlo Lucifer, qui mane oriebatur (*Isa. xiv, 12*) ? »

« Canet enim tuba, et mortui resurgent incor-

rupti, et nos immutabimur. » Surgentibus enim peccatoribus et impiis, sancti immutabuntur in claritate, ut caro fiat spiritalis cum gloria, quasi plumbum, si fiat aurum. Sancti enim in adventu Domini surgent sicut superius (vers. 23) ait : « Initium Christus : deinde hi qui sunt Christi in adventu ejus, » sicut in Apocalypsi continetur (*Apoc. i, 5*), peccatores enim non sunt Christi, qui audiunt a Domino : « Non novi vos (*Matth. vii, 23*). » Quia et in psalmo primo scriptum est : « Ideo non resurgent impii in judicio, neque peccatores in concilio justorum (*Psal. i, 5*). » Ab impiis enim non est quod requiratur : sed ad hoc surgent, ut pereant, videntes verum esse, quod credere noluerunt : perire autem est a Deo esse alienum, sicut ait ad Romanos : « Quicumque enim extra legem peccaverunt, sine lege peribunt ; et qui in lege peccaverunt, per legem judicabuntur (*Rom. ii, 12*) ; » ac per hoc peccatores judicabunt ; indigni etenim sunt resurgere cum sanctis, sicut ait : « Neque peccatores in concilio justorum. »

(Vers. 53) « Oportet enim corruptibile hoc induere incorruptionem, et mortale hoc induere immortalitatem. » Supra dixit, « et mortui resurgent incorrupti », id est, immortales erunt, non tamen impassibiles ; hi enim, quos dicit, pœnas patientur pro qualitatibus delictorum suorum, ita ut exeant inde soluto debito : impii autem æterna pœna torquentur : ait enim : « Qui non credit, jam judicatus est (*Joan. iii, 17*). » Unde et Isaias propheta ait : « Ignis eorum non exstinguetur, et vermis eorum non morietur (*Isa. lxvi, 24*). » In adventu tamen Domini et sancti resurgent, et qui vivi fuerint inventi, obviam rapiuntur Domino in aera, mortem quasi soporem passuri ; in ipso enim raptu et mortem et resurrectionem habebunt, sicut ad Thessalonicenses idem Apostolus scribit (*I Thess. iv, 16*). Tempore enim Antichristi aut apostatæ erunt, aut rei, aut in latibulis, aut in pœna positi cæteri gentiles, quos Dominus [Jesus cum duce ipsorum Antichristo in adventu suo interficiet « spiritu oris sui (*II Thess. ii, 8*), » id est, jussu ejus igni exurentur per angelos virtutis ejus.

(Vers. 54, 55.) « Cum autem mortale hoc induerit immortalitatem, tunc fiet sermo, qui scriptus est : Absorpta est mors in victoria. Ubi est, mors, victoria tua ? ubi est, mors, stimulus tuus ? » Post resurrectionem enim impiorum et peccatorum absorbebitur « mors in victoria ». Insultantis etenim verba sunt, dicentis : « Ubi est, mors, victoria tua ? ubi est, mors, aculeus tuus ? » Victoria enim devictæ mortis resurrectio mortuorum est : mors autem diabolus est, cui insultatur ; et contentiosus dicitur, quia per superbiam, cum impar viribus esset, resistebat. Cum ergo superatus perimitur et spolia illi detrahuntur, succensetur illi, qui contra se pugnavit.

(Vers. 56.) « Aculeus autem mortis peccatum est. » Aculeum auctoritatem significat, quia mors

per peccatum auctoritatem accepit, quasi peccatum non esset, diabolus obtorpuisset, et mors non esset.

« Virtus autem peccati lex. » Ideo virtus peccati lex est, quia peccatum non imputaretur, si lex non esset.

(Vers. 57.) « Deo autem gratias, qui dedit nobis victoriam per Dominum nostrum Jesum Christum. » Triumphum Salvatoris in nobis dicit profuisse; quæ enim gessit Salvator, non sibi utique gessit, sed nobis. Quamobrem nostra victoria est; ideo enim homo factus est, manens Deus, ut vincens diabolum, dum peccatum non fecit, nobis victoriam acquireret, qui peccati causa detinebamur in morte; ut victus diabolus, occiso Christo, qui peccatum non fecerat, omnes quos peccati causa detinebat, amitteret. Dum autem insultat homini, reus factus est, et sic deletum chirographum, id est, deleta sententia, qua tenebatur genus humanum in mortem, fieret ereptus, et animabus in cælum inductis; ut non per potentiam illi tollerentur, sed per justitiam a Deo per Dominum nostrum Jesum Christum.

(Vers. 58.) « Itaque, fratres mei dilecti, stabiles estote et immobiles, abundantes in opere semper, scientes quod labor vester non est inanis in Domino. » Omnibus quæ ad doctrinam ecclesiasticam ordinandam necessaria sunt expositis, et aut quid vitandum, quidve sequendum sit demonstratis, fixos jam illos esse hortatur in bono, et in operibus quæ fructum faciunt apud Dominum, semper promptos et copiosos: quia per hæc quæ exposita sunt, de cætero accepturos se boni operis mercedem a Domino, ne pravis colloquiis possent everti.

168 CAPUT XVI.

(Vers. 1, 2.) « De collectis autem, quæ fiunt in sanctos, sicut ordinavi Ecclesiæ Galatiæ, ita et vos facite. Per unam Sabbati unusquisque vestrum apud se ponat, thesaurizans quodcumque voluerit: ut non cum venero, tunc collectæ fiant. » Dominico die collectam fieri præcipit, sicut et cæteris Ecclesiis disposuerat; ut eo die, quo resurrexit Dominus, plebs ejus colligatur ad laudem et gloriam Dei, devicta morte: tunc sumptus congregandos ad ministerium sanctorum, qui propter nomen Domini pressuram patiebantur zelo gentilium sive Judæorum, qui non sinebant eos prædicare gratiam Dei sub nomine Christi; ut haberent refrigerium ab iis, propter quos tribulantur. Omni ergo die dominico jubet colligi plebem, et congregari illos, prout voluerint, in dona Dei, et hoc apud se unumquemque reponere quasi in thesauro: ut veniente Apostolo, inveniatur ad usus necessarios præparatum; quia quod paulatim colligitur, nec grave est, et invenitur multum.

(Vers. 3.) « Cum autem venero, quos probaveritis per epistolas, hos mittam perferre gratiam vestram in Jerusalem. » Consolatio hæc duplici genere profectum habebat, sicut et nunc habet: ita ut et sanctis proficeret supra memoratis, et pauperibus in Ecclesia constitutis, quæ et modo et usibus majorum

A natu proficit, et egenis. Per epistolam mittere se hos, quos idoneos ad dispensationem elegerint, dicit: quæ epistolæ testimonium præbent missis, ut cum gratia excipiantur.

(Vers. 4.) « Quod si dignum fuerit, ut ego quoque eam, mecum ibunt. » Hoc dicit, si fuerit copiosa collectio, posse etiam se ire; dignum enim est, et sic opus, ut si ipse eat, multum secum perferat ad refrigerium sanctorum. Hoc est, quod significat ad Romanos dicens: « Si enim spiritualium eorum communicaverunt gentes, debent hi in carnalibus ministrare eis (Rom. xv, 27); » ex Judæis enim erant, de quibus dicit Dominus, quia salus ex Judæis est, qui Hierosolymis in magna invidia erant apud Judæos non credentes.

B (Vers. 5, 6.) « Veniam autem ad vos, cum Macedoniam transiero: apud vos autem forsitan remanebo, aut etiam hiemabo, ut me deducatis quocumque iero. » Post omnem instructionem, ut lætos illos faceret, adventum suum illis promisit, pro quo et omnes admonitiones suas, quibus illos corrigit, magis firmat. Qui audit venturum eum, a quo legem accepit, sollicitior erit, ne adveniente illo erubescat.

(Vers. 7.) « Nolo enim vos modo in transitu videre. » Sciens multa se habere, quæ ageret cum illis, non vult illos per transitum videre, et ne contristarentur, multum tempus se promittit commoraturum apud eos; quia quæ agit, cum providentia agit. « Spero enim me aliquantulum temporis manere apud vos, si Dominus permiserit. » Si Dominus, tunc enim Dominus permittit, ut commoretur apud eos; ait *permiserit*, si dignos se præbent, emendantes vitia quæ in eis arguit.

(Vers. 8, 9.) « Permanebo autem Ephesi usque ad Pentecosten; ostium enim mihi magnum apertum est et operosum, et adversarii multi. » Qua causa remansisset Ephesi ostendit; invenerat enim illic sitientia pectora Dei gratiam, quibus infunderet mysterium Christi. Sed quia diabolus inquietus est semper, et his qui Deum desiderant, invidus. Adjecit: « Et adversarii multi; » quanto enim idonei inveniebantur ad fidem, tanto magis non deerant, qui zelarentur, contradicentes et repugnantes doctrinæ Domini.

D (Vers. 10-12.) « Si autem venerit Timotheusi videte ut sine timore sit apud vos; opus enim Domini, sicut et ego, operatur. Ergo ne quis illum spernat. » Quamvis enim ea prædicaret Timotheus, quæ ab Apostolo acceperat, et esset idoneus evangelista, tamen quia non erat auctoritatis ejusdem, commendat illum; ne ab his forte, qui dissentiebant in plebe, non, ut erat dignus, reciperetur: et nihil proficeret adventus ejus saluti illorum. Possent enim et gentiles excitari ad seditionem et discordiam plebis, accepta occasione irruendi in Timotheum; ideo ne quis illum spernat, quia « opus Domini operatur, inquit, sicut et ego, » hoc est, ut mea auctoritate susciperetur, qua erat apostolus:

erat enim ipse episcopus. « Deducite illum in pace, ut veniat ad me; exspecto enim illum cum fratribus. » Tantum meritum Timothei memorat; ut non solum inter eos honorandum illum præcipiat, sed ut apostolum Domini cum obsequio deducendum eum ostendit; ut etiam ipse illum exspectaret cum fratribus propter Evangelium Christi.

« De Apollo autem fratre significo vobis, quia multum illum rogavi, ut veniret ad vos cum fratribus; et utique non fuit 169 voluntas ejus, ut nunc veniret. Veniet autem cum opportunum fuerit. » Hoc dicens, et voluntati illorum vel petitioni satisfecisse ostendit, cum votum suum eis exhibuit, et Apollo excusavit: quando cur non iret ad illos, non declaraverit; ita tamen ut omnino non excusaverit, sed distulerit. Potest et sic intelligi, ut per Apollo tangat illos, significans ideo noluisse ire ad illos, quia dissidebant: ut audito hoc, paci studerent; et ideo de Timotheo dixerit: « Videte ut sine timore sit apud vos, » quia aliqui missi non bene fuerunt suscepti: ac per hoc venturum Apollo, cum concordēs fuerint.

(Vers. 13, 14.) « Vigilate, state in fide, viriliter agite, corroboramini: omnia vestra in charitate fiant. » *Vigilate*, ait, ne circumveniantur in fide. *Viriliter agite*, hoc est monere, ut fortes sint circa ea quæ sibi tradita erant: non ut pueri, qui quod sequantur, ignorant. *Confortamini*, ut tam voce quam opere robusti sint; quia professio et boni actus perfectos faciunt. Ut autem in charitate hæc ipsa fiant, monet; quia quæ cum charitate fiunt, Dei habent timorem et zelum; quidquid enim cum offensione fratris fit, fructum non habet. Provocandis enim aliqui ad bonum, non contristandi, ut puta si misericordiam non facias dehortatione alterius, aut inhumanus sis, aut alteros notes, aut aliquid comedas, insultans ei, qui ab hoc abstinet, ut facias illi scrupulum. Omnia ita agenda sunt, ut hortatio sit ad meliora, non insultatio, et tunc est pax. Unde dicit Dominus, ex hoc cognoscitur, si discipuli mei estis, si vos diligatis invicem (*Joan. XIII, 35*): ubi autem contentio est et dissensio, amor non est.

(Vers. 15, 16.) « Obsecro autem vos, fratres, nostis domum Stephanæ et Fortunati, quoniam sunt initium Achaïæ, et in ministerium sanctorum ordinauerunt se ipsos, ut et vos subditi sitis ejusmodi, et omni cooperanti et laboranti. » Achaïci Corinthii sunt, ideoque de his ad eos loquitur, per quos provocat illos ad hujusmodi opus: sunt enim ex his. Hoc enim in Christianis magnum est, quia calcata avaritia, de laboribus suis non habentibus largiuntur, imitatores facti Patris Dei, qui in misericordia dives est. Cum autem dicit: « Ut subditi sitis talibus, » magis illos hortatur, ut æmuli facti operis hujus, alios habeant ipsi subditos.

(Vers. 17, 18.) « Gaudeo autem in præsentia Stephanæ, et Fortunati, et Achaïci; quoniam id quod vobis deerat, ipsi suppleverunt. Refecerunt enim

A et meum spiritum et vestrum. Cognoscite ergo eos qui ejusmodi sunt. » Aliud enim esse collationem, quam dicit, fieri in sanctos, et aliud ministris Evangelii reddere 170 vicem, sicut dicit Dominus: « Dignus enim est operarius mercede sua (*Luc. x, 7*). » Domum enim Stephanæ in utroque significat devotam, et in ministerio sanctorum, et in his qui deserviebant Ecclesiis: ita ut Apostolo proficerent cum Fortunato et Achaïco fratribus, ut et hi proficerent, qui erant ex his. Unde dicit: « Refecerunt enim et meum spiritum et vestrum. » Et cum Apostolus negat se ab his accepturum, dicit enim: « Non infringetur in me gloriatio hæc in regionibus Achaïæ; » quomodo « refecerunt et meum spiritum et vestrum? » Sed credo, refectus est spiritus ejus B in his, quibus profecerant; sibi enim dicit datum, quod proficit his quibus voluit. « Cognoscite ergo eos, qui hujusmodi sunt, » hoc est, imitamini.

(Vers. 19.) « Salutant vos Ecclesiæ Asiæ. » Horum salutatione commonet illos ut efficiantur similes illorum, qui unius sunt provinciæ. « Salutant vos in Domino Aquila et Priscilla cum domestica sua Ecclesia. » Duas Ecclesias memorat, publicam et domesticam: publicam dicit, quo omnes conveniunt: domesticam, in qua per amicitiam colligitur. Ubi cumque presbyteri solemnia celebrant, Ecclesia dicitur.

(Vers. 20.) « Salutant vos fratres omnes. » Relevat animos illorum, quando omnes hos memores horum ipsorum ostendit. « Salutate invicem in osculo sancto. » Osculum sanctum signum pacis est, in quo, ut ad invicem sibi adhæreant sublata discordia, docet.

(Vers. 21.) « Salutatio mea manu Pauli. » Se in epistola ista subscripsisse ostendit, et quæ verba sint subscriptionis, subjecit dicens:

(Vers. 22.) « Si quis non amat Dominum Jesum Christum, sit anathema maranatha, » quod interpretatur: Si quis Dominum Jesum, qui venit, non amat, abscidatur. *Maranatha* enim, Dominus venit, significat. Hoc propter Judæos qui Jesum non venisse dicebant, hi ergo anathema sunt a Domino, qui venit.

(Vers. 23, 24.) « Gratia Domini nostri Jesu Christi vobiscum. Charitas mea cum omnibus vobis, in Christo Jesu. » Ideo talem subscriptionem posuit propter hos, qui dum dissensionem studebant, Dominum Jesum non diligebant; quippe cum dicerent: « Ego sum Pauli, ego Apollo, ego vero Cephæ (*I Cor. I, 13*). » Qui enim Christum diligit, non dat hominibus gloriam, quia nulla est spes in hominibus. « Gratia Domini nostri Jesu Christi vobiscum; » et subauditur, qui diligitis Dominum Jesum. Et quoniam non se invicem diligebant, ideo hoc dicit: « Charitas mea cum omnibus vobis in Christo Jesu, » ut amare se discerent ea gratia, qua diligebantur ab Apostolo, non carnis affectu, sed in Christo Jesu.

IN EPISTOLAM B. PAULI AD CORINTHIOS SECUNDAM.

169 PROLOGUS (64).

Secundam epistolam Apostolus scribit Corinthiis, cujus hæc principalis est causa : quoniam in prima pro quorundam peccatis doctores eorum præcipue corripuerat, et multum fuerant contristati, nunc eos consolatur, suum eis proponens exemplum, et docens non debere ægre ferre, quod pro aliorum sunt salute correpti ; cum ipse pro aliena salute periculis quotidie et morti subiaceat.

CAPUT PRIMUM.

(Vers. 1.) « Paulus apostolus Jesu Christi. » Jam securus de his confidenter se apostolum Domini prædicat. In prima enim epistola vocatum se apostolum dicit, eis tamen non probatum, qui a traditione ejus abducti erant. « Per voluntatem Dei. » Ut ratum probet apostolatam suam, Domini voluntate Christi factum se apostolum dicit : ita enim Dominus ait Judæis, quoniam « quæ placita sunt ei, » id est Deo Patri, « facio semper (Joan. viii, 29). » — Et : « Timotheus frater. » Cum hoc scribit, per quem epistolam misit primam ad eos, id est, cum Timotheo, ut ostendat eis ab hoc se audisse de bona voluntate eorum, qua corripiendos se subdiderunt. « Ecclesiæ quæ est Corinthi cum omnibus sanctis qui sunt in Achaia. » Nunc sociat istos sanctis cæterarum Ecclesiarum, ut sciant se profecisse.

170 (Vers. 2.) « Gratia vobis et pax a Deo Patre nostro, et Domino Jesu Christo. » Quoniam unum donum est Dei et Christi, idcirco participes illos optat esse gratiæ Dei quæ est et Christi.

(Vers. 3.) « Benedictus Deus et Pater Domini nostri Jesu Christi. » Semper in omni epistola mysterii ordinem tradit de Deo Patre locuturus, et de dono ejus. « Pater misericordiarum et Deus totius consolationis. » Ab ipsa cœpit ratione, multum enim refrigerii dat eis, qui correptionis causa fuerant contristati ; audientes enim Dominum non solum totius originis patrem, sed et misericordiarum, relevati sunt spe, ac certi facti ad hoc se correptos, ut conversi Dei misericordiam inveni-
rent. Quare autem misericordiarum patrem dixit, nisi ut agnosceretur per misericordiam rursus regenerare et reformare pœnitentes, ut non sola sit venia, sed status pristini restauratio ? Et ideo

(64) Non habetur ille prologus in Corb. cod., uti jam a nobis observatum est : verum cum in aliis omnibus, et cunctis edit. reperitur, nec exstet in Pseudo-Hieronymi Commentario, eum duximus esse retinendum.

(65) Mss. aliquot, *consulens nobis per liberationem.*

(66) In hisce Pauli versiculis quoties in mss. et antiq. edit. legitur *exhortatione et exhortationem,*

A misericordiarum ait propter diversa peccata, ut consolaretur contristatos causa delictorum : hoc est, spem non negare conversis.

(Vers. 4.) « Qui consolatur nos in omni pressura nostra. » Hoc est, quod dixit : « Deus omnis consolationis, qui adest in omni pressura : ut possimus et nos consolari eos, qui sunt in omni pressura, per exhortationem, qua exhortamur a Deo. » Dno genera consolationum induxit : unum quo consolantur, qui injuste pressuram patiuntur propter nomen Christi, ut liberentur : alterum eorum qui peccatorum causa contristati consolationem 171 accipiunt, dum illis promittitur spes emendantibus ab his qui, consolati a Domino, erepti sunt de pressura.

B (Vers. 5.) « Quoniam sicut abundant passiones Christi in nobis, sic per Christum abundat etiam consolatio nostra. » Manifestum est quia pro quo patimur, ipse nobis adest, consolans nos per liberationem (65), eripiens nos de pressura interventu majestatis suæ.

(Vers. 6, 7.) « Sive autem pressuram patimur pro vestra exhortatione et salute (66) : sive exhortationem consequimur pro vestra exhortatione, quæ operatur per patientiam earundem passionum, quas et nos ipsi patimur, ut spes nostra certa sit pro vobis ; quia (67) scimus quod sicut socii estis passionum, sic et consolationis eritis. » Generaliter loquitur, ut quia causa credentium persecutiones patiebantur a perfidis, subjecti injuriis et cædibus, sic iterum auxilio Dei liberarentur ad consolationem credentium, ne scandalum passi a fide exciderent ; quia injuriæ apostolorum tentationes erant credentium, sicut scriptum est in propheta Zacharia : « Percutiam pastorem, et dispergentur oves gregis (Zachar. xiii, 7). » Quamvis futura credant fideles, tamen inter ipsa primordia pressuræ novellis faciunt scandalum : putant enim inanem esse promissionem, si vi oppressum viderint prædicantem. Sed si jam firmus est credens, compatitur cum suo magistro, fidens de spe futura : ut simul consoletur, cum quo et compatitur (68).

(Vers. 8.) « Non enim volumus vos ignorare, fratres, de pressura quæ nobis facta est in Asia : quia supra modum gravati fuimus supra vires, ita ut desperaremus nos etiam vivere. » Ideo passiones

toties Rom. edit. reposuit *consolatione et consolationem.*

(67) *Pro vobis*, subjungit Rom. edit., *sive consolationem, consequimur pro vestri consolatione et salute, quia, etc.*

(68) Corb. codex, et *compatitur. Causa fidei patiebantur, ut non gravius ferrent, si corripentur errores illorum. Non enim volumus, etc.*

pressurarum indicat prope usque ad mortem illas, ut ostendat quæ mala salutis illorum causa patiebantur; ut non gravius ferrent, si corripentur errores illorum ab iis qui hæc tam aspera tolerabant pro illis (69). Quis enim medicorum non arguat susceptum suum negligentius se tractantem; ne cura medicinæ ejus sine effectu remaneat?

(Vers. 9.) « Quin et ipsi in nobis responsum mortis accepimus; ut non essemus fidentes in nobis, sed in Deo, qui suscitatur mortuos. » Tantam insolentiam iniquitatis significat insurrexisse contra fidei prædicatores, ut mortem ante oculos haberent; denique erepti de ipsa pressura, resuscitados se dicunt. Sic denique afflicti fuerant, ut desperarent de præsentis vita. Sed quia Deus præsidia sua non negat in necessitate positus, maxime suis, eripuit illos desperantes de semetipsis, fidentes autem de Deo. Nimia enim pressura deficere se profitebantur, nisi adesset Deus.

(Vers. 10, 11.) « Qui de tantis mortibus liberavit nos, et liberat; in quem speravimus, quia et liberabit, accidente pro nobis etiam vestra oratione; ut quod multorum facibus donum in nos collatum est, per multos in gratiarum actione celebretur pro nobis. » Hoc dicit, quia gratia Dei multorum causa consolata est apostolos (70), id est, omnium credentium, quorum causa et pressuræ eis ingerebantur: ac per hoc, quia omnium causa est, cuncti Deo gratias referant, cum cessat tentatio: aut cum oritur, simul obsecrentur.

(Vers. 12.) « Gloria enim nostra hæc est testimonium conscientiæ nostræ. » Hoc dicit, quia de conscientia sua præsumebant, quæ pura erat ab omni simulatione; quamobrem de Dei auxiliis (71) non diffidebant. « Quia in simplicitate et sinceritate, non in sapientia carnali, sed in gratia Dei, conservati sumus in hoc mundo: abundantius autem apud vos. » Hæc est gloria conscientiæ, quam dixit, simplicitas et sinceritas. Et quia hæc de Dei doctrina sunt, adjecit: « Non in sapientia carnali, sed in gratia Dei, » ut ostenderet non humanæ sapientiæ, sed evangelicæ prædicationi liberam se conscientiam exhibuisse. Præterita refricat (72); hoc enim significat, quod in prima epistola arguit fucatam prædicationem juxta humanum sensum aptatam (I Cor. II, 4), cujus prædicatores duplici genere in sapientia carnali accusat; quia et juxta mundi sensum prædicabant, ne facile offenderent homines et quæstus causa hoc agebant, propriis

lucris carnalibus studentes. Unde Apostolus nunquam a Corinthiis sumptus voluit accipere; ne his occasionem daret, eo quod similis eis esset in hære. Hinc est quod dicit: « Abundantius apud vos simpliciter conversati, » 172 quia cum ab aliis acceperit, ab his noluit, ne arguendi eos auctoritatem amitteret (73).

(Vers. 13.) « Non enim alia scribimus vobis, quam quæ legistis et cognoscitis. » Ea se dicit scribere, quæ non solum litteris cernerent, sed et operibus ejus manifesta haberent: ut probaret ea, quæ loquitur, gestis se implere, quibus uniuscujusque mens et propositum discitur.

(Vers. 14.) « Spero autem quod usque ad finem cognoscetis, sicut et cognovistis non ex parte, quia gloria vestra sumus, sicut et vos nostra, in die Domini nostri Jesu Christi. » Proficere illos sperat, ex eo quod jam cœperant meliores effici, cognito affectu circa se Apostoli, et gloriabantur in eo velut filii in patre charissimo (74). Unde et Apostolus gloriam suam videri testatur in filios obaudientes; et tunc debere videri, quando prodest, id est, in die judicii Dei. Hoc dicens, perseverandum monet.

(Vers. 15, 16.) « Et hæc fiducia volueram prius venire ad vos, ut secundam gratiam haberetis: et per vos transirem (75) in Macedoniam, et iterum a Macedonia venirem ad vos, et a vobis deduci in Judæam. » Hæc fiducia ex emendata est (76) vita illorum; jam enim et desiderare illos se significat, quos ante indignum erat videre. Plenam ergo gratiam habuissent de adventu ejus; quia imago est epistola, præsentia autem veritas. Non est itaque otiosum quia voluerat ire, et non iit; intelligi enim vult esse aliquos inter eos, quorum causa voluntatem suam non implevit, ut adhibita opera purificarentur.

(Vers. 17.) « Hoc ergo cogitans, numquid levitate usus sum? aut numquid quæ cogito, secundum carnem cogito: ut sit apud me, Est, est, non, non? » Quoniam dixit: « Volueram venire ad vos, » et non iit (77); idcirco *numquid levitate usus sum*, inquit, quia videtur, qui dicit aliquid, et non facit, levitate uti? Ideo ne forte istud de Apostolo arbitrarentur, hoc purgat, quia non istud leviter, sed cum consilio fecit, ut non impleret quod disposuerat. « Aut numquid quæ cogito, inquit, secundum carnem cogito? » Qui enim secundum carnem cogitat, tunc non implet quæ disponit, quando aut personis amplioribus defert, aut certe lucris aut apparatus

(69) Corb. cod., quoniam mala salutis illorum causa ab his qui hæc tam aspera ingerebant, tolerabant pro illis.

(70) Idem codex, collata est apostolis; Vall., consolatus est Apostolus.

(71) Ms. Corb., simulatione, fidem integram exhibens Deo in prædicatione; quamobrem de Dei auxiliis, etc.

(72) Gill. in marg. et Rom. edit. in corp. cum mss. quibusdam, præterita replicat.

(73) Cod. Corb., ne arguentis eos auctoritatem omitterent.

(74) Duo mss., in patre clarissimo. Minime male.

(75) Rom. edit., ut plenam gratiam haberetis et per vos transire, etc.

(76) Nonnulli mss., Hæc fiducia emendata est, etc.

(77) Rom. edit., et non iit; vet. cum mss. aliquot, et non ii; cæteri mss., et non iit.

vincitur, quod Apostolus semper sprexit. Spiritalis autem tunc dispositum non implet, quando providentius aliquid pro salute animæ cogitatur; sicut et Apostolus ideo non implevit quod voluerat, ut per hoc ipsum meliores efficerentur, scientes ideo distulisse eum, quia quidam adhuc inter eos non se purificaverant a peccatis. « Ut sit, inquit, apud me, Est, est: Non, non. » Hoc significat, quia non aliud egit quam scivit agendum: quia utilitas anteponenda est voluntati. Hic sensus spiritualis est: carnalis autem sensus sic mutatur, ut anteponat voluntatem utilitati (78).

(Vers. 18.) « Fidelis autem Deus, quia sermo noster apud vos non est, Est et non. » Hoc est quod dicit et ad Galatas: « Si quæ destruxi, hæc eadem ædifico, prævaricatorem me constituo (Galat. II, 18). » Ideo ergo fidelem in se dicit Dei prædicationem: nam illud faciunt adulatores (79). Frequenter enim, ne homines offendant, quæ vera sunt, prætermittunt.

(Vers. 19.) « Dei enim Filius Jesus Christus, qui in vobis est, qui per nos prædicatus est, per me et Silvanum et Timotheum, non fuit, Est et Non: sed Est in illo fuit. » Quantum ad idoneos prædicatores pertinet, hoc debet esse, ut sit apud illos. « Est, est, Non, non; » ut non aliud faciant, quam sciunt utile. Quia enim frequenter aliud volumus, quam est utile; ne voluntas vincat utilitatem, ideo Apostolus voluntati suæ utilitatem præposuit, ne iret ad illos. « In Christo enim Jesu non fuit, Est et Non, sed Est in illo fuit; » quia nunquam aliud voluit, quam est utile. Semper enim voluntas ejus cum utilitate est: nec immutatus est, ut faceret invitus, sicut homo, quod est utile: aut ut ambigeret de aliquibus, et mutaret voluntatem.

(Vers. 20.) « Quotquot enim promissiones Dei sunt, sunt in illo: et per ipsum amen Deo ad gloriam per nos. » Manifestum est quia semper in Deo veritas est, hoc est, amen, manifestata per Christum, post per apostolos prædicata ad gloriam Dei, **173** signorum virtutibus testimonium perhibentibus vera esse, quæ promisit Deus per Christum Dominum nostrum. Gloria enim Dei est, cum ab illo omnia, et per illum et in illo esse dicuntur (80).

(Vers. 21, 22.) « Qui autem confirmat nos vobiscum, Christus Dominus est; et qui unxit nos, Deus: qui et signavit nos, et dedit pignus Spiritum in cordibus nostris. » Christum dicit confirmare gentes in fidem promissam Judæis; quia ipse est, qui fecit utraque unum (Ephes. II, 14), id est, circumcisionem et præputium, in uno novo homine faciens pacem. Dominus ergo confirmat, et Deus qui unxit nos, id est, qui dedit regiam honorificentiam, sicut

dicit Petrus apostolus: Quia sumus, inquit (I Petr. II, 9), genus regale per unctionem spiritalem, cujus typus fuit in regibus Judæorum. « Qui et signavit nos, dando Spiritum suum nobis pignus; ut non ambigamus de promissis ejus. » Si enim adhuc mortalibus Spiritum suum credidit, dubium non est quin jam immortalibus addat ad gloriam. Unum tamen opus dicit Patris et Filii, quia et Christum dicit confirmare, et Deum. Quem enim confirmat Filius, confirmat et Pater: et cum dat Spiritum Pater, dat et Filius: quia utriusque est Spiritus sanctus, sicut dicit ad Romanos: « Si quis autem Spiritum Christi non habet, hic non est ejus (Rom. VIII, 9). » Quoniam ergo de perfectione hominis locutus est, Trinitatis hoc loco fecit mentionem omnis enim summa perfectionis in Trinitate consistit.

« Ego vero testem Deum invoco in animam meam, quod parcens vobis, nondum veni Corinthum. » Nunc manifestat qua causa, cum voluisset ire ad illos, distulit: ut tunc iret, quando jam prope omnes emendatos inveniret. Illis enim nunc loquitur, qui videbantur se velle corrigere, sed operam non dabant ut hoc impleverent. Quia ergo corripere illos necesse erat, iter suum in alios convertit (81), ne contristaret multos, et hoc fuit illis parcere. Quod ut mentibus eorum commendet, Deum testem dat; ne putarent se indignos esse, et contemni ab illo: quo comperto, ut præsentiam ejus mtererentur, emendarent se.

« Non quod dominemur fidei vestræ, sed adjutores sumus gaudii vestri; fide enim statis (82). » Quoniam fides non necessitatis, sed voluntatis res est, ideo dicit: « Non quod dominemur fidei vestræ; » dominatus enim necessitatis causa est. « Sed adjutores sumus, inquit, gaudii vestri; » hoc est, quia sicut in malo opere tristitia est, ita et in emendatione gaudium. Hujus gaudii adjutores sumus, inquit, quia volentibus eis emendare se, offerunt commonitiones, ut quod velle cœperant, possint implere.

CAPUT II.

(Vers. 1.) « Decrevi autem hoc apud me, ne iterum in tristitia venirem ad vos. » Apertum est quia ideo noluit ire, ne forte corripiens paucos, multos contristaret, ipse etiam contristatus; compatiuntur enim omnia membra unius mœrori.

(Vers. 2.) « Si enim ego contristo vos, et quis est qui me lætificet, nisi qui contristatur ex me? » Hoc dicit, quia non vult eos contristare: sed quia peccatis studuerant, necesse erat illos contristari, invito Apostolo: ita tamen ut de cætero obaudientes facti, lætificarent eos, qui contristabantur cum eis:

(78) Duo mss., ut anteponat voluptatem utilitati.

(79) Codex Vall., ne hoc faciant adulatores.

(80) Nonnulli mss. atque Amerb. in corp. et Gill. in marg., esse discuntur.

(81) Vet. edit. ac mss. aliquot, ad illos convertit; Rom. edit., ab illis divertit; mss. vero plurimi,

ad alios convertit. At infra, ubi omnes edit. ac mss. magno numero, se indignos esse, codex Corb. legit, se dignos esse.

(82) Mss. Corb., fide enim statis. Sed voluntate Deo resisti dicit, non quod dominemur, etc. Est etiam hic lacuna in codice Carn.

ut qui corripiendo contristaverat eos, letificaretur A ex his, dum corriguntur.

(Vers. 3.) « Ideo et scripsi hoc ipsum, nec cum venissem, tristitiam haberem, a quibus oportuerat me gaudere: certum habens, quia meum gaudium omnium vestrum est. » Idcirco dicit hæc se scripsisse ut postea veniens, non esset unde contristaretur, sublatis vitiis: sed gauderet cum eis, quasi cum charissimis filiis; ut quia ab infidelibus tribulationibus afficiebatur, ab his utique gauderet, qui crediderant. Gaudium enim Apostoli purificatio est populi: ideo enim gaudet, quia vituperatio non est in eis, quos simul oportet gaudere.

(Vers. 4.) « Nam ex multa pressura et angustia cordis scripsi vobis per multas lacrymas, non ut contristemini, sed ut cognoscatis quam charitatem B habeam abundantius in vobis. » Manifestum est quia, quando hoc affectu quis aliquem corripit, ut plus illo doleat peccatis ejus: non utique ut illum contristet, corripit, sed ut ostendat illi, quo amore diligat eum (83). Qui enim non hoc affectu corripit, fratrem contristat; insultat enim, qui non condolet fratri.

174 (Vers. 5.) « Si quis autem contristavit me, non me contristavit, sed ex parte; ut non onerem vos omnes. » Omnes hos quos hic dicit *ex parte*, sancti sunt; duæ enim partes in populo sunt, sicut in prima epistola memoravi. Ili ergo ex parte sanctorum sunt, quos contristatos in errore fratris significat, sicut et semetipsum. Hoc autem dicens, oneravit peccantem, vel eum qui peccaverat. Plus C enim sit reus, in cujus delicto multi tribulantur: ac per hoc inquit:

(Vers. 6, 7.) « Satis est ei qui talis est, objurgatio hæc, quæ sit a pluribus. » Magnum dolorem utique patietur, qui delictum suum videt pluribus horrere. « Ita ut e contra magis donetis, et consolemini, ne quomodo abundantiori tristitia absorbeatur, qui ejusmodi est. » Afflicto homini peccati proprii causa (84) subvenire præcipit, quia pœnitentia, si de vero animo est, hoc est, si correptus statim in animo doleat, protinus habet fructum. Denique in Regnorum libro habetur, quia Achab, cum arguisset eum propheta, commotus animo statim meruit veniam (III Reg. XXI, 27-29). Et David in causa Uriæ Hethæi correptus quia cognovit se peccasse, delictum ejus deletum est (II Reg. XII, 13). Ita et D Apostolus illum, qui incestum commiserat, habens uxorem patris, objurgatum et abjectum, dolentem revocari jubet; ne diu videns se contristatum sperni, desperans de se, daret animum ad mundum fruendum, quasi qui locum apud Deum jam non haberet. Hoc est enim majori tristitia absorberi, desperantem de se converti ad admittenda peccata,

A quibus gravatus absorbeatur a secunda morte. Hæc enim vera pœnitentia est jam cessare a peccato: sic enim probat dolere se sibi, si de cætero desinat.

(Vers. 8, 9.) « Propter quod obsecro vos, ut confirmetis in illum charitatem: nam ad hoc scripsi, ut probarem an in omnibus obedientes sitis. » Quantum datur intelligi, obedientes hos factos in cæteris, probat; emendaverant enim quæ ad ordinem ecclesiasticum pertinent. Unde etiam in hoc vult illos esse obedientes, ut confirmet fratrem in charitate, suscipientes eum in communionem.

(Vers. 10.) « Si cui autem quid donastis, et ego. » Manifestum est quia quod jubet fieri, ipse facit: nec potest hoc abnuere, quod etiam obsecrans ut fiat, scribit, cum haberet potestatem jubendi. Sed in prima epistola grave ejus detulit crimen, ut horrerent illum omnes (85): nunc cum recipi illum vult, orat ne adhuc exulcerato animo adversus illum, durum illis esset habere cum illo communionem Ecclesiæ. Neque enim tanta in eis erat, quanta in Apostolo providentia; ut statim intelligerent faciendum esse, quod dicebat Apostolus in causa hujus duntaxat: ideo obsecrat ut dimittant illi, significans Deum illi ignovisse; quia nihil sine Dei Spiritu agebat Apostolus. « Etenim ego quod donavi, si quid donavi, propter vos donavi in persona Christi. » Hoc dicto gravat illos; quia si magister penitentibus discipulis donavit, cui voluerunt, peccatum, quanto magis obaudire debent discipuli magistro? Et ut ratum ei, cui donavit, ostenderet apud Deum, ait in persona Christi se donasse, quod donavit: hoc est, accepto tulisse Christum, ejus legatione fungebatur; ut factum Apostoli, factum sit Christi, sicut dixit: « Quæcunque solveritis super terram, erunt soluta et in cælo (Matth. XVIII, 18). » Si ergo huic pro quo petierunt per Apostolum Christus ignovit, quanto magis huic jam ignotum erat, cui ut donent (86) ipse etiam hortatur?

(Vers. 11.) « Ne possideamur a Satana; non enim ignoramus astutias ejus. » Hoc dicit quod supra memoravi, quia consolatio debet subsequi fratrem delictum flentem; ne diu contristatus, et contemptus a charitate Ecclesiæ, incipiat desperare de se, et videns qui semper in insidiis est subtilis diabolus, mentem ejus (87) vilem effectam, accedat et suggerat ei; ut vel præsentibus fruatur, qui de spe futuri præmii dejectus est, et pereat frater possessus a diabolo, cui ad hoc pœnitentia data erat, ut conversus reformaret se, sicut dicit Ezechiel propheta: « Nolo mortem morientis, quantum ut revertatur et vivat (Ezech. XVIII, 23). » Et iterum: « Convertatur, inquit, et replantabo illos (Ibid. 27). »

(Vers. 12, 13.) Cum autem venissem Troadem propter Evangelium Christi, et ostium mihi aper-

(83) Cod. Corb., *corripit, ostendit illi quo amore diligat eum. Qui enim, etc.*

(84) Mss. aliquot, *afflicto omni proprii peccati causa.*

(85) Codex Laud., *ut horrerent illud.*

(86) Mss. Corb., *quanto magis huic, pro quo petierat Apostolus, cui ut donent, etc.*

(87) Idem mss. Corb., *vili affectu ascenderet, et suggereret, etc.*

tum esset in Domino, non habui requiem spiritui A meo, eo quod non invenerim Titum fratrem meum: sed vale illis facto, profectus sum in Macedoniam. Troalem se perrexisset significat ad prædicandum eis Evangelium 175 Christi, et cum cepisset prædicare, fuisse qui caperent verbum fidei: sed quia solatium Titi deficit, intolerabilis erat labor perstreperantium causa. Quamvis enim quidam eorum aperuerant corda sua ad recipiendum sermonem Dei; tamen impudentia infidelium (88) non minima exsistebat, insurgens in Apostolum zelo credentium; et hæc duo ab uno impleri non poterant; nempe et fideles instruere, et incredulis repugnare. Ideoque, vale illis facto, qui susceperant eum, profectus est in Macedoniam.

(Vers. 14.) « Deo autem gratias, qui semper triumphat per nos in Christo Jesu. » Hoc est Deum per apostolos triumphare in Christo, victores illos facere in fide Christi: ut calcata perfidia, tropæum habeat fides, dum ex perfidis fiunt fideles, et malevoli non proficiunt in prosequendo credentes.

(Vers. 15.) « Et odorem notitiæ suæ manifestare per nos in omni loco; quia Christi bonus odor sumus Deo in his qui salvi fiunt, et in his qui pereunt. » Odor notitiæ Dei in Christo, et per Christum est. Odorem autem idcirco dicit, quia sicut quædam res, quæ cum non videantur, per odorem tamen cognoscuntur, et intelligis in loco aliquo esse, quod non vides: ita et Deus, quia invisibilis est, per Christum se voluit intelligi, ut prædicatio Christi (quæ utique invisibiliter, sicut ad nares odor, ita ad aures pervenit) Deum Patrem insinueret creatorem (89), et Filium ejus unigenitum. Cujus rei legatione fungentes apostoli [sicut dicit Dominus ad Deum, Filius ad Patrem: « Sicut me misisti in hunc mundum, ita et ego eos mitto in hunc mundum »] (Joan. xvii, 18), odorem notitiæ Dei et Christi per signa et prodigia manifestarent. Vera hæc esse de Deo et Christo prædicatio virtutis testimonio probatur: quæ ideo in odore significata est, quia cum Deus non videatur, per hanc quæ invisibiliter operatur, in apostolis esse intelligitur, ut veritas doctrinæ manifestetur. Qui ergo recte asserit Christum, bonus odor est Deo, laude dignus in eo qui credit, nec vituperabilis in illo qui non credit: qui vero non recte asserit Christum, malus odor est Deo, tam in his qui fidi sunt, quam in illis qui diffidunt; pro utrisque enim reus erit. Qui enim diffidit, idcirco videtur non credere; quia perversum est, quod audit: et qui credit, male credit. Apostolus ergo rationem legis locutus est, ut sicut in lege qui hostias hono voto offerebat, bonus odor erat Deo et acceptabilis: ita et nunc prædicationis virtus doctrinæ odorem præ-

stet fragrantem Deo. Quam ob causam auxili- quis tutos prætabat Deus apostolos, ut verba (70) cogitationis ejus infunderent patentibus auribus, sive Judæis, sive gentilibus, addito his sacramento natiuitatis Domini Jesu secundum voluntatem Dei et Patris ejus in unitate fidei salutaris ad salutem credentium, et perditionem diffidentium.

(Vers. 16.) « Aliis quidem sumus odor mortis in mortem. » Hoc dicit, quia incredulis prædicatio crucis Christi odor mortis est; audientes enim verbum Dei, sic accipiunt quasi pestem, ex qua oritur mors: et necesse est ut juxta fidem illorum fiat eis. « Aliis autem odor vitæ ad vitam. » Verum est, quia fidei (91) sermo auditus Dei nuntius est salutis æternæ, et secundum fidem illorum continget eis. Sive ergo in his qui pereunt, sive in his qui salvi fiunt, Christi bonus odor Deo erant apostoli: quia sinceriter et sine adulatione prædicabant. Qui enim non credebant, ipsi sibi laqueum circumdabant his liberis, sicut dicit Dominus ad Ezechielem prophetam: « Tu prædica: si te audierint, lucraberis animas eorum; sin quo minus, ipsi sibi viderint: tu tamen liber eris a perditione eorum » (Ezech. iii, 19).

(Vers. 17.) « Et ad hæc quis idoneus? Non enim sumus sicut plurimi adulterantes verbum Dei: sed ex sinceritate, sicut ex Deo coram Deo in Christo loquimur. » Pseudoapostolos tangit hic versus, qui corrupta doctrina, verba Dei per malam interpretationem adulterabant, et tollentes divinum sensum, ponebant humanum. Ex quibus quidam zelum habentes traditionis Judaicæ, nec de Christo bene docebant, ideo minus idoneos hos dicit: apostolos autem sinceriter prædicasse, sicut ex Deo datum est, ante Deum, id est, quomodo Deus dedit, ipso teste, in Christo loquebantur, non suam quærentes gloriam, sed Dei. Hoc est in Christo loqui ejus honorem et potentiam prædicare.

176 CAPUT III.

(Vers. 1.) « Incipimus iterum nosmetipsos commendare. » Quoniam pseudoapostolos notat, prava eorum commenta designans (92), se autem verum prædicatorem testatur; videtur iterum commendare se, sicut in prima epistola. Et ne hoc versutia aliqua terrestris lucri gratia facere videretur, adjecit: « Numquid indigemus, sicut quidam, commendatiis epistolis ad vos, aut ex vobis? » Hoc dicens, suum sensum purgat, et adhuc pseudoapostolos notat, quos proprii honoris et quæstus causa circuire Ecclesias probat, ad auferendam, non ad tribuendam salutem. Ex his erant quibus dicit Dominus: « Comeditis domos viduarum et pupillorum oratione longa orantes, propterea accipietis majus ju-

(88) Mss. nonnulli, tamen imprudentia infidelium.

(89) Vet. edit. et cod. Corb., insinueret creaturæ.

(90) Codex Laud., totus præstabat Deus apostolis, ut verbo, etc.

(91) Edit. quædam Paris. cum uno aut altero

mss., quia fidelis sermo; mss. nonnulli, quia fides sermo: reliqui mss. et edit. melius, quia fides, etc.

(92) Corb. cod., Prava eorum mandata, quibus pseudoapostolos notat, designans.

dicium (*Matth. xxiii, 14*). » Illi enim et res eorum, et animas invadebant: Apostolus autem nec res eorum tangebatur, et veritate doctrinae animas eorum salvabat. Non ergo carnaliter, sed spiritualiter se commendabat ad profectum salutis illorum, ut de illo hoc crederent, quod erat: quia qui de bono male sentit, peccat; ac per hoc commendatio hæc istis magis proficit (93).

(Vers. 2.) « Epistola nostra vos estis, scripta in cordibus nostris. » Epistola Apostoli salutis indicium est. Recte ergo ait quod salus Corinthiorum in corde erat Apostoli, et eorum qui cum illo erant; semper enim de salute eorum cogitabant. Cum ergo in corde sint Apostoli, et eorum qui cum ipso erant, epistola sunt scripta in cordibus eorum; quia qui semper alicujus memor est, scriptus est in animo ejus.

(Vers. 3.) « Quæ cognoscitur et legitur ab omnibus hominibus: manifesti quia estis epistola Christi, ministrata a nobis. » Apertum est quia cum dicuntur Christiani, epistola Christi sunt, indicantes salutem, quam dedit Deus in Christo omnibus hominibus, scribentibus apostolis; dum enim docent, scribunt. « Scripta non atramento, sed Spiritu Dei vivi. » Quoniam quæ promissa sunt æterna sunt; ideoque Dei Spiritu scripta dicuntur, qui semper est: temporalia autem atramento, quod obsolescit et perdit memoriam. « Non in tabulis lapideis, sed in tabulis cordis carnalibus. » Nunc legem veterem pulsatur, quæ primum data in lapideis tabulis abolita est, fractis tabulis sub monte a Moyse (*Exod. xxxii, 19*). Nova autem lex in animo scribitur, hoc est in corde, non per calamum, sed per Spiritum; quia fides æterna res est, ab Spiritu scribitur, ut maneat: vetera autem præcepta, deficiente mundo, cessabunt. Quomodo ergo differt lex a lege, ita differunt dispensatores illius legis a dispensatoribus legis fidei.

(Vers. 4.) « Fiduciam autem talem habemus per Christum ad Deum. » Quanta dignitas sit in apostolis, manifestat cum dicit: « Fiduciam autem talem habemus ad Deum per Christum. » Ut ostendat veteres non hanc habuisse fiduciam ad Deum; quia minor fuit administratio.

(Vers. 5, 6.) « Non quod sufficientes simus æstimare aliquid a nobis, tanquam a nobis sit: sed sufficientia nostra ex Deo est, qui et idoneos nos fecit ministros novi Testamenti, non littera, sed spiritu. Littera enim occidit, spiritus autem vivificat. » Quamvis præferat apostolicam dignitatem, in Dei tamen laudem prorumpit, non istud meritis humanis ascribens, sed ejus gratiæ, qui dignatus est pro vita humana salutarem prædicationem ordinare, quæ quos lex vetus reos tenebat, salvaret, data remissione peccatorum per Jesum Christum Dominum nostrum. Litteræ enim ad hoc datæ sunt

A Moyse, ut contemnerent legem occideret secundum jus naturæ. Spiritus autem, id est, lex fidei quæ non scribitur, sed animo continetur, vivificat reos mortis; convertentes tamen se, ut justificati, de cætero non peccent. Recte ergo data fuerat lex, ut timor esset peccandi: sed quia fragile est genus humanum, misericordia Dei data est in prædicatione apostolis ut donatis peccatis, evaderent mortem credentes in Christo. Hæc est prædicationis novi Testamenti, quod promiserat Deus per prophetas.

(Vers. 7, 8.) « Quod si administratio mortis litteris formata in lapidibus, fuit in gloria; ita ut non possent intueri filii Israel in faciem Moyse, propter gloriam vultus ejus, quæ evacuetur: quomodo non magis administratio Spiritus erit in gloria? » Manifestum est majorem esse gratiam (94) legis fidei, quam legis Moyse; quamvis enim ad hoc data sit lex Moyse, ut prodesset, contempta tamen, facta est lex mortis. Ergo quia peccatoribus providere non potuit, venit lex fidei, quæ hos salvaret, non solum ignoscens, sed et justificans eos. Multum ergo interest 177 inter legem et legem; tunc enim maculati peccato in vultum Moyse, descendenti de monte cum lege accepta in tabulis, intueri non poterant (*Exod. xxxiv, 30*); quia gloriosa facta erat facies ejus ne a peccatoribus posset aspici, qui digni erant morte. Quæ nunc gloria evacuetur per legem Spiritus, cum accepta remissione peccatorum facti justus, digni sunt aspicere et possunt gloriam Dei, sicut viderunt in monte Petrus, et Joannes, et Jacobus gloriam Christi (*Matth. xvii, 2*).

(Vers. 9.) « Si enim in administratione damnationis est gloria, multo magis abundabit administratio justitiæ in gloria. » Hoc dicit, quia amplius est donum justitiæ Dei per fidem Christi, quam legis veteris; quia magis gloria in salute est, quam in morte: quamvis juste damnet, tamen ad laudem proficit magis, si indulgeat; ut possit reus corrigere se.

(Vers. 10.) « Nec enim gloriosum factum est id, quod glorificatum est in hac parte (95), propter excellentem gloriam. » Manifestum est non esse factum gloriosum, quod visum est in vultu Moyse gloriosum (*Exod. xxxiv, 29*). Quando enim nulli profuit gloria vultus ejus, sed magis obfuit, non habuit fructum gloriæ, licet non suo vitio, sed peccantium; tamen in hac parte gloria non est. Illa autem est magis gloria quæ abundat in gratia; ut purificati homines dono Dei, abstersa caligine, possint videre gloriam Christi.

(Vers. 11.) « Si enim quod evacuetur, fuit in gloria, multo magis quod permanet, in gloria est. » Non negat gloriam fuisse in lege, vel in vultu Moyse, sed non permansit; quia figura erat in Moyse, non veritas. Ideo adveniente Salvatore, cessavit figura; quia apparuit veritas manens

(93) Ut de illo hoc crederent. . . magis proficit, desunt in cod. Corb.

(94) Ms. Corb., majorem esse gloriam.

(95) Rom. edit., quod claruit in hac parte.

semper; ut quantum interest inter imaginem et veritatem, tantum intersit inter gloriam vultus Moysi et gloriam Christi. Ideo supra dixit: « Propter excellentem gloriam. » Illa enim tanta erat gloria, quanta debuit credi servo: hæc vero tanta, quanta est genitoris ejus; quia « Dominus Jesus Christus in gloria est Dei Patris (*Philipp. II, 11*). » Sicut enim vespere stellæ gloriosæ sunt, oriente autem sole evacuatur earum claritas; ita et Moysi gloria evacuatur, apparente gloria Christi (96).

(Vers. 12.) « Habentes igitur talem spem, multa fiducia utamur. » Spem habere nos dicit videndi gloriam, non talem qualis fuit in vultu Moysi: sed eam quam viderunt tres apostoli in monte, revelante se Domino (*Matth. XVII, 2*). Hinc igitur coniecere debemus, quantum nobis contulerit divina clementia, quantumque nos superioris gratiæ dono ditare dignata est, quam dederat Judæis. Judæi enim, cum minor esset gloria vultus Moysi, eam speculari non poterant: nos vero non Moysi gloriam, quæ inferior est, sed excellentem Salvatoris gloriam visuros nos credimus. Judæi ergo servi gloriam non meruerunt videre: nos autem Domini communis gloriam sumus visuri. Ideoque et nos vicem reddere, in quantum possumus, debemus benevolentiæ Dei; ut propensiores simus in ejus amore, qui nobis fiduciam dedit, abluens nos a peccatis, videndi gloriam Dei. Nunc itaque opus est, ut crescat in nobis fiducia bonis actibus parata; tantum enim videbimus, quantum credimus.

(Vers. 13.) « Et non sicut Moyses ponebat velamen super faciem suam, ne intuerentur filii Israel in faciem ejus, quod evacuatur. » Quoniam digni facti sumus per gratiam Dei videre gloriam Christi, idcirco ait: « Et non sicut Moyses ponebat velamen super faciem suam, ne intuerentur filii Israel (*Exod. XXXIV, 33*). » Ideo ponebat velamen, quoniam splendorem vultus ejus ferre non poterant, causa peccati, quo sublato, potestas datur videndi gloriam Dei usque ad finem ejus; quia tandiu non revelatur, quandiu relicta lege, convertantur ad gratiam fidei, et sic evacuatur indignitas.

(Vers. 14.) « Sed obtusi sunt sensus eorum usque in hodiernum diem. » Tandiu obtusos dicit, quandiu non credunt. Quæ obtusio infidelitatis causa obvenit: ideo conversis ad fidem acuitur acies mentis, ut videant divini luminis splendorem.

« Hoc ipsum velamen in lectione (97) veteris Testamenti manet, dum non revelatur; quia in Christo evacuatur. » Obtusio, ait, hæc in lectione Exodi manet, quandiu credant. Non enim revelatur, nisi credant; in Christo enim evacuatur hoc

A est per fidem Christi aufertur velamen; amoto enim delicto, incipient videre quod, obstante peccato, videre non poterant.

178 (Vers. 15.) « Sed usque in hodiernum diem, cum legitur Moyses, velamen est positum supra cor eorum (*Exod. XXXIV, 33*). » Manifestum est, quia cum legitur hæc pars legis, sententia illorum recitatur, qui sunt sub lege.

(Vers. 16.) « Cum autem conversus fuerit ad Dominum, auferetur velamen. » Converti ad Dominum, hoc est, credere in Christum; ut agnoscens Dominum, veniam mereatur accipere. Hoc est auferri velamen, sententiam evacuari, qua tenebatur reus sub lege.

(Vers. 17.) « Dominus autem spiritus est. Ubi autem Spiritus Domini, ibi libertas. » Quoniam Deus Spiritus est, per Christum legem dedit Spiritus: non litteris utique scriptam, sed per fidem animis intimatam; non quæ visibilia doceat, sed invisibilia credi suadeat; quæ animus spiritualiter colligat, non quæ oculus cernat. Hæc lex dat libertatem, solam fidem poscens, ut quia quæ non videt, credit, de conditione erui mereatur.

(Vers. 18.) « Nos itaque omnes, revelata facie gloriam Domini speculantes, ad eandem imaginem formamur (98) a gloria in gloriam, sicut a Domini Spiritu. » Nos dicit omnes, qui libertatem sumus consecuti dono gratiæ Dei, gloriam Domini per fidem speculantes, ad eandem imaginem transformari, quam speramus: id est, ut similes inveniamur, transacta hac vita, imagini gloriæ Christi, sicut dicit Joannes apostolus: « Scimus, inquit, quia cum apparuerit, similes ei erimus (*I Joan. III, 2*). »

« A gloria in gloriam, sicut a Domini Spiritu; id est, sublato beneficio Dei a gloria Moyssis (99), quam reatus causa cernere nequibamus, transformamur ad gloriam, quam credimus dari nobis a Domini Spiritu. Tantum enim dabitur gloriæ, quantum dignum est dare Deum per Spiritum suum; ideo enim dixit: « Sicut a Domini Spiritu; » ut ostenderet talem gloriam dari, quæ sublimitati congruat dantis. Moysis enim gloria nec tanta fuit, nec perennis; pro modo enim legis et gloriam accepit; ita et pro modo legis fidei, in qua Spiritus Dei est, dabitur gloria credentibus. Tantum enim concessit Deus fidelibus, ut Spiritum suum det eis, pignus illius gloriæ (1), quam promisit.

CAPUT IV.

(Vers. 1.) « Quare habentes hanc administrationem, prout misericordiam consecuti sumus, non deficiamus. » Tantam spem dicit habere administrationis hujus, ut non deficiat in pressuris, con-

transformamur.

(99) Nonnulli mss., sublato beneficio Dei gloriæ Moysi.

(1) Mss. aliquot, pignus illius gratiæ.

(96) Cod. Corb., Sicut enim per noctem... apparente Christo in gloria.

(97) Rom. edit. sola, Hæc ipsa obtusio in lectione, etc.

(98) Eadem Rom. edit., ad eandem imaginem

fortatus fide promissionum. Unde superius dixit : *A* « Multa fiducia utantur (*II Cor. III, 12*) ; » fidentes enim in his, quæ promissa sunt, quidquid adversum acciderit, tolerant. Quod non humanis meritis deputat, sed misericordiæ Dei, quæ hominem primo abluit, deinde justificat, adoptans Filium Deo, ut donet eum gloria simili gloriæ Filii proprii Dei.

(Vers. 2.) « Sed renuntiamus occultis dedecoris. » Ut illius gloriæ dignus sit homo, omnia turpia et polluta, quæ fieri et cogitari possunt, amovenda docet ; ut non solum de opere, sed et de cogitatione pellantur. Invitantis verba sunt : sub sua enim et suorum persona ad meliorem vitam hortatur, propter supradicta vitia, quæ in his (2) sæpe reprehendit. Possunt et hæc occulta dedecoris esse, quæ pravo sensu ad prædicandum meditantur ut fallant : unde subiecit : « Non ambulantes in astutia, neque adulterantes verbum Dei. » Ad dedecus enim et deformationem ejus proficit, qui subdola mente confingit doctrinam ad decipiendum corda simplicium ; turpis enim invenietur in die judicii Dei. Nam astutia malæ mentis, ut id quod sibi libitum est, expleat, verba Dei adulterat, ut sensum invertat. Adulterare est autem verum sensum per falsum velle excludere. « Sed in manifestatione veritatis commendantes nosmetipsos ad omnem conscientiam hominum coram Deo. » Hoc dicit, quia in prædicatione evangelica nulli se fecit suspectum (3), addens amplius, cum dicit : « Coram Deo ; » ut hoc ipsum non solum hominibus manifestum probet, sed etiam Deo, cui nihil occultum est. Testimonium ergo Dei implorat, ut vel sibi credatur (4), quia ita prædicat, sicut datum est ab Auctore : et Deus hoc modo testis est, dum dat signa et prodigia fieri per manus ejus.

(Vers. 3.) « Sed et si adhuc opertum est Evangelium nostrum, in his qui pereunt. » Verum est, quia increduli non vident, perfidia obeæcante, splendorem virtutis Dei ; velamen enim est supra cor eorum, et obtusio infidelitatis, in Judæis, maxime.

(Vers. 4.) « In quibus Deus sæculi hujus obeæcavit sensus infidelium : **179** ut non pervideant lumen Evangelii majestatis Christi (5), qui est imago Dei. » Deum dicit sæcularium hominum, quia malevoli sunt erga fidem Christi sensus obeæcare, ne videant veritatem Evangelii majestatis Christi. Hoc ergo illis præstat, quod volunt. Quia enim malevoli sunt homines, et intelligentes verum, dicunt esse falsum, in eo ipso adjuvantur ; ne possint credere, quod nolunt (6). Christum autem,

cum sit imago Dei, corporeum tantum asserunt : et relinquentes gesta ejus, solius carnis faciunt mentionem, de quibus dixit Isaias : « Obeæcavit oculos eorum, ne videant : et aures, ne audiant, usque in hodiernum diem (*Isa VI, 10*). »

(Vers. 5.) « Nec enim nos ipsos prædicamus, sed Christum Jesum Dominum nostrum. » Hoc est, non nostram gloriam annuntiamus, ne quis nos dicat propter nos ipsos evangelizare, ut nobis proficiat forte ad tempus : sed Jesum Dominum nostrum annuntiamus, subjicientes nos virtuti majestatique ejus. Quando ergo nullum gravamus, nullum concutimus, et Christum Dominum nostrum fatemur ; quid est ut elati judicemur quasi pro nostra propria utilitate prædicare, ut gloriosi appareamus ?

B « Nos autem servos vestros propter Jesum. » In tantum se servum Christi esse probat, ut jubente ipso, ministrum se horum in prædicatione testetur, ut pro utilitate horum subjecti sint in ministerio Evangelii. Servos ergo dicens, ministros significat : sed ut humiliter loqueretur, sic dixit ; ut vere ostenderet non ad suam gloriam se prædicare Evangelium, sed ad claritatem Domini nostri (7), cui obedit, cui servit, sicut et ipse Dominus ait : « Ego sum in medio vestrum non ut ministrer, sed ut ministrem (*Luc. XXII, 27*) ; » non merito horum quibus ministrat, sed propter imperium Domini.

(Vers. 6.) « Quia Deus qui dixit de tenebris lumen fulgere, illuxit in cordibus nostris ad illuminationem cognitionis gloriæ Dei in facie Christi Jesu. » Hoc dicit, quia misericordia Dei factum est, ut nos, inquit, qui fuimus increduli in ignorantia (8), hoc est in tenebris, per nos daret Deus lumen cæteris gentibus. Quantum se adhuc humiliat, ut Dei solius et Christi gloriam præferat ? Illuminatur enim, ut cognitionem habeant gloriæ Dei per Christum. Ideo gloriæ Dei ait cognitionem, id est, non Dei solius, sed et Christi, qui est gloria ejus ; ut significaret non solum Deum cognosci, sed et opera ejus et misericordiam et providentiam, qua condidit et salvavit genus humanum, visus in Christo per gloriam virtutis suæ.

(Vers. 7.) « Habentes autem thesaurum (1) hunc in vasis fictilibus, ut excellentia sit virtutis Dei, et non ex nobis. » Thesaurum sacramentum significavit Dei in Christo, quod credentibus manifestatur, incredulis vero quodam teetum est velamine ; quia sicut thesaurus in oculo ponitur, ita et sacramentum Dei intra hominem, id est, in corde humano absconditur. Hunc ergo thesaurum in animo et corpore dicit esse a Deo datum, ut eminentia virtutis ejus appareat per homines prædica-

men alii, et edit., quod nolunt.

(7) Corb. Codex, sed per charitatem Christi.

(8) Rom. edit., qui fuimus increduli... Humiliatur enim ut rogationem habeant, etc.

(9) Eadem edit. Rom., Habemus autem thesaurum... ut eminentia sit... Thesaurum sacramentum, etc.

(2) Rom. edit., quæ in his epistolis.

(3) Cod. Corb., nullum efficit suspectum.

(4) Mss. aliquot, ut vel ipsi credatur.

(5) Cod. Vall. solus, obeæcavit erga fidem Christi sensus fidelium. Et cum mss. quibusdam, lumen gloriæ Christi.

(6) Mss. frequentissimi, quod volunt : rectius ta-

tores duntaxat : ut reconcilietur omnis lingua A Creatori suo, non ad honorificentiam hominum, sed Dei, qui se manifestat per homines : qui cum humiles et imperiti essent, acceperunt potestatem a Deo et loquenti magnalia, et agendi. Fictilia (10) ergo vasa dicens, infirmitatem naturæ humanæ significat, quæ nihil potest, nisi a Deo acciperet virtutem, et ad laudem suam Deus per hæc se prædicet, quæ infirma sunt ; ut gloria illi detur, non homini, qui ex luto factus est.

(Vers. 8) « In omnibus pressuram passi, sed non coangustati. » Nunc ostendit propter quod idonei erant prædicatores ; quia semper illis in necessitate adfuit Deus. « Ideo pressuram, » ait, « passi, sed non coangustati : » hoc est, non permisit Deus tantum nos opprimi, ut crederemus. « Inopiam passi, sed non destituti ; » id est, in inopia positus adfuit pastor Deus.

(Vers. 9.) « Persecutionem passi, sed non derelicti. » Verum est, quia consulebat eis Deus (11), ne satis sibi facerent de his inimici. « Dejecti, sed non perimus, » id est, verberibus prostrati, sed obstante Deo non mortificati ; sive enim clausi, sive vinculati, adiutorio Dei manus hostium evadabant. Denique Paulus et Silas cum essent clausi, jam cæsi, et pedes eorum jam essent in nervo conclusi, alacres hymnum canebant Deo, fortiores iis facti, qui non erant cæsi.

(Vers. 10.) « Semper mortem Domini Jesu in corpore nostro circumferentes : **180** ut et vita Jesu in corpore nostro manifestetur. » Dubium non est, quia in martyribus Christus occiditur, et in iis qui pro fide patiuntur aut exitus (12), aut vincula, aut verbera Christi passiones sunt ; ut et vita ejus in corpore eorum palam fiat. Passiones enim sunt, quæ ostendunt meritum ad futuram vitam, quam promisit Christus. Unde alio loco dicit : « Cum infirmior, tunc potens sum (II Cor. xii, 10). » Et iterum : « Per tribulationes oportet nos intrare in regnum Dei (Act. xiv, 21). »

(Vers. 11.) « Si ergo nos qui vivimus (13), in mortem tradimur propter Jesum ; ut et vita Jesu palam fiat in hac mortali carne nostra. » Apertum est quod dicit, quia ideo in mortem tradi propter Jesum, inquit, non recusamus, cum possimus vivere ; ut vita qua resurrexit a mortuis Christus, huic mortali carni nostræ præstetur, hoc est, non timere mori propter resurrectionem promissam.

(Vers. 12.) « Itaque mors quidem in nobis operatur, vita vero in vobis. » Hoc dicit, quia pro salute eorum morti subiciebantur ; gentibus enim

prædicantes, inimicitias sibi excitabant tam a Judæis quam a gentilibus, usque ad mortem.

(Vers. 13.) « Habentes autem eundem spiritum fidei, » hoc est, communem spiritum, per quem firmatur fides, habemus vobiscum (14). Ideo enim pro ipsis tanta patiebatur mala, ut invicem sibi copularentur in fide. « Secundum quod scriptum est : Credidi, propter quod locutus sum (Psal. cxv, 10) ; et nos credimus, propter quod et loquimur. » Exemplum ideo dedit de psalmo centesimo decimo quinto, ut ostenderet ideo se promptum esse ad omnia toleranda, quia credit futuram resurrectionem. Securus ergo de futura vita, presentis vitæ non habet curam ; quippe cum hoc credatur, ut tunc illa beata vita speretur (15), si hæc contemnatur. Securus ergo quia quod credidit, verum est, audet hoc prædicare, ut cæteros spei suæ participes faciat. « Scientes quod qui suscitavit Dominum Jesum, et nos cum Jesu suscitabit (16) et constituet vobiscum. » Ille spe dicit laborari propter fidem, quia exemplum præcedit resurrectionis Domini Jesu, quid futuri erunt qui credunt ; quia « sicut in Adam omnes moriuntur, ita et in Christo omnes vivificabuntur (I Cor. xv, 22). » Adam enim forma mortis est, causa peccati : Christus vero forma vitæ propter justitiam, quia peccatum non fecit, nec dolus inventus est in ore ejus. Et quoniam participes hos communis fidei dixit, « resuscitados, » inquit, « constituet vobiscum » ut unius fidei in una sint domo pacis. Cum enim intelligunt quia pro ipsis patiuntur exitia, et isti solliciti sunt de passionibus horum velut compatiētes, simul et participes erunt in vita promissa ; ut simul contristati, simul gaudeant. Propter illos sic loquitur, qui resurrectionem negabant, quos et in prima epistola exprobrat.

(Vers. 14, 15.) « Omnia enim propter vos, ut gratia abundans (17), per multorum gratiarum actionem abundet ad gloriam Dei. » A munere suo Deus nullum voluit esse alienum : et quia non omnes capiunt verbum fidei, Apostolus Dei voluntatem sciens, persecutiones et pericula pati non timuit, dummodo omnibus fideliter prædicaret, ut plures possent credere ; ut abundans donum Dei non per paucorum gratiarum actionem minueretur ad contumeliam Dei, sed multis proficiens afflueret per multorum gratiarum actionem ad gloriam Dei. Quanto ergo hic dignus honore est, qui animam suam semper morti subjecit : ne donum Dei longe aliter proficeret, quam datum est ? Numquid non magna contumelia ejus est, qui cœnam faciens

(10) Cod. Corb., *Fictilia ergo vasa infirmitatem naturæ humanæ significant, quia nihil potest aliquis, etc.*

(11) Idem cod. Corb., *Consolabatur eos Deus.*

(12) Rom. edit., *Patiuntur aut exsilia ; reliquæ ac mss., patiuntur aut exitus, id est, obitus, cædes, etc.*

(13) Eadem Rom. edit., *Semper enim nos qui vi-*

rimus Et infra, hoc est, non timemus mori.

(14) Cod. Laud., *Spiritum quem firma fide habemus vobiscum.*

(15) Vet. edit. ac mss. aliquot, *præsentem vitam non habet eorum.*

(16) Rom. edit., *et nos per Jesum suscitabit.*

(17) Eadem Rom. edit., *ut donum abundans.*

opulentam, ac multos invitans, paucos habet in A summa?

(Vers. 16.) « Quapropter non deficimus. » Manifestum est hæc ad superiorem sensum pertinere; ut enim devotionem suam adhuc propensio-rem in Dei rebus ostendat, hæc subiicit, quibus nullo genere deficere se probat quominus id quod Deo placitum est, impleatur; securus tamen de resurrectione promissa. « Et licet si exterior homo noster corrumpitur; sed interior (18) renovatur de die in diem. » Pressuris, plagis, fame, siti, frigore, nuditate caro corrumpitur, sed anima spe futuri præmii renovatur, quia assiduis tribulationibus purgatur. Proficit enim in pressura, non interit, ita ut accedentibus tentationibus quotidie acquirat ad meritum; quia et corpori corruptio 181 hæc proficit ad immortalitatem merito animæ.

(Vers. 17.) « Id enim quod in præsentem est momentaneum et leve pressuræ nostræ, supra modum in sublimitate æternæ gloriæ pondus operatur in nobis. » Præsentis temporis tribulationes, quæ causa fidei ingeruntur, momentaneas et leves dicit, quia sunt temporales; supra modum tamen in sublimitate æternæ gloriæ pondus operari patientibus. Parvis enim laboribus magna redditur merces, et pro levi tribulatione supra modum sublimitas gloriæ pensabitur perpetuæ.

(Vers. 18.) « Non contemplantibus quæ videntur, sed quæ non videntur; quæ enim videntur, temporalia sunt: quæ vero non cernuntur, æterna sunt. » Desiderium cœlestium et spiritualium habentes, hæc præsentia et terrena spernere profitetur; quia ad comparisonem spiritualium hæc nulla sunt. Sic enim sunt hæc ad superna, quomodo figura ad veritatem: figura deperit, veritas manet; ac per hoc exire de isto sæculo non metuunt justi, sed gaudent.

CAPUT V.

(Vers. 1.) « Scimus autem quia si terrestris domus nostra hujus habitationis dissolvatur, quia ædificationem ex Deo habemus, domum non manufactam, æternam in cœlis. » Hæc fiducia dicit non timendum dissolvi de corpore violentia infidelium, aut sorte vitæ; quia præparata est hujusmodi hominibus habitatio in cœlis æterna, ut de temporali et terrena expulsi, in perpetuam domum recipiantur. Unde et hoc optandum est, si fieri potest; sed quia hoc optandum non est, ne in tua gloria alius pereat; si tamen acciderit (19), libenter ferendum est. Terrestrem enim domum carnem hanc dixit, quia mortalis est: ut si de hac disso-

luti fuerimus, ædificationem invenimus in cœlis domum æternam. Hæc domus corpus immortale significat, in quo resurgentes, semper erimus, cujus forma jam in cœlis est in Domini corpore declarata (20).

(Vers. 2, 3.) « Etenim in hoc ingemiscimus habitaculo nostro, quod de celo est, superinducipientes; siquidem induti, non nudi inveniamur. » Propterea dicit in precibus ingemisci, ut gloria promissa de cœlis possit resurgentes induere. Hoc ergo desiderantes insistunt precibus; ne resurgentes, recepto utique corpore, nudi, id est alieni a promissa gloria inveniantur. Hoc enim opus est ut induta anima corpore, Dei judicio superinducatur et gloria, quæ est immutatio in claritatem. Mors enim (21) de terra est resurrectio vero de cœlis; si tamen immutetur in gloriam. Alii codices sic habent: « Siquidem exspoliati, non nudi inveniamur: » id est, si exeuntes de corpore Christum vestiti fuerimus; quia quicumque in Christo baptizantur, Christum induunt (22) (*Galat. III, 27*). Itaque si in forma baptismi et traditionis manserimus, exspoliati corpore, non nudi invenimur; quia in interiore homine habitat Christus, quem cum induti, sive Spiritu sancto dato nobis videbimur, erimus digni superindui promissa cœlesti gloria. In illum enim decidet promissa claritas, quem viderit signum adoptionis habere.

(Vers. 4.) « Nam cum sumus in hoc corpore, » id est, mortali, « ingemiscimus (23) gravati: eo quod nolumus exui, sed superindui; ut absorbeatur mortale hoc a vita. » Idem sensus est; ideo enim dicit gravatos non passionibus corporis, et ipsius mundi tempestatibus, postulationes ad Deum dirigere, ne immutemur victi, et indigni efficiamur: sed ut contigerit exitus, perseverantes in fide, induti inveniamur sancto Spiritu, qui in substantia Christus est. Tunc enim superindui promissa gloria poterimus, si exuti corpore, non despoliati a sancto Spiritu fuerimus. Sic mortale absorbetur a vita, id est, ut resurgentes superinducamur immortalitate cum gloria; ne ultra mori possit, aut passionibus implicari: et hoc est absorberi a vita (24); non enim dicendus est absorberi a vita, qui ad hoc surgit, ut penis agatur.

(Vers. 5.) « Qui autem perficit nos in hoc ipsum, Deus est: qui etiam dedit nobis pignus Spiritum. » Hoc quod ingemiscimus poscimus, id est, non ut exui, sed ut superindui mereamur, juxta supradictum sensum, in die judicii Deum perficere dicit; quia promisit (25), et fidelis est, dans hujus rei implendæ

(18) Rom. edit., *Et licet qui foris est homo noster corrumpatur, interior tamen, etc.*

(19) Rom. edit., *jam cœlestis est.*

(20) Cod. Vall., *si tamen occiderit.*

(21) *Mors enim*; ab hisce verbis usque ad, *Nam cum sumus, etc.* nihil reperitur in mss. Corb.

(22) Mss. aliquot, *quicumque baptizatur, Christum induit.*

(23) Rom. edit., *Nam qui sumus in hoc corpore, ingemiscimus.*

(24) Cod. Corb., *Et ipsa morte postulationes ad Deum dirigere, ut ipsum corpus non alienetur nobis: sed ut semper induamur immortalitate, ne ultra mori possit, aut passionibus implicari: hoc est absorberi a vita. Quis autem perficit, etc.*

(25) Idem cod. Corb., *Hoc quod poscimus, id est,*

pignus Spiritum; ipse est enim signaculum adoptionis nostrae.

(Vers. 6, 7.) « Fidentes igitur semper, et scientes quia inhabitantes in **182** hoc corpore, peregrinamur a Domino; per fidem enim ambulamus, non per speciem. » Manifestum est quia per fidem cum Domino sumus, non per praesentiam: ac per hoc peregrinamur non fide, sed specie. Et quare, cum idem dicat in Actibus apostolorum: « In ipso enim vivimus, et movemur, et sumus (Act. xvii, 28); » hoc loco peregrinari nos a Domino dicit? Si ubique est, quomodo hic positi, peregrinamur a Domino? Sine dubio ubique, imo omnia in Deo sunt: sed quia sedes Dei in caelis est, et illic semper videtur: ideo hic positi, ubi non videtur, peregrinari ab eo dicimur. Quando enim non eum videmus, licet **B** praesens sit, absentes ab eo sumus.

(Vers. 8.) « Audemus ergo et consentimus magis peregrinari a corpore, et praesentes esse ad Deum. Recte ait, « audemus; » habentes enim fiduciam promissionis Dei, et scientes multum expedire illic esse, quam in saeculo, consentiunt et optant excedere de corpore (26); ut requiescant usque in diem resurrectionis sub altare Dei.

(Vers. 9.) « Et ideo contendimus sive praesentes, sive peregrinantes placere illi. » Id agendum dicit, et bonis operibus insistendum; ut sive in hac adhuc vita positi, sive ante tribunal Christi praesentes, placeamus ei. Unde si disciplina servetur, et hic et illic ei placebimus, quia qui hic placet, illic non displicebit.

(Vers. 10.) « Omnes enim nos manifestari oportet ante tribunal Christi, ut recipiat unusquisque propria corporis, prout gessit, sive bona, sive mala (27). » Igitur si judicante Christo, unusquisque nostrum facta corporis recipiet; non utique sine corpore adjudicabitur bono aut malo. Et non dixit, facta carnis, quia carnis vitia (28) punienda semper: sed facta corporis; spiritualiter, aliquando carnaliter operatur.

(Vers. 11.) « Scientes igitur, timorem Domini hominibus suademus: Deo autem manifesti sumus. » Quoniam ergo iudicium Dei futurum est per Christum ad singulorum discriminanda opera, ideo Apostolus suadere se dicit ad bonum sensum et vitam; ut auditores ejus securi sint de poena futura, et ipse gloriatur, in his habens fructum **D** laborum suorum; quia quorundam praviloquio dies iudicii Dei in dubium deducitur: « Corruptunt enim mores bonos colloquia mala (I Cor. xv, 33). » — « Hominibus suademus, » ait; ut credant, et provideant ne incurrant, et tunc poeniteant,

non ut corpore exuamur in perpetuum: sed ut recepta in die iudicii Dei superinduemur immortalitate cum gloria. Deum confiteri dicitur, quia promisit, etc.

(26) Rom. edit., *Et scientes multo magis expedire illic esse quam in corpore.*

(27) Eadem edit., *Unusquisque factis corporis... adjudicabitur bonus aut malus.*

quando poenitentia fructum non habet (29). « Deo autem manifesti sumus; » hoc enim predicabat, quod Deus jusserat; et hoc scire dicitur Deus, quod bonum est. Denique male agentibus dicit: « Nescio vos (Matth. xxv, 12). » — « Spero autem et in conscientis vestris manifestos nos esse. » Manifesta erat puritas eorum Corinthiis; quia neque aliquando in adulatione fuerant deprehensi, neque praedicatio illorum displicerat sanctis, nec ab aliquo illorum quidquam, ut adsolet, occulte ejicere tentaverant; ut foris simplices apud turbas, intus vero impostores essent. Ideo conscientiam illorum pulsant, ut ipsi sibi testes essent de veritate eorum.

(Vers. 12.) « Non iterum nos commendamus vobis. » Quoniam superius veram praedicationem suam obtestans, laudare se visus est; ideo nunc eadem significat, non ad laudem suam hoc dicere se, sed ad eorum gloriam; ut gaudeant integram praedicationem se addidicisse, his annuntiantibus. « Sed occasionem damus vobis gloriandi de nobis; ut aliquid habeatis adversus eos qui in facie gloriantur, et non in corde. » Hoc dicit, quoniam multi per elationem gloriabantur in se de apostolis, profitentes se ab iis doctos, qui semper cum Domino fuerant; ideoque hic dicit dare se his rationem, per quam et ipsi gloriarentur adversus eos; quia Apostolus erat, a quo et isti didicerant. Unde in alio loco dicit: « Nihil minus teci (fui) ab his qui valde sunt apostoli (II Cor. xii, 11). » Quod quidem coactus dicit, ne silentium ejus istis obsesset. **C** Qui ergo in corde gloriatur, superbiam reprimit, sciens quia humilibus Deus dat gratiam, superbis autem resistit (Jacob. iv, 6); superbiorum enim mens fructum non facit Deo dignum.

(Vers. 13.) « Sive enim mente excedimus, Deo: sive sanum sapimus, vobis. » Hoc dicit, quia si elate vel superbe putatur locutus; quia laudare se visus est, verum dicens, Deo hoc remittendum: si autem non superbe intelligitur (30), sed ad gloriam audientium esse locutus, Corinthiis proficere dicit; ut tunc sanum **183** sit dictum audientibus, si ita intelligatur, ut dictum est: si autem jactanter putetur dictum, velut insanum Deo dimittendum; omnis enim superbia velut insania habetur.

(Vers. 14.) « Charitas enim Christi urget nos, hoc judicantes, quod si unus pro omnibus mortuus est. » Quoniam Christus diligens genus humanum, ut eos redimeret, morti se dedit; ideo apostoli, ut vicem ei reddant, homines ex aliqua parte exhortantur ad ejus obsequium; et ut eos attrahant, necesse est ut verum se praedicare testentur, aliis

(28) Nonnulli mss., *Quia carnis vita; Corb., Quia carnalis vita.*

(29) Codex Laud., *quando poenitentiae fructum non habent.*

(30) Rom. edit., *Quia si elate, vel insane putatur locutus... remittendum. Omnis enim superbia velut insania habetur. Si autem non superba... Deo dimittendum. Charitas enim, etc.*

prava docentibus; nec suum meritum taceant, ut malorum doctorum pœnam designent. Non ergo elatione mentis hæc agebant, sed ut donum Christi intelligeretur ab omnibus, et fideliter devoti, ei gratiarum actiones referrent. Propter Christi ergo charitatem (31), quæ et quanta dona ejus circa diligentes eum sint, non tacent: non jactantiæ causa, sed ut invitent audientes ad ejus devotionem: ne mors Christi infructuosa videretur, non ut laus apostolorum agnosceretur. Per meritum enim et gloriam apostolorum agnoscitur Christi gratia et beneficium Dei.

(Vers. 15.) « Ergo omnes mortui sunt, et pro omnibus mortuus est Christus, ut et qui vivunt, jam non sibi vivant, sed ei qui pro ipsis mortuus est et resurrexit. » Quia omnes necesse est mori causa Adæ, pro omnibus mortuus est Christus, ut eos a secunda morte liberaret; ideoque qui vivunt in corpore, scientes Christum mortuum esse pro se, sint ei subditi, profitentes hunc Dominum. Quia enim prodest eis mors ejus, testimonium perhibet resurrectio ejus. Igitur hic sibi non visit, qui paratus est domini sui facere voluntatem.

(Vers. 16.) « Itaque nos neminem ex hoc tempore novimus secundum carnem. Et si cognovimus secundum carnem Christum, nunc jam non novimus. » Verum est, quia Christo resurgente a mortuis, jam cessat in eo carnalis nativitas, cessat infirmitas corporis, cessat et passio mortis (32). Usque ad crucem enim suspicio fuit infirmitatis in Christo: postea autem apparuit esse, quod non credebatur, sicut et ipse ait: « Cum exaltaveritis Filium hominis, tunc cognoscetis quoniam ego sum (Joan. viii, 28). » Hoc ergo ideo Apostolus memorat, ut ostendat qua devotione obsequendum est Christo. Pro salute enim hominum non solum hominem se nasci non dedignatus est, sed et injuriis agi, et mori voluit; ut intelligentes quam pretiosa sit mors ejus, propensius illi serviant, non quasi homini vicem reddentes, sed Deo; quia unicuique pro persona ejus et meritis refundenda obsequia sunt.

(Vers. 17.) « Quare si qua est in Christo nova creatura, vetera transierunt, et ecce omnia facta sunt nova. » Manifestum est quia per Christum

(31) Propter Christi ergo, ab his verbis usque ad, Ergo omnes mortui sunt, hiatus exstat in cod. Corb.; ceteri autem, atque edit. satis inter se consentiunt, si transpositionem excipias, quæ sic facta est in Rom. edit.... tacent, ut hinc apostolorum nosceretur, non jactantiæ causa... infructuosa videretur. Per meritum enim, etc.

(32) Corb. cod., passio mortis. Hoc non utique propter Christum, quem mors non tangebatur, humane fragilitatis, sed propter nos, quibus exemplum datum est, ut si vestigia ejus seculi fuerimus, qui pro nobis mortuus est. Simili modo et in nobis post exitum vitæ hujus resurgentibus promisso tempore resabit omnis infirmitas et corruptio. Ideo etenim novimus, inquit, ex hoc tempore secundum carnem; quia in Christi resurrectione generalis data est forma incorruptionis et claritatis, ut ita omnibus provenire, qui

A renovata sunt omnia, si animadvertant dignitatem ejus. Novus enim sit his quibus prius homo tantum videbatur, cum intelligitur esse Deus: ut recedente infirmitate, agnosceatur divinitas, et cessante errore veteri, qui introducta multorum deorum opinione, ab unius veri Dei fide transduxerat genus humanum, revertantur omnia ad simplicitatis professionem, unum Deum adorantia in Trinitate, (Vers. 18.) « Omnia autem ex Deo. » Quamvis Christus nos redemerit, omnia tamen ex Deo; quia ab ipso est omnis paternitas (Ephes. iii, 15): ideoque necesse est præferri personam Patris.

(Vers. 19, 20, 21.) « Qui (33) reconciliavit nos sibi per Christum, et dedit nobis ministerium reconciliationis; quoniam quidem Deus erat in Christo, mundum reconcilians sibi, non reputans illis delicta ipsorum, et ponens in nobis verbum reconciliationis pro Christo, pro quo legatione fungimur, tanquam Deo exhortante per nos: orantes pro Christo reconciliari Deo. Eum enim qui non noverat peccatum, pro nobis peccatum fecit, ut nos essemus justitia Dei in ipso. » Deus omnipotens genitor Christi (cum omnia, quæ per Christum fecerat, errore caduca fuissent effecta, Creatoris sui oblita) Christum Dominum (34) nostram de sacris sedibus ad terrena venire dignatus est, 184 et factum carne in specie hominis; ut forma esset hominibus quemadmodum sibi Deum creatorem suum pacificum facerent. Deus ergo erat in Christo. Quomodo? Quasi in vicario aut legato, sicut fuit in prophetis, aut aliter? Non sicut fuit in prophetis sic intelligi potest fuisse et in Filio? Filius enim naturaliter legatus est Patris Dei (35). Unde dicit: « Quia Pater in me est, et ego in Patre (Joan. xiv, 11); » Pater enim per id intelligitur esse in Filio, quod una eorum sit substantia. Ibi enim est unitas (36), ubi nulla est differentia: ac per hoc invicem sunt: quia et imago et similitudo eorum una est, ut videns Filium, vidisse dicatur Patrem, sicut et ipse Dominus ait: « Qui me videt, videt et Patrem (Ibid. 9). » Recte ergo dicitur: « Deus erat in Christo: » hoc est Pater in Filio, « mundum reconcilians sibi, » non reputans illis delicta eorum; quoniam creatura peccavit in Deum, nec penituit, ut revertere retur ad eum: Deus opus suum nolens perire, misit Fi-

D Christo obediunt, nosceretur. Quare si qua, etc.

(33) Mss. aliquot: Qui reformavit vos sibi; reliqui et edit. parum admodum discrepant ab invicem excepto quod Rom. edit. ultimam hujus loci partem in inferiora rejecerat.

(34) Ita vet. edit. ac mss. a quibus hoc tantum differt. Rom. edit. quod hæc maluit, Christum Dominum... mittere dignatus est, et carnem in specie hominis fieri; at ms. Corb. sic locum exhibet, Christus Dominus noster de sacris sedibus venire dignatus est ad terrena, factus secundum carnem in specie hominis, ut forma, etc.

(35) Vet. edit. eum uno aut altero mss., naturaliter natus est Patris Dei; Rom., naturaliter est Patris Dei; mss. vero prope ad unum nobis suffragantur.

(36) Mss. nonnulli, Ibi enim veritas.

lium suum, per quem predicata eis remissione peccatorum, reconciliaret eos sibi per ipsum, per quem nos creaverat (37). Sive ergo per Filium, sive per servos Deus exhortatur populum; quia ad ipsum omnis summa referenda est, ejus voluntate et providentia Christus incarnatus est ad salutem hominum redimendam; qui cum reverti vellet ad Patrem, dispensationem acceptam a Patre dedit discipulis.

« Orantes pro Christo vos reconciliari Deo. » Hoc est, quod dixi, qui pro Christo vicarios dedit apostolos; ut pro ipso predicarent reconciliari Deo.

(Vers. 22.) « Eum qui non noverat peccatum, pro nobis peccatum fecit. » Deum dicit Patrem peccatum fecisse Filium suum Christum, eum utique qui peccatum nesciebat, id est, qui non peccaverat; quia factus caro non immutatus, sed incarnatus factus est peccatum; sicut qui sit prefectus, non amittit quod erat; sed assumit utique quod non erat. Homo ergo factus est Christus causa peccati, quem non tangebatur sors, neque dignitas nasci hominem. Propter quod autem omnis caro sub peccato est, ideo factus caro, factus est etiam peccatum. Et quoniam oblatus est pro peccatis, non immerito peccatum factus dicitur; quia et hostia, in lege, quæ pro peccatis offerebatur, peccatum nuncupabatur. « Ut nos essemus justitia Dei per ipsum (38), » qui peccatum nesciebat, dicente Isaia: « Qui peccatum non fecit, nec dolus inventus est in ore ejus (Isa. LIII, 9), » quasi peccator occisus est, ut peccatores justificarentur apud Deum in Christo. Zelum enim passus est Satanæ adversus Salvatorem, videns eum docere homines quomodo sibi propitium facerent Deum, abrenuntiantes diabolo: et propter hoc occidit eum, nesciens futurum adversus se: Christus enim post crucem descendens ad inferos, devicta morte; quia qui peccatum nesciebat, teneri a morte non poterat; quia mors per peccatum inanivit infernum (39), ut mors justi peccatoribus proficeret: ut de cætero mors eos, qui signum crucis habent, tenere non possit.

CAPUT VI.

(Vers. 1.) « Adjuvantes autem et obsecramus, ne in vacuum gratiam Dei recipiatis. » Duplici genere Apostolus humanæ salutis curam subire (40) contendit; ut ei Dei providentiæ devotus existeret, et hominibus charitatis officium exhiberet.

(37) Corb. cod., nos creaverat, ponens in nobis verbum reconciliationis. Pro Christo vos reconciliari Deo. Deum dicit per Christum delegasse apostolis, ut illo regresso ad cælos cum triumpho, invicem ejus predicarent gentibus donum gratiæ Dei, ut sicut per Christum, ita et per apostolos se predicaret Deus.

(38) Vet. edit. ac mss. aliquot, justitia Dei in ipso.

(39) Ms. Corb., per peccatum inolevit in infernum.

(40) Rom. edit., curam se agere: vet. cum mss. non paucis, curam subjicere: melius vero alii, curam subire. At seq. versu eadem Rom. edit. reposuit, charitatem exhiberet, ubi aliæ cum mss. omnibus efferunt; charitatis officium exhiberet.

(Vers. 2.) « In tempore accepto exaudi te, et in die salutis adjuvi te (Isa. XLIX, 8); » hoc scriptum est in Isaia propheta. Prædestinatam docet gratiam Dei in tempore Christi; sic enim decrevit Deus affluere misericordiam suam, ut in nomine Christi poscentibus (41) auxilium largiretur.

(Vers. 3.) « Ecce nunc tempus acceptabile, ecce nunc dies salutis; nemini dantes ullam offensionem, ne vituperetur ministerium nostrum. » Tempus adesse dicit, quo possint ad indulgentiam proficere peccatores, tempus adesse dicit, quo morbis mortali- bus medicina possit infundi; et ideo se sollicitum esse 135 circa agrorum salutem, ne forte negligentia aliqua medicinæ gratia effectu careret bonæ voluntatis (42) suæ. Fide ergo et vigilantia sua omnem offensionem negligentibus amputat; ne horum forte segnitia offensionis occasionem pareret discipulis; ac per hoc liberasse significant; quia quod salutare est simpliciter omni instantia predicant. Unde subjecit: « Ne vituperetur ministerium nostrum: » vituperaretur enim ministerium ipsorum, si ea quæ verbis docebant, operibus suis, ut fierent, exempla non darent.

(Vers. 4.) « Sed in omnibus commendemus nosmetipsos ut Dei ministros. » Dei ministri sine adulatione docent, ut ei cujus ministri sunt, placeant, non sicut pseudoapostoli, qui scientes non se a Deo missos, præsentii utilitati studebant (43). « In multa patientia. » Patientia est, quæ salvat homines; nisi enim patientia abusus esset, quomodo salvasset Corinthios, quos post prædicationem suam tantis vitiis morum, et erroribus diversarum sectarum invenerat involutos, quos patientia sua paulatim ad veram doctrinam revocat? « In pressuris. » Pressuras pertulit, sciens quid a Deo pro his sit promissum. « In necessitatibus. » Necessitas erat etiam in pressura positum docere; quia a Domino erat missus. « In angustiis. » Spe futuri angustiatus, perfidorum oppositionibus non cessit.

(Vers. 5.) « In plagis. » A Judæis et gentibus cæsus frequenter, non tacuit gratiam Christi. « In carceribus. » Sæpe in carcerem missus contempta salute sua, etiam illic donum Dei prædicavit. « In perturbationibus. » In tantum Deo devotus erat, ut nec perturbatio fiduciam, quam in Deo habebat, minueret. « In laboribus. » Laborare non destitit manibus suis; ne cui gravis esset, certus hoc sibi proficere apud Deum. « In vigiliis. » Tam sollicitus

(41) Omnes edit., ut nomen Christi poscentibus: mss. vero partim, ut nomine: partim, ut in nomine Christi poscentibus.

(42) Mss. et edit. hic nihil discrepant, nisi quod in edit. et mss. quibusdam habetur, effectu careret et bonæ, etc., plures vero scripti cod. non agnoscunt conjunctionem: at Corb. legit, effectum careret bonæ, ubi clarum est negationem desiderari.

(43) Corb. cod., præsentium lites odorant; absurde. Idem vero cum cæteris cod. et edit., patientia abusus esset, ubi Rom. patientiam habuisset, sed verba uti et abuti apud auctores frequenter idem sonant.

erat circa officium sibi delegatum, ut nec nocte cessaret. « In jejuniis. » Aliquando voluntaria, aliquando necessitatis jejunia pertulit causa penuriae, et Deo gratias egit spiritaliter se paseenti; quia ideo contentus erat, ne ventris causa inclinaretur.

(Vers. 6.) « In castitate. » Castitatem sive corporis, sive Evangelii vindicans, non paucos fecit inimicos. « In scientia. » Legis et Evangelii (44) scientiam non in sapientia humana, neque in simulatione asserens Deo se fidelem dispensatorem Christi exhibuit. « In magnanimitate. » Grandis animi erat in bajulandis infirmitatibus fratrum, et in contemptu mundi hujus; unde alio loco dicit: « Mihi mundus crucifixus est, et ego mundo (*Galat. vi, 14*). » — « In benignitate. » Benignus erat, quia sicut arguebat, ita et blandiebatur, ut post correptionem leni exhortatione consolaretur. « In Spiritu sancto. Spiritus sanctus effugit fictum (*Sap. i, 5*). » Quoniam ergo sinceriter docebat, in Spiritu sancto Dei donum tradebat. « In charitate non simulata. » Simulata charitas in his est qui in necessitate (45) deserunt fratres; unde hic semper necessitates fratrum suas faciens, simplex erat in charitate » (*De Pen., dist. 2, c. Ficta charitas*). Compatiebatur enim omnibus, sicut alio loco dicit: « Quis scandalizatur, et ego non uror (*II Cor. xi, 29*)? » Haec enim vera charitas est, si sua utilitate contempta, ejus curam agat, quem diligere se profitetur: quod semper fecit Apostolus.

(Vers. 7.) « In verbo veritatis. » Verbum veritatis erat in ejus doctrina: quia non aliud tradebat quam a Domino acceperat. « In virtute Dei. » Virtus in eo Dei erat, quae per signa atque prodigia hunc idoneum ministrum probabat. « Per arma justitiae a dextris et sinistris. » Liberum se significat fuisse a fidelibus et incredulis. Arma enim justitiae perhaerant iniquitatem.

(Vers. 8.) « Per gloriam et ignobilitatem. » His qui Evangelium Dei gloriam aestimabant, manifeste integrum se et fidelem praedikatorem dicit. Simili modo et eis qui verba divinae doctrinae ignobilitatem et deformationem putabant, fidelem se Dei ministrum exhibuit; dum non teretur, neque pudorem patitur ea illis loqui quae horrent audire. « Per infaniam et bonam famam. » Etiam his integrum se Dei dispensatorem praebuit, qui fidei bonam opinionem faciebant, et qui malam; dum non metuit hanc invidiam, sed constans est.

« Ut seductores et veraces. » Increduli seductores eos vocabant: fideles e contra veraces eos et simplices pronuntiabant. 186 Nec hoc odio cedit, ut superducat fucum veritati. « Ut ignoti, et qui cognoscimur. » Malis ignoti erant, bonis noti; agnoscebant enim in his veritatem.

(44) Rom. edit. trucidaverat, *Legis et Evangelii*, quae tamen in aliis omnibus atque mss. reperiuntur.

(45) Gratianus loco cit. ad marg., *Ficta charitas*

(Vers. 9.) « Ut morientes, et ecco vivimus. » Odio illos habentes, quotidie putabant non evadere minas iniquitatis: isti autem, quia Deo propitio docebant, auxilio Christi tuti praestabantur a morte praesenti et futura. « Quasi tentati, sed morti non traditi. » Tentati videbantur, quando sic tractabantur, ut cedere putarentur: et quia non vincebantur, morti non addicebantur. Illic enim addicitur morti, qui in fide non permanet; et morti non huic, sed futurae. Potest et de praesenti morte intelligi; tentari enim eos patiebatur Deus, ut pressuris crescerent merito: non tamen permittebat eos occidi.

(Vers. 10.) « Ut tristes, semper autem gaudentes. » Verum est, quia tristitia haec gaudium operatur, et qui eos injuriis contristabant, gaudium eorum exaggerabant (46). « Ut pauperes, multos autem ditantes. » Quantum ad praesentem vitam pertinet, pauperes videbantur: sed spirituales divitias credentibus largiebantur: egeni in terris, in caelis divites. « Ut nihil habentes, omnia autem possidentes. » Hoc fuit in apostolis gloriosum, ut sine sollicitudine et nomine possidendi non solum ea, quae in possessionibus erant, sed et ipsos eorum dominos possiderent; omnia enim necesse erat ante eorum poni pedes causa virtutum, sicut legimus in Actibus apostolorum (*Act. iv, 35*).

(Vers. 11.) « Os nostrum patet ad vos, o Corinthii. » Hoc libertatis causa loquitur, et purae conscientiae; male enim sibi conscia meus loqui trepidat, sensum perdit, in verbis errat. « Cor nostrum dilatatum est. » Eorum cor dilatatur, qui fiducia bonae conversationis gaudent in sese, aut certe futuri spe (47) praemii in tribulatione non angustantur; quia sicut in hac vita nisi praecesserit labor, redditus non sequitur: ita et in rebus divinis, si non exitia anteierint, praemium non sequetur.

(Vers. 12, 13.) « Non angustiamini in nobis, angustiamini autem in visceribus vestris, eandem habentes mercedis retributionem. » Hoc dicit, quia non oberat magistris, si discipuli male verterentur, contemnentes vigorem doctrinae; quia unusquisque pro operibus suis mercedem accipiet; quia quod ad magistros pertinet, non tacuerunt, dicente Domino ad Ezechielem prophetam: « Exalta vocem tuam, et loquere ad plebem: si te audierint, lucraberis eos: si quominus, tu animam tuam salvabis (*Ezech. iii, 19*). »

(Vers. 14.) « Sicut filiis dico, dilatamini et vos, et nolite jugum ducere cum infidelibus. » Ad bonam conversationem et spem eos hortatur; ut fidentes et purgantes conscientias suas, possint in semetipsis gaudere, habentes fiduciam purae mentis, sicut et eorum magistri, separantes se ab infidelium societate in operibus malis. Et bene ergo agendo, et

est quae deserit in adversitate.

(46) Ms. Corb., quia tristitiae gaudium eorum exaggerabant.

(47) Nonnulli mss., aut certi futuri spe, etc.

futura sperando, dilatari vult illos animo; qui enim A laborat, et futura non credit (48), sicut infidelis, angusti animi est desperatione futuri.

(Vers. 15, 16.) « Quæ enim (49) participatio justitiæ cum iniquitate? aut quæ societas lumini cum tenebris? quæve consensus Christi cum Belial? aut quæ pars fideli cum infideli? vel quæ conventio templo Dei cum idolis? » Manifestum est hæc quæ enumerat esse contraria; ac per hoc fugiendum ab his docet, quia dicit Dominus: « Nemo potest duobus dominis servire (Matth. vi, 24). » Lex enim justitiam prædicat, ut fugiatur iniquitas: lumen ostendit, quod est veritas; ut ab ignorantia, quæ tenebræ sunt, recedatur: Christum in Dei mysterio annuntiat; ut a diabolo, qui se Deum mentiri vult, abscedatur: credentibus vitam pollicetur æternam; ut perfidia exuti, ab omni infidelium errore sint alieni: idola prohibuit coli; quia templo Dei sunt inimica. « Vos enim templum estis Dei vivi. » Nihil tam inimicum homini quam idola; quia ab unius Dei fide cogunt eum recedere.

(Vers. 17, 18.) « Sicut dixit Deus: Quoniam inhabitabo in illis, et inter eos ambulabo, et ero illorum Deus, et ipsi erunt mihi populus (Levit. xxvi, 12). Quapropter exite de medio eorum, et separamini, dicit Dominus, et immundum nolite tangere (Isa. lii, 11); » — « et ego suscipiam vos, et ero vobis in patrem, et vos eritis mihi in filios et filias, dicit Dominus omnipotens (Jerem. xxxi, 33). » Interim primæ causæ sensum explicemus: 187 ut cujus personæ verba sint, declaremus dicentis: « Quoniam inhabitabo in illis, et inter eos ambulabo, et ero illorum Deus, et ipsi erunt mihi populus. » Hæc verba Christi sunt; hoc est enim, quod inter cætera Jeremias testatus est dicens: « Post hæc in terris visus est, et inter homines conversatus est (Baruch. iii, 38); » hic enim habitavit in nobis, dicente Joanne apostolo: « Et Verbum caro factum est, et habitavit in nobis (Joan. i, 14). » Et quia Deus noster est, dicit iterum Jeremias: « Hic est Deus noster (Baruch. iii, 36). » Et quia populus ejus sumus, dubium non est; Ecclesia enim Christi est. Ideoque separari nos vult ab omni contaminatione; ut suscipiat nos in filios, sicut dicit: « Filioli, adhuc modicum tempus vobiscum sum (Joan. xiii, 33). » Et quia omnipotens est, puto ambigi non debere. Si enim, sicut ipse dicit, « quæcumque facit Pater, eadem et Filius facit similiter (Joan. v, 19); » hoc est Filium omnia posse, quæ potest et Pater. Si quid non potest Pater, non potest et Filius. Sed idoneus est Filius, qui dicit de Patre: « Apud Deum autem omniaabilia sunt (Matth. xix, 26). » Hoc testimonio et nos ad pu-

(48) Omnes edit., et quidam mss., qui enim operatur, laborat, et futura non credit; aptius reliqui mss. omittunt operatur; e quibus Corb. tantum subjungit, angustatur animus ejus desperatione.

(49) Rom. edit., Quæ portio justitiæ, etc.

(50) Rom. edit. sola, ipse dicit, quod quæcumque

ram vitam exhortatus est, et Dominum nostrum Jesum jam olim Dominum nostrum (50), et suscepturum nos in affectu charitatis suæ, prædestinatum ostendit.

CAPUT VII.

(Vers. 1.) « Hæc ergo habentes promissa, charissimi, mundemus nosmetipsos ab omni inquinamento carnis, perficientes sanctitatem Spiritus in timore Dei. » Manifesta sunt, quæ dicit; inquinamentum tamen carnis multifarie intelligendum est. Ideo etenim non dixit, ab inquinamento carnis: sed ab omni inquinamento; ut tota vitia carnalia fugiamus; omne enim quod lex prohibet, carnale est. « Ut perficiamus sanctitatem spiritus in timore Dei. » Sanctitatem sic perficimus spiritus, si in timore Dei recta sequamur; ut sub nomine Christi a peccatis nos abstinere sancti simus. Qui enim sine professione Christi a vitiis se cohibere videntur, sanctificati sunt juxta mundum, non secundum Dei spiritum; quia secundum Deum hi mundi sunt, qui fideles sunt: cæteri vero, qualesvis sint, immundi sunt. Quidquid enim sine Christo est, immundum est, sicut dicit ad Titum: « Quia infidelibus nihil est mundum; inquinata est enim eorum mens et conscientia (Tit. i, 15). »

(Vers. 2.) « Capaces estote nostri. Nemini nocuimus, neminem gravavimus (51), neminem circumvenimus. » Considerare vult illos quæ dicit; ut receptis his in animum, conferant secum vera esse, quæ loquitur; et spernentes hos quos tangit, omnem animum transferant ad eos quos vident vero affectu se diligere. Pseudo enim apostoli erant qui et nocebant illis, corrumpentes sensus illorum, et gravabant sacculos eorum circumventionem astutiæ.

(Vers. 3.) « Non ad condemnationem vestri hoc dico. » Hoc est, non vos abjicio, sed ut corrigatis moneo; qui enim aliquem condemnat, non illi dimittit. « Prædixi enim jam vobis, quod in cordibus nostris estis ad commoriendum et ad convivendum. » Ex prædictis vult illos cognoscere, quo animo loquatur ad eos. Quos enim participes vult habere et ad præsentem passionem pro Christo, et ad futuram vitam, non utique illos abjicit; sed ut participatione dignos se faciant exhortatur.

(Vers. 4.) « Multa mihi fiducia apud vos, multa mihi gloriatio de vobis: repletus sum consolatiqve, superabundo gaudio in omni pressura nostra. » Fiducia hæc de primæ epistolæ correptione est, quam quia non asperè susceperunt, fiduciam dederunt admonendi se; visi sunt enim velle corrigere se, unde gloriatur. Pro his animum etiam suum consolatum ex hac parte pronuntiat, in tantum ut in

facit Pater, eadem et Filius facit similiter: hoc est, quod Filius omnia potest, quæ potest et Pater. Patrem vero omnia posse testis idoneus est Filius... Hoc prophetæ testimonio.... et Jesum jam olim Dominum nostrum, etc.

(51) Rom. edit., neminem corrupimus,

omni pressura superabundare se gaudio obtestetur; **A** videns enim esse spem in his, pro quibus angustias patitur, gaudet, cum tribulatur; certus mercedem se a Deo accepturum acquisitæ salutis eorum.

(Vers. 5.) « Etenim cum venissemus in Macedoniam nullam requiem habuit caro nostra (52). » Pressuras et cædes memorat, quas patiebatur causa credentium, ut magis provocet eos ad charitatem. « Nullam, inquit, requiem habuit caro nostra; » ut compaterentur eis, certi quia pro salute fidelium animas suas traderent usque ad mortem. Antequam digereretur enim tribulatio et corporalis injuria, altera veniebat; ut requies patienti non esset. Nam quoniam sensu bruta est omnis caro, idcirco **188** nullam requiem hanc habuisse vel habere in passione significat: animam autem, **B** quanquam ipsa patiebatur in corpore; ex hac tamen parte requiem habere, qua sperat pro tribulationibus his, quæ pro fide irrogantur a perfidis, daturum Deum mercedem. Denique in ipsa pressura Deo hymnos canebant.

(Act. XVI, 9 et seq.) « Sed in omnibus afflicti fuimus. » Juxta historiam, Domino vocante, intraverunt in Macedoniam: et cum non pauci credidissent, invenissentque solatium Lydiæ mulieris, quæ cum omnibus suis credidit; tunc factum est ut spiritum pythonem, id est, divinum fugaret de ancilla quorundam, qui videntes perdidisse se non minimum quæstum, quem puella referebat divinando, concitaverunt seditionem Paulo et Silæ, et traxerunt eos in forum ad magistratus: qui multas **C** eis plagas imponentes, miserunt eos in ima carceris, ita ut pedes eorum in nervo concluderent. Hæc est pressura quam passi sunt in Macedonia. Et hinc est unde dicit: « Nullam requiem habuit caro nostra. »

« Foris pugnae, intus timores. » Pugnae erant corpori, dum cædebatur: animo timores. Illic enim timor est, ubi intellectus est; sed timor hic propter eos erat qui crediderant, ne passione ejus scandalizarentur. Nam sibi quid jam timeret, qui patiebatur? præterea cum dicat in Actibus apostolorum, non solum ligari, sed et mori paratum se pro nomine Jesu Christi (Act. XXI, 13). Videtur ergo totum hominem afflictum in carne significasse, ut ex parte spiritus qui homini datur, ut maneat, quia impassibilis est, affligi potuisse minime intelligatur: sed ut homo totus ex parte corporis et animæ afflictus in carne dicatur; ex parte vero spiritus impassibilis.

(52) Mss. Corb., *caro nostra. Numquid sensum habet caro, ut sine animo patiat? Sed per carnem totum hominem significavit, sicut et Salvator: Spiritus, inquit, promptus est, caro vero infirma. Quia enim erat et Spiritus sanctus in eis, non potuit dicere: Nullam requiem habuit spiritus noster, quia est impassibilis. Sed ad comparisonem ejus totum hominem carnem dixit, sicut ad solis claritatem stellæ tenebræ sunt, quia spiritus latus erat, sciens illos per tribulationem proficere. Sed in omnibus afflicti, etc.*

(53) Cod. Corb., *significasse. Potest et sic intel-*

ligi, ut foris pugnae, id est, in publico a perfidis fierent contra fidos, dum furore pleni resistebant veritati: cujus rei nuntius (53) intus timorem generabat, ubi erat Apostolus. Quis enim homo non timeat angustias? Sed quia in Dei rebus propensior erat, timorem hunc spe superabat.

(Vers. 6.) « Sed qui consolatur humiles Deus, consolatus est nos in adventu Titi. » Quoniam Deus suorum non est immemor, sed semper dat eis in tribulatione solatium, acceleravit adventum Titi, ut refrigerio esset positus in fervore. Magna enim consolatio est patientis, si secum habeat condolentem.

(Vers. 7.) « Et non solum, ait, in adventu ejus, **B** sed etiam in consolatione qua consolatus est ipse in vobis. » Plus addit ad consolationem; quia audisse se a Tito significat conversionis eorum promptam voluntatem (54), in tantum ut Titus qui dolorem habebat inobauditionis eorum, consolationem acciperet de pœnitentia illorum. Quantum affectum haberet circa eos, ostendit Apostolus (55); ut nec ima carceris, nec plagarum dolorem computaret scissi corporis, neque nervum, quo pedes ejus conclusi erant: sed audita correctione eorum, lætaretur, et immemor factus passionum, Deo gratias ageret pro eorum salute, sic hoc æstimans quas remunerationem tribulationum. « Annuntians nobis vestrum desiderium. » Nuntiavit Titus desiderium habere illos emendandi se; addiscentes enim quæ **C** promissa sunt bene viventibus, incitati sunt ad desiderium horum. « Vestrum fletum. » Correpti flebant, dolentes quia peccaverunt, nec excusare nisi sunt; unde Apostolus gloriatur in his. « Vestram æmulationem pro me; » addicentes enim charitatem Apostoli erga se, cœperunt illum defendere contra adversarios.

(Vers. 8.) « Ita ut magis ganderem; unde etsi contristavi vos in epistola, non me pœnitet. » Manifestum est non debere pœniteri ex hac re, quam secutus talis effectus est; quoniam severius in prima epistola corripuit errores eorum. Non, inquit, me pœnitet asperius scripsisse; quia hoc causa poposcit.

(Vers. 9.) « Et si pœniteret, video quod epistola **D** illa, etsi ad horam contristavit vos, nunc gaudeo. » Hoc dicit, « quia si me pœniteret, » inquit, propter charitatem; « quia vos contristavi, » consolatio succederet gaudii (56); quia profuit quod vos contri-

ligi, ut foris pugnae, id est, in publico a perfidis contra fidos esset dissensio: cum strepitus ejus rei nuntius, etc.

(54) Nonnulli mss., *conversiones eorum prompta voluntate; aliqui, promptam voluntatem.*

(55) Idem mss., *Quantum affectum se habere circa eos ostendit Apostolus!*

(56) Rom. edit., *Etsi pœnituisset, videns quod... Hoc dicit: Etsi pœnituisset, propter charitatem, quia vos contristavi, nunc gaudeo: quia consolatio succedit gaudii.*

stavi. « Non quia contristati estis, sed quia contristati estis ad penitentiam; contristati enim estis secundum Deum. » Idecirco 189 gavisum se dicit; quia cum pudore contristati sunt, non cum ira. Qui enim reprehensus pudorem patitur, corrigere se promittit: qui vero irascitur, pejorem se futurum ostendit. « Ut in nullo detrimentum patiamini ex nobis. » Ut omnia, inquit, nostra effectum habeant in vobis, etiam quod contristavimus vos, pro vobis est.

(Vers. 10.) « Quæ enim secundum Deum est tristitia, penitentiam ad salutem stabilem operatur. » Manifestum est quod qui tristis est, quia peccavit, secundum Deum tristis est; dolet enim quia fecit quod odit Deus. Hoc ad stabilitatem salutis pertinet. « Tristitia autem hujus mundi mortem operatur. » Hoc dicit, quia sicut secundum Deum tristitia vitam operatur; penitet enim, et sperat Dei misericordiam: ita secundum mundum tristitia mortem operatur. Detectus enim peccator tristis est quasi puniendus, non habens a quo speret misericordiam; et si forte ad præsens defuerit, qui vindicet, Dei tamen iudicium evadere non poterit.

(Vers. 11.) « Ecce enim hoc ipsum secundum Deum contristari quantam in vobis perficit sollicitudinem. » Verum est quia qui penitet, sollicitus est, ne denuo peccet. « Sed excusationem. » Recte, quia penitentia non habet excusationem, sed confessionem. « Sed timorem. » Ostendit timorem (57) in peccatore, qui delicti causa veniam postulat. « Sed desiderium. » Desiderat reformari se, qui se scit factum per peccatum deformem. « Sed æmulationem. » Zelum incipit pati bonorum operum perficiendorum, qui intelligit pro se esse, quod corripitur. « Sed vindictam. » Necesse est ut quis vindicet eum, cujus erga se sentit affectum: et in seipsum vindicat, qui se causa delicti affligit. « In omnibus castos vos exhibuistis esse in eo negotio. » Quando omnia quæ ad profectum melioris spei pertinent, meditati videntur, zelum habentes Apostoli et præceptoris sui in omnibus officiis humanæ conversationis, duce fide, probos se videri contendunt (58).

(Vers. 12.) « Igitur et si scripsi vobis, non propter eum qui inique versatus est. » Inique versatum dicit illum, qui incestum admiserat: nec non etiam hos tangit, quos injuria et fraudes fratribus in prima epistola fecisse significat (I Cor. vi, 7). « Sed neque propter eum, qui inique tractatus est. » Ili inique tractati sunt; quia fratribus contraria passi sunt. Hic sensus est, quem in capite epistolæ memorat, ubi dicit: « Si cui aliquid donastis, et

A ego (supra, cap. ii, vers. 10) » Ostendit enim non magis horum causa, qui peccaverunt, scripsisse se remitti illis debere, sed magis propter Ecclesiam; quia in uno male agente multi sunt, qui confundantur: et in uno contumeliam aut fraudem patiente, multi sunt qui indignentur; quia si patitur aliquid unum membrum, compatiuntur omnia membra. « Sed ut manifestaretur sollicitudo nostra, quam pro vobis habemus coram Deo. » Emendando injustos, et pollutos sanctificando, et Ecclesiæ reconciliando, totius populi sollicitudinem se habere demonstrat, secundum quod supra memoravi.

(Vers. 13.) « Ideo et consolationem accepimus. » Accepisse se, ac per hoc et dare dicit consolationem. Accepit autem, cum didicit corrigere se velle (59), quos arguebat, ut per penitentiam se reformarent: B dat autem, dum eos revocat ad Ecclesiam; ne diu contristati desperarent de se, et ad publicam et funestam vitam declinarent. « In consolatione autem nostra, magis magisque gavisus sumus super gaudio Titi (60); quia requievit spiritus ejus in omnibus vobis. » Correptos per primam epistolam audiens se velle corrigere, consolationem accepit. A Tito autem addiscens quia dolorem paterentur erroris sui, auctus est in consolatione, gaudio repletus; quia voluntas eorum in opere cœperat approbari, Tito hoc idoneo teste cum lætitia animi referente.

(Vers. 14.) « Quoniam in quibuscunque de vobis gloriatus sum, non sum confusus. » Antequam pergeret Titus ad Corinthios, audivit ab eis, id est, ab Apostolo, et qui erant cum eo, bonam voluntatem esse Corinthiorum in emendandis vitiis; ac per hoc C regresso, et eadem referente, non utique confusus est Apostolus, sed alacer factus est; quia non aliter invenerat Titus, quam audierat ab eis.

« Sed quemadmodum omnia vobis in veritate locuti sumus, ita et gloriatio nostra apud Titum veritas facta est. » Exsultans in spiritu hæc scribit Apostolus, sic gaudens in his; ut efficaciam eorum tam veram probet, quam est et prædicatio ejus 190 ad eos, in correptione duntaxat. Veritas enim arguentis in eo ipso tunc videtur esse manifesta, si ii qui arguuntur, incipient emendare (61) se; dum enim correpti immutantur, testimonium perhibent arguenti.

(Vers. 15.) « Et viscera illius abundantius in vobis sunt. » Animum et affectum Titi dicit esse in eis, quia vidit profectum illorum; sancti enim animus in omni bono est. « Reminiscens omnium vestri obedientiam, quomodo cum timore et tremore excepistis illum: » Scientes Corinthii ab Apostolo esse missum Titum ad se, qui in tantis vitiis

(57) Mss. Corb., *Sed indignationem. Non indignatur qui correptus confitetur. Sed timorem*, etc.

(58) Idem cod. Corb., *ducem fidei, prout possent, videre contendunt.*

(59) Omnes edit. et mss. nonnulli, *cum dicit corrigere velle*; Rom., *se velle, quos arguebat*, cod. Corb., *dicit cum eos se correxisse quos arguerat*:

reliqui melius, *cum dicit*, etc.

(60) Rom. edit., *gaudio repleti sumus super consolatione Titi.*

(61) Cod. Corb., *ad eos qui in correptione duntaxat proficiebant..... si quæ arguuntur, incipiunt emendari.*

ab ipso jam fuerant correpti, territi sunt in adventu ejus. Et quia vitam suam coeperant emendare, solliciti erant obandire praeceptis ejus, ut regressus, animum Apostoli mitigaret eis: quamobrem Titum laudasse significat, nam in Tito Apostolum reveriti sunt.

(Vers. 16.) « Gaudeo quod in omnibus confido in vobis. » Non solum in bona voluntate eorum letatus est, sed et in operibus bonis, quibus quæ peccaverant, emendabant. Ideo, « in omnibus, inquit, confido in vobis. »

CAPUT VIII.

(Vers. 1, 2.) « Notam autem vobis facimus, fratres, gratiam Dei, quæ data est in Ecclesiis Macedoniae, quod in multa probatione pressuræ abundat gaudium ipsorum. » Quoniam Macedones devoto animo pereceperunt verbum fidei, ideo eis gratiam datam a Deo dicit, ut in tribulatione Pauli et Silæ, quam supra (cap. vii, vers. 5) memoravi, scandalum non paterentur: sed in exultatione mentis acciperent confidentes de spe promissa, ut probatos eos horum passionibus demonstrarent. « Et quod profunda paupertas illorum abundavit in divitiis simplicitatis eorum. » Votum eorum prædicat, quia cum tenui (62) essent substantia facultatum, animus ipsorum dives inventus est in ministerio sanctorum; pura enim conscientia operati sunt, non ut hominibus, sed ut Deo placerent.

(Vers. 3.) « Quia testimonio illis sum, quod pro viribus, et supra vires voluntarii fuerunt. » Quantum dignum fuit, et Deo placitum, qui vires illorum seivit, in facultatibus dederant, ad ministerium. Et quia ex toto corde Deo se dederant, amplius volebant offerre, quam eorum vires admittebant.

(Vers. 4.) « Cum multis precibus orantes suscipi in gratiam et communionem ministerii, quod fit in sanctos. » Tam simpliciter et devoto animo obtulisse illos ministerium, quod ultra vires eorum erat, prædicat: ut cum lacrymis deprecantes offerrent, ut vel sic cogerent accipi a se, quod accipiendum non videbatur: quia plus erat, quam poterat eorum substantia; ne forte eis postea egestas boni operis pœnitentiam suaderet. Sed quia tales se ostenderunt, ut puro animo jam præsentia postponentes, futuris se promissionibus confidentia fidei confirmarent, accipi ab eis visum est; ne boni cordis gratia fructum mitteret.

(Vers. 5.) « Et non ut speravimus; quin imo semetipsos primum dederunt Deo, deinde nobis per voluntatem Dei. » Ideo, inquit, ab his accipi debuit; quia prius emendantes (63) errores pristinos et vite vitia ac morum, ultra quam sperabatur, Deo se devoverunt. Visum est enim simpliciter

A illos hoc agere, ut nec timeret, cui offerebatur, accipere; quia non utique hoc animo offerebant, ut redimentes præpositos suos, vitia eorum paterentur, nec arguerent; quia munera excæcavit oculos, et vim auctoritatis inclinant. Dantes ergo se Deo, dum emendant vitia: deinde fratribus, dum offerunt sumptus, contristari debuerunt, qui ante prope quam inciperent, perfecti esse voluerunt. Horum igitur exemplo invitavit Corinthios ut ea quæ coeperant, hac exhortatione aucti, mente sedula consummarent.

(Vers. 6.) « Ita ut rogaremus Titum, quod quemadmodum cœpit, ita consummet in vos etiam gratiam istam. » Quoniam Titi affectum sciebat sincerum circa istos, nec non hos obedientes ei, ideo per ipsum etiam ad hoc opus exhortari illos facilius posse significat, ut quomodo in cæteris rebus exhortationis suæ habuit fructum in eis, haberet etiam in hac gratia, ut ad ministerium sanctorum promptos eos faceret: ut quia jam vitia emendabant, hujus largitatis fructum haberent. Qui enim ad hoc dant, ne arguantur, nullum fructum hujus rei habebunt.

191 (Vers. 7.) « Vos autem quemadmodum in omnibus abundatis fide, et sermone, et scientia, et omni sollicitudine, et insuper illa quæ ex nobis et vobis est (64) charitate facite ut in hac quoque gratia abundetis magis. » Exhortatur illos, ut gloriantur de his apud cæteras Ecclesias. Hæc est enim probatio emendationis eorum, si prompti sint ad ministerium sanctorum.

(Vers. 8.) « Non secundum imperium dico, sed propter aliorum sollicitudinem, et vestræ charitatis bonum animum comprobans. » Manifestum est quia non imperat, sed exhortatur; ut penuriam patientibus mittant sumptus, et relevent sollicitudinem illorum bonum animum suum Deo et hominibus ostendentes, pro quare sine dubio mercedem accipient.

(Vers. 9.) « Nostis enim gratiam Domini nostri Jesu Christi; quia propter nos pauper factus est, cum dives esset, ut illius inopia vos divites essetis. » Pauperem Christum dicit factum; quia Deus nasci dignatus est homo. virtutem potestatis suæ humilians, ut hominibus divinitatis divitias acquireret; ut sicut dicit Petrus apostolus (II Petr. 1, 4), divinae essent consortes naturæ. Homo ergo factus est, ut hominem in Deum assumeret, sicut scriptum est: « Ergo dixi: dii estis (Psal. LXXXI, 6). » Hoc modo exhortatur, ut largiendo quasi pauperes fiant, prosit paupertas eorum, sicut Christi paupertas profuit nobis; et Christus quidem nostri, non sui causa, pauper factus est nos autem, ut nobis proficiat.

(Vers. 10, 11.) « Et consilium in hoc do; hoc enim vobis utile est, qui non tantum facere, sed et

(62) Mss. nonnulli, detinissent substantiam. Lege de tenuis est substantia, etc.

(63) Corb., ab his actibus ab fuit, qui prius emendantes, etc.

(64) Rom. edit., et illa quæ ex vobis in nos est. Quidam mss., quæ ex vobis in nobis, ut in hac, etc.

velle cœpistis ab anno priore : nunc ergo etiam A
facere consummate ; ut quemadmodum prompta est
voluntas in vobis velle, ita sit et perficiendi ex eo
quod habetis. » Hoc dicit, ut voluntas illorum in
opere appareat, si vera est, secundum vires ; ut
tantum det, quantum potest et vult animus, ut
munda fiat conscientia : non in simulatione, ut ho-
minibus placeat, et mercedem apud Deum non ha-
beat.

(Vers. 12.) « Si enim voluntas prompta est, se-
cundum facultatem acceptabilis est, non secundum
quod non habet. » Quoniam Corinthii ad hoc opus
ministerii provocantur, hoc eis indicitur, ut non
plus tribuant, quam possunt ; ne plus forte offe-
rentes coacti, non voluntarii, gravati viderentur
sine mercede futuri, quia qui coactus aliquid facit, B
mercedem non habet. Ecclesiæ enim Macedoniæ
ultro obtulerunt cum precibus, ut probarent tota
se voluntate hoc facere, ut plus offerrent, quam
poterant, ideoque acceptabile fuit. Quanto enim am-
plius obtulerunt, tanto plus accepturi sunt. Nam si
tantum quis det, quantum vult, aut potest, acce-
ptum est ; iudicio enim videtur hoc facere : ac per
hoc tantum det, quantum potest et vult animus, ut
rei hujus possit habere mercedem (65).

(Vers. 13, 14.) « Non enim ut aliis refrigerium
sit (66), vobis autem angustia. » Verum est, quia
sic dandum est, ut non egestatem præstet dantibus.
« Sed ex æqualitate in hoc tempore. » Dicit hoc,
ut quantum habet, ad tempus dividat cum sanctis,
non enim plus exigitur, quam sibi debet retinere. C
Quia, « Diliges, inquit, proximum tuum sicut te
ipsum (Levit. xix, 18). » Unde Zacchæus : « Ecce
dimidium, inquit, bonorum meorum do pauperibus
(Luc. xix, 8). »

« Ut vestra abundantia ad illorum inopiam, et
illorum abundantia fiat ad vestram inopiam. » Hoc
est quod dicit, ut quia juxta tempus sancti inopiam
patiuntur, deserentes omnia mundi, et se in divinis
solis operibus constituentes, ut doctrinæ atque ora-
tioni insisterent ad profectum multorum, ii qui cre-
diderint, quique artibus aut negotiis insistunt, aut
certe facultates paternas habent, ministrent sancto-
rum inopiis : et iterum sancti illic ubi divites sunt,
et isti inopes, communicent eis, quasi vicem repen-
dentes ministerio illorum, sicut dicit Dominus :
« Quamdiu fecistis uni ex minimis istis, mihi fe-
cistis (Matth. xxv, 40). »

« Ut fiat æqualitas, sicut scriptum est. » Hæc est
æqualitas, ut quia isti in hoc tempore ministrant
sanctis, reddantur illis vices in futuro ; debitores
enim sibi faciunt sanctos.

(Vers. 15.) « Qui multum habuit, non abundavit ;

(65) Cod. Corb., *accepturi sunt. Si enim voluntas prompta est, secundum id quod habet, accepta est, non secundum quod non habet. Ipse sensus est, quia si tantum det quantum vult et potest, acceptum est. Iudicio enim videtur hoc facere, ac per hoc rei hujus habere mercedem.*

et qui modicum, non minoravit. » Hoc in Exodo
legitur (*cap. vi, vers. 18*). Plus enim sancti habent
in spe futuri sæculi et magis quam ii qui in hoc
tempore videntur divites ; et tamen æquabuntur
illic utrique, ut sicut beneficio horum sanctorum
inopia sustentatur, ita et beneficio sanctorum divites
fiant hi in futuro sæculo, in quo videntur pauperes.
Non enim totos se dederunt Deo, 192 ut hic pau-
peres, illic essent divites ; sed ex hac parte quia
hic divites sunt illic pauperes, sanctorum suffragio,
qui hic positi, jam illic mente sunt, ditabuntur.
Non enim qualecunque meritum est de justis labo-
ribus ministrare sanctis.

(Vers. 16, 17.) « Gratias autem Deo, qui dedit
hanc ipsam sollicitudinem pro vobis in corde Titi,
quoniam consolationem quidem accepit (67). » Deus
qui justus est, sciens Corinthios velle proficere, Titi
affectum incendit circa eos, ut adimpleret exhorta-
tione sua voluntatem illorum in opere bono : qui
videns profectum illorum consolatus est, lætatusque
in eis. « Cum sit autem sollicitior, voluntarius pro-
fectus est ad vos. » Hoc est, videns proficere illos
circa bonos actus, sollicitior factus est circa affectum
illorum ; ita ut voluntarius proficisceretur ad eos,
qui prius etiam rogatus se excusarat ab eis propter
vitia illorum.

(Vers. 18, 19.) « Misimus autem cum illo fra-
trem nostrum, cujus laus est in Evangelio per om-
nes Ecclesias : non solum autem, sed etiam ordi-
natus est ab Ecclesiis comes peregrinationis nostræ
in hanc gratiam, quæ ministratur a nobis per
Domini gloriam (68), et sollicitudinem nostram. »
Istum commendant, quia ignorabatur ab his, ut
scirent in quanta jam essent boni opinione, ad
quos tales viri mittebantur : ut congauderent cum
eis, augentes eos in fide operationis Dei, ad cujus
gloriam sollicite hoc agebant vicarii Christi,
ut conditor Deus cœli et terræ agnosceretur in
his.

(Vers. 20.) « Devitantes hoc, ne quis nos vitu-
peret in hac plenitudine, quæ ministratur a nobis. »
Quoniam de ministerio agebatur, ideo hoc subiecit ;
ne negligens circa curam pauperum vel sanctorum
judicaretur, si hoc segnius ageret. De hac enim re
constituerant inter se apostoli, ut memores essent
pauperum, quod ad Galatas significat (*Galat. ii, 10*).
Cum ergo invituperabilis esset in omnibus Apo-
stolus ; ne in hac causa indiligens judicaretur ; idcirco
hoc se præmonere significat, ut hoc opere impleto,
in omnibus sollicitudo ejus et providentia appa-
reret.

(Vers. 21.) « Providemus enim bona non solum
coram Deo, verum etiam coram hominibus. »

(66) Rom. edit., *relaxatio sit. Tertio autem versu vel. edit. cum mss. nonnullis, Sed ex æquitate.*

(67) Rom. edit., *exhortationem quidem accepit.*

(68) Eadem edit., *Domini gloriam, et promptitudinem vestram.*

Providet bona eorum Deo, dum quod jubet Deus circa ministerium sanctorum vel pauperum, fieri docet : coram hominibus vero providet bona; quia tales mittit ad hoc opus exhortandum, qui probitate sua non faciant eis scandalum : sed provocent eos, ne bona doctrinae Apostoli per improvidos ministros ejus in vituperationem caderet.

(Vers. 22, 23.) « Misimus autem cum illis et fratrem nostrum, quem probavimus in multis saepe sollicitum esse, mune vero multo sollicitiorem, multa fiducia vestri, sive per Titum qui est socius meus, et adjutor in vobis, sive per fratres nostros apostolos Ecclesiarum gloriae Christi. » Titum ideo socium suum vocat, quia et ipse episcopus erat, cui ministrum dedit notum in omnibus Ecclesiis ipsius provinciae : quibus addit et Tertium fratrem, probatum in multis operibus bonis atque sollicitum. Per Titi autem relationem (69) referentis bonam voluntatem Corinthiorum et caeterorum missorum, quos apostolos Ecclesiarum gloriae Christi appellat, sollicitiorem se factum ostendit videndi illos, et exhortandi ad ministerium sanctorum. Fiduciam enim accepit, audiens meliores esse factos Corinthios. Unde satagebat ad eos, certus quia obaudirent bona opera facere.

(Vers. 24.) « Ostentationem ergo charitatis vestrae, et nostrae pro vobis exultationis demonstrate, in ipsis in facie Ecclesiarum. » Commonet eos, ut in his quos mittit, dilectionem suam ostendant; ut bona quae de ipsis audierant, vera probarent. Sic enim ostendebant profecisse se monitis Apostoli, si missos ab eo cum honore exciperent; ut caeterae Ecclesiae agnoscerent vera esse bona quae de eis dici coeperant. Provocat ergo animos eorum, quia de quo bene sentitur, solet se meliorem praebere (70).

CAPUT IX.

(Vers. 1, 2.) « Nam de ministerio quod fit in sanctos, supervacuum est mihi scribere vobis; scio enim promptam voluntatem vestram, pro qua de vobis glorior apud Macedones. » Et haec oblectantis verba sunt. Superfluum enim esse dicit scribere se de ministerio quod fit in sanctos, ut de his bene sentire 193 videatur : superfluum est enim si commoneas eum quem scias facturum. Sed ut diligentiam suam ostendat, necessarium est ut scribat, et ut hos promptiores faciat, et quid de eis caeteris praediceat, manifestet. Superflua enim solent majorem parere sollicitudinem; nam et Dominus non dubitans de amore erga se Petri apostoli, tertio dicit ei : « Simon Joannis, amas me (Joan. xxi, 17)? » Quae trina repetitio quasi superflua videtur, sed prodest ad perfectionem monitionis; ut sciat magna se cum diligentia debere curare, quod frequenter mandatur. « Quoniam Achaia parata est ab

A anno priore. » Post Macedones Achaia, id est, Ecclesiae provinciae Achaiae (non omnes, quia et Corinthii Achaici sunt) praeparaverant se aemulatione ducti Macedonum, ut ministrarent sanctis. Quo dicto plus exhortatur Corinthios, cum dicit illos paratos ab anno priore, sed exspectare jam hoc, ut divideretur ministerium illorum pro uniuscujusque necessitate. « Et vestra aemulatio provocavit plures. » Post Macedones Achaiam paratam dicit, deinde ut et Corinthii fiant parati secundum promissum suum, caeterae vero Ecclesiae aemulatione Corinthiorum, dum audierunt illos prius multis erroribus fuisse implicatos, post autem corrigentes se, bonae voluntatis effectos (71), incitati sunt ad bonum opus; quia si ii qui post acceptam fidem male versati sunt, hanc coeperant habere voluntatem; quanto magis isti, in quibus haec vitia non sunt reperta?

(Vers. 3.) « Misi autem fratres; ne gloria nostra, qua vos praerimus, inanis fiat in hac parte; ut quemadmodum dixi, parati sitis. » Hos fratres memorat, quos supra, id est Titum, et quos ei adjunxit adjutores, qui impensius exhortarentur eos ad promissionem implendam in ministerio sanctorum; ut non solum litteris, sed et facie ad faciem oblectarent eos crebris admonitionibus; ne exultatio apostoli, qua in splendore animi eorum gloria batur, evacuaretur. Saepius ergo hoc memorans, sollicitudinem suam circa eos ostendit, nolens illos confundi.

C (Vers. 4.) « Ne cum venerint mecum Macedones, et invenerint vos imparatos, erubescamus nos, ut non dicam omnes vos, in hac parte. » Manifestum est quia si non hoc inventum fuerit, quod testificatus est de his, et ipse erubescat de ipsis, et ipsi amplius confundantur; qui nec propterea quod testis eis exstitit Apostolus, id agere nisi sunt, quo verum illud facerent vel propter tanti viri personam.

(Vers. 5.) « Necessarium ergo existimavi rogare fratres, ut praecederent ad vos, et praepararent promissam benedictionem hanc vestram paratam esse : sed sic quasi (72) benedictionem, non quasi circumventionem. » Ut sollicitudinem suam adhuc manifestet, rogasse se dixit fratres, per quos admoniti adimplerent, quod promiserant et non implebant. Cum supra Titum dicat voluntarium profectum, hoc est, non illi fuisse extortum, sed mox ut audivit, libenter amplexus est; ut videatur voluntarius ad illos profectus propter spem illorum : nunc non ideo se rogasse hos significat, quasi nolentes ire; sed suum affectum probat circa illos, quando volentes ire insuper rogat; ut sine aliqua mora fiat, quod et illi volunt, et hic precatur. Hoc ergo agit cum his, ut in promissione sua fideles

(69) Nonnulli mss., *Per Titi autem revelationem.*

(70) Corb. cod., *sese meliorem debet praebere.*

(71) Quidam mss., *bonae voluntatis affectibus.*

(72) Rom. edit., *benedictionem hanc vestram : sed sic eam paratam esse, quasi, etc.*

sint, et se ideo commovere propter existimationem A illorum, non circumvenire; sed ut tantum offerant, quantum non poeniteat.

(Vers. 6, 7.) « Hoc autem dico : quia qui parce seminat, parce et metet. » Parcum avarum significat, cui extorquetur, ut inferat; poenitet enim quia promisit. Hoc de tarditate illorum colligit, qui olim promiserant, et diu deliberabant. Huic parco parva messis est; quia cum dubitatione seminat; nescit enim prodesse quod facit. « Qui autem in benedictione seminat, de benedictione et metet. » Illic in benedictione seminat, qui bona voluntate sub spe futuræ retributionis hoc agit. « Unusquisque secundum propositum cordis, non ex tristitia aut necessitate; hilarem enim datorem diligit Deus. » Docet illos tunc prodesse hoc in futurum, si læto animo fiat. Ex his enim qui inferunt, hunc elegit Deus, cui retribuatur, qui devoto corde operatur, quasi thesaurizans apud Deum, quia qui invitus facit propter præsentem pudorem, ne aliis inferentibus turpis inveniatur, mercedem non habet.

(Vers. 8.) « Potens est Deus omnem gratiam abundare facere in vobis. » 194 Dei potentiam adesse illis exoptat, ut sicut in emendandis vitiis et doctrinæ veritate compungit corda illorum; ita et in hoc faveat cœptis illorum, ut abundant in omni opere bono per gratiam Dei. « Ut in omnibus semper omnem sufficientiam habentes, abundetis in omni opere bono. » Hoc dicit et optat, ut in omni re semper sufficientes sibi sint Dei nutu, nec indigeant iis quæ ad salutem necessaria sunt. Si ergo sufficientiam solam sibi eligant, poterunt in Dei opere abundare; illud enim sibi retinendo quod sufficit, cætera in usus sanctorum vel pauperum impendant necesse est: et hoc erit abundare in omni opere bono. Licet enim exigui hominis parvum sit, quod tribuit, abundat tamen, quia recto iudicio fit, et non solum quæritur quantum, sed et de quanto, et quo animo detur. Denique illa vidua in Evangelio (*Luc. XXI, 3*) de parvo laudata est, et qui multa mittebant, laudati non sunt. Illius enim parvum multum est; quia plus misit quam poterat; divites autem minus miserunt, cum plus possent; ac per hoc modicum illius, quæ ultra vires suas misit, plus inventum est quam divitum multum; quia de eo quod abundabat eis, miserunt. Qui ergo tantum dat quantum potest, recte facit: viduam tamen illam ante se habet; quia hæc omne quod habuit, misit.

(Vers. 9.) « Sicut scriptum est: Dispersit, dedit pauperibus, justitia ejus manet in æternum. » Hoc in psalmo scriptum est centesimo decimo primo, et per exemplum addit ad curam pauperum; ut in omni opere bono abundant. Si enim hujus qui pau-

peribus largitur, justitia manet in æternum: quanto magis ejus qui ministrat sanctis? Pauperes enim possunt dici, qui publice (73) egeni sunt: sancti enim discernuntur ab his; quia hi servi Dei sunt, insistentes orationibus et jejuniis, puram vitam agentes, sicut et Anna prophetissa (*Luc. II, 37*), quæ non discederat de templo, jejuniis et orationibus serviens die ac nocte, omnem mundi curam postponens. Misericordia ergo hæc, justitia appellata est; quia sciens qui largitur, omnia Deum communiter omnibus dare, quia sol ejus omnibus oritur, et pluit omnibus, et terram omnibus dedit: idcirco dividit cum iis qui copiam terræ non habent; ne beneficiis Dei privati videantur. Justus ergo est, qui sibi soli non detinet, quod scit omnibus datum: et B justus non solum hoc in tempore, sed et in æternum (74); quia in sæculo futuro hanc habebit secum in perpetuum.

(Vers. 10, 11.) « Qui autem subministrat semen seminanti: et panem ad edendum ministrabit; et multiplicabit semen vestrum, et amplificabit fructum justitiæ vestræ; ut in omnibus locupletemini in omni simplicitate. » Omnia Dei sunt et semina, et nascentia Dei nutu crescant, et multiplicentur ad usus hominum: Deus ergo qui hæc dat, ipse et jubet de his communicari eis qui indigent; ac per hoc non poterit, qui tribuit juxta Dei voluntatem, Dei nutu non augeri incrementis hujusmodi ad amplificandum fructum justitiæ; danti enim addit, ut eo amplius (75) habeat, unde largiri possit. Hæc est justitia, ut C quia Deus dat, retribuatur ex eo et homo ei, cui deest. Hos enim vult ministros esse eorum, qui potiora eligentes, copias præsentis temporis spernunt, totos se Dei rebus obligantes. Unicuique enim secundum bonam voluntatem Deum præstat auxilium; sancti enim qui nihil volunt hic possidere, nisi victum habere et vestitum, hos qui hæc habere volunt, tutores illorum Deus esse disposuit; ut qui bene et simpliciter eis ministraverit, amplificetur Dei nutu; ut habeat unde largiatur semper, et ad præsens locupletatus, et in futurum. Semel enim seminans, bis metet; ac ut si futuris consulit (76) spebus, nolit eos subjectos habere, sed magis se eis inclinet; quia a Deo hujus rei accipiet mercedem. Si enim ad præsens humiliari eos sibi voluerit, spem futuri amittit: hic enim accipit mercedem operis sui, hoc D non simpliciter agens, sicut dicit Dominus: « Amen dico vobis, perceperunt mercedem suam (*Matth. VI, 16*). »

(Vers. 12, 13.) « Quæ operatur per nos gratiarum actionem Deo (77). Quoniam mysterium officii hujus non solum supplet ea quæ desunt sanctis, sed et abundabit per multorum gratiarum actiones in

(73) Omnes edit. et quidam mss., qui publicani egeni sunt; rectius alii mss., qui publice, etc.

(74) Mss. nonnulli: Iste ergo est qui.... et istius justitia non solum in tempore manet.

(75) Cod. Vall., additur, ut egenus amplius, etc.

(76) Non pauci mss., si futuris speciebus; Laud.,

rebus consulit.

(77) Vet. edit. et mss. nonnulli, si quis operatur, Rom. edit. cum cæteris mss., quæ operatur. At in sequenti versu ms. Carn. solus, ministerium sacrifici.

Deo, per probationem ministerii hujus, magnificantes Deum in subjectione confectionis vestrae in Evangelio Christi, et in simplicitate communicationis in illos, et ipsorum orationes (78) pro vobis desiderantium vos videre, propter superabundantem gratiam 195 Dei in vobis. Gratia autem Deo super inenarrabili dono ejus. » Hoc dicit quia quicumque operatur per dispensatores doni Dei hoc opus unde gratiae agantur Deo, ab iis qui necessarios sumptus accipiunt sub nomine Christi, non mendicitati subiecti, sed Deo, de cujus bonis ali se norunt: non tantum ab eis gratiae illis referuntur, sed a reliquis fratribus, qui pro his gratias agant Deo, commendantes factum ipsorum Domino; ut paucis tribuentes, multorum obsecrationibus Deo commendentur. Probatentes enim mentem eorum in hoc opere, magnificent in eis Dominum, cujus spe firmati, obediunt Evangelio Christi in subjectione mentis: ne velint eos sibi humiliari, ut praebent quae necessaria sunt sanctis. Et hoc erit in simplicitate gratias agere communicationis illorum, commendantes se orationibus illorum et desideriis eorum. Quis enim non cupiat oculis videre necessitatibus suis propter Dei nomen subiectos? Denique Dei dona vocantur; Deo enim dat, qui his ministrat; quia qui jubet fieri, ipsi imputatur quod datur. Gratias autem Deo in his agentes, et super ineffabili dono ejus. Donum enim (79) Dei est, quod incitat homines ad bonum opus; spes enim promissa lacessit ad ministerium supra dictum. .

CAPUT X.

(Vers. 1.) « Ipse autem ego Paulus obsecro vos per mansuetudinem et modestiam Christi, qui ad faciem quidem humilis sum in vobis: absens vero confido in vobis. » Hoc est, quod nunc dicit, quia talis est absens, qualis et praesens. Nec enim humilis erat ad faciem adulatione aut subjectione alienius rei, qui constantiam suam sic zelabatur, ut aliquando etiam a licitis temperaret, ne inclinaretur. Unde dicit in alia epistola: « Omnia mihi licent, sed ego sub nullius redigar potestate. Esca ventri, et venter escis: Deus autem hunc et has destruet (I Cor. vi, 12, 13). » Ideo ergo absens obsecratur, et modestiam Christi interponit; ne praesens durior inveniatur causa virorum eorum, quam est in epistola; ut componentes se, qui adhuc non emendaverant, mollirent sibi rigorem Apostoli: ut moderatos eos inveniens, pressa severitate laetaretur in eis. Confidentiam itaque fiduciam severitatis significavit, quam forte in epistola tantum habere putabatur, non tamen praesens facie; quia in prima epistola severus, et nimis rigidus videtur; et ideo commonet ne eadem severitate praesens utatur, sicut non sperabant.

(78) Rom. edit., *communione vestrae in ipsos, et in omnes, et in ipsorum oratione, etc.*

(79) Rom. edit., *Gratia autem Deo super ineffabili dono. Donum enim, etc.*

(80) Nonnulli mss., *hanc esse confidentiam dixit etc., etc.*

A (Vers. 2.) « Rogo autem ut non praesens audeam per eam fiduciam, qua existimor aude in quosdam, qui arbitrantur nos secundum carnem ambulare. » Idem sensus est, quem ut dilucidet, repetit; orat enim ut tales illos inveniatur, ne cogatur irasci, sed ut requiescat cum eis. Ille ergo aperuit, quod supra significavit et adhuc in subjectis plenius manifestat, hanc esse confidentiam, quam hic fiduciam dixit, datae (80) sibi potestatis a Christo, cujus vicarius est; ut vindicet in eos qui, sub nomine Christi agentes, non obaudiunt, ut corrigant in quibus reprehenduntur. Hos dicit qui non recipiendo spiritualia, quae ab Apostolo dicebantur, sic eum existimabant, quasi carnalia loqueretur, quae recipienda non essent. Ideo dicit: « Quia arbitrantur nos secundum carnem ambulare; » quia qui spernit spiritualia, putat illa carnalia (81).

B (Vers. 3.) « Nam in carne ambulantes, non secundum carnem militamus. » Hoc est, in corpore positi spiritualiter vivimus: spiritualiter enim vivit, qui facit quod placet Deo. Ille ergo secundum carnem militat, qui desideriis carnis obtemperat; omnis enim error, caro dicitur. Christo autem ipse militat, qui obaudit ei in fide et disciplina.

(Vers. 4.) « Arma enim militiae nostrae non carnalia sunt, sed fortia Deo. » Ideo fortia, quia incorrupta; omnia enim carnalia corrupta sunt. Arma ergo ideo, quia repugnant vitiis, signum habentia imperatoris sui Christi, qui hostis est vitiorum; sicut enim imperator per milites suos vindicat suum regnum: ita et Salvator per nos servos suos defendit unius Dei professionem et disciplinam.

C (Vers. 5.) « Ad destructionem munitionum, cogitationes destruentes, et omnem altitudinem extolentem se adversus cognitionem Dei. » Arma spiritualia fides est incorruptae praedicationis. Per haec Deus vincit principes et potestates, quos constat ut sibi usurpent imperium, extolli contra fidem Christi, cogitationibus se hominum inserentes, ut avocent eos a Dei 196 dominio, quas cogitationes destruit veritas fidei. Munitiones ergo principes dicit et potestates, et spiritualia nequitiae, qui se extollunt, et armanant infidelium animos ad contradicendum Christo: contra quos pugnat Dei lex, dissipans consilia eorum. « Et in captivitate redigentes omnem intellectum, et perducentes ad obedientiam Christi (82). Captivat intellectum, dum contradicentem ratione vincit: et ad fidem Christi, cui prius repugnauerat, humilem et mansuetum inducit.

(Vers. 6.) « Et parati in omnibus vindicare omnem inobedientiam, cum impleta fuerit obauditio vestra. » Manifestum est quia vindicat inobedientiam, cum illam condemnat per obedientiam (83), tunc illam destruens, quando eos qui resistunt, per-

(81) Ms. Corb., *putat illi carnalia placere.*

(82) Rom. edit., *intellectum ad obedientiam Christi. Captivat intellectum. At continuo posthabetur in cod. Val., dum contradicit, dum rationem vincit.*

(83) Vet. edit. ac mss. non pauci, *obauditio nostra. Quod vero sequitur, in cod. Corb. sic legitur:*

ducit ad fidem; ut perfidia ab iis a quibus defendebatur, damnetur.

(Vers. 7.) « Quæ secundum faciem sunt, videte. » Nunc vult eos quæ palam sunt, considerare, id est, ea quæ dicturus est; quia sunt aperta dijudicare. Dicit ergo: « Si quis confidit se esse servum Christi (84), hoc cogitet iterum apud se, quia sicut ipse Christi est, ita et nos. » Iis loquitur, quorum tangit superbiam, qui de se præsumentes inflatione animi, minus quam dignum erat, de Apostolo sentiebant, quasi non egerent præceptis ejus. Quos commonet; ut si de se confiderent, quia erant servi Christi, non utique deberent de Apostolo dubitare; sed et de eo, quamvis impar sit, vel similiter sentire; cum utique magis præferre sibi deberent magistrum gentium. Sed hic illos humilitatem in se docet, æquans se illis; cum esset vas electionis, et magister gentium in fide et veritate. Hoc vult ergo illos considerare, quod utique clara luce videtur; quia de Apostolo nemo credentium non plus æstimet, quam de se: quanto magis nemo minus quam de se debeat æstimare? Hoc ergo contestatur et docet; ne elatione mentis bonæ vitæ meritum perderent. Qui enim scit se aliquid esse, humiliet se, ut amplior fiat.

(Vers. 8.) « Nam etsi aliquid amplius gloriatus fuero de potestate nostra, quam dedit nobis Dominus in ædificationem, non in destructionem vestri, non erubescam. » Nunc significat, quia superius se humiliavit, ipsis se comparando; cum si se erigat (85), non erubescat; quia a Domino accepit potestatem prædicandi, ut salvet, non ut perdat obaudientes. Si ergo hic qui a Domino missus est, inclinatur, comparat se inferioribus; quanto magis ii, qui nullius erant testimonii, comparare se non deberent, non dicam præferre, majoribus?

(Vers. 9.) « Ut autem non existimemur quasi terrere vos per epistolas. » Ille potest videri terrere per epistolas, qui neque auctoritatis alicujus est, neque præsens fiduciam habet arguendi: absens autem ideo audet, quia præsens timet.

(Vers. 10, 11.) « Quia epistolæ quidem graves et fortes sunt, præsentia autem corporis infirma, et sermo contemptibilis. Hoc æstimet qui ejusmodi est, quia quales sumus verbo per epistolas absentes, tales sumus et præsentem in opere. » Ideo non se alium esse absentem, quam præsens est, probat; quia non erat præsumptor. A Domino enim potestatem acceperat; cui enim non est data potestas, absens potest audere, præsens autem pudorem patitur. Ideo Apostolus non erubescit, dum corripit; quia fiducia potestatis hoc agit. Hæc propter hos loquitur, qui non missi prædicabant adulantes; quia se ipsos commendare volebant.

Manifestum est, qui vindicat obedientiam, condemnat inobedientiam.

(84) Rom. edit., *confidit se esse Christi.*

(85) Eadem Rom. edit., *cur si se erigat; unus ms., si se corrigat.*

(86) Rom. edit., *audemus conferre, aut comparare.*

(Vers. 12.) « Non enim audemus conjungere aut comparare (86) nos ipsos quibusdam, qui se ipsos commendant. » Ili sunt qui se ipsos commendant, qui, non accepta potestate, dominari volunt, nonini suo vindicantes auctoritatem. Qui enim mittitur, non sibi, sed ei a quo mittitur, vindicat potestatem: per quod etiam ostendit se a Domino dispensatorem electum. Sic ergo non conjungit se, aut comparat iis qui non missi prædicant, dum nihil ultra concessum præsumit (87).

(Vers. 13.) « Sed ipsi in nobis nosmetipsos mensurantes, et comparantes nosmetipsos nobis, non immensum gloriabimur: sed secundum mensuram regulæ quam partitus est nobis Deus, mensuram pertingendi usque ad vos. » Tanta se uti dicit potestate, quanta concessa est ab Auctore, nec mensuram egredi. Idcirco non superba erit, inquit, gloriatio nostra; quando non transgredimur terminum datæ potestatis. Gloriam pro auctoritate posuit, qua utebatur in correptionibus 197 peccatorum; ut salvos eos faceret. Nec tamen gloriari se dicit in extollentia potestatis, sed ad ædificationem illorum. Ostendit enim potestatem, de qua si gloriari vellet, non illum puderet (88); quia data est illi a Domino. Sed hic sic illa utitur, ut non gloriatur, nisi in profectu credentium, corripiens constanter vitiosos; ut gloriatur in salute illorum, ut potestas data saluti proficiat, non elationi. Duplici ergo genere non se in immensum gloriari testatur; et quia secundum datam potestatem, sicut dixit, et quia non ultra quod prædicatio ejus personet, vindicabat sibi auctoritatem. De his enim confidebat, quos ipse fundaverat in fide Christi. Partitum enim dicit unicuique, ad quos in prædicatione dirigentur: ut singuli proprias aliquas civitates haberent, de quorum fide gloriarentur. Dei enim nutu Macedonibus prædicare advocatus est hic Apostolus: et ut Corinthiis evangelizaret, a Domino admonitus est. Iis ergo audenter loquitur, quos ipse fundavit, et ad quos Dei nutu pervenit: cæteris non tali fiducia; quia in aliena regula erant, hoc est, in parte alterius evangelistæ.

(Vers. 14.) « Non enim quasi non pertingentes usque ad vos, superextendimus nos: » hoc est, non quasi non pervenerimus usque ad vos, superextendimus nos in prædicatione; sed destinati, Deo mittente nos, ad vos pervenimus. Superextendi (89) autem, est ultra extendi quam conceditur, sed non ultra; quia mensuram dedit Deus, quam servarent evangelistæ ejus, quam hic se custodire testatur. Ideo enim hoc ostendit, ut sciant quoniam a Deo ad hos directus est; ac per hoc obaudire illos

(87) Mss. aliquot, *ultra consensum præsumit.*

(88) Nonnulli mss., *non solum puderet.*

(89) Vet. edit. cum mss. quibusdam, *non quasi non missi pervenimus ad vos in prædicatione, sed destinati a Deo mittente nos ad vos. Superextendi, etc.*

debere monita ejus; ne contemntes, Deo a quo A missus est, resistere viderentur.

(Vers. 15.) • Nam usque ad vos pervenimus in Evangelio Christi, non in immensum gloriantes in alienis laboribus. • Illic manifestius apparet, quod dicit, quia ipse illos fundaverat. Ideo tanta fiducia ad hos loquitur; nec enim labore alterius acquisiti fuerant ad fidem, sicut in alia epistola ait: • In Christo enim per Evangelium ego vos genui (I Cor. iv, 15). • Non ergo extra mensuram gloriatur, qui in labore suo gloriatur.

• Spem vero habentes crescentis fidei vestrae in vobis magnificari. • Quia fructum laboris sperat quæsite fidei eorum, ideo non negligenter hoc agere se profitetur, ne tædiis et molestiis cederet; quia magnificari se credidit apud Deum, si augeantur in fide auditores ejus, sicut dicit Dominus: • Pater, sicut misisti me in hunc mundum, et ego misi eos in hunc mundum, et pro eis sanctifico me ipsum (Joan. xvii, 18, 19). • Hoc dicit, quia testimonium magistri est in discipulis obaudientibus; unde ait:

(Vers. 16.) • In vobis magnificari secundum regulam nostram in abundantia, et ut etiam in regionibus, quæ ultra vos sunt, evangelizem. • Lætior de fide eorum, ultra eos prædicaturum se necessario profitetur ad augendam gloriam prædicationis; ubi adhuc non fuerat prædicatum. • Ut non in aliena regula præparatis gloriemur. • Manifestum est quia vir prudens non in his confidit, neque gloriam sperat, quæ in aliorum laboribus constant (90). Ideo et Apostolus non audet in hos, qui aliis prædicantibus crediderunt; ne in alienis laboribus gloriari videretur; sed hoc innititur, ut eis prædicet, quibus non erat annuntiatum, ut gloriam labore suo quærat (91).

(Vers. 17.) • Qui autem gloriatur, in Domino gloriatur. • Hoc dicto significavit ipsam confidentiam et gloriam Domino dandam, cujus gratia est; ut qui in potestate evangelica confidit, Deo auctore confidat; ut quæstus omnis negotii divini Domino in lucrum veniat. Sed qui non accipit potestatem a Deo, non potest in Domino gloriari; quia gloriam suam quærit.

(Vers. 18.) • Non enim qui se ipsum commendat, et probatus est: sed quem Dominus commendat. • Verum est, quia illum Dominus commendat, et ille probatus est, quem dignum habet, ac mittit, ut prædicet donum ejus; quem autem non mittit, non illum commendat. Ipse autem se commendat, qui non missus prædicat; ac per hoc idoneus non est, sed præsumptor et reprobus.

CAPUT XI.

(Vers. 1.) • Utinam sustineretis pusillum impru-

dentiam meam! sed et patimini me. • Incipiens vera de se ipso narrare, 193 insipientem se dicit, quia ad laudem ejus videtur pertinere. Propter quod dictum est: • Non te laudent labia tua, sed proximi tui (Prov. xxvii, 2). • Sed hic dolore compellitur propter hos qui cum de eo bene præ cæteris sentire deberent, indigne sentiebant.

(Vers. 2.) • Zelans enim vos Dei zelo; paravi enim vos uni viro virginem castam assignare Christo. • Quæ locutus est, amore eorum dicturum se ostendit; ut non magis ad laudem ejus proficiat, sed ad profectum horum: ut discant quemadmodum patri suo in Evangelio faveant; quia vituperatio patris detractio filiorum est, et laus filiorum gloria patris est (Eccli. iii, 13). Virgines ergo vult eos esse in fide; unde et corruptores fidei zelatur ab his, ut in die judicii incontaminatos eos assignet judici Christo. Hinc est, unde et in Apocalypsi Joannis legitur: • Hi sunt, inquit, qui cum mulieribus non sunt coinquinati; virgines enim permanserunt. Illi sequuntur Agnum quocumque vadit (Apoc. xiv, 4). • In mulieribus errorem significavit; quia error per mulierem cœpit, sicut et Jezabel mulierem dicit propter uxorem Achab, quæ zelo Baal Dei prophetas occidit (III Reg. xviii, 40); cum intelligatur idololatria, qua corrumpuntur mores et fidei veritas. Nam si mulieres intelligas, ut ideo putes virgines dictas, quia corpora sua incontaminata servaverunt, excludis ab hac gloria sanctos; quia omnes apostoli, exceptis Joanne et Paulo, uxores habuerunt. Et vide an conveniat accensare Petrum apostolum, qui primus inter apostolos est, quanto magis inter cæteros?

(Vers. 3.) • Timeo autem ne, sicut serpens Evam seduxit astutia sua, sic sensus vestri corrumpantur a castitate (92) quæ est in Christo Jesu. • Ostendit qua causa cogitur vera de se protestari; ad hoc enim gloriam sibi datam profitetur, non ut se laudet, sed ut illos deformat qui sub nomine Christi contra Christum prædicabant, a quibus Corinthii seducebantur; et veritas hæc his magis, quam ei proficeret. Hoc enim egit, ne audiantur seductores, quos diabolo comparavit propter astutiam malitiæ eorum; quia corrumpere fidelium corda a veritate Christi conantur. Hoc ergo timens, semper sollicitus de eis est, ne violentur.

(Vers. 4.) • Nam si is qui venit, aliam Christum prædicat, quem non prædicavimus: aut alium Spiritum accipitis, quem non accepistis: aut aliud Evangelium, quod non recepistis; recte patere-
mini. • Quare ait: • Recte patere-
mini, si alius vobis Christus prædicatus fuisset, aut si alius Spiritus vel aliud Evangelium traditum vobis fuisset, cum dicat Galatis: • Si quis vobis (93) annuntia-

(90) Codex Corb., quibus aliorum labor constat.

(91) Omnes edit. et mss. aliquot, labori suo quærat; mss. Corb., labori suo acquirat; reliqui demum,

labore suo quærat.

(92) Nonnulli mss., corrumpuntur a castitate Dei.

(93) Mss. Corb., recte patere-
mini. Non hoc dicit.

verit, præterquam quod accepistis, anathema siq A
(Galat. 1, 9)? » Si Galatis perversum erat aliud accipere, quam ab apostolis fuerat traditum; quomodo Corinthiis rectum erat, si alius Christus prædicatus illis fuisset? Sed sciens Apostolus nunquam alium Christum quam hunc, qui crucifixus est, prædicari; idcirco ait: « Recte pateremini, » si vobis alius potior Christus ab iis, qui veniunt, prædicatus fuisset. Galatis autem anathema dixit, si aliud audirent, quod non utique majus esset, sed contrarium. Porro autem (94), inquit, si ipse Christus prædicatur ab iis, qui a nobis annuntiat, et hoc Evangelium; qui causæ est, ut nos inferiores habeamur, cum nihil amplius ab illis addiscatur? Superius de pseudoapostolis loquitur fidei corruptoribus, hoc loco autem de veris prædicatoribus; B quia plebs Corinthiorum variis erroribus fluctuabat, ut aliqui faverent pseudoapostolis, quidam eis a quibus compositis verbis eadem audiebant, quæ ab Apostolo audierant: alii autem apostolis favebant, quia cum Domino fuerant, apostolum suum Paulum deformantes, quia in carne non viderit Dominum.

(Vers. 5.) « Existimo enim me in nullo inferiore fuisse iis qui valde sunt apostoli. » Non vult gratiam Dei inferiorem in se videri; quia similiter docuit, et eadem fecit, quæ faciebant apostoli, qui propensiores videbantur (95); quia priores cœperant docere, et fuerant cum Domino: unde majoris auctoritatis esse putabantur; cum hujus apostoli electio insigni probata fuerit testimonio, et ipse amplius (96) cæteris laboraverit et Dominum in templo orans viderit, et locutus sit ei.

(Vers. 6.) « Sed et si imperitus sermone sum, non tamen scientia. » 199 Hoc non ad apostolos pertinet, quia non erant eloquentes, utpote sine litteris, pleni tamen Spiritu sancto: sed hos tangit, quos præferebant Corinthii, causa accurati sermonis; cum in religione vis sermonis necessaria sit, non sonus dulcis (97). Quomodo tamen se humiliat, ut imperitum se esse dicat in sermone? Et ubi est illud, quod Festus ait: « Paule, inquit, Paule, multæ litteræ te faciunt excordem (98) (Act. xxvi, 24)? » Hoc ergo dicens, non se loqui nescire voluit intelligi: sed propter eos qui non per fidem, sed per eloquentiam commendari volebant. Et in eo tamen se dixit imperitum quod non habet crimen; in eo autem quod acquirit salutem (99), et ejus ignorantia non caret crimine, non se imperitum pronuntiavit; quia qui imperitus est in sermone,

quod rectum sit alium Christum, aut alium Spiritum recipere, aut aliam prædicationem; quippe dum ad Galatas dicit: Si quis vobis, etc.

(94) Idem cod. Corb., anathema sit. Hoc est autem: Recte pateremini, si aliud audistis quod ad nobis dictum non est: aut si alius Christus major ab eo quem nos prædicamus, annuntiaretur vobis: aut potior Spiritus datus erat colore persuasionis; ut præponeretis nobis tales prædicatores. Porro autem, etc.

(95) Rom. edit., qui potiores videbantur.

reus non est apud Deum: qui autem scientiam Dei non habet, reus est ignorantiae; quia non licet ignorare, maxime quod pertinet ad salutem. Quamobrem Apostolus, spreta eloquentia, id agebat, ut fides teste virtute acceptabilis esset; ut non fidem eloquentia commendaret, sed virtus, cui cedit eloquentia. « In omnibus autem manifestus sum vobis. » Manifestum se dicit esse Corinthiis in omnibus; quia non ignorabant etiam loquendi habere illum peritiam, et hoc scientes alii favebant in eo, quo istum inferiorem nesciebant: ideoque commotus loquitur, quia hoc pejus erat; ut cum scirent illum in nullo deesse, humiliarent illum cæteris; cum vidissent per eum non solum impleri prædicationem, sed et signa et prodigia fieri apostolica.

(Vers. 7.) « Aut numquid peccatum feci, me ipsum humilians, ut vos exaltemini; quoniam gratis Evangelium Dei prædicavi in vobis? » Quoniam inflati erant, eo quod sumptus ab eis accipere noluit, et propter hoc alios ei proponebant; idcirco « numquid peccavi, » ait; quia me humiliavi, ut me indignum ad accipiendum judicarem; quia inde mihi irascimini, cum hoc non peccati sit, sed gloriæ? Itaque sic se humiliavit, cum id quod sibi debebatur, non exigit. Debitum enim erat, ut sumptus ab iis acciperet, quibus prædicabat Evangelium Dei, sicut Dominus instituit, dicens: « Dignus est operarius mercede sua (Luc. x, 7); » sed ut ad utilitatem eorum proficeret, refutavit. Duabus enim ex causis oblatos sumptus refutavit; ne et pseudoapostolis similis inveniretur, qui non ad gloriam Dei, sed ad suam utilitatem prædicabant, ut non occasionem acciperent deprædandi; alio enim non accipiente, non potest alter multum expetere: et ne vigor evangelicæ potestatis torpesceret; qui enim a peccantibus accipit, arguendi auctoritatem amittit. Sic ergo exaltantur, cum ideo ab eis non accipitur, ut correpti emendentur, a morte elevati ad vitam.

(Vers. 8.) « Alias Ecclesias exspoliavi, accepto stipendio ad ministerium vestrum. Et cum apud vos essem, et egerem, nulli gravis fui. » Onerat eos; ostendit enim non solum ncluisse se accipere ab eis, sed et ab aliis accepisse, et eis ministrasse. Et ut multum hoc ostendat fuisse, non parum, ait: « Alias exspoliavi Ecclesias ad ministerium vestrum. » Non parva ergo significat se in eos impendisse; cum enim dicit *exspoliavi*, multa accepta et data

(96) Vet. edit. et mss. aliquot, *electio cum testimonio sit, et amplius*, etc.

(97) *Non sonus dulcis. In omnibus autem.* Ita mss. Corb. in quo quidquid inter hæc verba medium est, omittitur.

(98) Vet. edit. cum mss. non paucis, *te faciunt extorrem.*

(99) Ita edit. Rom. et mss. nonnulli: vet. autem edit. cum aliis mss. multo pluribus, *quod non caret crimine, et acquirit salutem: rectius Laud. sublata negatione legit, quod caret crimine.* etc.

significat, non extorta. Unde subiecit: «Accepto stipendio; » stipendium est enim, quod militans accipit ad sumptus, vice mercedis. Ruborem ergo incussit eis; quia non utique dolo refutavit, quando ipse eis ministravit, et ut per hoc ministerium, quod promiserant, facilius implerent, scientes se esse debitores; ut non valde gloriosum jam sit ministerium eorum, sed debitum; ne vel inde se jactarent.

(Vers. 9.) «Et cum apud vos essem, et egerem, nulli gravis fui. » In tantum eis proficere voluit, ut egestatem suam consolaretur propter eorum salutem. Passus enim egestatem contentus fuit, ne illi aliquod scandalum paterentur. Qui enim dat, putat se exaltari, et jam se non patitur argui (1). «Nam indigentiam meam suppleverunt fratres, qui venerunt a Macedonia. » A Macedonibus semper accepit; quia prius vitia sua correxerunt. Et sicut a Corinthiis accipiendum non erat, ne illis in scandalum proficeret; sic iterum a Macedonibus accipiendum erat, ne bene seminantes fructum amitterent.

(Vers. 10.) «Et in omnibus sine onere vestro me ipsum servavi, et servabo. » In eo semper se permansurum dicit, ut sic se corrigant, propter pseudoapostolos, qui occasionem quærebant deprædandi eos.

200 «Est veritas Christi in me, quoniam gloria hæc non infringetur in me in regionibus Achaïæ. » Hortatur omnem Achaïam, ut ministrent sanctis: sibi autem non permittere, ne cæptam gloriam non impleret; gloria est enim a licitis abstinere, maxime ad aliorum salutem. In Achaïæ ergo regionibus noluit uti, in cæteris usus est: et amplius promittit sub testimonio Christi, dicens in eo se mansurum; ne aliquando ab Achaïæ regionibus acciperet.

(Vers. 11.) «Quare? Quia non diligo vos? Deus scit. » Reddita ratione etiam Dei scientiam testem dat dilectionis suæ, quam habebat erga eos; quia non ideo nolebat accipere, quia non illos diligebat; sed ideo magis, quia amabat eos, ut hoc ipsum prodesset illis, sicut dixi.

(Vers. 12.) «Quod autem facio, et facturus sum; ut amputem occasionem eorum qui volunt occasionem, ut in eo quod gloriantur, inveniantur, sicut et nos. » Gloria pseudoapostolorum in pecuniis erat accipiendis. Ideo Apostolus hoc refutavit, ne illis similis videretur; quia nisi hoc ab Apostolo fuisset vitatum, major occasio illis data fuisset accipiendi, aut magis extorquendi; quando in hac re formam ab Apostolo datam ostenderent.

(Vers. 13.) «Hujusmodi enim pseudoapostoli sunt operarii, subdoli, transfigurantes se in apostolos Christi. » Subdoli sunt, quia avaritiæ causa, non religiosa mente neque missi prædicabant Christum, nomen sibi apostolicum usurpantes.

(1) Codex Vall., et inde se patitur argui.

(2) Mss. aliquot, putarent sublimes hoc concepto, quia nihil, etc.

A (Vers. 14.) «Nec utique mirum, ipse enim Satanas transfiguratur velut angelus luminis. » Manifestum est quia frequenter multos fallit Satanas, ostendens se illis quasi angelum Dei, ut decipiat eos. Unde Jesus Nave sollicitus, quæ sivit quis esset qui ei apparuit (Josue, v, 13). Et Apostoli in navi perterriti putabant phantasma esse. Unde Petrus apostolus dicenti Domino: «Nolite timere, ego sum (Matth. xiv, 27); » non facile credens, ait: «Si tu es, jube me venire ad te super aquas (Ibid. 28), » ut si firmiter posuisset pedem super aquas, sciret verum esse quia non erat phantasma, quod apparebat.

(Vers. 15.) «Non ergo magnum, si et ministri ejus transfigurantur, sicut ministri justitiæ. » Ministri justitiæ apostoli sunt, quorum se hi socios mentiebantur, ut deciperent audientes. «Quorum finis erit secundum opera eorum. » Sine dubio, quia judicabuntur hujusmodi secundum animi sui nequitiam; quia non propter Deum, sed propter suum ventrem simulant se ministros Dei. Finem tamen illorum secundum opera illorum dicit: ut sicut opera et cura ventris interit, ita et hi interire intelligantur.

(Vers. 16.) «Iterum dico ne quis existimet me insipientem, alioquin velut insipientem accipite me; ut et ego modicum aliquid glorier. » Supra (cap. ii, vers. 1) jam dixit: «Utinam sustineretis pusillum imprudentiam meam!» hoc nunc repetit; semper enim proponit quod postea multis interpositis prosequatur. Quod ergo supra proposuit, modo incipit enarrare; nam vera dicturus, velut insipientem se dicit, quia videntur ad laudem ejus pertinere. «Ut et ego modicum, inquit, glorier. Modicum hoc dixit, quia in verbis, non in sensu est. Non ergo vere ad gloriam suam hæc loquitur, sed vult illis ostendere, quia quos putant gloriosos, nihil plus ab hoc habent; ac per hoc si putantur hi gloriosi, et ego, inquit. » Ideo insipientis hoc esse dicit, ut ad laudem suam aliquid prosequatur, se autem coactum hoc loqui. Dolet enim ei, ut illos putarent sublimes hoc contempto, qui nihil (2) plus ab eo haberent.

(Vers. 17.) «Quod loquor, non loquor secundum Deum. » Secundum Deum non loquitur; quia ad carnis tumorem hæc pertinent, nec de inflatione apud Deum surgit gloria; quia apud Deum humilitas gloriosa est. «Sed quasi in insipientia in hac substantia gloriationis. » Non plenam dixit insipientiam, sed ex parte; veritas enim est. Sed quia elevatio vitiosa res est; ideo, quamvis verum sit quod dicitur, quasi insipientia tamen est unumquemque laudare se. Plena autem insipientia est, si se falsis quis laudet (3); ille enim superbus de vero est, hic stultus de falso; substantia tamen gloriationis in hac causa carnalis est; quia sicut flos feni, ita decidit gloria ista.

(3) Rom. edit., si se falso quis laudet. Iterum non multo post nonnulli mss. legunt carnalitus est, ubi alii et omnes edit., carnalis est.

(Vers. 18.) « Quia multi gloriantur secundum carnem, et ego gloriabor. » Hoc dicit, quoniam aliqui ex Judæis credentes præsumedant sibi quod essent filii Abrahæ. Hoc est secundum carnem gloriari, nobilitatem sibi carnis vindicare. Inde enim sibi defendunt generis prærogativam; quia filii ejus dicuntur, qui **201** Deo crediderint: « Cum anima quæ peccaverit, ipsa moriatur (*Ezech. xviii, 20*). » Si ergo hæc gloria est, inquit, et ego gloriabor; quia et ego filius sum Abrahæ. Sed nihil prodest filium esse Abrahæ apud Deum; quia fides est quæ salvat, non propago generis Abrahæ. Ideoque gloria hæc carnis est gloria, ut puta si dicatur nobilis filius hominis.

(Vers. 19, 20.) « Libenter enim sustinetis, insipientes (4), cum sitis ipsi sapientes. » Insipientes appellat, qui de carnis circumcisione gloriabantur: et quia a Corinthiis portabantur, ut gloriosi viderentur; ideo Apostolus etiam se sustineri ab his vult; ut et ipse hoc se esse ostenderet, quod erant hi, et non tamen gloriari ex hac parte secundum Deum; unde gloriam hanc insipientiam vocat. Gloriarum enim se dicit secundum carnem; sed hoc stultum esse profitetur, ut et gloriam hanc inaniret et se coactum in laudem carnis erupisse docet. Igitur insania est hæc. Nam quomodo prudentes sunt, qui sæpe reprehenduntur? nonne plus sapit insipientia Apostoli, quam horum prudentia? Hic enim sapiens sustinet imprudentes, qui patientia sua (5) suffert eos, ut possint prolificare; ne provocans eos aut adjiciens, pejores illos faciat, aut certe in illis proficere non potuerit; suam modestiam custodit. Horum in Corinthiis nihil est. Quomodo ergo libenter sufferunt imprudentes, cum ipsi sint sapientes; nisi quia non sic vult intelligi, sicut sonant verba? Hoc in sensu et pronuntiatione est; quia eadem quidem verba non eundem habent sensum, aliter pronuntiat (6); ut aliquando confirmet, aliquando neget, quod dicit. Hi enim ut prudentes, insipientes sufferebant falsos apostolos. « Sustinetis enim, si quis vos in servitute redigit: » Hoc verum est; quia redigebantur in servitute, non per prudentiam, sed per stultitiam; ut famularentur pseudoapostolis. « Si quis devorat. » Nec hoc falsum est; quia contenti erant devorari res suas a falsis doctoribus. « Si quis accipit. » Accipere est aliquem dolo capere; ideoque significat hos capi a dolosis magistris, et ferre quod non expedit (7). « Si quis extollitur. » Extollentia superbia est. Hos ergo tangit, qui superbi erant, male taxantes Apostolum; et his non displicebant. « Si quis in faciem vos cædit. » In faciem cæditur, in cujus os injuria irrogatur. Nunc hos significat, qui eo quod essent de genere Abra-

hæ, obtrecebant eis, quod essent incircumcisi, se præferentes, hos humiliantes.

(Vers. 21.) « Secundum ignobilitatem dico. » Ignobilitatem dicit hoc, quod supra (v. 18) ait: « Et ego gloriabor secundum carnem. » Non enim dicit ad laudem pertinere, quia infirmus non erat, in quo se jactabant, quos occulte tangit. Unde et adjecit: « Quasi nos infirmi fuerimus in hac parte. » Manifestum est quia non erat in hac gloria infirmus, in qua se præferabant (8) credentes Judæi, quos hi patiebantur, quasi Apostolus eorum in hac re esset dissimilis; quia et ipse erat de semine Abrahæ, ac per hoc infirmus non erat in hac gloria carnis (9). Infirmi autem hi judicabantur, qui applicati fuerant generi Abrahæ. Isti enim quasi infirmi in eo quod illi se præferabant, eo quod essent Israelitæ, in hoc ipso volunt se sufferi. Ut ostenderet in hac gloria carnis non se esse dissimiles et infirmos (10), cum de sua causa loquitur, subinducit et Barnabæ personam socii sui, Unde et in prima dicit epistola: « Aut ego solus et Barnabas non habemus potestatem hoc operandi (*I Cor. ix, 6*)? » Non ergo minores erant in hac gloria, in qua se Judæi jactabant, sed non inde plaudebant. Denique dicit. « In quo quis rudet? In insipientiam dico, audeo et ego; » hoc est, non fuisse infirmum in gloria, qua se jactabant Israelitæ; nec quidem in hac re prudentem indicari; præferre enim se nolunt prudentes. In insipientiam ergo se dicit audere in eo quod audent ii qui se jactant eo quod sint filii Abrahæ; ut gloriam eorum inaniat: imprudentem se pronuntiat; ne illi prudentes viderentur in hac parte, aut nobiles.

(Vers. 22.) « Hebræi sunt, et ego: Israelitæ sunt, et ego: semen Abrahæ sunt, et ego. » In his patrem se eorum, de quibus supra significavit, ostendit; ut detractiones eorum, quibus indignus ab his judicabatur, falsas ostenderet.

(Vers. 23.) « Ministri Christi sunt, et ego velut insipiens dico, plus ego. » Vera de se dicens, insipientem se pronuntiat, ut intelligatur coactus in laudem suam prorupisse. Nam qui sponte ea refert, **202** quæ ad laudem ejus proficiant, imprudentem se non dicit. Ostendit ergo quæ sint, quæ faciant illum ministrum Christi magis esse, quam sunt reliqui prædicatores. Occasione enim inventa, omnium tangit personas, etiam apostolorum, dolens quia Dei gratia minor in hoc judicabatur; cum eadem operaretur quæ cæteri apostoli, et fidei causa majora exitia toleraret. Unde et in alia epistola dicit: « Plus illis omnibus laboravi (*I Cor. xv, 10*). »

(8) Corb. cod., in qua se præferabant Judæis, quia et ipsi erant ex semine Abrahæ, sed non inde plaudebant. Denique dicit: In quo quis audeat, etc.

(9) Mss. nonnulli, infirmi non erant in hac gloria carnis; Land., gloria Caristi.

(10) Quidem mss., ut ostenderent... dissimiles et infirmos; nonnulli, ut ostenderet... dissimilem. et infirmum; reliqui et edit. ut in textu.

(4) Quidquid intercedit inter hæc verba, *sustinetis insipientes*, et alia illa, *ironia est hæc*, in cod. Corb. des. deratur.

(5) Nonnulli mss., *qui sapientia sua*.

(6) Mss. aliquot, *habent sensum aliter pronuntiat*.

(7) Ita vet. edit. et mss., excepto Corb., in quo, *et fieri, quod non expedit*; Rom. edit. sola, *at ferri, quo non expedit*.

« In laboribus plurimis. » Ideo in pluribus ait laboribus, quia et illi laboraverunt, sed non tantum. Hic enim a mane usque ad quintam horam victum manibus quærebat, et ita exinde usque ad decimam horam disputabat publice tanto labore, ut contradicentibus suaderet. « In carceribus abundantius. » Apertum est frequentius istum missum fuisse in carcerem quam illos. « In plagis supra modum. » Ideo supra modum, quia ultra quam oportuit. Nam et illi cæsi sunt, sed non tantum. « In mortibus sæpius. » Verum est, quia hic frequentius pericula sustinuit, quam cæteri.

(Vers. 24.) « A Judæis quinquies quadraginta, una minus accepi. » Hoc dicit, quia quinquies flagellatus est a Judæis secundum legem Moysis, accipiens plagas triginta novem, sicut scriptum est in Deuteronomio (*Deut. xxv, 3*). Quod per quinque ergo vias factum est, hic summam refert.

(Vers. 25.) « Ter virgis cæsus sum. » Hoc a gentibus passus est. « Semel lapidatus sum. » A Judæis lapidatus est in civitate Lycaonia (*Act. xiv, 18*). « Ter naufragium feci. » Qui omni tempore legitur navigasse, adversis procellis facile fuit ter naufragium facere. « Nocte et die in profundo maris fui. » Hoc factum est, quando missus est Romam (*Act. xxvii, 12 seq.*), cum appellasset Cæsarem. Tunc desperatione vitæ in alto, hoc est, in profundo maris fuit, mortem ante oculos habens. Sic enim scriptum est in ipso loco : « Ita ut desperare nos etiam vivere (*II Cor. i, 8*). »

(Vers. 26.) « In itineribus sæpe. » Nunc alia memorat pericula, ut terra marique pro Christo vexatum se secundum carnem ostendat. « Periculis, ait, fluminum. » Si itinerum pericula recitat, quid est ut dicat : « Periculis fluminum ? » Sed hieme iter faciens; quia utique imbres assidui sunt, egredientibus fluminibus incurrebat periculum. « Periculis latronum. » Cum in civitate diabolus eum occidere non posset, latrones illi excitabat in via, cum nihil ferret, quæ latrones cuperent. « Periculis ex genere. » Judæorum dicit persecutiones, qui fratres ejus erant secundum carnem; dolebant enim, quia deserta lege (*11*) ad Evangelium Christi se converterat. « Periculis ex gentibus. » A gentibus persecutiones passus est propter mysterium incarnationis Domini nostri Jesu Christi, et unius Dei prædicationem. « Periculis in civitate. » Usque adeo periculum fuit in civitate, ut per fenestram effugeret manus insidiantes sibi (*Act. ix, 25*). « Periculis in deserto. » Periculum hoc a Judæis fuit procuratum, quando eum, factis insidiis, in via volebant occidere (*Act. xxvii, 43*). « Periculis in mari. » Jam superius dixit : « Ter naufragium feci, nocte et die in profundo maris fui; »

A quod aliud fuit periculum in mari? Sed hoc est periculum, quando in mari, hoc est, in navi, milites cogitaverant omnes custodias occidere; ne quis enatans effugeret. Quod periculum centurio prohibuit inferri, ne Paulus occideretur, ut eum vivum Romam perduceret. « Periculis in fictis fratribus. » Falsi fratres ii sunt, de quibus dicit ad Galatas : « Propter subintroductos autem falsos fratres, qui subintraverunt explorare libertatem nostram, quam habemus in Christo Jesu (*Galat. ii, 4*). » Ii enim partim Christiani erant, partim Judæi, in nentro perfecti, qui zelo legis Apostolo invidiam excitabant, eo quod, prædicato Christo, legem jam cessare dicebat. Denique his perurgentibus, Timotheum compulsus est circumcidere. Fictus ergo Christianus est, qui æmulatione legis persequitur Christianum : et hic est falsus frater. Si enim tantum Judæi erant hi, et propter Judaismum fratres eos falsos appellat, quid opus erat iterare? Jam enim superius dixit : « Periculis ex genere. » Sed secundum carnem non sunt falsi fratres, in Christo autem falsi sunt; quia non tota mente Christiani sunt. Fuerunt et alii falsi fratres, sicut Demas et Hermogenes (*II Tim. iv, 9*).

(Vers. 27.) « In labore et molestia. » Verum est quia potest esse labor sine molestia : sed hic ideo addidit : « Et molestia, » ut laborem **203** ipsum exitiosum ostenderet (*12*). « In vigiliis multis. » Multæ fuerunt ejus vigiliæ : sed aliæ voluntariæ, alteræ ex necessitate; in pressura enim positus, necesse erat ut vigilaret Dei quærens auxilium : et non solum diebus, sed et noctibus doceret, sicut dicit in Actibus apostolorum. « In fame et siti (*Act. xx, 31*). » Fugatus frequenter a Judæis persequentibus, necesse erat ut famem pateretur et sitim per inopiam. « In jejuniis sæpe. » Sæpius jejunavit, ut Dei adminiculo protegi mereretur : jejunat enim, qui dum habet quod edat, abstinet (*13*). « In frigore et nuditate. » In frigore fuit et nuditate, quando naufragium passus est. Denique ignem fecerunt, ait, et refecerunt nos, propter pluviam imminentem et frigus, Barbari in insula Melitæ (*Act. xxviii, 2*).

(Vers. 28.) « Præter illa quæ extrinsecus sunt, instantia mea, quotidiana sollicitudo omnium Ecclesiarum. » Sollicitudo hæc, quam dicit quotidianam, de traditionis usu (*14*) descendit, ut omnibus diebus communi sibi populum instruat : illa autem quæ supra memorat, superindicta sunt, ne cessitate cogente. Dies enim ad opera datus est, nox ad requiem : sed quia instabat necessitas, ut omnibus succurreret, etiam noctu docebat. Se enim affligere non dubitabat, ne Dei gratia esset in otio.

(11) Sic Rom. edit., cum mss. nonnullis; vet. edit. cum aliis mss., quia sprete lege; Corb., quia adversa lege.

(12) Ms. Corb., et molestia. Hic ideo addit, et molestiam; ut laborem ipsorum gravem ostenderet.

(13) Non pauci mss., qui non habet quod edat, et abstinet.

(14) Ita plerique mss.; alii vero, et vet. edit., de tractionis usu; cod. Vat., de tractionis usu; Rom. edit., de dispensationis usu.

(Vers. 29.) « Quis infirmatur, et ego non infirmor? » Compati se dicit omnibus, et condolere eo affectu, quo provideat vulnere medicinam. Hoc autem ideo prosequitur, ut ostendat qua cura commissam sibi Ecclesiam tueatur et regat, ac per hoc in nullo se minorem debere judicari cæteris apostolis; quippe qui secundum quod declaravit (15), plus illis omnibus laboraverit. Majore enim invidia laborabat apud Judæos pro cæteris apostolis; quia cum persequeretur Ecclesiam, subito immutatus, factus est defensor ejusdem, testificans atque confirmans quod Christum, quem prius ut hominem mortuum æstimabat, de cælo secum locutum audierit (*Act. ix, 6 seq.*). Cujus testimonium necessario multi sequerentur, scientes eum de persecutore non utique sine ratione factum defensorem. Hac causa excruciabantur Judæi, et quærebant eum semper interficere. « Quis scandalizatur, et ego non uror? » Scandalizari est carnis pati desiderium, quantum ad hunc locum pertinet. Et quia etiam inviti solent scandalizari, illecti forma aut pulchritudine corporis, aut propriæ carnis calore: Apostolus necessitatem humanæ naturæ considerans, uri se dicit: ut consulat talibus, compatiens infirmitati eorum: nec hos condemnans, sed commonens in humilitate sermonis; ut spe promissi præmii repugnent stimulis carnis; ne quis eorum, qui eum audiunt, desideriiis carnis victi, desperantes de se, putantes jam non accepto ferre Deum, si corrigant, et in iisdem manentes, deperant.

(Vers. 30.) « Si gloriari oportet, in iis quæ infirmitatis meæ sunt, gloriabor. » Hoc dicit quia si gloriandum est Christiano, in humilitate gloriandum est qua crescitur apud Deum. Unde alio loco dicit: « Cum infirmor, tunc potens sum (*II Cor. xii, 10*), » hoc est, cum humilior pro fratrum salute (16), tunc exaltor. Hinc gloriandum est, non de carnis proge, quia est quis ex semine Abrahamæ.

(Vers. 31.) « Deus et Pater Domini nostri Jesu Christi qui est benedictus in sæcula, scit quod non mentior. » Deum testem dat, ut quæ dicit, facile credantur; et propter eos duntaxat qui eum non ut verum apostolum honorificabant.

(Vers. 32, 33.) « Damasci princeps gentis Arethæ regis custodiebat civitatem Damascenorum, ut me comprehenderet: et per fenestram in sporta demissus sum per murum, et effugi manus ejus. »

CAPUT XII.

(Vers. 1.) « Si gloriari oportet, sed non opus est mihi (17). » Princeps Damasci videns Judæos

(15) Amerb. edit. cum mss. aliquot, *secundum quod claruit.*

(16) Cod. Laud., *pro salute mundi*; Vall., *pro salute fratris*. Idem vero cod. Vall. post pauca legit, *qua est quisque ex semine Abrahamæ*; ubi cæteri, et edit., *quia est quis*, etc.

(17) Ita plures ac potiores mss. a quibus alii et vet. edit. non recedunt, nisi quod preferunt, non

insidias tendentes Apostolo, implere voluit per potentiam, malam cogitationem eorum, ut ipse si posset, eum comprehenderet, et ut Judæis placeret, et ut diligens in officio sibi credito videretur, si eum quem publice perturbatorem audiret, causa quietis interficeret (18). Hoc inter ipsa primordia, tunc quando apparnit illi in via Dominus eunti Damascum, incensi sunt Judæi, videntes eum, qui vincet s credentes in Christum venerat 204 perducere in Jerusalem (*Act. ix, 2 seq.*), prædicare sectam, quam venerat condemnare: et sic factum est ut a discipulis per fenestram per murum in sporta demissus effugeret. Quod quidam indigne factum dicunt; quia non Dei auxilio liberatus est. Sed quod ab hominibus fieri potuit, quid opus erat, ut Dei suffragio liberaretur; cum Dei suffragium tunc sit necessarium, si humanum auxilium deficiat? Quo facto non sibi dicit expedire gloriari, quia præsentis vite gaudium fragile est; si enim non evasisset, martyrium fecerat. Sed quia fugiendum in persecutione mandatum est (*Matth. x, 23*), data opera effugit, nec enim debet aliquis exspectare ut in semetipsum peccetur. Ergo gloriandum dicit, quia evasis: sed non expedit, inquit, propter superbiam: quia de humilitate crescitur, et auxilium Dei mitibus proficit, non elatis. Præterea quia gloriatur mortem se evasisse, quæ pro fide infertur, inane videri significat (19) pati pro Christo; ideo non expedit gloriari.

(Vers. 2.) « Veniam autem ad visiones et revelationes Domini. » Nunc ostensurus est, quo sublatus est: ut proinde quanta et qualia sint ne, sicut quæ illi ostensa et dicta sunt, possint intelligi: quibusdam videbatur, minor cæteris apostolis crederetur. « Scio, inquit, hominem in Christo ante annos quatuordecim, sive in corpore, nescio; sive extra corpus, nescio, Deus scit, raptum hujusmodi usque ad tertium cælum. » Utrumque confirmavit, quia utrumque posse fieri non negavit: ut et sine corpore raptus potuisset, et in corpore. Et forte quibusdam videatur non magnum esse, si homo Christi raptus est usque ad tertium cælum; cum in tertio circulo dicatur (20) luna esse. Sed non ita est, quia ultra omnia mundi sidera raptus intelligitur: et ideo magnificum et mirabile est quod narrat: significat enim supra firmamentum, in tertium numero cælum de spiritalibus cælis raptum semetipsum.

(Vers. 3, 4, 5.) « Et scio talem hominem, sive in corpore sive extra corpus, nescio, Deus scit, quia raptus est in paradysum, et audivit arcana verba quæ non licet homini loqui. Pro hujusmodi

expedit mihi, pro *non est opus mihi*. At Rom. edit., rejecto eodem textu post inferiora illa, *si humanum auxilium deficiat*, ibidem orditur cap. 12.

(18) Rom. edit. sola, *perturbatorem audiret quietis interficere*.

(19) Eadem edit. Rom., *inane videtur significare*.

(20) Codex Corb., *cum in quarto circulo dicatur*.

gloriabor. » Bis se raptum dicit, id est, primo hinc usque ad tertium cœlum, deinde in paradysum cœlestem, in quo latroni dixit Dominus, quod futurus esset cum eo in paradiso, inquit (*Luc. xxiii, 43*), Patris : illic ubi (21) et civitas Dei dicitur esse Jerusalem mater nostra (*Gal. iv, 26*). Quid ergo mirum si post resurrectionem corpus jam expiatum atque tenuatum factum, immortale futurum credatur in cœlis, quando non dubitat Apostolus adhuc mortale corpus potuisse levari in cœlos, et tolli in paradysum Dei Patris cœlestem ? Pro hujusmodi homine, id est, qui tam dignus est Deo, ut hoc experiretur, gloriari se dicit : et non vult aperte dicere quia de se loquitur, ne laudare se videatur. Et Joannes apostolus, cum de se sciatur loqui : « Illic est, ait, discipulus, quem diligebat Jesus, B qui et recubuit in cœna supra pectus ejus (*Joan. xxi, 20*) ; » ne gloriose de se effari videretur. « Pro me autem non gloriabor, nisi in infirmitatibus meis. » Sic de se non gloriatur, dum non aperte de se proficitur. In infirmitatibus sane, inquit, meis gloriabor. Exponere enim pressuras passionum et infirmitates angustiarum, non videtur gloriosum, sed flebile (22). Idcirco se in his gloriari dicit, sciens tamen quia ad profectum perducunt remunerationum cœlestium (23). Quid enim tam gloriosum in futurum Christiano, quam exitia pro Christo illata sibi narrare ?

(Vers. 6.) « Nam et si voluero gloriari, non ero stultus ; nam veritatem dicam. » Hoc dicit, quia si meritum suum profiteatur, quod habet apud Deum, non erit imprudens ; vera enim loquitur. Ergo si quis pro meritis suis, quæ sibi ostensa sunt, loquitur, non est utique stultus : si autem taceat, est etiam prudens. Sed qua causa hic non palam gloriatur, nunc subjicit dicens : « Parco autem, ne quis me existimet supra id quod videt in me, aut audit aliquid ex me. » Ostendit igitur qua causa non apertè gloriatur : Ne quis me existimet, inquit, ultra gloriam meam tendere, quam limes meritorum admittit. Hos significat, quos obtrectatores habebat causa legis, sicut supra memoravi. Nam utique meritorum gloriam honum est non tacere ; ut invitentur credentes.

205 (Vers. 7.) « Et ne sublimitate revelationum extollar, datus est mihi stimulus carnis, angelus Satanæ, ut me colaphizet (24), ne extollar. » Deum bonis meritis providere testatur, dum permittit tentationibus bonos deprimi, non solum ne laborum suorum fructibus abdicentur, verum etiam ut au-geantur his ad cumulum possessionis æternæ. Hoc ergo remedium datum est Apostolo, in injuriis pressus, animo non possit extolli pro magnitudine

A revelationum quia otiosum pectus necesse habebat in iis quæ viderat, extolli.

(Vers. 8, 9.) « Propter hoc ter Dominum rogavi, ut discederet a me, et ait mihi : Sufficit tibi gratia mea : nam virtus in infirmitate perficitur. » Stimuli diaboli, quos perfide (25) mentibus inferens ad nocendum Dei servis instigat, ut cessarent ab eo, ter Dominum deprecatum se fuisse, et non impetrasse testatur : non quia despectum se dicit, sed quia inscius contra se petebat, ut cessarent ab eo tentationes, per quas perfectior se fiebat. Ideo ad Romanos dicit : « Nam quid oremus, sicut oportet, nescimus (*Rom. viii, 26*). » Unde hoc dicit sibi responsum, ut sufficeret sibi gratia Dei, qua aut vires tolerandi addebantur, aut tempus pressuræ abbreviatur ; ut devotio dum infirmitate pressuræ accidentis non frangitur, probata videatur. « Libentissime itaque magis gloriabor in infirmitatibus meis, ut inhabitet in me (26) virtus Christi. » Apertum est quia tunc gloriandum docet, quando injuriis humiliatur. A Christo autem virtus tolerandi præbetur ; ut quia prius asperæ, ac per hoc fastidientiæ injuriæ videbantur, postea libenter suscipientiæ ; ut Christi auxilio lenirentur. Libenter ergo cædi se dicit, dummodo a Christo curetur, sciendo plus addere medicinam Christi ad salutem, quam infirmitas detrahit sanitati.

(Vers. 10.) « Quapropter placeo mihi in infirmitatibus, in contumeliis ; cum enim infirmior, tunc potens sum. » Verum est, quia tunc vincit Christianus, cum perdere putatur : et tunc perdit perfidia, cum se vicisse gratulatur. Plaudit ergo, cum illi insultatur ; et surgit, cum premitur.

(Vers. 11.) « Factus sum insipiens, vos me coegistis. » Compulsum se dicit, ut quid esset, ostenderet. Et non utique stultus est, qui de se vera locutus est ; sed inclinatur se, ut manifestet quia non voluntate merita sua ostendit. « Ego enim debui a vobis commendari. » Manifestum est, quia hi debuerant testimonium ei perhibere adversus obtrectatores ejus, apud quos Ecclesiam constituit, et signorum prodigia apostolatus ostendit ; ut, hoc tacente, illi eum defenderent quem patrem habebant in Evangelio Christi. « Nihil enim minus feci, quam illi valde apostoli. » Valde, hoc est nimis, sicut quibusdam videbatur ; nam hoc erant, quod et apostolus Paulus. Hoc ergo dicit, quia minor non est neque in prædicatione, neque in signis faciendis, apostolis præcessoribus suis, non in dignitate, sed tempore. Nam si de tempore præscribendum putatur, ante cœpit Joannes prædicare, quam Christus ; et non Christus Joannem, sed Joannes Christum baptizavit. Num ergo sic judicat Deus ? Denique

(21) Rom. edit. sola, cum eo in paradiso : illic ubi, etc.

(22) Codex Corb., sed debile.

(23) Nonnulli mss. remuneratione cœlestium.

(24) Post voces ut me colaphizet, Rom. edit. jugulaverat ne extollatur.

(25) Rom. edit., in infirmitate consummatur. Stimulos quos diabolus perfide ; vet. edit. ac mss. nobis suffragantur, nisi quod illæ habent cum eod. etiam nonnullis, stimulos, et mss. aliquot, perfidis, aut perfidie mentibus.

(26) Rom. edit. sola, ut pretendat in me, etc.

prior secutus est Andreas Salvatorem, quam Petrus; A et tamen primatum non accepit Andreas, sed Petrus. Quare ergo apostolus quibusdam non videbatur; cum eadem posset per Dei gratiam, quæ et apostoli? Ideo dolet, et compulsus ostendit, quid a dignatione Domini (27) mereatur. Hinc est unde non solum minorem se non esse coactus est profiteri, sed et plus omnibus laborasse. His ergo displicebat (28), et non videbatur esse apostolus qui emulatione paternæ legis prædicationem ejus respuebat, quasi inimici traditionis Moysis; quia eam jam cessare dicebat, apostolis magis faventes, et istum his humiliantes; quia illi non tam constanter contra legem aliquid asserebant.

(Vers. 12.) « Et si nihil sum, signa tamen apostoli facta sunt in vobis in omni patientia, signis, et prodigiis, et virtutibus. » Sic se humiliat, ut erigat; B patientiam tamen primam memorat, quia diu illos portavit quasi impatientes ægros; ut adhibita medicina signorum atque virtutum, curaret vulnera erroris illorum.

(Vers. 13.) « Quid est enim quod minus habuistis cæteris Ecclesiis, nisi quod ego ipse non gravavi vos? Donate mihi hanc injuriam. » Adhuc per humilitatem se commendat (29); ostendit enim non 206 minus illos aliquid habuisse cæteris Ecclesiis, sed et amplius; Evangelium enim Dei gratis his prædicavit, quod nullis concessum est Ecclesiis, dicente Domino: « Dignus est enim operarius mercede sua (Luc. x, 7). » Si ergo pro bono opere injuria, inquit, dignus sum, ignoscite mihi (30): C omnis enim stultus boni accusator est. Ut hos ergo imperitos ostendat, veniam ab his postulat ejus facti, de quo laude dignus est.

(Vers. 14.) « Ecce tertio hoc paratus sum venire ad vos, et non vos gravabo. » Ne forte hoc inter initia fecisse putaretur ad commendationem suam, post autem mercedem evangelicæ prædicationis velle accipere, ostendit in ea se voluntate durare; ne factum suum postea emendare videretur, et esset quod ab obrectatoribus reprehenderetur. « Non enim quæro quæ vestra sunt, sed vos. » Ostendit ideo se nolle accipere ab eis, ut illos ipsos lucraretur; ut intelligentes quia pecuniæ præponit eos, tandem cognoscerent affectum illius erga se. « Nec enim debent filii parentibus thesaurizare, D sed parentes filiis. » Patrem se eorum significat, sicut in prima epistola dicit: « Per evangelium ego vos genui (I Cor. iv, 15). » Carnales tamen parentes sunt, qui filiis thesaurizant; nam spirituales a filiis dignum est ut accipi aut sumptus ad sustentandam vitam præsentem. Non enim ma-

gnum est ut, spiritalia tradentes, consequantur carnalia. Hic autem in tantum probat se nolle accipere, ut transferat causam carnalis patris ad spiritalem; ut non solum non ab his accipiat, sed et, si potest fieri, ipse illis tribuat, sicut jam supra dixi: « Alias Ecclesias exspoliavi, accepto stipendio ad ministerium vestrum (II Cor. xi, 8). » Hoc dicto tangit eos, ut intelligant quantus sit et quid ii mereantur, qui tanti apostoli providentiam neglexerunt.

(Vers. 15.) « Ego vero libentissime impendam et superimpendam, et ipse impendar pro animabus vestris. » Nunc aperte affectum et charitatem, quam circa eos habebat, ostendit; quando non solum sua pro eis impendere, et propensius impendere paratum se dicit, sed et seipsum pro salute animarum eorum etiam inori, sicut et apostolus Joannes dicit: Quia exemplo Salvatoris pro fratribus etiam animas nostras debemus ponere (I Joan. iii, 16). « Plurimum vos diligens, minus diligor. » Provocat eos ad amorem quia ipsi plus illum deberent diligere, maxime per quem didicerunt viam salutis, per quem et acquisiti sunt Deo, ex perfidis facti fideles, et ex contaminatis purificati.

(Vers. 16.) « Sed esto, ego vos non gravavi; sed ut astutus dolo vos cepi. » Omnia quæ possent ex adverso proponi, non tacet, ut se purget per omnia; quia nihil per circumventionem agit apud eos, sed in simplicitate, sibi semel prospiciens, his duplici genere; ut et apud Deum provideret eis, et hic censum illorum non quæreret: sibi autem hoc sufficere quod a Deo promissum est in futurum. Forte enim suspicarentur ideo illum contempsisse, quia parva erant, quæ offerebantur, ut majora consequeretur; ut circumspiciens merita sua, non pecuniam refutaret (31), sed numerum indignum sibi æstimans contemneret.

(Vers. 17.) « Num per aliquem eorum, quos misi ad vos, circumveni vos? » Hoc est, quod dicit, quia quos misit, non illis hoc intimarunt, ut, si vellent pacatum habere Apostolum, dignam quantitatem personæ illius offerrent; quia ideo nolisset accipere, quia minus quam dignum erat, offerebatur. Quod compositum Apostoli astutia intelligerent; ut quod egit, non per contemptum, sed per avaritiam egisse probaretur.

(Vers. 18.) « Rogavi Titum, et misi cum illo fratrem. Numquid avarus in vos fuit Titus? Nonne eodem spiritu ambulavimus? nonne iisdem vestigiis? » Apertum est quia quando ab iis quos misit, nihil tale dictum aut factum est; una eorum sen-

(27) Mss. aliquot, ad agnitionem Domini, etc.

(28) Cod. Corb., His ergo displicebat, et non videbatur; et istum hi humiliantes erant, qui apostolicam prædicationem refutabant. Et si nihil sum, etc.

(29) Idem cod. Corb., se exaltat; ostendit enim non minus illos aliquid habere, et tunc prodit perfidiam, cum se vicisse gratulatur. Plaudit ergo cum

illi insultantur habuisse condigna cæteris Ecclesiis, dicente Domino: Dignus est enim operarius, etc.

(30) Rom. edit., injuria dignus sum, donate, inquit, hoc est, ignoscite mihi.

(31) Ita mss. at edit., excepto cod. Corb., ubi habetur non pecuniam reputaret; et Rom. edit., ubi, sed munus indignum, etc.

tentia probatur in bono, exclusa suspitione avaritiæ.

(Vers. 19.) « Iterum putatis quod excusemus nos apud vos? » Hoc est, quod dicit : Olim de nobis dubitastis, arbitrantes (32) quia non simpliciter agamus vobiscum. A pseudoapostolis enim exagitantur, quia volentes deprædari eos, tergiversatione hoc agere Apostolum asserebant, quasi ut plus possit accipere. « Coram Deo in Christo loquimur : omnia autem, charissimi, pro vestra ædificatione. » Sic cupit illos verum et bene sentire de se, ut et ratione et testificatione satis illis faciat; quia non ut sibi prosit, talem se probet; sed ut ad ædificationem eorum 207 proficiat; ut vel sic amorem illorum circa se provocet, dum non gravat censum illorum et auctoritatem potestatis in arguendis vitiis non inclinat. Sine dubio enim prodest ei, qui corripitur, ut emendet; si præpositus ideo oblata refutet, ut libere arguat.

(Vers. 20.) « Timeo enim, ne, cum venero, non quales volo, inveniam vos. » Quoniam non omnes adhuc quos in prima epistola corripuit emendaverant se, in quibus fuerant vitiis reprehensi; ideo cum auctoritate vult videri iturus ad illos, ut terribi corrigantur; ut tales illos inveniat, quales vult. « Et ego inveniar a vobis, non qualem vultis. » Hoc dicit, ut tales se præbeant, ut conveniat eis cum Apostolo, ut invicem congaudeant sibi. Ille enim invenit aliquem, qualem non vult, qui se talem facit, ut discordet ab illo. « Ne forte sint inter vos contentiones, æmulationes, animositates, dissensiones, detractiones, susurrations, tumores, seditiones. » Nunc errores memorat, quos in superiore epistola reprehendit; quando personis deferentes, et alterum alteri præponentes dissidebant ab invicem.

(Vers. 21.) « Ne iterum, cum venero, humiliet me Deus apud vos, et luceam multos ex iis qui ante peccaverunt, et non egerunt pœnitentiam super immunditia, et fornicatione, et impudicitia, quam gesserunt. » Hoc præmonet, ut non illos tales inveniat, quales dudum invenerat cum vitiis diversis operum immundorum, vel magis nominum; quia omne opus sine crimine est (33), sed inordinationis nomen facit crimen. Tunc enim est illicetum, cum aliter fit quam concessum est. Illis ergo peccantibus, se humiliari dicit; quia incipit, ut pius pater, peccata filiorum deslere. Quis enim pater non gaudeat, bene agentibus filiis? Sic iterum necesse est luceat, si prave versentur (34). Ideo admonet, ut si qui præteritarum fornicationum, aut alterius immunditiæ vel impudicitæ non ege-

runt pœnitentiam sicut quidam quos significat non egisse (35), nunc agerent; ut veniens sine tristitia esset cum eis. Cum enim dicit: « Et luceam multos ex iis, qui ante peccaverunt, et non egerunt pœnitentiam, » probat quosdam ex his egisse pœnitentiam, quosdam non egisse. Quod Novatiano adversum est, qui dicit fornicatores non posse peragere pœnitentiam, et recipi in communionem. Ille probat peregisse, ac per hoc receptos esse in pace Ecclesiæ. Tres ergo formas peccatorum probat, cum fornicationem, et impudicitiam, et immunditiam nominat.

CAPUT XIII.

(Vers. 1.) « Tertium hoc venio ad vos. » Superius præparatum se dixit, nunc jam venturum significat. « In ore duorum vel trium testium stabit omne verbum. » Hoc secundum legem dixit (*Dent. xix, 15*), ut aliquis duobus aut tribus testibus, aut purgetur, aut condemnetur: ita et hi tertio adventu Apostoli, ut purgati inveniantur, commonet.

(Vers. 2.) « Prædixi enim et prædico, ut præsens secundo adventu, et absens nunc scribo iis qui ante peccaverunt, et cæteris omnibus, quia si venero iterum, non parciam. » Prædem se dixisse significat præsentem, ut corrigerent se; ne cum pudore corriperentur; et nunc iterum absentem se eadem dicere contestatur; ut post secundam correptionem, si se non emendaverint, parci eis non debeat.

(Vers. 3.) « Quomodo probationem quæritis ejus, qui in me loquitur, Christus? » Probationem quærent Christi loquentis in Apostolo, dum præceptis non obediunt, volentes probare, si ausit vindicari; ut per id intelligatur esse fidæ auctoritatis (36), ut de cætero timeatur. Qui enim magistrum contemnit, emendari se quærit. « Qui in vobis non infirmatur, sed potens est in vobis. » Potens est in his Christus; quia viderunt in nomine ejus mortuos excitatos, dæmones fugatos, paralyticos convalescisse, surdos audisse, mutis redditum effatum, claudos cucurrisse, cæcos vidisse. Hæc omnia virtutis sunt, non infirmitatis; denique hæc causa attracti ad fidem sunt.

(Vers. 4.) « Nam etsi crucifixus est, ex infirmitate nostra, sed vivit ex virtute Dei. » Verum est, quia propter peccata nostra crucifixus est Christus; ut mortem destruens, credentes sibi liberaret ab ea. Infirmari ergo se passus est propter nos, ut mortem vinceret nobis. Descendens enim ad inferos, qui omnino peccatum nesciebat, et quasi peccator occisus, chirographum Adæ delevit; ut de cætero

(32) Codex Laud., *dubitatis quod excusem arbitrantes*, etc.

(33) Ms. Corb., *quia omne opus bonum sine crimine est*.

(34) Idem codex Corb., *si pervertantur*.

(35) Vet. edit. cum mss. non paucis, *quos significat egisse*.

(36) Mss. aliquot, *esse fidæ auctoritatis*. Sequenti autem versu Rom. edit. *reposuerat magistrum contendit*, et quædam Paris., *ad magistrum contendit*; ubi vet. edit. ac mss. melius, ut in textu. Interpretandum vero *emendari*, quasi esset corripui et castigari.

defuncti sub ejus nomine, 203 a morte non tene-
rentur, sed haberent fiduciam eundi ad cœlos.
Propter infirmitatem ergo nostram occisus revixit
virtute Patris; ut discipulis probaret quæ docuerat
esse vera, exemplo in se ostenso. « Etenim nos
infirmamur in illo. » Hoc ad apostolorum perso-
nam pertinet, qui eum, id est Christum, præ-
dicantes infirmabantur; dum injuriis agebantur,
claudebantur, cædebantur. « Sed vivimus cum eo
ex virtute Dei erga vos. » Manifestum est quia si a
perfidis infirmabantur apud credentes: non erat
hæc infirmitas, sed profectus; quia hinc potentio-
res fiunt fideles, dum infirmantur. Illata ergo mors
a perfidis (37), vita est erga credentes; virtute enim
Dei resurgent, ut vivant cum Christo.

(Vers. 5.) « Vos ipsos tentate, si estis in fide: B
ipsi vos probate. » Invicem ut se fratres discutiant,
præcipit; sollicitiores fiunt enim, si secum invicem
conferant. Tentationem ergo hanc probationem
voluit intelligi; quia omnis probatio tentatio est; non
tamen omnis tentatio probatio. Si enim Deus tentare
dicitur, probatio est: si autem diabolus (38) ten-
tare dicatur, tentatio est; quia evertere nititur. Et
homo aliquando tentat, ut probet; aliquando, ut
capiat. « An non cognoscitis vos, quod Christus
Jesus in vobis est, nisi reprobi estis? » Hoc dicit,
quia si probare vos invicem nescitis, non cognosci-
tis quia Jesus Christus est in vobis, et hoc est re-
probum esse, nescire religionis et professionis suæ
fidem. Qui enim fidei suæ sensum in corde habet,
hic scit Christum Jesum in se esse.

(Vers. 6.) « Spero autem cognituros vos quia non
sumus reprobi. » Provocat eos ad scientiam fidei,
et rectæ vitæ. Cum enim cœperint scire apostoli
sui certam auctoritatem et meritum apud Deum,
poterunt et circa se esse solliciti.

(Vers. 7.) « Oro autem Deum ne quidquam mali
faciatis: non ut nos probati appareamus, sed ut
vos quod bonum est, faciatis: nos autem, ut quæ
reprobi simus. » Eo affectu quo semper orat pro
eis, ut a malis temperent. « Non ut nos, inquit,
probati appareamus, » id est, non ut in auctoritate
videamur, vobis peccantibus. « Sed ut vos, quod
bonum est, faciatis: nos autem, ut quasi reprobi
simus. » Quid est hoc? Orat Apostolus ut reprobis
sit? Non sane: sed hoc orat, ut, his bene agen-
tibus, dum non auderent corripere, quasi humili-
entur, et humiliati vel reprobi appareant. Probati
enim a Deo videntur, dum judicant peccatores,
auctoritate concessa. Si ergo quos judicent, non
sint, cessante in his auctoritate, quasi reprobi
videntur.

(Vers. 8.) « Non enim possumus aliquid adversus
veritatem, sed pro veritate. » Hoc dicit, quia po-

(37) Corb. codex, *In tales ergo mors a perfidis*, etc.

(38) Ms. Corb., *si autem diabolus tentat, evertit. An non cognoscitis*, etc.

(39) Nonnulli mss., *ut correctio*; quidam, *cor-*

A testas non est data contra veritatem, ut arguant
bene viventem: sed pro veritate, ut vindicent in
eum qui inimicus est legis. Ideoque cessabit po-
testas, si quod bonum est fecerint. Unde et ad
Romanos ait: « Vis non timere potestatem? Bo-
num fac, et habebis laudem ex illa (Rom. xiii, 3). »
Cum ergo non timet bonum operando, evacuata
est apud eum potestas; hoc est quasi reprobum
esse; quia hoc in eo cessat, unde probatur pote-
stas.

(Vers. 9.) « Gaudemus enim, cum nos infirma-
mur; vos autem fortes estis. » Hoc est infirmari,
non exercere potestatem: hos autem optat fortes
esse; ut bene agentes vitia vincant et prohibeant a
se vindictam aut correptionem. « Hoc et oramus
et vestram consummationem. » Petit orans ut in
eo perficiantur, nec peccent consummati in vir-
tute bonæ vitæ, et incorrupta fide.

(Vers. 10.) « Idcirco hæc absens scribo, ut non
præsens durius agam. » Apertum est quia ideo absens
commonet, ut correctiores (39) illos inveniat, et non
illic positus increpet cum pudore; ut erubescat,
qui peccat, in cœtu fraterno. « Secundum potesta-
tem quam Dominus dedit mihi in ædificationem,
et non in destructionem. » Hæc potestas est, quam
superius optat esset otiosam, his bene agentibus:
si quo minus, exercere se in hac, ut ædificentur
corrupti, non mortificati peccatores. Non enim
destruuntur, qui arguuntur, ut corrigantur: sed
ædificantur ad vitam.

C (Vers. 11.) « De cætero, fratres, gaudete, perfecti
estote, consolationem percipite, idem sapite, in
pace agite; et Deus pacis et dilectionis erit vobis-
cum. » Gaudium hoc de emendatione erit, unde et
poterit provenire perfectio: sed ante erit conso-
latio, ut spe futurorum deserant præsentem oble-
tationem. « Idem sapite; » hoc ait, propter veterem
discordiam; ut jam 209 unum sentiant. « In pace
agite. » Si concordēs fuerint, habebunt pacem.
« Et Deus pacis et dilectionis erit, inquit, vobis-
cum. » Deus pacis est Christus qui dixit: « Pacem
meam do vobis, pacem relinquo vobis (Joan. xiv,
27). » Ipse est et Deus dilectionis; quia iterum ait:
« Novum mandatum do vobis, ut diligatis invi-
cem. Et in hoc, inquit, cognoscent omnes quia dis-
cipuli mei estis, si dilectionem, qua dilexi vos, ha-
bueritis invicem (Joan. xiii, 34, 35). » Alia tamen
pax Dei, alia mundi est; quia et maligni et spurci
habent pacem (40), sed damnationem; Christi enim
pax libera est a peccatis. Perfidiam ergo fugit,
dolum spernit, factis malis repugnat. Hæc Deo pla-
cita est et amica, diabolo autem inimica. Hanc qui
habuerit, habebit et dilectionem simul et Deum
eorum ad tuitionem perpetuam.

reptio rectiores illos inveniat.

(40) Omnes edit. ac mss. aliquot, *et spurii habent pacem*; aptius alii cod. nonnulli, *et spurci*, hoc est, impudici, molles, etc.

« Salutate vos invicem in osculo sancto. » Hæc salutatio ecclesiastica est; **120** quia oscula hæc non carnalia, sed spiritalia sunt, quæ complexu corporum animos copulant non desiderio carnis, sed spiritus. « Salutant vos sancti omnes. » Provocat eos ad sanctitatem, ut et ipsi audeant reddere vicem sanctis in salutatione; ideo enim a sanctis salutantur, ut illos imitentur.

« Gratia Domini nostri Jesu Christi, et dilectio

A Dei, et communicatio Spiritus sancti sit cum omnibus vobis. Amen. » Trinitatis hic complexio est, et unitas potestatis, quia totius salutis perfectio est. Dilectio enim Dei misit nobis Salvatorem Jesum, cujus gratia salvati sumus. Ut possideamus hanc gratiam salutis, communicatio facit sancti Spiritus: hic enim dilectos a Deo, et salvatos gratia Christi tuetur; ut trium perfectio consummatio sit hominis in salutem.

IN EPISTOLAM BEATI PAULI AD GALATAS.

PROLOGUS.

Omnis credens in Christum, et observans legem factorum, male intelligit Christum: sicut et Symmachiani, qui ex Pharisæis originem trahunt, qui servata omni lege, Christianos se dicunt, more Photini Christum non Deum et hominem, sed hominem tantummodo delinientes. Si enim Deum intelligerent Christum, nihil de lege factorum sperarent, id est, de Neomeniis, Sabbato, circumcisione, et discretionem escarum; quia qui Deum et Dominum legis colit, supra legem est: nec potest judicari a lege, qui cum legislatore concordat. Denique non illorum causa lex data est, qui Deum colebant: sed eorum qui male et credebant et agebant ad contemptum Creatoris. Unde dicit ad Timotheum: « Nec enim justo lex posita est, sed injustis, et male versantibus (I Tim. i, 9). » Et Moyses sic inquit: « Timentes facietis filios Israel (Levit. xv, 31). » Unde et Galatæ, vel ii qui eos subvertebant, adhuc erroris nebula contextum cor habentes, non cernunt sensum Isaïæ prophetæ inter cætera dicentis: « Verbum enim consummans et brevians in æquitate; quia verbum brevium faciet Dominus super terram (Isa. x, 23; Rom. ix, 27). » Si ergo hæc dicta intelligerent, a lege recederent, scientes a prædicatione Joannis Baptistæ legem jam cessare; ut sola fides sufficiat ad salutem, abbreviata ex lege. In lege enim et de Deo Patre, et de Christo filio ejus, et de Spiritu sancto continetur prædestinatum in tempore, quod manifestatum est in prædicatione: nam si signaculi causa circumcidebantur filii Israel, ut exinde apparerent filii esse Abrahamæ juxta carnem, rite cessare debet circumcisio; quia signum habent credentes mortis devictæ, quo dignoscuntur filii esse Abrahamæ, sed secundum fidem: Abraham enim promissus est, qui veniens vinceret mortem. Denique hunc exspectabat Abraham, quem in spiritu sentiens natum, gavisus est, sciens se in brevi introduci in caelos. Unde dicit Dominus ad Judæos: « Abraham cupivit videre diem meum; et vidit, et gavisus est (Joan. viii,

B 36); » tempore enim quo simul adhuc erant filii Israel in eremo, antequam vicini essent gentiliis, non sunt circumcisi. At ubi commisceri habebant gentibus, tunc a Jesu Nave circumcisi sunt de petra (Josue v, 3), quæ significat Christum (41): « Quia petra, inquit, erat Christus (I Cor. x, 4), » ut designaret per Christum futuram circumcisionem cordis, sicut dixerat Moyses, et Jeremias propheta: « Circumcidite vos Deo, et circumcidite præputium cordis vestri (Deut. x, 16; Jerem. iv, 4); » ut amputata caligine, per remissionem acceptam peccatorum digni fierent videre gloriam Dei, quam sub lege positi videre nequiverant causa peccati. Ut ergo et Christum Deum signaret, et non se ab homine ea didicisse quæ docebat, assereret, ita incipit:

CAPUT PRIMUM.

(Vers. 1.) « Paulus apostolus non ab hominibus, neque per hominem, sed per Jesum Christum, et Deum Patrem, qui suscitavit eum a mortuis. » Apostolum se non ab hominibus electum, et missum ad prædicandum testatur, sicut erant quidam, **210** qui electi ab apostolis mittebantur ad Ecclesias roborandas; neque sicut alii, qui a Judæis mittebantur ad disturbandas Ecclesias, quos pseudoapostolos vocat: sed a Filio Dei missum se, quem in hac causa idcirco hominem negare videtur; quia præcepta quasi Deus dedit, non quasi homo et quem elegit (42), divino judicio elegit. Per quod idoneum et firmum se prædicatorem significat; quia multo utique melior est, quem Deus elegit, quam quem homo. « Neque, inquit, per hominem, » sicut arbitrabantur de Christo, qui hos cogebant circumcidi; sed per Dominum Jesum Christum, id est per eum qui Deus et homo est. Quod statim aperit, cum dicit: « Et Deum Patrem, qui suscitavit eum a mortuis. » Hoc dicto, duas hæreses damnavit, et Manichæi et Photini; quia Manichæus Christum hominem negat, et non negat crucifixum: et Photinus Christum Deum esse non concedit; et tamen ipsum se, hoc est corpus suum, excitasse a mor-

(41) Rom. edit., *circumcisi sunt cultris de petra...* ut significaretur per Christum, etc.

(42) Codex Vall., *et quoniam divino judicio elegit.*

tuis negare non audet : ut Manichæus, cum crucifixum non negat, stulte eum hominem non fateri videatur : et Photinus impietate quadam Deum negare, quem se ipsum a mortuis excitasse fatetur. Legit enim dixisse Dominum : « Solvite templum hoc, et ego tribus diebus excitabo illud. Hoc autem dicebat de templo corporis sui (Joan. ii, 19). » Igitur ipse excitans se a mortuis, corpus suum significat se a mortuis excitasse; et nihilominus tamen a Patre suo dicitur excitatus, propterea quod omnis virtus Filii de Patre est; ut gesta Filii facta sint Patris, ex quo sunt omnia.

(Vers. 2.) « Et qui mecum sunt omnes fratres, Ecclesie Galatiæ. » Postquam auctoritatem suam commendavit, adhuc auget ad causam; ut cæteros qui secum erant, omnes commotos adversus eos ostenderet. Quamvis sufficeret auctoritas ejus, ne posset refutari; tamen ut gravet factum illorum, quo a prima fide destiterant, multus secum accensos ad errorem illorum arguendum designat. Facile enim poterit quis intelligere errare se, si a multis se videat reprehendi.

(Vers. 3.) « Gratia vobis et pax a Deo Patre nostro, et Domino Jesu Christo. » Utriusque beneficio, tam Patris quam Filii, genus hominum sublevatum ostendit. Nec minorem Filium significat, cum eum Dominum nostrum vocat: neque Patrem majorem, quia eum Deum nostrum appellat; quia non erit verus Deus Pater, nisi et Dominus sit: neque verus Dominus Filius, nisi et Deus sit. Si ergo una gratia Patris et Filii erga nos est, quid est, inquit, ut de Filio minus sentientes (43), legem illi æquetis, ut partim Christo, partim legi serviat, cum legeritis Dominum dicentem: « Quia Dominus est Filius hominis etiam Sabbati (Luc. vi, 5) ? » ut per hoc videant quanta contumelia ab eis Domino irrogetur, quando comparant Dominum famulæ.

(Vers. 4.) « Qui dedit semetipsum pro peccatis nostris. » Aperte ostendit nihil prodesse legem, quando Christum dicit obtulisse se, ut pro nobis pateretur, ut nos justificaret, quos lex reos tenebat; ut eruti a lege per fidem Christi, jam non peccatores essemus; sed justificati secunda natiuitate, filii Dei appellati. Cum enim in ditione diaboli genus (44) hominum 211 teneretur, Salvator obtulit se volenti diabolo; ut illudens eum potestate virtutis suæ (accipere enim voluit, quem detinere non potuit) auferret ei, quæ malo jure tenebat obnoxia. Exspoliatis itaque inferis, tropæum animarum pertulit ad Patrem, ex quo sunt omnia; quod lex utique facere non potuit. Quanquam profutura data sit, nobis tamen peccantibus conversa est, ut fieret inimica; et cœpit occidere, non vivificare. Christus autem donans delicta, non solum vivificavit nos, sed et sibi sociavit; ut filii

A Dei vocemur facti per fidem. Quantum ergo error est post gratiam reverti sub lege, hoc est, post acceptam libertatem velle servire; ut ereptus gladio immemor beneficii denuo se vendat lanistæ? Accusator est enim emptoris, qui, relicto eo, rursus ad priorem dominum redit. « Ut liberaret nos de præsentis sæculo maligno. » Hoc dicit, quia ideo morti concessit se Dominus, ut nos ab errore sæculi liberaret, id est, ut ab intelligentia hujus sæculi, quod curricula senescente ætate devertit in finem, alieni facti, futuri sæculi quod occasum nescit, participes simus in sensu unius Dei. Præsentis enim sæculi hæc est malignitas, quia non reddit congruam reverentiam creatori Deo, et restauratori Christo; dum multos sibi deos confugit error humanus, aut dnm Christo a credentibus debita honorificentia non reservatur.

(Vers. 5.) « Secundum voluntatem Dei et Patris nostri, cui gloria in sæcula sæculorum. Amen. » Ut firmum sit et plenum auctoritate, quod dicit quia Christus nos liberavit; addit quia istud Patris fecerit cum voluntate.

(Vers. 6.) « Miror quod sic tam cito transferimini ab eo, qui vocavit vos per gratiam Christi, in aliud Evangelium. » Evangelium bonum nuntium est, ac per hoc et lex vetus Evangelium est, excepta lege factorum (45): sed hoc potius in quo, quod promissum est, solutum est, per quod peccatores ad indulgentiam convocantur. Mirari ergo ideo se dicit, quia de optimo et maximo beneficio decedentes, manciparunt se legi factorum; ut perderent quod fuerant consecuti, ut de accepta libertate ruerent in servitutem, cito eversi: cum mos sit ut paulatim aliquis de malo transeat ad bonum, hi autem de bono facile traducti sunt ad opera carnis, quæ sunt gravia. Raro enim contingit ut quis de lætitia confugiat ad exitia: ac per hoc admiratur hebetudinem illorum qui, in securitate positi, labori se subjecerunt inani. Tale est, si nauta insanus stans in portu, de tempestate securus, laxet navim in altum, ut perturbetur diversis procellis: ita et hi per stultitiam subjecerunt se; ut dolores paterentur pudoris desecti, et jugum servitutis legis susciperent, nulla hujus rei spe prædicata. In aliud ergo evangelium vocati fuerant, quam quod hi prædicabant, qui eos subverterant; non tamen aliud ab eo, quod apostoli annuntiabant, quod hi pseudoapostoli aliud esse asserebant ad invidiam Apostoli, qui eos instruxerat. Et ut Galatas per hanc fallaciam circumvenirent, necesse erat ut Evangelium apostoli aliud esse dicerent, quam quod ratio Salvatoris docebat: hoc autem esse verum, quod ab eis cum legis veteris concordia prædicabatur. Hi sunt qui quæstiones fecerunt Paulo et Barnabæ de hac re, sicut continetur in Actibus apostolorum (Act. xv, 2); isti enim docebant ex gentibus cre-

(43) Mss. aliquot, *ut de Filio hominis sentientes.*

(44) Nonnulli mss., *in conditione diaboli velut; quidam vel, in servitute gens, etc.*

(45) Omnes edit. et nonnulli mss., *accepta lege factorum. Non recte.*

dententes quia nisi circumciderentur more Moysis, et A judaizarent, salvi esse non possent.

(Vers. 7.) « Quod non est aliud, nisi aliqui sunt, qui conturbant vos, et volunt convertere Evangelium Christi (46). » Apertum est quia hoc agebant, ut converterent Evangelium Christi immutantes traditiones, ut sub nomine Christi essent Judæi; et hoc est convertere Evangelium Christi in legem.

(Vers. 8, 9.) « Sed et si vos, aut angelus de cælo evangelizaverit vobis, præterquam quod evangelizavimus, anathema sit, sicut prædiximus, et nunc iterum dico: Si quis vobis evangelizaverit, præterquam quod accepistis, anathema sit. » Nemo miretur Apostolum, qui feritatem morum mansuetabat, sic esse commotum: pro Galatarum enim salute indignatur adversus inimicos disciplinæ christianæ. Indignatio enim hæc ostendit non leve peccatum esse post acceptam fidem converti ad legem; nam tam firmum atque verum Evangelium, quod eis prædicaverat, asserit; ut etiam seipsum, id est apostolos, immutati forte aliter prædicarent, non audiri doceret, quorum utique fama quod essent apostoli Christi, peragraverat omnem locum. Aut si forte diabolus angelum **212** Dei se fingens, ut facile possit audiri, de cælis appareret contra hæc prædicans, sciretur esse contrarium, et ut abominatio haberetur. Si ergo apostolos Christi, quorum tam præclara opinio in signis et prodigiis erat faciendis, et angelum de cælo, quem possit spiritalis ratio commendare, aliter docentes, quam ab apostolo Paulo edocti erant, anathematizari præcepit; quanto magis quos nullum testimonium ad seducendum potest commendare? Ideo autem iterat contestationem, ut confirmet eos in prima traditione; iterata enim lex sollicitiores reddit negligentes.

(Vers. 10.) « Modo enim hominibus satisfacio, aut Deo? » hoc est, numquid hominibus satisfacio, suadendo vobis reverti ad gratiam Christi, an Deo? Non hominibus utique, sed Deo; ut per satisfactionem revertantur ad Deum, quem spreverant. Denique statim subjicit: « Aut quæro hominibus placere? Si adhuc hominibus placerem, servus Christi non essem. » Significat igitur hos a quibus fuerant eversi, non Deo, sed hominibus placere in Galatarum subversione, sicut et semetipsum jam dudum, quando Ecclesiam, ut Patrum traditionem vindicaret, persequeretur. Ut enim a Judæis laudari possent, secundum voluntatem illorum, legem servandam dicebant; ne si verum Evangelium Christi prædicarent, inimicos eos facerent. Hic autem apostolus Paulus, qui omni devotione Deo placere docebat, non timebat homines offendere, dummodo Dei gloriam commendaret; omnia enim præsentia postponens futuris, se commendabat spebus (47), ut Christi idoneus servus; idonei autem servi esse non possunt, qui sub nomine Domini propriis lucris student.

(46) Rom. edit., et volunt invertere. Et infra, ut invertent Evangelium.

(47) Mss. nonnulli, se commendabat speciebus.

Sed forte contra aliquis dicat: Ergo qui legem prædicabant, quam Deus dicitur dedisse, hominibus serviebant. Quomodo ergo idonea lex esse dicitur, cujus prædicatio secundum hominum voluntates narratur temperata? Ante adventum Domini lex juxta Dei voluntatem prædicabatur; tempus enim ei debebatur, ut servaretur: at ubi venit Dominus promissus in lege, cessare oportuit legem, juxta prædictam sententiam prophetarum. Unde dicit Dominus: « Lex et prophete usque ad Joannem (Luc. xvi, 16); » nec enim dignum erat ut præsentem Domino legis auctoritas servaretur. Ideoque si quis de cætero legem servandam putat, jam non Domini voluntati obtemperat, sed repugnat; similibus enim suis satisfacit.

(Vers. 11, 12.) « Notum autem vobis facio, fratres, Evangelium, quod prædicatum est a me, quia non est secundum hominem; neque enim ego ab homine accepi illud, aut didici; sed per revelationem Jesus Christi. » Nunc principia epistolæ aperit; ipsum enim sensum vult manifestare, quia ea quæ docebat, non ab homine didicerat; ne forte dubitaretur de iis quæ docebat. Nequæ secundum humanum judicium aptata erat ejus prædicatio: ut indigna divina auctoritate videretur: sed a Dei Filio dicit se didicisse per revelationem, cum jam post resurrectionem esset in cælis, sicut præmemoravi; et ea quæ didicit, convenire voluntati majestatique ejus, a quo se didicisse testatur. Spiritualia enim sunt, quæ servata meritum collocant apud Deum: illa enim carnalia sunt, quæ tempore suo servata, nec meritum nec immeritum præstiterunt apud Deum: non servata obfuerunt: quia et qui non facerant legem, sub maledicto erant: et qui fecerant, non justificabantur apud Deum, quia justus ex fide vivit. Illa enim ut oneri essent, servanda mandata sunt, non dignitati.

(Vers. 13.) « Audistis enim conversationem meam aliquando in Judaismo, quia supra modum persequer bar Ecclesiam Dei, et expugnabam eam, et proficiebam in Judaismo super multos coætaneos meos ingenere meo, abundantius æmulator existens paternarum mearum traditionum. » Propositum suum, quo prius juxta carnem vivebat, repugnans Ecclesiæ, breviter memorat: sed ut famulus Christi esset, hoc se reliquisse dicit. Magis enim se devotum, quam illos in vindicando legem fuisse designat; non tamen propter hominum favorem, sed hoc putans utile apud Deum. Per ignorantiam enim, cum humanitati placeret, Deo se servire putabat, liberam habens conscientiam; nesciebat enim jam tempus asserendæ legis (48) non esse, doctrinam secutus patrum, aut in errore, aut in malevolentia constitutorum; et omni industria et fervore mentis id agebat, ut cæteris coequalibus sibi æmulatione legis præstantior videretur, sic insaniens contra

(48) Rom. edit., jam tempus asservandæ legis, etc.

disciplinam Christi, ut nulli hominum parceret fidei foedera assecuto. Sed cum Dei revelatione laborem hunc **213** inanem esse didicisset, et magis contrarium; destitisse ab eo, et se fidei gratiæ subdidisse, ut profectus ei esset apud Deum, memorat. Si ergo hic qui Israelita est, et qui dignitate doctoris fultus erat apud Judæos, eruditus a Gamaliele, viro prudentissimo, locum habens cum optimis vita hominibus, reliquit legem; quanto magis ii, qui extra legem erant, legi se subicere non debuerant? Et si hic gaudet exisse se de sub jugo servitutis, quid est ut libertatem suam obligaverint vinculis legis?

(Vers. 15, 16.) « Cum autem placuit ei qui me segregavit de utero matris meæ, et vocavit per gratiam suam revelare Filium suum in me, ut evangelizarem eum in gentibus; continuo non acquievi **B** carni et sanguini. » Cum in lege haberet fiduciam, inscius jam tempus legis servandæ non esse, et omni aviditate contenderet, putans Dei se voluntate hoc agere, ut resisteret Evangelio Christi; videns Deus æmulationem ejus bonam, sed scientiam ei deesse, placuit ei vocare illum ad gratiam suam, sciens jam idoneum hunc esse ad prædicandum Evangelium Filii ejus in gentibus; quia si in re minima tam velox et fidus erat audacia conscientiæ, non adulatione cujusquam; quanto magis in prædicando dono Dei futurus esset constantior spe promissi præmii? Præscientia ergo Dei segregatus est de utero matris suæ, id est, antequam nasceretur, vel statim natum scivit Deus futurum bonum, sicut dicit ad Jeremiam prophetam: « Priusquam te **C** formarem in utero, novi te, etc. (*Jerem. 1, 5*); » ita et apostolum Paulum, sciens quis esset futurus, prævenit eum; ut antequam converteretur, vocaret eum, quia erat necessarius. Denique statim suscipit dispensationem doni Dei, omni postposita cura carnali; nec enim consilium cujusquam petiit, aut ad aliquem retulit quid esset acturus: sed protinus prædicavit Christum, quia hic est Filius Dei. Nam sicut futuri mali frequenter ante sunt boni: ita et solent futuri boni prius esse mali.

(Vers. 17.) « Neque veni Hierosolimam ad præcessores meos apostolos, sed abii in Arabiam, et iterum regressus sum Damascum. » Non fuisse dicit necessitate electum se a Deo pergendi ad præcessores suos apostolos, ut aliquid forte disceret ab **D** eis; quia Deus ei revelavit per Filium suum quomodo doceret. Hoc ideo loquitur, ut ostendat non aliud tenendum esse, quam quod docet: nec hominibus credi, sed Deo, a quo se didicisse testatur; ac per hoc eos, qui illos in legem induxerant, esse doctores falsos; quia non a Deo traditum erat, quod docebant. A Damasco ergo in Arabiam profectus est, ad prædicandum, ubi nullus erat apostolorum; ut ipse hic fundaret Ecclesias, ne subrepentibus pseudoapostolis (49), Judaismus seminaretur. Et

inde iterum regressus est Damascum, ut visitaret quibus rudis prædicaverat Evangelium gratiæ Dei.

(Vers. 18.) « Deinde post annos tres ascendi Hierosolimam videre Petrum, et mansi apud eum dies quindecim. » Dignum fuit ut cuperet videre Petrum, quia primus erat inter apostolos, cui delegaverat Salvator curam Ecclesiarum: non utique ut aliquid ab eo disceret; quia jam ab auctore didicerat, a quo et ipse Petrus fuerat instructus: sed propter affectum apostolatus, et ut sciret Petrus hanc illi datam licentiam, quam et ipse acceperat. Veniens ergo ad eum, hospitio receptus est, et apud eum mansit dies quindecim, quasi unanimus coapostolus. Hæc ideo manifestat, ut ostendat concordiam se cum apostolis habuisse, nec in aliquo dissensisse, sicut susurrabant de eo pseudoapostoli; ut eum apud Ecclesias gentium deformarent, et sur mala simplicioribus insererent, dicentes ea convenire cum doctrina apostolorum majorum.

(Vers. 19.) « Iterum reversus sum Damascum, alium autem ex apostolis vidi neminem, nisi Jacobum fratrem Domini. » Jacobum vidit Hierosolimæ, quia illic erat constitutus ab apostolis episcopus, qui et ipse prius fuerat incredulus, sicut dicit evangelista: « Quia nec fratres ejus, inquit, adhuc credebant in eum (*Joan. vii, 5*). » Hic Jacobus filius fuit Joseph, qui ideo frater Domini appellatus est, quia et Joseph pater ejus, etiam Domini pater nuncupatus est. Sic enim dicit Maria ad Jesum in Lucæ Evangelio: « Quid fecisti nobis, fili? Ego et pater tuus mæsti et tristes quærebamus te (*Luc. ii, 48*). » Et in Evangelio Joannis dicit Philippus ad Nathanael: « Quem scripsit Moyses **214** in lege, et prophetæ, invenimus Jesum a Nazareth, filium Joseph (*Joan. i, 45*). » Hoc ergo modo dictus est Dominus frater Jacobi et cæterorum, quo et filius nuncupabatur Joseph. Quidam enim ducti insania hos veros Domini fratres de Maria natos, impia assertionem contendunt, cum Joseph non verum ejus patrem dicant appellatum. Si enim hi veri erant fratres ejus, et Joseph erit verus pater; quia qui dixit patrem ejus Joseph, idem dixit et fratres ejus Jacobum et cæteros.

(Vers. 20.) « Quæ autem scribo vobis, ecce coram Deo, quia non mentior. » Quo ad commendationem ejus pertinet locuturus, testem Deum dat, quia ita se habent, quæ dicturus est, ne forte videretur compositum; cum personæ ejus non conveniat aliquid fingere. Sed cum se commendat, hos vult proficere; commendatio enim hæc istis proficit, ut sciant ea, quæ ab hoc dicuntur, esse verissima.

(Vers. 21-24.) « Deinde veni in regiones Syriæ et Ciliciæ. Eram autem ignotus facie Ecclesiis Judææ, quæ erant in Christo: solummodo audiebant, quia qui persequeretur nos aliquando, nunc prædicat fidem, quam aliquando expugnabat; et

(49) Mss. nonnulli, *ne subripiantibus pseudoapostolis.*

in me magnificabant Deum. » Hoc dicit, quia cum Judaismum defenderet contra fidem, sicut et hi a quibus Galatæ fuerant eversi, a Deo electus est, et doctus dissimulare a Judaismo, et novam legem prædicare : ita ut gauderent in eo ex Judæis credentes, quos pridem persequabatur, Deo agentes gratias, qui de persecutore fecit defensorem; ut perinde scirent Galatæ circumventos se, ut sub nomine Christi Judæos se profiterentur, circumcidentes carnem præputii sui, cum Christi lex aliud imperet, quam Judaismus; illic enim circumcisio carnis est, hic cordis: illic sub elementis servitur neomeniis et Sabbato, hic soli Deo in spiritu, quia corde creditur: illic conditio est causa peccati, hic libertas ex remissione peccatorum. Multa itaque distantia est.

CAPUT II.

(Vers. 1, 2.) « Deinde post annos quatuordecim iterum ascendi Hierosolimam cum Barnaba, assumpto et Tito. Ascendi autem secundum revelationem, et exposui illis Evangelium (50), quod prædico in gentibus, secreto autem: his qui aliquid esse videbantur; ne forte in vacuum currerem, aut ecurrissem. » Quoniam multo tempore fama ejus crebrescebat apud omnes Judæos, facie autem non videbatur, perambulabat enim fundare et roborare Ecclesiam (51) solita constantia inter gentes: a Judæis autem causa legis mala illi fiebat opinio, quasi discordaret a prædicatione cæterorum apostolorum; et hinc fiebat multis scrupulus, ita ut gentes possent perturbari, ne in aliud inducerentur ab eo, quam tradebant apostoli, qui cum Domino fuerant. Nam ipsa occasione subversi sunt Galatæ a Judæis, dicentibus quia aliud tradebat Petrus, quam Paulus; hinc factum est ut admonitus revelatione Domini ascenderet Hierosolimam cum testibus prædicationis suæ, id est Barnaba et Tito, uno ex Judæo, et altero ex gentili; ut si qui de eo haberent scandalum, horum testimonio tolleretur, adaperiens illis sensum prædicationis suæ. Cum apostolis vero secreto contulit: ut scirent non illum discordare a regula evangelica, hoc est, ne putarent illum in vacuum currere aut ecurrisse, sicut æstimabant aliquanti ex Judæis credentibus. Nec enim aliquid ab eis discere poterat; quia a Deo fuerat instructus: sed propter concordiam et pacem Dei nutu factum est: ut tolleretur scrupulus aut suspicio fratribus et coapostolis ejus, et ut gentibus proficeret, cognoscentibus quia concordabat Evangelium ejus cum apostolis. Præterea cum legem dedissent (52) non molestari eos, qui ex gentibus credebant: sed ut ab his tantum observarent, id est, a sanguine et fornicatione et

A idololatria (*Act. xv, 29*). Nunc dicant sophistæ Græcorum, qui sibi peritiam vindicant, subtilitate ingenii se naturaliter vigere, quæ tradita sunt gentibus observanda? Quæ ignorabant, an quæ sciebant? Sed quomodo fieri potest, ut aliquis ea discat, quæ novit? Ergo hæc illicita esse ostensa sunt gentibus, quæ putabant licere: ac per hoc non utique ab homicidio prohibiti sunt, cum jubentur a sanguine observare. Sed hoc acceperunt, quod Noe a Deo (53) didicerat, ut observarent se a sanguine edendo cum carne (*Gen. ix, 4*). Nam quomodo fieri poterat ut Romanis legibus imbuti, quorum tanta auctoritas in servandis mandatis est, nescirent homicidium non esse faciendum: quippe cum adulteros et homicidas, 215 et falsos testes, et fures, et B maleficos, et cæterorum malorum admissores puniant leges Romanæ? Denique tria hæc mandata ab apostolis et senioribus data reperiuntur, quæ ignorant leges Romanæ, id est, ut abstineant se ab idololatria, et sanguine, sicut Noe, et fornicatione. Quæ sophistæ Græcorum non intelligentes, scientes tamen a sanguine abstinendum, adulterarant Scripturam, quantum mandatum addentes, et a suffocato observandum: quod, puto, nunc Dei nutu intellecturi sunt, quia jam supra dictum erat, quod addiderunt.

(Vers. 3.) « Sed neque Titus, qui mecum erat, hoc est, illo ipso tempore quo fui, inquit, Hierosolymis, « Titus, qui mecum erat » compulsus, non est circumcidi. Cum utique inter apostolos, et eos C qui ex Judæis crediderant, essemus, nemo eum de his, id est Titum, compulit circumcidi. Et subintelligitur: Quid est ut vos circumcidamini, cum Titus ab apostolis, qui videbantur aliquid esse, non est compulsus circumcidi, sed susceptus est incircumciscus?

(Vers. 4, 5.) « Propter subintroductos (54) autem falsos fratres, qui subintraverunt explorare libertatem nostram, quam habemus in Christo Jesu, ut nos in servitutem subjicerent, ad horam cessimus subjectioni, ut veritas Evangelii permaneat apud vos. » Titum, quia Græcus erat sicut Galatæ, negat circumciscum. Quo dicto, hos arguit, qui paterentur se circumcidi, cum essent Græci. Sed ne forte opponeretur ei, quia ipse circumciderat Timotheum (*Act. xvi, 3*), nunc causas exponit cur fecerit D quod faciendum negabat, dicens: « Propter subintroductos autem falsos fratres, qui subintraverunt explorare libertatem nostram, quam habemus in Christo Jesu, ut nos in servitutem subjicerent, ad horam cessimus subjectioni, ut veritas Evangelii apud vos permaneat. » Græci e contra dicunt: Nec ad horam cessimus, et hoc aiunt convenire causæ;

sola, abstinerent, id est, a sanguine, et fornicatione, et idololatho.

(53) Rom. edit., a sanguine abstinere. Nam hoc acceperunt a Noe, quod a Deo, etc.

(54) Mss. non pauci constanter hic et infra scribunt, subinductos.

(50) Rom. edit., et contuli cum illis Evangelium.
(51) Eadem edit., fama Apostoli percrebrescebat... facie autem non agnoscebatur... fundando et roborando Ecclesias.

(52) Vet. edit. et mss. aliquo, cum legem didicissent; Rom. edit., cum lege didicissent; alii mss. melius, cum legem dedissent. Infra vero edit. Rom.

quia qui fieri prohibebat, non oportebat, inquit, A dicere se fecisse; ne probaret esse faciendum. Sed apostolus vir divinus sciens posse hoc opponi ipse illud proponit, ut præveniat calumniosos: et reddit causas quibus compulsus est facere quod nolebat. « Propter subintroductos autem, inquit, falsos fratres. » Subintroductos dicit, quia cum dolo intraverunt, ostendentes se fratres, cum essent inimici. « Qui subintraverunt, hoc est, qui cum humilitate intraverunt fingentes amicitiam. » Explorare libertatem nostram, quam habemus in Christo Jesu, ut nos in servitatem subjicerent. » Explorare est sic intrare, ut aliud fingat, et aliud quærat. Quo possent accusare « libertatem nostram, quam habemus in Christo Jesu. » Libertas in Christo Jesu hæc est, non subjici legi. « Ut nos in servitatem subjicerent; » hoc est, ad hoc intraverunt cum dolo et fallacia, ut nostram libertatem servituti subjicerent, cogentes nos subjici legi circumcisionis. « Ad horam cessimus subjectioni, » hoc est, ad horam nos subjicimus servituti, humiliantes nos legi, ut circumciso Timotheo, cessaret dolus et scandalum Judæorum. Parati enim erant, sicut datur intelligi, commovere illi tumultum et seditionem. Fuit enim causa, quomodo haberent aditum calumniæ faciendæ; Timotheus enim erat matre quidem Judæa, patre autem Græco: unde factum est, ut secundum legem circumciscus infans non esset. Volens autem Apostolus eum assumere, ut ordinaret illum episcopum, sicut fecit (quia testimonium ei, inquit (Act. xvi, 2), bonum perhibebant omnes loci illius), insidias passus est Judæorum. Explorabant enim si filium Judææ incircumciscum susciperet, parantes seditionem, quia si de Græcis contradicebat non esse circumcidendos, sicut et epistola ab apostolis de hac re fuerat data (Act. xv, 23-29), vel filios Israel circumcidi non veteret; quia nihil de his in epistola eadem significaverant apostoli: ex cujus auctoritate plus insæviebant credentes Judæi, quia non prohibebat Judæos filios suos circumcidere ipsa epistola. Tunc, inquit, accipiens eum circumcidit propter Judæos qui erant in locis illis (Act. xvi, 3). De gentilibus autem scandalum non habebant, unde Titus non est compulsus circumcidi. Ad horam ergo cessit, ut veritas Evangelii; permaneat apud gentes, cum non subjiciunt se circumcisioni. Apud Judæos autem non erat veritas Evangelii; quia credentes circumcidebant filios suos; in Christo enim Jesu neque præputium, neque circumcisio aliquid valet: sed fides per dilectionem operans (Galat. iv, 15; v, 6). Nam non solum historia, sed et litteræ hoc indicant, quia cessit. Nam supra dicit Titum, cum esset Græcus, non esse compulsum circumcidi; et subjicit, dicens: « Propter subintroductos 216 autem falsos fratres. » Quid jam sonat, nisi quia cessit ad horam propter subintroductos falsos fra-

tres? Si quominus, quomodo verba aut sensus sequerentur? Titum certe negat compulsum circumcidi; propter subintroductos autem falsos fratres, quid sonat, nisi quia cessit? Si autem propter subintroductos falsos fratres non cessit, non voluntate non cessit; nam cessurum se significavit, si hoc est: sed propter subintroductos falsos fratres non cessit. Si ergo cedendum non fuit, quare falsi fratres dicuntur, quorum beneficio non fecit, quod faciendum non erat? Itaque si hoc est, beneficium præstiterunt Apostolo, quia horum causa non cessit, quod cedere habebat. Cur igitur exploratores dicti sunt, si hoc illum facere nolebant, quod facturus erat: sed propter istos non fecit? Si autem non erat facturus, sine dubio propter istos fecit: aliud enim non est. Litteræ enim hoc indicant, quia cessit, et historia factum exclamat. Quomodo enim ad horam negaret se cessisse, cum probetur propter Judæos Timotheum circumcidisse, quod est ad horam cessisse, et secundum legem purificatum in templum ascendisse (Act. xxi, 26). Ille enim posset dicere nec ad horam se cessisse, qui nunquam inveniretur cessisse. Aut enim cessurus, propter falsos fratres non cessit: aut non cessurus, propter fratres falsos cessit. Unum ergo e duobus accipite. Falsi fratres autem dicuntur, qui credentes judaizabant.

(Vers. 6.) « Ab his vero qui existimantur aliquid esse, quales aliquando fuerunt, nihil mea interest, Deus personam hominis non accipit. » Hoc significat, quia apostoli prius simplices homines erant et imperiti, nullius dignitatis in lege, sed hoc non obesse. Quis enim accuset eum, quem Deus excusat? Quia non quæritur quis quid fuerit, sed quid sit. Præterita enim nec condemnant nec vindicant (55). Sed tamen vult intelligi quia et peritus erat in lege, et clarus vita: ac per hoc et dispensatione Evangelii præcipuus minister. « Mihi enim, qui existimantur aliquid esse, nihil contulerunt. » Nihil dicit se ab apostolis consecutum, sed a Deo; quia qui imperitis sensum tribuit disciplinæ Christianæ, ipse et mihi, inquit, cum essem legis peritus, dignatus est impertiri sensum rationis hujusmodi. Quomodo ergo fieri poterat, ut hic ab his disceret, quem peritum inveniens, peritiorem fecit gratia Christi?

(Vers. 7, 8.) « Sed e contra, cum vidissent quod creditum est mihi Evangelium præputii, sicut Petro circumcisionis; qui enim operatus est Petro in apostolatum circumcisionis, operatus est et in me ad gentes. » Petrum solum nominat, et sibi comparat, quia primatum ipse acceperat ad fundandam Ecclesiam: se quoque pari modo electum, ut primatum habeat in fundandis gentium Ecclesiis: ita tamen, ut et Petrus gentibus prædicaret, si causa fuisset, et Paulus Judæis. Nam uterque invenitur utrumque fecisse: sed tamen plena auctoritas,

Petro in Judaismi prædicatione data dignoscitur, et Pauli perfecta auctoritas in prædicatione gentium invenitur. Unde et magistrum se gentium vocat in fide et veritate (*II Tim.* 1, 11); unusquisque enim pro viribus suis dispensationem sortitus est. Difficilius enim fuit eos qui longe a Deo erant, ad fidem suam attrahere et suadere, quam proximos.

(Vers. 9, 10.) « Et scientes gratiam Dei, quæ data est mihi, Petrus et Jacobus et Joannes, qui videbantur columnæ esse, dextras dederunt mihi et Barnabæ communionis; ut nos ad gentes, ipsi vero in circumcisionem; tantum ut pauperum memores essemus, quod et sollicitè curavi hoc ipsum facere. » Ab apostolis qui clariores inter cæteros erant, quos et firmitatis causa columnas appellat, quique cum Domino semper in secretis fuerant, gloriam ejus digni in monte respicere (*Matth.* xvii, 2); ab his itaque probatum dicit donum, quod accepit a Deo; ut dignus esset habere primatum in prædicatione gentium, sicut et habebat Petrus in prædicatione circumcisionis. Et sicut dat Petro socios, viros egregios inter apostolos: ita et sibi jungit Barnabam, qui divino judicio ei adjunctus est (*Act.* xiii, 2); gratiam tamen primatus sibi soli vindicat concessam a Deo, sicut et soli Petro concessa est inter apostolos: ita ut apostoli circumcisionis dextras porrigerent apostolis gentium ad concordiam societatis demonstrandam; ut utrique scientes perfectionis spiritum in dispensatione Evangelii se a Domino consecutos, in nullo se invicem legere ostenderent. Hoc solum tamen inter se convenisse; ut quod non ex præcepto vel dono Domini fuerant instructi, quia facile erat **217** hoc ex lege cognoscere, hos quibus prædicabant, pauperum memores esse juberent; ut misericordiam, per quam a Deo redempti sunt, colerent. Ideirco igitur hæc, quæ inter se et apostolos facta sunt, manifestat; ut sciant Galatæ quia quod ab eo acceperant, hoc verum est et probatum.

(Vers. 11.) « Cum autem venisset Petrus Antiochiam, in faciem illi restiti; quia reprehensus erat. » Post concordiam societatis, et honorificentiam primatus, quam sibi invicem per gratiam Dei detulerunt; nunc interveniente causa negligentiae vel erroris, dissidere inter se videntur apostoli, non in propria causa, sed in sollicitudine Ecclesiæ. « In faciem, inquit, illi restiti. » Quid est hoc, nisi in præsentia ei contradixi? Et qua causa subjunxit dicens: « Quia reprehensus erat? » Reprehensibilis utique ab evangelica veritate, cui hoc factum adversabatur. Nam quis eorum auderet Petro primo apostolo, cui claves regni cælorum Dominus dedit, resistere; nisi alius talis, qui fiducia electionis suæ sciens se non imparem, constanter improharet, quod ille sine consilio fecerat.

(Vers. 12, 13.) « Prius enim quam venissent quidam a Jacobo, cum gentibus edebat: cum autem venissent, subtrahebat et segregabat se, timens eos quierant ex circumcisione. Et simulaverunt cum

A illo et cæteri Judæi, ita ut et Barnabas consentiret simulationi eorum. » Ili omnes Judæi, qui consenserunt simulationi Petri et Barnabæ, bonæ fidei fuerunt: sed propter scandalum illorum, qui veniebant ab Jacobo (erant enim æmulatores legis, qui et legem et Christum æquo jure venerantur: quod contra fidei disciplinam est) præsentibus eis non commiscebantur gentibus. Timebant enim impetum audaciæ eorum, qui æmulabantur legem. Quod si solum fuisset, non erat reprehensibile: sed in quo erratum est, in subjectis ostendit. Nam et ipse utique cessit animositati et audaciæ Judæorum, timens ne per hoc quod facile est, subreperet scandalum, quod difficile sedaretur; quia et secundum legem purificavit se coactus (*Act.* xxi, 26), et Timotheum circumcidit invitus (*Act.* xvi, 3).

(Vers. 14.) « Sed cum vidissem quod non recta via incederent ad veritatem Evangelii, dixi Petro coram omnibus. » Ideo in solum Petrum invehitur, ut in eo qui primus est, discerent cæteri. « Si tu cum sis Judæus, gentiliter vivis, quomodo gentes cogis Judaizare? » Nunc aperit causam reprehensionis; non enim aliquid fuisset erroris, si præsentibus Judæis dissimulasset a gentilibus, timens scandalum: sed hic tota causa reprehensionis est, quia advenientibus Judæis ab Jacobo, non solum segregabat se ab eis, cum quibus gentiliter vixerat, sed et compellebat eos judaizare, causa timoris illorum, ut quid horum verum esset, ignorarent gentiles. Sciebant enim ipsum secum non quasi **C** Judæum vixisse: post autem audientes ab eo quia Judæorum instar sequendum erat, hæsitabant utique quid esset verum. Si enim hoc verum erat ut judaizarent, ipsum prævaricatorem tenebant, quia gentiliter vixerat: si autem illud melius erat et verum, ut simpliciter viverent, eversio erat gentilem per ejus ignaviam, quibus adempto bono, res laboriosa et inefficax tradebatur. Apostolus autem Paulus, quando ad horam cessit non hoc et suasit, sed rem se superfluum et inanem facere clamavit, propter furorem Judæorum. Cui quidem rei non succubisset, nisi causa interfuisset, qua audacia Judæorum plurimorum se jactaret. Erat autem Timotheus filius mulieris Judææ, patre autem Græco (*Act.* xvi, 1); unde factum est, ut infans secundum legem minime circumcideretur. Insidiabantur ergo, explorantes si eum, qui Judæus natus erat, incircumcisum assumeret: quod illicitum putabant generi Judæorum, occasionem quærentes, qua eum eversorem tenerent legis; hac causa ad horam cessit furori eorum.

(Vers. 15, 16.) « Nos natura Judæi, et non ex gentibus peccatores. Scientes autem quia non justificatur homo ex operibus legis, nisi per fidem Jesu Christi; et nos in Christum Jesum credimus, ut justificemur ex fide Christi, et non ex operibus legis. » Manifesta ratione circumventos eos ostendit, ut servarent legem; in qua nemo justificatur apud Deum; quippe cum hi ipsi qui natura Judæi sunt,

volentes justificari, relicta lege, confugiant ad fidem Christi. « Quoniam ex operibus legis non justificatur omnis caro. » Nullum hominem justificatum dicit ex operibus legis; quicumque enim justi sunt, **218** et fide justificati sunt, sicut Abraham et Isaac et Jacob et cæteri sancti.

(Vers. 17.) « Si autem quærentes justificari in Christo, invenimur et ipsi peccatores; num ergo Christus peccati minister est? Absit. » Quomodo Christus peccati minister potest esse, qui donat peccata? Ideo, *absit*, inquit. Sed si justificari volentes per fidem Christi, legi servimus, sub peccato nos esset profitemur; quia fides extrahit hominem a lege, ut justus sit. Ergo si damus nos legi, peccatores invenimur; quia qui sub lege sunt, sub maledicto sunt.

(Vers. 18.) « Si enim quæ destruxi, hæc iterum reædifico, prævaricatorem me constituo. » Absolutum est quia accedens ad Christum, relinquit legem; de servo enim fit liber (56). Quod si iterum redeat ad legem, ipse sui accusator existit: quia factum suum condemnat.

(Vers. 19.) « Ego enim per legem legi mortuus sum, ut Deo vivam. » Hoc dicit, quia per legem fidei mortuus est legi Moysis; meritur enim legi, qui liberatur ab ea: et vivit Deo, cujus fit servus emptus a Christo. « Christo confixus sum cruci. » Hic cruci configitur Christo, qui æmulus vestigiorum ejus, nulla mundi concupiscentia capitur; ut Deo vivens, mundo mortuus videatur. Qui enim non agit quæ mundi sunt, vel erroris, mortuus est mundo.

(Vers. 20.) « Vivo autem, jam non ego, sed vivit, qui in me est, Christus. » Non est ambiguum, in eo qui per fidem liberatur a morte, Christum vivere; morte enim digo dum donat peccata, ipse vivit in illo; ejus enim præsidio ereptus est morti. « Quod vero nunc vivo in carne, in fide vivo Filii Dei, qui dilexit me, et tradidit se pro me. Non sum ingratus gratiæ Dei. » Quoniam futura vita promissa est Christianis, ideo qui nunc in hac vita auxiliis Dei munitus vivit, in fide vitæ promissæ vivit. Hic enim imaginem ejus contemplatur, quasi pignus habens vitæ futuræ, quæ per Dei nutum Christi amore nobis quæsita est. Hic ergo non est ingratus Christo, qui in fide ejus perdurat: sciens nullius se habere beneficium, nisi hujus: et ad contumeliam ejus proficere, si alterum ei compararet, cujus auxilium habere non potuit.

(Vers. 21.) « Si enim per legem justitia, ergo Christus gratis mortuus est. » Nihil tam apertum; quia si per legem potuisset homo justificari, Christum non oportuerat mori. Sed quia lex dare remissionem peccatorum non poterat, neque secundam mortem detriumphans exspoliare captivos, quos tenebat causa peccati; idcirco Christus mortuus est, ut ea præstaret, quæ lex non poterat: ac per

A hoc non gratis mortuus est; mors enim ejus justificatio peccatorum est.

CAPUT III.

(Vers. 1.) « O insensati Galatæ! quis vos fascinavit? » Irascentis cum miraculo verba sunt; quia sic fuerant depravati, ut nec se agnoscerent circumventos. Proœmio usus est (57); omnis enim qui fascinatur, de bono transit in malum, sicut et hi de libertate et securitate ad servitium et sollicitudinem transierunt. « Quorum ante oculos Christus Jesus proscriptus est, et in vobis crucifixus. » Manifestum est quia stultorum oculis Christus proscriptus videtur, id est exspoliatus vel condemnatus; prudentium vero oculis et sensibus non solum non condemnatus, sed ipse mortem cruce sua damnasse videtur; passio enim Domini vita nostra est, et destructio mortis. Sed quia hi indigne coperant sentire translati ad legem, idcirco mentibus eorum Christum condemnatum videri conqueritur; ideoque subjicit: « In vobis crucifixus. » Hoc est, sensu vestro crucifixus est, quasi homo; in quo enim spes plena non est, homo est. Ideo hi non putabant plenam salutem esse in Christo, quia legem illi æquabant. In his vero qui congrue intelligunt Christum, vivit in eis Christus, in Photino crucifixus est. Hic enim vere mortuus est, in quo Christus dicitur crucifixus; quia istud loco accusationis objicitur.

(Vers. 2.) « Hoc solum volo discere a vobis: Ex operibus legis Spiritum accepistis, an ex auditu fidei? Sic sine intellectu estis? » Adhuc cum stomacho loquitur; dolet enim valde super errore eorum, quia fabricam suam, qua eos per Evangelium ædificaverat, videbat esse destructam. Non sic de Corinthiis motus est, quia quamvis carnales eos appellet (*I Cor.* III, 2), non tamen usque adeo fuerant mente capti, ut circumcidi se paterentur. Ideo et hi stulti et sine intellectu esse dicuntur; quia nec dolori carnis suæ consulere valuerunt. Usque ad hoc enim solet quis induci, quod delectat, aut dolorem non præstat. **219** Interrogantis ergo verba sunt, et quod interrogat ex parte confirman-
tis, cum dicit: « Hoc solum volo discere a vobis: Ex operibus legis Spiritum accepistis, an ex auditu fidei? » Hoc ab eis quærit, in quo et gloriabantur, et negare non poterant quia Spiritum sanctum per fidem acceperant, non per legem; ut resipiscentes agnoscerent quia donum Dei, in quo gloriabantur, non ex opere legis acceperant, sed credentes in Christum; ut vel sic grati Christo, legem quam sibi in nullo prodesse didicerant, relinquerent. Hoc proponit, quod illo in tempore negari non poterat, Spiritum Dei inesse credentibus; ad rudimenta enim fidei commendanda, donum Dei hoc manifestabatur hominibus; sicut inter ipsa initia

(56) Sic edit. Amerb. et mss. plures: Eras. autem et seq. edit. cum mss. nonnullis, *qui enim accedens... de servo fit liber.*

(57) Ultimæ edit. Paris. *Paræmia usus est.* Non male, si qua mss. fide niteretur.

factum est in apostolis et cæteris discipulis, nec non et in illis duodecim, quos (quia in adulterino baptismo (58) sub nomine baptismi Joannis fuerant non tincti, sed sordidati) Paulus apostolus in Trinitatis nomine baptizari præcepit, quibus impositis manibus, decidit in eos Spiritus sanctus, et diversarum linguarum ministrabat eloquia cum interpretatione earum; ut nullus auderet negare Spiritum sanctum inesse eis. Quamobrem sine intellectu Galatas esse appellat, qui hujus rei gnari et conscii, degradantes se, carnis curæ se subjecerunt.

(Vers. 3.) « Incipientes spiritu, nunc carne consummaminini? » Hoc dicit, quia cum ab inferioribus ad summa fidei ascensus sit, hi contra de summis in ima delapsi sunt. Per fidem enim spiritales effecti, conversi ad legem, perdiderant gratiam Spiritus quam fuerant consecuti; consummatio enim perditionem significat, id est fidem.

(Vers. 4, 5.) « Tanta passi estis sine causa, si tamen sine causa. » Multa eos passos pro fide significat ab infidelibus; tunc enim qui credebant, cæteris opprobrio erant, sive domesticis, sive extraneis: nam digito signabantur quasi rei majestatis. Unde similiter Galatæ multa passi sunt insaniore experti, cujus rei meritum perdiderant mittentes se sub legem. Sed quia adjecit: « Si tamen sine causa, » ostendit sperare se posse reformari illos. « Qui ergo præbet vobis Spiritum, et operatur virtute in vobis, ex operibus legis, an ex auditu fidei? » Idem sensus est, cui adduntur virtutis insignia, quæ testimonium præbent fidei, quod sit spes fida et rationalis. Legem autem nulla virtus comitatur, quæ attrahat ad ejus spem; quia quæ videntur, non sperantur, sed sunt temporalia, sicut lex factorum, quam supra ostendimus.

(Vers. 6.) « Sicut scriptum est: Credidit Abraham Deo, et æstimatum est ei ad justitiam (Gen. xv, 6). » Ostendit exemplo Abraham, qui pater fidei est, justitiam non ex operibus legis imputari, sed per fidem; credens enim justificatus est: ac per hoc stulte et improvide legi eos se subjecisse, quæ non ad justificationem data est.

(Vers. 7.) « Cognoscitis ergo quia qui ex fide sunt, hi sunt filii Abraham? » Verum est quia credentes filii sunt Abraham; quia si Abraham ex fide justificatus est primus, quotquot post hunc credunt, filii ejus sunt, sive ex Judæis, sive ex gentibus.

(Vers. 8.) « Providens autem Scriptura quia ex fide justificat gentes Deus, prænuñtiavit Abraham: Quia benedicentur in te omnes gentes (Gen. xii, 3). » Hoc dicit, quia forma est Abraham omnium credentium, ut hi benedicti in eo sint, qui credunt; sequentes enim fidem ejus, participes fiunt benedictionis ejusdem.

(Vers. 9, 10.) « Ergo qui ex fide sunt, benedicuntur, ex fidei Abraham; quotquot enim ex ope-

ribus legis sunt, sub maledicto sunt. » Manifestum est quia fideles cum fidei benedicuntur, quo modo infideles cum infidelibus puniuntur. Nam qui sub lege agunt, sub maledicto sunt: quia transgressores legis sunt.

« Scriptum quippe est: Maledictus omnis qui non permanserit in omnibus, quæ scripta sunt in libro legis, ut faciat ea (Deut. xxvii, 26.) » Hoc scriptum est in Deuteronomio, quia si quid legis præterisset aliquis, maledictus haberetur. Et tanta mandata sunt, ut impossibile sit servari ea. Unde et Petrus apostolus in Actibus apostolorum ait: « Quid imponitis jugum fratribus, quod neque patres nostri, neque nos potuimus portare (Act. xv, 10)? » Negligenti enim et superbo populo hæc data erant (59), ut per omnem conversationem legem haberent.

(Vers. 12.) « Quod autem in lege nemo justificatur apud Deum, manifestum est; quia justus ex fide vivit (Habac. ii, 4). » Ac per hoc recedendum a lege docet, ne justitia per fidem quæsita depereat. « Lex autem non est ex fide, sed quid fecerit ea, vivet in eis (Ezech. xx, 21). » 220 Non est ex fide lex; quia nihil mandat credendum. Omnia enim ejus manifesta sunt, ut servans legem, vivat: si quominus, necesse est plectatur; quia quod scivit vitandum, admisit. Potest opponi e diverso, et dici: Si in lege nemo justificatur, quid est ut maledicatur, qui aliquid præterit legis? Verum est quia nemo per legem justificatur, sed apud Deum: justificatur autem apud mundum, ut securus sit in vita præsentis. Si autem apud Deum justificari vult, ut illi ad meritum proficiat in die judicii, Dei sequatur fidem; alioquin hic securus, reus erit in futurum. Prodest ergo lex, sed quæ in tabulis scripta est; nam cætera, sicut dixit, ut oneri essent, data sunt.

(Vers. 13.) « Christus nos redemit de maledicto legis, factus pro nobis maledictum. » Quoniam nemo poterat implere legem, rei erant omnes maledicto legis, ut vindicaret in eos: Christus autem homo natus, oblatum a Patre pro nobis, redemit nos a diabolo. Morti enim volentem offerens illum pro iis qui maledicto legis erant obnoxii, maledictum illum fecit hoc modo, sicut in lege hostia pro peccatis oblata peccatum nuncupabatur: propterea pro maledictis oblatum, factus est maledictum; nam et Judæis factus est maledictum, dum quasi peccator occiditur. Ideo non dixit: Factus pro nobis maledictus, sed maledictum; is enim qui propter peccatum proprium morti offerebatur, maledictus fiebat, in sua enim causa moriebatur. Et si propius aspicias, videbis Christum maledictum eorum factum, a quibus occisus est; crux Salvatoris peccatum et maledictum est Judæorum. « Quia scriptum est: Maledictus omnis qui pendet in ligno (Deut. xxi, 23). » Hoc Moyses dixit in Deuterono-

(58) Codex Laud., in altero baptismo.

(59) Idem codex Laud., populo hæc dicta erant.

mio de reis mortis; ut sufficeret suspensus in ligno A illie esse usque ad vesperam, et deponi in sepultu-
ram. Quia, « Maledictus, inquit, qui pendet in li-
gno; » ut reo mortis sufficeret hoc, quia suspen-
sus moriebatur in ligno; ne diutius si esset sus-
pensus, majus haberet opprobrium mors ejus, quam
deberet: et fieret macula generi ejus, si amplius
mors ejus publicaretur. Ac per hoc Salvator inno-
cens suspensus in ligno, non est maledictus, sed
maledictum illorum, a quibus suspensus est. Quan-
tum tamen ad Judæos pertinet, quasi peccatorem
illum occidendum Pilato offerentes, maledictum
illum fecerunt, ut quasi reus occideretur, cum esset
innocens, quia dignus morte maledictus est juxta
legem. Videntes enim multos aggregari doctrinæ
ejus, zelati sunt dicentes: « Ecce totus mundus B
abiit post illum (Joan. xii, 19), » ac per hoc pro
nobis occisus dicitur, et duplici genere pro nobis;
cum enim putant illum occidi debere, ne doceret,
nihil profecerunt; quia et doctrina ejus crevit, et
mortem evacuavit in passione sua. Descendens enim
ad inferos, genus hominum liberavit; qua causa et
occidi se permisit, sciens pro nobis esse, et contra
diabolum.

(Vers. 14.) « Ut in gentibus benedictio Abrahamæ
fieret per Christum Jesum: et benedictionem Spi-
ritus accipiamus (60) per fidem. » Hoc dicit, quia
exprobratis et maledictis Judæis, cum sibi de justi-
tia legis blandirentur, occiso Salvatore quasi Sab-
bati violatore (61) promissionis benedictio Abrahamæ
transitum fecit ad gentes per fidem Christi Jesu.
Unde dicit Dominus Judæis: « Tolleitur a vobis C
regnum Dei, et dabitur genti facienti fructus ejus
(Matth. xxi, 43). »

(Vers. 15.) « Fratres, secundum hominem dico. »
Hoc dicit, quia exemplo humanæ causæ commen-
dare vult rationem divinæ promissionis. « Hominis
testamentum, confirmatum tamen, nemo irritum
facit, aut superordinat. » Verum est quia testamen-
tum defuncti jure factum non potest sciudi.

(Vers. 16.) « Abrahamæ dictæ sunt promissiones,
et semini ejus. Non dicit: Et seminibus, quasi in
multis; sed quasi in uno: Et semini tuo, quod est
Christus. » Hoc est, quod scriptum est in Genesi
ad Abraham: « Et in semine tuo benedicentur om-
nes gentes (Gen. xxi, 18). » Quod utique impletum
est in Christo, in cujus nomine omnes gentes ben-
dicentur per fidem. Ideo non in multis, sed in uno
firmata est promissio, qui est Christus. Hac dispu-
tatione sua Apostolus quasi reos falsati testamenti
designat, qui credentes in Christum, etiam de lege
aliquid sperant; ut non solum salus promissa in
Christo, sed et in lege sit. Ideo probat promissionem
benedictionis in solo Christo factam.

(60) Rom. edit., et promissionem Spiritus accipe-
remus.

(61) Vet. edit. cum mss. aliquot, quasi Sabbati
violati reo.

(62) Rom. edit., Lex quæ post..... data est, non
irritum facit, ut evacuet promissionem.

(Vers. 17.) « Hoc autem dico, Testamentum con-
firmatum a Deo in Christo, quæ post quadringentos
et triginta annos facta est 221 lex, non infirmata
ad evacuandam promissionem (62). » In solo Christo
firmatam benedictionis promissionem docet, ut
legem post quadringentos et triginta annos datam
ostendat; constituta enim promissione postea data
est lex, quæ non utique infirmaret promissionem,
sed quod futura, et quando ventura esset, significa-
ret.

« Si enim ex lege hæreditas, jam non ex pro-
missione: Abrahamæ autem per repromissionem do-
navit Deus. » Duas causas sibi contrarias defendunt
(63) Judæi; nullo enim pacto, nulla ratione suaderi
potest Judæis Abrahamæ promissionem evacuatam per
legem, et recte: sed aliud adversum improvida
præsumptione defendunt, putantes justificationem
sine opere legis provenire non posse; cum sciant
Abraham, qui forma ejus rei est, sine operibus
legis per solam fidem justificatum. Sed æmulatione
quadam cæcati (64), non intelligunt, neque con-
siderant quia si per legem justificatio, excluditur
promissio: et si exclusa fuerit promissio, sine du-
bio frustrabitur fides Abrahamæ quod ne audire qui-
dem se patiuntur Judæi, scientes quia promissio
ex fide est Abrahamæ. Quæ promissio per fidem justi-
ficat, non per legem; sicut et Abraham justificatus
ex fide est. Ili ergo hæredes sunt promissionis
Abrahamæ, qui illi succedunt, suscipientes fidem in
qua benedictus et justificatus est Abraham. Testi-
monium ergo promissionis Abrahamæ testamentum
appellatur, ut post mortem ejus hæredes essent
in promissione, filii ejus facti per fidem. Quæ
causa cucurrit usque ad Christum Abrahamæ repro-
missum, ut post mortem Christi credentes, hæredes
essent fidei Abrahamæ per testamentum sanguinis
Christi. Donum ergo quod promissum est Abrahamæ,
filiis ejus in Christo solutum est; quamvis et ipse
Abraham consecutus sit donum hoc illic, ubi inven-
tus est.

(Vers. 19.) « Quid ergo lex (65) factorum posita
est, donec veniret semen cui promissum est? »
Lex factorum, id est Moysi, posita est in medio
inter cœptam promissionem et semen, cui facta
promissio est inter Abraham et Salvatorem. Ideo
longe data post factam promissionem, ut ipsa dis-
tinctione aliud lex, et aliud promissio videretur;
ut populum Dei a gentibus segregatum erudiret sub
Dei timore, ut dignus fieret ad excipiendam pro-
missionem, quæ est Christus. Lex tamen factorum
ideo dicitur, quia docet quæ, Deo jubente, corpo-
raliter fiant de sacrificiis, de primogenitis, de deci-
mis, et de cæteris talibus. « Disposita per angelos
in manu Mediatoris. » Angelos dicit Dei nuntios,

(63) Rom. edit., Duo sibi contraria defendunt.

(64) Codex Vall., Sed æmulatione quidem cæcati.

(65) Rom. edit., Quid ergo lex? Propter trans-
gressiones posita est.... ordinata per angelos in manu
mediatoris. Quid ergo lex, etc.

id est, Moysen, et Jesum filium Nave et cæteros A de fratibus vestris (*Deut. xvii, 15*). » Hoc de prophetas usque ad Joannem Baptistam, de quo Christo dictum Petrus apostolus probat in Actis apostolorum (*Act. iii, 22*). » Etenim si data esset Deus dicit: « Ecce mitto angelum meum ante faciem tuam (*Malach. iii, 1*). » Per hos ergo lex ordinata, lex, quæ posset vivificare, vere ex lege esset justitia. » Justitiam hanc dicit, quæ apud Deum imputatur justitia, id est, fidei, quia et lex habuit justitiam, sed ad præsens, non quæ justificaret apud Deum. Remittere enim peccata non potuit, ut de peccatoribus faceret justos; sed ad hoc data est, ut terrori esset provocans homines ad bonam vitam, ipse est enim mediator vel reconciliator Dei et hominum (*I Tim. ii, 5*), ut salvet quos vult ex iis qui legem per supramemoratos angelos acceperunt. Irreverentes puniens. Ideoque non est data lex, quæ posset vivificare, sed condemnare.

(Vers. 20.) « Mediator autem unius non est. »

Sine dubio mediator, hoc est, arbiter non est unius, sed duorum; cum enim duo populi invicem adversus se dimicarent, semper dissidentes et inimici diversitate doctrinæ, Salvator horum arbiter venit, amputans utrisque populis per quod discordabant, ut possent esse pacifici. Abstulit ergo gentibus numerum deorum, et famulatum elementorum, quod scandalum erat Hebræis: abstulit et Judæis opera legis, id est neomenias, circumcisionem, et curam Sabbati, et discretionem escarum, et cætera quæ abominabantur gentiles, et sic facti sunt pacifici, qui prius fuerant inimici. Si ergo hæc ita se habent, quid est ut Galatæ hebetudine mentis arbitrium istud corrumpant (66), conversi ad Judæismum? Judicium enim Salvatoris in irritum ducunt, quando post factam pacem, quasi pœnitentes de ea, subjiciunt se illis, quæ prius paci fuerant inimica. Juxta sensum ergo Galatarum Christus arbiter non est; quia inducti in legem de duobus populis unum fecerunt, et unius utique populi arbiter nemo est. Hunc eundem sensum ad Ephesios prosequitur dicens: « Ipse enim est pax nostra, qui fecit utraque unum, et medium parietem maceræ solvens, inimicitiam in carne sua legem mandatorum in decretis evacuens; ut duos conderet in se uno novo homine, faciens pacem (*Ephes. ii, 14, 15*). » Si in uno novo homine facit pacem, ambobus utique abstulit, per quod dissidebant: et hoc eis statuit data sua lege, per quod essent pacifici. Hoc Galatæ 252 irruperunt conversi ad Judæismum: « Deus vero unus est. »

Hoc dicit, ne Christum prædicando Deum, quem arbitrum dicit uni Deo, prædicasse putaretur (67) contra legem et prophetas. Arbitrum ergo hunc per assumptionem carnis intelligi docet, sicut dicit ad Timotheum: « Arbitrum Dei et hominum homo D Jesus Christus (*I Tim. ii, 6*): » juxta autem quod Deus est, a Patre hunc non separari, sed unum esse cum Patre. Sive enim Pater, sive Filius, Deus unus est; Deus enim naturæ nomen est et potestatis, quam in Patre et Filio individuam manere ipsa nominum ratio docet.

(Vers. 21.) « Lex igitur adversus promissa Dei? Absit. » Absit utique, quia non est lex inimica promissionis, quippe cum confirmet eam. Nam primus Moysus dicit: « Prophetam vobis excitabit Deus

(66) Omnes edit. et moss. aliquot, *arbitrum istum corrumpant*; alii concinnius, ut in textu.

de fratibus vestris (*Deut. xvii, 15*). » Hoc de Christo dictum Petrus apostolus probat in Actis apostolorum (*Act. iii, 22*). » Etenim si data esset lex, quæ posset vivificare, vere ex lege esset justitia. » Justitiam hanc dicit, quæ apud Deum imputatur justitia, id est, fidei, quia et lex habuit justitiam, sed ad præsens, non quæ justificaret apud Deum. Remittere enim peccata non potuit, ut de peccatoribus faceret justos; sed ad hoc data est, ut terrori esset provocans homines ad bonam vitam, irreverentes puniens. Ideoque non est data lex, quæ posset vivificare, sed condemnare.

(Vers. 22.) « Sed conclusit Scriptura omnia sub peccato, ut promissio ex fide Jesu Christi daretur credentibus. » Hunc sensum et ad Romanos posuit, dicens: « Conclusit Deus omnia sub peccato; ut omnium misereatur (*Rom. xi, 32*). » Hoc dixit quod supra memoravi, quia lex ad hoc data est, ut peccatores reos se scirent apud Deum. Manifestatis enim peccatis suis, conclusi sunt, ut se excusare non possent, sed quærerent misericordiam; ut veniens qui promissus erat Abraham, fidem solam ab eis posceret, quam habuit Abraham; ut et malorum suorum veniat, et justificationem mererentur. Hoc enim manifestaverat Deus per Isaiam prophetam, dicens: « Veniet ex Sion, qui eripiat et avertat impietatem ab Jacob, et hoc erit illis a me testamentum, cum abstulero peccata eorum (*Isa. lxxix, 20*). »

(Vers. 23.) « Prius enim quam veniret fides, sub lege custodiebamur, conclusi in eandem fidem, quæ incipiebat revelari. » Hoc est, quod dicit, quia antequam veniret Salvator, sub legis custodia agebamus, ne peccaremus: ut veniente promissione digni essemus. Ilac enim spe lex tutos præstabat nos, ut venienti Christo offerret nos, id est Judæos.

(Vers. 24.) « Itaque lex pædagogus noster fuit in Christo Jesu, ut ex fide justificaremur. » Idem sensus est, quia sub cura legis eramus, donec veniret Christus, qui nos credentes justificaret.

(Vers. 25, 26.) « Veniente autem fide, jam non sub pædago sumus; omnes enim filii Dei estis per fidem, quæ est in Christo Jesu. » Sub pædago qui agit, potestatis suæ non est; parvulus enim et lubricus ad peccandum sub pædago cura habetur. Veniente autem Christo, qui quasi de minoribus facit majores, liberati de potestate pædago, per ablutionem peccatorum facti sumus filii Dei, cum essemus servi peccati.

(Vers. 27.) « Quotquot enim in Christo baptizati estis, Christum induistis. » Hoc dicit, quia credentes dum immutantur, Christum induunt; quando hoc appellantur, quod credunt.

(Vers. 28.) « Non est Judæus neque Græcus: non est servus, neque libera; non est masculus, neque femina; omnes enim vos unum estis in

(67) Rom. edit., *quem arbitrum constituit, prædicasse putaretur*.

Christo Jesu. » Nullam distantiam dicit credentium, A ut nulli præjudicetur quid fuerit, antequam crederet; omnibus enim his unum decretum est donum. Apud Deum enim nulla discretio personarum est, nisi morum et vitæ; ut homines unius fidei meritis distinguantur, non personis.

(Vers. 29.) « Si ergo vos omnes unum estis in Christo Jesu, ergo Abrahamæ semen estis, secundum promissionem hæredes (68). » Semen Abrahamæ sunt omnes credentes, quia Abraham pater est omnium credentium; et si filii sunt, necessario et promissionis ejus hæredes; ut consequantur per fidem, quod promissum est Abrahamæ, ut participes simus justificationis ejus in regno cælorum.

CAPUT IV.

(Vers. 1, 2.) « Dico autem quod quandiu hæres parvulus est, nihil differt a servo, cum sit dominus omnium; sed sub curatoribus et actoribus est usque ad præfinitum tempus a patre. » Verum est quia jus patres ordinaverunt, et usque ad quam ætatem subjectus debeat esse adultus, statuerunt; ita ut quandiu parvulus est, libertate sua uti non possit, neque **223** dominari quasi hæres; sed similis prope servis in conditione est curatorum vel actorum. Hoc exemplo probat eos, qui sub lege fuerunt, parvulos fuisse circa meritum, nec libertatem habuisse; quia in conditione legis erant subjecti causa peccati.

(Vers. 3.) « Ita et nos cum essemus parvuli, sub elementis hujus mundi eramus subjecti. » In elementis neomenias significat et Sabbatum; neomeniæ enim sunt dies lunares, quos observant Judæi: Sabbatum vero dies requi etionis. Antequam veniret ergo promissio, id est, antequam donum gratiæ Dei purificans justificaret credentes, quasi imperfecti et parvuli per legem Dei, subjecti eramus conservis, quasi pædagogis: libertas enim nostra obnoxia erat causa peccati. Nihil tamen de elementis sperabant Judæi, sicut et pagani: sed creatorem Deum venerabantur in creatura.

(Vers. 4, 5.) « At ubi venit plenitudo temporis, misit Deus Filium suum factum ex muliere, factum sub lege, ut eos qui sub lege erant, redimeret; ut filiorum adoptionem reciperemus. » Plenitudo temporis est completum tempus quod præfinitum fuerat a Deo Patre, quando mitteret Filium suum, ut ex Virgine factus, quasi homo nasceretur, subjiciens se legi usque ad tempus baptismi; ut formam daret quomodo peccatores abluti, et a jugo legis erepti dignatione Dei, filii ei adoptarentur, sicut promiserat redemptis sanguine Filii ejus. Salvatorem autem necesse erat fieri sub lege, quasi filium Abrahamæ juxta carnem; ut circumcisis appareret is esse, qui promissus Abrahamæ, veniret gentes justificare per fidem, signum habens ejus, cui

promissus fuerat. Ideo ultra neminem oportuit circumcidi; quia tandiu cucurrit signum, quoadusque veniret, qui promissus fuerat restaurare fidem, in qua justificatus est Abraham in præputio, ut credentibus non opus sit circumcisio. Abraham autem ideo circumcisis est, quia filium se credidit habiturum, in quo omnes gentes benedicerentur. Ideo tandiu cucurrit signum, donec veniret, qui erat promissus. Si autem hoc crederent, quod credidit Abraham, non stetisset circumcisio; ne forte opponeretur, quia si Abraham credidit et circumcisis est, quare non circumciduntur credentes?

(Vers. 6.) « Quoniam autem estis filii Dei, misit Deus Spiritum Filii sui in corda nostra, clamantem Abba, Pater. » Ab his cœpit, quibus et scribit, dicens: « Quoniam autem estis filii Dei; » et subjungit Judæos, cum ait: « Misit Deus Spiritum Filii sui in corda nostra. » Quando autem dixit gentes filios Dei credentes in Christum, qui prius fuerant inimici, dubium non erat Judæos credentes dici filios Dei, quos constat jam pridem hoc nomine nuncupatos. Nomen enim Dei acceperant velut imagine (69), ut postea confirmaretur per Christum; quia sine spiritu non erat plenum. Hoc est, quod dicit et ad Romanos: « Ipse Spiritus reddit testimonium spiritui nostro quod sumus filii Dei (Rom. viii, 16). » Ut enim probaremur adoptati esse a Deo in filios, Spiritum suum dedit nobis, qui signum Patris ostendat in filios; ut quia hoc non auderemus dicere in infirmitate et indignitate nostra, suggerat ut audeamus dicere: Abba, quod est pater. Denique Judæis hoc jamdudum non est concessum dicere.

(Vers. 7.) « Itaque jam non est servus, sed filius. » Non est servus, quia sublatus est a potestate legis, socius factus benedictionis proprii Filii Dei. « Si autem filius, et hæres per Deum. » Dubium non est quia ideo quis adoptat sibi filium, ut hæredem illum relinquat. Sed hæreditas ex morte alicujus provenit; quid est ergo, ut mortales hæredes ejus dicantur, qui semper vivit? Sed Scriptura more nostro loquitur, ut intelligere possumus; ut enim ostendat daturum patrem filiis de bonis suis, hæc quæ daturus est, hæreditatem appellat.

(Vers. 8.) « Sed tunc quidem ignorantes Deum, iis qui natura non sunt dii, serviebatis. » Quoniam prius per ignorantiam peccabant servientes idolis, facile illis ignotum significat, sicut dicit in Genesi Abimelech ad Deum: « Domine, inquit, numquid gentem ignorantem perdes (Gen. xx, 4)? »

(Vers. 9.) « Nunc autem cognoscentes Deum, imo vero cognitum Deo, quomodo iterum convertimini ad infirma et egena elementa, quibus denuo servire vultis? » Grave illorum admissum adnotat; quia post cognitionem Dei, ea quæ paganorum sunt, sequi cœperant. Et plus addit: « Quia non

(68) Rom. edit., *vos estis Christi, ergo Abrahamæ semen estis et secundum.*

(69) Omnes edit. ac nonnulli mss., *Nomen enim olim acceperant velut in imaginem.*

isti cognoverunt Deum, sed magis cogniti a Deo sunt. » Cum enim hi non **224** quærerent Deum, advocavit eos ad suam gratiam : et hi ingrati, ad ea converti cœperant, quæ tunc colebant, quando ignorabant Deum; ut venerentur infirma et egena elementa, et non tota mente Christum, in quo omnis inhabitat divinitas. Infirma et egena dicit elementa, quia imperfecta sunt; ad regendum enim mundum invicem egent sui : in Christo autem perfecta salus est.

(Vers. 10.) « Dies observatis, et menses, et tempora, et annos. » Quæ elementa dixerit, nunc declarat. Diem sol facit, menses cursus lunæ : tempora vero sunt ver, æstas, autumnus, hiems : quatuor hæc, completo numero proprio, faciunt annum. Dies ergo observant, qui dicunt, ut puta : B Crastino proficiscendum non est ; post crastinum enim non debet aliquid inchoari : et sic solent magis decipi. Hi autem colunt menses, qui cursus lunæ perscrutatur dicentes, ut puta : Septima luna instrumenta confici non debent ; nona iterum luna servum emptum, ut puta domum duci non oportet ; et per hæc facilius solent adversa provenire. Tempora vero sic observant, cum dicunt : Hodie veris initium est, festivitas est, post cras Vulcanalia sunt. Et talia iterum aiunt : Posterum est, domum egredi non licet. Annos sic colunt, cum dicunt Kalendis Januariis novis est annus, quasi non quotidie anni impleantur : sed ut Jani illius recolant memoriam bifrontis, hac superstitione utuntur, quæ longe debet esse a servus Dei. Si enim C Deus ex toto corde diligatur, ipso propitio, nulla debet esse formido, neque suspicio harum rerum ; prospere enim potest cedere, quidquid simpliciter sub Dei devotione fit.

(Vers. 11.) « Timeo vos ne frustra laboraverim in vobis (70). » Duplici genere subversi fuerant Galatæ ; ut post Dei gratiam non solum ad legem converterentur, sed ad errores pristinos. Inducti enim vel eversi, in legem facile declinaverant ad observantiam dierum et mensium ; Sabbati enim observatio et neomeniarum attraxerunt illos ad hæc. Ideo inquit : « Timeo ne sine causa laboraverim (70) in vobis ; » sic enim videbat eos in pejus proficere, ut possent etiam a Christo penitus recedere.

(Vers. 12.) « Estote sicut ego ; quia et ego sicut vos. » D Hoc dicit, ut dent operam corrigendi ea ; quia non est impossibile ut sint sicut ipse ; quia et ipse hoc erat, id est homo, quod et illi ; et cum fuisset in errore persequens Ecclesiam, correptus convertit se. « Fratres, obsecro vos, nihil mihi nocuistis. » Nunc mitius agit cum eis, et bona eorum incipit memorare ; ut post magnas correptiones bona opera sua (71) audientes recrearentur, et data opera reformarent se ; ne objurgationibus diutius pressi aspe-

(70) Rom. edit., *Timeo ne sine causa laboraverim.*

(71) Nonnulli mss., et bona opera sua. Non recte. Infra vero, ubi omnes edit. ac pauci mss., diutius pressi, asperiores fierent exacerbati, alii mss. melius

A rioribus, fierent exacerbati. Nihil tamen sibi no-euisse illos dicit ; ipsis enim oberat delictum illorum : Apostolus enim impleverat officium dispensationis sibi credite, ut omni cum diligentia prædicaret eis, sicut dicit Dominus ad prophetam Ezechiel : « Tu, inquit, prædica : si te audierint, lucraberis eos ; si quominus, tu salvabis animam tuam *Ezech. iii, 19, 21.* »

(Vers. 13, 14.) « Scitis quia per infirmitatem carnis evangelizavi vobis jam pridem : et tentationem vestram in carne mea non sprevisistis, neque respicistis. In memoriam revocat illis tempus, quando primum prædicavit illis Evangelium Dei. Ipso enim tempore injuriis agebatur Apostolus, et cædibus infirmabatur ; infirmus enim videtur, qui humiliatur, et non resistit propter Evangelium Dei. Et in hoc laudat constantiam eorum, quia non sunt abstracti a fide : injuriæ enim Apostoli tentatio erat Galatarum, in qua firmi inventi sunt, non dubitantis de fide. Possent enim, scandalum passi, dicere (72) : Quæ est virtus aut spes in hac fide, quando minister ejus sic humiliatur ? Sed quia jam animum futuris spebus infecerant, præsentis exitus pro Christi nomine non pertimescebant, certi fidem nostram non in terris, sed in cælis habere dignitatem, et pro his tribulationibus magna rependi præmia. Ruborem illis incutit ; quia post hæc laudabilia circumventi fuerant, aut vituperabiles viderentur. « Sed sicut angelum Dei exceperistis me, sicut Christum Jesum. » Hoc magis laudat in eis, quia pressuris non deformatus est apud eos, sed commendatus, scientes pro iis qui credunt, pati illum exitia. Sicut ergo angelum Dei exceperunt Apostolum, credentes donum Dei esse quod prædicat : sic ei deferentes, quasi ipsi auctori Domino Jesu Christo.

(Vers. 15.) « Quæ ergo erat beatitudo vestra (73) ? » Beatos hos fuisse dicit **225** apud cæteras Ecclesias, per id quod apostoli injuriis non frangebantur, sed crescebant in fide. « Testis enim sum vobis quia, si fieri potuisset, oculos vestros eruissetis, et dedissetis mihi. » Votum eorum circa religionem tam plenum ostendit fuisse, ut non solum bene ab eis susceptus sit, sed et fortes in fide inventi sint : et quod ad laudem magis proficit, omnia pene sua illi obtulerunt profliganda. Hinc plus dolet, quia tanta charitas subversa fuerat prava doctrina.

(Vers. 16.) « Ergo inimicus vobis factus sum, verum dicens vobis ? » Hoc dicit, quia non potest fieri ut inimicus, inquit, ego vobis sim, quorum tanta sensi obsequia. Sed quia nemo se argui vult errantem, idecirco inimicus vobis videor ; juste vos reprehendens.

(Vers. 17.) « Æmulantur vos non bene : sed

legunt, ut in contextu.

(72) Mss. *Laudum, scandalum proponere et dicere. Quando Domini servus ejus scilicet, etc.*

(73) Rom. edit., *Ubi est ergo beatitudo vestra ?*

excludere vos volunt, ut e s æmulemini. • Invidia A Judæorum subversos eos significat ; videntes enim sic illos proficere in Evangelio, et tantam habere charitatem in Apostolo, id egerunt, quatenus illos deciperent. Erant enim legis causa apostolis inimici, ut manente nomine Salvatoris, facerent eos Judæos, gaudentes in eversione eorum ; non enim patiebantur, ut gratiam sibi promissam audirent incircumcisis gentibus datam. Ideo imitatores suos illos voluerunt fieri, ut more eorum circumciderentur.

(Vers. 18.) • Æmulamini autem meliora dona, bonum æmulamini semper (74), et non solum cum præsens sum apud vos. • Meliora dona spiritalia sunt, quæ imitati habebunt effectum apud Deum. Hæc spiritalia bona sunt, quæ vult ut semper imitentur, non ad tempus, sicut pridem, aut se præ- B sente tantum, post autem ad aliud convertantur ; sed vult illos de cætero perseverare in bono.

(Vers. 19.) • Filioli mei, quos iterum parturio, donec Christus formetur in vobis. • Primum per fidem illos genuerat in baptismo ; sed quia velut per abortum nati (75), deformati et infirmi inventi sunt ; nunc cum dolore consilii reformat eos in Christum. Concipientes enim fidem, et sensum fidei minime advertentes, formatum Christum animis suis negantur habere ; si enim intellexissent gratiam Dei in Christo, post fidem in judaismum transducti non essent.

(Vers. 20.) • Vellem autem præsens esse nunc apud vos, et mutare vocem meam ; qui confundor in vobis. • Præsens vult arguere illos (76), ut mutet C vocem suam de laude in vituperationem eorum, ut duplici genere confundantur, et de errore suo, et rubore Apostoli, quem patiebatur apud eos, quibus illos prætulerat.

(Vers. 21, 22.) • Dicite mihi, qui sub lege vultis esse, legem non legistis ? Scriptum est enim quia Abraham duos filios habuerit : unum de ancilla, et unum de libera. • Hoc in Genesi habetur, quia cum Sara generare non posset, erat enim sterilis, Agar ancillam suam obtulit viro suo Abrahæ in concubinam ; ut quod generasset, adoptaret sibi. Sic factum est ut de Agar nasceretur Ismael. Post autem nutu Dei promissus est Abrahæ filius de Sara uxore ejus, quæ erat sterilis : hæc peperit Abrahæ Isaac. Tunc cœpit Abraham duos habere filios, unum de ancilla, et unum de libera.

(Vers. 23, 24.) • Sed is quidem qui de ancilla, secundum carnem natus est : qui autem de libera, per repromissionem ; quæ sunt per allegoriam dicta. • Ismael, qui ex ancilla Agar natus est, secundum carnem natus ; quia juxta consuetudinem natus est ; Isaac vero quia per repromissionem (77), non secundum consuetudinem, sed secundum providentiam Dei virtute natus est ; quippe cum Sara et anus esset et sterilis. In typum enim Christi

natus est Isaac ; ideo hæc per allegoriam asserit dicta, ut aliud ex alio significant personæ Ismael et Isaac. Ismael enim Judæorum significat nativitatem, vel eorum qui servi peccati sunt : Isaac vero Christianorum, quia in libertate nascuntur ; liber enim fit, qui accipit remissionem peccatorum.

• Nam hæc sunt duo Testamenta. • Moyses accipiens sanguinem vituli in cratera, aspersit populum dicens : • Hic est sanguis Testamenti, quod disposuit Deus ad vos (Exod. xxiv, 8). • Hoc est quod dixit : • Unum quidem a monte Sina, in servitutem generans, quæ est Agar. • Lex enim in monte Sina data est, quam Moyses recitans populo, librum hunc Testamenti appellavit, et tunc aspersit populum sanguine, sicut dixi. Hæc lex reos tenuit peccatores, et cœperunt servi esse peccati, facti filii Agar quasi ancillæ.

226 (Vers. 25.) • Sina autem mons est in Arabia, qui conjungitur huic, quæ nunc est, Jerusalem, serviens cum filiis suis. • Causam Agar significare dicit Jerusalem terrenam, id est Synagogam, quæ in servitutem generat ; quos enim generat, sub peccato sunt.

(Vers. 26.) • Illa autem quæ sursum est Jerusalem, libera est : quæ est mater nostra. • Hæc, quam matrem nostram dicit, regula est mysterii Domini, per quam renascimur in libertatem, sicut et ipsa libera est. Ideo et cœlestis dicitur, quia cœlum sedes ejus est : et quos generat, ibi erunt cum ea, sicut dicit Dominus : • Pater, quos dedisti mihi, volo ut ubi ego fuero, et hi sint mecum (Joan. xvii, 24). • Hac est et vita ; quia immortalitate donantur, qui credentes renascuntur per eam. Sic etenim de Domino dictum est quia, • quod factum est in ipso, vita est. Sicut enim Pater habet vitam, ita dedit et Filio vitam, et vita erat lux hominum (Joan. i, 3, 4 ; v, 26). • Hæc vita et lux mater fidelium est. In Isaia hoc habetur, quod subjectum est :

(Vers. 27.) • Scriptum est enim : Lætare, sterilis, quæ non paris : erumpe et clama, quæ non parturis ; quia multi filii desertæ, magis quam ejus quæ habet virum (Isa. xiv, 1). • Hanc terrenam Jerusalem virum habere dicit ; quia secundum carnem generat : illam autem cœlestem Jerusalem, quam dicit matrem nostram, sterilem appellat ; quia non parit secundum carnem, nec dolores parturit, hoc est, non parturit. Generat autem sine D passione spiritaliter exclamans in lætitia ; quia deserta aliquando (a quo autem, nisi ab Adam, qui deserta vita secutus est mortem), nunc plures filios habet, quam hæc quæ habet virum, id est, quæ carnaliter generat. Multo enim plures sunt Christiani Judæis, sicut dicitur in Apocalypsi : • Et vidi turbam magnam, quam dinumerare nemo poterat, ex omni tribu et gente (Apoc. vii, 9). •

(Vers. 28.) • Vos autem, fratres, secundum Isaac

(74) Rom. edit., *meliora dona in bono semper.*

(75) Mss. aliquot, *velut abortivi nati.*

(76) Rom. edit., *Præsens vult agere cum illis.*

(77) Abest a mss. quibusdam, *quia per repromissionem.*

promissionis filii estis. • Hoc est non carnis filios A esse, sed Dei; quia Isaac in typum natus est Filii Dei, et vult eos subintelligere quia facti filii Dei, conversi sunt, ut essent filii carnis: si vero respiscant, sunt filii Dei.

(Vers. 29.) • Sed quomodo tunc qui secundum carnem natus fuerat, persequebatur eum, qui secundum spiritum; ita et nunc. • Non solum Ismael secundum carnem natus est, sed et Esau; quia et ipse in populi Judaici typum natus est. De quo in Malachia propheta scriptum est: • Jacob dilexi, Esau vero odivi (*Malach. i, 2, 3*). • Hic persequebatur Jacob (*Gen. xxvii, 41*), qui in populi Christiani figura natus, vocatus est Israel, hoc est, homo videns Deum. Similiter et Judæos per invidiam persequi significavit Christianos; unde data opera B Galatas everterant carnali astutia.

(Vers. 30.) • Sed quid dicit Scriptura? Ejice ancillam, et filium ejus; non enim hæres erit filius ancillæ cum filio meo Isaac. • Hæc verba Saræ sunt, quæ typum habet Jerusalem cœlestis, de promissione generans Isaac, ut ejecto filio ancillæ, id est, Judæo populo, incredulitatis causa abjecto (servi enim peccati sunt, quibus data remissio peccatorum non est), hæres sit filius liberæ illius Jerusalem supernæ, qui est populus novus regni cœlorum.

(Vers. 31.) • Itaque non sumus ancillæ filii, sed liberæ, qua libertate Christus nos liberavit. • Fuimus igitur ancillæ filii, dum peccatis eramus obnoxii: sed accepta remissione peccatorum a Christo, liberati sumus.

CAPUT 27.

(Vers. 1.) • State ergo, et nolite iterum servitutis jugo contineri. • Standum monet in accepta gratia, ut non redeuntes ad vetera, amittant donum libertatis quod fuerant consecuti.

(Vers. 2.) • Ecce ego Paulus dico vobis, quia si circumcidamini, Christus vobis nihil proderit. • Nunc apertæ veritatis et auctoritatis suæ vim non tacet, dicens: • Ecce ego Paulus dico vobis, • id est, ego magister gentium, cujus opus estis in Christo, palam vobis dico: • Quia nihil proderit vobis Christus, si circumcidamini. • Ipse enim Dominus ait: • Lex et prophetæ usque ad Joannem; ex quo regnum cœlorum prædicatur (*Luc. xvi, 16*). • Antequam ergo nova inciperet prædicatio, oportuit circumcidi: nunc autem lege fidei succedente, ea D sequenda sunt, quæ rudis veritas jubet; quia vetus et novum admisceri non debent, autoritate Domini prædicantis; ait enim: • Nemo additamentum panni rudis assuit vestimento veteri; tollit enim fortitudinem ejus a vestimento, et major fit scissura (*Matth. ix, 16*). • Ac per hoc non solum nihil proderit fideli addita 227 circumcisio, sed et oberit; majus enim malum est ex libero servum fieri, quam nasci.

(Vers. 3.) • Testificor autem omni homini circum-

cidenti se, quia debitor est universæ legis faciendæ. • Possunt aliqui legem aliquatenus servare, et non circumcidi: nam multi Romanorum in Judæa servabant legem incircumcisi. Unde dicit Paulus apostolus ad Agrippam regem Judææ: • Scio, rex Agrippa; credis prophetis, scio quia credis (*Act. xxvi, 27*). • Et centurio cujus servus erat moriturus, qui, mittens ad Jesum, rogabat ut veniret, et sanaret servum ejus; cui testimonium perhibentes Judæi dicebant ad Jesum: • Dignus est ut hoc præstes ei; diligit enim gentem nostram, et Synagogam ipse ædificavit nobis (*Luc. vii, 4, 5*). • Nemo tamen circumcisis non totam legem servat; debitor est enim, quia circumcisis data est lex. Hoc ideo dixit, quia tam hebetes se ostendebant, ut digni essent omnia onera legis portare.

(Vers. 4.) • Evacuati estis a Christo. • Quibus nihil prodest Christus, evacuati sunt a Christo; erant enim gratia ejus pleni, qua recedente, evacuati sunt. His enim loquitur, qui post acceptum donum gratiæ Dei, circumcidi se maluerunt. • Qui enim in lege gloriâmini (78), a gratia excidistis. • Justitia legis est, si servantur, quæ data sunt. Ideoque qui in his justificari se vult post fidem, amittit gratiam; quia ad hoc venit donum Dei, ut cessantibus oneribus legis, justificaret credentes apud Deum.

(Vers. 5, 6.) • Nos autem spiritu ex fide spem justitiæ exspectamus; nam in Christo Jesu neque circumcisio quidquam valet, neque præputium: sed fides, quæ per charitatem operatur. • Apertum est quod dicit, quia spes justificationis in fide est per spiritum, non per opera legis; in fide enim spiritualiter Deo servitur devotione mentis, et puritate cordis. Unde dicit Dominus ad Samaritanam: • Deus spiritus est, et adorantes eum, in spiritu et veritate adorare oportet (*Joan. vi, 24*). • Ac per hoc neque præputium valet quidquam, neque circumcisio: sed sola fides opus est in charitate ad justificationem; fides enim charitate fraterna debet muniri, ut perfectio sit credentis. Denique Salvator quod primum mandatum esset interroganti scribæ respondit: • Diliges Dominum Deum tuum ex toto corde tuo et ex tota anima tua, et proximum tuum tanquam te ipsum. In his, inquit, duobus mandatis tota lex pendet et prophetæ (*Matth. xxii, 37, 39, 40*). • Imperfecta sunt itaque cætera, quando in his duobus mandatis perfectio continetur.

(Vers. 7.) • Currebatis bene, quis vos impedivit veritati non obedire? • Exercitium illorum in opera fidei bonum fuisse testatur, sed nequitia malorum hominum detentos, ne cursum suum efficacia perseverante, consummarent. Unde ut respiscant hortatur, de cætero nulli eorum credentes, qui ut opera legis servanda suaderent, evangelicæ veritati non eos obedire sinebant.

(Vers. 8.) • Suasio vestra non est a Deo, qui vocat vos. • Verum est, quia humano consilio hæc

(78) Ita mss. plures ac potiores; aliqui tamen, et omnes edit., *in lege justificamini*.

agebant Judæi, ut mitterent eos sub legis jugum : A non Dei judicio, qui vocabat eos per Apostolum suum ad gratiam.

(Vers. 9.) « Modicum fermentum totam massam corrumpit. » Hoc dicit, quia licet quidquam legis admiscens fidei, violant fidem, ne habeat fructum, aut sit acceptabilis. Hoc ideo adjecit, ne forte incolumem se putarent habere gratiam fidei (79), si pauca legis observarent.

(Vers. 10.) « Ego confido in vobis in Domino, quia nihil aliud sentietis. » Hac spe se dicit fidere de iis; quia non sponte, sed circumventi erroris viam intraverant. Ideo ostenso vero itinere, facile eos posse reverti confidit. « Qui autem conturbat vos, portabit judicium, quicumque est ille. » Quomodo qui errantem converti facit, remunerandus est, dicente Jacobo apostolo in epistola sua : « Qui converti fecerit peccatorem, salvabit animam ejus a morte (80), et operiet multitudinem peccatorum (Jacob. v, 20); » ita et qui recta incedentem via, iter in devium cogit flectere, damnationem consequitur, quicumque fuerit. Hoc propter hos subjicit; ne qui sibi meritum defenderent, eo quod filii essent Abrahæ juxta carnem. Denique exaltantes se dicunt ad Jesum : « Nos filii Abrahæ sumus (Joan. viii, 33). »

(Vers. 11.) « Ego autem, fratres, si circumcisionem prædico, quid adhuc persecutionem patior? » Apertum est, quod dicit; ideo enim quasi inimicus Judæis habebatur, et non desinebant a persecutione ejus; 228 quia circumcisionem jam non stare debebat. Denique Judæis compellentibus, et sæpenu-mero falsas accusationes contra eum deferentibus, obliquum judicem videns, coactus appellavit Cæsarem (Act. xxv, 11). « Ergo evacuatum est scandalum crucis. » Scandalum erat Judæis prædicatio crucis, quia Sabbatum et circumcisionem evacuabat. Si autem admitteret circumcisionem, non esset scandalum, et pacifici essent nobis Judæi. Nam dicebant de Salvatore : « Non est hic homo a Deo, qui Sabbatum non custodit (Joan. ix, 16). »

(Vers. 12.) « Utinam et abscindantur hi, qui vos subvertunt! » Tale est hoc, quale et illud ad Corinthios in prima : « Qui non, inquit, amat Dominum Jesum, sit anathema (I Cor. xvi, 22). » Ex ipso grege morbo sunt et hi quos sociat sententiæ eorum; ut abscindantur a misericordia Domini (81), qui Galatas Dei gratia exuerunt : et non solum spiritaliter, sed et carnaliter, hos maledicit; ut quia circumcidi Galatas cogebant, ipsi abscinderentur, ut multiplicaretur his dolor corporis.

(Vers. 13.) « Vos enim in libertatem vocati estis, fratres. » In libertatem vocati sunt; quia cum peccatis essent obnoxii, Dei gratia accipientes remissam

(79) Mss. nonnulli, *habere gratiam Dei*.

(80) Dictio *a morte* e cod. non paucis restituitur.

(81) Mss. aliquot, *a mente Domini*; unus, *a mandatis Domini*; reliqui et edit., *a misericordia Dei*.

(82) Omnes edit. ac pauci mss., *Dei gratiam ac-*

delictorum (82), liberati sunt. « Tantum ne libertatem in occasionem carni detis. » Hoc dicit, ne acceptam libertatem occasio carnis adimat : ad hoc enim circumcidi eos volebant, ut in conditionem legis intrarent. Ideo monet, ne dent occasionem consentiendo eis. « Sed per dilectionem spiritus servite vobis invicem. » Non per affectum carnis charitatem habendam, sed per dilectionem spiritus exhortatur, ut invicem sibi subjecti sint.

(Vers. 14.) « Universa enim lex in vobis in uno verbo impletur : Diliges proximum tuum sicut te ipsum (Levit. xix, 18). » Hoc scriptum est in Levitico, quod supra dictum est, quia perfectio salutis per dilectionem operatur; quia qui non diligit fratrem non diligit Deum, dicit Joannes apostolus (I Joan. iv, 20).

(Vers. 15.) « Quod si mordetis invicem, et criminatis (83); videte ne ab invicem consumamini. » Manifestum est quia dissensio fratrum inimica est dilectionis; ideo monet ut pacifici sint proficientes in bono. Contentiones enim generant jurgium, cujus fructus est vitæ consumptio.

(Vers. 16.) « Dico autem, spiritu ambulate, et concupiscentiam carnis non perficietis. » Postquam a lege factorum eos prohibuit, in qua sunt præcepta carnalia, nunc ut a vitiis carnis se contineant, præcipit. Hic enim spiritu ambulat, qui fugit peccata.

(Vers. 17.) « Nam caro concupiscit adversus spiritum, spiritus vero adversus carnem; hæc enim sibi invicem adversantur, ut non ea quæ vultis, faciatis (84). » Duas leges proponit, sicut facit et in epistola ad Romanos (vii, 23), quæ invicem adversæ sunt : unam Dei, alteram peccati. Quæ ideo in carne significatur, quia visibilibus oblectatur, cupida peccatorum; ut his sibi abversantibus, medius homo non ea quæ vult, agat. Divina enim lex premit et fugat legem peccati, consulens homini, ut vigorem naturæ suæ custodiat, ne capiatur illecebris : illa e contra in insidiis agens, lacessit hominem blanditiis, ut spernat præceptum legis divinæ. Cum ergo consenserit homo legi Dei, contradicit lex peccati, suadens homini ne faciat quod imperat lex divina : e diverso autem lex Dei revocat hominem; ne faciat quod suggerit lex peccati. Quod quidem homo non videt esse absurdum; scit enim naturæ suæ congruere, si faciat quod imperat lex Dei. Denique gaudet, quando hæc agit : cum ea operatur, quæ suggerit lex peccati, videt se turpem, et horret post factum. Ideoque legis spiritus præcepta servanda sunt, et carnalia fugienda; ipsa enim conscientia accusat, si ei consentiat, sciens horrore esse, quæ suggerit lex peccati.

(Vers. 18.) « Quod si spiritu ducimini (85), non estis sub lege. » Non est obscurum, quia qui ducem

cupientes, remissa delictorum, etc. Infra vero Rom. edit. sola, *et in ditionem legis, etc.*

(83) Rom. edit., *mordetis invicem et comeditis*.

(84) Eadem Rom. edit., *ut non quæcunque vultis, faciatis*.

(85) Nonnulli mss., *si Spiritu Dei ducimini*.

habet Spiritum sanctum, non errat; lex enim errantibus dominatur, sicut alio loco dicit: « Justo non est lex posita (I Tim. I, 9.) »

(Vers. 19, 20, 21.) « Manifesta sunt autem opera carnis, quæ sunt adulterium, fornicatio, impuritas, obscenitas, idololatria, veneficia, inimicitia, contentiones, simulationes, iræ (86), similtates, dissensiones, hæreses, invidia, homicidia, ebrietates, comessationes, et quæ sunt his similia, quæ prædico vobis, sicut et prædixi, quod hi qui talia agunt, regni Dei hæreditatem non consequentur. » Hæc omnia et his similia legis peccati membra sunt, **229** quæ Apostolus opera carnis appellat: quia errores isti ex mundo sunt, ex quo et caro. Omnia namque peccata de foris oriuntur ex parte carnis, non ex parte spiritus; ideo non absurde opera carnis dicuntur.

(Vers. 22, 23, 24.) « Fructus vero Spiritus est charitas, gaudium, pax, longanimitas, benignitas, spes, lenitas, continentia, castitas, bonitas: adversus hujusmodi non est lex. Qui autem sunt Christi, carnem suam crucifixerunt cum vitiis et concupiscentiis. » Non dixit: Opera spiritus charitas est, sed *fructus spiritus*; lex enim spiritus hæc, quæ supra memoravit, fructificat, ut ex his hæreditas regni cælorum quæratur: qui enim Christo devoti sunt, hos dicit Christos, id est unctos. Hi carnem, id est mundum, crucifigunt, quando hæc ex quibus errores oriuntur, condemnant. Hunc sensum et Joannes apostolus secutus, ait: « Nolite diligere hunc mundum, neque ea quæ in hoc mundo sunt. Si quis diligit mundum, non est charitas Patris in illo; quia omne quod in hoc mundo est, concupiscentia carnis est, et concupiscentia oculorum (I Joan. II, 15, 16). » Qui ergo mundum, et quod in mundo est, non concupiscit, hic carnem crucifigit, Neque enim corpori humano hæc vitia ascribenda sunt, id est idolatria, veneficia, hæreses, invidia, inimicitia, iræ et talia: sed ideo carnalia dicuntur, quia ex parte mundi sunt, sicut supra memoravi. Interea non amplius quam decem res posuit, quas fructus spiritus significat; ut in his omnia complexus videatur secundum tabulas Testamenti Dei, in quibus non amplius quam decem verba mandatorum tradita sunt.

(Vers. 25, 26.) « Si vivimus spiritu, spiritu et ambulemus. Non simus inanem gloriam sectantes, invicem provocantes, invicem invidentes. » Hoc dicit, quia si bene et honeste vivimus, bonos debemus habere et mores; hoc est enim spiritu vivere, incontaminatam vitam habere: et sic spiritu ambulamus, si paci studeamus; hæc enim parit charitatem. Inanis autem gloria est velle vincere, ubi præmium non est; ut quis studium habeat contentionis et æmulationis, sciens quia hæc generant discordis et lites: « Servum autem, inquit, Domini non oportet litigare (II Tim. II, 24). »

(86) Rom. edit., *contentiones, æmulationes iræ.*

(87) Rom. edit. sola *etsi circumventus fuerit.* Eadem cum vet. edit. et mss. quibusdam, *humi-*

A Bonæ enim vitæ fructus aridos facit, perdens spem promissam castæ conversationis; bona enim et casta vita moribus ornanda est, et benevolentia locupletanda.

CAPUT VI.

(Vers. 1, 2.) « Fratres, etsi præoccupatus fuerit (87) homo ab aliquo delicto, vos qui spirituales estis, instruite hujusmodi in spiritu mansuetudinis, considerans temetipsum, ne et tu tenteris, invicem onera vestra portate. » Nunc hos alloquitur, qui firmiores erant, ne inflatione bonæ vitæ eum, qui forte a peccato circumventus fuisset, spernendum putarent et abjiciendum, ideoque consulendum his. Cum mansuetudine enim provocandi sunt ad reformandos se, quia si acrius ex auctoritate fuerint correpti, non se patientur argui, sed et defendere se incipient, ne turpes videantur, et incipiunt pejores fieri. Tolle enim homo minem a contentione et audacia, et habebis eum subjectum; humilitas enim etiam superbos solet inclinare. Et ut cum tota animi lenitate fierit, adjecit: « Ne et tu tenteris; » ut vel hæc causa non sperneret peccatorem, sciens et se posse peccare. « Et sic implebitis legem Christi; » lex enim Christi omnes salvos vult fieri: ac per hoc qui fratri peccanti consulit, ut redeat ad propositum, implet voluntatem Christi.

(Vers. 3, 4.) « Si enim quis videtur sibi esse aliquid, cum nihil sit, se ipsum seducti. Opus autem suum probet unusquisque; et tunc in semetipso tantum gloriam habebit, et non in altero. » Verum est, nec latet quemquam, quia si actus nostros et mentem consideremus, nulli nos antepo-
C nimus, et nec facile quemquam judicamus. Qui enim extollitur quasi aliquid sit, errat; nescit enim quia de humilitate crescitur. Verba enim Salvatoris et gesta ante oculos non habet, qui cum sit omnium Dominus, humiliavit se (*Philipp. II, 8*); ut nobis formam daret quid sequi deberemus, si crescere velimus: et si nos erigeremus, inclinaremur, quod facit imperitia cordis inflati; ut apud homines commendatior videatur. Sprenens enim et despicens peccatores, justum se videri contendit, sicut et pharisæus ille, quem Dominus denotat (*Luc. XVII, 40, 41*). Numquid non vere hic imperitus est, qui præsentis gloriæ cupidus est? Numquid non vere de futuris desperat, qui mercedem justitiæ in præsentem vult consequi? Quare? Quia non est **230** justus in opere, sed per fallaciam fingit justitiam; qui enim vult justus esse, alterum sibi præponit, ut vere justus sit. Unusquisque enim plus mala sua novit, quam alterius.

((Vers. 5.) « Unusquisque enim suam sarcinam portabit. » Ad postremum hoc voluit innotescere superbis, quia non coinquinatur quis alieno peccato, dummodo dissentiat, ut nemo versatur se

liate hujusmodi; at cæteri mss. magis commode, instruite hujusmodi.

jungere peccatori, aut accedentem ad se suscipere, **A** membra. Huic ergo rei inserviendum, quæ prodest; ut eum lucratur. non circumcisioni, rei nunc inani.

(Vers. 6.) « Communicet autem is, qui catechizatur verbo (88) » (id est, qui verbum Dei audiens est). « ei qui catechizat, in omnibus bonis. » Hoc dicit, ut doctoribus audientes communicent in omnibus bonis. Si autem aliter agant quam docent, in his illis non communicandum, sed dissentiendum, ut magis lux tibi dux sit, quam homo. Sibi enim oberit, non tibi: quia quæ docuerit, observas.

(Vers. 7.) « Nolite errare, Deus non deridetur. » Nemini dubium est Deo imposturam fieri non posse, sed hoc ab eo nunquamque consequi, quod meretur.

(Vers. 8.) « Quod enim quis seminaverit, hoc et metet. Qui enim seminaverit in carne sua, ex carne **B** metet corruptionem. » Illic carnalia vitia, quæ in carne admitti solent, significat, ut qui carnem suam corruperit, sciat se corructelæ futurum obnoxium. Corruptit autem corpus, qui inconcessa præsumit. « Qui vero seminaverit in spiritu de spiritu metet vitam æternam. » Homo Christianus spiritu constat et carne; homo enim ad comparisonem sancti Spiritus, caro est. Cum ergo spiritui dat assensum, cohibens se ab iis quæ contraria sunt, spiritaliter seminat; ut possit metere vitam æternam. Testimonium enim Spiritus accipit, et immortalitatem (89) loco mercedis. Sicut enim qui corrumpit de-honestans corpus suum, non ad æternitatem, sed ad corruptionem pertinebit; ita et qui incontaminatum se custodit, vitam æternam consequetur. **C** Hæc est enim æterna vita, vivere sine pœna, et habere gloriam. Nam si hic ad præsens qui in sollicitudine est, negat se vivere; quanto magis ubi alienus a Deo, ignem tortorem patietur (90)!

(Vers. 9.) « Bonum autem facientes non deficiamus; tempore enim proprio metemus infatigabiles. » Hoc dicit, quia qui fortis est ad seminandum, fortis erit et ad metendum, id est, sic recipiet, quomodo facit. Ideo promptos nos ad benefaciendum esse hortatur, nec fastidium pati debere, securos quia pro parvis magna recipiemus, et pro terrenis æterna, tempore quo promisit Deus.

(Vers. 10.) « Ergo dum tempus habemus, operemur bonum ad omnes. » Gentiles tempus habent operandi malum; homines enim sine Deo, quomodo **D** possunt operari bonum? Christiani autem facti, tempus habent operandi bonum ad omnes homines, ut post acceptam fidem bonum opus proficiat mercedi promissæ. Tempus enim ideo conceditur vitæ, ut jam juste versemur, exemplum dantes gentilibus. « Maxime autem ad domesticos fidei. » Verum est quia faciliores et propensiores in bono circa fratres esse debemus; quia invicem sumus

(Vers. 11.) « Scitote (91) qualibus litteris scripsi volis mea manu. » Auctoritatem dat epistolæ suæ; cum enim dicit: « Ego scripsi in ea manu, » obediri vult litteris his. Ubi enim holographa manus est, falsum dici non potest, ne forte circumventi excusarent de epistola, quasi aut falsa esset, aut non esset Apostoli, nolentes se reprehendi.

(Vers. 12.) « Quicumque volunt placere in carne, hi cogunt vos circumcidi, tantum ne crucis Christi persecutionem patiantur. » In carne placere, hominibus placere significat. Ut enim Judæis propitiis, aut non infestis viverent, quos pseudoapostolos dicit, sic Christum prædicabant, ut et legem servandam docerent: quod Apostolus nunquam metuit, sed constanter quod verum est, non tacuit, et sibi et his providens, quos docebat. Denique: « Ego, inquit, non solum ligari, sed et mori paratus sum in Hierosolyma pro nomine Domini nostri Jesu Christi (Act. xxi, 13). »

(Vers. 13.) « Neque enim ipsi qui circumcisi sunt legem custodiunt: sed volunt vos circumcidi, ut in vestra carne gloriantur. » Tale est hoc, quale et illud dictum ad apostolum Petrum: « Si tu cum sis Judæus, gentiliter vivis, quomodo compellis gentes judaizare (supra. ii, 14) ? » Ita et hi cum ipsi legem non custodirent, conversantes injuste, circumcisionem zelabantur, ut proinde vindices et amatores legis viderentur: cum constet **231** hunc legem defendere et custodire, qui justitias ejus exsequitur, et mandatum, quod ad vitam pertinens datum est, non prætermittit. Talis ergo Galatarum excusatio erat (92). Hæc dicit, ut vel sic intelligant, quia illudebantur velut stulti et hebetes, de quorum doloribus gloriarentur.

(Vers. 14.) « Mihi vero absit gloriari (93), nisi in cruce Domini nostri Jesu Christi, per quem mihi mundus crucifixus est, et ego mundo. » Quomodo pseudoapostoli tribulationes pro nomine Christi quasi nihil profuturas per hypocrisim redimebant, erubescens in his; ita et Apostolus gloriabatur de his, sciens magnam pro istis fore mercedem: quemadmodum et coapostoli ejus, sicut scriptum est in Actibus apostolorum: « Tunc, inquit, cæsi exierunt apostoli de concilio, gaudentes quia digni habiti sunt pro nomine Christi contumeliam pati (Act. v, 41). » Cujus ergo omnis spes in Christi est, hic gloriatur in cruce ejus, huic et mundus crucifixus est, certus amorem crucis Christi vitam esse, mundi vero amorem parere mortem. Invicem ergo sibi mortui sunt, et mundus Apostolo, et Apostolus mundo; dum nihil concupiscit Apostolus mundi, et dum nihil habet

(88) Hanc parenthesin Rom. edit. prætermiserat.

(89) Cod. nonnulli, *Testimonio enim Spiritus accipiet immortalitatem.*

(91) Nonnulli mss., *ignem torrentem patietur.*

(91) Ms. Vall., *Videte qualibus litteris, etc.*

(92) Codex Vall., *clades; quidam alii, cladis, ergo Galatarum exsultatio eorum erat.*

(92) Rom. edit., *Mihi vero non contingat gloriari.*

mundus suum, quod agnoscat in Apostolo, sicut et A Dominus ait : « Ecce, » inquit, « princeps hujus mundi venit, et in me inveniet nihil (Joan. xiv, 30). »

(Vers. 15, 16.) « In Christo enim Jesu neque circumcisio quidquam est, neque præputium; sed nova creatura. Et quotquot hanc regulam sequuntur, pax super illos et misericordia, et super Israel Dei. » Nova creatura est regeneratio nostra, hæc est quæ dat profectum permanentibus; super istos enim est pax Dei. Qui enim cum Deo pacificus est, nullius inimicitiam metuit; **232** tutus enim est protectione et misericordia Dei, quæ promissa est, et manet super Israel Dei, non super Israel hominis; Judæi enim non credentes Israelitæ sunt secundum carnem. Duas ergo partes significavit, super quas manet pax et misericordia Dei, Judæorum credentium, et gentilium fidelium.

(Vers. 17.) « De cætero nemo mihi molestus sit. » Molestias sibi noluit de cætero fieri, ut iterum forte cogereur scribere: sed jam correctiores illos vult fieri; ut amputatis erroribus, post tanta tædia

(94) Rom. edit., *Magna enim constantia, etc.*

pansam haberet. Si autem duriores se præstarent, et inflexibiles in convertendo, cessarent ab eo; ut illis operas suas et efficaciam impenderet, de quibus mercedem aut luerum speraret. « Ego enim stigmata Domini Jesu Christi in corpore meo porto. » Hoc dicit iratus, quia passiones quas credentium causa patiebatur, inefficaces in illis videbat; quoniam constantia (94) et fide doctrinæ suæ pro Christo plagas et vineula pati non timuit, sed passus est amore credentium cicatrices plagarum habere se in corpore; quo non minus fideliter eis prædicaret, sicut et pseudoapostoli, qui Galatas deceperant. Neminem itaque vult sibi molestum esse, qui huic rei devotus non est; ista enim stigmata, id est, cicatrices plagarum, testimonia sunt credentium eorum, qui patiuntur, quod digni sunt futura promissione.

(Vers. 18) « Gratia nostri Domini Jesu Christi cum spiritu vestro, fratres. » Non legis gratiam dicit, sed Domini nostri Jesu Christi esse cum spiritu illorum, quos spirituales fratres appellat; neque enim penitus omnes fuerant eversi.

IN EPISTOLAM B. PAULI AD EPHESIOS.

231 PROLOGUS.

Ephesios Apostolus non fundavit in fide, sed confirmavit, multa mala pro his passus a perfidis, sicut dicit: « Si enim, secundum hominem, ad bestias pugnavi Ephesi, quid mihi prodest, si mortui non resurgunt (I Cor. xv, 32)? » Et quoniam pugnam suam non sine effectu perfectionis (95) illorum prævidet, gaudens in eis, ad meliora scriptis hortatur de urbis Romæ custodia; quia veniens ab Hierosolymis in custodia sub fidejussore intelligitur degisse, manens extra castra in conductu suo (Act. xxviii, 30).

CAPUT PRIMUM.

(Vers. 1.) « Paulus apostolus Christi Jesu per voluntatem Dei sanctis omnibus, qui sunt Ephesi; D et fidelibus in Christo Jesu. » Solito more scribit, apostolum enim se esse Christi Jesu Dei voluntate testatur. Non solum fidelibus scribit (96), sed et sanctis; ut tunc vere fideles sint, si fuerint sancti in Christo Jesu. Bona enim vita tunc prodest ac creditur sancta, si sub nomine Christi habeatur: alioqui contaminatio erit, quia ad injuriam proficit creatoris.

(Vers. 2.) « Gratia vobis et pax a Deo Patre no-

(95) Vet. edit., *non sine effectu profectionis*; Rom. . . . *profectus*; miss. . . . *perfectionis*.

(96) Rom edit. præmissis duobus primis Apostoli versibus ita resumit, *Paulus apostolus Jesu Christi.*

Cstro, et Domino Jesu Christo. » Gratiam Dei cum sanctis dicit esse et fidelibus, quem Patrem nostrum appellat; quia ab ipso sunt omnia et condita et restaurata: Christum autem Dominum nostrum, quia redemit nos, offerens se pro nobis.

(Vers. 3.) « Benedictus Deus et Pater Domini nostri Jesu Christi, qui benedixit nos omni benedictione spiritali, » id est, non mundana, sed cælesti benedictione: neque corruptibili, sed æterna; quia gloria Christianorum non in terra, sed in cælo est, et est in Christo. Omne enim donum gratiæ Dei in Christo est; ut si quis, spreto Christo, benedici se a Deo putet, errare se sciat. Aliter tamen benedicitur Deus, et aliter homines. Unum quidem benedictionis nomen est, sed pro merito personæ debet intelligi; nam et facere dicitur Deus, et homines faciunt: sed Deus nutu solo impassibiliter facit; homines autem manu, conatu, labore, sudore efficiunt. Deus ergo benedicitur, cum laudibus dignis extollitur: homines autem sic benedicit Deus, ut donum **232** gratiæ suæ eis impertiat, non secundum merita eorum, sed secundum misericordiam suam. Et ideo dixit: « Qui nos benedixit in benedictione spiritali; » ut ostenderet perfectam benedictionem dari cælestium credentibus

Solito more scribit. . . . voluntate testatur. Sanctis omnibus, qui sunt. . . in Christo Jesu. Non solum fidelibus scribit.

in Christo, ut pleni sint gloria coelesti, supra potestates subiecti caelorum. Quia « ubi ego, inquit, ero, illic et minister meus erit (Joan. xii, 26). »

(Vers. 4.) « Sicut elegit nos in ipso ante mundi constitutionem, ut essemus sancti et immaculati coram eo in charitate. » Præsciens omnium Deus scit qui credituri essent in Christum, sicut dicit ad Romanos: « Quos præsciit et vocavit nos (Rom. viii, 29, 30); » non solum ex Judæis, sed etiam ex gentibus. Quos ergo Deus vocare dicitur, perseverant in fide: hi sunt quos elegit ante mundum in Christo; ut sint incontaminati coram Deo in charitate, hoc est, ut amor Dei sanctam illis faciat conversationem. Nemo enim melius alicui obtemperat, quam qui ex charitate obsequitur.

(Vers. 5.) « Prædestinans nos in adoptionem filiorum per Jesum Christum in ipsum. » Hoc dicit decrevisse Deum, ut credentes in Christum adoptarentur in filios a Deo, et caput ipsorum sit Christus verus Dei Filius.

(Vers. 6.) « Secundum placitum voluntatis suæ in laudem claritatis suæ (97). » Tale placitum dicit Deum habuisse; ut ad laudem claritatis ejus proficeret gratia data hominibus; ut salus nostra gloria Dei sit. « Qua gratificavit nos in dilecto Filio suo. » Deus nobis gratiam dedit, propter quod credidimus in Filium ejus Christum; diligens enim unigenitum suum, amatoribus ejus divina munera largitur.

(Vers. 7.) « In quo habemus redemptionem per sanguinem ipsius, remissionem peccatorum. » Duplicem gratiam flagitat; quia et redemit nos sanguine suo, et peccata nobis non imputavit, id est, redemit et manumisit.

(Vers. 8.) « Secundum divitias gratiæ suæ, quæ superabundavit in nobis, in omni sapientia et prudentia. » Addit ad gratiam; quia post supra memorata beneficia donum accedit sapientiæ et prudentiæ rerum spiritualium.

(Vers. 9, 10.) « Ut notum nobis faciat mysterium voluntatis suæ, juxta beneplacitum suum, quod proposuit in eum, in dispensationem 233 adimplentionis temporum; restaurans omnia in Christo, quæ in cælis sunt, et quæ in terra. » Hoc placuit Deo, cujus consilium retractari non potest: ut ostenderet in Christo mysterium voluntatis suæ tempore, quo revelari illud voluit in agnitionem creaturæ. Voluntas autem ejus hæc fuit, ut tunc propitius fieret omnibus, qui in errore erant, sive in cælis, sive in terris, quando Christum manifestavit hoc donum esse credentium, ne illis imputarentur peccata suscipientibus fidem Christi. Omnis ergo creatura in cælis et in terris, dum discit agnitionem Christi, restauratur ad id quod est condita. Cum enim ad unius Dei fidem imbuitur, cognito mysterio Salva-

(97) Rom. edit., *Secundum beneplacitum... claritatis gratiæ suæ*; vet. ac mss. inter se conveniunt, nisi quod horum nonnulli pro *claritatis* efferunt *charitatis*.

toris, ab errore quem coeperat, restauratur, pro certo habens creatorem suum unum esse Deum et Dominum. Hinc est unde et Joannes in Apocalypsi dicit: « Vidi Michael et angelos ejus in cælo pugnare cum dracone et cum exercitu ejus (Apoc. xii, 7). » Hæc repugnantia partim de errore est, partim de usurpate tyrannidis præsumptione.

(Vers. 11, 12.) « In quo et nos sortiti sumus (98), prædestinati secundum propositum Dei, qui universa creavit secundum consilium voluntatis suæ; ut simus in laudem gloriæ ejus nos, qui ante speravimus in Christo. » Hoc est, quod dicit, quia dispensatio prædicationis his decreta est a Deo, qui ex Judæis crediderunt in Christum. Unde nullus ex gentibus ad apostolatam electus est; dignum enim erat ex his eligi prædicatores, qui ante speraverunt salutem, quæ illis promissa erat in Christo.

(Vers. 13, 14.) « In quo et vos, cum audissetis verbum veritatis Evangelii salutis vestræ, credentes signati estis Spiritu promissionis sancto; qui est pignus hæreditatis nostræ, in redemptionem acquisitionis, in laudem gloriæ ipsius. » Laus gloriæ Dei est, cum multi acquiruntur ad fidem (99), sicut gloria medici est, si multos curet. Ideoque ad gloriam Dei pertinet, quia gentes vocavit, ut salutis suæ medelam consequerentur per fidem promissam Judæis, signum habentes redemptionis atque hæreditatis futuræ, Spiritum sanctum datum post baptismum. Redempti enim hæredes designati sunt, si in regeneratione perdurent; ut fides prima veniam, sancta vero conversatio perdurans cum fide, coronam mereatur.

(Vers. 15, 16.) « Propterea et ego, audita fide vestra in Domino Jesu, et dilectione in omnes sanctos, non cesso gratias agendo pro vobis, commemorationem vestri facere in orationibus meis. » Quoniam juxta decretum Dei, quo statuit gentes participes fieri promissionis Judæorum, audito Ephesii verbo Dei, susceperunt fidem Christi, diligentes omnes sanctos, sicut mandavit Dominus; hac causa Deo gratias agit pro conversione et charitate eorum, qui dignatus est gentes concorporare Judæis.

(Vers. 17, 18, 19.) « Ut Deus Domini nostri Jesu Christi, Pater claritatis, det vobis spiritum sapientiæ et revelationis in agnitione ejus, illuminatos habere oculos cordis vestri; ad hoc ut sciatis quæ sit spes vocationis ejus, et quæ divitiæ hæreditatis gloriæ ejus in sanctis. » Manifestum est quia ideo se orare dicit pro eis, ut fidei suæ spem cognoscant in remuneratione cælesti; quia cum plene scierint qui fructus est credentium, propensiores fient circa excolendam religionem. Jam enim in hujusmodi profectus fore videtur, quia si antequam sciant promissionis gloriam, tam devoti sunt; propensio-

(98) Rom. edit., *et nos sorte constituti sumus*.

(99) Mss. nonnulli, *cum multi concurrunt ad fidem*.

res fient necessario, cum cognoverint. Claritatis tamen (1) Patrem vocat Deum, et Christi Deum, cum verus Pater Christi sit Deus, et Deus creaturæ. Sed et ipse Dominus eadem dicit: « Vado ad Patrem meum et Patrem vestrum, Deum meum et Deum vestrum (Joan. xx, 17). » Totius ergo claritatis Pater est; quia ab ipso est omnis claritas, et potestas, et dignitas. Est et Pater Christi, sed aliter; quia hic verus Filius est, et Deus omnium, sed non ita Christi Deus est. Sic enim Deus Christi est; quia Deus de Deo Christus est: cæterorum autem Deus est causa terroris, sicut ipse dicit in Malachia propheta: « Si Deus ego sum, ubi est timor meus (Malac. i, 6) ? »

(Vers. 20, 21.) « Et quæ est excelsa magnitudo virtutis ejus in vos, qui creditis, secundum operationem potentiæ fortitudinis ejus, quam operatus est in Christo, suscitans illum a mortuis, et collocavit ad dexteram sibi in cælestibus super omnem Principatum et Potestatem, et Virtutem, et Dominationem, et omne nomen, quod nominatur non solum in hoc sæculo, sed et in futuro. » Exemplum salutis credentium et gloriæ in resurrectione Salvatoris consistere profitetur, ut ex ea cognoscant fideles, 234 quid eis promissum est. Simili enim modo extollentur supra cælos futuri cum Christo; sicut ipse dicit: « Pater, volo ut ubi fuero, et hi mecum sint, et videant gloriam meam (Joan. xvii, 24). » Hoc propter incarnationem Filii Dei, ut etiam homo factus super omnes cælos esse dicatur, et super cunctam creaturam sedens ad dexteram Dei, habens nomen Dei per naturam, non per adoptionem; ut cognoscant illum esse Filium Dei qui illum crucifixerunt. Honor enim quem illi dedit Pater per generationem, tunc manifestatus est, cum natus homo passus est, et victa morte resurrexit, ascendens unde descenderat, super omnes cælos. Unde dictum est, quia « veritas de terra orta est (Psal. lxxxiv, 12). » Quia enim omne iudicium Pater Filio dedit (Joan. v, 22), ideo ad dexteram Dei sedere dicitur, quasi iudex. Denique ipse dicit ad discipulos: « Usque modo nihil petistis in nomine meo: petite, et ego faciam (Joan. xvi, 24). » Unde ait Judæis: « Amodo videbitis Filium hominis sedentem ad dexteram virtutis Dei, et venientem cum nubibus cæli (Matth. xxvi, 64). » Ex eo enim quod innotuit, adiri cœpit et postulari, quasi iudex.

(Vers. 22, 23.) « Et omnia subiecit sub pedibus ejus, et ipsum dedit caput super omnem Ecclesiam, quæ est corpus et plenitudo ejus, qui omnia in omnibus adimpletur. » Patrem dicit Filio omnem creaturam subiecisse, ut quia omnia per ipsum fecit (Joan. i, 3), ipse omnium capus sit et Dominus. Tunc illi omnia subiecit, quando illum ante omnia genuit; ut per ipsum faceret, quæ non erant. Om-

(1) Mss. aliquot, cum cognoverint claritatem ejus. Tamen, etc.

(2) Vet. edit. et mss. non pauci, voluptates car-

nem Ecclesiam dicens, summatim totum comprehendit, quod in cælo est et in terra; ut in novum hominem membra ejus efficiantur, dum confitentur hunc esse, per quem facti a Deo sunt. Subjiciuntur enim illi quasi capiti membra, ex quo trahunt originem; ut omnia in omnibus adimpleantur. Cum enim regressi fuerint ad confessionem unius Dei, flectentes genu Christo, adimpletur in omnibus ut sit omnia, quia ab ipso sunt; ac per hoc ipse in eis est, quia virtute ejus subsistunt; recedentes enim a Deo, evacuare illum videntur. Unde alio loco dicit: « Ut crescant omnia in incrementum Dei (Coloss. ii, 19). »

CAPUT II.

(Vers. 1, 2.) « Et vos cum essetis mortui delictis et peccatis vestris, in quibus aliquando ambulastis secundum sæculum hujus mundi. » Mortuos dicit, quia errores sæculi sequuntur; quidquid enim ab unius Dei professione recedit, mortuum habetur; quia non manet in radice, ex qua trahit originem. « Secundum principem potestatis aeris hujus, spiritum qui nunc operatur in filiis diffidentiae. » Principem potestatis, id est, diabolum, significat sæculi intelligentiam corrupisse; ut ab uno Deo recederent, multorum deorum opinionem suscipientes, ut socios illos suæ conspirationis efficeret, dum in eadem impietate inveniuntur, negantes unum Deum. Principem ergo hunc erroris ideo aeris dicit spiritum, ut ostendat quia hanc partem sibi usurpavit ad exercendam dominationem. Aliud est enim aer, et aliud princeps: sed quia in mundo vel in aere dominatur, spiritus aeris appellatur.

(Vers. 3.) « In quibus et nos aliquando conversati sumus in desideriis carnis nostræ, facientes voluntatem carnis (2) et consiliorum ejus: et eramus natura filii iræ, sicut et cæteri. » Perfidiam significat, dum desideria carnis memorat. Voluntas enim carnis est visibilibus oblectari, ut elementa quæ Deus gubernacula mundi instituit, deos appellat; cum hoc nomen uni Deo debeatur, ex quo sunt omnia; ut sicut nullum participem habet ex his in virtute, ita nullum habeat consortem in nomine. Christo autem ideo hoc nomen non negatur, quia sicut communis eis natura est, ita erit et nomen. Hoc tamen inter Patrem et Filium interest, quia Pater a nullo hoc accepit: Filius autem per generationem omnia Patris accepit; ut in virtute et substantia et nomine nihil distet Filius a Patre. Unde dicit: « Omnia quæ habet Pater, mea sunt; et mea Patris (Joan. xvi, 15). » Non ergo indignum neque contrarium est, si et Christus Deus dicatur, sed de Deo Patre; ut unius Dei auctoritas conservetur. Nam si quis aliud putat significare, cum voluntatem carnis flagitat, sciat et Apostolum mundam vitam habuisse; quia secundum justitiam legis conversatus est sine querela. Sed quia perse-

nis. Sed antiquis scriptoribus solemne esse, ut voluntatem et voluptatem inter se confundant, jam non semel admonuimus.

cutus est fidem Christi, idcirco « conversati, inquit, sumus in desideriis carnis nostræ. » Omne enim peccatum caro dicitur, maxime perfidia, quæ est totius sceleris mater. Nulli opera bona et castitas proderit, si sit perfidus; perfidia enim hæc omnia maculat. Hinc est, quod subdidit: « Et eramus natura filii iræ, 235 sicut et cæteri. » Naturæ enim cum mala voluntas supponitur, fit naturæ iræ, id est, quæ ultioni subjienda sit, immutata non substantia, sed mala voluntate. Hoc enim deputatur naturæ, quod sequitur; unde ait in Isaia: « Semen pessimum (Isa. 1, 4). » Et quare sit semen pessimum, subiecit: « Reliquistis enim Dominum, ait, et ad iracundiam incitastis Sanctum Israel (Ibid.); » ut natura quæ deserit Deum, pessimum semen dicatur. Degenerare enim est ab auctore recedere: et cum malum exemplum cæteris præbet, malum est semen; fructus enim pessimos facit. Si vero redeat ad Auctorem, bona erit natura, secundum Apostolum, qui immutatus dum agnoscit Creatorem suum, vas electionis appellatur (Act. ix, 15).

(Vers. 4.) « Dens autem, qui dives est in misericordia propter multam charitatem suam, qua miserus est nostri. » Hæc veræ divitiæ sunt misericordiarum, ut non quærentibus ultro misericordia præstaretur, sicut dicit Isaias: « Palam factus sum non quærentibus me (Isa. lxxv, 1); » hoc enim est abundare misericordia, ut et non postulantibus tribuatur. Hæc tamen charitas Dei est erga nos, ut quia fecit nos, nolit perire nos; diligit enim opus suum. Idcirco enim fecit, ut amaret, quod fecit; nemo enim laborem suum odio habet.

(Vers. 5.) « Et cum mortui essemus peccatis, convivificavit nos in Christo. » A Deo alienati mortui eramus: gratia autem sua revocavit nos, hoc est, vivificavit nos in Christo. Quia enim per ipsum nos fecit, iterum per ipsum nos reformavit in ipso, id est, ut ejus membra simus; ipse est autem caput nostrum; ipsum enim habemus, Deo præstante, auctorem vitæ nostræ, sicut dicit Petrus apostolus: « Auctorem vero vitæ interfecistis (Act. iii, 15). »

(Vers. 6.) « Cujus gratia salvi facti estis. » Huic dono addit et gentes; significans salvatos nos esse (3) gratia Christi.

(Vers. 7.) « Et simul suscitavit, et simul condescendere fecit in cœlestibus in Christo Jesu. » Hoc dicit, quod supra memoravi, illic futuros sanctos etiam ex gentibus; ubi et Christus est caput eorum.

(Vers. 8.) « Ut ostenderet in sæculis supervenientibus superabundantes divitias gratiæ suæ in bonitate super nos in Christo Jesu. » Hoc significat, quia in futuro sæculo immortale donum Dei apparebit in remuneratione fidelium; quod oculus non vidit, nec auris audivit, nec in cor hominis ascendit, quæ præparavit Deus diligentibus eum (I Cor. ii,

A 9). Hæc sunt superabundantes divitiæ, ut tantum detur credentibus, quantum investigare non potest mens.

(Vers. 9, 10.) « Gratia enim salvi facti estis per fidem. » Gratia fidei data est, ut credentes salventur. « Et hoc non ex vobis; Dei enim donum est, non ex operibus, ne quis gloriatur. Nam ipsius sumus figmentum, creati in Christo Jesu in opera bona, quæ præparavit Deus ut in illis ambulemus. » Verum est, quia omnis gratiarum actio salutis nostræ ad Deum referenda est, qui misericordiam suam nobis præstat; ut revocaret errantes ad vitam (4), et non quærentes verum iter. Ideoque non est gloriandum nobis in nobis ipsis; sed in Deo, qui nos regeneravit nativitate cœlesti per fidem Christi, ad hoc ut bonis operibus exercitati, que Deus nobis jam renatis decrevit, promissa mereamur accipere.

(Vers. 11, 12.) « Memoria retinentes, vos qui aliquando eratis gentes, in carne, qui dicimini præputium, ab ea quæ dicitur circumcisio in carne manufacta; quoniam eratis illo in tempore sine Christo, alienati a conversatione Israel, et hospites testamentorum, et promissionis eorum spem non habentes, et sine Deo in hoc mundo. » Commonet gentes, ut reminiscentes quid fuerint (erant enim carnales, et sine spe, nullam promissionis communionem habentes Judæorum in Christo; Judæis enim promissus erat Christus, non gentibus), ut propensius gratias agant Deo per Christum, qui misericordia sua fecit illos participes spiritualium, cum essent carnales. Ideo tamen circumcisio, ait, in carne manufacta, ut significaret aliam non manufactam spiritalem.

(Vers. 13.) « Nunc autem in Christo Jesu vos qui aliquando longe eratis, facti estis prope per sanguinem Christi. » Adhuc donum et gratiam Dei commendat, cui nos semper velut obnoxios gratias vult referre; idcirco enim in sanguine Christi proximos nos Deo factos memorat, ut quantum affectum circa nos habeat Deus, ostenderet, qui pro nobis Filium suum mori permisit; ut et nos in fide ejus durantes, omnibus exitiis pro illo nobis illatis non cedamus, scientes plus illum de nobis mereri, quam quæcunque ab inimicis possunt inferri: ille enim cum sit Dominus, et nullius egeat, obtulit se 236 pro nobis; ut non illi, sed nobis proficeret. Nos enim etiamsi nobis non proficeret, forte cogermur mori pro ipso domino servi: quanto magis cum non solum illius, sed et nostra mors nobis præstet effectum!

(Vers. 14.) « Ipse enim est pax nostra, qui fecit utraque unum, et medium parietem maceriæ solvens, inimicitias in carne sua. » Pacem fecit inter circumcisionem et præputium passio Salvatoris. Inimicitiam enim, quæ velut paries media erat, et dividebat circumcisionem a præputio, et præputium

(3) Rom. edit. sola, *salvatos nos omnes esse*, etc.

(4) Nonnulli mss., *errantes omnes ad fidem*.

a circumcissione, hanc solvit Salvator, dans legem A ut neque Judæus præsumens de circumcissione repro-
 baret gentilem, neque gentilis fidus de præpu-
 tio, id est, de paganitate, abominaretur Judæum;
 sed ut ambo innovati, unius Dei fidem sequerentur
 in Christo. Omnia enim quæ docuit Salvator, tunc
 firmavit, cum resurrexit a mortuis. Parietem tam-
 en, qui medius erat, dividens inter legem facto-
 rum et gentilitatem, maceriam sive sepem signifi-
 cavit, id est, non parietem stabilem, neque ro-
 bustum; quia neque gentilitas firma res erat, quasi
 ab homine inventa, neque circumcisio, et neome-
 niæ, escarum, et sacrificiorum, vel Sabbatorum sta-
 bilis et fixa observatio; sic enim data sunt, ut
 cessarent, adveniente Christo. Quamvis enim Deus
 hæc dederit, sed ad tempus: fidei autem firma et
 sine successore est prædicatio.

(Vers. 15.) « Legem mandatorum in decretis
 evacuans, ut duos conderet in seipso, in uno novo
 homine faciens pacem. » Hoc est quod supra sum-
 matim memoravi; quia legem, quæ data erat Ju-
 dæis in circumcissione, et in neomeniis, et in escis,
 et in sacrificiis, et in Sabbato, evacuavit, hoc est,
 cessare jam jussit; quia oneri erant, et sic fecit
 pacem. Unde Petrus apostolus dicit in Actis aposto-
 lorum: « Quid imponitis jugum supra cervicem
 fratrum, quod neque patres nostri, neque nos po-
 tuimus portare (Act. xv, 10) ? »

(Vers. 16.) « Ut exhiberet et reconciliaret ambos
 in uno corpore Deo per crucem. » Sublata inimi-
 citia, morte sua Christus prius populos inter se
 reconciliavit, deinde Deo Patri pacificos fecit; ut
 homines naturæ unius, quia diversi facti fuerant
 per errorem, membra efficerentur unius corporis
 novi, cujus caput Christus est.

(Vers. 17, 18.) « Interficiens inimicitias in semet-
 ipso, et veniens evangelizavit pacem vobis, qui
 longe, et pacem iis, qui juxta; quia per ipsum habe-
 mus accessum utrique in uno Spiritu ad Patrem. »
 Idem sensus est; interfecit enim inimicitiam in se,
 dum pro omnibus tam Judæis quam gentilibus
 mortuus est. Omnibus enim proficit mors Salvato-
 ris; resurgens enim a mortuis, damnata morte,
 quæ tenebat omnes, ostendit quam spem haberent
 credentes in eum. Hinc mandavit prædicationem,
 qua omnes convocarentur ad Deum Patrem in uni-
 tate Spiritus, scissa discordia, ut sive Judæi (qui
 prope ideo dicuntur, quia ipsorum patribus facta
 promissio est), sive gentiles (qui ideo longe dicun-
 tur, quia Dei legem non receperunt datam per
 Moysen), sublato præterito ritu, susciperent fidem
 Christi, per quam efficerentur unum.

(Vers. 19.) « Ergo jam non estis hospites et in-
 colæ (5), sed estis cives sanctorum, et domestici
 Dei. » Admonet illos, ut memores sint beneficiorum
 Dei; quia cum longe essent a cognitione et timore
 Dei, misericordia ejus adjuncti sunt; ut fierent

A participes eorum, qui prope Deum erant, concives
 facti filiorum Dei. Sicut enim quæcunque gens
 Romanorum pacem sequi desideravit, oblati donis
 suscepta est; ut essent cives Romani, quemadmo-
 dum Tharso-Cilicienses, unde Apostolus civem
 Romanum se dicit (Act. xxii, 25): ita et quicun-
 que fidei se Christianæ sociaverit, fit civis sancto-
 rum et domesticus Dei.

(Vers. 20.) « Superædificati supra fundamentum
 apostolorum et prophetarum, ipso summo angulari
 lapide Christo Jesu. » Hoc est supra novum et ve-
 tus Testamentum collocati. Quod enim apostoli
 prædicaverunt (6), prophetæ futurum dixerunt;
 quamvis dicat ad Corinthios: « Deus, inquit, pri-
 mum posuit in Ecclesia apostolos, secundo prophe-
 tas (I Cor. xii, 28). » Sed hi alii prophetæ sunt;
 illo enim loco de ordinatione Ecclesiæ disputat,
 hic vero de fundamento Ecclesiæ: prophetæ enim
 disposuerunt; nam apostoli fundamenta jecerunt.
 Unde dicit Dominus ad Petrum: « Super istam
 petram ædificabo Ecclesiam meam (Matth. xvi,
 18), » hoc est, in hac catholicæ fidei confessione
 statuam fideles ad vitam; nam et David disposuit
 domum Dei, et signavit locum ubi fieret: Salomon
 vero fundavit eam.

237 (Vers. 21, 22.) « In quo omnis structura,
 compacta, crescit in templum sanctum in Domino,
 in quo et vos coædificamini in habitaculum Dei in
 spiritu. » Hic sensus est, unde Dominus ait: « Su-
 per istam petram ædificabo Ecclesiam meam. »
 C Duos enim populos in se suscepit Salvator, et fecit
 unum in Domino, sicut et lapis angularis duos
 parietes continet, in unitate domus firmatos; fideles
 enim superficies sunt templi Dei, in spiritu con-
 versantes; ut possint hæredes fieri cœlestis habi-
 tationis.

CAPUT III.

(Vers. 1.) « Hujus rei gratia ego Paulus vincetus
 Christi Jesu pro vobis fratribus. » Quoniam dispo-
 sitionem divinæ clementiæ, quæ fuerit ante mundum
 erga salutem gentium ostendit; nunc se legatione
 hujus doni fungi Dei provisione, Christo mittente,
 declarat. Dominus enim post resurrectionem suam
 apostolos suos vice sua misit prædicare (Matth.
 xxviii, 19), hunc dirigens ad conversionem gen-
 tium; sic enim dixit ad eum: « Vade, ego longe
 ad gentes mittam te (Act. xxii, 21). » Dominico
 ergo usus verbo est, cum dicit: « Pacem vobis qui
 longe, et iis qui juxta. »

(Vers. 2, 3, 4.) « Si tamen audistis dispensationem
 gratiæ Dei, quæ data est nobis in vos. » Vult eos
 scire quia Dei judicio a Christo missus est prædi-
 care gentibus mysterium gratiæ Dei. « Secundum
 revelationem notum mihi factum est mysterium,
 sicut antea scripsi in modico, prout potestis le-
 gentes intelligere prudentiam meam in mysterio
 Christi. » Ostensam sibi significat revelationem my-

(5) Rom. edit., Non estis advenæ atque peregrini.

(6) Mss. nonnulli, Apostoli prædixerunt.

sterii Dei, de quo prius breviter se memorat scripsisse, hoc est, temperate prout poterant capere prudentiam Apostoli in in sacramento Christi.

(Vers. 5, 6.) « Quod in aliis sæculis non fuit notum filiis hominum, sicut nunc revelatum est sanctis ejus et prophetis in spiritu, gentes esse cohæredes, et incorporatas, et participes promissionis ejus in Christo Jesu (7). » Hoc asserit ostensum a Deo tempore Christi, quod latebat; quia gentes participes futuræ essent gratiæ promissæ in lege. Quod ostensum dicit prædicatoribus sanctis et prophetis, id est, apostolis et legis explanatoribus, non prophetis veteribus. Quamvis enim admitterentur prius ad legem gentiles, sed circumcidi jubebantur; et prophetæ scierunt gentes participes futuras doni Dei (nam et hoc significaverunt multis in locis); sed hoc latuit, quod sine circumcissione, et Sabbatis, et Neomeniis, et cæteris talibus, gratiæ Dei futuræ essent participes, et absque lege susciperent fidem Christi, et salvarentur. Hoc est quod dicit: « In spiritu esse gentes cohæredes, et incorporatas, et participes promissionis ejus in Christo. » Qui enim spiritu Deum colit, opere legis opus non habet.

(Vers. 7.) « Per Evangelium ejus factus sum minister secundum donum gratiæ Dei, quæ data est mihi secundum operationem virtutis ejus. » Per prædicationem ministerii sui cognitum asserit donum, quod disposuit Deus gentibus juxta virtutis suæ operationem. Operatio enim virtutis ejus est, quia Christum suscitavit a mortuis, devicta morte, in qua omnes salvavit. Dispensatio tamen Evangelii ejus hæc est, qua agnita est voluntas Dei: qua gentes sine opere legis salvare decrevit.

(Vers. 8.) « Mihi omnium sanctorum minime data est gratia hæc. » Humiliat se, cum se minimum dicit, sciens humilitatem profectum habere. Nam tantam gratiam sibi datam dicit, ut donum hoc quod ante ignotum fuit præteritis sæculis, sibi asserat concessum, ut hoc manifestaret gentibus. Unde enim minimus sanctorum omnium videri potest qui, antequam baptizaretur, vas electionis appellatus est (*Act. ix, 15*)? « Ut in nationibus evangelizem inæstimabiles (8) divitias Christi. » Electum se probat ad prædicandum donum Dei in divitiis incomprehensibilibus Christi, quas gentibus jam desperatis largiri dignatus est; ut sine opere salvarentur per fidem. Et manifestum est quia nemo; egregium et maximum munus per indignam mittit personam. Ostendens ergo quantum a Deo mereatur, humiliat tamen se, ut meritum ejus concrescat.

(Vers. 9.) « Et illuminem omnes, quæ dispensatio mysterii absconditi a sæculis in Deo, qui universa creavit. » Missum se dicit duplici modo docere

(7) Vocibus in Christo Jesu subjungit Rom. edit., per Evangelium. Sed versiculum seq. sic exorditur: Cujus factus sum minister, etc.

(8) Eadem edit. Rom., Ut in gentibus evangelizem incomprehensibiles, etc.

(9) Mss. nonnulli, quod apertæ salutis. At versu

gentes mysterium, quod fuit in Deo; ex quo sunt omnia; ut per eum discant ac intelligant Christum semper in Deo, et apud Deum, et quia sine circumcissione et cæteris legis mandatis disposuit salvare gentes. 238 Indigni enim inventi sunt Judæi tantum ac talem habere doctorem; sic enim Judæi credebant in Christum, ut legem tamen servarent; quod odibile est apud Deum. Denique dicunt apostoli ad coapostolum suum Paulum: « Vides, frater, quot millia sunt in Judæis credentium, et omnes isti æmulatores sunt legis (*Act. xxi, 20*). » Unde factum est, ut vas electionis ad gentes docendas missus esset, ut vel ipsi fidei suæ spem plenam haberent, nihil de lege; sed in solo Christo sperantes. Manifestato enim sacramento, Christi tale donum datum est, quod perfectæ salutis (9) haberet effectum; sicut enim in magna vota maxima dantur apophoreta, ita et magnifico manifestato mysterio, gaudii et lætitiæ causa tam egregio munere donati sunt homines, quod illis satis sit ad copiam salutarem.

(Vers. 10.) « Ut nota fiat Principibus et Potestatibus in cælestibus per Ecclesiam multiformis sapientiæ Dei. » Tam bene de hoc sensit Deus, ut non solum gentibus hunc magistrum daret, verum etiam ut per eum veritas Christi innotescat spiritibus in cælestibus, qui sunt Principes et Potestates. Potestates ideo, quia potentiores sunt inter cæteros spiritus; Principes autem, eo quod principentur Potestatibus; ut agnoscentes per Ecclesiam, quæ multifarie ad vitam attracta est, in Christo unius Dei manere mysterium, desinant ab errore. Id enim agitur, ut prædicatio ecclesiastica etiam his proficiat, et deserant assensum tyrannidis diaboli, qua se adversus Dei unius fidem impia præsumptione armavit. Qui sensus psalmo vicesimo tertio præscriptus est, ubi Deus universitatis Dominus demonstratur, dicente Dei Spiritu per David: « Domini est terra, et plenitudo ejus, orbis terrarum, et universi qui habitant in eo (*Psal. xxiii, 1*). » Et in subjectis: « Tollite portas Principis vestri (10), et elevamini portæ æternales, et introibit Rex gloriæ. Quis est iste Rex gloriæ? Dominus virtutum ipse est Rex gloriæ (*Ibid. 7-10*). » Dicitur ergo his Principibus, qui in errore sunt in cælestibus, sive ministris ejus in terris, ut auferant portas principis sui, id est diaboli de mentibus suis, per quas multorum deorum asserendorum error intravit. Sunt enim temporales; quia omnis fallacia tempore clauditur: « Iter (enim) impiorum peribit (*Psal. i, 6*). » Ut autem æternas portas elevent, hortante justitia, admonentur; quia veritas in sempiterna sæcula

proximo, ubi nos cum ant. edit. ac pluribus mss., in magna vota; Rom. edit. præfert, in magnis votis, et quidam mss., in magna vita.

(10) Mss. aliquot: Tollite portas, Principes, vestras, etc.

perseverat. Unde ait in psalmo centesimo decimo septimo : « Hæc porta Domini, justi intrabunt per eam (*Psal. cxvii, 20*). » Manifestum est enim quia justi per fidem intrant in cœlos, in regnum Dei, quod nunquam corrumpitur, sicut Daniel propheta testatur, dicens inter cœtera : « Exsurget regnum aliud incorruptibile (*Dan. ii, 44*) ; » impii autem propter incredulitatem intrant infernum tartareum. Hic ergo Rex gloriæ Christus est, qui devicta morte resurgens apparet Dominus esse et Rex gloriæ. Virtute enim potestatis suæ, qua subegit inferos, manifestatur ; quia ipse est Filius Dei, qui unius Dei regnum in cœlis et in terris esse ad condemnationem tyrannidis diaboli prædicavit.

(Vers. 11, 12.) « Secundum propositum sæculorum in Christo Jesu Domino nostro, in quo habemus libertatem in confidentia per fidem ipsius. » Manifestatum dicit Christum sæculo, quo proposuit Deus ostendere mysterium suum pro salute humana, ut cognitio mysterii Dei mortalibus conferret salutem ; ut quasi dedicatio regni Christi hanc gratiam credentibus pro apophoretis largiretur. Licet enim jam olim factum sit, novum tamen videtur ignoranti creaturæ.

(Vers. 13.) « Propter quod peto ne deficiatis (11) in tribulationibus meis pro vobis, quæ sunt in gloria vestra. » Manifestata spe, quæ est in mysterio Christi, commonet ne scandalum patiantur propter tribulationes, quæ sanctis a perfidis irrogantur. Ad gloriam enim pertinet illorum, si in tribulatione magistri non fuerint scandalizati discipuli, hac spe firmati ; quia fidelium pressuræ futuri sæculi gloria erigentur ; hæc enim fidelium probatio est, si fidei suæ spem advertant.

(Vers. 14, 15, 16.) « Hujus rei gratia flecto genua mea ad Patrem Domini nostri Jesu Christi, ex quo omnis paternitas in cœlis et in terra nominatur ; ut det vobis secundum divitias majestatis suæ virtutem confirmari in Spiritu suo (12). » Hoc flexis genibus precari se dicit, ut quia dignatus est advocare gentes ad cognoscendum mysterium voluntatis ejus, hoc etiam donet, quia dives est, ut nutu ejus firmentur in Spiritu, hoc est, ut **239** non illos perturbent carnalia exitia illata a perfidis ; sed sint stabiles, expectantes in futuro hujus rei mercedem.

(Vers. 17.) « In interiore homine Christum habitare per fidem in cordibus vestris. » In eo petit eos magis firmari, ut non ambigant, sed magis credant Christum habitare in se, quem non vident his oculis ; ut Spiritus datus hoc eis per Dei donum infundat, ut certi sint de Christo quod vivit, et Filius Dei est, et habitat per fidem in cordibus nostris, ut cum fidem ejus habemus in cordibus nostris, ipsum habere videamur. Quod eo proficit, ut securi simus de auxiliis ejus ; quia non deserit

(11) Rom. edit., *Propter quod moneo, ne deficiatis.*

(12) Eadem edit., *per Spiritum suum in interiore homine.* Unde versum 17 ita incipit : *Christum ha-*

A nos, sed semper adest propter fidem suam, quam videt in nobis : quippe cum ideo Spiritus ejus, qui et Dei Patris est, detur nobis, ut vice ejus tutos præstet nos, si ei assentiamus, ut et occulta revelet ; per quem utique ipsum in nobis habitare ambigere non debemus. Est enim hic alius paraclitus, inter quos personarum distantia est, non naturæ ; quia et de eo accepit, et a Deo procedit (*Joan. xv, 26*). In quibus enim naturæ unitas est, invicem sui sunt ; unde dicit Dominus : « Omnia Patris mea sunt, et mea omnia Patris (*Joan. xvi, 15*). »

(Vers. 18.) « Ut in charitate radicati et fundati, possitis comprehendere cum omnibus sanctis quæ sit latitudo, et longitudo, et altitudo, et profundum. » Hoc præstare dicit habitantem Christum vel Spiritum in nobis, ut fundati simus in charitate Dei, devincti beneficiis ejus, et possimus cum sanctis, qui sunt apostoli et prophetæ, immensum et inestimabilem cognoscere Deum, omnia excedentem majestate virtutis suæ. Cum enim dicit : « Latitudo, et longitudo, et altitudo, et profundum, » hoc utique significat, ut sicut in sphæra tanta longitudo est, quanta latitudo, et tanta altitudo, quantum et profundum ; ita et in Deo omnia æqualia sint immensitate infinitatis. Sphæra enim definito modo concluditur : Deus autem non solum implet omnia, sed et excedit ; nec enim clauditur, sed omnia intra se habet, ut solus ineffabilis et infinitus habeatur ; et gratiæ huic insufficienter agantur, quia cum tantus sit, dignatus est per Christum hominem visitare peccatis et morti subjectum.

(Vers. 19.) « Cognoscere quoque supereminentem scientiæ charitatem Christi. » Post Dei Patris infinitam et incomprehensibilem cognitionem et incenarrabilem clementiam, Christi quoque agnoscere nos vult charitatem ; quia supereminentis est scientiæ, et subintelligitur humanæ ; ut super scientiam hominum habeatur dilectio Christi. Quis enim potest colligere mysterii hujus charitatis rationem, ut et Deus hominis causa homo nasceretur, deinde moreretur pro hominibus, pro servis dominus, pro creatura creator, pro impiis pius ? Propter quid ita dilexit nos ? aut ut quid nostrum haberet, qui nullius indiget ? nunquid non charitas hæc super scientiam hominum est ? aut quis hominum hanc poterit charitatem alicui exhibere ; quanquam impar sit, ac per hoc supereminet humana commenta ? Hoc ego vult nos scire, quia sensus noster assequi non potest, nec perspicere profunditatem beneficiorum Christi erga nos ; ut perinde semper ei simus supplices et devoti, et qui debitis nulla ratione satisfacere possumus, vel in fide ejus usque ad mortem perseveremus. Ille enim pro magnificentia majestatis suæ ea gessit pro nobis, quæ sui indigna sunt (13) ; ut et nos in quantum possumus, ei famulemur. « Ut impleamini in omnem plenitudinem

bitare, etc.

(13) Nonnulli mss., *quæ sibi digna sunt* ; non satis recte.

Dei. » Quia fides neque in solo Patre integra est, A neque in solo Filio perfecta, ideo adjecit : « Ut impleamini in omnem plenitudinem Dei; » ut confessione et gratiarum actione sicut Patri, ita et Filio honorificentia reservetur : et omnia quæ a Deo Patre sunt, per Filium facta et restaurata credantur; ut sit plena perfectio divinitatis in professione credentium. Nihil enim deerit Christiano, quando Deum Patrem per omnia immensum esse cognoscit : charitatem quoque Christi ineffabilem et supereminentem scientiæ humanæ profitetur.

(Vers. 20, 21.) « Ei vero qui potest omnia facere, et superabundantius, quam petimus aut intelligimus, secundum virtutem, quæ operatur (14) in nobis : ipsi gloria in Christo Jesu, et in Ecclesia, et in omnia sæcula sæculorum. Amen. » Ad Patris personam hæc refert; ut quia melius scit quæ utilia, et quæ non petenda sunt, et quando danda, et qualia, et quanta opus sint; ipse gubernet providentia et virtute sua sibi credentes. Cui ideo « gloria in Christo Jesu, » quia per ipsum omnia præstat nobis : et quia honor Patris in Filio est, et in Ecclesia, 240 id est, in populo, quem sibi adoptare dignatus est. In claritate enim filiorum gloria patris est, dicente Domino : « Sic luceat lumen vestrum coram hominibus, ut videant opera vestra bona, et magnificent Patrem vestrum, qui in cœlis est (Matth. v, 16). » « In sæcula sæculorum. Amen, » id est in æternum veritas.

CAPUT IV.

(Vers. 1.) « Obsecro itaque vos, fratres, ego vincetus in Domino, ut digne ambuletis vocatione, qua vocati estis. » Hortatur eos, ut recte incedentes in præceptis Domini, ad promissam gloriam possint pervenire. Sicut enim peritus medicus obsecrat infirmos, ut bene se agentes possint salutarem recipere valetudinem; ita et magister gentium hortatur, ut fidei suæ digna opera facientes, possint percipere quæ promissa sunt sanctis, sciens gloriæ suæ esse hujus rei profectum.

(Vers. 2, 3.) « Cum omni humilitate animi et modestia, cum magnanimitate, sufferentes invicem in charitate, sollicite servantes unitatis spiritum (15) in vinculo pacis. » Nunc dissensionem prohibet, charitati autem studendum monet, ne spiritum unitatis et pacis amittant : ac per hoc ut invicem se sufferant cum patientia. Modestia enim profectum parit; quia cum se invicem tolerant, cum lenitate animi monentes, corriguntur ad effectum, et pax in eis manebit, per quam filii Dei non immerito vocabuntur; quia dixit Dominus : « Beati pacifici, quoniam filii Dei vocabuntur (Matth. v, 9). » Perturbatio enim vel inquietudo contentionem facit, quæ solet etiam ea, quæ mala novit, velle defendere; ne cedere videatur. Hinc oritur discordia, quæ corrumpit pacis fœdera.

(14) Mss. aliquot, *secundum veritatem, quæ operatur.*

(Vers. 4.) « Unum corpus, et unus spiritus, ita ut vocati estis in una spe vocationis vestræ. » Propter pacem et concordiam hæc subjecit; ut quia unum corpus est Ecclesia, unum sapiat populus; quia unum est, quod creditur.

(Vers. 5, 6.) « Unus Dominus, una fides, unum baptisma, unus Deus et pater omnium, qui super omnes est, et per omnes, et in omnibus nobis. » Adhuc unitatem commendat, ut quia unitas est ad quam vocamur, in nullo dissentiamus. Si enim unus est Dominus, id est Christus, sicut et ipse ait in Evangelio : « Quia magister vester unus est Christus (Matth. xxiii, 10); » una fides, unum baptisma, unus Deus et Pater omnium, qui super omnia est, et per omnes, et in omnibus credentibus unus debet esse et animus, et cor populi; quia hæc quæ enumerat, unitatis sunt, concordant enim in omnibus. Patrem tamen Deum, quia nulli debet quod est, super omnia esse dixit, et per omnes. Ideo per omnes, quia ex eo omnes : et necesse est ut super hæc omnia sit, quæ ex eo sunt. « Et in omnibus nobis, » id est fidelibus. In nobis est enim per confessionem; quia cum fatemur, et quia Spiritum suum dedit nobis, per quem sine dubio in nobis est : in paganis non est, quia Pater Christi negatur esse ab illis.

(Vers. 7.) « Unicuique autem nostrum data est gratia secundum mensuram donationis Domini nostri Jesu Christi. » Nunc ne, quia diversa in hominibus dona sunt, putarentur officere unitati, hoc purgat non esse contrarium; quia in donis officiorum diversitas est, non naturæ. Unicuique autem tantum dicit dari gratiæ quantum donare dignatus fuerit Dominus; non tamen sine æquitatis mensura, quia unicuique pro viribus tribuit; ut tantum hauriat, quantum sitit.

(Vers. 8.) « Propter quod dicit : Ascendens in altum, captivam duxit captivitatem, dedit dona hominibus (Psal. lxxvii, 19). » Hoc est scriptum in psalmo sexagesimo septimo. Dona tamen hæc post triumphos cœpit largiri; vincens enim mortem, exaltatus est in cruce, sicut ipse dixerat. Ait enim : « Cum exaltatus fuero a terra, omnia traham ad me (Joan. xii, 32). » Exspoliavit inferos, cum captivos quos ex prævaricatione Adæ, aut propriis captos peccatis in conditione tenebant, abstulit consentientes sibi, et ascendens inde in cœlos induxit. Ex quibus aliquanti resurgentes in corporibus (Matth. xxvii, 53), multis apparuerunt ad testimonium evictæ mortis; ut qui forte Christi resurrectionem credituri non essent, ex horum resurrectione, quos mortuos scirent, rei fierent; hos enim viderunt, quos agnoscerent dudum vixisse. Quamvis captivi, inviti et alieni ducantur; Salvator tamen et suos duxit, et voluntarios. Apparentia enim sua dum lacescit desiderantes liberari, cepisse illos dicitur.

(15) Rom. edit., *Cum omni lenitate... cum patientia sufferentes... servantes unitatem spiritus.*

(Vers. 9.) « Quod autem ascendit, quid est, nisi quia etiam descendit prius in inferiora terræ? » Verum est quia ideo descendit, **241** ut ascenderet; et non sicut homines, quia ad hoc descenderunt, ut illic remanerent. Ex sententia enim tenebantur apud inferos, quæ sententia Salvatorem tenere non poterat; quia vicit peccatum. Triumphato ergo diabolo, descendit in cor terræ; ut ostensio ejus prædicatio esset mortuorum, et quotquot cupidi ejus essent, liberarentur. Nec poterat non ascendere, quia ad hoc descenderat, ut vi potestatis suæ, calcata morte, cum captivis, quorum causa pati se permisit, resurgeret.

(Vers. 10.) « Qui descendit, ipse est qui et ascendit super omnes cælos, ut impleret omnia. » Hoc est, quod dicit Dominus: « Nemo ascendit in cælum, nisi qui descendit de cælo, Filius hominis, qui est in cælo (Joan. iii, 13). » Quod quidem et in psalmo continetur; ait enim: « A summo cælo egressio ejus, et regressus ejus usque ad summum ejus (Psal. xviii, 7). » Ille ergo descendens e cælis in terram, homo natus est: post mortuus descendit ad inferos, ex quibus tertio die resurgens, ante omnes mortales ascendit super cunctos cælos; ut illam mortem ostenderet creaturæ.

(Vers. 11, 12.) « Et ipse dedit quosdam quidem apostolos, quosdam autem prophetas, alios vero evangelistas, quosdam vero pastores et magistros ad consummationem sanctorum in opus ministerii. » Apostoli episcopi sunt (Act. xx, 28); prophetæ vero explanatores sunt Scripturarum; quamvis inter ipsa primordia fuerint prophetæ, sicut Agabus, et quatuor virgines prophetantes, sicut continetur in Actibus apostolorum, propter rudimenta fidei commendanda (Act. xxi, 9, 10), nunc autem interpretes prophetæ dicuntur. Evangelistæ diaconi sunt, sicut fuit Philippus (Act. viii, 5); quamvis non sint sacerdotes, evangelizare tamen possunt sine cathedra, sicut et beatus Stephanus et Philippus memoratus. Pastores possunt esse lectores, qui lectione saginent populum audientem; quia « non in pane tantum vivit homo, sed in omni verbo, quod procedit ex ore Dei (Matth. iv, 4). » Magistri vero exorcistæ sunt, quia in Ecclesia ipsi compescunt et verberant inquietos: sive ii qui litteris et lectionibus imbuendos (16) infantes solebant imbuere, sicut mos Judæorum est, quorum traditio ad nos transitum fecit, quæ per negligentiam obsolevit. Inter istos post episcopum plus esse intelligitur, qui propter reseratum occultum Scripturarum sensum prophetare dicitur; præsertim quia futuræ spei verba depromit, qui ordo non potest esse presbyterii. Nam in episcopo omnes ordines (17)

(16) Vet. edit. ac plerique mss., et lectionibus imbuendi infantes: Rom. edit. resecauit vocem imbuendi, at nobis videtur satius cum Vat. cod. legere imbuendos.

(17) Nonnulli mss., Nam in Christo omnes ordines.

(18) Mss. aliquot, neque Petrus clericos habuit.

A sunt: quia primus sacerdos est, hoc est, princeps est sacerdotum, et propheta, et evangelista, et cætera adimplenda officia Ecclesiæ in ministerio fidelium. Tamen postquam in omnibus locis Ecclesiæ sunt constitutæ, et officia ordinata, aliter composita res est, quam cœperat. Primum enim omnes docebant, et omnes baptizabant, quibuscunque diebus vel temporibus fuisset occasio; nec enim Philippus tempus quæsivit, aut diem quo eunuchum baptizaret (Act. viii, 38), neque jejunium interposuit: neque Paulus et Silas tempus distulerunt, quo Optionem carceris baptizarent cum omnibus ejus (Act. xvi, 33); neque Petrus diaconos habuit (18), aut diem quæsivit, quando Cornelium cum omni domo ejus baptizavit (Act. v, 48): nec ipse, sed B baptizare jussit fratribus, qui cum illo ierant ad Cornelium ab Joppe; adhuc enim præter septem diaconos nullus fuerat ordinatus. Ut ergo cresceret plebs et multiplicaretur, omnibus inter initia concessum est et evangelizare, et baptizare, et Scripturas in Ecclesia explanare; at ubi omnia loca circumplexa est Ecclesia, conventicula constituta sunt, et rectores, et cætera officia in Ecclesiis sunt ordinata; ut nullus de clericis auderet, qui ordinatus non esset, præsumere officium, quod sciret non sibi creditum vel concessum. Et cœpit alio ordine et providentia gubernari Ecclesia; quia si omnes eadem possent, irrationabile esset, et vulgaris res et vilissima videretur. Hinc ergo est, unde nunc neque diaconi in populo prædicant, neque clerici C vel laici baptizant, neque quocunque die credentes tinguntur, nisi ægri. Ideo non per omnia conveniunt scripta Apostoli ordinationi, quæ nunc in Ecclesia est; quia hæc inter ipsa primordia sunt scripta. Nam et Timotheum presbyterum a se creatum episcopum vocat; quia primi (19) presbyteri episcopi appellabantur; ut recedente eo, sequens ei succederet. Denique apud Ægyptum præbyteri consignant, si præsens non sit episcopus. Sed quia cœperunt **242** sequentes presbyteri indigni inveniri ad primatus tenendos, immutata est ratio, prospiciente concilio, ut non ordo, sed meritum crearet episcopum, multorum sacerdotum judicio constitutum, ne indignus temere usurparet, et esset multis scandalum. In lege nascebantur sacerdotes D ex genere Aaron Levitæ (Exod. xxviii, 43): nunc autem omnes ex genere sunt sacerdotali, dicente Petro apostolo: Quia estis genus regale et sacerdotale (I Petr. ii, 9): ideoque ex populo potest fieri sacerdos. « In adificationem corporis Christi. » Ecclesiæ ordinationem ad compaginationem humani corporis (20) in professionis unitate dicit compositam; ut diversi dignitate in Christo omnes sint

(19) Edit. Rom. cum uno cod. Vat., quia primum presbyteri; aliæ edit. ac mss. melius, quia primi, etc.

(20) Vet. edit. ac mss. non pauci, ad compaginationem humani generis; melius Rom. et alii mss. ut in contextu.

unum, unum caput habentes Christum, hoc est autem A
ctorem vitæ.

(Vers. 13.) « Donec occurramus omnes in unitatem fidei et agnitionem Filii Dei. » Tandiu dicit manere ordinationem, quandiu cuncti destinati ad vitam unius sint fidei in cognitionem Christi. « In virum perfectum, in mensuram ætatis plenitudinis Christi. » Ita elaborandum hortatur, ut perfectio fidei apprehendatur: cujus hæc ratio est, ut Christum perfectum et plenum Deum teneat fides, nec mensura humana metiatur, sed in plenitudine divinitatis quasi perfectus Deus habeatur. Nec enim perfectum dicens, virum temporali ætate et mensura significat; sed per hoc dictum perfectos nos vult fieri in plenitudine intellectus divinitatis Filii Dei.

(Vers. 14.) « Ut ultra non simus parvuli, neque fluctuantes, et circumferamur omni vento doctrinæ in nequitia hominum, in astutia, ad remedium erroris. » Fundatos et stabiles esse nos vult in disciplinæ fidei catholicæ, quam Petrus apostolus, revelante Deo, professus est (*Matth.* xvi, 16); nec ventilari nos oberrantes per diversarum hæresum pestilentiosas asseverationes nequitia humana inventas; ut per has fallentis inimici sub veri nomine error possit afferri. Hoc enim remedium est falsitatis, ut sub prætextu veritatis inducat errorem; et non solum sub veri nomine, sed et ne, sicut ante acceptam fidem sensu humiles vagabamur per diversos errores, fideles facti discurreremus fragiles, et dubii de spe promissa, commonet; quia jam Christiani facti, fundati esse debent, quia ambiguitas in fide nostra non est; commendatur enim virtute prodigiorum.

(Vers. 15.) « Veritatem autem facientes in charitate, augeamur in ipso per omnia, qui est caput Christus. » Hanc dicit esse veritatem, ut amorem Christi respicientes, quo dilexit nos, et tradidit se pro nobis, omnia subjiciamus ei, scientes quia omnium auctor est vitæ, ut quasi capiti membra subdantur; ut si alii errore vel malevolentia non fiantur omnia caput habere Christum, quia ab ipso facta sunt voluntate Patris; nos tamen qui catholicæ fidei adhaeremus, hoc omni devotione et cura agere debemus, ut huic fidei non damnum, sed lucrum afferamus, perseverantes in hac asseveratione; ut comprimantur pravæ mentis colloquia adversus veritatem armata.

(Vers. 16.) « Ex quo totum corpus compactum et connexum per omnem juncturam subministrationis secundum operationem in mensuram uniuscujusque partis, incrementum corporis facit ad ædificationem sui in charitate. » Qua ratione Christum caput esse omnium dixerit, docet; ex ipso enim, inquit, totum corpus, id est, omnis chorus Archangelorum et Potentiarum, Principatum et Potestatum subsistit. Quamvis enim singula hæc

numeros proprios habeant, et sint legiones, ut ipse Dominus dixit (*Matth.* xxvi, 53); quia tamen ab uno et per unum sunt, simul omnia unum corpus appellat. Sicut enim membra cum sint unius corporis, diversa tamen sunt actu et dignitate: et ita creatura condita est a Deo per Christum, ut a Cherubim et Seraphim potentiis, quæ sub sede Dei sunt, et Angelis quos ipse Dominus sanctos appellat (*Marc.* viii, 38), quasi quædam concatenatio sit, usque ad firmamentum ordinata descendens; ut totum et junctum sit, et meritis tamen discernatur; meritis dico non solum officiorum, sed et naturarum. Nec enim quia juncta dicit omnia, unius erunt naturæ: sed quod in corpore membra faciunt discreta officiis (21), non natura; ita et in his omnibus non membra, sed naturæ ipsæ faciunt distinctiones. Hoc est ergo quod laboratur, ut ad unum sensum redigatur creatura, et in sensu unum sit corpus, dum omnium una professio est, ut concordet in charitate Creatoris ad suum perfectum; 243 reædificat enim se in templum Domini, destructa enim fuerat dementia et furore diaboli.

(Vers. 17, 18.) « Hoc ergo dico et testor in Domino, ut non ambuletis, sicut et gentes ambulat in vanitate mentis suæ, obscurati intellectu, alienati a fide Dei propter ignorantiam, quæ est in ipsis. » Manifestato creatore, et ratione ostensa, quam sequi debeat creatura, in fide Dei sui duntaxat, contestatur illos in Deum, ut non aliter incedant vel sentiant, quam docentur; ne similes gentilibus inveniantur, qui nec fidem recipiunt, nec conversationem, quam mandat lex, obscurum habentes sensum, ne contemplantur divini nominis veritatem. Vana enim sectantes, quæ sunt idololatria, infrenantur a diabolo; ne unius Dei iter incedant, ut socios illos suæ perditionis efficiat.

(Vers. 19.) « Et cæcitatem cordis illorum, qui desperantes, semetipsos tradiderunt impudicitii in operationem immunditiæ omnis et avaritiæ. » Gentiles futuræ resurrectionis desperatione cæcitatem cordis habere significat. Quasi enim ultra non futuri vitam suam contaminant turpissima operatione, nolentes se subjicere legi fidei; quia prohibet voluptatem propter spem vitæ futuræ, quam hi idcirco ridendam censent, ut jure dehonore se, et aliena appetere avida cupiditate videantur, quasi post hanc transpunctionem nulla sit vita.

(Vers. 20, 21.) « Vos autem non ita didicistis Christum, si tamen illum audistis, et in illo edocti estis, sicut est veritas in Jesu. » Manifestum est Christianos non desperationem post mortem hanc didicisse, sed spem ad utrumque; fidelibus enim vita, perfidis vero promittitur mors, quæ est pœna æterna; ut sive mors, sive vita in Christo discatur; quia qui eum sequitur, per eum resurget ad vitam: qui vero discernit se ab eo, per eum mancipabitur

(21) Rom. edit. sola, *Sed quomodo in corpore membra faciunt discreta officia.*

gehennæ; ipso enim judicante, damnabitur. Et quoniam sunt quidam in Ecclesia, qui sub nomine Christi non sequuntur Christi veritatem, ideoque: « Sicut est, inquit, veritas in Jesu; » ut si ita docti sunt, ut est veritas in Jesu, tunc Christum didicisse, et illum audisse, et in illo edocti esse videantur: Christus enim de se docet quid sit, et quantus credendus sit, et quæ spes in eo sit, et quales debeant esse credentes. Qui enim didicit Christum, scit illum a mortuis resurrexisse, ut forma esset fidelibus, ideoque magna spes est pro ista morte amantibus Deum.

(Vers. 22.) « Ut deponatis secundum priorem conversationem veterem hominem, qui corrumpitur secundum desideria erroris. » Qui Christum audivit, hoc didicit; ut recederet a conversatione pristina, quam veterem hominem nuncupat propter præteritum ignorantie tempus. Homo itaque unus atque idem est, qui, si pristina vitia sequitur, vetus dicitur: si autem in novitate vitæ ambulat, alienus a sæculari errore, qui est sive in actu, sive in sensu (22), rudis dicitur; non utique substantia carnis aut animæ, sed intellectu et conversatione vitæ. Corruptus tamen vetus homo dicitur, propter adulterum sensum, et turpem vitam.

(Vers. 23, 24.) « Renovamini autem sensu mentis vestræ (23), et induimini novum hominem, qui secundum Deum creatus est in veritate et justitia. » Justum et verum est rectam viam sequi: hic autem rectam viam sequitur, qui devotus Creatori suo in voluntate ejus ambulat, quam gentilitas nescit. Innovatus enim spiritu mentis novum hominem dicitur indutus, qui est Christus; Christum enim induitur, qui per fidem renatus in Christo, æmulus est vitæ, quam tradidit Christus; ut juxta Deum creatus videatur: in eo enim quis creatus est, in quo sapit; et ideo veritas et justitia Dei a gentilibus ignoratur. Cum enim credentes Deum agnoscunt Creatorem, servantes mandata ejus, in justitia et veritate creantur.

(Vers. 25.) « Propter quod deposito mendacio, loquimini veritatem unusquisque cum proximo suo (Zach. VIII, 16); quoniam sumus invicem membra. » Quia in veritate et justitia creati sumus, renati in baptisate; ideo ut in eo maneamus, mendacium deponere jubemur, assumpta veritate, nec dolo aliquid cum fratre agere: ut quia unius corporis membra sumus, causis nostris in veritate invicem faveamus.

(Vers. 26.) « Irascimini et nolite peccare. » Quoniam irasci quis non potest prohiberi (quippe cum ira motus sit naturalis, conceptus ex causis, qui solet ad profectum pertinere delinquentis), 244 ideo irascendum dicit (Psal. IV, 5), sed commonet ne per iram peccetur. Solemus enim modum

A egredi, dum irascimur, et invenimur ipsi peccare, qui peccantes arguimus, dum plus irascimur, et amplius oneramus peccantem, quam meretur. Hoc ergo docet, ut ipsa ira cum moderatione sit, neque nimium quis justum se præbeat delinquenti: quia solent quidam sic peccare, ut tantis plagis afficiendi videantur, quantas non possunt ferre: et qui poterat forte corrigi, tollitur de vita, non sine peccato irascentis. Hinc est unde Salomon: « Noli, inquit, justus esse multum; quia est qui perit in suo justo (Eccle. VII, 17). » Sed imitatores Dei esse debemus qui temperatam habet justitiam; cum enim justum esset plecti iniquos, patientia sua suffert eos, ut aliqui ex eis corrigantur. Nos ipsos servos suos peccantes patitur, nec cito aliquem percutit.

B (Vers. 27.) « Sed non occidat super iracundiam vestram: nolite locum dare diabolo (24). » Iram transire vult, nec retineri in pectore, ut die orta, cum die decidat, quia si in animo manserit, dat occasionem diabolo gloriandi. Necesse est enim iratus animus mala cogitet, quod cupit diabolus; inveit enim mentem paratam ad malum, cui se inserens, affectu suo decipit hominem factum ad vitam; quia hominis cogitare est, diaboli implere.

(Vers. 28.) « Qui furabatur, jam non furetur: magis autem laboret, operando manibus quod bonum est; ut habeat, unde tribuat necessitatem patientibus (25). » Ut novi hominis conversatio maneat, hortatur ne rursus ad præterita vitia et peccata redeatur; nam nihil proderit novum dici, quando vetus esse homo malis operibus approbatur. Non solum ergo Christianus aliena non tollere jubetur, sed et de labore suo penuriam patientibus subministrare; ut bonis operibus deditus, rependat quæ prius abstulerat, et de cætero thesaurizet sibi in futurum; qui enim cessat a furto, veniam potest habere, non gloriam. Quid enim magnum, aut cujus meriti est ab alienis temperare? Ad meritum enim proficit, cum quis de proprio tribuit egenis.

(Vers. 29.) « Omnis sermo malus de ore vestro non procedat; sed si quis bonus ad ædificationem fidei, ut det gratiam audientibus. » In Dei servo omnia debent bona videri, nec ex aliqua parte puritas ejus debet maculari. Quid enim prodest mundam vitam habere, et os sordidum; cum dicat Dominus quod unusquisque verbis suis aut justificabitur, aut condemnabitur (Matth. XII, 37)? Nec credibile potest videri bene vivere eum, qui male loquatur; male enim loqui ad multa trahit vitia. Potest enim male loqui, qui turpiter fatur, et qui bonis detrahit, et qui cum dolo fabulatur, et qui mentitur. Hæc horrorem præstant (26); bonæ enim

(22) Rom. edit., sive in affectu, sive in sensu.

(23) Eadem edit., spiritu mentis vestræ.

(24) Omnes edit., cum ms. uno vel altero, neque locum detis diabolo: mss. vero prope ad unum, ut in textu.

(25) Edit. Rom., unde subministret necessitatem patienti.

(26) Ita mss. melioris notæ: alii autem atque edit., Hæc errorem præstant. Non satis recte.

et sobriæ fabulæ dant gratiam et exemplum audientibus, ut honorificent Deum in verbis ejus, ædificati in fide Christi.

(Vers. 30.) « Et nolite contristare Spiritum sanctum Dei, in quo signati estis in diem redemptionis. » Cum bene agimus, gaudet in nobis Spiritus sanctus, datus nobis, videns monita sua proficere utilitatibus nostris, sicut dictum est a Domino: « Ita gaudium erit in cælo in uno peccatore pœnitentiam agente (*Luc. xv, 10*). » Gaudet ergo Spiritus sanctus salutem nostram, non sibi, qui non indiget lætitia; ita, e contrario, si obediens ei non fuerimus, contristatur, quia non habet profectum in nobis: vult enim nos pertinere ad vitam. Non tamen sic contristatur, ut patiat, quippe cum impassibilis sit; sed cum eum contristatum dicit, nostri causa hoc significat, quia deserit nos eo quod læserimus eum, contemnendo monita ejus. Contristatio itaque ejus indignitas nostra est, quæ filios nos Dei prohibet appellari; ipse enim est Spiritus sanctus, qui sanctificat (27-28) filios Dei, manens in nobis.

(Vers. 31.) « Omnis amaritudo, et ira, et indignatio, et clamor, et blasphemia auferatur a vobis cum omni malitia. » Omnia hæc quæ perniciem possunt præstare animis, amovenda memorat; per iram enim fit indignatio, per indignationem clamor, quasi vox insanientis, quæ aliena est a Dei servo: per clamorem superbit blasphemia, quæ non potest non mala esse. Hæc amaram præstat vitam, trahens ad mortem: ideoque ab his omnibus cavendum; timor enim Dei temperare debet et modum imponere accidentibus causis. Sed quia possunt aliqui, pressa in animo ira et clamore, retinere malitiam ad retributionem nacta occasione; idcirco 245 subiecit hæc auferri cum omni malitia; quia non solum blasphemare malitia est, verum etiam fingere pacem in facie, et in animo meditari discordiam.

(Vers. 32.) « Estote autem invicem benigni, misericordes, donantes vobis invicem, sicut et Deus in Christo donavit vobis. » Exemplo Dei Patris benignos et misericordes invicem fieri exhortatur, sicut et Dominus: « Estote, inquit, misericordes, ut similes sitis Patris vestri, qui in cælis est (*Luc. vi, 36*). » Si enim Dominus per Filium suum servorum misertus est; quanto magis servi ipsi invicem sui debent misereri, et donare, si alter in alterum peccet? Hæc præcepta ejus sunt, qui miseratus est: qui si in his contemptus fuerit, sine dubio revocabit sententiam, per quam misericordiam fecerat: et ita eveniet, sicut ait Dominus in Evangelio de eo qui, accipiens a Domino misericordiam, in conservum suum impie deprehensus est (*Matth. xviii, 28-34*).

CAPUT V.

(Vers. 1.) « Estote ergo imitatores Dei, sicut

(27-28) Vet. edit. cum mss. nonnullis, qui significat; Rom. edit. cum mss. aliquot, qui signat; melius alii mss., qui sanctificat, etc.

A filii charissimi. » Hoc est quod supra dixit, quia Dei Patris imitatores esse jubemur hac exhortatione; ut si obaudiverimus, filii Dei charissimi habeamur. Hic enim charissimus patris est filius, qui bonorum ejus imitator est.

(Vers. 2.) « Et ambulate in dilectione, sicut Christus dilexit nos, et tradidit semetipsum pro nobis hostiam et obligationem Deo in odorem suavitatis. » Sicut Dei Patris imitatores nos esse vult in benignitate et misericordia, ita et Christi filii ejus in dilectione; ut sicut ille dilexit nos, tradens se pro nobis, ita et nos invicem pro nobis etiam animas ponere debeamus. Quod etiam Joannes apostolus dixit, exemplo Domini pro fratribus animas ponendas (*I Joan. iii, 16*). Si itaque Christi mors in odorem suavitatis est Deo, mortem ejus libenter Deus accepit. Quod si verum est, non peccaverunt qui illum secundum Dei voluntatem crucifixerunt. Sed non ita est, quia Christus Deo se dicitur obtulisse, dum occidi se passus est, in Dei Patris sui voluntate perdurans; quia qui juste occiditur diabolo se offerens, voluntatem ejus facit, ut occidi mereatur. Itaque et Christus dum Dei voluntati adhæret, diabolo displicuit, et ideo illum occidit, quia Deo se obtulit, justitiam exsequendo. In oblatione enim justitia signatur et veritas; hanc enim respicit Deus, et hoc est ejus sacrificium acceptum. Itaque immeritus, qui occiditur, placet Deo; non quia occiditur, sed quia usque ad mortem justitiam conservavit. Suscepit enim hanc mortem Christus ad vitam; unde et odor suavitatis appellatur Deo: ad Romanos tamen dicit quia Deus illum tradidit pro nobis omnibus (*Rom. viii, 32*): Nunc quærendum est quomodo illum Deus tradidit, aut quomodo se ipse obtulit Deo; nam hoc quantum ab verba pertinet, videtur contrarium. Deus illum tradidisse dicitur, dum illum occidi permisit, sicut dicit Dominus ad Pilatum: « Non haberes adversum me potestatem, nisi data tibi esset desuper (*Joan. xix, 11*). » Data est enim ei, sed volenti, potestas, hoc est, permissum est illi facere quod voluit, et hoc est tradere: dum enim dissimulat, tradit; si enim nolisset permittere, non fuisset occisus. Permisit ergo occidi eum, sed ab eis qui eum volebant non coacte, sed sponte occidere. Non ergo immunes a pœna sunt, quia hoc eis permissum est, quod volebant; damnatio enim in eo competit, quia voluerunt. Quod ideo tamen permisit Deus, quia scivit istam adversum diabolum futurum pro multis (29). Dignum enim fuit ut quod inimicus impræscius futurorum contra se, quasi pro se facere putabat, permetteretur ei; ut impræscientiam suam sibi imputans, facti sui pœnitentia torqueretur. Quod autem Christus ipse se obtulit, aut Deus illum tradidit, unum est; quia amborum una voluntas est.

(29) Rom. edit., adversum diabolum profuturum multis.

(Vers. 3.) « Fornicatio autem, et omnis immunditia aut avaritia, nec nominetur inter vos, sicut decet sanctos. » Manifesta sunt quæ dicit. Quam tamen gravis res sit avaritia, a qua dissimulamus (30), quando fornicationi et immunditiæ comparatur, et sic a nobis videtur, quasi quædam culpa nullius momenti, cum sit grave peccatum. Sancti ergo esse non possunt, in quibus aliquid horum quæ prohibet, fuerit repertum.

(Vers. 4.) « Aut turpitudine, aut stultiloquium, aut scurrilitas, quæ ad rem non pertinent; sed magis gratiarum actio. » Quoniam quidam solent aliquid turpe agere, aut stultiloquiis jocum movere, quasi non sit peccatum, hoc prohibet, **246** quia Dei servi semper sobrii et modesti debent videri; per stultiloquia enim peccatur. Unde Salomon: « Stultus, inquit, per risum agit mala (*Prov. x, 23*). » Et Dominus in Evangelio dicit: quia « Omne verbum otiosum quod locuti fuerint homines, reddent de eo rationem in die iudicii (*Matth. xii, 36*). » Nec inulta possunt discerni, quæ idcirco dicuntur, ut ad alicujus pertineant contumeliam; ideo ad rem salutarem non pertinent hæc. Quare hæc agenda et loquenda monent, quæ ad utilitatem proficiant nostram, et Dei laudem, in cujus lege meditandum est die ac nocte; sicut scriptum est in psalmo (*Psal. i, 2*). Ex conversatione enim et moribus Dei servi etiam tacentes intelligendi sunt; ut quantum distat verum a falso, tantum distent Dei servi a servis diaboli.

(Vers. 5.) « Hoc enim scitote, quod omnis fornicator, aut immundus, aut avarus, quod est idololatria, non habet hæreditatem in regno Dei et Christi. » Qua causa amovenda sint hæc, ostendit; quia qui talis fuerit, partem in regno cælorum non habebit, quod est Patris et Filii. Ut avaritiam tamen rem periculosam esse doceret, idololatriam hanc nuncupat, qua nullum peccatum majus est. Videamus ergo cur avaritia idololatria dicatur. Idololatria Dei honorificentiam usurpat, et vindicat creaturæ, cum in nomine deitatis, quod soli conditori competit, participem illi asserit ejus facturam. Avaritia autem idcirco huic exæquata est, quia similiter ea quæ Dei sunt, sibi usurpat et recondit avarus; ut quæ usibus omnium concessit communiter, avaritia deneget; quando idcirco hæc congregat apud se, ne alii utantur; quæ res facit, ut caro venumdantur, ne pauperes vivant; si enim minime recorderentur, abundantia omnium rerum faceret utilitatem: denique apud veteres quia avaritia non erat, nec charitas. Recte ergo idololatriæ comparata est, qua multos lædit. Creatori similiter inimica; vult enim Deus ac jubet de iis quæ creavit, subveniri pauperibus, avaritia contradicit. Vide an sine diabolo possit esse.

(Vers. 6, 7.) « Nemo vos seducat inanibus verbis; propterea enim venit ira Dei in filios diffidentiae. Nolite ergo effici participes eorum. » Insanes ser-

mones vani sunt; vanitas autem idolorum cultura est, quæ utique non ex Deo initium habet, sed de errore. Docet ergo ne horum verbis assensus præbeatur; perstrepunt enim semper, et seductione quadam fallaciæ contra fidem consuetudinem anti-quitatis obtendunt, rationem præsentium, non spem futurorum asserendam judicantes. Ideo venit super hos vindicta de cælis, ut sciant verum esse, quod credere noluerunt. A qua vanitate Dei servos longe docet debere discretos esse, ne participes fiant pœnæ illorum.

(Vers. 8.) « Fuistis enim aliquando tenebræ, nunc autem lux in Domino. » Tenebræ ignorantia sunt; quia nemo videt in tenebris: ignorantia vero gentilitas est, sive perfidia a qua Dei gratia ad fidem tracti sunt; facti lux, id est, veritas; quia in luce manifestantur, quæ sunt. Denique pagani in tenebris mystica sua celebrantes in spelæo velatis oculis illuduntur. Ex his Christiani facti cognita veritate filii lucis dicuntur, quia Deus lux est, cujus fidem in veritate suscipiunt.

(Vers. 9.) « Ut filii lucis ambulate, nam fructus lucis in omni bonitate, et justitia, et veritate est. » Hoc dicit ut sic conversentur, ut non immerito filii lucis dicantur. Opera enim lucis palam sine timore fiunt; tenebrarum autem opera in occulto, quia illicita sunt; omne enim peccatum palam fieri timet.

(Vers. 10.) « Probate quid sit, quid placet Deo. » Ex magnificentia sanctitatis et bonitatis perpendi potest, quibus Deus operibus delectetur; ipse enim dixit: « Sancti estote, sicut et ego sanctus sum, Dominus Deus vester (*Levit. xix, 2*). » Et Dominus: « Estote, ait, misericordes sicut et Pater vester (*Luc. vi, 36*). » Hæc placent Deo; in sanctitate enim purificatio, in misericordia vero plena et perfecta justitia est.

(Vers. 11.) « Et nolite communicare operibus infructuosis tenebrarum. » Monet ne malorum actibus per consensum polluamur; quia sunt infructuosi erga bonum, et quæstusosi ad malum.

(Vers. 12.) « Magis autem et objurgate; nam quæ in occulto ab eis fiunt, turpe est etiam dicere. » Non solum alienos vult eos esse a malis actibus, sed et arguere mala facta eorum, qui in occulto turpiter operantur. Tunc enim probantur peccata, si **247** arguantur; ut admirentur filios lucis, a quibus cum juste arguuntur, contradicere non poterunt, sed magis eos verebuntur. « Omnia autem cum objurgantur, a lumine manifestantur. » Verum est, quia tunc videntur peccata, cum objurgantur; quia qui peccat, quandiu non corripitur, minime sibi videtur peccare. « Omne enim quod manifestatur, lux est. » In manifesto ambiguitas non est, neque excusari potest, quod palam delictum est. Sicut enim apparente sole, diem esse jam negari potest; ita et manifestato peccato, objurgatio falsa videri.

(30) Eadem Rom. edit., *avaritia, hinc animadvertendum est, quando fornicationi et immunditiæ comparatur, a qua nihilominus dissimulamus, et sic a nobis, etc.*

(Vers. 14.) « Propter quod dicit : Surge, qui dormis, et exurge a mortuis, et continges Christum (31). » Dormitionem hanc stuporem mentis significat, quæ alienatur a vera via. Alienatio vero hæc species mortis est, ex qua resurgere commo-
neter : ut resipiscens agnoscat veritatem, quæ est Christus. Perfidi ergo et vitiosi demersi in cœnum sub desperatione vitæ, ut resurgant sive emergant admonentur, et habeant partem cum Christo; ut de tenebris transeant ad lucem et a morte ad vitam.

(Vers. 15, 16.) « Videte ergo quomodo caute ambuletis, non ut insipientes, sed ut sapientes, redimentes tempus, quoniam dies mali sunt. » Quoniam superius perfidiam et vitia vitæ a Dei servis arguenda mandavit, nunc ut prudenter ea ipsa arguantur propter scandalum, subiecit; ut inter perfidos cum prudentia conversandum sit, maxime tempore quo perfidi regnant, præsumentes de rege profano; ut si viderit Christianus inquietum et iracundum contradictorem, dissimulet ab eo, et ne eum quidem incitet ad blasphemiam et tempestatem movendam; illic autem verba faciat, ubi datur facultas. Quomodo enim inter potentes perfidos interrogatus quid sit, tacere non debet, nec negare quod est; ita et si metus est inter eos disputare, dissimulandum est; quippe cum detrimentum sit seminare supra spinas. Hoc est enim prudentis, scire quemadmodum unicuique respondeat; est enim qui quamvis perfidus sit, non tamen penitus intractabilis est, ut nec audire se patiatur verba fidei. Est iterum ita quo sic fervet zelus perfidiæ, ut non tantum non cum illo, sed nec præsentem illo tractetur de fide; perstreperente enim illo et blasphemante, multis fit scandalum. Unde Paulus et Barnabas cum adversum se blasphemantes audirent, excutientes vestimenta sua, recesserunt ab eis (*Act. xviii, 6; xii, 46*).

(Vers. 17.) « Ideo nolite effici imprudentes, sed intelligentes quæ sit voluntas Domini. » Dominus Jesus paci studendum esse monet. Et vas electionis : « Si potest, inquit, fieri quod ex vobis est, cum omnibus pacem habentes (*Rom. xii, 18*). » Et ad Timotheum : « Servum, ait, Domini non oportet litigare, sed mansuetum esse ad omnes (*II Tim. ii, 24*). » Hæc est voluntas Domini, ut quæ agenda sunt a servis ejus, cum modestia agantur; perturbatio enim et strepitus, sive contentio cum animositate, inimicitiam generat. Hæc ergo propter superiora subdidit, in quibus vult Dei servos corripere delicta hominum peccatorum; ut quia per hoc solet oriri dissensio et rixa, cum temperantia et mansuetudine arguant peccatores; ne ad iracundiam provocati, insiliant ad litem. Ideoque prudenter istud curandum monet, ut sit profectus.

(Vers. 18.) « Et nolite inebriari vino, in quo est

(31) Rom. edit., *et continget te Christus*. Infra vero ubi Eras. et seq. edit., *qua alienatur a vero*. Amerb. et mss. aliquot, *quæ alienatur a vera*; optime autem alii mss. restituunt voculam, *via*. Postremo ubi Eras. cum edit. seq. et mss. pluribus, *hæc species mortis*

luxuria. » Sobrii possunt habere fiduciam arguendi; bona enim conversatio terrorem incutit delinquenti: nec poterit qui arguitur, aspere ferre quia reprehenditur, quando scit optimam conversationem momentis se. Nam ubi ebrietas, ibi et luxuria est: luxuria vero provocat turpitudinem. Quamobrem sobrios eos esse convenit, ut bonæ conversationis jura serventur.

(Vers. 19.) « Sed impleamini Spiritu sancto, loquentes vobismetipsis, in psalmis, et hymnis, et canticis spiritualibus, cantantes et psallentes in cordibus vestris Deo. » Rationabilem vitam diligit Spiritus sanctus; quia si bene vixerimus, implebimur eo, ut memorat, ad confitendum et extollendum Dei donum diverso vocis canore; ut laus in Deum omni lingua canatur. In quo enim est Spiritus, semper spiritualia meditatur; ut non in labiis tantum sit, sed de corde prorumpat propter vetus dictum Domini per prophetam. Ait enim: « Plebs hæc labiis me honorat, cor autem eorum longe est a me (*Isa. xxix, 13*).

(Vers. 20, 21.) « Gratias agentes semper pro omnibus in nomine Domini nostri Jesu Christi Deo et Patri, subjecti invicem in timore Christi. » 248 Deo gratias in omnibus donis ejus agere jubemur, qui etiam adoptare non dignatus est per Christum Filium proprium, per quem cognovimus eum, didicimus in Spiritu Deum (quia Deus Spiritus est) adorandum (*Joan. iv, 24*), alter alteri se subjiiciens propter timorem Christi, qui humilitatem exsequendam mandavit.

(Vers. 22, 23, 24.) « Mulieres viris suis subditæ sint, sicut domino; quoniam vir caput est mulieris, sicut et Christus caput est Ecclesiæ, ipse salvator corporis ejus. Sed ut Ecclesia subjecta est Christo, ita et mulieres viris suis subditæ sint in omnibus. » Mulieres subditæ esse viris naturali lege jubentur, quia mulieris auctor vir est; unde sicut domino, inquit, ita viris subditæ esse debent. Hinc Sara dominum vocabat Abraham (*Gen. xviii, 12*); sicut enim caput Ecclesiæ Christus est, ita et vir mulieris. A Christo enim Ecclesia sumpsit initium, unde subjecta est illi; ita et viro mulier, ut sit subdita. In eo tamen distat, quia mulier consubstantialis (32) viro est: Ecclesia autem in nomine potest, non in natura participari Christo.

(Vers. 25-28.) « Viri, diligite uxores vestras, sicut et Christus dilexit Ecclesiam, et semetipsum tradidit pro ea; ut illam sanctificaret, mundans eam lavacro aquæ in verbo: ut exhiberet ipse sibi gloriosam Ecclesiam, non habentem maculam, aut rugam, aut aliquid hujusmodi: sed ut sit sancta et immaculata. Ita et viri debent diligere uxores suas. » Mulieres esse jubentur subditæ, et reverentiam habere viro-

est. Amerb. et alii mss. præferunt, *hæc spes mortis est*.

(32) Vet. edit. ac mss. aliquot, *quia mulier consubstantia*; Rom. edit... *consubstantiva*; alii mss. *consubstantialis*.

rum: viri vero ita diligere mulieres suas admonentur, ut etiam animas suas pro illis ponant, causa dilectionis zelum habentes circa effectum earum et disciplinam, ut religiosæ et sanctæ sint. « Suum corpus diligit (33), qui uxorem suam diligit. » Naturali ratione mulier portio corporis viri est, ac per hoc vir in muliere se ipsum diligit; quomodo si fornicetur, in se ipsum peccat, quia duo in carne una sunt. Non ergo personæ substantiam dividunt, ut per personas numerus fiat naturæ: sed sunt in unitate naturæ.

(Vers. 29.) « Nemo enim unquam carnem suam odit, sed nutrit et fovet eam, sicut et Christus Ecclesiam. » Exemplo Salvatoris viros uxores suas diligere hortatur: sicut Christus corpus suum nutrit (34) et fovet, ita et vir mulierem, qui caro ejus est.

(Vers. 30.) « Quoniam membra sumus corporis ejus, et de carne ipsius, et de ossibus ejus. » Hoc spiritualiter intelligendum est; ideo enim dixit nos esse membra ejus, quia caput est ipse totius Ecclesiæ; ut quia per ipsum esse cœpimus, caput nostrum dicatur, quasi ex quo omne corpus subsistat; ut membra ejus omnis spiritalis creatura sit: si tamen in nomine ejus genu flectat.

(Vers. 31, 32.) « Propter hoc relinquet homo patrem et matrem, et adhærebit uxori suæ, et erunt duo in carne una (Gen. II, 24). » Ad unitatem commendandam unitatis dedit exemplum; ut sicut vir et mulier unum sunt per naturam, ita et Christus et Ecclesia unum intelligantur esse per fidem. « Mystrium hoc magnum est, ego autem dico in Christo et in Ecclesia. » Mystrii sacramentum grande in unitate viri ac feminæ esse significat. Nec hoc prodit, sed aliam causam quæ non discordet a memorato mysterio flagitat, quam scit ad profectum humani generis pertinere, hoc est Ecclesiæ et Salvatoris; ut sicut relictis parentibus, homo uxori suæ adhæret, ita et relicto omni errore, Ecclesia adhæreat et subjiciatur capiti suo, quod est Christus.

« Verumtamen et vos singuli, unusquisque suam uxorem ut se diligit: mulier autem ut timeat virum. » Quoniam una natura in viro et femina est, ideo vir quasi se ipsum, ita mulierem diligere commonetur; mulier autem, quia persona inferior est conditionis causa, non naturæ, viro subjecta timere cum jubetur.

CAPUT VI.

(Vers. 1, 2.) « Filii, obaudite parentibus vestris in Domino, hoc enim justum est: Honora patrem tuum et matrem. » Lex datur filiis, ut quia parentibus auctoribus constant, obediant eis; justum enim est ut reverentiam exhibeant eis, per quos sunt.

(Vers. 3.) « Quod est mandatum primum promissionis, ut et bene sit tibi, et sis longævus super terram. » Promissio hæc in Exodo continetur (Exod.

A xx, 12), ut honorifici sint parentes; ut bene essent, et provectoris fierent ætatis. Quomodo tamen hoc primum 249 mandatum dixit, cum constet primum mandatum ita contineri: « Nonsint tibi alii cii præter me (Ibid. 3). » Deinde: « Non facies tibi similitudinem ullam eorum, quæ sunt in cœlo sursum, et in terra deorsum (Ibid. 4). » Tertium: « Non sumes nomen Domini Dei tui in vanum (Ibid. 7). » Quartum: « Observabis, inquit, Sabbata mea (Ibid. 8). » Quintum autem: « Honora patrem et matrem, » etc. (Ibid. 12). Sed quia prima quatuor mandata ad Deum pertinent, hæc in prima tabula contineri subintelliguntur, cætera ad hominem ut honoret parentes, non occidat, non fornicetur, non furetur, non falsum testimonium dicat, neque quidquam proximi sui concupiscat. Hæc sex mandata in secunda tabula videntur scripta, quorum primum est: « Honora patrem et matrem. » Hac causa ergo dixit: « Quod est mandatum primum in promissione; » ut discerneret inter mandata quæ ad Deum, et inter ea quæ ad hominem pertinent.

(Vers. 4.) « Et vos, patres, nolite ad iracundiam provocare filios vestros, sed educate illos in disciplina et correptione Domini. » Ut lex possit servari, qua cautum est, ut filii honorificent parentes: parentibus quoque alia lex ab Apostolo datur, ut sic imbuant filios, ne mandata legis contemnant; quia si in timore Domini fuerint enutriti, poterunt observare quæ præcepta sunt. Nam si ad iram provocant filios, nec ipsi modum legis custodiunt; cogere enim eos videntur, ut prævaricatores inveniantur. In ira enim nemo agnoscit quid sit utile; ideo temperantiam parentum exemplo debent addiscere, ut quæ utilia sunt, sectentur. Meminisse enim debent Patres, quia et ipsi fuerunt filii, et noluerunt utique exacerbari a patribus. Filii quoque cognoscere debent quod futuri sunt patres, et nolent inhonorari ab eis. Ideo utrique exhibeant invicem, quod exquirunt ab invicem.

(Vers. 5.) « Servi, obedite dominis carnalibus cum timore et tremore in simplicitate cordis vestri sicut Christo. » Quoniam omnium sublimior et sola potens est religio nostra, et quæ credentibus cœlorum regna pollicetur: ne hac igitur causa superbia nasceretur hominibus, omnes debita conditionum vel officiorum præsentium jubentur exsolvere; ut et magis incitent perfidorum animos ad culturam Dei, quam vident et justam et humilem. Videntes enim domini meliorasse servos, et in reddendis obsequiis fideliter profecisse, quod merentur cum omni libertate exsolvunt. Servi quoque dum cernunt mansuetudinem dominorum, omni aviditate concupiscunt fidem, cujus tam placidis retinaculis gubernantur humana officia. Nam et qui in conditione est, si habuerit famulum, non vult contemni ab eo; ideoque nec ipse debet contemnere dominum suum: et sicut vult

nicetur.

(34) Nonnulli mss., opus suum nutrit, etc.

(33) Rom. edit. sola, Se ipsum diligit. Eadem vero ant. edit. ac paucis mss., quoniam si for-

agere secum dominum suum, ita et ipse agere debet A
cum servo, et sic poterit placere Deo.

(Vers. 6, 7, 8.) « Non ad oculum servientes, quasi hominibus placentes; sed ut servi Christi, facientes voluntatem Dei ex animo, cum benignitate servientes sicut Domino, et non ut hominibus; scientes quod unusquisque quodcumque fecerit bonum, hoc consequetur a Domino, sive servus, sive liber. » Propter timorem Dei justa et fidelia vult hominibus exhiberi servitia; Deo enim servit, cuius jura in obsequiis domini carnaliter custodit, quem sibi pro justis actibus in die iudicii vicem reddere, et cæteris omnibus audit testari. Quæ res potest proficere etiam ad salutem dominorum; videntes enim, quod difficile est servos per Dei gratiam factos fideles ministros, poterunt Dei gloriam collaudare.

(Vers. 9.) « Et vos, domini, eadem facite ad illos, remittentes minas: scientes quod et vester et illorum Dominus est in cœlis, et personarum non est acceptio apud eum. » Non ignorantes utique carnales domini Deum omnium dominum esse communem, talia exigant servitia, qualia a se exigere non ferant ægre. In qua enim quis mensura mensuraverit, remittetur illi (*Matth.* vii, 1); Dominus enim justus iudex causas discernit, non personas.

(Vers. 10.) « De cætero, fratres, confortamini in Domino, et in potentia virtutis ejus. » Post omnia monita (35) et hortamenta, et disciplinæ ordinem traditum religiose, et dispositionem mysterii manifestam, robustos illos vult esse in fide fiducia potestatis Dei; ut scientes firmam esse spem promissionis, prompti sint circa obsequia Dei, erigentes gubernacula contra fluctus excitos imprudentia inimici. Tempestatem enim Dei servis commovet, sed ipse naufragium facit.

250 (Vers. 11, 12.) « Induimini vos arma Dei, ut possitis stare adversus nationes. » Arma Dei fides est stabilis, per quam solam semper victus est Satan. « Quoniam non est vobis lucta adversus carnem et sanguinem, sed adversus principatus et potestates hujus mundi (36), adversus tenebrarum harum rectores, adversus spiritualia nequitiae, quæ sunt in cœlestibus. » Certus Apostolus quia exitia, quæ a perfidis Dei famulis irrogantur, auctore diabolo, ministrantur, cuius altitudo grandis et hominibus impossibilis est; monet adversus hæc arma Dei sumenda, cuius solius virtute superantur et destruuntur omnia machinamenta diaboli. Ipse est enim cuius satellites sunt, quos tenebrarum harum dicit rectores, spiritus nequissimi, qui degunt in cœlestibus, in firmamento mundi. Hi sunt erroris duces, tenebrarum rectores, hoc est, ignorantiae et perfidiæ præpositi. Rectores enim

(35) Vet. edit. ac quidam mss., *Post omnia merita*; Rom. edit. et alii mss. . . . *monita*; infra vero ex mss. non paucis reposuimus, *imprudencia inimici*, ubi omnes edit. et mss. aliquot habent, *impudentia inimici*.

tenebrarum in perversum intelligendi sunt gubernare, quasi incredulitatis magistri.

(Vers. 13-17.) « Ideo accipite universitatem armorum, ut possitis resistere in die malo, et in omnibus perfecti stare, succincti lumbos vestros in charitate, et induti lorica[m] justitiæ, et calceati pedes in præparatione Evangelii pacis. Super his omnibus assumentes scutum fidei, in quo poteritis omnia tela maligni ignita extinguere: et galeam salutis accipite, et gladium spiritus, quod est verbum Dei. » Quoniam contra atrocissimos hostes et omni tergiversatione callidos bellum gerimus, idecirco omni cautela et sollicitudine vigilare debemus; ut quæcumque tentaverint, munitos nos et præparatos inveniant. Necesse est enim ut et Deus adjuvet, quos viderit in precibus vigilare, et de armis ejus exspectare victoriam. In hujusmodi autem bello sobria mente opus est, et pura conscientia, quia non contra carnalia nequitiae, sed adversus spiritualia dimicatur. Contra terrigenos enim hostes corpus sagina roboratur, et poculis mens incenditur, ut repugnandi sumat audaciam; adversus autem spiritualia nequitiae spiritualiter repugnandum est, et sobrietatis et abstinentiæ arma sumenda sunt, ut infusi sancto Spiritu immundos et erraticos spiritus devincamus. Sic itaque succingemus lumbos nostros in veritate, si parati sumus (37) errori resistere. Omnis enim qui operari vult, subcingit se; ut ablato impedimento, diligentius operetur.

(Vers. 18, 19, 20.) « Per omnem orationem et precem orantes in omni tempore, in spiritu, et in ipsum vigilantes in omni perseverantia et obsecratione pro omnibus sanctis, et pro me; ut detur mihi sermo in apertione oris mei (38) exerte notum facere mysterium Evangelii, pro quo legatione fungor in catena; ut in ipso exerta libertate utar, prout oportet me loqui. » Si recte conversamur, Spiritus sanctus manet in nobis, et quod postulamus, possumus impetrare. Hoc est ergo in spiritu omni tempore orare, munda conscientia et fide integra precem ad Deum dirigere. In carne enim orat, qui polluta mente precatur, iterum peccaturus, non de eventu aut subreptione, sed de proposito. Sed potest non peccari ad mortem, si perseveranter oretur, ut animus sedula mente intentus sit semper in Dei legem, ea meditans die nocteque quæ amat Deus. Tunc et pro sanctis possunt orare; non est enim indignum ut pro invicem sollicita sint membra: nec temerarium poterit videri, si pro magistro discipuli idonei interpellent, adjuvantes eum, ut postpositis impedimentis libertate utatur ad prædicandum, sicut traditum est ab auctore, ne pressus vi tribulationum, ipse

(36) Rom. edit. sola, *adversus versutias diaboli*.

(37) Mss. aliquot, *Sic itaque succingamus. . . sic parati sumus, etc.*

(38) Rom. edit. sola, *oris mei cum libertate, etc.*

formidine acumen doctrinæ obtundat, amissa se-
veritate. Duplici igitur genere pro se orandum
hortatur; ut et sensus ejus impleatur spiritu ad
eloquendum plene mysterium, et facultas illi detur
audaciæ in asserendo, quam utique precem libenter
audit Deus; videt enim legationem suam in Apo-
stolo suo despici, unde utique indignatus in causa
sua non negabit effectum. Si enim consuetudo et
lex est legatis hominum non inferre exitia: qua
præsumptione et audacia legatis Dei non solum exi-
tia, sed et mors irrogatur! Quare et dicit: «Pro
quo legatione fungor in catena.» Non enim per-
mittebatur libere loqui, sed in subjectione et ne-
cessitate verba Dei referens, vinculis, plagis sub-
jiciebatur, et mortibus: et lapidatus est enim et
ad bestias pugnavit Ephesi (*I Cor. xv, 32*).

(Vers. 21, 22.) «Ut autem sciatis et vos ea quæ
circa me sunt; quid agam plene notum faciet vo-
bis Tychicus dilectus frater, et fidelis minister in
Domino: quem misi ad vos in hoc ipsum, ut co-
gnoscat 251 quæ circa vos sunt, et consoletur
corda vestra.» Per Tychicum Ephesii discunt quid
agat Apostolus, et idem cognoscit quid agerent

A Ephesii. De Apostolo, quia divina erant quæ age-
bat, dubium non erat; sed hoc sciendum erat de
eo, quid ageret inter perfidos, et insidias eorum.
De Ephesiis vero hoc cognoscendum, si profice-
rent, neene. Ut ergo obedirent, et libenter audi-
rent verba Tychici, hunc commendat, et fratrem
istum dilectissimum vocans, et ministrum Dei
idoneum.

«Pax fratribus, et charitas cum fide a Deo Patre
nostro, et Domino Jesu Christo.» Pacem quæ
est janua dilectionis, optat esse cum fratribus,
et charitatem cum fide; ut ingressi per pacem,
possint manere in charitate, quæ est ex fide. Hæc
est enim Dei Patris et Filii ejus Domini nostri
Jesu Christi.

B «Gratia cum omnibus qui diligunt Dominum
nostrum Jesum Christum in incorruptione. Amen.»
Præsciens Apostolus multos futuros desperatæ
fidei sensum habentes de Domino nostro Jesu
Christo, cum iis æternam gratiam dicit man-
suram qui diligunt Christum, recte de illo, et cum
Dei Patris voluntate sentientes; qui enim dege-
nerem hunc dicunt, data illis gratia auferetur.

IN EPISTOLAM B. PAULI AD PHILIPPENSES.

PROLOGUS.

Philippensibus verbum fidei Apostolus tradidit;
somnia enim monitus est, sicut continetur in Actis
apostolorum (*Act. xvi, 9*), ut accederet ad eos, et
aperiret aures eorum ad recipiendum sermonem
Domini. Multis ergo diebus commoratus apud eos,
instruxit eosdem in doctrina Domini. Et quia post
cessum ejus non sunt translati ad aliud, sicut
Galatæ: sed permanserunt in fide, non recipientes
pseudoapostolos; per epistolam collaudat eos, gau-
dens in proposito cordis eorum. In horum laude
aliorum vituperatio continetur: Corinthii enim
multo tempore audientes Apostolum, recedente eo,
a diversis pseudoapostolis fuerant eversi: unde
isti jure laudantur.

CAPUT PRIMUM.

(Vers. 1.) «Paulus et Timotheus servi Jesu Chri-
sti.» Apostolum se tacet, quia iis scribit qui de
illo recta sentirent; ideo dignitatem suam suppri-
mit, erat enim his manifesta: conditionem vero
fatetur; quia qui Christum confitetur dominum,
his magis liber est, et habet salutem. «Omnibus
sanctis in Christo Jesu.» Sanctis scribit more suo,
sed qui in Christo Jesu sancti sunt, id est, qui Deum
et hominem Christum fatentur; Photinus enim
Christum Deum negat, et Manichæus hominem:
ideoque immundi sunt. Non ergo iis scribit, qui
mendacii propriis supprimunt veritatem. «Qui
sunt Philippis.» Quibus scribat, significat. «Cum

C episcopis et diaconibus;» hoc est, cum Paulo et
Timotheo, qui utique episcopi erant; simul signi-
ficavit et diaconos, qui ministrabant ei. Ad plebem
enim scribit; nam si episcopis scriberet, et diaco-
nibus, ad personas eorum scriberet, et loci ipsius
episcopo scribendum erat, non duobus, vel tribus,
sicut et ad Titum et Timotheum.

(Vers. 2.) «Gratia vobis et pax a Deo Patre
nostro, et Domino Jesu Christo.» Manifestum est
Deum patrem esse, Christum vero Jesum Dominum
nostrum. Numquid non videtur plus dominus esse
quam pater? Sed inter homines in mundo: apud
Deum vero Patrem, et apud Christum dominum
concordia est. Illic enim, hoc est, in mundo, ideo
plus est dominus quam pater; quia aut et ipsius
patris dominus est, aut pater filium non suæ con-
ditionis generat, sed alienæ: Deus autem sic ge-
nuit, ut in potestate ejus sint quos genuit; ut nati
ingenui, servi tamen ejus sint: cum hos tradit
proprio Filio, facit illos etiam servos Filii sui,
ut sit dominus eorum, sicut dicit: Pater, quos
dedisti mihi, tui erant (*Joan. xvii, 9*), et mihi eos
dedisti; ut in Patre et Filio servi sint Dei unius.

(Vers. 3, 4, 5.) «Ego quidem gratias ago Domi-
no super omni memoria vestri, semper in omni
oratione mea pro omnibus vobis cum gaudio ora-
tionem faciens, super communicatione vestra in
Evangelio.» Primum quidem Domino gratias agit,
cujus nutu prospera omnia cedunt fidelibus. In
omni oratione sua memor eorum cum exsul-

tatione, quod participes facti sint Evangelii, sicut A Petrus apostolus, inter cætera dicens: « Ut sitis, inquit, consortes divinæ naturæ (II Petr. 1, 4). »

« A prima die usque nunc. » Prævidit enim Apostolus devotionem illorum, et fidem ratam (39) ex ipsis principiis, et gavisus est in eis, semper sciens eos multis exemplo esse futuros.

252 (Vers. 6, 7.) « Confidens in hoc ipsum, quod qui inchoavit in vobis opus bonum, perficiet usque in diem Christi Jesu, sicut est justum mihi hæc sentire pro omnibus vobis; eo quod habeam vos in corde et in vinculis meis, et in defensione et confirmatione Evangelii; quoniam omnes mihi participes gaudii estis. » Securus de bonitate et justitia Dei, et de horum fide non ambigens, confidit quod Dei auxiliis adjuti, perseveraturi sint in B fide usque ad diem Domini, in quo remunerandi sunt persistentes in fide. Nec aliud debuit de his sentire, quos semper inflexibiles in devotione Dei expertus est, tam directum et infatigabilem cursum eorum videns, ut cogitaret dignos hos sibi participes gaudii esse. Unius enim fidei homines congaudere oportet de spe futuræ immortalitatis et gloriæ.

(Vers. 8.) « Testis enim mihi est Deus, quemadmodum desiderem omnes vos in visceribus Jesu Christi. » Deum testatur, ut affectum commendet justii (40); qui enim multum de aliquo sentit, ut credibile hoc faciat, testificatur: per quod et provocat desiderium illorum erga se, ut desiderati desiderent. Desiderat ergo omnes hos non humana cupiditate, sed in amore Christi, non carnis affectu, C sed spiritus; ut participes hos habeat et in sensu mysterii divinitatis, et incarnationis Domini nostri Jesu Christi.

(Vers. 9, 10, 11.) « Et hoc oro ut charitas vestra magis magisque abundet in agnitione et omni sensu, ut probetis quæ sunt utilia: ut sitis sinceri et inoffensi in diem Christi, repleti fructu justitiæ per Jesum Christum in gloriam et laudem Dei. » Deo adjutore, ordinem disciplinæ christianæ vult eos imbuere; ut quia firmati in fide sunt, non sint nescii sacramenti credulitatis suæ: et scientes discernere utilia a contrariis, justitiæ operibus ornent doctrinam Domini, fructum facientes immortalitatis ad abundantiam omnium bonorum, ut gloriosus in his apparet magister gentium.

(Vers. 12-17.) « Scire autem vos volo, fratres, quod quæ ad me pertinent, ad profectum (41) Evangelii venerunt; ita ut vincula mea manifesta in Christo facta sint in omni prætorio, et in cæteris omnibus; utque plures ex fratribus in Domino confidentes vinculis meis, cœperint magis audere sine

timore verbum Dei loqui. Alii quidem et propter invidiam et contentionem: quidam vero et propter bonam voluntatem Christum prædicant. Alii quidem ex charitate, scientes quod in defensionem Evangelii positus sum: aliqui vero ex contentione Christum annuntiant, non simpliciter existimantes quod pressuram suscitent vinculis meis. » Hæc explanatione non indigent; tamen, propter sollicitudinem nostram, ne qua in dubium veniant, per ordinem ea apertius prosequamur. Quoniam superius participes hos gaudii sui pronuntiavit, ideo quid profecerit prædicatio ejus insinuat, quasi charis; ita ut omnibus innotuerint passiones ejus pro Christo. Per hanc humilitatem gloriosum se indicat, ut habeant occasionem gaudendi amatores ejus; quia cujus vincula in Christo manifestantur, dignitas ejus crebescit.

« In omni prætorio, et in cæteris omnibus, » id est, in omni Judaismo, et per universas Ecclesias gentium; præest enim Judaismus, quia ipsi facta promissio est, sicut dicitur: « Quia salus ex Judæis est (Joan. iv, 22). » Ideoque plures ex fratribus exemplum suum secutos, ausos dicit fuisse loqui verbum Dei cum fiducia: constantia enim ejus multos animavit, ut non præterirent 253 evangelizare (42), comperto exemplo Apostoli, quod Deus adest, ut tueatur diligentes se; sed et alios falsos fratres, non fiducia, neque dilectione Dei, sed contentione zeli incitatos, Dei verbum dicit prædicare, quasi invidos. Plures ergo e fratribus sincera quidem, sed diversa voluntate Christum annuntiabant; alii enim bona voluntate hoc agebant ad gloriam Dei solius; alii vero charitate incitati apostoli, certi de tuitione Dei. Sic iterum e contra alia duo genera ponit, quæ non sincero animo prædicabant; quidam enim invidentes Apostolo, contentione hoc agebant: alii vero astutia simulationis Christum annuntiabant; ut possent seditiones excitare Apostolo, quasi auctori hujus sectæ, qui multos aggregaverat suæ conspirationi. Major enim invidia crescebat Apostolo, quando ex latere ejus multi videbantur docere.

(Vers. 18-21.) « Quid enim? Dum tamen quovis modo, sive occasione, sive veritate Christus annuntietur: et in hoc gaudeo, sed etiam et gaudebo. Scio enim quod hoc mihi procedet ad salutem (43) per vestram precem, et subministrationem spiritus D Jesu Christi secundum contemplationem et spem meam; quia in nullo confundar, sed in omni exerta fiducia, sicut semper, et nunc magnificabitur Christus in corpore meo, sive per vitam, sive per mortem; mihi enim vivere Christus est, et mori lucrum. » Primum gaudium ejus est in fratribus qui bona voluntate Christum annuntiant: deinde etiam

(39) Nonnulli mss., et fidem rectam. Minime male.

(40) Dictionem justii mss. aliquot non agnoscunt, cujus loco nonnulli ponunt, cujusmodi. Infra vero edit. Rom. reposuerat, ut magis desiderent, ubi reliquæ, ac mss., ut desiderati desiderent.

(41) Rom. edit., quod quæ mihi acciderunt, magis ad profectum, etc.

(42) Omnes edit. ac pauci mss., ut non timerent evangelizare.

(43) Rom. edit., proficiet ad salutem..., secundum expectationem et spem meam.

in eo se dicit gaudere, quod fallacia hominum ad-
versus eum compositum erat, ut ad invidiam et
pressuram ejus Christus prædicaretur. Hoc enim di-
cit sibi ad vitam proficere, quod illi paraverant ad
mortem; hanc enim vitam suam dicit esse, si Chri-
stus omnibus prædicetur, et se etiam mori paratum,
ut hoc possit impleri, sciens magnam sibi pro hoc
voto et efficacia dari posse mercedem (44): impe-
rita enim malitia adversum se semper machinatur,
dum nescit. Ad calcandam ergo horum malevolen-
tiam, qui recti fallacia insidias vitæ ejus tendebant,
Dei præsidii se muniri testatur, iis quos utique so-
cios gaudii sui dicit, adjuvantibus oratione propter
communem alacritatem, et sancti Spiritus submini-
strationem, qui contra voluntatem illorum et vias
aperiret prædicanti, dans gratiam et fiduciam verbis
ejus, ut ortas seditiones compesceret. In nullo ergo
se dicit confundi in doctrina Christi: quia et spes
magna promissionis est, et quia nihil in ea turpe,
inhonestum, aut fallax est, sicut apud paganos,
sed aperta simplicitas. Hinc est enim unde cum
omni constantia non cedit adversis, ut magnificetur
Christus in corpore ejus, sive occidatur, sive cæsus
evadat. Ex eo enim quæ et quanta spes in Christo
est, consideratur; quando non solum cædi et affligi
pro eo, sed et mori paratus est. Vitam enim suam,
sive in præsentem, sive in futuro, Christum esse dicit,
sicut et evangelista Joannes testatur, dicens: «Quod
factum est, in ipso vita erat, et vita erat lux ho-
minum (Joan. 1, 3, 4).» Pro hac vita mortale cor-
pus tradit, ut id recipiat in æternum: ac per hoc
lucrum computat mori pro Christo.

(Vers. 22-26.) «Si ergo vivere in carne, hic
mihî fructus est operis: et quid eligam ignoro.
Coarctor autem in his duobus, desiderium habens
dissolvi, et cum Christo esse, multo enim melius:
remanere autem in carne valde necessarium propter
vos.» Et hoc certum habens, scio quia manebo et
permanebo omnibus vobis in vestrum profectum et
gaudium fidei; ut gloria vestra abundet per Chri-
stum Jesum in me, per meum adventum iterum ad
vos. Manifestum est quod dicit, quia si in carne
positus non otiosus est, quod vivit; habet enim
fructum operis sui. «Quid eligam, inquit, ignoro.»
Duabus enim ex causis urgetur; habet enim desi-
derium excedere, et cum Christo esse multo melius
æstimans; ut jam præsens sit apud Deum, ut ex-
optatis et promissis fruatur; in carne vero ut sit
adhuc, necessarium dicit propter instructionem
credentium. Et cum dissolvi et cum Christo esse
multo melius ducat; certum tamen hoc scire se
protestatur, quia manebit in carne ad profectum
fidelium: ut gloria eorum abundet in Domino, pro-
ficiens ad laudem Apostoli, cum iterum viderint
eum. Crementum enim faciunt scientiæ, et plenius
fundantur in fide. Quantum affectum habuit circa

(44) Eadem edit. Rom., et efficacem dari posse
mercedem.

A credentes, ut hoc quod multo melius sibi esse dicit,
non eligat: sed hoc velit, quod expediat multis,
certus etiam Domino hoc placere, quod pro multo-
rum salute proficiat. Quis non tertii cæli cupidus
sperneret omnem 254 curam præsentem? quis
non paradisi superioris desiderio omnia hæc post-
poneret? quis non verborum arcanorum memor
humana eloquia devitaret? quis non post tanta exi-
tia eligeret requiem? Sed quia claritatem omnibus
anteponit, hoc secutus est quod proficeret fratri-
bus.

(Vers. 27, 28.) «Tantum digne Evangelio Christi
conversamini.» Dignam conversationem vult eos
exhibere disciplinæ Dominicæ; ut non pœniteat eum
voluisse remanere in carne. «Ut sive cum venero
B et videro vos, sive absens audiam de vobis quod
stetis in uno spiritu, unanimes, pariter cum fide
Evangelii certantes, et non pavescentes in quoquam
ab adversariis, quæ est illis ostentatio interitus (45),
vobis autem salutis.» Unanimes vult eos esse in
fide et devotione contra adversarios, ut eadem au-
diat de illis absens, quæ vidit et præsens; ut in
nullo paventes minas aut terrores adversariorum,
custodiant fidem, scientes quia eis qui pro Christo
tribulantur, ad salutem proficit: illis vero qui
tribulant, ad perditionem.

(Vers. 29, 30.) «Et hoc a Deo donatum est vobis
pro Christo, non solum ut in eum credatis, sed
etiam ut pro illo patiamini, idem certamen habentes,
quale et vidistis in me, et nunc auditis de me.»
C Quanquam Dei gratiam extollat in omnibus, ad
laudem tamen illorum proficit, quod dicit quia Deus
illis concessit pati pro Christo; non enim concedit
vel donat nisi amatoribus Christi. Ideo dicit: «Pro
Christo donatum est vobis;» ut a Patre Deo do-
natum sit diligentibus Christum, ut ad argumentum
meritorum suorum patiantur pro Christo, et se-
quentes exempla Doctoris sui, omni confidentia cer-
tent ad triumphandos infideles.

CAPUT II.

(Vers. 1-4.) «Si qua ergo exhortatio in Christo,
si quod solatium charitatis, si qua participatio spi-
ritus, si qua sunt viscera et miserationes, implete
gaudium meum, ut idem sapientes, eandem chari-
tatem habentes, unanimes, unum sentientes, nihil
D fiat secundum irritationem, neque secundum ina-
nem gloriam, sed in humilitate mentis alius alium
existimantes superiorem sibi: non quæ sua sunt
unusquisque contemplantes, sed quæ aliorum sunt.»
Hoc dicit, qui, si est vera exhortatio spei in Chri-
sto apud vos, qua vos invicem consolamur, in so-
latium charitatis communis, si participatio Spiritus
sancti, per quam jungimur in uno corpore novo,
si qua sunt viscera, id est, si in animo vestro sum,
sicut et vos in meo, si miserationes, hoc est, si

(45) Edit Rom., quæ est illis occasio interitus.

affectus pietatis in amore est, implete gaudium A
meum. Hæc quæ enumerat, tunc vera probanda si-
gnificat, si ista quæ subter mandat, fuerint ser-
vata; ut unanimes sint, et spiritu humiles, non se
invicem provocantes, sed in charitate gaudentes;
ut gaudium Apostoli plenum sit in eis. Sic ergo
eos constringit, ut si hæc non custodierint, nec in
cæteris probati videantur; ut quia in aliis nolunt
se improbatos videri, ista quoque servant, ut per-
fecti sint. Sine dubio enim erant inter eos dissen-
tientes et inquieti, et qui inani gloriæ studerent,
contendere et vincere volentes cum animi atrocitate,
ubi præmium non est: sed parit lites, et rumpit
charitatem. Quæ enim potest esse plebis, in qua vasa
aurea et argentea tantum sint, non et lignea et
fictilia? Sed possunt exercitio boni immutata fieri B
aurea et argentea; quia non naturæ vitium est, sed
voluntatis.

(Vers. 5, 6.) « Hoc enim sentite in vobis, quod et
in Christo Jesu, qui cum in forma Dei esset, non
rapinam arbitratus est esse se parem Deo. » Chri-
stus semper in forma Dei erat, quia imago est in-
visibilis Dei. Sed Apostolus de Dei Filio, cum in-
carnatus homo factus est, tractat dicens: « Hoc
sentite in vobis, quod et in Christo Jesu, » id est,
Deo et homine. « Qui cum in forma Dei esset, » in-
ter homines utique conversatus, verbis et operibus
apparebat esse Deus. Forma enim Dei nihil differt
a Deo; ideo enim forma et imago Dei appellatus
est, ut intelligeretur non ipse Pater esse Deus: sed
hoc esse, quod Deus est. Hic ergo « non rapinam
arbitratus est esse se parem Deo; » sciens enim C
in forma Dei se esse, non furatus est, ut diceret:
« Ego et Pater unum sumus (Joan. x, 30). » Et alibi
in Joannis Evangelio: « Propterea, inquit, perse-
quebantur Judæi Jesum, quia non solum solvebat
Sabbatum, sed et Patrem sibi proprium dicebat
Deum, æqualem se faciens Deo (Joan. v, 18). » Jure
ergo exæquavit se Deo; ille enim arbitratur rapi-
nam facere, qui se parem facit ei quo inferior
est.

« Sed semetipsum exinanivit, formam servi acci-
piens, in similitudinem hominum factus, et habitu
reperitus ut homo. 255 Humiliavit semetipsum,
factus obediens usque ad mortem, mortem autem
crucis. » Christus igitur sciens in forma Dei se
esse, æqualem se ostendit Deo: sed ut humilitatis
legem doceret, Judæis se comprehendentibus non
solum non repugnavit: « Sed semetipsum exi-
nanivit; » hoc est, potestatem suam ab opere re-
traxit; ut humiliatus otiosa virtute infirmari (46)
videretur. « Formam servi accipiens, » dum tenetur
et ligatur, et verberibus agitur, usque ad crucem
factus obediens Patri, cui se æqualem sciebat, non
sibi defendit æqualitatem, sed subjecit se. Hanc
patientiam et humilitatem imitari nos docet, ut non
solum cœqualibus non nos antepoamus: verum-

etiam inclinemus nos, auctoris nostri secuti exem-
plum. Formam tamen Dei non accepisse dicitur,
sed esse in forma Dei: servi autem formam acce-
pisse, dum quasi peccator humiliatur. Servi autem
ex peccato fiunt, sicut Cham filius Noe, qui primus
merito nomen servi accepit (*Gen. ix, 25*). Non enim
mihi, sicut quibusdam, videtur sic formam servi
accepisse, dum homo natus est. Vide enim quid
dicat: « Hoc sentite in vobis, quod et in Christo
Jesu, » id est, Deo et homine. Ante incarnationem
enim aut Christus potest dici, aut Jesus; quia si-
mul ambo nomina et hominis filium, et Dei Filium
significant. Nam ante nativitatem quid dicit inter
cœtera? Petra autem erat Christus (*I Cor. x, 4*), et
non tentemus Christum, sicut quidam eorum ten-
taverunt (*Ibid. 9*). Ubi ergo aut Deum, aut homi-
nem vult significare Scriptura, unum e duobus po-
nit: aut Jesum, aut Christum. Dei enim Filius cum
homo natus sit, in forma Dei erat; quia cum homo
videretur, opera Dei faciebat; ut in gestis rebus
appareret Deus esse, qui tantum homo esse puta-
batur. Opera enim formam significant, ut quia opera
ejus, non utique hominis opera sunt, hic qui in
opere vel forma Dei erat, Deus intelligeretur. For-
ma enim Dei quid est, nisi exemplum quo Deus
apparet, dum mortuos excitat, surdis reddit auditum,
leprosos mundat, et alia? Quomodo autem homini
similis factus dicitur, si homo tantum erat: et qua
ratione habitu reperitus ut homo est, si non esset
et Deus; nisi quia cum antequam se inclinari per-
mitteret, semper in Dei virtute visus sit, postea
infirmatus in habitu hominis reperitus est? Nam in
monte utique, quasi Deus apparuit (*Matth. xvii, 2*):
et in mari pedibus ambulans (*Matth. xiv, 26*), non
solum homo, sed et Deus visus et intellectus est.
Denique qui erant in navi, quid dicunt? Vere Filius
Dei est hic (*Ibid. 33*). Ista ergo virtute cessante,
velut homo visus est; ideo enim dicit quasi ut il-
lud significet, quia et Deus est. Infirmittatis enim
causa Deum dicit similem factum hominibus. Quod
in subjectis aperit, dicens: « Humiliavit semetip-
sum factus obediens usque ad mortem, mortem
autem crucis. » Hinc est unde habitu reperitus ut
homo est; retinens enim virtutem suam, ne appa-
reret in eo, ut homo visus est et occisus, qui mori
nescit.

D (Vers. 10, 11, 12.) « Propter quod et Deus super-
exaltavit eum, et donavit ei nomen quod est super
omnenomen; ut in nomine Jesu omne genu flectatur,
cœlestium, terrestrium, et infernorum: et omnis
lingua confiteatur quia Dominus Jesus Christus in
gloria est Dei Patris. » Quid et quantum humilitas
mereatur, ostendit, ut magis hanc appetemus,
calcata jactantia. Unde dicit Salomon: « Superbis
Deus resistit, humilibus autem dat gratiam (*Prov. iii,
34*). » Quare et Dominus: « Qui se, inquit, exal-
taverit, humiliabitur; et qui se humiliaverit, exal-

(46) Nonnulli mss., otiosa virtute informari.

tabitur (*Luc. xiv, 11*). » Hæc est ergo humilitas, si sibi quis nec quod deberi novit, defendat. Denique Pharisæus ille, vera de se dicens, exaltasse se dictus est; ac per hoc humiliatus est (*Luc. xviii, 11-14*): Christus autem plus fecit, qui cum Deus sit, caro factus hominibus se inclinavit. Nunc videamus quomodo donatum est Christo nomen, quod est super omne nomen, quasi egnerit Filius Dei, aut imperfectus fuerit; qui enim eget, imperfectus est. Si enim in forma Dei erat, erat par et æqualis Deo; quomodo donatum est illi? Etenim donatum dicit, qui se humiliavit, et quasi homo apparuit, exinanivens se, factus obediens usque ad mortem. Si ergo perfectus natus est, quomodo eguit? Perfectum Dei Filium natum de Deo Patre qui negat, Arianus est; nam ante passionem, æqualem se Deo Patri ostendit, sicut et supra memoravi. Unde constat hunc natum esse perfectum; in nativitate enim sua omnia consecutus videtur. In plenitudine enim divinitatis est natus ad omnia agenda quæ gessit; ut prius **256** donum accepisset, quam gereret, ad quæ agenda natus est. Videtur ergo donum Patris, hoc est, esse Filium, et nomen ejus super omne nomen sit, hoc est, esse Deum; nomen enim Dei, sed per naturam, non per solam appellationem, super omne nomen est. Hinc est, « ut in nomine Jesu omne genu flectatur, cœlestium, terrestrium, et infernorum, » sicut ad Romanos significat, inter cætera dicens: « Et ex quibus Christus secundum carnem, qui est super omnia Deus benedictus in sæcula (*Rom. ix, 5*). » Quæ sint autem hæc omnia in epistola ista aperit dicens, cœlestia et terrestria et inferna: alia enim nulla sunt. Quibusdam tamen videtur homini donatum esse nomen, quod est super omne nomen, quod nullo genere, nulla ratione convenit. Si enim Christus Dei Filius idem ipse et homo est, non poterat Deus homo factus, sed manens Deus, his egere quæ habebat: aut si secundum quod homo erat, his egebat, quæ Dei sunt, ipse sibi Dei Filius Deus dedisset, quæ deerant ei juxta quod homo erat. Quod quidem ab insipientia dicitur. Et quare Pater dicitur dedisse, cum ipse qui homo factus erat, nihil dehaberet? aut non poterat Filii divinitas (47) corpori suo et animæ præstare, quæ deerant? Sed forte quia a Deo Patre sunt omnia, ideo ipse dicitur dedisse. Si ergo a Patre omnia, quare non dicatur cuncta Filio suo per generationem dedisse? Et quamvis æqualem sibi genuerit Filium, ordo tamen exigit ut in nomine Patris agantur omnia. Hoc Pater concessit Filio post crucem, ut omnia in nomine Filii salventur. Denique dicit Dominus de discipulis ad Patrem: « Pater, quos dedisti mihi, custodivi, tui enim erant, et mihi eos dedisti (*Joan. xvii, 12*). » Et ad discipulos ait: « Usque modo nihil petistis in nomine meo; petite,

A et accipietis (*Joan. xvi, 24*). » Hoc ergo natus accepit, ut post crucem manifestaretur, quid a Patre dum generaretur, acceperit. Nomen enim tunc accepit (48) a Patre, cum a creatura cœpit sciri; cognoscitur enim quid propter hæc quæ gessit, antequam gereret, acceperit. Denique ante crucem dixit: « Omnia mihi tradita sunt a Patre meo (*Matth. xi, 27*). » Quomodo ergo hoc ad corpus potest referri, ut Dei nomen corpori sit donatum, cum constet Christum hominem esse et Deum, quia nec dignum est, ut Deus immutetur in carnem, neque caro hoc possit effici quod est Deus; sed forte ut adoptione Deus esset, et hic color est; incipiet enim ex parte Deus verus esse Christus, et ex parte adoptivus, aut duo dii. Sed aliud Scriptura significat: illi enim donatum significat, qui se exinanivit, qui formam servi accepit, qui in similitudinem hominis factus est homo, qui Patri obedivit. Si homo Deo Patri obedivit, quid magnum est, quod dixit Apostolus? Sed hoc magnum est, quia cum æqualis esset, obedivit. Et quid laudis est, si in similitudinem hominis factus est homo; ut homini similis homo factus dicatur? Sed non potest fieri; nemo enim in similitudinem fit alicujus, nisi alius sit, antequam fiat in similitudinem cujus vult; per causam enim similis factus est, non per substantiam. Et quis est qui se exinanivit? Homo. Ergo habebat (49). Et quomodo accepit? Sed quid poterat se exinanire homo res infirma? Et in forma Dei nunquid homo erat? Sed forte homo in forma Dei Filius erat (50). Age, Filius Dei in cujus forma erat? Et si jam homo in forma Dei, hoc est, Filius Dei erat, jam ante passionem perfectus erat. Non ergo post passionem aliquid accepit. Sed videamus, quid de eo scriptum sit: « Propter quod superexaltavit eum Deus, et donavit ei nomen, quod est super omne nomen; ut in nomine Jesu omne genu flectatur, cœlestium, terrestrium, et infernorum: et omnis lingua confiteatur, quia Dominus Jesus Christus in gloria est Dei Patris. » Consideremus nunc dicta, et sic advertamus vim locutionis. Certe nomen, quod super omne nomen est, Dei nomen est. Sed si per naturam non constat hoc nomen non est super omne nomen; appellativum enim nomen in solo vocabulo est, non in nobilitate naturæ; et adoptivo Deo non flectit creatura genu, sed vero, non concreaturæ. Et quomodo fieri potest, ut homo sit in gloria Dei Patris? Etiamsi adoptivus Deus sit homo, in gloria Dei Patris non potest esse; nam ei hoc competit, qui natus est de Deo. In gloria enim Dei Patris esse, nihil differre a Deo est; ut una gloria sit Patris et Filii per communem substantiam et virtutem; est enim hæc unitas naturæ. Quid, rogo, contrarium est, si Filius donum a Patre accepisse dicatur; cum omnia **257** Filii a

(47) Mss. Laud., aut non poterat Filius divinitatis.

(48) Vet. edit., ac mss. aliquot, Non enim tunc accepit.

(49) Laud. cod., Homo. Ergo agebat.

(50) Nonnulli mss., homo in forma filii Dei erat.

Patre sint, a quo et cuncta esse creduntur? Substantiam autem Dei idecirco naturam dicimus, quia natus de illa Christus est.

(Vers. 12, 13.) « Itaque, dilectissimi mihi, sicut semper obedistis, non in præsentia mei tantummodo, sed multo magis nunc in absentia, cum timore et tremore vestram ipsorum operamini salutem; Deus est enim, qui operatur in vobis, et velle et operari pro bona voluntate. » Deum bonos conatus adjuvare testatur; omnem enim gratiam semper reportat ad Deum; ut nostrum sit velle, perficere vero Dei. Nam quis vinceret Principes ac Potestates, rectores tenebrarum harum, spiritalia nequitiae in caelestibus, nisi solus Deus, quos causa invidiae inimicos habemus? Indignantur enim nos dici filios Dei. Non ergo novum est, quod hortatur: sed ut more solito subditi sint Evangelio, curam propriae conversationis habentes; bona enim conversatio salutem operatur.

(Vers. 11-14.) « Omnia facite sine murmurationibus et haesitationibus, ut sitis irreprehensibiles et simplices, sicut filii Dei, immaculati in medio nationis pravæ et perversæ: inter quos lucetis sicut luminaria in mundo, verbum vitae continentes ad gloriam mihi in die Christi; quia non in vacuum cucurri, nec in irritum laboravi. Sed etsi immolor super sacrificium et ministerium fidei vestrae, gaudeo et gratulor omnibus vobis. Ob id ipsum autem et vos gaudete et congratulamini mihi. » Ut fidei et operum suorum fructus possint habere, commonet ut omnia, quæ ad disciplinam pertinent christianam, sine haesitationibus faciant et murmurationibus; quia si negligenter et indevote aliquid agitur, ad effectum non pervenit, quia in reprehensionem cadit: sed ut omni simplicitate operentur, quasi filii Dei immaculati, ut memores professionis suæ respondeant; ut inter diffidentes tam clari appareant vita, conversatione, moribus, quemadmodum sol et luna inter stellas splendore sublimes sunt. Sicut enim stellæ, apparente sole, obscurantur; ita injusti et infidi præsentibus fidelibus et justis, turpes et deformati videntur; ut gloria sit Apostoli in adventu Filii Dei, cujus plantatio tales edidit fructus. Labor enim et efficacia ejus tunc probabitur non esse inanis. « Itaque etsi immolor, ait, super sacrificium et ministerium fidei vestrae, gaudeo. » Si enim oppressus fuerit a perfidis, cur eos aggregaverit suæ conspirationi, gratulandum sibi significat; scit enim effectum habere mortem suam. Magna enim mœstitia est, si patitur quis pro eis in quibus nihil proficit. Quamobrem gaudere se in illis, et eos congratulari sibi debere testatur, ut invicem participes sint gaudii communis et plebs et magister idoneus.

(Vers. 19-24.) « Spero autem in Domino Jesu Timotheum in brevi me mittere ad vos, ut et ego bono animo sim, certior de vobis factus. Neminem enim habeo tam unanimem, et qui sinceram circa

vos sollicitudinem gerat; nam omnes quæ sua sunt, quæerunt, non quæ Jesu Christi. Probationem autem ejus nostis, quod ut filius cum patre mecum servivit in Evangelio. Hunc ergo spero me missurum confestim, ut videro quæ circa me sunt. Confido autem in Domino, quod et ipse cito ad vos veniam. » Absoluta sunt hæc, nec interpretatione egent; post epistolam enim istam Timotheum se missurum significat, per quem ad fidem agnoscat, quæ circa hos agantur. Erat enim Apostolo unanimis; quare et circa eos sollicitior signatur, non sicut quidam, qui dum semetipsos commendare volebant, negligentes erant de disciplina et conversatione fratrum. Non enim devoto animo prædicabant, sed propter propria lucra. Et quia Timotheus vir erat egregius, dicit quia probatum hunc habebat, qui erat cum eo ut filius charissimus, deserviens Evangelio Christi. Ideo hunc filium dicit, quia ab ipso fuerat ordinatus: hunc se præmittere, se quoque in brevi iturum ad eos (51).

(Vers. 25, 26, 27.) « Necessarium vero arbitratus sum Epaphroditum fratrem et commilitonem meum, vestrum autem apostolum, et ministrum operis mei, mittere ad vos; quandoquidem desiderabat vos omnes, et impatienter sollicitus erat, eo quod audieratis illum infirmatum fuisse. Etenim infirmatus est prope mortem: sed Deus misertus est illius, non solum autem ejus, sed et mei; ne tristitiam super tristitiam haberem. » Omnia hæc manifesta sunt; Epaphroditum enim significat se missurum cum ista epistola ad eos. Invicem enim desiderio sui mœsti erant infirmitatis ejus causa, et populus et Epaphroditus; ut viso 258 eo, recrearentur de recuperata salute ejus, et ille careret sollicitudine, quam videndi eos gerebat. Erat enim eorum apostolus ab Apostolo factus, dum illum ad exhortationem eorum mittebat ad eos: et quia vir erat bonus, desiderabatur a plebe. Quid ergo est ut præsentè Apostolo, qui mortuos suscitabat, hic Epaphroditus infirmaretur usque ad mortem? Numquid non oravit pro illo Apostolus, et non impetravit, ut citius sanaretur? Sed signa infidelium causa fiunt: nam huic non ad detrimentum contigit ægritudo, sed ad augmentum. Probationes enim diversæ sunt credentium; alius enim per ægritudinem, alius amissione charorum, alius per damnum pecuniæ, alius per tribulationes probatur, si in necessitate stabilis inveniatur, auxilium a diversa parte non quærens, ut augmentum faciat meritorum. Non ergo contempta est postulatio Apostoli, sed melius provisum ei, pro quo petebat. Quid autem illud est, ut cum de excessu fratrum in alia epistola non contristari debere admoneat: in hac autem contristandum se, si exisset Epaphroditus a corpore, significat? Tristitiam se si, exisset, habiturum dixerat super tristitiam, quam habebat de infirmitate ejus; erat enim necessarius Ecclesiis.

(51) Rom. edit., hunc sperat præmittere, et se quoque in brevi venturum ad eos.

Nam ad Thessalonicenses : « Videte, ait, ne contristemini de dormientibus, sicut et cæteri qui non habent spem (*I Thess.* iv, 12). » Se autem sic tristem futurum dixerat de excessu Epaphroditum, quia solatium ejus et auxilium requirebat; non tamen ut quasi perditum lugeret.

(Vers. 28.) « Sollicitus itaque misi eum, ut cum illum videritis, iterum gaudeatis, et ego meliore animo sim. » Affectionem mutuam habuisse Epaphroditum et plebem Philippensium significat, quem videntes iterum in lætitiâ se excitarent, et Apostoli animus lætaretur; quia meliori animo fit, qui ad charos suos mittit revisendos.

(Vers. 29, 30.) « Excipite ergo illum in Domino cum omni gaudio, et hujusmodi in honore habete; quia propter opus Christi usque ad mortem accessit, in interitum tradens animam suam; ut suppleret id quod vobis deerat circa meum officium. » Quamquam individua esset charitas Epaphroditum et plebis; tamen etiam ab Apostolo commendatur, ut amplius chariorem illum faciat: maxime propter hos, qui forte tam chari non essent circa ejus affectum; in omni enim plebe diversitas est. Hinc est unde et prælium ejus memorat, quod non dubitavit propter opus Evangelii emori: hoc est, non deterritus est minis et pressuris infidelium, sed perstitit in exhortatione fidelium, ut impleret quod deerat plebi in traditione juxta dispensationem Apostoli. Qui ergo a morte non retrahit animam suam in interitum, hanc tradit juxta vitam præsentem, sicut et Dominus dicit: « Qui enim voluerit animam suam salvam facere, perdet eam (*Matth.* xvi, 25). » Perditio hæc interitus est; quia secundum mundum qui animam suam tradit pro Christo, amittit eam; in futurum tamen conservabit eam.

CAPUT III.

(Vers. 1.) « De reliquo, fratres mei, gaudete in Domino. Eadem scribere vobis mihi quidem non est pigrum, vobis autem necessarium. » Ostendit sollicitudinem suam, quam gerit circa profectum illorum; quia impiger est ad scribendum eis quæ necessaria sunt utilitati illorum.

(Vers. 2.) « Videte canes, videte malos operarios, videte concisionem. » Hos designat qui, invidentes gentibus, pravitate colloquiorum suorum everterant Galatas, suadentes eis ut circumciderentur. Quos omni genere vitandos et spernendos docet, quasi canes qui primum oblatrant, dehinc morsu sævo male operantur in carnem.

(Vers. 3, 4.) « Nos enim sumus circumcisio, qui spiritu Deo servimus: et gloriamur in Christo Jesu, et non in carne fiduciam habemus; quanquam ego habeam fiduciam et in carne. » Manifestum est quia credentes ipsi circumcidunt cor suum, ut amputata erroris nebula, aspiciant et agnoscant

(52) Rom. edit., *Si quis alius videtur.... ego magis, circumcisione octavi diei.*

(53) Codex Laud., *comparatione Christi, in veritate sunt damna.*

A Dominum creaturæ. Hoc est spiritu Dei servire, et gloriari in Domino Jesu Christo, qui legem spiritus dedit, ut carnis gloria exinaniretur; Apostolus tamen etiam hanc fiduciam habebat, ut, si vellet, gloriaretur de carnis circumcissione: sed sciens vacuum esse hanc gloriam, repudiavit eam.

(Vers. 5, 6, 7.) « Si quis videtur confidere in carne, ego magis, circumcissus octava die (52), ex genere Israel, de tribu Benjamin, Hebræus ex Hebræis, secundum legem pharisæus, secundum æmulationem persequens Ecclesiam Dei, secundum justitiam quæ ex lege est, conversatus sine querela. Sed quæ mihi lucra fuerant, 259 hæc arbitratus sum propter Christum damna. » Quantum ad legis culturam pertinet, et ad ejus justitiam servandam, et ad studium hæresis Phariseorum, et juxta zelum traditionis paternæ in persequendo Ecclesiam, hic parem non habuit; in cæteris enim erant consortes ejus, qui similiter essent natura Judæi. Sed quæ lucra videbantur juxta humanum sensum, comparatione Christi inventa sunt damna (53). Quare damna, nisi quia jam tempus non erat, ut Lex servaretur? inania enim erant hæc omnia, et impedimenta, ne accederetur ad gratiam; et quia hæc sunt carnalia, nostra vero spiritualia. Ideo autem de tribu se dicit Benjamin, ut genus suum extolleret super hos, qui (54) de patriarchis concubinarum Jacob filiis ducunt originem, aut propter illos, qui erant proselyti. Unde dicit: « Ego magis, circumcissione octavi diei, ex genere Israel; » ut ostenderet primum se esse inter Judæos: sed hoc se contemnere propter spem promissam a Christo. Hebræi tamen propter Abraham dicti sunt; immutata est enim littera propter sonum, ut non vocarentur Abraei, sed Hebræi: ut apud veteres cum diceretur medidie, et esset absurdum, immutata est littera, ut diceretur meridie. Si enim origo ex Abraham est, ex ipso trahi debet et nomen, non ex Heber, qui sexta generatione est super Abraham (*Gen.* xi, 14). Si enim in Abraham reformari cœpit genus hominum, et ipse est pater fidei, ex ipso et nomen et lingua Hebræa. Prima enim lingua, quæ erat sine nomine, cum huic redditur, ex eo nomen accipit. Nam nulla causa est, ut ex Heber trahat nomen; Abraham enim Chaldæus fuit, non tamen Hebræi Chaldæam linguam habent (55).

D (Vers. 8-11.) « Verum quidem omnia arbitrator damna esse propter eminentiam scientiæ Christi Jesu Domini mei, propter quem omnia damna duxi, et arbitrator stercora; ut Christum lucrifaciam, et ut inveniar in illo non habens meam justitiam, quæ ex lege est: sed eam quæ est per fidem Christi, quæ ex Deo est, justitiam super fidem ad cognoscendum eum, et virtutem resurrectionis ejus, et communicationem passionum ejus, conformans me

(54) Rom. edit., *extolleret, sive propter hos, qui, etc.*

(55) Mss. aliquot, *non tamen Chaldæi linguam habent Hebræam.*

morti ipsius; si quo modo occurram ad resurrectionem quæ est ex mortuis. » Cum superius de genere Abrahamæ, et de lege, et de justitiis ejus, et meritis observantium loqueretur, hæc omnia detrimentum deputans ad comparationem promissionum Salvatoris, nunc addit non solum hæc: « Sed et omnia damnum esse propter eminentiam, inquit, scientiæ Christi Jesu Domini mei. » Post legem et justitias ejus, quæ erunt hæc omnia; nisi ut ipsi vitæ corporis animæque anteponatur agnitio Christi? Si enim, ut dicit ad Colossenses, « in Christo sunt omnes thesauri sapientiæ et scientiæ absconditi (Coloss. ii, 3); » cuncta quæcunque sunt, nullius momenti ducenda sunt, ut ad excellentiam sapientiæ et scientiæ hujus pervenire contingat. Sufficit ergo, imo exuberat justitia, quæ ex fide est, non ex lege ad salutem, quæ ex cognitione Christi gratia Dei indulta est. Cognitio enim mysterii incarnationis, et passionis, et resurrectionis ejus perfectio vitæ est, et thesaurus sapientiæ; ubi enim sapientia, ibi est et vita; quia vita non est ubi stultitia est. Denique Salomon: « Stultus, ait, per risum agit mala (Prov. x, 23). » Qui enim intelligit sui causa Christum hominem factum et passum, et victa morte resurrexisse, contemptis et spretis omnibus, hunc sequitur, cujus præsidio videt se a morte liberatum, quærens causas ad promerendum eum; ut vel in aliquo illi vicem possit reddere, ut adhuc majora consequi mereatur promissa in resurrectione.

(Vers. 12.) « Non quod jam acceperim, aut jam justificatus sim, aut jam perfectus sim: sequor autem, si comprehendam, in quo et comprehensus sum (56) in Christo Jesu. » Quoniam in tota epistola gaudere se testatur in eis, et laudat obedientiam eorum et fidem, ne forte quasi homines inflatione, eo quod jam digni essent, extollerentur: nunc per suam personam adhuc deesse sibi ad justificationem implendam aperta voce declarat, ut contendant addere in operibus bonis. Si enim hic qui tanta præditus dignitate est, adhuc deesse sibi perfectionem confitetur; quanto magis hi intelligerent elaborandum sibi esse, ut justificationum merita adipiscerentur! Ideo subjecit: « Sequor autem, inquit, ut comprehendam, in quo et ut comprehensus sum a Christo. » Dum enim errore et æstu mentis fluctuaret, **260** de via Domini diffidens, misericordia Dei quasi fugientem gratiam Christi comprehendit cum in via, euntem ad conturbandam et affligendam Ecclesiam, ad hoc ut donum Dei addiceret (57), et gratiam quam refutabat et sciret pro hac etiam mori lucrum esse: ideoque non se posse obesse credentibus, sed sibi, si non crederet, qui rem salutarem per ignorantiam insequeretur. Ad hoc ergo comprehensus est, id

A est, a præscientia Dei (58) requisitus inventus est, et didicit mysterium Christi; ut in omni vita sua augmentum faciens meritorum, comprehendat destinatum præmium, promeritus eum, quem didicit sui causa occisum.

(Vers. 13, 14.) « Fratres, ego me non arbitror adhuc comprehendisse. Unum autem, quæ quidem retro sunt obliviscens, ad ea autem quæ ante sunt, extendens me, secundum destinatum insequor ad palmam supernæ Dei vocationis. » Hoc est quod supra dixit, quia ideo laborare se significat, ut quotidie in melius proficiat, semper extendens se ad potiora; ut illa quæ retroacta sunt obliviscens, meliora sectetur: non quia mala sunt, sed quia parva sunt ad meritum collocandum: in melius autem proficiendum, ut ad destinatum cœlestis præmium occurratur; causa enim tam admirabilis et invisibilis præmii non leviter utique certandum esse pronuntiat.

(Vers. 15.) « Quotquot ergo perfecti sumus, hoc sentiamus. » Superius perfectum esse se negat, sed juxta promissum, ut adhuc addatur ad meritum: ad comparationem autem cæterorum, qui res divinas negligentius curant, perfecti dicendi sunt, qui adhibita solertia, perfectionis iter ambulant. Hoc ergo sentiendum est, ut in melius proficiant. « Et si quid aliter sentitis, id quoque vobis Deus revelabit. » Hoc dicit, ut si quid amplius ad culturam melioratæ conversationis excogitaverint, Dei existiment donum esse, ne per hoc inflarentur.

(Vers. 16.) « Verumtamen ad quod pervenimus, ut idem sapiamus, et in eo ambulemus. » Ne qua hinc oriretur præsumptio, et putaretur quod a Deo non erat revelatum; ideo subjecit dicens: « Ad quod pervenimus, ut idem sapiamus, » hoc est, non extra regulam disciplinæ sapere in conversatione fidei: sed hoc sapere, quod commune sit et modestum in evangelica veritate.

(Vers. 17, 18, 19.) « Imitatores mihi estote, fratres, et considerate eos, qui sic ambulant, sicut habetis formam nostram. » Vult illos sollicitos esse, ne pravorum hominum subtilitate capiantur, et notare unumquemque qualiter et conversetur et doceat; ut his jungantur, in quibus sensum magistri sui agnoverint. « Multi enim ambulant, quos sæpe dicebam vobis, nunc vero et flens dico, inimicos crucis Christi: quorum finis est interitus, quorum Deus venter est, et gloria in confusione illorum (59), qui terrena sapiunt. » Hi quos significat, e numero eorum sunt qui Galatas everterant. Cum dolo enim ambulantes, Ecclesias Dei subvertebant, sub nomine Christi judaismum colendum prædicantes, quasi sibi Christus promissus sit. Quos cum dolore et lacrymis memorat; quia saluti cre-

(56) Rom. edit., *Non quod apprehenderim, aut jam perfectus sim; sequor autem si quomodo comprehendam.*

(57) Nonnulli mss., *addiceret, cujus gratiam*

refugiebat.

(58) Gill. in marg. et Rom. edit. in corp. cum mss. quibusdam, *id est, a præsentia Dei.*

(59) Rom. edit., *et gloria in pudendis illorum.*

dentium obsistebant, de cibis edendis et non edendis quæstiones moventes, quasi salus in esca sit, aut venter Deus, quem juxta legem mundis escis delectari putabant, gloriantes in pudendis circumcisis; hoc est, terrena sapere: qui autem spiritualia sapit, in fide, in spe, in charitate gloriatur. Ad locum autem hunc non pertinet, (60) ut quæstus causa aut gulæ dixerit: « Quorum Deus venter est. »

(Vers. 20, 21.) « Nostra autem conversatio in cælis est; unde et Salvatorem exspectamus Dominum nostrum Jesum Christum, qui transfigurabit corpus humilitatis nostræ conforme corpori gloriæ suæ, secundum operationem suam, qua possit etiam subjicere sibi omnia. » Spiritualia curantes in cælis agere dicuntur, cum ipsi adhuc sint in terris; quomodo mali Principes et Potestates, cum sint adhuc ipsi in firmamento, conversatione tamen in terris sunt. Christianorum ergo actus in cælis sunt, ubi et spes salutis eorum est, qui est Christus, quem omnis fides exspectat ad transfigurationem corporis carnis; ut quod ex humo est, (61) indutum spiritali veste, conforme efficiat adventu majestatis suæ corpori gloriæ suæ, juxta operationem suam, id est secundum virtutem suam, « qua possit subjicere sibi omnia; » hoc est, quia per resurrectionem mortuorum et immutationem in gloria apparebit virtus Domini 261 manifestata, comprimens omnes Principes et Potestates, ut manifestetur ipse Deus et Dominus esse omnium.

CAPUT IV.

(Vers. 1.) « Itaque, fratres mei charissimi et desideratissimi, gaudium meum et corona, sic state in Domino, dilectissimi. » Commonet ut in eadem fide perseverent; gaudium enim ejus ad præsens constantia illorum est, et in futurum corona. Discipulis enim in agone victoribus, dignus erit corona magister.

(Vers. 2, 3.) « Evodiam rogo, et Syntychen obsecro idem sapere in Domino. Et te rogo etiam, germane compar, adjuva illas quæ laboraverunt mecum in Evangelio cum Clemente, et cæteris, qui sunt mihi participes operum, quorum nomina sunt in libro vitæ. » Evodiam et Syntychen ad prudentiam amplificandam (62) hortatur, adjuvantibus quos memorat, ut sicut in operibus Evangelii profecerant, proficerent et in scientia et sapientia Dei, quos omnes merito fidei in libro vitæ haberi pronuntiat.

(Vers. 4.) « Gaudete in Domino semper, iterum dico, gaudete. » Lætus Apostolus in operibus et fide eorum, ad cumulandam alacritatem suam exoptat illos in hoc studio proficientes, in Domino semper gaudere; hoc est enim quod iterat, ut se vera affectione gaudere in illis ostendat.

(60) Eadem Rom. edit., *Ad locum autem hunc pertinet.*

(61) Mss. nonnulli, *ut quod ex uno est.*

(62) Eras. et seq. edit., *ad prudentiam amplectendam.*

(63) Rom. edit., *sed per omnem orationem et*

(Vers. 5, 6, 7.) « Modestia vestra nota sit omnibus hominibus, Dominus prope est. In nullo solliciti sitis: sed per omnia oratione et prece, cum gratiarum actione postulationes vestræ innolescant (63) apud Deum. Et pax Dei, quæ exsuperat omnem mentem (64), custodiat corda vestra, et sensus vestros in Christo Jesu. » Nunc exemplo eorum alios vult lucrari; cum enim modestia eorum manifestata fuerit, id est, rationabilis conversatio, lucebunt opera eorum, et non deerunt, qui imitentur bonum illorum; ut non solum priorum gestorum, sed et aliorum augmentum (65) consequantur; ut sicut dictum est, labores fructuum suorum edant (*Psal. cxxvii, 2*). Quando enim fructus operum suorum alios acquirit ad opus bonum, labores eorum qui acquisiti sunt, proficient eis, quorum exemplo bona opera imitari cœperunt.

« Dominus, ait, prope est. In nullo solliciti sitis; » hoc est, præparatos esse debere, et vigilare in oratione et prece, Deo gratias agentes, seposita mundi sollicitudine, illud sperare, et ante oculos habere, quod Dominus repromisit, unde et gratias ei agendas docet; Domino enim imminente, sollicitudo sæculi cessat. Ut quid enim solliciti sint de re cito peritura? Ac per hoc, « postulationes vestræ notæ, inquit, fiant apud Deum. » Quæ notitia assiduitate fit, et vigilantia orationis. Tunc demum munitionibus pacis suæ, « quæ omnem exsuperat mentem, custodiat corda vestra in Christo Jesu. » Hoc ideo dixit, quia cum Deo qui habet pacem, non timet omnem mentem adversam; tutus enim est pace Dei omnis diligens Deum in Christo Jesu. Quis enim non metuat eum, quem scit Dei esse amicum?

(Vers. 8, 9.) « Quod reliquum est, fratres, quæcunque sunt vera, quæcunque magnifica, quæcunque justa, quæcunque sancta, quæcunque amabilia, quæcunque laudabilia, si qua virtus, si qua laus disciplinæ: hæc cogitate. Quæ et didicistis et accepistis, et audistis, et vidistis in me; hæc agite, et Deus pacis erit vobiscum. » In conclusionem, quæ reliqua erant, ad imitationem perfectionis exponit; ut ea quæ non solum in vituperationem non cadunt, verum etiam laude digna sunt, et cogitantes et agentes, secuti formam Apostoli, Deum pacis habeant secum. Deus noster vere Deus pacis est, qui non rogatus quasi potens, non timidus quasi infirmus ad pacem hortatur, in tantum ut et peccata in se commissa concedat; cum possit utique terrore manifestatæ potentiae, et ineffabilis magnitudinis suæ etiam invitos (66) non ad pacem cogere, sed ad subjectionem. Sed hujusmodi pax mundi est, non Dei, cujus ipsa natura pax est.

precem..... notæ fiant, etc.

(64) Quidam. mss., *quæ exsuperat omnem sensum.*

(65) Codex Laud., *sed et aliorum meritum.*

(66) Mss. Vall., *terrorem manifestare potentiae suæ..... et etiam invitos, etc.*

(Vers. 10.) « Gavisus sum autem in Domino A magnifice, quod tandem 262 aliquando refloruitis ad hoc, ut pro me sentiat, in quo et sentiebatis; (67) occupati enim eratis. » Nunc alacritatem suam propensiolem factum ostendit; quia in quo negligentiores facti fuerant, adhibita solertia, opus pristinum iterarunt, memores facti Apostoli sui; ut fructus suos ad eum mitterent condendos in horreo cœlesti, ubi neque tinea, neque rubigo exterminant (*Matth.* vi, 20).

(Vers. 11, 12, 13.) « Non quasi propter penuriam dico; ego enim cognovi in quibus sum sufficiens esse. Scio et abundare, scio et humiliari (ubique et in omnibus imbutus sum) et saturari, et esurire, et abundare, et penuriam pati: omnia possum in eo qui me confortat. » Non se sui causa in hoc eorum opere gaudere, sed in profectu eorum ipsorum se ante omnia contentum, Deo adjuvante, testatur; ut neque de penuria contristaretur, neque de abundantia exsultaret, sciens quia et abundantia frequenter extollit, et tolerata penuria divitias cœlestes acquirit. Horum tamen opera in se benigna declarat; multorum enim necessitatibus profuit.

(Vers. 15, 16, 17.) « Scitis autem et vos, Philippenses, quia in principio Evangelii, cum profectus sum a Macedonia, nulla mihi Ecclesia communicaverit in ratione dandi et accipiendi, nisi vos soli; quia in Thessalonica cum essem, semel et iterum usibus meis misistis: non quia munus quæram, sed requiro fructum crescentem in rationem vestram. » Hæc idcirco commemorat, ut audientes in memoria et laude esse opera sua, non dubitent illa accepto ferri apud Deum, sed magis studium fidei adhibeant.

(Vers. 18.) « Percepi tamen omnia, et abundo; repletus sum acceptis ab Epaphrodito, quæ a vobis missa sunt in odorem bonæ suavitatis, hostiam acceptabilem, placentem Deo. » Non otiose commonet debere fieri, nec aliunde hortatur, quod factum proficitur; nisi quia aut negligentius, aut minus copiose, sicut solitum erat ab eis fieri, factum videbatur; ut reminiscens priorum operum, scirent se minus fecisse quam cœperant. Licet

(67) Rom. edit., *magnopere, quod.... refloruitis, ut pro me sentiat id, quod sentiebatis.*

enim non improbet factum, sed significet devotiores illos ante in opere hoc fuisse; tamen gratum esse, et accepto ferre Deum (68), quasi sacrificium placitum. Denique Dominus ait: «Facite eleemosynam, et ecce omnia munda vobis sunt (*Luc.* xi, 41). » Quam gratum ergo opus est, ut omnem maculam hominis et sordes emundet!

(Vers. 19.) « Deus vero meus impleat omne desiderium vestrum secundum divitias suas in gloria in Christo Jesu. » Idco discrevit, dicens: « Deus meus; » ut secundum ea quæ præstabat meritis ejus, auxilia adessent, et desideriis eorum, in copia magnitudinis bonitatis suæ in gloria Christi Jesu. Gloria est Christi Jesu, cum Dei nutu Christianorum implentur desideria secundum evangelicam disciplinam.

(Vers. 20.) « Deo autem et Patri nostro gloria in sæcula sæculorum, amen. » Hic non discrevit, sed generaliter ait: « Deo et Patri nostro gloria. » Deus est propter timorem, Pater autem honoris causa, et quia ab ipso est omnis origo; ipse enim dixit in Malachia propheta: « Si Deus ego sum, ubi est timor meus? et si Pater ego sum, ubi est honor meus (*Malach.* i, 6)? »

(Vers. 21.) « Salutate omnem sanctum in Christo Jesu (69). » Hunc salutate in Christo Jesu, qui se sanctificat; ut Christo dignus habeatur, qui dixit: « Sancti estote; quoniam ego sanctus sum, Dominus Deus vester (*Levit.* xix, 2). »

(Vers. 22.) « Salutant vos qui mecum sunt fratres. » Salutatio fratrum solatium invicem præstat, quasi imagines enim exhibet divulsorum. « Salutant vos omnes sancti, maxime qui de Cæsaris domo sunt. » Hos significat propensiolem affectum habere circa eos, qui de domo Cæsaris sunt, istos et potiores supra memoratis ostendit fratribus; quia hos et sanctos appellat.

(Vers. 23.) « Gratia Domini nostri Jesu Christi cum spiritu vestro, amen. » Quoniam de Salvatoris persona quæstiones oriuntur, hic ut soliditatem in eo divinitatis approbet, tuitionem gratiæ ejus spiritui nostro exoptat.

(68) Rom. edit., *et acceptum fieri apud Deum.*

(69) Rom. edit., *Ille salutatur in Christo Jesu.*

IN EPISTOLAM B. PAULI AD COLOSSENSIS.

263 PROLOGUS.

Colossenses pseudoapostoli evertere nitebantur, ut post prædicationem Epaphræ sive Archippi philosophicis disputationibus irretirent simplicitatem mentis eorum: ne spernerent rationes elementorum, quibus quasi gubernatur vita humana. Idcirco hos Apostolus hortatur per epistolam, et admonet ne alicui præter Christum aliquam esse spem putarent, et deciperentur.

D

CAPUT PRIMUM.

(Vers. 1, 2, 3.) « Paulus apostolus Christi Jesu per voluntatem Dei, et Timotheus frater, his qui sunt Colossis sanctis et fidelibus fratribus in Christo Jesu. Gratia vobis et pax a Deo Patre nostro, et Domino Jesu Christo. » Caput epistolæ solito more scribit ad eos, in quo et sanctis et fidelibus fratribus litteras se ordinare prosequitur, quibus exoptat Dei gratiam manere per Christum.

(Vers. 4, 5, 6.) « Gratias agimus Deo et Patri Domini nostri Jesu Christi, semper pro vobis orantes, audita fide vestra in Christo Jesu, et dilectione quam habetis in omnes sanctos propter spem quæ reposita est vobis in cœlis, quam ante audistis in verbo veritatis Evangelii quod pervenit ad vos, sicut et in universum mundum. » Quoniam dignum habuit Deus credere istis Filium suum, gratias ei refert in orationibus suis. Deinde propter charitatem quam habebant in sanctos, fidi quia pro hac spes firma (70) est apud Deum, qua remuneraturus creditur credentes et diligentes se invicem, auctore Christo, cujus nomen pervenit ad omnes gentes, ut multiplicentur in fide ejus.

(Vers. 7, 8.) « Et est fructificans et crescens, sicut et in vobis, ex qua die audistis et cognovistis gratiam Dei in veritate, prout didicistis ab Epaphra dilecto conservo nostro, qui est fidelis pro vobis minister Christi, qui etiam notam fecit nobis vestram dilectionem in spiritu. » In exemplum cæterarum gentium nos crescere et fructum (71) vitalem facere alacri sermone prosequitur; ut ex eo quod Dei gratiam perceperunt, proficerent et numero et opere, adjungentes fidei suæ qui fierent fratres eorum in Christo. Exemplo enim bonorum operum illorum (72) attracti sunt multi, teste illis Epaphra, qui eis ministravit gratiam Christi vice Apostoli, quam statim imbiberunt ut potum spiritalem in Domini charitate, quæ non in carne est, sed in spiritu.

(Vers. 9, 10.) « Idcirco et nos ex qua die audivimus, non cessamus pro vobis orantes et postulantes; ut impleamini agnitione voluntatis ejus in omni sapientia et intellectu spirituali in hoc, ut ambuletis digne eoad omne placitum in omni opere bono. » Audiens Apostolus devotam ac promptam voluntatem illorum circa fidem Christi, orat pro eis; ut propensius agnita voluntate Dei, rationabili opere explerent devotionem, quam audita fide Christi didicerant, ne tam fida mentis dicatio (73), et robor fidei, dum inconsulte aliquid et imperite conficeret, laboris sui fructum amitteret. Hoc enim libenter accepto fertur, quod devoto fit animo, et prudenter.

(Vers. 11, 12, 13.) « Fructificantes et crescentes in agnitionem Dei, in omni virtute robor capientes secundum potentiam gloriæ ejus in omnem patientiam et longanimitatem, cum gaudio gratias agentes Deo et Patri, qui vocavit vos in partem sortis sanctorum in lumine, qui liberavit nos a potestate tenebrarum, et transtulit in regnum Filii charitatis suæ. » Incrementum operum eorum cum scientia vult fieri, ut non ignorent fidei suæ spem; tunc enim firmi et stabiles sunt, si advertant quæ pro fide promissa sunt, et quanta sit potentia gloriæ majes-

A tatis Dei in patientia; ut longa expectatione sustineat humanum genus, quod irreverentia sua non solum negligit Creatorem, verum persequitur amantes eum: ut et ipsi similiter patientes sint, ut supportent probra et maledicta 264 infidelium, vel si illata fuerit pressura, expectantes judicium Dei, nec dubitantes de eo, magis autem gaudentes in promissa vita cum gratiarum actionibus Deo, qui dignatus est advocare et inducere gentes in promissionem Judæorum, quæ est lumen æternum, id est, vita æterna, veritas perpetua. Liberati enim de conditione tenebrarum, hoc est, eruti de inferno, in quo tenebamur a diabolo tam ex proprio quam ex delicto Adæ, qui est pater omnium peccantium, translati sumus per fidem in regnum cœlestis Filii Dei: ut ostenderet nobis Deus quo amore diligit nos, quando attollens nos de imo tartari, induxit in cœlos cum vero Filio suo. Jam enim omnes credentes, qui fixa mente devoti sunt, exeuntes de sæculo, duce dextræ Patris Angelo, inducuntur in cœlos, quod ante devictam mortem concessum non erat.

(Vers. 14.) « In quo habemus redemptionem, et remissionem peccatorum. » In hujus Filii sui regnum transtulit nos Deus, per quem nos redemit, et remisit; remissio enim peccatorum liberos facit, ut liberati debitis, teneri obnoxii non possint. Nam sine fide Christi nullus egressus de inferno est; quia obligatus peccatis exire januas Tartari non potest. « Qui est imago invisibilis Dei. » Invisibilis Dei imago visibilis esse non potest (74), alioquin nec imago est; quod enim invisibile est, pingi non potest; nec enim visibilis potest invisibilem videre; aut enim corpus est, quod videtur, aut figura, aut aliqua informata substantia, quam fert acies oculorum, totum tamen corpus est: Deus autem, qui ab iis omnibus alienus est, quomodo potest imaginem habere visibilem? Sed ideo sic dicitur, ut talis Filius intelligatur, qualis est Pater; ut quia de ipso est, et nihil distat ab eo in divinitate naturæ, imago ejus dicatur et forma; ne alius Deus a perfidis crederetur, quamvis nomine ipso hoc contineatur; ideo enim verus Dei Filius dicitur, ut de ipso esse credatur. Sed propter malam intelligentiam etiam hoc additum est, ut et imago ejus dicatur; ut cum apparet, licet in figura humana, aut certe in igne, ut ad Moysen (Exod. iii, 2), non ipse Pater intelligatur esse, sed Filius: et per id quod imago ejus dicitur, nihil ab eo distare credatur. Unde dicit ad Philippum: « Philippe, qui me videt, videt et Patrem. Quomodo tu dicis: Ostende nobis Patrem? Non credis quia ego in Patre, et Pater in me est (Joan. xiv, 9, 10)? » Hæc est unitas et substantialitas Patris et Filii, ut invicem sint; ut qui videt Filium, videat et Patrem. Nunc videamus quomodo visus est Filius; ut proinde intelligamus qua ratione Philippus videndo

(70) Rom. edit. sola, *credentes quia per hanc spes firma, etc.*

(71) Mss. aliquot, *hos recreare et fructum, etc.*

(72) Nonnulli mss., *bonorum operum aliorum.*

(73) Omnes edit. et quidam mss., *mentis ædificatio*; concinnius alii mss. *mentis dicatio.*

(74) Nonnulli mss., *Imago Dei invisibilis esse non potest.*

Filium, videat et Patrem. Intellectu certe operum A
divinorum viderunt Filium, non carnalibus oculis.
Quæ operatus est Filius, dixit esse Patris; ut uni-
tatem virtutis ostenderet. Eodem genere visus est
et a Jacob; unde nomen accepit Israel, id est, homo
« videns Deum (*Gen. xxxii, 28*) ». Propter hoc ergo
imago est dictus invisibilis Dei; ut ipse esse intel-
ligeretur, qui per intellectum visus est Deus:
Patrem autem nunquam ullo modo apparuisse,
sicut dictum est in Evangelio: « Deum nemo vidit
unquam (*Joan. i, 18*). »

(Vers. 16.) « Primogenitus universæ creaturæ. »
Ante omnem creaturam, genitum Filium non crea-
tum, testatur; ut secerneret nativitatem ejus a
creaturæ factura: et ut hoc penitus clarescat,
subjicit:

« Quia in ipso condita sunt omnia in cœlis et in
terra. Visibilia et invisibilia, sive Throni, sive
Dominationes, sive Principatus, sive Potestates,
omnia per ipsum et in ipso condita sunt. » Non
solum in eo magnificentum et gloriosum significat
Christum; quia antequam fierent omnia, natus est:
sed et in ipso dicit omnia condita, hoc est, ut omnium
potentia in eo esse credatur, et ideo profecta (75),
dum omnia fiunt per ipsum: hoc est autem caput
esse totius creaturæ; quia ipso ut sint, esse cœpe-
runt. Ideo autem quæ ab ipso facta sunt, per ipsum
facta dicuntur, quia ad hoc natus est 265 ut faceret
creaturam: hoc est, fecisse in eo (76), et per eum.
Nec enim sibi nativitas sua proficit, sed nobis; quia
non eguit nasci, qui in his erat (77). Quomodo ut
unicus Dei Patris Filius, quomodo ipse novit quæ
ingenita sunt Dei Patris? Erat enim in Deo, qui pro-
cessit de Deo, ita ut unus esset Deus: ac sic fit, fit
neque diminutio sit Patris, neque profectus Filii,
dum nascitur. Et ut apertius tradat quæ et quanta
sit potentia Filii, ostendit quæ per ipsum sint,
nempe Throni, Dominationes et Principatus, ac Po-
testates; ut proinde omnino minus nihil in eo esse
credatur quam in Patre.

(Vers. 17.) « Et ipse est ante omnes. » Ante omnes
hic est; quia hic solus de Deo Patre natus est, de
ingenita utique substantia Dei. Hæc autem virtute
ejus, quam per generationem habet a Patre, sub-
stituerunt; non ut communio eis substantiæ sit (78)
cum eo, sed ex nihilo nutu Dei Patris Filio agente
cœperunt. « Et cuncta in ipso constant. » In ipso
constant, quia sine eo nihil sunt; nisi enim huic
fuerint subdita, errore devia, quasi perditioni fient
obnoxia.

(Vers. 18.) « Et ipse est caput corporis Ecclesiæ,
qui est principium, primogenitus ex mortuis; ut

fiat in omnibus ipse primatum tenens. » Ecclesiæ
caput est Christus, si tamen omnes unum sentiant
cœlestes et terreni; ut sint Ecclesia, hoc est, unius fidei,
si quominus truncati capite totius corporis, id est,
a Creatore suo sejuncti, amentia quadam et vanita-
te bacchantur. « Qui est principium, primogenitus ex
mortuis; ut fiat in omnibus ipse primatum tenens. »
Quoniam omnia per ipsum sunt; per ipsum denuo
negligentia quadam facto caduca, reformanda fue-
runt; ne ad injuriam ejus pertineret, si opus ejus
per alterum restauratum fuisset; ut quomodo ante
omnes natus est, sic iterum ante omnes primus es-
set ex resurrectione mortuorum, reddita pristina
vita; ante omnia enim natus est de Deo, ut cuncta
crearet, quæ non erant. Iterum autem accepta carne
de virgine natus est, ut peccatum quod ex virgine
Eva intraverat in mundum, aboleret. Natus ergo,
et mortuus resurrexit, ut quæ primum fecerat,
postea iterum recrearet; quia per errorem fuerant
velut mortua, ut semper in omni vita sit primus et
princeps.

(Vers. 19.) « Quia in ipso complacuit Patri omnem
plenitudinem inhabitare. » Plenitudo in ipso est
et manet; quia omnia potest semper, ut nihil ex-
ceptum sit, quod non per eum possit præstari; ut
et faceret, et reformaret, et lapsa erigeret, et mor-
tua vivificaret. Unde ait: « Sicut habet Pater vitam
in semetipso; ita dedit et Filio vitam habere in
semetipso (*Joan. v, 26*), » et: « Sicut Pater suscitavit
mortuos et vivificat, sic et Filius quos vult vivi-
ficat. Nec enim Pater judicat quemquam, sed om-
ne judicium dedit Filio (*Ibid. 21, 22*). » Quid tam
justum, nisi ut horum quæ fecit per illum, ipsi daret
judicium, ut omnis plenitudo divinitatis (79) habi-
taret in ipso per id quod diximus, omnem illum pote-
statem in se habere: hoc est, Deum esse perfectum;
qui enim hæc omnia non habet, non est Deus.

(Vers. 20.) « Et per eum reconciliare omnia in
ipsum, pacificans per sanguinem crucis ejus, sive
quæ in cœlis sunt (80), sive quæ in terris. » Hoc
est quod supra memoravit, quia ut ea omnia, quæ
fecit, per illum restauraret, cum errore quodam
discrepare jam cœpissent ab invicem, nec non et ab
auctore (est enim adhuc error in carnalibus cœlis)
humiliavit eum, incarnando illum, ut homo factus
ostenderet ac doceret quomodo possent ea, quæ in
firmamento sunt, et super terram reconciliari Crea-
tori. Quod ut ad perfectum perduceret, occidi se
passus est propter homines; ut quos apud superos
docuerat, exeuntes hinc a morte secunda teneri non
possint; ut doctrina ejus fructum haberet primæ
institutionis, et omnia facta per ipsum viverent in

(75) Vet. edit. ac mss. aliquot, *et Deo eo profecta*; Rom. edit., *et a Deo profecta*; melius alii mss. ut in contextu.

(76) Rom. edit., *et hoc est Deum fecisse in eo*; aliæ ac mss. omittunt *Deum*, et pro *in eo* Amerh. et quidam mss. efferunt, *in eum*.

(77) Eadem Rom. edit. sola, *qui erat*.

(78) Rom. edit., *non quia ejusdem communio substantia sit*. Infra vero pro *in ipso constant*, in quibusdam mss. legitur, *ipsi constant*.

(79) Ita vet. edit. ac mss.; edit. autem Rom., *et ut ipsa plenitudo.... in ipso? et id est, quod diximus.... in se habere, quod est, etc.*

(80) Mss. nonnulli, *sive quæ in excelsis sunt*.

psa quasi in auctore, sicut Petrus fatetur in Actibus apostolorum (*Act. xvii, 28 ; iii, 15*).

(Vers. 21, 22.) • Et vos quondam alienatos et inimicos consiliorum ejus in operibus iniquis, nunc autem reconciliatos in corpore carnis e us per mortem, exhibere oportet vos sanctos et immaculatos et irreprehensos in conspectu suo. • Quale donum Dei sit erga gentes memorat, ut ostendat eos debitores, et quidem multum, in gratiarum actionibus Dei ; qui cum inimici essent consiliorum ejus, quibus decrevit visitare genus humanum per famulum suum Moysen, cujus doctrinam et potestatem non receperunt, devoti idolis suis, imo operibus iniquis ; adoraverunt enim opera sua, quæ fecerunt : **266** misericordia autem et providentia Dei requisivit eos : ut gratuito Dei gratiam consequerentur, redeuntes ad eum in conscientia munda ; ut in die judicii dum nihil erroris veteris inveniretur in his, adcorporarentur Creatori suo, qui ut prodesset humano generi, incarnatus homo factus est, ut in carne sua vinceret mortem.

(Vers. 23, 24.) • Si quidem perseveratis in fide fundati, stabiles et immobiles a spe Evangelii, quod audistis, quod prædicatum est in universa creatura, quæ sub cælo est. Cujus factus sum ego Paulus minister, qui nunc gaudeo in passionibus pro vobis, et suppleo reliquias pressurarum Christi in carne mea pro corpore ejus, quod est Ecclesia. • In tribulationibus, quas patiebatur, exsultare se fatetur ; quia profectum suum videt in fide credentium. Non est enim inanis tribulatio, quando eum pro quo patitur, acquirit ad vitam. Quas passiones Christo dicit inferri, cujus utique doctrinam persequuntur ; ut et perfidos gravet impietatis suæ credulitate, et fidelibus Dei prædicet charitatem, cujus Filius nunc usque injurias patitur pro nobis. Nunc igitur intelligi vult qua causa scribit ad eos, cum dicit : • Si tamen perseveratis in fide fundati ; • ut scirent tunc prodesse sibi passionem Christi, si in accepta fide manerent. Idcirco enim omnipotentia magnitudinis quanta sit Christi, et quam infinita, ab initio declaravit, ut doceret in ipso solo spem ponendam ; quia ipsius sunt omnia, et quia nihil sine ipso potest vivere, neque in cælis, neque in terris. Ante omnes enim est, et cuncta in ipso constant, quia in omnibus ipse primatum tenet ; ut si quis alicui elementorum aut angelorum, vel Potestatum devotum se debere esse putet, errare se sciat. Illic enim unus est Filius Dei, caput omnis principatus et principii, cujus Evangelium prædicatum est in toto mundo, incipiens a Moyse, qui dixit Judæis : • Quia Prophetam vobis suscitabit Dominus Deus vester ex fratribus vestris, tanquam me. Ipsum audietis ; erit enim, quicumque non audierit prophetam illum, exterminabitur de plebe (*Deut. xviii, 15, 19*). • Unde Dominus ait Judæis : • Quia Moyses de me scripsit (*Joan. v, 46*). • Itaque hic unus audiendus

(81) Omnes edit. et quidam mss., *vita infidelitatis* ; alii plures potioresque, *victa infidelitas*.

A est et colendus, nec ad hunc æstimandus est quisquam ; quia qui caput tenet, reliquam partem subjectam habet. Nam qui se subjectis humiliat, totus errat ; quia non tenens caput truncus est, ex quo totum corpus continetur ad vitam.

(Vers. 25, 26.) • Cujus factus sum ego minister secundum dispensationem Dei, quæ data est mihi in vos, ad implendum verbum Dei in mysterio quod absconditum fuit a sæculis sæculorum, et a generationibus. • Ministrum factum se esse Evangelii inter gentes a Deo per Christum cum fiducia loquitur, ut mysterium cœptum a Domino per idoneum et efficacem servum possit impleri, quod ignotum fuit a sæculis.

(Vers. 27, 28.) • Nunc vero declaratum est sanctis ejus, quibus voluit Deus demonstrare quæ sint divitiæ majestatis mysterii Dei in nationibus, quod est Christus in vobis spes gloriæ, quem nos annuntiamus. • Mysterium quod latuit a sæculis, modo Revelatum asserit, id est, tempore apostolorum ostensum ; quia et gentes admittendæ essent sine circumcissione carnis ad fidem Christi, qui promissus erat Judæis. Prius enim ante prædicationem fidei circumcidi mandatum est gentiles, si voluissent ad legem accedere : nunc autem misericordia Dei, ita ut sunt, suscipi jussi sunt ad fidem. Quod indignum putabatur Judæis, ut Christus in quo spes erat Judæorum, etiam gentes participes faceret gloriæ suæ.

(Vers. 29.) • Monentes omnem hominem, et docentes in omni sapientia, ut exhibeamus omnem hominem perfectum in Christo : in quo laboro, certans secundum operationem ipsius, quæ operatur in me in virtute. • Hanc dicit veram esse sapientiam, quæ est in disciplina Dominica, cum agnoscitur Christus. Quod se ipsum Apostolum magna cum cura agere testatur ; ut erudiens omnem hominem in hac sapientia, consummatum eum exhibeat Deo in intellectum Christi, ut mysterium nativitatis ex Deo, et nativitatis ex Maria et totius operis ejus cœlestium et terrestrium assequatur. Cujus rei certamen contra perfidos habere se loquitur, adjuvantibus signis virtutum : ut per hæc victa infidelitas (81) comprimatur. Qui enim verbis subtilitate quadam diabolicæ versutiæ ausus est contradicere, pudore correctus, necesse est cedat virtuti.

267 CAPUT II.

(Vers. 1, 2, 3.) • Volo enim vos scire, quantam sollicitudinem habeam pro vobis, et pro his qui Laodiceæ sunt, et quotquot non viderunt faciem meam in carne ; ut consolationem accipiant corda eorum, cum fuerint instructi in charitate in omnes divitias plenitudinis intellectus, ad agnitionem mysterii Dei in Christo (82), in quo sunt omnes thesauri sapientiæ et scientiæ absconditi. • Non se minus sollicitum pro his quos in carne minime vi-

(82) Rom. edit. *mysterii Dei et Patris in Christo*. Et infra, *sacramenti Dei et Patris*.

dit, quam pro illis erat quibus præsens prædicabat, A testatur; ut scirent non minore affectu diligere se ab eo, quia eos non viderat, quam cæteros apud quos erat, diligebat; ut foveret animos eorum in charitate, et prompti fierent per epistolam, et agnitionem acciperent sacramenti Dei in Christo, advertentes has esse sapientiæ et scientiæ divitias, si agnoscat Christus in deitatis suæ plenitudine adorandus. Omne igitur mysterium sacramenti Dei in Christo est. Hic est enim unus, in quo omnis creatura nisi speraverit, peribit; ut omnium potentia in eo sit, ut qui cognoscit istum, cunctorum quæcunque sunt, cognitionem videatur habere, nec colendus alius præter hunc requiratur; quia omnium potentiarum virtus in eo est; ex ipso enim habent omnes (83). Unus enim cum sit, omnia potest: quare et caput B omnium dicitur, ut per ipsum omnes subsistere videantur. Digne ergo omnes thesauri sapientiæ et scientiæ in eo dicuntur absconditi. Omnis enim scientiæ ratio totius creaturæ supernæ et terrenæ in eo sit oportet, qui omnium eorum caput est, sive angelorum, sive solis, sive lunæ, sive stellarum, aut cæterarum rerum, omnis scientiæ peritia in auctore illorum est; ut qui hunc agnoscit, nihil ultra requirat, nec sapientiam, nec virtutem, quia agnovit eum, in quo perfecta virtus, perfectaque sapientia est. Quidquid enim alibi se putaverit invenire, plene in et hoc abunde inveniet. Nam quid sapientius Salomone? quid prudentius Daniele? quibus idcirco Deus præ cæteris sapientiam dedit, ut notum faceret infidelibus totius se sapientiæ esse auctorem. Denique Nabuchodonosor dicit Danieli, admirans super sapientiam ejus: « Vere Deus vester ipse est Deus vivus (84), et aperiens mysteria (Dan. 11, 47). » Quod quidem omnem incredulum latet in Christo esse omnem sapientiam et scientiam; quia non legunt in Evangeliiis astrologiam, non in Apostolo geometriam, non in prophetis arithmeticam nec musicam: quæ idcirco despecta sunt a nostris, quia ad salutem non pertinent, sed magis mittunt in errorem, et avocant a Deo; ut dum his student ratiocinationum disputationibus, animæ suæ curam non agant. Quæ enim tam vera sapientia est, quam cognovisse quod prosit, et despexisse quod obsit? Obest enim; quia impedit animam, ne curam sui agat. Non immerito ergo qui Christum C agnovit, invenit thesaurum sapientiæ et scientiæ; agnovit enim quod ei sit utile.

(Vers. 4, 5.) « Hoc dico, ut nemo vos circumveniat in subtilitate sermonis. Nam etsi corpore absens sum, spiritu tamen vobiscum sum, gaudens et videns ordinationem vestram (85), et supplens id quod deest utilitati fidei vestræ in Christum. » Commonet ne in malorum colloquiis et astutia iniquitatis sensuseorum transduceretur; quia sapientes

(83) Rom. edit., *habent omnes id quod habent.*
 (84) Eadem Rom. edit., *ipse est Deus verus.*
 (85) Mss. aliquot, *et videns ordinem vestrum.*
 (86) Rom. edit., *abundantes in illa.*

mundi arte quadam et minutiis disputationum irretire gestiunt simplicium animos; ut ratione mundanarum rerum abstrahant eos a spe, quæ est in Christo. Unde Apostolus spiritu se illic adesse dicit, ut reverentiam ejus ante oculos habentes, abstinere se ab hujusmodi hominibus. Si enim spiritus Elisæi prophetæ vidit fraudem Giezi euntis ad Naaman Syrum, ut acciperet sub nomine ejus, quæ illi mandata non fuerant, et descendantem prompto animo Naaman ei plus dedisse, quam fuerat postulatus (IV Reg. v, 26); quanto magis Apostolus ea, quæ dixit, poterat in spiritu videre! Major enim gratia fuit in apostolis, quam in prophetis. Et ut promptiores illos faceret circa traditionem evangelicam, gaudere se dicit in dispositione conversationis illorum; ut scientes unde Deo placeatur, in eo fierent firmiores, per quod digni effecti ad utilitatis profectum fidei suæ addiscerent sensum.

(Vers. 6, 7.) « Quemadmodum igitur accepistis Christum Jesum Dominum, in ipso ambulate, radicati et ædificati in ipso, et confirmati fide, sicut et docti estis, ambulantes in illa (86) cum gratiarum actione. » Hoc monet et hortatur ne devotio eorum minueretur, et recederent a fide quam fuerant assecuti, et pravis fabulis eversi, aliter Christum acciperent, quam didicerant. 268 Multi enim corruptores fidei circumibant ad seducendos simplices, dolose et cum simulatione annuntiantes Christum, quos evitari monet magna cautela; ut stabiles et firmi supra fundamentum Trinitatis, spe futurorum gratias uberes agerent super misericordia Dei.

(Vers. 8, 9.) « Videte ne quis vos deprædetur per philosophiam, et inanem fallaciam (87) secundum traditionem hominum, secundum elementa hujus mundi, et non secundum Christum; quia in ipso inhabitat omnis plenitudo divinitatis corporaliter. » Philosophiam dicit terrenam, per quam solent seduci, qui cupiunt prudentes judicari in mundo. Hæc argumentis et subtilitate minutiarum quarumdam componitur, quasi physicas investigaverit rationes, quædam habens admista, quæ hortamenta sint bonæ vitæ vel documenta, aliquando de mensuris, nec non et de numeris, aliquando de elementorum qualitatibus et quantitibus ordinata. In cujus disputationibus qui inciderit, vix et raro D evadet (88); detinetur enim verisimilibus causis, et commentitiis rebus, nihil tam verum æstimans, quam quod conspicitur et intelligitur in elementis. Et quia quæ ad præsens sunt, et cernuntur oculis, suavia et oblectabilia videntur; aliquantos seducunt, qui spiritalem rationem despiciendam et ridendam putant desperatione futuri, omnem vim astris assignantes carnali rationi obnoxii; ne gravia credenda sint sustolli in cælum posse, vel levia venire ad terras, aut aliquid corporeum sine rerum admi-

(87) Eadem edit., *et inanem seductionem.*
 (88) Rom. edit., *disputationes qui inciderit, vix aut nunquam evadet.*

stione generari, repugnantes potentiae ac providentiae Dei. Sciunt enim legi in divinis veteribus Hebraeorum voluminibus multa gesta per Moysen, quae humana ratio non capit: simili modo et in novis libris facta a Domino, aut per apostolos, quae tractatus carnalis prohibet credi. Hanc ergo traditionem vel philosophiam fallacem et inanem appellat; quia non a potentia Dei ordinata est, ed ab imbecillitate ratiocinationis humanae, quae potentiam Dei intra scientiam suam coarctat, ne aliter credatur facere, quam carnalis se continet ratio; qui singulis elementis divinitatis diversitatem deputant ad culturam, ut obligent animos imperitorum; ne se ad Deum verum extendant. Quamobrem cavendam monet traditionem istam; quia mundi cultrix est, non Dei, qui unus est: nec ad Christum, sed a Christo abstrahit, in quo perfectio divinitatis est. Omnia enim quae habet Pater, dedit Filio, cum illum in plenitudinis genuit divinitate corporaliter; ut quia ipse caput est, creatura autem ejus corpus est, quidquid putatur posse caelestis creatura, hoc totum plene in Christo esse credatur; ut nullus arbitretur quemquam alium colendum. Quidquid enim in aliquo magnum putaverit, plus in illo inveniet; quia omnes ex ipso habent, sicut ex capite membra: ipse autem plenus est semper.

(Vers. 10.) « Et estis in illo repleti, qui est caput omnis Principatus et Potestatis. » Plus significat credentibus dari, quam potest in elementis comprehendere; quia qui in Christo est, repletus est divinitatis abundantia, quam elementa non habent. Denique in credentibus Spiritus sanctus inhabitat, quod elementis concedi non potuit; quia indignum erat et incongruum, ut invisibilis habitaret in substantia visibili, et incorporeus in iis quae sensibilia sunt. Audiant ergo et veniant cultores eorum, et credant in Christum, ut fiant majores eorum, quos nunc colunt.

(Vers. 11, 12.) « In quo et circumcisi estis circumcissione non manufacta, in exspoliationem corporis carnis, in circumcissione Christi, una cum illo sepulti in baptismo; in quo et simul surexistis per fidem operationis Dei, qui suscitavit illum ex mortuis. » Hi circumciduntur in Christo, qui amputata totius traditionis humanae cultura, Christo junguntur, corde non carne circumcisi, id est in spiritu, non in carne servientes; ut a terrenis ad caelestia, ab humanis ad divina, ab errore convertantur ad veritatem, capiti et auctori suo copulati per charitatem. Cum quo sepulti sunt in baptismo: resurrexerunt autem per fidem Dei, de quo credunt quod exemplo Christi resuscitabit illos ex mortuis. Illic enim homo vetus deponitur, et novus assumitur: peccatis moritur, ut vivat justitiae: elementis abrenuntiat, ut Christo societur, resurrectionis futurae

A tenens pignus exemplum Salvatoris, qui resurrexit ex mortuis. Haec igitur commonet, ut perseverent in abrenuntiatione pompae et praestigiis Satanae. Qui ideoque elementorum suadet culturam, ut a Deo avocet, **269** participes apostasiae suae volens efficere homines. Quia enim sub nomine suo culturam suadere non potest, horretur enim ipso nomine, sub alterius nomine suam conatur implere voluntatem.

(Vers. 13, 14, 15.) « Et vos cum mortui essetis in delictis, et praepotio carnis vestrae, convivificavit simul cum illo, donans nobis omnia delicta, deleto chirographo, quod adversum nos erat decretum, quod contrarium erat nobis: et illud tulit de medio, et affixit cruci, et exuens principatus et potestates, ostentavit in auctoritate, triumphans illos in ipso (89). » Mortuos dicit gentiles fuisse: primum quidem, quia legem, quae ad testimonium data est Creatoris, et ad vitia condemnanda, recipere noluerunt: de inde impietatis peccatorum suorum causa indigni erant vita; ideoque discrevit hos a Judaeis: quasi qui fuerint inimici Dei unius. Judaei vero in unius Dei confessione degentes, adveniente Christo, addiscunt mysterium Dei, quod exspectabant ad justificationem suam: ut in eo quod subreptum illis fuerat, quia impossibile est esse sine peccato, acciperent remissionem. Unde post causam gentilium inducit et Judaeos, dicens: « Donans nobis omnia delicta; » ut post specialem subieceret et generalem; quia eunetis donavit omnia delicta. Sed quia sicut dicit Dominus: Cui plus donatum fuerit, amplius debet diligere (*Luc. vii, 43*): ideoque commonet gentes, ut considerantes causas malorum suorum, et qualem gratiam acceperunt a Deo in Christo, tota devotione solliciti sint circa obsequium ejus, a quo a diversa mortis poena sunt liberati. Quomodo ergo donavit nobis omnia delicta? « Deleto, inquit, chirographo, quod erat adversarium nobis. » Et quid est delere, subiecit dicens: « Et illud tulit de medio. » Sic ergo delevit, cum tulit de medio. Sic autem tulit de medio, cum affixit, ait, cruci. Affigere autem cruci, hoc dixit esse spoliare principatus et potestates publice, et detriumphare illos in Christo. Haec, sicut videntur, obscura sunt, ac per hoc adhibita cura dilucidanda sunt. Hoc est praesidium Dei, quod per significantiam diversarum causarum exponit Apostolus. Multa enim acta memorat, quo genus hominum ad indulgentiam perveniret; ut non solum propria remitteret nobis delicta, sed et illud tolleretur peccatum, quod ex Adae erat praevericatione (quod appellavit chirographum in decretis) quod nos a mortuis resurgere non sinebat; quia si et hoc non tulisset de medio, exeuntes hinc, qui acceperant remissionem, illic tenerentur apud inferos. Porro autem ideo

(89) Ita vet. edit. et mss. nisi quod illic praefereunt decreti.... illos in idipsum, ubi horum potiores legunt, decretum.... illos in ipso. Rom. autem edit. sic reposuit, donans vobis omnia delicta, deleto

quod adversum nos erat, chirographo in decretis... et exspolians principatus et potestates, ostentavit palam, triumphans de illis per se ipsum.

omnia delicta concessa sunt, ut resurgerent a mortuis. Quia enim ex peccato mors, sublato peccato fit resurrectio mortuorum: quod quidem fieri minime potuisset, nisi peccatum affixisset cruci. Dum enim non peccando Salvator vincit peccatum, quod hominem tenebat obnoxium, insuper et occiditur ab eo innocens; sic crucifixit peccatum. Devictum enim peccatum, mortificatum dicitur; crux enim non Salvatoris mors est, sed peccati. Innocens enim sic qui occiditur, reos illos facit a quibus occiditur. Peccatum autem principes et potestates intelligamus, quorum studio peccavit primus Adam. Ad auctores enim referendum est nomen hoc, quorum mortem in exspoliatione significavit; mors enim ipsorum hæc est, quia victi a Salvatore, dum exspoliantur animabus, quas tenebant in captivitate, mortificantur. Rei enim facti sunt: quia cum hac auctoritate animas tenerent, quia peccaverant, ipsi inventi sunt amplius peccatores, dum illum qui illos non peccando vicerat, occiderunt. Et sic juste exspoliati sunt, sicut dixit, *publice*, id est, in cruce; quod est palam detriumphari a Deo in Christo. Ille enim detriumphatur qui palam vincitur, et spolia ejus publicantur: ostenditur enim omnibus prostratus, qui cæteris insultabat. Decretum autem quod dicit, non est hoc quod pagani fatum appellant; quia illud non omnibus contrarium asserunt; quia quosdam dicunt ex hoc felices, alios infelices. Hoc enim decretum omnibus dicit fuisse contrarium; sententia enim erat cunctis adversa hominibus.

(Vers. 16, 17.) « Nemo igitur iudicet vos in cibo, vel in potu, aut in parte diei festi, aut in neomeniis, aut in Sabbato: quæ sunt umbra futurorum, corpus autem Christi. » Quoniam omnis spes vitæ in Christo est, ac fiducia, nulli superstitioni aut legi subjacere nos debere præcepit. Quamobrem perstrepen-
270 aliquid quod ad fidem Christi non pertinet susurrantes, contemnendos: istum autem solum sequendum per quem devicta mors est, et reddita resurrectio mortuorum. Quidam enim Judæorum solent iudicare fideles, quod ea quæ interdicta per Moysen sunt, edant de cibis, cum omnia Deus munda fecerit: indigni autem iudicati Judæi de his edere, prohibiti sunt a melioribus. Solent iterum reprehendere nos, quia dies festo eorum spernimus, aut quia initia mensium non observamus, quæ neomenias vocant: maxime autem quod dies sabbatorum non custodimus, ut otio et epulis cum luxuria transigantur: quod magis ad offensam pertinet, quam ad gratiam. Hæc autem omnia sunt corpus Christi, quia elementorum per effectus sunt vocabula. Hinc est unde in Evangelio dicit: « Dominus est enim Filius hominis etiam Sabbati (*Matth.* XII, 8); » per ipsum enim omnia, quæ quidem sic data sunt per Moysen, ut umbra essent, vel figura

A futurorum, ut apparente veritate, figura cessaret. Sicut enim absente imperatore, imago ejus habet auctoritatem, præsentem non habet; ita et hæc ante adventum Domini tempore suo observanda fuerunt, præsentem autem, carent auctoritate. Numquid aliquis vicem domini agens, ipso præsentem, dominatur? Si præfectorum vicarii, præsentibus eis privati sunt; quanto magis servi, præsentem domino, etiam ipsi in obsequio debent videri!

(Vers. 18, 19.) « Nemo vos decipiat, volens in humilitate animi, et superstitione angelorum ea quæ videt, extollens se frustra, inflatus mente carnis suæ, et non tenens caput illud, ex quo omne corpus per compagine et conjunctiones subministratum et compaginatum (90) crescit in augmentum Dei. » Quod superius sub nomine philosophiæ cavendum monuit, nunc apertius docet observandum ab iis, qui terrenæ sapientiæ studentes, hæc colenda asserunt, quæ obtutibus adjacent, vel apparent; ut horum detentæ culturis animæ sub firmamento obligatæ teneantur, ne se supra firmamentum tendant ad superiores cælos ad Deum omnium adorandum. Quod opera efficitur inimici, ut semper animas super terras humiliatas detineat, ubi se scit de cælis dejectum semper futurum justo iudicio Dei, religionem simulans, cum sit maximum sacrilegium. Inflantur enim motum pervidentes stellarum, quas angelos vocat, non auctoritate divina, sed superstitione humana, quæ ad nihilum proficit, nisi ad damnum: nolentes tenere fidem Christi, qui omnium creator et Dominus est. Ex ipso enim omnes originem habent; quare et corpus ejus dicuntur, si tamen agnoscunt eum. Ad ipsum enim conversi reedificantur, compaginati fidei ejus subministrante Evangelio cunctis quasi membra corporis in charitate Christi, ut augmentum faciant Deo. Cum enim redeunt ad illum, qui per errorem deseruerant illum minuentes (91) copias divitiarum ejus, dum denegant ejus se esse, crementum faciunt Deo, quia ex perditis acquiruntur. Hæc de paganis: rursum de Judæis dicit quia et ipsi sub elementis serviunt, non elementis.

(Vers. 20.) « Si ergo mortui estis cum Christo ab elementis hujus mundi, quid adhuc, velut viventes in hoc mundo decernitis? » Omnis qui baptizatur in Christo, moritur mundo; cunctis enim superstitionum erroribus abrenuntiat, ut solam colat fidem Christi. Amotis enim quæ naturali justitiæ accedunt, relinquitur disciplina data a Deo, per quam vivitur Deo per spem, quæ est in Christo; moritur autem his quibus subjectus fuerat per errorem, dum negat illos, quos deos præsumperat esse (92). Et ita fit ut per inimicitiam abrenuntiationis invicem sibi mortui dicantur homo et elementorum cultura. Mundum enim dicens, errorem carnis significat,

(90) Rom. edit., in his quæ non videt..... per compaginationes et colligationes subministratum et compactum.

(91) Rom. edit., redeunt ad Deum, qui eum per

errorem deseruerant, minuentes, etc.

(92) Omnes edit., quos præsumperat esse; at vocem deos e cod. non paucis restituimus.

omne enim quod videtur, carni deputatur. Hinc est unde et Joannes apostolus: « Nolite, inquit, diligere mundum, neque ea quæ in mundo sunt (I Joan. II, 15), » id est, neque elementa, quibus compactus est mundus, neque errores quos humana adinvenit traditio, diligamus: sed solum Christum, qui mortuus est pro nobis, ut corpori suo nos sociaret ex perditis. Qui ergo consepulti sunt Christo, mortui sunt elementis, ut nihil curent ex his; superna enim didicerunt tenenda, quæ possunt vitam donare perpetuam. Hæc enim nec præsentem dant, et impediunt, ne apprehendantur futura. Qui autem post baptismum ambigit de aliquibus, putans quædam de veteribus veneranda, vivere se ostendit **271** elementis, quæ decernit colenda, aut dubitat contemnenda: hic remanebit intra circulos mundi, alienus a Deo, quia veteri indutus homine, carnalia transire non poterit.

(Vers. 21, 22.) « Ne tetigeritis, ne attaminaveritis, ne gustaveritis, ne contrectaveritis, quæ sunt omnia in interitum (93), et corruptionem per abusionem secundum præcepta et doctrinas hominum. » Prohibet omni genere ab spe mundanorum, quia inanis est, ne colant, ne assentiant, ne cogitent, quia quæ promittunt, corruptionis sunt. Usus enim et cultura ipsorum interitum generant, quia præcepta et doctrinæ non Dei, sed hominum sunt, in quibus vana spes est: quippe cum adversus Creatorem invenerit hæc error humanus, ut prohibens ab unius Dei fide, multorum deorum superstitionem inducat.

(Vers. 23.) « Quæ sunt rationem quidem habentia sapientiæ simulatione religionis, et humilitate animi (94) ad vexationem corporis, non in honore aliquo ad saturitatem et diligentiam carnis. » Hinc se sapientiæ rationem habere putant, quia traditioni humanæ nomen religionis applicant, ut religio appelletur, cum sit sacrilegium; quia quod contra auctorem est, sacrilega mente inventum est. Nomen ergo fingit, ut falsa quæ sunt, posset vera asserere; et humanas mentes in terra humiliat, ne se erigant ad superna: aut terrena colentes excidant a supernis cœlestibus, et obsint corpori, cujus caput Christus est secundum primævæ rationis facturam. Hinc enim aggravati non poterant sursum jungi capiti suo, ut restaurentur in illo honorati effecti: sed quasi prima parte corporis truncati, totos se dantes mundo ad sensum carnis explendum. Sagina enim carnalis sensus traditio humana est, quæ hoc dicit sufficere, quod carnis tradidit providentia (95); rationem enim videtur habere sapientiæ, juxta carnem, quia ex elementis est omnis corporalis nativitas: ac per hoc non esse incongruum inquit his inclinari, quorum gubernaculis humanum regitur genus, ut his se subjiciat, quæ videt

A mundi clarissima; nec requiri debere spiritualia; quia his solis, inquit, ducibus uti concessum est, et per hanc rationem negligunt auctorem.

CAPUT III.

(Vers. 1.) « Si enim consurrexistis cum Christo, quæ sursum sunt quærite, ubi Christus est ad dexteram Dei sedens. » Hos cum Christo resurrexisse asserit in baptismo, qui supercœlestia cogitant, ubi sedes est Christi, ubi Deus Pater Filio suo tradidit dexteram, ut regnet et judicet; judicis enim in sinistra sedere non est. Resurrectio tamen duas habet formas, ut primo anima de terris resurgat ad cœlos, deinde recepto corpore, resurgat raptus obviam Christo.

B (Vers. 2.) « Quæ sunt sursum, sapite, non ea quæ super terram. » Supernorum cœlorum, qui Æterni sunt habitacula, nos petere exhortatur; ab his autem omnibus, quæ in firmamento et sub firmamento sunt, dissimulandum. Quisquis enim his se superstitionibus occupaverit, impedimentum patietur; non enim poterit hæc transcendere, quibus se inclinavit, ut dominis.

(Vers. 3.) « Mortui enim estis, et vita vestra abscondita est cum Christo in Deo. » Apud mundi sensum mortuus Christus videtur, et discipuli ejus, cum constet vivere illum cum his omnibus. Idcirco carnalibus ac mundanis abscondita est vita Christi et suorum in Deo extra mundum, in regno ejus cœlesti, in quo vivunt.

C (Vers. 4.) « Cum Christus apparuerit vita vestra, tunc et vos apparebitis cum illo in gloria. » Vita nostra Christus est; quia legimus in Actis apostolorum hunc esse vitæ auctorem (Act. III, 15), qui a perfidis non creditur futurus judex. Cum autem advenerit in virtute cœlesti, et visus fuerit esse, quod minime credebatur, tunc apparebunt cum illo etiam qui crediderunt in illum: et manifestabitur omni perfidiæ, quia vivit cum suis in gloria. Hæc consolatio fiduciam spei parit, ut securi de futura vita, omnia postponentes, Christum sequamur.

(Vers. 5.) « Mortificate membra vestra, quæ sunt super terram, fornicationem, immunditiam, libidinem, concupiscentiam malam, et avaritiam, quæ est idolorum servitus. » Quoniam omnia simul peccata corpus esse in Epistola ad Romanos significat (Rom. VI, 6), idcirco nunc singula delicta describens, membra ea appellat; ut post acceptam et servatam evangelicam de Salvatoris plenitudine rationem, bonæ vitæ operam darent, **272** abstinentes se ab omni turpitudine et desiderio malo, quo possint peritiæ divinæ fructum non amittere. Multum enim obest scire veri rationem, et minime factis illam prosequentibus affirmare. Hinc est unde et Dominus inter cætera ait: « Qui autem scit vo-

(93) Rom. edit., ne gustaveritis, quæ sunt omnia ad corruptelam ipso usu.

(94) Eadem Rom. edit., in observatione religionis et humilitate cordis.

(95) Rom. edit. sola, tradit prudentia; sed infra eadem cum aliis edit. et mss. aliquot exhibet, omnis corporalis nativitas, ubi mss. nonnulli, hominis corporalis nativitas.

honestatem domini sui. et non paruerit ei, vapulabit A multis (*Iuc. xii, 47*). » Avaritiam tamen idololatriæ comparavit, ut nihil illa scelestius demonstraret. Sub uno nomine duo pessima et impia genera designavit, quæ omni ratione monet fugienda: primum enim et pergrave crimen est idololatria. Quid enim tam perniciosum, tamque funestum, quam ad injuriam creatoris Dei lignis et lapidibus vel aliis metallis honorificentia ejus nomen tribuere; cum ipsi non patiantur, ut servus nomine domini nuncupetur, quem non natura utique, sed quæ lam conditio subiecit servituti? Aliud e contra crimen est avaritiæ, non dispar malitia, sed diversum in nomine. Unde ad Timotheum ait: « Radix enim omnium malorum est avaritia (*I Tim. vi, 10*); » omnium enim capax est delictorum, ut aviditatis B suæ, quod impossibile est, impleat desiderium, semper bibens, et semper sitiens. Non immerito ergo sub uno nomine utrumque malum ostendit; pene enim uno explentur opere: quia sicut idololatria uni Deo auferre nititur gloriam, ne quod ejus peculiare est, solus habeat nomen divinitatis sibi soli condignum, ita et avaritia in Dei se res extendit, ut si potest fieri, unus et solus creaturam ejus sibi usurpet, quam Deus communem omnibus fecit. Unde dicit Deus per prophetam: « Meum est aurum, et meum est argentum (*Aggæi ii, 9*). » Utraque igitur Deo est inimica; ambæ enim Deo abnegant, quæ ejus sunt.

(Vers. 6.) « Propter quæ venit ira Dei. » Malorum memoratorum causa venturum dicit iudicium C Dei, ut vindicetur in hos, qui contempto Deo et lege ejus, interdicta sequi maluerunt.

(Vers. 7.) « In quibus et vos ambulastis aliquando, cum viveretis in illis. » Quantum beneficium illis præstiterit gratia Dei per Jesum Christum, non tacet, ut gratulentur evasisse se iram, quæ ventura est repente super infideles totius terræ, et tales semetipsos præbeant, ut parere possint præceptis ejus a quo a morte secunda sunt liberati.

(Vers. 8-11.) « Nunc vero deponite et vos omnia, iram et indignationem animi, malitiam, blasphemiam. Turpilium de ore vestro non procedat. Nolite mentiri invicem. Exuite vos veterem hominem cum actibus ejus, et induite novum, qui renovatur in agnitionem (96) secundum imaginem ejus, qui condidit illum: ubi non est Græcus et Judæus, circumcisio et præputium, Barbarus et Scythæ, servus et liber: sed omnia et in omnibus Christus. » Nunc ab his prohibet, quæ minora peccata videntur; ne forte, quia superius quæ graviora sunt, mortificanda mandavit, hæc admittenda, aut quasi non periculosa, non fugienda putarentur: simul etiam ut exuti veterem hominem, id est, tam verbo quam

actu incontaminatos se videntes, et novi facti in Christo per agnitionem veritatis, quæ olim latuit, modo autem manifestata per novam legem creditibus: ut similes fiant imaginis ejus, qui creavit illos. Imago hæc in conversatione bonæ vitæ intelligenda est, sicut dicit ad Corinthios in Epistola prima: « Quemadmodum portavimus imaginem ejus qui de terra est, ita portemus et imaginem ejus qui de cælo est (*I Cor. xv, 49*). » Ipse est ergo creator hominis, cujus imaginem portare nos jubet in sanctitate et bonis operibus, quæ de Filii Dei agnitione descendunt. Nemo enim potest bonam et mundam habere vitam, nisi habeat cui hanc exhibeat, a quo si non præmium, certe vel laudem expectet. Sed apud Deum et laus et præmium sperantur, quia non patitur Dei justitia eum, qui carnis vitia vicerit, minime coronari. In hac itaque agnitione nullus ut indignus excipitur, quasi non mereatur accedere ad fidem Christi; omnes enim accedentes unum fiunt, delicti quid fuerint, et scripti quid esse cœperunt: ut quia unius fidei sunt. in eo ipso unius sint et meriti, ut quos fides jungit, non possint discerni, propter quod diversi natura et gente sive conditione sunt. Omnia enim et in omnibus his Christus est; quia enim cuncti ejus membra sunt. omnia Christus est; ut dum una confessio eorum est de spe ejus in omnibus Christus: et sic omnia corpus ejus sunt, ut professio eorum et natura concordet. Alia est tamen imago hæc, quam de agnitione Salvatoris dicit creari, et alia imago, ad quam factus est 273 primus homo. Ista enim imago est et in femina, cum agnoscit eum, qui se creavit, et obtemperans voluntati ejus abstinet a vita turpi et actu perverso; illa autem imago in solo viro est, sicut idem dicit in Epistola ad Corinthios prima: « Vir quidem non debet velare caput, cum sit imago et gloria Dei (*I Cor. xi, 7*). » Si autem et mulier non velaret caput, esset et ipsa imago Dei. Sed incongruum erat, ut facta viro subjecta, diceretur esse imago Dei; nam et in Genesi ita ait: « Et fecit Deus hominem, ad imaginem Dei fecit eum (*Gen. i, 27*); » ut sicut Deus unus est, unus ab eo fieret homo; ut quomodo ex Deo uno omnia, ita ex uno homine omne genus esset super faciem totius terræ. Unus igitur unum fecit, qui unitatis ejus haberet imaginem. Et ipsa in viro et muliere similitudo mysterii Patris et D Filii; Barbarum tamen ab Scythæ segregavit, sicut servum a libero, non utique in Christo, in quo omnes unum sunt, sed in morum feritate et in gentis immanitate. Pejores enim hos Barbaris intelligi voluit, antequam credent, cum Græcorum libri justitiam eorum prædicent, quam, duce natura, sequebantur: in tantum ut magnum apud eos peccatum furti habeatur, quod Græci magna, inquit, cum industria et doctrina justitiæ semitas investigarunt, hosce naturaliter comprehendisse collaudant.

(96) Post in agnitionem, nonnulli mss. cum Bibliis vulgatis addunt τὸ Dei; sed redundare hanc

vocem cum multorum exemplarium sacrorum auctoritate, tum hujus ipsius loci demonstratur.

Sed quomodo degenerant (97) omnia, postea plus vituperabiles esse cœperunt, quam fuerant antea laudabiles. Postquam enim mulieres eorum lege viri uti cœperunt, quas Amazonas primitus asserunt appellatas, totam Asiam contra naturam subijicientes; sic contigit ut et viri canum more rabidi efficerentur, immanes, silvestres, inculti, plus quam barbari, in tantum immutati, ut carne humana vescenda imbuerentur. Quid mirum, cum et ipsi Romani longe alii fuerint, quam nunc sunt? Nam et mulieribus eorum castitatis causa vini usus incognitus fuit, sicut nunc aquæ; in tantum enim vigeat disciplinæ auctoritas, ut subjectum vas non faceret quod valebat.

(Vers. 12, 13.) « Induimini ergo ut electi Dei, sancti et dilecti, viscera misericordiæ, benignitatem, humilitatem, sensus mansuetudinem, longanimitatem, præbentes vobis invicem patientiam, et donantes alii alii, si quis adversus aliquem habet querelam; sicut et Christus donavit vobis, ita et vos facite. » Ut lucrum possint habere, ad hæc eos faciendâ hortatur, quæ meritum collocant apud Deum. A peccatis autem abstinere timor facit: veretur enim ne mala faciens: poenis subdatur. Hæc autem quæ nunc faciendâ monet, ad profectum pertinent meritorum; ex voluntate enim sunt, nox ex necessitate. Qui ergo ab illicitis se abstinere, habet laudem: qui vero a licitis temperat, et laudem habet et præmium.

(Vers. 14, 15.) « Super hæc autem omnia charitatem habete, quod est vinculum unitatis: et pax Dei exsulet in cordibus vestris, in qua et vocati estis in uno corpore: et grati estote. » Quia vero omnium major est charitas, huic magis studendum hortatur. Tunc enim omnia quæ supra mandavit servanda, ad effectum præmiorum poterunt deduci, si duce charitate, iter ambulent legis: tota enim mente operatur, qui ex amore aliquid facit. Hypocrisis et simulatio non est in charitate, quare et Joannes apostolus: « Timor, inquit, non est in dilectione. » Qui enim timet, perfectus non est: « Perfecta enim dilectio foras mittit timorem (I Joan. iv, 18): » unde et Dominus amari se mavult quam timeri. Hæc est enim dilectio quæ complectitur unitatem, hæc est quæ omnes unum corpus facit, hæc est quæ veram habet pacem, quam corde puro custodit. Potest enim pax dici, et non habere charitatem; charitas enim semper secum habet pacem.

(Vers. 16.) « Verbum Christi habitet in vobis abunde in omni sapientia, docentes et monentes vosmetipsos in psalmis et hymnis, et canticis spiritualibus, in gratia cantantes in cordibus vestris Domino. » Hæc meditanda monet semper, quæ sonent Christum; hæc in corde habenda, quæ Deo

A Patri semper gratias referant, ut vox canora illi serviat, illum laudet psalmus, hymnus extollat. Et huic soli notum sit, qui occulta pervidet mentis, a quo speratur et præmium. In cordibus illi cantari mandavit, ne favore hominum fieret, et fructum amitteret.

(Vers. 17.) « Et omne quodcumque facitis in verbo aut in opere, omnia in nomine Domini Jesu facite, gratias agentes Deo et Patri per ipsum. » Quoniam supra in corde Deum laudari, et illi gratias referri præcepit, nunc tam in verbo, quam in opere 274 totius conversationis nostræ nomen Domini Jesu laudari et exaltari hortatur: ut cum verba nostra carent reprehensione, et opera nostra bona sunt, magnificetur Dominus Jesus, cujus magisterio invituperabiles sunt discipuli. Tunc enim veras gratias agimus Deo per ipsum, si modum præceptorum ejus custodiamus.

(Vers. 18.) « Mulieres, subditæ estote viris, sicut oportet, in Domino. » Ita præcepit mulieres subditas esse debere viris, sicut mandavit Deus, inter cætera dicens ad mulierem: « Et ad virum tuum conversio tua, et ipse tui dominabitur (Gen. iii, 16), » ut ipso ritu disciplina timeat virum suum, quasi dominum, ex quo cœpit esse.

(Vers. 19.) « Viri, diligite uxores vestras, et nolite amari esse ad illas. » Rigorem virilis legis emollit, ne potestate qua prævalet, nimius quis sit in dominatu uxoris: sed debet respicere ad affectum, quia mulier caro ejus est, ne plus illam humilians exacerbet et contraria cogitet.

(Vers. 20.) « Filii, obedite parentibus vestris per omnia: hoc enim placet Deo. » Non potest aliud placere Deo, quam quod justum et pium est. Tunc enim possunt filii habere propitium Deum, si debitam honorificentiam rependant parentibus, circa obsequium illorum faciles, in contemptu difficiles, scientes filii nunquam adversus parentes providere debere (98).

(Vers. 21.) « Patres, nolite ad iram provocare filios vestros, ne pusillo animo fiant. » Modestos præcipit patres debere esse filiis, ne coactati ab eis, delinquant in illos, et Deum offendant, quod nolunt. Ira enim inconsiderata res est, in tantum ut aliquando nec sibi pareat, qui irascitur. Debent enim recordari patres quia fuerunt et ipsi filii; considerare autem filii, quia futuri sunt patres: ut æque librato consilio utriusque partis, et filii subiecti sint, et patres modesti.

(Vers. 22.) « Servi, obaudite per omnia dominis carnalibus, non ad oculum servientes, quasi hominibus placentes, sed in simplicitate cordis timentes Dominum. » Quoniam Deo aliter serviri non potest quam puro corde: occulta enim pervidet animorum: sic et hominibus præcipit serviri debere.

(97) Rom. edit., *Tam magnum apud eos peccatum furti habebatur, quod Græci, qui magna cum industria. . . . Sed quia modo degenerant, etc.*

(98) Eras. et Gill. in margine, ac Rom. edit. in corpore, *protervire debere.*

Qui enim ad oculum servit, in occulto aliud facit : A
 qui autem ex animo, talis est foris qualis et intus.
 si ergo in hoc obsequio fuerit fidelis, promerebitur
 Dominum, quia ipse dixit : « Qui in minimo fide-
 lis est, et in magno fidelis est (*Luc. xvi, 10*). » Si
 enim ei, qui ad præsens vindicat (99), fidelis non
 fuerit, qui fieri poterit ut illi fidem exhibeat, quem
 post mortem audit judicaturum? Idecirco in do-
 mini carnalis causa justum vult esse servum et
 obsequentem, ut possit et in Dei rebus et fidelis
 esse et obsequens. Si enim in præsenti idoneus
 fuerit, ubi scit nulla esse nisi corruptibilia præmia,
 quanto magis propensior erit in Dei devotione,
 quem scit fidelibus immortalia daturum præmia!

(Vers. 23, 24, 25.) « Quidquid facitis, ex animo
 operamini, ut Domino et non hominibus: certi quod B
 a Domino recipietis retributionem hæreditatis Do-
 mini Christi, cui servitis. Qui enim inique gerit,
 fert id quod gessit inique: et non est personarum
 acceptio apud Deum. » Ut promptos illos in obse-
 quio et fide faciat, mercedem illos bonorum ope-
 rum accepturos promittit a Deo in regno Christi.
 Quod ut probatum sit et acceptum, sic illos vult
 obsequi sicut Domino, a quo mercedem expectant.
 At si servus inique egerit, non solum hominem
 offendet, sed et Deum, quem in admissa fraude
 carnalis domini contempsit. Si autem bene egerit,
 non erit apud Deum servus hominis, quasi despe-
 ctior: sed remunerabitur, quasi liber inter homines,
 servus autem Christi, quod dignitatis est nomen.

CAPUT IV.

(Vers. 1.) « Domini, quod justum est et æquum
 servis præbete, scientes quod et vos Dominum ha-
 betis in cælis. » Ne domini temporales superbia
 extollantur, præsumentes de dominatu, mitigat et
 cohibet animos illorum, ut adhibita consideratione
 humani generis, animadvertant auctorem Deum non
 servos et liberos, sed omnes ingenuos condidisse.
 Sed hoc mundi iniquitate factum est, ut dum alter
 alterius fines invadit, tunc captivos ducit ingenuos;
 unde et manu capti dicit sunt a veteribus inde
 mancipia. Hic casus et conditio etiam nunc appa-
 ret, alii redimuntur, alii remanent servi. Apud
 Deum autem hic servus habetur, qui peccaverit
 (*Joan. viii, 34*). Denique peccati causa Cham ser-
 vus audivit: « Maledictus puer Chanaan, servus D
 servorum erit fratribus suis (*Gen. ix, 25*). » 275
 Cui sententiæ veteres assensere, ita ut definirent
 omnes prudentes esse liberos, stultos autem omnes
 esse servos: quia prudens abstinet a peccatis, ut hic
 ingenuus sit, qui recta sequitur, servus autem qui per
 stultitiæ imprudentiam subjicit se peccato. Unde et
 Cham propter stultitiam, qui risit nuditatem patris
 stulte, servus est appellatus. Ostendit ergo dominis,
 quia non vere sunt domini, sed quasi per imaginem:

corporum enim, non animorum sunt domini. Solus
 enim Dominus, et auctor rerum invisibilis Deus tam
 corporibus quam animis dominatur, ut hæc consi-
 derantes, justa ab eis exigant servitia: talia utique
 qualia et a se exigi volunt a Domino communi.
 Nam cum ipsi non ut dignum est, Deo serviant,
 quem non negant omnium potestatem habere, cu-
 jusque quotidiana dona per ministeria creaturæ
 humanis usibus exhiberi, a paribus suis (ut non
 dicam fratribus) tam gravia exigunt servitia, ut
 ferri non possint: non ponentes in animo, quia et
 ipsi velint nolint, servi sunt, et viderint cujus me-
 riti.

(Vers. 2, 3, 4.) « Orationi instate, vigilantes in
 illa cum gratiarum actione; orantes simul et pro
 nobis, ut Deus aperiat nobis ostium verbi ad elo-
 quendum mysterium Christi (propter quod etiam
 vincetus sum), ut manifestem illud, prout oportet me
 loqui. » Jam prudentibus mysterium Domini Chri-
 sti, et cautis (1) in evitandis vitiis peccatorum
 orationi instandum ostendit, ut meritis crescant,
 deficientibus tentationibus adversarii. Quos in tan-
 tum dignos habet, ut judicet eos etiam se posse
 precibus adjuvare ad asserendum audacter Evan-
 gelium, ad quod manifestandum legationem acce-
 perat.

(Vers. 5, 6.) « In sapientia ambulate ad eos qui
 foris sunt, tempus redimentes. Sermo vester sem-
 per in gratia sale sit conditus, ut sciatis quomodo
 oporteat vos singulis respondere. » Quoniam ne-
 cesse est ambulare nos inter infideles, et colloquia
 C miscere causa conversationis mundanæ: hoc est
 quod commonet, ut cum sapientia sit ipsa conver-
 satio propter scandalum gentilium, ne occasionem
 per nos accipiant blasphemandi, et incitentur ad
 persequendum. Qui enim opus est loqui cum eo,
 quem scias intractabilem, et obstinatæ mentis, pa-
 ratum ad contumeliam faciendam? Ideo hæc mo-
 net, ut opportune et loco et tempore, magistra mo-
 destia, religionis verba promantur: aut si persona
 talis in medio est, quæ perstrepat, reticendum.
 Aliter enim cum potentibus mundi, aliter cum me-
 diocribus, et aliter cum humilibus agendum est.
 Aliter iterum cum mansuetis, aliter cum iracundis,
 quibus cedi oportet, hoc est redimere tempus. Cum
 enim insidiant Dominicis verbis et furenti temporis
 audaciæ cedis, injurias infesti temporis lucri facis.
 Nam si caput, id est, rex assentit corpori, tunc est
 D libertas loquendi verba Dei cum mansuetudine, ut
 provocentur ad bonum. Perstreptibus tamen et
 animosis ad convicia semper cedendum: vincis
 enim, dum cedis.

(Vers. 7, 8, 9.) « Quæ circa me sunt, omnia nota
 faciet vobis Tychicus dilectus frater, et fidelis mi-
 nister, et conservus in Domino: quem misi ad vos
 in hoc ipsum, ut cognoscat quæ circa vos sunt, et

(99) Nonnulli mss., qui ad præsens judicat.

(1) Et cautis ex mss. Remig., Laud. ac Vall. restituitur.

consoletur corda vestra, cum Onesimo charissimo et fidei fratre, qui est ex vobis, omnia quæ hic sunt, nota faciet vobis. » Ad hoc se dicit fratres misisse, ut invicem sibi nota fierent, quæ agerentur ab invicem. Quamvis superius dicat spiritu se præsentem apud eos, et videre quæ agerent, internuntiis tamen opus est. Sollicitior enim fiet quis, quando videt ad se venire ad considerandam conversationem suam : plus enim veretur, si speculetur se videri **276** quæ agat. Nam cum Deus omnia videat, et sciamus omnia illi nota esse, quia tamen non videmus nos videri ab eo, contraria facimus.

(Vers. 10, 11.) « Salutatur vos Aristarchus comes captivitatis meæ, et Marcus consobrinus Barnabæ (de quo accepistis mandatum, ut si venerit ad vos, excipiat illum), et Jesus, qui dicitur Justus : qui sunt ex circumcissione. Hi soli sunt adjutores mei in regno Dei, qui mihi solatio fuerunt. » Hic Aristarchus bonæ conversationis ac meriti videtur, qui devotione Dominica particeps et socius laborum Apostoli designatur. Marcum autem ut commendet, quid sit, non tacet, ut cum laudabilis viri Barnabæ affinis addiscitur, honorabilis habeatur. Addit et Jesum, quem Justum nomine vocari appellat. Quibus solis testimonium perhibet, quia hi ex circumcissione adjutorio fuerunt ei, assentientes et participes sententiæ ejus, ut jam circumcidi ulterius non debere prædicarent, ideo participes illos dicit suos in regno Dei. Circumcidendum autem esse, et Sabbata et neomenias servandas prædicare, non spiritale est, sed terrenum.

(Vers. 12.) « Salutatur vos Epaphras, qui est ex vobis, servus Christi. » Chariorem illis facit epistolam, quando ei qui ex ipsis est, testimonium reddit. « Semper sollicitus pro vobis in orationibus, ut stetis perfecti, et abunde expleti in omni voluntate Dei. » Tam salutaria se illis exoptare testatur, ut illum qui civis illorum est, et affectu unanimi charissimus, participem suæ devotionis (2) in profectum eorum ostendat.

(Vers. 13.) « Testimonium enim adhibeo illi, quia habet multum laborem pro vobis, et pro iis

A qui Laodiceæ sunt et Hierapoli. » Ut sollicitos eo salutis suæ faciat, aliorum vigilantia quanta sit pro his, ostendit : sollicitior enim quis fit pudore, quando in causa sua alterum viderit laborare.

(Vers. 14.) « Salutatur vos Lucas medicus charissimus, et Demas. » Vere charissimus Apostolo fuit Lucas, quia omnia postponens, Apostolum semper secutus est : qui et Evangelium et Actus apostolorum scripsisse perhibetur.

(Vers. 15.) « Salutatur eos qui sunt Laodiceæ fratres, et Nympham, et domesticam ejus Ecclesiam. » Quoniam simili modo et pro iis qui Laodiceæ sunt, sollicitus erat, in eorum epistola hos salutandos commonet, Nympham chariorem existimans, cujus et domum salutatur : tam enim devota videtur fuisse, ut omnis domus ejus signo titulata esset crucis.

(Vers. 16.) « Et cum lecta fuerit apud vos hæc epistola, facite ut et in Laodicensium Ecclesia legatur, et vos ut eam quæ est Laodicensium, legatis. » Quia generales sunt instructiones Apostoli, et ad omnium profectum Ecclesiarum scriptæ epistolæ, ideo etiam Laodicensibus epistolam hanc legi præcipit, ut per hanc quid agendum sibi esset, addicerent ; et Colossenses ut eorum legerent, juxta sensum supradictum.

(Vers. 17.) « Et dicite Archippo : Vide ministerium quod suscepisti in Domino, ut illud impleas. » Præpositum illorum per eos ipsos commonet, ut sit sollicitus de salute ipsorum ; et quia plebis solius causa epistola scribitur, ideo non ad rectorem ipsorum destinata est, sed ad Ecclesiam. Post enim Epaphram, qui illos imbut, hic accepit regendam eorum Ecclesiam.

(Vers. 18.) « Ipsa salutatio mea manu Pauli. Memores estote vinculorum meorum. Gratia Domini nostri Jesu Christi vobiscum. » Ut confirmet epistolam manu sua subscriptam dicit, memorans ut in mente habeant exitus ejus, quos patiebatur pro salute gentium, et tales se præberent, ut non ferret ægre pati pro his injurias.

(2) Codex Laud., *participem suæ defensionis.*

IN EPIST. B. PAULI AD THESSALONICENSES PRIMAM.

PROLOGUS.

Ut horum, id est, Thessalonicensium exemplo alios exhortetur ad fidei incrementa, istos laudat, eo quod in accepta gratia permanentes, ad profectum præmii aucti sunt, meliora sectando : hortatur vero ut ad perfectum tenderent, ut eorum virtutibus quæsitæ dignitas cæteros provocaret. Tantæ enim fidei imbiberant spiritum, ut spe futurorum, etiam civium suorum Macedonum persecutiones

D illatas pro nomine Christi devoto animo paterentur. Ut horum ergo meritum, et suam ex eorum profectu lætitiæ litteris signet, ita scribit ad eos :

CAPUT PRIMUM.

(Vers. 1.) « Paulus, et Silvanus, et Timotheus Ecclesiæ Thessalonicensium in Deo Patre nostro, et in Domino Jesu Christo, **277** gratia vobis et pax. » Trium quidem episcoporum nomina litteræ

continent (3), sed sensus et verba solius Apostoli A sunt. Quia enim communi gaudio exsultant in profectu illorum, ex consensu ad plebem epistola scribitur in exaltatione Dei Patris, et Domini Jesu Christi pacem et gratiam his exoptans.

(Vers. 2, 3) « Gratias agimus Deo semper pro omnibus vobis, memoriam vestri facientes in orationibus nostris, sine intermissione, memores operis fidei vestrae et laborum charitatis, et expectationis Domini nostri Jesus Christi, coram Deo et Patre nostro. » Quoniam omnia bona a Deo sunt, ideo ei primum gratias referunt in profectu illorum, qui dignatus est non solum donum suum dare hominibus sub peccato constitutis, sed in filios hos adoptare, simul adjuvans eos ad omnia exitia toleranda, ut digniores fiant. Quamobrem meminisse B horum dicunt se in orationibus suis, eo quod crebrescerent in opere fidei cæteris Ecclesiis : ut nutu Dei perficerent opus cæptum, prompti in studio charitatis, et patientiæ, et spei adventus (4) Domini ante Deum, qui dignatus est Filium suum incarnare pro salute humana. Placitum enim Dei est, si proficiatur in Christo.

(Vers. 4, 5.) « Scientes, fratres dilecti a Deo, electionem vestram, quia Evangelium nostrum non fuit ad vos in verbo solum, sed et in virtute, et in Spiritu sancto, et in plenitudine multa, sicut scitis quales fuerimus in vobis vestri causa. » Humiles se fuisse inter eos significant, ut illis formam darent mansuetudinis, non quod defuerint, quæ ad fidem illos hortarentur, magnalia : quia doctrinæ C evangelicæ robor virtus præstabat signorum et prodigiorum, in Spiritu sancto, id est, non in phantasia, sed in veritate plenitudinis, ut nulli necessitati deesset auxilium ; sed superabundans gratia videretur et in doctrina, et in conversatione, et in ægris curandis, ut perfectum opus Spiritus sancti appareret in Thessalonicensium Ecclesiis, ut in nullo se minores videntes Judæorum Ecclesiis, gauderent in dono Dei, qui participes illos facere dignatus est promissionis Abrahamæ.

(Vers. 6, 7.) « Et vos imitatores nostri facti estis, et ipsius Domini, suscipientes verbum in pressura multa cum gaudio Spiritus sancti, ita ut fueritis vos exemplum omnibus credentibus in Macedonia et in Achaia. » Cupidi credulitatis, probra et injurias a civibus suis passi tolerarunt fiducia futurorum. Unde æmuli dicuntur apostolorum, et ipsius Domini, quia et Dominus eadem passus est a Judæis, et apostoli sequentes fidem Dei, persecutiones passi sunt, « gaudentes quia digni habiti sunt pro nomine Domini contumelias pati (Act. v, 41), » scientes pro his magna fore præmia reposita ; idoneus enim servus probatur, quando pro amore domini sui inimicos ejus offendit. Cujus rei memores, gavisus sunt spe promissionis in pressura.

Itaque magna exhortatio est ad profectum, cum similes illos factos dicit et Christi et apostolorum ad formam præbendam cæteris credentibus illis in locis quibus fama illorum ambulabat.

(Vers. 8.) « A vobis enim diffamatus est sermo Domini non solum in Macedonia et in Achaia, sed et in omnem locum fides vestra, quæ est ad Deum, processit. » Tale est hoc, quale et illud ad Romanos, cum dicit : « Quia fides vestra prædicatur in universo mundo (Rom. 1, 8). » Sed in his amplius, quia non solum fides, sed opus fidei illorum pervenit in omnem locum.

(Vers. 9, 10.) « Ita ut non necesse habeamus nos aliquid eloqui. Ipsi enim de nobis annuntiant, qualem introitum habuerimus ad vos : et quomodo conversi estis ad Deum ab idolis, ad serviendum Deo vivo et vero, et ad expectandum Filium ejus de cælis, quem suscitavit a mortuis Jesum, qui eripuit nos ab ira veniente. » Sic peragrasse dicunt famam introitus sui et conversationis eorum cum prædicatione Evangelii, ut non esset necesse ea dicere : superfluum est enim ea fari, quæ nota sunt. Ad omnes enim in circuitu pervenerat, ita ut et annuntiarent cæteris qua devotione susceperant apostolos. Et quia ad omnia, quæ audierant ab eis, fuerant promptiores, relinquentes deos mortuos : expectarent autem Christum de cælis, quem humanæ salutis causa mortuum audierant, et resurrexisse de vi ta morte, et cum carne assumptum in cælos ministra nube, ad confusionem prudentium mundi, qui consideratione habita mundanorum, carnis naturam, quia gravis est, putant non posse fieri, ut sustollatur in cælos. Hoc affectu fit Spiritus sancti, ut erubescant terrigenæ prudentes.

278 CAPUT II.

(Vers. 1, 2.) « Ipsi enim scitis, fratres introitum nostrum ad vos, quia non inanis fuit, sed ante multa passi, et contumeliis affecti, sicut scitis, in Philippis, exerta libertate usi sumus in Deo nostro loquendo ad vos Evangelium Dei in magno certamine. » Hanc pressuram, quam nunc memorat, passus est in Philippis cum Sila, propter spiritum pythonem quem a puella ejecerat (Act. xvi, 16-24), quod jam suo loco dictum est. Cui pressuræ non cessit, sed fortior D inventus est, dum audet prædicare, nec loqui timet, spe utique promissi præmii, ut et hi securi essent in persecutionibus, gaudentes propter futuram mercedem. Signum ergo devoti et fidelis prædicatoris hoc dicit esse, si in pressura loqui verbum Dei non timeat, inanem illum significans, qui terrore præsentis formidinem patitur prædicandi. Qui enim securum est de promissa spe, non cedit, ut coronetur.

(Vers. 3, 4.) « Nam exhortatio nostra non ex fallacia, neque ex immunditia, neque in idolo, sed

(3) Amerb. et mss. non pauci, *episcoporum nomine litteræ continentur.*

(4) Nonnulli mss., *et fidei adventus*, etc.

sicut probati sumus a Deo; ut crederetur nobis Evangelium, ita loquimur, non ut hominibus placentes, sed Deo, qui probat corda nostra. » Hoc propter pseudoapostolos dicit, qui in dolo et fallacia prædicabant non missi, ut circumvenirent gentes ad serviendum legi factorum. Iste autem electum se et missum prædicare multis probat rebus, quia et in pressuris fortior inventus est, et in conversatione irreprehensibilis: ut nihil esset in hoc, quod minus Deo videretur dignum, prosequentibus signis. Quidam enim quæstus causa Christum prædicabant, favori hominum servientes, quia et in arguendo remissiores erant; quippe cum nec auctoritas esset, et in tribulatione infirmi, quia non ex corde, sed in fallacia erat sermo eorum. Omnis enim qui aliquid sine spe agit, orta tribulatione succumbit.

(Vers. 5.) « Neque enim unquam in verbo adulationis conversati sumus, sicut scitis, neque in occasionem avaritiæ. Deus testis est. » Nunc aperit quod supra significavit, cum dicit: « Non in occasione avaritiæ, » Deum dans testem, quia istud ex corde faciebat, non in hypocrisi, quasi contemnens pauca, ut forte plura offerrentur. Unde et ipsos convenit, scientes ac probantes quia nulli fuerat adulatus; pseudo enim apostoli formam avaritiæ dari sibi optabant, ut ipsa occasione, dum veros apostolos omnia illata vident accipere, possent ipsi sine invidia simpliciores homines deprædare.

(Vers. 6, 7.) « Nec quærentes ex hominibus gloriam, neque a vobis, neque ab aliis, cum possemus apud vos oneri esse (5), ut Christi apostoli. » In tantum gravat pseudoapostolorum causam, ut se abnuere dicat, cum liceret illi obsequia requirere, ad comprimendos eos quibus nec facultas era, nec pudor, et tamen honorem sibi posebant: se enim potius quam Dei doctrinam commendare volebant. Apostolus autem, qui gloriam non ad præsens, sed in futuro requirebat, se humilem faciebat, ut Dei prædicatio exaltaretur.

(Vers. 8.) « Sed fuimus parvuli in medio vestrum, tanquam si nutrix foveat filios suos; ita desiderantes vos, cupimus impartiri vobis non solum Evangelium Dei, sed etiam animas nostras, quia charissimi nobis » facti estis. Tantum affectum habere se circa illos ostendit (quem, quia verus est, non verbis magis quam rebus probatum vult videri: potest enim in verbis latere fallacia), ut his exhortationibus provocati omnem sensum suum in dilectione haberent apost.

(Vers. 9.) « Meministis enim, fratres, laborem nostrum et fatigationem, nocte ac die operantes ad hoc, ne quem vestrum gravaremus. » Hoc est, quod dicit in Actis apostolorum: « Omnia, inquit, quæ mihi et iis qui sunt mecum fuerunt necessaria,

A laboraverunt manus istæ. » Unde et in alia epistola dicit: « Qui non laborat, nec manducet. » Et hoc contra pseudoapostolos, ut qui otiosi manducarent, prædicatores se fingebant esse. Ut ergo exemplum daret, quemadmodum gubernanda sit vita Christiana, et fictores proderet, labori insistebat humano, offuscans pseudoapostolos: præterea quia qui labori insistunt, a malis cogitationibus declinant, occupantes animum suum, et a periculis prohibentes.

(Vers. 10, 11, 12.) « Prædicavimus vobis Evangelium Dei, vos testes estis, et Deus, quam sancte et juste, et sine querela vobiscum qui creditis, conversati sumus sicut scitis: et quomodo erga unumquemque vestrum, ut pater filios suos, obsecrantes vos, et consolantes, et obtestantes ad hoc ut ambuletis digne Deo, qui vocavit vos in suum regnum et gloriam. Manifesta sunt hæc: commonet enim illos quomodo crediderint se prædicante, 279 et qualem eum fuerint experti, et quæ præcepta dederit eis, ut digni fierent Deo, qui illos vocavit de terris ad cælos, ut exsuscitet lætitiâ illorum.

(Vers. 13.) « Ideoque et nos gratias agimus Deo sine intermissione, quod cum accepissetis a nobis verbum auditus Dei, suscepistis illud non ut verbum hominum, sed sicut est vere, verbum Dei, quod et operatur in vobis qui credidistis. » Deo gratias referunt, qui aperuit sensum illorum ad recipiendum Evangelium suum. Gloria enim prædicantium est, quando audientes facile credunt; tanta enim devotione receperunt verbum, ut probarent se intellexisse Dei esse doctrinam.

(Vers. 14, 15, 16.) « Vos enim, fratres, imitatores facti estis Ecclesiarum Dei quæ sunt in Judæa, in Christo Jesu: quia eadem passi estis et vos a contribulibus vestris (6), sicut et nos ipsi a Judæis, qui et Dominum interemerunt Jesum, et prophetas, et nos persecuti sunt, et Deo non placent, et omnibus hominibus adversantur, prohibentes nos gentibus loqui, ut salventur, ad hoc ut suppleant peccata sua semper: sed pervenit ira Dei super eos usque in finem. » De impietate atque credulitate queritur diffidentium Judæorum, qui non solum suæ salutis inimici sunt, verum etiam aliorum, prohibentes ne credant, et salvi fiant, ab initio paricidæ; vel Domino enim communi parcere debuerant, qui conservis et præpositis suis non pepererunt: ut repleantur peccata eorum, in tantum, ne aliquando misericordiam consequi mereantur. Ideo Thessalonicenses a civibus suis eadem passos dicit imitatos patientiam sanctorum, et Domini nostri Jesu Christi: cujus sceleris auctores in luce Judæos ut et quanta gloria digni sint, qui pro nomine Domini patiuntur, et quæ ultio infestis et infidis præparata sit, dignoscatur.

(5) Vet. edit., *honoris esse*; Rom., *in honore esse*; melius mss. ac Gill. in marg., *oneri esse*.

(6) Rom. edit., *et vos a concivibus vestris*.

(Vers. 17, 18.) « Nos autem, fratres, desolati a vobis ad tempus horæ, facie, non corde, abundantius festinavimus faciem vestram videre in multo desiderio. Quapropter voluimus venire ad vos, ego Iulidem Paulus, et semel et iterum, sed impeditit nos Satanæ. » Non animo, sed corpore divulsos se dicunt ab eis; charitas enim non dividitur, nec separatur: sed propter majorem instructionem etiam faciem eorum cupere se dicunt videre. In rebus enim divinis deficiunt articuli comprehendere, quæ possunt dici; nec enim sufficit dies stylo his quæ una hora possunt depromi; ut non dicam quædam esse mystica religionis nostræ, quæ propter carnales sensus, ne scandalum patiantur, facile publicari non debeant: quia non omnibus dicenda sunt omnia, sed pro uniuscujusque captu moderanda sunt dicta, aliter rudibus, aliter fundatis. Idcirco præsentia corporis requiritur; quia sic perficitur veritas charitatis. Quamvis enim charitas non dividatur, desiderium tamen facit absentia corporis: denique osculo et amplexu animorum expletur voluntas. Cui rei impedimento asserit fuisse Satanam, qui etiam apostolis obvias manus tendebat; ne veritatis ratio hominibus panderetur. Accendebat enim perfidorum mentes, ut eos verberibus ac vinculis detinerent; ne loquerentur verbum Dei. Dixerunt enim majores Judæorum apostolis: « Nonne præcipientes denuntiavimus vobis, ne loqueremini in nomine Jesu ulli hominum (Act. v, 28)? » Sed quia quod non est a Deo, stare non potest, dissolvuntur impedimenta Satanæ.

(Vers. 19, 20.) « Quæ est enim nostra spes, aut gaudium, aut corona gloriæ? Nonne vos coram Domino nostro Jesu Christo in adventu ejus? Vos enim estis gloria nostra et gaudium. » Manifestum est quia perfectio discipulorum gaudium et corona magistri est. Hi enim sunt, qui labores fructuum suorum edituri sunt; fructus enim magistri, discipulus est obediens, cujus dum bona conversatio proficit magistro, fructus sui edit laborem. Labor enim discipuli in opere bono coronam dat magistro, judice Christo.

CAPUT III.

(Vers. 1-4.) « Idcirco jam non amplius tolerantes, optimum duximus ut Athenis soli relinquermur: et misimus Timotheum fratrem nostrum, et participem operis Dei in Evangelio Christi, ad hoc ut et vos confirmet, et deprecetur pro fide vestra, ne quis moveatur in his pressuris. Ipsi enim scitis quia ad hoc positi sumus; nam et cum apud vos eramus, prædicebamus vobis passuros nos pressuram (7), sicut factum est, et scitis. » Desiderii supra memorati causas expressit. Idcirco enim præsentis esse apud eos volebant, ut animos eorum firmarent, ne quis ex his scandalum pateretur de pressuris apostolorum, 280 ut qui tanta signa facerent, aliquando infirmarentur: ita humili-

liati, ut verberibus et vinculis subicerentur. Ad quam rem excusandam Timotheum missum testatur idoneum doctorem, qui ostenderet hinc meriat crescere Christianis, si pro nomine Domini passi gratias agant, a quo hujus rei mercedem expectant, simulque preces Deo funderent, ut stabiles essent. Quam persecutionem idcirco se passuros prædicaverant, ut per id quod præscientiam hujus rei habere se protestarentur, posse se effugere et declinare has injurias approbarent: sed quia spes magna in his est, ideo dicit illatas sufferre quidem libenter.

(Vers. 5.) « Ideo et ego non amplius tolerans, nisi ad hoc ut cognoscerem fidem vestram, ne quomodo attentaverit vos ille tentator, et inanis fiat labor vester. » Istud propter quosdam dicit qui possent seduci astutia Satanæ, quia in omni plebe est pars firma et infirma, quorum causa sollicitus erat, ne amitteret fructum credulitatis eorum. Et quia diutius passus non est nescire se quid certius ageretur circa illos, misit Timotheum episcopum a se creatum, a quo posset certum scire.

(Vers. 6, 7, 8.) « Modo autem cum venisset Timotheus ad nos a vobis, et annuntiasset nobis fidem et charitatem vestram: et quoniam memoriam nostri habetis bonam semper, desiderantes nos videre, sicut et nos quoque vos: ideo consolationem sumus adepti, fratres, in vobis super omni necessitate et pressura nostra per vestram fidem, quoniam nunc vivimus, si vos steteritis in Christo. » Declaravit cur alacri sermone scribat ad eos: ideo enim, nuntio veniente, et firmitatem devotionis illorum in fide et dilectione Apostoli declarante, lætus factus de communi concordia, scribit ad eos securum habens fructum fidei et bonæ conversationis eorum.

(Vers. 9, 10.) « Quam enim gratiarum actionem possumus referre Deo de vobis super omni gaudio, quo gaudemus propter vos coram Deo nostro, nocte dieque abundantissime orantes, ut videamus faciem vestram, et suppleamus, quæ desunt fidei vestræ. » Nihil dicit tam dignum, quod sufficere possit ad compensationem acquisitæ salutis gentium. Et quoniam provexerant se perseverantia fidei, et actu vitæ melioris, magis ac magis cupit eos videre, ut ea quæ ad perfectionem illorum pertinent, ediscant, sacramenta scilicet rerum spiritualium, quæ facile publicari non debent: ut scirent quis et quam immensus est ille, quem judicem sperabant. Aliud est enim fidem accipere, et aliud expositionem fidei: altera enim disputatio est de natura Patris et Filii, et alia de personis (8). Pater ingenitus est, Filius vero genitus: quantum ad personas pertinet, diversum videtur, cum sit individua unitas naturæ; unitas enim non in persona est, sed in substantia: Spiritus autem sanctus non degener putetur, quia tertius ponitur. Qui

(7) Nonnulli mss., *passuros vos pressuram.*

(8) Rom. edit., *et Filii et Spiritus sancti.*

ergo de secunda persona non ambigit, admittit et A tertiam.

(Vers. 11.) « Ipse vero Deus et Pater noster, et Dominus noster Jesus Christus dirigat viam nostram ad vos. » Integro ordine iter suum disponi postulat, primum a Deo Patre, quia ab ipso sunt omnia: deinde a Domino Jesu Christo, per quem sunt omnia, ut virtus atque providentia Patris et Filii adventum ejus commendat, et ut acceptabilis fiat audientibus se, et impedimenta diaboli solverentur ad dirigendum iter ejus.

(Vers. 12, 13.) « Vos autem Dominus multiplicet, et abundare faciat charitate in invicem in vos, et in omnes (9), sicut et nos in vos ad confirmanda corda vestra irreprehensa in sanctimonia eorum Deo et Patre nostro in adventu Domini nostri Jesu Christi cum omnibus sanctis suis. » Ut gaudium suum, quo de eis gaudet, cumulet omnibus bonis multiplicari illos exoptat; ut veniens ad eos, plus inveniat in eis, quod laude dignum sit, quam a Timotheo audierat: ut irreprehensibiles inveniantur cum sanctis in charitate Dei Patris, et in adventu Domini nostri Jesu Christi, cum cœperit ante tribunal ejus examinatio singulos approbare. Deum vocat propter terrorem majestatis ejus: Patrem vero propter benignitatem, qua dignatur credentes sibi adoptare in filios, quod in adventu Domini manifestabitur.

CAPUT IV.

(Vers. 1.) « Quod superest itaque, fratres, rogamus vos et obsecramus in Domino Jesu, ut quemadmodum accepistis a nobis qualiter oporteat vos ambulare, et placere Deo, sicut et ambulatis, ut abundetis magis. » Hoc est, quod supra dixi, quia **281** ad cumulandum gaudium suum crescere illos vult in bonis operibus secundum mandata apostolica.

(Vers. 2-6.) « Scitis enim quæ præcepta dederim vobis per Dominum nostrum Jesum. Nam hæc est voluntas Dei sanctificatio vestra, abstinere vos a fornicatione, et scire unumquemque vestrum suum vas possidere in sanctimonia et honore: non in passione desiderii, sicut et gentes quæ ignorant Deum: et ut ne quis supergrediatur, neque circumveniat in negotio fratrem suum, quoniam vindex est Dominus de his omnibus, sicut et prædiximus vobis, et testificati sumus. » Quamvis laudet eos in tota epistola, tamen commonet ne aliqua subreptione ad illicita deducantur, et incurrant vindictam, quam ultricem malorum didicerunt: scientes hoc Deo placere, si corpora sua incontaminata custodiant, sed et cum fratribus simpliciter agant, ne similes gentibus inventi, adoptionis nomine abdicantur.

(Vers. 7, 8.) « Non enim vocavit nos Deus in immunditiam, sed in sanctimoniam. Quapropter qui

(9) Rom. edit., in nos et in omnes; et post paulo, corda vestra irreprehensibilia; vet. edit. ac mss. ut in textu, nisi quod in mss. quibusdam legitur, corda nostra.

A spernit hæc, non hominem spernit, sed Deum, qui dedit Spiritum sanctum in nobis. » Ut fortius astringat ad ea, quæ docet, Dei interponit personam (10), dicens: « Non hominem spernit, qui præterit præcepta, sed Deum. » Quem ideo dicit Spiritum sanctum nobis dedisse, ut sancte vivamus, quia in corpore subdito peccatis non habitat Spiritus sanctus (Sap. 1, 4).

(Vers. 9, 10.) « De affectione autem fraternitatis non habemus necessitatem scribendi vobis; ipsi enim a Deo edocti estis ad hoc ut vos invicem diligatis (Joan. xv, 17). » — « Nam et hoc facitis in omnes fratres per universam Macedoniam. » Etiam hoc eum facere illos laudat, commonet tamen ut propensius id agant: quos enim ab ipso B Deo doctos dicit, promptiores esse debere in fraterna dilectione significat. Propter multam enim charitatem Deus misertus est nostri, ejus imitatores effecti, non immerito adoptatos nos ostendimus a Deo in filios.

(Vers. 11.) « Hortamur autem vos, fratres, abundare magis, et eniti quiescere, et vestrum negotium agere, et operari manibus vestris, sicut vobis præcepimus: ut honeste ambuletis ad eos qui foris sunt, et nullius desiderium sit in vobis. » Iterum eadem hortatur, ut data opera abundant bonis actibus; ut enim significet vere hoc esse, quod placet Deo (11), frequenter hoc monet. Justitiæ enim via tenenda est, ut ad misericordiam jure veniatur: ut qui sunt inferiores substantia, manibus laborent: C ut ipsa intentione tollantur a vulgari inquietudine, et prava cogitatione, ut disciplina eorum etiam ab infidelibus laudetur, et provocari ad fidem possint.

(Vers. 12, 13.) « Nolumus autem vos ignorare, fratres, de iis qui dormiunt; ne contristemini (12), sicut et cæteri qui spem non habent. Nam si credimus quod Jesus mortuus est et resurrexit, sic et Deus illos qui dormierunt, per Jesum adducet cum eo, » Manifesta est ratio, quia si resurrectio creditur mortuorum futura, non sunt lugendi, qui cum signo crucis exeunt. Lugendi autem vere sunt infideles, qui hinc transeunt in gehennam, ut ediscant verum esse quod credere noluerunt. Fideles autem resurgent ad gloriam, ut qui in sæculo stulti habiti sunt propter fidem, videantur prudentes: D providerunt enim sibi gloriam. Hi sunt qui per Jesum, id est, sub spe fidei hujus exeuntes, adducuntur cum eo in adventu ejus: ut ab hominibus videantur. Cum tamen ipse defuncti excessum lugendum prohibeat, ipse alibi dicit: « Ne tristitiam haberem (Philipp. ii, 27). » Sed jam suo loco solutum est.

(Vers. 14-17.) « Hoc enim vobis dicimus in verbo Domini, quia nos qui vivimus, qui subrelictii sumus in adventum Domini, non præveniemus eos

(10) Codex Laud., Dei interponit doctrinam.

(11) Idem cod. Laud., significat, et vere hoc est, quod placet Deo.

(12) Rom. edit., ut non sitis tristes.

qui dormierunt. Quoniam ipse Dominus in jussu, et voce archangeli, et tuba Dei descendet de cœlo, et hi qui in Christo mortui sunt, resurgent primi: deinde nos qui vivimus, qui relinquimur, unacum illis rapiemur in nubibus obviam Domino in aera, et sic semper cum Domino erimus. Quare consolamini vos invicem in his verbis. » Sensu Domini loqui se profitetur, cum dicit: « Hoc vobis dicimus in verbo Domini. » Ut enim fidam spem (13) et ratam gloriam resurrectionis sanctis promissæ demonstraret, ordinem ipsum, quomodo futura sit, exponit, nutu judicis Christi, sancto Spiritu intimante: ut ipsa spe qui charos suo præmiserunt, non doleant addiscentes quia in adventu Domini priores resurgent qui in Christo moriuntur. Ipse enim Christus Dominus voluntate Patris, quasi primus angelus de exercitu 282 cœlesti (14), sicut continetur in Apocalypsi Joannis apostoli (Apoc. xii, 7), descendet de cœlo ad gerendum bellum nomine Dei contra antichristum. Quo extincto, jussu ejus resurgent mortui. Hoc est ergo in tuba Dei descendere, nomine Dei bellum gerere: est enim, ut ipse dixit ad Jesum filium Nave (Josue v, 14), dux et princeps exercitus Domini, propter quod archangelus dicitur. Cum autem in tuba Dei descendet, Deus est, quia utrumque continent Scripturæ, sicut in Exodo, quem angelum in flamma apparuisse Moysi legimus, statim ipsum in subjectis esse Deum agnoscimus, id est, Filium Dei, dicente eadem Scriptura: « Et accedens, inquit, Moyses avertit se, quia non potuit considerare in faciem Dei (Exod. iii, 6). » Deus ergo est, quia Filius Dei verus est Deus: dux autem et princeps ideo, quia caput omnium est, quia per ipsum omnia. Resurgentibus ergo primis, qui in Christo mortui sunt, deinde nos qui vivimus, rapiemur unacum illis bajulis nubibus obviam Christo in aera: ut cum Domino omnes veniant ad prælium, et quos occiderat, videat vivos; quia sicut Domino famulatae sunt nubes, ita et his quos fratres suos dignatus est appellare. « Et sic semper cum Domino erimus: » in ipso enim raptu mors proveniet et quasi per soporem, ut egressa anima in momento reddatur. Cum enim tollentur, morientur, ut pervenientes ad Dominum, præsentia Domini recipiant animas: quia cum Deo mortui esse non possunt. « Itaque consolamini vos invicem in his verbis. » Hac spe consolari se invicem jubet eos, qui adhuc more gentili charorum suorum excessum putabant lugendum.

CAPUT V.

(Vers. 1, 2, 3.) De temporibus autem et momentis, fratres, non est necesse vobis scribi: ipsi enim diligenter scitis, quia dies Domini, ut fur noctu, ita veniet. Cum enim dixerint: Pax et securitas (15), tunc repentinus eis superveniet inte-

(13) Mss. aliquot, *Ut enim fidem, spem, etc.*

(14) Edit. mss. nonnulli, *Angelus Dei cum exercitu cœlesti.*

ritus, quemadmodum dolor partus prægnanti, et non effugient. » Hoc est quod in Evangelio Dominus locutus est, dicens: « Vigilate, quia nescitis horam qua Dominus vester venturus est (Marr. xiii, 33). » Et iterum: « Si quis vobis dixerit: Ecce hic Christus, aut ecce illic, nolite credere (Matth. xxiv, 23). » Subito enim et ex insperato apparebit sicut coruscatio apparet ab oriente in occidentem, habens secum militiam exercitus Dei Patris ad perditionem antichristi et satellitum ejus. Cum enim securi fuerint perfidi de regno diaboli, interfectis sanctis, id est, Enoch et Elia, læti de victoria invicem sibi mittentes munera, sicut dicit Apocalypsis (Apoc. xi, 7 — 10), tunc illis subito veniet repentinus interitus. In adventu enim suo Christus hos omnes disperdet; ut videntes sancti, quod evaserint, gloriantur.

(Vers. 4, 5.) « Vos autem, fratres, non estis in tenebris, ut vos dies ille tanquam fur apprehendat; omnes enim vos filii luminis estis et filii diei: non estis noctis neque tenebrarum. » In tenebris ignorantiam significat et mendacium, in die autem scientiam et veritatem. Idcirco Christianos non in tenebris esse dicit, gentiles autem vel incredulos Judæos filios tenebrarum: quia cultores sunt mendacii. Quamobrem fideles securos esse debere significat: quia non ignorant futurum adventum Domini, sed exspectant solliciti, ut veniat. Qui autem ignorant diffidentes de eo, repente illos apprehendet improvidos, et interficiet.

(Vers. 6-11.) « Igitur non dormiamus, sicut et cæteri, sed vigilemus, et sobrii simus. Hi enim qui dormiunt, nocte dormiunt: et qui inebriantur, nocte sunt ebrii. Nos autem qui diei sumus, sobrii simus, induti thoracem fidei et charitatis, et galeam spei salutis, quia non posuit nos Deus in iram, sed in acquisitionem salutis per Dominum nostrum Jesum Christum, qui mortuus est pro nobis: ut sive vigilemus, sive dormiamus, simul cum illo vivamus. Propter quod exhortamini invicem, et ædificate alterutrum, sicut et facitis. » Apertum est, quod dicit: commonet enim, ne securi de nomine Salvatoris, negligenter agamus; ideoque tribus propugnaculis nos muniti debere, id est, fidei, et spei, et charitatis. Dum enim fides manet, spem excitat: spes autem necessario sollicita est de promissione, nec dormit: charitas autem devotum offert Deo: nihil enim adversum admittit charitas. Idcirco enim mortuus est pro nobis Dominus Jesus et resurrexit, ut sive vigilemus, hoc est, vivamus, sive dormiamus, id est, moriamur, unacum illo æterna vita fruamur. Hoc est quod supra dixit, quia fideles in adventu Domini tam mortui, 283 quam vivi obviam tollentur Domino, et semper vivent cum eo. In hoc meditandum docet, ut invicem se in isto ædificent sensu.

(Vers. 12, 13.) « Rogamus autem vos, fratres,

(15) Omnes edit. et quidam mss., *dicent, pax et firmitas.*

ut cognoscatis eos qui laborant in vobis (16), et præsent vobis in Domino, et monent vos : ut illis summum honorem habeatis in charitate propter opera ipsorum : pacem habete inter vos. Hoc est, quod dicit et in alia epistola (*I Tim. v, 17*), presbyteros duplici honore honorandos, qui laborant in verbo doctrinæ. Potest enim pigere eum, qui in piam patitur, exercitium facere, quod prosit audientibus. Quid enim prodest honorem sine fructu habere : aut quid magnum est offerre ei carnalia, qui tribuit spiritualia ? Sicut enim divitiæ negligentiam pariunt salutis, ita egestas dum saturari quærit, a justitia declinat. Hinc Salomon nec nimis divitem se petit fieri, nec egestuosum (*Prov. xxx, 8*). Hoc ipsum tamen in charitate fieri debere, ut honorificentia sacerdotis non de timore magis sit, sed de amore : ut etiam illi proficiat, qui facit. Res enim quæ sponte non fit, ad affectum non pervenit ; quamvis ad præsens proficiat sumenti, nihil tamen proderit in futuro danti. Et quia dissensio multa generat mala, pacificos eos esse hortatur.

(Vers. 14-17.) « Rogamus vero vos, fratres, corripite inquietos, consolamini pusillanimes, opitulamini infirmis, patientes estote ad omnes. Videte ne quis malum pro malo alicui reddat : sed semper quod bonum est sectamini, et in invicem, et in omnes. Semper gaudete in Domino, sine intermissione orate, in omnibus gratias agite. Hæc est enim voluntas Dei in Christo Jesu in omnibus vobis. » Quoniam necesse est quosdam in plebe esse im-

destos, quosdam autem pusillanimes, hoc est, timidos, quosdam vero fide infirmos : ideoque hos qui moderati sunt (17) et magnanimes, et fide fundati, hortatur cum prece, ut his consulant, ut possint proficere, sufferentes eos. ne si retributio fit malorum, pejores se fiant. Idecirco nihil aliud quam bonum sectandum hortatur, non solum in causa fratrum, sed et in omnium. Possunt enim bonis operibus attrahi infideles ad credulitatem, ex qua semper gaudeatur in Domino, hoc est, in bonum. Orandum autem sine intermissione : sedulæ enim preces provocant animum iudicis ad dandam misericordiam. In omnibus vero actibus bonis Deo gratias agendas, qui hanc tribuit doctrinam in Christo Jesu Domino nostro.

(Vers. 18-22.) « Spiritum nolite extinguere : prophetias nolite spernere. Omnia probate : quod bonum est, tenete : ab omni specie mala abstinete vos. » Hoc dicit, ut non facile alicui per spiritum loquenti interdicitur (extinguitur enim, si incipientis loqui fervor contradictione sopitur [18]), ne forte non intelligentes dici ab eo spiritualia, injuriam faciant Spiritui sancto, et peccent per ignorantiam : neque aliquem qui quasi Scripturas reve-

let, non audiri patienter debere, sed omnia dicta examinari, et sic judicari : ne forte gratiam datam fratri dum respuunt, auctori repugnent. Omnia ergo quæ dicuntur, probanda monet, et quidquid sobrie et bene dictam fuerit, retinendum. Quæcunque enim apostolorum et ipsius Domini dictis congruunt, ea bene dicta habenda sunt et retinenda : ab his autem quæ inimica fidei videntur, abstinendum. Solet enim spiritus mundi fallaciter quasi per imitationem dicere bona, et inter 284 hæc subinducere prava, ut per hæc quæ bona sunt, accepto ferantur et mala : ut quia unius spiritus dicta putantur, non discernantur ab invicem : sed per id quod licitum est, commendetur illicitum auctoritate nominis, non ratione virtutis. Solent enim sub apostolorum nomine et ipsius Domini infanda docere et adversa : ideoque omnia probanda monet, quia non possunt eloquia Domini esse diversa. Hinc est unde et Joannis apostoli epistola : « Nolite, inquit, omni spiritui credere : sed probate spiritus, si ex Deo sint (*I Joan. iv, 1*), » quia si multa bona dicat, in aliquo autem quod fidei adversum est, promat, sciatur non esse Spiritus sanctus. Nihil enim erroris in Spiritu sancto poterit reperiri. Sed per exercitium eloqui quædam spiritualia, quædam vero carnalia, quia omnis error carni deputatur, aut certe commento quodam astutiæ bona fingit : ut his inserat mala, sicut supra memoravi : quemadmodum in Montano, et Priscilla, et Maximilla prophetis cataphrygarum spiritus mundi imitatione quadam boni simulavit : ut per multa verisimilia, necnon et vera, mentiretur se esse Spiritum sanctum.

(Vers. 23.) « Ipse autem Deus pacis sanctificet vos per omnia perfectos, ut integer spiritus vester, et anima, et corpus sine querela in adventu Domini nostri Jesu Christi servetur. » Deus pacis Christus est : ait enim : « Pacem meam do vobis, pacem meam relinquo vobis (*Joan. xiv, 27*). » Quippe cum omnia quæ habet Pater, Filii sint, hunc sanctificare nos optat Apostolus, ut nos illustret pietate clementiæ suæ, et omnem actum (19) nostrum dirigat in perfectione, ut integer sit spiritus datus nobis. Tunc enim integer est, si bonæ vitæ studeamus, animam habentes mundam, et corpus sine querela, ut totus homo sit perfectus. Potest enim corpus mundum esse, et anima inquinari per malum cogitatum : ideoque spiritum in homine mundum dicit esse debere. Si autem mala vita vel cogitatio intercedat, non erit integer spiritus, quia deserit hominem peccatis obnoxium. Dum enim dissentit anima et corpus, quamvis sine sensu sit, alieni ab eo efficiuntur, et velut perdens eos, non erit integer spiritus : ad hoc enim datur homini, ut maneat in eo, et sit quasi caput ejus.

(16) Rom. edit., qui laborant inter vos. Et infra, pacem habete cum eis.

(17) Edit. ac mss. nonnulli, qui modesti sunt. Infra vero codex Laud., pejores se faciant.

(18) Mss. aliquot, contradictione rapitur.

(19) Omnes edit., et omne votum ; omnes mss., et omnem actum.

Integer ergo non erit, quia perdit membra, dum A recedit ab eo homo ea agens quæ odit Spiritus sanctus.

(Vers. 24, 25.) • Fidelis est enim Deus, qui vocavit vos, qui et faciet. Fratres, orate pro vobis. • Fidelem Deum dicit in promissis suis, ut securi de præmio recte versentur. Et quia qui vivunt juxta Evangelium, facile poterunt impetrare quæ postulant, idcirco orare eos pro se hortatur; facile enim multi impetrant quod desiderant.

(Vers. 26.) • Salutate fratres omnes in osculo sancto. • Sancta oscula sunt in salutatione Chri-

stiana, cætera carnalia sunt, quia quidquid sine Christo fit, carnale est, ac per hoc et mortale. Qui enim auctorem vitæ contemnit, in morte est.

(Vers. 27.) • Adjuro vos per Dominum, ut legatur epistola hæc omnibus fratribus. • Astringit eos, ut solliciti sint ad legendam epistolam cunctis fratribus, ut cognoscant et laudes et admonitiones suas, per quas fiant perfecti.

(Vers. 28.) • Gratia Domini nostri Jesu Christi vobiscum. • Sic illos in bonis operibus vult proficere, ut gratia Domini nostri Jesu Christi permaneat in eis in æternum.

IN EPIST. B. PAULI AD THESSALONICENSES SECUNDAM.

PROLOGUS.

Quoniam in prima epistola ad Thessalonicenses data inter cætera etiam de adventu Domini quædam scripsit, et de resurrectione sanctorum, nunc aliam scribit ad eos, in qua significat, licet obscure (neque enim aperte potuit scribere), de abolitione regni Romani, et de antichristi apparentia et damnatione, et de quorundam fratrum inquietudine.

CAPUT PRIMUM.

(Vers. 1-3.) • Paulus, et Silvanus, et Timotheus Ecclesiæ Thessalonicensium in Deo Patre nostro, et in Domino Jesu Christo. Gratia vobis et pax a Deo Patre nostro, et Domino Jesu Christo. • Solemnibus verbis scribit ad eos: solito enim more sermonum caput continetur epistolæ: et idem ipsi tres sunt, quorum nomine scribitur, sicut et prima epistola (*I Thess. 1, 1*).

• Gratias agere debemus Deo semper de vobis, fratres, sicut dignum est, quoniam superexcrevit fides vestra, et multiplicatur charitas uniuscujusque vestrum omnium in vos invicem. • Deo se debitores de horum profectu in gratiarum actione profitentur, et ut non quaecumque esse debitum ostenderet: • Sicut dignum est, • ait, ut pro tam infinito dono magnas gratias referendas Deo testarentur. Post acceptam enim **285** primam epistolam meliores esse, quam fuerant, perstiterunt, ita ut in eo copiosi et abundantes viderentur, quod post Domini et Dei devotionem habemus mandatum, ut diligamus nos invicem (*Joan. XIII, 34*).

(Vers. 4, 5.) • Ita ut nos ipsi de vobis gloriemur in Ecclesiis Dei pro patientia vestra et fide in omnibus persecutionibus vestris et pressuris, quas sustinetis in exemplum justii judicii Dei, in hoc ut digni habeamini regno Dei, pro quo et patimini. • Gloriam esse suam in horum conversatione et persecutione tolerata testatur, in tantum ut apud cæteras Ecclesias exempla eorum proferantur, ut imita-

A tione eorum crescant in devotione passionum pro Christo, et mereantur consequi quæ promissa sunt sanctis, in die justii judicii Dei, cujus amore mundum spernere non dubitarunt. Ipsæ enim pressuræ exempla sunt futurorum meritorum in his qui patiuntur, ad gloriam: in illis autem qui persequuntur, ad perditionem.

(Vers. 6-9.) • Siquidem justum est apud Deum retribuere eis, qui vos deprimunt, pressuram: et vobis qui afflictionem sustinetis, requiem nobiscum in revelatione Domini Jesu de cælo cum angelis virtutis ejus in igne flammæ dantis vindictam in eos qui non noverunt Deum, et in eos qui non obaudiunt Evangelio Domini nostri Jesu Christi, qui pœnas solvent in interitum æternum a facie Domini, et a gloria virtutis ejus. • Quoniam exemplum justii judicii Dei apparere dixit sive in bonos, sive in malos, idcirco subsecutus ait: • Siquidem justum est apud Deum, • ut reddat unicuique secundum opera sua. Quid tam justum, quam ut hi qui in sæculo deprimunt bonos, et extorres eos faciunt persecutionibus, in futuro eadem patiantur quæ faciunt: illi autem ut sint in requie cum cæteris sanctis, qui de magna tribulatione venientes, regnum accipient æternum in adventu Domini de cælo: cum cœperit venire cum cœlesti exercitu suo et ministro igne ad dandum vindictam in paganos, qui ignorant Deum Patrem esse Jesu Christi, et Judæos, qui dicentes se Deum scire, non credunt Evangelio Christi, quod dedit illi Pater Deus, ut traderet servis suis? Quos omnes præsentia Domini, et gloria majestatis ejus ignis exuret, ut debitas reddant pœnas interitus in æternum, semper patientes (20), non tamen penitus deficientes: ut ipsa pœna illos quodam modo generet semper, quo consumantur.

(Vers. 10.) • Cum venerit clarificari in sanctis suis, et mirificari in omnibus qui crediderunt, quia fidem habuit testimonium nostrum super vos

(20) Ita mss. plures potioresque: edit. vero cum aliis mss. quibusdam, *semper sentientes*. Minus commode.

in die illa adventus Domini. • Duplicem continet A sensum: adveniet enim punire malos, et glorificare bonos. Ipse enim clarus et mirabilis videbitur in eos qui credunt exemplo et fidei apostolorum, cum fuerint coronati, testimonium reddente illis Evangelio in die Domini; severus autem apparebit in incredulos, cum æternis pœnis coarctari cœperint. Corona enim discipulorum magistri est gloria, et veritas ejus incredulorum est pœna, quia quod prædicabatur, non credebatur.

(Vers. 11, 12.) • In quo et oramus semper pro vobis, ut vos dignos habeat vocatione sua Deus noster, et impleat omni placito bonitatis, et opere fidei in virtute: ita ut clarificetur nomen Domini nostri Jesu Christi in vobis, et vos in ipso secundum gratiam Dei nostri et Domini Jesu Christi. • B Gaudio addit et preces, ut quia devoti sunt, dignetur Deus adjuvare eos, ut perficiant opus cœptum ad claritatem Domini nostri Jesu Christi; ut perseverantia discipulorum testimonium sit magistro ad gloriam. Auctoritas enim magistri in discipulorum est fiducia, cum se in accepta gratia faciunt digniores.

CAPUT II.

(Vers. 1-4.) • Rogamus autem vos, fratres, per adventum Domini nostri Jesu Christi, et nostræ congregationis in illum, ne facile moveamini a sensu vestro, neque conturbemini, neque per spiritum, neque per verbum, neque per epistolam tanquam a nobis missam, quasi instet dies Domini. Ne quis vos seducat ullo modo, quoniam nisi venerit defectio primum, et revelatus fuerit homo ille peccati, filius perditionis (21), qui adversatur, et extollitur supra omne quod dicitur Deus, aut quod colitur: ita ut in templo Dei sedeat, ostentans se ipsum, quasi sit Deus. • Obsecrat eos ne leviter et facile de adventu quasi imminentis Domini opinionem reciperent: et talia dat mandata, ut etiamsi per spiritum aliquis velut propheta fuerit locutus, credi ei non debeat: neque si per tractatum aut per epistolam nomine forte apostolorum scriptam, assensum 286 tribuendum. Solent enim tergiversatores, ut fallant, sub nomine clari alicujus viri epistolam fingere, ut auctoritas nominis possit commendare quod per se ipsum recipi non posset. Hoc ideo, ne ipsa perturbatione dum incauti invenirentur, possent seduci ad adorandum diabolum, qui idcirco hæc jactabit, ut sub Salvatoris nomine apparens, ac fallens sanctos, velit se adorari, ut decipiat credentes in Christum. Sed ut locum aut occasionem fallendi, quam se putat habere, non habeat impudentissimus Satanæ, tempus et signa adventus Domini designavit, quia non prius veniet Dominus, quam regni Romani defectio fiat et appareat antichristus, qui interficiet sanctos, reddita Romanis libertate, sub suo tamen nomine.

Sciens enim venturum Dominum ad se comprehendendum, nomen ejus sibi usurpabit; et ut regnum ejus verum esse videatur, attrahit secum qui simul cum eo pereant: ita ut in domo Domini in sede sedeat Christi, et ipsum Deum se asserat, non Filium Dei. Unde in Evangelio ad Judæos Dominus ait: • Ego veni in nomine Patris mei, et non me recepistis: si alius venerit in nomine suo, illum accipietis (Joan. v, 43). • Quamobrem ex circumcissione, aut circumcisum illum venire sperandum est, ut sit Judæis credendi illi fiducia. Itaque cum Thessalonicensibus scribit Apostolus, docet omnes in re hujusmodi cautos esse debere.

(Vers. 5, 6.) • Annon meministis quod me adhuc apud vos agente, hæc dicebam vobis? Et nunc quid (22) detineat, scitis: ad hoc ut reveletur ille in suo tempore. • Hoc superesse dicit, ut reveletur ille, qui ante Dominum venturus est: ut jam speretur et Dominus venturus, quod supra quasi sub velamine factus est, dicens: • Nisi venerit defectio primum: • quam regni Romani abolitionem superius intelligendam memoravi, ut cum defecerit, et venerit antichristus, tunc adventus Domini venire credatur.

(Vers. 7.) • Nam mysterium jam operatur iniquitatis, tantum ut qui nunc tenet, teneat, quoadusque de medio fiat. • Mysterium iniquitatis a Nerone inceptum est, qui zelo idolorum apostolos interfecit, instigante patre suo diabolo, usque ad Diocletianum et novissime Julianum, qui arte quadam et subtilitate cœptam persecutionem implere non potuit; quia desuper concessum non fuerat. His enim ministris utitur Satanæ, ut interim sub turba deorum ad seducendos homines unius veri Dei manifestatione illudat, quandiu steterit regnum Romanum, hoc est, quod dicit: • Donec de medio fiat. •

(Vers. 8, 9.) • Et tunc revelabitur ille iniquus quem Dominus Jesus interficiet spiritus oris sui, et destruet illustratione præsentis suæ: cujus est adventus secundum operationem Satanæ, in omni potestate, et signis et portentis mendacii. • Post defectum regni Romani appariturum antichristum dicit, sicut memoratum est. Novissimo enim tempore sciens diabolus imminere sibi interitum; deficiente autem regno Romano, et ille de cœlis mittetur deorsum. projectus in terram (sicut dictum est in Apocalypsi Joannis apostoli), subornabit sibi in quo et per quem signa quædam virtutis permissu justis Dei faciens, se commendat ut adoretur, quasi sit Deus. Imitabitur enim Deum, ut sicut Filius Dei divinitatem suam homo natus vel factus signis ac virtutibus demonstravit; ita et Satanæ in homine apparebit, ut virtutibus mendacii ostendat se Deum, sicut supra dictum est. Revelatio vero mysterii iniquitatis hæc est; cum enim apparuerit antichristus, cognoscetur ipse esse quasi eorum Deus, quos prius nutu ejus

(21) Rom. edit., homo iniquitatis, filius interitus.

(22) Quidam mss., hæc dicebantur vobis? Et nunc latet. Quia, etc.

ut deos coluit vulgus, quorum sit ipse primus aut summus, quod signorum virtutibus faciet credibile. Ideo vero portenta mendacii dixit, quia hoc se vult credi per signa, quod non est; ut decipiat quos circumventurus est: quod sanctis ideo prædictum est, ut sciant quid caveant.

(Vers. 10.) « Et in omni fallacia iniquitatis, iis qui pereunt: pro eo quod dilectionem veritatis non susceperunt, ad hoc ut salvi fierent. » Iis dicit fallaciam iniquitatis prodigiorum ejus proficere, qui perituri sunt; quia enim veritatis charitatem spreverunt, per quam salvari potuerant apostolis prædicantibus, traditi sunt diabolo: nolentes enim salvari, deseruntur a Deo.

(Vers. 11.) « Et idcirco mittet illis Deus operationem erroris, in hoc ut credant mendacio; quatenus judicentur omnes qui non crediderunt veritati, sed consenserunt iniquitati. » Operatio erroris est falsis fidem committere, ut qui claritatem luminis **287** diem esse consentire noluerunt, putant tenebras diem dici debere: ut possint propensiori delicto rei facti, sine contradictione damnari veritatis inimici, fautores autem iniquitatis.

(Vers. 12, 13.) « Nos vero debemus gratias agere Deo semper de vobis, fratres dilecti a Domino, quia assumpsit vos Deus a principio ad salutem, in sanctificationem spiritus, et fidem veritatis, in quam revocavit vos per Evangelium nostrum in acquisitione gloriæ Domini nostri Jesu Christi. » Hoc loco præscientia Dei personat, quia scit omnium mentes ante nativitatem eorum; nec enim latet illum, qui credituri sunt. Idcirco a principio scit hos fideles ore, qui credentes augmentum fidei faciunt, non detrimentum; sanctificati enim per fidem veritatis Evangelii Filii Dei, acquiruntur ad augmentum gloriæ corporis Christi, sicut et in alia epistola ait: ut crescant, inquit, omnia in incrementum Dei (*Coloss. 11, 19*). Quicumque enim, deserto diabolo, confugiunt ad fidem Christi, augmentum faciunt Deo in corpore Christi, qui prius fecerant detrimentum.

(Vers. 14.) « Itaque, fratres, state, et tenete traditiones nostras, quas didicistis, sive per verbum, sive per epistolam nostram. » Ut præscientia Dei moneat in salutem illorum, idcirco in traditione Evangelii standum ac perseverandum monet; ut solliciti sint, ne desidia et otio torpentes in operibus Dei, non impleant quod cœperunt. Sic enim præscit credere et posse manere, si crebra admonitione pulsantur.

(Vers. 15, 16.) « Ipse autem Dominus noster Jesus Christus, et Deus ac Pater noster, qui dilexit nos, et dedit consolationem æternam, et spem bonam in gratia, consoletur corda vestra, et stabiliat in omni opere et verbo bono. » Quoniam Pater et Filius una virtus, unaque divinitas et substantia

est, ideo non dubitavit primo Dominum nostrum Jesum Christum nominare, deinde Deum Patrem nostrum dignatione ejus, non veritate naturæ: qui in tantum dilexit nos, ut Filium suum daret pro nobis (*Joan. 11, 16*), Deum pro hominibus, pro servis Dominum, pro adoptivis Filium verum; ut mors ejus vita nostra sit, et resurrectio ejus justificatio nostra; secundus autem adventus ejus requies vitæ nostræ, et gloria in æternum; ut ista spes consolatio sit præsentium pressurarum, per quam fundati crescerent in bonis operibus et doctrina.

CAPUT III.

(Vers. 1, 2.) « Quod reliquum est, fratres, orate pro nobis, ut verbum Domini currat et clarificetur, sicut et apud vos, et ut liberemur ab importunis et nequam hominibus; non enim omnium est fides. » De cætero orandum hortatur, ut dignetur Deus doctrinam suam infatigabili cursu dirigere, et transfundere per os Apostoli sui in aures audientium, et ut compesceret et sedaret malorum hominum seditiones, qui diffidunt veritati, et loquendi fiducia cresceret Apostolo ad ejus fructum, et conversionem multorum.

(Vers. 3.) « Fidelis autem Deus, qui stabiliet eos, et custodiet a malo. » Quoniam Deus fidelibus et bonæ vitæ hominibus auxilium suum non defuturum in necessitate promisit ad confirmationem illorum, ii autem tam in fide quam in opere æmuli erant bonorum, idcirco fidelem Deum dicit in promissis ejus, quia providentia ejus esset circa eos.

(Vers. 4.) « Confidimus autem in Domino de vobis, quoniam quæ præcepimus, et facitis, et facietis. » Propter quod mereri illos, ut Dei defensione totus præstari confideret; idcirco ea quæ illis præcipiebat in nomine Domini, fieri ab illis et futura esse non dubitat.

(Vers. 5.) « Dominus autem dirigat corda vestra in dilectione Dei, et patientia Christi (23). » Hoc illis exorpat a Deo, quod non ambigit posse præstari; ut in Dei charitate cor eorum proficeret ad exspectandum adventum Domini, ut condemnato sæculo (24), desideretur adventus ejus qui sæculum vicit.

(Vers. 6.) « Denuntiamus autem vobis, fratres, in nomine Domini nostri Jesu Christi, secerni vos ab omni fratre intemperanter ambulante, et non secundum traditionem quam accepistis a nobis. » Quoniam in omni plebe non omnes obedientes sunt verbo doctrinæ, non legis, sed suum placitum et consilium sequentes; propter hoc declinandum ab iis præcipit, ut cognoscant semetipsos errare.

(Vers. 7, 8, 9.) « Ipsi enim scitis quemadmodum debeatis imitari nos, quoniam non intemperanter viximus inter vos, neque gratis panem edimus a

(23) Rom. edit., in dilectionem Dei, et exspectationem Christi.

(24) Edit. cum paucis mss., ut contempto sæculo.

quoquam (25); sed in labore et fatigatione, 288 nocte dieque operantes, ad hoc ne graves essemus cuiquam vestrum: non quia non habuerimus potestatem, sed ut nosmetipsos formam daremus vobis ad imitandos nos. Illos dicit non ignaros operis et laboris sui, quem sedulo exitu operabatur (26), ne pane indigeret alieno, ut exemplum daret eis ad imitandum illum. Neque enim reprehensibilis esset, si panem ab his reciperet ad corporis curam, qui animis illorum escam spiritalem præbebat, quæ etiam corpori immortalitatem cum gloria procuraret. Tunc etenim exerta potest esse libertas, si semetipsum quis ventris causa aut pecuniæ nulli subiciat, suo pane contentus; maxime quod ad laudem magis proficit, si cum liceat, et sit sumendi potestas, contineat: hic talis prodesse potest audientibus se: reverentiam enim habebunt rigoris hujus, et ea quæ ab hoc mandantur, præmitti non poterunt.

(Vers. 10.) • Nam cum essemus apud vos, hoc præcipiebamus vobis, quod si quis non vult operari, nec manducet. Non solum verbis docebat, sed hortabatur et factis: idonei enim magistri est, si ea quæ verbis docet, operibus expleat. Tunc etenim addiscentes vera esse sciunt quæ audiunt, si negligi illa non viderint a doctore. Quamvis enim manifeste vera esse non ignorentur quæ docentur; tamen, si negligi cœperint a magistro, difficile proficient audientibus: magis enim opera suadent, quam verba. Quamobrem magnis præmiis remunerandi sunt, qui negligentibus magistris, de solis verbis proficiunt tam in opere quam in sensu. Forma ergo erat iis qui mediocris vel tenuis erant substantiæ in plebe, ut discerent quatenus libertatem suam non amitterent. Unde et Salomon: • Raro, inquit, inferes pedem ad amicum tuum, ne saturatus tui oderit te (*Prov. xxv, 17*). • Qui enim frequenter ad alienam mensam convenit, otio deditus aduletur necesse est pascenti se; cum religio nostra ad libertatem homines advocet. Ideoque si quis, inquit, manducare spernit, cesset ab opere: sed quia nullus sine cibo potest vivere, det operem laborandi; ut arbitrio suo vivens Deum possit habere propitium.

(Vers. 11.) • Audivimus enim quosdam ambulare inter vos intemperanter, nihil operantes, sed curiose agentes. • Qui otiosi esse desiderant, id agunt quatenus occasio nascatur qua introitum suum desiderabilem faciant domibus divitum, ambulantes gesta et opiniones verborum subtiliter colligunt, scientes quid de quo velint audire, ut libenter et requisiti pascantur. Quod factum valde abhorret a

(25) Rom. edit., *panem accepimus a quoquam.*

(26) Eadem edit. Rom., *quem sedulo exercitio operabatur.*

disciplina Dominica; horum enim venter Deus est, qui fœda cura necessaria provident.

(Vers. 12.) • His igitur qui hujuscemodi sunt, denuntiamus, et exhortamur in Domino Jesu Christo, ut cum quiete operantes suum panem manducent. • Ut eis facilius suadeat, interposito nomine Domini Jesu Christi, exhortatur eos ut obaudiant quod eis sit utile.

(Vers. 13, 14, 15.) • Vos autem, fratres, nolite deficere in benefaciendo (27). Quod si quis non obedit verbo nostro per epistolam, hunc notate, et nolite cum eo conversari, ut reverentia confundatur: et non velut inimicum existimetis, sed admonete consiliis, ut fratrem. • Propter quod superius unumquemque suum panem manducare debere præcepit, ne forte quidam illorum occasionem pareitatis et inhumanitatis captarent: ideo statim subjecit: • Vos autem, fratres, nolite defatigari benefacientes. • Neque enim in reprehensionem venit, qui humanus et largus est; sed hic qui cum possit laborem ferre, in otio vult vitam agere. Quem si epistolæ auctoritas non corrigit, notandum hunc, et nec conversandum cum eo præcipit; ut confusus, qui ab omnibus evitatur, subiceret se præceptis Apostoli. Quod tamen sine iracundia et contumelia vult fieri, ut patienter declinetur ab eo: ita tamen, ut si res tulerit loqui cum eo, monendum illum, ut patiat se corripit, nec ultra præcepta Apostoli contemnenda; familiaritatem quoque tandiu cum eo non habere, quandiu obaudiens fiat (28). Nam si ad iracundiam contumeliis lacessatur, pejor se fiet: incitabitur enim ad contentionem, et incipiet erratum suum velle defendere, post autem erubescere emendare se, ne quod prius excusabat, postea fateri videatur.

(Vers. 16.) • Ipse autem Deus pacis det vobis pacem semper in omni loco. Dominus sit cum omnibus vobis. • Semper quod suum est, bono voto illos prosequitur, quasi carissimos filios, optans semper cum illis pacem manere, quæ est dux ad vitam æternam. Cum his enim Dominus se esse promisit, qui fuerint pacifici.

(Vers. 17.) • Ipsa salutatio mea manu Pauli, quod est signum in omni epistola: ita scribo. • Propter interpolas et adulteratores Scripturarum semper se manu sua in omni epistola sua salutationem subscribere testatur; ut sub nomine ejus epistola accepto ferri non possit quæ non fuerit manu ejus subscripta.

(Vers. 18.) • Gratia Domini nostri Jesu Christi cum omnibus vobis. • Hæc salutatio manu Apostoli conscripta est, qua gratiam Domini nostri Jesu Christi optat esse cum eis. Amen.

(27) Rom. edit., *nolite defatigari benefacientes.*

(28) Nonnulli mss., *quandiu non obediens fiat.*

IN EPISTOLAM B. PAULI AD TIMOTHEUM PRIMAM.

289 PROLOGUS.

Timotheus filius fuit mulieris Judææ fidelis, patre Græco, cujus causa parvulus circumcidi non potuit. Qui studio matris suæ sacras Litteras didicit, quibus operam dans, bonam sibi vitam instituit. Hunc Apostolus cum voluisset assumere, sciens idoneum fore dispensatorem evangelicæ veritatis, causa Judæorum compulsus est circumcidere eum, instantibus eis, ut qui matre Judæa notus esset, incircumcisis assumi non deberet ad magisterium propter testimonium generis (*Act. xvi, 1-5*). Hunc ergo jam creatum episcopum instruit per epistolam quomodo deberet Ecclesiam ordinare.

CAPUT PRIMUM.

(Vers. 1, 2.) « Paulus apostolus Christi Jesu secundum imperium Dei Salvatoris nostri, et Christi Jesu spei nostræ, Timotheo germano filio in fide. Gratia, misericordia, et pax a Deo Patre nostro, et Christo Jesu Domino nostro. » Patris et Filii imperio apostolum se factum ostendit, ut in Deo Patre salutem et Christo Filio ejus spem prædicaret : ut quia nemo negat salutem esse in Deo, nec quisquam dubitaret spem esse in Christo Jesu, quem a mortuis excitatum, exemplum hujus spei dedisse cognosceret. Hoc modo scribit Timotheo, ut securus esset de sua ordinatione ; quia imperio Patris et Filii electus est ad docendum. Quem verum filium appellat, sed in fide. sicut ad Corinthios : « In Christo Jesu, inquit, per Evangelium ego vos genui (*I Cor. iv, 15*). » Hæc vero et firma generatio est, quæ nescit occa-
sum, nescit morbos et pestilentiam, et quæ ignorat famem et sitim : didicit autem in regno Dei nullius egere (29) ; quia futura est dono Dei immortalitas gloriosa in regno Dei et Christi, quorum gratiam, misericordiam, et pacem exoptat cum isto manere.

(Vers. 3, 4.) « Sicut rogavi te subremanere Ephesi, cum irem in Macedoniam, ut denunties quibusdam, ne aliter docerent, neve intendant fabulis et genealogiis infinitis, quæ quæstiones præstant magis, quam ædificationem Dei, quæ est in fide ; ita facito. » Filius a patre rogari non debuit ; sed propter charitatis affectum et ut illi formam humilitatis ostenderet, obsecrat episcopus coepiscopum suum, ne pateretur Judæos aliter populum, quam ab Apostolo tradebatur, docere ; ut oblectarentur fabulis, quas narrare consueti sunt Judæi de generatione suarum originum, de Abraham, et Isaac, et cæteris patriarchis, et de circumcissione, et his quæ postea tradita sunt a Moyse ; ne circumvenirentur ad hæc colenda, quæ carnaliter data fuerant. Quid enim opus est generationum, quas constat esse

A infinitas per traducem, facere mentionem, et quid et quatenus factum est sub unoquoque eorum ; et non potius compendio per fidem salutem quærere ? Inde enim quæstiones oriuntur, cum qui I, et quando, et quomodo, et quare factum est, tractatur : quæ res impedit salutem.

(Vers. 5, 6, 7.) « Nam finis præcepti est charitas de corde puro, et conscientia bona, et fide non ficta, a quibus quidam aberrantes, conversi sunt in vaniloquium, volentes esse legis doctores, non intelligentes neque quæ dicunt, neque de quibus affirmant. » Quoniam omnium major est charitas, hanc finem esse dixit, id est, perfectionis consummationem, omnium præceptorum ; si tamen ex corde puro sit et bona conscientia. Vera enim charitas non potest malam vitam, nec simulatam fidem habere, in quibus omnis. Lex impletur et Prophetæ (*Matth. vii, 12*). Quidam autem Judæorum mysterium legis ignorantes et prophetarum, quia usque ad Christum servanda sunt tradita ; erraverunt putantes, prædicato Christo, etiam legem factorum in neomeniis, et circumcissione et escis discernendis servari debere. Idcirco in vaniloquium dicit eos conversos : quia volebant docere quæ ignorabant.

(Vers. 8-11.) « Scimus autem quia bona est lex ; si quis ea legitime utatur, certum habens hoc quod justo lex non est posita, sed injustis et inobsequentibus, impiis et peccatoribus, scelestis et profanis, parricidis et matricidis, fornicatoribus, homicidis, masculorum concubitoribus, plagiariis, mendacibus, perjuris : et si quid aliud sanæ doctrinæ adversatur, quæ est secundum Evangelium gloriæ beati Dei, quod creditum est mihi. » Bonam esse legem, quæ per Moysen data est, non negat ; ita tamen, ut sensus ejus sciatur, et quomodo data est, accipiantur. Hic enim scit legem, et quæ causa data sit, qui, prædicato Christo, deserit illam ex parte, qua lex factorum appellatur : circa dilectionem autem Dei utitur ea, asserens et affirmans quæ a Salvatore dicta sunt in lege et prophetis. Hic enim legitime utitur lege, qui potest discernere ea quæ ad tempus data sunt, ab iis quæ perpetua sunt ; et quæ ad Christi pertinent sacramentum, servari jam in futurum non oportere, quasi venturus credatur, qui jam venit. Si ergo omnia locis suis accipiantur, bona sunt : si quominus, mala erunt perverse asserenti ; peccare est enim, unaquæque minime locis suis exponere. Præterea quia justis lege non opus est, id est, iis qui accepta remissione peccatorum justificati sunt, ne jam vivant sub lege, a qua liberati sunt dono Dei per fidem Christi ut de cæ-

(29) Rom. edit., *Qui enim sunt in regno Dei, nullius egent.*

tero servata lege naturæ, quæ Creatoris cognitionem recipit, et non peccare hortatur : iudicii diem exspectent, in quo iusti remunerandi sunt, custodientes legem naturalem, quam si humanum genus ducem sibi habuisset, lex in litteris per Moysen data non esset. Sed quia contemptui ducta est, quasi nullius esset auctoritatis, Scriptura firmata est : ut sciretur quod servanda esset, et propter tempus præsens, et quia requisiturus est in futurum, qui illam firmavit, a quibus neglecta, et a quibus servata est. Itaque non solum propter malos actus et vitia corporis legem datam dicit, sed et propter perfidiam, qua spernebant Creatorem : ut bene vivere addicerent et gratias agerent Conditori.

(Vers. 12, 13, 14.) « Et gratias ago ei, qui me confortavit in Christo Jesu Domino nostro, quia fidelem me aestimavit, ponens me in ministerium, quia prius eram blasphemus, et persecutor, et contumeliosus, sed misericordiam consecutus sum; quia ignorans feci nondum credens. Superabundavit autem gratia Domini nostri cum fide et dilectione, quæ est in Christo Jesu. » Propter quod omnis incredulus infirmitatem animi patitur, constrictus carnali ratione, ne credat spiritali; ideo se Christo gratias dicit agere, quia apparentia majestatis suæ imbecillitatem mentis ejus roboravit : quia impossibile putabat esse, quod de Domini potestate, et gemina nativitate, et resurrectione, et spe prædicabatur. Confirmatus autem talis visus est, qui dignus esset ac posset esse dispensator sacramenti Dominici : ut ea vera per legem firmaret, quæ prius amore legis incredibilia judicabat, et in persecutionibus gauderet, quas prius quasi juste credentibus inferebat, dolens quia fecerat, lætus quia patiebatur. Tantam enim spem didicerat in eo, quem ante negabat, ut plus gauderet in patiendo quam prius exsultaverat in persequendo. Non enim malitia hoc agebat, sed errore, cui facile potest, cum respiscit, ignosci. Qui autem scit vera esse, quæ negat, hic non errore hoc agit, sed malevolentia, hujus incurabile vulnus est : invidia enim compellitur falsum appellare quod scit verum.

(Vers. 15, 16.) « Humanus sermo et omni acceptione dignus, quia Christus 291 Jesus venit in hunc mundum peccatores salvos facere, quorum primus sum ego. Sed ideo misericordiam consecutus sum, ut in me primo ostenderet Christus Jesus omnem magnanimitatem et patientiam ad exemplum eorum (30), qui credituri sunt illi, in vitam æternam. » Quid tam gratum tamque jucundum, quam peccatoribus indulgentiam prædicare? Quis enim sine peccato est, ut hoc munus non cum omni gratiarum actione suscipiat, Deum auctorem hujus præferens, et collaudans in Christo; qui ut hominem peccatis ablueret, de cælestibus ad terrena

A descendens, carnem peccati accepit (31) : terrenis se admiscuit, ut eum cælestem efficeret : mori se passus est, ut illum morti erutum paradiso redderet immortalem? Quis hæc beneficia non in infinitum extollat, quæ Deus præstitit homini, Dominus servo, Conditor creaturæ? ut plus esset adhuc in beneficiis humanis, quam cum fecit, quæ non erant, posteaquam fecit. Etenim derelictus ab his, et contemptus, et contumeliis appetitus, addidit ad beneficia non requisitus, ut gratior esset, et plus præferendus, dum reparat, quam cum fecit : ut ostenderet unum se esse, qui hæc omnia possit. Igitur sic Christus presidium tulit homini, ut puritatem suam non violaret, nec amitteret potestatem. Hominem enim se nasci voluit, pro certo habens carnis contactu se minime violari : conversationi humanæ se miscuit, sciens peccatis se corrumpi non posse : occidi se passus est, non nescius mortem sibi dominari non posse, sed eam sua opprimere potestate. Hæc ergo gessit, ut omnia se posse doceret. Humilitas enim ista non ad diminutionem ejus proficit, sed ad gloriam; et non solum ejus, verum etiam in ipsum credentium; dignitas est enim servum esse potentis. Cum ante Apostolum multi utique credidissent Judæorum ex iis qui ipsum Dominum occiderunt; Apostolus tamen ut se humiliet, adhuc dolens de sua incredulitate, primum se omnium peccantium vocat. Quoniam enim præ cæteris sacramento se imbuat Salvatoris, propius ad cognoscendam magnificentiam ejus accedens, accusat se magis, qui tantum boni tarde agnovit, nec ultro, sed misericordia ejus præventus, ut ipse testis esset divinitatis ejus, quem prius ut hominem mortuum aestimabat. Hæc accusatio ejus est, laus vero Salvatoris, qui ad exemplum cæterorum credentium persequentem se vocavit ad gratiam; ut per patientiam suam et magnanimitatem in eo ostenderet cæteris, qui inimico tam benivolus exstiterit, qualis esset futurus ad se decurrentibus.

(Vers. 17.) « Regi autem sæculorum immortalis et invisibili, soli Deo honor et gloria in sæcula sæculorum, amen. » Hæc ad Dei Patris personam pertinent, quem immortalem ideo solum et invisibilem appellat, quia omnis immortalitas ab ipso est, ut ipsi soli magis competat in veritate; quia quisquis immortalis est, non a se hanc habet, sed ab illo. Simili modo et in Evangelio legitur, dicente Domino : « Quia nemo est bonus, nisi unus Deus (Marc. x, 18). » Et iterum ipse dicit : « Bonus homo de bono thesauro profert bona (Matth. xii, 35). » Nemo tamen nisi unus Deus bonus est; quia ipse fons bonitatis est, ex quo cæteri potantur, ut boni sint. Ipse est et invisibilis solus Deus quia nulli unquam visus est; omnia enim agit per Filium, quem ideo visum dicimus, ut licet aliter quam

(30) Rom. edit. hic et infra, ad informationem eorum.

(31) Eadem Rom. edit., similitudinem carnis peccati accepit.

est, apparuisse tamen illum significemus (32). Honorificentiam ergo et gloriam Deo Patri in veritate pronuntiat, cujus pietate et providentia Christus liberavit peccatores ex morte.

(Vers. 18, 19, 20.) « Hoc præceptum commendo tibi, fili Timothee, secundum præcedentes super te prophetias, ut milites in illis bonam militiam, habens fidem et puram conscientiam, quam quidam repellentes, circa fidem naufragaverunt : ex quibus est Hymenæus et Alexander, quos tradidi Satanæ, ut discant non blasphemare. » Postquam Dei Patris et Christi Filii ejus quæ et quanta beneficia sint circa peccatores homines memoravit, qui cum essent puniendi, non solum ignovit eis, sed et justificavit, et in filios sibi adoptavit : quo ordine populum disciplina ecclesiastica imbueret, in subjectis ostendit, commonens ut memor electionis suæ sanctus Timotheus, id ad quod prædestinatus est, impleat. Prædestinatus est enim, quando ad hoc ab Apostolo assumptus est, ut ordinaretur, dignus judicatus futurus episcopus, ut impleret militiam evangelicam in fide et pura conscientia : qui enim fideliter docet, non potest malam habere conscientiam. Tunc enim fidem exhibet prædicationis suæ, si se **292** absterneat a contrariis omnibus ; quia exemplo bonorum operum multos lacessit ad credulitatem, fidentes de spe prædicationis ; nam qui fidem spernit, procul dubio malæ est conscientia. Aut enim hypocrita prædicatur, aut apertus blasphemus, sicut erant Hymenæus et Alexander, qui deserentes fidem naufragi facti sunt, id est, nudi veritate, aut privati vita. Quid est enim veritas, nisi vita ? Quos tradidisse se dicit Satanæ, ut emendarentur causa blasphemiae. Traditio autem hæc est, quia commotus Apostolus blasphemias eorum, sententiam protulit in eos : diabolus autem qui ad hoc paratus est, ut adversos a Deo accipiat in potestatem, audita sententia, corripit eos : ut intelligerent hac causa se pœnis astringi, quia blasphemaverant. Hinc est, unde in Evangelio dictum est inter cætera : « Jam noli peccare, ne quid tibi deterius contingat (Joan. v, 14), » ostendens causa peccati aliquando infirmitates inferri corporibus. Et quia ministro diabolo fiunt, declaravit Dominus, dicens inter multa : « Hæc autem cum sit filia Abrahæ, quam alligaverat Satanæ decem et octo annis, non oportuit solvi a vinculo die Sabbati (Luc. xiii, 16) ? »

CAPUT II.

(Vers. 1-4.) « Exhortare ergo (33) primum omnium fieri deprecationes, orationes, postulationes, gratiarum actiones pro omnibus hominibus, pro regibus, et pro omnibus qui in sublimiori loco positi

(32) Edit. omnes ac mss. nonnulli, *quam est, apparuisset : illum tamen significemus*. Non satis recte.

(33) Rom. edit., *Exhortor ergo*. Et infra, *ut tranquillam et quietam vitam*.

sunt : ut placidam et quietam vitam degamus in omni pietate et castitate. Hoc enim bonum est et acceptum coram salutari nostro Deo, qui omnes homines vult salvos fieri, et in agnitionem veritatis venire. » Hæc regula ecclesiastica est, tradita a magistro gentium, qua utuntur sacerdotes nostri, ut pro omnibus supplicent, deprecantes pro regibus hujus sæculi : ut subjectas habeant gentes, ut in pace positi, in tranquillitate mentis et quiete Deo nostro servire possimus. Orantes etiam pro iis quibus sublimis potestas est credita : ut in justitia et veritate gubernent rempublicam, suppeditante rerum abundantia, ut amota perturbatione seditionis, succedat lætitia ; panis enim confirmat cor, et vinum lætificat mentem (Psal. ciii, 45). Postulantes vero pro iis qui in necessitate varia sunt, ut eruti et liberati, Deum collaudent incolumitatis auctorem. Referentes quoque gratiarum actiones pro iis quæ nobis quotidie Dei providentia præstantur ad vitam, ut in his omnibus Pater collaudetur Deus, « ex quo sunt omnia (I Cor. viii, 6) : » et Filius ejus, « per quem sunt omnia (Ibid.), » ut sopitis omnibus quæ huic imperio infesta et inimica sunt, in affectu pietatis et castitatis Deo servire possimus : perturbatio enim et captivitas nec pietatem servat, nec castitatem. Unde enim pius, qui nudus est ? et unde castus, ubi (34) potestatis suæ non est ? Ut hæc ergo servari possint, quies necessaria est : ut placita Deo reddantur obsequia, qui omnes homines salvos vult fieri, et cognoscere veritatem. « Hæc est, inquit, vita æterna, ut cognoscant te solum verum Deum, et quem misisti Jesum Christum (Joan. xvii, 3). » Si Deus utique, qui omnipotens dicitur, omnes homines salvos vult fieri, non impletur ejus voluntas ? Sed in omni locutione sensus et conditio latet, unde dicit Petrus apostolus : Omnis Scriptura indiget interpretatione (II Petr. i, 20). Vult enim Deus omnes homines salvos fieri, sed si accedant ad eum : non enim sic vult, ut nolentes salventur : sed vult illos salvari, si et ipsi velint. Nam utique qui legem omnibus dedit, nullum excepit a salute. Numquid medicus non idcirco proponit in publico, ut omnes se ostendat velle salvare, si tamen ab ægris requiratur ? Non est enim vera salus, si nolenti tribuatur : nec gaudere potest in percepta salute, qui invitus, si tamen potest fieri, accepit medicinam, ut non dicam quia medicina effectum habere non potest, nisi ad illam æger animum commodaverit : quia hæc medicina non est corporalis, sed spiritalis, quæ neque dubiis proficit, neque invitis (35). Fides est enim quæ dat salutem, quam nisi mens tota susceperit voluntate, non solum nihil proderit, sed et oberit. Fidei etenim gratia hanc habet potestatem, ut

(34) Vet. edit. ac mss. aliquot, *et unde castitas, ubi, etc.*

(35) Eadem vet. edit. et mss. nonnulli, *quæ neque dubiis proficit, neque invitis*.

devotis sibi divinam infundat medelam, indevotis vero conferat morbum, per quem totus homo interant.

(Vers. 5.) « Unus enim Deus, et unus mediator Dei et hominum homo Christus Jesus. » Dei et Christi unam significat esse voluntatem in salvandis hominibus, unde Deum Patrem, quia ab ipso est omnis auctoritas, unum esse fatetur, et unum mediatorem Dei et hominum Christum Jesum. Missus enim **293** a Patre factus arbiter reconciliavit Deum et homines, reformando eos ad agnitionem ejus; quia enim unus est (36) Pater et Filius, non persona, sed indifferentia naturæ, ut arbiter esset Dei et hominum Filius Dei, assumpta carne, homo natus est: ut mediator Dei et hominum esset homo Christus Jesus, id est, non sine divinitate, quia in Deo homo erat, et Deus in homine: et ut ex utroque esset mediator, et ut utrumque reconciliaret, in se primum hoc fecit. Non enim poterat unitatem Dei custodiens mediator Dei et hominum vocari, quasi alius esset Deus, qui dissidentem hominem a Deo in gratiam revocaret: sed homo qui legem datam non præteriret, factus est arbiter inter eum qui peccavit, et inter illum qui peccare ignorabat: ut hic ignosceret, et homo de cætero in Dei fide maneret.

(Vers. 6, 7.) « Qui dedit semetipsum redemptionem pro omnibus, cujus testimonium temporibus suis datum est, in quo positus sum ego prædicator et apostolus (veritatem dico, non mentior), magister gentium in fide et veritate. » Quoniam homo reconciliatus Deo, jam obnoxius erat morti infernæ, ut ad Deum cui reconciliatus erat, posset ascendere, Salvator ut arbitrium suum ad effectum perduceret, mori se passus est contra jus: ut descendens ad inferos, mortem de impietate quam in eo gesserat, damnalet, auferens eis quos tenebat, ut de cætero quisquis signum ejus haberet, ab ea teneri non posset. Cujus rei testimonium tempore quo resurrexit, ostendit; destructio enim mortis resurrectio mortuorum est. Quam spem missus est hic Apostolus gentium prædicare, ut ab eo discerent quæ spes esset in Christo: hinc enim dictus est magister, ut fidem doceret et veritatem.

(Vers. 8.) « Volo itaque orare viros in omni loco, levantes sanctas manus sine ira et disceptatione. » Pacificum animum monet in oratione esse debere, ut ad effectum deducatur oratio; sanctæ enim manus sunt, quando cor mundum est. Sic tamen in omni loco orandum præcipit, ut competens locus intelligatur, non utique importuno aut sordido loco, quippe cum prohibeat Dominus vulgo orare: sed hoc monet, ne in sola Ecclesia putarent orandum (Matth. vi, 5, 6).

(Vers. 9, 10.) « Similiter et mulieres in habitu ordinato, cum verecundia et pudicitia, ornantes

semetipsas non tortis crinibus, aut auro, aut margaritis, aut veste pretiosa, sed, quod decet mulieres profitentes pietatem, per opera bona. » Humili habitu mulieres orare debere monet, non in jactantia; qui enim vult audiri, inclinare se debet, amota a se pompa, ut misericordiam Dei provocet. Habitus enim superbus nec impetrat, nec recta de se facit credi. Quis enim prudentium jactanter ornatum mulierem non horreat? quanto magis auctor Deus, qui corpus a se liberum factum, obligatum metallis videt! Nam humilis habitus bonæ professioni congruit, ut possit non aliud aestimari, quam cernitur: quæ autem in domo Dei cum pompa se mavult videri, non utique propter Deum, sed propter homines consequitur quod vult, ut gloriosa videatur, nihil consecutura a Deo, nisi maculam. Quanto enim hominibus splendida videtur, tanto magis despicitur a Deo.

(Vers. 11, 12.) « Mulier in silentio discat cum omni subjectione. Nam docere mulieri non permittitur, neque dominari in virum, sed esse in silentio. » Non solum habitum humilem habere debere mulierem, verum etiam auctoritatem ei dene-gandam, et subjiciendam præcipit viro: ut tam habitu, quam obsequiis sub potestate sit viri, ex quo trahit originem.

(Vers. 13, 14, 15.) « Adam enim primus creatus est (Gen. 1, 27), deinde Eva (Gen. 11, 21) et Adam non est seductus, mulier autem seducta facta est in prævaricatione (Gen. 11, 6). Salva autem erit per filiorum generationem, si manserit in fide et dilectione, et sanctimonia cum pudicitia. » Præfert virum mulieri, propter quod primus creatus est, ut inferior sit mulier, quia post virum et ex viro creata est. Adjicit et aliud, quia diabolus non virum seduxit, sed mulierem; vir autem per mulierem deceptus est: ac per hoc nulla illi concedenda audacia est, sed esse debet in humilitate: quia per illam mors intravit in mundum. « Salva erit, inquit, per filiorum generationem: si tamen in fide manserit, et charitate, et pura vita. » Hos enim filios dicit, qui regenerantur per fidem Christi, quia si in generatione sua hi perseveraverint, cum his liberabitur mulier resurgens ex mortuis, non quod ab illis liberabitur, **294** sed per illorum generationem; nam cum credunt, qui destinati sunt in vitam æternam, pervenitur ad resurrectionem ex mortuis, et fiet salva, credentibus illis, et vitam castam agentibus. Tandiu enim resurrectio suspensa est, quandiu omnes credant prædestinati ad salutem.

CAPUT III.

(Vers. 1.) « Humanus sermo: si quis episcopatum desiderat, bonum opus desiderat. » Quoniam episcopum bonæ vitæ esse oportet, idcirco qui episcopatum cupit, bonum opus desiderat. Hoc enim cupiens, bonam vitam appetere videtur; si tamen non

(36) Rom. edit., quia enim unum est; cæteræ ac mss., unus est, supple Deus.

ab iis declinet quæ in subjectis habentur, ne A ambitione aut desiderio pecuniæ hoc egisse videatur.

(Vers. 2.) « Oportet enim episcopum irreprehensibilem esse. » Qualis episcopus debeat esse, describit; ut nemo episcopatum appetat nisi fuerit fidus, et qui ab omnibus contrariis abstinere se possit: ut non indignus sit sua professione. « Unius uxoris virum. » Quamvis secundam numero uxorem non sit habere prohibitum; ut tamen quis dignus ad episcopatum sit, etiam licita debet spernere propter sublimitatem ipsius ordinis, quia cæteris melior debet esse, qui cupidus est sedis illius.

(Vers. 3, 4.) « Sobrium, pudicum, ornatum, hospitalem, docibilem, non obnoxium vino, non verberatorem, sed modestum (37); non litigiosum, non asperum: sed domum suam bene regentem, filios habentem subditos cum omni castitate. » Talem hominem qui hæc custodiat, quæ enumerat bona, creari dicit debere episcopum. Hæc enim signa sunt dignitatis episcopalis. Si autem quis potiora sectatus, et corpus et animam suam Deo dicaverit, ne se copulet matrimonio: tanto magis dignior fiet. Ideo enim inferiorem posuit, ut de potiore nemo dubitaret.

(Vers. 5.) « Si quis autem domui suæ præesse nescit, quomodo Ecclesiæ Dei diligentiam adhibebit? » Manifestum est quia tunc potest idoneus rector futurus probari, si prius domum suam recte gubernaverit; qui enim in minimis fidelis est, et in magnis fidelis est (*Luc. xvi, 10*).

(Vers. 6.) « Non neophytum, ne in superbiam elatus, in iudicium incidat diaboli. » Verum est quia rudes in fide solent extolli superbia, maxime si accipiant ordinem; novitate enim et potestate inflatur, arbitrans se præ cæteris digniorem. Videns enim primo anno nativitatis collatum in se honorem, putat non magis ad suum, sed ad aliorum profectum se vocatum, quasi beneficium religioni det magis quam accipiat ab ea; per quam rem elatus, incurrit laqueum diaboli (38). Inventa enim occasione superbiæ illius, Satanæ præcipitat eum. Ideoque in Salomone legitur: « Superbus Deus resistit (*Prov. iii, 34*). » Unde et in alia epistola idem Apostolus ait: « Qui se putat esse aliquid, cum nihil sit, se ipsum seducit (*Galat. vi, 3*). » Et Dominus: « Qui se, inquit, exaltaverit, humiliabitur (*Luc. xiv, 11*). »

(Vers. 7.) « Oportet autem et illum testimonium habere bonum ab iis qui foris sunt. » Sensum Dominicum secutus, ait oportere futurum episcopum testimonium bonum habere ab extraneis, quia qui in minimis fidelis est, et in magnis, sicut dicit Dominus. Et si in alieno mammona (39) fideles non fuistis, quod vestrum est quis dabit vobis? Ut hic

(37) Eadem Rom. edit., *compositum, hospitalem, aptum ad docendum.... non litigiosum, non cupidum.*
 (38) Eadem edit. Rom., *incurrit iudicium diaboli.*

qui in mundanis rebus et conversatione humana fidelis minime invenitur, dubium non sit quia et in divinis idoneus non erit: si autem hominibus fidem exhibuerit, multo magis Deo. « Ne in opprobrium incidat et laqueum diaboli. » Si timorem Dei ante oculos non habuerit episcopus, tempori magis se commodans, hunc quasi infidelem et pseudopphetam describit Deus, et deformis videbitur omnibus et maculosus: quia aliter facit quam prædicat, verbis suis ipse se accusans, quia deputatus est gregi Satanæ; tunc enim vera se probat prædicare, si ea conetur et gerere. Magna ergo cura eligendus est qui domum Dei regendam accipit; si enim terrestrium rerum dispensatores idonei quærendi sunt, quanto magis cælestium!

(Vers. 8, 9, 10.) « Diaconos pari modo pudicos, non bilingues, non vino multo deditos, non turpibus lucris vacantes, habentes mysterium fidei in conscientia pura. Et hi autem probentur primum, et sic ministrent sine crimine. » Qui tanta circa diaconos eligendos præcipit, quos constat ministros esse sacerdotum, quales vult esse episcopos, nisi sicut ipse ait, irreprehensibiles, negotia publica, turpia et vilia lucra non habentes? Scit enim ideo negotiari, ut capiant lucra, nec aliud profitentur quam gerunt. Turpia autem lucra hæc dicit esse, si sub pia professione quæstibus studeatur; turpis enim deprehenditur, cum se purum ostendet. Post episcopum tamen diaconatus ordinationem subiecit (40). Quare, nisi quia episcopi et presbyteri una ordinatio est? Uterque enim sacerdos est, sed episcopus primus est: ut omnis episcopus presbyter sit, non tamen omnis presbyter episcopus; hic enim episcopus est, qui inter presbyteros primus est. Denique Timotheum presbyterum ordinatum significat, sed quia ante se alterum non habebat, episcopus erat. Unde et quemadmodum episcopum ordinet, ostendit; neque enim fas erat aut licebat, ut inferior ordinaret majorem: nemo enim tribuit quod non accepit.

(Vers. 11.) « Mulieres similiter pudicas, non studentes discordiæ, sed sobrias, fideles in omnibus. » Quia sanctum præcipit creari episcopum, adæque et diaconum, non utique disparem vult esse plebem, quippe cum dicat Dominus: « Sancti estote, quia et ego sanctus sum (*Levit. xix, 2*). Ideoque etiam mulieres, quæ inferiores videntur, sine crimine vult esse, ut munda sit Ecclesia Dei. Sed Cataphrygæ erroris occasionem captantes, propter quod post diaconos mulieres alloquitur, etiam ipsas diaconas ordinari debere vana præsumptione defendunt, cum sciant apostolos septem diaconos elegisse. Numquid nulla mulier tunc idonea inventa est, cum inter undecim apostolos sanctas mulieres fuisse legamus? Sed ut hæretici animum suum verbis, non sensu legis astruere videantur, Apostoli

(39) Dictio *mammona* in Rom. edit. expuncta fuerat, sed quam ob causam?

(40) Rom. edit., *Diaconi orationem subiecit.*

verbis contra sensum nituntur Apostoli: ut cum ille mulierem in Ecclesia in silentio esse debere præcipiat, illi e contra etiam auctoritatem in Ecclesia vindicent ministerii.

(Vers. 12, 13.) • Diacones sint unius uxoris viri, filios bene regentes, et domos proprias; qui enim bene ministraverint, gradum bonum sibi acquirunt, et multam fiduciam in fide, quæ est in Christo Jesu. • Ea quæ minus dixerat de ordinatione diaconatus, nunc subiecit. Ostendit etiam ipsos unius uxoris viros esse debere, ut hi ad ministerium Dei eligantur, qui non sunt egressi constitutum Dei. Homini enim unam uxorem decrevit Deus, cum qua benedicatur: nemo enim cum secunda benedicitur. Qui si filios bene gubernaverint, et domos suas, id est, vernaculos aut domesticos, poterunt digni fieri sacerdotio, et fiduciam habere apud Deum; ut sciant se posse impetrare quod postulant, jam de cætero se ab usu feminæ cohibentes. Veteribus enim idcirco concessum est levitis aut sacerdotibus uxores ad usum habere, quia multum tempus otio vacabant a ministerio aut sacerdotio (multitudo enim erat sacerdotum, et magna copia levitarum, et unusquisque certo tempore serviebat divinis cæremoniis secundum institutum David (*I Paral. vi, 31, 32*); hic enim viginti et quatuor classes constituit sacerdotum, ut vicibus deservirent; unde Abia octavam classem habuit, cujus vice Zacharias fungebatur sacerdotio, sicut continetur in libro Paralipomenon (*I Paral. xxiv, 10*), ita ut tempore quo non illos contingebat deservire altari, domorum suarum agerent curam: at ubi vero tempus imminabat ministerii, purificati aliquantis diebus, accedebant ad templum offerre Deo. Nunc autem septem diaconos esse oportet, et aliquantos presbyteros, ut bini sint per Ecclesias, et unus in civitate episcopus: ac per hoc omnes a conventu feminæ abstinere debere, quia necesse est eos quotidie præsto esse in Ecclesia, nec habere dilationem, ut post conventum legitime purificentur, sicut veteres. Omni enim hebdomada offerendum est, etiam si non quotidie peregrinis, incolis tamen vel bis in hebdomada: etsi non desiint, qui prope quotidie baptizentur ægri. Nam veteribus ideo concessum est, quia multo tempore in templo non videbantur, sed erant privati. Si enim plebeiis hominibus orationis causa ad tempus abstinere se præcipit, ut vacent orationi, quanto magis levitis aut sacerdotibus, quos die nocteque pro plebe sibi commissa oportet orare! Mundiores ergo esse debent cæteris, quia actores Dei sunt.

(Vers. 14, 15.) • Hæc tibi scribo, fili Timothee, sperans cito me venire ad te: si autem tardavero, ut scias quemadmodum oporteat te in domo Dei (41) conversari, quæ est Ecclesia Dei vivi, columna et firmamentum veritatis. • Quantum ad scientiam ejus pertinebat, hoc erat in eo quod citius illum

(41) Rom. edit., *quomodo Ecclesiam ordines, quæ est domus Dei vivi.*

A visurus esset: sed quia solet aliud placere Deo, cujus providentia ipsi soli cognita est; 296 idcirco ne forte, inquit, tardem, scribo tibi, ut scias quomodo Ecclesiam ordines, quæ est domus Dei; ut cum totus mundus Dei sit, Ecclesia tamen domus ejus dicatur, cujus hodie rector est Damasus. Mundus enim in prævaricatione est, diverso turbatus errore: ideo illi necesse est dicatur esse domus Dei, et veritas, ubi secundum voluntatem suam timetur. Hoc profitentibus de eo servis, quod ipse dignatus est docere, ne forte verba ejus negarentur esse, virtutibus hæc signavit, quæ a nullo alio fieri possunt, ut his infidelitas accusata inexcusabilis pereat. Firmamentum enim veritatis hujus signa sunt et prodigia.

B (Vers. 16.) • Et quidem omnium confessione magnum est hujus pietatis mysterium. • Nullum fidelium admirari negat sacramentum veritatis in Ecclesia prædicatæ, quam pietatem appellat; magnanimitatem enim et elementiam suam cognoscentibus æterna et divina tribuit dona (42), excepta remissione peccatorum, quam hic in præsentem largitur. • Quod declaratum est in carne, justificatum est in spiritu, visum est angelis, prædicatum est gentibus, creditum est in hoc mundo, assumptum est in gloria. • Sacramentum mysterii Dei, quod est Christus in carne, dicit manifestatum, quod latebat in spiritu. Natus enim homo Filius Dei, qui in secreto erat apud Deum, opere et prædicatione declaravit se creaturæ, et hoc est justificatum esse in Spiritu, operibus et virtute claruisse enim, qui erat in carne, quis esset: deinde apparuisse angelis, non jam in forma humilitatis, sed in potestate. Tandiu enim aspectu humilis visus est per carnem, quandiu devicta morte, resurgeret a mortuis, et videretur majestas ejus, qui natus ut homo, non erat totus homo: ut agnoscentes angeli mysterium, quod prius latuit, declaratum in carne, genu illi flectentes quasi Deo, gratias agant, quia didicerunt veritatem, quæ gentibus prædicata est, ut ab errore liberarentur: in quo mundus proficit, ut non damnetur. • Creditum est mundo. • Ideo enim creditum est mundo Dei sacramentum, ut perfidia ejus veniam erroris mereri non possit, sicut dicit Dominus de Judæis: • Si non venissem et locutus eis fuissem, peccatum non haberent: nunc autem excusationem non habebunt de peccato suo (*Joan. xv, 22*). •

• Assumptum est in gloria. • Quia quod velut infirmum et deforme contempserunt, assumptum est in gloria: post crucem enim manifestata persona et virtute sua Salvator palam, famulantibus nubibus, ascendit gloriosus in cælos.

CAPUT IV.

(Vers. 1-5.) • Spiritus autem manifesto dicit quia in novissimis temporibus recedent quidam a fide,

(42) Nonnulli mss., *magnanimitate enim et elementia sua cognoscentibus se divina tribuit bona.*

attendentes spiritus fallaces, ac doctrinas dæmoniorum in simulatione falsiloquorum, cauteriatam habentium conscientiam, prohibentium nubere et abstinere a cibis, quos Deus creavit ad percipiendum cum gratiarum actione fidelibus, et iis qui cognoverunt veritatem: quia omnis creatura Dei bona est, et nihil rejiciendum, quod cum gratiarum actione percipitur. Sanctificatur enim per verbum Dei, et orationem. » Quæ sibi Spiritus sanctus futura revelaverit ad instructionem Ecclesiarum et cautelam, non tacet, ut præmonitæ Ecclesiæ sollicitæ sint, ne ab hujusmodi possint circumveniri hominibus. Quid enim tam clarum tanque apertum ad evitandos aut magis condemnandos doctrinæ hujus pestiferæ viros potuit manifesta voce præfari, nisi ut asseverationem eorum fallacem, ac simulatam doctrinam dæmoniorum nuncuparet: ut cum hujus asseverationis sermones audiuntur, a diabolo composita esse doctrina hæc sciretur, quam prædixerat Spiritus sanctus quæ de incarnatione Salvatoris asserit falsa, quæ nunc in Marcionitis, quamvis pene defecerint, Patricianis (43), aut maxime in Manichæis denotatur (*De Patricianis Philastrius, et Augustinus hærcs.* (61)? Ii enim et Christum natum negant, et nuptias prohibent, et abstinendum a cibis tradunt. Quorum cauteriatam dicit conscientiam, hoc est, simulatione corruptam; quia sicut cauterium corium corrumpit, et notam infligit, ita et fallacia conscientiam, quæ dolo malevolentia aliud scit, et aliud profitetur, denotat ad perditionem. Jam enim hos immutari negat (44), ut salventur; quia sicut cauterium immutari non potest, ita nec eorum animus emendari; nihil enim pejus simulatione. Tales enim ii sunt, quales et Judæi, illi qui intelligentes Christum Dei virtute operari, in Beelzebub hæc ab eo fieri dicebant. Ut enim fabricatorem **297** hominis male tractent, cum natos se non doleant, nuptias tamen prohibent, et Christo carnem subtrahunt: et ut ad ejus injuriam proficiant, ab iis quæ usibus nostris instituit, abstinendum docent; ut per id quod despiciuntur, mala esse, et a malo auctore inventa videantur. Hinc est unde Apostolus omnia a Deo bona facta ostendit, si tamen cum gratiarum actione sumantur, immunda enim erunt ei, qui non laudat in his Creatorem. Nec enim possunt bene illi proficere, qui sic illa sumit, ut male tractet auctorem eorum.

(Vers. 6.) « Hæc igitur proponens fratribus, bonus eris minister Jesu Christi, enutritus verbis fidei, et bonæ doctrinæ, quam assecutus es. » Quid tam verum, quid tam clarum et providum, nisi ut disciplina Christiana incorrupte tradatur, ut fructus ejus in area Dominica fertilis ac firmus collaudetur; hoc est, ut in die judicii non

(43) Valesius in Addendis Annot. in Socratem et Sozomenum male hic legendum ait, *Patricianis*.

(44) Omnes edit. et quidam mss. *hos imitari ne-*

A reprobus et igni comburendus censeatur. Hoc boni doctoris est atque idonei ministri Domini nostri Jesu Christi; quippe cum enutritum hunc dicat verbis fidei et bonæ doctrinæ, quam ab infantia hunc assecutum asserit. Qui enim integre omnibus Hebræorum libris imbutus erat, accepta fide, perfectum fecit doctorem.

(Vers. 7, 8.) « Profanas autem et aniles fabulas abnue, exercens temetipsum ad pietatem. Corporalis enim exercitatio ad modicum, pietas vero ad omnia utilis est, promissionem habens vitæ præsentis et futuræ. » Profana verba adversa intelliguntur; aniles autem fabulæ deliramenta quædam sunt. Hæc quorundam perstrepentium vocibus solent in contentionem deduci; ut quasi tractatus habeatur rei inanis, cujus effectus nullus est, nisi vanitatis. Ab iis ergo quæ contraria sunt, declinandum monet, simili modo et ab illis quæ anilia sunt, vanitate quadam composita; sunt enim aliqui, qui calore animi mittunt se in disputationes hujusmodi. Pietati autem operam dandam commonet, quia grandem habet profectum. Qui enim misericordiæ student, senioribus vicem reddentes parentibus: et in præsentem vitam auxilia Dei non deerunt illis, et in futuro immortalitatem habebunt cum gloria. Exercitium autem corporale ad modicum utile dicit; jejunare enim et abstinere a cibis, manente auctoritate Creatoris (45), non multum prodest, nisi addatur huic pietas, cujus opera multorum precibus adjuvatur ad Dominum promerendum. Denique illos qui fratribus largi sunt, et variis titulis obsequentes, in vitam æternam proficere evangelicus sermo testatur: dissentientes autem ab hoc opere, in æternum ignem (*Matth. xxv, 34*). Corporis autem exercitium nihil aliud quam carnis frena sunt. Si quis ergo, quia misericordia magna res est, lubricum tamen carnis patiat, hujusmodi quid fiet? Sine dubio vapulabit; quia illud (*Ibid. 41*) oportuit fieri, et hoc minime prætermitti (*Luc. xi, 42*). Si autem solum corporis habuit exercitium, perennes pœnas patietur, sicut in Evangelio Dominus repro-misit (*Matth. xxv, 41*): omnis enim summa disciplinæ nostræ in misericordia et pietate est. Aliud tamen exercitium corporis habent carnales, et aliud spiritales; carnales enim sagina et dapibus nutriunt corpora sua, ut celeri motu proficiant ad perditionem: spiritales autem jejuniis et abstinentia temperant corpora sua; ut pigra facta circa desideria, possint digna esse futura resurrectione. Hic enim propter spem futuram castigat corpus: ille vero propter futuri desperationem fovet, curam ejus agens ad tempus; ut moveatur citius ad peccandum.

(Vers. 9, 10.) « Fidelis sermo, et omni acceptione dignus. Ad hoc enim laboramus, et persecutionis

gal, alii concinnius, ut in textu.

(45) Mss. nonnulli, *monente auctoritate Creatoris*.

patimur, quia speramus in Deum vivum, qui est A et doctrinae, insta in illis. Hoc enim faciendo, et te ipsum salvum facies, et eos qui te audiunt. » Ut forma sit omnibus non solum in bonis operibus, verum etiam in doctrinae exercitio, admonet. Apparere enim debere significat exercitii profectum, non in doctrina duntaxat, sed et in gestis; bona enim arbor bonos facit fructus (*Matth.* vii, 17): similiter et bona doctrina mala opera habere non potest; ut cum visa fuerint bona opera, divini magisterii fructus esse intelligantur, et auditores possint proficere. Tum enim vera et metuenda esse intelligunt (46), quae dicuntur, quando ab eo ipso qui docet, magna veneratione observari videntur. Quod rectori plebis duobus proficit modis: et suorum enim bonorum operum, et audientium mercedem accipiet; quomodo si negligens fuerit, tam pro se, quam pro eis redditurus est rationem.

(Vers. 11, 12.) « Praeceptum haec, et doce. Nemo juventutem tuam contemnat, sed forma esto fidelium in verbo, in conversatione, in charitate, in fide, et castitate. » Timotheus quantum ad aetatem B pertinet, juvenis erat: quantum ad mores et conversationem, 298 senior et gravis. Quem ideo sic monet, ut profectus ejus per omnia exemplum esset bonorum operum; ut in adolescente mirabilis videretur et gravis disciplina, ut actus ejus excusarent aetatem: et non quasi juvenis, sed quasi senior haberetur; et erubescerent majores natu, nisi se exhibuissent juxta formam hujus, conversatione et moribus graves: juvenes autem coaevum suum haberent magistrum. Mirabilis adolescens sanctissimus Timotheus, cujus exemplo indisciplina coercenda juvenus est, et seniorum irreverentia punienda.

(Vers. 13, 14.) « Dum venio, attende lectionem, exhortationem, ac doctrinam. Noli negligere gratiam C quae est in te, quae data est tibi per prophetiam, cum impositione manuum presbyterii. » Intantum vult hunc esse et deditum exercitio lectionis, ut omni cura diligentiaque hoc enitatur, ut exhortetur et doceat. Exhortatio est, cum miti verbo aliquos provocamus ad opus bonum: docere vero, quando ea quae latent, intimamus mentibus audientium. Si enim rector populi ab his dissimulat, negligit gratiam datam sibi; ad hoc enim creatur dux populo, ut hujus salutis sollicitudinem gerat, admonendo, docendo, ut fructum habeat ordinatio: quem ad hoc utique Deus constituit, ut proficiat salutem plebis suae. Qui ergo in hac auctoritate positus indiligens fuerit, Dei contemptor habebitur, minimus in regno caelorum vocatus (*Matth.* v, 19); D neque enim poterit facere, qui nec docere dignatur. Gratiam tamen dari ordinatoris significat per prophetiam et manuum impositionem. Prophetia est, qua eligitur quasi doctor futurus idoneus; manus vero impositiones verba sunt mystica, quibus confirmatur ad hoc opus electus, accipiens auctoritatem, teste conscientia sua; ut audeat vice Domini sacrificium Deo offerre.

(Vers. 15, 16.) « Haec meditare, in his esto; ut profectus tuus manifestus sit omnibus. Attende tibi

CAPUT V.

(Vers. 1, 2.) « Seniore ne increpaveris, sed exhortare ut patrem, juniores ut fratres, anus ut matres, adolescentulas ut sorores in omni castitate. » Propter honorificentiam aetatis majorem natu cum mansuetudine ad bonum opus docet (47) provocandum, ut facilius suscipiat admonitionem; potest enim vereri commonitus, ne postea corripatur, quod turpe est seniori. Nam apud omnes utique gentes honorabilis est senectus: unde et Synagoga, et postea Ecclesia seniores habuit, quorum sine consilio nihil agebatur in Ecclesia. Quod qua negligentia obsoleverit, nescio, nisi forte doctorum desidia, aut magis superbia, dum soli volunt aliquid videri. Juniores quasi fratres censet admonendos cum dilectionis affectu; ut videntes amoris causa se commoneri, facilius se corrigant, quippe cum videant non discrepare opera ejus a praedicatione. Anus vero quasi matres; ut dum miti sermone doceri se vident, non aspere accipiant, quia honorifice proficiunt: asperum est enim senioribus, cum corripiuntur a junioribus. Quod temperamento quodam leniri vult, ut profectus sit et dicenti et audienti. Adolescentulas ut sorores admonet edocendas; ut prompte possint bonae conversationis suscipere disciplinam. Quando enim non cum imperio insinuari sibi videt, quae ad bonam pertinent vitam, consentit, humilem se praebens admonenti. Blanditiis enim solent obtineri, quae auctoritate non possunt; nam animalia quando membra sua zelantur, blanditiis tamen cedunt.

(Vers. 3.) « Viduas honora, quae vere viduae sunt. » Illas viduas dicit honorandas, quae data opera viduae sunt: quae cum possent nubere, ut meliores essent et dignae Deo, secundas 299 nuptias respuerunt, scientes semel benedici conjugium, aemulae sanctissimae Annae, quae jejuniis et

(46) Codex Vall., *Tum vero metuenda esse intelligunt.*

(47) *Docet* in omnibus edit. ac multis mss. desideratur, sed ex aliis nonnullis restituitur.

obsecrationibus Deo serviebat nocte dieque, unius A viri experta concubitum (*Luc. II, 36, 37*).

(Vers. 4.) « Si qua autem vidua filios vel nepotes habet, discat primum domum suam pie tractare, et mutuam vicem gratiarum reddere parentibus: hoc enim acceptum est coram Deo. » Viduam prius in hac vita et conversatione dicit probandam, ut tunc demum digna sit vidua Ecclesie nuncupari, quae non quaestus causa magis quam defensionis, ecclesiasticae succumbat disciplinae. Praire enim debent merita, ut accedenti debitus honor (48) tribui videatur; quae enim affectus suos pie tractavit, et domum bene gubernavit, Dei legem servavit, digna effecta remuneratione Ecclesiae.

(Vers. 5.) « Nam quae vere vidua est et desolata, sperat in Deo, et instat orationibus nocte dieque. » B Viduam filios aut nepotes habentem non facile admittendam ad stipendia Ecclesiae; quia si pie et sollicite domum suam gubernavit, necesse est reddi illi vicem a suis, sicut et illa reddidit propinquis: si autem, ut adsolet, impietas fuerit operata, ut anus despiciatur a suis, quos pie tractavit, dignum esse hanc suscipi ab Ecclesia, quia in Domini lege fideliter conversata est. Vidua igitur desolata, et a suis contempta, sperat in Deo; videns enim ex nulla parte se habere suffragium, toto animo devota est Deo, de quo solo auxilium vitae salutisque expectat.

(Vers. 6.) « Nam quae in deliciis est vidua, vivens mortua est. » Viduam, propter quod vidua dicitur, talem esse debere significat (49), ut ad Dominum promerendum orationibus vacet, Deo serviens nocte dieque; ut ostendat se idcirco nuptias secundas contempsisse, ut instaret disciplinae Dominicae. Si enim sub nomine viduae deliciis vacet aut luxuriae, vivens mortua habenda est; quia impostura genus est, aliud agere, et aliud profiteri: non obsequia et devotionem Dei (50), sed honorem viduae volentes habere; cum nominis ipsius professio hoc indicet; quia spreto viro, Deum elegit, cui serviat tota mente, propter vitam promissam.

(Vers. 7.) « Et haec praecipe, ut irreprehensibiles sint. » Tantam diligentiam actuum ac morum viduam vult habere, ut reprehendi non possit; amota enim a spe mundanae conversationis, et corporis curandi officio, propter hoc se ad Deum contulit, ut probabilem agat vitam. Sublatis enim occasionibus, quae aditus solent aperire peccatis, potest bona conversatio incolumis permanere.

(Vers. 8.) « Si quis autem (51) suorum, et maxime domesticorum curam non habet, fidem negavit, et est infideli deterior. » Hanc viduam quae negligens fuit circa suos affectus, ut educaret eos in disciplina et correctione Domini, inhonorandam

dicit; quia sicut perfidi, legi Domini non obedivit ut peior habeatur. Necesse est enim ut deterior sit, qui sub lege et timore Dei agens contemptor est, quam qui non subjectus est legi; hic enim nescit, ille autem sciens contemnit.

(Vers. 9. 10.) « Vidua eligatur annorum non minus sexaginta, quae fuerit unius viri uxor, in operibus bonis testimonium habens, si filios enutrivit, si hospitio recepit, si sanctorum pedes lavit, si pressuram patientibus subministravit, si omne opus bonum subsecuta est. » Si prerogativa praeteritorum operum vidua commendatur, eligendam hanc docet: Dominum enim iudicio ascribitur nomen ejus ecclesiasticis monumentis, quam dignam vetus vita declarat. Imbuta enim divinis obsequiis, et in his vitam atterens, suscipienda est in sinu Ecclesiae, cui olim se vovit legitimis servitiis.

(Vers. 11.) « Adolescentulas vero viduas devita: cum enim vitam in deliciis egerint, in Christo nubere volunt. » Prohibet adolescentulas viduas in hac suscipi professione, lubricae enim aetati fides facile haberi non debet; quippe cum quarundam exempla praecedant, quae post professionem vitae deliciarum oblectatione nomen, non opera viduitatis habent, et conversae nuptiis sollicitantur. Qui enim putat se in Christo vitam deliciis agere, minime innocens perseverat: luxuria enim trahit illum ad sua membra, ut subjiciatur peccato: deliciae enim januae sunt peccati. Non enim quo tendat ignoratur, qui fluidam amat vitam.

(Vers. 12.) « Habentes damnationem, quia primam fidem irritam fecerunt. » 300 Quid maneat tales, ostendit, ne facile audeant, quod implere difficile est: aut si animus est huic devotioni deditus, apud se interim teneat, quia didicit temerarium (52) esse profiteri, quod adhuc juvenili aetati credi non debet. Damnationi enim fit obnoxius, qui ab hoc declinat quod recte fecerat. Quantum enim laudabile est, si impleat quod ultra vires ejus creditur, tanto magis puniendus erit, si hoc audeat sibi imponere praesumptione temeritatis, quod ferre non possit: nec ad veniam debet pertinere, qui est a primordio infidelis inventus.

(Vers. 13.) « Simul autem et otiosae discunt circuire: non solum autem otiosae, sed et verbosae, et curiosae, loquentes quae non oportet. » Quaedam virgines vel viduae, commendante professione (gloriosum est enim hujus rei vocabulum), acceptabiles sunt domibus divitum, quae id agunt, ut pareant voluntatibus eorum, ambulantes et quaerentes quae perferant ad illos, quibus delectentur, ut otiosae muneribus afficiantur; et malo more plus quaerant fabulis, quam quae operantur manibus; ut elatae procedant et compositae, contra professionem suam

(48) Rom. edit., *ut accedenti meritis honor.*

(49) Codex Vall., *Quapropter viduam Dei talem significat.*

(50) Idem codex, *non obsequio et devotione Dei, sed honore nomen vidua volentes habere.*

(51) Rom. edit., *Si qua autem. Et infra, quia sicut perfida.*

(52) Omnes edit. et mss. aliquot, *quia dicit temerarium.*

agentes. Quæ res solet illis etiam in hac vita esse contraria; revelatur enim id quod semper occultum putant. Quid est enim, ut ea loquantur quæ non oportet? Nuptiarum enim sunt proximæ, multorum secretorum participes, adulatrices, servorum querulæ.

(Vers. 14, 15.) « Volo itaque juniores nubere, filios procreare, matres familias esse (53), nullam occasionem dare adversario maledicti gratia. Jam enim quædam deerraverunt post Satanam. » Quoniam quæ supra dixit de hujusmodi, contraria et illicita sunt, perducent eas ad mortem: idcirco consilium dat, et præcepit ea fieri, quæ licita sunt. Melius est enim domus curam suæ gerere, quam in aliena domo adulterari: et multum expedit nubere, quam sub bona et pia professione notabiliter in malo incidere (54): plus autem est cum pudore manibus victum quærere, quam inverecunde cum otio aliena utensilia expectare. Sic enim invenit occasionem Satanas, quomodo subvertat animas inconsultas, cum pia profitentes injuste versantur: nihil enim tam periculosum est quam si professioni gesta repugnent. Apertum enim malum non zelatur Satanas, quia gaudet in illo: istum vero (55) quem videt fallere, id agit, ut manifestet illum suum filium esse, non Dei, quod factum non displicet Deo.

(Vers. 16.) « Si quis fidelis, vel si qua fidelis habet viduas, sufficienter subministret illis, ut eorum alimoniis non gravetur Ecclesia, ut veris viduis sufficiat. » Quid mirum si apostolica potestas futura potuit prævidere? Nam apparet quod dixit, quia fidelium viduæ nunc multum gravant Ecclesiam, et eorum qui locupletes videntur mundi: quia per senectutis causam desistentes eas ab opere lanificii, retrahunt eis et vestimentum et victum, non totum tamen, sed ex parte: ut illæ ipsa inopia ad Ecclesiam convertantur, ut vivant: quos oportebat non solum suis indigentibus largiri, verum etiam alias inopes pascere et contegere. Quod multum obest; cum enim his datur, cæteris aut minus, aut non datur, quibus magis dandum est, quæ dignæ sunt Ecclesiæ sumptibus ministrari. Sic autem gravatur, cum cogitur vestire multos quæ deberet vestire paucos; et plebs quæ libenter et frequenter possit ministrare paucis, cogitur plures dimittere: ut aut murmuret, aut tardius eis occurrat. Nam cum præcipiat unius viri uxorem eligi viduam, nunc inveniuntur inter eas non tantum duum aut trium maritorum uxores, sed et quæ turpius vixerint: quod aliquando

A per negligentiam fit, aliquando potentatu insinuantis (56).

(Vers. 17.) « Qui bene præsumt presbyteri, duplici honore habeantur digni: maxime qui laborant in verbo et doctrina. » Boni dispensatores ac fideles non solum honore sublimi debent digni judicari, sed et terreno; ut non contristentur indigentia sumptuum, sed magis gaudeant fide sua et doctrina. Instantior enim fit, si non humilietur inopia: et crescit in illo auctoritas, cum videt se etiam (57) in præsentis laboris sui fructum percipere; non ut abundet, sed ut non deficiat.

(Vers. 18.) « Dicit enim Scriptura: Non infrenabis bovem triturantem (Deut. xxv, 4); » et: « Dignus est operarius mercede sua (Luc. x, 7). » B Tanta merces debet esse evangelizanti regnum Dei, qua neque contristetur, neque extollatur.

301 (Vers. 19.) « Adversum presbyterum accusationem ne receperis. » Quoniam hujus ordinis sublimis honor est (hujusmodi enim vicarii Christi sunt), idcirco non facile de hac persona accusatio debet admitti. Incredibile enim debet videri istum, qui Dei antistes est, criminose versatum, sicut credibile est scenicum esse turpissimum.

(Vers. 20.) « Delinquentes autem coram omnibus argue, ut cæteri metum habeant. » Quomodo (58) non facile credi debet de presbytero crimen; si probetur tamen, aut sit manifestum quia irreverenter versatus est, publice præcipit arguendum, ut et cæteri terreantur, quod non solum ordinatis proficit, sed et plebi; quando enim vident dignitosum virum erroris causa corripì, necesse est ut sibi caveant.

(Vers. 21, 22.) « Testor coram Deo, et Christo Jesu, et electis angelis; ut hæc custodias, sine præjudicio nihil faciens in partem aliam declinans. Manus cito nemini imposueris, neque communicaveris peccatis alienis (59). Temet ipsum castum custodi. » Contestationem deponit apud Deum Patrem, et Christum filium ejus, et electos ejus angelos, quos Dominus in Evangelio sanctos appellat (Marc. viii, 38). Hi ergo electi sunt, quia sunt alii reprobi, qui sunt non Dei angeli, sed diaboli, assentientes apostasiæ ejus. Sub testatione ergo ea, quæ ad ordinationem Ecclesiæ mandat custodiri, præcipit nihil fieri sine præjudicio; ne facile aliquis accipiat ecclesiasticam dignitatem, nisi prius de vita ejus et moribus fuerit disputatum; ut dignus approbatus, minister aut sacerdos constituatur, ut non postea si reprehensibilis videatur, pœniteat forte principem populi non ad liquidum præjudicasse (60)

(53) Codex Vall. et alii nonnulli, *matres familias esse, domum regere.*

(54) Ita mss. plerique: alii vero, et edit., *quam in aliena domo adulari.... notabiliter incidere.*

(55) Omnes edit. et quidam mss., *justum vero;* melius alii mss., *istum vero.*

(56) Nonnulli mss., *aliquando potentatu insinuante.*

(57) Codex Vall., *congaudet se etiam, etc.*

(58) Edit. et quidam mss. *Quoniam enim;* Rom. edit. *Quoniam vero,* melius alii mss. ut in contextu.

(59) Rom. edit., *neque te commaculaveris peccatis alienis.*

(60) Eadem Rom. edit., *non ad liquidum providisse.*

quid mereretur, quem improbabiliter ordinavit; A nec illum cuius peccata ad suspicionem veniunt, ordinandum, ne commaculetur ordinator vitiiis et delictis ejus. Si ergo omnino latentia sunt delicta, inanimis erit rector; quia conscientia ejus libera est. Suspicio enim trepidum facit; peccat enim si non probat, et sic ordinat. Melior enim cæteris debet probari, qui ordinandus est: non enim sufficit, si sine crimine sit; quia merita ejus debent præire honorum operum, ut dignus habeatur ad ordinationem. Hæc episcopus custodiens, castum se exhibebit religioni: cuius rei in futuro præmium consequetur.

(Vers. 23.) « Noli adhuc bibere aquam, sed vino modico utere propter stomachum tuum, et crebras tuas infirmitates. » Nunc speciale consilium dat, B ut se ipsum salubri regat doctrina; prudenter enim Deus sibi serviri vult, non ut nimietate sua debiles fiant, et postea medicorum suffragia requirant. Temperandum enim est, ut si fieri potest, cœptum obsequium gradatim provehatur, quam per inconsiderantiam minuatur. Intemperantia enim ipsam animam inquietam facit, ut cum de infirmitate sollicita est, non tantum dedita sit divinis servitiis. Damnum enim affert improvidentia; anima in tranquillitate posita, totum cor extollit ad Deum, integro consilio obsecrans, quæ petenda sunt (61).

(Vers. 24, 25.) « Quorundam hominum peccata manifesta sunt, præcedentia ad iudicium, quosdam vero et subsequuntur. Pari modo et opera bona manifesta sunt: et quæ aliter se habent, abscondi non possunt. » Nullam excusationem vult intelligi fore eorum, qui his adhærent, quorum peccata propalam sunt; ut cum evitandi sint, magis honori sint (62). Hoc ergo significat, ut homo Dei ab his secernatur, maxime dispensator Christi, qui etiam corripiendi eos habet auctoritatem; qui si se emendare promittunt, retinendi sunt. Alios vero subsequi mala opera illorum ostendit; quia cum viventes æstimantur boni, mortui deteguntur; ut qui prius ostendebant se idoneos, postmodum delectarentur impostores. Superiori ratione sicut mala, ita et facta bona manifesta sunt; bona enim vita et actus modesti abscondi non possunt, quæ adhibita pietate, faciunt perfectos: sed sicut quædam mala occulta ad præsens sunt, ita et bona; nemo enim omnia in hominibus potest scire: sed ex iis quæ videt et audit, probat et iudicat. Perpendit enim an ea quæ dicuntur, convenient ei, de quo dicuntur, sive bona, sive mala: quæ autem occulta fuerint hominibus, in die iudicii palam fient. Propter hoc ergo dicta sunt, ut sciant huiusmodi graviores se causam habere præ cæteris. Pejor est enim qui se, cum sit malus, bonum ostendit, quam ille qui aperte est malus.

(61) Mss. Carn., *quæ pacificanda sunt.*

(62) Idem codex, *prolata sunt, magis oneri sint.*

(63) Rom. edit., *pietas, cum quis suo conten-*

302 CAPUT VI.

(Vers. 1.) « Quotquot sub iugo sunt servi, dominos suos omni honore dignos arbitrentur, ne nomen Domini et doctrina blasphemetur. » Servorum obsequiis dominos Deo gratias vult referre: cum enim per Dei disciplinam fidelia illis exhibuerint servitia, forte huic etiam ipsi se subijcient disciplinæ.

(Vers. 2.) « Qui vero fideles habent dominos, non contemnant, quia fratres sunt: sed magis serviant, quia fideles sunt et dilecti, quia beneficia percipiunt. » Si profanis dominis serviendum tota sollicitudine imperat, quanto magis fidelibus! Tunc enim probat se timori Dei subjectum, si fidei et temporali domino toto animo fuerit obsecutus. Ne contemnendum putet, quia frater dicitur causa communis fidei, quia magis corripiendus erit, qui fidelem dominum contemnendum putaverit.

(Vers. 3.) « Hæc doce et exhortare. » Doctrinam Dominicam manifestari vult, ut obrectatores videant, quia non est quod reprehendantur, in ea: considerantes pariter quæ in sacris eorum sint occulta turpia, et erubescant per quod inexcusabiles erunt.

(Vers. 4, 5.) « Si quis aliter docet, et non acquiescit sanis sermonibus Domini nostri Jesu Christi, et ei quæ secundum pietatem est, doctrinæ: superbit autem nihil sciens, sed languens circa quæstiones et pugnas verborum, ex quibus fiunt invidiæ, contentiones, blasphemiæ, suspensiones malæ, conflictationes hominum, qui corrupti sunt mente, et qui veritate caruerunt, existimantes quæstum esse pietatem, et Dei culturam: discede ab huiusmodi. » Discrepantes a disciplina catholica spernendos præcipit, maxime qui convicti et correcti acquiescere nolunt perturbatione mentis pravæ, qui contentionibus delectantur et pascuntur. Elatus enim vinci se non patitur, quippe cum ad favorem quærendum in conflictum prorumpat, quod a mansuetis et bonis viris vitandum est. Contentio enim nunquam est sine lite, et parum esset si lis sola oriretur, sed blasphemiæ et inimicitiae, quod a Dei servis alienum est. Ab his autem qui corrupti mente, veritate privati sunt, utile iudicatur: Dei enim culturam et pietatem quæstum existimant, non de futuro aliquid sperantes; sed quomodo in præsentem se transigant providentes, sicut et mundanæ sectæ; quas constat propter præsentia lucra inventas, non nescii quosdam hoc libenter audire, quod in hac vita florendum sit, ideoque desistendum ab huiusmodi.

(Vers. 6.) « Est autem quæstus magnus (63) pietas cum sufficientia (63). » Magnas divitias et acquisitionem in eo dicit, si quis fidelis suo contentus sit: plus enim et in semetipso et in cæteris est qui misericordia Dei acquisitus (64) ad futuram vitam, ad præsens sufficere sibi putat, quod habet,

tus sit.

(64) Eras. et seq. edit. cum mss. aliquot, *qui misericordiam Dei acquisiturus.*

non dubitans ex eo ipso largiri. Omnis enim avarus impius est, et sibi et cæteris nocens.

(Vers. 7, 8.) « Nihil enim intulimus in mundum, verum quia nec auferre possumus quidquam; habentes autem alimentum, et quibus tegamur, his contenti simus. » Frustra mortales homines copiam studere, et locupletes fieri velle aperta voce declarat, cum sciant nihil se proprium habere in mundo. Cui rei proficit humana cupiditas, nisi quia ipsa sibi inimica existit? Nihil enim intulit mundo, nihil auferre poterit. Quid sibi incutit sollicitudinem, et quærit congregare? Talis hinc exiet qualis venit. Quod etiam scribit Job, et in sua passione fatetur, dicens: « Nudus exivi de utero matris meæ, nudus revertar in terram.... sit nomen Domini benedictum (Job 1, 21). » Quod si avari non retinerent in perniciem suam, pauci conderent quod pluribus posset proficere cum eorum ipsorum emolumento.

(Vers. 9, 10.) « Nam qui volunt divites fieri, incidunt in tentationem et laqueum, et desideria multa inutilia et nociva, quæ demergunt homines in exitium et interitum. Radix enim omnium malorum est avaritia, quam quidam appetentes, erraverunt a fide, et inseruerunt se doloribus multis. » Nihil tam asperum tamque perniciosum est, quam si ecclesiasticus, maxime qui in sublimi loco est, divitiis hujus sæculi studeat, quia non solum sibi ipsi, sed et cæteris obest. Contrariam enim formam dat hominibus: necesse est enim multos imitatores ejus existere ad perditionem. Quanto enim honorificentior ordine est, tanto magis suadet imitandum se, maxime in hac re, quæ in ista vita proclivis est; avaritia enim **303** omnia mala potest admittere. Ideo radix omnium malorum est, quia ut desideria sua expleant, quod impossibile est, et maleficia, et homicidia, et obscenitatem, et quidquid sceleris est, perpetrat: nec ad præsens segura, quia semper cupida, et in futuro damnata.

(Vers. 11.) « Tu autem, homo Dei, hæc fuge. » Abscindere se hominem Dei ab hac hortatur et præcipit, ut et hic securus sit, et in futuro præmiis remuneretur divinis. Non enim immerito coronandus est qui hanc spernit quæ multis suadet.

(Vers. 12.) « Sequere autem justitiam, pietatem, fidem, charitatem, patientiam, tranquillitatem animi. Certa bonum certamen fidei, apprehende vitam æternam, ad quam et vocatus es, et confessus es bonam confessionem coram multis testibus. » Quoniam avaritia res iniqua est, hominem Dei, ut ab hac dissentiat, justitiam sequi jubet atque pietatem, et alia quæ memorat: non enim poterit hanc evitare, nisi his adhæserit, quæ avaritiæ adversa sunt. Quomodo autem fieri potest ut avarus fidelis sit, qui operibus negat quod verbis fateri videtur? Unde autem amator fraternitatis, cujus manus sunt aridæ? quomodo vero patiens, qui semper ad alie-

(65) Rom. edit., *abunde ad fruendum.... ut divites facti bonis operibus, faciles sint ad impertien-*

A na se tendit? aut quatenus quietem animi possit habere, qui die nocteque aviditate cupiditatis incenditur? Sed quia ab homine Dei Timotheo iniquitas hæc aliena erat, bonum certamen fidei aggredi jubetur. Fidei enim victoria est, cum omnia vitia et crimina subjugantur, ut ad æternæ vitæ præmia veniatur: cujus confessio inter ipsa rudimenta fidei, teste interrogante et respondente monumentis ecclesiasticis continetur.

(Vers. 13-16.) « Præcipio tibi in conspectu Dei, qui vivificat omnia, et Christo Jesu qui testatus est sub Pontio Pilato bonam confessionem, ut serves mandatum immaculatum, irreprehensibile, usque in adventum Domini nostri Jesu Christi: quem suis temporibus ostendet beatus ille et solus potens, Rex regum, et Dominus dominantium, qui solus habet immortalitatem, et lumen habitat inaccessibile, quem vidit nemo hominum, nec videre potest, cui honor et potestas æterna, amen. » Magna vigilantia atque providentia præcepta dat rectori Ecclesiæ; in hujus enim persona totius populi salus consistit. Non sollicitus de cura Timothei, tam circumspectus est, sed propter successores ejus, ut exemplo Timothei Ecclesiæ ordinationem custodirent: ipsi quoque futuris formam tradentes a semetipsis inciperent. Denique « ut serves, inquit, mandatum immaculatum usque ad adventum Domini nostri Jesu Christi. » Quod sic astringit, ut coram Deo et Christo hoc se mandare testetur: et ut terrorem incutiat, passionem Christi memorat, cujus passionis reus necesse est fiat, qui hoc spernit propter quod passus est Christus. Nec diem judicii tacuit, quod prædestinato tempore futurum est Dei nutu, quem solum beatum et potentem et Regem regum et Dominum pronuntiat; solus est enim ipse qui propriam et a nullo habet acceptam beatitudinem atque potentiam, dominatum et regnum, nec non immortalitatem. Hæc **304** omnia habet Pater, similiter et Filius a Patre, lumen autem inaccessibile solius Patris est; quia nulli unquam apparuit. Denique subjecit: « Quem vidit nemo hominum, nec videre potest. » Non quia aliud lumen Filii sit; quippe cum in psalmo scriptum sit: « Et in lumine tuo videbimus lumen (Psal. xxxv, 10), » hoc est, lumen Patris esse in Filio: sed quia nemo vidit Patrem, ac per hoc inaccessibile habitat lumen. **D** Non est enim ordo alicui videndi Deum Patrem, nisi Christo; qui de Deo est, hic vidit Deum: Filius autem, quia omnia ipse agit, et apparere dicitur et videri. Illud ergo peculiare Patris est quod supra dictum est: « Cui honor et potestas æterna, amen, » hoc est verum.

(Vers. 17, 18, 19.) « Divitibus hujus sæculi præcipe non superbe sapere, neque sperare in incerto divitiarum, sed in Deo vivo, qui præstat nobis omnia abundanter adfruendum (65) in voluntate operum honorum: divites esse factis bonis, faciles ad dum, et libenter communicantes, thesaurizent sibi, etc.

impertiendum, et libenter communicatores, thesaurizare sibi fundamentum bonum in futurum, ut apprehendant veram vitam. » Vera vita illa est, quam speramus futuram, quæ non occasu, neque temporibus terminatur; æterna est enim, et ideo merito vera appellatur: hæc enim præsens imago vitæ est, non veritas. Et quia imago non omnino inanis est, in hac vita illa acquiritur: et ut ad illam festinaretur, ex imagine quam præcellat veritas, addiscitur, quæ neque superbia, neque spe divitiarum attingitur, sed humilitate, et spe Dei, qui hanc promisit. In ipso enim sperandum est, quia ipse præstat quæ usibus sunt necessaria, non in ipsis copiis, sed in auctore earum. Quæ enim spes videtur in re caduca atque incerta? quippe cum aliquanti ex his discedant; qui autem in his manere videntur, nullum lucrum ex his capiunt in futurum, sed damnum, nisi cum indigentibus partiantur; neque enim æternæ sunt, ut futuræ vitæ præponantur. Sic superbos faciunt, quasi immortalitatem polliceantur. Resurrectionis

exemplum habemus in Christo, et a multis non sic diligitur Christus, sicut divitiæ, quarum nullum exemplum videtur, quod aliquem a morte liberarint. Christus nos redemit, non divitiæ; ipse enim futuræ vitæ instar ostendit, ut his omnibus spreto, ipsum sequamur, ut ad immortales et cœlestes divitias veniamus. Quare hoc eniti debemus, ut bonis factis divites simus, et his terrenis copiis spirituales divitias acquiramus: seminemus in terra, ut metamus in cœlis, ubi thesaurus collocatur æternus.

(Vers. 20, 21.) « Timothee, commendatum custodi, devitans profanas vocum novitates, et oppositiones fallacis nominis scientiæ, quam quidam promittentes, circa fidem exciderunt. Gratia tecum. » Eadem admonet, ut ea quæ supra dicta sunt, servantur; contraria autem religioni evitanda, quæ nomen tantum scientiæ usurpant, fallaces in professione, ut decipiant simplices; fidem enim simulant, a qua exciderunt, ut perfidiam inferant. Et manu propria subscripsit, dicens: « Gratia tecum. »

IN EPISTOLAM B. PAULI AD TIMOTHEUM SECUNDAM.

PROLOGUS.

Aliam epistolam scribit ad Timotheum, ut jam eruditum ecclesiastica disciplina, et quæ spes sit promissionis, suo exemplo ad martirium provocet (66): et quia futurum est ut quidam a sana Doctrina, eo quod dura illis videatur, ad fabulas convertantur, id est, ad humana commenta.

CAPUT PRIMUM.

(Vers. 1, 2.) « Paulus apostolus Jesu Christi per voluntatem Dei secundum promissionem vitæ, quæ est in Christo Jesu, Timotheo dilecto filio. » Hujus rei gratia apostolum se Christi Jesu, Dei voluntate appellatum significat, ut quæ et quanta promissio in futuro in fide Christi sit, edoceret: ut prædicatione ejus (67) incrementum faciat in salvandis discipula Dominica. Idonei enim servi sunt, qui instantia sua et fide negotia dominorum suorum exaggerant. Quod ideo huic quasi charissimo filio scribit, ut hujus rei imitator exsistat, eadem cæteris tradens, ut per traducem successionum indeficiens sit idoneus doctor, per quem asserta veritas multos acquirat ad vitam promissam. « Gratia, misericordia, et pax a Deo Patre, et Christo Jesu Domino nostro. » Gratiam huic Patris in miseratione exoptat, ut adsit ei: et Christi Jesu Domini nostri, quia Deus gratiam suam per Christum largitur: ut una gratia sit utriusque.

(Vers. 3, 4, 5.) « Gratias ago Deo meo, cui servio

a proavis in conscientia pura, quod indeficientem habeam tui memoriam in precibus meis, nocte dieque multum desiderans te videre, memor lacrymarum tuarum: ut ego gaudio replear, recordationem accipiens ejus quæ est in te sinceræ fidei, quæ habitavit primum 305 in avia tua Loide, et matre tua Eunice: certum autem habeo quod et in te. » Quoniam dignum est meminisse bonorum, idcirco Deo gratias agit, quia memor erat Timothei viri mirabilis, ut etiam hoc ipsum Dei donum sit; non enim sine merito est, qui cogitat de bonis viris. Et quia idem Deus Christianorum est, qui erat Judæorum, ei se Deo gratias referre testatur, cui a proavis famulatus est. Quando enim hoc sperabant progenitores ejus, quod hic cœperat prædicare, una eorum fides est. Et quia in parentum successit servitia, et quia in his erat adhuc, cum illi Deo servirent, recte ait: « Cui a proavis servio. » Quomodo? « In conscientia pura, » inquit: sic enim aliquando persecutus est Ecclesiam, ut Dei amore hoc agere, non malevolentia. Nam simili modo et in epistola ad Hebræos scriptum est quia Levi, qui decimas accepit, decimas dedit Melchisedech, quia in Abraham, inquit, lumbis erat Levi, quando decimas obtulit Melchisedech (Hebr. vii, 9, 10): ita et hic a proavis Deo se dicit servisse, quia et Levi in proavo decimas dicitur obtulisse. Est enim Levi pater Jacob, avus Isaac, proavus Abraham. Multum ergo se memorem Timothei profitetur, et avide

(66) Rom. edit., scribit nunc Apostolus ad Timotheum.... ostendit quæ spes sit promissionis; et ut suo exemplo.... commenta, prædicat.

(67) Eadem Rom. edit., per fidem Christi sit, edoceret, quo prædicatione ejus, etc.

illum desiderare propter lacrymarum ejus recordationem, quas amore fuderat Apostoli, sicut intelligitur, recedentis a se. Non immerito ergo amantem se desiderat, ut gaudio impleatur ex communi lætitia, causa fidei sinceræ, quam et in avia ejus, et in matre fuisse significat, certissime et in eo. Omnis itaque hic affectus propter fidem est, quæ erat in eis inviolata.

(Vers. 6, 7.) « Qua de causa admoneo te, ut recrees donum Dei, quod est in te per impositionem manuum mearum; non enim dedit nobis Deus spiritum timoris, sed virtutis, et dilectionis, et sobrietatis. » Propterea se parentum ejus sinceritatem fidei significat memorasse, ut fortiorem hunc faceret. Quis enim laudem illorum audiens, quorum in eo ipso particeps est, non crescat, addens animum hujusmodi viribus? Sic ergo recreat in se donum gratiæ Dei acceptum per ordinationem presbyterii, dum animum suum confovet mentis alacritate, gaudens in semetipso, sicut in novitate ordinationis gaudetur. Denique subjecit: « Nec enim, inquit, dedit nobis Deus spiritum timoris, sed virtutis. » Innovatus enim homo exit de timore, accipiens spiritum lætitiæ propter justificationem: quia omnis injustus in timore est, non fortis, sed infirmus; non in dilectione, sed in odio: nec in mentis sobrietate, sed errore saucius. Si autem his caruerit, per fidem et fortis, et dilectus, et sobrius erit.

(Vers. 8.) « Noli itaque erubescere testimonium Domini nostri, neque me vincitum ejus. » Constantiam habendam docet, nec trepidari debere in professione. Non est enim unde erubescatur in ea, quia si homo visus est Christus, gestis tamen apparuit Deus: etsi crucifixus est, resurrexit tamen a mortuis, et multis videntibus, suscipiente eum nube, in cælum ascendit (*Act. 1, 9*). Non est ergo infirmitatis causa, sed potestatis; quia ubi putatur imbecillitas, ibi apparet potentia. Itaque stulte infirmatus dicitur, qui vicisse probatur. Hoc modo nec in Apostolo est, quod ad ruborem pertineat: quia si pressuris et cædibus humiliatus dicitur, ex illa parte confundit obtrectatores suos, quia in signis ac prodigiis nutu mirabilis pervidetur: ut intelligatur non infirmitate humiliari, sed voluntate ad quemdam meritorum profectum. Idecirco enim Deus servos suos ab iniquis humiliari permittit, ne illis injuste præmia dare videatur.

(Vers. 9.) « Sed collabora in Evangelio secundum virtutem Dei, qui nos salvos fecit (68). » Quoniam virtute Dei victa est mors, ut nos salvi esse possimus; juxta hoc convenit vicem nos ex aliqua parte reddere Redemptori. Quia enim ad omnia ejus beneficia respondere non possumus, vel legationem ejus fideliter et instanter agamus. « Et vocavit vocatione sua sancta. » Vocatio sancta est, cum

(68) Rom. edit., qui nos liberavit.

(69) Rom. edit., Illuminavit autem vitam, et æternitatem. Ita etiam infra.

(70) Rom. edit. in illum diem... qui spe et fidu-

A electi sunt ad gubernandum populum sanctum Dei; ad sanctum autem senior vocatur, qui dux eligitur sanctitatis. « Non secundum merita nostra. » Verum est, quia si ad liquidum quæras, nullus hominum dignus potest videri vicarius esse Christi; omnes enim quos elegit, prius fuerant peccatores. Quantum ergo ad comparisonem cæterorum pertinet, hi digni inventi sunt: quantum vero ad rem ipsam, omnes indigni sunt. « Sed secundum propositum suum, et gratiam quæ data est nobis in Christo Jesu ante tempora sæcularia. » Quoniam dignatione sua Deus olim **306** decrevit peccatores salvos facere (præscius enim fuit Deus quid futurum esset in homine, antequam faceret eum, et peccaret), quomodo redintegraretur prædestinavit, quo tempore, et per quos, et qua ratione salvari possint; ut neque merito suo qui salvantur, neque horum per quos vocantur, sed Dei gratia istud donum præstari videatur per fidem Christi.

(Vers. 10.) « Nunc vero declarata per illuminationem adventus Salvatoris nostri Jesu Christi. » Donum Dei quod ante tempora sæcularia latebat in mysterio, incarnatione et adventu Christi declaratum testatur, quando cœperunt homines remissam peccatorum accipere.

(Vers. 11.) « Qui destruxit quidem mortem, illuminavit autem vitam æternitate (69) per Evangelium, in quo positus sum ego prædicator, et apostolus, et magister gentium. » Qua ratione salvum fecit populum suum Christus, ostendit dicens quia mortem destruxit, quæ erat hominis inimica, ne ab inferis posset resurgere: tum demum vitam illuminavit æternitate, ut resurgens a mortuis, jam mori non possit. Obscura enim vita est, quæ tempore definitur, dum soporatur, dum ignorat, dum male versatur. Et quomodo illuminetur vita, ostendit, quia per Evangelium credentibus datur æternitas, magistro gentium prædicante.

(Vers. 12.) « Quam ob causam et hæc patior. » Prædicans Dei donum, diabolus patitur inimicum, ut pressuras ei exsuscitet, quia populum de faucibus ejus eruit. « Sed non confundor. » In hoc securus, quia pro tribulationibus magna promissa merces est, non confunditur, sed gloriatur in pressuris. « Scio enim cui credidi, et certus sum quia potens est depositum meum custodire in illa die. » Hoc est quod dicit, qua spe et fiducia (70) magnificentiæ Salvatoris securus est, quia quod commendat illi, in tuto est. Quid autem illi commendat, nisi salutem suam? Ut hic pro illo patiens, salutem inveniat penes illum, cum cœperit judicare: ut puniens infideles, istum dignum æterna vita pronuntiet.

(Vers. 13, 14.) « Formam habens sanorum verborum (71), quæ a me audisti in fide et dilectione, quæ est in Christo Jesu, bonum commendatum custodia.

(71) Rom. edit. Formam habe sanorum verborum... Bonum commendatum custodi.

stodire per Spiritum sanctum, qui habitat in nobis. » Præcepta sua cum gestis formam appellat salutaris doctrinæ, quam istum sequi mandat, ut custodiat ea, Spiritu sancto favente.

(Vers. 15, 16.) « Seis enim hoc, quod aversati sunt a me omnes qui in Asia sunt, ex quibus est Phylgelus et Hermogenes. » Illi quos memorat, fallacia pleni erant; simulabant enim amicitias Apostoli, ut adhærentes ei addiscerent, unde illi calumniam facerent, aut per alios immitterent. Qui posteaquam viderunt manifestatos se, recesserunt ab eo. « Det misericordiam Dominus Onesiphori domui; quia sæpe me refrigeravit et super catenam meam non erubuit. » Duplici genere refrigerium hoc intelligendum est, quia et in necessitate custodiæ solatio suo refrigeravit eum: et si qua illi, sive indigentibus opus erant, ministravit. Spe enim eorum, quæ promissa sunt, non puduit illum accedere, et requirere hominem positum in custodia; illi enim quos supra memorat, quia erubescabant de cruce Christi, in necessitate deseruerunt Apostolum.

(Vers. 17, 18.) « Sed cum essem Romæ (72), sollicitè me quæsit et invenit. Det illi Dominus invenire misericordiam apud Dominum in illa die. » Romam veniens Apostolus, cum appellasset Cæsarem, a militibus custodiebatur; tunc enim cum Onesiphorus charitatis causa et magisterii magna diligentia requisitum invenit. Cujus visitatio tam acceptabilis fuit Apostolo, ut cum sic Domino commendet, ut inveniat misericordiam apud Dominum in die judicii; ut sicut Apostolum requirens invenit, ita et misericordiam quærens, inveniat apud judicem. Hoc enim orat, ut præstet ei Dominus Pater cæli et terræ invenire gratiam apud Dominum humani generis, Filium scilicet. Tale est hoc, quale et illud in Genesi: « Et pluit, inquit, Dominus sulphur et ignem super Sodomam et Gomorrhæam a Deo de cælo (*Gen. XIX, 24*). »

« Quanta autem Ephesi ministraverit mihi, melius tu nosti. » Quoniam solent quidam personis magis quam causis servire, volentes gratificari majoribus; ideo Apostolus Onesiphori bonum generale (73) ostendit, ne videretur forte personæ se commendasse, dum Apostolo ministravit; cum constaret illum magnanimum omnibus fuisse.

307 CAPUT II.

(Vers. 1, 2.) « Tu ergo, fili mi, confortare in gratia quæ est in Christo Jesu, et in iis quæ audivisti a me per multos testes: hæc commenda fidelibus hominibus, qui idonei erunt et alios docere. » Constantem hunc et robustum esse præcipit in docendo gratiam Dei, quæ data est in Christo Jesu: et non solum in gratia, sed etiam in mysteriis quæ sunt de Christo. Arcana fidelibus et dignis tradi

A vult, qui alios possint docere, non passim vulgari-bus ac negligentibus; magna enim cura eligendus est doctor.

(Vers. 3, 4.) « Labora ut bonus miles Christi Jesu; nemo enim militans Deo, obligat se negotiis sæcularibus; ut placeat ei cui se probavit. » Manifestum est quod dicit; quia « nemo potest duobus dominis servire (*Matth. VI, 24*); » negotia enim sæcularia avaritiæ serviant necesse est: et nisi mentiti fuerint, transegisse non possunt. Est ergo, sed leve peccatum. Ecclesiasticus autem idcirco Deo se probat, ut huic devotus, officium impleat quod spondit, in Dei rebus sollicitus, a sæculari negotio alienus; non enim convenit unum duplicem professionem habere.

B (Vers. 5.) « Etsi certet quis (74), non coronatur, nisi legitime certaverit. » Dei militem tam exercitatum vult esse in Dei operibus, vel officio deputato, ut possit ad gloriæ meritum pervenire: tota mente vigilantem divinis obsequiis, præsentia spernentem, cælestia diligentem: ad hoc enim se probavit, ut hic laborans remuneretur in cælis.

(Vers. 6, 7.) « Laborantem agricolam oportet primum de fructibus percipere. Intellige quæ dico; dabit enim tibi Dominus in omnibus intellectum. » Tantæ abstinentiæ sanctus fuit Timotheus, ut etiam alicitis se temperaret; hoc enim vult intelligi, quia a participatione gazophylacii se abstinebat, cum hoc Dominus decreverit, ut qui Evangelium annuntiant, de Evangelio vivant (*I Cor. IX, 14*). Ideo C Apostolus prius hunc sumere præcipit, qui primus est, et sic cæteris distribuere.

(Vers. 8, 9.) « Memor esto Christum Jesum resurrexisse a mortuis ex semine David secundum Evangelium meum, in quo laboro usque ad vincula, quasi latro, sed verbum Dei non est alligatum. » Quoniam multi futuri erant filii diaboli, qui Filium Dei incarnatum negarent; idcirco hoc memorat, quoniam fallaciter sub nomine apostolorum hoc asseverare nituntur. Subjecit, « secundum Evangelium meum, » ut excluderet malæ mentis falsa colloquia; non enim plus hæreticis credendum est de Apostolis, quam his ipsis de prædicatione sua testantibus, quam prædicationem cum labore se agere queritur. Presuris enim tribulabatur et carceribus, eo quod tam D Judæos quam gentiles offenderet, sicut illis videbatur, incredibilia prædicando: iratos enim habebat Judæos propter legem, quam cessare docebat: gentiles autem inimicos sibi faciebat, quia unum Deum prædicabat in Christo. Unde quasi latronem hunc tractabant, alligantes, claudentes si posset tacere, nescientes quia verbum Dei alligari non poterat. Denique sæpe clausus non dispendium fecit, sed lucrum; neque enim defuit cui prædicaret in carcere, ut quos libere invitare ad fidem non posset, in vinculis positus pasceret Dei verbo.

(72) Eadem Rom. edit., *Sed cum venissem Romam.*
(73) Rom. edit., *Onesiphori domum generalem.*

(74) Rom. edit., *Nam etsi certet quis in agone.*

(Vers. 10.) « Ideo omnia suffero propter electos ; A ut et ipsi salutem consequantur, quæ est in Christo Jesu cum gloria cœlesti. » Ut prædicatione sua salvaret homines prædestinatos ad vitam, exitiis erat subjectus, sciens profectum se habiturum quæsita salutis illorum.

(Vers. 11, 12.) « Fidelis sermo ; si enim commortui sumus, et convivemus ; si sustinemus, et conregnabimus. » Sic posse ad immortalitatem et gloriam Christi perveniri significat, si in forma baptismatis manserimus, ubi omnia delicta moriuntur ; ut innovati omnia vitia vetera et crimina fugiamus, ut auctoris secuti vestigia, peccatis mortui videamur. Si vero additum fuerit ad causam, ut et tribulationes ac pressuras non ægre pro nomine Domini patiamur, sustinentes hæc, simul cum illo regnabimus, dignum est enim ut qui pro illo opprobria patitur et exilia, in regno ejus gloriosus appareat. « Si negamus, et ille negabit nos. Verum est, quia si minime confessi illum fuerimus coram hominibus, tunc dicet et ipse nobis in illa necessitate futuri judicii : « Nescio vos (Matth. xxv, 12). » Hæc est punitionis significatio.

(Vers. 13.) « Si non credimus, ille fidelis permanet, negare semetipsum non potest. » Nemo potest Domino auferre quod habet. Quis enim illo fortior est per quem omnia exstiterunt ? Nec 308 addi potest perfecto ; quia non illi aliquid præstat, qui credit illum ; quomodo nihil aufert ei, qui non credit in illum. Quidquid ergo agitur, ad profectum nostrum pertinet, ne in ignorantia maneamus. Nec enim a nobis firmatur, cum ipse ex se et apud se firmus sit.

(Vers. 14.) « Hæc admone, contestans coram Domino. Noli verbis pugnare : ad nihil enim utile est, nisi ad subversionem audientium. » Contentiones vitandas monet, præcepta autem danda sub Dei timore et terrore ; quia contentio potest adhuc minus stabilitis generare scrupulum. Solent enim in contentione talia opponi eliminato malevolentia ferro, ut moveant animos incipientium fratrum.

(Vers. 15.) « Sollicite cura temetipsum, ut probabilem te exhibeas Deo, operarium non impudoratum, recte tractantem verbum veritatis. » Quoniam sunt aliqui qui dicant contentionem audientibus prodesse : Apostolus autem sciens magis obesse, D hoc mandat, ut unusquisque hoc curet, ut spreta altercatione (75), semetipsum probabilem faciat impudoratos appellans eos qui contentionibus nituntur. Necesse est enim ut contentio extorqueat aliquid, imo multa quæ dicuntur contra conscientiam : ut intus in animo perdat, foris victor abscedat. Nemo enim patitur se vinci, licet sciat vera quæ audit : recte autem tractat, et bona conscientia, qui volentibus loquitur et pacificis. Collatio ergo inter Dei servos esse debet, non altercatio.

(75) Codex Laud., ut spiritali altercatione.

(76) Rom. edit., proficiunt ad impietatem.

(77) Omnes edit., quod palam est Christianorum ;

(Vers. 16, 17.) « Profanas autem vocum novitates devita, plurimum enim proficiunt ad (76) inanitatem, et sermo eorum sicut cancer serpit. » Hoc idem adhuc prosequitur, ut contentiones vitentur ; nec enim congruit unius fidei viros habere contentionem, sed in tractatu patiantur se invicem, et consentiant bonis dietis : si quid autem improbabile videtur, cum pace dissimuletur. Adversarii enim et dissidentes solent se invicem provocare, ex quibus unus catholicus est, et alter profanus. Hic ergo catholicus est, cui Apostolus mandat, ut spernat et declinet a fabulis inanibus : quietus debet esse, ut semper de conscientia verba emittat, nec patiat se coram impia verba depromi. Dant enim quibusdam occasionem, ut in pejus proficiant ; non enim B desunt qui, audientes profana, concipiunt cogitatum malum : ideoque obest contentio.

(Vers. 18.) « Ex quibus est Hymenæus et Philetus, qui deerraverunt a veritate, dicentes resurrectionem jam factam esse, et fidem quorundam subverterunt. » Nunc ipsorum quorum causa vitandas contentiones monet, prodidit nomina, quos et profanos et impios designavit, errantes a veritate ; hoc enim negabant, quod palmare est Christianorum (77), ut credant se in futurum a mortuis resurgere. Hi autem, sicut ex alia scriptura docemur, in fidei fieri resurrectionem dicebant, quibus non deerat, qui assensum præstaret perversum contra fidem, quam in primordio fuerat consecutus.

(Vers. 19.) « Firmum autem fundamentum Dei stat, habens signaculum hoc ; cognovit enim Dominus qui sunt ipsius : et discedat ab iniquitate omnis qui nominat nomen Domini. » Fundamentum Dei fides est, quæ continet quæ promisit Deus, quæ fides non poterit infringi perfidorum et hæreticorum commentis ; quamvis enim hi negent futura quæ credimus ; Deus tamen dabit quæ credimus daturum illum, teste promissione ejus. Signaculum itaque promissionis Dei, fides nostra est, quæ firmat Dei verba. In die judicii cognoscet Deus, qui habent signum ejus, dissentientes a perfidorum et hæreticorum iniquitate, quæ Dei promissionem infirmare se putat ; nihil enim tam iniquum, quam Dei fidei contraire. Et sic Dathan, et Abiron, et Core dictum est a Moyse, cum contra Dei præceptum offerre sacrificia præsumerent (Num. xvi, 28-30) : « Cognovit, inquit, Dominus qui sunt ejus. » Quo dicto ostendit quæ pernicies maneret eos qui Dei verba inverterent.

(Vers. 20.) « In magna autem domo non solum sunt vasa aurea et argentea, verum et lignea et fictilia : et quædam quidem in honorem, quædam vero in contumeliam. » Hoc dicto significavit in Ecclesia diversos esse homines : quosdam bonos et summos viros, quos in auro intelligi vult : quosdam bonos tantum, quos in argento designat : alios vero non mss. vero partim, quod palmare est, partim, quod palmarium est ; utrumque commode : unus etiam, quod speciale est Christianorum.

bonos, quos vasa lignea et fictilia appellat. Quod nulli ambiguum puto; nam in Corinthiorum hoc Ecclesia probat frequens sermo objurgantis Apostoli. Nunc autem in Ecclesia nostra 309 palam est, et in templo Hierosolymis, in quo typus erat Ecclesiæ, manifestis lectionibus approbatur. Erant enim ibi Sadducæi, ex quorum radice erant Hymenæus et Philetus: de quorum prava sententia cum Apostolus esset locutus, statim hoc subjecit, non esse mirabile in Ecclesia videri homines dissentientes. Nam et in Corinthiorum Ecclesia, de qua dixi, quidam erant qui dissentientes, resurrectionem negabant. Insanus tamen Novatianus (78) ut errori suo blandiatur, aliter hoc intelligendum tradit; ut domus magna totus mundus significari credatur, qui habet hominum diversitatem; cum constet Apostolum exemplo usum domus divitis et opulenti, quæ, quamvis copiosa sit, habeat tamen vasa lignea et fictilia: hoc modo et Ecclesia, quamquam sancta dicatur, habet tamen et vitiosos et prava sentientes, sicut superius memoravi. Quos contumelia dignos ostendit, non tamen perituros, sed purgandos per ignem; quia domui ex aliqua parte necessarii sunt. Novatianus autem elatus superbia, ut Ecclesiæ suæ veritatem et sanctitatem generalem defenderet, hoc modo intelligendum esse decrevit, quasi Ecclesia penes ipsum sit, et cunctos habeat purificatos, propter illas causas quibus nos innocentes accusat (79). Sed quid opus erat hoc loco de mundo aliquid dicere, aut ut quid affirmaret mundum domum magnam significare? Nam dicit Dominus apostolis: « Non estis de mundo, ego autem elegi vos de mundo (Joan. xv, 19). » Quomodo igitur intra mundum concludendi sunt, qui negantur de mundo esse? Et idem Apostolus: « Quo, inquit, mihi de iis, qui foris sunt, judicare (I Cor. v, 12). » Nam in una domo omnes sub uno sunt nomine; uno enim Domini sui nomine censentur omnes: mundus autem diversæ professionis continet homines; ita ut dispares profiteantur se habere et deos et dominos. Non ergo domum magnam mundum dicit, sed Ecclesiam, in qua omnes sub unius Domini sunt nomine,

(Vers. 21.) « Si quis ergo purgaverit seipsum ab istis, erit vas in honorem sanctificatum, utile Domino: ad omne opus bonum præparatum. » Nunc alia hæresis fraude sua vincitur, quæ asserit animas quasdam natura esse malas, quæ ad bonum cogi non possint: cum hic dicat posse malos immutari in bonum, et sordidos purificari. Potuerant enim Hymenæus et Philetus mundare sensum suum, si voluissent: ut fierent vas sanctificatum, præparatum in honorem.

(Vers. 22.) « Juvenilia autem desideria fuge. » Juvenilia desideria adversa sunt: sunt enim voluptates mundanæ, quæ omnibus illecebris manci-

(78) In Rom. edit. hic et infra non *Novatianus* scribitur, sed *Novatus*.

(79) Rom. edit., *nos ut nocentes accusat*.

patæ sunt, ac per hoc a Dei servo fugiendæ sunt. « Sectare vero justitiam, fidem, charitatem, pacem, cum iis qui invocant Dominum de puro corde. » Hæc sectanda jubet, quæ juvenili ætati devia videntur et aspera. Qui enim justitiam eligit, ei nihil facit contrarium, et qui fidem diligit, servat mandata: qui autem charitatem sequitur, omnibus humilis est: pacis vero custos nullum lacessit ad jurgium.

(Vers. 23.) « Stultas autem et ineruditas quæstiones evita, sciens quia generant lites. » Insensatæ quæstiones partim infidelium, partim hæreticorum sunt: ex parte infidelium, quæ modestos homines cogunt ad litem; immutantur enim nimia contradictione impietatis eorum, et irati dicunt aliquid contra præpositum suum (80). Nam solent quidam hæreticorum patientiam fingere (quamvis a catholico non possint audire aliquid asperum), ut commendent prava sua colloquia: idcirco dissimulandum ab his est.

(Vers. 24, 25, 26.) « Servum autem Domini non oportet litigare, sed mitem esse ad omnes, docibilem, patientem, modestum, corrigentem eos qui diversa sentiunt: si quando det illis Deus pœnitentiam ad agnitionem veritatis, et respiscant a diaboli laqueis, a quo tenentur capti ab eo ad ipsius voluntatem. » Hæc nulla indigent interpretatione, sunt enim manifesta. Quantum tamen prosit modestia, declaravit; si enim hoc in quibusdam hæreticis placitum est, quia humiles videantur: quanto magis laudabile et fructuosum erit in catholico, si fuerit mitis, in quo et sensus utilis, et gravitas imitanda perspicitur!

CAPUT III.

(Vers. 1-5.) « Hoc autem scito, quia in novissimis diebus instabunt tempora periculosa: erunt enim homines sui tantum amatores, avari, insolentes, superbi, blasphemæ, parentibus non obsequentes, ingrati, impii, sine fide, sine dilectione, criminatores, incontinentes, immites, bonorum inimici, proditores, protervi, tumidi, amatores voluptatum magis quam Dei, habentes 310 formam pietatis, virtutem autem ejus abnegantes: et hos evita. » Prophetia est hæc sancti Apostoli, in qua prævidit quanta mala futura essent hæreticorum et Judæorum; in his enim omnia ista, quæ inimica fidei sunt, denotantur. Ipse enim Apostolus dixit: « Quo enim mihi de iis, qui foris sunt, judicare (I Cor. v, 12)? » Qui enim male de Deo sentiunt, et non timent, quod ad injuriam ejus pertinet, profiteri; quomodo in conversatione humana possunt esse benevoli? Ideo enim dixit: « Habentes formam pietatis, virtutem autem ejus abnegantes; » quia profitentur quidem semetipsos Christianos, cum sint et nequissimi operis, et sensu perversi. Non

(80) Codex Vall., *invitantur enim nimia contradictionis impietate eorum... contra propositum suum*.

enim in professione magis, quam in gestis laus Dei A et virtus est.

(Vers. 6, 7.) « Ex his enim sunt, qui irrepunt in domos, et captivas ducunt mulierculas oneratas peccatis, quæ ducuntur a variis desideriis, semper discentes, et nunquam ad scientiam veritatis pervenientes. » Quamvis omnibus hæreticis hoc conveniat, ut subintrantes domos, mulieres subdolis et versutis verbis capiant, ut per eas viros decipiant more patris sui diaboli, qui per Evam Adam circumvenit: Manichæis tamen præ cæteris congruit. Nulli enim tam importuni, tam fallaces, tam captiosi sunt, quam ipsi quos constat aliud colere, et aliud profiteri; aliud intus gerere, et foris aliud vindicare. Nam sanctimonium defendunt, et lege sua favente, turpiter vivunt: misericordiam laudant, cum inter se injusti deprehendantur: mundum spernendum asserunt, et semper accurati procedunt; jejuniis insistere se jactanter prædicant, cum omnes saginati videantur; tantum quod arte quadam pallidi cernuntur, ut fallant. Hæc ergo Apostolus maxime de his prophetavit, quos constat apostolorum tempore non fuisse, sicut nec Arianos; quippe cum Diocletianus imperator constitutione sua designet, dicens: Sordidam hanc et impuram hæresim, quæ nuper, inquit, egressa est de Perside (Vide *Collect. leg. Mosaic. et Roman.*). Hi inveniunt mulieres præ vanitate novum aliquid desiderantes audire, et per ea quæ placita sunt, suadent illis fœda et illicita; cupidæ enim sunt discendi, cum judicium non habeant probandi: hoc est semper discere, et veritatis scientiam non habere.

(Vers. 8, 9.) « Quemadmodum autem Jannes et Mambres restiterunt Moysi, ita et hi resistunt veritati, homines corrupti mente, reprobi circa fidem. Sed non proficient amplius; ignorantia enim eorum evidens erit omnibus, sicut et illorum fuit. » Exemplum hoc de apocryphis est; Jannes enim et Mambres fratres erant magi vel venefici Ægyptiorum, qui arte magiæ suæ virtutibus Dei, quæ per Moysen agebantur, æmulatione commentitia resistere se putabant (*Exod. vii, 11*). Sed cum Moysis virtus in operibus cresceret, humiles facti, confessi sunt cum dolore vulnerum Deum in Moyse operatum (*Exod. viii, 19*). Unde similiter et hos non amplius proficere in impietate assertionis suæ dicit; quia imperitia eorum palam fiet et seductio; et licet D inviti, confitebuntur tamen suam imperitiam in ultimo.

(Vers. 10, 11.) « Tu vero assecutus es doctrinam meam, institutionem, propositum, fidem, longanimitatem, dilectionem, patientiam, persecutiones, passionem. » Eorum vult esse æmulum, quæ enumerat; hæc enim in ultimo non ad pœnitentiam, sed ad lætitiâ proficient.

(Vers. 12, 13.) « Qualia mihi facta sunt Antiochiæ, Iconii, et Lystris, quales persecutiones susti-

nui: et ex omnibus liberavit me Dominus. Sed omnes qui volunt pie vivere in Christo Jesu, persecutionem patientur. Nequam autem homines et deceptores proficient in pejus: ipsi errantes atque aliorum involventes. » Ideo quæ et quanta passus sit, memorat; ut auxilia Dei ostendat, quibus defendit et tutos præstat servos suos ab impudentia Satanæ: ut securos illos faciat et erigat, ne timeant quæ irrogari possunt a perfidis: sed in persecutione alacres sint, certi quia omnes qui in Christo recte conversantur, odio habentur etiam a corporis sui membris. Mali autem in deterius proficiunt, dum vident multos sibi dare assensum, ita ut cæteros in errorem mittant. Dum enim sciuntur esse mali et deceptores, et nihilominus florere et prosperari in B mundo, attrahunt quosdam, ut imitatores eorum efficiantur, non solum in propriis erroribus puniendi, verum etiam in horum, quos exemplo suo deperdunt.

(Vers. 14, 15.) « Tu vero persevera in his, quæ dedicisti, et quæ tibi credita sunt, sciens a quibus didiceris, et quia ab infantia sacras litteras C nosti, quæ possunt te erudire ad salutem. » Multum prodesse significat Veteris Testamenti habere notitiam: ipsas enim sacras litteras dicit, quæ Christi personam insinuant, et incarnationem ejus ad salutem hominum redimendam declarant. Hortatur autem eum, ut in his proficiat; antiquitas enim hæc robur est novitatis, sciens quia a quo didicit. firma est auctoritas; signa enim et prodigia vidit facta per eum, quibus omnis sermo succumbit.

(Vers. 16, 17.) « Omnis Scriptura divinitus inspirata utilis est ad doctrinam, ad correptionem, ad redintegrationem, ad redargutionem, ad eruditionem, quæ est in ipsa justitia, ut paratus sit homo Dei, ad omne opus bonum consummatus (81). » Manifestum est quia omnis scriptura, cujus Deus auctor ostenditur, utilis est; ad hoc enim data est, ut proficiat imperitis, et instauret deformes, attrahens iniquos ad justitiam, ut homo Dei in omni opere bono perfectus sit; in novo enim homine gradatim proficiens, constituit illum hominem Dei.

CAPUT IV.

(Vers. 1, 2.) « Testor coram Deo et Christo Jesu, qui judicaturus est vivos et mortuos, per adventum ipsius, et regnum ejus; prædica verbum, insta opportune, importune: argue, hortare, increpa in omni magnanimitate et doctrina. » Tam sollicitè mandat inviolate prædicandum Dei donum, ut cum testatione Dei Patris et Christi Filii ejus hoc moneat curandum, instandumque in eo ut assidua prædicatione et crebra objurgatione cum opportunitate provocet ad meliorem perfectum: et ut facilius arguenti assentiant, sine amaritudine hoc agendum hortatur.

(Vers. 3, 4.) « Erit enim tempus, cum sanam

(81) Mss. nonnulli, ad omne bonum instructus.

doctrinam non sustinebunt; sed ad sua desideria A magistros sibi aggerent (82), prurientes auribus: et a veritate quidem auditum avertent, ad fabulas vero convertentur. » Et hæc simili modo propheta est sancti Apostoli, qui præsciens futurorum, instandum in doctrina sollicitè præcipit; ut formati in fide et bonis operibus, eruditi in disciplina sana, robusti mancant, ut postremo tempore cum quidam a veritate ad errorem converti cœperint, immobiles perseverent. Tales enim futuros dicit, qui pro desideriis suis doceri se velint; ut a magistris constantibus atque veracibus ad hos convertantur, qui hæc illos doceant, quæ libenter audiant; quia veritas illis aspera videbitur, ut relicta sua doctrina, fabulis vacent. Nolunt enim argui maligna opera sua: quare tales volunt magistros, qui serviant moribus eorum; pruriunt enim aures eorum, ut audiant fabulas vanitatum compositas sub nomine doctrinæ, quibus delectentur. Quod nullis tam proprium est, quam Manichæis, qui nescio quæ habent diversa commenta inflatis nominibus nuncupata; cum sint res frivolæ et quædam deliramenta.

(Vers. 5, 6.) « Tu vero sobrius esto (83), in omnibus patiens, opus fac evangelistæ, ministerium tuum exple; ego enim jam delibor, et tempus solutionis meæ instat. » Admonet et hortatur ut vigilet in disciplina ecclesiastica, viriliter agat, Scripturas explanet, ut prudentes et eruditi inanes fabulas vitent. Apostolus enim sciens passionem suam imminere, exemplum piæ conversationis et sanæ doctrinæ in sancto Timotheo vult relinquere; ut per traducem nunquam deessent doctores idonei; passionem tamen suam delibationem appellat; Deo enim immolatur, qui pro ejus justitia patitur.

(Vers. 6, 7.) « Certamen bonum decertavi, cursum consummavi, fidem servavi. Quod reliquum est, reposita est mihi corona justitiæ, quam reddet mihi Dominus in illa die justus iudex: non solum autem mihi, sed et iis qui diligunt adventum ejus. Omnia quæ sibi et cæteris utilia essent et prospera, servasse se memorat; non solum enim in verbis, sed et in operibus formam se præbuit audientibus; ut et auctori suo veritate prædicationis fidelis dispensator exsisteret, et contra mundi principes et potestates omni sollicitudine et peritia colluctatus, exemplum quomodo vincerentur, relinqueret; ut inviolata doctrina, et agonis legitimum certamen dignos illos faceret coronari; quia Deus justus iudex dabit amplissima præmia diligentibus se, et exspectantibus Filium ejus de cælis.

(Vers. 9-12.) « Sollicitus esto venire ad me quamprimum; Demas enim me dereliquit, diligens hoc sæculum, et abiit Thessalonicam, Crescens in Galatiam, Titus in Dalmatiam, Lucas est mecum solus. Marcum assume, et adhuc tecum; est enim mihi

utilis in ministerio: Tychicum vero misi Ephesum. » Cum constet 312 omnem instructionem viri ecclesiastici (84) in epistola contineri, propter multam tamen charitatem præsentiam ejus desiderat: Marco autem idcirco testimonium perhibet, quia memor est præteritorum ejus laborum.

(Vers. 13.) « Penulam quam reliqui Troade apud Carpum, veniens affer tecum, et libros, maxime autem membranas. » Apostolus natura Judæus fuit, nec quidquam habuit alienum. Unde ergo illi penula? Sed quia erat a Tarso, quos constat in societatem Romanorum receptos, ut de cætero appellarentur cives Romani; idcirco necesse est eos et curiam habere, in quam more Romanorum penulati conveniant. Quicumque enim illo tempore cum muneribus obviam exissent Romanis, immunitate perpetua donati, cives Romani et fratres eorum nuncupabantur, teste eodem Apostolo. Potest ergo fieri, ut si non suam; quia totum se legi dederat, patris sui haberet penulam.

(Vers. 14, 15.) « Alexander ærarius multa mala mihi ostendit: reddet illi Dominus secundum opera sua. Quem et tu devita; valde enim restitit verbis nostris. » Alexander iste et Demas supradictus collegæ fuerunt. Hi prius cum Apostolo erant, simulantes illi amicitiam: et quia fallaces tempore probantur, ambo ab eo recesserunt. Illic autem ærarius, qui audacior erat in malis, sic ab eo recessit, ut et contradictor verborum ejus existeret. Qui ergo Apostolo ausus erat contradicere, non immerito evitandum hunc admonet, Dei judicio istum dimittens.

(Vers. 16.) « In prima mea defensione nemo mihi adfuit, sed omnes me dereliquerunt: non illis imputetur. » Pressuras et tribulationes sibi illatas defensionem suam nuncupat; passio enim Christianis vita est, et persecutio defensio: pressura enim illata pro justitia defendit illum in die judicii, reos constituens perfidos. Inter ipsa ergo initia illatæ pressuræ derelictum se conqueritur: et quia scit hanc esse consuetudinem, non illis vult imputari; quia et Dominum a Judæis apprehensum discipuli reliquerunt; quippe cum scriptum sit in propheta: « Percutiam pastorem, et dispergentur oves gregis (Zach. XIII, 7). »

(Vers. 17.) « Dominus autem mihi astitit, et confortavit me; ut per me prædicatio impleretur, et audirent omnes gentes. » Propter quod Domini nostri auxiliis munitum se dicit, et auctum virtute, ut prædicationem impleret in omnibus gentibus: idcirco ignosci petit eis, a quibus derelictus est in necessitate; ut bene acceptus a Deo, vindictam non quærat. Hac enim causa amplius adjutum se credit a Deo, quia derelictus est ab hominibus.

(Vers. 18.) « Et liberatus sum de ore leonis. Liberabit me Dominus ab omni opere malo, et salvum

(82) Rom. edit., magtstros sibi aggregabunt.

(83) Eadem Rom. edit., Tu vero vigila, in omnibus viriliter age.

(84) Mss. aliquot, omnem instructionem juris ecclesiastici.

faciet in regnum suum cœleste: cui gloria in æternum, amen. » Similiter dicit et Petrus coapostolus ejus: « Quia adversarius noster diabolus circumit, fremens sicut leo, quærens quem devoret (*I Petr. v, 8*). » Sed quia in Apostolo occasionem non inveniebat, qua illum deciperet, per filios suos pressuram illi excitabat et pœnas; ut si non quasi peccator, vel quasi justus, de hac tamen tolleretur vita, ne multos hortaretur ad fidem. Quod cum prope impleret, Dei providentia liberatus Apostolus, insultat illi, infirmum illum testificans, quia de ore ejus ereptus est, quia quod cupivit, implere non potuit. Igitur Dei auxiliis morti se ereptum gratulatur, et de providentia Dei tam securus est, ut de futuris tentationibus liberari se credat: et non solum liberari ad præsens, verum etiam salvum se futurum in die judicii, et regnaturum cum Dômino Christo in æterna sæcula.

(Vers. 19, 20, 21.) « Saluta Priscillam, et Aquilam, et Onesiphori domum. Erastus remansit Corinthi: Trophimum autem reliqui infirmum Mileti. Sollicitus esto ante hiemem venire. » Aquila et

(83) Rom. edit., cum spiritu tuo. Gratia vobiscum, amen.

A Priscilla hi sunt, apud quos hospitatus operabatur manibus (*Act. xviii, 3*). Onesiphorus autem hic est, cui testis est in secunda epistola (*II Tim. i, 16*). Quid est tamen, ut præsentem Apostolo, qui mortuos excitabat, Trophimus infirmaretur? Sed signa propter incredulos facta sunt: et quia ex diversis causis meritum collocatur apud Deum; ut sive in tribulatione, sive in ægritudine, qui Deo gratias agit, nec ad adversa parte suffragium quærit, ut proficiat meritis apud Deum. Propter imbres autem et frigora commonuit, ut autumno ad se veniret. « Salutat te Eubolus et Pudens, Linus et Claudia, et omnes fratres. » More consueto completa est epistola salutatione fratrum.

« Dominus Jesus Christus cum spiritu tuo (83). »

B Hæc subscriptio Apostoli est, quod signum esse dicit in omni epistola. Et quia Filius Dei idem filius hominis est, et Jesus dicitur et Christus: ut et homo significetur et Deus, duobus nominibus nuncupatur. Utroque tamen nomine dignitas designatur, qua ratione sunt posita nomina.

IN EPISTOLAM D. PAULI AD TITUM.

313 PROLOGUS.

Titum Apostolus creavit episcopum (86); et ideo commonet eum, ut sit sollicitus in ecclesiastica ordinatione: id est, ad quosdam qui simulatione quadam dignos se ostentant, ut sublimem ordinem teneant; simulque et hæreticos ex circumcissione corripandos.

CAPUT PRIMUM.

(Vers. 1-4.) « Paulus servus Dei, apostolus autem Jesu Christi secundum fidem electorum Dei, et agnitionem veritatis ejus, quæ secundum pietatem est in spem vitæ æternæ quam promisit Deus verax ante tempora sæcularia: manifestavit autem temporibus suis in prædicatione verbum suum, quod creditum est mihi, secundum præceptum Salvatoris nostri Dei: Tito germano filio secundum communem fidem. Gratia et pax a Deo Patre, et Domino Jesu Christo Salvatore nostro. » Decretum donum a Deo, quod ante sæcula promiserat, tempore Salvatoris in prædicatione apostolorum manifestatum declarat; sic enim promiserat. Quod etiam sibi creditum dicit, ut gentibus insinuaret prædestinatam misericordiam Dei; ut et Titus verus ejus filius, id est, secundum Evangelium (hoc est enim verum, quod æternum est) hanc Dei voluntatem et sollicite suspiciens prædicaret gratiam Dei et pacem, ut ac-

C cepto dono pacifici fiant cum Deo et Patre; quia omnia ex ipso sunt, et Christo Jesu Salvatore nostro, quia et ipse liberavit nos a morte.

(Vers. 5-11.) « Hujus rei gratia reliqui te Cretæ, ut ea quæ desunt, corrigas, et constituas per civitates presbyteros, sicut et ego tibi disposui. Si quis est sine crimine, unius mulieris vir, filios habens fideles, non in accusatione luxuriæ, aut inobsequentes. Oportet enim episcopum sine crimine esse, sicut Dei dispensatorem: non protervum, non iracundum, non vino deditum, non percussorem, non turpia lucra appetentem: sed hospitalem, benignum, prudentem, justum, sanctum, continentem, tenacem ejus sermonis, qui secundum doctrinam fidelis est; ut potens sit exhortari in doctrina sana, et contradicentes revincere. Sunt enim multi non obedientes, vaniloqui et seductores, maxime ii qui sunt ex circumcissione, quos oportet redargui: qui universas domos subvertunt, docentes quæ non oportet turpis lucri gratia. » Manifesta sunt, quæ lecta sunt; episcopum enim et sanctum in operibus, et verbis prudentem ordinari vult; ut et fratres exhortari possit, et contradicentes convincere, maxime eos qui erant ex Judæis, qui sub nomine Christi judaizare docebant (*Galat. ii, 4*), quos alibi falsos fratres appellat. Renati enim in Christo, non puri erant Christiani; partim

Nam post epistolam ad Philippenses sequuntur duæ ad Thessalonicenses, deinde ea quæ ad Colossenses, ac demum quæ ad Titum. Quem ordinem etiam servarunt Primasius et Sedulius.

(86) Cum hæc in epistolam ad Titum commentaria in mss. priora sint commentariis in utramque ad Timotheum, semel admonendum videtur alias quoque non eodem, quo in Bibliis, ordine collocari.

enim legem, partim Christum venerari volebant. A Hos dicit, qui domos subvertebant prava ista doctrina. Duplici enim genere turpibus lucris studebant: quia ideo hæc magis agebant, ut placerent Judæis, a quibus sumptus sperabant, ut pecuniam lucrifacerent et præputium. Hi erant quæstus eorum, sicut Dominus dicit Judæis: « Ambulatis mare et aridam, ut faciatis unum proselytum (*Matth* 1, xxiii, 15). » Hæc duo turpia lucra appellat; quia qui sub nomine Dei docet, et non devotionis causa, sed quæstus, turpis lucri captator est: similiter et qui per circumcisionem aliquem vult acquirere. Unde alibi ait: « Et gloria in pudendis eorum (*Philipp.* iii, 19). »

(Vers. 12, 13.) « Dixit quidam ex ipsis proprius eorum propheta: Cretenses semper mendaces, B malæ bestię, ventres pigri. Testimonium hoc verum est. » Quidam ex Cretensibus melioratus per disciplinam Dominicam, quid sentiendum esset de Cretensibus indoctis expressit, quod et mali essent et otiosi vellent comedere: malitia enim pasci volebant, qui cum nihil prosint, gestiunt et nocere. Duplex ergo malum est. Tales erant Cretenses; unde istum prophetam appellat, sed in causa 314 Cretensium. Tam vera enim hunc illis asserit locutum, ut prophetam; falli enim prophetam impossibile est.

(Vers. 14.) « Quam ob causam argue illos dure, ut sani sint in fide, non intendentes judaicis fabulis et mandatis hominum aversantium (87) se a veritate. » Insistendum præcipit in correptione illorum, ut converti possint, et illa sectari quæ justa sunt, et lege Dei condigna, avertentes se a judaicis fabulis; quia in lege nemo justificatur apud Deum, quanto magis in mandatis hominum! Quidquid enim adversum veritatem opponitur, humana inventio est; nescientes enim vim Scripturarum, et interiora verborum legis, colorem sequuntur, non saporem. Ideo fabulas dicuntur narrare, non veritatem; putant enim nunquam recedendum ab iis, quæ Moyses tradidit, ut puta de escis, aut conjugis, aut neomeniis, aut sanguine mustelæ, vel domo immunda diebus septem; cum sciant primores suos Abraham, Isaac et Jacob sine his justificatos, et Dei amicos appellatos; et Ezechiele propheta contestante, quia propter quod legem Dei et justificationes ejus profanaverint, præcepta acceperunt et mandata non bona, in quibus justificari non possent. Unde et Dominus ait Judæis: « Quia hæc ad duritiam cordis vestri scripsit Moyses (*Marc.* x, 5). » Hinc est unde et Petrus apostolus: « Quid imponitis, inquit, jugum supra cervices fratrum, quod neque patres nostri, neque nos potuimus portare (*Act.* xv, 10)? » Nam si utilia fuissent, tunc data essent, quando et lex in tabulis data est: sed quia post tanta signa prodigiorum, et legem edi-

tam irreverentes, et diffidentes, et cervicosi inventi sunt, talia ac tanta acceperunt mandata, in quibus respirare non possent. Hinc factum est, ut et boni laborarent cum malis, accepturi mercedem. Hæc ergo pro vindicta data sunt, ita ut tempore quo promissum advenit donum Dei, misericordia Dei relaxaret omnia, quæ prius interdixerat. Quod non intelligentes Judæi, sub jugo permanent, et quorundam libertatem his volunt vinculis obligare; ideoque hos objurgandos admonet, ut ab his avertantur.

(Vers. 15.) « Omnia quidem munda mundis: his vero qui contaminati sunt et sine fide, nihil mundum, sed inquinata est eorum et mens et conscientia. » Istos mundos esse significat qui et qua causa interdicta sunt norunt, et qua causa concessa sunt postea. Nam si in Genesi legitur quia omnia quæ fecit Deus, bona sunt (*Gen.* 1, 31), dubium non est quia et munda sunt: qui vero non intelligunt, immundi sunt; accusatores enim Scripturæ sunt. Si enim bona facta leguntur, cur interdicuntur quasi exsecrabilia? Si exsecrabilia non sunt, quia bona sunt; propter duritiam cordis interdicta noscuntur, quia indigni habiti sunt tota uti Dei creatura. Nam qui a melioribus prohibiti videntur, horum mens et conscientia inquinata est; quia creaturam Dei accusant, ut excusent semetipsos.

(Vers. 16.) « Deum profitentur se nosse, factis autem negant; quoniam sunt exsecrabiles, inobedientes, et ad omne opus bonum reprobis. » Quamvis ad omnes hæreticos pertineat dictum, hoc tamen de Judæis intelligitur locutus, qui se Abraham Deum solos dicunt scire, operibus vero abnegant, sicut dicit Dominus: « Si filii Abraham essetis, opera Abraham faceretis (*Joan.* viii, 39). » Quomodo ergo possunt Deum Abraham scire, qui mysterium et fidem ejus ignorant, non Evangelii opera sectantes, sed legis factorum in neomeniis, et circumcisione, et cæteris, perturbatores, impii et irreverentes? Hæc sunt opera, quæ Deum nesciunt.

CAPUT II.

(Vers. 1.) « Tu autem loquere quæ decent sanam doctrinam. » Hæc scit Deum, quæ appellatur sana doctrina; Dei enim doctrina salutaris est.

315 (Vers. 2.) « Seniores sobrios esse, graves, D prudentes, sanos fide, dilectione, patientia. » Qui sint sanæ doctrinæ, ostendit; ut minus sobrios, minus graves, infideles, sine charitate, impatientes, insanæ doctrinæ discipulos significaret. His enim operibus nescitur Deus, neque justitia ejus.

(Vers. 3, 4, 5.) « Anus pari modo in statu religione digno (88), non criminatrices, non vino multo servientes, bona docentes; ut instituant adolescentulas viros suos diligere, amare filios, prudentes, pudicas esse, castas, domus curam habentes, subditas propriis viris: ne verbum Dei blasphemio

(87) Rom. edit., non attendentes.... hominum avertentium, etc.

(88) Rom. edit., in habitu religione digno.

tur. » Tales præcipit esse seniores, ut exemplo sint bonæ conversationis junioribus; ut si infideles viros habeant, congaudeant eis magis, quam blasphemant nomen Dei, dum vident quia propter Dei timorem propensius obsequuntur suis viris.

(Vers. 6, 7, 8.) « Juniores similiter hortare continentes esse, per omnia temetipsum præbens exemplum bonorum operum, in doctrina, in integritate, in gravitate, verbum sanum, irreprehensibile; ut is qui e diverso est, reveatur, nihil habens dicere de nobis dignum reprehensione. » Quoniam juvenus solet modum egredi, imo promptior esse ad lapsum, ideo salubribus retinaculis contineri jubetur, ut infrenata divinis legibus gubernetur. Quod ut effici non sit arduum aut difficile, magistrum formam esse præcipit; ut ea quæ docet, quomodo fiant, ostendat: ut ii qui profani sunt, et inimici fidei, erubescant, videntes quia quæ verbis docet, vera esse probat factis.

(Vers. 9, 10.) « Servos dominis suis subditos esse in omnibus (89), optimos, non responsatores, non fraudulentos, sed omnem fidem bonam ostendentes; ut doctrinam Salvatoris nostri Dei ornent in omnibus. » Bonis operibus et fide doctrinam dicit ornari Dominicam; tunc enim placita est doctrina (90), si hic qui eam profitetur, non illam exosam faciat, abnegans factis, sed amabilem et veram; non potest enim indecorum esse, quod verum est. Cum ergo dicta sequentibus factis implentur, ostenduntur vera, ac per hoc decora. Tunc possunt domini servos suos non tantum a fide non prohibere, verum etiam gaudere; quia fidem eorum etiam sibi vident proficere. Nemo enim fidem custodiens, infidelis potest esse hominibus.

(Vers. 11, 12.) « Illuxit enim gratia Dei Salvatoris nostri omnibus hominibus, erudiens nos, ut abnegata impietate et sæcularibus desideriis, temperanter, et juste, et pie vivamus in hoc sæculo. » Donum Dei illuxisse hominibus dicit per Christum, id est, veritatem unius Dei manifestatam in Christo: ut pia professione Creatorem prædicemus in Trinitatis unitate: quod prius latuit humanum genus, nunc autem misericordia Dei eluxit; ut erroris tenebras evitantes, id est, ignorantiam et impietatem mundanorum fugientes, pii inveniamur in parentem omnium Deum, profitentes eum in veritate, quam tradit Evangelium Filii ejus: et ut hujus rei mercedem habere possimus, bona opera faciamus. Quomodo enim illi qui solum Patrem prædicat, spes nulla est, si non profiteatur in eadem veritate et Filium: ita et hujus spes frustra est, qui solam professionem fidei habet sine bonis operibus.

(89) Eadem Rom. edit., in omnibus obsequentes.

(90) Omnes dit., placita est et decora: contra vero mss. prope ad unum nobiscum faciunt. At infra, pro indecorum esse, habetur in mss. quibusdam, inamabile esse.

(91) Rom. edit., gloriæ magni Dei. . . sibi populum peculiarem.

(Vers. 13, 14, 15.) « Expectantes beatam spem, et adventum gloriæ beati Dei (91), et Salvatoris nostri Jesu Christi, qui dedit semetipsum pro nobis, ut redimeret nos ab omni iniquitate, et emundaret sibi [populum] abundantem, æmulatorem honorum operum. » Hanc esse dicit beatam spem credentium: qui expectant adventum gloriæ magni Dei, quod revelari habet, iudice Christo, in quo Dei Patris videbitur potestas et gloria; ut fidei suæ præmium consequantur. Ad hoc enim redemit nos Christus, ut, puram vitam sectantes, repleti operibus bonis, regni Dei hæredes esse possimus. « Hæc loquere et exhortare, et argue cum omni imperio. Nemo te contemnat. »

CAPUT III.

(Vers. 1.) « Admone illos principatibus et potestatibus subditos esse, dicto obedire, ad omne opus bonum paratos esse. » Quæ salus credentium sit, admonet (92); ut manifestet, cum arguuntur, ut sciant cui bono aptentur: ut non aspere accipiant, certi quia pro salute sua corripiuntur: et ut ad malum tardi sint, ad bonum vero parati, non nescii quid singulis persolvi oporteat.

(Vers. 2.) « Neminem blasphemare, non litigiosos esse; sed modestos, 316 ostendentes omnem mansuetudinem ad omnes homines. » Christianos omnibus hominibus humiles vult videri; sic enim possunt perfidi ad futuram spem vocari.

(Vers. 3.) « Nam eramus quondam et nos inconsulti, inobsequentes, errantes, servientes desideriis et voluptatibus variis, in malitia et invidia agentes, odibiles, odio nos invicem habentes (93). » Hæc bona quæ incredulitas non habet, Christianis data memorat; ut in omni justitia lucentes, manifesti fiant quod Dei cultores sint. Cum enim quondam inconsulti, nunc videntur per omnia sani esse consilii, laudatur in his Deus.

(Vers. 4-7.) « Cum vero bonitas et humanitas illuxit salutaris Dei nostri, non ex operibus justitiæ, quæ nos fecimus: sed secundum misericordiam suam salvos nos fecit per lavacrum regenerationis et renovationis Spiritus sancti, quem effudit in nos abunde per Jesum Christum, Salvatorem nostrum; ut justificati gratia illius, hæredes efficiamur secundum spem vitæ æternæ. » Hoc bonum quod in Christianis florere videtur, de radice pietatis divinæ oritur; Deus enim misericordia sua salvos nos fecit per Christum, cujus gratia renati, Spiritum sanctum accepimus abunde; ut bonis operibus inniti possimus, ipso nos in omnibus adjuvante, ut per hæc hæreditatem regni colorum assequi possimus. Quamobrem omni devotione huic obsequi debemus et

(92) Omnes edit. cum mss. nonnullis, Quæ spes credentium sit. . . cui bono præparentur; cæteri mss. ut in contextu.

(93) Ita vet. edit. ac mss. fere universi; Rom. autem edit. et quidam mss., Hæc mala, quæ incredulitas habet, Christianos cavere memorat.

præceptis ejus parere; quia quidquid in nobis pulchrum est, spiritualibus lineamentis ipse depingit.

(Vers. 8.) « Fidelis sermo: et de his volo te confirmare; ut solliciti sint ad effectum honorum operum ii, qui crediderunt Deo. Hæc sunt bona et utilia hominibus. » Nihil tam apertum, quia misericordia atque humanitas bona est ad præsens, et utilis in futurum; et hic enim habet laudem, et in judicii die coronam. Omnis enim Deo credens, misericordiæ debet studere, per quam vivit. Ut in hæc ergo esset sollicitus rector populi, adinone-

(Vers. 9.) « Stultas autem quæstiones, et originum enumerationes, et contentiones, et pugnas legis devita; sunt enim inutiles et vanæ. » Stultas has quæstiones appellat, quæ salutis effectum non habent, neque aliquam tribuunt scientiæ peritiam ad utilitatem. His verbis multorum hæreticorum denotat dogmata. Quamvis omnia, quæ vera non sunt, stulta dicenda sint; alius tamen est, qui res fabulosos inducit, et alius qui calliditate tergiversationis rem veneno plenam proponit, ut est Arius et Photinus. Fabulosa autem non lex, sed hæresis est, quantum ad tempus pertinet illud Judæorum, dum quidam eorum sibi vindicarent prærogativam originum patriarcharum, quæ de matrimoniis ortæ sunt, cum ex hoc nullum meritum sit apud Deum. Quidam vero urceorum et cæterorum vasorum baptismum, et sanguinem mustelæ magna cura expiandum (*Levit. xi, 29*): et quia ideo Moysis sepultura abscondita est, ne a magis excitaretur, quod si verum esset, et cæterorum sanctorum abscondenda fuerat sepultura: et quia Salomon adjutorio dæmoniorum templum ædificavit, in quo opere ingens multitudo laboravit, quid tam fabulosum?

(Vers. 10, 11.) « Hæreticum hominem post primam correptionem devita, sciens quod perversus

est hujusmodi, et delinquit a semetipso damnatus. » Hæretici hi sunt, qui per verba legis legem impugnant; proprium enim sensum verbis astruunt legis, ut pravitatem mentis suæ legis auctoritate commendent. Sciens enim impietas auctoritatem legis multum valere, fallaciam sub nomine ejus componit; ut quia res mala per semetipsam acceptabilis esse non potest, bono nominis commendatur. Ideo hujusmodi homines ut inexcusabiles sint, semel corripere oportere dicit: frequentius enim correpti, exercitiores fient in malo. Cogere autem illos videtur, qui sæpe corripit; ut sollicitiores fiant ad perditionem multorum: ideo dimittendos, ut negligentiores effecti, soli forte depereant.

(Vers. 12.) « Cum misero ad te Artemam aut Tybicum, festina ad me venire Nicopolim: ibi enim statui hiemare. » Post epistolam datam etiam ipsum videre vult affectus causa, et ut plenius illum firmaret in ecclesiastica disciplina.

(Vers. 13, 14.) « Zenam legisperitum et Apollo sollicite præmitte, ut nihil illis desit: discant autem et nostri bonis operibus præesse ad usus necessarios, ut non sint infructuosi. » Uterque nobilis vir est sapientia et operibus; et ideo jubet sumptus illis necessarios dari ab iis, qui crediderant, ut refrigerarent; quia dignum erat ut qui spiritualia tradebant, non illis deessent carnalia. Quamvis enim Zenam legisperitum vocitet; Apollo tamen perfectus erat in Scripturis: sed quia Zenas hujus professionis fuerat in Synagoga, sic illum appellat.

(Vers. 15.) « Salutant te omnes qui mecum sunt. » Propter compendium simul omnes consalutare significat. « Saluta eos qui nos amant in fide. » Illos salutatione sua dignos videri vult, qui fideliter illum diligunt affectu Christi Domini nostri. « Gratia Dei cum omnibus vobis. » Nunc generaliter omnes salutatur fratres et domesticos Titi.

IN EPISTOLAM B. PAULI AD PHILEMONEM.

317 PROLOGUS.

Philemon nulla erat ecclesiasticæ ordinationis præditus dignitate, sed vir laudabilis, unus ex plebe. Cui causa Onesimi servi ejus familiaris, litteras facit; ut non solum ignoscat ei, sed et Deo gratias agat; quia talem illum recepit, ut non servum æstimet, sed dilectissimum fratrem.

CAPUT UNICUM.

(Vers. 1, 2, 3.) « Paulus vincetus Christi Jesu, et Timotheus frater Philemoni dilecto fratri, et laborum nobis participi, et Appiæ sorori charissimæ, et Archippo commilitoni nostro, et domesticæ ejus Ecclesiæ. Gratia vobis et pax a Deo Patre nostro,

et Domino Jesu Christo. » Ut dignitatem epistolæ a se missæ faceret, ab injuria sua cœpit. Sicut enim peccati causa vinciri opprobrium est, ita e contra pro Christo custodiæ vincula sustinere maxima gloria: eo enim tempore quo hanc epistolam misit, in custodia erat. Quamvis autem clericus non fuerit Philemon, tamen intererat ecclesiasticis necessitatibus causa devotionis, unde participem hunc dicit laborum. Sunt enim multi qui, cum sint digni, excusant tamen, infimos semetipsos judicantes tanti ministerii: unde vere digni apparent.

(Vers. 4, 5, 6.) « Gratias ago Deo meo, semper mentionem tui faciens in orationibus meis, audiens fidem tuam et charitatem, quam habes in Domi-

num Jesum, et in omnes sanctos; ut communicatio tua accepta fiat in agnitione omnis boni, quæ in nobis est in Christo. » Gaudere se dicit, et Deo gratias referre in precibus suis, quia firmus erat in fide et bonis operibus insistebat: qui enim diligit Christum, probare hoc debet in servos ejus (94), sciens Dominum sibi imputaturum quidquid constiterit erogatum in servis. Apostolus tamen hoc se dicit addere precibus, ut operatio ejus cum cognitione fiat bonitatis; hoc est, ut tali hoc mente operetur, ut in futurum hujus rei exspectet mercedem.

(Vers. 7.) « Gaudium enim magnum habui et consolationem super charitate tua; quia viscera sanctorum requieverunt per te, frater. » Manifestum est quia ideirco se significat lætum esse, quia sanctorum necessitatibus utensilia ministrabat: unde et plus gaudet, certus ex hoc quia obsequeretur et mandatis ejus, quem constat esse potiozem.

(Vers. 8, 9.) « Quapropter multam fiduciam habens in Christo imperandi tibi, quod ad rem pertinet: propter charitatem tamen magis deprecor, cum sis talis, ut Paulus senex: nunc autem et vincetus Christi Jesu. » Quantum ratio exigebat, dignum erat imperare discipulo magistrum ex fiducia apostolicæ auctoritatis; sed quia vir bonus erat Philemon, per affectum illum provocat obaudire, quasi cœvum ætatis, et vincetum Christi Jesu, id est, obligatum negotiis Dominicis, vel propter nomen ejus subjectum vinculis, sicut erant et ipsi apostoli. Tales enim fuerunt Judas et Silas, qui, cum ex plebe essent, primores inter fratres (Act. xv, 22), obligaverant semetipsos Dominicis actibus; ut una cum apostolicis coagonizarent propter fidem Dei (95). Unde Silas particeps laborum invenitur Apostoli.

(Vers. 10-14.) « Obsecro te, pro meo filio, quem genui in vinculis, Onesimo quondam tibi inutili, nunc vero tibi mihiq; perutili, quem remisi ad te. Tu autem illum sicut mea viscera suscipe: quem ego volueram apud me ipsum retinere, ut pro te mihi ministraret in vinculis Evangelii: sed citra tuum consilium nihil volui facere; ut non velut ex necessitate bonum tuum esset, sed voluntarium. » Non magnum est humilem inclinare se, laudabile vero sublimem virum humiliare se; ideo Apostolus rogat eum, cui imperandi habet potestatem, ut in omnibus **318** forma sit ad profectum meritorum. Onesimum ergo profugum recurrentem ad divinum auxilium, cum esset in custodia urbis Romæ, baptizavit Apostolus (Act. xxviii, 16), videns in illo utilitatis spem. Quem sic commendat, ut suum animum in illo significet idoneum ex inutili factum tam sæcularibus, quam divinis obsequiis.

(Vers. 15, 16.) « Forsitan enim ideirco secessit ad horam, ut in æternum illum reciperes: non jam

A velut servum, sed pro servo dilectum fratrem, maxime mihi; quanto autem magis tibi et in carne et in Domino? » Onesimus, offenso domino proprio, confugit longa peregrinatione ad Apostolum; ut ostenderet se non ad hoc recessisse, ut delicti esset obnoxius, sed ut oblitteratis peccatis, utilis reverteretur in tantum, ut non solum domino suo æqualis fieret meritis, sed et ipsi magistro frater. Et ne Philemon aliquod, ut assolet, quasi dominus adversum servum, fastidium inflationis pateretur, humiliat illum, cum dicit illum fratrem et in carne et in Domino; ut, sublata humanæ conditionis causa, quia omnes ex uno sumus Adam, fratres nos cognoscamus: maxime cum fides accedit media, quæ omnem superbiam amputat.

B (Vers. 17.) « Si ergo habes me socium (96), assume illum sicut me. » Tantum se affectum habere circa Onesimum ostendit, ut tunc Philemonem, quem superius laudat, participem suum dicat, si istum sic susceperit, sicut Apostolum. Hoc est enim quod dixit Salomon: « Servo sapienti liberi servient (Eccli. x, 28). » Quod dictum terrori est Philemoni, ut saltem vel hac causa assumeret eum, si charitate flecti non posset.

(Vers. 18, 19.) « Si autem aliquid læsit te, aut debitor est, hoc mihi imputa. » Nunc excusationem iracundiæ convellit; ne forte sic læsum se esse ab eo quereretur, ut illi ignoscendum minime videretur. Quod si esset, sibi imputandum dicit, per quem regni cœlorum hæredes futuri sunt, quia ante peccaverunt.

C (Vers. 19.) « Ego Paulus scripti manu mea, ego reddam; ut non dicam tibi quod etiam te ipsum mihi debes. » Si qua offensa est Onesimi, cautionem suam testatur se esse idoneam; ut pro illo satisfaciatur. Et ut verum loquatur, suberigit se, et dicit quia minus ab illo exigit, quam debere probatur. In servo enim cogitur satisfacere, quia seipsum debito onerat.

(Vers. 20, 21.) « Ita frater, sic ego te fruar in Domino, refove viscera mea in Christo. Fiduciam habens obauditionis tuæ, scripsi tibi, sciens quia supra quam dico, facies. » Modo blanditur, ut obauditio ejus voluntaria sit; ut possit fructum habere. Sic enim provocat eum, ut amplius faciat, quam postulatur ab eo; solet enim fieri, ut qui videt bene de se sentiri, meliorem se præbeat.

(Vers. 22.) « Simul autem et præpara mihi hospitium; spero enim quod per orationes vestras donabor vobis. » Ut sollicitiorem illum faciat, et magis obediat, venturum se esse illi significat; solent enim absentes contemni. Et ut quid Apostolus hic adhuc esse non dedignatur, qui semper tædia passus est et exitia, cædes, persecutiones, ac vincula, et ejus requies non erat, nisi in solo Christo? Sed propter profectum (97) credentium, ut et ini-

(94) Codex Vall., *probare hoc debet in filios ejus.*

(95) Rom. edit. sola, *propter Filium Dei.*

(96) Eadem Rom. edit., *habes me participem.*

(97) *Sed propter profectum, et quæ sequuntur*

micos erneis Christi confunderet ad Dei gloriam A
augmentandam, carnem suam passionibus offere-
bat; ut animæ suæ et corpori coronas immortalitatis acquireret.

(Vers. 23, 24.) « Salutat te Epaphras concaptivus meus in Christo Jesu : Marcus, Aristarchus,

ad finem usque commentarii, desiderantur in pluribus optimæque notæ codicibus : in aliis tamen nonnullis, nec non in omnibus editionibus eadem illa reperiuntur.

Demas, Lucas, adjutores mei. » Hos omnes participes gloriæ suæ testatur.

(Vers. 25.) « Gratia Domini nostri Jesu Christi cum spiritu vestro, amen. » Hæc subscriptio Apostoli est confirmantis epistolam missam (98).

(98) Commentaria in epistolam ad Hebræos cur in hanc editionem admittenda non visa fuerint, causas attulimus in Admonitione universis hisce commentariis a nobis præmissa, quam consule.

IN SEQUEM TRACTATUM ADMONITIO.

Liber, quem subjicimus, a Romanæ editionis curatoribus inter genuina sancti Ambrosii opera primum vulgatus est sub hoc titulo : *In Symbolum Apostolorum Tractatus*. At licet neque bibliothecam unde prodierit, neque exemplarium ex quibus prælo commissus sit, qualitatem viri clarissimi nobis indicaverint, non proinde hæsimus in judicando, sed ex prima ejus lectione mirari subiit doctos viros, et acumine critico pollentes exstitisse, qui hanc opellam ingenio styloque Ambrosiano plane destitutam pro legitimo sancti Doctoris partu admisissent. Nobis tamen multo major nata est admiratio, cum apographis duobus, quorum alterum e bibliotheca Regia, alterum e Vaticana transcriptum habemus, ad memoratam collatis editionem, quantum hæc ab illis dissideat, intelleximus. Tum vero non satis sciebamus, an magis detestanda esset impostoris impudentia, qui hunc tractatum tam foede interpolatum ac truncatum illustrissimo Romanæ editionis præsidi pro sano et integro supposuit, an dolendæ vices doctorum hominum, quibus postmodum imposuit eadem editio. Et sane vix aliunde clarius deprehendas, quam facile sit etiam eruditissimis viris fucum facere; ut enim alias prætermittamus, constat in fraudem inductum esse Petavium ipsum (lib. iv de Trin. cap. 3, num. 6, et cap. 15, num. 5), cum alibi, tum ubi de voce *suppositi* agens ita disputat : *Sequitur, inquit (Ibid. cap. 5, num. 13), suppositi nomen, quod minus Latinorum Patrum usu contritum est in ea significatione, quæ passim in scholis auditur, ut sit hypostasis aut persona. Apud Ambrosium tamen occurrit lib. in Symb. Apostol. cap. 12. Hanc, inquit, pro totius humani generis salute in unitate suppositi assumpsit.* Quo loci advertere est duplicem in errorem impegisse virum doctissimum, et quod Ambrosio hanc commentationem adjudicavit, et quod verba illa tanquam a vero ejusdem auctore profecta citaverit, quæ tamen non sunt nisi solius interpolatoris.

Quapropter ne quis in posterum ad idem saxum hallucinetur, subjectis in margine assutamentis, integrum operis textum repræsentabimus ex fide prædictorum exemplarium; in quibus tamen aliquid præcessisse, quod perierit, ex conjunctione *igitur*, quæ statim excipit primam vocem, intelligitur. Certum est præterea inscriptionem ipsam, quæ a nobis præfigitur ex manuscriptis, ut ea quam proprio Marte inditam huic libro voluerunt editores Romani, haud paulo melior videatur; non tamen vitio prorsus immunem esse, cum universi argumenti, quod pertractatur, speciem atque ideam non præ se ferat. Enimvero in tres partes distribuitur iste libellus (cap. 15, in fine) : quarum quidem prima est de Trinitate; at secunda in discutiendo incarnationis Dominicæ mysterio versatur. Tertia de resurrectione mortuorum disputat, et quæ contra hanc veritatem objiciebantur ab hæreticis, diluit. Addit etiam sub finem Auctor Operis hoc ipsum a se ex Patrum scriptis esse collectum. Et revera non paucos locos hic agnovimus aut pro ingenio Auctoris nonnihil immutatos, aut sæpe etiam iisdem verbis mutuo sumptos, qui ex Hilario, vel Ambrosio, vel Augustino petiti essent. Quibus accedunt magna fragmenta e libris Tertulliani, et Hieronymi in Isaiam Commentariis, quod ultimum opus, cum non nisi post mortem Ambrosii lucubratum sit, vel solum detegere posset imposturam, ut nequaquam necesse sit ad styli ac versionis testimoniorum e Scripturis sacris allegatorum discrimen recurrere. Quo porro et res fiat planior, et brevitati eadem opera consulatur, quæ huic libello aliunde inserta deprehendimus, ad margines e regione annotanda curavimus.

Cæterum si quis nos roget, cuinam auctori hanc opellam adjudicemus; ingenue respondebimus in tanta exemplarium paucitate de hoc a nobis nihil explorati afferri posse. Id tamen certo dicere licet antiquum esse scriptorem illum, non solum quod codex Regius, in quo continetur ista commentatio, annos ut minimum sexcentos præ se ferat, verum etiam quod in eadem nullius hæretici nisi veteris fiat mentio. Sed neque nimium conjecturæ nos pœnitebit, sic hunc libellum et adversus Priscillianistarum (de quibus August. lib. de Hæres. cap. 70) sectam editum, et concilio sin minus Toletano primo, saltem Braccarensi secundo, quod anno 563 vulgo ponitur, crediderimus supparem esse. Etenim eadem capita hic disputantur, quæ contra eosdem hæreticos in synodi Toletanæ *Regula Fidei*, in epistola 15 sancti Leonis ad Turribium, et in synodo Braccarensi secunda constituuntur. Admodum ergo probabile est hunc eum-

dem tractatum non ad exponendum Apostolorum symbolum, sed ad vindicandam Toletanam fidei regulam scriptum fuisse. Quod enim in ea memorantur quidam errores, quorum in illo mentio non fit, id inde ortum existimamus, vel quod auctor præcipuos tantum delegerit, quos refelleret, vel quod illi ipsi hæretici pro innata sibi levitate ac inconstantia eosdem errores jam abdicassent. Veri etiam simillimum est non alia de causa eundem librum Ambrosii nomine insignitum esse, nisi quia constaret sanctum Præsulem contra memoratos hæreticos conscripsisse opera bene multa, quorum lectione Paternus Braccarensis episcopus ad fidem ab eadem hæresi conversum se esse testificatur : et ex quibus operibus plura forte an hic noster Auctor est mutuatus.

DE TRINITATE

ALIAS

IN SYMBOLUM APOSTOLORUM

TRACTATUS.

321 CAPUT PRIMUM. — Nullus igitur qui san-
num sapit omnipotentem Deum, qui Trinitas et spi-
ritus est, corpus aliquod visibile aut palpabile ar-
bitratur ; sed simplicem rationabilem, invisibilemque
naturam intelligat, et quæ nulla omnino compage
solidata (1), aut aliquid ei extrinsecus, aut aliunde
videatur adjunctum : quem nulla substantia, nulla
creatura, nulla unquam dominatio antecedit. Fons
ergo et principium virtutum omnium, visibilium
et invisibilium creaturarum, id est, cœlestium et ter-
restrium conditrix, sancta et inseparabilis Trinitas
est, quæ in se recipit nihil externum; ne circumscripta
videatur, aut alicujus rei indiga esse inveniatur,
cum pura et unimoda ac mystica, et, ut ita dicam,
unione fecunda semper est. Tanta est enim in tribus
inseparabilis et inconfusa unitatis essentia, ut nihil
extra se sancta Trinitas agere videatur : in qua
sancta et inseparabili Trinitate vera est æternitas,
immutabilis veritas (2), et æterna ac perfecta est
charitas. Et ideo verius cogitatur Deus, quam di-

A citur ; quia incomprehensibilis semper est. Deus
ergo omnipotens qui nec sexum habet, nec ætatem,
nec definita corporis membra, sic se voluit excel-
lentissime, evidentissime, atque magnificentissime
prædicari (3). Æternitas ergo in Patre, species in
imagine, usus in munere est (August. l. vi *De Trin.*
c. 10, ex Hilar. l. ii *De Trinit.*) : et hæc tria unus est
Deus ; non tamen in unius singularitate personæ,
sed unius Trinitatis essentia constans. Unus ergo
diligens eum, qui de illo est : et unus diligens eum,
de quo est (4) : et ipsa dilectio idem unus utrorum-
que, id est, Spiritus sanctus. Et tamen tria hæc,
ut dictum est, unus bonus, verus, justus, lumen,
vita, veritas, spiritus atque charitas est Deus. Deus
ergo, quia æternus et auctor est omnium, compo-
situs intelligi non potest ; ne anteriora Deo sint,
quibus putatur esse compositus. Cunctam ergo crea-
turam, quæ non est quod ipse, non fecit nisi ipse. Ergo
æternus appellari non potest, nisi is qui initio et fine
caret, id est Deus Pater, qui coæternum sibi et

virtus in munere.

(2) Val. cod., immutabilis unitas.

(3) Reg. cod., magnificentissime deprecari.

(1) Rom. edit., Quam nulla omnino compago
solidat, cui extrinsecus nihil advenit ; quamque
nulla creatura, nulla substantia, nulla denique di-
minutio antecedit. Fides vero altius conscendens, in-
timitiora quæque penetrans, ostendit Deum omnium
virtutum fontem, principium rerum omnium visibi-
lium et invisibilium, universarumque creaturarum, cœ-
lestium et terrestrium conditorem : quod est unitas
inconfusa, et trinitas inseparabilis, quæ in se æterna
nihil recipit aliunde, non est tempore aut loco cir-
cumscripta, nec rei cujusquam indiga reperitur : sed
cum summa simplicitate ac unitate fecunda semper
est ; tantaque unitatis essentia inseparabilis et inconfu-
sa cernitur in tribus, ut licet omnia cœlestia et ter-
restria ac minima quæque perspicat, nihil tamen ex-
tra se intelligere, sed singula in se intueri dicitur.
In hac Trinitate vera est æternitas, immutabilis uni-
tas, æterna ac perfecta charitas. Denique verius cogi-
tatur Deus, quam dicitur ; quia incomprehensibilis
est. Qui nec sexum... sed omnipotens, æternus, incir-
cumscriptus voluit se magnificentissime prædicari...

(4) Rom. edit., eum, qui ab ipso est : unus est di-
lectus ab eo a quo est ; una est dilectio utriusque
Spiritus sanctus, idem Deus. Et tanquam bonus, ve-
rus... charitas et spiritus dicatur ; unus tamen est
Deus. Qui compositus esse non potest, cum aliqua
eo anteriora præexistisse putari nefas sit ; nihilque
quod ab eo factum non sit, dicente evangelista :
Omnia per ipsum facta sunt, et sine ipso factum est
nihil. Ipse solus est æternus, quia initio et fine ca-
ret, id est Deus, Pater... genuit Verbum, cum quo
Spiritus sanctum produxit. Unde credimus Filii et
Spiritus sancti substantiam ante omnem existere
creaturam, extra omnia tempora ; quod Pater est ge-
nitor, Filius est genitus, Spiritus sanctus genitoris
sanctitas spiritusque. Nam licet Pater sit spiritus...
sola tamen tertia persona proprie Spiritus sanctus
nuncupatur. Quia ergo coæternus, etc.

coomnipotens Verbum et Spiritum habet. Quod intellectum perspicere probat substantiam Filii ac Spiritus sancti ante omnem creaturam existere, et extra omnia tempora, atque principium in Deo Patre semper permanere. Spiritus ergo sanctus non est genitus, sed genitoris genitique suavitas, sanctitas atque aeternitas est. Nam cum Pater sit Spiritus, et Filius Spiritus; et Pater sanctus, et Filius sanctus; proprie tamen de Spiritu dicitur Spiritus sanctus. Quia ergo coaeternus est et communis ambobus, id ipse vocatur, quod ambo sunt.

CAPUT II. — Quanta jam temeritate et infelicitate censentur Ariani, qui dicunt (5): Erat tempus quando non erat Filius, lector intelligit. Numquid enim potuit esse tempus quando Pater sine vita, sine sapientia, sine virtute, sine Verbo, quod Christus est, fuerit? Absit; cum manifeste ipse declaret Pater dicens: « Eructavit cor meum Verbum bonum (Psal. XLIV, 2). » Quod comprobans beatus Joannes dicit: « In principio erat Verbum, et Verbum erit apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil (Joan. I, 1-3). » Quidquid ergo incorporale 322 est et invisibile, diversitate locorum non potest separari. Si enim noster sermo, aut virtus, aut sapientia, a nobis separari non potest, nisi cum e corpore abscedimus, quomodo hæc ab immortali et omnipotente Deo, qui omnia per Verbum suum ex nihilo fecit, poterunt separari? Nam cujus erit Pater secundum impios hæreticos, si ab eo Filii natura separatur? Et rursus Filius cujus erit Filius, si non origo sua referatur ad Patrem; ut sit ille qui genuit, et ille qui ex eo genitus est? Pater ergo qui origo est deitatis et bonitatis, recte et in Filio et in Spiritu sancto intelligitur et sentitur: in illo, id est, in Filio, velut Verbo, virtute et sapientia: in hoc autem, velut Spiritu ab ipso procedente (6). Ita ergo rectum et catholicum est, ut et unum Deum secundum veritatem (7) substantiæ fateamur, et Patrem, et Filium, et Spiritum sanctum in sua quemque subsistentia sentiamus. Absque ulla est ergo fine (8) credenda sanctæ Trinitatis divinitas, et ad sentiendum etiam ipsi menti difficilis (9). Et hoc solum est, quod ex ea comprehendimus, quia comprehendi non potest. Una est ergo in tribus deitas, et tria sunt in quibus deitas. Nulla ergo in unitate confusio, neque in divinitate (10) discidium est. Et

(5) Rom. edit., *Quanta igitur temeritate, ne dixerim cavitate Ariani dicunt; Reg. cod., cæcentur Ariani.*

(6) Eadem Rom. edit., *velut spiritu a spiritu procedente.*

(7) Val. cod., *unitatem substantiæ.*

(8) Rom. edit., *nullo ergo principio et fine.*

(9) Eadem Rom. edit., *licet humanæ sit menti ipsa comprehensione difficilis. Unde non incongrue dicitur quod.*

(10) Eadem Rom. edit., *neque in Trinitate.*

(11) Eadem Rom. edit., *Sabellius enim docuit unam substantiam esse Patrem et Filium et Spiritum*

ideo pariter abjicienda est et stulti Sabellii commistio, et impli Arii separatio: contraria etenim sibi, sed æque impia protulerunt. Sabellius enim dum omnia nominari putat (11), nihil esse unumquodque designat; quoniam quidem desinit esse quod est, cum in alterutrum, id quod esse dicitur uniuscujusque, transfunditur: Arius autem dum creaturam Patris Filium, Spiritum vero sanctum Filii impie asserit esse creaturam.

CAPUT III. — Sed abjectis istis impietatibus et spretis, nobis, sicut beatus Paulus apostolus ait: « Unus est Deus Pater, ex quo omnia; et unus Dominus Jesus Christus, per quem omnia; et unus Spiritus sanctus, in quo omnia (I Cor. VIII, 6). » Hoc ipsum autem quod dicimus, *ex quo, et per quem, et in quo omnia*: non naturam secamus, sed unitatem et naturæ, et voluntatis, et operationis confitemur. Unus ergo Deus in his tribus, et hæc tria unus est Deus. Quod ita esse idem comprobat Apostolus dicens: « Ex ipso, et per ipsum, et in ipso omnia: ipsi gloria in sæcula sæculorum, amen (Rom. XI, 36). » Cujus rei congruens David propheta dicit: « Benedicat nos Deus, Deus noster, benedicat nos Deus; et metuant eum omnes fines terræ (Psal. LXVI, 7, 8). » Pater ergo Pater est sine initio; neque enim est aliud aliquid unde Pater sit: et Filius Filius est absque initio duntaxat; de Patre enim est, et creator omnium temporum est: et ideo non sumit initium ex tempore, quia Verbum (Joan. I, 1), quia virtus, quia sapientia est (I Cor. I, 24), quæ omne tempus et fecit et antecedit. Spiritus autem sanctus vere Spiritus est, procedens quidem ex Patre (12): sed non est et ipse Filius, quia non generatur, sed procedit a Patre (13). Omne enim quod est, aut ingenitum est, aut genitum, aut factum. Est ergo quod neque natum, neque factum est: est quod neque natum est, et factum non est: et est quod neque natum, neque factum est: et est quod factum est, et natum non est: et est quod factum est, et natum est, et renatum est: et est quod factum est, 323 et natum est, et renatum non est. Nunc autem propositorum memores, singulis jam rebus substantias designemus, Quod ergo neque natum, neque factum est, Pater est: non enim ab aliquo est. Quod autem natum est, et factum non est, Filius est, qui a Patre genitus est. Quod vero neque natum neque factum est, Spiritus sanctus est, qui a Patre procedit (14). Quod etiam factum est, et natum non

tum sanctum, unamque trinomine personam; sed dum omnes unam esse personam reputat, nihil esse unamquamque designat.

(12) Eadem Rom. edit., *et Filio.*

(13) Eadem Rom. edit., *neque Pater, quia procedit ab utroque non genitus, non ingenitus, non factus. Nam omne quod est aut neque natum, neque factum est, aut natum, et factum non est, aut neque natum, neque factum est, aut factum, et natum non est, aut factum et natum et renatum est, aut factum et natum, et renatum non est.*

(14) Eadem Rom. edit., *et Filio procedit.*

est, cœlum, et terra, et cœtera quæ sunt. Quod autem factum est, et natum est, et renatum est, homo est, qui primo nascitur carnalis, et in baptismo renascitur spiritualis. Quod vero factum est, et natum est, et renatum non est, animalia sunt.

CAPUT IV. — Ut ergo singula doceamus exemplis; de Patre enim ita scriptum est: « Unus enim Deus Pater, ex quo omnia (*I Cor. viii, 6*); » de Filio autem: « Unus Dominus Jesus Christus, per quem omnia (*Ibid.*); et iterum: « Unus enim Deus, unus et mediator Dei et hominum, homo Christus Jesus (*I Tim. ii, 5*); » de Spiritu vero sancto: « Nemo enim novit quæ sunt hominis, quæ in ipso sunt, nisi spiritus hominis, qui in ipso est: ita et quæ Dei sunt, hominum nemo novit, nisi Spiritus Dei (*I Cor. ii, 11*); » et iterum: « Spiritus autem scrutatur etiam alta Dei (*Ibid. 10*). » Quod autem Pater et Filius et Spiritus sanctus initio careat, exinde demonstratur, quia quod Pater est, esse non cœpit; et si non cœpit, nec Filius cœpit: Spiritus autem sanctus, qui a Patre procedit (15), nec ipse cœpit, quia processio ejus continua est, et ab eo est, qui non cœpit: non enim Pater cœpit esse, et quia non cœpit, nec Spiritus cœpit esse: ea ratione quia et in ipso est, et ejus est. De filio iterum quod non cœpit, evangelista testatur dicens: « In principio erat Verbum, et Verbum erat apud Deum, et Deus erat Verbum. Hoc erat in principio apud Deum (*Joan. i, 1, 2*). » Ergo quia *erat*, non cœpit, et quia *apud Deum erat*, non cœpit; et quia *Deus erat*, non cœpit: et quia *hoc erat in principio apud Deum*, non cœpit: quia ita Deus ex Deo natus est, ut cœpisse nesciat. Neque ergo fraudatus est Pater, eo quod ingenitus est, aut quia genuit Filium: neque Filius defraudatus, eo quod generatus est, aut quia ex ingenito generatur: neque Spiritus sanctus defraudatus est, quia utrorumque, id est, Patris et Filii est. Sic tamen eorum est, ut neque in Patre, neque in Filio refundatur; quia Deus est, neque initium, neque ullum finem habens, utpote qui Patri et Filio et cœternus est (16): quia ubi vult, et quos vult, et quantos vult, et quantum vult, inspirat sua propria voluntate (*Joan. iii, 8*). Replet ergo gratia sua quos vult, et quantos vult, et quantum vult, non ipse repletur: perfectionem præstat, non accipit: sanctificat, non autem ipse sanctificatur.

CAPUT V. — Hic ergo sicut Pater ac Filius et vita est et vivificans, et lux est et illuminans, et bonus et bonitas, et sanctus et sanctitas: hic est Spiritus adoptionis (*Rom. viii, 15*), hic est qui dona sua dividit singulis, prout vult (*I Cor. xii, 11*): hic est « Spiritus sapientiæ et intellectus, scientiæ et pietatis, consilii et virtutis ac timoris Dei (*Isa. xi, 2*): » hic est Spiritus sanctus, per quem Pater agnoscitur, et Filius glorificatur, et a quibus solis ipse cognoscitur, et qui solus omnia eorum per uni-

(15) Eadem Rom. edit., *qui ab utroque.*

(16) Eadem. Rom. edit., *consubstantialis et cœternus est.*

(17) Eadem Rom. edit., *unicuique est, ut si im-*

tatem naturæ novit: hic est de quo Filius dixit: « Et Pater meus dabit bona petentibus se (*Matth. vii, 11*), » hoc est, aut ipsum, aut omnes gratias ejus. Sicut ergo Dominus Christus et Verbum, et virtus, et sapientia, et justitia, et margarita, et lux, et via, et resurrectio, et cœtera quæ de eo scripta sunt, appellatur; ita et Spiritus sanctus sapientiæ, intellectus, consilii, fortitudinis, scientiæ, pietatis ac timoris, ut jam dictum est, nuncupatur. Non tamen quod diversus sit juxta differentias nominum, sed quod unus atque idem cunctarum virtutum fons sit atque principium, qui in Domino Christo, utpote suæ naturæ consorte, semper inhabitavit. Isti sunt septem oculi, qui in Zacharia propheta in uno lapide (*Zach. iii, 9*), id est, Domino Christo dicuntur inesse. Proprietas ergo, unicuique immobilis: sed unus cultus (17), una veneratio, una sanctificatio semper Patris et Filii et Spiritus sancti est. Neque enim dignum est aut Filium defuisse Patri, aut Spiritum sanctum defuisse Filio, sicut impii hæretici mentiuntur. Nos ergo hæc præcavescentes, servemus bonum propositum, quod a sanctis Patribus suscepimus. Adoremus Patrem et Filium et Spiritum sanctum, in Filio Patrem, in Spiritu autem sancto Patrem et Filium intelligentes: dividentes antequam jungamus, et jungentes antequam dividamus: **324** unitatem in Trinitate venerantes, et Trinitatem in unitate confitentes. Tota ergo a nobis sancta Trinitas adoranda est, quia tota regalis est, quia unius potestatis est, et unius gloriæ est supra mundum, supra tempora, increata, invisibilis, incomprehensibilis, investigabilis: quæ quo ordine apud semetipsam sit, ipsa sola cognoscit, a nobis autem æqualiter adoratur. In qua invisibili et ineffabili sancta Trinitate nihil tam proprium, tam fixum intelligere debemus, quam pacem et quietem. Neque enim dissensio ulla in natura Dei est, quia nec dissolvi posse sentienda est, utpote quæ pax semper et charitas est. Si enim quatuor substantiæ, id est, calor, sanguis, flegma et humor, hominem faciunt (18), et unus homo est; tu in unitate Trinitatem, aut in Trinitate unitatem quomodo non intelligis? Deus ergo Pater omnipotens, omnipotens Verbum et Spiritum habens, supra humanam intelligentiam est, et ultra quam cogitari potest, incomprehensibilis et æternus: quem tunc, quantum fas imbecillitatis nostræ permittit, possumus agnoscere, quando Dominum Christum, qui ejus forma (19), et unicus filius est, noverimus: quia sicut ipse ait: « Qui vidit Filium, vidit et Patrem, qui misit eum, et qui in eo est, et qui in eo manet (*Joan. xiv, 9*), » et iterum: « Hæc est autem vita æterna, ut cognoscant te Deum verum, et quem misisti, Jesum Christum (*Joan. xvii, 3*). » Ergo omnipotens Pater nomen Patris per Filium sortitus est; mobilis; quia unus cultus, etc.

(18) Eadem Rom. edit., *bilis atra et flava, sanguis et flamma hominem constituunt.*

(19) Eadem Rom. edit., *character et figura.*

quia nemo sine filio pater esse vel dici potest, neque filius sine patre. Unigenitum vero Dei Filium, Verbum, et sapientiam, ac Spiritum ejus sanctum substantialiter æquales per omnia Patri confiteri honorificum est. Nam quis revera aut colorem, aut habitum, aut magnitudinem Verbi et sapientiæ, juxta quod sapientia est, ac Spiritus sancti coaptavit: ut gradus illic requirat et ordines faciat, ubi omnia invisibilia et unita ac pacifica semper permanent?

CAPUT VI. — Primum ergo omnium credendum est unum esse Deum, qui cuncta ex nihilo per Verbum suum fecit, et per Spiritum sanctum animavit; qui cum universa capiat, ipse a nemine capitur. Quod ita esse uno versiculo David propheta comprehendit dicens: « Verbo Domini cœli firmati sunt, et Spiritu oris ejus omnis virtus eorum (Psal. xxxii, 6). » Iste est Spiritus sanctus, qui in principio et fabrica mundi ferebatur super aquas (Gen. i, 2). Iste est in quo Moyses et Aaron coram Pharaone rege Ægypti signa fecerunt, et de quo Magi dixerunt: « Hic digitus Dei est (Exod. viii, 19). » Iste est qui in Moyse, et in omnibus sanctis patriarchis et prophetis atque apostolis locutus est (II Petr. i, 21), » de quo Apostolus dicit: « Et nos omnes uno Spiritu potati sumus (I Cor. xii, 13). » Iste est, qui carnem Verbi Dei in sacrum Virginis uterum fabricavit (Luc. i, 35): iste est, quem post baptismum Pater super Filium misit (Matth. iii, 16): iste est, cujus virtute Jesus plenus reversus est a Jordane, et regressus est in Galilæam (Luc. iv, 14); iste est, quem Pater petentibus se dat (Luc. xi, 13); iste est, qui a Filio advocatus noster apud Patrem, et alius paraclitus appellatur, quem Filius ad nos missurum se esse promisit (Joan. xiv, 16). Si ergo unius naturæ non esset cum Patre et Filio, nunquam alius a Filio paraclitus diceretur: idcirco ergo alius paraclitus dicitur, ut æqualitatem naturæ ac potestatis agnoscamus. Alius ergo a nobis ad Patrem ascendens, alius ad nos a Patre veniens, paternum erga nos semper ac piissimum affectum declarat. Qui nunquam nos in tentationibus istius mundi et miseriis nec sine advocato nec sine consolatore esse patitur. Iste est, qui una cum Patre Filium pro salute generis humani misit, sicut Isaias propheta ex persona Filii loquentis testatur dicens: « Dominus misit me, et Spiritus ejus (Isa. xlviii, 16). » Iste est, in quo Jesus dæmonia eiciebat (Matth. xii, 28): iste est, quem Dominus Jesus Christus post tertiam diem resurgens a mortuis, dedit discipulis suis dicens: « Accipite Spiritum sanctum: quorum remiseritis peccata, remissa sunt: quorum autem retinueritis, retenta sunt (Joan. xx, 22, 23). » Iste est, qui die Pentecostes

(20) Rom. edit., in apostolatus ministerium.

(21) Ead. Rom. edit., licet eum unius loci spatio contineri ratione corporis.... non tamen circumscriptam divinitatis et incorporalitatissuæ naturam.

(22) Eadem Rom. edit., iste rursus est Spiritus

A super apostolos descendens, diversas eis impertitus est linguas et gratias (Act. ii, 2, 3), sancti Joel propheta vaticinium complens (Joel. ii, 28). Iste est, qui in sanctis martyribus loquens, diabolum et adversarios Christi vicit: iste est, qui Paulum implevit, et in apostolatum segregavit (20) (Act. xiii, 2). Iste est, qui diversa dona sua in singula membra Domini Christi usque in finem mundi operatur (I Cor. xii, 6). Iste est, qui non solum a nobis tristitias et mœrores et malas turpitudinum cogitationes expellit; verum etiam Dei in nobis memoriam tribuit, 325 ut merito cum David propheta dicere possimus: « Memor fui Dei, et delectatus sum (Psal. lxxvi, 4); » et iterum: « Memor ero mirabilium tuorum (Ibid. 12). » Iste est, qui nobis recte credentibus et bene operantibus adveniens, tenebras et angustias ac pusillanimitatem cordis et sua nos luce illuminans, miscet sensui nostro sensum Christi; ut vitam nostram, quæ in Christo est abscondita, cogitemus; et in æternis et superventuris sæculis, qui noster status sit, consideremus, sequentes Jesum Filium Dei, qui penetravit cœlos, et in dextera Dei sedens, et in omni consistens loco, nihil suæ præsentia vacuum dereliquit. Si tamen non eum unius loci spatio contineri pro dispensatione corporis pro nostra salute suscepti putemus, aut circumscriptum secundum divinitatis (21) et incorporalitatissuæ naturam. Diversitate locorum divinitas non potest separari; quod ita esse ipse Salvator comprobavit dicens: « Nemo ascendit in cœlum, nisi qui de cœlo descendit, Filius hominis, qui est in cœlo (Joan. iii, 13). » Non ergo ad explenda opera sua loco indiget Spiritus, Verbum, virtus, sapientia, splendor, imago, vapor, et splendor Dei sine macula: quæ omnia sine dubio personam Filii demonstrant. Nullum ergo exstitit tempus, quando Pater sine Filio, aut Filius sine Patre, aut Spiritus sanctus sine Patre ac Filio fuerit.

CAPUT VII. — Proprium ergo Dei est non cœpisse, sed semper idem esse, quod semper est. Quod ita esse de semetipso comprobatur Deus loquens ad Moysen: « Vade, et dic filiis Israel: Qui est, misit me ad vos (Exod. iii, 14). » Iste est Spiritus sanctus, qui neque natus, neque factus est; sed est infectus, sicut Pater ac Filius (22). Iste est Spiritus sanctus, qui lapsos erigit; et jacentibus occasionem tribuit resurgendi, singulaque juxta varietatem meritorum, et voluntatem Patris ac Filii dispensat, quorum omnia non per investigationem, sed per unitatem naturæ novit. Ipse est, de quo propheta ait: Spiritus Domini multiplex (23), mundus, incoquinatus, et sanctus est (Sap. vii, 22). Sicut ergo lumen tenebras non recipit, sic et sanctus, qui non est factus, sicut nec Pater, nec Filius. Iste, etc.

(23) Eadem Rom. edit., spiritus Domini intelligens, multiplex, mobilis, incoquinatus, omnem habens virtutem, omnia prospiciens.

Spiritus sanctus per naturam habet, ut omnium A sordium incapax sit. Iste est, qui se transfert a cogitationibus, quæ sine Deo sunt. Iste est, qui se in animas sanctas infundit et amicos Dei atque prophetas constituit. Nisi ergo quis sanctum Spiritum habuerit, nec Pater nec Filius, quorum est, et cum quibus unus est Deus, ad eum veniunt, ut apud eum mansionem faciant. Iste est spiritus sapientiæ, qui ideo multiplex appellatur, eo quod multa in se habeat, et quæ habet, hoc et est (24), et per omnia unus est, nec in aliquid eorum, quæ operatur, ipse mutatur; sicut imago ex annulo, quæ in ceram transit, et anulum non relinquit. Quod ita esse Dominus comprobat, ad Moysen dicens: « Auferam igitur de Spiritu, qui est in te, et dabo illis septuaginta (25) (Num. xi, 17), » quasi scilicet ignis de igniculo transferatur, absque detrimento ejus, unde sumitur. Ob hanc ergo incommutabilitatem et diversam operationem dictum est a Domino de sancto Joanne Baptista, quod in spiritu ac virtute Eliæ venerit (Luc. i, 17). Iste est, quem Deus misit in corda nostra clamantem: « Abba, pater (Galat. iv, 6); » et in quo clamamus: « Abba, pater; » utrumque enim dictum est, et accepisse nos Spiritum clamantem: « Abba, pater; » et accepisse nos Spiritum in quo clamamus: « Abba, pater (26) (Rom. viii, 15). » Exposuit ergo quod dixit, *clamantem*, hoc est, clamare nos facientem. Iste est Spiritus, qui gemitibus inenarrabilibus postulat pro nobis, quando quid orare oporteat, humana fragilitas ignorat (Ibid. 26). Quod in seipso sanctus Apostolus non tantum verbo nos edocuit, verum etiam suo nobis demonstravit exemplo: hinc quando contra utilitatem suam ac perfectionem nesciens orabat, ut discederet ab eo stimulus carnis, qui eum colaphizabat: quem postea ab ipso Spiritu sancto eruditus, idcirco eum dixit datum sibi, ne magnitudine revelationum suarum extolleretur (27). (II Cor. xii, 7, 8), et ali-quod boni damnum pateretur. Sed quia eum Dominus diligebat, qui semper divinitatis suæ potentiam per infirma quæque consuevit ostendere, non fecit quod ignoranter petebat. Ipse est Spiritus 326 sanctus, qui in Ecclesia catholica toto orbe terrarum diffusa omni se gratiarum fonte diffudit. Iste est Spiritus Domini Jesu qui (28) in fine mundi Antichristum potentia sua interficiet D (II Thess. ii, 8). Iste est Spiritus sanctus, quem nullus hæreticorum habet; qui licet omnes habere se Christi baptisma putent, tamen nisi veniant ad Ecclesiam Christi, Spiritum non poterunt habere

(24) In eadem Rom. edit. desunt, *et quæ habet, hoc et est.*

(25) Eadem Rom. edit., *et ponam super illos ut, tecum sustineant impetum populi.*

(26) Eadem Rom. edit., *et Deum misisse in corda nostra Spiritum clamantem, Abba Pater, et in quo clamamus, Abba Pater.*

(27) Eadem Rom. edit., *eruditus dixit ut virtutum incrementa datum sibi, dum audivit: virtus in infirmitate consummatur.*

Christi. Quod ita esse comprobat beatus Paulus apostolus dicens: « Si quis Spiritum Christi non habet, hic non est ejus (Rom. viii, 9). » Et iterum: « Nemo potest dicere, Dominus Jesus, nisi in Spiritu sancto (I Cor. xii, 3). » Quod confirmans beatus Joannes apostolus et evangelista, dicit: « In hoc cognoscitur Spiritus Dei: omnis spiritus qui confitetur Jesum Christum in carne venisse, ex Deo est; et omnis spiritus qui solvit Jesum, ex Deo non est: et hic est Antichristus, quem audistis quoniam venit; et nunc jam in mundo est (I Joan. iv, 2, 3); » et iterum: « Quis est qui vincit mundum, nisi qui credit quoniam Jesus est Filius Dei? Hic est qui venit per aquam et sanguinem Jesus Christus, non in aqua solum, sed in aqua et sanguine. Et Spiritus est qui testificatur quoniam Jesus est veritas; quia tres sunt, qui testimonium dant in terra, spiritus, aqua et sanguis, et tres unum sunt (I Joan. v, 5-8). »

CAPUT VIII. — Juste ergo eis qui eum sine Spiritu sancto Dominum confitentur, dicturus est in judicio: « Quid autem vocatis me, Domine, Domine, et non fecistis quæ dixi (Luc. vi, 46)? » et mecum non colligentes sparsistis populos et membra mea, pro quibus ego sanguinem fudi meum? Et ideo oblatio hæreticorum, qui Spiritum sanctum non habent, non in Dei cultum, sed in cultum dæmonum (29) proficit. Quidquid enim in synagogis suis hæretici, id est, in conventiculis Satanae loquuntur, non est doctrina Domini, sed ululatus et præstigia dæmonum sunt (30). Isti enim sunt, quibus Spiritus sanctus per Isaiam prophetam dicit populum Judæorum parasse mensam dicens: « Et parabatis mensam Fortunæ (31) (Isa. lxxv, 11); » et ideo tam ipsos quam peccatores, qui semetipsos non judicantes, audacter ad sacrosanctum corpus et sanguinem Christi accedunt, increpat Apostolus dicens: « Non potestis mensæ Domini participes esse, et mensæ dæmoniorum: non potestis calicem Domini bibere et calicem dæmoniorum (I Cor. x, 20, 21). » Hæc de oblatione hæreticorum dicta sufficiant (32) nunc autem ad ordinem revertamur.

CAPUT IX. — Quidquid ergo de Spiritu sancto diximus, hoc similiter et a Patre et a Filio fieri intacta et indiscussa dimisimus; licet pro certo noverimus quia sancta et inseparabilis Trinitas nunquam aliquid extra se noverit operari. Et ut ita esse clareant quæ dixi, breviter insinuabo. Incarnationem Verbi Trinitas fecit, et tamen non pertinet incarnatio nisi ad Verbum (Augustin. lib. *Cont. serm. Arian. c. 15*). Vocem de cælo super Filium post

(28) Eadem Rom. edit., *Spiritus oris Domini, qui, etc.*

(29) Eadem Rom. edit., *in dæmonum abominationes.*

(30) Eadem Rom. edit., *sed blasphemiarum, et dæmonum præstigia sunt.*

(31) Eadem Rom. edit., *et parantes dæmoni mensam et implentes fortunæ potionem.*

(32) Desunt in Rom. edit., *hæc de oblatione hæreticorum dicta sufficiant.*

baptismum Trinitas fecit, et tamen non pertinet nisi ad Patrem. Adventum (33) Spiritus sancti supra Filium in specie columbæ (*Luc. III, 22*) Trinitas fecit, et tamen non pertinet nisi ad Spiritum sanctum. Quam (34) trinam operationem in unitate manentem comprobat beatus Apostolus dicens : « Divisiones enim gratiarum sunt, unus autem Spiritus ; et divisiones ministeriorum sunt, unus autem Dominus : et divisiones operationum sunt, unus autem Deus qui operatur omnia in omnibus (*I Cor. XII, 4-6*). » Tria ergo hæc unam credentibus tribuunt gratiam, quia non alia atque alia est substantia sanctæ et inseparabilis Trinitatis (35). Cum ergo singula et Pater et Filius et Spiritus sanctus dicantur operari, omnia tamen pariter operantur. Sapientia condidit, Spiritu animavit, et justo (36) ordinavit iudicio. Ipse ergo iustitia sua mundum in varias formas distribuit, et gratia sua ordinante, tanta illius membra incomprehensibiliter dispensat, continet et gubernat : cujus providentiæ gubernatio tam justa, tam arcana (37), tam occulta est ; ut quæ putatur pœna, medicina sit patienti. Unus ergo Deus in sancta Trinitate consistens hæc operatur : quod ipse de se comprobans, per Isaiam prophetam dicit : « Ego Dominus, et non est amplius extra me (38) (*Isa. XLV, 5, 6*), » hoc est, præter Verbum et Spiritum meum, virtutem ac sapientiam 327 meam, quæ in me est semper ; nullus est alter Deus atque Salvator (39), de quo idem propheta dicit : « Et mittet eis Dominus salvatorem, qui eos salvos faciat a peccatis eorum (*Isa. XIX, 20*). » Et iterum ex persona Patris supra scriptus propheta dicit : « In memetipso juravi, quia egredietur ex ore meo verbum, et ad me vacuum non revertetur (*Isa. XLV, 23 ; LV, 11*). » Non est revera Verbum Patris ad eum vacuum reversum, quia obsides salutis nostræ, id est, veram animam et verum corpus susceptum in dexteram collocavit Patris. Quod ita esse futurum in Spiritu propheta intuens dicit : « Vere tu es Deus absconditus (*Isa. XLV, 15*), » id est, in carne, « Deus Israel Salvator ; » et iterum : « Absconditus vultus ejus et despectus (*Isa. LIII, 2*) ; » ut scilicet humano corpore divina potentia celaretur ; et iterum : « Et homo est, et quis cognoscit eum (*Jerem. XVII, 9*) ? Et iterum :

(33) Rom. edit., *inquit enim : Tu es filius meus dilectus, Adventum, etc.*

(34) Eadem Rom. edit., *et descendit, inquit, Spiritus sanctus corporali specie sicut columba in ipsum. Quam, etc.*

(35) Eadem Rom. edit., *quia non ex alia atque alia substantia sunt sanctæ inseparabilis Trinitatis personæ, nec alius operationis.*

(36) Eadem Rom. edit., *singillatim... aliqua operari Spiritu animavit, et justo Pater, etc.*

(37) Eadem Rom. edit., *tam provida.*

(38) Eadem Rom. edit., *amplius. Ego qui fabricavi lucem, etc. Quoniam non est Deus præter me.*

(39) Eadem Rom. edit., *Et iterum idem propheta: In te Deus est, et non est alius præter te. Et alibi: Mittet eis hominem qui salvabit eos: judicans salvabit eos... Per memetipsum juravi, nisi egredietur ex ore meo iustitia, et sermones mei non avertantur.*

« Hic deus noster, non æstimabitur ad eum anus, qui in terris visus est, et cum hominibus conversatus est (*Baruch III, 36 et 38*) ; » et iterum : « Homo in dolore, et sciens ferre infirmitates (*Isa. LIII, 4*) ; » verum scilicet corpus hominis per hæc verba, et veram demonstrans animam, « qui sciens ferre infirmitates divinitate superavit, pacificans per sanguinem crucis suæ sive quæ in cœlis sunt, sive quæ in terra (*Coloss. I, 20*). » Claruit enim per hæc verba, « in Dominum Jesum Christum, » non ex parte veritatem, et ex parte mendacium : sed omnem in eo esse veritatem, id est, et Dei et hominis.

CAPUT X. — Sed hoc non intelligit humana sapientia, quam condemnat beatus Apostolus dicens : « Fides vestra non sit in sapientia hominum, quorum Dominus cogitationes novit, quoniam vanæ sunt : sed in virtute Dei (*I Cor. II, 5*) ; » et iterum : « Non edocti humanæ sapientiæ verbis, sed edocti Spiritu sancto (40) (*Ibid. 13*). » Ergo fides non sit in hominum sapientia, et hæresis non est. In Patre ergo semper Filius et Spiritus sanctus est : quod ita esse ipse Filius confirmat dicens : « Ego et Pater unum sumus (*Joan. X, 30*) : » unum propter naturam divinitatis, *sumus* propter personarum proprietates ; et iterum : « Ecce venit hora... ut me solum relinquatis : et non sum solus, quia Pater mecum est (*Joan. XVI, 32*) ; » et iterum : « Opera quæ ego facio, Pater in me manens, ipse faciet ea (*Joan. XIV, 10*). » Ipse est ergo semper in Patre Filius, qui ad Moysen dicit : « Qui est, misit me ad vos (*Exod. III, 14*). » Ipse est, cui perfecto orbe congaudebat Pater ; quia tantam molem terræ fundasset super maria, et super flumina collocasset eam ; ut elementum gravissimum super tenues aquas ejus penderet arbitrio. In stabilitate ergo orbis terrarum, quando illius fundamenta Pater firmabat, nullus erat cum eo præter eos qui erant in eo, id est, Filius et Spiritus sanctus. Erubescant ergo impii hæretici, qui Filium Dei aut Spiritum sanctum creaturam dicunt, aut fuisse tempus, quando non fuerint ; neque enim temporum conditor habet aliquando principium. Quidquid ergo Filius loquitur, verba sunt Patris, et verba sunt Spiritus sancti : quidquid Pater loquitur,

Et alibi : Verbum quodcumque exierit de ore meo, non revertetur ad me vacuum, donec compleantur quæcumque volui. Est igitur Filius revera Verbum Patris, cum vacuum reversum non fuerit ; quia obsides... intuens dicit : Tu enim es Deus, et nescivimus, Deus Israel salvator. Nescivimus, quia carne velatus. Et iterum : Non est species, neque gloria : et facies ejus despecta est, et non est reputata ; ut scilicet humano corpore divina potentia celaretur. Et alius propheta : Et homo est, et quis cognoscet eum ? Et iterum : Hic Deus noster, non reputabitur alius adversus eum. Et : Post hoc in terris visus est, et inter homines conversatus est. Et iterum scriptum est : Homo in plaga existens, et sciens ferre, etc.

(40) Eadem Rom. edit., *Non in persuasoriis humanæ sapientiæ verbis, sed in ostensione spiritus et virtutis.*

verba sunt Filii, verba sunt Spiritus sancti; quid-
quid Spiritus sanctus loquitur, verba sunt Patris,
verba sunt Filii Dei. Ergo unius qui complet omnia,
et in quo sunt omnia, his verbis sub mysterio
sanctæ Trinitatis notitia prædicatur; ait enim
Filius: « Spiritus sanctus a Patre procedit (*Joan.*
xv, 26); » tamen propter societatem unitatem-
que naturæ a Filio mittitur: qui Filius (41) ab
Isaia propheta in regnantis habitu visus est,
sed propter consortium majestatis unitatemque
substantiæ Spiritus sanctus in propheta est lo-
cutus: in Cherubim sane et Seraphim, ubi
ipsa visio facta describitur, ex parte ostenditur
Dominus, et ex parte celatur; duabus siquidem
alis velabant faciem ejus, et duabus velabant
pedes ejus, et duabus volabant (*Isa. vi, 2*). Ve-
lantur ergo ea, quæ ante mundum fuerunt, et
ea quæ post mundum erunt, « quæ nec oculus
vidit, nec auris audivit (*Cor. ii, 9*): » ea vero quæ
in sex diebus facta sunt, nobis in notitiam per
sacram lectionem venerunt. Nos ergo in Patre et Filio
et Spiritu sancto non solum unam operationem, sed
et æqualitatem confitemur; quia ubi æqualitas (42),
328 ibi eadem natura, eademque substantia est.
Propterea, inquit evangelista, cum Judæi perse-
quebantur, quia non solum solvebat Sabbatum,
sed etiam Filium Dei se dicendo, æqualem se
faciebat Deo (*Joan. v, 18*). Quod ipse Dominus
comprobat dicens: « Ego et Pater unum sumus
(*Joan. x, 30*), et ego in Patre (43), et Pater in me
est; » et iterum: « Pater quod dedit mihi, majus
omnibus est, et nemo potest rapere de manu mea
(*Joan. x, 29*); » statimque infert: « Et nemo potest
rapere de manu Patris. » Si ergo de manu Filii quæ
Pater dedit, nemo potest rapere, et hæc eadem in
manu Patris sunt, quæ non rapiuntur ab eo; liqui-
do comprobatur omnia Patris et Filii ac Spiritus
sancti, qui et Patris et Filii est, esse communia: et
Filii manu teneri, quæ Patris sunt; et Patris manu
teneri, quæ Filii sunt. Dominus ergo Christus Dei
et hominis filius, qui semper erat cum Patre et in
Patre, duobus locutus est modis, id est, nunc se-
cundum divinitatis suæ gloriam, nunc secundum
nostræ naturæ hominem susceptum. Pater ergo in
Filio, et Filius in Patre est, in utroque Spiritus
sanctus est: et ideo recta confessio (44-49) mysterii
sanctæ et inseparabilis Trinitatis ignoratio nostra
est; cum enim sanctus Apostolus judicia Dei inscru-

(41) Eadem Rom. edit., *Spiritus veritatis, qui... Inquit, a Patre procedit propter originem. Inquit, quem mittam propter societatem unitatemque naturæ. Qui Filius.*

(42) Eadem Rom. edit., *Ubi enim eadem operatio, ibi æqualitas.*

(43) Eadem Rom. edit., *Propterea Dominus inquit (cum Judæi... faciebat Deo) non potest Filius a se facere; quia nisi quod viderit Patrem facientem. Quod alibi clarius ostendit dicens: Ego et Pater, etc.*

(44-49) Eadem Rom. edit., *Quare, licet nobis mysterii sanctæ et inseparabilis Trinitatis confusa sit notitia, nostra tamen est confessio. Unde sanctus Apostolus judicium Dei licet incomprehensibilia esse*

A tabilia esse testetur (*Rom. xi, 33*), jam ipse ejus
inscrutabilia et occulta sunt, quam inscrutabilis et
occultus sit, sapiens lector intelligit. Qui tamen
sanctus Apostolus non dixit: Difficile inveniuntur
judicia Dei, aut nunquam; ne spem penitus in-
quirentium amputare videretur: sed ait: « Inscrutabi-
lia sunt judicia Dei (*Ibid.*) » Quamvis ergo proficiat
quis in scientia, et sapientiæ deditus, arcana rime-
tur; tamen creata natura increati substantiam nun-
quam potest comprehendere (50). Cum enim aliqua
invenerit, rursus alia se offerunt quæstioni; cum
illa repererit, alia innumera (51) quoque inveniet.
Tanta itaque investiganti semper materia suggerit-
ur, ut reliquorum ignoratio involvat (52) priorum
scientiam. Unde et sapientissimus Salomon naturas
B rerum difficultatesque cognoscens (53), et imponens
mensuram sapientiæ suæ, ait: « Dixi, sapiens ellic-
ciar, et ipsa longius recessit a me quam erat, et ex-
celsa profunditas, quis inveniet eam (*Eccle. vii, 24,*
25)? » et iterum: « Plura enim opera Domini in abs-
conditis sunt (*Eccle. xvi, 22*); » et iterum: « Quem-
admodum nescis quæ sit via spiritus, et qua
ratione compingantur ossa in ventre prægnantis; sic
nescis opera Dei, qui fabricator est omnium (*Eccle.*
xi, 5); » et iterum: « Altiora te ne quæsieris, et
fortiora te ne scrutatus fueris (*Eccle. iii, 22*); » et
iterum: « Quemadmodum qui mel multum comedit,
non est ei bonum; sic qui scrutator est majestatis,
opprimitur gloria (*Prov. xxv, 27*). » Et revera nihil
tam verum, nihil tam manifestum; scriptum est enim:
C « Delicta quis intelligit (*Psal. xviii, 13*)? » Si ergo
declita sua homines non intelligunt; quanto magis
naturam Dei et consilia ejus minime poterunt inve-
nire! Quod comprobans propheta dicit: « Genera-
tionem ejus quis enarravit (*Isa. liii, 8*)? »

D CAPUT XI. — In hunc ergo unum Deum Patrem
omnipotentem credimus, visibilium et invisibilium
conditorem, cujus judicia atque consilia occulta
sunt, iniqua autem nunquam. Qui tamen Pater si-
ne ullo sibi patre Pater est: et idcirco Filius de hoc
genitus, cujus generationem humanus sermo edice-
re non valet, inferior ab eo esse non potest; quia,
ut dictum est, verbum, virtus et sapientia ejus est.
Deum ergo Dominum fatemur (54), Deum Filium
Dei Patris altissimi, unici unicum, et cum Patre ac
D Spiritu sancto unum Deum esse confitemur; cujus
licet æqualitatem (55) humanus sermo explicare ne-
testetur, non tamen ea prorsus inscrutabilia et occul-
ta devertit. Ideo non dixit: Impossibilia inveniuntur
judicia Dei, aut nunquam se offerunt apprehensibi-
lia, ne spem penitus inquirentium amputare videretur.
Sed ait incomprehensibilia, etc.

(50) Eadem Rom. edit., *ut talis est, nunquam potest ad plenum comprehendere.*

(51) Vat. cod., *alia immutabilia*; Rom. edit., *alia etiam altiora quæque occurrunt.*

(52) Rom. edit., *perscrutatio oblivione involvat.*

(53) Eadem Rom. edit., *hominum cogitationes, stellarum dispositiones et abscondita quæque cognoscens.*

(54) Eadem Rom. edit., *Patrem Deum fatemur.*

(55) Eadem Rom. edit., *majestatem.*

queat, incarnationis tamen ejus sacrosancta ac veneranda mysteria a sancto Gabriele archangelo sanctam virginem Mariam, quæ verbo feta sola conscia aure maritata est, alloquente (56) cognovimus. Ait enim : « Spiritus sanctus superveniet in te, et virtus Altissimi obumbrabit tibi ; ideoque et quod nascetur ex te sanctum, vocabitur Filius Dei (Luc. 1, 35). » Non ergo hæc generatio, qua de virgine pro salute nostra natus est, posteriorem eum facit Patri **329** sive tempore, sive potestate ; quia non est temporalis genitor, ut Filio præjudicetur ex tempore, quia æternus Pater Filium genuit coæternum : nec extrinsecus natum aut factum, ut hæretici mentiuntur, sed ex propria substantia Patris generatum vera fides habet. Ex Deo ergo vero, in quo æternitas et omnipotentia perfectæ et sanctæ Trinitatis consistit, verum Filium confiteri honorificum est : et ideo sicut in Patre nos convenit credere, ita et in Filio ; quia hoc omnino est ille qui genitus est, quod ille qui genuit (57). Credimus et in Spiritum sanctum, cujus majestatem, potentiam et æqualitatem, quam cum Patre et Filio possidet, ipso donante, jam superius ostendimus, procedentem ex Patre, et communem cum Patre et Filio deitatem, operationem, ac substantiam possidentem : et distinguentes personas in proprietatibus suis ; deitatem tamen sanctæ Trinitatis inseparabilem confitemur ; quia quod nominibus et personis dirimimus, hoc potestate et deitate et unitate jungimus. Ergo vocabulum sanctæ Trinitatis grande mysterium et arcanum est ; et ideo quando de spiritualibus nobis sermo est, nihil de carnalibus est omnino ante oculos cordis proponendum. Sanctæ ergo et inseparabili Trinitati lux invisibilis, virtus inseparabilis (58), substantia incomprehensibilis, vita interminabilis est, cui pax sempiterna omnis assistit, quam nulla unquam creatura penetrat, nulla conturbat. Si quis ergo extra Patris majestatem aut Filium vocat, aut Spiritum sanctum, videtur sibi spem de semetipso petere, id est, de simili, non de superiori natura : omne enim quod creatum est, quantum ad hoc pertinet, ex eo quod non erat, factum est, et simile sibi est. Ergo Domino Christo Deus Pater propria generatio est ; nobis autem adoptione voluntaria : illi pater est (59) per naturam, nobis per gratiam : illi Deus est unitate mysterii, nobis autem potestate (60). Qui ergo aliud quam hoc tenet, et non ita credit, anathema sit (61).

CAPUT XII. — Spiritus autem sanctus ipse est, sicut jam dictum est, qui et Patris et Filii est : ipse

(56) Rom. edit., *Verbo fetam alloquente.*

(57) Eadem Rom. edit., *quia sicut hic omnino est, qui genitus est, ita ille qui omnino genuit.*

(58) Eadem Rom. edit., *lux inaccessibleis, virtus insuperabilis.*

(59) Eadem Rom. edit., *propria generatione pater est.*

(60) Eadem Rom. edit., *unitate substantiæ, nobis autem munere et potestate.*

(61) Eadem Rom. edit., *Anathema sancta catholica et apostolica Ecclesia pronuntiat.*

A est, qui sicut Pater ac Filius replet orbem terræ : ipse est, qui a Filio sanctus et bonus pronuntiatus est : ipse est, qui a David propheta, sicut Dominus Christus, bonus et rectus pronuntiatur (62) (Luc. xi, 13) ; ait enim : « Rectum est Verbum Domini (Psal. xxxii, 4), » hoc de Filio, et : « Eructavit cor meum Verbum bonum (Psal. xlii, 1). » De Spiritu autem sancto : « Spiritum rectum innova in visceribus meis (Psal. l, 12) ; » et : « Spiritus tuus bonus deducet me in viam rectam (Psal. cxlii, 10). » Ipse est, qui futura tanquam præsentia prævidet ; ipse est, qui nobis Christi Domini nativitatem, mirabilia, persecutionem, passionem, crucem, mortem, sepulturam, resurrectionem, in cælis ascensionem, et ad judicium venturum (63) ante plurimos prænuntiavit annos. Sicut ergo Pater sine principio, ita et Spiritum sanctum et Filium habet sine principio æternum, genitum ex se, non post se (64). Et ideo sicut Pater omnem antiquitatem temporum antecedit, æternitate consumit, longævitate superat ; ita et Filium genuit tam sibi in virtute, quam in hac, quam diximus, æqualitate consortem : sed hæc virtus, hæc sapientia, hoc Verbum quod Filius est, ut verbis utar Apostoli, « cum in forma Dei esset, non rapinam arbitratus est, ut esset æqualis Deo ; sed semetipsum exinanivit, formam servi accipiens, in similitudine hominum factus, et habitu inventus ut homo. Humiliavit semetipsum usque ad mortem, mortem autem crucis, propter quod et Deus exaltavit illum, et dedit illi nomen, quod est super omne nomen, ut in nomine Jesu omne genu flectatur, cælestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris (Philipp. ii, 6-11). » Ob hoc ergo mysterium Filius Dei Christus vocatur (65) ; quod tamen nativitatem ejus secundum carnem, passionem, mortemque significat : sed ista mirabilis et singularis nativitas, qua Christus genitus est (66), et de Spiritu sancto et Maria virgine facta est, sicut fides sancti symboli (67) testatur. Hic ergo unicus in divinitate Filius Dei, etiam in nativitate carnali per quam hominem nostrum, ut salvaret, assumpsit, unicus invenitur ; **330** solus est enim natus ex Virgine, quæ nec prægnationem de viro, nec corruptionem sensit ex partu. De sancto ergo Spiritu et Maria virgine secundum carnem eum natum fatemur ; sic etenim et beatæ Mariæ Virgini futurum, ut jam dictum est, Gabriel archangelus promiserat dicens : « Spiritus sanctus superveniet in te, et virtus Altissimi obumbrabit tibi : et ideo quod nascetur ex te

(62) Eadem Rom. edit., *Spiritus ut principalis et reclus exoratur.*

(63) Eadem Rom. edit., *vivorum et mortuorum adventum.*

(64) Eadem Rom. edit., *Filium habet sine principio, coæternum, genitum ex se, non post se ; ita et Spiritum sanctum Patri et Filio coæqualem.*

(65) Eadem Rom. edit., *Christus homo vocatur.*

(66) Eadem Rom. edit., *Christus homo natus est.*

(67) Eadem Rom. edit., *sancti hujus symboli.*

sanctum, vocabitur Filius Dei (*Luc. 1, 35*). » Qui Filius Dei (68) pro nostra salute sub Pontio Pilato crucifixus est, ac sepultus. Vera ergo caro ex Virgine suscepta, vera crucifixa, vera sepulta, vera est post tertiam diem resuscitata. Ad viscera igitur sacræ Virginis, et suscipiendi inde carnem, et formandi (69) illic hominem Spiritus sanctus opifex et sanctificator accessit; ut conjunctione Verbi et hominis a prima informatione perfecte Christus mediator Dei et hominum nasceretur, sine fraude humanitatis, sine corruptione deitatis exoriens: obiurus morte, quia creatus; superaturus autem mortis vincula, quasi creator. Non ergo inter Verbum et assumptum ab eo hominem aliqua separatio dicenda est, quia ex duabus naturis, id est, divina et humana mystica ratione compositis unum Christum Dei Filium confitemur (70).

CAPUT XIII. — Credere ergo nobis hæc, non discutere licet; humiliter quærere, non superbe inquirere (71). Verbum ergo et substantia Dei, quæ per omnia incorporea est, inseri in corpore humano non poterat, nisi aliqua spiritali natura mediante, id est anima. Anima ergo in secreta rationabili arte Verbum Dei capiente, absque ulla (72) contagione viri, Deus natus ex Virgine est. Sicut ergo participatione sui Filius Dei præbens omnibus exemplum, juxta id quod Dei Verbum est atque sapientia, non minuitur communione participii; ita sancta Jesu anima, quæ propter nostra peccata et tristis fuit, et conturbata est, nihil exinde contraxit (73). Hæc est, quam dilexit Deus præ participibus suis (*Ambr. in Luc., I. x, n. 127*): hæc vita nostra, de qua Apostolus ait: « Et vita vestra abscondita est cum Christo in Deo (*Coloss. III, 3*); » hæc est, quæ dilexit justitiam, et odivit iniquitatem (*Psal. XLIV, 8*): hæc tristis non pro morte, sed usque ad mortem fuit (*Matth. XXVI, 38*): hæc in cruce non pro se, sed pro nobis turbata est: non virtus, non sapientia, non Verbum Dei, qui eam pro nostrarum animarum salute assumpsit (74), et omni virtutum ac sanctitatis decore adornans, in consortium deitatis perduxit. De hac ergo, quæ per omnia nostrarum animarum similis est, Salvator ait: « Potestatem habeo ponendi animam meam, et iterum sumendi eam (*Joan. x, 18*); » et: « Nemo eam tollit a me, sed ego pono eam a me ipso, et iterum sumo eam (*Ibid.*). » Hæc est beata anima, quæ in cruce ad divinitatem clamavit dicens: « Deus, Deus meus, respice in me, quare me dereliquisti (*Matth. XXVII, 46*)? » Clamavit ergo homo divinitatis separatione

(68) Eadem Rom. edit., *Dei et Virginis homo Christus Jesus.*

(69) Eadem Rom. edit., *pro suscipienda in carne, et formando homine.*

(70) Eadem Rom. edit., *aliquam personarum separationem ponimus; sed ex duabus... unitis, unum Christum Deum et hominem Dei Filium in unitate personæ confitemur.*

(71) Eadem Rom. edit., *non superbe sapere.*

(72) Eadem Rom. edit., *rationabili mediante, Verbum Dei opificio Spiritus sancti carnem assumpsit;*

PATROL. XVII.

moriturus: nam cum divinitas mortis libera sit, utique mors esse non poterat, nisi vita discederet, quia vita divinitas est; nunquam enim patitur vel mortem, vel corruptionem, quod immortale semper et incorruptum est. Deus ergo, qui Verbum et Spiritus est, qui « ubi vult inspirat (*Joan. III, 8*), » carnem seu animam susceptam non deseruit invitus: sed quia voluit, ubi voluit, quomodo voluit, et quando voluit, relinquens posuit eam, et iterum assumpsit eam. Non ergo ejusquam jure ac potestate exutus est carne, sed ipse se exiit; nam qui potest non mori, si nollet, procul dubio, quia voluit, mortuus est. Quod ita esse comprobans Apostolus, ait: « Spolians se carne, principatus et potestates exspoliavit, triumphans illos in semetipso (*Coloss. II, 15*), » per mortem scilicet hominis suscepti; ut, sicut idem dicit beatus Apostolus, « per mortem hominis suscepti destrueret eum qui habebat mortis imperium (*Hebr. II, 14*), » id est diabolus, et liberaret eos qui per totam vitam obnoxii erant servituti. Quod ita futurum multo ante Isaias propheta prædixerat dicens: « Sicut ovis ad occisionem ducitur, et sicut agnus coram tondente se obmutuit (75) (*Isa. LIII, 7*); » et iterum: « Oblatus est, quia ipse voluit, ad multorum exhaurienda peccata (*Hebr. IX, 28*); et iterum: Tradidit in mortem animam suam, et eum sceleratis reputatus est: et ipse peccata multorum tulit, et pro transgressoribus ipse rogavit (*Isa. LIII, 12*). » Non 331 ergo necessitate crucem Christus Dominus, sed voluntate sustinuit, dicens ad Petrum, qui timoris fragilitate ad crucis mysterium scandalizabatur et humano pavore trepidabat: « Vade retro, Satanas, scandalum mihi es; quia non sapis quæ Dei sunt, sed quæ hominum (*Matth. XVI, 23*). » — « Calicem enim quem dedit mihi Pater, non vis ut bibam illum (*Joan. XVIII, 11*). » Alioquin si non propria voluntate oblati esset, et crucem sustinere voluisset, qui indicare et prædicere poterat proditorem, et apostolis dicebat: « Omnes vos in hac nocte scandalum mei sustinebitis (*Matth. XXVI, 31*)? » Poterat eos qui ad eum comprehendendum missi erant, declinare: quibus intrepidus occurrit et dixit: « Quem quæritis (*Joan. XVIII, 4*)? » Qui statim ceciderunt retrorsum (76), quia vocem præsentis Dei ferre non poterant. Non ergo necessitatis fuit ut pateretur, sed voluntatis; non tam suæ, sed et Patris, cui dicit: « Ut facerem voluntatem tuam, Deus meus, volui (77) (*Psal. XXXIX, 9*). » Per veram ergo carnem immortalis mediatoris Dei et hominum nos

sicque absque ulla, etc.

(73) Eadem Rom. edit., *Denique sicut Deus præbens hominibus suis participationem... exinde amisit.*

(74) Eadem Rom. edit., *Hanc pro totius humani generis salute in unitate suppositi assumpsit.*

(75) Eadem Rom. edit., *mutus, sic non aperuit os suum.*

(76) Rom. edit., *Abierunt retrorsum, et ceciderunt in terram.*

(77) Eadem Rom. edit., *Et alibi: Descendi de cælo non ut faciam voluntatem meam, sed ejus qui misit me.*

mortales redempti, vivificati, salvati atque liberati sumus a laqueis et captivitate diaboli, super quem nobis potestatem dedit dicens: « Ecce dedi vobis potestatem calcare super serpentes et scorpiones, et super omnem virtutem inimici (*Luc. x, 19*). » Omnis ergo humilitatis (78) ac mysterii incarnatio ob hoc facta est, ut nos potestatem super diabolum acciperemus, qui se facturam per (79) superbiam cognoscens, in tantam dementiam decidit, ut æqualem se facere voluerit Altissimo Creatori, dicens: « Ponam thronum meum ad aquilonem, et similis ero Altissimo (*Isa. xiv, 14*). » Quod ita esse comprobatur Apostolus dicens: « Nam quod impossibile erat legis, in quo infirmabatur, per carnem Deus Filium suum mittens in similitudinem carnis peccati, et de peccato (80) » id est, primi hominis, « damnavit peccatum in carne (*Rom. viii, 3*) ut sicut in Adam omnes moriuntur, ita et in Christo, » qui nobis per passionem crucis de latere suo lavaerum et potum martyrio dedicavit, « omnes vivificarentur (81) (*I Cor. xv, 22*). »

CAPUT XIV. — Ob hoc ergo nos convenit diligentius intueri, quis offerat, cui offerat, quid offerat (82), et pro quibus offerat is, qui nobis via, veritas, et porta effectus est; de qua porta Spiritus sanctus per Prophetam ait: « Hæc porta Domini, justi introibunt per eam (*Psal. cxvii, 20*). » Et iterum: « Non confundetur, dum loquetur inimicis suis in porta (*Psal. cxxvi, 5*). » Sed ad istam portam non venient, nisi hi qui meruerint per Dei gratiam et adiutorium de portis mortis exaltari, hoc est peccatis. Ejus ergo supplicia, cui credo, constanti professione commemoro, nec me pudeat eorum quæ Redemptor mundi et pro mea salute suscepit, et pro sua virtute superavit. Rideas licet, Judææ atque gentilis, quod in eo spem meam locem, quem crucifixum mortuumque profitear; ego tamen in his vulneribus glorior, per quæ me placere Redemptori meo, quod tu ignoras, intelligo: « Verbum enim crucis, ut ait Apostolus, pereuntibus stultitia est, salvis autem futuris virtus Dei est (*I Cor. i, 18*). » Ecce Pilati iudicis facio mentionem, a quo iudicatus est, qui est mundi iudex futurus. Quid autem dignitatem fidei meæ mordeant (83) pœnæ illius beati corporis, quas celer resurrectio

(78) Rom. edit., *Tantæ ergo humilitatis et ineffabilis hujus, etc.*

(79) Eadem Rom. edit., *qui superbiam typho se facturum non cognoscens, Creatori æqualem se facere voluerit, dicens: Ascendam super nubes.*

(80) Eadem Rom. edit., *Deus Filium suum mittens in similitudinem carnis peccati, de peccato damnavit peccatum in carne; hoc est, Satanam in carne Salvatoris, sicut et in alia epistola ait: Detriumphans.*

(81) Eadem Rom. edit., *illos in semetipso, ut sicut alibi dicit Apostolus: Sicut in Adam omnes moriuntur, ita et in Christo omnes vivificarentur.*

(82) Eadem Rom. edit., *quid offerat. Is qui offert, nobis via, etc.*

(83) Eadem Rom. edit., *nec est quod dignitate fidei meæ minuant.*

consecuta destruxit? Neque enim hic finis fidei meæ confessionisque est: sed quid sequatur accipito. Tertia die resurrexit a mortuis, ascendit in cœlos, sedet ad dexteram Patris, inde venturus est iudicare vivos et mortuos (*Act. x, 42*), id est, et justos et peccatores, et Gentiles et Judæos, seu animas et corpora. Videtur tibi jam stabilis esse, atque felix (84) nostra credulitas, quæ ei innititur, cui nec ipsa mors obviare ac resistere poterit (85)?

CAPUT XV. — Denique nunquam magis quanta clementia et patientia Redemptor noster abundaret, apparuit; quam cum mysterii hujus aggressus officium est, ut suscipiendo scilicet nostram substantiam, et patibuli et tumuli jura susciperet. Nostris ergo prosperis adversa ejus impensa sunt, et divina atque humana in nostro Redemptore natura (86) quoddam inter se sacrum iniere commercium; ut testimonium ab humanitate 332 divinitas, præmium a divinitate ferret humanitas, hoc est, ut vulneribus corporis Deus noster magnitudinem erga nos sui amoris ostenderet, et consortio divinitatis repensari sibi obedientiæ gratiam (87), et animus noster et corpus agnoscerent. Qua gitor fide, quave devotione huic Domino tantorum in nos donorum munifico adhærere ac servire debeamus, intuendum est; qui ita nullum largiendi modum habuit (88), ut tantum fidelibus donaret in præmio, quantum ipse possidebat in regno: etiam ut credimus nos ejus fieri posse cohærendes, etiam naturæ nostræ consors esse delegit: non tamen ut substantiam a divinitatis arce detruderet, sed ut nos infirmos, et in extrema mortis vilitate ac necessitate degentes ad gloriam resurrectionis attraheret (89). Quia ergo in se, quidquid nobis pollicebatur, ostendit; et non perire carnis istius substantiam resurgendo perdocuit: et ubi ei post resurrectionem futura esset habitatio, ascensione monstravit. Hoc est ergo magnum pietatis sacramentum (90), quod in carne manifestatum esse (*I Tim. iii, 16*), ut rerum proventus, ita gentium Doctor annuntiavit. Justificatum autem claret in Spiritu: quoniam « mediator Dei et hominum homo Christus Jesus (*I Tim. ii, 5*) » non solum sperandæ nobis felicitatis (91), sed etiam capessendæ præbuit veritatis

(84) Eadem Rom. edit., *atque firma.*

(85) Eadem Rom. edit., *poterit? Et portæ, inquit, inferi non prævalebunt adversus eam.*

(86) Eadem Rom. edit., *natura in Redemptoris nostri persona.*

(87) Vat. cod., *recompensari sibi obediente gratia.*

(88) Rom. edit., *qui nedum largiendi nullum modum habuit, sed omnem adeo mensuram excessit.*

(89) Eadem Rom. edit., *jacentes... extolleret.*

(90) Eadem Rom. edit., *omnium confessione magnum pietatis mysterii sacramentum. Nam declaratum est in carne, ut rerum declaravit eventus, quod in mysterio latebat.*

(91) Eadem Rom. edit., *sperandæ, sed etiam capessendæ præbuit in se nobis felicitatis exemplum. Sicut enim operibus et virtute testimonio veritatis in nativitate carnis qualis esset respanduit.*

exemplum (92). Quod sane sacramentum pietatis, A per quod nos conditor noster ac redemptor amplectitur, sicut testimonio virtutis resplenduit, ita etiam in ascensione assumptum in gloria, celebratum est obsequiis angelorum; et ideo non est despicienda carnis humanæ natura, quæ in sanctæ Trinitatis substantiam atque consortium per Dominum Christum ingredi meruit. Puto sane quod, Deo donante, de mysterio sanctæ Trinitatis, et incarnatione Domini Salvatoris satis dictum sit: verum quoniam in fine dogmatis nostri (93) carnis nostræ ponitur resurrectio; eadem a nobis sunt firmiter propter hæreticos ac sæpius repetenda.

CAPUT XVI. — Verbum enim Dei, quod dominus Christus est, qui est primogenitus omnis creaturæ, et qui est primogenitus ex mortuis, ad imaginem suam, quam prius ipse condiderat, venit de qua imagine scriptum est: « Et plasmavit Deus hominem ad imaginem et similitudinem suam (*Gen. 1, 27*) » et carnem propter carnem, mediante anima rationabili, ex sancta Virgine Maria suscipiens, et similia, id est animam et carnem, per similia purificans, factus est per omnia homo absque peccato. Mediante ergo anima Deo et carni, hic, qui omnes, sicut ait Apostolus, divites faciens, pauper effectus est, ut illius inopia nos divinis atque cælestibus divitiis ditaremur (*II Cor. viii, 9*); per signum illud salutis, quod Deus generi dedit humano, dicente Isaia propheta: « Ecce Dominus dabit vobis signum; ecce Virgo concipiet in utero, et pariet filium, et vocabitur nomen ejus Emmanuel, quod est interpretatum, Nobiscum Deus (*Isa. vii, 14*), » qui antequam sciret vocare patrem aut matrem suam, butyrum et mel manducavit (94), id est, Spiritu sancto repletus est, cujus doctrina nobis dulcior super mel et favum est: qui spolia Samariæ a magis accipiens, homo, rex, et Deus comprobatus est. De hoc etiam mirabili signo sanctus Simeon ad Mariam Virginem dicit: « Ecce hic positus est in ruinam et in resurrectionem multorum in Israel, et in signum cui contradicetur (*Luc. ii, 34*). » De quo signo et beatus apostolus Paulus ait: « Judæi signa petunt, et Græci sapientiam quærunt (*I Cor. i, 22*). » Pro imagine ergo sua Christus, quam in primo condiderat homine, quam viderat in homine diaboli arte fucatam, venit in similitudinem (95) peccati (*Rom. viii, 3*), ut hominem per passionem (96) crucis et mortem ad pristinam revocaret imaginem: quæ imago per incuriam quidem obscurari potest, deleri autem per naturam non potest. De hac imagine ait Propheta:

« Quinquam in imaginē Dei perambulet homo, tamen vane conturbabitur (*Psal. xxxviii, 7*). » Nullus ergo est qui non aliquam imaginem habeat, id est, aut sanctitatis aut peccati. **333** In imaginem Dei ambulamus, quando cogitationes bonæ, quæ nobis a Deo insitæ sunt, in nobis permanent, et ad opera nos bona perducunt. Memoria ergo Dei excludit (97) a corde nostro cuncta flagitia atque peccata quæ diabolus nititur in corde nostro seminare atque depingere. Unde dicitur a Propheta: « Domine, in civitate tua imagines eorum ad nihilum rediges (*Psal. lxxii, 20*). » Nihil ergo prodest legisse vel audisse, nisi ea quæ aut legeris aut audieris bona, in memoriæ thesauro reposueris. Sicut ergo tria sunt in homine, id est, corpus, anima, et spiritus; sic tria sunt eminentiora, quæ nos aut ad bona aut ad mala perducunt, hoc est, aut cogitatio, aut locutio, aut operatio. Quæ tria breviter Spiritus sanctus in primo psalmo comprehendit, dicens: « Beatus vir qui non abiit in consilio impiorum, et in via peccatorum non stetit, et in cathedra pestilentiæ non sedit (*Psal. i, 1*). » Isti sunt terni stratores (98) diaboli, qui miseræ insidiantur animæ; ut aut in dicto, aut in facto, aut in cogitatu eam incitent ad peccatum. Spiritu ergo, anima, et corpore aut bene agimus, aut male; aut casti sumus, aut fornicamur; et ideo sicut avari atque raptores servi sunt mammonæ; et sicut gluttones et ebriosi servi sunt ventris atque libidinis; sic omne peccatum dominatur hominibus, probante hoc propheta ac dicente: « Erunt quinque civitates in terra Ægypti, loquentes lingua Chanaan (*Isa. xix, 18*), » hoc est, quinque sensus carnales, qui miseræ animæ tenebris Ægypti oppressæ loquuntur; Ægyptus enim persequens sive tribulans atque coarctans interpretatur. Nisi ergo aquilonem frigidissimum ventum calore fidei, Christo nos juvante, qui bona et docet et delectatur (99), vicerimus; statim nobis calorem concupiscentiæ atque libidinis suscitabit. Attenuetur ergo jejuniis caro, et circumcidatur omni concupiscentiæ cultro (1), nec regnet peccatum in nostro mortali corpore (*Rom. vi, 12*); ut effugere consortia mundi et opprobria diaboli possimus. Jejunium ergo, contritio atque humiliatio animæ est: afflictio autem corporis.

CAPUT XVII. — Hæc de imagine Dei, ad quam factus est homo, dicta sufficiant. Nunc autem ad ordinem revertamur. Ex matre ergo virgine natus est inter homines, sine homine patre; quia patrem Deum habebat in cælis, quem negare non vene-

(92) Vat. cod., *unitatis exemplum*.

(93) Idem cod., *in fide dogmatis nostri*.

(94) Rom. edit., *Emmanuel: qui antequam sciat vocare patrem aut matrem accipiet fortitudinem Damasci; et butyrum et mel manducabit*.

(95) Eadem Rom. edit., *carnis peccati*.

(96) Eadem Rom. edit., *per lignum pravariationis morte damnatum, per passionem, etc.*

(97) Rom. edit., *Imago namque Dei excludit, etc.*

(98) Eadem Rom. edit., *sternistratores*, emenda e vat. cod. *terni stratores*. Est autem *strator*, is qui principis equum insternit, et consensuro admovet. Nihil autem incommodius Reg. cod. *terni stratores*; iidem siquidem *stratores* dicuntur, qui et lictores apparitoresque, a quibus scilicet quispiam sistitur apud iudices.

(99) Eadem Rom. edit., *melioribus delectatur*.

(1) Eadem Rom. edit., *spirituali circumcidatur omnis concupiscentia cultro*.

rat, ut ex alio nasceretur. Propter sententiam ergo Evæ virginis, quam post peccatum excepit (*Gen. iii, 16*), quæ cum immortalis esset, post transgressionem effecta mortalis est, ipse per virginem venit: et sicut per virginem mors dominata est; ita per Mariam Virginem venit ille, qui mortem vinceret. Occasio mortis ingressa per lignum est, sed morte Domini per lignum exclusa est: mulier de latere viri dormientis producta est (*Gen. ii, 22*); similiter autem et Ecclesia de latere Christi in cruce per passionem et soporem mortis formata est. Ex latere viri formata est femina; et ideo in latere percutitur Dominus, ut pro muliere vir patiat, ex cujus latere formata est, quæ eum suasit (2). Sed videamus, quia locus expetit, jam quid hæreticis respondendum sit, qui animam Adæ aut portionem Dei esse volunt, aut ante eum factam, quam ejus corpus de terra fingeretur: quod prorsus alienum a fide catholica, et extraneum est. Scriptum namque est quia « plasmavit Deus hominem de limo terræ (3) (*Gen. ii, 7*), » et « post plasmationem insufflavit in eo spiritum vitæ; et factus est homo in animam viventem (*Ibid. et Sap. xv, 11*). » Quod ita esse Evæ mulieris non edocet exemplum, quæ cum de costa Adæ in mulierem formata esset, postea animam a Deo accepit; quæ creationis forma usque ad finem mundi in nobis servatur, sicut Isaias propheta testatur dicens: « Qui format spiritum hominis in eo (*Isa. xliv, 2*); » et David (4): « Qui finxit sigillatum corda eorum (*Psal. xxxvii, 15*). » Ergo secundum tam evidens (5) exemplum, nec prior est anima corpore, nec antea condita, nec ex Dei substantia, nec in corporeis atque irrationabilibus creaturis, ut hæretici volunt, multo ante jam tempore nescio ubi fuisse conversata, quod unde probent, non habent.

334 CAPUT XVIII. — Quotidie ergo Deus majestatis in plasmatis jam corporibus animas facit, et immittit, sicut Moyses legislator de mulieribus prægnantibus testatur; quæ formatum, aut necdum formatum infantem habent (6) (*Exod. xxi, 23 et 24*). Quod ita esse comprobatur Dominus dicens: « Pater meus usque modo operatur, et ego operor (7) (*Joan. v, 17*). » Sicut ergo impium est animam hominis de substantia Dei, vel animam ex anima dici: ita impium est dicere quod ante plasmationem corporis facta sit; cum ipse Adam proclamet, dicens: « Hoc nunc os ex ossibus meis, et caro de carne mea (*Gen. ii, 23*). » Aliud ergo est Deus, aliud anima ho-

minis; quia ab eo, non de eo facta est. Deus enim invisibilis est, incorruptibilis, impenetrabilis, incoquinabilis (8), qui nulla ex parte corrumpi potest, et cui nulla ex parte noceri potest: anima autem hominis, quæ Deus non est, peccati capax est, et in arumna versatur, et in falsitatem ducitur, tentatur, cæcatur, conturbatur, corrumpitur (9), captivatur; et ideo virtute indiget liberatoris. Hæc ergo mutatio animæ, hæc varietas ostendit mihi manifeste quod anima hominis nec Deus, nec de ejus substantia sit; nam si anima hominis substantia Dei est, secundum illos qui hoc dicunt, contristatur substantia Dei, decipitur substantia Dei, cæcatur substantia Dei, corrumpitur (10) substantia Dei, captivatur substantia Dei; et modo judicatur, et in die judicii carne suscepta cum diabolo in æterno igne dannabitur (11): quod quam sit impium, qui sanum sapit, intelligit. Clamat ipse Dominus apostolos suos confortans, ac dicit: « Nolite timere eos qui occidunt corpus, animam autem non possunt occidere; sed eum timete qui potest et animam et corpus perdere in gehennam (*Matth. x, 28*). » Numquid secundum istos vesanos, ut jam dictum est, portionem aut naturam suam Deus judicabit? Absit. Et ideo in ipsis corporibus, quibus nati sumus, et ex quibus animæ nostræ egressæ mortui sumus, in ipsis post resurrectionem animæ nostræ, Deo jubente, introeunt; et resurgunt, si bona fecerunt (12), in resurrectionem vitæ ad gloriam regni cælorum percipiendam: si autem male egerunt, in resurrectionem judicii et opprobrium et confusionem sempiternam. Quod ita futurum comprobatur beatus Apostolus, dicens: « Omnes nos manifestari oportet ante tribunal Christi, ut recipiat unusquisque propria corporis sui, prout gessit, sive bonum, sive malum (*II Cor. v, 10*). Tunc enim, secundum vaticinium Isaiæ prophetæ (*Isa. xxiv, 2*), nulla erit diversitas inter nobilem et ignobilem, sacerdotem et laicum (13), servum et dominum, ancillam et dominam ejus, divitem et pauperem, feneratorum (14) et eum qui ære premitur alieno, inter ementem et vendentem (*Ita Hieron. in eumd. loc. Isa.*). Omnes ergo ex æquo stabunt ante tribunal Christi, nec erit personarum acceptio apud Deum. Quod et sanctus Job iisdem propemodum verbis annuntiat dicens: « Parvus et magnus ibi sunt, et servus est liber a domino suo (*Job iii, 19*). » Et Salvator in Evangelio, cui omne iudicium propter

(2) Rom. edit., *suasit ad transgressionem.*

(3) Eadem Rom. edit., *pulverem accipiens de terra.*

(4) Eadem Rom. edit., *sicut sapiens impium redarguit; Quoniam ignoravit qui finxit se, et qui inspiravit illi animam quæ operatur, qui insufflavit spiritum vitalem. Et David, etc.*

(5) Eadem Rom. edit., *juxta testimonia veritatis tam evidentiâ.*

(6) Eadem Rom. edit., *Et infundit. Unde Moyses legislator damnat percipientes mulierem in ventre habentem, dicens: Si autem fuerit figuratum, dabit animam pro anima, oculum pro oculo.*

(7) Eadem Rom. edit., *operor. Non semel ergo inspiravit in faciem hominis spiraculum vitæ, sed quotidie inspirat.*

(8) Eadem Rom. edit., *impeccabilis est et infallibilis, impassibilis et incoquinabilis.*

(9) Eadem Rom. edit., *de est, corrumpitur.*

(10) Eadem Rom. edit., *patitur substantia Dei.*

(11) Eadem Rom. edit., *poterit damnari.*

(12) Eadem Rom. edit., *Et quibus animæ nostræ, Deo jubente, intrant, resurgent, si bona, etc.*

(13) Eadem Rom. edit., *sacerdotem et populum.*

(14) Eadem Rom. edit., *feneratorum et fenus accipientem.*

gioriosam passionem hominis suscepti traditum est. A pleno sermone testatur, dicens : « Cum enim venerit Filius hominis cum angelis sanctis in majestate Patris sui, tunc reddet unicuique secundum opera ejus (*Matth. xvi, 27*). » Hæc omnia ergo futura sunt ; quia quod futurum est, per prophetas Dominus est locutus, qui dicit : « Ego visiones multiplicavi, et in manu prophetarum assimilatus sum (*Osee xii, 10*). »

CAPUT XIX. — Ad quod incarnationis secretum supra scriptus propheta (15) miratur ac dicit : « O custos quid de nocte ? quid de nocte, custos (*Isa. xxxi, 11*) ? Secretum meum mihi, secretum meum mihi. Væ mihi (*Isa. xxiv, 16*). Cum, inquit propheta, hæc audissem (16) ; quod videlicet Deus majestatis carnem esset induturus et vaticinium in eum explendum esse prospicerem : locutus sum mihi interno cordis affectu ; quia non possum cuncta narrare quæ cerno ; hæret lingua faucibus meis, vox dolore ac pavore concluditur ; quod tanta mysteria ante oculos versantur meos. Video enim præsentia, quæ futura sunt ; intelligo quod custos Samaritanus ille est ejus, qui (17) de Jerusalem descendens in Jericho, incidit in latrones (*Luc. x, 30-35*). Iste est custos 335 cui beatus Job dixit : « O custos hominum, quare posuisti me contrarium tibi, et factus sum mihimetipsi gravis ? Cur non tollis peccatum meum (18), et quare non auferis iniquitatem meam (*Job vii, 20, 21*) ? » Iste est custos qui dicit : « Super custodiam meam ego sum jugiter, tot diebus et noctibus stans (19) (*Isa. xxi, 8*) ; » et de quo Propheta dicit : « Ecce non dormitabit neque obdormiet qui custodit Israel (*Psal. cxx, 4*). » Propter hæc ergo vocabula, prophetæ, et quia commutantur sapius personæ in eis plurimæ ac parabolæ, obseuri sunt. Sed nunc jam ad ordinem revertamur.

CAPUT XX. — Solent igitur nobis hæretici, qui carnis negant resurrectionem, illud beati Apostoli testimonium opponere, quo dicit : « Caro et sanguis regnum Dei non possidebunt (*I Cor. xv, 50*), » reticentes illud callide, quod sequitur. Cum enim dixisset : « Caro et sanguis regnum Dei non possidebunt, » sequitur ac dicit : « Nec corruptio incorruptelam possidebit (*Ibid.*). » Hæc ergo dicta sunt, non quo dispereat natura corporum sanctorum nostrorum, sed quo corruptivum hoc induat incorruptionem, sicut idem comprobatur Apostolus dicens : « Sic et resurrectio mortuorum ; seminatur in corruptione, surget in incorruptione : seminatur in ignobilitate, surget in gloria : seminatur in infirmitate, surget in virtute : seminatur corpus ani-

(15) Eadem Rom. edit., *sacramentum se vergens alter propheta.*

(16) Eadem Rom. edit., *quasi diceret ; cum propheta hæc audirem, quod videlicet, etc.*

(17) Eadem Rom. edit., *ille est, qui hominis illius curam egit, qui, etc.*

(18) Rom. edit., *contrarium tuum ? sum autem in te onus ? Et cur non fecisti iniquitatis mee oblivio-*

male, surget corpus spirituale (*Ibid. 42-44*). » Isti sunt enim quatuor ordines resurrectionis, qui in virga illa sacerdotali, quæ in tabernaculo Domini floruit, præfigurabatur (*Num. xvii, 8*). Sic ergo accipiendum est : « Caro et sanguis regnum Dei non possidebunt, » quomodo illud, quod comminatur Deus populo peccatori, dicens : « Ponam cælum, quod super vos est, æneum ; et terram, quam calcatis, ferream (*Levit. xxvi, 19*), » non quod elementorum natura mutetur, sed quod per æs et ferrum pœnarum magnitudo monstretur. Veram ergo resurrectionem futuram in semetipso nobis Dominus Christus manifestavit, qui post tertiæ diei resurrectionem typos clavorum et lanceæ vulnus discipulis dubitantibus demonstravit (*Luc. xxiv, 40*).

B CAPUT XXI. — Non ergo contemnimus carnem nostram male et luxuriose vivendo, in qua Dominus Christus et natus et passus est, et resurrexit ; non despiciamus lutum carnis nostræ, quod in Domini Christi deitatem, quæ ignis est, excoctum in testam purissimam regnat in cælis. Quærendum sane est cur Apostolus dixerit : « Etenim Deus noster ignis consumens est (*Hebr. xii, 29*) ; » Deus enim noster, qui ignis vivus, divinus et æternus est, non istas materias corporales, sed conscientias peccatorum consumit, et in sui charitate corda nostra succendit. Et ideo angeli, qui pleni sunt charitate, et ipsi ignis appellantur (*Psal. ciii, 4*). Sed et sancti quique, qui illo igne accensi sunt, de quo Dominus ait : « Ignem veni mittere in terram, et quam volo ut accendatur (20) (*Luc. xii, 49*) ! » et iterum : « Sint lumbi vestri præcincti, et lucernæ ardentes in manibus vestris (*Ibid. 35*). » De quo et Apostolus ait : « Spiritu ferventes, Domino servientes (*Rom. xii, 11*). » Ergo divinus sermo ignitus est et fervens. Quod ipse Dominus comprobatur dicens ad Jeremiam prophetam : « Ecce dedi verba mea in ore tuo sicut ignem (*Jerem. v, 14*) ; » quem ignem intra se ipse propheta exæstuantem declarat dicens : « Factumque est in corde meo quasi ignis exæstuanus (21) (*Ibid. xx, 9*). » Quod ergo dictum est : « Deus noster ignis consumens est, » ita dictum est, non quo Deus qui spiritus est, ignis sit ; sed quo justos illuminet, sustinentibus vero pœnam ignis esse videatur. Hæc de eo quod dictum est : « Deus noster ignis consumens est. » Nunc ad ordinem revertamur.

CAPUT XXII. — Quomodo ergo resurrectio carnis negatur, cum multo ante per prophetam ex persona sua Dominus Christus dixerit : « Caro mea requiescit in spe (*Psal. xv, 9*) ; » et in alio loco : « Caro ejus non videbit corruptionem (*Isa. liii, 9*) ; » et iterum :

nem, et purificationem peccati mei ?

(19) Eadem Rom. edit., *steti per totum diem, et super castra steti tota nocte.*

(20) Eadem Rom. edit., *et quid volo nisi ut accendatur.*

(21) Eadem Rom. edit., *factum est, inquit, quasi ignis ardens, comburens in ossibus meis.*

« Sepultura ejus sublata est (22) (*Ibid.* 10); » et iterum : « Et videbit omnis caro salutare Dei (*Isa.* xl, 5), » et iterum : « Veniet omnis caro, quæ adoratura est in conspectu Domini (23) (*Isa.* xlix, 23), » id est, aut in Jerusalem cœlesti, aut in omni loco ubi corruerit, aut sepulta fuerit, secundum illud Apostoli : « Volo viros orare in omni loco, levantes manus mundas; » si enim sol, qui creatura est, cui præcipitur ut oriatur, in omni orbe terrarum videtur, ac radios suos extendit; quanto magis creator et omnipotens Deus in 336 omni credendus est consistere loco (24)? Cui Propheta dicit : « Quo ibo a facie tua? Si descendero in infernum, ades (*Psal.* cxxxviii, 7 et 8), » et cætera. Si ergo omnis caro adoratura est Dominum, et e contrario cadavera virorum qui prævaricati sunt in Deum, B æternis tradentur ardoribus; in utramque partem vera carnis erit resurrectio. Et ideo nec ad dexteram, nec ad sinistram ab hac sancta et catholica fide declinandum nobis est, id est ut nec judaicum nec hæreticum errorem sequamur; quorum alii, qui carnales sunt, solas diligunt carnes; alii ingrati beneficiorum Dei habere detrectant, quod Dominus Jesus Christus et natus habuit, et resurgens possidet in æternum. Hæc est enim vera resurrectio, quæ sic gloriam carni tribuit, ut non auferat veritatem, sicut jam dictum est, dicit Apostolus : « Corruptibile hoc induet incorruptionem, et mortale hoc induet immortalitatem (*I Cor.* xv, 53); » et iterum : « Nolumus igitur spoliari, » subaudi carne; « sed superindui cupientes gloriam quæ de C cœlo est (25); » et iterum : « Ut vestiti et non nudi inveniamur (*II Cor.* v, 2), ut devoretur quod mortale est, a vita (*Ibid.* 3, 4). » Nemo ergo superinduitur, nisi qui ante vestitus est; sicut et Dominus noster, qui in monte transfiguratus est in gloriam, tunc quando Moysen et Eliam ad testimonium exhibuit suum (*Matth.* xvii, 3); cujus non solum vestimenta, sed et facies fulgebat ut sol; ubi autem facies nominatur, æstimo quod et cætera membra respecta sint.

CAPUT XXIII. — Ad hanc igitur clarificationem, justi omnes in resurrectione transformabuntur, probante hoc Joanne evangelista ac dicente : « Charissimi, filii Dei sumus, et nondum apparuit quid erimus. Scimus quia cum apparuerit, similes ei D erimus (*I Joan.* iii, 2). » Et justus dicit : « Ego autem cum justitia apparebo in conspectu tuo; satia-

(22) Eadem Rom. edit., *Erit in pace sepultura ejus, ablata est de medio.*

(23) Eadem Rom. edit., *ut adoret in conspectu meo in Jerusalem, hoc est in cælo.*

(24) Eadem Rom. edit., *omnem credendum est penetrare et implere locum.*

(25) Eadem Rom. edit., *quæ de Deo est.*

(26) Eadem Rom. edit., *Scio quod æternus est, qui solvere me debet, super terram suscitare pellem meam, quæ tolerat hæc. A Domino enim hæc mihi confecta sunt; quæ ego conscius sum, quæ oculus meus vidit, et non alius, omnia autem mihi consummata sunt in sinu meo.*

bor, dum manifestabitur mihi gloria tua (*Psal.* xv, 15). » Resurgent ergo corpora nostra in æternum aut ad gloriam aut pœnam mansura (*Dan.* xii, 2). Cujus testes sunt Elias et Henoch, qui per tot series annorum ita usque ad secundum adventum Domini Christi permanent. Quod ita esse comprobat beatus Job dicens : « Scio quia Redemptor meus vivit, et in novissimo die de terra surrecturus sum; et rursus circumdabor pelle mea, et in carne mea videbo Deum. Reposita est hæc spes mea in sinu (26) meo (*Job* xix, 25 et 27). » Erubescant ergo hæretici, qui aerium aut phantasticum corpus aut Domini fuisse, aut metempsychosin mentiuntur.

CAPUT XXIV. — Satis re vera impium est et injustum, ut Job, qui oculis suis vulnera conspexit sua, et putredines ac vermes corporis sui manibus palpavit suis (*Job* vii, 5), in aliam dicatur aut carnem aut animam resurgere. Quod ergo de beato Job diximus, hoc de Petro, hoc de Paulo, et de omnibus sanctis qui diversis pro Deo tormentis animas posuerunt. Quæritur sane illusorie a nobis ab hæreticis, utrum in resurrectione diversitas sexus sit, id est et feminæ cum viris resurgant (27), ignorantæ cæci (28) sententiam Domini dicentis : « Regina Austri surget in judicio cum viris generationis hujus, et condemnabit eos (*Luc.* xi, 31). » Ubi ergo vera caro, ibi diversitas sexus est; et ubi diversitas sexus, ibi Joannes Joannes est (29), et Maria Maria est. Vera ergo carnis resurrectio sine operibus carnis erit; quia sicut Veritas ait : « Neque nubent, neque uxores accipient, sed erunt sicut angeli in cœlo (*Matth.* xxii, 30). » Similitudo ergo nobis angelica promittitur, non substantia carnis negatur; quando enim dicitur : « Neque nubent, neque nubentur; » de his dicitur qui possunt nubere, et tamen non nubent. Si enim hic in ista vita quæ tentatio est (30) super terram, multi propter regnum cœlorum semetipsos castrantes, non nubunt; et non solum viri, sed etiam feminæ, hoc, Christo juvante, faciunt : quanto magis hoc in illa beata vita non dicamus fieri, sed (31) nec cogitare licebit! Catholicum ergo et rectum est utrumque sexum in carnis resurrectione sine sexus operibus confiteri : cum, ut jam dictum est, adhuc in hac vita positi nitamur cum Dei adjutorio opera carnis, quæ contra spiritum concupiscit, non implere; probante hoc Apostolo ac dicente : « Vos in carne non estis, sed in spiritu (*Rom.* viii, 9); » negando

(27) Eadem Rom. edit., *an feminæ a viris distincte resurgant.*

(28) Eadem Rom. edit., *Ignorant perditæ, non vident cæci.*

(29) Eadem Rom. edit., *Ergo ibi erit diversitas sexus. Nec mirum, quia ubi vera caro, ibi distinctio membrorum et personarum. Ubi vero talis distinctio, ibi procul dubio Joannes.*

(30) Eadem Rom. edit., *miserabili vita, quæ piraterium est.*

(31) Eadem Rom. edit., *quanto minus talia hæc in illa beata vita nedum fieri, sed, etc.*

enim (32) eos in carne, quos in carne esse constat, non carnis substantiam, sed 337 peccata, id est opera carnis, in eis damnavit: et iterum: « Ut absorbeatur quod mortale est, a vita (II Cor. v, 4) » quia, licet exterior homo noster corrumpitur sed renovatur interior (33); quod tamen non solum in regno cœlorum, et baptismo, sed etiam in pœnitentibus quotidie fieri noverimus, in quibus carnis interitus ad profectum cedit spiritualement. Cui ergo nec opera carnis erunt, nec augmenta membrorum, nec capillus crescit aut unguis: quia omnes in virum perfectum (Ephes. iv, 13), qui Christus est, resurgemus (34). Si enim Patribus in eremo quadraginta annis non capilli, non ungues creverunt, aut vestimenta aut calceamenta attrita sunt (Deut. xxix, 5); hoc in regno cœlorum, ubi aufugiet dolor, et gemitus, et tristitia, quæri quam impium sit, sapiens lector intelligit (35).

CAPUT XXV. — Sed contra hanc tam veram, tam firmam doctrinam, et tam clara documenta et omni virtute subnixam, solent nobis hæretici illud Apostoli opponere (Tertull. de Resurr. cor. 52), quod ait: « Non omnis caro eadem caro, sed alia caro hominis, alia pecoris, alia volucrum, et cætera (I Cor. xv, 39-42); » non intelligentes miseri beatum Apostolum corporis hoc honore, non generis differentia (36) dixisse. « Alia (est ergo) caro hominis, » id est, servi Dei, « alia pecoris, » id est, ethnici, et peccatoris, atque hæretici, qui « cum in honore esset, » sanguine Christi redemptus atque honoratus, « non intellexit, sed comparatus est jumentis insipientibus, et similis factus est illis (Psal. xlviii, 13). » — « Alia volucrum, » id est, martyrum, qui ad cœlestia pennis Spiritus sancti subvecti conscendunt. « Alia piscium, » id est, qui post Salvatoris baptismi aquam assumuntur (37). « Alia gloria solis, » id est Christi: « alia gloria lunæ, » id est Ecclesiæ: « et alia gloria stellarum, » id est, seminis Abrahamæ, et eorum qui se per fidem, et opera bona filios ejus ostendunt (38): « stella enim ab stella differt in gloria, » id est, apostoli et prophetæ illi, qui cupierunt (39) videre et audire Christum; isti autem qui viderunt et audierunt eum, et corpora cœlestia, et corpora terrestria, id est, Christianorum et Judæorum (40). Postremo autem, ut omnium resurrectionem ostenderet, sic

(32) Eadem Rom. edit., *Et iterum: Ergo, fratres, debitores sumus non carni, ut secundum carnem vivamus; negando enim, etc.*

(33) Eadem Rom. edit., *interior tamen de die in diem renovatur.*

(34) Eadem Rom. edit., *et in mensuram plenitudinis ejus resurgemus.*

(35) Eadem Rom. edit., *hujusmodi quærentur? Hoc quam impium sit, fidelis quisque intelligit.*

(36) Eadem Rom. edit., *quæ ibi sequuntur, non intelligentes homines perditum beatum Apostolum de corporis humani dignitate in resurrectione, non de carnis differentia, etc.*

(37) Eadem Rom. edit., *qui per salutaris baptismi aquam ad cœlestem vitam assumuntur.*

(38) Eadem Rom. edit., *in filios ejus cooptantur.*

A conclusit sententiam suam, dicens: « Sic et resurrectio mortuorum. » Quod ut ita possit intelligi, nostræ conditionis quæ (41) in hoc seculo sit, ponamus exempla. Infans enim cum in puerum creverit, puer vero in juvenem, juvenis autem in virum, et vir in senem, nequaquam per singulas ætates perit, sed semper idem est, qui fuit. Paulatim ergo hic ætas, non (42) autem natura perit. In illa autem Jerusalem cœlesti, ubi sol iste ac luna septuplum lucebunt, diversitates non erunt ætatum; ibi enim nec infans, nec senex, nec parvus erit, qui non impleat dies suos, utpote filius resurrectionis, et in mensuram perveniat ætatis plenitudinis Christi, ut nec desint alieni annorum spatia, nec supersint. In illo ergo tempore, cum ætas fuerit una cunctorum, et B sanctus et peccator erunt simili resurrectione perfecti, nec inter se variabunt tempore (43); sed alius ad præmia æterna, et in centuplum bona recipienda, alius ad supplicia pertrahitur æterna. Cum ergo in genere humano aliter et aliter nascantur homines, in carnis resurrectione una omnibus et similiserit resurrectio (44): aliter enim Adam (Gen. ii, 7), aliter Eva (Ibid. 22), aliter Cain et Abel (Gen. iv, 1, 2), et omnes homines nati sunt atque nascuntur; aliter autem homo Christus Jesus, qui est mediator Dei et hominum (I Tim. ii, 5), natus est. Licet ergo diversis exordiis homo nascatur, una tamen hominis natura non differt resurrectione carnis omniumque membrorum: quæ omnia membra una Domini sententia declarantur (45) cum de illo homine loqueretur, qui non habuit vestem (46) nuptialem (Matth. xxii, 11), nec servavit illud mandatum: *Omni tempore munda sint vestimenta tua (Eccle. ix, 8);* quem manibus pedibusque constringi jussit et auferri, ne recumberet in convivio, ne sederet in solio, ne staret ad dexteram Dei: sed mitti in gehennam ignis, ubi est fletus oculorum, et stridor dentium (Conf. Tertull. l. De resurr. carn., cap. 35).

CAPUT XXVI. — Porro de capillis nostris dubitare satis impium est, quos 338 Dominus dinumeratos esse significat (Matth. x, 30). Frustra ergo numerati, sunt si aliquando perituri sunt; sed non perent, quia in similitudinem Domini Christi cum omnibus membris resurrecturi sumus. Si enim in D istum ignem temporalem, qui omne quod accipit,

(39) Eadem Rom. edit., *in claritate, ut apostoli a prophetis. Isti quia cupierunt, etc.*

(40) Eadem Rom. edit., *sunt denique, inquit, et corpora cœlestia, id est Christianorum, et terrestria, Judæorum.*

(41) Eadem Rom. edit., *ut facilius possit intelligi, nostræ transmutationis. quæ, etc.*

(42) Eadem Rom. edit., *ætas enim in his transmutationibus variatur, non, etc.*

(43) Eadem Rom. edit., *ergo die.... nec inter se*

(44) Eadem Rom. edit., *naturæ resumptio.*

variabunt tempore, nec vitate.

(45) Eadem Rom. edit., *nam omnis caro, omniaque membra eadem unaque fore.*

(46) Eadem Rom. edit., *nuptialem, quæ una erai, etc.*

absomit, omnipotens Deus potentiam suam in tribus pueris ostendit, qui in camino ignis ardentis capillos eorum intactos reservavit (*Dan. iii, 50*); in resurrectione capillos nostros non resuscitabit? Resuscitabit plane sine aliquo augmento vel detrimento. Nulla ergo in resurrectione mortuorum varietas aut differentia erit (47), sicut nunc fragilis in nobis est carnis infirmitas, quæ sui oneris mole deprimitur, quæ fucatur, fœdatur (48), cæcatur, injuriatur, vulneratur, sanatur, moritur, corrumpitur, et in terram ac pulverem revocatur; et tamen post hæc omnia in die iudicii in simplicis gloria primi Adæ atque secundi reformabitur (49). Vera ergo in carne resurrectio mortuorum, atque diversitas sexus erit sine opere carnis et sanguinis: «Veniet, ait Dominus, hora, in qua omnes qui in monumentis sunt, audient vocem Filii Dei, et procedent (*Joan. v, 28, 29*).» Audient ergo auribus, et procedent pedibus, sicut Lazarus (*Joan. xi, 44*), et omnes quos Salvator suscitavit, ipsi ergo procedent de monumentis, qui in monumentis illati fuerant. Veniet ergo omnis caro non solum de terra, sed etiam de mari, et de fluminibus; ut videant salutare Dei (*Tertull. l. De resurr. earn., cap. 31*). Mandabit enim piscibus ac fluminibus maris (50), et bestiis terræ, et volatilibus cœli; et eructabunt ossa et carnes omnium mortuorum; ut resurgant, alii in vitam æternam, alii in opprobrium et confusionem sempiternam. Tunc videbunt justii impiorum pœnas atque cruciatus; quoniam «vermis eorum non morietur et ignis eorum non exstinguetur, et erunt in aspectu omni carni (*Isa. lxvi, 24*).» Quia ergo verissime hanc habemus spem, sicut exhibuimus membra nostra famulari immunditiæ, et iniquitati ad iniquitatem, ita exhibeamus ea famulari justitiæ in sanctificationem vitæ (*Rom. vi, 29*): ut resurgentes a mortuis, in novitate vitæ ambulemus (51), ut vita nominis Jesu manifestetur in carne nostra mortali propter Spiritum ejus habitantem in nobis (*II Cor. iv, 10*; *Rom. viii, 11*). Justum ergo est, et vere justum, ut qui semper mortificationem Christi in corpore nostro circumtulimus, vita quoque ejus in corpore nostro manifestetur (*II Cor. iv, 12*). «Spoliantes (ergo) nos, sicut dicit Apostolus, veterem hominem cum actibus suis (*Coloss. iii, 9*), erroris tunicam ac peccati (52) non requiramus; ut novam, qui Christus est, induamus (53) (*Ephes. iv, 24*), imitantes sponsam ejus dicentem nocte: «Exui

A me tunicam meam, quomodo induar illam? La i pedes meos, quomodo inquinabo illos (*Cant. v, 3*)?»

CAPUT XXVII. — Hanc ergo majestatis ac potentiaæ artem (54), id est, resurrectionem figulus ille facit, qui per Jeremiam prophetam ad populum loquitur peccatorem, dicens: «Numquid sicut figulus iste, non potero vos reformare ac redintegrare, domus Israel (55) (*Jerem. xviii, 6*)?» Qui etiam hanc mirabilem majestatis suæ operam in manu Moysi ostendit, quam in candore mutatam deinceps colori (56) pristino restituit (*Exod. iv, 6 et 7*). Sed et ipsum resurrectionis vocabulum aperte significat, non aliud mori, et aliud resuscitari. Quod ergo in homine moritur, hoc et vivificatur. Ita ergo secundum resurrectionem mortuorum nec cum errat, ignorat (57). Vulneratus denique ille teneris Hierichuntinus totus refertur ad stabulum, et delictorum plagæ per miserentis gratiam immortalitate sanantur (*Luc. x, 30-35*). Prophetia ergo, quæ pendebat (58) vere in Domini Christi carne completa est, quam Spiritus sanctus nos cupiens edocere locutus est; ait enim: «Quæ est ista quæ ascendit dealbata, innitens supra fratrualem suam, et deliciis affluens (*Cant. viii, 5*)?» Et iterum: «Fratruelis meus candidus et rubicundus (*Cant. v, 10*).» Rubicundus igitur ex incarnatione, candidus autem ex divinitate. Quod ita esse comprobatur beatus Joannes Evangelista, cum dicit quia equus super quem sedebat Dominus, rubeus erat (*Apoc. vi, 4*), corpus scilicet sanctum, quod ex sancta Virgine assumpsit. Cui in 339 cœlis ascendenti dicitur: «Quis est iste qui venit de Edom tinctis vestibibus de Cosra; et: Quare rubrum est vestimentum tuum et indumenta tua quasi calcantium in torculari (59) (*Isa. lxiii, 1, 2*)?» et est sensus: Quis est iste qui ascendit e terra, cujus vestimenta sanguine sunt aspersa? Illud autem quod in Zacharia propheta dicitur, quia sequebantur eum equi variorum colorum (*Zach. i, 8*), id est, qui vel in martyrio rubri, vel sturnini in volatu, id est varii in virtutibus, vel candidi in virginitate monstrantur. Quod autem equus iste rufus, albus denuo a sancto Joanne describitur (*Apoc. xix, 11*), divinitas, immortalitas (60) et incorruptio ejus ostenditur. Et ideo omnes, qui eum sequuntur, candidis non solum utuntur vestibibus, sed etiam equis sedent (*Ibid. 14*), incorruptis videlicet et immortalibus corporibus. Et ideo hunc omnes sancti,

(47) Rom. edit., aut deperditio erit.

(48) Reg. cod., quæ fugatur, sedatur.

(49) Rom. edit., sed in die iudicii in simplici natura primi Adæ, atque in secundi gloria reformabitur.

(50) Eadem Rom. edit., piscibus maris et fluminum.

(51) Eadem Rom. edit., ut, et in novitate vitæ ambulantes, vita... in nobis, et resurgentes a mortuis, in ejus imaginem a claritate in claritatem transformemur.

(52) Eadem Rom. edit., peccati pallium.

(53) Eadem Rom. edit., induamus hominem.

(54) Eadem Rom. edit., Hoc ergo... opificium.

(55) Eadem Rom. edit., facere vos, domus Israel, dicit Dominus.

(56) Eadem Rom. edit., potentiam... quandoquidem in lepræ candorem confestim illam mutavit: mox colori, etc.

(57) Eadem Rom. edit., id quod erat, resurgit.

(58) Eadem Rom. edit., Hierichuntinus ille continno fertur ad stabulum... per Samaritani illius gratiam miserentis... suspensa pendebat.

(59) Eadem Rom. edit., fulvor vestium de Bosra? et: Quare tua rubra vestimenta, et indumenta tua quasi calcanti torcularis?

(60) Eadem Rom. edit., divinitatis immortalitas.

ipso juvante, imitantur ; quia vestimenta sua non A coinquinant, ac virgines, gratia ipsius donante, permanent. Et ideo in albis vestibus, ut dictum est, erunt sequentes agnum (61) qui tulit peccatum mundi.

CAPUT XXVIII. — Totum ergo hominem, sicut dictum est, Filius Dei suscepit ex Virgine, totum integrum resuscitabit, id est, animam et corpus, adimplens sententiam suam, quia ait : « Omne quod dedit mihi Pater, non perdam ex eo quidquam ; sed ego resuscitabo illud in novissimo die (Joan. vi, 39) : » quod dictum tam de se quam de membris suis Dominum Christum dixisse intelligimus, qui suo et membrorum suorum ore in omnibus sanctis loquitur libris. Clamat ergo ad Deum et caput in corpore, et corpus in capite, hoc est, et Ecclesia in Christo, et Christus in Ecclesia ; quia in nullo membra a capite, neque caput separatur a membris. Tunc ergo videbunt eum adversarii ejus, qui eum compunxerunt, et clamaverunt : « Tolle, tolle, crucifige eum (Joan. xix, 15). » Tunc angelorum vaticinium comprobabitur, qui stupentibus apostolis dixerunt : « Viri Galilæi, quid statis aspicientes in cælum ? Sic veniet, quemadmodum vidistis eum euntem in cælum (Act. i, 11). » Et sane hoc quærendum est utrum post resurrectionem comessuri sumus (Tertull. *De resurr. carn.*, cap. 60), ac bibituri in regno cælorum, sicut et Dominus post resurrectionem, ut verum corpus ostenderet, comedit ac bibit, sicut Lazarus (Joan. xi, 44), et cæteri quos suscitavit. Comedit ergo Dominus, ut veritatem corporis ostenderet (Luc. xxiv, 43), et dubitantes apostolos confirmaret, qui eum spiritum ac phantasma putabant : comedit favum, ut prophetiam impleret, quæ ex persona ejus loquitur dicens : « Comedi favum (62) cum melle meo ; comedite, amici, et inebriamini, vicini (Cant, v, 1). » Ob hanc ergo prophetiam, et verum corpus manifestandum post resurrectionem comedit Dominus ac bibit, probante hoc beato Petro apostolo, ac dicente (63) : « Nobis autem manifestatus est, qui manducavimus ac bibimus cum eo, postquam resurrexit a mortuis (Act. x, 40, 41). » Nobis ergo post resurrectionem cibus Verbi, et visio Dei, et laudes ejus, et alleluia erunt, et illa « quæ nec oculus vidit, nec auris audivit, nec in cor hominis ascenderunt, quæ præparavit Deus diligentibus se (I Cor. ii, 9). » Non ergo post resurrectionem manducandum nobis ac bibendum est, nec incorrupta et immortalia corpora alimoniis sustentanda terrenis sunt : alioquin ubi cibi, sequuntur et morbi, et cætera quæ in hoc sæculo perpetimur.

(61) Eadem Rom. edit., *quocumque ierit.*

(62) Eadem Rom. edit., *panem meum.*

(63) Eadem Rom. edit., *Hunc suscitavit a mortuis,* etc.

(64) Eadem Rom. edit., *Cleopha et Amaon.*

(65) Eadem Rom. edit., *dubium erit quod transiverit.*

(66) Eadem Rom. edit., *et peccatores ejus inimicos*

CAPUT XXIX. — Sicut ergo veram carnem Dominus suscepit, et vere passus est, et vere resurrexit, et vere post resurrectionem manus et latus ostendit discipulis (Joan. xx, 27 ; Luc. xxiv, 40) ; ita et vere manducavit, vere pedibus ambulavit, et vera lingua cum omnibus apostolis et cum Cleopha (64) locutus est, et vero cubitu cum eis in cœna discubuit et veris manibus accepit panem et benedixit ac fregit et porrexit illis. Quod autem ex oculis eorum repente evanuit, divinæ virtutis fuit, non umbræ aut phantasmatis : alioquin et ante passionem cum tenuissent, et eduxissent eum de Nazareth, ut præcipitarent eum de supercilio montis (Luc. iv, 29) super quem civitas eorum posita erat ; transivit (65) per medium eorum, id est, lapsus est de manibus eorum. Aut numquid carnem non habuit, qui flagellum de fune fecit, et omnes inimicos ac persecutores suos de templo eliminavit (Joan. ii, 15) ? ubi omnis divinitatis (66) ejus potentia claruit. Illud autem quod post resurrectionem 340 ad discipulos clausis ingressus est januis (Joan. xx, 26), ejusdem virtutis fuit, cujus et ex oculis evanescere. Dicunt enim homines sæculi istius quod Apollonius magnus, cum ante Domitianum imperatorem in consistorio staret, repente non comparuisset (Philostr. *Lemn.* lib. viii, cap. 2 ; Lactant. *De instit.* l. v, c. 3). Hæc tamen nos diximus, non quo magnum dæmone repletum Domino Christo comparemus, sed ut hæreticorum insaniam confutaremus. Quod ergo mago licet, si tamen verum est, Domino non licet ? Lynceus, ut fabulæ ferunt, videbat trans parietem (Plin, l. viii, *Nat. Hist.* cap. 8) : Dominus clausis ostiis, nisi phantasma fuerit, intrare non poterat ? qui certe et ante resurrectionem pendulo super mare ambulavit incessu (Matth. xiv, 26), et hoc ipsum apostolo præbuit Petro, qui cum fide super aquas ambularet, infidelitate postea mergi cœpit (Ibid. 29, 30), nisi (67) eum citius dextera Domini continuisset (Hieron. *in Isa.* sub fin. ; item *in cap. xxiv, Matth.*). Aquilæ et vultures transmarina sentiunt cadavera : Salvator apostolos suos, nisi ostia aperuerit, non videbit ? ad postremum, dicas velim mihi quid majus sit, tantam terræ magnitudinem tribus appendere digitis (Isa. xl, 12), et super aquas incertas librari ; an Deum (68) per clausam creaturam transire ? Creatori quod majus est tribuis, et quod minus calumniaris (69). Petrus apostolus, ut jam dictum est, super aquas ambulavit et gravi et solido corpori mollis unda, nisi paululum dubitasset, non cesserat (Matth. xiv, 29, 30) : et tu Deum calumniaris, quare clausis ingressus sit ostiis ? Paululum ergo ad unum... ubi omnibus divinitatis, etc.

(67) Eadem Rom. edit., *fidei firmitate super aquas ambulare cœpit, ita eadem mox labente mergi cœpit, et mergi potuisset, nisi,* etc.

(68) Eadem Rom. edit., *pugillo appendere, et cælum palmo, et aquas manu et rupes statera metiri ; an Deum,* etc.

(69) Eadem Rom. edit., *inficiaris.*

fides Petri dubitavit et statim naturam suam corpus agnovit; ut nos sciremus super aquas non corpus ambulasse (70), sed fidem.

CAPUT XXX. — Noli ad iudicium tuam potentiam Domini magorum præstigiis aut æquare aut inferiorem facere; ut videatur fuisse quod non fuit, ut putetur comedisse sine dentibus, fregisse panem sine manibus, ambulasse sine pedibus, locutus fuisse sine lingua, aut capite, latus monstrasse sine corpore. Et quomodo inquit, non cognoscebant eum in itinere si ipsum habebat corpus quod ante habuit? Erras enim et multum erras, qui non audis Evangelistam dicentem: « Quia oculi eorum tenebantur, ne eum agnoscerent (Luc. xxiv, 16); » et paulo post: « Aperti sunt, inquit, oculi eorum, et cognoverunt eum (Ibid. 31). » Numquid in tantum desipies, ut eum alium fuisse dicas, quando cognoscebatur; et alium quando non cognoscebatur? Et certe unus atque idem erat. Cognoscere ergo et non cognoscere videntium oculis fuit, non ejus qui videbatur, ut vaticinium sancti Jeremiæ compleretur, quo ait: « Quare sicut colonus futurus est in terra, et sicut vir declinans ad manendum (71) (Jerem. xiv, 8) ? » Denique ut scias errorem, qui versabatur in medio, non corporis Domini, sed oculorum fuisse clausorum: « Aperti sunt oculi eorum (et mox) cognoverunt eum. » Nam et Maria Magdalene quandiu vivum quærebat inter mortuos (Luc. xxiv, 5), non cognoscebat Jesum (Joan. xx, 16); at ubi cum agnovit, mox Dominum confitetur. In navi etiam una omnibus discipulis positus, Jesus stabat in littore, cæteris autem non cognoscentibus eum. Joannes prior agnovit (72), et dixit: « Dominus est (Joan. xxi, 7); » Decebat revera, et satis congruum erat, ut virginitas virginale prius agnosceret corpus. Idem ergo erat, et non idem ab omnibus videbatur.

CAPUT XXXI. — Statimque subjungens Evangelista, dicit: « Et nemo audebat eum amplius interrogare. Tu quis es (73) (Joan. xxi, 12) ? » Quia vescentes pariter ac bibentes cum eo, hominem verum ac Deum videbant; non tamen quod alter Deus, alter homo esset: sed unus atque idem esset Filius Dei et Filius hominis; cognoscebatur enim ut homo, adorabatur ut Deus, complens illud, quod eis ipse Dominus imprecatus fuerat, dicens ad Patrem: « Hæc est autem vita æterna, ut co-

(70) Rom. edit., non pondere corpus.

(71) Desunt, in Rom. edit., Quare factus es sicut advena in terra, et quasi indigena divertens ad diversorium?

(72) Rom. Edit., inter vivos agnovit, illico, etc.

(73) Eadem Rom. edit., Et nemo discumbentium audebat eum interrogare. Tu quis es? scientes quod Dominus est, hoc est, quia, etc.

(74) Eadem Rom. edit., cujus regionem..., Deus est habitare.

(75) Eadem Rom. edit., superatus in illa lucta, præfigurabat quod crucifigentes se benediceret, etc.

agnoscant te unum et verum Deum, et quem misisti, Jesum Christum (Joan. xvii, 3). » Dignum ergo est, et satis dignum, ut caro hominis cælis inferretur, cujus habitator Deus esse dignatus est: nec potest videri hominem contra meritum factum esse incolam cæli, cujus vaginam non est dedignatus Spiritus, qui Deus est (74). Justum ergo fuit ut corpus in quo Deus habitando terram visitare dignatus est, per quod particeps nostri factus est, ad immortalitatem perduceret, et in cælestibus collocaret. Ubi ergo Dei habitatio esse debuit, nisi in regno 341 Dei? ubi autem regnum Dei, nisi in cælis ubi et nos omnes, ipso donante atque juvante, tunc futuri sumus, « quando corruptivum hoc induerit incorruptionem, et mortale hoc induerit immortalitatem (I Cor. xv, 53); » ut omnis caro videat salutare Dei (Isa. xl, 5), et agnoscat quod redemptor atque salvator ille sit, qui luctatus est cum Jacob (Gen. xxxii, 24), qui virtus et auxiliator fuit ipsi Jacob, qui in passione voluntaria superatus, quod illa lucta præfigurabat, crucifigentes se benediceret (75), atque pro eis oraret, dicens: « Pater, ignosce eis, non enim sciunt quid faciunt (Luc. xxiii, 35), » confirmans et illud, quod per David ante prædixerat: « Dum appropinquarent mihi, qui edebant carnes meas, ego autem orabam (76) (Psal. xxvi, 2; cviii, 4). » Caro ergo Verbi, non Verbum editur: caro, non Deus, qui spiritus est, comeditur. Vos me, ait, persequentes flagellastis, vos faciem meam conspuistis, vos me crucifixistis: ego vos tamen ad pœnitentiam provoco: « Nolo enim mortem peccatoris, sed tantum ut revertatur, et vivat (77) (Ezech. xviii, 32). » Quod ita esse comprobatur beatus Apostolus, dicens: « Et vos cum essetis aliquando alienati et inimici sensu carnis vestræ in operibus malis reconciliavit vos in corpore carnis suæ per mortem (78) (Coloss. i, 21, 22). »

CAPUT XXXII. — Illud autem quod objiciunt dixisse Apostolum: « Qui autem in carne sunt, Deo placere non possunt (Rom. viii, 8); » hæc dicta sunt, non quo carnis natura damnetur, cujus conditor Deus est, et in qua plurimi sanctorum placuerunt Deo, et regnant cum Christo: sed quo sensus et opera carnis repudiuntur (Tertull. l. De resur. carn. cap. 46). Cum ergo lutum carnis nostræ, ut jam dictum est, spiritualibus pennis cum subvectione angelorum volaverit (79) ad cælum,

(76) Eadem Rom. edit., Pro eo ut me diligere, detrahebant mihi: Ego autem orabam; quasi diceret: Vos me persequentes, etc.

(77) Eadem Rom. edit., quoniam scriptum est, quia non volo mortem morientis, sed ut convertatur, etc.

(78) In eadem Rom. edit., subjungitur, ut exhiberet vos sanctos.

(79) Eadem Rom. edit., in testam fuerit excoctum, ubi prius gravi premebatur pondere in terram, acceptis pennis gratiæ spiritualis cum subvectione angelorum volabit, etc.

ibi verum et pacificum suæ salutis obsidem habet in æternum, ad quem « rapiemur in nubibus obviam Christo in aera (*I Thess. iv, 16*), » sicut Isaias propheta testatur dicens: « Super humeros tollentur, et portabuntur (80) ad loca sua (*Isa. LXVI, 12*); et iterum: « Qui sunt isti, qui ut nubes volant, et quasi columbæ ad fenestras suas (*Isa. LX, 8*)? » id est, ad mansiones meritorum suorum, de quibus Dominus dicit: « Multæ mansiones sunt apud Patrem meum (*Joan. xiv, 2*); » et iterum: « Et adducent omnes fratres vestros de cunctis gentibus in Jerusalem in equis, et mulis, et quadrigis, et carrucis, et lecticis. dicit Dominus Deus (81) (*Isa. LXVI, 20*). » Quod ne alicui forte dubium videatur hominem in corpore isto positum in aera posse volitare, confirmat hoc idem Apostolus dicens: « Fide Henoch translatus est, ne videret mortem (*Hebr. xi, 5*), » nam et Elias in corpore isto positus, in quo nunc usque est (82), curru igneo, id est angelorum subvectione, quæ sunt spiritus et flamma ignis, qui faciunt voluntatem Dei, quasi usque ad cælum raptus (83) (*IV Reg. ii, 11*): et Habacuc propheta de Judæa in Chaldeam ab angelo ductus et reductus est in momento temporis (*Dan. xiv, 35*): et ipse apostolus Paulus raptus est usque ad tertium cælum et in paradysum (*II Cor xii, 24*); et inde reductus est in mundum (84). Ut autem manifestius clareat vehicula ista sanctorum spiritus esse, id est angelos Dei, docet nos exemplum sancti Philippi unius ex (85) septem quem spiritus Domini de Gaza rapiens, subito posuit in Azotum (86) (*Act. viii, 39, 40*). Enucleatius hæc, et membratim quodammodo articulatimque scrutata, quantum intentionem meam Dominus adjuvare dignatus est, dicta sufficiant. Tamen ne omisisse aliquid videamur, ipsius Domini ac Salvatoris nostri probanda sunt verba; ait enim cum de agro et tritico ac zizania loqueretur: « In consummatione enim sæculi mittet Pater meus angelos, qui separent zizania (87) (*Matth. xiii, 41*), » id est peccatores, « a tritico, » hoc est a justis. Isti sunt angeli, qui Lazarum in agone paupertatis simul et infirmitatis probatum in sinum ac requiem sustulerent Abraham (88). (*Luc. xvi, 22*).

CAPUT XXXIII. — Vere, sicut scriptum est, « probavi te in camino paupertatis (*Isa. XLVIII, 10*). » Diversis ergo modis probantur homines, id est, (80) Eadem Rom. edit., inquit Apostolus... in aera, et sic semper cum Domino erimus. Et ut Isaias... Parvuli eorum in humeris portabuntur et super genua consolabuntur.

(81) Eadem Rom. edit., Cum pullis. Et iterum. Et adducent... gentibus in equis, et rhedis, in curribus mulorum cum umbraculis in sanctam civitatem Jerusalem.

(82) Deest in eadem Rom. edit., in quo nunc usque est.

(83) Rom. edit., in illa commotione usque ad cælum assumptus est, etc.

(84) Deest in eadem Rom. edit., Et inde reductus est in mundum.

A alius per inopiam et infirmitatem corporis, alius per divitias et sanitatem corporis. Quæ tamen omnia nec summa bona, nec summa mala sunt: summum enim malum mors æterna est, et summum bonum vita æterna est. Ista ergo omnia, quæ vita mortalium habet, media sunt; in utroque enim tentatio est: plerosque enim quos nec inopia nec infirmitas fregit, 342 fregit sanitas, et exstinguunt divitiæ. Quæ comprobatur sapientissimus Salomon, dicens ad Dominum: « Divitias et paupertatem ne dederis mihi, tribue autem tantum victui meo necessaria (*Prov. xxx, 8*); » scilicet, ne aut in illis extolleretur, aut in istis factis pejeraret, aut blasphemaret. Quod autem hæc, quæ media diximus, aliena sint a nobis, comprobatur Dominus, dicens: « Si in alieno fideles non fuistis, quod vestrum est, quis dabit vobis (*Luc. xvi, 12*; Ambr. l. vii in *Luc. sub fin.*; *Ibid. l. viii, n. 85*). » Alienæ ergo a nobis sunt divitiæ, quia extra nostram naturam sunt; neque enim nobiscum nascuntur, aut transeunt. Et ideo hæc scientes non serviamus alienis, qui nullum Deum habere debemus, nisi Christum. Hospites ergo sumus rerum nostrarum, quidquid enim de sæculo est, in sæculo remanet; et quidquid hæredum conquirimus nobis, perdimus; quia nobiscum non aliud, nisi aut bona aut mala opera portamus. Non ergo malæ sunt divitiæ, sed male utentibus malæ sunt; quia bona quæ Deus fecit, bona sunt valde. Et ideo philosophi mundi istius non dicunt summum bonum, nisi pacem, honestatem atque virtutem; et summum malum non ponunt, nisi malitiam, inhonestatem, avaritiam atque turpitudinem. Omnium ergo bonorum repromissio ac retributio vita æterna est; et omnium malorum comminatio ac retributio mors secunda est.

CAPUT XXXIV. — Hæc licet extrinsecus dicta videantur, tamen necessaria nobis et utilia sunt: et ideo nunc nobis ad ordinem revertendum est. Cum ergo lutum carnis nostræ, ut jam dictum est, in testam fuerit excoctum; ut quæ prius gravi pondere premebatur in terram, acceptis pennis gratiæ spiritualis cum subvectione angelorum volet ad cælum, ibi verum et pacificum suæ salutis obsidem habet in æternum. Quid tam verius, tam manifestius, tam lucidius inveniri potest? Tamen ne aliquid omisisse videamur, accipe plenissimum atque firmissimum hujus spei nostræ specimen, ali-

(85) Vat. cod., decet nos exemplum sancti Philippi unum ex septem ponere. Rom. edit., liceat exemplum, etc.

(86) Rom. edit., in Azotum. Denique hæc ipsa Domini ac Salvatoris nostri firmantur verbis; ait enim, etc.

(87) Eadem Rom. edit., mittet, inquit, Filius hominis angelos suos, et colligent de regno ejus omnia scandala, et separabunt zizania.

(88) Eadem Rom. edit., quod est perennis beatorum gloria; ad quam nos angeli sancti perducant, ubi Christus cum Patre et Spiritu sancto regnat in æternum, amen. Quibus verbis tractatum claudit.

tem illum Orientis, qui phœnix nominatur, peculiarem, de singularitate famosum, et de posteritate monstrosam: qui semetipsum libenter funerans, naturali sine discindens atque succedens, iterum phœnix, iterum ipsa est, et non alia (Tertull. *De resurr. carn.* c. 13; Auctor *Const. Apost.* l. v, c. 6: Cyrill. *Catech.* 18; Lactant., Ambr. et alii). Cui rei documentum ad spei nostræ firmitatem, etiam Spiritus sanctus, qui Deus est, in Scripturis posuit sanctis dicens: « Et floreant velut phœnix (*Isa.* xxxv, 4), hoc est, floreant de morte, de funere suo, sicut phœnix resurget de pulvere suo. Si ergo caro avis de cineribus suis resurgit, caro hominis de cineribus suis non resurget? Et ubi est, quod Dominus Christus multis passeribus meliores esse pronuntiavit? Ubi est et illud, quod nobis per Prophetam promisit, dicens: « Renovabitur sicut aquilæ juvenus tua (*Psal.* cii, 5). Vide Rabbi Kimhi et alios interpr. in hunc loc.; item P. Damiani, opusc. 52, c. 23; Albert. Mag. l. xxiii *De animal.*; Gesner, Aldrov. et alios). » Cujus avis naturam hanc cense tradunt: cum enim ad summam venerit senectutem, dicitur tandiu in aera sublimari, ut usque ad nubes et ignem perveniat: quo igne contacta, mox se in secretissimum fontem præcipitem dans, tertio mergit; et mox ad pristinae juventutis vires atque speciem revocatur. Quod nobis ita futurum beatus Apostolus promisit, dicens: « Uniuscujusque quale sit opus, ignis probavit (*I Cor.* iii, 13). » Aves enim diversæ glutunt uvam, olivam et cætera poma; et post nimium calorem grana eorum per stercore digerentes, rursum vites, rursum arbores renascuntur. Si ergo hoc aves propter te, Deo jubente, faciunt; de te Deus propter fidem et retributionem suam non faciet? Crede mihi quia faciet propter promissum suum; cum enim nihil essemus aliquando, domini omnium creaturarum, Deo ipso jubente, facti sumus. Qui ergo fecit ex nihilo, quod non erat, poterit iterum facere id, quod ante ex nihilo fecerat.

CAPUT XXXV. — Nam si caro hominis, ut cæci hæretici mentiuntur, non resurget, quomodo Isaias Spiritu Dei plenus, qui non tam propheta, quam evangelista dicendus est, dicit: « Veniet omnis caro, quæ adoratura est in conspectu Domini, in Jerusalem; ut videat cadavera hominum mortuorum, qui prævaricati sunt in Deum (id est, vel Judæos, vel impios, vel peccatores), vermis eorum non morietur, et ignis eorum non **343** exstinguetur (*Isa.* lxvi, 24; Hieron. in cap. ult. *Isa.*). Quem vermem aut ignem multi conscientiam peccatorum, quæ torqueat in suppliciis constitutos, intelligi volunt, quare vitio suo atque peccato tanto, caruerint bono, juxta illud quod scriptum est: « Ambulate in lumine ignis vestri, et flamma quam

A succendistis vobis (*Isa.* l, 41); » et iterum: « Sicut tinea vestimentum, et vermis comedit lignum, sic mœror excruciat cor viri (*Prov.* xxv, 20). » Sicut enim animi lætitia interdum corporis dolores mitigat, sic dolor animi corpus deprimit et excruciat, dicente propheta: « Animus gaudens ætatem floridam facit, spiritus tristis exsiccatur ossa (*Prov.* xvii, 22). » Si ergo eveniat ut ad ægrotationem corporis accedat animi ægrotudo, duplicatur infirmitas. Hæc tamen ita dicta sunt, ut non negetur prævaricatorum et Deum negantium æterna esse supplicia, dicente Scriptura: « Dominus omnipotens vindicabit in eis in diem judicii, dare ignem et vermes in carnes ipsorum; et comburentur, ut sentiant in æternum (*Judith* xvi, 20, 21). » Quod ita futurum Dominus noster atque Salvator confirmat, dicens: « Et resurgent omnes de terræ pulvere, qui bona fecerunt, in resurrectionem judicii (*Joan.* v, 29); » et iterum: « Ite in ignem æternum, qui præparatus est diabolo et angelis ejus (*Matth.* xxv, 41); » et iterum de illo qui vestem non habuit nuptialem dicitur: « Tollite eum, et ligatis manibus ac pedibus ejus, mittite eum in tenebras exteriores; illic erit fletus et stridor dentium (*Matth.* xxii, 13). » Cum ergo et manus, et pedes, et fletus, ex tenebras exteriores, quæ ad oculos pertinent, et stridorem dentium a **344** Domino in carne futura resurrectione verissime pronuntiatur, miror quosdam hæreticos, qui aerium corpus, et paulatim in auras tenues dissolvendum post resurrectionem conantur introducere. Quomodo ergo sanctus vestimentum Dei est, et vestitur salutis atque lætitiæ tunica; sic e contrario peccator, qui portat imaginem veteris hominis atque terreni, meretur audire; « Ecce vos omnes quasi vestimentum vetus tinea devorabit (*Isa.* li, 8). » Morum ergo diversitas variis in Scripturis sanctis signatur nominibus. Sicut ergo diversitas arborum ac musicorum in Scripturis divinis diversitatem significat gratiæ spiritualis; ita et diversitas ferarum atque serpentium diversitatem significat peccatorum. Quæ tamen diversa genera musicorum ideo Deus majestatis in libris divinis nominari et uti voluit, ut populum Judæorum de carnalibus sacrificiis auferens, ad spirituales et laudabiles hostias invitaret.

D Sed nunc jam sufficiant ista quæ dicta sunt; quanquam pro rei magnitudine nunquam aliquid sufficienter de causis et rebus superius nominatis dici potest. Et ideo sancta, veneranda, perfecta, atque inseparabilis Trinitas, quæ tota nobis fide coleris atque adoraris, tuum est hoc opus, quod ego ex Patrum famulorum tuorum libris, te adjuvante atque illuminante, ad ædificationem meam excerpti; tuaque perfectio ad gloriam et laudem nominis tui per omnia sæcula sæculorum. Amen.

IN SEQUEMTEM TRACTATUM ADMONITIO.

Hoc opus, quod contra manuscriptorum et veterum editionum fidem Romani inscripserunt, *De Filii divinitate et consubstantialitate*, conditum fuit adversus eos hæreticos qui cum Filii substantiam cum paterna eandem esse inficiarentur, ὁμοούσιον illum, id est ejusdem substantiæ, dicere detrectabant; sed conabantur inducere vocem ὁμοιούσιον, id est similis substantiæ; cum interim amandandum a divinis substantiæ verbum, quasi sacris paginis ignotum, contenderent. His Epiphanius (hæres. 64) nomen Semiarianorum inditum scribit. Ubi contra eosdem proscriptione vocis ὁμοούσιος Arianam hæresim in integrum restituendam patefecit auctor hic noster, Filiumque Deum esse perinde ac Patrem demonstravit; rationibus ob quas expungendum ὁμοούσιον disputabant adversarii, satisfacit. Eandem hanc vocem in sacris codicibus contineri ostendit: et quamvis non liceat illam substantiæ unitatem liquido concipere atque explicare, haud tamen propterea respuendam probat; quandoquidem in creaturis, quod ei comparari valeat, nihil occurrit; et ex multiplicibus illis nominibus, quæ in Scripturis ipsis Filio tribuuntur, nullum est quod non potius indicet aliquam e mysticis illius qualitatibus, quam infinitam naturæ divinæ majestatem aperiat. Docet postremo distinctione personarum deorum non inveli pluritatem, nec de Filii, etiam cum se conspiciendum subinde exhibuit, invisibilitate aut immutabilitate quidquam detractum.

Exstat hic liber inter Gregorii Nazianz. (orat. 49) et Ambrosii nostri, quorum utrique ascribitur, evulgata Opera: sed apud priorem præfatione, qua nescio cui obscuritatem et ambiguitatem in eodem libello criminanti respondet, nec non adjecto brevi epilogo locupletior, qualem nos ipsum repræsentamus.

Qui Gregorio Nazianz. adjudicant hoc Opusculum, in hanc opinionem Augustini potissimum auctoritate adductos constat. Sic namque ipsi interpretantur, quod ille tradit: *Gregorius etiam sanctus episcopus Orientalis apertissime dicit Deum natura invisibilem, quando Patribus visus est, sicut Moysi cum quo facie ad faciem loquebatur, alicujus conspicibilis materiæ dispositione assumpta, salva sua invisibilitate videri potuisse* (Epist. 148, nov. edit. num. 10). Verumtamen opponitur a viris doctis librum eundem Latini scriptoris fetum evinci, non modo quod versio vetus, quam Italicam vocitant, illic citetur; sed etiam quod ibidem (cap. 6) isthæ, legantur: *Ratio quædam quæ apud Græcos nuncupatur λόγος; et item alia illa: Et hoc est, quod Græci ὁμοούσιον appellant, id est, cum uno aliud ipsum.* His adde locum Augustini referri posse ad indubitatum aliquod Gregorii Nazianz. Opus, ut puta ad orationem 34, ubi eadem plane materia discutitur. Sed forte ad priorem objectionem quis respondeat Rufinum, quem hæc opella interpretem refert apud Nazianzenum, maxima in vertendis Græcis licentia uti solitum; proindeque nihil absurdi eum dicturum, qui ab ipso hos eosdem locos ea verborum forma redditos esse affirmaverit, quam ad Latini lectoris gustum existimabat magis accommodatam: secunda vero ratione vix movebitur, qui cum verbis Augustini supra citatis hunc locum auctoris nostri composuerit, ubi post allatum Moysis cum Deo facie ad faciem loquentis exemplum subdit: *Et tamen sic visus accipitur, ut alicujus conspicibilis... materiæ dispositione assumpta videretur, salva scilicet invisibilitate ejus* (cap. 8). Quis enim facile sibi non persuadeat hæc ipsa in mente Augustini præsentia fuisse, cum scriberet superiora?

Quod vero ad Ambrosium, clarum est quidem huic Scriptioni et in omnibus Operum sancti doctoris editionibus, et in mss. etiam nonnullis, ejusdem nomen præfixum esse. Inde est quod libenti animo suspicaremur non alium esse huncce libellum, quam eum qui *De Fide* a Nicæo sive Niceto episcopo breviter scriptus, voluminibus sancti Ambrosii, ut Casiodorus testificatur (lib. *De inst. div.*, c. 16), sociatus est, quos ad Gratianum principem destinavit. Sed cum idem asserat non solum de Patre ac Filio illic disseri, verum etiam de Spiritu sancto, quod cum hoc libro minus convenit, malumus hunc diversum ab alio existimare cur autem alterius locum, et Ambrosii nomen usurpaverit, ratio in promptu est, materiæ scilicet cognatio. Sunt tamen præterea levia quædam ab Ambrosiano dicendi more non penitus abhorrentia, puta quod ait de hæreticis, *si haberent quomodo illud ad aliam intelligentiam scævo sensu perverterent.* Et illud: *Viderint philosophi, viderint hæretici discipuli eorum.* Sed neque quod dicitur, *qui etiam nunc vi, ambitione et potentia regum exagites ac turbes omnia,* nimium ab Ambrosio discreparet, si tractatus hic rigidus Arianos, qualis erat ille Auxentius a quo Justina ejusque filius Valentinianus imp. in sanctum antistitem concitati sunt, impugnaret. In cæteris dissidet idem opus ab Ambrosii stylo et ingenio, ut non modo illius auctor non videatur, sed ne interpres quidem, contra quam opinati reperiuntur nonnulli. Utrumque sane vel ex eo colligas, quod Augustinus cum in præceptoris sui scriptis versatissimus, tum etiam ad eum prædicandum, omni data opportunitate, propensissimus, ejus tamen non meminerit, sed tantum Gregorii episcopi Orientalis. Quibus adjuuge versionem biblicam, ab ea quam ubique Ambrosius adhibet, longe esse diversam.

P. F. Chiffletius, qui duobus illis Patribus ex æquo eundem libellum adjudicat, ut illum transcribat Vigilio suo, conjecturas aliquot, quas ad eam rem validissimas putat, in medium profert. Verum tamen haud facile quemquam fore existimamus, qui sine manuscriptorum auctoritate, sine scriptoris ullius

testimonio his persuaderi se patiatur; quippe quæ levissimæ sunt, aut prorsus nullæ. Certe quidem eis persuasi non sunt neque Hermannus in Ambrosii vita, nec Quenellius in Appendicæ ad Opera sancti Leonis (in *Elucidationibus*): uterque enim hanc scriptionem Gregorio, Eliberitanæ sedis in provincia Bœtica episcopo, ascriptam volunt (dissert. 14, pag. 719 et 720). Quenellius opinionem suam astruere nititur his rationibus: 1. quod eundem librum ab auctore Latino profectum constet: 2. quod Hieronymus de Gregorio Bœticensi testificetur *De Fide* elegantem libellum ab eo scriptum (*De scriptor. ecclesiast.*): 3. quod idem libellus jam inde ab Augustini ævo prætulit auctorem Gregorium aliquem, unde et eidem Augustino errandi facta est occasio: 4. quod argumentum conveniat cum ætate Gregorii Eliberitani, contra quem etiam irritatos imperatorum animos non ignoramus: 5. demum quod iste auctor trium hypostascon defensoribus infensum se præbeat, quod Luciferianis quibus idem se addixerat, in usu erat.

His conjecturis pondus suum atque momentum esse non negabimus; quibus tamen qui noluerit ac quiescere, saltem opellæ quam expendimus, antiquitatem et elegantiam in dubium non revocabit, si consideraverit illam et allegatam ab Augustino, et tantis Græcæ Latinæque Ecclesiæ luminibus ascriptam. Accedit præterea quod avulsum ex illa fragmentum libro, qui inter Hilarii Pictaviensis opera circumfertur (lib. *De Patris et Filii unitate*: necnon sermoni (serm. 150 vet. edit., nunc 113, append. nov. edit.), quem diutissime Augustino adjudicarunt, insertum fuit.

DE FIDE ORTHODOXA

CONTRA ARIANOS,

ALIAS

DE FILII DIVINITATE ET CONSUBSTANTIALITATE

TRACTATUS.

345 CONFESSIO FIDEI. — Credimus in Deum, Patrem omnipotentem, omnium visibilium et invisibilium factorem, et unum Dominum nostrum Jesum Christum Filium Dei, natum de Patre unicum, hoc est, de substantia Patris: Deum de Deo, lumen de lumine, Deum verum de Deo vero, natum non factum: unius substantiæ cum Patre, quod Græci dicunt *ὁμοούσιον*; per quem omnia facta sunt, sive quæ in cælo, sive quæ in terra; qui propter nos homines, et propter nostram salutem descendit, et incarnatus est, et homo factus est, passus est, resurrexit tertia die, ascendit ad cælos, inde venturus est judicare vivos et mortuos: et Spiritum sanctum. Eos autem qui dicunt: Erat quando non erat, et priusquam nasceretur, non erat, et mutabilem, vel convertibilem esse Filium Dei; hos anathematizat catholica et apostolica Ecclesia. Amen.

PROLOGUS. — Amore catholicæ fidei ductus, jam pridem adversus Arianos libellum edideram, quem cum amico legendum dedissem, quia placuit credidit transcribendum. A quo hoc ego magnopere postulavi, ut interim dissimulato auctore, doctis viris et prudentibus legeret; ut si quem movisset, quod illic plus aut minus positum videretur; posset plurimorum consilio emendari. Nemo est enim qui

sibi tam arroganter summam doctrinæ cœlesti assumat, ut putet se omnia mysteria liquido comprehensa retinere, cum Paulus apostolus dicat: « Qui ergo putat se aliquid scire, necdum scit quemadmodum oporteat scire (*I Cor. viii, 2*): » et, « modo per speculum in ænigmate videmus, tunc facie ad faciem (*I Cor. xiii, 12*). » Sin vero cunctis omnia, quæ illic scripta erant, juxta fidem veram constare viderentur, tum et ipse petentibus non negaret. Quod eum ita fecisse manifestum est. Et quia res digna tam catholicæ confessioni, quam **346** hæreticæ responsioni, universorum judicio æstimata est, multi eum vel legere vel describere voluerunt.

Sed non defuit qui vel pro studio doctrinæ, vel pro charitatis officio, ea quæ a nobis dicta sunt, scrupulosius retractaret; et quædam ille vel superflua, vel ambigua diceret, quæ aliter possent a quibusdam, quam a me dicta sunt, accipi. Proinde rursus ea ipsa planiori sermone in hoc libello digessi, ut et simplicitatem sensus mei ostenderem, et scrupulum legentibus amputarem.

Nam hoc est quod aiunt posse reprehendi, quod ubi Verbum Dei ex persona Filii posuimus, tale hoc verbum intelligere putemus, quale grammatici tradunt spiritu oris aerem offensum, intelligibilem

auditu. Sed nos sapientiam non hujus mundi, quæ destruitur, sed illam quæ ex Deo est, novimus, quæ Verbum Dei Deum insinuat, cum dicit: « In principio erat Verbum, et Verbum erat apud Deum, et Deus erat Verbum. Omnia per ipsum facta sunt, et sine ipso factum est nihil (*Joan. 1, 3*). » Unde mirari me fateor hoc ita sentiri potuisse, quasi nos personam propriam Verbi, quod est Filius, negaremus, Nemo verbo tenus nominat, quem vere esse in persona sua sapius profitemur: nam quomodo aut verum Filium, aut verum Patrem confessi sumus, si non vere proprietatem personarum tam Patris quam Filii servavimus.

Sed quia unius Dei vocabulum diximus, personas negasse putamur. Et hinc verisimile visum est quod posuimus. Nos Patrem et Filium ita nominamus, ut unum Deum in his personis et nominibus assignemus. Porro iterum Pater et Filius, etsi duo nomina appellantur; ratione tamen et substantia unum sunt: et cum Patrem et Filium statuo, unitatem assigno generis.

347 Hæc omnia intelligi posse æstimata sunt, quasi ista vocabula inter Patrem et Filium ita posita sint, ut est nomen et cognomen, unius tamen personæ; cum ex superioribus aut inferioribus dictis potuerit hæc suspicio non admitti. Qui enim Filium Dei non aliunde natum dixeram quam proprie de Patre, totum de toto, integrum de integro, perfectum de perfecto, consummatamque virtutem; quomodo potui ipsum Patrem, ipsum sibi Filium ponere, et hoc modo unam personam duobus nominibus appellare; quippe cum et hanc sectam, id est Sabellianam, in eodem libello damnaverim, et personarum distinctionem secundum vocabulum scripserim? Nam et nemo pro una persona potest, unum sunt dicere, vel unitatem generis nisi personis assignare.

Quis autem catholicorum ignorat Patrem vere esse Patrem, Filium vere Filium, et Spiritum sanctum vere esse Spiritum sanctum? sicut ipse Dominus ad apostolos suos dicit: « Euntes baptizate omnes gentes in nomine Patris, et Filii, et Spiritus sancti (*Matth. xxviii, 19*). » Hæc est perfecta Trinitas in unitate consistens, quam scilicet unius substantiæ profitemur. Non enim nos secundum corporum conditionem divisionem in Deo facimus: sed secundum divinæ naturæ potentiam, quæ in materia non est, et nominum personas vere constare credimus, et unitatem divinitatis esse testamur.

Nec extensionem partis alicujus ex Patre (ut quidam putaverunt) Dei Filium dicimus, nec verbum sine re, ut velut sonum vocis accipimus: sed tria nomina, et tres personas unius esse essentiæ, unius majestatis atque potentiæ credimus. Et ideo unum Deum confitemur, quia unitas majestatis plurium vocabulo deos prohibet appellari.

Denique Patrem et Filium catholice nominamus, duos autem deos dicere nec possumus nec debemus; non quod Filius Dei Deus non sit, imo verus Deus de Deo vero; sed quia non alinnde, quam de ipso uno Patre Dei Filium novimus, perinde unum Deum dicimus. Hoc enim prophetæ, hoc apostoli tradiderunt, hoc ipse Dominus docuit, cum dicit: « Ego et Pater unum sumus (*Joan. x, 30*). » Unum ad unitatem divinitatis, ut dixi, refert: *suum* autem personis assignat. Sed et Apostolus ait: « Unus est, inquit, Deus Pater, ex quo omnia: et nos in ipso: et unus Dominus Jesus Christus, per quem omnia; et nos per ipsum. Sed non in omnibus est scientia (*I Cor. viii, 6, 7*). »

Qua de re explanatis his verbis, quæ scrupulum non mihi qui scio quod dixerim, sed aliis inferebant, puto occasionem malæ interpretationis fuisse sublatam. Nam et confessio fidei manifesta est, et persona cum vocabulis constat, et una divinitas assignata est.

Vel si adhuc aliquid quod legentibus ambiguum videatur in verbis, ad sensus debent verba conferri, quia non simplicitas verborum, sed mali intellectus obstinatio culpam olet. At cum sensus noster cum veritate concordet, et verba debent cum ratione sincerissima. Unde a simplicitate christiana academicus disputator abscedat.

CAPUT PRIMUM. — Multas quidem et graves hæreses novimus a plurimis ebullire, et veneni vice, ad intinum pectus canceris sui virtus infundere; sed vinci illi vel facile possunt, vel facile vitari, quorum prima propositione omne consilium pectoris proditur. At vero ii quibus multa nobiscum paria sunt, facile possunt innoxias mentes, et soli Deo deditas, fraudulenta societate percutere, dum malorum suorum virus per bona nostra defendunt. Nihil enim periculosius his hæreticis esse potest, qui cum integre per omnia decurrant; uno tamen verbo, ac si veneni gutta, meram illam ac simplicem fidem Dominicæ, et exinde apostolicæ traditionis inficiunt.

Unde vehementer nobis cavendum est, ne se vel sensibus vel auribus nostris hujusmodi aliquid latentem insinuet; quia nihil tam cogit in mortem, quam sub obtentu fidei fidem violare. Ut enim gypsum aqua permistum lac colore mentitur, ita hic per verisimilem confessionem traditio inimica suggeritur. Qua de re non similitudo confessionis, sed sensus mentis est ponderandus, quo confessio ipsa firmatur.

Denique si diligentius et accuratius attendatis, cur voluerint de evangelica et apostolica fide, et de Patrum traditione **348** substantiæ nomen auferri, procal dubio probatis hæresim Arianam subtili compendio breviam, sublato hoc nomine intrinsecam. Nec hoc quidem ego suspitione aut opinione (1) collectum affirmo, nec uti ipsi putant,

(1) Mss. Læt. et Tell., *ego suscipio, nec aut opinione*, etc; melius omnes edit. ut in textu.

academicus disputator assisto, ut simplices sensus A verborum subtilitate contorqueam: sed ut contor-
tos et parvos tenui argumento compositos in lucem cognitionis exponam; quo facilius possit cognita et comperta iniquitas ab hominibus evitari.

Quæ etenim causa, quæve ratio exstitit (2), ut quod docendum, et quod credendum cunctis Ecclesiis fuerat traditum, quodque Patres nostri apostolici viri contra universas hæreses, et maxime Ariam, quasi quendam obieem veritatis, quo omnes aditus pestiferæ doctrinæ obstruerent, sancto Spiritu mundati (3), catholica ratione posuerunt, non sine magno nisu ab his qui elogio (4) Arianae labis addicti sunt, laboretur auferri; nisi ut Filium Dei mutabilem et convertibilem, utpote non de propria Patris substantia constituisse confugant: cui et initium ex tempore, et ortum ex nihilo, nomen ex altero, ut semper docuerunt, propter quod et sæpe damnati sunt, nunc jam libere, et secure, incunctanterque Ecclesiis tradere et insinuare possint?

CAPUT II. — Videtis ergo omnia eos in tractatu ipsorum, non evangelica fide, sed subdola malignitate ad seducendos simplices quosque posuisse. Non jam tam suspectum, quam manifestum omnibus esse debet ita eos Deum de Deo posuisse, ut Arias tradere solebat, ut ex Deo factus sit, non ex Deo natus. Qui si natus est, unius substantiæ est: si factus est, verus Filius non est; et si verus Filius non est, nec verus Deus est; aut si verus Deus est, et de Patre non est, duo sunt habentes singuli et voluntates proprias, et imperia diversa: vel si concordia tantum et societate unum sunt, non tamen et substantia verus, ut jam dixi, Deus non est.

Sic erit Deus, ut Moyses Pharaoni (*Exod. vii, 1*), potestate, non genere: Filius quoque ita credendus erit, ut per Isaiam populo dictum est: « Filios genui et exaltavi (*Isa. i, 2*) » et alibi: « Dii estis et filii Altissimi omnes (*Psal. lxxxii, 6*). » Sed et primo genitus ita habebitur, quomodo et Israel a Deo primogenitus filius appellatus est (*Exod. iv, 22*). Nec non et primogenitus totius creaturæ, quasi in ordine factorum primogenitus habeatur; ut ex eo seriem quamdam creandis mundi rebus assignent.

Denique sublato ὁμοούσιον, id est unius substantiæ vocabulo, ὁμοιούσιον, id est similem, factori suo, posuerunt (5); cum aliud sit similitudo, aliud veritas. Nam et homo ad imaginem et similitudinem Dei factus est (*Gen. i, 27*), nec tamen Deus est: nec quod Deus est, homo exstitisse credendus est. Ita et Filium Dei similem volunt, ut eum aliunde similem, non de ipsa una sancta et beata Patris substantia dicant. Qui si de Patris substantia non est, εἰς οὐκ ὄντων est, id est, ex

(2) Tell. cod. et Amerb., *quæ vera ratio existit.*

(3) Vigiliana edit., *Spiritu sancto inundati.*

(4) *Elogium* aliquando idem significat, ac formula quædam condemnationis.

(5) Ita edit. Rom. et Chifflet.; vet. autem ac mss., *vocabulo similem gestori suo posuerunt.*

nullis extantibus, ut idem Arius tradidit; sublato enim eo quod Pater est, undecunque fuerit Filius, necesse est ut et initium ex nihilo, et ortum ex tempore habeat: nihil enim sine initio, nisi solus Deus.

Unde et Filius, sicut ipse Dominus ait, « Ego et Pater unum sumus (*Joan. x, 30*). » Quod ideo dixit, ut duarum personarum vocabula in unius deitatis maiestatem monstraret (6), sicut et Propheta ex voce Dei: « Eructavit, inquit, cor meum Verbum bonum, dico ego opera mea regi (*Psal. xlv, 2*). » Vides ergo hoc Verbum bonum Filium Dei esse, quem non aliunde quam de paterno pectore, et, ut ita dixerim, de utero cordis Dei, credimus natum. Et proinde eum regem appellat, qui ipse est Rex regum: Deum Dominum, cui omnia divina opera succumbunt, qui dixit: « Omnia quæ Pater habet, mea sunt (*Joan. xvi, 15*). »

De hoc et Evangelista: « In principio, inquit, erat Verbum, et Verbum erat apud Deum, et Deus erat Verbum. Omnia per ipsum facta sunt, et sine ipso factum est nihil (*Joan. i, 1, 3*). » Igitur quod in principio erat, semper fuisse credendum est: sed nec aliunde esse, quam ex eo qui principium non habet, id est, de corde Patris; quia « eructavit, inquit, cor meum Verbum bonum (*Psal. xlv, 2*). » Non enim dixit: In principio factum est Verbum; sed « in principio, inquit, erat Verbum. » Quodcunque principium Verbi assignare volueris, præjudicatum habebis, quia « in principio, inquit, erat. »

349 Non quod duo principia ex rerum diversitate dicamus, sed quia Sermo Filius semper cum Patre est, et de Patre natus est. Ac proinde cuius origo principium non habet, sempiternus cum Patre credendus est; quia nec Pater potest unquam sine Filio nominari, nec Filius sine Patre vocari: ac per hoc semper Filius, quia semper Pater.

« Et Deus, inquit, erat Verbum. » Quod Deus est, semper est; ne si semper non fuerit, verus Deus esse non possit, sicuti et in Sophiæ nomine, quia secundum Apostolum ipse est Sapiencia Patris (*I Cor. i, 24*). « Ego, inquit, ex ore Altissimi prodivi (*Eccli. xxiv, 5*). » Non ergo aliunde quam de Patre, quia semper cum Patre. Et ideo Sapiencia Dei appellatur, ut nunquam Pater sine Sapiencia, hoc est sine Filio suo, fuisse credatur. Hæc est illa Sapiencia ineffabilis, quæ initium (7) viarum Dei apud Salomonem vel condita, vel genita, vel creata describitur (*Prov. viii, 22*); quam tamen sic conditam dicit, ut semper eam cum Deo fuisse ostendat. Quod enim initium Deo dabis, ut initium possis Sapienciæ ipsius consignare? Non enim ita Deus Sapienciam suam condidit, quasialiquando sine Sapiencia fuerit: sed cum initium viarum suarum dicat,

(6) Læt. cod., *vocabula unius deitatis maiestatem monstraret.*

(7) Mss. Tell. et Læt. necnon vet. et edit., *quæ initio*; et infra, *sed cum initio*; Rom. et Vigil., *sed cum initium.*

initium motus operis alicujus ostendit, ut hoc A initium habeat Sapientia Dei quod de Deo processit ad creanda omnia, tam cœlestia quam terrestria, non quo cœperit esse in Deo. Creatura est ergo Sapientia, imo genita, non sibi quæ semper erat, sed his quæ ab ea fieri oportebat; ut quia quanta et qualis esset sciri non poterat, de effectu operum suorum virtus ejus et potentia nosceretur: ut quod de conditis æstimamus (8), tunc magis timeremus, cum facta miramur.

Cæterum si tu ita creatam Sapientiam dicas, ut Filium Dei creaturam intelligas, occurrit tibi Apostolus, condemnans eos qui creaturam colunt, dicens: « Propter quod tradidit illos Deus in desiderium cordis eorum in immunditiam: ut contumeliis afficiant corpora sua in semetipsis; qui commutaverunt veritatem Dei in mendacium, et coluerunt et servierunt creaturæ potius quam Creatori, qui est benedictus Deus in sæcula (Rom. 1, 24.). »

Hæc est, inquam, illa Sapientia Dei, quæ dicit: « Ego ex ore Altissimi prodivi (Eccli. xxiv, 5), » universitatis conditrix et effectrix, id est Filius Dei, per quem omnia, et in quo omnia, quia, ut Apostolus dixit. « In ipso constituta sunt universa in cœlis et in terra, visibilia et invisibilia, sive Throni, sive Dominationes, sive Virtutes, sive Principatus, sive Potestates: omnia per ipsum et in ipso condita sunt, et ipse est ante omnia, et omnia in ipso constant (Coloss. 1, 16, 17). » Hinc et Salomon: « Cum sit, inquit, una, omnia potest; et permanens in se, omnia innovat, et per nationes in animas sanctas se transfert (Sap. vii, 27). » Quod confirmans Apostolus, ait in interiore homine habitare Christum (Ephes. iii, 16, 17); ut per quem a principio omnia facta sunt, per ipsum et in fine cuncta salventur.

CAPUT III. — Sed dicis mihi, ὁμοούσιον, id est, unius substantiæ nomen ob hoc potius quam Creatorem adorant, servantes eadem utique quæ Apostolus dixit: « Ut in nomine Jesu omnes genuflectant, cœlestium, terrestrium, et infernorum, et omnis lingua confiteatur (Philipp. ii, 10). » Et Moyses: « Adorent, inquit, eum omnes angeli Dei (Deut. xxxii, 43). » Et David: « Omnes reges adorabunt eum (Psal. lxxi, 11). » Quod quidem in Scripturis non diceretur, sed quia ipse est Sermo Filius omnium opifex.

Sed dicis ὁμοούσιον, nominari non oportere, quia in Scripturis divinis non contineatur. Quæro et ego, homo, qui hoc prohibes; si ideo nominari non debet, quia scriptum non est, an quia ita credi non liceat?

Quod si ita credendum est, cur non ita profitendum? « Corde enim, inquit Apostolus, creditur ad justitiam: ore autem confessio fit ad salutem (Rom. x, 10). »

(8) Vigil. edit., ut dum conditorem de conditis... timeamus.

(9) Tell. cod. et Vigil. edit., quanquam non immutaveris dictum. Haud recto sensu.

(10) Gill. et Rom. edit., facturam dici voluisse. Perperam.

(11) Teller., in Scripturis dominicis.

Aut si ideo nominandum non est, quia nec ita credendum: obtinuit Arianae labis assertio, quæ ideo Patrem et Filium unius substantiæ denegavit, quia Filium Dei modo ex nihilo, modo ex Patre, sed ab alia substantia, quando voluit et quomodo voluit, et unde voluit factum inducit; dummodo aliunde eum, et non de eo quod Pater est, existitisse confingat. Quem etsi natum dicit, sed hoc dicto tenus, 350 quia rursus omne quod natum est, factum intelligit, eo quod et nos a Deo geniti appellemur, quos constat esse facturam.

Vel si Arianus non es, et verum Filium de vero Patre natum non factum agnoscis, cur non eum cum Patre unam substantiam dicis? Frustra times, homo, profiteri quod credis: et frustra credis, si ita non credis, et merito hæreticus denotaris. Et quanquam immutaveris dictum (9), quo putaris prohibuisse Dei Filium nuncupari facturam; sed eum subjungit: Sicuti aliquid horum, quod factum est, ex aperto ostendis non ob hoc facturam dici noluisse (10), quasi non debeat factus intelligi, sed non ita factum vis, sicut aliquid horum, quod factum est, sed tamen factum. Aliter enim dicis factum, utpote perfectam creaturam, per quem facta sunt omnia: dummodo et ipsum factum intelligas, licet non ita ut cætera.

Sed ut ad id revertar, quod dicis in Scripturis divinis ὁμοούσιον, id est, unius substantiæ vocabulum non inveniri, finge hoc interim sic sit, eo quod ubicunque substantia legitur, res Dei non Deus accipiatur; quanquam et aliud quod scriptum non est, pariter profitearis, id est, Deum ex Deo, lumen ex lumine: quid ad hæc dicis? Aut totum mecum tene, aut totum omite. Si enim unius substantiæ vocabulum inde times dicere, quia scriptum non est; timere identidem debes Deum ex Deo, et lumen ex lumine profiteri.

Sed ego probo Deum de Deo, lumen de lumine, et unius substantiæ vocabulum in divinis Scripturis (11) contineri. Cum enim ipse Dei Filius, qui Deus est, in Evangelio suo dicat: « Ego de Patre exivi (Joan. xvi, 28); » jure et merito Deum de Deo profiteamur, quia de Deo Patre Filium Dei Deum verum de Deo vero natum esse cognoscimus. Sed non eo genere, ut nos dii sumus appellati (Psal. lxxxii, 6) vel ut Moyses Pharaonis deus est dictus (Exod. vii, 1): sed quia verus est Filius, de vero Patre natus est (12); vere et confidenter Deus de Deo dicendus, sic lumen ex lumine.

Quod scriptum non est, mecum quidem dicis, sed mecum omnino (13) non sentis. Et quia scriptum est de Patre: « Deus lux est (I Joan. 1, 5), » et de

(12) Vigil. edit., de vero Patre natus, non factus est.

(13) Omnes exarati atque editi cod. Ambrosii nomen preferentes, non sentis, ut quia scriptum est de Patre: Deus lux est quæ illuminat omnem hominem... id est, Christus in cælo; et tenebræ... Illi scilicet... homines non agnoverunt: sed ipse, etc. Nos vero locum ex edit. Vigil. restituimus.

Filio: «Erat lux vera quæ illuminat omnem ho- A
minem venientem in hunc mundum (Joan. 1, 9); »
et: «Lux lucet in tenebris, » id est, Christus in
sæculo; «et tenebræ eam non sunt assecutæ
(Ibid. 6): » ii scilicet homines quorum cor igno-
rantia tenebris obæcatum est, Christum verum
Deum, et verum Dei Filium non agnoverunt. Sed
ipse Dominus: «Ego sum, inquit, lux mundi: qui
me secutus fuerit non ibit in tenebris; sed habebit
lumen vitæ (Joan. viii, 12). » Ergo quia lumen
Pater, et lux Filius, recte lumen de lumine.

Sed lumen ex lumine ita asseris, quasi a Patre
qui verum lumen est, aliud lumen sit factum, quod
de ipsa Patris substantia non sit: sed sicut aliud
quodlibet lumen, quanquam a Deo sit factum,
longe tamen aliud sit ab eo, qui fecerit; et ideo lumen B
ex lumine, non de lumine dicis: Cum ergo hæc
prælocutus sum, licet tecum non intelligas, tamen
quomodocumque ipsa pronuntias, cum scripta non
sint. An non et unius substantiæ vocabulum, quod
in Scripturis non putas contineri, tecum pariter
profiteris: nisi quia illic habuisti quomodo malignos
sensus tuos occulta fraude in utroque contegeres;
ut tecum hoc ipsum sono vocis exprimeres, sed
tamen longe dicti intelligentiam separares?

Sicuti et illi hæretici qui resurrectionem carnis
negant, ad decipiendas animas simplicium, væ
dicunt his qui in carne non resurgunt. Sed si dis-
cutias eos cur hoc dixerint, cum scias illos carnis
resurrectionem omnino negare, dicent tibi: Væ
ntique illi erit (14), qui in carne baptizatus non
fuerit, ut anima ipsius dum in corpore est, de morte
delictorum suorum, ut de sepulcro criminum per
baptisma, in eadem resurgat. Solius enim animæ
per lavacri vitalis gratiam resurrectionem in carne
defendunt: nam et ipsius carnis salutem exclu-
dunt. Et hi per verisimilem confessionem innocen-
tium mentes occulta fraude seducent. Et ut solet
lethale poculum mellis dulcedine temperatum, sua-
vitate fallente, perimere; sic et hoc malum per
blandimentum aurium, 351 audientium sensus
quadam labe contaminans contagione vitii adhæ-
rentis inficit.

CAPUT IV. — Denique et nunc possent ὁμοουσιον
sicuti et cætera verbo tenus nominare, si haberent
quomodo illud ad aliam intelligentiam scævo sensu
perverterent: sed cum viderent se in hoc verbo D
concludi, nullam omnino mentionem hujus fieri
voluerunt, ne aut profitendo hoc crederent, aut
credentes professi viderentur: subtili ingenio ex-
cusantes, quod aut scriptum non esset, aut Deum
in substantia dici non oportere, ne corporeus crede-
retur.

(14) Hunc etiam locum nobis edit. Vigil. resti-
tuit, cum haberetur im mss. et edit. Ambrosianis
in hæc verba, *animas simplicium, dicunt his quia in
carne non resurgant....., dicent tibi: Utique ille erit,
etc. inepto sensu.*

(15) Ambr. edit. cum. ms. Tell., *nunc in ambi-
tione exagitans*: Vigil. edit. cum Læt. cod., *vi, an-*

Deus etenim, inquit, efficit ut sit substantia,
non tamen ut ipse Deus in substantia deputetur;
quippe, aiunt, cum omnis substantia contraria
recipiat. Deus vero qui nihil diversum admittere
potest, substantia dici non debet.

Ignoscerem tibi si hoc simpliciter diceres, si ra-
tionem rei velles scire, si rudis ad hanc quæstio-
nem accederes, si non ipse esses, qui semper vel de
alia substantia, vel de nullis exstantibus Dei Filium
asserbas: at cum idem ipse sis qui hinc sæpe
convictus, sæpe confessus, sæpe negasti, sæpius
aliter immutando damnatus es: qui etiam nunc vi,
ambitione et potentia exagitans (15), turbas omnia:
quomodo putas me ignoscere tibi posse frequentius
eadem retractanti? Sed ne videatur hæc perversi-
tas præjudicata magis quam examinata damnari,
breviter tibi de hac oppositione respondeam.

Prohibes itaque in Deo substantiam nominari,
quasi omne quod substantia dicitur, res ipsa unius
generis habeatur. An ignoras aliter cœlestia, aliter
terrena constare, sed et in ipsis cœlestibus rebus
atque mundanis magnam differentiam interesse?
Aliter enim angeli, aliter singulæ virtutes consti-
tutionum suarum substantias acceperunt, sicuti
Apostolus ait: «Alia claritas solis, alia claritas
lunæ, alia claritas stellarum (I Cor. xv, 41). » Sic
et in hoc mundo, ut diversa genera rerum, ita et
diversa corpora animantium, et omnibus sui cujus-
que generis substantia, sicut Apostolus dicit:
«Non omnis caro eadem caro (Ibid. 39). »

C Si ergo ea quæ a Deo facta sunt, diversas qualitates
substantiarum suarum habent, tu putas in Deo ta-
lem esse substantiam, qualem habet aliquid horum
quod factum est ut possit contraria recipere? Ab-
sit. Quæ est enim substantia Dei? Ipsum quod Deus
est, simplex, singulare, purum, nulla concreione
permistum, limpidum, bonum, perfectum, beatum,
integrum, sanctum totum. An tu putas inane aliquid
esse et vacuum, quod est Deus? Hoc enim dic
blasphemia est, ut inane putetur, per quem cuncta
constiterunt, qui omnia verbo edidit, ratione com-
posuit, virtute perfecit, cujus nutu et imperio uni-
versa reguntur, cuncta deserviunt.

Et bene de Deo legis scriptum: «Ego sum qui
sum (Exod. iii, 14), » et: «Qui est, nisit me
(Ibid.). » Et ipse salvator Dominus: «Hæc est,
inquit, vita æterna, ut cognoscant te solum verum
Deum, et quem misisti Jesum Christum (Joan. xvii,
3). » Est ergo in substantia essentia sua (16) Deus,
cujus cognitio vita æterna est, qui et tantus est,
quantus dici non potest. Qui tunc digne æstimatur,
cum inæstimabilis dicitur, utique velis ac nolis.

Ergo ipsum quod est, hoc est substantia ejus rei,

bitione; sed sola edit. Vig. addit *et potentia*.

(16) Ita omnes edit. et cod. Læt.; at Vigil. edit.
resecuit *essentia sua*, pro quibus Tell. cod. substi-
tuit *sententia sua*. Verum recepta lectio non est
mutanda: idem ea significat, ac si scribatur, in or-
dine substantiæ per essentiam suam.

quæ esse defenditur; quod tamen jam dictum est, quantum et quale sit, nec mente concipi, nec sensu æstimari, nec animo definiri potest; dummodo constet esse, quod esse creditur; ut de eo ipso quod Deus est, inde sit Filius, ut verus sit Filius, et verus sit Pater in Filio, et Filius in Patre. Hoc erit ὁμοούσιος, id est, unius substantiæ cum Patre, sicut ipse Dominus ait: « Ego in Patre, et Pater in me (Joan. xiv, 10); » et: « Ego et Pater unum sumus (Joan. x, 30); » et: « Ego de Patre exivi (Joan. xvi, 28); » et: « Qui me videt, videt et Patrem (Joan. xiv, 9). »

Non immerito, quia Filius Dei de Deo Patre natus est; et ideo de unitate substantiæ, et de majestate idetatis unum sunt, sicut et Jeremias prophetavit: « Quis stabit in substantia Domini, et videbit Verbum Domini (Jer. xxiii, 18); » Et iterum: « Si stetissent in substantia mea, et si audissent verba mea, avertissem eos ab studiis eorum pessimis (Ibid. 22). » Et apud Salomon: « Substantia mea, dulcedo mea est (Sap. xvi, 21). »

CAPUT V. — Cum ergo hanc unitatem substantiæ in Patre et Filio non solum prophetica, sed et evangelica auctoritate 352 cognoscas; quomodo dicis in Scripturis divinis ὁμοούσιον non inveniri, quasi aliud sit ὁμοούσιον quam quod dicit: « Ego de Deo Patre exivi (Joan. xvi, 27, 28), » et: « Ego et Pater unum sumus (Joan. x, 30); » vel quod prophetæ ex aperto substantiam Dei intimabant?

Hæc est autem nominis ratio, ut in Patre et Filio unitatem substantiæ credas, licet rem ipsam, quæ est inenarrabilis, definire non possis: ut sive lumen de lumine dicas, sive verbum de verbo, sive spiritum de spiritu, sive dominum de domino; quodcumque de eo dixeris, unius tamen essentiæ Patrem et Filium credas: et de eo ipso quod Pater est, Filium intelligas. Nam si aliquam comparisonem de rebus his quæ videntur, in eo facias, ipsa dissimilitudine rerum non rationem ostendes, sed altercationem disputationum induces, ut ejus voce descriptum est (17): « Cui me comparabit (Isa. xlvi, 5)? » Ac proinde Deus cui assimilari nihil potest, sufficiat credi, quod ipse sentitur, quem ipse credi se voluit, non indicari.

Denique si de hoc ipso quod tecum profiteris, ad aliquam similitudinem velis in Deo conferre, nescio an quod comparaveris, possis expressius definire: ut puta cum dicis lumen ex lumine, si ad explanandum illud scrupulosa narratione cogaris, quaero quomodo lumen ex lumine credas? Utrum quasi lucernam ex lucerna, vel quasi solem ex sole, ut aut duas lucernas, aut duos soles, quasi duos deos sub hoc exemplo inducas? Aut splendorem luminis ejusdem lucernæ, vel claritatem solis de eodem sole fulgentem, lumen de lumine consignes, ut in matricem luminis Patris figuram assimiles,

(17) Vigil. edit. sola., *Et quia ex voce Dei scriptum est.*

A Filium vero in splendorem claritatis ostendas, quod de eo Propheta dixerit: « Apud te est fons vitæ, et in lumine tuo videbimus lumen (Psal. xxxv, 10); » vel Salomon, cum dicit: « Candor est lucis æternæ, et speculum sine macula Dei majestatis, et imago bonitatis illius (Sap. vii, 26); » vel Apostolus hic predicaverit Salvatorem nostrum imaginem esse invisibilis Dei, eo quod imago (18) solis lux sua sit, quæ de eodem sole procedit (Coloss. i, 15).

Sed quanta ad hæc responderi possunt, quæ lites generant, quod Apostolus prohibet (II Tim. ii, 24), longum est dicere: quippe cum constet lumen illud quod Deus est, æstimari, comprehendi et definiri non posse: nec vere aliquid ex his quæ in hoc mundo sunt, majestati divinæ comparari; quia nihil de omnibus istis quæ videntur aut dicuntur, secundum id quod Deus est, condigna similitudine æstimari potest, quippe cum ipsis intellectibus et sensibus major sit.

Ideo pramouit ut divinitatem substantiæ crederes, et verum Filium de vero Patre cognosceres: de qualitate autem rei requirere non deberes: quia quale aut quantum sit, scire non possis. Hoc enim prophetæ, hoc apostoli predicarunt.

CAPUT VI. — Denique pro captu, pro viribus, pro fide nostra intueamur Deus quid sit, et videamus an ei aliquid possit comparari. Certe hic est, de quo et cum dicitur, non potest dici: cum æstinatur, non potest æstimari: cum comparatur, non potest comparari: cum definitur, ipsa sua definitione crescit. Qui cælum manu sua operit, pugno omnem ambitum mundi claudit. Quem totum omnia nesciunt, et metuendo sciunt. Cujus nomini et virtuti famulatur hic orbis, et ipsa elementorum sibi succedentium momentanea vicissitudo testatur. Vide ergo si potest aliquid esse cui possit Pater comparari et Filius; quia talis est Filius, qualis et Pater; non enim ipse se unum cum Patre diceret, nisi talem se, qualis est Pater, sciret.

Ratio quædam est, quæ apud Græcos λόγος nuncupatur, quæ inter Patrem et Filium personas vel vocabula distinguit; quia et ipse Filius ratio dicitur. Quæ tamen ratio multis nominibus appellatur: modo verbum, modo virtus, modo sapientia, modo dextera, modo brachium, modo margarita, modo thesaurus, modo retia, modo aratrum, modo fons, modo petra, modo lapis angularis, modo agnus, modo homo, modo virtulus, modo aquila, modo leo, modo via, modo veritas, modo vita. Et ita cum sit Deus omnia in omnibus, ut per hæc vocabula divinarum dispositionum mysteria cognoscantur, non ut ipsa majestas Filii Dei proprie definita monstretur.

Quid est enim Filius de eo quod Pater est? Alius

(18) Vox solis in edit. desideratur, quam e cod. Tell. restituiimus, integritati sensus non inutilem.

idem. Nam et ob hoc Verbum (19) nuncupatur, quia ex proprio 353 divino ore processit, et nihil Pater sine eo aut jussit, aut fecit. Virtus dicitur, quia vere de Deo et semper cum Deo est, et omnis potestas Patris in ipso consistit. Sapientia appellatur, quia de corde Patris adveniens, arcana celestia credentibus reseravit. Dextera nuncupatur, quia per eum omnia opera divina perfecta sunt. Brachium dicitur, quia ab ipso omnia continentur. Margarita appellatur, ut nihil illo pretiosius habeatur. Thesaurus dicitur, ut in ipso omnes opes et divitiæ regnorum celestium conditæ agnoscantur. Retia dicitur, quia per ipsum et in ipso de mari sæculi diversa gentium multitudo sicut piscium per aquam baptismatis in Ecclesia congregatur, ubi bonorum malorumque discrimen agnoscitur. Aratrum nuncupatur, quia signo crucis suæ dura peccata subjiciuntur, ut necessario semini ipsa (20) præparentur. Fons aquæ vivæ appellatur, quia ex eo sitientia corda celestis aquæ gratia irrigantur. Petra dicitur, quia credentibus fortitudinem, incredulis duritiam præstat. Lapis angularis dicitur, quia utrosque parietes Novi et Veteris Testamenti unus et mediator in semetipso continens copulavit. Agnus dicitur, ut innocentia Christi et passio demonstratur. Homo dicitur, quia secundum carnem propter nos homines nasci dignatus est. Vitulus dicitur, quia propter nostram salutem pati sustinuit. Aquila dicitur, quia post venerabilem resurrectionem, ut rex alitum ad Patris pervolat sedem (21). Leo dictus est, quia ipse est rex regum, qui mortem ac zabulum virtutis suæ potestate comminuit. Via est, quia per ipsum ascensus est. Veritas, quia mendacium nescit. Vita est, quia ipse universa vivificat.

Vides ergo per hæc vocabula significationes et dispositionum et operum divinatorum præostensas: non tamen ipsum Deum proprie definitum? Est ergo Pater Deus immensus, æternus, incomprehensibilis, inæstimabilis. Est et Filius ejus Deus et Dominus noster, tantus, quantus est et Pater: sed non aliunde quam de Patre: « Quia ego, inquit, de Patre exivi (Joan. XVI, 28), » hoc est lumen de lumine.

CAPUT VII. — Sed ne ex eo occasionem aliquam hæreticus capiat, cum duo nomina, vel duas personas, id est, Patris et Filii statuo, quasi duos deos dicam, ut illi duos ex diversitate confingunt: nos autem Patrem et Filium ita nominamus, ut unum Deum in his personis et nominibus consignemus. Viderint philosophi, viderint hæretici discipuli eorum, qui potestatum diversitate variantur: « Nobis tamen unus

(19) Ambr. edit., *Nam et hoc Verbum*: meliue Vigil. et codex Tell., *Nam et ob hoc*, id est, ob hanc rem, etc.

(20) Edit. Amb., *ut necessariora in ipsa*; codex Tell., *ut necessaria in ipsa*: optime Vigil. ut in textu.

(21) Ita codex Tell. et edit. Vigil.: Amb. vero, *ut vero rex altam ad Patris*, etc.

(22) Ambr. edit. cum cod. Tell. et Læt., *et cum*

Deus est Pater, » ut Apostolus dixit, « ex quo omnia, et nos ex ipso: et unus Dominus Jesus Christus, Deus Dei Filius, » per quem omnia, et nos per ipsum (I Cor. VIII, 6). »

Nam per dno quid aliud intelligitur, quam duorum per partes divisa substantia, et cum nominibus ipsis dissociata (22) natura agendi ac jubendi tam voluntas, quam imperia divisa? Porro Pater ac Filius etsi duæ personæ creduntur, ratione tamen et substantia unum sunt. Nam inæqualium societas melioris offensa est, et in injuriam ejus, qui verus Deus est, non verus alius comparatur. Cum autem ego Patrem et Filium statuo, unitatem generis assigno: et si illam in personis divido, discretionem tamen personarum rursus eadem nomina in unitatem sui naturali legis sœdere consignant.

Unde et tantus est Filius, quantus videbitur Pater, totus de toto, integer de integro, perfectus de perfecta consummataque virtute, sicut Apostolus dicit: « In quo omnis plenitudo divinitatis corporaliter habitat (Coloss. II, 9). » Nam et Jeremias (23) receptissimus prophetarum, hanc unitatem divinitatis in Patre et Filio sciens ait: « Hic est Deus noster, et non deputabitur alius absque illo: qui invenit omnem viam prudentiæ, et dedit eam Jacob puero suo, et Israel dilecto suo. Post hæc in terris visus est, et cum hominibus conversatus est (Baruch III, 33, 36). » Et Isaias hoc ipsum prædicat dicens: « Hæc dicit Dominus Deus: fatigata est Ægyptus, et negotiatio Æthiopum, et Sabain, viri excelsi ad te transient, tui erunt servi, et post te ambulabunt vincti compedibus, et te deprecabuntur; quoniam in te Deus est, et non est alius Deus præter te: tu es enim Deus (Isa. XIV, 14). »

354 Quod ne putes me eo supercilio dixisse, quo Sabellius fertur, qui ipsum Patrem, ipsum Filium profitetur, non ita nos totum in unam sententiam cogimus, ut aliorum hæreticorum fraude capiamur. Sed quia in ipso nomine personarum auctoritas indiscreta cognoscitur, et Filius non genere, sed personaliter a Patre nominatur; proinde totum Patri ascribimus, quod est Filius; et totum Filio, quod Pater est. Nihil non videbitur Patris, quod judicabitur Filii: nec Filii, quod defenditur Patris, quia unitas majestatis non sinit deos plurali vocabulo appellari: quippe cum constet Patrem et Filium unius esse substantiæ, unde uterque unus Deus est dictus.

Illud ante cuncta metuentes, quia nisi Pater (24) et Filius unum non sint, in invidiam recurat auctoris interpolata nativitas: hoc enim placuit hæreticis,

omnibus ipsi dissociata; Vigil. concinnius, ut in textu.

(23) Rom. edit. sola, *Nam et Baruch*. Sed et hunc Jeremiæ nomine etiam, ab Ambrosio citari jam ante non semel advertere licuit.

(24) Vet. edit., *quod ubi Pater*; Vigil., *ne si Pater*; mss., *quia nisi Pater*. At seq. membro ubi vet. edit. ac mss., *invidia recurat*, multo melius Vigil., *in invidiam recurat*.

ut Deus ille omnipotens, invisibilis, immensus degeneraret in Filio, non modo potestate, sed conditione (25) mutata, quasi non potuerit Pater de semetipso talem habere, qualis et ipse est. Proinde nos verum Filium de vero Patre, qui semper fuit, et est unius substantiæ cum Patre, defendimus. Et hoc est, quod Græci *ὁμοούσιον* appellant, id est, cum uno aliud ipsum : ut personæ audientia nominatum (26) fierent, et non ut substantiam vocabula separarent.

CAPUT VIII. — Sed ut omne mysterium hæresis Arianae traducam, cur nolint Filium de Patris substantia credi, breviter intimabo. Aiunt enim : Cum sit Deus Pater omnipotens, invisibilis, inconvertibilis, immutabilis, perfectus, semper idem, æternus ; Filius vero visibilis, quia sæpe patribus visus est ; et convertibilis atque mutabilis, quia in variis figuris quibusque sese monstravit : qui si de Patris, inquit, esset substantia, nunquam fieri posset ut ante carnis assumptionem aut visibilis aut mutabilis cerneretur, quin potius in æqualitate qua Pater est, permansisset, ex cuius substantia erat : quia quod de Patre est, nec videri, nec mutari, nec converti posse credendum est.

Accedit ad causam, quia cum illapsus est in Mariam, cum Virginis uterum opplevit, aliud utique ex illa, quam quod venerat, natum est. Unde jam, inquit, corrupta substantia statum vertit, ordinem perdit, continuo immutatione ipsa formandus (27) de Deo in hominem, de spiritu in carnem. Et utique translatio omnis interemptio est pristini. Ac per hoc aiunt : Si Filius de Patris substantia esset, jam et Patrem minorem videri substantiæ suæ vel traditione, vel sine : et proinde Filium ex alia substantia credere maluerunt, quod converti, et mutari, et videri possit ; quia hoc de Patris substantia credi non liceat.

Hæc est causa erroris, hæc origo hæresis Arianae, dum non intelligunt virtutem Dei, neque tanti sacramenti dispositionem agnoscunt, ut Deum humanis conditionibus comparent. Quibus primo respondendum in loco Filium (28) Dei non ita visum, ut Deus erat, sed ut homo capere poterat de Deo : deinde variis figuris non mutabilem et convertibilem ipsum esse, sed hoc esse potentiæ Dei, ut cum se singulis, prout vult, revelare dignatur, habitum mutet, non substantiam vertat : nec proprietatem qualitatis amittat, sed juxta meritum videntis temperamentum majestatis adhibeat ; ipse tamen idem, ut semper est, in substantiæ suæ proprietate permaneat, sicut scriptum est : « Mutabis eos et mutabuntur : tu autem idem ipse es, et anni tui non deficient (Psal. ci, 28). »

Nam etsi multa sunt, ex his quæ in hoc mundo

(25) Ita edit. Vigil. cum in aliis ac mss. habeatur : Non modo potest esse de conditione. nullo sensu.

(26) Vet. edit., ut personæ audientis nominatim ; Vigil. et mss., ut personæ audientia nominum ; mss., nominatim. Quod autem ad dictionem *ὁμοούσιον* auctor explicat cum uno aliud ipsum ; hoc Ambrosius paulo fusius exhibet lib. ii de fide cap. 15, num. 126, quem locum a Basilio desumptum videri adno-

videntur, quæ ex alio convertantur in aliud, ut desinant esse quod erant, et hoc sint quod retro non fuerant, ut limus cum in hominem figuratur, limus esse jam desinit : aut pisces, aut aves cum de aqua procedunt, ex eo jam non aqua, quia aliud : ut lutum figuli cum solidatur in testam : ut lapis, cum dissolvitur decoctus in calcem : ut arena, cum mutatur in vitrum, et cætera, quæ longum est recensere. Sed multum interest, stulte hæretice, inter ea quæ facta sunt, et eum qui omnia, quemadmodum voluit, fecit. Quæ facta sunt, ascriptæ conditioni deserviunt : qui vero fecit, 355 suæ voluntatis et proprii juris est. Neque potest in aliud, quam quod est, aliquo cogente, mutari : sed prout vult, et cui vult, se demonstrat. Nam si angeli in figura hominum sæpe sunt visi, et tamen aliud non sunt, quam quod se esse norunt, neque substantiam mutant, cum formam humani corporis sumunt ; quanto magis ipse Dominus noster qui omnia fecit, qui ipsis angelis ut hoc possent, sua institutione concessit !

Huc accedit quod sic Filium Dei, ut jam dictum est, visum a Patribus approbamus, ut non totum in illo, quod Deus est, videretur : sed dispositiones rerum futurarum, quæ suis quibusque temporibus complendæ erant, in illo per imaginem cernerentur. Nam quis Filium Dei videre potuit, antequam conspicibilem materiam, sicut ei placuit, assumpsit, vel ipsum hominem induere dignatus est ?

Qui etsi Abrahamæ visus est (*Gen. xviii, 1*), sed in forma humani corporis visus est, quo scilicet postremis temporibus in homine venturus esse ostenderetur.

Jacob etiam alibi in angelo (*Gen. xxviii, 13*), alibi æque videtur in homine. Qui ideo se in angelo demonstravit, ut nuntium se magni consilii indicaret : in homine vero, cum quo et colluctatus fuisse describitur ; ut imaginem futuræ colluctationis, quam cum Israel habiturus erat, cum secundum hominem advenisset, præcipue indicaret. Sed ut Dominum crederet, cum quo tanto certamine sub figura hominis luctabatur, Israel, id est homo videns Deum, nomen accepit (*Gen. xxxii, 24, 28*). « Vidi, inquit, Deum facie ad faciem, et salva facta est anima mea (*Ibid. 30*). » Et utique figuram hominis viderat, quam Deus Dei Filius induerat.

Moysi in rubo in flamma ignis apparuit (*Exod. iii, 2*) ut lumen credentibus, incredulis iudicium demonstraret ; quia Christus credentibus salus est, non credentibus pœna, ut Apostolus ait : « Aliis odor vitæ in vitam, aliis odor mortis in mortem (*II Cor. ii, 16*). »

Populum Israel in columna nubis per diem, et per tavinus.

(27) Ambr. edit. et cod. Læt. statim vertit ordinem, perdit continuo immutationem, ipsa formando i Tell... mutationem ipsum formando ; secunda manu, ipsa formandi : aptius edit. Vigil. ut in contextu.

(28) Tell. cod. et Vigil. edit., Quibus primi in loco respondendum est Filium, etc.

noctem in columna ignis quasi dux itineris præce-
bat (*Exod.* xiii, 21); ut baptismi gratiam per nubem,
et donum sancti Spiritus per ignem ostenderet:
quia apostolus Paulus in ubi patres baptizatos
scribit (*I Cor.* x, 2), et Spiritum sicut ignem
esse apostolorum Acta declarant (*Act.* ii, 3).

Vides ergo per omnia, hæretice, characteres divi-
narum Scripturarum in honorem Dei patribus præ-
ostensos; non tamen ipsum Deum, ut est proprie re-
velatum. Denique cum Moyses oraret ut faciem Dei
pure videret, quid ad illum continuo Deus? « Non po-
teris, inquit, videre faciem meam: non enim vide-
bit homo faciem meam, et vivet (*Exod.* xxxiii, 20). »
Hoc ipso quod negatur aspectus, claritas assignatur,
quæ scilicet tanta est quanta credenda est, quæ invi-
sibilis indicatur. Cum ergo Moyses qui et situm cæli, B
et ordines mundi, et elementorum vices, totius de-
nique orbis ornamenta digesserit, indicarit, expres-
serit, cui ipse Dominus testimonium perhibuit di-
cens: « Nemo erit ex prophetis ut servus meus Moy-
ses, cui facie ad faciem, ore ad os locutus sum
(*Num.* xii, 7, 8); » Deum tamen pure-videre non
potuit. Merito quidem prophetia omni dignus, sed non
usque adeo ut intueri Deum valeret, qua homo tan-
tummodo esset.

Et utique hæc omnia Filii verba defendimus,
quem in monte Sina cum Moyse locutum esse sei-
mus (*Exod.* xxxi, 18), qui agendis explicandisque
rebus a Patre advenerat: quia omnia a principio
per ipsum et ordinari, et explicari, et manere con-
venerat, ut habendi Filii hæc præcipua ratio constaret.
Et tamen sic visus accipitur, ut alicujus conspicua-
bilis, ut dixi, materiæ dispositione assumpta videretur,
salva scilicet invisibilitate ejus, quam a conspectu
omnium majestas interfusa seposuit. Non enim
sic humanis aspectibus revelatus est, ut tota in illo
deitas appareret: sed ad vicem speculi cum concep-
tos intra lucem suam vultus quasi ad plenam effigiem
hominis includit: ita majestatis ejus præeunte ful-
gore, intra id visum est (29), quod imaginem veri-
tatis, non ipsum Deum proprie demonstraret.

Sic et cum hominem induere dignatus est, non
labem æternitati intulit, ut spiritum in carnem
mutaret, sed ut suscepto homini immortalitatem
atque æternitatem cœlestis vitæ præstaret. Nam
etsi Apostolus semetipsum exinanisse dicit: formam
servi suscipiendo, non utique sic exinanitum
accipimus, ut aliud quam quod fuerat, idem Spiritus
fieret (30): **356** sed ut seposito interim ma-
jestatis suæ honore, humanum corpus indueret,
quo suscepto, salus gentium fieret. Ut enim sol
cum nube tegitur, claritas ejus comprimitur, non

(29) Vet. edit. et mss. Tell., *ita majestas ejus... intra id visum esset*: magis concinne Vigill. edit. cum Læt. ms., *ita majestatis ejus... intra id visum est*, hoc est, sub his conditionibus visio conceditur.

(30) Gill. et Rom. edit., *idem Christus fieret*; aliæ ac mss., *idem spiritus fieret*. Minime male; supra enim scriptum legimus, *ut spiritum in carnem mu-*

caecatur: et lumen illud, quod toto orbe diffusum
claro splendore cuncta perfundit, parvo admodum
obstaculo nobis includitur, non auferitur: sic et
homo ille quem Dominus Jesus, Salvatorque noster,
id est, Deus Deique Filius induit; Deum tamen
in illo (31) non interceptit, sed abscondit.

Denique cum in monte se paululum extra ipsum
hominem extulisset, fulgore luminis ejus pene ob-
caecati apostoli in terram quippe homines cecide-
runt (*Matth.* xvii, 6), periclitati vitam, nisi eis Do-
minus compresso rursus majestatis suæ honore
ut misericors subvenisset, secundum illam senten-
tiam: « Nemo vidit Deum, et vixit (*Exod.* xxxiii,
20). » Ut ergo claritas solis, cum non usque ad
nostros (32) emicat visus, sibi salva est: quia quod
non videtur, infirmitatis est nostræ, quorum oculos
nubium textit obscuritas: ita probat se non suo (33)
detrimento proprii latuisse fulgoris, sed carnis, ut
dixi, beneficio, cujus causa Filius Dei filius hominis
esse sustinuit.

Nempe enim de Spiritu Dei Virgo concepit, et
quod concepit, hoc peperit, id est, Deum homini
suo, ut jam dixi, sociatum, sicut ipse dixit: « Quod
nascitur de carne, caro est: et quod nascitur de
spiritu, spiritus est (*Joan.* iii, 6); » quia Deus spi-
ritus est, et de Deo natus est. Sicut et angelus ad
Mariam Virginem dixit: « Spiritus Dei veniet in
te, et virtus Altissimi obumbrabit te. Propterea
quod nascetur ex te sanctum, vocabitur Filius Dei
(*Luc.* i, 35). »

Vides ergo ipsum Spiritum, id est Filium Dei,
venisse ad Virginem, et inde Dei et hominis Fi-
lium processisse; nec tamen ipso indumento car-
nis Dei Filium esse mutatum, sed eundem ipsum
esse in homine, qui fuerat ante mundum cum Pa-
tre; per quem facta sunt omnia, et sine quo fa-
ctum est nihil, sicut evangelista ait: « Mundus per
ipsum factus est, et mundus eum non cognovit
(*Joan.* i, 10). »

Cæterum amentis est credere ab eo posse libe-
rari, qui ut liberaret, amissus est: ut nasceretur,
oppressus est: ut immortalitatem reciperet, trans-
iit ad mortem. Sed absit, hæretice, ut sensus tuæ
iniquitatis a catholicis admittatur; nos enim credi-
mus immutabilem et inconvertibilem. Verbum et
D spiritum, id est Filium Dei, qui cum hominem
induit, non statum vertit, non ordinem perdidit,
non substantiam immutavit: sed illuvias ejusdem
corporis æterno claritatis suæ lumine illustravit;
ut ad nos per tramitem corporis ejus lux sancti
Spiritus, et æternæ vitæ gratia redundaret.

Quem etsi passum credimus et sepultum, sed
laret.

(31) Vigil. edit., *divinitatem in illo*.

(32) Ambr. edit. ac mss., *cum usque ad nostros*; Vigil. edit. negationem adjicit, quam quidem illic
necessario sensus exigit.

(33) Vigil. edit., *ita et majestas illa divina, que,
dixi, corpus induerat, probat se non suo, etc.*

homo ille passus est, quem Filius Dei suscepit, quem induit, quem portavit. Sed quia totum ad auctorem referebatur quidquid homo ille patiebatur, ideo mors et passio Domini judicatur : nam constat immortale esse, quod Dei est : hominis, quod caducum.

Tertia quoque die resurrexit non Deus in hominem, sed homo potius in Deum.

Ascendit in caelos, obtulit Patri suo hominem illum gratissimum munus, consedit ad dexteram Patris, secundum quod scriptum est : « Dixit Dominus Domino meo : Sede ad dexteram meam (*Psal.* cix, 1). »

Misit nobis Spiritum sanctum de propria sua, et ipsa una substantia sua, protectorem, sanctificatorem, et deductorem in vitam aeternam, sicut scriptum est ex voce Dei : « Effundam de Spiritu meo super servos meos et ancillas meas (*Joel.* 11, 29). » Et iterum : « Spiritus ex me prodibit (*Isa.* lvii, 16). » Et ipse Dominus Salvatorque noster : « De meo, inquit, accipiet (*Joan.* xvi, 15) : ex eo

utique quod est Filius, quia et Filius de eo quod Pater est.

Exinde praefinito tempore venturus, vivos mortuosque judicaturus ; ut reddat credentibus praemia, non credentibus vero supplicia.

Cujus regnum aeternum, immortale, nec initium habet, nec terminum : cui est honor et gloria in saecula saeculorum.

CONCLUSIO. — Haec qui legis, per Deum obsecro, ne simplicitatem sensus in ambiguum torqueas, aut alias quam dicta sunt, trahas ; quia nos Patrem verum Patrem confitemur, et Filium Dei verum Filium Dei, et Spiritum sanctum vere Spiritum sanctum credimus : tres personas unius substantiae, et unius divinitatis confitentes. Sabellii autem, et Photini, necnon Aarii sectam, et si qua alia sunt, quae contra regulam veritatis veniunt, condemnamus. Nicaenae autem synodi tractatum omni animi nisu ex tota fide servantes, amplectimur ; hunc enim tractatum scimus contra omnes haereses invicta veritate oppositum.

IN LIBELLUM DE DIGNITATE SACERDOTALI ADMONITIO.

Non omnino perfunctorie hanc opellam dispicienti ambiguum non erit eam sancto Ambrosio suppositam fuisse : idque non solum quod habeat versionem Hieronymi, et senatores noscendos non lato clavo, sed chlamyde asserat, ut observat Blondellus (*De form. regn. Chr.* cap. 7) : at multo magis quod nihil contineat ab Ambrosii et ingenio et saeculo non alienum. Verumtamen in omnibus Operum sancti doctoris editionibus idem libellus locum obtinuit, et in scriptis etiam codicibus, si unum exceperis, praefixo Ambrosii nomine illustratur. Cum vero tantus sit eorum consensus in auctore pseudepigrapho, mirum est quanta sit eorundem in indicando Operis argumento varietas. Etenim cum tam frequentes occurrant in bibliothecis, ut in sola Vaticana quatuordecim invenire sit, fere totidem ejus leguntur inscriptiones, quot manuscripti. Alibi quippe titulus illi praefigitur, *Liber Pastoralis*, sive *De cura pastorali* ; alibi, *De observantia episcoporum* ; modo, *De vita et ordinatione episcoporum*, et *Simoniaca haeresi* ; modo *Sermo de episcopis et sacerdotibus*. *De Apostolo in loco*, ubi ait : *Fidelis sermo*, etc. : nonnunquam, *Sermo de pastoribus* ; interdum, *Sermo de mysteriis* ; alicubi etiam, *De ordinatione episcopi per simoniam*. Sed ab aliis codex Ecclesiae sancti Martialis apud Lemovices minus ab aliis recedit materiae, quam auctoris significatione ; sic enim praefert : *Sermo Gilberti philosophi, Papae urbis Romae, qui cognominatus est Silvester, de Informatione episcoporum*. Hunc libellum ex eodem codice exscriptum Mabillonius noster pro sermone nondum vulgato, a parte Analectorum edi curavit, haud dubie nova illa deceptus inscriptione. Verumtamen in hoc bene meritis est de eruditissimis, quod primus illum sub auctoris hujus nomine in lucem misit. Omnia profecto et personae et temporis satis congruunt (cap. 1, *sub fin.*). Episcopus enim ordinis sui viros ibi alloquitur, idemque saeculum labe Simoniaca maxime laborasse exploratum est. At nihilominus cum manuscriptus ille ab aliis omnibus non in sensu quidem, sed tamen in elocutione perpetuo dissideat, revocari potest in dubium verusne ejus auctor haberi debeat idem Silvester, an aliquis interpolator : quod nos lectorum judicio definiendum permittimus. Porro ex variis illis codicum manu exaratorum titulis abunde cognoscitur duo tractari hoc in Opere, scilicet (cap. 2, 3 et 4) episcopalem declarari ampliativaeque dignitatem, et (cap. 5 *seq.*) simoniae crimen acriter impugnari. Cum vero idem tractatus in memoratis codicibus partim sermonis, partim libelli nomine inveniatur inscriptus, in controversiam forte venerit utrum vocabulum magis apte eidem conveniat. Fatendum quidem est in priori parte haud pauca esse, quae sermonis speciem satis referant ; sed cum sub finem aperte nominetur libellus, ipsum inter libellos sive tractatus exhibere satius duximus.

(*Maurinorum Patrum Admonitionem rescere volumus ; at libellum ipsum, qui Gerberti est, Gerberto restitimus. Vide tom. CXXXIX, col. 169.*)

IN SEQUENTEM LIBELLUM ADMONITIO.

In hoc tractatu *Virgo Devota*, id est, virginitatem publice professam, ab hominum sæcularium usu et familiaritate deterretur, et iis quibus talis consuetudo prætexti solet, explosis, simulque illius periculis ac damnis ipsi ob oculos positis, nonnulla de virtutibus ab ea maxime amplectendis adjunguntur. Et hoc est, cur editores Romani solitæ inscriptioni hanc præmiserint: *De virginis forma vivendi*. Quamvis autem ea scriptio in omnibus Ambrosii Operum editionibus beati doctoris nomen in fronte gerat, nullum tamen illius manuscriptum licuit reperire, unde intelligas haud multa, ut Ambrosio tribueretur, fuisse argumenta. De auctore igitur hoc unum colligere posse nobis videtur, cum ascetivæ vitæ fuisse addictum, cum sic loquatur: *Absit ut tu mihi soror dicaris, quæ cum talibus conversaris*. At de Opere ipso certissime affirmare possumus illud ab Ambrosiana eloquentia et eruditione procul abesse. Ipsum contende cum ejus veris libris *de Virginibus*, et calculum tuum sine dubio nobis conferes.

AD VIRGINEM DEVOTAM.

357-365 CAPUT PRIMUM. — (*Psal.* XLIV, A *II, 12.*) « Audi, filia, et vide: inclina aurem tuam, et obliviscere populum tuum, et domum patris tui, quoniam concupivit Rex speciem tuam; quoniam ipse est Dominus Deus tuus, et adorabunt eum (1). » Ipsius te devovisti esse sponsam, devota Deo diceris. Quid tibi cum hominibus sæcularibus, aut quem tractatum habes cum illis? Quid vis scire cum ipsis? Perditionem, quam ipsi sequuntur? Si castitatem quæris, hanc illi non habent: si fidem quæris, quis est fidelis in illis, quem tu comitaberis? Si autem Christum quæris, non manet in illis. Nescio quid quæras, quales amicitias vel quales fabulas habeas cum illis. Devovisti animam tuam ad destruenda omnia quæ sunt hujus sæculi: quomodo autem quæris sæculum, cui renuntiasti? B Reverti vis ad vomitum tuum sicut canis, aut velut sus lota iterum in volutationem, sicut scriptum est (*II Petr.* II, 22), dicente Apostolo: « Si quæ destruxi, iterum reedificabo, prævaricatorem legis me constituo (*Galat.* II, 18). » Iterum ipse repetit (2) dicens: « Quidquid in sæculo est, concupiscentia carnis est, et concupiscentia oculorum (*I Joan.* II, 16), » quod non est de Deo, sed de hoc mundo est. Item alibi dicit: « Si quis voluerit amicus esse hujus mundi, inimicus Dei constituetur (*Jac.* IV, 4). » Quid dicis, devota Deo? quid vis hominibus placere? quid desideras, vel quid quæris? Si Deum quæris, tecum est: si autem hominem quæris, non hoc devovisti. Quid sunt homines? Homines hujus sæculi: « Et sæculum transit, et C concupiscentia ejus: qui autem fecerit quæ scripta sunt, manet in æternum (*I Joan.* II, 17). » Quid desideras, nescio. Si aurum, argentum, si vitam, si vestem splendidam; hoc tibi non placuit cum Deo, hoc Deus non admiratur, sed cor contritum et humiliatum (*Psal.* L, 19). Quid quæris homines sæculi, quos sanctus apostolus judicat Paulus, dicens: « Quorum Deus venter est, et gloria in pudendis ipsorum, qui terrena sapiunt: nostra autem conversatio in cœlis est (*Philipp.* III, 19, 20)? » Si ergo conversationem in cœlo habemus, quæ sursum sunt quærere debemus, ubi Christus est, non quæ super terram (*Coloss.* III, 1). Rogo, soror, qui sunt isti homines hujus sæculi? Fratres tuos spirituales homines non sequeris, et sequeris carnales: qui si non saturentur, murmurabunt. Misisti margaritas tuas ante porcos, qui conculcent eas pedibus suis, et conversi elidant te. Non audisti: « Vitate canes, vitate malos operarios (*Philipp.* III, 2)? » Qui sunt isti? Homines hujus sæculi, qui non sequuntur vestigia Christi. Rogo te, quid tibi demonstrant; dic mihi. Castitatem, quam non habent? Quid? fidem, quam non inveniunt? doctrinam, quam non sequuntur, nisi diabolicam sapientiam hujus sæculi? jejunium, quod odiant? abstinentiam, quam judicant? humilitatem, quam opprimunt? sobrietatem, quam negligunt? sinceram mentem, quam non habent, nisi duplicem? verecundiam, quam projiciunt a se? Nescio autem quid vis studere cum ipsis.

366 CAPUT II. — Sed quid dicis? Ego autem converto eos ad me. Si autem ad te conversi fuerint, non tibi expedit. Quid quærit lupus cum agno? vel quid quærit canis, nisi panem? Quare autem rugit leo (*Isa.* XXXI, 4), nisi pro præda? Tu te

(1) Rom. edit. sola, et ipse Dominus Deus tuus, adorabunt eum filia Tyri.

(2) Eadem Rom. edit. Iterum idem reperitur. Et infra, Et alibi dicitur: Si quis voluerit, etc.

ipsam castam custodi, si potes. Quid vis docere quod tu ipsa non facis? sicut dicit Apostolus: « Nolite omni spiritui credere, sed probate spiritus, si ex Deo sunt (*I Joan. iv, 1*). » Si autem ab ipsis doctrinam accipias, docebunt te, quod faciunt, vel quod sequuntur, concupiscentiam, fornicationem, libidinem, avaritiam, fraudem, immunditiam, impudicitiam, luxuriam, ebrietatem, improbitatem, turpiloquium, stultitiam, maleficia, homicidia, iram, rixam, et omnem malitiam. Quid dicis, misera, vel quid excusas? Devovisti animam tuam, ut ab ipsis hominibus recederes: nunc autem quid quæris? Rogo, non confundaris, quando de te illi sibi fabulas faciunt, dicentes: Ecce devota Deo, quæ nos sequitur; dereliquit enim viam suam, et per terminos agri sui erravit, viam habitationis suæ non invenit. Venite, præoccupemus eam, et duceamus in viam nostram. Cecidisti, misera, in via lata et spatiosa, quæ ducit ad mortem. Videtur tibi esse bona, quæ mala est: sequeris eos amens, et nescis quoniam recta in foveam cadis. Memor non es aretam et angustam esse viam, quæ ducit ad vitam (*Matth. vii, 13, 14*)? Laboriosa tibi videtur esse, quæ bona est: oblita es dictum fuisse: « Quia per multas tribulationes nos oportet in regnum cælorum introire (*Act. xiv, 21*)? » Nunc autem voluntati tuæ vis studere. Non legisti Salomonem dicentem: « Bonis bona creata sunt ab initio, similiter impiis et peccatoribus bona et mala (*Eccli. xxxix, 30*)? » Item ipso dicente: « Initium vitæ hominis spiritualiter arguetur (3) (*Ibid. 31*). » « Spiritualis omnia judicat, ipse autem a nemine judicatur (*I Cor. ii, 15*). » Ubi es, Deo devota? Spiritualis quidem de aliis judicans, tu ipsa judicaris. Quid quæris cum illis? « Quæ pars fideli cum infideli (*II Cor. vi, 15*)? » vel quæ pars sancti hominis ad carnem? Virgo potes esse corpore, sed non mente corrupta. Oculi autem tui obcæcati sunt nimio ardore libidinis, in quibus trabs subjacet: aures tuæ plenæ sunt omni spurcitia virili: pedes vero tui veloces sunt, et non sunt pigri ad januam foris. Ubi sanctitas? ubi verecundia? ubi sobrietas? ubi gravitas? ubi castitas? ubi modestia? ubi fides? ubi continentia? ubi pura mens? Ubi sunt illa omnia, pro quibus fidem tuam opposueras, quam perdidisti? « Melius enim fuerat te non vovisse et facere, quam vovere, et non facere (*Eccl. v, 4*). » — « Non potes duobus dominis servire, aut Deo, aut mammonæ, » sicut scriptum est (*Matth. vi, 24*). « Cum perverso subverteris (*Psal. xvii, 27*). » — « Non potest committi pannum vetus cum novo; tollit enim fortitudinem ejus, et pejor scissura fit (*Matth. ix, 16*). » Volatilia ad sibi similia conveniunt; et veritas ad eos, qui operantur eam, revertetur. Absit ut tu mihi soror esse dicaris, quæ cum talibus conversaris. « Aut facite arborem bonam, et fructus ejus bo-

nos: aut facite arborem malam, et fructus ejus malos. Unaquæque arbor ex fructu suo cognoscitur (*Matth. xii, 33*). » — « Quicumque autem qualis fuerit, cum tali se jungit (*Eccli. xiii, 20*). » Columba dimissa de manu hominis, statim reversa est ad eum in arcam: nam corvus dimissus carnem secutus est (*Gen. viii, 7*), quem tu quoque vis sequi; ut non revertaris ad januam Christi. Est tibi conversatio cum bestiis agri et cum volatilibus cæli: sicut et corvus, non memoraris Dominum, qui te de diluvio liberavit: non quæris cubile tuum umbrosum et bonum, ubi requiem temporalem habuisti. Non tibi ante oculos est tempestas, atque oblita es charitatem Christi, et tenes charitatem hominum hujus sæculi, qui non habent charitatem in se, nisi diabolicam: illi autem aliam carnem sequuntur, et non desinunt quoadusque moriantur. Recede, misera, de illis hominibus; ne carnes tuas electas comedant, talos tuos evertant, et relinquantur nuda, et spoliata, sicut in cucumerario. Modo autem quid facies, quia nuda es et spoliata? Ibis ad vicinos tuos, quos ante oderas, petens ab ipsis operimentum pudoris: illi autem dare nolunt, dicentes: « Ubi est vestimentum tuum splendidum, quod ante portare solebas? » Quid dicis, et quid respondes ei, quam frigus obligavit? Gratulantur autem in malis tuis, quæ tibi venerunt. Tunc te planges dicendo: Heu mihi miseræ, cui talia venerunt! Quid mihi profuit illa captivitas, quæ me captivavit miseram et infelicem? « Quo ibo a Spiritu tuo, et a facie tua quo fugiam? Si ascendero in cælum, tu illices: si descendero ad infernum, ades. Si sumpsero pennas meas ante lucem, et habitavero in extremo maris; etenim illuc manus tua deducet me, et tenebit me dextera tua (*Psal. cxxxviii, 7-10*). » Tunc dices: « Vadam et revertar ad virum meum primarium; quia melius mihi erat tunc magis, quam modo (*Osee ii, 7*), » qui mihi dabat vestimenta mea, et oleum meum in tempore suo. Modo autem quid facio? Tunc revertaris in domum tuam cum fletu, unde exieras gaudens. Sedebis in angulo domus tuæ lugens et contristata, plorans die ac nocte, quærens qui simul tecum contristetur et non erit: et consolantes te, et non invenies. Et dabunt tibi elemosynam, quos ante oderas: et movebunt capita sua super te, dicentes: Ecce quæ erat devota Deo, modo facta est ut stercora in via, et sicut civitas quæ expugnatur. Ubi est castitas illius? Ubi sunt omnia illa, quæ eam sequebantur? Dereliquerunt enim illam, quia castitas erat dux eorum: perdidit castitatem, et fugerunt omnia illa. Modo autem quid facies, misera? Ubi sunt illi, quos insequeris? Redimant te si possunt. Quam potes dare commutationem pro anima tua, quam fraudasti per inobedientiam tuam; ut non audires fratres tuos, vel sorores, quæ tibi demons-

(3) Eadem Rom. edit., et peccatoribus mala?... Initium omnis necessitatis ad vitam hominis aqua et ignis, ferrum et sal, etc. Omnia hæc piis bona, sic

peccatoribus convertentur in mala. Vita hominis etiam spiritualiter arguetur, quia spiritualis, etc.

trabant, ne te jungeres cum hominibus sæcularibus? Nunc autem quid faciemus tibi vel quid dicemus, quos audire noluisti; nisi ut nos ipsos plangamus super te, dicentes: Parce, Domine, parce? Qui forte fletum nostrum et gemitum exaudire dignetur, ut det tibi animum convertendi ad ipsum denuo; ut rememores peccata tua, dicendo: « Quantis panibus mercenarii patris mei abundant, ego autem fame pereor? Surgam itaque, et vadam ad patrem meum, et dicam illi: Pater, peccavi in cælum et coram te; jam non sum digna vocari filia tua, suscipe me sicut unam ex ancillis tuis, ut vivam (*Luc. xv, 17-19*). » Quid si forte pro te occiderit vitulum 368 illum saginatum? Zelans enim te zelor: « Desponsavi enim te uni viro virginem castam exhibere Christo. Timeo enim ne, sicut serpens Evam seduxit astutia sua, sic tui sensus corrumpantur, et excidant a charitate quæ est in Christo Jesu (*II Cor. xi, 2, 3*). »

CAPUT III. — Vide ergo et cave de istis hominibus, ut mihi soror et domina nomineris. « Intra in cubiculum, clauso ostio ora Patrem tuum (*Matth. vi, 6*), » ut det tibi mentem bonam et intellectum, ut scias quos debeas sequi, et quos vitare; quia multi sunt qui fingunt se esse quod non sunt, sed mentiuntur: et nescis quoniam de anima tua agitur; ne ducant te captivam, sicut bovem qui ad occisionem ducitur: aut velut canem, ut alligetur. Ne festines sicut avis in laqueum. Audi me, remove pedem tuum de illis, sede sedula in domo tua, operare manibus tuis quod bonum est; ut habeas unde communicare possis necessitatibus sustinentibus. Ora sine intermissione, nec facilis videaris in plateis. Certa bonum certamen, curre velocius; ut comprehendas, in quo comprehensa es a Christo (*Philipp. iii, 12*). Audiant te homines, et latentur de bono animo; et de mente qua vivis. « Da eleemosynam, et ecce omnia munda erunt tibi (*Luc. xi, 41*). » Non te pigeat visitare infirmos; ex his enim in dilectione firmaberis. « Non jurabis omnino, neque per verum, neque per mendacium: sed

(4) Rom. edit., *neque per cælum, neque per terram: sed sit, etc.*

A sit (4) sermo tuus: Est, est, Non, non: quod autem amplius est, a malo est (*Matth. v, 34-37*). » Irascere, et noli peccare (*Psal. iv, 5*), ad excusandas excusationes in peccatis cum hominibus operantibus iniquitatem (*Psal. cxi, 4*). Humilia te, filia, ante Dominum, quoniam « Deus superbis resistit, humilibus autem dat gratiam (*I Petr. v, 5*). » Accede ad Dominum, ut illuminet te, et non erubescas in conspectu illius (*Psal. xxxiii, 6*). Recede de voluptate sæculi, et indue te constantia virtutis. Depone vestimenta hujus sæculi, et indue te tunica perpetuitatis. Derelinque cibos istius sæculi, et accipe tibi Sancta sanctorum (5). Memorare Sidrach, Misach, Abdenago, et Daniel recusasse carnes et vinum gentilium, et accepisse sibi olera et legumina (*Dan. i, 8-12*). Memento Machabæam propter carnes porcinas passam fuisse, et filios ipsius assatos vel frixos in oleo (*II Mach. vii, 1 seq.*). Ambula, filia, in habitu sancto, cum verecundia, et sobrietate, et gravitate. Depone mendacium, loquere veritatem cum proximo tuo. Ora, filia, sine intermissione; jejuna frequenter, et da eleemosynam, « quoniam eleemosyna a morte liberat, et non patitur ire in tenebras (*Tob. iv, 11*). » Munus bonum est eleemosyna, quæ purgat omnem sordem et squalorem. Beata cris, si hæc omnia cum legeris, facias. Zelare quod bonum est, ut quod malum est obliviscaris. Benedicat te Pater, et Filius, et Spiritus sanctus, benedictione qua patres nostros benedicere dignatus est Abraham, Isaac, et Jacob. Ora pro me, filia; quia et ego sollicitus sum de te, sicut scriptum est: « Orate pro invicem (*Jac. v, 16*). » Item, frater fratrem adjuvans exaltabitur (*Prov. xviii, 19*). Exaltet te Dominus in sanctitatem et dilectionem, sicut scriptum est: « Qui diligit fratrem suum, legem implevit (*Rom. xiii, 8*). » — « Impleat Dominus omnes petitiones tuas (*Psal. xix, 7*). » Præstet hoc tibi Deus Pater per Jesum Christum Filium suum, Dominum et Deum, regem, judicem, salvatorem, redemptoremque nostrum, qui est benedictus cum Spiritu sancto, per omnia sæcula sæculorum, amen.

(5) Eadem Rom. edit., *tibi escam sanctorum. Haud infeliciter.*

IN SERMONES

HACTENUS SUB AMBROSII NOMINE EVULGATOS

ADMONITIO.

Sermonum, quos in antiquioribus Ambrosii nostri editionibus persolvere est, mentionem prope fecit nemo, qui partem eorum haud mediocrem eidem sancto viro perperam attribui, et inter aliorum Patrum Opera, maxime vero beati Maximi circumferri non agnoverit. Romana editio nedum mederetur huic incommodo, alios insuper adjectos voluit ab ingenio styloque Ambrosiano magis abhorrentes, quam primi illi. Sed non unicum ejusdem editionis in ea re hoc peccatum est præterea enim et sermones non

paucos ab aliorum classe avulsos in alienas sedes amandavit, et multa eum in titulis, tum in ipso contextu, quo viderentur magis Ambrosiani, propria immutavit auctoritate; unde contigit in errorem induci homines alioqui sagacissimos.

Quapropter ut in posterum lectores ab huiusmodi fraude liberaremus, omnes Sermones qui Ambrosii nomen in quibuslibet editionibus præ se ferunt, ad examen placuit revocare: qua in censura post adhibitam, qua majorem non valuimus, diligentiam et severitatem, eorundem Sermonum, exceptis concionibus quatuor, nimirum *In funere Valentiniani*, *In funere Theodosii*, *De basilicis non tradendis*, ac *De reliquiis sanctorum Gervasii et Protasii*, quas edidimus propriis locis, nullum omnino deprehendimus, quem cum aliqua veri specie ac similitudine attribui Ambrosio posse arbitraremur. Enimvero illic omnia tantopere a sancti doctoris elocutione ac tractandi ratione discrepantia nobis visa sunt, ut nulli dubitemus nostram in sententiam quotquot eosdem, qua par est, attentione examinabunt, pedibus concessuros.

Quod igitur Cassiodorus (lib. *De instit. divin. Litt.* cap. 5) ætate sua homilias seu sermones exstitisse affirmat, qui Ambrosii nomen in fronte gererent, nisi credatur memoria sua vel falsa eujuspiam relatione deceptus esse, dicendum erit jam dudum excidisse illa exemplaria. Quod vero ad ea quibus continentur ii sermones, qui eidem Præsuli nunc tribuuntur, nullius auctoritatis illa putamus. Namque, ut plurimum, aut recentiorum præferunt manum, aut libri fuere usui choralis inservientes, nimirum lectionuarii et homiliarii, quorum momentum levissimum esse negabit nemo. Sed ne vetustioribus quidem codicibus hæc in re fidem habere satis tutum est. Etenim docet experientia, quo magis illi fierent vendibiles, homiliis aut sermonibus quibus constabant, magna nomina sæpe sæpius ab antiquariis inscripta esse. Hoc ipsum in his sermonibus aperte cognoscitur; cum enim antiquiora ipsorum exemplaria nulla habeamus condice Lugdunensi, ejus varias lectiones clarissimi Baluzii amicitia debemus, et condice Gallensi, quem a se tractatum atque excussum testatur Mabillonius noster ante mille annos exaratum esse, nihilominus tamen horum uterque sermones continet Gallensis quidem Augustinum, Lugdunensis vero Ambrosium auctorem falso ostentantes, et maximam partem sancto Maximo restituendos, ut de Gallensibus Mabillonius ipse profitetur. Ex horum censura de Lugdunensi statuas licet, cum utroque codice iidem propemodum sermones exhibeantur.

Neque vero admirabitur quisquam beato Maximo tot sermones ascribi, quandoquidem non ignoratur quantus in concionando hic sanctus exstiterit. Quod autem ex ejus sermonibus pars non minima transcripta sit in Ambrosii nomen, præter memoratas scriptorum fraudes, id etiam hinc potuit contingere, quod cum Opera sancti doctoris nostri sedulo evolverit, magnaque fragmenta ex eisdem ac potissimum e Commentario in Lucam ad verbum excerpta indiderit, incautis librariis errandi præbuerit occasionem, Inde similiter conjicere forsitan liceat non alium auctorem libris seu sermonibus *De sacramentis* quærendum esse, quam eundem Maximum: cui conjecturae locus ac tempus patrocinantur.

Quæ sunt a nobis hactenus dicta, planum faciunt solos sermones, ex quibus in librorum formam ab Ambrosio ipso redactis, tomus prior totus fere componitur, et magna quoque pars posterioris, Ambrosianos certo vocari. Nos igitur temere fecisse non videbimur, quod nullum eorum quos hic expendimus, inter Opera sancti Doctoris vera et explorata ediderimus. Cum autem ex his alii non nisi apud Ambrosium, alii vero etiam alibi vulgati exstent, priores tantum exhibebimus, ne pondere minus utili crescat volumen. Attamen ut magis pateat nos liberiori censura haudquaquam usos, cujusque sermonis capiti strictim præmitteremus eas rationes, quæ ne illum Ambrosianum arbitraremur, adducti sumus. Nec propterea oblectabimur, si quis lectorum eosdem sermones argumentis potioribus Ambrosio nostro iverit vindicatum.

Quod porro ad eas conciones, quæ in aliorum Patrum operibus circumferuntur, cum præ cæteris eo quoque præjudicio solæ laborent, quod non magis Ambrosio, quam vel Maximo vel alicui alteri adjudicatae sunt, minus timide ipsas recidimus. Ne vero negotium enipiam facessat illa mutatio, gemino indice providebitur. Quorum in primo sermones omissi collocabuntur tali ordine, ut non solum quam quisque sedem antea in editionibus Ambrosianis obtinuerit, verum etiam apud quem Patrum reperiat, uno intuitu advertere sit. In secundo indice triplex series eorum sermonum, quos retinemus, ita contextetur, ut omnes Ambrosianæ editiones, antiquæ videlicet, Romana, et nova nostra e regione invicem sibi positæ comparentur. Sed prius quædam ad omissos sermones speciatim pertinentia annotanda sunt.

Sermones de Tempore. — Priores duo, Romanæ scilicet editionis primus ac tertius, in Gallensi codice Augustino attribuuntur, sed in Corbeiensi ac Germaniensi, aliisque pluribus dantur Maximo, quem toti spirant. Idem etiam de sequenti dicere licet, cujus inscriptionem codex Lugdunensis veram hanc præfert: *Dicendum ante Natale Domini.*

Quartus omissorum, qui sextus est Romanæ editionis, in Appendice Augustiniana Cæsario addicitur. Huic opinioni haud reclamamus, admonuisse nempe contenti comparationes in eo esse, quæ cum legantur in sermonibus supra memoratis, interpolationem videntur arguere. Sermonem pariter post hos omissum, id est, duodecimum dictæ editionis eadem Appendix tribuit Cæsario: Ambrosio sane eum qui legerit, nemo tribuet. Nec alio modo de subsequenti, quem in Appendice sermonem Augustini etiam reperias,

disputabimus. Nam cum manuscriptorum quidam Ambrosio, quidam Augustino illum ascribant, nos cum Corbeiensi nemini astruimus.

Qui hos excipit, in Appendice sæpius citata solum incipit ab istis verbis : *Dicit Dominus in Evangelio*, etc. Eum similiter Gallensis codex ita dividit, ut novi sermonis eadem verba sint exordium. Quam vero inepta sit hæc divisio, ex primo aspectu cognoscere est. Hunc porro sicut et sequentem, qui continuatio ejus esse videtur, optimo jure Maximo adjudicant : sed ille quoque quem Romana editio vicesimum quartum numerat, jamdudum eidem antistiti vindicatus est.

Duorum sequentium prior olim quinquagesimus sextus inter Augustinianos collocabatur, nunc Cæsario restitutus est, cujus dictionem haud parum refert. Posterior autem non minori jure eidem Patri redditus fuit; illius tamen pars non minima Rabaniano cuidam sermoni inseritur, cujus lemma est : *De jejuniis Domini, et ratione quadragesimalis jejunii*.

Sermo tricesimus nonus Romanæ editionis ita inscribitur : *Cur Christus jejunia in deserto*, etc. Hic est in Appendice Augustiniana centesimus quadragesimus septimus, qui et alibi duo, nimirum tricesimus septimus ac tricesimus, e quibus alter de prima Christi tentatione disputat, alter de secunda, unius ejusdemque auctoris sunt, at certo certius non Ambrosii. Tantum quippe abhorrent a stylo ejus, quantum ad Maximi iidem accedunt.

Qui numero quadragesimo primo in Romana editione ponitur, cujusque magna fragmenta in homilia Rabani Mauri in Dominicam tertiam quadragesimæ deprehenduntur, in Appendice Augustiniana adjudicatur sancto Cæsario. Veruntamen in hunc sermonem haud male quadrat, quod Gennadius memorat a Maximo conciones scriptas, *De Jejuniis speciali Quadragesimæ, et quod non sit in eo jocandum*. Sed aliunde non minus videtur esse Cæsarii, quam sermo vicesimus sextus Romanæ editionis, quem ab eo scriptum nullus ambigat.

Quadragesimus secundus memoratæ editionis nihil plane habet quod non sapiat sanctum Maximum. Idem similiter de quadragesimo septimo statuendum est, cujus initium eadem Romana editio perperam mutarat, quemque Maximo deberi indicat Gennadius sub hoc titulo : *De Juda proditore*.

His adjungatur quadragesimus octavus, et qui ex eo pendent, quadragesimus nonus et quinquagesimus. Hos enim Maximi esse nihil non clamat. Non possumus autem quin hic expostulemus cum Romanis editoribus, qui cum alibi, tum in ultimo horum sermonum, plurima refragantibus aliis editionibus ac manuscriptis, immutare non dubitarunt.

Sermo quinquagesimus primus, sicut et duo proxime subjecti, inter Maximianos quoque reperiuntur. Nec dubitamus quin hi ipsi sint, qui memorantur a Gennadio sub his titulis : *De cruce Domini, De sepulchro ejus, De resurrectione ipsius*. Ejusdem Maximi sunt pariter quinquagesimus quintus, et quinquagesimus sextus, qui continuatio est quinquagesimi tertii, non secus ac quinquagesimi quinquagesimus septimus.

Cæsario restituitur in Augustiniana Appendice quinquagesimus octavus, qui cur aliquando attributus fuerit Ambrosio, nihil plane habet. Sed nec potiori jure ejusdem nomine censeretur meruit sexagesimus. Nam præterquam quod in Maximi editionibus, et manuscriptis non paucis ipsi vindicatur, quæ in eo dicuntur de baptismo apostolorum, cum iis quæ in Apologia David cap. 9, num. 50, legere licet, aperte pugnant.

Sexagesimum primum præter alia Maximo id etiam vindicat, quod nos ad sermonem quinquagesimum septimum, quem ejusdem præsulis esse supra diximus, videtur remittere. Quod autem de jejuniis Sabati ante Pentecosten hic memoratur, iis non congruit, quæ in sexagesimo eadem de re tradita fuerunt : proindeque incidere potest aliqua dubitatio, num forte ad auctorem sit referendus eodem Maximo recentior.

Sermo sexagesimus quartus nihil aliud est, quam Basilii homilia in dictum illud ex Evangelio secundum Lucam : *Destruam horrea mea*, etc., nonnullis tamen partim additis, partim recisis. Eadem homilia Basiliana Ambrosium in libro de Nabuthe usum vidimus; non tamen ex hoc inferre licet auctorem quoque hujus sermonis Ambrosium esse. Quinimo si contendatur cum hoc sermone quæ in eodem libro ex illa homilia imitatus est sanctus Ambrosius, illico cognoscetur Doctorem nostrum Basilii sententias multo nobiliori ratione esse interpretatum, quam tralatorem hujus sermonis quippe qui verba ex verbis serviliter reddens, tota elocutione, ac potissimum in iis laciniis, quas identidem de suo intexuit ab Ambrosio abest quam longissime.

Sexagesimum sextum, qui eodem numero in Appendice Augustinianorum sermonum exstat, opinatur Mabillonius ad undecimum, qui ab ipso tanquam Maximi editus fuit, referri posse. Veruntamen illius stylus, nostro quidem judicio, ab hujus Patris scribendi modo tantum discrepat, ut eundem sermonem auctori cuiquam posteriori lubentius adjudicemus.

Sermonibus de Tempore subjectæ fuerant in Romana editione conciones aliquot, quarum tres primæ nempe de Basilicis, et in funere Valentiniani, ac Theodosii imperatorum suo quamque loco exhibuimus : quartam autem soli Maximo, cujus et stylum sapit, et in Patrum Bibliotheca jam nomen præfert, relictum voluimus.

Sermones de Sanctis. — Secundus sermonum, quos vocant de Sanctis, apud Augustinum atque Maxi-

num editus fuit : sed huic uni non solum dictio, verum etiam cum quinquagesimo octavo affinitas illum asserit.

Sermonem quintum, qui ab Ambrosio in Gervasium et Protasium fratres martyres habitus fuit, inter epistolas constituimus : quem locum ejus genuinum esse in Admonitione ipsis præmissa demonstratum est.

Sermo sextus pridem Maximo redditus fuit, nec obscurum est illum a nullo nisi Taurinensi dictum fuisse.

Decimus in Appendice Operum Augustini dicitur *Ambrosio reverius forte quam Augustino tributus* : sed vere utriusque abjadicandus nobis videtur, et pari jure. Nam si dictionem ejus expendas, eam non magis Ambrosii esse quam Augustini ultro fateberis : simulque advertes auctorem ejus videri Chrysostomo posteriorem.

Duodecimum etiam reperias in Appendice Augustiniana, sed præterea apud Maximum exstat, cui et consensu eruditorum attribuitur. Sed nec aliter de tertio decimo statui debet ; quippe qui sermonis dei tempore vicesimi quarti, quem Maximi esse supra vidimus, continuatio sit.

Decimo septimo fragmentum quoddam in editione Romana præfigitur, quod in antiquis prætermissum est ; integrum vero hunc sermonem exhibet eadem Appendix Augustiniana. Ut porro pateat illi sermoni Ambrosianum nihil inesse, is tantummodo cum iis conferatur, quæ de S. Laurentio in libris *Officiorum* scripsit Ambrosius.

Decimus octavus inter Maximi sermones legitur, in quo ejus ingenium atque elocutio deprehenditur.

Vicesimum quoque reperire est apud Maximum. Si tamen illi, sicuti videtur, ascribendus sit, cum oportebit a sciolo quopiam *de sancto Michlæe* illa de causa esse inscriptum, quia in hoc festo illud Evangelium, quod ejusdem sermonis argumentum est, legi consuevit. Apud eundem Taurinensem vicesimus primus cum vero suo titulo exstat, isto scilicet *de Hospitalitate* ; atque adeo credibile est hunc ipsum esse quem ab eodem præsule *de Avaritia et Hospitalitate* scriptum testatur Gennadius. Nullam ergo causam habuit Romana editio cur illum inscriberet : *In Festo sancti Lucæ evangeliste.*

Sermones e prioribus tomis. — Sermo *de arbore interdicta* in Augustini Appendice ordinem ducit. Ibidem observatur hunc sermonem varietates habere apud Ambrosium, sed eæ fuerunt ab editoribus aut elegantiae aut majoris cum Ambrosiano stylo cognationis causa inductæ. Non mirum igitur si quidem eruditioris etiam judicii ex his deceptus, quia idem sermo tribui possit sancto doctori, nihil prohibere existimavit. Auctor illius plane ignoratur. Manichæi vero illic impugnantur, sed non rigidi, quandoquidem hi bonum esse vinum non dissitentur. Quapropter aut Marcionistas, aut eos hæreticos fuisse necesse est, quos in libro *de Paradiso*, ubi eadem materia, sed ratione longe alia, pertractatur, confutat Ambrosius.

Duos sermones *de sancto Elisæo* in prima parte *Musei Italici* Mabillonius noster tanquam nondum publici juris factos edi curavit : sed erroris causa in Romanæ editionis, ubi alieno loco positi fuerant, confusionem referri debet. Cæterum nequaquam reluctabimur, quominus Maximi esse dicantur.

Sermonis in caput vii Job illa germana inscriptio est : *De carnalibus hostibus non metuendis, et de gratis post cibum agendis* ; hoc enim titulo Gennadius ipsum indicat, nec non Maximi apud quem etiam idem habetur, esse significat.

In psalmos cxi cix ac cxvii enarrationes sive sermones inter Maximianos jure censentur. In editionibus Ambrosianis quasdam periodos horum sermonum primus exhibet, quæ non reperiuntur apud Maximum, sed istæ non sunt magni momenti. Tertius autem eidem Maximo in Romano Breviario restitutus est.

Enarratio in caput xxxi Proverbiorum apud Augustinum, cui ascribitur, pura legi potest, ac sine illis additamentis, quæ ut magis Ambrosiana judicaretur, eidem intexuit Romana editio.

In caput iii Ecclesiastici sermones duo *de Eleemosyna* sancto Maximo, cujus dictionem pulchre referunt, in ejusdem etiam editionibus attribuuntur.

De sermone in caput i Isaie non aliud quoque sentiendum est : sed nec etiam de sermonibus duobus in caput xiii Danielis : hi quippe omnes et evolvuntur apud Maximum, et ejus esse a Gennadio, indicata cujusque inscriptione, asseverantur.

Prior sermonum in caput iii et iv Jonæ non est alterius nisi Maximi, cui editiones ejusdem Patris, sicut et Gennadius, illum astruunt : posterior vero in *Museo Italico* sub Maximi nomine a Mabillonio editus fuit. Quod vero illum nondum vulgatum existimavit, perturbationi editionis Romanæ imputandum est.

Postremo cum sermo in caput i Malachiæ sermonis in caput vii Job, quem Maximi esse antea probavimus, continuatio sit, ad eundem quoque auctorem pertinere manifestum est.

INDEX SERMONUM PRÆTERMISSORUM.

Ordo antiq. edit. Ambr.	Ordo Rom. edit. Ambr.	Ordo al. operum ubi reperiuntur.
SERMO XXVIII.	SERMO I.	Apud Maximum Taurin. in Bibl. PP. Homilia I in adventu Domini. De eo quod scriptum est: <i>Sicut fulgur</i> , etc. Sed ab his tantum verbis incipit: <i>Movet fortasse</i> , etc.
Exhortatio ad plebem de eo quod scriptum est in Evangelio: <i>Sicut fulgur</i> , etc.	<i>Dominica prima Adventus.</i> Pancorum admodum dierum occupatione detentus cœtui vestro videor deluisse, et alterius Ecclesiæ necessitatibus evocatus, minime vobis studium solium dependisse. Sed quamvis vobis non adfuerim corpore, tamen a vobis amore non defui, etc.	
SERMO XXIX.	SERMO III.	Apud Maximum Homilia secundæ eodem Adventu.
Item de eodem.	<i>Dominica secunda Adventus.</i> Superiore Dominica capitulum Evangelicum disse- rentes, etc.	
SERMO XIV.	SERMO IV.	Apud Maximum. In Vigiliæ natalis Domini Homilia.
Item de natali Domini.	<i>Eadem Dominica secunda Adventus.</i> Lætitia quanta sit, quantusque concursus cum imperatoris mundi, etc.	
Non exstabat.	SERMO VI.	Append. Aug. Serm. 115 et 1 de Tempore.
Non exstabat.	<i>Dominica quarta Adventus.</i> Propitia divinitate, fratres dilectissimi, jam adveniunt dies, etc.	
Non exstabat.	SERMO XII.	Append. August Sermo 139.
	<i>De mysterio Epiphaniæ Domini.</i> Dies iste et festivitas quam hodie, fratres, celebratis, ideo Epiphania, id est, apparitio, etc.	
	SERMO XVIII.	Append. August. Sermo 137.
	<i>Eodem die de baptismo Christi.</i> Hanc baptismi Domini nostri celebritatem, fratres dilectissimi, quam hodierni, etc.	
	SERMO XIX.	August. Append. Sermo 87.
SERMO I.	<i>Dominica sexta post Epiphaniam.</i> Libenter nos prædicare, et gratanter opus Dei facere manifestum est: sed cum videmus, etc.	
De grano sinapis.	SERMO XX.	August. Append. Sermo 88.
	<i>Super iisdem verbis</i> , etc. Superiore Dominica parabolam Domini disserentes, in qua ait: <i>Cui simile est regnum</i> , etc.	
SERMO II.	SERMO XXIV.	Apud Maxim. et in App. Aug. Sermo 100.
Item de grano sinapis.	<i>De eo quod scriptum est in Actibus Apostolorum: Erant omnia communia</i> , etc. Merito, fratres, dicit Apostolus: Nunc manent fides, etc.	
	SERMO XXV.	Append. August. Sermo 141.
SERMO IX.	<i>Feria quarta Cinerum.</i> Dominus ac Salvator noster qualiter post multos negligentia, etc.	
De unitate charitatis. Legimus in libro, etc.	SERMO XXVI.	Apud Cæsar. et in App. Aug. Sermo 142.
Non exstabat.	<i>Feria quinta post diem Cinerum.</i> Rogo vos, fratres charissimi, ut in isto legitimo tempore, exceptis Dominicis, etc.	
Non exstabat.	SERMO XLII.	Append. August. Sermo 147.
	<i>Feria secunda post Dominicam secundam Quadragesimæ.</i> Si bene retinet dilectio vestra, fratres, superiori Dominica prædicavimus quod sanctam, etc.	
SERMO XXXVII.	SERMO XXXIX.	Append. August. Sermo 146.
De Quadragesima.	<i>Dominica tertia Quadragesimæ.</i> Diximus superiore Dominica hoc esse fidei nostræ opus primum, ut horum quadraginta, etc.	
	SERMO XLI.	Apud Maximum in Biblioth. PP.
SERMO XXXIII.	<i>Feria sexta post Dominicam tertiam Quadragesimæ.</i> Retinet dilectio vestra, fratres, ante dies cum sermone ad vos de eleemosynis, etc.	
De Quadragesima.	SERMO XLVII.	Apud Maximum in Biblioth. PP.
	<i>Feria secunda Hebdomadæ sanctæ.</i> Audistis, fratres, Judam Iscariothem de unguento super Domini pedes, etc.	
SERMO XXXI.		
De Eleemosyna.		
SERMO LI.		
De Juda Iscarioth.		

Ordo antiq. edit. Ambr.

SERMO XLVI.

De pœnit. Petri, etc.

SERMO XLIV.

De sancto latrone.

SERMO XLV.

Item de eodem.

SERMO LV.

De cruce Christi.

SERMO LVI.

Item de Cruce Christi.

SERMO LVII.

De sepulcro Domini, etc.

SERMO LIII.

De innovatione fidelium.

SERMO LVIII.

De Maria Magdalene.

SERMO LIV.

De innovatione fidelium.

Non extabat.

SERMO LXI.

De Pentecoste.

SERMO LXII.

Item de Pentecoste.

SERMO LXXXI.

De eo quod scriptum est in Evangelio : *Hominis cujusdam divitis*, etc.

SERMO VII.

De eo quod scriptum est : *Reddite quæ Dei*, etc.

SERMO LXXXII.

De defectione lunæ.

SERMO XLVII.

De fide Petri apostoli.

SERMO LXXVII.

De natali SS. Octavii, etc.

Ordo Rom. edit. Ambr.

SERMO XLVIII.

Feria tertia Hebdomadæ sanctæ.

Sæpe diximus, fratres, quod ad similitudinem Evæ Petrum quoque ostiaria mulier, etc.

SERMO XLIX.

Feria quarta Hebdomadæ sanctæ.

Quoniam hodie Evangelica lectio de latrone fecit mentionem, videamus quis iste latro, etc.

SERMO L.

Feria quinta Heb. omadæ sanctæ.

Collecta quam hodie legi... meminisse autem debet vestra dilectio quomodo hesterno die, etc.

SERMO LI.

Feria sexta Hebdomadæ sanctæ.

Sæculi hujus hominem fabulæ ferunt Ulysssem, illum qui decennio marinis, etc.

SERMO LII.

Eadem die Parasceves.

Superiori sermone diximus, ut retinet vestra dilectio, fratres, quod cum Domini salutem, etc.

SERMO LIII.

Sabbato sancto.

Retinet dilectio vestra, fratres, quid alibi diximus quia non minor gloria est, etc.

SERMO LV.

Eadem Dominica Resurrectionis.

Magnum, fratres, et mirabile donum contulit nobis Deus hunc Paschæ, etc.

SERMO LVI.

Feria quinta post Dominicam Resurrectionis.

Hæret adhuc sensibus vestris, fratres, hoc nos ante dies paucissimos præ-heasse quod Maria, etc.

SERMO LVII.

Dominica in Albis.

Retinet sanctitas vestra, fratres, hoc me nuperrime prædicasse quod homo in juniorem ætatem, etc.

SERMO LVIII.

In die Ascensionis Domini.

Laudemus Deum nostrum, fratres charissimi, Deo gratias agamus, etc.

SERMO LX.

In die sancto Pentecostes.

Scire debet sanctitas vestra, fratres, hanc sanctam Pentecostes diem, etc.

SERMO LXI.

Feria secunda Pentecostes.

Non incommode ante paucos dies, sicut retinetis, fratres, prædicatio nostra processit, etc.

SERMO LXIV.

Dominica octava post Pentecosten.

Non omnia, fratres charissimi, quæ in villico Dominus laudavit, nos ad imitandum sumere debemus : sed ut nobis signaretur, quantum placeat Domino pia bonorum... Duplex autem tentationum species : aut enim tribulatio, etc.

SERMO LXVI.

Dominica vicesima secunda post Pentecosten.

Nonnulli, fratres, qui aut militiæ cingulo detinentur, etc.

SERMO IV.

Objurgat populum ob quendam hunc superstitionem.

Et ipsi scitis, fratres, quod mea non cessat humilitas omni circa vos sollicitudine, etc.

SERMONES DE SANCTIS.

SERMO II.

In Cathedra sancti Petri.

Astruimus superiore Dominica sanctum Petrum, etc.

SERMO VI.

In festo sanctorum martyrum Octavi, Adventi, etc.

Cum omnium sanctorum martyrum, fratres, devotissime natalem celebrare debemus, etc.

Ordo al. operum ubi reperiuntur.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Basilium, Hom. in dictum illud : *Destruam horrea mea*, etc.

Append, August. Sermo 82.

Apud Maximum in Biblioth. PP.

Apud Maximum et in App. Aug. Serin. 92.

Apud Maximum in Biblioth. PP.

Ordo antiq. edit. Ambr.

SERMO LXVIII.

Item de eodem.

SERMO LXVI.

De natali SS. Apostolorum, etc.

SERMO LIX.

De avaritia, Anania.

SERMO LXXI.

De natali sancti Laurentii, etc.

SERMO LXXII.

De natali sancti Cypriani.

SERMO X.

De eo quod scriptum est : *Quis major est, in regno caelorum.*

SERMO XXXII.

De hospitalitate in Evangelio.

Non exstabat.

SERMO LXXXVI.

Item de eodem.

SERMO LXXXVII.

De sancto propheta Elisæo.

SERMO XLII.

De hostibus carnalibus, etc.

SERMO III.

De psalmo XXI.

SERMO LX.

In festo Pentecostes.

SERMO LII.

Non exstabat.

Non exstabat.

SERMONES XXX et XXXI.
De eleemosyna.

SERMO LXXXVIII.

De eo quod Propheta ait ad filios Israel : *Cau-
pones vestri, etc.*SERMONES XLIX et L.
De accusato Domino, etc.

Ordo Rom. edit.

SERMO XI.

In festo sanctorum Petri et Pauli.

Notum omnibus vobis est, fratres, et universo, etc.

SERMO XII.

In eodem festo.

Cum omnes beati Apostoli parem gratiam apud, etc.

SERMO XIII.

In festo sancti Alexii.

Retinet dilectio vesira, fratres, ante dies cum plebis, etc.

SERMO XVII.

In festo sancti Laurentii martyris.

Beatissimi Laurentii martyris, cujus ut natalem hodie, etc.

SERMO XVIII.

In festo sancti Cypriani martyris.

Sancti Cypriani festivitatem, sicut omnibus notum est, hodie celebramus, etc.

SERMO XX.

In festo sancti Michaelis archangeli.

Se diligenter audistis, fratres, Evangelicam lectionem, intelligere potestis quæ ministris ac sacerdotibus Dei reverentia debeat, vel qua ipsos clericos invicem humilitatis sedulitate se oporteat, etc.

SERMO XXI.

In festo sancti Lucæ evangelistæ.

Advertit sanctitas vestra, fratres, Evangelicam lectionem, etc.

SERMONES E PRIORIBUS AMBROSIAN.
OPERUM TOMIS.*De arbore interdicta Enarratio.* (Tom. I, pag. 423.)
Legimus in Genesi Deum Adæ dixisse : Ex omni, etc.

SERMO I.

De sancto Elisæo propheta. (Tom. I, pag. 565.)

Sæpe dixisse me meminim quod hostium tumultus bellicosos tinere, minime debemus, nec quamlibet, etc.

SERMO ALTER.

De eodem. (Tom. I, pag. 567.)

Mirum forsitan videbitur, quod ante dies aliquot sancti Elisæi, etc.

SUPER CAPUT VII JOB SERMO.

(Tom. II, pag. 647.)

Frequenter admonui vos, fratres, ut dum licet, etc.

IN PSALMUM XXI ENARRATIO.

(Tom. II, pag. 671.)

Psalmi qui lectus est seriem decursuri, etc.

IN PSAL. CIX SERMO PRO DIE PENTECOSTES.

(Tom. II, pag. 869.)

Nosse vos credo, fratres, quæ sit ratio quod, etc.

EX PS. CXVII, PRO SANCTO DIE PASCHÆ SERMO.

(Tom. II, pag. 871.)

Non immerito, fratres, hodierna die psalmus hic legitur, in quo Propheta exsultandum, etc.

IN CAP. XXXI PROVERB. SALOM. ENARRATIO.

(Tom. II, pag. 1097.)

Præstabit nobis qui hunc diem commendavit in sanctis suis, etc.

IN CAP. III. ECCLES. SERM. DUO DE ELEEMOSYNA.

(Tom. II, pag. 1110 et seq.)

Dicit Scriptura divina ignem ardentem, etc.

Retinet vestra dilectio ante dies aliquot, etc.

SUPER CAPUT PRIMUM ISALÆ.

(Tom. II, pag. 1113.)

Non incommode ante dies paucos prosecuti sumus functionem hanc sacerdotalem vicem quamdam negotii retinere, et quæstum esse, etc.

IN CAP. XIII DANIELIS PROPH. SERMONES DUO.

(Tom. I, pag. 1126 et seq.)

Mirum forsitan videatur vobis, fratres, cur Dominus, etc. Ante dies prosecuti sumus sanctæ Susannæ, etc.

IN CAP. III ET IV JONÆ.

(Tom. II, pag. 1119 et seq.)

Ordoal. operum ubi reperiuntur.

Append. August. Sermo 201.

Append. August. Sermo 202, et apud Maximum.

Apud Maximum in Biblioth. PP.

Appendix August. Sermo 206.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Append. August. Sermol.

In Mus. Italic. tom. I, part. II.

Mus. Ital. tom. I, part, II.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Augustinum. Sermo 37.

Uterque apud Maximum in Biblioth. PP.

Apud Maximum in Biblioth. PP.

Apud Maximum in Biblioth. PP.

Apud Maximum et App. Aug. Serm. 152.

Ordo antiq. edit. Ambr.

SERMO XL.

De jeuniis Ninivit.

SERMO LXXV.

De barbaris non timendis.

SERMO XLIII.

Item de eodem.

Ordo Rom. edit.

SERMO I.

Legimus in recitata Junæ prophetæ cum Ninivæ civitati subversio, etc.

SERMO II.

Diximus anteriore Dominica Ninivitas in tribulatione, etc.

EX VERBIS MALACHIE PROPHETÆ SERMO.
(Tom. II, pag. 1148.)

Satis abundeque in superioribus dixisse me credo, etc.

Ordo al. operum ubi reperiuntur.

Apud Maximum in Biblioth. PP.

In Mus. Ital. tom. I, part. II.

Apud Maximum in Biblioth. PP.

INDEX SERMONUM.

Ordo antiq. edit. Ambr.

Non exstabat.

SERMO XV.

De Natali Domini.

Non exstabat.

SERMO XII.

De Natali Domini.

SERMO XIII.

De Natali Domini.

SERMO XVI.

De Natali Domini.

SERMO XVII.

Inrepatio de Kalendis Januariis.

SERMO XIX.

De sancta Epiphania.

SERMO XX.

Item de eodem.

SERMO XXI.

De die S. Epiphaniæ.

SERMO XXII.

Post Epiphaniam.

SERMO XVIII.

De sancta Epiphania.

SERMO V

Quod simile sit regnum Dei fermento.

Ordo hujus edit.

SERMO I.

Dominica prima Adventus.

Hoc tempus, fratres charissimi, non immerito Domini adventus vocatur, nec sine causa, etc.

SERMO II.

Dominica tertia Adventus.

Satis abundeque dixisse me credo superiore Dominica quemadmodum compti vel nitidi, etc.

SERMO III.

De Natali Domini I.

Domini nostri Jesu Christi, fratres, nativitatem celebrantes, etc.

SERMO IV.

*De Natali Domini II.*Verum est quod ait sanctus Joannes Baptista de Domino Salvatore dicens: *Illum oportet crescere*, etc.

SERMO V.

De Natali Domini III.

Qua gratia vel quibus laudibus hunc diem natalis Domini predicemus, prorsus ignoro, etc.

SERMO VI.

De Natali Domini IV.

Bene quodammodo hanc diem natalis Domini solem novum vulgus appellat, etc.

SERMO VII.

De Kalendis Januariis.

Est mihi adversus plerasque de vestris, fratres, querela non modica: de his loquor, etc.

SERMO VIII.

De sancta Epiphania I.

Exsultandum est nobis, fratres charissimi, quod votis nostris vota succedunt, etc.

SERMO IX.

De sancta Epiphania II.

Meminit sanctitas vestra, fratres, superioris prædicationis nostræ, etc.

SERMO X.

De sancta Epiphania III.

Plerique in hac sanctæ Epiphaniæ die hactenus a Domino mirabilia factasse, etc.

SERMO XI.

De sancta Epiphania IV.

Ad omnes vos, fratres, prædicationem meam in die sanctæ Epiphaniæ pervenisse credo, etc.

SERMO XII.

De sancta Epiphania V.

Evangelica Scriptura refert, sicut lectum nuper audimus, Dominum ad Jordanem, etc.

SERMO XIII.

Super his verbis Evangelii: Simile est regnum cælorum, etc. Et ipsi sentis, fratres, quod ex qua die vobiscum esse cœpi, non cessavi omnibus vos Dominicis etc.

Ordo ed. Rom. Ambr.

SERMO II.

Dominica 1 Advent.

SERMO V.

Domin. 3 Advent.

SERMO VII.

In die Natalis Domini.

SERMO VIII.

In die Natalis Domini.

SERMO IX.

De eadem Nativitate.

SERMO X.

De eadem Nativitate.

SERMO XI.

In die Circumcisionis.

SERMO XIII.

De Epiphania Domini.

SERMO XIV.

De eadem solemnitate.

SERMO XV.

De eadem festivitate.

SERMO XVI.

In eadem die ad catechumenos.

SERMO XVII.

In octava Epiphaniæ de baptismo Christi.

SERMO XXI.

Dominica 6 post Epiphaniam.

Ordo antiq. edit. Ambr.

Non exstabat.

Non exstabat.

SERMO VIII.

De Sabbato quo Dominus manum, etc. : *Diligenter vos audisse*, etc.

Non exstabat.

SERMO XXVII.

De Jejuniiis.

SERMO XXIII.

De Quadragesima.

SERMO XXIV.

Item de Quadragesima.

SERMO XXV.

De Quadragesima.

SERMO XXVI.

De Quadragesima.

SERMO XXXIV.

De Quadragesima.

Non exstabat.

Non exstabat.

Non exstabat.

SERMO XXXV.

De jejunio Domini in deserto, etc.

SERMO XXXVI.

De Quadragesima.

Non exstabat.

Non exstabat.

Non exstabat.

Ordo hujus edit.

SERMO XIV.

Dominica in Septuagesima.

Redimite vos, fratres charissimi, dum pretium habetis, quando novum tempus inchoatis, etc.

SERMO XV.

Dominica in Sexagesima.

Adest tempus, charissimi fratres, quod Sexagesima vocatur; et ideo necesse est ut vita vestra, etc.

SERMO XVI.

Ubi Sabbato Dominus manum aridam curavit.

Diligenter vos audisse credo, fratres, evangelicam lectionem, etc.

SERMO XVII.

De sancta Quadragesima I.

Ecce adsunt dies sancti et tempus acceptabile, fratres charissimi, etc.

SERMO XVIII.

De sancta Quadragesima II.

Testimonium perhibet sanctus Apostolus de prophetis dicens : *Tempore accepto*, etc.

SERMO XIX.

De sancta Quadragesima III.

Sanctæ Quadragesimæ rationem, cujus hodie initium celebramus, etc.

SERMO XX.

De sancta Quadragesima IV.

Retinent adhuc sensus vestri, fratres, hoc nos superiore Dominica, etc.

SERMO XXI.

De sancta Quadragesima V.

Intellexisse vos credo, fratres, superiore Dominica, cur hæc nostra jejunia, etc.

SERMO XXII.

De sancta Quadragesima VI.

Non usque adeo contristari debemus, fratres, quod in his Quadragesimæ, etc.

SERMO XXIII.

De sancta Quadragesima VII.

Nonnulli Christianorum, fratres, existimantes divinitatis, etc.

SERMO XXIV.

De sancta Quadragesima VIII.

Quam timendus est, fratres charissimi, dies ille iudicii, in quo Dominus, etc.

SERMO XXV.

De sancta Quadragesima IX.

Ecce nunc tempus adest, in quo et peccata vestra confiteri Deo et sacerdoti, etc.

SERMO XXVI.

De sancta Quadragesima X.

Lectum est nunc in Evangelio : *Viri Ninivitæ surgent in iudicio* Pharisei pœnitentiam simulabant, etc.

SERMO XXVII.

De jejunio Domini in deserto, qui est de Quadragesima XI. Meminisse debet vestra dilectio, fratres, hoc me anterie Dominica prædicasse, etc.

SERMO XXVIII.

De sancta Quadragesima XII.

Ante dies devotionem sanctæ Quadragesimæ prædicantes sacrarum litterarum exempla, etc.

SERMO XXIX.

De sancta Quadragesima XIII.

Agite gratias, fratres, divinæ pietati, quæ vos ad medium Quadragesimæ perduxit, etc.

SERMO XXX.

De sancta Quadragesima XIV.

Scitote, fratres, quoniam cuius opera quisque facit, ejus et filius vocatur. Unde et Judæi, etc.

SERMO XXXI.

Dominica in Ramis Palmarum.

De sancta Quadragesima XV.

Veniente Domino nostro Jesu Christo ad urbem Hierusalem ante sex dies passionis, etc.

Ordo ed. Rom. Ambr.

SERMO XXII.

In Septuagesima.

SERMO XXIII.

In Sexagesima.

SERMO XXVII.

Feria 6 post diem Cinerum. *Te autem faciente eleemosynam, nesciat*, etc.

SERMO XXVIII.

Dominica prima Quadragesimæ.

SERMO XXIX.

Eadem Dominica.

SERMO XXXII.

Eadem Dominica.

SERMO XXXVIII.

Dominica secunda Quadragesimæ.

SERMO XXXVI.

Feria 6 post Dominicam 1.

SERMO XXX.

Dominica 1 Quadragesimæ.

SERMO XXXI.

Eadem Dominica.

SERMO XXXIII.

Feria 2 post Dom. 1 Quadrages.

SERMO XXXIV.

Feria 3 post Dom. 1 Quadrages. : *Ecce nunc tempus acceptabile*, etc.

SERMO XXXV.

Feria 4 post 1 Dominicam Quadrages.

SERMO XXXVII.

Feria 6 post Dom. 1 Quadrages.

SERMO XL.

Feria 3 post Dom. II Quadrages.

SERMO XLIII.

Dominica IV Quadragesimæ.

SERMO XLIV.

Dominica in Passione.

SERMO XLV.

Dominica in Ramis Palmarum.

Ordo antiq. ed Ambr.

Non exstabat.

SERMO XXXVIII.

De Jejunii et Quadragesima.

Non exstabat.

Tom. II.

De mysterio Paschæ libellus unus.

Non exstabat.

SERMO XI.

De mirabilibus.

SERMO XLI.

De gratia baptismi.

SERMO IV.

De Camelo.

Dicit in Evangelio Dominus J. C. : *Amen dico*, etc.

SERMO XXXIX.

De jejunii et eleemosynis.

SERMO LXXIX.

De eo quod dicit Dominus in Evangelio : *Vulpes foveas*, etc.

SERMO LXXX.

Increpatio ad plebem de eo quod scriptum est in Evangelio : *Cui habet, dabitur*, etc.

SERMO LXXXIII.

Increpatio ad populum de absentia sua.

SERMO LXXXIV.

Post increpationem consolatio ad populum.

Non exstabat.

Tom. IV.

De Salomone liber unus.

Non exstabat.

Ordo hujus edit.

SERMO XXXII.

Eadem Dominica Palmarum.

De sancta Quadragesima XVI.

Video vos, fratres, hodie attentius, quam soletis, ad Ecclesiam convenisse, et nemo, etc.

SERMO XXXIII.

De Jejunii Quadragesimæ XVII.

Propitia divinitate, fratres, ecce jam pene transegi-
mus Quadragesimæ indicta jejunia, etc.

SERMO XXXIV.

Dominica Resurrectionis Domini.

Audistis, fratres, quod sanctæ mulieres, quæ cum aromatis ad monumentum venire, angelorum, etc.

SERMO XXXV.

De mysterio Paschæ II.

Paschæ mysterium de fide omnibus credentibus, etc.

SERMO XXXVI.

In die sancto Pentecostes.

Magna est, fratres charissimi, hodierna festivitas, in qua, sicut audistis, acceperunt apostoli, etc.

SERMONES DE DIVERSIS.

SERMO XXXVII.

De Mirabilibus.

Quantorum mirabilium operator sit Dominus Jesus Christus, intelligere possumus ex hac Evangelica lectione, etc.

SERMO XXXVIII.

De gratia baptismi.

Quia constat, sicut ante dies persecuti sumus, Jesum Christum non sui causa baptizatum, etc.

SERMO XXXIX.

De Camelo.

Mammona quod apud Hebræos hujus sæculi divitiæ appellantur. Dicitur vero mammona, etc.

SERMO XL.

De jejunii et eleemosynis.

Non dubito, fratres, contristari vos, quotiescunque absentem me a vobis necessitas, etc.

SERMO XLI.

De eo quod dicit Dominus in Evangelio. Vulpes foveas habent, etc.

Si diligenter advertit vestra dilectio, fratres, capitulum, etc.

SERMO XLII.

Increpatio ad plebem de eo quod scriptum est in Evangelio : Qui habet, dabitur ei ; et Cantavimus vobis, et non saltastis.

Frequenter studueram apud me ipsum, fratres, subtrahere vobis dominicæ prædicationis eloquia, etc.

SERMO XLIII.

Increpatio ad populum quod Ecclesiam non frequentet.

Deberem, fratres, post hos complures dies aliquid uberius prædicare, et revertens a tanto examine sacerdotum, etc.

SERMO XLIV.

Post increpationem allectio ad populum.

Amatior fortasse fuerit increpatio mea superioribus prædicationibus, quod plerosque, etc.

SERMO XLV.

De primo et secundo Adam.

Audite, fratres charissimi, quale est legis mysterium. Primus homo, etc.

SERMO XLVI.

De Salomone.

Mirum satis est, dilectissimi fratres, quod in hoc capitulo.

SERMO XLVII.

Fragmentum enarrationis in cap. XXX Proverbiorum.
Ante adventum Christi Salvatoris nostri prophætæ, etc.

Ordo ed. Rom. Ambr.

SERMO XLVI.

Eadem Dominica.

Tom. I, pag. 117.

SERMO.

De Jejunio Elia.

SERMO LIV.

Dominica Resurrectionis Domini.

Tom. IV, pag. 301.

De mysterio Paschæ libellus unus.

SERMO LIX.

In die sancto Pentecosten.

SERMO LXI.

Domin. v post Pentecosten.

SERMO LXIII.

Dominica vi post Pentecosten.

SERMO LXV.

Dominica XIV post Pentecosten.

SERMO LXVII.

Dominica XXIII post Pentecosten.

SERMO III.

In festo sancti Basilii episc. et confess.

SERMO XXV.

Pro communi Confess. non Pontificis.

SERMO V.

Populum quod non frequentet Ecclesiam, redarguit.

SERMO VI.

Consolatur populum ne quia illum sæpius objurgaverit, etc.

Non exstabat.

Tom. II, pag. 1090.

De Salomone liber unus.

Tom. II, pag. 1094.

Enarratio in cap xxx Proverbiorum.

Ordo antiq. ed. Ambr.

Non exstabat.

SERMO LXXV.

In natali SS. Cantii, Cantiani, etc.

SERMO LXIII.

De natali S. Joannis Baptistæ.

SERMO LXIV.

Item de eodem.

SERMO LXV.

Item de Joanne Baptista.

SERMO LXVII.

De natali sanctorum apostolorum Petri et Pauli.

SERMO VI.

De Margarita.

SERMO XCIII.

In natali SS. martyrum Nazarii et Celsi.

SERMO LXIX.

De natali S. Eusebii Vercell. episc.

SERMO LXX.

De depositione S. Eusebii.

SERMO LXXIII.

De sancto Cypriano.

SERMO LXXVI.

De natali sanctorum martyrum.

Non exstabat.

SERMO LXXIV.

De natali martyrum.

SERMO LXXXVIII.

De bellico tumultu.

SERMO LXXXIX.

De dedicatione basilicæ.

Ordo hujus edit.

SERMONES DE SANCTIS.

SERMO XLVIII.

In festo sanctæ Agnetis virginis et martyris.
Cum in toto mundo virgineus flos Mariæ immarcescibiles, etc.

SERMO XLIX.

In natali SS. Cantii, Cantiani, etc.
Hodie beatissimorum Cantii, Cantiani et Cantianillæ, etc.

SERMO L.

In Natali sancti Joannis Baptistæ I.
In sancti ac beatissimi Joannis Baptistæ laudibus, cujus natalem hodie celebramus, etc.

SERMO LI.

De prærogativa ejusdem sancti Joannis Baptistæ II.
Sancti Joannis Baptistæ natalem hodie prosecutus, etc.

SERMO LII.

De vita ejusdem sancti Joannis Baptistæ III.
Diximus superiori Dominica, cum silentii nostri veniam peteremus quod pro salute communi, etc.

SERMO LIII.

In natali SS. Apostolorum Petri et Pauli I.
Natalem beatissimorum apostolorum Petri et Pauli hodie celebrantes, diversis epulis, etc.

SERMO LIV.

De neglecta solemnitate beatorum apostolorum Petri et Pauli II.

Satis ad correptionem vestram arbitror posse sufficere, fratres dilecti, quod, etc.

SERMO LV.

In festo SS. Nazarii et Celsi martyrum.
Etiam si martyribus regionis extraneæ pia votorum debita redderemus, propriis consulere, etc.

SERMO LVI.

In festo sancti Eusebii martyris, etc., I.
Ad sancti martyris Eusebii laudem aliquid addere velle, decerpere est. Tam ineffabilem enim, etc.

SERMO LVII.

In die depositionis ejusdem II.
Depositionem S. Eusebii martyris hodie celebramus, etc.

SERMO LVIII.

Eadem die in festo sancti Cypriani martyris.
Ante dies cum beatissimi martyris Cypriani celebraremus, etc.

SERMO LIX.

Pro communi unius martyris.
Si quantum necesse est dicere, et vos oportet audire, etc.

SERMO LX.

In natali unius martyris, sive Domni Domiciani.
Dum celebramus hodie, fratres charissimi, mortui justi, etc.

SERMO LXI.

Pro communi martyrum.
Dignum et congruum est, fratres, ut post lætitiâ Paschæ, etc.

SERMO LXII.

Pro communi plurimorum martyrum.
Moveri fortasse vos, fratres, quod tumultus bellorum et incursiones præliorum fieri, etc.

SERMO LXIII.

De servo centurionis in Evangelio, in dedicatione Basilicæ.

Legimus in sancto Evangelio cum centurionis cujusdam servus gravi paralysis ægritudine, etc.

Ordo ed. Rom. Ambr.

Non exstabat.

SERMO IV.

In festo SS. Cantii, Cantiani, etc.

SERMO VII.

In festo sancti Joannis Baptistæ.

SERMO VIII.

De prærogativa ejusdem, etc.

SERMO IX.

De Vita ejusdem, etc.

SERMO X.

In festo SS. apostolorum Petri et Pauli.

SERMO I.

In festo sanctæ Lucie virginis et martyris.

SERMO XIV.

In festo SS. Nazarii et Celsi martyrum.

SERMO XV.

In festo sancti Eusebii martyris, etc.

SERMO XVI.

In die depositionis ejusdem.

SERMO XIX.

In festo S. Cypriani martyris, etc.

SERMO XXIII.

Pro communi unius martyris per annum.

Non exstabat.

SERMO XXII.

Pro communi martyrum tempore Paschæ.

SERMO XXIV.

Pro communi plurimorum martyrum.

SERMO XXVI.

In festo dedicationis Ecclesiæ.

SERMONES

SANCTO AMBROSIO HACTENUS ASCRIPTI.

391 SERMO I.

Dominica I Adventus.

In Romana editione primum vulgatus : sed cum Ambrosio perperam attributum, quæ de Adventus, quod nomen non nisi multo post Ambrosium innotuit in Ecclesia, jejuniis dicuntur, clare ostendunt. Accedit etiam quod eo tempore confessionem criminum, et continentiam ab amplexu conjugali quasi necessariam indicit auctor, quod maxime alienum est ab Ambrosio. Denique correctores Decreti observarunt verba ibidem de secubitu conjugum citata, non in hoc, sed in sermone quodam de Quadragesima inveniri.

1. Hoc tempus, fratres charissimi, non immerito Domini Adventus vocatur, nec sine causa sancti Patres adventum Domini celebrare cœperunt, sermones de his diebus ad populum habuerunt; id namque ideo instituerunt, ut se unusquisque fidelis præpararet et emendaret, quo digne Dei ac Domini sui Nativitatem celebrare valeret. Nam si aliquis vestrum seniore suum in ejus domum suscepturus, ab omnibus sordibus et immundis rebus ipsam domum mundaret, et quæque honesta et necessaria essent, secundum suam possibilitatem præpararet: et hoc facit mortalis suscepturus mortalem: quanto magis se mundare debet creatura, ut suo Creatori apparenti in carne non displiceat? Ille justus venit ad nos peccatores, ut ex peccatoribus faceret justos: pius venit ad impios, ut nos faceret pios: humilis venit ad superbos, ut ex superbis faceret humiles. Quid plura? Ille natura bonus, venit ad homines, qui erant pleni omnibus malis.

2. Quapropter hortamur vos ut his diebus abundantius eleemosynas faciatis, ad ecclesiam frequentius conveniatis, confessionem peccatorum vestrorum purissime faciatis: et non solum ab omni immunditia, sed etiam ab uxoribus propriis studiosissime vos contineatis: odium nihilominus, iram et indignationem, clamorem et blasphemiam, superbiam atque jactantiam, cum omni carnali delectatione procul a vobis repellatis; ut cum dies Dominicæ Nativitatis advenerit, salubriter ipsam celebrare possitis. Et sicut multi sunt solliciti de carnalibus divitiis, et de pretiosis vestimentis, ut honorabiliores cæteris videantur in illa die: ita vos sollicitiores estote de spiritualibus divitiis et vestimentis; quia sicut anima melior est carne, ita

A deliciae spirituales meliores sunt quam carnales. Et multo melius est animam ornare virtutibus quam corpus pretiosis induere vestibus.

3. Hæc admonitio, fratres, ideo ad vos facta est, ut qui boni sunt, per hanc sint meliores, et qui malos se esse recolunt, certissime convertantur; ut pariter in die Dominicæ Nativitatis lætari spiritaliter mereantur; ipso præstante, qui cum Patre et Spiritu sancto vivit et regnat per infinita sæcula sæculorum, amen.

392 SERMO II.

De Natali Domini veniente.

In vet. edit. male inscribitur, Item de Natali Domini: melius in cod. Lugd. Sequentia de Natali Domini veniente; unde intelligas moris fuisse in Lugd. Ecclesia, ut per plures Dominicas populum ad Natalem Domini celebrandum præpararent sacerdotes. Licet porro in ms. Vind. tribuatur Augustino et in quibusdam Ambrosio, melius tamen inter Maximianos referri potest, cum illius sermonis, qui in Rom. edit. quartus habetur, et Maximi esse probatus est, continuatio sit, quod Erasmus in margine advertisse etiam videtur.

1. Satis abundeque dixisse me credo superiore Dominica quemadmodum compti vel nitidi Natalem Domini suscipere debeamus, et supervenientem festivitatem ejus omni ambitione retinere (1). Retinere, inquam, ut et si dies solemnitatis ejus transeat, apud nos tamen sanctificationis ipsius beatitudo permaneat: hæc enim gratia natalis est Domini Salvatoris, ut in futurum ad prædestinatos transeat, in præteritum remaneat ad devotos. Oportet ergo esse nos sanctitate puros, mundos pudicitia, nitidos honestate; ut quo diem festum advenire propinquius cernimus, eo accuratius incedamus. Si enim mulierculæ solent aliquas ferias suscepturæ, maculas vestium suarum aqua diluere, cur non magis nos excepturi Natalem Domini, maculas animarum nostrarum fletibus abluamus?

2. Et illæ quidem si adeo infectæ et obscuræ sordibus fuerint (2), ut maculas sola aqua non purget, addunt mollitiem olei, saponis etiam acrimoniam: nos quoque si tam grave peccatum fuerit, ut id minime solis fletibus abluatur, addamus misericordiæ oleo acrimoniam jejunii. Nullum enim tam grave delictum est, quod non purgetur abstinentia, eleemosynis extinguatur; ait enim san-

(1) Codex Reg., superiore tractatu... et superveniente festivitate ejus ab omni ambitione abstinere iniqua, ita ut, etc.

(2) Codex Lugd., et illæ quidem reculæ si adeo

infectæ et obscuræ sordibus fuerint; Vind. autem, Et illæ quidem si adeo infectæ res cellulæ fuerint: duo alii... si adeo infectæ res sordibus fuerint.

ctus propheta: « Sicut aqua exstinguit ignem, ita A eleemosyna exstinguit peccatum (*Eccli. iii, 33*). » Magna ergo est eleemosyna, quæ ardentium criminum globos benevolentiae suæ fonte refrigerat, et quodam irriguo largitatis obruit incendia delictorum: ut quamvis offensus Deus, quamvis criminibus provocatus, cogatur liberare eleemosynis, quem disposuerat punire peccatis. Cogitur enim a nobis quodammodo, dum compellitur pro actibus nostris mutare sententiam, et in uno eodemque homine nunc severitate iudicis permoveri, nunc patris pietate blandiri. Pater enim nobis Deus est, cum bene agimus: iudex noster est, cum peccamus. Compellitur ergo operibus nostris Dominus, ut nobis suam misericordiam largiatur, atque ideo ipse in Evangelio sancto dicit: « A diebus Joannis Baptistæ regnum cælorum cogitur (*Matth. xi, 12*). » Quæ sententia quem intellectum habeat, videamus.

3. Regnum cælorum non nisi Christus est Dominus, qui regnat in cælis. Cogi autem verbum tunc solet dici, cum res aliqua rarior assidua operatione densatur. Ex quo ergo Joannes Baptista Salvatoris annuntiavit adventum, ex eo regnum cælorum, quod prius fluidum et remissum apud Judæos jacebat, credentium populorum cœpit assiduitate densari, et omnis illa regni raritas prædicationum frequentatione solidari: tam enim rarum fuit apud Judæos regnum, ut transiret ad gentes: tam fluidum, ut emanaret ad populos. Nunc autem tanta credentium cogitur densitate, ut fixum et solidum maneat sine fine, sicut Scriptura dicit: « Et regni ejus non erit finis (*Luc. i, 33*). » Cogimus ergo regnum cælorum et vim quodammodo facimus, sicut ait evangelica lectio: « Et vim facientes diripiunt illud (*Matth. xi, 12*). » Vim, inquam, facimus Domino, non compellendo (3), sed flendo: non provocando injuriis, 393 sed lacrymis exorando: non blasphemando per superbiam, sed per humilitatem mœrendo. O beata violentia! quæ non indignatione percutitur, sed misericordia condonatur: beata, inquam, violentia, quæ vim patienti bonitatem elicit, et utilitatem tribuit inferenti: mala res admittitur, et de injuria nemo causatur (4): vis admittitur, et religio propagatur. Quisquis enim violentior Christo fuerit, religiosior habebitur a Christo. Aggredimur ergo in itinere Dominum, si quidem ipse est via (*Joan. xiv, 6*), et more latronum bonis eum suis exspoliare nitimur, cupimus illi auferre regnum, thesauros, et vitam: sed ille tam dives et largus est, ut non abnuat, non resistat: et cum omnia dederit, nihilominus omnia ipse possideat. Aggredimur, inquam, illum non ferro, non fuste, non

(3) Codex Vind., non contendendo.

(4) Idem cod., et de injuria nemo accusatur.

(5) Nonnulli mss., expurgemus membrorum vitia.

(6) Reg. ms., a sacerdotibus repellitur. Idem etiam sequentia illa: Raptores igitur sumus, usque

A saxo: sed mansuetudine, ac bonis operibus, et castitate.

4. Hæc sunt arma fidei nostræ, quibus in congressione certamus. Ut autem his armis uti in vi inferenda possimus, ante corporibus nostris vim quodammodo faciamus: expugnemus membrorum vitia (5), ut virtutum præmia consequamur: prius enim ipsi regnare debemus in nobis, ut regnum possimus diripere Salvatoris. Ait ergo Evangelium: « Et vim facientes diripiunt illud (*Matth. xi, 12*). » Raptores igitur sumus, raptores autem non nisi aliena diripiunt. Agnosco veram esse sententiam: Christum enim Ecclesia rapuit Synagogæ, et alienæ gentis regnum vim faciendo possedit. Nam Salvator missus sub lege, natus sub lege, nutritus juxta legem, dum a Judæis negligitur, a gentibus occupatur: et dum a sacerdotibus perditur (6), a peccatoribus invenitur, sicut ipse ait: « Publicani et meretrices præcedunt vos in regnum cælorum (*Matth. xxi, 31*). » Raptores igitur sumus.

5. Mirandum non est, quippe qui a tali auctore descendimus; scriptum est enim de patriarcha nostro Benjamin: « Lupus rapax (*Gen. xlix, 27*); » rapit enim quod suum non est. Ita et nos velut filii rapacis lupi alienarum pastorem ovium nostra intentione præripimus, sicut ipse dicit: « Non sum missus, nisi ad oves perditas domus Israel (*Matth. xv, 24*). » Rapitur itaque Christus, cum a Judæis dimittitur, et ab alienigenis prædicatur. Rapitur Christus, cum occiditur a Judæis, et sepelitur a nobis. Rapitur Christus a vigilantibus discipulis, a dormientibus perditur Pharisæis: sicut mentiendo ipsi confessi sunt, dum custodias ponerent sepulturæ, post resurrectionem Domini, dicentes: « Quia discipuli ejus nocte venerunt, et furati sunt eum, nobis dormientibus (*Matth. xxviii, 13*). » Unde spiritaliter intelligimus quia Christum omnes dormientes perdunt, vigilantes inveniunt; atque ideo Apostolus dicit: « Surge, qui dormis, et exsurge a mortuis et illuminabit te Christus (*Ephes. v, 14*). » Vides ergo mortuum esse, qui ita dormit, ut non custodiat Salvatorem; et ideo illi Pharisæi velut mortui, non potuerunt servare viventem, Propterea, fratres non dormiamus, sed vigilemus circa ipsum Dominum nostrum Salvatorem; ut, appositis jugiter D custodiis, nemo illum auferat a sepultura pectoris nostri, nec dicamus aliquando: Venerunt, et dormientibus nobis, furati sunt eum. Habemus enim inimicos, qui Christum de cordibus nostris, si obdormierimus, auferre nitantur. Unde pervigili cura servemus eum in sepulcro animarum nostrarum; ibi perquiescat, ibi dormiat, ibi cum voluerit, resurgat.

6. Ergo, fratres, Natalem (7) Domini suscepturi, ad Ergo, fratres, natalem, prætermittit.

(7) Ergo fratres, natalem, et cætera quæ sequuntur ad finem usque, ex codd. Reg. et Vind. restituta sunt, cum in aliis et editt. desiderentur.

ab omni conscientias nostras face mundemus; ac curemus nos non sericis vestibus, sed operibus pretiosis. Vestimenta enim nitida membra operire possunt, conscientiam ornare non possunt; nisi quod majoris verecundiae est nitidum membris incedere, et pollutum sensibus ambulare. Interioris igitur hominis prius ornemus affectum, ut exterioris quoque sit amictus ornatus: spirituales maculas abluamus, ut in nobis carnalia fulgeant vestimenta. Nihil autem prodest fulgere vestimentis, et sordere flagitiis. Ubi enim tenebrosa conscientia est, totum corpus subobscurum est. Habemus autem quo conscientiae maculas abluamus, sicut scriptum est: « Date eleemosynam, et omnia munda sunt vobis (Luc. xi, 41). » Bonum eleemosynae mandatum, per quod manibus operamur, corde mundamur, praestante Domino nostro Jesu Christo, qui cum Patre et Spiritu sancto vivit et regnat in saecula saeculorum, amen.

394 SERMO III.

In die Natalis Domini I.

Aberat ex antiquis editionibus. Ambrosii procul dubio nihil praese se fert: verba autem illa, propter prolixitatem divini officii..... propter dissonantiam regum, eidem minime conveniunt. Forte minus abhorreant a Caesario, cujus ad stylum totus hic sermo satis accedit.

1. Domini nostri Jesu Christi, fratres, Nativitatem celebrantes, videamus sensum hujus evangelicae lectionis, quae modo lecta est; dicit enim sanctus evangelista Augusti Caesaris edicto censum professum esse mundum universum, et ob hoc ascendisse Joseph a Galilaea de civitate Nazareth in Judaeam in civitatem David, quae vocatur Bethleem: ut ibi profiteretur cum Maria uxore praegnante, et pro utroque solveret censum, utpote de eadem familia (Luc. ii, 4-5). Tanta quippe fuit pax, Filio Dei apparente in carne, per duodecim annos, ut omnes, secundum Isaiae vaticinium, contunderent gladios suos in aratra, et lanceas suas in falces (Isa. ii, 4). Ideo vero Filius Dei, auctor pacis, tempore pacis nascitur, ut omnes sequaces suos pacem amare doceret. Nam sicut Caesar Augustus misit Cyrinum ad exigendum censum; ita Deus verus Augustus misit praedicatores in mundum ad censum fidei exigendum. Reddamus ergo, fratres, censum fidei et bonae actionis. Nullus remaneat, omnes ascendamus de Galilaea, id est, de volubilitate mundi in Judaeam, id est, rectae confessionis regionem; quatenus Bethleem, id est, domus panis esse mereamur, illius videlicet qui dicit: « Ego sum panis vivus, qui de caelo descendi (Joan. vi, 51). »

2. Narrat praeterea Evangelium quia cum genuisset beata semper virgo Maria Christum, pannis ipsum involutum posuerit in praesepio: quae nec mysterio vacant; voluit enim Christus pannis involvi, ut nos a laqueis mortis absolveret. Et bene dicit: *Ibant*, ut ostendat quod in via nascitur: hoc autem quia viam nobis se ostendere venerat. Voluit

in angusto praesepio poni, qui venerat nobis regni caelestis latitudinem preparare. Non in sericis vel in auratis pannis, sed in vilibus involvi voluit, qui nobis immortalitatis stolam reddere venerat. Iis astringi se permisit, qui nostros pedes et manus ad opera bona agenda solvere properabat. Quid ad haec dicendum est, fratres? Exclamandum est cum Psalmista: « Quid retribuam Domino pro omnibus quae retribuit mihi (Psal. cxv, 12)? » Ille quidem invenit calicem, quem retribuet: nos vero reddamus quod possumus, id est eleemosynas, vigiliis, lacrymas, pacem: dimittamus in nos peccantibus, ut nostra nobis dimittantur a Deo peccata.

3. Pastores vero qui, nascente Dei Filio, supra gregem suum vigilabant, et angelos videbant, sanctos praedicatores significant: qui quo majorem curam habent animarum, eo frequentius angelica allocutione relevari merentur. Angelo vero apparente, pastores turbantur, quia humanae naturae est ad angelorum aspectum pavere, et bonorum est angelorum consolationem adhibere timentibus. Unde mox pastores alloquitur, dicens: « Nolite timere (Luc. ii, 10), » et subdit quare: « Ecce, inquit, evangelizo vobis gaudium magnum, quod erit omni populo (Ibid.). » Pulchre dicit: « Omni populo: » quia de omni populo venerunt ad fidem.

4. Uno itaque angelo cum pastoribus loquente, subito multitudo angelorum apparens hanc vocem emisit: « Gloria in altissimis Deo, et in terra pax hominibus bonae voluntatis (Ibid. 14). » In quo facto moraliter monemur, ut, uno fratre legente, vel docente, vel quodlibet opus bonum agente, multitudo fidelium in laudem Dei prorumpat, et ad imitandum bonum quod cernit, assurgat. Apparente vero Filio Dei in carne, gloria in altissimis Deo canitur, et pax in terra esse hominibus bonae voluntatis annuntiatur. Simus ergo et nos, fratres, bonae voluntatis, quatenus in pace vivere mereamur.

5. Sensum tamen evangelicae lectionis et propter brevitate diei, et prolixitatem divini officii sub brevitate perstringimus; ut vos monere possimus de his quae ad vestram specialiter salutem pertinent. Monendi enim sumus, ut afflictionem quae nobis propter dissonantiam regum supervenit, nostris reputare studeamus peccatis. Ut ergo et ab ista persecutione, et ab aeterna damnatione liberari mereamini, unusquisque quidquid in se reprehensibile recognoscit, in hac die in qua Filius Dei nascitur, corrigat, id est, qui fuit adulter, voveat Deo castitatem: qui avarus, largitatem; ebriosus, sobrietatem; qui superbus, humilitatem; qui detractor, charitatem voveat, et reddat, secundum illum psalmi versiculum: « Vovete, et reddite Domino Deo vestro (Psal. lxxv, 12). » Nos fideliter voveamus, ille dabit possibilitatem solvendi.

6. Valde quippe honestum est, fratres, ut nullus sit qui non hodie Domino aliquid offerat. Regibus

vel amicis susceptis munera damus, et creatori omnium ad nos venienti nihil dabimus? Nihil enim a nobis magis requirit, quam nosmetipsos. Offeramus ergo ei nos ipsos, quatenus et a presentibus malis, et ab æternis cruciatibus, ipsius ineffabili pietati liberati, in cœlestis regni beatitudine suscepti, perpetuo valeamus gaudere: præstante ipso Domino ac redemptore nostro Jesu Christo, cui est omnis honor et gloria cum Patre et Spiritu sancto per infinita sæcula sæculorum, amen.

SERMO IV.

De Natali Domini Salvatoris II.

Videtur e sermonibus diversorum Patrum compilatus, maxime vero Augustini: non solum enim in ejus libro Quæst. 83, quæst. 58, verum etiam in ejusdem sermonibus 188 et 194 novæ edit., non pauca repetitur, quæ tibi persuadeas in hunc sermonem esse translata. Eundem etiam si cum Hieron. Comment. in cap. iv ad Galat. nec non cum sermonibus 98 et 197 append. August. composueris, compilatum esse nobiscum fateberis.

1. Verum est quod ait sanctus Joannes Baptista de Domino Salvatore, dicens: « Illum oportet crescere, me autem minui (Joan. iii, 30). » Siquidem hoc primum etiam ipsis temporibus approbatur; ecce enim in nativitate Christi dies crescit, et Joannis nativitate decrescit: illo oriente lux proficit, hoc nascente minuitur. Ipsa enim quodammodo tempora famulantia partibus suis detrimentum patiuntur, cum servus gignitur (8): cum autem Dominus nascitur, consequuntur augmentum. Profectum plane facit dies, cum mundi Salvator oritur: defectum patitur, cum ultimus propheta generatur: scriptum est enim: « Lex et prophetæ usque ad Joannem (Luc. xvi, 16). » Atque ideo necesse erat ut obscuraretur legis observatio, ubi evocatio, ubi Evangelii gratia refulgebat (9); et cessaret prophetia Veteris Testamenti, cum novi Testamenti gratia succedebat. Ergo in Nativitate Domini proficit dies.

2. Non mirum si proficit dies, in qua novus justitiæ sol coruscat: non mirum si proficit dies (10), quam splendidissima lux veritatis illuminat: ait enim evangelista de Christo Domino: « Erat lux vera, quæ illuminat omnem hominem (Joan. i, 9). » Igitur si erat lux vera, quæ illuminat hominem, cur non illuminaret mundum? Atque ideo dies, quæ lucem humano generi peperit, prius ipsa ejusdem lucis fulgore resplenduit, et conclusa jam spatia sua noctium tenebras Dominicæ lucis nitore discussit. Occupaverat enim totam diem noctium longitudo, nisi in ipsa diei brevitate Christi refulsisset adventus: qui sicut ortu suo humani generis peccatorum tenebras discussit, ita et die nativitatis suæ caliginum tenebras amputavit, et

(8) Omnes edit. cum Lugd. cod., cum detrimentum faciunt, servus gignitur.... consequitur augmentum; alii mss. concinnius, ut nos in textu.

(9) Ubi evocatio, deest in mss. tribus; et pro gratia refulgebat, in Lugd. habetur gloria refulgebat.

A uno eodemque ortu lucem pariter intulit et hominibus et diebus. Unde non est mirum si crescit dies, quæ gemino fulgoris splendore vestitur.

3. Sed videamus adhuc quomodo Dominus Salvator crescat, Joannes Baptista decrescat. Diximus in superioribus (11) quod Joannes quidem figuram legis prophetarumque gestaverit: necesse erat ergo ut deficeret lex, Evangelio coruscante; et minueretur Judaicus populus, populo Christiano surgente. Quis enim dubitat nativitate Domini, Synagogæ esse conventicula vacuata, plebes multiplicatas 396 Ecclesiæ, et mirum in modum quotidie Christum per Christianos suos crescere, Joannem minui per Judæos? hos diei Dominici splendore fulgere, illos obscuritate noctium laborare? Nox enim super Judæos quodammodo major incubuit, ex quo dixerunt de nece Salvatoris: « Sanguis hujus super nos et super filios nostros (Matth. xxvii, 25). » Majoribus plane sunt noctium tenebris obscurati, ex quo conati sunt diem veritatis occidere.

4. Hoc autem quod dicimus, ut verius approbare possimus, utriusque nativitatem breviter exponamus. Ecce enim cum nascitur Christus, exsultant angeli, pastores pervigilant, magi adveniunt, stella præcedit; et cuncta quæ sunt in cœlis terrisque pulcherrima, ipsi Domino deferuntur. Deferuntur enim illi gloria per angelos, claritas per stellam, religio per magos, simplicitas per pastores: et quod apud ipsum solum futura essent hæc omnia, ideo nascenti illi universa famulantur. Cum autem Joannes concipitur, Zacharias obmutescit, solemnis conticescit sacerdos, Elizabeth mater absconditur, significans post ortum suum legis silentium, amissionem sacerdotii, latebras Synagogæ. Dubium autem non est, quod Joannes natus Pharisæis justitiam legis abstulerit, quod conceptus patri abstulit vocis obsequium. Crescit igitur Dominus semper, Joannes Baptista minuitur.

5. Non ideo minuitur, quod meritis aliquid de-rogetur: sed quoniam Salvatoris quotidie accumulatur gloria, illius minor fieri videtur. Lucerna denique vocatur Joannes, dicente Domino: « Ille erat lucerna ardens (Joan. v, 35). » Lucernæ igitur obscuratur lumen, cum radius solis effulget: et defectionem quamdam lampadis suæ patitur, cum clarioris lucis splendore superatur. Quis enim sapiens lucernam requirat in sole? Non quidem exstinguitur, sed necessaria non habetur: hoc est, quis ad Joannis pœnitentiæ baptismum veniat, cum possit Salvatoris baptismo salvari? Non quidem illud reprehenditur, sed hoc magis utile et necessarium judicatur: quia in eo (12) remissio peccatorum tribuitur.

(10) Restituimus e cunctis mss., in qua novus... si proficit dies.

(11) Rom. edit. sola, Diximus alibi.

(12) In cod. Lugd. desideratur hæc sententia, quia in eo, etc.

SERMO V.

De Natali Domini III.

In eo locus num. 4 legitur, quem ex Ambrosii Comment. in Luc. lib. II, num. 50, expressum minime dubitamus: quæ autem ab illis num. 6 verbis, Quid enim tam silenter, ad finem usque continentur, extra controversium est totidem verbis exscripta esse ex Comment. in psal. LXXI, quod Rufino perperam tribui solet.

1. Qua gratia, vel quibus laudibus hunc diem Natalis Domini (13) prædicem, prorsus ignoro; in tanta enim festivitate ad magnificandum Deum humana loquela non sufficit. Nam si tunc enim nascebatur Christus, angelorum voce laudatus est: numquid non magis nunc humana laudandus est voce, cum regnat? Supergreditur enim illius temporis festivitatem nostra sollemnitas: siquidem tunc stupuerunt illi (14) tantum nascentem Dominum; nos illum suspicimus nascentem, resurgentem pariter et regnantem. Tanto igitur fecundior laudatio esse debet hujus temporis, quanto sunt majora miracula.

2. Sed quoniam dignam prædicationem exhibere non potest humana fragilitas, ad angelorum nos præconia conferamus; et quia merito eos æquiparare non possumus, devotione comitemur: hoc est, in ea festivitate, eadem qua illi lætitia, nos sententia persultemus, dicentes: « Gloria in excelsis Deo, et in terra pax hominibus bonæ voluntatis (Luc. II, 14). » Digna plane et justa sententia, quæ in nativitate Christi et Deo honorem repræsentat in cælis, et hominibus pacem repræsentat in terris; ante Salvatoris enim ortum nec cælestia reverentiam deferebant, nec terrena requiem possidebant. Sed videte quid dicat ipsa sententia: « Pax hominibus bonæ voluntatis. » Non quibuscunque hominibus, sed bonæ voluntatis hominibus; ut intelligas pacem Christi non debiti esse, sed meriti: non enim eam meretur conditio, sed voluntas (15).

397 3. Hac persultarunt angeli in illa nocte, qua pastores nascentem Dominum super gregem suum vigiliis observantes, præ omnibus primi didicerunt; ipsi enim primi ortum Salvatoris ante omnes homines, nuntiantibus angelis, agnoverunt. Unde non mirum est quod redemptionem sæculi ante pastores sæculi potuerunt scire, quam principes: non enim angeli nuntiaverunt regibus, non judicibus

(13) Edit. quædam Paris., *Natalem Domini prædicamus*; aliæ omnes, *prædicemus*: mss. vero, *prædicem*.

(14) Mss. aliquot, *tunc susceperunt illi*. At infra, ubi omnes edit. ac plures mss., *suscipimus nascentem*, melius codex Lugd., *suspiciamus nascentem*.

(15) Vet. edit., *non enim eam meriti angeli in ea nocte, quam pastores nascentem Dominum super gregem suum vigiliis observantes, primi præ omnibus didicerunt... intimantibus angelis cognoverunt. Unde mirum est quod prius redemptionem sæculi potuerunt scire quam principes... Non ergo jam mirandum est. Rom. edit., non enim eam meretur conditio, sed voluntas. Hunc pastores ea nocte, qui, nascente Domino, super gregem vigiliis observabant, præ omnibus primi audierunt. Ipsi Salvatoris ortum*

A bus, sed hominibus rusticanis. Non ergo jam mirandum si Christi gratiam ante scire meruerit innocentia quam potestas: et prius cognoscere veritatem simplex rusticatio, quam superba dominatio: quod enim cognoverunt pastores, principes cognoscere nequiverunt. Unde et beatus Apostolus ait: « Quem nemo principum sæculi ejus cognovit (I Cor. II, 8), » et reliqua. Ergo in nativitate Domini angeli pariter cum pastoribus sunt lætati, excelsam Deo dicentes gloriam: nam vicinis quodammodo et junctis choris Dei gloriam prædicaverunt.

4. Unde et credo eosdem angelos in ejusdem Domini eadem festivitate simili nobiscum lætitiæ vicinitate gaudere; nam qui solent propter Christi ortum alloqui pastores, non possunt propter ejusdem Christi gaudium non inquirere sacerdotes. Siquidem et quod tunc ad illos super gregem suum vigiliis observantes nocte intempesta locuti sunt, hujus temporis mysterium designabat. Nam illo facto hoc utique monstrabatur, gregem populum, noctem sæculum, sacerdotes esse pastores, qui jugi super plebem sollicitudine vigilantes propter Christum ab angelis minime deseruntur.

5. Hodierna igitur die secundum carnem natus est Dominus, ita secreto, ita silentio, ut ortum ejus sæculum penitus ignoraret. Ignoravit enim sæculum; quia et extra conscientiam patris natus est (16), et extra ordinem naturæ conceptus. Nam Joseph conceptum suscepit filium, quem non genuit: Maria partum posuit, quem sexus consuetudine non creavit. Sic igitur natus est Dominus, ut ortum ejus nemo futurum suspicaretur, nemo crederet, nemo sentiret. Quemadmodum crederent hoc futurum, quod posteaquam factum est, factum esse vix credunt?

6. Nam quod ita latenter et secreto Salvator descensus esset in Virginem, jam ante David propheta testatus est, dicens: « Descendet sicut pluvia in vellus (Psal. LXXI, 6). » Quid enim tam silenter et sine strepitu fit, quam cum imber in lanæ vellus infunditur? Nullius aures sono verberat, nullius corpus humore repercussi roris (17) aspergit: sed sine inquietudine omnium totum imbrem per multiplices effusum partes toto corpore in se trahit, unius meatus scissuram nesciens, solida mollitiæ plures præbens meatus: et quod

primi ante omnes homines, intimantibus angelis, cognoverunt: angeli enim non regibus, non judicibus, sed hominibus rusticanis sæculi redemptionem prius annuntiaverunt. Nec mirum si, etc. Nos locum e mss. tribus restitimus.

(16) Rom. edit. sola, *patris conceptus, et... naturæ natus*. Consequenter autem ubi omnes edit. ac mss. nonnulli, nam *Joseph conceptum*, cod. Lugd. ac Silv. vocem *conceptum* non agnoscunt. Postremo ubi omnes edit., *partum edidit*, omnes mss. præferunt, *partum posuit*.

(17) Omnes edit., *repercussionis aspergit: sed sine inquietudine hominum*; Rom., *oritur totum, etc.*; omnes mss. ut in contextu, nisi quod pro *roris* in Lugd. habetur, *foris*. Non recte.

clausum videtur per densitatem, est patulum per A tenuitatem.

7. Recte ergo Mariam velleri comparamus, quæ ita concepit Dominum, ut toto eum hauriret corpore, nec ejusdem scissuram corporis pateretur: sed esset mollis ad obsequium, solida ad sanctimonium. Recte, inquam, Maria velleri comparatur, de cujus fructu salutaria populis vestimenta texuntur. Vellus plane Maria est; siquidem de molli sinu ejus agnus egressus est, qui et ipse matris laniciem, hoc est carnem, gestans, molli vellere cunctorum operit vulnera populorum. Omne enim peccati vulnus Christi lana suffunditur, Christi foetet sanguine; et ut sanitatem recipiat, Christi indumento vestitur.

SERMO VI.

De Natali Domini IV.

Totus ferme in eo versatur, quod natalis Domini eo tempore sol novus dicebatur, id est, annus novus: quandoquidem ab ea die annus quondam incipiebat. Videtur autem ejusdem auctoris esse hic sermo, cuius est quartus superiorum, cum sub finem ejus admodum similia eis legantur, que de lucerna solis prævia hic disseruntur. Quod autem de fabro habemus infra num. 7, in serm. 135. Aug. Append. reperire est: sed illud quoque ductum videtur ex Ambrosio in Lucam, lib. III, circa initium. Unde forte an hujus sermonis auctorem esse beatum Maximum liceat conjicere.

1. Bene quodammodo sanctum hunc diem Natalis Domini solem novum vulgus appellat, et tanta auctoritate **398** id confirmat, ut Judæi etiam atque gentiles in hac voce consentiant. Quod libenter amplectendum nobis est; quia oriente Salvatore non solum humani generis salus, sed etiam solis ipsius claritas innovatur, sicut ait Apostolus: Ut per ipsum « restauraret omnia, sive quæ in cælis sive quæ in terra sunt (*Ephes. I, 10*). » Si enim obscuratur sol, cum Christus patitur, necesse est illum splendidius solito lucere, cum nascitur. Et si Judæis mortem operantibus offundit tenebras (*Luc. xxiii, 44*), cur non Mariæ parturienti vitam, exhibeat claritatem? Aut quare non credamus quod, nascente Christo, sol ad obsequium lucidior advenit, cum magos ad indicium clarior stella præcesserit? Et si stella diem alieni temporis officium ministravit, cur non credamus quod sol quoque nocturnis horis aliquantulum adventu maturiore decerpserit? Ex eo denique factum puto ut nox decresceret, dum sol festinus ob Dominicæ Nativitatis obsequium ante mundo lucem protulit, quam nox cursum sui temporis consummaret.

2. Quin potius ipsam noctem fuisse non dico, nec aliquid obscuritatis habuisse, in qua pastores pervigilant, exsultant angeli, astra deserviunt. Nec mirari debemus quod in nativitate Christi nova omnia facta sunt, cum novum hoc ipsum fuerit,

quod Virgo peperit. Si autem præter solitum nativitas exstitit, et præter solitum obsequia sunt delata. Ergo oriente Domino, pastores pervigilant, exsultant angeli, sol obsequitur, stella famulatur. Et quidem angeli vel pastores gaudia sua voce vel sermonibus prosequuntur: elementa autem ista gaudia sua, quia voce non poterant (*18*), officio protestantur. Sol igitur præter consuetudinem in hac festivitate matutinus illuxit. Nec mirum. Si enim ad Jesu Nave orationem defixus stetit in die (*Josue x, 13*), cur non ad Jesu Christi nativitatem festinus promoveret in nocte?

3. Solem igitur novum hanc diem vulgus appellat; et cum dicit novum, utique et veterem esse demonstrat: veterem autem dixerim hujus mundi solem, B qui defectionem patitur, qui parietibus excluditur, qui nubibus obscuratur; veterem dixerim solem, qui vanitati subjacet, qui corruptionem metuit, qui judicium pertimescit. Scriptum est enim: « Sol convertetur in tenebras, et luna in sanguinem (*Joel II, 31*). » Veterem, inquam, dixerim, qui sceleribus interest hominum, facta adulteria non refugit, homicidium non declinat. Et cum omne genus hominum nolit esse medium, cum aliquod crimen admittitur, hic solus in cunctis facinoribus stat.

4. Ergo quia hunc veterem esse manifestum est, novum quem nisi Christum Dominum reperiemus? de quo scriptum est: « Orietur vobis (*19*) sol justitiæ (*Malach. IV, 3*); » de quo etiam ex persona peccatorum dicit propheta: « Sol non est ortus nobis, et justitiæ lumen non luxit nobis (*Sap. v, 6*). » Hic enim sol, cum diaboli tenebris universus mundus esset oppressus, et caligo referta criminibus sæculum possideret, dignatus est ultimo tempore, hoc est, incumbente jam nocte, ortum suæ nativitatis infundere. Primo quidem ante lucem, hoc est antequam illuminaret justitiæ sol, velut matutinum quoddam prophetarum misit oraculum, sicut scriptum est: « Mittebam prophetas meos ante lucem (*Jerem. VII, 25*). » Postea vero ipse cum suis radiis, hoc est cum apostolorum suorum fulgore resplenduit, ac tanta mundi caliginem veritatis luce discussit, ut in diaboli tenebris nullus offenderet (*20*).

5. Hic est igitur sol novus, qui claustra penetrat, D inferna reserat, corda rimatur. Hic novus est sol, qui Spiritu sancto vivificat mortua, corrupta reparat, suscitavit jam defuncta: vel qui calore suo purgat sordida, exuriti fluida, decoquit vitiosa. Ipse, inquam, est qui cunctis actibus nostris perspicit omnia opera nostra, et non tam condemnat crimina, quam emendat. Hic plane est sol justus et sapiens, qui non sine discretione, sicut istius mundi sol, bonis ac malis similiter circumfertur: sed quodam judicio veritatis, sancto lucet, occidit peccatori. Hoc autem inter utrumque interest solem,

(18) Lugd. codex, qua voce poterant.

(19) Codex Valliscl., orietur nobis, etc.

(20) Ita mss.; at omnes edit. e contrario, ut diaboli tenebra nullos offenderet.

quod ille iudicium metuit, hic iudicium comminatur: A
quod ille corruptionis minister est, hic æternitatis
est Dominus: quod ille creatura est, hic creator.

6. Tamen istum mundi solem, priusquam oriatur, adhuc 399 ante lucem propter necessarios usus hominum solet lucerna præcedere. Habet autem et Christus sol lucernam suam, quæ eum præcessit (21), sicut dicit Propheta: « Paravi lucernam Christo meo (Psal. cxxxii, 17). » Quæ autem ista lucerna sit, ostendit Dominus, dicens de Joanne Baptista: « Ille erat lucerna ardens et lucens (Joan. v, 43), » Ipse autem Joannes, ut præcedens lucernæ lumen exiguum ait: « Ecce post me venit, cujus (22) non sum dignus solvere corrigiam calceamentorum ejus, ipse vos baptizabit in Spiritu sancto et igne (Luc. iii, 16). » Simul etiam intelli-

gens lumen suum solis radiis offuscandum, ante prædicat: « Illum oportet crescere, me autem minui (Joan. iii, 30). » Sicut enim lucernæ claritas destruitur solis adventu, ita et Joannis pœnitentiæ baptismum superveniente Christi gratia vacuum est.

7. Videamus igitur hic sol noster novus quo fonte nascatur. Sicut est verum, Deo oritur auctore: divinitatis ergo est filius; divinitatis, inquam, incorruptæ, integræ, illibatæ. Intelligo plane mysterium: ideo enim secunda nativitas per immaculatam Mariam, quia prior per divinitatem constiterat illibata: ut cui prior nativitas gloriosa exstitit, ejus secunda contumeliosa non fieret: hoc est, ut, quemadmodum virgo illum divinitas ediderat, ita eum et virgo Maria generaret. Habere etiam apud homines patrem scribitur, sicut legimus in Evangelio, dicentibus Pharisæis: « Nonne hic est filius Joseph fabri, et mater ejus Maria est (Matth. xiii, 55)? » In hoc quoque advertit mysterium. Faber pater dicitur Christi. Et plane faber Pater Deus, qui totius mundi opera fabricatus est: et plane faber, sed qui in diluvio Noe arcam fabricare disposuit. Faber, inquam, est qui ordinavit Moysi tabernaculum, arcam Testamenti instituit, templum Salomonis erexit. Fabrum dixerim, qui mentes rigidas emollit (23), cogitationes superbas rescindit, humilia facta sublimat. Ille autem faber circa arbores curvo utitur ferramento, sicut in Evangelio legimus, dicente Joanne: « Jam securis ad radicem arborum posita est. Omnis arbor non faciens fructum (24) excidetur, et in ignem mittetur (Matth. iii, 10). » Hoc enim agit totum, ut utiles cœlestis fabricæ arbores in structura componat (25), infructuosas vero evulsas radicitus flammarum consumat incendio.

SERMO VII.

De Kalendis Januariis.

Cum ludos ac profanas cœremonias ad celebrandum

(21) Omnes edit., *quæ ejus ortum præcessit*; omnes mss., *quæ eum præcessit*. Et iterum omnes edit. cum Lugd. cod., *lucerna lucens*: codex Valliscl., *lucerna ardens*; melius Silv., *lucerna ardens et lucens*.

(22) Rom. edit. sola, *Veniet forlior me, cujus, etc.*

huæ diem a gentilibus institutas per aliquot sæcula Christiani non pauci retinerent, maxima fuit cura SS. Patrum, ut ipsos tum in synodis, tum in concionibus ab hujusmodi detererent. Illud e conc. Trull. can. 62. Turon. ii can. 17 et Tolet. iv can. 14 clare cognoscitur, ac rari sermone a Chrysostomo, Augustino, Maximo et aliis in eam rem habiti confirmant. Citatur quoque ab Ivone Carnut. sermo Ambrosii de hoc argumento, cujus quidem priora verba cum hoc sermone non conveniunt, alia satis congruunt. Sed sive hanc concionem, sive aliam ille viderit, neutram putamus Ambrosianam; non enim istas superstitiones obtinuisse Mediolani crediderimus cum in veris illis sermonibus, ex quibus primi voluminis tractatus constant, nusquam in illas inrectus fuerit sanctus antistes. Vide super hoc quæ tom. I, lib. ii, de Interpell. David cap. 1, num. 5, subnotavimus. Adde quod et in msc. pluribus Augustino tribuatur.

B
1. Est mihi adversus plerosque vestrum, fratres, querela non modica: de his loquor qui nobiscum Natalem Domini celebrantes, gentilium se feriis dederunt, et post illud cœleste convivium superstitionis sibi praedium præpararunt: ut qui ante lætificati fuerant sanctitate, inebriarentur postea vanitate, ignorantes quod qui vult regnare cum Christo, non possit gaudere cum sæculo: et qui vult invenire justitiam, debeat declinare luxuriam. Alia enim ratio est vitæ æternæ, alia desperatio lasciviæ temporalis: ad illam virtute ascenditur, ad istam perditione descenditur.

C
2. Atque ideo qui vult esse divinorum particeps, non debet esse socius idolorum: idoli enim portio est inebriare vino mentem, ventrem cibo distendere, saltationibus membra 400 torquere: et ita pravis actibus occupari, ut cogaris ignorare quod Deus est. Unde sanctus Apostolus hæc prævidens dicit: « Quæ portio justitiæ cum iniquitate? aut quæ societas luci cum tenebris? aut quæ pars fidei cum infidei? quis autem consensus templo Dei cum idolis (II Cor. vi, 14, 15)? » Ergo si nos sumus templum Dei, cur in templo Dei colitur festivitas idolorum? cur ubi Christus habitat, qui est abstinentia, temperantia, castitas, inducitur comessatio, ebrietas, atque lascivia? Dicit enim Salvator: « Nemo potest duobus dominis servire (Matth. vi, 24), » hoc est, Deo et mammonæ. Quomodo igitur potestis religiose Epiphaniam Domini procurare, qui jam Kalendas, quantum in vobis est, devotissime celebrastis?

D
3. Janus enim homo fuit unius conditor civitatis, quæ Janiculum nuncupatur, in cujus honorem a gentibus kalendæ sunt Januariæ nuncupatæ, unde qui kalendas Januarias colit, peccat, quoniam homini mortuo defert divinitatis obsequium. Inde est quod ait Apostolus: « Dies observatis, et menses, et

(23) Omnes edit. ac duo mss., *qui mentes rigidas expolit*; melius tamen cod. Valliscl., *emollit*.

(24) Rom. edit. sola, *non faciens fructum bonum*.

(25) Edit. cum ms. Lugd., *in futuro componat*: optime codd. Vall. et Silv., *in structura componat*.

tempora, et annos; timeo ne sine causa laboraverim A in vobis (*Galat.* iv, 10, 11). • Observavit enim diem et mensem, qui his diebus aut non jejunavit, aut ad ecclesiam non processit : observavit diem, qui hesternam die non processit ad ecclesiam, processit ad campum. Ergo, fratres, omni studio gentilium festivitatem et ferias declinemus, ut quando illi epulantur et læti sunt, tunc nos simus sobrii atque jejuni : quo intelligant lætitiā suam nostra abstinentia condemnari.

4. Non solum autem gentilium, sed et Judæorum consortia vitare debemus, quorum etiam confabulatio est magna pollutio. Hi etenim arte insinuant se hominibus, domos penetrant, ingrediuntur prætoria, aures judicum et publicas inquietant, et ideo magis prævalent, quo magis sunt impudentes. Hoc B autem non recens in ipsis, sed inveteratum et originarium malum est. Nam olim etiam Dominum Salvatorem intra prætorium persecuti sunt, et præsidis cum judicio condemnarunt (*Matth.* xxvii, 2 seq.). In prætorio ergo a Judæis innocentia opprimitur, secretum proditur, religio condemnatur. Cum enim Christus occiditur, omnis in eo veritas et justitia condemnatur ; quoniam ipse est innocentia, religio sanctitatis, atque mysterium.

SERMO VIII.

De sancta Epiphania I.

In Appendice August. sermo exsta. numero 135, cum quo hic noster in eo congruit, quod de festorum frequentia dicit. Majorem adhuc inter hunc et primum Maximi in illis advertimus cognationem, C queis in utroque aque in vinum conversionem corporum resurrectionis symbolum esse ostenditur. Hinc conjicimus auctorem amborum eundem esse. Et sane huic sermoni ad marginem editionis Erasmi auctor ascribitur idem Maximus : cujus etiam inter sermones unus de festo Paschæ eisdem prorsus, quibus hic ipse, verbis incipit.

1. Exsultandum nobis est, fratres charissimi, quod votis nostris vota succedunt, quod gaudiis gaudia cumulantur : ecce enim adhuc Natalis Domini solemnitate corda nostra persultant, et jam festivitate sanctæ Epiphaniæ gloriamur. Gratias igitur agere debemus Domino qui nos frequenter visitat, ut sæpe lætificet : frequentiusque requirit (26), ut numerosius benedicat. Quamvis igitur gentiles, licet vane, numerosa solemnitate lætentur D propter diversitatem deorum suorum, tamen plures nobis festivitates præstat unius Dei visitatio, quam illis multorum dæmonum superstitiosa præsumptio. Nam sicut eos veritate religionis vincimus, ita votorum numero superamus.

2. Epiphaniæ ergo hodie procuramus gaudia. Quærat forte aliquis quid interpretetur hoc verbum,

(26) Vet. edit., *copiosius requirit* : tres mss., *consciis requirit* ; Rom. edit., *frequentius repetit* ; codex Lugd. ut nos in textu.

(27) Omnes mss., *scilicet quia epiphania Græce, Latine dicitur apparere* ; Eras. et Gill.,.... *dicitur apparitio* : Rom. edit., *scilicet, epiphania, quia ἐπι-*

scilicet quia ἐπιφάνειο (27) Græce, Latine dicitur apparere. Ergo quia tunc primum apparuit Salvator in mundo, ipsa dies eodem vocabulo Epiphania nuncupata est.

3. Quomodo autem apparuerit requiramus, non quod in mundo ante non fuerit, cum mundus per ipsum factus sit (*Joan.* i, 10) : sed quod tunc prima signis atque miraculis credentium 401 cordibus Christus Dens illuxerit, et in tenebras conscientias hominum fidei splendor advenerit. Cum igitur Deus ubique sit, et universa possideat, tanquam non visus antea, apparuisse dicitur. Apparuit autem non tam oculis hominum quam saluti : nam etsi prius natus ex Virgine oculis carnalibus videbatur, tamen non apparebat, quoniam virtutem B ejus adhuc fidei acies ignorabat. Unde Judæis per prophetam dicitur : « Videntes videbitis, et non videbitis (*Isa.* vi, 9), » hoc est, Salvatorem quem cernerent oculis corporalibus, spiritali lumine non viderent. Postea enim quam divinitatem suam mirabilibus declaravit, humanis mentibus tanquam novus et inopinatus apparens, oculos quosdam cordis infudit, ut cognosceret sensus quem non cognovit aspectus. Unde fit ut nos Christum Dominum per fidem, quem nunquam vidimus, contemplemur : Judæi quem perspexerunt oculis, palpaverunt manibus, hodie usque non videant.

4. Requiramus igitur quod signum operatus sit, ut divinitatem suam populis declararet. Dicitur hoc primum fecisse miraculum, ut aquam mutaret in vinum (*Joan.* ii, 11). Magnum plane signum, et ad Dei credendam sufficiens majestatem. Quis enim non miretur in aliud quam erant, elementa esse translata ? Nemo enim potest mutare naturam, nisi qui dominus est naturæ.

5. Credendum est jam ex hoc mortalem hominem in immortalitatem posse converti, quando vilis substantia in pretiosam est conversa substantiam. Nolo enim, auditor, nomina tantum perspicias vini et aquæ, sed, si vis potentiam comprobare, virtutem rerum aspice ; facto enim hoc altius nescio quid demonstratur. Nam cum Dominus aquam vertit in vinum, non tam hoc operatur, ne discumbentibus desit ebrietas, sed ut credentibus fiat æternitas (28). Siquidem propterea in mundum venerit Christus, non ut conviviorum cellaria procuraret, sed ut saluti hominum provideret : nec ut hydrias substantia boni odoris impleret, sed ut animas gratia sancti Spiritus irrigaret. Ergo cum ille ex vili aqua vini optimi saporem voluit gustare convivas, magis voluit ex hac vili carne resurrectionis cœlestis sapientiam gustare credentes.

6. Nam hoc signum totum utique resurrectionis

φανείναι græce, etc. Nos Amerbachii lectionem anteponimus.

(28) Vet. edit., *sit æternitas* ; Rom., *abundet æternitas*. Et infra omnes edit.; *non ut conviviarum cellaria*, mss. utrobique, ut in contextu.

mysterium continet: aqua enim vilis, pallida et frigida, in vinum versa, scilicet pretiosum, rubram, vel ignitum, hoc significat hominis substantiam, mortalem conditione, vilem imbecillitate, pallentem morte, in resurrectione (29) in gloriam commutandam, quæ est æternitate pretiosa, gloria colorata, spiritu immortalitatis ignita. Hoc igitur dignum est credere Dominum operari voluisse, ut per hoc terrenum signum, futurum jam tunc a sapientibus cœleste mysterium videretur. Nam si mirabile est utique, quæ defecerant convivis, vina supplesse, quanto est mirabilius vitam, quæ est exhausta, hominibus reparasse! Et si gloriosum est aquam in vinum mutare, quanto est gloriosius peccata in justitiam commutare, et mores potius temperare, quam pocula!

7. Audeo dicere illas hydrias non solum illi convivio, sed universo mundo pretiosam illam ministrare substantiam, nisi quod nobis melius ministrant. Constat enim ex ipsis vasculis illos hausisse ebrietatem, nos haurire justitiam: illos percepisse vini poculum, nos calicem salutis accipere: et si dici fas est, apud illos pertransisse quod biberant, apud nos vero permanere quod sumpsimus.

402 SERMO IX.

De sancta Epiphania II.

Quod hic dicitur de apostolis, viso miraculo, in Christum credentibus, cum in sermone superiori non habeatur, ad alium referri manifestum est. Idem autem illud habetur in sermone Maximi de hoc ipso festo, sicut et alia quædam, quibus ille cum hoc et superiori non parum convenit; unde trium illorum non diversum scriptorem esse conjectura fit. Hæc porro verba: Et si interdum vigorem, quæ cum superioribus male coherent, in codicibus Lugdun. et Vallis Claræ novum sermonem exordiuntur. Quod vero ad auctoris de voce debilitate querimoniam, jam nos ad librum 1 De sacram., cap. 6, annotabamus eam plurimis concionatoribus esse communem. Quem locum ipse consulat licet.

1. Meminit sanctitas vestra, fratres, superioris prædicationis nostræ, qua descripsimus beatos apostolos (30), uno viso miraculo, hoc est, aqua in vinum a Salvatore conversa, in eum protinus credidisse: ita enim ait evangelista de Domino: « Et manifestavit gloriam suam, et crediderunt in eum discipuli ejus (Joan. II, 11). » Quod factum non ideo tantum scriptum est, ut illorum sub quibus factum est, fidei gloria monstraretur: sed et propter nos, qui eodem devotionis exemplo credulitatis gloria provocamur. Christus enim quod operatus est, non illis tantum operatus est, quos habebat tunc præsentem: sed et nobis postea secuturis, ut licet majores nostri tempore nos præcederent, tamen signorum gratia non præirent. Quæ enim illis

(29) Vet. edit., *substantiam conditione vilem, imbecillitate pallentem, morte in resurrectione*; Rom. edit., *morte frigentem, in resurrectione*; mss. vero nobiscum faciunt.

(30) Codex Reg. præmissis aliquot versibus Evangelii, hanc hominiam ita ordinatur: *Descripsimus beatos apostolos, etc.*

(31) Ita mss. nisi quod pro nobis gereretur, quidam

A exhibita est præsentium rerum in mirabilibus virtus, eadem virtus nobis est litterarum thesauro conservata; ut nobis præstaret pagina quod in illis gerebat historia: imo nobis gereretur (31) quidquid in nobis insinuante Scripturarum speculo dictaretur, et potentiam Domini, quam illi carnalibus oculis cernerent, nos spiritali lumine videremus.

2. « Et manifestavit, inquit, gloriam suam discipulis suis, et crediderunt in eum discipuli ejus. » Quam bene potentiam Domini subsequitur devotio servulorum; et quod magister docet opere, discipuli corde describunt! Ecce vobis jam credentibus virtus operantis manifestatur, et fides credentium (32) apostolorum manifesta prædicatur. Prædicanda plane apostolorum fides, quæ viso uno signo, credidit in omnipotentiam Salvatoris: et apostoli dum mirantur aquam in vinum versam, ipsi ex omni facie peccatorum similiter sunt conversi, et ad instar facti miraculi ex vili superstitione gentilium in pretiosam devotionem credentium sunt translati. Et ut aqua in vinum versa, sapore, rubore, et calore conditur, ita scientiæ, quod erat in his insulsum, accepit saporem: quod pallens, gratiæ sumpsit colorem: quod frigidum, incaluit immortalitatis ardore.

3. Magnificanda igitur apostolorum fides, quæ ideo evangelico sermone descripta est, ut et illis esset ad laudem, et nobis proficeret ad exemplum. Sed quod pejus est, illis laus sua permanet, nos exempla non permovent; nam quanto posteriores sumus tempore, tanto et inferiores merito. Illi enim, viso uno signo, statim Domino crediderunt; nos acceptis adhuc tot beneficiorum mirabilibus, dubitamus; dubitamus, inquam; quia præsentia nimis diligimus, dum futura non credimus; divitias amamus in sæculo, dum eas accipere cunctamur a Christo: iracundia immoderate extollimur, dum retributionis iudicium non timeamus. Cæterum qui novit scriptum esse: « Quo iudicio judicaveritis, eodem iudicabitur de vobis (Matth. VII, 2); » absque dubio lenis, moderatus et mitis est: et plus bonitate cogit, quam severitate compellit: amicus indulgentiæ, familiaris est veniæ, ut dum eam frequenter impertit, a Domino semper accipiat. Siquidem prudentis sit rectoris ita terrenos honores agere, ut honorificentiam cœlestis dignitatis acquirat.

4. Et si interdum vigorem dicendi in nobis corporis obtundat infirmitas, tamen studio devotionis vestræ fortiores efficimur. Nam quo vos studiosius auditis, eo nos libentius prædicamus; et virtus nobis loquendi additur, cum vos intelligendi accommodatis auditum. Quis enim non conetur illic verbi præferunt, in nobis geritur; edit. vero, imo in nobis geritur, quidquid nobis ingeritur, quidquid nobis insinuatur.

(32) Omnes edit. cum Reg. cod., *Ecce cui manifestatur virtus operantis, et fides prædicatur manifesta credentium*; reliqui mss. e contrario, ut in contextu.

coelestis semina jacere, ubi illud puri 403 cordis A fecunda terra suscipiat? Quis, inquam, non illic verbum Salvatoris collocare velit, ubi illud non sæcularium sollicitudo præfocet, sed disciplinarum spiritualium virtus enutriet? Ergo, fratres, quia in sancta Epiphania exultavimus videntes miracula Salvatoris, debemus facere quod illius temporis discipuli tunc fecerunt.

5. Quod autem dixi vidisse nos modo, quod olim gestum est: vidimus plane, videmusque quotidie. Ea enim sunt Christi mirabilia, ut non antiquitate prætereant (33), sed gratia convalescant: non oblivione sepeliantur, sed ut virtutibus innoventur. Apud omnipotentiam enim Dei nihil est abolitum, nihil præteritum: sed pro sui magnitudine omnia illi in præsentem sunt, totum illi tempus est hodie. Unde et sanctus Propheta dicit: « Mille anni ante oculos tuos tanquam dies una (Psal. LXXXIX, 4). » Quod si omne sæculorum tempus una dies est Domino, eadem die qua mirabilia Salvator patribus operatus est, operatus et nobis est. Vidimus igitur et nos sicut majores nostri mirabilia Domini, cum pari ea cum illis stupore suspeximus. Gustavimus et nos sicut illi de ipsis hydriis; siquidem illi de his poculum vini biberunt, nos salutis calicem sumpserimus.

6. Debemus ergo facere, viso signo Domini, quod nostri fecere priores; si enim eadem in nobis divinitatis refulsit gratia, eadem et fidei apud nos debet esse devotio. Dicit enim evangelista de Domino, hoc miraculo perpetrato: « Et manifestavit gloriam suam, et crediderunt discipuli ejus in eum (Joan. II, 11). » Credere ergo debemus, sicut et tunc apostoli crediderunt. Dicit autem alius: « Et nos Christiani sumus, et credimus in Dominum Salvatorem. » Sed credere opus est opere, non sermone: non lingua, sed corde; ne et nobis dicatur: « Plebs hæc labiis me honorat, cor autem eorum longe est a me (Isa. XXIX, 13). »

SERMO X.

De sancta Epiphania III.

Christum hoc die in Jordane tinctum ab aliis astrui, ab aliis negari tradit hic sermo: qua de re Hieronymus in Ezechielem, Leo Magnus, epist. 16 novæ edit., atque alii consuli possunt. Nostrum vero est hic admonere cum sermone 1 sancti Maximi, nec non cum alio in Append. Aug. 134, quem eidem Maximo mss. et edit. communiter tribuant, multum convenire. At nihil eicum Ambrosio affinitatis esse, facile is agnoscet, qui tantum quæ apud ipsum sub finem lib. II in Lucam, et quæ in hoc sermone de columbæ figura disseruntur, inter se contulerit.

1. Plerique in hac sancta Epiphaniæ die hactenus a Domino mirabilia facta esse commemorant, ut rogatus ad nuptias aquæ substantiam in vini speciem commutaret, ac liquorem fontium in meliorem usum sui benedictione transferret: mini-

(33) Omnes edit., *Christi miraculi, ut non iniquitate prætereant*; omnes mss. ut in contextu.

(34) Rom. edit. cum Reg. cod., *sicut dicit pro-*

stros hausisse aquam de puteis, vinum in hydriis invenisse; atque utiliore dispendio perdidisse quod impleverant, reperisse quod deerat: tuncque primum hoc mirabili signo divinitatis suæ declarasse virtutem (Joan. II, 2-11). Nonnulli autem in hac sancta die ab Joanne baptizatum eum in Jordane testantur, atque in lavacri ejus gratia interfuisse loquendo Deum Patrem, sanctum quoque Spiritum descendisse. Nec mirum si in Domini lavacro mysterium non defuit Trinitatis, cum nostrum lavacrum Trinitatis compleat sacramentum: neque enim poterat Dominus non primum circa se exhibere, quod erat postea humano generi præcepturus, cum omnia non sui causa, sed nostræ gratia salutis efficeret.

2. At numquid propter se baptizari voluit, cum peccatum non haberet, sicut dicit Petrus (34): « Qui iniquitatem non fecit, nec inventus est dolus in ore ejus (I Pet. II, 22)? » Sed propter nos utique, qui, multorum criminum peccatis obnoxii, opus habebamus ut in Christi baptismo purgaremur: atque ideo venit Dominus ad lavacrum, non ut purificetur ipse aquis, sed ut nobis aquarum fluente purificet (35): ex quo enim ille sese in aquas mersit, ex eo omnium credentium peccata delevit. Necesse est autem ut omnium peccata deleverit, qui omnium peccata suscepit: sicut ait evangelista: « Hic est Agnus Dei, hic est qui tollit peccata mundi (Joan. I, 29). » Mirum ergo in modum unus mergitur, et salus omnium reparatur.

3. Adest ergo Deus Pater, cum baptizatur Dominus; adest Spiritus sanctus. Videte Salvatoris benevolentiam, qua solus se in passione contumeliis subdidit, in lavacro solus gratiam non quæsit, vult participes esse gloriæ. Adest ergo, sicut dixi Pater, adest et Spiritus sanctus: et quia Deus videri non potest, Spiritus in columba, Pater descendit in voce: quodque solum ad astruendam fidem hominibus necessarium erat, exhibet Salvatorem. Fides enim nostra non nisi auditu constat et visu; ideo se Spiritus in columba oculis subdit, Pater in voce se auribus subministrat; nam nisi propter nostram credulitatem ista fieri oportuisset, potuit Pater et Spiritus tanquam invisibilis Deus ad Verbum Filium invisibili prolapsione descendere. Igitur propter nostram fidem aperto cælo, Spiritus ad Christum, Pater ad Filium, vox descendit ad Verbum: Verbum enim Christus est, de quo scribitur: « In principio erat Verbum (Joan. I, 1). » Bene, inquam, Pater vox, et Filius Verbum dicitur, quia Verbum non nisi de voce procedit. Conveniunt itaque sibi vox et Verbum, et saluti hominum provident societate mysterii.

4. Qua autem ratione Spiritus sanctus ad Christum in specie columbæ descenderit, videamus: utrum sit aliqua similitudo columbæ vel Domini,

pheta.

(35) Edit. ultimæ Paris., *sed ut nos aquarum fluentis purificet*. Non recte.

sicut est vocis et Verbi. Est plane non parva : columbam enim etiam ipsum Dominum dixerim, quia est alacer, mitis et simplex. Columba est, quia sanctos suos esse præcepit ut columbas, dicens : « Estote simplices sicut columbæ (Matth. x, 16). » Quod autem columba Christus sit, Propheta dicit ex persona ipsius, describens post passionem reditum ejus ad cælum : « Quis dabit mihi pennas sicut columbæ, et volabo, et requiescam (Psal. liv, 7) ? » Cum ergo Christus Dominus initiaret Ecclesiæ sacramenta, e cælo supervenit columba. Intellego mysterium, agnosco etiam sacramentum : columba enim ipsa est, quæ nunc ad Ecclesiam Christi in baptismo venit, quæ quondam ad arcam Noe in diluvio properavit (Gen. viii, 9), tunc illi securitatem annuntians olivæ ramo, modo huic æternitatem conferens divinitatis indicio; tunc signum pacis ore afferens, modo ipsa pacem Christum sui substantia superfendens.

5. In Jordane igitur baptizatus est Dominus. Multa mirabilia in hoc flumine sapius facta esse Scriptura commemorat, inter cætera dicens : « Et Jordanis conversus est retrorsum (Psal. cxiii, 3). » Puto autem esse mirabilius quod Domino Jesu Christo ibi posito, factum est : ante enim retrorsum aquæ conversæ fuerant, modo retrorsum peccata conversa sunt : et sicut tunc impetus fluminis alveum sui cursus perdidit, ita et nunc impetus peccatorum dominium sui erroris amisit. Quod quidem in propheta Elia jam illo in tempore factum puto : sicut enim Elias in Jordane divisionem fecit undarum (IV Reg. ii, 14), ita et Christus Dominus (36) in eodem Jordane separationem operatus est peccatorum : ille stare fluentia præcepit, hic crimina. Et sicut sub Elia fluctus primordia fontium, de quibus exierant, petierunt (37), ita et sub Christo Domino homines ad originem suam de qua in infantia fuerant exorti, sunt reversi.

SERMO XI.

De sancta Epiphania IV.

Hic in antiq. edit. inscribatur : Post Epiphaniam.

Et is revera post superiorem, quem ipso die Epiphaniæ habitum constat, ex utriusque collatione dictus cognoscitur. In Rom. edit. eisdem titulus est : Ad catechumenos. Neque id absurde ; eosdem enim variis in Ecclesiis ab eo festo nomen profiteri consuerisse ex multis cum aliorum tum Ambrosii testimonio datur intelligi. Nec vero quidquam est, cur hunc auctorem Felicis et Elipandi æqualem, aut in erroribus præcursorem aliquis putet; quod in baptismo Christum affirmat renatum esse, illud enim nihil aliud sonat, nisi Dominum aquis emergentem resurrectionis formam exstitisse. Cum vero non modo in sermone sequenti, sed etiam in

(36) Vet. edit., ita et Spiritus Domini, melius Rom. et mss. ut in textu.

(37) Omnes edit., pertinuerunt... ad originis suæ infantiam de qua fuerant, etc.; omnes mss. nobis conveniunt, nisi quod pro originem in uno legitur originis; in alio, originis suæ initium.

(38) Reg. Codex unus quidquid ab his verbis usque ad inferiora illa : Ergo in hac sancta die, continetur,

135 et 136 August. Append. eadem legantur, non leve profecto argumentum est ab eodem auctore omnes hos sermones esse profectos, aut unius auctorem ex altero largius hausisse.

1. Ad omnes vos, fratres, prædicationem meam in die sancta Epiphaniæ pervenisse credo, et ad vos præcipue catechumenos; in qua descripsimus tunc, nonnullis 405 asserentibus aquam in vinum fuisse conversam : plerisque autem testantibus illa quoque die in Jordane Dominum baptizatum. Quod licet a diversis alterutrum factum esse credatur, ego tamen utrumque factum esse confirmo, et aliud signum de alio contineri. Utrumque enim factum est : nam cum baptizatus est Dominus, et mysterium lavaeri instituit, et humanum genus velut vilem aquam in æternam substantiam divinitatis sapore convertit. Similiter et cum hydrias plenas liquore fontium vertit in vinum, utrumque operatus est, et speciem magis necessariam nuptiis præstitit, et demonstravit corpora hominum per lavaerum Spiritus sancti spiritali replenda esse substantia. Quod alibi ipse Dominus manifestius declaravit, dicens in utres novos vinum novum esse condendum (Matth. ix, 17); in novitate enim utrius lavaeri puritas, Spiritus sancti gratia significatur in vino.

2. Igitur vos catechumenos (38) diligentius oportuit hoc audisse, quibus magis est necessarium, ut sensus vester, qui ignorantia Trinitatis ut aqua nunc friget, agnitione mysterii incalescat ut vinum, et animarum vestrarum liquor vilis et tenuis in pretiosam et fortem gratiam transfundatur; ut vini vice sapiamus quod bonum est, redoleamus quod suave est, et possimus dicere illud Apostoli : « Quoniam Christi bonus odor sumus Deo (II Cor. ii, 15); » catechumenus enim priusquam baptizetur, sicut aqua jacet, friget et pallet: fidelis autem (39) sicut vinum fortis et rubeus est. Catechumenus, inquam, sicut aqua nullius saporis, nullius odoris, nullius est pretii, nec sufficiens ad usum, nec delectabilis ad reficiendum, nec tolerabilis ad servandum. Nam sicut aqua cum servatur diutius, in deterius versa intra semetipsam putrescit et fetet; ita et catechumenus cum diutius catechumenus permanet, in deterius conversus intra semetipsum vilescit et deperit (40). Ait enim Dominus : « Nisi quis renatus fuerit ex aqua et Spiritu sancto, non intrat regnum cælorum (Joan. iii, 3): » qui autem non intrat regnum, necessario remanet in inferno.

3. Recte autem vino comparatur fidelis; sicut enim ex cunctarum creaturarum substantia omnis

sermoni qui nobis nonus est, inseruit, ita incipiens : Igitur oportet vos diligenter audire hæc, ut animarum liquor vitiorum vilis et tenuis, etc.

(39) Idem cod. Reg., Infidelis enim sicut aqua jacet riget et pallet... Infidelis, inquam.

(40) Id. reg. codex, ita et infidelis cum diutius in infidelitate permanet... deperit. Cætera vos usque ad Recte autem, scriptor omisit.

res vetustate deperit, solum vinum proficit vetustate; ita ex omni genere hominum cunctis antiquitate pereuntibus, solus Christianus proficit vetustate.

Et sicut vinum in dies singulos asperitatem suam decoquens, saporis dulcedinem, suavitatem odoris, acquirit; ita et Christianus successu temporis delictorum suorum asperitatem decoquens, sapientiam sibi divinitatis, benevolentiam Trinitatis (41) assumit.

4. Ergo in hac sancta die baptizatus est Dominus. Videte quam bene ordinaverit, ut et in natali suo natus sit, et in Epiphania renatus; ut nec longe a se salutis humanæ vota distarent, et æternas Salvatori jugiter gratias ageremus.

5. Tunc et vota nostra celebrata sunt, quando Christo Ecclesia copulata est, sicut ait Joannes: « Qui habet sponsam, sponsus est (Joan. III, 29). » Propter has ergo nuptias saltare nos convenit; siquidem et David rex pariter et propheta cum multa cecinerit, ante arcam Testamenti saltasse dicatur (II Reg. VI, 14); elevatus enim gaudio in saltationem prorupit. Prævidebit enim in Spiritu per Mariam de germine suo Ecclesiam Christi thalamo sociandam, de quo ait: « Et ipse tanquam sponsus procedens de thalamo suo (Psal. XVIII, 6). » Atque ideo præ cæteris prophetarum (42) auctoribus plus cantavit; quia lætior cunctis per hæc gaudia suos posteros conjugabat: et ad propria vota omnes gentes solito dulcius invitans, nos quoque docuit quid ipsis facere deberemus in nuptiis, cum ipse ante nuptias tota exultatione lætatus sit.

406 SERMO XII.

De sancta Epiphania V.

Iis quæ ad sermonem superiorem a nobis dicta sunt, tantum addemus nostros hos sermones uno contextu compositos videri, cum e contrario quos ex Append. August. supra citavimus, speciem centonum quamdam præ se ferant: proindeque hos ex iisdem illis forsitan fuisse interpolatos. Hujus tamen auctorem ex sanctis Patribus nonnulla etiam imitatum esse nulli negamus; quæ enim causæ cur baptizari Christus voluerit, hic afferuntur, etiam apud alios, et Ambrosium ipsum cum alibi tum in Comment. in Luc. lib. II, num. 83, et lib. IV, num. 5, pertractantur.

1. Evangelica Scriptura refert, sicut lectum nuper audivimus, Dominum ad Jordanem baptismi causa venisse, et in eodem flumine mysteriis se cælestibus consecrari voluisse. Quod mirari non debemus, cur hoc baptismatis ipsius dominus et magister fecerit, quia ipse ait: « Qui fecerit sic et docuerit, maximus vocabitur in regno cælorum (Matth. V, 19). » Facere igitur prius voluit, quod faciendum omnibus imperabat; ut bonus magister doctrinam suam non tam verbis insinuaret, quam actibus exerceret, et ad finem nos gustu pariter confirmaret et sensu.

(41) Omnes edit. et ms. unus, *benevolentia Trinitatis*: mss. duo, *benevolentiam Trinitatis*: optime omnium Lugd. codex, *benevolentiam*, etc.: id enim refertur ad superius illud: *Suavitatem odoris acquirit*. Reg. codex, *sapientiam sibi et benevolentiam summæ divinitatis assumit*.

2. Hoc autem totum hodierno die gestum esse manifestum est: quod ita verum esse ipsa possumus colligere ratione; ratio enim exigit ut post diem Natalis Dominici, licet interpositis annis, eodem tamen tempore hæc festivitas sequeretur, quam et ipsam festivitatem natalem appellandam puto. Tunc enim natus hominibus, hodie renatus est sacramentis: tunc per Virginem editus, hodie per mysterium generatus. Itaque enim disposuit Dominus non longe inter se hominum vota distare, ut in uno tempore quem genitum gratulabantur in terra, sanctificatam lætarentur in cælis; ut qui partum Virginis, angelis annuntiantibus, possidebant, Dei Filium, cælis testantibus, retinerent: certique essent homines quia ipse esset Filius Dei, quem B Virgo pepererat, Divinitas agnoscebat; novi enim partus nova merentur obsequia. Ibi cum secundum hominem nascitur, mater eum Maria sinu circumfovit: hic cum secundum mysterium gignitur, Pater eum Deus voce complectitur; ait enim: « Hic est Filius meus, in quo bene complacui, ipsum audite (Matth. III, 17). » Mater ergo partui molli blanditur gremio, Pater Filio pio testimonio famulatur (43): mater, inquam, eum adorandum magis ingerit, Pater colendum gentibus manifestat: sinu igitur retinetur a matre, cum nascitur: sed Pater ei sinus sui fotum jugiter subministrat. Legimus enim eum sine intermissione in Patris gremio quiescentem, dicente evangelista: « Deum nemo vidit unquam, nisi unigenitus Filius, qui est in sinu Patris (Joan. C I, 18). »

3. Libenter ergo in sinu sanctorum quiescit Dominus; unde et Joannis evangelistæ sinum, ut in eo accumberet, libenter elegit (Joan. XIII, 25). Sinus ergo in quo Christus requiescit, non corporis gremio præparatur, non vestimentorum ambitione componitur, sed cælestium virtutum operatione colligitur. Nam Christi sinus erat in Joanne evangelista fides, in Deo Patre divinitas, in Maria matre virginitas. Ibi sinus Christi est, ubi habitaculum est virtutum: ibi reclinat caput suum, ubi domicilium cælestium invenit præceptorum. Nam ideo peccatoribus et infidelibus dicit: « Vulpes foveas habent, et volucres cæli nidos: Filius autem hominis non habet ubi caput reclinet (Matth. VIII, 20). » Igitur Dominus Jesus hodie venit ad baptismum, et corpus suum sanctum voluit aqua dilui.

4. Dicat fortasse aliquis: Qui sanctus est, quare voluit baptizari? Audi ergo: Ideo baptizatur Christus, non ut sanctificetur ab aquis, sed ut ipse aquas sanctificet, et purificatione sui purificet fluentia illa quæ tangit; consecratione enim Christi consecratio major est elementi (44). Cum enim Salvator abluitur,

(42) Ita omnes edit. ac mss. ubi loco *prophetarum* legendum forte *prophetiarum*; at Rom. edit. haud bene reposuit: *præ cæteris plus prophetarum cantavit*.

(43) Rom. edit. sola, *pio testimonio astipulatur*.

(44) Eadem Rom. edit. *Baptizatio enim Christi consecratio est elementi*.

jam tunc in nostrum baptismum tota aqua mundatur, A et purificatur fons, ut secuturis postmodum populis lavacri gratia ministretur. Præcedit ergo Christus per 407 baptismum, ut Christiani post eum confidenter populi subsequantur.

5. Intelligo ergo mysterium; ita enim et columna ignis præcessit per mare Rubrum, ut intrepidum iter Israel filii sequerentur; et ipsa prior per aquas gressa est; ut venientibus post se viandi semitam præpararet (*Exod. xiv, 20-22*). Quod factum, sicut Apostolus dicit (*I Cor. x, 2*), mysterium baptismi fuit: baptismus plane quodammodo fuit, ubi homines nubes operiebat, unda portabat. Sed hæc omnia operatus est Christus Dominus idem qui et modo, qui sicut tunc per mare filios Israel in ignis columna præcessit, ita nunc per baptismum Christianos populos in corporis sui columna præcedit. Iphis, inquam, est columna, quæ tunc lumen sequentium oculis præstitit, modo lucem credentium cordibus subministrat: tunc in fluctibus undarum solidavit semitam, modo in lavacro fidei vestigia corroborat; per quam fidem, sicut filii Israel, qui intrepidus ambulaverit, persecutorem Ægyptium non timebit.

SERMO XIII.

Super his verbis Evangelii: *Simile est regnum cælorum fermento.*

Prima ipsa exordii verba ne Ambrosio hunc sermonem attribuamus, refragantur; non enim hoc modo loqui consuevit de sui episcopatus initio, cum raptus a tribunalibus, aliqua mora iis descendis, quæ doceret alios, opus habuerit. Potuit tamen hic auctor ex Ambrosii Comment. in Luc. lib. vii, num. 187, quedam hausisse. Verum cum eo loci aliorum sententias ab se referri testetur sanctus doctor, quominus hic auctor alios quoque imitatus fuerit, nihil prohibet.

1. Et ipsi scitis fratres, quod ex qua die vobiscum esse cœpi, non cessavi omnibus vos Dominicis admonere mandatis, et partim hortando, partim increpando, præcepta vobis divinitatis(45)ingerere; ita ut plerumque pius pater fuerim, nonnullis autem durus magister exstiterim. Patrem enim me sibi gratulatus est, quisquis sermonem meum libenter amplexus est: durum autem magistrum sensit, qui conscientiam suam prædicatione mea percussam esse condoluit. Sed nihil mea interest, dummodo sive pietate, sive censura Christus annuntietur in vobis; quamvis et ipsa censura sit pietas, quæ ideo circa negligentiores filios adhibetur, ut timere discant quod amare neglexerant. Non quod omnes filios non æqualiter diligat pater, sed quod indulgentia patris sit pro diversitate morum exhibere pietatis affectum; ut blandum filium exhortatione provocet, contumacem vero austeritate

(45) Vox divinitatis e cod. Lugd. restituitur.

(46) Ita codex Valliscl. At omnes edit, efferunt, succus hoc totum massam faciet esse, quod ipse est, ita semper universum. Lugd. codex ab his discrepat, quod ꝛ succus hoc non agnoscit.

(47) Vet. edit. et codex Lugd., specialiter;

conveniat, de utriusque tamen correctione securus; quoniam hunc amore verberat, illum severitate castigat, sicut ait beatus Apostolus: « Omnis quidem disciplina in præsentem non videtur esse gaudii, sed mœroris: postea vero fructum pacificum exercitatis per eam reddet justitiæ (*Hebr. xii, 11*). » Igitur quoniam tot tractatibus meis profecisse vos credo, libet quædam vobis divinarum disserere litterarum; ut intelligam quod id quod dixerò, fidei vivacitate capiatis.

2. Ait Dominus in sancto Evangelio: « Simile est regnum cælorum fermento, quod acceptum mulier abscondit in farinae satis tribus, donec fermentatum est totum (*Luc. xiii, 21*). » In alio vero loco ita ait: « Cui simile æstimabo regnum Dei? B Simile est fermento, quod acceptum mulier abscondit in farina, donec fermentatum est totum (*Matth. xiii, 33*). » Fermenti vim atque virtutem omnibus notam esse non dubium est. Nam cum sit magnitudine parvum, specie simplex, natura commune; tantam fortitudinem intrinsecus gerit, ut cum reconditum fuerit in farina, succus ejus hoc totam massam faciat esse, quod ipsum est; et ita se per universum (46) cumulum aspersionis suæ vigore diffundit, ut omnem ipsam magnitudinem pollinis faciat fermentum: ac sic res ipsa fortitudine sua molem sibi proprii vigoris acquirit. Hoc autem faciunt mulieres, ut viris suis salubriorem panem, et cibum utilem diligenter exhibeant. Sed quoniam Lex spiritalis est (*Rom. vii, 14*), et Evangelium spiritaliter (47) parabolarum narratione subsistit; videamus quid sit fermentum, quæ mulier, quid farina.

3. Legimus in sancto Evangelio, dicente Domino Christo de se ipso: « Nisi granum tritici cadens in terram mortuum fuerit, ipsum solum manet; si autem mortuum fuerit, multum fructum affert (*Joan. xii, 24, 25*). » Ergo si triticum Dominus, et Dominus est fermentum; quia fermentum non nisi de tritico fieri solet: recte ergo fermento (48) Dominus comparatur, quia cum esset specie homo, humilitate parvus, imbecillitate dejectus, tanta intrinsecus sapientiæ virtute pollebat, ut doctrinam ipsius mundus ipse vix caperet: qui cum cœpit per totum orbem divinitatis vigore transfundere, statim omne hominum genus in substantiam suam sua potestate protraxit; ut et jugum Spiritus sui sancti infunderet omnibus, et hoc Christianos (49) cunctos faceret esse, quod Christus est. Nam cum homo Dominus Jesus unus et solus esset in mundo tanquam fermentum in massa reconditum, universos homines præstitit esse quod ipse est. Quisquis igitur illi fermento Christi adhæserit, efficitur et

Rom. edit. et ms. Valliscl. spiritaliter; at pro ratione, solus ms. Valliscl. reposuit narratione.

(48) Codex Valliscl., recte ergo frumento.

(49) Omnes edit. et ms. Valliscl., omnibus, hoc est, Christianos; Lugd., omnibus, et hoc Christianos. Idem autem est, et hoc, atque, et hac infusione.

ipse fermentum, tam sibi utilis, quam aliis idoneus A universis; et de sua certus salute, et de aliorum acquisitione securus.

4. Sicut igitur fermentum cum in cumulum conspergendum est farinum, confringitur, comminuitur, dissipatur, et ipsum omne dissolvitur, ut dispersam illam farinæ multitudinem et unum sui vigore constringat (50), atque in solidum corpus redigat, quod in pulveris modum ipsa diminutione languebat; faciatque conjunctione sui utilem massam, quod propria dissolutione videbatur inutile: sic ergo et Dominus Jesus Christus, cum esset totius mundi fermentum, diversis passionibus contractus, laceratus et dissolutus est, et succus ejus pro salute nostra, qui est pretiosus sanguis, effusus est; ut admistione sui omne genus humanum solidaret, quod per diversa antea (51) resolutum jacebat; sic enim velut fermentum quoddam nos, qui farina ex gentibus videbamur esse, adhæsimus. Nos, inquam, qui per totum orbem dispersi et diminuti penitus (52) jacebamus, vigore passionis Christi in ipsius corpus redacti sumus, sicut beatus Apostolus ait: « Quoniam sumus corpus Christi et membra (I Cor. xii, 27; Ephes. v, 30). » Nos igitur qui ex nationibus in pulveris modum a terræ facie jactabamur, aspersione sanguinis Domini in massam soliditatis ejus accrevimus.

5. Mulier autem illa, quæ dicitur abscondisse in farina fermentum, quæ est, nisi sancta Ecclesia, quæ quotidie doctrinam Christi in cordibus nostris conatur abscondere? Ipsa, inquam, est mulier, quæ in alio loco etiam molere dicitur, sicut ait Dominus: « Erunt duæ molentes, una assumetur, et una relinquetur (Matth. xxiv, 41). » Molit enim sancta Ecclesia per legem, per apostolos, per prophetas, cum catechumenos facit, et asperitatem gentilitatis dissipat atque comminuit; ut emollitos eos in farinæ modum aptos faciat fermento Dominici sanguinis adhærere. Fermentum enim dixerim totam Domini passionem; fermentum enim salutis nostræ est symbolum ipsum quod traditur, sine quo fermento (53), vel symbolo, nemo potest vitæ æternæ substantiam promereri.

6. Et quia duas Evangelium describit molentes, atque unam Ecclesiam diximus salubriter molere, alteram quam nisi Synagogam accipere debemus? Molit enim et ipsa per Moysen et prophetas: sed inutiliter molit, sicut dicit Apostolus de Judæis: « Æmulationem Dei habent, sed non secundum scientiam (Rom. x, 2). » Inutiliter, inquam, molit Synagoga: quia massam suam Christi doctrina non temperat. Atque ideo evitandum præcepit Synagogæ Dominus esse fermentum, dicens: « Cavete vobis a fermento Phariseorum (Matth. xvi, 6, 11). »

(50) Ita codex Lugd.; Valliscl. autem atque edit., in unum vigorem constringat. Continuo vero post solus Valliscl. legit, atque in unum opus redigat.

(51) Omnes edit., ac Lugd. codex, quod per diversu antra; commodius ms. Valliscl., quod per di-

Temperatum est enim sanguinibus et crudelitibus Judæorum dicentium de Domino: « Sanguis ejus super nos, et super filios nostros (Matth. xxvii, 25). » Unde ait Evangelium: « Erunt duæ molentes, una assumetur et una relinquetur (Matth. xxiv, 41). » Assumetur enim in requiem æternam sancta Ecclesia, quæ Domino cibum sanctitatis emoluit: relinquetur ad molas eruenta Synagoga, gyrum semper passura suæ perfidiæ.

409 SERMO XIV.

Dominica in Septuagesima.

Septuagesimæ nomen ætate non solum Ambrosii, sed Maximi etiam multo recentius esse in confesso est. Synodi Aurelianenses prima et quarta, quibus prohibetur quinquagesimæ et sexagesimæ observatio, de septuagesima nihil præcipiunt, nec ejus meminit Regula sancti Benedicti, sed usque ad quadragesimam alleluia cantari jubet. Eandem autem vocem in edit. Operum Gregorii Magni Homiliæ 19, et Missis quibusdam Sacrament. falso inscriptam non ambigimus, cum ea non reperitur in mss. Quod similiter de epistola ad Augustinum monachum a Gratiano, distinct. 4, cap. Denique sacerdotes, citata statuendum est.

1. Redimite vos ipsos, dum vos pretium habetis: quando, charissimi fratres, novum tempus inchoatis, vestram vitam renovare debetis. In toto anno non dicitur ulla dies Septuagesima, nisi ista: nec Sexagesima, nisi sequens Dominica: neque Quinquagesima, nisi abhinc tertia: nec Quadragesima, nisi abhinc quarta Dominica; et quia nova nomina hoc tempus habet, ideo omnis Christianus renovare vitam suam debet. Hoc enim admonet Apostolus, dicens: « Renovamini spiritu mentis vestræ (Ephes. iv, 23); » item: « Etsi exterior homo noster corrumpitur, tamen interior renovatur de die in diem (II Cor. iv, 16). »

2. Nam sicut renovatur, qui de malo transit ad bonum; ita renovatur, qui de bono transit ad melius. Qui de luxuria vel qualibet immunditia transit ad castitatem, vitam suam renovavit, qui aliena rapere injuste consueverat, si sua cœperit misericorditer distribuere, vitam suam renovat. Qui superbus ad humilitatem transierit, et qui amabat detrahere fratribus, si cœperit fratres diligere, sine dubio renovat vitam suam; quia qui erat membrum diaboli male vivendo, incipit esse in corpore novi hominis, id est Domini nostri Jesu Christi, per fidem rectam et bonam operationem. Frequenter audistis, fratres charissimi, duos esse homines, id est, Adam et Christum; ille dicitur vetus, iste vocatur novus. Et ideo qui malus est, vetus est, imitando illum, qui fuit in paradiso superbus et inobediens; qui vero bonus est, novus est, sequendo illum qui dicit: « Discite a me quia mitis sum, et humilis corde (Matth. xi, 29); » et de quo Apo-

versa antea, supplendum loca.

(52) Codex Reg. et Valliscl., dispersi et divisi penitus, etc.

(53) Edit. omnes, symbolum sine quo fermento; mss. autem locum restituunt, ut in contextu.

stolus ait : « Factus est obediens usque ad mortem (Philipp. II, 8). » Sed quia hoc tempus novum nomen habet, ideo admonemus illos, qui veteres sunt male vivendo, ut sint novi bene conversando.

3. Admonemus illos qui jam novi sunt per bona opera, ut renovare studeant in hoc novo tempore per opera meliora : verbi gratia, novus qui est per castitatem cessando a malo opere, renovetur cessando ab ipsius operis delectatione. Similiter qui humilis, et obediens, et misericors, et patiens est, renovetur necesse est quotidie ; ut proficiendo crescat in ipsis virtutibus, secundum illud quod scriptum est : « Ibunt de virtute in virtutem (Psal. LXXXIII, 8). » Nemo nostrum, charissimi, securus sit, quia baptizatus est ; quoniam sicut non omnes qui in stadio currunt, accipiunt bravium, id est destinatum præmium, sed ille qui prius currendo pervenit (I Cor. IX, 24) ; ita non omnes qui habent fidem, salvantur : sed illi tantum qui in bono, quod inchoaverunt, opere perseverant. Et sicut ille qui adversus alterum pugnat, ab omnibus se abstinere ; ita et vos ab omnibus vitiis abstinere debetis, ut diabolum, vestrum persecutorem, superare possitis. Miseri homines cum periculis vitæ suæ et immensis laboribus serviunt regi terreno pro beneficio cito transituro et perituro, quare vos non servitis regi cœlestis regni beatitudine perfruenti, eamque laborantibus largienti ? Jam quia per (54) fidem ad vineam, id est, ad sanctæ Ecclesiæ unitatem vocati estis a Domino ; ita vivite et ita conversamini, ut denarium, id est regni cœlestis felicitatem, Deo largiente, accipere valeatis (Matth. XX, 10).

4. Nemo desperet de magnitudine peccatorum suorum, dicendo : Multa sunt peccata mea, in quibus usque ad senectutem et decrepitam ætatem perseveravi : jam promereri non potero indulgentiam, maxime quia peccata me dimiserunt, non ego illa. Absit ut talis de Dei misericordia desperet ; quia alii prima hora, alii tertia, alii sexta, alii nona, alii undecima ad Dei vocantur vineam, id est, alii in pueritia, alii in adolescentia, alii in juventute, alii in senectute, alii in decrepita ætate ad Dei servitium pertrahuntur. 410 Et sicut nullus desperare debet in quacunque ætate sit, si ad Dominum converti voluerit : ita nullus pro sola fide securus esse debet, sed potius pertimescere hoc, quod dicitur : D « Multi enim sunt vocati, pauci vero electi (Matth. XX, 16). » Quod vocati sumus per fidem, novimus : sed si sumus ad vitam æternam electi, nescimus. Tanto ergo debet unusquisque esse humilior, quanto, si sit electus, ignorat.

5. Concedat vobis omnipotens Deus, ut non sitis de illorum numero, qui mare Rubrum sicco vestigio transierunt, manna in deserto manducaverunt, et potum spiritalem biberunt, et propter murmurationem suam in eremo perierunt : sed de illorum

A qui terram repromissionis intraverunt, et fideliter in Ecclesiæ vinea laborando, denarium perpetuæ beatitudinis percipere meruerunt ; quatenus cum capite nostro Christo vos, qui ejus membra estis, possitis regnare per infinita sæculorum sæcula.

SERMO XV.

Dominica in Sexagesima.

Hunc sermonem non esse Ambrosii præter ea quæ superiori præmisimus, id etiam probat, quod sexagesimæ usum, cujus instituendi occasionem ad adulterinum Melchiadis papæ decretum refert Alcuinus in lib. De Eccles. Offic. in hoc sermone significetur a Telesphoro esse ; cum enim illam Mercatoris falsarum Decretalium collectionem constet in Ecclesia non nisi nono ineunte sæculo invaluisse, eundem sermonem auctoris eodem sæculo antiquioris nequaquam esse manifestum est. Adde his de quadragesimali observatione hic ea tradi, quæ cum ritu in Quadragesima Mediolani servari solito non convenient, ut ex Admonitione nostra in lib. De Elia et jejuniis colligi potest.

1. Adest tempus, charissimi fratres, quod Sexagesima vocatur ; et ideo necesse est ut vita vestra mutetur, mores corrigantur, mundus despiciatur, et cœlestis patria ardentius diligatur. Nam senarius numerus, a quo sexaginta, et sexagesima, et sexcenta, et sex millia derivantur, perfectionem significat. Hinc est quod ille, qui sexta die fecit hominem, in sexta ætate, et sexta feria, et sexta hora illum voluit redimere. Unde qui jam Septuagesimam celebrastis, et hodie sexagesimam celebratis, ac deinde Quinquagesimam et Quadragesimam, Deo propitio, celebraturi estis, istorum nominum mysteria vobis manifestare debemus.

2. Quadragesima nimirum sex septimanas habet, cui addicit Telesphorus pontifex septimam hebdomadam, et vocatum est hoc tempus Quinquagesima : deinde ab aliis addita est octava septimana, et vocatum est ipsum tempus Sexagesima : postmodum vero addita est nova hebdomada, et dicta est Septuagesima. Quoniam sicut a quatuor Quadragesima, et a sex Sexagesima ; ita a septem Septuagesima dicitur. Unde si quis modo adderet decimam septimanam, non eam vocaremus decagesimam, sed octogesimam, servato numeri ordine : quia post septem, a quo septuagesima venit, sunt octo.

3. Quadragesima ideo servatur, quia Moyses et Elias, et Salvator quadraginta diebus et noctibus jejunasse leguntur. Quinquagesima ideo a quibusdam servatur, in qua sunt quinquaginta dies : quia si subtraxeris ab his septem Dominicas, non amplius remanent in abstinentia, nisi quadraginta et duo dies : et in ipsis duobus diebus alii jejunant, alii non, id est, in cœna Domini, et in Sabbato sancto. Sexagesima ideo celebratur, in qua sunt octo hebdomadæ, id est, dies quinquaginta (55) sex :

(54) Reg. codex unus, regi cœlesti pro regni beatitudine. Jam quia per fidem, etc.

(55) Codex Biblioth. Ambr. et unus Reg., et dies sexaginta.

si subtraxeris octo Dominicos dies, et octo quintas A
ferias, quadraginta dies solummodo remanent je-
junii. Septuagesima vero, a qua usque in pascha
sunt novem septimanæ, id est, sexaginta tres (56)
dies; ideo ab aliquibus celebratur, quia si subtra-
xeris novem dies Dominicos propter Domini resur-
rectionem, et novem quintas ferias propter Do-
minicam cœnam, et totidem Sabbata, ne videamur
sabbatizare cum Judæis; non amplius quam tri-
ginta sex dies remanent ad jejunandum: quos
omni devotione ipse vos observare concedat Chri-
stus Dominus noster, qui vivit et regnat cum Deo
Patre in unitate Spiritus sancti Deus, per cuncta
sæcula, amen.

411 SERMO XVI.

Ubi Dominus Sabbato manum aridam curavit.

*Romani editores quadragessimam Mediolani non inci-
pere nisi feria 2 post Dominicam I, non advertentes
Sermonem in feriam 6 post Cineres ex hoc nostro
concinnare constituerant; ac propterea ejus capiti
longam laciniam prætexuerant partim e sermone
63 Append. August., partim ex Ambrosii lib. II de
Abraham, cap. 6, num. 32, consarcinatam. Sed
si eum Ambrosio hac via vindicari posse arbi-
trati sunt, nihil absurdius. Nos illum ad fidem vet.
edit. ac mss. Gall. et Lugd. restituimus: at pro
Ambrosiano non obtrudimus, cum eundem Maximo
justius attribuat Gall. codex.*

1. Diligenter, fratres (57), vos audisse credo,
evangelicam lectionem quæ nuper lecta est, ubi Do-
minus Jesus Christus ingressus Sabbato Synago-
gam, hominis ibi habentis manum aridam spiritali
medicina curavit, non appositis herbarum succis,
non pigmentorum medicaminibus colligatis: sed
verbo jubens, et in ira præcipiens refudit corpori
sanitatem (*Luc. vi, 6-10*). Ira, inquam, sicut ait
evangelista, restituit vigorem dexteræ. Unde intel-
ligimus qualis Dominicæ benignitatis sit sanitas,
cujus indignationis talis est medicina: aut quemad-
modum placatus prodest, qui ita miseretur iratus.
Verbo igitur jubet, ut arenti dexteræ venarum

(56) Iidem codd. Ambr. et Reg., *id est sexaginta
quatuor dies.*

(57) Rom. edit.: Te autem faciente eleemosy-
nam, nesciat sinistra tua, quid faciat dextera tua.
*Videtur, fratres, quam moralem judicem habeatis.
Vos consulit quomodo opus vestrum suscipiat, men-
tem vestram prius interrogat: Nesciat, inquit, sini-
stra tua, quid faciat dextera tua. Diligenter attendite,
fratres, et intellectum divine Scripturæ humiliter
et sapienter requirite. Nam cum dextera, vel sinistra,
corporis organa sint, rationis expertia, scire aliquid
vel ignorare eis non competit: non ergo nunc de cor-
pore loquitur. Verum in dextera Dei amor intelligitur,
in sinistra vanitas, vel mundi cupiditas. Quasi dicat:
Nesciat sinistra, quid faciat dextera, hoc est, quod
facit amor Dei, non perdat mundi vanitas. Abraham
cum nepotem a se deflectentem tenere non posset, et
vellet eum dimittere: Discede, inquit, si tu in sini-
stram, ego in dexteram. In sinistra sunt ea quæ cor-
poris et mundi sunt, in dextera amor Dei, et animæ
virtutes sunt. Recte igitur Abraham dixit: Si tu in
sinistram, ego in dexteram; quia homo imprudens
ea quæ mundi et corporis sunt, nempe divitias et*

successos infunderet. Non mirum est, si is arentem
reparavit dexteram, qui tot corpora (58) de arenti
pulvere procreavit, et id verbi imperio restituit,
quod in principio factura operationis instituit:
velut auctorem suam plasma cognoscens, obsequi-
tur ei portiuicula, cui totum se debet in massa.

2. Sed videamus quæ sit in Synagoga manus
arida, quæ nihil corpori prodest, quando operibus
siccavit: quando etiam primum arida esse cœperit,
requiramus; non enim unius hominis tantum per
Salvatorem causa geritur, nec unius hominis imbe-
cillitas procuratur, sed totius generis humani sana-
tur infirmitas. Nulli autem dubium est dexte-
ram vel totius corporis præclariorem portionem
hoc officii gerere; ut diurna alimenta suo corpori
subministret, et providentia quadam ad fruendam
vitam membra cætera paseat ac nutriat.

3. Hanc igitur dexteram in Judaico populo scri-
bas esse dixerim, vel doctores, qui velut præclarior
portio in Phariseorum corpore a Domino constituti,
neglexerunt et in cætera membra sua prophetarum
oracula velut escam vitæ æternæ porrigere: atque
ideo doctrina eorum tanquam manus aruit imbe-
cillis; quia fontem perennis sapientiæ non quæsivit.
Propterea denique factum est, ut quasi contracta
dextera clavem scientiæ tenere non posset, sicut
ait Dominus: « Væ vobis, Scribæ et Pharisei, qui
absconditis clavem scientiæ, et reliqua (*Luc. xi,
52*). » Hæc autem clavis Christus est Dominus,
quo ad credulitatem fidei pectorum arcana (59) rese-
rantur. Ista clavis, sicut ait Dominus Petro: « Tibi
dabo claves regni cœlorum (*Matth. xvi, 19*). » Ergo
arguit dextera Synagogæ manus, relinquens Chri-
stum: quæ prius erat in principibus Judæorum,
deterioravit; quisquis enim Christi fontem deserit,
debilitatur protinus et arescit.

4. Sed invenio ipsam manum quondam cæteris
membris fuisse meliorem; sanctus enim Moyses dux
Judaici populi, velut clarior corporis sui dextera
fuit, cum legem porrigendam meruit a divinitate per-

honores, in meliorem partem constituit; prudens vero
virtutem animæ, et immortalitatis adipiscendæ gra-
tiam præponit. Longitudo enim vitæ in dextera ejus.
Denique quia dextera hæc in homine jam aruerat,
idecirco Dominus Jesus Synagogam Sabbato ingressus,
hominis ibi habentis manum dexteram aridam, ut
alius narrat evangelista, spiritali medicina curavit,
sic enim habet: Factum est autem et in alio Sab-
bato, ut intraret in Synagogam, et doceret: et erat
ibi homo, et manus ejus dextera erat arida. Obser-
vabant autem scribæ et pharisei si in Sabbato cura-
ret, ut invenirent unde accusarent eum; ipse vero
sciebat cogitationes eorum. Et ait homini, qui habebat
manum aridam: Surge, et sta in medium, et sur-
gens stetit: et post pauca: Et circumspicis omni-
bus, dixit homini: Extende manum tuam: et exten-
dit, et restituta est manus ejus sana sicut altera.
Diligenter, fratres, vos audisse credo quomodo Chri-
stus Dominus, non appositis, etc.

(58) Omnes edit., qui totum corpus; Lugd. codex,
qui tot corpora.

(59) Lugd. codex, peccatorum arcana. Non satis
recte.

cipere. Dextera, inquam, erat sanctus Moyses, qui filios Israel velut manu provida cœlesti manna nutriit. Hæc plane est dextera, quæ Joannem et Mambrem magos nivei splendoris nitore convicit (*Exod. vii, 11; II Tim. iii, 8*). Ita **412** enim scriptum habes: Atque ideo magorum destructæ sunt tenebræ, quia Moysi meritis lucens dextera coruscabat.

5. Sed videamus manus ista quando primum arida cœperit esse vel mortua. Ego illam primum in Adam aruisse confirmo, cum contra vetitum Domini interdictæ arboris poma decerpserit, ac tunc succum immortalitatis amisit. Et sicca quodammodo est, quando hominem ad imaginem Dei factum peccato suo solvi fecit in pulverem. Atque unitam sola manus peccato teneretur obnoxia! Quod est gravius, B omne corpus morte damnatum est, cum dextera prima peccaverit. Nec mireris si membrum dexteræ in Adam non mansit integrum; vigor enim ille æternitatis exaruit. Nam sicut Moysi dextera custodientis mandata Domini niveo fulgore resplenduit; ita et Adæ dextera prævaricantis præcepta mortifero pallore contracta est.

6. Hanc igitur Adæ manum Salvator curat in Synagoga, hoc est, totius generis humani imbecillitatem sanare festinat; dicit enim etiam illi: Extende manum tuam, qui eam idolis immolando contraxit. Dicit illi: Extende manum tuam, cujus dextera usuras accipiendo siccavit. Extende manum tuam, qui per eam res orphanorum viduarumque gestis invadere. Sed et tu qui putas te manum habere puram et sanam, cave ne avaritia contrahatur: quin potius extende eam pro misericordia frequenter ad pauperem, pro hospitalitate sæpius ad peregrinum: extende eam pro peccatis semper ad Dominum: esto misericors, esto largus. Observa quod ait propheta: « Ne sit manus tua ad accipiendum porrecta, et ad erogandum contracta (*Eccli. iv, 36*). » Sic enim manus tua sana esse poterit, si malis contrahatur, bonis vero operibus extendatur (60).

SERMO XVII.

De sancta Quadragesima I.

Hic sermo primum in Romana editione inter Ambrosianos locum obtinuit, et revera cum etiam doctori nostro per antiquus codex Vallcellane bibliothecæ, ex quo eundem emendarimus, ascriptum habet. Sed hujusmodi auctoritatem, ut ei soli credi valeat, non tanti ducimus.

1. Ecce appropinquant dies sancti, et tempus acceptabile, fratres charissimi, de quo scriptum est (61): « Ecce nunc tempus acceptabile, ecce nunc dies salutis (*II Cor. vi, 2*); » ideo sollicitiores vos

(60) Rom. edit., extendatur. Dum autem ad virtutum opera extenditur, nescit sinistra, id est, carnis vel mundi cupiditas non perdat; propitiante Christo Domino nostro, qui cum Patre et Spiritu sancto vivit et regnat in sæcula sæculorum. Amen.

(61) Rom. edit., Ecce adsunt dies sancti... de quo nunc lectum est.

(62) Rom. edit., sicut ignem ardentem perstringit

A esse oportet in vigiliis, in jejuniis, in eleemosynis et orationibus. Qui usque modo eleemosynam fecit, amplius his diebus faciat; quia sicut aqua exstinguit ignem, ita eleemosyna exstinguit peccatum (62) (*Eccli. iii, 33*). Qui usque modo jejunavit et oravit, modo amplius jejunet et oret; quia sunt quædam peccata, quæ non dimittuntur, nisi per orationem et jejunium (*Matth. xvii, 20*). Si quis iram tenet adversus alterum, dimittat ei ex corde: si quis ab aliquo injuste aliquid abstulit, reddat ei, a quo abstulit, si cupit (63) Deum propitium habere. Nam quamvis omni tempore Christianus a maledictionibus, et conviciis, et juramentis, et risu nimio, atque verbis otiosis se abstinere debet; maxime tamen sanctis his diebus, qui ad hoc constituti sunt, ut peccata totius anni in his quadraginta diebus per pœnitentiam deleantur.

2. Credite, et firmissime credite, quia si (64) in his diebus puram confessionem feceritis, et taliter, sicut diximus, pœnitueritis, omnium peccatorum vestrorum remissionem cum Ninivitis a misericordissimo Domino impetrabitis; qui in sacco et in cinere pœnitendo liberari meruerunt: ita et vos, si ex toto corde secundum illorum exemplum ad Deum clamaveritis, divinam super vos misericordiam provocabitis, in tantum ut lætiores et securiores diem Dominicæ **413** resurrectionis celebretis, et felices ad cœlestem patriam post hanc vitam trans-eatis, præstante Domino nostro Jesu Christo, qui cum Patre et Spiritu sancto vivit et regnat per omnia sæcula sæculorum. Amen.

SERMO XVIII.

De sancta Quadragesima II.

Hic sermoni titulus præfigitur in antiquis edit. De jejuniis, in mss. vero nonnullis, De jejunio initio Quadragesimæ. Nec incommode, cum in epistolam, que in Liturgia Gallicana Dominicæ I Quadragesimæ assignatur, nec non hactenus recitature eodem die, factus fuerit. Quædam porro in eo reperias, que ex Augustini sermone 24, num. 7, et 77, num. 3, imitatus videtur auctor. Hunc autem auctorem Maximum esse non modo stylus suadere potest, verum et quod cum aliis ejusdem Maximi in Gal-lensi codice contineatur.

1. Testimonium perhibet sanctus Apostolus de prophetis, dicens: « Tempore, inquit, acceptabili exaudivi te, et in die salutis adjuvi te (*Isa. xlix, 8*). » Et subsequitur ipse: « Ecce nunc tempus acceptabile, ecce nunc dies salutis (*I Cor. vi, 2*). » Unde et ego testificor vobis hos esse dies redemptionis, hoc esse tempus cœlestis quodammodo medicinæ, in quo tempore omnium vitiorum nostrorum labem et universa vulnera peccatorum sa-

aqua, ita eleemosyna veniam impetrabit peccati. Et infra, et jejunium, sicut Salvator ait: Hoc genus non ejicitur, nisi per orationem et jejunium.

(63) Eadem edit., reddat ei saltem quod abstulit, si non in quadruplum, si cupit, etc.

(64) Eadem edit., Credite firmissime mihi, fratres, et nullatenus dubitate, quia si, etc. Iterum infra, sed sicut illi non nisi in sacco, etc.

nare poterimus, si medicum animarum nostrarum A fideliter exoremus, ut præcepta ejus tanquam suscepti idonei minime dispernamus. Tunc enim languidus ægritudinis suæ invenit medicinam, si omni sollicitudine medici mandata servaverit (65); quia si aliud faciat, cum aliud jubetur, crescente morbo non medicus, sed prævaricator in culpa est.

2. Medicus autem est Dominus noster Jesus Christus, qui ait: « Ego occidam et vivificabo: percutiam et sanabo (Deut. xxxii, 39). » Occidit enim quodammodo antequam vivificet Dominus; occidit enim primum in nobis homicidia, adulteria, scelera, furta, per baptismum: et sic nos tanquam novos homines æternitatis immortalitate vivificat. Morimur ergo peccatis videlicet per lavacrum: regeneramur autem vitæ per spiritum, sicut ait sanctus Apostolus: « Quoniam mortui estis delictis vestris, et vita vestra abscondita est cum Christo (Coloss. iii, 3). » -- « Consepulti enim estis cum illo per baptismum in mortem (Rom. vi, 4); » occidimur enim quodammodo, cum desinimus esse quod fuimus. Novo enim pietatis genere in uno eodemque homine mors operatur et vita; inoritur enim concupiscentia peccatorum, vivificatur amore virtutum (66). In uno namque eodemque homine impius et adulter occiditur, ut misericors renascatur et castus: interimitur idololatria, ut religio propagetur; fornicator et ebriosus exstinguitur, ut continens et sobrius procreetur.

3. Sic ergo mortificat Dominus, ut vivificari faciat: sic occidit, ut prosit: sic verberat, ut emendet. C Hæc est igitur circa homines suos ejus tota severitas, ut in his peccata puniantur, anima conservetur: abstollantur detestanda vitia, virtutes optimæ nutriantur (67). Usque adeo autem hac pia occisione Domini cernimus plerosque conversos in tantum ad melius profecisse, sic de piissimis optimos factos; ut cum videas eos, alios credas homines, cum non videas mutatas esse personas. In tantum enim in nobis id quod prius eramus, perimitur, aufertur, exstinguitur, ut id quod postea sumus, denuo natum esse credamus: unde nativitas hæc secunda prioris vitæ finem jam factum fuisse significat.

4. Quod autem ait: « Ego percutiam et sanabo (Deut. xxxii, 39); » percutit plane præceptis suis Dominus peccatores, ut sanet; mandatis verberat, D ut emendet: jejunia præcipit, indicit continentiam, judicium comminatur: et tristem gehennæ metum incutiens, adhibet medicinam; ut dum futura pertimescimus, præsentia corrigamus.

5. Sic namque Paulum apostolum percutiundo sanum reddidit (Act. ix, 3 seq.); cum enim esset persecutor, impius et blasphemus, et quidem ad

(65) Codex Valliscl. *medicinam datam servaverit.*

(66) Idem codex, *vivificatur odor virtutum.*

(67) Edit., *aufferantur detestanda vitia... hac pia occasione Domini.* Et infra, *videas eos, credas renatos homines.*

(68) Ita codex Valliscl.; edit. autem vet., *orbem*

devastandas Ecclesias Damascum properaret, subito fulgoris cœlestis eum terrore percussit, ut evangelici splendoris eum luce perfunderet: et carnalium luminum 414 orbitate mulctavit (68), ut spiritualium oculorum illuminaret aspectu: corporis eum debilitate perterritus, ut fidei devotione salvaret. Surgens ergo a terra Paulus, exterioribus quidem oculis non videbat homines, non aerem; sed mentis luminibus Christum videbat e cœlo. Denique in tantum profuit Domini ista percussio, ut de Judæo Christianus, de blasphemus apostolus, de Saulo Paulus existeret; et eo usque mutavit veterem cum moribus hominem, ut etiam mutaret et nomen.

6. Habentes igitur hujusmodi medicum, qui percutiundo sanat, mortificando vivificat, subdamur ei cum omni patientia ad curandum: ut quidquid in nobis probrosum, quidquid delictis sordidum, quidquid ulceribus fetidum (69) esse perspexerit, incidat, amputet, exsecet; ut resectis omnibus diaboli vulneribus, hoc solum in nobis faciat remanere, quod Dei est. Istud autem præceptum ejus est primum, ut his quadraginta diebus, jejuniis, orationibus, vigiliis operam commodemus; jejuniis enim lascivia corporis castigatur, orationibus devota saginatur anima, vigiliis diaboli insidiæ depelluntur. Deinde cum istis mandatorum observationibus fuerit hoc tempus impletum, tunc purgata et fatigata tot observationibus anima, ad baptismum veniens, Spiritus sancti inundatione reficitur: et quidquid in ea diversarum ægritudinum ardor exsiccaverat, cœlestis gratiæ rore perfunditur; ut deponens veteris hominis corruptelam, novæ indolem juventutis acquirat. Et mirum in modum in uno eodemque homine delictis sanctitas, iniquitati justitia, senectuti succedit infantia: novoque nativitatis genere alter est, qui renascitur, quam ipse sit, qui peccavit.

7. Sic namque Elias quadraginta dierum ac noctium curriculo continuato jejunio (III Reg. xix, 8), totius mundi longam ac nimiam siccitatem meruit imbrium rore restinguere, et ardentem terrarum sitim cœlestis pluviae largitate perfundere (III Reg. xviii, 45). Quod quidem in figuram nostri factum esse cognoscimus, ut nos quoque horum quadraginta curriculo dierum jejunantes, spiritalem baptismatis pluviam tribubus nostris (70) mereamur, nostramque jamdiu aridam terram cœlestis desuper imber infundat, et longam gentilium siccitatem lavacri inundatio salutaris irroret. Siccitatem enim et ardorem animæ suæ patitur, quisquis baptismi gratia non rigatur.

8. Horum ergo dierum noctiumque jejunio Moy-ses sanctus meruit cum Deo loqui, stare, consistere,

mutavit; Rom., orbitatem mutavit: omnes vero, illuminaret aspectum.

(69) Omnes edit., *ut, quidquid ulceribus fetidum; intermedia vero e cod. Valliscl. restituta sunt.*

(70) Rom. edit. post vocem *pluviam* reseceverat, *tribubus nostris.*

et de manu legis præcepta suscipere (*Exod. xxiv, 18*; *xxxv, 18*). Quamvis enim illum ab obtutibus Dei conditio humana subtraheret, jejuniorum tamen gratia proximum illum divinitatis consortio faciebat; hæc enim in nobis virtutum portio Dei est, ut jejunemus frequenter, quoniam semper Deus ipse jejunat. In quocumque igitur plus operum suorum inesse perspexerit, ipsi magis familiaris, intimus et amicus est, sicut Scriptura dicit: « Et Moyses loquebatur cum Deo facie ad faciem, sicut quis loquitur cum amico suo (*Exod. xxxiii, 11*). »

9. Unde et Dominus Jesus Christus resurrectionis gloriam percepturus, virtutes suas quadraginta dierum noctiumque jejunio dedicavit (*Matth. iv, 2*); ut ostenderet non panem esse vitam hominum, sed Dei verbum. His itaque dierum quadraginta jejuniis reconciliatur Deus, aperiuntur cæli, inferna reserantur. Igitur et nos, fratres dilectissimi, jejunemus continue et devote hoc spatio temporis, ut propitiatur nobis Dominus: pateant nobis cæli, inferna non valeant (71) retinere.

415 SERMO XIX.

De sancta Quadragesima III.

Statim ab initio eam affinitatem exhibet hic sermo cum serm. 39 et 41, quos rejecimus, ut eos ejusdem auctoris esse nos persuaderi haud ægre possiamur. Non est autem cur existimes Quadragesimam illic, ubi pronuntiatus est, 42 jejunia, seu septem hebdomadas complecti solitam; non enim alio modo, quæ hic dicuntur de 42 mansionibus, intelligenda sunt, quam earundem mansionum a Gregorio Magno hom. 16 in Evangel. in ita comparatio cum Quadragesima; ubi tamen diserte tradit tantummodo 36 dies jejunii atate sua fuisse observatos.

1. Sanctæ Quadragesimæ rationem, cujus hodie initium celebramus, frequenter edidimus: et cur tantorum dierum numero jejunemus, sæpe docuimus. Diximus enim quod Dominus Jesus Christus hunc eundem numerum jejunii consecravit, et continuatis diebus noctibusque non capiens cibum unum jejunii corpus effecerit: hoc est, licet diei ordo noctis interrumpetur adventu, non tamen interruptus est ordo jejunii. Unde erant apud Deum plura quidem temporum curricula, sed abstinentiæ dies una: ostendit nobis ita nos hunc numerum integrum jejunare debere; ut quia totam quadragesimam complecti non possumus solido et uno jejunio, vel quotidianis eandem sine intermissione jejuniis celebremus; ut si quisquam unam diem jejunando prætermiserit, totam quadragesimam violarit, et propter modici temporis cibum, magni fructum laboris amiserit.

2. Sed dicet aliquis: Quadragesimæ aliquoties accepimus rationem, et eam consecratam a Domino frequenter audivimus: sed cur eadem Quadragesima quadraginta et duos contineat dies audire

(71) Vet. edit., *inferna contra nos non valeant*; cod. Lugd., *inferna non valeant*; Rom. edit., *prevalent*; Valliscl. codex ut nos in textu.

A gestimus. Legimus in Veteri Testamento, cum sanctus Moyses filios Israel de jugo Ægyptiæ captivitatis erueret, ut in terram eos repromissionis induceret, quadraginta et duorum dierum (72) eum ad memoratam terram mansionibus pervenisse (*Num. xxxiii, 1 seq.*); tantoque illum temporum numero potitum esse promissis, quanto et nos promissis nobis a Salvatore perfrui gratulamur. Eodem, inquam, numero Moyses per mansiones pervenit ad requiem, quo et nos per jejunia prosperamus ad cælum; jejunia enim nostra mansiones quædam sunt, per quæ iter spiritaliter facientes, animæ virtutibus ambulamus, et diurno profectu repromissæ nobis terræ viciniores efficimur; ita ut citius perveniat, qui devotius jejunavit. Pedes enim quidam animæ pernices sunt fides atque jejunium, qui cito de humilibus ad altiora conscendunt, cito de terrenis ad cælestia gradiuntur. De his pedibus dixit Apostolus: « Quam speciosi pedes evangelizantium pacem, evangelizantium bona (*Rom. x, 15*)! » Hos pedes lavari præcepit Dominus, sicut Apostolus ait de vidua: « Si sanctorum pedes lavit (*I Tim. v, 10*). » Digni enim honore evangelizantium pacem pedes sunt, qui spirituales ac nitidi doctrina sui super hominum corda gradiuntur.

3. Quadraginta etiam et duorum annorum numero Israel populus pervenit ad fluentia Jordanis, eodem quoque dierum curriculo Christianus populus pervenit ad fluentia baptismatis. Et sicut ait Propheta: « Jordanis conversus est retrorsum (*Psal. cxiii, 3*), » illic introente Israel in aquas fluminis, unda subterfugit, hic descendente in fontem Christiano, criminum peccata diffugiunt. Et mirum in modum illic retrorsum conversus fluvius in originem suam revertitur: hic in posterum revocatus homo in originis suæ infantiam reparatur. Ibi fontem suum, de quo egressa fuerat, unda perquirat: hic hominem suum, a quo exierat innocentia, recognoscit: ibi exinanitur alveus fluctibus, hic evacuantur corda criminibus: ita ut servos Dei illic aqua cœnosa non madidet, hic famulos Dei conscientia tetra non polluat. Jordanis enim quidam est fons lavacri, per quem qui transierit, relictis sordibus, paradysum repromissionis ingreditur.

4. In hoc ergo quadragenario et duali numero Israel populus relinquens Ægyptum, Rubri maris fluentia transcendit: et nos quoque in ipso numero relinquentes mundi Ægyptum, gehennæ ardentis stagna transimus: illos in fluctibus unda sustentat, nos ignis flamma non urit: illis solidatur aqua, nobis refrigescit incendium; et contra naturæ usum per æstum siccatur mare, per fontem baptismi gehenna mitescit. 416 In hoc, inquam, mystico numero filii Israël pervenientes ad Myrrham, cum præ amaritudine aquam haurire non possent (habebat enim fons aquam, sed dulcedinem non

(72) Rom. edit. sola, *quadraginta et duorum locorum*.

habebat : erat delectabilis ad visionem, sed since- A
rus non erat ad saporem), injecto in eam per Moy-
sen ligno, dulcedinem suaviter potarunt; austeri-
tatem enim quam noxia unda gestabat, ligni abstulit sacramentum.

5. Quod quidem in figuram factum puto; aquam enim amarum in Myrrham, legem esse arbitror veteris Testamenti, quæ lex priusquam cruce temperaretur Domini, erat immitis; jubebat enim oculum pro oculo, dentem pro dente dari, et velut austera nullum misericordiæ refrigerium porrigebat. At vero ubi ligno evangelicæ passionis est temperata, statim amaritudinem suam suavitate commutans, dulcem se cunctis præstitit ad potandum, sicut ait Propheta: « Quam dulcia faucibus meis eloquia tua, super mel et favum ori meo (Psal. B cxviii, 103)! » Dulcia enim sunt eloquia quæ jubent: « Si quis te percusserit in dextera maxilla, præbe ei et alteram. Si quis tibi aufert tunicam, relinque illi et pallium (Matth. v, 39). » Hæc est ergo illa amaritudino, quæ dulcedine commutata est, id est, austeritas legis Evangelii gratia temperata est. Amara enim est legis littera sine crucis mysterio, de qua ait Apostolus: « Littera occidit (II Cor. iii, 6). » At ubi enim passionis illius sacramenta junguntur, omnis ejus spiritaliter amaritudo conditur; et de ea dicit Apostolus: « Spiritus autem vivificat.»

SERMO XX.

De sancta Quadragesima IV.

In hoc sermone superioris habentur continuatio; ac C
proinde uni auctori uterque tribuendus est. Postquam hic quædam illic tractata auctor repetiit, ad fontes 12 et palmas 72 orationem vertit; ubi quod tradit apostolorum ac discipulorum figuram in illis existisse, non aliunde quam ex Origenis hom. 27, in cap. xxxiii Num., et Hieronymi epist. 127, ad Fabiol., haustum videtur.

1. Retinent adhuc sensus vestri, fratres, nos hoc superiore Dominica prædicasse, quod hujus quadragesimæ nostræ figuram illæ quadraginta et duæ mansiones habuerint (Num. xxxiii, 1 seq.), per quas populus Israel exiens de Ægypto, diurno profectu terram repromissionis intravit, et quasi quibusdam salutis gradibus post jugum servitutis ascendit ad regnum.

2. Figura, inquam, fuit in illis mansionibus je- D
Juniorum nostrorum, non solum in quantitate numeri, sed etiam in observatione virtutum; non enim tantum filii Israel in itinere deserti corporeis gressibus ambularunt, quantum in via Domini religiosi actibus profecerunt. In via plane ambulaverunt Domini, quæ illos, et portavit in fluctibus, et pavit e cælo; esurientibus enim in eremo manna non defuit, periclitantibus in mari terra non fugit: ibi mare in semitam sternitur, hic cælum ad pabulum reseratur. Propter gratiam famulorum Dei Jordanis fluentia sua retinet, aquam suam Myrrha com-

mutat. Illic retrorsum conversa, quæ sequebatur, unda præcedit hic in melius temperata, quæ amarum stillabat, vena dulcescit: et mirum in modum fluvius cursum perdidit, fons saporem.

3. Sed quoniam diximus filios Israel venientes ad Myrrham, aquæ amaritudine laborasse, eamque non nisi ligni injectione potare potuisse (Exod. xv, 23-25), typum quoque in illa fuisse Veteris Testamenti; videamus quo exinde proficiscens populus ipse pervenerit. Pervenit in locum, qui dicitur Elim, in quo erant duodecim fontes purissimi, et septuaginta virentium multitudo palmarum. Videte mysterium Dei, quemadmodum post amaritudinem legis, fluentia evangelicæ pietatis exuberent. Ibi fons unus austerus est ad bibendum, hic plures, et omnes dulces sunt ad potandum: ibi post fatigationem nulla refectio, hic post laborem refrigerium atque victoria; sitientibus enim fontes ministrantur, palmæ vincentibus offeruntur.

4. Palmæ, inquam, offeruntur vincentibus; quia post legis duritiam ad Evangelii gratiam pervenisse vicisse est; præmium enim quoddam victoris est, os vivo fonte diluere, et dexteram triumphali palma munire. Per fontem enim lingua confessoris purificatur, per palmam dextera martyr honoratur: illa quia Christi exaltavit gloriam, hæc quia aram sacrilegii recusavit. Præmium enim quoddam 417 est palma martyrii, quæ contenti linguæ dulcem fructum tribuit, et victrici dexteræ gloriosum præstat ornatum. Est plane palma martyribus suavis ad cibum, umbrosa ad requiem, honorabilis ad triumphum, semper virens, semper vestita foliis, semper parata victoriæ, atque ideo non marcescit palma, quia martyrum victoria non marcescit.

5. Ipsæ denique palmæ sedenti super asinam, et venienti ad templum Domino a populis offeruntur; cum enim discipuli vestimenta sua sternerent, et iter Christi suis amictibus communirent (Luc. xix, 36), non habuit majus præmium nisi palmas; quod si devotio plebis offerret, significans stratis in itinere vestibus, pollutam viam esse (73) in mundo, oblatis palmis ipsum mundi esse victorem. Ipse, inquam, victor est, de quo ait Scriptura: « Vicit leo de tribu Juda (Apoc. v, 5). » Ipse plane victor, qui destruxit diabolicam mortem, vitam illuminavit æternam. Palmæ igitur adveniendi eriguntur Christo. Scriptum est: « Justus sicut palma florebit (Psal. xci, 13); » recte ergo adveniendi justo eriguntur vexilla justitiæ, et auctori suorum obsequantur tituli triumphorum.

6. Prius autem quam tollantur palmæ, iter Domini usque ad templum discipulorum vestibus operitur, et ut impolluta sit semita Salvatoris, apostolorum amictibus communitur. Quod quidem in mysterium factum puto; via enim Christi, quæ ducit ad templum, fides ejus est atque doctrina.

(73) Omnes edit. et codex Lugd. Reg., *impollutam viam esse*; magis congrue ac Remig. et Valliscl., *pollutam*, etc.

Hanc igitur viam discipuli, ut nos sine offensione A gradiamur, amictus proprii corporis exuentes, suo stravere martyrio; ut inter diversarum gentium turbas justitiæ semitam membrorum suorum vestimenta substernerent, et cœnosam mundi myrrhaginem (74) operirent, et impollutam viam Salvatoris ostenderent.

7. Ad duodecimum ergo fontes post Myrrham venit populus Israel. Legimus in Propheta: « Benedicite Domino de fontibus Israel (Psal. LXVII, 27). » Dominus Christus est, qui non nisi per apostolorum ora dicitur, discipulorumque doctrinam. Apostoli discendi sunt fontes; quia velut fontes purissimi (75) gratia prædicationis exuberant, et post amaritudinem legis venarum suarum larga sapientia sacramenti pocula dulcedinem stillant. Nec mirum B si potus dulcis est fontium, in quorum sinu cibus dulcior est palmarum. Apostoli ergo sunt fontes, qui totius terræ faciem doctrinæ suæ flumine rigaverunt, et fatigatis gentium populis potum (76) divini mysterii propinarunt.

8. Septuaginta autem palmas juxta fontes apostolicos generatas septuaginta illas discipulos dixerim, qui secundo ab apostolis gradu propter salutem hominum a Domino diriguntur, quos Lucas evangelista describens, binos et binos asserit destinatos (Luc. x, 1). Qui vere velut palmæ post curas hominum cum exultatione redeuntes, gloriantur apud Dominum sibi etiam dæmonia esse subiecta. Recte igitur comparantur palmis, qui palmarum præmio diaboli exstitere victores.

SERMO XXI.

De sancta Quadragesima V.

Prima hujus sermonis verba nobis indicant eum ejusdem, cujus duo superiores, parentis esse. Non mirum autem quod cum agnoscat jejunii esse 40 dies, eos tamen 42 mansionibus Israelitarum comparaverit; quippe quod eadem comparatio, ut jam diximus, jam tum fuerit usurpata, cum 36 tantum diebus Quadragesima constabat. Quod autem dicitur id moris esse, ut stationes appellarentur iidem dies, ex Tertulliano lib. de Orat. sub finem lib. de Jejun. et lib. de Cor. Milit. sumptum videtur: non secus ac Jonathæ hic facta mentio ex Hieronymo, lib. Adv. Vigil. cap. 10, et Cassiano Collat. 21, cap. 29.

1. Intellexisse vos credo, fratres (77), cur hæc D nostra jejunia illis mansionibus comparaverim, in quibus populus Israel tanquam in procinctu quodam positus Pharaonem regem quotidiano labore superavit, et ab inimicis suis quasi quibusdam castris mansionum sese statione defendit; ita ut quicumque ex illo comitantium numero diurnæ stationis spatia non confecit, aut Pharaon illum occupaverit, 418

(74) Rom. edit. sola, et cœnosam voraginem . . . post maran venit; sed mss. ac vet. edit. ubique scribunt, myrrham, myrrha, etc.

(75) Vet. edit., quia omnes purissimi; Rom., quia velut amnes purissimi; mss. ut nos in textu. Rursus vero, ubi vet. edit., larga sapientia sacra-

aut solitudo pervaserit. Si ergo et nos propositum nobis quadraginta dierum iter debemus omni labore conficere, et quibusdam quasi castris nos jejuniorum devotione munire; castra enim nobis sunt nostra jejunia, quæ nos a diabolica oppugnatione defendunt. Denique stationes vocantur, quod stantes et commorantes in eis, inimicorum insidias repellamus. Castra enim sunt jejunia Christianis, a quibus si quis aberraverit, ab spiritali Pharaone invaditur, aut peccatorum solitudine devoratur. Peccatorum autem solitudinem patitur, qui deseritur a societate sanctorum.

2. Murus igitur quidam est Christiano jejunium, in- expugnabilis diabolo (78), intransgressibilis inimico. Quis enim unquam Christianorum jejunavit, et captus est? quis sobrius mansit, et victus est? Temulentum aggreditur diabolus luxuriosum oppugnat inimicus. Ubi autem jejunium viderit, fugit, metuit, pertimescit; terretur pallore ejus, debilitatur inedia, infirmitate prosternitur: prosternitur, inquam, infirmitate, quia Christiana infirmitas fortitudo est. Unde ait Apostolus: « Cum infirmior, tunc fortior sum (II Cor. xii, 10). » Sed quæret aliquis, quemadmodum sit fortis infirmitas? Tunc est fortis infirmitas, quando caro tabescit jejuniis, anima puritate pinguescit. Quantum enim illi ciborum succus subtrahitur, tantum huic justitiæ virtus augetur. Tunc igitur homo imbecillis quidem est ad sæcularia opera, sed fortis ad divina: tunc enim magis de Deo cogitat, tunc judicium metuit (79), tunc vincit inimicum. Ait enim Salvator de diabolo: Hoc genus non ejicitur, nisi jejuniis et orationibus (Matth. xvii, 20). Dicit utique a diabolo energumenum non nisi jejuniis posse purgari. Videte ergo quæ jejunii virtus sit, quantam homini suo præstet gratiam, quod tantam præstet alteri medicinam: quemadmodum proprium sanctificet hominem: quod ita purificet alienum. Mira enim res est, alter jejunat, et alteri prodest jejunantis utilitas.

3. Ergo, fratres, abstinentiæ arma minime depouamus, et quadraginta dierum jejunia sine intermissione curemus. Hic est enim perfectus numerus ad vincendum; Dominus enim diabolum posteaquam quadraginta dies jejunavit, evicit, non quod et ante jejunia eum vincere non potuisset; sed ut ostenderet nobis tunc nos diaboli posse esse victores, cum per quadraginta dies victores jejunando desideriorum carnalium fuisset: eum quoque qui hunc numerum consecratum gulæ intemperantia violasset, tanquam imbecillum et miserum facile eum ab inimico posse superari. Quomodo enim potest in altero diaboli improbitatem vincere, qui gulæ intemperantiam in se ipso non vincit? Prius ergo,

menta poculi, codex Valliscl., larga sapientiæ sacramenta poculi; Lugd. vero lectionem anteponimus.

(76) Codex Valliscl., divini ministerii propinarunt.

(77) Rom. edit. sola, fratres, superiore Dominica.

(78) Codex Germ., et turris inexpugnabilis diabolo.

(79) Codex Valliscl., tunc judicium non metuit.

homo, tui victor esto; ut possis esse victor alterius. Sunt enim intra te proprii tibi hostes, qui quotidie te oppugnant; ecce enim avaritia te divitiarum ambitione circumvenit, luxuria epularum suavitate captivat, hæresis scientiæ falsitate pervertit (80). Vince ergo inimicos proprios, ut vincere possis alienos.

4. Non enim, fratres, leve peccatum est, fidelibus indietam quadragesimam a Domino violare et jejunia consecrata ventris voracitate dissolvere. Scriptum est enim: « Qui dicit se in Christo manere, debet sicut ille ambulavit, et ipse ambulare (I Joan. II, 6). » Si vis ergo Christianus esse, debes quomodo et Christus ambulare (81). Ille qui peccatum non habebat, quadragesimam jejunavit: tu non vis quadragesimam jejunare, qui peccas? Ille, inquam, peccatum non habebat, sed pro nostris jejunavit peccatis. Qualis ergo apud conscientiam tuam Christianus es, cum Christo pro te esuriens, tu prandes? cum Salvatore pro te jejunante, tu reficis?

5. Non igitur, sicut dixi, leve peccatum est indietum violare jejunium. Nam ut hoc exemplis breviter approbemus, legimus in libris Regnorum, cum Saul rex Israel bellum contra Allophylos gereret, universo eum exercitui indixisse jejunium, et abstinentibus cunctis, eum contra adversarios pugnare cœpisse (I Reg. XIV, 24 seq.). Bonus plane rex, qui hostes suos non tam armis quam devotione vincebat, et plus dimicabat religione, quam telis. Cum ergo Saul abstinentiam diei suis omnibus indixisset, et Jonathas ejus filius præcepti nescius, inter medias hostium acies victor incedens favum mellis, invincta sceptri summitate, gustasset; tanta indignatio repente commota est, ut et differretur victoria, et divinitas læderetur. Denique nec bello finis imponitur, nec regi responsum propheticum datur. Unde intelligimus quod Saul hostes non tam virtutem militum, quam militum abstinentia superabat. Denique unius culpa cunctis confertur ignavia, et unius delicto omnibus generatur infirmitas; deficit enim virtus in exercitu, ubi deficit in observatione jejunium. Quod ut peccatum Saul ex ipsa divinitatis offensione cognovit, statim Jonathæ dixit non esse parcendum, sed peccatum admissum effusione ejus sanguinis expiandum. Videte quanta apud Saul regem fuerit religionis observatio, qui offensam Domini (82) optavit etiam parricidio mitigare: et quanta sit resoluti culpa jejunii, quæ non nisi sanguinis effusione punitur. Et si ignorans Jonathas indictum a patre jejunium quod resolverit, morti addicitur: qui sciens indictum a Christo resolvit jejunium, quid meretur?

6. Ergo, fratres, statutum nobis custodiamus omni observatione jejunium, ut hostes nostros spi-

ritales carnalesque vincamus; habemus enim, sicut nostis, et carnales hostes. Jejunemus igitur, ut eos exercitus noster et Saul superet et obtineat. Nec in abstinentia positi declinemus ad favum; favus enim quædam mundi est voluptas, seu vitia, quæ sicut scriptum est, ad tempus quidem impinguant fauces, novissima amariora sunt felle (Prov. V, 4). Uremus igitur (83), ut nobis jejunantibus ille spiritualis favus a Domino largiatur, qui in æterna beatitudine in palato faucis animæ nobis dulcescat: ipso adjuvante, qui vivit et regnat in sæcula sæculorum, amen.

SERMO XXII.

De sancta Quadragesima VI.

Hic sermo in antiq. edit. ac plerisque mss. superioribus tribus proxime subjicitur; unde conjectura aliqua duci potest, eum ab illorum auctore profectum esse. Ipsius tamen stylus paulo humilior est: sed eundem a dictione Ambrosii multo longius removel illa simplicitas, quam a Maximi.

1. Non usque adeo contristari debemus, fratres, quod in his Quadragesimæ diebus tentatio nobis tribulationis advenit; quoniam et Salvatorem nostrum propter ipsam Quadragesimam videmus esse tentatum. Minus ergo dolere debemus servuli, quia Domini habemus exemplum. Ubi enim est similis cum Christo devotio, similis est et cum Christo tentatio; conditionem enim nobis tolerandi imponit conditio jejunandi. Credimus autem quod sicut Salvator noster diabolum cum tentaretur, obtinuit, ita et nos hostes nostros, cum tribulamur, posse devincere; jejunia enim Christi tentari possunt, non possunt superari. Augustias quidem in observatione habent, sed prosperitatem tribuunt et salutem. Videamus igitur inter cæteras tentationes, qua Dominum diabolus arte lacessat.

2. Cum enim super pinnam staret templi Salvator, ait diabolus: « Si Filius Dei es, mitte te deorsum, » et reliqua (Matth. IV, 6). Vere diabolicæ fraudis astutia consuetudinis suæ nititur argumento; semper enim religiosos de superioribus dejicere ad inferiora conatur, et de sanctis ac venerandis actibus deducere ad terrena et cœnosa festinat; ut qui stat puritate mentis in summitate templi, projiciat se in profundum inferi contagione peccati. Nam cum Dominum de pinna templi dejicere nititur, utique de perfecto religionis cultu eum remove conatur; pinna enim loci sancti perfectio cœlestis est sacramenti.

3. Recte autem Dominus super pinnam templi stare dicitur; quia de ipso scriptum est: « Qui ambulat super pennas ventorum (Psal. CIII, 3). » Super pennas enim ventorum quodammodo ambulat Dominus, cum super morum nostrorum alacri conversatione volatu incedit; pennæ enim nobis sunt boni

(80) Omnes edit., *perversitate pervertit*; omnes mss., *falsitate pervertit*.

(81) Vet. edit. et ms. unus, *debes quod Christus facere*; Rom., *fecit facere*: sed cum neutrum horum verborum legere sit in aliis mss. lectio, codicis Germ.

magis arrisit.

(82) Ita mss.; edit. vero, *observantia qui offensum Deum*, etc.

(83) *Oremus igitur*, et sequentia nunc primum e cod. Vat. et Germ. restituuntur.

mores, qui nos elevatos a terræ humilibus in cœli A altiora sustollunt, et volatu quodam mentis de tartaro tenebroso educunt, et ad paradisi amœna perducunt. Quorum morum pennas habere Propheta desiderans ait : « Quis dabit mihi pennas sicut columbæ, et volabo et requiescam (*Psal. LIV, 7*)? » Super hanc ergo pinnam templi Salvator stare dicitur, hoc est, quasi in quodam templo fidei nostræ consistere; unde ait Apostolus : Vos estis templum Dei vivi, et Spiritus Dei habitat in vobis (*I Cor. III, 16*). »

4. In hoc igitur templo stans Dominus nec recedens **420** increpat diabolum, dicens : « Scriptum est : Non tentabis Dominum Deum tuum (*Matth. IV, 7*), » hoc est, non tentabis eum, quem putas tanquam hominem ad inferiora pellendum, sed magis B tanquam Deum et Dominum ipsum (**84**) noveris adorandum. In his ergo jejuniorum diebus tentamur ad similitudinem Salvatoris; similiter enim et nos hostes nostri de pinna templi, hoc est, de observatione Quadragesimæ deturbare conantur. Dum enim terrores ingerunt, dum insidias parant, cupiunt nos de arce reiigionis abducere. Dicitur autem eis a Domino : Non tentabitis sanctos viros et famulos Dei; quos enim tanquam humiles conculcandos putatis, sentietis tanquam strenuos honorandos.

5. Sunt enim, sicut dixi, plerique fratres, quos hostes nostri de perfectione religionis abducunt : qui dum præsens malum metuunt, putant Deum nostræ salutis immemorem, nescientes quod Deus nullius est immemor; sed immemorem illum nostri tunc facimus, cum peccamus. Cum enim mala operamur, avertit faciem; cum nefanda loquimur, aurem obstruit; et ideo bonitatem suam a nobis Deus non tam ipse retrahit, quam nostra illum delicta rejiciunt. Ait enim idem Dominus per prophetam ad eos qui erant in tribulationibus constituti : « Numquid non valet manus mea eruere vos (*Isa. I, 2*)? » et reliqua. Vides ergo quoniam inter Deum et hominem peccata separant. Tolle igitur peccata de medio, et Deum tibi proximum tu fecisti.

6. Quomodo enim potest, fratres, oblivisci nostri Deus, qui etiam capillos capitis nostri in Evangelio apud se dicit esse numeratos (*Luc. XII, 7*)? Si enim capillorum nostrorum meminuit, multo magis nostrarum animarum meminuit. Per numerum enim C curam circa nos sollicitudinemque cognoscimus : nemo enim numerat, nisi quod vult diligentius custodire; nemo numerat, nisi qui veretur, ne fraudem absque numero patiat. Pastor ut salvum gregem habeat, eum frequenter annumerat, denique Dominus, qui est bonus pastor, cum una ovicula de centum ovibus aberrasset, recurrens ad numerum, propriis eam ad gregem humeris reportavit (*Luc. XV, 4, 5*). Usque adeo ergo habetur sub

tutela, qui habetur in numero, ut errans propriis apportetu. humeris, ne quid de numero minuat. Nolite ergo putare, fratres, quod vel minimi cujusquam obliviscatur; Deus enim omnium meminit, omnium recordatur: tantum ut non, nostris intervenientibus peccatis, ei inferatur oblivio.

SERMO XXIII.

De sancta Quadragesima VII.

Ex iis quæ hic dicuntur de Quadragesima, cognoscere est illius ritum nondum communiter id temporis receptum fuisse: de cujus quidem diversitate consuli potest Cassianus Coll. XXI, cap. 24, et Sozomenus lib. VII, cap. 19. Quod autem hic Sexagesimæ ac Septuagesimæ nulla fit mentio, illud sane iudicio est hujus sermonis ac superiorum 14 et 15 auctores diversos exstitisse. Intenditur vero etiam querela adversus eos, qui per Quadragesimam alternis tantum hebdomadis jejunium servabant, in quos similiter sermone 146 invehitur Petrus Chrysologus. Sunt præterea in quibus hic sermo cum serm. 145 et 147 Append. August. satis conveniat, ut forte ad eorum auctorem referri possit: at ne idem tribuatur Ambrosio nostro, nihil non reclam.

1. Nonnulli Christianorum, fratres, æstimantes se divinitatis præcepta religiosius observare, prætermissa devotione Quadragesimæ, cujus hodie curamus exordium, Quinquagesimam se facere sentiuntur; cum id neque divinis litteris jubeatur, neque traditum sit auctoritate majorum. Sola igitur hoc faciunt animi præsumptione; et dum putant se devotius agere, superstitiosius conversantur. Dicit C se observare Quinquagesimam, qui forte Quadragesimam implere vix possit. Bonum est quidem cunctis temporibus jejunare, sed melius Quadragesimam jejunare cum Christo; hanc enim quadragesimam nobis Dominus suo jejunio consecravit. Quod dixi jejunio, non jejuniis; unum enim jejunium Domini fuit, quia continuatis quadraginta diebus et noctibus, cibum omnino non sumpsit (*Matth. IV, 2*).

2. Quisquis ergo Christianus consecratam jejunando non impleverit Quadragesimam, prævaricationis et contumaciæ reus tenebitur, quod legem divinitus pro salute sua datam **421** prandendo ipse rescindit. Rescindis enim legem, qui exemplum jejunii Domini non custodis. Qualis vero Christianus es, cum, Domino jejunante, tu prandes (**85**)? Qualis Christianus es, cum, Christo esuriante, tu reficis? Ille pro salute tua famem sustinet, tu pro peccatis tuis jejunare formidas? Dicite enim mihi, interrogo vos qui in Quadragesima prandetis, si non in conscientiis vestris rei estis, quod abstimente cuncto populo, vos soli contra præceptum Domini devoratis? si non vobis rubor est, cum exitis in publicum, ne quis vobis jejunus occurrat: aut si non cogitatis, cum ad Ecclesiam proceditis, quemadmodum pacem episcopo porrigatis; ne forte

(84) Vet. edit. cum ms. Valliscl., *tanquam Deum et hominem ipsum*. Non satis recte.

(85) Abest a cod. Lugd. et Valliscl., *Qualis vero... tu prandes?*

ipso spiritu osculi vestri vos reprobet! Quod si hæc forte non cogitatis, forsitan vehementer erratis; scire enim debetis, cum in Quadragesimæ diebus jejuno pransus occurrit, non bene de illo judicat, qui jejunit.

3. Hoc enim ideo dico, quia audio complures, quod gravius est, fideles alterius in Quadragesima hebdomadis abstinere, et consecratum illum dierum numerum gulæ intemperantia violare, hoc est, prandere septem dierum curriculo, et septem dierum spatio jejunare. Quibus hoc dico, cur etiam per illos septem dies fraudem sibi faciant jejunando, cum illis jejunium tale non prosit? Quamvis enim abstineat quis certis diebus, quamvis ciborum dulciora alimenta non sumat, non tamen illi accepto fertur (86) Quadragesimæ jejunium, qui non diebus quadraginta jejunit. Pudet dicere, senes et aniculæ Quadragesimam faciunt: juvenes et juvenculæ non faciunt (87). Omni igitur sollicitudine tempus sacratissimum celebremus, non prætereant nos dies absque jejunio, non nos transeat una hebdomada absque vigiliis. Ille enim facit Quadragesimam, qui jejunando et vigilando ascendit pascha. Nam sicut reliquo anno jejunare præmium est, ita in Quadragesima non jejunare peccatum est; illa enim voluntaria sunt jejunia, ista necessaria: illa de arbitrio veniunt, ista de lege: ad illa invitamur, ad ista compellimur.

4. Sed videamus iste quadraginta dierum sacratissimus numerus unde habere cœperit exordium. Legimus primum in Veteri Testamento Noe temporibus, cum omne genus hominum scelerata iniquitas occupasset, tot dierum numero patefactis cataractis cœli aquarum pluvias defluxisse (*Gen. vii, 12*), et mysterio quodam quadragesimæ inundatione orbi terrarum facta, non tam diluvium quam baptismum contigisse. Baptismus plane fuit, per quod in peccatoribus iniquitas sublata est, Noe justitia conservata. Ita ergo et modo nobis Dominus ad instar illius temporis Quadragesimam dedit, ut constituto dierum numero, patefactis cœlis, pluvia nos misericordiæ cœlestis irroret, et inundatione facta per baptismum lavacri salutaris nos imber illuminet: et sicut tunc factum est aquarum fluctibus, extinguatur nunc in nobis delictorum iniquitas, virtutum justitia conservetur. Ipsa enim quæ sub Noe, et modo vertitur ratio; baptismus enim peccatori diluvium est, consecratio est fidei. Per lavacrum enim Domini salvatur justitia, necatur injustitia: quod in uno eodemque factum videmus apostolo Paulo, qui priusquam præceptis spiritualibus lavaretur, erat blasphemus persecutor, et Saulus; at ubi pluvia super eum lavacri cœlestis influxit, necatur blasphemus, necatur persecutor,

(86) Codex Valliscl., non tamen illius acceptum fertur, etc.

(87) Ita edit. ; cod. vero Lugd. et Valliscl., divites juvenesque non faciunt.

necatur Saulus: vi vincatur apostolus, vivificatur justus, vivificatur et Paulus. Usque adeo autem perdidit veterem cum actibus suis hominem, ut cum moribus mutaret et nomen. Quisquis ergo in hac devotione Quadragesimæ Dominica mandata servaverit, necabitur in eo diabolica impietas, apostolica autem reservabitur gratia; et succedens quodammodo sibi ipse, moritur ex ea parte qua peccator est, vivificatur ex illa parte qua justus est.

5. Videamus etiam si alibi in Scripturis hunc mysticum quadragesimæ numerum possimus invenire. Legimus quod sanctus Moyses in eremo quadraginta annorum curriculo filios Israel cœlesti manna nutrierit (*Exod. xvi, 33*). Bonus ergo numerus, qui semper cœlum aperit: bonus, inquam, numerus, per quem justitia Noe salvatur, et Israel filii saginantur. Unde et nos observemus hunc numerum, ut aperiuntur nobis cœli, quatenus et pluvia nos gratiæ spiritalis irroret, et spiritalium sacramentorum manna reficiat; instar enim patrum nostrorum hac observatione quadragesimæ et justificamur 422 et pascimur: justificamur lavacro, pascimur sacramentis.

6. Sed dicit aliquis, filios Israel in eremo quando manna saturati sunt, minime jejunasse. Ego autem dico illos non nisi abstinentiæ tunc vacasse, atque ideo cœlestis alimoniam gratiam meruisse: primum, quia desertum omne jejunium est; quia anxietas solitudinis (88) concupiscentiam repellit escarum: deinde in eremo unde accuratæ epulæ? unde vina pretiosa? unde quadraginta annorum tempore qualiscunque substantia? Intelligimus ergo jejunasse filios Israel; quia cognoscimus illis escarum copiam defuisse, et tunc sumpsisse cibum, quando largienti Domino placuisset. Satis autem diu jejunit, qui cum Christi voluntate se reficit. Usque adeo vero abstinentia filiorum Israel in eremo placuit Salvatore, ut quorundam etiam inter ipsos intemperantia notaretur; ita ut quisquis avidior duplum mannæ cibum sibi collegerat, hic hac injuria feriretur, ut non tam cibum sibi inveniretur servasse, quam vermes: scilicet ut quia supra moderatam refectionem concupierat, velut stimulis quibusdam conscientiæ in morem vermium urgeretur.

7. Igitur et nos, fratres, observantes Quadragesimæ quotidiana et moderata jejunia, et tanquam in eremo constituti, nihil deliciarum sæcularium cogitemus, nulla nos cupiditatum corporalium dulcedo sollicitet. Simus sobrii, simus casti; habentes quidem conversationem in urbibus, possideamus mente desertum. Si ita abstinentes egerimus, erit ut cœlestis mannæ reficiamur alimonia, et nullis vermium stimulis compungamur.

(88) Vet. edit. cum. ms. Valliscl., qui anxietas solitudinis; melius edit. Rom. cum cod. Lugd... solitudinis.

SERMO XXIV.

De sancta Quadragesima VIII.

Quidquid a primis hujus sermonis verbis usque ad numerum 2 interponitur, in Append. August. ubi sermonem 251 constituit, reperitur. Ex eodem etiam nonnulla reperiuntur in ejusdem Appendicis 256. Unde cognoscimus et Casarium, si tamen is auctor horum sermonum jure dicatur, eundem sententias subinde iterasse, et nostrum hunc sermonem plenum esse atque perfectum, cum dictus sermo 251 illius tantum laciniis sit. Apud Rabanum homilia inscribitur Contra paganicos errores, in qua sicut et in sequenti quaedam legere est, quæ ex hoc sermone videtur mutatas; nisi malueris eundem sermonem partim ex Casario, partim ex Rabano, partim ex aliis collectum esse.

1. Quam timendus est, fratres charissimi, dies ille judicii, in quo Dominus noster Jesus Christus, ac Redemptor omnium proposuit venire cum flamma ignis, quæ consumptura est adversarios suos, et eos qui faciunt iniquitatem! In illa die plangent omnes tribus terræ. Et videbunt Filium hominis venientem in nubibus cœli cum virtute magna, et majestate excelsa: et commovebuntur ante eum omnes fines terræ, et peccatores peribunt in ea: et cœlum plicabitur, et mare siccabitur, et montes sicut cera ardebunt usque ad inferos: et sol convertetur in tenebras, et luna non dabit lumen suum, et stellæ cadent de cœlo, et virtutes cœlorum commovebuntur: et tunc apparebit signum Filii hominis in cœlo, quod erit crux Christi Domini nostri, in cujus lumine tenebrescent totius mundi lumina. Tunc sancti rapiuntur obviam Christo in C aera, et sic semper cum Domino erunt: peccatores autem confundentur et peribunt. Et tunc Dominus noster Jesus Christus « mittet angelos suos ad quatuor angulos terræ, et congregabunt electos ejus a summo cœlorum usque ad terminos eorum (Matth. xxiv, 31); » et tunc separabit sanctos suos Dominus de medio peccatorum, et mittet eos in mansiones cœlestes: peccatores autem mittentur in caminum ignis, qui paratus est diabolo et angelis ejus (Matth. xxv, 41). « Ibi erit fletus et stridor dentium (Matth. viii, 12). » Væ illis hominibus, qui cum diabolo habebunt mansiones! quia ascendet fumus tormentorum eorum in sæcula sæculorum: quorum vermis non morietur, et ignis eorum non exstinguetur. In quibus nulla vox nisi gemitus, D nulla requies nisi ignis, nullum refrigerium nisi flamma, nulla lux unquam nisi tenebræ; et tales non venient unquam in memoriam apud Deum, quorum cibus cruciatus est, et mansio eorum cum diabolo erit, ubi nulla suavitas nisi fetor.

423 2. O homo, qui regnum Dei possidere desideras, quod fecisti malum, dum potes, emenda. dum tempus habes, clama ad omnipotentem Deum: dum tempus habes lugendi, dum adhuc anima tua versatur in corpore tuo, dum adhuc vivis, remedium tibi futurum acquire, priusquam in profundum te mortis absorbeat laqueus pœnarum, priusquam te infernus capiat: ubi nulla est indulgen-

A tia, ubi nullus ad confessionem recursus, ubi nullus est ad veniam regressus.

3. Et nos, fratres charissimi, agamus veram pœnitentiam, ut nos Dominus ab illa pœna, quam superius diximus, eripere dignetur. Non nobis sufficit, quod nomen Christianum præferamus, si opera Christiana non facimus: decimas nostras annis singulis de cunctis frugibus, pecoribus, et cæteris præcipit erogandas Dominus. Scriptum quoque est (Deut. xii, 6 seq.): Date decimas de omni labore vestro, et de omnibus pecoribus vestris, et ego aperiam vobis cataractas cœli, et multiplicabuntur messes, et vindemiæ vestræ erunt vobis in abundantiam, insuper et sanitates in domibus vestris. At si non dederitis decimas, dicit Dominus, mittam B grandinem et pruina et tempestates super vos, et tollam omnem laborem vestrum. Novem partes vobis tributæ sunt, sed qui decimas dare noluistis, ad solam decimam revertetis: insuper et mortalitates venient in domos vestras. Frumenti, vini et olei parte offerite primum in Ecclesiam, reliquam per cæcos, claudos, debiles, leprosos, et orphanos, et per viduas, peregrinos et advenas dividere debetis. Similiter facite de omni peculio vestro, de omni fructu vestro. Quoties novum facis panem de messe tua, primum affer ad Ecclesiam pro benedictione: reliquum vero tecum retinere poteris pro te et tua familia: sic fac de uva, et de omni labore tuo.

4. In ecclesia stantes nolite obstrepere, sed lectiones divinas diligenter audite. Qui otiosis verbis, C cachinnis clamorosis, deambulationibus importunis in ecclesia perstrepat, et pro se et pro aliis redditurus est rationem in die judicii; quia Verbum Dei nec ipse audit, nec alios audire permittit. Ad ecclesiam cum venitis, nolite litigare; causas vanas nolite dicere, audire vel judicare; aut rixari, aut joculari, vel alienas fabulas referre; quoniam qui talia agunt, sine fructu orationes eorum evanescent: imo cum parvo peccato ad ecclesiam veniunt, et cum peccatis multis de ecclesia recedunt, quibus valde congruit, quod Propheta dicit et comminatur: « Homo vanitati similis factus est, dies ejus sicut umbra transeunt (Psal. cxliii, 4). »

5. Judices vero qui causas audiunt, juste judicent, et munera super innocentes non accipiant; D ne forte dum acquirunt pecuniam, perdant animam suam. Nemo enim habet injustum lucrum sine justo damno: ubi lucrum, ibi et damnum: lucrum in arca, damnum vero in anima. Dic, ubi sunt reges, ubi sunt principes, ubi sunt divites? ubi est aurum et ornamentum eorum? Cuncta velut umbra transierunt. Aurum et argentum et ornamenta eorum remanserunt in mundo, et illi sine fine cruciantur in inferno, ubi vermes eorum non moriuntur, et ignis eorum non exstinguetur, quia scriptum est: « Potentes potenter tormenta patientur (Sap. vi, 7). » Ibi vitam tenebrosam et mansionem obscuram perpetuo habebunt: ibi miseri cum miseris, superbi cum superbis, homicidæ cum homicidis,

adulteri cum adulteris, iniqui cum iniquis, falsi cum falsis, sacrilegi cum sacrilegis, omnes simul cruciantur in inferno sine fine.

6. Firmiter mihi credite, fratres, quia nullus peiorem culpam habet, quam qui Deum blasphemans et derelinquens, idola colit: nec peior dissolutio esse potest in populo, quam quod demonibus immoletur, et Ecclesie catholice derelinquantur: et qui de misericordia Domini desperat, et non credit in resurrectionem: et qui colunt angures, vel sortilegos, vel aruspices, divinos et preecantores, et qui confidunt in phylacteriis et characteribus, aut sternutationibus, avibus cantantibus, divinationibus, aut mathematicis, aut aliis quibuscumque malis artibus, damnabuntur.

7. Isti omnes infelices et miseri, qui saltationes ante ipsas etiam sanctorum basilicas, et in ipsorum sanctorum festivitatibus choros ducunt, cantica luxuriosa vel turpia lingua sua proferunt. Quare unde debuerant Deum laudare et mereri, inde sibi damnationem acquirunt: et sicut Christiani 424 ad Ecclesiam veniunt, ut pagani tamen de Ecclesia revertuntur.

8. Nulla mulier potionem abortivum procuret, aut conceptos fetus occidat. Mulier quae iniquitatem hanc patriverit, quantos parere potuisset filios, tantorum homicidiorum rea, rationem redditura est in die iudicii. Quicumque malorum huiusmodi reus inventus fuerit, perdidit baptismi meritum coram Deo et angelis ejus.

9. Contestamur vobis coram Christo Domino nostro, quod qui malum fecerit, nisi veram poenitentiam egerit, eleemosynas justas fecerit, et nisi in bonis operibus mors illum invenerit, quod nunquam possidebit vitam aeternam, sed cum diabolo descendet in infernum; quia « arcta et angusta est via, quae ducit ad vitam (Matth. vii, 14). » Et ideo non tantum propter timorem iudicii, sed propter amorem Dei, et gaudia vitae aeternae, ab omni vitio et malo se abstinere quis debet, etiam spem suam omni hora in Deum ponere.

10. Serpens cum venerit ad bibendum aquam, priusquam bibat, extra fontem evomit venenum suum, et postea bibit; ita et nos quando ad altare Domini communicaturi accedimus, desponamus venenum pessimum: hoc est, iracundiam, odium, invidiam, falsitatem, iniquitatem, avaritiam, cupiditatem, superbiam, sacrilegium, furtum, luxuriam, falsum testimonium, discordiam, perjurium: haec sunt animarum venena. Ista prius repellamus a nobis, et sic ad altare Domini corpore et sanguine ejus satiemur. Mundemus corda et corpora nostra ab omni vitio malo; ut casto corpore, et mundo corde, et cum secura conscientia ad altare Domini possimus accedere. Etiam per omnes festivitates,

A auxiliante Domino, castitatem servate ut nos solemnitates nostrae castos et justos inveniant.

11. Rogamus Dominum, ut mittat vobis medicamentum caeleste, hoc est, castitatem, charitatem, gaudium, patientiam, longanimitatem, fidem, lenitatem, continentiam, et misericordiam. Et nos, fratres charissimi, non cessemus benefacere, jejuna-re, poenitentiam agere, eleemosynas dare, nudos vestire, infirmos visitare, hospites colligere, et pauperes pascere, Ecclesiis Dei servire, Scripturas sanctas custodire, Dei servos diligere, spem nostram omni hora in Deum ponere, iram non perficere, iracundiae tempus non retinere, pacem falsam non dare, charitatem non derelinquere, non jurare omnino, ne forte pejeremus. Omnia quaecumque vultis ut faciant vobis homines, et vos facite illis similiter. « Qui autem perseveraverit usque in finem, hic salvus erit (Matth. x, 22). »

12. Vos autem, fratres charissimi, ut cogitetis periculum vestrum, paterna charitate admonemus. Si nos libenter auditis, et vobis vitam aeternam, et nobis perenne comparabitis gaudium in regno caelorum, ad quod feliciter pervenire mereamur, praestante Domino nostro Jesu Christo, qui cum Patre et Spiritu sancto vivit et regnat in saecula saeculorum, amen.

SERMO XXV.

De sancta Quadragesima IX.

C Jam pridem hic sermo numeratus est inter Ambrosianos, quippe qui a Gratiano et P. Lombardo Ambrosii nomine citatus fuerit. Horum auctoritate sicut et codicum Vatic. et Mediol. a Decreti emendatoribus eundem sancto Doctori attributum esse pronum videtur. Verum non possumus quia admiremur eruditiss. Card. Bona lib. i Rer. Liturg. cap. 14, num. 5, pro Ambrosiano ipsum habuisse. Etenim vel hoc solum quod per Quadragesimam singulis diebus excepta Dominica necessario jejunandum, tradit justum hac de re dubitandi locum praebuit Possevino in Apparatu. Si huic causae illam addideris quod prandium hora nona capere permittit, eadem haec cum serm. 8 in Psal. cxviii, num. 48, composueris, quam in eo nihil existat Ambrosianum, statim comperies. Porro mutationes a Romanis editoribus, qui primi eum proelo subjecere, in eo factas ex codice bibliothecae Vallicellanae emendavimus.

D 1. Ecce nunc tempus adest (89), in quo et peccata vestra confiteri Deo et sacerdoti, et per jejunia, et orationes, et lacrymas, atque eleemosynas delere debetis (De Poenit., dist. 1, cap. Ecce). Quare erubescit peccator manifestare peccata sua, quae et Deo et 425 angelis omnibus, atque cunctis electis animabus sunt nota et manifesta? Confessio a morte animam liberat, confessio paradisum aperit, confessio spem salvandi tribuit. Unde Scriptura dicit: « Dic tu iniquitates tuas primus, ut justificeris (Isa. xliii, 26). » Hic iis verbis osten-

(89) In cod. Biblioth. Vallic. et apud Gratian. ea hujus sermonis prima verba sunt: in edit. autem Rom. hoc initium sine teste aut fidejussore pra-

missum fuit: *Ecce nunc tempus acceptabile, ut superiori Dominica legimus.*

ditur quia non meretur justificari, quia in vita sua peccata non vult confiteri. Illa vero confessio non liberat, quæ non fit cum pœnitentia. Pœnitentia vera est dolor cordis, et amaritudo animæ pro malis quæ quisque commisit (*De Pœnit.*, dist. 3, c. *Pœnitentia*). Pœnitentia est et mala præterita plangere, et plangenda iterum non committere.

2. Et quamvis omnes dies, quibus homines vivunt, apti sint pœnitentiæ, tamen isti dies sunt plus apti et congrui ad confitendum, et ad jejunandum, atque eleemosynas faciendas : quoniam peccata totius anni istis diebus potestis diluere. Ideoque moneo omnes, et hortor singulos, ut quidquid in vobis reprehensibile cognoscitis, emendetis. Quicumque recognoscit in se quod fidelem non decet, emendet : quod minus fecit, si fideliter decimas non dederit (90). Quid est fideliter decimas dare, nisi ut nec pejus, nec minus aliquando Deo offerat aut de grano suo, aut de vino suo, aut de fructibus arborum, aut de pecoribus, aut de horto, aut de negotiis, aut de ipsa venatione sua? Quia de omni substantia, quam Deus homini donat, decimam partem sibi servavit; et ideo non licet homini retinere illud, quod Deus sibi reservavit. Tibi dedit novem partes, sibi vero reservavit decimam partem : et si tu non dederis Deo decimam partem, Deus tollet a te novem partes. Item si quis recognoscit in se quod ab aliquo tulit aliquid injuste, emendet reddendo quod injuste tulit. Nam qui non vult Deo reddere decimas quas retinuit, et homini non studet reddere, quod injuste ab eo abstulit; non timet adhuc Deum, et ignorat quid sit vera pœnitentia, veraque confessio (16, q. 2, c. *Num qui Deo*).

3. Iste talis homo non potest bonam eleemosynam facere. Bonum est propterea, fratres, ut Deo reddatis quæ sua sunt, et proximo quæ illius fuerunt; ut de vestris justis laboribus eleemosynas faciendo, peccata vestra possitis redimere, secundum quod scriptum est : « Sicut aqua exstinguit ignem, ita eleemosyna exstinguit peccatum (*Eccli. iii, 35*). » Et hoc facere debetis (91), quia unusquisque secundum quod habet, debet tribuere indigentibus : id est, qui habet multum, debet tribuere multa : et qui parum habet, debet parum dare, secundum quod (92) sanctus Tobias agere docuit filium suum (*Tob. iv, 9*). Cum grandi quoque studio et cum ingenti aviditate debent Christiani eleemosynas facere; ut mereantur in die iudicii audire a Domino : « Esurivi, et dedistis mihi manducare : sitivi, et dedistis mihi bibere : hospes eram, et collegistis me : nudus eram, et vestistis me : infirmus, et visitatis me : in carcere eram, et venistis ad me. Ve-

(90) Rom. edit., quod fideliter non dederit decimas suas, modo emendet, quod minus fecit. Quid est.

(91) Eadem edit., scriptum est : peccata tua eleemosynis redime. Et adhuc scire debetis.

(92) Rom. edit., juxta paucum non timeat eleemosynam facere, secundum quod, etc.

nite ergo, benedicti Patris mei (*Matth. xxv, 35, 36*). » Si ista vos opera misericordiæ non feceritis, quæ modo commemoravi, audietis in die iudicii : « Ite in ignem æternum (93) (*Ibid. 41*). »

4. Jam quia tales dies sunt, non audeo, ut non dicam periculum et grande malum, quod est in populo isto : quod si ea feceritis, dicet vobis : « Venite, benedicti Patris mei. » Qualis Christianus est, qui tali tempore non jejuset, vel usque ad nonam? Ecce Ninivitarum parvulos etiam lactantes, et pecora atque jumenta, ut periculum mortis evadere possent, jejunare fecerunt. Quales ergo Christiani esse possunt, qui et sani sunt, et jejunare cum Moyse, et Elia, et Salvatore nostro nolunt? Solent enim dicere : non possumus laborare, et jejunare. Sed ideo non possunt, quia nolunt. Saltem laborent minus, ut jejunare possint. Moneo quapropter, et contestor vos in Domino, ut nullus vestrum, nisi forte sit infirmus, aut infans, usque ad Pascha, et nisi in Dominicis diebus, ante nonam manducet aut bibat.

5. Moneo etiam ut qui juxta Ecclesiam est, et occurrere potest (94), quotidie audiat missam; et qui potest, omni nocte ad matutinum officium veniat. Qui vero longe ab Ecclesia manent, omni Dominica studeant ad Matutinum venire : id est, viri, et feminae, et juvenes, et senes præter infirmos; unus tamen aut duo remaneant, qui domum custodiant.

6. Nullus omnino uxori suæ jungatur ante octavam Paschæ. Quicumque iram, aut odium contra alterum tenet, 426 dimittat illi ex toto corde, si salvari desiderat : et exceptis illis, quibus sacerdos consilium dat, ut non communicent, omnes Christiani omni Dominica debent offerre et communicare. In Quadragesima vero moneo ut die omni, aut saltem, ut dixi, omni Dominica offeratis et communicetis. Et idcirco puram et mundam vitam ducite, ut digni sitis accedere ad sanctam communionem. Et hæc scire debetis, quia quidquid subtrahitis corpori in jejunando, totum debetis pauperibus donare, non vobis ipsis reservare.

7. Omnipotens Deus donet ut ista, quæ dicta sunt, retineatis, et opere compleatis; quatenus post finem hujus vitæ, et post terminum laboris ad requiem sempiternam pervenire possitis : ipso donante, qui vos et creavit, et pretio sui sanguinis redimere voluit : qui vivit et regnat per infinita sæculorum sæcula. Amen.

SERMO XXVI.

De sancta Quadragesima X.

Hic sermo ex eorum est numero, quos Rom. editio primum vulgavit. Eisdem præfixit illum titulum.

(93) Rom. edit., Si per hanc vocem opera misericordie... æternum, qui paratus est diabolo et angelis ejus. Jam quia... non audeo tacere, ut non revelem periculum vestrum... quod vobis, nisi emendetis vitam, imminet, qualis, etc.

(94) Eadem edit., et sine gravi impedimento potest.

De modo vere agendi pœnitentiam. *Sed quam A* *stantiam suam cum meretricibus dissipavit ; 427* *postea humilis factus, et ad cor reversus, dicens :* « Quanti mercenarii in domo patris mei abundant panibus, ego autem hic fame pereo ? Surgam ergo, et vadam ad patrem meum, et dicam : Fac me sicut unum ex mercenariis tuis (*Luc. xv, 17-19*). » Ad patrem accedens, et coram eo se prosternens, fuit ab eo lætanter acceptus ; imò occidit pro eo vitulum saginatum.

1. Lectum est nunc in Evangelio : « Viri Nini- vitæ surgent in iudicio cum generatione ista, et condemnabunt eam, quia pœnitentiam egerunt in prædicatione Jonæ (*Matth. xii, 41*). » Pharisei pœnitentiam simulabant, ideò a Christo Domino appel- B *lantur « generatio mala et adultera (Ibid. 39) ; » et alibi, « progenies viperarum (Matth. iii, 7) ; » non autem vere pœnitebant, ideo merito condemnantur.*

2. Sic et tu, o Christiane, quem scio esse super- bum, pœnitere te asseris, et diaboli opera requiris, et Domini præcepta prætermittis. Scire a te desidero quid pœniteas, nescio quid sit pœnitentia tua. Pœnitere te asseris, qui cum injustitia, qua præ- cinctus es, superinduxisti superbiam ? Pœnitere te asseris, qui carnem alienam sequeris ? Sic fatigaris : reversus es sicut canis ad vomitum, aut velut sus calore affecta, in limo terræ provoluta. Quid sit tua pœnitentia, non invenio : circuivi et perambu- lavi locum pœnitentiæ, et non inveni pœnitentiam tum. Qui sæculum destruxeras, ibidem inveniris : C *qui carnis superbiam deposueras, humerum submittis iterum, ut gravius portes onus : qui avaritiæ dederas dorsum, denuo illi obviam occurris : qui vanitati repudium dederas, iterum reverteris ad ejus gratiam : qui pompas sæculi fugeras, iterum in manus illius incidisti. Ambulas superelatus sine cervice. Nescis scriptum esse : « Quid nobis profuit superbia, et quid divitiæ cum jactantia contulerunt nobis (*Sap. v, 8*) ? » Et sequitur : « Transierunt illa omnia tanquam umbra (*Ibid. 9*). » Fidelem et mundum te invenisti, qui per aquam baptismi fueras renovatus, sicut scriptum est : « Lavamini, mundi estote, auferte nequitas ab animabus vestris (*Isa. i, 16*). » Illos propheta ad lavandum hortatur ; tu autem cum esses mundus, sordidus factus es, non D *potes denuo lavari.**

3. Si vis autem ut munderis iterum, da eleemo- synam, et omnia tua munda sunt (*Luc. xi, 41*).

Mundandis bona est eleemosyna, quæ purgat om- nes sordes. Humilia autem te in omnibus, et coram Deo invenies gratiam : « Subditus esto Deo, et obse- cra Dominum (*Eccle. iii, 20*) ; » et : « Ne æmuleris, ut nequiter agas ; quoniam qui nequiter agunt, exterminabuntur (*Psal. xxxvi, 7, 9*). » Ora Domi- num quotidie cum lacrymis, si forte peccata tua solvantur ; cum Deus superbis resistat, humilibus autem det gratiam (*I Petr. v, 5*). Memorare filium in longinquo positum, qui luxuriose vivendo sub-

stantiam suam cum meretricibus dissipavit ; 427 *postea humilis factus, et ad cor reversus, dicens :* « Quanti mercenarii in domo patris mei abundant panibus, ego autem hic fame pereo ? Surgam ergo, et vadam ad patrem meum, et dicam : Fac me sicut unum ex mercenariis tuis (*Luc. xv, 17-19*). » Ad patrem accedens, et coram eo se prosternens, fuit ab eo lætanter acceptus ; imò occidit pro eo vitulum saginatum.

4. Memorare itaque quia et pro te Christus occi- sus est, qui ante fuit vitulus saginatus. Quia vero alter filius ejus contristatus est, quoniam occisus est Christus, qui ante fuit vitulus saginatus, pater respondit, dicens : « Fili, tu mecum semper es, et omnia mea tua sunt : gaudere autem te oportet B *quia hic filius meus mortuus fuerat, et revixit : perierat, et inventus est (Ibid. 31, 32).* » O quam beatum populum, pro quo Christus occiditur ! quale gaudium portat Pater, quando quod mortuum fue- rat, reviviscit : et quod perierat, invenitur ! cui tunc dicitur, ut scriptum est : « Ecce sanus factus es, jam noli peccare, ne tibi deterius aliquid con- tingat (*Joan. v, 14*). »

5. Attende ergo unde excideras, et plange, pœ- nitentiam age : si quominus, veniet tibi Dominus cito, et movebit candelabrum tuum de loco suo. Memorare, fili, Christum reliquisse nonaginta et novem justos, perquisisse hominem peccatorem, et inventum eum in invio humeris suis reportasse (*Luc. xv, 4*) ; vel illam mulierem (*Ibid. 8*), hoc est Ecclesiam, quæ perdiderat drachmam, hoc est ho- minem peccatorem, accendisse lucernam, hoc est, Christum qui est lumen justitiæ : et inventa ea in pulvere, vocasse amicas et vicinas Ecclesiæ ; ut congratularentur super inventum hominem pecca- torem ; et a stercore erectum eum collocasse cum principibus populi sui, hoc est, cum apostolis et prophetis. Ecce quid facit pœnitentia homini pec- catori, qui dum in stercore jacet, cum principibus sublimatur (*Psal. cxii, 7*).

6. Pœnitentem hominem dico, qui plangit quod peccaverat, et rogat Dominum ut non iterum faciat quod admiserat. Pœnitentem hominem dico qui diebus ac noctibus ingemiscit, et cum Propheta dicit : « Lavabo per singulas noctes lectum meum lacrymis meis (*Psal. vi, 7*). » Pœnitentem hominem dico qui repellit quod male fecerat, et rogat Do- minum, ut veniam consequatur. Pœnitentem ho- minem dico, qui post concupiscentiam suam non vadit, et voluptatibus suis se privat. Pœnitentem hominem dico qui diligit quod ante neglexit, et quod fecerat mali, deserit. Adhæreant ergo tibi quæ bona sunt, et quæ mala deleantur.

7. Si pœnitentiam non egeris, incidet in manus Domini secundum severitatem iudicii ejus, quod cavere debemus ; nam dicit Apostolus : « Horrendum est incidere in manus Dei viventis (*Hebr. x, 31*). » — « Diverte (ergo) a malo, et fac bonum ; inquire pacem, et sequere illam, » sicut scriptum est (*Psal.*

xxxiii, 15). Die ergo: Commisi mala, et recreavi bona. Fac etiam dignos fructus pœnitentiæ, et ne dixeris: « Peccavi, quid factum est mihi triste? et non adjicias peccatum super peccatum (*Eccli. v, 4, 5*): » et ne dicas: « Miseratio Dei multa est (*Ibid. 6*); » scito enim quia « misericordia et ira ab illo (*Ibid. 7*). » Revertere igitur ad Dominum, et plange. Dicitis autem: « Tibi soli peccavi, et malum coram te feci (*Psal. L, 6*), » et: « Delicta juventutis meæ et ignorantias meas ne memineris, Domine (*Psal. xxiv, 7*); » et: « Ne avertas faciem tuam a me, ne declines in ira a servo tuo (*Psal. xxvi, 9*). » Ecce pœnitentia hominis se humiliantis: quomodo non veniam habeat, qui talia ingemiscit? quis audiat illum, et non moveatur? Qui enim « se humiliat, exaltabitur; » sicut « et qui se exaltat, humiliabitur (*Luc. xiv, 11*). » Nam scriptum est: « Quid gloriaris in malitia, qui potens es in iniquitate (*Psal. li, 3*)? »

8. Pœnitere pollicitus es, et adhuc carnis opera perficis? Nescis quia scriptum est: « Multo melius est non vovete te, quam vovisse te, et non reddere (*Eccl. v, 4*)? » Peccatum non desinit dominari tibi; et tu dicis quod pœnites, et oras. Nescis quod scriptum est: « Peccatori autem dixit Deus: Quare tu enarras justitias meas, et assumis testamentum meum per os tuum (*Psal. xxix, 16*)? » Ecce qualem comminationem Domini in omnem peccatorem. Quid dicis tu, qui te asseris pœnitentem? Ubi est pœnitentia tua? Exclusa est superbiæ æstu: dum carnis desideria sequi conaris, Dominum prætermittis. Audi ergo, fili, retrahere pedem tuum a sæculo, cui jam pridem renuntiaveras, ut fidelis amodo inveniaris. Quid quæris a sæculo cui jam renuntiasti? Pœniteas ergo de omni pompa iniquitatis: apprehende fidem, quam ante maculaveras; quia consenserat diabolo tenebrarum, et Dominum qui est lumen, post dorsum tuum reliqueras.

9. Memorare, fili, quia scriptum est: « Quid est, misericordiam volo, et non sacrificium (*Osee vi, 6; Matth. ix, 13; xii, 7*)? » Miserebitur tibi Dominus, **428** si hæc omnia cum legeris, facias; ut per obedientiam tuam et humilitatem gratiam consequaris: si pœnitentiam de toto corde egeris, si Dominum præ oculis habueris; si missa voragine poculi veneni, calicem salutis accipias; si die ac nocte in lege Domini meditaberis; si omnem sollicitudinem tuam in illum projeceris, tunc gaudebis et exultabis in Domino, quia vicisti malignum: tunc erit merces tua in cœlo, quia taliter laborasti: tunc erit Dominus adjutor tuus in die judicii: tunc stabis in magna fiducia, tunc stabis ad dexteram Dei cum sanctis suis, et dicetur tibi: « Venite, benedicti Patris mei: accipite regnum perpetuum (*Matth. xxv, 34*), » quod vobis paravit Pater meus cœlestis. Injustis autem et peccatoribus dicetur: « Ite in ignem æternum (*Ibid. 41*), » quem præparavit Pater vester diabolo: « Tunc ibunt

impium in ignem æternum, justi autem in vitam æternam (*Ibid. 46*), » ad quam nos perducatur Dominus noster Jesus Christus, qui cum Patre et Spiritu sancto vivit et regnat in sæcula sæculorum. Amen.

SERMO XXVII.

De jejunio Domini in deserto.

De Quadragesima XI.

Ex hujus sermonis lectione cognoscimus, et illum per quadragesimam habitum esse, et ejus auctorem sæpius conscendisse sacrum suggestum. Cum porro sermonis a se anteriore Dominica pronuntiati materies in sermone 30 supra rectorum tractata reperitur, eundem sermonem hic indicari credibile est, atque adeo utrumque esse Maximi. Huc adde quod idem sanctus exordia huic similia solet adhibere, quodque hom. 2 in hoc ipsum Evangelium nonnulla tractat, quæ cum hoc nostro sermone apte concinant. Valde etiam verisimile est, hoc sermone habito de prima Christi tentatione, alios ab auctore de secunda et de tertia esse adjectos, et de tertia quidem sermonem jam non exstare: de secunda vero eum ipsum esse, qui 22 supra exhibetur. Sed veterum edit. ac mss. ordinem hic retinemus.

1. Meminisse debet vestra dilectio hoc me anteriore Dominica prædicasse, et dedisse rationem cur Dominus quadragesimam jejunaverit, vel cur ipsa jejunia in deserto transegerit. Diximus enim hæc omnia observasse eum, non justificationis suæ causa, qui erat virgo per omnia, sed nostræ salutis gratia; ut quorum generatio per intemperantiam peccaverat, per abstinentiam sanaretur.

2. Videamus igitur quid illo in tempore vel in ipsa solitudine gestum sit; dicit enim evangelista adfuisse ibi diabolum, et Salvatorem ejus versutia fuisse tentatum. Ait namque sacra lectio esurisse Dominum, et dixisse illi diabolus: « Si filius Dei es, dic lapidi huic ut fiat panis (*Luc. iv, 3*). » Videte artem Domini, qua adversarium fraude circumvenit. Post multa jejunia esurisse se simulat, ut diabolus quem jejunando jam vicerat, iterum esuriendo sollicitet; spem enim illi congregandi ex infirmitate famis quodammodo tribuit, ut dum veluti contra imbecillum congregitur, gloriosus superetur. Hæc enim est vera victoria, ut qui Adam immortalem, gloriosum et epulantem subverterat, nunc ab homine mortali, humili atque esuriente vincatur. Cernens enim esurientem diabolus Dominum, hominem putat, dubitat Salvatorem; et ideo ait: « Si filius Dei es, dic lapidi huic, ut fiat panis. » O misera Satanæ et extrema congressio! Diabolus in deserto tentationis solita arma (95) non invenit: deest illi de paradiso amœnitas arborum, deest illi consiliatrix Eva, deest illi pomorum speciosa deceptio; et quia non invenit cibum, quem offerat esurienti, postulat in cibum saxa mutari.

3. Undique exclusus, undique defraudatus, ad pavimenta se confert; satis enim manifeste ostendit vastitatem sibi eremi restitisse, cum putat propter inopiam rerum etiam elementa posse

(95) Omnes edit., *tentationis solida arma*: rectius mss., *tentationis solita arma*.

converti. Postulat igitur in panem lapides commutari. Versutus et callidus scit quid petat, novit factum esse quod dicit; meminit enim in veteri Testamento sitientibus aquam de lapide profluxisse (*Exod. xvii, 6*), vult etiam hic esurienti cibum de lapide ministrari; retinet enim ibi duritiam petrae in liquorem fontium resolutam, cupit etiam hic asperitatem saxi in panis dulcedinem transformari. Suspiciabatur enim ipsum esse Christum, qui hæc operari soleat de natura saxorum, sicut ait apostolus Paulus: «Bibebant de spiritali consequenti eos petra, petra autem erat Christus (*I Cor. x, 4*).» **429** Suspiciabatur, inquam, ipsum esse Christum, cum postulabat ut de lapide panes faceret: sed putabat tantummodo solum hominem, cum esurientem videret.

4. Salvator autem versutiam ejus mira responsione condemnat: nec facit quod dicit diabolus, ne videatur pro arbitrio adversarii virtutis suæ gloriam declarare: nec tamen respondet non posse fieri, quia negare non poterat, quod sæpe jam fecerat. Igitur nec acquiescit petenti, nec denegat exploranti, ac per hoc et potentiam virtutis suæ suo reservat arbitrio, et versutiam adversarii divino confutat eloquio. Respondit ergo illi: «Non in solo pane vivit homo, sed in omni verbo Dei (*Matth. iv, 4*);» hoc est, non in pane terreno, non in cibo materiali, quo Adam primum hominem decepisti: sed in verbo Dei, in quo sunt vitæ alimenta cœlestis. Verbum autem Dei Christus est Dominus, sicut evangelista dicit: «In principio erat Verbum, et Verbum erat apud Deum (*Joan. i, 1*).» Quisquis ergo verbo Christi pascitur, terrenum pabulum non requirit; nec enim potest sæculi panem cupere, qui pane reficitur Salvatoris. Habet enim Dominus suum panem; imo panis ipse Salvator est, sicut docuit dicens: «Ego sum panis, qui de cœlo descendi (*Joan. vi, 51*).» De quo pane dicit Propheta: «Et panis cor hominis confirmat (*Psal. ciii, 15*).»

5. Quo ergo mihi panem, quem offert diabolus, cum habeam panem, quem Christus impartit? Quo mihi cibum, propter quem protoplastum dejectum memini, Esau primitivis fraudatum vidi, Judam Iscarioth proditionis scelere denotatum? Adam enim per escam paradysum perdidit, Esau per lentem honorem primatus amisit, Judas per bucellam apostolatus sublime deposuit; ex quo enim bucellam sumpsit, non jam apostolus cœpit esse, sed proditor. Sic enim scriptum habes, dicente Domino: «Cui intinctum panem dederam, ipse me tradet. Et continuo post bucellam intravit in illum Satan (*Joan. xiii, 26, 27*).» Non bonus cibus, post quem negatur Dominus, post quem ingreditur inimicus: non bonus cibus, post quem Christus respuitur, decoratur Antichristus: non bonus cibus, qui bene-

A dictione caret, maledictione completur. Illa ergo esca nobis necessaria est, quæ vitam præstat, quæ animam pascit; post quam sequitur Christus, inimicus excluditur. Illam escam accipere debemus, quam Salvator, non diabolus subsequatur; quæ perceptione sui confessorem faciat, non proditorem.

B 6. Quam bene autem jejuniorum tempore Verbum Dei dixit esse, quod reficit! ut ostenderet jejunia nostra non debere sæculi actibus occupari, sed sacris litteris exerceri. Negligit enim famem corporis, qui pabulo lectionis intendit: nec ventris curam habere poterit, qui alimentum verbi cœlestis acquirit. Ipsa est enim refectio, quæ saginat animam, quæ impinguat viscera; cum de divinis Scripturis cibum eloquii perennis accipimus. Ipsa est esca, quæ vitam æternam tribuit, et insidias a nobis diabolicæ tentationis excludit. Quod autem sacrarum litterarum lectio vita sit, Dominus testatur dicens: «Verba quæ ego locutus sum vobis, spiritus et vita sunt (*Joan. vi, 64*).»

SERMO XXVIII.

De sancta Quadragesima XII.

Ex primis verbis sermonis hujus colligi potest ejus auctorem non solum Dominicis, sed et aliis quoque diebus in Quadragesima concionari solitum esse. Quod autem de qualitate tempestatis, qua jejunium illud incidit, et de unius diei violatione hic disseritur, videtur cum nonnullis antecedentium sermonum habere quiddam cognationis: at hoc parum est, ut iidem illi ab eodem auctore scripti dicantur. Forte id majus habeatur, ut hic ultimus adjudicetur sancto Maximo, quod ejus nomine in cod. Remig. et duobus Germ. inscriptus fuerit.

1. Ante dies devotionem sanctæ Quadragesimæ prædicantes, sacrarum litterarum exempla protulimus, quibus approbaremus hunc quadragenarium numerum non esse ab hominibus constitutum, sed divinitus consecratum: nec terrena cogitatione inventum (96), sed cœlesti majestate præceptum. Atque ideo qui constitutum numerum una die **430** manducando præterit, non ut unius diei violator accusatur, sed ut totius Quadragesimæ transgressor arguitur. Unde bonum est homini ut ad diem sine labore jejuset (97), et totius Quadragesimæ consequatur pariter sanctitatem. Hæc autem non tam sacerdotum præcepta, quam Dei sunt. Atque ideo qui hæc spernit, non sacerdotem spernit, sed Christum, qui in suo loquitur sacerdote.

D 2. Videamus igitur quo tempore hanc observantiam nobis indixerit Dominus, si non veluti per istam devotionem cuncta elementa voluerit habere profectum. Ecce enim, ut in dicta (98) Quadragesima, constricta hiemali gelu terra resolvitur, et aquarum fluenta meatus suos, glacie liquefacta, recipiunt; sic quoque corporum nostrorum hoc

(96) Tres mss., *cogitatione initiatum*; unus, *cogitatione initum*.

(97) Vet. edit., *ut dictum numerum sine labore*; Rom., *ut dictum numerum ad diem sine labore*; om-

nes vero mss., *dictum numerum* rejiciunt.

(98) Omnes edit. hic et infra conjunctim scribunt *indicta*; mss. autem partim conjungunt, partim dividunt eandem vocem.

eodem tempore contracta sceleribus peccata solvuntur, et vitæ nostræ purior cursus, liquefacto rigore diaboli, meatum suum pristinum recognoscit. Terra, inquam, in dicta Quadragesima asperitatem deponit hiemis, ego in dicta Quadragesima asperitatem rejicio delictorum. Illa terra aratris scinditur, ut mundanis sit congrua frugibus : mea terra jejuniis exaratur, ut cœlestibus sit apta seminibus. Sicut enim reditum uberiores capit, qui frequentius vexando exerceat campum; ita et majorem gratiam percipit, qui exerceat corporis sui campum sapius jejunando.

3. Ecce enim abstinentiæ tempore, herba segetum reviviscit in messem, surculus arboris conatur in fructicem, palmes vineæ pubescit in gemmam, et omnia de inferioribus ad altiora se subrigunt : ita hoc eodem tempore hominum spes intermorta (99) reviviscit in posterum, fides perdita reparatur in gloriam, temporalis vita proficit in æternam; et omne genus humanum ad cœlestia se subrigens, ab infimis (1) ad altiora consurgit. Modo ferrum gestans agricola sarmenta deputat vinearum; ita et nunc Evangelium tractans episcopus, sordes amputat populorum, et isto quadragenario curriculo universæ hoc agunt creaturæ, quatenus depositis superfluis, ornatae vel comptæ in pascha procedant.

4. Modo omnia sunt in partu, ut tunc reperiantur in fructu; tunc enim contra naturæ speciem spina profert rosam, calamus fragrat lilium, suavitatem arida virgulta depromunt : et ita cuncta floribus adornantur, ut festivitatem diei magni creatura ipsa nitore sui celebrare credatur. C Igitur et nos hoc eodem jejuniorum tempore producamus de spinis nostris rosas, hoc est, de peccatis justitiam, de severitate misericordiam, de avaritia largitatem. Istæ enim spinæ sunt corporis nostri, quæ præfocant animam, de quibus ait Scriptura : « Spinas et tribulos tibi germinabit terra (Gen. iii, 18); » germinat enim mihi terra mea spinas, si me corporalis libidinis titillatione compungit : generat mihi tribulos, cum me divitiarum sæcularium cupiditate disruciatur. Spina enim Christiano avaritiæ suæ radix est; spina viro bono honoris ambitio est; videntur enim specie apud suos grata esse, sed lædunt.

5. His ergo nisi vigilando et jejunando carere non possumus; quin potius per abstinentiam ipsæ spinæ D vertentur in rosam. Producit enim jejunando libido castimoniam, superbia humilitatem, ebrietas parcitatem (2); hi enim sunt flores vitæ nostræ, qui suave Christo redolent, qui odorem bonum Deo spirant. Unde ait Apostolus : « Quoniam Christi bonus odor sumus Deo (II Cor. ii, 15). » Hanc ergo Quadragesimam largitus est nobis Dominus, ut hujus temporis spatium in morem totius creaturæ nunc

(99) Nonnulli mss., *spes interim mortua*; quidam etiam, *spes interius mortua*.

(1) Omnes edit. cum mss. duobus, *ab inferis*; mss. aliquot, *ab inferioribus*; alii majori numero, *ab infimis*.

(2) Ita mss. plures ac potiores : nonnulli vero

A concipiamus (3) virtutum germina, ut in die Paschæ fructum justitiæ proferamus.

6. Hoc autem quadragenario numero se ipse Dominus Christus exercuit, non ut profectum ipse caperet, sed ut profectum salutis nobis ostenderet. Nec enim erat in illo spina peccati, quæ verteretur in florem; ipse enim erat flos natus non de spina, sed de virga, sicut ait propheta : « Exiit virga de radice Jesse, et flos de radice ejus ascendet (Isa. xi, 1); » virga enim erat Maria, nitida, subtilis et virgo, quæ Christum velut florem integritate sui corporis germinavit.

7. Continuatis ergo quadraginta diebus et noctibus (4), hæc jejunia non esuriens Dominus procuravit; sed dicit illum evangelista esurisse postea. Quomodo B ergo potest fieri, ut qui tantorum dierum numero famem sitimque non 431 senserit, postea esurierit? Esuriebat plane, nec negare possumus quod esurierit; esuriit enim non cibum hominum, sed salutem; nec escarum sæcularium epulas concupivit, sed animarum desideravit cœlestium sanctitatem. Cibus enim Christi est redemptio populorum; cibus Christi est paternæ voluntatis effectus, sicut ipse ait : « Meus cibus est ut faciam voluntatem Patris mei, qui me misit (Joan. iv, 34). » Unde et nos esuriamus cibum, non qui terrenis epulis apparatur, sed qui divinarum Scripturarum lectione colligitur; ille enim corpus ad tempus nutrit, hic autem animam reficit in æternum.

SERMO XXIX.

De sancta Quadragesima XIII.

Habitus est hic sermo media circiter Quadragesima in Evangelium cæci nati, quod nunc feria tertia hebdomadæ quartæ recitatur. Aberat hic ipse sermo ab antiq. edit.; sed cur in Rom. edit. Ambrosio tributus fuerit, nihil prorsus habet.

1. Agite gratias, fratres, divinæ pietati, quæ vos ad medium Quadragesimæ perduxit incolumes. Illi vero possunt pro hoc munere dulcius ac devotius Deum laudare, qui ita sicut in Quadragesimæ capite didicerunt, noviter huc usque vivere studuerunt id est, qui peccatorum suorum remissionem quotidie jejunando, eleemosynas dando, et ad Ecclesiam properando cum lacrymis et suspiriis curaverunt orare.

2. Illi autem qui ista neglexerunt, id est, aut quotidie non jejunaverunt, aut eleemosynas non fecerunt, aut studiosi vel compuncti in oratione non fuerunt; non est unde gaudeant, sed habent potius miseri unde lugeant. Verum non ita lugeant ut desperent; quia qui cæcum a nativitate potuit illuminare (Joan. ix, 7), potest et istos nunc tepidos et negligentes, si ex toto corde ad eum converti voluerint, studiosos ac ferventes in suo servitio facere. Igitur tales, hoc est, immunde vivent et omnes edit., *sobrietas parcitatem*, absurdo sensu.

(3) Vet. edit. ac mss. nonnulli, *nunc concupiscamus*; Rom. et alii, *nunc concipiamus*.

(4) In cunctis edit. aberat, *et noctibus*; sed in nullis cod. manu exaratis desideratur.

tes, vel odium in corde contra aliquem reservantes, vel aliena injuste rapientes, aut sua inordinate retinentes, cæcitate suam agnoscant, et ad medicum ut illuminentur, recurrant.

3. Utinam sic quaereretis, quando peccatis medicinam spiritalem, sicut quando infirmam in corpore, requiritis carnalem. Quis modo in tanta plebe est, qui si deberet non occidi, sed solum oculos perdere, et non daret, ut periculum evadere posset, omnia quæ haberet? Et si ita timetis mortem carnis, quare non timeatis animæ mortem; maxime cum mortis dolor, id est, carnis, non sit unius horæ; et mors animæ, id est, luctus et pœna, nunquam habeat finem? Et si ita amatis oculos corporis, quos cito moriendo perditis, quare non diligatis oculos spiritales, quibus Deum ac Dominum vestrum sine fine videre valeatis?

4. Operamini quapropter, dilecti in Domino filii, operamini dum dies est; quia, ut dicit Christus Dominus noster: « Venit nox, in quo nemo potest operari (Joan. ix, 4). » Dies est vita præsens, nox est mors, et tempus post mortem. Si post hanc vitam non est operandi licentia, sicut Veritas dicit; quare non laborat unusquisque, dum tempus habet, id est, dum vivit in hoc sæculo? Timete istam mortem, fratres, de qua dicit Salvator: « Venit nox, in qua nemo potest operari. » Omnes qui malum operantur, non timent istam mortem, et ob hoc ab hac vita migrantes, mortem inveniunt sempiternam. Laborate, dum vivitis, sed maxime his diebus, jejunando a delicatis cibis, et omni tempore abstinendo a vitiis. Siquidem et illi qui jejunant a cibo, et non se abstinent a malo, similes sunt diabolo, qui non manducat, et tamen a malo non cessat. Denique noveritis quia quod vobis subtrahitis jejunando, in cælum debetis transmittere per pauperes.

5. Hodierni sermonis admonitionem, fratres, opere perficite, ne Judæorum super vos veniat maledictio. Dixerunt enim cæco: « Tu discipulus ejus sis (Ibid. 28). » Quid est discipulum esse Christi, nisi discipulum esse pietatis et veritatis et humilitatis? Illi dixerunt hoc maledicendi voto; sed magna est benedictio, quam ipse vobis concedat assequi, qui vivit et regnat per infinita sæcula sæculorum.

432 SERMO XXX.

De sancta Quadragesima XIV.

Evangelium unde huic sermone thema desumitur, nunc in Dominica Passionis legitur; in Missali autem Ambrosiano, et forte etiam in Gallicano. recitabatur Dominica secunda Quadragesimæ, quam propterea Dominicam de Abraham appellari in more erat. Non habebatur in vetustis edit. hic idem sermo; et quamvis editores Dec. etiam eum in Vaticanis codicibus inveniri testificentur, vel sola dictionis humilitas abunde probat illum Ambrosii nunquam fuisse. Non tantum vero ille recedit a stylo Cæsarii, cujus etiam in sermonibus unum habemus, qui primis verbis cum hoc congruat.

1. Scitote, fratres, quoniam cujus opera quisque facit, ejus et filius vocatur. Unde et Judæi cum dixissent patrem suum esse Abraham, audierunt a

Domino, sicut ante verba Evangelii quod nunc audistis, legitur: « Si filii Abrahæ estis, opera Abrahæ facite (Joan. viii, 39). » Qui cum iterum dixissent Deum se habere Patrem, audierunt: « Si Deus Pater vester esset, diligeretis utique me (Ibid. 42). »

2. His verbis apertissime demonstratur quod mali et cupidi, nec Abrahæ, nec Dei filii sint. Nam cujus filii sint, sequentia manifestant; ait enim: « Vos ex patre diabolo estis (Ibid. 44). » Ac si dicat: Cur patrem mutatis, nunc Abraham, nunc Deum? Ego vobis ostendam patrem vestrum: pater vester diabolus est, non creando, sed decipiendo. Fugite, fratres, talem patrem; fugite, sicut Propheta admonet; ait enim: « Obliviscere populum tuum, et domum patris tui (Psal. xlii, 11). » Populum vocat vitia atque peccata: domum vero Patris dicit mundum, in quo regnat diabolus. Ille obliviscitur populum suum, qui relinquit vitia sua: et ille obliviscitur domum Patris sui, qui mundi hujus falsas divitias contemnit, per quas eum diabolus tenet captivum. Patet quod diabolus non diligit filios suos, sed odit; quia non amat, nisi ut perdat; sicut amat glutu porcellum, ut comedat.

3. Cavete (xxii, q. 55, c. Cavete), fratres, mendacium, quia omnes qui amant mendacium filii sunt diaboli; qui non solum mendax est, sed etiam et pater et inventor ipsius mendacii est: omnis simulatio, et omnis duplicitas mendacium est: ergo non solum in falsis verbis, sed etiam in simulatis operibus mendacium comprobatur. Mendacium namque est christianum se dicere, et opera Christi non facere: mendacium est sacerdotem vel clericum se profiteri, et contraria huic ordini operari. Pertimescenda sunt hæc, quia verba Dei sunt; ait enim Propheta, dicens: « Perdes omnes qui loquuntur mendacium (Psal. v, 7). » Quapropter transite, fratres, a mendacio ad veritatem, si non vultis habere diabolum patrem. Nam quod alibi legitur: « Omnis homo mendax (Psal. cxv, 11), » intelligendum est in quantum homo, in quantum carnalis, non in quantum spiritualis.

4. Denique monet vos evangelica lectio, ut patientes sitis. Ecce cum multa convicia Dominus a Judæis audisset, patienter eos toleravit; et patienter portavit, patienter sustulit. Et si Dominus patientiam habuit inter verba blasphemiarum, qui suos inimicos uno verbo poterat in abyssum demergere, quare miseri homines, pleni peccatis, non habent patientiam, quando dura audiunt, vel quando pro suis iniquitatibus corriguntur?

5. Videte, fratres, ne per opera vel cogitationes malas lapidatis Jesum, lapidatis Salvatorem cum Judæis incredulis, de quibus hodie dicitur: « Tulerunt ergo lapides Judæi, ut jacerent in eum (Joan. viii, 59). » Forte dicitis: Malum fecerunt Judæi, qui eum lapidare voluerunt, et qui eum crucifixerunt. Scitote et firmiter credite quia hoc faciunt Christiani hodie male viventes, eo quod tunc Christum vitiis persequuntur. Quid enim est Jesus, nisi veritas, et pax, et justitia? Ergo qui pro falsi-

tate relinquit veritatem, et pro cupiditate dirumpit charitatem, et odit pacem, et pro aliquo premio occultat justitiam; nihil aliud facere videtur, quam lapidare, et crucifigere, et occidere Christum; quia ipsius dona exstinguit in seipso.

6. O quam pauci sunt in tanta multitudine Christianorum, qui Jesum non persequantur, et lapident, et occidant! Sed vae illis! quia Jesus abscondit notitiam suam talibus, et exit de templo eorum, et manifestat se amatoribus suis, et habitat in illis, sicut ipse dilectori suo inferius **433** pollicetur, dicens: « Ego et Pater ad eum veniemus, et mansionem apud eum faciemus (Joan. xiv, 23). »

7. Quia nolumus vos, fratres, gravare multa loquendo, oramus ne sitis de illorum numero, qui Jesum lapidare voluerunt: sed cum illis potius habeatis partem, qui super omnia illum amando, ejus gratiam in suis cordibus susceperunt. Quod ipse vobis concedat, qui vivit et regnat in sæcula sæculorum, amen.

SERMO XXXI.

De sancta Quadragesima XV.

In hoc sermone, qui in edit. Rom. primum vulgatus est, supplicatio in Dominica Palmarum fieri solita describitur. Quamvis autem ecclesiasticorum rituum investigatores hujus mentionem apud Cyrillum Hierosol. Cath. 10 factam observent, illum tamen in Ecclesia Latina tam antiquum fuisse nusquam reperiunt. Verum quidquid sit de hac cæremonia, manifestum est concinunculam hanc nihil habere, quod eam aliqua cum ratione Ambrosio asserat.

1. Veniente Domino nostro Jesu Christo ad urbem Jerusalem ante sex dies passionis suæ, turba multa quæ convenerat Hierosolymis, ut secundum præceptum Moysi pascha celebraret, accipiens ramos palmarum, occurrit illi obviam, ut in psalmis victoriam Christi ostenderent velut terreni regis in populo Israel; consuetudo enim est ut victoribus palma offeratur. Alii autem de eadem turba « ramos cædebant de arboribus (Matth. xxi, 8), » maxime olivarum, quia in monte Oliveti res agebatur; et eos portabant, ut ubi opportunum esset venienti Domino planum sternerent iter. Hinc descendit consuetudo hodiernæ festivitatis, ut psallentes, ramos palmarum sive olivarum portemus in manibus: et eandem festivitatem Palmarum sive olivarum vocitemus.

2. Sed non absque magno sacramento rami istarum arborum feruntur; oliva enim, quia oleum ut solamen dolorum atque laborum portat in fructu (oleo enim quia et vulnera curantur, et æstus levatur), opera designantur misericordiæ; siquidem et ipsa misericordia Græce dicitur *ἔλεος*: palmæ autem radix aspera est, sed nitorem maximum habet in fine, ostendens per hujus vitæ asperitatem in decorem cælestis patriæ nos debere sustolli. Unde et David propheta psalmographus de justo viro canit: « Justus ut palma florebit (Psal. xci, 13). » Ramos ergo olivæ portemus in manibus, virtutem misericordiæ exhibentes in operatione.

A Sumamus et ramos palmarum, ut pro misericordiæ bono non terrena delectamenta, sed supernæ patriæ pulchritudinem exspectemus, quo nos præcessit Christus Dominus noster, qui est, juxta Apostolum, finis legis ad justitiam omni credenti (Rom. x, 4).

3. Nec prætereundum est a psalmi versiculo, quem occurrens turba Domino decantabat: « Hosanna filio David; benedictus qui venit in nomine Domini: hosanna in excelsis (Psal. cxvii, 26; Matth. xxi, 9). » Adventus enim Domini, ejusque incarnatio non solum hominum salus fuit in terra, sed etiam angelorum in cælo; quia dum homines in terra salvantur, angelorum numerus qui diabolo cadente, minoratus fuerat, integratur in cælo. « Hosanna ergo in excelsis » tantumdem est, tanquam si dicatur: Salva nos, qui etiam es salus in cælis. Et qui cum magna devotione salutem istam poposcerant, duplicaverunt vocem, ut iterum dicerent: « Hosanna in excelsis. »

4. Ad hanc igitur salutem pervenire vobis concedat benedictus Dominus noster Christus, qui venit in nomine Dei patris, cum quo vivit et regnat Deus per omnia sæcula sæculorum, amen.

SERMO XXXII.

De sancta Quadragesima XVI.

Hic sermo etiam editioni Rom. debet, quod in lucem emissus fuit. Sed vix alius pejori jure Ambrosio nostro potuit ascribi, cum nihil sapiat Ambrosianum. Quin imo nec ejusdem auctoris videtur esse, cujus est superior, siquidem illic a Dominica Palmarum usque ad passionem sex dies numerantur, hic tantum quinque.

C 1. Video vos, fratres, hodie attentius quam solitis, ad ecclesiam convenisse, et ramos arborum cum lætitia portasse. **434** Sed quid prodest illis id agere, qui nesciunt cur id faciant, vel quid ista significant? Scire debetis quia sicut lectum est hodie, quæ est quinta dies ante passionem, Salvator noster in monte Oliveti sedit super asinam, ut intraret Hierosolymam (Matth. xxi, 7): et cum audisset turba quod Jesus veniret Hierosolymam, processerunt ei obviam cum ramis palmarum: et cum jam appropinquaret ad descensum montis Oliveti, cœperunt turbæ descendantium gaudentes voce magna laudare Deum.

2. Per hos quidem quinque dies, id est, ab isto usque ad vesperum quintæ feriæ, quando post cœnam traditus est, omni die docuit in templo, et omni nocte mansit in monte Oliveti. Et quia decima luna recludebatur agnus, qui quartadecima luna erat immolandus a filiis Israel; bene iste verus agnus Christus Dominus, qui erat sexta feria crucifigendus, eo die intravit in Jerusalem, quo ille typicus Agnus recludebatur.

3. Hodie siquidem « turbæ straverunt vestimenta sua in via (Ibid. 8); » et alii hodie « cædentes ramos de arboribus » similiter sternerant in itinere Salvatoris super asinam sedentis. Quæ pia mater Ecclesia corporaliter ideo celebrat, ut fiat id quod multo majus est, spiritualiter. Omnis quippe sancta

anima Dei asina est : super asinam igitur Dominus A sedet, et Jerusalem tendit; cum animas nostras inhabitans, mundum istum despiciere, et cœlestem patriam diligere facit. Vestimenta in via ante Deum jactatis, si viam illi ad vos veniendi præparando, corpora vestra per abstinentiam castigatis. Ramos vero de arboribus præciditis, si sanctorum patrum virtutes amando, viam ad vos veniendi Domino præparatis. Quid fuit Abraham? quid fuit Joseph? quid David? quid reliqui justi, nisi fructiferæ arbores Ecclesiæ Dei? Discite ab Abraham obedientiam, a Joseph castitatem, a David humilitatem, si perpetuam desideratis adipisci salutem.

4. Et quia palma victoriam significat, palmas in manu recte portamus, si ita ei laudes victoriæ decantamus, ut etiam bene vivendo, diabolum B vincere studeamus. Ideoque, fratres, scire debetis, quia sine causa ramum olivæ portat, quem diabolus decipiendo superat. Redite ergo ad conscientias vestras, charissimi, et videte si spiritaliter facitis, quod corporaliter agitis.

5. Denique firmissime credentes, intelligite quia nostrum periculum est, si mysteria nostri Salvatoris vobis non annuntiamus: et vestrum est periculum, si ea parvi pendatis. Monemus itaque ut quanto magis solemnitas paschalis appropinquat, tanto magis vos præparare curetis, mundantes vos ab omni invidia, odio, convicio, maledicto, ac de tractione; ut digne illam diem celebrare possitis.

6. Dimittite illis qui in vos peccaverunt, ut vestra vobis Dominus dimittat peccata; quoniam C qui vel contra unum hominem odium aut iram tenuerit, malo suo pascha celebrabit: quia non manducabit cum Petro vitam, sed cum Juda mortem in sancta communione accipiet; quod ille a vobis avertat, qui vos potestate creavit, pietate redemit, Jesus Christus Dominus noster, qui cum Patri et Spiritu sancto vivit per cuncta sæcula, amen.

SERMO XXXIII.

De jejuniis Quadragesimæ XVII.

Hic sermo eo die fuit habitus, quo symbolum competentibus tradi solebat, quod in plerisque Ecclesiis Dominica Palmarum fieri consuevisse a nobis alio loco observatum est. Cum porro inter sermones hic prætermissos sextus incipiat ab illis verbis: Propitia divinitate, isque in Append. August. Cæsario adjudicetur; hinc forte conjiciat aliquis eundem quoque hujus sermonis auctorem esse; sed nec minus probabile est eam deberi sancto Maximo, cujus et stylum, et in cod. Remig. etiam nomen noscendum præbet.

1. Propitia divinitate, ecce jam pene transegimus Quadragesimæ indicta jejunia, et præcepta Christi Domini abstinentiæ devotione complevimus. Superest nunc ut, quemadmodum famuli ejus Moyses (Exod. xxxiv, 28) et Elias (III Reg. xix, 8) hunc sacratissimum numerum observando, gratiam

(5) Rom. edit. sola, *famulus ejus Elias... gratiam meruit.*

(2) Omnes edit., *omnia creaturarum vitia*; cod.

meruerunt (5): ita et hos hoc ipsum tempus custodiendo mereamur, sitque similis remuneratio in perceptione præmii, quorum similis labor est in observatione jejunii.

435 2. Elias enim, cum esset clausum humanis iniquitatibus cœlum, et nulla mundanis rebus desuper pluviarum stillaret ubertas, atque omnia longæ siccitatis squalore languerent, et esset fames magna universo generi humano; quoniam enim cœlum pluviam non dabat, nec terra pabulum germinabat; tunc Elias sanctus reseravit jejuniis suis cœlum, terram orationibus fecundavit (III Reg. xviii, 42-45). Illius enim siccitatem convertit in pluviam, hujus sterilitatem resolvit in partum; tanta enim ejus precibus orbem terrarum imbrium largitas irrigavit, ut arida revirescerent, mortua resurgerent, languentia sanarentur. Et ita rebus cunctis fontium quidam meatus infusus est, ut purificatione facta per pluviam, omnium creaturarum vitia (6) lavarentur, atque inundationis illius beneficio totius mundi species innovata consurgeret.

3. Igitur et nos eadem quæ Elias observantes jejunia, adhibitis precibus clausum cœlum nostris competentibus reseremus; quatenus illos lavacri salutaris imber illuminet (7). Clausum enim illis est cœlum, quandiu nondum de cœlo Spiritus sanctus adveniens, eorum corda vivificat: siccitatem quodammodo patiuntur, quia nondum gratia baptismatis irrigantur. Laborant etiam fame magna, quoniam velut esurientes, cœlestia sacramenta desiderant. Reseremus ergo illis cœlum, ut adveniente desuper spiritali pluvia, eorum terra lavacri irriguo satietur, et delictorum sterilitate deposita, incipiant fructus germinare virtutum. Etenim cœlestis imber vitia peccatorum diluit, justitiæ incrementa producit, decutit aridum concupiscentiæ pulverem, lætificat utilem castimoniæ puritatem, obruit avaritiæ sordidam sæcem, nutrit æternam misericordiæ largitatem. Sicut enim superveniente Eliæ pluvia, omne pabulum terra produxit; ita et superveniente Christi lavacro, omnem justitiam anima germinavit. Et sicut illic pluviarum fontes irrigaverunt orbem, ut vivificarentur herbarum mortificata jam semina: ita et fons baptismatis irrigat genus hominum, ut animarum mortificata corda vivificet. Hoc ergo observantium ista jejunia est meritum, ut orationibus eorum aut innovetur mundus, aut fratres denuo renascantur.

4. Reserandum igitur competentibus nostris est cœlum, quoniam adhuc clausum est apud illos; clausum est enim cœlum illis, quoniam mysterium nondum pervident Trinitatis. Clauso enim sibi cœlo, super cœlum quid agatur ignorant: nec scire possunt quæ sit Filii Patrisque substantia; nisi prius mundi elementa transcenderint. Tunc enim poterit quis Trinitatis aspiciere divina myste-

Lugd. et Valliscl., *omniam, etc.*

(7) Codex Valliscl., *imber mundet.*

ria, cum cœlos sua virtute habnerit apertos, sicut A beatus Stephanus martyr reseravit sibi martyrio suo cœlos, et stantem vidit ad Patris dexteram Salvatorem, secundum quod ipse ait: « Ecce video cœlos apertos, et stantem Jesum ad dexteram Dei (Act. vii, 55). » Ergo cui clausi sunt cœli, agendum est ut aperiantur illi, quatenus super cœlos Christum possit aspicere; nam quandiu clausi sunt homini, Christum non potest videre regnantem.

5. Quemadmodum autem clausi cœli aperiendi sint, inquirere nos oportet. Puto autem aliter eos aperiri non posse, nisi claves Petri apostoli sumpturimus, quas Domino largiente suscepit, sicut ipse dixit: « Tibi dabo claves regni cœlorum (Matth. xvi, 18). » Imo rogemus Petrum, ut ipse nobis tanquam bonus janitor regie cœlestis aperiat. Quæ B autem ista clavis sit, diligentius requiramus. Clavem Petri, fidem esse dixerim Petri, per quam cœlos aperuit, penetravit inferna securus, maria calcavit intrepidus. Tanta enim apostolicæ fidei virtus est, ut cuncta illi elementa pateant, hoc est, non illi angelicæ claudantur januæ, non portæ prævaleant tartari, non aquarum fluenta subsidant.

6. Ista autem ipsa clavis, quam fidem dicimus, videamus quemadmodum constet, et quemadmodum solidata sit. Arbitror illam duodecim artificum operatione confatam; duodecim enim apostolorum symbolo fides sancta concepta est, qui velut periti artifices in unum convenientes, clavem suo consilio conflaverunt. Clavem enim quamdam ipsum symbolum dixerim, per quod reserantur diaboli tenebræ, ut lux Christi adveniat: aperiuntur conscientie clausa peccata, ut justitiæ fulgeant opera manifesta. Igitur hæc clavis ostendenda est fratribus nostris; ut et ipsi tanquam discipuli Petri inferna sibi reserare, cœlos aperire consuescant.

436 SERMO XXXIV.

Dominica Resurrectionis.

Hunc sermonem, cum deesset in antiquis editionibus, Romana sub hoc titulo evulgavit. Et re prima vera in illo quædam exponantur ad Evangelium hujus Dominicæ pertinentia: sed quod eundem Ambrosii nomine inscriptum exhibuit, id sane reclamante sancti Patris stylo et ingenio fecit.

1. Audistis, fratres, quod sanctæ mulieres, quæ cum aromatibus ad monumentum venere, angelum D viderunt; inquit enim: « Et intreuntes in monumentum viderunt juvenem sedentem in dextris (Marc. xvi, 2). » Quis vero juvenis iste fuerit, ne ambiguitas te offenderet, alius evangelista scripsit: « Angelus enim Domini descendit de cœlo, et accedens revolvit lapidem, et sedebat super eum (Matth. xxviii, 2). » Maria vero Magdalena, quæ arctius diligebat Jesum, quia juxta sepulcrum perseveravit, Dominum prima omnium vidit, et apostolis annuntiavit. Inquit enim Joannes evangelista: « Venit Maria Magdalena annuntians discipulis: Vidi Dominum, et hæc mihi dixit, etc. (Joan. xx, 18). » Per quæ nos monemur, ut cum

aromatibus, id est, cum odore bonorum operum, et virtutibus referti Dominum quæramus.

2. Sunt autem, charissimi, nonnulli qui videntur Dominum quærere; sed quia otiosi sunt, et a virtutibus alieni, illum non merentur invenire, nec inventum videre. Denique quid quærebant illæ sanctæ mulieres in monumento, nisi corpus Domini Jesu? Et vos quid quæritis in Ecclesia nisi Jesum, id est, Salvatorem? Sed si cupitis illum invenire, orto sole, ut istæ mulieres, venite, id est, non sint in cordibus vestris tenebræ vitiorum; carnalia enim desideria, et mala opera tenebræ sunt. In quorum vero cordibus tales tenebræ sunt, non vident lucem, non intelligunt Christum; quia Christus lux est. Repellite igitur a vobis, fratres, tenebras, id est, omnes delectationes, et omnia opera mala, et curate habere aromata, hoc est, orationem mundam, dicentes cum Psalmista: « Dirigatur, Domine, oratio mea, sicut incensum in conspectu tuo (Psal. cxi, 2). »

3. Attendite insuper quod audistis; nempe Maria Magdalena, quia perseverando ad monumentum, quem quærebat, invenit; quoniam « qui perseveraverit usque in finem, hic salvus erit (Matth. x, 22). » Unde sicut necesse est ut malum a vobis repellatis; ita expedit omnino ut in bono, quod jam inchoastis, firmissime perseveretis, si Dominum videre et ad cœlestem patriam pervenire desideratis.

4. Denique quia sanctum Pascha celebratis, debitis scire, fratres, quid sit Pascha. Pascha vero transitus dicitur; ideo autem tali nomine vocata est ista festivitas, quia in ipsa transierunt filii Israel ex Ægypto, et ipse Filius Dei transivit ex hoc mundo ad Patrem. Verum quid vobis prodest quod Pascha celebretis, si non imitamini quod colitis? hoc est, si non transitis ab Ægypto, id est, a tenebris vitiorum ad lucem virtutum, et a mundi hujus amore ad desiderium cœlestis patriæ? Nam sunt multi qui gaudent in ista festivitate, et colunt hanc solemnitatem; et tamen male, et malo suo, quia non transierunt ex hoc mundo ad Patrem, id est, non transeunt a mundi cupiditate, et a carnali delectatione ad cœlestis patriæ amorem. O miseri Christiani, qui in Ægypto sunt, id est, sub potestate diaboli, et gaudent in malis! Moneo quapropter vos, fratres, ut Pascha rite celebretis, id est, transitum faciatis. Quicumque mali hanc festivitatem celebratis, transite de vitiis ad virtutes: quicumque vero boni, transite de virtutibus ad virtutes; et ita ut nullus remaneat in vobis, qui transitum non faciat.

5. Et sicut Judæi quando Pascha celebrabant, septem dies azyma comedebant; ita omnis Christianus, qui veri Agni, id est, Christi, carnem comedit, per omne tempus vitæ suæ, quod per septem volvitur dies, simpliciter et innocenter debet conversari. Videte, fratres, videte ne fermentum vetus sit apud vos, sicut monet Apostolus;

dicens: «Expurgate vetus fermentum (I Cor. v, 7), » id est, veteris hominis conversationem. Tunc enim eritis veri Christiani, si omne malum declinaveritis, quod designatur per vetus fermentum, et quod in baptismo promisistis, fideliter custodieritis, quod ipse vobis concedat, qui vivit et regnat per infinita sæcula sæculorum, amen.

437 SERMO XXXV.

De mysterio Paschæ H.

Hic sermo in omnibus Ambrosii edit. sub libelli titulo in lucem prodit, cum tamen manifestum sit concinunculam esse, quia festum Paschatis ob reparatam hominis innocentiam atque salutem coli debere ostendit auctor. Quod autem hic auctor ab Ambrosio alius fuerit, exploratum reddit ipsa dictio.

CAPUT PRIMUM. — 1. Paschæ mysterium de fide omnibus credentibus in Christo renatis, recidivatum (8) fidei annuæ felicitatis gaudium et gloriam ministrat. Quod quidem sacrum nomen ab ipsius Domini passione descendit; Pascha enim passio est Salvatoris, sicut beatus Apostolus dicit: «Pascha enim nostrum immolatus est Christus (I Cor. v, 7).» Ad hoc enim humanum corpus Christus accipiens, se in passionem Paschæ mysterio consecravit; ut quisquis hujus muneris per fidem participationem esset indeptus, consortio Dominicæ felicitatis dignus merito censeretur.

CAPUT II. — 2. Est enim Pascha vere anni principium, primi mensis exordium, novella germinum reparatio, ac tetraë hiemis nocte discussa, primi veris restituta jucunditas. Hoc, inquam, tempore visibilium et invisibilium conditor Deus, defixo hamo (9) cœli machinam suspendens, idem solis ardore radiavit, splendorem lunæ solatio noctis attribuit, pendentem cœli cameram splendentium siderum decoravit ornatu, mare certis littorum finibus coercens, concavæ ac stridentis undæ æstum metas statuti limitis jussit haud excedere. Et ut plana mundi facies oculorum eminus subtraheretur aspectu, ad hoc in ornatum mundialis fabricæ nemorosi colles atque excelsi constituti sunt montes; ut iterum mortalibus campestris ornatus jucundior adveniret.

CAPUT III. — 3. Ipseque homo divini opificii dignatione formatus ad hoc terrestris creaturæ effectus est dominus, ut divinis institutionibus parens, ejus tantum et voluntatem servaret, qui se in tantis rebus dominum præfecisset ex nihilo. Qui in ipso exordio non nescius, depravatus invidia, dum super indultum Dei opificium cupit fieri, quod natura non dederat, amisit gratiam, quam Creatoris pietas attribuerat (Gen. iii, 6): continuo ob concupiscentiam diabolicæ deceptionis sententiam mortis prævaricator incurrens; etiam ad

(8) Ita vet. edit. ac mss., nisi quod pro *recidivatum*, codex Rom. legit, *residuatum*. At Rom. edit. *de fide* recidit, et posuit, *recidivum*.

(9) Vet. edit., *defixa humo*; duo mss., *defixo*

futurae ex se stirpis originem propagavit; ut divina hoc loco recte sententia compleretur: «Invidia diaboli mors introivit in orbem terrarum (Sap. ii, 24).» Ita per occasionem delicti, in universis peccatoribus diabolus mortis est sortitus imperium, atque omnes a Deo deviantes, peccati vinculo obstrictos, squalentis tartari clausos ergastulo possidebat.

CAPUT IV. — 4. Quorum interitum dolens divina censura, non per servum vatem, nec per angelum invisibilem: sed ad hoc per substantiam humanæ carnis (10) in homine Deus veniens habitavit; ut honestam vivendi formam mortalibus daret, et temporariis æternam in se credentibus vitam exemplo suæ mortis ac resurrectionis aperiret. Ut enim incredulitas et simulacrorum cultus cœli aditum clauserat; ita inferni barathrum prævaricatoris perfidia procurarat.

5. In quorum suppliciis usque ad adventum Salvatoris Domini Jesu Christi diabolus per mortem regnavit, donec humanæ carnis ad Deum attemperata substantia, immaculatum corpus conditioni mortis addixit. Expers peccati Christus, cum ad tartari ima descenderet, seras inferni januasque confringens, vinctas peccato animas, mortis dominatione destructa, e diaboli faucibus revocavit ad vitam; atque ita divinus triumphus æternis characteribus est conscriptus, dum dicit: «Ubi est, mors, aculeus tuus? ubi est, mors, victoria tua (I Cor. xv, 55)?»

6. Quam felicitatem reparatæ salutis Paulus recollens clamat: «Sicuti per Adam mors intravit in hunc mundum, ita et per Christum salus restituta est mundo (Ibid. 22); » et iterum: «Primus homo de terra terrenus, secundus homo de cœlo cœlestis (Ibid. 47).» Et adjiciens ait: «Sicut portavimus imaginem terreni, » id est, vetusti hominis in crimine, «sic portemus imaginem cœlestis (Ibid. 49), » id est, suscepti, redempti, reparati; ac purificati hominis salutem teneamus in Christo, quia idem ipse Apostolus ait: «Initium Christus, » id est, auctor resurrectionis et vitæ; «deinde hi Christi (Ibid. 23), » id est, qui in forma puritatis ejus 438 viventes, de spe resurrectionis ejus securi erunt, cum ipso cœlestis promissi gloriam possessuri, sicut ipse Dominus in Evangelio ait: «Qui, inquit, me secutus fuerit, non peribit, sed transiet de morte ad vitam (Joan. v, 24).»

7. Ita Salvatoris passio, vitæ humanæ salus est. Ad hoc enim pro nobis inori voluit, ut nos in eum credentes perpetuo viveremus. Voluit pro tempore fieri quod nos sumus, ut nos æternitatis ejus promissionem indepti, cum eodem perpetuo viveremus.

CAPUT V. — 8. Hæc, inquam, illa est cœlestium mysteriorum gratia, hoc Paschæ donum, hæc optabilis anni festivitas, hæc exordia gignentium rerum. Hinc vitalis lavaeri sacræ Ecclesiæ editi puerperio humo; melius Rom. edit. ut in textu.

(10) Rom. edit. sola, *sed ad substantiam humanæ carnis*.

infantes, parvulorum simplicitate renati, balatu A innocenti (11) perstrepunt conscientiae. Hinc casti patres, pudicae etiam matres novellam per fidem stirpem prosequuntur innumeram. Hinc sub fidei arbore ab utero fontis innocui cereorum splendet ornatus. Hinc caelestis meriti sanctificantur munere, et sacramenti spiritualis celebri mysterio saginantur. Hinc unius plebis gremio beatæ Ecclesiæ nutrita fraternitas, unicæ divinitatis substantiam, ac virtutis trium nomen adorantes (12), psalmum annuæ festivitatis cum Propheta concelebrant: « Hic est dies quem fecit Dominus: exsultemus et lætemur in eo (Psal. cxvii, 24). »

9. Quis, inquam, dies? Nempe ille qui attribuit vivendi principium, lucis exordium, auctor luminis, id est, ipse Dominus Jesus Christus, qui de semetipso ait: « Ego sum, inquit dies: qui per diem ambulat, non offendit (Joan. xi, 9), » id est, qui Christum in omnibus sequitur, per ejus vestigia usque ad aeternæ lucis solium transmeabit; sicut ipse Patrem pro nobis adhuc in corpore constitutus orat dicens: « Pater, volo ut ubi ego sum, ibi sint et hi qui in me crediderunt; ut sicut tu in me, et ego in te, ita et illi maneant in nobis (Joan. xvii, 24). »

10. Hic, inquam, exultationis et lætitiæ dies est, in quo promissum perfectæ gloriæ consecuti, recte plebs sancta ad instar angelorum futuræ laudis mysterium, adhuc in hoc sæculo constituti, Domino cum Propheta cantamus: « Hic est dies quem fecit Dominus, exsultemus et lætemur in eo (Psal. cxvii, 24) » id est, auctor institutionis, redemptionis et vitæ perpetuæ Dominus Jesus Christus, qui est Rex regnum, et Dominus dominorum (Apoc. xvii, 14), absque initio, sine fine in Patre regnans cum Spiritu sancto nunc, et semper, et in sæcula sæculorum. Amen.

SERMO XXXVI.

In die sancto Pentecostes.

Sermonibus, qui additi sunt in Rom. editione, hic jungi debet. Quibus autem rationibus Ambrosii nomen obtinuerit, nos plane fugit: adeo in illo nihil videmus Ambrosianum. Quod autem linguarum divisionem superbiæ acceptam refert, ex Augustini sermone 271 sumptum putamus.

1. Magna est, fratres charissimi, hodierna festi-
vitas, in qua sicut audistis, acceperunt apostoli Spiritum sanctum, qui cum Patre et Filio unus et perfectus est Deus, ejusdem substantiæ, majestatis, et potentiae: qui non ex tempore, sed ab æterno a

(11) Codex Rom., *insontes parvulorum simplicitate renati barathrum innocentes, etc.*

A Patre Filioque inseparabiliter procedit: qui etiam Dei donum dicitur; quia et antequam esset angelus vel homo, cui daretur, jam sui natura donabile donum erat; quia charitas et amor est. Unde non solum patriarchis atque prophetis, sed etiam et reliquis justis latenter in anima datus est; et licet aliquando manifeste, nunquam tamen tam aperte datus fuisse legitur, sicut hodie, id est, decima die post Christi ascensionem; quando supra centum viginti credentes in specie ignis apparuit. Sic enim lectum est, ut retinetis: « Et apparuerunt illis dispersitæ linguæ, tanquam ignis, seditque supra singulos eorum (Act. ii, 3). »

2. Videte, fratres, videte quid fecit superbia, et quid promeruit humilitas. Superbia divisit linguas, quando turrim homines ædificare voluerunt pertingentem usque ad cælum (Gen. xi, 4-8); prius enim erat una lingua, qua homines se mutuo intelligebant, et propria mentis arcana invicem communicabant: verum ne perficerent superbi, quod cœperant, confusæ sunt linguæ, ac nationes divisæ sunt. Hodierna vero die cum propter humilitatem Spiritum sanctum acceperunt credentes, cœperunt omnibus linguis loqui. Abjicite quapropter a vobis, fratres, superbiam, quoniam omnes superbi filii sunt diaboli; et estote humiles, ut Spiritus sancti gratiam accipere, et filii Dei vocari mereamini. Sint munda corda et corpora vestra ab omnium peccatorum sordibus; quia Spiritus sanctus non habitat in corpore subdito peccatis (Sap. i, 4).

3. Si vascula prius mundatis, in quibus aliquid pretiosum servare vultis, et domos vestras præparatis et ornatis, quando potentem personam expectatis; multo magis mundanda sunt corda ab odio et ira, atque invidia, et omni malitia, et maxime ab immunditia atque avaritia; ut Spiritus sanctus ad vos venire, et apud vos mansionem facere non dedignetur. Et sicut nobilis homo in fetido loco et stercoribus pleno sua sponte non habitat; ita Spiritus sancti gratia non visitat animam, quæ in fetore peccatorum perseverat. Ideoque necesse est, fratres, ut in adventu Spiritus sancti domos animarum vestrarum adornetis honorum operum floribus, easque repleatis pretioso castitatis odore, et benevolentiae balsamo; ut Spiritum sanctum in vobis habitare delectet, cum Patre et Filio per omnia sæcula sæculorum, amen.

(12) Idem codex, *ac virtutis trinum nomen adorantes.*

SERMONES DE DIVERSIS.

439 SERMO XXXVII.

De Mirabilibus.

Auctorem hujus sermonis non pauca ex Ambrosii Comment. in Luc. lib. iv, num. 58 et sequent., mutuatum constat. Imo quod a Gratiano citatur

tanquam petatum ex hoc sermone, minus accedit ad ejus textum, quam ad memorati Commentarii: quod forte argumento fuerit aliquid in indicatione loci mutatum esse. Idem autem sermo in multis mss. Ambrosio nostro attribuitur, in quibusdam tamen sine auctoris nomine invenitur; unde con-

jicimus aliis in mss. pro scriptorum libitu fuisse inscriptum. Cum porro in Gall. cod. cujus omnes sermones Marini esse probabile est, hic sermo habeatur, cum quoque hujus Patris esse indicium est, quod etiam Ambrosii imitatio eidem familiaris videtur astruere. Inscritur in eodem cod. De duabus naviculis: in Silo. De cathedra S. Petri: in Remig. De S. Petro: in ceteris vero, sicut et in antiq. edit., ut nos in capite.

1. Quorum mirabilium operator sit Dominus Jesus Christus, intelligere possumus ex hac evangelica lectione, quæ describit tanta per eum beneficia in populum fuisse collata, ut provocatæ hominum turbæ ad audiendum illum magis irruerunt, quam rogarent: et medicinam salutis non sperarent per humilitatis gratiam, sed per importunitatis injuriam; ita ut irruentes, sicut ait Evangelium (*Luc. v, 1*), turbas a Domino Jesu non desertum separaret, non Synagoga repelleret, non reverentia divinitatis arceret. Hæc est enim consuetudo infirmantium, ut dum sperant suis ægritudinibus medicinam, ab importuna petitione non loco prohibeantur, non tempore, non pudore; sed quanto plus medetur ille, qui sanat, tanto amplius ille importunus est, qui laborat.

2. Ergo cum Dominus Jesus ab irruentibus turbis semotus, in terra esse non posset, aspiciens in mari duas naviculas, unam navem Petri omni festinatione conscendit (*Luc. v, 2, 3*), ut importunitatis injuriam vel aquarum natura depelleret: quia eam doctoris reverentia minime coercebat: atque exinde cœpit de navicula Petri ad homines doctrinæ suæ verba profundere. Videte misericordiam Salvatoris: separatur quidem ab hominibus corpore, doctrinæ tamen iis utilitate conjungitur. Ubique miseretur, ubique prodest. In terra positus, per tactum, languorem corporum sanat: in mari constitutus, per doctrinam vulnera curat animarum.

3. Sed videamus quæ sit ista navicula Simonis Petri, quam ad docendum (*13*) de duabus magis opportunam Dominus judicavit, quæ et tutum Salvatorem præstet ab injuria, et credulitatis hominibus largiatur eloquia; invenimus enim jam Dominum navigasse in alia navi, et gravibus injuriis lacessitum. Navigavit enim cum Moyse in mari Rubro, quando populum Israel per undarum fluentia transvexit: sed gravibus est affectus injuriis, sicut ipse ait in Evangelio ad Judæos: « Si crederetis Moysi, et mihi crederetis (*Joan. v, 46*). » Injuria autem Salvatoris est incredulitas Synagogæ. Ergo Petri navem elegit, Moysis deserit, hoc est, spernit Synagogam perfidam, fidelem assumit Ecclesiam.

4. Duæ enim quasi naviculæ a Deo destinatæ sunt, quæ in hoc, tanquam in mari, mundo salutem hominibus piscarentur, sicut ait Dominus apostolis: « Venite, faciam vos pisces hominum

(*Matth. iv, 19*). » Ex his ergo duabus naviculis una relinquitur **440** ad terram inanis et vacua, altera producit in altum onusta vel plena; vacua enim Synagoga relinquitur in littore, quia Christum cum prophetarum amisit oraculis: onusta autem Ecclesia in altum assumitur, quia Dominum cum apostolorum doctrina suscepit. Synagoga, inquam remanet ad terras, quasi terrenis inhærens operationibus: Ecclesia autem in altitudinem evocatur, tanquam cœlorum profunda sacramenta discutens in illam scilicet altitudinem, de qua Apostolus ait: « O altitudo divitiarum sapientiæ et scientiæ Dei (*Rom. xi, 33*)! » Propterea dicitur Petro: « Duc in altum (*Luc. v, 4*), » hoc est, in profundum disputationum generationis divinæ (*14*). Quid enim tam profundum, quam quod ait Petrus ad Dominum: « Tu es Christus Filius Dei vivi (*Matth. xvi, 16*)? » Quid tam terrenum, quam quod de Domino dixerunt Judæi: « Nonne hic est filius Joseph fabri (*Luc. iv, 22*)? » Ille enim altiore consilio nativitatem Christi divinitus approbavit, hi mente viperea generationem cœlestem carnaliter æstimabant. Unde ait Salvator Petro: « Quia non caro et sanguis tibi hoc revelavit, sed Pater meus, qui in cœlis est (*Matth. xvi, 17*). » Pharisæis autem dicit: « Quomodo potestis bona loqui, cum sitis nequam (*Matth. xii, 34*)? »

5. Hanc igitur solam Ecclesiæ navem ascendit Dominus, in qua Petrus magister est constitutus, dicente Domino: « Super hanc petram ædificabo Ecclesiam meam (*Matth. xvi, 18*). » Quæ navis in altum sæculi istius ita natat, ut pereunte mundo, omnes quos suscipit, servet illæsos. Cujus figuram jam in veteri videmus Testamento; sicut enim Noe arca, naufragante mundo, cunctos quos susceperat, incolumes reservavit; ita et Petri Ecclesia, confligente sæculo, omnes quos amplectitur, repræsentabit illæsos: et sicut tunc transacto diluvio, ad arcam Noe columba signum pacis detulit; ita et transacto judicio, ad Ecclesiam Petri Christus gaudium pacis deferet; quia ipse columba vel pax est, sicut promisit, dicens: « Item autem videbo vos, et gaudebit cor vestrum (*Joan. xvi, 22*). »

6. Sed quoniam hanc eandem naviculam Petri, de qua nunc Dominus cœlestis doctrinæ suæ sacramenta depromit, legimus in Matthæo (*Matth. viii, 24*), dormiente in eadem Domino, ventis insurgentibus perturbatam, ita ut cuncti apostoli mortis periculum formidarent; videamus quæ causa est, quod una eademque navicula hic in tranquillitate doctrinam populis tribuit, ibi in tempestate discipulis metum mortis injicit: præsertim cum ibi etiam cum cæteris apostolis Simon Petrus esset. Hæc autem est causa periculi: erat ibi Simon Petrus, sed erat pariter et proditor Judas. Quamvis enim illius fides fundaret naviculam, hujus tamen

(13) Omnes edit., *quam adducendam de duabus; omnes mss. elegantius, quam ad docendum, etc.*

(14) Mss. Vallisel. et Silv., *in profundum generationis divinæ.*

eam perfidia conturbabat. Tranquillitas est ubi solus Petrus navigat, tempestas, ubi Judas adjungitur. Licet esset Petrus firmus suis meritis, perturbatur tamen criminibus proditoris (1, q. 4, c. *Turbatur*; et 2⁴, q. 1, c. *Non turbatur*). Metuentibus igitur discipulis, anxiant Petro, dormiebat Dominus. Durum forte videatur quod, anxiant Petro, dormiebat: dormiebat Petro, ne vigilaret Judæ (15); unius igitur delicto cunctorum merita quantiuntur. Obdormit Christus, ventorum spiramina concitantur; quisquis enim peccatum admittit, statim et dormire sibi facit Dominum, et procellam sibi spirituum suscitatur immundorum: necesse est autem diabolica insurgat tempestas, cum Domini serenitas conquiescit.

7. Igitur si unius Judæ peccato cuncti periclitantur apostoli, hoc exemplo caveamus perfidum, caveamus proditorem (16), ne per unum plurimi fluctuemus. Quin etiam 441 hujusmodi abjiciamus de nostra navicula, ut non obdormiat, sed vigilet in nobis Dominus, atque eo vigilante, nulla nos spiritalis nequitiae procella concutiat. Ubi enim fides integra est, ibi Salvator docet, vigilat, et exultat; ibi requies, ibi tranquillitas, ibi cunctorum est medicina: ubi autem fidei est admista perfidia, ibi Christus torpet, dormit, et piger est: ibi metus, ibi tempestas, ibi omnium est discrimen: pro actibus enim nostris Dominus nobis obdormit aut vigilat.

SERMO XXXVIII.

De gratia Baptismi.

Hoc titulo non solum in vet. edit., sed etiam in pluribus probatoribusque mss. inscribitur hic sermo: at in Remig. eidem præfigitur, de festo Epiphaniæ. Et certe non obscurum videtur illum non multo post hoc idem festum ad catechumenos habitum esse, ut ad studium accipiendæ baptismatis gratiæ excitarentur. Nihil Ambrosii præfert: sed æquiori jure attribui Maximo potest; et cum sermone x et xi supra editis pulchre conveniat, existimare licet tres hos sermones designatos esse a Genadio, ubi prodidit eundem episcopum de Baptismi gratia librum, velustiss. libros, edidisse.

1. Quia constat, sicut ante dies prosecuti sumus, Jesum Christum non sui causa baptizatum esse, sed nostri. debemus, fratres dilectissimi (vobis catechumenis loquor), gratiam baptismatis ejus omnifestinatione suscipere, et de fonte Jordanis (Matth. 3, 13), quem ille benedixit, benedictionem consecrationis haurire; ut in eum gurgitem, in quem illius sanctitas mersit, nostra peccata mergantur: scilicet ut eadem aqua, quæ Dominum circumdedit, et servulos circumpurget: quatenus ex venerabili Christi lavacro nobis unda sancta proficiat, et iis-

(15) Sic iidem duo mss.; alii vero et vet. edit., dormiebat: dormiebat Petro, navigabat Judæ; at Rom. edit., Dominus dormiebat. Verum dormiebat Petro, sed mare turbabat Judæ.

(16) Nonnulli mss., hoc exemplo perfidum caveamus proditorem.

(17) Omnes edit., nos factu beatiore; omnes mss., nos factu beatiore: unus, beatiore.

dem vestigiis atque mysteriis, quibus benedictionem a Salvatore est mutuata, nos factu beatiore (17) purificet, gratiamque quam a Christo suscepit, in Christianos refundat.

2. Ergo, fratres, tingi debemus eodem fonte, quo Christus, ut possimus esse, quod Christus. Nam, quod salva fide dixerim, licet baptismum utrumque sit Domini, tamen gratius puto hoc baptismum esse, quo nos abluimur, quam illud quo Salvator baptizatus est. Hoc enim celebratur per Christum, illud celebratum est per Joannem: in illo se magister excusat, in isto nos Salvator invitat: in illo justitia semiplena, in isto Trinitas est perfecta: ad illud sanctus venit, sanctus egreditur: ad illud peccator venit, et sanctus abscedit: in illo benedictio confertur mysteriis, in isto per mysterium delicta donantur. Baptizari ergo, fratres, debemus eodem gurgite, quo Salvator: sed ut eodem fonte mergamur, non nobis orientalis petenda est regio, non fluvius terræ Judaicæ: ubique enim nunc Christus, ubique Jordanis est (18). Eadem consecratio, quæ orientis flumina benedixit, occidentis fluentia sanctificat. Unde et si forte nomen fluvio aliud sit e sæculo, inest tamen illi mysterium e Jordane.

3. Denique iisdem sacramentis res agitur, quibus et tunc gesta est, nisi quod gratia plenior; tunc enim Trinitatem carnalibus oculis vidimus, modo eandem Trinitatem fidei oculis contemplamur: tunc Christum vix humanus vultus aspexit, nunc eundem mens humana complectitur: tunc Spiritus sanctus velut columbæ specie hominem circumfudit, modo se in interiora hominis ipsa virtute divinitatis infundit: tunc Pater ad nos (19) propter Filium longo auditu vocis advenit, modo autem descendit ad nos pariter ipse cum Filio. Plenior ergo gratia est, ubi Deus non assumpta specie descendit ad homines, sed propria substantia descendere dignatur ad filios; ibi enim tanquam incredulis fidem vult signis corporalibus persuadere, hic tanquam fidelibus gratiam spirituali virtute conferre. Plenioris ergo gratiæ est Deum videre, sicut est Deus, quam videre eum sic, ut requiras eum. Hic est perfecta Trinitas, ibi adhuc 442 scrutanda divinitas. Plenior igitur est gratia Deum propria veritate cognoscere (20), quam in assumpta specie suspicari.

4. Faciamus ergo ipsi pro nobis, quod Deum videmus fecisse pro nobis: faciamus circa nos, quod fieri circa se Joannes optavit. Si ille qui erat propheta et sanctus, Salvatoris baptismum concu-

(18) Ita mss.; at edit., non etiam male, ubi enim nunc Christus est, ibi quoque Jordanis est.

(19) Omnes edit., Tunc Pater a Domino: cod. Remig. et Valliscl. ad Dominum; optime Lugd., tunc Pater ad nos, etc.

(20) Vet. edit., Deum propria virtute cognoscere; Rom. et mss. commodius, ut in contextu.

pivit; quanto magis nos peccatores et indigni gratiam hanc debemus ambire! Videte misericordiam Salvatoris: hoc nobis sponte defertur, quod propheta postulans non meretur accipere.

5. Quid autem causæ sit quod Joannes petierit Christi baptismum, nec acceperit, debemus advertere. Ait enim illi Dominus postulanti: « Sine modo; sic enim decet nos implere omnem justitiam (Matth. iii, 15). » Scimus autem quod Joannes Baptista typum legis gerebat. Justum ergo erat, ut ipse baptizaret Dominum; scilicet ut quemadmodum secundum carnem de Judæis Salvator est genitus, ita et secundum Spiritum de lege Evangelium nasceretur; ut unde successionem ducebat originis, exinde et traditionem consecrationis acciperet. Hoc est igitur, quod ait: « Sic enim decet nos implere omnem justitiam. » Justum enim erat, ut mandata legis, quæ ipse condiderat, ipse compleret, sicut alibi dicit: « Non veni legem solvere, sed adimplere (Matth. v, 17). »

SERMO XXXIX.

De Camelo.

Rom. edit. ut hunc sermonem Evangelio Domini xiv post Pentecosten adaptaret, illi exordium propria auctoritate præfixerat. Quam autem absurde id voluerit, inde cognoscitur, quod hunc sermonem haud multo post Epiphaniam habitum constet. Quædam porro in illo reperimus tantum cogitationis cum sermone 20 a nobis rejecto præferentia, ut utriusque eundem fuisse auctorem arbitremur. Nec profecto desunt quæ illum Maximo videantur asserere: sed nulla suppetunt, quæ Ambrosio.

1. Dicit (21) in Evangelio Dominus Jesus Christus: « Facilius est transire camelum per foramen acus, quam divitem intrare in regnum cælorum (Matth. xix, 24). » Quæ sententia vereor ne forte vobis conveniat, qui divitias sæculi hujus aut habetis, aut quæritis. Sicut enim cameli animal, quod est tortuosum atque deforme, perversitas ipsa corporis per angustissimam acus cavernam præterire non patitur: ita et divites oneratos avaritia, et cupiditate fœdatos, ipsa vitæ deformitas per arctam viam regni minime introire permittit; ait enim idem Dominus: « Arcta et angusta via est, quæ ducit ad vitam (Matth. vii, 14). »

2. Igitur in camelo difficultatem transitus (22) præstat habitudo membrorum, in divite autem impedimentum magnitudo efficit peccatorum; gibbus enim quidam est animæ turpe quid vel cogitare, vel facere: ac mentis quædam tortuosa deformitas, in mundi rebus semper intendere, et ab Ecclesiæ sanctæ limine curis sæcularibus avocari. Unde mihi

(21) Rom. edit., *Mammona apud Hebræos hujus sæculi divitiæ appellantur. Dicitur vero Mammona iniquus, quia non nisi iniqui in eis spem constituunt: justi autem, licet ea possideant, non sunt illis tamen divitiæ, nisi cælestes et spirituales. Servit igitur Mammonæ, qui in terrenis hujus sæculi rebus confidit. Hi alibi viri divitiarum a propheta appellantur. Nolite, fratres, divitias appellare illas, nolite eas*

videtur hanc difformitatem corporis propheta spiritaliter elocutus, fœditatem morum potius indicasse, cum dicit: « Non gloriatur gibbosus sicut rectus (III Reg. xx, 11); » quasi sic diceret: Non gloriatur peccator vitiorum suorum pravitate distortus, sicut gloriatur justus conscientiæ bonæ simplicitate directus. Quamvis enim, o peccator, proceritate corporis gaudeas, quamvis scapularum tuarum æqualitate læteris; anima tamen tua morum pravitate deformis est.

3. Recte ergo camelo comparatus est dives; siquidem illum a transitu acus corporis crassitudo revocat, hunc ab ingressu Ecclesiæ patrimonii sollicitudo detentat: et sicut illum parvum foramen non capit oneratum mole membrorum; ita et hunc introitus sanctus non suscipit gravatum cumulo delictorum. Uterque habet propriam sarcinam suam, ille oneratus est carnibus, iste peccatis: et sicut ille inhabilis est angustissimæ acus cavernæ; ita et hic inconveniens est beatissimo Dei regno: ad quod camelum corpore incompositum natura (23), hunc autem pravum voluntas efficit.

443 4. Hæc autem dico, fratres, de iis qui festivissimam diem sanctæ Epiphaniæ, ne in Ecclesia procurarent, patrimoniorum suorum compedibus sunt detenti, et terreno quodam obligati sunt vinculo, ut venire eis ad domum Domini non liceret. Non quod eos quidpiam detineat, sed quod ita propriis sint actibus implicati, ut jam arbitrium vivendi suæ potestatis amiserint; et dum sollicitudinem patrimonii exhibent, animarum medicinam penitus non requirant.

5. Quid mihi, o dives, difficultatem temporis objicis? Quid necessitatem ingeris repentinam? Si cor habes, intellige quia omni necessitate major necessitas est salutis: et utilior est causa prius curare vitam, tunc peculii damna sarcire; ne dum augmentum patrimonii quærimus, sentiamus animæ detrimentum. Sed forte judicem metuis, quem in secretario reliquisti. Mihi crede quod magis Deum judicem metuere debes, qui de ipso tuo judice judicabit. Illum ergo metuis, qui mox accipiet successorem: Dominum non metuis, cui nemo aliquando succedit? Considera itaque judicii imminentem diem, et inexstinguibilis gehennæ flammæ, stridorem horrendum dentium, tenebrarum ultimum cruciatum; et si potes, relicta Ecclesia, sæcularibus sollicitudinibus implicare. Vereor enim ne, dum mundi divitias quæritis, inveniatis potius divitias peccatorum; et repertis thesauris sæculi, cælestes thesauros amittatis.

amare, quia si serviatis illis, et cum illis peribitis. Ideo de hujusmodi divite Jesus Christus alibi dicit, etc.

(22) Omnes edit., *difficultatem questus; et infra, immundis rebus semper; utrobique aptius mss. ut in contextu.*

(23) Ita mss.; edit. autem, *corpore compositum natura.* Parum concinne.

SERMO XL.

De jejuniis et eleemosynis.

Ut sermo in epistolam Dominice xxiii post Pentecosten ex hoc fieret, edit. Rom. et veram ejus inscriptionem immutaverat, et in textum verba nonnulla inseruerat, quod utrumque restituimus. Ipsa autem dicendi ratio tantopere opposita est Ambrosianæ, ut cuius potius quam illi possit ascribi.

1. Non dubito, fratres, contristari vos quotiescunque absentem me a vobis necessitas facit; dum enim quem diligitis, non videtis, tanquam boni filii pietatis stimulis laboratis. Sed quamvis corpore vos ego interdum deseram, spiritu tamen vos non relinquo; quocunque enim iero, dilectio vestra me sequitur: ubicunque fuero, ibi mecum vestra fraternitas commoratur. Quisquis enim in Christi mandatis permanet, necesse est ut Christi adhæreat sacerdoti: et licet longe positus videatur, fit tamen proximus, dum illum unius fidei gratia repræsentat. Ille se sane separatim a sacerdotibus putet, qui actibus malis separatus a Christo est. Atque ideo, fratres, vos qui mandatum Salvatoris facitis, quamvis absentes a me fueritis corpore, dilectione tamen mihi minime defuistis. Ita quos separabat longitudo terrarum, Christi gratia connectebat.

2. Sunt autem nonnulli inter vos, fratres, quorum licet vultus in ecclesia videamus, cor tamen eorum in agris esse cognoscimus: et præsentiam quidem eorum consideramus in plebe, sed conversationem eorum invenimus in rure. De quibus dicit C Apostolus: « Et gloria in pudendis ipsorum, qui terrena sapiunt (*Philipp.* iii, 19); » ii enim de terra semper cogitant (24), de terra tractant, quæ terrena sunt, sapiunt. His convenit divina illa sententia, qua dicitur: « Terra es, et in terram redibis (*Gen.* iii, 19); » qui ideo aliquando ad Ecclesiam veniunt, non quia ex fide Christiani sunt, sed ne Christiani ab hominibus non putentur.

3. Quibus cum jejunium indicitur, de intemperie se temporis semper excusant; dicunt enim æstivis mensibus: Dies longa est, torrentior sol est; sitim ferre non possumus, poculis nos refrigerare debemus; hiemis vero tempore: Grave frigus est, rigores sunt pessimi, algorem tolerare nequimus, escis calefieri nos oportet. Ita homines quorum D animus semper est in prandio, prandendi sibi causas inquirunt: et dum se a jejuniis excusant, tempora Creatoris accusant (25).

4. Dic mihi, o delicate Christiane, qui æstum (26) solis jejunando 444 ferre non potes, numquid æstus, quem sustenturus es, torrentior est gehenna? numquid hiems horridior est tenebris, quibus re-

A trudendus es? In exteriores enim tenebras abjiciuntur peccatores: « Ibi erit fletus et stridor dentium (*Matth.* viii, 12), » sicut ait Dominus: stridor, inquam, dentium ad instar hiberni temporis semper erit in illis tenebris. Ergo sicut penetrante algore hiemis, toto homines corpore contremiscunt, ita et interveniente conscientia frigida delictorum, gravi peccatores dentium stridore quatuntur. Ita miser peccator, dum hic hibernum rigorem metuit, ibi tenebrarum frigus incurrit: dum hic æstum solis evitat, ibi gehennæ sustinebit ardorem.

5. His autem ipsis hominibus cum dixerit, ut aliquid pauperibus largiantur, statim objiciunt: Necessitates infinitæ sunt, tributa sunt gravia, fiscalia explicare non possumus. Et tanta tibi ingerunt, ut quasi reum te statuunt, cur hoc ipsum illos volueris commonere, non intelligentes quod ii sunt inimici crucis Christi (27), qui non intelligunt quod omnibus necessitatibus salutis sit necessitas præferenda, et quod tributum reddere alii prodest, eleemosynam facere ipsi proficiat, qui largitur; tributi enim redditio illi præstat beneficium, qui accipit, eleemosynæ autem operatio ei confert meritum, qui ministrat. Tributi, inquam, redditio detrimentum infert solventi, eleemosynæ erogatio lucrum tribuit eroganti; ditior enim fit vir misericors, posteaquam minus habere incipit pauperibus largiendo.

6. Beata igitur est eleemosyna, quæ et accipientem reficit, et lætificat erogantem: « Hilararem enim datorem diligit Deus (*II Cor.* ix, 7): » atque ideo melius est illi plus dare (28). Lætus ergo et hilaris est, qui pauperibus subministrat. Recte plane lætus est, quia per nummulos paucos æternos thesauros sibi cœlestes acquirit. Et contra, semper tristis est et mœstus, qui tributa dissolvit. Nec immerito tristis est, qui ad solutionem non dilectione adducitur, sed terrore constringitur: Christi enim debitor lætus, Cæsaris tristis est; quia hunc ad solvendum amor cogit, illum pœna compellit. Hic præmiis provocatur, ille suppliciis coarctatur.

7. Dicit sanctus Apostolus: « Divitibus hujus sæculi præcipe non sublime sapere, et neque in incerto divitiarum sperare (*I Tim.* vi, 17). » Vides ergo, o dives, quia sunt tuæ incertæ divitiæ. Quid ergo aurum congregas, in quo nulla certa fiducia est? Auri tui avaritia (29) cesset, et terra est: solidi tui cupiditas auferatur, et sordes sunt. Aurum enim et argentum vilis est et abjecta materies: ubi aurum increvit humana concupiscentia, tunc et his speciebus accrevit ambitio; aurum enim et argentum non pretiosum natura instituit, sed hominum voluntas effecit.

qui æstatem jejunando, etc.

(27) Rom. edit., Christi, ut hodie lectum est.

(28) Omnes edit. ac ms. Lugd., melius est illi prius dare; commodius vero Valliscl... plus dare.

(29) Codices Lugd. et Valliscl...: Aurem tuam avaritia; melius edit., ut in textu.

(24) Vet. edit. ac mss., De terra enim dicit Apostolus; ms. Reg., de terra enim semper cogitant, etc.

(25) Verbo accusant adjecit Rom. edit, De iis dicit Apostolus: Quorum Deus venter est.

(26) Omnes edit., qui æstum, etc.; mss. vero,

SERMO XLII.

De eo quod dicit Dominus in Evangelio :

Vulpes foveas habent, etc.

Hic titulus est quem huic sermone antiquæ edit. ac mss. indidere : at Rom. edit. eum habitum prænotavit In festo S. Basillii : ubi non attenderunt ejusdem edit. curatores parum credibile videri ætate Ambrosii, quem hujus sermonis auctorem ferunt, Basillii natale jam tum celebrari solitum esse Mediolani. Hoc igitur unum asseri potest præter nonnulla quæ ex Comment. in Luc. lib. VII, num. 30 et 31, huc translata sunt, Ambrosianum hic nihil esse.

1. Si diligenter advertit capitulum evangelicum, quod hodie lectum est, vestra dilectio (30), sensus vestros id ipsum capitulum potuit permovere, cur Dominus, sicut Scriptura refert, cum ab altero interpellatus fuerit, ut eum quocunque iisset, causa religiosi servitii sequeretur : alteri magis dixerit : « Sequere me (Luc. ix, 59) ; » et illo spreto atque despecto, alium potius tacentem nec opinantemque delegerit ? Et cum utique acceptius voluntarium obsequium esse soleat, quam coactum ; et servitium plus placeat non quod imperio exigitur, sed quod sponte defertur : cur ergo iste respuitur, cur velut indignus etiam recusatur ? Ait enim ad eum **445** Dominus : « Vulpes foveas habent, et volucres cœli nidos : Filius autem hominis non habet, ubi caput reclinet (Ibid. 58). »

2. Primum itaque hoc considerare debemus, quod non est acceptor Dominus personarum (est enim æquus iudex et justus), sed pro qualitate morum (31) rependat dilectionis affectum : et eum eligat non qui verbis promptus, devotione piger, sed qui fuerit lingua tacitus, mente devotus, de quo dicit propheta : « Tacitum te faciens, sapiens videberis (Prov. xvii, 28). » De illo autem qui petulanter loquitur, refert Scriptura : « Non omnis qui dicit mihi, Domine, Domine, intrabit in regnum cœlorum : sed qui fecerit voluntatem meam (Matth. vii, 21). » Hinc ergo discimus quod ad Dominum non tam ore quam corde clamandum est.

3. Igitur Salvator noster, qui cogitationes hominum sensusque pervideat (32), audiens quidem vocis obsequium, mentis autem versutiam recognoscens, tali illum animali comparat, quod aliud voce indicet, aliud moribus operetur ; vulpes enim latratu canis resonat, dolo rapinam fraudis exercet. Tacen-

(30) Rom. edit., *advertit vestra dilectio, fratres, capitulum evangelicum... quomodo Dominus, qui in lege, ut Scriptura refert, mandavit : Honora patrem tuum, et matrem tuam ; quemadmodum præcepit tibi Dominus Deus tuus, ut bene tibi sit ; nunc dicat : Si quis venit ad me et non odit patrem suum et matrem, etc., non potest meus esse discipulus. Cui congruit quod in alio loco, cum interpellaretur a quodam : Domine, permittite mihi primum ire, et sepelire patrem meum, respondit : Sine ut mortui sepeliant mortuos suos ; tu autem vade, et annuntia regnum Dei. Illi vero qui dixit : Sequar te quocunque ieris ; respondit : Vulpes foveas habent, et*

A tem ergo nec opinantem assumit. Tacebat quidem lingua, sed spiritu loquebatur ; intelligimus enim quam devotus fuerit, qui sicut ipse asseruit, patrem reliquit mortuum, ut vitæ Dominum reperiret. Ait enim : « Permitte mihi prius ire, et sepelire patrem meum (Luc. ix, 59). » Mortuum ergo illum reliquerat, quem ut revertens sepeliret exorat. Non eum dolor retinuerat, non mors retardaverat, quia festinabat ad vitam. Necdum morientis clauserat oculos, necdum rigentia membra condiderat ; statim ut comperit advenisse Dominum, oblitus paternæ pietatis, affectum majorem pietate credidit plus Christum diligere, quam parentem. Legerat enim fortasse prophetica lectionem, quæ dicit : « Obliviscere populum tuum, et domum patris tui (Psal. xliiv, 11) : » propterea oblitus est patrem, dum memor est Salvatoris. Audierat etiam Evangelium Domini : « Qui plus dilexerit patrem aut matrem, non est me dignus (Matth. x, 37). »

4. Ita cum Tobias justificetur, cur sepulturæ causa prandium dereliquerit (Tob. ii, 3) ; hic probatur, cum causa Christi patris reliquerit sepulturam. Ille enim non veretur ne, interveniente opere, terreni prandii epulas prætermittet : hic metuit ne, interveniente mora, refectionem panis cœlestis amittat. Unde cum Christi contemplatione sepulturam omnibus debeamus, hic amore Christi patris deseruit sepulturam.

5. Discutiamus itaque primo illius interpellationem responsionemque Domini Salvatoris. Ait enim ille : « Sequar te quocunque ieris (Luc. ix, 57). » Prompta quidem, sed superba professio (33). Iturus enim ad passionem erat Dominus, descensus ad inferos, ascensus ad cœlum ; numquid in omnibus illum potest fragilitas humana comitari ? Stulta est ista præsumptio potius quam religiosa confessio. Siquidem et Petro apostolo dicitur a Domino, cum æstimaret se sequi per omnia Salvatore : « Quo ego vado, non potes me modo sequi (Joan. xiiii, 33). » Et cum pertinaciter insisteret, ac se ab eo nec morte diceret separandum ; tanquam jactantiæ condemnatus audit, quod esset Dominum tertio negaturus. Ita qui promittebat a confessione Christi nec morte divelli, ab ejus societate interrogatione ancillulæ separatur : et nisi velut modum quemdam statuens, tertio eum dixisset Dominum negaturum, forsitan sæpius interrogatus, frequentius denegasset.

6. Quid ergo respondetur illi petulanti ? « Vulpes

volucres cœli nidos ; Filius autem hominis non habet ubi caput reclinet. Cur ergo cum ab altero interpellatus fuerit ut quocunque iisset, religiosi servitii causa sequeretur eum : alteri magis dixerit qui eum sequi cunctabatur : Sequere me ; et priori spreto, etc.

(31) Edit. vet., *qualitate horum ; Rom., qualitate meritorum ; codex Lugd., qualitate morum.*

(32) Ita ms. Lugd. ; vet. autem edit., *sensusque provideat ; Rom., prævidet.*

(33) Omnes edit., *seil superba responsio ; codex Lugd., professio.*

foveas habent, et volucres cœli nidus, et Filius hominis non habet, ubi caput reclinet (*Luc. ix, 58*). Videte cui rei subtiliter comparetur: est enim hoc genus animalis fallax, et insidiis semper intentum, rapina fraudes exercens, quod nihil tutum, nihil otiosum, nihil patitur esse securum, quod inter ipsa quoque hominum domicilia prædam requirat.

7. Quam comparisonem non solum propter illum scriptam puto, sed propter plerosque etiam Christianos, qui ore quidem Deum confitentur, moribus autem vulpium fallacia diversantur; omnis enim Christianus, qui sua vult peccata celare, hic spiritaliter vulpes est. Sicut enim vulpes propter fraudes suas in latibulis demoratur: ita et peccator tacens propter conscientiam suam peccatorum foveis delitescit: et sicut illa non audet inter medias hominum turbas morum suorum ostendere fallaciam; ita et hic erubescit in media Ecclesia conversationis suæ nequitiam confiteri. **446** Vulpem plane dixerim omnem Christianum, qui suo insidiatur vicino, qui quotidie nititur fines alienos arrodere, fructus invadere, animalia devorare, et quod est familiare huic tempori, non jam vulpium more pullos, sed luporum more rapere porcos: qui dum suo labore possit se juvare (*34*), ferarum rabie prædam captat alienam.

8. Hæreticos etiam omnes arbitror vulpibus comparandos, qui cum in domo Domini habitare non possint, conventicula sibi quædam velut foveas præparant tenebrosas, in quibus pertinaciter latentes, insidiantur Ecclesiæ; ut si qua innocens anima forte processerit, velut pullum gallinæ matris absorbent. Insidiantur, inquam, vulpes Ecclesiæ, hoc est, hæretici evangelicæ illi gallinæ, de qua ait Dominus: « Quoties volui congregare filios tuos, sicut gallina colligit pullos suos sub alas suas (*Matth. xxiii, 37*)! » Sed ipsa sicut Samson ardentem faciem vulpibus religavit.

SERMO XLII.

Increpatio ad plebem de eo quod scriptum est in Evangelio: *Qui habet, dabitur ei; et:*

Cantavimus vobis, etc.

Cur hunc sermonem nominatim cupiam Patri potius quam alteri assignemus, nihil occurrit: ne vero Ambrosianum esse putemus, nihil non reclamat.

1. Frequenter studueram apud me ipsum, fratres, subtrahere vobis Dominicæ prædicationis eloquia, ac non elargiri sæpius sermonum cœlestium sacramenta. Siquidem nihil prosit offerre pabula recusanti, et potum porrigere minime sitiienti: cur id quod offeras, non tam libenter hauriat, quam fastidiose velut turbulentum reddat; atque ita sicut et poculi sinceritas vitietur, et causas delicti fastidiosus potator inveniat? Sic ergo et charitati vestræ ingerere Dominici poculi prædicationem forte super-

(34) Codex Lugd., suo labore possit vivere.

(35) Ita cod. Lugd. et Valliscl.; edit. vero, quam dissimulanter infundat. Non recte.

(36) Lugd. codex, domum vacuus repelat. Et in-

illum est; cum id anima vestra elansis visceribus non tam sitienter hauriat, quam dissimulanter effundat (*35*). Fundit enim mandatum Domini, qui illud aure sua percipit, corde non continet; in superficie enim quadam corporis illud gestans, ac minime ad interiora transmittens quod audivit, dum obliviscitur, seriem prædicationis effundit, et ita domum vacuus repelat (*36*), qui de Ecclesia onustus exierat.

2. Dicite enim mihi, quis de vobis cum ad hospitium redierit, dicet: Hodie audivimus episcopum de eleemosynis disputantem, rem utilem prædicavit, debemus pauperibus misereri? Prosecutus etiam est de idolorum execranda cultura, requiramus ne ignorantibus nobis in possessione nostra sit idolum. Admonuit etiam festinare debere catechumenum ad gratiam fidei, offeramus familiolæ nostræ ut fidem quisquis est fidelis, accipiat; ne forte ratio salutis eorum quærat a nobis, quia vita eorum ex nostro pendet arbitrio. Nemo de Dei rebus cogitat, nemo de die iudicii loquitur, quasi aut per omnia victuri, aut per omnia morituri. Mihi credite, ita vivimus in hoc sæculo, ut corpore moriamur: ita morimur, ut rationi reddendæ vivamus. Moritur interim homo, sed actuum causa non moritur: vivente autem causa, necesse est ut causæ suæ persona non desit, sicut ait propheta: « Ecce homo, et opera ejus (*Isa. xli, 24*). »

3. Volueram ergo subtrahere vobis Dominicæ prædicationis eloquia, non quod iratus hoc facerem, sed ut evangelicam sententiam custodirem. Ait enim Dominus: « Qui habet, dabitur ei, et abundabit: et qui non habet, id quod habet, auferetur ab eo (*Luc. xix, 26*). » Habenti ergo dari jussit; et non habenti non solum non dari, sed etiam id quod habet, auferri. Quæ sententia superflua vobis forsitan videtur: ego autem dico recte ac sapienter Dominum præcepisse. Habenti ergo jubetur dari. Meretur plane accipere, qui ita laboravit, ut propria sollicitudine animæ suæ divitias spirituales acquireret: ut puta quis continentiae forti proposito cœpit castimoniam custodire virtutem, meretur audire quæ castitatis remuneratio sit futura; ut ad virtutis observantiam audiens (*37*) remunerationis gloriam, facilius possit pugnare, quam cœpit, atterere. Alius ad misericordiam promptus debet audire quia ipsi miserebitur Deus, et qui hanc terrenam substantiam cœlestibus divitiis respensabit, necesse est **447** ut auscultans vicissitudinem cœlestium præmiorum, promptior ac libentior opus Domini prosequatur, et ad misericordiam quod habet bonum, largitatis addat augmentum. Ideo ait Dominus: « Qui habet, dabitur ei, » hoc est, qui dives fuerit bonis operibus, hic magis evangelica prædicatione ditetur.

4. Cæterum si fornicatori prædices, et dicas quod

fra, qui de vestris cum, etc.

(37) Codex Valliscl., ad virtutis observantiam audens.

virgo debeat permanere; et avaro quod omnia sua A distrahere debeat atque donare, stultitia illi est. Hanc enim prædicationem ridiculam putat, sicut ait Apostolus: «Animalis autem homo non percipit quæ sunt spiritus Dei; stultitia enim est illi (I Cor. II, 14).» Tale enim est iis prædicare quod perfectum est, quale si mendicum pannis obsitum holoserica velis induere, et esurientem rusticum placento delectare; necesse est enim ut ab utroque recusaretur oblatio. Illi enim displicet holoserica, qui necessaria magis frigori vestimenta desiderat: huic placentum amarum, dum escam magis saturitatis exquirat. Istis ergo personis auferenda potius sunt, quæ sua sunt, sicut ait Evangelium: «Etiam id quod habet, auferetur ab eo;» hoc est, cogendus fornicator pannos suæ corruptionis abjicere, compellendus avarus est panem suæ cupiditatis exponere.

5. Vereor autem, fratres, ne evangelica lectio plerisque de vobis congruat, quæ ait: «Cantavimus vobis, et non saltastis: lamentavimus, et non plorastis (Luc. VII, 32).» Annuntiamus ergo vobis regni cælestis gaudium, et minime corda vestra motu quodam alacritatis exsultant: prædicamus triste iudicium, et sensus vestri ad pœnitentiam in lacrymas non prorumpunt; infidelitatis enim genus est in divinis rebus nec gaudere prosperis, nec flere contrariis. Saltationem ergo a nobis requirit Dominus, non utique sinuosi volubilitatem corporis, sed extollentis se fidei sanctitatem (38). Sicut enim qui corporaliter saltat, nunc aere suspenditur, nunc ad altiora jactatur, nunc alternis saltibus loca diversa collustrat: ita et qui spiritualiter saltat, interveniente fide, modo in aeris sublimitate erigitur, modo ad siderum altiora sustollitur, modo diversis cogitationum saltibus paradysum cælumque collustrat. Et sicut qui corporaliter saltat, volubilitate membrorum se exercens, gyrum sibi saltationis acquirit, ita et qui spiritualiter saltat, fidei alacritate semper se movens, gyrum sibi totius orbis assumit.

6. Solent autem homines, sicut mos est, in suis votis, hoc est, nuptiis, præcipue saltare vel canere; unde et nos habemus votivas nuptias, quibus saltare vel canere debeamus. Vota enim nostra celebrantur, quando Christo Ecclesia copulatur, sicut ait Joannes: «Qui habet sponsam, sponsus est (Joan. III, 29).» Propter has ergo nuptias saltare nos convenit. Siquidem David rex pariter et propheta, cum multa cecinerit, ante arcam Testamenti etiam saltasse dicitur (II Reg. VI, 14); elatus enim gaudio, in saltationem prorumpit: prævidebat enim in spiritu Mariam de germine suo Christi thalamo sociandam. Unde ait ipse: «Et ipse tanquam sponsus procedens de thalamo suo (Psal. XVIII, 6).» Ideo ipse præ cæteris prophetiarum auctoribus plus cantavit; quia lætior cunctis per hæc gaudia suos posteros conjugabat: et ad propria vota solito dulcius invitans, docuit nos quid in ipsis nuptiis

facere deberemus, cum ille ante nuptias tanta exsultatione saltaverit. Ante arcam ergo saltavit propheta David: arcam autem quid nisi sanctam Mariam dixerimus? Siquidem arca intrinsecus portabat Testamenti tabulas, Maria autem ipsius Testamenti gestabat hæredem: illa intra semet legem, hæc Evangelium retinebat; illa Dei vocem habebat, hæc Verbum. Verumtamen arca intus forisque auri nitore radiabat, sed et sancta Maria intus forisque virginitatis splendore fulgebat: illa terreno ornabatur auro, ista cælesti.

448 SERMO XLIII.

Increpatio ad populum quod Ecclesiam non frequentet.

B Magni viri hunc sermonem Ambrosii esse existimantes, concilium, cujus in eo mentio exstat, non nisi Aquileiense opinati sunt. Sed ut potius de hoc quam de alio agi credatur, nihil occurrit. Quod autem eundem sermonem pro Ambrosiano illi habuerunt, fidem editionum hac in re seculi sunt. Cæterum ut non dicamus illum inveniri in antiquo. Gall. cujus sermones omnes tribuuntur Augustino, nihil ei neque in stylo neque in argumento inest, quod Ambrosio nostro conveniat.

C 1. Deberem, fratres, post hos complures dies aliquid uberius prædicare, et revertens a tanto examine sacerdotum, dulci vos sermone reficere. Bene dixi, examine sacerdotum: quia sicut apes de divinarum Scripturarum flosculis suavia mella conficiunt, et quidquid ad medicinam pertinet animarum, oris sui arte componunt. Recte comparantur apibus sacerdotes, quia sicut apes castitatem corporis præferunt, cibum vitæ cælestis exhibent, aculeum legis exercent; puri enim ad sanctificationem, suaves ad refectionem, severi sunt ad ultionem. Apibus plane sunt comparandi, qui velut alveario quodam gratia matris Ecclesiæ continentur, in qua diversorum meritorum cellulas dulcissimis prædicationibus componentes, de uno Salvatoris examine Christianorum examina multa producant.

D 2. Cum semper, fratres, non cessaverim vos paterna pietate corripere, miror nihil vos tot meis commonitionibus profecisse, et doleo quod frequens prædicatio mea non vos profectu aliquo salutis corrigit, sed quadam contestationis pœna constringat. Prædicatio enim sacerdotis in plebe salvandis est correctio, et contestatio judicandis; contestamur enim illis ante iudicium, quod illos maneat in ipso iudicio; ut tunc omni excusatione submota, et rei sint de peccatis, et obnoxii de contemptu. Unde et ego interdum parcens vobis tacere velim: sed malo vos contumaciæ causas reddere, quam me negligentiam sustinere iudicium.

3. Comperi enim, fratres, quod per absentiam meam ita rari quique ad Ecclesiam veniatis, ita pauci admodum procedatis, quasi me proficiscente, mecum pariter veneritis, et quasi cum necessita-

(38) Valliscl. cod., sed extollentissimæ fidei sanctitatem.

tibus ego pertrahor, vos mecum traxerit ipsa necessitas. Pariter ergo a domo Dei absentes sumus, sed hoc interest, quod me absentem necessitas efficit, vos voluntas. Nescitis quia etsi ego ab Ecclesia desum, Christus ab Ecclesia sua, qui est ubique, non deest? Venis, frater, ad Ecclesiam, non invenis ibi episcopum: sed si fideliter venis, invenies ibi episcoporum episcopum Salvatorem. Nam Christianus qui tunc tantum procedit ad Ecclesiam, quando episcopus præsens est, non tam Dei causa videtur processisse quam hominis: nec implere christiani timentis officium, sed amici deferentis obsequium.

4. Quid autem ego vos arguo, cum possitis me uno sermone convincere (q. 1., c. *Quid autem*)? Convincor enim cum in hac parte clericos vobis magis video negligentes. Quomodo enim possum corrigere filios, cum fratres emendare non possim? aut qua fiducia succenseam laicis, cum a consortibus pudoris verecundia conticescam? Ego autem, fratres, non de omnibus loquor. Sunt certe quidam devoti, sunt et alii negligentes: ego neminem nomino, conscientia sua unumquemque conveniat.

SERMO XLIV.

Post increpationem allectio ad populum.

Habetur hic sermo sub hac inscriptione in mss. Gall. atque Lugd.; in vet. autem edit. pro allectio ponitur consolatio: at Rom. edit. titulum qui non tam sensu quam verbis distaret, concinnavit. Hanc vero concionem pronuntiata esse post superiorem non ambigimus; ejusque auctorem nonnulla ex Hieronymo cap. 62 in Mattheum, plura ex Ambrosio lib. xi in Lucam, num. 96 et 97, mutuatum cernimus, quem ut alium existimemus ab Ambrosio, cuncta inducunt.

1. Amarior fortasse fuerit increpatio mea superioribus prædicationibus, quod plerosque de vobis (39) acrius magisterii severitate convenerim, et sim prosecutus quæ 449 aliquantis non blandimenta deferrent, sed tristitiam irrogarent. Verum nihil mea interest; ego enim gaudeo sciens discipuli tristitiam magistri esse lætitiā. Tunc enim auditor proficit, quando austeriora annuntiat prædicator: tunc ei salus gignitur, quando tristitia emendationis ingeritur; dicit enim beatus Apostolus: « Nam quæ secundum Deum est tristitia, pœnitentiam in salutem stabilem operatur (II Cor. VII, 10). »

2. Recte ergo lætor, quia salutem operor: cum objurgo, mœreat licet filius mei asperitate sermonis; me tamen delectat, qui proficere illum inteligo per mœrorem. Ait sanctus Apostolus: « Quis est enim filius, quem non verberat pater (Hebr. XII, 7)? » Non enim osculatur semper pater filium, sed et aliquando castigat. Ergo quando castigatur, qui diligitur, tunc circa eum pietas exercetur. Habet enim et amor plagas suas, quæ dulciores sunt cum amarius inferuntur; dulcior enim est

A religiosa castigatio, quam blanda remissio. Unde ait propheta: « Dulciora sunt vulnera amici, quam voluntaria oscula inimici (Prov. xxvii, 6). »

3. Igitur, fratres, quia post tot increpationis meæ utilia verba credo vos benignitate sensuum profecisse, de sacris litteris aliqua conferamus. Sicut enim fons, qui non solito humore distillat, exagitur surculis, et ita largior invenitur, ac primum ex eo turbida aqua producit, ut unda purior subsequatur: sic ergo et sanctitas vestra exasperata quidem fuerat austeritate sermonis, sed devotior facta est dulcedine pietatis. Turbulentum enim quiddam vestri animi forsitan retinebant, sed jam ex vestris moribus profluit omne quod purum est.

B 4. Videamus ergo quid sit quod ait ad discipulos suos Dominus: « Vos autem quem me esse dicitis (Matth. xvi, 15)? » Non igitur tanquam ignarus interrogat Dominus, quid de eo populi discipulique sentirent: sed tanquam sciens universorum mentes, fidem manifestare voluit singulorum; ut quod corde credebant Dominum, alii Jeremiam, alii Joannem Baptistam, Petrus solus Christum Dei Filium confitetur. Gradus quidam sunt fidei, et qui devotius credit, religiosius confitetur.

5. Pro hac devotione dicitur Petro: « Beatus es tu, Simon Barjona, quoniam caro et sanguis non revelavit tibi, sed Pater meus, qui est in cœlis. Et ego dico tibi: Tu es Petrus, et super hanc petram ædificabo Ecclesiam meam (Ibid. 17, 18). » Cum vocaretur ergo Simon, per hanc devotionem vocatus est Petrus. Legimus, dicente Apostolo de ipso Domino: « Bibebant de spiritali consequente eos petra, petra autem erat Christus (I Cor. x, 4). » Recte igitur quia petra Christus, Simon nuncupatus est Petrus; ut qui cum Domino fidei societatem habebat, cum Domino haberet et nominis Dominici unitatem: ut sicut a Christo Christianus dicitur, ita et a petra Christo Petrus apostolus vocaretur.

6. Sed nec populorum opinionem possumus reprobare, qui unum de prophetis Dominum æstimabant (Matth. xvi, 14). Nam ideo nonnulli velut Eliam Salvatorem forsitan putaverunt, quia ad cœlos Elias sicut Salvator ascendit (IV Reg. ii, 11). Sed non sicut Elias Christus est; ille enim ad cœlos rapitur, iste regreditur: ille tanquam infirmus ignea quadriga subvehitur, hic tanquam Deus propria virtute portatur: ille sicut homo ducitur, hic sicut Salvator ascendit: ille ducentes sequitur angelos, comitantes sibi angelos iste præcedit. Denique iidem angeli remeantes in terram a Domino Salvatore dixerunt ad apostolos: « Viri Galilæi, quid statis aspicientes in cœlum? Hic Jesus qui receptus est a vobis, sic veniet quemadmodum vidistis eum euntem in cœlum (Act. i, 11). »

(39) Codex Lugd., *prædicatione mea... quod plerosque de vestris.*

SERMO XLV.

De primo Adam et secundo.

Hunc sermonem vel potius sermonis fragmentum, e Vat. cod. scripto jussu cardinalis Bononiensis an. 1470 desumptum exhibemus, non quidem quod in eo quidquam deprehendamus Ambrosiani, sed quia scriptio non inelegans, et sancti Doctoris nomine in ms. prenotata, cum alioqui nusquam quod sciamus edita fuerit, saltem ut in appendice locum habeat, nequaquam indigna videatur.

1. Audite, fratres charissimi, quale est legis mysterium. Primus homo de terra et cœlo; secundus de cœlo et terra: hic ex Deo et Maria, qui de terra; ille de terra et Spiritu, qui de cœlo est. Uterque tamen ex virgine, et sine coitus permistione est: hic ex incorrupta, ille ex intacta: **450** quia nullo adhuc semine, nec vomere fuerat sauciata nec imbre. Per primum vita amissa, per secundum reddita. Primus acceptam perdidit gratiam, secundus cum vita tribuit gratiam: primus suasu virginis cecidit, secundus partu virginis, quod jacebat, erexit: primus peccando mortis poenam protulit, secundus patiendō indulgentiam contulit: primus pro culpa de paradiso ejectus, secundus pro gloria cruci mundo affixus.

2. Ergo malum per feminam, imo per feminam bonum; quia per Evam cecidimus, per Mariam stamus: per Evam prostrati, erecti per Mariam: per Evam servituti addicti, per Mariam liberi effecti. Eva nobis sustulit diuturnitatem, Maria nobis reddidit perpetuitatem: Eva nos damnari fecit per arboris pomum, Maria absolvit per arboris donum; quia et Christus in ligno pependit, ut fructus.

3. Igitur sicut per arborem mortui, ita per arborem vivificati. Arbor nobis nuditatem ostendit, arbor indulgentiæ foliis vestivit: arbor peccatorum incussit ardorem, refrigerium delictorum vestibis præparavit arbor scientiæ: arbor spinas et tribulos genuit, spem et salutem arbor scientiæ peperit: arbor sudorem, attulit et laborem, arbor contulit pacem et salutem: arbor lumen corporis patefecit, arbor oculos cordis disclusit: arbor mundi insinuavit astutiam, divinam arbor demonstravit prudentiam: malum arbor, bonum arbor ostendit; et ut ad delicti originem redeam, et Deo annuente, quod sentire concidit dicam; Adam nisi corporaliter cecidisset, Christus nos in ista vita non spiritaliter suscitare debuisset.

4. O sacramentorum maximum, ut diximus, Mariæ mysterium, o conclusam perfidis, et manifestam fidelibus disciplinam! Immortalis mortalem ædificat, mortalis parit immortalem; incorporalis terra concluditur, corporalis cœlo: Deus homo efficitur, sed exhibetur Deus; et hoc totum per Adam committitur, et lavatur per Mariam. Ergo felix Eva, per quam data est occasio: imo felix Maria, per quam tributa est curatio: felix Eva, per quam natus est populus; felicior Maria, per quam natus est Christus. Igitur altera melior, imo et gloriosæ utræque, quia

A non lætificasset Mariam Christus, nisi Evam priorem, de qua nata est ipsa Maria, definxisset; nec venisset ad populum, nisi prius illa deliquisset in sæculo. Hæc mater humani generis dicitur, illa salutis; Eva nos edocuit, roboravit et Maria.

5. Per Evam crescimus, per Mariam regnamus; per Evam seducti ad terram, per Mariam elevati ad cœlum; et ut totum breviter legis patefaciam sacramentum, et duas in unam fuisse, sicuti omnes esse ostendam: in Eva tunc Maria inerat, per Mariam postea revelata est Eva.

6. Gratias Domino, fratres charissimi, quod quæ sit diei festivitas, doceri nos non necesse est; qui prævenitis devotione docti. Nam accesserunt huc hodie propheticiæ atque evangelicæ lectiones eadem rem docentes, quam fides vestra nos docuit. Donet ergo Deus noster, ut concordantibus sicut hodie, ita omni tempore cum lectione divina actibus, hoc vos habeatis in moribus.

SERMO XLVI.

De Salomone.

In omnibus Ambrosianis editionibus libelli titulum in fronte tulit hæc opella; cum tamen verus sermo sit, quo tria Salomonis scitu impossibilia mystice exponuntur. Ejus elegantiam, et simul ab Ambrosii stylo diversitatem Erasmus agnovit: verum secundam illam Hermannus putat obscuram esse, ipsi tamen vox Psalmographus, cui etiam Archipirata jungi poterat, non satis videtur Ambrosiana: sed nos Erasmi judicium utraque ex parte verum credimus. Quod autem Hermannus sententiam qua hic dicitur Martha Lazari soror a Christo liberata fluxu sanguinis, parum esse firmam, quoniam fuerit mulier sanata consulere licet Eusebii lib. vii Hist. cap. 18, edit. Vales.; Sozomeni lib. v cap. 21, et Philostorgii lib. vii, num. 3. Quin et Ambrosius hanc quoque curationem diligenter explicat Comment. in Luc. lib. vi, num. 65 et 58, nec tamen ibi Marthæ meminuit.

CAPUT PRIMUM. — 1. Mirum satis est, dilectissimi fratres, quod in hoc capitulo sapientissimus omnium hominum Salomon propheta proposuit tria impossibilia esse, quæ scire non posset, **451** quartum adhuc esse quod non valeret agnoscere: « Vestigia aquilæ volantis, vias serpentis super petram, et semitas navis navigantis, et vias viri in juventute (Prov. xxx, 19). » Hæc se nescire testatur ille propheta Salomon, qui ut primum transactis infantia rudimentis, annos juventutis ingressus est, in quibus posita adhuc infirma ætas quem cursum vitæ deligat, nutat incerta; nihil aliud a Deo, quam sapientiam postulavit: inter ipsa, ut dixi, vitæ tentamenta jam sapiens, qui in delectione rerum, quod omnibus præiret, elegit. Sic enim ipse in libro Sapientiæ suæ se Dominum omnipotentem deprecatum fuisse commemorat: « Da mihi, inquit, sedium tuarum assistricem sapientiam (Sap. ix, 4), » ut sciam dispositionem orbis terrarum, virtutes elementorum, initium et consummationem et medietatem omnium rerum, divisiones et mutationes temporum, anni cursus, et dispositiones stellarum, naturas animalium, et iras bestia-

rum, vim ventorum, et cogitationes hominum, differentias arborum, et virtutes radicum: « omnium enim artifex, ait, docuit me Sapientia (Sap. vii, 21). » Et alibi ipse in eodem libro: « Invocavi, inquit, et venit in me spiritus sapientiæ (Sap. vii, 7). »

2. Et quid est, dilectissimi fratres, quod tam locuples possessor sapientiæ Salomon, cum omnia cognovisset, quæ in arcanis abditarum dispositionum tenebantur absconsa, hæc sibi impossibilia esse prætendit? Quippe qui a Deo esset sapientiam consecutus, qui noverat mundanæ dispositionis introitum, qualiter esset hoc cælum omne quod cernimus, ardua sublimitate suspensum, quemadmodum fieret aeris istius circumjectus et fusus æquo moderamine libratus in medio, quibus modis pigro ad imum dilapsa pondere terra subsisteret, qua ratione intra certas littorum metas liquidi elementi impatiens fluctus lapsus exæstuet: quod principium rerum, quis finis, et quæ essent media. Quem iterum divisiones et mutationes temporum non latebant, qui comprehenderat qualiter sibi annorum mutua vicissitudo, redeunte orbe, succederet, qua causa varios stellarum ageret cursus, præcedendo se nonnunquam, aut subito subsequendo, unde earum esset ortus aut obitus, et alia multa, quæ, sapientia docente, cognoverat. Mirum quod ista quæ sibi impossibilia esse dicit, aut scire non potuit, aut videre.

3. Sed quia omnia quæ in libris divinis prophetarum annuntiatione congesta sunt, suis sunt temporibus reservata, merito Salomon ante adventum Domini nostri Jesu Christi, quid aquila volans, quid serpens in petra, quid navis navigans, quæ juvenis via in juventute esset, scire non potuit: adhuc non erat tempus, quo de umbra corpus fieret, aut veritas de figura. Nobis vero, quibus Dominus noster Jesus Christus ostendit quod omnia de ipso essent in lege conscripta, quibus nihil est occultum quod non reveletur; et posteaquam signatum illum septem sigillis librum nemo alter potuit reserare, quam Christus; permissum et indultum est nobis, ut omnia et videre possimus et nosse, sicut ipse Dominus ait: « Pater, confiteor tibi, quia abscondisti hæc a sapientibus, et revelasti ea parvulis (Matth. xi, 25). » Et iterum: « Vobis, inquit, permissum est scire mysterium hoc (Luc. viii, 10). » Quæ ideo retuli, ut non tam Salomonem quod non potuisset scire reprehenderim, quam quod non fuisset temporis, ut sciret.

CAPUT II. — 4. Sed jam ne proposita lectio diutius differatur, pauca vobis quæ ita in quæstionem veniunt, propitio Deo nostro, cogitavi exponere: « Tria sunt, inquit, impossibilia mihi scire, et quartum quod non cognosco: vestigia aquilæ volantis, et vias serpentis super petram, et semitas navis navigantis, et vias viri in juventute (Prov. xxx, 18, 19). » Quis enim unquam, dilectissimi

A fratres, potuit ista cognoscere? Quasi vero sit facile ut suspensa aquila in altum celeri elatione pennarum, plausus sui et lapsus vestigia manifesta constituat, aut viam signet in vacuo, et lineam sui volatus ducat, figatque in liquido? Quis cursum navis deprehendat in fluctibus? quis indicium ejus, per quos aggeres et limites feratur, intelligat? Crebra semper et inquieta mutatio, cum undis sequacibus, aut obruitur quod præcessit, aut opprimitur quod secutum est. Quis in petra signum aliquod serpentis agnovit, cum et materia sit dura saxorum, et lubrica natura serpentum? Aut quomodo possunt viæ viri in juventute cognosci, qui unde veniat, et quo eat, non potest deprehendi? Hæc sunt quæ sapientissimus Salomon propheta dixit se non 452 posse cognoscere. Nunc ergo de singulis rebus istis quid dicamus, audite.

B, 5. Aquilam in hoc loco Christum Dominum nostrum debemus accipere, qui post venerandam resurrectionem, qua docuit humanum genus in vitam redire posse post mortem, velut aquila revolavit ad Patrem, prædam secum referens, id est, hominem, quem rapuerat de faucibus inimici. Hæc est aquila, quam Ezechiel propheta in illam quadriformem sedem et Cherubim vidisse se retulit inter animalia quæ mysticum vehiculum rotis juncta portabant; unum enim animal simile vituli, aliud leonis, tertium hominis, quartum aquilæ (Ezech. i, 10), sicut in Apocalypsi Joannes se vidisse conscripsit. « Primum, inquit, animal simile vituli, secundum leonis, tertium hominis, et quartum aquilæ (Apoc. iv, 7). » Sed de hac animalium æqualitate alter locus (40) ad tractandum necessarius est. Nunc interim quod cœpimus, explicemus.

C, 5*. Hæc est aquila, de qua scriptum est: « Sicut aquila tegit nidum suum (Deut. xxxii, 11), » id est, Christus Ecclesiam. Et iterum inquit: « In umbra alarum tuarum sperabo (Psal. lvi, 2). » Et iterum: « Renovabitur sicut aquilæ juvenus tua (Psal. cii, 5). » Nam ut aquila colona, quasi ita mater nidi semper unius est, nec ad procreandam sobolem aliud aliquando cubile perquirat, et cum primum calidis ovis maturo ortu fetus eruperit interior, pullos educit implumes, hos contra faciem fervidi solis opponit, et qui ægram et invalidam corusco radorum appulsu aciem submiserit oculorum, materno damnatus arbitrio, et a fratrum consortio separatus dejicitur in terram. Et sicut avis ista inimica serpentum est, quos dum in aere alarum remigio subvectando supportat, hos obunco rostro, et armatis quasi quibusdam telis, pedibus suis lacerat ac divellit; quos cum devorat, calore suo interno noxium illud virus exstinguit: ita ergo et Christus Dominus unam diligit Ecclesiam, ut aquila nidum suum; quam ab æstu persecutionum alarum suarum defendit umbraculo: sic quoque

(40) Ita mss. et edit., præter Rom. ubi legitur:

Sed de horum animalium qualitate alter locus, etc.

extra Ecclesiam projicit, in quibus fidei lumen in firmum est, qui igneam Evangeliorum lucem vitiis secularibus inquinati ferre non possunt.

6. Et ut aquila serpentes devorat, et eorum venena calore coquit interno, ita et Christus Dominus noster, percusso dracone, id est, diabolo lacerato, quod humanum sibi corpus assumit, peccatum illud quod hominem tenebat obnoxium, tanquam perniciosum virus exstinxit, sicut Apostolus ait: « Et de peccato damnavit peccatum in carne sua (Rom. viii, 3); » et alibi: « Qui cum peccator non esset, pro nobis peccatum fecit (II Cor. v, 21). » Ad hoc quoque Moyses serpentem æneum in eremo suspendit in ligno, qui proprius erat typus corporis Christi, ut quicumque in eum aspiceret, non periret; corpus enim hominis per transgressionem vas fuerat serpentis effectum. Sic et alibi ipse Moyses virgam projecit in terram, quæ in similitudinem est corporata serpentis: quæ et ipsa imago erat corporis Domini, ideo tantæ virtutis in se typum gerebat, is qui absorbit (41) omnium Ægyptiorum potestatem.

7. Hoc est ergo quod ait: « Vestigia aquilæ volantis (Prov. xxx, 19): » quia etsi post passionem et resurrectionem suam, præsentibus apostolis, Dominus noster ascendit in cælum, tamen ejus hominis tam altus sensus et tantus est, ut explicare possit, quomodo illa tanta majestas de cælo aut venire dignata fuerat, aut redire; cum hoc solum nobis scire liceat, quod aut venit, aut redit? Quis enim cognoscere potest quemadmodum Verbum in Virginem venerit, ut repente conciperet, ut tam felicem fetum partus virginalis effunderet, ut hominem Deus indueret, quem totus mundus non potest, nec sufferre, nec capere? id est, quod ait: « Vestigia aquilæ volantis; » id est, Christi Domini advenientis ad terram, ac redeuntis ad cælos vestigia comprehendere enarrarique non posse.

CAPUT III. — 8. « Et vias, inquit, serpentis super petram. » Dixi jam charitati vestræ quod sinuosis labens membris nitidus et volubilis coluber tractibus suis vestigium aliquod in petra, quia res est dura, non faciat. Indicium enim monstri hujus non nisi molli impressione signatur in pulvere. Nunc ergo videamus quis sit iste serpens, aut quæ petra, in qua serpentis vestigium non apparet. Hanc petram Dominum nostrum esse ambigere non debemus. Sic enim Apostolus ait: « Bibebant autem de spiritali sequenti petra, petra autem erat Christus (I Cor. x, 4); » et Psalmographus: « In petra, inquit, exaltasti me (Psal. lx, 3); » 453 et Moyses in cantico Deuteronomii: « Lactavit eos mel ex petra, et oleum de solida petra (Deut. xxxii, 13), » id est, quod dulcem daturus iis esset Evan-

(41) Rom. edit., *Quæ quia et ipsa imago erat corporis Christi, et tantæ virtutis in se typum gerebat, omnium Ægyptiorum potestatem absorbit. Nec multum ab ea mss. atque aliæ edit. in verbis differunt, sed potius in verborum ordine, quem et se-*

gelii suavitatem, aut Spiritum sanctum per chrismatis unctionem. Et alibi ait: « Beatus qui tenet, et allidet infantes tuos ad petram (Psal. cxxxvi, 9): » quod utique in religiosis parricidium erat, si petra ista figuram Christi corporis non haberet. Nemo enim beatus in funere est, qui infantes suos allidit ad petram: sed ideo beatus est, quod illos conjungit ad petram.

9. Dixi ergo petram Dominum et Salvatorem nostrum in Scripturis omnibus inveniri. Serpens autem ex ipso nomine, quod sit diabolus, apparet sicut callidior omnium bestiarum, quæ sunt supra terram, id est, diabolus (42): qui ideo serpens dicitur, quod occulte serpat, et quod sensus hominis tenuiter illabendo pertentet: quos si convicerit, medullis se hominum atque ossibus implicat et immergit. Qui in corpore hominis, quod omnipotens Christus Deus induerat, nulla malitiæ suæ potuit imprimere vestigia, quamvis illud ausus fuerit sæpe tentare, sicut ipse Dominus in Evangelio ait: « Ecce venit princeps mundi hujus, et nihil in me invenit (Joan. xiv, 30); » et alibi: « Nihil proficiet inimicus in eo, et filius iniquitatis non nocebit ei (Psal. lxxxviii, 23). » Hæc est ergo petra, id est, caro Christi nulla inimici iniquitate respersa, in qua serpentis, id est, peccati alicujus vestigium non apparet, ut scriptum est: « Qui peccatum non fecit, nec dolus inventus est in ore ejus (I Petr. ii, 22). »

CAPUT IV. — 10. Adhuc quid subjungat, audite: « Et semitas, inquit, navis navigantis. » Navem adæque Ecclesiam debemus accipere in salo mundi istius constitutam, quæ crebris ventorum flatibus, id est, tentationum plagis et verberibus fatigatur: quam turbidi fluctus, id est, hujus sæculi potestas, conantur ad saxa perducere. Quæ etsi undarum fluctibus aut procellis sæpe vexatur, tamen nunquam potest sustinere naufragium, quia in arbore ejus id est, in cruce, Christus erigitur, in puppi Pater residet, gubernator proram paracletus servat Spiritus. Hanc per angusta hujus mundi freta duodeni in portum remiges ducunt, id est, duodecim apostoli, et similis numerus prophetarum.

11. Inde Montani antra latratu falsi carminis resonant, qui duabus feminis prophetissis, Priscillæ et Maximilæ, tanquam alicujus Scyllæ rabidis succinctus est canibus. In ista nave Ecclesiæ ea feliciter præterimus. Inde in Photinianam Charybdim non incidimus. Inde nullo modo in illud barathrum, quasi Dathan et Abiron, id est, in profundum mortis Ursacii et Valentis non incurrimus. Inde Arium archipiratam, qui nos per mare sæculi ad instar Pharaonis insequitur, non timemus; illam stellam servantes in cælo, quæ Magos perduxit ad Christum,

quimur.

(12) Sic vet. edit. ac mss.: edit. vero Rom. locum ita transposuerat, *Quod sit callidior omnium... apparet quod est diabolus: qui, etc.*

per quam nos regnum Dei, qui malorum omnium A
futurus est portus, exspectat. Inde nunquam nos de
hac navi Ecclesiae præcipitatos Marcion ille cetus
absorbuit. Inde Sabellius pirata non cepit. Inde no-
bis aquilo nocere non poterit, quamvis inde sint
antichristi violenta flabra ventura, sicut scriptum
est: « Ex aquilone exardescunt mala (*Jerem. 1,*
14). » Inde syrtes gentilium, et periculosas hære-
ses et scopulos evitamus, quos superjacens aquæ
tenuis occultat allapsus, quia hæretici sub prætextu
nominis Christiani, absconsa perfidiæ saxa fallaci
confessione oris obducunt, in quæ homines, dum
illis quod Christiani sint, fides habetur, impingunt.

12. Hæc ergo navis Ecclesia est, quæ etsi quoti-
die sæculum istud tanquam aliquod pelagus sortitur
infestum, nunquam eliditur ad saxum, nec mergi- B
tur ab profundum. Navem autem Ecclesiam esse
divinis testimoniis probamus, sicut ait: « Illic trans-
ierunt naves Tharsis (*Psal. XLVII, 8*), » et alibi:
« Adversus omnem navem maris (*Isa. II, 16*), » quia
sunt Ecclesiae sæculi, quæ totam sibi spem, quod
fit in hoc tempore, non tam de Deo, quam de pote-
statibus hujus sæculi repromittunt.

13. Sed quod ait, « Vias navis navigantis, » pro-
prie significat quod in tempore miro modo persecu-
tionis comprehendere omnino non posset, quemad-
modum vivida per interitum, et dives per damna
reddatur, sicut ait ex persona ipsius Psalmographus:
« In tribulatione dilatasti me (*Psal. IV, 2*). » Quæ
ob hoc multis in locis aut soli comparatur, aut lu- C
æ: quæ etsi tunditur, non movetur: et si movea-
tur, resurgit.

14. « Et vias, ait, viri in juventute. » Vir iste,
Christus Dominus noster est, sicut in Actibus apo-
tolorum scriptum est: 454 « Viri Israelitæ, au-
dite hæc verba: Jesum Nazarenum virum a Deo
electum in vobis, virtutibus et signis et portentis
approbatum (*Act. II, 22*), » et Apostolus: « Ut omnes
in virum perfectum occurrere possimus, in mensu-
ram Christi (*Ephes. IV, 13*); » et alibi: « Destinavi
vos uni viro virginem castam exhibere Christo (*II*
Cor. XI, 2). » Illic est vir cujus viæ cognosci in
juventute non possunt. Quis enim æstimare animo
possit, aut capere quanta ille opera exereuerit, cum
secundum hominem moraretur in terris? quæ iti-
tera virtutum duxerit? in quas vias beneficiorum D
circa humanum genus fuerit ingressus, dum clau-
dis pedum restituit firmitatem, dum cæcis lumina
missa reddit, aut imponit condita, dum eloquium
præstat mutis, et surdis insinuat auditum, dum
argum sanguinis fluxum siccat in Martha, dum
læmiones pellit ex Maria, dum corpus redivivi spi-
ritus calore constringit in Lazaro, et quod mors
ibi vindicaret ad pœnam, lux denuo recepit ad
vitam? Quid ille solidus gressus in fluctibus, quid
reliquiæ de paucis panibus plus superesse, saturata
multitudine, quam fuisse? Quid inopem in vino
Galilæi conjugis apparatus, sed Domini operibus
pretiosum? Et alia multa, sicut in Evangelio di-

ctum est, quæ si omnia scripta essent, mundus ea ca-
pere non posset (*Joan. XXI, 25*). Aut quid postremo
descensus ad inferos, aut ascensus ad cœlum? Quid
illud quod in passione ipsius integram lucis con-
suetudinem sol habere non potuit; ut taceam ruptum
velum lapidem revolutum? Hæ ergo viæ sunt in
juventute, quas non tam deprehendere propheta,
quam enarrare se non posse testatus est.

15. Tales hic etiam dicit « vias meretricis, quæ
posteaquam abluta est, dicit se nihil mali fecisse
(*Prov. XXX, 20*). » Meretrix ista Ecclesiae typus est,
aliquando in gentibus constituta, idolorum cultibus
vitiata, quam vanæ superstitionis stupra polluerant;
quam falsorum deorum adulteram fecerat multi-
tudo: lascivosque ac turpes incompositis motibus
B saltus nemorum et lucorum inculta lustrabat, de-
dita luxuriæ, pompæ gentilium mancipata. Hanc
posteaquam Dominus noster Jesus Christus puro
baptismatis fonte perfudit, ablutionem et criminis
accepit et nominis per gratiam fidei. Post meretri-
cem fit virgo, quia uni se destinavit Sponso. Nam
et Raab illa meretrix Hierichuntis, quæ speculato-
res Jesu Nave excepit hospitio, et quod signo cocci
signata est, qui color figuram Christi sanguinis
indicabat, et quod eversionem civitatis evasit (*Josue*
VI, 25), Ecclesiae typum habuit, quæ per sanguinem
Christi ruinam mundi istius secunda non metuit.
Sic enim ait propheta: « Accipe, inquit, tibi uxo-
rem fornicariam, et fac filios fornicationis (*Osee 1,*
2). » Ubique enim, dilectissimi fratres, cultura ido-
lorum fornicatio nuncupata est, ut in Apocalypsi
scriptum est: « Et sinis fornicari servos meos, et
manducare idolis immolata (*Apoc. II, 20*). » Deni-
que Jerusalem civitas illa quondam nobilis Hebræo-
rum, quotiescunque a veritate deflexerat, et idolis
serviebat, statim meretricis vocabulo nominabatur,
sicut clamat Isaias: « Quomodo facta est meretrix
civitas fidelis Sion (*Isa. I, 21*)? » Inde est ergo quod
ait Salomon: « Talis autem via mulieris meretri-
cis, quæ posteaquam abluta est, dicit se nihil mali
fecisse (*Prov. XXX, 20*). »

SERMO XLVII.

In cap. xxx Proverb. de differentia Salomonis et
aliorum prophetarum.

Hoc sermonis fragmentum, statim atque in edit. Rom.
prodiit in lucem, Ambrosii non esse nemo non
advertit; at vero ejus auctorem e tenebris eruere non
tam primum est, nisi quis ex eo quod locus de
meretrice in hoc et in superiori sermone Ecclesie
accommodatus, eodem quoque modo expositus re-
periatur in sermone 2, de Eleemosyna, quem Ma-
ximi esse in sermonum prætermissorum censura
probavimus, omnes eos eidem auctori conjectet as-
signandos. Ad hæc illud adjiciemus huic sermone
a Romanis editoribus multa fuisse partim adjecta,
partim mutata, quæ nos e Vat. cod. restituimus.

1. Ante adventum Christi Salvatoris nostri, pro-
phetæ multi, concepto Spiritu sancto, futura nun-
tiarunt, inter quos et Salomon loco suo et ordine
pro temporibus numeratur: sed inter alios et
ipsum est aliqua distantia. Ideoque cæteri de solo

Spiritu locuti sunt, Salomon autem et de Spiritu A et de adjuncta sapientia est locutus. Denique 455 hoc testatur locutio, quam ex verbis ejus audivimus recitatam, dum inter sapientiam et Spiritum (43) profitetur ignorantiam suam, cum dicit: « Tria sunt, inquit, quæ non intelligo, viam navis in mari, semitam serpentis in petram, et vestigium aquilæ volantis in aera: quartum quod investigare non possum, hoc est, mulierem mœcham, quæ cum semel abluta fuerit, credit se in toto non peccasse (Prov. xxx, 19, 20). » Hæc verba communi sensu quasi de vulgo videntur collecta, sed in omnibus sunt sancta mysteria: tria in Christo, et unum in Ecclesia.

2. Nam quod dixit viam navis in mari se invenire non posse, hoc non est sine mysterio verbum. B Nam quis inter fluctus colligebat viam, quam navis transire potuerat? Navis enim transitu suo undas scindit, et coagulat, ut sciatur quia transit, et non videatur qua transierit. Visum enim habere potest, vestigium facere non potest. Christus est navis, in qua ascendunt omnium credentium animæ, quæ ut tota firmitas in fluctibus habeatur, de ligno (44) fabricatur, et de ferro configitur, hoc est Christus in cruce. Sed quod dicit navem sine vestigio, ideo quia Verbum Dei vehemens per aurem penetravit ad viscera collecto homine suo inter homines nascitur, Maria virgo generat. Transit navis per mare, et nulla in undis vestigia: venit (45) Christus de cœlo, aure concipitur, utero tempore certo portatur. Talis Maria virgo remansit, postquam peperit, qualis fuit antequam Verbum aure concepit. Merito Salomon inter Spiritum sanctum et sapientiam ignorare se dicit, et mysterium indicat quod ignorat (46).

3. Deinde profitetur se non videre semitam serpentis in petra: quod communiter omnibus hominibus patet; quia ætatis tempore cum terra solvitur in pulverem, de latibulo suo egressus serpens, im-

(43) Rom. edit., *testatur lectio... Nam dum quorundam mysteriorum propriam profitetur ignorantiam, assignare distantiam videtur inter sapientiam sibi collatam et spiritum. Dicit ergo: Tria sunt mihi impossibilia scire, et quartum quod non cognosco: Semitas navis navigantis, vias serpentis super petram, et vestigia aquilæ volantis, et quartum quod non cognosco, vias viri in juventute. Talis via D mulieris meretricis, quæ cum fecerit, postquam abluta fuerit, nihil dicit se fecisse mali.*

(44) Rom. edit., *inter fluctus ostenderet, vel præscribere viam, qua navis transierit? Navis enim transitu suo undas scindit, et illico se unda condensat ut videatur quia transit, et non sciatur... quæ ut firmitus inter fluctus evehatur, de ligno, etc.*

(45) Eadem edit., *Verbum Dei vivum et efficax per aurem penetrat ad viscera sine læsione, et homine assumpto, Verbum inter homines nascitur sine sui diminutione, et Maria virgo generat sine corruptione. Transit ergo navis... vestigia remanent quia venit, etc.*

(46) Rom. edit., *aure conceperit et utero gestaverit. Merito... et infusam sapientiam distantiam ponit, dum ignorare se per Spiritum sanctum Mysterium*

pressionem corporis sui in terra corrupta potest designare semitam: sed cum ad petram pervenerit, non facit in lapide, quod fecit in pulvere. Sic et serpens diabolus in ipsis natalibus mundi invenit corruptibilem terram, Adam et Evam libenter audientem quæ locutus est (Gen. iii, 1-5). Fecit in auribus semitam, fecit et in pedibus, quibus interdictum fuerat iter ad arborem; fecit et in manibus, quibus contrectata sunt poma: fecit in lateribus, quibus necdum concessæ (47), celebratæ sunt nuptiæ. Tunc serpens potuit in primitivum hominem quasi in pulverem vestigium facere, pervenit ad petram, quæ est Christus (talisenim factus erat Adam, qualis et Christus est ex utero), vidit similitudinem coopertam corpore: sed cognoscere non potuit majestatem (48). Potuit et ipsum tentandum aggredi: sed Christus nec obtemperavit, nec iratus est; quia ira opus est diaboli: sed cum diaboli contempta sunt verba, serpens in petra vestigium non fecit.

4. Tertium vero se non intellexisse testatur (49). Aquila intelligitur Christus, qui volatu suo descendit ad terras. Quod animalis genus non nutritur, nisi primum castitas comprobetur matris, ut apertis oculis, absque palpitatione totum aspiciat solem. Merito enim hoc animal comparatur Salvatore; quoniam cum aliquid rapere voluerit, non vestigiis ambulat terras, sed excelsum eligit locum: sic et Christus alta cruce suspensus, tonante strepitu et terribili volatu impetum ad inferos fecit, sanctosque rapiens ad superna remeavit.

5. Quartum quod dicit de muliere mœcha, hic mulier Ecclesia intelligitur, quæ dudum sequens idola, fornicata ibat (50) post deos alienos: sed ubi, cognita veritate, sedes quas dudum collegerat, cum semel fuerit baptismo lota, carens, credit se nunquam peccasse (51), fit munda, fit nova, deposita conversatione sæculi: moritur diabolo, renascitur (52) Deo.

rium indicat, quod per collatam sapientiam ignorabat. Denique... super petram. Commune est, et omnibus, etc.

(47) Eadem edit., *in lateribus, dum ab eis non ut fuerant concessæ, etc.*

(48) Rom. edit., *Adam de limo, qualis et Christus est ex Virginis utero, vidit hominis similitudinem, sed coopertam corpore cognoscere non potuit majestatem.*

(49) Rom. edit., *testatur, nempe vestigia aquilæ volantis.*

(50) Eadem Rom. edit., *impetum ab inferis fecit... quod dicit de viis viri in juventute et muliere meretricis, hæc mulier... ut fornicaria ibat.*

(51) Rom. edit., *quas dudum elegerat, relinquens, cum semel fuerit baptismo a peccato lota, carens delictis, dicit se nunquam peccasse: at ms. ut in textu, ubi tamen pro sedes, malle sordes.*

(52) Post verba renascitur Deo, Vat. codex designat; at subjungit Rom. edit. *ut scribit Apostolus ad Corinthios: Si quis ergo in Christo nova creatura est, vetera transierunt, ecce facta sunt omnia nova. Denique merito dicit se nihil fecisse mali, quia per regenerationis sacramentum ita sunt ejus abolita*

SERMONES DE SANCTIS.

456 SERMO XLVIII.

In festo sanctæ Agnetis virginis et martyris.

Hunc sermonem hactenus ineditum e tribus mss. prælo commisimus, nimirum Valliclarense, Remigiano atque Regio, in quibus omnibus Ambrosium nostrum præfert auctorem. Tametsi autem persuasum habeamus sancti Doctoris fetum non esse, elegantior tamen nobis visa est eadem opella, quam ut a tineis non vindicetur.

1. Cum in toto mundo virgineus flos Mariæ immarcescibiles coronas innectat, et sceptrigeram pudoris aulam immaculato conservet affectu; eoque integritas perseveravit ad palmam, ut in puellis tropæum sanctitatis arriperet, et per vestigia matris virginis ad cœlestem thalamum perveniret. Hinc est quod annulo fidei Agnes se assertit subarratam, et clamat se amore constrictam. O quam imitabile (53) virginibus virgo tui tradidisti amoris exemplum! o quam sanctum peccatoribus virgineis tribuisti responsum, contemnendo mundi divitias, exsecrando carnis concupiscentias, et solam Christi pulchritudinem adamando!

2. Accedite ad puellam, puellæ, et discite in annis infantiae quales in pectore suo circa amorem Christi flammam accenderit. Dicit se amatori suo servare fidem, et ejus corpus concupiscere solum, qui pro amore omnium mortis non recusavit interitum. Discite, virgines Christi, amorem in puella ferventem, et omnes mundi divitias velut stercorea recusantem. Ideo enim sanctorum per litteras traduntur exempla, ut unusquisque pro qualitate sexus, et pro ætate annorum modum sui propositi teneat, et sicut per virginem virgines, ita et per conjugem conjuges vincere sæculum pro Christi amore studeant, ac repugnatione animi mundi dulcia recusantes, et ejus non recusantes austera (54), ad delectationes perpetuas et ad gaudia æterna pertingant.

3. Hæc dicentes non vituperamus conjugum casta commercia, sed virginum perseverantiam adornamus; non enim virginitas malis rebus superponenda est (55), sed est rebus optimis præferenda. Quæ enim mundis mundior, et sanctis sanctior est, non indiget malarum rerum vituperatione laudari. Sequantur itaque sancta conjugia patriarcharum conjuges in religione positæ, ac divinis litteris informatæ, Saram, Rebeccam, Rachelem, Annam, Sussannam, Sephoram imitentur uxores: Christi vero virgines solam Virginem matrem Virginis luminis subsequantur.

A 4. Hujus pedis equa Agnes beatissima de se magnum pudicitiae excitavit exemplum, cum virginitatem prætulit vitæ, omnemque a se amorem terrenum per amorem cœlestem expellens, tropæum crucis Christi arripuit; et tam contra libidines quam etiam contra universa supplicia fide potius armata quam ferro, fortiter dimicavit et vicit. Aspicit denique blandientem et renuit: minantem, et despicit: incendium attendit, et ridet. Nescit aliquid amare, 457 quod transit; et dum nimis virginitatem diligit, nec ludibria, nec flammam, nec supplicia, nec carnifices metuit: postremo nec gladium furentis persecutoris expavit. Compellitur virgo ornamenta suscipere corporis, sed renuit; quoniam jam susceperat mentis: et quia non de elegantia corporis humani placere studebat, quia timebat de fœditate animæ Domino displicere, dabat interius per fidem suæ mentis candorem, atque pulchritudinem animæ, quam excolebat; et quantum sciebat quod animam suam pulchram faceret, tantum in sua carne erubescere se esse formosam: tantumque studuit displicere carnalibus in carnis aspectu, quanto Christo institit, et ejus angelis complacere.

5. Turbatur juvenis a puella contemptus, et se muneribus complacere posse existimans, aurum, gemmas congeminans, vestes, prædia pretiosa convectat. Sed quia Christi charitas pretium pecuniarum non habet, virgo sacratissima in suo gradu usque ad sanguinis effusionem permansit; quoniam suo illam sanguine subarraverat Christus. Ad concupiscentem igitur revertitur census, et inconcussa virginitas Christo semel oblata perdurat. Discite, virgines Christi, normæ puellaris exempla, et oblata sub specie pietatis munuscula virorum tota intentione respuite, et quasi rabidi canis morsus omni cum gaudio recusate. A quo non receperis quod timeas Dei, non accipias quod diligas mundi: accipe, accipe, virgo, sed quod amori æterno proficiat. Quotiescunque ab homine consecuta fueris censum, sic accipe, ut te Christi sponsam agnoscas. Videt ille intus in mente quid facias, et quam expetenter ejus virgines comiteris attendit.

6. Videte ergo quomodo sequitur Agnes Mariam. Post opprobria nullum potuit penitus formidare supplicium, cui etiam lupanar turpitudinis locus efficitur orationis; et ubi diabolus et ignominiam corruptionis præparaverat, illic eam excipere fecit Dominus coronam suæ virginitatis et palmam. Hoc

peccata, ac si facta non fuissent: nec sunt in Dei memoria, ut Ezechiel propheta testatur, dicens: Vita vivet et non morietur, omnium enim delictorum ejus quæcumque fecit, non recordabitur ei. In hoc namque in mortem se tradidit Christus, ut Apostolus ad Ephesios scribit, ut exhiberet ipse sibi gloriosam

Ecclesiam non habentem maculam neque rugam.

(53) Codex Vallisel. *O quam mirabile est, etc.*

(54) Idem codex, *dulcia recusantes, per austera ad delect., etc.*

(55) Codex Remig., *malis rebus supponenda est, etc.*

est in suis sedibus hostes vincere, captivam duc-
tam virginem ad penetralia regis libidinum, ipsum
regem a virgine, quam captivaverat, victum, et vic-
tum cum virginis triumpho exire; nam qui tenuer-
at, tentus est: qui traxerat, tractus est; qui occi-
dere se putabat, occisus est.

7. Denique ut probemus diabolum a virgine tunc
fuisse victum, illius juvenis factum ad animum re-
vocemus, quem contra Agnetis infantiam sic arma-
verat inimicus, ut nudam faceret trahi ad lupanar
per vulgus, sub voce præconantis ducis, populum
ad libidinem invitantis. Hunc ergo ducem fuisse
diaboli nemo est qui dubitet; et victo duce, popu-
lum esse superatum omnibus notum est: superatis
autem cum suo duce populis, tyrannum teneri cap-
tivum omnibus patet. Constat autem diabolum su-
peratum, quoties contra virginem arma arripuit;
nam exspoliata virgo, crinibus tegitur: et nudata
ab hominibus malis, vestiebatur ab angelis bonis:
et damnata in prostibulo turpitudinis, in gremio
apparuit castitatis. Efficitur oratorium angelorum
locus, qui perditarum fuerat animarum; et ubi sem-
per naufragaverat castitas, illic est coronata virgi-
nitas. Denique populos, quos præco ad libidinem
invitaverat, virgo ad captivitatem obtinuit; et quos
ad eam diabolus inquinatos induxit, illa a se mun-
dos ejecit; omnes namque singillatim ingressi,
unus alterum sustinebat ingressum (56), quem
egressum, dum non crederet mundum, se exhibebat
immundum: sed ingressus ad libidinem, ad ado-
randum Dominum meritis virginis tenebatur; et
exibat inde Dei servus, qui diaboli fuerat servus
intus ingressus; et tot facti sunt Christi cultores,
quot diabolus corruptores se putaverat virginis in-
venisse (57).

8. Remansit itaque juvenis, qui reprobationis hu-
jus auctor exstiterat: qui se putabat defensorem vir-
ginis superare, hic splendorem dum provocaret ad
luxum, vitam quam videbatur habere, amisit; et
mortem quam quærebat, invenit. Succedunt riden-
tibus lacrymæ, et insultantibus finem lamentatio-
nes imponunt. Attendit virgo lugentem judicem, et
quem minantem ante contempserat, nunc deprecan-
tem exaudit. Illico igitur ut cœpit orare pro mortuo,
et a mortuis excitat salvum, qui morti fuerat depu-
tatus; et ad gaudium evocat, qui fuerat præcipita-
tus in luctum. Nam qui incestus fuerat mortuus,
castus **458** exsurgit; et fit prædicator castimonii,
qui persecutor exstiterat castitatis.

9. Ad hæc sacrilegi conturbantur in templis, et
Christum ista miracula facientem non timentes, ex-
citant seditionem ignobilis vulgi; ut ratio quæ sua-
debat finem seditionum, clamoribus pulsa, locum in
mentibus hominum invenire non posset. Pater vero
suscitati filii tristis abscessit et, ut legitur, turbis

(56) Sustinebat, id est, fixo vestigio manebat, et
exspectabat.

(57) Desunt in cod. Remig., et tot facti sunt...,
virginis invenisse.

A furentibus vicarium dereliquit. Virgineo itaque cor-
pori stridentes præparavere flammæ, sed corpus
quod incendia libidinum superaverat, refrigerium
in mediis flammis invenit: et quæ ad hoc focus
ingressa fuerat, ut arderet, cœpit per sanctam vir-
ginitatem algere; ut disceret virginitas flammæ
sibi et incendia penitus dominari non posse.

B 10. Nec illos periisse æstimes, quos pro nomine
Christi consumpsit incendium; nam cum legeris
Eliam ignibus raptum, et pueros tres in mediis igni-
bus nulla ratione consumptos: aut quia Lauren-
tium craticula consumptum recolis, et Agnem sicut
Theclam flammæ globos evasisse cognoscis,
nullam in his suspiceris varietatem fidei tunc fuisse;
una etenim fides sanctos Dei in passione exercuit,
et diverso genere gloriarum reddidit utrobique vic-
tores. Nam qui consumptus est martyr, exsultat:
et qui evasit victor, exsultat: et Isaiam sectum
martyrem fecit, et Daniele leonum rabiem mor-
susque contemnentem, probatissimum Deus confes-
sorem expressit: quo facto utrosque diaboli ostendit
esse victores; unus enim moritur et triumphat,
alius evadit et regnat.

C 11. Veni jam, virgo, ad thalamum quem quæstisti:
et pro amore sponsi gladium percussoris admitte; ut
sponsam te virginitas immaculata comprobet Chri-
sti, et martyrem confessio probata consignet. Felix
caterva virginum, quibus studium est tuæ confes-
sionis sequi vestigia; habebunt enim tecum coro-
nam in cœlo, quæ tecum superaverint inimicum in
mundo. Nam sicut tibi Mariæ vestigia prosequenti
participatio æternæ remunerationis apparuit, ita his
imitantibus æterna credimus gaudia non neganda.

SERMO XLIX.

In Natali SS. Cantii, Cantiani et Cantianillæ.

*Martyrum, in quorum laudem habitus est hic sermo
festum v Nonas Apriles in Romano martyrologio
renuntiatur: ad quem locum card. Baronius ob-
servat in Notis suis hunc ipsum sermonem Am-
brosio perperam attributum, cum sit Maximi,
cui iudicio calculum nostrum lubentes adjungi-
mus.*

D 1. Hodie beatissimorum Cantii (58), Cantiani et
Cantianillæ natalis est. Quam bene et jucunde tres
martyres uno pene vocabulo nuncupantur! Nec
mirum si similes sunt nomine qui sunt similes pas-
sione; si una est illis apud homines appellatio quibus
apud Deum est una vocatio (59); uniter enim vocati
sunt a Domino, non interposito tempore aliter et ali-
ter passi, sed omnes eodem ictu pariter martyrium
pertulerunt. Quod quidem illis parentiva quadam a
Christo affectione concessum est; ut congruerent
meritis, qui vocabulis concordabant: et qui erant
consanguinitate fratres, fierent etiam sanctitate
germani; et quorum membra unius corporis sub-

(58) Codex Gall., beatissimorum Cabelli cum tribus
parvulis Cantii, etc.

(59) Idem codex Gall., una professio.

stantia vegetabat, eorum animas ejusdem fidei confessio coronaret.

2. Refert autem de beatis supradictis historia, quod tempore passionis, cum eos persecutor inquireret, ascenso vehiculo, junctis mulabus, eos secedere voluisse: et cum non longe ab urbis mœnibus iter agerent (60), unum animal de subjunctis subito corruisse, atque ita illos a persecutoribus comprehensos, tentos ad pœnam (61).

3. Quod factum quam gloriosum sit, et a divinitate dispositum, debemus advertere. Semper enim Deus, quos elegit, hos victores subvectione sublimi in aulam regni cœlestis inducit. Nam sicut Elias curru applicito quasi ascendit ad cœlum (*IV Reg. 11, 11*), ita et isti, vehiculo admoto ad martyrium pervenerunt: et quadriga sicut illum evexit ad requiem, ita hos portavit ad gloriam. Et quamvis illa ignea quadriga fuerit, hæc tamen inferior non habenda est, quia illa unum gestavit prophetam, hæc tres martyres sustentavit.

459 4. Sed dicit aliquis: Gloriosius gestavit quadriga ignea quam terrena. Nec hoc plane defuit sanctis viris; nam sicut Eliam ignea quadriga portabat, ita et martyres fides ignea jam ferebat. Ferebat, inquam, illos Christus qui lumen est, qui ignis est, de quo scriptum est: « Dominus ignis consumens est (*Hebr. 12, 29*). »

5. Ergo cum beatos, de quibus loquimur, persecutor urgeret, vehiculum conscenderunt. Qua causa? Ut fugerent? Absit. Non ut fugerent; sed ut ad martyrium citius pervenirent; non ut latitarent, sed ut Christianos se cunctis transeuntibus manifestius approbarent. Cæterum occultius inter plures in civitate latere potuerant, tutius per diversa singuli fugæ præsidium commendare. At vero ubi quis congregatione habita, stratis vehiculis, apparatu disposito per aggerem publicum egreditur: illie non fuga dicenda est, sed profectus est. Sancti enim viri hoc facto velut in triumphali curru positi contestabantur dicentes: Ecce persecutor, ecce proficiscimur, ecce præcedimus; quid resides (62)? quid moraris? Subsequere nostra vestigia; nolumus enim videri inviti ducti ad pœnam, qui præcedere nos profitemur ad gloriam.

SERMO L.

In Natali sancti Joannis Baptistæ.

Comparationes in hoc sermone inter Christi ac præcursoris ejus natalem institutæ, in nonnullis Augustini sermonibus reperiuntur, unde illas in hunc transferre potuit auctor. Quamvis vero idem ab Ambrosii stylo non tam discrepet, quam plures alio-

(60) Gall. cod., *antecedere voluisse, et cum voluissent ad urbis mœnia iter agere.*

(61) Idem codex, *comprehensos ad pœnam.*

(62) Codex Gall., *dicentes: Ecce præcedimus, quid resides?*

(63) Codex Germ., *omnium nativitatem ex promissione.*

rum, satis tamen in eo discriminis observare nobis videmur, ut ipsum sancto antistiti abjudicemus.

1. In sancti ac beatissimi Joannis Baptistæ laudibus, cujus natalem hodie celebramus, quid potissimum prædicem, nescio: utrum quod mirabiliter natus sit, an quod mirabilius sit occisus? Natus enim est in prophetia, in veritate percemptus est: nascendo annuntiavit Salvatoris adventum, moriendo condemnavit Herodis incestum. Vir enim sanctus et justus, et qui præter communem hominum nativitatem ex repromissione (63) generatus fuerat, hoc de Deo meruit, ne communi cum cæteris de sæculo morte discederet: sed corpus quod, Domino donante, susceperat, Dominum confitendo deponeret.

2. Ergo Joannes per omnia voluntatem Dei fecit; quia propter opus Domini et natus est et defunctus. Nam ut nativitatis ejus seriem breviter repetamus, cum essent pater ejus Zacharias et mater ejus Elisabeth ætatis senectute defessi, et nulla filiorum prole gauderent; procreandi etiam illis liberos tempus florentissimum præterisset, ita ut de suscipienda jam sobole ipsa etiam eos vota deficerent, subita per angelum repromissione donantur, et nasci Joannem Gabriel sanctus annuntiat dicens: « Ne timeas, Zacharia, ecce exaudita est deprecatio tua, et uxor tua Elisabeth concipiet et pariet filium (*Luc. 1, 13*). »

3. Exaudita est, inquit, oratio tua, unde intelligimus quod Joannem Zachariæ justitia magis orando genuerit, quam Elisabeth senectus procreando susceperit (64). Hinc, inquam, intelligimus quod Joannem obsecratio creaverit, non voluptas. Cum enim materni uteri viscera ætatis senectute frigerent, et fessa jam corporis membra fecunditatis gratiam perdidissent, contra impossibilitatem corporis, contra sterilitatem viscerum, Zachariæ precibus Elisabeth uterus intumescit, et concepit Joannem non natura, sed gratia. Unde necesse erat sanctum nasci filium, qui non tam complexibus, quam orationibus gigneretur (65).

4. Minus autem mirari debemus quod tantam Joannes gratiam in nascendo meruerit; debuit enim præcursor et prævius Christi aliquid simile habere nativitati Domini Salvatoris. Siquidem Dominus de Virgine gignitur, Joannes de sterili procreatur: ille de adolescentula immaculata depromitur, hic de vetula jam fessa generatur (66). Habet ergo et hujus nativitas aliquid gloriæ atque miraculi. Quamvis enim vilior partus mulieris videatur esse quam 460 virginis; tamen sicut Mariam suspicimus, quod virgo pepererit, ita Elisabeth miramur, quod ancilla procreaverit.

(64) Omnes edit. cum mss. duobus, *procurando susceperit; melius cod. Lugd., procreando susceperit.*

(65) Unde necesse erat.... gigneretur, deest in mss. Germ.

(66) Vet. edit., *ille de adolescentula: iste de jam*

5. Quod quidem factum mysterium aliquod arbitror continere, ut Joannes, qui veteris Testamenti figuram gerebat, senis mulierculæ frigido jam sanguine nasceretur: Dominus autem qui regni cœlestis Evangelium prædicaret, ferventis juvenulæ flore progrediretur. Maria enim, conscia virginitatis, miratur fetum visceribus involutum: Elizabeth autem, conscia senectutis, erubescit partu uterum prægravatum (67); dicit enim evangelista: « Occultabat se mensibus quinque (*Luc. i, 24*). »

6. Illud autem quam mirandum, quod idem Gabriel archangelus utriusque nativitatis officium repræsentat? Zachariam solatur incredulum, confidentem Mariam cohortatur. Ille quia dubitavit, vocem perdidit: hæc quia statim credidit, Verbum salutare concepit.

7. Hoc etiam in laudibus Joannis minime tacendum videtur, quod nondum natus jam prophetat, et adhuc in materni uteri sinibus constitutus, adventum Christi, quia voce non poterat, gaudiis confitetur. Dicit enim Elizabeth ad sanctam Mariam: « Simul ut facta est vox salutationis tuæ in auribus meis, exsultavit in gaudio infans in utero meo (*Ibid. 44*); » exsultat enim Joannes antequam nascatur, et priusquam mundi oculis habitum recognoscat, jam spiritu mundi Dominum recognoscit. In quo arbitror propheticam convenire sententiam, quæ dicit: « Priusquam te formarem in utero, novi te; et priusquam exires de vulva, sanctificavi te (*Jerem. i, 5*). » Unde mirari non debemus quod ab Herode in carcere clausus (68), Christum semper suis discipulis intimavit; cum etiam clausus in utero eundem Dominum gestibus prædicavit.

SERMO LI.

De prærogativa ejusdem S. Joannis Baptistæ.

Ejusdem auctoris hunc sermonem esse, cujus et superiore cum ex stylo conjici potest, tum etiam ex eo quod eidem proxime subjicitur in vet. edit. ac mss. Illud porro quod a num. 5 usque ad finem de Joannis magnitudine dicitur, ex Ambrosio in Lucam lib. II, num. 110, imitari ac proprio ingenio pertractare potuit sermonis auctor: ex eo autem hoc ipsum mutuari, qui sermonem 197 Append. August. ubi hoc fragmentum integrum exstat, consarcinavit; non enim uterque ab eadem manu profectus videtur, et minus hic noster refert centonem, quam supradictus.

1. Sancti Joannis Baptistæ natalem hodie prosecuturus tacere vellem, et laborem atque imperitiam meam silentio coercere: sed ipsa vis nominis ejus minime me silere permittit: nam nuncupatio vocabuli ipsius, pectoris nostri urget secreta, silentii nostri resolvit arcana, et quod dissimulatione reticetur, admiratione compellitur. Si enim pater Zacharias cum eum nominavit, vocem recepit (*Luc.*

fessa generatur; Rom. et cod. Lugd. ac Theod. ut in contextu, nisi quod illa exhibet, immaculata promittitur iste, etc.; ms. vero Germ. a Theod. eo tantum dissidet, quod pro adolescentula præfert virgine.

A 1, 64): quanto magis cum laudamus illum, eloquium promeremur? et si illius os cum in sæculo nasceretur aperuit, quanto magis cum pro Christo patitur, ora nostra fecundat?

2. Cum enim Zacharias pater ejus propter incredulitatem nativitatis illius ab angelo Gabriele silentii esset taciturnitate multatus (*Ibid. 20*), et jam diu mutus verborum dispendio mentis secreta velaret, subito nato Joanne filio, cum apud proximos esset contentio quo nomine vocaretur, offeruntur patri tabulæ; ut vocabulum ejus pro suo arbitrio ipse describeret, et quod sermone non poterat, litteris loqueretur: tunc mirum in modum acceptis pugillaribus ut stylum figeret, linguam resolvit, ac litteras sermone prævenit, et Joannem non testatus est, sed locutus.

3. Videte igitur sancti Baptistæ meritum, vocem patri reddidit, sacerdoti eloquentiam reparavit. Videte, inquam, meritum: os quod angelus alligaverat, Joannes absolvit: quod Gabriel obstruxerat, parvulus reseravit: quanquam et ipse sit angelus, sicut scriptum est de eo: « Ecce mitto angelum meum ante faciem tuam (*Malach. III, 1*). » Respicite igitur Joannem, **461** quanta vis sit ejus vocabuli, cujus nuncupatio reddidit muto vocem, patri pietatem, populo sacerdotem. Prius enim erat tacens lingua, sterilis filio, privatus officio: at ubi Joannes nascitur, fit repente pater, propheta, vel pontifex; loquela usum recipit, prolem affectio suscipit, sacerdotem functio recognoscit.

C 4. Cum ergo tanta vis sit ejus vocabuli, dicturi de eo, etsi tacere volumus, silere non possumus; ipse enim Joannes vox clamantis dicitur. Quis igitur, qui vocem laudet, et taceat? clamorem admiratur, et mutus sit? Ait enim ipse de se: « Ego sum vox clamantis in deserto (*Joan. i, 23*). » Videte quid dixerit; non enim ait tantum: Ego sum vox, sed et clamantis vox: scilicet ut ad fidem consequendam vox aures penetret, clamor corda concutiat: vox regnum prædicet, clamor judicium comminetur.

5. Magnus igitur Joannes, cujus magnitudini etiam Salvator testimonium perhibet, dicens: « Inter natos mulierum major non est Joanne Baptista (*Luc. VII, 28*). » Præcellit cunctis, eminet universis, antecedit prophetas, supergreditur patriarchas, et quisquis de muliere nascitur, inferior est Joanne.

D 6. Sed debemus diligenter inquirere, cur ita Dominus dixerit, hoc est: « Inter natos mulierum, » et non potius dixerit: Inter filios virorum non est major Joanne, cum utique mulieres natos sine viris habere non possint. Hoc autem dixit, quia numerosior est proles mulierum quam virorum; est enim mulieris filius, qui viri filius non est. Denique sancta

(67) Edit., partum utero prægravato; melius mss., partu uterum prægravatum.

(68) Ita mss.; at edit. omnes, missus in carcerem, clausus, etc.

Maria genuit filium, qui patrem hominem non haberet; Dominus enim est mulieris filius, et viri filius non est, sicut dicit Apostolus: « Factum de muliere (69), factum sub lege (*Galat. iv, 4*); » ut qui matrem in terris habet, Patrem haberet in cœlis. Ergo in laudem Joannis fecundioris sexus generatio ponitur, ut nullius ab eo nativitas separetur.

7. Dicit forte aliquis: Si inter natos mulierum major est Joannes, numquid etiam major est Salvatore? Absit; Joannes enim natus mulieris, Christus autem virginis natus est: ille corruptibilis uteri sinibus effusus est, iste impollutæ vulvæ flore progenitus. Ideo autem cum Joannis nativitate Domini generatio deputatur, ne Dominus extra veritatem (70) videretur esse conditionis humanæ.

SERMO LII.

De vita ejusdem sancti Joannis Baptistæ.

Hic sermo tametsi a Gratiano et Ivone sub nomine Ambrosii citatus fuerit, nihil tamen præ se fert Ambrosii: sed nec quidquam affinitatis habet cum superioribus, quemadmodum ex ejus exordio, nec non ex eo quod longissime ab illis in Gall. cod. disjungatur, patet. Quin etiam si quis attentius illum discussserit, eundem comperiet laciniis constare hinc inde sumptis; quandoquidem quod eo legitur de sanguine Abel clamante, infra in sermone 59 reperitur, et quod hic de concubinis, monachis clericisque disputatur, petium videtur ex sermonibus Cæsarianis 292 et 293 Append. August. aliisque nonnullis.

1. Diximus superiori Dominica, cum silentii nostri veniam peteremus, quod pro salute communi, sacerdotibus etiam tacentibus, doctrina evangelica non taceat, et quod silentium eorum suppleret divina sententia; semper enim divina Scriptura loquitur et clamat, sicut scriptum est de Joanne: « Ego sum vox clamantis in deserto (*Joan. i, 23*). » Non enim tantum in illo tempore clamavit Joannes, quo pharisæis annuntians Dominum Salvatorem, dixit: « Parate viam Domini, rectas facite semitas ejus (*Matth. iii, 3*); » sed et hodie clamat in nobis, et vocis suæ tonitruo deserta nostrorum concutit peccatorum. Ac licet sancta martyrii morte dormierit, vox tamen ejus vivit; dicit enim et nobis hodie: « Parate viam Domini, rectas facite semitas ejus: » semper enim Scriptura divina clamat et loquitur.

2. Unde et ad Cain dicit Deus: « Vox sanguinis fratris tui clamat ad me (*Gen. iv, 10*). » Nulla utique sanguinis vox est, sed clamare dicitur sanguis, qui innocens effusus est, non tam voce quam causa; et interpellare Dominum non persecutione eloquii, sed indignatione commissi; ac reatum suum non tam verborum accusare sermonibus, quam conscientia ipsius **462** criminatione constringere. Quamvis enim malum factum si in verbo producat, excusationem fortasse recipit, nisi conscientia revoce-

tur, non potest excusari. Conscientia enim reum suum (71) semper tacita sine contradictione convincit et judicat.

3. Hodieque ergo Joannes clamat et dicit: « Parate viam Domini, rectas facite semitas ejus. » Parare ergo jubemur viam Domini, scilicet non aggerem itineris, sed fidei puritatem; Dominus enim terrenam semitam carpit, sed per secreta mentis incedit. Si quid igitur in hac via fuerit moribus asperum, crudelitate durum, conversatione pollutum, jubemur mundare, exæquare, componere; ut superveniens Dominus non offendant in nobis, sed magis reperiat viam castitate puram, proclivem fide, eleemosynis eminentem. Quod autem tali itinere incedere soleat Dominus, Propheta describit, dicens: « Iter facite ei qui ascendit super occasum, Dominus nomen est ei (*Psal. lxxvii, 5*). »

4. Sed videamus, ipse Joannes qui parare viam Domini jubet, quam ipse viam paraverit Salvatore. Per omnia plane, adveniente Christo, tramitem viæ suæ composuit et direxit. Nam fuit utique jejunos, humilis, parcus et virgo; omnes enim has virtutes ejus evangelista describens ait: « Ipse autem Joannes vestitum habebat de pilis camelorum, et zona pellicea circa lumbos ejus. Esca autem ejus erant locustæ, et mel silvestre (*Matth. iii, 4*). » Quæ igitur major humilitas in propheta (72), quam contemptis mollibus indumentis, pilorum asperitate vestiri? Quæ devotior fides, quam præcinctum zona paratum esse semper ad omne servitutis obsequium? Quæ præclarior abstinentia, quam spretis vitæ hujus deliciis, stridulis vesci locustis ac melle silvestri?

5. Quæ omnia hæc quoniam prophetæ usui erant, arbitror in his ipsis prophetiam fuisse. Nam utique cum prænuntius Christi vestimentum habebat camelorum asperitate contextum, quid aliud significat, nisi quod ipse Christus adveniens usus esset indumento humani corporis, quod erat peccatorum asperitate densatum: et quod velut immundissimæ bestię, hoc est gentilis populi, circumdatus exuviis, deformitatem ejus ipse gestaret? Zona vero pellicea quid aliud demonstrat, nisi hanc fragilem carnem nostram, quæ ante adventum Christi dominabatur ad vitia, post adventum ejus restrictam esse ad virtutem, ut quæ ante luxuriando dilatabatur in pinguedinem, nunc abstinendo attenuaretur in pellem?

6. Exitum vero ejus quam beatum legimus, scilicet quod psaltria regis filia post illam mimicam voluptatem (73) caput ejus petierit? Quid mirum si psaltria occidit prophetam (*Marc. vi, 27*)? Scimus quia luxuria semper est inimica justitiæ, et iniquitas sine cessatione persequitur veritatem. In quo facto grande mysterium continetur; nam utique ipsa

(69) Codex Theod., *Natum de muliere.*

(70) Idem codex, *ne Dominus extra naturam.*

(71) Omnes edit., *Conscientia enim reatum suum:* codex Lugd.... *reum suum.*

(72) Vet. edit., *major causa humilitatis;* Rom. et cod. Lugd., *major humilitas.*

(73) Codex Lugd., *post illam inimicam voluptatem.*

psalteria Synagogæ est comparanda, quæ Christum, A
dum luxuriatur, occidit. Quod autem ista psalteria
Synagoga sit, dicit Dominus ad Judæos: « Cantavi-
mus vobis, et non saltastis (*Matth.* xi, 17). »

7. Cur autem a Joannis corpore caput ablatum sit, manifesta res est Joannes, sicut Scripturis astruitur, typum Legis gerebat: de Domino autem legimus, quia viri caput Christus est (*I Cor.* xi, 3). Ergo cum a Joannis corpore caput ejus aufertur, Christus quodammodo a Judæis legis cultoribus separatur. Remansit enim illis sine Salvatore lex exanimis et truncata; nam ex eo utique Judæi divina non sapiunt, ex quo sine capite esse cœperunt.

8. Iter igitur facit Domino, qui inter cæteras continentiæ virtutes matrimonii limitem non excedit, nec conjugii præscriptum terminum adulterina permistione commaculat. Sunt enim nonnulli qui cum legibus uxores duxerint, contra Divinitatis legem sibi sociant concubinas, non intelligentes quod contrahendo matrimonia, propriis se vinculis constrinxerunt: qui enim legibus duxit uxorem, profitetur se contra legem non esse facturum. Reum ergo ipse se statuit, qui adhibendo sibi adulteram, jus pollicitationis excedit.

9. Sed dicit aliquis: Uxorem non habeo, et ideo mihi ancillulam sociavi. Audi quid dicit Scriptura ad Abraham: « Ejice ancillam, et filium ejus; non enim hæres erit filius ancillæ cum filio liberæ (*Gen.* xxi, 10), (32, q. 4, c. *Dicat aliquis*). » Si igitur ancillæ filius hæres non est, ergo nec filius est. Cur ergo quæritur tale conjugium, de quo susceptus filius nec successionis possit hæres esse nec **463** sanguinis? Nec enim habere potest hæreditatis consortium, qui non habet originis privilegium. Cur, inquam, quæritur tale contubernium, de quo nati filii non matrimonii, sed testes sint adulterii? Cur hujusmodi suscipiuntur adulterini, qui patri pudori sint, non honori? Dicit Scriptura: « Adulterorum alii non initiati erunt, et ab iniquo thoro semen exterminabitur (*Sap.* iii, 16). » Mulier igitur tua si talibus moribus prædita est, ut mereatur consortium, mereatur et nomen uxoris: præsta concubinæ tuæ libertatem et nomen uxoris; ne tu adulter sis potius quam maritus.

10. Sed et ille iter facit Domino christianus, qui D
professionis suæ exhibet ei fidele servitium, et castitatem quam promisit, custodit tam mente, quam corpore. Sunt enim plerique qui singularem vitam proponentes, singuli esse non possunt, sed quærunt sibi contubernia, atque utinam fratrum. Invenisti Christianum (74) monachum, cui cum fratre non convenit, et libentius ei convenit cum sorore: qui non sequitur seniore[m] utilia commonentem, et sequitur adolescentulam incongrua cachinnantem;

(74) Lugd. cod., *Inveni etiam christianum*, etc.

(75) Codex Lugd., *sacerdotem exigis pat., et te non exigis*, etc.

(76) *Quis enim.... debet celebrare*, in nostris om-

ejus etsi sincerum corpus sit, anima non potes
esse sincera.

11. Sed et ille clericus iter Domino facit, qui secundum Evangelium vivit, et per omnia obtemperat sacerdoti; aliquanti enim cum sint minus subditi, moleste ferunt, cum a senioribus arguuntur. Dicunt: Graviter irascitur episcopus, patientio esse deberet. Audi ergo, optime clerice: Sacerdotis exigis patientiam, et tui non exigis (75) disciplinam? Nescis quia mihi salutis causa arguere aliquando permissum est, tibi nunquam peccare concessum est? dicit enim Apostolus: « Increpa opportune, importune argue (*II Tim.* iv, 2). » Esto ergo in omnibus subditus sacerdoti, si vis eum esse mansuetum.

B

SERMO LIII.

In natali sanctorum apostolorum Petri et Pauli.

Huic sermoni nihil omnino inesse deprehendimus Ambrosiani styli; et quamvis in mss. quibusdam sancti Antistitis nomine inscribatur, in antiquioribus tamen nemini tribuitur. Posset forte an veteris auctoris inde putari, quod numerosæ pagavorum conversiones dicantur factæ, nisi commodius ad apostolorum prædicationem hæ referrentur.

1. Natalem beatissimorum apostolorum Petri et Pauli hodie celebrantes, fratres charissimi, diversis epulis nos reficere debemus, et tantam festivitatem magna cum lætitia celebrare. Quis enim talium virorum solemnitatem non magna cum lætitia debet celebrare (76)? Quis enim talium virorum solemnitate non magnos sibi exhibeat apparatus; ut quo plus expenderit, plus se apostolos confirmet amare?

C

2. Verumtamen non opus est proprio sumptu ad refectio[n]em nostram: nam natali suo sanctus Petrus ipse nos reficit; est enim omnibus copiis refertum vas ejus, quod illi de cœlo esurienti delatum est. Igitur qui esurit, sicut Petrus, reficitur ipse cum Petro. Ut quid ergo præparemus nobis proprium prandium, cum apostolico ferculo saginemur? cur nobis inquiramus terrenas epulas, cum cœlestes copias habeamus? Dicit enim sanctus Lucas in Actibus apostolorum post orationem esurienti Petro circa horam sextam aperto cœlo vas quoddam splendidum velut linteam fuisse delatum, in quo erant omnia quadrupedia et repentia terræ, et volatilia cœli; et dixisse Dominum ad eum: « Petre, surge: immola, et manduca (*Act.* x, 13 seq.). »

3. Ecce Petrus, qui dicit alii: « Aurum et argentum non est mihi (*Act.* iii, 6); » nunc convivii ejus vasculum splendidius est argento: ut qui propter Christum argenti speciem refutasset (77), per Christum argenti nitore ditaretur. Pransuro igitur Petro desunt coquorum apparatus, desunt obsequia famulorum: sed quod est melius, ministeria divina non desunt, et utiliori commutatione sancto viro, quod

nibus mss. desunt.

(77) Cod. Vind. ac Mich., *argenti stipem refutasset*.

deest in terris, abundat in cœlis; ut se reficiat enim Petrus, non cellarium sollicite reseratur, sed cœlum ipsum protinus aperitur. Legimus in Scripturis (78) sanctum Eliam in deserto corvis ministrantibus pastum (*III Reg. xvii, 6*); quanto melius Petrus, cui non parvam escam tetra avis porrigit, sed integrum convivium multitudo angelica subministrat!

464 4. Post orationem ergo esurit Petrus (*Act. x, 10*). Mirandum cur sanctum virum post orationem fames sequatur, cum soleat fames oratione depelli, et esuriens anima non nisi obsecrationibus saginari. Sed puto Petrum post orationem non cibum esurisse hominum, sed salutem; nec inedia vexatum esse corporis, sed inopia credentium laborasse. Cum enim Judaicus populus perfidus et ingratus, B illo prædicante, Christo non crederet, famem quodammodo Petrus sui officii sustinebat; famem enim patitur, qui minime fructum sui laboris assequitur.

5. In cœnaculum igitur ad orationem festinus ascendit (*Ibid. 9*). Bene ait in cœnaculum ad orationem ascendisse Petrum; quia omnis sanctus quando orat, relinquens humilia, vel terrena, in altum mentis extollitur, et in sublime suspensus rapitur, et cogitatione sancta cœlo vicinus efficitur. Atque ibi esurienti illi, hoc est, cogitanti in cordis sui sublimiori loco pro salute Judaici populi, offertur vas diversorum generum animalibus plenum, velut divinitate dicente illi: Tu in Judæos solos esuris, ecce famem fidei tuæ cunctarum gentium C diversitate reficio. Nam utique diversa animalia collecta in uno vasculo diversarum gentium congregatio collecta in una Ecclesia demonstratur: quæ Ecclesia in illius vasculosplendido, dum non habet maculam neque rugam, lintei nitore resplendet. In qua primum animal Deo ex gentibus centurio Cornelius immolatur.

6. De hoc ergo vasculo suo hodie nos reficit Petrus; cum enim videmus gentilium turbas ad fidem christianitatis accurrere, simul cum apostolis gratulamur. Non enim mortui sunt, quorum curamus natalem hodie: sed renati vivunt plane (79); quia participes effecti sunt Christi, qui vita est omnium. Quamvis enim corpora passione cæsa sint, interruptus tamen non est ordo vivendi (80); jugiter enim et Deo gratias agunt, et laudes Salvatori referunt; nisi quod resoluta membrorum sarcina, magis adherent Christo, sicut ait Paulus apostolus: « Dissolvi, et cum Christo esse, multo melius (*Philipp. i, 23*). » Non ergo dicenda est mors, qua interveniente, caremus persecutoribus, et Christo connectimur. Non est plane dicenda mors, quæ Christo

(78) *Iidem cod. omittunt: Legimus in Scripturis,.... subministrat. Et infra: Bene ait ascendisse Petrum.*

(79) *Omnes edit., vivunt pane; omnes mss., vivunt plane. Infra vero edit. Rom. sola, qui panis vita est omnium.*

A mortuum socians, lucrum efficit morientis, sicut ait beatus Apostolus: « Mihi enim vivere Christus est, et mori lucrum (*Ibid. 21*). » Illa autem vera est mors, quæ etiam viventem hominem peccatorum morte constringit: quia quamvis vivere videatur, sceleribus tamen suis morti jam videtur addictus, sicut ait Apostolus de illa deliciosa vidua: « Hæc autem vivens mortua est (*I Tim. v, 6*). »

SERMO LIV.

De neglecta solemnitate beatorum apostolorum Petri et Pauli.

Edit. antiq. et codex Lugd. huic sermoni titulum præfigunt De Margarita. Non quidem recte, sed multo pejus Rom. edit. illum inscribit in Festo S. Luciae, etc., cum de sancta illa in toto sermone nullum sit verbum. Veram igitur inscriptionem e cod. Remig. restitimus. Quod porro ad auctorem hujus sermonis, potest quidem hic idem esse, qui et sermonum 42, 43 et 44; sed qui Ambrosio illum arrogabit, is in Ambrosiana lectione parum versatum se declarabit.

1. Satis ad correctionem vestram arbitror posse sufficere, fratres dilecti, quod anteriore Dominica profecturus, nulla vobis sacrarum litterarum spiritualia dona largitus sim: sed tantum vos increpans et arguens pro peccato, sine aliqua prædicationis consolatione dimiserim. Volui enim vos hoc ipsum intelligere quam graviter peccaveritis, qui divina eloquia audire minime meruistis. Hæc enim sacerdotum vehemens et copiosa vindicta est, indignis quibusque Scripturarum cœlestium sacramenta non credere; nec, sicut ait Dominus, « dare sanctum canibus, neque margaritas projicere porcorum pedibus conculcandas (*Matth. vii, 6*). »

2. Perdit enim cœlestis margaritæ gratiam, quisquis eam fœdissimo peccatori (81) circumdare conatur; gemma enim, sicut ipsi scitis, nisi auro non convenit, margarita nisi pretiosis monilibus non aptatur. Estote ergo aurum optimum, **465** estote monile pretiosum; ut possit in vobis margarita spiritalis includi. Margarita enim Christus est Dominus, quam negotiator ille dives in Evangelio, venditis omnibus rebus suis, emere festinavit (*Matth. xii, 46*), et maluit omnes quas habebat, sæculi gemmas amittere, tantum ut unam Christi emeret margaritam.

D 3. Unde et ego, fratres, pro magnitudine, quo commiseratis, delicti, nolui vobis pandere evangelicæ refectionis eloquia; sed magis ingerere animosæ indignationis injuriam, et prius vos verberibus spiritalibus emendare, ac sic margaritæ ditam muneribus. Malui, inquam, peccatum vestrum in-cusando acriter increpare, quam leniter dissimulando nutrire; quisquis enim fratrem non arguit

(80) *Edit. cum ms. Lugd., ordo viventium; concinnius alii cod., ordo vivendi.*

(81) *Ita vet. edit.; at mss. Lugd. ac Remig. fœdissimo pectori; melius haud dubie, fœdissimo pecori.*

peccantem, quodammodo hortatur ut peccet. Nolo autem putetis quod non de amore faciam, vos sapius verberando; filius enim, qui castigatione dignus est, plus amatur, sicut ait Scriptura sancta: « Quem enim diligit Dominus, corripit: castigat autem omnem filium quem recipit (*Heb. xii, 6*). »

4. Dicite enim mihi si non dolendum fuerit hoc peccatum, sic vos salutis vestræ immemores tunc fuisse, ut beatissimis apostolis Petro et Paulo honorificentiam minime reddideritis, cum ipsos esse sciatis doctores gentium, auctores martyrum, principes sacerdotum: nec volueritis eorum natalem nobiscum festivissimum celebrare, atque illi cœlesti interesse convivio, in quo pro martyrum suorum tanta lætitia, substantiam vitæ ipse nobis Dominus ministravit (82)? Vultis autem scire quantis bonis fraudati fueritis? Interrogate fratres, qui nunc temporis mecum pariter adsuerunt, quam refecti a Dominica mensa dicesserint, vel quales secum domum spirituales divitias reportaverint.

5. Unum scio, quod si quis illa die honoratus aut dives ob natalem filii sui ad decimum usque milliarium ad prandium rogavisset, propter accuratas epulas, et inæquales mensuras absque dubio vos ituros fuisse. Igitur, fratres, quotiescunque martyrum memoriam celebramus, prætermissis omnibus sæculi actibus, sine aliqua dilatione (83) concurrere debemus, reddere illis honorificentiam, qui nobis salutem profusione sui sanguinis pepererunt, qui tanquam sacrata hostia pro nostra propitiatione Domino sunt oblata, præsertim cum dicat ad sanctos suos omnipotens Deus: « Qui vos honorat, me honorat: et qui vos spernit, me spernit (*Luc. x, 16*). » Quisquis ergo honorat martyres, honorat et Christum: et qui spernit sanctos, spernit et Dominum.

SERMO LV.

In Natali SS. Nazarii et Celsi martyrum.

Hic sermo non exstat in edit. Amerb. neque Eras., sed nec in ullis mss. quos quidem videre nobis licuerit, reperitur. Ut autem eum Ambrosii non esse quivis intelligat, cum eo tantum conferenda est Paulini narratio, qua inventas horum martyrum reliquias describit. Etenim inventionem illam extremis tantum sancti episcopi annis asserit evenisse, cum idem sermo jam celebri per omnem Ecclesiam eorum festo habitus fuerit. Colitur ipsorum dies natalis v Kal. Augustas; inventio autem vi Idus Maias. De quibus sanctis consuli etiam potest sanctus Paulinus Carm. 9 in natali S. Felicis.

1. Etiam si martyribus regionis extraneæ pia votorum debita redderemus, propriis consulere utilitatibus et commodis probaremur; nostros enim eos fides faceret, et remotis quamlibet finibus sperata nobis patrocinia corrogarent. Studiorum siquidem sunt hujusmodi suffragia, non locorum, proinde

(82) Omnes edit. et codex Lug., *Dominus' ministravit*; optime Remig., *Dominus ministravit*.

(83) Vet. edit., *sine aliqua dubitatione*; Rom.

apud domesticos Dei tantum intercessionis promerueris, quantum venerationis impenderis. Oportet itaque ut alienos potius nobis devotio religiosa conciliet, quam forte proprios a nobis negligentia irreligiosi teporis alienet.

2. Agnoscamus, charissimi, circa Ecclesiam nostram uberiores divinarum munerum largitatem. Exsultant felices singularum urbium populi, si unius saltem martyris reliquiis muniantur: ecce nos populos martyrum possidemus. Gaudeat terra nostra nutrix cœlestium militum, et tantarum parens fecunda virtutum. Recte itaque et ex debito a filiiis parentis Ecclesiæ horum beatorum martyrum celebrantur insignia, 466 qui illuminantes virtute fidei suæ innumerabiles populos, soli quidem illatam sibi sentire mortem, sed non soli mortis suæ beneficia possederunt. Immensa enim Dei nostri pietas multiplex ad bonitatem, et artifex ad salutem, proponens arduam virtutum palmam, raro appetitore pretiosam, in paucorum triumphis plurimorum commodis prospicit. Illorum siquidem merita nostra vult esse suffragia: simulque dum nobis fidem veram duo martyrii agone commendat, afflictionem præcedentium instructionem efficit posterorum.

3. Quanta est circa nos Dei nostri sollicitudo! Illos examinat, ut nos erudiat: illos conterit, ut nos acquirat; eorumque cruciatus nostros vult esse profectus. Merito ergo eos colimus qui periculis suis pugnant, et nostris utilitatibus militant; qui per lucis vitæque contemptum edocent nos quantum Deo nostro debeamus affectum. Noverimus itaque quia non sine magno discrimine de religionis veritate dubitamus, quam tantorum sanguine confirmatam videmus. Magni periculi res est, si post prophetarum oracula, post apostolorum testimonia, post martyrum vulnera, veterem fidem quasi novellam discutere præsumas, et post tam manifestos duces in errore permanas, et post morientium sudores otiosa disputatione contendas.

4. Congratulamur ergo, dilectissimi fratres, magnæ fidei vestræ, per quam dum exsules proflua charitate suscipitis, etiam incolas paradisi et cœli cives habere meruistis. Beatum itaque Nazarium martyrem Christi sancta Mediolanensis Ecclesia licet totum corpore secum retineat, et mundo tamen totum in benedictione transmisit. Hæc est enim sanctorum martyrum gloria, quorum etsi per universum mundum seminetur in cineribus portio, manet tamen integra in virtutibus plenitudo. Veneramur ergo in tanto Christi milite fidem nostram; mater namque martyrii fides catholica est, in qua iste illustris athleta, sanguine fuso, mortem pro ipsa calcavit. Mater, inquam, martyrii fides est: veneremur ergo in sanctorum martyrum gloria fidem nostram. Quomodo fidem nostram? Ab istis enim dum mortis

et mss. ut nos in textu. Infra vero ubi omnes edit. ac mss. Remig., *tam sacrata hostia*; magis commode codex Lugd., *tamquam sacrata hostia*.

tolerantia indubitanter excipitur, spes immortalitatis evidenter asseritur; nunquam enim hanc vitam tam constanter expenderent, nisi esse alteram incomparabiliter beatiorum perfectam definitionem sentirent. In sanctis itaque præconibus veritatis resurrectionis auctoritas est; prompti enim pereunt in melius reparandi, quibus per angustias tribulationum aperitur exitus ad amplitudinem gaudiorum.

5. Unde et beatus Nazarius, cujus hodie gloriosam de mundi hoste victoriam universalis Ecclesia festa exultatione concelebrat, cum tempore gentilitatis non ignobilibus parentibus oriundus [existere]t, sacrilegi adhuc puer genitoris militiam simul et doctrinam detestari ex improvise cepit: atque ab innocente matre, quæ jam christianæ fidei titulis insignita, Christo sedule insistebat, sacrosanctæ regenerationis fluentia fidelis jam spiritu, ac fide instituta præveniens, demonstrari sibi flagitabat. Nondum siquidem baptismum consecutus, sed inter religionis principia consummatus; et nondum manifestatis sibi legibus, Deo plenus, repente possessio atque habitaculum Dei factus est: atque ita perventuræ usque ad cælos turris prius meruit elevare fastigium (84), quam diserneret fundamentum, nondum sacramentorum conscius, et in sacrificium jam præelectus.

6. Quid ad hæc nos infelices respondere poterimus, qui post nitorem baptismi, post collatum nobis sacra regeneratione candorem, post acquisitam indumenti nuptialis angelicam dignitatem; in peccatorum cœnum relapsi, et in antiqua criminum volutabra revoluti, niveum vestimentum tetriniquitatum ac libidinum contagiis sordidamus: et holosericam, in qua sigillum divinæ imaginis acceperamus impressum, maculis mortiferæ corruptionis infecimus; et post singularem Dei nostri indulgentiam innovata fœdamus, integra rescindimus, expiata violamus, repetentes opera non jam undis purganda, sed flammis.

7. Quid illud, quamque insigne divinæ gratiæ munus, quod accepto jam salutari lavacro, post innumera virtutum signa, post peragratas circumquaque ob Christi prædicationem innumeras regiones; cum pro Dei summi confessione diversa per supplicia adversus eum totus pene orbis baccharetur: et nunc atrocissimis arctaretur pœnis cruciandus, 467 nunc in longinquis finibus transverberetur exsulandus; ita robustissimo Christi athleta pectore tormenta omnia devincebat, ut strenuum de prostrato reportaret hoste tropæum: interque cruenta Cæsaris jussa vasti maris dejectus gurgitibus, ambulare ei divina super aquas concessum est providentia, et rerum obstupescente natura, per insueti itineris novas vias pendulum inferens gressum, tumentia maris dorsa calcavit? Videres æquoreas Sancti substerni meritis undas, supraque

angelicis confortatum alloquiis, in Christi Jesu laudibus exultare. Ecce profanus hostis nunquam beato martyri tantum prodesse obsequio, quantum profuit odio.

8. Sed tandem perfecto agonis certamine, cum Celso puerulo, quem ipse Deo in holocaustum polluto assumpserat ex sæculo, crudeli imperio damnatione absolvitur, gladio consecratur. Felix hic tali exitu; quo omne delictum ita ab eo exiit, ut etiam redire non possit: quo sic debita sua solvit, ne ultra creditorem timeret; quo in se hostium peccata fide clausit, fide damnavit: per quem innocentiam devotione quæsivit; perseverantia invenit, morte servavit.

9. Quæ cum ita sint, charissimi, licet hic tantus Christi testis pretiosus confessione, pretiosior sanguine, crudeli vulnere pretiosior, et tincta veste candidior; licet hic Mediolanensium peculiaris putetur privilegio sepulcri, sed omnium est communionis suffragii. Neque enim istius urbis charitas proflua et fides avara tantum huic martyri derogaverit, dum sibi arrogat; ut solum erga mœnia sua patrocini illius beneficia adfutura esse crediderit. Non clauditur locis, quod diffunditur meritis. Invoctasti ubique martyrem, ubique te exaudivit ille qui honoratur in martyre. Moderante itaque eo, qui pensat vota tua, et dispensat munera sua; in tantum vicina præsentia efficacis præbebitur advocati, in quantum fuerit fides devota suscepti. Oratio enim quæ castitatis, justitiæ, et eleemosynarum operibus adjuvatur, excedit mundum, penetrat paradysum, evolat usque ad ipsum summæ majestatis, angelo conferente, conspectum, sicut quodam loco vox testatur angelica: Et cum tu, inquit, orares, ego obtuli orationem tuam in conspectu claritatis (Act. x, 4).

10. Beata anima, charissimi, cujus votum, cujus compunctionis incensum, cujus supplicationis holocaustum, nulla infidelitate fumidum, nullo carnalis illecebræ fetore pollutum, nulla sævitia cruentatum, nulla odii simultate maculatum: sed fide igneum, conscientia nitidum, sinceritate cordis odoriferum, concordia et charitate perfectum, usque ad Dei vultum per cœlestium nuntiorum defertur obsequia. Quæ cum ita sint, honoremus beatos martyres, principes fidei, intercessores mundi, præcones regni, cohæredes Dei.

11. Quod si dicas mihi: Quid honoras in carne jam resoluta atque consumpta, de qua nulla jam Deo cura est? Et ubi est illud, charissimi, quod ipsa veritas loquitur per Prophetam: « Pretiosa, inquit, in conspectu Domini mors sanctorum ejus (Psal. cxv, 15)? » et iterum: « Mihi autem valde honorificandi sunt amici tui, Deus (Psal. cxxxviii, 17)? » Honorare debemus servos Dei, quanto magis amicos Dei! de quibus alio loco dicitur: « Dominus, inquit, custodit omnia ossa eorum, et unum

(84) Rom. edit., prius elevare fastigium, omisso videlicet, meruit.

ex his non contereretur (*Psat.* xxxiii, 21). » Honoro A ergo in carne martyris exceptas pro Christi nomine cicatrices; honoro viventis memoriam perennitate virtutis; honoro per confessionem Domini sacros cineres, honoro in cineribus semina aternitatis, honoro corpus quod mihi Dominum meum ostendit diligere, quod me propter Dominum mortem docuit non timere. Cur autem non honorent corpus illud fideles, quod reverentur et demones? quod et affligerunt in supplicio, sed glorificant in sepulcro? Honoro itaque corpus quod Christus honoravit in gladio, quod cum Christo regnabit in cælo.

468 SERMO LVI.

De Natali sancti Eusebii Vercellensis episcopi.

In hoc sermone de sancto Eusebio tanquam de martyre agitur, quamvis in confessorum ordine semper reponatur apud antiquos: cætera satis historiæ hujus antistitis idem congruit. Habemus apud Maximum alium sermonem de eodem sancto in multis huic ipsi persimilem, sed sive illi ab eodem auctore, sive a diversis profecti fuerint, hunc non esse Maximi perspicuum est, cum in ipsamet Vercellensi Ecclesia sit pronuntiatus. Ejus vero auctorem antiquum fuisse ex eo patet, quod se, præsertim Exsuperantio, ejusdem Eusebii discipulo, loqui significat. Verum quisquis ille sit, diversum eum esse ab Ambrosio, et alii jam ante agnoverunt, et tota sermonis series abunde probat.

1. Ad sancti martyris Eusebii laudem aliquid addere velle, decerpere est; tam ineffabilium enim doctrinarum magister exstitit, ut merita ejus facilius operibus cognosci possint quam sermonibus explicari. Tantum autem de eo conscientia retinet, quantum oratio et narratio non prævalet (85). Igitur gesta illius non verbis adornanda sunt, sed perstringenda sententiis; præsertim quia nos scimus eam rem comere non debere sermonibus, quam videmus jam comptam esse virtutibus, cum dicat Apostolus: « Regnum Dei non in sermone est, sed in virtute (*I Cor.* iv, 20). »

2. Ergo ad merita ejus aliquid addere velle, decerpere est, me præcipue, qui et ignarus rerum gestarum sim, et litterarum imperitus sacrarum, et rudis sacerdotalium functionum. Potuissent autem (86) prædicare hæc sancti præcessores mei usu facilius, experimento probatius, doctrina præclarior: domnum et patrem specialiter beatum Exsuperantium loquor, qui fuit ejus minister in sacerdotio, comes in martyrio, particeps in labore. In cujus vultu sanctum quoque Eusebium videre nos credimus, et quasi in quodam speculo bonitatis illius imaginem contuemur; facile enim cognoscimus qualis magister fuerit, cujus talem videmus esse discipulum. Sed quoniam confessionis illius similis hunc gloria comitatur, mavult reticere laudes paternas; ne proprias pariter jactare videatur.

3. Quid ergo de martyris Eusebii gloria prædicem,

(85) Codex Theod., quantum oratio enarrare non prævalet.

(86) Ita mss. ac vet. edit.; locum vero Rom. sic

cujus tota plebs ista sit gloria? Et cum dicat Scriptura: « Gloria patris est filius sapiens (*Prov.* x, 1); » quantæ hujus sunt gloriæ, qui tantorum filiorum sapientia et devotione lætatur! In Christo enim Jesu per Evangelium ipse nos genuit. Quidquid ergo in hac sancta plebe potest esse virtutum et gratiæ, in sancti Eusebii magisterio reperitur. Ex hoc autem quasi quodam virtutum fonte lucidissimo rivulorum hæc puritas emanavit. Nam quia castitatis vigore pollebat, propositum virginitatis instituit; quia abstinentiæ gloriabatur angustiis, monachorum introduxit forte servitium; quia blandimentis erat præditus lenitatis, cunctorum civium in Deum provocavit affectum; quia pontificii administratione fulgebat, plures e discipulis sacerdotii sui elegit hæredes. Quamvis igitur nonnulli liberis suis relinquunt auri argentique thesauros, nemo tamen sancto Eusebio ditiores reliquit; siquidem omnes exstiterunt aut sacerdotes, aut martyres.

4. Nam ut cætera taceam, illud quam admirabile est, quod in hac sancta Ecclesia eosdem monachos instituit esse, quos clericos; atque iisdem penetralibus sacerdotalia officia contineri, quibus et singularis castimonia conservatur; ut esset in ipsis viris contemptus rerum, et accuratio Levitarum (87): ut si videres monasterii lectulos, instar Orientalis propositi judicares: si devotionem clerici perspiceres, angelici ordinis observatione gauderes.

5. Illud autem tacendum omnino non arbitror, quod cum Arianorum detestanda perfidia totam cum universo mundo Italiam perturbasset, atque ejusdem pestilentiæ sacerdotes simplicitatem sancti Dionysii martyris captivassent; ita ut subscriptionis ejus vinculum retinerent, qua illum e manibus eorum sapientia liberavit? Sicut enim ait sanctus Paulus: « Factus sum Judæis tanquam Judæus, ut Judæos lucrifacerem (*I Cor.* ix, 20); » ita Eusebius hæreticis hæreticum se esse mentitus est, ut de hæresi filium liberaret. Dixit enim se eorum consentire perfidiæ, hoc sibi placere, quod illis: sed quod sibi filium Dionysium in subscribendo præponerent, graviter 469 se moveri: Vos enim, inquit, qui dicitis Filium Dei Patri Deo æqualem esse non posse, cur mihi filium meum prætulistis? Qua illi ratione permoti, statim sancti Dionysii chirographum deleverunt, priorem locum subscribendi beato Eusebio deferentes. Quos ille increpans et irridens ait: Neque ego me vestris sceleribus polluo, neque filium meum vobiscum participare permitto. Unde cum dicat Evangelium in hac generatione prudentiores filios tenebrarum esse quam lucis (*Luc.* xvi, 8); ecce hic ipsis tenebris prudentior filius lucis inventus est.

6. Tunc illi graviter indignantes, ita nequitiam suam fuisse delusam, novis eum per Constantium contraxit, qui rerum a se gestarum pene ignarus sim. Potuissent autem, etc.

(87) Codex Theod., et accuratio litterarum.

principem passionibus vexaverunt (88); nam post multas injurias orientis plagæ illum exsilio relegaverunt, in quo tanta passus est, ut martyrii invictam gloriam reportaret. Dicitur enim inter cætera passionum genera hoc pœnale passionis supplicium pertulisse, ut dum interrogaretur ab Arianis, et se eorum communicare perfidiæ denegasset, scalarum proclivi tractu supinis pedibus ad imum usque pertraheretur: et iterum revocatus ad summum, interrogatus denuo cum eadem respondisset, eadem pateretur, ac frequentem interrogationem frequenter hujusmodi supplicium fuerit subsecutum. In qua passione sancti Eusebii martyris, licet fuerit quassatum caput, elisum corpus, membra confracta animus tamen fidei mansit invictus. Nam quanto plus illum Ariana perfidia corporaliter lacerabat, tanto magis eum catholica integritas spiritaliter refovebat.

7. Quem quidem scalarum ascensum atque descensum possumus dicere, quem Jacob somnians prophetavit (*Gen. xxviii, 12*); et sicut ille vidit etiam istas scalas ab imo ad cœlestia usque pertinere (*Ibid.*); sic quidem per has et Eusebius ascendit ad cœlum, et Ariani ad inferos descenderunt. Unde, fratres, sanctum Eusebium Machabæorum martyrum choro annumerandum puto. Siquidem illi singulis membris martyrium pertulerint, hic autem totius corporis passione Dominum sit confessus: nec disparem eorum esse gratiam, quos etiam dies una in martyrio copulavit.

SERMO LVII.

De Depositione ejusdem sancti Eusebii.

Qui superiorem sermonem Maximo attribuunt, et hunc quoque eidem putant assignandum. Sed ut memorato Præsuli is astruatur, et ejus stylum, et cum Maximiano sermone in Eusebium secundo cogitationem multo validius argumentum esse judicamus.

1. Depositionem sancti Eusebii hodie celebramus. Quid est depositio? Non illa utique quæ sepeliendis in terra membrorum reliquiis clericorum manibus procuratur: sed illa qua homo vinculis carnalibus absolutus, liber iturus ad cœlum, terrenum corpus exponit. Ipsa plane est depositio, in qua concupiscere abjicimus, cessamus delinquere, peccare desinimus, et totum quidquid salutis est grave, quasi abjecta sarcina oneris, exponimus. Nam ideo hæc dies pro celebritate maxima procuratur; quia vere est summa festivitas mortuum esse vitiis, soli vigere justitiæ; unde et depositio ipsa dies natalis dicitur, quod delictorum carcere liberati, libertati nascimur Salvatoris (89).

2. Sed videatur sanctus Eusebius cum qua gloria

(88) Codex Theod., *passionibus necaverunt.*

(89) Ita vet. edit. ac mss., nisi quod Theod. pro *libertati legit liberi*; Rom. autem edit. neutrum admittit, sed tantum præfert, *nascimur Salvatori.*

(90) Omittit cod. Theod., *iste consequitur. . . . amplius promereatur.* Infra vero ubi omnes edit.,

ad hanc diem depositionis advenerit. Dicitur enim ante aliquantum temporis exitus sui manifesta revelatione vidisse se Kalendis Augusti de monte ad montem volare, et prophetia quadam hoc interpretatus est hæc die exiturum se esse de corpore. In quo facto nescio quid primum sit admirandum, utrum quod meruit exitus sui finem nosse, an quod scire potuerit quæ illum post exitum gratia permaneret. Dicit sanctus David: « Notum fac mihi, Domine, finem meum, et numerum dierum meorum, et reliqua (*Psal. xxxviii, 5*). » Ecce quod Propheta optaverat, Martyr accepit: notitiam quam ille exorat, iste consequitur; nisi quod salva fide dixerim, amplius promereatur (90); ille enim finem postulat nosse, iste etiam ultra finem quid futurus esset, agnoscit: ille usque ad exitum quid desit, ignorat; iste post exitum quid supersit, addiscit.

470 3. Volare ergo se in hac die vidit martyr Eusebius. Sicut scimus, volare non potest, nisi quod purum, leve atque subtile est: cuius nec sinceritas intemperantia retardatur, nec alacritas, nec velocitas mole gravatur. Gravari autem volatum dico, non tam mole membrorum, quam pondere delictorum: unde puto etiam in ipsis avibus ideo velocius columbam pene præ omnibus volitare, quod alacritatem innocentia comitetur (91). Denique sanctus David cum puritate mentis volare concupisceret, non alterius animantis, nisi columbæ optavit alas, dicens: « Quis dabit mihi pennas sicut columbæ et volabo, et requiescam (*Psal. liv, 7*)? » Intelligebat enim quod ad altiora facilius penetratur simplicitate mentis, quam levitate pennarum.

4. Volavit ergo hac die sanctus Eusebius. Æstimemus jam ejus innocentiam de volatu, et puritatem ejus (92) de ipsa elatione judicemus; tanquam columba enim in domo Dei degens, assumpsit spiritales pennas, et requievit in monte. Et licet ipse de monte ad montem volare se dixerit: tamen in ipsa translatione majorem requiem fuisse significo. Quid enim aliud est de monte ad montem volare, nisi de Salvatoris gratia ad Patris gloriam prospere? Ipsi enim sunt montes, sicut dicit propheta: « Mons de monte sine manibus concidentium (*Dan. vii, 35*), hoc est, Filius de Patre, absque ullius creationis accessu.

SERMO LVIII.

De sancto Cypriano.

Hic sermoni alius in eundem martyrem præmittatur, qui in omnibus script. cod. et ant. edit. 72 numerabatur: in Rom. vero edit. de sanctis 18, quem nos ut inter Maximianos editum rejecimus. Cum autem manifestum sit utrumque ab eodem

quid supersit edixit; idem codex reponit, quid supersit addiscit; Lugd., addixit, non recte.

(91) Omnes edit. et cod. Lugd., *quod alacritatem et innocentiam comitetur*: melius cod. Theod. ut in contextu.

(92) Codex Theod., *et pietatem ejus, etc.*

*concionatore fuisse pronuntiatum, utrumque etiam A
eidem Muximo tribuendum esse dubium non est.*

1. Ante dies, cum beatissimi martyris Cypriani celebraremus natalem, suavissime in ejus festivitate jucundati sumus; quia enim hoc vindemiarum in tempore passus est, tanquam et nos de vindemia dulces et varios fructus ex ejus passione collegimus; impinguavit enim nos, et refecit musto martyrii sui. Est enim mustum quod refecit et inebriat Christianum, sed ebrietas illa magis sobrium facit; qui enim inebriatur cœlesti gratia, exsobriatur sarcina peccatorum (93).

2. Hoc namque musto repleti sancti apostoli, sicut ait Scriptura, alienis linguis Dei magnalia loquebantur (*Act. II, 13, 5*). In quo facto pariter ebrii esse videbantur, et sobrii; ebrii enim putabantur, quod in iis loquela (94) præter naturam alte personabat: sobrii erant, quod juxta consuetudinem mentis Deum devotione laudabant. Quod quidem non elatione aliqua aut impudentia contigit, ut viri sancti peregrino sermone loquerentur: sed providentia divinitatis factum est, ut quia ad magnificandum Deum una loquela non sufficit, per plures linguas mentis devotio solveretur.

2. Jucundati enim sumus, quia de vinea Domini sabaoth fructum refectionis accepimus: vinea autem Domini sabaoth, sicut dicit propheta, domus Israel est (*Isa. v, 7*), quæ domus nos sumus. Secundum fidem enim Israelitæ nos sumus, unde dicit Apostolus: « Qui ex fide sunt, ii filii sunt Abraham (*Galat. III, 7*). » Quoniam igitur nos sumus Israel, vinea Domini sumus: videamus diligenter ne ex palmite operis nostri non nascatur dulcedinis uva, sed fellis; ne dicatur nobis, quod Judæis dictum est per prophetam: « Sustinui ut faceret uvam, fecit autem spinas; et non justitiam, sed clamorem (*Isa. v, 7*). » Quam dura conditio, ut possessio, quæ domino suo suavitatis fructus afferre debuit, spinarum illum asperitate compunxerit! hoc est, cum Judæi Salvatorem debuerint tota fidei devotione suscipere, spinarum eum coronaverunt passione. Quæ corona quidem, quantum in Judæis est, erat injuriarum contumelia: quantum in Domino, erat corona virtutum. Compungunt ergo Judæi Dominum, dum coronant: compungunt, dum crucifigunt. Unde ait Scriptura sancta: D
« Videbunt in quem compunxerunt (*Joan. XIX, 37*). »

471 3. Igitur, fratres, videte ne et vobis dicatur: « Sustinui ut faceret uvam, fecit autem spinas (*Isa. v, 2*); » hoc est, ne spinas quas Domino Judæi cruentis imposuerunt manibus, nos iniquis sensibus apponamus, et compungamus eum non asperitate sentium, sed operum pravitate. Sunt enim spinæ cordis, quæ Verbum Dei etiam vulnerare consueverunt, de quibus meminit in Evange-

lio Salvator, dicens seminantis semen cecidisse inter spinas, et crevisse eas, ac suffocasse quod satum est (*Matth. XIII, 7*). Quæ autem spinæ sint, ipse prosequitur, dicens utique sollicitudines esse mundanas, quæ cum crescunt in corde hominis, mandata Salvatoris in eo suffocant. Quis enim unquam sollicitus de mundo, potuit bene sollicitus esse de Christo? Quis dum lucris domus suæ providet, utilitatibus Ecclesiæ potuit providere? Unde ait Apostolus: « Qui sine uxore est, sollicitus est quæ sunt Domini, quomodo placeat Deo: qui autem cum uxore est, sollicitus est quæ sunt mundi, quomodo placeat uxori (*I Cor. VII, 32, 33*). »

4. Ergo, fratres, videte ne vinea vestra non uvas, sed spinas faciat: ne vindemia vestra non vinum afferat, sed acetum. Quisquis enim vindemiam legit, et pauperibus non largitur; ille acetum colligit, non vinum. Quisquis messes recondit, et indigentibus non ministrat, iste non alimonix fructus reposuit, sed tribulos avaritiæ congregavit. Nam propterea ait Scriptura de terra nostra: « Spinæ et tribulos germinabit tibi (*Gen. III, 18*). »

SERMO LIX.

In natali unius Martyris, sive domini Domitiani.

Hic sermo una cum subsequenti habetur in codice Floriacensi ante annos mille exarato, ubi et sancto Ambrosio assignatur. Verumtamen quod illos, cum hactenus fuerint inediti, in lucem emittimus id codicis antiquitati datum voluimus, cum nihil habeant Ambrosianum, ut vel ex prima eorum lectione quivis agnoscat.

1. Diem celebramus hodie, fratres charissimi, mortui justus, et non est hic: si autem scire vultis ubi sit, interrogate lectionem, quam primo audistis: « Justus si morte præoccupatus fuerit, in refrigerio erit (*Sap. IV, 7*). » Refrigerium enim in hoc sæculo, cui, unde? ubi plena sunt omnia tribulationibus: et quando tribulationes parcent, plena sunt tentationibus. Mundus enim iste, sive metuatur sive blandiatur, timendus est: sed Deus timeatur: et mundus potius contemnatur, et magis sit cavendus. Si ergo votum in refrigerio esse, quando mors præoccupaverit, justus simus.

2. Forte dicit aliquis: Multum est ad me. Attendamus enim quod scriptum est: « Justus si morte præoccupatus fuerit, in refrigerio erit: » et cum quærimus, quid sit justus, terret nos psalmus: « Omnis homo mendax (*Psal. CXVI, 11*). » Audiamus librum Sapientiæ. « Justus si morte præoccupatus fuerit, in refrigerio erit; » audiamus psalmum: « Ego dixi in excessu mentis meæ, omnis homo mendax (*Ibid.*) » Numquid sanctus Domitianus non erat homo? Si ergo homo erat, et omnis homo mendax; quomodo justus erat, si mendax erat? aut quomodo in refrigerio est, si justus non erat?

(93) Codex Theod., *exoneratur sarcina peccatorum.*

(95) Idem codex Theod., *loquela par, et natura altera. Et infra, aut imprudentia contigit.*

3. Attendamus ergo, charissimi, habemus ista A cogitatione plena testibus : non parvum refrigerium in eo, quod audimus Apostolum dicentem : « Adhuc enim Christus mortuus est, ut et vivorum et mortuorum dominetur; et, sive enim vivimus, sive morimur, Domini sumus (Rom. xiv, 8, 9). » Ille est justus, non perdet suos : certi sumus quia Christus non erat mendax. Christus homo et non mendax : quomodo ergo omnis homo mendax ? Quia Christus sic homo, ut non solum homo. Ille nisi et Deus et homo esset, mendax esset. Talis ergo et tantus pro nobis mortuus est, et mortem timeamus ? Præcessit et resurrexit, ejus membra sumus, et caput nostrum sequimur.

4. Nam et ipse Psalmus consolatur nos : « Quid retribuam Domino pro omnibus, quæ retribuit mihi (Psal. cxv, 12) ? » Ille quid dixit : « Ego dixi in excessu mentis meæ, omnis homo mendax (Ibid. 11). » Homo mendax gratias agit Domino, et non invenit quod illi retribuat pro tantis beneficiis, quæ ab illo accepit. Quid enim ab illo accipimus cum quærimus quid retribuamus, et non invenimus ? Non eramus, et creavit nos ; non erant pecora, et creavit pecora : amplius quod ad imaginem suam fecit nos ; perieramus, et quæsivit nos : mortem Filii sui pignus dedit nobis, et vitam Filii sui promisit nobis, ab omnibus peccatis nostris in baptisate salutari mundavit nos ; 472 et quia hic vivendo postea contraximus quod dimitteret ; ut dicamus : « Et dimitte nobis debita nostra (Matth. vi, 12) ; » docuit nos. Totum mundavit in baptisato, totum mundavit in renato vivente ; non reliquit mori, non permittit mori, dico in peccato, quæ mors maligna et æterna est : vocatum monet, instruit, adjuvat, ignoscit, liberat. « Quid retribuam Domino pro omnibus quæ retribuit mihi ? » Quid dicis, homo ? quid vis retribuere ? Quidquid inveneris, ab illo accepisti.

5. Venimus ergo, venimus, si ex fide vivamus ; tunc enim justus erimus, quia « justus ex fide vivit (Habac. ii, 4). » Veniemus ergo ad illam mercedem quæ æqualis erit omnibus. Pueri credunt, prima hora venerunt : adolescentes credunt, tertia hora venerunt : juvenes credunt, sexta hora venerunt ; graviores credunt, nona hora venerunt : decrepiti credunt, novissima hora venerunt. Diversis horis venerunt, et mercedem unam acceperunt. Sic facti sunt novissimi primi, et primi novissimi ; quia quod acceperunt primi, hoc acceperunt novissimi (Matth. xx, 19). Quid est ipse denarius ? Vita æterna. Quare æqualis est omnibus ? Quia ibi nemo vivit plus, nemo minus. Ad hoc tendamus, in Domino confidamus, vitam tentationis evadamus, vitam felicitatis habeamus.

Item Sermo de uno martyre.

1. Dies sollemnis, illustris dies patriæ, decore angelico nitens, hodiernus effulsit, quem martyr hujus florens corona vestivit. Dum per horas dies evolvitur, dum per vices dierum ac noctium, et

lunæ crementa detrimentaque menses implentur, dum per quadrigam temporum ad metam suam rotatis axibus annus auriga perducitur ; resplenduit lætus hujus sancti Martyris dies, quo inter inimicas acies bellicosus exsultans, cunctos hostes vicit, et ad regna sibi debita properavit.

2. Est quidem semper in ancipiti certamine suspecta victoria cum in venerandos martyres aut judex sævit aut carnifex fremit ; et nunc gladius, nunc fera, nunc flamma, nunc tormenta timeantur ; at ubi loricam fidei virile pectus assumpserit, non sentit animus fortis, quidquid ingesserit mens crudelis : stat inter ignes illæsus, inter bestias et tormenta validus ; securibus magis solvitur, quam truncatur. Sed tunc donec ad prosperum finem felicis horæ pugna veniret, hæsitabatur a Christianis et funerem spectaculum inter athletam Christi et ministros inimici pavidis pectoribus et fugitivis obtutibus explorabant ; ne vulnere timidum martyr fidei daret latus, ne quos impetus sævientes effugeret, ne vel latrantes inter tormenta carnifices teneris sensibus exhorretet. Pendebat interim corona de cælo liliis angelorum et rosis de cruce et sanguine Christi vernantibus intertexta, sertumque cæleste vario decore pictum, tanquam florentis prati diversicolor facies desuper radiabat.

3. Pugnabat igitur miles Dei, et fide, non corpore conflagabat. Hinc de vita blandiebatur mundus, hinc de morte terrebat. Excitabatur in illo conflictus cæcus arenæ pulvis, sed claudi non potuit oculus confessoris. Videbatur utrobique, et quid pararet Deus, et quid cuperet inimicus. Scutum illi protectionis Christus erat ; galeam salutis illi manus angelorum effecerant ; loricam triplicem unus Deus, una fides, unum illi baptisma fabricabat ; gladius illius Spiritus sanctus erat, dæmones pugnabant telis suis, iste suis ; illi nigris, iste armis fulgentibus conflagabat. Tuebatur clypeo fidei animam suam, corpus seminabat in terram ; rigabat eam sanguine suo, ut fructus in resurrectione multiplices offerret Deo suo.

4. « Qui seminant, inquit, in lacrymis, in gaudio metent. Euntes ibant et flebant, mittentes semina sua ; venientes autem venient in exultatione, tollentes manipulos suos (Psal. cxxv, 5). » Effluebant tunc, certantibus sanctis, lacrymæ fidelium, quas pietas provocabat, donec incerti eventus periculosi certaminis qua vergerent, apparerent. Executiebat injustæ persecutionis dolor lamentabiles fletus, et unusquisque Christianorum, quod in alio videbat, in se timebat ; et licet sciret beatis martyribus gloriam in cælis esse paratam, tamen inter dubios variosque exitus, impendentibus tristibus, animis delicata charitas amaras lacrymas extorquebat.

5. Ibant martyres euntes, et flebant mittentes semina sua. O quam arcta et angusta via, quæ ducit ad vitam ! Ibant per bestias et machæras, per angustias et pressuras ; oratione flentes, spe gaudentes ; protegentes in terra corpora sua, quasi semina sua, ex quibus germinavit gloriæ seges æterna,

473 tunc venient in exultatione portantes man- A
pulos suos, cum in resurrectione receperint flores
suos : « Justus, quippe ut palma florebit, et sicut
cedrus in Libano multiplicabitur (*Psal.* xci, 13). »
Nescit unquam in sanctis viridis decor ille marco-
rem ; præsertim cui Deus tanquam perennis fluvius
continuos latices et refrigeria larga ministrat. Ecce
de uno grano corporis Christi, quod sepultum est,
quanta martyrum messis erupit ! Ecce de primitiva
palma quantæ exsurrexerunt confessorum palmæ
victrices ! O paradus sanctarum animarum blanda
se societate miscenti !

6. Inter hos iste beatissimus martyr hodie valen-
tior festa novat. Vicit enim moriens adversarium,
qui pugnabat ; et coronam de cælo consecutus est,
quæ pendebat. Gaudeant nunc filii de triumphis B
martyrum, et posteris tradant annua vota, quorum
patres et dura sanctorum aspexere certamina, et
vincentum lætati sunt de corona.

SERMO LX.

De Natali sanctorum Martyrum.

*In cod. Theod. inscribitur hic sermo, In die SS. Ale-
xandri, Eventii et Theodoli, cum tamen iidem
martyres in sermonis contextu nusquam nominen-
tur. Nihil melius in Rom. edit. eidem præfigitur,
Pro communi unius martyris, cum omnia ex
æquo illic referantur ad omnes martyres. Potior
est igitur aliorum mss. atque edit. inscriptio. Ve-
rum quod in illis omnibus, præterquam in Gall.
cod., sancto Ambrosio attribuitur, non obscurus
error est, quemadmodum ex ejus stylo, nec non ex
iis quæ sermoni 52 a nobis præmissa sunt, potest
intelligi.*

1. Si quantum me necesse est dicere, et vos oportet
audire, tantum prosequi corporis mei posset
infirmetas, profecto omnes excusati essemus, scilicet
ego insinuando præceptum, vos exsequendo
mandatum. Sed quoniam imbecillitate percellimur,
quominus quantum oportet dicere valeamus, excuset
nos mentis devotio, quos non excusat prædicationis
oratio ; hoc est, etsi a laudibus Domini lingua
cessamus, mirabilia tamen ejus fidei operibus
approbemus : si non loquimur verbis ejus gloriam,
factis exsequamur ejus gratiam (95), quoniam
dictis facta priora sunt. Nam Dominus in
Evangelio ita dicit : « Qui fecerit sic, magnus vocabitur
in regno cælorum (*Matth.* v, 19). » Vides D
ergo quoniam præcedit factum, subsequitur doctrina :
siquidem benefacere prima doctrina est. Ces-
santibus enim verbis, hoc ipsum docet hominem
opus optimum, dum videtur : quod etsi voce aures
non excitat, virtute corda tamen compungit. Quis
enim bonum factum videns, non gaudeat, miretur,
imitetur, ac veluti tacito magistro (96) utens, ejus
exemplo doceatur ? Dictis igitur facta præcedunt, imo
sine factis dicta nihil prosunt ; nam ideo et Dominus

(95) Omnes edit., *ejus gloriam* ; omnes mss., *ejus gratiam*.

(96) Cod. Lugd., *ac velut ita cito magistro* ; Theod., *ac velim tacito magistro*, etc.

fieri voluit, et sic doceri, ne sine bono opere verborum inutilis esset et superstitiosa jactatio.

2. Melius ergo docemur facto, quam voce ; denique sancti martyres etsi voce tacent, factorum virtute nos edocent ; etsi lingua silent, martyrii passione persuadent. Unde quamvis disertus orator facundia sua me doceat ; id tamen quod utile est mihi, melius disco exemplo sanctorum quam assertionem verborum. Citius mihi persuadent oculi, quod cernunt, quam auris possit insinuare, quod præteriit ; auditui enim cito irrepit oblivio, oculorum autem historia semper inspicitur. Quis enim non omnibus horis momentisque conspiciat quemadmodum tunc beati martyres propter nomen Christi diversis subjacere suppliciis, et de ipsis pœnis quodammodo triumphabant ? Quanto enim plura patiebantur, tanto se victoriosissimos esse credebant ; victoria enim est martyris judicium persequentis, sicut scriptum est : « Et vincas cum judicaris (*Psal.* l, 6). » Cum judicatur enim martyr, et condemnatur, tunc vincit atque prosternit : tali enim judicio non est addictus ad mortem, sed absolutus ad requiem : ac per hoc manifestissime vicisse est, non perisse.

3. Constat igitur sanctos martyres plus passione docere quam voce ; quanquam ipsamet passio sine voce non sit. Legimus enim animas eorum de sub ara Dei clamare, vel dicere : « Quousque sanctus et verus, non vindicas sanguinem nostrum (*Apoc.* vi, 10). » Nam et Deus dicit de sanguine Abel ad Cain : **474** « Vos sanguinis fratris tui clamat ad me (*Gen.* iv, 10). » Clamare igitur dicitur sanguis, qui innocens effusus est, non tam voce. quam causa. Sic et sanctorum martyrum animæ clamant, dum fidem atque innocentiam suam sensibus nostris ipsa passione commendant.

SERMO LXI.

De Natali Martyrum.

Ex hujus sermonis lectione cognoscimus eum post resurrectionem Dominicam habitum esse : quo etiam tempore in Romano Breviario recitatur, sed sub Ambrosii nomine, cum tamen ab ejus dictione longissime discrepet. Verisimilius est Maximi esse, quandoquidem testatur Gennadius eum composuisse generalem omnium martyrum Homiliam ; cui addi etiam potest eundem sermonem inveniri in Gall. cod. cujus sermones omnes ad eum præsulem pertinere Mabillonius noster existimat.

1. Dignum et congruum est, fratres, ut post lætiam beati paschæ (97), quam in Ecclesia celebravimus, gaudia nostra cum sanctis martyribus conferamus, et iis annuntiemus Dominicæ resurrectionis gloriam, qui consortes sunt Dominicæ passionis. Qui enim socii sunt contumeliæ, debent et participes esse lætitiæ ; ita enim dicit beatus Apostolus : « Sicut socii passionum estis, et resurrectio-

(97) Omnes edit., *ut post lætiam paschæ* ; omnes mss., *beati paschæ*. Sic etiam infra ubi edit., *Dominicæ paschæ*, omnes mss., *Dominici paschæ*.

nis eritis (*II Cor.* 1, 7); si tolerabimus, inquit, et A conregnabimus (*II Tim.* 11, 12). » Qui ergo toleraverunt mala propter Christum, debent et gloriam habere cum Christo.

2. Annuntiemus, inquam, sanctis martyribus Dominici paschæ gratiam, ut dum sepulturæ illius prædicamus reserata claustra, et horum sepulcra reserentur; dum corpus illius mortuum dicimus tepentibus venis subito viguisse, horum quoque membra jam frigida immortalitatis calore foveantur; eadem enim ratio martyres suscitavit, quæ et Dominum suscitavit. Nam sicut viam passionis experti sunt, ita experientur et vitæ; scriptum est enim in psalmo: « Notas mihi fecisti vias vitæ (*Psal.* xv, 11). » Hoc utique in resurrectione ex persona dicitur Salvatoris, qui dum post mortem ab inferis redit ad superos, incipit nota haberi via vitæ (98), quæ ante non habebatur; ignota enim erat ante Christi adventum via vitæ, quia nullius adhuc resurgentis fuerit trita vestigio. At ubi Dominus resurrexit, nota facta, solea trita est (99) plurimorum, de quibus sanctus evangelista ait: « Multorum corpora sanctorum surrexerunt cum eo, et introierunt in sanctam civitatem (*Matth.* xxvii, 52). »

3. Unde cum Dominus in resurrectione sua dixerit: « Notas mihi fecisti vias vitæ (*Psal.* xv, 11); » possumus et nos jam dicere Domino: Notas fecisti nobis vias vitæ; ipse enim nobis notas fecit vias vitæ, qui nobis semitam manifestavit ad vitam. Notas enim mihi fecit vias vitæ, cum me docuit fidem, misericordiam, justitiam, castitatem (1); his enim C pervenitur itineribus ad salutem: et licet nos in resolutione corporis mortis umbra circumdet, tamen gressus suos vita non deserit: sed inter ipsas medias inferni leges incunctanter Christi virtutibus ambulamus. Unde ait sanctus Propheta: « Nam etsi ambulavero in medio umbræ mortis, non timebo mala, quoniam tu mecum es (*Psal.* xxii, 4). » Quod manifestius Dominus ait de fideli, dicens: « Qui autem credit in me, non morietur in æternum (*Joan.* xi, 26). » Et licet moriatur, vivet.

4. Ergo, fratres, cum sanctis martyribus paschæ Domini gloriam conferamus: conferamus, inquam, et licet melius noverint omnia, tamen nos illis prædicamus quemadmodum Dominus de sepulcri gremio resurrexit ad superos. Illi nobis revelent quo D pacto de inferni profundo remeaverit ad sepulcrum: notum, inquam, nobis faciant quemadmodum in exanime jam corpus et frigidum sese calor insinuaverit, spiritus ingesserit, sanguis infuderit, et gelatas humore venas pristini vigoris pulsus agita- verit; notum, inquam, nobis faciant quemadmodum

(98) Ita mss. Valliscl. et Theodd.; edit. vero cum ms. Lugd., qui dum (Rom., ut qui dum) post mortem... incipiat notam habere viam vitæ.

(99) Omnes edit. et codex Lugd., fuerat temerata vestigio... nota facta solo attrita est, etc.; mss. Valliscl. ac Theod. ut in textu.

(1) Codex Valliscl., justitiam, sanctitatem.

(2) Cod. Lugd., Sed hæc causa est, quanto pro-

organum corporis dissipatum in priorem statum nervorum rursus coaptaverit resoluta compago, et harmoniam viscerum jam silentem in veterem concentum Spiritus vivificans animaverit. Sacerdotes ergo prædicent, quæ Salvator post resurrectionem mirabilia gesserit ad superos: martyres revelent, quanta in ipsa morte refrigeria operatus sit in defunctis.

475 SERMO LXII.

De bellico tumultu, seu pro communi Martyrum.

Hunc sermonem cum aliis duobus, quorum unum Romani editores in tom. I Oper. Ambr. collocaverant, alter vero inter sermones sancti Maximi jam vulgatus est, hujusce Patris ex æquo esse astruit Mabillonius noster Tom. I Musei Ital. part. II, pag. 5. Id certe cum sermonum dictio, tum citata loco indicato auctoritas Gennadii pulchre confirmat. Cæterum quod Rom. edit. hunc ipsum sermonem. Pro communi Martyrum inscriptum voluerit, nulla cur hoc faceret, ratio fuit; proindeque aptius inter sermones De Diversis sub eo titulo quem in ant. edit. ac mss. præfert, in posterum erit locandus.

1. Movet fortasse vos, fratres, quod tumultus bellorum et incursiones præliorum fieri audimus assidue: et cur nostris temporibus fiant, dilectionem vestram fortasse plus moveat. Sed hæc causa est, quia quanto magis proximi sumus mundi excidio, tanto magis regno (2) sumus proximi Salvatoris. Ipse enim Dominus ait, quod in novissimis diebus « Exsurget gens adversus gentem, et regnum adversus regnum (*Marc.* xiii, 8); » et alibi: « Cum videritis bella, et terræ motus, et fames, scitote quoniam in proximo est regnum Dei (*Luc.* xxi, 31). » Ergo vicinitas ista bellorum vicinum magis nobis Christum esse demonstrat. Atque ideo venientem adversarium timere non debeo, quia per hæc signa venire potius intelligo Salvatorem; quamvis enim iste metum incutiat temporalem, ille tamen salutem deserit sempiternam (3). Potens est autem idem Dominus, ut et hostilem a nobis repellat pavorem, et suam nobis præsentiam largiatur.

2. Per hos igitur bellorum tumultus mundi quoddam significatur excidium; futurum enim judicium hæc inquietudo præcedit. Est autem quoddam commotionis (4) indicium Dei, videre quod metuas; ut possis intelligere plus superesse, quod metuas. Dum enim cauti sumus ad ea, quæ cernimus, cautiores ad illa efficimur, quæ speramus. Vir autem sapiens his actibus terrenis instruitur, quemadmodum futuri sæculi debeat declinare judicium: dum enim perspicit in hac communi perturbatione primores viros (5) tuitiones in mœnibus præparare. ipse admonetur quemadmodum in futura eversione

ximi sumus a mundi excidio, tanto magis a regno, etc.

(3) Ita mss., omnes vero edit. ille tamen deserit sempiternum.

(4) Codex Lugd., quoddam commotionis.

(5) Omnes edit., priores viros: aptius mss., primores viros.

mundi defensionem Christianis præparet animabus. **A**
 Cernimus armari civitatis portas, debemus etiam
 prius in nobis portas armare justitiæ: sunt enim
 portæ justitiæ, de quibus sanctus Propheta dixit:
 «Aperite mihi portas justitiæ, et reliqua (*Psal.*
cxvii, 19).» Tunc autem civitatis porta munita
 esse poterit, si prius in nobis portæ justitiæ mu-
 niantur. Cæterum nihil prodest muros munire prop-
 pug aculis, et Deum provocare peccatis. Illa enim
 constituitur ferro, saxis et sudibus; hæc armatur
 misericordia, innocentia, castitate: illa telorum
 multitudine custoditur, hæc orationum frequentia
 defenditur. Et ad plenam tuitionem urbiuin portas
 principum solent signa præcedere: animarum autem
 portarum nostras signum Salvatoris anticipet.

3. Ergo, fratres, propter futurum mundi iudicium **B**
 armis nos cœlestibus muniamus, accingamur lorica
 fidei, salutis galea protegatur, verbo Dei velut spi-
 rituali gladio defendamur, qui enim his armis instruc-
 tus fuerit, nec præsentem perturbationem metuit,
 nec futurum iudicium pertimescit. Siquidem sanctus
 David hac devotione protectus, Goliath illum
 fortissimum armatum etiam inermis occiderit (*I Reg.*
xvii, 50), et virum bellicosum munitionibus undique
 circumseptum sola fidei virtute prostraverit. Cum
 enim sanctus David non operiretur galea, non præ-
 cingeretur gladio, non lancea uteretur; occidit au-
 tem illum non telo ferreo, sed gladio spirituali.
 Quamvis enim inermis oculis hominum videretur,
 satis tamen erat gratia divinitatis armatus. Verum
 ipse spiritualis gladius non fuit gladius; non enim **C**
 gladio Goliath, sed lapide prostratus occubuit. Legi-
 mus in Scripturis lapidis vocabulo Christum figu-
 raliter designari, sicut ait propheta: «Lapidem
 quem reprobaverunt ædificantes, hic factus est in
 caput anguli (*Psal. cxvii, 22*).» Igitur cum lapide
 Goliath percutitur, Christi virtute prosternitur. Et
 in qua tandem corporis parte percutitur? In fronte
 scilicet; gentilis enim et sacrilegus **476** homo ibi
 percutitur a Christo, ubi deerat Christus: et ibi
 infertur ei mortis exitium, ubi signum salutis non
 invenitur. Quamvis enim esset Goliath undique ar-
 morum protectione munitus, frons tamen ejus pa-
 tebat ad mortem; quia signaculum Salvatoris non
 gestabat. Atque ideo ibi perimitur, ubi nudus a Dei
 gratia reperitur.

4. Hæc autem in figura facta esse nemo est qui
 nesciat. Nam et David armorum indumentis sese
 ante præcinxerat (*I Reg. xvii, 39*): sed cum esset
 in iis gravis et impeditus, ita ut ambulare vix pos-
 set, eadem sine cunctatione projecit, significans ar-
 ma illa hujus mundi vana et luxuriosa esse opera,
 in quibus qui sese permiscere voluerit, tanquam
 gravis et gradiendi ad cœlum cursum liberum non
 habebit. Simul et illud nos docuit, quod non in ar-
 mis tantum speranda victoria est, sed in nomine
 Salvatoris oranda.

(6) Ms. Lugd., qui fabrefecit tabernaculum.

SERMO LXIII.

De servo centurionis in Evangelio, in dedicatione
 Basilicæ.

Hic sermo in dedicatione ecclesiæ habitus cognoscitur, sed præter stylum ab Ambrosiano abhorrentem, et Paulini de hac dedicatione silentium, cum neque de reliquiis illic detectis, neque de sanctis ejusdem Basilicæ patronis quidquam dicatur, hanc consecrationem ab Ambrosio celebratam non esse abunde patet. Verum neque a quo præsule, neque quo loco, neque quo tempore facta fuerit, hujus sermonis series prodit.

1. Legimus in sancto Evangelio, cum centurionis
 cujusdam servus, qui erat illi pretiosior, gravi pa-
 ralysis ægritudine laboraret, et per seniores Judæo-
 rum ille centurio rogaret Salvatorem ut ejus dolo-
 ribus mederetur (*erat enim, ut ait Scriptura (Luc.*
vii, 2) moriturus), inter cætera ad majorem com-
 mendationis gratiam seniores Judæorum dixisse
 Domino: «Dignum est ut hoc illi præstes, diligit
 enim gentem nostram, et synagogam ipse ædificavit
 nobis (*Ibid. 4, 5*).» Si ergo commendatur Domino,
 qui ædificavit Synagogam, quanto est commenda-
 tior, qui ædificavit Ecclesiam! Et si is meretur
 gratiam, qui impietatis receptaculum præstitit,
 quanto majorem meretur gratiam, qui religioni do-
 micilium præparavit! Et si ille cœlesti misericordia
 visitatur, qui construxit locum, ubi Christus semper
 negatur; quanto magis visitandus est, qui fabricari
 fecit tabernaculum (6), ubi Christus quotidie præ-
 dicatur!

2. In centurione enim Dominus non quid operis
 fecerit, sed qua mente operatus sit, comprobavit.
 Nam qui id temporis quo nondum Christiani erant,
 sollicitè synagogam fecit: si fuissent utique
 Christiani, intelligitur quod multo sollicitius fe-
 cisset ecclesiam. Sed tamen licet synagogam ædi-
 ficet, Christum prædicat; in ipso enim opere
 commonet pharisæos debere illos suscipere Salva-
 torem: et demonstrat propterea se tabernaculum
 amplius addidisse, ut multipliciter ibi Domini glo-
 riam loquerentur. Si enim credit in Christum
 conditor Synagogæ, multo magis credere debet ha-
 bitator ipsius Synagogæ.

3. Centurio ergo si justificatus est propter opus
 fragile vel terrenum, justificandus plane vir claris-
 simus et providentissimus comes noster, propter
 opus tam perpetuum vel cœleste: qui comes sicut
 est centurione dignitate potior, ita et fide debet
 esse devotior. Sapiens vir et religiosus comes, qui
 quantum in bello imperatori militat, tantum et in
 pace militat Salvatori: et quantum festinat de ho-
 stium manibus captivos eruere, tanto magis festi-
 nat a diaboli se sacrilegio liberare. Ibi inimicos
 terreni regis interficit, hic adversarios Domini cœ-
 lestis insequitur: ibi barbaros vincit, hic dæmones.
 Sapiens, inquam, qui sicut comes imperatoris est,

ita et comes Christi esse desiderat. Nam bene utique et religiose agendo, dignitatem suam cupit esse perpetuam, secundum quod scriptum est in propheta: « Et vos, o boni reges, bonas facite vias vestras et studia vestra, et audite vocem Domini Dei vestri; et pœnitebit Dominum mali, quod locutus est adversus vos (*Jerem. xxvi, 13*). »

4. Ergo cum centurio rogaret Dominum, ut de morte erueret ægrotantem, et vellet Dominus ad domum centurionis pergere, in qua servulus decumbebat, ait centurio: 477 « Domine, non sum dignus ut intres sub tectum meum (*Matth. viii, v*). » Excusat igitur centurio, et ne sub tectum ejus ingrediebatur Dominus, indignum se dicit. Ecce dignus est comes noster, sub cujus tectum hodie Salvator ingreditur.

5. Videamus ipsa centurionis excusatio quam habeat gratiam; ait enim: « Domine, non sum dignus ut intres sub tectum meum: sed dic tantum verbo, et sanabitur puer mens (*Ibid.*). » O fides Christiana, quæ cum humilitate totum impetrare consuesti! Ecce religiosus centurio ad accipiendam salutem dignior fit, dum se profitetur indignum: et dum ædes suas injuriosas putat, magis eas honorificas fecit et gratas. Magnæ enim et perfectæ fidei vir (7), qui intelligeret Christum Dominum cœlorum esse, dum verebatur ne hospitii sui eum angusta non acciperent. Ergo contradicente centurione, non

A pergit ad domum Dominus. Non pergit Dominus, sed pergit Domini medicina: non visitat ægrum Salvator, sed visitat sanitas Salvatoris.

6. De fratribus vero nostris sanctis viris Vitalino et Maiano quid dicam? Scio illos gloriam ab hominibus non querere, 478 nisi a solo Deo: sed tamen laudem eorum etsi ego taceam, ipsa opera loquuntur; ad ipsorum enim laudem pertinet, quidquid in aliis paulo ante laudavimus. Nam hoc tabernaculum etsi plurimi construxerunt, hi tamen sumptu operati sunt uno assensu. Et quo tandem sumptu, cum sint in sæculo mediocres et tenues? Illo scilicet, de quo ait Apostolus: « Abundantia fidei, et divitiis simplicitatis (*II Cor. viii, 2*). » Est enim sanctis viris semper dives ipsa paupertas.

B Unde credo hos beatos hanc ecclesiam non minus orationibus quam impendiis fabricasse; sic enim oportebat ut opus Christi precibus magis cresceret quam cæmentis. Totam enim substantiam et in hujus facturam operis expenderunt, et ipsis certe nihil deest. Ipsa plane est, sicut diximus, dives locuplesque paupertas, quæ expendit omnia, et possidet omnia. Sed hæc a Deo benedicta est, sicut illa vidua, de qua dicit Dominus in Evangelio: Mulier hæc vidua pauper plus quam omnes misit; nam omnes hi ex abundanti sibi miserunt in munera Dei, hæc autem totum victum suum, quem habuit, misit.

(7) Cætera usque ad finem hujus sermonis in cod. Lugd. desunt.

SERMONES TRES

IN ANTIQUISSIMO CODICE SESSORIANO

SANCTI AMBROSII

NOMINE

INSCRIPTI ET EX EODEM CODICE EDITI

(Romæ ex officina libraria Bonarum Artium, 1833.)

Eminentissimo et Reverendissimo Principi Iacobo-Aloisio Brignole Ianuensi in amplissimum patrum cardinalium collegium a Gregorio XVI. Pont. Max. bonorum omnium approbatione adlecto, D. Leander De Corrieris-Schelmius Hetruscus. B. C. D. N. A. Q. E. ex animo plaudit, ac publice gratulatur.

Proximis his mensibus, Princeps Eminentissime, quum a Gregorio XVI Pontifice Maximo in Patrum Purpuratorum Collegium cooptarere, in illa Urbis, ac Hetruriæ meæ gratu-

latione (*), optassem certe aliquod Tibi signum ostendere exsultantis animi præ lætitia, nisi dignitatis magnitudo obstitisset, et facultas defuisset voluntati meæ. Quod enim unum tunc erat mihi, sane parvum, id vixdum inchoatum, neque adhuc omni industria perpolitum refugiebat splendorem purpuræ, et ferme postulabat, ne se in oculis atque conspectu Tuo cogere pudere. Nunc vero, quum ipsum illud opere atque manu perfectum, a me quoquomodo sit, ad eundem Te quasi jure mancipi redit, cui pridem domini sui voluntate dicatum donatumque est. Sine igitur pro comitate illa Tua non tam specie, quam re ipsa cognita atque perspecta, sine ad Tuas manus venire exiguum hocce literarum munusculum, quod dari Tibi a mea tenuitate potest, a Te autem accipi Principe humanissimo et sapientissimo debet. Hi sunt tres Sermones S. Ambrosii, et quidem illius, ut arbitror, qui fuit Mediolanensis Episcopus, Patris eloquentissimi, nuper a me in Sessorianis pluteis inventi; qui, vel nulla mea opera, ipsi per se addi Tuæ Bibliothecæ vellent, omnium sanctorum Patrum Sapientia refertæ. Mihi vero peropportuna offert se occasio alicujus Tibi gratiæ referendæ, si hoc nomine appellanda est exhibitio devotionis erga Te meæ pro singularibus in me meritis Tuis, quæ rependi æquo modo unquam posse profiteor. Quod reliquum est, Te quæso, ut si hæc Ambrosii scripta aliquam, quod minime dubito, a Te gratiam ineant, ea ipsa utar, ut mihi fidem et benevolentiam Tuam majorem adjungam.

Dabam Romæ ex ædibus Sessorianæ Bibliothecæ VIII. Kal. Julias M. DC. CCC. XXXIII.

(*) Ems vir, quum apostolicæ legationis apud Magnum Hetruriae Ducem LEOPOLDUM II nuper munere fungeretur, eo honore ac dignitate præfulgens, magis virtute et recte factis, augustissimo Principi, atque omnibus charus fuit. Hinc a GREGORIO XVI. Pont. Max. (quem Deus diu sospitet), cujus statim amore et existimatione clarere cœpit, et maxime floret, in illa rerum perturbatione ac temporum acerbitate, quæ in ipso sui pontificatus ingressu iterum iterumque recrudit, quatuor provinciis Bononiæ, Ferrariæ, Ravennæ, et Forilivi extra ordinem præpositus est; ac exinde veluti contento ad metam cursu Publici Aerarii Præfectus dictus, anno insequenti ad fastigium honoris evectus, vix septilustris inter Patres Cardinales adscriptus est. Hac vero die VIII. I. kal. Julias Idem Pont. Max. illum Titulo S. Joannis ante portam Latinam donavit, atque sacris Consiliis Libris notandis, Legitimis Ritibus cognoscendis, Veris Indulgentiis sacrisque Reliquiis statuendis, et Episcopis probandis adscivit.

D. LEANDRI PRÆFATIO.

I. *Sancti Ambrosii scripta summo in honore habita sunt, eaque in multis olim vitata a Maurinis præpur-gata fuere.* — Sancti Ambrosii, quisæculo quarto episcopalem Mediolani nobilissimam sedem tenuit, plurimi semper scripta fecisse Patres, pontifices maximos, concilia œcumenica, et ipsosmet heterodoxos nemo eruditus ignorat (a). Attamen æque norunt omnes, inter opera hujusce sanctissimi præsulis apocrypha multa fuisse relata multisque adeo vitiis referta, ut quiddam etiam a catholico sensu prorsus alienum redderent (b). Quare non defuerunt Romani pontifices, qui cum tam veteris tamque bene meriti de Ecclesia Patris scripta ad sanæ doctrinæ laudem cuperent efflorescere, viris doctis vehementer essent auctores, ut collatis curis, ad novam editionem excudendam optimæ notæ codices sedulo perquirent, simulque conferrent; ex quibus et genuinos possent Ambrosianos fetus seligere, falsos respuere, et certas ejusdem præsulis sententias elicere. Hinc mandatis summorum pontificum Pii IV, et Pii V, Grego-

(a) *Videris selecta veterum testimonia, quæ in primo volumine S. Ambrosii oper. sub præfatione a Maurinis collecta habentur.*

(b) *Porro olim S. Ambrosio ad Paulinas epistolas tribuebantur commentaria, quorum sane auctor aliquid cum sana doctrina hand consonum habet. Certe, scribunt Benedictini editores in admonit. præv. t. IV, in append. col. 30, defendi non potest eorum (id est, commentariorum) auctor, quin cum Origene senserit, in voluntate dæmonum esse ab errore resilire. Exploratum quoque ulcus est, quod marito fas usque esse con-*

tendit, uxore propter adulterium repudiata, aliam ducere: uxori autem ab adultero conjugio separatæ cum alio inire conjugium licere negat (Hinc Canon, Uxor a viro 17, caus. 32, quæst. 7, de quo Romani correctores videndi sunt). Sed nec illa etiam satis sana sunt, quod factam ad imaginem Dei mulierem esse: episcopos superiorem presbyteris gradum obtinere, aut diversa institui ordinatione, inficiatur; et quædam alia communi catholicorum sensui minus congrua subinde tradit.

rii XIII, ac studio et labore Sixti V, Romana Ambrosii operum editio cæterarum omnium absolutissima prodiit in lucem (a). Verum cum et in illa non pauca reperirentur, quæ, ut in ejusdem S doctoris opera præfati sunt Maurini (b), non modo ab hæreticis, verum etiam ab orthodoxis haud sine causa minime probarentur; præsto fuit ipsa Maurinorum manus, qui Herculeis, ut ita dicam, ferme exautilatis laboribus in rimandis bibliothecis, et codicibus conferendis episcopi Mediolanensis scripta omni nævo purgata suomet restituerunt honori, novam pervulgando editionem, quæ superiores omnes judicii maturitate et multitudine eruditionis facile superavit (c).

II. *Maurinorum editio tribus ditatur sermonibus e codice Sessoriano d. promptis.* — Jam vero quibus laudata editio augeri possit, ecce, ut ego arbitror, tres mihi sermones inediti in Sessorianis nuper pluteis deprehensi sunt, quos eruditi viri sive fontis unde manant vetustatem spectent, sive documenta utilissima, quæ inde ad informandos Christianorum mores redundare certum est, paulisper respiciant, dignos plane agnoscent, confido, quos cupide omnes ac benevole excipiant.

III. *Sessoriani codicis vetustas, et palæographia.* — Fons quidem horum sermonum præclarissimus codex ille Nonantulanus est, formæ fere quadratæ, et sottillissimis in membranis compactus, qui quondam numeris 60,90, aut 134 præsignatus, modo in novo catalogo a me confecto quinquagesimum quintum sortitus est numerum. Ejus scripturam, quæ ita evanida est, ut plures occurrant paginæ valde lectu difficile set obscuratioræ in excuso specimine, quod in Romana S. Maximi editione anni 1784, tab. I, n. 2, pag. 200 visitur, cognoscent eruditi. Illa quippe secundæ, ut dicunt, Romanæ ætatis ad Longobardicum (d) inclinantis, ne cum eminentissimo Besutio dicam vi (e), mihi sæculo VII vel ad summum ineunte VIII exarata videtur. Ejusdem enim orthographia ad priscam normam rectissime scripta est; et quidem constanti adeo veterum codicum auctoritate firmata, ut plane ad rectiorem illum scribendi modum reverti necesse sit. Jam vero hoc eodem in codice nunquam forma V scribitur, sed semper est U; neque ulla alia quam una diphthongus *ae* absque nexu usurpatur; qui in pervetustis codicibus perpetuus fere mos est. Constanter quoque in illo præpositio ad retinet litteram *d* ante *c, e, m, n, p, r, s*, eaque ad sequentem consonam non reformatur, nisi in ver-

A bis, *accipio*, et *arripio*; con vero servat *n* ante *l, m, p, r*; atque in nunquam dimittit *n* ante *b, m, p, s*, si *impleo* verbum exceperis. Vocabula autem *aput, aliut, illut, istut, jubat, etc.*, quorum lectio plerumque a sensu aurium scribentis dictata verba excipientis pendebat, fere semper recitato modo in codice scripta reperies, in quo bona rectaque scriptura habentur, *cælum, condicio, intellego, querella, nincla*, atque alia plurima, quæ in meis scholiis palæographicis textui substratis haud inobservata reliqui. Nulla præterea in codice pausa est, nulla admirationis vel interrogationis signa, nulla verborum distinctio apparet; sed raro puncta et eadem semper media, ac ita temere apposita, ut magis sensus augeant ambiguitatem. Litteræ in fine versuum aliquando minuntur, vel in monogramma coeunt. Librarius non nisi parcius litteris singularibus vel siglis utitur, et quidem iis, quæ priscis tabellariis obvia fuerunt, ut ex. gr. *Incp., Dns, Ds, ihs, xps, sps, scs, nr*, pro *Incipit, Dominus, Deus, Iesus, Christus, Spiritus, Sanctus, noster*, et in fine vocum *b. et q.* cum medio puncto pro *bus* et *que*.

IV. *Ambrosiani sermones tres in hoc eodem codice contenti qua de re censeantur inediti.* — Quod vero in hoc antiquissimo codice sermones tres S. Ambrosii nomine inscriptos inveniri ineditos asseram, coarguat me nemo; nam si id minus recte, haud tamen temere dixerò; cum adhibita cura qua non potui majore, illos nec in Ambrosii hucusque vulgatis operibus, nec inter SS. Augustini, Maximi et Fulgentii opera, quæ vetusta ætate cum Ambrosianis scimus ivisse permixta, nec inter aliorum SS. Patrum scripta repererim. Præcipue autem meum hoc præjudicium cumulabant tria illa Isaïæ testimonia x, 33, 34, et xi, 5, quæ integra leguntur in tertio sermone (f); quia nempe Sabatierius in suis biblicis antiquæ versionis fragmentis vel, ut illa x, 33, 34, non nisi mutila referat, vel ut illud xi, 5, prorsus omittat. Cum enim auctor ille in quærendis veterum biblicarum versionum testimoniis, maxime in Patribus, diligentiam omnem adhibere solitus fuerit, hinc haud inconsulte conjiciendum putavi, reapse Sabatierii ætate adhuc membranarum hos delituisse sermones.

V. *Eorum sermonum tituli et analysis.* — Horum autem prius sermo inscribitur, *de Perfecto*; alter de eodem argumento, *Adversus eos qui dicunt possessionem non distrahendam, sed fructibus misericordiam faciendam*; tertius vero, *de Charitate ex lectione sancti Pauli apostoli contra mulos qui bonis invident.* titu-

(e) Em. Besutius, vir excellens omni laude virtutis et ingenii, idemque adeo profana et maxime sacra doctus archeologia, ut sibi eum academici Etruscarum antiquitatum vetustissimæ urbis Cortonæ principem *Locumoni* nomine elegerint, hæc de hoc codice in quadam chartacea schedula circa an. 1730 notata reliquit: *Cod. 134, in pergam. in-fol., vetustissimi characteris, et fortassis sæculi sexti, et certe mea quidem sententia plus mille abhinc annis scriptus. Plura continet, et primo sermonem S. Augustini de Nuptiis, etc.*

(f) § 10, pp. 27 et 28 (*Infra coll. 136 et 138*).

(a) Ab anno 1580 ad an. 1585.

(b) In præfat., t. I.

(c) Hæc editio, incæpta an. 1686, absoluta fuit an. 1690 Parisiis duobus in-folio voluminibus; et iterum Venetiis quatuor in-folio voluminibus an. 1748, quator. Hanc etiam formis excudi curavit Franciscus Pitterius in sua officina libraria Veneta octo in-folio voluminib. an. 1781.

(d) Id est, non ad eam scripturam, qua Longobardi utebantur, populi quidem rudes et omnium litterarum expertes, sed ad eam, qua Itali usi sunt quo tempore Longobardorum regum parebant imperio.

lum præfert. In priori sermone auctor nonnullis A Scripturarum testimoniis recitatis ostendit, Christianorum esse, ut pervenire valeant ad supremum gradum perfectionis, suas omnes facultates vendere, et pretium pauperibus distribuere, seque Dei providentiæ adeo committere, ut divinæ legis semper meditatione detenti, semperque præceptorum custodia occupati, non habeant vacuum tempus quo cogitent sæcularia, quo vane hujus mundi incommodis perturbentur, quo terrestrium divitiarum spe caduca fallantur. In altero eadem, quæ superiore sermone dixerat, auctor confirmat; atque rerum terrenarum contemptus, et abdicatio quam gloriosa, utilis ac necessaria sit, Christi præcepto atque Pauli apostoli exemplo propositis, contra illius virtutis obtrectatores evincit. Denique in tertio sermone de virtute fraternæ charitatis (qui ita in longius producit, ut minus sermo quam tractatus inscriberem moralia documenta dogmaticis cumulavit. Illa itaque primo apostolica verba I Corinth. xiii, 1, 2, 3, auctor expendens, nihil nobis omnium virtutum genera prodesse docet absque charitate, utpote quæ una cæteras omnes amplectatur virtutes, atque totius Christianæ perfectionis sit complementum. Secundo ad varia charitatis opera descendens, dum ea præcipue humilitatis, mansuetudinis, benignitatis et simplicitatis esse declarat, eademque in Davidica et apostolica electione, ac in dominico exemplo contemplanda et imitanda proponit; in contraria vitia, scilicet superbiam, invidiam, iracundiam, inimicitiam cæteraque id genus vehementius insurgit. Interim e re nata de Domini no-

(a) In præfat. ad libros *de Sacramentis*, tom. III.

(b) Vide admonit. præfixam opusculo *de Apolog. altera David*, et illam quæ præmittitur lib. *de Tob.* tom. I.

(c) Auctoris quidem, ait cl. Majus in præf. ad lib. de Re pub. xiii, pag. 56 edit. 1828, *autographum plerumque erant liberiore scriptura schedæ, quas Isidorus Orig. vi, 14, definit esse* « quod adhuc emendatur, et necdum in libris redactum est. » Nemo id potissimum moris Ambrosii fuisse negavit, ut ad plebem jam sine magna præparatione (Præf. ad lib. *de Sacr.*, col. 432, tom. III) habitas conciones, postea emendatas in libros distribueret.

(d) In his sermonibus sunt quædam, fateor, paucæ dictiones quæ nonnullis nasutis philologis forsitan stomachum facient, eo quod illas aut non referant hucusque edita scripta Ambrosiana, aut bonæ Latinitatis, pro eorum sententia, notam non præferant. Talia sunt verba, *demandare* pro *valde mandare*, *distrahere* pro *vendere*, *distractio* pro *venditio*, *prærogare pretium* vel *quantitatem* vel *odia*, pro *ante erogare pretium* vel *quantitatem*, vel *ante odium in aliquem habere*, a quo *prærogatio*; et *similare* pro *similem facere* seu *assimilare* cum dativo constructum. Verum quamvis hæ voces, ea significatione qua in his sermonibus ponuntur aut perbene Latine non sonent, aut Ambrosii hactenus auctoritate careant, tamen haud ab Ambrosiano stylo recedunt. Eadem enim vocabula vel jam in auctorum scriptis Ambrosii Mediolanensis ætate superiorum exstabant, vel apud veteres jurisconsultos reperiebantur. Minime proinde mirum si Ambrosius verba adhibuit, quæ jam ejus tempore in usu erant; minime suis moribus alienum, si juridicis verbis locutus est. Ipse enim, ut pote vir forensi arte exercitatus, passim in suis operibus pro-

stri Jesu Christi divina et humana utraque perfecta natura, deque hypostatica unione ac de ejus baptismo, passione, morte et gloriosa resurrectione loquitur, nec non quædam de sacramento baptismatis ejusdemque effectibus disserit.

VI. *Quibus indicis hi tres sermones adjudicantur Mediolanensi episcopo Ambrosio.* — Quod autem hi sermones ipsi Ambrosio Mediolanensi episcopo tribuendi sint, id permulta et idonea indicia demonstrare videntur. 1º In illis quippe Ambrosianæ locutiones frequenter occurrunt, et complures crebro reperiuntur sententiæ, quæ prorsus Ambrosium sapiant; id quod in scholiis identidem palam feci, multoque plenius et uberius fieri poterat. Cui nec ob stare et officere videatur, si aliquando sermonem remissiore in illis quam in aliis S. præsulis tractatibus advertere sit; nam; ut Maurinorum verbis loquar, « stylum variari ab auctoribus, et pro re ac tempore modo attolli, modo deprimi non ignoramus (a). » Quin, ut ipsi cum Gillotio fatentur, scimus, novum « non esse, inquit, si sanctus doctor pro re, loco, tempore, personis, stylum mutavit (b). » Huc etiam addi potest, reliquis, qui modo habentur, sermonibus Ambrosium iterum ostetriciam, ut ita dicam, manum admovisse, cum illos collectos in libros redegerit; (c) nostros autem, cum extra vagarentur disjuncti, eo modo quo ex ejus ore prolapsi sunt, munere tachygraphi ita ad nos permeasse impolitos. Cæterum, his in gratiam eorum, qui nimis naribus indulgent, notatis; nihil sane omnino contineri in illis pronuntio, quod a stylo, (d) in loco et tempore juridica verba usurpavit; ut saltem videre est, ex. gr., tom. II, pag. 338, et tom. III, pag. 918, etc. Jurisconsultorum vero vox est *distrahere* pro *vendere*, qua sæpe usus est Ulpianus in ff., qui etiam vocabula *distractio* pro *venditio* ff. 14, 3, 5, a med. et 2, 15, 8, cir. med., et *prærogare* pro *ante erogare* ff. loc. et cond. 1. *sed addes* trita habuit, atque usitata. In simili significatione verbum *distrahere* apud Tacit. vi *Ann.*, 17, Just. ix, 1, et apud Suetonium in *Vesp.* xvi, occurrit, apud quem et *prærogare* invenitur in Aug. 53, et illud obtinet *demandare* pro *valde mandare* in Neron. 35, in Aug. 10, et in Cæsar. 83. Vox quidem *prærogatio* a Latinis lexicographis primum adhibita dicitur a Fulgentio i *Mythol.* 2, init.: at ut antiquius a *distrahere* *distractio*, ita a *prærogare* *prærogatio* facile reddi potuit. Verbum autem *similare* pro *similem facere*, seu *assimilare*, et quidem cum dativo constructum, usurpat antiquissimus Esdræ interpres lib. iv, c. 8, pag. 44, quo idem S. Ambrosius non semel in suis operibus usus est. His igitur ex verbis, ut dixi, Ambrosii ætate usitatis vel juridicis nihil contra γρησιόγρια horum sermonum potest evinci. Quod enim illa non reperiuntur in hucusque Ambrosio scriptis assertis, vel inter vocabula rectæ Latinitatis non sint allata, id quidem non officit; nam pleræque dictiones et in scriptis Ambrosii vulgatis habentur, quæ in uno vel altero libro, et nullo alio in loco leguntur, pleræque quæ a Latinis lexicographis omittuntur, seu diversa significatione notantur. Ita, ex. gr., lib. iv *Hexæm.*, iii, 10, *perfunctio* pro *fruitio*, lib. ii de Cain et Abel *conspersio* pro *confusio*, in psal. cxviii, serm. 1, pag. 13, *colludium* pro *collusio*, atque ne longius sim *lentandum*, pro *lente morandum*, etc. Ut igitur insani hominis esset asserere singulos laudatos libros haud Ambrosii opus esse, quia vocabula nullo

genio, et charactere Ambrosiano dissideat. 2° Et re quidem vera quod Ambrosius in priori sermone auditoribus suis bona omnia temporalia relinquere et pauperibus distribuere valde commendat, id apprimè ipsimet convenit, quem omnes suas facultates reliquisse, et Ecclesiæ vel pauperibus tribuisse ex historia cognoscimus (a); quem hujusmodi rigidis ethices Christianæ dogmatibus passim suam plebem quam diligentissime imbuere solitum fuisse ex ejusdem vulgatis scriptis certo certius habemus (b).

3° Ambrosium etiam in suis concionibus habuisse solemne illud præcipua quadam cura inculcare, quantopere Christiani homines ad fugiendas sæculi vanitates et anxietates obstringerentur, ut sacræ lectioni et Deo ipsi possent die ac nocte liberius vacare tum ex libris *de Isaac et Anima*, *de Bono mortis*, et maxime *de Fuga sæculi*, tumque ex *Enarratione in psal. cxviii* (c) manifestum est; et id hoc nostro sermone confirmatur. 4° Alterius vero sermonis tanta est cum superiore colligatio, ut horum unius cognito, utriusque qui fuerit auctor cognoscatur. 5° Qui nexus si quoque deesset, sententiarum natura et color, atque temporis convenientia dictata satis illum demonstrarent, acceptum Ambrosio referri oportere. Etenim procul dubio non solum suarum facultatum abdicationem ac in pauperes dispersionem in suis scriptis suadet Ambrosius, sed etiam hujusce evangelici perfectionis consilii non semel utilitatem defendit, et in illud obtrectantes perstricto calamo insurgit; cujusmodi exempla in psalmis, et præsertim in *psal. cxviii*, ac in epistola quinquagesima octava reliquit (d). 6° Nec aliter de tertio sermone, qui eundem ac alii duo sibi auctorem vindicat, ut ex consecutione patet, dicendum est. In illo quippe Ambrosius, qui in vialio in loco usurpata, et non bene Latine sonantia exhibeant; ita non integri esset iudicii hos nostros sermones Mediolanensi antistiti abjudicare, quod pauca vocabula præferant, quæ hucusque Ambrosio auctore careant, et haud in lexica aureæ Latinitatis inserta sint. Hac quidem lege multa suis auctoribus deneganda forent, nec opus ullum, vix dicerem, exstaret, cujus de *γρησιότητι* haud dubitare liceret. Porro et illud præclarissimum opus politicum Ciceronis a cl. Maio nuper vulgatum, Ciceroni prorsus esset abjudicandum, eo quod vocabula plus viginti præ se ferat, quæ vel nec alia Ciceronis scripta, vel nec lexica exhibeant.

Verum etiam obiter adverto, dictionum varietates, quibus nimium quantum nescio, veterum scripta laborant, frequenter amanuensium perplexitati et audaciæ deberi. Ipsi enim aut verba concionantis aut dictantis Patris excipiebant, aut e codice exscribebant, et si aliquos ob temporis angustiam vel codicis difficultatem, vel eorum ignorantiam hiatus relinquere cogebantur in tabulis, eosdem propriis verbis explebant, et sic inde interpolata scripta vulgabant. Siquidem de hoc exceptorum, tachygraphorum, et librariorum arbitrio non semel antiqui Patres, et eruditi omnes conquesti sunt. Argumentum itaque internum ab elocutione desumptum plurimum quidem valet ad dignoscendos genuinos fetus auctorum; non ita tamen, ut cum cætera non desint indicia, fas sit ex una vel altera inusitata voce penitus operum *γρησιότητα* negare.

(a) Paulinus in *Vita S. Ambrosii*, n. 38, et idem Ambrosius in epist. 20, pag. 8, tom. III, id plane

Atiata jam tempora imperatricis Justinæ inciderat, eo præcipue nervos intendit, ut adversus venenum Arianorum, qui Mediolani ea tempestate plurimum poterant, populum suum communiret atque desuescentem schismate fraternæ charitatis morem reduceret. Profecto illic Ambrosius præcipuas Arianorum hæreses, queis Christi divinitas impetebatur, oppugnans, dogmatica, ut supra innuimus, documenta firmandæ Verbi divinitati peridonea tradit; simulque auditores suos impensius hortatur, ne persequantur in fratrem gratiam vel divina ope collatam, vel laboribus jejuniorum, vel assiduitate orationum, vel vigiliarum instantia omnibusque virtutum generibus conquisitam (e), neve ullis invidorum perturbentur insidiis, ullis concitentur offensis (f); sed dominico exemplo odia mundi non pertimescant (g); atque ita patienti animo convicia, proba et maledicta a fratribus fictis, hujusque sæculi principibus (Justina videlicet, et ejus Aulicis, cæterisque Arianis) sibi sustinerent illata, ut humilitatis, et mansuetudinis omnium sint exemplar ac norma (h); qui quidem omnes sensus in Ambrosii operibus frequenter occurrunt (i), et illis temporibus apprimè respondent (j). 7° Nec minus Ambrosium redolet mentio, quæ in eo fit de gestis Eliæ; quorum passim in suis scriptis meminisse se narrat Ambrosius. *Plurima enim*, inquit lib. *de Elia et Jejun.* III, 5, *de Elia gestis frequenti diversorum librorum sermone digessimus* (k). 8° Quin etiam neophytos per se Ambrosium consuevisse docere, eisque ut a redeundo in sæculum, cui per baptismum nuntium reniserant, utilius deterreret, frequentius instasse, ut *abdicatis corporis delectationibus, cupiditatibus omnibus mundique illecebris* (l) in perpetuum sæculo morerentur, et cælo cum Christo resurgerent, testantur.

(b) Confer saltem libros, quibus titulos fecit *de Abraham*, *de Nabuthe Jezraelita*, tom. I, *de Officiis ministrorum* sparsim tom. III, atque in *Enarratione in psal. cxviii*, præsertim serm. 12, pag. 37 et seqq., tom. II.

(c) Tom. I, a pp. 418, 458, 491, et tom. II, a p. 330.

(d) Tom. III, col. 1098.

(e) Serm. 3, § 1.

(f) Ibid., §§ 4, 5, 11.

(g) Ibid., § 7.

(h) Ibid., §§ 7, 10.

(i) Contra Arianos præcipue decertat Ambrosius in libris *de Interpell. Job et David*, lib. I, 9, et II, 4 et 6, tom. I; in *Enarrat. in psal. XLIII, XLV, XLVII, XLVIII et LXI*; in *Exposit. in Luc.*, tom. II; in lib. *de Mysteriis, de Fide*, tom. III, et *de Spir. Sanct., de Incarnat.*, tom. IV, atque alibi sparsim. Quod vero attinet ad fraternam charitatem servandam sensus non absimiles scripta Ambrosiana abunde suppeditant, ut ex gr., in *psal. xxxvii, 45, xxxviii, 10 et seqq.*, et *cxviii, serm. 10, pag. 3, 10, 41, 50*; *serm. 12, pag. 49, et serm. 15, pag. 15 et seqq.*; in *Lucam VII, 28, 59, et VIII, 24*, tom. II, lib. II *de Offic.*, a cap. 15, atque epist. 41, pag. 9, et 63, pag. 83, tom. III, que inter tanta hic citasse sufficial.

(j) Consule Paulinum in *Vita S. Amb.*, n. 12 et seqq., nec non ejusd. Ambrosii epistolas 20 et 21, tom. V, ac ibid. serm. *de Basilicis non tradendis*, fol. 914.

(k) Tom. I, col. 645.

(l) Lib. *de Bono mortis* III, 9, tom. I, col. 461.

res notissima est (a). En autem similia leguntur in his Sessorianis sermonibus, quos pariter quoque habuit ad illos, qui jam divina professione deputati sunt cœlo (b), quique jam mortui per baptismum natalibus mundi, nobilitati per gratiam nati sunt cœlo (c). 9^o Nec ut hos sermones tribuamus Ambrosio, inde nihil videtur accedere confirmationis, quod in illis ad vigiliis traducendas, hymnosque et psalmos canendos fideles invitet (d); nam hoc nihil in suis scriptis familiarius Ambrosio (e); quem primum, Justinæ persecutione fervente, vigiliis, ac ut hymni et psalmi in ecclesia canerentur secundum morem Orientalium partium instituisse, tum S. Augustinus (f), tum Paulinus in Ambrosii Vita (g) testantur. 10^o et 11^o Verum ut argumenta alia non essent, duo, scilicet tam summa eorum, quæ in his sermonibus dicuntur contractius cum eis, quæ in enarrationibus in psalmis, præsertim psalmi cxviii fusius leguntur, consensio; quam eadem, qua in illis utitur, ut in hucusque admissis Ambrosii operibus reperitur, Vulgata, vel sola sufficerent ut Ambrosianos hos nostros sermones esse, nemini certum non fieret et exploratum. Ingenue tamen fateor illic quandoque aliis aliquod sacræ Scripturæ locos verbis citari; at id nihil prorsus meæ sententiæ officere assero: tum quia « ex operum S. Ambrosii lectione (ut Natalis Alex. verbis utar (h), quæ Benedictini editores confirmant (i)) constat, eum non iisdem semper verbis eosdem Scripturæ sacræ locos laudasse; » tum quia in Sessorianis sermonibus hæc non confirmatur dissensio, nisi raro, et in iis tantum locis citandis, quos diversis semper verbis usus est Ambrosius citare; tum quia varietates illæ tales sunt, ut quin duplicem arguant versionem,

potius excludant; quæ quidem omnia maxime liquent ex variis lectionibus codicis nostri textui subjectis, ut in re oculis ipsis inspicienda diutius immorari supervacaneum omnino sit, ac inutile. 12^o et 13^o Præterea certe præterire non possum, hisce in sermonibus pro Ambrosiano more nunquam auditores allici, neque accuratum ordinem, neque artificiosam partitionem servari; simulque animadverti, auctorem non semel respicere ad S. Basilii opera, quem fontem Ambrosium in suis pangendis libris prægustasse certissimum est. Exstant quidem præ aliis S. Basilii homiliæ, quæ inter editas sunt 7, 8, 20 et 21 (j), cujus sane materia cum istis Ambrosii concionibus haud parum habet affinitatis. 14^o Quis demum ignorat multos Ambrosianos excidisse sermones? Profecto Maurini multos Ambrosii deperditos memorant (k), pluresque vel inde conjicere est, cum nihil certius sit, Ambrosium non modo singulis diebus dominicis concionatum fuisse, verum etiam quotidiano sermone stato anni tempore catechumenos, competentes, et recens baptizatos (l) instruxisse, ut ex ejusdem scriptis (m), vel et ex loculentissimis Augustini et Paulini testimoniis compertum habemus (n): anecdotos ergo Ambrosianos invenisse sermones mihi invideat nemo, neque confidentiæ me insimulet. 15. Et re quidem vera nonne horum sermonum Ambrosium auctorem facit Sessorianus optimæ notæ codex miscellus (o), qui invidus mille et plus annis has Ambrosianas gemmas obvolvitur? In eo quippe, manu codicis antiquitate pari, S. Ambrosii nomine hi tres inscribuntur sermones. Cui ergo hujus nominis viro, ne codicis prætergrediamur ætatem, illos, præter Mediolanensem, tribuemus? Non certe Ambrosio Ori-

(a) Videris hac de re Augustini *Confessionum* lib. vi, cap. 3 et 4, nec non Ambrosii opera, de *Fuga sæculi*, de *Jacob et Vita beata*, et de *Mysteriis*.

(b) Serm. 1, § 1, p. 1² (*Infra coll.* 109-112.)

(c) Serm. 3, § 10, p. 26 (*Infra col.* 135).

(d) Serm. 1, § 5, et serm. 3, § 11, pp. 6 et 30 (*Infra coll.* 116 et 140).

(e) Ita in lib. iii *Hexaem.* 1 et 5; lib. ii de *Interpell.* David., 6, tom. I, in præfat. ad psal. 1, et in psalmis XLVIII, 23, cxviii; serm. 7, pag. 25, tom. II, atque alibi.

(f) Augustinus de sua matre jam Mediolani commoranti ita loquitur lib. ix *Confess.* c. 12: *Ibi mater mea, ancilla tua (scilicet Ambrosii) sollicitudinis, et vigiliarum primas tenens, orationibus vivebat; et post pauca prosequitur: Tunc hymni et psalmi ut canerentur secundum morem Orientalium partium institutum est, et ex illo in hodiernum retentum, multis jam et pene omnibus gregibus tuis, et per cætera orbis imitantibus.* Consule etiam lib. ix de *Civit. Dei.* 12, col. 162.

(g) Ibid., n. 13, ait Paulinus: *Hoc tempore, nempe quo Ariani basilicam Portianam invadere nitentur, primum antiphonæ, hymni, ac vigiliæ in Ecclesia Mediolanensi celebrari cæperunt. Cujus celebritatis devotio usque in hodiernum diem non solum in eadem Ecclesia, verum per omnes pene Occidentis provincias manet.*

(h) *Hist. Eccles.*, sæc. iv, part. 1, p. 508, col. 2.

(i) In præfat. ap. libros de *Sacramentis*, tom. III.

(j) Tom. II operum S. Basilii edit. Paris., an. 1711, pag. 51, 62, 156 et seqq.

(k) In Præfat. ad tom. III et IV, oper. S. Ambrosii. Vide etiam sic Cerilietum, *Hist. générale des Auteurs sacrés et ecclésiastiques*, tom. VII, pag. 574 et seqq.

(l) Trina hæc pervetusta distinctio cum codicibus Vaticanis explicatur a cl. Maio in nota 1 ad *Explicat. symboli* B. Nicetæ Aquileien. episcopi, pag. 35 Romanæ edit. an. 1827.

(m) Lib. de *Mysteriis* I, tom. III, col. 408.

(n) Reapse Ambrosium singulis diebus dominicis concionatum esse testis est Augustinus lib. vi *Confess.*, cap. 3, scribens: *Eum quidem in populum verbum veritatis recte tractantem omni die dominico audiebam.* De assiduitate vero, qua baptizandos docebat Ambrosius, sic Paulinus in ejus Vita, n. 38, loquitur: *In rebus etiam divinis implendis fortissimus, in tantum ut quod solitus erat circa baptizandos solus implere, quinque postea episcopi tempore quo decessit, vix implerent.*

(o) In codice post nomen Ambrosii titulus episcopi omittitur; attamen non hinc aliquis hos sermones alteri Ambrosio a Mediolanensi episcopo distincto acceptos referat: nam si codicis ætati, si sermonum stylo, et sententiis, eorumque auctoris moribus, et instituto ratio habeatur, nulli ejus nominis, nisi Mediolanensi episcopo tribuendos esse, fateatur oportet, Cæterum tum sanctitatis, cum dignitatis titulos passim in antiquis codicibus vel consuetudine, vel potius socordia prætermittunt librarii; et quidem in hoc ipso codice, ex. g., nonnulla opuscula simpliciter S. Augustino constanter inscribuntur, quæ tamen ad Hipponæ episcopum certissime pertinent.

genis discipulo, et Ecclesiae Alexandrinae diacono (a); non ei, qui S. Didymi ejusdem Alexandrinae Ecclesiae doctoris, floruit aetate (b). Horum enim uterque nec episcopali dignitate praefulsit, nec ad populum sermones habuit: qui tunc temporis a solis episcopis ut plurimum habebantur; uterque Graece scripsit, et sermones nostri quin Latini e Graeco interpretationem redoleant, eam prorsus excludunt. Nec sit qui illos Ambrosio Carducensi in Gallia episcopo ascribat; nam quamvis Sessorianum ms. quis archetypum fuisse diceret, tamen hos sermones vix et ne vix quidem Carducensi Ambrosio acceptos referri poterit. Etenim Ambrosius ille tantum post medium saec. viii ad episcopatum euectus est (c), et has conciones, quas nonnisi episcopi fetus esse clarissime patet, codex exhibet laudati episcopi aetate major, scilicet, ut dixi, saeculo vii, vel ad summum saeculo viii ineunte conscriptus. Hinc prorsus flocci facienda esset et eorum opinio, qui hos sermones Ambrosii Autperti monachi (d) opus esse contenderent; nam, praeterquam quod illius non esse tum ex moribus et instituto, tum ex stylo et forma scribendi auctoris, tum ex diversa biblica versione, qua ille utitur, satis commode probari queat (e), etiam ut illi abjudicaremus, una praeter caeteris ratio sufficeret, qua Carducensi episcopo abjudicandos putavimus. Siquidem et Ambrosii monachi aetas, ne cum Trithemio inter scriptores eum referam, qui

A florere saeculo ix exeunte, tamen haud revocanda citra an. circiter 760, nec ultra an. 778 producenda est. Porro anno circiter 760 commentariis in Apocalypsim clarere coepit, et anno 778, ut est eruditorum probabilior sententia, dum Romam pergeret, diem vidit extremum, post quam duobus duntaxat mensibus, et diebus 25, iisdemque non pacifice, in monasterio S. Vincentii ad Vulturum prope Beneventum abbatis munere perfunctus esset. Reliquum est igitur, ut vel distinctum a laudatis in primis septem Ecclesiae saeculis alterum excogitemus Ambrosium, vel codicis auctoritatem, et vetustatem in dubium vocemus. Neutrum quidem. Uno ergo Ambrosio Mediolanensi Sessoriani codicis auctoritate hi sermones adjudicandi sunt. Quanta vero hujus codicis sit auctoritas, certatim docent summi auctores, qui vel illum summo in pretio habuisse testantur, vel ex eo tum S. Augustini, cum S. Maximi Taurinensis episcopi nova scripta eruerunt.

B VII. *Auctores qui usi sunt codice Sessoriano, ac de eo sunt locuti.* — Porro de hoc codice, qui, ut supra dixi, olim exstitit in monasterio Nonantulano, ex quo Romam detulit de suo ordine, nec non de Ecclesia universa optime meritus Hilarion Rancatus, qui Sessorianae Bibliothecae auctor fuit (f), sic in suo *Museo Italico* loquitur inclytus Mabillonius (g): «In codice Romano Sanctae Crucis, qui fuit olim monasterii Nonantulensis, ante annum octingentesimum acqui-

(a) Vide Eusebium, lib. vi, 18; Epiphanium, hær. 64, et S. Hieronymum, *de Scrip. Eccles.*, 56.

(b) Confer du Pin et Moreri.

(c) Plura de hoc Ambrosio leguntur *Hist. litt. de la France*, tom. IV, pag. 137 et seq., ac apud Ceillierium lib. sup. cit., tom. VIII, pag. 486.

(d) Hujus Ambrosii gesta refert Mabillonius *Act. Sacrorum ord. S. Bened.*, vol. IV, saecul. iii, part. ii, a pag. 259. Vide etiam Anastasium, pag. 1711 et seqq.

(e) Ut rursus demonstrem hos sermones solo episcopo convenire, prout ad solos olim pertinebat episcopos catechumenos et neophytos instruere, diutius non immorabor; nec aequè operosius conabor ostendere quantum sermones nostra moribus et instituto, quantum a stylo et forma scribendi Autperti dissident. Pauca tamen properans percurram. Quippe Autpertus nullibi fere in suis scriptis monasticam regulam non laudat, vel se monachum ad monachos alloquentem non prodit. Praeterea Autperti scripta qui attente perlegerit, in ipsis saepius S. Augustini elocutiones, antitheses, et fere aliquando integras inveniet periodos, nec non saepius blandas voces, ut *Fratres dilectissimi*, etc., atque his similia, et alia nonnulla eidem familiaria verba reperiet, a quibus omnibus sermones nostri ita prorsus alieni sunt, ut ne syllabam, vix dicerem, cum Autperti scriptis communem habeant. Insuper Autpertus biblica versione, quae novam vix Vulgatam reddit ad verbum, ideoque diversa prorsus ab ea, quae in his sermonibus reperitur versio, usus est, ut ex ejusdem et nostrae collatione nullo negotio deprehendes, saltem si consulas apud Martenem, tom. IX *Ampliss. Collect.*, pag. 222, 227, 229, etc., ac in *Biblioth. Patrum*, Colon. edit. tom. XIII, pag. 480 et 492, ubi Autperti scripta quotquot exstant vulgata invenies.

(f) De hoc cl. viro et summa omnium laude collendo Josephus Blanchinius in part. ii sui *Evangeliarum*, dum inter alia plura, quorundam codicum Ses-

sorianae bibliothecae specimina exhibet, fol. 593 verso, his verbis loquitur: «In venerab. monasterio S. Crucis in Jerusalem insignis exstat bibliotheca mss. codicibus referta, opera cl. viri Hilarionis Rancati Mediolanensis, monachi Cisterciensis, sui ordinis, dum viveret, procuratoris ac praesidis in Italia generalis, in recognitione librorum syriacorum. versione Arabica Bibliorum, explicatione controversiarum fidei quinque summis pontificibus Paulo V et subsequentibus eximie probati, qui vixit annos 69, obiitque die 12 Aprilis an. 1663, ut scribit Mabillonius (*In Itiner. Italic.*, p. 90). Id vero (laudati Mabillonii fere sunt verba l. c. tom. II) praecipue in ejus laudem vertit, quod varios codices ex Italiae monasteriis conquisitos studiose collegit, quibus dicta bibliotheca celebris evasit. Ex ea eruta est praecleara illa S. Augustini epistola ad Alypium, quae est in nova editione 29, et aliquot novi sermones. De tanto viro etiam videri potest Fumagallius, qui ejus vitam diligenter scripsit, et Brixiae vulgavit an. 1762.

D Hic modo, ut ingrati animi crimen horreo, haud silentio praeteream supra laudatum eminentissimum card. Joachimum Besutium, virum utique, ut ait Blanchinius l. c., *modestia ac pietate non minus quam singulari doctrina commendandum*, quippe qui et ipse non solum Sessorianam bibliothecam rarissimorum librorum copia, et nonnullis pretiosissimis codicibus auxit ditavitque, verum etiam caenobium haeredem ex asse dixit, et bibliothecarium institui curavit.

Blanchinius scribens supra relata verba, addidit: *Cistercienses hodie incolunt hunc locum munere Sixti pape V*, quod prorsus a veritate alsonum est: nam monachi Benedictino-Cistercienses ab anno 1563, Pio IV pontifice maximo, jam Sessorianum caenobium inhabitasse constat ex serie abbatum ad calcem Historiae ejusdem monasterii posita, quam Raimundus Besutius an. 1750 Romanis typis vulgavit.

(g) Tom. I, part. ii, p. 4, § 4.

situs ab Anselmo abbate, continentur homiliae 73 : A ex quibus pleraeque in Sancti Galli exemplari habentur. Inscriptum erat in fronte codicis nomen auctoris ; sed eo abraso sancti Ambrosii nomen substitutum. Maxima pars tamen harum homiliarum sunt Maximi, tametsi quaedam aliae Hieronymi et Augustini sub eorum nomine insertae sunt . Nec aliis verbis hunc codicem celebrat Blanchinius, simulque novissimus editor Romanus operum S. Maximi, qui in praefatione (a) ita illum accurate describit: «Alter est praecipuorum, quos dixi, codex Nonantulani olim monasterii in agro Mutinensi, nunc Romanae bibliothecae Cisterciensium monachorum Sanctae Crucis in Jerusalem. Est is codex membranaceus in-fol., notatus numero XC, ut frons exterior voluminis exhibet, quanquam intus pag. 1, praese numerum CXXXIV B ferat ; caeterisque hujus bibliothecae codicibus ut antiquitate, ita accuratioris Scripturae lectione integritateque praecellit, spectatque ad VII vel summum ad VIII Ecclesiae saeculum. Ductus litterarum in eo Romanus est, aetatis, ut aiunt, secundae, paululum vergens ad Longobardicum. A pag. 129 ad 169 sexaginta partim homilias, partim sermones complectitur, de quibus eminentissimus cardinalis Besutius in indice bibliothecae Sanctae Crucis (b) sic statuit : *auctorem eosdem habere sanctum Maximum mihi certum est.* Quod autem hi laudatissimi viri in Sessoriano codice nullum Ambrosii genuinum sermonem memorent inveniri, quin omnes quamvis recentiori manu Ambrosio tributos, SS. Augustino, Hieronymo et Maximo ascribi velint, id neminem movebit, qui attente consideret, illos de iis tantum sermonibus loqui, quos codex a pag. 129 complectitur, non vero de nostris, quos superiores exhibent pagellae, quique in illis cla-

(a) Part. 1, § 5, pag. 16 et seq. (*Nostrae Patrol. t. LVII, col. 17-18 sq.*)

(b) Utinam modo index ille exstaret ! nos enim accurate et erudite doceret quae quantaque pretiosissima in ea olim bibliotheca fuissent ; sed externis armis Italiam invadentibus, bibliotheca anno 1809 expilata, una cum variis mss. codicibus, multisque rarissimis libris, et hic index pessum ivit non sine magno litterariae reipublicae detrimento. His quidem mss. codicum in bibliothecis delitescens catalogis nihil esse utilius ad exornandam, amplificandam, et altius provehendam rem litterariam apud doctos exploratum confessumque est. Verum, praeter ea quae supra retulimus, haec etiam praenotata exstant de hoc codice ab eminentissimo viro in chartae plagula, D quae est ipsi codici in fronte assuta.

COD. 134.

- Continet, pag. 1, sermonem S. Augustini de Nuptiis ; a pag. 2, libros Confessionum S. Augustini.*
 2, f. 80 S. Ambrosii sermo de Caritate.
 3, f. 81, S. Hieron. Epitaphium S. Paulae.
 4, f. 88, S. Ambrosii sermo de Perfecto.
 5, f. 89, Cassiani collationes septem, quae sunt abbatibus Chæremonis et ab. Joseph, et in editis sunt ab 11 ad 17.
 6, f. 129, S. Maximi sermones 61, qui tamen in hoc codice tribuuntur S. Ambrosio.
 7, f. 169, S. August. sermo de eo quod scriptum est ; Hic est dies, quem fecit Dominus.
 8, f. 169, S. Hierony. sermo de Exodo in Quadrag.

rissimis verbis, et quidem prima manu S. Ambrosio inscribuntur. Atque hoc loco rem eruditis, ut spero, jucundam non reticebo ; nempe quod ex hoc ipso codice plane evincitur, Mabillonium et laudatum S. Maximi editorem in numerandis sermonibus, qui a cit. pag. 129 in hoc codice continentur, haud accurate ipsum codicem consuluisse, cum primus eos omnes 73 numeraverit, alter quamvis ut S. Maximi 60 recognoverit, tamen in notitiis praeviis (c) duos et sexaginta exscripserit. Uterque enim satis habuit advertere indicem, qui hisce sermonibus fol. cit. recto praemittitur, et utrumque idem index fefellit ; nam in eo geminato num. 13 numerantur tres et septuaginta sermones, quamvis reapse sint tituli 74 : simulque Maximo 62 tribuantur, etsi eorum postremus numero 61 notetur. Neque vero in numero solum sed etiam in titulis S. Maximi editor cum indice erravit ; quod ut clarius appareat, hic operae pretium duxi omnia per singula recensere, quae in hoc eodem codice continentur.

VIII. *Quae in Sessoriano codice continentur.* — Et quidem habetur in eo fol. 1 recto S. Augustini sermo de Nuptiis, qui absque titulo inc. « Nuptiae in quibus Christus et munerator, et conviva decubuit, etc. » Des. « Itaque illi desiccati sunt et aruerunt ; nos vero comedimus, et bibimus, et refecti sumus per ipsum Jesum Christum, qui vivit cum Patre, et cum Spiritu sancto in saecula saeculorum. Amen. » Hunc sermonem, in quo Augustinus tuetur adversus Manichæos, vere Christum instituisse conjugia, inter editos reperire non potui. Porro de bono Nuptiarum sermonem habuisse Augustinum constat ex ejusdem fragmento, quod ex Beda et Floro afferunt Maurini t. V oper., part. II, col. 1519 ; at nulla cum

9, f. 170, S. August. sermo ad Competentes et Caethecumenos, et usq. ad f. 175, sequuntur alii sermones, qui tribuuntur in hoc codice S. Augustino.

10, f. 175, S. Hierony. sermo de Exodo in Vig. Paschae.

11, f. 177, S. Basilii Instituta monachorum, Rufino interprete.

12, f. 200, S. August. sermo de Resurrectione.

Codex mihi videtur antiquissimus, et conferendi sunt sermones horum Patrum cum editis eorumdem.

Ex his verbis tria pro nostra sententia colligimus : primum, Besutium S. Ambrosii nomine unum Mediolanensem Ambrosium intellexisse ; eo enim nomine simpliciter utitur etiam num. 6, ubi certe ad Mediolanensem respexit ; deinde, sermones hos nostros ut S. doctoris germanos fetus habuisse, alias notasset ; nam quod spurium ac subditivum opus ei visum est, constanter notavit, ut num. 6 et 9 ; postremo, sermones omnes quos hic codex exhibet SS. Patribus tribuisse, et inter illos nonnullos putasse ineditos inveniri ; etenim postremis verbis, ut eos sermones conferant, ad edita SS. Patrum, et non ad aliorum scripta lectores amandat. In hoc syllabo is quidem sermo desit, qui secundo loco hic typis vulgatur. Ille cum brevissimus sit, et in calce paginae positus viri eminentissimi diligentiam fugit ; potius enim continuatio primi, quam alter sermo primo intuito videtur.

(c) Pag. 174 et seqq.

illo est nostri consensio. Hic sermo ægre legitur in codice tum evanidis vetustate, et sorde obductis characteribus, cum in oris circumquaque carie detrita pagella. Fol. 2 recto, sequuntur ejusdem S. Augustini libri 13 Confessionum, quorum titulus ita est ad calcem folii 1 versi : « Inep. libri Confessionum ejusdem S. Augustini. » Hoc opus non est distinctum in capita, et uberem a Maurinorum editione præstat variantium segetem pro nova excudenda. Fol. 79 verso : INCP. S. AMBROSI SERMO DE CARITATE EX LECTIOE SC̄I PAULI APOSTOLI CONTRA MALOS, QUI BONIS INVIDENT, qui sermo hic tertio lobo vulgatur. Fol. 81 recto, S. Hieronymi epitaphium sanctæ Paulæ cum epigrapho : « Inep. epitafium (sic) sanctæ Paulæ a beato Hieronymo p̄bo factum. » Ejusdem in fine titulus sepulcri legitur litteris uncialibus, et ad illam formam elaboratis, quam vulgo lapides retinent, conscriptus, in quo mortua dicitur Paula, *Honorio Augusto vi et Aristhenito consulib.*, non *Arestenio*, ut in edit. oper. S. Hieronymi habetur Mariani Victoris, nec *Aristeneto*, ut Parisiensis editio tom. IV, col. 669, et Veronensis tom. I, col. 689, retinent. Fol. 88 recto : INCP. SERMO S. AMBROSI DE PERFECTO, qui primus in ordine nunc prodiit in lucem. Fol. cit. verso : INCP. EJUSDEM ADVERSUS EOS QUI DICUNT, POSSESSIONEM NON DISTRAHENDAM, SED FRUCTIBUS MISERICORDIAM FACIENDAM, qui sermo secundum in his foliis sibi vindicat locum. Fol. 89 recto : Joannis Cassiani collationes 7 Patrum Thebaidis, quarum in fronte legitur : « Hæc insunt in hoc codice collationes septem, id est, abbatis Chæremonis de perfectione, ejusdem de castitate, ejusdem de protectione Dei ; abbatis Nestoritis de spiritali scientia, ejusdem de charismatibus divinis ; abbatis Joseph de amicitia, ejusdem de definiendo. » Singulis collationibus capitulorum tituli sunt inscripti, et primo loco ponitur præfatio ad Honoratum et Eucherium, qui tamen non nominantur in codice. Exstant vulgatæ a num. 11 ad 17 in edit. Romana anni 1611 formis excusa camerae apostolicæ. Fol. 129 recto, incipiunt sermones prima manu S. Maximo Taurinensi, secunda manu S. Ambrosio tributi, et denuo recentiori scriptura S. Maximo restituti, quos index titulorum præcedit, in quo, ut jam notavimus, septuaginta quatuor tituli recensentur, et iterato num. 13, tres et septuaginta numerantur. Ex eo tres et sexaginta priores titulos excerpit P. Brunus S. Maximi editor, et, ut supra innui, pag. 174 in notitiis præviis vulgavit, dum de codicibus agit, quibus in sua editione adornanda usus est. Hoc vero ordine, et hisce titulis in corpore codicis ii sermones habentur. Fol. 129 verso, 1 : « Inep. sermo de natale s̄rum Petri et Pauli apostolorum. » Editus est apud S. Maximum Romæ excusum an. 1784, col. 229. Fol. 130 recto, 2 : « Inep. de eorum natale. » Edit. ubi supra, col. 573. Fol. cit. verso, 3 : « Inep. de margarita Evangelii. » Edit. ubi supra, col. 389. Fol. 131 recto, 4 : « Inep. de natale S. Laurenti. » Edit. ubi supra, col. 579. Fol. cit. verso, 5 : « Inep. de natale S. Joannis

A Baptistæ. » Edit. ubi supra, in append. col. 41. Fol. 132 recto, 6 : « Inep. alium (sic) de natale ejusdem. » Edit. apud S. Ambrosium inter spuria col. 570. Fol. cit. verso, 7 : « Inep. de Natale SS. Petri et Pauli apostolorum. » Edit. apud S. Maximum, col. 577. Fol. 133 recto, 8 : « Inep. de natale S. Cypriani episcopi. » Edit. ubi supra, col. 255. Fol. cit. in calce, 9 : « Item sequentia de eodem sermone. » Edit. ubi supra, col. 595. Fol. cit. verso, 10 : « Inep. de passione vel natali sanctorum, id est, Octavi, Adventi et Solutoris Taurinis. » Edit. ubi supra, col. 261. Fol. 134 recto, 11 : « Inep. de gratia Baptismi. » Edit. ubi supra, col. 617. Fol. cit. verso, 12 : « Item de natali martyrum. » Edit. ubi supra, col. 617. Fol. 135 recto, 13 : « Inep. de natali SS. Canti, Cantiani et Cantianillæ. » Edit. ubi supra, col. 615. Fol. cit. verso, 14 : « Item de natali sanctorum. » Edit. ubi supra, col. 621. Fol. 136 recto, 15 : « Inep. de eo quod scriptum est in Actibus apostolorum : *Erant eis omnia communia* (sic), et de Cain, et de Anania (sic). » Edit. ubi supra, col. 429. Fol. cit. verso, 16 : « Inep. sequentia de avaritia, et de Anania. » Edit. ubi supra, col. 323. Fol. 137 recto, 17 : « Inep. exhortatio ad plebem, et de eo quod scriptum est in Evangelio : *Sicut fulgur de sub cælo ; ita erit adventus filii hominis* ; et de duobus in lecto uno. » Edit. ubi supra, col. 5. Fol. 138 recto, 18 : « Inep. de sequentia. » Edit. ubi supra, col. 9. Fol. cit. verso, 19 : « Inep. de hospitalitate. » Edit. ubi supra, col. 645. Fol. 139 recto, 20 : « Inep. de eleemosynis, et ubi sedit Dominus Jesus super puteum Samariæ. » Edit. ubi supra, col. 325. Fol. cit. verso, 21 : « Præfatio vel increpatio ad plebem. » Edit. in append. tom. V oper. S. Augustini, num. 87. Fol. 140 recto, 22 : « Inep. de grano synapis, et de S. Laurentio martyre. » Edit. apud S. Maximum, col. 36. Fol. cit. verso, 23 : « Sequentia de grano sinapis superiore. » Edit. ubi supra, col. 365. Fol. 141 recto, 24 : « Inep. de id (sic) quod scriptum est : *Reddite quæ Dei sunt Deo*, et de militantibus. » Edit. ubi supra, col. 375. Fol. 142 recto, 25 : « Inep. de eodem sequentia. » Edit. ubi supra, col. 347. Fol. cit. verso, 26 : « Inep. de eo (deest) quod propheta ait ad filios, scilicet : *Caupones uestri miscunt aquam uino.* » Edit. ubi supra, col. 339. Fol. 143 recto, 27 : « Inep. de psalmo XXI, et de passione Domini. » Edit. ubi supra, col. 137. Fol. 144 recto, 28 : « Inep. de defectione lunæ. » Edit. ubi supra, col. 333. Fol. cit. verso, 29 : « Item de sequentia ejusdem. » Edit. ubi supra, col. 337. Fol. 145 recto, 30 : « Inep. de eo quod scriptum est in Evangelio, dicente Domino : *Facilius est camelum per foramen acus transire, quam divitem intrare in regno cælorum.* » Edit. ubi supra, col. 385. Fol. cit. verso, 31 : « Inep. de eo quod scriptum est : *Simile est regnum Dei fermento.* » Edit. ubi supra, col. 369. Fol. 146 recto, 32 : « Inep. de hospitalitate in Evangelio. » Edit. ubi supra, col. 351. Fol. 147 recto, 33 : « Inep. de jejuniis (sic solita crasi) in initio Quadragesimæ. »

Edit. ubi sup., col. 467. Fol. 148 recto, xxxiiii : A
 « Item sequentia, et tempore ieiuniorum non luxu-
 riantum. » Edit. ubi sup., col. 457. Fol. cit. verso,
 xxxv : « Incip. de die sancto Paschal, et de cruce
 Domini. » Edit. ubi sup., col. 451. Fol. 149 verso,
 xxxvi : « Item de cruce et de resurrectione Domini. »
 Edit. ubi sup., col. 453. Fol. 150 recto, xxxvii :
 « Incip. sequentia de sepulchro Domini Saluatoris. »
 Edit. apud S. Ambrosium sub num. 53 Rom. editio-
 nis. Fol. cit. verso, xxxviii : « Incip. de Pentecosten
 (sic), et de psalmo centesimo nono. » Edit. inter S.
 Maximi opera, col. 197. Fol. 151 recto, xxxviii :
 « Incip. de eo quod scriptum est in Evangelio : *Vulpes
 foueas habent*, et reliqua. » Edit. ubi sup., col. 379.
 Fol. 152 recto, xl : « Inrepatio ad plebem, et de eo
 quod scriptum est in Euangelio : *Qui habet, dabitur ei;
 et cantauimus uobis, et non saltastis*. » Edit. ubi
 sup., col. 661. Fol. cit. verso, xli : « Incip. ubi Deus
 sabbato manum aridam curauit. » Edit. ubi sup.,
 col. 383. Fol. 153 verso, xlii : « Incip. de Penteco-
 sten (sic). » Edit. ubi sup., col. 191. Fol. 154 recto,
 xliii : « Incip. de die sanctae Ephyfaniae (sic). »
 Edit. ubi sup., col. 413. Fol. cit. verso, xliiii : « Item
 de die Ephyfaniorum (sic), et de Euangelio, ubi Do-
 minus baptizatus est, et de psalmo xxviii. » Edit.
 ubi sup., col. 241. Fol. 155 recto, xlv : Incip. de
 eo quod scriptum est in Euangelio : *Hominis cuius-
 dam diuitis fructus uberes ager adtulit*. » Edit. inter S.
 Basili opera hom. 6, tom. II, pag. 43, a qua tamen
 multas hic nostri codicis sermo variantes habet. Fol.
 158 recto, xlvi : « Incip. de eo quod scriptum est :
Quis maior est in regno caelorum? » Edit. apud S.
 Maximum, col. 285. Fol. cit. verso, xlvii : « Incip.
 de duabus nauiculis in Euangelio. » Edit. ubi sup.,
 col. 639. Fol. 159 verso, xlviii : « Incip. de ieiuniis
 vel sancta Quadragesima. » Edit. ubi sup., col. 461.
 Fol. 160 recto, xlviii : « Incip. de ieiunio Domini in
 deserto, et quod *non in solo pane uiuit homo*. » Edit.
 ubi sup., col. 433. Fol. 161 recto, l : « Item sequen-
 tia de ieiuniis Quadragesimæ. » Edit. ubi sup., col.
 465. Fol. cit. verso, li : « Incip. de Pascha. » Edit.
 ubi sup., col. 179. Fol. 162 verso, lii : « Item se-
 quentia de sanctum (sic) Paschae. » Edit. ubi sup.,
 col. 181. Fol. cit., liii : « Item sequentia. » Edit. ubi
 sup., col. 185. Fol. 163 recto, liii : « Incip. de Pen-
 tecosten (sic). » Edit. ubi sup., col. 187. Fol. 164
 recto, lv : « Incip. de accusato Domino apud Pila-
 tum, et de Susanna. » Edit. ubi sup., col. 141. Fol.
 cit. verso, lvi : « Item sequentia. » Edit. ubi sup.,
 col. 143. Fol. 165 verso, lvii : « Incip. de natale
 Domini. » Edit. ubi sup., col. 403. Fol. 166 recto,
 lviii : « Incip. de kalendis Januariis. » Edit. ubi
 sup., col. 409. Fol. cit. verso, lviii : « Incip. tracta-
 tus de Ephyfania (sic). » Edit. ubi sup., col. 428. Fol.

167 recto, lx : « Incip. post Ephyfania dictum (sic). »
 Edit. inter S. Ambrosii sermones in append. rejectos
 serm. 11, col. 502. Fol. cit. verso, lxi : « Incip. de
 sancta Quadragesima. » Edit. apud S. Maximum,
 col. 109. Fol. 168 verso, lxii : « Incip. sermo S. Au-
 gustini de id (sic) quod scriptum est : *Hic est dies,
 quem fecit Dominus, exsultemus, et iucundemur in
 eo*. » Edit. apud Lovanienses tom. X oper. S. Au-
 gustini, serm. 89, col. 560. Fol. 169 recto, lxiii :
 « Incip. sermo S. Hieronymi de Exod. in Quadrage-
 sima ante Pascha. » Edit. a Vallarsio in append.
 tom. XI, col. 210, editionis Veronensis. Sub hoc ser-
 mone aliisque infra notandis usque ad fol. 176 latet
 Plinianum Historiæ naturalis fragmentum, iisdem
 spatiosis litteris exaratum, quibus in Vaticano pa-
 limsesto politicum opus M. Tulli scriptum fuisse con-
 spicimus (a). Fol. sup. cit. 169 verso, lxiii : « Incip.
 sermo S. Augustini ad competentes et catechume-
 nos, » qui incipit : « Audiant catechumeni, audiant
 omnes, omnes timeant, nemo contemnat; sit mihi in
 consolatione uester auditus, » etc. An hic sermo
 anecdotus sit, pronuntiare non audeo; idem dic de
 illis, quorum infra initia referam. Fol. 170 verso,
 lxv : « Item eiusdem sermo de remissione peccato-
 rum; » quem primo ex hoc codice eruerunt Maurini,
 et fide eidem codici prorsus adhibita, inter genuina
 opera S. Augustini ediderunt tom. V, part. 1, col.
 572. Fol. 171 verso, lxvi : « Incip. alius eiusdem de
 missas cotidianas (sic), » qui incipit : « Congregatio
 beatitudinis uestre FF. KK. facit nos nimio gaudio
 esse repletos, sed quia pauet pectus catenis corporis
 obligatum, non possum dicere, quantum splendor
 animi uestri delectat audire; tamen adgredior, » etc.
 Fol. 172 recto, lxvii. « Incip. de decimis sermo
 eiusdem. » Edit. in append. tom. V, col. 460, a quo
 tamen differt in nonnullis. Fol. 173 recto, lxviii :
 « Item alium (sic) de sancto Heliseo (sic); » cujus
 initium est : « Dulcis insonuit auribus nostris nuper
 recitata libertas, dum saeuit inter nos amara captiui-
 tas, » etc. Fol. 174 recto, lxviii : « Incip. alium (sic)
 de loco (deest), ubi beatus Petrus in mari tempesta-
 tem sustinuit in naui. » En prima verba : « Nutritos
 hyrundo pullos suos, cum uolandi arte disponit, pau-
 lulum quidem in aere dimittit, quibus tamen ipsa
 uicina est, ne forte decidant trepidando adhuc in-
 firmi uolando, » etc. Fol. cit. verso, lxx : « Incip.
 sermo S. Hieronymi de Exodo in uigilia Paschae. »
 Edit. inter supposititia S. Augustini scripta in
 append. tom. V, et apud Vallarsium inter spuria
 tom. XI oper. S. Hieronymi, col. 212. Fol. 175
 verso, lxxi : « Incip. eiusdem in die dominica Pas-
 chae. » Edit. ubi sup., col. 200. Fol. 176 verso,
 lxxii : « Incip. eiusdem S. Hieronymi in die Dominica
 Paschae. » Edit. ubi supra, col. 215. Fol. 177

(a) Plinii hoc fragmentum in Sessoriano quater-
 nione integro scriptum ad libb. xxiv et xxv *Hist. na-
 turalis* pertinet. Illud quamvis editum, tamen in Ses-
 sorianis anecdotis aliquando proferam. Non enim de-
 spero fore post Hermolai Barbari, Arduini, aliorum-

que præstantissimorum virorum conatus, qui pleraque
 menda ab hoc Pliniano opere ex vitiosissimis codi-
 cibus eruto longa operosaque cura sustulerunt, et
 mihi hujus vetustissimi palimpsesti auctoritate alia
 nonnulla expungere fortasse licere.

recto, occurrunt S. Basilii Magni Instituta monachorum, quæ in tom. II oper. edit. Parisien. an. 1730 a col. 327 edita sunt, quæque hoc titulo præsignantur in codice: « Instituta monachorum sancti Basilii (sic) episcopi Caesariensis Cappadociae in Christo. Prologus sancti Rufini praesbyteri. » Miror et Fontaninum, quamvis hunc codicem vidisset, haud tamen animadvertisse Rufinum sanctum appellari; quod quidem alias notasset in finæ suæ Historiæ Aquileiensi, cujus in postremo paragrapho Rufini laudes recensuit, et de illo ut de sancto monuit scripturum fore Bollandum. Demum fol. 200 recto, LXXIII, est sermo, qui inscribitur: « Inep. sermo sancti Augustini de resurrectione. » Hunc sermonem, qui olim inter S. Fulgentii scripta recensebatur, Benedictini editores oper. S. Augustini hujus nostri et alterius codicis auctoritate innixi Fulgentio abjudicarunt, et inter genuinos fetus Augustini vulgarunt tom. V, part. I, col. 1024. Hic sermo manens est in codice, qui duabus integris pagellis mutilus est, quibus non modo hujus sermonis amisit postrema verba, verum etiam alterius ejusdem S. Augustini sermonis, qui nostri codicis esset LXXIII, prorsus fecit jacturam, cujus titulus adhuc in indice fol. 129 recto, sic legitur: « Item ejusdem in capite libri sermo de versiculo psalmi undecimi: *Tu, Domine, servabis nos, et custodies nos a generatione ista usque in aeternum.* »

IX. *Conjecturæ de Ambrosianorum sermonum ætate, et tempore quo habiti sunt.* — Sed misso codice ad Ambrosianos sermones redeundum est. Fieri enim non potest ut ab illis recedam, priusquam de tempore, quo habiti sunt, quæstionem saltem attingam. Porro jam auctore cognito, sermonum quoque ætas comperta est. Nihilominus de anno quo habiti sunt, nihil certi habeo: et si quid conjecturis, quarum tamen iudicium integrum volo esse penes lectorem, liceat indulgere, illos anno 389 haud multo antiquiores arbitror. Cum enim in eisdem mentio tum ecclesiastici cantus, cum psalmodiarum, hymnorum et vigiliarum, quam disciplinam Mediolani S. Ambrosius anno 386 circiter instituerat, nec semel nec obscure fiat (a); ante illud tempus hos sermones scriptos fuisse, dicendum non est. Et hæc conjectura inde fortassis confirmari potest, quod in tertio sermone multa habeantur, quæ ut alibi prænotasse meminimus, difficillimis Justinæ persecutionis temporibus apprimè convenire videntur; quæ quidem Ariano-rum impunita vexatio compressa est ante annum 389 quo Valentinianus Junior una cum Theodosio, extincto Maximo tyranno, Mediolanum reversus est. Quod autem hi tres sermones eodem anno habiti sint, ex eorum nexu colligationeque patet. Quoto vero anni tempore iidem illi assignandi sint, multo minoris difficultatis res est. Dubitari enim vix po-

A test, eosdem Ambrosium habuisse feriis Paschali-bus. Enim vero quod dicit primo sermone, eos allo-qui, qui Deo ipsa devotionis professione jam pro-ximi deputati sunt cælo (b); et clarius in tertio, qui pompis et mundi voluntatibus abjectis, meliori con-cursu ad cælum transitum fecerant, quique ab omni facie contagionis antiquæ per regenerationem salu-taris lavaeri purgati, et per baptismum mortui nata-libus mundi, nobilitati per gratiam nati sunt cælo (c): id quidem significare videtur, verba ad plebem fieri, quæ jam baptismum, ad quod non nisi in pervi-gilio Paschæ admittebatur, receperat. Huc etiam addi potest, illic S. doctorem de ineffabili Incarna-tionis mysterio clarissime loqui (d), quod studiosis-sime tunc temporis nondum baptizatis celabant an-tistites; simulque explicari accepti jam sacramenti baptismatis effectus (e); atque auditores hortari, ne eum sæculo, cui in die redemptionis, id est bap-tismatis, quo consignati fuerant Spiritui sancto, vale dixerant, ullam in posterum societatem inirent, quia veterem hominem spoliati et Christo commor-tui, eo scilicet die novum hominem induti, cum ipso revixerant (f). Verum si quis id non satis clare ex prioris sermonis contextu evinci putat, eo quod relata verba ad catechumenos et competentes com-mode referri queant, ei non obsistam; et si in hac sententia primum sermonem ac alterum ad præce-dentem Quadragesimam; qua quotidiano sermone catechumenos et competentes docebat Ambrosius, remittere malit, non repugnabo. Haud me latet S. Ambrosium baptizandos ad terrestrium rerum con-temptum præcipue adhortatum fuisse: sed æque scio, illos post susceptum baptismum in iisdem mora-libus præceptis, quæ se docente jam didicerant, novis concionibus confirmasse. Profecto sermones, qui-bus constant libri *de Fuga sæculi, et de Jacob et Vita beata*, ubi potissimum de hujus mundi rebus abdicandis agitur, ad recens baptizatos habuit Am-brosius, ut scite eruditi Maurini demonstrant (g).

X. *De horum sermonum doctrina.* — Non est vero eur, qui nunc prodeunt, sermones laudem; nam ipsi se, ut auguror, eruditius piisque lectoribus commen-dabunt. Quod autem in eorum præsertim primo ac secundo Ambrosius evangelicis verbis doceat, Chri-stianorum esse omnia sua bona relinquere, et pro Christo pauperibus distribuere, atque sese prorsus divinæ providentiæ committere; non ita stricte in-telligendum est, ac si præceptum illud absque dis-pendio æternæ salutis a quovis præteriri non possit; sed ab eo observari et adimpleri illud quidem oportere, qui ad supremum gradum evangelicæ perfec-tionis pervenire contendat. Profecto nullus, quidquid heterodoxi neoterici blaterent, hanc distinctionem antiquissimam, et in Ambrosianis scriptis reperiri, ilit inficias, qui saltem legerit cap. 11, lib. I de Officiis,

(a) Serm. I, § 5, et Serm. 3, § 11.

(b) Ibid., § 1.

(c) Serm. 3, §§ 4, 6 et 10.

(d) Ibid., §§ 3, 4 et 10.

(e) Ibid., §§ 9 et 10.

(f) Ibid., §§ modo citat.

(g) In admonitionib. præviis.

ubi apertissime ait (a): « Officium autem omne aut *medium*, aut *perfectum* est, quod æque Scripturarum auctoritate probare possumus. Habemus etenim in Evangelio dixisse Dominum: *Si vis in vitam æternam venire, serva mandata. Dixit ille: Quæ? Jesus autem dixit illi: Non homicidium facies, non adulterabis, non facies furtum, non falsum testimonium dices: honora patrem et matrem: et diliges proximum tuum sicut te ipsum (Matth. XIX, 17, 18, 19). Hæc sunt media officia, quibus aliquid deest. Denique dicit illi adolescens: Omnia hæc custodivi a juventute mea, quid adhuc mihi deest? Ait illi Jesus: Si vis perfectus esse, vade, vende omnia bona tua, et da pauperibus: et habebis thesaurum in caelo, et veni sequere me (Ibid., 20 et 21).... Hoc est igitur perfectum officium.* » *Media* igitur præcepta christicolis omnibus ut adimpleant, *B* perfectionis tantum studiosioribus præcepta *perfecta* ut amplectantur, suadet Ambrosius. Quæ ut ita sint, idem Ambrosius in primo sermone declarat, dicens quod « Dominus in Evangelio perfectis et consummatis nolens esse consultum, omnia quæ possiderent uendi censuit et inpendi (b). » Non ergo omnibus, sed *perfectis* duntaxat et *consummatis* Dominus suas omnes facultates vendere et in pauperes erogare mandavit. Et hæc satis dicta ad obstruendum hæreticorum, incredulorum ac pseudo-politicorum os, qui etiam hac nostra miserima ætate, ob rigida ethices Christianæ dogmata a Patribus summo consensu tradita, quæ nulla adhibita distinctione ad cunctos fideles necessario extendi dictitant, tam false quam impie nostram sanctissimam religionem *anti-socialem* esse pronuntiant (c).

XI. *De partitione, et notis editoris.* — Unum adhuc

(a) Serm. 1, § 4.

(b) Tom. III, col. 13, num. 36 et 37.

(c) Ita Barbeyracus et Gibbonius doctrinæ morali SS. Patrum insultant, quorum nuperrime instauravit errores opus cui titulus: *Du jésuitisme ancien et moderne. Oeuvres politiques de M. de Pradt, ancien*

est quod paucis verbis attingam, nimirum quod in his vulgandis sermonibus præstiti. Eorum enim textus in codice continuata oratione ad finem usque pervenit, et nullam idcirco paragraphorum distinctionem exhibet; quam tamen, cum ego a majoribus nostris, invitis etiam codicibus, frequentatam viderim, hujusmodi morem retinendum esse censui, præsertim in legentium commoditatem. Reficitur quippe lectoris animus, ut sicubi Augustinus ait, de via fessus novo titulo, sicut animus viatoris hospitio. Recte igitur Rutilius C. Novatianus cecinit, ad Venerium Rufum scribens, in suo *Itiner.* (d).

Intervalla viæ fessis præstare videtur

Qui notat inscriptus millia crebra lapis.

Sermonum autem textui nonnulla scholia subjicio, quæ prima ad codicis varietatem, ad ejusdem emendationem, ad grammaticam et palæographiam pertinent; aliaque deinde propono, ut quæ loca parallela in Ambrosianis scriptis reperiantur fere intento digito monstrem; nec postremo notas biblicas comparativas, cum iisdem sacræ Scripturæ locis omitto, quibus Ambrosius in suis hucusque vulgatis operibus utitur, aut, si illis careant Ambrosiana scripta, cæteri usi sunt Patres, qui vel Ambrosio suppres, vel haud procul ab Ambrosiana ætate floruerunt; adeo ut ex his omnibus tam intrinsecis argumentis, nimirum ex summo cum Ambrosianis scriptis consensu, quam extrinsecis, ex auctoritate scilicet et præstantia codicis, hos sermones Ambrosii Mediolanensis episcopi fetus esse genuinos, quisque compertum habeat, atque exploratum. Sed iis prælibatis, candidus et eruditus lector judicet; nam ecce sermones.

archevêque de Malines, Troias. Edit. Paris, 1828. Vide, si liceat, caput 5, De la modification de l'action du christianisme par la civilisation, pag. 48 et seqq. Hic liber multis sacrilegis futilibusque sentiis re-fertus est, quas hic operosius confutare non est.

(d) Lib. II, dist. 4.

SANCTI AMBROSII

MEDIOLANENSIS EPISCOPI

TRES SERMONES

SERMO PRIMUS.

DE PERFECTO.

1. Domini nostri JESU CHRISTI caeleste praeceptum

^a Notandum est *Ambrosii* vocabulum constanter in cod. cum una *i* scriptum vetusta orthographia.

^b Una tantum diphthongo *ae* utitur librarius noster, quam absque nexu scribit more veterum. De hujus diphthongi antiquitate late agunt Salmasius epist. ad Sarrav., Conringius cens. dipl. Lindav. p. 316, et Casleius Bib. Britann. t. V, p. 325. — Hanc orthographiam in edendo textu sequemur, ne manuscriptum propria specie fraudemus; minime vero in notis, nisi cum Sessorianus ille citabitur codex. Edit.

^c In nova Latina Vulgata omittitur *omnia* post *Vendite*; sed Ambrosius tum Veteris, cum Novi Testa-

D est sacratissimis euangelicis apicibus ^e adnotatum: « Vendite omnia quae ¹ possidetis, et date elemosynam ^d (*Luc.* XII, 33). » Praesens sermo caret am-

^e Hujusmodi intellectio hand infrequens est in Ambrosianis scriptis. Legatur, ex. gr., lib. III Hexaem., cap. 13, pa. 53. Venetæ edit., qua utor, an. 1748.

^d Cod. *elemosyna*; fortasse superaddita fuit ultimæ *a* lineola pro *m*, ut frequenter veteres amanuenses usi sunt, sed modo non apparet: seu mavis prorsus *m* est omissa veterum more, qui *m* finalem elidebant: cujusmodi exempla in antiquis mss. non desunt, nec in hoc ipso codice desiderantur. Infra tamen recte scribitur *elemosynam*; at constanter cum una *e*.
menti versionem usurpat, quæ a nostra haud paulum recedit. Porro Ambrosius dum locum parallelum

bagibus, et nihil relinquit incertum aut obscuritate perplexum: ubi aperta ueritate distractio possessionis indicitur, et pretii^a praerogatio^b non tacetur¹.

«Vendite, inquit, omnia quae possidetis, et date elemosynam².» Occupatos caelestibus officiis mundanae possessionis cura^c molestiaque non patitur implicari^d; et Deo ipsa deuotionis professione iam proximos, uel potius mentis sinceritate^e Christo coniunctos^f cura sollicitudineque^g saecularis possessionis absoluit; omnem operis tui cursum omnemque cogitationis tuae motum eripit mundo, quem deputare dignatus est caelo^h. Inde namque est et illudⁱ quod aperte demandat^j: «Nolite cogitare, dicentes: Quid

^a Codex *praetii* cum diphthongo, quam expungere mallet, cum grammatici in hac uoce illam prorsus excludant.

^b *Praerogatio*, seu a *prae* et *erogatio*, id est *diligens conlatio*, seu potius a uerbo *praerogare* pro *ante aliquid facere*, juxta illud Suetoni in Aug. c. 53, *praerogare sententias*, et Ulpiani L. *sed uides ff. loc. et cond.*, ubi *praerogare pensionem*. Reapse Ulpiani aliorumque jurisconsultorum locutionibus non semel Ambrosius utitur, ut saepe ipsi nos monuerunt Maurini, et saltem uidere est in notis t. II, p. 386 et t. III, p. 917. Eadem die de uoce supra recitata *distractio*, quae aequae iuridica est pro *uenditio*. Ulpian. ff. 14, 3, 5, a med., et 2, 15, 8, cir. med.

^c Cod. *curum*, manifesto mendo.

^d Ita codex seruata praepositione *in*. De his aliisque similibus praepositionibus, quas semper, si pauca uerba ex ipias, retinet codex noster, uidesis apud Putschium orthographos ueteres.

^e In cod. *sinceritatem*. Sane littera *m* abundat.

^f Cod. *coniunctus*; sed *coniunctos* scribere malui; ita enim antecedentia uocabula casu accusandi *occupatos... proximis* prorsus postulare uidentur. Litteras *o* et *u* passim in antiquis codd. immutatas, et conuersas inuenimus.

^g Cod. *curam sollicitudinemque*. In utraque uoce *m* expungere censui; nam plura immutanda forent, si illa retinerentur, prout jacent in codice. Etenim si quis codicis lectionem forte probare mawult, legat oportet: *et Deo ipsa deuotionis professione iam proximus, uel potius mentis sinceritate Christo coniunctus*

allegat Matth. XIX, 21, constanter post *uende* addit *omnia*, etsi etiam ibidem hac uoce careat nostra uulgata. Ita sane legere est lib. I de Abrah., cap. 3, pag. 12; de Nabuth. Jezrael, cap. 14, pag. 58; in ps. cxviii serm. 7, 9; lib. vii in Lucam, 156, et alibi. Quod attinet ad illud Lucae modo cit., obseruandum est quod in Ambrosianis operibus hactenus editis minime occurrit; quare eo testimonio, aliisque infra laudandis, Ambrosii uersio ditari potest, quam una cum caeteris SS. Patrum uersionibus collegit cl. Sabatier, et in scholiis suae ueterum biblicorum Collectionis summa utilitate ac labore congeffit. Profecto hanc pretiosissimam collectionem plus quadringentis uersiculis supplet, et auget Sessorianus codex antiquissimus, quem Deo fauente quantocius uulgaturi sumus.

^h En Ambrosii de perfectione sententiam, quam ipse secutus temporalia bona sua omnia abdicauit, et uel egenis distribuit, uel tribuit Ecclesiae; ut ex ejusdem uita exloratum est, ac undique ex ejus scriptis promicat. Siquidem *haec enim est*, scribit lib. I de excessu Satyr. n. 60, *summa iustitia, uendere quae habeas, et conferre pauperibus*. Qui enim dispersit, dedit pauperibus, iustitia ejus manet in aeternum (Ps. cxi, 9): *ergo dispensatores nos, non heredes reliquit; nam hereditas successorum queritur, dispensatio pauperibus obligatur*. Consonat sibi S. doctor epist. 7, pag. 15,

A edemus^k, aut quid nesciemur (Matth. vi, 31) ?³ Et nolite cogitare de crastino⁴ (Ibid., 34). Ut ea quae demandauerat, remotis omnibus cogitationis angustiis, impleri¹ facile potuissent: «Vendite, inquit, omnia quae possidetis, et date elemosynam.» Amputauit omnem callidae cupiditatis excusationem, qui nihil relinqui cogitare iubet in crastinum, qui praecipit praerogari^m omnem substantiae quantitatem⁵.

II. Sed praemissa repetamus disputationeⁿ conlustranda^o «Nolite, inquit, cogitare, dicentes: Quid edemus, aut quid nesciemur? Haec enim nationes^p quaerunt. Scit autem Pater uester caelestis, quia horum omnium indigetis⁶ (Ibid. 32).» Cogitatio difficulturam sollicitudinemque saecularis possessionis absoluit (subintellige *uir perfectus*), id est *uincit*, seu *superat*: quo sensu hoc uerbum *absoluit* usurpat Ambrosius in psal. xxxvii, 21, t. II: uerum ex lectione quam retinui magis sententia fluere uidebatur, ita ut *absoluit* pro *liberat* (scilicet *Deus*) positum sit, quomodo illud obtinet etiam in psal. xlv, 17.

¹ Hic et infra Ambrosius, quamuis ad plures uerba faciat, singulariter pro suo more loquitur. Hujusmodi exempla haud raro in Ambrosianis scriptis occurrunt. Vid. lib. de Fuga saeculi vi, 33, t. I, etc.

² Ita codex constanter pro *illud*.

³ Subintellige *perfectis*, id est *perfectis injungit*. Verbum quidem *demando* pro *injungo* usurpat Livius t. V, 27 et VIII, 36. Verum in hoc sermone, in quo haec uox infra recurrit et pro *ualde mando* uidetur adhibita, quo sensu ea usus est Suetonius in Neron. c. 35, in Aug. c. 10, et in Caes. c. 83.

⁴ Cod. *edamus*; scripsi tamen *edemus*, cum et inferiori hanc lectionem codex retineat.

⁵ Ita codex per *m*, quam semper in hoc uocabulo scribit.

C ^m Vide supra not. *f*, p. 1 (Huius pag. not. ^b).

ⁿ Vox *disputatio* frequenter apud Ambrosium idem significat, quod *tractatio*, seu *praedicatione evangelica*: Ita editores Benedictini, t. II, p. 1020, not. *d*.

^o Ita codex uetusta et quidem recta scriptura pro *collustranda*; *καθάραιμος* enim proprium Afrorum fuit, teste Isidoro Orig. I. 32.

^p *Natio* uiliori sensu e Graeca consuetudine. Vid. Suidam ad uocem *ἔθνος*.

t. III, ubi, *Scriptum est*, ait Matth. XIX, 21, *non ut didrachmi dimidium, si tamen uis perfectus esse Deo offeras; sed ut omnia tua uendas, et des pauperibus*. Paria leges lib. I de Offic. cap. 30, 6; lib. de Vid. v, 27 et seqq., ac epist. 23, pag. 6, t. III.

² Elemosynam passim commendat in suis concionibus Mediolanensis antistes, et praesertim in psal. cxviii serm. 8, 22; serm. 12, 24; lib. vii in Luc., 245 et seqq., t. II; atque epist. 2, 26, t. III.

³ H. L., qui haud legitur in Ambrosio scriptis asseris, ita habet S. Cyprianus lib. de Orat. Dom., col. 210; de Oper. et Eleem., col. 240; et lib. m, Testimonior., col. 307, additis tamen cum uulgata, *aut quid bibemus*, quae auctor. reg. cleric. apud Augustinum omittit, t. I, col. 39.

⁴ S. Augustinus Ambrosii nostri discipulus, quem ad sui magistri scripta saepe respexisse notant Maurini t. III oper. S. Ambr., col. 995, ita h. l. allegat lib. ii de Sermon. Dom. in m., t. III, col. 222, et lib. de Mend., col. 437, nec non lib. cont. Adim., t. VIII, col. 115.

⁵ Recole annotata supra pag. 1, not. 2 (Huius pag. not. ¹), et similia fere legis in psal. cxviii serm. 8, 9, et serm. 21, 18, t. II.

⁶ Hoc testimonium, quo carent scripta Ambrosiana, ita reperitur citatum apud S. Cyprianum lib. de Or. Dom., col. 210 et lib. de Oper. et Eleem., col.

dentiae diuinæ professionis in te perimit fidem : et dum metuis ^a, ne quit ^b desit in alterum diem, necesse est dubites de promissis ; manus deinde retrahis ab operibus iustis : atque ita fit, ut infirma cogitatione detentus, a bono opere desistas, et desistens a bono opere, religionis ac diuinum nomen amittas, et ipsa inbecillitatis ^c tuæ perfidia ^d æthnicis incredulis comparatus ^e, incredulitatis detestabile nomen, et stultitiæ uocabulum gentilitatis incurras ^f. Christianorum est enim spe fidissima futura cogitare ^g, et gentilium desperata, perfidia præsentia quaerere ^h, dicente Christo : « Nolite cogitare, dicentes : Quid edemus, aut quid uestiemur ? Haec enim gentes quaerunt. » Et adiecit : « Scit autem Pater uester caelestis, quia horum omnium indigetis. »

III. Condicionis ⁱ nostrae necessitatis ^k caelesti Patri ^l notitiam latere non posse diuinus sermo comonuit, et eius prouidentia procurationeque nobis omnia adponi ^m mandat ; si nos iustitiæ operibus inhaerentes, et regni caelestis inquisitione detentos

^a Cod., *metuit*, sed *metuis* legendum verba sequentia in secunda persona *dubites ... retrahis ... desistas* plantum faciunt.

^b Ita cod., fortassis quia sequitur *d*. Nimirum *t* ante *d* uno eodemque sono apud veteres efferebatur.

^c Ita per *n*.

^d Cod. hic et alibi in huiusmodi uocibus seruat *con*.

^e Codex *incurrat*, sed quidem mendose.

^f Ita cod. *ci* pro *ti*, cuiusmodi exempla et infra recurring, et antiqui codd. passim suppetunt.

^g In cod. *necessitatem* ; sed correxi *necessitatis* : ita enim sensus postulare videtur.

240, omissa tamen uoce *caelestis*, quam retinet apud Sabatier ms. Claromont. Notandum est infra in h. eodem l. legi *gentes* loco *nationes*, prout habet etiam auct. Oper. Imp. in Matth. homil. 16.

¹ Frequenter hac uoce utitur S. Ambrosius, ut culpam notet infidelitatis. Vide infra, et t. I, col. 659, n. 41, ac tom. III, col. 406, et 961, nn. 82 et 410.

² Haud absimilia sanctus antistes habet lib. de Isaac et Anima I, 4; de interpell. David lib. II, c. 3, 12, t. I; in ps. xxxvi, 79, et xxxvii, 2, t. II; ac epist. 35, 14, t. III.

³ Confer in psalmis cit.

⁴ Viros perfectos nullis unquam sæculi perturbationibus compungi, nullis mundi cupiditatibus exagitari monet etiam Ambrosius lib. I de Jacob. 8, 35; lib. II, c. 6, 28; lib. II de Cain et Abel 2, 8; lib. de Fuga sæc. IV, 17, t. I, atque lib. I de Officiis, 38, 200, t. III.

⁵ Ita Augustinus serm. 57, t. V, col. 337, et tract. 122 in Joan. xxii, col. 811, t. III, atque apud eund. auctor. oper. Reg. Cleric. t. I, col. 39, addito tamen *haec ante omnia*. Ambrosius uero lib. I de Cain et Abel, 4, 12, t. I, habet : *Querite regnum Dei : et ecce omnia præsto sunt uobis* ; lib. VII in Luc., 130, t. II : *Querite regnum Dei : et hæc omnia adjicientur uobis* ; sed in lib. de Exhort. uirginit. 9, 56, t. III : *et ecce omnia suppetent uobis*. Hac diversitate lectionum, de qua non abs re fuerit hic quædam notare, nullus nostri sermonis Ambrosiani fidem labefactare contendat ; quia ut scite scribit Nat. Alexander (Hist. Eccles. sæc. IV, p. 1, § 2, pag. 503) *ex operum S. Ambrosii lectione constat, eum non iisdem semper uerbis eisdem Scripturæ sacræ locos laudasse*. Et re quidem uera, aiunt Maurini in præf. ad lib. de Sacram., col. 432, t. III, *cum sine magna præparatione auctorem hunc nostrum dixisse non sit dubium, neutiquam sane mirum uideri, si Scripturam non semper suis, sed iis,*

nulla ærumnarum præsentium sollicitudo compungat ¹, dicens : « Querite primum regnum Dei, et iustitiam eius ; et omnia adponentur uobis ² (*Ibid.* 33). » Deditos iustitiæ ac pietatis officiis, et caelestibus exercitationibus occupatos tutos facit de omnibus, et securos ; ut non auoceris a notitia genitoris, non a cognitione unigeniti distraharis, nec a dono sancti Spiritus professioneque desistas ; non aberres a meditatione præcepti, non ab spe promissi, non a fide cre liti, non adilectione proximi, non a perfectione mandati ³, de quo Moyses (*Deut.* VI, 6, 8) monet, ut cordi nostro semper insidat, semper conspectui adsistat, meditatione membris omnibus uinculatum ⁴ sensibus nostris semper inhaereat ⁵. De hoc Dauid : « Cantabiles mihi erunt *semper* iustificationes tuæ Domine ⁶ (*Psal.* cxviii, 54). » Et iterum : « In lege Domini fuit uoluntas eius, et in lege eius meditabitur die ac nocte ⁷ (*Psal.* I, 2). » Et alibi scribitum ⁸ est : « Non recedat liber legis huius de manu tua ; et mediteris in eo die ac nocte ⁹ (*Jos.* I, 8). » Similiter Apostolus hortatur et

^b Cod. *caelestis Patris*, sed emendandum prorsus fuit *caelesti Patri*.

ⁱ Ita cod. semper retinet præpositionem *ad*.

^j Cod. *compungat*, quæ prorsus manifesta inethesis uidebatur pro *compungat*.

^k In cod. *uinculatus*, sed *uinculatum* scribendum putavi, ut neutro *mandato* concordet.

^l Ita cod. per *b* ut infra recursitat, et in antiquis codd. frequenter occurrit. Vide apud Maium Cicer. antiqu. interpretem xv, 2, in Vatinius t. II, p. 185 edit. Rom. 1828.

quæ illi ex tempore suggestit memoria, uerbis citauit. Huic contrariam haud me latet Ansaldium tenuisse sententiam in opere, cui titulum fecit : *De authenticis sacrarum Scripturarum apud SS. Patres lectionibus*, et Veronæ uulgauit an. 1747. Verum, nisi plures authenticas versiones biblicas eundem Patrem eodem tempore habuisse probetur, procul dubio si Ansaldiano præiudicio per omnia Patrum scripta a capite ad calcem crisis exerceatur, uix unum reperietur, quod ejusdem Patris genuinum fetum dicamus, cum uix unum reperiamus, quod constanter eisdem uerbis alleget eosdem sacræ Scripturæ locos.

⁶ In simili sententia dicit Ambrosius lib. I de Abraham 2, 9, t. I, scribens : *Is qui Deum sequitur tutus semper est. Et ideo Deum præferre debemus omnibus ; nec patrie contuitus, nec parentum filiorumque gratia, nec uxoris contemplatio nos revocare debet ab executione præceptorum caelestium ; quia Deus nobis omnia illa largitur, et potens est seruire, quæ donat.* Conf. etiam lib. II, c. 5, 21, l. c.

⁷ Hæc eadem fere occurrunt in psal. I, 30, et cxviii ; serm. 19, 31 et seq., quibus etiam in locis tum illo Deut. supra cit., cum Moysis auctoritate usus est S. doctor. Consule et in psal. xxxvi, 65, t. II.

⁸ Ita h. l. refert Ambrosius in ps. cxviii, serm. 7, 25, omissis tamen uerbis *semper* in medio, et *Domine* in fine, quæ non ut ad Scripturæ textum spectantia, sed ut argumento seruiat suo, hic mihi adjecisse uidetur ; uult enim sanctus antistes nos *semper* Dei legis meditationi vacare semperque in justificationibus delectari, quæ cuius sint, cum ex detruncato psalmi uersiculo non appareat, addidit utique *Domine*.

⁹ Ad uerbum h. l. citat Ambrosius in psal. I, 30, t. II.

¹⁰ Ita antiqua uersio apud Sabat., præter *ex ore tuo* loco *de manu tua*. At *de manu tua* habet Cassiodorus in psalm. VI, col. 29 quocum Ambrosium legisse hic sermo suadet.

monet, ad Timotheum scribens : « Haec meditare, A
in his esto : ut profectus tuus adpareat omnibus ¹
(I *Timoth.* iv, 15). »

IV. Voluntas religiosi hominis caelestibus legibus
detenta, et diuinae iustificationis meditationibus die-
bus ac noctibus occupata non habet uacuum tempus,
quo saeculum cogitet, quo possessionem curet, exor-
net urbana praedia, rusticationis disciplinam excolat,
redditus supputet, impensa discentiat ². Si enim istud
arripuerit, illud deserit, secundum quod Dominicus
sermo promisit : « Nemo ponens manum in aratrum
(hoc est caelesti operationi, et Dominicae crucis
signo ³) retro respiciens, aptus est in regno Dei ⁴
(*Luca* ix, 62). » Non enim potest utrumque peragere
quod sibi inimicum est ratione, ueritate diuersum, et
aemulum uoluntate. Hoc enim saeculum cogitat, illud
caelum exoptat; hoc rationibus mundanis insistit, B
illud diuinis orationibus, et meditationibus uacat. De-
nique ut dicta rebus adprobem, et sermonis mei ad-
sertionem operibus firmem, utar exemplo ⁵. Si tibi
gestanti diuinum librum in manibus, et oculis apices
carpentis pari ac legenti, diuinaeque praecepta sensibus
commendanti ⁶ rationum libri, uel comparatae pos-
sessionis tabulae forte tradantur, necesse est, ut abi-
cias ⁷ librum diuinae legis, quem gestabas in mani-

¹ Parenthesim hic suis signis ausus sum desi-
gnare, ut lectores de parenthesi certiores facerem,
ne Ambrosiana explicatio cum sacro textu confun-
deretur.

² Ita in cod. pro *commendanti* : etenim *n* ante *m*
apud veteres orthographos sonabat ut *m*.

³ Ita codex cum una *i* manifesta crasi, et in anti-
quis codd. frequentata.

⁴ Ita cod. pro *delectu*, quam lectionem idcirco re-

⁵ Vulgata *manifestus sit* pro *adpareat*, et Vulgatae
concinunt antiqua versio apud Sabat., atque Am-
brosiastes. Graecus uero textus *φανερὰ ἢ ἐν πᾶσιν*,
sed plures mss. delent *ἐν*.

⁶ Similia leguntur in psal. cxviii, serm. 13. 7, ubi
Davidicae perfectionis praeposito exemplo, sic de illo
ait : *Non saecularibus animus traducebatur illecebris ;
non pecuniaria coacernandi patrimonii cupiditate fla-
grabat ; non proferendi limitis excludendique finitimi
anxius curarum aetius studio meditationis intentum re-
flectebat affectum : quidquid poterat temporis dies
habere, hoc totum sola sibi in lege meditatio vindicabat.*

⁷ Id est uel proprie *crucis signa*, quem initio ope-
rationis cuiusque familiarissimum fuisse praeis
Christianis passim SS. Patres testantur, uel forte
baptismati, quo plebs Ambrosii nuper fuerat initia-
ta, seu initianda mox erat. Sane *baptismum* nomine
sacramento *crucis* Ambrosium appellasse in psal.
cxviii, serm. 13, 6, t. II, putant Maurini. Vide
ibid. notam col. 516, et infra. Ambrosius ejus
verba hoc loco et alibi sacrae Scripturae uerbis iuxta
suum morem intexit. Vid. saltem sup. cit. de Basi-
licis non tradend., et sparsim.

⁸ Ambrosius in psal. xliii, 32, t. II, habet : *nemo
mittens manum in aratrum respiciens retro, habilis
est regno Dei*, et lib. viii in *Luc.*, n. 43, sic : *nemo
mittens manum in aratrum, et respiciens retro, aptus
est regno caelorum*. Si ergo primo loco pro *habilis*, ut
in secundo *aptus* legatur, addito *et post aratrum*.
uel si secundi loci in fine ultima uerba primi *regno
Dei pro regno caelorum* ponantur, tertia nostri co-
dicis ad uerbum Ambrosiana lectio consurget.

⁹ Passim utitur exemplis Ambrosius, queis uel
suam explanet, uel confirmet sententiam, ut saltem

lus, ut rationum saecularium scribita accipias perle-
genda ; atque ita sit, ut diuinis libris mundanas prae-
ferens rationes, praecepti contemptor existas, quo
crebris admonitionibus intimatur, ne liber manibus
desit, ne corde eius meditatio conquiescat ⁶. Et ideo
Dominus in Euangelio perfectis, et consummatis
uolens esse consultum, omnia quae possiderent
uendi censuit, et inpendi ⁷ : nulla ut ratione ab eius
possint dilectu ⁸ diuelli, uel meditatione auocari ⁹.
Inde est quod necessitatem ipsam mortalium, id est
uestitum, uictum et potum cogitari prohibuit : et a
se omnia perficientibus promisit adponi ⁹ ; ut nulla
necessitate, sicuti saepe iam dictum est, a commercio
diuini operis retarderis ; nulla ut te anni sterilitas
turbet ; nulla frugum inopia ariditasque camporum,
nec olearum uinearumque fallentes fructus excru-
cient ; non pecorum morientium damna concutiant ¹⁰.

V. Maneat libera inconcussaue deuotio, ut Dei
sui et Domini Christi dilectione possessa hymnis re-
sonet, orationibus uacet, ieiuniis ac uigiliis insistat ¹¹,
et in propheticum illud canticum congrue et conpe-
tenter abrumpat : « Ficus non afferet fructus, non
erunt nascentia in uineis. Mentietur opus oliuae :
campi non praestabunt escam. Deficient a pabulo
oues : et non erunt in praesepibus boues ¹². Ego au-
tinui, utpote quae sapit antiquitatem, et ita aequere recte
scripta in antiquis ac optimae notae codd. frequen-
tissime occurrit. Profecto illam in palimpsesto Tul-
liano de *Republ.* I. 35, p. 94, et in var. lect. *Cicer.*
leg. 1, 6, legebat cl. Maius, qui etiam hac de re
oper. cit. II, 32, n. a, p. 206, sapienter notabat :
C *Jam ne scripturas ejusmodi amanuensium arbitrio
semper tribuamus, legendus est Aegroetius, qui disse-
rentias uerborum a de et di incipientium tradit* p. 2267.

videre est, si lubeat, in psal. cxviii, serm. 8, 26,
t. II ; lib. de *Myster.* ix, 50, t. III.

⁶ Sanctum nostrum antistitem frequenter in suis con-
cionibus assiduam sacrae Scripturae lectionem fidelibus
commendasse recte notant Benedictini editores col.
474, t. II oper. Id quippe et nos supra animadvertimus,
ac vix uolenti lib. II de *Abrah.*, 5, 22, t. I, et
in psal. praesertim I et cxviii, perspectum erit omnino.

⁷ *Vendidit justus*, scribit Ambrosius in psal. cxviii,
serm. 21, 18, *facultates suas, dispensauit pauperibus,
nihil sibi reliquit*. Recole dicta pag. I, nul. 2 (*Cod.*
411, n. 1).

⁸ Parem sententiam in hoc argumento versans habet
S. doctor in cit. psal. serm. 10, 29. *Discamus*, inquit,
*ergo et nos in lege meditari, non auocemur saecularibus il-
lecebris, non occupemur impedimentis ; sed semper ad te-
gem Dei simus adtenti*. Conf. annotata supra pag. 4, not.
2, et pag. 5, not. 3 (*Col.* 114, n. 7, et *huj.* pag. n. 1).

⁹ Ambrosius illud *Matth.* vi, 33, expendens haud
absimilia habet lib. vii in *Luc.*, n. 130, t. II, ubi Do-
minus, ait, *nec ad praesens, nec in reliquum fidelibus
ostendit gratiam defuturam ; si modo qui diuina desi-
derant, terrena non quaerant. Indecorum quippe est
homines curare de cibo, qui militant de regno. Novit
rex quemadmodum familiam suam pascat, alat, uestiat*.

¹⁰ Conf. lib. I de *Jacob et Vit.* Beata, vii, 32, t. I, et
in psal. cxviii, serm. 8, 7, atque serm. 21, 18, tom. II.

¹¹ Legatur in psal. xliii, 23, et cxviii, serm. 7,
25-37, ubi similes dictiones, et sententiae sunt.

¹² Itidem Cyprianus epist. ad Demetriad., col.
222, exceptis *fructum loco fructus, et cibum pro
escam*, atque bis addito *et*, scilicet post *fructum* et
ante *campi*. Ambrosio nostro fauet Augustinus lib.
xviii de *Civ. Dei*, col. 515.

tem in Domino exultabo, et gaudebo in Deo salutari meo ¹ (*Hab. iii, 17, 18*). • Gaudet semper et lactatur in Domino, qui mundanae possessionis oneribus abiectis, vel potius in fratrum inopia praerogatis, nec imminentibus, nec praesentibus plagis praestringitur. Non enim exactio tributaria necessitatis impulsat ², non possessionis arua squalentia ^a non arbusta cultorum desertione deformia: non enim sollicitat saeva grandinis caedes ^b, non ubertas imbrum longa serenitate suspensa, non tempestatum nastitas crebra ^a: non ruina tectorum, non conciditio lanquentium ac morentium proximorum sollicitudo discruciat, non seruorum fuga, non furtum.

VI. In tuto sunt, omnia quae ad caelum translata sunt ^c; nulla calumnia inquietantur, nulla litepulsantur, nullo detrimento saeculari depereunt, quae caelo praemissa sunt, quae Deo custode seruantur, dicente Domino IESU CHRISTO: • Nolite uobis condere thesauros in terra, ubi tinea et aerugo exterminat ^c; et

^a Ita cod. cum unica l, quam lectionem retinendam esse putavi, quia huiusmodi mihi aliae se obtulerunt in antiquis, et optimae notae codd.

^b Cod. caedis, quod prorsus mendum videtur; nam caedes casu recto scribendum esse sensus docet. Vitiosae fortasse huius scripturae causa fuit, quod veteres amanuenses litteras e et i indiscriminatim usurpabant. Sic obtinuit sicet pro seect, Minerva pro Minerva, et Magester pro Magister, etc., ut monet Fumigallius *Instit. Diplom.* t. I. c. 6, 9, pag. 109 et seq. Consule laud. Ciceronis antiquum interpretem apud Maium pp. 107, 123, 134, 144, 147, etc.

^c Hic et infra attente notandum verbum extermino, quo semper usus est S. Ambrosius in hoc sacrae Scripturae loco pro demolior, ut in Vulgata: ut hinc conicias sermonem hunc vel Ambrosii fetum esse genuinum, vel saltem Ambrosianam redolere aetatem. Siquidem verbum illud saeculo ve sacro textu expunxit S. Hieronymus, cuius haec sunt verba ad illud *Matth. vi, 16*: Verbum exterminant,

¹ Ita Cyprianus loc. cit., quocum loc. pariter cit. Augustinus, omisso tamen et post exultabo.

² Virum perfectum nullismundanis perturbationibus exagitari, praeter loca supra annot. pag. 3, not. 5 (*Col. 113, n. 4*) passim docet Ambrosius, et praesertim lib. ii de Cain et Abel, 2, 8; lib. i de Jacob et Vita beata, 7, 32, et 8, 35, ac lib. ii, c. 6, 28, t. I, in psal. i, 34, et cxviii, serm. 8, 7, t. II, nec non t. III, lib. i de Offic., 38, 200. Sic vero loquitur Ambrosius in psal. xxxviii, 27, ubi inter saeculi incommoda etiam tributariam exactionem enumerat: *Noli propter divitias vane conturbari, excitari de somno, cogitare quemadmodum pecuniam tuam serves, opes tuas augeas, de nocte procedere, excubare ad iudicis domum; ut aliena diripias, titem moveas pauperi, verearis exactorem tributi: vana est ista conturbatio.*

³ Ambrosius evangelicam perfectionem sectantes sic alloquitur in persona apostoli Petri in psal. cxviii, serm. 8, 7: *Portio tua non ariditate siccatur, non imbre dituitur, non frigore uritur, non tempestate quassatur.*

⁴ Pauperes esse per quos omne nostrum caelestibus infertur thesauris, seu in caelo collocatur, saepe in suis scriptis docet Ambrosius, et saltem consulendi sunt lib. de Nabut. Jezrael, xiv, 58, t. I, lib. ii de Offic.; xviii, 140, serm. de Basilic. non traden., n. 33, ac epist. 38, 7, t. III.

⁵ Ita ad verbum Ambrosius lib. i de Spir. sanc., 16, 182, t. IV. In psal. vero cxviii serm. 8, 8, t. II: *Nolite thesaurum vobis condere in terra, et serm. 12, 2: Nolite thesaurizare vobis in terra, ubi aerugo, et tinea exterminant.*

⁶ Similiter Ambrosius l. c. de Spir. sanc., n. 183.,

fures effodiunt, et furantur ⁵. Thesaurizate autem nobis in caelo, ubi neque tinea, neque aerugo exterminat: et ubi fures non effodiunt et furantur ⁶. Ubi enim fuerit thesaurus tuus, ibi erit et cor tuum ⁷ (*Matth. vi, 19, 20, 21*). • Huius praecepti exemplo apostolus Paulus Timotheum beatissimum monet, locupletibus huius saeculi praecipendum: ut non extollantur pompa mundana, sed christianae humilitatis celsitudine potiantur: neque saecularium diuitiarum spe caduca fallantur, sed diuinum ^a promissionum perpetuitatibus inuitentur ⁸. • Diuitibus, inquit, huius saeculi praecepe non superbe sapere, neque sperare in incerto diuitiarum suarum, sed in Deo uiuo, qui praestat nobis omnia abundare ad fruendum ⁹, benefaciant, diuites sint in operibus bonis, facile tribuant, communicent ¹⁰, thesaurizent sibi fundamentum bonum in futurum, ut adprehendant ^o ueram uitam ¹¹ (*I Tim. iv, 17-19*) (a). •

quod in ecclesiasticis scripturis uitio interpretum tritum est, aliud multo significare, quam vulgo intelligitur, exterminantur quippe exsuges, qui mittuntur extra terminos. Pro hoc ergo sermone demoliantur semper accipere debemus. De hac voce ita Millius in prolegom. p. li: *Sed et Latinis idoneis uocabulis annumeramus obsoleta, quae vulgo audiunt. Quae enim hoc nomine iam uilescent uocabula, ea, cum haec conscripta essent, erant apud Christianos usus quotidiani. Talia sunt, v. gr. exterminant vi, 16, 19, quod in ecclesiasticis scripturis tritum agnoscit Hieronymus, utcumque illud improbet, ejusque loco reponat aliud multo horridius demoliantur.*

^a Cod. diuinorum, sed emendandum fuit diuinarum.

^o In cod. ad praehendant bona quidem scriptura cum ad, sed niendosa cum diplithongo. Error vero fluxisse videtur ex male intellecta notariorum sigla; nam p superducta lineola tam prae quam pre apud illos significat.

omisso autem, et addito thesauros post uobis, quae tamen vox omittit in cit. psal. serm. 12, 2, ubi: *sed thesaurizate uobis in caelo*. Sibi discrepat autem serm. 8, 8, cit. psal., scribens: *sed thesaurum uobis condite in caelo.*

⁷ Adamussim legit. lib. ii de Jacob et Vit. beata, 5, 23, t. I, et lib. i de Spir. sanc., l. sup. cit.

⁸ Mundanas pompas, et superbiam huius mundi frequenter in suis scriptis delectatur Ambrosius, in quibus etiam saepe diuitibus humilitatem commendat, et praecaelestibus terrestria quam pro nihilo habenda sint ob oculos ponit, v. gr. lib. de Abrah., de Isaac, de Bono mortis, praesertim capp. 5, 6 et 7, de Fuga saeculi maxime cap. I et 4, t. I, nec non in psalmis, et praecipue in xxxviii, 36, et cxviii serm. 4, 25; 5, 27 et 36, t. II.

⁹ Ita u. l. allegat auct. epist. ad Demetriad., col. 41, Augustinus epist. 30, t. II, col. 383, ac alibi sparsim, Chromat. Aquil. in *Matth.* col. 988, Seditulius Hib. in I. Timoth. vi, alique, nisi excipias abundanter loco abundare.

¹⁰ Idem Augustinus epist. 157, t. II, col. 554, lib. i de Civ. Dei, c. 10, col. II, t. VII, et lib. cont. Adim., t. VIII, col. 143, et alibi.

¹¹ Ambrosio nostro consonat Augustinus [epist. 130, col. 382, t. II, et tract. 22 in Joan., t. III, col. 466, aliisque multis in locis.

(a) Ita hic sermo desit in codice, qui an inutilis sit iudicent eruditi. Porro Sessorianus codex quin ullum praebet iudicium, quo sermo inutilis censetur, id potius videtur excludere; nam ullo spatio membranae vacuo relicto statim exhibet sermonem alterum, ad quem exscribendum festino.

SERMO II.

Adversus eos, qui dicunt possessionem non distrahendam, sed fructibus misericordiam faciendam.

I. Iesu Christi salutare ^a praeceptum est : « Vendite omnia quae possidetis, et date elemosynam ¹ (Luc. XII, 33). • Dominici magistri ^b fides in promptu est, quae non solum distrahi ^c iussit; verum etiam, quid de distracto fieret, demandavit². Sed hanc fidem pravi doctores friuolis ac futilibus uerbis infuseant; quos apostolus Paulus iam non carnis, sed quod peius ^d est, diuinis sermonibus adulteros ^e praedamnavit, dicendo : « Adulterantes uerbum Dei ^f (II Cor. II, 17). • Et iterum : « Nescitis quia qui templum Dei corrumpit, disperdet illum Deus ? ^g (I Cor. III, 17). • Et illud quod in euangelio Christus Pharisaeos increpans memoravit, dicens : « Reiecitis mandata Dei, ut traditiones uestras statuatis ^h (Mare. VII, 9). •

II. Non est, inquit, distrahenda, sed retinenda possessio; et de eius redditibus misericordiae opera celebranda. Quid sub nestitu operis misericordiae

^a Rubrus succus, quo haec prima verba in cod. scripta sunt, vetustate evanuit, et non nisi ex litteris postremi vocabuli *tare*, atque caeterorum ex vestigiis, habita spatiorum ratione, sic potui supplere.

^b Cariosa membrana huius vocabuli litteras *ma* tantum servat illas, et nonnullos supernos tantum exhibet apices, ex quibus ego *magistri* interpretabar.

^c Cf. Ulpian. de Transaction.: Apul. lib. 1; Sueton. in Vespas. XVI; Justin. XI, 1; Tacit. VI Ann., 17, et recole superius dicta not. *f*, pag. 1 (Col. III, ^b).

^d Haec quoque vox aegre in codice legitur, et perplexe *peius* scribo, quamvis hanc elocutionem comparativam Ambrosio familiarem esse sciam.

^e Codex habende retinendeque sine diphthongo.

^f Ita cod., ut supra et infra, *conloquium* cum unica *l* more veterum.

¹ Vide annotata in primo sermone pag. 4, not. 4 (Col. 109, n. 1).

² Recole dicta I. c., not. 2 (Nobis col. 111, n. 1).

³ Etiam in Luc. VIII, 9, t. II, apostolica dictione *adulteri*, ait Ambrosius, *sunt omnes, qui adulterare cupiunt fidei, et sapientiae veritatem*.

⁴ Ita Irenaeus, lib. IV, c. 26, col. 263, cui concinunt Hieronymus, et Beda in h. l. Graecus vero *κατασκευαστες τὸν λόγον τοῦ Θεοῦ*.

⁵ Prima verba *Nescitis quia* ex superiore versiculo I Cor. III, 16, hic translata sunt; reliqua autem Augustinus lib. cont. Manichaeos, t. VIII, col. 179, sic legit : *Quisque templum Dei corruperit, corrumpet illum Deus*; ubi addit : *Quod verbum metuentes multi Latini interpretes, noluerunt dicere corrumpet; sed dixerunt: disperdet illum Deus; et non deviantes ure ipsa, offensionem vocabuli deritorant... Sed Graecis exemplaribus convincuntur (subintellige Manichaei in quibus apertissime scriptum est: Quisquis templum Dei corruperit, corrumpet illum Deus. Graecus textus φθείρει... φθείρει. Caeterum nullus S. Pater Latinus, praeter Augustinum et Hilarium, verbum *corrumpet* geminat; sed eorum plerique cum Ambrosio nostro *disperdet* secundo loco retinent.*

⁶ Itidem S. Cyprianus in epistolis 40, 63, 68 et 74, coll. 54, 108, 109, 118 et 139; sed singulari numero et praemisso *Reiecitis* loco *Reiecitis*. Similiter etiam Zeno Veron. lib. 1, tr. I, col. 12, cum Siricio epist. 4, exceptis *Reiecitis* *mandatum* pro *Reiecitis* *mandata*.

⁷ S. Ambrosii aetate homines non defuisse qui in

A ardorem cupiditatemque habendae retinendaque possessionis obtegis? Quid impietatis tuae flagitium sub neamine pietatis obumbras? Quid Dominicum praeceptum, et ipsa sua puritate praeclarum, credentibus subtili eripis persuasionem? Quid fieto simulatoque conloquio ¹ religiosis denegas caeleste mandatum? Quid Dei servulis ² serpentino consilio paradysum intercludis, qui non introiens ipse, verum etiam introire cupientibus regnorum caelestium claves abscondis? ³ Non es sapientior Christo nec maior, qui fieri iussit; non melior Paulo apostolo, qui perfecit. ⁴ Qui mox inluminatus ⁵ est gratia, non adquevit carni et sanguini ⁶ in passionibus trepidis; non Hierosolimam conscendit, ut a praecedentibus Apostolis consilium sortiretur ⁷, quem de omnibus fidei praeconiis instructum fecerat diuinum et caeleste conloquium ⁸; non Ciliciam petit ⁹ propriam civitatem ¹⁰, hereditatem accipere ¹¹ paternam, quam pro Christo pauperibus deseruerat; qui nec nobilitatem ipsam romani generis, de quo originem sanguinis duxerat ¹², defensavit, ¹³ quam passione Dominica

¹ Locutio familiaris Ambrosio. Vid. saltem Ser. de Basilic. non tradend., n. 30, p. 924, t. III, et passim.

² Ita in cod., bona et vetusta lectione, *inluminatus*.

³ Ita cod. pro *petiit*, apud veteres librarios solita crasi.

⁴ Hoc vocabulum in fine versiculi in monogramma coit, et ex evanidis characteribus vix expiscari potest.

⁵ *Defensavit* frequent. a *defendo*, juxta illud Sall. Jug. 64; Plauti Bacch. 3, 3, 39, et Ovid. Metam. 374. Recte quidem hic Ambrosius verbum *defensavit* usurpat: Paulus enim non saepe suam Romani generis nobilitatem defendit; sed semel pro suo civis Romani jure contendit (Act. XXII, 25 et seqq.); quare proprie vereque dixit *non defensavit*, scilicet non frequenter defendit.

evangelicae paupertatis consilium vehementer insurgent, et illud profitentes valde contemnerent, multis ex locis huius S. praesulis operum clarissime evincitur. Consule saltem in psal. cxviii serm. 21, n. 18, ubi haec memoranda sunt verba: *Quoties ipsa benefacta crimini dantur? Quoties virtus opprobrio ducitur? Quoties ipsa ingrata est gratia? Vendidit justus facultates suas, dispensavit pauperibus, nihil sibi reliquit: contemnitur plerumque in ipsa Ecclesia, quia dives esse desinit, sicut scriptum est: Si dederit vir omnes facultates suas in caritate, contemptus erit. Cant. VIII, 7. Ambrosii etiam epistola 58 in hoc argumento versatur. In ea sane S. doctor narrat Paulinum et Therasiam suas omnes facultates pro Christo abdicasse, atque in pauperes erogasse; idque quod turpe hominibus videbatur profanis, et futurum in contumeliam, bene recteque factum patriarcharum exemplis demonstrat.*

⁶ Passim in suis scriptis Ambrosius S. Pauli apostoli exempla plebi suae imitanda proponit; quippe qui (S. Paulus), ut ait lib. de Virginit. 20, 130, *honore provocat, magisterio docet, invitavit exemplo*.

⁷ Hic illud ad Galat. 1, 16, spectat Ambrosius.

⁸ Ad cit. l. 17 Ambrosius respicit.

⁹ Consule loc. cit. vers. 12.

¹⁰ S. Paulum Tharso in Cilicia oriundum, ex historia res notissima est.

¹¹ Civitatis Romanae privilegio fruebatur Paulus, quo Tharsenses Augusti partibus faventes ab eodem imperatore donati sunt. Act. XXII, 27 et 28.

nouerat deturpatam ¹: sed per Arabiae regionem ², A ambustionem aeternam; iusti autem in uitam aeternam ³ (*Matth.* xxv, 46).
 ut nomen illud uenerabile, quod fuerat persecutus iniuria, quod eloquentia oppugnauerat et Pharisaeorum inuidia, salutare esse ac diuinum fidei praeconio mortalibus cunctis inferret. Quis igitur Paulo triumphis multiplicibus praedito similis adprobatur in gestis; qui se omnibus exuerit saeculi uinculis ^a et pompis, et rite Dei famulus nuncupabitur; qui obtrectantibus inuidis perseueranter insistit Domini Christi praeceptis implendis, qui dixit: « Vendite omnia quae possidetis, et date elemosynam (*Luc.* xii, 33); et ecce uobis munda sunt omnia ³ (*Ibid.* xi, 41). »

III. In praecepto indicta distractio est, et de distracto dispensatio ^b exacta est. Deuotis purificatio mentis promittitur, sordium mundatis caeleste regnum est praeparatum. Rogo, quid quaeris amplius, aut quid relictum est, nisi, non facientibus famulis quod praecipitur, ut Deus faciat quod minatur? Qui et dixit: « Si in iniusto ⁴ mammona fideles non fuistis, quod est uerum, quis dabit uobis ⁵? Et si in alieno ⁶ fideles non fuistis, quod est uestrum, quis credet uobis ⁷ (*Ibid.* xvi, 11, 12)? Et abibunt isti in

^a Ita codex bona vetustaque orthographia pro *uinculis*; cuiusmodi syncopas etiam usus est Tullius, ut avertit Cornutus p. 2288.

^b Vid. sup. not. 2, pag. 1 (*Col.* 111, n. 1) et seq., ubi similis dictio est in Ambrosiano loco recitato de Excess. Satyr. 1, 60.

^c Cod. *memoravit*; fortasse Archaicum est pro *memorauerit*; at *memoravit* ex sententia legendum malui.

^d Cod. *prodeest* geminata *e*, cuiusmodi exempla passim occurrunt in antiquis codd.; at cum infra hoc uerbum per unicam *e* scribatur in cod., et hic illam

¹ Nimirum, quia Jesus Christus praesidis Romani auctoritate, ac Romanæ cohortis militibus cruci affixus est.

² Arabiae regionem uerbum Dei praedicando Paulum excursisse, ex Galat. 1, 17, constat.

³ H. l. *Et ecce uobis munda sunt omnia*, iisdem uerbis, sed non eodem modo legit Ambrosius in Luc. vii, 100. Sic enim: *et ecce omnia munda sunt uobis*.

⁴ Mammonæ, ait Ambrosius l. c. in Luc., n. 224, non *iusta potestas*; sed *injusta est seruitus*.

⁵ Similiter S. Cyprianus lib. de Oper. et Eleem., col. 240, et S. Augustinus lib. v Confess., t. I, col. 127, si id exceperis in fine *quis dabit uobis*, cuius loco *quis credet uobis*. Legit cum codice Irenæus lib. ii, c. 24, col. 169.

⁶ S. Ambrosius in h. l. lib. vii in Luc., n. 246, scribit: *Alienæ nobis diuitiæ sunt, quia præter naturam sunt; neque nobiscum nascuntur, neque nobiscum transeunt*. *Ibid.* hoc testimonium expendens, illud eo explicat sensu, quo modo utitur in sermone. Sic enim ait n. 247: *Argui igitur videntur Iudæi et fraudis et avaritiæ. En ideo qui in facultatibus fideles non fuerunt, quas cum alienas sciverint (communem enim ad usum fructus terrarum a Domino Deo datus est omnibus) debuerunt utique participare pauperibus*.

⁷ Ita Ambrosius, l. c. n. 245, præter in fine *quis dabit uobis*, loco *quis credet uobis*. Utrum dicendum sit, hæc testimonia S. Ambrosium memoriter recitasse et postrema utriusque versiculi uerba immutasse, an potius eadem in uersio librarii oscitantiae tribuenda sit, iudicet lector.

⁸ Ita ad uerbum h. l. recitat S. Cyprianus lib. sup. cit., et lib. ii ac in Testimonior., coll. 290, 303. Eisdem concinit S. Augustinus in Joan. v, t. III, col. 443, uno excepto *ibunt* pro *abibunt*.

A ambustionem aeternam; iusti autem in uitam aeternam ³ (*Matth.* xxv, 46). »

SERMO III.

DE CARITATE.

Ex lectione S. Pauli apostoli contra malos, qui bonis inuident.

I. Peractis perfectionis inspectisque muneribus ⁹, ad potiora eminentioraque Apostoli praeconia, sicut promissimus ¹⁰, procedamus ¹¹; qui nec mysterii notitiam, nec eloquentiae celsitudinem, nec misericordiae largam pietatem ¹², nec fidei subline meritum, nec martyrii fortem intrepidamque constantiam ¹³ prodesse posse memorauit ^c; si caritas fraterna eademque sincera defuerit. Quid enim prodest ^d sumptu ^e nutrias, quem perimas ferro? aut quid iubat ^f cum quibuscumque foucas alimentis, quem latronis odio prosequaris? Caret omnibus pietatis officiis, qui ediorum flammis accensus, persequitur in fratrem gratiam, uel diuina ope conlatam ^g, uel laboribus ieiuniorum, uel adsiduitate orationum, uel uigiliarum instantia omnibusque uirtutum generibus conquisitam ¹⁴. Caritas enim sine misericordia imperfecta est ¹⁵: quia misericordia caritatis corporis lectionem retinui.

^e An particula *si* addenda est.

^f Ita codex pro *iuuat* scribit *b* loco *u*, quæ scriptura frequentata est apud veteres orthographos. De harum litterarum promiscuo usu consulesis Putschium, pag. 2295, Terrassonium *Hist. de la Jurispr. rom.*, pp. 66 et seq., ac indicem orthographicum Frontonis cl. Maii.

^g Cod. recta et antiqua lectione non geminat *l*, sed mendosa scribit *conlata* pro *conlatam*.

⁹ Solemne morem suum hic seruat Ambrosius, ut de quibus jam disseruerat superiori concione, eadem cum primum dixisset, memoraret, et quidem plerumque initio sermonis; cuiusmodi exempla abunde Ambrosiana scripta suppeditant. Sufficiat tamen laudare libb. de Cain et Abel, de Bono mortis, de Fuga sæculi, de Joseph Patriarch., de Viduis. de Myster., de Incarnat., et de Excessu Satyri.

¹⁰ Non modo quæ jam edisseruerat citare consuevit S. Antistes, uerum etiam quæ pertexere cogitabat quandoque promisit. Confer saltem serm. de Basilic. non tradend., n. 24, p. 922, et *ibid.*, n. c, t. III ac Prolog. in lib. ii de Spir. Sancto, n. 12, t. IV.

¹¹ Haud absimilem transitionem in suis scriptis interdum usurpat Ambrosius. Vid. lib. i de Interpell. David, 1, 5, tom. I.

¹² In simili sententia dicit Ambrosius lib. ii de Pœnit., 9, 83, t. III: *Quid enim prodest collatio patrimonii sine gratia caritatis?*

¹³ Confer epist. 78, 6 et 10, t. III.

¹⁴ Sic etiam lib. iv in Luc., n. 46, t. II, scribebat Ambrosius: *Frustra opem misericordiae caelestis expectes, si alienæ fructibus uirtutis inuideas: aspernator enim Dominus inuidorum est, et ab iis, qui diuina beneficia in aliis persequuntur, miracula suæ potestatis avertit*.

¹⁵ Perfectam caritatem haud unquam a misericordia esse disjunctam rursus docet Ambrosius lib. i de Pœnit., 11, 52, t. III, ubi: *Proximus, inquit, esse non potes, nisi facias misericordiam*. Hanc autem uirtutem valde commendat sanctus doct. in ps. cxviii serm. 8, 22 et seq.; lib. ii in Luc., n. 27, t. II; lib. i de Offic., 11, 38 et seq.; et lib. 3, 19, nec non epist. 7, 3, t. III.

membrum est ; contra misericordia sine caritate nihil est ¹ : quia emoritur omne membrum, quod ex solido corpore vel diuulsum fuerit vel abscissum. Est enim caritas apex quidam membrorum omnium retinens arcem ², cui adcorporata ³ connexaque perdurant officia cuncta uirtutum ⁴ ; sine qua omnium bonorum ⁵ merces aut languescit, aut deperit, dicente Apostolo : « Si linguis hominum loquar et Angelorum, caritatem autem non habeam, unum sum uelut acramentum, aut cymbalum tinniens ⁶. Et si habeam prophetiam ⁷, et nouerim mysteria omnia, et omnem scientiam : et si habeam omnem fidem, ita ut montes transferam, caritatem autem non habeam, nihil sum ⁸. Et si donauero omnes facultates meas, et distribuero omnia mea pauperibus, et si tradidero corpus meum urendum, ita ut glorier, caritatem autem non habeam, nihil mihi prodest ⁹ (I Cor. xiii, 1-3). »

II. Caritas omnium bonorum mater est, misericordiae principium, origo pietatis, fons benignitatis ⁷,

¹ Id est *adjuncta*, ut legitur in Ammian. xvi, 8, et in Solin. xxxvii. Vocem *corporatus* pro *junctus* vel in *unum corpus cooptatus* usurpat etiam Ambrosius lib. iii de Offic., 7, 50, t. III.

² In cod. post *bonorum* repetitur *omnium*, deinde punctis superne notatum expungitur.

³ Cod. *prophetia*, nisi fortasse fuerit a lincola superaddita pro *m*, quæ uetustate jam euanida aciem effugiat.

⁴ In cod. *capud* loco *caput*, cum contra alibi uidimus *illud*, *istud*, pro *illud*, *istud*.

⁵ Ita codex pro *corruunt* uetusta scriptura.

⁶ Codex *demonas* quæ uox prorsus cubat in men-

A caput ⁸ iustitiæ ⁹, legis adimpletio, perfectio praeceptorum ¹⁰. Sine haec una omnia aut debilitata conrunt ¹¹, aut regno carent. Nam et propheticum sentire nihil est ; et leue nosse mysteria ; paruum est fugare daemones ¹² ; omniaque uirtutum genera consummare, si caritas desit, inane est. Unde Dominus Christus sic ait : « Multi mihi dicunt in illa die : Domine, *Domine* ¹³, nonne in tuo nomine prophetauimus, et in nomine tuo daemonia exclusimus, et in nomine tuo uirtutes magnas fecimus ? ¹⁴ Tunc dicam illis : Discedite a me, non uos uoui, qui operamini iniquitatem ¹⁵ (Matth. vii, 22, 23). » Iniquitatis opera est, hominem homini uelle praeferrere, fratrem inuidere fratri, alterum alteri non id uelle quod sibi : et cum ¹⁶ sit nobis una condicio naturalis ¹⁷, condicionem ¹⁸ uelle praeponi ¹⁹.

III. Cum auctor nostrae salutis, naturae propriae diuinitatis conscius, mortalibus se cunctis mortalem exhibuit, et hominibus omnibus hominem praebuit, et quod maius est, condicionem ¹ condicioni

dis ; nam *daemones* scribendum est, ut infra in hoc eodem cod. scribitur.

² Cod. *Domine* semel habet, sed cum in sacris literis, quacunque versione utatur, hic *Domine* geminetur ; hanc uocem malle proinde credere librarii oscitantia omissam fuisse in cod., et addendam censui.

³ Ita constanter codex *cum* per *c*, et non per *q* scribit, tam si tempus significet, quam si comitem uel causam. Vid. hac de re Quintilianus Instit. i, 7.

⁴ Cod. *condicione*, at mihi *condicionem* legendum uidebatur.

uero S. Hieronymus lib. iii in Epist. ad Galat., t. IV, col. 307, expuncto *ut ardeam*, legit *ut glorier* ; quo in loco id ob similitudinem uerbi *ardeam* et *glorier* apud Græcos *καυθίζωμαι*, et *καυχῆσθωμαι* factum putat. At re quidem uera hæc duo uerba simul in peruetustis Græcis exemplaribus olim legi, idem observat Hieronymus in Isaïæ lviii, t. III, col. 428, ubi scriptum reliquit : *Apostolus si etiam corpus suum tradat martyrio ut ardeat, sive glorietur (utrumque enim fertur in exemplaribus) absque Dei caritate... frustra se dicit sanguinem fundere.*

⁷ Confer epist. 41, 17, t. III.

⁸ Utique scribit Ambrosius in psal. cxviii serm. 16, 45, t. II, qui *precepta iustitiæ diligit, facit illa quæ diligit.*

⁹ Haud absimilia habet Ambrosius in psal. cxviii serm. 5, 20, et 16, 44, nec non in epist. 78, 7.

¹⁰ Ambrosius h. l. similiter legit in sup. cit. psalm. serm. 20, 47, præter *ejecimus* loco *exclusimus*. Verbum autem *exclusimus* retinet S. Cyprianus lib. de Unit. Ecel., p. 199, et lib. in Testimonior., col. 314.

¹¹ In cit. psal. serm. 15, 25, h. l. Ambrosius sic recitat : *Discedite a me, qui operamini iniquitatem, omissis non nori uos.* Idem serm. 20, 47, et in psal. xxxvi, 31, sed additis in fine *nescio uos.* Habet autem cum codice *non nori uos* Augustinus in psal. xxxiv, col. 238, t. IV ; at eadem uerba initio uersiculi ponit. Nobiscum legit ad uerbum S. Hieronymus in epist. ad Damas., col. 152, t. IV.

¹² Huic similem sententiam sæpe in Ambrosianis scriptis reperies ; et confer saltem in psal. cxviii serm. 8, 14, t. II.

¹³ Paria leges apud S. Ambrosium lib. x in Lucam, n. 50 et seq., atque lib. ii de Offic. 27, 134, t. III.

¹ Recole dicta supra pag. 13, not. 4 (Col. 122, n. 12).

² Confer lib. ii de Offic., 14, 66, t. III, ubi similis dictio est.

³ Ambrosius lib. cit. de Offic., 7, 39 : *Prima ergo, inquit, ad commendationem nostri est caritas. Bonum est ergo testimonium habere de dilectione. Hinc nascitur fides... Similiter per fidem et caritatem peruenitur* Et epist. 41, 17 : *Ubi non est amor, ait, non est fides, (intellige uera) non est dilectio. Hanc sententiam pergit S. doctor explicare in ep. 78, 9, scribens : Ubi perfecta caritas, ibi omnis fides : sicut ubi perfecta caritas, ibi spes omnis... Ideo major, quia spem fidemque complectitur. Rei meminit etiam lib. viii in Luc., n. 30, t. II.*

⁴ II. l., quo carent Ambrosiana scripta, nec Vulg. nec Græco respondet ; nam Græcus habet *χαλις ἤχων*, et Vulg. legit *as sonans*. Verum id confirmat, quod jam alibi annotauimus, Ambrosium usum esse diverso codice a Vulgata ; et illud demonstrat, quod prænotarunt Maurini in psal. cxviii serm. 8, 13, n. a, col. 449, t. II, et alibi, Ambrosianam scilicet Græcam editionem, ab iis quas nunc habemus, in multis discrepare. Sane est apud Sabat. ins. quidam Græcus, qui illud *ἤχων* omittit.

⁵ Ita Ambrosius in ps. xlv, 9, et lib. vii in Luc., n. 176, t. II, præter in fine *nihil mihi prodest pro nihil sum*, quæ forsitan uerba huc e sequenti uersiculo in codice translata sunt. Similiter in epist. 78, 6, sed ibi pro *si habeam* legit *si habuero* cum Vulgata.

⁶ Ambrosio fere concinit ejus discipulus Augustinus serm. 130, t. V, col. 1349, exceptis *ut ardeam pro urendum*, et omissis *ita ut glorier*. Habet *ad comburendum* S. Pacianus ep. 2, p. 308 et seq. Solus

subiecit, sui corporis formam in forma nostri corporis coaptavit¹; ut hoc sacramento² celsitudinem humilitati, et humilitatem celsitudini coaequaret³; et ut in hoc consummaret patriam voluntatem⁴, qui dixit: « Non descendi de caelo, ut faciam voluntatem meam; sed voluntatem eius, qui me misit⁵ (Joan. vi, 38). » Et iterum: « Filius hominis, inquit, non venit ministrari, sed ministrare⁶ (Matth. xx, 28). » Et facile qui maiestatis celsitudine sequestrata⁶ formam servitutis accepit, dicente Apostolo: « Qui cum in forma Dei esset non rapinam^b arbitratus est esse se aequalem Deo⁷, sed semetipsum exinaniuit formam servi accipiens⁸ (Philip. ii, 6, 7). » Et illud: « Non omnis qui mihi dicit: Domine, Domine^c, intrabit in regnum caelorum, sed qui facit voluntatem Patris mei, qui in caelis est⁹ (Matth. vii, 21). »

IV. Sed non prius voluntatem Patris facere pos-

^a Hæc vox familiarissima fuit Ambrosio, eamque legis lib. de Jacob. vii, 32, in psal. cxviii serm. 7, 29, et in Luc. vi, 32, ac x, 56.

^b Cod. *rapina*, at *rapinam* prorsus scribendum est, num fuerit ultimæ a lineola pro m superaddita, suspicior.

¹ Ambrosius, ut adversus venenum Arianorum, qui sua tempestate Mediolani plurimum poterant, plebem suam communiret, passim in suis concionibus dogmatica documenta firmandæ Verbi divinitati, et humanitati peridonea tradidit. Porro hujusce ineffabilis mysterii doctrinis sua omnia opera aspersit, et late egit de illo lib. de Incarnat. et de Fide, multa que dixit in psal. lxi, 5; cxviii, serm. 14, 46; in Luc. x, 135, t. II, et epist. 46, 6, t. III, quibus in locis, ut hic facit, pro sua sententia tuenda illud ad Philip. ii, 6, usurpat.

² Id est *mysterio*, quo sensu hac dictione familiariter usi sunt SS. Patris, quibuscum noster Ambrosius, ut saltem videre est lib. de Benedict. patriarch. xi, 48, t. I, et in Luc. vii, 28, t. II.

³ Conf., præter l. sup. cit. in psal. lxi, 4, cxviii serm. 14, 20, t. II, etiam lib. ii de Fide, 7, 56, lib. v, 109, t. III, et orat. de Obitu Theod., n. 27, t. IV.

⁴ Hæc eadem l. c. reperies, et insuper in ps. xxxvii, 5; ac cxviii, serm. 18, 32; in Luc. x, 60, t. II, et in lib. ii de Fide, 7, 52, atque alibi passim. Attente sunt hæc notanda, quo hunc sermonem Ambrosianum probe exploratum habemus. Nempe Ambrosius hic de Christi divinitate, perfecta humanitate, corporis mortalitate, ejusque humilitate, et Patri obedientia simul dicit, atque in iis versans illo ad Philipp. ii, 6, utitur, prorsus ut in fere omnibus laudatis locis oper. solemne habuit.

⁵ Ita Ambrosius lib. ii de Fide, t. III, uno excepto initio *Ad hoc pro Non*, et posito *non post caelo*.

⁶ Similiter scribit S. Antistes lib. i de Spir. Sanc., in prologo n. 11, t. IV, sed *non verbo venit* postponit.

⁷ Adamussim h. l. recitat S. Ambrosius lib. de Joseph patriarch., 3, 14; lib. de Apolog. alt. David. 7, 39, t. I; et in psal. xxxv, 5, t. II, atque alibi.

⁸ Ita ad verbum loc. cit.

⁹ Nunquam S. doctor sibi consonat, dum in suis scriptis h. l. allegat. Sane in psal. cxviii serm. 11, 40, t. II, legit: *Non quicumque dicit mihi: Domine, Domine, intrabit in regnum caelorum*; et sup. ibid.: *Non enim quicumque dixerit: Domine, Domine, ipse intrabit in regnum caelorum; sed qui voluntatem Dei fecerit*; at lib. i de Offic. 26, 125, t. III: *Non enim qui dixerit mihi: Domine, Domine, intrabit in regnum caelorum, sed qui fecerit ea, quæ dico*. Demum in lib. iii de Spir. Sanc., 17, 130, sic: *Non omnes qui dicunt mihi: Domine, Domine, intrabunt in regnum caelorum.*

sumus, nisi quæ sit ipsa voluntas, ante noscamus. Voluntas ergo Dei est, auctore apostolo Paulo « Sanctificatio nostra¹⁰ (Thes. iv, 3); » quos ab omni facie contagionis antiquæ per regenerationem salutaris lanæri¹¹ hæc nostra professione purgavit, qua in carnis infirmitate ne unissecredimus Deum¹², qua natum ex virgine confitemur, qua non negamus conditioni¹³ fuisse subiectum, qua Christum crucifixum extollimus, prædicamus sepultum, et Dei gloria suscitatum¹⁴. Unde cum tantum nobis sola ex professione eius sanctificationis videamus esse consolatum; ex hoc intellegere^d, possumus, quantum ex eius imitatione voluntatisque peractæ uel cognite conferri poterit præmiorum: de quas nos sic docet Apostolus: « ut sciatis quæ est voluntas Dei, quod bonum, et quod placitum, et perfectum¹⁵ (Rom. xii, 2). » Voluntas Dei est dilectio proximi frater, ut congaudeas fratri,

^c Codex h. l. verbum *Domine* omittit, ut supra, quod nos congeminare ausi sumus. Vid. p. 15, n. d (Col. 124, n. g).

^d Ita codex *intellegere* pro *intelligere* recta bonaque lectione scribit ad priscae orthographiæ normam.

¹⁰ Vulgata et Patres *vestra* legunt loco *nostra*: sed hic Ambrosius sacris verbis loquitur, non illa recitat.

¹¹ Apostolicus dicendi modus pro *baptismo* (ad Titum iii, 5) qui familiarissimus fuit antistiti nostro. Consule lib. ii de Interpell. David, 4, 14, 9, 55, t. I; in psal. cxviii serm. 22, 3, t. II, ac libros de Myster. et de Spir. Sanc., 10, 64, t. III et IV.

¹² Confer in psal. lxi, 5, t. II, et recole dicta supra (*Huj. pag. n. 1*).

¹³ Subintellige *humanæ*, quo quidem sensu hanc vocem sparsim usurpat Ambrosius, ut, ex. gr., in Luc. x, 129, t. II, et in serm. cont. Auxent, n. 8, p. 916, t. III.

¹⁴ Lege loc. cit. supra pag. 16, not. 1 (*Huj. pag. n. 1*), et num. 3, ubisimilesententiæ sunt, et dictiones. Hæc sunt attentè notanda, quomagus inagisque auctorem ad neophytos hunc sermonem habuisse noscatur. Siquidem hæc eadem aut non absimilia verba olim ad neophytos in traditione symboli habuisse pontifices, Romani ordinis libelli, quos Caroli M. jussu de Baptismo scripserunt episcopi Odilbertus Mediolan., Leidradus Lugdunen., Amalarius Treviren. et Theophilus Aurelianen., clarissime docent. Quibus modo accedit alter libellus de Baptismo, quem codex membraneus, sæc. ut videtur ix, Sessorianæ biblioth. exhibet, quemque ineditum censeo, et Alcuino referre non dubito. Sic enim ille fol. 163 recto: *Hæc summa est fidei nostræ dilectissimi nobis, hæc verba sunt symboli non sapientiæ humanæ sermone facta, sed veræ divinitatis ratione disposita; quibus comprehendendis atque servandis nemo non idoneus, nemo non aptus. Hic Dei Patris et Filii una et æqualis pronuntiat potestas; hic unigenitus Dei de Maria virgine, et de Spiritu sancto secundum carnem natus ostenditur; hic ejusdem crucifixio, ac sepultura, et tertia die resurrectio prædicatur, etc.*

¹⁵ Augustinus lib. xiii Confess., t. I, coll. 229 et 236, et alibi, constanter h. l. sic allegat: *ad probandum vos quæ sit voluntas Dei, quod bonum, et beneplacitum, et perfectum*. Ambrosiaster in h. l., *ut probetis quæ sit voluntas Dei, quod bonum, et placitum, et perfectum est*. Huic accinit Hieronymus lib. i cont. Jovin., t. IV, col. 179. Vulgatæ favet Cyprianus epist. 77, col. 159, et cum Vulgata ad verbum legunt Sedulius et Beda in h. l. Omnes vero pro *ut sciatis* legunt *ut probetis*. Græc. Εἰς τὸ δοκιμάζειν ὑμᾶς τι τὸ θέλημα τοῦ Θεοῦ τὸ ἀγαθόν, καὶ εὐάρεστον, καὶ τέλειον.

ut non inuideas meliori, inferiorem ut praeferas tibi¹, ut non admittas offensam, ut remittas admittam, ut honorificentia praecedas honorantes, ut dilectu² anteuemas diligentes, ut pro inimicis ores, ut cibus³ aduersarios, ut non oderis persequentes⁴ (*Rom. xii, 9 seqq.*). Sic et omnis uirtus deens efficitur, ornamentum, fides, perfectio, misericordia, martyrium, flammis corpus exustum; sic filii Dei efficiuntur, cum Patri caelesti operibus simulantur⁵ (*Rom. viii, 16, 17*); sic Christo hereditario⁶ iure coniungimur⁷, cum bonis, ac malis bona largimur, cum aut obliuiscimur iniuriarum⁸ aut corde dimittimus retentatam⁹, cum eminentiore dilectu pro amicis non solum nostra, sed et nosmetipsos impendimus; sic sancto Spiritu abundabimus, cuius et sumus, si omni mansuetudine, quae benignitatis sunt, impleamus.

V. Inde Dominus Christus Apostolos ad ultionem inhospitum¹⁰ Samaritanorum properantes monuit,

¹ Confer annotata supra pag. 6, not. b (*Col. 113, n. 4*), et hic ut infra observa dilectu pro delectu scriptum bona et vetusta lectione, ut ad hanc vocem aduertit Forcellinius.

² Ita codex cum aspirata duabus vocalibus interposita, quam lectionem, cum in priscais codd. occurrat, sollicitandam haud arbitrator. De hac varietate exempla praebet Ciceronis interpres antiquus apud Maimum, t. II, pp. 32, 54, 82, 84, 90, 102.

³ Similamur pro similes facimus seu adsimilamus, subiintellige nos. Quod uerbum cum plerumque construatur cum casu accusandi, maleham, invito codice, scribere vel adsimilamus, vel caelestis Patris opera simulamur; at inspecto antiquissimo Esdrae interprete, qui IV, vii, 44, habet: *similasti semini agricolae*, de dilecta emendatione haerebam, et codicis lectionem retinendam putabam.

⁴ Cod. hereditario sine diphthongo, quam etiam in antiquis codd., invita prosodia et ipsa etymologia nominis, haec vox frequenter remittit.

⁵ In cod. iniuria ommissa e; nisi legendum sit iniuriam, ab amannense elisa m in fine, vel pro ea littera a lineola superaddita, quae tamen vix modo apparet, et ne vix quidem.

⁶ Frequenter in suis scriptis aduersus hoc pestiferum vitium, quod etiam in religiosiora corda pervadit, declamat S. Ambrosius, et praesertim lib. iv in Luc., n. 46, et vii, 23, t. II; ac lib. II de Offic., 30, 152, t. III; nec non epist. 29, 17.

⁷ Similia habentur in psal. xxxviii, 10; cxviii, serm. 10, 3 et 41; serm. 13, 13 et seqq.; in Luc. viii, 24, t. II; et lib. i de Offic. 48, 244 et seqq., t. III.

⁸ Quippe Ambrosius ait epist. 73, 3, tom. III: *Caritas acquirit adoptionem, adoptio hereditatem.*

⁹ Ambrosius lib. i de Offic., II, 37, t. III, illud expendens Matth. xix, 21, rursus ait: *Et supra ita est scriptum, ubi diligendos inimicos, et orandum dicit pro columbianis et persequentibus nos, et benedicere maledicentes: hoc nos facere debemus, si volumus perfecti esse, sicut Pater noster qui in caelo est, qui super bonos et malos solem jubet radios suos fundere, et pluvia et rore terras uniuersorum sine ulla discretionem pinguescere.* Tum alia in lib. de Joseph. patr. i, 3, t. I; in psal. xxxvii, 45, t. II; atque in ep. 63, 83, t. III, et alibi huic loco valde similia sunt.

¹⁰ Qui Christum utique in hospitium recipere noluerunt. Luc. ix, 53.

¹¹ Ita ad uerbum h. l. recitat Ambrosius in Luc. vii, 60, tom. II, et lib. i de Poenit., 16, 88, tom. III. Huiusce evangelici testimonii spectabili auctoritate plebi suae mansuetudinem commendat Ambrosius etiam in lib. cit. in Lucam,

A dicens: « Nescitis cuius spiritus estis? » (*Luc. ix, 53.*) utique¹ mansuetudinis: qui ab omnibus commotionibus alienus sit, qui nulla conueniatur iniuria, qui ab omnibus perturbationibus uacet, qui tranquillitate subnixus, mitis, benignus, lenis, et blandus est²; quem tertio uidit³ Helias⁴, dicente Scriptura⁵: « Exies crastina die, et stabis ante conspectum Domini⁶: et ecce Dominus transiet, et ecce spiritus magnus, potens, comminuens montes, et conterens petras in conspectu Domini: et non in eo spiritu Dominus, et post spiritum⁷ terremotus; et non in terremoto Dominus⁸, et post terremotum⁹ ignis: et non in igne¹⁰ Dominus, et post ignem uox aurae tenuis: et in eo Dominus¹¹ (*III Reg. xix, 11, 12.*) » Sed hoc quod per sacramentum Helias uidere

B meruit, aperte propheta Ezeias¹² Domino reuelante cognouit. « Super quem, inquit, requiescam, nisi super humilem, et mansuetum, et trementem uerba mea¹³? (*Isai. lxvi, 2.*) » Sic et Samuhel¹⁴ ille, ille

¹ In cod. videt; at hic magis sententiae consonum videbatur lectio, quam ausus sum scribere; nam eadem sane melior, quamuis illa haud prorsus absurda sit. De promiscuo usu i pro e et vice versa recole dicta supra pag. 6, not. b, et 18, not. a (*Col. 113, n. 4 et huj. pag. n. 4*) et infra.

² Ita cum aspirata in principio, ut constanter in antiquis codd. reperitur.

³ Ita cod. scribitura per b loco p, ut supra scriptum vidimus pag. 4, not. b (*Col. 114, n. 1*).

⁴ Cod. post ante conspectum Domini addit: *et non in eo spiritu Dominus*; quae quidem uerba abundant; et hic fortasse interseruit librarius noster, eo deceptus quod post similia uerba in conspectu Domini eadem infra recurrant.

⁵ Cod., spiritu, elisa m in fine.

⁶ In cod. terremoto ommissa m ut supra.

⁷ Cod. igni.

⁸ Ita constanter codex scribit pro *Esaias* vel *Isaias*, vel potius *Iesaias*, quod factum vix dicerem a Graeco Ἰσαίας; nam prisca orthographia aiper ei legebatur, ut monet Fumagalius *Inst. Dipl.* l. i, p. I; vi, § 9, p. 103.

⁹ Ita codex Samuhel cum h duabus vocalibus interposita.

¹⁰ Hoc affirmantis aduerbium familiarissimum Ambrosio fuisse, qui ejusdem vel leuiter scripta uoluerit iudicias ibit nemo.

¹¹ Reapse inquit Ambrosius in psal. xxxvi, 22, t. II, qui sunt mansueti, nisi quos nullus stimulus dissensionis exagitat, non ira perturbat, non saecilia exasperat, non rabies crudelitatis inflammat.

¹² Passim in suis scriptis Ambrosium de Eliae gestis esse locutum idem ipse fatetur lib. de Elia et Jejun., 3, 5, *Plurima enim, inquit, de Eliae gestis frequenti diuersorum sermone digessimus.* Ad quem locum respicientes Benedictini editores in praefat. ad III et IV tom. scite annotarunt: *Si quidem enim nihil aliud vir sauctus his (cit. uerbis) significat, nisi frequentem in libris suis gestorum Eliae fieri mentionem, vix quidquam erit, quod in hac parte videatur amissum.*

¹³ Additis post conspectum Domini uerbis in monte Graecus textus Ambrosianae lectioni fauet.

¹⁴ Similiter legit vet. Iren. interp. iv, 20, col. 255, quocum Graecus, praeter et post ignis; at tam in cit. loc., quam in antiq. et noua Vulg. omittuntur ultima uerba et in eo Dominus: quae forsitan hic non ueluti ex sacro fonte manantia, sed ut suae magis sententiae inseruiat, Ambrosius addidisse uidetur.

¹⁵ Idem Ambrosius lib. iv Hexaem., 8, 49 et 75, tom. I, uno excepto quietum loco mansuetum; sed habet cum cod. mansuetum in orat. de Obitu. Theod., n. 33, t. IV.

Samuel sacerdos industris, praeclarissimos fratres A specie consimiles, pares proceritate, uirtute non in- pares Domini praecepto reprobatur et depellit, et David eorum fratrem humilitate subiectum, mansuetudine infirmum, et tranquillitatis spiritu leniorem Domini praecepto unxit in regem¹; unde ipse praeceptus ait: « Memento, Domine^c David, totius lenitatis eius² (Psal. cxxxv, 1). » Haec electio Dei mansit semper et manet, ut superbos obpugnet^d et deprimat, et humiles foueat et extollat. Exaltatio haec sine humiliatione^e non potest esse, nec electio sine reprobatione^f, nec uocatio sine discretionem. Et ideo cum infirma et despecta et ultima diliguntur³, quae summa et magna sunt reprobantur⁴; Deo enim magna infirma, et infirma sunt magna⁵. Docuit hoc apostolus Paulus, qui uocationem credentium demonstra- strauit ex hac electione descendere. « Videte, ait, uocationem uestram, fratres; quia non multi sapientes secundum carnem, non multi fortes, non multi nobiles⁶: sed quae stulta sunt mundi elegit Deus, ut confundat sapientes; et infirma mundi elegit Deus, ut confundat fortia⁷; et ignobilia huius mundi et contemptibilia elegit Deus, quae non sunt (utique contemptibilia^g), ut ea quae sunt (contemptibilia scilicet) destrueret⁸: Ut non gloriatur omnis caro in conspectu eius⁹ (I Cor. I, 26-29). »

^a Ita codex cum emphasi.

^b Ita codex cum diphthongo, quam inuitus retinui, quamvis in hac voce etiam in aliis uetustis codd. mihi se passim obtulerit.

^c Ausus sum addere *Domine*; ita enim sententia postulare uidetur. Quippe librarii perplexitate obsequentem uocem littera *d* incipientem hic *Domine* omissum putabant.

^d Ita cod. pro *oppugnet*.

^e Cod. *humiliatione*, mendose quidem, nisi superad- dita fuerit *i*, quae modo reperiatur permixta cum apice litterae *p*, quae e superna linea super *a* huius uerbi descendit.

^f Mallem legere *deliguntur*, sed cum lectio codicis

¹ Locutus est Ambrosius de Davidica humilitate frequenter in lib. de Interpell., et in utraque ejusdem Apologia, nec non lib. I de Offic., 6, 21, et 48, 245 et seq., ac epist. 51, 7 et seqq.

² Graec., *καὶ πάντης τῆς πραότητος αὐτοῦ*, at in 6 Venet. edit. *ταπεινώσεως*.

³ Confer. in psal. xxxvii, 47, t. II.

⁴ Videsis in psal. cxviii serm. 18, 34, etc.

⁵ Sic Ambrosius l. c., serm. 3, 41, dicit: *quod autem in hoc mundo contemptibile, hoc pretiosum est apud Deum*.

⁶ Ita antiqua versio apud Sabat., praeter *quoniam* loco *quia*, et *potentes* pro *fortes*. Huic lectioni fauet Augustinus in Joan., col. 349, p. II, tom. III et alibi. Irenaeus uero cum Ambrosio nostro legit *fortes* lib. II, cap. 19, col. 144.

⁷ Rursus Ambrosius in psal. xxxvi, 7, tom. II, habet: *quoniam stultum mundi elegit Deus, ut confundat sapientes*.

⁸ Prima huius uersiculi uerba, scilicet: *contemptibilia huius mundi elegit Deus*, ita Ambrosius scribit in psal. cxviii serm. 3, 41; reliqua uero: *quia elegit Deus quae non sunt, ut quae sunt destrueret* bis recitat in Luc. vii, 234, tom. II.

⁹ Ambrosio concinit Graecus textus.

¹⁰ Similem sententiam repetit Ambrosius in psal. I, 15; xlvi, 24; et cxviii serm. 8, 8; serm. 14, 33,

VI. Itaque gloriantur in mundo qui gloriantur in carne, gloriantur in carne qui gloriantur in homine, qui extolluntur honoribus mundi, qui diuitiis inflantur, qui nobilitate superbiunt¹⁰. « Nobis autem absit gloriari, nisi in cruce Domini nostri Jesu Christi: per quem ipsi crucifixi sumus mundo, et mundus crucifixus est nobis¹¹ (Gal. vi, 14); » cuius pompas et uoluntates iam tunc nos amisimus et abiiecimus, cum meliore concursu ad caelum transitum fecimus¹²; sicut Iohannis^b admonitio caelestis uitae magistra formam uiuendi imaginemque nobis expressit: « Nolite diligere mundum, neque ea quae in mundo sunt. Si quis dilexerit mundum, non est caritas Patris in illo¹³: quia omne quod in mundo est, concupiscentia carnis est, et concupiscentia oculorum, et ambitio saeculi: quae non est a Patre, sed ex concupiscentia saeculi¹⁴ (I Joan. II, 15, 16). »

VII. Qui mundum odit, odia mundi non pertimescit: ipse enim suo odio mundum ad sui odium prouocauit; et ideo fas non est odia eius uel pertimescere uel horrere, si tibi nitatur adpendere quae te sibi probauerit praerogasseⁱ¹⁵. Itaque istud odium saeculare, cuius obtrectationibus laceramur, cuius blasphemis deridemur, non est nouum neque repentinum; quod iam pridem Domino Christo¹⁶, et apostolis eius non ignoramus inlatum, dicente Euangelista:

exemplis non careat, eam censui retinendam. Recole quae supra de uocabulo *dilectu* dixi pag. 6, not. *b* et pag. 18, not. *a* (Col. 115, n. ^a, et 127, n. ^a).

^c Has parentheses et in hoc loco suis signis designandas putavi, ne quae sunt Ambrosii uerba cum illis sacri textus lector confunderet.

^b Ita cum aspirata, qua in hoc nomine frequenter ueteres et nonnulli etiam recentiores scriptores utuntur.

ⁱ Cod. *se tibi*. Mihi uero uisa est scriptura peccare metathesi pro *te sibi*, quae est lectio probanda, si sententiam spectes.

^j Recole de hoc uerbo annotata supra pag. 1, not. 1 (Col. 111, n. ^b).

atque serm. 20, 3 et 7, tom. II.

¹¹ H. l., quem hic Ambrosius oratorio modo pluraliter recitat, habet etiam, sed singulari numero ut in sacro textu, libb. de Bono mort. 3, 9; de Fuga saec. 9, 56, t. I; in psal. cxviii, serm. 8, 5, et in Luc. vi, 34, t. II; in epist. 78, 10, t. III, et lib. III de Spir. Sanct., 8, 50, t. IV. His tamen in locis nunquam iisdem uerbis h. l. allegat.

¹² Confer saltem lib. de Myster., 2, 5.

¹³ Adamus h. l. recitat Augustinus epist. 220, col. 814, t. II. Ita Cyprianus lib. de Hab. uirg., col. 175; lib. de Orat. Dom., col. 208; lib. de Mortal., col. 236; et lib. III Testimonior., col. 308. Similiter Zeno Veron. lib. I, tract. 2, 7 et 12, pp. 24, 67 et 20; et Collat. Carthag., p. 491, quibus modo noster accedit Ambrosius.

¹⁴ Ita, excepto *quoniam* loco *quia*, legunt Augustinus lib. I de Nupt. et Concup., t. X, col. 290, et lib. VII cont. Julian., col. 663; Cyprianus loc. cit.; Zeno Veron. l. pariter cit. Ambrosius uero non sibi consonat in psal. cxviii serm. 13, 26, t. II, ubi legit: *Quia omne quod in saeculo est, concupiscentia est carnis, et concupiscentia oculorum, et iactantia uitae*.

¹⁵ Advertis uel in psal. cxviii serm. 22, 21 et seqq., t. II.

¹⁶ Videsis de Fide n. 94, t. III.

« Si patremfamilias Belzebu ^a uocauerunt, quanto magis domesticos eius ¹ (*Matth.* x, 23)? » Et « Si mundus nos odit, scitote quoniam me prius odio habuit ² (*Joan.* xv, 18). » Sic et Apostolus ait: « Spectaculum facti sumus huic mundo, et angelis, et hominibus ³ (*I Cor.* iv, 9); id est gentibus, et fratribus fictis, qui sub nomine religionis trasfigurant ^b se in angelos lucis. Denique aperte hoc supra infraque complexus est. « Jam, inquit, saturati estis, diuites facti estis: sine nobis regnatis: et utinam regnetis, ut et nos vobiscum conregnemus ⁴ (*Ibid.*, 8). » Et infra: « Nos stulti propter Christum, nos autem prudentes in Christo: nos infirmi, nos autem fortes ⁵. Usque in hanc horam et esurimus, et nudi sumus, et colaphizamur ^c, et instabiles sumus ⁶ (id est non resistimus, uel non defendimus ^d), et laboramus operantes manibus nostris: maledicimur, et benedicimus: perse-

^a Ita cod., quam lectionem idcirco retinui, quia non satis exploratum mihi est, utrum *b* vel *l* sit addendum in fine. Siquidem veteres mss. omnes apud Sabat. in h. l. legunt *Beelzebub* per *l* cum Græco Βεελζεβούλ. At Hieronymus lib. de Nom. Hebr. vult in fine hujus vocabuli *b* litteram esse legendam non *l*; *musca enim*, inquit, *zebug vocatur*.

^b Ita in cod. *trans* in verbo *transfiguravit* abijcit litteram *n*, cujusmodi in hac et similibus vocibus vetusta exempla non desunt.

^c Ita codex pro *colaphisamur*. Litteras *u* et *o* apte monet Longus, pp. 2216 et 2222, fuisse interdum apud Latinos confusas, ita ut legerent *u* etiam cum scriberent *o*. Id confirmant Valerianus pp. 2289 et 2290, Papirianus pag. 2292, atque el. Mainus, qui in hæc me annotanda præiit in suo indice Frontonis orthographico. Quod vero attinet ad litteram *f* sane illam simpliciter non per *ph* scribebant Latini. Sic enim diligentissimus Mainus mox laudatus, et nunquam satis laudandus habet de Re pub. i, 2, p. 7, n. (a). *Litteram ph olim u Latinis non fuisse adhibitam monet nos Cicero, or. 48. Tum Martianus lib. iii, cap. de Conjug. ait: nec f excludent, cum dicamus triumpho, quanquam a Græcis veniat, et per p et h potius scribatur. Idem vero Mainus ita etiam monet in indice palæo-*

¹ Ita in antiq. et nova Vulg. cum Græco.

² Antiq. versio apud Sabat.: *Si mundus..... quia priorem me, etc. Vulg., quia me priorem vobis. Cyprianus epist. ad Fortunat., p. 268, quoniam me primo odiit. Græcus vero: Εἰ ὁ κόσμος... ἠνώσκειτε ὅτι ἐμὲ πρῶτον ὑμῶν μεμίσηκεν.*

³ Ambrosius lib. de Elia et Jejun., 21, 79, t. I: *Facti sumus, ait, spectaculum huic mundo, et in psal. XLIII, 33, t. II: ut spectaculum simus huic mundo et angelis et hominibus. Legit cum codice ad verbum, uno omissis hominibus in epist. 63, 71. Sic enim, D* *Spectaculum facti sumus huic mundo, et angelis. Nostræ lectioni concinunt antiqua versio et Græcus, a quo tamen abest huic.*

⁴ Ita antiqua versio apud Sabat., uno excepto *conregnemus*, pro quo habet *regnemus*. Verum verbo *conregnemus* utitur S. Hilarius in psal. II, 42, col. 59, et LX, ac LXV, coll. 144 et 197.

⁵ Ita in utraq. Vulg. cum Græco, sed addunt in fine: *vos nobiles nos autem ignobiles.*

⁶ Differ. Ambrosius in psal. cxviii serm. 8, 7, t. II, legens: *usque ad hanc horam et esurimus, et sitimus, et nudi sumus, et colaphis vapulamur, et instabiles sumus. Habet colaphisamur cum antiq. Vulg. apud Sabat. Ambrosiastes in h. l., quibuscum Græcus κολαριζομεθα.*

⁷ Ita Ambrosius in psal. xxxviii, 40; cxviii, l. modo

A *cutionem patimur, et sustinemus*: blasphemati deprecamur ^e: tanquam purgamenta huius mundi facti sumus, omnium peripsema ⁸ (*Ibid.*, 10, 11, 12, 13). Hæc apostolica doctrina est, hoc Dei et Christi mysterium, hæc conuersatio caelestis, hæc professio spiritalis; hoc mundus non recipit; hoc ypocrisis ^f respuit, dicente Apostolo: Animalis homo non percipit, quæ sunt Spiritus Dei: stultitia enim est illi ⁹ (*I Cor.* II, 14). »

VIII. Fructus autem sunt Spiritus, quos Apostolus enumerat, dicens: « Caritas, gaudium, pax, patientia, bonitas, mansuetudo, fides, lenitas ^g, continentia, castitas ¹⁰ (*Gal.* v, 22, 23). » Et illud de quo ^h litteris suis Ephesiorum Ecclesiam ⁱ idem Apostolus monuit ¹¹: « Nolite contristare Spiritum sanctum Dei, in quo signati estis in die redemptionis ¹² (*Ephes.* iv, 30). » Contristatur autem Spiritus a contrariis desideriis, id est ab

graphico ad Ciceronem ejusque interpretem, tom. II. *Classicor. Auctor.*, p. 388, col. 2: *F pro ph passim; et recte, ut puto. Cur enim semper Latini pro sua unica littera f duas incommodius scripsissent ph? Cæterum codex noster alibi, cum id usus reclamat, constanter utitur ph. De littera z vide Isidorum I, 4; Orig., et de ejus usu veteres orthographos apud Putschium.*

^d Hic et infra parentesim, ut supra, designare ausus sum.

^e Cod. constanter cum diphthongo, et vide sup. pag. 20, not. a (col. 129, n. ^b).

^f Ita scribitur in cod., omissa aspirata in principio.

^g Cod. *laenitas* cum diphthongo, sed eam expunxi- mus eum ipse cod. haud illam retineat in vocibus *lenis, lenior, lenitas*, etc.

^h In cod. *quod*, sed *d* prorsus abundat. Observat Funna gallius *Inst. Dipl.* I, c. 6, 9, p. 102, veteres haud raro in fine vocabuli addidisse litteram *d*, idque in iis verbis præsertim, quæ littera *o* esset finalis. Ita, ex gr., scribent *estod, malod, ceditod*, etc., pro *esto, malo, cedito*, etc.

ⁱ Cod. *Ecclesia*, lincola tamen litteræ *a* superposita fuit pro *m*, quæ ægre vix legitur.

cit., t. II; lib. I de Offic., 48, 244, t. III; et lib. II, de Pœnit., 4, 5, ejusd. vol.

⁸ Consonat versio antiq. apud Sabat., præter *obsecramus* loco *deprecamur*, nec differt Græcus. At Ambrosius in psal. cxviii, l. e., habet: *Blasphemamur, et obsecramus: tanquam lustramenta huius mundi facti sumus omnium purgamenta usque adhuc.*

⁹ Ita h. l. ad verbum recitat S. Ambrosius in Luc. vii, 148, t. II, et lib. III de Spir. sanct., 17, 121, t. IV, præter *illi est loco est illi*.

¹⁰ S. doctor. lib. de Parad., 13, 64: *Fructus, inquit, Spiritus est caritas, gaudium, pax, patientia, benignitas, modestia, continentia, dilectio. Hoc in loco Rom. edit. castitas pro dilectio legit. Lib. vero de Noe et Arca, 29, 108, sic: Fructus autem spiritus, caritas, gaudium, pax, patientia, bonitas. At in psal. xxxvi, 12, t. II: Fructus autem spiritus est caritas, gaudium, pax, patientia, benignitas, bonitas, fides, modestia, continentia. Demum lib. I de Spir. sanct. 6, 69, ut in lib. de Noe sup. cit. præterquam quod *pax* primo loco ponit, quam tamen vocem post *gaudium* scribit in eod. libro XII, 126, t. IV.*

¹¹ Conf. epist. 71, t. III, in qua hujusce apostolicæ epistolæ summam Ambrosius a Irenæo rogatus exponit, col. 1186 et seqq.

¹² Similiter Ambrosius, omissis in fine *in die redemptionis*, habet lib. III de Spir. Sanct., 8, 48, t. IV.

operibus carnis, quæ inter cetera latentia ¹ hæc sunt: • Inimicitiae, contentiones, æmulationes, indignationes, prouocationes, iræ, rixæ, dissensiones, sectæ ², inuidiæ, ebrietates, comissiones ³ (id est comeatores) ⁴ (*Gal.* v, 20, 21). • His enim operibus contristatur Spiritus, offenditur; deserit et abscedit Solomone ⁵ dicente: • Sanctus enim Spiritus disciplinae effugiet fictum ⁶ (*Sap.* 1, 5). •

IX. • Nolite, inquit apostolus Paulus, contristare Spiritum sanctum Dei, in quo signati estis in die redemptionis (*Ephes.* iv, 30). • Dies redemptionis est, in quo salutaris indulgentiæ dono redempti, a mortis sententiæ liberamur; in quo uetarem hominem cum actibus eius exponimus, et induimus nouum, qui secundum Deum creatus est in operibus bonis ⁶. Eo enim die et sancto Spiritui consignamur ⁷, cum sa-

^a Ita cod. pro *comissiones* consona s haud duplicata, et posito *i* pro *e* post *com.*, ut apud Sab. mss. Reg. De harum litterarum *i* et *e* promiscuo usu vide supra pag. 6, not. b; 48, not. a; 19, not. a (*Col.* 115, n. ^d; 127, n. ^a; 128, n. ^f). Codicis lectionem retinui, quia ejusmodi exempla in antiquis codd. haud semel occurrunt.

^b Ita in codice. Sane ad 1, 1, Proverbior. observat

¹ Summo consensu Patres, quibuscum antiq. et nova vulg. opera carnis, quæ mox enumerantur, cum Apostolo manifesta dicunt, et non latentia, eisdemque suffragatur Græcus textus *φανερά* legens. Hic fortasse recensita opera carnis aut latentia mendose pro manifesta, aut dicendus Ambrosius, quæ commemorat * ipsa esse manifesta, cætera uero latentia, ut sensus sit: *ab operibus carnis, quæ manifesta inter cetera latentia hæc sunt.* Hinc dixeris fortasse uocem manifesta excidisse; nisi malis Ambrosium, quæ recenset opera carnis, ea latentia uocare comparatione eorum, quæ in catalogo omittit, ut adulterium, impudicitiam, et homicidia, quæ sese sua magis turpitudine produnt.

² Irenæus lib. v., c. 11, col. 305: *inimicitia, ait, contentiones, zeli, iræ, æmulationes, animositates, irrationes, dissensiones, hæreses.* Cyprianus lib. de Orat. Dom. col. 209: *inimicitia, contentiones, æmulationes, animositates, prouocationes, simultates, dissensiones, hereses.* Augustinus uero epist. 29, t. II, col. 50: *inimicitia, contentiones, æmulationes, animositates, dissensiones, hereses.* Sicque idem S. Pater sparsim in suis operibus præterquam quod lib. II de Seru. Dom. in mon., ubi ad uocem hæreses illam addit sectæ. Demum Lucifer. Calar. lib. II, pro S. Athan., col. 282, et S. Hieronymus in h. l., omnis indignationes, prouocationes, si in fine hæreses loco sectæ legas, nostro cum Ambrosio cætera habent. Vulg. nobiscum retinet sectæ e Græco *αἰρέσεις*.

³ Ita Patres laudati in cit. I. habent ad uerbum, præter Lucif. Cal., qui post *inuidia* addit *homicidia*. In hunc l. hæc notat Hieronymus l. c.: *In Latinis codicibus adulterium quoque et impudicitia, et homicidia in hoc catalogo uitiorum scripta referuntur. Sed sciendum non plus quam quindecim carnis opera nominata.* Duodecim in hoc sermone nominantur; si ergo tria modo a Hieronymo relata addas, quindena eum eodem opera carnis et tunc catalogus reddet.

⁴ Ambrosianis locis, ex. gr., de Parad. 1, 6, et XIII, quibus liber Sapientiæ, iuxta sui temporis opinionem, Salomoni tribuitur, hic modo accensendus est. De hac re uide Maurinos annotantes ad l. cit. de Paradiso, nec non Ackermannum Introd. in lib. sac. V. F. part. II, c. 7, 245, edit. Vindobon. an. 1825 p. 367.

⁵ Ita Vulg. cum Augustino pluribus in locis, si

cramentis omnibus consumamur ⁸, dicente Euangelista: • Et baptizato Iesu confestim ascendit de aqua: et ecce aperti sunt caeli, et uidit Spiritum Dei descendentem de caelo sicut columbam ⁹, uenientem in ipsum ¹⁰ (*Matth.* III, 16). • Columba innocentia simplex ¹⁰ uel simplicitate innocens, non clamore uolenta, non furore aena ¹¹, non moribus iracunda ¹², non amaritudine fellis infesta ¹³: et ideo eodem Spiritu, qui in modum eius descendit, accepto subiunxit Apostolus, ut diceret. • Omnis, inquit, amaritudo, et ira, et indignatio, et clamor, et blasphemia auferantur a uobis ¹⁴ (*Ephes.* IV, 31). • Amaritudo est inimicitias concipere, ructari odia, euomere uenena, obtrectare proximis, disseminare laetalia ¹⁴, sicut in Deuteronomio ¹⁵ scribitur est: • Inimici nostri insensati ¹⁵. De uinea Sodomorum uitis eorum, et palmites eorum de Gomorra: uua Sabatier, ueteres codices Lactantii et Cypriani *Solomonem* legisse. Porro sic habent mss. plures Sessoriani, e quibus unus antiquissimus.

^c Cod. *columba* omissa *m* solito mendo.

^d Cod. eum diphthongo *laetalia*, quæ quoque lectio exemplis antiquor. codd. confirmatur.

^e Ita codex cum *h*.

initio hoc ordine legas: *Spiritus enim sanctus.*

⁶ Apostolicam hanc sententiam expendit Ambrosius etiam in psalm. xxxviii, 22, t. II; in lib. de Inst. Virg., 2, 13, t. III; et lib. II de Spir. Sanct., 7, 65, t. IV.

⁷ Baptizatum Spiritui Sancto consignari docet etiam auctor lib. de Saeram. apud Ambrosium, t. III, col. 457 et seq.

⁸ Id est, cum per baptismum euncta Christianæ religionis nobis reserantur arcana, a quibus olim arcebantur profani, et fides acquiritur, qua omnia credimus diuina mysteria: uel potius, cum cæteris omnibus sacramentis suscipiendis, idonei per idem sacramentum efficimur; quod quidem est janua sacramentorum. Verum h. l. ad Eucharistiam quoque respicere potuit Ambrosius, quæ iuxta ueterem Ecclesiæ consuetudinem conferebatur una cum baptismo, et confirmatione; qui mos etiam nunc in baptizandis adultis obtinet in ecclesiastica disciplina.

⁹ Concinit Hilarius in psal. cxxxviii, col. 897. Græcus textus et ansiq. vers. apud Sabat. addunt *ei* ante *cæli*, et omittunt *Dei* post *Spiritum*.

¹⁰ Simplicitatem per columbam designari passim in suis scriptis monet Ambrosius. Clarius lib. de Isaac, 7, 59, t. I, et in Luc. II, 92, ubi: *Apertum est, inquit, cælum et descendit Spiritus sanctus corporali specie sicut columba... Aduertamus mysterium: quare sicut columba? Simplicitatem enim lavacri requirit gratia: ut simus simplices sicut columbæ.* Ita etiam scribit lib. de Myster., 4, 25, t. III: *Merito sicut columba descendit, ut admoneret nos simplicitatem columbæ habere debere.*

¹¹ Pacem etiam per columbæ mysterium intelligi debere est Ambrosii sententia lib. de Isaac, et in Luc. loc. cit., ac in lib. de Myster., 3, 11, t. III, nec non epist. 41, 21.

¹² Confer saltem in psalm. cxviii serm. 12, 18, t. II.

¹³ Locutio familiaris Ambrosio, quæ rursus legitur lib. de Parad., 2, 8, t. I, et alibi.

¹⁴ Ita adamussim S. Cyprianus lib. III Testimonior., col. 306.

¹⁵ Favet huic lectioni antiq. ver. apud Sabat. cum Vigil. Taps. lib. de Trinit., col. 245, addito autem post *inimici*. Græc. *ἀνόητοι*.

* Phrasis prorsus insolita. Sensus est: *Aut dicendum, quæ commemorat Ambrosius, ipsa esse manifesta, etc.* Edit.

eorum uva fellis, et botrus amaritudinis ipsorum ¹. Ira drachonum ^a uinum eorum, et furor aspidum insanabilis ². (Deut. xxxii, 31, 32, 33). Et David: « Sepulchrum patens est guttur eorum, linguis suis dolosegebant, quorum os maledictione et amaritudine plenum est ³ (Psal. xiii, 3). Ira, inquit, ira ^b est inuidere meliori, felici detrahere, genere profectibus proximi; unde Propheta sic dicit: « Peccator uidebit, et irascetur, dentibus suis frendet, et tabescet ⁴ (Psal. cxi, 10). Indignatio, inquit, indignatio ^c est indigne ferre inferiorem superiori dono gratiae coaequari, aut gradu charismatis anteferri ⁵; cum Apostolus Galatis ^d dicat: « Non est seruus neque liber: non inest masculus, neque femina; sed omnes uos unum estis in Christo Iesu ⁶ (Gal. iii, 28). »

X. Docet beatissimus Paulus in omnibus ferme epistulis ^e suis ⁷, ex omni natione, dignitate, nobilitate, aetate, uel sexu conuocatos ad fidem unum effectos in Christo; cuius passionis sacramento ⁸ dehonestatus est mundi principatus, deturpata nobilitas, celsitudo deiecta, exaltata humilitas, eleuata depræssa, purificata sordida, iacentia erecta, et ui-

^a Hæc vox ita cum aspirata etiam in antiquis codd. reperitur.

^b Cod. *iru* cum emphasi repetit.

^c En altera repetitio per emphasisim facta. *Quod autem*, inquit Maius de Re pub. i, 47, p. 123, *negat Moserus repetitione uocabuli posse significari emphasisim, mirum mihi est; et certe refutari uidetur ab ipso Cicerone*, p. 103.

^d Codex mendose Corinthiis habet.

^e Ita cod. pro epistolis. Vide sup., pag. 22, not. b (Col. 151, n. c) ubi observatum reliqui, litteras *o* et *u* apud ueteres inter se mutuis vicibus fungi.

^f In codice repletur manifesto mendo.

^g Ita codex cum diphthongo *caedri*, quæ lectio antiquorum codd. auctoritate non caret.

^h In cod. *uirgultae... roboratae*, quod quidem repetitum est mendum; nam *uirgulta* neutra vox est, ideoque in utraque uoce *e* abundat in fine.

ⁱ Non iisdem uerbis h. l. usurpat Ambrosius; nam lib. de Elia et Jejun., 14, 52, t. I, sic: *De uinea Sodomæ uinum eorum, et uitis eorum uitis Gomorrhæ: uua eorum uua fellis. botrus amaritudinis in ipsis.*

^j Ita Ambrosius l. c., si ponas *ira* ubi *furor*, et vice uersa.

^k Ita ad uerbum Vulg. antiq. et noua cum Augustino, et Cassiodorio, quibus modo Ambrosius noster adiungitur. In Ambrosianis scriptis hucusquo editis prima tantum uerba reperiuntur, scilicet: *Sepulchrum patens est guttur eorum*, in psal. cxviii serm. 16, 28, t. II.

^l S. Augustinus *frendet et tabescet* constanter scribit, quocum Brev. Mozarab. Græcus *Βρῦξει, και τυχθήσεται*.

^m Huc respicere uidetur illa distinctio inter improbum et inuidum, qua utitur S. doctor lib. ii de Offic., 30, 152, t. III. *Filii*, inquit, *fugite improbos, caute inuidos. Inter improbum et inuidum hoc interest, improbus suo delectatur bono, inuidus torquetur alieno: ille diligit mala; hic bona odit; ut probe tolerabilior sit qui sibi uult bene, quam qui male omnibus. Et sane inuidentiam ut quamdam probe insanabilem aegritudinem haud tolerandam, sed fugiendam suadet Ambrosius. Sic enim epist. 29, 17, t. III: *Terras fugito, in quibus inuidia est, ubi ambitio, ubi contentio. Porro his tam detestabili peste terris corruptis nulla pax est, nulla caritas, nullus ordo; quia res nulla iure componitur.**

A uificata sunt mortua. Sic apud Esaiam (Isa. xi, 4) uallium fossa replentur ^r, montium ardua humiliantur; sic prana diriguntur, et aspera deplanantur: sic collina omnium prona in aequalitate librata in planitie sunt deducta camporum; sic caedri ^s Libani tenuati sunt, uirgulta ^b uitulamium ⁱ roborata pinguescunt; sic leonum faeritas ^j mansuefacta boni coniungitur, et carniuum pinguitudine fastidita cum boue paleis uescitur; sic lupus rabie deposita cum agnis camporum prata depascitur: sic ursus cum uitulo, et haedus cum pardo concordat (Ibid. xi, 6, 7): sic infantes caueruis aspidum manus ingerunt, nec nocent ⁹: sic humani generis uarietas quia de boue ad Deum non pertinet ¹⁰) ^k in unum redigetur: sic diuersitas natalium unitate concordat: sic

B conditiones aemulæ pares efficiuntur; dum moriuntur per baptismum natalibus mundi, et nobilitati per gratiam caelo nascuntur ¹¹, dicente Esaiâ propheta: « Ecce nunc dominator Dominus Sabaoth conturbabit gloriosos cum uirtute, et qui superbi sunt contumelia conterentur, et humiliabuntur, et cadent excelsi gladio. Libanus uero cum altis cadet ¹² (Ibid. x, 33,

ⁱ Ab antiquissimis usque temporibus hoc uocabulum *uitulamen* pro *plantatio* obtinuit apud sacros et ecclesiasticos scriptores; de cuius origine sic loquitur S. Augustinus, lib. ii de Doctr. chr., t. III, p. 1, col. 26. *Quoniam μίσχος Græce uitalus dicitur, μισχέματα quidam non intellexerunt esse plantationes, et uitulina interpretati sunt; qui error tam multos codices præoccupauit, ut rix inueniatur aliter scriptum: et tamen sententia manifestissima est, quia clarescit consequentibus uerbis: namque adulterinæ plantationes non dantur radices altas (Sap. iij, 3), convenientius dicitur, quam uitulina, quæ pedibus in terra gradiuntur, et non hærent radicibus.*

^j Ita codex cum diphthongo *faeritas*, quam lectionem haud raro prisca exhibent codd.

^k Hanc parentheses designandam iudicavi, ut clarior hic locus euaderet.

⁶ Ambrosius lib. ii de Spir. sanct., 8, 79, ita: *omnes uos unum estis in Christo Iesu.*

⁷ Ad Rom. x, 12; I ad Cor. x, 17; ad Gal. i. c. et ad Col. iii, 11.

⁸ Conf. saltem in psal. cxviii serm. 12, 3, t. II, ubi similis elocutio recurrit.

⁹ Hæc eadem Isaïæ uerba usurpat quoque Ambrosius lib. v Hexacumen., 2, 6; lib. ii de Interpell. David, 1, 4, t. I; in psal. cxviii serm. 6, 17; et in Luc. vii, 45 et 202, t. II; atque lib. i de Pœnit., 13, 65 et 67, t. III et infra.

D ¹⁰ Respicit S. doctor ad illud Apostoli I Cor. ix, 9: *Nunquid de bobus cura est Deo?*

¹¹ Legantur lib. de Myster. 3, 11, et 4, 21, et lib. i de Spir. sanct., 6, 76 et seqq., ubi similes dictiones et sententiæ sunt. Ita uero lib. de Fuga sæc., 11, 54, t. I: *Mortuus quidem semel est: sed moritur unicuique baptizatur in morte Christi; ut consequamur eum eo, et resurgamus cum eo, et in qui uouitate uite illius ambulemus.* Vide etiam sis lib. iii de Sacram., 1 et seqq., apud Ambrosium t. III oper.

¹² Favet huic lectioni Græcus, qui quidem loco *Dominus uirtutum*, ut in antiq. Vulg. legitur apud Sabat., et pro *Dominus exercituum* ueluti noua Vulg. refert, nobiscum habet, *ὁ Δεσπότης Κύριος σαβαώθ*; item pro *elati comminuentur, uel excelsi statura succidentur, οι ύψηλοι τῆ ὕψει συντριβήσονται*, *excelsi superbia conterentur*; reliqua uero, *και οι ύψηλοι ταπεινωθήσονται*, id est, *et excelsi humiliabuntur.* Cæterum cum hos Isaïæ

34). • Frequenter Libanum montem et caedrorum A
eius cacumina regno mundano comparat eisque prin-
cipibus sermo diuinus ¹; quod regnum ejusque mi-
nistros Dominus Christus sua passione deiecit et pres-
sit. Et ne nos tractorum diuersitas perturbaret, ipsius
Domini Christi personam, qui haec omnia esset con-
summaturus, designans idem propheta subiunxit, ut
diceret: • Exiet uirga de radice Iesse, et flos de ra-
dice eius ascendet ² (*Ibid.* xi, 1). • Radix utique
David ³ significauit personam, ex cuius semine Chri-
stus est natus in carne, qui ex patris sui Iesse lum-
bis erumpens usque ad florem Dominicae natiuitatis
carnalis porrexit originem. Denique sic adiecit, ut
diceret: • Requiescet in eo Spiritus Dei, spiritus sa-
pientiae et intellectus, spiritus consilii et uirtutis,
spiritus cognitionis et pietatis ⁴, replebit eum spiritus
sancti timoris Dei ⁵ (*Ibid.*, 2, 3). • Et ut apertius Chri-
stum intelligi ^a oportere monstraret, prosequitur,
dicens: • Non secundum gloriam indicabit, neque se-
cundum eloquentiam redarguet ⁶; sed iudicabit hu-

^a Ita codex, bona et vetusta scriptura, ut supra,
p. 17, n. a (*Col.* 116, n. ^d).

^b In cod. terra.

^c Cod., uerba, mendose tamen.

^d Cod., quod. Vide annot. p. 23, n. b *Col.* 132, n. ^b).

^e Recole de parenthesi, quæ superius diximus
n. a (*Col.* 115, n. ^a), et alibi.

^f Hellenismus, quo etiam, ut infra uides n. 41
(*Huj. pag. not.* ⁸), Ambrosius utitur, dum h. l. allegat
lib. de Tobia ix, 33, et lib. de Fuga sæc. iv, 24.

versiculos x, 33, 34, mancos proferat Sabatier, qui in
expiscandis a Patrum scriptis antiquæ biblicæ ver-
sionis fragmentis diligentissimus fuit, inde hunc ser-
monem id temporis adhuc in membranis delitescere
probe exploratum habeo. Quod sane præiudicium cu-
mulat illud Isaiaei xi, 5, infra legendum, quod Sa-
batierii curas effugit omnino.

¹ Hæc quoque monet Ambrosius in psal. xxxvi,
77 et 80, t. II, et in lib. de Myster., 7, 39, ac in
epist. 70, 7, t. III.

² Ita Ambrosius, uno excepto de pro ex ante ra-
dice, lib. de Benedict. patriarch., 4, 19, t. I, et in
Luc. ii, 24, et iii, 8, t. II. Habet a loco ex lib. de
Inst. Virg., 9, 59, t. III. At ex ut in cod. retinet lib.
ii de Spirit. Sanct., 5, 38, t. IV. Consule etiam, si
vacat, lib. de Apolog. alt. David., 8, 43, t. I.

³ In Ambrosianis scriptis frequentata est hæc elo-
cutio. Illam quidem in modo citatis omnibus fere
locis reperies. et alibi passim. Nec quisquam sit, qui
Ambrosium sibi dissentire putet eo quod ibi legat:
Radix utique familia Iudæorum, et hic: *Radix utique
David*: nam exploratum est S. doctorem utraque
elocutione ad Davidem respexisse. *Liquet*, inquit Am-
brosius in Apolog. alt. David, 7, 38, t. I, *per David
intelligi prophetam, per prophetam populum propheti-
cum*, scilicet Iudæorum. In lib. de Spir. Sanct., I.
sup. cit., *Radix*, ait, *Iesse patriarchæ familiae Iudæo-
rum*; utique David Conf. cit. Apolog. 4, 27, in Luc.
iii, 8, t. II, atque lib. v de Fide, 8, 105, t. III.

Ambrosius in Luc. iii, 8: *Et requiescet super eum
spiritus Domini; Spiritus sapientiae et intellectus*. Græ-
cus uero loco *Domini* cum Ambrosio nostro *ὁ θεὸς*
legit: cui concinunt Lactantius lib. iv Inst. 13, col.
577; Irenæus lib. iii, c. 9, col. 184, et 17, col. 208;
et Tertull. lib. adv. Jud., 9, col. 143. Reliquum hu-
jus uersus culi ad uerbum Ambrosius recitat in psal.
cxviii serm. 5, 38; lib. de Myster., 7, 42, et alibi.

⁶ In cit. omnibus loc. Ambrosius, cæteris omissis,

mili iudicio, et redarguet gloriosos terrae, et per-
entiet terram ^b uerbo ^c oris sui, et spiritu per labia
interficiet inpium ⁷ (*Ibid.*, 4), • eo scilicet uerbo,
et labiorum adspiratione, qua ^d dixit: • Principatus
huius mundi (id est dominatus ^e) mittetur foris ⁸
(*Joan.* xii, 31). • De quo iterum: • Venit principatus
mundi, et non inueniet in me nihil ^f ⁹ (*Joan.* xiv,
30). • Et ut sacramentum crucis ¹⁰ ostenderet, adie-
cit, dicens: • Et erit iustitia præcinctus lumbos, et
ueritate inuolutus (sic) latera ¹¹ (*Isai.* xi, 5). • Tunc,
ait, (id est ex eo tempore) pascet lupus cum agno, et
pardus requiescet cum aedo ¹², et uitulus, et taurus, et
leo simul pascentur; et puer paruulus ducet eos ¹² •
(hoc est sacerdos, uel ætatis paruitate innocens ^b, uel
innocentiæ puritate subnixus gubernabit eos). Et bos,
et ursus simul pascentur ¹³ (et natio eorum una erit),
et leo, et bos manducabunt paleas ¹⁴ (id est aridas
escas) (*Ibid.*, 6, 7). • Ac ne mea interpretatio
praesumpta uel temeraria a sollicitis auditori-
bus ¹⁵ iudicetur, apostoli Pauli disputationem meis

⁸ Ita codex sine h, cum paulo supra illam reti-
nisse uidimus. Non tamen aspiratam addendam
censui, quia huiusmodi lectioni ueterum codd. au-
ctoritas non repugnat.

^b Ita codex cum uno u; quod, quanquam videatur
librarii mendum, attamen retinendum putavi specta-
bili ueterum codd. auctoritate motus, qui frequenter
ubi duo uu simul concurrunt, alterum omittunt.

ⁱ Codex constanter cum diphthongo, quam ex-
pungere censui. Recole dicta p. 8, n. b. (*Col.* 118, n. ^c).

legit: *spiritus sancti timoris*, quæ uerba S. doctor,
superiori versiculo conjungere uidetur.

⁶ LXX legisse, *secundum sermonem arguet*, monet
Hieronym. in h. l. col. 100.

⁷ Favet Ambrosianæ lectioni Irenæus lib. iii, c. 9,
col. 185, quocum Hieronym. in h. l., et Græcus tex-
tus.

⁸ Græcus textus, et Patres qui h. l. allegant initio
princeps legunt pro *principatus*. In fine uero Augusti-
nus quæst. 72 in Levit., t. III, p. 1, col. 521, *missus
est foras*. Auct. lib. de Promiss. c. 2 col. 190, *missus
est deorsum*. Sanctus uero Hieronym. cum Græco et
Vulg., *ejicietur foras*. Unus codex Cantabr. apud Sab.
nobilem habet, *mittetur foris*.

⁹ Ambrosius non semper iisdem uerbis hoc utitur
testimonio. Siquidem lib. ii de Abrah., 9, 62; lib. de
Isaac, 6, 55; lib. de Jacob., 5, 24, t. I; et lib. de
Virginit. 17, 108, t. III. *Venit hujus mundi princeps,
et in me inueniet nihil*. Lib. de Tobia, 9, 33, t. I: *Ecce
uenit hujus mundi princeps, et in me suum non inueniet
nihil*. At lib. de Fuga sæculi, 4, 33, t. I, et in psal.
cxviii serm. 8, 6, et in Luc. iv, 29: *Venit enim prin-
ceps mundi hujus, et in me inueniet nihil*; lib. i de Offic.,
49, 249: *Venit hujus mundi princeps, et in me inueniet
nihil*. Demum ad uerbum ut in cod., *non inueniet
in me nihil*, legit lib. de Fuga sæc., l. c., n. 24.

¹⁰ Locutio familiaris Ambrosio. Fonter psal. cxviii
serm. 13, t. II, et ibi Maurinorum notam, nec non
lib. i de Spir. Sanct., 9, 108, t. IV.

¹¹ Hoc versiculo augetur biblica Sabatierii col-
lectio. Recole dicta n. 1, p. 27 (*Col.* 136, n. ¹²).

¹² Lib. I de Pœnit., 13, 67, t. III, presse h. l. sic
recitat: *Tunc lupi et agni simul pascentur*.

¹³ In Græco ad uerbum.

¹⁴ Ambrosius l. c. de Pœnit. habet: *leo et bos pa-
leam manducabunt*.

¹⁵ Hic Ambrosii morem aduerte, qui nunquam
suos auditores blandiri consuevit.

interpretationibus interseram ¹, dicentis : « Expo-
liate nos ueterem hominem cum actibus eius ², et
induite nouum qui renouatur in agnitione Dei se-
cundum imaginem eius, qui creauit eum ³. Ubi non
est masculus et femina, Graecus et Iudaeus, circum-
cisio et praeputium, barbarus et Scytha, seruus et
liber : sed omnia et in omnibus Christus ⁴ (Coloss.
iii, 9, 10, 11). » Veteris ⁵ actibus spoliatos conuer-
satione noui hominis, qui Christus est, uestit : nec
passus est relinquere exutos, sed tegmine honestae
⁶ conuersationis, et honorum operae ⁷ claritate con-
textit. « Induite uos, inquit, sicut electi Dei et sancti
niscera misericordiae, benignitatem, humilitatem,
patientiam, modestiam ⁸, sufferentes inuicem, et do-
nantes uobismetipsis, si quis aduersum aliquem ha-
bet querellam ⁹, sicut et Dominus donauit nobis, ita
et uos facite ⁶ (Ibid., 12, 13). »

XI. Deo donante remissa sunt nobis omnia ; per-
manebimus indemnes si et nos fratrum remittamus

^a Subintellige hominis.

^b Cod., *honeste* sine diphthongo, quam hujus uocis
secundus casus reclamat.

^c Cod., *opere*. Diphthongum addidi, et *operae*
scripsi, ne nimis codicis lectionem sollicitarem ;
nam *operum* mihi legendum esse uidebatur.

^d Cod. *quaerellam* cum diphthongo, quam codicum
auctoritate et grammaticorum praeepto expungen-
dam censui ; sed litteram *l* geminatam retinui. Porro
hujusmodi lectio haud infrequens est in antiquis
codd. Et quidem ad Ciceronem de Repub. ii, 25,
p. 194, sic de hujus uocis orthographia cl. Maius
notabat : *Querella cum duplici ll constanter prope
scribitur in antiquis seu codicibus seu etiam lapidibus.
Attamen geminari in hoc uocabulo l retant Caper et*

¹ Frequenter in suis scriptis, praesertim in psalmis
suam sententiam apostolicis uerbis explanat atque
confirmat S. doctor.

² In Apol. alt. David legitur, 9, 46, t. I : *Exspo-
liantes uos ueterem hominem cum actibus eius*, et simi-
liter in psal. cxviii serm. 3, 22, uno excepto in fine
ejus pro suis. Ser. uero 10, 17, l. c., omittit *eos*, quam
uocem retinet in Luc. 4, 38, quam rursus l. c. depo-
nit, 8, 44, scribens : *Ut exspoliantes ueterem hominem
cum actibus suis*, eujusmodi lectioni, dempto *ut*, con-
sonat lib. iii de Fide ; at lib. v, c. 16, 176 : *Exspo-
liantes nos ueterem hominem cum actibus suis*.

³ Ita Ambrosius h. l. assert in Apolog. alt. David.
l. sup. cit., et in psal. cxviii serm. 3, l. c. ; at infra
serm. 10 ejusd. psalmi l. c. habet : *et induimus no-
uum, qui renouatur in agnitionem*, etc. Similiter lib. v
de Fide, l. c. : si tamen initio legas *induamus* loco
induimus. In lib. autem iii de Fide : *et induentes no-
uum secundum imaginem*, etc. In Luc. iv, l. c., *induite
uorum, qui secundum Christum creatus est*, et viii, l.
c., *induti uorum* duntaxat scribit.

⁴ Omissis *circumcisio et praeputium*, quae hic cum
Graeco Ambrosius retinet, caetera ita in lib. v de
Fide, 14, 177, ad uerbum refert. Consule etiam in
psal. cxviii serm. 10, 17, in Luc. 4, 3, et 2, 47, et
in epist. 62, 83.

⁵ In Graeco ut in Vulg., post *sancti* additur *και
ἀγαπήσεις*.

⁶ Itidem S. Augustinus tract. 58 in Ioan., col. 662,
t. III, praeter *aduersus* loco *aduersum*.

⁷ Haud absimilia sunt quae leguntur in psal. xxxvii,
43, t. II, et in epist. 61, 9, t. III, quo in loco en ejus
uerba : *Caveamus ergo ne nobis hoc accadat, ut non
remittendo quae nobis debentur, incipiamus et illa sol-
uere, quae remissa sunt nobis... Dimittamus ergo pau-
ca, quibus plura donata sunt, et intelligamus eo nos*

A offensa ⁷ : si caritatis uinculis inseparabili nexu inu-
gamur (Ibid., 14 seq.) : si pacis munere alterno
amore laetemur ⁸ : si diuinis nos aedificemus elo-
quiis : si psalmis ad caelestia pronocemus : si ad
superna canticis inuitemus ⁹ : si omnia quae facimus
opere, quae sermone loquimur, quae cogitatione
complectimur, in Dei timore perficimus ; gratias
referentes Patri per Filium, laudantes Deum in Chri-
sto, et Christum ¹⁰ praefereutes in Deo, ut caelestes
caelestibus comparati, spiritales spiritualibus simile-
mus ¹¹. Quod opus aliud nullum est, nisi Dei gloriam
diuina uoce conlaudent, dicente Iohanne ¹⁰ : « Vidi et
audiui uocem multorum in circuitu throni, et anima-
lium, et seniorum : et erat numerus decies centena
millium ¹¹, dicentes uoce magna : Dignus est Agnus,
qui occisus est, accipere potestatem, et uirtutem, et
diuitas, et patientiam, et honorem, et fortitudinem, et
gloriam, et benedictionem ¹². Et omnem creaturam,
quae est in caelo, et super terram, et mare, et quae

*Scaurus, pp. 2241, 2249, quorum grammaticorum
praeeptum praetot contrariis exemplis uix audiendum
uidetur ; cum praesertim Papirianus, p. 2290, paulo
recentiorem consuetudinem scribendi id uocabulum per
duas l testetur. Scripturam querella retinet lingua
Hispanica, ut alias bene multas uetustae Latinitatis
reliquias.*

^c Cod. iterum, in Christo, quae lectio sententiam
improbabilem faceret, aut saltem obscurem ; ideoque
locus aliqua corruptela laborare uidetur : fortasse
ad ea, quae mox scripserat, respexit librarius, et in
Christo iterum posuit pro Christum, ut mihi scribere
placuit, et sensus postulat.

^d Vide quae jam ad hoc uerbum notavi, p. 18, n.
C c (Col. 12⁷, n^c).

*Deo acceptiores fore, quo etiam plura donamus ; quia
hor gratiores Deo sumus, quo nobis plura dimissa sunt.
Videsis epist. 63, 83.*

⁸ Conf. in psal. cxviii serm. 21, 17, t. II.

⁹ Frequenter in suis concionibus ad psalmos can-
endos suam plebem inuitat Ambrosius, ut praeser-
tim legere est lib. v Hexaem., 12, 36, t. I, et in praef.
in psal. i, 9, t. II, quo in loco pium in unum fide-
lium psalmos canendi morem, *pignus pacis et concor-
diae*, atque *magnum plene unitatis uinculum* esse dicit.
Id. idipsum repetit in psal. xliii, 23, et cxviii serm.
7, 23, atque alibi passim. Caeterum hi ad illa apos-
tolica uerba ad Coloss. iii, 14, 15, 16, 17, respicere
uidetur Ambrosius.

¹⁰ Ambrosius in psal. i, 54 ; xl, 26 ; lib. de Vir-
ginit. 14, 86, et de Incarnat. 10, 114, atque alibi Apo-
calypsim S. Joanni Evangelistae tuetur. Eisdem locis
quodammodo hic modo uidetur accedere. Nec pror-
sus est attendendus. M. Dionysius Alex. episcopus,
qui Joanni presbytero distincto ab Evangelista Apo-
calypsim tribuit, nam eum satis refutauit Millius in
prolegom. in hunc librum, ad quem eruditos lecto-
res amando. Conf. Eusebium Hist. eccl. lib. vii, cap.
23, p. 309 et seqq., edit. Valesii, Aug. Taurin. 1746,
vol. I, et pag. 749 ejusd. volum., inter annotationes
uariorum.

¹¹ Huic lectioni fauet Graecus textus, et illi con-
cinit Cassiodorius in psal. i, col. 14, addito uno uer-
bo *magnum* post *uocem*.

¹² Ambrosiana scripta et hoc biblico testimonio
carent. Patres uero qui illud allegant, nunquam iis-
dem uerbis referunt ; sed saepe immutatis, insertis
etiam aliis, uel ejectis, ac turbato rerum ordine. Sibi
nec concinunt diversae antiquae versiones : nec Vul-
gata nostra cum Graeco concordat.

in eis sunt omnia ¹ (*Apoc.* v, 11-13). • Et iterum A
monet : • Angeli stabant circa thronum, et seniores,
et quatuor animalia : et prociderunt ante thronum
in faciem suam, et adorauerunt Deum, ² dicentes :

* In cod... *l. sermo sci Amb.* Hujus formulæ, qua
sermo concluditur, in prima voce litteræ prorsus
oblitteratæ sunt, et ultimæ duntaxat litteræ *l* quæ
recta forma excudi curavi, nonnisi breve vestigium

¹ Antiqua versio apud Sabat. addit, *subtus terram*;
cui accinit nova Vulg., quamvis non eisdem verbis
legat.

² Græcus Ambrosii nostri lectioni favet, si initio
scribas, *Et omnes ante angeli.*

Benedictio, et gloria, et sapientia, et gratiarum ac-
tio, et honor, et potestas, et virtus Deo nostro in
sæcula sæculorum. Amen ³ (*Ibid.* vii, 11, 12). •

EXPLICIT ³ SERMO SANCTI AMBROSII.

manet; eam tamen formulam, habita spatiorum ra-
tione, supplere hand difficile fuit; verbo enim *ex-*
plicit fuit solemnitas antiquis ratio claudendi libros.

³ In antiq. et nova vers., *claritas loco gloria*; sed
nobiscum *gloria* retinet S. Fulgentius in fragm. 34
cont. Fabian., col. 646, et Græcus textus qui in fine,
ut in codice, addit *Ἀμήν*.

IN EPIST. EX AMBROSIANARUM NUMERO SEGREGATAS.

ADMONITIO.

Quinque epistolas ex Ambrosianarum catalogo duximus eximendas, quarum duæ priores, nimirum *Ad sacram virginem Demetriadem*, et *Ad virgines sacras*, in omnibus operum sancti Ambrosii editionibus vulgatæ fuerant; tres vero posteriores, videlicet: *de Inventione sanctorum Gervasii et Protasii*; *de Inventione sanctorum Vitalis et Agricolæ*, atque epistola *ad Florianum*; a Romanis editoribus primum in lucem emissæ sunt. De singulis censuram nostram breviter subjicimus, ut lector intelligat quibus momentis ad eas abdicandas simus inducti.

Epistolam *ad Demetriadem* omnes eruditorum centuriæ Ambrosio abjudicant, quorum judicium ratum esse debere quidquid legentibus illic occurrit, aperte probat: maxime vero quæ disputantur de Pelagianis Doctore nostro posterioribus. Eamdem ante aliquot annos Leoni Magno conatus erat asserere in sua operum ejusdem Pontificis editione Quesnellius: in quem nuper Anselmus insurgens magnis animis, illam populari suo Prospero cum aliis non paucis credidit vindicandam. Quilibet ea in contentione utri voluerit parti sese adjunget; nos enim dum constet Ambrosii non esse, haud refragabimur. Cum porro eadem epistola multis in locis apud alios ab Ambrosio Patres edita fuerit, inutili pondere gravare videremur nostrum hoc volumen, si denuo ipsam recudere animus esset.

Quamobrem quatuor earum quas hic dabimus, ordinem ducet, quæ *virginibus sacris* destinata est. Hæc autem cum aliorum calculo rejicitur, tum a Baronio ipso (*ad annum 324, num. 107*) dicitur *perperam Ambrosii nomine consignata*. Unde non mirari profecto non possumus quid viris doctissimis, qui operis a Bollando incepti molem humeris exceperunt, venerit in mentem, cum eam epistolam sub ejusdem Ambrosii nostri nomine typis expresserunt. Advertere sane debuerant auctorem ejus prorsus ignarum extitisse illorum morum, qui temporibus sancti antistitis Romæ obtinebant. Nam alioqui nunquam scripsisset, quod legimus sub finem epistolæ: *Perseveravit, inquit, Constantia in virginitate, per quam multæ virgines et mediocres et nobiles et illustres sacra velamina susceperunt*. Quam enim hoc vanum ac futile sit, ex Hieronymi cognoscitur testimonio, ubi sic ait (*Epist. de laudibus Marcellæ*): *Nulla eo tempore nobilium feminarum voverat Romæ propositum monachorum, nec audebat propter rei novitatem ignominiosum, ut tunc putabatur, et vile in populis nomen assumere*. Ergo si cui Ambrosio tribuenda erit hæc epistola, censuram amplectemur Joannis Bandini ad marginem ejusdem epistolæ in Vaticano codice exarata, unde eam amica manu descriptam habuimus in hæc verba: *Non est Ambrosii Mediolanensis, sed alterius cujusdam Ambrosii monachi, qui hunc sermonem Græce scripsit. Exstat in bibliotheca Vaticana, et postmodum in Latinam linguam conversus est ab alio*.

Quod spectat ad reliquas tres illas, quas in Romana editione primum prodiisse supra diximus, quisquis easdem cum aliquibus vere Ambrosianarum contendere instituerit, statim agnoscet quanto discrimine invicem abhorreant. Ut vero id apertius clariusque sit, quæ in prima illarum de inventione corporum Gervasii et Protasii referuntur, cum iis quæ de hac ipsa inventione Augustinus, Paulinus, atque adeo ipsemet Ambrosius memorant, conferantur. Non diffidendum tamen locum ex hac eadem epistola in fragmento Orationis Joannis Damasceni *de Imaginibus* citatum reperiri. Sed nihil aliud ex hoc probare possis, nisi jam inde ab ætate ejusdem sancti, si tamen ejus vere sit illud fragmentum, illam epistolam Ambrosii nomine circumferri consuevisse. Nec vero obscurius videtur sequentem alicujus esse consarcinatoris, qui Ambrosii narrationem, qua Vitalis atque Agricolæ martyrum inventionem in *Exhortatione Virginitatis* descriptam reliquit, partim addendo, partim mutando, partim transponendo interpolavit. Huc adde Gregorii Turonensis auctoritatem discrete affirmantis (lib. 1 *de Gloria Mart.* cap. 44 et 47)

ætate sua martyrum quidem Gervasii atque Protasii Acta exstitisse, non vero Vitalis et Agricolaë. Postremo Epistola quæ in Romana editione *Flaviano* inscribitur; in codice autem Regiæ Bibliothecæ vix ducentis annis superiore: *De moribus et honesta vita*; licet utrobique Ambrosii nomen in fronte ferat, huic tamen titulo ejusdem stylus ac ingenium plane reclamant.

EPISTOLÆ

EX AMBROSIANARUM NUMERO SEGREGATÆ.

479 EPISTOLA I.

Antequam Agnæ virginis martyrium describatur, amor in eam filii præfecti, ejusque repulsa memoratur. Hinc adjicitur virginis condemnatio ad lupanar, et inter miracula divinitus propter eandem puellam perpetrata, adolescentis in eam depereuntis interitus, atque ad vitam revocatio. Tum sequitur virginis ob ethnicorum seditionem condemnatio ad rogam, ejusque in mediis ignibus illæse permanentis cruenta cædes. Mox paganorum in Christianos ad Martyris tumultum orationi instantes furore declarato, n.e.x Emerentianæ, et Constantiæ Augustæ sanitas restituta, nec non ab eadem principe templum liberatrici suæ adificatum, et ipsius cum aliis pluribus virginitatis propositum enarratur.

AMBROSIOSEPISCOPUS servus Christi virginibus sacris.

1. Diem festum sacratissimæ virginis celeberrimus: hinc psalmi resonent, inde concrepent lectiones: hinc populorum turbæ lætentur, inde subleventur pauperes Christi. Omnes ergo gratulemur in Domino, et ad ædificationem virginum qualiter passa sit Agnes beatissima, ad memoriam revocemus. Tempore illo erat quædam virgo Romæ nobilibus orta natalibus, nomine Agnes, quæ certans contra principes et potestates tenebrarum (1), tertio decimo ætatis suæ anno mortem perdidit, et vitam invenit; quia solum vitæ dilexit Auctorem. Infantia quidem computabatur in annis, sed erat senectus mentis in moribus (2): corpore quidem juvenecula, sed animo cana. Pulchra facie, sed pulchrior fide, et elegantior castitate.

2. Quæ dum a scholis reverteretur, a præfecti Urbis filio adamatur. Cujus parentes cum requisissent, et invenissent, cœperunt pulchra offerre, et pulchriora promittere (3). Denique detulerant secum pretiosissima ornamenta, quæ a beata Agnæ veluti quædam stercora sunt recusata. Unde factum est ut juvenis majori perurgeretur amoris stimulo, et putans eam juvenis meliora velle accipere ornamenta, omnem lapidem pretiosum secum defert, et gloriam (4): et per se ipsum, et per amicos, et per notos, et affines, cœpit aures virginis appellare, divitias, domos, possessiones, familias, atque omnes

A hujus mundi delicias repromittere, si consensum suum ejus conjugio non negasset.

3. Ad hæc beata Agnes tale fertur juveni dedisse responsum: Discede a me, fomes peccati, nutrimentum facinoris, pabulum mortis: discede a me; quia jam ab alio amatore præventa sum, qui mihi satis meliora obtulit ornamenta, et annulo fidei suæ subarrhavit me, longe te nobilior et genere et dignitate. Ornavit inæstimabili dextrocherio dextram meam, et collum meum cinxit lapidibus pretiosis. Tradidit auribus meis inæstimabiles margaritas, et circumdedit me vernantibus atque cornescentibus gemmis. Posuit signum in faciem meam, ut nullum præter ipsum amatorem admittam. Induit me cyclade auro texta, et immensis monilibus ornavit me. Ostendit mihi thesauros incomparabiles, quos mihi se daturum repromisit, si in ejus perseveravero amore. Non ergo potero ad contumeliam prioris amatoris vel aspicere aliam et illum relinquere cum quo sum charitate devincta; cujus est generositas celsior, possibilitas fortior, aspectus pulchrior, amor suavior, et omni gratia elegantior. A quo mihi jam thalamus collocatus est, cujus mihi organa modulatis vocibus resonant cujus mihi virgines justissimis vocibus cantant. Jam mel et lac ex ore ejus suscepti, jam amplexibus ejus castis astricta 480 sum, jam corpus ejus corpori meo socialum est, et sanguis ejus ornavit genas meas. Cujus mater virgo est, cujus pater feminam nescit; cui angeli serviunt, cujus pulchritudinem solet luna mirantur, cujus odore reviviscunt mortui, cujus tactu confortantur infirmi, cujus opes nunquam deficiunt, cujusque divitiæ nunquam decrescunt. Ipsi soli servo fidem meam, ipsi me tota devotione committo. Quem cum amavero, casta sum: cum tetigero, munda sum: cum accepero, virgo sum. Nec deerunt post nuptias filii, ubi parvus sine dolore succedit, et fecunditas quotidiana cumulatur.

3. Audiens insanissimus juvenis, amore carpitur

parentes dum requisisset, et invenisset, cœpit offerre plurima, et plura promittere.

(4) Omnes edit., omnium lapidum pretiosorum secum detulit gloriam.

(1) Tempore illo erat... et potestates tenebrarum, Noalliano cod. restituuntur.

(2) Omnes edit., sed mentis senectus erat imensa; melius vero cod. Noall. ut in contextu.

(3) Ita cod. Noall.; omnes autem edit., cujus

cæco, et inter angustias animi et corporis anhelo A cruciabaturo spiritu. Inter hæc lecto prosternitur, et per alta suspiria amor a medicis aperitur. Fiunt nota patri, quæ fuerant inventa a medicis, et eadem paterna voce, quæ fuerant jam dicta a filio, ad petitionem virginis revolvuntur. Abnegat Agnes beatissima, et se nullo pacto prioris asserit sponsi fœdera violare. Cumque pater diceret in fascibus se constitutum præturam agere (5), et idcirco quemvis etiam illustrem virum minime sibi debere præferri; cœpit tamen vehementissime inquirere quis esset sponsus, sancta cujus Agnes potestate gloriaretur. Tunc exstitit quidam ex parasitis ejus, qui diceret hanc christianam esse ab infantia, et magicis artibus ita occupatam, ut dicat Christum sponsum suum esse.

4. Audiens hæc Symphronius præfectus lætus B efficitur, et missa apparitione cum grandi strepitu, suis eam tribunalibus præcepit sisti. Et primo quidem blandis eam sermonibus secretius provocat, deinde terroribus pulsat. Sed virgo Christi nec blandimento seducitur, nec terrore concutitur: sed eodem vultu, eodem animo perseverans, et terrenum similiter sicut blandientem animo deridebat. Videns itaque Symphronius præfectus tantam in puella constantiam, parentes ejus alloquitur: et quia erant nobiles, et vim eis inferre non poterat, titulum eis christianitatis opposuit. Sequentem autem die Agnem sibi præsentari jubet: et iterum iterumque repetens, replicare cœpit de juvenis amore sermonem.

5. Cumque omnes sermones ejus casso labore deficerent, sisti eam suis tribunalibus jussit, cui C et dixit: Superstitio Christianorum, de quorum te magicis artibus jactas, nisi a te fuerit segregata, non poteris insaniam abjicere pectoris, neque æquissimis consiliis præbere consensum. Unde te ad venerabilem deam Vestam properare necesse est, et si perseverantia virginitatis placet, ejus die nocteque sacrificiis reverendis insistas. Ad hæc beata Agnes respondit: Si filium tuum, quamvis iniquo amore vexatum, tamen viventem hominem recusavi: hominem utique qui est rationis capax, qui et audire, et videre, et palpare, et ambulare potest, et (6) fulgore lucis hujus cum bonis perfrui: si ergo hunc causa amoris Christi nulla possum ratione respicere; quomodo possum idola muta et surda, et sine sensu et sine anima colere, et ad injuriam summi D Dei cervicem meam vanis lapidibus inclinare?

6. Audiens hæc præfectus Symphronius dixit: Cupio præbere consultum (7) infantia tuæ, et adhuc te deos blasphemantem idcirco differo, quia annos tuos infra sensum aspicio. Noli ergo temetipsam ita despiciere, ut motus deorum incurras. Beata Agnes respondit: Noli infantiam corporalem ita in me despiciere, ut putes me te velle habere propitium. Fides enim non in annis, sed in sensibus geritur:

(5) Ita cod. Noall.; edit. vero, *in fascibus præfecturæ se agere.*

(6) Omnes edit., *et flore lucis hujus cum bonis frui*; cod. Noall., *et fulgore, etc.*

et Deus omnipotens mentes magis comprobat quam atates. Deos autem tuos, quorum motus me incur-rere 481 non vis, ipsis irasci permitte, ipsis loqui jube: ipsi hoc mihi præcipiant, ipsi jubeant se coli, ipsi jubeant adorari. Verum quoniam ad hoc video te tendere, quod impetrare non poteris, quidquid tibi videtur, exerce.

7. Symphronius præfectus dixit: Unum tibi e duobus elige, aut cum virginibus deæ Vestæ sacrificia, aut cum meretricibus scortaberis in contubernio lupanari. Et longe erunt a te Christiani, qui te ita magicis artibus habuerunt, ut hanc calamitatem intrepido animo te posse perferre confidas. Unde, ut dixi, aut sacrificia deæ Vestæ ad laudem generis tui; aut ad ignominiam natalium tuorum eris publicæ abjectionis scortum. Tunc beata Agnes cum ingenti constantia dixit: Si scires quis est Deus meus, non ista ex ore tuo proferres. Unde ego, quia novi virtutem Domini mei Jesu Christi, secunda contemno minas tuas, credens quod neque sacrificem idolis tuis, neque polluar sordibus alienis; mecum enim habeo custodem corporis mei angelum Domini. Nam unigenitus Dei Filius, quem ignoras, murus est mihi inexpugnabilis, et custos mihi est nunquam dormiens, et defensor mihi est nunquam deficiens: dii autem tui aut ærei sunt, ex quibus cacabi melius fiunt ad usus hominum: aut lapidei, ex quibus plateæ melius sternuntur (8) ad evadendum lutum. Divinitas autem non in lapidibus vanis habitat, sed in cœlis: non in ære aut aliquo metallo, sed in regno superno consistit. Tu autem et similes tui, nisi ab istorum cultura recesseritis, similis vos pœna concludet; sicut enim illi igne conflati sunt, ut funderentur; sic colentes eos perpetuo incendio conflagabuntur: non ut fundantur, sed ut confundantur in æternum, et pereant.

8. Ad hæc insanus judex jussit eam exspoliari, et nudam ad lupanar duci, sub voce præconis dicens Agnem sacrilegam virginem, deos blasphemantem, scortum lupanaribus datam. Statim autem ut spoliata et crine soluta est, tantam densitatem capillis ejus divina gratia concessit, ut melius videretur sumbriis eorum, quam vestibus tecta. Ingressa autem turpitudinis locum, angelum Domini illic ita paratum invenit, ut circumdaret eam immenso lumine, ita ut nullus posset eam præ splendore respicere, nec contingere, nec videre. Fulgebat enim tota cella illa, quasi radians sol in virtute sua; et quanto quis curiosior esse voluisset, tanto sui visus aciem obtundebat. Cumque se in orationem Domino prostravisset, apparuit ante oculos ejus stola candidissima, et apprehendens eam induit se, et dixit: Gratias tibi ago, Domine Jesu Christe, qui me in numero ancillarum tuarum computans, vestem hanc mihi largiri præcepisti. Ita

(7) Ita cod. Noall.; at edit., *Cupio consultum, etc.*

(8) Omnes edit., *ex quibus sternuntur plateæ, alia e memorato cod. addita sunt.*

namque ad mensuram corpusculi ejus aptum erat A indumentum, et ita nimio candore conspicuum, ut nullus dubitaret hoc angelicis manibus preparatum. Interea lupanar efficitur locus orationis, in quo omnes qui fuissent ingressi, adorarent et venerantur, dantes honorem Deo pro immenso splendore, et mundiores (9) egredierentur foras, quam fuerant intus ingressi.

9. Cumque hæc agerentur, præfecti filius qui actor erat hujus sceleris, venit ad locum cum sodalibus suis juvenulis, quasi insultaturus puellæ, cum quibus libidinis suæ se posse credebat ludibrium exercere: sed ingressus ut misit ante se pueros ferventes et turpiter sævientes, cum nimia autem veneratione (10) et ingenti admiratione egressos cepit impotentes arguere, atque vanos et molles ac miseros judicare. Et irridens eos, locum in quo virgo adorabat, andaeter ingressus est: et videns tantum lumen circa eam, non dedit honorem Deo: sed irruens in ipsum lumen, priusquam vel manu eam contingeret, cecidit in faciem suam, et præfocatus a diabolo exspiravit. Videntes autem socii ejus, quod moras intus innecteret, putabant obscenis eum operibus occupatum. Et ingrediens unus ex juvenibus, qui ei familiarior erat, ut quasi congratularetur insultationi ejus, et mortuum eum inveniens, exclamavit voce magna, dicens: Piissimi Romani, succurrite; magicis artibus ista meretrix præfecti filium interfecit. Fit repente concursus populorum ad theatrum, et varia furentis populi acclamatio. Alii dicebant magam, alii innocentem, alii sacrilegam conclamabant.

10. Præfectus autem, audiens filium suum interisse, cum 482 ingenti tumultu ac luctu venit ad theatrum; et ingressus locum, in quo corpus filii ejus jacebat exanime, cum magno clamore dicebat beatissimæ virgini: Crudelissima omnium feminarum, ad filium meum voluisti apodixin tuæ artis magicæ demonstrare; et cum talia atque alia hujusmodi innecteret, et causam mortis ejus ab ea vehementer inquireret, ait ad eum beatissima Agnes: Ille cujus voluntatem volebat perficere, ipse in eum potestatem accepit. Quare autem omnes qui ad me ingressi sunt, sani egressi sunt: quia omnes dederunt honorem Deo, qui misit angelum suum, et induit me hoc indumento misericordiæ suæ, et custodivit corpus meum, quod ab ipsis cunabulis Christo consecratum est et oblatum. Videntes autem splendorem angelicum, adorabant omnes, et abscedebant illasi: hic autem impudens statim ut ingressus est, sævire cepit et fremere; cumque manum suam ad me contingendam

A aptaret, dedit eum angelus Domini in reprobam quam conspicis, mortem.

11. Dicit ei præfectus: In hoc apparebit quia non magicis artibus ista gessisti, si deprecata fueris ipsum angelum, ut restituat mihi filium meum sanum. Cui beata Agnes respondit: Licet fides vestra hoc impetrare non mereatur a Domino; tamen quia tempus est ut virtus Domini mei Jesu Christi manifestetur, egredimini omnes foras, ut solitam ei orationem offeram. Cumque universi foras fuissent egressi, prosternens se in faciem pavimenti (11), rogare cepit Dominum, ut juvenem suscitaret. Orante autem illa, apparuit ei angelus Domini, et levavit eam flentem, et confortans animum ejus, juvenem suscitavit. Qui egressus foras cepit voce publica clamare et dicere: Unus est Deus in cælo et in terra et in mari, qui est Deus Christianorum; nam omnia templa vana sunt: dii qui coluntur, omnes vani sunt, et penitus nec sibi possunt, nec aliis aliquod auxilium exhibere.

12. Ad hanc vocem omnes haruspices, et templorum pontifices conturbabantur, et fit per eos vehementior quam fuerat, seditio populorum, atque omnes una voce clamabant: Tolle magam, tolle maleficam, quæ et mentes mutat, et animos alienat. Præfectus autem videns tanta mirabilia, obstupuit: sed veritus proscriptionem, si contra templorum pontifices ageret, et Agnem contra suas sententias defensaret, vicarium suum ad seditionem populi judicem dereliquit, ipse autem tristis abscessit, quod eam non potuit post resurrectionem filii sui liberare. Tunc vicarius Aspasius nomine, populi seditionem non ferens (12), jussit in conspectu omnium ignem copiosum accendi, et in medium eam præcepit jactari flammarum. Quod cum fuisset impletum, statim in duas partes divisæ sunt flammæ, et hinc atque illinc seditiosos populos exurebant: ipsam autem penitus in nullo continebat incendium. Et magis non hoc virtutibus divinis, sed maleficiis reputantes, dabant fremitus inter se populi, et infinitos clamores ad cælum.

13. Tunc beata Agnes, extendens manus suas in medio ignis, his verbis orationem fudit ad Dominum; Omnipotens, adorande, colende, tremende Pater Domini mei Jesu Christi, benedico te, quia per Filium tuum evasi minas hominum impiorum, et spurcitas diaboli impolluto calle transivi. Ecce nunc sancti Spiritus rore cælesti perfusa, resolutus est juxta me ignis, flamma dividitur (13), et ardor incendii hujus ad eos a quibus ministratur, effunditur. Benedico te, Pater prædicande, qui etiam inter flammam intrepidam me ad te venire permittis,

(9) Sic Noall. codex: edit. autem, *omnis qui fuisset ingressus, adoraret.... dans honorem immenso lumini, et multior, etc.*

(10) Omnes edit., *et ingressos ante se furentes pueros, et turpiter sævientes cum omni veneratione, etc.*; Noall. cod. ut in textu.

(11) Eadem edit., *prosternens se in faciem pla-*

nam; codex Noall... in faciem pavimenti.

(12) *Populi seditionem non ferens* additur e cod. Noall.

(13) Omnes edit., *Ecce et nunc rore cælesti perfusus per Spiritum sanctum focus juxta me moritur; codex Noall. ut in corpore.*

Ecce jam quod credidi, video: quod speravi, jam teneo: quod concupivi, complector. Te confiteor labiis et corde, et totis visceribus concupisco. Ecce ad te venio vivum et verum Deum, qui cum Domino Jesu Christo Filio tuo, et cum Spiritu sancto vivis et regnas modo et semper per infinita sæcula sæculorum, amen.

14. Cumque complisset orationem, ita omnis ignis exstinctus est, ut nec tepor quidem incendii remansisset. Tunc Aspasius, urbis Romæ vicarius, populi seditionem non ferens, in guttur ejus gladium mergi præcepit: atque hoc exitu, roseo sui sanguinis rubore perfusam Christus sibi sponsam et martyrem dedicavit. Parentes vero ejus nullam **483** penitus tristitiam habentes, cum omni gaudio abstulerunt corpus ejus, et posuerunt illud in prædio suo non longe ab Urbe, via quæ dicitur Numentana. Ubi cum omnis turba Christianorum concurreret, insidias a paganis perpassi sunt: et videntes populum infidelium supervenientem armatum, omnes fugerunt; aliquanti vero lapidum ictibus læsi evaserunt.

15. Dum orat inter tanta agmina collectanea ejus virgo sanctissima, Emerentiana, constans stabat immobilis (14), et his verbis exprobrabat eis dicens: Superflui, miseri, caduci, atque atrocissimi, Deum omnipotentem colentes occiditis, et pro defensione lapidum homines innocentes jugulatis. Hæc et his similia dum turbis furentibus diceret, lapidata est ab eis, et orans juxta sepulcrum beatissimæ Agnæ virginis, emisit spiritum. Non dubium est quod in suo sanguine sit baptizata, quæ pro defensione justitiæ, dum confiteretur Dominum, mortem constanter exceperit. Eadem denique hora fit terræ motus vehementissimus; et cum nimia esset cœli serenitas, tantæ coruscationes, tantaque fulgura et tonitrua exstiterunt, ut pars maxima insani populi exspiraret. Unde factum est ut nullus penitus ex eo advenientibus ad sepulcra sanctorum aliquas molestias excitaret. Venientes autem parentes beatæ Agnæ virginis cum sacerdotibus nocte, abstulerunt corpus Emerentianæ (15), et sepelierunt illud in confinio agelli beatissimæ virginis Agnæ.

16. Igitur dum parentes sanctæ Agnæ assiduis pernoctationibus vigilarent ad sepulcrum ejus, vident in medio noctis silentio exercitum virginum, quæ omnes auro intextis cycladis indutæ cum ingenti lumine præteribant: inter quas etiam vident beatissimam Agnem similiter fulgentem, et ad dexteram ejus Agnum stantem. Hæc dum viderent parentes ejus, et qui simul erant, quasi stupore mentis detenti sunt. Sed beata Agnes rogat sanctas virgines parumper gradum figere, et stans parenti-

bus suis dixit: Videte ne me mortuam lugeatis, sed congaudete mihi et congratulamini, quia cum his virginibus lucidas sedes accepi, et illi sum juncta in cœlis, quem in terris posita tota devotione dilexi (16). Et his dictis, pertransiit.

17. Hæc visio publice ab omnibus, qui viderant, divulgata est. Unde factum est ut post aliquantos annos ad Constantiam Augusti filiam hoc factum ab his qui viderant, narraretur. Erat enim ipsa Constantia virgo prudentissima, sed ita obsessa vulneribus, ut a capite usque ad pedes nulla membrorum pars libera remaneret. Accepta autem spe recuperandæ salutis, venit ad sepulcrum martyris nocte; et licet pagana, tamen credula animi intentione preces fideliter fundebat. Quod cum faceret repente somni suavitate corripitur, et videt per visum beatissimam Agnem talia sibi monita præferentem: *Constanter age, Constantia, et crede Dominum Jesum Christum filium Dei esse Salvatorem tuum, per quem modo consequeris omnium vulnerum, quæ in corpore tuo pateris, sanitatem. Ad hanc vocem Constantia evigilat sana, et sic sana, ut nec signum in suis membris alicujus vulneris remaneret. Reversa igitur ad palatium sanissima, facit gaudium et patri suo Augusto, et fratribus suis imperatoribus. Coronatur civitas tota, fit lætitia militibus et primatibus (17) suis, atque universis audientibus hæc, infidelitas gentium confundebatur, et fides Dominica lætabatur.*

18. Interea patrem et fratres Augustos rogat, ut basilicam beatæ Agnæ construerent, et sibi illic mansionem collocari præcepit (18). Cucurrit autem hæc opinio ad omnes, et quotquot credentes ad ejus sepulcrum advenissent, salvabantur, quacunque infirmitate detenti essent. Quod facere Christum nullus dubitat usque in hodiernum diem. Perseveravit autem ipsa Constantia Augusti filia in virginitate, per quam multæ virgines et mediocres, et nobiles, et illustres sacra velamina susceperunt. Et quia fides mortis damna non patitur, usque in hodiernum diem multæ virgines Romæ Agnem beatissimam quasi in corpore manentem aspiciunt, et ejus exemplum agentes, viriliter et integre perseverant, credentes sine dubio quod perseverantes perpetuæ victoriæ palmam acquirant.

19. Hæc ego Ambrosius servus Christi, dum in voluminibus **484** abditis invenissem descripta, non sum passus infructuosa silentio tegi. Ad honorem igitur tantæ martyris sicut gesta ejus agnovi, conscripsi; et ad ædificationem vestram, o virgines Christi, textum passionis ejus credidi destinandum, obsecrans virtutem Spiritus sancti, ut labor noster ad vestram imitationem fructum in conspectu Dei

(14) Ita codex Noal.; omnes autem edit., *Emerentiana autem, quæ fuerat collectanea ejus, virgo sanctissima, licet catechumena, constanter stabat, intrepida et immobilis.*

(15) Edit., *sanctæ Emerentianæ virginis.*

(16) Eadem edit., *tota animi intentione dilexi.*

(17) Ita codex Noall.; edit. vero, *militantibus atque privatis.* De quo loco videsis notas Casauboni in Lampridium, pag. 174.

(18) Edit., *Et sibi illic mausoleum collocari.* Consule Acta Liberii in Conciliis Phil. Labæi, p. 37.

valeat invenire, cui honor et gloria in sæcula, Amen (19).

EPISTOLA II (*Alias* LIII).

Cum beneficia Dei tegenda non sint, visionem narrat, qua sibi per Quadragesimam Gervasius ac Protasius semel et iterum, tertia autem vice etiam Paulus apparuerat, ut eis post exhumatas ipsorum reliquias ecclesia construeretur, imperans. Addit convocatis coepiscopis incensu esse sanctorum corpora, quorum conversionem, necem ac sepulturam ex schedula illic delecta refert. Quibus Vitalis ac Valeriæ martyrium etiam inseritur.

AMBROSIVS servus Christi fratribus per omnem Italiam in Domino æternam salutem.

1. In divinis voluminibus reus subscribitur, qui non studuerit dare gratis quod ipse gratis accepit; quidquid enim Ecclesiæ Domini profuturum erat, subtrahisse arguitur, cum noluerit tradere omnibus quod ipse non celandum acceperit. Unde Psalmographus vates canit: « Justitiam tuam non abscondi in corde meo: veritatem tuam et salutare tuum dixi. Non celavi misericordiam tuam in concilio multorum (Psal. xxxix, 11). » Et pro hoc opere quasi vicissitudinem a Deo postulans adjecit: « Tu autem, Domine, ne elonges misericordiam tuam a me (Ibid. 12). » Quasi diceret Deo: sicut ego feci alios misericordiam invenire, ita et ipse non patiaris longe fieri misericordias tuas a me. Aperiamus ergo cur ista præmisimus, et vestros animos qui pie de Domino sentitis et creditis, de inventione sanctorum corporum ad lætitiã invitemus.

2. In diebus itaque transactæ nuper Quadragesimæ, cum Dominus donasset mihi ut jejunantium et orantium (20) me faceret esse participem, in oratione positum ita me somnus oppressit, ut nec vigilans aperte, nec dormiens integre, viderem apertis oculis mecum duos juvenes ephebos vestibibus candidissimis, id est, colobio et pallio indutos, caligulis calceatos, manibus extensis orantes. Nullam quidem gravedinem patiens, loqui cum eis non poteram: sed quia, ut dixi, pars in me somni incumbabat, quæ me ad eorum interrogationem verbum proferre non sineret. Plene autem evigilanti visio eorum ab oculis meis elapsa est.

3. Factum est proinde ut rogarem Domini misericordiam, ut si ludificatio dæmonum esset, abscederet: si vero esset veritas, plenius appareret. Ad impetrandum vero quæ posebam a Domino augmentavi jejunium: similique modo, canente gallo, orantes mecum iidem juvenes apparuerunt.

4. In tertia vero nocte, defecto jejuniis corpore, non dormienti, sed stupenti, cum quadam mihi tertia apparere persona, quæ similis erat beato Paulo apostolo, cujus me vultum pictura docuerat, in

(19) Eadem edit., *obsecrans charitatem Spiritus sancti, ut labor noster in vestra imitatione fructum in conspectu Domini valeat invenire, amen*: codex vero Noall. ut nos in textu.

(20) Deest in Rom. edit., *et orantium*.

(21) Rom. edit., *vocaverunt, cumque ab intestato*

tantum ut ipse mecum, illis tacentibus, loqueretur dicens: Isti sunt qui, monita mea secuti, prædia et divitias respuentes, secuti sunt Domini nostri Jesu Christi vestigia, nihil terrenum, nihilque carnale concupiscentes, in media hæc Mediolanensi urbe per decem annos in Dei servitio perdurantes, ad hoc pertingere meruerunt, ut Christi martyres efficerentur. Quorum corpora in eodem loco invenies, in quo stas et oras. Duodecim pedum altitudine terra coopertam arcam invenies, quam arcam superius exaltabis, et in nomine eorum ecclesiam fabricabis. Cumque ab eo eorum nomina requirerem, dixit mihi: Ad caput eorum libellum scriptum invenies, in quo et ortus eorum, et finis scriptus est.

5. Convocans itaque omnes per circuitum fratres et episcopos urbium vicinarum, referens universa quæ videram, quæque audieram, ipsis coram positis, primus ego terræ fossor accessi: cæteri vero episcopi prosecuti, fodientes pervenimus ad arcam, quam sanctus promiserat Paulus: quam aperientes, invenimus quasi in ipsa hora positos 485 sanctos, miro odore fragrantés. Ad eorum caput libellum invenimus, in quo erant hæc per ordinem universa conscripta:

6. Ego servus Christi Philippus intra domum meam sanctorum corpora, quæ cum filio meo rapui, sepelivi. Quorum mater Valeria et pater Vitalis sunt dicti: quos uno ortu geminos genuere, et unum Protasium, alterum Gervasium vocaverunt (21).

7. Quorum pater Vitalis miles consularis, cum fuisset cum Paulino iudice suo Ravennam ingressus, et cœpisset Paulinus christianos ad sacrificandum requirere, oblatus est ei quidam Christianus nomine Ursicinus, arte medicus, natione Ligur. Tunc jussit eum Paulinus in conspectu suo torqueri, dicens: Sacrifica, Ursicine, diis immortalibus. Ille autem respondens, dixit ad eum: Non sacrificabo surdis et mutis, sed sacrificabo Domino meo Jesu Christo. Et cum vidisset quod eum mutare non posset a constantia sua, post nimia tormenta, jussit eum capitalem subire sententiam. Locus autem ille, ubi decollabantur Christiani, hoc habebat vocabulum, ut diceretur, ad Palmam. Arbor enim antiqua palmæ illic erat.

8. Igitur cum, ut diximus, post nimia tormenta decollandus venisset sanctus Ursicinus ad Palmam, expavit: et dum vellet male evadere, exclamavit S. Vitalis dicens: Noli, noli, Ursicine medice, qui alios curare consuevisti, te ipsum æternæ mortis jaculo vulnerare; et qui per passiones nimias venisti ad palmam, coronam noli perdere a Domino præparatam. Audiens hæc sanctus Ursicinus, genu

Gervasius et Protasius, hoc est, patre sancto Vitale martyre, et matre sanctæ memoriæ Valeriæ defunctis, utriusque patrimonio successissent, domum propriam, etc. Nos vero duos codices Longipontinos, qui martyrium SS. Vitalis ac Valeriæ huic epistolæ inserunt, secuti sumus.

posuit, et spiculatorem, ut feriret, hortatus; agens A penitentiam quod expavisset. Quem spiculator feri-
riens, Christi martyrem fecit. Statimque sanctus Vitalis corpus martyris rapiens, intra Ravennensium urbem sepelivit cum omni honestate martyri debita, et ad judicem ultra sanctus Vitalis venire contemp-
sit. Quem Paulinus consularis ideo maxime teneri mandavit; non tantum quia contempsit ad eum redire, verum quantum ob hoc quod christianus esset detectus.

9. Tunc ministri ejus rapientes eum in conspectu ejus adduxerunt. Et videns eum Paulinus, ait ad eum: Quomodo maleficiis deceptus es, Vitalis, ut non sacrifices diis? Cui ille respondit: Non sacrificio surdis et mutis, sed sacrificio Deo meo, qui fecit cœlum et terram, mare et omnia quæ in eis sunt, et Jesu Christo filio ejus, qui cum eo et Spiritu sancto vivit et regnat. Tunc Paulinus jussit eum levari in equuleo, ut per tormenta, ejus consensum ad sacrificandam compelleret. Sed sanctus Vitalis studuit, ut Deo redderet gemmam pretiosam, quam rapere diabolus studebat. Et respondens ait ei: Infinita tibi dominatur stultitia: aut putas memetipsum posse decipere, qui alios a periculo mortis vel deceptionis liberare studui?

10. Tunc Paulinus consularis dixit ad Officiarium: Ducite eum ad Palmam, et nolite decollare, si sacrificare contempserit: sed facite foveam in terra, tandiu quo usque perveniatis ad aquam, et ibi eum supinum deponite, et terra atque lapidibus obrutum, ibi dimittite. Quod cum fuisset impletum, Deus sibi sanctum Vitalem ita martyrem consecravit, ut sacerdos Apollinis qui hoc consilium Paulino judici dederat, diabolo repletus, per septem dies energumenus clamaret ibi, ubi obrutus est sanctus Vitalis dicens: Incendis me, martyr, crucias me, sancte. Post septem vero dies præcipitatus a diabolo in flumine, exspiravit. Sanctus autem Vitalis gloriosus martyr Christi, juxta civitatem Ravennensium præstat orationibus vel intercessionibus suis beneficia omnibus credentibus Jesum Christum usque in hodiernum diem.

11. Valeria autem conjux ejus, dum vellet corpus sancti Vitalis auferre, a Christianis prohibita est, et in visionibus sæpe admonita, ne sanctum corpus a malo homine bene positum violaret. Sed illa in intentione perdurante, evidentius ei apparuit sanctus Vitalis, dicens ad eam: Noli mihi molesta esse, mulier; quia nunquam mihi tam gloriosum poteris parare sepulcrum, quale mihi Dominus Jesus Christus fieri jussit.

12. Ipsa autem dum reverteretur ad urbem Mediolanensium, incurrit homines idololatrias Silvano sacrificantes in itsnere; quam cum vidissent, deponentes eam de vehiculo, 486 hortabantur secum epulari. Cumque illa resistens, diceret: Chri-

stiana sum, non licet mihi de Silvani vestri sacrificiis manducare, statim illi hæc audientes, tanta eam caede mactaverunt, ut vix eam seminecem sui homines ad Mediolanensium urbem perducerent, ita ut intra triduum migraret ad Christum.

13. Et posteaquam pater eorum beatus Vitalis martyrio est coronatus, atque beatissima mater Valeria migravit ad Christum, ab intestato jure Gervasius et Protasius parentibus successissent; domum propriam in qua nati fuerant, et res universas parentum, et casellulas venundantes, dederunt omne pretium pauperibus, et familiolam suam ingenuam fecerunt: ipsique se in uno cœnaculo concluserunt, et per decem annos lectioni et orationi vacantes, hoc ordine in anno conversionis suæ undecimo ad palmam martyrii pervenerunt (22).

14. Superveniente comite Astasio, qui proficiebatur ad bellum, quod a Marco manis fuerat excitatum, occurrerunt ei templorum cultores (23) cum sacerdotibus suis, dicentes: Si vis lætus ad Augustos nostros reverti et victor, Gervasium et Protasium diis nostris sacrificare compelle; vehementer enim dii nostri de eorum contemptu commoti, responsum nobis dare contemnunt.

15. Audiens hæc Astasius comes jussit eos teneri, et ad se adduci. Quibus dixit: Hortor vos ut deorum nostrorum injurias temperantes, ad immolandum eis devoti studeatis insistere; ut expeditio mea gnaviter celebretur. Beatus Gervasius dixit: Victori-
am de cœlo debes ab omnipotente Deo requirere, non de simulacris immundis et vanis, quæ oculos habent sine lumine, aures sine auditu, nares sine odoratu, os sine sermone, manus sine tactu, pedes sine gressu, et ventrem absque interioribus probantur habere, et sine flatu esse noscuntur. Indignatus comes Astasius jussit eum tandiu plumbatis tundi, quandiu exhalaret spiritus.

16. Quo amoto, jussit sibi astare Protasium, cui dixit: Miser, vel tu vivere stude, et noli *ζηλοῦντος* fieri, sicut et frater tuus. Cui Protasius respondens, ait: Quis est miser, ego qui non timeo, an tu qui me timere probaris? Comes dixit: Ego te quomodo timeo? Protasius respondit: In eo quod te times lædi, si non sacrificavero; si enim non timeres te lædi a me, me ad sacrificium non compelleres. Ego autem te non timens contemno minas tuas, et omnia idola tua, quasi stercora computans, Deum solum qui regnat in cœlis, adoro.

17. Audiens hæc Astasius, jussit eum fustibus cædi. Postea vero erecto dixit: Miser, ut quid tam superbus et tam rebellis existis? vis perire, sicut tuum probasti germanum? Protasius dixit: Non tibi irascor, nec ego, nec ipsa justitia: quoniam cæcos tui cordis oculos attendo: incredulitas enim, quæ in tuis sensibus regnat, non te permittit videre quod Dei est. Nam et Dominus meus Jesus

(22) Rom. edit., *idola respicientes, sub Astasio comite in Mediolanensi civitate die Kalendarum juniarum feliciter pervenerunt. Nam eo tempore su-*

perveniente, etc.

(23) Eadem edit., *ocurrerunt ei cultores idolorum*

Christus, crucifigentes se non maledixit: sed potius ut eis indulgeretur, oravit, addens et hoc, quia nescirent quid facerent. Unde et ego tui misereor, quia nescis quid facias. Age ergo quod cœpisti, ut mihi possit cum meo fratre Gervasio hodie benignitas Salvatoris nostri occurrere.

18. Tunc comes Astasius jussit eum capite cædi. Quod cum factum esset, ego Philippus abstuli eum filio meo furtim nocte sanctorum istorum corpora, et in domo mea, Deo solo teste, in ista arca saxea sepelivi, credens me orationibus eorum consequi misericordiam Domini nostri Jesu Christi, qui cum Patre et Spiritu sancto vivit et regnat in sæcula sæculorum, amen.

487 EPISTOLA III (Alias LV).

Martyrum Vitalis et Agricolæ, qui Bononiæ inter tumulos Judæorum sepulti erant, factam cum plausu Christianorum, Judæorum admiratione, ac miraculis non paucis inventionem refert. Eosdem et a nomine et a constantia in suppliciis laudat: aliaque nonnulla subjicit ad eandem rem pertinentia.

AMBROSIVS, servus Jesu Christi, vocatus episcopus, dilectissimis fratribus, et universis plebibus per Italiam, æternam in Domino salutem (21).

1. Magna atque præcelsa martyrum testimonia, de quibus vobis scripturus sum, noster potius attenuat quam explicat sermo. Verum quod sermo attenuat, virtus adauget; idcirco quod in me minus est, in martyribus luculenter resplendet.

2. Invitatus itaque a plebe Bononiensi, negare præsentiam meam, Domino suggerente, nullatenus potui; quoniam tempus aderat, ut sua quæ Christus solet mirabilia, suis fidelibus ostenderet. Nam Dicoletiani et Maximiani imperatorum temporibus duo viri, Vitalis nempe et Agricola, pro Christo in civitate Bononiæ martyrium passi sunt; quorum corpora, ne a fidelibus reperirentur, inter Judæorum sepulcra recondita fuerant. Christum igitur confitentes, et pro ejus gloria morientes, inter eos qui eum negaverunt, indecore sepulti sunt. Locum autem, qui omnes latebat, Christus Dominus noster mihi revelare dignatus est. Ubi jejuniis et orationibus plures habentes excubias, invenimus tandem pignora martyrum, prout mihi Dominus revelaverat, tanquam inter spinas rosam legentes, et omnibus palam manifestata sunt.

3. Aderat populus Christianus cum plausu et lætitia. Judæi ludentes dicebant: « Flores visi sunt in

terra nostra (*Cant. ii, 12*). » Respondebant Christiani: « Tempus incisionis advenit (*Ibid.*). » Alii dicebant: Alii seminaverunt, et nos in eorum labores introimus, et martyrum fructus recipimus; ut quod scriptum est impleatur, quod qui seminat, et qui metit, mercedem accipit (*Joan. iv, 36*). Judæi, audientes voces plaudentis Ecclesiæ, ridentes dicebant: « Vox turturis audita est in terra nostra (*Cant. ii, 12*); » Christiani dicebant: « Vineæ florentes dederunt odorem suum (*Ibid. 13*). » Unde bene per Prophetam dicitur: « Dies diei eructat verbum, et nox nocti indicat scientiam (*Psal. xviii, 3*). » Quasi dicat: « Dies diei, » hoc est, Christianus Christiano; et nox nocti, hoc est, Judæus Judæo.

4. Certe et ipsi dæmones confitebantur, et ab hominum corporibus illico egrediebantur. Et multi qui variis vexabantur ægri tudinibus, sanctorum tangentes sudaria, continuo sanabantur, et plura per sanctos suos mirabilia in populi præsentia, dum sacra veherentur pignora, operatus est Dominus.

5. Colligant ergo alii aurum atque argentum, et de latentibus eruant venis, legant pretiosa monili-um sarta: temporalis iste thesaurus est, et habentibus non infrequenter perniciosus. Nos legimus martyrum clavos; et plures quidem, quia plura in eis vulnera quam membra fuerunt. Colligimus sanguinem triumphalem, et crucis lignum. Namque sicut qui ad convivium magnum invitantur, apophoreta secum referre consuerunt, ita nos ex convivio Bononiensi apophoreta gratiæ et sanctitatis plena nobis reservare curavimus.

6. Sanctorum igitur martyrum uni nomen est Vitalis, Agricola nomen alteri utriusque aptum; ut martyrio jam designati ipsis etiam vocabulis noscerentur. Nam ille Vitalis dictus est, quasi per istius vitæ contemptum, vitam aliam quæ æterna est, sibi compararet: iste vero Agricola, qui bonos spiritualis gratiæ fructus sereret, et sui sanguinis effusione meritorum et virtutum suarum plantaria rigaret.

7. Sanctus Vitalis, cum a persecutoribus, ut Christum negaret, imperaretur, et ille constantius confiteretur; adeo omni tormentorum genere cruciatus est, ut nullus (25) in ejus corpore sine vulnere esset locus. Quare hanc ad Dominum 488 orationem effudit, dicens: Domine Jesu Christe Salvator meus et Deus meus, jube suscipi spiritum meum; quia jam desidero accipere coronam quam

Sancti martyris nomen Agricola est. Cætera vero eadem serie, ac iisdem verbis, excepta una aut altera sententia, habentur in Exhortat. Virgin. a cap. 1, num. 2, usque ad cap. 2, num. 10. Sed post verba hodie dedicamus subjungitur illa invocatio, quam in lib. cit. cap. 14, num. 94, legere est: postquam additur clausula: Passi sunt, etc., ut infra.

(25) Reg. codex, profiteretur Dominum Jesum Christum, illis omnium tormentorum in eo generatim exercentibus, ita ut non esset, etc.

(21) Codex Reg. et universæ plebi æternam in Domino salutem. Magna atque præcelsa martyrum testimonia, quæ attenuat noster potius quam explicat sermo. Igitur invitatus a plebe Bononiensi, negare præsentiam meam nullatenus potui: quoniam tempus aderat, ut sua Dominus mirabilia, quæ solet, ostenderet. Apophoreta quidem plena sanctitatis et gratiæ mecum detuli: apophoreta autem solent habere triumphos principum. Et hæc apophoreta triumphalia sunt; Christi enim nostri principis triumphum sunt martyrum palmæ. Ergo quia in me minus est, quam præsumebatur, in martyribus plus reperitur,

sanctus angelus tuis mihi ostendit. Et completa A oratione, emisit spiritum.

8. Sanctus vero Agricola mitioribus ita præditus erat moribus, ut ab omnibus impense diligeretur: ideoque ejus passionem differebant. Verum persecutorum hæc indulgentia, quæ etiam immanitate martyri videbatur acerbior; nec enim eorum blanditiæ sedulitatis, sed fraudis erant: differebant quippe coronam. Hinc namque tormenta suppliciaque plura in sancto exercere Vitale, ut sanctum terrerent Agricola: sed Dominus illa in majorem ejus constantiam vertit. Denique videntes nihil proficere, eum tandem cruci affixerunt; sicque Deo spiritum reddidit.

9. Sanctus Vitalis sancti Agricolæ servus fuerat, mox ejus in passione socius, nunc gloriæ consors B factus est. Merito autem sanctus Vitalis primo passus est, et ut servus præcessit, quia domino parabat locum: secutus est dominus, ut servi prudentis fidem probaret. Passio servi disciplina est domini: hic instituit, ille implevit; nihil illi servitute decerpitur. Quomodo autem minui potest, quod Christus donavit egregie! Ille quidem homini serviendo didicit quomodo placeret Christo: hic geminam acquisivit laudem in illo magisterii, in se martyrii. Beneficiis mutuo certaverunt, postquam æquales esse meruerunt: hic illum ad martyrium præmisit, ille istum accersivit. Nihil ergo ad meritum hominis conditio detraxit, nihil dignitas auxit: sed utrumque fides consummavit. Nam scriptum est: « Sive liber, sive servus, omnes in Christo unum sumus (Galat. III, 28); et: « Unusquisque quod fecerit bonum, hoc recipiet a Domino (Ephes. VI, 8). » Apud Dominum enim servitus et libertas æqua lance penduntur: cum nulla sit major dignitas, quam servire Christo, qui tanti nos æstimavit, ut animam suam pro nobis traderet.

10. Hæc vobis pauca et compendiario, dilectissimi fratres, de corporum sanctorum martyrum inventionem significare curavimus; ut ipsorum memoriam in Ecclesiis facere valeatis. Passi sunt autem sancti martyres sub Diocletiano et Maximiano imperatoribus, in civitate Bononiensi provinciæ Italiæ, pridie Nonas Novembris, regnante Jesu Christo Domino nostro, cui est omnis honor et gloria in sæcula sæculorum, amen.

EPISTOLA IV (Alias XXIX).

Glorianum ad maturam et continuam poenitentiam excitans, quid ipsi sive in dictis sive in factis sequendum fugiendumve sit, præscribit.

AMBROSIUS episcopus FLORIANO.

1. Dilecte fili, dilige lacrymas, noli differre eas. Tantum promptus esto ad lamenta, quantum fuisti promptus et pronus ad culpam. Nulla res de peccato te securum faciat (Eccli. v, 5).

(26) Rom. edit., *Mentem hominis*, etc.

(27) Eadem edit., *ad noxiam trahit*.

(28) Reg. Codex, *perpetua pœna constringit*.

2. Non potes iram vitare, saltem tempera. Magna gloria est si, cui potuisti nocere, parcas; peccanti in te non retribuas secundum culpam, sciens in te venturum esse judicium. Nam non habebis indulgentiam, nisi alteri donaveris (Jac. II, 13); odium enim hominem separat a regno, a cœlo subtrahit, a paradiso dejicit.

3. In omnibus actibus tuis imitare bonos, æmulare sanctos, habeto ante oculos exempla sanctorum: socios tibi bonos conjunge, quia si socius fueris conversationis, eris et virtutis (Psal. XVII, 26). Periculosum est cum his qui male vivunt, conversari. Melius est ergo habere malorum odium, quam consortium.

4. Vanus sermo cito polluit mentem; et facile agitur quod libenter auditur. Hoc proferatur ex labiis quod aures non polluat audientis. Mores hominis (26) lingua pandit, et qualis sermo ostenditur, talis animus comprobatur: « Ex abundantia enim cordis os loquitur, » ut scriptum est (Matth. XII, 34). Retine verbum quod non ædificat audientes, quia qui otiosum verbum non reprimit, cito ad noxia transit (27).

489 5. De alieno malo os tuum non coinquines: nunquam detrahas peccanti, sed condole: quod in aliis detrahis, in te potius pertimesce. Nunquam profecto detrahes, si te ipsum bene perspexeris. Tantum cura corrigere vitam tuam, quantum prospicias alienam. Per nullam fallaciam vitam alicujus defendas.

C 6. Nec plaga, nec mors te terrebit, si bene et pie vixeris. Curiositas periculosa præsumptio est. Plus dilige audire quam dicere: plus auscultare quam loqui. Qui obtemperat in malo, similis est ei, qui facit malum. Facientem et obsequentem par poenitentia constringit (28). Quidquid boni cum discretionem feceris, virtus est: virtus vero indiscreta pro vitio deputatur.

7. Testimonium tuum nulli noceat: sermo tuus non sit reprehensibilis, sed ab omnibus sit acceptus atque laudabilis. Nullius personæ affectu a recto judicio deflectaris, an dives, an pauper sit; causam respice, non personam. Justitiam pro sola æterna retributione distribue; qui enim præsentia dona affectat, futuram gloriam non quærit, vel sperat. In D judicio nunquam misericordiam deseras: impia (29) justitia est humanæ fragilitati non ignoscere. Nullum ante judicium condemnes: nullum judices suspicionis arbitrio.

8. Cave honores, quos tenere sine culpa non potes. Sublimitas honorum sine onere peccati vix tenetur; ideo dicit Apostolus: « Nec quærentes ab hominibus gloriam (I Thess. II, 6): in majori enim gradu (30) major sine dubio culpa est: qui minor est, veniæ proximus est.

(29) Codex Reg., *impia mens est*, etc.

(30) Idem cod. *Sublimatus honorem agnitus est, scelerum: in majori gradu*, etc.

9. Nullus sine peccati periculo terrenas res (31) administrat : valde rarum est, ut qui divitias possidet ad requiem tendat. Unde scriptum est : « Amen dico vobis quod dives difficile intrabit in regnum celorum (*Matth.* xix, 23). » Qui curis terrenis se implicat, a Domino se separat (32). Nemo potest amplecti Dei gratiam simul et sæculi. Difficile est celestibus et terrenis curis simul insistere. Difficile est Deum simul et mundum diligere. Toto animo odi et damna quod diligit mundus. Tanquam mortuus, a labe et affectu istius mundi te separa : sicut sepultus, nullam habeas curam de hoc sæculo : tanquam defunctus, ab omni terreno te priva negotio. Contemne vivens quæ post mortem habere non poteris.

(31) Regius codex, *sine peccato terrenas res, etc.*

(32) Rom. edit., *ab eo te separa. Minus commode.*

(33) Eadem edit. *Omnibus te tribue..... ne forte præferas illum, etc.*

(34) *De his dicitur ; hæc verba cum subjecto*

10. Omnibus tribue : non eligas cui miserearis ; ne forte prætereas illum (35) qui meretur accipere : incertum est enim pro quo placeas magis Deo. Non auferas uni unde tribuas alteri ; ne alieno spolio misericordem te ostendas : condemnat miseratione ista, non proficit.

11. Bonum quod facis, misericordie, non jactantiae causa facias : si enim hic laus queritur, in cælo remuneratio amittitur. De his dicitur (34) : « Amen dico vobis, receperunt mercedem suam (*Matth.* vi, 2). » Justis in cælo, non in terra merces promittitur.

12. Lege quod scripserim ; et vide ne quod legendo miraris, vivendo contemnas. Vale, et nos dilige, quia te ut filium nos diligimus.

B Matthæi loco in Reg. cod. desiderantur : in quo etiam post verbum *promittitur* epistola desinit in hunc modum : *Vide quisquis hoc legis, ne quod legendo respicis, vivendo contemnas. Laus Deo. Amen.*

MONITUM.

Sequentes duæ preces in omnibus quidem Ambrosianis editionibus reperiebantur : sed scripta earum exemplaria per quam rara sunt, et inventu difficilia. Nobis profecto, forulis nobiliorum bibliothecarum non indiligenter perlustratis, manuscriptum prioris orationis nullum, posterioris vero tantum unicum detegere licuit. Quod argumentum est haud mediocriter illos a quibus inter Ambrosii Opera primum editæ sunt, non frequentium exemplarium auctoritate niti potuisse. Non mirum igitur si a iudicibus sagacioribus utraque partus adulterini loco habita fuerit ; etiamsi enim prima non paucis Doctore nostro visa sit digna, tamen attentius consideranti et ejus stylus ab Ambrosiano paulum diversus, et in ea citati ex antiquo federe loci nonnulli cum LXX versione non congruere deprehenduntur. Quod vero attinet ad posteriorem, in ea rejicienda minor est difficultas : quippe quæ, licet non inelegans, Ambrosianæ gravitatis vix quidquam præ se ferat. Eam autem ad codicem Florencensem annorum circiter 700 exactam, multo quam fuerat, emendatiorem exhibemus. Cæterum nobis minime placet, quod Theophilus Reinaudus utramque eapropter Mediolanensi episcopo ascriptam putat, quia characteres S. A. eisdem orationibus in manuscripto aliquo prænotatos de sancto Ambrosio quispiam interpretatus sit, cum per illos sanctus Anselmus indicaretur. Enimvero ut alia quadrarent, nimium unius ratio dissidet ab altera, quam ut ambarum eundem auctorem fuisse arbitremur.

PRECATIONES DUÆ

HACTENUS AMBROSIO ATTRIBUTÆ.

PRECATIO PRIMA.

In præparatione ad Missam.

1. Summe sacerdos et vere pontifex Jesu Christe, qui te obtulisti Deo Patri in ara crucis hostiam puram et immaculatam pro nobis miseris peccatoribus, et qui dedisti nobis carnem tuam ad manducandum, et sanguinem tuam ad bibendum, et posuisti mysterium in virtute Spiritus sancti, dicens : « Hæc quotiescumque feceritis, in mei me-

C moriam facietis (*I Cor.* xi, 25) ; rogo per tuum sanguinem pretiosum, magnum salutis nostræ pretium : rogo per hanc miram et ineffabilem charitatem, qua nos miseros et indignos sic amare dignatus es, ut lavares nos a peccatis nostris in sanguine tuo ; doce me servum tuum indignum, quem inter cætera dona tua ad officium sacerdotale vocare dignatus es nullis meis meritis, sed sola dignatione misericordie tuæ : doce me, quæso, per

Spiritum tuum tantum mysterium tractare ea reverentia et honore, eaque devotione et timore, quibus oportet et decet.

490 2. Fac me, Domine Jesu Christe, per gratiam tuam semper illud de tanto mysterio credere et intelligere, sentire et firmiter retinere, dicere et cogitare, quod tibi placet, et expedit animæ meæ. Intret Spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem tantorum mysteriorum. Profunda sunt nimis, et sacro tecta velamine.

3. Propter magnam clementiam tuam concede mihi hodie et semper missarum solemniam puro corde et pura mente celebrare. Libera cor meum ab immundis et nefandis, vanis et obnoxiiis cogitationibus. Muni me beatorum angelorum pia et fida tutela, atque fortissima custodia; ut hostes omnium bonorum confusi discedant per virtutem tanti mysterii, et per manum sancti angeli tui. Repelle a me, Domine Jesu Christe, et a cunctis servis tuis durissimum spiritum superbiam, cenodoxiam, invidiam, iracundiam, fornicationis et immunditiæ, dubietatis et blasphemiam. Confundantur qui nos persequuntur, pereant illi qui cuncta perdere festinant. Rex virtutum, castitatis et integritatis amator 491 Deus, cælesti rore benedictionis tuæ extingue in corpore meo totum fomitem ardentem libidinis, ut maneat in me tenor totius castitatis animæ et corporis. Mortifica in me carnis stimulos, et omnes libidinis commotiones, et da mihi veram et perpetuam castitatem cum cæteris donis tuis, quæ tibi placeant in veritate; ut sacrificium laudis casto corpore et mundo corde valeam tibi offerre.

4. Quanta enim, Domine Jesu Christe, cordis contritione, et lacrymarum fonte, quanta reverentia et tremore, quanta corporis castitate, et animi puritate istud divinum et cæleste sacrificium est celebrandum; ubi caro tua in veritate sumitur, ubi sanguis tuus in veritate bibitur, ubi summa imis unguentur, ubi adest præsentia sanctorum angelorum, ubi tu es sacerdos et sacrificium mirabiliter et ineffabiliter constitutus! Quis digne hoc celebrare poterit, nisi tu, Deus omnipotens, offerentem feceris dignum? Scio, et vere scio, et ipsum pietati tuæ confiteor quia non sum dignus accedere ad mysterium tantum propter nimia peccata mea, et infinitas negligentias meas. Sed scio veraciter, et credo ex toto corde et ore confiteor, quia potes me facere dignum; qui solus potes mundum facere de immundo conceptum semine, de peccatoribus facere justos et sanctos. Per hanc omnipotentiam tuam te rogo, ut concedas mihi peccatori hoc cæleste sacrificium celebrare cum timore et tremore, cum cordis puritate, et lacrymarum fonte, cum lætitia spiritali, et cælesti gaudio. Sentiat mens mea dulcedinem beatissimæ præsentiam tuæ, et excubias sanctorum angelorum tuorum in circuitu meo.

5. Ego enim, Domine, memor venerandæ passionis tuæ accedo ad altare tuum, licet peccator;

A ut offeram tibi sacrificium, quod tu instituisti, et offerri præcepisti in commemorationem tui pro salute nostra. Suscipe ergo istud, quæso, summe Deus, dulcissime Jesu Christe, pro Ecclesia tua sancta, et pro cuncto populo tuo, quem acquisisti sanguine tuo pretioso. Et quoniam me peccatorem inter te et eundem populum medium esse voluisti, licet in me boni operis testimonium non agnoscas, officium dispensationis creditæ non recuses, nec per me indignum famulum tuum eorum salutis pereat pretium, pro quibus victima factus, salutaris dignatus es esse redemptio. Profero ergo, Domine, si dignaris propitius intueri tribulationes plebium, pericula populorum, captivorum gemitum, miseriam orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum; tu enim misereris omnium, Domine, et nihil odisti omnium quæ fecisti. Memorare quæ sit nostra substantia, quia tu Pater noster es; ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces nostras ante faciem tuam, sed in miserationibus tuis multis. Aufer a nobis, Domine, iniquitates nostras, et ignem sancti Spiritus in nobis clementer accende. Aufer cor lapideum de carne nostra, et da nobis cor carneum quod te timeat, diligat et honorificet, te delectetur, te sequatur, et te perfruatur. Oramus, Domine, clementiam tuam, ut sereno vultu familiarum tuam sacri tui nominis officia præstolantem aspicere digneris. Et ut nullius sit irritum votum, nullius vacua postulatio, tu nobis preces suggere, quas ipse audire propitius et exaudire delecteris.

6. Rogamus etiam te, sancte Pater, pro spiritibus fidelium defunctorum, ut sit illis salus æterna, ac perpetua sanitas, gaudium et refrigerium sempiternum, hoc magnum pietatis sacramentum. Domine Deus meus, sit illis hodie magnum et plenum gaudium de te pane vivo et vero, qui de cælo descendisti, et das vitam mundo, de carne sancta et benedicta, agni videlicet immaculati qui tollis peccatum mundi, et potari de fonte pietatis tuæ, qui per lanceam militis de latere emanavit crucifixi Domini nostri; ut consolati exsultent in laude et gloria tua sancta.

D 7. Peto, Domine, clementiam tuam, ut descendat super hunc panem et calicem istum plenitudo divinitatis tuæ. Descendat etiam, Domine, illa sancti Spiritus tui invisibilis forma, et incomprehensibilis majestas, sicut quondam in Patrum hostias descendebat, qui et oblationes nostras corpus et sanguinem tuum efficiat, et me indignum sacerdotem tuum doceat tantum tractare mysterium, ita ut placide ac benigne sacrificium suscipias de manibus meis ad salutem omnium tam vivorum quam defunctorum. Rogo te, 492 Domine, per ipsum sacrosanctum mysterium corporis et sanguinis tui, quo quotidie in Ecclesia tua pascimur et potamur, ablu-

imur et sanctificamur, atque unius tuæ summæque divinitatis participes efficiamur; quatenus des mihi virtutes tuas sanctas, quibus repletus, bona conscientia ad altare tuum accedam, ita ut hęc cœlestia sacramenta efficiantur mihi salus et vita. Tu enim dixisti ore tuo sancto et benedicto: « Panis quem ego dederò, caro mea est pro mundi vita (*Joan.* vi, 52). » Et, « Qui manducat me, vita vivet propter me, ipse manet in me, et ego in eo. Ego sum panis vivus qui de cœlo descendi: si quis manducaverit ex hoc pane, vivet in æternum (*Ibid.* 58, 57, 51, 52). »

8. Panis duleissime, sana palatum cordis mei, ut sentiam suavitatem amoris tui: sana ab omni languore, ut nullam præter te amem pulchritudinem. Panis candidissime, habens in te omne delectamentum, et omnis saporis suavitatem, qui nos semper reficis; comedat te cor meum, et dulcedine saporis tui repleantur viscera animæ meæ. Manducat te angelus pleno ore, manducet te peregrinus homo pro modulo suo; ne deficere possit in via, tali recreatus viatico. Panis sancte, panis vive, panis pulcher, panis munde, qui descendisti de cœlo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, et sanctifica me intus et exterius. Esto tutamen et perpetua salus corporis et animæ meæ. Repelle a me insidiantes mihi. Hostes recedant procul a præsentia tua, ut foris et intus per te munitus, recto tramite perveniam ad tuum regnum; ubi non mysteriis, sicut in hoc tempore agitur, sed facie ad faciem te videbimus, cum tradideris regnum Deo Patri, et erit Deus omnia in omnibus. Tunc me de te satiabis satietate perpetua, ut nec esuriam, nec sitiam in æternum: qui cum eodem Deo Patre et Spiritu sancto vivis et regnas per omnia sæcula sæculorum, amen.

PRECATIO SECUNDA.

Item in præparatione ad Missam.

1. Summa et incomprehensibilis natura, virtus vitæque beata, lux inaccessibilis, vera, singularis, et una sapientia, veritas incommutabilis, sancta, incomparabilis, et æterna dilectio, temporalium rerum sine tempore conditor, visibilium et invisibilium invisibilis æternusque patrator, Pater et Filius et Spiritus sanctus, unus et verus in Trinitate Dominus Deus: Pater non habens a quo sis, habens tamen sapientiam, id est Filium, cui major vel anterior non sis: Filius habens Patrem a quo sis, non tamen habens cui minor vel posterior sis: Spiritus sanctus habens Patrem et Filium, a quibus sis, non tamen habens quibus vel inæqualis vel impar sis; quia totum in hac tua divinitate, cui tempus nunquam accidit, æternum ac cœternum, æquale ac cœquale est, in qua alius Pater, alius Filius, alius

A Spiritus sanctus: sed Pater in Filio et Spiritu sancto Filius in Patre et Spiritu sancto, Spiritus sanctus in Patre et Filio est; quia sicut tua, Deus noster, natura personas recipit, sic partes nequaquam admittit: cui nec supra, nec subter, ante vel retro convenit, quia corporum lineamenta non recipit. Unde et tota omnibus in locis sine loco habetur, nec tamen tota comprehenditur; tota namque ubique habetur, quia profecto pars mea nulla reperitur: tota autem non comprehenditur, quia videlicet cum in creaturis unicuique tota præsens efficitur, etiam ultra creaturas tota invenitur. Quamobrem cum cœlum et terram implet, tota est: cum hominem unum implet, tota est; nec variatur per singula, quæ in singulis tota est; nec de loco ad locum transit, cum unum deserens, alterum petit, quæ semetipsam sine loco et tempore movet. Hinc merito colendus, hinc adorandus es, hinc incommutabilis, hinc incircumscribitus agnosceris: hinc mediator Dei et hominum homo Christus Jesus secundum divinitatis essentiam, totus cum hominibus in terris, totus erat cum Patre in cœlis, cum diceret: « Nemo ascendit in cœlum, nisi qui de cœlo descendit Filius hominis, qui in cœlo est (*Joan.* iii, 13). »

« Qui (videlicet), cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum (1) factus, et habitu inventus ut homo. Humiliavit semetipsum, factus obediens usque ad mortem, mortem autem crucis (*Philipp.* ii, 6-8). »

C 2. Per hunc te, beata Trinitas, humanitatis habitum, ~~493~~ per hujus subjectionis humilitatem deprecor, per hujus sacratissimam obedientiam, per hujus beatissimam mortem exoro in primis, ut te Dominum Deum meum diligam, te sitiam, te toto corde perquiram: deinde ut proximum juxta vires atque mensuram in hac ipsa tua dilectione charum semper atque dilectum attendam. Sed hanc dilectionem nulli, Domine, præstabis, nisi eni vitia prius odisse donaveris. Obsecro ergo, pia et vera misericordia, solida atque unica spes mea, ut superbie regnum auferas ab anima mea. Horrendum, Domine, pavendumque tam maximum malum, quod angelos de cœlo projecit, quod homines de paradiso eliminavit (2), quodque initium omnis peccati est, et ad ipsum pertinet quidquid vitii et iniquitatis est, cujus primæ soboles septem nimirum principalia vitia, ex hac virulenta radice proferuntur, scilicet inanis gloria, invidia, ira, tristitia, avaritia, ventris ingluvies atque luxuria. Sed et numerosa propaginis turba ex singulis generatur.

3. Inanis ergo gloria cum plene mentem ceperit, mox septiformem in illa nequitiam gignit, inobedientiam scilicet, jactantiam, hypocrisin, contentionem, pertinaciam, discordiam, ac novitatum præ-

sunt.

(2) Reg. cod., de paradiso minavit.

(1) Omnes edit., in similitudinem hominum, factus obediens; cætera ex Reg. cod. restituta

sumptionem. Sed si huic vera humilitas opponatur, A omnis ejus nequitia vacuatur. Te ergo deprecor, humilitatis magister, ut hanc cordi meo inseras, insertamque custodias, quæ dum cunctis inferiorem se attendit, subjectionem protinus gignit, jaectantiam exstinguit, hypocrisin excludit contentionem refugit, pertinaciam emollit, discordiam præcavet, novitatum præsumptionem abhorret. Hoc beatæ humilitatis medicamine morbum elationis sanandum prævideras, cum per hominem assumptum auctor nostræ salutis, tuis ad te venientibus diceres : « Discite a me quia mitis sum et humilis corde, et invenietis requiem animabus vestris (*Matth.* xi, 29). » Et rursus : « Nisi conversi fueritis, et efficiamini sicut parvuli, non intrabitis in regnum cælorum (*Matth.* xviii, 3). »

4. De invidia quoque odium, susurratio, detractio, exsultatio in adversis proximi, afflictio autem in prosperis ejus propagatur. O mala progenies, quæ si animo intromissa dominari cœperit, omnem sanctitatis sobolem exstinguit ! Qui itaque invidet vel odit, non alium priusquam se ipsum occidit : qui susurrat et detrahit, prius suas quam aliorum radices evellit : qui exsulat in adversis proximi, et affligitur in prosperis ejus, alieno se primum gladio petit (3). Hoc secundum superbiam virgultum tunc primo fuit exortum, cum ille de quo scriptum est, « Invidia diaboli mors introivit in orbem terrarum (*Sap.* ii, 24), » Cain persuasit ut livoris odio fratrum funderet sanguinem. Sed nimirum idem Cain invidus prius suam animam quam alterius carnem peremit, scriptum quippe est : « Qui odit fratrem suum homicida est. Et scitis quia omnis homicida non habet vitam æternam in se manentem (*I Joan.* iii, 15). Hinc, Domine, apparet cujus primum homicida est qui alterum odit, in quo vita non est. Quod contra Moyses omnium mitissimus admonet, dicens : « Ne oderis proximum tuum in corde tuo (*Lev.* xix, 17). » Et quia ille, qui invidet et odit, consequenter susurrat et detrahit ; hoc malum Scriptura sancta præcavendum denuntiat : « Non eris, inquit, susurro in populis (*Ibid.* 16) ; » et : « Nolite detrahare alterutrum, fratres (*Jacob.* iv, 11). » Qui vero detrahit fratri, detrahit legi ; qui enim susurrat et detrahit, consequens est ut in adversis proximi exsultet, in prosperis autem animi tristitiam contrahat. Sed occurrit beatus Apostolus, et dicit : « Gaudere cum gaudentibus, flere cum flentibus (*Rom.* xii, 15). » Et ecce alius pro terrenis rebus, terrenisque honoribus, alius pro virtutum successibus cuilibet invidet, quemlibet odit, contra quemlibet susurrat, de quolibet detrahit, de cujuslibet adversis exsultat, de prosperis animum mœstificat.

5. Sed ut in cunctis hoc multiplex malum superetur, occurrat, Domine, quæso, illud multiforme bonum, quod potenti virtute resistens non det invidiæ locum, charitas scilicet, quæ fundamentum est

omnium virtutum et bonorum : quæ non invidet, sed congaudet : non odit, sed diligit : non susurrat, sed objurgat : non detrahit, sed arguit : non de adversis proximi gaudet, sed mœret : non de prosperis afflictionem contrahit, sed consolationem recipit. Merito autem tale nomen accepit, quod illa charius inveniri non poterit : quam qui habet, te utique habet. « Deus, inquit, charitas est, et qui manet in charitate, in Deo manet, et Deus in eo (*I Joan.* vi, 16). » Qui ut præfatum invidiæ superet malum, cordis simul et oris jungenda custodia est : cordis scilicet, ne invideat, 494 ne in adversis proximi exsultet, ne in prosperis mœstitiam contrahat : oris vero, ne susurret, ne detrahat. Scriptum quippe est : « Omni custodia serva os tuum : serva tuum

B cor, quia ex ipso vita procedit (*Prov.* iv, 23). » Et rursus scriptum est : « Mors et vita in manibus linguæ (*Prov.* xviii, 21). » Citius autem malum quod intus latet, exstinguitur, si a pravo eloquio foris lingua frenetur. « Pone, Domine, custodiam ori meo, et ostium circumstantiæ labiis meis ; ut non declinet cor meum in verbum malum (*Psal.* cxi, 3, 4). » — « Libera animam meam a labiis iniquis, et a lingua dolosa (*Psal.* cxix, 2). »

6. Ira autem invidiam sequitur, qua inter cætera vitia nihil asperius, nihil invenitur amarius : quæ dum ultra modum efferbuerit, atrociter mentem exulcerat, sensum hebetat, linguam immutat, oculos obumbrat, totumque corpus perturbat. Hinc protinus rixæ, contumeliæ, clamor, indignatio, tumor mentis, blasphemiam suscitantur. De qua nimirum Scriptura sancta testatur, dicens : « Ira in sinu stulti requiescit (*Eccle.* vii, 20), et Ira viri justitiam Dei non operatur (*Jacob.* i, 20). »

7 Sed objice, Domine, contra tam amarissimum iracundiæ malum suavissimum patientiæ bonum, in quo specialiter animarum nostrarum salus collocatur, cum nobis per Evangelium dicatur : « In patientia vestra possidebitis animas vestras (*Luc.* xxi, 19). » Quæ nimirum dum arcem et principatum in mente susceperit, omnes mox perturbationes compescit : rixas et contumelias in exhortationem convertit, confusum clamorem sub ordinato silentio premit indignationem tumoremque mentis mansuetudine vincit, blasphemias gratiarum actione repellit. D Quod si forte in immensum ira succensa ad horam patientia succubuerit, nullumne, Domine, remedium erit ? Erit certe. Nam cum hujus mali damnationem Evangelium denuntiet, dicens : « Qui irascitur fratri suo, reus erit judicio : qui autem dixerit fratri suo racha, reus erit concilio : qui autem dixerit fatue, reus erit gehennæ ignis (*Matth.* v, 22) ; » protinus recuperationem subjungit, cum dicit : « Si offers munus tuum ad altare, et ibi recordatus fueris quia frater tuus habet aliquid adversum te, relinque ibi munus tuum ante altare, et vade prius reconciliari fratri tuo, et tunc veniens offeres mu-

(3) Ita codex. Reg. ; edit. autem, *alieno proximum se petit gladio.*

nus tuum (*Ibid.* 23, 24). » Et illud : « Cum stas ad orandum, remittite, si quid habetis adversus alterum in cordibus vestris (*Mar. cxl, 23*). » Hanc mihi, Domine Deus, secundam tribue victoriam, si furore cæcatus amiserò primam, cum non tuo zelo, sed meo vitio cujuslibet animum offendo.

8. Tristitia quoque iram persequitur : quæ dum cordis arcana penetrat, protinus in ejus cubiculo malitiam, rancorem, pusillanimitatem, desperationem, torporem circa præcepta, vagationem mentis erga illicita generat. Quæ inter cætera vitia quam sit detestanda, beatus Paulus indicat : « Sæculi, inquit, tristitia, mortem operatur (*II Cor. vii, 10*). » Sed obsecro, Deus et Dominus meus, oppone contra sæculi tristitiam futuræ beatitudinis lætitiæ, quæ ex mœrore contractam malitiam vincat benevolentia, tædio procreatum rancorem pellat sinceritate, pusillanimitatem fortitudine roborat, desperationem spei fiducia erigat, torporem circa præcepta exercitio spiritali repellat, vagationem mentis erga illicita inconcussa stabilitate refrenet. Quod si, ad momentum subtracta lætitia, spiritali, malum tristitiæ prævaluerit, agam, quæso, quod monet beatus Jacobus : « Tristatur quis in vobis? Oret æquo animo, et psallat (*Jac. v, 13*). »

9. Avaritia sequitur tristitiam, quæ in utroque Testamento pari notatur execratione. In veteri namque dicitur : « Avaro nihil est scelestius (*Eccli. x, 9*) ; » in novo autem : « et avaritiam, quæ est idolorum servitus (*Ephes. v, 5*). » Ex qua profecto septem nequitia procreantur, scilicet, proditio, fraus, fallacia, perjurium, inquietudo, violentia, et contra misericordiam obduratio. Et ecce, Domine Deus, quilibet amator mundi, et non tui, propter metalla pretiosa, ardentis fulgentisque lapides, servos et servas prædia et fundos ad mortem proximum tradit, fraudem incurrit, fallaciam obducit, perjurium committit : et alius inquietus et violentus est propter villam, alius propter gallinam : alius obduratur contra misericordiam ne retribuatur aurum, alius ne porrigatur potum. Sed peto, mi Deus, amator castus et verus, ut cui præter te nulla possessio debetur in terra, nihil quod tu non es, concupiscam in terra : semper illius sententiæ meminerim, qua dicitur : « Nudus egressus sum de utero matris meæ, nudus revertar illuc (*Job i, 21*). » Atque illius : « Nihil intulimus in hunc mundum, sed nec auferre quid possumus (*I Tim. vi, 7*). » Quæ nimirum dum pie considerantur, mundi contemptum afferre videntur, qui avaritiæ contrarius est.

495 10. Post hæc restat ventris ingluvies, quæ a necessitate quidem incipit, sed modus necessitatis excedens, ad voluptatem pertransit ; dumque a licitis ad illicita pervenerit, mox ineptam lætitiæ, scurrilitatem, immunditiam, multiloquium, sensusque hebetudinem circa intelligentiam parturit :

A cujus mortiferum virus tunc utenque vacuatur, cum non qualitas, sed libido in escis præcavetur. Prima enim mulier non exquisitarum dapum, sed sola poni delectatione mortem mundo induxit (*Gen. iii, 6*) : et antiquus hostis regem nostrum non de carne, sed de pane tentavit (*Matth. iv, 3*) : et Sodomam ideirco igne et sulphure periit, quia inter cætera mala panem in saturitate comedit (*Gen. xix, 24*).

11. Quapropter elementiam tuam, Deus, imploro, ut sicut æger ad medicinam, sic ad sumendas dapes accedam : nequaquam scilicet in eis voluptatem appetens, sed necessitati subveniens. Aufer a me propter magnam misericordiam tuam omne ciborum noxium desiderium, congruamque servo tuo escarum propitius tribue abstinenciam ; ut inter necessarium modum proprium temperem appetitum, remotaque a me omni prorsus crapula et ebrietate, sciam in virtute tua abundare, sciam et penuriam pati, noverim quoque in quibus mihi sufficiens esse possim. Ita, Domine, ita, Pater bone, noxiis gastrimargiæ succis arefactis inepta lætitia vel scurrilitas non pullulabit, quæ illos maxime ad insaniam perducit, in quibus crapula et ebrietas dominium sumit : « Sedit enim populus manducare et bibere, et surrexerunt ludere (*Exod. xxxii, 6*). » Contra quos illa sententia venit, qua dicitur : « Væ vobis divitibus, qui habetis consolationem vestram ! Et væ vobis, qui ridetis nunc ; quia plorabitis et flebitis (*Luc. vi, 24, 25*) ! » Quod contra ii qui carnem suam crucifixerunt cum vitiis et concupiscentiis ejus (*Galat. v, 24*) audiunt : « Mundus gaudebit, vos vero contritabimini ; sed tristitia vestra vertetur in gaudium et gaudium vestrum nemo tollet a vobis (*Joan. xvi, 20, 22*). » Et rursum : « Beati quid lugent, quoniam ipsi consolabuntur (*Matth. v, 5*). » Immunditia quoque quæ juxta Apostolum quibusdam regni cœlestis aditum claudit, vigilantem nunquam, dormientem vero tardius sua colluvione fœdavit. Multiloquium inedia pressum silebit : hebetudo sensus circa intelligentiam spiritualis acuminis ingenio cedit ; quod sancta parcimonia in mente propagabit ; venter enim abstinentia contractus humanos in altum elevat sensus.

12. Luxuria gastrimargiam sequitur, quæ dum licentiæ metas excedit, mox de se exccitatem mentis, inconsiderationem, inconstantiam, præcipationem, amorem sui, odium Dei, affectum præsentis sæculi, horrorem autem vel desperationem gignit futuri. Sed peto, Domine, ut qui ab ipso pubertatis tempore a complexu carnalis copulæ alienum me esse voluisti, delectationis ejus consensu (4) non tangar, Quid enim prodest, Domine Deus, virginem esse corpore, si contingat mente esse corruptum ? « Qui enim viderit mulierem ad concupiscendum eam, jam mœchatus est eam in corde suo (*Matth. v, 28*). » Huic profecto necdum castitatem professo, juxta

(4) Omnes edit., delectationis ejus sensu.

Apostolum, melius est nubere quam uri *I Cor. vii, 9*): sed obsecro, Domine, ut cui non licet nubere, nec contingat aduri.

13. Ecce dum pro me sollicitus talia postulo, meminisse charitatis debeo; ut etiam pro aliis exorem. Te igitur amatorem Ecclesie tuæ deprecor, Deus, pro sacerdotibus ejus; ut verbis simul et meritis vitæ populum sibi creditum ad cœlestem patriam invitent. Pro regibus, ducibus, et iis qui in sublimitate positi sunt; ut patres orphanorum et iudices viduarum semetipsos exhibeant, miseris inopum, et gemitibus pauperum condoleant, nihil nisi quod justum est, in iudicio quærant; sicque administrent præsentia, ne amittant bona futura. Pro virginibus, continentibus, ac mundo renuntiantibus; ut præsentia despiciant, futura requirant, nec se **B** negotiis sæcularibus implicent; ut tibi militantes placeant, cui se probaverunt. Pro conjugatis, ut sic sibi invicem carnis debitum solvant, ne a desiderio patriæ cœlestis exorbitent.

14. Sed quid ago, Domine? Quasi oblitus peccatorum meorum, pro aliis exorare præsumo. O quam in multis offendi atque offendo! Sed tamen non subrepat desperatio, cum publicanum in templo justificatum attendo, cum latronem in cruce confitentem, et de cruce ad Paradisum transeuntem aspicio, cum Mariam post multas criminum maculas fonte pietatis ablutam, cum Petrum post 496 negationem apostolatus gratiam recuperasse intueor. Sed rogo, ineffabilis pietas, ut cui de tantis exemplis præsumere donasti, gemitus publicani, confessionem latronis, lacrymas meretricis, fletusque negantis apostoli concedas. Quasi flagello temporali scelera mea vindicanda provideris, lacrymosus imploro; ut dum contra hæc iratus desævis, semper in ira misericordie recorderis: quem enim diligis, corripis; flagellas autem omnem filium quem recipis (*Hebr. xii, 6*). Quibus nimirum verbis etsi virga percussoris (5) minatur, paternus tamen pietatis affectus monstratur. Da ergo, Domine, inter flagella tolerantiam, ne murmurationis notam, ut malus servus incurram: sed magis quasi bonus filius, gratiarum actiones rependam.

15. Illud etiam magnopere peto, ut diem obitus, diem extremi iudicii, damnationem æterni supplicii, beatitudinemque regni futuri semper meminerim: quod nemo indesinenter potest, nisi qui ad vitam præordinatus est æternam. Indesinenter, Domine, recolenda est dies illa, in qua lux cum tenebris pugnat, misericordia cum crudelitate desudat, in qua adversarius noster mala quæ fecimus, locuti sumus, vel cogitavimus, violentissimus accusator retexit, justitiam tuam ad hæc puniendam deposcet. Ubi quid sum, Domine, nisi tu qui juste iudicas, etiam misericorditer defendas? Recordare, quæso, quia advocatus meus es ipse, qui iudicas. Quod si

(5) Eadem odit., *etsi virga percussiois.*

(6) *Dies nebulae et turbinis*, e ms. restitutum est.

(7) Edit., *Quis hic..... quis, inquam, his non*

etiam in illo adhuc sæculo aliquid in me vindicandum reservas, peto ne me potestati dæmonum tradas, dum scelus meum purgatoria pœna detergis.

16. Nunquam, Domine, oblivioni tradenda est dies illa, de qua dixit propheta: « Dies, inquit, iræ, dies illa, dies tribulationis et angustiae, dies calamitatis et miserie, dies tenebrarum et caliginis, dies nebulae et turbinis (6), dies tubae et clangoris (*Sophou i, 13, 16*), » in qua, cœlis et terris ardentibus, « exhibunt angeli, et separabunt malos de medio justorum, et mittent eos in caminum ignis (*Matth. xiii, 49, 50*); » in qua messores collecta zizania alligabunt in fasciculos ad comburendum. In qua a sinistris positi audient impii: « Discedite a me, maledicti, in ignem æternum, qui præparatus est diabolo, et angelis ejus (*Matth. xxv, 41*). » In qua jam obseratis vitæ januis cum extinctis lampadibus stultæ virgines a thalamo exclusæ plorabunt, dominationemque ingementes clamabunt: « Domine, Domine, aperi nobis (*Ibid. 11*): » et tunc dices illis: « Nescio vos (*Ibid. 12*). » In qua etiam qui miraculis coruscaverunt, similiter lamentabuntur repulsi, et dicent: « Domine, Domine, nonne in nomine tuo prophetavimus, et in nomine tuo dæmonia eiecimus, et in tuo nomine virtutes multas fecimus (*Matth. vii, 22*)? » Et tunc confiteberis etiam istis quia nunquam novisti eos, subiciens: « Discedite a me, omnes qui operamini iniquitatem (*Ibid. 23*). » Quis hæc, Domine Deus, terribilis in consiliis, mirabilis in majestatibus, faciensque prodigia: quis, inquam, hæc non paveat (7), et a fundo cordis non contremiscat: cum etiam illos damnari audiat, quos in hac vita contigit miraculis coruscare? Ad quæ nimirum valet illa sententia, qua dicitur: « Nescit homo utrum amore an odio dignus sit, sed omnia reservantur in futurum incerta (*Eccle. ix, 1, 2*). » In quo et si justus vix salvabitur, peccator et impius ubi parebunt?

17. Etiam, Domine Deus, indesinenter meditandum æternæ damnationis supplicium, in quo quidquid pœnarum nunc excogitari potest, quidquid etiam non potest, semper adest. Cujus vermis immortalis, ignis inextinguibilis, fetor intolerabilis est: cujus terra tenebrosa, et mortis caligine cooperta, terra miserie et tenebrarum est; cujus torrentes in picem convertuntur, et humus in sulphur, ardebitque in sempiternum; cujus lacus sanguine igneque permistus est, et quoscunque suscipit, demergit simul et exurit. O quam horrenda! o quam stupenda sunt ista!

18. Sed major erit, Domine, cruciatus, amissio tuæ claritatis. Sufficit enim ad plenam miseriam tua non perfrui beatitudine, in qua justis receptis corporibus, sanctorumque angelorum celsitudini coæquati, in æternam lucem (8) aspicientes, sicut sol refulgebunt. Nec immerito sole et luna non

pareat.

(8) Regius codex, *coæquati, internam lucem*, etc.

indigebunt; quia te perenne lumen habebunt. Non A esurient neque sitient, non laborabunt neque delicient, non merebunt neque lugebunt; quia quidquid satietatis, quidquid quietis, quidquid gaudii est, tua visitatio præstabit, quæ in omnibus omnia erit. Nec tempus jam illis accedet, quia totum æternitas possidebit: nec timebunt ultra jam mori, qui meruerint beata immortalitate vestiri. 497 Quid autem de hac beatitudine miser ego homo amplius dicere valeo? qui de illa quidquid dixero, illa sententia reprimor, quam per prophetam et Apostolum dictam intelligo: • Quod oculus non vidit, nec auris audivit, nec in cor hominis ascenderunt, quæ præparavit Deus his qui diligunt eum (9) (I Cor. II, 9). • Erunt certe in illa beata vita hæc bona quæ præmisi, sed ineffabili et nobis adhuc incomprehensibili modo. Hujus desiderio Domine Deus, formator et reformator meus, hujus amore peragam quidquid in hac vita præcipis ut agam: nec sit ultra timor in charitate, sed perfecta charitas foras mittat timorem (I Joan. IV, 18).

19. Et ut efficax hæc mea sit deprecatio, beatæ Mariæ Virginis sulliagia peto, quam tanti meriti esse fecisti, ut prima inter mulieres novum munus offerret, et nulla præter ipsam tam novum accipe-

ret: novum scilicet munus prima offerret, ut puerpera virgo perseveraret (10): nulla præter ipsam tam novum acciperet, ut Deum virgo pareret, et 498 post partum virgo maneret. Apostolorum intercessionem imploro, qui beatissimam Mediatoris paupertatē, ejusque passiones vestigio insequentes, ad tantum celsitudinis culmen pervenerunt, ut quæcumque ligarent super terram, essent ligata et in cælo: et quæ solverent super terram, essent soluta et in cælo (Matth. XVIII, 18); atque in extremis sederent super duodecim thronos, judicantes duodecim tribus Israel (Matth. XIX, 28). Martyrum preces depono, qui pro veritate non dubitarunt sanguinem fundere, nec dilexerunt animas suas usque ad mortem, ut mortis superarent auctorem. Confessorum orationes exoptulo, qui bella tentantis inimici, dum pie viverent in catholica pace, vel etiam hæreticorum conflictationem diuturno certamine pertulerunt, atque, ut verum dicam, longioris occultique martyrii palmas acceperunt. Talium, Deus meus, preces nunquam spernas, si ut pro me exorent, ipse inspiraveris, qui in æternitate perenni vivis et regnas cuncta per sæcula, et in omnibus sæculis, amen.

(9) Ita ms.; edit. vero, *Deus diligentibus se.*

(10) Ms. codex, *ut puella virgo perseveraret.*

IN EXPOSITIONEM APOCALYPSIS ADMONITIO.

—

Hujus Commentarii exemplar in quo sancti Ambrosii nomen inscriptum erat, nactus e bibliotheca monasterii cujusdam Cuthbertus Tonstallus Dunelmensis episcopus, illud ita publici juris facere constituit, ut simul etiam doctori nostro ipsum vindicare propria præfatinnacula conaretur. Non tamen dissimulat locum unum in eo reperiri, qui *Gregorium Romanum episcopum et verbis et sensu præferat*: sed nihil esse idem respondet, cur Ambrosium in hoc imitari non potuerit sanctus Gregorius. Ex hac Tonstalli editione, quæ anno 1548 prodiit Parisiis, hæc Commentaria in appendicem suæ Ambrosianorum Operum editionis Gillotius admisit: quod similiter a Romanis factitatum est. Dubitari porro minime potest quin hoc ipsum opus e manuscripto valde mutilo vulgatum fuerit, quandoquidem nomina Hilarii, Augustini, Prudentii, Hieronymi, et ipsiusmet Ambrosii, ac demum Gregorii, qui sexties, ut minimum, citatisque nonnunquam ipsius verbis, ibi allegatur, prætermittuntur in editionibus: quæ nos non secus ac frequentissimas alias lacunas manuscriptorum optimorum subsidio restituimus (Vide capp. 9, 11, 13, 17, 21 et 22).

Verumtamen quantumvis imperfectæ fuerint eadem superiores editiones, idonea tamen argumenta suppeditarunt, unde critici omnes adulterinum fetum Ambrosio suppositum fuisse agnoscerent. Eo inducebant scripti elocutio majestate Ambrosiana multo inferior, ignorantia Græcarum litterarum, denique (cap. 17) potestatis Longobardorum quasi jam deletæ facta mentio. Et sane hoc ultimum sufficiebat, ut sanctum antistitem demonstraret ejus commentationis auctorem dici haudquaquam posse, quam post annum 774, quo eadem gens; extincto rege suo Desiderio, sub ditionem Caroli Magni redacta fuit, compositam esse dubium non est. Quid vero si huc addamus istum auctorem de Gregorio pont. max. tanquam inter sanctos et Ecclesiæ doctores cum Hieronymo atque aliis jam tunc recepto sermonem habere atque (capp. 1, 6 et 20) ex Athanasii Symbolo quasi pro regula fidei per universum Christianum orbem jam decantari solito frequentia usurpare testimonia, et ad postremum (cap. 18) archidiaconorum avaritiam quæ synodorum Parisiensis, Cabilonensis, et Aquisgranensis nono sæculo celebratarum canonibus coercita est, graviter et cum stomacho insectari.

Tempus igitur, quo hunc auctorem floruisse necesse est, de nomine ejusdem nunc quærendum est. Neque vero Usseus Armachanus (*De Christ. Eccl. success. ac statu*, cap. 1), ut hallucinatus est in eo, quod illum recente esse existimavit, ita etiam in hoc erravit, quod affirmavit

Rerengaudum fuisse appellatum. Etenim hoc ipsum nomen in codicibus omnibus, Gemeticensi tantum excepto, aut in fronte præscriptum legitur; aut saltem in conclusione, quæ in edictionibus prætermittitur, his verbis indicatur: *Quisquis nomen auctoris scire desideras, litteras Expositionum in capitibus VII Visionum primas attende. Numerus quatuor vocalium quæ desunt, si Græcas posueris, est LXXXI. Verum quoniam forte obscura et ænigmatica videri possunt hæc ipsa verba, eorum expositionem in Regio ac Sagiensi codice ante 600 annos et eadem manu qua ipsemet Commentarius scriptam hic subiicimus.*

Auctor hujus libri Berengaudus appellatur, si diligenter, quomodo inveniendum nomen suum ipse doceat, attendatur. Primæ enim litteræ Expositionum in capitibus septem Visionum, quas attendere jubet, istæ sunt, B. R. N. G. V. D. S. Quatuor autem Græcæ vocales, quæ his adjungendæ sunt, exprimentes numerum LXXXI, istæ sunt: E brevis, 5; item E brevis, 5; A, 1; et O, 70. Junge ergo simul numerum, quem singulæ vocales istæ continent, et habebis sine dubio LXXXI, nisi vero, E, ut prænotatum est, bis assumpseris, in aliis omnino diversis vocalibus numerus iste tibi non occurret. Confer itaque has quatuor vocales superioribus septem consonantibus, et syllabas ex his compone hoc modo *Berengaudos*. Habes igitur *Berengaudos*. Sed hæc Græca terminatio est: Latina autem terminatio est: *BeReNGaVDoS*. Quod enim apud Græcos in *os*, apud Latinos terminatur in *us*, ut *Petros Petrus, Paulos Paulus*. Quod si ordinem prædictarum vocalium in inveniendo hoc nomine tenere malueris, et prius ponendo A, cæteras per consonantes ita disponere, ut dicas *Barenguedos*, non tibi quidem in hoc præscripta vocalium ratio adversatur: sed barbarum nimis, et omnimodo inusitatum hominis nomen inde formatur. Melius ergo est, et multo rectius ut, sicut præscriptum est, *Berengaudus*, non *Barenguedus*, vocetur, quia hoc usitatum et magis elegans; illud vero et inusitatum et minime elegans hominis nomen videtur.

Jam vero si quis aveat scire quodnam fuerit auctoris ejusdem institutum ac vitæ genus, tametsi nihil omnino exploratum de hoc suppetat, eum tamen monasticam Benedictinæ familiæ institutionem secutum esse hinc conjicimus, quod de vitiis quæ sibi aditum in monasteria tum temporis fecerant (capp. 9 et 21) tanquam ocnlaris testis subinde disserat (capp. 18 et 21), et locos plures passim inserat e Regula beati Benedicti ad verbum expressos. Quæ tamen ratio si non probetur, negari saltem minime poterit *viri ecclesiasticis litteris*, ut Regius codex in ipso capite præscriptum habet, *optime eruditi* hoc opus esse. Non aliud judicium jam olim de illo tulerat Dionysius Chartusianus, et recenti memoria id ipsum sensit eruditissimus ac de catholica religione optime meritus dominus Benignus Bossuet, Meldensium præsul, cujus suffragio hic non assentiri nefas ducimus.

EXPOSITIO

SUPER SEPTEM VISIONES LIBRI APOCALYPSIS.

499 DE PRIMA VISIONE.

Beatum Joannem (I) apostolum et evangelistam hunc librum Apocalypsin edidisse constat; quamvis exstiterint aliqui, qui non ab eo, sed ab alio dixerint fuisse compositum: sed ejus fuisse sequentia manifestant.

CAPUT PRIMUM. — (Vers. 1.) *Apocalypsis Jesu Christi, quam dedit illi Deus*. Apocalypsis, reuelatio vel manifestatio interpretatur. Quod reuelationis donum et Pater Filio dedit, secundum quod homo erat et ipse filius sibimetipsi, divinitas scilicet homini quem assumpsit. *Palam facere servis suis quæ oportet fieri cito*. Cum hic liber non solum futura, sed et præsentia et præterita narret, cur hic sola futura Dominum nostrum Jesum Christum servis suis manifestare dixit? Quia videlicet præsentia visu, præterita auditu facile cognoscuntur: futura autem, non nisi aut per doctrinam divinarum Scripturarum, aut

A per reuelationem agnosci queunt. *Et significavit, mittens per angelum suum servo suo Joanni*. In hoc loco talis mihi sensus esse videtur: Dominus Jesus angelum suum misit, et per eundem angelum servo suo Joanni manifestavit, quæ oportet fieri cito.

(Vers. 2.) *Qui testimonium perhibuit Verbo Dei*. Hic locus aperte demonstrat non ab alio Joanne, sed ab illo qui Evangelium scripsit, hunc librum esse compositum. Qui et in cœna supra pectus Domini (*Joan. XIII, 25*), in quo erant omnes thesauri sapientiæ et scientiæ absconditi (*Coloss. II 3*), reuehuit, de quo immensum fontem sapientiæ haurire meruit. Perhibuit ergo testimonium Verbo Dei, quando dixit: « In principio erat Verbum, et Verbum erat apud Deum, et Deus erat Verbum (*Joan. I, 1*). » Sed et in hoc quod sequitur, quæstio oritur: *Et testimonium Jesu Christi quæcunque vidit*. Quomodo ergo testimonium perhibuit

(1) *Beatum Joannem usque ad sequentia manifestant*, Rom. edit. jugulaverat, cum tamen hoc fragmentum et in edit. Gill. et omnibus mss. repe-

riatur: cui etiam in cod. Gem. præmittuntur duo primi versus ejusdem libri Apocalypsis, in Reg. autem primus versus.

Jesu Christi, quæcunque vidit, cum ipse dicat in eodem Evangelio: « Multa quidem et alia signa fecit Jesus in conspectu discipulorum suorum, quæ non sunt scripta in libro hoc (Joan. xx, 30)? » Sed testimonium perhibuit Jesu Christo, quæcunque vidit, prædicando videlicet gentibus omnia quæ a Christo didicerat, et miracula quæ viderat narrando, ea tantummodo scribens quæ posteris amplius profutura esse præviderat.

(Vers. 3.) *Beati qui legunt, et qui audiunt verba prophetiæ hujus, et servant ea, quæ in ea scripta sunt.* Tres species beatitudinis posuit, sed duæ nihil sunt, si tertia defuerit; nam nihil proficit eis qui legunt aut audiunt mandata Dei, si non servant ea, quæ legunt vel audiunt. Multi namque sunt, qui mandata Dei audiunt aut legunt, sed nihil eos juvat, quia cum corpore præsentem sint, mente sunt absentes; aut enim in acquirendis rebus mens eorum dedita est, aut libidine exagitur, aut proximum dijudicat, aut contra prælatum superbit, aut fingit se potentem futurum, aut cæteris vanissimis rebus distenditur. Potest talibus convenire, quod ait propheta: « Aure audietis, et non intelligetis; et videntes videbitis, et non perspicietis (Isa. vi, 9). » Nonnulli vero sunt, qui divinas Scripturas legunt et audiunt, id est, mentem ad earum intelligentiam accommodant; sed ideo divinas Scripturas discunt, ut sapientes et egregii apud homines habeantur, et in sæculi prosperitatem floreat, non ut vitam reprobam corrigant. Sed beati non sunt, quia Scripturam divinam non pro amore Dei, sed pro amore sæculi didicerunt. De talibus dicit propheta: « Sapientes ut faciant mala, bene autem facere nescierunt (Jerem. iv, 22). » Et Dominus in Evangelio in parabola seminantis loquitur, dicens: « Quod autem in spinis cecidit, ii sunt qui audierunt, et a sollicitudinibus et voluptatibus vitæ euntes suffocantur, et non referunt fructum (Luc. viii, 14). » Illi ergo soli beati sunt, qui ideo mandata Dei student discere, ut audiant, id est, in mente recondant: ideo in mente recondunt, ut opere impleant: ideo opere implent, ut æternam beatitudinem assequantur: *Tempus enim prope est.* Tempus videlicet iudicii: nam si tempus ab adventu Domini usque ad finem mundi ante oculos ponas, longum invenies; sed in comparatione priorum temporum, breve est.

(Vers. 4.) *Joannes septem Ecclesiis quæ sunt in Asia. Gratia vobis et pax ab eo, qui est, qui erat, et qui venturus est.* Per septem Ecclesias, una Ecclesia catholica designatur: propter septem videlicet dona Spiritus sancti, quibus illustrata in mundo refulget. Asia elata interpretatur; quia inter elatos hujus sæculi Christus multitudinem fidelium invenit, ex quibus Ecclesiam suam fabricavit. Et perpende quia totus hic liber in septenario numero consistit, sicut

(2) Rom. edit. hinc expunxerat, *Gratia vobis.... qui venturus est*: quod nos ex mss. ac Gill. restituimus. Cum autem non infrequenter similia sibi permiserit in testibus Scripturæ, eadem a nobis ad

A sunt septem Ecclesiæ, ad quas hæc scripta diriguntur, sicut sunt septem candelabra, septem stellæ, septem lampades, septem cornua agni, septem oculi, septem sigilla, septem angeli tubis canentes, septem tonitrua, septem itidem angeli phialas habentes. Nam et draeo qui diabolum, et bestia quæ Antichristum designat, uterque septem capita habuisse visus est: similiter et bestia, super quam mulier meretrix 500 sedisse visa est; et si diligenter advertas, totus hic liber in septem visiones distinctus est. Prima est, quæ septem epistolas ad septem Ecclesias destinatas continet, et cætera quæ ibi continentur: secunda est, in qua sedem in figura Ecclesiæ in cælo positam vidit, et supra sedem Christum sedentem: in tertia Agnus librum et sigilla ejus aperuit: in quarta septem angeli sunt visi tubis canentes: in quinta septem iterum angeli visi sunt phialas habentes: in sexta resurrectio describitur: in septima gloria sanctorum in figura civitatis Jerusalem de cælo descendens demonstratur.

(Vers. 5.) (2) *Gratia vobis et pax ab eo, qui erat, et qui est, et qui venturus est, et a septem spiritibus, qui in conspectu throni ejus sunt, et a Jesu Christo, qui est testis fidelis.* Hic tota Trinitas demonstratur; per eum namque qui erat, et qui est, et qui venturus est, Pater designatur. Erat namque ante constitutionem mundi sine ullo initio; est modo post constitutionem mundi, regens omnia quæ creavit et gubernans; venturus est post finem mundi cum Filio et Spiritu sancto, ut regnet cum sanctis suis in sæcula sæculorum. Per septem autem spiritus sanctus Spiritus, eo quod sit septiformis, intelligitur. *Et ab Jesu Christo, qui est testis fidelis.* Ille veraciter testis fidelis dici potest, qui nescit mentiri: qui quod electis suis misericorditer repromisit sine dubio implebit: qui nec eum, qui calicem aquæ frigidæ egenti dedit, a mercede vacuum derelinquit (Matth. x, 42): cujus verba ita fixa permanent, ut facilius sit cælum et terram in nihilum redigi, quam aliquid immutari ex omnibus quæ se facturum esse prædixit. *Primogenitus mortuorum, et princeps regum terræ.* Quomodo Christus primogenitus mortuorum dicitur, cum ipse in fine temporum sit natus, adventumque ejus innumerabilis multitudo hominum præcesserit? Sed primogenitus pro primo ponitur (3), sicut primos in populo eos vocamus, qui non ætate, sed honore et dignitate cæteros antecellunt. Mortui autem ipsi sunt, de quibus Apostolus loquitur, dicens: « Mortui enim estis, et vita vestra abscondita est cum Christo in Deo (Coloss. iii, 3). » Primogenitus ergo mortuorum Christus est, quia ipse est primus, et caput omnium electorum suorum: *Princeps regum terræ.* Rex a regendo dicitur; per reges ergo apostoli et cæteri sancti designantur, qui et semetipsos et alios regere nove-

fidem mss. et edit. Gill. restituentur.

(3) Ita mss.; at edit. e contrario: *Sed primogenitus proprie mortuorum ponitur.*

runt : per terram autem Ecclesia designatur. *Qui dilexit nos, et lavit nos a peccatis nostris in sanguine suo.* Ergo quia dilexit, lavit : et quid ista lavatio nobis contulit, sequentia manifestant.

(Vers. 6.) *Et fecit nos regnum et sacerdotes Deo et Patri.* Regnum Dei Ecclesia Dei dicitur : regnum ergo Dei ex hominibus Christus Deus fecit, quando eos tales constituit, in quibus ipse cum Patre et Spiritu sancto inhabitare et regnare dignaretur. Nam qui designantur per regnum, ipsi et per sacerdotes : sacerdotes ergo Dei electi dicuntur ; eo quod membra sint summi Sacerdotis, de quo Psalmista loquitur, dicens : « Tu es sacerdos in æternum secundum ordinem Melchisedech (*Psal. cix, 4*). » Possunt et aliter electi Dei sacerdotes Dei dicit ; eo quod semetipsos quotidie per compunctionem cordis et orationes, cæteraque bona opera offerant Deo, sicut dicit Psalmista : « Sacrificium Deo spiritus contribulatus (*Psal. l, 19*). » Est et sacrificium laudis, quod quotidie offerre Deo sancta Ecclesia consuevit, de quo idem Propheta loquitur dicens : « Immola Deo sacrificium laudis (*Psal. xlix, 14*). » Et iterum : « Sacrificium laudis honorificabit me (*Ibid. 23*). »

(Vers. 7.) *Ecce venit cum nubibus, et videbit eum omnis oculus, ei qui eum pupugerunt.* Veniet ad iudicium cum nubibus, sicut dicit ipse in Evangelio : « Et tunc videbunt Filium hominis venientem in nubibus cum potestate magna et majestate (*Matth. xxiv, 30*). » Sed quomodo eum omnis oculus videbit, cum Scriptura dicat : « Tollatur impius, ne videat gloriam Dei (*Isa. xxvi, 10*). » Videbunt eum impii ad sinistram in iudicio constituti in ea forma, qua in mundo constitutus ab hominibus videri potuit ; sed non in ea, qua Deus est : justi autem in ea claritate eum videbunt, qua modo in cœlestibus positi eum vident, et visuri sunt post finem mundi in perpetuum. Sed et ipsi qui eum pupugerunt, velint, nolint, videre compellentur : impii videlicet Judæi, qui eum crucifixerunt ; ut sciant quem irriserunt, sicut scriptum est in Evangelio : « Videbunt in quem transfixerunt (*Joan. xix, 37*). »

Et plangent se super eum omnes tribus terræ. Per omnes tribus terræ soli reprobi intelliguntur. Plangent autem se, cur præcepta Dei contempserunt, cur propter breve gaudium perpetuam tristitiam acquisierunt. Aliter : *Ecce venit cum nubibus,* possunt per nubes apostoli cæterique prædicatores intelligi. Venit autem cum nubibus, quando nomen ejus per sanctos prædicatores universis gentibus innotuit. *Et videbit eum omnis oculus ;* quia omnes qui oculos habuerunt, eum viderunt, eos videlicet oculos de quibus dicit ipse apostolis : « Beati oculi, qui vident, quæ vos videtis (*Luc. x, 23*). » Habebant autem impii Judæi oculos, sed eos oculos non habebant, quibus Deus **501** videtur. *Et qui eum pupugerunt :* id est qui eum persecuti sunt, et membra ejus, ad fidem illius maxima ex parte conversi sunt, ex qui-

bus fuit apostolus Paulus. *Et plangent se super eum omnes tribus terræ.* Per omnes tribus terræ omnis multitudo gentium potest intelligi, quæ ad Christum conversa est : quæ quotidie in Ecclesia Dei posita plangit peccata sua, ut veniam a Deo consequi mereatur. *Etiam atque amen,* confirmatio sermonis est.

(Vers. 8.) *Ego sum A et Q.* Quid sit alpha et omega, sequentia manifestant : id est, *principium et finis.* Sicut ipse dixit Judæis : « Ego principium, qui et loquor vobis (*Joan. viii, 23*). » Potest etiam Salvator noster principium ideo dici, eo quod ipse sit principium, id est creator generis humani, et auctor salutis : finis autem, quia ipse est finis legis, finis mortis, omnisque prævaricationis. *Qui est, et qui erat, et qui venturus est omnipotens.* Est modo in mundo Ecclesiam suam regens, erat ante constitutionem mundi æternaliter cum Patre permanens ; venturus est ad iudicium, et iudicet mundum in æquitate.

(Vers. 9.) *Ego Joannes frater vester, et socius in tribulatione, et regno, et patientia in Jesu.* Discipulos vocat fratres, quia uno Christi sanguine redempti, et una matre Ecclesia generati erant. Socium se eorum in persecutione etiam dicit, quia omnes Ecclesias Domitiani persecutio turbaverat : socium in regno, quia et se membrum Ecclesiæ, sicut et ipsi erant, quos Deo acquisierat, fatebatur : socium se eorum etiam in patientia testatus est ; quia et ipsi æquanimiter adversa tolerabant, sicut et ipse qui pro amore Christi in Pathmos insula relegatus tenebatur.

(Vers. 10.) *Fui autem in spiritu in Dominica die.* In spiritu se fuisse dicit, quia tanta mysteria, quæ sequuntur, non carnalibus, sed spiritualibus oculis videri poterant : « Animalis enim homo non percipit ea quæ sunt spiritus Dei (*I Cor. ii, 14*). » Dominica autem dies tempus Evangelii designat ; de quo tempore Apostolus loquitur dicens : « Ecce nunc tempus acceptabile, ecce nunc dies salutis (*II Cor. vi, 2*). » In quo tempore prophetæ mysteria divina gentibus esse pandenda prædixerunt. *Et audiivi post me vocem tanquam tubæ dicentis.* Quasi post nos est, quod ignoramus. Aliter : Vox Domini post nos est (4), quia nos quasi servi fugitivi sumus : Dominus autem post tergum nostrum clamat, ut nos revocet. Post se ergo Joannes vocem audiivit ; quia mysteria quæ tunc ei revelata sunt, nondum perfecte cognoverat. Quæ vox similis tubæ dicitur fuisse ; de hac tuba propheta loquitur dicens : « Clama, ne cesses, quasi tuba exalta vocem tuam, et annuntia populo meo scelera eorum, et domui Jacob peccata eorum (*Isa. lviii, 1*). » Tuba ad pugnandum milites provocare solet, similiter et nos sermo Dei ad pugnandum contra diabolum atque vincendum incitare non desinit.

(4) Deest in cod. Reg. et Gem..... Aliter ; Vox Domini.... ut nos revocet.

(Vers. 11.) *Quod vides, scribe in libro, et mitte septem Ecclesiis, Ephesum et Smyrnam, Pergamum et Thyatiram, Sardis et Philadelphiam et Laodiceam.* Per has septem Ecclesias una Ecclesia catholica, sicut interpretatio nominum docet, designatur. Ephesus namque voluntas, sive consilium interpretatur; Smyrna, canticum eorum; Pergamus, divisio cornuum; Thyatira, illuminata; Sardis, principium pulchritudinis; Philadelphia salvans, hæreditatem Dei; Laodicea, tribus amabilis Domino. Ephesus igitur, quæ prima ponitur, initium conversionis uniuscujusque demonstrat; interpretatur namque voluntas sive consilium. Quod enim melius consilium, quam voluntas bona, quæ homini suadet abrenunciare diabolo, et sequi Christum, relinquere vitia, et apprehendere virtutes? Et quia qui ad Deum converti volunt, necesse est ut Domini misericordiam implorent, ut perficere possint quod desiderant; Smyrna huic supponitur, quæ canticum eorum interpretatur. Ille enim bene cantat, qui misericordiam conditoris sui corde contrito et humiliato spiritu deprecatur: de quo cantu Apostolus loquitur dicens: « Cantantes et psallentes in cordibus vestris Domino (*Ephes. v, 19*). » Et quia qui a Deo exaudiri vult, necesse est ut vitia derelinquat, et ad bona opera agenda, in quantum virtus suppetit, semetipsum convertat; Pergamus in ordine sequitur, quæ divisio cornuum interpretatur. Duo cornua in hoc loco malum et bonum significant. Cornua dividimus, quando, inter bonum et malum discernentes, malum a nobis repellimus, et bonum amplectimur. Et quia quandiu in peccatis jacemus, in tenebris sumus; cum autem mala a nobis rejicimus, et bona operari incipimus, quasi a tenebris ad lucem progredimur; non inconvenienter post Pergamum Thyatira sequitur, quæ illuminata interpretatur. Et quia ex operatione mandatorum Dei pulchritudo animæ accrescit, et quanto quis in operatione mandatorum Dei plus crescit, tanto ampliorem pulchritudinem animæ suæ confert; non incongrue post Thyatiram, Sardis sequitur, quæ principium pulchritudinis interpretatur. Principium pulchritudinis ideo dicitur, quia sanctorum pulchritudo in hac vita inchoatur, et in æterna beatitudine perficitur. Sequitur Philadelphia, quæ salvans hæreditatem Dei dicitur. Quid est autem hæreditas Dei, nisi omnis multitudo electorum, sicut dicit Dominus ad prophetam: « Hæreditas autem mea Israel (*Isa. xix, 25*)? » Et in quo salus electorum consistit, nisi in operatione mandatorum Dei? Nam ille qui venit quærere et salvare quod perierat (*Luc. xix, 10*), illis salutem animarum largitur, qui mandata ejus singuli secundum propriam virtutem custodiunt. Laodicea septima ponitur, quia tribus amabilis Domino interpretatur. Tribus autem amabilis Domino est omnis multitudo electorum, quæ est Ecclesia, quæ per abrenuntiationem vitiorum, et per virtutum operationem ad hoc pervenit, ut tribus amabilis Domino vocetur.

(Vers. 12.) *Et conversus sum ut viderem vocem quæ loquebatur mecum.* Cur tandiu aversus stetit? Cur non ad primum ictum sermonis aures ejus percipientis, ad eum conversus est, qui a tergo loquebatur? Sed nobis exemplum dedit; nam ad Dominum qui secum loquebatur, non prius conversus est, quam nomina Ecclesiarum, ad quas scribere præcipiebatur, audiret. Et superius breviter diximus per interpretationes nominum septem Ecclesiarum viam demonstrari, quæ ducit ad vitam. Quisquis igitur per hanc viam ire ad Deum desiderat, aut legendo, aut ab aliis audiendo, qualiter per hanc viam gradi **502** debeat, investigare debet; quia stultus viator est, qui ad locum optatum ire desiderat, et viam nescit; si non prius discere studuerit, quæ sit longitudo viæ, quæ asperitas, qui anfractus, quæ pericula: ut cum iter scandere cœperit, pericula præcognita facilius transeat. Multos enim vidimus sæculum reliquisse, ut per contemplationis viam vitam æternam acquirerent; sed quia nescierunt asperitatem viæ, subito cecidisse. Sed potest fieri ut contra hæc testimonium vobis de divina Scriptura aliquis obijciat, quæ dicit: « Ne tardes converti ad Deum (*Eccli. v, 8*). » Ad hæc ego respondeo, quia jam ad Deum convertor, cum viam quæ ad eum ducit, investigare non desino. Et quid est, quod dicit: *Et conversus sum ut viderem vocem*; cum vox non oculis, sed auribus percipiatur? Sed Joannes in spiritu positus, spiritalibus oculis ea quæ sequuntur, videre promeruit. Neque opus erat ibi voces verborum perstrepere, ubi intus erat Deus, qui docebat. Aliter: ille competenter verba Dei audit qui quod audierit, oculis mentis intueri non desinit, ut ea opere impleat.

(Vers. 13.) *Et conversus, vidi septem candelabra aurea, et in medio septem candelabrorum aureorum similem Filio hominis.* Septem candelabra aurea septem Ecclesias designant, sicut ipse exposuit, et septem Ecclesiæ unam Ecclesiam catholicam figurant. Quæ candelabra aurea dicuntur, sive propter persecutiones quas sancti in sæculo perferunt, sive propter sapientiam qua illuminantur. In quorum medio Christus stare visus est, sicut ipse dicit in Evangelio: « Ecce ego vobiscum sum omnibus diebus usque ad consummationem sæculi (*Matth. xxviii, 20*). »

(Vers. 14, 15.) Sequitur: *Vestitum podere, et præinctum ad mamillas zona aurea; caput vero ejus et capilli erant candidi tanquam lana alba, et tanquam nix: et oculi ejus tanquam flamma ignis; et pedes ejus similes aurichalco, sicut in camino ardenti; et vox ejus sicut vox aquarum multarum. Et habebat in dextera sua septem stellas; et de ore ejus gladius ex utraque parte acutus exibat; et facies ejus, sicut sol lucet in virtute sua.* Si septem candelabra et septem stellas pro duobus ornamentis accipere volueris, decem ornamenta invenies, ex quibus Domini corpus decoratum fuisse visum

est. Sed quid duo ornamenta, id est, septem candidabra, et septem stellæ significarent, ipse per semetipsum exposuit: quid autem octo quæ restant, significant, perscrutandum nobis est. Sanctam namque civitatem Dei, quæ ex omnibus electis constat, quæ ab initio usque ad finem tendit, si diligenter perspicias, in septem partes divisam invenies. Prima igitur pars ejus sunt electi, qui ab initio usque ad diluvium fuerunt: secunda, patriarchæ et cæteri justus usque ad legem datam: tertia, hi qui sub lege fuerunt: quarta, prophetæ: quinta, apostoli et qui ex Judæis crediderunt: sexta vero pars est gentium multitudo quæ ad fidem venit: septima, electi qui in fine mundi nascituri sunt, et contra Antichristum pugnaturi. Per has igitur septem partes, quod Dominus dederit, dicendo redeamus: de octava, in sequentibus dicemus. Poderis igitur, quæ est talaris tunica, justos qui ante diluvium fuerunt, designat. Quæ cujus coloris fuerit, non dicitur; eo quod nullam aliam legem, nisi naturalem, habuerint. Naturalis autem lex est creatorem suum diligere, et quod sibi quis non vult fieri, alteri non facere. Hanc legem nullus, qui ratione suffultus est, ignorare permittitur. Per zonam autem patriarchæ et cæteri justus, qui ante legem fuerunt, designantur. Quæ aurea dicitur, quia multis tribulationibus, sicut aurum in fornace, probati esse noscuntur: sicut Abraham, qui de igne Chaldæorum erutus est: sicut Loth, quem Sodomitæ afflixerunt: sicut Isaac, qui cæcitatem pertulit: sicut Jacob, qui persecutione fratris atque soceri est afflictus: sicut Joseph, qui captivitatem et carcerem sustinuit: sicut Job, qui amissionem rerum diramque passionem pertulit. Eodem modo et de cæteris, quos Scriptura non commemorat (5), debemus intelligere. Quæ zona mamillas constrinxisse legitur; per manillas namque duo præcepta charitatis designantur, per quæ sanctos patres Deo placuisse certum est.

Caput vero ejus et capilli erant candidi tanquam lana alba et tanquam nix. Per caput lex, per capillos vero qui ex capite nascuntur, multitudines eorum designantur qui per legem salvi facti sunt. Qui capilli tanquam lana alba, et tanquam nix candidi esse dicuntur; quia videlicet ille populus a tenebris vitiorum per legem est emundatus. *Oculi autem ejus velut flamma ignis.* Oculi cuncta quæ circa se sunt, longe lateque perspiciunt: per oculos igitur prophetæ designantur, qui ea quæ ventura erant, longe ante prævidere meruerunt. Qui sicut flamma ignis esse dicuntur, quia Spiritu sancto illuminati mysteria cœlestia contemplati sunt.

Et pedes ejus similes aurichalco, sicut in camino ardenti. Per pedes apostoli designantur, et cæteri qui ex Judæis crediderunt. De istis pedibus propheta loquitur dicens: « Quam pulchri super mon-

tes pedes evangelizantis pacem, annuntiantis bonum, prædicantis salutem, dicentis: Sion, regnabit Deus tuus (*Isa. lvi, 7*). » Qui similes aurichalco dicuntur; æs namque in fornace quibusdam medicaminibus admistis tandem conflatur, usque dum colorem auri accipiat, et dicitur aurichalcum. Per æs igitur, quod sonorum est, et quod in nigredinem cito vertitur, Judæi designantur, qui legem quidem secundum litteram sonare videbantur; sed velamine nigredinis mente obtekti, spiritalem intelligentiam, quæ in ea latebat, intelligere nequiverunt. Æs igitur in aurichalcum est conversum, quando ex Judæis apostoli sunt electi. Per fornacem autem sive mundus, in quo aliquantum Christus conversatus est, sive tribulationes quas sustinuit, possunt designari. In hac etiam fornace apostoli ei conjuncti sunt, sicut ipse dicit: « Vos estis enim, qui permansistis mecum in tentationibus meis (6) (*Luc. xxii, 28*). » In hac ergo fornace per doctrinam Evangelii splendorem auri accipere meruerunt. *Et vox ejus, sicut vox aquarum multarum.* Per vocem aquarum multarum multitudo gentium, quæ ad fidem Christi cucurrit, designatur.

Et habebat in dextra sua stellas septem. Quid hoc significet, ipse in sequentibus exponit. *Et de ore ejus gladius ex utraque parte 503 acutus exibat.* Per gladium electi qui in fine mundi nascituri sunt, atque contra Antichristum pugnaturi, designantur. Et quia maxima multitudo gentium culturam Christi derelinquens, Antichristum hominem impiissimum pro Deo adorabunt, non incongrue illi qui ad errores eorum concidendos progressuri sunt, per gladium designantur. Qui duo acumina habere visus est; quia ipsi doctores, duorum Testamentorum doctrinis eruditi, facile hostes devincunt. Nam quod de ore Domini ipse gladius procedere visus est, illud significat, quod ipse dixit in Evangelio: « Non enim vos estis qui loquimini, sed Spiritus Patris vestri qui loquitur in vobis (*Matth. x, 20*). » In iis ergo septem ornamentis omnis electorum Ecclesia, quæ a nobis in septem partes dividitur, comprehenditur. Sine iis ergo septem partibus non mihi videtur hunc librum quemquam ordinate posse intelligere: de octava autem quæ restat, aliquid dicendum est.

Et facies ejus, sicut sol lucet, in virtute sua. Per faciem Ecclesia, sicut post resurrectionem futura est, designatur; et ideo per faciem, quia tunc Deum, sicut dicit Apostolus, justus facie ad faciem videbunt (*I Cor. xiii, 12*). Quæ sicut sol lucere visa est, quia sicut dicit Dominus: « Tunc justus fulgebunt sicut sol in regno Patris sui (*Matth. xiii, 43*). » Inveniuntur in Scripturis quædam his septem partibus convenientia, ut est illud quod in Josue legitur, ubi præcepit Dominus ut circumiret arca Dei civitatem Jericho per septem dies *meis, aberant ab edit.; quæ nos e mss. omnibus reposuimus.*

(5) Edit. Gill. ac Rom., quos Scriptura commemorat; mss. vero, non commemorat.

(6) In hac etiam fornace... in tentationibus

semel in die, sacerdotibus eam portantibus, tubisque canentibus, ac populis sequentibus (*Josue* vi, 6-20). Jericho namque omne corpus reproborum, quod est civitas diaboli, designat: per filios vero Israel, electi designantur: per sacerdotes, prædicatores: per tubas, doctrina prædicationis: per populum vero qui eos sequebatur, omnes justis designantur, qui eorum doctrinam sequebantur, et actus imitabantur: per arcam autem quam ferebant, Christus intelligitur, qui a sanctis in cordibus eorum habitans portatur. De prædicatoribus autem qui post Christi adventum fuerunt, nulli dubium quod Christum non solum lingua prædicando, verum etiam corde diligendo portaverunt. Illi autem qui adventum ejus præcesserunt, quomodo illum portaverunt? Portaverunt utique et illi; nam aliqui eorum eum verbis prædixerunt, aliqui factis præsignaverunt. Quærendum vero nobis est quid circuitus iste, qui per septem dies factus est, designet. Loci namque quem circumimus, ingressum devitamus; nam cum per viam pergimus, si foveam aut limum profundum, aut aliquod periculum invenimus, circumeundo si possumus, ingressum ejus devitamus, ut periculum evadamus. Jericho namque circumimus, si iter vitæ præsentis secundum voluntatem Dei perficimus; nam quamvis cum reprobis habitemus, Jericho circumimus, si ab eorum pravitatibus abstinemus. De hac circuitione mihi videtur dixisse Psalmista: «Circuivi et immolavi in tabernaculo ejus hostiam jubilationis (*Psal.* xxvi, 6).» Circuivit namque, et postea immolavit; quia facta reproborum prius sprevit, ut hostia jubilationis ejus acceptabilis Deo fieret. Multi enim sunt, qui assidue laudant Deum: sed quia vitia a se repellere nolunt, eorum laudationis hostia non est acceptabilis Deo. Prima igitur circuitio ad eos justos, qui ante diluvium fuerunt, pertinet, qui filii Dei dicti sunt. Civitatem igitur Jericho tandiu circumierunt, quandiu a societate reproborum se sequestraverunt. Postquam igitur arca Dei, et populus Jericho civitatem circumierunt, ad castra redierunt; quia unusquisque justus circuitiois suæ tempore expleto, post mortem ad societatem electorum, quæ sunt castra sanctorum, dicitur. Secundæ diei circuitus ad eos, qui post diluvium usque ad Moysen fuerunt, pertinet: qui et ipsi civitatem Jericho circumierunt; quia ab iniquitatibus reproborum se separaverunt. Nam et Abraham, quamvis inter Amorrhæos habitaret, non solum vitia, sed etiam corporum societatem in tantum horruit, ut filio suo ex filiabus eorum nollet accipere uxorem. Et de Loth, qui apud Sodomitas habitabat, loquitur beatus Petrus, qui auditu et visu justus erat (*II Petr.* ii, 7), habitans apud eos, qui de die in diem animam justam iniquis operibus cruciabant. Eodem modo et cæteri. Tertius vero circuitus ad eos qui sub lege fuerunt, pertinet: qui quanta sollicitudine a societate iniquorum se se-

A cernere deberent, ipsa lex manifestat. Prophetæ vero, ad quos quartus circuitus pertinet, in tantum peccata principum hominumque impiorum spreverunt atque reprehenderunt, ut pro hoc quidam eorum lapidati, quidam secti, quidam vero in occisione gladii mortui sint. Apostoli vero, et hi qui ex Judæis crediderunt, ad quos quintus circuitus pertinet, quanto studio se ab infidelium Judæorum consilio atque operibus segregaverint, Lucas in Actibus apostolorum narrat. Gentes vero ad quas sextus circuitus pertinet, quanto ardore se a societate impiorum disjuxerint, martyres requisiti dicant. Septimus vero circuitus ad eos, qui temporibus Antichristi futuri sunt, pertinet: sed et illi quomodo Antichristi, ministrorumque ejus devitent perfidiam, hic liber manifestat. Septimo ergo die circumeuntibus sacerdotibus cum arca Jericho, atque vociferantibus, muri Jericho ceciderunt, omnisque populus cum rege suo interfectus est; quia prædicantibus in fine mundi prædicatoribus veritatis, finemque mundi annuntiantibus, subito finis mundi adveniet, omnisque civitas diaboli destruetur, atque cum ipso capite suo diabolus perpetua morte damnabitur.

Legimus etiam in libro Judicium Samson fortissimum habuisse septem crines (*Judic.* xvi, 13). Samson Christum significat: per capillos vero omnes electi designantur. Et sicut capilli adhærent capiti, ita et omnes justis adhærent Christo, qui caput est omnium electorum suorum: et sicut capilli Samson in septem partes divisi sunt, ita et omnis electorum numerus in septem partes pro temporum qualitatibus dividi potest, sicut superius demonstravimus.

Sed et hoc quod in Salomone scriptum est: «Sapientia ædificavit sibi domum, excidit columnas septem (*Prov.* ix, 1);» potest huic nostro intellectui convenire. Sapientia namque ædificavit sibi domum, quando Dominus noster Jesus Christus ab initio mundi usque ad finem ejus ex numerositate electorum Ecclesiam sibi construxit et construct: excidit columnas septem, quando iis septem temporibus prædicatores, qui singulis temporibus convenirent, in Ecclesia sua statuit, qui et monitis salutaribus, 504 et bonorum operum exemplis eam sustentarent.

D Possumus et hoc quod idem Salomon in alio loco ponit, dicens: «Da partem septem, necnon et octo (*Eccle.* xi, 2),» huic nostræ expositioni coaptare. Primum igitur quærendum nobis est, quid sit unde partes facere præcipimur. Est namque quoddam bonum, et ipsum est summum bonum, charitas videlicet, quæ nisi patiatur, perfectum bonum non erit; partitur enim in dilectionem Dei, et dilectionem proximi: quæ cum una sit, habet tamen duo brachia, quæ circumquaque extendens, et Deum hominibus, et homines Deo conjungit. Sunt et duæ vitæ, una quæ activa, altera quæ contemplativa nuncupatur. Dilectio proximi ad acti-

vam, dilectio autem Dei proprie ad contemplativam pertinet. Possimus igitur per septem omnem electorum multitudinem, per octo vero Dominum nostrum Jesum Christum intelligere; eo quod octava die resurrexerit. Sancti itaque Dei partem amoris sui septem dant, cum in exercitiis vite activæ occupantur; videlicet cum curam proximo non solum carnalem, sed et spiritualem impendunt. Dant etiam partem octo, cum eos amor Dei ad contemplationem ejus iterum revocat. Aliter: Partem septem damus, cum sanctis Dei debitam venerationem exhibemus: partem octo damus, cum Deo creatori nostro debitum cultum impendimus.

(Vers. 17.) Sequitur: *Et cum vidissem eum, cecidi ad pedes ejus tanquam mortuus.* Ecce Joannes, qui sibi stare videbatur, viso Domino, cecidit tanquam mortuus; quia unusquisque vir sanctus quantum se ad contemplandam divinitatem Dei altius erexit, tanto apud se introrsus inferius cadit; quia in comparatione Dei ejus magnitudo quam parva sit, facile perspicit. Unde et tanquam mortuus cecidit, quia in comparatione Dei se nihil esse perspexit. Ad pedes cecidit, quia incarnationis ejus mysterium, quod per pedes figuratur, se nullo modo comprehendere posse perspexit. *Et posuit manum suam super me dicens: Noli timere.* Sicut manus in corpore plurima habet officia, ita et manus Dei in divinis Scripturis plurimas significationes; Job namque flagellum Dei manum Dei vocat, cum dicit: « Manum tuam longe fac a me, et formido tua non me terreat (Job xiii, 21). » Et iterum amicis dicit: « Miseremini mei, miseremini mei, saltem vos amici mei; quia manus Domini tetigit me (Job xix, 21). » Nam et Jeremiam manu sapientiæ Dominus tetigit, sicut ipse dicit: « Et misit Dominus manum suam, et tetigit os meum, et dixit mihi: Ecce dedi verba mea in ore tuo (Jerem. i, 9). » Similiter et Daniel manu confortationis Dei tactus est, quando propter visionem angelicam in terra prostratus jacens, manum ad se missam vidit, quæ eum confortavit, cui et dixit: « Loquere, Domine, quoniam confortasti me (Dan. x, 19). » Hac ergo confortationis manu idem Joannes tactus est, quæ eum ne se ultra modum dejiceret confortando erexit.

(Vers. 18.) *Ego sum primus et novissimus.* Si primus, cur dixit Arius Filium Dei initium habuisse? Si enim initium habuit, non ipse primus, sed ipse a quo initium sumpsit, fuit. Primus ergo et novissimus ipse est, quia sicuti finem non habebit, sic nec initium habuit. *Et fui mortuus, et ecce sum vivens in sæcula sæculorum.* Hoc manifestum est. *Et habeo claves mortis et inferni.* Qui clavem alicujus domus habet, quem vult, intromittit; et quem vult, ab ingressu domus repellit. Per clavem ergo potestas Filii Dei intelligitur. Claves igitur mortis et inferni ipse possidet; quia quos vult, a damnatione mortis perpetuæ misericorditer liberat; et

A quos vult, in eodem damnationis periculo justo judicio remanere sinit.

(Vers. 19.) « *Scribe ergo quæ vidisti, et quæ sunt, et quæ oportet fieri post hæc.* Hic demonstrat non se de præsentibus et futuris tantummodo, sed et de præteritis prophetiam texuisse. *Scribe ergo quæ vidisti, id est, quæ de præteritis tibi ostensa sunt: quæ sunt, et quæ oportet fieri post hæc, id est, præsentia et futura.*

(Vers. 20.) *Mysterium septem stellarum quas vidisti in dextera mea, et septem candelabra aurea.* Subauditur quid significant. Quid autem significant, subdendo manifestat: *Septem, inquit, stellæ angeli sunt septem Ecclesiarum, et septem candelabra aurea septem Ecclesiæ sunt.* Septem igitur angelos rectores septem Ecclesiarum debemus intelligere, eo quod angelus nuntius interpretatur: et qui verbum Dei populis annuntiant, non inconvenienter angeli, id est nuntii, vocantur. Et sicut per septem Ecclesias una Ecclesia catholica, ita et per septem rectores septem Ecclesiarum, omnes rectores Ecclesiæ catholice designantur.

CAPUT II. — (Vers. 1.) *Et angelo Ecclesiæ Ephesi scribe: Hæc dicit qui tenet septem stellas in dextera sua, qui ambulat in medio septem candelabrorum aureorum.* Per dexteram Dei potestas Dei in hoc loco potest designari; per stellas, sancti prædicatores. Sancti igitur prædicatores manu Dei tenentur; quia ab ipso gubernantur et reguntur, et ipsi sunt copulati, sicut ipse in Evangelio loquitur dicens: « Sicut palmes non potest ferre fructum, nisi manserit in vite; sic et vos, nisi in me manseritis (Joan. xv, 4). » In medio vero septem candelabrorum aureorum Christus ambulat, sicut ipse dicit propheta: « Inhabitabo inter illos, et inambulabo: et ero illorum Deus, et ipsi erunt mihi populus (Levit. xxvi, 12). »

(Vers. 2.) *Scio opera tua.* Ea videlicet quæ operaberis prius, antequam refrigesceret in te charitas. *Et laborem et patientiam tuam, id est persecutiones, quas pro nomine meo patienter toleras. Et non potes sustinere malos (Matth. xiii, 29).* Cum Scriptura divina nobis præcipiat ut toleremus malos; cur hic laudatur, quod non potuerit sustinere malos? Sed de hæreticis mihi dictum videtur; nam proximorum mala aliquando reprehendendo corrigere debemus, tempore videlicet opportuno: aliquando patienter tolerare; ut quos correctio non emendat, patientia ad emendationem provocet. Sunt namque nonnulli, qui reprehendere proximos nesciunt, nisi ira inflammati. Horum aliquis si non solum pro magna, verum etiam pro parva aliqua re contra proximum commotus fuerit, tandiu iram in corde gestat, usque dum in actibus proximi aliquid videat, quod reprehendere possit: et tunc lætus efficitur, cum reprehensionis vindictam proximo intulerit. Quod si alicui viderit displicuisse, dicit se zelo Dei hoc fecisse. Ad te ergo loquor, qui talis es. Cur quæris fallere eum qui

occulta cordium considerat? Si zelus Dei in te est, cur oculi tui per diversa **505** vagantur more diabolico, desiderans malum potius videre quam bonum, desiderans in proximo videre malum, quod reprehendas, non bonum, unde ædificeris? Sunt etiam multi, qui eos a quibus aliquam injuriam pertulerant, etiam pro minimis delictis impatienter insectantur: eos vero quos diligunt, non solum non reprehendunt, quamvis graviter deliquerint; sed etiam tota virtute defendunt. O infelix amicitia, quæ illum quem diligit tacendo et defendendo diabolo tradit: illum vero cui iratus est, reprehendendo a diabolo abstrahit! Correctio ergo illa justa est, quæ ex Dei zelo et amore fraterno descendit: quæ non propter iram vindicandam, sed propter animam proximi salvandam profertur. Verum quia hæc pauca diximus, ad ea quæ cœpiimus, redeamus. Igitur hoc quod præsul Ecclesiæ Ephesi a Domino dicitur: *Quia non potes sustinere malos*, de hæreticis debemus intelligere; omnis enim qui pastor est Ecclesiæ, societatem hæreticorum, quantum potest, vitare debet; ne per occasionem familiaritatis eorum corda simplicium veneno suæ malitiæ corrumpant. Sicut enim lupus quietus inter oves sine laceratione earundem ovium versari non potest, sic nec hæreticus inter simplices. Sequitur: *Et tentasti eos, qui se dicunt apostolos esse, et non sunt; et invenisti eos mendaces*. Quidam prava docentes temporibus apostolorum, apostolos se esse dicebant; ut per reverentiam nominis facilius pravam doctrinam in cordibus audientium plantarent. Hos et apostolus Paulus damnat (*II Cor. x, 12*): et Dominus in Evangelio cavendos insinuat, cum dicit: « Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces (*Matth. vii, 15*). » Hos ergo iste falsos eorumque doctrinam falsam esse comprobavit.

(Vers. 3, 4.) *Et patientiam habes, et sustinuisti propter nomen meum, et non defecisti*; id est, in hoc apparuit patientia tua, quia in laboribus, quos pro nomine meo sustinuisti, non defecisti. *Sed habeo adversum te, quod charitatem tuam primam reliquisti*. Multi sunt qui in initio conversionis suæ in servitio Dei ferventes existunt, sed processu temporis tepescunt: quod huic præsul Ecclesiæ Ephesi contigisse manifestum est.

(Vers. 5.) *Memento ergo unde excideris*. Unde excisus es? De charitate: si de charitate excisus es, de Deo excisus es; quia Deus charitas est (*I Joan. iv, 16*). *Et age pœnitentiam*. Videlicet eo quod per torporem et ignaviam tuam a charitate disjunctus es. *Et prima tua opera fac: sin autem veniam tibi cito, et movebo candelabrum tuum de loco suo, nisi pœnitentiam egeris*. Si per candelabrum Ecclesia Ephesi designatur, cur propter peccatum pastoris

A Ecclesia locum suum perdet, cum Scriptura dicat: « Non morientur patres pro filiis, neque filii pro patribus suis: sed unusquisque in peccato suo morietur (*Jerem. xxxi, 29, 30*)? » Sed per locum videtur mihi merces, quæ illi pro pastorali cura debebatur, designari, ut sit sensus: Nisi pœnitentiam egeris pro eo quod charitatem tuam primam reliquisti, et ad prima opera non redieris; ut quod ore prædicas, opere impleas: mercedem, quæ tibi pro pastorali cura debebatur, subtraham.

(Vers. 6.) « Sed hoc habes (videlicet ut candelabrum non moveatur) quia odisti facta Nicolaitarum, quæ et ego odi (7). » Et est sensus: Pro eo quod odisti facta Nicolaitarum, quæ et ego odi, merces quæ tibi pro pastorali cura debebatur, adhuc tibi manet. Nicolaitæ vero erant hæretici, quos superius dixit non posse eum sustinere.

(Vers. 7.) *Qui habet aures audiendi, audiat quid Spiritus dicat Ecclesiis*. Quia cunctis aures habentibus dicit: *Qui habet aures audiendi, audiat*; aures procul dubio cordis requirit. *Vincenti dabo edere de ligno vitæ, quod est in paradiso Dei mei*. Duo ligna fuerunt in medio paradisi, e quibus unum lignum vitæ, alterum vero lignum scientiæ boni et mali vocabatur. Quorum virtus talis erat, ut si quis ex ligno vitæ comedisset, non moreretur in æternum: si quis vero ex ligno scientiæ boni et mali comederet, quamvis esset immortalis, mortalis statim fieret (*Gen. ii, 27*). Paradisus igitur Ecclesiam significat: lignum vero vitæ in medio paradisi Christus est in medio Ecclesiæ suæ. Lignum autem scientiæ boni et mali, quod et ipsum in medio paradisi fuisse dicitur, diabolum significat, qui inter fideles discurrere non cessat; ut quoscunque potest, decipiat. Lignum igitur vitæ ad electos, lignum vero scientiæ boni et mali ad reprobos pertinet. Fructus ergo ligni vitæ electi comedunt, ut in æternum vivant (8); quia præcepta Evangelii custodiunt, ut in æternum vivant cum Domino: fructus vero ligni scientiæ boni et mali reprobi comedunt, et moriuntur; quia suggestionibus diaboli, omnibusque vitiis et voluptatibus pascuntur; unde æternam damnationem sibi acquirunt. Et sicut mulieri delectabiliores fuerunt fructus ligni scientiæ boni et mali, quam fructus ligni vitæ; ita et reprobis delectabilior est gloria hujus sæculi, quam oculis corporis vident, quam gloria cœlestis patriæ, quæ non nisi oculis spiritualibus videtur. Sed oritur quæstio, cur lignum scientiæ boni et mali dicatur, cum primo homini scientiam mali ministraverit, non scientiam boni. Quæ mihi ita solvenda videtur, primus namque angelus, quando creatus est, scientiam boni habuit, non scientiam mali: scientiam vero mali per semetipsum invenit, ob quam causam de illa cœlesti gloria dejectus est. De ligno ergo scientiæ boni et mali primus homo comedit, quando illius

(7) Ita mss.; at edit, *ego odi*. Pro eo quod illorum facta odisti, quæ et ego odivi.

(8) Edit. tantum, *vivent cum Domino*; cætera adjecta sunt ex inss.

suggestiones secutus est, qui scientiam boni et mali habebat; neque enim lignum scientiam mali docere potuit, sed diabolus qui præceptum Dei homini transgredi suasit. Dicit ergo: *Vincenti dabo edere de ligno vitæ, quod est in paradiso Dei mei.* Ille vincit, qui in bonis operibus usque ad finem vitæ suæ perseverat. Vincenti ergo Christus edere de ligno vitæ dabit; quia præcepta sua usque ad finem vitæ servantibus immortalitatis suæ gloriam in cælesti beatitudine secum dabit; ut cum eo æternaliter vivant, cujus præcepta in sæculo positi servare studuerunt. Quod autem patrem Deum suum vocat, ad humanitatem pertinet.

(Vers. 8, 9.) *Et angelo Smyrnæ Ecclesiæ scribe: Hæc dicit primus et novissimus, qui fuit mortuus et vivit: Scio tribulationem tuam, et paupertatem tuam.* Potest fieri ut Smyrnæorum Ecclesia eandem persecutionem a contribulibus suis in rapina bonorum suorum pertulerit, quam et illa quæ apud Hierosolymam erat. Ideoque tribulatio et paupertas ejus **506** a Domino, quam pro ipso sustinuit, laudatur. Potest et per hoc voluntaria paupertas intelligi, de qua Dominus dicit in Evangelio: « Beati pauperes spiritu, quoniam ipsorum est regnum cælorum (Matth. v, 3). »

Sed dives es: pauper videlicet rebus, dives virtutibus. Et blasphemaris ab iis, qui se dicunt Judæos esse, et non sunt; sed sunt synagoga Satanæ. Judæi confitentibus interpretantur: Judæi qui Christum blasphemantes negant, non Judæi, id est, confitentes, sed synagoga Satanæ non inconvenienter vocantur.

(Vers. 10, 11.) *Nihil horum timeas, quæ passurus es.* Prædicantur ei adversa, ut venientia facilius tolerare posset. *Ecce missurus est diabolus ex vobis in carcerem, ut tentemini (9),* id est, quosdam ex vobis diabolus, id est ministri diaboli, in carcerem missuri sunt; ut tentemini utrum in timore pœnarum a fide recedere, an pro amore Christi mori deliberetis. *Et habebitis tribulationem diebus decem.* Tempus quo hæc persecutio crudelius sævitura esset, demonstravit. *Esto fidelis usque ad mortem, et dabo tibi coronam vitæ.* Corona vitæ gloriam sempiternam demonstrat.

Qui habet aures, audiat quid Spiritus dicat Ecclesiis. Qui vicerit, non lædetur a morte secunda. Quid sit mors secunda, in sequentibus dicemus.

(Vers. 12.) *Et angelo Pergami Ecclesiæ scribe: Hæc dicit qui habet romphæam utraque parte acutam.* Per romphæam judiciaria Domini potestas potest intelligi: quæ utraque parte acuta dicitur, propter duo judicia, unum quod factum est per aquam, alterum quod fiet per ignem. Sed excludimur ab hoc intellectu, eo quod illud iudicium jam peractum, atque per misericordiam Dei abolitum sit. Tunc namque iudicii illius acumen deletum est, quando

A Deus dixit ad Noe: « Per memetipsum juravi, quia non adjiciam ultra aquas diluvii super terram (Gen. ix, 11). » Videtur ergo mihi per romphæam divinam Scripturam debere intelligi, quæ propter rescandanda vitia acuta esse dicitur, et propter duo Testamenta utraque parte acuta demonstratur. Nam et Vetus et Novum Testamentum hoc nobis indesinenter admonent, ut vitia relinquamus et in bonis operibus nosmetipsos exerceamus; quatenus salutem animarum nostrarum invenire possimus.

(Vers. 13.) *Scio ubi habitas, ubi sedes est Satanæ:* id est, inter illos habitas, qui sessorem habent diabolum. *Et tenes nomen meum, et non negasti fidem meam:* id est, quamvis ab eis, inter quos habitas, pro nomine meo assidue persecutiones perferas; tamen nomen meum tenes, et fidem meam non negasti. *Et in diebus illis Antipas testis meus, qui occisus est apud eos, ubi Satanæ habitat.* *Et in diebus illis,* id est, in diebus quibus persecutio apud vos amplius fervebat, Antipas testis meus, subauditur, exstitit, qui occisus est apud vos, ubi Satanæ habitat. Apud vos occisus est, et non a vobis: sed ab illis inter quos vos habitatis, in quibus habitat diabolus.

(Vers. 14, 15.) *Sed habeo adversum te pauca, quia habes illic tenentes doctrinam Balaam, qui docebat Balac mittere scandalum coram filiis Israel: ita habes et tu tenentes doctrinam Nicolaitarum.* Legimus in libro Numeri quod Balac rex Moabitarum ad suggestionem Balaam posuerit speciosas mulieres in conspectu filiorum Israel diis suis sacrificantes, quarum pulchritudo non solum ad perpetrandam libidinem eos accendit; sed etiam ut de sacrificiis eorum comederent, perduxit (Num. xxv, 1, 2). Nicolaitæ vero erant hæretici nuptias detestantes, docentesque fideles, ut quibuscunque vellent, miscerentur more bestiarum. Sicut ergo per doctrinam Balaam, filii Israel in fornicationis malum delapsi sunt, propter quod multi eorum perierunt, ita et Nicolaitæ quosdam ex fidelibus, qui apud Pergamum erant, sua prava doctrina in fornicationis malum dejecerunt, docentes eos ut nullo modo se vinculo conjugali irretirent, sed quibuscunque vellent, passim miscerentur. Quod autem dicit: *Habeo adversum te pauca,* significat paucos ex fidelibus ab hæreticis esse deceptos.

D (Vers. 16.) *Similiter pœnitentiam age.* Hoc quod dicit, *similiter,* videtur mihi ad angelum Ephesi Ecclesiæ respicere, cui dicitur: *Pœnitentiam age, eo quod charitatem tuam primam reliqueris.* Quasi diceret: Sicut præcepi angelo Ephesi, ut pœnitentiam ageret, eo quod charitatem primam reliquisset, similiter et tu pœnitentiam age, eo quod a charitate deviaveris; ut aliquos tuorum per taciturnitatem amitteres. *Si quominus, veniam tibi cito.* Solet per adventum Domini mors intelligi; unicui-

(9) Hic textus in edit. rejectus fuerat post verba, *tolerare posset*: sed contra auctoritatem mss.

que enim Dominus tunc venit, quando per mortem animam a corpore separat. *Cito*, id est impro-
 vise, sicut de servo negligente Dominus in Evan-
 gelio loquitur: «Veniet autem Dominus servi illius
 in die quo nescit, et hora qua ignorat; et dividet
 eum, partemque ejus cum hypocritis ponet (*Matth.*
 xxiv, 51). » Homo enim ex anima et corpore con-
 sistit: dividit Dominus hominem cum animam a
 corpore separat: partem ejus cum hypocritis ponit,
 quando animam, quæ secunda pars est in homine,
 pro iniquitatibus suis cum impiis cruciandam tradi-
 dit. In hoc quod dicit: *Veniam tibi cito*, talis
 mihi sensus esse videtur: Si penitentiam non
 egeris, veniam tibi cito; ut te per mortem, quam
 prævidere negligis, dissolvam. Sequitur: *Et pu-
 gnabo eum illis in gladio oris mei*: id est, alium
 in loco tuo ponam, et ponam gladium verborum
 meorum in ore ejus, in quo dejiciat adversarios
 veritatis.

(Vers. 17.) *Qui habet aures, audiat quid Spiritus
 dicat Ecclesiis*. Ubicunque hæc sententia ponitur,
 vel in Evangelio, vel in Apocalypsi, sciendum est
 mysticum esse quod dicitur, et ad intelligendum
 difficile. *Vincenti dabo manna absconditum*. Le-
 gimus in Veteri Testamento, quia populum Ju-
 dæorum per deserta gradientem Dominus manna
 paverit (*Exod. xvi, 14*), usque dum venirent ad
 terram repromissionis. Per manna igitur sapientia
 quæ Christus est, intelligi potest: «Ipse est enim
 panis vivus qui de cælo descendit (*Joan. vi, 51*). »
 Hoc pane aluntur omnes electi, in deserto atque
 in itinere hujus sæculi positi, usque dum veniant
 ad terram repromissionis, id est ad cælestem bea-
 titudinem quam repromisit Deus diligentibus se.
 Absconditum autem ideo dicitur, quia sapientia
 Dei superbis absconditur, et humilibus revelatur,
 sicut ipse dicit in Evangelio: «Confiteor tibi, Pa-
 ter, Domine cæli et terræ, quia abscondisti hæc
 a sapientibus et prudentibus, et revelasti ea par-
 vulis (*Matth. xi, 25*). »

507 *Et dabo illi calculum candidum*. Per calcu-
 lum, qui lapis parvus est, et a calculando sic vo-
 catur, Evangelium possumus accipere. Quia sicut
 antiqui horum lapidum multitudinem magnam sibi
 congregabant ad partiendos et dividendos nume-
 ros; ita doctores Ecclesiæ multa verba Evan-
 gelii in cordibus suis congregant, quorum cum ob-
 securitates et spirituales intelligentias et utilitates
 auditoribus suis aperiunt, quasi numeros suos divi-
 dunt et partiuntur. *Et in calculo nomen novum scri-
 ptum, quod nemo scit, nisi qui accipit*. Quod est hoc
 nomen Christi, quod in calculo Evangelii scriptum
 esse dicitur? «In principio erat Verbum, et Ver-
 bum erat apud Deum, et Deus erat Verbum (*Joan.*
 i, 1); » et iterum: «Ego et Pater unum sumus
 (*Joan. x, 30*); » et idem evangelista in alio loco
 dicit: Quia non solum solvebat Sabbatum, sed et

A Patrem suum dicebat Deum, æqualem se faciens
 Deo (*Joan. v, 18*). » Si Christus æqualem se fa-
 ciebat Deo, cur dicit Arius minorem esse Filium
 Patre? Hoc ergo nomen quod in calculo scriptum
 est, nullus scit, nisi qui accipit; quia omnipoten-
 tiam, divinitatem, æqualitatem Filii cum Patre
 nullus scire prævalet, nisi cui doctrina Evangelii
 data fuerit. Sed est aliud quod nos movet; nam
 paulo superius dixit: *Vincenti dabo manna abs-
 conditum, et dabo illi calculum candidum, et in
 calculo nomen tuum, quod nemo scit, nisi qui ac-
 cipit*. Si igitur solis illis qui diabolum vincunt, et
 manna, et calculus, et nominis Christi datur scien-
 tia; ergo impii qui diabolum non vincunt, sed ab
 eo vincuntur, quamvis baptisma, quamvis fidem

B Christi videantur suscepisse, ab hoc tamen mu-
 nere alieni existunt. Sed dicit aliquis: Quomodo
 litteratus quisque, et in divinis Scripturis eruditus,
 mysterium nominis Christi nescit; quamvis et sæ-
 culum diligat, et voluptuose vivat? Huic ego duorum
 hominum similitudinem mel multum possidentium
 opponam, ex quibus unus ex eo edere solitus erat,
 alter vero ab ejus esu, quadam necessitate cogente,
 omnibus modis abstinebat. Quis horum tibi videtur
 saporem mellis satius cognovisse? Utique respon-
 debit mihi quia his, qui ejus dulcedine perfrui so-
 litus erat. Et tamen si interrogasses utrumque de
 melle, cujus esset saporis, uterque dulcissimum
 esse fateretur: sed diceret ille, quod audivit; iste,
 quod expertus erat: illius lingua loqueretur, quod
 C fauces ignorabant, istius autem quod delectatio
 docuerat. Ille igitur qui mel non ad utendum, sed
 ad luera exaggeranda possidebat, eos significat, qui
 ex scientia divinarum Scripturarum gloriam tempo-
 ralem plus quam æternam capessunt (9*): ille vero
 qui mel ad hoc possidebat, ut ejus dulcedine assi-
 due frueretur, eos significat, qui mandata Dei non
 pro gloria temporali, sed pro amore Dei discere
 student; ut per eorum operationem ad gloriam
 æternam pervenire mereantur. Illis mandata Dei,
 quamvis ea prædicent, dulcia non sunt; quia non
 dulcedinem cælestis patriæ, sed dulcedinem terre-
 nam, quæ amaritudinem generat, diligunt: istis
 autem mandata Dei spes cælestis patriæ dulcia
 facit, sicut dicit Psalmista: «Quam dulcia fauci-
 bus meis eloquia tua, Domine, super mel et favum
 D ori meo (*Psal. cxviii, 103*)!» Illi ergo soli sciunt
 nomen Dei, qui custodiunt mandata Dei: qui
 vero sæculum diligunt, qui in quibusdam vitiis
 semetipsos dejiciunt, qui desideria carnis suæ per-
 ficiunt, nesciunt nomen Dei; quia timorem et amo-
 rem ejus a mente sua abjiciunt. Aliter: Potest per
 calculum nomenque in eo scriptum beatitudo cæle-
 stis patriæ designari; ut per calculum cælestis patria,
 per nomen vero in eo scriptum beatitudo cælestis
 patriæ figuretur. Hoc ergo nomen nullus scit, nisi
 qui accipit calculum; quia quanta sit illa cælestis

(9*) Codex Gem., gloriæ temporalis plus quam æternæ capaces sunt.

beatitudo nullus scire prævalet, nisi qui ad hanc A pervenire meruerit, sicut dicit Isaias propheta : « Oculus non vidit, Deus, absque te, quæ præparasti expectantibus te (Isa. LXIV, 4). »

(Vers. 18, 19.) *Et angelo Thyatiræ Ecclesiæ scribe : Hæc dicit Filius Dei, qui habet oculos ut flammam ignis, et pedes ejus similes aurichalco.* Quid ista significant, superius dictum est. Scio opera tua, et charitatem, et fidem, et ministerium, et patientiam tuam, et opera tua norissima plura prioribus. Hic per omnia laudatur, sed sicut sequentia manifestant, sola taciturnitatis culpa in eo redargitur.

(Vers. 20.) *Sed habeo adversum te, quia permittis mulierem Jezabel, quæ se dicit propheten, docere et seducere servos meos, fornicari et manducare de idolothytis.* Hæc mulier, quæ Jezabel impiissimæ comparatur, ideo se propheten mendaciter affirmabat, ut facilius sub religionis nomine falsam doctrinam in populum Dei introduceret : et sicut Jezabel cogebat populum Dei culturam Dei deserere, et idola venerari : ita et hæc populum Dei a cultura Dei, id est a fide recta, conabatur per pravam doctrinam separare. Fornicatur enim anima quæcumque a Deo creatore suo recedit. Idolothytum vocat illud quod idolis erat consecratum. Docebat enim hæc mulier nihil nocere fidelibus, si comederent carnes quæ idolis immolabantur.

(Vers. 21.) *Et dedi illi tempus, ut pœnitentiam ageret, et non vult pœnitere a fornicationibus suis.* Sicut et beatus Job de impio dicit : « Dedit illi Deus locum pœnitentiæ, et ille abusus eo est in superbiam (Job xxiv, 23). »

(Vers. 22, 23.) *Ecce mitto eam in lectum, et qui mœchantur cum ea, in tribulatione maxima, nisi pœnitentiam egerint, et filios ejus interficiam morte.* Ecce mulieri, et filiis ejus pœnitentiæ locus nullus promittitur, eo quod pœnitentiæ tempus a Deo sibi indultum spreverint : iis autem qui mœchabantur cum ea, adhuc locus pœnitentiæ repromittitur. Videntur ergo mihi ii qui mœchabantur cum ea, eos designare, qui, pravis ejus assertionibus faventes, nec dum autem ex toto in foveam malitiæ ejus demersi fuerant : per filios autem D ejus eos designari, qui jam ex toto ab ea decepti medicamentum correctionis nullo modo recipere volebant. Per lectum autem in quo mulier mittenda erat, infernus designatur, in quo sepultus est et dives, de quo dicit Dominus in Evangelio : « Mortuus est autem et dives, et sepultus est in inferno (Luc. xvi, 22). » Per tribulationem vero maximam, in qua ponendi erant qui mœchabantur cum ea, nisi pœnitentiam agerent ; et per mortem in qua filii ejus interficiendi erant, eadem inferni pœna designatur. Et

scient omnes Ecclesiæ quia ego sum scrutans renes et corda. Per renes qui infra corpus continentur, et ex quibus libido procedere dicitur, peccata abscondita : per corda autem cogitationes occultæ designantur. Et est sensus : *Et scient*, videlicet in die judicii, quando et ipsa mulier, et omnes qui decepti sunt ab ea, damnabuntur ; omnes Ecclesiæ, id est, omnes Christiano nomine censentur, non solum electi, sed etiam 508 reprobi, quia ego sum scrutans renes et corda, id est, non solum peccata quæ patent, verumtiam et quæ latent : sed et ipsas cogitationes intueor, et in illa die dabo unicuique vestrum secundum opera vestra.

(Vers. 24.) *Vobis autem dico cæteris, qui (10) Thyatiræ estis, quicumque non habent doctrinam hanc, qui non cognoverunt altitudinem Satanæ, quemadmodum illi dicunt, non mittam super vos aliud pondus.* Hoc quod dicit, videtur mihi non ad doctrinam mulieris tantum, sed ad falsos apostolos pertinere, qui docebant eos, qui ex gentibus crediderant, ut in legem et circumcisionem verterentur. Et quia Judæi de legis observantia superbiebant, et post Evangelium datum custodia legis secundum litteram nihil est aliud quam servitus diaboli ; possumus per altitudinem Satanæ, ipsam legem, si carnaliter impletur, intelligere. Quod igitur dicit, tale est : *Vobis dico cæteris, qui Thyatiræ estis* : videlicet qui in fide perstitistis : *quicumque non habent doctrinam hanc*, id est, qui non receperunt doctrinam illius pessimæ mulieris : *qui non cognoverunt altitudinem Satanæ, quemadmodum illi dicunt*, id est, qui legem non susceperunt, quemadmodum falsi apostoli dicunt, ut eam carnaliter impleant : receperunt quidem eam, ut spiritualiter impleant ; non receperunt autem eam, ut carnaliter custodiant. Verbi gratia : illi dicebant, quia nisi circumcidatis carnem præputii vestri, non potestis salvi fieri (Act. xv, 1) : isti autem circumcisionem non carnaliter, sed spiritualiter intelligentes, circumcidebant a cordibus et a carne sua omnia vitia. Illi dicebant, ut servarent Sabbatum, nihil in eo facientes operis : isti vero omne tempus vitæ suæ pro Sabbato accipientes, ab omni opere servili, id est, a peccatis, in quantum poterant, abstinere curabant. *Non mittam super vos aliud pondus*, id est, qui in fide perstitistis, qui falsos apostolos non recepistis. *Non mittam super vos aliud pondus, nisi quod ab apostolis præceptum est vobis ; ut abstinatis vos ab escis quæ idolis immolantur, et a suffocato, et sanguine, et fornicatione (Ibid. 29).*

(Vers. 25.) *Verumtamen id quod habetis, tenete, donec veniam.* Ac si diceret : Quia parvuli estis, et lac vobis opus est non solidus cibus, fidem quam didicistis, tenete, donec veniam ; ut per aspirationis meæ gratiam ad altiora opera virtutum agenda vos provocem.

(Vers. 26, 27, 28.) *Et qui vicerit, et custodierit*

(10) Edit., dico, cæterisque qui Thyatiræ : mss., dico cæteris ; qui, etc.

usque in finem opera mea, dabo ei potestatem super gentes, et reget eas in virga ferrea, et tanquam vas figuli confringentur, sicut et ego accepi a Patre meo. Per finem in hoc loco mors intelligitur : qui ergo vicerit mundum et concupiscentias ejus, et perseveravit usque in finem ; dabitur ei potestas super gentes, et reget eas in virga ferrea. Sed et si per finem mors intelligitur, quomodo electi post mortem gentes dicuntur regere ; cum in illa beata vita nullus sit, qui regatur in virga ferrea ; ubi nihil distortum, nihilque pravum invenitur ? Nisi forte eo sensu intelligamus, quo illud : Qui fecit, quæ futura sunt. Omnia enim quæ secundum dispositionem Dei fienda sunt, in prædestinatione ejus jam quasi facta existunt ; quia non potest fieri ut immutetur aliquid ex omnibus quæ statuit Deus ut fiant. Similiter et sanctis, quos præscivit Deus futuros justos, et in bonis operibus perseveraturos, ante ortum illorum hoc præstitit, ut habeant potestatem super gentes, et regant eas in virga ferrea, sicut ad Jeremiam loquitur dicens : « Priusquam te formarem in utero, novi te : et antequam exires de vulva, sanctificavi te ; et prophetam in gentibus dedi te (*Jerem. i, 5*). » In secundo psalmo scriptum est quia dixit Pater ad Filium : « Postula a me, et dabo gentes hæreditatem tuam, et possessionem tuam terminos terræ. Reges eos in virga ferrea, tanquam vas figuli confringes eos (*Psal. ii, 8, 9*). » Dedit Pater Filio potestatem, ut regat gentes in virga ferrea : dedit et Filius potestatem apostolis et cæteris prædicatoribus, ut regant et ipsi gentes in virga ferrea, et tanquam vas figuli conterant eas. Per virgam igitur ferream Evangelium designatur, sicut et per virgam ligneam lex. Nam virga lignea, qua utebatur Moyses, ipsam legem, quæ ab eo data est prætendebat ; ipsa namque virga, sicut in Exodo legimus (*Exod. xvii, 6* ; imo, *Num. xx, 11*), percussit bis silicem, et egressæ sunt aquæ largissimæ, ita ut populus hiberet et jumenta. Virga igitur est Vetus Testamentum : bina percussio legem et prophetas : petra autem Christum figurabat. Virga ergo bis silicem percussit, quando Vetus Testamentum per legem et prophetas Christum ad redemptionem generis humani venturum esse prædixit. Et quia impossibile erat ut ea quæ per legem et prophetas prædicabantur, non implerentur, sicut Dominus dicit in Evangelio : « Facilius est cælum et terram transire, qua unum iota aut unus apex prætereatur a lege, qui non impleatur (*Luc. xvi, 17*). » Virga bis silicem percussit, quando vaticinia prophetarum atque legis quodammodo compulerunt, ut homo fieri Deus dignaretur. Percussa est igitur petra, et egressæ sunt aquæ largissimæ ; quia Christus secundum hoc quod dictum erat, veniens, fluente doctrinæ cœlestis, id est Evangelium, de se produxit. Bibit populus et jumenta, id est Judæi et gentes. Ipsa etiam virga in

A tabernaculo floruit, macesque produxit (*Num. xvii, 8*) ; quia in tabernaculo Ecclesiæ postea Vetus Testamentum flores spiritualium sensuum protulit, ipsique flores fructus honorum operum ediderunt. Hoc totum ideo diximus, ut demonstrarem per ligneam virgam designatam fuisse legem.

Et quia austeriora sunt præcepta Novi Testamenti quam Veteris, non incongrue per virgam ferream Evangelium, per ligneam autem lex figuratur. In illa dicitur : « Comeditis, et saturabimini ; bibetis, et inebriabimini ; dormietis, et non erit qui exterreat (*Lev. xxvi, 5, 6*) ; et iterum : « Comeditis vetustissima veterum, et vetera novis supervenientibus projicietis (*Ibid. 10*) ; » et multa alia quæ ad delectationes carnales pertinent. Hic autem dicitur ; « Videte ne graventur corda vestra in crapula et ebrietate, et curis ejus sæculi (*Luc. xxi, 34*) ; et iterum : « Arcta et angusta via est quæ ducit ad vitam (*Matth. vii, 14*) ; » et Paulus apostolus dicit : « In omnibus exhibeamus nosmetipsos sicut Dei ministros, in multa patientia, in vigiliis, in jejuniis (*II Cor. vi, 4*) ; » et alia innumerabilia, quæ in Novo Testamento de maceratione carnis inveniuntur. Nam et Dominus in Evangelio quam austeriora sint sua præcepta præceptis legis, manifestat cum dicit : « Audistis quia dictum est antiquis : Non occides ; qui autem occiderit, reus erit judicio : ego autem dico vobis, quia omnis qui irascitur fratri suo, reus erit judicio : qui autem dixerit fratri suo, Raca, reus erit concilio : qui autem dixerit, Fatue, reus erit gehennæ ignis (*Matth. v, 21, 22*) ; » et iterum : « Dictum est antiquis : Non 509 mœchaberis : ego autem dico vobis quia qui viderit mulierem ad concupiscendam eam, statim mœchatus est eam in corde suo (*Ibid. 27, 28*) ; » et iterum : « Dictum est antiquis : Quicumque dimiserit uxorem suam, det illi libellum repudii ; ego autem dico vobis : Quicumque dimiserit uxorem suam, excepta causa fornicationis, mœchatur ; et qui dimissam duxerit, mœchatur (*Ibid. 31, 32*) ; » et iterum (11) : « Dictum est antiquis : Oculum pro oculo, dentem pro dente ; ego autem dico vobis non resistere malo : sed si quis te percusserit in dexteram maxillam, præbe illi et alteram ; et qui voluerit tunicam tuam tollere, dimitte ei et pallium (*Ibid. 38-40*) ; » et iterum : « Dictum est antiquis : Diliges amicum tuum, et odio habebis inimicum tuum ; ego autem dico vobis : Diligite inimicos vestros, benefacite iis qui oderunt vos, et orate pro persequentibus et calumniantibus vos ; ut sitis filii Patris vestri, qui in cœlis est (*Ibid. 43-45*). » Hæc igitur verba Domini quæ protulimus, aperte demonstrant per virgam ferream Evangelium, per ligneam autem fragilem et mollem legem figurari ; per vasa autem figuli corda gentilium omnibus erroribus dæmonum repleta designantur, quæ a tactu virgæ ferreæ con-

(11) Deerrant in ed. *Et iterum, usque ad dimitte ei et pallium* : quem locum supplevimus e mss.

fracta sunt; quia veniente Evangelii gratia, omnis A error gentilium destructus est, et quæ erant antea vasa fictilia, facta sunt vasa ferrea, contra omnia testamenta demonum, et contra persecutiones hominum malorum fortissima.

Et dabo illi stellam matutinam: id est, neipsum dabo illi: ipse est enim stella matutina, de quo dicit Scriptura: « Orietur stella ex Jacob, et exurgit homo de Israel, et perentiet duces Moab (Num. xxiv, 17). » Moab dicitur ex patre (12): et Dominus Judæis dixit: « Vos ex patre diabolo estis (Joan. viii, 44). » Duces ergo Moab Dominus percussit, quando omnes fabricatores errorum exinanivit.

CAPUT III. — (Vers. 1.) *Et angelo Sardis Ecclesiæ scribe: Hæc dicit, qui habet septem spiritus Dei, et septem stellas.* Septem spiritus Dei septem sunt dona Spiritus sancti, quæ in Dominum descendisse propheta Isaias ostendit dicens: « Et requiescet super eum spiritus Domini, spiritus sapientiæ et intellectus, spiritus consilii et fortitudinis, spiritus scientiæ et pietatis: et replebit eum spiritus timoris Domini (Isa. xi, 2, 3). » De his septem spiritibus, quos Dominus dederit, in sequentibus dicemus: quid sint autem septem stellæ, superius dictum est. Sequitur, *Scio opera tua, quia nomen habes quod vivas, et mortuus es.* Nomen habebat quod viveret, id est, nomen Christianum: sed mortuus erat; quia fidei opera, quæ est charitas, non habebat.

(Vers. 2.) *Esto vigilans, et confirma cætera, quæ moritura erant.* Vigilat qui semper bona opera exercet: præcipitur ergo huic ut vigilet, id est, ut in charitatis operibus semetipsum exercent; ne parva bona quæ adhuc videbatur habere, deperirent. Quia sicut corpus mortuum est sine anima, ita et nos quælibet bona videamur habere, mortua sunt, si charitas defuerit: *Non enim invenio opera tua plena coram Deo meo.* Non erant plena, sed vacua, quia charitate non replebantur: unde et quinque virgines fatuæ a contubernio Sponsi cælestis repulsæ sunt, quia oleum charitatis in vasis suis habere noluerunt (Matth. xxv, 10-12).

(Vers. 3.) *In mente ergo habe qualiter acceperis et audieris, et serva, et pœnitentiam age*: id est, recordare qualiter fidem Christi in baptismo perceperis, ubi promisisti renuntiaturum te diabolo et omnibus operibus ejus: recordare etiam quid a doctoribus fidei Christianæ, qui te fidem Christi docuerunt, qualiter te vivere oporteret, audisti: *Et serva quod audisti, et pœnitentiam age*; eo quod a bonis operibus tandiu torpuisti. *Si ergo non vigilaveris*; id est, ad bona opera agenda temetipsum non excitaveris: *Veniam tanquam fur, et nescies qua hora veniam ad te.* Illi Dominus tanquam fur supervenit, ut eum per mortem ab hac mundana

habitatione subtrahat; qui in pravitatibus suis requiescens, neque a vitiis vult abstinere, neque ipsam mortem ante oculos ponere, sicut Dominus dicit in Evangelio: « Quia si sciret paterfamilias qua hora fur venturus esset, vigilaret utique, et non sineret perfodi domum suam (Matth. xxiv, 43). » Per paterfamilias mentem possumus intelligere; quia sicut paterfamilias omnibus qui in domo sunt, principatur; ita et mens omnibus actibus corporis et cogitationibus præfertur. Pater igitur familias dormit, furque veniens domum ejus perfodit, quando mens in delectationibus carnalibus requiescens, mors dum non prævidetur, supervenit, atque domum corporis perfodiens, animam abstrahit. Si autem vigilaverit, id est, in bonis operibus perseveraverit, mortem non ut furem, sed ut liberatricem perferet.

(Vers. 4.) *Sed habes pauca nomina in Sardis, qui non inquinaverunt vestimenta sua.* Ecce discipuli pastori negligenti præponuntur, ut saltem in eorum imitatione proficeret. Sed mirum cur pauca nomina habere dicatur, et non paucos homines. Sed hoc ad excellentiam magnam alicujus sancti pertinet, cum eum Deus nominatim scire dicitur, sicut Moysi perfecto viro dicitur: « Novi te ex nomine (Exod. xxxiii, 17); » et Dominus dicit in Evangelio: « Et proprias oves vocat nominatim, et educit eas (Joan. x, 3). » Isti ergo pauci, qui voce Dei laudari merentur, non inquinaverunt vestimenta sua, id est, munditiam quam in baptismo perceperunt, sordibus vitiorum non inquinaverunt. *Et ambulaverunt mecum in albis, quia digni sunt*; id est, in bonis operibus.

(Vers. 5, 6.) *Qui vicerit, sic vestiatur vestimentis albis*; id est, qui per pœnitentiam et lacrymas diabolum vicerit, et vitia omnia a se expulerit, eandem munditiam quam baptizatus possidet, et ipse consequetur. Hæc ideo dicit, ut et pastorem Sardis Ecclesiæ, et omnes etiam peccatores ad pœnitentiam provocet. *Et non delebo nomen ejus de libro vitæ.* Si librum vitæ prædestinationem vocat, quomodo de libro vitæ aliquis deleri potest, cum Apostolus dicat: « Quos autem prædestinavit, hos et vocavit: et quos vocavit, hos et justificavit: et quos justificavit, ipsos et glorificavit (Rom. viii, 30)? » Nisi forte ita intelligamus: Sunt multi qui ab hominibus justii putantur, sed in conspectu Dei injusti existunt. Ergo homines qui eos justos æstimant, jam in libro Dei eos scriptos esse putant: sed in die judicii, cum facta reproborum atque justorum omnibus patebunt, hæc inscriptio atque falsa suspicio a mentibus 510 eorum delebitur, cum eorum damnationem pro impietatibus suis conspexerint. *Et confitebor nomen ejus coram Patre meo, et coram angelis Dei.* Confessio ista tunc fiet

(12) Ita mss.; ed. vero, quæ inter voces *ex patre*, ac istas, *Duces ergo Moab*, interponuntur, prætermittunt.

nominum iastorum, quando secundum qualitatem A meritorum unusquisque mercedem recipiet.

(Vers. 7.) *Et angelo Philadelphie Ecclesie scribe: Hec dicit sanctus et versus, qui habet clavem David.* Legimus in libro Regum, quod dixerit Dominus ad David: « Et erit, cum dormieris cum patribus tuis, suscitabo semen tuum, quod egredietur ex te, et firmabo regnum ejus in sempiternum. Ego ero illi in patrem, et ipse erit mihi in filium (II Reg. vii, 12-14). » Hoc de Christo esse dictum nullus est, nisi perfidus Judæus, qui ambigat. Et in domum obseratam nullus nisi per clavem potest introire. Filius ergo Dei habet clavem David, quia ipse hominem assumpsit ex genere David, quem clavem David vocat, per quem reserata sunt omnia, et quæ Deus ad David, et quæ David de eo locutus est. *Qui aperit, et nemo laudit: claudit, et nemo aperit.* Aperuit Dominus Jesus Christus Vetus Testamentum ad intelligenda divina mysteria quæ in eo latebant, quod nullus claudere poterit: clausit vero observantiam litteræ legalis superfluum, quam nullus aperire poterit. Aperuit etiam corda gentilium ad percipiendam doctrinam fidei, quæ nullus persecutor claudere potuit: clausit vero atque destruxit culturam idolorum, quam nullus persecutorum aperire potuit. Aperuit etiam aditum regni cælestis suis electis, quod nulla vis dæmonum claudere potest: clausit vero eundem aditum reprobis, quod nullus eis aperire poterit.

(Vers. 8.) *Scio opera tua: ecce dedi coram te ostium apertum quod nemo potest claudere, quia modicam habes virtutem, et servasti verbum meum, et non negasti nomen meum.* Videtur mihi quod iste angelus Ecclesie Philadelphie non satis in divinis Scripturis fuerit eruditus, et ideo dixerit eum modicam habuisse virtutem ad revincendos videlicet iniimicos fidei veritatis. Et est sensus: Quia in persecutione constans fuisti, et servasti verbum meum, id est, a prædicatione verbi mei non cessasti, et nomen meum non negasti; ideo quia modicam habes virtutem, dedi coram te ostium apertum in divinis Scripturis, ut intelligas mysteria divinarum Scripturarum: quod nemo poterit claudere, id est, sapientiæ quæ tibi dabitur, nullus poterit resistere inimicorum.

(Vers. 9.) *Ecce dabo de synagoga Satanæ, qui dicunt se Judæos esse, et non sunt, sed mentiuntur.* Ecce dabo de synagoga Satanæ, subauditur quosdam, id est, ex Judæis, qui sunt synagoga Satanæ, qui tibi adversabantur (13-19), et quorum infestationem assidue tolerabas, ut credant per verba tua in me.

(Vers. 10.) *Ecce faciam illos ut veniant, et adorent ante pedes tuos, et scient quia dilexi te, quoniam servasti verbum patientiæ meæ; id est, cum*

(13-19) Edit., *Satanæ, qui tibi adversabantur*: mss. autem, ut in contextu.

(20) Sic omnes mss.; edit. vero, *quia singulorum factu omnibus manifestabuntur. A qua hora tenta-*

A crediderint per verba tua in me, adorabunt ante pedes tuos, deprecantes ut per te vitam æternam consequantur. *Et ego te sercabo ab hora tentationis, quæ ventura est in universum orbem, tentare omnes qui inhabitant terram.* Hora tentationis diem judicii significat: tentationem autem pro manifestatione posuit, quia singulorum causæ tunc manifestabuntur (20). Et in Exodo legimus: « Tentat vos Deus, ut sciat si diligatis eum (Deut. xii, 3), » id est, ut manifestum fiat et appareat omnibus, si diligitis eum. Secundum hunc igitur sensum hora tentationis hora manifestationis designatur, quando singulorum facta omnibus manifestabuntur. A qua hora tentationis nos et omnes electos suos Dominus salvabit.

B (Vers. 11.) *Ecce venio cito: tene quod habes, ut nemo accipiat coronam tuam.* Tene quod habes, id est, bonum quod habes, usque in finem vitæ tuæ tene. *Ut nemo accipiat coronam tuam, id est, ut gloriam quæ tibi debetur, nullus sine te possideat.*

(Vers. 12, 13.) *Qui viverit, faciam illum columnam in templo Dei mei, et foras non egredietur amplius.* Potest per templum Ecclesia designari: per columnas autem, quæ sustentant templum, prædicatores. Nam et Paulus apostolus Petrum et Jacobum columnas Ecclesie vocat (Galat. ii, 9); eo quod super ipsos ædificata sit Ecclesia, sicut Dominus dixit Petro: « Tu es Petrus, et super hanc petram ædificabo Ecclesiam meam (Matth. xvi, 18). » Sed videtur propter hoc, quod sequitur: *Et foras non egredietur amplius*; non ad præsentem Ecclesiam, sed ad cælestem pertinere hanc sententiam. Nam multi fuerunt, qui columnæ Ecclesie dicebantur: sed propter pravam doctrinam eorum, ab ea exierunt, sicut fuit Origenes, et alii multi. Per templum ergo cælestis habitatio, per columnam vero unusquisque electus potest designari. Ergo qui vicerit omnia tentamenta diabolica omnesque carnales voluptates, columna in templo Dei efficitur, id est, in cælesti beatitudine: et sicut columna in loco, in quo statuitur, firmissima stabilitate (21) perseverat, ita et unusquisque electus in cælesti beatitudine tam firmissimam stabilitatem a creatore suo consequitur, ut nunquam ab ea divellatur; quemadmodum avulsus est diabolus, qui de cælesti beatitudine superbiendo cecidit. *Et scribam super eum nomen Dei mei.* Nomen hoc Dei est æternum: nomen ergo Dei, quod est æternum, super unumquemque justum scribitur, quando æternitas ei cum Domino permanendi largitur. *Et nomen civitatis Dei mei novæ Jerusalem, quæ descendit de cælo a Deo meo.* Nova Jerusalem illa est cælestis, quæ non ex lapidibus, sicut vetus, sed ex sanctis hominibus quotidie ædificatur. Jerusalem autem interpretatur *tionis, etc.*

(21) Voces, *firmissima stabilitate, usque ad tam firmissimam stabilitatem, e mss. restituuntur.*

visio pacis, id est visio Dei. Nomen ergo Jerusalem **A** super unumquemque electum scribitur, dum hoc unumque conceditur, ut Deum sine fine videre mereatur. Aliter: Nomen Jerusalem super unumquemque electum scribitur, eo quod ipse Jerusalem, in quem Deus regnare dignetur, in societate videlicet angelorum omniumque electorum, qui Jerusalem cœlestis vocantur. Sed mirum, cur Jerusalem de cœlis descendisse dicitur, cum sciamus electos omnes a terris ad cœlos conscendere quotidie, non de cœlestibus ad terrena relabi. Sed Domino de cœlis ad redemptionem generis humani descendente, simul etiam sancti descenderunt; quia jam per prædestinationis gratiam illi conjuncti erant, quos per misericordiam suam redimere **511** veniebat. *Et nomen meum novum*; videlicet ut vocetur **B** filius Dei, sicut et ego sum Filius Dei.

(Vers. 14.) *Et angelo Laodiceæ Ecclesiæ scribe: Hæc dicit: Amen, testis fidelis et verus.* Amen, vere sive fideliter interpretatur: quod est amen, hoc est testis fidelis et verus. *Qui est principium creaturæ Dei.* Non ideo se principium creaturæ Dei dicit, quod ipse sit creatus, sed quod ab ipso omnia sint creata, ut puta architectus fecit domum: si interrogaveris quis fuerit principium domus, dicetur tibi: Artifex, qui eam prius mente concepit, et postea ædificavit; quia domus sibimet ipsi principium dare non potuit.

(Vers. 15.) *Scio opera tua, quia neque frigidus es, neque calidus.* Frigidus non erat; quia, quamvis **C** opera fidei non haberet, sola fide se justum existimabat: calidus non erat, quia charitas illi deerat. *Utinam frigidus esses, aut calidus:* id est, utinam aut charitate ferveres, aut te peccatorem, sicut es, æstimares; ut per timorem ignis æterni et pœnitentiam ad bona opera agenda impellereris.

(Vers. 16.) *Sed quia tepidus es, incipiam te evomere ex ore meo.* Aqua tepida si hausta fuerit, fastidium generat: ideoque facile rejicitur. In os vero Domini tunc ingredimur, quando per baptismum a vitiis omnibus emundati, membra ejus effici-mur. Igitur si fidem quæ per charitatem operatur, et quam in baptismo promisimus, a charitate tepescentes operari neglexerimus, ab ore Domini, **D** veluti quoddam nocivum ac fastidiosum fetidumque rejicimur, sicut ipse dixit de se ipso discipulis suis: « Ego sum vitis, et vos palmites; et Pater meus agricola est. Omnem palmitem non ferentem in me fructum, præcidet eum, et omnem qui fert fructum, purgabit eum (22), ut fructus plus afferat (Joan. xv, 1, 2, 5). »

(Vers. 17.) *Quia dicis quod dives sum, et locupletatus, et nullius ego.* Dives et locupletatus recte dicitur qui omnibus virtutibus plenus, usque ad

(22) Edit., *in me fructum purgabit eum*, sed hiatum hunc mss. omnes suppleverunt.

(23) Codex Gem., *persecutionis excrevit*. Non satis recte.

culmen perfectionis excrevit (23). Iste autem præsul Ecclesiæ Laodiceæ propter solam fidem omnibus virtutibus divitem se et locupletem æstimabat, et nihil se ad salutem æternam acquirendam aliud egere, non recogitans illud quod dicit apostolus: quia « fides sine operibus otiosa est (Jacob. 1, 26). »

Et nescis quia tu es miser, et miserabilis, et pauper, et cæcus, et nudus. Miserum eum dicimus, qui cum paupertate et nuditate etiam aliqua infirmitate premitur. Similiter et iste miser et miserabilis ideo dicitur, quod pauper erat virtutibus, mente cæcus (24), operibus bonis nudus.

(Vers. 18.) *Suadeo tibi emere a me aurum probatum, ignitum.* Per aurum sapientia intelligitur, sicut scriptum est: « Thesaurus desiderabilis requiescit in ore sapientis (Prov. xxi, 20). » Quod probatum dicitur, quia probatos et perfectos reddit omnes quos possidet. Ignitum vero ideo dicitur, quia eorum mentes in quibus habitat, in amorem Dei atque proximi accendit. Et quia vera sapientia ex divinis Scripturis a crescit, Psalmista manifestat, cum dicit: « Eloquia Domini eloquia casta, argentum igne examinatum, probatum terræ, purgatum septuplum (Psal. xi, 7). » Eloquia Domini eloquia casta sunt; quia castas mentes a vitiis reddunt. Sed cum nihil purgari possit, nisi quod sordidum est, quærendum nobis est quomodo eloquia Domini purgari dicantur, in quibus nihil sordidum esse potest. Eloquia ergo Domini sicut **C** argentum igne examinata esse dicuntur; quia mentes fidelium aliquando igne pœnitentiæ, aliquando igne charitatis ab omnibus sordibus vitiorum examinant (25). Quod autem ait: *Probatum terræ*, in Hebræo habet: *Separatum a terra*. Quod etiam septuplum purgatum dicitur, propter septem purgationes quas divina Scriptura in se continet, septem videlicet virtutes, quibus omnia vitia purgantur: quemadmodum gulæ vitium purgatur per abstinentiam, superbia per humilitatem, libido per pudicitiam; odium, avaritia, invidia, et multa alia, per charitatem. Similiter et cætera vitia habent hostes suos, a quibus aut vincuntur, aut vincunt. Et quia superius Dominus dicit, ut aurum, id est sapientia, a se ematur; quærendum nobis est, quo pretio sapientia ematur, cum Job dicat: « Non dabitur aurum obrizum pro ea (Job xxviii, 15); » nec aliud quid, quod inter homines pretiosius habetur. Sed quo pretio ematur, ipse beatus Job manifestat, cum dicit: « Timor Domini ipsa est sapientia, et recedere a malo intelligentia (Ibid. 28). » Non quod ille, qui timet, perfectus sit in sapientia, cum apostolus dicat: « Qui autem timet, non est perfectus in charitate (I Joan. iv, 18): » sed quod sapientiam jam possidere incipit, qui pro

(24) Desiderabatur in edit. *mente cæcus*.

(25) Edit. *Fidelium aliquando igne charitatis ab omnibus sordibus examinant*; mss. vero nobiscum faciunt.

ea pretium dare inchoat. Pretium autem ejus est A timor Domini, abrenuntiatio vitiorum, pœnitentia, lacrymæ, opera misericordiæ. Et ideo non inconuenienter sequitur : *Ut locuples fias*. Quia sine hoc pretio ad locupletationem virtutum, quod est sapientia, nemo pervenire potest. *Et vestimentis albis induaris*. Vestimenta alba sunt opera bona. *Et non appareat confusio nuditatis tue*. Confusio nuditatis illa est, de qua dicit Psalmista : « Ecce enim in iniquitatibus conceptus sum, et in peccatis peperit me mater mea (Psal. l., 7). » Hanc autem confusionem nuditatis bonis operibus operire debemus ; nam quamvis iste episcopus fidem haberet, nudus tamen dicitur ; eo quod ab operibus fidei vacaret. *Et collyrio inunge oculos tuos, ut videas*. Per collyrium, quod caliginem ab oculis detergit, lacrymasque educit, pœnitentia atque compunctio cordis potest intelligi ; ipsa est namque quæ ab oculis mentis caliginem cœcitatatis detergit, atque ad videndum quæ sit retributio justorum et pœna peccatorum acuit.

(Vers. 19.) *Ego quos amo, arguo et castigo*. Sicut dicit Scriptura : « Quem enim diligit, Dominus corripit : flagellat autem omnem filium quem recipit (Hebr. xii, 6). »

(Vers. 20.) *Æmulare ergo, et pœnitentiam age* : id est, æmulare bonos, et pœnitentiam age ; eo quod a bonis operibus usque modo torpueris. *Ecce stouit ostium, et pulso : si quis audierit vocem meam, et aperuerit januam, intrabo ad illum, et cenabo cum illo, et ipse mecum*. Pulsat Dominus ad ostium nostrum, cum per Scripturam divinam quotidie nos admonet, ut vitia reiinquentes, ad bona opera agenda convertamur. Vocem ejus audimus, et januam aperimus, cum mandata 512 ejus tota mentis intentione suscipimus. Ad nos vero ipse intrat, cum charitatem suam in cordibus nostris plantat. Cœnat vero nobiscum, cum de nostris profectibus gaudet (25). Cœnamus nos cum illo, cum de spe cœlestis gloriæ exsultamus.

(Vers. 21.) *Qui vicerit, dabo et potestatem sedere mecum in throno meo ; sicut et ego vici, et sedi cum Patre meo in throno ejus*. Vicit Christus diabolum, vincunt et sancti ejus : sed Christus per semetipsum, sancti vero ejus non per semetipsos, sed per ipsum. Dedit Pater Filio potestatem secundum quod homo est, ut sedeat in throno ejus : dedit et Filius potestatem sanctis suis, ut sedeant et ipsi in throno ejus. Sed Christus ad dexteram Patris sedet, sicut dicit Psalmista : « Dixit Dominus Domino meo, sede a dextris meis (Psal. cix, 1) ; » quia æqualis est Patri : sancti autem non ad dexteram Filii sedere dicuntur, sed in sedibus suis, sicut dicit Dominus in Evangelio : « Sedebitis et vos super sedes duodecim, judicantes duodecim tribus Israel (Matth. xix, 28). » Ipsi enim non naturaliter ut Christus,

(25) Ita mss. ; edit. autem : *Ad nos vero intrat, cum nostris profectibus gaudet*.

(26) *Ratio deponit... manifestius describitur,*

sed per adoptionem sunt filii ; ideo diversas sedes sortiuntur secundum meritorum diversitatem. Præstet hoc nobis, de quo loquimur ; ut in earum sedium distributione nos miseri partem habere mereamur, Jesus Christus Dominus noster, qui cum Patre et Spiritu sancto vivit et regnat in sæcula sæculorum, amen.

DE VISIONE SECUNDA.

Ratio deponit (26) ut post septem epistolas, quas ad septem Ecclesias, quæ unam catholicam designant, Joannes direxit, in quibus fideles instituuntur, qualiter ad virtutum celsitudinem conscendere debeant, ejusdem Ecclesiæ status atque sublimitas manifestius describitur.

CAPUT IV. — (Vers. 1.) *Post hæc vidi ostium B apertum in cælo*. Per ostium, Christus intelligitur, qui dicit : « Ego sum ostium : per me si quis introierit, salvabitur (Joan. x, 9). » Quod ostium apertum esse dicitur ; quia omnibus ad se venire desiderantibus, quamvis multis sceleribus deprimantur, ostium misericordiæ suæ aperire non dedignatur, sicut ipse dicit in Evangelio : « Venite ad me, omnes qui laboratis et onerati estis, et ego reficiam vos (Matth. xi, 28). » Per cœlum autem Ecclesia designatur. Sed si omnis qui per ostium in ovile ovium, id est, in sanctam Ecclesiam introierit, salvabitur : reprobi, quorum innumerabiles intra sanctam Ecclesiam continentur, quo aditu introierunt ? De hoc Dominum interrogemus ; ait enim : « Qui non intrat per ostium in ovile ovium, sed C ascendit aliunde, ille fur est et latro (Joan. x, 1). »

Quicumque ergo hoc quod in baptismo promiserunt, observare nolunt, non per ostium in ovile ovium, sed aliunde ascenderunt. *Et vox prima, quam audivi, tanquam tubæ loquentis mecum, dicens*. Vocem primam Vetus Testamentum accipere possumus : sed melius mihi videtur, ut per vocem primam Joannem Baptistam intelligamus, de quo scriptum est : « Et tu, puer, propheta Altissimi vocaberis ; præibis enim ante Dominum parare vias ejus ad dandam scientiam salutis plebi ejus in remissionem peccatorum eorum (Luc. 1, 76, 77). » Sed et ipse Joannes se vocem vocat, dicens : « Ego vox clamantis in deserto : Dirigite viam Domini, sicut dixit Isaias propheta (Joan. 1, 23 ; Isa. xl, 3). » Et quia prædicatio ejus circumquaque pererebuit, vox prædicationis ejus tubæ similis dicitur. Sed quid vox ista dicat, audiamus : *Ascende hæc, et ostendam tibi que oportet fieri posthæc* ; id est, terrena desere (27), et ad cœlestia animum erige. Aliter : Joannes evangelista personam eorum in hoc loco gerit, qui per Joannem Baptistam in Christum crediderunt, et multi eo tempore exstiterunt, qui Joannem Christum æstimabant : Joannes vero sursum auditores suos mentes erigere suadebat, cum se non Christum esse dicebat, sed alterum qui post edit. Rom. e medio tulerat.

(27) Rom. edit., *Ascende hæc, id est, terrena desere*.

se venturus erat, dicens : Non sum ego Christus : A
veniet vero fortior me post me, & ejus non sum
dignus ut solvam corrigiam calceamenti. Ipse vos
baptizabit in Spiritu sancto et igne (*Joan.* i, 27,
33) ; & iterum : « Illum oportet crescere, me au-
tem minui (*Joan.* iii, 30). » Sed et discipulos suos
conscendere sursum monebat, cum se deserendum,
et Christum esse sequendum manifesta ratione per-
docebat. Deinde sequitur : *Et ostendam tibi, quæ*
oportet fieri post hæc ; ac si diceret : Si sursum cor
erexeris, id est, si Christum fide secutus fueris, ea
quæ doceo, et quæ ventura sunt, etiam ipso docente,
facile cognoscere poteris.

(Vers. 2.) *Et statim fui in spiritu* ; id est, cum
in Christum credere cœpi, ex carnali spiritalis ef-
fectus sum. *Et ecce sedes posita erat in cœlo, et su-
pra sedens.* Per cœlum, ut supra diximus, Ecclesia
designatur : sedes vero posita in cœlo, corda san-
ctorum in Ecclesia commorantium designat. Qui
vero supra sedem visus est sedere, Deus est, qui
in cordibus sanctorum suorum inhabitat atque se-
det, sicut Apostolus dicit : « Templum enim Dei
sanctum est, quod estis vos (*I Cor.* iii, 17). »

(Vers. 3.) *Et qui sedebat, similis erat aspectui la-
pidis jaspidis et sardii.* Jaspis viridis coloris est,
sardius autem rubei : per viriditatem ergo jaspidis
divinitas nostri Salvatoris : per ruborem autem
sardii ejus humanitas designatur. Salvator igitur
noster et viriditatem jaspidis in se continet ; quia
secundum divinitatem per omnia æqualis est Patri :
et ruborem sardii, quia secundum humanitatem
homo perfectus existit, sicut scriptum est : « Per-
fectus Deus, perfectus homo, ex anima rationali et
humana carne subsistens (*Symbol. sub Athanasii*
nomine). »

*Et iris erat in circuitu sedis, similis visioni sma-
ragdinæ.* In Genesi legimus, quia dixit Deus ad Noe :
« Arcum meum ponam in nubibus cœli, et recordabor
fœderis mei sempiterni, quod pactum est inter Deum
et omnem animam viventem (*Gen.* ix, 13, 15). » Per
arcum igitur, qui in signum clementiæ Dei homi-
nibus in terra consistentibus apparet, misericordia
Dei non inconvenienter accipitur. Iris ergo, id est
arcus, sedem Dei, id est Ecclesiam, circumdabat ;
quia ejus misericordia nos circumdando, protegit
et gubernat, atque ab invisibilibus hostibus (28)
defendit : « In ipso enim, sicut dicit Apostolus,
vivimus, movemur et sumus (*Act.* xvii, 28). » Qui
arcus similitudinem smaragdi habuisse dictus est,
qui nimis atque gratissimæ viriditatis est : jaspis
vero, de quo superius diximus, viridis coloris 513
est, sicut smaragdus. Sed ejus viriditas obtusa est :
viriditas vero smaragdi perspicua est, cujus pulchri-
tudo oculos intuentium ad se mirandam pertrahit.
Per viriditatem ergo jaspidis, sicut diximus, divi-
nitas nostri Salvatoris accipitur ; quæ obscura et
quibusdam nebulis oblecta est ; quia divinitatem

Redemptoris nostri nulla mens, sicut est, compre-
hendere potest : et quanto altius se mens ad per-
scrutandum erexerit, tanto amplior caligo ei objici-
tur. Per viriditatem vero smaragdi, quæ perspicua
est, misericordia Domini recte designatur ; miseri-
cordia namque Domini tam perspicua est, ut nullus
homo sanam mentem possidens, hanc ignorare va-
leat. Quis enim immensam misericordiam Dei,
quam erga humanum genus exhibuit, et exhibet
quotidie, ignorare potest, quamvis verbis perfecte,
explicari non possit ? Sed et hoc quod viriditas
hujus lapidis hebetatos oculos, si inspicitur, ad vi-
dendum acuit, potest misericordiæ Dei convenire :
quando enim in peccatis jacemus, et scelera nostra
nos deprimunt, hebetatos oculos mentis habemus.
Cum vero consideramus misericordiam Dei, quali-
ter meretrices et latrones, omniumque scelerum
generibus depressos, etiam et persecutores suos per
pœnitentiam ad salutem reduxit, ad spem veniæ
reformatur. Et quia jam in perditionis fovea deti-
nebamur, misericordiam Domini intuentes, atque
de ea præsumentes, ad eum quem offenderamus,
confuginus, ut ejus misericordia a morte perpetua
liberemur. Quam misericordiam Dei Psalmista in-
tuens, nec eam verbis explicare valens, ipsum Deum
misericordiam suam vocavit, dicens : « Deus meus
misericordia mea (*Psal.* lvm, 18). »

(Vers. 4.) *Et in circuitu sedis sedilia viginti qua-
tuor, et supra thronos viginti quatuor seniores seden-
tes, circumamicti vestimentis albis, et in capitibus
eorum coronæ aureæ.* Viginti quatuor seniores in
hoc libro aliquando Patres Veteris Testamenti, ali-
quando Novi, aliquando simul utrosque significant ;
sed in hoc loco Patres Veteris Testamenti desi-
gnant, qui viginti quatuor sedilibus sedisse dicun-
tur ; quando enim sedemus, a labore quiescimus.
Per sedilia igitur viginti quatuor libri Veteris Testa-
menti designantur. Super viginti quatuor thronos
viginti quatuor seniores sedisse visi sunt ; quia Patres
Veteris Testamenti a laboribus et curis hujus sæculi,
in lectione et meditatione divinorum librorum quo-
dammodo quiescebant. Sed quærendum nobis est,
cum sedes Ecclesiam significet, cur in circuitu sedis
hæc sedilia disposita esse dicantur. Nimirum quia
quisquis paterfamilias domum suam tutam a latro-
nibus et inimicis esse desiderat, hanc aut muro, aut
sepe, aut pariete circumdat. Similiter Ecclesia et
contra hæreticos et contra paganos, qui fidem Chri-
sti in ea dejicere volunt, Veteris Testamenti libris
munitur ; quia quando ea quæ colit, longe ante adven-
tum Christi fuisse prædicta probat, jacula inimico-
rum fidem Christi evertere cupientium, longe a se
repellit. Qui senes circumamicti vestimentis albis
fuisse dicuntur, et in capitibus eorum coronæ aureæ :
per alba vestimenta vitæ puritas, per coronas autem
aureas opera bona designantur.

(Vers. 5.) *Et de throno* (id est de Ecclesia) *proce-*

(28) Ita mss. ; edit. vero, *atque a visibilibus et invisibilibus hostibus.*

dunt fulgura, et voces, et tonitrua. Per fulgura mi-
raeula, quæ per sanctos suos operatur Deus : per
voces prædicatio : per tonitrua vero terror gehennæ
ignis designatur ; quia sancti prædicatores eos, quos
amore cœlestis patriæ a vitiis revocare nequeunt,
eis tormenta æterna, quæ impiis præparata sunt,
opponunt ; ut quos blanditiis nequeunt, saltem ter-
roribus a vitiis compescant. *Et septem lampades ar-
dentes ante thronum (29)*. Quid sint septem lampades,
ipse exponit, cum dicit : *Quæ sunt septem spi-
ritus Dei*. Per septem spiritus Dei septem dona Spi-
ritus sancti debemus intelligere, quæ in Dominum
requiescisse propheta Isaias manifestat dicens : « Et
requiescet super eum spiritus Domini, spiritus sapi-
entiæ et intellectus, spiritus consilii et fortitudinis,
spiritus scientiæ et pietatis : et replebit eum spiri-
tus timoris Domini (*Isa. xi, 2, 3*). » Hæ igitur se-
ptem lampades, id est septem dona Spiritus sancti,
ante sedem, id est ante conspectum Ecclesiæ suæ,
ardere dicuntur, quia sine lumine harum virtutum
in nocte hujus sæculi positi, per vitæ vias ad cœ-
lestem patriam gradi non possumus. Quod autem
Christum hæc septem dona a Spiritu sancto acce-
pisse dicit, ad humanitatis ejus mysterium pertinet ;
nam secundum divinitatem in nullo angari potuit,
sine quo nihil esse potuit.

Verum quæri potest cur propheta, cum hæc se-
ptem dona in Christum descensura esse diceret, a
majoribus cœpit, et descendendo ad minora perve-
nit. Sed non abs re esse factum videbitur, si dili-
genter inspicatur. Nam quia Dominus noster Jesus
Christus de illa cœlesti beatitudine, in qua æqualis
erat per omnia Patri, ad terras descendere et homo
fieri dignatus est, et ab angelis minorari voluit, quos
ipse creaverat ; non inconvenienter hæc septem
dona descendendo accepit, quia voluntatem Patris
descendendo et humiliando se usque ad mortem
adiimplevit, sicut dicit Apostolus : « Humilianit se-
metipsum usque ad mortem, mortem autem crucis
(*Philipp. ii, 8*). » Nos autem qui ab ipsa perditionis fo-
vea ad cœlestia sublevamur, a minoribus incipimus,
ut ad majora crescendo perveniamus.

Quomodo autem hæc septem dona super Christum
descenderint, prout Dominus dederit, breviter di-
camus. Spiritus sapientiæ super hominem Christum
requievit, quando Filius Dei secundum divinitatem,
qui sapientia Patris dicitur, in eum descendit.

Spiritus intelligentiæ in eum requievit, quando
omnibus virtutibus est, ditatus, sicut in Evangelio
scriptum est : « Jesus proficiebat sapientia, et ætate,
et gratia coram Deo et hominibus (*Luc. ii, 52*). »

Post intellectum consilium sequitur. Consilium
a consulendo dicitur ; nam si aliquod periculum
nobis imminet, consilium a sapiente perquirimus,
qualiter periculum evadamus. Similiter et cum ad
aliquam dignitatem sæculi conscendere cupimus,

A consilium quærimus, qualiter ad id quod desidera-
mus, pervenire valeamus. Christus igitur est con-
siliator noster, qui consilium dat qualiter pericula
æterna evadamus ; et consilium quod dat, ipse per-
ficit, cum a periculis æternis nos liberat. Similiter
et consilium dat qualiter ad hæreditatem paradisi
pervenire possimus, et ad ipsa gaudia ipse nos
perducit. Spiritus itaque 514 consilii in homine
Christo descendit, dum a Spiritu sancto perecepit
doctrinam Evangelii, in qua consilium consistit
omnium hominum salvari cupientium.

Spiritus etiam fortitudinis super Christum re-
quievit, quando ad debellandum hostem antiquum
fortis inter homines apparuit. De hac sua fortitu-
dine ipse dixit in Evangelio : « Dum fortis arma-
tus custodit atrium suum, in pace sunt ea quæ
possidet : si autem fortior illo superveniens vicerit
eum, universa arma ejus auferet, in quibus confi-
debat, et spolia ejus distribuet (*Luc. xi, 21, 22*). »

Post fortitudinem sequitur scientia. Apud ho-
mines multæ scientiæ sunt ; sunt namque diversa-
rum artium diversæ scientiæ. Est scientia litte-
ris, est in mundanis legibus, est in augendis rebus
temporalibus, est etiam scientia in præcavendis
periculis ; sunt etiam multi, qui per subtilitatem
sensus quædam futura prævident. Sed has scientias
aliquando boni, aliquando mali possident : scien-
tiam vero quæ in Christum descendit, nullus nisi
bonus habere potest. Quæ tanta fuit, quantam nulla
mens comprehendere potuit : « In ipso enim sunt
omnes thesauri sapientiæ et scientiæ absconditi
(*Coloss. ii, 3*). » Videtur itaque mihi per spiritum
scientiæ aliquod factum ejus non debere intelli-
gere ; prævidens namque Salvator noster, si acces-
sum hominum peccatorum devitaret, multos sce-
leratos in desperationis foveam esse decidendos,
peccatoribus per societatem corporis se conformari
voluit, manducans videlicet et bibens eum eis,
tactus etiam meretricum non respuens : qui etiam
et latroni in initio confessionis ejus paradysum re-
promisit (*Luc. xxiii, 43*), ut omnibus peccatoribus
salvari cupientibus spem veniæ tribueret. Pharisei
vero, spiritum scientiæ non habentes, reprehende-
bant eum ; eo quod cum publicanis et peccatoribus
manducaret. Sed ipse, spiritum scientiæ possidens,
dixit eis : « Non est opus sanis medicus, sed male
habentibus : non veni vocare justos, sed peccatores
ad pœnitentiam (*Matth. ix, 12, 13*). »

De spiritu vero pietatis non est necesse nobis
quidquam dicere. Quid enim tam pium, quam ille
qui peccatum non fecit, nec inventus est dolus in
ore ejus (*I Petr. ii, 22*) ; et cum posset a morte
potestate sua liberari, se pro salute generis humani
et teneri, et ligari, et cœspui, et alapis cædi, et
flagellari, et crucifigi permisit ?

Spiritus vero timoris Domini, qui ultimus poni-

(29) Fragmentum cod. S. Audoeni : *Beatus Joannes apostolus et evangelista in Apocalypsi vidit septem lampades, etc.*

tur, ad passionem pertinet; non quod timore co-
actus sit ut pro salute generis humani moreretur :
sed timorem pro obedientia accipere debemus, de
qua ipse dicit : « Non veni facere voluntatem meam,
sed voluntatem ejus qui misit me, Patris (*Joan.* vi,
36). » Nam et filium, qui patri carnali est per omnia
obediens, patrem timere dicimus, cum illa obedi-
entia non sit timoris, sed amoris. De quo timore Psal-
mista dicit : « Timor Domini sanctus permanens in
sæculum sæculi (*Psal.* xviii, 10); » non autem
timor, sed charitas Dei in sæculum sæculi perma-
nebit.

Nunc qualiter hæc septem dona Spiritus sancti
unicuique fidelium convenient, breviter dicendum
est. Et quia nos qui per primæ prævaricationis
culpam in perditionis laqueo jacebamus, misericor-
dia Dei ad superna reducimur ab inferioribus, id
est, a timore Dei incipimus, ut ad superiora, id est
ad sapientiam, proficiendo crescamus. Et quibus
gradibus Christus humiliando se ad nos descendit,
salutemque nostram moriendo perfecit, eisdem
gradibus et nos ad eum conscendere debemus : fa-
ciendo videlicet præcepta ejus, quæ in donis septem
Spiritus sancti continentur. Spiritus igitur timoris
Domini super unumquemque peccatorem requiescit,
cum considerans peccata sua, justumque judicium
Dei pertimescens, poenasque ignis æterni, quæ impiis
præparatæ sunt, ad poenitentiam lacrymasque con-
vertitur, et amarissime flere incipit, quod delecta-
biliter gessit.

Spiritus vero pietatis super quemlibet peccatorum
requiescit, dum audiens Scripturam dicentem :
« Sicut aqua exstinguit ignem, ita elemosyna
exstinguit peccatum (*Eccli.* iii, 33); » et Dominum
dicentem : « Date elemosynam, et ecce omnia
munda sunt vobis (*Luc.* xi, 41), » alere egentes,
vestire nudos, et cætera pietatis opera incipit exer-
cere; ut Deum alios miserando propitium sibi
faciat, quem peccando offenderat. Unde et Daniel
propheta regem impiissimum, ut peccata sua ele-
mosynis redimeret et misericordiis pauperum ad-
monere studuit.

A pietate ad scientiæ spiritum conscenditur;
nam, quamvis videatur aliquis scientiam possidere,
stultus est, si male vivit. Quid enim stultius, quam
timorem Dei a mente abjicere, vitiis deservire (30),
rapidoque cursu ad interitum properare? Si igitur
stultitia est vitiis deservire, et scientia optima est
vitia deserere, atque ad Deum tota mente converti;
quicumque per timoris spiritum peccata sua plangere
incipit, et per pietatis spiritum misericors erga indi-
gentes esse studet, ut Deum alios miserando mise-
ricordem sibi faciat, necesse est ut per donum san-
cti Spiritus scientiæ spiritum possideat. Quicumque
enim converti ad Deum desiderat, necesse est ut

(30) Edit., *vitiis deservire? Scientia vero maxima est, etc.*; mss. ut in contextu.

(31) *Ut vitia derelinquat.... necesse est, ex fide mss. omnium reposuimus.*

A vitia derelinquat : et quicumque vitia deserere cupit,
necesse est (31) ut per doctrinam divinarum Scri-
pturarum, sive per prædicationem sanctorum viro-
rum, discat quæ sint genera vitiorum, qualiter
homines illaqueent, et quibus modis exstingui pos-
sint; quæ sint etiam deceptiones dæmonum, et
qualiter contra eos pugnandum sit : hoc est igitur
scientiæ spiritum possidere.

Et quia Salomon dicit quia « qui addit scientiam,
addit et laborem (*Eccl.* i, 18); » a scientia ad
fortitudinis spiritum conscenditur. Nam sicut qui-
libet præliator non contra eum quem in vinculis
tenet, pugnat, sed potius contra eum qui resistere
ei vult : ita et diabolus non contra eum quem vin-
culis peccatorum constrictum tenet, dimicat; sed
potius contra eum qui peccare desistit, et ad Deum
tota mente revertitur. Quicumque ergo per poen-
itentiam pietatisque opera a diaboli vinculis absolvi
meretur, atque contra eum per scientiæ spiritum
bellum cupit instruere; necesse habet ut a Spiritu
sancto fortitudinis donum accipiat : quo instructus,
et interiores hostes, id est vitia, funditus possit
exstinguere, et exteriores, videlicet homines, per
patientiam superare, omniaque jacula dæmonum
scuto fidei a se repellere.

A fortitudine ad consilium conscenditur : consi-
lium autem salutis nostræ in præceptis consistit
evangelicis. Quisquis igitur vitia in se exstinguere
per fortitudinis spiritum potuit, necesse est ut ad
mandata 515 Evangelii (32) perscrutanda, atque
in corde suo recondenda transeat; ubi consilium
reperiet, qualiter ad perfectionis culmen conscen-
dere valeat.

Et quia mandata Evangelii sine virtutibus custo-
diri non possunt, a spiritu consilii ad intellectum
conscenditur, in quo perfectio virtutum tota con-
sistit. Intellectus vero donum a Spiritu sancto fideles
accipiunt, cum omnibus virtutibus ditari merentur;
ille enim verum intellectum possidet, qui fide illumi-
natur, qui pudicitia mundatur, patientia decoratur,
qui humilitate munitur, qui charitate refulget, cæ-
terisque virtutibus consummatur.

Et quia per operationem (33) virtutum ad culmen
perfectionis conscenditur sapientia intellectui præ-
ponitur, in qua tota perfectio consistit. De hac
perfectioe Dominus dicit in Evangelio : « Si vis
perfectus esse, vade, vende omnia quæ habes, et
da pauperibus, et habebis thesaurum in cælo; et
veni, sequere me (*Matth.* xix, 21). » Sunt namque
multi, qui ad perfectionis culmen subito conscen-
dere conantur : sed quia per gradus virtutum non
conscendant, facile corruunt. Quid enim prodest
substantiam relinquere, si iram, odium, ebrietatem,
invidiam, superbiam, vanam gloriam, cæteraque
vitia, quæ occidunt animam, a mente sua non ab-

(32) Fragmentum cod. Aud., *ut ad mandata legis vel Evangelii.*

(33) Gill. *per orationem virtutum; Rom., per ora-
tionum virtutem; mss. vero nobis congruunt.*

jiciat? Non enim prodest arborem conscendere, ut leonem evadat, si serpentem in sinu gestet, cujus veneno pereat. Nec dicit Dominus illum perfectum esse, qui substantiam tantummodo dimiserit; sed eum qui et substantiam dimiserit, et ipsum secutus fuerit. Sequimur autem illum, quando imitamur. Ad hoc igitur perfectionis culmen ille competenti gradu conscendit, qui prius vitiis abrenuntiatis, per actualem vitam quæ virtutibus perficitur (34), ad contemplativam conscendit, in qua soli Christo conjungitur, qui est sapientia Patris, Filiusque Dei, et civis Jerusalem celestis efficitur.

Nunc qualiter descensionis Christi per gradus septem donorum Spiritus sancti ascensio fidelium conveniat, breviter demonstramus. Ultimus descensionis Christi gradus est timor Dei, per quem passionem et mortem ejus diximus fuisse designatam, et primus ascensionis ad Deum convertentium. Congruit autem mors Domini iis, qui per spiritum timoris Domini peccata sua delent; quia in morte Domini remissio consistit omnium peccatorum; nec perfecta remissio peccatorum esse posset, si ille pro nobis mortuus non fuisset.

Sextus descensionis Christi gradus est pietas, et secundus ascensionis poenitentium. Congruit autem pietas fidelium cum pietate Domini; quia ille iis qui secundum animam erant miseri, misericordiam suam impendit, ab æterna morte sua morte eos liberans, et isti iis qui secundum corpus sunt miseri, misericordiam (35) impediunt, largiendo eis corporum necessaria, quibus in iudicio ipse dicturus est: *Quod uni ex minimis meis fecistis, mihi fecistis* (Matth. xxv, 40).

Quintus descensionis Christi gradus est scientia, et tertius ascensionis fidelium. Convenit autem spiritus scientiæ qui fidelibus datur, cum spiritu scientiæ, qui homini Christo oblatas est; quia ille ut peccatores salvos faceret, semetipsum illis conformare non est dedignatus: et isti, ut peccata evadant, ad eum per spiritum scientiæ confugiunt, qui potestatem habet dimittendi peccata.

Quartus descensionis Christi gradus est fortitudo, et quartus similiter ascensionis fidelium. Congruit autem fortitudo fidelium fortitudini Christi; quia ea fortitudine isti vincunt diabolum, qua et Christus vicit, fortitudine videlicet Christi, non sua; sicut ipse dicit: *Sine me nihil potestis facere* (Joan. xv, 5).

Tertius descensionis Christi gradus est spiritus consilii, et quintus ascensionis fidelium. Conjungitur autem consilium fidelium consilio Christi, cum ad præcepta Evangelii servanda se transferunt, in quibus perfectum consilium consistit omnium sanctorum.

Secundus descensionis Christi gradus est intellectus, et sextus ascensionis fidelium. Congruit au-

tem intellectus fidelium intellectui Christi, cum easdem virtutes quas ipse a Spiritu suo percepit, easdem et sancti ejus ab ipso percipere merentur.

Primus descensionis Christi gradus est sapientia, et septimus ascensionis fidelium; quia Christus est sapientia Patris, et ab ipso omnis sapientia oritur. Sancti igitur qui per operationem virtutum Domino copulantur, ab ipso sapientiam, in qua totius bonitatis summa consistit, percipiunt. Quibus ipse per Salomonem loquitur, dicens: Si quis diligit sapientiam, ad me declinet, et eam inveniet: et eam cum invenerit, beatus est, si tenuerit eam (Prov. iii, 13).

(Vers. 6.) Sequitur: *Et in conspectu sedis tanquam mare vitreum, simile crystallo*. In templo Salomonis mare æneum fuisse legimus, in quo lavabantur sacerdotes, antequam accederent ad altare, ad hostias offerendas (II Paral. iv, 6): æris vero splendor quadam nigredine cito obnubilatur. Per mare itaque æneum lex Moysi designatur, quæ fulgerem spiritalis intelligentiæ littero nigredine obscurat. Et sicut æs, si lima teratur, splendor ejus aperitur; ita et spiritalis intelligentia, quæ litteræ superficie obscuratur in lege, si a fidelibus viris diligenter discutiatur, per gratiam Dei manifestatur. In hoc igitur mari sacerdotes lavabantur; quia per sacrificia et per quasdam observationes legales quædam peccata veteris populi delebantur. Per mare ergo vitreum atque crystallum non inconvenienter Novum Testamentum intelligitur. In hoc autem mari tria invenimus, mare, vitrum, atque crystallum, per mare igitur historia, per vitrum moralis intelligentia, per crystallum autem spiritalis intelligentia designatur. Per vitrum ergo, ex quo specula fiunt, non incongrue moralis intelligentia accipitur; quia sicut homo quidquid turpe in facie gerit, in speculo deprehendere potest: ita et quidquid vitiosum in animabus hominum esse potest, moralis intelligentia patefacit. Per crystallum autem, quæ clarior est omnibus gemmis, et quæ flammis splendoris, sæpe etiam et ignem de se emittere solet, spiritalis intelligentia exprimitur, quæ obscura quæque in divinis Scripturis elucidat, mentes spiritalium sensuum flammis illuminat, quosdam etiam in amorem Dei amoremque celestis patriæ accendit.

Et in medio sedis et in circuitu sedis quatuor animalia plena oculis ante et retro. Hoc secundum historiam stare non potest; neque enim 516 tam parvus numerus et ambitum sedis, et medietatem obtinere poterat: sed spiritaliter intelligendum est. Quatuor igitur animalia non solum quatuor evangelistas, sed et omnes doctores Ecclesiæ, qui eorum doctrinam sequuntur, designant. In circuitu vero sedis quatuor animalia stant; quia doctores Ecclesiæ populum sibi commissum et a visibilibus et ab invisibilibus hostibus, quanta virtute possunt, de-

(34) Fragmentum Aud., quæ virtutibus proficit... Jerusalem celestis perficitur.

(35) Edit. et isti qui secundum corpus sunt, misericordiam; mss. ut nos in corpore.

fendunt. In medio sedis consistunt, quia unum- A quemque eorum ut in virtutibus omnibusque bonis operibus proficiant, admonere non desinunt. Quatuor ergo hæc animalia ante et retro oculos habuisse visa sunt, quia prædicatores sancti et futura et præterita inspiciunt. Ante oculos habent, quia diem iudicii, damnationemque impiorum, gloriamque justorum dum inspiciunt, auditoribus suis quid cavere et quid appetere debeant, ostendunt. Retro oculos habent, quia vitam præcedentium Patrum dum intuentur, et ipsi in eorum imitatione proficiunt, eorumque vitam atque doctrinam auditoribus suis anteponunt; ut et ipsi in eorum imitatione proficiant (36).

(Vers. 7.) *Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilæ volanti.* Figuras quatuor animalium non omnes auctores uno modo exposuerunt; sed ab antiquioribus nobis traditum est, ut per leonem Marcum intelligeremus, per vitulum Lucam, per hominem Matthæum, per aquilam volantem Joannem; eo quod Marcus a desertis incipiat, Lucas a sacerdotio Judæorum, Matthæus ab homine, id est, a Christi generatione, Joannes vero a divinitate Christi. Quidam vero alium ordinem sequentes, per leonem Matthæum, per vitulum Marcum, per hominem Lucam, per aquilam vero Joannem designatum fuisse putant. Nam per leonem, qui rex est bestiarum, ideo Matthæum designatum fuisse dicunt, eo quod ipse Christum secundum humanam naturam ex regia stirpe descendisse narraverit: ipse etiam tempore nativitatis ejus stellam apparuisse dicit (*Matth. II, 2*), quæ eum Regem cœli et terræ, angelorum, hominumque fuisse demonstravit: Magos etiam veluti Regem mundi ad adorandum eum ab Oriente perduxit: sed et regem terræ, id est Herodem, tempore nativitatis ejus cum omnibus ministris suis turbatum fuisse dicit; quia sicut quilibet rex qui parvæ potentiæ est, si alterum regem qui magnæ potentiæ est, contra se, ut regnum ejus invadat, venire cognoverit, contremiscit et conturbatur (*Ibid. 3*): ita et Christo in carne veniente, qui Rex futurus erat mundi, Herodes turbatus est, et omnis Hierosolyma cum illo; nam et munera quæ Magos Christo obtulisse narrat, eum Regem, Deum, et Dominum esse omnium creaturarum demonstrant. Marcum vero propter simplicitatem eloquii per vitulum signatum fuisse dicunt: Lucam per hominem, eo quod ipse generationem Christi secundum humanitatem plenius quam cæteri prosecutus est; namque ab ipso qualiter ab angelo annuntiatum sit, didicimus, qualiter natus (37), qualiter sit in præsepio positus, qualiter circumcisis, qualiter in templo præsentatus, qualiter usque ad maturam ætatem crescendo pervenerit. Joannem per aquilam designatum fuisse nullus est, qui neget.

(36) Codex Gem., *imitatione atque doctrina proficiunt.*

(Vers. 8.) *Et quatuor animalia, singula eorum habebant alas senas, et in circuitu et intus plena sunt oculis.* Per senarium numerum qui perfectus est, perfectio sanctorum designatur, ad quam nullus nisi per doctrinam Evangelii valet assurgere: « Lex enim nullum ad perfectum adduxit (*Hebr. vii, 19*). » Senas vero alas quatuor animalium si simul junxeris, viginti quatuor invenies. Videntur ergo mihi eandem significationem habere, quam et viginti quatuor sedilia, quæ viginti quatuor libros Veteris Testamenti significasse diximus. Sedilia autem cum semper terræ hæreant, eos qui in eis requiescunt, ad terram aliquantulum incurvant: alæ vero eos quibus innexæ sunt, ad excelsa sublevant. Libri igitur veteris Testamenti antiquis patribus sedilia fuerunt; quia eos secundum litteram intelligentes, nequaquam ad eorum intelligentiam spiritalem se erigere perfecte potuerunt: sed hæc sedilia Patribus Novi Testamenti in alas conversa sunt; quia libros Veteris Testamenti spiritualiter intelligentes, per eorum doctrinam ad cœlestia quotidie sublevantur.

Verum quia hic numerus, id est viginti quatuor, in hoc libro sæpe invenitur, placuit ut de sacramentis hujus numeri pauca dicamus. Partes namque hujus numeri sunt, unus, duo, tres, quatuor, sex, octo, duodecim. Unus qui in capite ponitur, unum Deum significat: duo vero qui sequuntur, duo testamenta indicant: tres ad Trinitatem pertinent: post tres non inconvenienter quatuor sequuntur, quia per doctrinam quatuor Evangeliorum fides nobis sanctæ Trinitatis manifestata est: post quatuor vero sex, qui perfectus est numerus, sequuntur; quia sine doctrina Evangelii nullus ad perfectionis culmen conscendere potuit; quia « Lex, » sicut dicit Apostolus, « nullum ad perfectum adduxit (*Ibid.*); » post sex octo sequuntur, quia octo sunt virtutes, quæ dimicant contra vitia, sine quarum operatione nullus ad fastigium perfectionis valet conscendere: post octo sequuntur duodecim, quia per doctrinam apostolorum ad fidem pervenimus, quæ mater est omnium virtutum.

Quatuor ergo animalia in circuitu et intus plena esse oculis dicuntur. Per circuitum totum corpus intelligere debemus; nam Ezechiel cum de iis animalibus loqueretur, dicit totum corpus eorum plenum fuisse oculis (*Ezech. I, 18*). Sancti igitur retro oculos habent, quando audientes comminationem Domini dicentis: « Nemo mittens manum suam in aratrum, et aspiciens retro, aptus est regno Dei (*Luc. ix, 62*); » tota virtute laborant, ne in mala quæ se aliquando egisse meminerunt, relabantur: quamvis ea ante mentis oculos ad humilitatis suæ custodiam ponere non desistunt. Ante se oculos habent, quando audientes vocem Domini dicentis: « Beatus ille servus, quem cum venerit Dominus, invenerit vigilantem, (*Matth. xxv, 46*; ») bona quæ-

(37) Deerrant in edit., *qualiter ab angelo... qualiter natus*; quæ in mss. non omittuntur.

cunque possunt, operari non desinunt, ut tempore mortis suæ, Domino veniente, parati inveniantur. A sinistris oculos habent, cum omnia tentamenta demonum scuto fidei a mentibus suis repellunt: a dextris oculos habent, cum sollicite cavent ne pro bonis operibus extollantur. Sive a dextris et a sinistris oculos habent, cum eos nec prospera erigere, nec adversa possunt inclinare. Inferius 517 oculos habent, cum desideria carnalia exstinguendo calcant: superius oculos habent, cum ad cœlestem patriam toto mentis desiderio anhelant: intus oculos habent, dum corda sua a sordidis cogitationibus custodiunt.

Et requiem non habebant die ac nocte direntia: Sanctus, sanctus, sanctus Dominus Deus omnipotens, qui erat, et qui est, et qui venturus est. Quia requies reproborum, vita præsens est; sequitur eos tribulatio, quæ finem non habet: justi autem in hoc sæculo tribulantur, ut requiem æternam possideant, dicente Paulo apostolo: « Per multas tribulationes oportet nos introire in regnum Dei (Act. xiv, 21). » Aliter: sancti requiem non habent, quia a laudibus Dei et orationibus non cessant, dicente Domino: « Oportet semper orare, et non deficere (Luc. xviii, 1); » et Paulus apostolus loquitur dicens: « Sine intermissione orate, in omnibus gratias agite (I Thess. v, 17). » Sed quærendum nobis est, quomodo sine intermissione orare possimus. Multi enim sunt, qui cum sint assidui in orationibus, in psalmodiis, in missarum celebrationibus, et eleemosynas multas largiantur; tamen superbia inflantur, avaritiæ æstibus ardent, pecunias quacunque arte possunt congregant; in tantum ut etiam ipsos pauperes, quorum misereri debuerant, quibusdam argumentis insectentur, ut ex eorum parva substantia opes suas augeant, dicentes hoc se legaliter facere, cum ista lex non sit Dei, sed strophæ diaboli. Sed et in monasteriis multiveniuntur, qui in vigiliis, in psalmis, in orationibus, et missarum celebrationibus sunt dediti, et tamen ira sæpissime et facile inflamman- tur: quidam vero ebrietati et gulæ deserviunt: quidam etiam odium in corde longo tempore portant: quidam in bonis, quæ agere videntur, favores et laudes hominum quærunt: quidam invidia, quidam detractionibus, aut cæteris vitiis deprimuntur. Et quid plura? Omnem sanctitatem quam sermonibus usurpant, indignis moribus deturpant atque devenustant.

Ad istorum ergo cæcitatem demonstrandam quamdam similitudinem proponam. Homo quidam usque ad collum defixus in limo tenebatur; cumque vidisset quemdam prætereuntem, extendens manum, clamabat dicens: Miserere mei, et extrahe me ab hoc luto. Cumque manum extendisset, ut eum extraheret, iste manum quam extenderat, sub luto demersit. Cumque ille qui ad extrahendum venerat, recedere vellet, iste iterum ut crueretur, postulabat.

A Cumque ille secundo ad eruendum manum extenderet, iste sicut prius manum sub luto demersit. Cumque crebrius hoc faceret, ille iratus dixit: Cur petis ut eruaris, cum in tuo periculo persistere velis? Et quia interitum tuum diligis, posside quod elegisti. Similiter et isti Deum deprecantur assidue, ut a vitiis eruantur; et tamen ipsa vitia ita amplectuntur, ut ab eis nullo modo divelli possint. Ponamus ergo ante oculos, duos: unum doctum assidue orantem, psallentem, missas celebrantem, et tamen quibusdam vitiis subditum: alterum vero indoctum, idiotam, attamen fidelem, Deum timentem atque amantem, proximum diligentem, patientem, humilem. Quis horum tibi videtur Apostoli sententiam servasse, qua dicit: « Sine intermissione orate (Ibid.); » ille qui assidue orat, et quibusdam vitiis subjacet: an iste qui nescit orare, et tamen mundus est a vitiis, et operibus bonis deditus? Omnibus claret istius innocentiam atque bona opera magis exaudire Deum, quam illius voces, cujus vita quibusdam vitiis sordescit. Ille igitur sine intermissione orat, qui congruis temporibus mente et lingua Deum deprecatur, et in bonis operibus assiduus est. Qui quando dormit, aut aliquibus operibus humanæ vitæ necessariis est occupatus, opera ejus refulgent in conspectu Dei, et ipsa sunt intercessores ejus apud Deum, sicut ad Cornelium loquitur angelus, dicens: « Orationes tuæ et eleemosynæ tuæ commemoratæ sunt in conspectu Dei (Act. x, 4). »

Quid autem quatuor animalia indesinenter dicant, audiamus: *Sanctus, sanctus, sanctus, Dominus Deus omnipotens, qui erat, et qui est, et qui venturus est.* Ter sanctum Deum vocantes (38), demonstrant Patrem et Filium et Spiritum sanctum. Quod autem dicant: *Dominus Deus omnipotens*, a pluralitate transeuntes ad singularitatem, ostendunt Patrem et Filium et Spiritum sanctum unius esse dominationis, unius deitatis, unius omnipotentia. Sed quærendum nobis est, si quatuor animalia non solum quatuor evangelistas, sed et omnes doctores Ecclesiæ designant; cur sanctam Trinitatem indesinenter invocare dicantur, cum sancti Dei aliquando in orationibus, aliquando in lectione, aliquando in prædicatione, aut diversis necessitatibus occupentur. Prædicatores ergo sancti dum fidem sanctæ Trinitatis et mente retinent, et ore profitentur, dum opera fidei adimplent, dum eandem fidem et opera fidei quibuscunque possunt prædicant, dum etiam in orationibus et in gratiarum actionibus ipsum qui est trinus et unus Deus, exorant et laudant, dum secundum Apostolum, sive manducant, sive bibunt, omnia in nomine Domini Jesu Christi faciunt (I Cor. x, 31; Coloss. iii, 17), Trinitatem sanctam indesinenter invocant. Quod autem sequitur: *Qui erat, et qui est, et qui venturus est*; jam superius dictum est.

(Vers. 9, 10.) *Et cum darent illa animalia glo-*

(38) Edit., *Ter spiritum Domini vocantes*; mss., *Ter sanctum Deum vocantes*.

riam et honorem et benedictionem sedenti super thronum, viventi in sæcula sæculorum; procedebant viginti quatuor seniores ante sedentem in throno, et adorabant viventem in sæcula sæculorum. In hoc loco per quatuor animalia, quatuor libri Evangeliorum designantur: per viinti quatuor seniores, Patres Novi Testamenti accipi possunt. Quatuor ergo animalia gloriam et honorem et benedictionem sedenti super thronum, viventi in sæcula sæculorum dant; quia doctrina Evangelii in universo orbe legitur et prædicatur, per quam gloria et honor et benedictio Patri et Filio et Spiritui sancto datur. Ad vocem igitur quatuor animalium, viginti quatuor seniores ceciderunt ante sedentem in throno, et adoraverunt viventem in sæcula sæculorum, quia sancti Dei per universum orbem constituti, audientes doctrinam Evangelii, humiliant se in conspectu Dei, ut cum ipso vivant in sæcula sæculorum. *Et mittebant coronas 518 suas ante thronum, dicentes.* Per coronas opera bona fuisse designata superius (*cap. iv, vers. 4*) diximus: sancti ergo coronas suas ante thronum mittunt, dum quidquid boni agunt, Deo tribuunt, non sibi, secundum Apostoli præceptum: « Qui gloriatur, in Domino gloriatur (*II Cor. x, 17*). »

(Vers. 11.) Quid autem dicant, audiamus: *Dignus es, Domine Deus noster, accipere gloriam et honorem et virtutem.* Superius dixit quatuor animalia gloriam et honorem et benedictionem Deo dedisse: hic autem viginti quatuor seniores dicunt gloriam et honorem et virtutem Deo accepisse, virtutem pro benedictione commutantes (39). Quid vero aliquis Deo dare potest, aut quid Deus ab aliquo accipere potest; cum ipse creaverit omnia; et sine quo nihil esse potest et qui dicit in Evangelio: « Sine me nihil potestis facere (*Joan. xv, 5*)? » Si enim sancti sine Deo nihil possunt facere, quid possunt dare illi? Igitur quia hominum talis est natura, ut nihil boni a se habere possint, nisi ab ipso accipiant, qui est summe bonus; dat Deus sanctis suis, unde ipsi eum remunerent (40). Regnum namque cœlorum Deus promisit sanctis suis, attamen si pretium honorum operum pro eo dederint: et quia electi hoc pretium non habent, nisi ab ipso accipiant; ipse dat pretium, unde ab ipso emanat vitam æternam. Dant itaque sancti gloriam Deo quando quidquid boni faciunt, eo studio faciunt ut glorificetur Deus per ipsos, sicut ipse dicit in Evangelio: « Videant (41) vestra bona opera, et glorificent Patrem vestrum, qui in cœlis est (*Matth. v, 16*). » Nam et Joannes Petrum dicit morte sua Deum clarificasse (*Joan. xxi, 19*). Dant honorem,

(39) Ita mss.; edit. vero, *et benedictionem a Deo accepisse, hic virtutem pro benedictione commutavit.*

(40) Edit., *unde ipse eos remuneret*: mss., *unde ipsi eum remunerent.*

(41) Sic omnes mss.; edit. vero, *ut glorificent Deum Patrem, sicut Filius Dei dicit... Ut videant, etc.*

(42) Edit., *virtute aut potestate fecerimus.* Et in-

quando in omnibus quæ agunt, honorem Dei quaerunt, non suum. Superius benedictio tertio loco ponitur, hic autem virtus: et quia sancti, dum magna faciunt, benedicuntur ab hominibus, convenit virtus cum benedictione. Sed quantum sancti pro magnis operibus quæ faciunt, laudes hominum detestantur, liber Actuum apostolorum nobis indicat. Nam Petrus et Joannes cum claudum sanassent, et omnium oculi essent intendentes in eos, quasi sua virtute hoc fecerint, Petrus oculorum benedictiones devitans, dixit ad eos: « Viri fratres, quid nos intuemini, quasi in nostra virtute aut pietate fecerimus (42) hunc ambulare? Deus Abraham, et Deus Isaac, et Deus Jacob suscitavit Filium suum Jesum (*Act. iii, 12, 13*). » Et in sequentibus: « In cuius nomine astat hic coram vobis sanus. » Similiter Paulus et Barnabas cum ægrotum in Lystris sanassent, et populi vellent eis sacrificare, sciderunt vestimenta sua, dicentes: « Viri, quid hæc facitis? et nos homines sumus, similes vobis (*Act. xiv, 14*). » Possimus et hoc de Christo intelligere, quem secundum humanitatem, et gloriam, et honorem, et virtutem accepisse manifestum est.

Sequitur: *Quia tu creasti omnia, et propter voluntatem tuam erant, et creata sunt.* Si hoc eo sensu intelligendum est, quo et illud: *Qui fecit, quæ futura sunt*; omnes ergo (43) creaturæ erant in potestate et voluntate Dei, antequam crearentur: creata vero sunt eo tempore, quo disposuit Deus. Ipse igitur qui cuncta creavit ex nihilo, creare dignetur in nobis cor mundum, qui vivit et regnat in sæcula sæculorum, amen.

DE VISIONE TERTIA.

(44) Non inconvenienter post descriptam Ecclesiæ formam apertio libri ponitur, per quam apertio divinarum Scripturarum designatur; quia postquam a sanctis apostolis cæterisque prædicatoribus Ecclesia in gentibus fundata est, libri Veteris ac Novi Testamenti secundum apostolicam fidem a sanctis doctoribus expositi sunt.

CAPUT V.—(Vers. 1.) *Et vidi in dextera sedentis super thronum librum scriptum intus et foris, signatum sigillis septem.* De dextera et sigillis quod Dominus dederit, in sequentibus dicemus: liber vero scriptus intus et foris non solum Vetus Testamentum, sed et Novum significat, qui intus scriptus est secundum allegoriam, foris secundum historiam. Illic igitur liber vetus et novum Testamentum in se continet; quia spiritalis intelligentia in Veteri Testamento nihil est aliud, quam Novum Testamentum.

fra, *Jesum, in cuius nomine hic stat coram vobis*; mss. autem ut in contextu.

(43) Eadem edit., *et creata sunt? Omnes ergo, etc.*; lacunam vero reparant omnes mss. excepto ubi legimus, *Si erant, quomodo creata sunt. Omnes ergo, etc.*

(44) Rom. edit. proprio Marte jugulaverat totum hunc prologum, usque ad *Et vidi, etc.*

(Vers. 2.) *Et vidi angelum fortem, prædicantem A voce magna. Angelus fortis Patres Veteris Testa-* menti significat, qui voce magna prædicaverunt; quia Christum ad redemptionem generis humani venturum esse prædixerunt. *Quis est dignus aperire librum et solvere signacula ejus?* Interrogatio angeli desiderium sanctorum significat; desiderabant enim sancti videre Christum in carne, et audire sermones ejus; eo quod scirent omnia mysteria Veteris Testamenti ab eo esse revelanda, sicut ipse dixit discipulis suis: Amen dico vobis, quia multi prophetae et reges voluerunt videre quæ vos videtis, et non viderunt; et audire quæ auditis, et non audierunt (*Luc. x, 24*).

(Vers. 3.) *Et nemo dignus inventus est neque in celo, neque in terra, neque sub terra aperire B librum et solvere signacula ejus.* Nullus namque angelus celum inhabitans, nullus justus in terra consistens, nullus etiam ex iis qui mortis debitum solverant, in mundo unquam apparuit, qui genus humanum de potestate diaboli redimeret, quæ redemptio apertio est Veteris Testamenti.

(Vers. 4.) *Et ego flebam multum, quoniam nemo dignus inventus est aperire librum, nec videre eum.* Joannes in hoc loco personam gerit eorum de quibus modo diximus, id est patrum Veteris Testamenti; flebant enim sancti multum, eo quod mysteria Scripturarum sibi abscondita nullus esset qui eis manifestaret, nullusque esset qui genus humanum perditum de potestate diaboli erueret. Sed quærendum nobis est cur dicat, hunc librum a nullo posse videri, cum superius dicat quod C eum in dextera sedentis super thronum viderit. Videbant namque antiqui Patres, quorum typum Joannes in hoc loco tenet, Veteris Testamenti librum, et non videbant: videbant secundum litteram, et non videbant secundum spiritalem intelligentiam (43).

(Vers. 5.) *Et unus de senioribus dixit mihi: Ne flevetis. Vicit leo de tribu Juda, 519 radix David, aperire librum, et solvere septem signacula ejus.* Videtur mihi eandem significationem habere senio- rem, quam et Joannem, quam etiam angelum fortem; significat enim Patres Veteris Testamenti. Angelus namque fortis interrogat quis esset dignus D aperire librum: Joannes flet, eo quod nullus dignus esset aperire librum: senior vero dicit, quod per leonem, id est per Christum, aperiendus esset liber. Per angelum igitur fortem hi designantur, qui, desiderantes adventum Christi, interrogabant quo tempore venturus esset: Joannes vero eos significat qui flebant, eo quod tanto tempore tardaret: senior autem prophetas designat, qui dixerunt quo modo et quo tempore venturus esset. Per leonem igitur de tribu Juda Christus intelligitur, qui ex tribu Juda et progenie David ortus est. Leo

autem propter fortitudinem vocatur; quia diabolus vicit, et electos suos ab ejus potestate eripuit. Vicit ergo leo de tribu Juda, radix David, diabolus; ut aperiret librum et septem signacula ejus; quia liber non posset aperiri, nisi prius vinceretur diabolus, quæ victoria apertio fuit Veteris Testamenti. Quomodo septem signacula aperuerit, in sequentibus dicemus.

(Vers. 6.) *Et vidi in medio throni, et quatuor animalium, et seniorum, agnum stantem quasi occisum, habentem cornua septem, et oculos septem, qui sunt septem spiritus Dei, missi in omnem terram.* Per thronum et quatuor animalia et seniores una Ecclesia cum cunctis suis ordinibus designatur. Agnus vero non occisus, sed tanquam occisus visus est; quia mortem in transitu gustavit, et paulo post resurgens, « jam non moritur, mors illi ultra non dominabitur (*Rom. vi, 9*); » qui cornua septem et oculos septem habuisse visus est. Quid sint autem septem oculi, ipse exponit cum subjungit: *Qui sunt septem spiritus Dei, missi in omnem terram.* Per cornua vero sæpe regna designantur. Videntur ergo mihi aliam significationem habere cornua, aliam oculi; per septem namque cornua omnes electi designantur, qui regnum Dei vocantur, quorum omnem multitudinem superius in septem partes divisimus. Ad primum igitur cornu electi qui ante diluvium fuerunt, pertinent: ad secundum vero ii qui post diluvium usque ad legem fuerunt: ad tertium autem ii qui sub lege fuerunt: ad quartum prophetae: ad quintum ii qui ex Judæis crediderunt in Christum: ad sextum populus gentilis: ad septimum vero ii qui in fine mundi nascituri sunt, et cum Antichristo pugnaturi.

(Vers. 7.) *Et venit, et accepit librum de dextera sedentis super thronum.* Superius diximus (*cap. iv, vers. 2*) per sedentem in throno Christum designatum fuisse: sed quia ipse dixit: « Ego in Patre, et Pater in me est, et qui videt me, videt et Patrem (*Joh. xiv, 10, 9*); » in hoc loco sedens in throno Patrem designat: dextera vero Patris Filius est: agnus autem hominem, quem Christus assumpsit, designat. Agnus ergo librum de dextera sedentis super thronum accepit; quia homo Christus a sua divinitate accepit, ut sacramenta divinarum Scripturarum reseraret.

(Vers. 8.) *Et cum aperuisset librum, quatuor animalia et viginti quatuor seniores ceciderunt coram Agno habentes singuli citharas, et phialas aureas plenas odorem, quæ sunt orationes sanctorum.* Quærendum nobis est, quomodo ante reserationem sigillorum liber aperiri potuerit. Sed spiritualiter intelligendum est. Prophetæ namque adventum Christi, passionem et resurrectionem ejus, aliquando per quasdam figuras, aliquando apertis vocibus prædixerunt: sed et patriarchæ in suis actibus

(43) Ita mss.; edit. vero, *veteris Testamenti librum, et non videbant secundum spiritalem intelligentiam.*

hæc omnia præfiguraverunt. Christus vero quando ex Virgine natus est, quando passus est, et resurrexit, et in cælum ascendit, librum Veteris Testamenti aperuit; quia quæ ibi significabantur, opere implevit: postea vero ea quæ in Veteri Testamento obscura erant et in Novo, doctoribus Ecclesiæ per inspirationem Spiritus sancti aperuit. Quæ apertio reseratio est sigillorum. Quod autem sequitur, quod quatuor animalia et viginti quatuor seniores ceciderunt coram Agno, ad eosdem doctores Ecclesiæ pertinet; quoties enim nativatem, passionem, et resurrectionem Domini ad memoriam reducunt, et quibuscunque modis hæc a sanctis patribus præfigurata, et a prophetis prædicta sunt, recolunt: quotiescunque hæc quæ in Evangelio obscure posita sunt, investigare non desinunt, toties eis liber signatus aperitur. Cadunt vero coram Agno, cum per meditationem divinarum Scripturarum considerantes immensam clementiam Dei, humiliant se in conspectu creatoris sui: et quanto se per humilitatem dejiciunt, tantôt amplius in amorem ejus exardescunt; quia humilitas quæ fit in conspectu Dei, nutrit amorem Dei. Per citharas autem quæ animalia et seniores habuisse dicuntur, mortificatio carnis designatur, sicut dicit Apostolus: «Mortificate membra vestra quæ sunt super terram, fornicationem, immunditiam, avaritiam,» et cætera (Coloss. iii, 5). Phialæ vero aureæ corda sunt sanctorum, spiritali sapientia repleta, quæ odoramentis plena fuisse dicuntur. Quid sint autem odoramenta, ipse exponit, cum subjungit, *quæ sunt orationes sanctorum*. Et ut hæc odoramenta ad Deum ascendant, Palmista precatur, cum dicit: «Dirigatur oratio mea, sicut incensum, in conspectu tuo (Psal. cxi, 2).»

(Vers. 9.) *Et cantabant canticum novum dicentes. Populus novus canticum novum cantat; canticum novum canticum est Evangelii, «Dignus es, Domine Deus, accipere librum, et aperire signacula ejus.»* Hoc quod dicit, ad humanitatem ejus pertinet; nam secundum divinitatem nihil accipere potuit, quia omnia semper habuit. Cur autem dignus fuerit accipere librum, et solvere signacula ejus, subdendo manifestat: *Quoniam occisus es, et redemisti nos Deo in sanguine tuo ex omni tribu, et populo, et natione*. Hic demonstrat ex omnibus gentibus Ecclesiam fuisse collectam; nam fuerunt quidam hæretici, qui hoc negaverunt.

(Vers. 10.) *Et fecisti nos Deo nostro regnum et sacerdotes, et regnabunt super terram (46)*. Si sancti Dei regnum Dei sunt, quomodo super terram, id est, sanctam Ecclesiam regnare dicuntur? Sancti ergo Dei regnum Dei sunt, quia in ipsis regnat Deus: et reges sunt, quia se et alios optime regere noverunt: qui etiam et sacerdotes dicuntur, quia semetipsos quotidie igne charitatis succensi, per compunctionem cordis et lacrymas Deo offerre con-

sueverunt, sicut dicit Psalmista: «Sacrificium Deo spiritus contribulatus (Psal. l., 19).» Sive sacerdotes Dei dicuntur, eo 520 quod membra sint summi Sacerdotis de quo dicit Psalmista: «Tu es Sacerdos in æternum, secundum ordinem Melchisedech (Psal. cix, 4).»

(Vers. 11, 12.) *Et vidi et audivi vocem angelorum multorum in circuitu throni, et seniorum, et quatuor animalium: et erat numerus eorum millia millium, dicentium voce magna: Dignus est agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem*. Per thronum, et quatuor animalia, et seniores universa Ecclesia cum suis doctoribus designatur: angeli vero, qui thronum, id est Ecclesiam, cinxisse visi sunt, angeli sunt qui ad custodiam Ecclesiæ a Deo destinati sunt, sicut Paulus apostolus loquitur, dicens: «Nonne omnes administratorii sunt spiritus, in ministerium missi propter eos, qui hæreditatem capiunt salutis (Hebr. i, 14)?» Per maximum autem numerum eorum multitudo innumerabilis designatur qui Agnum magna voce benedicere dicuntur; quia ad quæcunque officia angeli explenda destinantur, a laudibus Dei nunquam cessant: et sicut hic liber in septenario numero totus consistit, utique septem dona Spiritus sancti propheta in Christum requievisse dicit; ita et septem benedictiones in hoc loco ponuntur, quibus assidue angeli Deum laudare dicuntur.

(Vers. 13.) *Et omnem creaturam quæ in cælo est, et quæ in terra, et quæ subtus terram, et quæ sunt in mari, et quæ in eo sunt, omnes audivi dicentes sedenti in throno et Agno*. Per creaturam quæ in cælo erat, angeli: per eam vero quæ erat in terra, homines: per eam autem quæ erat subtus terram, ii qui jam debitum mortis solverant, designantur. Quod vero dicit: *Et quæ sunt in mari*, aquas maris intelligere debemus: per mare autem locum in quo aquæ continentur. Quod vero subjungit: *Et quæ in eo sunt*, pisces qui in aquis morantur, intelligere possumus. Sed si per omnem creaturam, quæ in terra est, omnes homines intelligere possumus; quomodo omnes homines Deum laudant, cum pagani et Judæi blasphematores Dei potius dicendi sint, quam laudatores? Invenimus etiam et quosdam flagitiosos, qui Christiani vocantur, qui, quamvis Deum laudare videantur, Deum non laudant; quia sicut dicit Scriptura: «Non est speciosa laus in ore peccatoris (Eccli. xv, 9).» Et si per omnem creaturam quæ in terra est, omnes animas debemus intelligere quorum corpora in terra requiescunt, quomodo ii qui apud inferos cruciantur, Deum laudare credendi sunt? Sed per omnem creaturam quæ in terra et quæ subtus terram est, solos electos debemus intelligere: qui et in terra operibus et verbis Deum laudare non desistunt, et in cælis cum Domino positi, a laudibus

(46) Edit., *et regnabimus super terram. Sunt quidam qui se et alios, etc.; mss. vero ad supplendum totum hiatus simul conspirant.*

ejus nunquam cessant. Per mare vero Ecclesiam, A per aquas maris multitudinem fidelium, per pisces qui in aquis commorantur doctores Ecclesie possumus intelligere. Sequitur benedictio, qua fideles Deum assidue benedicere dicuntur: *Benedictio, honor, gloria et potestas Deo nostro in secula seculorum*; benedicunt namque electi assidue Deum, cum verbis opera conjungunt.

(Vers. 14.) *Et quatuor animalia dicebant: Amen.* Amen confirmatio sermonis est: quatuor igitur animalia dicunt, amen, cum sancti predicatorum optant assidue, ut auditores eorum in bonis operibus magis ac magis proficiant. *Et viginti quatuor seniores ceciderunt et adoraverunt.* Viginti quatuor seniores in hoc loco eandem habent significationem quam et quatuor animalia: seniores ergo cadunt et adorant, cum predicatorum sancti, quanto amplius auditores suos vident in bonis operibus profecisse, tanto magis se humiliant in conspectu Dei, sicut dicit Scriptura: «*Quanto magnus es, humilia te in omnibus, et coram Deo invenies gratiam (Eccli. iii, 20).*» Sequitur sigillorum apertio, quae non nisi ad apertionem divinarum Scripturarum (47) pertinere credenda est. Nam et ea quae sub sigillorum apertionibus facta esse dicuntur, ad apertionem Veteris ac Novi Testamenti pertinent: et sicut omne corpus electorum ex septem partibus consistit, ita sunt et septem sigilla, quae unicuique parti conveniunt, ad demonstranda ea quae in divinis Scripturis obscure posita sunt, vel quid sanctorum Patrum facta significant. Apertio igitur primi sigilli ad ea quae ante diluvium facta sunt, pertinet: secundum vero sigillum ad patriarchas: tertium ad eos qui sub lege fuerunt: quartum autem ad prophetas: tres vero apertiones, quae residuae sunt, ad Novum Testamentum pertinent. Quinta apertio pertinet ad martyres: sexta ad Judaeorum dejectionem, et gentium vocationem: septima ad adventum Christi pertinet: et cur in septimo loco adventus Domini ponatur, in sequentibus dicemus. Sed quaerendum nobis est, cur per visionem quatuor equitum, apertio Veteris Testamenti figuretur; eques namque ex parte equi, irrationabilis: ex parte vero praesidentis, rationabilis esse dignoscitur. Similiter et quaedam praecipua legalia ex parte litterae, irrationabilia: ex parte autem allegoriae, D valde rationabilia esse comprobantur.

CAPUT VI. — (Vers. 1.) *Et vidi cum aperuisset Agnus unum de septem signaculis.* Apertio primi signaculi, ut supra dictum est, ad ea quae ante diluvium facta sunt, pertinet. Agnus igitur primum sigillum aperuit, quando ea quae ante diluvium gesta sunt, doctoribus Ecclesiae qualiter spiritualiter intelligerentur Spiritus sancti gratia patefecit. Et ut quid sit apertio sigillorum plenius manifestemus, de apertione singulorum sigillorum pauca di-

(47) Eadem edit., ad perfectionem divinarum Scripturarum. Et infra, ad perfectionem Veteris ac Novi Testamenti; mss. utrobique, ad apertionem.

eamus. In Genesi scriptum est quod plantaverat Deus paradisum voluptatis, in quo posuit hominem quem formaverat (*Gen. ii, 8*); qui vivens arboribus consitus esse describitur. Per paradisum igitur Ecclesia, per arbores vero paradisi doctores Ecclesiae designantur. Et sicut arbores paradisi victum pomorum praebant primis hominibus, ita et doctores Ecclesiae victum verborum divinarum animabus fidelium in Ecclesia constitutorum praebere non desistunt. De ligno autem vitae, et de ligno scientiae boni et mali superius diximus. Fons vero qui egrediebatur de medio paradisi, Evangelium significabat, qui in medio sanctae Ecclesiae exoritur. Qui inde in quatuor capita dividebatur; quia doctrina Evangelii in quatuor libros dividitur, et circuit omnes terminos terrae.

Nam et Adam Christum figuravit, Eva vero Ecclesiam: et sicut Eva ex latere viri dormientis facta est, ita et Ecclesia ex latere Christi in cruce pendens fabricata est; quia ejus sanguine redempta et mundata est 521 a sordibus. Duo filii nati sunt Adae, Cain et Abel: Cain populum Judaeorum, Abel vero Christum significavit. Obtulit Cain de fructibus terrae munera Domino; quia populus Judaeorum qui terrenus erat, terrena munera (48) offerebat, id est, primitias, decimas, sacrificia, et caetera quae in lege jubebantur; Abel vero obtulit de primogenitis gregis sui, et de adipibus eorum. Primogeniti gregis sunt apostoli, quos primos genuit Ecclesia, et ex quibus Ecclesia nata est: C adeps vero fides est apostolorum. Obtulit igitur Abel de primogenitis gregis sui, et de adipibus eorum; quia Christus apostolos, quos de mundo elegerat, fidemque illorum Deo Patri obtulit. Cain invidia ductus, eo quod respexisset Dominus ad Abel et ad munera ejus, interfecit eum: similiter et Judaei, videntes signa quae sua et Patris virtute Christus operabatur, interfecerunt eum, qui frater illorum erat secundum carnem. Maledixit Deus Cain, eo quod interfecisset Abel fratrem suum: dixitque ei quod vagus et profugus esset super terram. Similiter et Judaei non solum a Deo, sed a semetipsis maledicti sunt, quando dixerunt de Christo: «*Sanguis ejus super nos, et super filios nostros (Matth. xxvii, 25).*» Suntque vagi et profugi super terram; quia propriam sedem nullam habentes, per universas gentes vagantur. De apertione igitur primi sigilli tantum dixisse sufficiat.

Audivi unum ex quatuor animalibus, dicens: Veni, et vide. Eandem significationem habet primum animal, quam et secundum, et tertium, et quartum; significant enim doctores Ecclesiae. Quod autem dicit: *Veni et vide*, ad intelligentiam spirituales nos provocat, ac si diceret: Veni non passibus corporis, sed passibus menti; et intellige spiritualiter ea quae primo tempore historialiter facta legisti.

(48) Ita mss.; edit. autem, *terre munera, id est primitias, decimas, etc.*

(Vers. 2.) *Et ecce equus albus, et qui sedebat super eum, habebat arcum, et data est ei corona, et exivit vincens, ut vinceret.* Equus albus justos qui ante diluvinum fuerunt, designat, qui propter innocentiam albi dicuntur. Sessor vero equi Dominus est, qui sanctis suis æternaliter præsidet. Per arcum autem, qui procul sagittas a se mittit et vulnerat, vindicta Domini potest designari; qua et primos homines propter inobedienciæ culpam damnavit, et Cain propter fratricidii reatum septuplum punivit. Per coronam nihilominus, sicut et per equum album, justis qui ante diluvinum fuerunt, designantur. *Exivit (vero) vincens, ut vinceret* quando statuit ut per aquas diluvii omnis multitudo reproborum deleteretur.

(Vers. 3, 4.) *Et cum aperuisset sigillum secundum.* Secundi sigilli apertio ad arcæ fabricam, et ad justos qui ante legem fuerunt, pertinet. Ad demonstrandam ergo secundi sigilli apertionem pauca de his loquamur. In Genesi scriptum est quia dixit Deus ad Noe: « Fac tibi arcam de lignis lævigatis: mansiunculas in arca facies, et bitumine linies intrinsecus et extrinsecus, et sic facies eam. Trecentorum cubitorum erit longitudo arcæ, quinquaginta cubitorum latitudo, et triginta cubitorum altitudo illius (*Gen. vi, 14, 15*). » Arca Ecclesiam: Noe vero fabricator arcæ Christum fabricatorem Ecclesiæ figurabat. Quæ arca ex lignis lævigatis facta fuisse describitur: per ligna lævigata, quæ et aquas prohibuerunt, et vitam omnibus animalibus intra se constitutis servaverunt, doctores Ecclesiæ designantur, qui et doctrina et scriptis suis aquas diversorum errorum ab ingressu Ecclesiæ prohibent, et vitam iis qui intra Ecclesiam sunt, sua doctrina et exemplis servant: quæ lævigata esse dicuntur, id est, ab omni asperitate vitiorum emundata. Per mansiunculas vero, quæ in arca fieri iussæ sunt, diversi ordines in Ecclesia designantur; alius enim in conjugali ordine, alius in continenti, alius in monachico, alius in sacerdotali, dum Deo servire student, quasi in diversis mansionibus habitant. Per bitumen autem, quo lita fuisse dicitur, divina Scriptura designatur. Tabulæ ergo ex quibus arca facta est, quas doctores Ecclesiæ significasse diximus, bitumine intrinsecus et extrinsecus litæ sunt; quia doctores Ecclesiæ intrinsecus liti sunt per sapientiam, doctrinamque divinarum Scripturarum, et extrinsecus per opera virtutum.

Trecentorum autem cubitorum longitudo arcæ fuisse describitur, quinquaginta cubitorum latitudo, et triginta cubitorum altitudo illius. Per longitudinem igitur arcæ fides, per latitudinem charitas, per altitudinem spes figuratur. Longitudo ergo arcæ in trecentos cubitos extenditur; quia fides nostra in confessione sanctæ Trinitatis consistit: centenarius vero perfectus est numerus. In trecentos ergo cubitos fides nostra præsignata est;

(49) Ita iidem mss.; edit. vero, *septenis.... extendit*; Rom. edit., *ostendit*.

quia æquam perfectionem habet Pater et Filius et Spiritus sanctus, sicut scriptum est: « Qualis Pater, talis Filius, talis Spiritus sanctus (*Athan. Symbol*). »

Latitudo nihilominus ejus in quinquaginta cubitos dilatatur; quia fides per dilectionem operatur. Sed non inconvenienter per quinquaginta cubitos latitudinis charitas figuratur; septies enim septem quadraginta novem faciunt: quod si unum huic numero addideris, quinquaginta invenies. Dilectio ergo proximi non inconvenienter in septenario numero comprehenditur; quia sine septem virtutibus perfici non potest. In septem vero septenos unusquisque fidelis dilectionem proximi extendit (49), dum quibuscumque modis necessitates aut adversitates proximis evenire possunt, eisdem modis et ipse ad superveniendum paratus existit: verbi gratia, dum esurienti, nudo, hospiti, egenti, in carcere posito, quæ sunt necessaria ministrat: dum dolentem consolatur, dum iracundum verbo temperat, dum odium in corde gerentem pacificat, discordantesque ad pacem reducit; dum eum qui in peccatis jacet, ad pœnitentiam provocat; dum ad vitam æternam quoscumque potest, secum trahere studet: et, ut breviter dicam, quibus modis vult ut ei salubriter ab alio subveniatur, eisdem et ipse quibuscumque potest subvenire paratus est. Ad septem autem septenos si unum adjungas, quinquaginta fiunt: similiter et ad dilectionem proximi, si unius Dei dilectionem adjungas, tota charitas integra atque perfecta in te efficitur.

Altitudo vero arcæ in triginta cubitos exaltata est, quia ille utilem spem (50) possidet, qui a fide sanctæ Trinitatis, sicut nobis ab apostolis tradita est, atque cæteris documentis, neque opere, neque credulitate discordat. Qui enim spem sine recta fide de vita æterna possidenda sibi usurpat, sine dubio semetipsum decipit; quia sine fide impossibile est placere Deo (*Hebr. xi, 6*). » Altitudo itaque arcæ a magna longitudine 522 et latitudine exoriebatur, et in cubito sursum consummabatur; quia charitas quæ ex fide nascitur, in magna latitudine erga proximorum curam semetipsam extendit. Sursum vero in cubito consummatur; quia omnis spes fidelium atque desiderium ad unius Dei visionem tendit.

Quod autem Noe ad jussionem Domini ex omnibus animantibus mundis et immundis masculos et feminas introduxit in arcam (*Gen. vii, 8, 9*), significat quod mali et boni in Ecclesiam introducerentur. Sed de mundis septena et septena: de immundis vero bina et bina, masculus et femina in arcam introierunt; per munda namque animalia electi, per immunda vero reprobi designantur. Munda itaque animalia in septimo numero ponuntur; quia illi soli electi sunt, qui per gratiam Spiritus sancti

(50) Edit., *quia ille venialem spem*; mss., *utilem spem*.

ab operatione donorum ejusdem Spiritus sancti A
alieni non sunt: reprobis vero in secundo numero
ponuntur; quia solo corpora et anima in Ecclesia
consistunt, mente vero extra Ecclesiam sunt.

In sequentibus quoque scriptum est: « Quia ape-
riens Noe fenestram arcae quam fecerat, dimisit
corvum, qui egrediebatur et non regrediebatur,
donec sicarentur aquae super terram (*Gen. viii,*
6, 7). » Per corvum avem nigerrimam Judaei infi-
delitate tenebrosi designantur. Noe igitur de arca
corvum emisit; quia Dominus noster Jesus Christus
a consortio sanctae Ecclesiae populum Judaeorum sepa-
ravit. Post corvum emisit columbam, quae eum non
invenisset, ubi requiesceret pes ejus, reversa est ad
eum in arcam. Secundo emisit columbam ex arca,
quae venit ad eum ad vesperam, portans ramum B
olivae virentibus foliis in ore suo. Tertio emisit
columbam, quae non est reversa ultra ad eum. Per
columbam saepe Spiritus sanctus figuratur, eo quod
in columbae specie super Dominum descenderit
(*Luc. iii, 22*).

Sed quarendum nobis est quid significet trina
emissio columbae et bina reversio. Tres emissiones
tria tempora significant: primum ante legem, se-
cundum sub lege, tertium sub gratia. In hoc vero
loco Noe Deum, arca autem caelestem Dei habita-
tionem designat. Noe primo columbam ex arca
emisit; quia Deus omnipotens sanctis viris, qui
ante legem fuerunt, gratiam Spiritus sancti dedit:
et qui legem non habebant, divina praecipua quae
postea data sunt, per donum Spiritus sancti imple-
verunt. Sed columba non invenit ubi pes ejus re-
quiesceret; quia non solum caeterae gentes, sed et
ipsi Judaei in Aegypto positi in tantum culturam
Dei reliquerant, ut eo tempore quo Moyses natus
est, pene nullus inveniretur in quem Spiritus
sanctus habitare dignaretur: et quodammodo gra-
tia Spiritus sancti ad eum rediit, a quo missa est,
cum homines peccatores deseruit.

Secundo emisit Noe columbam ex arca; quia
Deus gratiam Spiritus sancti hominibus legem puro
corde servantibus dedit. Vespere autem quo co-
lumba ad Noe rediit, tempus quo Christus natus
est, designat. De hoc tempore Dominus dicit in
Evangelio: « Lex et prophetarum usque ad Joannem
(*Luc. xvi, 16*); » quia postquam Evangelium cepit
praedicari, circumcisio et multae observationes
legales nihil profuerunt. Quandiu legis observatio
Deo placuit, tandiu homines legem servantes
Spiritus sancti gratia comitavit: et sicut co-
lumba ad vesperam ad Noe rediit, ita et Spiritus
sancti gratia, Judaeos infideles deserens, quo-
dammodo ad eum a quo fuerat missa, reversa est.
Per ramum vero olivae legem possumus intel-
ligere vel accipere: per folia autem virentia eos
qui per legem salvi facti sunt. Columba igitur ra-
mum olivae cum virentibus foliis in ore suo detulit,

cum Spiritus sancti gratia eos, quos per legem sal-
vaverat, quodammodo Deo obtulit.

Tertio Noe columbam ex arca emisit, quando fi-
dem Evangelii servantibus gratiam Spiritus sancti
dedit. Quae non est reversa ultra ad eum; quia fi-
des Evangelii tandiu cum electis manebit, usque
dum veniente Domino ad iudicium, electi qui in
hoc mundo invenientur, rapiuntur coram Domino
in aera, et sic semper cum Domino erunt (*I Thess.*
iv, 16).

Ad demonstrandam vero apertius secundi sigilli
apertionem, de tribus patriarchis pauca dicamus.
In Genesi scriptum est quia tentavit Deus Abra-
ham, et dixit ad eum: « Tolle filium tuum, quem
diligis, Isaac, et vade in terram visionis, et offeres
eum ibi in holocaustum super unum montium, quem
dixero tibi (*Gen. xxii, 2*). » Abraham vero de nocte
consurgens, stravit asinum suum, ducens secum
duos juvenes, et Isaac filium suum. Abraham
Christum secundum divinitatem: Isaac autem ho-
minem, quem Christus assumpsit, designat: per
asinum vero apostoli designantur. Abraham igitur
de nocte surrexit; quia Filius Dei, mundo in tene-
bris ignorantiae posito, ex Maria Virgine nasci di-
gnatus est: stravit asinum suum, quando aposto-
lis suis mandata Evangelii tradidit: per duos vero
juvenes (51) duo praecipua charitatis designantur.
Duos juvenes secum duxit; quia duo praecipua
charitatis discipulis suis arctius et frequentius
tradidit: duxit et filium suum, quia hominem
quem assumpsit, ad moriendum pro genere humano
tradidit, sicut ipse dixit in Evangelio discipulis
suis: « Ecce ascendimus Hierosolimam, et con-
summabuntur omnia, quae scripta sunt per prophe-
tas de Filio hominis. Tradetur enim gentibus, et
illudetur, et flagellabitur, et conspuetur: et post-
quam flagellaverint, occident eum, et die tertia
resurget (*Luc. xviii, 31-33*). »

Die autem tertia elevatis oculis, vidit locum pro-
cul. Tres dies tres decades annorum, terque binas
menses designant, quo spatio temporum Christus in
mundo conversatus dicitur. Locus vero Jerusalem
designabat, in qua passus est Christus. Sed cur lo-
cum se procul vidisse dixit, cum quotidie in templo
praedicaret? Quia quamvis Judaei prope essent cor-
pore, propter incredulitatem tamen longe ab illo
recesserant.

Dixitque Abraham pueris suis: « Exspectate hic
cum asino: ego et puer illuc usque properantes,
postquam adoraverimus, revertemur ad vos (*Gen.*
xxii, 5). » Similiter et Christus exspectare disci-
pulos suos iussit, usque dum resurgens reverte-
retur ad eos, cum diceret: « Omnes vos scandalum
patiemini in me in ista nocte; postquam autem
resurrexero, praecedam vos in Galilaeam (*Matth.*
xxvi, 31, 32). » Et cum comprehenderetur, dixit

(51) Edit., *tradidit. Duos vero juvenes secum duxit*: mss. vero nobis consentiunt.

Judæis : « Si ergo me queritis, sinite hos abire A
(*Joan.* xviii, 8). »

Tulit igitur Abraham ligna holocausti, et imposuit super Isaac filium suum : ipse vero portabat in manibus ignem et gladium. Diximus superius per ligna peccata nostra fuisse designata : ligna ergo Isaac 523 portavit ; quia peccata nostra Christus pertulit in corpore suo super lignum ; ut peccatis mortui justitiæ vivamus. Per manus vere Abrahamæ potestas Domini nostri Jesu Christi intelligitur ; in ejus namque potestate fuit ut moreretur, et ut non moreretur, si vellet, sicut ipse ait : « Potestatem habeo ponendi animam meam, et potestatem habeo iterum sumendi eam (*Joan.* x, 18). » Per ignem autem passio, per gladium ejus mors intelligitur.

Cum venisset ad locum, ædificavit altare, et desuper ligna composuit. Cumque colligasset Isaac filium suum, posuit eum in altari super struem lignorum. Per altare crux intelligitur : crucem ergo Filius Dei ædificavit, in qua homo quem assumpsit, immolaretur ; quia ipso permittente factum est. Super altare vero ligna composuit, et super ligna posuit Isaac filium suum colligatum ; illud namque quod suffocare volumus, nobismet ipsis supponimus, ut pondere nostro suffocetur et pereat : similiter et Redemptor noster ligna, id est peccata nostra, in cruce pendens sibi supposuit ; ut pondere suo atque virtute suffocarentur ac delerentur. Vincula autem Isaac afflictionem Domini in cruce designaverant. Ea vero quæ angelus ad Abraham locutus est, ad hanc expositionem non pertinent.

Levavit Abraham oculos, viditque arietem inter vepres hærentem cornibus, quem assumens obtulit holocaustum pro filio. Aries Christum signavit : per duo cornua duo præcepta charitatis designantur : per vepres Judæi. Christus igitur inter vepres hærebat cornibus ; quia Judæos ut fratres diligens, et sciens quia gentium vocatio Judæorum esset perditio, noluit primo fidem Evangelii gentibus tradere, sed mittens ad prædicandum discipulos suos, præcepit eis dicens : « In viam gentium ne abieritis, et in civitatis Samaritanorum ne intraveritis : sed ite potius ad oves perditas domus Israel (*Matth.* x, 5). » Et mulieri Chananææ dixit : « Non sum missus, nisi ad oves quæ perierunt domus Israel (*Matth.* xv, 24) ; » et iterum : « Non est bonum sumere panem filiorum, et mittere canibus (*Ibid.* 26). »

Abraham autem a vepribus arietem abstraxit, atque in holocaustum pro filio obtulit : quia Pater Filium, et ipse Filius semetipsum ab amore impiorum Judæorum separavit, atque hominem quem assumpsit, pro salute humani generis in holocaustum obtulit.

De eodem vero Isaac scriptum est, quia habuit duos filios, Esau et Jacob. Esau venator fuit, et homo agricola : Jacob vero simplex habitabat in

tabernaculis. Per Esau populus Hebraicus, per Jacob vero populus gentium designatur. Isaac autem utriusque genitor typum Domini tenuit, qui utrumque populum, et illum per legem, et istum per fidem filios sibi fecit. Esau agricola erat ; quia Judæorum populus pro terrenis commodis Deo serviebat. Non enim dictum est ad illos : Si pauperes fueritis spiritu, si mites, si pacifici, si misericordes, si persecutiones pro nomine meo sustinueritis ; beati eritis, et merces vestra copiosa erit in cælis : sed dictum est ad illos : « Si custodieritis mandata mea, et judicia mea servaveritis, dabo vobis pluvias temporibus suis, et terra proferet germen suum, et pomis arbores replebuntur (*Levit.* xxvi, 3, 4), » et cætera quæ ad delicias sæculi pertinent. Fuit etiam Esau venator, quia per effusionem sanguinum arietum, hircorum atque vitulorum Deum placare consueverat : Jacob autem simplex habitabat in tabernaculis ; quia electi ex gentibus sola fide (52) bonaque voluntate Deo placere studuerunt. Per tabernacula vero sive diversas Ecclesias, in quibus per universum orbem una Ecclesia catholica divisa est, sive diversos ordines possumus intelligere.

Isaac diligebat Esau, eo quod de venationibus illius vesceretur : sed Rebecca diligebat Jacob. Isaac, sicut diximus, in hoc loco typum Domini tenet : per Rebeccam autem præscientiam Dei possumus intelligere. Isaac igitur diligebat Esau, eo quod de venationibus illius vesceretur ; quia Deus diligebat populum Judæorum, eo quod assiduis eorum oblationibus placaretur : mater vero diligebat Jacob, quia sciens Deus populum gentium multo meliorem fore quam populum Judæorum, per præscientiæ suæ gratiam multo amplius eum diligebat. Esau cum in venatione moraretur, ut de agrestibus animalibus cibos patri exhiberet, quatenus ab illo benediceretur, mater Jacob ad percipiendam benedictionem patri applicuit ; quia cum populus Judæorum observationibus legalibus deditus esset, atque ad fidem Christi percipiendam tardius occurreret ; mater gratia populum gentium, eo quod fidem Christi cum aviditate suscepisset, ad percipiendam benedictionem, quæ Judæis debebatur, Deo obtulit. Qualiter autem ipse populus gentium hoc benedictionis donum promeruit, testantur opera Jacob per significationem, quæ pro benedictione percipienda egisse describitur.

Dixit igitur Rebecca filio suo Jacob : « Affer mihi duos hædos optimos, et faciam ex eis escas patri tuo, quibus libenter vescitur ; et benedicet tibi coram Domino, antequam moriatur (*Gen.* xxvii, 9). » Abiit et attulit, deditque matri. Paravit illa cibos, sicut noverat velle patrem illius, et vestibus Esau, quas apud se habebat domi, induit eum, pelliculasque hædorum circumdedit manibus, et colli nuda protexit, deditque pulmentum, et panes quos coxe-

(52) Sic mss.; at vero edit., ex gentibus soli fide, etc.

rat, tradidit. Per duos hædos confessionem peccatorum populi gentilis et pœnitentiam possumus intelligere. Duos ergo hædos optimos Jacob matri obtulit; quia per confessionem peccatorum et pœnitentiam, quæ via est ad fidem euntibus, populus gentilis ad eandem fidem percipiendam properavit. Qui hædi optimi dicuntur fuisse; quia valde acceptabilis Deo est pœnitentia peccatoris cum abrenuntiatione vitiorum, sicut ipse Dominus noster dicit in Evangelio: « Gaudium est in cœlo super uno peccatore pœnitentiam agente, quam super nonaginta novem justis, qui non indigent pœnitentia (*Luc. xv, 7*); » per unum peccatorem populum gentium, per nonaginta vero novem justos Judæos intelligi volens. Qui justis ideo dicuntur, quia propter observationem legis justos se falso putabant; nam ad eosdem justos Dominus loquitur, decens: « Væ qui justificatis vos coram hominibus, Deus autem novit corda vestra (*Luc. xvi, 15*). » Qui in imperfecto numero ponuntur, quia nullum ad perfectum adduxit lex (*Hebr. vii, 19*).

Per escas autem delectabiles, quæ Isaac ad sumendum ex duobus **524** hædis præparatæ sunt, pœnitentiæ opera debemus intelligere. De iis escis loquitur Joannes Baptista, dicens: « Facite fructus dignos pœnitentiæ (*Matth. iii, 8*). » Per vestes vero valde bonas, quas Esau, id est Judæi, domi reliquerant, optima præcepta legis possumus accipere, ut est illud, « Diliges Dominum Deum tuum ex toto corde tuo et ex tota anima tua, et proximum tuum sicut te ipsum (*Deut. vi, 5; Levit. xix, 19; Matth. xix, 37, 39*); » et multa alia, sine quibus nullus justus esse potest. Hæ sunt optimæ vestes, quas Judæi domi, id est in Veteri Testamento, reliquerant, eo quod ea observare nollent; iis populus gentilis indutus et ornatus, ad Deum Patrem cum cibus operum bonorum perrexit. Cum cibus autem et panes detulit. Per panem sæpe verbum Dei designatur, quia ille congruenter ad Deum Patrem cum cibus operum bonorum pergat, qui et alios, quoscunque potest, ad bona opera agenda admonere non desinit.

Sed et illud nobis quærendum est, cur mater pellibus hædinis manus Jacob et colli nuda protegerit. Pellis namque cum ab hædo subtrahitur, caro apparet; unde delectabiles cibi confici possunt; similiter et ab unoquoque peccatore cum vitia detrahuntur, bona naturæ cum ratione apparent, quæ si fide decoquantur (**52**), delectabiles cibi ex bono naturæ Deo præparantur. Per collum igitur, eo quod in collo sæpe superbia appareat, possumus elationem mentis intelligere; per manus vero opera designantur. Collum ergo unusquisque fidelis pellibus hædinis circumdat, cum ad mentis elationem deponendam, et humilitatis suæ custodiam peccata præterita ante oculos mentis revocare

(52) Edit., quæ si fide Deo coquantur; mss., decoquantur.

(53) Ita mss., edit. vero, Christus intelligitur:

A non desinit. Manus circumdat, cum ne in bonis operibus extollatur, peccata præterita ante oculos mentis sæpe reducit.

Postquam Isaac cibum sumpsit, obtulit ei Jacob etiam vinum. Si per cibum activæ vitæ opera designantur, possumus per vinum, quod mentes hominum alienat, contemplativam vitam accipere, quæ ab amore sæculi mentes quorundam electorum insensibiles reddit. Cibo igitur potuque sumpto, Isaac Jacob benedixit; quia illi benedictionem cœlestis patriæ a Deo percipiunt, qui eum usque ad finem vitæ suæ bonis operibus placare student.

Idem vero Jacob cum fugeret Esau fratrem suum, venit ad quemdam locum: eumque supposuisset capiti suo lapidem, dormivit illic; viditque in somnis scalam ad caput suum a terra usque ad cœlum erectam, et Dominum innixum scalæ, angelos quoque Dei ascendentes et descendentes per eam (*Gen. xxviii, 12*). Per lapidem Christus intelligitur (**53**): fundamentum vero nostrum Christus est, de quo Apostolus dicit: « Fundamentum enim aliud nemo potest ponere præter id quod positum est, quod est Christus Jesus (*I Cor. iii, 11*) » Caput igitur super lapidem ponimus, si ex bonis operibus parietem nostrum super Christum ædificamus.

Concordat huic sensui visio scalæ; duo namque ligna scalæ majora, quæ sunt ex utraque parte, atque ab inferioribus ad superiora eriguntur, duo præcepta charitatis designant. Per gradus vero qui in transversum ex utraque parte illis duobus lignis inseruntur, cæteræ virtutes designantur. Et sicut duo ligna nisi a gradibus, et gradus nisi a duobus lignis contineri non possunt: ita et charitas sine cæteris virtutibus, et cæteræ virtutes sine charitate esse non possunt. Et quemadmodum diversi gradus, nisi in duobus lignis majoribus et utraque parte inserantur, ascensum hominibus præbere non possunt: ita et cæteræ virtutes, nisi ex dilectione Dei et dilectione proximi nascantur, ad cœlum ire volentibus ascensum præbere non possunt (**54**), sicut dicit Joannes apostolus: « Qui enim non diligit fratrem suum quem videt, Deum, quem non videt, quomodo potest diligere (*I Joan. iv, 20*)? » Et sicut scala ex una parte terram, ex altera cœlum tangere visa est: ita et charitas ab inferioribus proximis, a superioribus vero Deo conjungitur. Unde et angeli Dei per eam ascendentes et descendentes monstrati sunt; quia sanctos Dei, qui per angelos designantur, aliquando amor Dei per contemplationis gratiam ad excelsa sublevat, aliquando amor et cura proximorum ad inferiora reducit. Dominum autem innixum scalæ vidit; quia quicumque per iter virtutum ad Dominum conscendere satagunt, postquam viam sui itineris finierunt, Dominum omnium bonorum auctorem præmiorumque largitorem inveniunt, cum quo sine fine gaudebunt.

Fundamentum enim aliud, etc.

(54) Ita et cæteræ virtutes... præbere non possunt, hoc totum e mss. restitutum est.

Cum vero idem Jacob reverteretur de Mesopotamia Syria, venissetque ad Jordanem, transductis omnibus quæ ad se pertinebant, remansit solus. Et ecce vir luctabatur eum eo usque mane. Cumque videret quod eum superare non posset, tetigit nervum femori ejus, et statim emareuit, dixitque ei: « Dimitte me, jam enim ascendit aurora. At ille respondit: Non dimittam te, nisi benedixeris mihi. Et ait illi: Quo vocaris nomine? Respondit ei: Jacob. At ille dixit: Non vocaberis ultra Jacob, sed Israel erit nomen tuum (*Gen. xxxii, 26-28*). » Per Jacob hoc in loco quilibet peccator et pœnitens designatur. Quod vero angelus cum Jacob in figura Domini luctabatur, et ille cum angelo, illud significat (55) quod Dominus dicit in Evangelio: « Regnum cœlorum vim patitur, et violenti rapiunt illud (*Matth. xi, 12*). » Qui sunt autem violenti, nisi peccatores et pœnitentes? Qui cum se vident pro sceleribus suis mortis perpetuæ esse reos, tandiu januam paradisi precibus pulsant, usque dum eis aditus regni cœlestis aperiatur. Jacob ergo cum Domino luctatur quando quilibet peccator pertimescens pœnas ignis æterni, tandiu in precibus persistit, usque dum ei misericordia divina succurrat, sicut sequentia manifestant.

Qui cum videret quod eum superare non posset, tetigit nervum femoris ejus, et statim emareuit. Et quia libido ex femore nascitur, per nervum femoris voluptates carnales intelligi possunt. Nervum igitur femoris peccatoris Dominus tetigit, cum omnia desideria carnalia, ex quibus peccata oriuntur, exstinxit; quia fieri non potest ut a peccatis abstinemus, quandiu in voluptatibus carnalibus resoluti jacemus. Dixit igitur angelus ei, videlicet ille qui in persona Domini cum eo luctabatur: « Dimitte me, jam enim ascendit aurora (*Gen. xxxii, 26*); » ac si dixisset: Desine jam pro timore ignis æterni flere; quia jam tranquillitas, vitiis exstinctis, rediit, quæ te in perditionis foveam demerserant.

Et quia non satis prodest mala deserere, nisi bona agere studeamus, sequitur: *Dixitque Jacob: Non dimittam te, nisi benedixeris mihi* 525, id est, a precibus non cessabo, nisi me virtutibus ditaveris; ut qui usque modo secundum carnem vixi, amodo secundum spiritum vivam. *Dixitque ei* (56): *Quod est nomen tuum? Respondit ei: Jacob; dixitque ei: Non vocaberis ultra Jacob, sed Israel erit nomen tuum*, id est: Non vocaberis ultra supplantator vitiorum, sed vocaberis vir videns Deum: et qui ante flebas ne in infernum demergereris, nunc flebis, eo quod aliquo tempore a visione omnipotentis Dei elongeris, dicens cum Psalmista:

(55) Edit., in figura luctabatur, illud significat; mss. ut in contextu.

(56) Eadem edit., *Dixitque ei: Non vocaberis*; mss. vero nobiscum faciunt.

A « Heu mihi, quia incolatus meus prolongatur est (*Psal. cxix, 5*)! »

Idem etiam Jacob post luctationem quam cum angelo gessit, uno pede claudicasse dicitur: qui vero claudicat, super sanum pedem totus innititur, altero paulisper terram tangens. Duo igitur pedes duorum alimentorum genera designant; sunt namque alimenta corporis, sunt et animæ. Alimenta corporis sunt cibi, potus, vestimenta: alimenta vero animæ sunt Dei verbum, opera bona. Unusquisque igitur fidelis, si uno pede paulisper terram tangit, super alterum totus innititur; quia iis quæ sunt mundi tantummodo ad necessitates corporis sublevandas utitur, sicut dicit Apostolus: « Habentes autem victum et vestitum, iis contenti simus (*I Tim. vi, 8*). » In ea vero quæ ad salutem animæ pertinent, totus incumbit; ne aliquando a via Dei, quæ salus animæ est, deviet. Ad apertionem secundi sigilli demonstrandam pauca de multis diximus, nunc ordinem persequamur.

Sequitur: *Audiri secundum animal dicens: Veni et vide*; id est, intellige spiritualiter, quæ a patriarchis facta cognovisti. *Et ecce equus rufus* (57): *et qui sedebat super illum, datum est ei ut sumeret pacem de terra, et ut invicem se interficiant. Et datus est illi gladius magnus*. Per equum rufum justi, qui post diluvium usque ad legem fuerunt, designantur. Et quia rufus color aureo colori parumper appropinquat, veluti si aureo colori sanguineum admisceas; non incongrue sancti viri, qui ante legem fuerunt, huic colori comparantur; eo quod et sapientia claruerint, quæ per aurum figuratur, et in persecutionibus et adversis constantes fuerint, quæ per sanguinem figurantur. Sessor vero hujus equi Dominus est, qui in sanctis suis habitat. Huic sessori datum est ut pacem sumeret de terra. Si pax bona est a Deo, de terra quomodo sumpta est? Sed est pax bona, et est pax mala. Pacem malam filii Dei ante diluvium cum filiis hominum habuerunt, quando filias eorum acceperunt, et suas eis dederunt (*Gen. vi, 2*); ideoque cum illis aquis diluvii deleti sunt. Sed et filii Israel præcepit Dominus ut fœdus non inirent cum Chananæis, neque filias eorum acciperent, nec filias suas illis darent (*Exod. xxiii, 32; xxxiv, 16*). Nam de pace bona et mala Psalmista loquitur, dicens: « Cum electo electus eris, et cum perverso perverteris (*Psal. xvii, 27*). » Hanc ergo pacem Deus de terra sumpsit, quando justos homines ab impiis separavit mente, non corpore. *Et ut invicem se interficiant*. A quibus pax ablata est, consequens est, ut alius ab alio interficiatur; nam sæpe justus injustos, et injusti justos interficiunt, sicut Aram

(57) Edit. Gill., *Et ecce equus rufus*. Hic color aureo, etc. Rom. post vocem *rufus* addidit et has consequentes, *et qui sedebat super illum: datum est ei ut sumeret pacem de terra*. Nos vero cætera ex mss. restituimus.

frater Abrahæ secundum traditionem Judæorum in igne Chaldæorum, eo quod ignem adorare noluerit, mortuus est: sicut Abraham quatuor reges pro suis impietatibus cum exercitibus interfecit: sicut filii Jacob qui pro stupro sororis omnes Sichimitas interfecerunt. Per gladium autem magnum aquas diluvii accipere possumus, quibus omnis mundus deletus est. Possumus etiam per gladium magnum exterminium quinque civitatum intelligere, quarum habitatores igne et sulphure perierunt, eorumque terram, quæ cum ipsis in abyssum demersa est.

Et cum aperuisset sigillum tertium. Sigilli tertii apertio ad legem et ad eos qui sub lege fuerunt pertinet. Ad demonstrandum ergo tertii sigilli apertionem, placuit ut pauca de Moyse, et de iis quæ in lege irrationalia esse videntur, dicamus. In Exodo scriptum est quod cum natus esset Moyses, absconditus est mensibus tribus a parentibus suis; postea vero fecit ei mater fiscellam scirpeam, et livit eam bitumine ac pice, et posito intus infante, posuit eum in carecto ripæ fluminis (*Exod. ii, 2, 3*). Moyses Christum figurabat: per menses autem tres quibus absconditus est Moyses, tria tempora designantur: unum ante diluvium: secundum post diluviu[m] usque ad Moysen: tertium a Moyse usque ad adventum Domini. In his tribus temporibus homines adventus Christi secundum carnem latuit; a perfectis tamen prædictus est (58). Per fiscellam vero scirpeam beata virgo Maria designata est: mater ergo fiscellam scirpeam, in qua Moyses poneretur, præparavit; quia sapientia Dei, quæ est Filius Dei, beatam et gloriosam Mariam semper virginem elegit, in cujus intemerato utero hominem, cui per unitatem personæ conjungeretur, formaret. Per bitumen vero quod ab aquis solvi non potest, virginitatem beatæ Mariæ, quæ nullo æstu carnali violari potuit, intelligere possumus: per picem autem, quæ custos est vini (59), humilitatem custodem cæterarum virtutum. De qua ipsa loquitur dicens: « Quia respexit humilitatem ancillæ suæ; ecce enim ex hoc beatam me dicent omnes generationes (*Luc. i, 48*). » Per flumen vero mundus: per carectum in quo Moyses positus est, Judæi designantur; nam in sequentibus in papyrione a filia Pharaonis inventus fuisse legitur. Eandem significationem habet carectum in hoc loco, quam et papyrus; nam carectum manus attractantium vulnerare solet, ex papyro autem antiquitus libri conficiebantur. Per carectum ergo Judæi designantur, qui prophetas, medicos videlicet spiritales, qui vulnera eorum sanare cupiebant, interfecerunt. Idem etiam et per papyrus designantur, eo quod in scripturis sibi a Deo traditis gloriarentur, quas legebant, et non custodiebant. Filia vero Pharaonis (60) videlicet diaboli populum ex gentibus figuravit. Filia ergo

A Pharaonis Moysen a papyrione sustulit (*Exod. ii, 5*); quia Ecclesia ex gentibus fidem Christi suscipiens, eundem Christum a Judæis credere nolentibus abstulit.

Postea cum idem Moyses oves Jethro cognati sui pasceret, apparuit ei Dominus in igne flammæ rubi, et videbat quod rubus arderet, et non combureretur (*Exod. iii, 2*). Possumus per rubum qui flammæ ex se producebat, et non comburebatur, beatam virginem Mariam intelligere, quæ Filium Dei ex suo utero protulit, et virginitatem non amisit; sed propter ea quæ sequuntur, per rubum Christum esse intelligendum 526 existimo, secundum quod homo est. Flamma vero rubi ejus divinitatem figuravit. Rubus ergo ardebat, et non comburebatur; quia Filius Dei hominem assumens, sicut ejus divinitas non est mutata in humanitatem, ut amitteret quod erat; sic nec ejus humanitas per divinitatem ardens, non est absumpta ita a divinitate, ut amitteret humanitatem: sed ex duabus substantiis humanitatis atque deitatis unus Christus permanens et permanet, sicut scriptum est: « Perfectus Deus, perfectus homo, ex anima rationali et humana carne subsistens (*Athanas. in Symb.*). »

Locutusque est Dominus ad Moysen de medio flammæ rubi: « Ne appropies huc, solve calceamentum de pedibus tuis; locus enim in quo stas, terra sancta est. Videns vidi afflictionem populi mei, qui est in Ægypto, et gemitum ejus audivi, et descendi liberare eum. Sed veni, mittam te ad Pharaonem, ut educa[m] filios Israel de terra Ægypti (*Exod. iii, 5, 7, 10*). » Et post pauca: « Dixitque Moyses ad Dominum: Quis ego sum, ut vadam ad Pharaonem, et educam filios Israel de Ægypto (*Ibid. 11*)? » Et in sequentibus de filiis Israel loquitur ad Dominum, dicens: « Non audient vocem meam, sed dicent: Non apparuit tibi Dominus (*Exod. iv, 1*); » et iterum: « Obsecro, Domine, mitte quem missurus es (*Ibid. 13*). » Hæc verba demonstrant Moysen invitum obedisse mandatis Domini; ut educeret filios Israel de terra Ægypti: sed quærendum nobis est, cur tantus vir Domini præceptum invitum exsecutus sit. Verum hanc ejus pertinaciam spiritualiter intelligere debemus; dicit enim Apostolus: « Hæc autem omnia in figura contingebant illis: scripta sunt autem ad correptionem nostram, in quos fines sæculorum devenerunt (*I Cor. x, 11*). » Per Moysen igitur in hoc loco apostoli designantur; in initio namque prædicationis evangelicæ apostoli scientes electionem gentium reprobationem esse Judæorum, volebant gentibus doctrinam Evangelii tradere, ut de potestate diaboli eruerentur. Unde et Dominus in visione quadrupedum atque reptilium Petrum, cur gentes despi-

(58) Ita mss.; edit. e contrario. In iis tribus temporibus quomodo homines adventus Christi..... prædictum est.

(59) Edit., *custos est bituminis*; mss., *custos est vim.*
(60) Filia vero Pharaonis. . . . figuravit, in edit. rejecta fuerant post verbum, *abstulit.*

ceret (61), reprehendit dicens : « Quod Deus pu- A
rificavit, in commune ne dixeris (*Act. x, 15*). » Ad
hunc igitur sensum pertinet illud quod Dominus
dixit ad Moysen : « Ne appropinques huic, solve
calceamentum de pedibus tuis; locus enim in quo
stas, terra sancta est (*Exod. iii, 5*), » ac si alieni
ex magnis apostolis Dominus dixisset : Quamvis
mortuos suscite, quamvis umbra corporis tui ægro-
tos sanes; in nullo tamen te mihi comparare au-
deas : quia magna quæ agis, non sunt de te, sed
ego operor per te. Calceamenta autem pedes mu-
niant, ne terram tangant : per terram vero gentes
designantur. « Solve, inquit, calceamentum de
pedibus tuis; » id est, aufer odium et despectio-
nem gentium de corde tuo. « Locus enim in quo
stas, terra sancta est; » id est, mundus in quo B
habitas, meo sanguine redemptus est.

Et in sequentibus dixit Dominus ad Moysen :
« Quid est quod tenes in manu tua? At ille dixit :
Virga. Ait illi : Projice eam in terram. Quam cum
projecisset, versa est in colubrum, ita ut fugeret
Moyses, dixitque ei Dominus : Apprehende caudam
ejus; quam cum apprehendisset, versa est in vir-
gam (*Exod. iv, 2-4*). » Per virgam Judæi designan-
tur. Moyses virgam in manu tenebat, quia apostoli
populum Judæorum per amorem in corde tenebant,
totaque virtute laborabant ut eos per doctrinam
sue prædicationis ad salutem perducerent. Projecit
Moyses virgam de manu, quia apostoli videntes
Judæos in Christum nullo modo velle credere, amo-
rem eorum a cordibus suis projecerunt. Per colu- C
brum vero diabolus designatur. Versa est igitur
virga in colubrum, quia Judæi ex prædicatione
apostolorum deteriores effecti, qui ante dicebantur
populus Dei, facti sunt filii et membra diaboli. Fu-
git Moyses, quia apostoli, relictis Judæis, transie-
runt ad gentes. Per caudam vero, quæ finis est
corporis, Judæi qui in fine mundi nascituri sunt,
designantur. Moyses igitur caudam serpentis apprehendit,
atque in virgam versa est; quia prædica-
tores sancti in fine mundi Judæos quodammodo
apprehendent; cum per eorum doctrinam ad fidem
Christi convertentur, atque ex filiis diaboli effi-
cientur filii Dei.

Nam et illud, quod præcipiente Domino, Moyses
manum in sinum misit, et leprosam retraxit, et ite- D
rum misit, et sana effecta est; eandem significa-
tionem habet: per manum namque Moysi Judæi
designantur. Manum Moyses in sinum misit; quia
apostoli Judæorum salutem desiderantes, eis doctri-
nam fidei prædicare non cessabant. Moyses manum
retraxit, et leprosam invenit; quia Judæi ex prædi-
catione apostolorum multo pejores effecti, in pessi-
mam lepram incredulitatis atque blasphemarium
delapsi sunt, Moyses iterum manum in sinum mi-
sit, et sanam retraxit; quia prædicatores sancti in

(61) Ita mss.; at edit., *ne gentes despiceret, do-*
cuit.

A fine mundi Judæos in sinum recipient, cum eis
fidem Christi prædicabunt, eosque ad sanitatem,
quam amiserant, reducent.

In sequentibus quoque scriptum est, quod cum
reverteretur Moyses in Ægyptum, occurrit ei Do-
minus, et volebat interficere eum. Tulit illico Se-
phora acutissimam petram, et circumcidit carnem
præputii filii sui, tetigitque pedes ejus, et dixit :
« Sponsus sanguinum tu mihi es (*Exod. iv, 25*). »
Et dimisit eum, postquam dixerat : « Sponsus san-
guinum tu mihi es, » ob circumcisionem. Si Do-
minus occidere voluit Moysen, quare non fecit quod
voluit, cum Psalmista dicat : « Omnia quæcunque
voluit Dominus, fecit (*Psal. cxxxiv, 6*)? » Sed vo-
luntas sæpe pro comminatione ponitur : comminatus
est igitur Dominus Moysi mortem, eo quod incir-
cumcisum filium ferret, sicut ad Abraham loquitur,
dicens : « Omnis anima ex vobis quæ circumcisa
non fuerit, peribit de populis suis (*Gen. xvii, 14*). »
Sed ista prætermittentes, ad spiritalem intelligen-
tiam recurramus. Moyses in hoc loco eos qui ex
gentibus crediderunt, designat; in initio namque
fidei apostoli et cæteri prædicatores considerantes
imbecillitatem gentium fidem Christi suscipientium,
noluerunt eis austeriora Christi præcepta primum
tradere : ne forte territi non auderent ad fidem
Christi suscipiendam accedere. Hæc ita esse apo-
stolus Paulus demonstrat, qui eis qui ex gentibus
crediderant, per epistolam loquitur, dicens : « Tan-
quam parvulis in Christo lac vobis potum dedi, et
non escam; nondum enim poteratis, sed nec adhuc
quidem potestis; adhuc enim estis carnales (*I Cor.*
iii, 2) » Sed et apostoli eis, qui apud Antiochiam
in Christum crediderant, mandaverunt dicentes :
« Placuit Spiritui sancto et nobis nihil imponere
vobis oneris, nisi ut 527 abstinere vos ab escis,
quæ idolis immolantur, et a fornicatione, et suffo-
cato, et sanguine (*Act. xv, 28, 29*). » Comminatus
est igitur Dominus Moysi mortem, eo quod carnem
præputii filii sui circumcidere dissimularet : quia
credentibus ex gentibus, eo quod tepidi essent in
charitate, Dominus mortem comminatus est; cum
eis præcepta Evangelii sui anteposuit, ubi scriptum
est : « Arcta et angusta via est, quæ ducit ad vitam,
et pauci sunt, qui vadunt per eam. Lata et spatiosa
via est, quæ ducit ad mortem : et multi sunt, qui
vadunt per eam (*Matth. vii, 14, 13*); » et iterum (62):
« Qui non bajulat crucem suam, et sequitur me,
non est me dignus (*Luc. xiv, 27*); » et multa alia
quæ de resecatione vitiorum in Evangelio et in
dictis apostolicis inveniuntur.

Per petram vero Christus intelligitur, acumen
autem petrae dura præcepta Evangelii. Tulit igitur
Sephora acutissimam petram, et circumcidit carnem
præputii filii sui; quia Ecclesia cernens filios suos
nullo modo posse perfectam consequi salutem, nisi

(62) Ita mss.; edit. autem, *et pauci sunt, qui va-*
dunt, vel qui intrant per eam. Et iterum, etc.

omnia desideria carnalia ab eorum corporibus extirparet, tulit austeriora præcepta Evangelii, et amputavit a corporibus filiorum suorum omnium nutrimenta vitiorum. In pedibus vero finis est corporis: Saphora igitur post circumcisionem pedes filii sui tetigit; quia ille circumcisionem salutiferam percipit, qui in bono quod cœpit, usque in finem vitæ perseverat. Postquam autem Saphora pedes filii sui tetigit, jam non filium, sed sponsum vocat: sponsus vero Ecclesiæ Christus est. Sed et ipsa ejus sponsa vocatur, sicut dicit Joannes Baptista: « Qui habet sponsam, sponsus est (*Joan. III, 29*). » Quem et sponsum sanguinum vocat; quia Christi sanguine est redempta. Filii ergo Ecclesiæ post circumcisionem vitiorum, et in bonis operibus vitæ consummationem (63), jam non filii, sed sponsi vocantur; quia illi conjuncti sunt in cœlis per copulationem membrorum, qui sponsus Ecclesiæ in terra vocatur, et est.

Et quoniam non possumus omnia quæ per Moysen in Ægypto gesta sunt, commemorare, pauca de iis quæ post egressionem Israelitici populi ex Ægypto ab eis gesta sunt, ponamus. Filii igitur Israel ut Pharaonem et Ægyptios evaderent, per medium sicci maris transierunt, et aquæ eis erant quasi pro muro a dextris et a sinistris (*Exod. XIV, 22*). Similiter et populus gentium, ut diabolum omnesque ejus satellites evaderent, per aquam baptismatis transierunt. Et qui antea erant filii diaboli, ex aqua et Spiritu sancto, qui per columnam ignis designabatur, renati effecti sunt filii Dei. Aqua ergo maris filios Israel salvavit, Pharaonem vero cum omnibus satellitibus suis necavit; quia aqua baptismatis imaginem Dei salvat, peccata quibus servierat, extinguit (64); diabolus autem unicuique extinguitur, qui eum fideliter cum omnibus pompis ejus abrenuntiat. Aquæ vero quæ pro muro eis erant a dextris et a sinistris, fidem designabant nostram, quam in baptisate percipimus, quæ murus est noster, ex utraque parte defendens nos et ab invisibilibus hostibus et a visibilibus.

Post transitum maris Rubri venerunt in Marath, ubi aquas amaras invenerunt, quas bibere non poterant. Et ostendit Dominus Moysi lignum, quod cum misisset in aquas, in dulcedinem versæ sunt (*Exod. XV, 23, 25*). Per aquas amaras lex Moysi designatur: per lignum autem passionem Christi, eo quod in ligno crucis completa fuerit, debemus intelligere. Populus igitur qui ex Ægypto egressus est, aquas amaras invenit; quia legem acceperunt quam implere non potuerunt: sed gentibus ad fidem Christi venientibus amaritudo legis per passionem et resurrectionem Christi in dulcedinem versa est, quia ab eis spiritaliter, non carnaliter intellecta

(63) Omnes edit., *operibus consummationem*; omnes mss., *operibus vitæ consummationem*.

(64) Gill. edit., *imaginem Dei salutaris, peccata quibus servierat, extinguit*: Rom. sic emendaverat, *imaginem Dei Salvatoris gerens, peccata quibus po-*

est. Illud etiam quod in Elim duodecim fontes repererunt, et castra metati sunt juxta aquas (*Ibid. 27*), eandem significationem habet; per aquas namque duodecim fontium doctrina novi Testamenti designatur, quæ a duodecim fontibus, id est, a duodecim apostolis per universum mundum emanavit: per septuaginta autem palmas vetus Testamentum designatur, eo quod per interpretationem (65) Septuaginta interpretum ad notitiam gentium usque pervenerit.

Iis nihilominus intermissis, pauca de iis quæ in lege irrationabilia esse videntur, dicamus. Præcepit Dominus filiis Israel: « Non coques hædum in lacte matris suæ (*Exod. XXIII, 19*); » et iterum: « Non arabis simul in bove et asino; et non indues vestem, quæ ex lana linoque contexta est (*Deut. XXII, 10*). » Quid enim peccat quis, si hædum in lacte matris coquat? aut quid agricola delinquit, si cum bobus et asinis terram vomere sciadat? aut quid offendit aliquis, si vestem ex lana linoque contextam induat? Sed spiritaliter hæc omnia intelligenda sunt; per hædum namque unusquisque peccator designatur: mater autem nostra primi parentes fuerunt, ex quibus omnes procreati sumus: lac vero matris vitia sunt, quæ de originali peccato processerunt; nisi enim originale peccatum fuisset, vitium nullum esset. De hoc matris lacte Psalmista loquitur, dicens: « Ecce enim in iniquitatibus conceptus sum, et in delictis peperit me mater mea (*Psal. I, 7*). » Hædus igitur in lacte matris coquitur, dum quilibet peccator igne vitiorum usque ad diem mortis suæ exurit. Præcepit ergo Dominus, ne coquatur hædus in lacte matris suæ, id est, ut peccator non sinatur usque in diem mortis suæ in peccatis permanere: sed ante diem mortis suæ ad bona opera agenda revocetur, ne pereat.

« Non arabis simul in bove et asino (*Deut. XXII, 10*). » Per bovem apostolos, cæterosque prædicatores: per asinum populum Judæorum possumus intelligere. Aramus vero, quando secundum traditionem sanctorum nosmetipsos in bonis operibus exercemus. In bove igitur et asino simul arat, quicumque doctrinam apostolorum, traditionesque Judæorum simul servare nititur. A qua doctrina Paulus apostolus Galatas revocare studuit, cum diceret: « O insensati Galatæ! quis vos fascinavit veritati non obedire? Dico enim vobis, quoniam si circumcidamini, Christus vobis nihil prodest (*Galat. III, 1*). » Possumus etiam per bovem quemlibet sapientiam prædicatorum, per asinum vero stultum intelligere. Præcipitur ergo ut non aretur simul in bove et asino, id est, ut non copuletur stultus sapienti in prædicationis officio. Hoc autem quod dicit: Non induas vestem ex lana linoque contextam (*Deut. XXII, 11*), secundum superiorem sensum

pulus gentium servierat, extinguit; nos vero consensus mss. secuti sumus.

(65) Omnes edit., *eo quod interpretatio*; omnes mss., *eo quod per interpretationem*.

possumus intelligere; 528 per lanam namque, A quæ vestis est ovium, doctrinam apostolorum: per linum vero, quod ex terra oritur, doctrinam Judæorum possumus intelligere. Vestem ergo induimus, cum nosmetipsos bonis operibus circumdamus: ex lana autem linæque contexta utitur veste, qui cum traditionibus apostolorum etiam traditiones Judæorum vult observare.

Præcepit etiam Dominus Moysi, ut si quis leprosus mundatus esset, veniret ad sacerdotem, et offerret duos passerem sacerdoti (*Levit. xiv, 3, 4*). Ex quibus ille unum immolans, decurrere faceret sanguinem ejus in aquas viventes, et intingens passerem vivum in aquas, in quibus sanguinem immolati passeris decurrere fecerat cum ligno cedrino, lana coccinea, et hyssopo aspergeret septies leprosum, et tunc rite mundaretur. Per sacerdotem B Christus intelligitur: duo vero passerem duorum Testamentorum doctores intelliguntur: per aquas autem viventes præcepta Evangelii designantur, de quibus Dominus dicit in Evangelio: « Qui credit in me, sicut Scriptura, flumina de ventre ejus fluent aquæ vivæ (*Joan. vii, 38*). » Aquas vivas vocat, eo quod vitam æternam præstent facientibus ea. Per passerem igitur immolatum, sicut diximus, doctores Judæorum, sacerdotes videlicet, Scribæ et Pharisæi designantur. Sanguis vero, qui vitam passeris præstabat, spiritualis est intelligentia, quæ in observationibus Judæorum latebat. Et sicut passer sine sanguine mortuus efficitur, ita et multæ observationes Judæorum, si spiritualis intelligentia defuisset, vanæ esse viderentur. Postquam ergo sanguis passeris apparuit, atque in aquas vivas decurrit, passer mortuus est, quia postquam spirituali intelligentia, quæ in observationibus Judæorum latebat, per gratiam Domini nostri Jesu Christi manifestata est, quædam observationes legales nihil profuerunt: sed et ipsi qui propter custodiam legis fidem Christi spreverunt, secundum animam mortui sunt. Sanguis igitur passeris aquis viventibus admistus est; quia omnis Scriptura, quæ ad novum Testamentum pertinet, exemplis veteris Testamenti spiritualiter intellectis repleta est (66). Per lignum vero cedrinum Pater, per hyssopum Filius: per lanam autem coccineam, quæ fulgorem ignis habet, Spiritus sanctus designatur. Iis tribus qui rite mundari volebat, aspergebatur; quia nullus per aquam baptismatis a lepra peccatorum mundari potest, nisi sub invocatione Patris et Filii et Spiritus sancti.

Sed si per hæc tria Pater et Filius et Spiritus sanctus designantur, cur passer vivus quartus adjungitur? Per passerem namque vivum prædicatores novi Testamenti designatos fuisse diximus. Sacerdos ergo ligno cedrino, cocco, et hyssopo passerem vivum adungebat; quia Dominus noster Jesus

Christus in invocatione sui nominis, et Patris et Spiritus sancti adjungit ministerium sacerdotum, nosque a peccatis nostris, qui per leprosum designamur, per eorum invocationem, et per aquam baptismatis abluit. Qui passer in aquis viventibus intingijubetur; quia qui alios docet, in divinis Scripturis doctum esse oportet: nam si cæcus cæcum dicere tentaverit, ambo in foveam cadunt (*Matth. xv, 14*). Qui leprosus septies aspergi præcipitur, quia nullius munditia sine donis septem Spiritus sancti perfecta esse potest. Quis enim sine timore Dei, sine pietate cæterisque virtutibus salvus esse potest? Sed cum unusquisque a prædicatores fidei qualiter vivere debeat secundum mandata Dei docetur, septies aqua viva aspergitur. Post enundationem vero leprosi passer vivus in agro avolare sinebatur; quia prædicatores sancti post expletum officium prædicationis suæ in agro patriæ cœlestis avolare promerentur.

In alio quoque loco scriptum est; quia præcepit Dominus Moysi, ut offerrent filii Israel sacerdoti caprum emissarium, poneretque sacerdos manus super caput ejus, et confiteretur super eum peccata filiorum Israel, et mitteret eum per hominem paratum, in desertum; ut portaret peccata filiorum Israel in desertum. Ille autem qui caprum emissarium in desertum ducebat, non permittebatur in castra ingredi, nisi prius lavaret vestimenta sua (*Levit. xvi, 10, 24*). Eandem ergo significationem habet sacerdos, quam et caper emissarius; significant enim Dominum nostrum Jesum Christum. Sacerdos igitur super caprum emissarium peccata filiorum Israel confessus est; quia Filius Dei peccata generis humani super hominem quem assumpsit, posuit, ut pro eis ipse moreretur. Per desertum vero, cujus habitationem omnes delicosi perhorrescunt, crux designatur, cunctis reis valde horribilis. Duxit ergo homo paratus caprum emissarium in desertum, quia Judæi qui ad hoc scelus perpetrandum præsciti fuerant (67), Dominum nostrum Jesum Christum crucifixerunt. Illi autem qui caprum emissarium in desertum duxerat, præceptum est ut lavaret prius vestimenta sua, et sic ingrederetur in castra, quia Judæi interfectores Christi in castra Ecclesiæ ingredi non potuerunt, nisi prius aqua baptismatis abluerentur.

D Et in Deuteronomio præcepit Moyses filiis Israel, dicens: « Si transieris per agrum, et inveneris avem incubantem super pullos suos; ne teneas avem cum pullis suis, sed dimitte avolare avem in campum, et captos tene filios; ut longo vivas tempore in terra, quam Dominus Deus tuus dedit tibi (*Deut. xxii, 6, 7*). » Numquid dimissio aviculæ dies alicujus augere poterat (68)? Non, sed spiritualiter intelligendum est. Per avem unaquæque

(66) Ita mss.; edit. vero, *pertinet spiritualibus intellectibus repleta est.*

(67) Omnes edit., *præstiti fuerant*: omnes mss.

præpositi fuerant.

(68) Ita mss.; at edit., *dimissa avicula dies alienos augere poterat.*

sancta anima designatur : per pullos autem ejus bona opera intelliguntur. Nam sicut avis pullos suos sub alas congregat, ut eas fovendo nutriat ; ita unaquæque sancta anima opera sua intra cordis secreta recondit, et ea semper augendo multiplicat et nutrit, ut ex iis mercedem plenissimam recipiat. Avem itaque cum pullis suis invenimus, cum aliquem justum pro suis bonis operibus amando amplectimur. Avem in agro avolare permittimus, cum eum quem diligebamus, per mortem ad regna cœlestia conscendisse gaudemus : filios vero ejus captos tenemus, si ejus bona opera in mente retinemus, atque in eorum imitatione proficimus. Et in hoc longitudinem vitæ nobis acquirimus, quæ non nisi in cœlesti beatitudine constitutis datur. De apertione tertii sigilli pauca de multis diximus, nunc ordinem B prosequamur.

(Vers. 5.) *Audiri tertium animal dicens : Veni et ride ; id est, intellige spiritaliter* 529 *Scripturam legis (69). Et ecce equus niger, et qui sedebat super eum habebat stateram in manu sua.* Per equum nigrum doctores legis possumus intelligere ; nigredo enim equi sive obscuritatem legis, quam docuerunt, sive duritiam designat. Nam et Moyses velamen habebat super faciem suam, eo quod splendor vultus ejus, id est, spiritalis intelligentia in lege a lippientibus oculis non posset videri. Sessor autem equi Dominus est : statera vero æquitatem judicii legalis demonstrat, ut est istud : « Animam pro anima, oculum pro oculo, dentem pro dente, pedem pro pede (*Exod. xxi, 23, 24*), » et qualem inflixerit C quis maculam (70), talem et sustinere cogatur.

(Vers. 6.) *Et audivi vocem in medio quatuor animalium dicentem.* Potest per vocem quæ facta est in medio quatuor animalium, vox Ecclesiæ accipi, Domini misericordiam implorantis. *Bilibris tritici denario, et tres bilibres hordei denario, et vinum et oleum ne læseris.* Magna sunt quæ protulit, et valde obscura. Per triticum ex quo panis optimus conficitur, divinam Scripturam possumus accipere, quæ est panis animarum : duæ vero libræ tritici duo Testamenta designant, quibus divina Scriptura dividitur. Ex iis duabus libris tritici magnam ciborum copiam nobis sancti Patres præparaverunt, qui eam multipliciter exposuerunt : denarius autem D Dominum designat. Binæ ergo libræ tritici denario copulantur ; quia quod sancta Scriptura loquitur, ad unius Dei omnipotentiam, magnitudinem, bonitatem, atque severitatem pertinet ; quidquid enim boni erga proximos agimus, de illo est, non de nobis. Per asperitatem vero hordei opera sanctorum designantur quæ aspera quidem videntur per operationem, sed spes ea suavia facit, sicut dicit Dominus : « Jugum enim meum suave est, et onus meum

A leve (*Matth. xi, 30*). » Tres autem bilibres hordei sunt : non inconvenienter ergo per senarium numerum (71), qui perfectus est, opera sanctorum designantur, quia perfectio sanctorum ex bonis operibus accrescit. Tres bilibres ergo hordei denario conjunguntur ; quia quidquid boni electi in hoc sæculo operantur, quidquid adversi patiuntur, pro amore unius Dei omnipotentis agunt et patiuntur.

Aliter : per equum ii qui per legem salvi facti sunt designantur : per ascensorem ejus ipse dator legis : per staterem vero æquitas judicii ejus. Consequens est ut per binas libras tritici et per tres bilibres hordei vetus Testamentum intelligamus : per binas ergo libras tritici duo præcepta charitatis, quæ in lege et prophetis specialiter commendantur, designantur, sicut Dominus dicit in Evangelio : « In iis duobus mandatis tota lex pendet et prophetæ (*Matth. xxii, 40*). » Et per tres bilibres hordei vetus Testamentum possumus accipere ; eo quod in tres partes ab Hebraeis dividatur, in Prophetas, in Legem, in Hagiographa. Nec inconvenienter per hordeum, quod asperum habet corticem, vetus Testamentum designatur, propter asperitatem videlicet præceptorum legalium (72). Nam sicut hordeum infra asperitatem corticis sui medullam continet, ex qua panis conficitur, ita et infra litteram veteris Testamenti spiritalis intelligentia continetur, ex qua a magistris Ecclesiæ panis doctrinæ spiritalis conficitur, ad nutrimenta fidelium proficiens ; scribit enim apostolus Paulus quia nullum ad perfectum adduxit lex, nullum scilicet eorum qui eam carnaliter intelligunt et operantur : eos vero qui eam spiritaliter intelligunt et operantur, ad perfectionis culmen sine dubio erigit (*Heb. vii, 19*). Tres ergo libræ hordei duplicantur, ut ad senarium, qui perfectus est numerus, perveniant ; cum vetus Testamentum a doctoribus Ecclesiæ primo historialiter, postea spiritaliter intelligitur, ejusque spiritalis intelligentia operibus impletur. Per denarium æterna vita designatur, sicut Dominus docet in Evangelio (*Matth. xx, 2*). Precatur igitur Dominum Ecclesia, et dicit : *Bilibris tritici denario, et tres bilibres hordei denario*, id est, ii qui duo præcepta charitatis secundum doctrinam Legis atque Prophetarum, Patribus videlicet veteris Testamenti : similiter et eis qui vetus Testamentum spiritaliter intelligunt et operantur, id est, fidelibus Ecclesiæ, denarium vitæ æternæ dignare largiri. Per austeritatem vero vini activam vitam, per iuguedinem olei contemplativam possumus accipere. Quod ergo dicit : *Vinum et oleum ne læseris*, tale est ac si diceret : Eos qui tibi per activæ vitæ opera sive contemplativæ servire studuerunt, ne læseris, cum ad judicium veneris.

(69) Rom. edit. sola, qui Scripturam legis.

(70) Omnes edit., et quale inflixerit quis malum, tale, etc. : mss. autem ut in contextu.

(71) Edit., per binarium numerum. Et infra, et

per tres libras hordei ; mss. autem utroque loco nobis consonant.

(72) Ita mss. ; edit. vero, propter asperitatem corticis sui, Medullam continet, etc.

(Vers. 7.) Sequitur: *Et cum aperuisset sigillum quartum*. Apertio sigilli quarti ad prophetas pertinet, qui adventum Christi, passionem, et resurrectionem ejus, vocationemque gentium et aperto sermone, et per varias figuras prædixerunt: Salvator igitur noster quartum sigillum aperuit, quando intelligentiam prophetarum doctoribus Ecclesiæ præbuit. Sed de dictis prophetarum non est nobis necesse quidquam dicere, eo quod ab eisdem doctoribus expositi sint. Et quia non solum quæ a prophetis scripta sunt, sed et quæ ab eis gesta sunt, spiritalem habent intelligentiam pauca de iis quæ per David, Eliam et Elisæum gesta sunt, dicamus.

In Regum volumine scriptum est, quia cum David vellet pergere ad pugnam contra Philistæum, dixit ad Saul: «Pascabat servus tuus gregem patris sui, et veniebat leo vel ursus, tollebatque arietem de medio gregis, et insequer, percutiebamque eos, eruebamque eum de ore eorum. Et illi consurgebant adversum me, et apprehendebam mentum eorum, et suffocabam, interficiebamque eos; nam et leonem et ursum interfeci ego servus tuus (I Reg. xvii, 34-36).» David Christum significat; per leonem autem et ursum persecutores Ecclesiæ designantur: per leonem imperatores et cæteri principes terræ: per ursum Judæi designati sunt, qui Ecclesiam Dei persecuti sunt: per arietem vero martyres designantur. Leo igitur et ursus venit, atque arietem de medio gregis abstulit; quia persecutores quosdam de Ecclesia fideles tulerunt, atque pro Christi nomine interfecerunt. Et sicut David leonem et ursum insecutus percussit, atque arietem de ore eorum eruit: similiter et Redemptor noster quosdam ex persecutoribus persecutus est, quando eis pœnam quam merebantur, in præsentis sæculo irrogavit, sicut primo 530 Herodi, et iterum secundo, et tertio, et multis aliis. Percussit quippe, quando eos æterna morte damnavit: arietem de ore eorum eruit, quia populum fidelium ab eorum laceratione liberavit. Et iterum illi consurgebant adversum David, quia temporibus persecutorum cum alii punirentur, alii contra Christum insurgent, ut ejus nomen atque culturam funditus exstinguerent. Sed David apprehendebat mentum eorum, et suffocabat, interficiebatque eos (I Reg. xvii, 35). Per mentum, quod ori est proximum, blasphemiam Judæorum atque paganorum designatur. Christus mentum persecutorum apprehendit, et suffocavit, interfecitque eos; quando imperatoribus in Christum credentibus, omnis cultura et error gentilium ita suffocatus est, ut nullus persecutorum auderet os ad blasphemandum Christum aperire; omnesque extincti sunt, credentibus in Christum gentibus (73).

Idem autem David cum ad bellum contra Philistæum iret, baculum suum tulit secum, quem sem-

(73) Omnesque extincti sunt, credentibus in Christum gentibus, ex mss. restituitur.

(74) Omnes edit., *Philisthæi, et caput illius amputavit. Iste est, etc.*

A per habebat in manibus, elegitque sibi quinque limpidissimos lapides de torrente, et misit eos in peram, quam habebat secum, et fundam manu tulit, et processit contra Philistæum. Per baculum quo homo sustentatur, apostoli designantur, qui Christum quasi sustinuerunt, cum opus propter quod in mundum venerat, compleverunt, sicut dicit apostolus Paulus: «Dei enim adjutores sumus (I Cor. iii, 9).» Per peram autem ejus humanitas designatur: per quinque lapides quinque libri Moysi, quos in peram misit; quia scientiam quinque librorum homini, quem assumpserat, dedit: per fundam autem ejus linguam accipere possumus. Processio vero David contra Philistæum duobus modis secundum allegoriam intelligi potest; processit namque Salvator noster contra Philistæum, quando ductus est in desertum a Spiritu sancto, ut tentaretur a diabolo, vinceretque diabolum. Quinque lapides David in peram misit, sed ex uno Goliath prostravit; quia Salvator noster scientiam quinque librorum æqualiter possedit, sed ex uno, id est Deuteronomio, trina testimonia assumpsit, ex quibus tres tentationes diaboli devicit. Et sicut David fundam lapidem jecit, et Goliath interfecit; ita et Dominus noster Jesus Christus lingua sanctæ Scripturæ testimonia protulit, et diabolum superavit.

Aliter: perrexit David ad pugnam contra Philistæum: similiter et Christus, ut diabolum vinceret, ad passionem properavit. David lapide Goliath dejecit, similiter et Christus diabolum morte sua peremit. Cumque gladium non haberet in manu David, tulit gladium Philistæi, et interfecit eum gladio suo (74), præciditque caput ejus. Gladius diaboli mors est: «Invidia enim diaboli mors intravit in orbem terrarum (Sap. ii, 24).» Iste est gladius, quo primum hominem, deinde genus humanum usque dum a Christo redimeretur, interfecit. Hunc gladium incurrimus, cum peccamus: sed hunc gladium Christus non habebat; quia peccatum non fecerat, nec inventus fuerat dolus in ore ejus (I Petr. ii, 22). Originali quoque peccato obnoxius non erat; quia ex concubitu viri, qui sine peccato esse non potest, ortus non fuerat. Christus itaque (75) qui mortem ex debito non habebat, a diabolo qui auctor ejus erat, mortem mutuavit, et per eam eundem principem mortis interfecit. Per caput autem Philistæi genus humanum in hoc loco designatur. Præcidit David caput Philistæi, quia Christus a corpore diaboli electorum multitudinem separavit. Detulit illud in Jerusalem, quia multitudinem electorum in cœlesti beatitudine, quæ Jerusalem vocatur, collocavit.

De Elia vero et Elisæo, quamvis eorum facta plena sint spiritualibus sensibus, ea tantummodo proferamus, quæ a Domino in Evangelio commemorata sunt. Nam cum venisset Dominus in Nazareth, di-

(75) Ita omnes mss.; omnes vero edit., *obnoxius erat, quia in peccato ortus non fuerat. Christus itaque, etc.*

xerunt ei concives ejus : « Quanta audivimus facta in Capharnaum, fac et hic in patria tua (*Luc. iv, 23*). » Dixitque eis : « Amen dico vobis, quia multæ viduæ erant in diebus Eliæ in Israël, quando clausum est cælum, et ad nullam illarum missus est Elias, nisi in Sareptam Sidoniæ ad mulierem viduam. Et multi leprosi erant in diebus Elisæi in Israël, et nemo eorum mundatus est, nisi Naaman Syrus (*Ibid. 25-27*). » In Regum volumine scriptum est quia, cum cœpisset Achab rex Israel Eliam persequi, præcipiente Domino, abiit in desertum, et sedit juxta torrentem Charib : corvi quoque deferebant ei panes et carnes mane, et panes et carnes vespere, et bibeat de torrente (*III Reg xvii, 3-6*). Elias Christum figurabat : per torrentem autem Charib legem debemus intelligere. Charib interpretatur mendacium, non quod lex mendacium sit ; solent namque prudentes proponere auditoribus suis parabolas, ut apertius intelligantur ea, quæ dicere volunt, et introducunt bestias et aves loquentes. Quod si sola verba parabolæ attendas, mendacium esse prospicies : sin vero sensum, veritatem probabis. Similiter et quædam præcepta legalia, si litteram tantummodo attendas, inutilia tibi videbuntur : si spiritalem intelligentiam, veritas tibi magna in littera refulget. Quædam igitur præcepta legalia Judæis mendacium sunt, quia ea carnaliter intelligunt ; nobis autem veritas, quia ea spiritualiter intelligere curamus. Per corvos vero sacerdotes Judæorum designantur, velamine cordium suorum tenebrosi : per carnes jure sacrificium quod mane et vespere offerebatur. Panes autem panes propositionis demonstrant, qui assidue in conspectu Domini ponebantur : bibeat vero de torrente, quia in observationibus legalibus Christus delectabatur. Post dies autem multos siccatatus est torrens ; quia veniente Christo in carne, et Evangelium prædicante, observatio legalis cessavit ; atque ab illo tempore nihil profuit, sicut dicit Dominus : « Lex et prophetæ usque ad Joannem, etc. (*Matth. xi, 13*). » Et iterum dicit ad Israel per prophetam : « Ne offeratis ultra sacrificium frustra. Incensum abominatio est mihi : neomenias et sabbata vestra non feram, iniqui sunt cœtus vestri (*Isa. i, 13*). »

« Et dixit Dominus ad Eliam : Vade in Sareptam Sidoniorum, et manebis ibi ; præcepi enim ibi mulieri viduæ ut pascat te (*III Reg. xvii, 9*). » Qui consurgens, abiit in Sareptam. Elias in Sareptam abiit ; quia Judæos perfidos Christus derelinquens, per apostolos suos transivit ad gentes : Sarepta vera succensa interpretatur, vel angustia panis ; gentiles quippe, **531** qui erant civitas diaboli, et qui per Sareptam designantur, igne vitiorum succensi erant. De hoc igne Scriptura dicit : « Omnes vos accendentes ignem, accincti flammis ambulate in lumine ignis vestri, et in flammis quas succendistis vobis (*Isa. l, 11*). » Illi namque flammis accincti sunt, qui igne vitiorum undique exuruntur,

A qui et angustia panis vocantur ; quia nullus prædicator unquam ad eos accesserat, qui pabulum verbi Dei eis impertiret. Cumque venisset ad portam civitatis, apparuit ei mulier vidua, colligens ligna. Eandem significationem habet mulier quam et civitas ; significat enim Ecclesiam ex gentibus congregatam : vidua vero erat, quia Deum virum suum, peccatis suis exigentibus, perdidit. Et vocavit eam, dixitque ei : « Affer mihi paululum aquæ in vase, ut bibam (*III Reg. xvii, 10*). » Minora petiit, ut ad majora perveniret ; possumus namque per paululum aquæ, quod animum sitientis refrigerat, voluntatem audientium intelligere, quia sicut sitientis linguam aqua refrigerat, ita et prædicatorum mentes promptus animus auditorum. Cumque illa pergeret ut afferret, clamavit post tergum ejus, dicens : « Affer mihi et buccellam panis in manu tua (*Ibid. 11*). » Quasi post tergum nobis est, quod ignoramus : Elias ergo post tergum mulieris clamavit, quia prædicatores sancti gentibus Deum, quem ignorabant, prædicaverunt ; unde et per buccellam panis initia fidei possumus intelligere.

Et quia illi competenter ad fidem veniunt, qui student prius peccata sua confiteri, recte subditur : Dixitque ei mulier : « Vivit Dominus Deus tuus, quia non habeo panem, nisi quantum potest pugillus capere farinæ in hydria, et paululum olei in lecytho (*Ibid. 12*). » Lecythus vas erat, in quo oleum servabatur. Possumus vero per farinam rationem, per oleum autem opera misericordiæ intelligere. C Gentilis ergo populus cognoscens se graviter errasse, confitebatur nihil in se boni esse ; nisi tantummodo quod parum rationis, et parum ex operibus misericordiæ videretur habere. Gentiles namque parum rationis habebant ; quia ex parte rationabiles, ex maxima autem parte irrationabiles erant. Quid enim irrationabilius, quam dicere ligno aut lapidi : Deus meus es tu ? Habebant et parum misericordiæ ; quia ipsa natura sæpe eos ad hoc impellebat, ut miseris subvenirent. Per vasa vero in quibus farina et oleum continebatur, eorum corda designantur. « En colligo duo ligna, ut ingrediar, et faciam illud mihi et filio meo, ut comedamus et moriamur (*Ibid.*). » Ligna quæ in civitate colliguntur, nihil utilitatis habent, nisi ut igni comburantur. Per ligna igitur errores gentilium diabolica fraude inventi designantur. Mulier ligna duo colligebat, quia gentilis populus ex doctrina philosophorum atque poetarum diversos errores colligebat, pro quibus perpetuo incendio traderetur. Sed quid est, quod dicit : « Ut comedamus et moriamur ? » Nos enim ideo comedimus, ut vitam in corpore servemus : hæc autem ideo se dicit comedere, ut moriatur ; quia doctrina gentilium mortem magis infert quam vitam.

Ad quam Elias : « Vade, et fac sicut dixisti, verumtamen mihi fac ex ipsa farinula subeinericium panem parvulum, et affer ad me ; tibi autem

et filio tuo facies postea (*Ibid.* 13). » Per panem A fides, per cinerem vero saepe poenitentia designatur, sicut dicit beatus Job ad Dominum : « Ideo ipse me reprehendo, et ago poenitentiam in favilla et cinere (*Job* XLII, 6). » Panis igitur cinere cooperitur, cum quilibet infidelis ad fidem veniens, primum studet deslere mala quæ fecit ; ut convenientius ad fidem Christi percipiendam, quæ in baptismo datur, accedat. Elias itaque præcepit mulieri ut ex farina panem faceret, sibi que deferret ; quia prædicatores sancti gentes hortabantur, ut ex rationis bono quod a Deo perceperant, cibum fidei Deo præpararent, sibi que deferrent ; fidem namque unusquisque ad baptismum veniens, prædicatori defert, cum ad interrogationem sacerdotis qualiter credat, confitetur ; Elias panem quem mulieri facere præcepit, comedit, quia profectus filiorum merces est prædicatorum. Quapropter Elias mulieri præcepit ut sibi primum, postea sibi et filio suo panem præpararet ; quia conversio peccatoris prædicatori primo imputatur : postea vero conversus panem sibi præparat, cum in bonis operibus semetipsum exercens, ut hæres cælestis patriæ fiat obinet. Quod autem ait Elias : « Hydria farine non deficiet, nec lecythus olei minuetur usque in diem, in qua daturus est Dominus pluviam super terram (*III Reg.* XVII, 14) ; » illud significat, quod fides ab electorum cordibus bonaque opera non deficient, usque dum Dominus ad iudicium cum omnibus sanctis suis veniat.

Similiter et Elisæus Christum figurabat, Naaman C vero populum gentium. Multi leprosi erant in Israel, et nemo eorum mundatus est, nisi Naaman Syrus ; quia veniente Christo in carne, et Judæi et gentes lepra peccatorum suorum circumdati erant : sed Judæis in iniquitate sua permanentibus, gentes a lepra peccatorum suorum mundatæ sunt. Præcepit ergo Elisæus Naaman, dicens : « Vade et lavare septies in Jordane, et recipiet sanitatem caro tua, atque mundaberis (*IV Reg.* v, 10). » Abiit, et lavit in Jordane septies, et restituta est caro ejus sicut caro pueri parvuli, et mundatus est a lepra. Aqua D Jordanis baptismum figurabant, eo quod in ea Christus baptizatus sit. Naaman aquis Jordanis ablutus est, et lepra mundatus ; quia populus gentium aqua sacri baptismatis a lepra peccatorum suorum est expurgatus. Septena vero ejus lavatio septiformem Spiritum sanctum figurabat, per cuius operationem remissio peccatorum in baptismo datur ; quia sicut corpus visibiliter aquis baptismatis, ita anima invisibiliter per operationem Spiritus sancti a peccatis omnibus emundatur. Giezi autem qui pretium sanitatis a Naaman percepit, lepramque ejus hæreditavit, eos designat, qui doctrinam suæ prædicationis hominibus vendunt : quos Dominus in Evangelio non pastores, sed

mercenarios vocat (*Joan.* x, 12). Elisæus igitur sanitatem contulit, et Giezi pretium accepit ; quia ab eis quos divina misericordia salvat, perversi doctores pretium sanitatis exigunt. Et ideo hæredes lepræ eorum efficiuntur, quia in malis quæ isti per gratiam Dei contempserunt, permanentes damnationem sibi perpetuam acquirunt. De apertionibus quatuor sigillorum quæ ad vetus Testamentum pertinere certum est, pauca de multis diximus ; ut demonstrarem nihil aliud esse sigillorum apertionem, nisi demonstrationem spiritualium sensuum in veteri Testamento, quæ nobis per Christum facta est.

(Vers. 8.) Sequitur : *Et ecce equus pallidus, et qui sedebat super eum, nomen 532 illi mors et infernus sequebatur eum.* Videntur hæc quæ de equite quarto dicuntur, ad Antichristum pertinere : sed quia superiores tres equites in bonam partem interpretati sumus, ut convenienter cum apertionibus trium sigillorum ; ordinis rectitudo cogit, ut et istum in bonam partem intelligamus, quatenus concordet cum apertione quarti sigilli, quam ad prophetas pertinere demonstravimus. Equus igitur pallidus propheta significat : pallor vero diversis modis accidit hominibus ; aliquando namque pavore, aliquando languore, aliquando morte totum corpus occupante, multisque modis aliis pallescent homines. Prophetæ itaque, qui populo peccanti prædicebant quod in rapinam et gladium et perditionem darentur, non inconvenienter colorem pallidum habuisse dicuntur : sessor autem hujus equi Dominus est, qui in prophetis suis inhabitavit. Sed valde durum videtur, quod nomen mortis habuisse dicitur ; ipse enim vita est omnium electorum suorum, sicut ipse dicit : « Ego sum vita (*Joan.* XIV, 6). » Sed si diligenter Scripturas divinas inspexerimus, inveniemus Dominum nostrum Jesum Christum etiam mortem vocari. Nam sicut vita est omnium electorum, quibus quotidie vitam æternam largitur ; ita et mors dici potest reproborum, quos pro sceleribus suis quotidie morti tradit perpetuæ ; ipse enim habet potestatem animam et corpus perdere in gehennam (*Matth.* x, 28). Nomen ergo mortis habuisse dicitur, quia Israelitico populo peccanti mortem intulit, sicut in cantico Deuteronomii ipse manifeste demonstrat, cum dicit : « Ignis succensus est in furore meo, et ardebit usque ad inferni novissima (76) : devorabitque terram cum germine suo, et montium fundamenta comburet. Congregabo super eos mala, et sagittas meas complebo in eis : consumentur fame ; et devorabunt eos aves morsu amarissimo. Dentes bestiarum immittam in eos cum furore trahentium super terram atque serpentium. Foris vastabit eos gladius, et intus pavor, et reliqua (*Deut.* XXXII, 22-25). »

Hunc equitem infernus sequebatur, quia omnes

(76) Post vocem *novissima*, codex Gem. subjungit, *et cætera* ; nec ulterius producit testimonium hujus cantici ; edit. illud extendunt usque ad verbum

comburet ; nos vero cæterorum cod. auctoritati morem gessimus.

qui comminationes prophetarum quas ex ore Domini ad populum protulerant, contempserunt, infernus absorbit. Unde et sequitur : *Et data est ei potestas in quatuor partes terræ occidere in gladio, et fame, et morte, et bestiis terræ.* Per quatuor partes terræ omnis terra Israel designatur (77). Qualiter autem in gladio, et fame, et morte, et bestiis terræ consumpti fuerint, libri Prophetarum atque Regum aperte demonstrant. Quærendum vero nobis est cur apertio quatuor sigillorum ad vetus Testamentum, trium vero ad novum pertineat. Quatuor namque sunt elementa, quibus secundum corpus subsistimus; vetus igitur Testamentum in quaternario numero non inconvenienter ponitur; quia lex Moysi nihil aliud populo Hebraico, nisi ea quæ ad quatuor elementa pertinent, repromittit. Novum vero Testamentum in ternario numero ponitur; quia fides sanctæ Trinitatis, sine qua salvi esse non possumus, in eo specialiter commendatur.

(Vers. 9.) *Et cum aperuisset sigillum quintum.* Quinti sigilli apertio, sexti et septimi, sicut jam diximus, ad apertionem novi Testamenti pertinet; et quamvis novum Testamentum apertio sit veteris Testamenti; tamen multa in eo obscure ponuntur, quæ necesse est ut exponantur. Igitur sigillum quintum, sextum et septimum Salvator aperuit, quando ea quæ per parabolas ipse locutus est, et figuraliter gessit, doctoribus Ecclesiæ patefecit. Sed de expositione novi Testamenti non est nobis necesse quidquam dicere, eo quod a sanctis Patribus mirabiliter et multipliciter sit expositum. Quinti igitur sigilli apertio ad martyres pertinet; quintum vero sigillum tunc Christus aperuit, quando ea quæ per parabolas et quasdam figuras de persecutione martyrum, et glorificatione eorum dixit, doctoribus Ecclesiæ manifestavit. Aperuit etiam quintam sigillum, quando eis cœlestem gloriam quam promiserat, contulit, eosque in mundo, et in homines clarificavit. *Vidi sub altare Dei animas interfectorum propter verbum Dei, et testimonium Jesu, quod habebant.* Altare Dei Christus est: animæ igitur sanctorum sub altare quiescunt, quia sicut capiti supposita sunt membra, eique coherent, ita et animæ sanctorum in cœlesti gloria constitutæ, Christo salvatori subjectæ sunt, eique per conjunctionem membrorum nectuntur.

(Vers. 10, 11.) *Et clamabant voce magna, dicentes: Usquequo, Domine sanctus et verus, non iudicas et non vindicas sanguinem nostrum de iis, qui habitant in terra?* Cum Scriptura præcipiat malum pro malo non reddere (Rom. xii, 17), et Dominus dicat in Evangelio: « Diligite inimicos vestros, et benefacite iis qui oderunt vos (Matth. v, 44); » quid est quod sancti in cœlestibus constituti ultionem de inimicis suis expetunt? Sed scimus sanctos Dei diem ultimum desiderare, in quo et corpora

(77) Omnes edit., omnis terra designatur; omnes vero mss. addunt τὸ Israel, quod necessarium hic esse ostendunt sequentia.

(78) Quicumque inebriari usque ad qui equum

et mercedem plenam laborum suorum a Domino percipient. Nam hunc diem Dominus desiderandum esse discipulis suis manifestavit, cum signa diei iudicii prædiceret, dicens: « Cum autem videritis hæc fieri, respicite et levate capita vestra; quoniam appropinquavit redemptio vestra (Luc. xxi, 28). » Et in oratione Dominica assidue petimus, « ut adveniat regnum tuum (Matth. vi, 10). » Verum quia sanctorum resurrectio atque glorificatio in die iudicii fiet, et dies iudicii damnatio erit impiorum, sancti ultionem de inimicis suis postulant, quando petunt ut dies Domini veniat; quia eo die damnatione perpetua damnabuntur. Sed hic quæstio oritur, cur sancti diem Domini desiderent, cum propheta dicat: « Væ desiderantibus diem Domini (Amos v, 18)? » Scimus namque diem Domini damnationem esse impiorum, sicut jam diximus. Et quid necesse fuit prophetæ dicere: « Væ desiderantibus diem Domini! » cum nullus impius reperiat, qui aut mortem suam, aut diem Domini desideret; eo quod in eo damnari metuit? Et quia verum est quod propheta dixit, investigandum nobis est quid significet. Damnatio quippe impiorum sunt peccata: quicumque ergo cum scorto coire desiderat, damnationem suam desiderat: quicumque inebriari (78) desiderat, damnationem suam desiderat: qui equum aut bovem aut aliquid huic rei simile furari desiderat, damnationem suam desiderat: qui damnum aliquod proximo inferre desiderat, damnationem suam desiderat. Igitur quia damnatio impiorum erit dies iudicii, quicumque ea scelera committere desiderat pro quibus in die iudicii damnabitur, diem Domini, id est, damnationem suam desiderat.

Et datæ sunt illis singulæ stolæ albæ. Stolæ albæ gloria est sanctarum animarum, singulas stolas albas sancti Dei nunc possident; quia corporibus 533 in terra quiescentibus, solius animæ beatitudine æterna perfruuntur (79): binas stolas tunc percipient, cum post resurrectionem animæ, cum corporibus gloriam cœlestis patriæ sine fine possidebunt. *Et dictum est illis ut requiescerent adhuc tempus modicum, donec impleantur conservi eorum, et fratres eorum qui interficiendi sunt, sicut et illi.* Tempus modicum tempus est usque ad diem iudicii: quod modicum idcirco dicitur, quia in comparatione futuri temporis valde modicum est. Sancti ergo qui hoc desiderant, ut dies iudicii fiat, in qua et corpora et mercedem plenam laborum suorum recipiant, tempus modicum expectare jubentur, donec impleatur numerus fratrum eorum; quia dies iudicii non veniet, usque dum impleatur omnis numerus electorum. Sed quærendum nobis est, cur solæ animæ pro Christi nomine interfectorum sub altare Dei quievisse, et stolas singulas accepisse legantur: cum omnes electorum animæ sub

e inss. restituitur.

(79) Ita mss.; edit. autem, stolis animarum beatitudinis æternæ perfruuntur.

hoc altare quiescant, eisdemque stolas et ipsæ possideant? Per animas igitur interfectorum non solum martyres, sed et omnes animas justorum debemus accipere; eo quod et ipsi mundo sint mortui, ut Deo viverent, sicut dicit Apostolus: « Mortui enim estis, et vita vestra abscondita est cum Christo in Deo (Coloss. iii, 3). » Et de semetipso dicit: « Mihi mundus crucifixus est, et ego mundo (Galat. vi, 14); » et: « Omnes qui volunt pie vivere in Christo Jesu, persecutionem patiuntur (II Tim. iii, 12); » et: « Per multas tribulationes oportet nos intrare in regnum Dei (Act. xiv, 21). » Sed et Joannes auctor hujus libri calicem Domini bibisse describitur, cum sine gladii percussione quieverit.

(Vers. 12.) *Et cum aperisset sigillum sextum.* Sigilli sexti apertio ad Judæorum dejectionem, sicut diximus, et ad gentium vocationem pertinet. Et quia Christus de Judæorum perditione et de gentium electione multa per parabolas est locutus, quædam etiam gessit, quæ hoc designaverunt; sextum sigillum aperuit, quando doctoribus Ecclesiæ ea quæ per figuras dixit et fecit, per inspirationis suæ gratiam patefecit. Aperuit etiam sextum sigillum, quando ea quæ prædixit, opere implevit. *Terræ motus factus est magnus.* Per terram in hoc loco Judæi designantur: terræ motus factus est magnus, quando a Romanis hæc gens est devastata. *Et sol factus est niger, sicut saccus cilicinus.* Per solem idem Judæorum populus designatur: sol igitur factus est niger, tanquam saccus cilicinus; quia populus Judæorum qui propter cognitionem unius Dei, et propter custodiam legis, velut sol in mundo, refulgebat inter cæteras gentes, factus est omnibus hominibus odiosus propter iniquitates suas; sacco namque pœnitentes vestiuntur, ut indicent se esse peccatores. Sol ergo nigredinem sacci habuit, quia omnibus gentibus facinora Judæorum patuerunt. *Et luna facta est sicut sanguis.* Eadem significationem habet luna quam sol; significat namque Synagogam. Luna ergo speciem sanguinis habuisse visa est, quia omnibus claruit Judæos propter effusionem sanguinis Christi sanctorumque ejus esse deletos.

(Vers. 13.) *Et stellæ ceciderunt super terram, sicut ficus mittit grossos suos, cum a vento magno movetur.* Per stellas principes sacerdotum designantur, Scribæ et Pharisei; per ficum autem terram Judæorum possumus intelligere: grossi vero ejusdem arboris fructus inutiles vocantur, qui cito labuntur, cum arbor eadem vento concutitur. Ficus igitur vento commota est, et inutiles fructus a se emisit; quia terra Judæorum a Romanis invasa est, et gentem inutilem et Deo odibilem a se expulit, ut habitatio fieret fidelium. Stellæ itaque grossorum more in terram ceciderunt; quia eos qui per doctrinam legis velut stellæ in populo refulgebant, eadem pœna conclusit, quæ et cæteram multitudinem.

(80) Omnes edit., *secundum humanitatem viride, hoc extu*

(Vers. 14.) *Et cælum recessit, sicut liber involutus.* Per cælum vetus Testamentum designatur: liber vero quando involvitur, ejus scriptura ab oculis intuentium absconditur. Liber ergo Judæis involutus est, quia spiritalem intelligentiam in veteri Testamento, quæ Christum demonstrabat, intelligere noluerunt. Cælum itaque sicut liber involutus recessit, quia vetus Testamentum Judæos dereliquit, et ad gentes transivit. *Et omnis mons et insulæ de locis suis motæ sunt.* Et quia Judæorum terra monstruosa est, possumus per montes eos qui in civitatibus, per insulas autem eos qui in campestribus habitabant, intelligere. Qui de locis suis moti sunt, quia omnes aut exterminati, aut in captivitatem ducti sunt.

(Vers. 15, 16, 17.) *Et reges terræ, et principes, et tribuni, et divites, et fortes, et omnis servus et liber absconderunt se in speluncis, et in petris montium, et dicunt montibus: Cadite super nos, et abscondite nos a facie sedentis super thronum, et ab ira Agni, quoniam venit dies magnus iræ ipsorum, et quis poterit stare?* Per reges terræ, principes et tribunos, eos qui hanc gentem regere videbantur, possumus intelligere: per divites et fortes, servos et liberos, cæteram multitudinem. Qualiter autem se in speluncis et petris montium absconderunt, Josephus manifeste narrat, qui eversionem Jerusalem describit (Joseph. lib. vi *De bello Judaico*, c. 41 et seq.). Tanta enim fuit afflictio, ut cum fame diutina consumerentur, et ab hostibus exterius, et multo deterius a prædonibus intrinsecus affligerentur: absconderint se in puteis et cloacis, et in quibusdam terræ abditis locis, cupientes mori, ut prolixam miseriam mortis compendio terminarent. Qui etiam scientes se pro sceleribus suis ista pati, et post mortem se inferni pœnas esse passuros, cupiebant ut montibus, sub quibus delitescebant, opprimerentur et absconderentur a facie Dei et a facie Christi ejus, quem graviter noverant se offendisse. Nam et Dominus cum ad passionem duceretur, hoc eos esse passuros mulieribus se lamentantibus prædixit, dicens: « Filie Jerusalem, nolite flere super me, sed super vos ipsas flete, et super filios vestros, quia ecce venit dies quando dicent: Beatæ steriles, quæ non genuerunt, et ubera quæ non lactaverunt! Tunc incipient dicere montibus: Cadite super nos; et collibus: Cooperite nos. Quia si in viridi ligno hæc faciunt, in arido quid fiet (Luc. xxiii, 28-31)? » Se viride lignum, illos vero lignum aridum vocat: ac si dixisset: Si in me qui lignum sum secundum humanitatem, viride autem secundum divinitatem (80), id est, qui Deus sum et homo, hæc faciunt; in illis qui lignum sunt aridum, 534 id est, qui viriditatem fidei non habent, quid fiet? Subauditur, pessime peribunt. Sed et arbor fici quam Dominus ante passionem maledicendo aridam fecit, eo quod in ea fructum non reperisset (Matth. xxi, 19); eosdem Judæos designavit, quos maledi-

secundum divinitatem; rectius mss. ut in con-

ctione perpetua damnabit, eo quod in illis fructum A fidei nullum reperisset.

CAPUT VII. — (Vers. 1.) *Post hæc vidi quatuor angelos stantes super quatuor angulos terræ. Judæorum dejectione præmissa, nunc qualiter Ecclesia ex gentibus congregata fuerit, narrare inchoat. Per quatuor quippe angelos quatuor regna designantur, Assyriorum scilicet, Persarum, Macedonum atque Romanorum. Sed quia potestas quatuor regnorum ad solos Romanos transierat, per quatuor angelos soli Romani intelliguntur, qui potestatem sibi quatuor regnorum vindicaverant: per quatuor vero angulos universæ gentes, quæ intra quatuor mundi plagas continentur, designantur, quas sibi Romani subjecerant. Tenentes quatuor ventos terræ, ne flarent super terram, neque super mare, neque in ullam arborem. Per ventos qui nubes excitant, ut terram irrigantes faciem ejus hilarem reddant, ac fructiferam faciant, pax cunctis in partibus optata designatur, quæ et mentes hominum lætificat, et ut propriis utilitatibus deserviant, facultatem tribuit: per terram et mare omnes gentes figurantur; per arbores autem, ii qui inter eos principatum tenebant. Quatuor ergo angeli quatuor ventos tenebant, ne flarent super terram; quia Romani, qui per quatuor angelos designantur, omnem terram cædibus, et rapinis, et mortibus hominum replentes, non sinebant genus humanum pacatum esse ac quietum.*

(Vers. 2.) *Et vidi alterum angelum descendentem ab ortu solis, habentem signum Dei vivi. Alter angelus Christus est, de quo scriptum est: « Et vocabitur nomen ejus magni consilii Angelus (Isa. ix, 6). » Ipse est sol, de quo scriptum est: « Vobis autem timentibus nomen meum orietur sol justitiæ, et sanitas in pennis ejus (Malach. iv, 2). » Ab ortu solis Christus descendit, id est, a semetipso: quoniam non ex concubitu viri carnem assumpsit, sed a semetipso, qui utique sibi carnem immaculatam ex carne Virginis creavit. Signum autem Dei vivi est divinitas: nam in carne positus, signum Dei vivi habuit; quia ea opera gessit quæ demonstrabant eum unicum esse Filium Dei, sicut ipse dicit: « Opera quæ ego facio, ipsa testimonium perhibent de me (Joan. x, 25). »*

(Vers. 3.) *Et clamavit voce magna quatuor angelis quibus datum est nocere terræ et mari, dicens: Nolite nocere terræ et mari neque arboribus, quoadusque signemus servos Dei nostri in frontibus eorum. Clamasse Dei fecisse est, etenim adventu suo fecit ut Romani ab infestatione generis humani cessarent, fieretque pax per universum orbem, sicut dicit Psalmista: « Orietur in diebus ejus justitia et abundantia pacis (Psal. lxxi, 7), » donec semina fidei per universas gentes spargerentur, ac signaculo fidei ii qui præordinati erant ad vitam æternam, signarentur.*

(81) Edit., *duodecim tribuum, omnes ad electos pertinet*; sed locum nobis mss. restituerunt.

(Vers. 4.) *Et audivi numerum signatorum, centum quadraginta quatuor millia signati ex omni tribu filiorum Israel. Per centum quadraginta quatuor millia præsentis Ecclesiæ electi designantur; duodecies namque duodeni fiunt centum quadraginta quatuor. Omnes igitur qui fidem duodecim apostolorum custodiunt, actusque imitantur, in hoc numero consistunt. Sed quærendum nobis est, cur ex omni tribu filiorum Israel congregati esse dicantur, cum multo plures ex gentibus quam ex Judæis crediderint. Verum si interpretationes nominum attendimus, in nominibus duodecim tribuum omnes electos reperiemus (81); nomina quippe duodecim tribuum ad omnes electos pertinent.*

(Vers. 5-8.) *Ex tribu Juda duodecim millia signati: ex tribu Ruben duodecim millia signati: ex tribu Gad duodecim millia signati: ex tribu Aser duodecim millia signati: ex tribu Nephthalim duodecim millia signati: ex tribu Manasse duodecim millia signati: ex tribu Simeon duodecim millia signati: ex tribu Levi duodecim millia signati: ex tribu Issachar duodecim millia signati: ex tribu Zabulon duodecim millia signati: ex tribu Joseph duodecim millia signati: ex tribu Benjamin duodecim millia signati. Juda prior ponitur, Benjamin vero ultimus: quod si interpretationes nominum inspicere voluerimus, Judam inferiorem, Benjamin vero superiorem reperimus (82); nam qui ad Deum conscendere desiderat, a minoribus incipit, ut gradatim crescendo ad majora perveniat, sicut dicit Psalmista: « Ibunt sancti de virtute in virtutem (Psal. lxxxiii, 8). » Et quia sancti ad Deum per iter virtutum conscendunt, subjungit: « Videbitur Deus deorum in Sion (Ibid.). » Juda confessio interpretatur. Juda ergo prior ponitur: quia quicumque post peccata ad Deum converti desiderat, necesse est ut prius confiteatur peccata sua, sicut dicit Jacobus apostolus: « Confitemini alterutrum peccata vestra, et orate pro invicem, ut salvemini (Jac. v, 16), » videlicet ut per confessionem peccatorum et pœnitentiam Deum sibi placabilem faciat, quem offenderat. Et quia qui salubriter pœnitet, et deslet mala quæ fecit, gaudium in cælo facit, oculos misericordiæ ad se convertit, sicut dicit Dominus: « Convertimini ad me, et ego revertar ad vos (Zach. i, 3). » Ruben secundus ponitur, qui visionis filius interpretatur; quia per pœnitentiam visionis factus est filius, qui erat antea filius perditionis. Post Ruben Gad sequitur, qui accinctus interpretatur; quia necesse est, ut qui pœnitet se mala gessisse, et petit ne in eadem relabatur, contra omnia vitia armetur voluptatesque carnales a se præcidat: quia non potest fieri ut a peccatis absterneat, qui in voluptatibus carnalibus requiescit.*

Et quia qui contra vitia pugnat viriliter, jam beatus esse incipit; Aser in ordine ponitur, qui

(82) Ita mss.; edit. vero: *Judam inferiorem in pœnitentia: Benjamin vero superiorem reperimus in patria.*

beatus interpretatur. Post Aser Nephthalim ponitur, qui dilatatio (83) mea interpretatur. Omnis enim qui scit se Deum offendisse, et vult ut ei misericordia divina succurrat, debet et ipse misereri quibuscunque potest, et quomodo potest, sicut dicit Dominus : « Beati misericordes, quoniam ipsi misericordiam consequentur (Matth. v, 7). » Illius quippe mens circumquaque dilatatur, qui per dilectionem quam proximis exhibere debet, omnibus quibuscunque potest, miseretur. Post Nephthalim Manasses sequitur, qui oblitus interpretatur; quia expedit ut qui peccata sua dellet, qui eleemosynas pauperibus largitur, 535 ut peccata ejus dimittantur, eadem peccata ita deserat, quatenus ea penitus oblitus esse videatur.

Et ideo Simeon sequitur, qui exauditio interpretatur; ille enim pro malis quæ fecit, deprecans ut ei dimittantur, a Deo exauditur, qui omnia vitia ex toto deserit. Deinde Levi sequitur, qui additus sive assumptus interpretatur: quia qui de peccatis quæ fecit, jam pœnitentiam exercuit, qui contra vitia pugnavit, eaque devicit, qui erga indigentes misericors existit, atque his operibus hoc promeruit, ut ejus peccata dimitterentur, de venia jam securus, timorem ignis æterni a mente abjicit, atque in amorem Dei ac cœlestis patriæ totus assumitur, iisque additur qui filii Dei nuncupantur et sunt. Sequitur Issachar, qui merces interpretatur; sed interpretationem hujus nominis clarius videbimus, si ea quæ mater Lia, eo nascente dixit, ponamus; ait enim: « Reddidit Deus mercedem mihi, quia dedi ancillam meam viro meo (Gen. xxx, 18). » Et idcirco appellavit nomen ejus Issachar, id est, merces. Caro nostra ancilla nostra debet esse: vir noster Deus noster est. Ancillam vero nostram viro nostro damus, si carnem nostram Dei servitio mancipamus, si eam vigilare, jejunare, et abstinere compellimus, atque voluptates ejus edomamus. Issachar igitur Liæ in mercedem datus est a Deo; quia iis qui carnem domant, qui vitia extinguunt, ea merces datur a Deo, ut virtutibus ditentur.

Et ideo post Issachar Zabulon ponitur, qui habitaculum fortitudinis interpretatur. Quis est autem fortis, nisi Deus? de quo Psalmista dicit: « Dominus fortis et potens, Dominus potens in prælio (Psal. xxiii, 8). » Et quod habitaculum fortitudinis, nisi habitatio Dei? In illo enim habitat Deus, in quo fides, patientia, castitas, humilitas, charitas cæteræque virtutes commorantur. Et quia per operationem virtutum augentur præmia meritorum, Joseph subsequitur, qui augmentum interpretatur. Benjamin ultimus, imo et superior ponitur, qui filius dexteræ interpretatur. Dexteræ namque Patris Filius dicitur: et Evangelium loquitur, quia sancti Dei ad dexteram

A Dei ponentur (Matth. xxv, 33). Electi itaque filii dexteræ efficiuntur, cum ab hac vita subtracti, in cœlestibus sedibus collocantur ubi nihil est sinistrum, sed totum dexteræ. Igitur quia interpretationes nominum duodecim tribuum usque ad eum finem perduximus, quo in cœlestibus sedibus collocantur, congruum est ut ea quæ sequuntur, ad glorificationem animarum sanctarum transferamus.

(Vers. 9, 10.) *Post hæc vidi turbam magnam quam dinumerare nemo poterat, ex omnibus gentibus, et eribus, et populis, et linguis, stantes ante thronum, et in conspectu Agni (84)... Et clamabant voce magna, dicentes: Salus Deo nostro, qui sedet super thronum, et Agno.* Per turbam superiorem, quæ numero comprehenditur, electi qui in Ecclesia Dei singulis temporibus laborant, designantur, sicut jam diximus. Et quia multi sunt vocati, pauci vero electi (Matth. xx, 16), et in comparatione reproborum exigua est turba electorum, non immerito numero centum quadraginta quatuor millium, electi qui singulis temporibus in Ecclesia Dei laborant, designantur: in cœlesti vero beatitudine, ubi singulis temporibus ex omnibus gentibus, tribubus et linguis congregantur, tanta eorum efficitur multitudo, ut nullo numero comprehendi possit. Per stolas autem albas munditia animarum designatur: palmæ vero in signum victoriæ ponuntur. Palmas igitur non solum sancti martyres quibus victoria specialiter ascribitur, sed et omnes electi, qui in hoc sæculo positi contra visibiles et invisibiles hostes fortiter dimicarunt, in cœlesti beatitudine possident. Palmæ autem præmia sunt victoriæ sanctorum; qui et voce magna clamare dicuntur: *Salus Deo nostro, qui sedet super thronum, et Agno*, sancti Dei nunquam cessant a laudibus Dei; nec tamen labor est in laudando Deum, quia sicut dulcis est sanctis visio Dei, sic et laus Dei.

(Vers. 11, 12.) *Et omnes angeli stabant in circuitu throni, et seniorum, et quatuor animalium, et ceciderunt in medio throni in facies suas, et adoraverunt Deum, dicentes: Amen, benedictio, et claritas, et sapientia, et gratiarum actio, honor, et virtus, et fortitudo Deo nostro in sæcula sæculorum, amen.* Superius millia millium angelorum in circuitu throni Deum laudare dicuntur: hic autem nullo numero comprehenduntur, sed omnes in circuitu throni stare dicuntur. Possumus per superiores angelos, qui numero comprehenduntur, eos intelligere qui ad diversa officia in mundo destinantur: eos autem qui sine numero ponuntur, illos qui in cœlestibus cum Domino conversantur. Sed et hic septem benedictiones ponuntur, sicut superius, ut demonstret eodem modo et istos benedicere Deum, qui mundum sua gubernatione tuentur, sicut et illos qui in cœlestibus cum Domino commorantur.

(83) Edit., qui beatitudo interpretatur. Sequitur Nephthali, qui dilatatio, etc.; mss. vero, ut nos in textu.

(84) Ita mss. ac Gill. edit.; at Rom. e contrario

post vocem Agni addidit: amicti stolis albis, et palmæ in manibus eorum. Post vocem vero dicentes resecauit, Salus Deo nostro... et Agno.

(Vers. 13, 14.) *Et respondens unus de senioribus dixit mihi: Ti qui amicti sunt stolis albis, qui sunt et unde venerunt? Et dixi illi: Domine mi, tu scis. Interrogat, ut doceat; per seniore[m] namque doctores Ecclesiæ: per Joannem vero auditores intelliguntur. Nam prædicatores sancti gloriam animarum sanctarum quibuscunque modis possunt, intimant auditoribus suis; ut mentes eorum ad amorem cœlestis patriæ accendant. Et dixit mihi: Ti sunt qui venerunt ex magna tribulatione; et laverunt stolas suas, et dealbaverunt eas in sanguine Agni. Hic demonstrat non ad electos, qui in hac vita laborant, sed ad eos qui in cœlesti vita cum Domino requiescunt, hæc pertinere. Non enim sancti de magna tribulatione, sed ad magnas tribulationes perferendas in mundum veniunt, sicut dicit Salomon (85): «Homo ad laborem nascitur, et avis ad volatum (Job v, 7).» Et Dominus dicit in Evangelio: «Beati qui persecutionem patiuntur propter justitiam; quoniam ipsorum est regnum cœlorum (Matth. v, 10).» Et Paulus dicit: «Per multas tribulationes oportet nos intrare in regnum cœlorum (Act. xiv, 21);» hic enim tempus est tribulationis, illic tempus pacis. Sancti itaque de magna tribulatione veniunt, quia ab hac vita subtracti, ubi tempus tribulationis est, in æterna quiete collocantur. Laverunt autem stolas suas, quia animas suas, in hac vita positi, ab omnibus sordibus peccatorum mundaverunt: primo quidem 536 per baptismum, postea vero per pœnitentiam et lacrymas, ac misericordiæ opera, et in cæteris bonis operibus. Quæ etiam in sanguine Agni dealbatæ fuisse dicuntur; quia animæ electorum, quæ antea erant nigredine peccatorum involutæ, per redemptionem sanguinis Christi candorem munditiæ assumpserunt.*

(Vers. 15.) *Ideo sunt ante thronum Dei, et serviunt ei die ac nocte in templo ejus. In conspectu namque Dei sancti Dei assistunt, ac visione ejus indesinenter perfruuntur. Templum vero Dei cœlestem patriam, servitium Dei amorem Dei vocat. Quod enim servitium tam acceptabile Deo, quam ut diligatur ex toto corde, totaque virtute? Et quis ita ardentem diligit Deum, sicut illi qui assidue contemplantur faciem ejus? Et qui sedet super thronum, habitat super illos. Thronus Dei sancti Dei sunt, sicut superius diximus. Qui ergo designantur per thronum Dei, ipsi sunt super quos habitat Deus: habitat vero super sanctos suos Deus, cum eos suo lumine illuminat, circumdat et tuetur.*

(Vers. 16.) *Non esurient, neque sitient amplius. Cum Dominus dicat in Evangelio: «Beati qui esuriunt et sitiunt justitiam; quoniam ipsi saturabuntur (Matth. v, 6),» cur hic sancti Dei nunquam esurire dicuntur? Sed sicut superius diximus, non ad electos, qui in hac vita commorantur: sed ad eos qui in cœlesti beatitudine cum Deo exsultant, hoc pertinere*

(85) Rom. edit., sicut dicit Job. Sed auctoris lapsus cum mss. ac Gill. malumus retinere.

(86) Edit., qui in hac vita sunt positi, loquitur: qui videntes: lacuna vero suppleta est ex mss.

credendum est. Justi namque in hac vita positi, videntes (86) hominum injustitias, esuriunt et sitiunt justitiam, cupientes omnes homines justos esse, sicut ipsi sunt. Esuriunt et sitiunt etiam, ut sua justitia quotidie crescat, esuriunt et sitiunt vitam æternam. Animæ vero sanctorum non esurient neque sitient amplius; quia quod esurierunt, jam percipere meruerunt (87) *Et non cadet super eos sol, neque ullus æstus.* Per solem tribulationes quas sancti ab hominibus perferunt, possumus intelligere: per æstum tentationes dæmonum, sive voluptates carnales. Et quia sancti in hac vita positi persecutiones iniquorum hominum tolerando vicerunt, tentationes dæmonum superaverunt, desideria carnalia in se exstinxerunt, in cœlesti beatitudine positi, nullum laborem in perpetuum sentiunt.

(Vers. 17.) *Quoniam Agnus, qui in medio throni est, regit illos. Regit Deus sanctos suos, cum voluntates eorum ita disponit, ut nihil velle possint, nisi quod Deus vult. Et deducet eos ad vitæ fontes aquarum. Vitæ fons Christus est, qui dicit: «Ego sum vita (Joan. xiv, 6).» Quod sine illo est, mortuum est: quod vero in illo est, vita est. Ad vitæ fontem Christus sanctos suos ducit, quia ad semetipsum eos ducit; ut sint unum cum illo. Per aquas eosdem sanctos possumus intelligere; ipse est quippe et fons aquarum, quia ab ipso procedit omnis sanctitas electorum, sicut ipse dixit: «Sine me nihil potestis facere (Joan. xv, 5).»*

Et absterget Deus omnem lacrymam ab oculis eorum. Quia tempus flendi hic fuit, tempus ridendi in illa beatitudine erit, sicut Dominus dicit: «Beati qui nunc lugent, quoniam ipsi consolabuntur (Matth. v, 5).»

CAPUT VIII. — (Vers. 1.) *Et cum aperuisset sigillum septimum. Apertio septimi sigilli ad nativitatem Christi pertinet: sed quærendum nobis est, cur in septimo, non in quinto loco ponatur. In Genesi scriptum est, quia sex diebus fecit Deus cuncta quæ ex cœlo et terra originem sumpserunt, septimo autem requievit (Gen. ii, 2): et idcirco vocavit diem septimum sabbatum, id est, requiem. Quæ est autem requies nostra, nisi Christus? Non inconvenienter ergo in septimi sigilli apertione nativitas Christi ponitur; quia ipse est requies omnium sanctorum suorum, quæ per septimum diem figuratur. Et quia ea quæ in nativitate Christi gesta sunt, spiritalem intelligentiam obtinent; septimum sigillum Christus aperuit, cum ea quæ per significationem gesta sunt, doctoribus Ecclesiæ per inspirationem Spiritus sancti manifestavit. Factum est silentium in cœlo quasi media hora. Per silentium pax quæ ab Octaviano Augusto, Christo nascente, per universum orbem facta est, designatur. Media autem hora silentium factum est, quia pax quam Ecclesia in*

(87) Eadem edit., quia esurierunt, jamque percipere vitam æternam meruerunt; mss. autem ut in contextu.

initio fidei apud paganos habuit, pauco tempore A mansit; nam a Nerone imperatore interrupta est, et Petro Pauloque interfectis, præcepit omnes Christianos persequi.

(Vers. 2.) *Et vidi septem angelos stantes in conspectu Dei, et datae sunt illis septem tubæ. Ordo istorum septem angelorum in sequentibus est; nam sicut præco ante regem aut principem mittitur, qui ejus adventum annuntiet; ita et Joannes, quia magna erant quæ per angelos designabantur, eorum memoriam facere voluit, antequam ad eorum narrationem veniret.*

(Vers. 3.) *Et alius angelus venit, et stetit ante altare, habens thuribulum aureum in manu sua; ei datae sunt ei (88) incensa multa, ut daret de orationibus sanctorum omnium super altare aureum quod est ante Dominum.* Iste angelus Christum significat; venit autem, quia per incarnationis mysterium in mundo apparuit; per altare autem aureum Ecclesia designatur. Qui ante altare stetisse dicitur; jacebat namque Christus in incredulis, qui eum purum hominem æstimabant: stabat vero cum fidelibus, qui eum Deum verum esse credebant. Ante altare ergo stetit, quia apostolis et cæteris creditibus, ex quibus Ecclesia tunc constabat, quod Deus esset, manifestavit. Per thuribulum vero quod in manu tenebat, corda apostolorum, cæterorumque fidelium demonstrantur. Quod aureum fuisse dicitur, quia corda discipulorum per fidem purificata, et per sapientiam quam a Christo didicerant, erant inaurata. Quod thuribulum in manu tenuisse dicitur, quia corda apostolorum in manu Dei erant, sicut dicit Salomon: « Cor regis in manu Dei, quocumque voluerit inclinabit illud (Prov. xxi, 1). » Numquid cor istius Salomonis in manu Dei erat, quando idola adorabat? Numquid cor Antiochi aut Herodis in manu Dei erat? Numquid corda regum sanctorum Dei persequentium in manu Dei erant? In manu diaboli erant, qui ad quæcunque volebat facinora, ea inclinabat: corda vero regum spiritualium, id est, sanctorum in manu Dei sunt; et ideo quocumque voluerit, inclinabit ea.

535 * Sequitur: *Et datae sunt ei incensa multa.* Incensa multa præcepta sunt Evangelii; incensa enim in thuribulo ponuntur, ut calore ignis accepto, fragrantiam odoris sui circumquaque spargant: similiter et Christus doctrinam Evangelii in cordibus discipulorum suorum posuit, qui igne charitatis succensi, odorem fidei suæ per omnes gentes sparserunt. Unde et sequitur: *Ut daret de orationibus sanctorum omnium super altare aureum quod est in conspectu Dei.* Genera orationum plura sunt; orant namque fideles verbis, Deum deprecantes, ut dimittantur eis omnia peccata eorum: orant et eleemosynas largiendo, sicut dicit Dominus in Evangelio: « Date

eleemosynam, et ecce omni mundi sunt vobis (Luc. xi, 42). » Et in alio loco scriptum est: « Sicut aqua exstinguit ignem, ita eleemosyna exstinguit peccatum (Eccli. iii, 33). » Orant etiam dimittendo proximis, quæ in eis deliquerunt, sicut Dominus dicit in Evangelio: « Si remiseritis hominibus peccata eorum, et Pater vester cœlestis dimittet vobis peccata vestra (Matth. vi, 13). » Orant nihilominus et præcepta charitatis servando, quemadmodum scriptum est, quia universa delicta operit charitas (Jacob. v, 20). Ille igitur salubriter orat Deum, qui servat mandata Dei; nihil enim prodest nobis clementiam Dei verbis implorare, et operibus irritare. Super altare ergo aureum de orationibus sanctorum dedit Deus, quando super corda credentium fidem, doctrinam actusque apostolorum, cæterorumque prædicatorum posuit; ut haberent unde erudirentur et quid imitarentur.

(Vers. 4.) Unde et sequitur. *Et ascendit fumus aromatatum de orationibus sanctorum, de manu angeli in conspectu Dei.* Per fumum aromatatum non solum orationes fidelium, sed et fragrantia honorum operum designatur, quæ ab Ecclesia indesinenter ascendit in conspectu Dei. Qui fumus de manu angeli conscendere dicitur: quia quidquid boni fideles faciunt, operante Deo faciunt, sicut dicit ipse: « Sine me nihil potestis facere (Joan. xv, 5). »

(Vers. 5.) *Et accepit angelus thuribulum, et implevit illud de igne altaris, et misit in terram. Et facta sunt fulgura, voces, et tonitrua, et terræ motus (89).* Per ignem Spiritus sanctus designatur: angelus itaque, id est, Christus thuribulum, id est, corda discipulorum, de igne altaris, id est, de Spiritu sancto implevit; quando post ascensionem suam in cœlum, decimo die Spiritu sancto misso de cœlo, corda discipulorum implevit, ac scientiam omnium linguarum dedit. Et si per altare Ecclesia designatur, cur Spiritus sanctus antequam daretur, ignis altaris esse dicitur, sicut idem Joannes dicit: « Nondum erat Spiritus datus; quia Jesus nondum fuerat glorificatus (Joan. vii, 29)? » Sed Spiritus sanctus antequam daretur, ignis altaris erat; quia per remissionis gratiam jam eum Ecclesiæ possidebat. Nam Dominus ante passionem suam promisit se Spiritum sanctum daturum discipulis suis; et idem Joannes cum verba Caiphæ posuisset dicentis: « Expedi vobis, ut unus moriatur homo pro populo, et non tota gens pereat (Joan. xi, 50), » intulit dicens: « Hoc autem a semetipso non dixit, sed cum esset pontifex anni illius, prophetavit quia Jesus moriturus erat pro gente; et non tantum pro gente, sed ut filios Dei qui dispersi erant, congregaret in unum (Ibid. 51, 52). » Numquid ii qui in Christum credituri erant, qui per universas gentes dispersi idolis serviebant, filii Dei erant? Erant itaque jam filii Dei per prædestinationem; quia jam prædestinati

(88) Rom. edit. resecoverat, et datae sunt ei.... ante Dominum: vel ut Gill., ante thronum.

(89) Et facta sunt.... et terræ motus, in Rom. edit. loco mota sunt.

erant ad vitam æternam. Congregati sunt vero postea in unum, quando per fidem, quam in baptis-
mate susceperunt, corpori Ecclesie sunt sociati. Misit ergo angelus ignem, quem in thuribulo posu-
erat, in terram; quia doctrinam fidei, quam in
cordibus apostolorum posuerat, per adventum Spi-
ritus sancti in cordibus Judæorum, qui per incre-
dulitatem terra erant, per ora apostolorum effudit.

Facta sunt fulgura, voces, et tonitrua, et terræ motus. Per fulgura virtutes que per apostolos fie-
bant, per voces prædicatio, per tonitrua autem
comminatio ignis æterni designatur: per terræ mo-
tus vero conversionem Judæorum possumus intel-
ligere; conversi sunt namque ad pœnitentiam per
prædicationem beati Petri, sicut liber Actuum apo-
stolorum narrat: «*lis, inquit, auditis, compuncti sunt corde, et dixerunt ad Petrum et ad reliquos apostolos: Viri fratres, quid faciemus? Ostendite nobis (Act. II, 37).*» Et in sequentibus scriptum est, quia ad hanc primam Petri prædicationem cre-
diderunt ex illis tria millia, postea vero innumera-
biles. Hunc ignem, id est, Spiritum sanctum, super nos qui terra sumus, misericordia Domini nostri Jesu Christi effundere dignetur, ut ex carnalibus spirituales efficiamur, qui vivit et regnat in sæcula sæculorum, amen (90).

DE VISIONE QUARTA.

Gratia Domini nostri Jesu Christi largiente, de apertionibus septem sigillorum pauca diximus, nunc de cantu tubarum septem angelorum, qui sequitur, aliqua proferamus. Per septem angelos doctores, qui ad erudiendum populum Dei a Deo missi sunt, et mittentur usque ad finem, designantur. Et quia sacramenta divinarum Scripturarum doctoribus Ecclesie perspicacius. Deo inspirante, quam cæteris patuerunt, rationis ordo posebat, ut post reserationem sigillorum quæ apertionem divinarum Scripturarum significat, septem angeli ponerentur, per quos omnes doctores populi Dei designantur, qui scientiam divinarum Scripturarum locupletius perceperunt. Et sicut omne corpus electorum in septem partes divisimus, ita et septem angeli tubis cecidisse visi sunt: per quos omnes doctores populi Dei designantur, quamvis ab eo ordine parumper discrepent. Nam superius per poderem, quæ talaris est tunica (91), et prior in ornamentis Domini ponitur, ut et in sequentibus per primum cornu Agni, justos qui ante diluvium fuerunt, diximus fuisse designatos: per zonam vero auream in corpore Christi, et per secundum cornu patriarchas et cæteros qui ante legem fuerunt: hic autem per primum angelum doctores qui ab initio mundi usque ad legem fuerunt, per secundum doctores legis designantur.

(90) Codex. Germ., *efficiamur, ipso adjuvante, qui vivit et regnat cum Deo Patre in unitate Spiritus sancti per immortalia sæcula sæculorum, amen.*

(91) *Quæ talaris est tunica, deest in mss.*

(92) Edit., *suasisse conati sunt; mss. suasisse cre-*

(Vers. 6.) *Et septem angeli paraverunt se, ut tubis canerent.* Per tubæ cantum 536* prædicatio designatur; prædicatores quippe sancti ad hoc semper parati existunt, ut quoscunque possunt, per doctrinam suæ prædicationis Deo acquirant.

(Vers. 7.) *Et primus angelus tuba cecinit.* Per primum angelum, sicut jam diximus, prædicatores qui ante legem fuerunt, designantur. Primus ergo angelus tuba cecinit, quia sancti viri qui ante legem fuerunt, quamvis nullam legem haberent nisi naturalem, hoc quibuscunque poterant, suasisse credendi sunt (92), ut Deum creatorem suum timerent atque diligerent, et quod quis pati non vellet, alteri non faceret. *Et facta est grandis et ignis, mista sanguine, et missum est in terram.* Ea quæ septem angelis tubis canentibus facta fuisse visa sunt, in bonam partem, sicut mihi videtur, accipienda sunt: sicut e contrario effusio phialarum septem angelorum, quæ sequitur, in malam. Per grandinem igitur quæ percutit, verba sanctorum virorum, quæ corda pravorum hominum arguendo percutiebant, designantur. Quæ ignem et sanguinem permistum habuisse describitur: per ignem Spiritus sanctus designatur, qui in sanctis inhabitans suis, minister verborum eorum exstitit: per sanguinem vero Christus intelligitur, qui et a Patribus sæpe prædictus est, et eorum actibus præfiguratus: terra autem sæculi homines peccato subditos demonstrat.

Et tertia pars terræ combusta est... et omne fenum viride combustum est. Per tertiam partem terræ eos, qui per doctrinam et exempla bonorum hominum salvi facti sunt, debemus intelligere: qui igne timoris Dei atque amoris quidquid pravi in se fuit, combusserunt atque deleverunt. Arbores vero illos, qui principatum inter eos tenuerunt, significant: ex quibus multi per doctrinam et exempla bonorum hominum salvi facti sunt, sicut Abimelech per Abraham (Gen. xx, 17), et per Job tres amici ejus (Job xlii, 8). Per fenum autem viride, quod omne combustum esse dicitur, ii designantur qui et superius per tertiam partem terræ et arborum quæ combusta est, id est, electi qui eo tempore fuerunt; fenum namque viride difficile accenditur, aridum vero facile consumitur. Per fenum vero viride electi, per aridum autem reprobi designantur. De hoc arido feno propheta dicit: «*Vere fenum (93) est populus.*» Exsiccatum est fenum, et cecidit flos: verbum autem Domini manet in æternum (Isa. xl, 7, 8); per fenum igitur viride, ii qui fide erant viridi designantur, qui omne quod in se reprobum fuit, igne charitatis combusserunt.

(Vers. 8.) *Et secundus angelus tuba cecinit.* Per secundum angelum Moyses et cæteri legis doctores designantur. *Et ecce tanquam mons magnus igne ar-*

dendi sunt.

(93) Ita mss.; edit. vero, *est populus.* Per fenum igitur viride, ii qui fideles erant viri, designantur.

dens missus est in mare. Per montem magnum lex Moysi designatur, quæ propter gravitatem ponderis sui monti assimilatur; et propter spiritalem intelligentiam, quæ in lege refulgebat, igne ardere dicitur. Ipse vero Hebraicus populus propter magnitudinem scelerum per mare designatur.

(Vers. 9.) *Et facta est tertia pars maris sanguis, et mortua est tertia pars creaturæ, quæ habebat animas in mari, et tertia pars navium interiit.* Omnis remissio in lege sanguinis effusione atque aspersione fiebat; unde et Moyses populum sanguine aspersit, dicens: « Hic est sanguis Testamenti, quod mandavit ad vos Deus (Exod. xxiv, 8). » Sed et Aaron et filios ejus, ut mundi efficerentur ad offerendas hostias Deo, idem Moyses sanguine aspersit, nec sine sanguinis effusione remissio esse poterat (Hebr. B ix, 22). Per tertiam ergo partem maris, electi qui eo tempore fuerunt, designantur: per sanguinem vero in hoc loco remissionem peccatorum possumus accipere. Tertia igitur pars maris in sanguinem versa est; quia electi qui eo tempore fuerunt per observationem legis a peccatis suis mundari meruerunt. Tertia vero pars creaturæ, quæ habebat animas in mari, et mortua fuisse dicitur, eandem significationem habet, quam et tertia pars maris quæ in sanguinem versa est. Per mare autem, sicut jam diximus, multitudo peccatorum designatur: pisces vero cum ab aquis subtrahuntur, animas amittunt. Electi ergo quandiu in aquis vitiorum suorum versantur, animas marinas habent, peccatorum videlicet tenebris involutas; cum vero aut per baptismum, aut pœnitentiam ab aquis vitiorum extrahuntur, animas pristinas quasi amittunt, cum ex malis boni efficiuntur, moriunturque diabolo, ut vivant Deo. Tertia igitur pars piscium animas emisserunt, quia electi qui eo tempore fuerunt, per observationem legis mortui sunt peccato, et cœperunt vivere Deo. Per naves autem, quæ aquas sub se habent, illisque supereminet, principes gentis illius designantur. Tertia vero pars quæ interiit, eos designat qui ex eis justi fuerunt juxta illum sensum quem diximus; eo quod interiierint et mortui sint peccato, et vixerint Deo.

(Vers. 10.) *Et tertius angelus tuba cecinit, et cecidit de cœlo stella ardens tanquam facula.* Eandem significationem habet stella quam et angelus; significat namque prophetas: sed querendum nobis est, quomodo de cœlo in terram cecidisse dicatur. Sancti in cœlum quodammodo conscendunt, cum eos amor divinus ad cœlestia contemplanda elevat: cadunt in terram, cum eos amor proximorum ad ima retrahit; ut prædicatione sua peccantes ad viam veritatis reducant; facula vero accenditur, ut tenebras noctis depellat. Verba igitur prophetarum faculæ fuerunt, quia tenebras peccatorum a mentibus hominum fugaverunt. Possumus etiam per ignem faculæ Spiritum sanctum intelligere, quo indigni prophætæ, et multos ab iniquitatibus correxerunt, et quæ ventura erant, prædixerunt. Et

A cecidit in tertiam partem fluminum, et in fontes aquarum. Per flumina et fontes duodecim tribus cum suis familiis designantur: per tertiam vero partem ii, qui ex eis ad vitam æternam præscripti erant, figurantur. Cecidit ergo stella in tertiam partem fluminum, quia illi doctrinam prophetarum acceperunt, et in cordibus suis plantaverunt, qui ad vitam æternam prædestinati erant.

(Vers. 11.) *Et nomen stellæ dicitur absinthium.* Absinthium valde est amarum: per absinthium igitur comminationes prophetarum designantur, quas populo peccanti ingerebant, prædicentes eis quod nisi pœnitentiam 537 agerent, in prædam et in captivitatem hostibus suis darentur; et quod si nec sic pœniterent, morte perpetua damnarentur. *Et facta est tertia pars aquarum in absinthium.* Illi amaritudinem pœnitentiæ per comminationes prophetarum assumpserunt, quos superius per tertiam partem aquarum diximus fuisse designatos, id est, electi. *Et multi homines mortui sunt de aquis, quia amaræ factæ sunt.* Illis namque amaritudo pœnitentiæ mortem intulit, qui salvum esse meruerunt; mortui sunt enim secundum id quod mali erant, et vixerunt secundum id quod boni esse cœperunt.

(Vers. 12.) *Et quartus angelus tuba cecinit.* Quartus angelus Christum et apostolos ejus significat. *Et percussa est tertia pars solis, et tertia pars lunæ, et tertia pars stellarum; ut obscuraretur tertia pars eorum, et diei non luceret tertia pars, et noctis similiter.* Sol, luna, et stellæ ad unam rem pertinent; nam per solem populus Judæorum, per lunam vero Synagoga, per stellas autem principes sacerdotum et Pharisæi designantur. Sed si obscurationem solis et lunæ atque stellarum ad eos qui in Christum noluerunt credere, transferre voluerimus, ordo superior perturbabitur. Superius enim combustionem terræ tertiæ partis, quæ sub cantu tubæ primi angeli facta esse dicitur, conversionem tertiæ partis maris in sanguinem, quæ sub cantu tubæ secundi angeli facta fuisse visa est, conversionem nihilominus tertiæ partis aquarum in absinthium, quæ sub cantu tubæ tertii angeli facta fuisse legitur, in bonam partem accipiendam esse demonstravimus; ideoque ad electos pertinere. Consequens est ut persecutionem solis et lunæ atque stellarum in bonam partem interpretemur. Per tertiam itaque partem solis, quæ percussa, id est, obscurata est, ii qui ex populo Judæorum in Christum crediderunt, designantur; obscurati sunt namque impiis Judæis, sed refulserunt in conspectu Dei. Similiter et per tertiam partem lunæ atque stellarum quæ obscurata est, ii qui ex archisynagogis atque sacerdotibus et ex Pharisæis in Christum crediderunt, designantur; quia et ipsi propter lumen verum, id est, Christum, quem perceperunt, obscurati sunt eis, quorum mentis oculos diabolus obæcaverat, ne in Christum crederent; nam claritas solis lippientes oculos obæcavit

magis, quam illuminat. Possumus vero per tertiam A partem diei apostolos, per tertiam autem partem no-
ctis eos qui ex gentibus crediderunt, intelligere. Ob-
scurati sunt namque eis apostoli, qui eorum do-
ctrinam non solum spreverunt, sed etiam ipsos
usquequaque persecuti sunt. De hac eorum obscu-
ratione Dominus dicit: « Trademini autem a pa-
rentibus et fratribus et cognatis et amicis, et
morte afficient ex vobis. Et eritis odio omnibus ho-
minibus propter nomen meum (94) (Luc. XXI, 16,
17). »

(Vers. 13.) *Et vidi et audivi vocem unius aquilæ
volantis per medium cælum, dicentis voce magna :*
Væ, væ, væ, habitantibus in terra a vocibus trium
angelorum, qui erant tuba canituri. Per cælum in
hoc loco Ecclesia designatur; aquila vero Christum et
apostolos ejus demonstrat. Aquila ergo per medium
cælum volabat et clamabat; quia Christus primum
per Judæam, apostoli vero ejus per universas gen-
tes Evangelium prædicaverunt: quas etiam perse-
cutiones ab adversariis Ecclesiam esse passuram
multis modis prædixerunt. Ideoque tria væ posuit,
ex quibus primum ad hæreticos pertinet, qui Ec-
clesiam Dei multis modis impugnare conati sunt:
secundum ad paganos, qui eandem Ecclesiam Dei
persecuti sunt, maximamque fidelium multitudi-
nem interfecerunt: tertium ad Antichristum, qui
populum Dei in fine mundi debellaturus est. Nec
putare debemus quod tria væ ad electos pertineant,
qui diversas calamitates ab impiis pertulerunt:
sed potius ad eosdem impios, qui easdem calami-
tates ab impiis pertulerunt; sed potius ad eosdem C
impios, qui easdem calamitates intulerunt. Unde
et, *Væ, væ, væ, habitantibus in terra* dicit; impii
namque qui nihil aliud quam terram quærunt, ha-
bitatores terræ jure vocantur: justi autem qui
cœlestia semper desiderant, cœli habitatores
recte vocantur, sicut dicit apostolus Paulus:
« Nostra autem conversatio in cœlis est (Philipp.
III, 20). »

CAPUT IX. — (Vers. 1.) *Et quintus angelus tuba
cecinit.* Quintus angelus defensores Ecclesiæ or-
thodoxæ fidei designat: tuba cecinerunt, quando
pro defensione fidei omnibus modis laboraverunt.
Et vidi stellam de cælo cecidisse in terram. Per
stellam hæresiarchæ designantur; quia sicut stellæ
in cælo refulgent, ita et isti antequam caderent, D
doctrina et sapientia refulgebant in Ecclesia. De
cælo in terram cecidit, quia ab Ecclesia præcisi,
corpori reproborum, qui per terram designantur,
sociati sunt. Sed quærendum nobis est, cur pri-
mum hæreticos, qui per stellam et locustas desi-
gnati sunt, posuerit; et postea persecutores, qui
designantur per equites loricatos, de quibus in
sequentibus in cantu tubæ sexti angeli dicturus
est. Quia antequam imperatores Romanorum Eccle-
siam Dei persequi instituissent, hæretici esse cœpe-

runt, sicut Nicolaus, qui temporibus apostolorum
exstitit (Act. VI, 5), et multi alii. *Et data est illi
clavis putei abyssi.* Per clavem liberum arbitrium
hæreticorum, quod habuerunt in malo, designa-
tur; per abyssum vero corda eorum: per puteum
autem eorum ora designantur. Data est igitur hæ-
reticis clavis putei abyssi, quia permisit Deus hæ-
reses esse, sicut dicit apostolus Paulus: « Oportet
hæreses esse, ut quipro bati sunt, manifesti fiant
inter vos (I Cor. XI, 19). »

(Vers. 2.) *Et aperuit puteum abyssi.* Stella quæ
de cælo cecidit, puteum abyssi aperuit; quia hæ-
retici ad proferenda mala, quæ in cordibus eorum
latebant, ora sua aperuerunt. *Et ascendit fumus
putei, sicut fumus fornacis magnæ.* Per fumum
doctrina hæreticorum designatur; quia sicut fumus
vento impulsus cito evanescit, ita et doctrina hæ-
reticorum per doctrinam sanctorum Patrum velut
fumus evanuit: per fornacem vero sæpe corda im-
piorum designantur, sicut dicit propheta: « Velut
clibanus ardens corda eorum (Osee. VII, 4). »

Et obscuratus est sol et ær de fumo putei. Per so-
lem sæpe Christus intelligitur, in hoc autem loco
membra ejusdem, id est, prædicatores sancti desi-
gnati sunt: per aerem vero populus fidelis, qui eis
subjectus erat. Sed quomodo electi obscurati sunt,
quos pravitas hæretica decipere non valuit? Sed ob-
scurati sunt eis, quos hæretici decipere potuerunt,
qui et in sequentibus per locustas designantur: ve-
rum 538 claritas eorum cæteris fidelibus latere
non potuit, sicuti nec lucerna sub modio abscondi
potest.

(Vers. 3.) *Et de fumo exierunt locustæ in terram.*
De fumo, id est, de doctrina eorum qui hæresiarchæ
appellati sunt, magna multitudo hæreticorum gene-
rata est. In terram exierunt, quia a societate electo-
rum separati, eis qui terra vocantur, id est, infideli-
bus conjuncti sunt. *Et data est illis potestas, sicut
habent potestatem scorpiones terræ.* Sæpe Deus dicitur
dedisse, quod permittit; permittit enim Deus impiis
male agere, ut ex eorum malis bona operetur. Per
scorpiones vero possumus dæmones accipere; quia
sicut scorpiones dum non prævidentur, corpora ho-
minum suo veneno inficiunt et exstinguunt: ita et
dæmones incautis hominibus venena malarum per-
suasionum ingerunt, et dum ad perpetranda scelera
pertrahunt, eorum animas veneno suæ malitiæ in-
fectas occidunt. Potestas ergo locustarum, id est,
hæreticorum, similis est potestati scorpionum, id
est, dæmonum; quia sicut dæmones in hoc semper
insistunt, ut quoscunque possunt decipiant: ita et
hæretici tota virtute laborabant, ut quoscunque pos-
sent, in foveam suæ perditionis demergerent.

(Vers. 4.) *Et præceptum est illis, ne læderent fe-
num terræ, neque omne viride, neque omnem arborem.*
Quod significat fenum terræ, hoc et omne viride;
nam sicut superius (supr. cap. 8, vers 7) sub cantu

(94) *Et eritis odio... propter nomen meum*, ex omnibus mss. restituitur.

tubæ primi angeli per omne fenum viride, quod A combustum esse dicitur, electi qui primis temporibus fuerunt, designantur : ita et hic per fenum terræ et omne viride fidelis populus est designatus : per arbores vero doctores Ecclesiæ designantur. Prohibiti sunt ergo hæretici, ne læderent fenum terræ, neque omne viride, neque omnem arborem ; quia non permisit Deus, ut eos qui viriditatem fidei habebant, id est, qui fidem quam prolitebantur, operibus implebant, neque sanctos prædicatores, qui non erant spinæ vel tribuli, ex quibus neque uvæ, neque ficus colliguntur ; sed potius arbores honorum operum fructus ferentes, ex quibus fideles populi reficiebantur, hæretici deciperent ; unde et sequitur : *Nisi homines, qui non habent signum Dei in frontibus suis.* Quid est autem signum Dei, nisi charitas, de B qua idem Joannes loquitur, dicens : « Deus charitas est (I Joan. iv, 8) ? » Possumus vero per frontes, quæ qualitates mentium sæpissime demonstrant, corda reproborum intelligere. Illi ergo facile ab hæreticis decipiebantur, qui signum Dei vivi, id est, charitatem in cordibus suis non habebant.

(Vers. 5.) *Et præceptum est illis, ne occiderent eos.* Quod dicit, *præceptum est illis*, videtur mihi ad dæmones pertinere ; tanta est enim nequitia dæmonum, ut si hoc Deus permisisset, statim ut homo mortale facinus admisisset, eum interficerent : sed exspectat Deus homines impios, ut aliquando per poenitentiam ad eum redeant et salventur, sive ut justi per eos probentur. Nam et Psalmista, cum de impiis loqueretur, precabatur dicens : « Ne occidas C eos, ne quando obliviscantur populi mei (Psal. LVIII, 12). » Et in Judicum libro scriptum est, quia dimisit Deus Chananæos et Philistæos ; ut in eis experiretur Israel, et haberent scientiam certandi cum hostibus (Judic. III, 1, 2). Præcepit ergo Deus, id est, non permisit ut exterminarentur, sive omnes hæretici, sive omnes impii ; ut haberent justi per quos probarentur, sicut aurum quod probatur per ignem.

Unde et sequitur : *Sed ut cruciarentur mensibus quinque.* Per menses quinque omne tempus vitæ præsentis, quod in quinque ætatibus consistit, possumus intelligere. Prima namque ætas est infantia, secunda pueritia, tertia adolescentia, quarta juvenus, quinta senectus ; quamvis beatus Gregorius, ut D eum sex ætatibus mundi ætates hominum conformaret, senectutem in duas partes diviserit (95). In quinque ergo mensibus, id est, in omni tempore vitæ præsentis non solum hæretici, sed et omnes impii cruciantur. Nam velint nolint, cum ad memoriam mortem poenamque quæ mortem sequitur, reducant ; quamvis de prosperitatibus sæculi videantur exsultare, cruciantur tamen intrinsecus, eo quod sciunt se pro sceleribus suis æternaliter esse cruciandos. E contrario justis, quamvis extrinsecus diversis mo-

(95) *Quamvis beatus Gregorius... diviserit*, communi omnium mss. auctoritate vindicatur.

(96) *Ita et diabolus.... animamque interficiat*, in co-

dis affligantur ; intrinsecus tamen de spe cœlestis gloriæ, ad quam se perventuros credunt, exsultant. Possumus etiam per quinque menses omne tempus hujus mundi intelligere ; primus namque mensis est ab origine mundi usque ad diluvium, secundus a diluvio usque ad Moysen, tertius a Moyse usque ad David, quartus a David usque ad Christum, quintus a Christo usque ad consummationem sæculi. In iis ergo quinque mensibus omnes fabricatores errorum cruciantur, sive eo modo quo superius diximus, sive quod falsas adinventiones suas vident a veritate superari.

Et cruciatus eorum ut cruciatus scorpionum, cum percutit hominem. Diximus superius per scorpiones dæmones esse designatos ; nam sicut scorpio corpus aculeo vulnerat, ut per vulnus venenum intromittat, per quod hominem interficiat ; ita et diabolus aut ira, aut superbia, aut libidine, aut aliqua delectatione carnali mentem vulnerat, ut per hoc venenum suæ malitiæ infundat, animamque interficiat (96). Cruciatu ergo locustarum similis esse cruciatui scorpionum dicitur ; quia hæretici imitantes patrem suum diabolum, per lenia verba atque composita mentes hominum imperitorum vulnerabant, venenumque sui erroris infundentes, eorum animas necabant. Possumus quippe per cruciatum animarum interfec-tionem intelligere.

(Vers. 6.) *Et in diebus illis quærent homines mortem, et non invenient eam : et cupient mori, et fugiet mors ab eis.* Hæc sententia ad electos pertinet. *In diebus illis*, id est, in diebus quibus Evangelii gratia per universum mundum refulget, *quærent homines mortem.* Quærebat Paulus mortem persequendo Ecclesiam Dei, et non invenit eam ; quia Christus qui est murus impenetrabilis, se illi objiciens, a morte quam quærebat, ad vitam, quæ est ipse, violenter reduxit. Fuerunt et alii multi, qui quæsierunt mortem aut Ecclesiam Dei persequendo, aut cætera mala exercendo : sed fugit mors ab ipsis, quia per prædicationem sanctorum ad vitam sunt revocati. Nos etiam quosdam vidimus, qui quæsierunt mortem, et non invenerunt eam ; et cupierunt mori, et fugit mors ab eis. Scimus enim quosdam fuisse, qui amplius quam oportebat sæculum diligentes, multo tempore multisque modis laborassent, ut divites fierent, cupientes deliciose vivere, et carnis 539 suæ desideria perficere : (97) sed cum ad id quod optabant, pervenire non possent, respicientes sæculi falsa promissa, ad divitias cœlestes acquirendas se contulerunt, atque ad carum perceptionem, sicut credimus, bonis operibus insistendo, pervenire meruerunt. Vidimus nihilominus quosdam monasteria reliquisse, et ad sæculum transisse, et in servitio quorundam hominum potentium se tradidisse ; ut terrenas divitias atque possessiones, quas per se habere non poterant, dice Gem. desideratur.

(97) Omnes edit., *ut carnis suæ desideria perficerent ; omnes mss., ut divites fierent, etc.*

eorum suffragiis obtinerent : sed cum ad id quod desiderabant, pervenire non possent, sæculum reliquisset, et ad monasteria sua rediisse, atque in bonis operibus vitam terminasse. Ii ergo quæsierunt mortem, et non invenerunt eam ; et cupierunt mori, et fugit mors ab eis. De talibus Dominus sub specie Jerusalem ad prophetam loquitur, dicens : « Ecce ego sepiam viam tuam spinis, et sepiam eam maceria, et semitas suas non inveniet. Et sequetur amatores suos, et non apprehendet eos : quare, et non inveniet eos (Osee II, 6, 7). » Amatores nostri sunt desideria carnalia : amatores nostros sequimur, quando in hoc laboramus, ut divitiarum possessores efficiamur, ut habeamus unde desideria carnalia expleamus. Amatores nostros sequimur, et non apprehendimus, quando misericordia Dei impediendo, ad hoc quod inutiliter desideramus, pervenire non possumus.

(Vers. 7.) *Et similitudines locustarum similes equis paratis in prælium.* Per equos sæpe prædicatores sancti designantur, sicut Habacuc propheta in cantico suo loquitur, dicens : « Viam fecisti in mari equis tuis, in luto aquarum multarum (Habac. III, 15). » Viam fecit Deus in mari equis suis, in luto aquarum multarum, quando initio fidei pacem mundo largitus est ; ut apostoli ejus per universas gentes, quæ per mare et lutum designatæ sunt, possent discurrere, et semina fidei spargere. Equi ergo Dei ad prælium parabantur, quando prædicatores sancti et verbo et virtutibus ad hoc armabantur, ut genus humanum de potestate diaboli eruerent. Locustæ vero similes equis paratis in prælium esse dicuntur ; quia sicut prædicatores sancti tota virtute laborabant, ut quoscunque possent, de laqueis diaboli eriperent : ita et hæretici ad hoc semper armabantur, ut quoscunque possent decipere, in barathrum suæ damnationis involverent. *Et super capita earum tanquam coronæ similes auro.* Sæpe per aurum sapientia designatur, sicut superius jam diximus ; per coronas locustarum sapientia sæcularis ostenditur. Coronæ igitur locustarum aurum ipsæ non erant, sed similitudinem auri habebant ; quia sapientia sæcularis, in qua hæretici maxime confidebant, aurum non erat, id est, sapientia ; sed potius stultitia, sicut dicit apostolus Paulus : « Sapientia hujus sæculi stultitia est apud Deum (I Cor. III, 19). »

Et facies earum, sicut facies hominum. Homo rationale est animal : per faciem vero hominum divinarum Scripturarum scientiam intelligere possumus quam hæretici habere studebant, ut per eam facilius simplices quosque deciperent. Locustæ igitur facies hominum habere videbantur, sed similitudo erat, non veritas ; quia hæretici videbantur quidem scientiam habere divinarum Scripturarum : sed procul a veritate distabant, quia eam non recte intelligebant.

(Vers. 8.) *Et habebant capillos sicut capillos mu-*

lierum. Per capillos qui sine sensu præciduntur, possumus maximam multitudinem stultorum intelligere, qui ab hæreticis facile decipiebantur ; quia sicut capilli absque injuria præciduntur, ita et isti ab Ecclesia sine aliquo dispendio præcisi sunt. Per mulieres vero diversas Ecclesias possumus intelligere. Habebant igitur locustæ capillos sicut capillos mulierum ; quia sicut sanctæ Ecclesiæ Dei habebant turmas suas, quæ certis temporibus ad divina officia celebranda confluebant ; ita et hæretici habebant populos insanos, qui in diversis locis conveniebant, non ad mysteria divina (98), sed ad diabolica celebranda. *Et dentes earum sicut leonum erant.* Officium dentium est, ut quidquid intra se ceperint, terendo consumant, et in foveam ventris demergant.

B Possumus ergo per leones et dentes persecutores Ecclesiæ intelligere : per leones quidem principes : per dentes autem eos, qui eorum imperio sanctos Dei laniabant. Dentes igitur hæreticorum sicut leonum erant ; quia sicut pagani Ecclesiam Dei persequiebantur, et quoscunque poterant, terroribus atque cruciatibus in perditionis voraginem implicabant ; ita et hæretici quosdam potentes homines sibi sociantes, Ecclesiam Dei persecuti sunt multosque more dentium minis et impressionibus afflictos, in ventrem suæ malitiæ demerserunt.

(Vers. 9.) *Et vox alarum earum, sicut vox equorum multorum currentium in bellum.* Possumus per alas verba hæreticorum intelligere ; quia sicut alæ a terra aves sublevant ; ita hæretici suis eloquiis extollebantur : per equos vero prædicatores designantur, sicut superius jam diximus. Vox igitur alarum locustarum erat sicut vox equorum multorum currentium in bellum ; quia sicut prædicatores sancti voces prædicationum emittebant, cum pergerent ad bellum contra diabolum, ut genus humanum de potestate ejus liberarent : ita et hæretici circumquaque discurrebant, falsam doctrinam spargendo ; ut quoscunque possent, deciperent, et diabolo subjugarent.

(Vers. 10.) *Et habebant caudas similes scorpionum, et aculei erant in caudis earum.* Isaias propheta dicit quia propheta docens mendacium, cauda est (Isa. IX, 15). Hæretici ergo qui propter notiam divinarum Scripturarum prophetas se esse æstimant, non inconvenienter caudis scorpionum assimilantur, quia eorum doctrina falsa erat et venenosa, unde et aculeos in caudis habuisse dicuntur. Per aculeos namque blasphemiarum, quas in divinis Scripturis intermisciebant, designantur. Et sicut scorpio innoxius esset, si aculeus deesset ; ita et doctrina hæreticorum bona esset, si hanc blasphemiam non fœdarent. *Potestas earum nocere hominibus mensibus quinque.* Quid sint menses quinque superius dictum est.

(Vers. 11.) *Et habebant super se regem angelum abyssi, cui nomen Hebraice Abaddon, Græce Apollyon, et Latine habet nomen Exterminans.* Certum est

(98) Edit., ad ministeria divina, sed ad diabolica officia ; mss. autem ut in contextu.

omnibus hæreticorum principem esse diabolum, A sicut Dominus dicit ad Job: « Ipse est enim rex super omnes filios superbiæ (Job xli, 25); » unde et exterminator vocatur, eo quod exterminator sit totius bonitatis.

(Vers. 12, 13.) *Væ unum abiit, et ecce veniunt adhuc duo væ. Et sextus angelus tuba cecinit.* Per sextum angelum martyres designantur: sextus angelus tuba cecinit, quia martyres Christi doctrinam fidei infidelibus propinaverunt. 540 *Et audiui vocem unam ex cornibus altaris aurei, quod est in conspectu Domini, dicentem sexto angelo,* Per altare aureum, sicut superius jam diximus, Ecclesia designatur. Quatuor ergo cornua altaris quatuor evangelistas demonstrant: vocem ergo unam ex quatuor cornibus altaris aurei audisse se dicit; quia una est fides B una doctrina quam quatuor libri Evangeliorum docent.

(Vers. 14) Quid autem hæc vox sexto angelo dicat, manifestat subdendo: *Vade, et solve quatuor angelos, qui alligati sunt in flumine magno Euphrate.* Primum dicamus quid sint quatuor angeli, quid vincula, quid Euphrates; et postea cur sexto angelo præcipiat Evangelium, ut solvat quatuor angelos, diligentius investigabimus. Nam sicut superius (cap. vi, vers. 12) in apertione sexti sigilli quatuor angeli super quatuor angulos terræ stetisse visi sunt, tenentes quatuor ventos terræ; ne flarent super terram, neque in ullam arborem: ita et hic sub cantu tubæ sexti angeli quatuor angeli in flumine magno Euphrate alligati esse referuntur. Eamdem ergo significationem habent quatuor angeli isti quam C et illi; significant enim quatuor regna, Assyriorum videlicet, Persarum, Macedonum, atque Romanorum. Et quia potestas quatuor regnorum, sicut superius diximus, ad Romanos secesserat, per quatuor angelos in hoc loco Romani designantur: per Euphraten vero hic mundus intelligitur. Quid sint ergo vincula quatuor angelorum, superius manifestat; nam supra scriptum est, quia « vidit Joannes angelum descendisse de cælo, habentem signum Dei vivi: et clamavit voce magna quatuor angelis, quibus datum est nocere terræ et mari, dicens: Nolite nocere terræ et mari, neque arboribus, quoadusque signemus servos Dei nostri in frontibus eorum (Apoc. vii, 2, 3). » Per angelum qui habebat signum Dei vivi, Christum diximus fuisse designatum: vincula igitur quatuor angelorum verba sunt Domini, non quod Dominus præceperit persecutoribus, ut a persecutione cessarent, donec semina fidei per omnes gentes spargerentur; sed quod potestate fecit, hoc dicitur verbis præcepisse. Romani namque ante adventum Christi a cædibus et rapinis atque effusione sanguinis generis humani nullo modo satiari poterant. Veniens vero Christus in carne pacem mundo largitus est, et Romani qui ab effusione sanguinis generis humani (99) manus cohibere

non poterant, pace ligati sunt, atque ab effusione sanguinis prohibiti sunt. Præcepit ergo vox, quæ processit a quatuor cornibus altaris aurei, sexto angelo qui habebat tubam, ut solveret quatuor angelos; quia doctrina Evangelii hoc præcepit prædicatoribus verbi Dei, ut nullis minis, nullis terroribus hominum impiorum terreantur, ut cessent ab officio prædicationis, sicut Dominus dicit in Evangelio: « Nolite timere eos qui occidunt corpus, animam autem non possunt occidere (Matth. x, 28). » Imperatores quippe Romanorum et cæteri principes terræ, cum viderent religionem Christianam quotidie augeri, et culturam idolorum evacuari, interminati sunt mortem omnibus qui Christum colerent aut prædicarent. Sextus ergo angelus, id est, martyres, quatuor angelos, id est, persecutores suos (1) quasi solverunt; cum propter insuperabilem evangelizandi constantiam ad persequendos eos se armaverunt.

(Vers. 15.) Unde et sequitur: *Et soluti sunt quatuor angeli, qui parati erant in horam, et diem et mensem, et annum, ut interficerent tertiam partem hominum.* Soluti sunt quatuor angeli, quia impii homines, pace abjecta, manibusque solutis, quas pax alligaverat, persecuti sunt populum Dei. Quod autem dicit: *Parati erant,* impiorum hominum voluntatem demonstrat; quia antequam tempus persecutionis veniret, voto parati erant, ut populum Dei interficerent. Sane tertia pars hominum, ut superius dictum est, electos significat. Porro quod in horam, et diem, et mensem, et annum, quatuor angeli, ut interficerent tertiam partem hominum, parati esse dicuntur, possumus ad omnes impios, qui ab initio mundi fuerunt, et erunt usque in finem referre. Per horam quippe tempus ab initio mundi usque ad diluvium, per diem autem tempus a diluvio usque ad legem, per mensem vero tempus sub lege, per annum autem tempus sub gratia designatur. In iis ergo quatuor temporibus semper reprobi persequuntur electos.

(Vers. 16.) *Et numerus equestris exercitus vicies millies dena millia, audiui numerum eorum.* Qui designantur per quatuor angelos, ipsi et per equestrem exercitum, videlicet persecutores Ecclesiæ. Exercitus autem persecutorum equestris esse dicitur; quia sicut habet Deus equos suos, id est, sanctos prædicatores, qui eum per universum mundum deportaverunt; ita habet diabolus equos suos, id est, omnes impios, super quos sedet, et ad perpetranda diversa scelera impellit. Qui vicies millies dena millia esse dicuntur; per finitum namque numerum (2) persecutorum innumerabilis multitudo exprimitur.

(Vers. 17.) *Et ita vidi equos in visione; et qui sedebant super eos, habebant loricas igneas, et hyacinthinas, et sulphureas.* In hoc loco per equos insani populi, per sessores autem equorum principes terræ designantur: per loricas vero, quæ

(99) Nullo modo satiari poterant..... generis humani, isthac omnia hæc edit. debet auctoritati mss. (1) Edit., id est, prædicatores suos; rectius mss.,

id est, persecutores suos.

(2) Sic edit.; mss. vero, per infinitum namque numerum.

ictus gladiatorum a se repellunt, duritia cordium reproborum designatur, quæ ad corda eorum gladium spiritus, quod est verbum Dei, accedere non sinit. Quæ lorica ignea, hyacinthina, et sulphurea esse dicuntur. Per ignem plane crudelitas mentis persecutorum: per hyacinthum qui cœli figuram habet, honor deitatis quem diis suis deferebant, designatur: per sulphur vero quod fetet, blasphemias quas in Christum proferebant, designantur. Persecutores igitur loricæ igneas, et hyacinthinas, atque sulphureas habuisse dicuntur; quia partim propter incredulitatem mentis corda sua induraverant, ut non solum in Christum non crederent, sed etiam servos ejus persequerentur: partim propter defensionem falsorum deorum, partim propter blasphemias quas in Christum proferebant, dicentes eum magnum B fuisse et seductorem. *Et capita equorum erant tanquam capita leonum.* Per capita equorum imperatores Romanorum designantur; quia capita esse videbantur omnium persecutorum, qui etiam propter insatiabilem rabiem leonibus assimilantur. *Et de ore eorum procedit ignis, et fumus, et sulphur.* Per ignem impia præcepta imperatorum designantur, quibus populus Dei interfici jubebantur; per fumum vero honor deitatis, quem diis suis deferre jubebant. Et recte per fumum idololatricæ falsitas designatur, quia sicut fumus a facie venti evanescit, ita et cultura idolorum in conspectu prædicationis evangelicæ deperit: per sulphur autem, sicut supra dictum est, blasphemias, quas Christo ingerebant, designantur.

(Vers. 18.) *Ab his tribus plagis interfecta est tertia pars hominum; id est, multitudo martyrum: per ignem videlicet, fumum, ac sulphur, quæ procedebant de ore ipsorum.* Procedebat quippe ignis de ore ipsorum, id est, jussio impiissima, qui præcipiebant ut sancti Dei martyres interficerentur; procedebat et fumus, quia præcipiebant ut honor deitatis ab omnibus hominibus diis suis impenderetur; procedebat et sulphur, id est, blasphemias in Christum, præcipientes ut religio Christiana funditus de mundo exstingueretur.

(Vers. 19.) *Potestas enim equorum in ore ipsorum est, et in caudis eorum.* Superius capita equorum, ut leonum esse dicuntur: in ore vero leonum dentes consistunt, quibus conterunt et dilaniant omnia D quæ ceperint. Possumus itaque per dentes carnifices intelligere, qui in ore leonum, id est, in potestate persecutorum positi, eorum imperio diversis cruciatibus corpora sanctorum cruciabant. Corpora igitur sanctorum persecutores in ore, id est, in potestate habebant, sed animas non habebant, sicut Dominus dicit in Evangelio: « Nolite timere eos, qui occidunt corpus, animam autem non possunt occidere (Matth. x, 28). » Et ideo potestas persecutorum tantummodo in ore erat; quia corpora sanctorum in potestate habebant, sed animas non habebant: oc-

A cidere poterant, quos vincere non valebant. Per caudas vero philosophorum atque poetarum doctrina designatur. *Nam caudæ eorum similes serpentibus, habentes capita, et in iis nocent.* Recte doctrina philosophorum serpentibus assimilatur, quia plena erat venenis mendaciorum. Qui serpentes capita habere dicuntur, quia omnes errores gentilium proprios habebant auctores. Potestas ergo equorum in caudis eorum erat, quia persecutores Ecclesiæ per doctrinam philosophorum volebant evertere religionem Christianam.

(Vers. 20, 21.) *Et cæteri homines qui non sunt occisi in iis plagis, neque egerunt pœnitentiam ab operibus manuum suarum: ut non adorarent dæmonia et simulacra aurea, et argentea, et ærea (3), et lapidea, et lignea; quæ neque videre possunt, neque audire, neque ambulare: et non egerunt pœnitentiam ab homicidiis suis, neque a veneficiis suis, neque a fornicatione sua, neque a furtis suis; subauditur, perierunt.* Tertia igitur pars, quæ interfecta est, salva facta est, id est, electi, ex quibus multi pro Christi nomine interfecti sunt: reliqui libentissime occumberent, si necessitas exegisset. Cæteri vero, id est, pagani, qui in Christum credere noluerunt, ut agerent pœnitentiam ab iniquitatibus suis, perierunt.

CAPUT X. — (Vers. 1.) *Et vidi alium angelum fortem descendentem de cælo, amictum nube, et iris in capite ejus.* Quia superius adversitates Ecclesiæ narraverat, quæ ab hæreticis et paganis passa est; C restat ut de prosperitate ejus, qualiter inter persecutiones creverit, narret. Constat namque Ecclesiam in persecutionibus crevisse, et quanto amplius opprimebatur, tanto amplius confortabatur et crescebat: sicut de filiis Israel in figura ejusdem Ecclesiæ scriptum legimus, qui quanto amplius ab Ægyptiis opprimebantur, tanto amplius multiplicabantur. Angelus fortis Dominum nostrum Jesum Christum designat, de quo dicit Psalmista: « Dominus fortis et potens, Dominus potens in prælio (Psal. xxiii, 8). » Qui descendens de cælo amictus nube esse dicitur; quia Dominus noster veniens in mundum, carnem quæ per nubem designata est, induit; ut per carnis assumptionem se hominibus conformaret, quos redimere veniebat. Per irim vero ejus misericordia designatur, sicut superius diximus: per caput autem ejus divinitas in hoc loco intelligitur. Irim in capite habebat, quia ejus divinitas ante incarnationem suam tantam misericordiam assumpserat, ut homo fieri pro hominibus non dedignaretur, et ad ultimum pessima morte damnari. *Et facies ejus erat sicut sol.* Sæpe per solem Dominus designatur; quia sol omnes creaturas visibiles suo splendore atque pulchritudine antecedit: sed quæ creatura poterit comparari suo creatori? Verum per figuras visibiles sæpe invisibilia demonstrantur. In corde igitur electorum

(3) Ita mss.; edit. autem, *ut non adorarent idola argentea et aurea, etc.*

Christus sol est, quem cernere per spem nullo modo desistunt, et ad hujus pulchritudinem intuendam perventuros esse se credunt. *Et pedes ejus tanquam columna ignis.* Per columnam ignis Ecclesiam possumus accipere; sive quia Spiritu sancto ignita resplendet (4), sive quia amore Dei atque proximi indesinenter ardet. Per duos vero pedes duos populos intelligere debemus. Ex duobus ergo pedibus una columna efficitur; quia ex duobus populis, ex Judæis videlicet atque gentibus, una Ecclesia Dei fabricatur. Possumus etiam per duos pedes duo Testamenta intelligere, sicut in sequentibus plenius demonstrabimus. Nec discordat a sensu superiori, eo quod vetus Testamentum Judæis, novum autem gentibus specialiter traditum sit.

(Vers. 2.) *Et habebat in manu sua libellum apertum.* Hic liber superius septem sigillis signatus fuisse describitur; sed de ejus apertione, Domino largiente, aliqua diximus. Libellum igitur apertum in manu sua Dominus noster Jesus Christus tenere visus est; quia sensus divinarum Scripturarum doctoribus Ecclesiæ ipse aperuit. *Et posuit pedem suum dextrum super mare; sinistrum autem super terram.* Per pedem dextrum, sicut diximus, novum Testamentum: per sinistrum vetus designatur. Possumus autem per mare populum gentium intelligere, propter profunditatem ignorantiae atque errorem; per terram vero quæ excolitur, ut fructum ferat, Judæos qui excolebantur per disciplinam legis, et fructum ferebant, cum præcepta legalia, quamvis carnaliter, implebant. Pedem ergo suum dextrum Dominus super mare posuit, quando specialius gentibus doctrinam Evangelii quam Judæis tradidit, sicut Paulus eisdem Judæis loquitur, dicens: « Vobis oportebat primum loqui verbum Dei, sed quia repellitis illud, et indignos vos judicatis æternæ vitæ, ecce convertimur ad gentes (Act. xiii, 46). » Pedem sinistrum super terram posuit, quando legem Judæis specialiter tradidit. Sed nullum moveat, quod posteriora prius commemoraverit, et priora posterius; eo quod in divinis Scripturis hoc sæpe contingat. Ad quod comprobandum unum tantummodo exemplum proferamus. In psalmo centesimo quinto, cum dixisset: « Aperta est terra, et deglutivit Dathan, 542 et operuit super congregationem Abiron: et exarsit ignis in synagoga eorum, flamma combussit peccatores (Psal. cv, 17, 18); » retro revertitur, et dicit: « Et fecerunt vitulum in Oreb, et adoraverunt sculptile (Ibid. 19); » nec inconvenienter per dextrum pedem novum Testamentum, per sinistrum autem vetus designatur; eo quod vetus Testamentum umbra fuerit novi Testamenti.

(Vers. 3.) *Et clamavit, quemadmodum cum leo rugit.* Clamavit Christus per legem, sed non quemadmodum cum leo rugit; quia in una domo Israel vox ejus tantummodo audita est: clamavit postea

per Evangelium, quemadmodum cum leo rugit; quia in omnem mundum vox ejus intonuit. *Et cum clamasset, locuta sunt septem tonitrua voces suas.* Per septem tonitrua septem virtutes possumus accipere. Clamavit Christus per legem, sed septem tonitrua non sonuerunt: clamavit per Evangelium, et locuta sunt septem tonitrua voces suas. Nam illis quibus lex dicebat: Maledictus qui non reliquerit semen suum in Israel; et quibus ob hoc plures uxores atque concubinas habere licitum erat, pudicitiae tonitruum necdum sonuerat. Similiter et illi quibus lex dicebat: « Oculum pro oculo, dentem pro dente; et qualem inflixerit quis maculam, talem et sustinere cogatur (Exod. xxi, 24); » necdum tonitruum patientiæ audierant. Et illi tonitruum charitatis necdum perfecte audierant, quibus lex dicebat: « Diliges amicum tuum, et odio habebis inimicum tuum (Matth. v, 43). » Idem et de cæteris virtutibus intelligendum est. Septem ergo tonitrua locuta sunt, quando per doctrinam Evangelii sublimitas virtutum cœpit demonstrari.

(Vers. 4.) *Et audivi vocem de cælo dicentem mihi: Signa quæ locuta sunt septem tonitrua, et noli ea scribere.* Vox de cælo vox est de Ecclesia: scribere vero est prædicare; quia sicut scriptor atramento in volumine scribit, unde legentes exercitentur; ita et quilibet doctor verba Dei scribit, cum ea prædicando in cordibus audientium plantat. Cur ergo per vocem quæ de cælo sonuit, prohibitum est ne septem tonitrua scriberentur, in Actibus apostolorum et in Epistolis Pauli invenire possumus. In initio namque fidei prædicatores sancti videntes infirmitatem gentium ad fidem venientium, non sunt ansi eis austeriora Christi præcepta committere; ne forte duritia præceptorum territi, non auderent ad fidem Christi suscipiendam accedere, sicut Paulus apostolus discipulis suis scripsit, dicens: « Tanquam parvulis in Christo lac vobis potum dedi, non escam; nondum enim poteratis, sed nec adhuc quidem potestis; adhuc enim estis carnales (I Cor. iii, 2). » Sed et apostoli qui erant Hierosolymis, eis qui ex gentibus crediderant, mandaverunt, dicens: « Placuit Spiritui sancto et nobis nihil imponere vobis oneris, nisi ut abstinere ab escis, quæ idolis immolantur, et a fornicatione, et suffocato, et sanguine (Act. xv, 28, 29). » Vox ergo de cælo Joanni loquitur, ne septem tonitrua scriberet; quia apostoli qui per cælum designantur, primis prædicatoribus præceperunt, ne noviter ad fidem venientes, subito ad celsitudinem virtutum conscendere cogerent, donec in fide confortati, jam ad operationem virtutum transire possent.

(Vers. 5, 6, 7.) *Et angelus quem vidi stantem supra mare et super terram, cum levasset manum suam, et jurasset per viventem in æternum qui creavit cælum, et ea quæ in eo sunt; et terram, et ea quæ in ea sunt: mare, et ea quæ in eo sunt; quia tempus am-*

(4) In edit. deerant, sive quia Spiritu sancto mita resplendet, sive, quæ restituuntur ex inss.

plius non erit, sed in diebus septimi angeli, cum cœperit tuba canere, consummabitur mysterium Dei, quod evangelizavit per servos suos prophetas. Nos quando juramus, volumus ut firmum sit quod loquimur. Dixisse ergo Domini jurasse est; quia fieri non potest ut quod loquitur Deus, irritum fiat, sicut ipse dicit in Evangelio: « Cœlum et terra transibunt, verba autem mea non transibunt (Luc. xxi, 33). » Cum igitur Christus per viventem in æternum, et per eum qui fecit omnes creaturas juravit, per semetipsum juravit: Quia « omnia per ipsum facta sunt, et sine ipso factum est nihil (Joan. 1, 3). » Juravit autem non quibusdam verbis semetipsum obligando; sed dicendo ea quæ ventura erant. Per septimum vero angelum prædicatores, qui in fine mundi futuri sunt, designantur, de quibus in sequentibus dicemus. Juravit ergo Christus, quod in diebus septimi angeli consummabitur mysterium Dei, quod evangelizavit per suos prophetas; quia prædixit quia tunc veniet finis, cum omnis electorum numerus fuerit completus.

(Vers. 8.) *Et vocem quam audivi de cœlo iterum loquentem mecum, et dicentem: Vade, et accipe librum de manu angeli stantis supra mare et supra terram. Vocem primam eam dicit, quando de cœlo ei dictum est: Signa quæ locuta sunt septem tonitrua, et noli ea scribere. Eamdem itaque vocem se iterum audisse dicit; quia ejusdem Spiritus sancti vox fuit illa, cujus et ista. Per Joannem in hoc loco omnes apostolos intelligere debemus. Vox ergo divina Joanni locuta est, ut iret ad angelum, et acciperet ab eo librum; quia Spiritus sancti gratia apostolis inspiravit, ut relictis omnibus, Christum sequerentur; ut doctrinam Evangelii ab eo perciperent.*

(Vers. 9, 10.) *Et abii ad angelum, dicens ei ut daret mihi librum. Abierunt apostoli ad Christum, ut ab eo doctrina divinarum Scripturarum instruerentur. Et dixit mihi: Accipe, et devora illum, et faciet amaricare ventrem tuum, sed in ore tuo erit dulce tanquam mel. Et cum devorassem eum, amaricatus est venter meus. Per os in quo sapes discernuntur, corda apostolorum intelligere possumus: per ventrem autem in quo omnes spurcitiae commorantur corporis, memoriam peccatorum intelligere debemus. Liber igitur dum devoraretur, ut mel dulce fuisse dicitur; quia divina Scriptura dum in mente revolvitur, vitamque æternam mandata Dei custodientibus repromittit, dulcis ut mel in corde efficitur: cum vero mentem a superioribus ad inferiora, id est, a contemplatione cœlestis patriæ ad peccata sua intuenda deducit, pœnasque quas impii pro peccatis suis passuri sunt, ostendit, quæ antea fuerat dulcis in demonstratione cœlestis gloriæ, amara efficitur in peccatorum ostensione. Possumus etiam hoc de Joanne proprie intelligere, qui antequam Evangelium scriberet, Pathmos in exilium*

(5) Edit., *Abstinentia vitiorum, cæterisque, etc.*; mss. omittunt, *vitiorum.*

A ductus est: sed quia propter absentiam ejus hæretici Ecclesiam Dei invaserant, post reversionem suam de exilio ad eorum blasphemias destruendas compulsus est Evangelium scribere. Præcepit igitur vox divina Joanni, ut iret ad angelum, et acciperet ab eo librum; quia 543 Spiritus sanctus hoc Joanni inspirando suavit, ut iret ad Christum non passibus corporis, sed passibus mentis, ad considerandam divinitatis ejus potentiam atque cum Patre æqualitatem, ut de divinitate ejus libellum omnibus fidelibus salutiferum posset conscribere. Devoravit vero Joannes librum, cum scientiam Evangelii quod postea scripsit, plenissime accepit. Liber itaque dum devoraretur, dulcedinem mellis ori exhibuit; quia divina Scriptura quanto amplius in corde ruminatur, B tanto salubriorem dulcedinem menti exhibet. Possumus autem per ventrem, in quo escæ putrescunt, carnem hanc mortalem intelligere. Liber igitur qui in ore dulcis fuit, amaritudinem ventri generavit; quia sancti viri quanto amplius in meditatione divinarum Scripturarum dediti sunt, quantoque eorum meditatio dulcior sit in mente, tanto majorem amaritudinem carni suæ exhibent, affligendo videlicet eam jejuniis, vigiliis, abstinentia, cæterisque cruciatibus (5), quibus caro atteritur.

(Vers. 11.) *Et dixit mihi: Oportet te prophetare iterum populis, et gentibus, et linguis, et regibus multis. Prædicatur ei quod ab exilio ad prædicandum rediturus sit. Sed cum sancti Patres tradant quod post reversionem suam de exilio tantummodo C in Epheso, et circa adjacentia loca ejus prædicaverit, ibique mortuus sit, et corpore requiescat; quomodo populis, et gentibus, et linguis, et regibus multis prophetasse dicitur? Sed prophetavit, id est, prædicavit per Evangelium suum, quod postea scripsit omnibus gentibus, et linguis, et regibus multis; quia per omnes gentes dispersum est, et in meditatione ejus omnes terrarum populi regesque multi proficiunt.*

CAPUT XI. — (Vers. 1.) *Et datus est mihi calamus mensuræ similis virgæ, dicens: Surge, et metire templum Dei, et altare, et adorantes in eo. Per calamus quo antiqui scribere solebant, Evangelium quod ei datum est a Domino, et quod postea scripsit, designatur: per virgam vero sæpe disciplina accipitur. Calamus igitur qui Joanni datus est, similitudinem virgæ habuit; quia disciplina Christianorum est Evangelium. Unde et templum et altare et adorantes in eo metiri præcipitur: per templum namque Ecclesia: per altare sancti et perfecti viri, qui in Ecclesia consistunt: per adorantes autem in eo cætera multitudo, quæ eorum doctrina instruitur, designatur. Templum nempe Dei et altare, atque adorantes in eo unusquisque prædicator metitur, dum unicuique secundum propriam capacitatem spiritualis gratiæ doctrinam administrat (6); aliter enim docendus est sapiens, aliter insipiens: aliter litteratus, aliter illitteratus: aliter paganus,*

(6) Omnes edit., *administrat, aliter hæreticis, aliter catholicis*; mss. vero nobiscum faciunt.

aliter Christianus; aliter hæreticus, aliter catholicus. Nam et Dominus dicit in Evangelio, quia paterfamilias « peregre proficiscens, vocavit servos suos, et tradidit illis bona sua, Et uni dedit quinque talenta, alii autem duo, alii vero unum; unicuique secundum propriam virtutem (Matth. xxv, 14, 15). »

(Vers. 2.) Sequitur: *Atrium autem quod est foris, ejice foras, et ne metiaris illud; quoniam datum est gentibus.* Si foris erat, quomodo foras ejici poterat? Per atrium ergo Judæi designantur: Judæi igitur foris erant per incredulitatem: sed Joannes et cæteri apostoli adhuc eos per amorem in cordibus suis tenebant, sicut dicit apostolus Paulus: « Optabam ego ipse anathema esse a Christo pro fratribus meis, qui sunt cognati mei secundum carnem, qui sunt Israelitæ (Rom. ix, 3, 4). » Unde præcipitur ei, ne illud metiatur, id est, verba prædicationis non eis ministret, sicut in Evangelio ipse præcipit, dicens: « Nolite mittere margaritas vestras ante porcos; ne conculcent eas pedibus suis, et conversi elidant vos (Matth. vii, 6). » Et ad prophetam Ezechielem Dominus loquitur, dicens: « Ecce ego adhærescere faciam linguam tuam palato tuo, nec eris quasi vir objurgans; quia domus exasperans est (Ezech. iii, 23). » Hocque atrium datum esse gentibus dicitur; quia Judæi propter incredulitatem suam paganis gentibus erant conjuncti; sive traditi erant gentibus, id est Romanis, ut ab eis delerentur atque exterminarentur. *Et civitatem sanctam calcabunt mensibus quadraginta duobus.* Subito saltum facit ad Eliam atque Enoch, qui temporibus Antichristi ventari sunt: et pulchro satis ordine, videlicet, ut qui Judæorum dejectionem per figuram atri protulerat, eorum restaurationem tacite subnecteret; constat enim Judæos in fine mundi per prædicationem Eliæ et Enoch ad fidem Christi esse reversuros. Civitatem itaque sanctam, id est, Ecclesiam, Antichristus et ministri ejus calcabunt, id est, persequentur mensibus quadraginta duobus qui faciunt tres annos et dimidium.

(Vers. 3, 4.) *Et dabo duobus testibus meis, et prophetabunt diebus mille ducentis sexaginta, amicti saccis.* Testes ducit Dominus Eliam et Enoch vocat, qui adventum ejus secundum præcurrent, sicut Joannes præcurrit primum. *Ii sunt duæ olivæ, et duo candelabra in conspectu Domini terræ stantes.* Oliva oleum fert, quod supra candelabrum postea ponitur, ut luceat omnibus qui in domo sunt (Matth. v, 15). Per oleum in hoc loco sapientiam spiritalem possumus accipere; unusquisque enim oliva tunc est, quando apud se quiescens, per contemplationis gratiam Deo deservire studet; quando illud implere studet, quod Dominus dicit in Evangelio: « Nesciat sinistra tua quid faciat dextera tua; ut sit elemosyna tua in abscondito: et Pater tuus qui videt in

abscondito, reddet tibi (Matth. vi, 3, 4). » Candelabrum vero tunc fit, quando illud implet quod Dominus dicit in Evangelio: « Videant opera vestra bona, et glorificent Patrem vestrum, qui in cælis est (Matth. v, 16). » Duo igitur isti sancti modo olivæ sunt, cum in aliquo loco terræ positi, ubi eos majestas divina commemorari præcepit, per contemplationis gratiam Deo deserviunt: candelabra tunc fient, cum ad explendum prædicationis suæ officium venerint (7), quando omnibus, et fidelibus videlicet et reprobis, verbum Dei annuntiabunt. De hoc candelabro Dominus dicit in Evangelio: « Neque accendunt lucernam, et ponunt eam sub modio, sed super candelabrum, ut luceat omnibus qui in domo sunt (Ibid. 15). » Lucerna quippe super candelabrum ponitur, quando officium prædicationis sancto viro traditur, qui bonum quod prædicat, flammis bonorum operum illustrat; lucerna vero sub modio ponitur, 544 quando officium prædicationis alicui reprobo committitur, qui bonum quod prædicat, pravis operibus tegit; ne lumen præbeat eis qui in domo sunt, sicut dicit sanctus Gregorius, quia cujus vita despicitur (8), restat ut et prædicatio ejus contemnatur. Duæ ergo olivæ et duo candelabra in conspectu Domini stare dicuntur; quia in terra positi, illud tempus præstolantur, quo officium prædicationis suæ expleant, et mortis debitum solvant, sicut sequentia manifestant.

(Vers. 5.) *Et si quis voluerit eis nocere, ignis exiet de ore eorum, et devorabit inimicos eorum: et si quis voluerit eos lædere, sic oportet eum occidi.* Quia Spiritus sanctus loquitur per ora sanctorum, sicut Dominus dicit in Evangelio: « Non enim vos estis, qui loquimini: sed Spiritus Patris vestri, qui loquitur in vobis (Matth. x, 20); » non incongrue verba sanctorum ignis vocantur, sicut Psalmista dicit de Domino: « Ignitum eloquium tuum vehementer, et servus tuus dilexit illud (Psal. cxviii, 140). » Ignis igitur exiet de ore sanctorum istorum, et devorabit inimicos eorum; quia doctrina eorum ita errores Antichristi destruet, ut omnibus sanam mentem possidentibus nihil videantur esse, quod asserere conabuntur Antichristus et ministri ejus. Quod autem sequitur, *Et si quis voluerit eos lædere, sic oportet eum occidi,* ad eandem rem pertinet.

(Vers. 6.) *Ii habent potestatem claudendi cælum, ut non pluat diebus prophetiæ eorum; et habent potestatem super aquas, convertendi eas in sanguinem, et percutere terram omni plaga quotiescunque voluerint.* Legimus Eliam oratione clausisse cælum, et iterum aperuisse: sed et Moysen aquas in sanguinem convertisse. Non ergo putandum est Eliam minorem virtutem habere, cum ad explendum officium suæ prædicationis venerit, quam habuit

(7) Ita mss., nisi quod ubi alii, et edit. legunt *officium*, Sag. habet *mysterium*, forte *ministerium*: totus autem locus in edit. hoc modo exstat, *officium venerint, quando omnibus, videlicet fidelibus et infi-*

delibus, verbum, etc.

(8) Edit., *sicut scriptum est: Cujus vita despicitur; omnes vero mss. hanc fraudem potius quam lapsum restituunt.*

eo tempore, quo inter homines conversatus est, sed potio- rem. Possumus etiam per cœlum Ecclesiam, per pluviam verba sanctorum spiritualiter intelligere; clauditur namque cœlum impiis, cum Deus suo iudicio corda eorum ita obdurari sinit, ut nullo modo verbo Dei aditum accedendi ad cor suum tribuant, ut salventur. Nam et propheta Isaias cœlum Judæis clausit, cum ei a Domino dictum est: « Excæca cor populi hujus, et aures ejus aggrava, et oculos ejus claude; ne forte videant oculis, et auribus audiant, et corde suo intelligant: et convertantur, et sanem eos (*Isa. vi, 10*). » Clausit et cœlum Jeremias inimicis suis (9), cum dicebat ad Dominum: « Ne propitius iniquitati eorum, et peccatum eorum a facie tua non deleatur. Fiant corruentes in conspectu tuo: in tempore visitationis tuæ peribunt (*Jerem. xviii, 23*). » Numquid Moyses non habebat potestatem claudendi cœlum et aperiendi, cui dicebat Dominus, cum populus peccasset: « Dimitte me, ut irascatur furor meus contra eos, et deleam eos, faciamque te in gentem magnam (*Exod. xxxii, 10*) ? » Sancti itaque illi quibusdam claudunt cœlum, ut non descendat super eos imber misericordiæ Dei, eis videlicet, quos ab erroribus Antichristi revocare non potuerint: quibusdam vero aperient, eis videlicet quos ab erroribus Antichristi revocaverint; imbremque super eos pluent, quando suis precibus Deum illis propitium efficiant. Per aquas quas in sanguinem convertere dicuntur, populi designantur: sanguis autem ultionem divinam demonstrat. Aquas igitur in sanguinem convertent, quando gentes quæ a fide Christi discesserint, perpetua morte esse damnandas suo iudicio decernent.

(Vers. 7.) *Et cum finierint testimonium suum, bestia quæ ascendit de abyssu, faciet contra eos bellum, et vincet illos, et occidet eos.* Bestia hæc Antichristum significat. *Faciet contra eos bellum*, quando eos persequetur: *vincet vero illos non superando verbis, sed interficiendo.*

(Vers. 8.) Unde et sequitur: *Et occidet eos, et jacebunt corpora eorum in platea civitatis magnæ, quæ vocatur spiritualiter Sodoma et Ægyptus; ubi et Dominus eorum crucifixus est.* Si per civitatem magnam Jerusalem terrestrem voluerimus intelligere propter hoc quod dicit: *Ubi et Dominus eorum crucifixus est*, a veritate aberrabimus (10); eo quod illa Jerusalem usque ad solum destructa sit, et ista quæ pro ea ædificata est, non in eo loco, sed in alio sita esse dicatur: neque Sodoma et Ægyptus dicenda est, eo quod a Christianis incolatur. Simulque considerandum quia ubicunque in hoc libro civitas magna ponitur, Babylonem quæ est civitas diaboli, et ex omnibus reprobis constat, significat. Quod autem in platea civitatis

A magnæ corpora eorum projicienda esse dicuntur, possumus simpliciter intelligere, ut in quacun- que platea, quæ ad jus alicujus reprobi pertineat, jaceant. Sed melius mihi videtur, ut sicut per civitatem magnam omnes reprobos intelligendos esse diximus, ita et per plateam corda reproborum intelligamus: jacebunt itaque corpora sanctorum in platea civitatis magnæ; quia sancti illic jacent, a quibus nullius esse momenti existimantur: e contrario fidelibus stant, qui quanta sit eorum virtus atque gloria, cordis oculis intuentur. Civitas vero diaboli non inconvenienter Sodoma et Ægyptus nominatur; eo quod Sodoma cæcitas, Ægyptus tenebræ interpretentur. Quis enim deteriorem cæcitatem atque tenebras patitur, quam impii, qui præcipiti gradu, ut in cloacam inferni demergantur, mala operando properare non desistunt? In platea vero civitatis magnæ, ubi Dominus crucifixus est, corpora sanctorum projicienda esse describuntur; quia sicut a membris diaboli Christus crucifixus est, ita ab eisdem ii duo prophetæ occidentur.

(Vers. 9-12.) *Et videbunt de populis, et tribubus, et linguis, et gentibus corpora eorum per tres dies et dimidium, et corpora eorum non sinent poni in monumentis: et inhabitantes terram gaudebunt super eos, et jucundabuntur, et munera mittent invicem; quoniam ii duo prophetæ cruciaverunt eos qui habitabant terram. Et post dies tres et dimidium spiritus vitæ a Deo intravit in eos: et steterunt super pedes suos, et timor magnus cecidit super omnes qui viderunt eos. Et audierunt vocem magnam de cælo dicentem illis: Ascendite huc. Et ascenderunt in cælum in nube, et viderunt illos inimici eorum.* Hoc si secundum historiam impleatur, hominibus quidem incognitum, Deo autem nota sunt omnia. Possumus autem et nos huic historiæ spiritalem intelligentiam adjungere: sed temerarium videtur illam historiam, quam 545 intelligimus, spiritualibus sensibus velle adornare. Nullam quippe domum extra positi, interius ornare valemus: sed ne omnino tacuisse videamur, pauca dicamus. Possumus per tres dies et dimidium tres annos et semis intelligere, quibus ii duo prophetæ prædicaturi sunt: per monumenta vero mentes reproborum intelligere possumus. De iis monumentis Dominus loquitur, dicens: « Væ vobis, Scribæ et Pharisei, quia estis sicut sepulcra dealbata, quæ a foris quidem videntur candida, intrinsecus autem plena sunt omni immunditia et ossibus mortuorum (*Matth. xxiii, 27*). » Sic et vos a foris quidem paretis hominibus justis, intus autem pleni estis rapina et iniquitate. In monumentis igitur reprobi corpora sanctorum non sinent poni; quia doctrinam illorum a mentibus suis abjicient. Quod autem post dies tres et dimidium spiritus vitæ a Deo intrare in eos dicitur, et stare super pedes suos,

(9) Omnes edit., *Jeremias amicis suis*; omnes mss. melius, *Jeremias inimicis suis*.

(10) Ita mss.: at edit. e contrario, *a veritate non aberrabimus*. Minus commode.

resurrectionis tempus accipere possumus, quod A post tria tempora et dimidium, quamvis non statim, in proximo tamen fiet. Stabunt quippe super pedes suos, quando post resurrectionis tempus, quanta sit eorum virtus atque magnificentia, omnibus impiis manifestabitur. Timor vero magnus cadet super inimicos eorum, cum viderint eos; quia in die iudicii cum viderint eos, gloriamque illorum, turbabuntur timore horribili, dicentes: « Li sunt quos aliquando habuimus in derisum, et in similitudinem improperii. Nos insensati vitam illorum æstimabamus insaniam, et finem illorum sine honore. Quomodo computati sunt inter filios Dei, et inter sanctos sors illorum est (*Sap. v, 3-5*)? » Et quia Malachias propheta ex persona Domini loquitur, dicens: « Ecce ego mittam vobis Eliam prophetam, qui convertat corda patrum ad filios (*Malach. iv, 5, 6*); » et cætera quæ sequuntur: credimus Judæos per prædicationem Eliæ, sicut superius (11), prout potuimus, demonstravimus, ad fidem Christi esse convertendos. Possumus autem per duos testes duorum populorum prædicatores intelligere, Judæorum videlicet atque gentium. Qui diebus mille ducentis sexaginta prophetaturi esse dicuntur; quia omni tempore quo Antichristi persecutio atque deceptio per universum orbem desæviet, quoscunque poterunt, ad viam veritatis reducere studebunt.

(Vers. 13.) *Et in illa hora factus est terræ motus magnus.* Nunc ad initium prædicationis Eliæ et Enoch revertitur. Terræ motus, sicut superius jam diximus, motionem cordium solet designare: terræ motus tunc fiet, cum per prædicationem Eliæ et Enoch multi ad pœnitentiam, multi ad fidem convertentur. *Et decima pars civitatis cecidit.* Non sanus sensus mihi videtur esse, ut per civitatem, cujus decima pars cecidit, Ecclesiam intelligamus; eo quod hic sermo ad civitatem magis diaboli quam ad civitatem Dei respiciat. Illius ergo civitatis in hoc loco decimam partem corruisse dicit, quam superius civitatem magnam, Sodomamque et Ægyptum vocavit, et in cujus platea corpora sanctorum per tres dies et dimidium insepulta jacere dicuntur. Et quia per denarium numerum sæpe lex designatur, eo quod lex per decalogum sit accepta; possumus per decimam partem quæ corruit, Judæos observatores legis intelligere, qui per prædicationem Eliæ fidem Christi suscipientes, a civitate diaboli corruent et præcidentur. *Et occisa sunt terræ motu hominum septem millia: et reliqui in timorem sunt missi, et dederunt gloriam Deo cæli.* Sicut per denarium numerum lex, ita et per septenarium sæpe gratia Evangelii accipitur. Ecce decima pars civitatis, quam non ex lapidibus, sed ex hominibus constare docuimus, cecidit; et non decem millia, sed septem millia mortua esse perhibentur. Denarius igitur numerus in septena-

rium commutatus est; quia Judæi observationes legales respicientes, doctrinam Evangelii suscipient: quæ propter septem dona Spiritus sancti per septenarium numerum designantur. Septem ergo millia mortua esse describuntur; quia morientur diabolo ut vivant Deo: reliqui vero qui in timore sunt missi, electos cæteros designant, qui videntes conversionem Judæorum atque divinam Scripturam in illis esse completam, in timore Dei atque amore proficient, Deumque pro eorum conversione laudare non desistent.

(Vers. 14.) *Væ secundum abiit, et ecce væ tertium veniet cito.* Væ tertium ad ea mala, quæ per Antichristum facturus est diabolus, ad diem iudicii pertinet. Et quia superius angelum quem vidit stare supra mare et super terram, jurasse dicit per viventem in æternum; quia in diebus septimi angeli, cum cœperit tuba canere, consummabitur mysterium Dei, quod evangelizavit per servos suos prophetas, diem iudicii breviter ponere voluit, et ad mala Antichristi postea narranda revertitur. Quod si diligenter inspicimus, videbimus eum hoc ordinate fecisse; scimus namque quia prædicatores sancti, qui in fine mundi nascituri sunt, hoc prædicabunt, quod dies Domini in proximo sit; ut quos exhortationibus ad viam veritatis reducere non potuerint, saltem terroribus ad pœnitentiam provocent. Et quia ante persecutiones Antichristi, dies iudicii incipiet prædicari, eundem diem iudicii Joannes antea ponere voluit, quam ad persecutiones ipsius Antichristi narrando veniret.

(Vers. 15.) *Et septimus angelus tuba cecinit.* Per septimum angelum, sicut diximus, prædicatores sancti qui in fine mundi nascituri sunt, designantur. Tuba canent, cum verbum Dei annuntiabunt. *Et factæ sunt voces magnæ in cælo, dicentes.* Possumus per cælum Ecclesiam, per voces vero magnas sanctorum verba intelligere, qui in adventu Domini ad iudicium venientes exsultabunt, sicut Dominus dicit in Evangelio: « Respicite et levate capita vestra; quia appropinquat redemptio vestra (*Luc. xxi, 28*). »

Factum est regnum hujus mundi Domini et Christi ejus, et regnabit in sæcula sæculorum. Numquid antea non erat Domini et Christi ejus regnum hujus mundi? Sed regnum hujus mundi homines vocavit, in quorum mentibus aut regnat Deus, aut regnat diabolus. Regnat Deus in sanctis suis: regnat diabolus in eis qui sunt ex parte ejus: ipse et enim rex super omnes filios superbæ (*Job xli, 25*). Regnum igitur hujus mundi Domini et Christi ejus tunc fiet, cum diabolus cum omnibus quos decepit, in infernum demersus fuerit: cum illud implebitur, quod angelus ad Danielelem loquitur, dicens: « Regnum autem et potestas, quæ est subter omne cælum, tradetur populo sanctorum, qui est obtinebunt illud usque in sæculum, et in sæculum sæculorum (*Dan. vii, 27*). »

(11) Omnes edit., *superius demonstravimus*; mss. ut in corpore.

(Vers. 16.) *Et viginti quatuor seniores qui in conspectu Dei sedent in sedibus suis, 546 ceciderunt in facies suas, et adoraverunt Deum, dicentes.* Per viginti quatuor seniores in hoc loco animas sanctorum, quæ in cœlesti beatitudine cum Domino commemorantur, possumus intelligere : sedes vero requiem sempiternam designant. Viginti quatuor seniores in conspectu Dei sedent in sedibus suis : quia sanctorum animæ sine corporibus in cœlesti beatitudine modo cum Domino requiescunt. In facies suas ceciderunt et adoraverunt ; quia sancti Dei cum viderint justissimum Dei iudicium peragi, inenarrabilemque ejus potentiam, dejicient se per humilitatis subjectionem in conspectu Creatoris sui, scientes nihil esse quidquid est, in comparatione illius qui Deus est.

(Vers. 17, 18.) *Gratias agimus tibi, Domine Deus omnipotens, qui es, et qui eras sanctus, et qui accepisti virtutem tuam magnam, et regnasti. Et iratæ sunt gentes, et advenit ira tua, et tempus mortuorum judicari ; et reddere mercedem servis tuis prophetis, et sanctis, et timentibus nomen tuum, pusillis et magnis ; et exterminandi eos qui corruerunt terram (12).* Est Christus modo, postquam hominem assumpsit, ejusdem sanctitatis qua et Pater, ejusdem æternitatis ; ejusdem potentiæ : erat et antequam hominem assumeret, æqualis per omnia Patri. Accepit autem virtutem suam magnam, quando per passionem suam diabolum vicit : regnavit vero, quando genus humanum sibi subjecit : iratæ sunt gentes, quia impii homines Ecclesiam Dei persecuti sunt, ut nomen Christi de mundo exstinguere : adveniet autem ira Dei, cum dies judicii advenerit : adveniet tempus mortuorum judicari, videlicet ut mortui judicentur. Illi scilicet mortui, qui in hac vita positi, animas suas male vivendo interficere non timebunt. *Et reddere mercedem servis tuis prophetis et sanctis, et timentibus nomen tuum, pusillis et magnis.* Hoc tunc implebitur, quando in die judicii dicturus est : « Venite, benedicti Patris mei, percipite regnum quod vobis paratum est ab origine mundi (Matth. xxv, 34). » Pusillos illos vocat qui minoris sunt meriti : magnos, qui majorem gratiam obtinent apud Deum. *Et exterminandi eos qui corruerunt terram.* Corruptores terræ impios vocat : hoc tunc implebitur, quando dicet : « Ite, maledicti, in ignem æternum, qui paratus est diabolo (13) et angelis ejus (Ibid. 41). » Sed quærendum nobis est, quam terram corruerunt impii. Semetipsos utique male vivendo corruerunt, quando in luxuriis cæterisque vitiis corpora sua enutrierunt. Corruerunt et aliorum terram, eorum videlicet quos et verbis et exemplis ad mala opera agenda pertraxerunt. Nunc ad ea quæ prætermiserat, id est, ad mala Antichristi narranda revertitur. Et ut commo-

dius ad ea exprimenda perveniat, ab adventu Christi incipit, atque mala quæ Ecclesia a diabolo passa est, commemorans, qualiter idem diabolus eandem Ecclesiam per Antichristum evertere conetur annectit.

(Vers. 19.) *Et aperta est templum Dei in cælo, et visa est arca Testamenti ejus in templo ejus.* Possumus per templum Dei beatam Mariam intelligere : per arcam vero Testamenti Christum, qui ex ea carnem assumpsit. Templum autem Dei non ideo apertum dicitur, quod uterus beatæ virginis Mariæ in pariendo Dominum apertus sit, quæ fuit virgo ante partum, virgo in partu, virgo post partum : sed ideo apertum dicitur, quia per ipsam visibilis nobis factus est Dominus noster Jesus Christus. Possumus etiam per templum vetus Testamentum intelligere : per arcam sacramenta quæ de Christo in veteri Testamento continentur. Veniente quippe Christo in carne, apertum est vetus Testamentum, atque spiritalis intelligentia, quæ in eo latebat, fidelibus est revelata : *Et facta sunt fulgura, et voces, et terræ motus, et grando magna.* Per fulgura, miracula quæ per Christum facta sunt : per voces vero, ejus prædicatio designatur. Terræ motus autem motionem cordium designat ; moti sunt namque multi per prædicationem Christi ad penitentiam de peccatis suis peragenda : moti sunt de infidelitate ad fidelitatem : moti sunt de malo ad bonum (14). Et quia grando terram solet percutere, possumus per grandinem comminationes ignis æterni, quæ in Evangeliiis sæpe inveniuntur, intelligere : quibus corda pravorum percutiuntur, ut respiscant ab iniquitatibus suis.

CAPUT XII. — (Vers. 1.) *Et signum magnum apparuit in cælo, mulier amicta sole, et luna sub pedibus ejus, et in capite ejus corona stellarum duodecim.* Hæc mulier Ecclesiam designat ; consequens quippe erat, ut post prædicationem Christi, ejus forma describeretur, quam prædicatio Christi genuit. Possumus autem per cælum in hoc loco hunc mundum intelligere : per signum magnum salutem magnam, quam adventus et prædicatio Christi mundo contulit : per solem vero Christus designatur, sicut dicit propheta : « Vobis autem timentibus nomen Domini orietur, Sol justitiæ, et sanitas in peninis ejus (Malach. iv, 2). » Mulier itaque amicta erat sole, quia fideles, ex quibus Ecclesia constat, in baptismo Christum induunt, sicut Apostolus dicit : « Omnes qui in Christo baptizati estis, Christum induistis (Galat. iii, 27). » Per lunam vero, quam sub pedibus habuisse visa est, quæ crescit et decrescit, mundum istum possumus intelligere, quem Ecclesia despiciendo calcet, ut liberius ad cœlestia tendat. Sed, quia luna noctem illuminat, melius mihi videtur, ut per lunam Scripturam sacram in-

(12) Rom. edit. *rescaverat, et reddere mercedem... qui corruerunt terram.*

(13) Restituitur ex mss., *qui paratus est diabolo, etc.*

(14) Ita mss.; edit. vero, *moti sunt per fidelitatem ab infidelitate... ad bonum per bonam conversionem.*

telligamus, sine cuius lumine in nocte hujus sæculi A per vias rectitudinis incedere non valemus. De hoc lumine Psalmista dicit : « Lucerna pedibus meis verbum tuum, et lumen semitis meis (*Psal. cxviii, 105*). » Mulier igitur lunam sub pedibus suis habuisse visa est; quia Ecclesia gressus mentis suæ in præceptis divinarum Scripturarum figens, ad cœlestia quotidie novit tendere. Quæ etiam in capite suo coronam stellarum duodecim habuisse visa est. Caput Ecclesiæ Christus est, duodecim vero stellæ duodecim sunt apostoli. Possumus nihilominus per caput mentes fidelium intelligere. Mulier ergo in capite coronam stellarum duodecim habuisse visa est; quia mentes fidelium doctrina et actus Apostolorum, cum eos imitari satagunt, exornant.

(Vers. 2.) *Et in utero habens, et clamabat in doloribus, et cruciabatur, ut pareret.* Quomodo infans in utero coagulatur, humanamque formam accipit atque spiramentum; similiter et Ecclesia infideles quosque, quos in utero gestat, dum eos prædicando tandiu nutrit, usque dum humanam formam accipiant, id est, usque dum in Christum credant, atque animam spiritalem accipiant, quæ in baptismo datur, cum efficiuntur **547** Dei filii. Unde et clamare in doloribus dicitur, et cruciari ut pariat; clamat namque Ecclesia prædicando, clamat etiam pro auditorum suorum salute Deum deprecando. Cruciatur vero ut pariat, cum luget eos, quos in peccatis jacere conspicit, sicut Paulus apostolus infirmantibus discipulis loquitur, dicens : « Filioli mei, quos iterum parturio, donec formetur Christus in vobis (*Galat. iv, 19*). » Et in Actibus apostolorum Ephesiis loquitur, dicens : « Per triennium quotidie non cessavi, cum lacrymis monens unumquemque vestrum (*Act. xx, 31*). » Et Psalmista de prædicatoribus loquitur, dicens : « Euntes ibant et flebant, mittentes semina sua (*Psal. cxxv, 6*). »

(Vers. 3, 4.) *Et visum est aliud signum in cælo : et ecce draco magnus rufus, habens capita septem et cornua decem, et in capitibus suis septem diademata: et cauda ejus trahebat tertiam partem stellarum cæli, et misit eas in terram.* Draco iste diabolus significat : rufus autem color talis est, ac si croceo colori sanguineum admisceas. Concordat vero pallidus color, id est, croceus cum sanguineo; quia sanguis dum effunditur, mortem adducit : pallor autem totum corpus morientis cooperit. Recte ergo diabolus habere dicitur colorem mortis; quia illius invidia mors introivit in orbem terrarum (*Sap. ii, 24*) : per septem vero capita reprobi, quibus diabolus ad decipiendum genus humanum usus est, designantur. Diademata regiam ejus potestatem designant; ipse est enim rex, sicut dicit Scriptura (*Job xli, 25*), super omnes filios superbiæ. Nam sicut per septem cornua Agni omnes electi designati sunt, quos in septem partem divisimus; ita et per septem capita draconis reprobi, qui eis in via Dei adversati sunt, designantur. Primum namque caput draconis fuerunt reprobi, qui ante diluvium fue-

runt, quos Scriptura filios hominum vocat; quia eis qui filii Dei vocabantur, in laqueum fuerunt. Secundum caput diaboli fuerunt ii, qui post diluvium usque ad legem fuerunt; inventores scilicet idolorum, diversorumque errorum, per quos genus humanum deceptum est. Tertium caput diaboli fuerunt ii, qui postquam lex data est populo Dei, idola colere suadebant. Quartum caput diaboli fuerunt falsi prophetæ, regesque impii, a quibus populus Dei in tantum deceptus est, ut pro suis iniquitatibus in captivitatem duceretur. Quintum caput fuerunt impii Judæi, qui et Dominum occiderunt, et apostolos ejus persecuti sunt. Sextum caput fuerunt persecutores Ecclesiæ. Septimum vero caput diaboli erit Antichristus. Quid significant autem decem cornua, in sequentibus dicemus, in eo loco ubi mulier meretrix super bestiam coccineam sedisse visa est (*Apoc. xvii, 3*). Per caudam vero, quæ finis est corporis, Antichristus designatur. Tertiam igitur partem stellarum cæli cauda draconis traxisse visa est; quia Antichristus multos ex iis, qui ab hominibus electi putabantur, et qui in Ecclesia velut stellæ in cælo, scientia et intellectu refulgent, decipiet atque in perditionis foveam demerget. *Et draco stetit ante mulierem, quæ paritura erat; ut cum peperisset, filium ejus devoraret.* Possumus per mulierem in hoc loco et beatam Mariam intelligere, eo quod ipsa mater sit Ecclesiæ; quia eum peperit, qui caput est Ecclesiæ: et filia sit Ecclesiæ, quia maximum membrum est Ecclesiæ. Draco igitur stetit ante mulierem, ut cum peperisset, filium ejus devoraret: quia in exordio nativitatis Christi eum per Herodem ministrum suum interficere voluit (*Matth. ii, 16*). Stat etiam ante mulierem, id est Ecclesiam, ut eos quos per baptismum Deo generat, male suadendo perdat.

(Vers. 5.) *Et peperit filium masculum.* In quantum hoc ad Dominum nostrum Jesum Christum pertinet, quid necesse fuit dicere filium masculum mulierem peperisse, cum omnes sciamus masculum esse Dominum nostrum Jesum Christum? In quantum vero ad Ecclesiam, cur dicit masculum eam peperisse, cum ex utroque sexu filios et filias quotidie Deo generet? Feminæ quippe sexus fragilis est: femina igitur quæ fortitudine animi assumpta diabolus vincit, atque per bona opera Deo placere studet, non incongrue vir vocatur; quia quamvis corpore sit femina, virtute tamen animi viris bonis coæquatur. Mulier itaque masculum peperit: quia ejus membra quem beata Maria virgo peperit, quotidie Ecclesia parit. Unus ergo masculus est, quem virgo Maria peperit, et Ecclesia quotidie parit; quia Christus cum omnibus membris suis unus Christus est. *Qui recturus erit omnes gentes in virga ferrea.* Hoc superius (*cap. ii vers. 17*) dictum est. *Et raptus est filius ejus ad Deum, et ad thronum ejus.* Hoc tunc impletum est, quando quadragesima die postquam resurrexit, ascendit in cœlum. Rapiuntur quotidie filii Ecclesiæ, id est, membra Christi ad Deum et

ad thronum ejus, cum post mortem ad cœlestia perducuntur.

(Vers. 6.) *Et mulier fugit in solitudinem, ubi habet locum paratum a Deo, ut ibi pascant illam diebus mille ducentis sexaginta.* Solitudinem Christum vocat; solitudo quippe dicitur, eo quod sola sit, deserta ab habitatoribus: similiter et Christus desertus est a suis, sicut evangelista loquitur, dicens: « In propria venit, et sui eum non receperunt (Joan. 1, 11). » Et per prophetam loquitur, Dominus, dicens: « Torcular calcavi solus, et de gentibus non est vir mecum (Isa. LXIII, 3). » Mulier igitur fugit in solitudinem; quia apostoli et cæteri discipuli, ex quibus tunc constabat Ecclesia, relicto diabolo, relictisque omnibus quæ possidebant, Christum secuti sunt (Matth. XIX, 27). Per dies vero mille ducentos sexaginta tempus quo Christus prædicavit, designatur. Pascitur ergo mulier diebus mille ducentis sexaginta; quia apostoli et cæteri discipuli, ex quibus, sicut superius diximus, Ecclesia tunc constabat, per tres annos et dimidium dapibus Evangelii a Domino pasti sunt.

(Vers. 7.) *Et factum est prælium magnum in cœlo, Michael et angeli ejus præliabantur cum dracone.* Quia superius nativitatem et prædicationem Christi breviter comprehendit, consequens est ut qualiter per passionem suam diabolum vicit, subjungat. Michael qui interpretatur, quis ut Deus, Christum significat. Prælium in cœlo factum est, id est, propter cœlum, pro salute videlicet omnium electorum. Præliatus est Michael cum dracone; quia Christus prædicando, patiando et moriendo, pro salute generis humani præliatus est. Præliati sunt angeli Michaelis, id est, apostoli Christi cum dracone, prædicando videlicet, miracula faciendo, et ad ultimum pro Christi nomine moriendo. *Et draco pugnabat, et angeli ejus.* Pugnavit draco et angeli ejus contra Michaellem, quando diabolus et cætera multitudo dæmonum Judæos 548 contra Christum excitaverunt, ut eum interficerent. Pugnavit et contra angelos Michaelis, quando apostolos Christi et per Judæos et per paganos tandiu persecutus fuit, usque dum eos interficeret.

(Vers. 8.) *Et non valuerunt, neque locus inventus est eorum amplius in cœlo.* Non valuit diabolus neque ministri ejus vincere Christum nec apostolos ejus; quia unde putaverunt vincere, victi sunt. Putaverunt namque Christum se per mortem vicisse, sed ex morte ejus nomen illius claruit in mundo. *Non valuerunt ergo, neque locus inventus est eorum amplius in cœlo;* quia per prædicationem apostolorum cæterorumque sanctorum a cordibus electorum, qui per cœlum designantur, expulsi sunt.

(Vers. 9.) *Et projectus est ille draco magnus, serpens antiquus, qui vocatur diabolus et Satanias,*

A qui seducit universum orbem: et projectus est in terram, et angeli ejus cum eo missi sunt. Recte diabolus serpens vocatur, sive quod per serpentem primum hominem deceperit, sive quod veneno suæ malitiæ genus humanum perdiderit. Diabolus vero interpretatur deorsum ruens: ruit quippe primo per superbiam de cœlo; ruit postea, cum ab electorum cordibus per Christum dejectus est, sicut præsens scriptura demonstrat. Satanias autem interpretatur contrarius; contrarius est enim Deo, omnibusque bonis hominibus. Væ illis quibus diabolus amicus est! nam quanto amplius est cuilibet amicus, tanto ampliora ei tormenta ingerit; infelix est enim amicitia diaboli. Quod autem dicit: *Qui seducit universum orbem,* præsens tempus pro præterito posuit. Seduxerat autem genus humanum, quod per orbem designatur: sed ex magna parte illud per Christum amiserat. Projectus est ergo diabolus et angeli ejus in terram; quia ab electis expulsus, solos reprobos, qui per terram designantur, possedit.

(Vers. 10.) *Et audivi vocem magnam de cœlo dicentem: Nunc facta est salus et virtus et regnum Dei nostri, et potestas Christi ejus.* Vox magna de cœlo vox est angelorum pro salute generis humani gaudantium, Deumque laudantium, sicut dicit Dominus in Evangelio: « Gaudium majus est in cœlo (15) super uno peccatore pœnitentiam agente, quam super nonaginta novem justis, qui non indigent pœnitentia (Luc. xv, 7). » Possumus per unum peccatorem populum gentilem, per nonaginta novem justos Judæos intelligere: qui ad centenarium numerum non perveniunt, quia neminem ad perfectum adduxit lex (Hebr. VII, 19); multo enim majus gaudium factum est in cœlo de conversione gentium quam de Judæorum observationibus. In dejectione igitur diaboli facta est salus credentium: acceperunt etiam virtutem vincendi diabolum, a quo antea victi tenebantur (16). Factum est nihilominus regnum Dei nostri; quia in quibus diabolus regnabat, cœpit regnare Pater, et Filius, et Spiritus sanctus: facta est et potestas Christi ejus, cum eos quos diabolus possidebat, cœpit Christus possidere. *Quia projectus est accusator fratrum nostrorum, qui accusabat illos ante conspectum Dei nostri die ac nocte.* Accusantur noxii homines apud judices, cum eorum scelera eis manifestantur: in conspectu vero Dei, qui non solum facta, sed et cogitata considerat, quomodo diabolus aliquem accusare potest? Sed accusamur in conspectu Dei, cum peccamus: accusat et diabolus, cum in peccatis male suadendo dejicit.

(Vers. 11.) *Et ipsi vicerunt eum propter sanguinem Agni, et propter verbum testimonii sui.* Propter sanguinem Agni vicerunt; quia redemptio sanguinis Christi hoc contulit sanctis, ut diabolum pos-

(15) Codex Gem., *Gaudium est angelis Dei in cœlo.*

(16) Omnes edit., *vincti tenebantur*, omnes mss., *victi tenebantur*.

sent vincere. Vicerunt etiam propter verbum testimonii sui, fidem servando quam professi sunt, eamque operibus implendo. Sed valde obscurum est quod sequitur: *Et non dilexerunt animas suas usque ad mortem. Quomodo enim sancti animas suas non diligunt, pro quarum salute ardua quæque ac difficilia patiuntur? Quomodo animas suas non diligunt, pro quibus seipsums vigiliis, jejuniis, abstinentia macerant, atque cæteris virtutibus exercent? Quod si per animam vitam præsentem intelligere voluerimus; quis sanctus vitam suam non diligit in qua positus, illam cælestem gloriam sibi acquirit, « quam nec oculus vidit, nec auris audivit, nec ulla mens potest comprehendere (I Cor. ii, 9)? » Aut quis ad illam sine ista unquam pervenit? Lucrum enim magnum confert sanctis vita præsens, sicut e contrario reprobis magnum detrimentum. Secundum tamen quemdam modum recte dicuntur sancti vitam suam odio habere; eo quod propter amorem vitæ æternæ in fastidium eis vita præsens vertatur, sicut Psalmista deplorans dicebat: « Ille mihi! quia incolatus meus prolongatus est (Psal. cxix, 5). » Dominus quoque dicit in Evangelio: « Qui amat animam suam, perdet eam: et qui odit animam suam in hoc mundo, in vitam æternam custodit eam (Joan. xii, 25). » Cum enim in hoc mundo dicit (17), demonstrat quomodo hoc intelligere debeamus. « Qui amat (igitur) animam suam in hoc mundo, in vitam æternam custodit eam, » id est, secundum sæculum perdet eam: « et qui odit animam suam in hoc mundo, » id est, secundum sæculum, « in vitam æternam custodit eam. » Amatores mundi animas suas amant secundum sæculum; quia ab hac vita præsentis nunquam vellent recedere, ut semper luxuriose possent vivere (18). Ille dives animam suam secundum sæculum diligebat, qui dicebat: « Anima, habes multa bona posita in annos plurimos, epulare, jucundare, et satiari (Luc. xii, 19). » Sancti vero qui nolunt conformari huic sæculo, sicut dicit Apostolus (Rom. xii, 2), sed reformari in novitate sensus spiritualis: qui non diligunt mundum, neque ea quæ in mundo sunt (I Joan. ii, 15): qui nolunt esse amici sæculi hujus, ne inimici Dei constituentur (Jac. iv, 4): odio habent animas suas in hoc mundo, id est, non diligunt eas secundum sæculum, sed secundum Deum, pro cujus amore transitoria cuncta contemnunt, ut eas in vitam æternam custodiant. Non dilexerunt igitur sancti animas suas usque ad mortem, qui eas in præsentis vita servare noluerunt, ut Christum negarent: sed pro Christi nomine mori potius elegerunt, ut eas in vitam æternam invenirent.*

(Vers. 12.) *Propterea lætamini, cæli, et qui habitatis in eis.* Possumus per cælos et habitatores cælorum diversas Ecclesias intelligere, quæ una est. Præcipitur igitur filiis Ecclesiæ ut lætentur, eo

(17) Aberant ab edit., cum enim in hoc mundo dicit usque ad amatores mundi: quæ nos e cunctis mss. in locum suum reposuimus.

A quod a tam immuni hoste liberari meruerint per Domini gratiam. *Væ terræ et mari! quia descendit diabolus ad vos, habens iram magnam, sciens quod modicum tempus habet.* Possumus per terram Judæos, per mare vero paganos 549 cæterosque reprobos intelligere. Væ igitur Judæis atque gentibus incredulis! quia propter iram quam habet diabolus, eo quod maximam multitudinem amiserit, tam atrociter reprobis dominatur, et in tantis flagitiis dejicit: ut nullo modo digni sint quatenus ad vitæ vias revertantur et sanentur. Dicit etiam diabolus seire quod modicum tempus habeat; quia quanto appropinquare cernit diem judicii, tanto amplius callidior efficitur ad decipiendos homines.

(Vers. 13.) *Et postquam vidit draco quod projectus est in terram, persecutus est mulierem, quæ peperit masculum.* Videns diabolus se maximam multitudinem electorum amisisse, et intra angustias cordium reproborum esse conclusum, persecutus est mulierem, id est Ecclesiam; concitavit enim imperatores Romanorum, omnemque multitudinem impiorum ad persequendum populum Dei.

(Vers. 14.) *Et datæ sunt mulieri duæ alæ aquilæ magnæ, ut volaret in desertum in locum suum; ubi alitur per tempus, et tempora, et dimidium temporis a facie serpentis.* Per aquilam Christum possumus intelligere: duæ vero alæ duo sunt Testamenta. Duæ igitur alæ datæ sunt mulieri, quia duo Testamenta Ecclesia accepit; ut eorum doctrina et diabolus evadat, et ad cælestem patriam quotidie conscendat. Hanc namque patriam desertum vocat, quemadmodum et Dominus dicit in Evangelio, cum se nonaginta novem oves in deserto dixit dimisisse, et unam abiisse quærere, quæ erraverat (Luc. xv, 4-7). Hanc patriam locum Ecclesiæ vocat, sicut ipse in judicio dicturus est: « Venite, benedicti Patris mei, percipite regnum quod vobis paratum est ab origine mundi (Matth. xxv, 34). » Per tempus vero et tempora, et dimidium temporis, tempus a passione Christi usque ad finem mundi designatur. In hoc ergo spatio temporum animæ sanctorum, id est, Ecclesia, dapibus gloriæ cælestis patriæ in cælesti beatitudine pascuntur.

(Vers. 15.) *Et misit serpens ex ore suo post mulierem aquam tanquam flumen, ut eam faceret trahia flumine.* Flumen aquæ desideria sunt carnalia; videns quippe diabolus Ecclesiam non posse dejici persecutionibus, sed potius crescere et roborari, multitudinem desideriorum carnalium ei immittere voluit, quibus decepta, ad mala opera agenda retraheretur.

(Vers. 16.) *Et adjuvit terra mulierem, et aperuit os suum, et suscepit flumen, quod misit serpens ex ore suo.* Possumus per terram reprobos intelligere, qui susceptores fuerunt desideriorum carnalium, quibus diabolus fideles irretire voluit et ad se pertrahere. Possumus etiam per eandem terram Chri-

(18) Edit., sed semper luxuriose hic vivere; mss. vero ut in contextu.

stum intelligere; et quia in sermonibus Domini magna potestas est: « Dixit enim, et facta sunt, mandavit et creata sunt (*Psal. cxlviii, 5*): » haud absurde per os terræ potestas ejus intelligi potest. « Adjuvit (ergo) terra mulierem, » id est, Christus Ecclesiam, « et aperuit os suum, et suscepit dumen, quod misit serpens ex ore suo: » id est, sinum misericordiæ suæ aperuit, flumenque vitiorum potestas ejus funditus exstinxit.

(Vers. 17.) *Et iratus est draco in mulierem, et abiit prælium facere cum reliquis de semine ejus, qui custodiunt mandata Dei, et habent testimonium Jesu.* Reliqui de semine Ecclesiæ electi sunt, qui in fine mundi nascituri sunt. Quemadmodum autem hoc prælium diabolus peragat, in sequentibus manifestatur.

(Vers. 18.) *Et stetit super arenam maris.* Per arenam maris multitudo reproborum, qui eo tempore futuri sunt, designatur.

CAPUT XIII. — (Vers. 1.) *Et vidi de mari bestiam ascendentem, habentem capita septem et cornua decem, et super cornua ejus decem diademata.* Hæc bestia Antichristum significat: qui vero designantur per arenam, ipsi et per mare, multitudo scilicet reproborum. De mari igitur bestia conscendere visa est; quia de societate reproborum Antichristus exsurget, quæ bestia capita septem et cornua decem habere describitur. Similiter et draco superius septem capita habuisse dictus est, et in capitibus septem diademata: per quæ omnes reprobos, quibus diabolus ad decipiendum genus humanum usus est, diximus fuisse designatos. Hæc autem bestia non in capitibus, sed in decem cornibus decem diademata habuisse describitur; ideoque per decem cornua gentes quas sibi Antichristus subjugaturus est, designantur: septem vero capita septem vitia principalia designant. Et ut sequentia melius intelligamus, placuit mihi in enumeratione vitiorum Prudentium sequi (19), qui de conflictu vitiorum atque virtutum egregie versibus disseruit. Primum namque vitium posuit culturam idolorum, secundum libidinem, tertium iram, quartum superbiam, quintum luxuriam. Quamvis enim libido ita inserta sit luxuriæ, sicut aliquod membrum corpori: pro qua re (20) a Patribus pro libidine sæpe luxuria ponebatur; tamen inter libidinem et luxuriam distantia est. Sextum posuit avaritiam, septimum blasphemiam sive discordiam. Et quia eos qui iis vitiis subditi erunt, facile Antichristus decipiet sibi que sociabit, recte per septem capita septem vitia designantur.

De iis septem vitiis Dominus in Evangelio lo-

(19) Omnes edit., *prudantium sequi vestigia, qui de conflictu vitiorum atque virtutum egregie disseruerunt. Primum namque vitium posuerunt, etc.*: omnes mss. e contrario nobiscum faciunt: unde cognoscitur illius a quo exaratus fuerat ille codex, quem Dunelmensis episcopus prælo subjecti, vel crassa ignorantia, vel putida impostura.

A quitur dicens: « Cum immundus spiritus exierit ab homine, ambulat per loca arida, quærens requiem, et non inveniens dicit: Revertar in domum meam, unde exivi. Et cum venerit, invenit scopis mundatam et ornatam. Et tunc vadit, et assumit septem alios spiritus secum nequiores se, et intrantes habitant ibi (*Matth. xii, 43-45*). » Immundus spiritus exivit ab homine, quando diabolus exivit a Judæis, cum legem acceperunt. Ambulavit per loca arida, id est, per gentium nationes, quæ aridæ erant; quia viriditatem fidei non habebant. Non invenit ibi requiem, quia veniente Christo in carne, gentes quas diu tenuerat, amisit. Rediit in domum suam, unde exivit; quia ad Judæos possidendos reversus est, eo quod in Christum credere nolue-

B rint. Invenit domum Judæorum vacantem, quia Christum hospitem non habebant. Quærendum vero nobis est, cur eas mentes quæ Deum habitatorum non habebant, mundatas et ornatas dixerit.

550 Sed mundatæ erant diabolo, non Deo; quod enim mundum est in conspectu Dei, immundum videtur diabolo: et quod immundum est Deo, mundum est diabolo. Nam sicut scarabæo mundus videtur stercus cujuslibet animantis (21), quam quilibet eibus mundus atque delectabilis; ita et diabolus plus diligit ea corda, quæ omnibus vitiis sunt repleta, quam ea quæ cunctis virtutibus pollent. Scopæ autem sunt, quæ domum a quisquiliis emundant. Habet igitur Deus scopas suas, habet et diabolus: scopæ Dei sunt, quæ domum ejus emundant, ut in ea ipse habitare possit, videlicet confessio peccatorum, pœnitentia, lacrymæ, et elemosynæ: scopæ diaboli sunt, quæ secundum eum domum ipsius evertunt, scilicet amor sæculi, levitas mentis, contemptus mandatorum Dei, et multa alia. Septem vero spiritus, quos diabolus secum assumpsit, septem sunt vitia principalia: cum iis ergo septem satellitibus diabolus Judæos usque modo possidet. Sed quæri potest, cur hæc septem vitia principalia diabolo esse deteriora dicantur. Verbum nobis deteriora sunt vitia, quam dæmones: quia illi foris nos impugnant, vitia autem intrinsecus nos assidue debellant. Nam sicut levius tolerantur hostes, qui extrinsecus urbem oppugnant, eo quod muros habeant objectos, quam ii qui intrinsecus positi jam civitatem depopulantur: ita facilius tolerantur dæmones, qui exterius, quam vitia quæ intus nos indesinenter devastant. *Et super capita ejus nomina blasphemiarum.* Blasphemia Antichristi plura nomina habebit: quia multis modis Christum blasphemavit.

(Vers. 2.) *Et bestia quam vidi, similis erat pardo.*

(20) Eadem edit., *pro qua re a pluribus*; mss. vero, *pro qua re a Patribus*.

(21) Gill. in corpore, *nam sicut mundus videtur stercus cuilibet animanti*; in margine autem... *quibusdam animantibus*: quam emendationem licet ineptissimam Rom. edit. transtulit in contextum. Sed veram lectionem exhibemus e mss.

et pedes ejus sicut pedes ursi, et os ejus sicut os A leonis erat. Per pardum, qui fertur diversos colores habere, hypocrisis Antichristi designatur: qui cum futurus sit homo nequissimus, variis virtutibus se decolorabit, ut facilius stultos quosque decipiat. Per ursum vero, qui callidissimum est animal, ejus astutia ad decipiendos homines demonstrari potest. Per leonem nihilominus ejus crudelitas ad dilacerandum populum Dei designatur. *Et dedit illi draco virtutem suam, et potestatem magnam.* Virtutem suam diabolus, quæ tota mala est, Antichristo dabit; quia in illo habitabit, et per eum quidquid nequitia diaboli excogitare potest, operabitur. Sed cum Scriptura dicat: « Non est potestas nisi a Deo (Rom. XIII, 1), » quomodo diabolus potestatem magnam Antichristo dabit? Deus dabit Antichristo potestatem, sed ipsam potestatem in tantum permutabit in malum, ut tota diabolica esse credatur et sit.

(Vers. 3.) *Et vidi unum d. capitibus ejus quasi occisum in mortem, et plaga mortis ejus curata est.* Diximus superius per septem capita Antichristi septem vitia principalia esse designata. Per caput ergo quod nec occisum, sed quasi occisum visum est, blasphemia designatur. Quærendum itaque nobis est, quomodo blasphemia quasi occisa esse dicatur. Primis namque temporibus Evangelii fuerunt multi hæretici, qui fidem Ecclesiæ suis erroribus labefactare conati sunt: sed omnipotens Deus defensores Ecclesiæ orthodoxos Patres ex filiis ipsius Ecclesiæ elegit, quos flumine sapientiæ suæ replens, per eorum doctrinam omnes hæreses ab Ecclesia sua exstirpavit (22); ut fuerunt Ambrosius, Hilarius, Hieronymus, Augustinus, Gregorius, et multi alii; qui etiam maximam copiam librorum ediderunt, quibus omnes hæreses, quæ fuerunt et quæ esse poterant, destructæ sunt. Blasphemia ergo quasi occisa est modo: quia quamvis sint multi qui multas blasphemias mente concipiant, malum quod mente conceperint, non audent proferre, ne per istorum doctrinam turpiter vincantur. Hoc igitur caput, id est, blasphemia, temporibus Antichristi mortuum esse videbitur; sed a diabolo in Antichristo resuscitabitur, quem ad blasphemandum Christum in tantum accendet, ut omnes blasphematores in suis blasphemiiis antecedat. *Et admirata est universa terra post bestiam.* Per terram peccatores homines designantur.

(Vers. 4.) *Et adoraverunt draconem, quia dedit potestatem bestię: et adoraverunt bestiam, dicentes: Quis similis bestię, et quis poterit pugnare cum ea? Quomodo draconem, id est diabolum, adorabunt, quem non videbunt? Sed adorabunt Antichristum illi, qui per terram designantur, et in Antichristo diabolum, dicentes nullum esse Antichristo similem, nec esse qui ejus fortitudini possit cœquari.*

(Vers. 5.) *Et datum est illi os loquens magna et blasphemias.* Datum est, id est, permissum est a Deo, ut loquatur magna de semetipso, dicens se esse Filium Dei, et ut loquatur blasphemias de Deo. *Et data est illi potestas facere menses quadraginta duos.* Difficile videtur, ut in tam parvissimo tempore, id est, in tribus annis et dimidio, omnes gentes sibi subjicere, et ad suam culturam genus humanum præter paucos electos possit adducere; erunt enim multi electi, sed in comparatione infidelium valde paucissimi. Verum potest fieri, ut primo omnes gentes suæ ditioni subjiciat: postea vero in superbiam elatus, se pro Deo coli instituat. Nam sicut mihi videtur, in tribus annis et dimidio persecutionis tempus tantummodo comprehenditur, in quo et per se, et per discipulos suos, et per ostensionem signorum mirabilium tota virtute laborabit, ut culturam deitatis omnes homines sibi impendant. Eos autem qui contradicere voluerint, diversis et inauditis tormentis affliget; ut coacti faciant, quod voluntarie facere detrectabant.

(Vers. 6.) *Et aperuit os suum in blasphemias ad Deum blasphemare nomen ejus, et tabernaculum ejus, et eos qui in cælo habitant.* Aperiet namque os suum ad blasphemandum Deum, Patrem videlicet, et Filium, et Spiritum sanctum: blasphemabit et nomen Dei dicens Christum non esse Deum; blasphemabit etiam tabernaculum Dei, id est Ecclesiam Dei, dicens nihil prodesse fidelibus religionem Christianam, sed interitum magis afferre quam salutem: blasphemabit et eos qui in cælo habitant, id est martyres et cæteros sanctos, dicens nihil 551 prodesse eos posse cuiquam, falsumque esse quidquid de eis a fidelibus asseritur.

(Vers. 7.) *Et datum est illi bellum facere cum sanctis, et vincere illos.* Faciet bellum cum sanctis, quosdam blandiendo, quosdam terrendo, et ad ultimum eis pessima tormenta inferendo, ut eos in errores suos inducat: sed fieri non potest, ut in errorem inducantur electi. Vincet autem illos non superando, sed ineficiendo.

(Vers. 8.) *Et data est ei potestas in omnem tribum, et populum, et linguam, et gentem: et adoraverunt eum omnes qui habitant terram.* Hoc secundum litteram implebitur. Multi dicent, cur talia Deus fieri sinat, ut Antichristus genus humanum tam pessime decipiat? Verum duabus causis existentibus talia permittet; nam sicut ipse dicit in Evangelio: « In illis diebus refrigescet charitas multorum, et abundabit iniquitas (Matth. XXI, 12); » in tantum quippe malitia hominum excrescet, et ita Deum pro suis sceleribus ad iracundiam provocabunt, ut digni sint quatenus tam pessimo homini subjiciantur, atque ab eo decipiantur, testante Scriptura: « Qui regnare facit hominem hypocritam propter perversitatem populi (Job xxxiv, 30). » — « Trade-

(22) Omnes edit., *exstirpavit*. Qui etiam, etc. Quidquid vero interponitur, e mss. omnibus restitutum est.

enim illos Dens, » sicut dicit Apostolus, « in repro- A
bum sensum (*Rom. 1, 28*); » ut faciant quæ non
conveniunt; et quibus nihil pensi erit, tantum (23)
ut quidquid mali cogitaverint, expleant; justissima
Dei permissione fiet, ut ab Antichristo decepti de-
terius pereant. Permittet etiam hoc Deus fieri
propter probationem electorum suorum, ut sicut
aurum probatur per ignem, ita et illi in persecu-
tionibus Antichristi probentur et examinentur, sic-
ut in Daniele de illis scriptum est: « Eligentur,
et dealbabuntur, et quasi aurum probabuntur pluri-
mi (24) (*Dan. xii, 10*). » Sequitur: *Quorum non
sunt scripta nomina in libro vitæ Agni, qui occisus
est ab origine mundi.* Liber vitæ prædestinatio est
Dei omnipotentis: reprobis non sunt scripti in li-
bro vitæ; quia non sunt prædestinati ad vitam æ- B
ternam. Sed quærendum nobis est, quomodo Agnus,
id est, Christus, ab origine mundi occisus esse di-
catur.

(Vers. 9.) Nam illud quod sequitur: *Si quis ha-
bet aures, audiat; ubique in divinis Scripturis
ponitur, obscurum esse quod præcessit, demonstrat:
aures quippe cordis atque intelligentiæ requirit.*
Agnus igitur ab origine mundi occisus est; quia
ejus mors ab exordio generis humani in sanctis
patribus præfigurata est. In primo namque homine
præfigurata est, quando eo dormiente, Eva de co-
sta ejus facta est: similiter et in Abel præfigurata
est, qui a fratre Cain peremptus est; præfigurata
est et per Isaac, quem pater in holocaustum obtulit
Domino: similiter et per Joseph, quem fratres ven- C
diderunt: præfigurata est etiam mors ejus in di-
versis sacrificiorum ritibus. Quoties ergo mors Chri-
sti a sanctis patribus aut præfigurata aut prædicta
est, quasi toties Agnus occisus est. Quamvis hoc
simpliciter possit intelligi, ut non dicat Agnum oc-
cisum ab origine mundi, sed nomina sanctorum scri-
pta ab origine mundi in libro Agni, qui pro eorum
salute occisus est.

(Vers. 10.) *Qui in captivitate duxerit, in capti-
vitate vadit: qui in gladio occiderit, oportet eum
gladio occidi.* Antichristus qui populum christianum
a Creatore suo captivabit, ipse a præsentis vita cap-
tivabitur, et in infernum detrudetur: et quia gla-
dio malitiæ suæ multorum animas perempturus est
gladioque corporali justorum corpora occisurus, D
ipse gladio mortis perpetuæ damnabitur. « Illic est
patientia (25) et fides sanctorum, » id est, patientia
et fides sanctorum in persecutionibus Antichristi
comprobabitur.

(Vers. 11.) *Et vidi aliam bestiam ascendentem de
terra, habentem cornua duo similia Agni, et loque-
batur sicut draco.* Hæc bestia aut unum ex disci-
pulis Antichristi designat deteriorem cæteris, aut
multos, qui eum prædicaturi sunt. Quæ de terra
ascendisse visa est; quia de societate reproborum

(23) Ita mss.; edit. vero, nihil pejus erit, tan-
tum, etc.

(24) Edit., et dealbabuntur plurimi, mss. autem,

PATROL. XVII.

exsurget; duoque cornua similia Agni habuisse visa
est. Superius diximus per septem cornua Agni om-
nes electos esse designatos, quos in septem partes
divisimus: per quintum autem cornu diximus Ju-
dæos, qui in Christum crediderunt, fuisse designa-
tos: per sextum vero gentes, quæ in Christum si-
militer crediderunt. Bestia itaque cornua duo simi-
lia Agni habebit; quia Judæos et gentes decipiendo
possidebit. Quia quamvis multi credant ex Judæis
per prædicationem Eliæ in Christum, maxima ta-
men pars eorum Antichristum secutura est, sicut
dicit Dominus in Evangelio: « Ego veni in nomine
Patris mei, et non recepistis me: alius veniet in
nomine suo, et illum suscipietis (*Joan. v, 43*). »
Loquebatur ergo hæc bestia ut draco, quia ejus
verba diabolica erant; nam diabolus qui loquetur
per Antichristum, ipse loquetur et per discipulos
ejus.

(Vers. 12.) *Et omnem potestatem prioris bestie fa-
ciebat in conspectu ejus.* Quod dicit: *in conspectu
ejus*, significat in nomine ejus; non enim præsens
poterit esse Antichristus in omnibus locis, ubi fu-
erit prædicatus a suis. Faciet namque miracula An-
tichristus arte diabolica, facient et discipuli ejus:
sed eorum miracula falsa erunt, et non vera, sicut
dicit Apostolus: « Cujus adventus erit secundum
operationem Satanæ, in omnibus virtutibus et si-
gnis et prodigiis mendacibus (*II Thess. ii, 9*). »
Non enim credibile est, ut eos quos Deus excæca-
verat, aut debilitaverat, sanitati possint restituere:
sed eos tantummodo, quos ipsi læserint, lædentes
in occulto, sanantes in aperto. Sed et ipse Antichri-
stus in tanta claritate se hominibus demonstrabit, ut
ab insipientibus credatur Deus, sicut dicit Aposto-
lus: « Ita ut in templo sedeat, ostendens se tan-
quam sit Deus (*Ibid. 4*). »

(Vers. 13.) *Et fecit terram, et inhabitantes in ea,
adorare bestiam primam, ejus curata est plaga
mortis. Et fecit signa magna, ita ut etiam ignem fa-
ceret de cælo descendere in terram in conspectu ho-
minum.* Legimus in libro Job diabolum ex permissi-
one Dei ignem fecisse de cælo descendere, et oves
Job puerosque consumpsisse (*Job 1, 16*). Quod ergo
illic per semetipsum fecit, hoc per Antichristum et
sequaces ejus extremo tempore faciet.

(Vers. 14.) *Et seduxit habitantes terram propter
signa, quæ data sunt illi facere in conspectu bestie.*
Nihil est quod sic seducat simplices quosque, quem-
admodum signorum demonstratio. Ideoque mini-
stri Antichristi propter signorum operationem facile
stultorum multitudinem decipient. **552** *ha-
bitantibus in terra, ut faciant imaginem bestie, quæ
habet plagam gladii, et vixit; videlicet, ut in ima-
ginibus Antichristus adoretur. Quod autem bestiam
plagam gladii habuisse dixit, et vixisse, potest fieri
ut arte diabolica fingat se Antichristum mori et
et dealbabuntur, et quasi aurum, etc.*

(25) Codex Gem., *Hic sapientia est, etc.*

resurgere, ut hoc facto facilius homines decipiat : A
quod Simon magus fecisse dicitur.

(Vers. 15.) *Et datum est illi ut daret spiritum
imagini bestiae, et ut loquatur imago bestiae.* Sed et
hoc quosdam magos fecisse audivimus ; faciebant
quippe per necromanticam artem, ut statuæ vide-
rentur moveri et loqui. Possumus hoc aliter intel-
ligere. Imago speciem habet hominis, sed non est
homo : similiter et Antichristus propter operationem
virtutum atque signorum putabitur esse Deus, sed
hoc falsissimum erit, non enim potest fieri ut homo
impiissimus aliquid deitatis in se habeat. Imaginem
ergo Antichristi facient, qui eum Deum existima-
bunt : ministri vero Antichristi spiritum imagini
bestiæ dabunt, cum eos qui crediderint in Anti-
christum, Christum blasphemare compellent. *Et* B
*faciet ut quicumque non adoraverit imaginem bestiae,
occidatur.* Fideles qui Antichristum adorare nolu-
erint, diversis pœnis macerati interficientur ; erit
namque talis tribulatio, sicut dixit Dominus in Evan-
gelio, qualis non fuit ab initio, neque fiet, ita ut in
errorem inducantur electi, si fieri potest (*Matth.*
xxiv, 21, 24.)

(Vers. 16.) *Et faciet omnes pusillos et magnos, et
divites et pauperes, et liberos et servos, habere charac-
terem in dextera manu, aut in frontibus suis.* Po-
test fieri ut sicut nos habemus characterem Christi,
id est, crucem, qua signamur ; ita habeat Antichri-
stus proprium characterem, quo signentur ii qui in
eum crediderint. Possumus et hoc aliter intelligere.
Discipuli Antichristi laudatores erunt vitiorum, do-
cebunt enim ideo creatum vinum cæterasque divi-
tias, ut homines iis abundanter, et sufficienter
uterentur : ideoque fecisse Deum genitalia membra,
ut homines feminis miscerentur, et nefas esse ut
aliquis a concubitu abstineat : omnia desideria
carnalia esse perficienda. Cum autem istam nefan-
dam (26) doctrinam virtutibus affirmaverint, terre-
nos homines qui proni erunt ad malum magis quam
ad bonum, facile decipient. Sæpe vero per manus
opera intelliguntur : characterem ergo Antichristi
in dextera manu habebunt ; quia opera maligna
doctrinæ Antichristi congruentia exercebunt : habe-
bunt et in fronte, per quam mens sæpe discernitur ;
quia ex pravis operibus, quam pessimas mentes
gerant dignoscetur.

(Vers. 17.) *Et ne quis possit vendere, aut emere,* D
*nisi qui habuerit characterem nominis bestiae, aut
numerum nominis ejus.* Scimus humanam vitam non
posse subsistere, nisi aut vendant aliquando homi-
nes, aut emant : eo itaque Antichristi persecutio
erga fideles crudelius grassabitur, quo eis hoc in-
terdictum fuerit, sine quo vivere non poterunt. Fa-
cient autem hoc ministri Antichristi, ut in tem-

pore necessitatis eos, qui Christianitatis fidem oc-
culte servare voluerint, deprehendant.

(Vers. 18.) *Hic sapientia est. Qui habet intellec-
tum, computet numerum bestiae ; numerus enim ho-
minis est, et numerus ejus est sexcenti sexaginta sex.*
De hoc numero multi multa dixerunt, pluraque
nomina repererunt, in quorum litteris hic nu-
merus invenitur. Tamen si aliquid ex iis nominibus
Antichristus possideat, prævidere non potuerunt :
sed de re tam incerta nihil audeo definire. Quis
enim scit, si nomen quod ei a parentibus imponetur,
hunc numerum contineat ?

CAPUT XIV. — (Vers. 1.) *Et vidi, et ecce Agnus
stabat supra montem Sion.* Si diligenter textum
lectionis sequentis inspiciamus, hæc quæ de centum
quadraginta quatuor millibus dicuntur, ad electos
potius, quorum animæ in cœlesti beatitudine cum
Domino exsultant, quam ad eos qui in hac vita la-
borant, videbimus pertinere. Agnus itaque Chri-
stum demonstrat : Sion autem speculatio interpre-
tatur : per montem vero Sion cœlestem patriam
intelligere debemus. In monte igitur Sion Agnus
visus est, quia in cœlesti beatitudine cum sanctis
suis Christus consistit. *Et cum illo centum quadra-
ginta quatuor millia, habentes nomen ejus, et nomen
Patris ejus scriptum in frontibus suis.* In tertia vi-
sione quæ hanc præcedit, centum quadraginta qua-
tuor millia ex duodecim tribubus electa (27), et
signo fidei signata fuisse dicuntur. Illa ergo centum
quadraginta quatuor millia, sicut expositio nomi-
num duodecim tribuum demonstrat, ad electos qui
in hac vita laborant, pertinent : ista vero centum
quadraginta quatuor millia electos, qui in cœlesti
gloria cum Domino lætantur, significant, sicut tex-
tus præsentis lectionis manifeste indicat. Sed cur
nomen Patris et Filii tantummodo in frontibus suis
eos scriptum habere dicit, et de Spiritu sancto re-
ticit ? Quia videlicet ubicunque Patrem et Filium
legimus, intelligere debemus Spiritum sanctum.
Possumus autem per frontes corda sanctorum in-
telligere : nomen itaque Patris et Filii et Spiritus
sancti in frontibus suis habent scriptum ; quia a
mentibus eorum amor Dei numquam avelli poterit,
sicut avulsus est a cordibus quorundam angelorum,
qui propter superbiam de cœlo ceciderunt.

(Vers. 2.) *Et audivi vocem de cœlo, tanquam
vocem aquarum multarum, et tanquam vocem toni-
trui magni.* Sæpe per Joannem præsentis vitæ fide-
les demonstrantur : per aquas vero populi desi-
gnantur. Et quia de omnibus gentibus quotidie colli-
guntur electi, et in cœlesti beatitudine collocantur,
sancti Dei in terra constituti, qui per Joannem
designantur, vocem aquarum multarum assidue
audiunt ; quia doctrinam sanctorum in cœlis con-

(26) Ita mss. ; edit. e contrario, *creatum vitium
cæterasque divitias, ut homines iis abundanter, et
efficienter uterentur. Cum autem istam nefandam,
etc.*

(27) Edit. Gill., *Christus consistit. Et cum illo*

*centum quadraginta quatuor millia, ex duodecim
tribubus electa, edit. Rom., Christus consistit. In
superioribus quoque centum quadraginta quatuor
millia, ex duodecim, etc. ; mss. autem ut in contextu.*

sistentium et cordis auribus sentiunt, et virtute qua possunt, eorum actus imitantur. Unde et eadem vox tanquam tonitruum esse dicitur, quod corda audientium terrere solet; terrentur enim, cum ad eorum perfectionem se ascendere non posse considerant. *Et vox quam audivi, sicut citharædorum citharizantium in citharis suis.* Vox citharædorum valde est dulcis audientibus: et quid dulcius fidelibus, quam memoria sanctorum in cælis commorantium; dum quanta sit eorum gloria mente pertractant, atque ut ad hanc quandoque perveniant, suppliciter exorant?

(Vers. 3.) *Et cantabant quasi canticum novum ante sedem, et ante quatuor animalia, et seniores: et nemo poterat dicere canticum, nisi illa centum quadraginta quatuor millia, qui empti sunt de terra.* Hic magna **553** obscuritas est; dicit quippe centum quadraginta quatuor millia non fuisse coinquinatos cum mulieribus, virginesque esse; et ideo canticum novum cantare, quod nemo potest dicere, nisi illi soli: scimus autem quosdam ex apostolis atque martyribus uxores habuisse. Numquid ii qui virginitatem corporis servare studuerunt, laudes Deo decantant, et isti in laudibus Dei muti existunt? Maxime cum sciamus ex utroque sexu parvi meriti homines virginitatem corporis usque ad mortem servasse, sicut sunt infantes et pueri, quos ætas virginitatem amittere non permittit. Vidimus etiam quosdam aliquibus peccatis obnoxios, virginitatem corporis usque ad mortem servasse, quos credimus per ignem purgatorium esse purgandos, ut in justorum numero quandoque ascribi mereantur. Numquid istos tales apostolis et martyribus, quos uxores habuisse Scriptura non tacet, præferre audebimus; ut illud canticum suavissimum Deo offerant, a quo Petrus ejusque similes alieni existant? Nam sicut est dulcis sanctis visio Dei, sic et laus Dei: et quemadmodum saturari nequeunt visione Dei, ita nec satiari laudibus Dei. Et quanto proximiores sunt secundum meritorum qualitates Domino Deo, tanto et ferventiores in laudibus Dei. Quis vero digne considerare potest quam magna pars gloriæ sanctis detrahatur, si a laudibus Dei expertes habeantur? Nec ideo hoc dicimus, ut virginitati derogemus, quæ magna est virtus, sociæque angelorum; si tamen eam vitio non fœdaverint. **D** Quis enim perpendere potest quam magnum bonum est integritatem corporis et animæ possidere? Igitur quia hæc quæ superius de virginibus dicta sunt, de iis solummodo qui virginitatem corporis servaverunt, intelligere non possumus; necesse est ut indagemus, qui sint virgines, et qui illi qui canticum virginum dicere non poterunt. Nam si superficiem lectionis diligenter attendimus, inveniemus non de solis virginibus, sed de omnibus sanctis animabus hæc esse dicta.

Diximus superius per centum quadraginta qua-

(28) Omnes edit., *tanto ampliore vel amplius gaudium et lætitiâ*; nonnulli mss., *tanto ampliore*

A tuor millia sanctorum animas esse designatas quæ in cœlesti beatitudine Deum assidue laudare non desinunt: per sedem vero, et quatuor animalia, et seniores ante quos canticum novum cantare dicuntur, fideles in hac vita positi, ex quibus Ecclesia constat, designantur, sicut in secunda Visione diximus. Ante sedem ergo, et quatuor animalia, et seniores centum quadraginta quatuor millia canticum novum cantasse dicuntur; novum namque Testamentum canticum novum dicitur, sicut dicit propheta: « Cantate Domino canticum novum, laus ejus ab extremis terræ (*Isa. XLII, 10*). » Novum autem Testamentum dicitur, eo quod præcedat aliud, quod vetus vocatur: sive pro eo quod novos populos faciat, cum ex filiis diaboli facit filios Dei. **B** Habent et fideles in hac vita positi cantica sua, sed in iis canticis sæpe confessio fit peccatorum, sæpe pro peccatis deprecatio, sæpe commemoratio tormentorum æternorum: ideoque in fletus sæpe cantantes excitant, sæpe in laudibus Dei orare solent, sæpe ad spem cœlestis patriæ mentes fidelium elevant; in illo vero cantico spirituum cœlestium nihil triste, nihil quod mentem perturbet, resonat; et quanto amplius depromitur, tanto amplius gaudium et lætitiâ (28) mentibus cantantium infundit. Sicut igitur novum Testamentum dicitur, quia præcessit vetus: ita et illud canticum spirituum cœlestium novum canticum dicitur, quia præcessit aliud quod vetus est illis qui ad cœlestem beatitudinem quotidie transeunt, et novum est ad quod perveniunt. **C** Et hoc canticum ante sedem Dei, id est, in conspectu sedis, cantasse dicuntur; quod enim in conspectu nostro est, indesinenter aspiciamus. In conspectu ergo fidelium, qui per sedem et quatuor animalia et seniores designantur, animæ fidelium canticum novum cantasse dicuntur; quia sancti viri in hac terra positi, gloriam sanctorum in cœlis commorantium oculis mentis assidue conspiciunt, atque ut ad eorum societatem quandoque perveniant, tota virtute laborant.

Et nemo poterat dicere canticum, nisi illa centum quadraginta quatuor millia, qui empti sunt de terra (29): id est, nemo illorum qui per sedem et quatuor animalia et seniores designantur. Vident namque modo fideles viri in terra positi quasi per speculum et in ænigmate gloriam sanctorum in cœlis consistentium, illudque canticum quia ardentè desiderant, quasi audiunt, sed dicere non possunt; quia « oculus non vidit, nec auris audivit, nec in cor hominis ascendit, quæ præparavit Deus diligentibus se (*I Cor. II, 9*). » Qui de terra empti esse dicuntur; empti sunt quippe in terra positi pretioso sanguine Christi. Sed melius est ut per emptionem assumptionem intelligamus; assumpti sunt enim de terra, et in cœlesti beatitudine collocati.

(Vers. 4.) *Ii sunt qui cum mulieribus non sunt gaudii lætitiâ*; cæteri ut nos in textu.

(29) Rom. edit. jugulaverat, nisi illa..... de terra.

coinquinati ; virgines enim sunt. Hic rursus oritur A quæstio ; nam si in illa beatitudine diversi ordines sunt, ut sunt apostoli, martyres, confessores, et virgines ; quomodo omnes sanctorum animæ virgines esse dicuntur, et in tantum virgines, ut cum mulieribus coinquinatæ non fuisse dicantur ? Et si verum est quod Dominus dicit, imo verum est, quia non potest fieri ut Deus mentiatur : « Qui viderit mulierem ad concupiscendum eam, jam mœchatus est eam in corde suo (*Matth. v, 28*), » quomodo omnes sanctorum animæ in toto spatio vitæ præsentis ab iniquatione mulierum mundæ esse poterunt ? Quærendum ergo nobis est quomodo hoc intelligendum sit ; multi quippe fuerunt ante baptismum adulteri et fornicatores, sed in Christum credentes, atque de peccatis suis pœnitentiam agentes, fontemque baptismatis expetentes, quidquid in eis sordidum fuit, per Spiritus sancti gratiam aquis baptismatis deletum est : qui in bono quod in eodem baptisate promiserunt, usque in finem vitæ perseverantes, veniente Domino, ut eos per mortem ab hac terrena habitatione subtraheret, eorum animæ virgines, id est, integræ, et ab omni corruptione vitiorum mundæ inventæ sunt. Istorum ergo animæ jure virgines vocantur ; quia eorum omnis corruptio aquis baptismatis, bonisque operibus deleta est. Fuerunt etiam multi, qui post baptismum multa scelera commiserunt, sed cum per pœnitentiam et lacrymas atque per misericordiam, cæterisque bonis operibus malum quod gesserunt, delere studuerint, et in bono proposito perseveraverint, Domino veniente, eorum animæ virgines repertæ sunt ; quia quidquid in eis fuit reprobum, charitatis remediis est purgatum. Fuerunt et conjugati, qui Deum tota **554** virtute dilexerunt, atque in virtutibus vitam ducere studuerunt. Istorum igitur animæ recte virgines vocantur ; quia si quas sordes ex conjunctione feminarum traxerunt, bonis operibus deletum est. Similiter de cæteris ordinibus (30) intelligendum est.

Possimus etiam per mulieres corpora sanctorum intelligere, per viros autem animas ; quia sicut vir et mulier una caro vocantur (*Gen. ii, 24*), ita corpus et anima unus homo : et quemadmodum femina inferior est viro, ideoque necesse est ut a viro regatur, ejusque dominationem perferat ; ita corpus multo inferius est quam anima, et ideo necesse est ut a spiritu regatur atque dometur, ejusque desideria frangantur. Quod quia sancti facere studuerunt, non sunt coinquinati cum mulieribus ; quia ex conjunctione corporum nullas sordes traxerunt, ex quibus Deum nimis offenderent. *Ii sequuntur Agnum quocunque abierit.* Quo vadit, qui omnia implet, et totus ubique est ? Sed quemadmodum vadat, Apostolus docet dicens : « Cui vult miseretur, et quem vult indurat (*Rom. ix, 18*). » Vadit itaque Deus miserendo quibusdam, et a quibusdam

A misericordiam suam auferendo. Sequuntur vero sancti, quia quibus ille misericordiam suam largitur, largiuntur et illi ; et a quibus abscidit, abscindunt et illi. Hoc de electis in terra positus intelligere non possumus ; sæpe enim miserentur quibus Deus non miseretur, sicut Samuel qui lugebat Saul (*I Reg. xv, 35*), quem Deus projecerat a facie sua : quosdam etiam sancti damnare volunt, quibus Deus miseretur, sicut Jonas, qui cupiebat ut Ninivitæ delerentur (*Jon. iv, 3*), quos Deus salvare decreverat. *Ii empti sunt ex omnibus primitiæ Deo et Agno.* In lege præceptum est ut primitiæ frugum offerrentur Deo (*Exod. xxii, 29*) : per primitias frugum, electi designantur ; nam sicut ex multitudine fructuum parvæ primitiæ Deo offerebantur, ita et ex multitudine populorum parvus numerus electorum eligitur, qui ab angelis Deo in templo gloriæ cœlestis offertur, sicut Dominus dicit in Evangelio : « Multi enim sunt vocati, pauci vero electi (*Matth. xxii, 14*). » Sancti ergo primitiarum more ex hominibus sunt assumpti, et in cœlesti beatitudine collocati.

(Vers. 5.) *Et in ore eorum non est inventum mendacium.* Valde difficile esse videtur, quod dicitur ; sunt quippe quædam mendacia valde gravia, sunt alia quæ inter levia peccata deputanda sunt, a quibus nostris temporibus nescio si aliquis omni tempore vitæ suæ abstinere possit, nisi fuerit infans, qui loqui ignorat. Non itaque de omnibus mendaciis hoc dictum esse mihi videtur : sed est mendacium valde gravissimum, cum mentimur ea quæ in baptisate promisimus. Hoc ergo mendacium in ore sanctorum non est inventum ; quia hoc quod in baptisate promiserunt, usque in finem vitæ servare studuerunt. Et si fuerunt aliqui qui post baptismum multa peccata commiserunt, tamen in ore eorum non est inventum mendacium ; quia per pœnitentiam, charitatisque opera malum quod gesserunt, ante mortem delere studuerunt : *Sine macula enim sunt.* Et hic satis aperte demonstrat, ea quæ in hac lectione continentur, non ad fideles qui in hac vita laborant, sed ad eos qui in cœlestibus sedibus requiescunt, pertinere. Quis enim in hac vita positus, sine macula esse potest ? cum idem Joannes dicat : « Si dixerimus quia peccatum non habemus, nos ipsos seducimus, et veritas in nobis non est (*I Joan. i, 8*). » Animæ vero sanctorum sine macula sunt ; quia si quas sordes ex mundana habitatione contraxerunt, aut per pœnitentiam et lacrymas, charitatisque opera, aut per flagella, aut certe post mortem igne purgatorio deletæ sunt.

Dixi quod sensi. Quod si quis textum hujus lectionis ad præsentem Ecclesiam transferre voluerit, et per centum quadraginta quatuor millia, aut prædicatores, aut cæteros justos in hac adhuc vita degentes : per novum vero canticum quod nemo nisi ipsi soli dicere poterant, Evangelium designatum esse censuerit ; perpendat sanctum Evangelium non

solum ab electis, verum et a reprobis saepe prædicari, de quibus Dominum in Evangelio dixisse credimus : « Multi dicent mihi in illa die, Domine, Domine, nonne in nomine tuo prophetavimus, et in nomine tuo dæmonia multa eiecimus, et in nomine tuo virtutes multas fecimus? Et tunc confitebor illis: Amen dico vobis, nescio vos. Discedite a me, omnes operarii iniquitatis (Matth. VII, 22, 23). » De talibus etiam Paulus apostolus loquitur, dicens : « Sunt qui per contentionem Christum annuntiant, non sincere, existimantes se pressuram suscitare vinculis meis (Philipp. 1, 17). » Si quis autem seriem lectionis hujus ad præsentis temporis virgines pertinere sanxerit, ad eos videlicet quos amor Dei ad integritatis custodiam, adjunctis cæteris bonis operibus, quotidie impellit, sanum mihi in hoc videtur possidere sensum : sed animadvertere debet non posse huic sensui convenire, ut per canticum novum in hoc loco Evangelium intelligat; sed potius gaudium spiritale, quod eis ex custodia virginitatis accrescit. Nullus igitur canticum novum dicere potest, nisi illi soli; quia gaudium virginitatis nullus habere prævalet, nisi soli qui hanc cæteris bonis operibus exornatam quotidie Deo offerre consuescunt. Similiter et qui hanc sententiam eis aptare voluerit, qui cum virginitatis palma ad cælestia regna jam conscendere meruerunt, a recto intellectu non discrepat; sed sciat non convenire huic sensui, ut per novum canticum, aliquod canticum quod voce, lingua, labiis componi potest, intelligat: sed potius virginitatis præmium, quod a Domino æternaliter percipere merentur. Hocque canticum nullus, nisi illi soli, dicere potest; quia virginitatis præmium nullus percipit, nisi qui hanc in sæculo positi, intermerata mente pro Christi amore servare studuerint. De talibus propheta Isaias loquitur, dicens : « Hæc dicit Dominus eunuchis : Qui custodierint sabbata mea, et elegerint quæ volui, et tenuerint fœdus meum, dabo eis in domo mea, et in muris meis locum, et nomen melius a filiis et filiabus, nomen sempiternum dabo eis, quod non peribit (Isa. LVI, 4, 5). »

(Vers. 6.) *Et vidi alterum angelum volantem per medium cælum, habentem Evangelium æternum; ut evangelizaret sedentibus super terram, et super omnem gentem, et tribum, et linguam, et populum, dicentem voce magna.* Iterum universa breviter comprehendit; nam sicut superius cum mala Antichristi narrare vellet, ab adventu Christi inchoavit, persecutionesque quas Ecclesia a diabolo passa est, prius narrans ad Antichristum pervenit: ita et hic diem judicii describere cupiens, ab adventu Christi inchoat, atque sub specie trium angelorum cuncta **555** breviter replicans (31), ad diem judicii pervenit. Iste quippe angelus Christum et apostolos ejus, cæterosque Christi prædicatores

A significat. Qui Evangelium æternum habuisse dicitur; quia doctrina Evangelii a Christo, apostolis, cæterisque prædicatoribus data est, quam gentibus prædicarent. Qui Evangelium æternum esse dicitur, quia æternitatem præstat omnibus facientibus illud. Quod etiam super terram sedentibus prædicatum esse dicitur; gentes namque quibus Evangelium prædicatum est, nihil aliud quam terram quærebant, totamque requiem suam in terra posuerant. Quid autem iste angelus prædicet, audiamus.

(Vers. 7.) *Timete Dominum, et date illi honorem; quia venit hora judicii ejus et adorare eum qui fecit cælum et terram, mare et fontes aquarum.* Convenienter timorem Domini primo posuit, et postea honorem; timor etenim Domini ad pœnitentiam impellit hominem: pœnitentia vero ad bona opera agenda eum provocat. Honorem itaque Deo deferimus, cum bona opera agimus, sicut ipse Dominus dicit: « Videant opera vestra bona, et glorificent Patrem vestrum qui in cœlis est (Matth. v, 16). » Hora vero judicii ex tunc incœpit, ex quo Evangelium prædicari cœpit. Illi igitur acriter in die judicii judicabuntur, qui verbum Evangelii audientes, illudque spernentes, fidem Christi suscipere noluerunt. Similiter et illi qui susceperunt quidem fidem Christi, sed eam operibus implere noluerunt; cui enim plus committitur, plus ab eo exigitur. De illis autem qui verbum Dei non audierunt, Dominus dicit in Evangelio: « Qui non credit, jam judicatus est (Joan. III, 18). »

C (Vers. 8.) *Et adorare eum, qui fecit cælum et terram, et mare et fontes aquarum, id est, relinquitte idola surda, muta, et cæca, et adorare eum qui cuncta fecit ex nihilo. Et alius angelus persecutus est, dicens.* Alius angelus doctores Ecclesiæ, qui, finitis persecutionibus, Ecclesiam Dei gubernaverunt, designat. *Cecidit, cecidit Babylon magna.* Per Babylonem, sicut superius diximus, civitas diaboli designatur, quæ ex omnibus impiis constat. Ceciderat autem, quia omnis cultura dæmonum per fidem Christi deleta fuerat. Et bis cecidisse dicitur; quia ex parte persecutorum, et ex parte culturæ diabolicæ ceciderat. *Quæ a vino iræ suæ potavit omnes gentes.* Vinum iræ errores sunt gentilium, quibus Deum ad iracundiam provocaverunt: sed cum Babylon nihil sit aliud quam omnes gentes, id est omnes reprobi, quomodo omnes gentes a vino iræ suæ potavit? Verum cum unus alterum docuit, et ille tertium, et tertius quartum, et ita in omnes homines error diabolicus transiit, utique Babylon omnes gentes vino iræ Dei potavit.

(Vers. 9, 10.) *Et angelus tertius secutus est illos, dicens voce magna: Si quis adoraverit bestiam et imaginem ejus, et acceperit characterem ejus in fronte sua, aut in manu sua; et hic bibit de vino iræ Dei, quod mixtum est mero in calice ipsius.* Angelus tertius prædicatores sunt, qui temporibus

(31) Ita mss.; edit. vero, *cuncta comprehendens.*

Antichristi futuri sunt; prædicabant enim ut nullus Antichristum adoret, neque ad ejus pessimam doctrinam aures cordis accommodet, neque opera ejus imitetur: quod si quis fecerit, perpetua poena cum esse damnandum testabuntur. Per vinum iræ Dei damnatio ultima, quæ in die judicii impiis irrogabitur designatur: merum autem purum dicimus. Per merum igitur justitia Dei designatur, per calicem vero judicium Dei accipere possumus. Vinum itaque mistum est mero in calice Dei; quia damnatio ultima, qua impij damnabuntur, mista erit cum justitia in calice Dei, id est, in judicio Dei; quia justissimo Dei judicio perficietur. Bibent igitur impij vinum iræ Dei, cum illis dicetur: « Ite, maledicti, in ignem æternum, qui præparatus est (32) diabolo et angelis ejus (Matth. xxv, 41). »

(Vers. 11.) *Et cruciabitur igne et sulphure in conspectu angelorum sanctorum, et in conspectu Agni; et fumus tormentorum eorum in sæcula sæculorum ascendet.* Ignis exurit, sulphur autem fetorem pessimum de se emittit. Igne autem corporaliter cruciabantur, qui ignem vitiorum in se extinguere noluerunt: fetore sulphuris torquebuntur, quibus dulcis fuit fetor luxuriæ. In conspectu angelorum sanctorum cruciabantur, et in conspectu Agni, videlicet ut in eorum conspectu crucientur, in quorum conspectu non timuerunt multa mala perpetrare. *Nec habebunt requiem die ac nocte, qui adoraverunt bestiam et imaginem ejus, et si qui acceperint characterem nominis ejus.* Cur neque in die, neque in nocte reprobos habere dicit requiem, cum electi æternum diem possessuri sint; reprobi vero perpetuam noctem? Sed more humano locutus est.

(Vers. 12, 13.) *Hæc est patientia sanctorum, qui custodiunt mandata Dei, et fidem Jesu; id est, talis est patientia sanctorum, et talem fructum affert, qualis in sequentibus demonstratur. Et audivi vocem de cælo dicentem mihi: Scribe, beati mortui qui in Domino moriuntur.* Talis est igitur patientia sanctorum, qui custodiunt mandata Dei, et fidem Jesu, ut sint beati in perpetuum. Sed quid est quod dicit: *Beati mortui, qui in Domino moriuntur?* Quis enim mortuus mori potest? Nullus procul dubio mortuus mori potest, nisi prius animam recipiat, ut iterum mori possit. Sed illi sunt beati, et illi in Domino moriuntur, qui prius moriuntur sæculo, postea carne: qui prius veterem hominem, id est, omnes nequitias et spirituales et carnales in se extinguunt, ut possint dicere cum Apostolo: « Mihi mundus crucifixus est, et ego mundo (Galat. vi, 14). » Illi namque in Domino moriuntur, de quibus Dominus dicit in Evangelio: « Qui autem perseveraverit usque in finem, hic salvus erit (Matth. xxiv, 13). »

(32) Omissum fuerat in edit., *qui præparatus est diabolo et angelis ejus.*

(33) Edit. Gil., *falcem suam acutam super terram, et messuit terram: uterque namque, etc.* Rom. au-

Amodo jam dicit spiritus, ut requiescant a laboribus suis. Amodo, id est, a tempore mortis suæ requiescent sancti a laboribus suis. *Opera enim illorum sequuntur illos.* Quomodo sequuntur? Nonne Cornelium opera sua præcesserant, cui ab angelo dictum est: « Orationes tuæ et eleemosynæ tuæ commemoratæ sunt in conspectu Dei (Act. x, 4)? » Sed *sequi* pro comitari posuit; nam et exercitus qui regem comitatur, eum sequi dicitur; cum alii procedant, alii sequantur, alii ad dexteram, sive sinistram incedant. Opera igitur sanctorum sequuntur illos; quia merces operum illorum comitatur illos in perpetuum. Possumus et hoc de illis spiritualiter intelligere qui temporibus Antichristi pro nomine Domini nostri Jesu Christi interficiendi sunt; beati quippe erunt illi, et in Domino morientur, qui pro fide Domini nostri 556 Jesu Christi morientur. Nunc quia poenam illorum qui in Antichristum credituri sunt, narravit, beatitudinemque illorum qui in fide Christi perseveraverint usque in finem, breviter comprehendit; consequens est ut diem judicii describat, in quo hæc cuncta complebuntur.

(Vers. 14-19.) *Et vidi, et ecce nubem candidam, et super nubem sedentem similem Filio hominis, habentem in capite suo coronam auream, et in manu sua falcem acutam. Et alter angelus exiit de templo, clamans voce magna ad sedentem super nubem, dicens: Mitte falcem tuam, et mete; quia venit hora ut metatur, quoniam aruit messis terræ. Et misit qui sedebat super nubem, falcem suam in terram, et messuit terram. Et alius angelus exiit de templo, quod est in cælo, habens et ipse falcem acutam. Et alius angelus exiit de altari, qui habebat potestatem supra ignem, et clamavit voce magna ad eum qui habebat falcem acutam, dicens: Mitte falcem tuam acutam, et vindemia botros vineæ terræ, quoniam maturæ sunt uvæ ejus. Et misit angelus falcem suam acutam in terram, et vindemiavit vineam terræ, et misit in lacum iræ Dei magnum (33).* Totam pene sententiam posui, ut undique circumspecta ejus anfractus apertius videantur. Uterque namque iste angelus Christum significat: similiter et duæ falces unam significationem habent; designant enim illum ignem quo universus mundus delendus est; quia sicut primo tempore mundus per aquam deletus est, ita et in fine temporum per ignem delebitur. Sed quærendum nobis est, cur unus Christus per duos angelos, et una exterminatio per duas falces figuretur. Primus quippe angelus super nubem candidam sedisse, et coronam auream habuisse visus est: secundus vero neque coronam auream habuisse, neque super nubem candidam sedisse dicitur. Et primus messem terræ, secundus vero botros vineæ terræ præcidisse dictus est: sed primus quo loco messem terræ posuerit,

tem, falcem suam acutam in terram, et vindemiavit vineam terræ et misit in lacum iræ Dei magnum. Uterque namque, etc. Locum vero, ut in mss. habetur, reposuimus.

non dicitur : secundus autem botros vineæ terræ in lacum iræ Dei magnum misisse dictus est. Videtur itaque mihi per messem terræ electos : per botros autem, ex quibus vinum oritur, quod mentes hominum alienat, reprobos esse designatos. Ista est messis, de qua Dominus dicit in Evangelio : « In tempore messis dicam messoribus : Colligite primum zizania, et ligate ea in fasciculos ad comburendum : triticum vero recondite in horreis meis (*Matth. xiii, 30*). » Qui enim illic per triticum, ipsi in hoc loco per messem designantur. Et qui illic per zizania, ipsi in hoc loco per botros vineæ terræ figurantur : et quia Christus aliter apparebit justis, et aliter injustis, non inconvenienter per duos angelos figuratur. Justi namque in eadem claritate eum videbunt, quomodo ab angelis et sanctis spiritibus in cœlesti beatitudine cernitur ; impii autem in ea specie eum videbunt, qua ab hominibus in terra positus videbatur : « Tolle tur quippe impius, ne videat gloriam Dei (*Isa. xxx, 10, sec. lxx*). » Blandus itaque justis, terribilis apparebit injustis ; unde et primus super nubem candidam sedisse, et coronam auream habuisse in capite describitur. Per nubem namque candidam corpus ejus immaculatum designatur : per coronam vero auream multitudo angelorum atque sanctorum, qui eum ad iudicium venientem comitabuntur, exprimitur. Similiter et una exterminatio per duas falces designatur ; quia aliter exterminabuntur justis, aliter injustis. Justorum exterminatio redemptio potius dicenda est, sicut Dominus dicit : « Respiciete, et levate capita vestra ; quoniam appropinquat redemptio vestra (*Luc. xxi, 28*). » Redemptio jure vocatur, eo quod a malis temporalibus liberet, et ad gaudia æterna perducatur. Impiorum autem exterminatio et hic gravis erit, et post mortem gravior ; damnatio enim luctusque perpetuus in eis permanebit. Justis de spe retributionis æternæ mortem lætam excipient : impii vero de damnatione perpetua timidi, tristissima morte plectentur.

Alter angelus qui exivit de templo, et clamavit voce magna ad eum qui sedebat super nubem, dicens : *Mitte falcem tuam, et mete*, electos qui in hac terra laborant designat, per templum autem unde exiisse visus est, Ecclesia designatur. Clamavit ergo ad eum qui sedebat super nubem, ut mitteret falcem suam in terram, et meteret ; quia sancti viri videntes mundum in maligno positum, ejusque miseras horrentes, deprecantur quotidie ut regnum Dei veniat, in quo ab omnibus angustiis liberati, corpora propria recipient, et in æternum cum Domino exultabunt. Ariditas vero messis maturitatem ejus indicat ; nam sicut messis crescit usque ad maturitatem, quando arida efficitur : ita et numerus electorum usque ad finem mundi crescet, eorumque maturitas tunc perficietur, cum

eorum fuerit numerus completus. Similiter et quartus angelus qui exiit de altari, qui habebat potestatem super ignem, eandem significationem habet quam et secundus qui de templo exiisse visus est ; significat namque electos in hac vita laborantes. Altare autem Ecclesiam significat, sicut et templum ; per ignem vero charitatem possumus intelligere, quam in cordibus sanctorum spiritalibus fomentis Spiritus sanctus enutrit. Super hunc ignem sancti habere potestatem ideo dicuntur, quia et ipsi possident charitatem, et possidentur ab ea. Iste ergo angelus clamavit ad tertium angelum secundam falcem gerentem, quem Christum significasse diximus, ut vindemiaret botros vineæ terræ, per quos impii designantur ; quia viri sancti videntes quotidie genus humanum a dæmonibus decipi, videntes etiam impios florere, mundumque semper ad deteriora delabi, orant ut dies iudicii veniat, in quo et nequitia dæmonum cum ipsis auctoribus pereat, et omnis prævaricatio cum ipsis prævaricatoribus accipiat finem, et adducatur justitia sempiterna, quæ nullo fine terminabitur. Vineam quippe mundum significat, quæ omnem impiorum multitudinem genuit et nutrit : lacus vero, quem infernum vocamus, ideo lacus iræ Dei dicitur, quia vindicta iræ Dei in eo consummabitur.

(Vers. 20.) *Et calcatus est lacus extra civitatem.*

Per calcationem demersionem impiorum in infernum possumus intelligere : per civitatem autem cœlestis Jerusalem designatur : quæ ex omnibus electis constat. Extra hanc ergo civitatem lacus calcabitur ; quia a consortio justorum impii separabuntur, et in infernum detrudentur, sicut Dominus dicit in Evangelio : « Exibunt angeli, et separabunt malos de medio justorum, et mittent illos in caminum ignis. Ibi erit fletus et stridor dentium (*34*) (*Matth. xiii, 49*). »

557 *Et exiit sanguis de lacu usque ad frenos equorum per stadia mille sexcenta.* Per sanguinem pœna impiorum designatur : per spatium vero mille sexcentorum stadiorum, quod sanguis de lacu exiens occupavit, falsi Christiani designantur ; qui numerus quamvis a quaternario numero derivetur, circumquaque tamen eundem numerum servans spargitur (*35*), finesque ejus minime transiit. Similiter et falsi christiani fidem Christi, quæ in quatuor libris Evangelii consistit, in baptisate suscipiunt : sed arctam et angustam viam, quæ intra angustias quaternarii numeri concluditur, relinquentes, quæ ducit ad vitam (*Matth. vii, 14*) ; per latam et spatiosam hujus sæculi viam, quæ ducit ad mortem, incedunt (*Ibid. 13*). Veruntamen a quaternario numero non recedunt, quia quamvis opera christianis non habeant, nomen tamen christianitatis non amittunt. Sanguis ergo de lacu exiit, et mille sexcenta stadia occupavit ; quia ea

(34) Desiderabatur in edit., et mittent illos... et stridor dentium.

(35) Omnes edit., eundem numerum spargens spargitur ; omnes ms. servans spargitur.

pœna quæ demones et omnes incredulos absorbebit, etiam falsos Christianos, qui fidem visi sunt habuisse, sed opera fidei non habuerunt, illaqueabit: per equos vero falsi pastores Ecclesiæ designantur, qui officium regiminis non pro amore Dei, sed pro amore sæculi suscipiunt: per frenos quibus equi reguntur, eorum falsa doctrina designatur. Habent quidem falsi pastores doctrinam in ore, ne ab officio funditus alieni videantur: sed Pharisæorum exemplum sequentes, dicunt et non faciunt. Et quia aliud non possunt docere, nisi quod Evangelium loquitur, et in prædicatione sua annuntiant peccatoribus quas pœnas patientur, nisi corrigantur; usque ad equorum frenos sanguis pervenit, quia pœnas quas peccatoribus minati sunt, nisi corrigerentur, ipsi quia vitia sua deserere noluerunt, experientur.

CAPUT XV. — (Vers. 1.) *Et vidi aliud signum in caelo magnum et mirabile, angelos septem habentes septem plagas novissimas; quoniam in illis consummata est ira Dei.* Sicut superius antequam ad narrationem septem angelorum tubis canentium veniret, eorum mentionem facere studuit; ita et hic antequam ad septem angelorum phialas habentium narrationem veniat, eorum mentionem facit, ut indicet magna mysteria in eorum visione contineri. Sed de iis in sequentibus quod Dominus dederit, dicemus.

(Vers. 2, 3.) *Et vidi tanquam mare vitreum mistum igni, et eos qui vicerunt bestiam et imaginem ejus, et numerum nominis ejus, stantes super mare vitreum, habentes citharas Dei, et cantantes canticum Moysi servi Dei, et canticum Agni dicentes.* Quid significet mare vitreum, superius in visione secunda diximus (*cap. iv, vers. 6*): sed illic tanquam crystallum esse dicitur, hic autem mistum igne: et quia crystallus eximiæ claritatis est, ignemque de se cum calorem solis acceperit, solet emittere, eandem significationem habet illic crystallus quam hic ignis: significant namque spiritalem intelligentiam, quæ in divinis Scripturis invenitur. Mare igitur vitreum mistum est igni; quia divina Scriptura mista est spiritualibus intellectibus. Super mare itaque vitreum ii, qui bestiam vicerunt, stare visi sunt; quia sancti Dei qui contra Antichristum pugnaturi sunt, in præceptis divinarum Scripturarum gressus figent, nullaque impulsione ventorum (36) a sua fide moveri poterunt. Per citharas vero quas habebant, mortificatio carnis designatur: canticum autem Moysi, vetus Testamentum: canticum Agni novum demonstrat. Canticum ergo Moysi et canticum Agni cantabant; quia et vetus et novum Testamentum sancti prædicabunt. Quod canticum quale sit, audiamus.

(Vers. 14.) *Magna et mirabilia opera tua, Domine Deus omnipotens: justæ et veræ viæ tuæ. Rex sæcu-*

lorum. Quis non timebit te, Domine, et magnificabit nomen tuum? Quia tu solus pius es; quoniam omnes gentes venient, et adorabunt in conspectu tuo, quoniam judicia tua manifesta sunt. Concordat hoc canticum cum veteri et novo Testamento; nam septem benedictiones ibi inveniuntur, quæ septem partibus, de quibus superius diximus (*cap. v, vers. 9; vii*), coaptari possunt. Prima quippe benedictio est: *Magna et mirabilia opera tua, Domine Deus omnipotens*; quæ primo tempori convenire potest in quo factum est cælum et terra, omnesque creaturæ, quæ valde sunt mirabilia. Secunda est: *Justæ et veræ viæ tuæ, Rex sæculorum*; quæ congruit parti secundæ, in qua omnes creaturæ quæ habebant spiritum vitæ, justissimo Dei judicio, aquis diluvii delectæ sunt. Tertia est: *Quis non timebit te, Domine?* quæ tertiæ parti, iis videlicet quibus lex data est, congruit, qui timore potius quam amore legis mandata exercebant. Quarta est: *Et magnificabit nomen tuum*; quam prophetis convenire manifestum est, qui nomen Dei et prædicationibus et scriptis magnificaverunt. Quinta est: *Quia tu solus pius es*; in quinta parte adventum Christi posuimus, in qua Dominus noster, qui solus pius est, et homo fieri pro salute generis humani, et pati et mori dignatus est. Sexta est: *Quoniam omnes gentes venient, et adorabunt in conspectu tuo*; manifestum est post ascensionem Domini omnes gentes ad fidem venisse Christi, quas in sexto loco posuimus. Septima est: *Quoniam judicia tua manifesta sunt*; quam ad diem judicii pertinere manifestum est, in quo judicia Dei justa et vera esse manifestabuntur. A cujus judicii damnatione nos misericordia et pietas Domini et redemptoris nostri Jesu Christi liberare dignetur (37), qui cum Patre et Spiritu sancto vivit et regnat Deus per omnia sæcula sæculorum, amen.

DE VISIONE QUINTA.

Visio quinta, ad cujus sensus elucidandos, Domino juvante, pervenimus, ex maxima parte visioni superiori concordat, de cujus intelligentia usque modo quod Domini gratia largiri dignata est, diximus (*Ad cap. viii, vers. 2*). Nam sicut illic septem angeli visi sunt, quibus datæ sunt septem tubæ: ita et hic septem angelis septem phialæ datæ fuisse memorantur: et sicut in cantu tubæ primi angeli grando magna terram percussit; ita et in effusione phialæ primi angeli homines, qui per terram sæpe designantur, pessimis vulneribus percussi esse dicuntur: 558 et quemadmodum in cantu tubæ secundi angeli tertia pars maris in sanguinem versa est, similiter et in effusione phialæ secundi angeli totum mare in sanguinem versum fuisse describitur. Eundem sensum sequuntur et cæteri: sed qualiter isti cum superioribus concordent, in sequentibus

(36) Edit., nullaque impulsione vitiorum; ms. . . ventorum.

(37) Codex Gem., dignetur, cui est honor et gloria per omnia, etc.

dicemus (38). Eamdem ergo significationem habent isti quam et illi; significant quippe prædicatores qui fuerunt ab initio, et erunt usque ad finem. Sed ideo bis ponuntur, quia sicut superius demonstravimus, ea quæ sub cantu tubæ primi angeli, secundi, tertii, atque quarti gesta fuisse visa sunt, ad electos pertinent. Porro quæ sub cantu tubæ quinti, sexti, atque septimi angeli facta fuisse referuntur, quibus et tria væ junguntur, in quibus persecutiones Ecclesiæ, quas ab hæreticis et a paganis passa est, et ab Antichristo in fine mundi passura est, describuntur, ex una parte ad reprobos, ex altera ad electos pertinent; quia impii ex malo quod piis ingerunt, pœnam perpetuam: justi vero ex malo quod perferunt, gloriam sempiternam sibi acquirunt. Omnia itaque quæ sub effusione phialarum septem angelorum describuntur, ad reprobos pertinent; unde et primi tubis, quibus exercitus Dei ad pugnam provocabatur, cecinisse dicuntur: sequentes autem phialas plenas iracundiæ Dei super impios effudisse referuntur.

(Vers. 5.) *Post hæc vidi, et ecce apertum est templum tabernaculi testimonii in celo.* In Exodo scriptum est quod fecerit Moyses tabernaculum in deserto: postea vero a Salomone iam populo in terra repromissionis degente, templum ædificatum est. Per desertum igitur hoc sæculum: per tabernaculum quod de loco ad locum transfertur, præsens Ecclesia designatur, quæ de deserto hujus sæculi quotidie ad cœlestem beatitudinem transit, pergitque de virtute in virtutem, ut videat Deum deorum in Sion (*Psal. LXXXIII, 8*). Unde et cortinæ tabernaculi, quæ diversis coloribus depictæ erant, pellibus tegebantur et ciliciis; ut demonstrarent mortificationem carnis atque humilitatem custodiam esse virtutum. Quid autem per terram repromissionis, nisi cœlestis patria designatur, quam repromisit Deus diligentibus se (*Jac. I, 42*)? Et quid per templum, quod ex optimis lapidibus ædificatum fuit, figuratur, nisi cœlestis Jerusalem, quæ ex vivis lapidibus quotidie ædificatur? Quod (39) ergo dicit: *Apertum est templum tabernaculi*; tale est ac si dicatur: *Apertum est templum Ecclesiæ*: templum vero Ecclesiæ quid est aliud, nisi cœlestis patria? In hoc templo Psalmista habitare desiderabat, cum dicebat: *Unam petii a Domino, hanc requiram; ut inhabitem in domo Domini omnibus diebus vitæ meæ (Psal. XXVI, 4).* Hoc itaque templum per Christum apertum est, quia aditus regni cœlestis per eum omnibus fidelibus patefactus est.

(Vers. 6.) *Et exierunt septem angeli, habentes septem plagas de templo, vestiti lapide mundo et candido, et præcincti circa pectora zonis aureis.* Si per templum cœlestis patria, et per septem angelos prædicatores designantur, quomodo de templo exiisse dicuntur? Numquid sancti de illa cœlesti patria ad

A prædicandum descendunt? Sed sancti prædicatores quasi de cœlesti patria exeunt, cum ab illo mittuntur, qui est gloria sanctorum, et a quo omnis doctrina eorum procedit. Qui septem plagas habuisse dicuntur: et superius septem plagas habuisse dicti sunt, eo quod in illis consummata sit ira Dei. Si septem plagas iracundiæ Dei habuerunt, quomodo sancti facti fuerunt? Sed habuerunt sancti Dei plagas septem in potestatem, non in pœnam suam; Dominus namque dicit in Evangelio: *« In regeneratione cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel (Matth. XIX, 28).* » Per septem autem plagas septem vitia principalia, ex quibus omnia mala oriuntur, designantur. Septem igitur plagas septem angeli habuisse visi sunt; quia prædicatores sancti in die iudicii septem vitia principalia, id est, omnes operadores malorum ita in potestate habebunt, ut eorum iudicio perpetua pœna plectantur. Consummata est vero in sanctis prædicatoribus ira Dei, id est, per illos; quia eorum iudicio ira Dei perficietur. Possumus septem plagas aliter intelligere. Superius omne corpus impiorum in septem partes divisimus (*cap. I, vers. 11*): septem ergo plagæ sunt peccata, quæ unicuique parti aptius conveniunt; aliter enim judicabuntur ii qui ante diluvium fuerunt, populumque Dei conjunctione feminarum deceperunt (*Gen. vi, 2*): aliter ii qui post diluvium idololatriam, diversosque errores invenerunt, per quæ genus humanum deceptum est: aliter ii qui sub lege fuerunt, et mandata Dei non custodierunt: aliter pseudo-prophetæ, qui populum Dei deceperunt, aliter impii Judæi, qui Dominum interfecerunt, et apostolos ejus persecuti sunt: aliter persecutores Ecclesiæ, qui fidem Christi extinguere conati sunt: aliter ministri Antichristi, qui Christum deserturi, et Antichristum sunt secuturi. Has itaque plagas sancti Dei in potestate habebunt; quia singuli eos qui suis temporibus fuerunt, eorumque monita contempserunt, suo iudicio perpetua pœna damnabunt. Per lapidem vero mundum atque candidum, quo septem angeli vestiti fuisse visi sunt, Christus designatur, de quo dicit Apostolus: *« Omnes qui in Christo baptizati estis, Christum induistis (Galat. III, 27).* » Per zonas autem aureas, quibus circa pectora præcincti narrantur, prædicatorum sapientia intimatur: quæ corda sanctorum intra se ita concludit, ut extra ipsam per diversos errores evagari non sinat.

Et unum e quatuor animalibus dedit septem angelis septem phialas aureas, plenas iracundiæ Dei viventis in secula sæculorum. Quatuor animalia quamvis quatuor evangelistas significant, tamen et simul et sigillatim Christum significant: sed quia brevitas non permittit ut dicamus quemadmodum

(38) Ita mss.; edit. vero, *describitur. Sed qualiter isti... dicemus, eundem sensum secuturi.*

(39) Omnes edit., *Quid igitur dicit, apertum*

est templum Ecclesiæ: Templum, etc. Sed mss. hiatus resarciunt, ut in contextu.

unumquodque Christum significet : per istud unum animal Christum intelligamus. Phialæ vero corda sunt sanctorum, quæ propter sapientiam aurea recte vocantur. Unus ergo ex quatuor animalibus dedit septem angelis septem phialas aureas, quia Christus corda sanctorum suorum sapientia replevit. Verum si sapientia repleta sunt, quomodo iracundiæ Dei plena esse dicuntur? 559 Dominus in Evangelio dicit de impiis Judæis : « Si non venissem, et locutus eis fuisset, peccatum non haberent (Joan. xv, 22). » Numquid Judæi ante adventum Christi peccatum non habebant? Erant itaque antea peccatores, sed peccatum incredulitatis, peccatum blasphemiarum, quo eum Beelzebub vocaverunt, peccatum homicidii, quo eum crucifixerunt, et multa alia scelera quæ ex adventu ejus traxerunt, non habebant. In phiala autem Christi : in qua vita mundi continebatur (40), Judæi suis culpis exigentibus, mortem invenerunt. Phialæ igitur septem angelorum plenæ fuerunt iracundiæ Dei ; quia quantum ad reprobos pertinet, prædicatio sanctorum iram Dei in se continuit ; quia pro eo quod eorum prædicationem contempserunt, iram Dei incurserunt.

(Vers. 8.) *Et impletum est templum fumo a majestate Dei, et de virtute ejus.* Diximus superius per templum cœlestem patriam designari : fumus vero si intra domum fuerit, oculos a foris perspicientium obscurat ; ut non perfecte possint videre ea quæ in domo geruntur. Templum igitur cœlestis patriæ modo fumo est plenum ; quia electi in hac vita positi, dum oculos mentis suæ ad contemplanda cœlestia attollunt, obscurantur quadam caligine, quam transmeare non possunt : quam obscuracionem fumum vocat. Hanc caliginem Paulus patiebatur, cum dicebat : « Videmus nunc per speculum in ænigmate, tunc autem facie ad faciem (I Cor. xiii, 12). » Et iterum : « Nunc autem cognosco ex parte, tunc vero cognoscam sicut et cognitus sum (Ibid.). » Et notandum quia hanc hebetationem electi quamdiu in hac vita positi sunt, patiuntur : cum autem ad illam cœlestem beatitudinem transierint, ab oculis mentis eorum avelletur. Unde et sequitur : *Et nemo poterat introire in templum, donec consummarentur septem plagæ septem angelorum.* Numquid in illa cœlesti beatitudine quotidie justi non introeunt? Sed de ingressione corporum hoc dictum esse intelligamus ; in illa quippe cœlesti beatitudine justi non ingrediuntur cum corporibus suis, usque dum septem plagæ septem angelorum compleantur. De septem plagis superius diximus : ultima vero plaga erit, cum Antichristus suis erroribus genus humanum inficiet. Finitis autem septem plagis, pro quibus examinandis dies iudicii fiet, sancti corpora sua recipient, atque in templo patriæ cœlestis sine fine cum Domino habitabunt. De hac habitatione dicit Psalmista : « Beati qui

habitant in domo tua, Domine ; in sæcula sæculorum laudabunt te (Psal. lxxxiii, 5). »

CAPUT XVI. — (Vers. 1.) *Et audivi vocem magnam de templo, dicentem angelis septem : Ite, et effundite septem phialas iracundiæ Dei in terram.* Vox de templo vox Domini est præcipientis prædicatoribus, ut verbum Dei non solum electis, sed etiam reprobis annuntient, quatenus habeant isti unde corrigantur, et illi unde deterius damnentur. Per terram vero peccatores designantur. Prædicatores itaque phialas suas super terram effundunt, cum verbum Dei peccatoribus annuntiant.

(Vers. 2.) *Et abiit primus, et effudit phialam suam in terram, et factum est vulnus sævum ac pessimum in hominibus, qui habebant characterem bestię, et in eis qui adoraverunt imaginem ejus.* Primus Angelus prædicatores qui ante legem fuerunt, designat : sicut et ille qui in præcedenti visione tuba primus cecinisse visus est (cap. viii, vers. 7). Sed illi per tertiam partem terræ quæ combusta est, electi designantur : hic autem per eos qui vulnus sævum ac pessimum passi sunt, reprobi. Effudit igitur angelus phialam suam in terram : quia sancti viri qui ante legem fuerunt, admonitionis verba impiis impenderunt, ut eos corrigerent : sed vulnus sævum ac pessimum in eos factum est ; quia ex prædicatione sanctorum deteriores effecti, mandata Dei contempserunt ; vulnus namque sævum ac pessimum est contemptus mandatorum Dei. Verum si vulnus sævum ac pessimum tantummodo ad reprobos pertinet, et illi tantummodo hoc passi sunt, qui characterem bestię habuerunt, quærendum nobis est quid sit character bestię. Quod si per characterem bestię superbiam voluerimus intelligere, eo quod propter illam diabolus de cœlo ceciderit, advertere debemus multos electos superbiam vulnus habuisse, sed medicamento humilitatis sanctos esse. Est autem aliud vitium pessimum, quod medicamentum pœnitentiæ a se semper excludit ; scimus enim diabolum esse irrevocabilem, ut nullo modo ab iniquitatibus suis corrigi possit. Itaque qui irrevocabilis est, medicamentum pœnitentiæ non requirit, sicut et diabolus ab hoc medicamento alienus existit. Ergo qui per doctrinam sanctorum Patrum a sceleribus suis revocari non potuerunt, characterem diaboli habuerunt, qui incorrigibilis et impœnitens perseverat. Sed quia hoc vitio, nostro tempore, multi laborant, necesse est ut de magnitudine ejus aliqua dicamus ; nam sunt nonnulli ita irrevocabiles, ut quamvis sciant pravam esse assertionem suam, nullo modo ab ea revocari possint, timentes vinci ab hominibus ; et ne convincantur, mendaciis et perjuriis atque flammantibus contentionibus falsitatem suam defendere conantur : dumque timent vinci ab hominibus, a diabolo vincuntur. Cætera ergo vitia medicamento pœnitentiæ sanantur ; istud autem solum est quod a se hoc salubro

(40) Codex Gem., qui sapientia continebatur.

medicamentum excludit; ne scilicet per confessionem et pœnitentiam victi esse videantur. Et quia malum suum ut vicisse videantur, laudant, completur in illis illud propheticum: « Vae qui dicitis malum bonum, et bonum malum: ponentes tenebras lucem, et lucem tenebras (*Isa. x, 20*)! » Fertur avis quædam esse, quæ serpentem vincit et comedit, sed post paululum veneno illius perimitur: similiter et isti gaudent se vicisse proximos, sed tatis victoria interfecitrix est animarum illorum. Quicunque ergo tales sunt, characterem portant diaboli. Per imaginem vero bestię vitia possumus intelligere: eo quod ipse sit auctor (41) omnium malorum. Imaginem itaque bestię adorat, quicunque vitiiis servit; nam et Paulus dicit quod venter Deus esset falsorum prædicatorum: « Quorum, inquit, Deus venter est, et gloria in confusione ipsorum: qui terrena sapiunt (*Philipp. iii, 29*). » Similiter et avaritiam servitutem vocavit idolorum (*Coloss. iii, 5*).

560 (Vers. 3.) *Et secundus effudit phialam suam in mare, et factus est sanguis tanquam mortui, et omnis anima vivens mortua est in mari.* Iste angelus doctores Legis significat, sicut et ille qui in præcedenti visione secundus tuba cecinisse visus est (*cap. viii, vers. 8*): sed ibi tertia pars maris in sanguinem versa fuisse dicitur; per quæ electos designatos fuisse diximus: hic autem totum mare in sanguinem versum esse legitur. Vindicta criminalium scelerum secundum legem erat sanguinis effusio (*Gen. ix, 5*). Per mare igitur prævaricatores legis designantur: quod in sanguinem versum est, quia vindictam perpetuam pro contemptu mandatorum Dei receperunt. Omnis vero anima vivens mortua est in mari; quia multi ex iis qui in mari erant, id est, ex numero reproborum, qui per mare designantur, et qui ante perceptionem legis vivi, id est, justi videbantur, accepta lege, quod injusti fuerint, ex prævaricatione legis comprobatum est. Sunt etiam modo multi in Ecclesia, qui antequam ad honores ecclesiasticos, sive sæculares conscendant, sancti et justi videntur: verum acceptis honoribus, dum donum Dei in malum pervertunt, quod mortui et non vivi fuerint, omnibus patet.

(Vers. 4.) *Et tertius effudit phialam suam super flumina, et super fontes aquarum, et factus est sanguis.* Iste angelus prophetas designat, per flumina vero fontesque aquarum duodecim tribus cum suis familiis designantur; nam et in præcedenti visione per tertium angelum tuba canentem prophetas diximus fuisse designatos. Sed ibi tertia pars fluminum (42) atque fontium versa esse legitur in ab-

A sinthium, per quam eos qui per doctrinam prophetarum amaritudinem pœnitentiæ assumpserunt, atque per eam salvi esse meruerunt, diximus fuisse designatos: hic autem in effusione phialæ tertii angeli flumina et fontes in sanguinem conversa fuisse leguntur. Angelus igitur phialam suam super flumina et fontes aquarum effudit, quando prophetæ sancti impio populo verbum Dei annuntiaverunt: sed illi ex prædicatione sanctorum multo deteriores effecti, non solum mandata Dei contempserunt, sed et ipsos verbi Dei ministros occiderunt. In sanguinem vero versi sunt; quia ipsi sibimetipsis mortem perpetuam intulerunt.

(Vers. 5, 6.) *Et audiivi angelum quartum dicentem: Justus es, qui es, et qui eras sanctus, quia huc iudicasti; quia sanguinem sanctorum et prophetarum effuderunt, et sanguinem eis dedisti bibere, quod digni sunt.* Possumus per angelum quartum (43) angelum illius populi intelligere, qui videns justo Dei iudicio populum iniquum esse damnatum, laudat sententiam justissimam Dei omnipotentis. Et quia sanguinem sanctorum et prophetarum fuderunt, sanguinem biberunt; quia pro morte temporali, quam iustus intulerunt, mortem perpetuam receperunt.

(Vers. 7.) *Et audiivi etiam altare dicens (44): Domine Deus omnipotens, vera et justa iudicia tua.* Possumus per altare sanctos viros qui eo tempore fuerunt, intelligere; qui laudaverunt justum iudicium Dei, eo quod impio populo justissimam damnationem intulerit, sicut legimus Daniele et tres pueros fecisse.

(Vers. 8, 9.) *Et quartus phialam suam effudit in solem, et datum est illi æstu afficere homines (45), et igni. Et æstuaverunt homines æstu magno, et blasphemaverunt nomen Dei habentis potestatem super has plagas; neque egerunt pœnitentiam, ut darent illi gloriam.* Quartus angelus Christum et apostolos ejus, cæterosque prædicatores significat, ut quartum angelum in superiori visione significasse diximus: sed ibi per solem populus Judæorum, per tertiam partem solis et lunæ atque stellarum fideles qui ex illo populo in Christum crediderunt, designantur. Quartus igitur angelus phialam suam in solem effudit; quia Christus et apostoli ejus, quod impii Judæi a Romanis delendi essent, apertis vocibus prædixerunt. Nam sicut quilibet servus accipit a Domino suo gladium, non unde ipse juguletur, sed unde reum jugulet; ita et Romani effusionem phialæ, in qua ira Dei continebatur, non ad hoc susceperunt ut ipsi in ea perirent, sed ad vindicandum Christi sanguinem in Judæos effunde-

(41) Edit., eo quod ipsa, id est, diabolus sit auctor; mss., eo quod ipse sit auctor.

(42) Omnes edit., Sed ibi pars fluminum: mss... tertia pars fluminum.

(43) Rom. edit., angelum aquarum dicentem: Justus es, Domine... Possumus per angelum aquarum, etc.

(44) Omnes edit., Et audiivi vocem de altari dicentem: Etiam, Domine: omnes mss. ut in contextu.

(45) Ita mss.; edit. autem Gill. pro afficere in margine posuit, affligere, quod Rom. in textum admisit, ac præterea totum, qui sequitur, Scripturæ versiculum exsecavit.

rent; unde et sequitur: *Quia datum est illi aestu* A *viris superabantur, tanto ampliores blasphemias ad eos revincendos inveniebant: impeliebant nihilominus eos ad Deum blasphemandum proprii errores, quos profitebantur. Qui etiam sine pœnitentia fuisse dicuntur, vix enim aliquem ex inventori- bus hæresum invenies, qui pœnitentiam egerit ex suis erroribus.*

afficere homines et igni. Possumus per aestum obsidionem, per ignem autem famem et gladium, quibus Judæi pene omnes consumpti sunt, intelligere. Datum est ergo soli afficere homines aestu et igni; quia Romanis datum est a Deo, ut impios Judæos diversis calamitatibus afflictos, quosdam occiderent, quosdam a sua terra evellerent. *Et aestuaverunt homines aestu magno.* Quam magnus fuerit ille aestus, quo Romani Judæos afflixerunt, qui vult scire, Josephum legat, et inveniet nullam gentem in omnibus regnis terrarum atrocius periisse (*De bello Judaico*). *Et blasphemaverunt nomen Dei habentis potestatem super has plagas.* Tam impia fuit gens Judæorum, ut cum scirent se pro sceleribus suis inaudita mala perpeti, non solum a blasphemis Christi non cessaverint, sed etiam multo deteriores blasphemias in suis afflictionibus contra Deum evomerint. Unde et sequitur: *Neque egerunt pœnitentiam, ut darent illi gloriam; darent namque Deo gloriam, si ex suis iniquitatibus pœnitentiam agentes in Christum credidissent, ejusque mandata custodissent.*

(Vers. 10, 11.) *Et quintus effudit phialam suam super sedem bestiae, et factum est regnum ejus tenebrosum: et commanducaverunt linguas suas præ dolore, et blasphemaverunt Deum cæli præ doloribus et vulneribus suis; et non egerunt pœnitentiam ex operibus suis.* Quintus angelus orthodoxos patres qui contra hæreticos dimicaverunt, significat, quemadmodum et illum diximus significasse, qui in superiori visione quintus tuba ccinit (*cap. ix, Vers. 4*). Et sicut illic per locustas hæretici designati sunt, ita et hic per sedem bestiae hæretici designantur: bestia autem diabolum significat. Jure igitur hæretici sedes bestiae dicuntur; quia in eorum cordibus diabolum inhabitat. Quintus igitur angelus phialam suam super sedem bestiae effudit; quia sancti viri errores hæreticorum delegentes, quæ pœna illis instaret, manifestare studuerunt. Factum est vero **561** regnum ejus tenebrosum; quia illis quibus doctrina hæreticorum fulgida videbatur, per doctrinam sanctorum Patrum, quod misera et tenebrosa esset, demonstratum est. *Commanducaverunt linguas suas præ dolore:* quia singuli singulorum errores reprehendebant; nam neque Arius Eunomium secutus, vel Sabellium, vel quemquam illorum; neque illi illum: sed unusquisque hæresim suam stabilire volens, cæterorum errores reprehendebat (46). Qui etiam Deum præ doloribus et vulneribus suis blasphemasse dicuntur; dolebant quippe hæretici, eo quod a catholicis viris semper convincerentur: vulnera vero eorum erant errores singulorum. Blasphemabant vero hæretici Deum præ doloribus suis; quia quanto amplius a catholicis

(Vers. 12.) *Et sextus effudit phialam suam super flumen magnum Euphraten, et siccavit aquam ejus; ut præpararetur via regibus ab ortu solis.* Sextus iste angelus eandem significationem habet quam et ille qui sexta tuba cecinisse visus est; significat enim martyres sanctos: et qui designantur illic per equites, a quibus tertia pars hominum occisa fuisse describitur, ipsi et in hoc loco per flumen magnum Euphraten persecutores videlicet Ecclesiae Dei. Effudit ergo angelus phialam suam super flumen Euphraten; quia quæ damnatio persecutoribus Ecclesiae instaret ipsis persecutoribus sine aliqua trepidatione prædixerunt. Per aquam vero ipsa persecutio designatur: siccavit autem aquam ejus: quia tandiu in prædicatione verbi Dei sancti martyres perstiterunt, usquedum omnis persecutio finem acciperet, quibusdam ex persecutoribus in infernum demersis, quibusdam fidei christianæ semetipsos subjicientibus. Per reges multitudinem gentium, quæ ad fidem Christi confluit, possumus intelligere. Via itaque regibus siccata aqua præparata est; quia finitis persecutionibus, libera facultas data est omnibus gentibus ad fidem Christi veniendi. Sed quomodo ab ortu solis venisse dicuntur, id est, a Christo, qui per solem designatur; cum non a Christo, sed ad Christum, diabolum relinquentes venerint? Nisi forte per solem diabolum intelligamus, ut ab ipso ad Christum venerint: sed melius est ut per solem Christum intelligamus, propter illud propheticum: « Vobis autem timentibus nomen meum orietur sol justitiæ, et sanitas in pennis ejus (47) (*Malach.*) iv, 2. » Ab ortu ergo solis, id est, a Christo veniunt, quia ipso inspirante et impellente ad eum veniunt; ipsius est donum et velle et perficere, quæ bona sunt, sicut ipse dixit: « Sine me nihil potestis facere (*Joan.* xv, 5). » A Christo itaque veniunt quicumque ad Christum veniunt; quia ipse dat ut veniant, et ipse suscipit venientes.

(Vers. 13, 14.) *Et vidi de ore draconis et de ore bestiae, et de ore pseudoprophetae exire tres spiritus immundos in modum ranarum; sunt enim spiritus dæmoniorum facientes signa.* Vocatione gentium (48) descripta, qualiter ad fidem Christi venerint, mentionem facit Antichristi, qui prope finem mundi venturus est. Spiritus vero tres immundi discipulos designant Antichristi, qui eum per universum orbem prædicaturi sunt: qui quamvis homines sint futuri, spiritus immundi, et spiritus dæmoniorum

(46) Nam neque Arius. . . errores reprehendat, ex mss. omnibus restitutum est.

(47) Aberat ex edit., et sanitas in pennis ejus; sed habetur in cunctis mss.

(48) Mss. etiam omnibus debetur, quidquid ab his verbis, vocatione gentium usque ad venturus est, legitur.

vocantur; quia dæmones in ipsis habitabunt, et per ora eorum loquentur: qui de ore Antichristi, et de ore pseudoprophetae ejus exiisse visi sunt; quia per eorum doctrinam filii diaboli efficientur: qui etiam de ore draconis exiisse visi sunt; quia per os Antichristi diabolus loquetur. Ranis nihilominus, quæ sunt reptilia immunda, et in luto viventia, recte assimilantur: quia sicut ranæ in sordidis aquis immorantur, ita et discipuli Antichristi eos facile decipient, qui diversis vitiis et sceleribus non timebant sordidari. Nam et ranarum vox rauca et turpis impiissimam eorum prædicationem blasphemiis plenam designat. *Et procedent ad reges totius terræ congregare illos in prælium ad diem magnum omnipotentis Dei.* Per reges terræ non solum reges, sed et populi designantur: congregabunt autem illos discipuli Antichristi in prælium ad diem magnum omnipotentis Dei, non quod contra Deum pugnare audeant (49) in die iudicii, a quo tam terribiliter iudicabuntur: sed congregabunt eos in prælium ad persequendam Ecclesiam; ut in die magno Dei omnipotentis perpetua pœna damnentur. Et quia finita persecutione Antichristi, Dominus ad iudicium in proximo veniet, subdit:

(Vers. 15.) *Et ecce venio sicut fur.* « Dies Domini, » sicut dicit Apostolus, « sicut fur, » ita in nocte veniet; cum enim dixerint: Pax et securitas, tunc repentinus eis superveniet interitus (*I Thess. v, 2, 3*). *Beatus qui vigilat, et custodit vestimenta sua; ne nudus ambulet, et videant turpitudinem ejus.* Impii qui in voluptatibus suæ carnis veluti in quadam mollitie lectuli requiescunt, et qui nolunt prævidere mala quæ sequuntur, non inconvenienter dormire dicuntur. Quos Apostolus admonet dicens: « Surge, qui dormis, et exurge a mortuis, et illuminabit te Christus (*Ephes. v, 14*). » Justi vero qui mala quæ sequuntur, prævidere student, qui voluptates carnales in se exstinguunt, qui armis virtutum se muniunt; ut contra visibiles et invisibiles hostes indesinenter dimicare valeant, non incongrue vigilare dicuntur, ideoque beati sunt. Vestimenta autem nostrarum animarum sunt opera bona: custodia vestium custodia est mandatorum Dei. Vestimenta ergo nostra custodimus, si ea quæ præcepit Deus, operando implemus: nudus vero est, qui a bonis operibus alienus existit. Nudi impii ambulabunt, cum ad diem iudicii a bonis operibus vacui deducantur: et ideo turpitudine illorum videbitur, quia et angelis et hominibus eorum scelera manifestabuntur.

(Vers. 16.) *Et congregabit eos in locum qui vocatur Hebraice Armageddon.* Armageddon mons globosus, sive consurrectio in priora interpretatur: quæ utraque interpretatio diei iudicii coaptari potest. Mons quippe globosus recte vocatur; eo quod globis flammarum universus mundus tunc delea-

tur: similiter et consurrectio in priora recte dicitur; eo quod omnes homines in priorem statum resurgendo reparentur.

(Vers. 17.) *Et septimus effudit phialam suam in aerem.* Per septimum istum angelum 562 prædicatores sancti, qui temporibus Antichristi futuri sunt, designantur; sicut et illum significasse diximus, qui superius (*Ad cap. xv, v. 15*) septimus tuba cecinisse legitur: per aerem vero vani homines designantur. Angelus igitur phialam suam in aerem effudit; quia prædicatores sancti vanis et impiis hominibus quod perpetua pœna sint damnandi, denuntiabunt. *Et exiit vox magna de templo a throno, dicens.* Vox magna vox est prædicatorum sanctorum: per templum Ecclesia intelligitur. A templo ergo vox exiit, quia ab Ecclesia vox sanctæ prædicationis procedit: quæ etiam et a throno exiisse dicitur: quia Ecclesia Dei thronus est Dei, et in illa sedens requiescit. Quid autem hæc vox dicat, subdendo manifestat: *Factum est;* id est, finis mundi instat, in quo omnia quæ prædicta sunt a Domino et a sanctis, complebuntur.

(Vers. 18.) *Et facta sunt fulgura et voces et tonitruum, et terræ motus factus est magnus, qualis nunquam fuit, ex quo homines fuerunt super terram, talis terræ motus, sic magnus (50).* Per fulgura miracula quæ per sanctos suos factururus est Deus, designantur; legimus namque in superioribus, Eliam et Enoch plurima signa esse facturos: per voces prædicatio sanctorum: per tonitrua autem terror ignis æterni exprimitur; terræ motus vero motionem cordium sæpe designat. Movebuntur enim quidam de malo ad bonum, sicut Judæi qui in Christum credituri sunt: movebuntur alii de bono ad malum, qui fidem Christi relicturi sunt, et errores Antichristi secuturi.

(Vers. 19.) *Et facta est civitas magna in tres partes, et civitates gentium ceciderunt.* Civitas magna civitas est diaboli, id est, omnis multitudo reproborum: per tres partes in quibus divisa est, Judæi qui in Christum credere noluerunt, et pagani atque falsi christiani designantur. Quod autem dicit: *Et civitates gentium ceciderunt;* videtur mihi ad diem iudicii pertinere. Civitates gentium tunc cadent, cum eo igne qui faciem Domini ad iudicium venientis præcedet, omnes gentes delebuntur, sicut dicit Psalmista: « Ignis ante ipsum præcedet, et inflammabit in circuitu inimicos ejus (*Psal. xcvi, 3*). »

Et Babylon magna veniet in memoriam ante Deum dare ei calicem vini indignationis iræ ejus. Quomodo Babylon in memoriam ante Deum venisse dicitur, ad cuius memoriam nihil accedere, nihil recedere potest: in cuius conspectu sicut præsentia, ita præterita, et futura consistunt? Sed memoriam pro tempore posuit. Babylon igitur in memoriam ante

(49) Edit., *contra Deum audeant*: mss. *contra Deum pugnare audeant*.

(50) *Talis terræ motus, sic magnus*, in solis edit. omittebatur.

Deum veniet, quando illud tempus veniet, in quo A statuit judicare mundum, et reddere unicuique secundum opus ejus. Vinum vero indignationis iræ Dei, pœna perpetua est; quia peracto iudicio, omnes impii cum auctore iniquitatis diabolo damnabuntur.

(Vers. 20.) *Et omnis insula fugit, et montes non sunt incenti.* Eandem significationem habent montes et insulae quam civitates gentium, quæ paulo superius dicuntur cecidisse; per insulas namque gentes, per montes vero earum principes designantur: fugere autem dicuntur, cum ab igne in die iudicii delebuntur.

(Vers. 21.) *Et grandis magna sicut talentum descendit de caelo in homines.* In Evangelio scriptum est quod quidam paterfamilias peregre proficiscens, dedit uni servorum suorum quinque talenta, alii duo, alii vero unum. Sed primus et secundus negotiando talenta quæ a domino acceperant, duplicarunt: tertius fodit in terram, et abscondit pecuniam domini sui (*Matth. xxv, 25*). Quæcumque ergo bona temporalia aut quascunque artes a Domino accepimus, pro talentorum acceptione nobis reputabuntur: justi igitur qui per primum et secundum servum designantur, talenta sua duplicant; cum bona temporalia quæ a Domino accipiunt, in bonis operibus expendunt, atque ad bona agenda quoscunque possunt, provocant: impii vero qui per servum tertium designantur, talenta sua in terra abscondunt; quia ex bonis temporalibus quæ a Domino acceperunt, vitia potius quam virtutes enutriunt. Per grandinem, quæ ea quæ ex terra nascuntur, conterit et delet; vindicta omnipotentis Dei designatur, qua impios conteret, et in infernum demerget: quæ sicut talentum esse dicitur, quia unumquemque secundum talenti sui qualitatem puniet; et quanto amplius quis deliquit, tanto ampliora tormenta sustinere cogetur. Sed obscurum est valde quod sequitur: *Et blasphemerunt homines Deum propter plagam grandinis; quoniam magna facta est vehementer.* Quis enim in illo tam districto justoque iudicio (51) blasphemare Deum audebit? Sed blasphemare dicuntur, quia blasphemiam reproborum, quas modo in corde tegunt, cunctis manifestabuntur.

CAPUT XVII. — (Vers. 1.) *Et venit unus de septem angelis, qui habebant septem phialas, et locutus est mecum, dicens.* Sicut superius sub cantu tubæ septimi angeli diem iudicii breviter comprehendens, ad ea quæ prætermiserat, rediit; atque sanctam Ecclesiam sub specie mulieris, quæ amicta erat sole, et luna sub pedibus ejus, describens (52), passiones quas a diabolo pertulit, et quas ab Antichristo in fine mundi passura est, adnectit; ita et hic sub effusione phialæ septimi angeli diem

(51) Omnes edit., *districto justorum iudicio*: omnes mss., *districto justoque iudicio*.

(52) Ita mss.; edit. vero, *Ecclesiam describens*, cæteris prætermisissis.

iudicii summam perstringens, ad ea quæ prætermisit revertitur, atque sub specie mulieris meretricis civitatem diaboli describens, quas pœnas pro sceleribus suis passura sit, in sequentibus manifestat. Angelus vero phialam habens, prædicatores sanctos designat: Joannes autem typum tenet omnium fidelium; unde et subditur:

(Vers. 1, 2.) *Veni, ostendam tibi damnationem meretricis magnæ, quæ sedet super aquas multas, cum qua fornicati sunt reges terræ: et inebriati sunt omnes qui habitant terram de vino prostitutionis ejus.* Meretrix ista in aliquibus locis Romam specialiter, quæ tunc Ecclesiam Dei persequabatur: in quibusdam vero generaliter civitatem diaboli, id est, omne reproborum corpus demonstrat. Angelus igitur Joanni ostendit damnationem meretricis magnæ; quia prædicatores sancti et verbis et scriptis fidelibus ostendunt, quas pœnas impii pro sceleribus suis patiantur, ut eorum pœnis territi a peccatis abstineant. Quæ super aquas multas sedere dicitur; quia ex multitudine gentium, quæ per aquas designantur, civitas diaboli construitur: cum qua reges terræ fornicati esse dicuntur; quia scelera Babylonis auxerunt potius quam destruxerunt. 563 *Et inebriati sunt omnes, qui inhabitant terram, de vino prostitutionis ejus.* Vinum prostitutionis, diversi errores, diversa sunt scelera impiæ civitatis; nam sicut meretrix prostituitur omnibus secum fornicari volentibus, ut eorum immunditiis polluatur: ita et omnes impii subjiuntur dæmonibus, cum eorum pravis suggestionibus obtemperantes, in omnibus sceleribus se dejiciunt (53), sicut propheta ad Jerusalem loquitur dicens: « Et posuisti ut terram corpus tuum, et quasi viam transeuntibus (*Isa. li, 23*). » Terræ autem habitatores omnes reprobos vocat: ebrietas vero malitia est Babylonis; quia sicut ebriosus tamdiu impletur vino, usque dum a mente sua alienus efficiatur: ita et reprobi tamdiu omni malitia semetipsos replent, usque dum a mente sua alieni effecti, timorem Dei, omnemque bonitatem a semetipsis abjiciant, sicut dicit beatus Job, quia bibunt sicut aquam iniquitatem (*Job xv, 16*).

(Vers. 3.) *Et abstulit me in desertum in spiritu: et vidi mulierem sedentem super bestiam coccineam, plenam nominibus blasphemiarum, habentem capita septem, et cornua decem.* Per desertum omnis impiorum multitudo designatur; eo quod ipsi deserunt Deum, et ideo derelicti sunt a Deo. In deserto igitur mulier meretrix inventa est, quia ex multitudine iniquorum civitas diaboli constat. Bestia vero, sicut ipse in sequentibus exponit diabolum significat: coccus autem colorem sanguinis habet; et per sanguinem sæpe mors designatur. Diabolus itaque sanguineus est, quia auctor est mortis et

(53) Edit., *pravis suggestionibus sceleribus se pelliciunt*; Rom. *devinciunt*; mss. vero, ut in contextu.

omnis perditionis. Quæ bestia plena nominibus A blasphemiarum esse dicitur, eo quod ipse diabolus auctor sit omnium blasphemiarum. Quid sint autem capita septem et cornua decem, angelus in sequentibus exposuit.

(Vers. 4.) *Et mulier erat circumdata purpura et coccino, et inaurata auro, et lapide pretioso, et margaritis, habens poculum aureum in manu sua, plenum abominationum, et immunditiae fornicationis ejus.* Purpura sanguine tingitur, coccus vero sanguinis habet colorem, suntque vestimenta regalia, per quæ potestas sæcularis designatur : per sanguinem autem sæpe mors designatur (54). Purpura igitur et coccus sanguinis speciem habent ; quia potestas sæcularis mortifera est, et periculum sempiternum affert iis qui eam amplius quam cœlestem gloriam amplectuntur. Possumus etiam per vestimenta sanguinea opera impiorum intelligere, pro quibus morte perpetua damnabuntur. Quodque sequitur : *Et inaurata auro* ; per aurum sæpe sapientia designatur. Mulier igitur inaurata erat auro ; quia sapientiam hujus sæculi possidebat, quæ stultitia est apud Deum. Per gemmas vero et margaritas eloquentia sæcularis designatur : per poculum aureum, quod manu tenuisse dicitur, philosophorum et poetarum doctrina designatur : quod plenum abominationum et immunditiæ fornicationis ejus dicitur ; quia doctrina philosophorum et poetarum plena erat mendaciis, omnibusque erroribus ad decipiendum genus humanum compositis.

(Vers. 5.) *Et in fronte ejus nomen scriptum, Mystrium, Babylon magna, mater fornicationum et abominationum terræ.* Per frontem atque faciem (55) homo dignoscitur ; similiter et impii ex operibus suis intelliguntur, sicut Salomon dicit : « Ex studiis suis intelligitur puer (Prov. xx, 11). » Per frontem itaque atque faciem opera impiorum designantur ; quia ex operibus suis intelliguntur quod sint filii diaboli, civesque impiæ civitatis.

(Vers. 6.) *Et mulierem vidi ebriam de sanguine sanctorum, et de sanguine martyrum Jesu.* Numquid Babylon sanguinem sanctorum biberat ? Sed ebria erat, id est, ab omni spirituali ratione aliena : ebria erat ; quia ultio sanguinis sanctorum ita eam damnabilem fecerat, et a misericordia Dei alienam, ut non esset digna quatenus aliquo modo suæ saluti posset consulere. *Et miratus sum cum vidissem illam, admiratione magna.* Mirantur fideles, cum vident reprobos tantum a timore Dei alienos, ut sine aliqua trepidatione et innocentibus plurima mala ingerant, et in omnibus flagitiis semetipsos demergant, scientes Deum nullum scelus impunitum relinquere ; nisi prius pœnitentia cæterisque medicaminibus, quibus peccata sanantur, fuerit deletum.

(54) Per sanguinem autem sæpe mors designatur, e mss. in locum suum repositum est.

(55) Aberat etiam ab edit., Per frontem atque fa-

(Vers. 7.) *Et dixit mihi angelus : Quare miraris ? Ego dicam tibi sacramentum mulieris, et bestiae, quæ portat eam, quæ habet capita septem, et cornua decem.* Eandem significationem habet bestia in hoc loco, quam et superius diximus draconem habuisse ; significat namque diabolum. Quid sint autem capita septem, et cornua decem, ipse, ut diximus, sequentibus exponit. *Bestia quam vidisti, fuit, et non est, et ascensura est de abyso, et in interitum ibit.* Bestia, id est diabolus, fuit ante adventum Christi, possidens genus humanum ; non est modo, id est, non possidet genus humanum sicut antea ; quia per Christum ab electorum cordibus expulsus est : ascensura vero est de abyso ; quia temporibus Antichristi solvetur Satanus de carcere suo, et exhibit, seducet omnes gentes, sicut sequentia plenius manifestant ; et in interitum ibit ; quia cum omnibus reprobis quos deceperit, et cum omnibus satellitibus suis æterna pœna damnabitur.

(Vers. 8.) *Et mirabuntur inhabitantes terram, quorum non sunt scripta nomina in libro vitæ a constitutione mundi, videntes bestiam quæ fuerat, et non est.* Inhabitantes terram eos debemus intelligere, qui amatores terræ erunt magis quam Dei, quos Antichristus facile decipiet. Mirabuntur ergo reprobi, quorum non sunt scripta nomina in libro vitæ, id est, qui non sunt prædestinati ad vitam æternam ; videntes bestiam, id est, diabolum per Antichristum signa facientem, et in Antichristo diabolum adorantes.

C (Vers. 9.) *Et hic est sensus, qui habet sapientiam : id est, in hoc quod sequitur, magna obscuritas est, et sensus ad ea intelligenda valde acueendus est. Et nos rogemus Dominum, ut hanc obscuritatem nobis aperiat.*

(Vers. 10.) *Septem capita, septem montes sunt, super quos mulier sedet ; et reges septem sunt. Quinque ceciderunt, unus est, alius nondum venit ; et cum venerit, oportet illum breve tempus manere.* Diximus superius per septem capita draconis illos reprobos esse designatos, per quos diabolus genus humanum decepit, quos etiam in partes septem divisimus, sicut et cæteram multitudinem reproborum. Et quia eandem significationem 564 habet hæc bestia de qua loquimur, quam et draconem diximus habuisse ; designant namque diabolum : eandem significationem habent etiam septem capita bestiae, quam et septem capita draconis diximus habuisse. Quæ et montes dicuntur ; quia altiores fuerunt illi in sceleribus, qui cæteros deceperunt, quam illi qui ab eis decepti sunt, sicut in sequentibus de Babylone dicit : « Quia venerunt peccata ejus usque ad cælum (Inf. cap. xvii, vers. 5). » Vocantur nihilominus et septem reges, eo quod cæteris ad perditionem euntibus ducatum præbuerint. Super hos ergo montes meretrix sedere

ciem.... intelligitur puer : sed in nullis scriptis cod. desideratur.

dicta est; quia ab iis civitas diaboli in omnibus erroribus atque sceleribus informata est. Nam sicut apostoli fundamenta dicuntur Ecclesiae, ita e diverso inventores errorum fundamenta sunt civitatis diaboli. Ex iis igitur capitibus, sive montibus, vel regibus, quinque ceciderunt, unus erat, alius nondum venerat. Primum caput diaboli ceciderat; quia illi qui ante diluvium fuerunt, per quos ii qui filii Dei vocabantur (*Gen. vi, 2*), decepti sunt, in cloacam inferni descenderant. Similiter et secundi qui post diluvium usque ad legem fuerunt, in eadem perditionis fovea demersi tenebantur. Ceciderant et tertii, qui populo Dei, quibus lex data est, idola colere suadebant. Similiter et falsi prophetæ, qui in quarto loco ponuntur, jam ceciderant in interitum suæ perditionis, eo quod deceptores fuerint populo Dei. Iniqui vero Judæi, qui Dominum interfecerunt, et apostolos ejus persecuti sunt, qui in quinto ponuntur loco; eo tempore quo hæc visio Joanni demonstrata est, jam a Romanis devastati fuerant. Quinque ergo capita bestiae jam ceciderant, quæ montes regesque nominantur; quia omnes præcedentes, et impii Judæi qui in quinto loco ponuntur, jam perditionis suæ poenas luebant. Unus erat; quia pagani, illi videlicet qui Ecclesiam Dei persecuti sunt, qui et in sexto loco ponuntur, tunc Ecclesiam Dei persequabantur; ob quam causam et iste Joannes in Patmos insula relegatus tenebatur. Alius nondum venerat; quia Antichristus qui in septimo loco ponitur, nondum venit; et cum venerit, oportet illum breve tempus manere; quia Dominus Jesus interficiet eum spiritu oris sui, et destruet illustratione adventus, sicut ipse dicit in Evangelio: « Et nisi Dominus breviasset dies illos, id est, dies persecutionis Antichristi, non fieret salva omnis caro (*Marc. xiii, 20*); » per omnem carnem solos electos designans.

(Vers. 11.) *Et bestia quæ erat, et non est, et ipsa octava est, et de septem est; et in interitum vadit.* Et bestia, id est, diabolus, qui ante adventum Christi dominabatur humano generi, et modo non tenet illud ita obnoxium, quemadmodum tunc faciebat, ipsa scilicet bestia octava est. Septem namque partes sunt omnium reproborum, octava vero pars eorum est diabolus cum cæteris dæmonibus. De septem est, quia de societate reproborum dæmones existunt: et sicut fuerunt auctores perditionis eorum, ita erunt et socii tormentorum. Unde et sequitur: *Et in interitum vadit.* Hæc quæ sequuntur, usque ad eum locum ubi angelus de cælo descendisse visus est, ad destructionem Romani imperii proprie pertinent.

(Vers. 12.) *Et decem cornua quæ vidisti, decem reges sunt, qui regnum nondum acceperunt; sed*

(56) Edit., hæc gentes propriam potestatem acceperunt. *Ii unum consilium habebunt, id est, unam voluntatem in malo. Et virtutem suam, et potestatem bestie tradiderunt. Quia eorum virtus, etc.;*

A *potestatem tanquam reges una hora accipient post bestiam.* Quatuor bestiae Danieli in visione demonstratæ sunt (*Dan. vii, 3*), per quas quatuor figurabantur: quarta autem bestia, quæ erat fortis atque terribilis, per quam Romani designati sunt, decem cornua habuisse describitur, per quæ ea regna quæ Romanum imperium destruxerunt, designata sunt, sicut sanctus Hieronymus quorundam assertionem sequens exponit (*Comment. in cap. vii Daniel.*). Eandem itaque significationem habent decem cornua in hoc loco, quam et illa habuisse dicuntur; significant quippe ea regna, per quæ Romanum imperium destructum est. Partem namque Asiæ per se primitus abstulerunt: postea vero Saraceni totam subegerunt: Vandali Africam sibi vindicaverunt, Gothi Hispaniam, Longobardi Italiam, Burgundiones Galliam, Franci Germaniam, Hunni Pannoniam: Alani autem et Suevi multa loca depopulati sunt, quæ eorum subjacebant ditioni. Hæc ergo regna eo tempore, quo visio ista Joanni demonstrata est, potestatem nondum acceperant: sed una hora tanquam reges potestatem acceperunt; quia singularum istarum gentium potestas paucis tempore permansit. Post bestiam regnum acceperunt, quia destructo regno diaboli per Christum, hæc gentes impiam potestatem acceperunt (56).

(Vers. 13, 14.) *Ii unum consilium habebunt, virtutem suam et potestatem bestie tradiderunt.* Unum consilium habuerunt, id est, unam voluntatem in malo. Virtutem suam et potestatem bestie tradiderunt; quia eorum virtus atque potestas diabolica fuit. *Ii cum agno pugnabunt, et agnus vincet illos.* Cum agno pugnaverunt, qui Ecclesiam Dei persecuti sunt, populumque Dei interfecerunt: Agnus autem vincet illos, quia scimus has gentes præter paucas jugum fidei Christi jam suscepisse. *Quoniam Rex est, et Dominus dominantium, et qui cum illo sunt vocati, electi et fideles.* Qui sunt reges et dominantes, ipsi sunt electi et fideles. Christus igitur Rex regum est, et Dominus dominantium: quia ipse est Rex et Dominus omnium sanctorum: et qui cum illo sunt vocati, electi et fideles sunt, id est sancti, qui ad hoc vocati sunt, ut cum illo in æternum permaneant, electi et fideles jure vocantur. Vocantur enim et reprobi, sicut Dominus dicit: « Multi sunt vocati, pauci vero electi (*Matth. xx, 16*). » Sed reprobi ad hoc vocantur, ut inexcusabiles sint: electi vero, ut cum ipso in æternum perseverent (57).

(Vers. 16.) *Et decem cornua, quæ vidisti in bestia; hi odient fornicariam.* Fornicariam Romam vocat, quæ pro defensione falsorum deorum, Deum creatorem suum persequabatur. Decem itaque cornua odio habuerunt fornicariam, quando gentes quæ per decem cornua designatæ sunt, ad destruendum

mss. vero nobiscum faciunt.

(57) Rom. edit. hic posuerat: *Et dixit mihi: Aquæ quas vidisti, ubi meretrix sedet, et alia quæ in mss. et Gill. edit. habentur proxime ante, vers. 18.*

Romanum imperium arma sumpserunt. *Et desolatam illam facient et nudam.* Desolatam illam fecerunt et nudam, quando omnes gentes (58) potestati ejus ademerunt. *Et carnes ejus manducaverunt.* Quia deliciae carnes nutriunt, possumus per carnes divitias omnium gentium intelligere. Carnes ejus manducaverunt, quando opes omnium 565 gentium, quae Romam deferebantur, acceperunt, et in suos usus redegerunt. *Et ipsam igni concremabunt.* Scimus plurimas civitates, vicos, et castella, quae Romano imperio subjacebant, ab his gentibus fuisse concremata.

(Vers. 17.) *Deus enim dedit in corda eorum, ut faciant quod illi beneplacitum est; ut dent regnum suum bestiae, donec consummentur verba Dei.* Deus dedit in corda eorum, id est, permisit ut faciant quod illi beneplacitum est, et quod praedictum est a prophetis ejus et apostolis, qui praedixerunt quod potestas Romani imperii ab eis gentibus esset destruenda. Regnum autem suum bestiae dederunt, donec consummarentur verba Dei; quia secundum justissimi Dei permissionem tandiu suggestiones diaboli in sceleribus perpetrandis secuti sunt, quandiu consummarentur verba Dei, id est, impleverentur ea quae a Deo et sanctis ejus praedicta sunt.

(Vers. 15.) *Aquae quas vidisti, ubi meretrix sedet, populi sunt et tribus et linguae.* Per aquas, omnes gentes quas sibi Romani subjecerant, designantur.

(Vers. 18.) *Et mulier quam vidisti est civitas magna, quae habet potestatem super cunctos reges terrae.* Hoc manifestum est; scimus enim Romanos eo tempore cunctis regibus terrae dominatos esse. Sed dicet aliquis: Quomodo per mulierem meretricem Romani designantur, cum illis temporibus, quando haec gentes diversas clades generi humano intulerunt, Romani christiani exstiterint? Ad quod nos respondemus, quia per mulierem meretricem non electi, qui ex eadem gente fuerunt, intelliguntur, quique mundi gloriam pro amore gloriae caelestis contempserunt; sed reprobi, sive pagani, sive christiani fuerint. Illorum ergo potestas ab iis gentibus destructa est, qui impia dominatione genus humanum premebant.

CAPUT XVIII. — (Vers. 1.) *Post haec vidi alium angelum descendentem de caelo, habentem potestatem magnam: et terra illuminata est a gloria ejus.* Haec quae sequuntur, generaliter ad impiam civitatem, id est, ad omnes reprobos pertinent. Et ut plenius eversionem Babylonis demonstret, ad primam ejus ruinam, qua per Christum eversa est, revertitur. Angelus namque iste Christum significat, qui de caelo ad terram descendere dignatus est, ut homines ad caelestia sublevaret. Qui potestatem magnam habere dicitur; quia eandem potestatem habet quam et Pater, eo quod aequalis sit per omnia

A Patri. *Terra illuminata est a gloria ejus; quia per doctrinam fidei ejus genus humanum a tenebris ignorantiae atque incredulitatis est ereptum.*

(Vers. 2.) *Et clamavit in forti voce, dicens. Vox Christi doctrina est Evangelii. Quid autem haec vox clamaverit, subdendo manifestat: Cecidit, cecidit Babylon magna.* Dixisse Dei fecisse est; dixit enim cecidisse Babylonem, quia ipse fecit ut caderet: quae his cecidisse dicitur, quia cecidit primo, cum per doctrinam Evangelii maximam multitudinem electorum amisit, qui ab ea per fidem Christi praecisi, cives sanctae civitatis, id est, Ecclesiae facti sunt: eadet secundo, cum in ultimo die morte perpetua, quae in hoc libro mors secunda vocatur, punietur. *Et facta est habitatio daemonum.* Numquid adventum Christi daemones in Babylone non habitabant? Habitabant quidem, sed eorum habitatio ignorabatur: quando autem multitudo electorum ad fidem conversa est, Babylon habitatio daemoniorum facta est: quia illi qui fidem Christi susceperunt, quod habitatio daemoniorum in Babylone semper fuerit, veraciter cognoverunt. *Et custodia omnis spiritus immundi, et custodia omnis volucris immundae et odibilis.* Qui sunt daemones, ipsi sunt spiritus immundi, et volucres immundae. Volucres quippe nominantur eo quod per aerem istum more ventorum indesinenter discurrant: custodes vero Babyloniae ideo vocantur, quia sicut angeli electos Dei custodiunt: ne tam pessime peccent, ut peccent: ita et daemones impios observant, ne aliquando ab iniquitatibus suis resipiscant et salventur.

(Vers. 3.) *Quia de vino irae ejus biberunt omnes gentes, et reges terrae cum illa fornicati sunt, et mercatores terrae de virtute deliciarum ejus divites facti sunt.* Quid sit vinum irae, et quid fornicatio regum cum Babylone autem, superius breviter diximus. Per mercatores terrae amatores saeculi possumus intelligere, qui animas suas pro acquisitione pecuniarum perditioni tradunt. De hujusmodi mercatoribus Jesus filius Sirach loquitur, dicens: « Hic enim animam suam venalem habuit; quoniam in vita sua projecit intima sua (Eccli. x, 10). » Animam suam venalem habuit, qui eam pro acquisitione pecuniarum daemonibus tradere non timuit: delicias vero virtutem Babylonis vocat: quia sicut electi tota virtute laborant ut divitias caelestes acquirant, ita et reprobi totis nisibus insistunt ut divitias perituras sibi accumularent. De talibus dicit propheta: « Ut inique agerent, laboraverunt (Jerem. ix, 5). »

(Vers. 4.) *Et audivi aliam vocem de caelo dicentem.* Per caelum in hoc loco Ecclesia designatur: vox de caelo vox est praedicatorum de Ecclesia procedens. Sed quid dicit vox ista? *Exite de illa, popule meus.* Dominus per praedicatores suos, suadet

(58) Ita mss.; edit. autem: *arma sumpserunt, Et desolatam illam fecerunt, et nudam. Quando omnes gentes, etc.*

electis, ut exeant a Babylone, non corpore, sed A mente. Quemadmodum autem a Babylone exire debeant, in sequentibus docet, dicens: *Et ne participes sitis delictorum ejus*; illi enim a Babylone convenienter exeunt, qui a malis operibus ejus se alienos reddunt, sicut Psalmista de semetipso loquitur, dicens: « Non sedi in consilio vanitatis, et cum iniqua gerentibus non introivi (*Psal. xxv, 4*). »

Et de plagis ejus non accipietis. Quid sunt plagæ Babylonis, nisi vitia quæ animas interficiunt? Possumus etiam per plagas Babylonis pœnas, quæ impiis præparatæ sunt, intelligere, ut sit sensus: Si a sceleribus Babylonis abstineritis, a pœnis quas in æternum patietur, alieni eritis.

(Vers. 5.) *Quoniam pervenerunt peccata ejus usque ad cælum, et recordatus est Deus iniquitatem ejus.* B Iniquitates Babylonis omnipotens Deus semper in-tuctur; sed cum vindictam non exigit, videtur non videre quod videt. Per hoc ergo quod dicit, illud designat (59) tempus, in quo omnes impii perpetua pœna plectentur.

(Vers. 6.) *Reddite sibi, sicut ipsa reddidit vobis.* Præcipitur electis, ut reddant Babyloni, sicut illa ipsis reddidit, sive pro eo quod sancti Dei impios 566 judicabunt, sicut dicit Dominus in Evangelio: « In regeneratione cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel (*Matth. xix, 28*); » sive pro eo quod ipsi membra sunt ejus cui judicandi potestas a Patre tradita est. Reddunt itaque justis impiis mala quæ ab eis passi sunt; cum Christus qui caput illorum est, et cujus membra ipsi sunt, eos perpetua pœna damnabit. *Et duplicate duplicia secundum opera ejus.* Dupliciter Babylon electos Dei persecuta est, quando corporibus et animabus eorum multa mala ingessit. Dupliciter pœnas ipsa recipiet, quia cum animabus corpora cruciabuntur; ipsaque duplicia duplicabuntur; quia pro pœnis temporalibus atque brevibus, quibus justos affixit, pœnas æternas excipiet. *In poculo quod miscuit vobis, miscete ei duplum.* Per poculum tribulationes quas ab iniquis sancti passi sunt, possumus intelligere.

(Vers. 7.) *Quantum glorificavit se, et in deliciis fuit, tantum date illi tormentum et luctum.* Quantum glorificavit se, id est, in superbiam erexit, et omnibus vitiis se implicavit, tanto et ampliora tormenta excipiet. *Quia in corde suo dicit: Sedeo regina, et vidua non sum, et luctum non videbo.* D Reginam se Babylon quodammodo vocat, cum se in prosperis hujus mundi extollit. Viduam non se esse dicit; quia a bonis temporalibus, quibus conjuncta est, et ex quibus luxuriam suam enutrit, non se posse disjungi confidit. Luctum non esse visuram dicit; quia impii, quamvis sciant se pro sceleribus suis esse puniendos, fingunt se non videre quod vident,

(59) Edit. et ms. Reg., *non exerit*; et edit. solæ, *Per hoc quod dicit aliam vocem, illud designat*, etc.; mss. vero nobis consentiunt.

memoriamque mortis a mente sua rejiciunt, ne tristis cogitatio letitiam cordis eorum perturbet.

(Vers. 8.) *Ideo in una die venient plagæ ejus, mors, et luctus, et fames.* In die judicii mors perpetua illi veniet, quæ in hoc libro mors secunda vocatur. Luctus illi veniet, sicut Dominus dicit in Evangelio: « Ibi erit fletus et stridor dentium (*Matth. viii, 12*). » Fames illi veniet, id est, fames requiei; desiderabunt enim a pœnis requiescere, quas patientur, ad quam requiem nullo modo pervenient.

(Vers. 9, 10.) *Et igni comburetur*; id est, igne æterno. *Quoniam fortis est Dominus, qui judicabit illam. Et flebunt, et plangent se super illam reges terræ, qui cum illa fornicati sunt, et in deliciis vixerunt, cum viderint fumum incendii ejus, longe stantes propter timorem tormentorum ejus, dicentes: Væ, væ civitas illa Babylon, civitas illa fortis; quia in una hora venit judicium tuum!* Quid sit fornicatio regum cum Babylone superius diximus: sed mirum valde est quod longe stare dicantur, cum in eisdem pœnis et ipsi sint demergendi, in quibus et cæteri reprobi, qui per Babylonem designantur. Stabant igitur longe, mente et voluntate, non corpore; horrentes scelera sua, pro quibus æternaliter cruciabuntur. Stabant longe per desiderium, aliud desiderantes, id est requiem; et aliud patientes, id est tormenta æterna.

(Vers. 11.) *Et negotiatores terræ flebunt et lugebunt super illam: quoniam mercedes (60) eorum nemo emet amplius.* Quia superius per mercatores terræ amatores sæculi diximus esse designatos, possumus in hoc loco per negotiatores eos accipere, qui bonum quod facere videntur, vendunt. Sunt namque multi, quibus legum sæcularium scientia data est, qui causas pauperum in judiciis portant: sed quia non pro amore Dei, sed pro præmiorum acceptionibus hoc faciunt, mercedem a Deo non recipiunt. In tantum vero hæc miseria convaluit, ut vix invenias aliquem ex iis, qui locum habent apud principes, qui aliquod verbum ad proximi pauperis necessitatem sustentandam proferat sine præmii acceptione. Possumus et per negotiatores terræ, eos intelligere, qui ex bono quod faciunt, laudes ab hominibus requirunt. Possumus etiam et per eosdem, illos qui gradus ecclesiasticos vendunt intelligere: quod divina Scriptura valde condemnat. Et quamvis multi ex episcopis ab hoc scelere videantur immunes, ministri tamen eorum in hoc sæpe polluuntur: sed ad magistros respicit, quidquid a discipulis delinquitur. Est et aliud scelus valde pessimum, quod ab iis qui archidiaconi appellantur, committitur; nam ab adulteris presbyteris pretium accipiunt, et tacendo in malum consentiunt, quod per auctoritatem quam ab episcopis acceperunt, emendare possent. Sunt etiam alii ex hujusmodi presbyteris, qui timentes se damnari pro sceleribus suis, in servitiis archidiaconorum plus sunt assidui quam

(60) Rom. edit., *quoniam merces eorum*; sed mss. ac Gill. hic et alibi constanter legunt, *mercedes, mercedem*, et similia.

cæteri : contra quos si quis aliquod verbum contrarium proferre voluerit, defenduntur ab eis : et fingunt se nescire quod sciunt, condemnanturque illius prophetica sententia, quæ dicit : « Væ qui dicitis malum bonum, et bonum malum ; ponentes tenebras lucem, et lucem tenebras (*Iss. v, 20*) ! » Ad te ergo loquor, qui talis es : ecce animam sacerdotis diabolo vendidisti. Quis enim suavitati presbytero ut fornicaretur, nisi diabolus ? Qui ergo suavitati ut fornicaretur, ipse suavitati ut pretium tibi daret, quatenus hoc scelus sine timore perpetrare posset. Per manum ergo presbyteri pretium perditionis animæ ipsius tibi diabolus dedit. Ecce pretium accepisti, et animam fratris. Christi sanguine redemptam, eidem diabolo a quo redempta est, tradidisti. In Lege scriptum est quod si quis hominem qui frater ejus esset, vendidisset, morte moreretur (*Exod. xxi, 16*) : si igitur reus est ille, qui hominem homini vendit ; quanto magis tu reus existis qui hominem Christi sanguine redemptum non homini, sed quod perniciosius est, diabolo vendidisti ! Tales ergo negotiatores flebunt et lugebunt in inferno, quoniam mercedes eorum nemo emet amplius ; amittent enim quod tenere videbantur, et incident in malum quod prævidere neglexerunt.

(Vers. 12, 13, 14.) *Mercedem auri, et argenti, et lapidis pretiosi, et margaritæ, et byssi, et purpuræ, et serici, et cocci, et omne lignum thynum, et omnia vasa eboris, et omnia vasa de lapide pretioso, et aramento, et ferro, et marmore, et cinnamomo, et odoramentorum, et unguenti, et thuris, et vini, et olei, et similia, et tritici, et jumentorum, et ovium, et equorum, et rhedarum, et mancipiorum, et animarum hominum : et poma tua desideria animæ tuæ discesserunt a te, et omnia pingua et præclara perierunt a te, et amplius illa non invenient mercatores horum.* In omnibus quæ enumerata sunt, avaritia Babylonis atque luxuria condemnatur. Nam et in iudicio Dominus non dicet reprobis : **567** *Ite, maledicti, in ignem æternum ; quia homicidæ fuistis, superbi, fornicatores, adulteri ; sed dicet : « Esurivi, et non dedistis mihi manducare ; sitivi, et non dedistis mihi bibere ; » et cætera misericordiæ opera, a quibus avaritia retrahit reprobos, ne misericordes sint erga pauperes. Avaritia quippe nutritrix est luxuriæ : nutrimenta autem luxuriæ in hoc loco descripta sunt, quibus ab avaritia nutritur. Et si diligenter inspicere voluerimus, inveniemus omnia quæ in hoc loco ad avaritiam sive luxuriam Babylonis demonstrandam enumerata sunt, ad quinque corporis sensus pertinere. Quinque enim sunt corporis sensus, id est visus, auditus, gustus, odoratus et tactus, quos Deus hominibus et animalibus dedit ; animalibus ad vitam suam tantummodo tuendam, hominibus autem et ad vitam tuendam, et ut per eos ratio animam quæ illi commissa est per viam re-*

A *ctitudinis posset ducere. Iusti itaque qui per hos quinque corporis sensus secundum rationis rectitudinem incedere studuerunt, amicitiam sibi Dei omnipotentis acquisierunt : impii vero qui rationis bonum in malum pervertentes, hos corporis sensus luxuriæ et cæteris vitiis servire coegerunt, iram nihilominus iusti iudicis incurrerunt. Igitur si ea quæ in sequentibus scripta sunt, vocem scilicet citharædorum et musicorum, et tibia canentium et tuba, cum iis conjungere volueris ; invenies omnes divitias Babylonis, quæ hic descriptæ sunt, ad quinque corporis sensus, ut supra diximus, pertinere. Aurum namque, et argentum, et lapides pretiosi, et margaritæ, ad visum : byssus, et purpura, et coccus, et cætera, ad tactum : cinnamomum, et odoramenta, et unguenta, et thus, ad odoratum : vinum, oleum, similia, triticum, et cætera, ad gustum : vox citharædorum, et musicorum, et tibia canentium, ad auditum pertinent. Damnatio ergo Babylonis, sicut hæc Scriptura demonstrat, maxime in divitiis consistit ; eo quod divitiæ nutrimenta sint vitiorum, et ex quibus avaritia, quæ modo regina mundi dici potest, luxuriam filiam suam alit.*

(Vers. 15, 16, 17.) *Qui divites facti sunt, ab ea longe stabunt propter timorem tormentorum ejus, flentes et lugentes, et dicentes : Væ, væ, civitas illa magna quæ amicta erat bysso, et purpura, et cocco, et inaurata auro, et lapide pretioso, et margaritis ; quoniam una hora destitutæ sunt tantæ divitiæ !* Quod divites Babylonis longe stare dicantur, secundum sensum superiorem, quem de regibus diximus, intelligendum est.

(Vers. 18, 19.) *Et omnis gubernator, et omnes qui in lacum navigant (61), et nautæ qui in mari operantur, longe steterunt, et clamaverunt, videntes locum incendii ejus, dicentes : Quæ similis civitati huic magnæ ? Et miserunt pulverem super capita sua flentes et lugentes, et dicentes : Væ, væ, civitas illa magna, in qua divites facti sunt omnes, qui habent naves in mari de pretiis ejus ; quoniam una hora desolata est !* Possumus per mare hoc sæculum : per gubernatores vero principes iniquos intelligere : per eos autem qui de loco ad locum navigant, et per nautas qui in mari operantur, eos qui diversa officia ad deprædationes pauperum, et ad peccata sua quotidie augenda in mundo exercent. Isti ergo flebunt et lugebunt, videntes locum incendii Babylonis ; ipsi namque erunt Babylon, et ipsi lugebunt et flebunt. Videbunt autem incendia Babylonis, quia sua incendia perferendo videbunt, quæ mente in sæculo positi, conspiciere neglexerunt, ut se corrigerent. Qui etiam cinerem super capita sua misisse dicuntur ; nam sæpe per caput mens, per cineres peccata designantur. Cinerem itaque super capita sua ponent ; quia memoria peccatorum a mentibus eorum nunquam recedet.

(61) Omnes edit., qui a longe navigant ; codex gem., qui in locum navigant : Sag. et Reg., qui in lacum, etc.

(Vers. 20.) *Exsulta super eam, cœlum, et sancti A apostoli et prophete; quia judicavit Deus iudicium vestrum de illa.* Possumus per cœlum angelos, per apostolos novi Testamenti patres, per prophetas autem patres veteris Testamenti intelligere. Exsultabunt igitur, cum destructa fuerit omnis caterva impiorum cum ipsis dæmonibus auctoribus iniquitatum. Exsultant etiam, eo quod tunc finem acceptura sit omnis malitia et adducetur justitia sempiterna (62).

(Vers. 21.) *Et sustulit unus angelus fortis lapidem quasi molarem magnum, et misit in mare, dicens: Hoc impetu mittetur Babylon magna, et ultra non inveniatur.* Iste angelus Christum significat, qui fortis esse dicitur; quia fortitudinem Christi quanta sit, humana mens comprehendere non potest; per lapidem vero molarem magnum omnis multitudo impiorum designatur: mare autem infernum designat, in quo omnes impii demergentur. Angelus igitur lapidem molarem in mare misit; quia Dominus noster Jesus Christus in die iudicii omnem impiorum multitudinem suo justo iudicio in infernum demerget.

(Vers. 22, 23.) *Et vox citharædorum, et musicorum, et tibia canentium et tuba, non audietur in te amplius. Hoc superius commemoratum est. Et omnis artifex, et omnis ars non inveniatur in te amplius, et vox molæ non audietur in te amplius, et lux lucernæ non lucebit in te amplius, et vox sponsi et sponsæ non audietur in te adhuc.* Quærendum nobis est cur artes, et vocem molæ, et lumen lucernæ, et vocem sponsi et sponsæ inter scelera Babylonis computet; cum ista omnia sine culpa exerceri possint, et sine istis vita humana subsistere non possit. Spiritualiter itaque ista omnia intelligenda sunt. Possumus ergo per artes sapientiam hujus sæculi, quæ stultitia est apud Deum (I Cor. III, 19), intelligere, quas artifices maligni et filii Babylonis ad hoc discunt, ut in malitia Babylonis possint proficere; sapientes enim sunt ut faciant mala, bene autem facere nesciunt (Jerem. IV, 22). Mola vero quidquid sub se acceperit, conterit et comminuit: possumus igitur per molam iudices impios accipere. Vocem ergo mola mittit, cum iudices impii iudicia injusta ad conterendos innocentes proferunt. Per lumen vero lucernæ, hujus sæculi gloria designatur: de hac lucerna dicit Scriptura: « Lucerna impiorum exstinguetur (Prov. XXIV, 20). » Lucerna quippe impiorum exstinguitur, cum ab hac vita subtracti, gaudium temporale amittunt, et æternam tristitiam incurrunt. Possumus nihilominus per sponsum amatores sæculi, per sponsam vero terram intelligere; quia sicut amor sponsum et sponsam ligat, ut una caro efficiantur: ita et amor sæculi amatores suos sic terræ conjungit, ut unum cum ea efficiantur, a qua, si fieri posset,

(62) Ita mss., edit. e contrario, *et adducentur justi ad gaudia sempiterna.*

(63) Edit. et mss. Reg., *esse divisam*; edit. addunt:

in perpetuum segregari nollent. Tales ergo artifices in Babylone non audientur amplius; quia cum ea in perpetuum damnabuntur. *Quia mercatores tui erant principes terræ.* Habet Ecclesia mercatores suos, habet et Babylon: mercatores Ecclesiæ thesauros suos in cœlo recondunt, ubi fures non effodiunt et furantur (Matth. VI, 20); mercatores vero Babylonis thesauros suos in terra recondunt, ubi fures effodiunt, nec furantur. *Et in veneficiis tuis erraverunt omnes gentes.* Veneficia Babylonis sunt diversi errores per quos genus humanum deceptum est.

(Vers. 24.) *Et in ea sanguis prophetarum et sanctorum inventus est, et omnium qui interfecti sunt in terra.* Sanguis sanctorum in ea inventus est, id est, scelus interfectionis sanctorum, sicut Dominus dicit impiis Judæis sub intellectu omnium reproborum: « Veniet, inquit, super vos omnis sanguis justus qui effusus est super terram (Matth. XXIII, 35). »

CAPUT XIX. — (Vers. 1-8.) *Et audivi quasi vocem magnam tubarum multarum in cœlo dicentium: Alleluia, salus, et gloria, et virtus Deo nostro est, quia vera et justa iudicia ejus sunt; quia judicavit de meretrice magna, quæ corrupit terram in prostitutione sua, et vindicavit sanguinem sanctorum suorum de manu ejus. Et iterum dixerunt: Alleluia; et fumus ejus ascendit in sæcula sæculorum. Et viginti quatuor seniores ceciderunt in facies suas, et quatuor animalia, et adoraverunt Deum sedentem super thronum, dicentes: Amen, alleluia. Et vox magna exiit de throno, dicens: Laudem dicite Deo nostro, omnes sancti ejus, et qui timetis eum, pusilli et magni. Et audivi quasi vocem tubæ magnæ, et quasi vocem aquarum multarum, et quasi vocem tonitruorum magnorum, dicentium: Alleluia, quoniam regnavit Dominus Deus noster omnipotens: gaudeamus, et exsulemus, et demus gloriam ei; quia venerunt nuptiæ Agni, et uxor ejus præparavit se. Et datum est ei ut operiat se byssino splendente candido; byssinum enim justificationes sunt sanctorum.*

D Totam sententiam posui, ut undique circumspecta ejus subtilitas facilius indagari possit. A septem namque vocibus quinquies alleluia decantata esse legitur: primo et secundo a voce tubarum multarum; tertio a viginti quatuor senioribus, et quatuor animalibus; quarto a voce de throno exiit non jam alleluia, sed ejus interpretatio decantata est, id est: *Laudem dicite Deo nostro, omnes sancti ejus; alleluia quippe « laudate Dominum » sonat.* Quinto vero a tribus vocibus semel decantata est, id est, a voce tubæ magnæ, et a voce aquarum multarum, et a voce tonitruorum magnorum. Scriptura libri hujus sæpe demonstrat omnem electorum multitudinem in septem partes esse dividendam (63), si ejus intelligentia subtilius perscrutetur. Justo itaque si ejus subtilitas vel intelligentia perscrutetur; alii mss. melius, ut nos in textu.

qui ante diluvium fuerunt, ad primam partem : illi A qui post diluvium usquequo Lex data est, ad secundam pertinent, sicut sæpe jam demonstravimus; nullamque aliam legem habuerunt, nisi naturalem, id est, dilectionem Dei et proximi. Scit enim unusquisque se debere timere et super omnia diligere eum a quo creatus est, et a quo ei vita et vitæ subsidia ministrantur : et nulli se debere facere quod non vult ab alio pati. Hanc legem nullus qui sanæ mentis est, ignorare permittitur. Per tubas igitur multas electi qui ante diluvium fuerunt, et qui post diluvium usque ad illud tempus quo Lex data est, designantur. Vocem emiserunt, quia per prædicationis suæ doctrinam, quoscunque potuerunt, a suis erroribus revocaverunt : alleluia decantaverunt, quia secundum naturalis legis notitiam per bona opera Deo placere studuerunt : secundo alleluia dixerunt, quia hi qui post diluvium fuerunt, secundum eandem legem viventes, creatori suo juste viventes adhæserunt. Sed quærendum nobis est, cur in pronuntiatione secunda alleluia fumus Babylonis in sæcula sæculorum ascendisse dicatur. Potest per fumum fama designari. Scimus quia in secunda parte Noe et filii ejus primi ponuntur, quorum temporibus aquis diluvii humanum genus deletum est. Postea vero Sodoma et Gomorrha, et cæteræ civitates quæ eis adhærebant, cælesti igne consumptæ sunt. Fumus ergo Babylonis in sæcula sæculorum ascendit, quia hæc fama ab ore fidelium nunquam recedet.

At vero per viginti quatuor seniores, patres qui C sub Lege fuerunt designantur. Quibus junguntur quatuor animalia, per quæ novum Testamentum figuratur ; quia in veteri Testamento si spiritualiter intelligatur, novum continetur. Alleluia decantaverunt, quia mandata legalia observantes, per bona opera Deo placere studuerunt. Per thronum autem prophetæ designantur, eo quod sedes Dei fuerint, et per eos sua judicia disposuerit. A throno vox exiit : quia a prophetis prædicationis sancta processit. Laudem Deo decantaverunt quia ei tota virtute servire studuerunt. Tuba vero magna Christum significat : vox tubæ prædicationis est Evangelii ; per vocem autem aquarum multarum multitudo gentium Christum confitentium designatur : per vocem vero tonitruorum magnorum electi qui in fine mundi nascituri sunt, intelliguntur : et jure per tonitrua, quia terrorem diei iudicii annuntiabunt. Tres ergo voces semel alleluia decantaverunt ; quia fidem sanctæ Trinitatis doctrinamque Evangelii, quæ a magna tuba, id est, a Christo processit, servaverunt, et servabunt usque in finem. Duæ igitur partes, id est, prima et secunda, ad legem quam naturalem esse diximus, pertinent : duæ quæ sequuntur, id est, tertia et quarta, ad legem quæ per Moysen data est : tres autem quæ restant, id est, quinta et sexta, et septima, ad legem Evangelii ; ut indicent eos in fide sanctæ Trinitatis usque ad finem mundi permanere debere.

Quid autem istæ tres partes decantent, audiamus : *Alleluia, quoniam regnavit Dominus Deus noster omnipotens* ; id est, laudemus Dominum, eo quod destructo regno diaboli perditionis nostri, ipse in nobis regnare dignatur, qui est Dominus et Salvator noster. *Gaudeamus et exsulemus, et demus gloriam ei ; quia venerunt nuptiæ Agni, et uxor ejus præparavit se.* Ideo gaudeamus, ideo exsulemus, eo quod misericordia conditoris nostri Ecclesiam suam, quæ sumus nos, ita sibi conjungere sit dignatus, ut sponsa conjungitur sponso suo ; 569 quatenus simus cum ipso una caro, sicut dicit Scriptura : « Erunt dno in carne una (*Gen. 11, 24 ; Ephes. v, 31*) ; » quod Apostolus de Christo et Ecclesia intelligendum esse docuit. Uxor ejus præparavit se, id est, Ecclesia quæ uxor Agni dicitur, variis virtutibus semetipsam ornavit. *Et datum est illi ut operiat se byssino splendenti candido.* Quid byssus significet, ipse exponit : *Byssinum enim justificationes sunt sanctorum.*

(Vers. 9.) *Et dixit mihi : Scribe, beati qui ad cœnam nuptiarum Agni vocati sunt.* Prandium electorum nunc est, quando in Ecclesia dapibus evangelicis pascuntur : cœna vero tunc erit, quando post resurrectionem in cœlesti beatitudine æterna gloria perfruentur. Et quia prandium quod nunc agitur, et honos et malos recipit, non omnes beati sunt, qui in eo videntur recumbere : illi autem soli beati sunt, qui in illa cœna, quæ post finem mundi futura est, recipientur.

(Vers. 10.) *Et dixit mihi : Hæc verba Dei vera sunt. Et cecidi ante pedes ejus, ut adorarem eum. Et dixit mihi : Vide ne feceris ; conservus tuus sum, et fratrum tuorum habentium testimonium Jesu : Deum adora.* Redemptio sanguinis Christi hoc fidelibus contulit, ut filii Dei sociique angelorum efficerentur ; ideoque pertimescit angelus adorari ab homine, qui super se adorabat hominem Deum : quapropter conservum se Joannis cæterorumque fidelium vocat. Testimonium Jesu est spiritus prophetiæ ; patres autem veteris Testamenti, qui adventum Christi, passionem et resurrectionem ejus prædixerunt, spiritum prophetiæ habuisse certissimum est, unde et prophetæ vocantur. Quicumque ergo testimonium Christo perhibet, spiritum prophetiæ habet.

(Vers. 11.) *Et vidi cœlum apertum, et ecce equus albus, et qui sedebat super eum vocabatur fidelis et verax.* Nullo modo æstimare debemus quod hoc capitulum ad adventum Christi pertineat, in quo ad iudicium venturus est ; sed potius ad electos, qui in fine mundi nascituri sunt ; fine etenim mundi instante, veniet Dominus in sanctis suis, ut pugnet per ipsos contra Antichristum et ministros ejus. Et qualis a sanctis illis prædicabitur, talis et forma ejus in hoc loco describitur ; nam per cœlum Ecclesia designatur : per equum album homo, quem Filius Dei assumpsit, super quem et sedisse visus est. Qui etiam fidelis et verax vocari dicitur. Hæc

duo nomina, id est fidelis et verax, unum sensum A habent in hoc loco. Recte Filius (64) Dei fidelis vocatur, de quo dicit Psalmista: «Fidelis Dominus in omnibus verbis suis, et sanctus in omnibus operibus suis (Psal. cxliv, 13).» Veracem vero seipsum in Evangelio vocat, dicens: «Ego sum via, et veritas, et vita (Joan. xiv, 6).» Sequitur: *Et cum justitia judicat et pugnat.* Non armis Deus in die judicii contra impios dimicaturus est, sed ejus justitia expugnabuntur et conterentur; omnia enim peccata impiorum atque scelera in conspectu eorum adducet Dominus, ut sciant se justissimo Dei judicio esse damnatos.

(Vers. 12.) *Oculi ejus sicut flamma ignis, et in capite suo diademata multa.* Per oculos Domini Spiritus Dei (65) designatur, sicut in tertia visione auctor hujus libri exponit: *Habebat, inquit, Agnus oculos septem, qui sunt septem spiritus Dei, missi in omnem terram.* Et quia flamma urit et illuminat, non inconvenienter Spiritus sanctus flammeus esse dicitur; eo quod corda fidelium et illuminet et incendat in amorem Dei. *Et in capite ejus diademata multa.* Per diademata multa multitudo sanctorum exprimitur. *Habens nomen scriptum, quod nemo novit, nisi ipse.* Cum superius dicat quia vocabatur fidelis et verax, et paulo post quia vocabatur nomen ejus Verbum Dei; quid est quod dicit quod nemo scit nomen ejus, nisi ipse? Sciunt quidem sancti Dei nomen Christi, quod est Filius Dei, et nesciunt. Ex parte quippe sciunt, et ex parte nesciunt; in omnibus enim creature quæ gignunt et gignuntur, nullus filius coævus potest esse patri; quia necesse est ut antecedit qui generat, et subsequatur qui generatur: sed non talis est natura Filii Dei; nam et quemadmodum Pater est sine initio, sic et Filius. Et quamvis hoc quomodo fieri possit, considerare non possumus; in veritate tamen credimus et confitemur Filium per omnia æqualem et coævum esse Patri. De hac ejus generatione propheta loquitur dicens: «Generationem ejus quis enarrabit (Isa. liii, 8)?»

(Vers. 13.) *Et vestitus erat veste aspersa sanguine: et vocabatur nomen ejus Verbum Dei.* Possumus per vestem corpus Christi: per sanguinem vero peccata nostra, pro quibus mortuus est ipse, sive ipsam mortem quam pertulit pro nobis, intelligere. Sed quia peccata electorum suorum moriendo delevit, et ipsam mortem resurgendo calcavit, sicut dicit apostolus Paulus: «Christus resurgens a mortuis jam non moritur, mors illi ultra non dominabitur (Rom. vi, 9);» melius mihi videtur ut per vestem Christi multitudinem sanctorum intelligamus, qui sunt membra ejus: per guttas autem sanguinis, quibus vestis aspersa esse legitur, martyres designantur, qui pro amore Christi sanguinem fundere non dubitaverunt; ideoque vestem

(64) *Filius Dei* in edit. desideratur.

(65) Edit. et ms. Reg., *Spiritus sanctus*; cæteri mss., *Spiritus Dei*.

(66) Ita mss.; edit. vero, *superius expositum est*.

Christi, quæ ex angelis et sanctis hominibus constat, in illa cœlesti beatitudine suo splendore exornant.

(Vers. 14.) *Et exercitus qui sunt in cœlo, sequentur eum in equis albis, vestiti byssino albo mundo.* Diximus superius quia qualis Christus a sanctis in fine mundi prædicabitur, talis et figura ejus hoc in loco describitur. Per cælum ergo in hoc loco Ecclesia: per exercitus qui de cœlo processisse Christum sequentes visi sunt, sancti qui in fine mundi nascituri, et contra Antichristum pugnaturi sunt, intelliguntur: per equos autem corpora: per sessores vero equorum animæ designantur. Albos igitur equos habuisse visi sunt, quia se mundos et nitidos, in quantum humana fragilitas permittit, exhibebunt in conspectu Dei. Quid sit vero byssinum, superius exponit: *Byssinum, inquit, justificationes sunt sanctorum (66).*

(Vers. 16.) *Et habebat in vestimento et in femore suo scriptum: Rex regum, et Dominus dominantium.* Per vestimentum, sicut superius diximus, sancti: per femur autem ex quo humana origo procedere dicitur, homo quem Christus assumpsit, designatur. In vestimento itaque suo quod ipse sit Rex regum, scriptum habebat: quia in operibus 570 sanctorum agnoscitur hunc esse verum Deum, qui tales servos possidet. Habet et in femore suo scriptum quod ipse sit Rex regum et Dominus dominantium; quia in operibus quæ in carne positus gessit, cognitum est hunc esse verum Dei Filium. Possumus etiam per femur patres veteris Testamenti, ex quorum stirpe Christus originem duxit, intelligere: qui et ipsum præfiguraverunt, et quod ipse futurus esset Rex regum et Dominus dominantium, apertis vocibus prædixerunt.

(Vers. 15.) *Et de ore ejus gladius acutus exibat.* Possumus per os Domini eosdem prædicatores, de quibus diximus, qui in fine mundi nascituri sunt, accipere, per quorum os loquetur Deus, sicut ipse dixit in Evangelio: «Non enim vos estis qui loquimini, sed Spiritus Patris vestri qui loquitur in vobis (Matth. x, 20).» Et ipse dicit per prophetam: «Si separaveris pretiosum a vili, quasi os meum eris (Jerem. xv, 19).» Per gladium vero divinam Scripturam, sicut superius diximus, intelligere debemus, sicut dicit apostolus Paulus: «Et gladium spiritus, quod est verbum Dei (Ephes. vi, 17).» Qui acutus esse dicitur; quia ad rescandanda vitia, divina Scriptura acutissima est. *Ut in ipso percutiat gentes.* Percutiet Christus gladio suo gentes, quando per doctrinam sanctorum suorum hominum stultorum (67) errores destruet. *Et ipse reget eas in virga ferrea: et tanquam vas figuli confringentur.* Per virgam ferream Evangelium diximus fuisse designatum; reget ergo Christus gentes in virga ferrea, quando per doctrinam sanctorum et Judæos ad fidem suam convertet, et electos ab er-

Byssinum igitur justificationes, etc.

(67) Omnes edit., *hominum infidelium*; omnes mss., *hominum stultorum*.

roribus Antichristi defendet. *Et tanquam vas fictile confringentur.* Quandiu quilibet in peccatis jacet, recte vas fictile vocatur : cum autem per pœnitentiam et lacrymas ad bona opera agenda conversus fuerit, confringitur vas fictile, et ex va se fictili efficitur vas solidum et firmum, et ad ictus tentationum dæmonum fortissimum. *Et ipse calcabit torcular vini furoris iræ Dei omnipotentis.* Isaias cum de passione Domini loqueretur interposuit Dominum dicentem : « Torcular calcavi solus ; et de gentibus non est vir mecum (Isa. LXIII, 3). » Sed ibi per torcular crux Domini intelligitur ; hic vero non crux, sed locus pœnarum, in quem impii retrudendi sunt, designatur. Eandem quippe significationem habet torcular in hoc loco, quam et lacum superius diximus habuisse, in quem botri vineæ terræ, per quos impii designantur, demersi fuisse leguntur. Sed et ipsa calcatio torcularis eandem significationem habet, quam et illic calcationem lacus habuisse diximus ; significat namque ultimam demersionem impiorum in infernum. Quid vero sit vinum furoris iræ Dei omnipotentis, superius diximus (cap. XIV, vers. 10).

(Vers. 17.) *Et vidi alium angelum stantem in sole, et clamavit voce magna omnibus avibus, quæ volabant per medium cælum.* Iste angelus prædicatores qui in fine mundi futuri sunt, significat : qui etiam et per equites paulo superius designati sunt : per solem vero Christum intelligere debemus. Angelus igitur in sole stetit ; quia prædicatores sancti in Christo ita solidabuntur, ut ab ejus fide nulla vi persecutionum avelli possint. Per aves autem fideles omnes, qui eo tempore futuri sunt, designantur : per cælum volabunt, quia in terris positi, inerte in cœlestibus habitabunt. Possumus nihilominus per cælum Ecclesiam intelligere. Per cælum sancti volant ; quia duas alas habentes, id est, duo præcepta charitatis, circumquaque volant, quibusdam misericordiam impendendo, quosdam ab iniquitatibus revocando.

(Vers. 18.) *Venite, congregamini ad cœnam magnam Dei omnipotentis, ut manducetis carnes regum, et carnes tribunorum, et carnes fortium, et carnes equorum, et sedentium in ipsis, et carnes liberorum et servorum, et pusillorum et majorum.* Qui designantur per reges et principes, liberos et servos, cæterosque, ipsi per equos, eorumque ascensores, principes scilicet terræ, ac populi qui eis subjicientur. Cœna vero Dei quid aliud est, nisi exterminatio impiorum ? Carnes autem impiorum justi manducabunt, cum vindictam ex malis quæ eis intulerunt, excipient. Et quia justi videntes pœnam impiorum, in bonis operibus proficiunt, sicut dicit Psalmista : « Lætabitur justus, cum viderit vindictam, manus suas lavabit in sanguine peccatoris (Psal. LVII, 11). »

(Vers. 19.) *Et vidit bestiam, et reges terræ, et*

exercitus eorum congregatos ad faciendum prælium cum illo, qui sedebat in equo, et cum exercitu ejus. Hic demonstrat non ad adventum Domini secundum ea, quæ superius dicta sunt pertinere, sed potius ad illud tempus, in quo per sanctos suos contra Antichristum præliaturus est, sicut jam diximus. Congregabuntur namque bestiæ, et reges terræ, et exercitus eorum, ut pugnent contra Christum et sanctos ejus ; quando Antichristus et innumerabilis multitudo gentium quæ ab eo decipientur, ad persequendam Ecclesiam Dei exsurgent ; ut nomen Christi de mundo funditus exstinguant.

(Vers. 20, 21.) *Et apprehensa est bestia, et pseudopropheta, qui fecit signa coram ipsa, quibus seduxit eos, qui acceperunt characterem bestie, et qui adoraverunt imaginem ejus : vivi missi sunt in stagnum ignis ardentis sulphure, et cæteri occisi sunt in gladio sedentis super equum, qui procedebat de ore ipsius, et omnes oves saturatæ sunt de carnibus eorum.* Apprehendentur bestia et pseudopropheta ejus, quando illud implebitur, quod apostolus Paulus ait : « Quem Dominus Jesus interficiet spiritu oris sui, et destruet illustratione adventus sui (II Thess. II, 8). » Si Antichristus spiritu oris Domini interficiendus est, quomodo ipse et pseudopropheta ejus in stagnum ignis vivi mittendi sunt ? Est vita justorum, est et impiorum. De vita justorum dicit propheta, quia « justus in fide sua vivet (Habac. II, 4) ; » de vidua vero mala dicit Paulus, quia « vivens mortua est (68) (I Tim. V, 6). » Vitam namque impiorum justi non incongrue mortem vocant : similiter et impii vitam justorum mortem æstimant, sicut in judicio dicturi sunt : « Ili sunt quos aliquando habuimus in derisum, et in similitudinem improprietatis : nos insensati vitam illorum æstimabamus insaniam, et finem illorum sine honore (Sap. V, 3, 4). » Antichristus ergo et pseudopropheta ejus vivi missi sunt in stagnum ignis, id est, in malitia sua vivi, in ea videlicet usque in finem vitæ suæ perseverantes. Quod autem dicit quia cæteri occisi sunt in gladio sedentis super equum, interfectionem istam pro confusione posuit ; nam 571 sancti, quorum doctrina per gladium oris Domini designatur, interfecto Antichristo, insultabant infidelibus, eo quod hominem impiissimum, atque omnibus hominibus deteriorem Antichristum, immortalem denique existimaverint, quem constabit pessima morte peremptum : at illi confundentur et tabescent in iniquitatibus suis. Omnes ergo aves saturatæ sunt de carnibus eorum ; quia subverso Antichristo, omnes electi inenarrabiliter gaudebunt et exsultabunt, eo quod a tam pessimo hoste misericordia divina eos liberaverit, omnesque qui eos persequerentur, velut fumus evanuerint.

CAPUT XX. — (Vers. 1.) *Et vidi angelum descen-*

(68) Sic omnes mss. ; at edit. e contrario, dicit propheta, quia justus in fide vivit ; de vita vero mala dicit Paulus, quia vidua male vivens mortua est.

dentem de caelo, habentem clavem abyssi, et catenam magnam in manu sua. Damnationem diaboli narrare volens, ad adventum Christi revertitur. Tres namque sunt damnationes diaboli : damnatus est primo, quando de caelesti beatitudine propter iniquitatem suam est dejectus : secunda damnatio ejus fuit, de qua auctor libri hujus loqui modo incipit ; quando per mortem Christi genus humanum de potestate ejus ereptum est, et ipse, sicut praesens scriptura demonstrat, in abyssum est religatus (69) : tertia damnatio ejus erit, quando in infernum cum omnibus impiis in aeternum cruciandus demergetur. Angelus itaque iste Christum significat : descensio ejus de caelo est incarnatio ejus. Clavem abyssi, id est, inferni, ipse possidet ; quia ab ingressu ejus quos vult, retrahit ; et quos vult, in ejus damnationem cadere juste permittit. Per catenam vero magnam ejus potestas designatur.

(Vers. 2.) *Et apprehendit draconem, serpentem antiquum, qui vocatur diabolus et satanas, et reli-gavit eum per annos mille.* Apprehendit Christus serpentem antiquum, id est, diabolum, quando per mortem suam ejus destruxit imperium : per annos autem mille omne tempus ab adventu Christi usque ad finem mundi debemus accipere. Religavit ergo Christus diabolum non vinculis corporeis, sed vinculis potestatis suae immensae ; quia eum a cordibus electorum suorum expellens, ab eorum deceptione divina sua virtute exclusum tenet.

(Vers. 3.) *Et misit eum in abyssum, et clausit, et signavit super eum ; ut non seducat amplius gentes, donec consummentur mille anni : post haec oportet illum solvi modico tempore.* Alligationem diaboli tribus modis possumus intelligere ; possumus namque hoc simpliciter intelligere, ut virtute Dei omnipotentis in abyso religatus teneatur usque ad tempus praefinitum : possumus etiam per abyssum corda impiorum intelligere, ut a cordibus electorum exclusus, intra angustias cordium reproborum constrictus et alligatus teneatur : possumus et hoc tertio modo intelligere, Diabolus nihil aliud desiderat, quam deceptionem hominum : et dum per custodiam Dei omnipotentis, qui electos suos custodire et defendere non desistit, ab eorum deceptione arce-tur, quasi quibusdam vinculis ejus impiissima voluntas religata tenetur. Per gentes vero quas seducere non permittitur, solos electos debemus intelli-gere : tempus modicum, quo post mille annos sol-vendus esse dicitur, tempus Antichristi est ; tunc enim peccatis hominum facientibus, dabitur pote-stas diabolo tota virtute contra genus humanum di-micandi.

(Vers. 4.) *Et vidi sedes ; et sederunt super eas, et judicium datum est illis.* Quia superius narravit, quo ordine misericordia divina quotidie electos suos ab immanissimo hoste diabolo liberet, consequens

(69) Pro *religatus* quidam codices scribunt *rele-gatus* ; sed haec duo voces facile in mss. commu-tantur.

est ut gloria ad quam eorum animae quotidie per-ducuntur, describatur ; per sedes namque caelestis patria, per sedentes vero super eas sanctorum animae designantur : quod autem judicium datum sit sanctis, quorum animae in caelesti beatitudine re-quiuescunt ; in hoc advertere possumus, cum ad eorum sepulcra daemonia ab obsessis corporibus expelli, perjuria saepe detegi, atque multa miracula fieri videmus. *Et animas interfectorum propter verbum Dei, et testimonium Jesu ; et qui non adora-verunt bestiam et imaginem ejus, nec acceperunt characterem ejus in frontibus aut in manibus suis, vixerunt et regnaverunt cum Christo mille annis.* Per animas interfectorum propter verbum Dei, et testimonium Jesu martyres qui diversis temporibus interfecti sunt, possumus accipere : per eas vero quae non adoraverunt bestiam et imaginem ejus, eos qui ab Antichristo interficiendi sunt, puto esse intelligendos. Isti ergo *vixerunt et regnaverunt cum Christo mille annis* ; quia quamvis corpore sint interfecti, secundum animam tamen vivunt cum Christo in caelesti beatitudine. Sed quaerendum nobis est quomodo electi qui instante fine mundi nascituri sunt, cum Christo mille annis regnare dicantur, cum tempus mille annorum non ad futurum tempus, quod sine fine est, sed ad praesens potius pertineat, quod in fine mundi consummabitur, et in quo fides Evangelii per universum orbem florens, electos quotidie ad vitam aeternam percipiendam dirigit. Quod ita solvendum puto. Tempus ab ascensione Christi usque ad finem mundi, quod per mille annos designatur, omnibus electis deputatum est, ut in eo sine corporibus gloria caelesti cum Domino perfruantur : et scimus quia omnes electi membra Christi sunt, et ex multis membris unum corpus efficitur ; et si gloriatur unum membrum, congaudent omnia membra. Gaudium igitur praecedentium sanctorum, illorum nihilominus erit, qui in fine mundi nascituri sunt, quia unum corpus efficientur cum eis, et in aliis possidebunt quod ipsis deerit.

(Vers. 5.) *Ceteri vero non vixerunt, donec consummentur mille anni.* Ceteri autem, id est reprobi, non vixerunt, quia post mortem non ad vitam ducuntur, quae in caelestibus sanctorum animabus datur, sed in infernum demerguntur, quae in hoc libro mors prima vocatur (70).

(Vers. 6.) *Haec est resurrectio prima. Beatus qui habet partem in resurrectione prima, in iis secunda mors non habet potestatem.* Quaerendum nobis est, quae sit resurrectio prima ; nam primam resurrectionem non diceret, nisi esset et secunda : nec secundam mortem, nisi esset et prima. Resurgimus itaque primo per baptismum a morte animae : sed quia dicit beatos esse eos qui habent partem in resurrectione prima, non mihi de baptismo hoc

(70) Rom. edit. et Reg. ms., *mors secunda vocatur.... Beatus et sanctus, qui habet, etc.*

dietum videtur; eo quod non omnes beati sint qui per baptismum a morte animæ resurgere videntur; eo quod nonnulli 572 post baptismum ipsi sibi peccando mortem attrahunt, mentiendo quæ in eo promiserunt, atque in suis malis perseverando. Sunt etiam nonnulli qui post perpetrationem scelerum, quibus sibi mortem intulerunt, ad vitam per pœnitentiam, et lacrymas, cæteraque bona opera redeunt, de quibus Apostolus loquitur, dicens: « Surge, qui dormis, et exsurge a mortuis, et illuminabit te Christus (Ephes. v, 14). » Sed nec istam primam resurrectionem dicere possumus; eo quod primo per baptismum, secundo per pœnitentiam et lacrymas animæ nostræ ad vitam revocentur. Necessè est ergo ut investigemus, quam vocet resurrectionem primam.

Quatuor sunt vitæ fidelium: prima mala, secunda bona et mala, tertiæ vero et quartæ nullum malum adhærere potest. Prima est ante baptismum, quæ tota mala est: secunda post baptismum, quæ et bona et mala dici potest; nullus enim fidelium tempus vitæ præsentis sine aliquibus peccatis transire potest, sicut iste Joannes loquitur dicens: « Si dixerimus quia peccatum non habemus, nosmetipsos seducimus, et veritas in nobis non est (I Joan. 1, 8). » Tertia est, quæ tota bona est, et ad quam series hujus lectionis pertinet, quæ a passione Christi usque ad finem mundi extenditur, in qua sancti sine corporibus cum Domino vita æterna perfruuntur: quam etiam primam resurrectionem vocat, cum dicit: *Hæc est resurrectio prima*. Tempus itaque a passione Christi usque ad finem mundi resurrectio prima vocatur. Quarta vita sanctorum erit post receptionem corporum, quæ nullo fine terminabitur. Igitur quia vita præsens in comparatione vitæ cœlestis mors recte dici potest, sancti prima resurrectione tunc resurgunt, cum ab hac misera vita subtracti, in cœlesti beatitudine cum Domino collocantur.

Et sicut est hæc prima resurrectio sanctorum, ita est et prima mors impiorum; quando præsentem vitam deserunt, et in pœnis demerguntur: secunda vero mors ultima damnatio erit, sicut in sequentibus exponit. Beati ergo erunt qui habent partem in resurrectione prima, et in iis secunda mors non habet potestatem; quia illi tantummodo beati sunt et erunt, qui ante finem mundi in consortio sanctorum ascribi merebuntur. Multos enim, fine mundi instante, ignis purgatorius purgando cremabit, sed ante iudicium absoluti in sanctorum collegio recipientur: atque in iis secunda mors, id est, damnatio ultima non habebit potestatem; quia jam non cum hædis in sinistris, sed cum ovibus in dexteris ponentur (Matth. xxv, 33). *Sederunt sacerdotes Domini et Christi, et regnaverunt cum Christo mille annis*. Nomine sacerdotum omnes

A electos comprehendit; omnes namque electi, sacerdotes vocantur, sive quod sint membra summi sacerdotis, sive quod ipsi semetipsos offerre Deo per bona opera non desistant.

(Vers. 7.) *Et cum consummati fuerint mille anni, solvetur satanas de carcere suo, et exibit, et seducet gentes, quæ sunt super quatuor angulos terræ, Gog et Magog*. Quod hic carcer, superius abyssus vocatur. Sed interim quæstio oritur: superius quippe quorundam opinionem sequens, dixi per abyssum corda impiorum posse designari, in quibus diabolus a cordibus fidelium expulsus, religatus teneatur: si ergo per abyssum corda reproborum designantur, quomodo de abysso, id est, de cordibus reproborum exire dicitur, quos nunquam derelinquet? numquid reprobos derelicturus est, et invasurus electos? Nullo modo. Alligationem ergo diaboli secundum litteram intelligendam puto, ut in aliquo abyssi loco virtute divina religatus teneatur, vel certe in inferno usque ad diem absolutionis suæ. *Seducet autem gentes quæ sunt super quatuor angulos terræ*; quia universas gentes quæ infra quatuor plagas mundi continentur, Antichristi impiissima doctrina perlustrabit: nullasque alias gentes seducet, nisi quæ spiritaliter Gog et Magog vocantur; Gog namque interpretatur tectum, Magog de tecto (71). Per Gog igitur, qui interpretatur tectum, ii designantur qui malitiam suam in corde tegentes, justi ab hominibus videbuntur, cum futuri sint mente reprobi: Magog vero, qui interpretatur de tecto, eos designat qui de tecto cordis sui in apertas miserias (72) prorumpentes, omnibus se impios esse demonstrabunt. Tales itaque diabolus per Antichristum facile decipiet.

(Vers. 8.) *Et congregabit eos in prælium, quorum numerus est sicut arena maris*. In prælium eos congregabit; quia ad Ecclesiam Dei persequendam eos armabit. *Et ascenderunt super latitudinem terræ, et circumdederunt castra sanctorum, et civitatem dilectam*. Diximus superius discipulos Antichristi laudatores fore vitiorum, et omnia quæ ad delectationes carnales pertinent, docere. Super latitudinem ergo terræ ascenderunt; quia vastas hujus sæculi vias ingredientur, quæ ducunt ad mortem. Castra vero sanctorum et civitas dilecta, unam significationem habent: significant quippe Ecclesiam. Castra igitur sanctorum circumdabunt; quia Ecclesiam Dei tota virtute persequentur, ut nomen Christi de mundo funditus extinguant.

(Vers. 9.) *Et exivit ignis de cælo a Deo, et devoravit eos*. Ignis de cælo exiet; quia veniente Domino ad iudicium, ignis ante ipsum præcedet, qui non solum omnem catervam impiorum, sed et ipsum mundum consumet, sicut in nonagesimo sexto psalmo David loquitur dicens: « Ignis ante ipsum præcedet, et inflammabit in circuitu inimicos ejus

(71) *Magog de tecto*, in edit. omissum erat.

(72) Ita mss. ac Gill. in corpore: idem vero Gill.

in margine, et Rom. edit. in corpore, *in apertas malitias*.

(*Psal.* xcvi, 3). » Reprobi namque quamvis cum A electis conversentur, in circuitu sunt; quia sicut hostes civitatem aliquam impugnant, ut capiant eam: ita et Ecclesia a reprobis impugnatur. Sed et in psalmo quadragesimo nono idem David loquitur dicens: « Ignis in conspectu ejus exardescet, et in circuitu ejus tempestas valida (*Psal.* xlix, 3). » Quidam hunc versum ita exponunt, quod post successionem elementorum pluvia descendet, quæ combustionis cineres abluat: sed talis expositio absurdissima mihi videtur; scimus enim pluviam a mari atque a terra sive per nebulam, sive per exsiccationem solis exsurgere. Et sicut aqua levia quæque a fundo ad superiora elevat; ita et aer aquam aut in nebulam conversam, aut per ardorem solis in tenuissimum fumum, et pene invisibilem B redactam, usque ad ea loca ubi consummatio ejus est, elevat: ibique conglobata, primo in densam nebulam, quam nubes vocamus, convertitur: deinde, vento agitante, minutissimæ guttæ simul mistæ, atque sua permistione graves effectæ, ad terras decidunt, pluviamque faciunt. 573 Ecce terra, ecce aer, ecce mare, cæteraque elementa igne consumentur: unde ergo pluvia exsurget, maxime cum secundum Apostolum tunc creatura liberetur a servitute corruptionis in libertatem gloriæ filiorum Dei (*Rom.* viii, 21)? Numquid Deus qui omnia ex nihilo creavit, non poterit mundare creaturam suam sine adjutorio pluvie? præsertim cum ipse mundus in meliorem statum, atque multo pulchriorem reparetur post ignem. Aut quid sunt aliud cineres, nisi terra munda? Nam quascunque sordes ignis absumpserit, in cineres mundos convertit. Numquid non poterit Deus mundos cineres in meliorem statum cum altera terra reparare, ut necessaria non sit ei ablutionis pluvia?

Dicamus aliter: Omnium sordium ablutiones aut terra ebibit, aut in flumina decurrunt, et cum fluminibus in mare. Et quomodo terra, postquam ab igne examinata fuerit, sordes suas ebibet, ut iterum sordescat? aut quomodo in flumina decurret et cum fluminibus in mare, cum mare jam non sit, sicut sequentia hujus libri videntur fateri? Quod si mare in meliorem statum reparabitur sicut cælum terraque, a terræ sordibus quomodo inquinabitur? Quod si quis dixerit ante innovationem hanc (73) passurum esse iniquationem, atque in permutatione ejus ad nihilum esse redigendas: non poterit Deus sicut in aqua, ita et in terra easdem sordes ad nihilum redigere, ut non sit necesse ut in mare defluant? Per tempestatem igitur validam ultimum interitum impiorum possumus intelligere, quem Sapia per Salomonem in ultimo examine impiis se illaturam esse testatur, dicens: « Ego quoque in interitu vestro ridebo, et subsannabo, cum vobis quod timebatis

advenerit; cum irruerit repentina calamitas, et interitus quasi tempestas ingruerit (*Prov.* i, 26, 27). »

*Et diabolus qui seducebat eos, missus est in stagnum ignis et sulphuris, ubi est bestia et pseudopropheta. Hoc tunc implebitur, quando Dominus dicet: « Ite, maledicti, in ignem æternum qui præparatus est diabolo et angelis ejus (74) (*Matth.* xxv, 41). »*

(Vers. 10.) *Et cruciabuntur die ac nocte in sæcula sæculorum.* A quo cruciatu misericordia Redemptoris nostri nos liberare dignetur, qui cum Patre et Spiritu sancto vivit et regnat in sæcula sæculorum, amen.

DE VISIONE SEXTA.

Domini nostri Jesu Christi misericordia largiente, ad sextam visionem pervenimus, quæ brevior est cæteris; eo quod in eo generalis resurrectio, damnatio impiorum, glorificatio justorum tantummodo breviter describatur. Et recte in sexto loco resurrectio ultima ponitur; quia senarius numerus perfectus est, et quidquid sanctis promissum est, in resurrectione perficitur.

(Vers. 11.) *Et vidi thronum magnum et candidum, et sedentem super eum.* Thronus iste Dei non auro et gemmis ornabitur, sed hominibus justis; iste est namque thronus, de quo Psalmista dicit: « Thronus tuus, Deus, in sæculum sæculi; virgæ æquitatis virgæ regni tui (*Psal.* xlv, 7). » Thronus igitur Dei est omnis multitudo angelorum atque sanctorum. A C *cujus conspectu fugit terra et cælum, et locus non est inventus eis.* Quemadmodum a conspectu sedentis super thronum cælum et terra fugiat, Psalmista ostendit, sicut superius jam diximus, qui dicit: « Ignis in conspectu ejus exardescet (*Psal.* xlix, 3): » et iterum: « Ignis ante ipsum præcedet (*Psal.* xcvi, 3). » Fugiet autem terra et cælum, id est, species terræ et cæli; qui per ignem a sua specie commutabuntur, ut possint in aliam reformari multo meliorem et pulchriorem. Quod vero dicit: *Locus non est inventus eis;* non ideo dicit, ut locum pristinum amittant, sed speciem.

(Vers. 13.) *Et vidi mortuos magnos et pusillos, stantes in conspectu throni.* Per mortuos magnos et pusillos soli reprobis designantur, qui in die resurrectionis mortui astabunt in conspectu Dei, ea videlicet morte quam primam esse diximus, post paululum in mortem secundam dejiciendi: per mortuos vero magnos eos designari puto, qui aut majores fuerunt in sceleribus, aut altiores in sæculi dignitatibus: per pusillos autem ii designantur, qui eis subjecti fuerunt, vel certe ii qui minus peccaverunt. *Et libri aperti sunt: et alius liber apertus est, qui est vitæ.* Libri multi ad reprobos: unus qui est vitæ, ad electos pertinet. Reprobi multos libros habent, quia in

(73) Nonnulli mss., ante invocationem hanc, minus commode.

(74) Edit. prætermiserant, qui præparatus est diabolo et angelis ejus.

multis erroribus sunt devoluti; nam pagani multos deos coluerunt, et in multis erroribus semetipsos deiecerunt: similiter et heretici multa dogmata prava et Deo odibilia invenerunt; falsi etiam Christiani in multis sceleribus quotidie involvuntur. Multos ergo libros reprobi possident, quia multis modis Deum offendunt; electi vero unum librum habent, quia unum Deum colunt, unam fidem catholicam confitentur, uno vinculo charitatis connectuntur. Sed quærendum nobis est, qui sint libri isti: numquid ex aliqua materia visibili, aut invisibili, fient libri, in quibus singulorum facta describantur? Libri igitur multi sunt facta reproborum: libri multi aperientur, cum scelera reproborum omnibus manifestabuntur. Per librum autem vitæ prædestinationem Dei omnipotentis possumus intelligere. In hoc libro nomina discipulorum esse conscripta Dominus in Evangelio manifestat, cum dicit: « Gaudete, quia nomina vestra scripta sunt in cælis (Luc. x, 20). » De hoc libro apostolus Paulus loquitur dicens: « Quos autem præscivit, hos et prædestinavit: et quos prædestinavit, hos et vocavit: et quos vocavit, illos et glorificavit (Rom. viii, 30). »

(Vers. 13.) *Et judicati sunt mortui secundum ea quæ scripta erant in libris, secundum opera ipsorum. Judicati sunt mortui secundum ea quæ scripta erant in libris (75);* quia secundum errores proprios et juxta qualitatem scelerum suorum singuli judicabuntur; aliter enim judicabuntur heretici, aliter pagani, aliter falsi christiani: sed unusquisque ipsorum quanto deterior fuerit in proprio errore, tanto et acrius judicabitur.

Et dedit mare mortuos suos, et mors et infernus dederunt mortuos qui in ipsis, erant: et judicatum est de singulis secundum opera eorum. Nunc ad ea quæ prætermiserat, revertitur; prius quippe resurrectio generalis fiet, et postea judicium exercebitur. Quod ita esse Dominus in Evangelio manifestat, dicens discipulis: « In regeneratione cum sederit Filius hominis in sede majestatis suæ, sedebitis et vos super sedes duodecim, 574 judicantes duodecim tribus Israel (Matth. xix, 28). » Primo regenerationem posuit, id est, resurrectionem (76); postea ad judicandos populos eos sessuros esse dixit. Et in Evangelio hujus Joannis Dominus loquitur, dicens: « Venit hora quando omnes, qui in monumentis sunt, audient vocem Filii Dei; et procedent qui bona fecerunt, in resurrectionem vitæ: qui vero mala egerunt, in resurrectionem judicii (Joan. v, 28, 29). » Ad imperium igitur Domini de monumentis suis procedent mortui; quia corpora omnium mortuorum per receptionem animarum vivificata, de sepulcris suis exient. Qui vero mala fecerunt, in resurrectionem judicii procedent,

(75) *Judicati sunt secundum ea quæ scripta erant in libris,* in edit. non iterabatur, sed sic iteratur in mss.

(76) *Omiserant edit., id est, resurrectionem.*

A quia ad hoc resurgent, ut in corporibus in quibus animæ peccaverunt, in ipsis et judicentur; ut quos habuerunt socios in iniquitatibus, habeant participes in tormentis. Præsens quoque lectio quod ante judicium futura sit resurrectio, ostendit, cum post redditionem mortuorum, quos mare, mortem et infernum reddidisse dicit, impios esse judicandos narrat. Sed et fides catholica quam frequenter decantamus, hoc demonstrat; cum dicit de Domino: Ad ejus adventum omnes homines resurgere habent cum corporibus suis, et reddaturi sunt de factis propriis rationem (*Athan. Symb.*).

Verum quærendum nobis est, quid significant mors, mare, et infernus. Scimus quippe aquas ad abluionem peccatorum nostrorum esse consecratas, sicut dicit Dominus in Evangelio: « Nisi quis renatus fuerit ex aqua et Spiritu sancto, non potest introire in regnum Dei (Joan. iii, 5). » Mare itaque ad resurrectionem electorum; mors vero atque infernus, ad reproborum (77) pertinent. Mare ergo in hoc loco baptismum designat. Quasi igitur mare mortuos suos redlet, cum electi qui in ea munditia quam in baptismo perceperunt, in ea etiam et resurgent, nullam maculam peccati habentes. Mare mortuos suos reddet, quia sacri baptismatis ablutio, et sancti Spiritus gratia, electos omnes tempore resurrectionis in conspectu Creatoris sui mundos et immaculatos exhibebit. Per mortem autem corpora impiorum, quæ in terræ sinibus mortua detinentur: per infernum vero eorum animas, eo quod in inferni claustris detineantur, intelligere possumus. Infernus itaque mortuos suos dabit; quia animas prima morte devoratas, quas detinet, ad recipienda propria corpora remittet. Mors etiam mortuos suos dabit; quia corpora quæ in pulverem redegerat, ut virtute divina per animarum susceptionem vivificentur, exhibebit.

(Vers. 14, 15.) *Et mors et infernus missi sunt in stagnum ignis... et omnis qui non est in libro vitæ scriptus, missus est in caminum ignis.* Mors et infernus missi sunt in stagnum ignis, id est, animæ cum corporibus. Possumus et per mortem dæmones, eo quod ipsi auctores fuerint mortis, intelligere. Mors et infernus in stagnum mittentur, quia dæmones cum cæteris impiis in infernum demergentur.

CAPUT XXI. — (Vers. 1.) *Et vidi cælum novum et terram novam; primum enim cælum, et prima terra abiit, et mare jam non est.* Cælum et terra, et cætera elementa, quæ modo videmus, ab igne consumerentur, non ut penitus deleantur, sed ut in meliorem statum, sicut superius jam diximus, per ignem reparentur, si-

(77) *Eadem edit., ad reproborum dejectionem,* mss. vero, si Reg. excipias, *dejectionem* non agnoscunt: sed vocem *mortuorum* referre licet ad *resurrectionem*.

cut Psalmista indicat dicens : « Ipsi peribunt, tu autem permanebis : et omnes ut vestimentum veterascent ; et velut amictum mutabis eos, et mutantur (Psal. ci, 27). » Quod dicit : *Primum cœlum et prima terra abiit*, speciem ejusdem cœli ac terræ transituram esse demonstrat ; species enim eorum, non essentia transibit, cum in meliorem statum commutabuntur. Quod vero infert : *Et mare jam non est*, possumus secundum litteram intelligere, ut mare penitus deleatur. Aliter : mare jam non erit ; quia propriam figuram amittet, sicut cœlum et terra, ut in pulchriorem formam reparatur. Sed spiritualiter hoc intelligendum puto ; quidquid enim de innovatione cœli et terræ dictum est, et historialiter intelligendum est, sicut superius diximus, et spiritualiter. Possumus itaque per cœlum animas sanctorum, per terram corpora intelligere. Cœlum novum fiet, cum animæ sanctorum per receptionem corporum in hominis naturam restituentur. Terra nova efficietur, cum corpora sanctorum quæ antea erant mortalia atque corruptibilia, immortalia et incorruptibilia reddentur. Sæpe vero per mare impii designantur, dicente Isaia propheta : « Impii quasi mare fervens, quod quiescere non potest, et redundant fluctus ejus in conculcationem et lutum (Isa. LVII, 20). » Mare igitur jam non erit ; quia omnis multitudo impiorum cum deceptoribus suis dæmonibus in infernum detrusa, præsentem mundi faciem a sua inquinata habitatione mundam præstabunt.

(Vers. 2.) *Et civitatem sanctam Jerusalem vidi descendentem de cœlo a Deo, paratam sicut sponsam ornata viro suo.* Civitas Jerusalem Ecclesia est ex omnibus justis constructa : de cœlo descendet ; quia Domino ad judicium veniente, cum illo omnis multitudo sanctorum veniet, sicut dicit Isaïas propheta : « Dominus ad judicium veniet cum sensibus populi sui, et principibus ejus (Isa. III, 14). » Et sapientissimus Salomon in Proverbiis : « Nobilis in portis vir ejus, quando sederit cum senatoribus terræ (Prov. xxxi, 23). » Quæ sicut sponsa parata et ornata esse dicitur ; quia sicut sponsa diversis monilibus et ornamentis semetipsam exornat, ut sponso suo placeat : ita et Ecclesia diversis virtutibus decoratur, ut Creatori suo, qui est sponsus ejus, placere valeat.

(Vers. 3.) *Et audivi vocem magnam de throno dicentem : Ecce tabernaculum Dei cum hominibus, et habitabit cum eis ; et ipsi populus ejus erunt, et ipse Dominus cum eis erit eorum Deus.* Scimus per civitatem Jerusalem et tabernaculum Domini Ecclesiam sæpe esse designatam. Civitas ergo in hoc loco et tabernaculum Ecclesia vocatur ; eo quod in illa habitet Deus, sicut ipse dicit per prophetam : « Inhabitabo in illis, et inambulabo, et ero illorum Deus, et ipsi erunt mihi populus (Levit. xxvi, 12). »

(Vers. 4.) *Et absterget Deus omnem lacrymam ab*

oculis eorum. Animæ omnium hominum immortales creatæ sunt, sicut Dominus dicit in Evangelio : « Nolite timere eos qui occidunt corpus, animam autem non possunt occidere (Matth. x, 28). » Quamvis enim moriantur peccato, aut ea morte quam primam et secundam diximus ; tamen non ita moriuntur, ut penitus non sint : sed earum male esse mors vocatur. Duo quoque tempora iis constituit Deus : præsentis vitæ, quod cito finitur, et futuræ, quod finire non potest ; unumque fletui et mœrori, alterum gaudio atque lætitiæ deputavit. 575 Verbi gratia, si quis vellet in hoc tempore, quod brevissimum est, pro peccatis suis flere et lugere, et affligendo semetipsum carnalia desideria extinguere, in alio tempore quod istud sequitur, quodque infinitum est, gauderet et exultaret in æternum ; si quis autem hoc elegerit, ut in præsentem tempore gaudeat, et desideria carnis suæ perficiat, in futuro lugebit, et tristabitur in sempiternum. De iis duobus temporibus videtur mihi Salomonem dixisse : « Tempus flendi, et tempus ridendi (Eccle. III, 4). » Tempus flendi electorum nunc est : tempus ridendi tunc erit, quando illud implebitur, quod Dominus dicit in Evangelio : « Beati qui lugent nunc, quoniam ipsi consolabuntur (Matth. v, 5). » Peccatoribus vero dicit : « Væ vobis qui ridetis nunc, quia plorabitis et flebitis (Luc. vi, 25) ! » Absterget ergo Deus omnem lacrymam ab oculis sanctorum ; quia post resurrectionem nihil triste sanctis accidere poterit, unde lacrymæ oriri possint.

Et mors ultra non erit. Primus homo immortalis factus est : peccando autem et immortalitatem amisit, et mortem mundo intulit. Post resurrectionem autem mors non erit ; quia et ipse princeps mortis diabolus cum omnibus satellitibus suis in infernum perpetuo reclusus tenebitur, et immortalitas quam primus homo peccando amisit, justis reddetur : et possibilitas peccandi, quæ mortem mundo intulit, ab eis auferetur. *Neque luctus.* Cum superius dicat quod absterget Deus omnem lacrymam ab oculis sanctorum, quid necesse fuit in hoc loco luctum ponere ? Sed inter effusionem lacrymarum et luctum aliqua distantia est ; nam tristitia sæpe lacrymas educit, sæpe gaudium, sæpe desiderium, sæpe lætitia (78) ; luctus vero semper ex magno mœrore nascitur ; luctus namque est fletus dierum multorum. Lugebat Paulus eos qui peccaverunt, et non egerunt pœnitentiam. Et Salomon loquitur dicens : « Luctus mortui septem diebus, luctus autem fatui omnibus diebus vitæ ejus (Eccli. xxii, 13). » Ecclesia nunc in luctu est, eo quod per deceptions dæmonum quotidie maximam partem ex suis amittit : in illa autem vita luctus non erit, qui per deceptiones dæmonum nullum ex suis amittere poterit. *Neque clamor.* In Genesi scriptum est quod dixerit Deus ad Abraham : « Clamor Sodomorum et Gomorrhæ venit ad me (Gen.

(78) Ita mss. ; edit. autem, sæpe gaudium, sæpe lætitiâ. Non bene.

xviii, 20). • Isaias vero propheta quid sit clamor A Sodomorum, exponit, cum loquitur de Israel :
 • Peccatum suum quasi Sodoma prædicaverunt, nec absconderunt (*Isa. iii, 9*). • Prædicatio igitur peccati clamor vocatur. Possumus etiam clamorem aliter intelligere : Psalmista namque dicit : • Ad Dominum, cum tribularer, clamavi, et exaudivit me (*Psal. cxix, 1*). • Et Moyses in angustia positus clamabat ad Dominum. Ubi ergo neque peccatum, quod prædicetur, neque tribulatio erit ulla, clamor nullus necessarius non erit. *Neque dolor erit.* Est dolor corporis, est et mentis. Istique dolores ita sunt connexi, ut unus sine altero esse non possit ; dolor quippe corporis affligit mentem ; similiter et dolor mentis corpus excruciat. In illa igitur vita dolor non erit, ubi neque corpori, neque animæ B ulla adversitas accidere poterit. *Quæ prima abierunt.* Prima ista abierunt, quia cum sæculo transierunt ; electi enim qui præsentem vitam, sicut superius jam diximus, in doloribus et afflictionibus deputaverunt, post finem præsentis vitæ gaudium sempiternum invenerunt.

(Vers. 5, 6.) *Et dixit qui sedebat in throno : Ecce nova facio omnia.* De innovatione creaturarum superius aliqua diximus. *Et dixit mihi : Scribe quia hæc verba fidelissima sunt, et vera.* Sed et hoc superius dictum est. *Et dixit mihi : Ego sum Alpha et Omega.* Quid sit Alpha et Omega subdendo manifestat, cum dicit : *Initium et finis. Ego sitiienti dabo de fonte aquæ vivæ gratis.* Per fontem aquæ vivæ sæpe Scriptura sancta designatur, sicut Dominus dicit in Evangelio : • Qui credit in me, sicut Scriptura dicit, flumina de ventre ejus fluent aquæ vivæ (*Joan. vii, 38*). • Sed ut ordinem servemus, per fontem aquæ vivæ gloriam cœlestis patriæ debemus intelligere : qui fons ab ipso Domino procedens, montes omnium justorum sua inenarrabili dulcedine satiare non desistit. Verum quomodo gloria ista gratis justis datur, pro cujus acceptione multa adversa perferunt, multas lacrymas fundunt, innumeras preces offerunt, multas eleemosynas largiuntur : et cæteris bonis operibus semetipsos exercent ? Sed gratis vitam æternam percipiunt : quia pretium vitæ æternæ, quod sunt bona opera, ab ipso accipiunt, qui dixit : • Sine me nihil potestis facere (*Joan. xv, 5*). • Ipse C quippe dat pretium, ipse et pro pretio (79) vitam æternam largitur.

(Vers. 7, 8.) *Qui vicerit, possidebit hæc, et ero illi Deus, et ipse erit mihi filius.* Qui vicerit diabolum, omniaque vitia superans, in bonis operibus perseveraverit, possidebit hæc, id est, ea quæ superius dicta sunt ; videlicet ut bibat ipse de fonte vitæ æternæ, quod est gloria perpetua.

Timidis autem, et incredulis, et execratis, et homicidis, et fornicatoribus, et veneficis, et idolola-

(79) Edit. Gill. in contextu, *dat pretium, et sine pretio* ; in marg. autem, et Rom. in contextu, *dat pretium et suo pretio* ; mss. vero nobis suffragantur.

tris, et omnibus mendacibus : pars illorum erit in stagnum ignis ardentis sulphure, quod est mors secunda (80). Cum timor valde necessarius sit hominibus, cur timorem inter octo vitia valde pessima primum posuit ? Sed sunt timores boni, sunt et mali. Est timor valde optimus, de quo dicit Psalmista : • Timor Domini sanctus, permanens in sæculum sæculi (*Psal. xviii, 10*) ; • est et timor mortis valde necessarius, timorque ignis æterni : timor etiam bonorum hominum, quando amantur ab iis a quibus timentur : sunt et alii timores, qui aliquando juvant, aliquando nocent ; sicut est timor malorum hominum, timor judicum, timor dominorum : sunt alii timores valde pessimi, de quibus hic dictum esse reor ; sunt namque nonnulli, qui timore pœnarum sæpe in fletibus compunguntur : sed quia timent asperitatem viæ illius, quæ ducit ad vitam, vitia deserere, rigoremque vitæ bonæ apprehendere trepidant : sunt etiam multi, quibus dedit Deus scientiam legum temporalium, qui in judiciis positi, dum vident quosdam a potentioribus injuste opprimi, plus timentes iras hominum quam iram Dei, eos quos per doctrinam quam acceperunt, juvare poterant, et a periculo liberare, tacendo in damnum magnum sinunt devenire : sunt alii qui non solum non eos juvant, sed propter timorem hominum sententiam damnationis in eos proferunt : est et timor quem avaritia parit, alique timores valde inutiles, de quibus longum est dicere.

C Incredulos autem non eos tantummodo vocat qui non credunt, sicut sunt Judæi atque pagani ; sed et eos qui non credunt resurrectionem. Sunt etiam alii multi qui Christiani vocantur, qui non credunt 576 Dei justitiæ ; pro eo enim quod vitia diligunt, et desideria carnis suæ perficere volunt, non credunt comminationes divinarum Scripturarum, ut putent se pro iis esse damnandos ; nam libidinosi dicunt nullo modo pro usu concumbendi quemquam esse periturum : sed et ebriosi dicunt nullo modo se pro nimia vini potatione esse puniendos : similiter et avari, luxuriosi, atque superbi defendunt vitia sua.

D Exsecratos autem eos esse puto, qui execrantur mandata divinarum Scripturarum, correctionesque hominum bonorum. Possumus et per execratos eos intelligere qui in tantum sunt inverecundi, ut non pudeat eos quædam execrabilia in conspectu omnium perpetrare : qui non solum a justis, verum etiam a quibusdam injustis sæpe execrantur.

Homicidas autem vocat non solum interfectores quorundam hominum, sed et eos qui odium portant in cordibus suis, sicut iste Joannes loquitur dicens : • Omnis qui odit fratrem suum, homicida est (*I Joan. iii, 15*). •

Sequitur fornicatio. Fornicationum genera multa

(80) Rom. edit. loco moverat, *et omnibus mendacibus... quod est mors secunda.*

sunt. quibuscumque enim modis, excepta legitima A uxore, desiderium libidinis expletur, fornicatio vocatur. De fornicationis malo Paulus apostolus loquitur, dicens : « Qui autem fornicatur, in corpus suum peccat (I Cor. vi, 18). » In corpus suum peccat, quia integritatem ejus violat atque corrumpit ; cum humores ejus innoxios vi extrahit atque effundit. Est et fornicatio cogitationis, de qua Dominus loquitur dicens : « Qui viderit mulierem ad concupiscendum eam, jam mœchatus est eam in corde suo (Matth. v, 28). » Propheta quoque Jerusalem fornicatricem vocavit, eo quod Deum derelinquens idola coluerit (Ezech. xvi, 15-22). Similiter et nos suggestionibus dæmonum obtemperando, cum nosmetipsos eis subjicimus, fornicatores non inconvenienter vocamur.

Venefici autem sunt, qui corpora hominum veneno inficiunt, ut eos exstinguant. Sunt et alii multo deteriores venefici, ii videlicet, qui seminant inter fratres discordias : illi enim corpora interficiunt, isti animas : et multo deterior est mors animæ quam corporis.

Idololatræ vero sunt non solum ii qui idola colunt, sed et omnes avari, hoc demonstrante apostolo Paulo, qui avaritiam idolorum servitatem vocat (Coloss. iii, 5).

Sed valde terribile est quod sequitur : *Et omnibus mendacibus* ; deinde subjungit : *Pars illorum erit in stagno ignis ardentis sulphure, quod est mors secunda* ; et Psalmista dicit ad Dominum : « Perdes omnes qui loquuntur mendacium (Psal. v, 7) ; » et in alio loco : « Omnis homo mendax (Psal. cxv, 11). » Si igitur omnis homo mendax, et si perdet Deus omnes qui loquuntur mendacium, et si omnes mendaces partem habebunt in perditione cum cæteris impiis, de quibus hactenus locuti sumus ; quis salvus esse poterit ? Scimus namque nullum hominem hanc vitam posse transire, ut aliquando non mentiatur ; nisi fuerit infans, qui dari non potest. Sed non de omnibus mendaciis hoc dictum esse intelligere debemus, sicut nec illud de omnibus peccatoribus, quod in psalmo tricesimo sexto canitur : « Quia peccatores peribunt (Psal. xxxvi, 20) ; » et in psalmo centesimo quadragesimo quarto : « Custodit Dominus omnes diligentes se, et omnes peccatores disperdet (Psal. cxliv, 20). » Si peccatores peribunt, et omnes peccatores disperdet, et omnes sumus peccatores secundum dictum istius Joannis : « Si dixerimus quia peccatum non habemus, nos ipsos seducimus, et veritas in nobis non est (I Joan. i, 8) ; » ergo omnes peribimus. Sed non hoc de omnibus peccatoribus dictum esse intelligere debemus, sed de illis tantummodo qui in gravibus peccatis semetipsos præcipitantes, nolunt agere pœnitentiam de iniquitatibus suis. Similiter et hic non de omnibus mendacibus dictum esse intelligere debemus ; sunt enim mendacia quæ inter levia peccata deputantur, a

quibus nullum puto hominem ex toto posse abstinere : sunt et gravia, quæ mergunt hominem in damnationem mortis.

Sed quia his temporibus multi sunt qui sine aliqua reverentia Dei omnipotentis pene assidue mentiuntur, placuit nobis ut de hoc vitio aliqua dicamus. Verum prius de levibus mendaciis dicamus, postea de gravioribus. Sæpe æstimatione mentimur, æstimantes nos videre quod non videmus, aut audire quod non audimus, aut scire quod non scimus. Sæpe namque cum a longe quosdam prospicimus, fallit nos aspectus noster, et dicimus esse, qui non sunt. Sæpe etiam et obscuris temporibus, cum procul lapides aut arbusta conspiciamus, ipsa obscuritate fallimur, et dicimus homines esse aut bestias. Sæpe oblivione fallimur, cum obliviscimur quæ fecimus et vidimus, aut locuti fuimus, et dicimus nos fecisse quod non fecimus, aut non fecisse quod fecimus ; aut audisse quod non audivimus, aut non audisse quod audivimus ; aut vidisse quod non vidimus, aut non vidisse quod vidimus ; aut dixisse, quod non diximus, aut non dixisse, quod diximus. Sæpe et cum audimus, quod desideramus, dicimus verum esse, quod audimus ; et sæpe contingit quod falsum sit : et cum audivimus, quod nolumus, dicimus falsum esse, quamvis verum sit. Sæpe etiam joco mentimur, ut risum audientibus excitemus. Sæpe vero ex nimia credulitate mentimur ; nam cum audivimus quosdam homines, quos veraces existimamus, aliqua narrantes verisimilia, credentes quod audimus, cum ea aliis referimus, dicimus vera esse, quamvis sint falsa ; et frequenter cum juramento affirmamus.

Sunt et multi, qui gesta Patrum quæ in divinis Scripturis aut legerunt, aut audierunt, ex parte obliviscentes ; cum ea aliis narrare cœperint, aut quædam mendacia intermiscant, aut ex multis narrationibus unam facere conantur : et sicut qui stannum auro vel argento admiscet, inutilem materiam facit ; ita et isti cum ex multis narrationibus unam facere satagunt, mentiendo inutilem reddunt ; melius est enim silere, quam gesta sanctorum mendaciter proferre. Sunt etiam multi divinis litteris eruditi, qui Judæis ultra quam oportet credentes, quasdam eorum fabulas vanissimas suscipiunt, et suis traditionibus interserunt. Scimus enim quoniam D Judæi omnia quæ de Christo in veteri Testamento inveniuntur, in pravos sensus pervertere nituntur ; ut gloriam nominis Christi apud quoscumque possunt, exstinguant : et non solum prophetias de Christo evertunt, sed et in cæteris locis multas vanissimas et absurdissimas fabulas (81) interponunt. Miror ergo cur inimicis Christi, omnisque religionis nostræ creditur ; aut ab eis aliqua suscipiuntur, nisi tantummodo ea quæ ab antiquis Patribus probata esse 577 dignoscuntur. Ipsi quippe patrem habent diabolum, qui in veritate non stetit,

(81) Edit., et obscurissimas fabulas ; mss., et absurdissimas fabulas.

quia mendax est ipse, et pater ejus (*Joan. viii, 44*); A et quoscunque diabolus possidet, mendaces facit.

Sæpe et timore mentimur; nam cum timemus, ne a potentioribus aliqua molestiæ nobis ingerantur, aliquando mendacia excogitamus, per quæ libere-mur. Sed et viatores quædam mendacia invenire solent, ut a latronibus liberentur. Similiter et servi et pueri aliqua mendacia interpolare solent, ne vapulent. Sunt etiam multi qui in extraneis locis positi, egestatis aut alicujus necessitatis causa mentiuntur; ut victum, aut aliqua corporis necessaria sibi acquirant. Sæpe et nos amore atque ira mentimur, laudantes eos quos diligimus ultra modum, et vituperantes eos quibus irati sumus, plus quam oportet: sed ista graviora mihi videntur quam superiora. Sunt alia mendacia superioribus similia, B quæ longum est prosequi; in talia namque mendacia non solum injusti, sed et justi sæpe dilabuntur. Et propter hoc videtur mihi Psalmistam dixisse: « Omnis homo mendax (*Psal. cxv, 11*). »

Est et aliud genus mendacii, quod absque culpa videretur, nisi Scriptura diceret, quia omne mendacium a malo est (*Joan. ii, 21*), ex quo aliqua in divinis Scripturis inveniuntur. In Genesi (82) namque scriptum est quod præceperit Pharao obstetricibus Hebræorum, ut masculos interficerent, et feminas reservarent (*Exod. i, 16*): sed illæ timentes Deum, conservabant mares. Pro qua re, cum a Pharaone increparentur, dixerunt quod omnes Hebrææ mulieres obstetricandi haberent scientiam, illisque nescientibus, parerent. Nonne C melius fuit mentiendo pueros reservare, quam vera dicendo tot homicidia perpetrare? In Josue quoque scriptum est quod miserit duos exploratores ad explorandam Jericho (*Josue ii, seqq.*); at illi ingressi sunt domum cujusdam meretricis, nomine Rahab quæ abscondit eos in interioribus domus suæ, venientibusque persecutoribus eorum dixit quod cum porta clauderetur, in tenebris aufugissent (*Josue ii, 1-5*). Atque pro hoc mendacio a persecutoribus eos liberans, ipsa cum tota cognatione sua a mortis periculo liberata est. Et pro hoc facto a beato Paulo apostolo in Epistola ad Hebræos laudatur; ait enim: « Fide Rahab meretrix non periit cum cæteris incredulis, excipiens exploratores cum pace (*Hebr. xi, 31*). » In Regum etiam volumine scriptum D est quod David fugiens Absalon filium suum, miserit Jerusalem duos exploratores ad explorandos actus ejusdem filii sui (*II Reg. xv, 32-36*). Quod cum audisset Absalon, misit qui eos caperent: at illi fugientes, ingressi sunt domum cujusdam viri, cujus uxor abscondit eos in puteo, quem habebat in vestibulo, posito desuper operimento. Venientibus vero persecutoribus eorum, eosque requirentibus, illa respondit: « Transierunt gustata paululum aqua (*II Reg. xvii, 20*). » Verum igitur dicendo eos potuisset perdere, quos mentiendo servavit.

(82) Edit. Gill. in marg. ac Rom. in corp., *In Exodo*: Gill. vero in corp. cum mss. *In Genesi*.

Talium itaque mendaciorum macula a charitate ex qua procedunt, delentur; quia « charitas operit multitudinem peccatorum (*I Petr. iv, 8*). »

Nunc de gravioribus mendaciis dicamus; sunt namque infidelitatis mendacia, sunt et blasphemiae, sunt et alia quæ ex odio procedunt, alia quæ invidia generat, alia quæ avaritia, alia quæ vana gloria; habent nihilominus cætera vitia mendacia sibi convenientia. Infideles quippe Judæi atque ethnici habent plurima mendacia; nam excepto quod Christum negant venisse in carne, habent multos errores, quibus decepti pereunt. Sunt et mendacia blasphemiarum, quibus iidem Judæi atque pagani, nec non et hæretici Deum et Ecclesiam ejus, omniaque divina mysteria multis modis blasphemant. Sunt etiam mendacia quæ ex odio procedunt; nam nonnulli pro eo quod odium in cordibus contra proximos gestant, falsa crimina eis innectunt: et quos non possunt gladio interficere, falsis criminationibus in damnum magnum, sæpe etiam et in mortem præcipitant. Sunt et alia mendacia quæ parit invidia; invidiosi quippe cum vident aliquos aut dignitatibus sæculi, aut sapientia, aut aliquibus artibus præpollere, eos despiciere et subsannare non cessant, seque ipsos illis præferre; ut ipsi clariores apud eos qui eorum mendaciis credunt, videantur, quam illi quos despiciunt. Sunt et derisionis mendacia, quæ proprie ad invidos pertinent; derident namque semper invidi facta meliorum, et quibus coæquari non possunt, eorum actus suis mendaciis obnubilare quærunt. Sunt enim multi, qui eos quos odio habent, aut quibus invident, fingentes se esse amicos, suis callidis suasionibus ad quædam flagitia perpetranda pertrahunt: quos cum in aliquod scelus veluti in foveam præcipitaverint, contra eos versi atrocius quam cæteri persequuntur; et qui videbantur amici, quod fuerint pessimi inimici comprobantur. Habet et avaritia mendacia sua. Quam multi quippe sunt, qui propter aliorum substantiam tollendam multas fallacias et diversas machinationes componunt; ut aliis auferant unde avaritiæ suæ barathro, quod insatiabile est, aliquantulum satisfaciant! Sunt etiam multi qui pro præmiorum acceptionibus falsi testes contra proximos suos efficiuntur, et eos mentiendo aut in servitium præcipitant, aut hæreditatem sive substantiam auferunt, sæpe vero et mortem inferunt (83).

Sunt alia mendacia, quæ gignunt vanam gloriam; sunt enim multi vanæ gloriæ amatores, qui ut magni et egregii ab hominibus habeantur, dicunt se magna quædam fecisse, quæ non fecerunt, aut posse quod non possunt, aut possidere quod non possident, aut sapere quod non sapiunt, ut ad celsitudinem, ad quam conscendere nequeunt, sua mendacia eos elevent. Et quia hoc vitium apud quosdam pro nihilo habetur, etiam in monasteriis scimus

(83) Sæpe vero et mortem inferunt e mss. restituitur.

quosdam hoc vitio esse maculatos. Multi quippe sunt qui postquam sæculum reliquisse videntur, ut magnos et inclytos se apud simplices quosque, et eos qui in monasteriis educati fuerunt, constituent; dicunt se possessores fuisse magnarum divitiarum, jactant se fuisse præliatores, venatores, et multa alia de se mentiuntur; ut magni apud eos, quos suis mendacii decipere possunt, habeantur. Ad te ergo loquor qui talis es: Ecce qui in sæculo positus vix simplicem cibum, qui tibi tuisque omnibus sufficeret, per totum annum elaborare poteras, in monasteriis positus, possessor thesaurorum, prædiorum magnarumque divitiarum efficeris: et qui vix unam vulpeculam capere poteras, monachus effectus, venator potentissimus factus es; et qui quosdam ex infimis vicinis tuis formidabas, in monasterio positus, præliatorem fortissimum te fecisti. Ecce hoc non fuit sæculum reliquisse, sed acquisisse. Dicis te hominem interfecisse, **578** et homicidii reatum super te imposuisti. Lingua mendax fecit, quod manus non prævaluit. Et vis ut probem quod te mentiendo reum homicidii feceris? Saul, ut in libro Regum legimus (*I Reg. xxxi, 4*), timore Philistinorum manu propria semetipsum interfecit; venit quidam homo ad sanctum David, et dixit quod ipse Saulem, qui eum persequabatur, interfecisset: sed ille spiritu prophetiæ mentitum esse eum intelligens, veluti homicidam punire iussit, reatumque homicidii super illum imponens, dixit: «Sanguis tuus super caput tuum; os enim tuum locutum est adversum te, dicens: Ego interfeci Christum Domini (*II Reg. i, 16*).» Scimus autem divites sæculi ad conversionem venientes, graviter peccare, si se de divitiis ac potentia sua jactare cœperint: et si ille reus est, qui verum dicit, quanto magis tu, qui pene per omnia mentiris!

Sunt etiam alii, qui prope indesinenter mentiuntur, et vix aliquid loqui possunt sine mendacii admistione. Qui ad omnia semper quæ audiunt, quædam mendacia confingunt: et dicunt se vidisse quæ non viderunt, et audisse quæ non audierunt; et fecisse quæ non fecerunt. Cumque a veracibus deprehensi fuerint, dicunt non posse quemdam bene vera loqui, qui non possit bene mentiri. O stulte, quam vana est assertio tua! Ecce Christus multa bene et veraciter locutus est, qui nunquam potuit mentiri, cujus vestigia te sequi magis oportuisset, in quantum virtus suppeteret. Similiter apostoli, et cæteri prædicatores multa docuerunt et scripserunt sine permistione mendacii. Et Scriptura dicit quia omne mendacium a malo est (*I Joan. ii, 21*): si mendacium malum est, quomodo malum bene potest proferri? O infelix, quam vicina est (84) tibi ira Dei omnipotentis, quem assidue sine causa offendere non trepidas! Nam cætera vitia quanquam Domino contraria sint, videntur tamen aliquid corpori conferre. Avaritia

A quippe, quamvis sit per omnia Deo odibilis, videtur tamen aliquid corpori conferre; quia divitias congregat, ex quibus desideria ejus expleat. Similiter et libido videtur aliquid corpori conferre; quia in perfectione ejus voluptas carnis exstinguitur. Et ebrietas quamvis Deum offendant, gulæ desideria perficit. Similiter et cætera vitia ad carnis desideria perficienda assumuntur. Sunt etiam quædam mendacia quæ corpori aliquid videntur adjicere, sicut sunt avaritiæ, de quibus superius diximus. Tu autem nihil corpori acquiris, et Deum sine intermissione offendere non metuis. Ecce mendacium tuum leve esset, si tarde accidisset; verum ex jugi continuatione gravissimum atque importabile efficitur. Nam sicut lutum levius est quam plumbum, sed ex multiplicatione sua gravius et periculosius fit, ita ut in eo sæpe pecora demergantur: sic et quædam levia peccata ex congerie sua graviora quibusdam, quæ gravia existimantur, efficiuntur. Et scito quia sicut ipse dixit: «Deus veritas est (*I Joan. iv, 8*);» nihil plus contrarium potest esse veritati quam mendacium.

Horum ergo pars erit in stagno ignis ardentis sulphure, quod est mors secunda. Quid sit mors secunda, in hoc loco manifeste demonstrat. A supradictis igitur vitiis ne in mortem secundam incidamus, misericordia Redemptoris nostri nos liberare dignetur, qui cum Patre et Spiritu sancto vivit et regnat in sæcula sæculorum, amen.

DE VISIONE SEPTIMA.

C Septima visio ad quam, Domino donante, pervenimus, tota ad illud tempus quod post resurrectionem futurum est (*supr. cap. xx*), pertinet. Et ordo posebat, ut, generali resurrectione descripta, gloriam sanctorum, quam post resurrectionem sine fine possidebunt, describeret; quæ sub figura civitatis Jerusalem in hac visione describitur.

(Vers. 9.) *Et venit unus de septem angelis qui habebant phialas, et locutus est mecum dicens: Veni, et ostendam tibi sponsam uxorem Agni.* Superius in quinta visione Joannes dicit septem angelos habentes septem phialas sibi fuisse demonstratos, et in sequentibus unum ex illis civitatem diaboli damnationemque ejus sub specie mulieris meretricis sibi ostendisse: similiter et hic unum ex iisdem septem angelis dicit sibi civitatem Dei sub figura Jerusalem demonstrasse. Eamdem ergo significationem habent singuli isti quam illi septem; significant namque prædicatores, qui fuerunt, et erunt usque in finem: Joannes vero typum tenet cætorum fidelium. Angelus igitur Joanni se demonstraturum civitatem Dei repromittit: quia prædicatores sancti cæteris fidelibus quanta sit beatitudo justorum, in quantum possunt, student demonstrare, ut eos ad vitam æternam percipiendam accendant. Quam etiam sponsam uxorem Agni vocat. Quod sponsa Agni Ecclesia jure vocetur,

(84) Edit. et quidam mss., *quam vana est*; melius Gem., *quam vicina est*.

Joannes Baptista demonstrat dicens: « Qui habet sponsam, sponsus est (*Joan.* III, 29). » Quod autem et uxor dicatur, Scriptura demonstrat dicens: « Propter hoc relinquet homo patrem et matrem suam, et adhærebit uxori suæ, et erunt duo in carne una (*Gen.* II, 24). » Quasi ergo Patrem suum Filius Dei dereliquit, cum de illa cœlesti beatitudine ad terras descendens, hominem assumpsit, quem pro sponsa sua, quæ est Ecclesia, daret: matrem dereliquit, quia affectum matris abiciens, corpus quod ex ea assumpsit, pro Ecclesia sua tradidit; quam sibi ita univit, ut ipse sit caput, et ipsa corpus.

(Vers. 10.) *Et sustulit me in montem magnum et altum.* Mons iste Christus est. De hoc monte propheta loquitur dicens: « Et erit in novissimis diebus preparatus mons domus Domini super verticem montium (*Isa.* II, 2). » Montes super quorum verticem mons domus Domini preparatus esse dicitur, patres veteris Testamenti designant. Super horum ergo verticem mons domus Domini preparatus esse dicitur; quia et ab ipsis prædictus est, et in carne veniens, eos mira altitudine est transgressus (85). Super hunc igitur montem domus Domini, id est Ecclesia, ædificata est; quia super Christum fundata est, sicut Paulus apostolus loquitur dicens: « Fundamentum enim aliud nemo potest ponere, præter id quod positum est, quod est Christus Jesus (*I Cor.* III, 11). »

(Vers. 11.) *Et ostendit mihi civitatem sanctam Jerusalem descendentem de cœlo a Deo, habentem claritatem Dei.* Notandum quia Ezechielis ultima visio cum hac Joannis visione concordat in aliquibus locis; ideo placuit ut de illa huic operi pauca inseramus. Dicit namque montem fuisse 579 demonstratum, super quem erat civitas, et in ea templum: verum civitatem tantummodo commemorans, de templi structura multa est locutus (*Ezech.* XL, 2-49). Eandem ergo significationem habet illic templum, quam et hic civitas; significant enim Ecclesiam: sed per templum illud præsentis temporis Ecclesia, per civitatem autem Jerusalem Ecclesia quidem, sed qualis post finem mundi futura est, designatur. Sed dicit aliquis: Quomodo descriptio ista Jerusalem, id est Ecclesiæ, ad futurum tempus pertinet, cum præsentis temporis ejus forma in hac videatur visione describi? Ad quod nos respondemus quia Ecclesia, quando in hac vita consistit, agnosci perfecte non potest, sed quasi sub quodam velamine absconsa tenetur; cum ignoretur quis sit reprobus, aut quis electus, aut ad quem finem actus suos unusquisque perducat: in illa autem vita ejus forma omnibus patebit; tunc enim liquido omnibus apparebit, quis fuerit murus, qui portæ, qui fundamenta, qui lapides structuræ, qui lapides pretiosi. Sed quærendum

A nobis est quomodo de cœlo descendere dicatur, cum ad cœlestem habitationem quotidie conscendat, in qua sine fine permansura creditur. Sanctorum actus atque merita quando mente pertractamus, semper augentur in cordibus nostris; et quanto plus ea consideramus, tanto amplius eorum magnificentia nobis elevatur: at cum oculos mentis nostræ ad magnitudinem Dei omnipotentis considerandam attollimus, magnitudo sanctorum magnitudini Dei comparata, valde nobis humiliatur. Ascendunt igitur nobis sancti, cum eorum actus et merita consideramus: descendunt vero, cum ad considerandam Dei omnipotentiam oculos mentis nostræ attollimus. Dicitur quoque claritatem Dei habuisse. Habebat profecto claritatem Dei, non suam. Sæpe etenim sol in aqua fulgens, suam claritatem aquæ largitur; ita ut aqua oculos intuentium reverberet, sicuti et sol: quemadmodum igitur aqua claritatem solis habet, sed non a se ipsa, sed a sole: ita et sancti habent claritatem Dei, sed non a se ipsis, sed a Deo, a quo illuminantur.

Lumen ejus simile lapidi pretioso, tanquam lapidis jaspidis, simile crystallo. Ecce tres lapides posuit, quorum lumini lumen Ecclesiæ assimilavit (86): unum sine nomine, duos vero nominatim exprimens. Possumus itaque per lapidem pretiosum Patrem, per jaspidem Filium, per crystallum Spiritum sanctum intelligere. Primus sine nomine est, quia Pater a se ipso est; secundus et tertius nominatim exprimuntur, quia Filius a Patre est, Spiritus vero sanctus ab utroque procedit. Possumus etiam per lapidem pretiosum spem, per jaspidem fidem, per crystallum vero charitatem intelligere. Sed potest aliquis dicere quia in illa vita necessariæ non erunt fides et spes. « Quod enim videt quis, quid sperat (*Rom.* VIII, 24)? » Ad quod respondemus quia sicut vestis, quæ ex aliqua materia tingitur, post tinctionem materia abjecta colorem pulcherrimum in se retinet; ita et in illa vita fide, spe, humilitate, abstinentia, cæterisque virtutibus absque charitate finem accipientibus, splendor quem ex operatione illarum sancti acquisierunt, in eis sine fine permanebit.

(Vers. 12.) *Et habebat murum magnum et altum.* Iste est murus, de quo dicit propheta: « Urbs fortitudinis nostræ Sion, Salvator ponetur in ea murus, et antemurale (*Isa.* XXVI, 1). » Per hunc igitur murum Christus cum omnibus membris suis designatur; ita ut per illum fundamentum, per reliquam vero structuram ejus membra figurentur. *Habentem portas duodecim.* In Ezechiele scriptum est quod templum, quod ei demonstratum est (*Ezech.* XL, 5 seq.), tres portas habuerit, orientalem videlicet, australem, et aquilonarem. Præcipitque Deus ut porta orientalis clausa semper maneret (*Ezech.* XLIV, 1), Principe tantummodo per eam intrante et

(85) Super horum ergo... est transgressus, e cod. Gem. restituitur, cum in aliis et cunctis edit. non habeatur.

(86) Ita mss.; edit. vero, et tanquam lapidi jaspidis atque crystallo... quorum lumen Ecclesiæ assimilavit.

exerente. Per portam orientalem beata et gloriosa A virgo Maria figuratur, quæ clausa ante ingressum Principis, id est Christi, semper exstitit : et post egressum ejus clausa in ævum permansit. Porta autem australis vetus Testamentum, porta vero aquilonaris novum designat. Hi vero qui ab australi parte venire dicuntur, Judæos : qui autem ab aquilonari, gentes designant. Judæi itaque qui cognitionem Dei habebant, et quibus Lex data fuerat a parte solis, id est, ab australi parte, in qua sol amplius fervet ; non inconvenienter ad Ecclesiam venire dicuntur. Per portam australem ingrediebantur, quia cognoscentes in veteri Testamento multipliciter Christum esse prophetatum, diversisque modis præfiguratum, eos ad fidem Christi suscipiendam suæ scripturæ pertrahebant. B Gentiles vero idololatriam deserentes, illique abrenuntiantes, qui dixit : « Sedebo in monte Testamenti in lateribus aquilonis : ascendam super altitudinem nubium, similis ero Altissimo (Isa. xiv, 13, 14) ; » non incongrue ab aquilonari parte venire dicuntur. Per portam aquilonarem ingrediebantur ; quia doctrinam Evangelii audientes, virtutes etiam quæ per Christum et ministros ejus factæ sunt admirantes, ad fidem Christi suscipiendam currebant. Præceptum est etiam, ut per iter quo quisque intraverat, non regrederetur, sed e regione ejus egrederetur ; videlicet ut qui ingrediebatur per portam meridianam, egrederetur per portam septentrionalem : et qui ingrediebatur per portam septentrionalem, egrederetur per portam meridianam. Judæi quos intelligentia veteris Testamenti ad fidem C Christi suscipiendam perducebat, non debebant reverti ea parte, qua venerant, scilicet ut observationes legales carnaliter implerent : sed egredi potius per portam aquilonarem, ad Evangelii videlicet doctrinam meditandam et perscrutandam se transferre ; ut discerent spiritualiter implere, quod antea carnaliter facere satagebant. Gentiles vero qui per portam aquilonarem ingrediebantur, id est, qui per doctrinam Evangelii filii Ecclesiæ efficiebantur, non debebant reverti ea parte, qua venerant ; videlicet ut ad errores philosophorum perscrutandos regrederentur ; sed potius post susceptionem fidei atque doctrinæ evangelicæ ad portam meridianam, id est, ad doctrinam veteris Testamenti perscrutandam se transferre : ut cum invenirent in eo Christum multis modis esse prædictum, roboraretur in eis fides Christi. Per portas autem duodecim, quas Jerusalem habere dicitur, duodecim apostoli eorumque doctrina designatur.

Et in portis angelos vidi duodecim. Angeli duodecim (87) cæteros prædicatores, 580 videlicet apostolorum sequaces, designant. Qui in portis fuisse dicuntur, quia fidem apostolorum inconcusam tenentes, eorumque doctrinam sequentes,

(87) Mss., *angulos vidi duodecim, anguli duodecim*, etc.; sed melius edit., *angelos vidi*, etc.

(88) Edit., *Vera est ergo hujus Joannis præsens*

quoscunque potuerunt, ad fidem Christi trahere studuerunt. *Et nomina scripta duodecim tribuum filiorum Israel.* Per nomina duodecim tribuum patres veteris Testamenti possumus accipere, qui a fide sanctæ Trinitatis non deviaverunt : possumus etiam et per eadem nomina vetus Testamentum intelligere. Nomina duodecim tribuum in portis scripta erant ; quia doctrina apostolorum cæterorumque prædicatorum plena est exemplis veteris Testamenti.

(Vers. 13.) *Ab oriente portæ tres, et ab aquilone portæ tres, et ab austro portæ tres, et ab occasu portæ tres.* Quatuor plagas mundi posuit, ut indicet pene omnes gentes, quæ inter quatuor plagas mundi continentur, ad Ecclesiam convenisse. Contra unamquamque vero plagam ternas portas se vidisse dixit, id est, simul duodecim ; ut indicet nullum intra Ecclesiam ingredi posse, nisi per confessionem sanctæ Trinitatis. Et quia doctrina apostolorum nihil est aliud nisi Evangelium, et ipsum Evangelium in quatuor libros dividitur, et uniuscujusque libri doctrina in fide sanctæ Trinitatis consistit, recte hæc civitas quatuor latera habere dicitur, et per singula, ternas portas ; quæ simul junctæ, fiunt duodecim.

(Vers. 14.) *Et murus civitatis habens fundamenta duodecim, et in ipsis scripta duodecim nomina apostolorum et Agni.* Quid significant duodecim fundamenta, ipse exposuit, cum subjunxit quod in eis scripta essent nomina duodecim apostolorum et Agni. Reprehensus sum a quodam, cur Petrum fundamentum Ecclesiæ dixerim ; in eo loco ubi Dominus dicit : « Tu es Petrus, et super hanc petram ædificabo Ecclesiam meam (Matth. xvi, 18). » Si Petrus fundamentum est Ecclesiæ, sicut et cæteri apostoli, quemadmodum præsens lectio aperte demonstrat ; ergo super ipsum ædificata est, sicut et super cæteros : si vero super Petrum Ecclesia ædificata non est, ergo nec super cæteros ; falsa est ergo hujus Joannis præsens assertio, quia dicit duodecim apostolos duodecim fundamenta esse Ecclesiæ (88). Nec repellit nos a nostro intellectu illud, quod Apostolus dicit : « Fundamentum enim aliud nemo potest ponere præter id, quod positum est, quod est Christus Jesus (I Cor. iii, 11). » Non enim aliud fundamentum est Petrus, et aliud D Christus Jesus ; quia Petrus membrum est Christi Jesu, sicut ipse dixit discipulis suis : « Vos in me, et ego in vobis (Joan. xiv, 20). » Christus namque fundamentum est omnium apostolorum suorum, similiter et ipsi fundamenta sunt eorum, qui per eos crediderunt. Unum est igitur fundamentum, id est Christus, a quo continentur omnia fundamenta, super quem etiam tota compages Ecclesiæ constructa est. De hoc fundamento Paulus loquitur dicens : « Si quis autem ædificat supra fundamentum hoc, assertio, quia duodecim fundamenta Ecclesiæ esse dixit : optime vero mss. ut in textu.

aurum, argentum, lapides pretiosos, ligna, fenum, stipulam; uniuscujusque opus quale sit, ignis probabit (*I Cor. iii, 12*). » Sex hic posuit species, tres speciosas, et tres viles. Sæpe per aurum sapientia designatur. Aurum supra fundamentum Christi ædificat, qui sapientiam qua vitia conterat, et virtutes nutriat, in corde suo recondit, imitans Psalmistam, qui dixit: « In corde meo abscondi eloquia tua, ut non peccem tibi (*Psal. cxviii, 11*). » Per argentum vero sermo prædicationis exprimitur: de quo idem Psalmista dicit: « Eloquia Domini eloquia casta, argentum igne examinatum (*Psal. xli, 7*). » Argentum supra fundamentum Christi ædificat, qui bonum quod didicit, alios docet; ut eos ad bona opera agenda pertrahat: per lapides autem pretiosos bona opera designantur. Lapidem pretiosum supra fundamentum Christi ædificat, qui bonum quod docet, operibus implet. Sunt quidam qui verba exhortationis, quibus cæteros perfecte instruunt, non habent: sed cum se per bona opera exercent, lapides pretiosos super fundamentum Christi ædificant. Similiter et qui parva sciunt, et ea alios docent, argentum utique super Christum ædificant; si tamen operibus implent ea, quæ docent. Multi enim intellectum quem acceperunt, alios docendo, super Christum ædificant: sed per mala opera destruunt in se, quod ædificaverunt. Per ligna vero, fenum atque stipulam, peccata minima designantur. Sed alius intellectus est, qui nos ab hoc sensu excludit; non enim super Christum peccata, sed virtutum opera ædificantur. Et quando peccamus, ab ædificatione quæ fit super Christum, recedimus: et quanto gravius peccamus, tanto longius separamur. Sed cum per pœnitentiam ad bona opera agenda recurrimus, ad ædificationem, quæ fit super Christum, revertimur. Possumus ergo per ligna terrena opera intelligere, dum quis terreno operi insistit, ut habeat unde vivat; ne forte necessitate compulsus, furari cogatur. Nam Apostolus præcipit, ut cum silentio operantes, unusquisque suum panem manducet; et iterum: « Qui non vult operari, inquit, non manducet (89) (*II Thess. iii, 10*). » Per fenum vero amorem terrenum possumus accipere, cum quis pro affectu carnis uxorem, filios, fratresque diligit. Sed et hoc ipsum Apostolus præcipit, ut viri uxores (*Ephes. vi, 1-4*), uxores viros (*Ephes. v, 25, 28; Tit. ii, 4*), filii parentes, parentes filios suos diligant. Per stipulam autem, eos ipsos possumus intelligere, qui pro eo quod eos libido exagitat, et se continere non possunt, uxores accipiunt. Sed et hoc Apostolus præcipit dicens: « Propter fornicationem autem unusquisque suam uxorem habeat, et unaquæque suum virum habeat (*I Cor. vii, 2*). » Et quia tales conversationes sine crebris offensionibus esse non possunt, dicit per ignem tales esse

A salvandos, id est, per ignem purgatorium. Et hoc fiet, si a gravibus peccatis se abstinuerint, et per eleemosynarum largitionem hoc promeruerint, ut post mortem per ignem purgatorium salvari possint. Sicut enim aurum quod ex aliis permistionibus sordidum efficitur, per ignem purgatur: ita et isti a sordibus quas ex mundanis actibus contraxerunt, per ignem mundantur, ut digni fiant electorum numero sociari.

(Vers. 15.) *Et qui loquebatur mecum, habebat arundinem auream, ut metiretur civitatem, et portas ejus, et murum.* Angelus qui loquebatur cum Joanne, in hoc loco Christum significat, qui modo regit omnes gentes in virga ferrea, sicut superius jam dictum est: in futuro autem civitatem Dei, quæ ex omnibus gentibus constabit, arundine aurea metietur. Diximus superius per virgam ferream disciplinam Evangelii esse designatam: ferrum vero grave est et durissimum. De duritia autem 581 virgæ ferreæ dicit Dominus in Evangelio: « Arcta et angusta via est, quæ ducit ad vitam (*Matth. vii, 14*). » Sed hanc duritiam amor Dei et spes cœlestis patriæ suavem et levem facit, sicut ipse iterum dicit: « Jugum enim meum suave est, et onus meum leve (*Matth. xi, 30*). » Virga itaque ferrea in arundinem levem, suavem, atque auream commutabitur; quia sancti pro angustiis, quas pro Christo pertulerunt, suavitatem et gloriam perpetuam recipient. Metietur vero civitatem et portas ejus, et murum; quando secundum qualitatem operum unicuique mercedem restituet. Sed quærendum nobis est, cum civitatem mensus fuisse dicatur, cur portas et murum adjunxerit, cum civitatis nomine hæc omnia comprehendantur. Verum sicut præterita et futura docent, per portas apostoli, per civitatem apostolici viri, per muros vero cætera multitudo fidelium designatur. Sed hæc sequentia plenius manifestant.

(Vers. 16.) *Sequitur: Et civitas in quadra posita est, et longitudo ejus tanta est, quanta et latitudo.* Per quadraturam civitatis perfectio (90) sanctorum designatur; quadratum quippe lapidem in quancunque partem verteris, rectus stabit. Et si quadratum lapidem, aut aliud quid quod quadrari potest, diligenter inspexeris, perfectionem Ecclesiæ in eo esse depictam deprehendere poteris; habet namque sex facies, octo cornua, crepidines duodecim. Sex facies perfectionem demonstrant honorum operum; quia senarius numerus perfectus est. Habet octo cornua, ex quibus quatuor cœlum, quatuor terram respiciunt. Quatuor igitur cornua designant Evangelia, quæ duplicamur; quia dilectionem Dei et proximi specialiter commendant. Quatuor cœlum respiciunt, ut indicent Deum super omnia esse diligendum: quatuor terram respiciunt, ut indicent

(89) *Et iterum: Qui non vult operari, inquit, non manducet, ex mss. in textum restituitur; non secus ac quod habetur infra, et unaquæque virum suum habeat.*

(90) *Omnes edit., perfectio designatur....., aut aliud quidquid quadrari potest... Habet namque sex latera... sed latera perfectionem, etc.; mss. autem nobis congruunt.*

proximos tanquam nosmetipsos esse diligendos. Duodecim vero crepidines fidem demonstrant duodecim apostolorum. A singulis autem cornibus tres crepidines prodeunt, ut indicent a doctrina Christi, quæ est Evangelium, quæ etiam in quatuor libros dividitur, fidem sanctæ Trinitatis in apostolos transisse, ut per illos ad omnes gentes migraret. Hoc totum de quadrato lapide ideo diximus, ut demonstrarem per quadraturam civitatis perfectionem Ecclesiæ esse designatam. Et quia hæc civitas quadraturam æqualem habet, longitudo ejus tanta esse dicitur, quanta et latitudo: per longitudinem namque æterna gloria, per latitudinem autem charitas designatur. Longitudo igitur hujus civitatis tanta est, quanta et latitudo; quia quantum unusquisque fidelis in hac vita positus major fuerit in charitate, tanto majorem gloriam in cœlesti beatitudine possidebit: et quanto minor fuerit charitas, tanto minor erit in gloria.

Et mensus est civitatem per stadia duodecim millia: longitudo et latitudo et altitudo ejus æqualia sunt. Eandem significationem habent stadia duodecim, quam et portæ duodecim habent; significant namque apostolos. Sed superius longitudinem et latitudinem hanc civitatem æqualem habere dicitur: hic vero dicitur quod longitudo, latitudo et altitudo ejus æqualia sunt. Possumus ergo in hoc loco per tria hæc quæ posuit, fidem, spem, et charitatem intelligere; ita ut per longitudinem fidem, per latitudinem charitatem, per altitudinem vero spem intelligamus. Sed quomodo æqualia esse possunt, cum Apostolus dicat: « Nunc autem manent fides, spes, charitas, tria hæc: major autem horum est charitas (I Cor. xiii, 13)? » Nam quamvis charitas major sit omnibus virtutibus, eo quod ipsa manet in æternum; secundum tamen quemdam modum is tribus virtutibus æqualitas ascribi potest. Dicit quippe Apostolus quia fides per charitatem operatur, et fides sine operibus mortua est (Jac. ii, 26). Si mortua est, ille cui mortua est, nihil est: et si fides per charitatem operatur, et illi mortua est, quæ charitatis opera non habet, ergo fides tanta est, quanta sunt et opera charitatis. Similiter spes tanta est, quanta fides et charitas; quia quanta sunt opera fidei, quæ est charitas, tanta est et spes gloriæ: in quantum namque unusquisque fidelis per charitatis opera se dilatare prævaluerit, in tantum sibi gloriam patriæ cœlestis accrescere non dubitet.

(Vers. 17.) *Et mensus est muros ejus per circuitum centum quadraginta quatuor cubitorum mensura hominis, quæ est angeli.* Hoc, si superiora attendamus, secundum litteram stare non potest; superius namque dicit quia mensus est civitatem per stadia duodecim; hic autem muros civitatis centum quadraginta quatuor cubitorum dicit esse mensuratos;

(91) Eadem edit., *majus est spatium per quod eos, qui majoris meriti sunt, etc.*; mss. autem, ut in contextu.

(92) Gill., *et muros mensura hominis est, vel men-*

A multo enim majus est spatium stadiorum duodecim, quam spatium centum quadraginta quatuor cubitorum: ideoque per majus spatium eos, qui majoris meriti sunt (91), intelligere possumus. Diximus superius per duodecim stadia duodecim apostolos esse designatos: martyres ergo et confessores, et cæteri perfecti viri, qui apostolorum doctrinam per omnia sunt secuti, et eorum actus imitati, in eorum ambitu metientur; quia eandem gloriam possidebunt, quam et illi. Per muros vero, qui ex minoribus lapidibus fiunt, cætera multitudo fidelium designatur: qui minorem ambitum tenebunt, quam illi de quibus superius diximus; quia qui minoris erunt meriti, minora percipient et præmia. Quorum mensura in duodenario numero consistit; quia fidem apostolicam intemeratam servaverunt; duodecies namque duodecim fiunt centum quadraginta quatuor. Quod autem dicit civitatem et muros mensura hominis, quæ est angeli, fuisse mensuratos (92), demonstrat angelum in similitudinem hominis sibi apparuisse. Possumus hoc aliter intelligere. Mensuram hominis dicit esse mensuram angeli, et ea mensura civitatem et muros dicit esse mensuratos; quia sancti viri æqualitatem habebunt cum angelis, et eorum mensura mensurabuntur; quia eandem gloriam possidebunt, quam et illi, sicut Dominus dicit in Evangelio: « In resurrectione neque nubent, neque uxores ducent; sed erunt sicut angeli Dei in cœlo (Matth. xxii, 30). »

(Vers. 18.) *Et erat structura muri ejus ex lapide jaspide; ipsa vero civitas auro mundo similis vitro mundo.* Sed et hic aliquam distantiam inter muros et civitatem fecit. Muros dixit ex lapide jaspide esse constructos, ipsam vero civitatem auro mundo et vitro mundo dixit esse similem: per viriditatem namque jaspidis fides designatur; per jaspidem ergo 582 simplices quique et imperfecti viri non inconvenienter designantur; qui fide salvantur, sicut dicit propheta: « Justus autem in fide sua vivet (Habac. ii, 4). » Sancti autem et perfecti viri, qui per civitatem designantur, auro mundo non inconvenienter assimilantur; eo quod et sapientia fuerint repleti, quæ per aurum sæpe figuratur, et diversis tribulationibus probati, sicut aurum quod per ignem purgatur. Per vitrum vero mundum, quod clarius est omnibus metallis, angeli designantur, quos nulla macula peccati unquam sordidare potuit.

(Vers. 19.) *Fundamenta muri civitatis omni lapide pretioso ornata.* Superius diximus per duodecim fundamenta duodecim apostolos esse designatos; per lapides autem pretiosos omnes justii designantur. Duodecim ergo fundamenta duodecim lapidibus ornabuntur; quia in illa beatitudine apostoli et cæteri prædicatores pro ornamento habe-

suram hominis dicit angelos fuisse mensuratos. Romani correxerunt, et muros mensura hominis esse, vel mensura hominis, etc.; sed mss. melius locum restituunt.

bunt eos, qui per eos crediderunt, quoniam pro illis omnibus mercedem recipient.

Fundamentum primum jaspis. Jaspis viridis ac pressi coloris est (93) : significat autem fideles sæculares, qui a vitiis abstinentes, quamvis eorum viriditas, id est fides, ex mundi actibus aliquantulum obfusetur ; eleemosynis tamen et cæteris misericordiæ operibus peccata sua redimere non cessant. Nec abs re est quod tales in primo loco ponantur : apostoli namque, sicut sæpe jam inculcatum est, timentes iis qui ex gentibus primo crediderant, austeriora Domini præcepta committere ; ne forte duritia præceptorum territi, non auderent ad suscipiendam Christi fidem accedere, scripserunt eis : « Placuit Spiritui sancto et nobis nihil imponere vobis oneris, nisi ut abstineatis vobis tantummodo a fornicatione, et ab escis quæ idolis immolantur, et a suffocato, et sanguine (Act. xv, 28, 29). » Et in alio loco Petrus conversationem gentium narrans, dicit Judæis : « Et qui novit corda Deus, testimonium perhibuit, dans illis Spiritum sanctum sicut et nobis, fide purificans corda eorum (Ibid. 8, 9). » Quicumque ergo istos imitantur (94), in figura lapidis jaspidis continentur.

Secundus sapphirus. Sapphirus cærulei coloris est, sicut hyacinthus : sed guttas habet internistas ejusdem coloris, sed nigrioris. Videntur etiam mihi per hunc lapidem sæculares quidam viri designari, cœlestia quidem desiderantes, sed in sæculi actibus adhuc occupati, ex qua occupatione quasdam maculas contrahere videntur. Qui pro eo quod omnibus curis cœlestia anteponunt, cœli habere colorem dicuntur : qui in secundo numero ideo ponuntur, quia Deum super omnia, et proximos sicut seipsos student diligere.

Tertius chalconius. Chalcedonius rubeum habet colorem, sed tamen obscurum, nisi cavando attenuetur : ipsa vero concavitas pulcherrimum colorem et gratissimum ei confert. Significat autem et iste sæculares quosdam viros, qui quantæ sanctitatis ante persecutionis tempus fuerint, homines latuit : sed a persecutoribus suis diversis tribulationibus attenuati, quantus splendor sanctitatis in eis latuerit, cunctis patuit : qui non inconvenienter in tertio loco ponuntur ; eo quod in confessione sanctæ Trinitatis perdurantes, ad martyrii palmam pervenire meruerint.

Quartus smaragdus. Eximiæ pulchritudinis atque viriditatis est, in tantum ut ea quæ circa se sunt, sua viriditate inficiat. Significat autem prædicatores sanctos, qui et fide virides, et virtutibus præclari, splendorem suæ fidei prædicando circumquaque sparserunt : qui ideo in quarto loco ponuntur, eo quod doctrinam Evangelii, quæ in qua-

(93) Ita mss. ; edit. autem, *Jaspis vero viridis ac spissi coloris est.*

(94) Omnes edit., *Deum imitantur* ; omnes mss., *istos imitantur.*

(95) Eadem edit., *designantur. Quia igitur per*

tuor libros dividitur, per multa loca disseminaverunt.

(Vers. 20.) *Quintus sardonix.* Sardonix candidus est, in rubeum colorem parumper declinans : significat autem simplices quosque et innocentes viros, qui propter vitæ puritatem per lapidem candidum designantur. Qui pro eo quod vigilando, jejunando, abstinendo, ac diversis modis corpora sua affligendo, martyria sibi imponunt, quasi colorem rubeum habere videntur : qui non inconvenienter in quinto loco ponuntur ; per quinarium enim numerum sæpe quinque sensus corporis designantur. Beatus quoque Gregorius dicit, quia per quinque corporis (95) sensus exteriorum scientia designatur : et quia isti exteriorum scientiam quamperceperunt, aliis impertire studuerunt, recte in ædificio civitatis sanctæ quintum locum obtinent.

Sextus sardius. Sardius fulvi coloris est, qui pro eo quod in rubicundum colorem aliquantulum declinare videtur, parumper obscuratur. Per fulvum itaque colorem, qui aureo colori appropinquat, tribulationes quas sancti ab hostibus pertulerunt, designantur : rubeus vero color martyrium designat. Per sardium igitur sancti et perfecti viri designantur, qui post experientiam omnium virtutum, post diversas persecutiones, post immania tormenta quæ ab inimicis pertulerunt, ad martyrii palmam pervenire meruerunt : qui non incongrue in senario numero, qui perfectus est, ponuntur ; quia et virtutibus perfecti exstiterunt, et ipsam perfectionem martyrio ornaverunt.

Septimus chrysolithus. Chrysolithus totus aureus est, et sæpe per aurum sapientia designatur. Per chrysolithum ergo sapientes in Ecclesia viri designantur, qui propter fulgorem sapientiæ aurei apud homines recte dici possunt ; qui congruenter in septimo loco ponuntur ; eo quod septem donis Spiritus sancti repleti, multos verbis et exemplis ab iniquitate averterint.

Octavus beryllus. Beryllus eximiæ claritatis est, cæruleum colorem habens admistum ; significat autem puræ vitæ homines, et a sæculi actibus per omnia alienos : qui ne claritatem vitæ suæ aliquo modo macularent, etiam a consortio cæterorum hominum sequestrari valuerunt : quorum claritas in cæruleum colorem vertebatur ; quia cælo semper intenti, angelicam vitam inter homines duxisse comprobantur : qui non inconvenienter in octavo loco ponuntur ; his namque quaterni fiunt octo (96). Quaternarium itaque numerum isti impleverunt ; quia Evangelii præceptum secuti sunt, quod dicit : « Vade, vende omnia quæ habes, et da pauperibus, et habebis thesaurum in cælo, et veni, sequere me (Matth. xix, 21). » Quaternarium numerum du-

quinque sensus corporis ; contra vero cuncti mss. in nostram restitutionem consentiunt.

(96) *Bis namque quaterni fiunt octo, ex mss. restituitur.*

plicaverunt; quia ad **583** idem perfectionis culmen A multos alios secum conscendere suaserunt.

Nonus topazius. Topazius aerei aureique coloris esse dicitur, jubar suum circumquaque spargens. Sæpe per aurum probati viri, qui igne tribulationis probantur, designantur: ipsæque tribulationes diversæ sunt; aliquando namque sancti viri diversis tentationibus quas a dæmonibus patiuntur, probantur: aliquando per tribulationes, quæ eis a malis hominibus ingeruntur; aliquando per afflictiones, quas ipsi sibi ingerunt; aliquando flagellis Dei etiam probantur, et per activæ vitæ exercitia. Videntur itaque mihi per lapidem topazium ii designari, qui prius per activæ (97) vitæ opera probantur; et postea transeunt ad contemplativam. Ille enim competentem gradu ad contemplativam vitam conscendit, B qui prius per activæ vitæ exercitia probatus fuerit; nam qui subito ad contemplativæ vitæ celsitudinem sine exercitiis activæ vitæ transit, facile labitur. Quod autem hic lapis radios suos circumquaque spargere dicitur, significat illos viros, qui per eum designantur, et ad activæ vitæ opera prædicando multos pertraxisse, et ad contemplativæ vitæ celsitudinem multos etiam secum duxisse; qui non incongrue in nono loco ponuntur: ter enim terni fiunt novem. Sancti ergo viri qui propter amorem sanctæ Trinitatis in activæ vitæ bonis operibus prius affligentes semetipsos, suis exhortationibus quoscunque potuerunt, ad suam imitationem pertraxerunt; et iterum ad contemplandam ejusdem sanctæ Trinitatis divinitatem conscendentes, multos secum perduxerunt, non inconvenienter in nono loco ponuntur; eo quod talentum quod a Domino perceperunt, non solum duplicaverunt, sed et triplicaverunt.

Decimus chrysoprasus. Chrysoprasus lapis viridis aureique coloris esse perhibetur: qui pro eo quod in decimo loco ponitur, possumus per eum quosdam doctores Ecclesiæ intelligere, qui et verbis in corporibus positi multos docuerunt, et multo plures suis scriptis erudierunt et erudiunt quotidie (98), ut fuerunt Hieronymus, Augustinus, Gregorius et multi alii; qui etiam et lumina Ecclesiæ recte dici possunt: qui per viridem et aureum colorem designantur; eo quod viriditate fidei fuerint firmi, et sapientia, ut aurum fulgidi. Per denarium vero numerum vetus Testamentum, propter decem videlicet præcepta Legis, possumus intelligere. Et quia D vetus Testamentum sine doctrina novi Testamenti nullus intelligere potest, eo quod spiritualis intelligentia in veteri Testamento nihil sit aliud, quam novum Testamentum; non inconvenienter in decimo loco ponuntur, eo quod scientiam veteris Testamenti ac novi plenissimam habuerint. Possumus et denarium numerum aliter intelligere; de-

(97) Mss. etiam omnibus debetur hæc restitutio: in edit. enim legebatur, qui per activæ vitæ opera ad contemplativam vitam conscendunt, qui prius per activæ, etc.

(98) Ita mss.; edit. vero, et erudiunt. Qui etiam et

narius quippe numerus dividit et perficit omnes numeros: ita et isti diviserunt quodammodo Scripturas, cum eas exponendo per sententias et libros partiti sunt: ordinaverunt eas, cum earum obscuritates aperuerunt; et quæ inordinata videbantur, quam rectum ordinem habuerint, manifestaverunt: perfecerunt autem, cum ea quæ deesse videbantur, suppleverunt.

Undecimus hyacinthus. Hyacinthus cujus species hyacinthino colori nomen imposuit, pretiosissimus est, cæli sereni colorem habens, sicut sapphirus: sed ille maculas habet, istius pulchritudo nullis maculis deturpatur. Significat autem sanctos viros ab omnibus sordibus peccatorum alienos, terram corporibus, cælum mentibus semper inhabitantes; de qualibus fuit Apostolus, qui dicebat: «Nostra autem conversatio in cælis est (Philipp. III, 20).» Qui non inconvenienter in undecimo loco ponuntur; per decem namque scientia divinarum Scripturarum, sicut superius diximus, jam designatur; unus vero qui dece a sequitur, ut undecim fiant, ad unius Dei contemplationem pertinet. Isti ergo sancti decimum numerum (99) compleverunt; quia scientia divinarum Scripturarum repleti, multos suis prædicationibus ad vitam æternam perduxerunt: unum numerum compleverunt; quia in contemplatione Dei omnipotentis assidui fuerunt: nec instantia prædicationis a contemplatione, nec assidua contemplatio a prædicatione eos retraxit; similitudinem gestantes angelorum, qui et angelicum officium semper implent, et a contemplatione Dei omnipotentis nunquam alieni existunt. De talibus videtur mihi propheta dixisse: «Labia sacerdotis custodiunt scientiam, et legem requirunt ex ore ejus; quia angelus Domini exercituum est (Malach. II, 7).» De talibus fuit Joannes Baptista, de quo Dominus dicebat: «Hic est de quo scriptum est: Ecce mitto angelum meum ante faciem tuam, qui præparabit viam tuam ante te (Luc. VII, 27).»

Duodecimus amethystus. Sæpe per duodenarium numerum apostoli designantur: amethystus vero purpureus est; et scimus quia purpura ornamentum est regale. Per amethystum igitur apostoli eorumque similes designantur, qui ornamentum fuerunt Dei; quia eum per universum mundum prædicaverunt. Ornamentum Dei fuit Petrus, de quo scriptum est quod clarificaverit Deum morte sua (Joan. XXI, 19): similiter et cæteri apostoli ornamentum Dei fuerunt: quia eum prædicando, miracula faciendo, pro nomine ejus moriendo, clarificaverunt.

(Vers. 21.) *Et duodecim portæ duodecim margaritæ per singulas: et singulæ portæ erant ex singu-*

lumina Ecclesiæ... eo quod viriditate fidei, firmitate et sapientia, ut aurum fulgidi fuerunt.

(99) Omnes edit., undenarium numerum; omnes mss., decimum numerum. Melius, cum de unitate infra dicatur.

lis margaritis. Hoc secundum litteram stare non potest. Si singulæ portæ erant ex singulis margaritis, quomodo per unamquamque duodecim margaritæ fuisse dicuntur? Sed spiritualiter intelligendum est; duodecim namque margaritæ sunt, ex quibus singulæ portæ esse dicuntur, id est, centum quadraginta quatuor, per quas apostolorum successores doctores Ecclesiæ designantur, qui fidem doctrinamque apostolorum sunt secuti, et actus imitati; qui propter vitæ munditiam et sanctitatem præcipuam per candorem margaritarum significantur. *Et plateæ civitatis aurum mundum, tanquam vitrum perlucidum.* Superius per aurum mundum et vitrum mundum perfectos viros et sanctos angelos diximus significatos: sed hic per plateam civitatis mentes fidelium; per aurum vero mundum, et vitrum perlucidum munditia mentium hominum designatur, atque angelorum; quia sicut ad mentes angelorum nulla unquam vana **584** cogitatio accedere potuit, quæ eos maculet; ita et sanctis post resurrectionem nulla unquam inutilis cogitatio adveniet, quæ eorum mentes commaculet.

(Vers. 22.) *Et templum non vidi in ea; Dominus enim omnipotens templum illius est, et Agnus.* Per templum, in quo hostiæ et sacrificia offerebantur, præsens Ecclesia designatur, in qua non carnalia, sed spiritalia sacrificia quotidie Deo offeruntur. Nam sicut illic secundum qualitatem peccatorum exercebatur ritus sacrificiorum; ita et in Ecclesia secundum modum culparum debent esse sacrificia pœnitentiæ, sacrificia orationum, fletuum, cordis compunctionum. De talibus sacrificiis Propheta loquitur dicens: « Sacrificium Deo spiritus contribulatus (*Psal. l., 19*); » et iterum: « Tunc acceptabis sacrificium justitiæ (*Ibid. 21*). » Si est sacrificium justitiæ, est et patientiæ (1), est et abstinentiæ, est et humilitatis cæterarumque virtutum. Hæc sunt sacrificia, quæ odorem suavissimum præbent Domino, non carnes pecudum, quæ in altari cremabantur. Joannes, ergo templum in sancta civitate se non vidisse dixit; quia hæc omnia quæ diximus, in illa beatitudine necessaria non erunt: *Absterget enim Deus omnem lacrymam ab oculis sanctorum, et mors ultra non erit, neque luctus neque clamor, neque dolor erit ultra, quæ prima abierunt (supr. vers. 4).* Dominus vero templum illius erit et Agnus; quia in illo erunt sancti, et in illo habitabunt, sicut ipse dixit discipulis suis: « Sicut ego in Patre, et vos in me, et ego in vobis (*Joan. xiv, 20*). »

(Vers. 23.) *Et civitas non eget sole, neque luna, ut luceant in ea; nam claritas Dei illuminabit eam, et lucerna ejus est Agnus.* Per solem novum Testamentum, per lunam vetus designatur. Absque istis duobus luminaribus Ecclesia per viam rectitudinis in tenebris hujus sæculi sine crebris offensionibus

(1) Eædem edit., *est et sapientiæ*; mss. e contrario, *est et patientiæ*.

A incedere non potest: in illa autem beatitudine, ubi nullæ tenebræ erunt, nulla offensio, nihil incorrectum quod corrigi possit, lux novi ac veteris Testamenti necessaria non erit; illius enim lumine sancti sine fine perfruentur, qui auctor est lucis, qui « illuminat omnem hominem venientem in hunc mundum (*Joan. i, 9*). »

(Vers. 24.) *Et ambulabunt gentes per lumen ejus et reges terræ afferent gloriam suam et honorem in illam.* Per gentes omnes electi designantur. Sed quomodo ambulabunt? Ambulabunt mente, non corpore: non mutando locum, sed considerando omnipotentiam, divinitatem atque majestatem. Per lumen Ecclesiæ ambulabunt; quia ut hoc iter perficere possint, illo lumine illuminabuntur, quod cunctæ Ecclesiæ omnipotens Deus daturus est: per reges autem terræ apostoli et cæteri prædicatores designantur: gloriam vero et honorem prædicatorum eos vocat, qui per eos crediderunt, sicut apostolus Paulus dicit discipulis suis; nam gloria nostra vos estis in Domino (*II Cor. i, 14*). Afferent ergo gloriam suam et honorem in illam; cum eos qui per eos crediderunt, Domino repræsentabunt.

(Vers. 25.) *Et portæ ejus non claudentur per diem; nox enim non erit illic.* Superius per duodecim portas, quæ ex duodecim margaritis fuisse dicuntur, apostolos fuisse diximus designatos: sed hic ubi sine numero ponuntur, aliam significationem habent; significant namque corda fidelium, fideles namque in hac vita positi noctem patiuntur, id est, dæmones et impios homines. Portas autem in nocte claudunt, cum contra omnia tentamenta dæmonum aditus mentium suarum obstruunt, eaque a se repellunt. Claudunt etiam portas in nocte, cum contra malitiam pravorum hominum corda sua muniunt; ut non audiant linguam detrahentem, non reddant malum pro malo, vel maledictum pro maledicto, ut secundum prophetam: « Excutiant manus suas ab omni munere, et obturent aures suas, ne audiant sanguinem; et claudant oculos suos, ne videant malum (*Isa. xxxiii, 15*). » Porro in illa beatitudine, ubi nullus dæmon, nullus reprobus esse poterit, qui mala suadeat, qui per noctem designantur, portarum, id est, mensium observatio necessaria non erit; nam et secundum litteram erit ibi dies perpetuus, nulla nocte succedente.

(Vers. 26.) *Et afferent gloriam gentium, et honorem in illam.* Superius reges terræ, id est, prædicatores sanctos, gloriam suam in civitatem sanctam detulisse dicit: per quam gloriam gentes, quæ per eos crediderunt, diximus fuisse designatas. Si ergo gloria prædicatorum gentes sunt, gloria gentium quæ est? Nisi forte secundum Salomonem hoc dictum intelligamus, qui dicit: « Gloria senum filii filiorum: et gloria filiorum (2) patres eorum (*Prov.*

(2) Omnes edit., *patres eorum. Gloria vero filiorum*; sed lacunam egregie supplet omnes mss.

xvii, 6.) » Gloria namque senum, id est, apostolorum, filii sunt filiorum, id est, gentes quæ per ipsos, et per filios, id est, discipulos eorum crediderunt; gloria vero filiorum erunt patres eorum; quia gaudebunt gentes, eo quod tanti meriti tantæque excellentiæ patres habeant, cum eorum gloriæ participes esse meruerint. Quod autem dicit *afferent*, possumus ad angelos referre; qui in die iudicii sanctos Dei ad percipienda præmia repromissa deducunt, sicut Dominus dicit in Evangelio: « Mittet Filius hominis angelos suos, et congregabunt electos ejus a quatuor ventis cœli, et a summitate cœlorum (*Matth.* xxiv, 31). »

(Vers. 27.) *Nec intrabit in eam aliquid coinquinatum, et faciens abominationem et mendacium, nisi qui scripti sunt in libro vite Agni.* Inquinatos vocat eos, qui se diversis sceleribus inquinaverunt: abominationem autem faciunt, qui malum operantur: nihil enim abominatur Deus, nisi malitiam, sicut in libro Sapientiæ scriptum est: « Misereris omnium, Domine, et nihil eorum odisti, quæ fecisti (*Sap.* xi, 25). » Quæri autem potest cur mendacium fieri dicatur. Quod autem facimus, jam non est mendacium, quia quod factum est, non potest non esse factum, ut sit mendacium. Sed factum pro locutione posuit; peccatum quippe mendacii loquendo facimus, non operando. Possumus etiam per mendacium omne peccatum intelligere; scimus enim quia Deus veritas est, peccatum vero deceptio est animarum. Quidquid ergo contrarium est veritati, atque ad deceptionem animarum pertinet, quamvis videatur verum, mendacium recte dici potest. In illa itaque sancta civitate non intrabit aliquid coinquinatum, et faciens **585** abominationem et mendacium; quia in die iudicii « exhibunt angeli, et separabunt malos de medio justorum, et mittent eos in caminum ignis ardentis (*Matth.* xiii, 49, 50.) » Nam et illis qui oleum charitatis in vasis suis non habuerint, claudetur janua regni cœlestis; diceturque illis a Domino: « Amen dico vobis, nescio vos (*Matth.* xxv, 12). »

CAPUT XXII. — (Vers. 1.) *Et ostendit mihi fluvium aquæ vitæ, splendidum tanquam crystallum procedentem de sede Dei et Agni, in medio plateæ ejus.* Ezechieli in ultima visione torrens demonstratus est, qui de templo exibat, et decurrebat in mare, de quo ita loquitur: « Et duxit me, inquit, angelus mille cubitos, et transduxit me per aquam usque ad talos. Et duxit me mille cubitos, et transduxit me per aquam usque ad genua. Et duxit me mille cubitos, et transduxit me per aquam usque ad renes. Et duxit me mille cubitos, torrentemque non potui transvadere; quia intumuerant aquæ torrentis, qui transvadari non potest (*Ezech.* xlvii, 3-5). » Per terrentem Scripturam divinam intelligere debemus, quæ de templo,

(3) In edit. hæc verba, *angelus igitur transducit... intelligendi Scripturas*, supra ponebantur post voces *Dominum significat*; sed in mss. hoc loco aptius collocantur.

A id est, de Ecclesia egreditur, ab ore scilicet prædicatorum: angelus vero Dominum significat: propheta autem typum tenet eorum qui divinas Scripturas ad hoc discere volunt, ut ipsi in eis proficiant, et alios per earum scientiam instruant: millenarius vero numerus perfectionem alicujus rei sæpe demonstrat. Et prima transductio ad historiæ intelligentiam, secunda ad moralem, tertia pertinet ad spiritalem.

Angelus igitur prophetam mille cubitos ducit, cum Dominus alicubi fidei suo desiderium largitur intelligendi Scripturas (3): transducit eum usque ad talos, cum ei historiæ intellectum tribuit; quisquis enim moralem et spiritalem intelligentiam in divinis Scripturis investigare desiderat, necesse est ut historiæ intelligentiam prius possideat: secundo angelus prophetam mille cubitos ducit, cum Dominus fidelem suum ad moralem intelligentiam percipiendam accendit: per aquam usque ad genua eum transducit, cum moralis scientiæ sensus ei manifestat. Tertio angelus prophetam (4) mille cubitos ducit, cum Dominus post moralem intelligentiam fidelem suum ad spiritualis intelligentiæ sensus enucleandos per desiderium evehit. Per aquam usque ad renes eum transducit, cum spiritualis scientiæ sensus ei aperit. Quarto prophetam angelus mille cubitos ducit, cum post intelligentiam Scripturarum fidelem suum Dominus ad contemplanda divina et cœlestia sacramenta elevat. Torrentemque non potuit transvadare; quia profunditatem divinorum cœlestiumque mysteriorum nullus, sicut est, perscrutari potest: « Ex parte enim cognoscimus, et ex parte prophetamus, » sicut dicit Apostolus: « Cum autem venerit quod perfectum est, evacuabitur quod ex parte est (*I Cor.* xiii, 9, 10); » et iterum: « Videmus nunc per speculum in ænigmate, tunc autem facie ad faciem (*Ibid.* 12). » Hunc torrentem idem Paulus transmeare se non posse considerans dicebat: « O altitudo divitiarum sapientiæ et scientiæ Dei, quam incomprehensibilia sunt iudicia ejus, et investigabiles viæ ejus! Quis enim cognovit sensum Domini, aut quis consiliarius ejus fuit, aut quis prior dedit illi, et retribuetur ei? Quoniam ex ipso, et per ipsum, et in ipso sunt omnia: ipsi gloria in sæcula sæculorum, amen (*Rom.* xi, 33-36). » Et propheta Isaias: « Oculus non vidit, Deus, absque te, quæ præparasti expectantibus te (*Isa.* lxiv, 4). » Ecce angelus prophetam usque ad locum præfinitum duxit, et non eum transduxit; quia omnipotens Deus suos sanctos usque ad contemplanda secreta et arcana mysteria suæ divinitatis perducit: sed nequaquam eos transducit; quia fragilitas humana perfecte non potest comprehendere illa inscrutabilia et divina mysteria. Et sicut qui regios cibos odoratus est, et eorum dulcedinem prægustavit, amplius eos desiderat, quam ille

(4) Quidquid a vocibus, *Tertio angelus prophetam, usque ad sacramenta elevat* intercedit, e mss. omnibus restituitur.

qui nec eos vidit, nec odoratus est, nec qualis esset eorum dulcedo gustando sensit: ita et sancti, qui per contemplationis gratiam dulcedinem patriæ cœlestis sæpe degustant, multo amplius in ejus amore quotidie exardescunt, quam illi qui propter dulcedinem sæculi dulcedinem non sentiunt vitæ æternæ.

Dicit idem propheta in sequentibus vidisse se ligna in utraque ripa torrentis, quorum fructus erant in cibum, et folia ad medicinam. Duæ ripæ duo Testamenta significant: inter has duas ripas magnus torrens Scripturarum, qui a sanctis Patribus editus est, decurrit: per ligna vero doctores Ecclesiæ designantur, qui in utriusque ripis, id est, in doctrina veteris ac novi Testamenti plantati esse dicuntur; unde aquas veræ scientiæ trahentes, et fructus gignunt, et folia: per fructus namque opera bona, per folia autem verba prædicationis designantur. Fructus in cibum, et folia ad medicinam proficiunt; quia unusquisque doctor languenti animæ medicinam verborum salutiferam tunc ministrat, cum eam prius exemplis bonorum operum paverit.

Eccc Ezechiel torrentem de templo exiisse se vidisse dixit (*Ezech. XLVII, 5*): Joannes autem non torrentem, sed fluvium a sede Dei et Agni procedentem sibi ostensum fuisse dicit. Torrens ex nimio ardore solis solet siccare, fluvius vero nullo ardore exsiccat: non inconvenienter ergo per torrentem divina Scriptura exprimitur, quæ veniente sole, id est, Domino ad judicium, siccabitur; quia post resurrectionem divina Scriptura necessaria non erit. Porro per fluvium, qui nullo ardore solis exsiccat, gloria sanctorum perpetua intelligitur, qui a sede Dei et Agni procedere dicitur; quia ab illo fluvius gloriæ sanctorum procedet, a quo, illis in carne positus, processit rivus omnium bonorum.

Qui fluvius splendidus tanquam crystallus esse dicitur: verum quia hujus lapidis in hoc libro sæpe fit mentio, placuit ut de natura et significatione ejus pauca dicamus. Hic lapis clarior est omnibus lapidibus: nascitur autem in frigidissimis locis, a quibus frigus nunquam recedit. Quia ex inferiori parte saxo aliquantulum molliori inhæret, radicem in eo parumper desigens, sursumque crescens erigitur, sex angulos habens in summitate vero acuitur; eundem tamen ordinem sex angulorum usque ad summitatem servans. Significat autem unumquemque perfectum virum: lapis vero, cui inhæret, Christum designat: claritas crystalli puritatem mentium **586** sanctorum: sex anguli perfectionem demonstrant operum bonorum. Ordinem sex angulorum usque ad summitatem ducit; quia sancti hoc student, ut perfectionem bonorum operum usque ad finem vitæ perducant: in superioribus vero summitate acuitur; quia omnis intentio sanctorum ad

A illum tendit, qui unus est, et in quo etiam ipsi unum fiunt.

Fluvius ergo iste, qui gloriam sanctorum designat, splendorem crystalli habere dicitur; quia unicuique fidelium secundum qualitatem operum suorum refulget, sicut dicit Apostolus: «Stella enim ab stella differt in claritate, sic et resurrectio mortuorum (*I Cor. xv, 41*).» Qui de sede Dei et Agni procedere dicitur; quia ab ipso procedet omnis gloria sanctorum, qui auctor est omnium bonorum: qui etiam in medio plateæ civitatis decurrere dicitur; quia corda sanctorum perpetua suavitatis dulcedine lætificabit.

Et ex utraque parte fluminis lignum vitæ. Ezechiel in utraque ripa torrentis (*Ezech. XLVII, 7*), plurima ligna demonstrata sunt, de quibus superius locuti sumus: hic autem vitæ lignum utramque partem fluminis occupasse dicit. Sed illic per multa ligna multi prædicatores: hic autem per unum vitæ lignum unus Christus designatur, qui est vita cunctorum fidelium: per utramque vero partem fluminis possumus angelos et homines intelligere. Utramque igitur partem fluminis lignum vitæ obtinebit: quia et angelos et homines sanctos Christus æqualiter possidebit. *Afferens fructus duodecim.* Fructus duodecim apostoli sunt, omnesque qui eorum doctrinam sunt secuti: fructus duodecimi lignum vitæ afferet; quia in illa beatitudine Christus omnem multitudinem fidelium collocabit. *Per menses singulos reddens fructum suum.* Menses singuli tempora sunt ab initio mundi usque ad finem ejus, de quibus frequenter diximus. Per menses ergo singulos reddet fructum suum; quia omnes electos qui singulis temporibus fuerunt, et erunt usque ad finem, in illa beatitudine Patri representabit. *Et folia ligni ad sanitatem gentium.* Folia ligni verba sunt Evangelii, quæ sanitatem multis gentibus præstiterunt. Et est sensus: Omnes gentes quæ per doctrinam Evangelii a languoribus animarum salvæ factæ sunt, in cœlesti beatitudine constituet.

(Vers. 3.) *Et omne maledictum non erit amplius.* Cum dicit, *omne maledictum*, demonstrat plurimas esse maledictiones. Maledictionem mortis primus homo incurrit (*Gen. iii, 19*), quando peccavit, et ab illo in omnes homines pertransivit (*Rom. v, 12*). Et de Christo Paulus dicit quod factus sit maledictum pro nobis (*Galat. iii, 13*); quia mortem, quæ est maledictio primi hominis, pro nostra salute suscepit. Sed et Cain pro reatu homicidii maledictus est a Deo (*Gen. iv, 11*). Et contemptoribus Legis dicit Moyses: «Maledictus qui non permanserit in sermonibus libri hujus (5) (*Deut. xxvii, 26*).» Similiter et nos cum graviter peccamus, ipsi nos met ipsos pessima maledictione damnamus. Omne igitur maledictum non erit amplius; quia peccatum non erit, nec aliquid quod occasionem præbeat peccandi. Maledictio quoque primi hominis in re-

(5) Omnes edit., in omnibus iis; omnes mss., in sermonibus libri hujus.

surrectione delebitur, cum immortalitas omnibus A electis fuerit attributa. *Et sedes Dei et Agni in illa erunt.* Si modo sunt sancti Dei in hac vita positi sedes Dei, quanto magis tunc, cum corruptibile hoc induerit incorruptionem, et mortale hoc induerit immortalitatem (*I Cor. xv, 53*)? *Et servi ejus servient illi.* Quæ est ista servitus, qua servi Dei servient Deo? Amando videlicet eum, et sine fine eum laudando.

(Vers. 4.) *Et videbunt faciem ejus, et nomen ejus in frontibus eorum.* Quanta sit gloria et suavitas quæ sanctis ministrabitur, mens humana comprehendere non potest, sicut dicit apostolus Paulus: « Quod oculus non vidit, nec auris audivit, nec in cor hominis ascendit, quæ præparavit Deum diligentibus se (*I Cor. ii, 9*). » Sed omnem dulcedinem atque suavitatem illud transcendet, quod videbunt B Deum facie ad faciem. Nomen vero Dei est Filius Dei: nomen itaque erit in frontibus sanctorum; quia ipsa claritas atque species demonstrabit eos esse filios Dei.

(Vers. 5.) *Et nox ultra non erit.* Dicit in alio loco Joannes: « Deus lux est, et tenebræ in eo non sunt ullæ (*I Joan. i, 5*). » Quas ergo tenebras pati poterunt, a quibus Deus assidue videbitur? Quod si de dæmonibus et impiis intelligere voluerimus hoc dictum, nox non erit: quia dæmones cum omnibus impiis in cloaca inferni in perpetuum tenebuntur reclusi. *Et non egebunt lumine lucernæ, neque lumine solis.* Diximus superius per lumen lunæ ac lumen solis vetus ac novum Testamentum esse designatum: eandem itaque significationem habet C lucerna in hoc loco, quam superius diximus lunam habuisse. De lumine autem solis ac lunæ, id est, veteris ac novi Testamenti, superius aliqua diximus. Hoc igitur lumine non egebunt sancti. *Quoniam Dominus Deus illuminabit illos, et regnabunt in sæcula sæculorum.* Hucusque visio septima. Quæ sequuntur, ad admonitionem pertinent ipsius Joannis cæterorumque fidelium.

(Vers. 6.) *Et dixit mihi: Hæc verba fidelissima et vera sunt.* Hoc bis ideo repetit, ut nullus considerans obscuritates dictionum, et ea quæ secundum litteram irrationabilia videntur, incredulus existat; fuerunt enim quidam, qui non intelligentes divina mysteria, quæ in hoc libro continentur, a catalogo divinarum Scripturarum eum amputare voluerunt. *Et Dominus Deus spirituum prophetarum misit angelum suum ostendere servis suis, quæ oportet fieri cito;* id est, Dominus Deus, qui spiritum prophetiæ dedit omnibus sanctis prophetis, ipse misit angelum suum, id est, ipsum qui hoc loquebatur, qui et Joanni ostendit omnia mysteria, quæ in hoc libro continentur, *ostendere servis suis quæ oportet fieri cito.* Cum hæc scriptura non tantum ad futurum tempus, sed etiam ad præteritum pertineat, cur ad demonstranda ea tantummodo, quæ oportebat fieri

cito, a Deo se dicit esse missum? Quia nimirum præterita facile dignoscuntur: futura autem et incognita hominibus non nisi per revelationem Spiritus sancti, aut per angelorum ministerium intelligere possumus. Aliter quidquid ignoramus, futurum nobis est; quia futurum est ut ad cor nostrum veniat, quod nescimus; illud videlicet, quod Deus prædestinavit ut sciremus; non enim scientia mali nobis prædestinata est, sed ex originali peccato descendit.

587 (Vers. 7.) *Et ecce venio velociter.* Hoc in persona loquitur Christi, significans eum ad iudicium cito esse venturum. *Beatus qui custodit verba prophetiæ libri hujus.* Ille servat verba prophetiæ, id est mandata Dei, qui ea operando implet, et in meditatione eorum assiduus est, implens illud Psalmographi dictum: « Sed in lege Domini voluntas ejus, et in lege ejus meditabitur die ac nocte (*Psal. i, 2*). »

(Vers. 8, 9.) *Et ego Joannes qui audivi et vidi hæc, et postquam audissem et vidissem, cecidi ut adorarem ante pedes angeli, qui mihi hæc ostendebat, et dixit mihi: Vide ne feceris, conservus tuus sum et fratrum tuorum prophetarum, et eorum qui servant verba libri hujus. Deum adora.* Cur angelus a Joanne adorari noluerit, beatus Gregorius sufficienter exposuit (6): quærendum vero nobis est, cur repetit quod antea ei prohibitum fuerat. Sed si diligenter scripturam libri hujus inspexerimus, non in vanum esse factum intuebitur; nam cum ei demonstrasset angelus Christum in sua sede sedentem, quatuorque animalia, et viginti quatuor seniores, nequaquam dicitur angelum adorare voluisse. Similiter cum ei demonstrasset qualiter ab Agno septem sigilla reserata sunt, et ea quæ sub cantu tubarum septem angelorum gesta sunt, nec non et ea quæ sub effusione phialarum septem angelorum gesta fuisse leguntur, nequaquam dicitur quod angelum adorare voluerit. Ubi vero ventum est ad eum locum, in quo ei ab angelo demonstratum est, qualiter sponsa Christi, id est Ecclesia, Christo conjuncta est, in eo videlicet loco, ubi scriptum est: *Gaudeamus et exsulemus, et demus gloriam ei (7); quia venerunt nuptiæ Agni, et uxor ejus præparavit se: et datum est ei, ut operiat se byssino splendente candido.* Byssinum enim, inquit, justificationes sunt sanctorum; continuo angelum adorare voluit. Simili modo et in sequentibus, cum ei demonstrata esset dejectio Antichristi, alligatio diaboli in abyssum, gloria resurrectionis, nullo modo angelum adorare voluit: cum autem in fine hujus visionis demonstratum esset ei qualiter Ecclesia post resurrectionis gloriam Christo in æternum cum illo regnatura sociabitur, continuo angelum adorare voluit; conjungitur namque Ecclesia quotidie Christo per fidem, cæteraque bona opera, quæ

(6) Ita mss.: edit. vero: *Cur angelus Domini a Joanne adorari noluerit, superius in expositione quintæ Visionis sufficienter exposuimus.* Mera impos-

stura.

(7) Edit., *et demus gloriam ei, et cætera; continuo angelum;* mss. autem, *ut nos in textu.*

per byssum designantur. Conjungetur vero ei post resurrectionem multo excelsius atque nobiliter, non jam per partes, sicut modo : sed tota simul in æternum cum illo mansura, et sine fine regnatura. Igitur Joannes bis angelum adorare voluit, quia binas conjunctiones Ecclesiæ cum Christo ei demonstravit.

(Vers. 10.) *Et dixit mihi : Ne signaveris verba prophetiæ libri hujus : tempus enim prope est.* Signata est Scriptura illis, a quibus non intelligitur. Præcipitur igitur Joanni ne signet verba prophetiæ libri hujus, id est, ne tacendo obscuritates ejus abscondat, sed exponendo potius omnibus eam scire volentibus manifestet ; eo quod dies judicii, qui in hoc libro diversis modis describitur, prope sit, et necesse habeamus ut periculum, quod imminet, corde videamus, ne sicut fur incautos occupet et perdat. Sed cur Joannes secundum præceptum angelicum obscuritates libri hujus exponendo et describendo manifestare noluit ? præsertim cum propter easdem obscuritates quidam in errorem et hæresim deciderint, dicentes Christum post resurrectionem per mille annorum spatium cum omnibus sanctis in mundo carnaliter esse regnaturum. Verum quod non fecit scribendo, credimus eum fecisse prædicando.

(Vers. 11.) *Qui nocet, noceat adhuc : et qui in sordibus est, sordescat adhuc (8) : et sanctus sanctificetur adhuc.* Qui dicit : *Qui nocet, noceat adhuc : et qui in sordibus est, sordescat adhuc ;* non præcipiendo, sed comminando dixit. Solent quippe homines hoc genere locutionis terrere quosdam sibi subjectos, sicut magistri qui solent dicere pueris vacantibus : *Nolite legere, nolite legere : illi vero intelligentes comminationem esse hoc, non prohibitionem, statim incipiunt legere.* Hoc etiam modo dñi servos otio torpentes terrere solent, ut opus sibi injunctum citius expleant (9).

(Vers. 12.) *Ecce venio cito, et merces mea mecum est reddere unicuique secundum opera sua.* Sæculi homines mercedes, quas sibi servientibus debent reddere aut in sacculis, aut in horreis, aut in quibusdam terræ locis habent : Christus autem præmia servorum suorum secum semper habet ; ab ipso enim procedit modo omnis bonitas sanctorum, ab ipso et in futurum procedet omnis gloria eorum.

(Vers. 13, 14.) *Ego sum A et Ω, primus et novissimus, principium et finis. Beati qui lavant stolas suas, ut sit potestas illis in ligno vitæ, et per portas intrent in civitatem.* Possumus per stolas in hoc loco animas nostras intelligere, et quia assidue

(8) Eadem edit., *sordescat adhuc.* Non præcipiendo ; cætera ex mss. restituta sunt.

(9) Rom. edit. sola, *citius expleant.* *Et qui justus est, justificetur adhuc : et sanctus sanctificetur adhuc.* *Ecce venio, etc.*

(10) Edit. Gill., *bonis operibus abluere ;* Rom.,... *se abluere ;* mss.,... *animas suas abluere.* Infra vero

A peccamus, necesse est ut stolas, id est, animas nostras, orando, vigilando, jejunando, eleemosynas largiendo assidue lavemus. Per lignum vitæ possumus sapientiam intelligere, dicente Salomone : « Lignum vitæ est illis, qui apprehenderint eam ; et qui tenuerit eam, beatus (Prov. iii, 18). » Potestatem in ligno vitæ, id est, in sapientia habent sancti ; quia quicumque sapientiam possidet, potens est ad omnia vitia extirpanda, ad tentationes dæmonum devincendas, et ad omnia bona opera peragenda, sicut dicit Salomon : « Melior est patiens viro forti, et qui dominatur animo suo expugnatore urbium (Prov. xvi, 32). » Tales ergo per portas intrant in civitatem, per illam videlicet portam, quæ dicit in Evangelio : « Ego sum ostium ; per me si quis introierit, salvabitur ; et ingredietur, et egredietur, et pascua inveniet (Joan. x, 9). » Possumus hoc et ad futurum tempus referre ; per lignum namque vitæ Christus designatur, ut sæpe jam diximus. Sicut enim ex uno stipite ligni multi rami prodeunt, ita et ex uno Christo multitudo sanctorum. Quicumque ergo lavacris spiritalibus, id est, bonis operibus animas suas abluere (10) non cessant, potestatem habebunt in ligno vitæ ; quia ejus membra effecti, per illum magna poterunt : nam sicut ex uno stipite arboris omnis virtus ramorum procedit ; ita et ex uno Christo omnis potestas sanctorum. Per portam autem 588 civitatis possumus accipere misericordiam et clementiam Dei. Hæc est porta, quæ justis aperietur, et injustis claudetur ; quia justos intra aulam paradisi misericordia divina recipiet (11) : a qua misericordia impii alieni existent. Ab hac porta fatuæ virgines repellentur, quæ oleum charitatis in vasis suis non habebunt (Matth. xxv, 12).

(Vers. 15.) Unde et sequitur : *Foris canes, et venefici, et impudici, et homicidæ, et idolis servientes, et omnis qui amat et facit mendacium.* Per canes falsos prædicatores possumus intelligere, de quibus dicit apostolus Paulus : « Videte canes, videte malos operarios, videte concisionem (Philipp. iii, 2), » et propheta : « Canes muti non valentes latrare (Isa. lvi, 10), » et iterum : « Canes impudentissimi nescierunt saturitatem, ipsi pastores ignoraverunt intelligentiam (Ibid. 11). » De cæteris vitiis, quæ hic continentur, superius diximus. Omnes ergo qui his vitiis fuerint sordidati, ab illa beatitudine repellentur, et æterna pœna damnabuntur.

(Vers. 16.) *Ego Jesus misi angelum meum testificari vobis hæc in Ecclesiis. Ego sum radix et genus David, stella splendida et matutina.* David radix est universæ stirpis suæ ; quia sicut ex una radice

utraque edit., *aperietur, quia justos ;* mss. e contrario, *aperietur, et injustis claudetur, etc.*

(11) Edit. Gill., *recipiet.* *Sequitur : Ego Jesus, edit Rom., recipiet.* *Sequitur : Foris canes... et facit mendacium. Ego Jesus.* Verum tantam lacunam omnium mss. reparat auctoritas.

multi rami oriuntur, ita et ex uno David magna progenies est exorta. Cum ergo David fuerit radix Christi, eo quod de stirpe ejus Christi fuerit exortus; quomodo Christus radicem se dicit esse David? Christus igitur et radix et filius est David. Radix est David, quia ab ipso David est creatus, sicut et cæteri homines: filius est David, quia ex ejus progenie processit secundum carnem. Qui etiam stellam matutinam se vocat. Stella matutina, quam luciferum vocamus, recte Christus dicitur; quia sicut illa mane oriens splendorem suum per universum mundum spargit, ita et Christus veniens in mundum, universam mundi faciem illuminavit: qui non incongruenter lucifer vocatur; quia veniens in mundum, lucem secum detulit, quia tenebras hujus mundi exstinxit. De hoc lucifero Job loquitur dicens: « Qui producit luciferum in tempore suo (Job xxxviii, 32). » Luciferum in tempore suo Deus Pater produxit, quando Filium suum tempore constituto ad redimendum genus humanum direxit.

(Vers. 17.) *Et sponsus et sponsa dicunt: Veni.* Sponsus et sponsa, id est, Christus (12) et Ecclesia, omnes homines per Scripturas et per prædicatores ad percipienda præmia sempiterna quotidie invitant. *Et qui audit dicat: Veni.* Audiunt autem non solum illi qui divinas Scripturas intelligunt, sed et illi qui ea bona sciunt, per quæ salvari possunt. Multi sunt vero qui audiunt, id est, qui divina mandata didicerunt: sed non veniunt, quia ea opere implere negligunt. Qui igitur audit, necesse est ut veniat: et qui jam cœpit venire ad Deum per viam operum bonorum, necesse habet ut et alios secum admonendo pertrahat. *Et qui sitit, veniat,* id est, qui sitit vitam æternam, ad eam per viam bonorum operum venire se debere cognoscat: *Qui vult, accipiat aquam vitæ gratis.* Hoc superius (cap. 12) expositum est.

(Vers. 18, 19.) *Contestor omnī audienti verba prophetiæ libri hujus: si quis apposuerit ad hæc, apponat Deus super illum plagas scriptas in libro isto; et si quis diminuerit de verbis libri prophetiæ hujus auferat Deus partem ejus de libro vitæ, et de civitate sancta, et de his quæ scripta sunt in libro isto.* Cum superius præcipiat angelus Joanni, dicens: *Ne signaveris verba prophetiæ libri hujus; quid est quod idem Joannes in hoc loco maledictione terribili damnat eos qui ad scripturam libri hujus aliqua addiderint: maxime cum in hoc libro multa inveniantur quæ secundum litteram inutilia et vana esse videbuntur, nisi eis spiritalis intelligentia adhibeatur, per quam intelligantur? Verum non de expositoribus, sed de hæreticis hoc dictum esse intelligere debemus;*

(12) Gill. in textu: *Et sponsus et sponsa, id est Christus; in margine, vel spiritus; Rom. vero, Et spiritus et sponsa dicunt: Veni, id est, Christus, etc.* Sed omnes mss. nobiscum faciunt.

(13) Edit., *Jesu Christe. Dicit: Venio cito: melius mss. ut in contextu.*

A expositor namque nihil addit aut minuit: sed aut obscuritates historiæ exponendo manifestat, aut moralem aut spiritalem intelligentiam demonstrat. Hæreticos ergo maledicit, qui in Scripturis divinis ad confirmandam hæresim suam quædam falsa apponebant, et quædam detrahebant, quæ eorum hæresi videbantur esse contraria.

(Vers. 20.) *Dicit qui testimonium perhibet istorum: Etiam venio cito, amen. Veni, Domine Jesu.* Christus dicit: *Venio cito* (13), Joannes petit: *Veni, Domine Jesu;* et nos adventum Christi multis modis postulare debemus. Postulamus namque adventum ejus in oratione Dominica, quotidie dicentes: « *Adveniat regnum tuum (Matth. vi, 10),* » id est, tempus quod post resurrectionem futurum est, in quo omnes sancti cum Christo sine fine regnabunt. In peccatis jacemus; necesse habemus ut pœnitendo, plorando, orando, abstinendo, elemosynas largiendo, adventum ejus deprecemur; ut ad nos misericordiam suam impendendo redeat, a quibus malis nostris irritatus discesserat. In tenebris ignorantiae positi sumus; deprecandus est Dominus, ut veniat, et lumine sapientiæ suæ corda nostra illuminet. Ab invisibilibus hostibus impugnatur; rogandus est Dominus, ut veniat, et ab eis invisibili potentia nos defendat. Visibiles hostes patimur, implorandus est Dominus; ut veniens, patientiam et tolerantiam nobis in adversis tribuat, ut non vincamur a malo, sed vincamus in bono malum. Sunt alii hostes interiores, et multo deteriores, a quibus indesinenter debellamur, avaritia videlicet, gula, libido, invidia, ira, odium, superbia, vana gloria, tumor mentis, despectio proximorum, blasphemiae, et alii multi, quos longum est ponere. Isti sunt itaque hostes pessimi, qui ex nobis prodeunt, et nobiscum morantur, et jugiter nos debellant. Habent autem et innumerabilia jacula malarum cogitationum, quibus assidue nos vulnerant. Si ergo interiores hostes deessent, exteriores hostes nihil nobis nocere possent; isti sunt enim proditores civitatis nostræ, et exteriores hostes nullo modo, nisi per istos, civitatem (14) cordis nostri possunt capere. Rogemus igitur Dominum ut veniat, et istos immanissimos hostes in nobis funditus exstinguat, quia nisi exstinguantur, nos salvi esse non possumus.

D (Vers. 21.) *Gratia Domini (15) nostri Jesu Christi sit cum omnibus vobis. Amen.* Sit et 589 nobiscum gratia Domini Jesu Christi, et det nobis arma virtutum, quibus muniti, ipso duce atque signifero, et ab interioribus hostibus, et ab exterioribus defendamur; ut vitæ æternæ participes esse merea-

(14) Eædem edit., *exteriores hostes nullo modo, nisi per istos civitatem, etc.*; mss. vero, *exteriores hostes nihil nobis nocere, etc.*

(15) Ita mss. Edit. autem, *exstinguat, et illis exstinctis, perducere dignetur ad gaudia vitæ perpetuæ. Sequitur: Gratia Domini, etc.*

mur: qui cum Patre et Spiritu sancto vivit et regnat in sæcula sæculorum. Amen.

AUCTORIS ADMONITIO (16).

Quisquis nomen auctoris scire desideras, litteras expositionum in capitibus septem Visionum primas attende. Numerus quatuor vocalium quæ desunt, si Græcas posueris, est LXXXI. Ecce quanta potui brevitate hunc librum conscripsi. Obsecro autem te, cui dedit Deus scientiam litterarum, et in cujus manibus hic liber ad legendum devenerit, ut non propter fœtidam ac rusticissimam elocutionem sermones hujus libri abjicias: sed imitare potius illum, qui gemmam in sterquilinio repertam tandiu aqua nitida abluit, usque dum ad splendorem pristinum perveniret; ita et tu aqua sapientiæ tuæ ablue imperitiæ meæ sordes, tuisque pulchris et compositis verbis sermones hujus libri necessarios adorna, quatenus non jam a superbis lectoribus utilitas libri causa rusticitatis abjiciatur. Scio enim quod hæc mea impolita dictatio a multis scientia litterarum tumidis despuetur atque subsannabitur. Indignabuntur etiam contra me, cur ego idiota, et nihil sciens, præsumserim super tantæ obscuritatis librum volumen Expositionis eudere. Quibus respondeo quia, sicut terræ sterili amplius proficit aspersio stercoreis, quam alicujus metalli pretiosi; ita et indoctis hominibus plus proficit divina Scriptura mediocriter prolata, quam si philosophico aut poetico sermone proferatur: sciantque Dominum nostrum Jesum Christum sacramenta doctrinæ suæ non primo philosophis, sed piscatoribus 590 tradidisse, ut per pisces veniret ad philosophos. Etenim ille qui dedit asinæ sensatos sermones ad corrigendam prophetæ insipientiam (*Num. xxii, 30*), ipse mihi indigno et omnium hominum vilissimo

(16) Isthæc auctoris admonitio prætermissa est in superioribus editionibus: at eam cunctis manuscriptoris, excepto Gemeticensi, cui folium unum

intelligentiam libri hujus ex parte donare dignatus est. Ego autem tractans apud me illud Salomonis: « Sapientia abscondita, et thesaurus invisus, quæ utilitas in utrisque (*Eccli. xx, 32*)? » Simulque considerans grave mihi periculum imminere, si parvissimum thesaurum, quem mihi omnipotens Deus largiri dignatus est, tacendo absconderem; considerans etiam non me esse idoneum ad docenda ea quæ intelligebam, eo quod nullus inveniretur, qui more discipuli, dignaretur verba insipientiæ meæ audire; definivi apud me, ut hanc parvam scientiam, quam mihi divina misericordia contulit, qualicumque stylo prosequerem; ne talentum Domini mei abscondens, cum illo servo damnarer, qui « abiens fodit in terram, et abscondit pecuniam domini sui (*Matth. xxv, 18*). » Et quia idoneus non sum ad duplicandam pecuniam Domini mei, trado eam nummulariis; ut ipse veniens, recipiat quod suum est cum usura. Te autem, cui loqui copii, nummularium voco; quia sicut nummularius pecuniam incompositam suis superscriptionibus adornat, ut apta sit ad lucra peragenda: ita et tu hanc pecuniam Domini, quam tibi committo, potens es tua sapientia tuisque compositis verbis adornare; ut apta fiat ad lucra Domini nostri Jesu Christi perficienda: scitoque te mercedem optimam ab ipso esse recepturum, si hic liber, ut puto, Ecclesiæ Dei necessarius, per industriam tuam atque doctrinam sordes dictionum amiserit, tuisque verbis decentibus exornatus, utilior ad ædificationem legentium sive audientium fuerit effectus. Hoc tamen non permitto, ut sensus hujus libri in alios sensus permutentur; nisi forte, quod absit, aliquid in eo quod contrarium sit veritati, inveniatur: quod funditus esse delendum decerno, vel certe in melius commutandum.

avulsum fuit, repræsentamus. Videsis quæ de eadem præmisimus in Admonitione nostra ad istum librum.

IN LIBRUM DE POENITENTIA MONITUM

Hunc librum *de Penitentia* e codice Sorbonicæ bibliothecæ in quo nomen Ambrosii tanquam auctori falso inscribitur, Gillotius primus edidit; sed ita tamen ut ei locum non tribueret, nisi post Opera omnia sancti Doctoris, et eundem supposititium esse validis admodum rationibus demonstraret. Ejus autem sunt hæc firmamenta, nimirum quod elocutio sit affectata, et Ambrosianæ prorsus dissimilis, quod eadem illa asperior sit, et quibusdam verbis, quæ Africanum scriptorem referant, passim aspersa, quod Ambrosius non nisi duorum librorum *de Penitentia* abs se editorum mentionem faciat, quod hujus auctor nullam fecerit Novatianorum, denique quod idem auctor sibi Victori nomen fuisse in calce libri aperte prodatur. Satis quidem erat ultimum hæc momentum, ut hic tractatus ab Ambrosio alienus esse declararetur, sed ut cognoscatur quis ille Victor, solum non sufficit. Memoratus Gillotius cum ex Gennadio ac Tritthemio compertum haberet a Victore Cartennæ in Africa episcopo librum *de Penitentia* fuisse compositum, non alii Victori hunc tribuendum existimavit: quam sententiam, utpote veritatis colore haud destitutam, postmodum amplexi sunt non pauci. Verum tamen opinio ista demum evanuit, postquam, sagacissimus ille veterum codicum indagator Sirmondus hancce opellam Victori Tunonensi etiam in Africa pontifici in manuscripto B. Mariæ Remensis, et in alio abbatæ Herivallensis ascriptam legi-

quemadmodum Labbæus testificatur. De codice quidem Herivallensi, quem non licuit nobis videre, nihil dicimus at de Remensi, ad quem hunc librum emendavimus, lubentissime Sirmondi testimonium nostro prosequimur. Hæc enim ibi exstat inscriptio : *Incipit liber sancti Victoris de Lapsis Tonensis episcopi historiographi*; nam quod *Tonensis* non *Tunonensis* ibidem scribitur, notario sine dubio imputandum est : quod vero etiam additur *historiographi*, illud inde est, quod chronicon ab eodem elucubratum ad posteros transmissum fuit.

DE PŒNITENTIA

LIBER UNUS.

589 CAPUT PRIMUM. — Pœnitentiæ officia et A
merita narraturus mihi, frater charissime, puto non
verbis esse, sed factis opus. Res enim salubris ac
necessaria non tam dicenda est, quam docenda :
quæ totum habeat insitum amaritudinis actum,
fructum perfert in effectu dulcedinis; et hæret
faucibus, cum cordi impertit salutare remedium.
Pœnitentia, inquam, est prioris ævi damnatio, et
in futuro promissa correctio : et velut in aliam
vitam ducitur usus vivendi, dum pia mens, ea quæ
sunt a tergo, non respicit. Hanc non ita dictis
doceo, sicut gestis exerceo : et quamvis justi per-
sona non competat, me tamen in initio mei sermo-
nis accuso. Habet enim justitiæ partem errati cauta
confessio; quia licet, ut tu doces, Dei sit punire
commissa, sententiam tamen cognitoris prævenit B
in humilitate exercita pœnitentia; scriptum est
enim : « Pœnitentibus dedit partem justitiæ, et
corrogavit deficientes sustinere, et destinavit illos
in sortem veritatis (*Eccli. xvii, 20*). » Age igitur,
pœnitens, propria scelera confitere, pande Deo tuæ
iniquitatis arcana, denuda secreta pectoris tui, et
amove internæ prævaricationis operculum. Nota
sunt Deo cuncta, quæ in occulto fecisti : quæ si non
dixerit lingua, non potest celare conscientia. Frustra
te latenti consolatione deludis, et absconsum putas
esse posse, quod sine teste commiseris. Patet Deo
omne quod clausum est, et in aperto lucet quidquid
nox abstrusæ cogitationis intenebrat. Reum te tibi
officio confessionis institue, causam tuam in con-
spectu tuo, temetipso accusante, compone : dicta C
in te sub severitate sententiam, **590** antequam
judicis sentias iracundiam : et ut mulgeas mise-
ricordiam, exerce prior in teipso censuram. Crede
mihi, totum quo suspectus es, fit illico veniabile,
cum inventa fuerit in te hujusmodi pœnitudo justitiæ,
Scriptura dicente : « Pœnitentibus autem dedit
partem justitiæ, et corrogavit deficientes sustinere,
et destinavit illos in sortem veritatis. » Exspectat
ecce Dominus confessionis munus, si confitentem
non involvit reatus : et cum sit nota divinis sensi-

bus hominum conscientia, mavult lingua prodere
quod non possunt occulta cordis celare. Pœnitentia
itaque est, quæ uno actu diversa officia congeminat;
hinc enim publicat confitentem, inde confessum
revocat innocentem : hinc reatum nundinat, inde
crimen excusat : hinc objicit propius peccata pec-
canti, inde indulgentiam exigit pœnitenti; nec per-
mittit Dominus puniri confessum, qui pœnitentem
noscit revocare damnatum. O magnificum bonitatis
divinæ thesaurum ! o singulare clementissimi judicis
institutum ! Ad hoc de reis vult confessionis ex-
sculpere vocem, ut non inveniatur, quod ultum iri
debeat : et cum apud sæculi iudices confessus mox
dirigatur ad pœnam, apud Dominum confitens
statim pergit ad veniam : nec hoc ullis elicit de
confitente tormentis, cum patiens in semetipso
officium videatur exercere terroris. Lucra sunt enim
pii judicis gemitus confitentis, et gaudium cognito-
ris est sine quæstione confessio : acquiritur domino,
quod non punitur in servo (1); et multum confertur
auctori, si deputatus pœnæ, veniæ condonetur.
Cupit enim damnum esse vindictæ, quod non vult
perire clementiæ : nec optat ulcisci, qui paratus
est **591** misereri, ipso de se per prophetam
dicente : « Nolo mortem morientis, quam ut rever-
tatur et vivat (*Ezech. xviii, 32*). » Quibus Sapiencia
concinens Salomonis : « Deus, inquit, mortem non
fecit, neque lætatur in perditione vivorum (*Sap. i, 13*). »
Judicis ergo nostri clementia non optat reos
perire vitæ, sed perire sententiæ : nec desiderat
morientis exitium, sed festinat magis servare con-
fessum : « Nolo, inquit, mortem morientis, sed ut
revertatur et vivat. » Ecce verus vitæ auctor, qui
non vult morientis mortem, sed lamenta conversi :
et vult se semper in miseratione esse beneficium,
ne justitia teneat judicatum.

CAPUT II.—Damnum ergo in moriente experitur,
qui in uno perduto (2) non lætatur; quia in dona-
tore vitæ necesse est ut ex morte veniat causa tri-
stitiæ, non quasi ex corporolium sensuum lege
descendat, quod eum in perduto ac moriente con-

(1) Edit., quod non punitur inferno; ms. Rom....
in servo.

(2) Codex Rem., qui in vivo perduto.

tristat; cum in auctore incorporeo non cadat omne, quod venit e corpore: sed cum nullam capiat ex pereuntis morte letitiam, tristitiæ actus in promptu est; ut si miserantis affectio, non dolentis anxietas: et decurrens ex pietate tristitia (3), non de passione ulla externa perpassio. Consequens ergo est ut doleat perditum, qui gaudet inventum: et non lætetur ex mortuo, qui gratulatur ex vivo. Hoc per parabolam Dominus in Evangelio manifestat dicens: « Gratulari autem et gaudere te oportet, quoniam frater tuus mortuus fuerat, et revixit: perierat, et inventus est (*Luc. xv, 32*); » et iterum: « Sic erit, inquit, gaudium in cælo coram Patre vestro et angelis ejus super uno peccatore pœnitentiam agente (*Ibid. 7*). » Unde per Isaiam prophetam Dominus provocat pœnitentem, dicens: « Ego sum qui deleo iniquitates tuas, et non rememorabor: tu autem noli oblivisci, et judicemur. Dic tu prior iniquitates tuas, ut justificeris (*Isa. XLIII, 23, 26*). » Quid, oro, hæc sponsione jucundius? quid potest hoc invitamento dulcius inveniri? provocare judicem, dicere adversum se reum pro se, non ut puniat, sed ut absolvat: non ut animadvertat in confessum, sed ut justificet a se ipso convictum? Ego autem non memorabor, tu autem noli oblivisci; hoc est dicere: Non remanebit penes me memoria facti tui, si tu proprii non obliviscaris errati: et delebitur infamia criminis tui, si ejus recordatione compulsus, non cesses meis auribus confiteri. Vides ergo Deum in flagitia peccatoris intentum, si nullum pœnitentiæ existat officium: et imminentem cervicibus rei iram justis iudicis, cui non placuerit gemitus confidentis; illa autem in oblivionem ducere, quæ tu non quiveris publicare: et aboleri criminis notam, si non vulneres silentio conscientiam. « Ego sum, inquit, qui deleo iniquitates tuas, et non rememorabor: tu autem noli oblivisci. » Nullum voluit esse temporis punctum, nullum momenti momentum, quo in pectus tuum irrepit oblivio peccatorum: sed ut exsecreris quæ ante commiseras, non ut pristinatorum oblectatione capiaris; et sit in te non ex desiderio præteritorum, sed ex doloris recordatione suspirium. Casum tuum semper ante oculos proponas et lugeas, et funera tua momentis omnibus plangas, mortuum te jugiter sentias, moriturumque sine dubitatione cognoscas. Hæc Dominus non imputabit ad pœnam, sed detorquebit ad gloriam: et ita memorabitur tui, ut obliviscatur eorum, quæ ante in peccatis egisti, præbiturus tibi pro temporali luctu æterna atque infinita solatia; cum peccata tua evaserint impunita, ipso dicente: « Beati qui nunc lugent, quoniam ipsi consolabuntur (*Matth. v, 5*). Tu autem noli oblivisci, et judicemur (*Isa. XLIII, 26*). » Interea judicemur, ait. An numquid Dominus judicabitur, qui dicit, ut cum

A peccatore judicetur? Absit. Judicemur, inquit, tu confitens, ego dimittens: tu offerens debita, ego donando peccata: tu dicens iniquitates tuas, ego te absoluta pietate justificans. Denique vide quod sequitur: « Dic tu prior, inquit, iniquitates tuas, ut justificeris (*Ibid.*), » non ut condemneris; ut maneat in te præmium conversi, non confessi supplicium; ut iudicium tecum comitetur justis, non nota damnati. Et tunc carebis cunctis iniquitatibus tuis, cum adversum te testis et accusator exstiteris. « Dic tu, inquit, prior iniquitates tuas, ut justificeris (*Ibid.*). » Sed numquid tanquam ignorans provocat te, frater, ut confitearis iniquitates tuas, qui scit antequam fiant? et tanquam nescius ex te optat audire, qui necdum natos solet ex præscientia judicare? Aut nescis in utero sanctæ Rebeccæ geminum partum uno tempore conceptum, eodemque progenitum, præscientiæ notione retulisse iudicium disparium meritorum?

CAPUT III. — Vult ergo te magis nosse quid agatur in te, ut cum exponis medico vitium tuum, necessarium tibi propinet antidotum; tunc enim poteris perfectum consequi beneficium medicinæ, si non celes medico tuæ vulnera conscientiæ. Cæterum qualiter curandus eris, qui ea quæ sunt in te absconsa non pandis? Opinor enim, nisi interpelletur medicus, non curatur ægrotus. Exspectat ergo diu sibi ostendi doloris tui causas, ut medicinæ remedium jam curatus intelligas; quid enim medico debeat, justa æstimatione pensabis (4), si morbum tuum in te ante cognoveris. Et ut pluribus te non teneam, confessio tua pœnitens medicina est, ipsa te curat, ipsa te vivificat; nec patitur vulnus tuum tenere putredinem, sed mox ut ingemueris, superinducit inde notabilem cicatricem (5). Hodie si quisquam te morbus corporalis afficiat, et sentias artus tuos intestino gravari languore, aut vulnus tuum intelligas tabo et sorde putredinis cancerare, statim curris ad medicum, quæris de arte remedium, excubas ante januam dormientis, et ante fores ejus matutinus saluator assistis; precibus orare, dona promittere, munera offerre, et totum patrimonium pro tua cupis sanitate proderere: et cum plerumque imperitia ejus aut gravetur languor, aut certe in longa tempora differatur; nihilominus tamen in observatione assidua perseveras: et homo ab homine speras tarda remedia, nec desperas adjutorium profuturum, cum adhuc non sentias corroborationis effectum; et non curris ad Deum tuum gratuitum medicum, ad ultroneum pigmentarium, qui in curandis animæ tuæ valetudinibus nullum novit pati fastidium, nec exspectat ex sanitate tua præmium, sed magis desiderat præmio munerare curatum. Et utique temporalis medicus hoc 592 solum curat, quod ad corpus attinet,

sabis.

(5) Edit. et cod. Sorb., inde notabilem cicatricem; melius cod. Rem., inde notabilem cicatricem.

(3) Sic edit. et Sorb. ms.: Rem. vero, et decurrens expiata tristitia.

(4) Rem. codex et Sorb., juxta æstimationem pen-

cæterum. Deus animam sanat, quam peccata con-
vulnerant : et ille profert ad præsens profutura re-
media, hic autem adhibet perpetuam medicinam.
Et tamen homo nec se ipsum potest juvare medicus,
nisi subvenerit Deus ; nam incassum laborat ple-
rumque astutia medicinæ, si Deus ægroto vivendi
tempus noluerit prolongare. Quos nec sibi videbi-
mus nonnunquam posse succurrere, cum præventi
corporalibus vitiis fraudantur beneficio sospitatis.
Nullum ergo beneficium medicinæ erit, quando
medico ipsi medicina non subvenit. Nemo te, crede
mibi, melius reficit, quam qui fecit : nec alius
justificat, nisi qui flagellat et curat. Solus novit
operis sui sarcire rupturas, et limi nostri quassa-
tam speciem in status pristini substantiam reform-
mare, ipso per prophetam dicente : « Sicut lutum
figuli, sic vos estis in manu mea (*Jerem. xviii, 6*). »
Neque hoc ipsum aliquo intervallo temporis opera-
tur : mox ut dixeris vitium tuum, illico impertit
et adiutorium ; imploranda subsidia et conferenda
remedia nullum propemodum tempus intervenit :
hoc tantum exspectat, ut fatearis ; mora non erit,
ut saneris. « Dic tu, inquit, prior iniquitates tuas,
ut justificeris. » Hoc per Ezechielem prophetam
idem Spiritus repromittit injustis : « Impius qua-
cunque die conversus fuerit ab injustitia, et
justitiam fecerit, ipsa die peribunt omnes injustitiæ
ejus : in sua injustitia quam fecit, non morietur
(*Ezech. xviii, 27, 28*) ; » et alibi : « Cum conversus
fueris et ingemueris, tunc salvaberis (*Isa. xxx, 15*). »

CAPUT IV. — Sed forsitan dicas : Non habeo
consciium, et nulli omnino manifesta sunt, quæ com-
misi. Quid ergo, si non habes consciium, saltem
nescis præscium Deum conscientia tuæ inevitabi-
lem consciium ? Et si facta tua nemo hominum no-
vit, nempe Deus facta tua et adhuc futura præ-
noscit. Quid enim non videt, qui ubique et totum
videt, ipso ad Job dicente : Quis putet aliquid me
latere ? Da mihi locum, in quo non sit Deus, qui
totus est occultus ; et eris in factis tuis (6) et tu,
sicut arbitraris, occultus. Sed Deus ubique est, et
totus in toto est, ipso dicente : « Cælum mihi sedes
est, terra vero scabellum pedum meorum (*Isa. lxvi,
1*) ; » et : « Cælum et terram ego impleo (*Jerem.
xxiii, 24*). » Unde et beatissimus propheta David :
« Quo ibo, inquit, a Spiritu tuo, et a facie tua
quo fugiam ? Si ascendero in cælum, tu ibi es : si
descendero in inferos, tu ibi venies. Si recepero
pennas meas directas, ut inhabitem in novissimo
maris ; etenim illuc manus tua, Domine, deducet
me, et continebit me dextera tua (*Psal. cxxxviii,
7-10*). » Frustra ergo dicis non habere te consciium,
cum audias Deum totum ubique, et per omnia ma-
jestatis suæ ambitione diffusum, cui sit notum

(6) Gill. et cod. Sorb., qui totus est occultus, et erit in factis tuis, ut tu arbitraris, occultus ; in margine autem e regione prioris occultus ponit, fortasse oculus, quam conjecturam in textum admisit Rom. edit. Nobis vero potior visa est lectio Rem. ms.

A quidquid putatur absconsum. Sed non habeo, in-
quies, consciium. Hoc recte dixisses, si exemplum
Cain parricidarum principis non haberes. Persua-
serat ire secum in campum pio fratri parricidalis
impietas, et nihil de fratre se custodire astinans
rudis adhuc et nova germanitas, præceptis ejus
bono simplicitatis obtemperat. Gradiuntur uno pa-
riter comitatu ambo germani, et parricida infau-
stus ad perficiendum nefarii sceleris cogitatum quasi
locum elegit sine teste. Quasi vero si sibi hominem
consciium non haberet, latere aliquid Dei oculos
potuisset : aut celare posset studio solitudinis, cum
nihil obtutibus celetur Auctoris. At ubi infandi fa-
cinoris artifex primitivus aptum judicavit locum
perpetrando flagitio, insiliit in furorem, et patientis-
simum fratrem ac minime repugnantem, diabolo in-
stigante, interfecit. Res quidem in effectu evidens
erat, sed quantum Cain ratus fuerat (7), sine conscio
admissa latebat. Et credebat crudelissimus hominum
sine teste aditum crimini non fateri, cum ob hoc
ipsum crimen agnosceret, quod occultare cupiebat.
Sed ecce rerum Dominus, cui quidquid absconsum
putatur, in promptu est, et quem non potest latere
quod incogitationum occultis agitur, Scriptura di-
cente : « Cogitatio hominis confitebitur tibi (*Psal.
lxxv, 11*) ; » et iterum : « Imperfectum meum vide-
runt oculi tui, et in libro tuo omnes scribentur (*Psal.
cxxxviii, 16*) ; » et iterum : « Scrutans corda et
renes Deus (*Psal. vii, 10*) ; » unde idem propheta
David : « Cogitationes, inquit, meas a longe vidisti
(*Psal. cxxxviii, 3*), » parricidam voce indignantis
appellat. Et sciens ferocis facti atrocem spiritum
quem gesserat, negaturum ; ut reatum cumlaret
impii parricidæ, simulat se veluti quod admissum
fuerat, ignorare. « Et dixit, inquit, Dominus ad
Cain : Ubi est Abel frater tuus ? Et dixit Cain :
Nescio, numquid custos fratris mei sum ego (*Gen.
iv, 9*) ? » O insaniam detestabilem ! o audaciam
singularem ! Fidus negat, quod sine teste commise-
rat : et credidit sine conscio crimen publicari non
posse, cum ipso negotio (8) reatum magis proderet
conscientiæ. Quid agis, Cain infelix ? Non habes
ullum hominem testem : ecce habes effusum san-
guinem proditorem : ipse te publicat et accusat.
Vox ejus adversum te interpellat Auctorem, et facit
crucor diffusus invidiam ; ne latentem prætereat
ultio parricidam. « Quid, inquit, fecisti ? Ecce vox
sanguinis fratris tui clamat ad me de terra (*Ibid.
10*). » Verum ubi parricida sensit proditum, quod
putabat occultum, et sanguine teste convictus, fru-
stra finxisse contumaces insidias, facinus confite-
tur : exoptat in se acrius dictari iudicium, cum excu-
sare non posset conscientia parricidium perpetratum.
Sed differtur interim severior pœna, ut tanti faci-

(7) Edit., cam ratus fuerat ; Rem. codex, Cain ratus fuerat ? Infra vero ubi Gill. cum Rem. cod. et Sorb., aditum crimini non fateri, edit. Rom. ex Gill. margine, aditum crimini non patere

(8) Rom. edit. ex margine Gill., cum ipsa negatio.

noris auctorem diutius trucidaret lenta sententia, nec celeritas irrogati supplicii compendium magis videretur addicti : et fieret pœnali diuturnitate longævum, quod latrocinii moriendi extenuaret facinus parricidii (9). Quid ergo tibi super eo blandiris, quod non habeas conscium, cum videas testimonio sanguinis innocentis Cain fuisse convictum pariter et punitum ?

CAPUT V. — Sed conscium, inquires, non habeo, qui mea facta divulget. Rogo, dicas mihi, si non habes conscium, non habes conscientiae testimonium ? aut te ipsum potes effugere, et conscientiam declinare ? Conscientiam, inquam, apud quam non moritur omne quod gerimus, quæ nos in factis nostris accusat et iudicat : quæ cum non habeat loquendi usum, nescit tamen tenere silentium. Potest conscius morte subduci, potest tibi ad tempus prodesse testis absentia : hæc tecum semper est (10), et sine te non est : hæret pectori, nec unquam te deserit ; et velut 593 quædam pedisequa nullo abs te temporis intervallo discedit : tenet te reum, et in sua semper ditione captivum. Si quando mentem tuam latior secundarum rerum actus avocarit, et sensus tuos cœperit facti delectatione jucunditas ; subito te illa stimulat, illa medullitus pulsat et interpellat sensum, interrumpit gaudium, et totam pectoris regionem mœstis suspiriis inquietat : et quasi vulnerata opprobrio teneatur, non invenitur homini remedium, quo curetur ; semper enim offenditur, cum alius castigatur, et in alieno vulnere primo ipsa percutitur. Deinde vis nosse quanta sit severitas conscientiae ? Potest tibi conscius auro corrumpi, potest pecunia comparari : conscientia nihil corruptionis admittit, manet integrum ejus testimonium tota fidei firmitate vallatum. Quin etiam adversus conscium conducitur patrocinium, et defensionis ingenio argumenta versutiæ conquiruntur, et testimonii veritas loquelæ impudentis calliditate pervertitur : iudex quoque redimitur, ut facti qualitas excusetur. Vacant hæc omnia, ubi interest conscientia : et cum homo (11) moriatur, conscientia certe non moritur, quæ post mortem corporis in anima iudicatur. Et putas prodesse tibi te non habere conscium, cum conscientiae quotidianum sentias perpetuumque iudicium ? Sed plane cum non comitabitur ultio divina, quem propria iudicaverit conscientia ; vacet enim ibi necesse est potestas iudicis, ubi conscius sibi reus adversum se testis et accusator exstiterit. Nam procul dubio geminabitur causa peccati, si contumax conscientia facta sua noluerit confiteri ; tunc enim ex peccatore

A sit impius, qui in peccatis suis fatendis exstiterit induratus ; ut et flagitia perstringat digna sententia, et contumaciæ pœnas luat pervicax conscientia. Frangitur enim commotio iudicis, ubi pœnitudinis et severitatis enixa districtio confessionis oppugnatione lenitur : depromptum indignatione iudicium satisfactione percellitur, et comminantis intentio orationis humillimæ verecundia temperatur. Hoc ex Ninivitis addisce, quorum confessione deleta est jam dicta sententia, et aversa imminens ira, ne inanis fieret confitens pœnitentia. Pendebat super miseram civitatem cœlitus jam vibrata sententia, et animadversionis divinæ securis cervicibus infelicium perurgebat. Jam productus fuerat cœlestis gladius e vagina, et in ultione perpetratorum criminum vehemens ira fervebat. Vox præconis interitum populis minitabatur, et denuntiabat eunctis proximum perituris prophetæ clamor exitium : « Post triduum, inquit, et Ninive civitas subvertetur (Jonæ iii, 4). » Heu quid de Deo exigitis scelera, quid peccata mercamini ? Ipsam Dei nostri clementissimam prævenistis pietatem, de quo tam propinquam et ante tempus exegistis ultionem. Videre itaque mihi videor quanta miseros ardebat angustia, et qualis perstrinxerat in tremore fecessitas. Consilium metus amiserat, remedium desperatio non habebat ; ita enim fuerat temporis præcipitata celeritas, ut ne spatiis quidem attributa diram suspicionem criminis relaxaret. « Post triduum, inquit, Ninive civitas subvertetur. » Et quænam futura erat illa subversio, quæ indicitur perituris ? Non utique hostilem significabat incursum, non armorum strepitum nec clangorem terribilem buccinarum, quibus forsitan poterant resistentium obviare tutamina (12), aut præliis promulgatis partium conferri certamen, aut fugæ præsidii sortem projicere captivorum : sed divinæ indignationis et vindictæ cœlestis interitus prædicatur, cui puniendus nec fuga subducitur, nec bellicis artibus defendendi cura datur. Quis enim posset irrogatum exitium declinare, quod ætherius fragor incipiebat effundere ?

CAPUT VI. — At ecce miseros non deserit in pavore consilium, et invenit remedium ex periculo desperatio. Ad se ipsos redeuntes conscientias suas vice iudicantis interrogant, currunt ad propugnaculum pœnitentiæ, et confessionis scuto opposito, declinant sagittam. Itur ab omnibus in curationem criminum fatendorum, et in satisfactionis officium exposita morti turba conspirat. Indicunt sibi necessarium perituri jeju-

Sed locum optime restituit Rem. codex.

(9) Edit. Gill., ubi conscientia : et cum homo, etc. ; in margine autem idem admonet videri deesse verbum, *condemnat* ; cuius tamen loco Rom. edit. posuit *vulnerat*. Nos porro cod. Rem. secuti sumus.

(12) Edit. Gill. ac Rom., *obviare agmina* ; Gill. autem in marg. ac mss. Rem. et Sorb. in corp., *obviare tutamina*.

(9) Ita Rem. codex, ac Gill. in corpore, nisi quod scribit *longævior* : idem vero in marg., *pœna diuturnitate longævior, quod lentitudine moriendi ostimaret facinus parricidii* : quam lectionem Rom. edit. amplexa, *extenuaret* tamen retinuit.

(10) Mss. Sorb. et Gill., *prodesse testis conscientia. Nec rectum superest* ; in marg. autem, *prodesse. Testis conscientia et tecum semper est* ; Rom. edit., *prodesse testis. Conscientia vero tecum semper est*.

nium, in ipsis corporibus animas humilitatis flagello castigant; induunt pro veste cilicium, et pro unguentis cinere se aspergunt, ac prostrati humo pulverem lambunt. Mortem suam lacrymis funerant, et vitam plangimoniae prosequuntur: reatum suum gemitibus publicant, et actuum suorum pandunt arcana facinora. Omnis aetas et sexus indiscrete lugubribus se aptat officiis: depositus omnis cultus, dejectus ornatus: sed plane illae sordes corporis ornamenta fuerunt poenitentiae, et virtus habitudinis summum fuit decus confessionis. Negata quoque sunt ipsis alimenta lactentibus, et aetas necdum propriis peccatis infecta onera sustinuit aliena. Cibum suum mutum pecus esurivit, et naturalia pabula brutum animal non accepit. Unus audiebatur per moenia civitatis ejulatus disparium naturarum, et per omnia tecta urbis flebilis resonabant lamenta plangentium; et ut semel dixerim, terra mugitus confitentium sustinebat, sed et astra ipsa voce poenitentiae personabant. Impletum est quod scriptum est: « Oratio humiliantis se nubes penetravit (*Eccli. xxxv, 21*). » Denique sic placavit offensum Deum, sic mitem fecit rigidum, sic demulsit iratum, et mucronem ultionis in theca recondidit: quia conscientia de se iudicium iudicavit. Eripuit reos poenae confessio, et vindictae jam deditos poenitentia sibi vindicavit. Deletum est statim condemnationis elogium lacrymis confitentium, et absolvit obnoxios poenae astipulatio confessa de crimine. Vidit pius Deus tulisse in se iudicium poenitentes, et errata suae conscientiae ea astipulatione damnantes continuo donavit veniae, quos destinaverat poenae, et illico pepereit afflictis, ut exempti supplicio luera fierent pietatis. Probatum est testimonium prophetiae, quod in superioribus paulo ante disposuimus: « Ego sum qui deleo iniquitates tuas, et non rememorabor: tu autem noli oblivisci, et iudicemur. Dic tu, inquit, prior iniquitates tuas, ut justificeris (*Isa. xliii, 25, 26*); » et iterum: « Cum conversus fueris et ingemueris, tunc salvaberis (*Isa. xxx, 15*); » et iterum: « Convertimini ad Dominum Deum vestrum; quia misericors et pius est, patiens et multae misericordiae, et qui sententias flectat adversum malitias irrogatas (*Joel. ii, 12, 13*). » Unde et beatissimus David: « Peccatum, inquit, meum ego scivi, et iniquitatem meam non cooperui. 594 Dixi, confitebor adversum me injustitiam meam Domino, et tu remisisti iniquitatem peccati mei (*Psal. xxxi, 5*); » et iterum: « Quia iniquitatem meam ego scio, et peccatum meum coram me est semper (*Psal. l, 5*). » Vides ergo quotidiano in se peccanti opus esse iudicio, quo cum nudatur conscientia, operitur (13); et cum publicatur, operitur. Et licet notum sit Deo omne quod gerimus, nec occultetur sensibus ejus, antequam fiat; mavult tamen cordis tui

A nudare secretum, et facinora prodere conscientiae, ut indulgentiae suae dono operiat turpitudinis nuditatem. Quomodo vult spoliatum venia dimittere confitentem? De talibus Propheta beatissimus cecinit dicens: « Beati quorum remissa sunt iniquitates, et quorum tecta sunt peccata (*Psal. xxxi, 1*). » Quamquam hoc evidentius pertinet ad renatos, quorum et iniquitates et crimina baptismo operiuntur et teguntur; fidelem enim veniae locum tenet non infida confessio, et in tuto est poenitens conscientia, si indulgentiae remissionem non dubitet.

CAPUT VII. — At e contrario peccatis cumulus erigitur, si quod admittitur, id negatur: quod in facto Cain supra memoravimus, qui dum putavit Auctori suo facinus abnegare, se ipsum poenae non est remissus eximere; ut conscientia in facti sui atrocitate publicum frustraret et ex negatione fructum poenitentiae. Negans enim est convictus, non ex voluntate confessus, et punita est in scelere contumacia, quia interrogationem non subsecuta est confitens poenitentia. Libet igitur pedetentim hic illius vindictae septemplex aperire rationem, et quanam causa coegerit tam duram coacervari sententiam, evidentis rei probatione monstrare; ne enormitate vindictae pateat ad suspicionem injustitiae via calumniae: quamquam novi sceleris inventum vehemens debeat comitari supplicium, quod longioribus esset posteris in exemplum. Errat enim qui putat uno teneri crimine parricidam, cum ejusmodi sceleris testimonio constipata sint omnia facinora: audio enim Dominum dixisse: « Diliges Dominum Deum tuum ex toto corde tuo, et ex tota virtute tua: et diliges proximum tuum tanquam te ipsum (*Matth. xxii, 37, 39*); » unde in his duobus mandatis tota lex pendet et prophetiae. Cum ergo duobus his praecipis pendeat omne quod legis est, videamque Cain nec Deum dilexisse, cujus primum fabricam violavit: et germanum vehementer odisse, quem instinctu impietatis occidit: apparet illum adhuc munus solvisse vindictae, in cujus facto cuncta inveniuntur crimina convenire. Et jure in illo extertum septiforme supplicium, in quo universa tenebant scelera principatum. Et tamen specialiter septem in illo deprehendo flagitia, quibus singulis singula sunt deputata tormenta; primum enim crimen est, quia non recte divisit; hoc est, de primitivis terrae fructibus primo comedit, antequam obtulit: secundum est, quia cum muneris sui dignum videretur accepisse repudium, contumacem concepit spiritum; et cum nulla rejectae oblationis culpa pii fratris existeret, quasi vindicandum se infaustus credit de Auctore, si pro hoc fratrem Deo probatum videretur occidere: tertium crimen est, quod invidiae felle suffectus, et livoris amaritudine venenatus, innocentissimum zelavit trucu-

(13) Ita codex Rem.; edit. vero Gill., quo cum conscientia operitur; in marg., forte aperitur; quae

conjectura in Rom. edit. textum admissa fuit: abest autem etiam ab illa $\tau\theta$ nudatur.

lenta animositate germanum: quartum est, quod A
dolo fefellit obsecundantem sibi, ut pariter comi-
tarentur in campum, quo justus initiaret sub ovis
simplicitate martyrium, parricidio terram macula-
ret injustus: quintum est, quod fratrem nefarius
crudelitatis auctor occidit; sextum, quod cum sce-
lus perficeret, insuper et negavit, et putavit Deum
alicujus facti ignarum, quem conscientiae suae se-
cretum multasse persenserat; cum competens re-
tulisset in oblationis suae reprobatione repudium:
septimum: crimen est, quod post mortem se non
credidit proditus, parricidio puniri, cum ob
infamiam criminis publicati ad praesens tempus esse
postulavit occidi. Merito ergo in Cain septuplum
vindicatum est, in quo totidem praerogata sunt tor-
menta, quot crimina. Cui tantae inflictæ sunt plagæ,
quantæ numerantur et causæ; ut nec justitia mo-
dum ultionis excederet, nec numerum criminum
vindicta competens praeteriret. Quod idcirco iterum
posui, ne insinuatae expositionis praeteriret occasio.

CAPUT VIII. — Jamdiu me a proposito inchoati
operis sentio deviasse, et in aliam detorsisse par-
tem cursum celerem dictionis: sed facilis est ad
omissa recursio, et cito repetitur trames declinatae
materiae, cum a finibus ejus interjectae probationis
non exorbitat argumentum. « Peccatum ergo, in-
quit, meum scivi, et iniquitatem meam non coope-
rui. Dixi, confitebor adversum me injustitiam meam
Domino, et tu remisisti iniquitatem peccati mei
(Psal. xxxi, 5); » et iterum: « Quia iniquitatem
meam ego scio, et peccatum meum coram me est
semper (Psal. l, 5). » Hoc non solum verbis docuit,
sed et factis implevit; quia non sufficit ad consum-
mationem sapientiae spiritualis verbis praeferre vir-
tutem, nisi doctrina ornetur ex rebus; tunc enim
demum tribuitur competens auctoritas magisterio,
si proprio innititur exemplo. Denique Dominus in
Evangelio: « Qui fecerit, inquit, et sic docuerit,
maximus vocabitur in regno caelorum (Matth. v,
19); » ut et facto doctrina firmetur, et factorum fides
ex doctrina accipiat testimonium. Alioquin non erit
nixis viribus fundata doctrina, quæ verborum phra-
seris gloria virtutis abutitur; erit enim facundiae
locuples lingua, non erit plena operis divitiis con-
scientia, et privabitur merito suo, qui privilegio
fruitur alieno. Videamus ergo quid gesserit, qui ista
cantavit. Uno igitur tempore duo regi peccata sub-
reperant, et pellexerat principem in facinoris per-
petrationem regni licentia; cum enim vult adulte-
rium cooperire, crimen indicit homicidii. Perfecit
tamen utrumque non violentia regii stemmatis, nec
ambitione potestatis; quia licet de incesti licentia
descenderet adulterium, tamen non ex odio fuerat
homicidium perpetratum. Mittitur ergo a Domino
propheta, qui apud eum causas adulterii et caedem
peroraret occisi, et sub quodam colore compositae

A fabulae eliceret de nesciente judicium. Sed ubi pro-
pheta quod proposuerat, explicuit, fert ille commo-
tus indesignatam in se sub veritate sententiam, et
disceptator ignarus in se ipsum exerit ultionem.
Porro ubi praeventus cognitor, proprio se vidit per-
stringi 595 judicio, et reum se sibi examinatore
justissimus approbavit, nec poenam sensit vitare
posse judicis, in quo judex ipse detinebatur condi-
tione damnati; arripit saluberrimum in tanta rerum
necessitate consilium: et cum non posset ad justi-
tiam judicii provocare, confugit ad secretarium pœ-
nitentiae. Peccatum suum proditum scivit, et iniqui-
tatem suam nulla negationis nube contextit: dixit
adversum se protinus testimonium, et voce confes-
sionis emissa, statim adeptus est veniam peccato-
rum: « Peccavi enim, inquit hic, Domino (II Reg.
xii, 13). » At ille propheta non interposuit absolutionis
moras, non effectum distulit remittendi: repente ut
manifestatus reus confessionem dedit, indulgentiam
criminum ex Dei voluntate deprompsit, dicens: « Do-
minus abstulit peccatum tuum (Ibid.). » Impletum est
illud, quod in psalmo cantavit dicens: « Peccatum
meum scivi, et iniquitatem meam non cooperui.
Dixi, confitebor adversum me injustitiam meam Do-
mino, et tu remisisti iniquitatem peccati mei (Psal.
xxxii, 5). »

CAPUT IX. — Aliud quoque in sancto David pœ-
nitentiae aperiatur exemplum; ita enim rex hic
egregius vitae imitabilis instituto (14), divinis se
cultibus fidei servitio mancipaverat; ut relinqueret
nobis suorum morum non exempla, sed monumenta.
C Contra interdictum namque populum numerari man-
daverat, et voluerat nosse cuncti exercitus quanti-
tatem. Obsecundatum est voluntati regali, et renun-
tiata est totius agminis dinumerata collectio, atque
incolyte cepit scire, quod nocuit: felicitatem suam
popularibus extulit incrementis, et lucra multiplicati
exercitus inter principalia gaudia numeravit. Mox
ad eum alius propheta dirigitur, et non ei, ut primo
actum est, subtiliter peccati causa praetenditur: sed
jam pro facto proponitur poenalis electio (15): « Et
factum est verbum Domini ad Gad prophetam, di-
cens: Vade ad David, et loquere: Haec dicit Domi-
nus, tria ego tollo in te, elige tibi unum ex ipsis, et
faciam tibi. Et venit Gad ad David, et nuntiavit ei,
dicens: Elige tibi quid fieri velis e tribus, sive fa-
mem triennio super terram, aut tribus mensibus
fugere te a facie inimicorum tuorum, ut ipsi perse-
quantur te, aut tribus diebus fieri mortem in terra;
et nunc scito et vide quid respondeam ei qui misit
ad te verbum (II Reg. xxiv, 11-13). » Quenam ergo
est nunc in animo ejus versata pugna consilii? Quae
cogitationis fuit in electione turbatio? Hinc inimi-
corum metus, hinc famis vastitas, inde divinae ani-
madversionis plaga terrebat. Nihil horum vellet
incidere, sed offensa non poterat inulta remanere.

(14) Edit. et Sorb. ms., *vite imitabilis institutor*;
melius Rem. cod., ut in textu.

(15) Codex Rom. et Sorb., *punitur poenalis electio*;
melius edit., *proponitur*, etc.

Inter ipsas tantum electionis angustias, cum utriusque periculi vallaretur articulo, præcedentis veniæ doctus exemplo, acrius eligit in ipsa volutatione supplicium (17), et contulit se ad majorem pœnam, ut posset provocare clementiam. Lenitur enim rigor justitiæ, cum de miseratione præsumitur, et apud clementissimum judicem prima pietatis causa tractatur; qui enim errata confitentibus donat, perversas non de voluntate condemnat. Et ideo rex iste devotus cum deliberationis fluctuat tempestate, non dimisit anchoram pœnitentiæ; et fides de pietate terrentis, magnitudinem non contemplatus est ultionis: « Et dixit, inquit, David ad Gad: Angustiæ mihi valde in iis tribus, sed melius mihi incidere in manus Domini; quia magna est misericordia ejus valde, quam in manus hominum incidam (*Ibid.* 14). » Sequitur illico vindicta consensus (17), et electionem placabilem placabilis pœna comitatur: fit strages innumera peremptorum, et multitudo populi angelica percussione mactatur. Percutiuntur septuaginta millia de exercitu, et acerbius perurgebat dulcem animum miserabilis ruina castrorum: objicit se auctorem facti telo supplicii, et induit contra sævientem justitiæ machæram confessionis loriam, puniendum se magis instans inter punitos exclamat, et optat in se derivari sententiam, ut possit a populo revocare fracturam: « Ecce sum ego, inquit, ego pastor peccavi, et ego male feci: grex autem hic quid fecit? In me manum tuam converte, et domum patris mei (*II Reg.* xxiv, 17). » Ecce satisfactionis officio pœna percellitur, et in armis confessionis indignatio propugnatur; ut nec in eum ulterius vindicta procederet, et erga populum quassatio cœlitus effusa quiesceret. Uno actu pœnitentiæ et sibi mercatus est pietatem, et a populo suspendit protinus ultionem, ut merito veniæ condonatus cantaverit dicens: « Dixi, confitebor adversum me iniquitatem meam Domino, et tu remisisti impietatem peccati mei (*Psal.* xxxi, 5); » quia cum assisteret sub desperatione convicti, dignus reputari meruit expiari. Sed premit te tuorum enormitas peccatorum; et eorum ditione captivus, in cœlum oculos non audes attollere. Probo quidem conscientiæ metum, non laudo consilium; sed malo te super indulgentiæ consecutione suspectum, non de salutis reparatione penitus desperatum.

CAPUT X. — Tenet enim quamdam confessionis partem supplicandi confusio, quæ suorum conscia peccatorum non de Auctoris remissione dubitat, sed de magnitudine sui sceleris erubescit; reatum enim agnovisse confessionis initium est, et proximum fit veniæ, quod stimulat pœnitudo. Sed retro agit me meorum, inquires, abundantia peccatorum. Quin imo tanto magis insistendum est confessionis officio,

(16) Ita codex Rem. edit. vero, *in ipsa voluptate supplicium*: minus concinne.

(17) Edit. et ms. Sorb., *vindicta confessum*; codex Rem., *vindicta consensus*.

(18) Rom. edit. sola, *et effectum negare redeunti*.

A quanto peccatorum sarcinis es oneratus; ut quod per amicitiam non es dignus exigere, per impudentiam valeas obtinere. Audis enim in Evangelio Dominum dixisse quia, « cui pusillum dimittitur, minus diligit (*Luc.* vii, 47). » Deinde impium facis Deum, si putas eum repudiare conversum, et affectum negare redeunti (18), a quo scias perditos affectu commiserationis inquiri. Hoc Apostolus probat dicens: « Et si nos infideles exstiterimus, ipse fidelis perseverabit, negare se ipsum non potest (*II Tim.* ii, 12, 13). » An nescis novies tentatum in cremo Dominum distulisse vindictam, nec ipsa decima tentationis vice damnare potuisse duritiam, si præteritis (19) novem culpis, egisset populus pœnitentiam, ipso dicente: « Ecce jam decies exacerbant me in deserto hoc (*Num.* xiv, 27)? » Lege librum Judicum, et invenies innumeris vicibus filios Israel coram Domino fecisse maligna, et traditos incursibus nationum: sed iterum conversum populum per electos duces de captivitatibus variis liberatum, nec vindicari potuisse commissa, si toties factum sequeretur competens pœnitentia: 596 quia licet pœnalis correctio non deesset, non erat tamen perditionis abscisio (20), sed conversionis oratio. Cum enim castigatus filius recipitur in affectum, admonitum eum constat ad satisfactionis officium, non punitum: nec odii videtur esse correctio, sed amoris; cum reverso identidem post flagellum non negantur jura pietatis. Denique audi Dominum per prophetam increpantem hujusmodi verbere fornicariam, et probrossi deditam, inquinatamque contagiis voluisse sibi jure conversionis asciscere: « Et dixi, inquit, postquam fornicata es hæc omnia, ad me revertere; et non es reversa incomposita Juda (*Jerem.* iii, 7). » Quod idem Dominus in Evangelio manifestat, cum induratos increpat dicens: « Jerusalem, Jerusalem, quæ interficis prophetas, et lapidas missos ad te; quoties volui congregare filios tuos, sicut gallina congregat pullos suos sub alas suas, et noluisti (*Matth.* xxiii, 37)? » Ultimam, crede, vitæ nostræ actum Dominus exspectat, et in quo nos exitus finalis invenerit, in eo judicabit; si scilicet multiplicibus septus erratis, circumvolvent supra caput tuum umbræ facinorum, oculos tuos scelerum caligo pernubilet, et peccati jugum tuam cervicem incurvet, atque intra conscientiæ penetrabile flagitiorum probrum subinde vulnus exulceret: si animam tuam non in desperationis projeris vilitatem, cum unum circumcordialis secreti effuderis in confessione sermonem, non negabit remedium veniæ, qui venit animas salvare, non perdere; quia non vult mortem morientis, conversum procul dubio suadet ad vitam, ipso Domino dicente: « Filius hominis non venit animas homi-

(19) Edit. et cod. Sorb., *damnare potuisse, si de præteritis*; codex Rem. ut in contextu.

(20) Ita codex Rem.; edit. vero, *proditionis abscisio*. Non satis recte.

num perdere, sed salvare (*Luc. ix, 56*); • et iterum : • Venit enim Filius hominis quærere, et salvare quod perierat (*Luc. xix, 10*). • Nisi quia præpotentem facis diabolum, si putas quia de faucibus ejus Dominus non potest eruere captivatum : aut quemadmodum ille vigilat semper ut perdat, non ita satagit Dominus ut acquirat.

CAPUT XI. — In hac igitur te veluti præsentis loci fiducia ultima confessio latronis inducat, et spem maximam tribuat novissima desperatis non desperantis in cruce confessio. Omne igitur vitæ suæ actum ille latrociniis cruentaverat, et egerat semper in sæculo diabolicæ feritatis armigerum, nunquam Dei meminerat, nulla legis audierat mandata, aut certe si audierat, proclivior ad facinora non curabat, totam spem in desperatione versabat, et exercebat crudelitatem more sceleratorum satellitum; ob hoc namque damnatus in cruce, et cum ipsis criminibus suis affixus ligno pendebat. Tandem perditus resipuit, et in ipso supplicio constitutus, magnum sibi mercatus est ex morte compendium; Deum enim cum quo pendebat, agnovit : judicem futurum cui adhærebat, intremuit : conscientia suæ crimina publicavit, baptismum sanguinis perfusione protinus acquisivit, et cum Domino in paradysum purpuratus confessor intravit. Hæc vera consultatio pœnitentiæ, hoc præcipuum pragmaticum confitendi, si Filium Dei quem non ignoras auctorem, credas et judicem, ipso dicente : • Pater neminem judicat, sed omne judicium dedit Filio (*Joan. v, 22*); • et ad spem salutis perpetuæ capessendam non præsentis vitæ consulere, sed de futuro judicio cogitare. Primo enim in conspectu judicis sese damnatus exposuit, et confessus de criminibus suis, implevit officium pœnitentis : deinde cum crucis cerneret pœnam, intellexit iudicium affixo commune esse, non causam; Deum tamen tunc credidit, quando eum Judæa pertinaciter abnegavit : et futuri non immemor in cruce iudicii, memoriam sui commendabat iudicio regnaturi. Hoc Evangelium manifestat : • Respondens autem, inquit, alius latro, corripiebat illum, dicens : Non times Deum, qui in eadem damnatione es? Nos quidem juste quemadmodum egimus, et percipimus : hic autem nihil mali admisit. Et dicebat ad Jesum : Domine, memor esto mei, cum veneris in regnum tuum (*Luc. xxiii, 40-42*). • Sed vide repente quid meruit, quid ex ore Veritatis audivit, quid gratia judicantis accepit : • Amen dico tibi, hodie mecum eris in paradiso (*Ibid. 43*). •

CAPUT XII. — Sed ais mihi : Peccata peccatis adjeci, et qui jam cadens erectus fueram, iterum cecidi, et conscientia meæ vulnus jam pene curatum peccati exulceratione recrudit. Quid trepidas? quid vereris? Idem semper est, qui ante cu-

(21) Edit. et ms. Sorb., *ut manus tuæ retinacula*; cod. Rom., *ut navis tuæ retinacula*.

(22) Codex Rem. et Sorb., *et speciebus dubiis*.

Aravit, medicum non mutabis. Non laborabit explorare valetudinis tuæ causam, nec tentabit erga te noviter medicaminis virtutem examinare, noto te sanabit antidoto. Experimentum adjutorii non exspectat, qui languoris tui novit originem. Unde dudum curatus fueras, inde iterum curaberis : nec tu eris de remedio medelæ suspectus, et medicus de reparatione tua securus. Castigabit plane intemperantiam tuam, et dura objurgatione impatientiam verberabit : sed non negabit auxilium, qui non contemnit ægrotum. Audi Prophetam dicentem : • Numquid qui dormit, non adjiciet ut resurgat (*Psal. xl, 9*)? • Aut qui naufragavit, non itidem navigat? aut qui messem perdidit, numquid semel desperatus, non iterum aut arat aut seminat?

Cursus hic noster in quodam salo mundi jactatur : navigandum nobis est, et malorum tendiculis vela insinuanda sunt. Procella sævit, ventus consurgit, tempestas insanit : si ita clavum teneris, ut navis tuæ retinacula (21) non amittas, ad portum, illibatis mercibus, tendes : sin vero fluctibus adversis illis scopulis implicantibus, ac flatibus præpeditis, inter freta rixantia tumidi gurgitis naufragaveris, redeundum est saburram, reficiendum prima navigium, merces emenda, rursus pericula subeunda, et præteriti casus referendi per causas ; et ut liceat perdita reparare, non dubitabis te prisco discrimini sub spe incerta committere. Nam procul dubio mendicabis, si post naufragium ad negotiandi usum reverti nolueris : nec de egestate atque ærumnis tuis queri postmodum poteris, si captus sorte naufragii sub ignavia stupore efficiaris calamitate mendici. Et si mundani negotiatoris hæc cura est, ut plerumque post naufragii jacturam non desperet præterita sua damna industriæ emolumento sarciri : nec exspoliatus incursibus detegi suam patitur nuditatem, sed studet magis e parvo concreescere, et spebus dubiis (22) aucupatur potiora lucra, peccato lenocinante, conquirere ; quanto magis tibi animæ tuæ damna cogitanda sunt, et in vestigio reparanda perditio, in qua futuræ spei damna numerantur (23), et vitæ perpetuæ infeliciter quæstus amittitur!

597 CAPUT XIII. — Eundem tibi est ad armarium idonei largitoris ; et sœnore pœnitentiæ ac satisfactionis oblatis usuris conscribere syngrapha, mitte chirographa, eme tibi ab illo aurum ignitum Dei dono, qualibuscunque si non pretiosis, mercibus imple navigium, censum tuum in comparando illam pretiosam margaritam depende, ex qua animæ tuæ turpitudinem possis ornare ; ut cum ad civitatem magnam, delatis mercibus, veneris, lucris dignioribus et mercibus beatissimis amplior sis. Nam si te segnitia stupor invaserit, et dominari sensibus cœperit corporis ignavia, nec ulla animæ tuæ reficiendæ argumenta quæsieris, sub-

(23) Edit., *damna munerent* ; melius mss., *damna numerentur*.

jicieris cruciatibus creditoris, obnoxius fenori detineberis. Dicetur liberalis illa sententia, quam non valebis tui conscius evadere, aut appellationis interjecta voce suspendere : « Omni habenti dabitur, et abundabit, ab eo autem qui non habet, et quod habet, auferetur ab eo (*Matth.* xxv, 29); » et : « Servum supervacuum expelle foras in tenebras exteriores ; ibi erit fletus et stridor dentium (*Ibid.* 30). » Tunicam tuam vilissimi operis lanificio confectam non pateris induere : horret tibi vestis tua, quæ sit deformis ex macula ; et non tibi horret anima tua, quæ fit peccati sorde et sceleris iniquatione polluta ? Nisi quia eodem momento tunicam festinas eluere, ut possis eam mundam et sine ullo nævo fœditatis induere : animæ vero tuæ infectum squalore criminum non desideras recuperare candorem : nec optas dilui conscientiam tuam, quam scias flagitiorum illuvie et contaminatione scelerum cœnulentam ? Quis, rogo, cadit, et non quærit surgere ? quis infirmatur, et non desiderat convalescere ? quis periclitatur, et non optat evadere ? quis pauper effectus, patrimonium non cupit reparare ? Hæc si rerum patitur natura, ut istiusmodi emergentibus casibus, quispiam redire nequeat ad status pristini qualitatem, æmulare priora, ut deteriora percipias, dimitte manus, et semivigiles oculos stoliditate involve, obdormisce nunquam evigilaturus, jace nunquam surrecturus, et hebetem mentem stupore soporis elide. Pœnitentibus te postmodum tarditatis, cum nihil quod utilitati animæ tuæ proficiat, cogitaveris. Eris semper jacens infirmus, nudus, paupertate confectus, et, ut ita dixerim, somni ebrietate temulentus, elogium illud quo nunquam careas, auditurus : « Dormierunt somnum suum, et nihil invenerunt (*Psal.* lxxv, 6). » Exsurge, frater, exsurge, et malesani consilii pelle torporem : vigila, semper vigila, et esto pro tua salute sollicitus, non ut dormias desperatus. Cave nocturnum furem, ne domus tuæ perfodiat parietem, et meridianum jaculatorem sagittæ volantis evita ; patet enim incursibus incauta securitas, et facile dormienti subreperitur, ut lethaliter feriat. In vigilante fiducia est, in dormiente nihil tutum : convenit sobriæ menti somnum servum habere, non dominum. Refugit hostis, quem non invenerit dormientem : « Et beatus servus erit, quem adveniens dominus invenerit vigilantem (*Matth.* xxiv, 46) ; » quia dicit : « Surge qui dormis, exsurge a mortuis (*Ephes.* v, 15) ; » et attinge Christum (24).

CAPUT XIV. — Sed non andeo, inquires, orare, quia me revocat conscientia ; non enim semel, sed sæpius et frequenter erravi. At ego dicam : Si te orandi revocat verecundia, peccandi desiinat pertinacia, et fiet beneficium timoris, non desperationis causa, quod metuis. Revereri enim potestatem ju-

dicis non erit verecundiæ, sed pudoris : quia licet frequens sit peccandi licentia, excusabilis tamen efficitur conscientia, quam pertulit in peccati recordatione timiditas. Exemplum Achab illius impiissimi regis te doceat : hic namque Naboth Jezraelitæ vineam concupiverat, quod suæ esset possessioni confinis. Offert pretium, aut certe vicariam vineæ quantitatem : ille neglexit, asserens hereditariam se rem nulla in alterum posse ratione transcribere. Hæc repulsa compunctus, tristis domum revertitur, quod appetitus sui libido recidisset incassum. Tum ejus mulier sacrilega Jezabel tristicitiæ mariti causas requirit, quibus compertis, veluti saucio cordi ejus fomitem consolationis injecit : qua arte, compluribus concinnatis falsitate calumniis consilio impuræ mulieris, Naboth innocens lapidatus occiditur. Funesti voti sui mulier impleto flagitio, velut victrix ad maritum ingreditur, interempti exitio narratura lætitiæ : quæ ne sola teneretur in crimine, egit astutia mulieris primitivæ, ut maritum ad conscientiam sceleris obligaret, et utrosque jugales conscios una facinoris catena vinciret. « Surge, inquit, posside vineam Naboth Jezraelitæ, qui noluit tibi eam dare pretio ; quia ecce mortuus est (*III Reg.* xvi, 15). » At ille dolens materiam se præbuisse mortis occisi, facinoris nuntia perhorrescit, et mortis ejus causam flebili dolore lucrificat ; discissis enim regalibus indumentis accingit se vestitu funereo, non tam conscientiæ reatui, quam pœnitentiæ primæ cogitationis attestans. « Et factum est quomodo audivit, inquit, Achab quia mortuus est Naboth Jezraelites, disruptis vestimenta sua, et accinxit se sacco (*Ibid.* 16). » Vacare ergo potuit Achab effusi sanguinis culpa ; quia de concepto (25), non de parricidio egerat pœnitentiam, et remanserat in profana muliere impietas homicidii, quæ pretio quodam cruoris effusi putavit se vineam debuisse mercari. Sed ecce sicut canis reversus ad vomitum suum, odibilis fit : oblitus Achab pœnitentia suæ, statim deposito luctu, pergat perempti vineam possidere. Et perdit innocentia meritum, qui vineæ cupiditate pellectus, innexuit interfecti occisioni consensum. Mox ad eum venerandus Elias propheta mandatur, et sententia in eum cum indignatione depromitur, ut acta dudum pœnitentia frustraretur, et vindictæ occasionem tribueret sceleris geminata præsumptio. « Et ait Elias ad Achab : Hæc dicit Dominus : Ecce ego superinduco super te mala, et incidam post te, et exterminabo de Achab mingentem ad parietem, et contemptum et derelictum in Israel : et dabo domum Achab sicut domum Jeroboam filii Nabat, et quomodo domum Baasa filii Abiæ, pro omnibus quibus irritasti Deum, et fecisti declinare Israel (*Ibid.* 21, 22). » Verum ille cum sententiæ ictum non valeret effugere, ad priorem pœ-

(24) Edit. Gill., et accinge Christum : Rom., et attinges Christum : mss. Rem. et Sorb., et attinge

Christum.

(25) Codex Rem. et Sorb., quia de comperto.

nitentiam convertit repente consilium, reatum A fletibus confitetur, cilicio dejecit regium potentatum, saccum induit poenitentiae, et reveritus faciem comminantis, tacito gemitu publicabat offensam, non excusabat conscientiam. « Factum est, inquit, quomodo audivit Achab sermones hos, reveritus est a facie Domini, et ibat flens, 598 et scidit vestimenta sua, et accinxit se sacco. Tunc dixit Dominus ad Eliam : Vidisti quemadmodum reveritus est Achab a facie mea? Non adjiciam adducere mala in diebus ejus, sed in diebus filii ejus adducam (*Ibid.* 27-29). » En quoniam perduxit timidum reverentia, et quantum severitatis motum fregit metus! Non orationis pompa, non sermonis ornatu, nec eloquii copia placuit Deo : sed multis precibus lacrymarum. Os tacuit, sed cor ingenuit : oculis flevit, sed conscientia planxit, et verecundiam poenitudinis pietas laudavit Auctoris. Parum fuit reum debitum evasisse supplicium, nisi accepisset reverentia probabilis testimonium. Et probatus est in timore, qui damnabatur in crimine : nec prius quod mortem luxit occisi, inane fuit ; sed repetitam identidem culpam iterata lamentatione purgavit.

CAPUT XV. — Nec Manasses quoque rex filius Ezechiae tacendus est, qui cunctorum praetergressus audaciam profanorum, mantis tetendit impias contra Deum, et paternis moribus degenerans, ex toto praedivinis cultibus idolorum caput erexit insanum. Hic sacrilego furore possessus, in domo Dei execrandae superstitionis aras instituit, simulacris daemonum funestavit, templi sacra altaria lapideis figmentis implevit, lucos excoluit, igni profano filios suos dicavit, captavit auguria (26), vitam suam maleficiis inquinavit, populum ad idolorum observationes induxit, caeremoniis polluit, diabolo mancipavit, et omnia quae divinis legibus prohibentur, ultra omnem insolentiam desperatae mentis exercuit. Pro his tot tantisque flagitiis ductus in praedam, et vinculis innexus, gravatusque compedibus, pertulit captivi supplicium, atque in Babyloniam transportatus, impietatis suae poenas luit ; ut divinam ultionem sentiret addictus, cujus nunquam antea meminerat induratus. Denique congruo correptus flagello convertitur, et Deum in poena constitutus agnovit, quem in regno positus antea non quaesivit. Profuit afflictio desperato, et correctae est in agnitione de stimulo correctionis improbitas. Fuit vindicta illa mentis perdita medicina, et multum saluti contulit castigatio, quae ideo verberavit impium, ut Deo faceret acceptum, quem diabolus per impotentiam fecerat alienum : et animae sanitati profuit, quod inflictum fuerat vanitati. Hoc scripturae dominicae fides admittit :

A Et locutus est, inquit, Dominus adversum Manassen et adversum populum, et non audierunt : et induxit super illos Dominus principes virtutum Assyriorum, et comprehenderunt Manassen, et alligaverunt eum vinculis et compedibus, et adduxerunt enim in Baby'oniā. Et mox afflictus quaesivit Dominum Deum suum, et humiliatus est nimis ante faciem Dei patrum suorum, et oravit ad Deum, et exaudivit illum Dominus, et revocavit illum in Jerusalem, in regnum ejus. Et cognovit Manasses, quia Dominus ipse est Deus. Ecce quantum repentinae lamentationis ex corde converso peccatum suum flevit et diluit, et lacrymis tersit, quod nefas infecerat. Oravit tamen conscius reatus sui ; et veniam meruit satisfactione mercari : usque adeo ut illa sacra quae dudum profani actus contaminatione polluerat, in pristinum restitueret veneramen, et in cultum timoris Dei cuncta reponeret. Consummatione conversi impletum est propheticum illud divini oris oraculum : « Cum conversus fueris et ingemueris, tunc salvaberis (*Isa.* xxx, 15). »

B
C
D
CAPUT XVI. — Sed quid ego eorum regum faciam mentionem, quos electi generis origo laudabilis non sinebat ab urbe sacrae religionis pessima persuasionē discedere : cum Nabuchodonosor ille feralis et alienigena principalis (27) divina animadversione multatus sit ; ut per emendationem vindictae cogere agnosceret, quem sacrilegiis ausus fuerat abnegasse, et virtutibus eum crederet, quem per ferociam spiritus ante nescisset : usque adeo ut qui elatus spiritu pervicaci Deum se non timuerat antea praedicari, non auderet postmodum super ejus incomparabili majestate mentiri ; cum ingenti in se facti admiratione correctus, non desiit solum Deum verum ex toto corde, decretisque praekonantibus confiteri ? Sed si male tibi conscius revereris orare, habes magisterium publicani ; etsi suspectum geris, ne cum pro peccatis tuis oraveris, non merearis audiri. Ingressus ille templum fuerat peccatorum mole decurvata cervice, et oculorum palpebris gravi morbo iniquitatis compressis, caelum non audebat aspicere : retro gradum timidus revocat, et extremum se non tam loco, quam judicio conscientiae sistit : nec ad supplicandum irreverenter pedem incitat promptus audacia, sed vestigiis modum subtrahit ; publicans verecundiam reum pectus percussum crebro commemorat (28), et cor consciuum pugni admonitione contundit. Audiebantur oris ejus non verba, sed gemitus ; et quinque tantum sermonibus celebrata est tota confessio. Hoc Dominus in Evangelio manifestat, homines duos ascendisse in templum adorare : unus erat pharisaeus, et alter publicanus : pharisaeus autem cum stetit, talia apud se precabatur dicens : « Deus,

fuerat ; ubi Rem. codex, quem sacrilegis, etc.

(28) Ita codex Rem. ; edit. vero, publicat se verecundia reum, peccatum pectoris, percussione crebro commemorat.

(26) Edit. et cod. Sorb., implevit, captavit auguria : quae vero his inseruimus, ex codice Rem. mutuati sumus.

(27) Rom. edit. e marg. Gill., et alienigena princeps. Infra vero utraque in corp., quem sacrilegium

gratias ago tibi, quia non sum sicut cæteri homines iniusti, raptores, adulteri : quomodo et publicanus iste. Jejuno bis in sabbato, decimas de omnium quæ possideo. Publicanus autem de longe stabat, et neque oculos in cælum volebat levare : sed percutiebat pectus suum, dicens : Deus, propitius esto mihi peccatori (*Luc. xviii, 11-13*). » Sed adverte quid de inspectore cordis exegerit reverens supplicatio : verecundia mercede munifica sensit Deum, quem cupiebat habere propitium. Et statim meruit justificari verecundia, quæ probata est in humilitate confessa, Domino dicente : « Dico vobis, descendit hic justificatus in domum suam, magis quam ille pharisæus ; quia omnis qui se exaltaverit, humiliabitur, et qui se humiliaverit, exaltabitur (*Ibid. 14*). »

CAPUT XVII. — Ubi deinde ponis exemplum mulieris illius peccatricis, quæ crimina sua non verbis visa est exposuisse, sed lacrymis, ejus cum orando tacuerit lingua, pœnitentiæ officio confessa est conscientia? In domo namque pharisæi cujusdam Dominus recumbebat, et præparaverat velut homini temporaneum invitato (29) ille convivium. Hoc reperiens mulier prostituta, pharisæi domum audacter ingreditur, atque ad pedes Domini recubentis assistit, lavat lacrymis sancta vestigia, capillis extergit, osculatur incessabiliter plantas, et pretioso pedes madefacit unguento, atque omnibus pene membris quibus ante peccaverat, 599 scelerum suorum maculas expiabat. Tunc Dominus apud quem ossa nostra discreta sunt, propheta dicente : « Omnia ossa mea dicent, Domine, quis similis tibi (*Psal. xxxiv, 10*) ? » obtreçantis pharisæi murmur obverberat, occultam mulieris cogitationem, sed manifestam fidem admirabili probatione collaudat, et præfert apparatus invitantis confitentis obsequium, magis delectatus mulieris facto, quam prandio, cui plus fuit conversione delectari, quam pasci ; ut qui cibi desiderio minime ducebatur, confessionis epulis pasceretur : « Vides, inquit, hanc mulierem ? Intravi in domum tuam, osculum mihi, et aquam pedibus meis non dedisti : hæc autem ex quo intravit, non cessavit osculari pedes meos. Oleo caput meum non unxisti, hæc autem unxit pedes meos. Propter quod dico tibi, remittuntur ei peccata multa, quia dilexit multum. Et conversus ad mulierem dixit : Dimissa sunt tibi peccata tua (*Luc. vii, 44*). » Parvum est hoc? Postmodum autem vide quid audiat : « Filia, fides tua te salvam fecit, vade in pace (*Ibid. 50*). » Dudum peccatrix, absoluta mox filia, et in Domini pace confestim absoluta dimittitur, quæ suorum bello criminum vastabatur. Hoc est illud propheticum oraculum : « Cum conversus fueris et ingemueris, tunc salveris (*Isa. xxx, 15*) ; » et : « Dic tu prior iniquitates tuas, ut justificeris (*Isa. xliii, 26*). » Cum ergo

A tot ac talibus documentis agnoscas delectari pœnitentiæ sacrificio, nec contriti cordis et humiliati spiritus apud piûm judicem verearis perire mercedem, Scriptura dicente : « Sacrificium Deo spiritus contribulatus, cor contritum et humiliatum Deus non spernit (*Psal. l, 19*) ; » cur non de profundo (30) luxuriæ, et de mundanæ voluptatis gurgite festinas emergere, atque ad pœnitentiæ officia capessenda ex temulentis actibus respirare? Nec putes quod te ab ipso elongaveris, ideo aurem tibi ejus ocludi : mox ut pulsaveris, fores aperiet, et in septa cortis suæ miserandum miseratus includet : tantum est ut doloris tui querela flectatur! Quanto tu procul abscesseras, tanto celerius proximabit, Propheta dicente : « Proximus est Deus tribulatis corde, et humiles spiritu salvos faciet (*Psal. xxxiii, 19*). » De quibus Dominus in Evangelio : « Beati, inquit, plangentes, quia ipsi consolabuntur (*Matth. v, 5*). »

CAPUT XVIII. — Sed aspera tibi fortassis videatur post voluptates sæculi pœnitentia. Verum est, sentio valetudinis tuæ vitium, video animi tui morbum : sed si curari desideras, medelæ impetum non attendas, nec expavescas remedium ; cum admo-verit tuo vulnere ferramentum, celerior cura sectionis efficitur. Nam pessime sedulitas medendi palpatur, cum non continuo suppurata labes abscinditur. Amarus est gustus antidoti, sed vitale ac salutare est, quod est faucibus insuave. Curat nos Dominus non ut exteros, extraneos sibi servat quoscumque sanaverit delinquentes. C omni hora, omni die in curandis intentus, nec retardatur tempore, nec ullis morarum obstaculis impeditur. Plane tunc ejus virtus impeditur, cum non inventus fuerit (31), qui curetur ; vacet enim necesse est beneficium Domini, cum non exstat, cui debeat misereri. Aspera est castigatio pœnitentiæ, sed lenior efficitur, si modus culpæ tractetur. Jampridem te mundialis pompæ oblectabat ambitio, et in servum te sibi dominatus sæculi vindicabat, nunc in luxuria remissum, nunc in vinolentia demersum. Hi te modo exercitio aleonis intentum viderunt, alii ad ganeandum, alii in seortum projectum, isti lupanaribus mancipatum, unguentis oblitum, aromatibus delibutum, et peregrinis cernebant oculis infectum. Splendebas vestibus, auro fulgebas, gemmis et pretiosissimis margaritis ornabaris. Vicem ergo vici restitue, et sero saltem compensationem temporum temporibus redde : reciprocam vitam tuam in utroque actu æquali moderatione partire. Fuisti tunc diaboli, esto nunc Dei ; imo vero esto jam tuus, qui dudum fueras alienus. Et forsitan si consideres, multum temporis decoxisti ; ut id quod residuum est, breve tempus angustet. Vaca jam tibi, non tempori ; vaca, dixi, non ut torpeas, sed ut negotio confessionis insistas. Revertere in viam

(29) Edit., *invitator* : codex Rem. ac Sorb., *invitato*.

(30) Edit. Gill., *nec de profundo* ; Rom., *si de*

profundo ; codex Rem., *cur non de profundo*.

(31) Ita cod. Rem. ; edit. vero, et ms. Sorb., *impeditur, cum inventus fuerit, etc.*

a cujus semitis aberraveras, damna quæ gesseras A quære quod fueras. Primo te ipsum inveni, ut quod quæris, invenias; et si te inveneris, abs te ipso nihil quæras. Saccum indue, cinerem asperge, in jejuniis semper ora, in oratione jejuna. Pretiosa magis hæc sunt, quibus corpus afficitur; ut pulchritudo animi reparetur. Horret humilis vestis, sed hoc valde decet, quod Deo non displicet: vilis est corporis cultus, sed ipse præcipuus sanctitatis ornatus. Et adhuc de indignitate forsitan quereris indumenti, qui nuptialem tunicam perdidisti? Et cum appareas fœditatis tuæ nuditate deformis, non cogitas qualiter identidem vestiarius? Non metuas, quæso, ne cum illo qui ad regiam cœnam vocatur intravit, a convivio recumbentium simili exprobratus damnatione pellaris, et audias dici tibi: « Amice, quomodo huc venisti, non habens vestem nuptialem (*Matth. xxii, 12*)? » et cum argumentum non repereris excusandi, dicat: « Tollite eum ligatis manibus et pedibus, et mittite in tenebras exteriores, illic erit ploratio et stridor dentium (*Ibid. 13*). » Et utique ille, quia non quæsierat, aut acceperat, dicitur abjectus; vocatus enim intravit, sed non vestitus accubuit. Si ergo is qui nunquam habuit, taliter, quia non quæsivit, exivit; qualiter jam puniendus erit, qui tunicam accepit, et perdidit, et vestiri iterum non potuit?

CAPUT XIX.—Sed, credo, dubitas amissum non posse repeti vestimentum, aut ab eo qui nuper dederat, cum petieris, posse negari. Intuere in Evangelio filium juniorem perduto patrimonio mendicantem, usque eo fuisse perductum, ut egestatis impulsu pastor vellet esse porcorum (*Luc. xv, 15*). Is summa inopia et egestate confectus, cum nec porcorum vesci pastibus sineretur, reversus ad pristinam mentis propriæ sanitatem, prioris ævi cœpit desiderio conflagrare, et paternæ domus abundantiam cogitans, reatum suum conversionis animadversione damnare. Habito igitur tandem pœnitenti tractatu, et secum in corde satisfactionis arcano locutus, velut postliminio ad lares patrios nudus exsulque revertitur. Tum ille pater, qui cogitantis viderat in corde consilium, antequam verba perditus filius in confessione profunderet, affectum dolentis anticipat, et misericorditer suscipit redeuntem. In collum ejus irruit, osculis reconciliat, et adhuc trepidum nihilque loquentem pater mire confirmat (32). Sed ille consultissimus pœnitens, et confessor egregius de voto patris securus, atque adhuc de sua satisfactione suspectus, 600 meditatam confessionis ordinem pandit, et verbis explicat, quod corde ruminaverat: « Pater, inquit, peccavi in cœlum et coram te: jam non sum dignus vocari filius tuus; fac me sicut unum de mercenariis tuis (*Luc. xv, 18, 19*). » Placatus itaque pater precibus confitentis, stolam priam mandat afferri, et statim nudum præcipit amisso nuper indumento ve-

stiri. Dare jubet et anulum, symboli reparat sigillum, pedes includit munimine præceptorum, et in reparatione ejus mactari jubet vitulum saginatum, hoc est, pro reconciliato offerri imperat gratissimum sacrificium, quod esset acceptum et cœlo et exercitibus angelorum. Erexerat in germani odium fratris severior pertinacia, exprobrans crimina recepti major filius contradicit. Mandatum non revocatur, pietas patris non mutatur, frater ejus asseritur, filius nuncupatur: et plenum patris in se provocavit affectum, qui perfectum habuit in pœnitendo consilium. Jucundatus, inquit, sum et gavisus: « quia hic frater tuus mortuus fuerat, et revixit; perierat, et inventus est (*Ibid. 24*). » Vides ergo converso filio stolam pristinam pœnitentiæ mercimonio restitutam, et votis omnibus celebrasse patrem reditum confitentis. Patrimonium enim perditum baptismi insinuat sacramentum, in quo sunt cuncta ædificia cœlestium constituta regnorum. Hoc ille filius, hoc est, fidelis christianus libertatem patris indeptus, libidinis ac luxuriæ contagione perdidit, et longe a Deo suo positus, probrosis se actibus tota fœditate polluerat, ac diabolo mancipatus, cui se perditissima conversatione dediderat, porcorum, hoc est, immundorum spirituum cœpit exercere pasturam, quorum cum non permitteretur cibo depasci, quia per carnis obtentum dæmoniis non poterat siliquis ingurgitari, utrobique desertus, et undique destitutus, bonæ frugis inopia defessus desudabat. Sed reversus, omne illico quo fuerat privatus, accepit, et in concordiam patris reputata substantia prioris possessionis remansit. Revertere ergo et tu, frater, revertere, et ex mortuo revivisce, et ex perduto reparare.

CAPUT XX. — Quærit ovem suam bonus pastor errantem, et amplius de invecta, quam de non perditâ gratulatur. Humeris revehit ipsam, in gregis sui consortio reponit, ipsam diversorio priscae securitatis includit: nec attendit relictarum numerum, qui quærebat ex reparatione unius perditæ complere integrum centenarium. Drachmam perditam mulier vehementer inquit, lucernam accendit, domum scopis emundat, et charas pariter ac vicinas invitat ad gaudium inventæ drachmæ. Et putat aliquis Deum non lætari de reparatione conversi, cum parabolam videat specialiter in personam pœnitentis aptari? ipso dicente: « Dico vobis, sic erit gaudium coram angelis Dei super uno peccatore pœnitentiam agente (*Ibid. 10*). » Animadvertite tandem sententiam illam Domini singularem, quia dixit: « Non est opus sanis medicus, sed male habentibus; non enim veni vocare justos, sed peccatores ad pœnitentiam (*Matth. ix, 12, 13*). » Vocat ergo Dominus ad pœnitentiam peccatores, et optat medicus noster languidis magis prodesse, quam sanis. Sed non ideo justos præterit, quia peccatores asciscit: nam justorum vita divina vocatio est, sicut nonaginta et novem oves

(32) Codex Rem., pater jure confirmat.

in montibus dereliquit, qui unam erraticam requisivit; illis debitum reddens justitiæ præmium, istis beneficium misericordiæ collaturus. Hoc Apostolus probat dicens: «Ei autem qui non operatur, et credit in eum, qui justificat impium, accepta est fides ejus in justitia secundum propositum gratiæ Dei (Rom. iv, 5).» Denique Dominum audi quibus jaculis in Evangelio feriat corda peccantium, et intelliges quanti fecerit pœnitentiæ sacramentum. «Aderant autem, inquit, qui ei nuntiarent de Galilæis, quorum Pilatus sanguinem miscuit cum sacrificiis eorum. Tunc dicit illis Jesus: Putatis quia isti Galilæi præ omnibus Galilæis fuerint peccatores, quia talia passi sunt? Dico vobis, nisi pœnitentiam egeritis, omnes similiter peribitis (Luc. xiii, 1-3).» Aut illi decem et octo super quos cecidit turris in Siloe, et occidit eos, putatis quia præ cæteris peccatores fuerint, qui habitabant Jerusalem? «Dico vobis, nisi pœnitentiam egeritis, omnes similiter peribitis.» Et subjecit ad probationem rei comparationis exemplum, ficulneæ arboris faciens mentionem, quæ fructu sterilis et infrugifera jubetur abscindi: sed interventu coloni interitum differri permittitur, donec congruis circumfossa culturis, adhibito cophino stercoreis, ad proferendos fructus pœnitentiæ differatur. Porro si arbor quæ generis sui fructum nullum edidit, ante tempus præcepta est amputari, quasi jam ferramento truncanda, vel securi cædenda est, quæ vepribus obsita, et spinis alienigenis constipata, nullam habuit in sui restauratione culturam? Nam exemplum arboris similitudo est hominis fidelis, qui fidei suæ fructu jejunos, nihil quod ad futuræ spei lucrum proficeret, cogitavit; plantata enim in vinea fuerat, quæ vinea specialiter designat Ecclesiam, in qua arbor fuerat illa plantata: sed cultor hujus vineæ illius sacerdotis persona videtur exprimi, qui scrobem infructuosi plantarii cultura dominicorum exercent præceptorum: et stercoreis cophino pœnitentiæ designatur officium. Quod si inveniri in ea fructus post dilationem temporis omnino non posset, convulsa in futuro radicibus exaresceret, hoc est, futuro abscissa judicio tanquam ligni inutilis abjecta materies, pabulum effecta æterni ignis arderet; quantum hoc et de Christo possit et de plebe (33) Judaica subaudiri.

CAPUT XXI. — Credo tuis sensibus his probationibus, quæ studio de infirmis ingenti ad erigendum animum tuum suscitandumque protulimus, satis abundeque claruisse, ita Deum misericordiæ fontem nolle interitum peccantium, sed ilagitiosum magis habere correctum: ut quantæ numerantur offensæ, tanta sit actio pœnitentiæ. Non desperet reditus sui reformationem celerem, qui audiat ipsum Dominum peccatori pœnitentiam suadentem. Hoc expressius Apocalypsis beatissimi Joannis ex-

(33) Edit. et ms. Sorb., hoc de Christo possit in plebe. Et infra, his probationibus patuisse, quæ studio de infirmis unguentis.... protulimus, abunde-

ponit, in qua Ecclesiarum angelos increpat, ut pristinis fraudati erroribus ad pœnitentiæ lamenta curventur; nam probatur sic Dominus nullius desiderare minam, qui cadenti ingerit pœnitentiam. Angelo denique Ecclesiæ Ephesi: «Memento, inquit, unde cecideris, et age pœnitentiam, et fac prima opera: sin autem, venio tibi, et movebo candelabrum tuum de loco suo, nisi pœnitentiam egeris (Apoc. ii, 5).» Et ecce tamen angelus dicitur, cui pœnitentiæ cura conversioque mandatur, 601 et ad priora opera perficienda suadet, ut nihil amisisse ex totis suis meritis intimetur. Gravius tamen minatur admonitio pœnitentiam non agenti, si contumaciam pertulerit indurati; erit enim inexcusabilis severitas ultionis, si cervicem indomitam non flexerit prima correctio: et malo suo peribit, qui comminantis auctoritate præmonitus, satisfactionis jugo pervicacia colla non subjicit. Rediturum eum sane ad statum præteritum profitetur, qui ad veræ vitæ stadium decurrendum digna confessionis humilitate corrigitur. Hoc uberius paulo posterius declaratur, cum angelus Ecclesiæ Thyatiræ objur-gationis verbere castigatur: «Habeo, inquit, adversum te multa, quia dimittis mulierem Jezabel, quæ se dicit prophetissam, et docet, et seducit servos meos fornicari et manducare de immolatis. Et dedi illi tempus ut pœnitentiam ageret, et noluit pœnitere a fornicationibus suis: et mittam illam in lectum; et qui mœchantur cum ea, in tribulatione magna erunt, nisi pœnitentiam egerint ab omnibus operibus suis: et filios ejus interficiam gladio; et scient omnes Ecclesiæ, quia ego sum scrutator cordis et renum, qui reddo unicuique secundum facta sua (Apoc. ii, 20-23).» Quid vero potest humanius, quid clementius dici? «Et dedi, inquit, illi tempus ut pœnitentiam ageret, et noluit pœnitere.» Non habes, peccator, non habes quod excuses: non est quod cum causa dubites, non est quod sine causa desperes; his te ad confitendum exemplis accingere, his ad pœnitentiam documentis armare.

CAPUT XXII. — Differt enim Dominus pœnam ut inveniat pœnitentiam: et moraturis utens spatiis, protelat patientiam; ne amittat clementiam, quod debuit fieri censura. Non præterita mala spectat, non errata computat, sed correctam collaudat. Habes promissum ad pœnitentiam suadentis tibi, si non pœnitueris, imputabit: «Et dedit illi, inquit, tempus ut pœnitentiam ageret, et noluit pœnitere.» Huic simile propheticum illud: «Et dixi, postquam fornicata est omnia hæc: Ad me revertere, et noluit ad me reverti (Jerem. iii, 7).» Cæterum si te in desperationis gurgitem enormitate tuorum scelerum circumactus abjeceris, aut itineris tui dubitaveris represso gradu extirpare congeriem, vel sinistrae mentis prolapsu declivior in primum vergentia adducas lubrica exercitatione vestigia, illico

que claruisse; Rem. ms. utroque loco, ut in contextu.

tibi spes amissa reparationis adimitur, rapiet te sorbens in abruptum vorago facinorum, claudentur oculi tui nocte peccati, ne veri luminis videant radium permicantem; mortis se cæcitas opponet, et per ludum quemdam huc atque illuc te circumducent angeli deceptores. Fient tibi grata cuncta flagitia, et peccandi licentia tibi pœnitus allubescet: tenebit te diabolus sub spe libertatis addictum (34), ut sit tibi liberum peccare, non vivere. Nec sinet te respicere ante qui fueras, cum blandimento peccandi, dulcedine te criminum pellacissimus avocaverit: et ut semel dixerim, ita te pereundi suavitate decipiet, ut delectabilius tibi videatur perire, potius quam redire. Omne namque peccatum absque sui delectatione non geritur, nec alias inviscare (35) animum poterit, nisi suavitate desiderii illiciat, quem deceperit; dulcis enim mistura, et suavis sit necesse est faucibus lethalis poculi funesta confectio, ne amaritudinis prima libatio revocet haurientem. Sic denique visum est mulieri primitivæ bonum esse ad aspectum et dulce ad cibum arboris illius venenum, cujus postquam mentita est suavitatis labris comedentis, infecit morientis haustus violenta subtilitas, quod vicens ac vividum manebat, exstinxit; et in contrarium per intemperantiam recidentibus votis, ad exilium mundi et spectaculum sæculi de paradiso beatitudinis et prædio securitatis eiecit.

CAPUT XXIII. — Oro te, frater, hæc metuas, fugias et expavescas; nec patiaris inimicum de tua perditione gaudere, et in conspectu Dei supercilium efferre victoris. Cave reditum septem spirituum immundorum, quibus se ducem malorum omnium sociavit octavus. Et cum unum nemo patiaris diabolum, quis octo sustinere valeat dominatum? Domino dicente: « Cum immundus spiritus exierit ab homine, pertransit loca inaquosa, quærens requiem, et non inveniens, dicit: Revertar in domum meam, a qua exieram: et reversus invenit eam vacantem, mundatam scopis, et compositam. Tunc vadit et adducit secum alios septem spiritus nequiores se, et ingressi habitabunt illic: et fient novissima illius hominis pejora prioribus (Matth. XII, 43-45). » Si te obsidione bellica septem manus accepisset hostilis, et sub incursione barbarica tenuisset prædonis urna captivum, quos fletus ederes, quos ejulatus dares, quæ lamenta jactares? Ageres omni die nocteque suspirium, non cibum quæreres, potum non desiderares, siti exhaustus et fame enectus, sola in te asperæ cutis ariditas et rugosa macies appareret, rigeret concreta sordibus coma, et hirsuta cæsaries squallentis verticis, promissæque barbæ impressi artus horrerent, patrimonium redderes redemptoris sub gladio, districtus ambulares nudus, pauper atque omni sensu evolutus:

(34) Ita codex Rem.; edit. vero, *diabolus suæ libertati addictum*.

(35) Edit., *nec alias inescare*; codex Rem., *nec alias inviscare*.

A quæsisisses evadere, aut si fugæ aditus præberetur, sub maximo incertus discrimine meditareris periculum superare. Captivum te tenet auctor scelerum, vinculis non ferreis, sed catenis habet criminum te ligatum: compedes tibi libidinis imposuit, et undique te sepsit arctiori custodia: legem tibi dedit ut licitum putes omne quod non licet: vivum te æternæ mortis fovea demersit; et non ingemiscis salutis tuæ damnum, spei æternæ dispendium, et vitæ perpetuæ detrimentum? Incedis comptus ornatu vestium, celebras opulentis cibus refectiones, vino mades, pinguificas epulis quotidianis animam, et torosi corporis excolere non quiescis ingluviem, ut interim de cæteris criminibus taceam. Putas etiam, putas et hoc non esse animadversionis divinae, ut nescias quemadmodum debeas de tuis sceleribus pœnitere; Apostolo probante, qui ait: « Propter quod non habuerunt Deum in notitia, tradidit eos in reprobum sensum, facere inconvenientia (Rom. I, 28); » et iterum: « Pro eo quod dilectum veritatis non receperunt, ut salvarentur, misit Deus illis operationem erroris, ut judicentur qui non crediderunt veritati (II Thess. II, 10, 11). » De talibus denique metuit, ne veniens Corinthum lurgeret multos ex his, qui non egerunt pœnitentiam ex immunditiis quas fecerunt, et fornicationibus, et libidine (II Cor. XII, 21).

CAPUT XXIV. — Cogita divitis illius opiparas cœnas, et copiosarum dapum uberem affluentiam, purpura, murice pinguiori, et textilibus inclusi serici nitoribus, totum de spe præsentis temporis, nihil tamen de futuro tractantis. Quid illi post ista omnia reponatur, ausculta. Post purpuram flamma, 602 post epulas egestas, ut aquæ guttulam quæreret, qui guttam antea pretiosi nectaris ebibisset et ab eo peteret, nec tamen acciperet, summitatis digiti humentis solatium, cui in sæculo micas suarum negaverat epularum. Confitere, quæso, cuncta quibus reum te memineris, confitere, et faciem Dei præveni satisfactionis officio, humilia ante eum cor tuum, et in conspectu ejus curva cervicem: flecte genua, et eliso vultu terræ prosternere. Suscipiet gemitum tuum cœlestis ille protinus advocatus, et non prætermittet pro te interpellare Patrem suum, qui fidum præbere consuevit pœnitentibus patrociniū. Causam suam non argumentis ad præscriptum genus eloquentiæ perorabit, illico impetraturus veniæ beneficium, qui de superato non exspectat aliquod honorarium (36). Hoc Apostolus probat, dicens: « Quis accusabit adversus electos Dei? Deus qui justificat, quis est qui condemnet? Christus qui mortuus est, verum etiam et resurrexit, quiescit in dextera Dei, qui et interpellat pro nobis (Rom. VIII, 33, 34). » Concinens Joannes apostolus beatissimus in epistola sua ponit et dicit: « Si dixerimus quia peccatum

(36) Codex Rem. et Sorb., *non argumentis, et præscriptum genuinæ patientiæ perorabit.... qui de suspecto non exspectat aliquod honorarium*,

non habemus, nos ipsos decipimus, et veritas in nobis non est : si autem confessi fuerimus peccata nostra, et fidelis et justus est Deus, qui nobis peccata dimittat, et mundet nos ab omni iniquitate. Si dixerimus quia non peccamus, mendacem facimus eum, et verbum ejus non est in nobis. Filioli mei, hæc seribo vobis, ut non peccetis : et si quis peccaverit, habemus advocatum apud Patrem Jesum, et ipse exorat pro peccatis nostris (*I Joan.* II, 8-10 ; III, 1). » Omne quod Dei Filius Dominus Jesus Christus, qui est via, veritas et vita, locutus est, lex est : et sub exemplo sui fieri docuit, quod nobis in scripto mandavit ; neque enim a nobis fieri aliquid vellet, quod aut ipse non fecerit, aut quod ei in nobis facientibus non placeret. Sed nec displicere posset quod ipse mandasset : quia qui mandasset, ipse antea fecisset. Inanis enim fieret doctrina mandati, si in facto doctoris non præiret auctoritas : sed quidquid Dominus præcepit et fecit, inane non erit quod sub imitatione sui faciendum esse mandavit. Idem ergo Dominus discipulis hæc custodienda proposuit : « Attendite vobis : si peccaverit in te frater tuus, dimitte illi ; et si septies in die peccaverit in te, et septies revertatur ad te dicens : Pœnitet me ; dimitte illi, et dimittetur tibi (*Luc.* XVII, 3, 4). » Atque cum a sancto apostolo Petro fuisset in causa consultus, et diceret : « Domine, si peccaverit in me frater meus, quoties dimittam illi ? usque septies ? Dixit illi Jesus : Non dico tibi usque septies, sed usque septuagies septies (*Matth.* XVIII, 21, 22). » Qui ergo dimittenda septies fratri in nos peccanti debita nobis donare imperat, erga nos formam præcepti sui non servat ? Aut qui dixit : « Misericordiam plus volo, quam sacrificium (*Osee* VI, 6) ; » misericordiæ nobis potest negare thesaurum ? Hoc est, quod exorata prius venia dixerim, credere Dominum Jesum cuncta quæ docuit, fuisse mentitum, si circa nos formam custodire suorum noluerit præceptorum.

CAPUT XXV. — Et bene quod repente aptat huic sententiæ de comparatione parabolam duorum scilicet servulorum, de quibus unus cum ob debitum numerosum, ære decocto, una cum uxore et filiis distrahi juberetur, et patientiam Domini prostratus ejus pedibus exoraret, ut tributo sibi spatio, omne debitum reddidisset, meruissetque misericordia Domini cuncta sibi donari : qui sub conditione tali ad cruciatus detinebatur addictus, ipse conservo suo debitori noluit misereri ; quia oblitus est collati sibi nuperrime beneficii : statim tortoribus traditur, et de ejus cruciatibus idem, quod dudum fuerat donatum, exigitur. Inde est quod Dominus hujusmodi orandi ordinem posuit dicens : « Et dimitte nobis debita nostra, sicut et nos dimittimus debitoribus nostris (*Matth.* VI, 12) : »

ut tanta scias posse tibi dimitti, quantum tu proprio dimiseris debitori : imo vero ut tibi parcere videaris, cum alii obsecratus ignoveris. Nam iudicio tuo procul dubio judicaberis, si dimitti tibi ipse cupiens, alii dimittere nolueris, Domino dicente : « In quo iudicio judicaveritis, in eodem iudicabitur de vobis : et in qua mensura mensi fueritis, in eadem remetietur vobis (*Matth.* VII, 2). » Legas volo intentius prophetæ Zachariæ principium, et illic quo robustius animeris, invenies : « Iratus est, inquit, Dominus ad patres nostros ira magna (*Zachar.* I, 2). » Quis non hoc audiens contremiscat ? quis non hujus vocis tonitruo perterritus aresieret ? aut quem sensum non hæc indignatio intimata turbaret ? Quis enim status teneri poterat sanitatis, ubi tam vehemens ira denuntiabatur Auctoris ? Et parum fuit dixisse iram, nisi denuntiaretur et magna, quasi si non esset magna, sustineri ejus posset vel lentior iracundia. Sed videamus quem exitum pronuntiet tanta commotio. Credo, dixit, bellicis vos inquietabo tumultibus, et captivitatis vos sæva ditione mulctabo, fame vos afficiam, morbo quatiā, morte consumam, ferarum atque bestiarum rapiet inopinata vastatio, profugos et ubique dispersos agitabit exsilium. Hoc enim intellectui relinquitur, ut iram magnam vehementior vindicta sequatur. « Iratus est, inquit, Dominus ad patres nostros ira magna, dicens ad eos. » Quid dixerit audiamus : « Convertimini ad me, et convertar ad vos (*Ibid.* 3). » O indignationem de pietate manantem ! o magnam iram, quæ infert misericordiam ! Rogo qui sic irascitur, quemadmodum miseretur ? Aut si ita miseretur, quemadmodum indignatus irascitur (37) ? Hoc alius propheta proloquitur : « Revertere, Israel, ad Dominum tuum, propter quod infirmatus es in iniquitatibus tuis. Dicite ei : Potens es remittere peccata nostra, non ut accipiatis iniquitatem, sed ut accipiatis bona ; et reddite ei fructus laborum vestrorum, et epulabitur in bonis cor vestrum (*Osee* XIV, 2, 3) ; » et alibi : « Redite, inquit, filii desertores, dicit Dominus (*Isa.* XLVI, 8) ; » et iterum : « Revertimini, filii revertentes, et sanabo tribulationem vestram (*Jerem.* III, 22). » His consona David beatus peccatorum solatia decantavit dicens : « Confitemini Domino quoniam bonus, quoniam in æternum misericordia ejus (*Psal.* CV, 1). »

CAPUT XXVI. — Nec hoc dixerim, ut latiores admodum videar habenas dedisse licentiæ (38), et sub veniæ divinitus tribuendæ prætextu peccandi magis fomitem Auctoris pœnitentiam præbuisse ; hoc enim sermone meo cadentem erigo, stantem non impello ; nec præjudico innocentia, qui exhortor ad pœnitentiam peccatorem. Siquidem, ut supra jam diximus, innocentia exigit de Deo debitum vitæ suæ præmium : pœnitentia vero exspectat mi-

(37) Codex Rem., *indignatis irascitur.*

(38) Idem codex, *videatur habenas dedisse licentia.*

sericordiæ beneficium; non peccare enim timere est, pœnitere vero plus quam timere. Nam plerumque offensionibus subjacet secunda felicitas: cautior autem ad evitanda præterita elicitur, quem metus emendat; quia sollicitior semper erit, qui cavet ne identidem **603** ibi incidat, ubi jam antea cecidit. Sic gubernatorem faciunt pericula experta sollicitum, et in offensos portus nonnunquam veretur intrare, qui vel semel incurrerit ex securitate naufragium. Denique Scriptura divina: « Qui non tentatus est, inquit, qualia scit (*Eccli.* xxxiv, 11)? » ut ostenderet per tentationis causam tentatum semper effici cautiozem, et per timorem magis corrigi, qui incautus antea fuerit tentationis scientia. Usque adeo autem peccantibus Dominus optat ignoscere, qui non vult mortem morientis, quantum ut revertatur et vivat; ut quos pro facinoribus suis aliquoties destinat pœnæ, interpellatus pœnitentia, illico festinet absolvere: et ut recondat in vagina machæram, commutat animadversionis satisfactione sententiam.

CAPUT XXVII. — Et quanquam hoc ex Niniutarum facto superius sit probatum, tamen etiam Jeremiæ prophetæ super eo accipe testimonium; ut ex testimoniis plenius tibi probetur exemplum. « Sermo, inquit, qui factus est a Domino ad Jeremiam, dicens: Exsurge, et descende in domum figuli, et ibi audies verba mea. Et descendi in domum figuli, et ecce ipse opus faciebat super lapides, et cecidit vas quod ipse faciebat in manibus suis; et iterum fecit illud vas aliud, sicut placuit coram ipso facere. Et factus est sermo Domini ad me, dicens: Sicut figulus iste non potero vos facere, domus Israel? Ecce sicut lutum figuli vos estis in manibus meis: et tantum si loquar super gentem aut super regnum; ut tollam eos, et ut perdam eos. Etsi conversa fuerit gens illa a malis suis cogitationibus, pœnitentiam agam pro malis, quæ cogitabam ut facerem eis, et non faciam. Et tamen si locutus fuero super regnum aut gentem, ut reedificetur et circumplantetur; et fecerit iniqua in conspectu meo, ut non exaudiat vocem meam: pœnitentiam agam pro bonis, quæ locutus sum ut facerem eis, et non faciam. Et nunc dic ad viros Juda, et inhabitantes Jerusalem: Ecce ego fingo mala super vos, et cogito super vos cogitationem. Convertatur unusquisque a via sua maligna, meliores facite cogitationes vestras (*Jerem.* xviii, 1-12). » Suadet ergo figulus noster a viis pessimis et cogitationibus nos malignis averti, ut conversio pœnitentiæ in aliud vas possit fracturas nostras vitiaque plasmare. Et vult operis sui substantiam non perire in pœnitentiam; ne sententia reum teneat, quem confessio excusat. Huic consonat Sapientia Salomonis: « Sed misereris, inquit, Domine, omnium, quia omnia potes, et negligis peccata hominum, propter pœnitentiam; subest enim tibi cum voles posse, et cum sis omnium Dominus, omnibus te parcere facis (*Sap.* xi, 24,

25). » Convertamur ergo et confiteamur Domino, cum in hoc sæculi degimus comœatu, et iudici nostro pœnitentiæ viaticum præparemus. Non sint temporis nostri otiosa curricula, nec nos nati ad peccandum, sed ad bene agendum convivamus. Aut si peccato fuerimus obnoxii, quoniam deesse non potest in hoc mundi theatro quin peccemus, reminiscamur nostri, ut evadere gehennæ præcipitium cupiamus. Pœniteamus ergo ex fide, oremus ex corde, ploremus ex viscere. Et sicut Propheta dicit: « Adoremus, et proeidamus, et ploremus ante Dominum, qui fecit nos (*Psal.* xciv, 6); » quia « qui serunt in lacrymis, in gaudio metent (*Psal.* cxxv, 5). » Felix, heu nimium felix officium lacrymarum, quo futuro tempore colligantur præmia! et beatum seminis incrementum, quod in fletu profunditur, ut in lætitia metatur! Scriptum est enim: « Felix homo, qui agnoscit ululatum suum (*Eccli.* xiv, 2). » Levemus oculos nostros ad montes, unde veniet auxilium nobis; quia « sicut oculi servorum in manibus dominorum suorum, et sicut oculi ancillæ ad manus dominæ suæ: sic et oculi nostri ad Dominum Deum nostrum, usque dum misereatur nobis (*Psal.* cxxii, 2). »

CAPUT XXVIII.—Neque ita conversionis nostræ consilium temporis delectationibus prolongemus, ut sub scientia peccandi et delectatione pereundi usque ad extremam ætatem nos in voraginem criminum demergamus; cum vivendi nobis usum a divina dignatione collatum qui terminus claudat, habeatur incertum. Et forsitan hoc quod aut primum putatur, aut medium, imminentis occidui meta jam limitet, sitque debitus finis indignantis Domini ex conversionis tarditate vocatio; quando quidem ex admonitione rumpendarum in conversione morarum propositum videatur oraculum: « Non tardes converti ad Dominum, et ne differas de die in diem; subito enim veniet ira ejus, et in tempore vindictæ disperdet te (*Eccli.* v, 8, 9); » et iterum: « Fili, peccasti, ne adjicias iterum, sed et de pristinis deprecare, ut tibi dimittantur (*Eccli.* xxi, 1); » et ne adjicias peccatum super peccatum, et dicas: Miseratio Dei magna est; misericordia enim et ira ab illo (*Eccli.* v, 5-7). » Nec nos usque ad mortem fieri mancipia patiamur, et demus corpora nostra scelerum ditioni, sed obediamus Apostolo dicenti: « Non regnet peccatum in vestro mortali corpore, ut obediat ei (*Rom.* vi, 12); » ut quia peccata deesse non possunt, certe non regnent, hoc est, ne sine respectu evadendi fiat abrupta licentia peccandi. Aut certe si putat aliquis restare sibi tempus ut peccet, et satiata libidine cum jam imperassent animo corporis vires, tunc ad pœnitendi redire iudicium, ultimum vitæ suæ mihi tempus edicat, quo calculante, didicerit, quo insinuante, cognoverit; ut jure sibi, ut ita dicam, de temporis spatio blandiatur. At cum nobis inopinatus sit exitus terminalis, et vitæ nostræ dubia sint ex mortis ignorantia

curricula; quomodo sibi quisque superesse ad con-
fitendum tempus existimat, qui temporis sui tem-
pus ignorat, cum utique audiat dicentem Scriptu-
ram: «Vivens et sanus fateberis, et laudabis Deum,
et in partem vades seculi sancti cum vivis et dan-
tibus confessionem (*Ecclesi. xvii, 25, 27*). » Dilatio
enim temporis confessionem creet, et non despera-
tionem generet; quia exaggeratur in dilato damna-
tio, qui divinam patientiam pertinaci animositate
cogitat. Quod sancti Noe temporibus docetur effe-
ctum, cum per centum annos pertracta patientia
implacabilem per mundi ambitum fudit cataclys-
mum, inundante censura. Unde beatus Apostolus
ait: «An numquid opulentiam bonitatis ejus, et
longam patientiam contemnis, ignorans quod Dei
bonitas ad poenitentiam te adducit? Tu autem se-
cundum duritiam tuam et cor impoenitens thesau-
rizas tibi iram in die irae et revelationis justi judi-
cii Dei, qui reddet unicuique secundum facta sua
(*Rom. ii, 4-6*). »

CAPUT XXIX. — Volo dicas mihi, quæ rerum
præsentium gloria, qui sint hujus temporis fructus,
quæ utilitas caducorum. Regni potentia, ut dixi,
morte finitur, potestatis ambitio successione diri-
mitur, divitiarum copia vivis nobis plerumque sub-
trahitur, voluptatis effectio tristitia interveniente
corrumpitur, jucunditas gaudiorum metus formi-
dine violatur, et omne quod capitur desiderio,
corpus aut anima corporis desiderat, **604** finis
falce succiditur (39). Nec potest perfectum privi-
legium beatitudinis obtinere, quod æternitatis non
circumvallat infinitas; caducum enim sit necesse
est, quod inevitabili necessitate metitur: obnoxium
et inconstans atque infirmum procul dubio remane-
bit, cujus vitam nonnunquam fortuitus eventus
intercipit. His ergo cunctis morte finitis, nostrum
in ipsa morte quid proprium? Si nihil quod boni
operis incremento conscientia subsarcinetur, habe-
bimus; et si nihil boni ex nobis habere potuimus,
quid nobiscum remeantes ad patriam deferemus?
Quam nuda atque deformis anima nostra remanebit,
si nos eam saltem poenitentiae velaminibus et con-
fessionis amictibus non obtegamus! nisi quia turpi-
tudinem festinamus abscondere, et animæ operire
non contendimus nuditatem, cujus cum sit natura-
liter invisibilis pulchritudo, visibilis fiet peccatorum
sorde deformitas.

CAPUT XXX. — Illa sunt occupanda commer-
cia, illæ complectendæ divitiæ, illa captanda poten-
tia, quam non tempus eripit, non locus subtrahit,
non persona subducit, quæ manet statu perpetuo,
quæ privilegio servatur æterno, quæ fini non sub-
ducitur, quæ mortis jugo nec premitur nec urge-
tur. Ibi enim bona tuta sunt conscientiae, ubi jam
non licebit post præsentia sæculi mala peccare, ubi
diabolo nullus accessus, ubi tenebrarum non est

locus; sed neque qui decipit, neque qui decipi
possit, penitus invenitur. Illic bona omnia, illic
cuncta felicia, illic prospera universa; non dies
lucis incremento mutabilis, non sol lentior in ortu,
in fulgendo clarior, in occasu fuscior apparebit:
nox omnino vacabit, luna non erit, nec siderum
micatus ardentior rutilabit: famen nemo sentiet,
lacrymæ detergentur, timor nullus, metus ex nihilo,
jucunditas omnia, pax totum, gaudium quidquid
obnoxium tristitiæ fuerat, possidebunt. Omnia pro-
pheta Isaias evidenter exponit (*Isa. lx, 2-21*). Quæ
tunc ibi gloria felicium, quæ supplicia miserorum,
qui gemitus, quæ suspiria peccantium, quæ beati-
tudo sanctorum? His cum Deo consortium, illos
donari gehennalium cruciamento flammaram: hos
incomparabili perfrui refrigerio, illos incendio in-
domitabili trucidari: hos paradisi fontibus, nemo-
rumque verticibus a rivulis indefessos amœnari,
illos stagno ignis, et fluento incendii, atque atræ
noctis tenebris obsessos, pœnis inextricabilibus per-
urgeri: ad postremum hos bonis cœlestibus uti,
illos totius gehennæ et æternæ mortis edacitate
consumi?

CAPUT XXXI. — Si nunc quantum ad sæculum
quispiam paupertatis labe defectus, in promptu non
habeat unde qualicumque victu famelicam susten-
tare possit esuriam, videatque alios opimis dapibus
mensas onerare, ac refertos epulis hibernæ gemma,
et protrahere longe apparatus ambitione peregrinis
saporibus pigmentata convivia, quæ putas eum du-
cere ab ultima viscerum parte suspiria, quas edere
intestino dolore querelas; interdum etiam lacrymas
fundere, cum paulo amplius capi incipiat desiderio
visorum, et inardescere magis ac magis sentiat ex
desiderio inefficax desiderium? Quinam ergo tunc
erunt gemitus infelicium, quod inconsolabili luctu
in illa comparatione tormentum, cum cœlestibus
copiis, perennibus divitiis perfrui felicium viderint
agmen animarum, et se stillicidio rorantis digiti
defraudari, et perferre insuper inexstinguibilem
flammam, cum nulla spe reserventur ad veniam?
Solis ardorem ferre non possumus, balneares æstus
minime toleramus, sentimus incendia fornacum, et
longe secedimus; quis ferat fluctuantem gehennam,
et caminis tartareis æstuantem pati strepitum fu-
mantis barathri poterit, et sustinere infernarum glo-
bos tenebrarum; ubi solus auditur ululatus arden-
tium, et ejulatus resonat crudeliter punitorum?
Hæc, oro, quam fugienda sunt, quam cavenda ac
totis viribus, et omni animo ac mente declinanda!

CAPUT XXXII. — Cum patent igitur januæ ve-
niales, cum fluctuantibus et criminum tempestate
jactatis poenitentiae portus offertur, cum mentibus
promittitur cura languentibus, et sauciatis vitalem
pollicetur ultroneus artifex medicinam: cum mi-
sericordia habetur in promptu, antequam justitia

(39) Edit. Rom., aut corpus aut anima finis calce succiditur; codex autem Rom. ac Gill. lectionem nostram constituunt.

capulo tenus extrahat pugionem, sumamus arma pœnitentiæ, et iudicis rigorem satisfactionis officio mulceamus. Certum enim habet donum veniæ, cui permittitur pœnitere; nam procul dubio confiteri non sinitur, cui pietas nulla servatur. Hoc probat inveterati serpentis in ipsa origine mundi damnatio, quem inauditum sententiæ fulmen excussit: et non peroptatum absoluta severitas status sui possessione dejecit. Hoc Sodomæ et Gomorrhæ cœlesti incendio concremate perhibent regiones, erga quas ob excessum facinorum nihil reservatum est pœnitentiæ; ne fortassis admoniti possent ultionis justitiam declinare. Hoc Pharaonis in Exodo clamat interitus, hoc Core, Dathan et Abiron inexpectatum testatur exitium; hoc Antiochi et Herodis supplicia proloquuntur; hoc Ananiæ et Sapphiræ indicat repentina animadversio nastragium: quos ad præsens tempus vindicta non distulit, et negata venia, severitas comitata truncavit. Non nos imparatos dies abcessionis inveniat, nec intra castra diabolica hiemis illius aut sabbati tempus includat. Vigilemus contra hostis antiqui fraudulentas insidias et apertas minas; erga conversos enim acrius excitatur, et refugos suos severior tanquam irrisus insequitur. Tunc cum deciperet, blandimentis illexerat, nunc tentationibus et crudelitatibus inquietat: tunc fuerat ut amicus, nunc ut inimicus irascitur; et per casum elisum effecit cautioem, sed elidentem aliquoties solet elisus elidere. Fugiamus pomposas illecebras mundi, et ambitionibus ejus demus ex toto repudium. Hoc Joannes apostolus persuadet dicens: «Nolite diligere mundum, neque ea quæ sunt in mundo. Si quis diligit mundum, non est charitas Patris in eo; quia omne quod in mundo est, concupiscentia carnis est, et concupiscentia oculorum, et ambitio sæculi, quæ non est a Patre, sed ex concupiscentia mundi est: et mundus transibit, et concupiscentia ejus. Qui vero facit voluntatem Dei, manet in æternum; quomodo et Deus manet in æternum (I Joan. 11, 15-17).» Lavemur baptismo pœnitentiæ, ut possimus Dominum mundo corde videre: auferamus nequitas ab animis nostris a conspectu oculorum Dei, discamus justitiam facere; inquiramus iudicium, eripiamus injuriam accipientem, iudicemus pupillo, justificemus viduam, et cum Domino disputabimus. Et si fuerint peccata

D

A nostra, ut pœnicium, ut nivem dealhabit: si autem ut coccinum, ut lanam candidam elliciet. Et quia asperget hyssopo, et mundabimur, lavabit nos, et super nivem candidiores erimus (*Psal. L, 9*).

CAPUT XXXIII. — Tria sunt quæ erga nos Dominus arbitrio suo constituta conservat: bonitatem dico, misericordiam, atque justitiam. Bonitas est, qua esse jam cœpinus: misericordia, qua ad pœnitentiam provocamur: justitia, qua futuro tempore iudicabimur. Hæc interim ordinem temporum in sese custodiunt, præteritum, præsens, et futurum: præteritum, quo Domino auctore creamur et nascimur: præsens, quo conversi misericordiam promeremur: futurum, quo juxta opera nostra, justitia distribute, munerabimur. Itaque cum misericordiæ regnum habemus in manibus, et in arbitrio nostro sunt posita dona pietatis; hic purgemus conscientias nostras ab omni iniquatione, et spiritualibus nos deinceps per bonam conversationem instrumentis aptemus. Evitemus desideria quæ militant contra animas nostras, et profanam conscientiam nullatenus patiamur. Consequemur omnia, quæ ex fide credimus, si justis nos actibus vita invituperabili componamus. Mereremur remissam omnium peccatorum, resurgemus in vitam æternam in resurrectione credentium; **605** et ut amplius loquendi præsumat audacia, in regna cœlorum cum justis intrabimus, cum quibus partem per pœnitentiam habere meruimus, Scriptura dicente: «Pœnitentibus autem dedit partem justitiæ, et corrogavit deficientes sustinere, et destinavit illos in sortem veritatis (*Ecclesi. xvii, 20*).»

C

Hæc, amantissime frater, quibus tecum pariter ad exercendam pœnitentiam cohortarer, quantum ex Dominicis lectionibus colligere mediocritas ingenii mei potuit, exaravi. Quæ si jam, ut arbitror, animi studio e proprio instituto sectaris, et curribus confessionis insidens, tendis ad veniam; accipe me tecum in hac cogitatione consortem, ut adjuncto communi comitatu, ad metas indulgentiæ properemus: aut si pigritiæ inertia præpeditus, pernicitatem tuam sequi non potero, memento mei: et cum præmium de Dei largitione merueris, quæso ut in orationibus tuis nulla capiaris oblivione Victoris.

MONITUM.

Prodiit hic libellus aut potius fragmentum e bibliotheca sancti Dionysii in Francia, unde illum eruit Gillotius ex antiquo codice, ubi tribus libris Ambrosianis de Spiritu sancto additus, liber quartus sancti Ambrosii de Spiritu sancto inscribatur. Non tamen viro docto imposuit hæc epigraphe, quippe qui Scripturæ locos in hoc tractatu subinde allegatos non ejus, quam Ambrosius adhibebat, versionis esse totumque opellæ stylum ab Ambrosiano discrepare animadvertit: quibus adjecit Auctorem in fine profiteri strictim se de Spiritu sancto disseruisse, cum e contrario quam fusissime de eodem egerit Ambro-

sus. Quapropter non alia re hoc idem fragmentum edendum judicavit, nisi quod et antiqui Auctoris, et lectione dignissimum esse arbitratus est, quo nomine cum illud Romani in appendice etiam retinuerint, nos similiter non putavimus rejiciendum.

DE SPIRITU SANCTO

LIBELLUS UNUS.

« Vos autem in carne non estis, sed in spiritu; si tamen Spiritus Dei habitat in vobis: si quis autem Spiritum Christi non habet, hic non est ejus. Si autem Christus in vobis est, corpus quidem mortuum est propter peccatum: spiritus vero vivit propter justitiam. Quod si Spiritus ejus qui suscitavit Jesum a mortuis, habitat in vobis: qui suscitavit Christum ex mortuis, vivificabit et mortalia corpora vestra propter inhabitantem Spiritum ejus in vobis (*Rom. viii, 9-11*). » Divino Apostolus modo et divino eloquio sacramentum Dominicæ Trinitatis et fidei nostræ mentibus intimavit. Nam cum dixisset: « Vos autem in carne non estis, sed in spiritu; si tamen Spiritus Dei habitat in vobis; adjecit: Si quis autem Spiritum Christi non habet, hic non est ejus. » Quid ergo Apostolus aliud quam unionem Trinitatis edocuit? Nam Spiritus Dei Spiritus Christi est: spiritus autem Christi et Dei neque a Christo divisus aut separatus est; quoniam neque Deus ab Spiritu suo, neque Christus idem ab Spiritu suo potest separabilis indicari. Si autem inseparabilis Deus ab Spiritu suo est, inseparabilis utique et Christus ab Spiritu suo est: ergo Spiritus Dei et Spiritus Christi inseparabilis a Deo et Christo; ac per hoc Deus, et Christus et Spiritus sanctus indivisi manifestantur, quia semper Spiritus in Deo et Christo perennis est. Nam quid aliud concatenatione hac et connectione significari contendit, quam intelligentiam unitatis; dum per Spiritum Deus et Christus, qui inseparabiles a sese sunt, uniti, et ut ulterius dicam, unum intelligunt?

Hoc divinum sacramentum est, hoc in se creatura naturaliter aut inseparabiliter non habet; ut unus Spiritus Patris et Filii, aut tres unus, et unum indivisibiliter esse noscantur. Et ideo securus Apostolus, qui hoc fundamentum fidei de sancta Scriptura didicit, et de divina revelatione cognovit, de cætero non timet alibi unum Deum, alibi cum Domino, alibi cum Deo et Domino sanctum Spiritum prædicare; quia sive unus Deus dixerit, scit se nomen Trinitatis implese: sive autem Dei et Domini solummodo memor sit, scit dicere: « Ipse autem Deus, et Pater, et Dominus noster Jesus Christus dirigat viam nostram ad vos (*I Thessal. iii, 11*), » et cavere ne dicat: Ipsi dirigant; sive Dei et sancti Spiritus faciat mentionem, scit se

Christo injuriam non fecisse: sive Dei, et Domini, et Spiritus sancti causis competentibus personas aptet, scit dicere: « Et omnia hæc operatur unus atque idem Spiritus, dividens singulis prout vult (*I Cor. xii, 11*); » quoniam et tres deos dicere impium est, et unum non in Trinitatis nomine confiteri, admodum irreligiosum.

Denique sequentia consideremus, quibus hunc sensum confirmat et solidat; nam cum dixisset: « Si quis autem Spiritum Christi non habet, hic non est ejus, » adjecit: « Si autem Christus in vobis est. » Ergo manifestum est quia per inhabitantem Spiritum Christi Christus habitat; si autem per inhabitantem Spiritum Christi Christus habitat, utique et per inhabitantem Spiritum Dei Deus habitat. Denique subjunxit: « Quod si Spiritus ejus, qui suscitavit Christum ex mortuis, habitat in vobis, » hoc est, Dei; ac per hoc non aliud esse Spiritus sanctus, quam Deus et Christus probatur, per quem Deus et Christus habitat: quem qui in se non habet habitantem, nec Deum potest habere, nec Christum.

Sed dicit aliquis: Si per Spiritum suum Deus habitat in nobis, et Spiritus cum Deo et Christo unum atque idem est; quomodo rursum dicitur: « Qui suscitavit Christum ex mortuis, vivificabit et mortalia corpora vestra? » Quomodo Deus et Christus unum sunt, cum Christus per Spiritum Dei suscitetur ex mortuis? O altitudo divitiarum sapientiæ et scientiæ Dei (*Rom. xi, 33*)! Vere, « ubi sapiens? ubi scriba (*I Cor. i, 20*)? » Vere hoc est, « quod oculus non vidit, nec auris audivit, nec in cor hominis ascendit, quæ præparavit Deus diligentibus se (*I Cor. ii, 9*). » Præparavit autem Deus diligentibus se, ut Christus Dominus cum in forma Dei esset, formam servi acciperet, ut solus inveniretur utrumque. Cum ergo Christus utrumque sit, Deus scilicet et homo, suscitatio hæc non ideo divinitati ejus ascribitur; quia divinitas ejus aut pati aut mori posset: sed quia Verbum Deus caro factus est, et habitavit in nobis. Cæterum si divinitas ejus pati potuisset, non utique opus fuisset, ut formam servi acciperet: accepit autem formam servi non aliam ob causam, quam ut per eam pro salute diligentium et pati et mori posset. Et ideo recte dicitur Dominus majestatis crucifixus, et Dominus Jesus Christus ex mortuis

excitatus; quia spontanea benignitate et divina sua ratione per templi sui passionem cuncta ipse suscepit et pertulit. Ac per hoc, id quod Christus excitatur ex mortuis, proficit ad gloriam Dei et comprobabat omnipotentiam Christi.

Sed et sequentia loci hujus non minus diligenter inspicere debemus; quoniam alta et profunda doctrina Apostolus ita locutus est dicens. « Quod si Spiritus ejus qui suscitavit Jesum ex mortuis, habitat in vobis; qui suscitavit Christum ex mortuis, vivificabit et mortalia corpora vestra per inhabitantem Spiritum ejus in vobis. » Primum ergo manifestum est quia omnia Deus et Christus per inhabitantem Spiritum suum in nobis operatur; ac per hoc constat quoniam sanctus Spiritus omnia operatur; quia et mortalia corpora nostra vivificabit is, qui suscitavit Jesum ex mortuis, per inhabitantem Spiritum Christi in nobis. Et non dixit quia per se suscitavit is, qui suscitavit Jesum ex mortuis, neque Christum per se suscitare: sed per inhabitantem in nobis Spiritum Christi. Spiritus ejus, qui suscitavit Jesum ex mortuis, vivificabit et mortalia corpora nostra. Et utique in Evangelio legimus, dicente Domino: « Sicut Pater suscitavit mortuos et vivificat; ita et Filius quos vult, vivificat (Joan. v, 21). » Et non est dictum ibi quia per Spiritum suum suscitavit Deus et Christus. Quid ergo? Contrarium hoc erit illi sententiæ? Absit! sed intellectus illorum nobis redditur, et docemur per Evangelium beatissimi Pauli qua ratione Deus suscitavit, per inhabitantem scilicet Spiritum Christi in nobis; ac per hoc apertissime traditur, quia omnia opera divina Spiritus sanctus operatur. Et ideo alio in loco idem Apostolus docet dicens: « Divisiones gratiarum sunt, idem autem Spiritus: et divisiones ministeriorum sunt, idem autem Dominus: et divisiones operationum sunt, idem vero Deus, qui operatur omnia in omnibus (I Cor. xii, 4-6). » Quomodo est illud idem Spiritus, si aliud est Spiritus, quam Deus et Dominus? aut quid est illud: *Idem Dominus*, si aliud est Dominus, quam Deus et Spiritus? aut qua ratione accipies: *Idem Deus*, si aliud est Deus, quam Dominus Spiritus? et si essentia vel οὐσία et divinitate et auctoritate aliud et aliud, et non unum sunt. Nullo modo possent dici idem, qui longe aliud et aliud reperirentur: inveniretur autem et Apostolus falsus testis et contumax in Deum, qui idem ascriberet, ubi idem non est. Sed absit hoc! Non sensu Apostolus laboravit: novit autem Deum et Dominum et Spiritum sanctum, unum Spiritum omnia in omnibus operantem.

Et ne quid forte scrupuli mens audientium sustineret; quia cum Trinitatis personas ostendisset, Deum cuncta in omnibus dixerat operantem, dum scit et Trinitatem vere probare, sicut vere et unionem; quanquam error nullus poterat videri, ubi idem sæpe jam dixerat: solito tamen suo more Apo-

stolus, et prudentiæ suæ cautela, imo ut verius dicam, Spiritus sancti gubernatione, quem se revelatorem et doctorem habere sæpe profitetur, sicut dixit: « Sed docti Spiritu, spiritalibus 607 spiritalia comparantes (I Cor. ii, 13); » et alio in loco: « Nobis autem revelavit Deus per Spiritum sanctum (Ibid. 10), » reddidit omnia unioni, dicens: « Alii enim datur per Spiritum sermo sapientiæ, alii sermo scientiæ secundum eundem Spiritum, alii fides in eodem Spiritu, alii gratia curationum in uno Spiritu, » etc. (I Cor. xii, 8, 9). Et in novissima parte concludens ait: « Omnia autem hæc operatur unus atque idem Spiritus (Ibid. 11); » qui supra scilicet Deus. Ergo quia omnia operatur Deus atque idem Spiritus, Patrem et Filium et Spiritum sanctum, in quorum nomine per regenerationis baptismum recreamur, unum Deum, quod est nomen unum, accipere debemus et credere; quia uno atque eodem modo, iisdemque virtutibus, nec non et prophetationibus, quibus Patrem Deum discimus, de Spiritu quoque sancto et de Filio edocemur.

Sed forte quis dicat: Omnia dixit, quæ ad ordinationem Ecclesiæ pertinent: non autem omnia, quæ Deus operatur, et Dominus operatur et Spiritus. Ergo de omnibus vel pauca ponenda sunt, quibus probetur Spiritum sanctum omnibus omnino divinis operibus adesse, et ipsum omnia implere. Moyses Spiritu sancto impletur, et per Spiritum prophetiæ præscientia docetur, et futura prædicat. Quid prophetæ omnes deinceps? Num Spiritu sancto pleni prophetaverunt, et plagas populo imminentes annuntiaverunt, et adventum Domini et passionem prædicaverunt, probante Domino et dicente per os Zachariæ prophetæ: « Verumtamen verba mea et legitima mea accipite, quæ ego mando in Spiritu meo servis meis prophetis (Zach. i, 6); » ac per hoc manifestum est omnes prophetas in Spiritu sancto prophetasse.

Legem quoque ipsam per Spiritum sanctum datam accepimus et scriptam; dicit enim Moyses: « Et dedit Dominus duas tabulas lapideas digito Dei scriptas (Exod. xxxi, 18). » Digitum autem Dei Spiritum sanctum dici Evangelia manifestant; cum enim Dominus dæmonem eiecisset, et accusaretur a Judæis quod in Beelzebub principe dæmoniorum dæmonia expelleret, secundum Lucam quidem respondisse perhibetur: « Quod si ego in digito Dei expello dæmonia (Luc. xi, 20); » secundum Matthæum vero: « Si autem ego in Spiritu Dei eicio dæmones (Matth. xii, 28); » unde manifestum est Spiritum digitem Dei dici. Cum ergo constet Spiritum sanctum digitem Dei dici, manifestum est quia tabulas lapideas Spiritus sanctus scripsit, quas Moyses digito Dei scriptas accepit: et Spiritus sanctus dedit, quia digitus Dei non aliud quam Deus est; quoniam in omnibus operatur.

Virtutes quoque ipsas, quas divina potentia in Ægypto in doctrinam et in experimentum sui pec-

catoribus operata est, num manifestum est in digito Dei esse perfectas, probante Domino, qui se in digito Dei, id est, in Spiritu sancto ejicere dæmonia profitetur; quia idem ipse in Ægypto, et Spiritus sanctus eadem consummavit et gessit. Quod quidem sensibus nostris intima Dominus, in digito Dei se profitetur expellere dæmonia, docens scilicet opera sua opera esse sancti Spiritus; cum opera sancti Spiritus opera Christi sint; opera autem Christi opera Patris sunt, sicut in Evangelio secundum Joannem legimus, ipso Domino dicente: « Amen, amen dico vobis, non potest Filius facere a se quidquam, nisi quod viderit Patrem facientem; quæcunque autem ille facit, eadem et Filius facit similiter (*Joan. v, 19*); » et: « Sicut Pater mortuos suscitavit, et Filius quos vult, vivificat (*Ibid. 21*). » Ergo hoc gradu et hæc ratione agnoscimus opera sancti Spiritus esse opera paterna; quia quæ Pater operatur, eadem et Filius operatur similiter: quæ autem Filius operatur, eadem et sanctus Spiritus operatur. Ac sic semper Trinitas unus Deus et unus Spiritus per se, sed ex sese eadem et omnia in omnibus operatur. Quem quidem sanctum Spiritum quia in virtutibus suis et potentia divina agnoscere Ægyptii noluerunt, plagis compulsi sunt confiteri, in quas ne nunc audientes incidant, a Domino admonentur, ut sero incipiant dicere: « Digitus Dei est (*Exod. viii, 19*); » ac per hoc manifestum est, quia unus atque idem Spiritus omnia in omnibus operatur (*I Cor. xii, 8*).

Nativitas quoque ipsius Domini Jesu secundum carnem nonne per Spiritum sanctum facta prædicatur, evangelizante Gabriele angelo Mariæ, et dicente: « Spiritus sanctus superveniet in te, et virtus Altissimi obumbrabit tibi (*Luc. 1, 35*)? » et iterum Joseph angelus in somnis apparet, dicens: « Joseph fili David, ne timueris accipere Mariam conjugem tuam: quod enim in ea generatum est, de Spiritu sancto est (*Matth. 1, 20*)? » et inde perspicuum est quia omnia et in omnibus ipse operatur et perficit.

Sed aiunt quidam: Omnia quidem divina operatur, et de operibus Deus intelligitur: sed nihil tamen sua auctoritate probatur operari; quia omnia per eum Deus operatur et Dominus. Jam quidem de auctoritate ejus satis constat, cum Deus probatur, Deus agnoscitur, cum inseparabilis a Deo invenitur, cum unionem habere cum Deo et Domino manifestetur: sed quoniam de auctoritate ejus quæritur, quam Scriptura non tacuit, edoceri nos oportet, primum quidem cum dicitur: « Hæc autem omnia operatur nunc atque idem Spiritus, dividens singulis prout vult (*I Cor. xii, 11*). » Dividit, manifestum est quia non ex imperio operatur alieno: et attendendum quia quæ prout vult, dividit, non est scriptum quæ aliena sunt. Et rursum in Actibus apostolorum legimus: « Deservientibus autem illis et jejulantibus Domino, dixit Spiritus sanctus: Segregate mihi Barnabam et Paulum, in opus ad quod vocavi eos (*Act. xiii, 2*). »

Quid ergo clarius, quid lucidius ad manifestandam divinitatem et auctoritatem Spiritus sancti dici potest: « Segregate mihi? » Non enim dixit: Segregate Deo, sed mihi; neque in opus, ad quod vocavimus eos, sed in opus ad quod vocavi. Satis utique probavit nobis auctoritatem et divinitatem suam, qui segregationem apostolorum non alii quam sibi ascripsit: quos et in opus non alienum, sed suum advocasse se dixit; quod utique alienus a Deo et Domino et ab auctoritate divina facere nunquam potuisset.

Atque ut clarius luceat Trinitatis sanctæ auctoritas una et divinitas excolenda, Isaïæ prophetæ nobis contemplanda prophetatio est, quam per apostolos ipse Spiritus sanctus nobis interpretatus est, quam ita legimus: « Et audivi vocem Domini dicentis: Quem mittam, et quis ibit ad populum istum? Et dixi: Ego, ego sum, mitte me. Et dixit: Vade, et dic populo huic: Aure audietis, et non intelligetis: et videntes videbitis, et non aspicientis, » etc. (*Isa. vi, 8-10*). Et utique modo dicens supra in eadem visione, Dominum Sabaoth vidisse se dixit sedentem in throno gloriæ suæ, et Seraphim audivisse dicentes: « Sanctus, sanctus, sanctus Dominus Deus Sabaoth; plena est omnis terra majestate ejus (*Ibid. 3*). » Et certe Dominus Sabaoth, cui laus hæc et gloria redditur, unus atque idem in prophetis ostenditur, et ipse est qui Isaïæ locutus est dicens: « Quem mittam, et quis ibit ad populum istum? » Et cum unus atque idem in prophetis significetur, ab apostolis tamen et ab Ecclesia Trinitas intelligitur. Unde etiam tractum est per omnes fere orientales Ecclesias, et nonnullas occidentales, ut in oblationibus sacrificiorum, quæ Deo Patri offeruntur, una cum sacerdote voce populus utatur, id est, « Sanctus, sanctus, sanctus Dominus Deus Sabaoth: plena est omnis terra majestate ejus. » Ergo secundum prophetam constat hoc ad personam Dei Patris referri oportere.

Joannes autem evangelista informat nos, et docet de Filio intelligi debere; nam cum supradictum testimonium Evangelio inscripsisset, et interpretatus esset, postea subjunxit: Hæc dixit Isaïas, quando vidit gloriam ejus, et locutus est de eo, id est, Domino Christo. Paulus autem apostolus Romæ Judæis contradicentibus doctrinæ suæ, et blasphemantibus viam Domini Christi, exaltans vocem suam, ait: « Bene prophetavit Spiritus sanctus per Isaïam, dicens: Vade, et dic populo huic: Aure audietis, et non intelligetis; et videntes videbitis, et non aspicientis, » etc. (*Act. xxviii, 25, 26*). Cum ergo in prophetia divinitas una doceatur ab apostolis, et tamen ab Ecclesia Trinitas intelligatur, certissime utique docemur quia Trinitas idem Pater et Filius et Spiritus sanctus unum et unus Deus sunt: et cum unus Deus intelligantur et agnoscantur, unius etiam et auctoritatis intelligantur necesse est. Et rursum Dominus in Evangelio hujus unionis Trinitatem docet dicens: « Euntes ergo

docete omnes gentes, baptizantes eos in nomine Patris, et Filii, et Spiritus sancti, etc. (*Matth.* xxviii, 19). Et cum Patris, et Filii, et Spiritus sancti significantiam edidisset, Trinitatis tamen ipsius nomen unum observare nos docuit, quod est, Sanctus, sanctus, sanctus, Dominus Deus Sabaoth; plena est omnis terra maiestate ejus; ac per hoc consuetudo Scripturæ manifesta est, quæ et cum unum Deum nuncupat, intellectum tamen Trinitatis non amputat: et cum Patris et Filii et Spiritus sancti meminit, nomen non interimit maiestatis unius.

Et quid plura? Deficiet mihi pagina, deficiet tempus, si cuncta quæ ad probandam divinitatem Spiritus sancti scripta sunt, revolvere aut enumerare voluero. Hæc autem breviter dicta sunt ad retundendam impudentiam eorum, qui divinitatem Spiritus sancti, imo, ut verius dicam, ipsam Trinitatem

abnegare conantur: ipsam autem negant, quando non ita ut est, Deum fatentur: quando non ita credunt, ut Scriptura divina nos docuit, et ut credere oportet; sed prout illos traxerit sensus sui libido: et ut intelligant quam longe a fide Dei sint, aut quam alieni a salute quæ est in Christo Jesu, qui Spiritum sanctum, quo credentes signamur in die redemptionis nostræ, contristare et abnegare nituntur: et ut sciant qui talia sentiunt, quia hujusmodi machinantur, quæ neque ad veniam, neque ad remissionem peccatorum suorum poterunt pertinere; quia scriptum est: Qui autem blasphemaverit in Spiritum sanctum, non remittetur ei neque in hoc sæculo, neque in futuro (*Matth.* xii, 32); sed illi se potius sententiæ subicere non nesciant, quam divina mensura idem per os Isaïæ protulit dicens: Vermis eorum non morietur, et ignis eorum non exstinguetur (*Isa.* lxxvi, 24).

MONITUM.

Hanc quoque scriptiunculam debemus Gillotio, qui eam e codicibus duobus manu exaratis, altero Dionysiano, altero Victorino, in quibus ascribitur sancto Ambrosio, in lucem emisit. Quod vero eam *nec materia nec stylo* abhorre a Doctore nostro profitetur, non possumus profecto subscribere illius opinioni, sed ad simplicem schedulæ ipsius lectionem, et maxime horum verborum, *sed hujus quæstionis talis a Patribus solutio datur*, considerationem fidenter provocamus.

DE CONCORDIA MATTHÆI ET LUCÆ IN GENEALOGIA CHRISTI.

609 In Christi generatione Matthæus et Lucas dissentire videntur, propterea quod cum alter, id est, Matthæus descendendo, alter, id est, Lucas ascendendo, ejusdem generationis seriem textat. Matthæus quidem ab Abraham exordium narrationis sumens, et ad David usque descendens, deinde per Salomonem usque ad Joseph lineam deducit: Lucas vero a Joseph incipiens, per Nathan ad David, et a David usque ad Abraham, postremo ab Abraham usque ad Adam generationis ordinem revolvendo ascendit. Unde contingit ut a David deorsum, cum ille per Nathan, iste per Salomonem generationis tramitem deducat, totus pene computationis ordo dissideat. Sed quia Scriptura sacra diversa quandoque recipit, adversa autem omnino non admittit; dum non permittimur credere contrarietatem, latentem cogimur quærere veritatem. Matthæus igitur generationem Christi descendendo computat, ostendens Filium Dei per carnis susceptionem factum esse Filium hominis: Lucas eamdem ascendendo textat, demonstrans filios hominum effici filios Dei per gratiam adoptionis.

Propterea etiam Matthæus generationis seriem

usque ad Christum natum ducere volens, non a primo parente Adam, sed ab Abraham exorsus est; ut ostenderet quod susceptio carnis in Filio Dei non fuit primæ conditionis institutio, sed promissionis postmodum factæ impletio. Lucas vero a Christo baptizato incipiens, non in David vel in Abraham, sed nec in Adam finem fecit: sed per David et Abraham atque Adam transiens, ad Deum ascendit, ut aperte daret intelligi, quod ii qui per generationem carnis filii sunt hominum, per regenerationem baptismatis in adoptionem transeunt deitatis. Ideo Matthæus in genealogia non nisi naturales filios computare voluit: Lucas vero inter naturales etiam adoptivos ascribit; ut ostendatur et in Christo nascente vera fuisse carnis susceptio, et in nobis renascentibus non per naturam, sed per gratiam provenire adoptio. Hæc ergo fuit causa quare in generationis serie alios Matthæus, et alios Lucas patres posuit; quia ille, sicut diximus, solos naturales: iste vero naturalibus etiam adoptivos communeraverit. Quod ut melius patere possit, utrorumque narrationem conferamus.

Ordo generationis Christi secundum Matthæum

talis est : « Abraham genuit Isaac, Isaac genuit Jacob, Jacob genuit Judam, Judas genuit Phares, Phares genuit Esron, Esron genuit Aram, Aram genuit Aminadab, Aminadab genuit Naasson, Naasson genuit Salmon, Salmon genuit Booz, Booz genuit Obed, Obed genuit Isai vel Jesse, Jesse genuit David, David genuit Salomonem, Salomon genuit Roboam, Roboam genuit Abiam, Abia genuit Asa, Asa genuit Josaphat, Josaphat genuit Joram, Joram genuit Oziam (*Matth.* 1, 2-8). » Tres hic intermisit evangelista, id est, Oziam sive Ochosiam, et Joas, et Amasiam; Joram enim primo loco genuit Ochosiam, et Ochosias genuit Joas, et Joas genuit Amasiam, et Amasias demum genuit Oziam, de quo nunc dicitur : « Joram genuit Oziam. » Quod ita intelligendum est, genuit videlicet mediantibus supradictis; quia per illos de semine ejus processit. Hos autem evangelista vel ideo prætermisit, ut numerus tesserae decadis æquaretur: vel ideo, quia Joram generi se miscuit Jezabel; et dictum erat per prophetam de domo Achab non esse quemquam regnaturum, nisi in quarta generatione: et ideo memoria ejus tollitur, eo usque a sancta generatione. « Ozias ergo, qui et Azarias, genuit Joatham, Joatham genuit Achaz, Achaz genuit Ezechiam, Ezechias genuit Manassen, Manasses genuit Amon, Amon genuit Josiam, Josias genuit Jechoniam, Jechonias genuit 610 Salathiel (*Ibid.* 9-12). » Veritas historię habet quod Josias genuerit Eleachim, qui et Joachim sive Jechonias dictus est: Eleachim autem genuit Joachim, qui et ipse sicut pater, Jechonias appellatus est: hic demum genuit Salathiel. Dicemus ergo aut unum propter supradictam rationem, sive aliam quamcunque ob causam prætermisum: aut non esse eundem Jechoniam illum, de quo dicitur: « Josias genuit Jechoniam (*Ibid.* 11); » et illum de quo dicitur: « Post transmigationem Babylonis Jechonias genuit Salathiel (*Ibid.* 12): » sed priorem esse patrem, secundum esse filium: propter separationem autem et disjunctionem transmigationis non esse repetitam inter eos generationis connexionem, ut diceretur: « Josias genuit Jechoniam, Jechonias ergo genuit Salathiel, Salathiel genuit Zorobabel, Zorobabel genuit Abiud (*Ibid.* 12, 13). » Huc usque ex libris veteribus generationis ordo textitur: quæ sequuntur, auctoritas evangelistæ confirmat. « Abiud genuit Eliachim, Eliachim genuit Azor, Azor genuit Sadoc, Sadoc genuit Achim, Achim genuit Eliud, Eliud genuit Eleazar, Eleazar genuit Mathan, Mathan genuit Jacob, Jacob genuit Joseph (*Ibid.* 13-16). » Hoc modo generationem

A naturaliter descendisse credimus; nunc secundum Lucam seriem generationis revolvamus.

Lucas sic ait: « Ipse Jesus erat incipiens quasi annorum triginta, ut putabatur, filius Joseph, qui fuit Heli, qui fuit Matthat (*Luc.* 3, 23). » Prima fronte contrarietas occurrere videtur. Matthæus dicit Joseph filium fuisse Jacob, et Jacob filium Matthan: Lucas dicit Joseph filium fuisse Heli, et Heli filium non Mathan, sed Matthat. Sed hujus quæstionis talis a Patribus solutio datur; Mathan qui per Salomonem descendit, uxorem habuisse Esthan nomine; de qua genuit filium Jacob, quod mortuo, Matthat qui per Nathan descendit, eandem uxorem duxit, et genuit ex ea filium Heli. Sic ergo Heli et Jacob uterini fratres fuerunt, una matre, non uno patre editi. Prior Heli duxit uxorem, et mortuus est sine liberis: postea Jacob accepit uxorem fratris, ut suscitaret semen fratri suo, ex qua genuit Joseph. Joseph ergo filius est Jacob secundum generationem, filius Heli secundum legem. Deinde generationis ordo textitur. « Joseph qui fuit Heli, qui fuit Matthat, qui fuit Levi, qui fuit Melchi, qui fuit Janne, qui fuit Joseph, qui fuit Matthathia, qui fuit Amos, qui fuit Nahum, qui fuit Hesli, qui fuit Nangæ, qui fuit Matth, qui fuit Matthathia, qui fuit Semci, qui fuit Joseph, qui fuit Juda, qui fuit Johanna, qui fuit Resa, qui fuit Zorobabel, qui fuit Salathiel (*Ibid.* 23-27). » Non puto eundem hunc esse Zorobabel aut Salathiel, qui superius in serie generationis secundum Matthæum numerati sunt; cum et ille Salathiel non filius Neri, sed filius Jechoniae fuerit: et Zorobabel non Resa, sed Abiu, et cæteros, inter quos Resa non numeratur, genuerit: vel si iidem sunt, dicendum est quod hic primum utriusque computationis linea in unum concurat, deinde mox secundum modum quem in capite generationis hujus signavimus, ab invicem deducantur. « Qui fuit Neri, qui fuit Melchi, qui fuit Addi, qui fuit Cosam, qui fuit Elmotan, qui fuit Her, qui fuit Jesu, qui fuit Eliezer, qui fuit Jorim, qui fuit Matthat, qui fuit Levi, qui fuit Symeon, qui fuit Juda, qui fuit Joseph, qui fuit Jona, qui fuit Eliachin, qui fuit Melcha, qui fuit Menan, qui fuit Matthata, qui fuit Nathan, qui fuit David (*Ibid.* 27-31). » Quæ deinceps sequuntur usque ad Abraham, in utroque eadem sunt. Sane quod in ipsa generationis linea plures secundum Lucam a Joseph usque ad David, quam secundum Matthæum a David usque ad Joseph numerentur, contrarium videri non debet, cum ipsæ successiones generationum in ea parte multiplicius excreverint, ubi citius decedentibus patribus, filii numerosius successerunt.

MONITUM.

Libellus a nobis infra positus, in omnibus Operum Ambrosianorum editionibus libros Hexaemeron proxime sequitur; sed veteres editiones prudentem ac necessariam cautionem adhibuerant hisce verbis, qui sancto Ambrosio auctori a quibusdam ascribitur: at Romana, iisdem verbis e medio sublatis, eundem tractatum sine ulla restrictione sancto Doctorei adjudicavit. Veruntamen nihil videat oportet in Ambrosianis lucubrationibus, qui hanc illius esse sibi persuadeat. Nam præterquam quod nihil usquam Ambrosiani spirat, certissimum est centonem esse, cujus prima ac postrema pars invenitur apud Aleninum sub hoc lemmate: *Dicta beati Albiini levitæ super illud Geneseos, Faciamus hominem* (Gen. 1, 26), etc.; item in libro *de Spiritu et Anima* ad calcem tomi sexti Augustiniani edito: nec non sententiæ aliquot in tractatu Paulini Aquileiensis *de salutaribus Documentis*, qui etiam in eadem Appendice Augustiniana continetur. Quod vero ad partem intermediam, ab illis nimirum verbis, *et ideo, dilectissime fili*, usque ad alia illa, *o dilectissime fili, habeto*, quam suspicamur auctoris esse ipsomet Alenino ut obscurioris, ita et posterioris; cum prope major sit aliis duabus, nec ipsam alibi reperire nobis licuerit, ut totam opellam retineremus, ne causa fuit.

DE DIGNITATE CONDITIONIS HUMANÆ LIBELLUS.

611 CAPUT PRIMUM. — *Faciamus hominem ad imaginem et similitudinem nostram* (Gen. 1, 26). Tanta itaque dignitas humanæ conditionis esse cognoscitur, ut non solo jubentis sermone, sicut alia sex dierum opera, sed consilio sanctæ Trinitatis, et opere majestatis divinæ creatus sit homo; ut ex primæ conditionis honore intelligeret, quantum deberet suo conditori, dum tantum in conditione mox dignitatis privilegium præstitit ei conditor; ut tanto ardentius amaret conditorem, quanto mirabilius se ab eo esse conditum intelligeret: nec ob hoc solum quod consilio sanctæ Trinitatis sic excellenter a conditore conditus est, sed etiam quod ad imaginem et similitudinem suam ipse creator omnium eum creavit, quod nulli alii ex creaturis donavit.

CAPUT II.—Quæ imago diligentius ex interioris hominis nobilitate est consideranda. Primo quidem quod sicuti Deus unus semper ubique totus est, omnia vivificans, movens et gubernans, sicut Apostolus confirmat quod: « In eo vivimus, movemur et sumus (Act. xvii, 28); » sic anima in suo corpore ubique tota viget, vivificans illud, movens et gubernans. Nec enim in majoribus corporis sui membris major, et in minoribus minor: sed in minimis tota, et in maximis tota. Et hæc est imago unitatis omnipotentis Dei, quam anima habet in se.

Quæ quoque quamdam sanctæ Trinitatis habet imaginem. Primo in eo quia sicut Deus est, vivit et sapit; ita anima secundum suum modum est, vivit et sapit. Est quoque et alia trinitas in ea, qua ad imaginem sui conditoris perfectæ quidem et summæ Trinitatis, quæ ex Patre et Filio et Spiritu

A sancto condita est: et licet unius illa naturæ, tres tamen in se dignitates habet, id est, intellectum, voluntatem, et memoriam. Quod idem, licet aliis verbis, in Evangelio designatur, cum dicitur: « Diliges Dominum Deum tuum ex toto corde tuo, et ex tota anima tua, et ex tota mente tua (Matth. xxii, 37), » id est, ex toto intellectu, et ex tota voluntate, et ex tota memoria. Nam sicut ex Patre generatur Filius, et ex Patre Filioque procedit Spiritus sanctus; ita ex intellectu generatur voluntas, et ex his item ambobus procedit memoria, sicut facile a sapiente quolibet intelligi potest; nec enim anima perfecta esse sine his tribus, nec horum trium unum aliquod, quantum ad suam pertinet beatitudinem, sine aliis duobus integrum constat: B et sicut Deus Pater, Deus Filius, Deus Spiritus sanctus est, non tamen tres dii sunt, sed unus Deus tres habens personas; ita et anima intellectus, anima voluntas, anima memoria, non tamen tres animæ in uno corpore, sed una anima tres habens dignitates. Atque in his tribus ejus imaginem mirabiliter gerit in sua natura noster interior homo, ex quibus quasi excellentioribus animæ dignitatibus jubemur diligere conditorem; ut in quantum intelligitur, diligatur: et quantum diligitur, semper in memoria habeatur. Nec solus sufficit de eo intellectus, nisi fiat in amore ejus voluntas: imo nec hæc duo sufficiunt, nisi memoria addatur, qua semper in mente intelligentis et diligentis maneat Deus; ut sicut non potest esse momentum, quo homo non utatur vel fruatur Dei bonitate et misericordia; ita nullum debeat esse momentum, quo præsentem eum non habeat memoria.

Et ideo, dilectissime fili (1), juste mihi videtur dictum interiorem hominem imaginem esse Dei; anima enim nominatur totus interior homo, qua vivificatur, regitur, continetur lutea illa massa lumentata succis, ne arefacta dissolvatur. Deus dicitur vis illa ineffabiliter magna, et innumerabiliter sapiens, ut scriptum est: « Magnus Dominus noster, et magna virtus ejus, et sapientiæ ejus non est numerus (*Psal.* c. lvi, 6); » et incomparabiliter suavis, ut alibi dicit: « Suavis Dominus universis, et miserationes ejus super omnia opera ejus (*Psal.* c. xlv, 9). » Ex qua, et per quam, et in qua sunt omnia, quæ sunt; reguntur omnia, quæ sunt; continentur omnia, quæ sunt: omnia dico ipsam universitatem, quæ est totum, quod aliud est, quam ipse qui fecit, et non est factus: sed ipse est ex quo, et qui ex eo, et quo (2); quod Deus ex quo est, Pater dicitur a nobis pauperibus sensu, pauperioribus verbis; quod qui ex eo, Filius dicitur: quod quo Spiritus sanctus. Ideo autem dicitur Deus Pater; quia ipse est ex quo, et sapientia est, qua ordinantur omnia: et dilectio, qua se volunt omnia ita manere, ut ordinata sunt. Ex quo ergo, et qui ex eo, **612** et quo se diligunt, ipsa duo tria sunt, et illa tria ideo unum; quia sic sunt ex uno illa duo, ut tamen ab ipso non sint separata: sed ex ipso sunt, quia non a se: et in ipso, quia non separata: et ipsum ipsa quod ipse, et ipsum ipse quod ipsa; et non ipsum ipsa qui ipse, et non ipsa ipse quæ ipsa. Vis ista Deus est (3), et ipse Deus tria est, et unumquodque horum trium Deus est, et omnia tria illa non dii, sed Deus est.

Ad imaginem ergo suam conditor, ut dictum est, fecit animam hominis, quæ tota dicitur anima. Non autem aliud hominis quam animam significo, cum mentem dico: sed propter aliud animam, et propter aliud mentem. Nam totum quod vivit, hominis anima est: cum autem anima in se agit se, et ex se, et per se, sola mens dici solet: sensus vero ad sua ministeria implens, consuetius anima dicitur. Mens ergo scire gignit, et amat scire, quod scit. Non illud scire dico, quo repente scitur res aliqua, quæ ante nesciri putabatur: sed illud, unde et ali-quod et omne quidquid scitur vel nescitur, sciri potest. Illud ergo scire mens gignit, et cum genitum est, scientia potest dici. Sunt ergo jam duo, mens, et quod ipsa mens scit: restat tertium utriusque commune. Omnis mens quidquid scit, amat scire. Amor non minus quam inter duos est, amantem, et quod amatur. Unus est ergo amborum amor, qui et tertius est. Non autem potest negari hoc totum unam esse animam, et unam animam hæc tria esse; sicut enim hæc tria vere una anima sunt, sic non minus vere una anima est hoc unum et hoc alterum et hoc tertium.

Comparet igitur se hæc creatura tam eminens

(1) *Dilectissime fili*, hanc apostrophen hic et infra iterum ac tertio Rom. editio jugularat.

(2) Rom. edit. *ex quo, per quem, et in quo.*

A Creatori suo supereminenti sibi, excepto hoc, et multum supra se amoto, quod omnis bonitas, et omne bonum, et omnis bonitatis et boni dulcedo Creatoris a se ipso est: creatura vero non solum quod est, sed etiam quod talis est, ab alio est, non a se: et ipse quod est, semper est. Licet et ipsa anima modo quodam suo incommutabilis est; nam semper anima est, postquam esse cœperit, et scit, et scire vult. Comparet ergo, ut dixi, se anima eo modo, quo potest, creatori suo; ut dicatur mens Pater, quia gignit scire: dicatur scire Filius, quia ex alio est, et non est aliud, quam ipsum quod ipse est, ex quo est: dicatur amor Spiritus sanctus, quia amborum est eorum, qui se amant. Unde in nostris Scripturis sæpius amor, id est, charitas, quæ in Deo est erga nos, et quæ a nobis in Deum, Spiritus ipse appellatur: et hæc de imagine, o dilectissime fili, habeto.

CAPUT III. — Nunc vero de similitudine aliqua intellige, quæ minoribus cernenda est; ut sicut Deus Creator, qui hominem ad similitudinem suam creavit, est charitas, est bonus et justus, patiens atque mitis, mundus et misericors, et cætera virtutum sanctarum insignia, quæ de eo leguntur: ita homo creatus est, ut charitatem haberet, ut bonus esset et justus, ut patiens atque mitis, mundus et misericors foret. Quas virtutes quanto plus quisque in seipso habet, tanto propius est Deo, et majorem sui conditoris gerit similitudinem. Si vero, quod absit, aliquis per devia vitiorum, et divortia criminum ab hac nobilissima sui conditoris similitudine degener oberrat, tunc fiet de eo quod scriptum est: « Et homo cum in honore esset, non intellexit; comparatus est jumentis insipientibus, et similis factus est illis (*Psal.* c. lvi, 13). »

Qui major honor potuit homini esse, quam ut ad similitudinem sui factoris conderetur, et eisdem virtutum vestimentis ornaretur; quibus et conditor, de quo legitur: « Dominus regnavit, decorem indutus est (*Psal.* c. xci, 1), » id est, omnium virtutum splendore, et totius bonitatis decore ornatus? Vel quod majus homini potest esse dedecus, aut infeliciores miseria, quam ut hac similitudinis gloria sui conditoris amissa, ad informem et irrationabilem brutorum jumentorum delabatur similitudinem?

D Quapropter, o dilectissime, quisque diligentius attendat primæ conditionis suæ excellentiam, et venerandam in seipso sanctæ Trinitatis imaginem agnoscat, honoremque similitudinis divinæ ad quem creatus est, nobilitate morum, exercitio virtutum, dignitate meritorum habere contendat; ut quando appareat qualis sit, tunc similis ei appareat (*I Joan.* iii, 2), qui se mirabiliter ad similitudinem suam in primo Adam condidit, mirabiliusque in secundo reformavit.

(3) Eadem edit., *et non ipsa quæ ipsa. Ista duo Deus est.*

MONITUM.

Sequens exorcismus e Vaticano codice annorum 600, in quo Ambrosium auctorem præfert, exscriptus fuit. Quamvis autem in Romano Rituali idem habeatur; quia tamen illic dissecatus est in varias partes, ac locis etiam nonnullis aut additis aut iminutatis diversus, eum ad manuscripti fidem hic exhibere, maxime ob scripti brevitatem, non sumus gravati.

EXORCISMUS.

613 Omnipotens Domine, Verbum Dei Patris, **A** in ignem æternum, quem præparavit **614** Pater
Christe Jesu, Deus et Dominus universæ creaturæ, meus diabolo et angelis ejus (*Matth. xxv, 41*). • Tibi
qui sanctis apostolis tuis potestatem dedisti calcandi supra serpentes et scorpiones: qui inter cætera mirabilium tuorum præcepta dignatus es dicere: • Dæmones effugate (*Matth. x, 8*); •
cujus virtute victus tanquam fulgur de cælo Sathanas cecidit: tuum nomen cum timore et tremore supplex precor, ut indignissimo mihi, data venia omnium delictorum, confidentiam et possibilitatem donare dignetur; ut hunc crudelem draconem brachii tui munitus potentia, fideliter et securus aggrediar. Adjuro te ergo, omnis immundissime spiritus, omne phantasma, omnis incurio Satanae, in virtute nominis Christi, qui post lavacrum Jordanis in desertum ductus est, et in tuis te **B**
sedibus vicit; ut quem ille de limo terræ ad honorem gloriæ suæ formavit, tu desinas impugnare, et in homine miserabili non humanam fragilitatem, sed omnipotentis Dei imaginem contremiscas. Cede ergo Deo, qui te in humiliato famulo suo Job in servitutem redegit: cede Deo, qui te et militiam tuam in Pharaone, et in ejus exercitu per Moysen servum suum demersit in abyssum: cede Deo, qui te per Danielelem puerum suum in Beel perdidit, et in dracone prostravit: cede Deo, qui te per fidelissimum suum David de Saule rege spiritalibus canticis pulsum fugavit: cede Deo, qui te in Juda traditore damnavit. Ille enim te nunc divinis verberibus agit, in ejus conspectu cum tuis legionibus tremens clamabas: • Quid nobis et tibi, Jesu **C**
fili David? venisti ante tempus torquere nos (*Matth. viii, 29*). • Ille te flammis perpetuis urget, qui in fine temporum dicturus est impiis: • Ite, maledicti,
A in ignem æternum, quem præparavit **614** Pater meus diabolo et angelis ejus (*Matth. xxv, 41*). • Tibi enim, impie, et angelis tuis vermis qui nunquam moritur: tibi et angelis tuis inexstinguibile præparatur incendium; quia tu es, maledicte, homicidii princeps, tu auctor incesti, tu sacrilegorum caput, tu artium pessimarum magister, tu hæreticorum doctor, tu totius obscenitatis inventor. Exi ergo, impie, exi, scelerate, exi cum omni fallacia tua; quia hominem templum suum voluit esse Deus. Sed quid diutius moraris? Da honorem Deo Patri omnipotenti, cui omne flectitur genu: da locum Christo Jesu, qui pro homine suum sanguinem fudit: da locum Spiritui sancto, qui te per beatum apostolum suum Petrum manifestavit in Simone, qui fallaciam tuam in Anania et Saphira condemnavit, qui te in Herode rege honorem Deo non dante percussit, qui te in pessimo mago per apostolum suum Paulum cæcitatæ caligine perfudit, et per eundem de pythonissa verbo imperans exire præcepit. Discede ergo nunc, discede, seductor; tibi enim eremus sedes est, tibi habitatio serpens est. Humiliare, prosternere: non est jam differendi tempus. Ecce enim dominator Dominus proximat, cito ignis ante ipsum ardebit, et inflammabit in circuitu inimicos suos. Si enim hominem fallis, Dominum non potes irridere. Ille te ejicit, ejus oculis nihil occultum est: ille te expellit, ejus viruti universa subjecta sunt: ille te excludit, qui tibi et angelis tuis æternam præparavit gehennam, de ejus ore exiet gladius bis acutus, qui venturus est in Spiritu sancto judicare sæculum per ignem, amen.

APPENDIX

AD OPERA SANCTI AMBROSII.

PARS ALTERA

complectens opuscula quæ in editione Benedictina non sunt admissa.

ADMONITIO IN ACTA S. SEBASTIANI.

(Acta SS. Bolland. Januar. tom. II.)

1. *Illius ac sociorum Acta censet Baronius an. 286, num. 2, esse legitima ac digna quæ Annalibus attexantur. Joannes Hesselsa Lovanio, Molani magister, in censura de quibusdam sanctorum historiis, satis alioquin, ut alibi a nobis indicatum est, severa, ista scribit : S. Sebastiani tota passio omnibus modis placet, in qua multorum aliorum passio continetur.*
2. *Ea Acta, inquit Galesinius, a sanctæ Romanæ Ecclesiæ notariis conscripta putantur. Id quidem nobis minime dubium est ; at non fortassis, ut nunc in manibus sunt. Nam horum auctor S. Ambrosius ante annos 800 habitus. Ita monachus anonymus, non ineruditus, qui translationem reliquiarum S. Sebastiani in Galliam, de qua mox, descripsit, cap. 6, num. 22 : Alacres simul vadunt ad locum non jam ignotum ; si quidem ex serie passionis ejus a S. Ambrosio luculenter editæ didicerant, milliaro tertio ab urbe, loco qui ob stationem navium Catacumbas dicebatur, præcepisse per visum eundem beatissimum martyrem Lucinæ cuidam matronæ, sepeliri se ad vestigia apostolorum Petri et Pauli. Et in Epilogo, num. 100 : Quisquis sane fastidiosus, lautiori edulio appetis satiari, hunc nostrum furfurem postponens, sanctissimi Patris Ambrosii opus, quod de hujus triumpho cœlitis edidit, inquirens, in eo reperies ferculum ditissime refertum ; cujus delicioso admodum siligine palato mentis degustato, delectabiliter poteris saginari.*
3. *Neque mirum, ut aliorum sanctorum, ita Sebastiani, Mediolano oriundi ad Mediolanensium inflammandos pari virtutis ardore animos, præclara certamina, aut tradidisse ipsum litteris primum, ex majorum vel sermone, vel commentariis, aut ab aliis*
- tradita interpolasse. Neque stylus ab Ambrosii elegantia et gravitate multum recedit.*
4. *Ea Acta Rosweido nostro ex mss. Rebdorffensi prope Eystadium, Eystadiano PP. Prædicatorum, M. Velseri, S. Martini Treviris descripta ; contulimus cum mss. S. Gisleini, S. Audomari, S. Maximini, Ripatorii, aliisque, et Bonini Mombritii editione. Quæ Livinus Brechtus Antuerpiensis, minorita, ex ms. Mechliniensi (mutato tamen nonnihil stylo, ut testatur Molanus, et patet legenti) Lovanii edidit, dicavitque Viglio Zuichemo concilii Cæsarei præsidi, hoc præfixo titulo : Memorabilis historia complectens conversionem et agones illustrium aliquot martyrum, una cum aurea exhortatione ad vitæ præsentis contemptum, et æternæ desiderium, opusculum incerti quidem auctoris : sed a F. Livino Brechto recens recognitum et expurgatum. In epistola nuncupatoria ista habet : Nos illustres martyrum agones, ante mille (ni fallor) et ducentos annos diligentissime conscriptos, Christiano lectori communicandos duximus.*
5. *Eadem Acta e Græco Simeonis Metaphrastæ Latine vertit Gentianus Hervetus, edidit Aloysius Lipomanus, atque ex eo Surius. Ea conscripsere quoque Jacobus de Voragine, Franciscus Haræus, Zacharias Lippelous, Ferrarius in Catal. SS. Italiæ, Baronius tom. II Annal., M. Antonius Georgius, Joannes Basilii Sanctorius, Ribadeneira et Rosweidus nostri, Petrus de Natali lib. II, cap. 106, Gabriel Flamma, et alii innumeri. Sermo S. Augustini de diversis centesimus, in ejus sanctique Fabiani natali habitus est ; S. Gregorii homilia 37, in basilica S. Sebastiani. Aliorum multorum exstant de eo sermones. Legimus idem illius martyrium in ms. Nicolai Belfortii, canonici regularis Suessionensis, carmine descriptum ab Oliverio Conrado minorita.*

ACTA S. SEBASTIANI MARTYRIS.

CAPUT PRIMUM

S. Sebastianus martyres animat.

1. Sebastianus vir christianissimus Mediolanensium partibus eriditis, civis (1) vero Narbonensis, Diocletiano et Maximiano imperatoribus ita charus erat, ut principatum ei primæ cohortis traderent, et suo cum conspectui juberent semper astare. Erat enim vir totius prudentiæ, in sermone verax, in judicio justus, in consilio providus, in commisso fidelis, in interventu strenuus, in bonitate conspicuus, in universa morum honestate præclarus. Hunc milites ac si patrem venerabantur; hunc universi, qui præerant palatio, charissimo venerabantur affectu: erat enim verus Dei cultor, et necesse erat ut, quem Dei perfuderat gratia, ab omnibus amaretur.

2. Christo igitur quotidie sedulum exhibebat officium, sed agebat quatenus hoc sacrilegis regibus esset occultum, non passionis timore perterritus, nec patrimonii sui amore constrictus, sed ad hoc tantum sub chlamyde terreni imperii Christi militem agebat absconditum (2), ut Christianorum animos, quos inter tormenta videbat deficere, confortaret, et Deo redderet animas quas diabolus conabatur auferre.

3. Denique postquam multas martyrum mentes a timore passionis eripuit, et ad coronam perpetuæ gloriæ incitavit: ipse quis esset, apparuit, quia lumen in tenebris latere non potuit. Clarissimis igitur viris Marcelliano et Marco duobus geminis fratribus pro Christi nomine in vinculis constitutis, quotidie solatium exhibebat; et tam ipsis quam etiam servis eorum, cum quibus tenti fuerant, salutaria fidei consilia ministrabat: quibus fugitiva sæculi blandimenta respuerent, et momentanea tormentorum genera non timerent.

(1) Ita plerique codices; quidam, *partium civis*. S. Ambrosius in Psal. cxviii, octonar. 20: *Ulamur exemplo Sebastiani martyris, cujus hodie natalis est. Hic Mediolanensis oriundus est. Fortassis aut jam discesserat persecutor, aut adhuc non venerat in hæc partium, aut mitior erat. Advertit hic aut nullum esse, aut tepere certamen. Romam profectus est, ubi propter fidei studium persecutiones acerbæ fervebant. Ibi passus est, hoc est, ibi coronatus. Itaque illic quo hospes advertit, domicilium immortalitatis perpetuæ collocavit.* At Baronius tom. II, ann. 284, num. 12, scribit: *S. Ambrosium et alios tradere patre Narbonensi, matre Mediolanensi, natum Mediolani.* Tradit Metaphrastes *ortum Mediolani*; quibus parentibus silet. Sauffaius *patre Gallo, matre Mediolanensi, Narbone in Viennensi Gallia natum.* Nec refragantur Tristanus Calchus, aut Josephus Ripamontius; hic addit *matrem propterea mariti morte viduam relectam, Mediolanum cum filio unico revertisse.* Rabanus, variique mss.: *Eodem die S. Sebastiani de Mediolano, qui intantum, etc.* Metaphrastes *genere clarum* ait fuisse. Menæa: Εἰς τῆ;

A

CAPUT II.

Murcelliani et Marci graviter oppugnata constantia.

4. Qui cum beatissimis consolationibus acquiescerent, et verbera carnificum animo perseveranti transirent, capitalem jussi sunt subire sententiam: ea videlicet ratione, ut si eodem momento quo decollandi erant sacrificiis consensissent, et parentibus suis et conjugibus et filiis et facultatibus redderentur. Erant enim non solum, ut diximus, genere clarissimi viri, sed et facultatibus dilatati (3); quorum erat pater Tranquillinus nomine, et mater Marcia vocabatur; qui illos sequebantur cum uxoribus eorum et filiis; nimio enim in suis nepotibus ducebantur affectu. Unde factum est, ut ab Agrestio (4) Chromatio urbis Romæ præfecto triginta dierum inducias impetrarent, in quorum spatio ageretur cum eis, quatenus ad thurificandum idolis consentirent.

5. Accedentes itaque amici eorum ad eos, cœperunt dicere: Unde vobis tam dura mens, tamque ferreum pectus, quod canitiem patimini (5) patris abjicere, et matri jam decrepitæ novos dolores partus afferre? Nam illa partus sui dolores consolationibus superabat, dum in uno dolore duos filios pareret, et geminum patri funderet filiorum affectum: nunc vero insanabilis dolor, inconsolabilis pœna, irremediabilis cruciatus, incomparabilis partus (6) est, quo spes et gaudium tollitur, vita contemnitur, respuitur gloria, et, contemptis omnibus pietatis affectibus, mortis atrocitas appetitur potius quam timetur (7). Obsecramus vos, o amici charissimi, tandem his date cladibus finem, et vos patres esse dulcium filiorum vel admoniti mementote.

6. Hæc et his similia amicis dicentibus, miseram se clamitans mater advenit, et soluto capite canos

συγκλάτου βουλής ὑπᾶρχεν, unus e senatorio ordine fuit. Guilielmus Catellius *Histor. Occitan.* lib. II testatur commonstrari etiamnum Narbonæ domum S. Sebastiani, ubi ecclesia post erecta, quæ S. Sebastiani nati dicitur.

(2) Quidam codices, *militiam absconditam.*

(3) Alii codices, *ditati*; alii, *ornati.*

(4) Alii, *Agrestino.* In catalogo Præfectorum Urbis, legitur *Caro et Carino coss.*, præfectus fuisse *Titulius Roburrus*; *Carino et Numeriano, Ceionius Varus*, qui et sequenti anno, *Diocletiano et Aristobulo coss.*, præfecturam gessit. Et videtur *Chromatii* expunctum e tabulis nomen, religionis odio. *Eumne* an *Roburrum*, an *Ceionium* perstringat. *Vopiscus* ambiguum est, dum in *Carino* scribit: *Præfectum Urbis unum ex cancellariis suis fecit.* Erant *cancellarii* qui ad cancellos sive domus augustæ, sive tribunalium excubabant.

(5) Alii, *patitur.*

(6) Al. *luctus.*

(7) Tres sequentes voces desunt in ms. Audomar.

suae senectutis ostentans, in conspectu eorum vestem qua pectus tegebatur, scidit : et cunctis flentibus ostendebat eis laxis pellibus quas suxerant mammas, et blandimenta, quæ infantia eorum exhibuerat, ejulando lacrymans memorabat. Aiebat ergo ad ambos : Tu mihi semper plus blanditus es, fili ; et tu amplius verecundatus es : in isto imagine meam peperisti, in te paternos vultus effudi ; tu patri utilior, iste similior. Heu me miseram ! circumvallant me ex omni parte incomparabiles luctus, inaudita miseria et gemina orbitas, nullis penitus tribulationibus comparanda. Omitto filios ad mortem ultro properantes, quos si mihi hostes auferrent, per medias sequerer acies bellatorum (8) ; si iudicia violenta concluderent, carcerem simul irrumperem moritura. Novum hoc genus est pereundi, in quo carnifex rogatur ut feriat, vita optatur ut pereat, mors invitatur ut veniat. Novus hic luctus est, nova miseria, in qua natorum juvenus sponte amittitur, et parentum miseranda cogitur senectus ut vivat.

7. Ista et his similia matre prosequente, infirmus pater, et gravis jam senio, manibus adducitur servulorum, et cygnæo capiti terræ pulverem spargens, hujusmodi dabat voces ad cælum : Ad mortem ultro proficiscentibus filiis valedicturus adveni, ut universa, quæ a filiis sepulturæ meæ exhibenda paraveram, ego infelix filios sepulturus expendam. O filii, meæ baculus senectutis, et geminum meorum viscerum lumen, nati feliciter, et prospere educati, excellentissimæ memoriæ, et ingenii singularis, omnium liberalium peritia litterarum imbuti, quæ ista repente insania vestra voluntate progenita mortis vos fecit esse amatores ? Nunquam ista viventibus placuit : nunquam morituris suum amorem induxit : ad quoscunque autem pervenire potuit, violenter admissa est, et non est voluntate ab ullo vivente suscepta. Si hanc nudus debitor sub avaro fenerator patitur, nulla potest ratione diligere ; nec solum non diligere cognoscitur, sed timere. Qua ratione eam appetit, qui et bonis exuberat omnibus, et penitus ulli nihil debet ? Venite huc, senes, et mecum super filios plangite, qui vos viscera paterna habere sentitis. Venite huc, juvenes, et flete super juvenes sponte pereuntes. Huc accedite, patres, et prohibete talia, ne talia patiamini. Deficite plorando, oculi mei, et caliginem obducite fundentes flumina lacrymarum : ne videam cædi gladio, quos dum virga levis tangeret, tremui ; dum tristantes leviter viderem, expavi.

8. Igitur dum hæc et alia senior prosequeretur, ecce amborum conjuges cum natis propriis veniunt, et aspectibus eorum proprios infantulos offerentes, has ejulando voces effundunt : Quibus nos servituras relinquitis ? quibus conjugii nostri traditis cha-

ritatem ? qui putatis erunt horum infantium domini, et domorum vestrarum avidissimi pervasores ? Qui erunt vestrae occupatores familiarum ? vel qui sibi divisuri sunt vernaculos, quos nutritis ? Heu quam ferreo, heu quam impie crudelitatis genere parentes despicitis, amicos respuitis, uxores abjicitis, filios abdicatis, et vos ipsos carnifici ultroneos exhibetis.

CAPUT III.

S. Sebastianus nutantes confirmat.

9. Interea dum illa dicuntur, et ista referuntur, inter uxorum lacrymas, et suspiria filiorum, cœperunt milites Christi molescere, et animos suos flectere ad dolorem. Huic spectaculo, ut supra diximus, intererat S. Sebastianus, vir per omnia christianissimus, quem occultabat militaris habitus, et chlamydis obumbrabat aspectus. At ubi vidit athletic Dei immenso certaminis pondere fatigari, in medio eorum se objiciens, dixit : O fortissimi milites Christi, o instructissimi divini præbii bellatores, per nimiam virtutem animi fortiter pervenistis ad palmam, et nunc per misera blandimenta coronam deponitis sempiternam ? Discat nunc per vos Christi militum fortitudo, fide potius armari quam ferro. Nolite victoriarum vestrarum insignia per mulierum blandimenta abjicere, et subjectas pedibus vestris hostis devicti cervices ad victricia et rediviva iterum bella laxare, cujus quamvis sæva contra vos exstiterit et periniqua instantia (9), sævior tamen efficitur ira repetita. Erigite igitur a terrenis affectibus (10) tropæum vestri certaminis gloriosum (11), et nolite illud amittere fletibus palvulorum.

10. Isti, quos plorante attenditis, gauderent hodie si possent scire quæ nostis ; putant enim quod ista vita sit sola, quæ si finem acceperit, nulla vitalis animæ, corpore deficiente, valeat portio remanere. Si enim scirent esse alteram vitam ignaram mortis, tristitiæ nesciam, in qua immortalitas regnat, et perpetua gaudia commorantur ; profecto vobiscum ad illam festinarent pertingere, et vitam illam pro nihilo computantes, illam appeterent, quæ et in exultatione permanet et penitus finiri non novit. Ista enim vita fugitiva est et tam infidelis, ut nec amatoribus suis fidem potuerit custodire. Ab origine enim mundi in se credentes sefellit, omnes se exspectantes decepit, cunctos de se præsumentes irrisit, et ita nullum omnino certum reddidit, ut omnibus probetur fuisse mentita. Atque utinam solius mandacii culpæ esset obnoxia, et per omnia erimina currere suos non cogeret amatores ! Ipsa dat edacitatem glotonibus (12), ipsa ebrietatem ingerit temulentis, ipsa naufragium pudoris adulteris, ipsa execrabilem tradit perversitatem incestis ; ipsa admonet furem, ut rapiat ; iracundum, ut sæviat ; mendacem, ut fallat. Ipsa inter conjuges

(8) Alii, *per media sequerer bella raptores.*(9) Ms. Rip., *constantia.*(10) Al., *plenis affectibus ; al. terrenis aspectibus.*(11) Al., *gloriosi.*(12) Papias, *Gluto a gula dictus ; ganeo, prodigus.*

divortia seminat, inter amicos discordias, inter pacificos lites, inter justos injustitiam, inter fratres scandala. Ipsa tollit iudicibus justitiam, castis pudicitiam, artificibus (13) peritiam, ipsa aufert moribus disciplinam. Et ut altiora quæ amatoribus suis ingerit crimina memoremus; si fratrem aliquando frater germanus occidit, si filius necavit patrem, si interemptus est ab amico amicus; ejus hæc instinctu facta sunt scelera, ejus intuitu, ejus spe, ejus fiducia ista sunt nefanda commissa? Nunquid non præsentis vitæ amore seducti ista committunt, et dum illam plus quam justum est diligunt, iniquo odio homines prosequuntur? Ut quid enim pirata navigantem jugulat, ut quid latro perimit, viatorem dives opprimit pauperem, superbus humilem, et omnis nocens quemcumque potuerit aggravat innocentem? Hæc autem faciunt mala, quia isti vitæ servire desiderant, et se existimant in amore ejus per tempora prolixiora durare. Non ergo alterius causa fiunt scelera nisi ut infelicissimæ isti carnali vitæ a carnalibus serviantur.

11. Ipsa est denique quæ eis crimina imperat, jubet facinora, suadet injusta; et posteaquam omni crudelitate, omni que fuerit spurcitia saginata, servientes sibi tradit filiæ suæ, id est morti perpetuæ. Ex ipsa enim, et ex ejus utero mors æterna est nata, tempore quo gulæ suæ et libidini et delectationibus oculorum primi homines servierunt; atque ideo qui ad æternam vitam facti fuerant, huc in istam sunt regionem mortis jactati: hinc iterum sunt ad inferos devoluti, nihil secum præter peccata portantes. Hæc ergo vita est quæ vos fallit, o amici charissimi, ut amicos vestros ad vitam euntes perpetuam injusto consilio revocetis.

CAPUT IV.

Inferni pœnæ, cœlique gaudia, martyrum animis inculcata.

12. Hæc vos instigat, o parentes sanctissimi, ut filios vestros proficiscentes ad comitatum (14) cœli, ad honorem incorruptibilem, ad amicitias imperatoris æterni, stultissimis lamentationibus revocetis. Ista est quæ vos, o castissimæ conjuges beatorum, per pietatis colorem impietatem martyrum mentibus fecit tradere, et necem pro liberatione afferre. Si enim consensissent revocationi vestræ, paucis quidem tempore vobiscum esse poterant; postea vero separari, et ita habuerant se-

(13) Quidam codices, *artibus*.

(14) Comitatus, sæpe comites imperatoris; alias comitis officium; vulgo nunc locum, sive districtum ejus jurisdictioni subjectum; hic aulam significat. Sic Possidius in Vita S. Augustini, *Ubi tunc temporis Valentiniani minoris comitatus fuerat constitutus*; et S. Ambros. de Obitu Valentiniani, *Jussit eam ad comitatum venire*.

(15) Papias: *Zetæ, domus quæ subtus pedes aquas habent*. Unde ea vis vocis. Turnebus Advers. lib. xxiv, c. 4, *zetam, dietam* interpretatur, et Casau-

A parari a vobis, ut nunquam vos nisi inter tormenta perpetua videretis; ubi edax flamma incredulorum animas devorat, ubi dracones blasphemantium labia comedunt, ubi serpentes morsibus suis incredulorum pectora depascuntur. Illic ululatus et gemitus sonat, et clamor confusus, quem vis tormentorum exagitat, et incendiæ arsura extorquet. Hæc ipsa autem tribulatio, quæ illic excipiet infideles, nullo termino definitur, nullo fine concluditur, sed nec post flammarum atrocium adustionem consumitur, sed ad redi-viva incendia iterum qui adustus fuerit reparatur.

13. Hanc ergo pœnam et istos permittite evadere, et vosmetipsos eripere cogitate. Permittite interim istos ad coronam pertingere destinatam. Nolite timere; non enim separabuntur a vobis, sed videntur præparare vobis in cœlo sidereas mansiones, in quibus una vobiscum et cum filiis vestris in perpetuo gaudio maneatis. Quod si vos domus vestræ ex lapidibus factæ delectant; quanto magis illarum vos debet pulchritudo invitare domorum, ubi sunt triclinia auro puro radiantia, quæ ex gemmis et margaritis habent zetas (15) instructas? Illic flos purpureus rosarum nunquam marcescit; illic florida nemora perpetua viriditate vernant; illic prata recentia (16) semper melleis fluunt rivis; illic croceis graminum floribus redolent, et halantes (17) campi jucundis admodum odoribus pollent. Auræ ibi vitam æternam habentes naribus nectareum odorem aspirant. Lumen ibi sine radio fulgens, serenitas absque nubilo, et absque tenebris nocturnis die oculi perfruuntur. Nulla illic impediuntur occupatione (18) deliciæ, nulla penitus sollicitudine ibi securitas conturbatur; mugitus, ululatus, gemitus, lamentum et luctus nunquam illic audita nec nominata sunt: fœdum et deforme, tetrum, nigrum, horrendum aliquid, aut sordidum nunquam ibi penitus viderunt oculi habi tantum: pulchritudine vero in amœnitate memorum, splendore in aere jucundo, et formositate atque omni elegantia sine intermissione oculi patentes perfruuntur; et nihil omnino quod conturbet mentem auribus datur. Sonant enim ibi jugiter organa hymnorum, quæ ad laudem regis ab angelis et archangelis decantantur. Amaritudo et fellis asperitas ibi locum non habent: tonitrua ibi nunquam audita sunt, fulgura et coruscationes nunquam paruerunt. Cinnamomum illic virgulta gignunt, et balsamum arbusta prorumpunt. Odor aeris delectationem per omnia membra dif-

bonus in Lamprid., qui ideo *zetam* vocat; at Salmasius *dietam zetamque* scribit. Sic *zabulum* pro *diabolum*, *zabolenum* pro *diabolenum*, *zarritum* pro *diarritum* dicta observant, eumque iis Martinus. At Passeratius a *ζῆν*, *fervere*, deflectit, quod pluribus solem accipiat, vel a *ζῆν*, *vivere*. Cœnaculi genus hic et alibi significat. Infra *zetarius*, *zetarum* sive *tricliniorum curator*.

(16) Ms. Audom., *virentia*.

(17) Al., *albescentes*.

(18) Al., *occasione*.

fundit, et esca ibi nulla stercora conficit. Sicut enim bono nuntio aures, et bono odore nares, et bono aspectu oculi saginantur, et ista refectio non potest in digestionem prorumpere; ita illic refectio, quam os susceperit, melliflua in gustu hoc unicuique sapit, quo fuerit delectatus. Statim denique quod concupierit anima, desiderio ejus universa famulantur, et omnibus delectationibus ejus paratissimus servit effectus.

14. Nam qui in ista mortali vita, contra concupiscentias suas et contra delectationes pugnaverit, quisquis eas non expenderit, illic eas integras a suo Creatore consequitur. Ipse enim ita creavit hominem ut viveret: et mortem juxta introitum delectationis posuit, ut hi queis libet a mortis timore evadere, vitam æternam quærant; et dum præter istam vitam alteram esse didicerint, inquirent utrum et ipsa possit senectute intercidi aut morte concludi: quam dum immortalem agnoverint, inquirent utrum possit iterum ipsa æternitas vel honorem tradere justis vel injustis pœnam inferre.

CAPUT V.

Opum deliciarumque usus.

15. Cumque specialiter ita esse probaverint, restat, ut interrogent, cur a Creatore divitiæ factæ sint, si ejus lege contemnendæ sunt, vel quare quadrupedum et volucrum atque reptantium varietas a Creatore facta sit, si singulis (19) renuntiandum est: cur autem ab ipso Creatore medullitus genuina delectatio ad incitamentum (20) est libidinis fundata corporibus, si usus ejus auctori non solum eum faciat reum, sed etiam perpetuis tradat incendiis. Interrogatur ergo: Cur (21) a Creatore divitiæ datæ sunt, si contemnendæ sunt? Respondemus: Istæ divitiæ a Creatore factæ, alloquuntur quodammodo amatores suos, dicentes: Sic nos amate, ut a vobis nunquam separemur. Sequi vos morientes non possumus; antecedere autem vos viventes possumus; sed si ipsi jubeatis. Cupidus fenerator et avarus agricola, unus aurum tradit homini quod duplicatum recipiat, alius diversa semina terræ committit, ut si possit fieri quod simplem tradi centuplum quærat (22) recipere: et debitor aurum creditori reddit duplicatum, et terra semen reddit centuplicatum. Proh nefas! fenus debitor feneratori reddere prævalet; et terra agricolæ suo restituere centuplicata semina potest; Deus divitias suas si a te acceperit, eas tibi amplificatas reddere non potest?

16. Inquiris nunc: Cur divitias mihi dedit, si a me ipsi reddendæ sunt? Tradidit eas tibi, ut scias quanta sit in eis requies, quanta voluptas, quantus luxus, quantæque possunt esse deliciæ, ut per hæc habens charitatem cum divitiis tuis, ipse eas tradas custodiendas Domino nostro Jesu Christo. Quas si ipsi nolueris credere, aut edacitas gulæ

eas invadet, aut luxuria libidinum mater tibi eas eripiet, aut sine dubio, quod nosti optime, mors ex improvise aggreddens ita tibi illas extorquet, ut tu illas ulterius in toto nec habere prævideas, nec videre. Nunquid si transires per medias acies Barbarorum, et invenires fortem virum qui te semper dilexit, qui tibi etiam sacculum pecuniis donaverat plenum, dicentem tibi: Da mihi custodiendas pecunias quas dedi tibi, quia isti barbari insidiantur ut eas tibi auferant, quas dum tibi abstulerint sui te gladiis laniabunt: nunquid non pedibus ejus ad volutus rogares eum, ut eas ipse susceperet de quo certus esses quod et ampliora quam acceperat redderet, et te ipsum ab hostibus liberaret? Restat nunc ut divitiis vestris tutorem possitis habere Christum.

17. Ad delicias veniamus. Qui habet aures audiendi, audiet eas dicentes sibi: Si vere amatores nostri estis, illi nos commendate, qui nos vobis integras illibatasque in illa regione restituat, in qua vobiscum jugiter manere possimus; in ista enim vita si vobis nostrum voluerimus occupare servitium, quasi hic expertæ, ibi vobis omnino negabimus nostræ servitutis officium. Dimittite nos interim servire morituris, quia idcirco breviati sunt dies mortalibus, ut immortalibus jugiter famulemur. Sic enim scriptum est: Propter electos breviabuntur dies (*Matth. xxiv, 22*), ut servitus nostra non sit longa. Injustis quidem servimus festino cursu (23): impiis, sceleratis et turpibus servimus, non sponte, sed propter eum qui nos subdidit. Liberabimur tamen a servitute corruptionis, et revocabimur ad libertatem gloriæ filiorum Dei. Omnia itaque delectatio, futuræ vitæ servata, non perditur; neque enim repositi thesauri existimantur ab eo qui eos absconderat in terris, interesse; sed magis tanto securius se eos habere confidit, quanto eos occultius et tutius collocaverit.

18. Sint ergo repositæ omnium deliciarum affluentia, ut non contingantur in ista vita, quæ præterit: quia si hic in usu fuerint, in illa, vita quæ nunquam præterit, amittentur. Esto, quod ista vita centum tendatur annorum spatiis, nunquid exclusa die ultima non statim videbitur quasi non fuisse, ac memoria hospitis uno die apud nos manentis vestigia reliquisse? Illa autem vita manet jugiter, et perseverat instanter, annis quoque labentibus juvenescit et pollet, et inde renovationis sumit initium unde finis accipitur. O vere illum degenerem et omnium honorum expertem, qui hujus tam formosæ vitæ amore non capitur! qui timet istam vitam tradere perituram, et illam accipere quæ penitus perire non novit, in qua deliciæ, et delectationes, et divitiæ, et gaudia sic inchoant, ut terminum nesciant, sic principium capiunt, ut penitus finire non possint.

(19) Alii codices, *gulæ*.

(20) Al., *inquinamentum*.

(21) Al., *Interrogat ergo quis: Cur, etc.*

(22) Al., *queat*.

(23) Al., *incursu*.

19. Nam qui hujus tam præclaræ vitæ amator esse noluerit, non solum istam perdit, et ad illam non pervenit, verum etiam ut jam dixi a perpetua morte capitur et tenetur; in qua est jugis flamma, perseverans tribulatio, et pœna perpetua; in qua atroces angeli commorantur, quorum brachia capita draconum sunt, quorum oculi ex se igneas sagittas jaculantur; quorum dentes sicut elephantis prominent, et stimulant ad tormentum veluti caudæ scorpionum, quorum voces veluti leonum fremitus sonant, quorum aspectus tremorem incutit pariter et dolorem et mortem. Atque utinam mors posset in his angustiis constitutis occurrere! Sed quod est acerbius, ad hoc vivitur, ut cruciatibus gubernetur, ad hoc redintegrentur, ut exesa serpentium morsibus membra iteratis subinde et iterum repetitis morsibus attrahantur.

CAPUT VI.

Martyrum felicitas et gloria.

20. Hæc est omnis causa certaminis, quæ pœnas martyrii docet tolerabiliter debere sufferrî. Nolite ergo, o amici, nolite, o parentes, nolite, o conjuges venerandæ sanctorum, nolite a vita ad mortem, quos diligitis revocare, a gaudio ad luctum ducere, a lumine ad tenebras trahere, et ab æterna requie ad pœnas sempiternas accersere. Hoc est cum diabolo quasi piscibus hamum tendere, et invitare ad modicam suavitatem, in qua intus lateat cruciatus viscerum, et mors interiorum tormentis extorta. Nunquid non hoc est ad compensationem æternarum deliciarum fugitiva gaudia antepone; et ut perparam rideant, æternis fletibus mancipare? Hoc in gladiatoribus, qui ultro se offerunt, universi damnamus, qui considerant unius anni delicias, et non considerant, qui fructus ex ipsis deliciis oriatur. Et illi cruciantur ictibus gladiatorum, vel alterna cæde interna viscerum, scisso ventris tegmine, in conspectu proferunt populorum, ut pinguedo, quam inconsulta sagina contulerat, offeratur diabolo devoranda. Isto consilio inimici, quo isti hæc faciunt, ipso consilio ad vitam æternam euntes Dei martyres revocantur, qui ut vitam paucorum dierum vivant exorantur (24) perpetuos cruciatus incurrere, et mortem perpetuam, quæ specialiter metuenda est, non timere.

21. Huic loco forte illud apponitis: Quare Christianus tormenta non metuit, et præsentis non terretur pœna tortoris (25)? Ideo non frangitur metu, ideo dolore non ducitur, quia scit se unius doloris pretio perpetuæ sanitatis gaudium emere; et per momentaneam tribulationem ad perpetuam felicitatem et sempiternam lætitiâ pervenire. Sed si iste timendus sit dolor, timendus sit carnifex, timenda quoque sit nova et exquisita tortoris crudelitas; quæ magis timenda, quæ horrenda, quæ magis fugienda est et cavenda, ista quæ hodie effervescit,

A et eras evanescit? ista quæ hodie exardescit, et eras refrigescit? ista quæ sub hora inducitur, et sub hora excluditur? an illa quæ nullo fine concluditur, nullo tempore exstinguitur, nulla prorsus consumitur vetustate? Nam iste dolor aut levis est, et potest tolerabiliter sustineri; aut gravis est, et glorioso certamine citatum offert finem; ille autem pœnarum dolor et cruciatus incendii, qui hujus vitæ amatoribus datur, cum sit vehementior universo tormentorum genere, nunquam finiendus aggreditur, et acrius subinde quam inchoaverit sævit, et nullus sæviendi terminus, nullus omnino finis occurrit, sed habens secum universa suppliciorum genera subinde renovatur ut sæviat, augmentatur ut exeruciet, inflammatur ut acrius urat.

B 22. Hinc ergo ab hoc interitu, quos amamus, hortemur evadere; et nos ipsos ad evadendum fortiter præparemus: nec timeamus una hora ferre dolorem in corpore, qui optamus perpetuo gaudere cum Christo: permittamus animam nostram cum palma martyrii ex hoc egredi corpore, ut possimus pœnas æternas evadere, et ad possessiones sidereas plenas delectationibus pervenire. Lacrymas nostras convertamus in gaudium: quia non debemus quasi morituros plangere, quos cum Christo credimus regnatos. Congratulemur victoribus hostium, conculcata eorum cervice: congaudeamus martyrii prætexta indutis, et cœli factos consules gloriemur. En dies in quo vincere se tyrannus existimabat, qui dum capit, captus est; dum tenet, vinctus est; dum torquet, tortus est; dum insultat, irrisus est; dum jugulat, occisus est. Nunc ergo in amore martyrii etiam nostros suscitemus affectus; ut illum qui de nostra captivitate voluit victoriam capere, fortiter capiamus, et quasi a gravi somno expergefacti aperiamus oculos animorum, ut videntes foveas quas in nostri perniciem inimicus aptaverat, nos quidem auxiliante Deo evadamus, et ipso diabolo cum satellitibus suis in ipsam quam paraverat foveam incidente, nos cum Propheta dicamus: «Foderunt ante faciem meam foveam, et ipsi inciderunt in eam (Psal. lvi, 7).»

CAPUT VII.

Sebastiani oratione et miraculis conversi Zoe et Nicostratus.

D 23. Igitur cum hæc beatissimus Sebastianus, indutus chlamyde, succinctus balteo, ex suo ore proferret, subito per unam fere horam splendore nimio de cælo veniente illuminatus est, et sub ipso splendore, candidissimo pallio amictus est ab angelis septem clarissimis, et juvenis apparuit juxta eum dans ei pacem, et dicens: Tu semper mecum eris.

24. Hæc autem gerebantur intra (26) domum primiscrinii (27), nomine Nicostrati, apud quem custo-

(24) Al., docentur.

(25) Ms. Rip., pœnæ tormentis.

(26) Quidam codices, juxta: non probatur.

(27) Sub dispositione viri illustris præfecti Urbis inter alias administrationes est *primiscrinus*, sive *numerarius*, de cujus officio multa alii.

diebantur Marcellianus et Marcus. Qui Nicostratus habebat uxorem, nomine Zoen : hæc ante sex annos ægritudinis nimietate facta est muta, prudentiam tamen audiendi et intelligendi non solum non amiserat, verum etiam melius quam prius habuerat aurum officium obtinebat. Hæc itaque cum intellexisset omnia quæ B. Sebastianus dixerat, et tantum lumen circa eum vidisset ; cumque omnes tremefacti miraculi stupore tenerentur, innuebat manu omnibus, ut quasi exprobandi essent, qui tam evidenti assertioni non crederent, et genibus ejus advoluta rogare eum manuum indicibus cœpit. Sed S. Sebastianus cum videret eam cordis secreta linguæ expressione declarare non posse, causas hujus silentii percunctatus, didicit sermonis illi copiam nimia infirmitatis ablatam. Tunc B. Sebastianus dixit : Si ego verus Christi servus sum, et si vera sunt omnia quæ ex ore meo hæc mulier audivit et credit, jubeat Dominus meus Jesus Christus, ut redeat ad eam officium linguæ, et aperiat os ejus qui aperuit os Zachariæ prophetæ sui ; et fecit crucem in os ejus. Atque ad hanc vocem S. Sebastiani, exclamavit mulier voce magna, dicens : Beatus es tu, et benedictus sermo oris tui : et beati qui credunt per te Christum Filium Dei vivi. Ego enim vidi oculis meis angelum ad te venientem de cœlo, et librum ante oculos tuos tenentem, ex cujus lectione universa sermonis tui oratio decurrebat. Benedicti qui in omnibus quæ locutus es credunt, et maledicti qui dubitaverint vel in uno verbo ex his omnibus quæ audierunt : quoniam sicut aurora superveniens universas tenebras noctis excludit, et omnium oculis lumen, quod nox cæca negaverat reddit ; ita lux sermonum tuorum omnem caliginem, omnemque ignorantiae cæcitatem extersit, et oculis recte credentium serenum post noctis tenebras diem reddidit : a me autem non solum incredulitatis tenebras exclusit, verum etiam sermonis mei ostium, quod per sex annos clausum erat, patefecit.

25. Videns autem Nicostratus, vir ejus, quod esset tanta virtus Christi in sua uxore celebrata, cœpit pedibus ejus advolvi, et indulgentiam petere, pro hoc quod imperiali et præfectorio jussu Sanctos Dei habuisset in vinculis : et auferens ex manibus eorum ferreos nexus, genua eorum amplexus, cœpit rogare ut dignarentur abscedere, dicens : O quam beatus essem si pro vestra mereri possem salute constringi ! Forsitan sanguinis mei effusione abluerer, ut mortem illam pœnarum æternarum evaderem, et ad illam vitam pertingerem, quam nobis Deus per os domini mei Sebastiani manifestare dignatus est.

CAPUT VIII.

Marcelliani et Marci constantia, oratio ad neophytos.

26. Cumque rogaret Marcellianum et Marcum ut

(28) Alii, *ad gaudium tendere* ; alii, *ad gladium tendere* ; alii, *ad gradum tendere*.

A abscederent, dixerunt ei : Si tu fidei gloriam, quam nunquam habueras accepisti ; quomodo nos quam fidem semper ab infantia habuimus, relinquentes, tibi passionis nostræ calicem damus, quem nos tibi propinare possumus, non donare ? Dives est enim in omnibus Christus, et larga ubertatis suæ affluentia omnibus venientibus meliora exhibet quam rogatur. Si enim cum essetis increduli, donatum est vobis lumen veritatis agnoscere ; quanto magis credentibus vobis omnia quæcunque jam poscitis donabuntur ? Divina enim clementia semper parata est vobis omnibus gratis præstare : et eo unumquemque gratiæ suæ dono multiplicat, quo mens ejus altioris fidei susceperit normam. Fides igitur vestra a magisterio sumpsit exordium, et omnia quæ eruditio annosa vix confert, spatio unius horæ cepistis. Nulla vos memoria parentum impedit credere. Nullus teneræ ætatis in filios et vestros revocat nutritus affectus. Contemnitis subito quod semper amastis, et quæritis quod nunquam scistis. Per ignaras ingressi vias subito pervenistis ad Christum, et animo jam intrastis cœlum, quia in terra nullum solatium requisistis. O incomparabile facti præconium ! o quam imitabile virtutis exemplum ! Nondum vos ad Christum sacri baptismatis unda perduxit, nondum per tirocini ; initia militaria saltem signa sumpsistis ; et jam pro vero Rege arma arripitis, et ejus milites a vinculo ferri solventes, vos ipsos intrepido optatis pro occidendis occidi.

27. Cum hæc audientes omnes pariter fletibus C pœnitentiæ præteritæ persuasionis ostenderent, Marcus ait : Discite, parentes charissimi, et vester, o conjuges, discat jugalis affectus, adversus pugnam diaboli, et contra omnes sagittas affectuum carnalis desiderii clypeum virtutum opponere, atque inter acies tyrannici exercitus hosti non cedere, dimicare acrius, gradum tenere (28), et ad regem fortiter pervenire. Insurgant quantum volunt, et sæviant satellites dæmonum, et quibus volunt pœnis corpora dilanient nostra ; corpus occidere possunt, sed animam vincere non possunt pro fidei pugnantem veritate. Gloriosiores faciunt milites vulnera pro imperatore suscepta : in hoc enim diabolus tyrannidis suæ furore nunc sævit, in quo prævidet perseverantiæ vestræ tropæo se posse D torqueri : et ideo tormenta infert, ne spes ejus pereat : mortem minatur, ut terreat ; vitam promittit, ut eripiat ; securitatem pollicetur, ut tollat. Hæc tota belli calliditas, hoc fraudis consilium, a suppliciis eripere corpus et vitiis animam subjugare. Nos e contra contendamus hosti non cedere, corpus contemnere, animæ subvenire. Cur enim fortissimi duces militibus (29) miserrimis terga convertant, et in eo bello deficient, in quo possunt esse victores ? Vel qua ratione mori timeant, qui sciunt hanc hominis naturam esse, non pœnam ?

(29) Al., *Ducis milites*.

Cur, inquam, mori timeant, qui credunt istam vitam falsam esse, et veram vitam inveniri non posse, nisi qui ab animo suo falsam istam adjecerit et caducam, quæ non aliud amatoribus suis, nisi peccata imperat, sualet facinora, ingerit criminosa; nihilque aliud a suis amatoribus exigit, nisi ut penitus de perenni vita non cogitent et regnum Dei futurum esse desperent?

28. Nunc videamus quibus casibus subjacet, quibusque periculis servit ancilla, ut cum eam probaverimus nec seipsam posse regere, servitia nostra ab ejus dominatione tollentes, alteram cui merito serviendum sit, requiramus. Quantos enim amatores ejus ruina subito gravis oppressit, fragor cæli percussit, fulmen incendit (30), naufragia perdidērunt, texit chaos, Charybdis ebibit, gladius jugulavit! et istam miseri cum doloribus amittentes vitam, illam penitus invenire non possunt! Ad illam etenim vitam non ducit tortura, sed causa. Uno denique eodemque pœnarum genere et innocentibus salus æterna confertur, et pœna delinquentibus irrogatur.

CAPUT IX.

Cæteri a Sebastiano una cum captivis conversi.

29. Igitur cum hæc et his similia Marcus prosequeretur, cœperunt omnes qui aderant Deo gratias agere, atque universi flentes pœnitentiam gerebant, quod charitati Dei prætulērunt amorem carnis; et quia ab agone martyrii ausi fuissent animos revocare sanctorum. Cumque omnes, qui ad decipientes sanctos venerant, unanimiter crederent Christo, Nicostratus cum conjuge sua urgebat se dicens: Non cibum capiam, neque potum, nisi mysterium (31) mihi Christianæ religionis fuerit traditum. Cui S. Sebastianus dixit: Muta dignitatem tuam, et esse magis incipe Christi primiscrinii, quam præfecti. Audi itaque consilium meum, et omnes quos carcer inclusit, quos vincula tenent, quos ergastula conficiunt, in unum redige. Quod cum feceris, antistitem sacrosanctæ legis adhibebo, ut cum omnibus qui credere voluerint mysterii suscipias sacramentum. Si enim diabolus Christo sanctos suos auferre conatus est, et conatur; quanto magis nos pietatis argumento hos, quos diabolus injuste lucratus est, curare debemus, et suo restituere Creatori? Et Nicostratus ad hæc respondit, dicens: Quomodo iniquis et criminosis possunt sancta committi? S. Sebastianus dixit: Salvator noster pro peccatoribus suam nobis exhibere dignatus est præsentiam et ostendit mysterium, per quod omnia peccata et crimina homini auferantur, et omnes virtutes Domini conferantur. Inter initia igitur conversionis tuæ hoc munus primum si

A tu conferas Christo, præsto erit remunerationis ejus præmium super te, corona martyrii, habens secum virtutum omnium flores immarcescibiles, æternæ vitæ gaudium profuturos (32). Audiens hæc Nicostratus primiscrinii, abiit ad Claudium commentariensem, et jussit universas personas ad domum ejus adducere, dicens: Quoniam proxima sessione omnes discutiendi sunt, volo ut cum illis Christianis qui apud me sunt, præsto sint, ne aliqua præfectoriæ (33) discussioni deesse possit persona.

B 30. Igitur cum omnes ad domum primiscrinii perducti starent, catenarum nexibus vineti, hoc modo eos vir Dei Sebastianus alloquitur: Crimina diabolica si divinis virtutibus cedant, reatus vester a morte excluditur, et a gaudiis fugitivis (34) revocatur. Egerat enim per suos satellites hostis injustus, ut animos militum Christi ad virtutum culmen erectos (35) everteret, et in ipso perfectionis fastigio positos, ad cœnum conaretur mergere inferorum. Hac de causa incaluit animus hostium dimicatione provocatus, ut vos, quos jam lucratus fuerat inimicus, de ejus captivitate tollentes, vestro vos Creatori reddamus. Diabolus enim nec dominus vester, nec creator, nec pater esse dignoscitur: Deus autem et Pater et Dominus et Conditor comprobatur. Et si hunc derelinqentes ad illum abistis, qui in tantum vestri exstitit inimicus, ut vos ad pœnas perpetuæ mortis adduceret, et ad istum lethalem faceret exitum devenire; quanto magis ad eum redeundum est qui unicum Filium suum passioni et morti tradidit, ut nos a passionibus æternis et a morte perpetua liberaret? Cum hæc et his similia prosequeretur S. Sebastianus, prostraverunt se cum lacrymis universi, et flexis genibus cœperunt cordis gemitum reddere, et se peccasse et impie egisse pœnitentiæ vocibus exclamare. Fundebant ergo amaras lacrymas, et se velle Christo credere, unanimis vocibus resonabant. Tunc B. Sebastianus jubet eos omnes a vinculis catenarum exsolvi.

CAPUT X.

Omnes a Polycarpo ad baptismum præparati.

D 31. Post hæc S. Sebastianus abiit ad Polycarpum (36) presbyterum, ubi erat causa persecutionis occultus, et narravit ei omnia quæ gesta sunt. Quibus auditis S. Polycarpus gratias egit Deo, et una cum eo venit ad domum Nicostrati primiscrinii, et videns turbas credentium, salutans eos cum omni gaudio dixit: Beati omnes vos, qui audistis vocem Domini nostri Jesu Christi dicentis: « Venite ad me, omnes qui laboratis et onerati estis, et ego vos requiescere faciam. Tollite jugum meum super vos, et discite a me quia mitis sum et humilis

(30) Al., *flamma incendiis voravit.*

(31) Quidam codices, *martyrium.*

(32) Ms. Rip., *redolentes.*

(33) Al., *præfecto*; al., *prætori*; al., *præf. prætorii*; al., *prætorii discussioni.*

(34) Al., *ad gaudia voliva.*

(35) Al., *a virtutum culmine recto.*

(36) S. Polycarpi presbyteri natalis agitur 23 Februar.

corde, et invenietis requiem animabus vestris. Jugum enim meum suave est, et onus meum leve (*Matth. xi, 28 seqq.*). Vos itaque fratres nostri, quos nondum baptismatis unda diluit (37), et consecrando Deo omnipotenti clarissimos filios fecit, pro hoc quod a proposito sancto revocare conati estis beatissimos milites Christi, opus vobis erat pœnitentia, ut per ipsam ad indulgentiam veniretis. Nunc autem, quia ad tantam gloriam accessistis, ut etiam ad passionem a qua dolenter alci revocare voluistis, ad ipsam desideretis gratanter velle currere et libenter amplecti, sciatis vos et ad indulgentiam pervenisse, et ad palmam attingere. Vetus hoc est artificium Christi. Nam ipsum quem vas electionis suæ dignatus est et voluit magistrum gentibus dare, qui non solum fidelium animos a pietatis proposito revocabat, sed etiam nolentes a Christo discedere lapidibus obruebat; hunc nobis ipse Dominus apostolum condonavit, tribuitque nobis ex Saulo Paulum, ex apostata fecit apostolum, et dedit Ecclesiæ suæ ex persecutore doctorem. Amator passionis factus est is, qui persecutionis auctor exstiterat: et qui in alienis afflictionibus prius gratulabatur, in suis postmodum persecutionibus lætabatur. Ipse ergo qui tunc in apostolo suo virtutem istam exercuit, ipse et nunc de ipso inferorum conclavi, et ex ipsis draconum faucibus animarumstrarum captivitatem eripuit, et vobis nunc a tenebris ad lucem remeantibus æternæ vitæ januas patefecit. Quia ergo omnes dæmones, qui sunt tenebrarum filii, contristantur, unde et omnes sancti angeli, qui sunt filii lucis, gratulantur, accedat unusquisque vestrum, et det nomen suum, ut hodierno die usque ad vesperam percurrente jejunio, festivum baptismatis sacramentum opportunum tempus inveniat. Justum est enim, ut lex a mortali mundo abscedens ad nostras mentes immortales accedat, ut qui in isto sæculo volutati in luto tenebrarum sumus, aqua sanctificationis abluti ac mundati, et sinceritate induti alacres pergamus ad Christum. Hæc et his similia prosequente S. Polycarpo, universi gavisissimi sunt, et unusquisque nomen suum festinabat priusquam interrogaretur offerre.

CAPUT XI.

Baptizati catechumeni, unaque Claudius cum filiis. D

32. Cumque hæc agerentur, venit Claudius commentariensis ad primiscrinii Nicostrati domum, ubi ista agebantur; et dicit Nicostrato: Vehementer præfectura commota est, quod personas reorum tuæ domus custodiae tradi jussisti. Hac de causa suis te jussit præfectus aspectibus præsentari. Vide quasi debeas interrogatus dare responsum. Ingressus itaque ad præfectum Nicostratus, cum interrogatus fuisset, cur eas personas, quas carceris claustra retinebant, suæ voluerit domus mancipari cu-

stodiae, respondit: Amplitudinis vestræ jussu Christianas intra domum meam custodiendas suscepi personas, quibus ut terrorem passionis incuterem, reorum illos feci sociari personis, ut jussioni vestræ et persuasioni nostræ si non consensu suo, saltem alieno experimento consentiant, et metuant ne similis eos pœna concludat. Libentissime igitur hæc audiens præfectus dimisit eum dicens: Magno te censu a parentibus eorum remunerari faciam, cum per te illis fuerint incolumes filii restituti.

33. Revertens itaque ad domum suam Nicostratus primiscrinii cum Claudio commentariensi, cœpit universa referre, et qualiter S. Sebastianus, cum sit amicus imperatorum, christianissimus sit, et in eruditione divina perfectus, et qualiter animas Christianorum sua exhortatione revocasset, et quod satis idonea ratione docuisset istam vitam fugitivam et imaginariam esse, et sic dum teneri putatur, auferri. Narrat etiam, quomodo veniens repente lux de cœlo perlustrasset eum, et quomodo uxorem ejus, quæ per sex annos muta fuerat, fecit loqui.

34. Cum hæc narrasset Nicostratus Claudio, corruit ad pedes Nicostrati Claudius, dicens: Ex amissa conjuge duos filios habeo, ex quibus unus hydropis morbo fatigatur, alius diversis vulneribus opprimitur; rogo ut jubeas eos visitari. Non enim dubito quod ille, qui potuit facere ut post sex annos loqueretur uxor tua, faciat, si voluerit, ut ad filios meos sanitas redeat. Et hæc dicens proripuit se ad domum suam, et fecit inter manus adduci duos filios suos, et introducens eos intra domum, ubi erant sancti Dei, projecit eos ante pedes eorum dicens: Nulla penitus dubietatis signa in corde meo remanserunt: sed ex toto corde credens quod Christus, quem colitis, ipse sit verus Deus, detuli huc vobis duo incrementa mea, credens quod possent per vos a mortis periculo liberari. Dicunt ei omnes simul sancti Dei: Omnes quos hic hodie infirmitas aliqua tenet, mox ut Christiani facti fuerint, sanabuntur.

35. Cumque clamaret Claudius credere se, et desiderare fieri Christianum, jussit S. Polycarpus ut darent singuli nomina sua. Primus itaque omnium dedit nomen suum Tranquillinus pater Marcelliani et Marci. Post hunc sex amici eorum, id est, Ariston, Crescentianus, Eutychianus, Urbanus, Vitalis, et Justus; post hos Nicostratus primiscrinii, et Castorius frater ejus, et Claudius commentariensis. Post hos filii Claudii, Felicissimus et Felix. Post hos Marcia mater Marcelliani et Marci cum uxoribus eorum et filiis: simul autem et Symphorosa uxor Claudii, et Zoe uxor Nicostrati. Post hos omnis familia quæ erat in domo Nicostrati, animæ triginta et tres promiscui sexus et ætatis, dehinc omnes qui vincti fuerant ac de carceris squalore adducti, animæ sedecim.

(37) Multi codices *nondum* mittunt, quasi ad lapsos sit oratio.

36. Igitur omnes isti LXVIII, a S. Polycarpo presbytero baptizati, et a S. Sebastiano suscepti sunt; feminarum autem matres factæ sunt Beatrix (38) et Lucina (39). Primum itaque Claudii filios, hydropticum unum et alterum vulneribus plenum, mox ubi in nomine sanctæ Trinitatis intinxit; ita de fonte sani elevati sunt, ut nec signum in eis alicujus morbi præteriti remansisset. Post hos autem infantulos Tranquillinus pater SS. Marcelliani et Marci, qui ita podagrico et chiragrico fuerat dolore constrictus (40), ut sicut supra dictum est, vix in manibus portaretur. Hunc dum exuerent indumentis, et ille intolerabili se diceret dolore torqueri, interrogat eum Polycarpus presbyter, dicens: Tranquilline, si ex toto corde credis unigenitum Filium Dei Dominum Jesum Christum tibi salutem posse conferre, et omnibus peccatis tuis indulgentiam condonare, proprio ore edicito. Tranquillinus respondit: Ego indulgentiam solam peccatis meis dari et desidero et credo. Cæterum, etsi post baptismatis hujus sanctificationem in doloribus fuero, non potero de fide Christi ulterius dubitare: probavi enim et ex toto corde credens, in mea mente consensi, quod Filius Dei sit Dominus Jesus Christus, qui potest et animabus et corporibus salutem tribuere, et a morte æterna ad vitam perpetuam revocare. Hæc cum dixisset voce magna, omnes sancti præ gaudio lacrymas effundebant, et rogabant Dominum ut fidei ejus fructus ostenderetur. Sanctus igitur Polycarpus confessor et presbyter mox ut eum chrismatis (41) linivit unguento, interrogavit eum iterum, si crederet in Patrem et Filium et Spiritum sanctum; statim ut respondit: Credo, resolutæ sunt manus ejus quæ erant nodosæ, et genua simul et plantæ pedum ejus ita sunt incolumes redditæ, ut ac si puerulus renovatis pedibus suis in fontem descenderet clamans et dicens: Tu es Deus unus et verus, quem miser iste mundus ignorat.

37. Hoc itaque ordine suo baptizato, universi, prout competebat, baptizati sunt, et per dies decem qui (42) supererant dilationi, quam meruerant, in Dei laudibus perdurantes ducebant dies et noctes in hymnis et canticis, et quasi fideles milites parabant animos suos ad dimicandum pro Christi nomine in martyrio bellaturi, ita ut et in mulieribus et infantulis amor ferveret martyrii, et invicem se ad confessionem sancti nominis contra diabolicas acies præpararent.

CAPUT XII.

Errores Gentilium coram Chromatio Urbis præfecto confutati a Tranquillino.

38. Diebus (43) igitur acceptæ dilationis expletis,

(38) Colitur S. Beatrix 29 Jul.

(39) De hac Lucina actum 16 Januar. in Vita S. Marcelli. Colitur 30 Junii.

(40) Al., contractus.

(41) Al., olei.

(42) Addunt quidam codices, et ser.

PATR. XVII.

A Agrestius Chromatius urbis Romæ præfectus ad se Tranquillinum patrem Marcelliani et Marci venire jubet. Quem cum de suorum perquireret arbitrio filiorum, Tranquillinus respondit: Ad referendas beneficiis vestris gratias nullus mihi oris sufficit sermo. Nisi enim currentes sententias vestri frena moderaminis tenuissent, et ego filios amisissent, et me patrem filii non haberent. Congratulantur mihi omnes, quos tenet paternus affectus, et pungit charitatis stimulus; etiam vestra, credo, quod mihi congaudeat celsitudo, quando morituris vita collata, et anxiiis lætitia reddita, sollicitis securitas restituta (44).

39. Tunc præfectus æstimans filios ejus suas velle idolis inclinare cervices, ait: Venienti ergo die debita (45) numinibus a filiis tuis thura reddantur: per quæ et tu filiis perseveres incolumis, et tibi filii condonentur. Audiens hæc Tranquillinus dixit: Illustrissime virorum, examinis vestri libram si velitis erga me et filios meos æqua lance pensare, agnoscere poteritis hoc Christianum vocabulum magnæ esse virtutis. Præfectus dixit: Insanis, Tranquilline. Tranquillinus respondit: Insaniam passus sum, et animæ et corporis; sed statim ut credidi Christo, et animæ meæ recepi et corporis sanitatem.

40. Præfectus dixit: Ego, ut video, ad hoc inducias sceleratis filiis tuis dedisse cognoscor, ut non solum tu illos ab errore non tolleres, sed illi te suis erroribus irretirent. Tranquillinus dixit: Per gloriam vestram, nomen ipsum erroris discutite, et videte quæ opera erroris nomine nuncupentur. Præfectus dixit: Tu die quæ opera erroris nomen accipiant. Tranquillinus dixit: Primus error est viam vitæ relinquere, et per viam mortis gratanter incedere. Præfectus dixit: Et quæ est via mortis? Tranquillinus dixit: Non tibi videtur via mortis esse, mortuis hominibus Deitatis nomen imponere, et figuras eorum per ligna et lapides adorare?

41. Præfectus dixit: Ergo non sunt dii quos colimus? Tranquillinus dixit: In tantum non sunt dii ut legatur in codicibus publicis (46), et quam male sint nati, et quam iniquos et crudeles et sceleratos parentes habuerint; et quam inique et dolose et fraudulenter vixerint; et quam miserabiliter mortui sint. Numquid antequam Saturnus Cretensibus imperaret, et filiorum suorum carnes comederet, Deus in cœlis non erat, aut Creta insula habebat regem, et cœli Deum non habebant? Valde errat qui putat Jovem filium ejus, imperare fulminibus, homuncionem in quo malitia et libido regnabat. Quem non persecutus est, qui patri non

(43) Scriptum erat in Rosweidi autographo: Liber II. Eam divisionem in nullo exemplari repertam omisimus.

(44) Al., constructa.

(45) Ms. S. Gist., veni ergo hodie et debita.

(46) Al., restris.

peperit? Aut quam sordem non exereit, qui A suam germanam accepit uxorem? In foro, in plateis, in domibus, atque in omni loco quotidie legimus, quia sordidissima Juno quod et soror et conjux fuerit gloriatur: et rapti Ganymedis honor turpissimus atque incestissimus ab ipsis, a quibus Jovis colitur, non negatur. Non ergo erras, vir sublimissime, qui tales colis, quales Romanæ jubent leges pro sui facti qualitate damnari, et relicto Deo omnipotente qui in cœlis regnat, lapidi dicis, Deus meus es tu: et ligno dicis: Adjuva me?

42. Præfectus dixit: Ex quo cœpistis blasphemare deos, et a cultura eorum recedere, ex eo diversis (47) cladibus Romanus orbis opprimitur. Tranquillinus respondit: Non est verum. Nam si recenseras decadas stylo Livii (48) digestas, illic invenies Jovi thura ponentes, una die viginti tria millia Romani exercitus juvenes cecidisse. Sed et illud non es immemor, quod Senonenses Galli etiam Capitolium occupaverunt (49) et omnem Romanam manum suis ludibriis subjugarunt. Diversas famas, et inenarrabiles pestes, diversas captivitates, diversas effusiones sanguinis Romanus orbis passus est, antequam unum colerent homines Deum. Nunc vero ex quo invisibilis et verus Deus cœpit a credentibus coli, aucta (50) pace exsultat Romanum imperium. Sed quod pejus est, Deus, qui hoc præstat, non cognoscitur; sed creaturæ ejus ascribitur, quidquid a Creatore præstat.

43. Præfectus dixit: Si ille colendus est, qui humanis commodis aliquid præstat, nullus nisi sol habebitur deus, qui aspectu suo terræ viscera vegetat, ut semina suscepta parturiat, et genuinæ sobolis grana in culmo restituat, atque universis salutis nostræ utilitatibus, et lumen et restaurationem pariter tribuat et vigorem. Tranquillinus respondit: Et in hoc error est infinitus. Nam si hodie per servum suum quispiam clientibus suis tribuat quod rogatur, infinita stultitia est, si neglectus ille qui præstitit, servus per quem præstiterit honoretur. Et ut aliquam hujus dicti comparisonem exhibeam; nunquid cum naves Romanis alimenta deferunt, navibus potius quam regibus gratiæ referuntur? Si ergo non navigantibus, sed imperantibus, homines quod annonantur ascribunt, quanto magis soli Deo agendæ sunt gratiæ, cujus nutu et hæc omnibus usibus nostris elementa deserviunt, et sol ipse quotidie terræ marique pariter et clauditur in fine diei, et in diei iterum renovatione aperitur?

CAPUT XIII.

Verbi incarnatio Gentili exposita.

44. Præfectus dixit: Si ergo unus et invisibilis

(47) Usitata in Christianos calumnia a variis PP. confutata, præsertim Paulo Orosio et S. Augustino.
 (48) Al., *libri*, mendose. Scriptum in quibusdam erat Libii.
 (49) Ita mss. omnes. Legendum potius, *oppugnaverunt*; nam inde pretio deducti, mox et pulsi a

est quem colitis, Christum, quem Judæi crucifixerunt, non colitis? Tranquillinus dixit: Recte hæc inquirereres, si credere destinares. Incredulis enim omne quod nolunt vanum videtur. Sed et enim in præceptis voluntas mortalium declinans (51), omne quod vituperat vituperari desiderat; et vult ut laudetur ab omnibus omne quod laudat. Sed sapiens pro merito suo cuicumque rei, aut vituperationem suam impendere (52) nititur aut laudem. Præfectus dixit: Ego te de Christo vestro interrogo. Si enim a vobis hoc colitur quod istis oculis non videtur, Christum non colitis qui et visus est, et auditus, et interrogatus, et omnia quæ humanæ fragilitati competunt in ejus leguntur passione completa? Tranquillinus dixit: Audi similitudinem et intellige veritatem: Verbi gratia, si hodie annulum tuum habentem gemmam pretiosam videas in cloaca, aut in sterquilinio volutatum, et ad hunc eruendum mittas servos tuos; illi autem nec illum potuerint liberare, sed et seipsos in aliquo, dum illum conantur eripere, polluerint; postea vero tu ipse, deponens has sericas quas indutus es vestes, induas te servilem tunicam et descendens in cloacam mittas manus tuas in stercorebus, et annulum aureum simul tuis manibus repræsentes et gemmam, præ gaudio omnes amicos tuos invitas ad epulas, et lætaris super annulum et gemmam, quod sint de nimis squaloribus liberata. Præfectus dixit: Hanc propositionem ad cujus similitudinem attulisti? Tranquillinus respondit: Ut ostenderem tibi unum invisibilem Deum nos colere. Præfectus dixit: Et quod est aurum? aut quæ est gemma, quæ in sterquilinio volutabatur? Tranquillinus respondit: Aurum, corpus humanum est, gemma vero anima est, quæ in ipso corpore inclusa est. Corpus vero et anima unum hominem faciunt, quomodo aurum et gemma unum annulum facere comprobantur. Sed quantumvis pretiosus tibi sit annulus, longe satis homo pretiosior est centuplum et charus Christo. Tu misisti servos tuos, ut annulum de sordibus eriperent, et nulla ratione eum eruere potuerunt. Misit et prophetas suos Deus de cœlo loquens ad eos, ut humanum genus a sordibus hujus mundi eriperet (53): et nulla ratione omnino hoc facere vel instantia potuerunt. Tu deposuisti aureas vestes, et servili indumento indutus descendisti in cloacam, et manus tuas misisti in sordibus, ut annulum de sordibus liberares: exiit et se majestas Divinitatis suæ splendore, non tamen superna relinquens; et induit se servili nostri corporis indumento, et huc in cloacam hujus mundi cœlo descendens, misit manus suas in sordibus passionum nostrarum; et passionem, quæ meritis

Camillo.

(50) Al., *alta*.

(51) Al., *lapsa*.

(52) Al., *expendere*.

(53) Al., *eriperent*.

nostris debebatur, in semetipso suscipiens, gloria A
nos suorum reddidit digitorum. Nam qui per incredulitatem volutabamur in squaloribus mundi, per fidem abluti a sordibus, divinis sumus manibus, ut ille tuus annulus, restituti. Nunquid servi tui, qui te negaverunt dominum suum, dum te in habitu servili respicerent, non potuerunt ut rebelles occidi? Ita et qui negant Christum Dominum suum pro hoc quod semetipsum a majestate exinavit, et formam servi suscepit, nullatenus poterunt æterni ignis penas evadere. Ideo denique nobis qui in eum credimus, æterni fontis unda subvenit, ut æternus ignis ab æterno fonte vincatur, et infidelitas a fidelitate superetur.

45. Præfectus dixit: Ut video, non ut filios tuos ab hac intentione tolleres poposcisse probaris inducias, sed ut has aniles fabulas ad nostra tribunalia meditatus (54) afferres. Tranquillinus dixit: Non mediantur discipuli Christi quid in conspectu iudicum prosequantur. Sic enim præmonuit dicens: Quando potestatibus hujus mundi vos causa mei nominis tradent, nolite cogitare quomodo aut quid loquamini; dabitur enim vobis divinitus in illa hora quid loquamini. Non enim vos estis qui loquimini, sed Spiritus Dei, qui loquitur in vobis (Matth. x, 19). Non ergo meditando ego, sed credendo inveni Creatorem meum, et qui eram podagrico et chiragrico dolore contractus et quassatus (55), statim ut Christo credidi, ac si parvulus omnium membrorum meorum recepi sanitatem. Constat ergo apud C
animum meum, ipsum me creasse qui me renovare dignatus est, et sicut dedit restorationem corpori, ita quoque animæ post istam vitam dare promisit, si tamen non dubius nec timidus hominum terroribus frangar; sed in ejus nominis confessione perdurans fidem integram, quam me Deus fecit invenire, conservem.

46. Præfectus dixit: Ignoras, Tranquilline, quanta invictissimorum principum erga Christianos ira desæviat, et ideo quasi securus quod tibi videtur sine timore prosequeris. Tranquillinus dixit: Stultus timor est, quo plus timetur humana indignatio quam divina. Nunquid si in medio canum latrantium venerimus, et vano furore nos cõperint suis morsibus attrectare, possunt nobis de animo tollere hoc quod nos homines sumus rationabiles D
(56), cum sint illi canes, et irrationabiles, et insani? Ita qui nobis recte credentibus irascuntur, sævire quidem possunt, et inferre iniqua supplicia; nunquam tamen de corde nostro hoc auferre poterunt, quod Dominum Jesum Christum et creatorem esse credimus, et redemptorem nostrum ac restauratorem esse gaudemus. Tum præfectus jussit eum recipi a Commentariis, dicens: Proxima te audiam sessione.

(54) Al., *meditatus*.

(55) Al., *quassus*.

(56) Quidam, *rationales*.

(57) *Καὶ ἄρθρα*, est in condylis sive articulis di-

CAPUT XIV.

Chromatius Urbis præfectus catechizatur.

47. Post hæc mittit et adduci eum ad se præcepit per noctem occulte, et offerens ei infinitum pondus auri dicebat: Ostende mihi medicamentum ex quo recuperasti salutem. Cui Tranquillinus ait: Scias grandem iram et furorem Dei passuros esse, qui gratiam ejus vel venundandam existimant vel emendam. Unde si vis a podagrico dolore liberari, crede Christum Filium Dei, et liberaberis, et sicut hodie me vides, ita salvus eris. Nempe vix manibus deferebar, et undecim annos per omnes juncturas nervorum in corpore meo dolorum nodis astrictus, vix ori meo panis alienis manibus tradebatur: illico ut Christum verum Deum esse credidi, salutis B
meæ gaudia recepi, et sum incolumis, quia verum Deum salvatorem meum agnovi.

48. Tunc præfectus dimisit eum dicens: Adduc ad me qui te Christianum fecit, ut si mihi promiserit sanitatem, possim et ego fieri Christianus. Statim autem Tranquillinus veniens ad S. Polycarpum presbyterum narravit ei omnia quæ gesta vel dicta sunt; et ducens eum intra domum occulte, præfecti eum aspectibus præsentavit. Cui præfectus ait: Licet gravis animadversio principum Christianis infesta sit, tamen spe recuperandæ salutis afferam vobis quidquid illud est usque ad dimidium bonorum patrimonii mei, si ab hac nodositate condylomatium (57) mei fuerint membra corporis resoluta. Tunc S. Polycarpus subridens ait: Potens est Dominus Jesus Christus ut ignorantie tuæ januas (58) aperiat, et ostendat tibi quod ipse sit corporis tui restaurator. Nam pecuniam sive qui afferunt, sive qui oblatam accipiunt, non solum nullam dolentibus conferunt medicinam, sed etiam ipsi sibi insanabilem morbum assumunt. Dicit ei præfectus: Dic ergo mihi quid faciam, ut consequi valeam quod spero. Dicit ei Polycarpus: Si credideris ex toto corde tuo, sicut credidit Tranquillinus, salvus eris. Dicit ei præfectus: Quo ordine credere debeam intimato? Tunc S. Polycarpus catechizavit eum, et indixit ei ut per triduum jejunaret. Et convocans ad se S. Sebastianum, tribus diebus et tribus noctibus jejunavit cum eo: et eum lacrymis pariter orabant, ut fidem nominis sui in salutem volentis credere Dominus D
declararet.

CAPUT XV.

Chromatii confracta idola.

49. Igitur cum dies tertia, quæ constituta fuerat, advenisset, ad domum sustinentis præfecti veniunt pariter properantes. Qui ingressi dixerunt: Pax fidei tuæ. At ille resalutavit eos officiosissime, et hortatur eos sedere juxta se, et dixit: Ex ore Tranquillini ratio egressa oculorum meorum as-

gitorum tuber sive inflammatio: mss. habebant, *condologmatum*; quidam, *doloris*.

(58) Al., *Valvas*.

sertione declaratur. Video enim hunc sanissimum A quem podagrico et chiragrico videram dolore contractum. A quos genus medicamenti unde fuisset salvatus inquirens, tale ab eo recepi responsum : Dum fidem meam in idolis ponere, debilis et nimia sum infirmitate contractus : at ubi unum Deum in cœlis didici ostensione Christianorum, abnegavi universa quæ sine causa coleram, et tradidi fidem animi mei Christo (59). Mox autem ut unum et verum Deum in cœlis regnare confessus sum, statim omnis, quam per undecim annos amiseram, ad me reversa est sanitas, et omnis a me est protinus infirmitas separata. Hæc audivi auribus, probavi oculis, corde credidi; superest ut quod fecistis Tranquillino et mihi faciatis, ut possim mei corporis recipere sanitatem.

50. Polycarpus presbyter dixit : Si transeuntes dolores anima hominis non suffert, quid de illis doloribus actura est, quibus nullus unquam evenit finis, nulla datur omnino successio? Nam isti dolores illorum dolorum imaginem portant, et quantum distat inter ignem vivum et picturam ejus, tantum distat inter dolores quos nunc patitur corpus, et illos quos anima passura est, si ignara Creatoris sui præsentis vitæ impleverit munus (60). Age ergo nobiscum prius de doloribus illis, et esto de illa pœna sollicitus, quæ habet ignem semper ardentem, et vermem semper edentem.

51. Tunc Chromatius urbis Romæ præfectus, cum unico filio suo Tiburtio, dedit nomen suum dicens : In hoc de fide mea certos vos esse convenit, in qua etiam filium meum Christianum fieri mecum exopto. S. Sebastianus dixit : Vide ne sola recuperatione tui corporis ductus te Christianum fieri speres, sed magis spe vitæ æternæ facias mentem tuam puram ad videndam rationem veritatis. Nisi enim agnoveris qui sit Creator tuus, non poteris invenire salutem quam quæris. Chromatius dixit : Ergo et rusticos et simplicissimos homines non videmus esse Christianos, ita ut inter mille viros vix invenias unum qui possit vel sermonum disciplinam adipisci. Nunquid hi omnes ad istam inquisitionem attingere potuerunt dum fierent Christiani? S. Sebastianus ait : Hoc responsum tuum nostræ partis firmat (61) assertionem. Nam ab origine mundi cum ruricolis et pastoribus ovium Deus habuit rationem, et juxta finem mundi veniens non elegit grammaticos et oratores, sed peccatores et simplices, et ipsis tradidit notitiam suam.

52. Chromatius dixit : Cur ergo me dicis prius debere agnoscere quis sit creator meus, quem nisi agnoverim salutem invenire non possim? S. Sebastianus dixit : Quia multos deos et multas deas coluisti. Nisi ergo hos a corde tuo excluderis, et imagines eorum confregeris, et cognoveris unum et verum Deum, vitam et salutem invenire non po-

teris. Chromatius dixit : Indica ergo mihi quis sit unus et verus Deus. S. Sebastianus respondit : Si servum tuum ad hauriendam aquam miseris, dum ad fontem venerit, aspicit prius ne sordes aliquæ intus lateant in lagenâ, et non est ausus aquam in vas mittere, nisi mundatum a sordibus viderit; nos tibi quomodo poterimus tradere fontem veritatis, nisi prius te ab omnibus idolorum sordibus et squaloribus feceris alienum? Chromatius dixit : Et quo ordine alienus effici potero ab his? S. Sebastianus dixit : Da nobis potestatem ut omnia idola, quæ in domo invenerimus, lapidea confringamus, lignea incendamus, aurea et argentea vel ærea conflamus, et pretia eorum egentibus dividamus. Chromatius dixit : Et cum hæc feceritis, mihi quid

B fructus accedet? S. Sebastianus dixit : Omnium nervorum (62) tuorum, quorum nodositate constringeris, statim consequeris sanitatem; et quasi qui nunquam dolueris, ita pedibus tuis currere incipies, et agnoscere quod inimicos tuæ salutis deos dilexeris (63); tuum vero parentem hunc esse, qui te, statim ut ejus notitiam atque culturam inveneris, restaurat et salvat.

53. Chromatius dixit : Nolite vosmetipsos ad hanc injuriam deponere : sed servis meis præcipiam; et ipsi universa confringent. S. Sebastianus dixit : Dubii et timidi et infideles si ea confregerint, inveniet diabolus per quamcunque negligentiam eorum occasionem lædendi eos, et statim ut læsi fuerint, dicent infideles, propterea eos læsos esse quia idola confregerunt. Nisi enim lorica habens, non eripitur ictibus sagittarum. Galea enim et scuto et hasta utitur docta manus in prælio, ut ex munimine armorum et impetu ferendi assumat audaciam, et terga non vertat. Similiter et milites Dei, qui scuto fidei muniuntur, et lorica tegminis Christi proteguntur, habentes galeam fidei et salutis, ipsis est tutum inire certamen. Pugnant enim acerrime et fortiter vincunt, quia contra invisibilem hostem die noctuque infatigabiliter præliantur; et sunt tecti in omnibus membris, fide potius armati quam ferro. Chromatius dixit : Fiat voluntas Dei et vestra. Tunc S. Polycarpus presbyter et B. Sebastianus præcingentes se oraverunt; et post orationem amplius quam ducenta idolorum signa confringentes, D cœperunt gratias agere Deo suo.

CAPUT XVI.

Instrumentis astrologiæ judicariæ confractis sanatur Chromatius.

54. Post hæc accesserunt ad Chromatium dicentes ei : Confringentibus nobis idola tu debuisti sanitatem recipere, nisi forte aliqua tibi in animo signa infidelitatis derelinquantur. Hoc enim apud nos certum gerimus, quod aut est aliquid, quod nondum est fractum; aut si omnia fracta sunt, quid in

(59) Al., *Animam meam ex fide Christo.*

(60) Al., *Creatoris sui spreverit munus.*

(61) Al., *Affirmat.*

(62) Al., *membroorum.*

(63) Al., *colendos duxeris.*

animo geras nobis evidentius manifesta. Tunc A ille : Habeo, inquit, cubiculum holovitream, in quo omnis disciplina stellarum ac mathesis mechanica est arte constructa (64), in ejus fabrica pater meus Tarquinius amplius quam ducenta (65) pondus auri dignoscitur expendisse. Cui S. Sebastianus dixit : Si hoc tu integrum habere volueris, te ipsum frangis. Chromatius dixit : Quid enim? Mathesis aut ephemeris (66) aliquo sacrificiorum usu coluntur, cum tantum eis mensium et annorum cursus certo numero per horarum spatia distinguuntur (67) ? et lunaris globi plenitudo vel diminutio, digitorum motu, rationis magisterio, et calculi computatione prævidetur? S. Polycarpus presbyter dixit : Illic signa Leonis, et Capricornii, et Sagittarii, et Scorpionis, et Tauri sunt, illic in Ariete luna, in Cancro hora; in Jove stella, in Mercurio tropica, in Venere Mars, et in omnibus istis monstruosis daemonibus ars Deo inimica cognoscitur. Ista Christiani ita recusant, ut non solum ipsi non habeant, non colant, non credant, non teneant; verum etiam nec animos illos habeant, qui hujusmodi nugis suum occupant pectus? Omnia enim ista falsa deceptionisque ministra sunt: similitudo in eis veritatis est, non ipsa veritas.

55. Dicit ei Chromatius : Quid? quod nonnunquam futura prænantiant? S. Sebastianus dixit : Ista omnia vanissima esse et falsissima, Christo revelante, cognovimus; quæ tibi nunc manifestius aperiemus. Præcipe hodie ad te mathesis venire doctorem, cui dicas, illo tempore te asperis casibus laborasse, et inquire per quas stellas hoc tibi evenerit mali; responsa ejus erunt procul dubio talia, quod tempus tuum a malitioso Marte susceptum est, aut Saturnus apocatasticus (68) fuit, aut annus tuus ex diametro susceptus est, aut climacterica (69) tibi in centro sunt nata, aut syndetus (70) fuit cum malo, aut invisibilis, aut in schemate (71), aut immobilis circa te existit cursus in stellis. Hæc et his similis cum dixerit, rationis tibi verisimile

(64) Al., *mechanice stare videtur constructa*.

(65) Ms. Rip., *talenta*.

(66) Ἐφημερίς proprie *diarium* est, sive res actionesque per dies descriptæ.

(67) Ms. Rebd., *pondere pensentur et tendantur*.

(68) Ita mss. plerique. *Tempus quo sol (aliusve planeta) in eandem partem signiferi per eosdem numeros redit, per quos cursus sui principium ceperat, ἀποκατάστασις* vocant studiosi rerum celestium. Columella. Potest ergo et revolutio Saturni planetæ ad primum situm intelligi, aut turbatio rerum et κατὰστασις, maligno ejus sidere concitata. At ms. Rip. habet *apocatasticus*. Brethelmus *apostaticus*, id est, *retrogradus*: aut potius, *contrarius, maleficus*.

(69) Κλιμακτικῆρες dicuntur anni seansiles, a κλίμαξ, quod est *gradus*. Vanissimas istas observationes ipse Plinius ridet lib. vii, cap. 49: *Itursus Æsculapii secta*, inquit, *que stola ritæ spatia a stellis accipi dicit, sed quantum plurimum tribuat, incertum est. Rara autem esse dicunt longiora tempora, quandoquidem momentis horarum insignibus lunæ dierumve septem atque novem (que nocte ac die*

assignare nititur aliquid et probare. Age nunc, interroga alterum mathematicum, cui ipsas horas ipsumque tempus in bonis tibi exuberasse dicas, illico videbis eum tibi rationabilia schemata infinita afferre, quibus approbet, quia in ipsis tibi temporibus evenire debuerint bona. Circulum etenim tenet ex omni parte collectum, in quo diversas et varias causas accipit, et quibus occasionem capiat dicendi quod voluerit.

56. Nam futura dum penitus prævidere non possunt, climactericas dicunt, id est naturæ rei incerta profugia. Nam diversis temporibus nati uno naufragio perierunt, et una hora diei vel noctis exorti, alter ad mendicitatem deponitur, ascendit alter ad regnum; et in uno prælio innumerabilis multitudo prosternitur, et uno die, imo uno puncto (72) in una domo, duæ feminae, pudicissima altera, altera efficitur impudica: utriusque stellæ si meritum contulerint, nec meretrix vituperanda est, nec casta laudanda. Certe legum latores et principes sacra sua prævaricata puniunt, et ideo forum, ideo iudex, ideo jura, ut justis laudentur recte, et injusti merito puniantur. Et hoc nolo ut otiosum existimes, quod te ipsum nondum salvatum attendis. Nam si ex integro a te inimici generis humani caeremonias abjiceres, in temetipso quod verum est didicisses.

57. Audiens hæc Chromatius dixit : Verus ille Deus est, qui vos tales probatur habere cultores. Nam omnis sermo vester ita rationibus affluit, ut et pecudum ad rationem veram mentes inclinet. Unde C etiam hoc ipsum quod ad ornatum domus visus sum excepisse, ne impediatur salutem meam ejus incolumitas, dissipetur. Credo enim, et hæc fides mea est, quod his omnibus quæ Christianitatis lex abominatur et prohibet, si a me ex integro separavero, et præsentem merear salutem consequi et futuram.

58. Audiens hæc filius ejus Tiburtius dixit : Nulla patiar ratione hoc opus pretiosum et præcipuum et incomparabile dejici. Sed ne paternæ salutis videar venire contrarius, deferantur duo cli-

observantur) ingens turba nascatur, scansili annorum lege occidua, quam climacteras appellant, non fere ita genitis LIV annuum excedentibus. Primum ergo artis ipsius inconstantia declarat quam incerta res sit. Accedunt experimenta et exempta recentissimi census, quem intra quadriennium imperatores Cæsares Vespasiani, pater filiusque, censores egerunt. Et quibusdam interjectis exemplis, subdit: Alia mortalitatis inconstantia: Homerus eadem nocte natos Hectorem et Polydamanta tradit, tam diversæ sortis viros. C. Mario, Cn. Carbone in coss. ad quintum Kalend. Junius, M. Cæcilius Rufus et C. Licinius Calvus eadem die geniti sunt, oratores quidem ambo, sed tam dispari eventu. Hoc etiam iisdem horis nascentibus in toto mundo quotidie evenit, pariterque domini ac serri gignuntur, reges et inops.

(70) Brechtus et quidam codices, *reditus*; al., *syndethos*; al., *si inditus*; alii recte, *syndetos* et *syndetus*, id est colligatus, convinctus; forte *syndesmos*, conjunctio.

(71) Quidam codices, *stigmale*. Brechtus hoc omisit.

(72) Al., *puncti atomo*.

bani et accensi ante januam cubiculi præparentur, A ut dum destructum ab eis fuerit, et pater meus non receperit sanitatem, ambo in singulis clibanis ardentibus demergantur. Audiens hæc pater ejus, prohibebat fieri. Sancti vero non solum non metuebant promissum exitium, verum etiam constanter præparari clibanos hortabantur.

59. Tunc accesserunt ad universa idola crystallina et holovitrea, et omne opus illud mechanicum : et subito, dum sanctorum manibus frangerentur, apparuit ante oculos Chromatii juvenis, cujus facies flammeo radiabat aspectu, et dixit ei: Misit me Dominus meus Jesus Christus, cui credidisti, ut omnium membrorum tuorum recipias sanitatem. Ad hæc vocem sanissimus redditus cœpit currere post juvenem, ut pedes ejus oscularetur. At ille dixit B ei: Vide ne contingas me, quia nondum baptismatis sanctificatio te a squaloribus abluit idolorum. Videns hæc Tiburtius filius ejus, advolvitur ad pedes S. Polycarpi. Ipse autem Chromatius præfectus astringebat plantas S. Sebastiani, et ambo una voce clamabant: Verus Deus est Christus, verus et omnipotens unigenitus Filius Dei, quem prædicatis boni ministri ejus.

CAPUT XVII.

Chromatii et Tiburtii baptismus.

60. Tunc B. Sebastianus dixit Chromatio: Sicut ipse nosti, principatum primæ cohortis ago, sed utrum sit militia (73) hominis, nescire olim decevi, nec vellem. Ad hoc tantum sub chlamyde C latere volui, ut nutantium animos instruerem, et dubitantes constantes efficerem, ne passionum doloribus cederent, quos fides fecerat bellatores. Tu autem amplissimæ potestatis apicem gerens, non potes temetipsum nec a spectaculis tollere, neque judicandis negotiis absentare. Simulans igitur ægritudinem, tibi ipsi postula successorem, ut possis liber ad occupationibus mundi, futuræ vitæ rudimenta suscipere, ut secunda nativitate iterum natus æternis efficiaris parentibus proles. Eodem itaque die mittit ad amicos suos in palatio positos, per quos testimonialia scripta suscipiens, tirocinium divinæ militiæ antequam baptizaretur accepit.

61. Quid memorem, quam plenissimæ fidei fuerit, quamque acris ingenii contra infidelium asserta constiterit? Sequens lectio manifestat. Nam in initio qualiter sit sacrosancti fontis unda perfusus, mentis ejus fides evidenter enituit. Interrogatus si crederet, dixit: Credo. Iterum interrogatus, utrum abrenuntiaret omnibus idolis, respondit: Abrenuntio. Prosecuta est interrogatio sacerdotis, utrum renuntiaret om-

nibus peccatis; at ille ait: Ista prius debui inquirere antequam has aulas regis (74) cœlorum intrarem. Nunc autem reinduam me non baptizatus, ut omnibus prius, quibus sum iratus, indulgeam; omnibus debitoribus meis chirographa restituam; si cui aliquid violenter abstuli, integrum reddi præcipiam: duæ mihi post uxoris obitum concubinæ sunt, et istis dotem et maritos tradam, ab omni nexu servili, ingenuo, privato, vel publico actuum meorum exsolvam: et ita demum promittam renuntiaturum me omnibus peccatis diabolicis et voluptatibus mundi. Dicit ei Polycarpus presbyter: Beatiore te cœlestis unda perfundet, cum ea quæ arbitrio tuo dicis te esse facturum, tota festinatione compleveris: nam et quadragesimæ tempus ideo baptizandis injungitur, ut tot diebus (75) ipsi discant renuntiuros se esse omnibus artibus inimici et mundi commerciis, si qui verissime effici volunt Christiani.

62. Tunc Tiburtius juvenis sapientissimus dixit: Pater, si tibi pro renuntiandis negotiis tempus flagitas, ego qui adhuc suscepturus eram negotia fori, soli susceptionis voluntati renuntio: et qui futurus eram advocatus ad agendas causas mortalium, suscipiam Christianitatem, ad agendas actiones angelicas, cum unus esse cœpero ex eorum numero, qui æternam vitam accipiunt, et efficiuntur causidici sanctitatis. Tunc amplexatus est eum B. Sebastianus: quem cum baptizasset S. Polycarpus, ipse pater susceptionis ejus est factus.

63. Igitur dum pauci admodum transacti fuissent dies, omnibus rite abrenuntiatis a Chromatio mundi negotiis, suscepit Chromatius sacri baptismatis novitatem: et cum eodem ex familia ejus promiscui sexus mille quadringentæ animæ, quos omnes prius manumissionis gratia a servitutis nodo exsolvit, et donis optimis instruxit, dicens hoc: Illi qui Deum incipiunt habere patrem, servi hominis non debent esse.

CAPUT XVIII.

Chromatius, præfectura Urbis abdicata, persecutionis tempore Christianos alit.

64. Erat autem papa urbis Romæ nomine Caius (76), vir magnæ prudentiæ magnæque virtutis, imperantibus Carino (77), Diocletiano et Maximiano. Sed Diocletianus in Urbe erat cum Maximiano: Carinus autem erat cum omni exercitu in partibus Galliarum positus: et ejus intuitu lenta persecutio Diocletiani circa Christianos esse cœperat; quia Carinus (78) habebat aliquos amicos, quos hujus tituli professio decorabat.

(77) Carinus sub finem anni 282 Cæsar creatus Caro patre in expeditione Persica ictu fulminis, Numeriano fratre Apri soceri fraude extinctis, ipse quoque anno 285, Diocletiani II, ab hoc victus interemptusque est.

(78) Huc fortasse respexit Vopiscus de eo scribens, odio nostræ religionis: *Amicos optimos quosque re-*

(73) Mss. Rebdorf., *malitia*.

(74) Al., *regni*.

(75) Al., *totis diebus*.

(76) Colitur S. Caius papa 22 April.; sedit a consulatione Cari II et Carini, an. chron. 283, usque ad consulationem Diocletiani VI, et Constantii II, an. chron. 296.

65. Igitur occiso Carino in civitate Maguntiaci (79), A Maximiano et Aquilino (80), consulibus, facta est persecutio talis, ut nullus emeret vel venundaret aliquid nisi qui statunculis (81) positus in eo loco, ubi emendi gratia ventum fuisset, thuris exhibuisset incensum. Circa insulas (82), circa vicus, circa nymphæa (83) quoque erant positi compulsores, qui neque emendi copiam darent, aut hauriendi aquam ipsam facultatem tribuerent, nisi qui idolis delibassent.

66. Tunc S. Caii episcopi consilio habito, Chromatius illustris vir omnes Christianos in domo sua suscepit, et universos ita fovebat, ut nullus omnino sacrificandi necessitati succumberet. Verum quia tanta vis persecutionis exstiterat, ut opinio ipsa Christianitatis ejus celari non posset, meruit ex sacro rescripto Chromatius ut medendi gratia in Campano littore moraretur, in quo erat lati cespitis (84) dominus, tribuitque copiam omni Christiano ire volenti cum eodem ad persecutoris rabiem declinandam. Tunc orta est contentio inter S. Polycarpum et B. Sebastianum; quis horum duorum in Urbe remaneret, et quâs iret cum Chromatio, qui tantum populum susceperat Christianum. Quibus altercantibus venerabilis papa Caius dixit: Dum ambo passionis coronam quaeritis, acquisitum Domino populum desolatis. Unde mihi videtur, ut tu, frater Polycarpe, quia et sacerdotii rectum tramitem tenes, et scientia Dei repletus es, pergas simul ad confortandas credentium mentes et animos dubios aedificandos (85). At ille his auditis quievit et blandum papæ imperium æquanimiter tulit. Venit itaque dies Dominica, in qua Caius episcopus agens quæ Dei sunt intra domum Chromatii, hac omnes alloquitur voce: Dominus noster Jesus Christus, præsciis fragilitatis humanæ, duos in se credentibus constituit gradus, confessionis scilicet et martyrii,

legavit; pessimum quemque elegit; aut tenuit et infra: hominibus improbis plurimum detulit. Tales etiam Christiani habiti, quanquam alioquin flagitiose vixisse Carinum Orosius quoque testatur. Sed aucta invidia, quod in comitatu Christianos haberet, etiam sanguine junctos, ut ex Vita S. Juliani 9 Januar., cap. 18, num. 33, patet.

(79) Ita plerique codices; quidam, *Maguntiaci*, unus, *Moguntiaci*; Mombrius, *Montiacho*; Brechtus, *ad Margum*: recte. Ita Vopiscus: *Nam contra Diocletianum multis pæliis conflixit. Sed ultima pugna apud Margum commissa occubuit.* Alia exemplaria habent *apud Martium*. Eutropius lib. xi: *Postea Carinum omni odio et detestatione viventem, apud Margum ingenti prælio vicit, proditum ab exercitu suo, quem fortiozem habebat, certe desertum, inter Viminalium atque Aureum montem.* Aurelius Victor de Cæsaribus: *At Carinus ubi Mæsiam contigit illico Margum juxta Diocletiano congressus, dum victos aride premeret, suorum ictu interit.* Margus urbs erat Mæsiæ, et flumen, ut in Tabula itineraria videre est.

(80) Ita plerique codices omnes. Legendum forte, *Maximo et Aquilino*, nisi *Maximianus Herculeus* illi subrogatus, qui anno sequenti, Christi 287, secundum consulatum gessisse legitur. Iis ergo coss. cum superiore anno occisus esset *Carinus*, vehemens

ut hi qui martyrii pondus se posse perferre desperant, confessionis gratiam teneant, et dantes latus (86) bellantibus, Christi militum, qui pro ejus sunt nomine pugnaturi, sollicitudinem gerant. Pergant itaque qui volunt una cum filiis nostris Chromatio et Tiburtio, et mecum in hac urbe qui voluerint maneat. Non enim nos terrarum spatia dividunt, quos Christi charitas necit, nec absentiam vestram sentiunt oculi nostri, quia de interioris hominis vos intuemur aspectu.

67. Hæc et his similia dicente papa Caio, exclamavit Tiburtius, vir clarissimus, dicens: Obsecro te, pater et episcoporum episcopo, ne me patiaris terga persequentibus dare. Mihi enim valde jucundum est et optabile, si possem millies pro vero Deo occidi, tantum ut illius vitæ dignitatem inveniam, quam nullus mihi successor eripiat, cui nulla tempora finem imponant. Tunc S. Caius, congaudens fidei ejus, lacrymas effundebat, orans ut omnes qui remanserant certamine victores existerent, triumphum martyrii capientes.

CAPUT XIX.

SS. *Sebastiani, Tiburtii, et aliorum præclara facta in Urbe.*

68. Remanserant autem cum venerabili Caio papa hi, Marcellianus et Marcus, simul quoque et pater eorum vir clarissimus Tranquillinus, item B. Sebastianus, et pulcherrimus juvenis, sed et mente pulchrior, S. Tiburtius, et Nicostratus ex primicerinio cum fratre suo Castorio, et cum conjuge sua, Zoe nomine; item Claudius cum Victorino fratre suo et cum filio suo Symphoriano (87) qui fuerat a morbo hydropis liberatus. Hi tantum, universis cum Chromatio proficiscentibus, cum Caio episcopo remanserunt; Marcum et Marcellianum diaconii honore sanctificavit. Tranquillinum vero

comminata persecutio in Occidente.

(81) Ita S. Gregorius Turonens. lib. i *Hist. Franc.* cap. 5 *Hic (Chus) primus statunculam adorandam diaboli instigatione constituit.* Alii *statunculum* legunt, et *staliculum*, uti et hic, estque *staliculi* nomen etiam Tertulliano usurpatum. Brechtus: *statunculis, hoc est, parris idolorum staliis.*

(82) Insulæ in urbibus sunt domus undique vicis clausæ, atque ab aliis separatae, uti marinæ insulæ undique aquis ambiuntur. Suetonius in Nerone, cap. 16: *Et ut ante insulas ac domos porticus essent, de quarum solaris incendia urcerentur; et in Julio, cap. 41: Recensum populi nec more nec loco solito, sed vicatim per dominos insularum egit.* In veteri descriptione Urbis ad singulas regiones, numerus exprimitur insularum.

(83) Al., *nymphus*. In eadem descriptione Urbis præter *balnea lacusque* aliquot recensentur *nymphæa*.

(84) Al., *quod later subterfluit, in quo erat latice piscis, etc.*, inepte corrupta lectio.

(85) Ms. Rip, *recreandos*; al., *confirmandos*.

(86) Al., *locum*.

(87) Is supra *Felicissimus* appellari videtur. At mss. omnes præterquam Ripatorii, *Symphorianum*, hic habent, quem alii *Symphronianum*, alii *Sympronianum* vocant. Inscriptus est Martyrologiis 7 Julii, at *Felicissimus* et *Felix 2 ejusdem*.

patrem eorum, fecit presbyterium. S. Sebastianum autem, qui ad multorum profectum sub specie militiæ latebat, defensorem Ecclesiæ instituit, cæteros vero subdiaconos fecit.

69. Sed quia tutus nullus inveniri poterat locus ad latebram confovendam (88), morabantur omnes apud Castulum quemdam Christianum zetarium (89) palatii : qui Castulus ibidem in palatio, in superiori loco et valde altissimo commanebat. Ideo autem hæc apta mansio probabatur, quia et ipse Castulus cum suis omnibus christianissimus erat ; et lex data de sacrificiis cum ubique sui fervore desæviret, in illis qui palatio adhærebant, quia nec suspicio de eis esse poterat, celabatur. Erant ergo, ut diximus, omnes hi morantes cum sancto papa Caio apud Castulum zetarium, in ipsis superioribus palatii, et die noctuque gemitibus ac fletibus, et jejuniis atque orationibus occupati, exorabant Dominum, ut digni haberentur tolerantia confessionis ejus, in numero sanctorum martyrum sociari.

70. Ascendebant autem ad eos occulte religiosi viri et religiosæ feminæ, et a Sanctis diversas sibi sanitatum gratias impetrabant. Corroboratos namque veræ fidei firmitate et solidato fundamento virtutum, sanitatum gratia prosequabatur. Nam et cæcorum oculi illuminabantur eorum precibus, et sanabantur infirmi, et ex obsessis corporibus dæmones pellebantur.

71. Interea dum hæc aguntur, transiens B. Tiburtius occurrit homini qui de alto lapsus, et caput ei omnia membra quassaverat, ita ut de sola sepultura ejus agerent hi, quorum filius esse dignoscebatur. Tunc dicit eis flentibus : Permittite me præcantare (90) ei, forsitan recuperabit sanitatem. Cumque omnes dedissent spatium, accessit juxta eum, et dicens supra vulnera ejus lente orationem Dominicam et symbolum, ita solidata sunt ossa ejus, et caput et omnia viscera, ut quasi nihil ei evenisset, ita factus sit incolumis.

72. Hæc itaque cum fecisset, cœpit ira. Tenebant autem illum parentes ejus dicentes : Veni et habe eum servum et omnia bona nostra tibi tradimus cum eo, quia ipsum unicum, quem habebamus, nobis jam mortuum reddidisti vivum. Dicit eis : Si ea quæ vobis dixero feceritis, magni pendam mercedem sanitatis hujus. Dicunt ei parentes ejus : Nosmetipsos si servos habere digneris, contraire non possumus : quin imo et optamus, si ipse judicaveris dignum. Tunc apprehendans manns eorum, segregavit eos a turbis, et indicavit eis virtutem nominis Christi. Et videns animum eorum fixum

A fortiter in timore Domini, perduxit eos ad papam Caium et dixit : Venerabilis papa ac divinæ legis antistes, ecce quos per me hodie lucratus est Christus, in quibus fides mea, velut arbuscula novella, primum prorupit in fructum. Tunc S. Caius episcopus baptizavit eos, hoc est, juvenem cum parentibus suis, Deo gratias referentes.

CAPUT XX.

SS. Zoes, Tranquillini et aliorum cædes.

73. Verum quia multum est si velimus ea prosequi quæ et quanta per eos fecerit Christus, qualiter unusquisque ad palmam martyrii venerit, tantummodo explicemus. Beatissima Zoe in Apostolorum uatale, dum ad Confessionem (91) Petri apostoli oraret, ab insidiantibus paganis arctatur, duciturque ad patronum regionis Naumachiæ (92), et compellitur Martis statunculo (93), quod illic stabat, thuris guttas incendere. Tum illa respondit : Mulierem Marti sacrificare compellitis, ut ostendatis Martem vestrum mulieribus delectari ? Sed ille impudicissimæ Veneri potuit pudorem eripere, mihi vero tropæum fidei in fronte portanti non poterit prævalere. Non enim ego meis contra eum viribus luctor ; sed in Domini mei Jesu Christi virtute confidens, et vos et illum pariter ridendo contemno. Tunc patronus regionis misit eam in custodiam obscurissimam, et per quinque dies fecit eam nec lumen videre, nec cibum nec potum accipere. Solum vox ejus qui eam illic incluserat audiebatur dicentis : Ibimorieris fame, et siti, et cæcitate, nisi te libaturam repromiseris diis.

74. Sed cum pertransissent sex dies suggesserunt de ea præfecto sævienti : qui jussit eam a collo et capillis in arborem excelsam suspendi et subter fumum ex sterquilinio adhiberi. Statim autem ut suspensa est, in confessione Domini emisit spiritum (94). Illi autem auferentes corpus ejus saxo ligaverunt et Tiberis alveo immerserunt, dicentes : Ne Christiani corpus ejus tollant, et faciant sibi illam deam.

75. Igitur celebrato martyrio ejus, venit in somnis B. Sebastiano, et narravit ei qualiter martyrium Domini suscepisset. Quod cum narrasset S. Sebastianus, proripuit se S. Tranquillinus, dicens : Feminæ ad coronam præcedunt, ut quid vivimus ? Ipse quoque descendens Apostolorum natalitii octavo die, ad B. Pauli Confessionem accessit : nihilominus et ipse perpressus insidias tentus est, et a populo lapidatus mortuus est (95), et corpus ejus Tiberino gurgiti mancipatum est-

(88) Ms. Rip., *contuendam*.

(89) Quid *zeta* sint aut *zæta*, quibus *zetarius* prætrat, supra dictum est ad cap. 3.

(90) Al., *incantare* ; al., *decantare*.

(91) Confessio est pars ecclesiæ ubi sanctorum corpora quiescunt, ac fere sub majori altari.

(92) Plures fuerunt in Urbe *Naumachiæ*, Diocletiani regione nona ; aliæ tertia decima ; duæ decima quarta trans Tiberim. Et Baronius an. 286, n. 13,

hoc trans Tiberim gestum censet, et *nova munera tunc certis locis, certis hominibus ad inquirendos Christianos distincta* ; sicque ut uni Urbis regioni plures essent præfecti patroni, qui singuli in parte sibi concredita Christianos inquirerent.

(93) Al., *stunculo*, ut supra.

(94) Colitur 5 Jul.

(95) 6 Jul.

76. Item Nicostratus et Claudius una cum Caestorio et Victorino et Symphoriano, dum corpora Sanctorum per ora Tiberina requirerent, a persecutoribus tenti sunt, et ad Urbis praefectum perducti. Erat iudex Fabianus, qui eos hortabatur ad sacrificandum, et per decem dies minis eos et blanditiis agens in nullo penitus potuit commovere. Tunc fecit de iis suggestionem imperatoribus, qui iusserunt eos usque tertio torqueri. Cumque nulla ratione tormentis compulsi cederent, iussit eos in medio mari praecipites dari. Immensis igitur arctati ponderibus, pelagi fluctibus dati sunt, et in loco mundo inter aquas coronam martyrii celebrarunt (96). Insidiabantur itaque infideles fidelibus, et iniquo furore vexati christianum non poterant nec nomen audire.

CAPUT XXI.

S. Tiburtii martyrium.

77. Interea dum S. Caio episcopo quidam se simulata fide sociasset, dicens se esse Christianum; porro hic apostata exstiterat, et erat fraudulentus in omni sermone, et callidus in omni commisso. Quid multa? dum a B. Tiburtio viro scholasticissimo et nobili et sancto frequenter argueretur, quod capillos super apicem frontis tonsoris arte componeret, et quod assidue pasceretur (97) et ludendo pranderet; et quod licentius feminarum se aspectibus daret, et quod a jejuniis se et orationibus tolleret, quod somno deditus non interesset pervigil (98) in hymnis Dei ducentibus noctes; dum pro his, ut diximus, a B. Tiburtio acius argueretur, simulat se aequanimiter monentem accipere: et egit arte quatenus orantem S. Tiburtium comprehenderent infideles. In qua comprehensione seipsum teneri fecit, et simul ad secretarium perducere iudicis saevientis. At ubi introducti sunt, Fabianus praefectus dixit ad eum qui se arte tradiderat: Quis diceris? At ille respondit: Torquatus (99). Fabianus dixit: Quid profiteris? Torquatus dixit: Christianus sum. Fabianus dixit: Ignoras quod iusserunt invictissimi principes, ut qui sacrificare diis noluerint diversis suppliciiis macerentur? Torquatus dixit: Hic magister meus est, et ipse me semper docuit: quod hunc videro facere, necesse est ut faciam.

78. Fabianus conversus ad S. Tiburtium dixit: Audisti quid Torquatus asserat? quid ad ista respondes? S. Tiburtius dixit: Torquatus diu est quod se Christianum esse mentitur; virtus enim nominis ipsius sancti graviter fert et moleste, suum nomen non a suis amatoribus (1) usurpari. Revera enim, vir illustrissime, hoc Christianum vocabu-

lum divinae virtutis est, sectatorum videlicet Christi, qui vere philosophati sunt, qui vere Christiani dicti sunt, qui ad obterendas libidines fortiter dimicant. Credisne, vir illustrissime, hunc esse Christianum, qui in lenocinio sui moliendo (2) capitis limbras (3) eo mittit, qui tonsorem diligit, qui scapulas molliter gestit, qui fluxum (4) gressum improbo nisu distendit, qui viros negligenter agit, feminas diligentius intuetur? Nunquam tales Christus habere dignatus est servos. Verum quoniam me hic se imitaturum asseruit, hic in tuo conspectu probabis eum esse mentitum. Hic enim qualis semper fuerit, nunc evidenter ostendet.

79. Fabianus dixit: Consultius facies, si salutis tuae consulas, et principum decreta non contempnas. S. Tiburtius dixit: Ego salutis meae melius non consulo, quam ut deos deasque contempnam, unum Dominum Jesum Christum Deum meum esse confitear. Torquatus dixit: Non solum ipse Christianus crudelis est, verum etiam multis persuadet, et decipit, ac docet omnes deos daemones esse; ipse autem cum sociis suis, eum quibus magicas artes (5) exercet, die noctueque incantationibus occupatur. S. Tiburtius dixit: Falsus testis non erit impunitus. Et ait iudici: Iste, quem vides, illustrissime vir, malitiae suae curis exaestuans ad nihil aliud Christianis est junctus, nisi ut cogitaret quomodo se nobis quasi Christianum ostenderet; quomodo aliis se fidelissimum mentiretur. Reprehendebam (6) tamen in eo Cyclopeam edacitatem, et mersum vino pudorem (7), et sepultam divini nominis sanctitatem. Ebrius patiebatur sitim, et esuriam vomens: nec ut Christianus, sed ut Antonianus quoddam ille conviva manducabat, bibebat, vomebat, et nunc Christianos arguit, Christianos accusat, in nos mitem iudicem incitat, gladium volenti iudici porrigit, et ut daemoneis cervices nostras inclinemus hortatur. Videmus votum tuum, videmus cruenta consilia; et scelerata arte verborum venena tui pectoris intuemur. Accingere nunc, crudelissime (8): utere carnificis officio: vindica tibi et ipsius iudicis vocem; applica aculeos, suspende Christianos, daurna, percutite, incende, universa tormenta adhibe, bene nos accepisti. Si exilium minaris, hoc philosophantibus totus est mundus; si supplicium, evadimus mundi carcerem; si ignes, majora horum in cupiditatibus vincimus. Decerne quidquid libet, omnis nobis vilis est poena, ubi pura comes est conscientia.

80. Fabianus praefectus dixit: Restitue te generi tuo, et hoc esto quod te natura dictavit. Nobilis enim natus ad tantam devolutus es faciem, ut ve-

(96) 7 Jul.

(97) Ms. Rip., potaret.

(98) Al., pervigiles.

(99) Metaphrast., Curtualus, ne forte legendum Turcuatus.

(1) Al., moribus.

(2) Al., molliendo.

(3) Al., fibras omittit; al., fibras amittit.

(4) Al., fluxum.

(5) Al., clades.

(6) Al., reprehendebant.

(7) Al., immensum vini pudorem; Brechtus, emer-sum vino pudorem.

(8) Al., christianissime.

lis (9) et supplicium simul et infamiam subire et A mortem. S. Tiburtius dixit : O prudentissimum virorum, et Romanis iudicem constitutum ! quia meretricem Venerem, et incestum Jovem, et Mercurium fallacem, et Saturnum filiorum occisorem colere nolo, infamiam generositatis (10) incurro : et quia unum et verum Deum, qui in cœlis regnat, adoro et veneror, suppliciis me macerandum esse minaris ? Non annuimus tuæ persuasioni ; non negamus (11) Christum Filium Dei ad hoc de cœlo descendisse ad terras, ut a terris homo ad cœlum posset ascendere ; ideo istas omnes vanas effigies, quas colitis sine causa, proculcans pedibus meis, Deo me omnipotenti subjeci.

81. Tunc Fabianus jussit ante pedes ejus carbon- B nes ardentis effundi ; et ait ad eum : Elige tibi unum e duobus, aut thura in istis carbonibus ad- jice, aut pedibus super eos nudis incede. Tunc B. Tiburtius faciens signum crucis, constanter nuda super eos ingressus est planta, et cœpit præfecto dicere : Depone infidelitatem et disce quia hic solus est Deus, quem confitemur creaturis omnibus dominari. Mitte tu, si potes, in nomine Jovis dei tui manus in calidam aquam ; et si potest Jovis tuus, faciat te non sentire fervorem ardoris. Nam mihi in nomine Domini mei Jesu Christi videtur, quod super roseos flores gradior, quia creatura Creatoris sui famulatur imperio.

82. Fabianus dixit : Quis ignorat magicam vos docuisse Christum vestrum ? S. Tiburtius dixit : Obmutescere, infelix, et noli auribus meis hanc injuriam facere, ut audiam te rabido ore latrantem, mellifluum nomen ejus sanctum nominare. Tunc iratus Fabianus dictavit sententiam dicens : Blasphemator deorum, et reus atrocium injuriarum, gladio animadvertatur. Ductus est autem via Laticana tertio milliario ab Urbe, et effundens orationem ad Dominum, uno ictu gladii verberatus accessit (12). Et in eodem loco a parente quodam Christiano sepultus est : in quo loco multa beneficia semper præstitit Christus ad laudem nominis sui usque in præsentem diem.

CAPUT XXII.

SS. Castuli, Marcelliani, Marci, cædes.

83. Post hæc autem Torquatus egit ut Castulus zetarius palatii, hospes Sanctorum, comprehenderetur : qui cum fuisset arctatus, et hic tertio appensus, tertio auditus, in confessione Domini perseverans, missus est in foveam, et dimissa est super eum massa arenaria, et ipse cum palma martyrii migravit (13) ad Dominum.

(9) Al., *possis.*

(10) Al., *ingenerositatem.*

(11) Al., *non abnuimus, non renitimus, non negamus.*

(12) Colitur S. Tiburtius 11 Aug., quo die et S. Chromatii parentis ejus memoria agitur.

(13) 26 Martii.

(14) 18 Junii.

84. Tenentur post hæc Marcellianus et Marcus ; et ambo ligati ad stipitem clavos in pedibus acutos acceperunt ; quibus dicebat insanissimus Fabianus : Tandiu fixis stabitis plantis, quousque diis debitum redhibeatis officium. Tunc ambo fratres in uno ligno confixi psallebant dicentes : Ecce quam bonum et quam jucundum habitare fratres in unum. Dicit eis Fabianus : Infelices et miseri, deponite amentiam vestram, et liberate vosmetipsos a cruciatibus imminentibus super vos. Cui respondentes ambo dixerunt : Nunquam tam bene epulati sumus : modo cœpimus esse fixi in amore Christi. Utinam nos sic esse sicut sumus tandiu permittas, quandiu hujus tegimur corporis indumento ! Cumque transisset una dies et una nox, et illi in psalmis et hymnis perseverarent, jussit eos ambos ubi stabant lanceis per latera verberari : et ita per martyrii gloriam ad siderea regna migraverunt (14). Item sepulti sunt et ipsi in via Appia, milliario secundo ab Urbe, in loco qui vocatur Ad Arenas, quia cryptæ arenarum illic erant, ex quibus Urbis mœnia struebantur (15).

CAPUT XXIII.

S. Sebastiani gloriosum certamen.

85. His ita gestis, B. Sebastianus ab insidiantibus conventus est : et quia, ut diximus, videbatur sub chlamyde latere, cum miles esset dignissimus Christi, suggestit de eo præfectus Diocletiano imperatori. Quem Diocletianus ad se convocans, ait : Ego te inter primos palatii mei semper habui, et tu contra salutem meam in injuriam deorum hactenus latuisti. S. Sebastianus dixit : Pro salute tua semper Christum colui, et pro statu Romani orbis illum, qui in cœlis est, semper adoravi, considerans a lapidibus auxilium petere insani capitis esse et vani. Tunc iratus Diocletianus jussit eum duci in medium campum, et ligari quasi signum ad sagittam, et jussit ut sagittarii eum figerent (16). Tunc posuerunt eum milites in medio campo, et hinc inde eum ita sagittis repleverunt, ut quasi hericius ita esset hirsutus (17) ictibus sagittarum.

86. Æstimantes autem illum esse mortuum abierunt. Tunc relicta martyr is Castuli zetarii, nomine Irene (18), abiit nocte, ut corpus ejus tolleretur et sepeliret. Et inveniens eum viventem adduxit ad domum suam in scala excelsa (19) ubi manebat ad palatium, et ibi intra paucos dies salutem integerrimam recuperavit in omnibus membris.

87. Cumque omnes Christiani ad eum convenirent, hortabantur eum abscedere. Ille autem oratione facta descendit, et stans super gradus Helio-

(15) Al., *instruebantur.*

(16) Al., *sumerent*; al., *suerent*; al., *exsuerent* al., *in eum jacerent.*

(17) Al., *insutus*; al., *insitus.*

(18) Plurimi codices, *Hirene*, Raban., Herene al., *Herena*; al., *Ærena.*

(19) Al., *insulam excelsam.*

gabali (20), venientibus imperatoribus dixit: A Iniquis subreptionibus animos imperii vestri tem-
plorum pontifices obsident, suggerentes de Chri-
stianis falsa commenta, dicentes eos reipubl. esse
adversarios; quorum orationibus ipsa respublica
melioratur et crescit; qui pro imperio vestro et
pro salute Romani exercitus orare non cessant.
Cum hæc et talia diceret, Diocletianus ait: Tunc
es Sebastianus, quem nos dudum sagittis jussera-
mus interfici? S. Sebastianus dixit: Ad hoc me
Dominus meus Jesus Christus resuscitare dignatus
est, ut conveniam et contester vos coram omni po-
pulo, injusto judicio persecutionem vestram in
Christi famulos ebullisse.

88. Tunc jussit eum in hippodromo (21) palatii
duci, et tam diu fustigari (22), quandiu spiritum
exhalaret. Tunc tulerunt corpus ejus nocte, et in
cloacam Maximam (23) miserunt dicentes: Ne
forte Christiani eum sibi martyrem faciant. Tunc

(20) Ubi hi fuerint gradus *Heliogabali*, sive *Ela-
gabali*; colligi ex Lampridio potest, qui in Anto-
nino Heliogabalo ita scribit: *Heliogabalum in Pala-
tino monte, juxta aedes imperatorias consecravit,
eique templum fecit...., id agens ne quis Romæ deus
nisi Heliogabalus coleretur.* Hujus nimirum dei
sacerdos fuerat Antoninus ille.

(21) Aliqui codices, *epidromio*; quidam, *hypodro-
mio*; alii, recte, *hippodromio*.

(22) Rabanus et alii, *fatigari*; al., *fustibus cædi*.

(23) De cloacis Urbis plane admirandis consule
Baronium in Notat. ad *Martyrol.* 26 Aug.; An-
dreadam Fulvium, *Antiquitat. Roman.* lib. iii, cap.
30; Plinium, lib. xxxvi, cap. 15.

(24) Brechtus et plerique codices, *in unco*. Un-
cum hunc esse vult Baronius, quo ac cloacam per-
tractum erat martyr corpus, ut fieri solitum plu-
ribus veterum testimoniis probat. Lampridius in
Commodo: *Carnifex unco trahatur, carnifex sena-
tus more majorum unco trahatur.* Et in Heliogabalo:
*Per pluteas tractus est sordidissime, per cloacas du-
ctus, et in Tiberim submissus est.* At cum impactus
esset corpori uncus, qui ex unco pendeat? an un-
cus multiplex in uno, veluti quo e puteis profun-

B. Sebastianus apparuit in somnis S. Lucinæ cuidam
matronæ religiosissimæ, dicens: In cloaca illa, quæ
est juxta circum, invenies corpus meum pendens
in gompho (24). Hoc tu dum levaveris perduces ad
catacumbas (25) et sepelies in initio cryptæ juxta
vestigia Apostolorum.

89. Tunc B. Lucina ipsa per se eum servjs suis
medio noctis abiit, et levans eum posuit in pa-
vone (26) suo, et perduxit ad locum ubi ipse
imperaverat, et eum omni diligentia sepelivit. Ipsa
autem sancta Lucina pax xxx dies a loco sancto
ipso non discessit.

90. Post aliquantos autem annos per Ecclesiæ
est reddita: quæ statim ut Ecclesia gloriam pacis
accepit, domum suam fecit ecclesiam (27). Cui
omnes suas opes ad Christianorum requiem relin-
quens, fecit ipsam Ecclesiam hæredem in Christo,
qui cum Deo Patre et Spiritu sancto æqualis vivit et
regnat in unitate virtutis in sæcula sæculorum. Amen.

dioribus quæ inciderent extrahere mos est: sicqui
muro fortassis dens unus infixus? Veriorem, ne
fallimur, lectionem quidam codices commonstrant,
in quibus *gumpho* et *gonpho* scriptum. Legendam
in *gompho*. Est *γῶμφος*, *clavus* vel *junctura*. Ita
Satius, iv Silv. de via Domitiana:

Tunc umbonibus hinc et hinc coactis,
Et crebris iter alligare gomphis,

connexis nimirum, ne distorqueantur et ab invicem
divellantur, lapidibus. Tertullianus in Apolog.:
*Cervires pœnimus ante plumbum, et glutinum, et
gomphos.* Franciscus Zephyrus Paraphrastes *ma-
jores clavos* reddit. Eadem vox infra in S. Thyrsi
martyrio. Illic ergo eminens uspiam e muro clavus,
aliudve ferramentum firmandis lapidibus adhibi-
tum videtur debere intelligi.

(25) De catacumbis vel catacumbis legi potest
Baronius in notis de *Martyrol.* 3 Jan. et 20 Jan.

(26) Al., *papilionem*; al., *pagone*; Sur., *pilento*;
sicque legendum contendit Monachus. De *pavone*,
sive *pabone*, egimus 16 Jan. ad vitam S. Marcelli
cap. 5.

(27) De hac re agitur in eadem S. Marcelli Vita

LIBER DE

VITIORUM VIRTUTUMQUE CONFLICTU,

AD SIMPLICIANUM.

CAPUT PRIMUM.

Apostolica vox clamat per orbem, charissime,
atque in procinctu fidei positus, ne securitate tor-
peant, dicit: « Omnes qui pie volunt vivere in
Christo Jesu, persecutionem patientur (*II Tim.*
iii, 12). » Verum quia hoc tempore Christianitas
etiam in suis principibus jam religiosa est, jamque
fidelibus desunt pie viventibus in Christo Jesu vin-

D cula, verbera, flagra, carceres, equulei, cruces, et
si qua sunt alia diversa tormentorum genera: quo-
modo verum erit (dicet quis) quod per Apostolum
sonuit, ut omnes pie viventes persecutionem pa-
tiantur? An forte pacis tempore nemo vult pie
vivere in Christo Jesu, et ideo desunt ista? Quis
hoc modo vel desipiens dixerit? In hac ergo
Apostoli sententia non specialis quorundam, sed

generalis omnium persecutio debet intelligi. Et A quoniam sunt multi intra sinum matris Ecclesiae constituti, qui pie viventes in Christo, contumeliis afficiuntur, ac amarulentis opprobriis, injuriis, irrisionibusque laeessuntur: istane est illa generalis, inquiet, persecutio, quam Apostolus omnes pie viventes in Christo pati descripsit? Verum non istam facile dixerim: cum sint quidam in Ecclesia adeo devoti, quibus nemo pravorum audeat in faciem derogare. Alia ergo ex Apostoli verbis intelligenda est persecutio immanior et magis noxia, quam non mortalis intorquet severitas, sed vitiorum gignit adversitas. Dum enim contra humilitatem, superbia; contra Domini timorem, inanis gloria; contra veram religionem, simulatio; contra submissionem, elatio; contra fraternam dilectionem, invidia; contra charitatem, odium; contra libertatem justae correctionis, detractio; contra patientiam, ira; contra mansuetudinem, asperitas; contra humilem dilectionem, tumor; contra spiritale gaudium, saeculi tristitia; contra virtutis exercitium, torpor vel ignavia; contra firmam stabilitatem, inquieta vagatio; contra fiduciam spei, desperatio; contra mundi contemptum, cupiditas; contra Dei amorem, amor proprius; contra simplicitatem, furtum et fraus; contra veritatem, fallacia atque mendaciam; contra puram frugalitatem ac parcimoniam, ventris ingluvies; contra moderatum mœrorem, inepta lætitia; contra discretam taciturnitatem, multiloquium; contra illibatam castitatem, carnis immunditia atque luxuria; contra cordis munditiam, spiritalis fornicatio; contra amorem patriæ cœlestis, appetitus hujus saeculi opponens, semet emergit; hæc (inquam) cum virtutibus obsistere conantur, quid aliud nobis insinuant, quam quod crudelis adversus conglobatas virtutum acies pie viventium persecutio desæviat? O quam durus, o quam amarus est congressus superbiæ! quæ angelos de cœlo ejecit (*Isa. xiv, 12-14*), hominem paradiso eliminavit (*Gen. iii, 5, 6, 23*), cujus exercitus atque armorum conflictus vitia sunt, quæ breviter comprehensa tetigimus. Sed videamus quemadmodum castra cœli et inferni dimicent, arma Christi et diaboli decertent.

CAPUT II.

Primum superbia tibi dicit:

Certe multis, imo pene omnibus: Melior es, verbo, scientia, honoribus et divitiis, et cuncta tibi carnalia et spiritalia suppetunt charismata: cunctos ergo despice, omnibus temetipsum superiorem ostende.

Humilitas ex adverso respondet:

Memento quia terra es (*Gen. iii, 19*), quia putredo et vermis es (*Job xxv, 6*), quia et si aliquid es, nisi tantum te humilies, quantum magnus es (*Eccli. iii, 20*), perdis omnino quod es. Nunquid tu altior quam primus angelus (*Eczech. xxviii, 12-16*)? Nunquid tu splendidior in terra quam Lucifer in cœlo

(*Isa. xiv, 12*)? Quod si ille de tanta sublimitate per superbiam cecidit, quomodo tu ad cœlestem celsitudinem superbiendo de imis conscendes? qui quandiu hic vivis, ea conditione teneris, de qua per Sapientem dicitur: «Corruptibile enim corpus aggravat animam, et onerat terrena inhabitatio mentem multa cogitantem (*Sap. ix, 15*).» Quam densissimis putamus in terra superbiæ tenebris lutum nostrum involvi (*Isa. lxiv, 8*), si potuit in cœlo stella, quæ mane oriebatur, lucis suæ globos amittere (*Isa. xiv, 12*)? Audi ergo potius lucem veritatis dicentem: «Qui sequitur me, non ambulat in tenebris, sed habebit lumen vitæ (*Joan. viii, 12*).» In quo autem ipsa esset sequenda, alibi præmonuit, dicens: «Discite a me, quia mitis sum et humilis corde, et invenietis requiem animabus vestris (*Matth. xi, 29*).» Audi, tumor superbiæ: audi adhuc dicentem humilitatis magistrum: «Omnis qui se exaltat, humiliabitur; et qui se humiliat, exaltabitur (*Luc. xiv, 11*);» et iterum: «Super quem requiescit spiritus meus, nisi super humilem et quietum et trementem sermones meos (*Isa. lxvi, 2*)?» Audi quid etiam de illa veritatis luce dicat Apostolus, qui te ad eam sectandam invitat. Ait enim: «Qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, et specie repertus ut homo. Humiliavit semetipsum, factus obediens usque ad mortem, mortem autem crucis (*Philipp. ii, 6-8*).» Si igitur tanta humilitate se deprimit divina majestas, superbire in aliquo non debet humana infirmitas.

CAPUT III.

Inanis gloria dicit:

Age bonum quod vales; ostende cunctis bonum quod agis ut bonus a cunctis dicaris, ut sanctus ac venerabilis ab omnibus prædiceris, ut tanquam Dei electus noscaris; ut nemo te contemnat, nemo te despiciat: sed universi debitum tibi honorem persolvant.

Timor Domini respondet:

Si boni aliquid agis, non pro transitoriis, sed pro æternis id honoribus age. Occulta quod agis, in quantum vales: quod si ex toto non vales, sit in D animo occultandi voluntas, et tunc non tibi impunitabitur de ostentatione ulla iniquitas. Nam crimere esse non poterit, aliquando manifestari quod semper vis celatum haberi. Sic denique duas Redemptoris sententias sibi quasi contrarias videberis adimplere, quibus dicitur: «Faciente te eleemosynam, nesciat sinistra tua quid faciat dexter tua: sed sit eleemosyna tua in abscondito: et Pater tuus, qui videt in abscondito, reddet tibi (*Matth. vi, 3, 4*);» et: «Videant vestra bona opera, et glorificent Patrem vestrum qui in cœlis est (*Matth. v, 16*).» Cave prorsus ne tibi sententia illi conveniat, qua de hypocritis dicitur: «Omnia opera sua faciunt ut beatificentur ab hominibus

Amen dieo vobis, receperunt mercedem suam (Matth. xxiii, 5; vi, 16); • hoc est, laudes tantum ab hominibus quas amaverunt. Attende ergo tibi in omnibus quæ agis, ne cenodoxiæ elatione pulsatus, cum his qui etiam de miraculorum signis gloriabantur, audias: • Videbam Satanam sicut fulgur de cælo cadentem (Luc. x, 18); • sed time, nam scriptum est: Timor Domini gloria et gloria, lætitia et corona exultationis. Timor Domini delectabit cor, et dabit lætitiā et gaudium, et longitudinem dierum. • Timenti Dominum bene erit in extremis: et in die defunctionis suæ benedicetur (Eccli 1, 13). • Et infra: • Radix sapientiæ timere Dominum, et rami illius longitudo dierum (Ibid. 25). •

CAPUT IV.

Simulatio suggerit:

Quia in abscondito nihil boni facis, ne a cunctis cognitus detesteris, finge te foris, quod intus esse non appetis.

Religio ex adverso respondet:

Nequaquam omnino id agas, sed magis satage bonus fieri, quod non es. Nam probum ostendere te hominibus quod non es, quid aliud quam damnatio est? Memor esto utique quod dicitur: • Væ vobis, Scribæ et Pharisæi hypocritæ, qui mundatis quod deforis est calicis et paropsidis, istus autem pleni estis rapina et immunditia. Pharisæe cæce, munda prius quod intus est calicis et paropsidis, ut fiat et id quod deforis est mundum (Matth. xxiii, 25, 26). • Itemque illud quod inculcando repetitur: • Væ vobis Scribæ et Pharisæi hypocritæ, quia similes estis sepulcris dealbatis, quæ foris quidem apparent hominibus speciosa, intus vero plena sunt ossibus mortuorum, et omni spurcitia: sic et vos foris quidem paretis hominibus justī, intus autem pleni estis hypocrisi et iniquitate (Ibid. 27, 28). • Necnon et illud quod de talibus scriptum legitur: • Veniunt ad vos in vestimentis ovium, intrinsecus autem sunt lupi rapaces (Matth. vii, 15). •

CAPUT V.

Elatio objicit:

Qualis es tu, ut prioribus obtemperes, deterioribus famulatum exhibeas? Te magis quam illos decet imperare: nam illi nec ingenio, nec industria, aut viribus tibi cœquari possunt. Obtempera igitur imperio Dei, et non sit tibi ulterius cura de aliquo.

Beata autem submissio respondet:

Si Dei recte obtemperandum est imperio, humano subdi necesse est magisterio. Christus namque Dominus dicit: • Qui vos audit, me audit; et qui vos spernit, me spernit: qui autem me spernit, spernit eum qui me misit (Luc. x, 16). • Verum ita fieri (inquies) oportet, sed si talis qui imperat esset, qualis esse deberet per quem Deus imperet, cum vero talis non sit, igitur non debetur ei obedientia. Cæterum Apo-

stolus econtra ait: • Non est potestas, nisi a Deo; quæ autem sunt, a Deo ordinatæ sunt. Itaque qui resistit potestati, Dei ordinationi resistit (Rom. xiii, 1, 2). • Quare cum ordinatio hæc divino sit jure constituta, non est humanis obscuranda commentis. Quales ergo esse debeant hi qui imperant, non est a subditis discutiendum. Sequitur enim idem Apostolus: • Qui autem resistunt, ipsi sibi damnationem acquirunt (Ibid. 2). • Et quidem primis Ecclesiæ pastoribus ipse Dominus dicit: • Scitis quia reges gentium dominantur eorum, et qui potestatem exercent inter eos, benefici vocantur: vos autem non sic, sed qui in vobis est major, erit omnium servus: sicut Filius hominis non venit ministrari, sed ministrare, et animam suam dare pro multis in redemptionem (Matth. xx, 23-28; Luc. xxii, 25, 26). • Denique quia non omnes tales futuros esse expressit, ideo subjectorum omnium personas in discipulis assumens, præmonuit dicens: • Super cathedram Moysi sederunt Scribæ et Pharisæi, omnia quæcunque dixerint vobis, servate et facite: quæ autem faciunt nolite facere. Imponunt enim in humeros hominum onera gravia et importabilia, digito autem suo nolunt ea movere (Matth. xxiii, 2-4). •

CAPUT VI.

Item invidia dicit:

In quo illo vel isto minor es? cur ergo eis vel æqualis vel superior non es? Quanta vales quæ ipsi non valent? Non ergo tibi aut superiores, aut etiam æquales esse debent.

Verum dilectio fraterna respondet:

Si cæteros, o homo, virtutibus antecellere te existimas, tutius in infimo quam in summo loco te ipsum servabis. Semper enim de alto pejor fit ruina. Quod si tibi, ut asseris, quidam superiores, alii æquales sunt, quid te lædit? quid te nocet? Cave prorsus, ne dum aliis locum celsitudinis invides, illum imiteris de quo scriptum est: • Invidia diaboli mors introivit in orbem terrarum (Sap. ii, 24). • Imitantur autem illum qui ex parte ejus sunt.

CAPUT VII.

Odium dicit:

Absit ut tu illum diligas, quem in omnibus contrarium habes, qui tibi derogat, qui tibi insultat, qui te injuriis exacerbatur, qui tibi peccata tua impropere, qui te dictis, operibus atque honoribus semper præire festinat. Nisi enim tibi invideret, nequaquam se tibi ita præferret.

Sed sincera charitas respondet:

Nunquid quia hæc quæ narras, odio habenda sunt in homine, propterea non est amanda Dei imago in homine? Imo Christus, qui in cruce positus inimicos suos dilexit, et pro eis oravit (Luc. xxiii, 34), ante crucis tormentum discipulos admonuit, dicens: • Diligite inimicos vestros benefacite his qui vos oderunt, et orate pro persecutibus et calumnian-

tibus vos : ut sitis filii Patris vestri, qui in cœlis est (*Matth. v, 44, 45*). » Quod ante et per Salomonem dictum fuerat, sic enim legitur : « Si esurit inimicus tuus, ciba illum : si sitit, da bibere ei; hoc enim faciens, carbones ignis accumulabis super caput ejus, et Dominus retribuet tibi bona (*Prov. xxv, 21, 22*). » Huic sententiæ Apostolus ex spiritu Christi, cujus sensum habebat (*I Cor. ii, 16*), subjungit dicens : « Noli vinci a malo, sed vince in bono malum (*Rom. xii, 21*). » Quod contra de his qui fratres odisse noscuntur, per Joannem dicitur : « Qui odit fratrem suum, homicida est. Et scitis quod omnis homicida non habet vitam æternam in se manentem (*I Joan. iii, 15*). » Et rursus : « Qui odit fratrem suum, in tenebris est, et in tenebris ambulat, et nescit quo eat, quoniam tenebræ obœcaverunt oculos ejus (*I Joan. ii, 11*). » At, inquis, sufficit mihi quod amantes me diligo. Sed Dominus contra ait : « Si diligitis eos qui vos diligunt, quam mercedem habebitis ? Nonne et publicani hoc faciunt (*Matth. v, 46*) ? » Quid tu, homo, ad hoc iterum objicere vales ? Certe « Qui odit fratrem suum, manet in morte (*I Joan. iii, 14*), » et qui diligit, in Deo manet, et Deus in eo (*I Joan. iv, 15, 16*). « Omnem ergo amaritudinem fellis evome, et quoquo pacto valueris, charitatis dulcedinem sume. Nihil enim illa suavius, nihil in vita beatius, sicut scriptum est : « Odium suscitabit contentionem ; omnes autem non contententes operiet amicitia (*Prov. x, 12*). » Imo et Deo nos illa conformare contendit ; ideo Joannes evangelista hoc affirmans ait : « Deus charitas est (*I Joan. iv, 7*). » Et egregius prædicator Paulus : « Charitas Dei diffusa est in cordibus nostris per Spiritum sanctum, qui datus est nobis (*Rom. v, 5*). » Unde nec immerito charitas delictorum facinora tegere dicitur, sicut scriptum est : « Universa delicta operit charitas (*I Petr. iv, 8*). »

CAPUT VIII.

Detractio dicit :

Quis potest sustinere, quis silentio tegere, quanta iste vel ille prava committit, nisi forte qui consentit ?

At justa correptio respondet :

Nec tacenda sunt mala proximi, nec consentienda : sed charitate fraterna proximus in faciem redarguendus est, non autem clanculum detrahendus. Quod si a quopiam objicitur, ideirco se fratrem coram oculis increpare nolle, ne exasperatus non solum non proficiat, sed magis ex correptione scandalum sumat, occurrit Scriptura divina, et versa vice magis detractionem scandalum esse denuntiat, dicens : « Sedens adversus fratrem tuum detrahebas, et adversus filium matris tuæ ponebas scandalum (*Psal. xlix, 20*). » Magis enim scandalum sumit qui sibi detrahentem intelligit, quam qui se corripientem cernit. Et quia nonnunquam delinquentium errata, ut aptiori tempore corrigantur, silentio tegenda sunt, propterea suljungitur : « Hæc fecisti, et tacui (*Ibid. 21*). » Denique ne ex hoc dis-

creto silentio detractores sibi applaudent, qui dum semper occulte derogare malunt, nunquam in apertam correctionem prosiliunt, adhuc subinfertur : « Existimasti iniquitatem quod ero tui similis (*Ibid.*). » Ac si diceret : Iniquitas est cogitare, ut detractori similis appaream, sed ad tempus reticens, locum correptioni aptum expecto. Unde et protinus subdit : « Arguam te, et statuam contra faciem tuam peccata tua (*Ibid.*), » veluti diceret : Non in occulto, ut est tua consuetudo, sed in aperto, ut est mea sollicitudo, aptum corripiendi tempus exspectans, peccatorem arguam, et ejus delicta contra faciem illius statuam. At inquis : Non odi, sed amo quem ita in abscondito dijudicans reprehendo. Sed respondet : Imo magis hunc odis, et non diligis : unde detrahis, et non corripis. Quam sit autem detestanda detractio proximi, plerisque in locis eloquia divina testantur. Unde est illud : « Detrahentem adversus proximum suum occulte, hunc persequeris (*Psal. c, 3*) ; » et illud : « Qui detrahit fratri, detrahit et legi (*Jac. iv, 11*) ; » necnon et illud apostoli Pauli : « Quod si invicem mordetis et comeditis, videte ne ab invicem consumamini (*Galat. v, 15*). »

CAPUT IX.

Ira dicit :

Quæ contra te aguntur, talia sunt, ut æquanimitè profecto ferri non possint, imo patienter hæc tolerare peccatum est ; et si non eis cum magna exasperatione resistitur, contra te deinceps sine mensura cumulabuntur.

Patientia respondet :

Si passio Redemptoris ad memoriam reducatur, nihil tam durum, quod non æquo animo toleretur. Christus namque (ut ait Petrus) « passus est pro nobis, relinquens nobis exemplum, ut sequamur vestigia ejus (*I Pet. ii, 21*). » Ipse etiam Dominus nobis dixit : « Si patrem familias Beelzebul vocaverunt, quanto magis domesticos ejus (*Matth. x, 25*) ? » Et alio in loco : « Si me persecuti sunt, et vos persequentur (*Joan. xv, 20*). » Sed quanta sunt in comparatione passionum illius, quæ patimur ? Ille enim opprobria, irrisiones, contumelias, alapas, sputa, flagella, spineam coronam, crucemque sustinuit (*Joan. xviii, xix*) ; et nos miseri (ad nostram dico confusionem) uno sermone fatigamur, uno verbo deieimur, nec perpendimus id quod dicitur : « Si commortui sumus, et convivemus : si sustinemus, et conregnabimus (*II Tim. ii, 11, 12*). » Quapropter retundendi sunt iræ stimuli, et ejus metuenda damnatio est. Unde scriptum legimus : « Quia omnis qui irascitur fratri suo, reus erit iudicio : qui autem dixerit fratri suo *raca*, reus erit concilio : qui autem dixerit *fatue*, reus erit gehennæ ignis (*Matth. v, 22*). » Ibi tamen innuitur remedium, cum subinfertur : « Si offers munus tuum ad altare, et ibi recordatus fueris quod frater tuus habet aliquid adversum te, relinque ibi munus tuum ante

altare, et vade prius reconciliari fratri tuo, et tunc veniens offeres munus tuum (*Ibid.* 23, 24). • Ac si aperte diceretur : Nec in corde tacitam precem effundas, nisi prius offensus proximum satisfaciendo ad lenitatis mansuetudinem perducas. Munus enim nostrum, est oratio nostra ; altare vero nostrum, est cor. Ille autem qui hoc facere (quoties inter duos ira sine causa fuerit excitata) studuerit, præmissam damnationem nequaquam incurret. Sed sunt multi, qui petenti sibi veniam delicta non remittunt. Contra quos illa Domini sententia venit, qua dicitur : « Si non remiseritis unusquisque fratri suo de cordibus vestris, nec Pater vester cælestis remittet vobis peccata vestra (*Matth.* xviii, 35). » Plura sunt, inquis, quæ in me commisit, me sæpius offendit : et quia sine causa plurimis juvenior lacessit injuriis, tot ei remittere culpas mihi non convenit. Ad hæc non ego sed Dominus respondet. Nam cum Petrus ad eum diceret : « Quoties peccabit in me frater meus, et dimittam illi ? usque septies ? et Dominus ad eum : Non dico tibi usque septies, sed usque septuagies septies (*Ibid.* 21, 22). » Quam multi autem sunt qui suas injurias, tarde relaxant, Dei vero citius indulgent ? fitque nonnunquam, ut occasione Domini injurias vindicandi, suas ulciscantur irati. Quid denique de illis dicendum est, qui adeo iracundiæ obcæcantur fervore, ut usque ad verba prorumpant maledictionis, nisi quod Apostolus ait : « Neque maledici neque rapaces regnum Dei possidebunt (*I Cor.* vi, 10) ? » Quod Jacobus quoque apostolus exaggerando detestatur, dicens : « Linguam nullus hominum domare potest : inquietum malum, plena veneno mortifero. In ipsa benedicimus Deum et Patrem : et in ipsa maledicimus homines, qui ad imaginem et similitudinem Dei facti sunt. Ex eodem ore procedit benedictio et maledictio. Non oportet, fratres mei, hæc ita fieri. Nunquid fons de eodem foramine emanat dulce et amarum (*Jac.* xiii, 8-10) ? » Hac de causa alibi etiam dicitur : « Mors et vita in manu linguæ (*Prov.* xviii, 21). »

CAPUT X.

Asperitus dicit :

Numquidnam stultis hominibus istis, et insensatis perinde ac brutis animalibus lenia verba, et non potius asperrima, dum delinquent, objicienda sunt, ut dignitatem tuam revereri discant ?

Sed mansuetudo respondet :

Non tua in hujusmodi persuasio, sed apostoli Pauli sequenda est præceptio, qui de hoc dilectum discipulum admonuit, dicens : « Seniores ne increpaveris, sed exhortare ut patrem, juniores ut fratres, anus ut matres, adolescentulas ut sorores in omni castitate (*I Tim.* v, 1, 2). » Et rursus : « Servum, inquit, Domini non oportet litigare, sed mansuetum esse ad omnes, aptum ad docendum, patientem, modeste corrigentem eos qui diversa sentium (*II Tim.* ii, 24, 25). » Rursusque : « Argue,

hortare, increpa in omni longanimitate et doctrina (*II Tim.* iv, 2). » Quod videlicet asperitatis malum perniciosum est, subditis nocet, minusque proficit : imo sæpius contingit, ut etiam charitatis correctionem exacerbati spernant, et contra salutaria verba despectionis emittant jacula. Quod per Sapientem cavetur dum dicit : « Qui arguit derisorem, ipse sibi facit injuriam (*Prov.* ix, 11). » Econtra vero de illo qui per increpationem proficit, dicit : « Argue sapientem, et diliget te (*Ibid.*). » Ideirco scriptum est : « Fili, in mansuetudine tua honora animam tuam (*Ecclesi.* x, 31) ; » et Apostolus inquit : « Si præoccupatus fuerit homo in aliquo delicto, vos qui spirituales estis, instruite hujusmodi in spiritu lenitatis (*Galat.* vi, 1), » et idem apostolus episcopus docens ait : « Ut ostendant se mansuetos ad omnes (*II Tim.* ii, 24). »

CAPUT XI.

Tumor dicit :

Testem habes Deum in cælis, non tibi sit curæ quid de te suspicientur homines in terris.

Sed humilis dejectio respondet :

Non est danda occasio detrahendi, non susurrandi suspicio : sed si adsunt, detractoribus tua facta ut corrigantur manifestanda : aut certe si desunt, humili protestatione dissimulanda sunt. Quoniam Apostolus admonet, nullam occasionem dare adversario maledicti gratia (*I Tim.* v, 14). Quod etiam in illis detestatus est, qui Christiano nomine censiti, in idolio recubebant, et quanquam ipsi idolum pro nihilo ducentes, immolata quasi innoxios cibos sumerent, infirmas tamen fratrum conscientias per hoc factum ad nefandos idolorum ritus trahebant (*I Cor.* viii, 10). Ideirco inquit : « Sine offensione estote Judæis et gentibus, et Ecclesiæ Dei (*I Cor.* x, 32). »

CAPUT XII.

Tristitia dicit :

Quid habes unde gaudeas, cum tanta mala a proximo sustineas ? Perpende quo animi mœrore omnes intuendi sint, qui in tanto contra te amaritudinis felle versantur.

Sed spirituale gaudium respondet :

Geminam esse tristitiam novi, imo duas cordis tristitias expertus sum : unam scilicet quæ salutem operatur (*II Cor.* vii, 10), alteram vero quæ machinatur perniciem : unam quæ ad penitentiam trahit, alteram quæ ad desperationem perducit. Tu quidem unam ex illis dignoscere videris, sed illam quæ mortem omnino operatur. Non est igitur in his quæ suades contristandum, sed econtra magis gaudendum in his quæ needum intelligis. Unde et Dominus perennis dator gaudii dixit : « Cum persecuti vos fuerint homines, et dixerint omne malum adversum vos, mentientes propter me, gaudete in illa die et exultate : ecce enim merces vestra multa est in cælis (*Matth.* v, 12). » Memento quia apostoli,

nostræ religionis culmina, ibant gaudentes a conspectu concilii, quoniam digni habiti sunt pro nomine Jesu contumeliam pati (*Act. v, 41*). Nullus ergo in afflictionibus mœroris locus esse debet, cum eis tanta lætitiæ exuberantia succedat.

CAPUT XIII.

Torpor vel ignavia dicit :

Continuæ lectioni ac diuturno Scripturarum studio semper insistis ? Oculorum ophthalmiam vel lippitudinem incurres. Si indesinenter lacrymas fundis, ipsum etiam oculorum lumen amittes. Si, protelatis vigiliis, psalmorum pensum persolvis, capitis insaniam incidēs. Si quotidiano labore te conficis, ad opus spiritale quando consurges ?

Sed industria indefessaque virtus respondet :

Quid tibi, o homo, ad bona perficienda tam longa temporum proponis spatia (*Jac. iv, 13*) ? Nunquid scis si crastina vivas die ? imo etiam si vel unam in hac vita peragas horam ? An forte mente excidit quod Salvator in Evangelio dicit : « Vigilate, quia nescitis diem neque horam (*Matth. xxv, 13*) ? » Quapropter discute torporis inertiam, semperque memento quia regnum cœlorum non tepidi, non molles, non desides, sed violenti, vimque facientes, ut inquit Salvator, diripiunt illud (*Matth. xi, 12*).

CAPUT XIV.

Evagatio inquieta dicit :

Si Deum esse ubique credis, cur unum singulariter locum, quo tanta mala perpetrantur, custodis, et non potius ad alia transis ?

Stabilitas vero respondet :

Si ita est, ut asseris, quia ubique esse Deum fateris, ergo nec iste locus deserendus est, quem fugere appetis : quia et in ipso Deus est. Verum, inquires, meliorem inquiri, meliorem invenio. Sed respondeo : Nunquid meliorem, aut saltem qualem diabolus et angelus ejus atque homo perdidit, invenies locum ? Memor esto itaque quia primus angelus de cœlo corruit (sic namque scriptum legitur (*Luc. x, 18*) : « Videbam Satanam sicut fulgur de cœlo cadentem, » et primus homo de paradiso expulsus ad ærumnam hujus sæculi devenit (*Gen. iii, 24*). Attende quia Lot exercitio malorum probatus, inter Sodomitas sanctus fuit (*Genes. xix, 10*) : in monte vero securitate torpens, inebriatus cum filiabus peccavit (*Ibid. 32-35*). Hoc vagationis tædium adhuc alteram speciem addit, dum quosdam etiam in suo exercitio perseverantes a spiritualibus retrahit, vel terrenis negotiis implicat, vel rebus vilissimis satagit occupare : contra dictum Apostoli agens, qui ait : « Nemo militans Deo, implicat se negotiis sæcularibus, ut ei placeat, cui se probavit (*II Tim. ii, 4*), » et rursum : « Sine intermissione orate, in omnibus gratias agite (*I Thess. v, 17, 18*). »

CAPUT XV.

Desperatio dicit :

Quæ et quanta in Deum et in animam tuam

commisisti, quam gravia crimina, quam innumera delicta, et in melius nec jam vitam mutasti, nec conversationem utiliter hactenus correxisti. Ecce enim, ut cernis, mala semper consuetudine obligatus teneris. Conaris exsurgere, sed peccatorum pondere prægravatus relaberis. Quid ergo tibi agendum, quando de præteritis certa damnatio imminet, de præsentibus emendatio nulla succurrit, nisi ut non omittas temporalium rerum voluptates, dum futuri sæculi promissione consequi retardaris ?

Sed spei fiducia respondet :

Si de capitalibus delictis agitur : ecce David adulterio simul et homicidio reus, de inferni faucibus Domini misericordia describitur liberatus (*II Reg. xii, 13*). Ecce impudentissimus Manasses, peccatorum omnium impurissimus ac sordidissimus, per pœnitentiam de morte ad vitam rediit (*II Paral. xxxiii, 12*). Ecce mulier in civitate peccatrix, innumeris peccatorum cordibus inquinata, ad pietatis fontem anxia currens, Dominique vestigia lacrymis rigans, capillis detergens, deosculansque et unguento perungens, ablui tota meruit (*Luc. vii, 37, 38*). Denique audivit : « Remittuntur tibi peccata (*Ibid. 48*) ; » et : « Fides tua te salvam fecit, vade in pace (*Ibid. 50*). » Ecce Petrus negationis trinæ vinculis astrictus, amarissimis lacrymis nodos prolapsionis suæ resolvit (*Luc. xxii, 62*). Ecce seditione simul et fraterni effusione sanguinis latro mortis damnationis obnoxius, uno temporis momento, unaque confessionis voce, de cruce ad paradysum transiit. Denique dictum est ei : « Hodie mecum eris in paradiso (*Luc. xxiii, 43*). » Pulcherrimum profecto affectandæ conversionis exemplum. Nam tam cito latro in via relaxatur, ut uberior appareat gratia, quam precatio. Ecce Saul Ecclesiam Dei persequens, multos pro nomine Christi perimens, et madidus pene totus sanctorum martyrum cruore, Domini tandem voce conversus, apostolus factus est, et vas electionis nuncupatus (*Act. ix, 15*). Ubi ergo tot tantaque exempla præcedunt, non dent locum desperationi mala colloquia, cum et jam scriptum sit : « Cum conversus fuerit peccator ab iniquitate sua, et fecerit judicium et justitiam, in ipsis ipse vivet (*Ezech. xxxiii, 11*). » Et in alio loco : « Nunquid voluntate velim mortem iniqui, dicit Adonai, quantum ut convertatur ille a via sua mala, et vivat (*Ezech. xviii, 23*) ? » De conversatione vero in melius nequaquam mutata quid aliud respondeam, nisi ut quod heri quisque non egit, hodie agat ? Nec conversionem differat de die in diem, dum nescit si vel unam correctionis habeat diem : semperque pro muneribus desuper acceptis, pravæ consuetudini resistens, dicat mane vesperi : « Ecce nunc cœpi, hæc commutatio dexteræ Excelsi (*Psal. lxxvi, 11*). »

CAPUT XVI

Cupiditas dicit :

Certe sine culpa es quod quædam habenda con-

cupiscis quia non multiplicare appetis, sed egere A
pertimescis : et quod male alius retinet, ipse melius
expendis.

Sed mundi contemptus respondet :

Ista læta hujus sæculi a nemine sine periculo vel
offensione procurantur : quia quanto quisque plus
habet, tanto amplius habere concupiscit : fitque ut
modum habendi invenire nequeat, dum innumeris
hujus sæculi curis deservire festinat. Ut enim ait
Scriptura : Diligens argentum non implebitur ar-
gento (*Eccle. v, 9*). Hæc nimirum habendi cupiditas
semper bibens, et semper sitiens, nunquam desi-
derium suum implens, quam sit detestanda, Pau-
lus apostolus indicat, dicens : « Et avaritia, quæ
est simulacrorum servitus (*Coloss. iii, 5*). » Quæ
quam sit animæ noxia, salutique contraria, idem
Apostolus exponens ait : « Qui volunt divites fieri,
incidunt in tentationem et laqueum, et desideria
multa inutilia et nocua, quæ demergunt homines
in exitium et interitum (*I Tim. vi, 9*). » Quam sit
vero detestandus avarus, ipse Sapiens denuntiat eum
dicit : « Avaro quidem nihil iniquius (*Eccle. x, 9*). »
Quam sit item noxia divitiarum accumulatio, acer-
vatioque, sanctus Jacobus aperit, dicens : « Agite
nunc, divites, plorate, ululantes in miseriis vestris
quæ advenient vobis. Divitiæ vestræ patrefactæ sunt,
et vestimenta vestra a tineis comesta sunt. Aurum
et argentum vestrum æruginem traxit, et ærugo
eorum in testimonium vobis erit, et manducabit
carnes vestras sicut ignis (*Jac. v, 1-3*). » Sed nec
Redemptor noster præterire silentio voluit hujus
exsecrabilis cupiditatis malum, quod quam sit exiti-
ale, explicat dum ait : « Quam difficile qui pecu-
nias habent, in regnum Dei introibunt (*Marc. x,
23*) ! » Et alibi : « Facilius est camelum per for-
amen acus transire, quam divitem intrare in regnum
cælorum (*Matth. xix, 24*). » Si igitur sæcularium
rerum cupiditas adeo periculosa proponitur omni-
bus, quanto magis illis qui de sorte Domini sunt,
qui sæculo renuntiarunt, qui habitu et conversa-
tione jam sæculares esse desierunt, exitialis erit ?
Huc specialiter Redemptoris tendunt verba, ut
perniciosus destruat avaritiæ morbus, quibus ait :
« Nolite solliciti esse animæ vestræ quid mandu-
cetis, neque corpori quid induamini. Hæc enim
omnia gentes mundi quærunt (*Luc. xii, 22*) ; » et
alibi subjungit : « Quærite autem primum regnum
Dei, et justitiam ejus : et hæc omnia adjicientur
vobis (*Matth. vi, 33*). » O quam beata, o quam se-
cura, o quam amplectenda sententia ! Nullus enim
in hac vita ita securus est, ut ille qui nihil præter
Christum appetens, ipsum possidet. Cuncta namque
quæ homini necessaria æstimantur, sub hac pos-
sessione ipse probatur habere, sicut Paulus ditis-
simus pauper dicebat : « Tanquam nihil habentes,
et omnia possidentes (*II Cor. vi, 10*). » Omnia,
inquit, hoc est non superflua utique, sed vitæ hu-
manæ necessaria, ipso confirmante ac explicante
alibi, dum dicit : « Habentes alimenta, et quibus

tegamur, his contenti simus (*I Tim. vi, 8*). » Sed
forte dices : Ideo iis qui in sortem Domini vocati
sunt, plura habere contingit, ut melius ab ipsis
quam a popularibus, erogetur Christi pauperibus.
Et iis ego consentio, sed prælatis, non autem sub-
jectis, quos maxime illud mulieris Lot exemplum
docuit, quæ dum post tergum a Sodomis exiens
respexit, in statnam salis conversa, spiritum effla-
vit (*Gen. xix*). Unde et Christus tale quid præca-
vendum denuntiat, dicens : « Nemo mittens manum
suam ad aratrum, et respiciens retro, aptus est
regno Dei (*Luc. ix, 62*). » Hinc Petrus ait : « Me-
lius erat illis non cognoscere viam justitiæ, quam
post agnitionem retrorsum converti ab eo quod
traditum est illis sancto mandato (*II Petr. ii, 21*). »
B « Contingit enim eis illud veri proverbii : Canis rever-
sus ad vomitum suum, et sus lota in volutabro luti
(*Ibid. 22*). » Qui nimirum avaritiæ morbus nunquam
melius compescitur, nisi cum dies mortis sine inter-
missione meditatur, cum qualis post modicum in
sepulcro futurus sit homo considerat. Hoc certe
fixum manebat in illius memoria qui dicebat : Ho-
mo putredo, et filius hominis vermis (*Job xxv, 6*).
Hæc ab illius corde non recedebant, qui docebat :
« In omnibus sermonibus tuis memorare novissima
tua, et in sæculum non peccabis (*Eccle. vii, 40*). »
Quid tunc, rogo, quid tunc divitiæ coacervate prode-
runt (*Ibid. v, 10 ; Eccle. v, 10*) ? Audi quid S. Job
de iis dicat : « Nudus egressus sum de utero matris
meæ, nudus et revertar illuc (*Job i, 21*). » Audi
quid et Apostolus : « Nihil intulimus in hunc mun-
dum, sed nec auferre quid possumus (*I Tim. vi, 7*). »

CAPUT XVII.

Amor sui dicit :

Si ea quæ possides indigentibus tribuis, unde te
tibi que subjectos absque penuria vel cum dignitate
alere valebis ?

Sed amor Dei respondet :

Si apostoli modum in hac parte tenueris, utrum-
que perficere valebis. Hinc enim idem ipse ad Co-
rinthios ait : « Si voluntas prompta est, secundum
id quod habet, accepta est, non secundum id quod
non habet. Non enim ut aliis sit remissio, vobis
autem tribulatio, sed ex æqualitate. In presenti
tempore vestra abundantia illorum inopiam suppleat,
ut et illorum abundantia vestræ inopie sit supple-
mentum, ut fiat æqualitas ; sicut scriptum est :
Qui multum, non abundavit, et qui modicum, non
minoravit (*II Cor. viii, 13*). » Hinc et Tobias
justus prolem dilectam admonet, dicens : « Quem-
admodum tibi fuerit, secundum multitudinem fac
ex eis elemosynam : si paucum tibi fuerit, juxta
paucum ne timeas facere elemosynam (*Tob. iv,
8, 9*). » Hinc quoque incarnata veritas docet : « Ve-
rumtamen quod superest, date elemosynam, et
ecce omnia munda sunt vobis (*Luc. xi, 41*). » Audi
quoque quod scriptum est : « Judicium sine mise-
ricordia illi qui non fecerit misericordiam (*Jac. ii,*

13). » Quo contra propheta admonet, dicens : « Frange esurienti panem tuum, et pauperes sine tecto induc in domum tuam : si videris nudum, operi eum, et a domesticis seminis tui ne despexeris (Isa. LVIII, 7). » Memento quid purpurato diviti contigerit : qui non ideo damnatus est quod aliena tulerit, sed quod egenti pauperi sua non tribuerit : et in inferno positus ad petenda minima pervenerit, qui hic parva negavit (Luc. XVI, 22-31). Quid etiam ad sinistram positus iudex cœli dicturus sit, attende : « Ite, inquit, maledicti, in ignem æternum, qui paratus est diabolo et angelis ejus. Esurivi enim, et non dedistis mihi manducare (Matth. XXV, 41, 42), » et cætera, quæ ibi terribiliter enumerantur.

CAPUT XVIII.

Furtum et fraus, quanquam diversum gradum habeant locutionis, unum est tamen quod dicunt. Furtum enim dicit :

Si aliena non tollis, ex proprio vel dives vel sufficiens esse non vales.

Fraus vero dicit :

Si cuncta quæ tibi sunt commissa, illibata consignes, et nec modicum quidem tibi reservandum existimes, unde vel propriis utilitatibus consules, vel amicis et domesticis placebis ?

Sed simplicitas ad utrumque respondet :

Melius est pauperem esse et indigere, nullique ex dato placere, quam aliquem furto lædere vel fraude. Qui enim aliena quolibet modo injuste præripit, ipse sibi regni cœlestis aditum claudit. Unde Paulus prædicator egregius quosdam redarguit, dicens : « Sed vos injuriam facitis et fraudatis : et hoc fratribus. An nescitis quia iniqui regnum Dei non possidebunt (I Cor. VI, 8) ? » Atque inter cætera subjungit : « Neque fures, neque avari, neque ebriosi, neque maledici, neque rapaces regnum Dei possidebunt (Ibid. 10). » Furtum igitur et fraus a Dei regno hominem excludunt, idcirco vitanda sunt prorsus.

CAPUT XIX.

Fallacia atque mendacium et ipsa unum dicunt. Nam fallacia fit ingenio, mendacium autem simplici verbo. Fallacia ergo dicit :

Ut ex multis unum proferamus exemplum, cum in non dando aliquem illudere quæris, in petendo moras innectas, jam habeo inquiens quod tibi tribuere possum : celans utique in corde quod habes, vel ut tibi conserves, vel ut alii, si voluntas inest, tribuas.

Mendacium dicit :

Omnino quod postulas non habeo (licet illud habeat). Non ergo artificioso ingenio sicut fallacia, sed simplici negationis verbo mendacium poscentem frustratur.

Sed veritas ad utrumque respondet :

Nec artificioso ingenio, nec simplici verbo oportet decipere quemquam, quia quolibet artis modo mentiatur quis, peccat ; scriptum est enim : « Os quod mentitur, occidit animam (Sap. I, 11). » Insuper

dicitur : Et omnibus mendacibus pars illorum erit in stagno ignis ardentis et sulphuris, quod est mors secunda (Apoc. XXI).

CAPUT XX.

Ventris ingluviens dicit :

Ad esum Deus munda omnia condidit, et qui saturari cibo respuit, quid aliud quam muneri concessio contradicit ?

Sed pura fragilitas et simplex parcimonia respondet :

Unum horum quæ dicis, verum est. Nam ne homo fame periret, omnia Deus ad esum munda creavit : sed ne comedendi mensuram excederet, abstinentiam imperavit (Gen. II, 16, 17). Nam inter cætera sua mala saturitate Sodoma periit, Domino attestante, qui de Jerusalem per prophetam loquitur, dicens : « Hæc iniquitas Sodomorum sororis tuæ, superbia in saturitate panum (Ezech. XVI, 49). » Quapropter sicut æger ad medicinam, sic ad sumendas dapes quisque debet accedere, non voluptatem in illis appetens, sed necessitati satisfaciens. Hinc veritas per Evangelium monuit : « Attendite, inquit, vobis ne forte graventur corda vestra in crapula et ebrietate (Luc. XXI, 34). » Econtra vero de insatiabili aliquorum voracitate Apostolus dicit : « Multi enim ambulant, quos sæpe dicebam vobis, nunc vero et flens dico, inimicos crucis Christi, quorum finis interitus, quorum Deus venter est, et gloria in pudendis ipsorum qui terrena sapiunt (Philipp. III, 18, 19). » Et alibi : « Esca ventri, et venter escis : Deus autem et hunc et has destruet (I Cor. VI, 13). » Denique hanc labem ventrisque ingluviem ille plene cludit, qui in sumendis dapibus non solum parcimoniam custodit, hoc est, refectionem semper esuriens consummat, verum etiam accuratioribus simul et suaviores epulas, excepta corporis necessitate et hospitem susceptione, contemnit.

CAPUT XXI.

Inepta lætitia dicit :

Ut quid animi gaudium intus abscondis ? Egredere in publicum lætus : dic aliquid foris unde vel tu vel proximi rideant : fac eos lætos tua lætitia.

Sed sapiens gaudium, moderatusque mœror respondet :

Unde tibi tanta contingit lætitia ? Numquidnam diabolus vicisti ? Numquidnam pœnas inferni evasisti ? Numquidnam de exilio ad patriam pervenisti ? Numquidnam de tua electione securitatem aliquam accepisti ? An forte in oblivionem tibi venit quod Dominus dicit : « Mundus gaudebit, vos vero contristabimini, sed tristitia vestra vertetur in gaudium (Joan. XVI, 20) ? » An forte amico excidit quod idem alibi dicit : « Væ vobis qui ridetis nunc, quia lugebitis et flebitis (Luc. VI, 25) ? » Et quod per sanctum Salomonem dicitur : « Risus dolore miscbitur, extrema autem gaudii in luctum vadunt (Prov. XIV, 13) ? » Et econtra quod per Evangelium docetur : « Beati qui lugent, quoniam ipsi consolabuntur (Matth. V, 5) ? » Rursumque quod per Salo-

monem dicitur : • Quoniam justī et sapientes, et opera eorum in manu Dei ; et nescit homo utrum amore vel odio dignus sit, sed omnia in futurum reservantur incerta (*Eccle. ix, 1*). • Comprime ergo inanem lætitiā, quia necdum evasisti pœnalem ærumnam. Nonne apud homines insanus is æstimatur, qui carceralibus tenebris gaudere conatur reclusus ?

CAPUT XXII.

Multiloquium dicit :

Non ille reus habebitur criminis, qui plura quidem, sed bona loquitur : sed ille qui, licet pauca, mala tamen dicere probatur.

Cui prudens taciturnitas respondet :

Verum est quod dicis ; sed dum multa bona proferri videntur, sæpe contingit, ut a bonis inchoata locutio ad aliquod pravum derivetur, hoc ipsum sancta Scriptura pronuntians : • Quia ex multiloquio non fugies peccatum : parcens autem labiis intelligens eris (*Prov. x, 19*). • Et si forte inter multa verba declinantur crimina, sed numquid declinari possunt inutilia atque otiosa, de quibus utique ratio in futuro erit reddenda (*Matth. xii, 36*) ? Tenendus est ergo modus in loquendo (*Ivo, part. xi, cap. 55*), et ipsis nonnunquam utilibus verbis parcendum, sicut Psalmista sanctus legitur fecisse. Dicit enim : • Obmutui, et humiliatus sum, et silui a bonis (*Psal. xxxviii, 3*). •

CAPUT XXIII.

Luxuria dicit :

In voluptate cur te modo non dilatas, cum quid te sequetur ignores ? Acceptum tempus in tuis desideris perdere non debes, quia quam citius pertranseat nescis. Si enim Deus in voluptate carnis hominem misceri nolisset, in ipso humani generis exordio masculum et feminam profecto non fecisset.

Sed illibata castitas respondet :

Nolo ignorare te quid post hanc vitam recipies, præmium enim vel pœna te manent. Nam si pie casteque vixeris, sine fine in alia gaudebis vita : si vero impiam ac luxuriosam egeris vitam hanc, æternis incendiis contorqueberis in alia. Inde ergo eo castius ac purius vivere debes, quo citius tempus acceptum pertranseat, ignorare te dicis. Quod vero in exordio generis humani ad hoc masculum et feminam Deum procreasse profiteris (*Gen. i, 27*), ut mutuis se amplexibus misceri debeant, omnino verum dicis in aliquibus : sed postquam humanum genus tam longe lateque propagatum est, nubendi licentia quibusdam relinquitur, hoc est, qui virginitatem vel castimoniam vidualem nequaquam professi sunt : quibusdam vero interdicitur, id est, qui virgines vel continentis esse decreverunt. Fornicatio vero nulli impune conceditur. Non attendis forte, aut contemnendum putas quod Apostolus lubricis dicit : • Fugite fornicationem. Omne enim peccatum quodcumque fecerit homo, extra corpus,

est : qui autem fornicatur, in corpus suum peccat (*I Cor. vi, 18*). • Quod si hoc parvipendendum existimas, audi unde postea in sempiternum deploras et gemas. • Neque fornicarii (inquit idem Apostolus), neque adulteri, neque molles, neque masculorum concubitores, regnum Dei possidebunt (*Ibid. 9, 10*). • O quam momentanea est carnis delectatio, quam labilis concubitus hora, qua perditur vita æterna. Quod, rogo, emolumentum allert corpori, quodve tribuit lucrum, id quod tam cito animam ducit ad tartarum ?

CAPUT XXIV.

Spiritualis fornicatio dicit :

Numquid damnandum aliquid agit is qui in corde libidini consentit, et ad opus concupitæ libidinis non pertransit ? Certe non : quia peccatum, ut scribit Apostolus, quod consummatum fuerit, generat mortem (*Jac. i, 15*).

Sed munditia cordis respondet :

Omnino delinquit, qui cordis puritatem animique castimoniam non custodit. Ideirco et omnis auctor munditiæ in Evangelio dicit : • Qui viderit mulierem ad concupiscendum eam, jam mœchiatus est eam in corde suo (*Matth. v, 28*). • Unde et per beatum Job dicitur : • Fœdus posui cum oculis meis, ut non intelligam super virginem (*Job xxxi, 1*). • Et quid divisit Deus desuper, et hæreditas sufficientis ex altissimis ? Nisi enim Deo auctori nostro pravæ cogitationis consensus displiceret, nequaquam per Isaiam diceretur : • Auferte nequitas ab animabus vestris coram oculis meis (*Isa. i, 16*), • et in Evangelio adversus Phariseos non diceretur : • Ut quid cogitatis mala in cordibus vestris (*Matth. ix, 14*) ? Sed nec Paulus apostolus Romanis scriberet : • Et inter se cogitationibus invicem acensantibus, aut etiam defendentibus, in die qua judicabit Deus occulta hominum, secundum Evangelium meum per Jesum Christum (*Rom. ii, 15*). •

CAPUT XXV.

Amor sæculi dicit :

Quid pulchrius, quid honestius, quid venustius, quidve potest esse delectabilius, quam quod in præsentī vita quotidie cernimus ? O quam mirabilis cœli camera in aere jucundo, in lumine solis, in augmento lunæ atque defectu, in varietate stellarum et cursu : quam oblectabilis terra in nemorum floribus, in fructuum suavitatibus, in pratorum rivulorumque amœnitatibus, in segetum culnis luxuriantibus, in vinearum foliis et botriouibus plenis palmitibus, in silvarum umbris et patmis virentibus, in equorum et canum cursibus, in cervorum et caprearum saltibus, in accipitrum volatibus, in pavonum, columbarum, turturumque pennis et collicis, in domorum parietibus pietis et laquearibus, in organorum omniūque musicorum tympanis et cantibus, et in mulierum venustis aspectibus, earumque superciliis et crinibus, oculis et genis, gutture

labiis, et manibus, atque aliis extrinsecus adhibitis ornamentis, nimirum auro et gemmis distinctis modicis, et cæteris hujusmodi, quæ singillatim sensus modo recolere non potest.

Sed cælestis amor patriæ respondet :

Si te ista quæ sub cælo sunt, adeo placent, cur non magis ea quæ in cælo sunt, te oblectant? Si carcer a te tanti æstimatur, patria, civitas, et quanta est? Si talia sunt quæ colunt peregrini, qualia sunt ea quæ possident Ilii? Si mortales et miseri in vita hac taliter sunt dilati: immortales et beati qualiter sunt in alia remunerandi? Quapropter amor præsentis sæculi, in quo nullus ita nascitur ut non moriatur, protinus recedit, ut amor futuri, in quo sic omnes vivificantur, ut deinceps non moriantur, succedit: ubi nulla adversitas turbat, nulla necessitas angustat, nulla molestia inquietat, sed perennis lætitia regnat. Sed quæres quid ibi sit, ubi tanta et talis beatitudo persistit. Aliter dicere nemo potest, nisi quia quidquid boni est, ibi est: et quidquid mali est, nusquam ibi est. Quod, inquis, bonum illud est? Quid me interrogas? A propheta et Apostolo explicatum est: «Oculus, inquit, non vidit, nec auris audivit, nec in cor hominis ascenderunt quæ præparavit Deus iis qui diligunt illum (*Isa.*

lxiv, 4; I Cor. ii, 9). Ad hanc felicitatem multis sæculi divitiis constipatus David anhelabat, cum diceret: «Quid enim mihi est in cælo: et a te quid volui super terram (*Psal. lxxii, 23).* » Multis et regalibus, dapibus et voluptatibus aliis abundabat, et nihilominus clamabat: «Satiabor cum apparuerit mihi gloria tua (*Psal. xvi, 13).* » et rursus: «Sitiivit anima mea ad Deum fortem vivum, quando veniam et apparebo ante faciem Dei (*Psal. xli, 3).* » rursusque: «Hei mihi quia incolatus meus prolongatus est (*Psal. cxix, 5).* » Hinc et Paulus apostolus: «Desiderium, inquit, habeo dissolvi, et cum Christo esse multo melius (*Philipp. i, 23).* » His itaque decursis, quanquam multa prætermiserim, tamen, ut mihi videtur, hostis nostri fortia castra, quibus pie viventes in Christo non desinit impugnavere, quam breviter demonstravi. Ecce, frater charissime, inter cæteras meas occupationes hunc tibi sermonem nocturnis horis inculca licet venustate, dictavi atque conscripsi: quem quia epistolarum excedere modum cognovi, libellum potius de vitiorum virtutumque conflictu nuncupare malui: in quo si ædificationis aliquid repereris, et aliis ipsum legendum tradere curabis.

LIBRI DUO

DE VOCATIONE GENTIUM.

(*Exstant, nova et accuratiore editione donati, inter opera Prosperi Aquitani. Vide tom. LI, col. 639.*)

DE MORIBUS BRACHMANORUM.

Habetur hic tractatus ms. in tribus celeberrimis Italiae bibliothecis, Vaticana, Mediolanensi, et Medicea sub nomine B. Ambrosii Mediolanensis episcopi: cujus tamen non esse, tum ex aliis dubitari potest, tum ex differentia styli, qui a gravitate Ambrosii, ab elegantia et acumine verborum cum venustate conjuncta longe distare videtur. Sed cum in vetustis libris nomen ipsius, nescio qua occasione, sortitus jam sit, a nobis in hac editione additus est inter alia opuscula incerta, quæ huic sancto doctore tribuenda sint, necne, sinceri lectoris judicio relinquimus. Opus certe ipsum non admodum expolitum fateamur. Vel fortasse Ambrosius (si illius dicendus est auctor) Palladio Greco homini scribens, linguæ Latine parum erudito, et adhuc juveni (is enim est, ut conjicitur, qui postea Hibernorum episcopus fuit ordinatus), ut ejus capacitati se accommodaret, magis aperto et communiore sermone usus est.

Desiderium mentis tuæ, Palladi, quæ immenso C sapientiæ amore incensa, nova semper discere optat, novum etiam arduumque opus efficere nos compellit, id vero est Brachmanorum patriam consuetudinem, vitamque recensere. Ego quippe cum neque ipsos, neque ipsorum viderim loca (longo enim terrarum spatio a nostra Europa sunt sejuncti), ea tibi duntaxat quæ ab aliis audivi, et quæ a scriptoribus desumpsi, enarrare tentabo. Brachmani a nonnullis gymnosophistæ, a quibusdam philosophi seu sapientes Indorum appellantur (*Strabo. l. xv Geo-*

graphiæ). Habitant autem juxta Gangem, fluvium totius Indiæ maximum (*Q. Curtius, lib. viii).* Hic vero Ganges ille est quem Scripturæ sanctæ Phison appellant, et unus de quatuor qui e paradiso exire perhibentur (*Gen. ii).* Primum igitur Musæus frater noster Dolentorum episcopus, mihi retulit, quod ipse aliquot ante annos ad Indias, Brachmanos visendi studio profecturus, Sericam fere universam regionem peragravit; in qua refert arbores esse quæ non solum folia, sed lanam quoque proferunt tenuissimam, ex qua vestimenta conficiuntur, quæ

serica nuncupantur, et ibi insignem quandam conspicui lapideam columnam Alexandri nomine hoc titulo sculptam : Ego Alexander huc perveni ; et quod plurimis populorum nationibus regionibusque perlustratis, in Arianam tandem devenit provinciam prope Indum amnem : quam desertis circumdatam cernens, fervoribusque ambustam, eo quod sol omnia incenderet (unde maxima aquae laborabatur penuria, et si illa aliunde advehebatur, quod confestim in suis etiam vasis fervere cerneretur), et cum solis æstum, locorumque incendium sufferre nequiret, protinus inchoatum iter deserere, pedem efferre, et in Europam remeare coactus est (Plinius, lib. vi *Nat. Hist.* cap. 23). Quædam ergo nova, non autem Brachmanos se vidisse affirmat. Refert nihilominus de Brachmanis aliqua se audisse a scholastico quodam Thebæo, qui, ut ait, ob id ipsum, nempe ut ipsos Brachmanos et videret et alloqueretur, in Indias peregrinari proposuit, et quod tandem miser in captivitatem incurrit. Ille ergo, ut mihi episcopus retulit, cum lenioris esset ingenii in forensis advocacionis officio incongrue sibi artis tædio fatigatus, Indiam videre, et Brachmanorum patriam ac mores cognoscere deliberavit. Quocirca cum quibusdam mercatoribus in Erythraeo sive Rubro mari, navim conscendens, navigavit primo sinum Adulicum, et Adulitarum oppidum vidit, mox Aromata promontorium, et Troglodytarum emporium penetravit, hinc et Assumitarum loca attigit, unde solvens prosperis flantibus ventis, licet plurium navigatione dierum, Muzirim totius Indiae citra Gangem emporium tandem pervenit : ubi quemdam Indorum regulum dominari asserbat. Immoratus igitur ibi aliquandiu, observataque diligenter aeris et loci qualitate, ac hominum consuetudine, per plures dies, venit ei in mentem ad insulam quæ Taprobane vocatur transfretare : in qua illi, quibus beatorum nomen est, longissimam ætatem vivere asseruntur (nam vitam hominum centum annis modicam putant) propter miram aeris temperiem, et incomprehensibilem divini dispositionem iudicii (Plinius, lib. vi, cap. 22). Huic quatuor moderantur reges seu satrapæ, inter quos unus est maximus, cui cæteri subjacent obediuntque, ut ille scholasticus referebat (Ptolemæus, lib. vii *Geographiæ*, c. 4). Narrabat quoque, si credere facile est, mille insulas Arabici et Persici maris, et quas Mammolas vocant, illi obtemperare. Huic ille, quem magnetem appellant, reperitur lapis, qui ferri naturam ad se vi sua trahere dicitur. Cum ergo navis aliqua clavos habens ferreos illie applicerit, illico retinetur, nec quoquam ire permittitur, vi nescio quadam lapidis occulta impediante, ob id naves ibi ligneis clavos construi dicebat. Quod insula quinque habet flumina, et quidem maxima, quibus tota irrigatur, fertiliorque redditur. Unde et ob maximam cæli elementiam poma nullo unquam tempore arboribus desunt : imo eodem tempore ejusdem arboris dum ramus alter florescit, alter

A fractus gignit, cæteri maturos ostendunt fructus. Insuper habet insula hæc dactylos, nuceas quas Indicas dicimus, grandes et minutas, odoriferas tamen, item et nuceas quas corylos dicimus. Homines illius terre aluntur pomorum, oryzae, et lactis cibo; nobiles vescuntur certis quibusdam diebus, etiam solemnibus, ovium, caprarumque carnibus. Sues a Thebaide usque ad Indiae Æthiopiæque fines aiunt non inveniri ob maximas æstus. Induunt gentes insulae ovium pelles, non spernenda laboratas arte, oves item non lanæ, sed setarum teguntur vellere, nec lanæ, nec lini habetur ibi usus, ut narrabat scholasticus, et quod de Æthiopiæ et Persiæ finibus, et Assumitarum locis ibi mercatores emendi, vendendi, permutandique rei gratia conveniunt : et quod piper ibi nascitur, in magnaque colligitur copia. Ipsa autem admodum parva atque inutilis gens est, quæ intra speluncas saxæas vivit, et per præcipitia magna discurrere natura patriæ edocta consuevit. Piper autem cum ramusculis suis colligitur; ipsas autem arbores quasi quasdam humiles ac parvulas stirpes esse dicebat. Nam et ipsos exiguos homunculos esse, et grandia quædam capita asserit habere eum levibus et detonsis capillis. Reliquum vero Æthiopiæ atque Indorum genus communi naturaliter crispatis horret. In quo loco (adjevit) ab eo qui illie plurimum poterat, ego illico abreptus atque detentus sum, qui statim cœperat mihi etiam acerbe conviciari, eo quod eorum patriam solumque contingere ausus fuero. Et illi neque excusationem, nec defensionem meam æquis animis audiebant; non enim poterant linguæ meæ intelligere sermonem, nec ego criminis causam, quod mihi objiciebatur, sciebam, quia illorum verba non noveram, ex solis tantum nutibus nos mutuos intelligere videbamur. Ego quidem ex aspectu torvo vultus, et ex sævo dentium stridore poteram verborum significata noscere; illi vero ex pallore meo atque pavore sensus meos misericordia magis dignos suspicabantur. Sic itaque ab eis detentus, per sexennium me in pristinum opus facere jusserunt, expensa autem ex palatio regis ipsorum unius tantum modii frumenti quolibet anno. Post sex vero annos, dum paulim ediscerem eorundem loquelam, potui multa de vicinis nationibus, locisque cognoscere. Tandem Deo propitio de captivitate hoc modo ereptus sum : Rex alius supradicto huic regi inimicatus, eum apud majorem illius regionis imperatorem accusavit, quod nobilem virum, civemque Romanum in teterrimam captivitatem atque extremum servitium redegisset. Quo imperator audito, confestim illuc cognitorem causæ transmisit, ac deinceps, rei veritate perspecta, protinus eum qui convictus in memorato crimine videbatur, exni tota suis corporis pelle præcepit, eo quod civi Romano fecisset injuriam (Plinius, vi, cap. 22). Dicuntur autem non solum impensius honorare Romanorum imperatorem, sed incredibiliter timere, tanquam qui præclaro polleat ingenio, ac virtute

magnifica, et Romanos eo quod armis atque viri-
 bus adeo potentes sint, ut (si velint) ad regionis
 ipsorum excidium valeant pervenire. Ipse ergo ille
 qui ista dicebat, adjiciebat quod genus Brachma-
 norum non ex propria tantum voluntate sæcularibus
 rebus renuntiat, sed potius ut ex judicio Dei pen-
 dens ac Divinitatis ope suffultum. Naturaliter enim
 nudi in finitimis fluvii regionibus vivunt. Nulli
 apud eos quadrupedes, nullus terræ cultus, nullus
 ferri usus, nullum instrumenti genus, quo fieri
 aliquod opus possit. Habent autem illic deliciosas
 atque optimas auras, et saluberrime temperatas
 (Q. Curtius, lib. viii). Colunt semper Deum, cujus
 veram quidem ac distinctam notitiam se habere
 profitentur, omnemque providentiæ ejus ac divinitatis
 rationem discernere. Jugiter orant, orantes vero
 non orientalem partem unde oritur sol, aspiciunt,
 sed cælum potius intuentur. Edunt autem ea quæ
 super terram pecudum more potuerint invenire,
 hoc est, arborum folia, et olera silvestria. Abundat
 enim apud illos plurimum herba, quam inulam no-
 mine vocamus, sicut et apud Persas. Item est ibi
 arbor quæ acanthus nominatur. Habent et patrias
 arbores quasdam, nescio quos fructus ferentes,
 quibus vesci semper solent. Viri trans ripam flu-
 minis Gangis in partibus Oceani, in quem fluvius
 memoratus ingreditur, degunt; feminae vero citra
 Gangem juxta mediterraneas partes morantur, ad
 quas earundem marili Julio et Augusto mense trans-
 vadere consuescunt. Isti enim menses apud eos
 frigidiores videntur, eo quod tunc ad nos sol con-
 vertitur, et supra Aquilonem quem Boream voca-
 mus vis solis erigitur, quo tempore temperati aeres
 magis, et ad concubitum magis apti esse dicuntur.
 Ubi ergo quadraginta cum feminis suis fecerint
 dies, mox ad propria revertuntur. At cum enixa
 fuerit uxor alicujus, edideritque unum vel alterum
 partum, non transit ulterius ad eam ejus maritus
 nec ulterius cum propria concumbit uxore. Singu-
 lis enim filiis in locum patrum substitutis, per to-
 tam de reliquo vitam a propriis se uxoribus abs-
 tinent. Si autem acciderit ut quispiam sterilem
 sortiatur uxorem, usque ad quinque annos maritus
 ipsius ad eam transit, et ei maritale præstat obse-
 quium. Quæ si gravida per tempus illud reddita
 non fuerit, mox ab eadem penitus separatur: ob
 quod non in multos populos eorum diffunditur ge-
 nus, tum propter locorum difficultatem, tum pro-
 pter consuetudinem continendi. Hæc est ergo vita
 et conversatio Brachmanorum. Fluvium autem ip-
 sum cum maxima dicunt difficultate vadari (Q. Cur-
 tius, lib. viii), tum propter Ondoniton tyrannum
 loca illa infestantem, tum etiam timore cujusdam
 animalis in supradicto fluvio morantis, quod tantæ
 magnitudinis esse dicunt, ut integrum possit ele-
 phantem devorare. Eo vero tempore quo Brachman
 flumen transire consueverunt, divino asserunt ju-
 dicio dictum animal non videri in fluvio. Maximi
 etiam dracones illic esse dicuntur, habentes sep-

tuaginta per longitudinem cubitos; unde ergo unius
 pellem vidisse me memini quadraginta duos in la-
 titudine habentem pedes. Formicas etiam illic esse
 ad modum palmæ hominis, scorpiones vero ad cu-
 biti humani mensuram adesse loquuntur: propter
 quæ monstra periculosus est ipsorum transitus lo-
 corum. Non tamen ubique animalia ista nascuntur,
 sed in illis partibus tantum quæ ab hominibus non
 inhabitantur. Plurimique illic elephantum greges
 esse dicuntur. Hæc sunt quæ a Thebæo scholastico
 de Brachmanis audivisse se affirmat Musæus:
 quæ vero ex historiis de Alexandri Vita legi, et
 quæ ex plerisque auctoribus ad hoc facientia de
 illis desumpsi, nunc subnectam.

Alexander imperator, cum ei Macedoniae solius
 imperium non sufficeret, neque Philippo patre tan-
 tum posset esse contentus, Jovis Hammonis filium
 semet esse dicebat. Et quamvis originem ipsius fa-
 cile ipsa rei veritas comprobaret, falsis quibusdam
 tamen, et, ut ei videbatur, invictis modis aliam
 sui esse naturam generis astruebat. Itaque solemnem
 bellorum apparatus, ac instructis equitum peditum-
 que militum copiis, e Macedoniae regione consur-
 gens, totum pene peragravit mundum: et antequam
 provinciam Babylonis accederet, Europam quidem
 et Asiam veluti quædam parva loca transeurrit:
 venit tandem in partes nostri quoque orbis, ut eas
 inspiceret, quasque cum reperisset suis conformes
 sensibus, ipse dicebat: Sapientia, providentiæ ma-
 ter, habens cum virtute ipsa, quæ omnium virtu-
 tum caput est, quamdam communionem, in sola
 veritate consistens, alens omnem faciensque natu-
 ram, cujus donum est nostrorum sermo verborum
 notitiam scientiamque communem scrutans et per-
 spiciens, injustis quidem tribuens quæ merentur,
 justis autem parcens: da mihi, quæso, te placidam,
 ut possim ad illa quæ cupio, his precibus pervenire,
 Brachmanos vero bonitate ac sapientia præditos
 viros hic præsentem cernere. Veni enim ut aliqua
 cognoscerem a Calano, incola horum locorum, qui
 ad me festinus accessit, quo nunc persuadente de-
 sidero ediscere cuncta plenius et videre. Brach-
 mani vero econtra Alexandro ista dicebant: Ven-
 nisti ad nos, inquiunt, cognoscere sapientiam cu-
 piens: nos autem Brachmani libenter statim talem
 suscepimus voluntatem. Hujusmodi enim desiderium
 in vita ac moribus nostris regnum judicatur: quod
 nunc discere imperator ipse voluisti. Philosophus
 enim non dominio alterius obtemperat, sed ipse
 dominatur: homo enim in eum non habet potesta-
 tem. Sed quoniam nihil nobis hactenus credens (eo
 quod usque ad præsens tempus male de nobis apud
 te quidem locuti sunt), nunc ad nos vera degustans
 venisti. Calanus enim vir apud nos pessimus fuit,
 per quem vos Græci homines Brachmanos agno-
 vistis quidem, bene tamen non potuistis agnoscere.
 Ille enim non fuit noster, qui ad divitias sine aliqua
 sui excusatione transfugit, cui non suffecit de Ta-
 berunco fluvio aquam castitatis haurire, neque

pressi lactis cibum sumere, quibus Deo digna mens crescit, quam ille Deo semper habuit inimicam, qua male succensus in iram exarsit, quamque de sapientiæ bonis transtulit ad vitia voluptatis. Ex nobis autem nullus in prunis ardentibus volutatur, neque ulli dolores corpora nostra consumunt, sed vita nostra medicamentum aliquod sanitatis est. Naturali autem beneficio alieni a divitiis omnibus sumus : æquo etiam vitam nostram mors sine comitatur. Et si interdum nonnulli forte mortalium ad quos falsorum venit doctrina verborum, perentere nos vanis tentant sagittis, ingenuitatem tamen nostram lædere ac vitare non possunt. Unum atque idem est mentiri et credere mentienti. Nocet enim quis et cui falsa persuadet, nocet et sibi, quia dum mendacio credit, non facile ad ipsam veritatem pervenire valet. Insimulatio autem mala inimicitiarum quædam et certaminum mater est, quæ ex se iracundiam parit, ex quibus rursus jurgia et bella nascuntur. Nulla tamen virtus est occidere hominem : latronum enim iste, ut novimus, mos est. Sed nos virtutem veram vocamus contra aurarum mutationes nudo corpore dimicare, desideria ventris abscindere, et varias ipsius pugnas abstinencia patientiaque superare. Igitur prius vince hos inimicos ante omnia tuos, si fortis videris tibi, et exinde opus tibi non erit adversum quempiam certamina externa committere. Idecirco enim contra eos qui foris sunt, commoves bella, ut istis quos intrinsecus habes, alimenta et fomenta suppedites : sed tu vides quod eos quidem, cum quibus foris dimicas, vincis, ab iis autem quos nosti, qui intra te sunt, superaris. Considera igitur quanti tyranni in stultorum cordibus degunt : oculi, aures, nares, venter, virilia, totumque corpus humanum, quam multa etiam desideria nascuntur intrinsecus, quibus omnibus genus mortale succumbit et servit, propter quæ cuncta et jugulantur et jugulant. Nos autem Brachmani, quia omnia quæ intrinsecus habemus bella superamus, jam de reliquo incolumes atque securi in summa pace requiescimus, silvas videmus, cælumque suspicimus, aquilarum diversarumque avium gratissimas voces semper audimus, nudo sub aere arborum foliis nostra corpora contegimus, eorumque fructibus vescimur, aquam bibimus, hymnos Deo canimus, et futuri sæculi vitam desideramus, nullumque quod prodesse nobis non possit, audimus. His ergo nos Brachmani moribus contenti vivimus, paucisque sermonibus agitatis mox tacemus. Vos autem dicitis quidem quæ debeant fieri, nec tamen facitis ; philosophum vos nullum putatis, nisi eum qui noverit loqui : vester enim est omnis sensus in lingua, vobisque in oris vestri labiis tota sapientia est. Aurum argentumque colligitis, plurimis servis et magnis domibus indigetis : affectatis honores, et sectamini dignitates, editis tantum atque potatis quantum juvat expleri, utimini æque et vestibus delicatis semper ac mollibus, eaque facitis quorum pœnitentiam mox geratis : contra vox

A ipsos veluti contra inimicos vestros soletis loqui, cum tamen habere vos linguæ propriæ potestatem sciatis. Longe profecto meliores sunt illi qui tacere consueverunt, non enim se ipsos loquendo revivunt. Mutuam mercedem ab omnibus accipitis, gloriosum, ut putatis, ornamentum digitis vestris imponitis aurum : vos quoque reminas videmus ornatos, cum sciatis quod idipsum, in quo magnopere creditis, quantum ad rem pertinet veram, vobis prodesse nihil possit. Auro enim non extolluntur animæ, neque corpora nutriuntur, sed e contra per illud utraque ista vitiantur. Nos autem qui cognoscimus veritatem, ipsamque naturam, si cœperimus sitire, ibimus ad fluvium, aurumque calcantes, aquam bibemus. Auro enim nequit sedari fames, ac sitis nescit exstingui. Non ex auro venit vulnere cura, non ægrotorum medicina membrorum, non ulla refrenatio cupiditatis immensæ, sed hortatus magis ac provocatio major ad novam nescio quam concupiscendi libidinem. Et sitis quidem illa naturalis cum fuerit, cum aquam, quam desideravit, acceperit, sitire mox cessat ; similiter etiam naturalis fames quando escam quam quærit, acceperit, conquiescit. Si igitur eodem modo, eademque natura aurum quoque humanus animus desideraret, ubi primum accepisset quod optabat accipere, sine dubio cupiditas et ipsa cessaret : sed nedum ista non cessat, imo semper nova, et sine aliqua intermissione desiderat, quia non ex commonitione naturæ desiderium tale procedit. Postremo in quo apud vos homines et ornantur et gloriantur, in eodem apud nos spernuntur. Calanus amicus est vester, sed spernitur et calcatur a vobis. Qui ergo multorum malorum auctor apud vos fuerit, a vobis honoratur et colitur : qui vero est inutilis, projicitur a nobis : et illa quæ nos omnino non quærimus, Calano pro ea quam habuit erga pecuniam cupiditate, placuerunt. Sed non erat noster hic talis, qui animam suam miserabiliter læsit ac perdidit, ob quod neque Dei neque nostri amicus esse visus est dignus, neque in hoc sæculo inter silvas habere meruit securitatem, neque illam sperare gloriam potuit, quæ promittitur in futuro.

D Alexander imperator ubi venit ad silvas, Dandamim quidem ipsum in transitu videre non potuit (Plutarch., in *Vita Alexandri*) : in silva enim jacebat, recumbens super arborum folia in securitate et pace, proximus fonti, quem quasi uber terræ matris incorruptum atque integrum in os suum emulgere consueverat. Misit autem ei Alexander amicum quemdam nomine Onesicritum (Q. Curt., lib. ix. *de Gestis Alexandri*), dicens ei : Onesicrite, memoratum virum Dandamim ad me venire festina, aut causam propter quam venire noluerit, nuntia, ut ego ipse ad videndum eum pergam. Cui ille respondit : Faciam eum celeritate quod præcipis. Nam sicut jubere tuum est, ita meum esse cognosco tuis jussis obtemperare. Ubi igitur supradictus ad Dandamim nuntius venit, his eum allocutus est verbis : Dixit

filius dei Jovis magni, Alexander imperator, qui est dominus generis humani, ut properes ad illum venire, quia tibi, si veneris, plurima dabit munera: si vero venire nolueris, vetuli contemptorem te capite puniet. Quæ cum ad Dandamis aures dicta venissent, non surrexit ex foliis, quibus fultus jacebat, sed tale responsum ridens reddidit, ac recumbens: Deus, inquit, maximus parare cuiquam nescit injuriam, sed lumen vitæ rursus iis præstat animis, quæ suo solverit fato. Meus ergo ille solus est dominus, qui homicidia vetat, et qui bella non concitat. Alexander vero non est deus, quia et ipse moriturus est. Quemadmodum igitur potest esse omnium dominus, qui nondum Tyberoboam fluvium transfretavit, neque per totum mundum sedem suam locavit, non zonæ Gadem transiit, non in medio orbis cursum solis aspexit? quare gentes plurimæ nec ejus quidem nomen adhuc nosse potuerunt. Si autem non capit cum illa quam possidet terra, fluvium transeat nostrum, et inveniet solum tale, quod norit homines sustinere. Quæcunque mihi Alexander pollicetur, si ea præstiterit, cuncta inutilia mihi erunt. Ego enim habeo domum, folia, herbis quoque quæ adjacent mihi, vescor, et aquam potest: posthabeo alia quæcunque cum sollicitudine colliguntur ac percunt, nihilque aliud præter tristitiam quærentibus ea atque habentibus præbent. Nunc igitur securus quiesco, clausisque oculis nil omnino custodio. Si aurum voluero servare, somnum meum dissipo: terra mihi omnia, ut lac mater infanti, ministrat. Ad quemcunque accedere voluero locum, vado; quocunque autem ire noluero, nullius sollicitudinis necessitate compellor. Et si caput meum voluerit abscindere, animam auferre non poterit: sed caput tantummodo jacens tollet, anima vero discedens, caput suum veluti partem vestis alicujus relinquet, ac reddet ei, a quo id susceperat, nempe terræ. Cum autem factus spiritus fuero, ad Deum qui cum intra hanc carnem inclusit, ascendam. Qui cum hoc fecerit, tentare nos voluit, ut videret quemadmodum discedentes ab eo, in hoc sæculo viveremus. Et postmodum cum ad eum fuerimus reversi, rationem vitæ hujus a nobis exposcit. Cui assistens ego videbo injuriam meam, ejusque judicium in illos qui injuriosi mihi fuerunt, intuebor; suspiria enim gemitusque læsorum incipient lædentium esse supplicia. Hoc Alexander illis minetur, qui opes desiderant, qui timent mortem, quia nos utrumque contemnimus. Nam Brachmani neque aurum diligunt, neque mortem verentur. Vade igitur, et hoc Alexandro referas: Nihil tuorum Dandamis quærit, verum si aliquid ex ipsius rebus tu necessarium tibi esse credis, ad eum venire non dedigneris.

Quæ ubi Alexander per internuntium audivit, desiderare plus cœpit ut talem virum videret, utque se, qui multas vicerat gentes, unus et nudus vince-ret senex. Pergit igitur cum quinque vel decem amicis ad eas, quas supra diximus, silvas, et cum venisset ad proximum, atque ex equo, quo veheba-

tur, exsiliisset, coronam de capite deposuit, omnem-que qui circa ipsum erat superbie tumorem relinquens, ad memoratum semen ingressus est solus, et ad pedes ipsius se dedit, hoc dicens: Salve, Dandami, ego ad te veni, quia tu ad me noluisti venire. Cui ille respondit: Ad quid ad nos venisti? aut quid de nostris sollicitudinibus auferre desideras? Quod cupis ipse, nos habere non possumus: quod iterum nos habemus, necessarium tibi non est. Nos honoramus Deum, et amamus hominem; negligimus aurum, contemnimus mortem: vos autem mortem timetis, honoratis aurum, oditis hominem, Deum contemnitis. Ad quem Alexander: Doce, inquit, nos aliquid sapientiæ: plenum aiunt te divinitate, et cum ipso colloqui sæpius Deo: ego vero scire desidero in qua re præstantiores Græcis vos ipsos esse dicatis, et in quo aut melius videas quam alii homines, aut amplius sapias. At ille respondit: Ego, inquit, vellem deferre ad te acceptum a Deo sensum, sed ipse locum non habes ubi donum tale suscipias. Impleverunt enim animam tuam avidæ atque immodicæ cupiditates, quas nunc mecum certare considero, quia te ab ipsis conor avellere, quanquam hodie plurimum mœrent, eo quod morte nullius gentis vel sanguine polluaris, et quia vident adhuc homines in civitatibus commorantes. Tu ad Oceanum usque vis accedere: post quem aliam iterum partem orbis cupis occupare: et tunc tristitia afficeris, cum non potueris habere quod vincas. Quomodo ergo satisfacere desiderio tuo poteris, cum totus tibi serviens mundus animum tuum explere ac satiare non possit? Minor mundo longe tu factus es, et si omnia simul velis vincere, atque universa quæcunque tenent homines possidere, tandem necesse est ut solum habeas quantum aut tu jacentem tenere me cernis, aut ego occupare video te sedentem. Ex quo iterum si ad alia transeamus, et in aliis quoque tibi similes invenimur. Eodem enim modo quo ipse, omnibus utor elementis, aere, aqua, et terra, nec quidquam ultra habere desidero, et omnia juste habeo quæcunque possideo, et si solus omnes fluvios obtineas, plus tamen aquæ quam ego, ex ipsis haurire non poteris. Hanc ergo si a me sapientiam discas, nihil tibi deerit: totumque habebis, si nihil desideraveris. Cupiditas enim paupertatis est mater, quæ medicamento malo, hoc est sollicitudine, nequit curari: quæ ita semper omnia quærit, quasi invenire nil possit: quia non in iis ad quæ jam potuit pervenire, requiescit, sed ex illis quæ necdum tenere se cernit, magis magisque cruciatur. Habebis autem maximas cum voluptate opes, si ita mecum vivere voles: et si meis acquieveris verbis, meas divitias possidebis. Amicus mihi est omnium Deus, et de ipsis cum eodem rebus loquor, malorum hominum verba non audio. Cælum habeo pro tecto, terra mihi tota pro lecto est. Flavii mihi potum ministrant, mensam silva suppeditat. Non vescor animalium visceribus, ut leones, neque intra pectora mea inclusæ quadru-

pedum aut volatiliū carnes putrescunt, nec sum mortuorum sepulcrum, sed providentia naturalis omnes mihi fructus, ut læ mater, infundit. Intellego ipse quid queras. Sapientem me vides, talis et factus sum, itaque vivo ut procreatus sum, et quæ Deus faciat agnosco, et quid fieri debeat scio. Vos autem vanitate magna repleti, præagire vos creditis, cum tamen hæc ipsa quæ per singulos videtis dies, Dei opera intelligere nesciatis. Ego cuncta cognosco, et unde, et quando, et quomodo fiant. Pluvias, siccitates, fulmina, tempestatesque præagio : et hoc est quod me delectat ac reficit, quia Deus habere me communionem quamdam atque consilium cum operibus suis fecit. Ad me quemadmodum angelus venit, et si quando aliquid timerit imperator, tunc ego deprecor Deum ut boni aliquid ei, cum ad me venerit, præstet, ut eum metu quo laborat, absolvat, utque ei fiduciam quamdam mentis inspiret. Quid esse rectius dicis, lædere homines, an tueri atque servare, et quid magis convenit facere tibiis Dei, aut evertere cuncta pugnando, an expugnata et diruta instaurare pacando ? Non tibi proderit, imperator, enorme pondus auri, neque elephantorum, quos sustulisti aliis, multitudo : sed hæc vox mea, et is meus sermo. Tu vero etiamsi me interficere volueris, non timebo, ibo enim ad Deum citius, qui et causam et vitam meam novit. Nihil est quod Deum latere possit, cujus oculi sunt omnes steliæ, sol, et luna, quæ omnia tu effugere non potes, neque in te iudicium ejus evadere. Noli igitur tu destruere quæ ille construxit : noli tu cupere dissipare ea quæ ille, qui ea fecit, ornare desiderat : noli immolare sanguinem civitatum, neque transire supra gentium mortuarum cadavera. Longe enim rectius feceris si tuam curaveris vitam, quam si alienam desideraveris mortem : et si, contemptis iis quæ prosequeris damnis, vera elegeris luera. Cur cum unam persequeris animam, tot simul vis extinguere nationes ? Quid delectaris totius sæculi malis ? quid aliis flentibus, rides ? Hoc ipso tamen, quod memor mei, qui in solitudinibus his vivo, esse voluisti, temetipsum lucratus es. Neque nunc aut certamina pertimescis, aut lædere quemquam cupis, aut virtutem tuam in aliorum malis, quod fecisti semper, exerces. Projice igitur a corpore tuo vellera ovium mortuarum, neque defunctis volueris te operire tegminibus ; magis enim ipse cum talem te feceris, honorabis, quia temperatur anima in desertis vivens locis. Hoc igitur vitæ nostræ propositum magis elige, cujus beatitudine plus quam apud Macedones frui poteris. Qui quidem te per singulos expectant dies, ut reliquas tecum diruant civitates, et quæcunque in ipsis valuerint invenire diripiant : quosque in præsentī die tristari arbitror ac dolere, quod incolumes adhuc quasdam videant nationes, occasionem nanciscentes cupiditatum ac rapinarum suarum auctoritatem nominis tui. Quam ergo securam in Deo vitam poteris obtinere, et ut tibi ipse jam vivas, qui nunc adhuc multa cogitas rapere,

A multos trucidare desideras : ex quibus jam aliqua fecisti, alia in præsentī facis, alia facturum te esse promittis ? Ego vero cum ex hoc mundo recessero, in aere positum te videbo : et tunc quidem sermonem prædicabis meum, quia te multitudo equitum vel peditum nulla comitabitur, et cum maximo mentis tuæ dolore dellebis, hoc dicens : Sine causa perdidisti totius retroacti temporis vitam, quam in honoribus istius mundi bellisque consumpsi. Ex quibus intelliges nihil tibi aliud te reliquisse, nisi memoriam solam malorum. Novi enim ego quæ Divinitas intra se habeat, cum tamen ipse sim apud homines constitutus, mihi tunc ista dices : Bona consilia, Dandamis, mihi aliquando præbebas. Tunc enim ante conspectum tuum venient omnes quas sine causa expugnaveris animas, apud quas quomodo excusare te poteris ?

C Libenter hæc et sine ulla iracundia Alexander audiebat : erat enim in Dandami spiritus Dei : sed, instigante demone malo, inter ipsa principia mutabatur Alexander. Unde his alloquebatur Dandamini verbis : Scio vera te dicere, de divino enim genere descendens, in his constitutus es locis, ubi nunc tibi sine ulla molestia, sed cum maxima voluptate vivere licet, et ubi naturalibus divitiis fruieris et quiete secunda. Ego vero inter tumultus varios ac formidines vivo, plurimosque ex ipsis qui me custodiunt timeo, et major mihi plerumque ab amicis metus quam ab hostibus venit, quorumque amplius quotidie quam inimicorum meorum insidias pertimesco : et neque sine ipsis degere queo, neque illis me possum credere : vivo igitur in afflictione ; quos enim vereor, eorum constipatione custodior. Diebus quidem totis varias gentes prosequor ac fatigo, noctibus vero me somnus turbat ac vexat, ne quis in me inopinatus hostis impetum faciat : et si occidero quos formido, tristis efficior ; si rursus lenis ac mitis voluero esse, contemnor. Et quemadmodum a tantis rerum periculis me eripiam ignoro. Nam et si voluero in his desertis, in quibus vos degitis, vivere, id mihi penitus non licet ob quod apud Deum nunc excusare me possum, quia ipse me in hujusmodi vitæ statu, et in tali ordine hominum collocavit. Tu vero pro istis quas ego fudi querelis, quia me per omnia recreasti, ac sensus paulisper meos a conflictationibus et præliis liberasti : dona mea suscipe, neque ea quæ tibi offero, in contumeliam mei volueris recusare. Mihi enim, quando sapientiam honorare fecisti, non modicum profuisti. Hisque finitis, innuit servis Alexander ut munera quæ sponderat, exhiberent. Qui mox auri argenticque optimas species, diversasque vestes cum oleo ac panibus obtulerunt. Quibus visis Dandamis risit, hoc dicens : Numquid suadere avibus istis potes, qui in locis silvestribus vivunt, ut aurum argentumque suscipiant, et melius quam consuerunt, canant ? Quod cum fieri omnino non possit, me illis vis esse pejorem ? Cur illud accipiam, quod neque edi a me, neque potari potest ? Cur accipiam quod mihi nulla-

tenus prosit? Aut quam ob rem id custodiam, quo uti nequeam, nisi forte ut animam meam per omnia liberam huiusmodi nexibus ligem? Cur ingenuitatem ipsius frustra iugo turpissimæ servitutis addicam? Quod ego nunquam prorsus efficiam. Sed neque emere quidquam volo, qui in solitudinibus ubi nihil venditur, vivo. Munera mihi Deus, hoc est, fructus istorum locorum, præbet. Nihil enim auro homini vendit Deus, sed sapientiam bonam ei qui noverit eam accipere, largitur. Veste velatus sum cum qua me matris meæ edidit partus. Aere hoc ut cibo vescor, libenter video me talem, dum nullis corpus meum nexibus gravo: omnique mihi melle dulcior est, ubi naturalis venerit sitis, aquæ potus ex fluvio. Si autem et panes istos dices habere aliquam voluptatem, cur eos incendisti flammis? Reliquias ego ignis escam facere meam nolo; neque in cibos convertere meos cupio quod de alieno ore sustulerim. Hos ergo panes ipse qui coxit ignis absumat. Sed ne aliquam tibi, qui sapientiam honoras, injuriam a me æstimes irrogari, oleum tantummodo istud accipio. Quæ ubi Dandamis dixit, continuo surrexit, ac silvam peragrans, et colligens ligna, molem ex iis maximam fecit, quam igne succendens, his locutus est verbis: Brachmanus, inquit, omnia habet, et abunde ex omnibus, ut cupit, pascitur. Infusoque oleo mox, pyraque vehementer incensa, talem cecinit hymnum Deo: Immortalis, inquit, Deus, tibi ego in omnibus gratias ago. Quæ ubi Alexander vidit, abscessit, cuncta secum, præter oleum, quæ exhibuerat, reportans, summopere stupens. Dandamis vero hoc etiam sermonibus suis addidit, dicens: Tales universi nos sumus. Calanus vero pessimus vir iudicatus est a nobis, eo quod vestræ se exhibuit præsentia, et nostram non imitatus est vitam: et quia cum amator Dei esse non posset, fugit a nobis, et migravit ad Græcos, contemptisque moribus nostris, se ipsum damnavit immortalibus flammis. Tu vero Macedonum malæ gentis dominum esse te dices, Brachmanos vituperas, et interfici omnes jubes, credens eorum mendacibus verbis, quod bonum virum facere non oportet. Nos vero rationem vitæ propriæ Deo novimus reddituros tunc, cum ad eum fuerimus profecti. Omnes enim ipsius sumus, gloriam vanam contemnimus, quod stulti facere non possunt. Quemadmodum vos transire ad consuetudinem nostram valetis, qui tam male vivitis, et qui semper illa quæ bona sunt, datis oblivioni? Nos vero Brachmani, memores quemadmodum procreati aliquando fuimus, et videntes propter quæ vivere debeamus, irreprehensibilem vivendi cursum tenemus, unumquemque enim Deus certo propositi ejus, cui deputatus est, sine formavit. Lætatur in desertis locis, et in mediis silvis sedentes, et in his tantum sensibus nostris occupati sumus, ne unquam sermones hominum animas nostras ab institutis talibus valeant separare. Beatus est ille qui nullius indiget, et qui non alienam gloriam cupit, et qui placere vult omnibus, necesse est ut sit omnium servus. Nobis ne-

cessariæ non sunt civitates, in quibus latronum multitudo colligitur: magnas vero domos nobis exstruxit Deus, ac præstitit, montes pariter, ac silvas: ex quibus simplices sumimus fructus, et puræ dona naturæ aquas bibimus: libenterque nosmetipsos reficientes post laborem, iis foliis incubamus. Quomodo potestis ingenuis hominibus imperare, cum sciatis vos in potestate multorum esse? Vos enim vestris in omnibus quæ concupiscunt, servitis animabus. Nam si multas habere vestes desideratis, non ut paucos greges ovium pascatis, non ut paucos qui ipsas tondeant oves, et a quibus ipsæ lanæ intexantur, necesse habetis artifices. Quid excusaris quod mollia vestimenta non habeas? Æqualis enim servitus esse probatur in minoribus et majoribus rebus. Nam qui exiguum miratur aurum, et multum desiderabit: et qui parvæ civitatis fuerit imperator, et majori cupiet imperare. Præterea etiam ex modica perpetuæ portione, quæ in vestris splendet vestibus, superbitis: et cum vestris famulis fuerint indumenta purpurea, vos pulchrius esse aliquid existimantes, vestra colore altero splendere curatis. Si autem hoc apud vos bonum non videtur, pauperes iudicamini, dum parva miramini. Animalia libenter occiditis quæ terra progenuit: quæ tamen ipsi plurimum vobis prodesse cognoscitis; quædam enim ex ipsis tondentur, alia mulgentur: cum quibusdam agrum colitis, cum aliis dimicatis: quorum postea eo quod funditis cruorem, gaudetis, talemque mercedem ipsis, quæ perutilia vobis fuerint, redditis vicem: et quorum vellera vos extrinsecus velant, eorumdem vos carnes intrinsecus onerant, et incipitis esse corporum mortuorum sepulera viventia. Tantis ergo tamque inconvenientibus rebus, tamque contrariis mens gravata, potest in se recipere Dei sensum? Dimitte paulisper memoratorum animalium carnes, quæ occidis, sic jacere, et quid ex ipsis fiat intellige. Numquid poteris fetorem ipsarum ferre non fugiens? Quantæ sordes, quantæ impuritates animabus atque corporibus inferuntur humanis, quas cum ipse tolerare non possis, includuntur intra illos, atque ab illis inferuntur, a quibus cibi tales desiderantur. Anima iracundiam parit, ista concreant vomitum: terra vero fructus et flores, qui foras emissis bonis odoribus placent: Tales epulas nobis plantavit Deus ac præstitit: humanos sensus vos penitus perdidistis. Corpora vestra feras male olent: receptacula enim estis pecudum mortuarum: leonibus lupisque pejores esse cœpistis. Lupi enim, si uti terrenis pabulis possent, nunquam profecto carnibus vescerentur. Tauri, equi, cervi justis herbarum partibus vivunt, unde et validioribus membris, et nervis fortioribus roborantur. Cur hæc animalia magis non vultis imitari? Cur non editis silvestria, et aquam bibitis? Sed causa ignis huiusmodi epulas vobis præparatis quas cum non esse cernitis bestias fortiores, ideo vestris non urgentur insidiis; vos enim quæritis cives plures, expensas plurimas facitis, et in parvis rebus plurimum laboratis propter exiguam voluptatem: ubi nihil es-

nisi eorum aperta perditio, in quibus fuerit labor vanus. Ergo nihil est vestra infelicius vita. Nos nunquam bibimus inviti, sed necessarium siti ex fontibus naturæ implemus officium; qui etiam non bibentibus nobis defluunt semper: vos vero propter ventris voluptatem, et non esurientes quæritis juges cibos, et quibusdam artibus vobis multas atque diversas epulas præparatis: excurritis omne retibus mare, in aere volitantium, in montibus bestiarum venatione gaudetis, canumque vestrorum velocitatem mirantes, ferarum reprehenditis tarditatem, atque habitatrices eas malarum solitudinum nominatis. Istis igitur rebus insistitis hæc animantia investigare, hæc investigata festinatis occidere, aut viventia caveis clausa deferitis ad spectacula civitatum: non ut fruges seratis, ex quibus famem, neque ut exinde necessarium aliquod officium hominibus præbeatis, sed ut proximum ac sanguinis vestri, et opus (quod est majus) Dei, cum summo dedecore trucidetis, vel ut violenter vinculis illigatum ferarum morsibus ingeratis. Et hoc ipsum libenter aspicitis, quod cum hominibus feræ pugnent, et quod illæ partem naturæ vestræ ac similitudinis devorent: postea vero illas prorsus feras occiditis, ut crudeles easdem, eo quod occiderint hominem, esse dicatis: et, quod adhuc scelestius videtur ac pejus, humano sanguine saturati, necdum tot tantisque malis expleti, vestrorum cupitis civium ventres replere. Ad hæc, tam dedecorosis, tamque pravis moribus vivitis, ut et vobis calidas superædificetis domos, quibus ad vestram explendam voracitatem comesta digeri citius compellantur. Insuper et ut proprii corporis intestina nimia ciborum repletionem distendantur: lautiores eligitis epulas, unde peritos quosque procuratis artifices condiendis atque ordinandis epulis. Nos autem precamur Deum, ne aliquando sitiamus: nam hoc interdum modo a regula veritatis abstrahimur, hoc est, tunc cum necessarium potum nostro corpori damus, ob quod postea oculos et manus nostras, veluti sacrificium aliquod, ad radios solis agentes extollimus. At vos etiam læti estis quoties supra modum convivia vestra celebratis, nec ante vestris commensationibus finem imponitis, quam nimia ebrietate furere incipiat, et donec ipsum quod sapere videbamini, bibendo perdatis: et nimio vini pondere sensus vestri cordis oneratis. Feliciores profecto apud vos esse crediderim eos qui insanire dicuntur. Illi enim semper ebrii sunt, cum tamen vinum non emerint: vos autem pro pretio vini nimiam sollicitudinem geritis: quo empto vosmetipsos ebrietate polluitis, vosque invicem verberatis, ac tandem ad sobrietatem reversi, vix potestis agnoscere quemadmodum ebrietatem vestram custodire valeatis. Audio etiam quod plurima comedentes ea digerere non potestis: et cum tandem a convivii voracitate vix recesseritis, omnia quæ vos explere solent evomitis: ipsamque mutantes perverso more naturam, ex eadem parte qua escas capitis, egeratis: capite, non pedibus

A ambulantes. O stultissimi homines, impletis ingluvie viscera vestra atque distenditis, ut postea iterum arte medicorum corpora vestra vacuetis; turpitudinem per hæc vobis maximamque ægritudinem quærentes, adeoque estis insani, ut ipsam cupiatis evertere tali curatione naturam, quæ nullam penitus sentiat voluptatem: finem habentes voracitatis immodicæ supplicium, non salutem; insatiabilia enim membra fieri ex morbis continuo solent, tormenta comitantur, ita ut postremum quod honestæ ac probæ vitæ ex tantis deliciis conferatur nihil habeatis. Sed jactare vos audio quia plurima possidetis; qui tamen cum aliis multa donetis, vestris admodum pauca præstatis. Unde vos magis pauperes judicamus, quia ne panem quidem ipsum parentibus datis, innumeras autem habere opes desideratis. Servi ventris vos estis, propterea maxima apud vos turba medicorum est, qui assidua vos purgatione evacuant: faciunt autem id aut jejuniis vel inedia, aut arte medicaminum: ut qui plurima vina solebatis haurire, subito ne aquæ quidem modicam quantitatem possitis accipere, quoties ægritudinum necessitate vexamini. Et sicut tunc ultra naturam multum meri bibitis, ita nunc parum quoque aquæ, quod exposcit ipsa natura, desideratis. Nos vero vinum quidem omnino non quærimus, aquam autem habemus quam solam volumus, et qua maxime delectamur, et sapienter curamus sitim. Non furere et insanire properamus, magisque nobis mortem, quam ebrietatem precamur, per quam necesse est homines totis et corporibus et sensibus interire. Ebrius enim videtur quidem vivere, sed quantum ad sapientiam pertinet, mortuus judicatur; perdidit enim sublimem ipsam quam homini dedit Deus mentem. Ecquid ii qui se magnos et gloriosos putant, quam falsa spe et vanis decipiuntur illecebris, qui alternis se invicem manibus lædunt, spoliunt, jugulant, cum tandem et ipsi mortem, quæ necessario eis debetur, exspectent? Quid denique de illis viris, quasi de magnis quibusdam et aliorum provisoribus, loquar, qui more turpium feminarum variis pigmentorum odoribus oleo membra perfusi foris prodire consueverunt, aeris ipsius puritatem dissolutione propria polluentes? Quid de Stoicis philosophis vestris loquar qui cum omnes auri amore teneantur, vobis tamen admiratione vel laude digni videntur? Audimus etiam quod a masculis vestris partem quamdam corporis amputatis, in muliebremque sexum illos convertere gestiatis: et quod sit apud vos talis homo, qui neque generare ut vir, neque parere possit ut mulier, et qui in suum tantum dedecus et in suam tantum vivat injuriam. Quis talem humani generis prævaricationem, et tam miserabilem casum etiam cogitando non doleat? Quorum nos miseratione ducti vobis prodesse quantum possumus affectamus: quia et superbiam exsecramur, et universarum humani generis naturam diligimus ac fovemus: et quasi in alto magnificæ cujusdam domus sedentes

loco, nudi tam mente quam corpore, quoscunque A dignitates : nam aliter non suscipieris a nobis. Et tunc amabis ea, quæcunque paulo ante vidisti, quæque miratus es : neque ullus contra te ulterius dimicabit, aut quidquam tuorum tibi auferre quis poterit ; neque aliena collatione, neque aliorum sudore pascaris ; eris enim in omnibus dives. Et quoniam desiderare te scribis, ut in aliquo tibi prosim : non invidemus illis qui vere piùm imitantur Deum. Universam enim humanam ubique naturam volumus, quantum per nos fieri potest, meliorem evadere.

(*Aliqua deesse videntur.*)

PHILOSOPHORUM ALIQUOT EPISTOLÆ,

QUORUM HABETUR INTERPRES S. AMBROSIIUS,

Gilberti Cognati Nozereni opera in studiosorum usum, jam olim cum aliis multorum epistolis, collectæ.

Thales Pherecydi.

Audio te primum Ionum, de divinis rebus, apud Græcos palam disserere parare. Verum justiore fortasse sententia, inter amicos ea quæ scripseris, leges, quam passim quibuscunque permittes, nullo illis emolumento futura. Equidem si tibi gratum cognovero, volo conscius eorum quæ scribis esse. Ac siquidem jubes, ad te mature proficiscar. Neque enim adeo amentes ac stolidi sumus, ego et Solon Atheniensis, ut cum navigio Cretam petierimus visendi gratia, Ægyptumque itidem penetraverimus, ut istic sacerdotibus et astronomis congregeremur, ad te non pari studio navigaturi simus. Veniet enim et Solon ipse, si annuas. Neque tu loci illius amore detentus, raro in Ioniam transis, neque peregrinorum hominum desiderio tangeris. Verum unum tantum, ut spero, scribendi negotio incumbis. At nos, qui nihil scribimus, Græciam, Asiamque peragramus. Vale.

Thales Soloni.

Athenis si excedas, Mileti, ut equidem reor, commodissime habitare poteris. Est enim vestra colonia, patierisque grave nihil. Quod si et apud Milesios exsecraris tyrannidem, æque enim ubique tyrannos infestos habes, at cum amicis nobiscum vivere erit jucundissimum. Scripsit ad te Bias, ut Prienam proficiscaris : eam tu urbem si libentius inhabitaveris, et ipsi eo ad te advolabimus.

Pisistratus Soloni.

Neque solus Græcorum tyrannidem arripui, neque mihi rem alienam usurpavi, quippe genus a Cecrope duco. Id enim mihi mero jure vindico, quod Athenienses olim cum in jurejurando firmassent Codro, illiusque genti præbituros, postmodum abstulerant. Cæterum in deos, vel in homines nihil alias pecco. Leges, quas ipse Atheniensibus dedisti, servari, atque secundum eas vivere jubeo : et qui-

B dem melius servantur, quam possent, si multitudinis imperio res ageretur. Permitto enim nemini injuriam fieri : ac tyrannus ego præter dignitatem et honorem nihil a plebe differo, solis eis stipendiiis contentus, quæ iis quoque, qui ante me regnarunt, debebantur. Denique Atheniensium singuli decimas frugum suarum separant, non in usus nostros consumendas, verum sacrificiis publicis commodisque communibus : et si quando bellum contra nos ingruerit, in sumptus deputandas. Tibi equidem nihil succenseo, quod mentem meam consiliumque detexeris : quippe qui id potius reipublicæ studio civitatis, quam mei odio detexeris : ac præterea quod ignorares cujusmodi ego rex futurus essem. Id enim si didicisses, æquo animo et conatus meos forte tolerasses, et te fugæ haudquaquam commisisses. Domum igitur bona fide redi, mihi et injurato credens, nihil esse periculi a Pisistrato Soloni. Nosti enim neminem etiam ex inimicorum numero, mali quippiam a me perpersum. Denique si placuerit nostra amicitia frui, inter primos eris : nihil enim in te fraudis, perfidiæve conspicio. Quod si alioqui habitare Athenis nolueris, pro arbitrio tuo id facies : tantum ne nostri causa, patria excederis. Vale.

Solon Periandro.

Scribis tibi plurimos insidiari ; at tu, siquidem omnes e medio tuleris, ne sic quidem proficies. Insidiabitur enim tibi quispiam ex his, quos minime suspectos habes, partim sibi quidem metuens, partim te reprehendens, quod omnia formides, nihilque non metuas : partim item civitati gratificari cupiens. Esset ergo optimum abstinere tyrannide, ut causas omnis metus evaderes. Quod si tyrannidi omnino insistendum censes, compares tibi, necesse est, externas vires et peregrina auxilia, urbanis viribus majora, ut jam tibi nullus infestus sit, et tu neminem extorrem agas. Vale.

Solon Epimenidi.

Neque leges meæ profecto Atheniensibus profuturæ multum erant : neque tu eis antiquatis civitati fuisti emolumento. Deus enim, ac latores legum non soli juvare civitates possunt, sed qui multitudinem agunt, in quamcumque sententiam volunt. His enim, si recte rem administrant, Deus ac leges utiles sunt : sin autem male, nihil prosunt. Neque sane meæ leges ac jura, quæ scripsi, quidquam profuerunt : sed qui illas transgressi sunt, magnâ reipublicæ invexere detrimenta, qui Pisistrato, ne tyrannidem invaderet, non obstiterunt. Neque vero futura prædicenti mihi fides habebatur. Ille fidelior existimabatur Atheniensibus blandiens, quam ego vera proloquens. Positis igitur armis pro curia, his quidem qui Pisistratum gestire tyrannidem non animadvertunt, sapientiorem : eis vero qui libertatem reipublicæ asserere metuerent, fortio-
B rem me esse dixi ; at illi Solonis interpretabantur insaniam. Tandem p̄a patriam contestatus, excessi : O patria, hic quidem Solon ille tibi opem ferre, et facto et dicto, promptus et paratus est, cæterum hisce et insanire videor. Itaque, te deserta, proficiscor, solus ex omnibus Pisistrati inimicus : isti vero et favere et obsequi parati sunt. Nosti enim hominem amice, quanto ille astu, quo ingenio, qua arte tyrannidem invaserit. Nam cœpit blande plebem illicere, deinde sibi etiam vulnera inflixit : ac progressus in publicum, eaque se ab hostibus acceperisse vociferans, orabat quadringentos robustissimos juvenes sibi custodes darent. At illi, me
C quidem reluctante et reclamante, acquieverunt. Erant autem hi armati validis fustibus ; his itaque stipatus, statum reipublicæ evertit. Dumque illi spe inani pauperes suos, ne mercede servirent liberare student, omnes una sub jugum missi sunt, unique serviunt Pisistrato.

Solon Pisistrato.

Credo equidem nihil me abs te passurum mali. Nam ante tyrannidem tibi amicus eram, ne nunc quidem magis infensus, quam alius quivis Atheniensium, qui tyrannidem non ament. Sive autem unius imperio regi, sive publice rem administrari illis utilius sit, ex sua quisque sententia stituat. Certe tyrannorum te omnium esse præstantissimum fateor. Athenas autem redire mihi utile non esse
D cognosco, ne quis me juste reprehendat, qui Atheniensibus dudum reipublicam ex æquo administrandam tradideram, præsensque oblatam mihi tyrannidem sponte declinaveram, modo rediens factum tuum subita penitentia probare videar.

Solon Cræso.

Amplector mirifice tuam in nos benevolentiam : et per deos immortales, nisi apud me jampridem statuissem ibi sedem habere ubi respublica sit libera, malletm apud te, in tuo regno vitam, quam Athenis agere, violenter tyrannidem exercente Pisistrato. Verum ibi snavius ex instituto nostro vivimus, ubi sunt omnibus æqua et communia jura.

A Veniam tamen ad te, ut tuo vel hospitio tantisper fruam.

Chilo Periandro.

Jubes uti militia vacem, extorrisque agam : quasi tu in tuto futurus sis. Atqui ego monarchæ nec sua tuta esse puto : felicemque eum tyrannum censeo, cui in sua domo absque sanguine contigerit mori.

Pittacus Cræso.

Jubes me in Lydiam venire, spectatum opes tuas. Ego etsi illas minime aspexi, nihil ambigo Alyattis filium, regum omnium esse opulentissimum, auroque refertissimum. Neque vero amplius quidquam habituri sumus, si Sardeis ad te accesserimus. Auro enim ipsi non indigemus, contenti
B modico vitæ stipendio, quantum satis sit mihi, et amicis. Veniam tamen, ut tibi perhumano et hospitali viro familiaris efficiar. Vale.

Cleobulus Soloni.

Amici quidem tibi sunt permulti, singulisque domus est : verum ego Soloni commodissimam fore ad inhabitandum, Lindum censeo, civitatem liberam. Estque insula maritima, ubi si morari volueris, nihil a Pisistrato mali formidabis, atque ad te amici undique confluent. Vale.

Periander Sapientibus.

Gratias immortales ago Pythio Apollini, quod in unum coactos epistolæ meæ reppererunt, ipsæque Corinthum, ut confido, perducent. Exspecto itaque vos. Certe ipsi videbitis, quam civiliter vos excipiam. Sicut igitur anno præterito Sardeis, in Lydiam venistis : ita nunc, oro, ne pigeat ad me quoque proficisci, Corinthi tyrannum ; videbunt enim vos non sine gratulatione Corinthii, Periandri domum adeuntes.

Periander Proclo.

Nobis quidem non ex sententia fuit uxoris scelus : tu autem sponte filio ingrato si quid egeris, peccas. Aut igitur immanitatem in filium compece, aut ego illi opem feram : nam et ipse satis diu pœnas dedit.

Thrasylbulus Periandro.

Præconi quidem tuo nihil dissimulavi, sed ipsum in segetem inducens, eminentiores spicas bacillo feciens, deentebam, subsequente illo ; tibi que, si interrogares, referret quidquid vel viderit vel audierit a me. Tu ergo sic facito, siquidem tyrannidem tuto tenere cupis, atque in ea constabiliri. Civitatis principes tolle, sive illi amici, sive inimici videantur : quippe tyranno amici quoque sepe suspecti sunt.

Anacharsis Cræso.

Ego, Lydorum rex, in Græciam adveni, Græcorum mores et studia et instituta perecepturus. Auro autem nihil egeo, satisque mihi est ut ad Scythas redeam melior atque doctior. Veniam tamen ad te Sardeis, plurimi faciens tibi familiarem et amicum fieri.

Epimenides Soloni.

Confide, o amice ! Si enim vel servire assuetis, vel non bene institutis Atheniensibus Pisistratus immineret, imperium profecto diuturnum habuisset. Cæterum viros haud sane malos, aut ignavos servire compulit : sed qui monitorum Solonis memores, præ pudore ingemiscant, servire tyrannidi diutius haudquaquam ferent. Verum etsi Pisistratus civitatem occupavit, non tamen ad illius liberos imperium spero deducendum. Est enim perdifficile hominibus liberis, præclarisque institutis legibus, sub servitute durare. Tu autem, noli, quæso, vagus agi, sed in Cretam venire ad nos matura, ubi tyrannus nullus cuiquam molestus est. Si vero illius amici forte, ut fit, in itinere inciderint, metuo ne quid sinistri tibi eveniat.

Pherecydes Thaleti.

Bene moriaris, cum tibi fatalis dies supervenerit. Morbus me invaserat, cum tuas accepi litteras, pediculis opperiebar, et feбри quatiebar totus. Mandavi itaque quibusdam ex familiaribus, ut cum me sepelierint, ad te perferant quæ scripsi. Tu autem, si quidem ea probaveris cum sapientibus reliquis, ita legenda demum trades : sin autem improbaveris, nolito edere. Mihi certe necdum satis placebant, est ibi quidem non certa rerum fides. Neque enim id recepi, neque quid sit verum me scire professus sum. Forte quædam de Theologia reservavi, cætera intelligere oportet. Omnia quippe judico potius, quam aperio. Morbo autem singulis diebus invalescente, neque medicorum quempiam, neque amicorum penitus admitto. Cæterum assistentibus pro foribus, et interrogantibus quo in statu sim, digito per ostii claustra dimisso, quam pestilenti malo tener, ostendi : admonique ut postridie convenient ad solemnes Pherecydis inferias. Vale.

Anaximenes Pythagoræ.

Thales, ab ætatis flore, ad senectutem, per studia virtutis humanitatisque pervectus, inclyta morte defungitur. Is cum, ut consueverat, una cum ancillula, sidera inspecturus, atrio domus matutinus exisset, immemor ut sese loci situs haberet, dum æthera securus explorat, in subjectam foveam cecidit. Milesii siderum observatoris hunc finem tradunt. Cæterum nos, qui litterarum amore tenemur, tanti viri jugiter meminimus, atque in illius maxime doctrina acquiescimus, initiumque sermonis nostri Thaletem semper instituiimus.

Anaximenes Pythagoræ.

Consultius nobis egisti, ut quietus viveres, qui ex Samo Crotonem commigrasti. Nam Æacidæ cum aliis infesti sunt, tum Milesiis tyranni dominantur. Medorum item rex nobis acriter imminet, nisi velimus esse tributarii. Quanquam videntur Iones pro libertate omnium cum Medis dimicare. Ita enim illi nos undique urgent, ut

A nulla nobis spes salutis sit. Quoniam igitur animo possit Anaximenes cœli secreta rimari, cui jugis aut mortis aut servitutis incumbit metus ? Atqui tu Crotoniatis atque Italis cæteris gratus atque in pretio es, quem accedunt et ex Sicilia studiosi quique.

Archytas Dionysio.

Missimus omnes Platonis necessarii Lamiscum, et Photidam, virum illum abs te recepturi jure antiquæ nostræ amicitie. Recte igitur feceris, si memineris quanto a nobis studio efflagitasti Platonis ad te adventum, ut nos illum venire hortaremur, facturum te spondens omnia illumque libere accedere et abire permissurum. Memor esto igitur, quanti illius adventum feceris, quodque eo tempore plus cæteris amaveris. Quod, si qua orta simultas est, humanius te agere convenit, illumque nobis restituere illæsum. Hæc enim si facis, justitiam coles, ac nobis gratificaberis.

Arcesilaus Thaumasiæ.

Testamenta mea Diogeni tradidi ad te perferenda. Quia enim sæpius ægroto, et corpore non recte valeo, testamentum conficere placuit : ut si quid contingat inopinatum, sine tua injuria proficiscar ex vita, qui unus ex omnibus maximo me affectu prosecutus es. Fidelissimus autem omnium, qui hic sunt, cum mihi semper fueris, diligenter et servare stude, tum propter ætatem, tum propter necessitudinem. Cura igitur memor, quantum tuæ fidei committam, ut quod apud te totum deponetur, quantum in te est, et negotia mea honeste disposita sint.

Rex Antigonus Zenoni philosopho.

Ego fortuna me quidem et gloria vitam tuam anteire existimo : cæterum disciplinis studiisque liberalibus, et perfecta felicitate, quam tu possides longe abs te præcelli sentio. Quocirca te orare statui uti ad me proficiscaris, id mihi persuadens, te preces meas minime irritas fieri passurum. Tu igitur modis omnibus enitere, ut tuo contubernio fruamur certo sciens non mei tantum, sed omnium simul Macedonum eruditorem fore. Nam qui Macedonia regem erudit atque in virtutem imbuit, eum et subditos quosque instruere ad fortitudinem et probitatem certum est. Nam cujusmodi fuerit dux, D tales ut plurimum subditos fieri necesse est. Vale.

Zeno Antigono regi.

Amplector tuum tam vehemens discendi studium, quod veram, utilem atque necessariam, non popularem et quæ ad pervertendos mores tendit, eruditionem apprehendere instituis. Qui enim philosophiæ amore ac studio tenetur, declinatque celebrem illam et vulgarem voluptatem, quæ quorundam adolescentulorum animos effeminat : eum non natura modo nobilitatem tueri, sed verum quidem virtutis quoque institutum, manifestum est. Porro liberali ac nobili ingenio si adjiciatur modica exercitatio, neque desit præceptoris copia, mature

ad perfectam virtutis evadit frugem. Equidem nisi A senectus mihi obsisteret, sum enim octogenarius, corpusque præterea invalidum, ipse ad te venire, ut jubes. Quia vero id datur, quosdam ex contubernialibus meis ad te mitto, qui animi bonis me minime inferiores sunt, et corporis etiam commodis exsuperant. Illis si tu studiose congregiare, nihil quod ad perfectam pertinet beatitudinem, desiderabis.

Pythagoras Anaximeni.

At tu, virorum optime, si nihil Pythagora et genere et gloria præstantior esses, profecto ad nos jam ex Mileto migrasses : nunc vero te continuit paterna et avita gloria, quæ et me continisset, si essem Anaximeni similis. Cæterum vos si augurio urbes deseretis, eis quidem ornatus adime- B tur, Medique illis infestius instabunt. Neque vero semper convenit astrorum ac cæli vestigare rationes. Præstat interdum, ad patriam curas cogitationesque convertere. Quanquam ego non semper meis vaco fabulis, verum et bellis interdum quibus inter se invicem Itali dissident.

Archylas Platoni.

Facis tu quidem recte, quod nobis te convalescere ex ægritudine significaris ; de Damisco item certiores feceris. De Commentariis autem curavimus, venimusque ad Lucanos, ibique convenimus Occelli nepotes. Quæ igitur de regno, legibus, justitia, omniumque generatione, et ipsi habemus, et ex his quædam misimus. Reliqua modo reperire non possunt : cum inventa fuerint, ad te C deferentur.

Plato Archytæ.

Quæ abs te nobis allata sunt Commentaria, dici non potest, quam libenter accepimus ; quique illa scripsit, in primis admirati sumus. Ostendit enim profecto vir ille, dignum se majoribus illis suis, antiquissimis atque optimis viris. Fe-

runtur autem isti viri, Myræi fuisse : hi autem ex illis fuere Trojanis, qui cum Laomedonte migrarunt, viri boni, ut de illis tradita significant. Quæ apud me sunt Commentaria, de quibus scripsisti, nondum satis elucubrata sunt, neque unquam satis erunt ; ea tamen misi. De custodia vero ambo consentimus : nihil itaque adhortatione opus est. Vale.

Rex Darius, Hystaspis filius, Heraclitum Ephesium sapientem virum, salutat.

Librum de Natura scripsisti obscurum, difficilemque in plerisque, qui, si ad verbum exponatur, vim quamdam speculationis continere videtur mundi totius, et quæ in eo sunt omnium, quæ quidem sunt in divino motu constituta. In quibus plurimi hæserunt adeo, ut et qui complura legerunt, ambigant, cum recta abs te narratio conscripta videatur. Rex igitur Darius, Hystaspis filius, auditor esse tuus cupit, particepsque Græcæ eruditionis fieri. Venias itaque quamprimum ad conspectum meum, ac regiam domum. Græci enim, ut plurimum sapientibus viris observandis minus dediti, aspernantur ea quæ ab his recte fuerint elucubrata : tametsi ejusmodi sint, ut eruditione et gravitate non careant. Apud me autem aderit tibi omnis honor, primatusque omnis, quotidieque sollicita observatio, et grata collocutio, vitæque tuis moribus probabilis. Vale.

Heraclitus Ephesius regi Dario, Hystaspis filio.

Quotquot mortales in terris vivunt, a veritate ac justitia abstinent, avaritiæ autem et inani gloriæ inexplebiliter intendunt, perditæ dementiæ causa. Ego autem, omnis immemor nequitiae, fastidiumque devitans omnis invidiæ domesticæ, quæ splendorem comitari solet, nunquam in Persarum solum advenirem, paucis contentus, quæ sunt secundum meam sententiam.

EPISTOLÆ DUÆ DE MONACHO ENERGUMENO.

In exemplari S. Germani ad Pratum Scholasticorum, post tres libros de Officiis, hæc duæ Epistolæ sequuntur. Priorem esse Ambrosii persuadebat materia ad illud tempus accommodata de Antonio, Hilarione, Machario, Gervasio, Prothasio, de Mediolanensi civitate in qua scriptam fuisse constat. Illud tantum ut dubitarem fecit, quod vocet Germanicos et Angelicos et Italicos. Posterior minus habet Ambrosii : sed tamen appressimus utramque, quia utramque antiquam esse et utilem judicavimus.

EPISTOLA PRIMA.

Vir quidam religiosus atque in monachico habitu constitutus tunc, nostro tempore nunc antiqui hostis est inaudita tentatione pulsatus, ita ut idem malignus spiritus vestimentorum ejus particulas et extra illum etiam incompositas, immunda colluvione crebrius fœdaret. Quæ intantum erat horrenda, fetida et noxia, ut pars vestium quam tetigisset, nullius [forte nulli, aut nullius rei] deinceps esset usui apta, quanquam fuisset abluta. De qua cum

D interrogatus fuisset, cur omnipotens Deus talem versuto serpenti potestatem in eum dedisset, ut cordis ejus immunditiam foris ostenderet, quod nunquam in exteriori habitu fecisset, nisi interiorem omnino corrupisset, scilicet aut infidelitate et blasphemia, aut certe inani et vana gloria, respondi : Sanies quippe intus in corde foras per vestimenta manavit. Quem quia longe positus erat, ego quidem non vidi, sed tamen, ut arbitror, hæc in illo vere prævidi. Quod si ita non est, numquid tamen fa-

tum putatur sine causa et propterea gestum, ut in eo munditiam cordis fœditas illa servaret, nec hanc callidus hostis inani gloria fœdaret : sicuti Paulus ne de revelationis magnitudine timeret, stimulum carnis accepit. Si itaque horum quodlibet, aut certe si non fuerit, numquid tamen quod ad extremum positurus sum verum non erit ? Verum est omnino. Verum est quod dico, non esse colluvionem illam extrinsecus animæ noxiam, si ipsa servare studuerit intus cordis munditiam. Interea sicut tu ipse judicare curasti, audio quosdam apud vos dicere : Non posse aliquem in patria suæ nativitatis perfectum esse, illud in argumentum assumentes, quod Dominus dixit : Nemo propheta acceptus est in patria sua (*Luc. iv*). Quos primum oportet ratione veritatis refelli, et sic demum qualiter intelligenda sit prolata sententia demonstrari. Audiant igitur patienter qui hæc dicunt, quia dum sensum sacræ Scripturæ prudenter non considerant, pene omnes sanctos contemnant. Si enim ita est, ut asserunt, ergo quotquot ex Romanis conversi, apud Romanos degunt : quotquot ex Græcis, apud Græcos : quotquot ex Italis, apud Italos : quotquot ex Hiberis, apud Hiberos : quotquot ex Germanicis, apud Germanicos : quotquot ex Aquitanicis, apud Aquitanicos : quotquot ex Anglis, apud Anglos religiose vivunt, imperfecti erunt. Ecce Paulus et Antonius ex Thebæis, apud Thebæos perfecti sunt. Ecce Hilarion ex Palæstinis, apud Palæstinos perfectus est. Ecce Macharius ex Ægyptiis, apud Ægyptios perfectus est. Ecce Oxyrynchus civitas ex propriis civibus tota perfecta est. Ecce, ut ad proximos et vicinos nostros veniamus, Prothasius et Gervasius in propria hac Mediolanensi civitate, propriaque domo manentes, ac per decem annos monachorum vitam exercentes, ita perfecti fuerunt, ut martyres fierent. An forte sola nostra provincia extra hanc regulam erit excepta, ut non de propriis, sed tantum de extremis [*forte externis*] habeat monachos ? Satagendum igitur magis est, ut ubi quis fuerit, juxta regulam perfectorum vivat, et non parentum, non propinquorum, non affinium illecebris a via perfectionis declinet (*Matth. xix, 21*). Sic certe, juxta Salvatoris sententiam, patri matrique, fratribus sororibusque, uxoribus, filiis, domibus, agris, et cunctis quæ possidet, renuntiare valebit. Hoc autem dico non quo secessores qui de regno ad regnum, de publico ad eremum transeunt, summa laude non ducam : sed quo etiam illos qui magis effectibus [*forte affectibus*] patriam fugiunt, quam gressibus, felices atque

A perfectos ostendam. Obsecro itaque illos qui hæc apud vos fieri posse denegant, ut vigilantissimo studio considerent, cur non dixerit Dominus : Nemo propheta perfectus est in patria sua, sed : *Nemo acceptus est in patria sua (Luc. iv, 24)*. Sed ibi quid aliud intelligendum est, nisi quia non acceptum dixit, nequaquam receptum. Quod de antiquis prophetis et seipso dictum intelligi voluit, qui apud incredulos Judæos non fuerunt accepti, sed magis spreti, Stephano ad eos dicente : *Quem prophetarum non sunt persecuti (Act. vii, 52) ?*

EPISTOLA ALTERA.

Prædicator omnipotentis Domini Paulus apostolus dicit : Senioreni ne increpaveris (*Tit. v*). Sed hæc ejus sententia in ea re servanda est, cum culpa senioris exemplo suo non tradat [*forte trahat*] ad interitum corda juniorum. Ubi autem senior juvenibus exemplum ad interitum præbet, ibi districta increpatione feriendus est, quia scriptum est : *Laqueus juvenum omnes vos (Isa. xlii, 22)* : et rursus propheta dicit : *Et peccator centum annorum maledictus (Isai. lxxv, 20)*. Tanta autem nequitia ad aures meas de tua senectute pervenit, ut eam nisi adhuc humanius pensarem, fixa jam maledictione ferirem. Dictum quippe est, quod dominicorum die priusquam Missarum solemniam celebrares, ad exarandam messem latoris præsentium perrexisti : et post exarationem ejus Missarum solemniam celebrares. Post Missarum solemniam etiam terminos possessionum illius eradicare minime timuisti. Dubium autem de tanta hac perversitate fueramus, sed filius noster Quiriacus abbas a nobis requisitus dum esset Caralis, ita se cognovisse perhibuit. Et quia adhuc canis tuis parcimus, hortamur aliquando respicere, senex, atque tantam lenitatem morum et operum perversitatem compece : qui quanto morti vicinior efficeris, tanto fieri sollicitior atque timidior debes. Et quidem pœnæ sententia in te fuerat jaculanda ; sed quia simplicitatem tuam cum senectute novimus, interim tacemus. Eos vero quorum consiliis hæc egisti, in duobus mensibus excommunicatos decernimus : ita ut si quid eis infra duorum mensium spatium humanitus evenerit, benedictione viatici non priventur. Deinceps autem ab eorum consiliis cautus exsiste, teque sollicitus custodi : ne si eis in malo discipulus fueris, quibus magister in bono esse debuisti, nec simplicitati tuæ nec senectuti tuæ ulterius parcamus.

EXPLANATIO SYMBOLI AD INITIANDOS.

(MAI *Script. vet. Collect. nov.*, tom. VII)

Celebrata hactenus mysteria scrutaminum. In-quisitum est ne immunditia in corpore alicujus haereret. Per exorcismum (1) non solum corporis, sed etiam animæ quasita et adhibita est sanctificatio. Nunc tempus est et dies ut symbolum tradamus; quod symbolum est spiritale signaculum, cordis nostri meditatio, et quasi semper præsens custodia, certe thesaurus pectoris nostri.

Primum igitur rationem nominis ipsius debemus accipere. Symbolum Græce dicitur, Latine autem collatio: et maxime symbolam negotiatores dicere consuerunt, quando conferunt pecuniam suam, et quasi ex singulorum collatione in unum constipata, integra et inviolabilis conservatur, ut nemo fraudem collationi facere conetur, nemo negotiationi: denique inter ipsos negotiatores ista est consuetudo, ut si quis fraudem fecerit, quasi fraudulentus rejiciatur. Sancti ergo apostoli in unum convenientes, breviarium fidei fecerunt, ut breviter fidei totius seriem comprehendamus. Brevitas necessaria est, ut semper memoria et recordatione teneatur. Scio in partibus maxime Orientis, quod ea quæ primo tradita sunt a majoribus nostris (2), dum quasi fraude alii, alii diligentia, fraude hæretici, diligentia catholici; dum ergo illi fraudulenter conantur irrepere, addiderunt quod non opus est; dum isti fraudem præcavere contendunt, lines majorum velut pietate quadam et incuria videntur esse prætergressi.

Ergo apostoli sancti convenientes fecerunt symbolum breviter. Signate vos. Quo facto, et dicto symbolo: in hoc symbolo divinitas Trinitatis æternæ evidentissime comprehensa est unius operationis. *Patrem et Filium et Spiritum sanctum*, hoc est venerabilem Trinitatem. Et quod fides nostra ita sit, ut pari genere credamus in Patrem et Filium et Spiritum sanctum. Ubi enim nulla discretio majestatis est, nec fidei debet esse discretio. Deinde frequenter admonui, quod Dominus noster Jesus Christus Filius Dei solus carnem istam suscepit, corporis forma. Corporis istius veritate factus est ut homo: sed habet singulare privilegium generationis suæ: non enim ex virili natus est semine, sed *generatus Spiritu, inquit, sancto ex Maria virgine*. Prærogativam auctoris celestis agnoscis; factus quidem ut homo, ut infirmitates nostras in sua carne susceperet, sed cum privilegio venit majestatis æternæ. Ergo dicamus symbolum. (Et cum dixisset,

(1) Exorcismus legitur in Ambrosii editione Maurina t. II, fin., sumptus videlicet ex Vaticano pervenire codice 82, sæculi XI.

(2) Par sententia est apud Rufinum, *Conam.* in symb.

A hinc complevit.) Hoc habet Scriptura divina. Nunquid supra apostolorum fines progredi audaci mente debemus? Nunquid nos sumus apostolis cautiores?

Sed, dicis mihi, postea emergerunt hæreses. Quid ergo? vide simplicitatem, vide puritatem. Patripassiani cum emersissent, putaverunt etiam catholici in hac parte addendum *invisibilem et impassibilem*, quasi Filius Dei visibilis et passibilis fuerit. Si fuit visibilis in carne, caro illa fuit visibilis, non divinitas. Denique quid dicat audi: Deus, Deus, respice in me; quare me dereliquisti? In passione hoc dicit; Dominus noster Jesus Christus hoc secundum hominem locutus est, quasi caro dicat ad Divinitatem: Quare me dereliquisti? Ergo esto, medici fuerint majores nostri; voluerint addere ægritudini sanitatem; medicina non quæritur. Ergo si medicina non fuit eo tempore necessaria, quo erat hæreticorum quorundam gravis ægritudo animorum: et si fuit tunc temporis quærenda, nunc nos est. Qua ratione? Fides integra adversus Sabellianos. Exclusi sunt Sabelliani maxime de partibus Occidentis. Ex illo remedio Ariani invenerunt sibi genus calumniæ: et quoniam symbolum Romanæ Ecclesiæ nos tenemus (3), ideo visibilem et passibilem Patrem omnipotentem illi æstimarent et dicerent: vides quia symbolum sic habent, ut visibilem Filium et passibilem designarent? Quid ergo? Ubi fides integra est, sufficiunt præcepta apostolorum. Cautiones licet sacerdotum non requirantur. Quare? quia tritico immista zizania sunt.

C Hinc symbolum. *Credo unicum Dominum nostrum*. Sic dicite: *Filium ejus unicum*. Non unicus Dominus? Unus Deus est, unus et Dominus: sed ne calumnientur et dicant, quia una persona (4), dicamus Filium etiam unicum Dominum nostrum. Quia de divinitate Patris et Filii venit ad incarnationem ipsius *qui natus et sepultus*: habes et passionem ipsius, et sepulturam. *Tertio die a mortuis*; habes et resurrectionem ejus. *Ascendit et sedet ad dexteram Patris*. Vides ergo quia caro divinitati immi- nuere nil potuit; imo de incarnatione triumphus magnus quæsitus est Christo. Qua ratione enim ubi de morte ascendit, sedet ad dexteram Patris? Quasi qui Patri retulerit bonæ fructum voluntatis. Duo habes: *surrexit a morte, sedet ad dexteram Patris*. Nolumus ergo potuit asferre caro divinitatis gloriæ detrimentum. Duo habes: aut quasi secundum præ-

(3) Nullis additamentis fuisse auctum Romanum symbolum, et publice ab initiandis recitari solitum, narra! Rufinus loc. cit., qui tamen Aquileiense suum sequitur.

(4) Cod., *unam passionem*.

rogativam divinitatis et substantiæ generationis suæ Dominus noster Jesus Christus sedet ad dexteram, a morte surrexit; aut certe quasi triumphator æternus qui bonum regnum Deo Patri comparavit, prærogativam sibi suæ victoriæ vindicavit, sedens ad dexteram Patris.

Judicare (5) *vivos et mortuos*. Audi, homo. Debes quidem cito credere. Fides ipsa de charitate promatur. Qui amat, nil derogat: amicum, qui amicum amat, nihil derogat: qui amat Dominum, multo magis non debet derogare. Quare dico *sedet*? Qui amat, habet quid timeat. Unde *et mortuos*? Ipse de nobis judicaturus est. Cave ergo detrahere ei, quem judicem habiturus es. Quare hoc mysterium? Nunquid non unum judicium est Patris et Filii et Spiritus sancti? Nunquid non una voluntas est? Nunquid non una majestas? Quare tibi dicitur quod Filius judicaturus est, nisi ut intelligas nihil Filio derogandum? Ergo vide: credes in Patrem, credes et in Filium. Et quid tertio? et in Spiritum sanctum. Quæcunque accipies sacramenta, in hac trinitate accipies. Nemo te fallat. Vides ergo unius operationis, unius sanctificationis, unius majestatis esse venerabilem Trinitatem.

Sane accipe rationem quemadmodum credimus in auctorem; ne forte dicas, Sed habet et in Ecclesiam, sed habet et in remissionem peccatorum, sed habet et in resurrectionem. Quid ergo? Par causa est. Sic credimus in Christum, sic credimus in Patrem, quemadmodum credimus et in Ecclesiam, et in remissionem peccatorum, et in carnis resurrectionem. Quæ ratio est? Quia qui credit in auctorem, credit et in opus auctoris. Denique ne hoc ingenii nostri putetis, accipite testimonium: Si mihi non creditis, vel operibus credite. Ergo hoc habes. Nunc fides tua amplius elucebit, si in opus auctoris tui fidem veram et integram putaveris deferendam. In Ecclesiam sanctam, et in remissionem peccatorum. Crede ergo ex fide, quia omnia tibi peccata remittuntur. Quare legisti in Evangelio, dicente Domino: Fides tua te salvum fecit. Resurrectionem. Crede quia resurget et caro. Quid enim opus fuit, ut Christus carnem susciperet? quid opus fuit, ut Christus mortem gustaret, sepulturam susciperet et resurgeret, nisi propter tuam resurrectionem? Totum hoc sacramentum tuæ est resurrectionis. Si Christus non resurrexit, vana est fides nostra: sed quia resurrexit, ideo firma est fides nostra.

Ergo dixi apostolos symbolum composuisse. Si ergo mercium istarum negotiatores et collatores

(5) Prætermissa in codice verba unci includo.

peccatiæ hanc habent legem, ut si qui symbolum suam violaverit, improbus et instabilis habeatur, multo magis cavendum est nobis, ne de majorum symbolo aliquid detrahatur: cum habeas in libro Apocalypsis Joannis, qui libellus canonizatur, et maxime ad fidei proficit fundamentum: ibi enim evidenter omnipotentem Dominum nostrum Jesum Christum memoravit. Licet et in aliis locis, tamen in ipso libello: Si quis, inquit, addiderit aut detraxerit, judicium sibi sumit et pœnam. Sic unius apostoli scripturis nihil est detrahendum, nihil addendum, quemadmodum nos symbolo quod accepimus ab apostolis traditum atque compositum, nihil debemus detrahere, nihil adjungere. Hoc autem est symbolum quod Romana Ecclesia tenet, ubi primus apostolorum Petrus sedit, et communem sententiam eo detulit.

Ergo quemadmodum duodecim apostoli, et duodecim sententiæ. Signate vos. Quo facto: Credo [in Deum Patrem omnipotentem, creatorem cæli et terræ, et in Jesum Christum Filium ejus unicum Dominum nostrum, qui conceptus est de Spiritu sancto, natus ex Maria] virgine; [habes Patrem omnipotentem, habes Filium unicum] habes incarnationem Filii, quemadmodum dixi. Sub Pontio Pilato passus et sepultus; habes passionem et sepulturam. Ecce quatuor istæ sententiæ. Videamus alias. Tertia die [resurrexit a mortuis, ascendit ad cælos, sedet ad dexteram Dei Patris, inde venturus est judicare vivos] et mortuos. Ecce aliæ quatuor sententiæ, hoc est octo sententiæ. Videamus adhuc alias quatuor sententias. Et in Spiritum sanctum [sanctum Ecclesiam, remissionem peccatorum, carnis] resurrectionem. Ecce secundum duodecim apostolos, et duodecim sententiæ comprehensæ sunt.

Illud sane monitos vos volo esse, quoniam symbolum non debet scribi, quia reddere illud habetis. Sed nemo scribat. Qua ratione? Sic accepimus ut non debeat scribi. Sed quid? Teneri. Sed dicis mihi, quomodo potest teneri, si non scribitur? Magis potest teneri, si non scribatur. Qua ratione? Accipite. Quod enim scribes, securus quasi relegas, non quotidiana meditatione incipis recensere: quod autem non scribis, times ne amittas, quotidie incipis recensere. Magnum autem tutamentum est: nascuntur stupores animi et corporis, tentatio adversarii qui nunquam quiescit, tremor aliquis corporis, infirmitas stomachi; symbolum recense intra te, maxime recense intra te ipsum. Quare consuetudinem facias et cum solus, [ut] fortius recenseas ubi sunt fideles.

EPISTOLA DE FIDE
AD BEATUM HIERONYMUM PRESBYTERUM.

(MAI, *ibid.*)

Apostolica narrat auctoritas : Sine fide impossibile esse ut quisquam placeat Deo. Nos ergo fidei credimus Patrem, Filium et Spiritum sanctum, unum verum solum Deum in essentiali substantia, ac sanctam et individuam personalem æternitatem. Deus enim Christi par in omnibus et consubstantialis est Patri, et sempiterna atque intemporaliter una eademque potentia genitoris et geniti. Creator quippe omnium naturarum, quoniam per ipsum omnia facta sunt, et sine ipso factum est nihil, superior est omnibus quæ creavit, nec unquam creatori suo non fuerunt subjecta quæ condidit; cui proprium et sempiternum est, nec aliunde quam de Patre, nec alium esse quam Pater est. Huic si addita esset potestas, si illustrata dignitas, si exaltata sublimitas, minor erat provehente qui creavit, nec habebat divitias ejus naturæ, cujus indignit largitate.

In ea plenitudine temporis, quæ sempiterno consilio fuerat præstituta, et prophetica dictorum atque gestorum significatione promissa, factus filius hominis non suæ conversione substantiæ, sed nostræ assumptione naturæ, venit querere et salvare quod perierat. Venit autem non locali accessu nec motione corporea, tanquam præsens futurus unde adfuisset, aut illinc recessurus unde venisset, sed venit per hoc quod erat visibilis et cunctis cernentibus declarandus. Humanam scilicet carnem atque animam in visceribus virginis matris accipiens ut manens in forma Dei, servi formam assumeret, et in similitudine carnis peccatorum veniret, per quam non minueret divina humanis, sed augetet divinis humana. Talis enim erat omnium a primis ducta genitoribus causa mortalium, ut originali peccato transeunte per posteros, nullus pœnam damnationis evaderet, nisi Verbum caro fieret et habitaret in nobis. Quod deitatis est, caro non minuit, quod carnis est, deitas non peremit. Idem enim et sempiternus ex Patre; et temporalis ex matre, in sua virtute inviolabilis, in nostra infirmitate passibilis. In deitate tantum et cum Patre et cum Spiritu sancto unus ejusdemque naturæ; in susceptione autem hominis, non unius substantiæ, sed unius ejusdemque personæ: ut idem esset dives in paupertate, omnipotens in submissione, impassibilis in supplicio, immortalis in morte. Nec enim Verbum aut in carnem aut in animam aliqua sui parte conversum est; cum simplex et immutabilis natura deitatis

A tota in sua sit semper essentia; nec damnum sibi recipiens nec augmentum; et sic assumptam naturam beatificans, ut glorificata in glorificante permaneat.

B Cur autem inconveniens aut impossibile videatur, ut Verbum et caro atque anima unus homo Christus et unus Dei hominisque sit Filius, si caro et anima, quæ dissimilium naturarum sunt, unam faciunt, etiam sine Verbi incarnatione, personam (1)? Cum multo facilius sit, ut hanc unitatem sui atque hominis, deitatis præstet potestas, quam ut eam in substantiis suis obtineat solius humanitatis infirmitas. Nec Verbum igitur in carnem, nec in Verbum caro mutata est: sed utrumque in uno manet, et unus in utroque est: non diversitate divisus, non permixtione confusus, nec alter ex Patre, alter ex matre; sed idem ex Patre ante omne principium, et idem in fine sæculorum ut esset mediator Dei et hominum, homo Jesus Christus in quo habitaret plenitudo divinitatis.

C Nativitas enim Domini secundum carnem quamvis habeat quedam propria, quibus humanæ conditionis initia transeunt, sive quod solus ab inviolata Virgine sine concupiscentia est conceptus et natus; sive quod ita e visceribus matris est editus, ut secunditas pareret, et virginitas permaneret; non alterius tamen naturæ erat ejus caro quam nostra est: nec alio illi quam cæteris hominibus anima est inspirata principio, quæ excelleret non diversitate generis, sed sublimitate virtutis. Nihil enim carnis suæ habebat adversum; non discordia desideriorum gignebat compugnantiam voluptatum; sensus corporis vigeant sine lege peccati, et veritas affectionum sub moderamine deitatis et mentis, nec tentabatur illecebris, nec cedebat in vitis: verus homo vere unitus est Deo: nec secundum existentem prius animam deductus e cælo, nec secundum carnem creatus ex nihilo: eandem gerens in Verbi deitate personam, et tenens communem nobiscum in corpore animaque naturam. Non enim esset Dei hominumque mediator, nisi idem Deus idemque homo in utroque et unus esset et verus.

D Invitat quidem nos ad latitudinem discernendi materiæ magnitudo; sed apud eruditionem tuam non est copia laborandi. Apud te est Bethleem, in qua salutaris Virginis partus illuxit, quem involatum pannis, inter angustias diversorii, præsepe suscepit.

(1) Rectissime Ambrosius *personam*, non *naturam* dicit. Nam si contra una hominis natura dicitur, ut aliqui loqui solent, hoc exemplo mirabuntur anthropysite, ut unam Christi naturam affirmant.

Re autem vera due sunt in homine natura seu substantia; spiritualis, anima; materialis, caro. Legatur de hoc exemplo præclara Athanasii doctrina ed. Maur. t. 1, p. 1279.

Apud te est declarata ab angelis, adorata a magis, post multorum infantium ab Herode mortem Salvatoris infantia est persecuta. Apud te, inquam, locus est, ubi pueritia adolevit, ubi adolescentia maturavit, et per incrementa corporea in virum perfectum veri hominis natura profecit, non sine cibo esuritionis, non sine somno quietis, non sine fletu miserationis, nec sine pavore formidinis. Unus enim atque idem est qui in Dei forma operatur miracula magnæ virtutis.

Ut autem repararet omnium vitam, recepit omnium causam : et vim veteris chirographi, quod solus inter omnes non debuit, pro omnibus solvendo vacuavit : ut sicut per unius reatum omnes facti fuerant peccatores, ita per unius innocentiam omnes fierent innocentes : inde in homine manente justitia, ubi est suscepta humana natura : nulla enim ratione extra nostri corporis veritatem. Nam quia captivitatis nostræ originalia vincula solvi non poterant, nisi existeret homo nostri generis no-

stræque naturæ, quem primi præjudicia non tenerent, et qui immaculato sanguine sua chirographum lethale dilueret, sicut erat ab initio divinitus præordinatum ; ita est in plenitudine præfiniti temporis factum, ut multis modis significata promissio diu exspectato veniret effectu ; nec posset esse ambiguum quod continuis significationibus semper fuerat nuntiatum. In magno autem sacrilegio diversa hæreticorum impietas manifestatur, cum specie deitatis honorandæ, humanæ carnis in Christo derogant veritatem ; et religiose æstimant credi, si dicatur in Salvatore nostro verum non esse quod salvat ; cum ita secundum promissionem omnia sæcula præcurrentem mundus sit Deo reconciliatus in Christo, ut nisi Verbum dignaretur caro fieri, nulla caro posset salvari. Enucleatius autem declarare fidei sacramentum, et confundere hæreticam pravitatem tuum est, Pater (2) optime Hieronymus. Hoc unum oro et deprecor, mei ut memor sis frequentius, invictissime miles Christi. Amen.

(2) Hoc certe contra usum totius Ecclesiæ antiquæ ut episcopus presbyterum *P atris* nomine compellet (FESSLER.)

ADMONITIO IN HYMNOS SEQUENTES S. AMBROSIO ATTRIBUTOS.

Hos hymnos reperimus in Hymnario nuper Halis recensito. Clarissimus editor Germanicus, cui nomen Adalbertus Daniel, nonnullis de sua Thesauri hymnologie editione generatim expositis, sequentia subjicit : quæ, cum ad intelligentiam adnotationum hymnis Ambrosii subjectarum nonnihil conferre possint, hic referre juvat. (EDIT. PATR.)

Jam ut etiam de adnotationibus tribus verbis dicamus, pro instituti nostri ratione exclusimus eas quæ ad auctorem et ætatem hymnorum pertinent, et quæ lexicographici, metrici vel etiam grammatici generis sunt, propterea quod illæ res omnes in glossario tractantur. Hymnos ut adnotationibus asceticis illustraremus nobis suasit vir summe reverendus Nickelius. Et illud quidem negotium libenter suscepissemus, si nobis licuisset. Sed nisi brevitati usquequaque maxime studendum fuisset, multa quæ ad historiam Ecclesiæ et dogmata pertinent, copiosus fusiusque explanavisset. Quam eadem in re rationem in sequenti volumine secuturi simus, nondum nobis constat, cum quantum sibi gratiæ opus nostrum conciliaturum sit nondum compertum habeamus.

Jam non alienum erit narrare, quibus ex fontibus hauserimus quibusque auxiliis usi simus. Quicunque harum rerum periti sunt, ii facile intelligent nobis exspectatione plurium fontium editum esse patefactum : quod vix et ne vix quidem contigisset, nisi multorum virorum benignitate ac liberalitate mirum in modum adjuti essemus. Non quidem dubito quin futuri sint, quibus numerus codicum manuscriptorum non satis magnus videatur, et ipse maxime doleo quod in bibliothecis Vindobonensi et Monacensi antiquissimas membranas inspicere et dili-

genti manu versare non licuit. Sed, ni fallor, multum in hymnis recte constituendis libris manuscriptis nimium tribuunt. Nam breviaria diocesana, quæ circa annum 1500 typis descripta sunt, e diligentissima eorum, qui in diœcesi exstabant, codd. manuscriptorum comparatione profecta sunt, ut hos ipsos auctoritate si non superare, certe æquare mihi videantur. Idem valet de antiquis et recentioribus hymnorum collectionibus, veluti Cassander multos codd. Germanos, Clichtovæus Gallicos, Thomasius Italos inspexit.

I. CODICES.

1. Anni 1839 autumnum cum Dresdæ commorarer breviaria in bibliotheca Regia asservata adii cum hujus rei exoptatissimæ occasio mihi oblata esset. Primum adii breviarium illud, quod catalogus manuscriptorum sub titulo A. 147 habet, cum id ex accurata narratione Falckensteinii mihi antea innotuisset. Sed est illud Horarium potius, cum horas de beatæ Virgine, de Spiritu sancto, etc., contineat. Et ejus sine dubio sæculum xv vel xiv non superat origo autem si non ab ipsa diœcesi Metensi, certe ab affini aliqua repetenda videtur esse. Picturæ marginales quibus codex insignitus est dignæ sunt ad quas, quicunque harum rerum periti sunt, animus advertant. (D. 1.)

2. Eadem in bibliotheca alterum inveni brevi-

rium, in indice sub A. 228 notatum, ex libris Crusii. Hoc breviarium, quod ordini Dominicanorum in usu fuit, ex commemoratione quorundam sanctorum, velut S. Chalæ, apparet ex regione Rhenana superiore originem traxisse. Hunc tamen codicem vix initium sæculi xv transgredi persuasum habeo. (D. 2.)

3. Eadem fere ratio est codicis chartacei, qui cum quondam in bibliotheca monasterii S. Petri Erfordiae asservaretur, nunc meus est. Inest in hoc codice *Glosa super Ymnos*, quæ tamen ad explicandos hymnos fere nihil confert. Huic glossæ commentarius de summula Raymundi additus est. (E.)

4. Antiquissimum eorum quos inspeximus codicum debemus liberalitati Rambachii, viri doctissimi, qui cum primus (nam hæc laus ejus semper propria erit et mansura) in hymnologia viam muniverit, tum de nobis optime meritus est, cum nobis subsidia et rarissima et exoptatissima ad Thesaurum nostrum suppeditaverit. Est ille quem diximus codex ex bibliotheca civitatis illustrissimæ Hamburgensis, quem Staphorstius (Hamb. Kirchengeschichte Th. I, S. 310 seqq.) decimo atque adeo nono sæculo ascripsit. Contra Rambachius Anth. I, p. 23, cum in codice S. Catharinæ mentio facta sit, suo jure sæculum tertium decimum non egrediendum esse statuit. Sed in ejusmodi breviariis duplex pars distinguenda videtur: una primitiva, altera quæ ex posteriore tempore additamenta habet. Eadem ratio videtur esse hujus codicis: hymni enim in festum S. Catharinæ, Conceptionis Mariæ aliis litteris ætate posteriori indicantibus exscripti sunt; et cum hoc quoque notabile sit, hymnos in festum Corporis Christi nondum inveniri, haud scio an illud quod commemoravimus proprium de tempore duodecimo atque adeo undecimo sæculo vindicandum sit. (H.)

5. Breviarium diœcesanum chartaceum ex bibliotheca Rev. capituli cathedralis Merseburgensis liberalitati Frejeri, viri ornatissimi, debeo; qui codex manu scriptus, etsi vix sæculum quartum decimum egrediatur, multa tamen continet propria. In his hymnorum paucitas et octavarum; nam desunt adeo octavæ Epiphaniæ et Assumptionis. (M.)

6. In libris manu scriptis, quos Fr. Junius indefesso labore satis ille notus possedit, postea autem bibliotheca Oxoniensis acquisivit, inest etiam vetusta interpretatio Germanica xxvi hymnorum. Nonnulli viri docti in studiis ad veterem linguam Germanicam pertinentibus hoc codice usi sunt: primum, quartum, quintum et ultimum hymnum iam Hickesius vulgarat; reliqui omnes in lucem prodierunt cura et studio Jac. Grimmii, viri mira quadam doctrinæ copia instructi, quo nunc patria nostra gaudet (*Hymnorum Veteris Ecclesie xxvi Interpretatio Theotisca, nunc primum edita Gollinje*, 1830). Cum et hymni Latini et versio Germanica, quæ ille codex manusc. complectitur, in octavum sæculum incidant, id quod Prolegomenis vir doctis-

simus argumentis satis idoneis confirmavit, nihil est quod exponamus, quanti hic Grimmii liber a nobis aestimatus sit. (O.)

7. Cum audivissem in bibliotheca academiæ Herbipolitane breviaria antiquissima asservari, confusus liberalitate Ludwigi, viri doctissimi, ejus curæ ac tutelæ bibliotheca illa commissa est, et Reussii, viri ornatissimi, ejus humanitatem non possum satis prædicare, alium senatum academiæ omni qua par est observantia ausus sum rogare, ut codicum illorum vetustissimum mihi mitti concederet. Qui cum precibus meis benevole annueret, factum est ut duo antiquissima breviaria inspicere possem, quorum unum est ex celebratissimo monasterio Ebracensi, et, nisi fallor, sæculo tertio decimo scriptum est. (W. 1.)

8. Alterum est breviarium diœcesanum ex bibliotheca monasterii Benedictinorum, quod S. Stephanum patronum colebat. In quo cum nonnulli festi dies seriores ad cultum Mariæ pertinentes desint, et festum Corporis Christi unum modo hymnum habeat, non dubito quin codex sub finem sæculi xiii scriptus sit. (W. 2.)

II. BREVIARIA.

Breviaria diœcesana.

1. *Canonicarum horarum liber secundum ordinem Rubricæ Ecclesie Halberstadensis ordinatus, studiosissime revisus, correctus et emendatus, et ad instar correctissimorum exemplarium collatus, ac per Georgium Stuchs Nurnberge impressus. Anno virginei partus millesimo quingentesimo quintodecimo, Idibus Novembris feliciter fuit. Menm est. (III.)*

2. *Canonicarum horarum liber secundum ordinem rubricæ sancte Ecclesie Magdeburgensis, summo studio revisus atque denuo correctus, in officina Georgii Stuchs civis Nureorbergensis impressus. Anno a partu virginis gloriosissime millesimo quingentesimo quatuordecimo mensis Octobris die vigesimo primo fuit. Ex bibl. Orphanotrophei Halensis. (Mgd.)*

3. Breviarium Misuense typis exscriptum circa annum 1510. Ex bibliotheca Academiæ Halensis. (Msn.)

4. *Viativi pars estivalis secundum rubricam ecclesie Merseburgensis. In calce libri: Finita est hæc Pars estivalis viatici Merseburgensis atque imprassem pervigili cura. Arte et ingenio industriosi Melchioris Lotter Ducalis opidi Liptzensis concivis. Anno salutifere incarnationis millesimo quingentesimo quarto. Die Jovis, quinta decima mensis Augusti. Ex bibliotheca S. Mariæ Halensis. (Msb.)*

5. *Breviarium Pataviensis Ecclesie mira formandi arte pervigilique cura sollertis viri Petri Lichtenstein impensa vero Leonardi et Lucæ Allantse fratrum bibliopatorum viennensium. Absolutum est Venetiis anno Salutifero 1515 die 25 Maii diro ac semper augusto Maximiliano primo imperiale sceptrum fauste tenente. Hoc breviarium ex biblioth. gymnasii Zuic-*

caviensis Hertelius vir doct. benevole suppeditavit. A (Pl.)

6. Breviarium: Ecclesiæ Salisburgensis, quod meum est. Hoc vehementer doleo in fronte et in calce esse mutilum atque deesse nomen typographi atque annum. Est sane splendide typis exscriptum. (Sl.)

7. Breviarium hoc juxta veras rubricas sacræ Myndensis Ecclesiæ ordinatum sollerti lucubratione prævia opera ac vigilantia cura industrii viri Georgii Stachs de Sulezpack, quod splendide exaratum anno nonagesimo supra millesimum quadringentesimum, decimo vero nono Calendarum Januarii explicit. Id mihi aliosque libros ex bibliotheca academiæ Göttingensis, cui summa cum humanitate et liberalitate præest Benckius, vir doct., Havemannus et Rankius, viri doct., quos summa colo observantia, miserunt benevole. (Md.)

8. Breviarium secundum rubricam ecclesiæ Havelbergensis diligenter recognitum. In calce: Lipsiæ in officina Melchioris Lottheri longe quam ante accuratius et emendatius Anno a natali christiano millesimo quingentesimo decimo octavo. Meum est. (Hv.)

9. Breviarium dicendarum Canoniarum horarum ad morem Severiani Collegii Erphordensis. In calce: Impressum et completum est præsens breviarium in nobili famosaque urbe Moguntina, hujus artis impressorie inventrice prima: per honestum virum Joannem Schoeffer civem Moguntinum. Anno dominice incarnationis millesimo quingentesimo decimo octavo, VIII Idus Februarias. Ipse librum possideo. (Ef.)

10. Meus est etiam libellus rarissimus in Gallia typis exscriptus: *Heures à l'usage de Lengres au long sans rien requerir. Imprime a Troyes chez Jean le Coq* (sine anno et numeris foliorum), qui sub finem solemnes per totum annum hymnos continet. Placuit nobis librum litteris Lg. notare, cum illi hymni sine dubio in diœcesi Lingonensi in usu fuerint. (Lg.)

11. Hymni Ecclesiæ excerpti e Breviariis Romano Sarisburiensi Eboracensi et aliunde Oxonii Z. H. Parker 1838. Hymni e brev. Romano correcti a nostro consilio alieni erant, exoptatissimi tamen erant qui ex brev. Sarisburiensi et Eboracensi desumpti sunt. Nam uti ex illo, cujus modo mentionem fecimus, libello cognosci poterat, qui apud Francogallos usitatissimi fuissent hymni, sic ex hoc qui apud Anglos. (Sb. Eb.)

Breviaria monastica.

12. Breviariorum quæ ordinis S. Francisci fuerunt multorum nobis patuit aditus. Antiquissimum est bibliothecæ Halensis S. Mariæ a nobis litteris Fr. notatum. In calce legitur: *Explicit breviarium secundum morem romane curie. Impressum Venetiis per Franciscum Renner de Hailbrun. Anno Domini 1481.* Alterum (Fr. 2) e mea est bibliotheca. Legitur in calce: *Explicit breviarium secundum ritum Romanum Venetiis impressum arte et impensis Andree de Toresanis de Asula 1495, die vero 14*

Martii, feliciter. Præterea comparavimus nonnulla alia ab illis fere nihil discrepantia. Primum. *Explicit breviarium secundum ordinem sancte Romane Ecclesie magna cum diligentia revis. et fidei studio emendatum. Idque in alemonia regali civitate Nurembergk multum famosa impressum arte et impensis Anthonii Koberger præfata civitatis incolam. Anno incarnatæ deitatis elapso 1486, iv idus Decembris.* Meum est. Secundum. *Et sic finitur breviarium secundum usum Romane curie arte et caractere honesti viri Jacobi de pforzen civis Basiliensis ductu vero fratris Nicolai vincentii ordinis minorum elaboratum. Anno salutiferæ Incarnationis millesimo quadringentesimo nonagesimo tertio.* Ex bibliotheca S. Mariæ Halensi. Inde etiam tertium aliud breviarium fortasse antiquius. Sed desunt annus et nomen typographi. Paginæ numeris nondum notatæ. Denique etiam ad manus erat recens Minorum breviarium, quod amicissimus nobis Diedrichius, magister scholæ Latinæ in Orphanotropheo Halensi, nobis largitus est: *Breviarium Romano-Seraphicum, etc. Coloniae Agrippinæ 1734.*

13. Ordinis Dominicanorum est Breviarium bibliothecæ Göttingensis vetustum, quod et Norimbergæ anno 1582 editum est (Pd.). Breviarium ejusdem ordinis recentius debemus bibliothecæ Orphanotrophei. Prodiit illud Parisiis a. 1643.

14. Bibl. S. Mariæ Halensis nobis suppeditavit vetustam ordinis S. Benedicti breviarium: *Finit pars hyemalis breviarii reverendorum patrum ordinis divi Benedicti de observantia per Germaniam unionis Bursfeldensis. Parrhisiis impressa per Desiderium makeu in vico sancti Jacobi commorantis sub intersignio sancti Nicolai prope templum sancti Benedicti. Sumptibus Godofridi Hectoris honesti bibliopole. Anno Dominicæ incarnationis 1518. De 15 mensis Januarii (Bd.).* Recens ejusdem ordinis Breviarium meum est. *Breviarium monastico.... Benedictinum quadripartitum. Typis principalis monasterii Einsidlensis, anno 1743 seqq.*

15. Ex breviariis Eremitarum S. Augustini duo consulimus: unum ex bibl. S. Mariæ Halensi, sine anno et titulo, sed procul dubio pervetustum (Aug.), alterum ex nostra: *Breviarium secundum ritum sancte Romane Ecclesie summa cum diligentia emendatum et castigatum in quo etiam multa superaddita sunt quæ in consimilibus breviariis nunquam alias fuerunt impressa feliciter explicit. In alma Venetiarum urbe per Jacobum de Leuco accuratissime impressum. Anno salutifere Domini nostri Jesu Christi incarnationis quingentesimo supra millesimum nonis Octobris (Aug. 2.).*

16. Ex eadem bibl. S. Mariæ est pervetustum Carthusianorum Breviarium: *Breviarium sacre religionis Cartusie. Ab exemplari correctissimo impressum Salutis per magistrum Simonem bevelaqua Papiensem. Anno Domini 1006 die 22 Aprilis. (Cl.)*

17. Ex breviariis ordinis Cisterciensis antiquis, in quibus hymni more singulari et insolito dispositi

sunt, unum ex bibl. Gottingensi inspeximus: A
*Brev. camerale ad usum Cisterciensis ordinis anno
 currente 1510 ab eodem monacho qui precedentia
 ejusdem ordinis brev. correxerat diligenti cura casti-
 gatum et ad hanc satis amplam formam redactum.
 reverendissimi patris domini Cistercii obedientia
 punctis in eodem ordine fieri solitis utiliter comuni-
 tum incipit feliciter. — Venale reperitur Parisiis sub
 Leone Argenteo vice sancti Jacobi. (C^a.)*

III. SUBSIDIA LITTERARIA QUAE HYMNOS COLLECTOS
 ET EXPLICATOS CONTINET.

1. Sub finem saeculi xv in Germania saepin typis
 excusa est *Expositio hymnorum*. Varias hujus operis
 editiones novi haec: *Expositio hymnorum cum no-
 tabili commento. Coloniae apud Henricum Quentell*
 1492. — *Expositio, etc. Hagenciae* 1493. — *Expo-
 sitio Hymnorum cum notabili commento implicat
 historias cum optimis allegationibus sacre Scripture
 illorum sanctorum vel sanctarum de quibus tales
 himni decantantur. Coloniae* 1494. — *Expositio
 Hymnorum cum notabili commento. In calce: Basi-
 leae impressus per michaelem Farter. Anno inc.
 Domin. 1504. — Exp. II. cum familiari commento
 jam dudum in lucem edito. In calce: Liber himno-
 rum cum textuali interpretatione jam dudum
 laboriose congestus iterato replensus est in domo
 quondam Henrici Quentell Coloniae 1506 ad finem
 mensis Maii. Editio quam ego possideo omnibus est
 antiquior. Inscripta est *Expositio hymnorum perutilis
 omnibusque salubris: deest annuset nomen typographi,*
 sed ex omnibus elucet in officina Quentelliana circa
 annum 1490 typis esse descriptam. In hac hymnorum
 collectione memorabile mihi visum est initium libri:
 • Liber iste dicitur liber hymnorum. Hymnus di-
 citur laus Dei cum cantico. Quatuor fuerunt princi-
 pales auctores qui hymnos composuerunt, Grego-
 rius, Prudentius, Ambrosius, Sedulius. Sed quidam
 vir prudens nomine Hilarius videns illos multos
 hymnos composuisse, dignum duxit placuitque
 quosdam in unum colligere compendiose, in unum
 componere brevem et utilem tractatum, in quo
 omnes hymni fuerunt. • In hoc exordio vestigia ve-
 tastatis singularis exstare mihi videbantur. Itaque vel
 maxime gavisus sum cum Gersdortius vir doct. ea
 qua notus est liberalitate ex Bibl. Paulina Lipsiensi
 codicem 720 in quo etiam *Expositionem hymnorum*
 inesse audiverem, mihi mitteret. Mox enim intellexi
 hoc in codice exhiberi Hilarii nostri commentarium,
 quem certe tertio decimo saeculo compositum
 esse ex aetate codicis suspicari licet. Hilarius ille
 quando vixerit et quis fuerit et quae operis ejus ra-
 tio sit, infra disputabimus. (Hil.)*

(1) Rarissimum librum ejusdem auctoris *De hym-
 norum et sequentium auctoribus generibusque
 carminum quae in hymnis veniuntur*, quem multum
 nos adjuvatum esse speramus, vir praef. Ullman-
 nus ex bibliotheca Palatina nobis liberalissime
 n. 1.

(2) Ein vielfach beim Unterricht eingeführtes Lehr-

2. *Hymni de tempore et de sanctis in eam formam
 qua a suis auctoribus scripti sunt denuo redacti et se-
 cundum legem carminis diligenter emendati atque in-
 terpretati. Anno Domini 1519. In calce libri legitur:
 Hymnis per anni circulum occurrentibus Latina cum
 enucleatione adjunctis difficultum clausularum si-
 gnificatis. Extrema apposita est munus. Argentoraco
 in Joannis Knoblouch calcographi edibus humane re-
 demptionis, etc. Auctorem se appellat in prooemio
 Jacobus Wimpfelingus Sletstadius († 1528): ve-
 rum quod sciam viri docti qui Wimpfelingii libros
 enumerant hujus operis non injiciunt mentionem.
 Caeterum in hoc libro fere passim Hilarium sequitur
 [Wimpf. (1)].*

3. *Liber Hymnorum in metra noviter redactorum.
 B Apologia et defensio poeticae ac oratoriae majestatis.
 Brevis expositio difficultum terminorum in hymnis ab
 aliis parum probe et erudite forsitan interpretatorum
 per Henricum Bebelium Justingensem edita poeticam
 et humaniores litteras publice profitentem in gymna-
 sio Tubingensi. Adnotationes ejusdem in quasdam vo-
 cabulorum interpretationes Mammetracti (2). Thubin-
 gen 1501. Hunc librum Rambachius liberalissime
 mihi misit. (Beb.)*

4. *Hymni et Sequentiae cum diligenti difficillimorum
 vocabulorum interpretatione omnibus et scholasticis
 et ecclesiasticis cognitu necessaria Hermanni Torren-
 tini de omnibus puritatis linguae Latinae studiosis quam
 optime meritis. In fine legitur: Impressum Coloniae
 per Martinum de werdena anno Domini 1513 in
 profesto Visitationis beate Marie virginis. Exstat
 hujus libri editio secunda. Hymni et Prosaee eccle-
 siasticae vulgo sequentiae dictae breviuscula quidem sed
 maxime commoda Hermanni Torrentini explanatione
 illustrata. Qui piis et Christianis oblectantur canti-
 cis his se oblectent. Coloniae. Excudebat Petrus Horst
 1536. Utramque editionem inspexi; sed cum ille
 vir doctus in secunda Clichtovæum plus minusve
 secutus sit, prior editio nobis longe pluris videtur
 aestimanda. Hanc mea bibliotheca suppeditavit.
 (Torr.)*

5. *De tempore et sanctis per totum annum hymna-
 rius in metra ut ab Ambrosio, Sedulio, Prudentio cete-
 risque doctoribus hymni sunt compositi. Groningen
 phrisie jam noviter redactus incipit feliciter. In fine:
 Et sic est finis. Debeo Rambachio. (Gron.)*

6. Ex bibliotheca S. Mariae Halensis suppeditatus
 est mihi liber, initio mutilus, qui psalmos et hym-
 nos continet. In fine legitur: *Psalterium Davidis
 adjunctis hymnis felicem habet finem opera et impen-
 sis Melchior Lotters ducalis opidi Liptzensis concicis
 Anno Milesimo quingentesimo undecimo 18 die Aprilis.
 Hoc opus litteris (Lps.) notavimus.*

*buch, eine Art Grammatik mit dem sonderbaren Titel
 Mammetractus od. Mammotreptes war zu einem
 Ansehen und Einflusse gekommen, die unvertilgbar,
 schienen. Sie auszurotten, war Bebel mit aller
 Kraft bedacht. Ersch. Gruber Encyclopedie. s. v.
 Bebel.*

7. Jodoci Clichtovæi operis copia doctrinæ utilissimi et primam et secundam editionem Ven. Rambachio, cujus insignem liberalitatem non possumus non prædicare, debemus. *Elucidatorium ecclesiasticum ad officium ecclesiæ pertinentia planius exponens et quatuor libros complectens.* — *Primus Hymnos de tempore et sanctis per totum annum.* — *Secundus nonnulla cantica ecclesiastica antiphonas et responsoria.* — *Tertius ea quæ ad Missæ pertinent officium, præsertim præfationes.* — *Quartus prosas quæ in sancti altaris sacrificio dicuntur continet.* Primum prodiit liber Parisiis 1515, deinde Basileæ 1517 et 1519. Opus Clichtovæi abbreviatum, sed in hymnis auctum prodiit Venetiis in vico S. Mariæ formosæ ad signum spei 1555. Cl., cum breviariis Italis, Gallicis et Hungaricis usus sit, opus ejus summo loco est habendum. Multus quidem est in adnotationibus, sed non paucæ earum utiles sunt. (Clicht.)

8. *Hymni ecclesiastici præsertim qui Ambrosiani dicuntur multis in locis recogniti et multorum hymnorum accessione locupletati. Cum Scholiis opportunis in locis adjectis et Hymnorum indice Georgii Cassandri. Beda de Metrorum generibus ex primo libro de re metrica. Coloniae anno 1556.* Iterum hymni excusi in operibus Cassandri quæ prodierunt Parisiis 1616. Hymnorum textum, ut ita dicam, optime recensuit multis breviariis imprimis Germanicis apte collatis. Notæ auctoris non magni æstimandæ sunt; nam fere omnes sunt dogmatici vel polemicis generis. In Romana Ecclesia liber est vetitus. (Cass.)

9. Collectiones hymnorum quæ quidem circa Lutheri tempora a Lutheranis institutæ sunt, sed ad recensendum textum non multum valent cum permulta in iis mutata deprehenderim. Ad manum erant: *Psalmodia, etc., per Lucam Lossium Lunebergensem cum præfatione Phil. Melanthonis Witebergæ apud Hier. Georgii Rhan 1561 (Loss.). Cantica selecta veteris novique Testamenti cum hymnis et collectis seu orationibus purioribus quæ in orthodoxa atque catholica Ecclesia cantari solent. Addita dispositione et familiari expositione Christophori Corneri Lipsiæ cum privilegio 1568 (Corn.). Cantica ex sacris litteris in Ecclesia cantari solita cum hymnis et collectis, etc., recognita et aucta per D. Georg. Majorem anno 1570.* — *Witebergæ Laurentius Schwenck Eislefeldensis excudebat.* — *Psalterium Davidis, etc. cum lemmatibus ac notis Adami Siberi. Accesserunt Hymni festorum dierum insignium. Lipsiæ Johannes Rhamba excudebat anno 1577 (Sib.).* Palma ex mea sententia tribuenda est Ludeci operi: *Vesperale et Matutinale, etc. 1589 (Lud.),* quod idem eis qui cultum Lutheranae Ecclesiæ veteris cognoscere student maximæ utilitati erit.

10. *Hymnorum Ecclesiasticorum ab Andrea Ellingero V. Cl. emendatorum libri III, etc. 1578 Francofurti ad Mænum.* (Ell.) Hæc collectio omnium quas vidi copiosissima, sed cum in duobus prioribus libris hymni propter metricas rationes prorsus mu-

tati sint, tertio tantum libro uti licuit; in reliquis duobus Ellingeri auctoritas ibi tantum me movit, ubi lineola adjecta notavit veterem et genuinam scriptionem exhiberi.

11. *Poetarum veterum ecclesiasticorum opera Christiana et operum reliquiæ atque fragmenta. Thesaurus catholicæ et orthodoxæ Ecclesiæ et antiquitatis religiosæ ad utilitatem juventutis scholasticæ, collectus, emendatus, digestus et commentario quoque expositus diligentia et studio Georgii Fabricii chemnicensis. Basiliæ per Joannem Oporinum 1561.* (Fabr.)

12. Ven. Thiloni debeo: *Divorum patrum et doctorum Ecclesiæ qui oratione ligata scripserunt Paraphrases et Meditationes in Ecangelia dominicalia* (in altera parte: *in hist. evangelicas quæ festis Sanctorum publicis conventibus explicantur*) e diversis ipsorum scriptis collectæ a M. Joach. Zehnero Ecclesiæ Schleusingensis pastore et superintendente. Lipsiæ 1602 sumptibus Thomæ Schureri. Liber utilissimus, cujus auctorem in hymnis Ecclesiæ Christianæ veteris satis versatum esse non possumus quin fateamur, omninoque ex illo libro apparet illo quoque tempore apud Lutheranos studiosissimos fuisse hymnorum veterum amatores. (Zehn.)

13. *Josephi Mariæ Thomasii S. R. E. cardinalis opera omnia.... Tomus secundus continens Psalterium, juxta duplicem editionem ad mss. codices recensuit notisque auxit Ant. Franc. Vezzosi Cleric. Regularis Romæ 1747.* (Hymni continentur p. 351-434.) Hic liber in Germania satis rarus est, sed eo carere nullo pacto potest hymnorum sacrorum editor. Comparavit Thomasius codices Vaticanæ antiquissimos omninoque multos Italicos; quare si quis hymnos Ecclesiæ veteris usque ad seculum viii investigare constituerit, ei ex illo libro tanquam fonte primario hauriendum erit. (Thom.)

14. *Anthologie christlicher Gesænge aus allen Jahrhunderten der Kirche. Nach der Zeitfolge geordnet und mit gesch. Bemerkungen begleitet von Aug. Jac. Rambach Prediger bei St. Jacob in Hamburg. Erster Band. Die vorzüglichsten griechischen, lateinischen und altdutschen Kirceslieder enthaltend. Altona u. Leipzig, Hammerich 1817.* Thesaurus noster ostendit quoties quantumque studia præclara Rambachii in usum nostrum converterimus. (Ramb.)

15. *Corolla Hymnorum sacrorum publicæ devotioni inservientium. Veteres electi, sed mendis quibus iteratis in editionibus scatebant detergi, Strophis adaucti. Novi assumpti, recentes primum inserti. Coloniae Agrippinæ 1806. Typis Hæreduti Schauberg.* Hic Walraffi liber, quem Ven. Augusti, morte ille litteris nuper ereptus, nobis donavit, plurimum prodest iis, qui in hymnis, quos post Lutheri ætatem protulit Ecclesia, cognoscendis studia posuerunt.

16. Liber Bjornii: *Hymni veterum poetarum Christianorum Ecclesiæ Latinæ selecti. Hafniæ 1818.* In paucis tantum nos adjavit.

17. *Lateinische Anthologie aus den christlichen Dichtern des Mittelalters. Für Gymnasien und Lyceen herausgegeben und mit Anmerkungen begleitet von Joseph Kehrein, Lehrer am Gymnasium zu Mainz. Erster Theil. Die acht ersten christlichen Jahrhunderte. Frankfurt a. M. Sauerländer 1840.* Auctor hoc consilium sequitur ut alumnos gymnasiarum catholicorum ad hymnorum sacrorum cognitionem adducat: quæ res si recte succederet, vehementer gauderemus. Adnotationes Kehreini ad discipulos pertinere vix est quod moneamus, quanquam passim etiam nobis nonnulla in usum nostrum convertere licuit. (Kehr.)

Jam enumeratis his subsidiis nostris, nostrum est animo grato eos viros commemorare qui consilio nostro fautores, laboribus adiutores extiterunt. In hoc numero primum locum obtinent Ven. Thilo, cujus mihi auctoritas cum aliis in rebus, tum hoc in opere plurimum valuit; Ven. Tholuckius, cujus multum intererat labores nostros prospere cedere; Hermannus Dryander, vir hymnorum Latinorum non minus quam Germanicorum peritus; F. A. Ecksteinus, collega litteratissimus, qui ea qua solet humanitate haud mediocriter me adjuvit. Denique non possum quin gratias agam duobus viris qui a

primis operis initiis per totum meum laborem consilio et opera mihi adfuerunt: Aug. Voigtio, muneris scholastici societate mihi junctissimo, et Chr. Diedrich, quem et curriculi scholastici societas et veteris amicitia vinculum mecum intime conjunxit. Horum virorum opera atque industria in vitiis extirpandis et emendandis maxime adjutus sum, quanquam et me et illos emendatores nonnulla fugerint menda.

Faxit autem Dominus Ecclesie Christiane O. M., cujus honorem omnes hymni celebrant, quem cantica predicant et sequentia cum antiphonis laudibus certatim extollunt, ut hic etiam studiorum nostrorum fructus ad salutem Ecclesie Christiane valeat. Offerimus opus nostrum tanquam donum omnibus quicumque nomen Christi sancte colunt; offerimus sanctissimo Redemptori pro unitate atque amabili Ecclesie concordia sacrificium; neque aliud quid ex intimo animo precamur, nisi ut ipsi quoque sentiamus illud quod de sanctissimo patriarcha scriptum legimus: *Respexit Dominus ad munera ejus.*

Scribebam Halis in Pædagogio Regio
die 21 Mai 1841.

HYMNI S. AMBROSIO ATTRIBUTI.

I. <i>Hymnus de Nativitate Domini.</i> A solis ortus cardine Et usque terræ liuitem	Christum canamus principem, Natum Mariæ virginis. Gaudete quidquid gentium, Judæa, Roma et Græcia, Ægypte, Thrax, Persa, Scythia,	Rex unus omnes posside. Laudate vestrum principem Omnes beati ac perdit, 10 Vivi, imbecilli ac mortuis Jam nemo post hæc mortuus.
--	---	---

I. — Descripsi carmen ex hymnario Thomasii, quem id merito in Ambrosianorum catalogo recensisse, suo loco evincam. Sane vero in ecclesiasticum usum receptum est tantum fragmentum hymni v. 13-24, *Fit porta Christi pervia* (solemnis purificationis Mariæ vel alius S. Virginis festivitatis cantatum), quod ut carmen integrum et ab Ambrosio profectum tuentur editores Maurini. — 1-4. Eadem fere verba repetuntur in Hymno Sedulii alphabetico: *A solis ortus cardine*, qui procul dubio poetam nostrum imitatus est. Quæ consuetudo paulatim serpere ac propagari coepit, cum hymnographi fetus suos fidelibus de meliore nota commendare studerent, antiquorum lumina et flores carminibus intexentes. Exemplo ut utar, in sexcentis hymnorum exordiis, exemplum illud Fortunati, *Pange lingua gloriosi*, primi versus locum obtinet. 1. Ps. cxii, 3: *A solis ortus usque ad occasum laudabile nomen*, etc. — 13-16. *Respexit* poeta ad Ezech. xliv, 1-3: *Dixit Dominus ad me: Porta hæc clausa erit: non aperietur et vir non transibit per eam, quoniam Dominus Deus Israel ingressus est per eam, eritque clausa priuripi. Princeps ipse sedebit in ea*, etc. — 14. Luc. i, 28: *Ave, gratia plena*. — 15. In hymno 4 inter quos damus sine toni præcedentis dixit quoque vers. 10: *Claustra pulveris permanent*. — 18. In hymno supra cit. vers. 13: *Procedens de thalamo*. — 20. Ibid. vers. 15: *Gigas geminæ substantiæ*. — 21. *Fabr. honor et parentis*. — 24. II. E. Ct. *resolv.* — 25-28. Christum in S. Scri-

ptura cum lapide comparari satis notum. Eph. ii, 20; I Cor. iii, 11; I Petr. ii, 4. Item in ipso N. T. Isa. xxviii, 16, et Ps. cxvii, 22, typice ad Christum Redemptorem referuntur (Rom. ix, 33; Act. iv, 11; Matth. xxi, 42). Neque vero Patribus inter hos fines subsistere placuit. Gregorio I Reg. iv, 14; v, 12, Jesus sub lapidum figura latere visus est; præ cæteris gratus erat mysticis interpretibus locus Dan. ii, 34, a poeta nostro in usum suum conversus: *Videbas ita, donec abscissus est lapis de monte sine manibus*. Non dubitant, quin a propheta partus intemeratæ virginis significatus sit, quam sæpius montem in V. T. appellari affirmant. Adeo eundem Gregorium ad verba I Reg. i, 1, *fuit vir de monte Ephraim*: «Potest hujus montis nomine B. semper virgo Maria D. genitrix designari: mons quippe fuit, quæ omnem electæ creaturæ altitudinem electionis suæ dignitate transcendit. An non mons sublimis M. quæ, ut ad conceptionem æterni Verbi pertingeret, meritorum verticem supra omnes angelorum choros usque ad solum Deitatis erexit. Hinc enim montis præcellentissimam dignitatem Isaias vaticinans ait: *Erit in novissimis diebus preparatus mons domus Domini in vertice montium*. — 33-36. Is. xlv, 8: *Rorate celi desuper, et nubes pluant justum; aperiat terra et germinet Salcatorem*. — 12, 43. Cf. nymu. sup. cit. vers. 1: *Veni redemptor gentium*. — 44. Sedul. *ut carne carnem liberans ne perderet quos condidit*. — 45-48. Divinæ incarnationis admiratione, ut ita

Fit porta Christi pervia Referta plena gratia Transitque rex et permanet Clausa ut fuit per saecula.	45	Exsultet omnis anima, Nunc redemptorem gentium Mundi venisse Dominum Redimere quos condidit.	45	Orantes cum psalterio, Landesque cantantes Deo Læti solvamus debitum. Sic enim Christi gratia Peccantibus dat veniam, Sapeque confitentibus	45
Genus superni numinis Processit aula virginis, Sponsus, redemptor, conditor Suae gigas Ecclesiae.	20	Creator cuncti generis Orbis quem totus non capit In tua, sancta Genitrix, Sese reclusit viscera.	30	Memento non desit tamen Orantibus servis Dei, Quod Pauli vox apostoli Servandum prædixit nobis.	20
Honor matris et gaudium, Immensa spes ereditium Per atra mortis pocula Resolvit nostra crimina.	25	Quem Pater ante tempora Deus Deumque genuit, Matris almae virginitas Cum tempore partum edidit.	35	Cujus vox hoc promeruit Ut diceret idem Deo : Orabo mente Dominum, Orabo simul spiritu.	25
Lapis de monte veniens Mundumque replens gratia, Quem non præcisum manibus Vates vetusti nuntiant.	30	Tollens cuncta facinora Et donans sancta munera Augmentum lucis afferens Tenebris damnum inferens.	35	Ne vox sola Deo canat, Sensusque noster alibi Ductus aberret fluctans Vanis præventus casibus.	25
Qui verbum caro factus est Præconio angelico, De claustris virginalibus Virginis virgo natus est.	39	II. <i>Ad Sextam.</i>		Tunc enim Deo accepta est Oratio canentium, Si pura mens idem gerat, Quod explicat vox cantici.	30
Florem dederunt æthera Nubesque justum fuderunt, Patens excepit Dominum Terra salutem generans.	35	Bis ternas horas explicans Diei sol ingreditur, Ut sex ideinque transigat Et noctis claudat aditum.	5	III. <i>Hymnus ad serenitatem poscendam, al. in postulatione serenitatis.</i>	
Mirabilis conceptio : Christum protulit sobolem Ut virgo partum funderet, Post partum virgo sisteret.	40	Nos ergo nunc confamuli, Prophetae dicti memores Solvamus ora in canticis, Preece mista Davidicis.	5	Obduxere polum nubila cæli,	
		Ut septies diem vere			

dicam, obstupefacti poetæ similibus verbis celebrant A
miraculum illud, quo nil potest cogitari sublimius.
Damasus: « Qui non spatiis terræ, non æquoris
undis, Nec capitur cœlo, parvos confluit in artus.»
Fortunatus: « Quem totus orbis non capit Puellæ
portant viscera.... » et Lutheri: « Den aller Welt-
kreis nie beschloss, Der liegt in Mariens Schooss. »
Vix moveamus necesse est, canticum: *Gelobet seist
du, Jesus Christ, nihil sonare nisi Ambrosium, Se-
dulium, Fortunatum.*

II. — Editores Ambrosii Bd. tanquam sextum B
hymnum proferunt carminis quod modo exhibui-
mus partem v. 23-28, *Orabo mente Dominum* et sq :
« Sextum hymnum vel potius hymni fragmentum
auctoritate Cassiodori repræsentamus, ejus quippe
de illo testimonium legimus in hæc verba (in
psalm. ci, p. 337, ed. Rothom.): (Hinc etiam S.
Ambrosii secundum Apostolum horæ sextæ roseus
hymnus ille redoluit: ait enim: Orabo mente Do-
minum et sq.) Neque vero his senatoris laudibus
hie hymnus indignus est, si tantummodo spectetur
sensus; veruntamen in dubium non immerito re-
vocari potest, num vere ab Ambrosio fuerit com-
positus, cum in eodem carminis leges prorsus ne-
gligantur. Etenim ex iis omnibus, de quibus jam
ante a nobis dictum est, clare ostenditur peritio-
rem exstitisse in hoc genere sacrum antistitem,
quam ut tam crebro impingeret. Sed Cassiodori
non putavimus negandum auctoritati, ut inter Am-
brosii nostri carmina suavissimum illud poemati-
um recipiatur. » Neque vero P.P. Bd. hymnum,
cujus fragmentum laudant, investigarunt, neque
recentiores Cassiodori editores. Notat enim Gare-
tius in margine: *Hymnus iste desideratur*; quam
adnotationem et ab auctoribus ejusdem Patris
operum editionis Venetæ, vulgato jam Thomasi
hymnario, repetitam videmus. Reperit enim vir
diligentissimus integrum Ambrosii carmen in cod.
Vatic. 82: quod cum Thomasi, proh dolor! C
apud nos quoque sat incognitus sit, plurimos no-
stri temporis hymnologos latuit. — 4. Quam rece-
pimus scripturam, est de conjectura. Vatic. *In no-
ctis claudat auditum.* Quod cum displiceret Thomasi-
o, scripsit: *Innocens claudat auditum.* Sed hæc
conjectura quem aptum habeat sensum non intelli-
git: præterea male tornatum efficit carmen. Quæ

cum ita sint, equidem propono et noctis claudat
aditum: et et ut millies confundi non est quod
doceamus (Weber ad Lucan. *Phars.* vi, 153; viii,
184 et a). — 6-12. Ps. cxviii, 164: *Septies in die
laudem dixi tibi super judicia justitiarum tue.* — 23,
24. I Cor. xiv, 15: *Orabo spiritu, orabo et mente:
psallam spiritu, psallam et mente.*

III. — Rainbachius in *Anthol.* p. 116 sq.:
« Nach Beda's Zeiten waren sie (*carmina* dicit,
Obduxere polum et *Squalent arva*) fast gänzlich in
Vergessenheit gerathen, bis Cassander sie aus ei-
ner alten Handschrift mit mehreren anderen la-
teinischen Kirchengesängen bekannt machte. Ihres
eigenthümlichen Tones und mancher dichterisch
schönen Stellen wegen scheinen sie mir auch in
dieser Sammlung einen Platz zu verdienen. » Sed
nihil ad *Gervinum* nostrum et quod sequitur car-
men mirifice laudantem (Gesch. der deutschen Na-
tionallitteratur. Th. 3, p. 13): « Schwerlich hat
man schönere Gesänge als die lateinischen auf
Wassernoth und Wassermangel gemachten. » Equi-
dem carminis virtutes, quæ sunt, libenter concedo
et largior: nolim tamen prætermittere id quod ne-
gari nequit, poetam imitatum esse Ovidium, Vir-
gilium, Horatium. — 4. Virg. *Cul.* 373: *cogor
adire lacus viduos a lumine Phæbi.* — 5. Virg. *Æn.*
1, 94: *crebris micat ignibus æther.* Hor. *Carm.* I,
34, 6, *igni corusco.* — 7. Virg. *Georg.* iii, 261:
porta tonat cæli. — 8. *axis æthereus.* Ov. *Met.* vi,
175. — 9-24. Kehr.: « Das Gedicht scheint in der
3-6 Strophe eine Nachahmung von Ovid. *Met.* 1,
262 sqq.: Sternuntur segetes et deplorata coloni
Vota jacent longique perit labor irritus anni; Ex-
spatiata ruunt per apertos flumina campos, Cumque
satis arbusta simul, pœudesque, virosque, Teeta-
que, cumque suis, rapiunt penetralia campis... Oc-
cupat hic collem, cymba sedet alter adunca, Et
ducit remos illic ubi nuper ararat. Ille super sege-
tes, aut mersæ culmina vilæ, Navigat... Aut sub-
jecta terunt curvæ vineta carinæ. Quas tunc
diu terris, ubi sistere possit. In more lassatis vo-
lueris vaga decidit alis. » — Sed aliis quoque poe-
tis sua repetere licebit. Dico Horatium *Od.* ii, 2,
9, 10: *Piscium et summa genus hæsit ulmo, Nota
quæ sedes fuerat columbis.* — 25. Cass. Kehr. *err-
rosos.* — 34. Beda in libro de re metrica protulit. —

Sit nobis in te requies,
 Quietam noctem tribue.

Ne gravis somnus irruat,
 Nec hostis nos surripiat,
 Nec caro illi consentiens
 Nos tibi reos statuat,

Oculi somnum capiant,
 Cor ad te semper vigilet,
 Dexterâ tuâ protegat
 Famulos qui te diligunt.

Defensor noster aspice,
 Insidiantes reprime,
 Guberna tuos famulos
 Quos sanguine mercatus es.
 Memento nostri, Domine,
 In gravi isto corpore,
 Qui es defensor animæ,
 Adesto nobis, Domine.

VI.

Hymnus ad Matutinum.

(Ex Libr. vet.)

Summæ Deus clementiæ,
 Mundique factor machinæ,
 Unus potentialiter
 Trinusque personaliter.

Nostros pius cum canticis
 Fletus benigne suscipe,
 Quo corde pluro sordibus
 Te perfruamur largius.

Lumbos jecurque morbidum
 Adure igne congruo
 Accincti ut sint perpetim
 Luxu remoto pessimo.

Ut quique horas noctium
 Nunc concinendo rumpimus,
 Donis beatæ patriæ
 Ditemur omnes affatim.

Ejusdem hymni alia lectio.

(Ex Brev. Rom.)

Summæ parens clementiæ,
 Mundi regis qui machinam,
 Unius et substantiæ
 Trinusque personis Deus.

Nostros pius cum canticis
 Fletus benigne suscipe,
 Ut corde puro sordium
 Te perfruamur largius.

Lumbos jecurque morbidum
 Flammas adure congruis,

VI. — Breviaria, quæ Matutinum cantionibus ornant, carmen præcedens Sabbato assignant. Brev. Rom. præterea festo S. Trinitatis canere jubet ad Matutinum strophas, quas Italicis litteris excudi curavimus. Versus *Da dexteram* est hymni: *Æterna cæli gloria*. — 1. Cass., *summe... clementia*. — 6. Cass., *benignus*. — 41. Fabr. *accinctus ut sim*.

VII. — Cantatur secundum præceptum Brev. Romani feria sexta ad Nocturnum; duo versiculi majoribus litteris descripti Dominica Trinitatis ad laudes. Versus: *Ortus refulget lucifer* et ipse de promptus est ex hymno: *Æterna cæli gloria*. — 4. Cass., *concinentes*. — 5. Non oblivioni dandum est Wimpf. ingenium, *lectus dicitur ab electis et mollioribus herbis super quas antiqui requiescebant*. — 8. Cass., *ad te*; Fabr., *medelas*. — 10. Cass., *delinquimus*.

VIII. — Thomasius: S. Ambrosii ex ms. Rg. Sueciæ et Brev. Mozarabum fer. vi post Dominic. 1 in Quadragesima. Accedit cod. O. — 2. O., *salus*. — 4. O., *perpete*. — 5. O., *cedet*. — 13, 16, 17. Thom.

Accincti ut artus excubent
 Luxu remoto pessimo.

10 Quicumque ut horas noctium,
 Nunc concinendo rumpimus,
 Ditemur omnes affatim
 Donis beatæ patriæ.

45 *Da dexteram surgentibus,
 Exurgat ut mens sobria,
 Flagrans et in laudem Dei
 Grates rependat debitas.*

Præsta, Pater piissime, etc.

VII.

Hymnus matutinus.

(Ex Libr. vet.)

Tu Trinitatis unitas,
 Orbem potenter qui regis,
 Attende laudum cantica,
 Quæ excubantes psallimus.

Nam lectulo consurgimus,
 Noctis quieto tempore,
 Ut flagitemus vulnerum
 A te medelam omnium.

5 Quo fraude quidquid dæmonum
 In noctibus deliquimus,
 10 Abstergat illud cœlitus
 Tuæ potestas gloriæ.

Ne corpus adsit sordidum,
 Nec torpor instet cordium,
 Ne criminis contagio
 Tepescat ardor spiritus.

10 Ob hoc, Redemptor, quæsumus
 Reple tuo nos lumine.
 Per quod dierum circulis
 Nullis ruamus actibus.

45 *Ejusdem hymni alia lectio.*

(Ex Brev. Rom.)

Tu Trinitatis unitas,
 Orbem potenter quæ regis,
 Attende laudis canticum,
 Quod excubantes psallimus.

5 Nam lectulo consurgimus
 Noctis quieto tempore,
 Ut flagitemus omnium
 A te medelam vulnerum.

10 Quo fraude quidquid dæmonum
 In noctibus deliquimus,
 Abstergat illud cœlitus
 Tuæ potestas gloriæ.

Ne corpus adstet sordidum,
 Nec torpor instet cordium,
 Nec criminis contagio
 Tepescat ardor spiritus. 15

45 Ob hoc, Redemptor, quæsumus
 Reple tuo nos lumine,
 Per quod dierum circulis
 Nullis ruamus actibus. 20

20 *Ortus refulget Lucifer
 Præit que solem nuntius,
 Cadunt tenebræ noctium,
 Lux sancta nos illuminet.*
 Præsta, Pater piissime, etc.

VIII.

Hymnus matutinus.

Æternæ lucis conditor,
 Lux ipse totus et dies,
 Noctem nec ullam sentiens,
 Natura lucis perpeti.

5 Jam cedit pallens proximo
 Dici nox adventui,
 Obtundens lumen siderum,
 Adest et clarus Lucifer. 5

Jam strato lecti surgimus,
 10 Grates canentes et tuas, 10
 Quod cæcam noctem vicerit,
 Revertans rursus sol diem.

Te nunc nec carnis gaudio,
 15 Blandis subrepant æstibus; 15
 Dolis nec cedat sæculi
 Mens nostra, sancte, quæsumus.

Ira nec rixas provocet
 Gula nec ventrem incitet,
 20 Opum pervertat nec fames, 20
 Turpis nec luxur occupet.

Sed firma mente sobrii,
 Casto manentes corpore,
 Toto fideli spiritu,
 Christe, ducamus hunc diem.

IX.

Hymnus ad Sextam.

5 Jam sexta sensim solvitur
 Ter binis hora cursibus,
 Diesque puncto æquabili
 Utramque noctem respicit.

Venite, servi supplices, 5
 10 Mente et ore extollite 10
 Dignis beatum laudibus
 Nomen Dei cum cantico.

A ne. — 18. O., *gulam venter*. — 24. O., *Christo*.

IX. — Reperit Thomasius hymnum in ms. vetustissimo reginæ Sueciæ. Commemoratur præterea in regula Aureliani episcopi neque desideratur apud Cassandrum. Notatur etiam in Ellingeri libro tertio, XXI, nomine Ilymnus ad Sextam in Quadragesima. — 3. Thom. *æquali*. — 15. Quoniam signum novissimi temporis erit obscuratio solis. — 17-29. Desunt in Cassandro et Ellingeri libris. — 18. Thom. *Abraham*. — 19. Thom. al., *reperitus*. — 19, 20. Pelbartus Pomoer. Serm. de Trinit. II: « Tertio lex Mosaica ostendit Trinitatem revelatam patriarchis multiplici præsignatione. Primo Abre quod vidi tres angelos in persona Domini descendentes: tres vidit et unum adoravit. Item Isaac ter Jacob benedixit, Jacob vidit scalam trium graduum, etc. » — 26. Thom.: « Erat alia manu in codice, cujus priores litteræ obsoleverant, indicatus Paulus, de quo hic est sermo. » — 17. Th., *et nos*. — 21, 22. Cass., *unum rogemus cum Patre, Dominum rogemus et Filium*. — 26. Cass., *peracto*. — 27. Id., *sub isto*.

Hoc namque tempus illud est, 10 Quod sæculorum iudicem Injustæ morti tradidit Mortalium sententia. Cum sol repente territus, Horrore tanti criminis, Mortem minatur sæculo, Diem refugit impium. Hoc et beatus tempore Abrahamus fideliter Peritus in mysterio Tres vidit, unum credidit. Hanc ad precandum congruam Salvator horam tradidit, Cum diceret fidelibus Patrem rogandis servulis. Nec non et ille pertinax 25 Hostis fidei gratiam, Quam prædicavit gentibus, Hoc est adeptus tempore. At nos amore debito, Timore justo subliti, Adversus omnes impetus Quos sævus hostis incutit. Unum rogemus et Patrem Deum regemque Filium Simulque sanctum Spiritum In Trinitate Dominum, Ut quos redemit passio Isto peracta tempore, Posset sub ipso tempore Servare deprecatio.	Prodire mortis libera, Jussit refuso spiritu. Redit favilla in sanguinem Cinisque carnem reddidit, Mistique vivis mortui Videre Christi gloriam. 15 Novata sæcla crederes Mortis solutis legibus Vitæ beatæ munere Cursu perenni currere. Dicamus ergo proximi Laudes Deo cum cantico : Confessus est latro fidem, In quo est redemptus tempore. Qua gratia jejunia. Læti solemus solve 25 Instar futuri ut muneris Famem probati nesciant.	15 Uniusque substantiæ Laudanda nobis semper est. Terrorem tempus hoc habet, Quod cum vastator angelus 10 Ægypto mortes intulit, 20 Delevit primogenita. Hæc hora justis salus est, Quod ibidem tunc angelus Ausus punire non erat 15 Signum formidans sanguinis. Ægyptus flebat fortiter Natorum dira funera, 25 Solus gaudebat Israel Agni protectus sanguine. 20 Nos verus Israel sumus, Lætetur in te, Domine, Hostem spernentes et malum, Christi redempti sanguine. Ipsam profecto tempus est 25 Quo voce evangelica Venturus sponsus creditur, Regni cœlestis conditor. Occurrunt sanctæ virgines Obviam tunc adventui, 30 Gestantes claras lampadas, 5 Magno lætantes gaudio. Stultæ vero remanent, Quæ extinctas habent lampadas, Frustra pulsantes jannam, 35 Clausa jam regni regia. 10 Pervigilemus sobrie, Gestantes mentes splendidas, Adveniente ut Jesu Digni occurramus obviam. 40 15 Mediæ noctis tempore Paulus quoque et Sileas Christum vinciti in carcere Collaudantes soluti sunt. Nobis hic mundus carcer est ; 45 Te laudamus, Christe Dens, 20 Solve vincula peccatorum In te, Christe, credentium. Dignos nos fac, rex hægic, Venturi regni gloria, 50 Æternis ut mereamur Te laudibus concinere.
X.		
<i>Hymnus ad Nonam.</i>		
Ter hora trina volvitur, Redire qua Christus solet, Mercede largus vineæ Locare mercenarios. Decet paratos sistere Ne transeat merces Dei, Plantare quæ vitem solet Christumque cordi affigere. Hæc hora, quæ respendit Crucisque solvit nubila, Mundum tenebris exuens, Reddens serena lumina. Hæc hora, qua resuscitat Jesus sepulcris corpora	XI.	
<i>Hymnus ad Nocturnum.</i>		
30 Deus qui certis legibus Noctem discernis ac diem, Ut fessa curis corpora Somnus relaxet otio. Te noctis inter horridæ 35 Tempus precamur, ut sopor Mentem dum fessam detinet Fidei lux illuminet. Hostis ne fallax incitet Lascivis curis, gaudiis, 40 Secreta noctis advocans, Blandos in æstus corporis. Subrepat nullus sensui Horror timoris auxilii, Illudat mentem nec vagam Fallax imago visuum. Sed cum profundus vinxerit Somnus curarum nescius, 5 Fides nequaquam dormiat, 30 Vigil te sensus somniet.	XII.	
<i>Hymnus ad Nocturnum.</i>		
10 Mediæ noctis tempus est, Prophetica vox admonet : Dicamus laudes Domino Patri semper ac Filio ; Sancto quoque Spiritui : Perfecta enim Trinitas,	XIII.	
<i>Hymnus matutinus.</i>		
Fulgentis auctor ætheris,		

X. — Thom. : « Al. 41 inscribitur Hymno ad Vesperum in die jejunii. Ex codice vetust. Reg. Sueciæ et Vat. 82, 83, Aureliani episcopi Regula in die Paschæ præscribit. » — 1-4 Cf. Matth. xx, 5. — 2. Al. 11, quia. — 3. Vat. 82, mercedem largus. — 9-12. Matth. xxvii, 45. — 9. Cass., qua. — 13-24. Matth. xxvii, 52, 53. — 13. Thom., resuscitans. — 21. Cass., credere. — 28. Thom., quo est. Cass. hoc est : descriptionem nostram tuetur Al. 41. — 29-32. V. teres Christiani diebus stationum jejuna- re solebant usque ad Nonam.

XI. — Thomasius : Ex cod. Reg. Sueciæ. Aurelianus episcopus in sua Regula ad Lucernarium. Vide Breviar. Mozarabum p. 107. Continet præterea cod. O. — 4. Thom., somno relaxet otio ; Brev. Moz., somnus relaxet otium. — 10. Thom., cura. — 12. O., blandus in isto corpore. — 16. O., visui. — 20. O., vigile.

XII. — Thomasius ex cod. Reg. Sueciæ et cod. O. — 1. O., tempore. — 10. Thom., unius quoque. — 11. Thom., Ægyptum mortem. — 18 Thom., tan- torum. — 21. O., vero. — 24. O., defensi. — 34. Thom., quia stinctas. — 37. Thom., quare vigilemus.

A — 38. Thom., splendida manus. — 41. O., noctisque mediæ.

XIII. — Thom. : « Ms. vetustissimum Reg. Sueciæ, et Brev. Mozarabum fer. post Dom. 1 Epiphaniæ. Aurelianus episcopus in sua Regula hunc hymnum ponit ad Primam. In ms. Alexand. præsentis hymni inscriptio ita se habet : Hymnus quarta feria dicendus. Vides haud modicum a vero aberrasse Rambachium in Anth. p. 117 : « Die Hymne Fulgentis auctor, ist aus einem, vormals dem Fr. Junius zugehörigen, jetzt auf der Bibliothek zu Oxford befindlichen Codex, der 26 in der alten frankischen oder allemanischen Kirche gebräuch- liche Kirchengesänge enthält (Tenzels Monatl. Unterredungen 1691 S. 726), und aus welchem in l. 6. ab Eckhart Commentarius de rebus Francicis orient. t. II, p. 948, drei (Mediæ noctis tempore ; Æternæ (non Æternæ) lucis conditor, und der hier wiederholte) nebst einer frankischen wahrscheinlich aus dem 9 ten Jahrhundert stammenden Uebersetzung abgedruckt stehen. Sicher gehören diese Hymnen zum aller wenigsten in das siebente Jhd. und sind ; auch abgesehen von ihrem eigenthuemlichen Wer-

Qui lunam lumen noctibus,
Solem dierum cursibus
Certo fundasti tramite.

Nox atra jam depellitur,
Mundi nitor renascitur,
Novusque jam mentis vigor
Dulces in actus erigit.

Laudes sonare jam tuas
Dies relatus admonet,
Vultusque cœli blandior
Nostra serenat pectora.
Vitemus omne lubricum,
Declinet prava spiritus,
Vitam facta non inquinant,
Lingua in culpa non implicet.
Sed sol diem dum conficit,
Fides profunda ferveat,
Spes ad promissa provocat,
Christo conjungat charitas.

XIV.

Hymnus ad laudes.

Post matutinas, laudes,
Quas Trinitati psallimus,
Psallamus, rursus admonet
Verus pater familias.

Simus semper solliciti
Ne prætereat opus Dei,
Sed oremus sedule
Sicut docet Apostolus.

Psallamus mente Domino,
Psallamus simul spiritu,
Ne vaga mens in turpibus
Inertes tegat animos.

Sed septies in hac die
Dicamus laudes Domino,
Divinitati perpetim
Debitam demus gloriam.

XV.

Hymnus ad Tertiam.

Certum tenentes ordinem,
Pio poscamus pectore
Hora dici tertia
Trinæ virtutis gloriam.
Ut simas habitaculum

the, schon deswegen höchst merkwürdig, weil sie A
zum Beweise dienen, dass die älteste deutsche Kir-
che, gleich der in Irland, auch im Gesange und in der
Liturgie eine Selbstständigkeit hatte, die sie in der
Folge fast ganz verlor. « Fugit virum doctum Tho-
masii auctoritas, qua prorsus aliter constituitur
temporum ratio. Postea cum reliquis nostrum
quoque carmen ex codice Oxoniensi evulgavit Grim-
mius.

XIV. — Thomasius: Ex cod. ms. Reginæ Succie
num. 1352 et cod. O. — 10. O., *simul et.* — 15. O.,
perpeti. — 16. O., *debita demus glorie.*

XV. — Thomasius: Ms vetustissimum Reg. Sue-
ciae, et Breviarium Mozarabum. Inscrubitur hymnus
ad Tertiam quotidianus. Cod. O. — 10. O., *splen-*
dida. — 12. O., *premio.*

XVI. — Thomasius: Ex ms. vetustissimo Reg.
Sueciae, Cod. O. — 2. O., *fervente prompti spiritu,*
interpretem theoticum *prompto* legisse probabile
est. — 14. O., *tenebricat.*

XVII. — Thomasius: Ex cod. vetustissimo Reg.
Sueciae. Ad nonam præscribitur hymnus iste in Alex.
11, in quo incipit: *Perfectum Trinum numerum,* etc.
Cod. O. — Thom., *perfecto trino numero* — 5. O.,
regula. — 6. O., *prodita.* — 11. O., *habent.* — 12.
Thom., *dirigunt.* — 8. Act. III, 1: *Petrus et Joan-*
nes ascendeabant in templum ad horam orationis nonam.

Illi sancto Spiritui,
Qui quondam in apostolis
Hac hora distributus est.

5 Hoc gradientes ordine,
Ornavit cuncta splendide
Regni cœlestis conditor,
Æternæ vitæ præmiis.

XVI.

40 *Hymnus ad Sextam.*

Dicamus laudes Domino
Ferventi rursus spiritu:
Hora volu sexies
Nos ad orandum provocat.

15 Quia in hac fidelibus
Veræ salutis gratia,
Beati agni hostia,
Crucis virtute redditur.

20 Cujus luce clarissima
Tenebrescit meridies,
Sumamus toto pectore
Tantis plendoris gratiam.

XVII.

Hymnus ad Nonam.

Perfectum trinum numerum
Ternis horarum terminis,
5 Laudes canentes debitas,
Nonam dicentes psallimus.

10 Sacrum Dei mysterium
Puro tenentes pectore,
Petri magistri regulam
Signo salutis proditam.

Et nos psallamus spiritu
Adhærentes apostolis,
Qui plantas adhuc debiles
Christi virtute dirigant.

15

XVIII.

Hymnus ad Christum.

Christe, rex cœli Domine,
Mundi Salvator maxime,
Qui nos hoc crucis munere
Mortis solvisti crimine.

Te hunc orantes poscimus:
Tua conserves munera;
Quæ per legem catholicam
5 Cunctis donasti gentibus.

Tu verbum Patris æterni
Ore divino editus,
Deus ex Deo subsistens
Unigenitus Filius.

40 Te universa creatura
Mundi fatetur Dominum.
Jussu Patris inchoata
Tuis perfecta viribus.

Tibi omnes et angeli
Cœlestem præstant gloriam,
Te chorus archangelorum
Divinis laudant vocibus.

5 Te seniorum multitudo,
Bis duodenus numerus,
Odoramentis plenas gestans
Supplex adorat pateras.

Tibi Cherubim et Seraphim
Throni paterni luminis,
Senis alarum plausibus,
Clamore jugi personant.

40 Sanctus, Sanctus Sanctus,
Dominus Deus Sabaoth,
Omne cœlum atque terra
Tua sunt plena gloria.

Hosanna, fili David,
Benedictus es a Patre
Qui in nomine Dei
Venisti de excelsis, Domine.

5 Tu agnus immaculatus
Es datus terræ victima
Qui sanctorum vestimenta
Tuo lavisti sanguine.

40 Te multitudo beatorum
Cœli locata martyrum,
Palmis insignis et coronis,
Ducem sectantur gloriæ.

Quorum nos addas numero
Te precamur, Domine,
Una voce te sonamus,
Uno laudamus carmine.

XIX.

5 *De SS. Gervasii et Protasii marty-*
rum Inventione.

Grates tibi, Jesu, novas,

XVIII. — Thomasii ms. vetustissimum Reg. Sue-
ciae et cod. O. — 1. O. om., *rex.* — 3. O. om., *hoc.*
— 4., O. om., *legibus.* — 5. Thom., *te precantes.* —
11. Thom., *consistens.* — 17. O. om., *et.* — 18. Al.
11, *presentant.* — 21. O., *mult. seniorum.* — 24.
O., *adorant.* — 33. O., *Davidis.* — 34. O. om., *es.*
— 38. O. om., *es.* — 43. O., *palmis signis.* — 47.
O., *desonamus.* — 48., Thom., *unum.*

XIX. — Reperitur in Hymnario Thomasii, quem
unde sumpserit silentio præterisse vehementer
doleo. Exstat præterea apud Bollandistas Act. SS.
Jun. III, p. 842, ex vetusto Brev. Mediolanensi de-
scriptus. Addunt viri docti, hymnum ipsius esse S.
Ambrosii sine ulla dubitatione credi posse. Quæ
sententia etsi non satis explorete percepta sit et
cognita, multis argumentis commendatur. Sed de his
infra. Ipsa Gervasii et Protasii corporum inventio
describitur ab Ambrosio in epistolis. Opp. ed. Bd.
II, p. 873 (epist. supposititia in append. p. 483).

B Adeas præterea Augustinum *de Civ. Dei*, xxii, 8;
Conf. ix, 7. — 1, 2, 11, 12. Ambrosius in sermone
quem habuit inventis lipsanis apud populum: « Etsi
hoc Dei munus est, tamen gratiam quam temporibus
sacerdotii mei Dominus Jesus tribuit, negare non
possum: et quia ipse martyr esse non mereor, hos
vobis martyres acquisivi. » — 6. Ambr.: « Ossa
omnia integra, sanguinis plurimum: sanguine tu-

Novi repertor muneris,
Protasio, Gervasio,
Martyribus inventis cano.
Piæ latebant hostiæ,
Sed non latebat fons sacer,
L'tere sanguis non potest
Qui clamat ad Deum Patrem.
Cælo refulgens gratia,
Artus revelavit sacros,
Nequimus esse martyres,
Sed reperimus martyres.
Dic quis requirat testium
Voces ubi fictum est fides:
Sanatus impos mentium
Opus fatetur martyrum.
Cæcus recepto lumine
Mortis sacræ meritum probat,
Severus est nomen viro,
Usus minister publici.
Ut martyrum vestem attingit,
Et ora tersit nulla,
Lumen refulsit illico,
Fugitque pulsa cæcitas.
Soluta turba vinculis,

Spiris draconum libera,
Emissa totis urbibus
Domum redit cum gratia.
5 Vetusta sæcla vidimus
Jactata semicinctia,
Taetum et umbra corporum
Ægris salutem redditam.
Gloria tibi, Domine.
10 Gloria Unigenito, etc.

XX.

Hymnus tenore Paschali ad Tertiam.

15 Illic est dies verus Dei,
Sanctus sereno lumine,
Quo diluit sanguis sacer
Probrosa mundi crimina.
Fidem refundens per litis,
20 Cæcosque visu illuminans:
Quem non gravi solvit metu
Latronis absolutio.
Qui præmio mutans crucem
Jesus brevi acquirit fide,
30 Justusque prævio gradu
Pervenit in regnum Dei.

XXI.

Hymnus ad Tertiam.

Nunc sancte nobis Spiritus,
Unus Patris cum Filio,

Opus stupent et angeli,
Panam videntes corporis.
Christoque adherentem reum 15
Vitam beatam carpere.

30 Mysterium mirabile,
Ut abluat mundi luem,
Peccata tollit omnium,
Carnis vitia mundans caro. 20

Quid hoc potest sublimius?
Ut culpa quærat gratiam
Metumque solvat charitas.
Reddatque mors vitam novam.

25 Hamum sibi mors devoret
Suisque se nodis liget:
Moriatur vita omnium,
Resurgat ut vita omnium.

5 Cum mors per omnes transeat,
Omnes resurgant mortui: 30
Consumpta mors ictu suo
Perisse se solam gemit.

A — 7. O., solvat. — 9. Id. et Ct., cruce. — 16. Cass., Vat. 82, *Jesu brevi acquisivit fidem*; Thom., Ct., *Jesu brevi quasicit fide*; Ell., *Jesu brevi acquirit fidem*. — 12. Al. 11, *prevenit*. — 13. O., *obstupent et*. — 14. O., *corpore*. — 19. O., *tollat*. — 25. sqq. Notissima est veterum Patrum sententia, diabolum, diabolitatis Jesu Christi nescium, sacerdotes Judæorum instigasse ut *ὁμοόμοτος* interficerent, sed ipsa Redemptoris morte miserrime esse deceptum, quæ salutis humanæ non solum non fuerit impedimento, sed etiam una omnium maxime adjumento. Idem placet carminis auctori. Morte Christi quasi illecebra allectus, Satan hamum devoravit, i. e. suo se gladio interfecit. Fortasse poetæ ob oculos versabatur locus libri Jobi c. xi, 20: *an extrahere poteris Leviathan homo et fene ligabis linguam ejus?* — id saltem certum est, diabolum sapissime cum Leviathane comparari. Conferas etiam vetustam Germanicam cautionem sc. xii, apud H. Hoffmanni *Geschichte des deutschen Kirchenliedes bis auf Luthers Zeit* S. 23 sqq., cujus stropha quinta hæc est:

Ein angelsnuor geflohtin ist,
Dannen dû geborn bist,
Daz was diu diu kuoeschaft,
Der angel was diu gotes kraft,
Dâ der îdt — art ane irworgen,
Der von dir wart verborgen
Sancta Maria!

— 28. O. om., *ut*; Cass., *resurgat vita omnium*; Ell. interserit voculam *et*. — 32. Thom., *quærit*: Cass., *perisse se sola*; O., *gemat*.

XXI. — Illic hymnus tertie horæ propterea ad Spiritum sanctum potissimum relatus, quod is ea hora ignearum linguarum specie in apostolos descendisse commemoratur, in omnibus libris ecclesiasticis reperitur. Consentiant enim omnes in hymnis horarum, quæ dicuntur minores: in ipsis vetustissimis membranis, quæ carmina ad Matutinum et Vesperas continent nulla, non desunt hymni hi: *Jam lucis orto... Nunc sancte... Rector potens... Rerum Deus*. Abhorrere videtur ab hac lege cod. M., qui ne Tertie quidem hymnum assignaverit. Sed negligentia id potius quam consilio tribuendum esse, demonstrat Brev. ecclesiæ Mersburgensis typis descriptum, hymnum loco consueto exhibens. — 2. Legabant Illic. et Goteschalkus: *unus Patris cum Filio*: ita Vatie. 82. E. Hil., *unus vel unum*, Cod., H., *unum cum Patri Filio*. Wimpf., *unus cum Patre Filio*. Lud., *unum cum Patre et Filio*. Cass., Fabr., Hv., *unum Patri cum Filio*. — 4. H., *infusus*. — 6

mulns madet, apparent cruoris triumphalis nota. » Greg. Tur. *Mir.* 1, 48. — 8. Amb. l. c.: « Legistis dicente Deo: sanguis fratris tui clamat ad me. Et hic sanguis clamat coloris indicio, sanguis clamat operationis præconio, clamat passionis triumpho. » — 13. Thom., *hic*. — 14. Amb. l. c.: « Isti (Ariani) beneficium negant qui factum negare non possunt. » — 15, 16. Nil de hoc miraculo compertum habeo. — 17. seqq. Ambr. 1, 1: « Negant (Ariani) cæcum illuminatum, sed ille non negat se sanatum. Ille dicit: Video qui non videbam... Notus homo est, publicis cum valeret mancipatus obsequiis. Severus nomine, lanuus ministerio. Deposuerat officium postquam inciderat impedimentum. Vocat ad testimonium homines, qui rui ante sustentabatur obsequiis: eos iudices suæ visitationis accessit, quos habebat testes et arbitros cæcitatatis. Clamat quia, ut contingit sibi, reddidit sibi lumen sit... » Non temerarium est iudicium quod addunt editores: « Nil hoc miraculo certius aut magis testatum, non modo propter gravissimam Amb. auctoritatem... verum etiam propter Augustini oculatum, sit venia verbo, testimonium, quod lib. xxii *de Civit. Dei* cap. 8 et expressius adhuc *Serm. in Natali Mart. Ger.* et Prot. legere est. Idem etiam miraculum simul cum aliis, quæ memorantur in hac epistola, narrat, qui similiter oculatus testis esse potuit, Paulinus in *Ambrosii Vita*. » — 22. Act. S. *tergit*. — 25-28. Ant dicit poeta dæmoniacos, martyr in munere liberatos, aut spectat Ariano rum in catholicos ævitam, hæc sanctorum manifestatione diluam, ne dicam fractam. — 29-32. Act. v, 15; xix, 11, 12: *Virtutis non quaslibet facebat Deus per manum Pauli, ita ut etiam super languidos deferrentur a corpore ejus sudaria et semicinctia, et revelant ab eis languores et spiritus nequam egrediebatur*. Similiter Gervasii Protasiique corpora coruscasse miraculis his versibus poeta affirmat.

XX. Exstat in cod. O. apud I. Cassandram, Ellingeram, III, 35, et Thomasiun. Aurelianus Ep. in sua Regula apud Holstnium in Col. Rez. P. III, p. 57, eum cantari vult ad Lucernarium et matutinum toto Paschate. Al. 11, Vat. 82, hymnum habent, eumque commemoratum præterea reperimus ab Hinemaro. Positum est etiam in vetusto Carthusianorum Brev. ad Matutinum in temp. paschali usque ad Ascensionem Domini. — 2. Thom., Ct., *Saucto sereno lumine: O sanctus serenus*. — 3. Al. 11, *quod diluit*. — 5. Thom., *perfidis*. — 6. Vat. 82, *visus illuminans*.

Dignare promptus ingeri
Nostro refusus pectori.

Os, lingua, mens, sensus, vigor 5
Confessionem personet :
Flammescat igne charitas,
Accendat ardor proximos.
[Præsta, Pater piissime,
Patrique compari nice,
Cum Spiritu paraclito
Nunc et per omne sæculum.]

XXII.

Hymnus ad Sextam.
(Ex Libr. vet.)

Rector potens, verax Deus,
Qui temperas rerum vices,
Splendore mane instruis
Et ignibus meridiem.
Exstingue flammam litium,
Aufer calorem noxium.
Confer salutem corporum
Veramque pacem cordium.
Præsta, Pater piissime, etc.

Ejusdem hymni alia lectio.
(Ex Brev. Rom.)

Rector potens, verax Deus,
Qui temperas rerum vices,
Splendore mane illuminas
Et ignibus meridiem.
Exstingue flammam litium,
Aufer calorem noxium,
Confer salutem corporum
Veramque pacem cordium.
Præsta, Pater piissime, etc.

Vat. 82, II., III., Sl. Msb., Pt., Mgd., Torr., Lps., A
confessione. Vat. 82, II., Cass., Fabr., *personent.* —
7. D. 2, *flammescat.* Vat. 82, *flammescat ignis cha-*
ritas. — 8. Fabr., H., *proximus.* Hil. : « In sole tria
sunt : sphaera, claritas et calor ipsius. Sicut sphaera
solis naturaliter splendens est et calens : sic summus
Pater naturaliter sapiens et amans est. Et sicut sphaera
solis et splendor et calor non sunt tres soles, sed
unus sol : sic summus Pater et sapientia ejus et
amor non sunt tres Dii, sed unus est Deus. In sphaera
solis ignea Patrem intelligere debemus, in splendore
Filium, in calore Spiritum. » Sæpissime apud
veteres summum Trinitatis mysterium solis exem-
plo illustratur. Exempla collegit Barth. Adv. XLV,
10.

XXII. — Hymnus et in omnibus vetustis Breviariis et in Romano per totum annum ponitur ad Sextam. Hilar. : « Materia hujus hymni sumitur contra qualitates aeris ex hoc quia maximus calor solet esse in meridie et solet nocere corpori. Unde Deum rogare debemus ut in nobis exstinguat flammam vitiorum... rogare debemus in sexta hora, qua Adam ejectus fuit de paradiso : illuc redeamus per bonam operationem, Christo annuente qui eadem hora in cruce positus fuit. » Addit Ludecus sextam horam tempus esse edendi exemplo S. Petri Act. x, 9. — 3. Lud., Fabr., *splendore qui.* — 4. Fabr., *quique ignibus.* — 6. Cass. nescio qua auctoritate fretus, *maximum.* — 8. Lud. in margine, *firmaque.*

XXIII. — Eodem pacto omnium librorum in unum congruunt sententiæ, quorum testimonio hymnus horæ nonæ addictus est. — 1. Lud. : qui omnes res firmas et integras conservas. — 2. H., St., Hv., Ct., Mgd., Gron., Torr., *permanet.* — 3. Vat. 82, *diurna.* — 7. Sl., *atræ.* — 8. H., Hv., *instat.*

XXIV. — Hymnus, quo petitur victoria de nocturnis illusionibus, apud vetustos et recentiores vel per totum annum vel ferialibus diebus proprius

XXIII.

Hymnus ad Nonam.

(Ex Libr. vet.)

Rerum Deus tenax vigor,
Immotus in te permanens,
Lucis diurnæ tempora
Successibus determinans.
40 Largire clarum vespere
Quo vita nusquam decidat,
Sed præmium mortis sacræ
Perennis instet gloria.
Præsta, Pater piissime, etc.

Ejusdem hymni alia lectio.
(Ex Brev. Rom.)

Rerum Deus tenax vigor,
Immotus in te permanens,
5 Lucis diurnæ tempora
Successibus determinans.
Largire lumen vespere
Quo vita nusquam decidat,
Sed præmium mortis sacræ
Perennis instet gloria.
Præsta, Pater piissime, etc.

XXIV.

Hymnus ad Completorium.

(Ex Libr. vet.)

5 Te lucis ante terminum
Rerum creator, poscimus,
Ut solita clementia
Sis præsul ad custodiam.
Procul recedant somnia

Et noctium phantasmata,
Hostemque nostrum comprime
Ne polluantur corpora.

Præsta, Pater omnipotens, etc.

Ejusdem hymni alia lectio.

(Ex Brev. Rom.)

5 Te lucis ante terminum
Rerum creator, poscimus,
Ut pro tua clementia
Sis præsul et custodia.
Procul recedant somnia, 5
Et noctium phantasmata,
Hostemque nostrum comprime
Ne polluantur corpora.
Præsta, Pater piissime, etc.

XXV.

Hymnus ad Matutinum.

(Ex Libr. vet.)

5 Rerum creator optime,
Rectorque noster aspice,
Nos a quiete noxia
Mersos sopore libera.
Te, sancte Christe, poscimus, 5
Ignosce tu criminibus,
Ad confitendum surgimus
Morasque noctis rumpimus.
Mentes manusque tollimus.
10 Propheta sicut noctibus
Nobis gerendum præcipit
Paulusque gestis censuit.
Vides malum quod gessimus,
5 Occulta nostra pandimus,

est Completorio (confer tamen quæ adnotavimus ad hym. 5). *Merati* in *Gavant. Thes.* III, p. 228 : « Psalmos (Completorii) statim sequitur Hymnus, quem pro temporis diversitate variabant monachi, ut refert Martene. Nobis (Romanis) hymnus nunquam mutatur sed per totum anni spatium idem est. » Sed errant homines docti cum monachorum tantum mentionem injiciunt. Non prætermittere debent plurimas Germaniæ, Angliæ aliarumque regionum Ecclesias, quas medio ævo (nam hodie Romanum morem sequuntur) festivis diebus cantasse hymnum in Completorio ad liquidum perductum est (e. g. Hl., Mgd., Hv., Ef., multique alii). Plerumque partem hymni, qui cantatur in Vesperi, repetunt in Completorio vel ita disjungunt carmen, ut utriusque horæ aptum sit atque idoneum. — 3. Cass. : constabit carmen si legas *pro tua* : placuit emendatoribus. — 4. Cass. : aliqui legunt *et custodia* ; ita Gron., H., Hl., Clicht, Fabr., *ac custodia.*

XXV. — Omnes libri, qui hymnos Matutino assignant, tribuunt carmen feriæ quartæ ad Nocturnum. — 6. Fab., *nostro crimini.* — 18. Cass. : « Noctibus legendum, ut habet liber S. Benedicti, cum tamen in omnibus quæ vidi exemplaribus, *novimus* legatur vitio librorum. Quod hinc factum puto, quod idem fere versus in alio hymno : *Primo dierum omnium* legatur, ubi *novimus* legendum esse constat. Porro Clichtov., quamvis in hujus editione *novimus* legatur, apte tamen locum interpretatur ac si *noctibus* legisset. Adducit enim locum prophetæ David ps xxxiii, 2 : *In noctibus extollite manus vestras in sancta.* Et alibi ps. cxviii, 62 : *Media nocte surgebam ad confitendum nomini tuo.* Item testimonium Pauli Rom. xiii : *Hora est nos jam de somno surgere.* Et exemplum, qui de nocte manibus laboraverit et in carcere cum Sila inclusus intempesta nocte Deum laudayerit, — 14. Wimpf., *prodimus.*

Preces gementes fundimus,
Dimitte quod peccavimus.
Præsta, Pater piissime, etc.

Ejusdem hymni alia lectio.
(Ex Brev. Rom.)

Rerum Creator optime,
Rectorque noster, aspice:
Nos a quiete noxia
Mersos sopore libera.
Te, sancte Christe, poseimus,
Ignosce culpis omnibus;
Ad confitendum surgimus
Morasque noctis rumpimus.
Mentes manusque tollimus,
Propheta sicut noctibus
Nobis gerendum præcipit,
Paulusque gestis censuit.
Vides malum quod fecimus,
Occulta nostra pandimus,
Preces gementes fundimus,
Dimitte quod peccavimus.
Præsta, Pater piissime, etc.

XXVI.

Hymnus ad Matutinum.

Nox atra rerum contegit
Terræ colores omnium,
Nos confitentes poseimus
Te, juste iudex cordium,
Ut auferas piacula
Sordesque mentis abluas,
Donesque Christi gratiam
Ut arceantur crimina.
Mens ecce torpet impia
Quam culpa mordet noxia,
Obscura gestit tollere,
Et te, Redemptor, querere.
Repelle tu caliginem
Intrinsecus quam maxime,
Ut in beato gaudeat
Se collocari lumine.

XXVII.

Hymnus ad Laudes.

(Ex Libr. vet.)

Æterna cæli gloria,
Beata spes mortalium,
Celsi Tonantis unice
Castæque proles Virginis.

XXVI. — Carmen, in quo nihil mutarunt Breviaria Romanæ Ecclesiæ recentiora, ubique decantatur feria quinta ad Nocturnum. — 2. Clicht.: Nonnulli legunt *calores*; ita Hil. 3. — Male Cass., *confidentes*. — 5. Wimpf., *tu auferas*. — 8. Id., *ut arceamus*.

XXVII. — Hymnus ascriptus est omnium librorum testimonio feriæ sextæ ad Laudes. — 3. Wimpf., *cæli*. — 7. Fr., *fragransque*; Clicht. al., *laude*. Ipse vir doctus propter metricas rationes proponit *Flagrans et in laudem Dei*, quod haud displicuit correctoribus. — 9. Clicht. al., *notus*; ita Beb. — 13. Fab. ea qua solet audacia mutavit *diei* in *temporum*. — 18. Wimpf., *nostris*; Hil., *imis*. — 20. Ita Clicht., Hil., Fr., Aug. Multi legunt *quæ major exstat charitas*.

XXVIII. — Est Laudum in Sabbato. — 3. Hil., Wimpf., *speculum*. — 10. Hil., *prestolamus*.

XXIX. — Auctorem carminis cogitasse de die jejunio nemo non perspicit. Sed ex antiquo Ecclesiæ usu quotidie recitatur ad Primam, nec alii cepit per totum annis patium. Gav. Thes. III, p. 211:

15 Da dexteram surgentibus,
Exsurgat et mens sobria
Flagransque in laudem Dei
Grates rependat debitas.
Ortus refulget Lucifer
Sparsamque lucem nuntiat;
10 Cadit caligo noctium
Lux sancta nos illuminet.
Manensque nostris sensibus
Noctem repellat sæculi,
5 Omnique sine diei
Purgata servet pectora.
Quæsita jam primum fides
Radice altis sensibus:
Secunda spes congaudeat
10 Quo major exstat charitas.
Deo Patri sit gloria, etc.

Ejusdem hymni alia lectio.
(Ex Brev. Rom.)

15 Æterna cæli gloria,
Beata spes mortalium,
Summi Tonantis unice
Castæque proles Virginis,
Da dexteram surgentibus,
5 Exsurgat ut mens sobria
Flagrans et in laudem Dei
Grates rependat debitas.
Ortus refulget Lucifer
Præitque solem nuntius,
10 Cadunt tenebræ noctium,
Lux sancta nos illuminet.
Manensque nostris sensibus
Noctem repellat sæculi,
5 Omnique sine temporis
Purgata servet pectora.
Quæsita jam primum fides
In corde radices agat,
Secunda spes congaudeat
20 Qua major exstat charitas.
Deo Patri sit gloria, etc.

XXVIII.

Hymnus ad Laudes.

(Ex Libr. vet.)

Aurora jam spargit polum,
Terris dies illabitur,
Lucis resultat spiculum,
Discedat omne lubricum.
Phantasma noctis decidat,

5 Mentis reatus subruat;
Quidquid tenebris horridum
Nox attulit culpæ, cadat.
Ut mane illud ultimum,
Quod prestolamus cernui,
10 In lucem nobis effluat
Dum hoc canore concrepat.
Deo Patri sit gloria, etc.

Ejusdem hymni alia lectio.
(Ex Brev. Rom.)

15 Aurora jam spargit polum
Terris dies illabitur,
Lucis resultat spiculum,
Discedat omne lubricum.
20 Phantasma noctis exsulet
Mentis reatus corruat;
Quidquid tenebris horridum
Mox attulit culpæ, cadat.
Ut mane, quod nos ultimum
10 Hic deprecamur cernui,
Cum luce nobis effluat
Hoc dum canore concrepat.
Deo Patri sit gloria, etc.

XXIX.

Hymnus ad Primam.

Jam lucis orto sidere
Deum precemur supplices,
10 Ut in diurnis actibus
Nos servet a nocentibus.
Linguam refrenans temperet
5 Ne litis horror insonet,
Visum fovendo contegat
Ne vanitates hauriat.
15 Sint pura cordis intima,
Absistat et vecordia,
10 Carnis terat superbiam
Potus cique parcitas.
20 Ut cum dies abscesserit
Noctemque sors reduxerit,
15 Mundi per abstinentiam
Ipsi canamus gloriam.
Deo Patri sit gloria, etc.

XXX.

Hymnus de diei primæ opere.

(Ex Libr. vet.)

Lucis creator optime,
Lucem dierum proferens,
5 Primordiis lucis novæ

A • Amalarius refert Primam incipiendam esse ab illa prece: *Deus in adiutorium* cum *Gloria Patri*, sed nihil habet de hymno, *Jam lucis orto*, quia nulli hymni ejus ætate Romæ recitabantur (?). S. Benedictus tamen Amalario antiquior, qui Primam a laudibus distinguit cap. 17 sue regule, hunc ordinem in ea servari præscribit: Prima hora, inquit, dicantur psalmi tres singulatum et non sub una Gloria, hymnus ejusdem horæ post versum *Deus in adiutorium*, antequam Psalmi incipiantur. • Id sane affirmare possum, me nullum inspexisse librum nisi qui hymnum *Jam lucis orto* posuerit in Prima. Nihil mutavit Brev. Rom. — 2. Bd., *precamur*. — 5. Torr., *refrenet*. — 14. Torr., Gron., *sol*.

XXX. — Omnes ecclesiæ, qui consueverunt hymnos canere ad Vesperas (nonnullæ *ἑσπερι*, ut ita dicam, prorsus omittunt), die dominica cantandum denotarunt. Usus admodum singularis est Brev. Ang., quo id sancitum est, ut recitaretur: *Lucis creator*, usque ad kalendas Augusti, postea *O lux beata*. — 10. Lud.; Al., *muneris*.

Mundi parans originem.
 Qui mane junctum vesperi
 Diem vocari præcipis,
 Tetrum chaos illabitur,
 Audi præces cum fletibus.

Ne mens gravata crimine
 Vitæ sit exsul munere,
 Dum nil perenne cogitat
 Seseque culpis illigat.

Cœlorum pulset intimum,
 Vitale tollat præmium,
 Vitemus omne noxium,
 Purgemus omne pessimum.
 Præsta, Pater piissime, etc.

Ejusdem hymni alia lectio.
 (Ex Brev. Rom.)

Lucis creator optime,
 Lucem dierum proferens,
 Primordiis lucis novæ
 Mundi parans originem.

Qui mane junctum vesperi
 Diem vocari præcipis,
 Illabitur tetrum chaos:
 Audi preces cum fletibus,

Ne mens gravata crimine
 Vitæ sit exsul munere,
 Dum nil perenne cogitat
 Seseque culpis illigat.

Cœleste pulset ostium,
 Vitale tollat præmium,
 Vitemus omne noxium
 Purgemus omne pessimum.
 Præsta, Pater piissime, etc.

XXXI.

Hymnus de opere diei secundæ.
 (Ex Libr. vet.)

Immense cœli conditor,
 Qui mista ne confunderent,
 Aquæ fluente dividens
 Cœlum dedisti limitem.

Firmans locum cœlestibus,
 Simulque terræ rivulis,
 Ut unda flammæ temperet,
 Terræ solum ne dissipet.

Infunde nunc, piissime,
 Donum perennis gratiæ,
 Fraudis novæ ne casibus
 Nos error atterat vetus.

XXXI. — Hymnus est feriæ secundæ ad Vesperas. — 2. Hil., Mgd., *confunderes*. Hil., Fabr., Wimpf., *confunderet*. — 8. Ita libri omnes, quos vidi. Cass., *dissipet*, sc. flammæ. Sed vox *dissipet* conjungenda est cum *unda*, ut poetæ sententia hæc sit: Aqua et ignis ita moderantur gubernante Deo, ut neutrum nocere possit orbi terrarum. Unda temperat flammam firmamenti, quæ alioquin exurent arva; flamma cohibet aquarum multitudinem, quominus inundando terræ solum dissipet, evanescere faciat., Clichtov.: « Auctor secutus vulgatam multorum sententiam, dicit a Deo constitutas esse aquas super firmamentum, ut temperent æstum siderum, ne cœlos ipsos exurant. Quæ quidem ratio philosophiæ naturali non est consona, cum orbis cœlorum non nati sint incalescere, neque possint incendio conflagrare. Idecirca ea clausula *ut unda*, etc. ad aquam quæ sub firmamento est potius est referenda, temperantem flammam astrorum, ne illæ terram comburant. Sane quod super cœlos collocatæ sint aquæ, Scriptura multis in locis testatur. Quam autem ob causam illic positæ sint, non oportet nos curiosius esse sollicitos. » — 16. Beh., *omprimant*.

5 Lucem fides inveniat.
 Sic luminis jubar ferat,
 Hæc vana cuncta terreat,
 Hanc falsa nulla comprimant.
 Præsta, Pater piissime, etc.

40 *Ejusdem hymni alia lectio.*
 (Ex Brev. Rom.)

Immense cœli conditor,
 Qui mista ne confunderent,
 Aquæ fluente dividens
 Cœlum dedisti limitem.

45 Firmans locum cœlestibus
 Simulque terræ rivulis
 Ut unda flammæ temperet,
 Terræ solum ne dissipet.

10 Infunde nunc, piissime,
 Donum perennis gratiæ,
 Fraudis novæ ne casibus
 Nos error atterat vetus.

5 Lucem fides adaugeat,
 Sic luminis jubar ferat,
 Hæc vana cuncta proterat,
 Hanc falsa nulla comprimant.
 Præsta, Pater piissime, etc.

XXXII.

Hymnus de opere diei tertiæ.
 (Ex Libr. vet.)

10 Telluris ingens conditor,
 Mundi solum qui eruens,
 Pulsis aquæ modestiis,
 Terram dedisti immobilem:

45 Ut germen aptum proferens,
 Fulvis decora floribus,
 Fecunda fructu sisteret,
 Pastumque gratum redderet.

Mentis perustæ vulnera
 Munda viroris gratia,
 Ut facta fletu diluat
 Motusque pravos atterat.

5 Jussis tuis obtemperet,
 Nullis malis approximet,
 Bonis repleti gaudeat
 Et mortis actum nesciat.

Præsta, Pater piissime, etc.

40 *Ejusdem hymni alia lectio.*
 (Ex Brev. Rom.)

Telluris alme conditor,

Mundi solum qui separans,
 Pulsis aquæ molestiis,
 45 Terram dedisti immobilem:
 Ut germen aptum proferens,
 Fulvis decora floribus,
 Fecunda fructu sisteret,
 Pastumque gratum redderet.

Mentis perustæ vulnera,
 Munda virore gratiæ,
 40 Ut facta fletu diluat
 Motusque pravos atterat,

5 Jussis tuis obtemperet:
 Nullis malis approximet:
 Bonis repleti gaudeat
 Et mortis ictum nesciat.
 Præsta, Pater piissime, etc.

XXXIII.

Hymnus de opere diei quartæ.

45 Cœli Deus sanctissime,
 Qui lucidum centrum poli
 Candore pingis igneo
 Augens decore lumine.

5 Quarto die qui flammeam
 Solis rotam constituens,
 Lunæ ministrans ordinem,
 Vagos recursus siderum.

10 Ut noctibus vel lumini,
 Diremptionis terminum,
 Primordiis et mensium
 Signum dares notissimum.

5 Illumina cor hominum,
 Absterge sordes mentium,
 15 Resolve culpæ vinculum,
 Everte moles criminum.

40 Cœli Deus sanctissime
 Qui lucidas poli plagas
 Candore pingis igneo
 Augens decore lumine.

45 Quarto die qui flammeam
 Dam solis accendis rotam,
 Lunæ ministras ordinem
 Vagosque cursus siderum.

25 Ut noctibus vel lumini,
 Diremptionis terminum,
 Primordiis et mensium
 Signum dares notissimum.

XXXII. — Vesperarum carmen fera tertia. — 2. Lud.: Al., *detegens*. — 3. Hil., Wimpf., Beh., *atque*. — 6. Aug., *fultus*. — 7. Hv., Lud., *fructum*. — 8. Cass.: Al., *partumque*. — 10. Fr. Bed., Lud., Cass.: *virore gratia*; Aug., Hv., Sl., *viroris gratia*; Hil., Mgd., Hil., Wimpf., Fabr., *vigoris gratia*; Clichtov.: Al., *vigore gratiæ*. Placuit nobis scriptio secundo loco posita, nam reliquis quoque, quæ alias inter sese dissentiant, commendatur. — 16. Hil., Mgd., *actus*; Lud., Fabr., *ictum*.

XXXIII. — Legunt hymnum feria quarta ad Vesperas. — 4. Hil., *decore*. — 7. Cass., *lunæ ministras ordini*. « Ita potius legendum videtur, quam ut habent nonnulla exemplaria *lunæ ministrans ordinem*. » Idem Clichtov., « minus apte et congruenter » a quibusdam legi testatur. Sed præter fabricum atque Ludicum nullum reperi librum qui præberet illud *ministras*, nec video cur sit minus aptum et congruens: imo optime quadra ad præcedentia *augens, constituens*. Libros in voce *ordinem (ordine, ordini)* dissentire levioris momenti est. — 10. Aug., *directionis*. In permultis, *diremptionis*. — 12. Multi, *daret*. — 13., Fabr., Lud. in margine, *omnium*.

Expelle noctem cordium,
Absterge sordes mentium,
Resolve culpæ vinculum,
Everte moles criminum.

Præsta, Pater piissime, etc.

XXXIV.

Hymnus de opere diei quintæ.

(Ex Libr. vet.)

Magnæ Deus potentie,
Qui ex aquis ortum genus
Partim remittis gurgiti,
Partim levas in aera.

Dimersa lymphis imprimens,
Subvecta cœlis irrogans
Ut stirpe una prodita
Diversa rapiant loca.

Largire cunctis servulis,
Quos mundat unda sanguinis,
Nescire lapsus criminum
Nec ferre mortis tædium.

Ut culpa nullum deprimat,
Nullum levet jactantia,
Elisa mens ne concidat,
Elata mens ne corruiat.

Præsta, Pater piissime, etc.

Ejusdem hymni alia lectio.

(Ex Brev. Rom.)

Magnæ Deus potentie,
Qui fertili natos aqua
Partim relinquis gurgiti,
Partim levas in aera.

Demersa lymphis imprimens,
Subvecta cœlis origens:
Ut stirpe ab una prodita
Diversa replent loca.

Largire cunctis servulis,
Quos mundat unda sanguinis
Nescire lapsus criminum
Nec ferre mortis tædium.

Ut culpa nullum deprimat,
Nullum efferat jactantia:
Elisa mens ne concidat,

Elata mens ne corruiat.
30 Præsta, Pater piissime, etc.

XXXV.

Hymnus de opere diei sextæ.

(Ex Libr. vet.)

Plasmator hominis Deus,
Qui cuncta solus ordinans
Humum jubes producere
Reptantis et feræ genus.

Qui magna rerum corpora,
Dictu jubentis vivida,
5 Ut serviant per ordinem
Subdens dedisti homini.

Repelle a servis tuis
Quidquid per immunditiam
Aut moribus se suggerit
Aut actibus se interserit.

Da gaudiorum præmia,
Da gratiarum munera;
Dissolve litis vincula,
Astringe pacis fœdera.

15 Præsta, Pater piissime, etc.

Ejusdem hymni alia lectio.

(Ex Brev. Rom.)

Hominis superne conditor,
Qui cuncta solus ordinans
Humum jubes producere
Reptantis et feræ genus.

Et magna rerum corpora,
Dictu jubentis vivida,
5 Per temporum certas vias
Obtemperare servulis.

Repelle quod cupidinis
Ciente vi nos impetit,
Aut moribus se suggerit
Aut actibus se interserit.

Da gaudiorum præmia,
Da gratiarum munera,
Dissolve litis vincula,
Astringe pacis fœdera.

15 Præsta, Pater piissime, etc.

XXXVI.

Hymnus de Ascensione Domini.

Optatus votis omnium
Sacratu illuxit dies
Quo Christus, mundi spes, Deus,
Conscendit cœlos arduos.

Ascendens in altum Dominus, 5
Propriam ad sedem remeans,
Gavisa sunt cœli regna
Reditu Unigeniti.

5 Magni triumphum prælii,
Mundi perempto principe, 10
Patris præsentat vultibus
Victricis carnis gloriam.

Est elevatus nubibus
Et spem fecit credentibus,
Aperiens paradysum, 15
Quem protoplastus clauserat.

O grande cunctis gaudium!
Quod partus nostræ Virginis.
15 Post sputa, flagra, post crucem,
Paternæ sedi jungitur. 20

Agamus ergo gratias
Nostræ salutis vindici,
Nostrum quod corpus vexerit
Sublimem ad cœli regiam.

Sit nobis cum cœlestibus 25
Commune manens gaudium,
Illis quod se præsentavit,
Nobis quod se non abstulit.

5 Nunc provocatis actibus
Christum exspectare nos decet; 30
Vitaque tali vivere,
Quæ possit cœlos scandere.

[Gloria tibi, Domine,
10 Qui scandis super sidera, 35
Cum Patre et sancto Spiritu
In sempiterna sæcula. Amen.]

XXXVII.

Hymnus de Ascensione Domini.

(Ex Libr. vet.)

Jesu, nostra redemptio,

—resultant

Cœlestes in laude chori, cum rector Olympi
Evehit excelsis, quidquid suscepit ab iniis,
Ingrediensque potum carnis comitante tropæo,
Exuvias atris raptas de fauce profundi
Lucis in arce locat terrenosque erigit artus.

—31, 32. Aug. Serm. de Asc. 2: « Ascendamus cum
Christo corde; cum dies ejus promissus advenerit,
sequemur et corpore. Scire tamen debemus quia
cum Chr. non ascendit superbia, non avaritia, non
luxuria, nullum vitium nostrum ascendit cum medico
nostro. »

XXXVII. — In plurimis Ecclesiis, suavissimus
hymnus ornat Completorium in Ascensione Domini
(Fr. ad Vesperas). Ut nunc est, magna cum solemnitate
in Vesperis atque Laudibus intonatur. Gavant. Thes. S. R. III, p. 471: « In eisdem Vesperis
(Ascensionis) ad principium hymni, *Salutis humane
sator*, debet celebrans seu officiator jungere, exten-
dere et elevare manus, ac caput inclinare versus
altare et, ut ex Ceremoniali Episc. lib. II monet
Baudry, par ratio est de hymno in Laudibus di-
cendo. » — 3. Fabr., *curator*. — 4. Ell., *in fine
homoque temporum*. — 6. Lips., *ferens*. — 10. Fab.,
redimis. — 12. Ell., *ad dexteram patris sedes*;
Corn., *resides*. — 16. Ps. XVI, 13: *Ego satiabor
cum apparuerit gloria tua*. — 17-20. Om. III., Msb.
— 17. Ell., *sis queso*. — 18. Clicht.: *Al., futu-
rum*; Ell., *es qui*. — 19. Cor., *nostra in te sit*. —
20. Ell., *in cuncta semper sæcula*.

XXXIV. — Adhibetur carmen in Vesperis feriæ A
quintæ. — 5. Wimpf., Mgd., *diversa*; Fabr., Lud.,
Thom., *demersa*. — 6. Cass., Clichtov., alique,
irrigans; Hil., Wimpf. *perperam, collo irrogans*.
— 10. Kehrein.: « *unda sanguinis* far *unda et
sanguis*. Unter letzterem ist der Kreuzestod des
Heilandes zu verstehen; unter ersterem konnte
man die Taufe verstehen; besser wird man es je-
doch ebenfalls auf den Kreuzestod beziehen und
zwar auf die Seitenwunde des Erlösers, wie in
dem Hymnus des Fortunatus. »

XXXV. — Exhibent libri hymnum feria sexta ad
Vesperas. — 6. Lud., *dicto*.

XXXVI. — Reperit Thomasius hunc hymnum in
ead. Vat. 82, Ambrosii nomine insignitum; neque
dubitat Gallandus Bibl. Patr. VII, p. 772, quin
hymni: *Optatus votis omnium, Jesu nostra redemptio,
Jam Christus astra ascenderat*, vere a D. Ambro-
sio sint confecta. Quem primo posuimus loco, rar-
rissimus est in libris liturgicis: in nostris legitur
apud Ellingerum et in vetusto Carthusianorum
Brev. — 4. Ephes. IV, 8: *Ascendens Christus in
altum*, etc. — 5. Fortasse legendum, *scandens*. —
6. Thom., Ct. omittunt *ad*. — 11. Ct., *presentans*.
— 13. Act. I, 9: *Elevatus est et nubes suscepit il-
lum*. — 14. Ell., *fecitque*. — 16. Thom., *protoplasti
clauserant*. — 20. Ell., *sedi paternæ*. — 22. Ct., *ju-
dici*. — 24. Ct., *regna*. Simili ratione celebrat As-
censionem Domini Arator *Hist. Ap.* I, 36 sqq.:

Amor et desiderium,
Deus creator omnium,
Homo in fine temporum.

Quæ te vicit clementia
Ut ferres nostra crimina,
Crudelem mortem patiens
Ut nos a morte tolleres.

Inferni claustra penetrans,
Tuos captivos redimens,
Victor triumpho nobili
Ad dextram Patris residens.

Ipsa te cogat pietas,
Ut mala nostra superes
Parcendo et voti compotes
Nos tuo vultu saties.

Tu esto nostrum gaudium,
Qui es futurus præmium,
Sit nostra in te gloria
Per cuncta semper sæcula.

Ejusdem hymni alia lectio.

(Ex Brev. Rom.)

Salutis humanæ sator,
Jesu, voluptas cordium,
Orbis redempti conditor
Et casta lux amantium.

Qua victus es clementia,
Ut nostra ferres crimina,
Mortem subires innocens
A morte nos ut tolleres.

Perrumpis infernum chaos
Vinctis catenas detrahis :
Victor triumpho nobili
Ad dexteram Patris sedes.

Te cogat indulgentia
Ut damna nostra sarcias,
Tuique vultus compotes
Dites beato lumine.

Tu dux ad astra et semita,
Sis meta nostris cordibus,
Sis lacrymarum gaudium,
Sis dulce vitæ præmium.

XXXVIII.

Hymnus de die Pentecostes.

(Ex Libr. vet.)

5 Jam Christus astra ascenderat,
Regressus unde venerat,
Promissum Patris munere
Sanctum daturus Spiritum.

10 Solemnis urgebat dies,
Quo mystico septemplici
Orbis volutus septies
Signat beata tempora.

15 Dum hora cunctis tertia
Repete mundus intonat,
Orantibus apostolis
Deum venisse nuntiat.

20 De Patris ergo lumine
Decorus ignis advenit.
Qui fida Christi pectora
Calore verbi compleat.

Impleta gaudent viscera,
Afflata sancto Spiritu,
Voces diversas intonant,
Fantur Dei magalia.

5 Ex omni gente cogniti,
Græcis, Latinis, Barbaris,
Cunctisque admirantibus
Linguis loquuntur omnium.

10 Judæa tunc incredula,
Vesana torvo spiritu,
Ructare musti crapulam
Alumnos Christi concrepat.

15 Sed signis et virtutibus
Occurrit et docet Petrus,
Falsa profari perfidos
Joelis testimonio.

35 [Sic, Christe, nunc Paraclitus
Per te pius nos visitet,
Novansque terræ faciem
Culpis solutos recreet.]

Ejusdem hymni alia lectio.

(Ex Brev. Rom.)

Jam Christus astra ascenderat,

Reversus unde venerat,
Patris fruentium munere
Sanctum daturus Spiritum.

5 Solemnis urgebat dies
Quo mystico septemplici
Orbis volutus septies
Signat beata tempora.

10 Cum lucis hora tertia
Repete mundus intonat,
Apostolis orantibus
Deum venire nuntiat.

15 De Patris ergo lumine
Decorus ignis almus est,
Qui fida Christi pectora
Calore verbi compleat.

20 Impleta gaudent viscera,
Afflata sancto Spiritu,
Vocesque diversas sonant
Fantur Dei magnalia.

25 Notique cunctis gentibus,
Græcis, Latinis, Barbaris,
Simulque demirantibus,
Linguis loquuntur omnium.

30 Judæa tunc incredula,
Vesana torvo spiritu,
Madere musto sobrios
Christi fideles increpat.

35 Sed editis miraculis
Occurrit et docet Petrus,
Falsum profari perfidos
Joelle teste comprobans.
Deo Patri sit gloria, etc.

XXXIX.

Hymnus matutinus.

5 Deus, qui cœli lumen es
Satorque lucis, qui polum,
Paterno fultum brachio,
Præclara pandis dextera.

Aurora stellas jam tegit
Rubrum sustollens gurgitem ;
Humectis namque flatibus
Terram baptizans roribus.

XXXVIII. — Hymnus in perpaucis brevioriis ve- A
tustioribus legitur, ex lege Brev. Romani Matutino
die festivo Pentecostes ascriptus. — 3. Pd., *promisso*
Patris munere; Hil., Ct., Fabr., Wimpf., *Promissa*
P. munera. — 5. W. 1, Cs., *surgebat*. — 6. Beb.,
mystice, Cass.: « Hujus loci obscuritas optime tolli
videtur, si septemplici, quod natura adjectivum
est, pro substantivo intelligas hoc sensu: urge-
bat jam solennis dies, quo orbis cœli volutus
ac circumactus septies septemplici s. septenario
mystico significat beata tempora, i. e. futuram
quietem typo jubilæi, qui constabat septenario
annorum septies, decursu adumbratam. » (Cf. 7,
13.) — 7. Beb., *orbe soluto*. — 9. Cass.: Al.,
tum; W. 1. Thom., Cs., *cum*. — 11. W. 1, Beb., Ef.,
Fabr., Thom., Cs., *ap. orantibus*. — 12. Thom.,
W. 1, Cs., *nuntians*. Fabr., Ell., *venisse nuntiat*
Deum. — 14. Beb., *decorans*; W. 1, Fr., Hil.,
Cs., Ct., *ignis almus est*. Wimpf., Fab., Pd., *Ignis*
missus est. Sed cum poetæ Christiani ad sacræ B
Scripturæ eloquia sese accommodare soleant, id
vero simile est, nostrum sequi vestigia B. Lucæ
Act. 11: *Factus est repente de cælo sonus tanquam*
spiritus advenientis et replevit totam domum. — 16.
Deo., Ct., Pd., *complerit*. — 18. Alii *afflato S. Spi-*
ritus, vel *afflato S. Spiritu*; W. 1, Cs.; *sancto*
lumine. — 19. W. 1, Thom., Cs., *diversæ conso-*
nant; Fab., *voces disertæ intonant*. — 20. Act.
11, 41: *Audivimus eos loquentes nostris linguis*
magnalia Dei. — 21. W. 1, Cs., *ex omni gente*

cogitur; Fabr., *tum gente ab omni cogniti*. — 22.
W. 1, Ct., Cs., *Græcus, Latinus, Barbarus*. — 24.
Al., *omnibus*. — 26. W. 1, Cs., *vesana turba*; Vat.
82, *vesano turbas sp.*; Beb. v. *tacta sp.*; Cass.:
Al., *ves. torva spiritu*. Spiritus vesanus, a diabolo
profectus, opponitur Spiritui sancto. — 27. Ct.,
crapula; Act. 11, 13: *musto pleni sunt isti*. —
29-32. Hunc versiculum Hymnarius Groningensis
perperam annexit ad hymnum, *Beata nobis*
gaudia. — 29. Fabr., Ell., *signis sed*. — 31. Hil.,
Wimpf., Fabr., *falsos probavit*. — 32. W. 1,
Thom., Cs., *Joelle teste comprobans*. Cf. Act. 11,
16. — 32-36. Invenies apud Thom., Beb., Cl. —
33. Thom., *hic*; al., *hinc*.

XXXIX. — Ex cod. O. primus evulgavit hym-
num 1 Grimmius, itemque carmina *Deus qui claro*
lumine; *Meridie orandum est*; *Tempus noctis*
surgentibus (apud nos 40, 48). Et recte quidem
vir summus, donec aliud doceatur, hos hymnos
nunc primum a se prolatos existimabit, quos, nisi
me omnia fallunt, ad hoc usque tempus nemo
unquam in ullo libro investigaverit. — Cæterum
subnascitur mihi suspicio, carmen conflatum esse
ex duobus, quorum alterum incipiat a stropha:
Pater qui cælos continet. Nam præcedens continet
doxologiam, in quam hymnos desinere poetis sem-
per cordi erat: itaque apte v. 21-24 concludi-
tur hymnus prior. Deinde usque ad finem Oratio-
nem Dominicam, ad carminis leges revocatam, a
poeta decantari facile apparet.

Currus jam poscit phosphorus
Radiis rotisque flammeis
Quod cœli scandens verticem
Profectus moram nesciens.

Jam noctis umbra linquitur,
Polum caligo deserit,
Typusque Christi Lucifer
Diem sopitum suscitans.

Dies dierum hagijs es
Lucisque lumen ipse es,
Unum potens per omnia,
Potens in unum Trinitas.

Te nunc, Salvator, quæsumus
Tibique genu flectimus,
Patrem cum sancto Spiritu
Totis rogamus vocibus.

Pater, qui cœlos contines,
Cautemus nunc nomen tuum,
Adveniat regnum tuum
Fiatque voluntas tua.

Hæc, inquam, voluntas tua
Nobis agenda traditur,
Simus fideles spiritu,
Casto manentes corpore.

Panem nostrum quotidie
De te edendum tribue;
Remitte nobis debita
Ut nos nostris remittimus.

Tentatione subdola
Induci nos ne siveris,
Sed puro corde supplices
Tu nos a malo libera.

XL.

Hymnus matutinus.

Tempus noctis surgentibus
Laudes Deo dicentibus
Christo Jesuque Domino
In Trinitatis gloria.

Chorus sanctorum psallimus,
Cervicee nostras flectimus,
Genua prosternimus
Peccata confitentibus

Oremus Deo jugiter,
Vincamus in bono malum,
Cum fructu penitentiae
Votum perenne reddere.

Christum rogemus et Patrem
Sanctum Patrisque Spiritum
Ut det nobis auxilium,
Vincamus hostem invidum.

XLI.

Hymnus matutinus.

Diei luce reddita,
Primis post somnum vocibus
Dei canamus gloriam,
Christi favente gratia.

Per quem Creator omnium
Diem noctemque condidit,

10 *Æterna lege sanciens,
Ut semper succedant sibi.*

Tu vera lux fidelium,
Quem lex veterna non tenet,
Noctem nec ortu succedens
Æterno fulgens lumine.

15 *Christe, precamur annue,
Orantibus servis tuis
Iniquitas hæc sæculi
Ne nostram captivet fidem.*

20 *Non cogitemus impie,
Invideamus nemini,
Læsi ne reddamus vicem,
Vincamus in bono malum.*

25 *Absit nostris ex cordibus
Ira, dolus, superbia,
Absistat avaritia,
Malorum radix omnium.*

30 *Vinum mentem non occupet
Ebrietate perpeti,
Sed nostro sensui competens
Tuum bibamus poculum.*

35 *Conservet pacis fœdera
Non simulata charitas,
Sed illibata castitas
Credulitate perpeti.*

40 *Addendis non sit prædiis
Malesuada semper fames,
Si affluant divitiæ,
Prophete nos psalmus regat.*

45 *Præsta, Pater ingenite,
Totum ducamus jugiter
Christo placentes hunc diem
Sancto repleti Spiritu.*

XLII.

Hymnus matutinus.

5 *Deus æterni luminis
Candor inenarrabilis,
Venturus diei judex
Qui mentis occulta vides;*

10 *Tu regnum cœlorum tenes,
Et totus in Verbo tu es,
Per Filium cuncta regis,
Sancto Spiritui fons es.*

15 *Trinum nomen alta vides
Unum per omnia potens,
Mirumque per signum crucis
Tu rector immensæ lucis.*

20 *Tu mundi constitutor es.
Tu in septimo throno sedes,
Judex ex alto humilis
Venisti pati pro nobis.*

25 *Tu Sabaoth omnipotens,
Osanna summi culminis,
Tibi laus est mirabilis,
Tu es prima anastasis.*

30 *Tu fidei adjutor es
Et humiles tu respicis,*

Tibi alta sedes thronus,
Tibi divinus est honor.

10 *Christo æternoque Domino
Patri cum sancto Spiritu
Vitæ solvamus munera
A sæculis in sæcula.*

XLIII.

Hymnus matutinus.

15 *Jam lucis splendor rutilat
Noctis fugatis tenebris,
Reddamus laudes Domino,
Qui manet ante sæcula.*

20 *Pellamus omne noxium,
Poscimus omne prosperum,
Defendat suos famulos
Virtus æterna jugiter.*

25 *Ut ore ei consono
Et corde devotissimo
Possimus omni tempore
Laudes referre debitas*

XLIV.

Hymnus ad Primam.

30 *Christe, cœlorum conditor,
Deus dominator omnium,
Placabilis nos aspice
Precantes tuos famulos.*

35 *Hora prima psallimus,
Laudes Deo referimus,
Qui cæcam noctem vicimus
Christum regem requirimus.*

40 *Deo Patri sit gloria,
Ejusque soli Filio,
Cum Spiritu Paraclito
Et nunc et in perpetuum.*

45 *[Gloria tibi Pater,
Gloria Unigenito,
Una cum sancto Spiritu
In sempiterna sæcula. Amen.]*

XLV.

Hymnus ad Tertiam.

5 *Jam surgit hora tertia
Et nos intenti currimus,
Psallendi opus implemus,
Christum laudemus Dominum.*

10 *Hora quoque jam tertia
Christus cruce suspensus est,
Voluntatem Patris implevit,
Mundi peccatum abstulit.*

15 *Conscendit sedem propriam,
Sedet ad Patris dexteram,
Collaudant throni Dominum
Quem perfidi negaverant.*

20 *Nos Christum Deum colimus,
Judicemque speramus,
Quem propheta cecinerunt,
Apostoli secuti sunt.*

25 *Egressus hora tertia,*

XL. — Habet solus Cod. O.

XLI. — Repetitur in Cod. O. et in Hymnario
Thomasii diei sabbati. — 4. Thom., *salentes gra-
tiam.* — 10. Thom., *æterna.* — 11. Thom., *nec or-
tus occidens.* — 24. I Tim. vi, 10: *Radix omnium
malorum est cupiditas.*

XLII. — Thom. Hymn. et Cod. O. — Al. II in-
scribit: *Hymnus quinta feria dicendus.* — 8. O.,
sancti Spiritus. — 9. Al. II, *potens;* O., *alta fides.*
— 14. O., *tu septimo.* — 17. Al. II pro *omnipotens*
legit *homini.* — 18. Thom., *Tu Hosanna.* — 20,

O., *Tu rex primus anastasis,* sed pertinent verba
ad Apoc. xx, 5, 6. — 21 Thom., *auditor.* — 23.
O., *alta sedis thronus.* — 24. O., *tibique.* — 25.
Thom., *Deo.*

XLIII. — Ex Thomasii Hymnario.

XLIV. — Ex Thomasii Hymn. Al. II inscribit:
Hymnus ad Tertiam. Vocem *conditor* v. 1 om. Vat.
82.

XLV. — Habet Thomasii Hymnarium ex Brev.
Mozarabum, sed plurimis locis vitiosum.

Sanctus pater familias
Per singulos denarios
Conduxit operarios.

In tua, Christe, vinea
Quam præmio jam cernimus,
Sequimur opus mysticæ
Propter promissum optimum.

Ecce processit hora
In qua sanctus Spiritus
Apostolorum vascula
De verbo fecit ebria.

Infunde sensus! Domine,
Ut te canamus laudibus,
Christe, Redemptor omnium,
Sanctifica nostrum chorum.

XLVI.

*Hymnus ad Tertiam, de Passione
Domini.*

Dei fide, qua vivimus,
Spe perenni, qua credimus,
Per charitatis gratiam
Christo canamus gloriam.

Qui ductus hora tertia
Ad passionis hostiam
Crucis ferens suspendia
Ovem reduxit perditam.

Precemur ergo subditi,
Redemptione liberi,
Ut eruat a sæculo
Quos solvit a chirographo.

Gloria tibi, Trinitas,
Æqualis una Deitas,
Et ante omne sæculum.
Et nunc et in perpetuum.

XLVII.

Hymnus ad Sextam

Jam cursus horæ sextæ
Rotat diei tempora,
Nos admonet per omnia
Laudes referre debitas.

Nunc Petrus orans genibus
Fidem futuram prospicit,
Nunc viva Christus semina
Instat fluentia tradere.

Hoc solis ævo mystice
Tres patriarcha hospitat,
Carnis figuræ nuntios
Sub Trinitatis numine.

20 Perfecta summi calculi,
Et prima constat partibus,
Quæ data sese perficit,
Tenetque mundi fabricam.

25 Hæc nempe, Christe, condita
Manent tua potentia,
Cujus potestas gloriæ
Per cuncta regnat sæcula. Amen. 20

XLVIII.

Hymnus ad cœnam.

30 Meridie orandum est,
Christus deprecandus est,
Ut jubeat nos edere
De suo sancto corpore.

Ut ille sit laudabilis
In universo populo,
Ipse cœlorum Dominus
Qui sedet in altissimis.

Det nobis auxilium
Per angelos mirabiles
Qui semper nos custodiant
In omni vita sæculi.

XLIX.

Hymnus post cibos resumptos.

10 Cibis resumptis congruis,
Cœnæ peractis usibus.
Ad te, Redemptor inclyte,
Laudes venimus promere.

Occurre nobis ocuis,
Tollens cibi gravedinem,
Corpus parandum ad precem,
Confessionis dans fidem.

Ut quidquid ore promimus
Tuis sacris in laudibus,
Nobis coronam conferens,
Soli Deo dans gloriam.

Præsta, Pater piissime, etc.

L.

Hymnus ad Nonam.

5 Convexa solis orbita,
Novem voluta circulis,
Horæ peracto tramite
Ter conficit ternario.

10 Hoc passionis tempore
Complevit auctor omnium,
Nunc ad laborem vineæ
Misit vocatos servulos.

15 Hæc Petrus hora mystice
Claudi resolvit vincula,
Nunc visionem cogitat,
Terno recurso terminat.

Hymni canamus gloriam
Cum voce, puris mentibus,
Deo creanti prospera
Per acta justis sæcula. 15

LI.

Hymnus ad Nonam.

Ternis ter horis numerus
Sacræ fidei panditur,
Nunc Trinitatis nomine
Munus precamur veniæ.

Latronis en confessio
Christi meretur gratiam,
Laus nostra vel devotio
Meretur indulgentiam. 5

10 Mors per crucem nunc interit,
Et post tenebras lux redit:
Horror dehiscat criminum,
Splendor nitescat mentium.

Gloria tibi, Trinitas,
Æqualis una Deitas,
Et ante omne sæculum,
Et nunc et in perpetuum. 15

LII.

Hymnus ad Vesperas.

5 Deus, qui claro lumine
Diem fecisti, Domine,
Tuam rogamus gloriam,
Dum pronus solvitur dies.

10 Jam sol, urgente vespere,
Occasum suum graditur,
Mundum concludens tenebris,
Suum observans limitem. 5

Sed tunc, excelsæ Domine,
Precantes tuos famulos,
Labore fessos diei
Quietos nox suscipiat. 10

Ut non fuscatis mentibus
Dies abscedat sæculi,
Sed tua tecti gratia
Cernamus lucem prosperam. 15

LIII.

Hymnus in Adventu Domini.

(Ex Lib. vet.)

Conditor alme siderum,

XLVI. — Legitur apud Cassandrum Thomasium A more factum esse vides, in plurimis locis aptissime referri posse ad tempus sacrum Nativitati præcedens. Est sane in omnibus libris, quos vidi, positus Hymnus in Adventu ad Vesperas. — 2. Kehr., *æterne*. Addit: « Ich möchte lieber *æterna* lesen. » Ego vero cognoscere velim, unde perversa scriptura fluxerit. Ne apud Fabricium quidem exstat, quem Kehr. in hoc carmine sequitur. — 5-8. Cod. W. I, Cs.:

XLVII. — Ex Thomasii Hymnario. 5. 6. Act. x, 9 seqq.

XLVIII. — Reperitur in uno cod. O.

XLIX. — Thom. Hymn.: Brev. Mozarabum in Officio ante Completorium in Quadragesima.

L. — Thomasius in Hymnario. — 11, 12. Cf. Act. x, 49 sq.

LI. — Ex Thomasii Hymnario.

LII. — Debemus carmen cod. O. — 9. Cod. O., vitiose, *Sed tu, exc. Domine*. Grimmus commendat legere, *Sed fac, exc. Domine*. Si quid video, scriptura codicis unice vera est *tunc*, quod cum voce *tu* sæpissime confundi non est quod prolixo doceamus.

LIII. — Minime spectat, opinor, carmen proprie ad Adventum Domini, sed est Vesperarum (Cf. ad v. 24). Id tamen largimur quod ab Ecclesia antiquo

Qui condolens hominibus,
Mortis subvectis legibus,
Factus homo, restituis
Vitam in tuo sanguine.

8. H., M., *regis*. — 9. Cass., Corn., *urgente*. Ut quibusdam placet, ante oculos erat poetæ locus Zachar. xiv, 7: Et erit dies una, quæ nota est Domino, non dies neque nox et in tempore vesperi erat lux Licht.: « Dicitur venisse Christus cum propinquaret mundi vespera. Nam expletis jam quinque mundi ætatibus, in sexta ejus venit ætate, quæ ad finem usque sæculi porrigetur. » Ipsi Patribus disputatio de mundo senectutis molestiis laborante est usita-

Æterna lux credentium, Christe, redemptor omnium, Exaudi preces supplicum.	Qui, dæmonis ne fraudibus Periret orbis, impetu Amoris actus, languidi	5 Omnes pro indulgentia Vocem demus cum lacrymis.
Qui condolens interitu Mortis perire sæculum, Salvasti mundum languidum Donans reis remedium.	5 Mundi medela factus es. Commune qui mundi nefas Ut expiares, ad cruceem	Secundo ut cum fulserit Mundumque horror cinxerit Non pro reatu puniat, 15 Sed pius nos tunc protegat.
Vergente mundi vespere, Uti sponsus de thalamo, Egressus honestissima Virginis matris clausula.	10 Intacta prodis victima. Cujus potestas gloria Nomenque cum primum sonat,	10 Sed pius nos tunc protegat. <i>Ejusdem hymni alia lectio.</i> (Ex Brev. Rom.)
Cujus forti potentia Geni curvantur omnia, Cœlestia, terrestria	15 Te deprecamur ultima Magnum diei judicem, Armis supernæ gratiæ	15 En clara vox redarguit Obscura quæque personans, Procul fugentur somnia Ab alto Jesus promicat.
Fatentur nutu subdita.	20 Defende nos ab hostibus. Virtus, honor, laus, gloria, etc.	5 Mens jam resurgat torpida, Non amplius jacens humi : Sidus refulget jam novum Ut tollat omne noxium.
[Occasum sol custodiens Luna pallorem retinens, Candor in astris reluens Certos observat limites.	20 LIV. <i>Hymnus de Adventu Domini.</i> (Ex Libr. vet.)	20 En Agnus ad nos mittitur Laxare gratis debitum : Omnes simul cum lacrymis Precemur indulgentiam.
Te deprecamur, Hagie, Venture judex sæculi, Conserva nos in tempore Hostis a telo perfidi.	Vox clara ecce intonat, Obscura quæque increpat : Pellantur eminus somnia Ab æthere Christus promicat.	10 Ut tollat omne noxium. En Agnus ad nos mittitur Laxare gratis debitum : Omnes simul cum lacrymis Precemur indulgentiam.
Laus, honor, virtus, gloria, etc.	Mens jam resurgat torpida Quæ sorde exstat saucia, Sidus refulget jam novum Ut tollat omne noxium.	15 Ut cum secundo fulserit Metuque mundum cinxerit Non pro reatu puniat, Sed nos pius tunc protegat.
<i>Ejusdem hymni alia lectio.</i> (Ex Brev. Rom.)	E sursum Agnus mittitur Laxare omnis debitum ;	5 Virtus, honor, laus, gloria, etc. LV. <i>Hymnus de Adventu Domini.</i> (Ex Libr. vet.)
Creator alme siderum, Æterna lux credentium, Jesu, Redemptor omnium, Intende votis supplicum.		4 Verbum supernum prodiens, A Patre olim exiens,

tissima ; unum audias Ambrosium de Bono mort., A
c. 10 : « Senescens creatura robor juventutis
sua velut jam marcescente virum suarum vigore
deponit. » Eodem sensu Noster mundum *languidum*
appellat. — 10. Ps. xvii, 6. — 11. M., *beatissimæ*. —
12. Gron., *matris Virginis*. Kehr. : « Das hier in
etwas ungewöhlicher Bedeutung stehende Wort
clausula ist mit dem claustrum pudoris emes andern
Hymnus (hymn. 4, 12, tom. præced.) gleichbedeutend
und steht für utero. » Recte si vox in puri sermonis
trutina examinatur, apud inferioris Latinitatis
scriptores clausula idem significat atque cella, area
septo clausa ; cf. Du Cange s. v. Clausura. — 13-16.
Phil. ii, 10 : *Ut in nomine Jesu omne genu
flectatur cœlestium, terrestrium et infernorum*.
Cod. W. I et Cs. ad hunc locum propius accedunt,
legentes *cœlestium, terrestrium necnon et infernalium*.
— 14. Cass. : Al., *curvantes* ; Lud., *flectuntur* ;
in nonnullis, *genua*. W. I. *genua flectuntur
omnium*. — 16. Fr., Aug., Gron., Lips., Pd., *nutu
fatentur*. — 17-20. Rejecit Brev. Rom. versum neque
injuria. Ne illud commemorem, parum cum coherere
cum reliquis carminis partibus in quibusdam
libris etiam abest. Ita explicat verba Loss. : «
Corporum cœlestium certus et perpetuus motus
de duobus admonet Ecclesiam. Primum de omnipotentia
et sapientia Dei, secundo de æterna fœdere quo
Deus per Filium humanum genus sibi copulavit.
Jerem. xxxiii, 20 : *Fœdus meum cum ipsis
inviolabile erit sicut calum est sempiternum*. » —
19. Beh., *veniens*. — 20. Cass., *observavit*. —
21. Miramur Kehr. hæc monentem : « Aggie konnte
man, freilich sprachwiltig, für age fassen, besser
wird man es jedoch für das griechische *αγος* halten. »
22. Aug., *venturi*. — 23, 24. Cass. : In libro
S. Benedicti ita legitur : *Conserua nos in tempore
noctis a telo perfidi*, quorum veriorum sententia
manifesta est. Quanquam reliqui fere omnes exhibent
hostis, ego quoque illam scripturam genuinam
putaverim. W. I. Cs., *quo du simus advenæ*. — 24.
D. 2 vitioso, *a telo proci*.

LIV. — In adventu ad Laudes, fere ubique. Id
velim in hoc carmine ne prætermittas, poetam opti-

me in usum suum convertisse pericopas Scripturæ
sacræ dominicis diebus et festivis in Ecclesia recitatas.
Conferas v. 3-6 cum epistola Dom. Adv. 1, Rom. xiii, 11
sq. : v. 13-16 cum Evangel. Dom. II (vel in Romana
Ecclesia, ut hodie est I), Luc. xxi, 23 sqq. ; initium
denique cum illa pericopa, quæ in Lectionario
vetustissimo tribuitur Domin. IV, Marc. i, 1 sq. —
1. Joannes etiam atque etiam inculcat poenitentiam
et increpat omnia vitia atque peccata. — 3. Bd.
procul. — 4. Cass., Ramb., *ab æthere*. — 3. E.,
Msn., *turbida* ; Pd., *resurget*. — 9. Fabr.,
desursum. Male commiscet poeta in sequentibus
tropos de Christo usurpatos. — 13. Cass. Ramb.,
ut cum secundo. — 14. III, *Mundumque horrore
c.* — 16. III, *pious nos tunc* ; Cass., Ramb.,
Sed nos pius.

LV. — Hymnus supra positus passim reperitur
in Breviariis vetustioribus vel ad Vesperas vel ad
Matutinum. Nunc ubique in nocturno officio recitatur
tempore Adventus : præterea (cum duobus qui
antecedunt) in festivitate Expectationis B. V. Mariæ.
Hil hoc hymno respondendum esse censet hæreticis,
qui dicerent Christum venisse, sed non de Patre. —
2. E., Cass., *prodiens*. — 4. Cf. 50, 9. — 7. Gron.,
Beh., *audito quo præconio* ; Bd., *audito ut præconio*.
— 11. Cass., *reddes vicem*. — 13. Cass., *non des ut* ;
alios legisse refert, *non damnis* ; B1., Hil., Beh.,
arceamur ; Wimpf., *arceamur*. — 16. Clicht. : «
Per cœlibatum perennem futuræ vitæ petitur status
regni que cœlestis perpetua mansio, quoniam in eo
jugis est continentia atque vacatio a carnali consortio.
... sunt etiam qui legunt cœlibes. Et in apertiore
exprimunt hujus loci sententiam. Verum qui legeret
Simus perennem cœlibes, vel cœlibes, multo aptius
diceret. Nam et lenior est prolatio et melior orationis
structura. » Ut ut est, librorum auctoritate ut
unum stat *cœlibes*, neque alio modo explicandum,
quam explicavit Hil. : « cœlestem vitam ducentes. »
Nam ex loco Matth. xxii, 30 : *In resurrectione neque
nubent neque nubentur, sed erunt sicut angeli Dei
in celo*, profici ei potuit illa loquendi ratio, ut
cœlebs pro beatus usurparetur.

Qui natus orbi subvenis
Cursu declivi temporis;
Illumina nunc pectora
Tuoque amore concrema
Audito ut præconio
Sint pulsa tandem lubrica.

Judexque cum post aderis
Rimari facta pectoris,
Reddens vicem pro abditis
Justisque regnum pro bonis.

Non demum arcemur malis
Pro qualitate criminis,
Sed cum beatis compotes
Simus perennes cælibes.

Ejusdem hymni alia lectio.

(Ex Brev. Rom.)

Verbum supernum prodiens,
E Patris æterno sinu,
Qui natus orbi subvenis
Labente cursu temporis ;

Illumina nunc pectora
Tuoque amore concrema
Ut cor caduca deserens
Cæli voluptas impleat :

Ut cum tribunal Judicis
Damnabit igni noxios
Et vox amica debitum,
Vocabit ad cælum pios,

Non esca flammæ nigras
Volvamur inter turbines,
Vultu Dei sed compotes,
Cæli fruamur gaudiis.

LVI.

De Nativitate Domini.

(Ex Libr. vet.)

Christe, Redemptor gentium,
De Patre Patris unice,
Solutus ante principium
Natus ineffabiliter.

Tu lumen, tu splendor Patris,
Tu spes perennis omnium,

LVI. — Hymnus in vetustis non nisi raro obvius A (Fr., Aug. et al.), nunc majori cum observantia in Ecclesia colitur. Canitur enim in utrisque Vesperis Nativitatis, diebus infra Octavam ejusdem festis haud impeditis et festo Circumcisionis. Præterea versus tertius, junctus cum alio aliunde desumpto (*Maria mater gratiæ, Dulcis parens clementiæ, Tu nos ab hoste protege, Et hora mortis suscipe*) ac doxologia inservit Officio parvo Mariæ ad Completorium et omnes horas, quæ dicuntur minores. — 1 Fr., Aug., *omnium*. Exstat hymnus senioris ætatis, *Christe Redemptor omnium*, de omnibus sanctis. — 2 Pd., *ex*. — 5 Cass., Ramb. (qui in hoc carmine Cassandri vestigia premit), alique, *et*. Voculæ *et... ut*, cum alias (cf. doct. Ungerii quondam collegæ Theb. Parad. p. 1, 31), tum in hymnis sæpissime a librariis confunduntur. — 13. Cass. : Al., *hic*. — 15. Clicht. : « Solus advenisse dicitur C. quoniam solus ipse per incarnationem humanam induit naturam. Neque enim Pater incarnatus est neque Spiritus sanctus. » — 19. Aug., *auctoris advenit sui*. — 20. Aug., Pd., *laudat exultans*. — 24. Ps. xcv, 1 ; xcvi, 1. Similiter Gellertius : « Und Erde, die ihn heute sieht, sing ihm, dem Herrn, ein neues Lied. »

LVII. — Reperi carmen in Cod. W. 1, in Thomasi Hymnario (in Vat. 82 inscriptus : Hymnus sanctæ Mariæ), in vetustis Carthusianorum et Cisterciensium Brev., in Solemnitatibus et Octavis B. Virginis Mariæ ad Matutinum vel ad Vesperas, denique

Intende quas fundunt preces
Tui per orbem famuli.

5 Memento, salutis auctor,
Quod nostri quondam corporis 10
Ex illibata Virgine
Nascendo formam sumpseris.

Sic præsens testatur dies
10 Currens per anni circulum
Quod solus a sede Patris
Mundi salus adveneris.

Hunc cælum, terra, hunc mare,
Hunc omne quod in eis est,

15 Auctorem adventus tui
Laudans exsultet canticò.

Nos quoque qui sancto tuo
Redempti sumus sanguine,
Ob diem natalis tui
Hymnum novum concinimus.

Ejusdem hymni alia lectio.

(Ex Brev. Rom.)

5 Jesu, Redemptor omnium,
Quem lucis ante originem
Patrem paternæ gloriæ •
Pater supremus edidit.

Tu lumen et splendor Patris,
10 Tu spes perennis omnium,
Intende quas fundunt preces
Tui per orbem servuli.

Memento, rerum conditor,
Nostri quod olim corporis,
15 Vacrata ab alvo Virginis
Nascendo formam sumpseris.

Testatur hoc præsens dies
Currens per anni circulum
Quod solus e sinu Patris
Mundi salus adveneris,

Hunc astra, tellus, æquora,
Hoc omne quod cælo subest,
Salutis auctorem novæ
Novo salutatur canticò.

5 Et nos beata quos sacri
Rigavit unda sanguinis,

Natalis ob diem tui
Hymni tributum solvimus.
Jesu, tibi sit gloria
Qui natus es de Virgine, etc.

LVII.

De Nativitate Domini.

15 Mysterium Ecclesiæ,
Hymnum Christo referimus,
Quem genuit puerpera,
Verbum Patris in Filio.

Sola in sexu femina, 5
20 Electa es in sæculo,
Et meruisti Dominum
Sancto portare in utero.

Vates antiqui temporis
Prædixerant quod factum est, 10
Quia Virgo conciperet,
Et pareret Emmanuel.

Mysterium hoc magnum est,
Mariæ quod concessum est, 15
Ut Deum per quem omnia,
Ex se videret prodere.

Vere gratia plena es
5 Et gloriosa permanes,
Quia ex te nobis natus est
Christus per quem facta sunt omnia. 20

Pastores qui audierunt,
10 Gloriam Domino cantarunt,
Cucurrerunt in Bethleem
Natum videre Dominum.

Sic magi ab ortu solis 25
Per stellæ indicium
15 Portantes typum gentium
Primi offerunt munera.

Rogemus ergo populi
Dei Matrem et Virginem 30
Ut ipsa nobis impetret
20 Pacem et indulgentiam.

Gloria tibi, Domine,
Qui natus es de Virgine, etc.

apud Ellingerum (in Epiphania), sed prorsus mutatum et aliis in multis dissonum. — 4. W., Ct., Cs., *filium*. — 10. W. 1, *prædixerat*. — 11, 12. Isa. vii, 14, *Ecce virgo concipiet et pariet filium, et vocabitur nomen ejus Emmanuel*. — 13. Vat. 82 *om. est*. — 14. Thom., *Et Mariæ quod concessum*. — 17. Luc. i, 28, *angelus dixit : Ave, gratia plena*. — 19. Al. *om. nobis*. — 22. W. 1, Ct., Cs., *Deo cantaverunt*. — 23. Luc. ii, 16, *et venerunt festinantes*. — 28. Nota res est magos significare gentium multitudinem ad Dominum convertendam. Minus notum, eos ex veterum opinione non suo nomine, sed tanquam legatos delectos a toto sapientium Orientalium choro illud iter confecisse. Unde Juvencus 1, 228 sq. : *Nomen tenuere Magorum, Hinc lecti proceres Solymam per longa viarum Deveniunt*. Gaudentius Ep. Brixianus ad Paulum fratrem : *Stellæ obsequentis fulgor magnum declarat Deum, quem legati universarum gentium magi suppliciter adorantes*, etc. — 28. Sequuntur apud Ellingerum duo versiculi, in quibus nullum carminis nostri vestigium :

Et vagienti basia
Fixere Regi parvulo,
Thus, myrrham et auri bracteas
Larga obtulere munera.
Dei parentem Virginem,
Ecclesiæ typum sacrae,
Laudemus, in cujus tener
Quiescit ulnis Jesulus.

LVIII.

Hymnus Quadragesimalis.

Jam ter quaternis trahitur
 Horis dies ad vesperum,
 Occasu sol prænuntiat
 Noctis redire tempora.
 Nos ergo signo Domini
 Tutemur claustra pectorum,
 Ne serpens ille callidus
 Intraudi tentet aditum.
 Sed armis pudicitiae
 Mens fulta vigil liberae,
 Sobrietate coarctate,
 Hostem repellat improbum.
 Sed nec ciborum erapula
 Tandem distendat corpora,
 Ne vi per somnum animam
 Ludificatam polluat.

LIX.

De Passione Domini.

Hymnum dicamus Domino,
 Laudes Deo cum cantico,
 Qui nos crucis patibulo
 Suo redemit sanguine.
 Die decursa ad vesperum
 Qua Christus morti traditur,
 Ad coenam venit impius
 Qui erat Christi proditor.
 Jesus futura nuntiat
 Cœnantibus discipulis:
 Unus ex discumbentibus
 Ipse me traditurus est.
 Judas mercator pessimus
 Osculo petit Dominum,
 Ille, ut agnus innocens,
 Non negat Judæ osculum.

Denariorum numero
 Christus Judæis traditur
 Innocens et innoxius,
 Quem Judas tradit impius. 20
 Præses Pilatus proclamatur:
 Nullam culpam invenio;
 Ablutis aqua manibus,
 Christum Judæis tradidit. 5
 Fallaces Judæi impii
 Latronem petunt vivere,
 Christum accusant graviter:
 Crucifigatur, reus est. 25
 Tunc Barabbas dimittitur,
 Qui reus mortis fuerat;
 Vita mundi suspenditur,
 Per quam resurgunt mortui. 30
 [Gloria tibi, Domine.
 Gloria Unigenito,
 Una cum sancto Spiritu
 In sempiterna sæcula. Amen.] 35

LX.

Hymnus paschalis.

(Ex. Libr. vet.)

Aurora lucis rutilat,
 Cælum laudibus intonat. 5
 Mundus exsultans jubilat,
 Gemens infernus ululat,
 Cum rex ille fortissimus,
 Mortis confractis viribus,
 Pede conculcans tartara
 Solvit a pœna miseros. 10
 Ille qui clausus lapide
 Custoditur sub milite,
 Triumphans pompa nobili
 Victor surgit de funere. 15
 Salutis jam gemitibus

Et inferni doloribus,
 Quia surrexit Dominus 15
 Resplendens clamat angelus.
 Tristes erant apostoli
 De nece sui Domini,
 Quem pœna mortis crudeli
 Servi damnarant impii. 20
Sermone blando angelus
 Prædixit mulieribus:
 In Galilæa Dominus
 Videndus est quantocius.
 Ille dum pergunt concite 25
 Apostolis hoc dicere,
 Videntes eum vivere
 Osculantur pedes Domini.
 Quo agnito discipuli,
 In Galilæam properare 30
 Pergunt, videre faciem
 Desideratam Domini.
 Claro paschali gaudio
 Sol mundo nitet radio,
 Cum Christum jam apostoli 35
 Visu cernunt corporeo.
 Ostensa sibi vulnera
 In Christi carne fulgida
 Resurrexisse Dominum
 Voce fatentur publica. 40
 Rex, Christe, elementissime,
 Tu corda nostra posside,
 Ut tibi laudes debitas
 Reddamus omni tempore.

Ejusdem hymni alia lectio.

(Ex Brev. Rom.)

10 *Aurora cælum purpurat,*
Æther resultat laudibus.
Mundus triumphans jubilat,
Horrens avernus intremitt.

A Conferas cationem quæ vocatur *Das Judaslied* (Hoffmann Gesch. d. K. S. 140):

O du armer Judas, was hast tu gethan,
 dass du unsern Herrn also verrathen hast?
 des musst tu in der holte
 immer leiden peîn,
 Lucifers geset te
 musst tu ewig sein.

—29. W. I, Cs., et. — 32. W. I, quem. Cæterum vix est quod moneamus, hymnum supra positum fere totum ex ipsis Scripturæ sacræ dictis esse compositum.

LX.—Passim in breviariis vetustis, sed plerumque mutilus. Nonnulli habent strophas quinque (v. 1-20, ut Sb., Beb. Omittit Hv. v. 29-40. Brev. Romanum ex antiquo more v. 1-16 cantandos delevit tempore paschali ad Laudes, reliqua de Communi apostolorum tempore paschali. Pius V divisit hymnum *Teistes erant apostoli* in duas partes, ita ut altera in Laudibus cantari queat cum varietate (Gavanti Thes. S. R. III, p. 555). — 1. Beb., *rutilans*. — 8. O., *catena*. — 12. Ell., Fabr., *resurgit f.*; Hv., *surgit a funere*. — 14. Beb., *ac inferni*. — 16. Beb., Hv., *splendens clamabat*; O., *splendens clamat*. Fortasse secundum Scripturam Matth. xxviii, 5, *Respondens autem angelus dixit...*, legendum est *respondens*. — 20. O., Hv., *servi*. — 21. Similiter in pervetusto cantico vernaculi sermonis:

Mit senften sæezen worten
 der engel zoo zin sprach:
 lât iuwer vrecht under wegen
 ir lieben frouwen zart,
 Jesus der kuene degen
 der ist erstandem wart.

—22. O., *prædicat*. Matth. xxviii, 7, *Ecce prædixi vobis*. — 25. Cass., Thom., Sb., Beb., Fabr.,

LVIII.—Wimpf., Sb.: *Dominica tertia et quarta A* in Quadragesima. Thom.: Ponitur in Hymnario vetusto monastico; *Sabbato in Quadrag. ad Vesperas*. Non male Torr. « Ille hymnus canitur circa æquinoctium vernum quando dies est æqualis nocti, s. duodecim horarum. » Sane rarissimus est in Breviariis.—1. O., sic.—2. Gron., *dies horis*. — 3. O., Wimpf., *prænuntians*; Torr. *pronuntians*; Clicht., Sb., *pronuntiat*. — 4. Cass., Thom., Clicht., *venire*; O., *noctem redire temporum*. — 6. Cass., Gron., *tutemur*; Sb., *tutamur*; O., *tundimus casta* (Torr. Wimpf., *pectora*). — 7. Gen. III, 1. *Serpens erat callidior cunctis animantibus terræ*. — 8. O., *attendet*, *attemplet*; Sb., *aditus*. — 10. O., *liberis*; Sb., Torr., Wimpf., *libere*. — 14. Cass., Thom., *distendet*. — 15. Sb., Cass. *Nec vi pers. animas ludificatos*; O., *glorificatam*. Hil.: « Venter mero æstuans de facili spumescit in libidinem, et gravitas somni que post erapulam venit facit ut incautiores simus et imbecilliores ad resistendum insidiis diaboli. » Addit B Sb. versum quintum: *Præsta, beata Trinitas*, etc., depromptum ex hymno *Audi, benigne Conditor*.

LIX.—Habent cod. W. I et Brev. Cs. (A Dominica Passionis usque ad Pascha præter dominicam in Ramis.) Thomasi Hymnarium ex cod. Vat. 82, ex reliquis unus Ellingerus, qui carmen, ut solet, ad carminis leges revocavit itaque funditus mutavit. — 5. W. I, Cs., *decurso*. — 6. W. I, Cs., *quo*. — 13 sq. Multi sunt poetæ Christiani in enarrando et detestando Judæ facinore horrendo, quo ut *mercator pessimus* Dominum suum manibus impiorum tradiderit Neque deest iræ et odio ex tanta pravitate suscepta lamentatio, nec desideratur lenior animi affectus. Sic in vetustis hymnis germanicis et execrantur et miserantur poetæ proditorem.

Rex ille dum fortissimus
De mortis inferno specu
Patrum senatum liberum
Educit ad vitæ jubar.
Cujus sepulcrum plurimo
Custode signabat lapis,
Victor triumphat et suo
Mortem sepulcro funerat.
Sat funeri, sat lacrymæ,
Sat est datum doloribus:
Surrexit exstinctor necis,
Clamat coruscans angelus.
Tristes erant apostoli
De Christi acerbo funere,
Quem morte crudelissima
Servi necarant impij.
Sermone verax angelus
Mulieribus prædixerat:
Mox ore Christus gaudium
Gregi feret fidelium.
Ad anxios apostolos
Currunt statim dum nuntiæ,
Illæ micantis obvia
Christi tenent vestigia.
Galilææ ad alta montium
Se conferunt apostoli,
Jesuque voti compotes
Almo beantur lumine.
Paschale mundo gaudium
Sol nuntiat formosior,
Cum luce fulgentem nova
Jesum vident apostoli.
In carne Christi vulnera
Micare tanquam sidera
Mirantur et quidquid vident,
Testes fideles prædicant.
Rex Christe, clementissime,

5 Tu corda nostra posside,
Ut lingua grates debitas
Vitæ renatos libera.
LXI.
Hymnus (paschalis) matutinus.
10 (Ex Libr. vet.)
O rex æternæ, Domine,
Rerum creator omnium,
Qui eras ante sæcula
Semper cum Patre Filius.
15 Qui mundi in primordio
Adam plasmasti hominem,
Cui tuæ imagini
Vultum dedisti similem.
20 Quem diabolus deceperat
Hostis humani generis,
Cujus tu formam corporis
Assumere dignatus es.
Ut hominem redimeres
Quem ante jam plasmaveras,
25 Et nos Deo conjungeres
Per carnis contubernium.
Quem editum ex Virgine
Pavescit omnis anima,
Per quem et nos resurgere
30 Devota mente credimus.
Qui nobis per baptismata
Donasti indulgentiam,
Qui tenehamur vinculis
Ligati conscientiæ.
35 Qui crucem propter hominem
Suscipere dignatus es,
Dedisti tuum sanguinem
Nostræ salutis pretium.
Nam velum templi scissum est
40 Et omnis terra tremuit:
Tunc multos dormientium

Resuscitasti, Domine.
Tu hostis antiqui vires
Per crucem iniqui conteris,
Qua nos signati frontibus
35 Vexillum fidei ferimus.
Tu illum a nobis semper
Repellere dignaveris,
Ne unquam possit lædere
Redemptos tuo sanguine.
40 Qui propter nos ad inferos
Descendere dignatus es,
Ut mortis debitoribus
Vitæ donares munera.
45 Tibi nocturno tempore
Hymnum deslentes canimus,
10 Ignosce nobis, Domine,
Ignosce confitentibus.
Quia tu ipse testis et iudex,
Quem nemo potest fallere,
50 Secreta conscientiæ
Nostræ videns vestigia.
Tu nostrorum pectorum
Solus investigator es,
Tu vulnerum latentium
55 Bonus assistens medicus.
20 Tu es qui certo tempore
Daturus finem sæculi,
Tu cunctorum meritis
Justus remunerator es.
60 Te ergo, sancte, quæsumus
Ut nostra cures vulnera,
Qui es cum Patre Filius
Semper cum sancto Spiritu.

Ejusdem hymni alia lectio.

(Ex Brev. Rom.)

Rex sempiternæ cœlitum,

conciatæ. — 28. O., *osculant.* — 30. O., *Galilæa.* A paschales carmini annexas. Brev. Romanum ut hodie est, electis, strophe prima, secunda, tertia, sexta, septima, octava, composuit carmen paschale, recitandum Dominica in Albis ad Matutinum et toto tempore paschali usque ad Ascensionem. — 1. Fabr., *o rex*, reliqui om. interjectionem. Si insolitæ erga Fabricium observantiæ requiris causam, metrum carminis tibi in mentem veniat. Neque id opponas, me metricas leges apud poetas Christianos alias sæpissime neglectas conquestum esse. Probatur enim Bedæ testimonio, hunc hymnum « instar iambici metri pulcherrime factum esse. » Accedit altera causa, quod librarii ad scribendi licentiam adeo liberi fuerunt, ut commatum initiis interdum vel litteras otiose appingerent vel etiam demerent. Stat a nostra sententia Santen ad Terent., p. 186: « Malim cum Hieronymo van Alphen interjectionem addere *o rex*, accentu rectius servato acatalectos constituens. » Quod in superioribus notavit dictos constituens. » Quod in superioribus notavit dictos constituens. »

LXI.—Cass.: « Hic hymnus in vulgaribus nunc hymnorum libellis non reperitur, neque illius in mentem mihi venisset, nisi a Beda libro primo de re metrica admonito. Ad eum autem quærendum incitatus sum verbis ejusdem Bedæ, qui cum mirifice commendat. Nam titulo de Rhythmo: *Plerumque, inquit, casu quodam invenies etiam rationem in rhythmo, non artificis molo ratione servata, sed sono et ipsa modulatione ducente. Quomodo instar iambici metri pulcherrime factus est hymnus ille præclarus: Rex æternæ, Domine.* Hac itaque commendatione inductus in obsoleto quodam libro annos ante 56 impresso (ut vero simillimum est in Hymnario Coloniensi) repertum inserendum hoc loco duxi. » Sed ex his recte colligitur solum Germaniæ atque Angliæ libros Cassandro ad manus fuisse, cum in Italicorum libris hymnus haud raro reperitur. Vezzosi apud Thomasiuum eundem hymnum esse suspicatur, qui ab Aureliano episcopo in regula sua citatur. Si rationem habueris versuum quos 1 Grimmius primus ex cod. O. protulit, poetam festum Paschalis celebrasse vix ac ne vix quidem putabis. Spectant omnia ad Matutinum, neque ab hoc officio aliena redemptoris per Jesum Christum peractæ accuratior enarratio. Tamen hoc damus, jam apud veteres octo strophas carminis primas paschalem effecisse hymnum: de qua re, ne dicam de inscriptionibus, nihil admodum superest dubitationis propter doxologias

metros catalecticos effici, legendo *omnium, sæcula, filius* duabus syllabis, in nostro carmine minime valet, procul dubio acatalectico. — 3. O., *qui es ante sæc.*; Cass. Hil., *es et.* — 15. O. om., *et.* — 21. Fabr., *quique nobis*; Thom., *per baptismata*; reliqui, *per baptismum.* — 39-64. Solus cod. O. continet. — 29-32. Matth. xxvii, 51-53, *Et velum templi scissum est... et terra mota est... et multa corpora sanctorum qui dormierant resurrexerunt.* — 45 sqq. Fortasse hic incipit hymnus proprius ad Nocturnum. — 49. Grimmius vult legi: *quia tu ipse iudex es*, quanquam interpres theoticus hæc habet *thanta du selbo urchundo inti suanari pist*: voluit V. D. metro medelam asserre. Quæ tamen verbis poetæ integris minime opus est. Nam *quia* sæpissime apud poetas serioris ætatis est monosyllabum. Cf. Barth. ad Coripp. de Laud. Just. ii, 409. — 53. Interpres: *thu inserero*

Hic primus almo sanguine
Christi secutus gloriam,
Viam salutis cæteris
Amore mortis præbuit.
Hic enim per apostolos
Probatas in laude Dei,
Vexilla mortis rapuit
Ut præferretur omnibus.
O præferenda gloria,
O beata victoria,
Hoc meruisse Stephanum
Ut sequeretur Dominum !
Ille, levatis oculis,
Vidit Patrem cum Filio,
Monstrans in cœlis vivere
Quem plebs quærebat perdere.
Judæi magis sæviunt
Saxaque prensant manibus,
Currebant ut occiderent
Verendum Christi militem.
At ille Christo protinus
Tradit beatum Spiritum,
Pro persequentium crimine
Precem secundam dirigit :

(Liber S. Benedicti.)

Stephani corona martyris,
Quod nomen ejus indicat,
Christi decoram gloriam

5 Gratis canamus laudibus.
Stephano primo martyri
Cantemus canticum novum,
Quod dulce sit psallentibus,
Opem ferat credentibus.
10 Hic primus almo sanguine
Christi secutus gloriam
Viam salutis æternam
Contemptu mortis præbuit.
15 Hic cum supremis vocibus
Verbum salutis ederet,
Judæa claram cæcitas
Viam veritatis repulit.
20 Sed ille cœlum intuens,
Vidit paratam gloriam,
Nostrisque præstans sæculis,
Sublimem usum prodidit.
25 Invadit ergo perfida
Plebes docentem martyrem,
Et nuper agni sanguine
Manus cruentas exserit [fort. eri-
git.]
30 At ille Christo protinus
Tradens beatum spiritum
Pro persequentium crimine
Precem secundam dirigit :
35 Deus, creator omnium,
Dimitte cæcis hoc malum
Et hoc nefas, quod aspicias
Indulge meis precibus.
Præsta, Pater, per Filium,
Præsta per alium Spiritum,
Cum his per ævum triplici
Unus Deus cognomine.

LXIV.
De S. Joanne apostolo.
5 Amore Christi nobilis
Et Filius tonitruï,
Arcana Joannes Dei
Fatu revelavit sacro.
10 Captis solebat piscibus
Patris senectam pascere,
Turbante dum natat salo
Immobili fide stetit.
15 Ilamum profundo merserat,
Piscatus est verbum Dei,
Jactavit undis retia,
Vitam levavit omnium.
20 Piscis bonus pia est fides,
Mundi supernatans salum.
Subnixa Christi pectore
Sancto locuta Spiritu.
• In principio erat verbum
• Et Verbum erat apud Deum,
• Et Deus erat Verbum,
• Hoc erat in principio apud
[Deum 20
• Omnia per ipsum facta sunt ; •
25 Sed ipse laude resonet
Et laureatus spiritu
Scriptis coronetur suis.
Commune multis passio,
Cruorque delictum lavans :
30 Hoc morte præstat martyrum
Quod fecit esse martyres.
Vinctus tamen ab impiis
Calente olivo dicitur
35 Tersisse mundi pulverem,
Stesisse victor æmuli.
Gloria tibi, Domine, etc.

pinio duas de S. Stephano cantilenas a librariis A
confusas esse atque permistas : nam alias quoque
hæc est hymnographorum consuetudo, ut senten-
tiarum verborumque similitudine pelliecti, diversa
pætarum carmina commisceant. Primum hymnum
ita constituere velim : 1, *Stephano primo martyri* ;
2, *Psallamus hoc discipuli* ; 3, *Hic enim per apo-*
stolos ; 4, *O præferenda gloria* ; 5, *Ipsè martyr egre-*
gius ; 6, *Illic levatis oculis* ; 7, *Judæi magis sævi-*
unt ; 8, *Iste paratus vertice*. Hymnus secundus : 1,
Stephani corona martyris ; 2, *Hic primus almo*
sanguine ; 3, *Hic cum supremis vocibus* ; 4, *Sed ille*
cœlum intuens ; 5, *Invadit ergo perfida* ; 6, *At ille*
Christo protinus ; 7, *Deus creator omnium* ; 8, *Præ-*
sta, Pater, per Filium. Nos recte vidisse testis est
Cs, primum carmen exhibens et Ellingerus, qui li-
bro secundo hymnum, quem primum posui, muta-
tis tamen, ut solet, verbis exprimit : 1, *Te, protomar-*
tyr, unice canam ; 2, *Psallamus hoc frater die* ; 3,
Apostolis hanc gloriam ; 4, *O præferenda gloria* ; 5, B
Tu martyr inclytus pio ; 6, *Levans ocellos cum pa-*
tre ; 7, *Tum sævit ardens concio* ; 8, *Paratus ille*
verticem. — HYMNUS PRIMUS. 3. Cass., *Beb., quam*
dulcis est. — 9, 10, Act. vi, 6, *Hos stauerunt ante*
conspectum apostolorum et orantes imposuerunt eis
manus. — 11. S. Stephanus est martyrur antesi-
gnanus, qui candidato martyrum exercitui vexilla
præfert. Similiter in hymno *Sancte Dei pretiose* : *Tu*
caelestis primitivus signifer militiæ. 16. Sequeba-
tur tanquam primus martyr. — 20. Act. vi, 15 : *Et*
intuentes eum omnes viderunt faciem ejus tanquam
faciem angeli. — 21-24. Act. vii, 55. — 24. Cass.,
gaudebat. — 26. *Beb., pressant*. — 27. Cass., *con-*
jurant. — HYMNUS SECUNDUS. 8. Cass., *amore mor-*
tis ; Lib. S. Benedicti in quo Cassander carmen
indagavit, *contemptum*. — 13. Cass., *at ille cœlum*
intuens. — 22. Cass., *tradit*. — 23. Clicht., propter
metrum, *persequentum*. — 24. Cass., *preces sec.* —
30. Cass., *indulge*.
LXIV. — Exstat carmen apud Thomasium, Cas-
sandrur, Ellingerur lib. iii (in quo fere nihil in
hymnis mutavit) et in Brev. Cs. — Marc. iii, 17,
Boanerges, quod est filii tonitruï. — 12. Thom.,
hominum, sed Vat. 82, omnium. — 14. Cass., Ell.,
salo. — 16. V. 82, *locata*. — 17-22. Ne offensionem
tibi sit versus male tornatus, agnosce ipsissima
verba Scripturæ sacræ Joan. i, 1-3. Sæpissime
Ambrosianis sancti Spiritus eloquia, immutata at-
que integra inseruntur. — 28. Evangelio suo et
apostolica doctrina. — 29-32. Brev. Romanur in
Officio S. Joannis ante portam Latinam mira bre-
vitate hæc refert : « Refert Tertullianus, quod Ro-
mæ missus in ferventis olei dolium purior et vege-
tior exiverit quam intraverit. » Ne tamen paulo ob-
scurior remaneat locus ex aliorum testimonio, S.
Joannis æmulum intellige Cratonem philosophum.
Ita enim Fr. : « C. philosophus in foro proposuerat
de contemptu hujus mundi spectaculum, ut duos ju-
venes fratres ditissimos, quos fecerat distracto patri-
monio gemmas emere singulas, quas in conspectu
omnium frangerent populo. Quod cum facerent pue-
ri, contigit ut inde transitum haberet S. apostolus.
Et convocans ad se C. ait : Stultus est iste mundi
contemptus, qui hominum ore laudatur et divino ju-
dicio condemnatur. Cum aliquantulum litigassent,
Crato : Fac, inquit, gemmas redintegrari, ut quod
ego feci ad famam hominum, tu faciās ad gloriam
ejus fieri, quem tuum magistrum esse commemoras.
Tunc B. Joannes, colligens fragmenta gemmarum
et ponens in manu sua, elevavit oculos ad cæ-
lum et dixit... Sequitur oratio, a Deo exaudita,
Coaluerunt enim gemmarum fragmenta.

LXV.

De S. Agnete.

Agnis beatæ virginis
 Natalis est, quo spiritum
 Cælo refudit debitum
 Pio sacrata sanguine.
 Matura martyrio fuit,
 Matura nondum nuptiis,
 Nutabat in viris fides,
 Cedebat et fessus senex.
 Metu parentes territi,
 Clastrum pudoris auxerant,
 Solvit fores custodiæ
 Fides teneri nescia.
 Prodere quis nuptum putet
 Sic læta vultu ducitur,
 Novas vero ferens opes
 Dotata censu sanguinis.
 Aras nefandi numinis
 Adolere lædis cogitur:
 Respondet: Haud tales faces
 Sumpsere Christi virgines.
 Hic ignis exstinguit fidem,
 Hæc flamma lumen eripit,
 Illic, hic ferite, ut profluo
 Cruore restinguam faces.
 Percussam quam pompam tulit,
 Nam veste se totam tegit,
 Curam pudoris præstitit
 Ne quis resectam cerneret.
 In morte vivebat pudor:
 Vultumque texerat manū,
 Terram genu flexo petit
 Lapsu verecundo cadens.
 Gloria tibi, Domine, etc.

LXVI.

De S. Agatha.

Agathæ sacræ virginis
 Diem festum colimus,
 In quo, devicto tyranno,
 Palmam subit martyrii.

LXV. — Antiquo cultu splendet in Ecclesia S. A. ad carminis leges exegisse scimus. Cæterum vides fere omnibus versibus lucem allatam esse adnotationibus hymno II aspersis. — 22. Vat. 82, *mammam*. — 31. Id., *prædicans*. — 29-32. Fr.: « Posuerunt Christiani corpus in sepulcro novo. Cumque collocaretur, venit quidam juvenis sericis vestibus indutus, quem sequebantur amplius quam centum pueri albat et pulehri. Et introivit ad locum ubi condiebatur, et posuit ibi tabulam brevem marmoream, ubi scriptum est: *Mentem sanctam spontaneam, honorem Deo et patriæ libationem*. Et tam diu ibi stetit juvenis donec sepulcrum ejus cum diligentia clauderetur. Et abscedens ulterius non visus est in tota provincia Siculorum, unde non est dubium quin angelus Dei fuerit. »
 LXVI. — Br. Cs., Thomasius, e cod. Vat. 82, et Ellingerus libro secundo, in quo omnes hymnos

Quintianus tyrannus,
 Consularis Siciliæ,
 Audiens famam virginis
 Fremere cepit invidus.

Vitiorum affectibus
 Mentem vexabat invidam,
 Ut Deo dicatam virginem
 Rabido ore perimeret.
 Statim adsunt miseri
 Ejus qui vellent pandere
 Religionem sanctissimam,
 Quam tenet ab infantia.
 Sisti jubet martyrem
 Suis tribunalibus
 Et eam sic alloquitur,
 Ut dis eervicem flecteret.
 Sed dum nil valet insania
 In mamma torquet virginem,
 Et testas acutissimas
 Igni succensas adhibet.
 Cujus medendis artibus
 Sanctus adest apostolus,
 Qui verbo curat vulnera
 Quæ tyrannus inflixerat.
 Dehinc ad sepulcrum veniens
 Juvenis splendidissimus,
 Mentem sanctam prædicat
 Patriæ salutem plurimam.

LXVII.

Hymnus Quadragesimalis.

(Ex Libr. vet.)

Ex more docti mystico
 Servemus hoc jejunium,
 Deo dierum circulo
 Ducto quater notissimo.
 Lex et propheta primitus
 Hoc protulerunt, postmodum
 Christus sacravit, omnium
 Rex atque factor temporum.
 Utamur ergo parcius
 Verbis, cibis et potibus,
 Somno, jocis, et aretius

5 Perstemus in custodia.
 Vitemus autem pessima,
 Quæ subruunt mentes vagas;
 Nullumque demus callido
 Hosti locum tyrannidis. 15
 10 Dicamus omnes cernui,
 Clamemus atque singuli,
 Ploremus ante judicem,
 Flectamus iram vindicem. 20
 15 Nostris malis offendimus
 Tuam, Deus, clementiam,
 Effunde nobis desuper
 Remissor indulgentiam. 25
 20 Memento quod sumus tui
 Licet caduci plasmatis,
 Ne des honorem nominis
 Tui, precamur, alteri.
 Laxa malum quod gessimus,
 Auge bonum quod poscimus, 30
 Placere quo tandem tibi
 Possimus hic et perpetim. 25

Ejusdem hymni alia lectio.

(Ex Brev. Rom.)

30 Ex more docti mystico
 Servemus hoc jejunium,
 Deo dierum circulo
 Ducto quater notissimo.
 Lex et propheta primitus 5
 Hoc protulerunt, postmodum
 Christus sacravit, omnium
 Rex atque factor temporum.
 Utamur ergo parcius
 Verbis, cibis, et potibus, 10
 Somno, jocis, et aretius
 Perstemus in custodia.
 5 Vitemus autem noxia,
 Quæ subruant mentes vagas;
 Nullumque demus callidi 15
 Hostis locum tyrannidi.
 Flectamus iram vindicem
 10 Ploremus ante judicem
 Clamemus ore supplicii,

ad carminis leges exegisse scimus. Cæterum vides fere omnibus versibus lucem allatam esse adnotationibus hymno II aspersis. — 22. Vat. 82, *mammam*. — 31. Id., *prædicans*. — 29-32. Fr.: « Posuerunt Christiani corpus in sepulcro novo. Cumque collocaretur, venit quidam juvenis sericis vestibus indutus, quem sequebantur amplius quam centum pueri albat et pulehri. Et introivit ad locum ubi condiebatur, et posuit ibi tabulam brevem marmoream, ubi scriptum est: *Mentem sanctam spontaneam, honorem Deo et patriæ libationem*. Et tam diu ibi stetit juvenis donec sepulcrum ejus cum diligentia clauderetur. Et abscedens ulterius non visus est in tota provincia Siculorum, unde non est dubium quin angelus Dei fuerit. »

LXVII. — Plurimæ Ecclesiæ canebant hunc hymnum tempore Quadragesimali (usque ad dominicam Passionis) ad Nocturnum, idque sit etiam hodie in Romana Ecclesia. In quibusdam diocesisibus (ut in Halberstadensi, Magdeburgensi, al.) duabus tantum septimanis in Quadragesima in psallentium ore versabatur. — 3, 4. Periphrasis quadragesimalis jejunii Ecclesiæ. — 4. H. Hil., *novissimo*. — 6. Fabr., *perstulerunt*; Hil., Aug., *protulerunt*. — 5-8. Corn.: « Laudat hoc jejunium ab auctorum præstantia: facit Mosem, Eham prophetam et Christum ejus auctores; tot enim ipsi dies jejunaverunt. Exod. xxiv, 18; III Reg. xix, 8; Matth. iv, 2. » — 11. Lud. in margine, *et aretius*. — 12. II, *præstemus*. — 14. Hil., Wimpf., *queque*. — 16.

Dicamus omnes cernui :
 Nostris malis offendimus
 Tuam, Deus, clementiam.
 Effunde nobis desuper
 Remissor indulgentiam.
 Memento quod sumus tui
 Licet caduci plasmatis,
 Ne des honorem nominis
 Tui, precamur, alteri.
 Laxa malum quod fecimus,
 Auge bonum quod poscimus.
 Placere quo tandem tibi
 Possimus hic et perpetim.
 [Præsta, beata Trinitas,
 Concede, simplex Unitas,
 Ut fructuosa sint tuis
 Jejuniorum munera.]

LXVIII.

In Natali S. Ambrosii.

Miraculum laudabile
 Canite, omnes populi,
 Quod datum est Ecclesie
 Fluctuanti in sæculo.
 Ambrosium vatem magnum,
 Prædestinatum a Deo,
 Tempore quo diabolus
 Fœdaverat templa Dei.
 Christus qui nunquam deserit
 Quos suo redemit sanguine,
 Direxit virum inclytum
 Ut Arium destrueret.
 Infulas dum gerit sæculi
 Acquisivit paradisi
 Jus, dum portat gladii,

Thom., Aug. et Brev. Minorum præter, *callidi hostis... tyrannidi.* — 20. Lips., *flectemus.* — 21. Wimpf. *Deus tuam.* — 25. Ps. cxiii, 1. — 29. Thom., Aug., omnia Brev. Minor., *quod fecimus.* — 32. Lips., *possumus*; Gron., *nunc et perpetim.* — 33-36. In permultis libris desiderantur.

LXVIII. — Reperit Thomasius carmen in cod. Vat. 82, Muratorius (Anecd. tom. I, p. 170) codici S. Paulini ascriptum. — 25. Vat. 82 om. *tunc.* — 34. Id., *baptismo.* — 35. Id. om. *statim.* — 37. Id. om. *is.*

Ut Græcos omittam, qui sanctum Georgium proprio *μεγαλομάρτυρος* nomine insignitum præ cæteris colunt, vel ex celebratissimo illo Germanicæ gentis cantico : *Georgio fuer ze male mit michilelmo herige*, etc. (Hoffman Fundgruben u. s. w. I, p. 10), satis apparet, etiam Occidentalem Europam S. Georgium ab initio summo honore tam dignum censuisse, quam quem censuerit dignissimum. Atque hymnum illum (qui apud unum Thomasium invenitur) Latinorum fortasse antiquissimum esse de S. Georgio, non dubitamus profiteri, cum aliis de causis tum quia hymnus magna et quæ ab noto illo cum dracone certamine prorsus abhorreat simplicitate S. Georgii vitam explicat. Omninoque aut incuriæ aut iniquitatis crimen subibit si quis mirabilem illam cautionem, qua Italorum sæculi xv breviorum plurima in enarrandis S. Georgii factis et fatis utuntur vel prætermiserit vel ea certe qua par est laude non ornaverit. Ita enim pene in omnibus scriptum legimus : « In Perside civitate Diospoli passio S. Georgii M., cujus gesta passionis etsi inter apocryphas connumerentur scripturas, tamen illustris-

* Juvat omnino moderationem et (pene dixerim) sobrietatem Breviarii Romani propriam agnoscere atque approbare : quæ cum in eligendis rebus conspicua sit tum in eo cernitur, quod octavas, quæ in Breviariis diocesanis ad tædium usque locum habebant, rarissime adhibet.

20 Suscepit Evangelii.

Mysterium incognitum,
 Altissimum quod noverat,
 Nondum ablutus lavacro
 Pontifex eligitur.

25 Ingressus est ecclesiam
 Plebem sedare turbidam,
 Cunctorum ora conclamant
 Ambrosium episcopum.

30 Arii tunc perfidia
 Purgatur de Ecclesia,
 Cuncta concrepant agmina,
 Nec desunt Christi munera.

35 Nox tetra cedat lumini,
 Confundantur hæretici,
 Adest piissimus,
 Qui purget mentes infidas.

Virtus ex alto data est
 Ambrosio in baptisate,
 Nam statim ut renatus est
 Cœpit fugare dæmones.

Suscepit is Ecclesiam,
 Gubernavit intrepidus,
 Confessor esse meruit,
 Dum Arianis non cedit.

5 Gloria tibi, Domine, etc.

LXIX.

In Natali S. Gregorii martyris.

10 Gesta sanctorum martyrum
 Meminisse jucundum est,
 Et in eorum laudibus
 Deo canere gloriam.

Georgius Christi miles

15 Ortus est Cappadociæ,

Qui vana mundi respuens
 Mercatus est cœlestia.

Pecuniam quam tulerat
 Propter honorem fragilem, 10

20 Fide repletus Domini
 Stipem dedit pauperibus.

Tum compulsus a principe
 Saxis vota persolvere,
 Quos ille per fidem Christi 15

25 In profundum inersit abyssi.
 Ira accensus tyrannus
 Pœnas invexit martyri,
 Flagella sæva, carceres,
 Seras sive sartagines. 20

30 Quos ille non tremuit,
 Confortatus a Domino,
 Sed et magis in populo
 Fructus divinos intulit.

Reginam Alexandriam 25
 35 Vocavit ad martyrium,
 Contempsit mundi thesauros,
 Dei coronam meruit.

Bis denis annis et uno
 Triumphat mundi principem : 30

40 Cervice cæsa gladio
 Migravit ad cœlestia.

LXX.

De S. Joanne Baptista.

Almi prophetæ progenies pia
 Clarus parente et nobilior patre,
 Quem matris alvus, claudere ne-
 [scia,
 Ortus herilis prodidit indicem.

5 Cum virginalis regia gloriam 5
 Summi Tonantis nomine pignoris

A simum ejus martyrium inter coronas martyrum Ecclesia Dei venerabiliter honorat. » Quid quod Breviarium quo hodie utuntur Romanum, cum Germana et Anglica vetusta in referendis S. Georgii miraculis veritatis fines mirum in modum egrediantur, his de rebus ne tantillum quidem exhibeat ? — 9-12. Msb. : « Georgius, factus tribunus, militiam suam bene regebat. Videns autem quod Christum nemo nominabat, dedit omnem substantiam suam pauperibus et ad martyrium se præparabat. » — 13. Nomen ejus in legenda Dacianus. — 15, 16. Pelbartus in serm. de S. Georgio I : « Flexis genibus Christum oravit G., statimque ignis de cœlo descendit et templum cum aliis et sacerdotibus concremavit. Terraque se aperiens omnes eorum reliquias deglutivit. » — 20. Pelb. I. I : « Jussit eum poni in sartagine plumbo liquefacto, qui, signo crucis edito, virtute Dei cepit in ea quasi in balneo refoveri. » — 19. Fortunatus (Fabr. p. 713) de S. Georgio : « Carcere, cæde, fame, victis, site, frigore, flammis Confessus Christum duxit ad astra caput. » — 25. A. uxor Daciani credidit in Chr. et martyrio coronata est. — 29. Thom., *ternis*, quod cum minime conveniat S. Georgio, mendose scriptum est a librario.

B LXX. — Carmen de S. Joanne elegantissimum exhibet Brev. Cs. ; ex cod. Vat. 82 descripsit Thomasius. — 2. Parens Aaron, pater Zacharias. — 3. Claudere sc. fetum. — 5. Cs., *regiam.* — 15. Vat. 82, *prophetici.* — 18. De angelis intellexit poeta locum Matth. xi, 11 : *Qui autem minor est in regno cœlorum, major est illo.* — 23, 24. Matth. xiv, 4, *Non licet tibi habere eam.*

Ne desit exemplum, in Calendario Misnensis Ecclesie præter Octavas Brev. Romani enumerantur hæc : Dorothea, Joannes ad Port. Latinam, Visitatio Annæ, Donatus, Wenceslaus, Hieronymus, Hedwigis, Martinus, Catharina, Andreas, Barbara.

Gestaret, aula nobilis intimo
 Claustro pudoris fertilis integro,
 Vox suscitavit missa puerperae
 Fovitque vatis gaudia parvuli. 10
 Matres prophetant munere pigno-
 rum,
 Mutus locutus nomine filii est.
 Scribendus hic est vocis ut augeat
 Nostrae canores, duraque vincula
 Dissolvat oris, larga prophetica 15
 Verborum habentis littera nominis.
 Vox namque Verbi, vox sapientiae
 [est,
 Major prophetis et minor angelis.
 Qui preparavit corda fidelium
 Stravitque rectas justitiae vias. 20
 Assertor aequi non ope regia
 Nec morte dura linquere tramitem
 Veri coactus: Non licet, ait, tibi
 Uxorem habere fratris adulteram.
 Hinc ira regis saevaque funera 25
 Saltationis munere vendita,
 Mensas tyranni et virginis ebrins
 Luxus replevit sanguine sobrio.
 Haec vitrius dat dona vesanior
 Quam si veneni pocula trade-
 [ret. 30
 Negare praestat quam dare vitri-
 [cum,
 Odisse praestat, plus nocet horum
 [amor.
 Sit Trinitati maxima gloria,
 Laus et potestas et sapientia,
 Sit fortitudo ac magnificentia 35
 Uni Deo per saecula perennia.

LXXI.

De SS. Petro et Paulo apostolis.
 Apostolorum passio

LXXI. — Brev. Cs., Thomasius in Hymnario, Be- A
 belius, Cassander, Ellingerus, lib. III. — 2. Cs.,
 Beb., saeculi. — 3. Thom., nostrum. — 5. Thom.,
 Cs., aquiles. — 7. Cass., secuti; Beb., Cs., pre-
 sules. — 11. Locus Act. IX, 15, *Vas electionis est*
michi iste, ut portet nomen meum coram gentibus,
effecit, ut a poetis atque in ecclesiasticis officiis Pau-
lus solemniter quodam ritu appellaretur vas electio-
nis. — 12. Be., fidei., Ell., illius ad. — 16. sq.
 Joan. XXI, 18: *Cum autem senueris, extends manus*
tuas, et alius te cinget et ducet quo tu non vis. — 19.
 Cass., ibat. — 20. Cass., in margine: Fort. subivit.
 — 21. Cass., *Roma celsum vertice*; Beb., *Sic Ro-*
ma. — 24. Cass., *et vate tanti nominis*; Beb.,
vate tanto nobili. — 25. Cass., *tanta per orbis amb.,*
 in marg.: *Legendum puto urbis.* — 26. Cass.,
 mendose, *pendent.* — 27. Cass.: *Legendum puto*
binis, ut alludat ad illud Prudentii: Aspice per hi-
fidas plebs Romula stultitur plateas lux in duobus
ferret, una festis. — 28. Cass., *celebrantur festa*; B
 Ell., *inclitorum.* — 29. Vat. 82, *mundo.*

LXXII. — Thomasius in Hymnario. — 6. Quia
 cruci affixus est. — 13, 14. Decius Caesar et Vale-
 rianus praefectus praetorio. — 16. Ita Fr.: *Abdon*
et Sennen in Corduba civitate Persarum sibi praes-
entari iussit.... post menses quatuor veniens De-
cius Roman adducens secum B. Abdon et Sennen
catenis vinctos, etc. — 28. Vat. 82, *craticula.* —
 29-32. Meo iudicio versus est spurius.

* Non possum quin huius loci opportunitate sic abutar,
 ut notem foedissimum errorem Graeseri (Die Katholische
 Liturgie, etc., p. 282): *« Die im Commune Sanctorum*
stehenden Gebete und Messen sind zu allen Zeiten und
für alle Heiligen passend, und es braucht nur statt des
Namens im Breviergebet oder der Messe der Name des

Diem sacravit saeculis,
 Petri triumphum nobilem,
 Pauli coronam preferens.
 5 Coniunxit aequalis viros
 Cruor triumphalis necis,
 Deum secutos praesulem
 Christi coronavit fides.

Primus Petrus apostolus.
 Nec Paulus impar gratia,
 Electionis vas sacrae
 10 Petri adequavit fidem.

Verso crucis vestigio
 Simon honorem dans Deo
 15 Suspensus ascendit, dati
 Non immemor oraculi.

Praecinctus, ut dictum est, senex
 Et elevatus ab altero
 Quo nollet ivit, sed volens
 20 Mortem subegit asperam.

Hinc Roma celsum verticem
 Devotionis extulit,
 Fundata tali sanguine
 Et vate tanto nobilis.

Tantae per urbis ambitum
 25 Stipata tendunt agmina,
 Trinis celebrantur viis
 Festum sacrorum martyrum.

Prodire quis mundum putet
 Concurrere plebem poli,
 30 Electa gentium caput
 Sedes magistri gentium.

LXXII.

De S. Sixto.

Magni palmam certaminis
 Invieta fides contulit;
 Pro Christo dimicantibus
 De caelo datur calculus.

Sic fortis Xystus athleta,
 Petri sequens martyrium,
 5 Ornavit mox Ecclesiam
 Confessionis titulo.

Ortus Athenis et altus
 Philosophorum studii,
 10 Mutavit artem artium
 Praeceptor apostolicus.

Nam carnifex tyrannidis,
 Fremens ut leo rabiens,
 15 Advectans secum martyres
 Abdon et Sennen perimit.

Dein ad Xystum properans,
 20 Vincla, catenas, carcerem
 Mnatur, interneciem
 Gladioli sententia.

Tunc pius ille pontifex
 Accersiens Laurentium,
 25 Levitae fidelissimo
 Commendavit Ecclesiam.

Uterque consecuti sum
 30 Agonis sui bravium;
 Eusis et craticulae
 Coronam dedit passio.

[Jungamur ergo socii,
 Hymnum gerentes Domino
 35 Ut horum interventibus,
 Nostra purgentur criminar.]

Gloria tibi, Domine,
 Gloria Unigenito, etc.

LXXIII.

De S. Laurentio.

Apostolorum supparem
 Laurentium archidiaconem.
 Pari corona martyrum
 Romana sacravit fides.

Xystum sequens hic martyrem, 5

LXXIII. — Hymnus, quo luculente enarratur S.
 Laurentii martyrium, legitur apud Thomasium in
 Hymnario et in Brev. Cs. I. Suppar apostolus voca-
 tur L. propter miram animi constantiam et dirum
 quod passus est martyrium, ideoque in Ecclesia
 omnium martyrum, S. Stephano excepto, sum mos
 cepit honores. Inde vigilia, inde officium per totum
 proprium*, inde Octava missa peculiari insignis.
 Neque vero Italiae in colendo Laurentio cessit Ger-
 mania. Multae ecclesiae sub ejus patrocinio milita-
 bant, in plurimis de eo recitabantur suffragia, ingens
 templorum numerus ipsi erat dedicatus. (De Germa-
 nia Septentrionali vide Wiggert, Histor. Wanderungen
 durch die Kirchen des Reghz Magdeburg. Neue
 Mittheilungen, etc., des Thur. Sächsischen Vereins
 1837. IV, S. 419.) Quin etiam post Lutheri tempora,
 cum sanctorum dies festi jam dudum jacerent obso-
 leti, S. Laurentius in plurimis Protestantium ecle-
 siis recolatur. Apud Ludecum invenies liturgiam
 in festo S. Laurentii canendam atque adeo in bibliis
 nostris pericopas Martyri nostro aptissime, descri-
 ptas. — 7, 8. Vat. 82, *persolverat.* — 29, 30. Ipsos
 carnifices horrendis craticulae incendiis perustos
 esse, nusquam in legendis reperit: puto in hitoriam
 S. Laurentii irrepsisse ex martyrio trium priorum,
 Dan. VI, 47, 48: *Et effundebatur flamma super*
fornacem cubitis quadraginta novem et erupit et in-
cendit quos reperit juxta fornacem de Chaldaeis. — 23.
 Cs., *monstrans.* — 26. Cs., *profecto.* — 31, 32.

Helrigen eingeschoben zu werden, so dass dasselbe For-
 mular heute eine missa de S. Laurentio, morgen de S.
 Anna etc. sein kann. » Nemo potuit talia ψεβδον conseri-
 billare, nisi qui Brev. Romanum quasi per transennam
 et ne per transennam quidem inspexerit.

Responsa vatis retulit :
Morrere, fili, desine,
Sequeris me post triduum.

Nec territus pœnæ metu
Hæres futurus sanguinis,
Spectavit obtutu pio
Quod ipse mox persolveret.

Jam tunc in illo martyre
Egit triumphum martyris
Successor æquus syngrapham
Vocis tenens et sanguinis.

Post triduum jussus tamen
Census sacros prodere,
Spondet pie nec abnuat,
Addens dolun victoriæ.

Spectaculum pulcherrimum :
Egena cogit agmina,
Inopesque monstrat prædicans :
Ili sunt opes Ecclesiæ.

Vere piorum perpetes
Inopes perfectæ sunt opes,
Avarus illusus dolet,
Flammas et ultrices parat.

Fugit perustus carnifex
Suisque cedit ignibus,
Versate me, martyr vocat,
Vorate, si coctum est, jubet.

Gloria tibi, Domine,
Gloria Unigenito, etc.

LXXIV.

De S. Michaelæ archangelo.

Mysteriorum signifer
Cœlestium, archangele,
Te supplicantes quæsumus,
Ut nos placatus visites.

Ipsè cum sanctis angelis,
Cum justis, cum apostolis,
Illustra locum jugiter,
Quo nunc orantes degimus.

Castissimorum omnium
Doctorum ac pontificum
Pro nobis preces profluas
Devotus offer Domino.

Hostem repellat ut sævum
Opemque pacis dirigat

Ita Antiphona in officio martyris : « B. Laurentius dum in craticula superpositus ureretur, ad impiissimum tyrannum dixit : Assatum est jam, versa et manduca ; nam facultates Ecclesiæ quas requiris in cœlestes thesauros manus pauperum depor-taverunt. »

LXXIV. — Exstat in Brev. Cs., in Thomasii Hymnario et correctus apud Ellingerum. — 5-8. I Cor. xi, 10. — 16. Vat. 82, *maneal.* — 20. Spiritus sanctus. — 30. Vat. 82, *agmina.*

LXXV. — Hoc de miraculis S. Martini carmen in Germania, Anglia, etc., non fere vulgatum fuisse videtur. Præter Cs. Thomasii hymnarium inest Ellingeri libro tertio. — 6. Ell., *contegit.* — 11, 12. Ita Pelbartus : « Discedens parumper a monasterio et rediens, defunctum reperit catechumenum sine baptismo. Quem in cellam ducens sua oratione resuscitavit... Alium insuper qui laqueo vitam finiverat vitæ restituit. » — 13, 14. Fortunatus de B. Martino (Fabr. p. 715) : « Dum latro exstinctus falso coleretur honore, Voce huc Martini cogitur umbra loqui, se referens multa scelerum pro mole peremptum, Se quoque nec justum, Se magis esse reum. » — 12, 16. Fort. l. 1 : « Fanaticam pinum sanctus succidere cogens, Justum ibi supponit rustica turba premi. Cæsa secure arbor, cum jam daret alta ruinam, Ad crucis imperium est ire

Et nostra simul pectora
Fides perfecta muniat.

Ascendant nostræ protinus
Ad thronum voces gloriæ

40 Mentisque nostras erigat,
Qui sede splendet fulgida.

Ilic virtus ejus maneat,
Ilic firma flagret charitas,
Ilic ad salutis commoda

15 Suis occurrat famulis,
Errores omnes auferat,
Vagosque sensus corrigat
Et dirigat vestigia,
Nostra pacis per semitam.

20 Lucis in arce fulgida
Hæc sacra scribat carmina
Nostraque simul nomina
In libro vitæ conferat.

Gloria tibi, Domine, etc.

LXXV.

In Natali S. Martini episcopi.

Bellator armis inclytus,
Martinus, actu nobilis.

30 Quæ gesserit miraculis
Hymnis canamus debitis.

Qui frigoris sub tempore
Dum chlamyde nudum tegit,
Mox Christus ipsa, quam scidit,
Se veste tectum prodidit.

Tres arte sancta pallidos
Resuscitavit mortuos,
De febre catechumenum
Et alterum suspendio.

5 Orationis ambitu
Latro sepultus proditur ;
Qua non cadebat impetu
Pinus reflexa ducitur.

Profana dum succenderet
In aera flammam repulit,
Quo exstincta sunt incendia
10 Imbris fuit præsentia.

Humore de paralyti
Curat puellam debilem,
Morbique rasis fomitem
Sancti liquoris unguine.

15 Pacem leproso dans viro
Sordes fugavit ulcerum,
Et quod lavaret morbidum
Jordanis est in osculo.

20 His et per orbem cognitis
Ingentibus miraculis
Possessor alti Spiritus
Nunc regnat in cœlestibus.
Gloria tibi, Domine, etc.

LXXVI.

De Dedicatione ecclesiæ.

Sacratum hoc templum Dei,
Altaris renovatio :
Nos recurrentes annuus
Laudes Deo referimus.

30 Altare magnum hoc Dei
Sacratum est hac die,
In cujus honore sedulo
Omnes curvamus genua.

Precantes autem Dominum,
Qui solus invisibilis,
Ut nos semper in hoc loco
Sanctificari jubeat.

Vota solventes hic Deo
[Et] Sanctis ejus omnibus,
Quorum sacræ reliquiæ
5 Templum ornare hoc Dei.

Omnis qui hic ingreditur
Sanctificatus exeat,
Semper orando Domino
Purificatus maneat. 20

10 Cæremoniarum hostias
Ad hoc altare jugiter
Nos offerentes pariter
Devotis semper mentibus.

Sanctificet nos Dominus 25
15 In hoc templo sancto,
In quo et nos solemniter
Sacrum munus offerimus.

Deum, fratres charissimi,
Et Christum ejus Filium 30
20 Simulque sanctum Spiritum,
Hymnis laudemus jugiter.

LXXVII.

De Dedicatione ecclesiæ.

Christe, cunctorum dominator alme,

coacta retro. » — 17, 18. Sulpit. Sev., *de Vita B. Martini*, c. 14 : « Cum in vico quodam, fano antiquissimo et celeberrimo ignem immisisset, in proximam, imo adhærentem domum agente vento flammaram globi ferebantur. Quod ubi M. advertit, rapido cursu tectum domus scandit... tum vero mirum in modum cerneret contra vim venti ignem getorqueri. » — 18. Thom., *aere.* — 19. Thom., *Suo exstincta.* — 21. Ell., *de paralyti humoriflua.* nulp. Sev., Dial. iii, 9 : « Mulier profluvio sanguinis laborans cum Martini vestem, exemplo mulieris illius evangelicæ, contigisset, sub momento temporis sanabatur. » — 23, 24. Fortunatus (Fabr. p. 715) : « Serpentis morsu tumidum suprema agentem. Ilic digitus ut posuit pestis iniqua fluit... unguentumque novum digitis traxisse venenum. Et tactu artificis sic superesse neces. » — 25, 28. De miraculo illo Parisiis edito cf. Sulp. Sev. de V. B. M. c. 18. Jordanis erat in osculo, quia tempore Veteris Testamenti hujus fluminis unda Naaman a lepra liberatus est. IV Reg. v, 14. Similiter Fortunatus : « Quod Jordanes habet sanctus ab ore dedit. » — 27. Ita Vat. 82 et Ell. Thom., *et quo.* — 32. Ell., *regnat.*

LXXVI. — Habet unus Thomasius in Hymnario. — 16. Vat. 82, *ornaret.*

LXXVII. — Continet cod. W. 1 et Cs. — Con-

Patris æterni genitus ab ore, Supplicum vota pariter ac hym- [num Cerne benignus. Cerne quod puro Deus in honore 5 Plebs tua supplex resonat in aula, Annua cujus revehant colendum Tempora festum. Hæc domus rite tibi dedicata Nescatur, in qua populus sacra- [tum 10 Corpus assumit, bibit et beati Sanguinis haustum. Hic sacrosancti latices veteras Dilunt culpas, perimunt que noxas Chrismate vero genus ut cree- [tur 15 Christicolarum. Hic salus agris, medicina fessis, Lumen orbatis venia que nostris Fertur offensis, timor atque mæror Pellitur omnis. 20 Dæmonis seva perit hic rapina Pervicax monstrum pavet, et re- [tenta Corpora linquens fugit in remotas Ocius umbras. Hic locus nempe vocitatur aula 25 Regis æterni, niveaque cæli Porta, quæ sanctos patriam peten- [tes Accipit omnes. Turbo quam nullus quatit, aut va- [gantes Diruunt venti penetrantque nim- [bi, 30 Non tetris lædit piceus tenebris Tartarus horrens. Quæsumus ergo, Deus, ut sereno Annuas vultu, famulos gubernans Qui tuo summo celebrant amore 35 Gaudia templi. Nulla nos vitæ crucient molesta, Sint dies læti placidæque noctes, Nullus ex nobis pereunte mundo Sentiat ignes. 40 Hæc dies in qua tibi consecratam tuli Cassandri, Thomasi et Rambachii libros; Be- belius quatuor strophas priores continet, Ellingerus lib. II carmen immutavit. — 2. Vat. 82, æternæ. — 4. W. 1, Beb., pariterque. — 5. Beb., quæ. — 7, 8. W. 1, Cass., annuo cujus redeunt colenda tempore festa. — 11. W. 1, Cass., beatum. — 15. Cass., et creatur. — 21. W. 1, sæci. — 26. Al., immensi. — 27. W. 1, Thom., vitæ quæ. — 34. Cass., animas vultu. — 37. Vat. 82, cruciet molestas. — 42. Cass., aulam.	Conspicis aram, tribuat perenne Gaudium nobis vigeatque longo Temporis usu. Gloria summum resonet Paren- [tem, 45 Gloria Natum pariterque sanctum Spiritus dulci modulemur hymno Omne per ævum. LXXVIII. De communi unius martyris. (Ex Libr. vet.) Deus tuorum militum Sors et corona, præmium : Laudes canentes martyris Absolve nexu criminis. [Hic testis ore protulit Quod cordis arca credidit, Christum sequendo reperit Effusione sanguinis.] Hic nempe mundi gaudia Et blandimenta noxia Caduca rite deputans Pervenit ad cælestia. [Tempus tyranni vincula, Diras catenas, verbera, Et voce clara nuntiat Deum creasse omnia.] Pœnas eucurrit fortiter Et sustulit viriliter, Pro te effundens sanguinem Æterna dona possidet. [Ex hoc furor vesaniæ Jussit periri martyrem Justumque terris obrui Quem regna cæli continent.] Ob hoc precatu suppli- Te poscimus piissime, In hoc triumpho martyris Dimitte noxam servulis. [Ut partem hujus muneris Hæreditemus congrui, Lætetur in perpetuum Juncti colorum atriis.] Ejusdem hymni alia lectio. (Ex Brev. Rom.) Deus tuorum militum	Sors et corona, præmium : Laudes canentes martyris Absolve nexu criminis. Hic nempe mundi gaudia 5 Et blanda fraudum pabula Imbuta felle deputans Pervenit ad cælestia. Pœnas eucurrit fortiter Et sustulit viriliter, 10 Fundensque pro te sanguinem Æterna dona possidet. Ob hoc precatu suppli- Te poscimus, piissime, In hoc triumpho martyris 15 Dimitte noxam servulis. Laus et perennis gloria, etc. LXXIX. Hymnus de Confessoribus. (Ex Libr. vet.) Jesu, corona celsior Et veritas sublimior, Qui confitenti servulo Reddis perenne præmium, Da supplicanti cætui 5 Obtentu hujus optimi, Remissionem criminum Rumpendo nexum vinculi. Anni recurso tempore Dies reluxit lumine, 10 Quo sanctus hic de corpore Polum migravit præpotens. Hic vana terre gaudia Et lutulenta prædia Polluta cuncta deputans, 15 Ovans tenet cælestia. Te, Christe, rex piissime, Hic confitendo jugiter Calcavit hostem fortiter Superbum ac satellitem. 20 Virtutum actu et fide Confessionis orline, Jejuna membra deferens, Dapes supernas obtinet. Plus currit in certamine 25 Confessor iste sustinens, Quam martyr ietum sufferens, Mucrone fundens sanguinem.
--	---	--

LXXVIII.—Hymni qui vocantur de Communi, fere omnes in vetustissimis libris longiores, in recentioribus in paucos versus contracti sunt, cumque hoc certum esse videatur, antiqua brevitaria carminum exhibere formam genuinam, illud non minus apertum est carminum auctores minime Martyres, Confessores, etc., in universum celebrasse, sed cogitasse de uno aliquo sancto, cultusque ecclesiastici moderatores, resectis versibus qui Officio de Communi minus viderentur apti, reliqua in usum publicum recepisse. Quod attinet ad hymnum: *Deus tuorum militum*, quemnam martyrem poeta laudaverit ne conjectura quidem licet assequi; versus uncis inclusos reperi in cod. W. 1 atque apud Thomasiun. — 2. Al., *spes et corona*. — 9. W. 1, *hinc*. — 25. W. 1, *hinc nos precantes supplices*.

Proinde te, piissime,
Precamur omnes supplices :
Ut hujus almi gratia
Nobis remittas debita.

Ejusdem hymni alia lectio.
(Ex Brev. Rom.)

Jesu corona celsior
Et veritas sublimior,
Qui confitenti servulo
Reddis perenne præmium,
Da supplicanti cœtui,
Illius rogatu, noxii,
Remissionem criminis
Rumpendo nexum vinculi.

Anni reverso tempore
Dies refulsit lumine,
Quo sanctus hic de corpore
Migravit inter sidera.

Hic vana terræ gaudia
Et luculenta prædia,
Polluta sorde deputans
Ovans tenet cœlestia.

Te, Christe, rex piissime,
Hic confitendo jugiter
Calcavit artes dæmonum
Sævumque averni principem.

Virtute clarus et fide,
Confessione sedulus,
Jejuna membra deferens,
Dapes supernas obtinet.

Proinde te, piissime,
Precamur omnes supplices
Nobis ut hujus gratia
Pœnas remittas debitas.

LXXX.

De Virginibus.
(Ex Libr. vet.)

Jesu, corona virginum,
Quem mater illa concepit,
Quæ sola virgo parturit,
Hæc vota clemens accipe.

Qui pascis inter lilia,
Septus choreis virginum,
Sponsus decorus gloria,
Sponsisque reddens præmia.

Quocunque pergis, virgines
Sequuntur atque laudibus
Post te canentes cursitant,
Hymnosque dulces personant.

Te deprecamur largius,
Nostris adauge mentibus
Nescire prorsus omnia
Corruptionis vulnera.

(Ex Brev. Rom.)

Jesu, corona virginum,
Quem mater illa concipit,
Quæ sola virgo parturit,

LXXX. — Decantatur in Communi Virginum ad Vesperas. — 1. Ex loco Is. xxviii, 5, *In die illa erit Dominus exercituum corona gloriæ et sertum exultationis residuo populi sui*, manavit nomen, quo Christus sæpiissime vocatur, corona apostolorum, martyrum, etc. Cf. Invitatorium in festivitate Omnium Sanctorum: *Venite, adoremus Dominum, quia ipse est corona sanctorum omnium.* — 2. Cass. *concepit*; H., *que.* — 4. Lud., Fab., *suscipe.* — 5. Cant. ii, 16, *dilectus meus mihi et ego illi qui pascitur inter lilia.* — 7. E., M., H., Hl., Hv., Aug., Bd., Mgd., Torr., Wimpf, Hll., *sponsus decorans gloria*, minus apte, cum v. 8 iterum fiat mentio sponsa-

Hæc vota clemens accipe.

30 Qui pergis inter lilia,
Septus choreis virginum,
Sponsus decorus gloria,
Sponsisque reddens præmia.

Quocunque tendis virgines,
Sequuntur atque laudibus
Post te canentes cursitant,
Hymnosque dulces personant

5 Te deprecamur supplices,
Nostris ut addas sensibus
Nescire prorsus omnia
Corruptionis vulnera.

LXXXI.

Tempore belli.

40 Sævus bella serit barbarus horrens,
Fredens bella furor semper acer-

Ac respergit ovans eade recenti,
45 Multa strage super lætus anhie-

Terret continuo fervida bella
5 Gens effrena suis vasta catervis
Sidens innumeris æquore ponti
Perturbat rigidis arvaque telis.

20 Vertit terga suis hostibus ecce
Diris ipsa cohors Christicolarum
Ac per prona tremens invia perque
Turpi pulsa fugit fessa pavore.

25 Gens impune ferox millia vexat,
Et crude lacerans millia truncat:
Lymphis lota sacris corpora fœdis
Passim nuda jacent tradita corvis.

Ædes inde sacras, templa dicata,
Aras atque Deo sanctificatas,
Exsultans calido cuncta triumpho
Incedit spolians prædo superbus.
20 Urbes urit edax barbarus ignis,
Communesque domos urit et almas
Vinctos prædo senes ducit ephebos,
Nuptas et viduas atque puellas.

5 Casum virgo ferum virgo sacrata,
Casum virgo suum delet amarum,
Amisumque dolet virgo pudorem,
Lethi ferre volens virgo laborem.

40 Hoc peccata malum grande meren-

Vere nostra, Deus, plurima, san-

45 Jam clemens famulos aspice tristes.
Immensus penetret fletus Olympum,
Ascendatque pius clamor ad auras,
Mosi nam meritis Amalecitas
35 Jesus stravit agens nomine clarus.
Jesu, nate Dei cunctipotentis,

Virtus vera, salus summa labore,
5 Pax et certa quies ac decens omne:
Tu nunc esto tuis fautor alumnis.
40 Emptis parce tua morte, rogamus,
Instans animos, pelle timorem,
Hostes comminans sparge fugatos,
Pacis perpetuæ munera confer.

Laus et perpes honor gloria Patri, 45
Laus æterna tibi gloria, Fili,
Una Spiritui gloria sancto
Sicut semper erat, nunc et in ævum.

LXXXII.

Tempore belli.

Tristes nunc populi, Christe re-

[demptor,
Pacem suppliciter cerne rogantes,
Threnos et gemitus cerne dolorem
Mœstis auxilium desuper affer.
Diræ namque fremens en furor
[atrox 5
Gentis finitimæ arva minatur,
Sæve barbarico murmure nostra
Vastari perimens ut lupus agnos.

Defensor quis erit, ni pius ipse
Succurras miserans auctor Olym-

[pi, 10
Humano generi crimina parceas,
Affectis veniam dones amore?
Habram præsidio pertulit olim
Reges quinque tuo, conditor ævi.
Haud multis pueris nempe paren-

[tem 15
Prostratis reducens hostibus atris.
Moyses gelidi æquora ponti
Confidens populum torrida carpens
Deduxit, refluens undaque hostem
Extemplo rapiens occulit omnem.

20 Trecentisque viris Amalecitis
Dejecit Gedeon jussus adire,
Oppressum populum gentemque fer-

[ro
Liberavit ope fretus opima.
Hæc tu, Cunctipotens, omnia so-

[lus 25
In cujus manibus sunt universa:
In te nostra salus, gloria in te,
Occidis iterum vivificasque.

Major quippe tua gratia, Jesu,
30 Quam sit flagitii copia nostri,
Contritos nec enim mœstaque corda
Clemens vel humiles spernere nosti.

Salva ergo tua morte redemptos
Salva suppliciter pacta petentes,
Disrumpe frameas, spicula frange,

35 Confringe clypeos bella volentum.
Jam cœlum gemitus scandat amarus,
Jam nubes penetret vox lacrymarum
Votum contritio plebis anhela,
4 Salvator placidus jam miserere.

0

rum. — 43. Apud multos, *sensibus.*

LXXXI. — Ex Thomasii Hymnario. — 5. Ita Vat. 82, Thom., *fervida bello.* — 29. Cf. 22, 29: *hanc peccata famem nostra merentur.* — 35, 36. Exod. xvii, 9 seqq. — 41. Cf. 27, 33, *Jesu, parce tua morte redemptis.*

LXXXII. — Ex Thomasii Hymnario. — 12. Vat. 82, *affectos veniam dones amare.* — 12-16. Gen. xiii, 17-20; Exod. xiv, 21-24; Jud. vii, 7 sqq. — 23. Vat. 82, *gentem ferro.* — 28. I Reg. ii, 6. — 32. Vat. 82, *vel humilis.* — 33. Cf. hymn. præced., 41. — 35, 36. Mich. iv, 3.

INDEX ANALYTICUS IN HUNC TOMUM.

A

- AARON**, id est, Christus; virga Aaron, caro Christi est, 11.
- ADAM** in deserto est trans Arnon, 19.
- ABEL** Christum significavit, 521.
- ABRAHAM** nihil quæsiuit per circumcisionem, 47. Credit quod mundo impossibile videtur, 51. Secundum carnem Judæorum pater est, secundum fidem vero omnium credentium, 49. 50. Credentes filii sunt Abrahæ, 41, 219. Et ille forma est omnium credentium, *ibid.* Donum quod illi promissum est, filius ejus in Christo solutum est, quamvis illud et ipse consecutus sit, 221. Abraham Christum secundum divinitatem, Isaac autem hominem designat, 622.
- ABSENTES** solent contemni, 318.
- ABSTINENTIAE** et sobrietatis arma sumenda sunt adversus spiritalia nequitiae, 250. Venter abstinentia contractus humanos in altum elevat sensus, 495. Nullum tam grave delictum est, quod non purgetur abstinentia, elemosynis extinguatur, 392. Qui ab illicitis se abstinere, habet laudem: qui vero a licitis temperat, et laudem habet et præmium, 273. Gloria est a licitis abstinere, maxime ad aliorum salutem, 200. Jevnare et abstinere a cibis non multum prodest, nisi addatur pietas, 297. Non de esca placet quis, aut displicet Deo, 102, 103. Sunt quidam qui quarta feria carnem non edendam statuerunt, sunt qui Sabbatis, sunt iterum qui a Pascha usque ad Pentecosten edant, 101. *V. JEJUNIUM.*
- Per **ACCIDENTIAM**, 146.
- ACHAB** regis poenitentia proponitur in exemplum, 597.
- ACTUS** boni arma lucis sunt, 100. Tunc profectus adest, si quod agendum est, cum Dei voluntate agatur, 29. Multum obest scire veri rationem, et minime factis illam persequentibus affirmare, 272. Pro actibus nostris Dominus nobis obdormit aut vigilat, 441. *V. OPERA.*
- ADÆ** peccatum non longe est ab idololatria, 55. Si homo in eo quod factus est perdurasset, non esset potestas inimico ad carnem ejus accedere, et animæ contraria surrumpere, 69. Adam peccatum suum ad futuræ ex se stirpis originem propagavit, 437. Nisi Adam corporaliter occidisset, Christus nos in ipsa vita non spiritualiter suscitare debuisset, 450. Adam Christum figuravit, 520. In quo? 54, 57. Primi et secundi hominis comparatio, 449. *V. PECCATEM ORIGINALE.*
- ADPTIONIS** nostræ signaculum est Spiritus sanctus, 183.
- ADVENTUS** Domini tempus non sine causa celebratur, 391. Sermones eo tempore ad populum habiti sunt, *ibid.* Quæ pietatis opera tum agenda, *ibid.* Ab uxoribus abstinendum, *ibid.*
- ADULTEROS** puniunt leges Romanæ, non fornicatores, 214.
- ADVERSITAS** atque prosperitas immoderata semper periculosa fuit in iniuis, 6. Ut tribulatio possit tolerari, precibus insistendum est, 96. Ut ipsa exitia tolerare possimus, Christus suggerit vires, 74. Quis homo non timeat angustias, 188. Cur Deus servos suos ab iniuis humiliari permittat, 305. *V. TRIBULATIO.*
- ÆGYPTUS** persequens, sive tribulans, atque coarctans interpretatur, 333. Ægypti quomodo extinguantur, 4. *V. APIS.*
- ÆQUALITAS** mater justitiæ, 3.
- AGNETIS** martyrium describitur, et laudibus exornatur, 455, 479. Virginibus in exemplum proponitur, *ibid.* Parentibus ad sepulcrum ejus orantibus apparet, 483. Miracula ad idem sepulcrum facta, *ibid.* *V. CONSTANTIA.*
- AGRICOLA.** *V. VITALIS.*
- ALANI** multa loca depopulati sunt, 564.
- ALLELUIA** laudate Dominum sonat, 568.
- AMAZONES** totam Asiam subjecerunt, 273. Viros ita rabidos effecerunt, ut carne humana vescenda imbuerentur, *ibid.*
- AMANTIS** plus incitator charitas, si eum cujus sensit beneficia prohibeatur amare, 78. Tota mente operatur, qui ex amore aliquid facit, 273. Non poterit minime diligere amicos, qui prodest inimicis, 53. Ubi contentio et dissensio, amor non est, 169. *V. CHARITAS.*
- AMBROSIIUS.** *V. PATRES.*
- AMEN**, hoc est, verum, 80, 157. Sive fideliter, 511.
- ANGELORUM** lingua, 151. Angeli, qui pleni sunt charitate, ignis appellantur, 335. Principes mali et potestates cum sint adhuc ipsi in firmamento, conversatione tamen in terris sunt, 260.
- ANIMA** quamvis idem sit ac mens, tamen propter aliud animam dicitur, et propter aliud mens, 612. Refutantur hæretici qui animam hominis portionem Dei esse volunt, aut ante corpus ejus factam, 333. Et qui asserunt animas quasdam natura sua esse malas, quæ ad bonum cogi non possint, 309. Quomodo sancti odio habeant animas suas, 518. Animæ proficientis gradus, 13. Ipsa est quæ aut sanctificat aut polluit corpus, 137. Perfecta ejus sanitas est, quo non potest peccare quod non nisi in resurrectione succedit, 8. Dum peccat, caro dicitur, 72. Sordibus maculata, libidine carnis fit caro; sicut et corpus recte gubernatum spiritale appellatur, 127. Fornicatur quæcumque a Deo creatore suo recedit, 507. Ejus languor, 8. Et venenum, 424.
- ANNUS** novus est kalendis Januarii, 224.
- ANTONINUS** variis virtutibus se decolorabit, 550. Faciet miracula arte diabolica, 561. Fieri potest ut lingat se mori et resurgere, 552. Eum Deum esse existimabunt, *ibid.* Cur Deus permittet ut genus humanum decipiat, 551. Tempus persecutionis ejus, 550. Post defectionem regni Romani apparebit, 286. Quæ sint septem capita ejus, 519.
- ANTIDOTI** amarus est gustus: sed vitale ac suave est, quod est faucebus insuave, 599.
- APIS** colebant Ægyptii in similitudinem vaccæ, 33.
- APOCALYPSIS** quidam e catalogo divinarum Scripturarum amputare voluerunt, 586. Quis ejus auctor, 499. Tota in septenario numero consistit, 479. Et in septem visiones distincta est, 590.
- Apocalypsis Eliæ in apocryphis, 118. Ab Apostolo citatur, *ibid.*
- APOLLINARIS**, 11.
- APOLLO** exercitatus in Scripturis, 107.
- APOLLONIUS** magus ante Domitianum imperatorem stans repente non comparuisse dicitur, 340.
- APOPHORETA**, 27. In magna vota maxima dantur apophoreta, 238.
- APOSTOLUS**, hoc est a Domino missus ad res ejus agendas, 26, 87. Post resurrectionem suam Filius Dei eos nominavit, 28. Quare nullus ex gentibus ad apostolatam electus est, 233. Ex Apostolis Ecclesia nata est, quos primos genuit, 521. Spiritus sanctus in die Pentecostes illis se infudit, ut ad fundandam Ecclesiam sapientes essent et ad regendam fortes, 10. Donum virtutis cœlestis quod olim in Moyse et in Prophetis existit, super eos visibiliter apparuit, 10. Major gratia fuit in illis quam in prophetis, 26. Variis linguis loquebantur, ut per plures linguas mentis devotio solveretur, 470. Omnes Apostoli, exceptis Joanne et Paulo, uxores habuerunt, 198. Vicarii sunt Christi, 121. Ministri justitiæ sunt, 200. Per meritum et gloriam eorum agnoscitur Christi gratia et benelictum Dei, 183. Injuriam Apostolorum tentationes erant credentium, 171. Gaudium Apostoli purificatio est populi, 173. Christus misit Apostolos nobis magistros, ut eorum imitatores essemus, quia ejus esse non possuimus, 147. Duodecim fontes, duodecim Apostolos designant, 7. Cur Apostoli dicendi sint fontes, 417.
- APPARENIA** pro apparitione, 161, 240, 290.
- APPROBATIO** vera vitæ, ubi remuneratio et condemnatio, 87.
- AQUÆ** mutatio in vinum, magnum est signum ad credendam Dei majestatem sufficiens, 401. Quomodo hoc signum contineat totum resurrectionis nostræ mysterium, *ibid.* Quomodo etiam pro nobis editum, 402 et seqq.
- AQUILA** serpentum inimica pullos suos soli opponit, 452.
- AQUILLA**, 30. c. Vir Priscillæ, 107.
- ARADA** idoneum effectum indicat, 13.
- ARAM** frater Abrahæ secundum traditionem Judæorum in igne Chaldæorum, eo quod ignem adorare noluerit, mortuus est, 525.
- ARBORIS** scientiæ cum crucis arbore comparatio, 450.

ARCHIDIACONORUM scelera pessima arguuntur, 566.
 ARISTOBULUS congregator fratrum in Domino, 109.
 ARIUS dixit Filium Dei initium habuisse, 501. Et minore Patre, 507. Filium Dei, $\xi\zeta\ \omicron\upsilon\kappa\ \omicron\upsilon\tau\omega\nu$, id est, ex nullis exstantibus esse dicebat, 348. Et Archipirata est, 453. Pariter abjicienda est et stulti Sabellii commistio et impii Arii separatio, 322.
 ARIANI, 113. Quibus rationibus Filium de Patris esse substantia negarent, 354. Iis respondetur, *ibid.* Refutantur quod dicunt: Erat tempus, quando natus erat Filius, 321, 327. Libellus adversus eos editus, 345
 ARNON amnis, 19.
 ARSAPHAR tubæ clangor, sive tubiciniatio est, 12.
 ASEROTH beatitudo interpretatur, 11.
 ASIA elata interpretatur, 499.
 ASIONGABER interpretatur consilia viri, 16.
 ASPASIVS vicarius urbis Romæ Agnetem gladio feriri jubet, 482.
 Assentire est, si cum possit reprehendere, taceat; aut audiens, aduleter, 36.
 ASTASIVS comes, 486.
 AUGUSTINUS. V. PATRES.
 AVARITIA quantum malum sit, 245. Quæ vitia generet, 494. Nutrix est luxuriæ, 567. Cur idololatriæ comparetur, 272. Ambæ Deo abnegant, quæ ejus sunt, *ibid.* Omnis avarus impius est, et sibi et cæteris nocens, 302.

B

BABYLON quomodo bis cecidit, 565. Civitatem diaboli designat, quæ ex omnibus impiis constat, 555.
 BABYLONII primi Deum vocaverunt figmentum Beli cuiusdam, qui principatum in eos dicitur egisse, 33.
 BANELACHAM excolationem designat, 15.
 BAPTISMI nostri non iterandi figura fuit mare Rubrum, 7. Cum Jordanis transitu comparatur, 415. Christus sicut olim per mare filios Israel in ignis columna præcessit, ita nunc per baptismum Christianos populos in corporis sui columna præcedit, 407.
 Cum baptizatus est Christus, et mysterium lavacri instituit, et humanum genus velut vilem aquam in æternam substantiam divinitatis sapore convertit, 305. Christus venit ad lavacrum, ut nobis aquarum fluentia purificet, 403, 406. Consecratio Christi consecratio major est elementi, 406.
 Verba solemnia sunt, quæ dicuntur in baptisate, 114. Rigare est baptizare solemnibus verbis, 121. Nullus per baptismum mundari potest, nisi sub invocatione Patris, et Filii et Spiritus sancti, 528. Ante passionem qui baptizati sunt, solam remissionem acceperunt peccatorum; post resurrectionem vero, tam ii qui prius, quam isti qui postea baptizati sunt, omnes justificati sunt perdatam formam fidei Trinitatis, 51. Non mirum si in Domini lavacro mysterium non defuit Trinitatis, cum nostrum lavacrum Trinitatis compleat mysterium, 403.
 Inter baptismum Joannis et Christi discrimen, 441. Discipuli in adulterino baptisate sub nomine baptismi Joannis fuerant non incli, sed sordidati, 219. Salva fide dixerim gratius hoc baptismum esse quo abluimur, quam illud quo Salvator baptizatus est, 441.
 Baptismus fundamentum est evangelicæ veritatis, 130. Baptizatus datur Spiritus sanctus, 72. Peccata sine labore aut aliquo opere in baptismo donantur, 49. Gratia Dei in illo non quæritur gemitum, aut planctum, aut opus aliquod, nisi solum ex corde professionem, 93. Grati donat peccata, *ibid.* Mors peccati est, 59. Et mundi, 270. Est resurrectionis pignus et imago, *ibid.* Peccatori diluvium est; consecratio fideli, 421. Mendacium valde gravissimum est, cum mentimur ea quæ in baptisate promisimus, 554. Non desunt qui prope quotidie baptizentur ægri, 295. Vivus nomine mortui baptizatus, 163. Quare nunc neque Clerici vel laici baptizant, neque quocumque die credentes tingantur, nisi ægri, 24.
 BARDARI qui dicantur, 30.
 BARNABAS apostolus erat, 141.
 BEATITUDINIS privilegium perfectum non potest obtinere, quod æternitatis non circumvallat infinitas, 604. Christus pro parvis magnifica, pro terrenis cœlestia, pro temporalibus perpetua præmia cum gloria pollicetur, 74. Quomodo vita æterna gratis datur, cum pretium sit bonorum operum, 575. Quomodo regnum cœlorum cogatur, et diripiatur, 392, 524. V. VITA ÆTERNA.
 BELLORUM tumultus et præparationes quid christianum hominem doceant, 475. Quos Dominus ex Israelitis ad præliandum idoneos numerari præcepit, 1. Majus malum intestinum bellum, quam externum, 82.
 BENEFICIA si præstanda sunt, quanto magis minime auferenda, 138.

BLANDITIS solent obtineri, quæ auctoritate non possunt, 298.

BLASPHEMIUM, 41, 43.

BONUM summum philosophi mundi istius non dicunt, nisi pacem, honestatem atque virtutem; et summum malum, nisi malitiam, inhonestatem, avaritiam atque turpitudinem, 342. Summum malum mors æterna, summum bonum vita æterna est, V. BEATITUDO, 311.

Bonum si contra voluntatem fiat, amarum et malum est, 33. Non magnum evitare malum, nisi adhæreatur bono illud de timore fit, istud de amore, 96. Mos est ut paulatim aliquis de malo transeat ad bonum, 211. Sicut in homine tria sunt, corpus, anima et spiritus: ita tria sunt quæ ad bona aut mala perducunt, cogitatio, locutio, operatio, 333. Providentur bona coram Deo et hominibus, si ea quæ licet, sic agantur, ne scandalum faciant, 97. Non potest in aliquo omne bonum obliterari, 81. Non sine merito est, qui cogitat de bonis viris, 305.

Justi semper appellantur boni, non tamen semper boni, 53. Quod in malo malum est, bono bonum est, 100. Eruditus in bono quis sit, 110. Omnis stultus boni accusator est, 206.

BURGUNDIONES Galliam sibi vindicaverunt, 564.

C

CAINI parricidium exagitur, 592, 594. Septem in eo flagitia fuisse ostenditur, 594. Jure septuplum in eum vindicatum, *ibid.* Invidus prius suam animam, quam alterius carnem, *ibid.* 493. Populum Judæorum significavit, 521.
 CAIPHAS prophetavit non merito, sed dignitate ordinis sacerdotalis, 155.
 CAIVS quis fuerit, 110.
 CALAMO antiqui scribere solebant, 543.
 CALATHA sonat latine virgam et dominium, 12.
 CALCULUS lapis parvus, a calculando sic vocatur, 507.
 CANTII, CANTIANI, et CANTIANILLÆ martyrium celebratur, 458.
 CAPTIVITAS et perturbatio nec pietatem habet nec castitatem, 292.
 CAPUT qui tenet, reliquam partem subjectam habet, 266.
 CARNIS nomine quæ appellantur, 60. Quid sit in carne esse, 63. Quidquid contra legem Dei est, carnale est, 72. Omne quod lex prohibet, carnale est, 187. Quidquid sine Christo fit, carnale est, ac per hoc mortale, 284. Sensu bruta est omnis caro, 187. Spiritus sanctus deserit hominem, cum aut sensum carnis habet, aut gesta, 72. Omnia peccata de foris oriuntur ex parte carnis, non ex parte spiritus, 229. Omne peccatum caro dicitur, maxime perfidia, quæ est totius sceleris mater, 234. Caro nostra ancilla nostra esse debet, et quomodo, 535. Quomodo crucifigatur, 60. Nisi carnis concupiscentias quis sepelierit, ad æternam beatitudinem pervenire non poterit, 11. Qui se a carnis desideriis continet, juxta legem mentis vivit, 71. Subjecta sunt carnalia spiritualibus, 116. Non patitur justitia Dei eum qui carnis vitia vicerit, minime coronari, 272.
 V. ANIMA.
 CASTIMONII prædicator, 458.
 CATAPHRYGÆ, 39, 113. Ipsas diaconas ordinari debere vana præsumptione defendunt, 295.
 CATECHUMENI ad baptismum invitantur, 441. Quam bene catechumenus aquæ, et fidelis vino comparetur, 405.
 CEDENDUM semper perstreptentibus et animosis, 275.
 CELSI pueruli martyrium, 467.
 CENEORUM in baptismo splendet ornatus, 438.
 CERVICOSES, 130, 314.
 CHAM primus merito nomen servi accepit, 255. Peccati et imprudentiæ causa servus factus est, 135.
 CHARACTER bestiæ quid, 559.
 CHARITAS uno licet vocabulo appelletur, multis tamen consistit, 138. Fundamentum est omnium virtutum et bonorum, 493. Cur tale nomen accepit, *ibid.* Mater omnium bonorum est, 139. Caput religionis et fundamentum est, 155. Quasi mater est animarum, 101. Charitas sine cæteris virtutibus, et cæteræ virtutes sine charitate esse non possunt, 524. Quomodo in fide, spe et charitate æqualitas ascribi possit, 581. Charitas semper secum habet pacem, 273. Qui eam sequitur, omnibus humilis est, 309.
 Charitatem possident sancti, et possidentur ab ea, 556. Perfectio salutis per eam operatur, 228. Nulla illam vincunt tormenta, 78. Cur nulla sint, quæ nos possint ab illa separare, 78. Quæ cum charitate fiunt, habent timorem Dei zelum, 169. Delicata charitas, 472. Pro omnibus mandatis dilectio satisfacit, 99. Quælibet bona videamur habere, mortua sunt, si charitas defuerit, 509.
 Charitas vera, sua utilitate contenta, ejus curam agit, quem diligere prolicetur, 185. Hoc majus est, quod omnibus prodest, 156. Hic sensu perfectus est, qui id agit

ut prosit alicui, maxime fratri, 157. Quid aliis facere credatur, qui non pareit suis, 130. Simulata charitas in his est, qui in necessitate deserunt fratres, 185. *V. AMON.*

CALOSUS quid, 113.

CHRISTIANI nomen sufficit non præferre, si opera christiana non facimus, 423. Judæi Christiani fuerunt, et nos noscimus, 82. Christianorum actus in cælis sunt, ubi et spes salutis eorum Christus est, 260. Quid est discipulum esse Christi, nisi discipulum esse pietatis et veritatis et humilitatis, 431. Paulus Christianos vult per omnia esse meliores, 138. In religione Christiana nihil fuerunt, nihil in tenebris geritur, sicut apud paganos, 158. Bona vita Christiani signum est salutis æternæ, 100. Quid tam illi gloriosum quam exitia pro Christo illata sibi parare, 204. Qui Christiani vulpibus comparentur, 445.

CHRISTUS cur Filius Dei vocetur, 329. Jure æquavit se Deo, 254. Deum non esse credendum a quibus profectum, 41. Deum esse probatur, 54. Et unum esse cum Patre Deum, 79. Christo pater Deus est per naturam, nobis per gratiam, 329, 256. De se docet quid sit, et quantum credendus sit, et quæ spes in eo sit, et quales debeant esse credentes, 243. Deus est pacis et dilectionis, 209. Præcepta quasi Deus dedit, non quasi homo, et quem elegit, divino auxilio elegit, 210. Cur Dominus, 28. Virtus Dei est, 131. Æterna, 32. Cur, 116. Sapientia Dei est, 112. Cur, 116. Ipse justitia est, et cur, 86. Ad Moysen loquebatur, 144. Dignum fuit ut Deus eum per claros viros mundo promitteret, 27. Promissus est Abraham ex traduce Isaac, 80. Ante incarnationem aut Christus potest dici aut Jesus, 255.

In Christo divina atque humana natura sacrum inire commercium, et quodnam illud sit, 331. Ex duabus naturis, id est, divina et humana mystica ratione compositis unum Christum Filium Dei confitemur, 330. Vera ab illo caro suscepta, crucifixa, sepulta et resuscitata est, 330. Quomodo in eo similitudo carnis, 70. Humanitas ejus per divinitatem non est assumpta, 526. Factus caro non immutatus est, 184. Secundum divinitatem per omnia æqualis est Patri, secundum humanitatem homo perfectus existit, 512.

Christus homo factus est, ut hominem in Deum assumeret, 191. Et ut nos potestatem super diabolum acciperemus, 331. Incarnatio ejus hominum salus fuit in terra, et angelorum in cælo, 433. Christi sinus erat in Joanne evangelista fides, in Deo Patre divinitas, in Maria matre virginitas, 406.

Christus sine viro de Spiritu sancto factus de Virgine, 88. Quemadmodum illum virgo divinitas ediderat; ita eum virgo Maria generavit, 399. Mater ejus virgo est, Pater feminam nescit, 480. Cur, 333, 70, 265. Cur ex semine David, et ex Virgine, 27. Et ex radice Jesse, 106. Cur non Christo nativitas sua proficit, sed nobis, 265. Neque diminutio est Patris, neque profectus Filii, dum nascitur, *ibid.* In tali corpore natus est, quale fuit Adæ ante peccatum, 70. Mauthæi et Lucæ in genealogia ejus concordia demonstratur, 699.

Christus quomodo primogenitus, 77. Quam latenter et secreto natus sit, 397. Pax ab Octavio Augusto, Christo nascente, per universum orbem facta est, 536. Quomodo a Nerone interrupta, *ibid.* Cum tempore pacis natus sit, 394. Eo adveniente, *chrisma*, id est, unctio regalis cessat, quæ potestas intelligitur, 47. Discrimen inter nativitatem Christi et Joannis Baptistæ, 396. Quomodo Christus creverit Joannes vera Baptista minutussit, 395. In nativitate Christi dies crescunt, in nativitate Joannis Baptistæ decrescunt, 395. Christo nascenti defertur gloria per angelos, claritas per stellam, religio per Magos, simplicitas per pastores, 396. Grex populum, vox sæculum pastores erant sacerdotes, 397. Nativitatem ejus pastores ante cognoverunt quam principes; simplex rusticatio quam superba dominatio, 397. In natali suo natus est, et in epiphania renatus, et ipsi copulata est Ecclesia, 405, 406. Cur pannis involutus sit, 394. Virgo erat per omnia 428. Nostri non sui causa pauper factus est, 191. Quomodo Pater ejus dicitur esse Liber, 399.

Diem natalem Domini solum novum vulgus appellat, 397. Quam recte, *ibid.* Quomodo ad eum celebrandum nos preparare debeamus, 392. Quævis tribus celebrandum sit, 396. Prolixitas divini ollicii eo die, 394.

Christus quomodo mortuus paschæ, 86. Quam justum erat, ut Joannes eum baptizaret, 442. Quomodo septem dona Spiritus sancti super illum descenderint, 513. Prima ejus tentatio in deserto expenditur, 428. Cur navem Petri cum festinatione conscenderit, 439. Quemadmodum placet prodest, qui etiam miseretur raptus, et arentem dexteram senat, 411. Plus addit in dicina ejus ad salutem quam infirmitas et trahit sanita, 205. Omnia non sui causa, sed nostræ gratiæ salutis efficiantur

403. Charitas ejus ineffabilis est, et super scientiam hominum, 239. Mirabilia ejus non oblivione sepeliuntur, sed virtutibus innovantur, 403. Palmarum sedenti Christo super asellum recte offeruntur, et vestimenta sternuntur, 417.

Christus tres decades annorum terque binos menses in mundo conversatus dicitur, 522. Quomodo timorem habuisse dicitur, 514. Anima ejus tristis non pro morte sed usque ad mortem, non pro se sed pro nobis turbata, 330. Mæstitia hominis fuit, 72. Infirmitas magna victoria est, 116. Cur cum judicatus est, vicit, 43. Nobis per passionem crucis de latere suo lavacrum et potum martyrio dedicavit, 331. Quomodo Deus eum tradidit, aut quomodo se ipse obtulit Deo, 245. Quomodo Dominus majestatis crucifixus esse dicitur, 606, 118, 356. Carnem seu animam suam quia voluit, ubi voluit, quando voluit relinquens posuit, 30. Malum punicum sanguis ejus est, 11. Peccata peccantium ceciderunt super eum, 101. Mors ejus ab exordio mundi in sanctis Patribus præfigurata est, 551. Non ejus mors, sed peccati est, 269. Passio ejus vita nostra est, mors, justificatio peccatorum, et destructio mortis, 218. Cur omnibus profecerit, 46. Caro ejus pro salute corporis, sanguis vero pro anima nostra effusus est, sicut prius præfiguratum fuerat, 149. Natus et mortuus est ut ea quæ primum fecerat post ea iterum crearet, 265. In cruce extensis manibus interficere illum se peccatum arguit, 89. Occisus est pro his, qui beneficium ejus in irritum ducunt, 149. Quinam principes eum crucifixerint, 118. Christiani eum vitis suis lapidant; crucifigunt et occidunt, 432. Perfecta remissio peccatorum esse non posset, si pro nobis mortuus non fuisset, 515. Quid sit compati Christo, 74. Cur pro Christo patiendum, 74.

Christus ex resurrectione cognoscitur omnium Dominus, 27. Omnia quæ docuit Salvator, tunc firmavit, cum resurrexit a mortuis, 236. Post resurrectionem apparuit soli Petro, 161. Singulariter Jacobo apparuit, sicut et Petro, *ibid.* Et vere manducavit, 339. Descendens ad inferos, mortuos liberavit de inferno, 102. Venturus est judicare vivos et mortuos, id est, justos et peccatores, et Gentiles et Judæos, seu animas et corpora, 331.

Christus sub exemplo sui fieri docuit, quod nobis in scripto mandavit, 602. Quibus gradibus humiliandi se ad nos descendit, eisdem et nos ad eum conscendere debemus, 514. Placitum Dei est, si in eo proficiatur, 277. Quid sit Christum induere, 101. Quomodo quærendus sit, 436. Quisquis violentior Christo fuerit, religiosior habebitur a Christo, 393. Sequimur illum quando imitamur, 515. Qui Christo devoti sunt, hos Apostolus dicit christos, id est, unctos, 229. Plus illum diligere debemus, quam patrem, 445.

Christus est primus et caput omnium electorum suorum, 500. Sicut vita est electorum, ita et mors est reproborum, 532. Per eum facti, et iterum reformati sumus gratia ejus, 112. Nihil sine illo plenum, 112. Omnis dispositio salutis nostræ, a Deo quidem, sed per Christum, 29. In eo perfecta salus est, 224. Sine eo apud Deum nulla salus, 87. Sine ejus invocatione nemo vivit apud Deum, 87. Non aliter Deo vivitur, quam per Christum, 60. Quis non laudet Christum, ejus beneficio vivit, 40. In illo omnis spes, 60. Unus est, in quo omnis creatura, in speraverit, peribit, 267. Cujus omnis spes illo est, hic gloriatur in cruce ejus, hinc et mundus crucifixus est, 231. Qui in Christo est, repletus est divinitatis abundantia, 268. Christus ut bonus vel profusus largitor causam querit, quomodo donat aut indignis aut verecundis, 74. Sic diligit nos, ut sibi imputet quod proficit nobis, 73. Quomodo interpellat pro nobis, 77. Omnes dormientes eum perdunt, vigilantes invenit, 397. Quisquis ejus tonem deserit, debilitatur protinus, et arefcit, 411. Quid sit peccare in Christo, et in Christum, 110. Christus aquila fuit et quomodo, 452, 456. — Et margarita, 465. In petra significatur, 85. Virga Moysis et serpens æneus figurae erant corporis ejus, 452. Quomodo sit navis, 155. Recte fermento comparatur, 408.

CIBUS. Sicut æger ad medicinam, sic ad sumendum salsapes accedendum, 497. Quare cum infidele liceat cibum sumere, non autem eum fratre vitis inquinato, 120. *V. GULA.*

CIRCUMCISIONI non aliquid habet divinitatis sed signum est tantum, 49. Ante prænationem fidei circumcisi mandatum est gentibus, si voluissent id Legem accedere, 266. Cur cessare debent circumcisio, 209, 223. Circumcisio cordis quid sit, 41, 105.

CIRCUMCORDIALIS secreti sermo, 596.

CLERICI castigantur, qui moleste ferunt, cum a senioribus arguantur, 463. *V. ECCLESIASTICUS.*

COCCUS quæ a iudæis tacit, mercedem non habet, 191.

V. VOLUNTAS.

COELUM vera terra viventium, 3.

COGITATIONES nostras a nullo sciri nisi ab animo nostro manifestum est, 119. Bonæ et malæ se invicem accurant, 39. Cogitatio sancta servabit te, 16.

COLAPHIZABANTUR, id est, injuriis agebantur, 125.

COMA indicium velaminis est, 143.

COMESSATIONES quid, 100.

COMPETENTIBUS adhuc ignotum mysterium Trinitatis reserandum, 435. Et Symbolum, *ibid.*

CONCUPISCENTIAM Lex prohibet, 65.

CONFESSORES longioris occultique martyrii palmas acceperunt, 498.

CONFITENDA peccata Deo et sacerdoti, 424. Peccatori quam necessaria et utilis peccati confessio, 589. Excusationes rejiciuntur, 592, 593. Tunc carebis cunctis iniquitatibus tuis, cum adversum te testis et accusator existeris, 591. Confessio tua pœnitens medicina est, *ib. d.* Cum apud sæculi iudices confessus mox dirigatur ad pœnam, apud Dominum confitens statim pergit ad veniam, 59. Fidelem vniæ locum tenet non infida confessio, 594. Illa non liberat, quæ non fit cum pœnitentia, 425. **V. PœNITENTIA.**

CONIUGIUM semel benedicitur, 299. Quamvis munda sint conjugia, tamen etiam a licitis abstinendum est, ut facilius ad effectum deducatur oratio, 132. Quibus diebus a conjugii actu abstinendum, 133. **V. ADVENTUS.** Arguuntur mariti qui præter uxores sociant sibi concubinas, 462. **V. MATRIMONIUM.**

CONSCIENCIA reum suum semper tacita sine contradictione convincit et iudicat, 462. Cum non habeat loquendi usum, nescit tamen tenere silentium, 592. Quanta sit ejus severitas, *ibid.* Illa non moritur, quæ post mortem corporis in anima iudicatur, 593. Male sibi conscia mens loqui trepidat, sensum perdit, in verbis errat, 186. Conscientiæ vermis, 343.

CONSILIUM bonum custodiet te, 16. Quod melius consilium quam bona voluntas, 501.

CONSOLATIONUM duo genera, 170. Magna consolatio est patientis, si secum habet condolentem, 188.

CONSTANTIA Augusti filia a beata Agnete mirabiliter sanatur, 483. Basilicam construit, et sibi illic mansionem collocari præcepit, *ibid.* Perseveravit in virginitate, per quam multæ virgines nobiles et mediocres sacra velamina susceperunt, *ibid.*

CONSUETUDO nominum dominatur, 68.

CONTEMPLATIVA vita ab amoresæculi mentes quorundam electorum insensibiles reddidit, 524. **V. VITA.**

CONTENTIONES generant iurgium, cujus fructus est vitæ consumptio, 228. Tolle hominem a contentione et audacia, et habebis eum subjectum, 229.

CONVERSATIO nostra sic temperanda, ut nullus in ea scandalum patiat, 146. Bona conversatio salutem operatur, 257. Terrorem incutit delinquendi, 247. **V. VITA.** Ex conversatione et moribus Dei servi etiam tacentes intelligendi sunt, 246.

CONVERSI lamenta vult Deus, non morientis mortem, 591. **V. CORRECTIO, PœNITENTIA.**

CORDIS merita aspiciet Deus, non carnis, 42. Hoc sequitur unumquodque, quod conatur ex corde, 95. Sunt spinæ cordis, quæ Verbum Dei etiam vulnerare consueverunt, 471.

CORACINA sacra, 33.

CORINTHII, Paulini, et Petriani, et Apolloniaci dici volebant, non Christiani, 111.

CORPUS lege animæ gubernari debet, 73. Quomodo corpus servituti subjiciatur, 143.

CORRECTIO fraterna quæ justa sit, 504. Quisquis fratrem peccantem non arguit, quodammodo hortatur, ut peccet, 495. Qui peccat, quandiu non corripitur, minime sibi videtur peccare, 247. Peccatum unius, quod cognitum non arguitur, multos contaminat, 127. Dulcior est religiosa castigatio, quam blanda remissio, 449. Non potest constanter argui, a quo accipitur aliquid, 131. Non destruuntur, qui arguuntur, ut corrigantur, sed ædificantur ad vitam, 208. Dum correpti immutantur, testimonium perhibent arguenti, 190. Qui reprehensus pudorem patitur, corrigere se promittit: qui vero irascitur, pejorem se futurum ostendit, 189. Nemo se argui vult errantem, 125. Superfluum est, si commoneas eum, quem scias esse facturum, 193. Correctionum mortificatione in disciplina contineamus, 14. **V. CHARITAS.**

CORRIGERE viam tuam tantum cura, quantum prospicis alienam, 489.

CREATURAM qualem velit condere in potestate auctoris est, 83. Cur omnis creatura ingemiscat, 75.

CRIMEN facit inordinationis nomen, 207.

CRUX Salvatoris peccatum et maledictum est Judæorum, 220. Signum crucis, 134. Diabolus signatos signo crucis, in qua victus est, in secunda morte tenere non au-

dit, 10.

CRYSTALLI natura describitur, et quid mystice significet, 585.

CUPIDITAS a fervore sanguinis generatur, 166.

CURTOSITAS periculosa præsumptio est, 489.

CYPRIANUS, 27. Cypriani martyris natalis dies vindemiarum temporum tempore, 470.

D

DAMASUS hodie rector est Ecclesiæ, 296.

DANIELEM Deus confessorum fecit, 458.

DAMNATORUM tormenta, 422. Indesinenter meditandum æternæ damnationis supplicium, 496.

DAVID suffocans leones, et interficiens Philistæum, fuit figura Christi, 529. Goliath occidit non telo fereo, sed gladio spiritali, 475. Quomodo id in figura factum fuerit, 476.

DECIMÆ annis singulis erogandæ sunt, 423, 425.

DEFENDERE Quod a paucis defenditur, solet non probatum videri, 90.

DEGENERARE est ab auctore recedere, 235.

DEHABERE nihil, 256.

DELECTATIONUM terrenarum contemptus ad cælum properanti apprime necessarius est, 19.

DELICIÆ januæ sunt peccati, 299. Deliciæ spirituales meliores sunt quam carnales, 391.

DEPCHA sanitas interpretatur, 8. Cur nona sit mansio filiorum Israel, *ibid.*

DESIDERIA pati et non vinci, illustris viri est et perfecti, 133.

DESPERATIS spem maximam tribuat novissima latronis non desperantis confessio, 596. Sicut nullus desperare debet, in quacunque ætate sit, si ad Dominum converti voluerit, ita nullus pro sola fide securus esse debet, 410.

DETRAHES nunquam, si te ipsum bene perspexeris, 489.

DEUS est propter timorem, pater autem honoris et benignitatis causa, et quia ab ipso est omnis origo, 262, 280. Deus naturæ nomen est et potestatis, quam in Patre et Filio individuam manere ipsa nominum ratio docet, 222. Ipsa natura proprio iudicio creatorem suum agnoscit, 39, 61. Deus cum definitur, ipsa sua definitione crescit, 352. Tunc digne æstimatur, cum inæstimabilis dicitur, 351. Verius cogitatur, quam dicitur, 321. Primum omnium credendum est unum esse, qui cuncta ex nihilo per Verbum suum fecit, et per Spiritum sanctum animavit, 324. Quidquid ad unius Dei professione recedit, mortuum habetur, 234.

Deus compositus intelligi non potest, 321. Proprium Dei est non cœpisse, sed semper idem esse, quod semper est, 325. In Deo omnia æqualia sunt immensitate infinitatis, 239. Immutabilis perseverat, nec potest non amare quæ fecit, 43. Deo totum est tempus hodie, 403. Apud Deum nihil est quod futurum dicatur, 160.

Deum providenter operis sui merita requirere ostenditur, 36. Sapientia hujus sæculi Deum incuriosum existimat, 115. Hoc scire Deum dicitur, quod bonum est, 182. Quos scit futuros sanctos, jam apud illum sancti sunt et permanent, 30. Præscientia Dei quæ, 81. Justum esse iudicium præscientiæ Dei, 82. De justitia iudicat, non de præscientia, 81. Neminem damnat, antequam peccet; et nullum coronat, antequam vincat, *ibid.* Quomodo eos prætestinaverit, qui salvantur, 306. *Vide PRÆDESTINATIO.* Paulum persequentem elegit præscius quod futurum esset bonus; Pharaonem ante futurum iudicium damnavit, ut crederetur iudicaturus, 82. Vult omnes homines salvos fieri, si et ipsi velint, 292. Bonitas Dei nullum perire vult, 53. Quia omnium unus est Deus, una ratione omnes justificavit, 47. Tria in Deo ordinem temporum, præteritum, præsens et futurum custodiunt; bonitas, qua jam esse cœpius; misericordia, qua ad pœnitentiam provocamus; justitia, qua iudicabimur, 605.

Quid magnum est, ut Deus de se credatur generasse, qui non ambigitur cuncta ex nihilo fecisse, 120. Dixisse Dei fecisse est, 565, 534. Et jurasse est, 542. Sæpe dicitur dedisse quod permittit, 538. Justitia Dei de sacramento Dei est, 46. Quia quod promissit, dedit, 31. Pater nobis est, cum agimus, iudex, cum peccamus, 392. Apud Deum nulla est discretio personarum, nisi morum et vitæ, 222. Quomodo Deus verax vincit, cum iudicatur, 47.

Dei eloquia non possunt esse diversa, 284. Quomodo purgari dicantur, 511. Quomodo in Deo ira et indignatio, 37. Manus Domini in Scripturis plurimas significationes habet, 504. Quomodo ignis consumens sit, 335.

Ad Deum reducenda sunt omnia, 13. Gloria Dei est, cum ab illo omnia, et per illum, et in illo esse dicantur, 173. Quomodo in gloriam Dei fiat aliquid, 145. Quod non est a Deo, stare non potest, 279.

Deum solum diligendum esse ex mundi fabrica intelligi potest, 32. Potentia ejus et majestas sine intellecta conspicitur, *ibid.* Dominus amari se mavult, quam timeri, 275. Quod servitium tam acceptabile Deo, quam ut diligatur ex toto corde totaque virtute, 336. Deo aliter serviri non potest quam puro corde, 274. In fide spiritaliter Deo servitur devotione mentis, et puritate cordis, 227. Cur Apostolus ea mensura nos Deo servire præcepit, qua prius famulabamur Domino, 62. Vox canora Deo serviat, illum laudet psalmus, hymnus extollat, 273. Deus sic genuit, ut nati ingenui, servi tamen ejus sint, 51.

Deo tunc veras gratias agimus per ipsum, si modum præceptorum ejus custodiamus, 274. Illi soli scimus nomen Dei, qui custodierint mandata Dei, 507. Vocantes Deum patrem, si dissimilem vitam exhibeamus, injuriam facimus Deo, 73. Portare Deum hoc est imaginem Dei in rebus bene gestis ostendere, 132. Opus Dei præproperam festis nationem exigit, 11. Quomodo Deus operibus nostris cogatur, 392, 393. Quam viam Domino præparare jubeatur, 462.

Deum medicum habemus, qui percutiendo sanat, mortificando vivificat, 114. Duabus ex causis misericordiam Dei accepimus, 59. Quis beneficia non in inflatum extollat, quæ Deus præstitit homini, Dominus servo, conditor creaturæ, 291. Deus homines ad Christi exemplum in filios sibi adoptare dignatus est, 77. Quomodo Dei, qui semper vivit, hæredes esse possimus, 74, 223. Quid sit orire ut veniat regnum Dei, 75.

Qui Deo placet, probatus est hominibus, 103. Quis non metuat eum, quem scit Dei esse amicum, 261. Quis accuset eum, quem Deus excusat, 216. Dei suffragium tunc est necessarium, cum humanum auxilium deficit, 204.

Deus immemorem nostrum tunc facimus, cum peccamus, 420. Compensatio contempti Dei turpido est et contaminatio, 34. Natura quæ deserit Deum, semen pessimum dicitur, 235. Quando Deum non videmus, licet præsens sit, absentes ab eo sumus, 182. Est quasi idolo arri gloria Dei nomini hominis vindicare, 114. Inidelitatis genus est in divinis rebus nec gaudere prosperis, nec flere contrariis, 447.

Devotio dum infirmitate pressuræ accidentis non frangatur, probata videtur, 205. Loc libenter accepto fertur, quod devoto sit animo et prudenter, 263. Ad Deum promerendum suffragatore non opus est, sed mente devota, 33.

Diavolus interpretatur deorsum ruens, 518. Peccatum dicitur, 65. Cum alta sapuit, apostatavit, 97. Dæmones per aerem istum more ventorum indiesinenter discurrunt, 565. Tradere diabolo est permittere, non incitare aut immittere, 33. Inflexa est amicitia diaboli, 518. Non contra eum quem vinculis peccatorum constrictum tenet, dimicat; sed contra eum qui peccare desistit, 514. Nostris nos jaculis impugnat, 60. Qui sint septem spiritus, quos diabolus secum assumit, 519. Amat filios suos, sicut glutu porcellum, ut comedat, 432. Temperatam Dei servis commoveret, sed ipse naufragium facit, 249. Hæc est vera victoria, ut Satanas qui Adam inmortalem, gloriosum et epulantem vicerat, nunc ab homine mortali, humidi atque esuriente, vincatur, 428. Diaboli civitas est omne corpus reproborum, 503.

Diagonos nunc septem esse oportet, et aliquantos presbyteros, ut bini sint per Ecclesiam, et unus in civitate episcopos, 195. Evangelistæ sunt diaconi, qui evangelizare possunt sine cathedra, 241. Vide Doctores.

DIACONISSE Vide CATHAMYGÆ.

DICTA sine factis nihil possunt, 473.

DIGNITATIS vir, 301. Propensius malum est dignitatem perdidisse, quam non habuisse, 79.

DIGONAD est circa vallem Zared, 13. Mystice aparium tentationum significat, *ibid.*

DIOCLYTIANS imperator, 310.

DIONYSIUS, martyr. Vide EUSEBIUS.

DISCIPLINÆ nostræ omnis summa in misericordia et pietate est, 297.

DISCIPULI septuaginta, qui in secundo sunt ab apostolis gradu, septuaginta palmis recte comparantur, 7, 417. Cur Christus discipulos fratres vocet, 501.

DISCIPULORUM perfectio gaudium et corona magistri est, 79. Corona discipulorum magistri est gloria, et veritas ejus mercedum in patria, 25. Auctoritas magistri in discipulorum est liberum, 285. Discipulis in adversis victoribus, dignus erit corona magister, 261. Testimonium magistri est in discipulis obaudientibus, 197. Discipuli tristitia magistri est lætitia, 419.

DISCORDIA exordium injustitiæ est, 100.

Ubi DISSENSIO, ubi rectum est, 113.

DIVES recte dicitur, qui omnibus virtutibus plenus,

usque ad culmen perfectionis excrevit, 511. Quam recte camelo dives comparatur, 442.

DIVITIÆ non malæ sunt, sed male utentibus malæ sunt, 342. Sicut divitiæ negligentiam pariunt salutis, ita egestas, dum saturari querit, a justitia declinat, 283. Alienæ a nobis sunt, 342. Quæ comparandæ sint, 4. Nutrimta sunt vitiorum, 567. Valde rarum est, ut qui eas possidet, ad requiem tendat, 490.

DOCTOR magna cura eligendus est, 307. Oportet doctores infirmos firmare, et imperitos erudire eum mansuetudine, 104. Qui fideliter docet, non potest malum habere conscientiam, 291. Inanis fieret doctrina mandati, si in facto doctoris non præiret auctoritas, 602. Doctores si aliter agant quam docent, ah his est dissentendum, ut magis lex tibi dux sit quam homo, 230. Doctores eos dicit Apostolus, qui in Ecclesia litteris et lectionibus retinendis pueros imbuunt more Synagogæ, 153. Arguuntur quidam legum sæcularium doctores, qui causas pauperum sine præmiacceptioe in judiciis non portant, 566. Quare nunc diaconi in populo non predicant, 241.

DOCTRINA prima est benefacere, 473. Testis est doctrine virtus, ut quia quod predicatur, incredibile mundo est, gestis fieret credibile, 28, 31. Doctrina mala in ligno, feno et stipula significata est, 122. Fermentum est doctrina, 128.

DOLOR mentis et dolor corporis sic connexi sunt, ut unus sine altero esse non possit, 575.

DOMINICA die collectam fieri præcepit Apostolus, 168.

DOMITIANUS sanctus, 471.

DOMITIANI persecutio omnes Ecclesias turbaverat, 501. DONATIANI, 39, 113, 144. A nostris baptizatos reprobant, *ibid.*

In DONO plus dantis quam accipientis consideratur sublimitas, 51.

E

EBRIETAS cœlestis gratiæ sobrius facit, 479.

EBRONA Latine transitus est, 16.

ECCLESIA a Christo sumpsit initium, et in nomine potest non in natura participari Christo, 248. De latere Christi in cruce per passionem et soporem mortis formata est, 333, 520. Conjungitur quotidie Christo: sed post resurrectionem conjungitur multo excelcius atque nobilius, 587. Christus Ecclesiæ sponsus sanguinum, 527. Hæc Christum rapuit synagogæ, 393. Christus spernit Synagogam perfidam, fidelem assumit Ecclesiam, 439. Prophetæ disposuerunt, apostoli fundamenta Ecclesiæ jecerunt, 236. Ex omnibus gentibus collecta fuit, quod quidam hæretici negaverunt, 519. Toto orbe terrarum diffusus, 326. Extra catholicam quidquid est, contrarium est, 122.

Ecclesia electorum in septem partes dividitur et quæ illæ sint? 502. Reprobi solo corpore et anima in Ecclesia consistunt, mente vero extra Ecclesiam sunt, 522. Septem Ecclesiarum nominum interpretatio et ordo explicatur, 501. Viam demonstrat, quæ ducit ad vitam, *ibid.* Ecclesia mundum despiciendo calcet, ut liberius ad cœlestia tendat, 516. Est columna ignis, 541. Arca Noe figura illius erat, 440, 521. Et mulier quærens drachmam, 427. Et ficus, 11. Acervus lapidum dicitur, 18. Dux moleantes sunt Ecclesia et Synagoga: una assumitur, altera relinquetur, 408.

Ecclesiam persecutionibus crevisse constat, 541. — Est navis in cujus arbore Christus residet, in puppi Pater, in prora Spiritus sanctus; cujus remiges duodecim apostoli et totidem prophetæ, 553. Procellis vexatur, nunquam mergitur, *ibid.*

Ecclesia (in) magis lex est, ubi Dominus legis timetur, 429. Cur non per omnia convenient scripta apostoli ordinationi, quæ nunc in Ecclesia est, 241. Synagoga et postea Ecclesia seniores habuit, quorum sine consilio nihil agebatur, 298. Quod qua negligentia obsoleverit, nescio, *ibid.* Hæc est traditio Synagogæ, quam nos Apostolus vult sectari; ut sedentes disputent, seniores dignitate in cathedris, sequentes in subselliis, novissimi in pavimento super mattas, 159.

Ecclesia duplex, domestica et publica, 170. Ubi-quoque presbyteri solemniter celebrant, Ecclesia dicitur, 170. Qui potest omnidie ac nocte in Ecclesia ad matutinum officium veniat, 425. Quidam ad eam veniunt, non quia ex fide Christiani sunt, sed ne ab hominibus Christiani non putentur, 443. Arguuntur qui raro ad eam veniunt, etiam clerici, 448. Cum ad illam procellis, pæcem episcopo porrigitis, 421. Laudatur comes qui Ecclesiam ædificaverat, 474.

ECCLESIASTICUS in Dei rebus sollicitus esse debet, a sæculari negotio alienus, 307. Non facile aliquis accipit Ecclesiasticam dignitatem, nisi prius de vita ejus

fuerit disputatum, 301. Ille gratiam habet, qualisvis sit, sed ordinis per efficaciam Spiritus sancti, 151. Nihil tam perniciosum est quam si Ecclesiasticus, maxime qui in sublimi loco est, divitiis hujus sæculi studeat, 302. In administratione gratiæ Dei mulier locum non habet, 109.

ECTASIS est vehementis cujusdam admirationis species, ex arduarum et insolitarum rerum visione proveniens, 13.

EGET (qui), imperfectus est, 255.

ELECTI omnes sacerdotes vocantur et cur, 572. Tanto debet quisque esse humilior, quanto si sit electus ignorat, 410.

ELEEMOSYNA. Omnibus tribue, non eligas cui miserearis, 490. Non alieno spolio misericordem te ostendas, *ibid.* Hæc est justitia, ut quia Deus dat, retribuatur ex eo homo ei cui deest, 194. Unusquisque secundum quod habet, debet tribuere egentibus, 425. Ad meritum proficit, cum quis de proprio tribuit egenis, 244. Sic dandum est, ut non egestatem præstet dantibus, 191. Non solum quæritur quantum, sed et de quanto et quo animo detur, 194. Quid sit largiri in simplicitate, 95. Quam male aliqui se excusent ab erogandis eleemosynis, 444.

Eleemosynam facere ipsi proficit, qui largitur, 444. Et hinc sit ditior, *ibid.* Quam gratum eleemosyna opus est, ut omnem maculam hominis et sordes emundet, 262. Bonum munus est eleemosyna, quæ purgat omnem sordem et squalorem, 368, 426. V. ABSTINENTIA, JEJUNIUM, MISERICORDIA.

ELIAS ad viduam Sareptæ loquens Christum figurabat, 530. V. APOCALYPSIS, ENOCH.

ELIM interpretatur arietes, 7.

ELISÆUS Christum figurabat, Naaman vero populum gentium, 531.

ELMON deblathaim quid significet, 18.

ELOGIUM econdemnationis, 593, 597.

EMERENTIANÆ collecta de Agnetis martyrium, 483.

ENOCH et Elias ultimo tempore futuri sunt apostoli, 125.

EPIPHANIA cur sic appellata, 400. Dies est festivissima, 443.

EPISCOPUS interpretatur superinspector, 364. Solio in Ecclesia editore residet, *ibid.* Apostoli sunt caput Ecclesiæ et legati Christi, et isti sunt episcopi 153. Apostoli episcopi sunt, 241. Tempore Pauli adhuc singulis Ecclesiis rectores non erant constituti, 112, 119. Primi presbyteri episcopi appellabantur; ut recedente eo sequens ei succederet, 211. Sed immutata est ratio, prospiciente concilio; ut non ordo sed meritum crearet episcopum, multorum sacerdotio constitutum, 242. Episcopi et presbyteri una est ordinatio: uterque sacerdos est, sed episcopus primus est; hic enim episcopus est, qui inter presbyteros primus est, 295.

Episcopo (in) omnium ordinationum dignitas est, 114. Et omnes ordines sunt, 241. Vicarius Domini est, 148. In Ecclesia unus est episcopus, 154. Singulos episcopos singulis Ecclesiis præses debere, 153.

Episcopus qualis eligi debeat, 294. In ejus persona totius populi salus consistit, 303.

EPULUM, 90.

ERROR omnis carni deputatur, 284. Facile poterit quis intelligere errare se, si a multis se videat reprehendi, 210.

ESAD populi Judaici, Jacob christiani figura fuit, 226.

ESMONA Latine dicitur acceleratio, 14.

ESSE. Omne quod est, aut ingenitum est, aut genitum, aut factum, vel etiam renatum, 322. Deterius est fuisse et non esse, quam nunquam visse, 155.

ETHAN tertia mansio filiorum Israel, nobis sonat fortitudo, et quid nos doceat, 5.

EUCCHARISTIÆ mysterium inter cœnandum celebratum, non cœnatum, 149. In Eucharistia caro Christi in veritate sumitur, et sanguis in veritate bibitur, 491. Sacrificium est pro salute omnium tam vivorum quam defunctorum, *ibid.* Cum Christi corpus manducamus, divinitatem et humanitatem participamus, 8. Verum est manna, non in typo sed in veritate, *ibid.* Calicem mysticum sanguinis ad rationem corporis et animæ nostræ percipimus, 149. Omnes christiani omni dominica debent offerre et communicare, 426. Mundemus corda et corpora nostra, ut ad altare Domini corpore et sanguine satiemur, 424. Devoto animo et cum timore accedendum ad communionem, 149. Nilot differt ab infideli, qui inconsiderate ad mensam Domini accedit, 150.

EUSEBII encomium, et quomodo Dionysii, qui Arianis subscripserat, chirographum sustulerit, 467. Meruit exi-

tus sui finem revelatione cognoscere, 478. Quo martyrii genere in exilio obierit, *ibid.* Ejus discipuli omnes aut sacerdotes aut martyres, 467. Eisdem monachos instituit esse quos clericos, *ibid.*, 468.

EVA et ipsa Adam est, 54.

EVANGELIUM Dei est bonum nuntium Dei, 211. Quo peccatores ad indulgentiam vocantur, 26. Evangelium beatissimi Pauli, 606. Per virgam terream Evangelium, per ligneam Lex figuratur, 508. Quantum distat servus a domino, tantum distat Evangelium a Lege, 29. Imago Legis Dei est, in cujus fide et conversatione Evangelii veritas luceat, 150. Disciplina christianorum est Evangelium, 543. Paulus dicit gloriam suam in eo, si Evangelii severitas maneat, 141. V. SCRIPTURA, TESTAMENTUM.

EVANGELIZARE majus est, quam baptizare, 114.

EVANGELICA lectio recitata in die Natalis Domini, 394.

EXCOMMUNICATIO. Qui ejicitur de Ecclesia, traditur Satanæ in interitum carnis, 127.

EXEMPLA facilius videntur, quam verba, 145, 156. Promptior fit quis ad rem sibi traditam, si illi multos videat assentiri, 30. Facile quis inclinatur, si viderit socium consensisse, 134.

EXORCISMUS, 613.

EXORCISTÆ quomodo magistri dici possint, 241.

EXSUPERANTIUS Eusebii minister in sacerdotio, comes in martyrio, particeps in labore, 468.

EXTOLLENTIA superbia est, 201.

EZECHIELIS visio ultima cum septima Joannis concordat, 578.

F

FABULÆ bonæ et sobriæ dant gratiam et exemplum audientibus, 244.

FANATICI sine Deo sunt, 119.

FATUM non omnibus contrarium asserunt pagani, 269.

FELICITAS segura plerumque offensionibus subjacet, 602.

FEMINA non est facta ad imaginem Dei, 147, 159. Incongruum erat ut mulier, facia viro subjecta, diceretur imago Dei, 273. Virum suum timere jubetur, 248. Femina quæ diabolum vincit, ac per bona opera Deo placere studet, non incongrue vir vocatur, 547.

FESTIVITATES plures nobis præstat unius Dei visitatio, quam genibus multorum deorum superstitionis præsumptio, 400. Per omnes festivitates castitatem servare debemus, 424.

FIDES donum est misericordiæ Dei, 49. Christus hoc nobis donat quod credimus, 113. Credentes hoc appellantur, quod credunt, 222. Fides in animo est, 64. Non in anni, sed in sensibus geritur, 420. Non necessitatis, sed voluntatis res est, 173. Credere aut non credere voluntatis est, 48. Fides Dei in eo est, quod de se repro misit, 31. Ambiguitas in fide nostra non est, 232. Signaculum promissionis Dei fides nostra est, quæ firmat Dei verba, 308. Credens gentilis, duce natura, in Christum condemnat Judæum, 41. Quanto impossibile putatur quod creditur, tanto magis honorabilior erit credens, 51.

Fides æterna res est, 170. Charitate fraterna debet muniti, ut perfectio sit credentis, 27. Gradus quidam sunt fidei, et qui devotius credit, religiosius conficitur, 449. Autem nebulam erroris, et tribuit perfectam Dei cognitionem in mysterio Trinitatis 42. Dignitatem et meritum tacit 47. Quia quis mente odoratus fuerit fidem, sic et proficiet illi, 70. Major fides est quam lex, 45, 52. Fides justificat confluentes ad se, 70.

Fidem solam gratia Dei poscit ad salutem, 48. Qui credit in Christum, sola fide gratis accipit remissionem peccatorum, 112. Cur, 93. Et salutem consequatur, 84. Fides propitium facit Deum, si bonis operibus approbetur, 155. Hujus spes frustra est, qui solam professionem fidei habet sine bonis operibus, 315. Non omnes qui habent fidem salvantur, sed in tantum qui in bono opere perseverant, 409. In sapientes et perfecti sunt, qui fidem non magis verbis habent, quam rebus, 118. Fides prima veniam, sancta conversatio perdurans, cum fide coronam meretur, 233. Qui fidem diligit servat mandata, 309. Lex fidei lex securitatis est, et cur, 73.

Ubi fides in gra est, ibi Salvator docet, vigilat, et exultat, 411. Laus gloriæ Dei est, si multi acquirunt ad fidem, 233. In credente justus Deus apparet, 31. Cur credentes præmiis afficiendi, 76. Arma Dei fides est stabilis, per quam solam semper victus est Satan, 250. Arma spiritus fides est incorruptæ prædicationis, 195.

Fides christiana omnem superbiam amputat, 318. Fidei victoria est, cum omnia vicia et crimina subjungitur, 303. Quicumque fidei christianæ se sociaverit, in civis sancto-

rum et domesticus Dei, 236. Deus nihil ultra potuit donare credentibus, quam ut Filii Dei dicantur, perditis abdicatis, 51. Sicut qui non credunt, jam iudicati sunt, et qui credunt, jam caelestes dicuntur, 166. Tantum vidimus gloriam Dei, quantum credimus, 177. Quomodo fides et spes in beatitudine possint dici remanere, 579.

Nemo fidem Dei enstotiens, infidelis potest esse hominibus, 315. Vita ex fide non hæc præsens est, sed futura, 32. Quomodo incredulis tria pœnalia, sic et fidelibus tria magnifica, 38. Nihil tam cogit ad mortem, quam sub obtentu fidei fidem violare, 317. Qui sine professione Christi a vitis se cohibere videntur, sanctificati sunt juxta mundum; et secundum Dei spiritum immundi sunt, 187.

FILIUS Dei ratio, Græce λόγος dicitur, quæ ratio multis nominibus appellatur, 352. Explicantur hæc nomina, *ibid.* Sancti nomen Christi, quod est Filius Dei, ex parte sciunt et ex parte nesciunt, 569. Filium non extrinsecus natum aut factum, ut hæretici mentiantur, sed ex propria substantia Patris generatum vera fides habet, 329. Non extensionem alicujus partis ex Patre (ut quidam putaverunt) Dei Filium dicimus, nec verbum sine re, et velut sonum vocis accipimus, 347. Solus de Deo Patre natus est, de ingemita utique substantia Dei, 265. Per generationem omnia Patris accepit, et in virtute et substantia et nomine nihil distet a Patre, 234. Perfectum Dei Filium natum de Deo Patre qui negat, arianus est, 255. Filius Dei habet nomen Dei per naturam non per adoptionem, 234. Pater per id intelligitur esse in Filio, quod una eorum sit substantia, 184. Filius dixit: *Ego et Pater unum*, propter naturam divinitatis, *sumus*, propter personarum proprietatis, 327. Patre inferior esse non potest, 328. Quomodo sit sapientia Patris vel genita vel creata, 349. Per id quod imago Patris dicitur, nihil ab eo distare creditur, 264. Quam male hæretici dicant Filium esse lumen ex lumine, non de lumine, 350, 352. De pœterno peccatore, et, ut ita dixerim, de utero cordis Dei absque initio credimus natum, 348. Gesta Filii facta sunt Patris, ex quo sunt omnia, 210. Omnia Patris Filii sunt, 72. Filius Dei cur Angelus et Deus dictus sit, 87. Naturaliter legatus est Patris Dei, 184. Filius Dei semper apparuit patriarchis, 40. Apparuit Moysi, 264. Deo gratias per nulum alterum, nisi per Filium ejus agamus, 62. *V. CHRIS. US, TRINITAS, VERBUM.*

FILII Dei dicuntur per gratiam Christi, 105. Hoc est testimonium filiorum, si in eos per Spiritum videatur signum paternum, 74.

QUIS pater non gaudeat, bene agentibus filiis, 207. In caritate filiorum gloria patris est, 240. Ille clarissimus patris est filius, qui bonorum ejus imitator est, 245.

FORNICATIO cur gravissimum sit peccatum, 131. Fornicationem excusant leges Romanæ, 35. Non Apostolus, *ibid.* *V. ADULTER.*

FRANCI Germaniam sibi vindicaverunt, 564.

FRATRES qui dicantur, 113. Cur hoc nomine vocati, 30. Qui seminant inter fratres discordias, in venelicis sunt, 516. Insultat, qui non condolet fratri, 173. *V. CHARITAS.*

G

GADGAD tentamentum interpretatur, 15.

GALLIA. *V. BURGUNDIONES.*

GAUDIUM. Ad requiem nominis per laborem, et ad gaudia nominis, per iram perveniunt, 7.

GENUS. Hoc est secundum carnem gloriari nobilitatem sibi carnis vindicare, et generis prærogativam, 209.

GERVASII et Protasii corporum inventio describitur, 484 e seq.

GLORIA pro auctoritate legitur, 196. Meritorum gloriam bonum est non tacere, ut invitentur credentes, 201.

Inanis gloria est velle vincere ubi præmium non est, 229. Inanis gloria septem vitia gignit, 431.

GLUTTONES et ebriosi servi sunt ventris et libidinis, 333.

GOG interpretatur rectum, 572.

GOMI Hispaniam sibi vindicaverunt, 546.

GRATIA duplex est, 89. Grati donum Dei est, non debita merces operibus, sed gratuita ratione, misericordia interveniente concessa, 89, 232. Hominum talis est natura, ut nihil boni a se habere possint, nisi ab eo accipiant, qui est summe bonus, 518, 179. Res Dei non potest sine Spiritu Dei adisci, 119. Quidquid boni fideles faciunt, operante Deo, faciunt, 535. Paulus omnem gra-

tiam semper reportat ad Deum; ut nostrum sit velle, perficere vero Dei, 257. Spiritus sanctus replet gratia sua quos vult, et quantos vult, et quantum vult, 323. Ut possideamus gratiam salutis, communicatio facit sancti Spiritus, 210. Spiritus sanctus conatus bonos adjuvat, 159. Omne donum gratiæ Dei in Christo est, 231. Et a Christo, 59. Grata contert vitam per Christum, 57. Quomodo gratia Christi hominem ad pristinum innocentiam statum reparaverit, 69. Illum Deus juvat, quem videt tota mente contendere, 133. Unicuique Deus gratiam tribuit, ut tentum hauriat, quantum sinit, 210. A munere suo Deus nullum voluit esse alienum, 180. Quomodo gratia superabundet, 58. Acquiritur Deo, qui in gratia ejus manet, 63.

GRÆCI qui dicantur, 30, 31. *V. LATINI.*

GREGORIUS citatur, 544, 582, 586. Sex hominum ætates posuit, 538. *V. PATRES.*

GULA quæ vitia generet, 495. Adam per escam paradisi perdidit, Esau per lentem honorem primatus amisit, Judas per buccellam apostolatus sublimè deposuit, 429. *V. CIBUS.*

H

HÆRETICI sub pretextu nominis Christiani homines decipiunt, 453. Et legis ac fidei sensum corrumpere nituntur, 107. Non docent, nisi sub Christi nomine, et cur, 122. Vix aliquem ex inventoribus hæresum invenies, qui pœnitentiam egerit ex suis erroribus, 561. Multæ hæreticorum sectæ ab Apostolorum tempore emergerant, ex quibus rami aridi exstant nunc usque, 111. Nihil periculosius iis hæreticis, qui uno tantum verbo a vera fide dissident, 347.

Hæretici Ecclesiam Dei persequenti sunt, 539. Propter notitiam Scripturarum prophetas se esse æstinant, *ibid.* Scripturis divinis quæ iam falsa apponebant, et quadam detrahebant, 588. Fides non sit in hominum sapientia, et hæresis non est, 327. Hæretici, schismatici, luxuriosi a castris ejiciuntur, 9. Oblatio eorum quia Spiritum sanctum non habent, non in Dei cultum, sed in cultum demonum prohebit, 326. Nullus eorum Spiritum sanctum habere potest, 326. Jure sedes bestiæ dicuntur, 560. Dathan et Abiron eos qui hæreses et schismata in Ecclesiam introducunt, ligarunt, 11. Vulpibus comparantur, 446.

HALLUS interpretatur labor, 8. Decima est mansio filiorum Israel, et quod in ea actum sit, 8.

HEBRÆI propter Abraham dicti sunt; immutata est enim littera propter sonum, ut non vocarentur Abrei, sed Hebræi, 259. Ex eo leni Abraham et nomen et lingua Hebræa, *ibid.* Qui integre omnibus Hebræorum libris imbutus erat accepta fide, perfectum fecit doctorem, 297. Hebræi aliquando Syra lingua, plerumque Hebræa in tractatibus aut oblationibus utebantur ad commendationem, 157.

HEXOCET curre igneo, id est angelorum subvectione, quasi usque ad cœlum raptus es, 341.

HERONYMUS citatur, 564. *V. PATRES.*

HERUSALEM interpretatur visio pacis, id est Dei, 510. Hierusalem usque ad solum destructa est, et ista quæ pro ea edificata est, alio loco sita esse dicitur, 544.

HEVARIUS. *V. PATRES.*

Ubi HOLOGRAPHIA manus est, falsum dici non potest, 130.

HOMINIS quanta dignitas in sua creatione, et quid intum doceat, 611. Humanæ carnis naturam sanctæ Trinitatis substantiam natque consortium per Dominum Christum ingredi meruit, 332. Homo creaturæ factus est dominus, ut Creatoris voluntatem servaret, 137. In quo sit ad similitudinem Dei, 612. Quomodo sit imago Trinitatis, 611. Deus unus unum hominem fecit, qui unitatis ejus haberet imagine, 273. Ideo factus, ut imperium unius Dei præberet, 56.

Hominis sententia suam quasi fingit naturam; ut hoc appetatur, quod sentit, 74. Ex actu nomen accipit, 45. Sub vocabulo animæ totus homo significatur, 72. El carnis, *ibid.* duplex homo carne subiectus et animo, 69. Novo pietatis genere in uno eodemque homine mors operatur et vita, mors peccatorum, virtutum vita, 413. Quomodo Christus hominem ad pristinum, quam acceperat, imaginem revocaverit, 332. Innovatus homo exiit de timore, accipiens spiritum lætitiæ, 305. Qui minus est a gentilitate, dum adhuc aliquid de hominibus speratur, 111. Peregrini hominis improbabilis origo in terra aliena est, 52.

HONESTE illud fit, quod cum pace et disciplina fit, 160. HONOR grandis grandiori debet sollicitudine circumval-

lari, 360. Sublimitas honorum sine onere peccati vix tenetur, 489. Quid prodest honorem sine fructu habere, 283. Cave honores, quos sine culpa tenere non potes, 489. In die iudicii incorruptibilis dabitur honor et gloria, 287.

HO SANNA, id est salva nos, 433.

HOSTIAM vivam cur offerre nunc debeamus, 94.

HOSTES interiores si deessent, exteriores nihil nobis nocere possent, 588. Prius tui victor esto, ut possis esse victor alterius, 418. Magna solertia est domestici hostis insidias evitare, 69.

HUMILITAS hæc est, si sibi quis nec quod deberi novit, defendat, 255. Laudabile est, sublimem virum humiliare se, 317. Qui scit se aliquid esse, humiliet se, ut amplius fiat, 196. Humilia te in omnibus, et coram Deo invenies gratiam, 426. Si gloriosum est christiano, in humilitate gloriosum est, qua crescit apud Deum, 203, 204, 229. Apud Deum humilitas gloriosa est, 200. Et nutrit amorem Dei, 519. Superbos solet inclinare, 229. Quæ vitia extinguat? 493.

HUNNI Pannoniam sibi vindicaverunt, 564.

HYPOCRISIS. Pejor est qui se, cum sit malus, bonum ostendit, quam ille qui est aperte malus, 301.

I

IDOLOLATRÆ quam inexcusabiles, 33, 34, 35. Cur Sathanas invenit idololatram, 145. Gravissimum crimen, et caput totius erroris, 59. Per eam omnia vitia in mundo nata sunt, 35. Ubique fornicatio vocata est, 454. Sub tegmine simulacrorum diabolus colitur, 145. Quam recte per fumum idololatria designetur, 540.

IDOLOTHYUM vocatur quod idolis erat consecratum, 507.

IDOLUM vanitas est, 44. Nihil tam inimicum homini, quam idola, 186.

IGNORANTIA. Quasi post nos est, quod ignoramus, 501. Et futurum nobis est, 586.

IMMORTALITAS quam primus homo peccando amisit, justis reddetur, 575.

IMPENSA carne, 165.

IMPERATORE absente, imago ejus habet auctoritatem, 270.

IMPII habitatores terræ jure vocantur, 537.

IMPOENITENTIA quorundam perstringitur, 539.

INFERIOR facile facit, quod fieri viderit a priore, 29.

INFERNI poena damnatos quodammodo generat, quo consumuntur, 285. V. DAMNATI.

INFIRMITATES aliquando peccati causa inferuntur corporibus, 292. Christiana infirmitas fortitudo est, 418.

INFIRMOS non te pigeat visitare; ex his enim in dilectione firmaberis, 368.

INGRATI ii sunt, qui, Deo vocante, dissentiunt Dei gratiam abnuentes, 53.

INIMICI humanitate ad amicitiam provocandi, 98. Quid sit inimicum diligere, 100. In hoc abundans et perfecta justitia est, *ibid.* Quanto magis inimici graves sunt, tanto magis reconciliati necessarii, 29.

INIQUITAS fortis vincere sibi videtur ad tempus, 116.

INNOCENTIÆ causa miserabilior est, 53.

INTERPOLÆ et adulteratores Scripturarum, 289.

INVIDIA quæ vitia pariat, 493.

IRA motus est naturalis, qui solet ad profectum pertinere delinquentis, 243. Nascitur ex peccato, 50. Necesse iratus animus mala cogitet, 244. Solet per iram peccari, 98. Ita nihil asperius et amarius, 497. In ira nemo agnoscit quid sit utile, 249. Inconsiderata res est, in tantum ut aliquando nec sibi pareat, qui irascitur, 274. Qualis ira esse debeat in delinquentes, 244.

ISAAC in typo Salvatoris natus est, 80, 125, 226.

ISAIAM sectum Deus martyrem fecit, 458.

ISRAEL Judæorum, Isaac Christianorum significat natiuitatem, 245.

ISRAELITÆ in deserto num jejunaverint, 422. Cur itinera, protectiones, mansionesque Israelitarum a finibus Ægypti usque ad locum quo Moyses defunctus est, mandato Dei recensentur, 1. Cur mansiones filiorum Israel quadraginta et duæ numero computantur, 2, 3. Ili digni sunt dici Israelitæ, id est videntes Deum, qui credunt, 80, 84.

J

JACOB populi gentium, Esau Hebraici figura fuit, 523. Duodecim nominum filiorum Jacob interpretationes, et quomodo gradus quibus a conversione peccatorum ad Deum perveniantur significant, 534.

JACOBUS frater Domini appellatus est; quia et Joseph

pater ejus etiam Domini pater nuncupatus est, 313.

JANUS homo fuit, unius conditor civitatis, quæ Janiculum nuncupatur, 400.

JANUARIAS calendæ qui celebrabant castigantur, 390.

JEBARIM acervum lapidum transeuntium sonat, 18.

JEJUNANDI conditio nobis conditionem tolerandi imponit, 419. Jejunium contritio atque humiliatio est animæ, 333. Qui jejuntant a cibo, et non se abstinere a malo, similes sunt diabolo, qui non manducat, et tamen a malo non cessat, 431. Jejunia nostra non debent sæculi aciebus occupari, sed sacris litteris exerceri, 429. Quod vobis subtrahitis jejunando, in cælum debetis transmittere in pauperes, 431. Et totum debetis pauperibus donare, 426.

JEJUNI quanta virtus et gratia 418. Moysen proximum divinitatis consortio faciebat, 414. Castra sunt jejunia christianis, 418. Pedes animæ pernices sunt fides atque jejunium, 415. Quam male aliqui excusent se a jejunio, 443. Satis diu jejunt, qui cum voluntate Christi se reficunt, 422. V. ABSTINENTIA, QUADRAGESIMA.

JEPITE filialis inventus est, offerens filiam suam secundum votum quod stulte voverat, 164.

JEREMIAS receptissimus prophetarum, 353.

JERICO omne corpus reproborum, quod est civitatis diaboli, designat, 503.

JERIEBATHA bonitas interpretatur, 15.

JOANNEM BAPTISTAM concepit Elizabeth non natura, sed gratia, 459. Voculi ejus nuncupatio reddidit muto vocem, patri pietatem, populo sacerdotem, 451. Comparantur inter se Christi Joannisque nativitas, 459. Quo sensu quisque nascitur de muliere, inferior est Joanne, 361. Hujus natalis dies celebratur, 459. Quomodo sit vox clamantis, 461. Jejunus fuit, humilis, parcus et virgo, 462. Non mirum si in carcere clausus Christum semper discipulis suis intimavit, cum etiam clausus in utero eundem Dominum gestibus prædicavit, 460. Cum caput illi amputatum est, typus erat legis, 462. V. CHRISTUS.

JOANNES EVANGELISTA prior agnovit Dominum; quia dicebat ut virginitas virginali prius agnosceret corpus, 340. Ea tantummodo scripsit, quæ posteris auspicio protutura esse præviderat, 499. Cur post reversionem suam de exilio compulsus est Evangelium scribere, 542. Sancti Patres tradunt quod post reversionem suam tantum in Epheso et circa adjacentia loca prædicaverit, ibique mortuus sit, 543. Sine gladii peremptione quievit, 503.

JOB ex filiis est Esau, quintus ab Abraham, hoc est nepos Esau, 81.

JOSEPH Mariæ sponsus filios ex alia conjuge susceperat, 213.

JOSEPHUS citatur, 5, 16, 19, 560. Eversionem Hierusalem describit, 503.

JUDÆI cognomen tripartito genere significatum advertitur, 40. Ex tempore Judæ Machabæi, diei cœperunt, 31. Eorum prærogativa, 42. Cur Paulus Judæum uliis anteponat, 38. Judæi apostatæ habeantur necesse est, qui dum Christum non recipiunt, rei sunt violatæ Legis, 84. Judæi Romæ habitantes temporibus apostolorum, 25. Ex quibus hi qui crediderant, tradiderunt Romanis, ut Christum profitentes Legem servarent, *ibid.* De Christo non bene credebant, *ibid.* Si qui Dominum interfecerunt, et apostolos ejus persecuti sunt, tempore quo visio Apocalypsis Joanni demonstrata est, jam a Romanis devastati fuerant, 564.

Quam in eos Deus severus sit, 92.

Judæorum confabulatio est magna pollutio, 400. Perlicia eorum indicabitur fide apostolorum, 39. Ilorum reprobatum locum facit gentilibus, 91, 93. Gentium vocatio Judæorum est perditio, 223. Eorum prope gravior causa est apud eos ipsos quam gentium, 38. Constat illos in fine mundi per prædicationem Eliæ et Enoch ad fidem Christi reversuros, 543, 545.

JUDAS Machabæus fuit ex filiis Aaron, 31.

JUDAM, cum fur esset, quia non est accusatus, minime Dominus abjecit, 127.

JUDICIUM dies non veniet, donec impleatur numerus electorum, 533. In eo signum Filii hominis, id est crux Christi, apparebit, 422. Qua forma Christus ab impiis et justis videbitur, 500. Non prius veniet Dominus, quam reus Romani defectio fiat, et appareat anticristus, qui interficiet sanctos, reddita Romanis libertate, sub suo tamen nomine, 286.

JUDICIS non est sine accusatore damnare, 127. In judicio nunquam misericordiam deseras, 489.

JURISCONSULTI seu pontifices, quos vocant sacerdotes, certos dies quibus judicatur, decreverunt, 124.

JUSTITIA cognoscitur duce ipsa natura, 91. Promajustitia est agnoscere Creatorem, deinde custodire quæ præcipiuntur, 85. Justitia communis habeatur, 97. Vera justitia est non

habenti de proprio suo largiri, 164. Via ejustenenda est, ut ad misericordiam jure veniatur, 281. Justitia perfecta est bonitas, 53. Impia justitia est humanae fragilitati non ignoscere, 489. Quomodo abundet justitia Christianorum, et supergredi videatur, 97.

Ad justificationem spiritus datur, ut adjutorio suo justificet, 72. Justificatio in nobis impletur, cum datur remissio omnium peccatorum, 71.

Justi lapides appellantur, 18. Habitatores cœli jure vocantur, 537. Justorum redemptio quid, 556.

JUVENTUS solet promptior esse ad lapsum, 215.

L

LABORATUR hac spe ut fructus capiatur, 141. Naturalis ratio hoc habet, ut quis inde vivat ubi laborat, 141. Nemo laborem suum odio habet, 235. Non extra mensuram gloriatur, qui in labore suo gloriatur, 197. Qui labori insistent, a malis cogitationibus declinant, 278. Laboranti congruum est, ut appareat Domini gloria, quo pramii visione labores alacrius sustineat, 8. Labor in Domino quid, 109.

LACHRYMARUM felix officium, 603.

LATINI homines assolent Græce cantare, oblectati sono verborum, nescientes tamen quid dicant, 157.

LATRO in cruce baptismum sanguinis profusione prolinus acquisivit, et cum Domino in paradysum purpuratus confessor intravit, 596.

LAUDARI se qui videt, data opera elaborat, ut vera sint, quæ dicuntur, 106. Et is qui videt, de se bene sentiri, 192, 318. Solent aliqui pudorem pati, et corrigere, cum ve se audiunt bona, 130.

LAURENTIS craticula consumptus, 458. Illi in refrigerium fuerunt prunæ, 6.

LEBNA idem est quod dealbatio, 12.

LECTORES quomodo pastores dici possint, 241.

LEGATIS hominum lex est non inferre exitia, 250. Nemo egregium et maximum munus mittit per indignam personam, 237.

LEVITIS cur præceptum sit omnes pilos carnis radere, 10.

Lex triplex est, 45. Lex quadruplex, 68. Judex peccati lex est, non genitrix, reos faciens peccatores, 64. Forma un uscu jusque legis in professione et conversatione cultoris debet videri, 150. Justitiam naturaliter servans custos legis est, 38. Scientia Legis firmat animos, et provocat ad spei melioris profectum, 156. Major notitia legis plus facit reum, 144. Lex errantibus dominatur, 228. Lex peccanti ad mortem, obedientibus proficit ad vitam, 65. Iterata lex sollicitiores reddit negligentes, 212. Justificati amici legis sunt, 71. Qui audit venturum eum, a quo legem accepit, sollicitior erit, ne adveniente illo erubescat, 168.

Lex naturalis tres habet partes, et quæ sint, 55. Nullus qui ratione suffatus est, illam ignorare permittitur, 502, 568. Congruit homini habenti notitiam Creatoris vitam suam sine lege refrenare, et cur, 55.

Lex Dei omni qua potest, majori sedulitate servanda, 15. Ingratus est misericordiæ Dei, qui vult esse sub lege, 26.

Lex Moysis non est mala, 64. Cur vetus dicatur, *ibid.* Cur in litteris data, 93. Ei gentiles olim obnoxii, 38. Quomodo usque ad eam non imputatum sit peccatum, 53. Quomodo data, ut abundaret peccatum, 58. Erat aqua amara in Myrrha, 416. Spiritalis dicitur, 96. Non tamen vitæ, 69. Spiritus est timoris, 73. Per sacrificia, et quasdam observationes legales quæ iam peccata veteris populi debebantur, 515. Præcepta legalia, si litteram tantummodo attendas, multa tibi videbuntur: si spiritalem intelligentiam, veritas tibi magna refulget, 530. Lex nullum carnaliter eam intelligentem ad perfectum adducit, sed spiritualiter intelligentem ad perfectionis culmen erigit, 529. Triplex est documentum, 40. Omnis salus in ea de Christo est, 41. Justitia Legis quid, 85. Justitia ejus lides est Christiana, 41. Perfectionem ejus habet qui credit in Christum, 86. Hic implet Legem, quia Lege Moysis pervenit ad Christum, 85. Non eam facit qui non credit in Christum, 38, 40, 41. Non illam evacuat, qui illam cessare debere jam docet, 47. A tempore Christi indulgentia data est promissa in Lege, 85. Distantia inter Christi legem et Judaismum, 214.

Lex nova in animo scribitur, hoc est, in corde, non per calatam, sed per Spiritum, 176. Lex spiritus quid, 64. Quid intersit eum dicitur lex spiritualis, et lex spiritus, 70.

Leges Romanis ex Athenis perlatæ sunt: sicut et Græcis ex Hebræis, 62.

LIBER vitæ prædestinatio est Dei omnipotentis, 551.

LIBERUM esse a Deo maximum crimen est, 135. Liber fit, qui remissionem accipit peccatorum, 225. Quod liberenter auditur, facile agitur, 488.

LIBRI antiquitus ex papyro conficiebantur, 525.

LICTUM. Num omne quod non licet, prohibeatur, 130.

LIXUS ut fabulæ ferunt, videbat trans perietem, 340.

LINGUÆ moderatio, 17. Non omnibus dicenda sunt omnia, 279. Superfluum est ea fieri, quæ nota sunt, 27.

Qualis sermo ostenditur, talis animus comprobatur, 488. Non credibile potest videri bene vivere eum, qui male loquatur, 244.

LONGOBARDI Italiani sibi vindicaverunt, 564.

LUCAS Evangelium et Actus apostolorum scripsisse perhibetur, 276.

LUCRUS est fletus dierum multorum, 575.

LUNA in tertio circulo dicitur esse, 64.

LUXURIA quæ vitia generet, 495. A Patribus pro libidine sæpe luxuria ponebatur, 519.

M

MAGELOTH interpretatur ab initio, 13.

MACHABEI martyres, 469.

MAGISTERIO auctoritas competens tunc tribuitur, si proprio innitur exemplo, 594. Idonei magistri est, si ea quæ verbis docet, operibus expleat, 288. Ad magistros respicit, quidquid a discipulis delinquitur, 566. Qui magistrum contemnit, emendari se querit, 207. *V. DISCIPULUS*

MAGOG interpretatur de tecto, 572.

MALIANUS et Vitalinus laudantur, qui totam substantiam in Ecclesiæ factorum contulerunt, 477.

MALITIA contra se aicit, 98, 253. Sublato malitiæ semine, nequitiae fructus arescent, 35.

MALORUM omnium una causa est in malo, 45. Citius malum quod intus latet, exstinguitur, 491. Facientem malum et obsequentem par penitentia constringit, 489. Rudis in malo quid sit, 110. Unusquisque plus mala sua novit, quam alterius, 130. Facile decipitur, qui gaudet alienis malis, 91. Melius est habere malorum odium, quam consortium, 488. Mensa malorum cur maledicta, 90.

MANASSIS regis pœnitentia in exemplum proponitur, 598.

MANGIPIA unde sic vocentur, 274.

MANDATORUM Dei contemptus vulnus sævum ac pessimum est, 529.

MANICHEORUM errores, 112, 296. Christum hominem negant, 251. Et non negant crucifixum, 230. Nescio quæ habent diversa commenta, nullis nominibus nuncupata, 311. Diocletianus eos constitutione sua designavit, 310. Eorum fallacia, *ibid.*

MANNA sapientiam, quæ Christus est, potest significare, 506.

MANSIONES ISRAELITARUM. Christus ad cœlum, Israel ad Jordanem, Christianus ad cœlum pari mansionum numero deveniunt, 3. *V. ISRAELITÆ.*

MANUS tua sana esse poterit, si malis contrahatur, bonis vero operibus extendatur, 412.

MARANATHA, Dominus venit, significat, 170.

MARATH locus est in deserto Sur, sic vocatus ob amaritudinem, 6.

MARCIONIS error, 112, 125. Ex quibus eum traxerit, 117. Videtur odio Legis Christum et corpus ejus negare, Jesum profiteri, 26. Marcion cetus, 453. Marcionitæ pene defecerunt, 296.

MARIA virgo ante partum, virgo in partu, virgo post partum, 546. Virga erat nitida, subtilis, et virgo, quæ Christum velut florem integritate sui corporis genuerit, 130. Impia assertio est, veros Domini fratres de Maria natos dicere, 214. Maria mater et filia est Ecclesiæ, 547. Evæ et Mariæ comparatio, 450. Arca Testamenti figura Mariæ, 447. Quam recte velleri comparetur, 397. Per portam orientalem figuratur, 579. *V. CHRISTUS.*

MARTHA (In) Christus longum sanguinis fluxum sanat, 454.

MARTYRII gloria passionibus et pressuris acquiritur, 49. Mater martyrii fides catholica est, 466. De uno grano corporis Christi quanta martyrum seges erupit, 473. In eis Christus occiditur, 180. Tyrannus nunquam tantum eis profuisset obsequio, quantum profuit odio, 467. Victoria est martyris judicium persecuentis, 473. Præmium quoddam est palma martyrii, 416. Martyres factorum virtute docent, et martyri passione persuadent, 473. Honorem beatorum martyres, principes fidei, intercessores mundi, præcones regni, 467. Cur eorum corpora honoranda, *ibid.* Quisquis eos honorat, et Christum honorat, 465. Deus martyrum merita nostra vult esse suffragia, eorumque cruciatum nostros esse profectus, 466.

MATRIMONIUM non est ratum, quod sine Dei devotione est, 131. Ac per hoc non est peccatum tunc ei, qui dimittitur propter Deum, si alibi se junxerit *ibid.* Viro licet amare uxorem, si dimiserit uxorem peccantem; non e contra

uxori, 133. In mulierum insolentia etiam mariti notantur, 159. Major Dei causa est, quam matrimonii, 134. Nullus omnino uxori suae jungatur ante octavam Paschae, 425. V. CONJUGIUM, NUPTIÆ.

MEDIATOR, id est, arbiter, 221.

MEDICI antiqui in hominibus morte dignis, vel mortis sententiam consecutis, requirebant quomodo prodessent vivis, quæ in homine latebant, apertis, 83. Laus medici est, si multos curet, 233. Quis medicorum non arguat susceptum suum negligentius se tractantem, 171.

MEDITATIO quotidiana tollit soporem, et facit vigilantiam, 96.

MELIORA (Ad) semper transeundum, 16.

MEMBRA omnia compatiuntur unius mœrori, 173. Ad membrorum utilitatem et requiem pertinet, si caput inquietum non fuerit, 31.

MEMORIA. Qui semper alienius memor est, scriptus est in animo ejus, 176.

MENDACIUM non solum in falsis verbis, sed etiam in simulatis operibus comprobatur, 432. Per mendacium omne peccatum intelligi potest, 584. Varia mendaciorum genera describuntur, 576. Mendacia quorundam monachorum, ut magni ab hominibus habeantur, 577. Cur omnis homo mendax, 42. Quomodo, 432.

MENS bona cæteris potior est humanæ substantiæ portionibus, 4. Mens est sicut paterfamilias, 509. V. ANIMA.

MENSES cursus lunæ, diem sol facit, 224.

MERITO proprio unumquemque Deus aut remunerat aut condemnat, 38.

METCHA. Latine dicitur nova mors, 13.

MICHAEL, qui interpretatur Quis ut Deus, Christum significat, 547.

MILLENARIUM. Quidam in hæresim ceciderunt dicentes Christum, post resurrectionem, per mille annorum spatium cum omnibus sanctis carnaliter esse regnaturum, 587. Resurrectio fiet post annos mille, quibus hic regnabit Salvator, extincto Antichristo, 166.

MIRACULA quare nunc non fiant sicut initio Ecclesiæ, 154.

MISERATIONE (De) cum præsumitur, lenitur rigor justitiæ, 595.

MISERICORDIAM multiplex, 95. Simpliciter et cum gaudio fieri debet, 96. Omnis Deo credens misericordiæ debet studere, 316. Retributio hæc est vel merces, ut qui accipiunt misericordiam, misericordiam faciant, 107. Nemini potest imputari misericordia, nisi habuerit justitiam, 98. In misericordia plena et perfecta justitia est, 246. V. ELEEMOSYNA.

MISSA. Per omnes fere Ecclesias Orientales et nonnullas Occidentales in oblationibus sacrificiorum cum sacerdote populus cantat trisagion: *Sanctus, sanctus, etc.*, 608. Precationes ad Missam præparantes, 489 et seq. Missa a quibus quotidie audienda, 425.

MOAB nomen est civitatis et provinciæ, 7.

MODESTIA quantum proficiat, 309. Profectum parit, 240. In Ecclesia servanda est, 423.

MONACHUS qui sequitur adolescentulam incongrue cachinnantem, arguitur, 463. Quosdam vidimus monasteria reliquisse, et in servitio quorundam potentium se tradidisse, et ad monasteria rediisse, 539. Quorundam in monasteriis degentium vitia perstringuntur, 517. V. MENDACIUM.

MONTANUS et Priscilla, et Maximilla prophetæ Cataphrygarum, 284. Montani antra duabus prophetissis, Priscilla et Maximilla, tanquam Scyllæ canibus, resonat, 453.

MORES boni quomodo pennæ nobis sint, 419.

MORSTRIPLEX: naturalis, pœnalis et spiritalis, 14. Mors prima et secunda, 51, 54, 572. Quæ sit vera mors, 464. Quæstus peccati mors, 62. Lucrum facit, cum peccatur, 64. Quosdam vidimus qui quæsierunt mortem, et non invenerunt eam, 558. Quid sit regnum mortis, 56. Illata mors a perfidis, vita est apud credentes, 208.

MORTIFICATIO. Castigare corpus est jejuniis illud angere, et illa ei dare quæ ad vitam proficiant, non ad luxum, 143.

MOSEROTH significat disciplinas, 14.

MOYSIS facta præcipua, et quædam præceptiones mystice explicantur, 525, 526 et seq. Moyses velut clarior Judæi populi dextera fuit, 411. Spiritus sanctus tabulas Moysis scripsit, 603. Moysis limus, 20. Quorundam Judæorum fabula est sepulturam ejus absconditam, ne a magis excitaretur, 316. Moysi gloria evacuatur, appa-
rente gloria Christi, 177.

MULIERES ideoque velantur, ut humiliatæ appareant, 159. Quomodo ante episcopum stare debeant, 148. Superbus mulierum ornatus quantum dedecet, 295. Romanorum mulieribus usus vim olim incognitus, sicut nunc aquæ, 273. V. FEMINA.

MUNDUS duplex, 129. Ejus veris tempore creatus, 437. Ejus radices quatuor numerantur, 2. Mundus, id est, homines, 91, 115. Infidelitas dicitur, et cur, 125. Christianis mundus hic pelagus est, et cur, 175. Spiritus mundi quis scit, 119. Cur omnia quæ sunt in mundo vana sint, 74. Amor sæculi amatores suos sic terræ conjungit, ut unum cum ea efficiantur, 567. Difficile est Deum simul et mundum diligere, 490. Sicut sepultus, nullam habeas curam de hoc sæculo, *ibid.* Fidelis iis quæ sunt mundi tantummodo ad necessitates corporis sublevandas utitur, 525. Diminuta sollicitudine sæculi, in Dei rebus propensius vigiletur, 137. Qui non agit quæ mundi sunt, vel erroris, mortuus est mundo, 218. Exire de isto sæculo non metuunt justi sed gaudent, et cur, 181. Qui conversationem reliquimus sæculi, debemus puram et cœlestem vitam quærere, 10.

MUNERA excæcant oculos, et vim auctoritatis inclinant, 190.

MURMURARE est falso ad invicem de præpositis et rectoribus queri, 144.

MUTABILIS semper est res, quæ tempori et ætati subjecta est, 53.

MYSTERIUM iniquitatis a Nerone inceptum est, usque ad Diocletianum, et novissime Julianum, 286.

N

NARCISSUS presbyter officio peregrini fungebatur, 109.

NATURAM nemo potest mutare, nisi qui dominus est naturæ, 401.

NAZARETHOM homine abstinentium continentiumque vita significatur, 9.

NAZARIUM martyrem Mediolanensis Ecclesia totum corpore retinet, 466. Natalem ejus universitatis Ecclesia festa exultatione concelebrat, *ibid.* Martyrium ejus describitur, *ibid.*

NEGLIGENTER et indevote si aliquid agitur, in reprehensionem cadit, 257.

NEOMENIÆ sunt dies lanæ, 223. Initia mensium vocantur, 270.

NEOPHYTUS quis, 361.

NERO. Vide MYSTERIUM.

NICENÆ synodi tractatum scimus contra omnes hæreses invicta veritate oppositum, 358.

NICOLAUS hæreticus tempore apostolorum, 537. Nicolaitæ erant hæretici, 505. Nuptias detestabantur, 506.

NOE primus in veteri Scriptura justus pronuntiatus est, decimus a protoplasto, 2.

NOVINA ratione componebantur apud veteres nostros, 26. Nomen appellativum, in solo vocabulo est, non in nobilitate naturæ, 256.

NOVATIANUS, 11. Non parvæ scientiæ fuit, sed in schisma versus, hæresim creavit, 155. Arguitur quod Ecclesiam apud se et omnes purificatos habere diceret, 309. Dicit fornicatores non posse peragere pœnitentiam, et recipi in communionem, sed contra Apostoli sententiam, 207. Novatiano hic qui fornicatur, in corpus Christi sive in Spiritum sanctum videatur peccare, propter causam qua abscissus est ab Ecclesia, 131.

Novatiani, 39, 113, 114. A nostris baptizatos repro-
bantes, *ibid.*

NUMERORUM liber unus ex quinque Moysis cur sic appellatus, 1.

NUMERUS binarius mysticus, 3. Quaternarius perfectus est, 2. Et senarius, 410, 573. Qui perfectionem sanctorum designat, 516. Septimus et octonarius, 504. Denarius mysticus est et perfectus, 2. Numeri viginti quatuor sacramenta explicantur, 516.

NUNTIVS. Nemo rem vilem magnis præcursoribus nuntiat, 27.

NUPTIÆ primæ sub benedictione Dei celebrantur solemniter: secundæ autem concessæ sunt, sed præsentem carent gloria, 138. Quid sit in Domino nubere, *ibid.* Invitæ nuptiæ solent malos proventus habere, *ibid.* Vide MATRIMONIUM.

O

OBEDIENTIA. Nemo melius alicui obtemperat, quam qui ex charitate obsequitur, 232. Acceptius voluntarium obsequium esse solet quam coactum, 444. Unicuique pro persona ejus et meritis refundenda obsequia sunt, 183.

OBATIONES primorum Christianorum, 149. Omni hebdomada offerendum est, etiamsi non quotidie peregrinis, inchois tamen vel bis in hebdomada, 295. Quidquid fide offertur, et mente sobria offertur, a Spiritu sancto purificatur, 105.

ONUM in magis interpretatur, 18.

OCTAVAM (Per) resurrectio intelligitur, 7.
 OCCLORUM historia semper inspicitur, 473.
 ὁμοούσιον. Græci appellant cum uno aliud ipsum, 354. Quomodo hæc vox in Scripturis inveniri posse dicitur, 352. Arguuntur qui sublato ὁμοούσιον, id est, unius substantiæ vocabulo, ὁμοούσιον, id est, similem factori posuerunt, 348. Respondetur eorum objectioni, hoc verbum ὁμοούσιον non esse in Scripturis, 349.
 ORESIMUM in custodia urbis Romæ baptizavit Apostolus, 318.
 OPERIBUS suis unusquisque aut justificabitur aut condemnabitur, 99. Et mercedem accipiet, 186. Nobiscum non aliud, nisi aut bona aut mala opera portamus, 342. Non parum obest Deum confiteri Dominum, et actibus diabolo famulari, 61. Perfectio sanctorum ex bonis operibus accrescit, 529. Deus nos regeneravit per fidem Christi, ad hoc ut bonis operibus exercitati, promissa mereamur accipere, 235. Timor Domini ad penitentiam impellit, penitentia vero ad bona opera agenda provocat, 555. Magis opera suadent quam verba, 288. Vide ACRES, FIDES.
 ORATIONUM varia genera referuntur, 535. Necessaria est valde oratio, 96. In spiritu orare est munda conscientia, et fide integra ad Deum preces dirigere, 250. Ad Dominum non tam ore quam corde clamandum est, 445. Non locus orationem commendat, sed devotus animus, 29. Pacificus animus in oratione esse debet, 293. Quomodo sine intermissione orare possimus, 517. Per hos impletur confirmatio orationis, qui respondent, Amen, 157. Multorum preces impossibile est, ut non impetrent, 103. Facile multi impetrant, quod desiderant, 284. Qua ecclesiastica regula sacerdotes nostri pro omnibus supplicent, 292. Probatorum et sanctorum virorum orationibus adjuvamus, 364. Mira orationis potentia, 9. Dei comminantis intentio, humillime orationis verecundia temperatur, 593. Orationis infirmitas, 76. Sedulæ preces provocant animum iudicis ad dandam misericordiam, 283.
 ONDO est ut a parvis ad magna veniamus, 6.
 ORDINATORIS gratiam dari per prophetiam et manuum impositionem, quid sit, 298.
 ORIGENES qui columna Ecclesiæ dicebatur, propter pravam doctrinam ab illa exiit, 510.
 OS Erothi, alia translatione Phairoth, os nobilium interpretatur, vicus est et suburbium Magdali, 5.
 OSCULUM sanctum quod sit, 109. Signum pacis est, 170.

P

PACIFICUS esse apparet, qui nullum lædit, 98. Omnis bona vita tranquilla est, et actus modesti sunt pacifici, et per istos itur ad Deum, 44. Qui cum Deo pacificus est, nullus inimicitiam metuit, 231.
 PAGANI in tenebris mystica sua celebrantes in spelæo velatis oculis illuduntur, 246.
 PALMARUM sive Olivarum festivitas, 433. Quinta die ante passionem celebratur, 431.
 PARABOLARUM verba si attendas, mendacium esse percipies: sin vero sensum, veritatem probabis, 530.
 PARADISUS Ecclesiam significat, 505, 520.
 PASCHA immolatio est, non transitus, sicut quibusdam videtur, 128. Pascha transitus dicitur, 436. Et passio Salvatoris, 437. Quomodo paschæ festivitas celebranda, *ibid.* Baptismus in ea celebratur, 438. Psalmus in ea decantatus, *ibid.*
 PASSIO Christianis vita est, et persecutio defensio, 312. Passiones sunt, quæ ostendunt meritum ad futuram vitam, 180.
 PASTORES, nascente Dei filio, prædicatores significabant, 394. Vide CHRISTUS.
 PATI injuriæ, et posse resistere et nolle, gloria est patientis 116. Deo immolatur, qui pro ejus justitia patitur, 311. Magna molestia est, si patitur quis pro eis, in quibus nihil proicit, 257. Pressuræ exempla sunt futurorum meritorum in his qui patiuntur ad gloriam, 285.
 PATIENTIA salvat homines, 185. Suavissimum ejus bonum, in quo specialiter animarum nostrarum salus collocatur, 494.
 PATRES. Ambrosius, Hilarius, Hieronymus, Augustinus, Gregorius et multi alii maximam copiam librorum ediderunt, quibus hæreses, quæ fuerunt et esse poterant, destructæ sunt, 550. Hieronymus, Augustinus, Gregorius, 583.
 PATRIARCHÆ. Discite ab Abraham obedientiam, a Joseph castitatem, a David humilitatem, 434.
 PATRICIANORUM errores, 296.
 PATER lumen inaccessibile est, quia nulli unquam apparuit, 304. Cur Pater solus immortalis et invisibilis dicatur, 291.
 Patris est indulgentia pro diversitate morum exhibere filiis pietatis affectum, 407. Cœpta patris dignitas nobilitatur in filiis, 40.
 PAULINUS iudex Christianos prosequitur, 485.
 PAULUS cur primum Saulus, deinde Paulus sit vocatus, 26. In baptismo cum moribus mutavit et nomen, 421. Deus eum percutiendo sanum reddidit, 413. Cur vas electionis divino iudicio vocitatus, 119. Ultra omnia mundi sidera raptus intelligitur, 204. Primo hinc usque ad tertium cœlum, deinde in paradysum cœlestem, *ibid.* In Judaismo locum doctoris habebat, utpote pharisæus, 26. Nihil sine Dei Spiritu agebat, 174. A mane usque ad quintam horam victum manibus quærebat, et ita exinde usque ad decimam disputabat publice, 202. Etiam noctu docebat, 203. Cur labori insistebat humano, 278. Cur oblatos sumptus refutaverit, 142, 299. Quia charitatem omnibus anteponit, hoc secutus est, quod proficeret fratribus, 254. Vir divinus erat, et medens spiritualis, 120. Hieme iter faciens, quia umbres assidui sunt, egredientibus fluminibus incurrebat periculum, 202. Hac causa amplius adjutum se credit a Deo, quia derelictus est ab hominibus, 312.
 Paulus venit ad Petrum, non ut aliquid ab eo disceret, sed propter affectum apostolatus, 213. Nihil ab aliis apostolis discere poterat, 214, 216. Non simulavit, 142. Servivit tempori, 96. Vide PETRUS. Resedit apud Corinthios annum unum et menses sex, 111.
 Pauli Epistolarum varius ordo, 313. Repetitio in epistola non erat superflua, 110. Paulus quatuor modis scribit Romanis, 25. Quibus de causis scripserit ad Corinthios, 111. Ante hanc epistolam aliam iisdem scripserat, *ibid.*, 128. Cur secundam ad Corinthios scripserat epistolam, 169. Scripsit ad Ephesios de urbis Romæ custodia, 231. Cur ad Colossenses scripserit, 263. Et Thessalonicensibus, 275, 276. Et ad Timotheum, 303. Cur scripserit ad Philemonem, 317.
 PAUPERITAS ipsa plane dives est, quæ expendit omnia et possidet omnia, 478.
 Pax alia Dei, alia mundi est, 209. Ipsa Dei natura pax est, 261. Sine Christo nulla pax nec spes, 28. Pax Christi non debiti est, sed meriti, 396. Qui habet pacem cum Deo, non timet omnem mentem adversam, 261. Pax est janua dilectionis, 251. Qui in pace vocantur, patientiæ debent studere, 159.
 PECCATI triplex genus, 48. Adam vendidit se prior, ac per hoc omne semen ejus subjectum est peccato, 66. Manifestum est omnes in Adam peccasse quasi in massa, 54. Maledictio primi hominis in omnes homines pertransivit, 586. Homo nascitur sub peccato, 68. Scientia mali ex originali peccato descendit, 586. Adam peccans mortem invenit, et omnes ex ejus origine tenuit, 162, 166. Et eam nobis hæreditatis titulo dereliquit, 73. Christus originali peccato obnoxius non fuit; quia ex concubitu viri, qui sine peccato esse non potest, ortus non fuerat, 530. Nisi originale peccatum fuisset, vitium nullum esset, 527. Per traducem fit omnis caro peccati, 68.
 Peccatum omne caro est, 73. Quomodo in carne habitet, cum non sit substantia, 67, 68. Cum corpus contaminatur, nemo ambigit animæ esse peccatum, 31. Cum cogitatio animæ est in crimine, corpora dicuntur dehonoriari, 34. Quædam peccata levia ex congerie sua graviora quibusdam, quæ gravia existimantur, efficiuntur, 578. Apparet, exceptis cæteris peccatis, aliud esse peccatum, quod peccatum dicitur in Spiritum sanctum, 132. Mensura quædam est delictorum, quam cum impleverint peccatores, vita digni minime judicantur, 66. Omne peccatum palam fieri timet, 246. Qui obediunt peccato, mortales dicuntur, 60. Is dominatur, qui peccat, 61. Quia peccata deesse non possunt, certe non regnent, 603. Subjectus peccato facit quod non vult, 67. Nec ideo immunis est a crimine, *ibid.* Quid sit venditum esse sub peccato, 66. Dies iræ peccatoribus, 37. Tolle peccata de medio, et Deum tibi proximum fecisti, 420. In se ipsum vindicat, qui secunda delicti affligit, 189.
 Apostolus hoc affectu fuit, ut aliena vitia quasi sua doleret, 30. Plus sit reus, in cujus delicto multi tribulantur, 474. Illi insultandum, cujus peccatum oblituit aliquibus, 93.
 Peccatum a Salvatore triplici genere damnatum est, 71. Peccatum remittere et tegere et non imputare una ratio et unus sensus est, 48. Peccata dimittere, et Spiritum dare, solius est Dei, 121. Nullius peccatoris munditia sine donis septem Spiritus sancti perfecta esse potest, 528. Veniam dare peccantibus non est aliud quam gratia, 89. Quantum Deus melior sit ad curanda animæ peccata, quam medicus ad sanandum corpus, 591. Remissio peccatorum omnia tollit peccata, 69. Quid tam

gratum et jucundum, quam peccatoribus indulgentiam prædicare? 291. Mors finis peccati est, 59.

PELLAGISSIMUS, 601.

PERFIDIA omnium maculat, 234. Inter perfidos cum prudentia conversandum est, 247.

PERSÉCUTIO. Dignitas ejus crebrescit, cujus vincula in Christo manifestantur, 252.

PERSONÆ substantiam non dividunt, 248.

PETRUS apostolus a Petra Christo, sicut a Christo Christianus dicitur, vocatur, 449. Cephas ipse est Simon Petrus, primus inter apostolos, 140. Primus inter apostolos est, quanto magis inter cæteros, 198. Primatum non accepit Andreas, sed Petrus, 205. Primus erat inter apostolos, cui delegaverat Salvator curam Ecclesiarum, 213. Cur Christus Petri navem elegit, 439. Quomodo Petrus sit fundamentum Ecclesiæ, 589. Ambulans in mari docuit non corpus sed fidem ambulasse, 340. Tranquillitas est, ubi solus Petrus navigat; tempestas, ubi Judas adjungitur, 440. Cur post orationem esurierit, 464. Clavis Petri quid, 435.

Petrus et Paulus doctores gentium, auctores martyrum, principes sacerdotum, 465. Quæ fuerit causa ob quam Petrus a Paulo reprehensus est, 217. Quis audeat Petro primo apostolo resistere, nisi alius qui fiducia electionis suæ sciret se non imparem, 217. Plena auctoritas Petro in Judaismi prædicatione data dignoscitur, et Pauli perfecta auctoritas in prædicatione gentium invenitur, 216. Natalis dies Petri et Pauli apostolorum celebratur, 463.

PHARAO nomen regum erat apud Ægyptios, 82.

PHARISÆUS. V. PAULUS. Viri ad explorandam terram promissionis missi scribarum et pharisæorum prætulænt imaginem, 11.

PHILEMON vir laudabilis, unus ex plene, 317.

PHILIPPUS corpora SS. Gervasii et Protasii sepelivit, 486.

PHILOSOPHORUM et poetarum doctrina plena erat mendacii omnibusque erroribus, 573. Quam recte philosophorum doctrina serpentibus assimiletur, 541. Quam insulse sapientes mundi dicant stultum esse quod Deus fecerit ultra quam sapit homo, 71.

PHINON oris parcimonia interpretatur, 17.

PHOENIX quomodo resurgit de pulvere suo, 342.

PHOTINI error, 125. Christum Deum negat, 26, 210, 218, 251. Ejus auctores, 41. Photiniana Charybdis, 453. Photiniani, 113.

PHRYGIA (In) nisi spurcus intersit, sacramentum mutum est, et torpescit religio, 62.

PIGER in conversatione divina sine spe est, 96.

PINGUIFICARE animam, 604.

PLEBE in omni diversitas est, 258.

PLUVIA unde oriatur, 572.

PŒNITENTIA est mala præterita plangere et plangenda iterum non committere, 425. Est prioris ævi damnatio, et in futuro promissa correctio, 589. Hæc vera pœnitentia est, jam cessare a peccato, 174. Pœnitentia non habet excusationem, sed confessionem, 189. Reatum agnovisse confessionis initium est, et proximum fit veniæ, quod stimulat pœnitudo, 595. Tanto magis est insistendum confessionis officio, quanto peccatorum es sarcinis oneratus; ut quod per amicitiam non es dignus exigere, per impudentiam valeas obtinere, *ibid.* Pœnitentia nunc agenda est, 423. Nivivitarum confessio et pœnitentia proponitur pœnitentibus, et luculenter describitur, 593. Et duplex Davidis pœnitentia, 594. Publicani pœnitentia in exemplum proponitur, 598. Et mulieris peccatrici, *ibid.* Et filii prodigi, 599. V. AQUAS, MANASSES. Differt Dominus pœnam, ut inveniat pœnitentiam; protelat patientiam, ne amittat clementiam, quod debuit fieri censura, 601. Quæ graviter peccantur, non nisi fletu et gemitu ad veniam pertinent, 93. Qui graviora peccata incompetenti vindicta vult exsequi, debilem facit eum, quem potuit emendatum habere et sanum, 98. Sordes corporis ornamenta sunt pœnitentiæ, 593. Aspera est castigatio pœnitentiæ, sed lenior efficitur, si modus culpæ tractetur, 599. Pœnitentia magnam commotionemurbationemque gignit, 3. Ibi Achab, Ninive rex, Corinthii, mansionem fixerunt, 4.

Pœnitentia si de vero animo est, protinus habet fructum, 174. Certum habet donum veniæ, cui permittitur pœnitere, 604. Deus per misericordiam rursum regenerat et reformat pœnitentes; ut non sola sit venia, sed status pristini restauratio, 170. Pœnitentia est veluti collyrium, 511. In pœna future vitæ positus sine fructu pœnitentiæ pœnitebit, 37.

Pœnitens homo quis sit, 427. Quid agere debeat, 5. Sollicitus est, ne denuo peccet, 189. In tuto est, si indulgentiæ remissionem non dubitet, 594.

PRÆCEPTA novi Testamenti austeriora sunt quam veteris, 508.

PRÆDESTINATIO. Quosnam Deus prædestinet, 76, 77, 80. Est qui ad tempus eligitur, non de præscientia, sed de præsentis justitia, 76. Præparare aliquem ad gloriam, aut interitum, est præscire quid futurum est, 84. An quis deleri possit de libro prædestinationis, 509. V. DEUS, LIXER.

PRÆDICATIO sacerdotis in plebe salvandis est correctio, et contestatio judicantis, 448. Non indiget pompa et cultu sermonis, 114. Gloriam suam quærit, qui fidem Christi verbis suis exornare vult, *ibid.* In religione vis sermonis necessaria est, non sermo dulcis, 199. In Ecclesia ille debet loqui, qui omnibus prosit, 156. Qui non missus prædicat, præsumptor est et reprobus, 197. Signum devoti et fidelis prædicatoris est, si in pressura loqui verbum Dei non timeat, 278. Qui aliter agit quam prædicat, suspectos facit audientes, ut de promissis dubitent, 143. Cujus vita despicitur, restat ut prædicatione ejus contemnatur, 544. Gloria prædicantium est quando audientes facile credunt, 279. Prædicatores Christum corde et lingua portaverunt, 503. Duæ tubæ argentiæ prædicatores figurabant, 102. Per stellas designantur, *ibid.*

PRESBYTERI vicarii sunt Christi, 301. De presbytero non facile creli debet crimen, et cur, 300. Apud Ægyptum presbyteri consignant, si præsens non sit episcopus, 241. V. EPISCOPUS.

PRIMITIÆ Ecclesia offerendæ sunt, 243.

PRISCILLA, 30.

PRIVILEGIO alieno qui fruitur, priyabitur merito suo, 594.

PROFESSIO. Nihil tam periculosum est, quam si professioni gesta repugnent, 300. Non in professione magis quam in gestis laus Dei et virtus est, 310.

PROPHETAM falli impossibile est, 314. Prophetæ futura dicunt, et Scripturas revelant, 153, 156. Prophetæ explanatores sunt Scripturarum, 241. Prophetare est adventum fore Domini voce Symboli post orationem effari, 147. Prophetia prima probatio est rationabilem esse fidem nostram, 95.

PROSPERE potest cedere quidquid simpliciter sub Dei devotione fit, 224.

PROTASIVS. Vide GERVASIVS.

PROXIMUS. Magna gloria est, si cui potuisti nocere, parcas; et peccanti in te non retribuas secundum culpam, 488. Tanta scias tibi posse dimitti, quantum tu proprio dimiseris debitori, 602. Vide CHARITAS.

PRUDENTIA hæc est prodesse magis aliquibus, quam obesse, 95. Hoc est prudentis, scire quemadmodum unicuique respondeat, 247. Veteres definierunt omnes prudentes esse liberos, stultos autem omnes esse servos, 275. Difficile in majoribus prudens, in minoribus non sapit, 33. Præferre se nolunt prudentes, 201.

Prudentia carnis quid, et cur sic dicta, 71. Prudentia mundi religioni est inimica, 117.

PRUDENTIUS de confictu vitiorum atque virtutum egregie versus disseruit, 519.

PSALMOGRAPHUS, 88, 104, 141, 359, 453, 484, 587.

PSEUDOAPOSTOLI nomen Christi prædicabant, admista philosophia, 412.

PUDOR neglecta justitia nihil proficit, 94.

PULCHRUM solet a Deo judicari, quod hominibus videtur despectum, 153.

PURGATORIUS ignis, 553, 572, 580. Quis per ignem purgatus fiet salvus, ut non sicut perfidi, æterno igne in perpetuum torqueatur, 122.

PURPURA ornamentum est regale, 583.

PYTHONEM quem appellent, 119.

Q

QUADRAGESIMA tempus est redemptionis, et cœlestis quodammodo medicinæ, 413. Quid in eo agendum, 414, 422, 424. Non ab hominibus constitutum, sed divinitus consecratum est, 429. Mysticum esse ostenditur et sacratissimum, 421. Stationes vocantur, 418. Omni observatione custodiendæ, 419. Cur quadraginta et duos contineat dies, 415. Mansionibus Israelitarum comparantur, 415, 416, 417. Varii modi celebrandi Quadragesimam, 410. Arguantur qui septem diebus prandent, et septem diebus jejunt, 421. Non leve peccatum est indictam Quadragesimam violare, 418, 420. Qui illam una die violaverit, totius Quadragesimæ violator arguitur, 429. Bonum est cunctis temporibus jejunare, sed melius Quadragesimam jejunare cum Christo, 420, 421. Nullus in ea ante nonam manducet aut bibat, 425.

QUINQUAGESIMÆ dominica, 409. Cur sic dicta, 410. A

Telosphoro instituta, *ibid.* Quidam quinquagesimam se facere mentiuntur, 420.

R

RAMAN typum habuit Ecclesiae, 454.

RAMESSIS Aegypti civitas, interpretatur commotio turbulenta, et percontantiam significat, 3. Prima Israelitarum mansio, et quid in ea factum sit, 4.

RAMPIDUM laus iudicii interpretatur, 9. Undecima Israelitarum mansio, quae trium admirabilium operum praerogativa decoratur, 8.

REDIMIT DEMO, nisi quod suum fuerat, 117.

REGES habent Dei imaginem, 99. Afflictio propter dissonantiam regum, 394.

RELIGIONIS et professionis suae fidem nescire est reprobum esse, 208.

REMISAM accipere, 269.

REMONTHARUS divisio sublimis interpretatur, 12.

REPROBI ad hoc vocantur, ut inexcusabiles sint, 564.

RESSA laudabilis tentatio interpretatur, 12.

RESURRECTIO carnis contra haereticos asseritur, 535, 536. Illorum fallaciae, 350. Quid in aërium corpus, et paulatim in auras tenues dissolvendum post resurrectionem conantur introducere, 344. Utrum in resurrectione diversitas sexus futura sit, 336. Respondetur resurrectionem negantium objectionibus, 337, 341. Num post eam comessuri sumus atque bibituri, 339. Tandem suspensa est, quando omnes credant praedestinati ad vitam, 294. Victoria devicta mortis est, 167. Mors de terra est, resurrectio vero de caelis, si tamen immutetur ad gloriam, 181. Impii resurgent, sed ad hoc ut pereant, 167. Infidelitas claram resurrectionem non potest habere, 165. Resurrectio prima et secunda, 571.

RETINA hoc est, os videntis, 12. Voce propria, at communem solitudinis cum multis ceteris Phoran vocatur, 11. Decima quinta est Israelitarum mansio, et quid in ea actum sit, *ibid.*

ROMA per meretricem designata, 562, 565. Fornicaria vocatur, 564. Quaecumque gens Romanorum pacem sequi desideravit, oblatis donis suscepta est, ut essent cives Romani, 236. Apud Romanos reges Augusti vocantur, 82. Potestas regnorum Assyriorum, Persarum, et Macedonum ad Romanos transierat, 524, 548. Romanorum fides laudata, 15. Romani imperii destructio designata, 564. Romani Iudaeos deleverunt, 560. *Vide* ANTICHRISTUS, JUDICII DIES.

RUINA quae de alto est, graviori casu colliditur, 360.

S

SABELLITUS ipsum Patrem ipsum Filium profitetur, 354. Pirata est, 453. *Vide* ANIUS.

SACERDOS ex populo potest fieri, 242. Recte apibus comparatur, 448. *Vide* PRESBYTER.

SACRAMENTUM mysterii Dei est Christus in carne, 296. Sacramenta rerum spiritualium facile publicari non debent, 280.

SACRIFICIUM laudis quotidie offerre Deo sancta Ecclesia consuevit, 500. In Ecclesia non carnalia, sed spiritualia sacrificia quoti die offeruntur, 584.

SALMONA interpretatur umbra, 17.

SALOMON dilecti ab aliis prophetis, et in quo, 451. Quorundam Iudaeorum fabula est Salomonem adiutorio demonum templum aedificasse, 316. Cur Salo. non tria impossibilia scire non potuerit, 451. Illa explicantur, *ibid.*

SALTATIONES ante sanctorum basilicas damnantur, 423. An aliquando saltare liceat, 447.

SALUTATIO ecclesiastica, 209.

SALUTIS necessitas omni necessitate major est, 443, 444. Non licet ignorare maxime quod pertinet ad salutem, 199.

SAMARITANA docta per Legem, 142.

SAMARITANI sunt ex origine Persarum et Assyriorum, 142. Legem solum accipiunt, id est, quinque libros Moysis, *ibid.* Ignem colunt more Persarum, *ibid.*

SAMUEL tristis fuit in Saul peccante, 127.

SAMSON Christum, capiti ejus electos significant, 503.

SANCTI reges sunt et sacerdotes, et quomodo, 519. Qui dicantur sancti vocati, 28. Sancti animus in omni bono est, 190. Hoc est sanctorum memorem esse et communicatorem, imitari actus illorum, 96. Qui ministrant sanctis, debitoribus sibi faciunt sanctos, 191. Marce suffragia, apostolorum intercessionem, martyrum preces, confessorum orationes depono, 197.

SAPIENTES qui dicuntur, 30. Prima sapientiae pars est timere Deum, 39. Quae tam vera sapientia est, quam cognovisse quod prosit, et despexisse quod obsit, 267. Vitam

acquirunt et pacem, 71. Potens est ad omnia vitia extirpanda, 587. Quomodo edidicavit sibi domum et columnas septem, 503. Veteribus placuit omnes sapientes liberos appellare, imprudentes autem omnes servos, 135. Quid quid homines sine Deo sapiunt, stultum est, 123. Sapientes mundi in carne sunt, 72.

SARACENI totam Asiam subegerunt, 564.

SAREPTA incensa interpretatur, vel angustia panis 530.

SATANAS interpretatur contrarius, 588.

SATHI hostes suos non tam armis quam devotione vincibat, et plus dimicabat religione quam telis, 418. *Vide* SAMUEL.

SCANDALIZANTI aliquando idem est ac carnis pati desiderium, 203.

SCHOLAE magistri sunt ii qui litteris et lectionibus imbuendos infantes solebant imbuere, sicut mos Iudaeorum est, quorum traditio ad nos transitum fecit, quae per negligentiam obsolevit, 241.

SCIENTIAE boni et mali lignum, cur sic dictum, 505. Imbecillitas humana stultum putat, quod scientia sua non concludit, 10. Astrologia, geometria, arithmetica, musica cur a nostris despectae sint, 267. Sicut vita haec imperiecta est, ita et scientia, 155. Tunc magna est, et sibi utilis, si charitate humilietur, 138, 139, 140. Charitate subnixta non inflatur, sed est mansueti, proficiens omnibus, 15. Ut rerum notitia habeatur plenior, principia earum requirenda sunt prius, 25. Scientiam quam in Christum descendit, nullus nisi bonus habere potest, 514. Scientia optima est vitia deserere, atque ad Deum tota mente converti, 514.

SCRIPTURAE quosdam Latinos codices constat olim de veteribus Graecis translatos, quos incorruptos simplicitas temporum servavit et probat, 56. Multa in eis mutata et a quibus, *ibid.* Graeci diversos codices cur habeant, 57. Adulterare verbum Dei est verum sensum per falsum velle excludere, 178. Haec sacerdotum vehemens et copiosa vindicta est indignis quibusque Scripturarum coelestium sacramenta non credere, 464. Semper divina Scriptura loquitur et clamat, 461. Quanto amplius in corde ruminatur, tanto salubriorem dulcedinem menti exhibet, 543. Ad resecauda vitia acutissima est, 570. Panis est animarum, 529. Pabulum et vita est, 429. Quidam illum non pro amore Dei, sed pro amore saeculi didicerunt, 499. Expositor Scripturae nihil addit aut minuit, 558. *Vide* EVANGELIUM, TESTAMENTUM.

SECURITAS incauta patet incuribus, 597.

SENECTUS apud omnes gentes honorabilis est, 298.

SEPTUAGESIMAE dominica novum nomen, 409. Cur sic dicta, 410.

SEPULTURA corporum manibus clericorum procuratur, 469.

SERPENS signo suspensus typus fuit Christi pro salute nostra in cruce pendentis, 17.

SERVI pro ministris positi sunt, 123. Ejus dicimur servi, cui obediunt, 61. Majus est ex libero servum fieri, quam nasci, 227. Dignitas est servum esse potentis, 291. Qui ex animo servit, talis est foris, qualis et intus, 274. Idonei servi sunt, qui instantia sua et fide negotia dominorum suorum exaggerant, 304. Idoneus servus probatur, quando pro amore domini sui inimicos ejus offendit, 277. Servi hominum hi sunt, qui humanis se subieciunt substitutionibus, 135.

Servus Christi dignitatis est nomen, 274. Nulla major dignitas, quam servire Christo, 188. Servi Dei servient Deo amando et sine line laudando, 586. Apud Deum hic servus habetur, qui peccaverit, 274.

Servi ex peccato fiunt, 255. *V.* CHAM. Peccata servos faciunt, 135.

SEXAGESIMAE dominica novum nomen, 409. Cur sic dicta, 410.

SIGNIFICANTIAE diversarum causarum, 269.

SIMILITUDO solet habere aliquid dissimile, 55.

SIMPLICITAS conscientiae et sinceritas gloria est, 171.

SIMON magnus dicitur in aere sursum, ut portanda Christi scandalizaret, volasse, 78. Dicitur fixisse se mori et resurgere, 552.

SIMONIA arguuntur ministri qui gradus ecclesiasticos vendunt, 566.

SIMULATIO omnis, et omnis duplicitas mendacium est, 432.

SIX interpretatur rubus, et est solitudo a mari Rubro usque ad montem Sinai, 7. Mansio tricesima tertia in deserto Sin alia est ab octava ejusdem nominis, 16.

SINAI duodecima Israelitarum mansio, et quid in ea factum sit, 9.

SOCOTH secunda mansio filiorum Israel, 4. Interpretatur tabernacula, *ibid.* Quid in ea factum sit, *ibid.*

SOLLICITIO quis fit pudore, quando in causa sua alterum viderit laborare, 276.

SOPHISTÆ Græcorum adulterarunt Scripturam, 215.

SORTILIGIA, 423.

SPES. In quo spes non est, pro mortuo habendus est, 129. Qui spem sine recta fide habet, se ipsum decipit, 524. Hæc fidelium probatio est, si fidei suæ spem advertant, 238. Cur spe liberati simus, 76. Omnis qui aliquid sine spe agit, orta tribulatione succumbit, 288. Spes dubiis, 596, 212, 224.

STERNUTATIONES, 423.

SPIRITUS sanctus cur sic vocatur, 321. Deus esse probatur, 122, 605. Ex ejus donis, nominibus, operibus et effectibus demonstratur, 324. Omnia quæ Deus, ille operatur, 106. Id probatur, 607. Ille sicut imago ex annulo, et ignis de igniculo in aliquid eorum quæ operatur, non mutatur, 325. Cur non sit filius, 322. De Deo est Pater, 94. A Patre et Filio inseparabiliter ab æterno procedit, 438, 579, 611. Omnia Patris et Filii ac Spiritus sancti, qui et Patris et Filii est, esse communia, 328. Spiritus sanctus propter societatem unitatemque naturæ a Filio mittitur, 327. In substantia Christus est, 181. Quare ad Christum in specie columbæ descenderit, 404. Per ignem designatur, 535. Quæ sunt ex Deo, per Deum sunt, postea renata in Spiritu, 94. Qualiter septem dona ejus unicuique fidelium convenient, 514. Et Christo, 513. In credentibus inhabitat, 268. Sanctificat filios Dei, 244. In bene agentibus est communis cum Deo et hominibus, 131. Postulat more naturæ suæ, 76. Contristatur ex nobis, et gaudet in nobis, 103, 244.

Spiritu ambulat, qui fugit peccatum, 128. In quo est, bona semper spiritalia meditat, 247. Spiritalia sunt, quæ servata meritum collocant apud Deum, 212. Qui spernit spiritalia, putat illa carnalia, 195. Sicut justitia spiritalia facit, ita et delicta carnalia, 45. V. CARO.

STELLAS pagani angelos vocant, 270.

STEPHANO in dulcedinem fuerunt torrentis lapides, 6.

STIPENDIUM est, quod militans accipit ad sumptus vice mercedis, 199.

STULTUS sæculo prudens est Deo, 122.

SUBSTANTIÆ unius quod est, unum est, 91. Cur substantiam in Deo naturam dicimus, 257. Qui substantiæ verbum volunt auferre, hæresim Arianam inromittunt, 348. Arguuntur, *ibid.* Respondetur objectioni hæreticorum qui verba *ὁμοούσιον* et substantiam a Deo penitus excludere volunt, 351.

SUPERBIA est alta sapere, 97. Plena insipientia est, si quis de falsis se laudet, superbia, si de veris, 200. Superbia et elatio peccatum est, 97. Maximum malum est, horrendum atque pavendum, 493. Septem vitia ex ea orta referuntur, *ibid.* Velut insania habetur, 183. Omnes superbi filii sunt diaboli, 439. Miserum est superbum esse eum, cui ignotum est, 93. Superborum mens fructum non facit Deo dignum, 182. V. EXTOLLENTIA.

SUPERFLUA solent majorem parere sollicitudinem, 193.

SUSPICIO trepidum facit, 201.

SUEVI multa loca depopulati sunt, 564.

SIBYLLA quo spiritu locuta sit, 119.

SYMBOLUM fidei, 345. Duodecim apostolorum symbolo fides sancta concepta est, qui, velut periti artifices in unum convenientes, clavem suo consilio conflaverunt, 435. Fermentum salutis nostræ est, 408.

SYMMACHIANI, qui ex Pharisæis originem trahunt, Christianos se dicunt, 209.

SYMPHONIUS præfectus Agnetis persecutor, 480 *et seq.*

SYNAGOGÆ manus in scribis, doctoribus et pharisæis aruit, 411. Adæ dexteram Salvator curat in Synagoga, 412. V. ECCLESIA.

T

TELESPHORUS pontifex, 410.

TENTATIO. Diversis modis probantur homines, alius per inopiam et infirmitatem corporis, alius per divitias et sanitatem, 341. Probationes diversæ credentium, 253. Omnis probatio tentatio est, non tamen omnis tentatio probatio, 208. Deus nunquam nos in tentationibus istius mundi et miseris nec sine avvocato, nec sine consolatore esse patitur, 324. Humana tentatio est propter spem Dei diffidere de homine, 144. Majora perniciosioraque tentamenta, quibus anima in hac vita impugnatur, demonum illusiones, magorumque ac pythonum præstigia omnium consensu æstantur, 17. Diabolus per subjectum sibi carnem, suggestiones malas ingerit animæ, 69. Anima quantumvis perfecta, nisi assiduis saluatur tentationibus, relaxatur, 12. Tentatio animæ fidei cu-

stodia, fortitudo, et virtutis augmentum est, 15, 18

TERMINALIS exitus, 603.

TERTIUS frater, 192. Tertius scriba epistolæ Pauli, 110.

TERTULLIANUS, 57. Non parvæ scientiæ fuit, sed hæresim creavit, 155.

TESTAMENTUM defuncti jure factum non potest scindi, 226.

TESTAMENTUM vetus ab Hebræis dividitur in prophetas, Legem, et hagiographa, 579. Non est contrarium novo, 149. Umbra fuit novi Testamenti, 542. Spiritus intelligentia in eo nihil est aliud quam novum Testamentum, 518. Etsi novum Testamentum apertio sit veteris tamen in eo multa obscure ponuntur, 532. Novum Testamentum canticum novum dicitur, 553. Et cur novum dicatur, *ibid.* V. EVANGELIUM, SCRIPTURA.

TETRICO (In) poni, 165.

THAATH Latine longanimitatem seu tolerantiam significat, 13.

THARE Latine interpretatur stupor, Græce *ἕστασις*, 3.

THECLA flammæ globos evasit, 458.

TIMORUM varia genera bona et mala, 575. Est quoddam commotionis indicium videre quod metuas, 475. Timor Dei temperare debet, et modum imponere accidentibus causis, 244. Qui timet, perfectus non est, 273. Timor prohibet peccatum, 99. A peccatis abstinere facit, 273. Cautior ad evitanda præterita efficitur, quem metus emendat, 602.

TIMOTHEUS quis fuerit, 289. Quia filius erat mulieris Judææ, patre autem Græco, secundum Legem minime est circumcisis, 217. Mirabilis adolescens, 298. Et vir mirabilis, 305. Erat quasi coepiscopus Pauli, 110. Paulus eum filium suum dicit, quia ab ipso fuerat ordinatus, 257.

TITUS Græcus erat, 215.

TOROSI corporis ingluviæ, 601.

TRADITIO apostolica, 347. Et Patrum, *ibid.* Quidquid non ad Apostolis traditum est, sceleribus plenum est, 125.

TRANQUILLITAS in anima finis est actionum vitæ, 2.

TRANSUNCTIO hujus vitæ, 243.

TRIBUTA fiscalia solvenda, et cur, 99.

TRIBULATIONIBUS assiduis anima purgatur, 180. Existentes in gratia multiplices manent tribulationum amaritudines, 6. Cur in tribulationibus gloriandum, 52. Index fixæ spei tribulatio est, quæ testimonium perhibet ad coronam, 52. V. ADVERSITAS.

TRINITATIS mysterium, 492. Veritas est, 117. Vocabulum sanctæ Trinitatis grande mysterium et arcanum est, 329. Hoc solum est quod ex Trinitate comprehendimus, quia comprehendi non potest, 322. Quid de illa sentiendum, 321. Trinitatis mysterium ex Apostolo probatur, 605. In Trinitate tria nomina et tres personas unius esse essentiæ, unius majestatis atque potentiæ credimus, 347. Et unitas in Trinitate et Trinitas in unitate est, 324. Trinitatis mysterium in unius Dei natura et potestate clauditur, eum sit immensum, 151. Pater ejusdem naturæ est cum Filio, et in Spiritu sancto est, 94. Patrem, Filium, et Spiritum sanctum in sua quemque subsistentia sentiamus, 322. Pater et Filius una virtus, unaque divinitas et substantia est, 287. Inter Patrem et Spiritum sanctum personarum distantia est, non naturæ, 239, 293. Inter Filium Dei et Patrem non unio sed personarum distinctio, 77. Pater ac Filius etsi duæ personæ creduntur, ratione tamen et substantia unum sunt, 353.

Pater, Filius et Spiritus sanctus unius sunt dominationis, unius deitatis, unius omnipotentia, 517. Unus eultus, una veneratio, una adoratio, una sanctificatio semper Patris et Filii et Spiritus sancti est, 323. Cum constet Patrem et Filium unius esse substantiæ, uterque unus Deus est dictus, 354. Qui de secunda Trinitatis persona non ambigit, admittit et tertiam, 280. Necessesse est præferri personam Patris, 183. Patrem, Filium et Spiritum sanctum initio carere demonstratur, 323, 325. Æternitas in Patre, species in imagine, usus in munere est, 321. Quam bene Pater vox, et Filius Verbum dicatur, 404. Quidquid loquitur Pater, verba sunt Filii et Spiritus sancti, et e contra, 327. Sancta et inseparabilis Trinitas nunquam aliquid extra se novit operari, 326. Omnia ex Patre, sed per Filium creata sunt, 139. Cum Joannes ait: *Ego et Pater unum sumus*, unum ad unitatem divinitatis refert: *unus* autem personis assignat, 347. Omnis summa perfectionis in Trinitate consistit, 173. V. FILIUS.

TRISTITIA quæ vitia generet, 494. Qui tristis est, quia peccavit, secundum Deum tristis est, 189.

U

URSCINI martyrium, 485.

UTENSILIA aliena, 300. Utensilia sanctorum necessitatibus ministrare, 217.

UXORE cum secunda nemo benedicitur, 295. V. CONJUGIUM, MATRIMONIUM.

V

VAGINAM hominis non est dedignatus Spiritus sanctus, 340.

VALENS et Ursacius, 453.

VALERIA mater SS. Gervasii et Protasii, 485. Ejus martyrium, *ibid*.

VANDALI Africam sibi vindicaverunt, 564.

VANITAS idolorum cultura est, 246.

VERBA post res sunt, 117. Qui otiosum verbum non reprimunt, cito ad noxia transit, 488.

VERITAS in sempiterna sæcula perseverat, 238. Hoc est verum, quod æternum est, 313. Quid est veritas nisi vita? 292. Nihil tam publicum quam veritas, 100. Non potest indecorum esse, quod verum est, 313. Quidquid verum a quocunque dicitur a sancto dicitur Spiritu, 150. Quidquid adversum veritatem opponitur, humana inventio est, 314.

VESTIMENTIS fulgere, et sordere flagitiis nihil prodest, 393. Multo melius est animam ornare virtutibus, quam corpus pretiosis induere vestibus, 391.

VICTORINUS, 57.

VIDUA quæ admittenda sit ad stipendia Ecclesiæ, 299. Atque ut nomen ejus ascribatur ecclesiasticis monumentis, *ibid*. Quantum viduæ etiam dum aut trium maritorum uxores aggravent Ecclesiam, 300.

VIGILARE solemus propensius in alienis causis, 75.

VINCI se nemo patitur, 308. Consuetudo est ut victoribus palma offeratur, 433.

VINDICTA si Deo remittatur, duplici genere proficitur, 98.

VIR. V. MATRIMONIUM.

VIAGINIS et viriæ gloriosum vocabulum, 300. Nihil tam præclarum est atque utile, quam virginitas, 135. Virgo potest esse corpore, sed non mente corrupta, 366. Quid prodest virginem esse corpore, si contingat mente esse corruptam? 495. Virgo devota virginitatem publice professa ab hominum sæcularium usu et familiaritate deterretur, 365 et seq. Virgines oblata sub specie pietatis munuscula virorum debent recusare, 457. Illis de sæculo cogitantibus non imputabitur sanctimonium a Deo, 137. V. CONSTANTIA.

VIRTUTIS pulcher ordo felixque progressus, qui semper tendit ad optima, 6. Tribus propugnaculis nos muniri oportet, fidei, spei, charitatis, et carit, 282. Qui humilis, obediens, misericors et patiens est, renovetur necesse est quotidie, ut proficiendo crescat in virtutibus, 409. Concessa præterire virtutis est maxima, et prohibita non desiderare non longe est, 136. Virtus indiscreta pro vitio deputatur, 489.

VITA hæc non quies, sed perennis est transitus, 16.

VITÆ fidelium sunt quatuor, 572. Duae vitæ, activa et contemplativa, 504, 583. V. CONTEMPLATIVA. Vita est cognoscere Deum per Christum, 60. Qui bene agendo vivit Deo, hic vere vivit, 60, *ibid*. Deus in homine veniens habitavit, ut honestam vivendi formam mortalibus daret, 437. Quomodo Christus notas nobis fecerit vias vitæ, 174. Bona et casta vita moribus ornanda est et benevolentia locupletanda, 229. Per bonam vitam spes fidei obtinetur, 91. Hæc est vitæ æterna vivere sine pœna, et habere gloriam, 130. Vita æterna æqualis omnibus, 472. Mala vita totum hominem corrumpit, 128.

VITALINUS. V. MAIANUS.

VITALIS pater SS. Gervasii et Protasii, 485. Ejus martyrium, *ibid*.

VITALIS et Agricolæ martyrium, et corporum inventio describitur, 487.

VITIA. Facilius tolerantur dæmones quam vitia, 550. Imaginem bestię adorat, qui vitis servit, 559.

VOCARE est cogitantem de fide adjuvare, aut compungere eum, quem sciat audire, 77, 82. Quinam secundum propositum vocantur, 76.

VOLUNTATE (quod, fit, melius fit, 142. Res quæ sponte non fit, ad effectum non pervenit, 283. Digesto impedimento, reparat se voluntas, robustiore virtute, 133. Hic sibi non vivit, qui paratus est domini sui facere voluntatem, 183.

Voluntas in Scripturis sæpe pro comminatione ponitur, 526.

VOLUPTAS. Sæcularibus hominibus nihil tam inultum videtur et placidum, quam voluptas, 65.

VOVEAMUS fideliter, Deus dabit possibilitatem solvendi, 395.

Z

ZELUS. Nulla res sic consumit hominem, ut zelus, 88. Omnis contentio et zelus inimicitiam parit, 100.

ORDO RERUM

QUÆ IN HAC TOMI POSTERIORIS PARTE II CONTINENTUR.

AD OPERA S. AMBROSII APPENDIX.

PARS PRIOR, complectens opera a Patribus Benedictinis in sua editione admissa.

DE XLII MANSIONIBUS FILIORUM ISRAEL.	9	Sermo XXVI.—De sancta Quadragesima X.	678
COMMENTARIA IN EPISTOLAS B. PAULI.	41	Sermo XXVII.—De jejunio Domini in deserto.	682
In Epistolam ad Romanos.	47	Sermo XXVIII.—De sancta Quadragesima XII.	684
In Epistolam I ad Corinthios.	193	Sermo XXIX.—De sancta Quadragesima XIII.	686
In Epistolam II ad Corinthios.	291	Sermo XXX.—De sancta Quadragesima XIV.	687
In Epistolam ad Galatas.	357	Sermo XXXI.—De sancta Quadragesima XV.	689
In Epistolam ad Ephesios.	393	Sermo XXXII.—De sancta Quadragesima XVI.	690
In Epistolam ad Philippenses.	425	Sermo XXXIII.—De jejuniis Quadragesimæ XVII.	691
In Epistolam ad Colossenses.	445	Sermo XXXIV.—Dominica Resurrectionis.	693
In Epistolam I ad Thessalonicenses.	465	Sermo XXXV.—De mysterio Paschæ II.	695
In Epistolam II ad Thessalonicenses.	479	Sermo XXXVI.—In die sancto Pentecostes.	697
In Epistolam I ad Timotheum.	487	Sermo XXXVII.—De mirabilibus.	697
In Epistolam II ad Timotheum.	513	Sermo XXXVIII.—De gratia baptismi.	701
In Epistolam ad Titum.	521	Sermo XXXIX.—De camelo.	703
In Epistolam ad Philemonem.	527	Sermo XL.—De jejuniis et eleemosynis.	705
DE TRINITATE.	583	Sermo XLI.—De eo quod dicit Dominus in Evangelio: <i>Vulpes joveas habent, etc.</i>	707
DE FIDE ORTHODOXA CONTRA ARIANOS.	579	Sermo XLII.—Increpatio ad plebem de eo quod scriptum est in Evangelio: <i>Qui habet, dabitur ei; et: Cantabimus vobis, etc.</i>	709
DE DIGNITATE SACERDOTALI.	597	Sermo XLIII.—Increpatio ad populum quod ecclesiam non frequentet.	712
<i>Maurinorum Patrum Admonitionem retinuimus: et libellum ipsum, qui Gerberti est, Gerberta restitui- mus. Vide tom. CXXXIX, col. 169.)</i>		Sermo XLIV.—Post increpationem allectio ad populum.	713
LIBELLUS AD VIRGINEM DEVOTAM.	601	Sermo XLV.—De primo Adam et secundo.	715
SERMONES S. AMBROSII ACTENUS ASSCRIPTI.	603	Sermo XLVI.—De Salomone.	716
<i>Index Sermonum prætermisorum.</i>	611	Sermo XLVII.—De differentia Salomonis et aliorum prophetarum.	722
<i>Index Sermonum.</i>	617	Sermo XLVIII.—In festo sanctæ Agnetis virginis et martyris.	725
Sermo I.—Dominica I Adventus.	625	Sermo XLIX.—In natali SS. Cantii, Cantiani et Cantianillæ.	728
Sermo II.—De Natali Domini veniente.	626	Sermo L.—In natali S. Joannis Baptistæ.	729
Sermo III.—In die Natalis Domini I.	629	Sermo LI.—De prærogativa ejusdem S. Joannis.	731
Sermo IV.—De Natali Domini Salvatoris II.	631	Sermo LII.—De vita ejusdem S. Joannis.	733
Sermo V.—De Natali Domini III.	633	Sermo LIII.—In natali apostolorum Petri et Pauli.	736
Sermo VI.—De Natali Domini IV.	635	Sermo LIV.—De neglecta solemnitate B. apostolorum Petri et Pauli.	738
Sermo VII.—De kalendis Januariis.	637	Sermo LV.—In natali SS. Nazarii et Celsi martyrum.	739
Sermo VIII.—De sancta Epiphania I.	639	Sermo LVI.—De natali sancti Eusebii Vercellensis episcopi.	743
Sermo IX.—De sancta Epiphania II.	641	Sermo LVII.—De depositione ejusdem sancti Eusebii.	745
Sermo X.—De sancta Epiphania III.	643	Sermo LVIII.—De sancto Cypriano.	746
Sermo XI.—De sancta Epiphania IV.	645	Sermo LIX.—In natali unius martyris.	748
Sermo XII.—De sancta Epiphania V.	647	Sermo LX.—De natali SS. martyrum.	751
Sermo XIII.—Super his Evangelii verbis: <i>Simile est regnum cælorum fermento.</i>	649	Sermo LXI.—De bellico tumultu, seu pro communi martyrum.	754
Sermo XIV.—Dominica in Septuagesima.	652	Sermo LXII.—De servo centurionis in Evangelio, in dedicatione basilicæ.	756
Sermo XV.—Dominica in Sexagesima.	654		
Sermo XVI.—De curatione manus aridæ facta a Domino in die sabbati.	655		
Sermo XVII.—De sancta Quadragesima I.	657		
Sermo XVIII.—De sancta Quadragesima II.	658		
Sermo XIX.—De sancta Quadragesima III.	661		
Sermo XX.—De sancta Quadragesima IV.	663		
Sermo XXI.—De sancta Quadragesima V.	665		
Sermo XXII.—De sancta Quadragesima VI.	668		
Sermo XXIII.—De sancta Quadragesima VII.	670		
Sermo XXIV.—De sancta Quadragesima VIII.	673		
Sermo XXV.—De sancta Quadragesima IX.	673		

S. AMBROSII SERMONES TRES EX CODICE SESSORIANO ROMÆ EDITI AN. 1833, QUI NUNC PRIMUM S. AMBROSII OPERIBUS ACCENSENTUR.

<i>D. Leandri editoris Præfatio</i>	757
Sermo I. — De perfecto.	779
Sermo II. — Adversus eos, qui dicunt possessionem non distrahendam, sed fructibus misericordiam faciendam.	789
Sermo III. — Ex lectione Pauli apostoli, contra malos qui bonis invident.	792
EPISTOLÆ EX AMBROSIANARUM NUMERO SEGREGATÆ.	735
Epistola prima. — Antequam Agnæ virginis martyrium describatur, amor in eam filii præfecti, ejusque repulsa memoratur. Hinc adicitur virginis condemnatio ad lupanar, et inter miracula divinitus propter eandem puellam perpetrata adolescentis in eam depercutis interitus atque ad vitam revocatio. Tum sequitur virginis ob ethnicorum seditionem condemnatio ad rogam, ejusque in mediis ignibus illasæ permanentis cruenta cædes. Mox paganorum in Christianos ad martyris tumulum orationi instantes furore declarato, nex Emerentianæ, et Constantiæ Augustæ sanitas restituta, necnon ab eadem principe templum liberatrici suæ edificatum, et ipsius cum aliis pluribus virginitatis propositum enarratur.	813
Epist. II. — Cum beneficia Dei tegenda non sint, visionem narrat, qua sibi per quadragesimam Gervasius ac Protasius semel et iterum, tertia autem vice etiam Paulus apparuerat, ut eis, post exhumatas ipsorum reliquias, ecclesia construeretur, imperans. Addit, con-	

vocatis coepiscopis, inventa esse sanctorum corporum, quorum conversionem, necem ac sepulturam ex scheda illic detecta refert. Quibus Vitalis ac Valeria martyrium etiam inseritur.	821
Epist. III. — Martyrum Vitalis et Agricolæ, qui Bononiæ inter tumulos Judæorum sepulti erant, factam cum plausu Christianorum, Judæorum admiratione, ac miraculis non paucis inventionem refert. Eosdem et a nomine et a constantia in suppliciis laudat: aliaque nonnulla subjicit ad eandem rem pertinentia.	825
Epist. IV. — Florianum ad maturam et continuam pœnitentiam excitans, quid ipsi sive in dietis sive in factis sequendum fugiendumve sit, præscribit.	827
<i>In sequentes Præcationes admonitio.</i>	751
PRÆCATIONES DUE.	829
Præcatio I. — Præparatio ad Missam.	829
Præcatio II. — Item præparatio ad Missam.	833
EXPOSITIO IN SEPTEM VISIONES LIBRI APOCALYPSIS.	841
DE PŒNITENTIA LIBER UNUS.	1059
DE SPIRITU SANCTO LIBELLUS.	1093
DE CONCORDIA MATTHEI ET LUCÆ IN GENEALOGIA CHRISTI.	1101
DE DIGNITATE CONDITIONIS HUMANÆ LIBELLUS.	1105
EXORCISMUS.	1109

APPENDICIS PARS ALTERA, *complectens opuscula quæ in editione Benedictina non sunt admissa.*

<i>Admonitio in Acta S. Sebastiani.</i>	1111
ACTA S. SEBASTIANI.	1111
Caput primum. — S. Sebastianus martyres animat.	1113
Cap. II. — Marcelliani et Marci graviter oppugnata constantia.	1114
Cap. III. — S. Sebastianus nutantes confirmat.	1116
Cap. IV. — Inferni pœnæ cœlique gaudia martyrum animis inculcata.	1117
Cap. V. — Opum deliciarumque usus.	1119
Cap. VI. — Martyrum felicitas et gloria.	1121
Cap. VII. — Sebastiani oratione et miraculis conversi Zoe et Nicostratus.	1122
Cap. VIII. — Marcelliani et Marci constantia. Oratio ad neophytos.	1123
Cap. IX. — Cæteri a Sebastiano una cum captivis conversi.	1125
Cap. X. — Omnes a Polycarpo ad baptismum præparati.	1126
Cap. XI. — Baptizati catechumeni, unaque Claudius cum filiis.	1127
Cap. XII. — Errores Gentilium coram Chromatio, Urbis præfecto, confutati a Tranquillino.	1129
Cap. XIII. — Verbi Incarnatio Gentili exposita.	1131
Cap. XIV. — Chromatius catechizatur.	1134
Cap. XV. — Chromatii contracta idola.	1134
Cap. XVI. — Instrumentis astrologiæ judicariæ contractis, sanator Chromatius.	1135
Cap. XVII. — Chromatii et Tiburtii baptismus.	1139
Cap. XVIII. — Chromatius, præfectura Urbis abdicata, persecutionis tempore Christianos alit.	1140
Cap. XIX. — SS. Sebastiani, Tiburtii, et aliorum præclara facta in Urbe.	1142
Cap. XX. — SS. Zoes, Tranquillini et aliorum cædes.	1144
Cap. XXI. — S. Tiburtii martyrii.	1145
Cap. XXII. — SS. Castuti, Marcelliani, Marci cædes.	1147
Cap. XXIII. — S. Sebastiani gloriosum certamen	1148
LIBER DE VITIORUM VIRTUTUMQUE CONFLICTU.	1149
DE VOCATIONE GENTIUM LIBRI DEO	1167
(<i>Exstant, nova et accuratior editione donati, inter opera Prosperi Aquitani. Vide tom. LI, col. 639.</i>)	
DE MORIBUS BRACHMANORUM.	1167
PHILOSOPHORUM DREYES EPISTOLÆ QUORUM interpretabatur S. Ambrosius — Thales Pherecydi, Thales Soloni, Pisistratus Soloni, Solon Periandro, Solon Epimenidi,	

Solon Pisistrato, Solon Cræso, Chilo Periandro, Pittacus Cræso, Cleobulus Soloni, Periander Sapientibus, Periander Procleo, Thrasybulus Periandro, Anacharsis Cræso, Epimenides Soloni, Pherecydes Thaleti, Anaximenes Pythagoræ, Idem eodem, Archytas Dionysio, Arcesilaus Thaumasiæ, Rex Antigonus Zenoni philosopho, Zeno Antigono regi, Pythagoras Anaximeni, Archytas Platoni, Plato Archytæ, Rex Darius, Hystaspis filius, Heraclito Ephesio, Heraclitus Ephesius regi Dario.	
EPISTOLÆ DUE DE MONACHO ENERGUMENO.	1189
EXPLANATIO SYMBOLI AD INITIANDOS.	1193
EPISTOLA DE FIDE.	1197
<i>Ad Alberti Danielis in sequentes hymnos Admonitio (Thesaur. hymnolog.) I. Gonices. II. Breviaria diœcesana et monastica. III. Subsidia literaria quæ hymnos collectos et explicatos continent.</i>	1199
HYMNI S. AMBROSIO ATTRIBUTI.	1209
Hymnus primus. — De Nativitate Domini.	1209
Hymn. II. — Ad Sextam.	1211
Hymn. III. — Ad serenitatem poscendam.	1212
Hymn. IV. — In postulatione pluvie.	1213
Hymn. V. — Ad Completorium.	1214
Hymn. VI. — Ad Matutinum.	1215
Hymn. VII. — Ad Matutinum.	1215
Hymn. VIII. — Ad Matutinum.	1216
Hymn. IX. — Ad Sextam.	1216
Hymn. X. — Ad Nonam.	1217
Hymn. XI. — Ad Nocturnum.	1217
Hymn. XII. — Ad Nocturnum.	1217
Hymn. XIII. — Ad Matutinum.	1218
Hymn. XIV. — Ad Laudes.	1219
Hymn. XV. — Ad Tertiam.	1219
Hymn. XVI. — Ad Sextam.	1219
Hymn. XVII. — Ad Nonam.	1219
Hymn. XVIII. — Ad Christum.	1219
Hymn. XIX. — De B. Gervasii et Protasii martyrum ventione.	1220
Hymn. XX. — Ad Tertiam in tempore paschali.	1221
Hymn. XXI. — Ad Tertiam.	1222
Hymn. XXII. — Ad Sextam.	1223
Hymn. XXIII. — Ad Nonam.	1223
Hymn. XXIV. — Ad Completorium.	1223
Hymn. XXV. — Ad Matutinum.	1224
Hymn. XXVI. — Ad Matutinum.	1225
Hymn. XXVII. — Ad Laudes.	1225
Hymn. XXVIII. — Ad Laudes.	1225

Hymn. XXIX. — Ad Primam.	1226	Hymn. LVII. — De Nativitate Domini.	1240
Hymn. XXX. — De diei primæ opere.	1226	Hymn. LVIII. — In Quadragesima.	1241
Hymn. XXXI. — De opere diei secundæ.	1227	Hymn. LIX. — De Passione Domini.	1241
Hymn. XXXII. — De opere diei tertæ.	1227	Hymn. LX. — De Resurrectione Domini.	1241
Hymn. XXXIII. — De opere diei quartæ.	1228	Hymn. LXI. — Ad Matutinum in diebus Paschali-	1243
Hymn. XXXIV. — De opere diei quintæ.	1229	bus	
Hymn. XXXV. — De opere diei sextæ.	1229	Hymn. LXII. — In tempore Paschali.	1245
Hymn. XXXVI. — De ascensione Domini.	1230	Hymn. LXIII. — De S. Stephano.	1246
Hymn. XXXVII. — De ascensione Domini.	1230	Hymn. LXIV. — De S. Joanne apostolo.	1248
Hymn. XXXVIII. — De die Pentecostes.	1231	Hymn. LXV. — De S. Agnete.	1249
Hymn. XXXIX. — Ad Matutinum.	1232	Hymn. LXVI. — De S. Agatha.	1249
Hymn. XL. — Ad Matutinum.	1233	Hymn. LXVII. — In Quadragesima.	1249
Hymn. XLI. — Ad Matutinum.	1233	Hymn. LXVIII. — In Natali S. Ambrosii.	1251
Hymn. XLII. — Ad Matutinum.	1233	Hymn. LXIX. — In Natali S. Georgii martyris	1251
Hymn. XLIII. — Ad Matutinum.	1234	Hymn. LXX. — De S. Joanne Baptista.	1252
Hymn. XLIV. — Ad Primam.	1234	Hymn. LXXI. — De SS. Petro et Paulo apostolis.	1253
Hymn. XLV. — Ad Tertiam.	1234	Hymn. LXXII. — De S. Sixto.	1253
Hymn. XLVI. — De Passione Domini.	1235	Hymn. LXXIII. — De S. Laurentio.	1254
Hymn. XLVII. — Ad Sextam.	1235	Hymn. LXXIV. — De S. Michaeli archangelo.	1255
Hymn. XLVIII. — Ad cœnam.	1235	Hymn. LXXV. — In Natali S. Martini episcopi.	1255
Hymn. XLIX. — Post cibos resumptos.	1235	Hymn. LXXVI. — De dedicatione ecclesiæ.	1256
Hymn. L. — Ad Nonam.	1235	Hymn. LXXVII. — De dedicatione ecclesiæ.	1256
Hymn. LI. Ad Nonam.	1236	Hymn. LXXVIII. — De Communi unius martyris.	1257
Hymn. LII. — Ad Vesperas.	1236	Hymn. LXXIX. — De Confessoribus.	1258
Hymn. LIII. — In Adventu Domini.	1236	Hymn. LXXX. — De Virginibus.	1259
Hymn. LIV. — De Adventu Domini.	1237	Hymn. LXXXI. — Tempore belli.	1259
Hymn. LV. — De Adventu Domini.	1237	Hymn. LXXXII. — Tempore belli.	1259
Hymn. LVI. — De Nativitate Domini.	1239	Index analyticus.	1260

INIS TOMI DECIMI SEPTIMI.

2011

v. 17

2017

MAY 10, 1965

of *W. Rindler*

FEB 28 1968

E. Handrick,

MAY 14 1973
B. Locke

THE INSTITUTE OF MEDIAEVAL STUDIES
10 EDMSLEY PLACE
TORONTO 6, CANADA.

2017.

